

21A 141  
Tom. V.



Národní knihovna ČR  
Historické fondy

21 A 141/T.5

Národní knihovna

1002600385

XXI

141











ILLYRICI  
SACRI  
TOMUS QUINTUS.

ECCLESIA JADERTINA


*CUM SUFFRAGANEIS,*

ET ECCLESIA ZAGRABIENSIS.

AUCTORE

DANIELE FARLATO

*PRESBYTERO SOCIETATIS JESU.*



VENETIIS, MDCCLXXV.

APUD SEBASTIANUM COLETI.

*SUPERIORUM PERMISSU, AC PRIVILEGIO.*







# JOANNI CARSANÆ

ARCHIEPISCOPO JADERENSI

JACOBUS COLETUS.



**L**omus quintus Illyrici Sacri Tibi exhibet, Præsul  
Amplissime, nobilissimam Ecclesiam Tuam, quæ  
priorem hujus voluminis partem occupat. Nec  
vero aliunde illustrius, quam a Te, auspiciū & patrocinium petere  
potest, aut debet, quo ornata & munita in publicum prodeat. Me-  
tropolis ipsa Jaderensis cum Ecclesiis sibi subiectis, quæ Tuis hume-  
ris sustinetur, Tua sapientia & auctoritate regitur, Tuis virtutibus  
fulget, injuriam sibi fieri putaret, si rerum suarum historia ornamen-  
ta & præsidia, quibus domi abundat, extrinsecus sibi arcesceret. Quin  
inimmo Ecclesia Zagrabiensis, cui in hoc volumine posteriorem locum  
recta ordinis ratio tribuit, in societatem ejusdem honoris & patroci-  
nii cum Ecclesia Tua admitti cupit, seque in Tuam fidem & tute-  
lam

lam conferre. Quod si hanc quoque excipere velis, ut eximia Tua benignitas sperare jubet, Tomus quintus Illyrici Sacri totus Tuus erit, & Tuis auspiciis decoratus, Tuaque clientela tectus fidenter sane atque alacriter in vulgus exhibit. Enimvero mihi non est ideo erubescendum, quod alienum opus Tuo nomini inscriptum esse cupiam, Tuamque gratiam alienis laboribus promereri. Equidem aliquot abhinc annis in societatem Illyricæ Historiæ cum Daniele Farlato describendæ adlectus ab iis, quibus eram moderatoribus jure religiosæ vitæ subjectus, sin minus operam manumque contuli in hunc Tomum, quem ipse prope tum absolverat, attamen studiorum suorum frui communione jam coeperam, atque ejusdem consiliorum, rerumque ab illo scriptarum particeps esse; & cum is Illyrici Sacri negotium & curam omnem mihi re quidem vera animo concessisset, eo vita defuncto, potestas omnis totius Operis perficiendi itidem mihi est ultro permessa. Quamobrem gratulor primum, & valde gaudeo, quod, cum aliquo saltem possessionis jure in volumen hocce non caream, aliquid Tibi videar offerre, in quo partes meæ sunt ullæ, cuique præterea inferi quædam & adjungi necesse omnino fuit, quæ Danielis studium ac diligentiam effugerant. Deinde hoc etiam nomine præcipue lætor, futurum sane fuisse, ut consilium Te Patronum & Auspicem deligendi ab ipso Farlato maxime probaretur, si Te ante novisset in istam celsissimam Ecclesiasticæ Hierarchiæ Sedem evectum, quam e vivis suo quidem bono, at acerbo nostrum mœrore eriperetur; de quo cum honorifica jam Tibi infederit opinio, & gravissimum de illius virtute ac doctrina judicium, ejus propterea vitæ morumque exemplar, Te quoque consiliario atque hortatore, huic volumini ad ipsius laudem, & legentium imitationem præpositum, ideo jucundum magis intelligentiæ Tuæ, magisque probatum fore confido. Quid enim Tibi revera gratius atque jucundius, quam ea religionis & virtutis cujuslibet exempla intueri, Tuaque prosequi gratia, ad quæ jam inde ab ineunte ætate conformatus, indolis æque atque ingenii documenta haud obscura dedisti pietati atque doctrinæ maxime idonei? Etenim post prima pueritiæ crepundia Jaderæ in patria tua politioribus litteris excultus, cum Ecclesiasticæ militiæ nomen dedisses, ita rerum naturalium & divinarum scientiæ virtutes omnes viro Ecclesiastico dignas adjunxisti, ut qualis & quantus futurus esses probe intelligerent Spalatenfis & Jadertinus Antistites, qui te docendis, regendisque harum Ecclesiarum alumni sapienti judicio selegerant. Quare, ubi in Patavino Lyceo magna omnium approbatione Theologiæ Doctor es renunciatus, ante Jadertinæ Ecclesiæ Tibi procuratio commissa fuit Provicarii generalis munere, quam in illustre Canonicorum Jaderensium Collegium cooptareris, & Archidiaconi dignitate ceteros antecelleres. Tum vero optimus ille Jadrensis Ecclesiæ Præsul Matthæus Caramanus, quasi præfagiens ac divinans, Tuam in rebus magnis, atque arduis perspicaciam & sollertiam experiundo, Te sibi successorem aliquando futurum, integra Tibi generalis Vicarii auctoritate collata, huic summo Ecclesiasticæ Hierarchiæ muneri sustinendo quodammodo Te præparavit. Quo quidem viginti annorum tempore tum multis præclare factis & sapientissime provis, tum sollerti cura, atque ingenti labore,

quo

quo decem ferme annos amplam hujus Ecclesiæ dioecesim solus administraveras, & præsens ipse totam inviseras (dum inter tot difficillima curanda negotia, & conficienda, perinde ac Tibi satis otii superesset, idem unus & urbanum clorum morum doctrina, & infimam plebem Christiana catechesi instituere, atque erudire miro vigilantiae studio satagebas certis cujusque hebdomadae diebus), dignum praeterea Te praebuisti, quem Sacra Fidei propagandæ Congregatio gravissimis tractandis, expediendisque rebus praeficeret; eique Tuam dexteritatem, celeritatem, tum eximiam scientiam, & singularem industriam adeo probasti, ut omnia e sententia a Te transacta fuisse testaretur. In his igitur functionibus obeundis tantum religionis studium, tanta fides, & consilii magnitudo, rerumque agendarum experientia poscebat, ut, qui de abdicando Vicarii munere cogitabas religiosa animi modestia, ad altiores dignitatis gradus conscenderes. Jamque Te Nonensi Episcopatu destinabat animo Caramanus, postquam de funere Antonii Tripovichii illius Ecclesiæ Praeulis allatum fuit, Teque prorsus infcio, dignum virtutum Tuarum testimonium obtulerat Romano Pontifici, qui in deligendo optimo Antistite cognosceret, tantum sibi de Te polliceri ipsum posse, quantum sapientiae, ac virtuti Tuæ jam exploratae arduum quodlibet rei Ecclesiasticæ munus committendum esse omnes consentiebant. Divino tamen consilio alia jam tibi Sedes erat decreta, in qua primo egregiae veri Antistitis dotes ex Te ceteris praelucere, & ad gregem Christianum pascendum doctrina, exemplis, auctoritate pastoralis accederes. Etenim cum Ecclesia Corcyrensis vacaret anno MDCCLXXI., Clemens XIV. P. M. Te unum elegit, quem illius Ecclesiæ Episcopum renuntiaret: cujus in regimine religionis Tuæ, doctrinae, ac pietatis declarandæ quælibet Tibi oblata occasio, a Te item arrepta est, ut nihil unquam praetermitteres, quod in animarum cederet salutem, & omnium commoda, atque utilitatem; praesertim cum praeclaro quidem exemplo, neque in ea urbe viso antehac, ut optimæ Cleri Corcyrensis institutioni confu-leres, moribus, & doctrina praestantem virum, & idoneum Praeceptorem ipse intra Tuas aedes exceperis, Tuisque sumtibus alueris, Corcyrensem vero dioecesim Tuo ære, Tuisque impensis vigilantissime totam inviseris, nequid oneris Tuo gregi inferres, & liberio-rem, amantio-remque pro illius incolumitate Tuæ caritatis curam ipse experiretur. Verum enimvero Tua hæc virtus, & sapientia, Tuus hic divini cultus proferendi, & mortalium salutis procurandæ studium, Tua denique rei ecclesiasticæ administrandæ scientia, atque industria exiguis Ecclesiæ Corcyrensis finibus contineri diutius non debuit. Quamobrem idem Pontifex, Te nihil tale quærentem, ac ne cogitantem quidem in altissimo Ecclesiæ Jadertinae fastigio collocavit, neminem aptiorem esse existimans ad regimen illius Ecclesiæ late diffusum, nec magis honorificum, quam laboriosum, ut cum fide, integritate, & virtutum omnium subsidio geratur: Tibi vero campum amplissimum dedit, in quo Tua pastoralis sollicitudo, & ingens illa, qua incensus es, Divinae gloriæ propagandæ, & Dominici gregis excolendi cupiditas latius excurrere, & exerceri queat. Suscepto Archiepiscopatu Jaderensi jam multa laudabiliter gessisti, & longe plura, ac majora moliris: quam expectationem Tui concitasti, non modo egre-



gie sustines , ac tueris , verum etiam vincere , ac superare coepisti :  
 eximiae opinioni , quam de Te jampridem fovebant animo Jaderen-  
 sis provinciae Clerus , populusque , abunde cumulateque satisfacis ; &  
 quae de Tuis virtutibus ac meritis honorificentissima judicia fecerunt ,  
 illustribus coeptis & factis egregie comprobas . Gaude igitur ista Tua  
 singulari , quam apud omnes obtines , in Divinae gloriae , ac religionis  
 augmentum existimatione , & gratia ; sed multo magis gaude Tuis  
 virtutibus , & praeclearissime gestis , quibus illas Tibi promeruisti . Ac  
 denique patere , Amplissime Praesul , e Tua dignitate , amplitudine ,  
 auctoritate tantum decoris ac praesidii in hunc Illyrici Sacri Tomum  
 derivari , ut hac , qua fulges , meritorum Tuorum plenissima luce Far-  
 lati quoque nomen , acta , & labores magis ac magis splendeant ubi-  
 que , Tuoque Nomine , ac patrocinio metuenda litteratorum hominum  
 judicia sine periculo sustinere possint . Ad extremum me quoque cum  
 exiguis meis lucubrationibus , oro obsecroque , ut in Tuam cliente-  
 lam , & gratiam recipere velis , & hoc munus , quod Tibi dono di-  
 coque , eo loco habeas , ut idem sit singularis Tuae erga me benigni-  
 tatis argumentum , & pignus meae erga Te summae observantiae , sem-  
 piternaeque venerationis .

# PRÆFATIO AD LECTOREM

D E V I T A

DANIELIS FARLATI S. J.

**T**riplex est, erudite Lector, hominum genus, quorum memoria scriptorum stilo & laudibus solet posteritati commendari. Alterum enim ex iis præstat, qui religionis, ac pietatis studio maxime excelluerunt; alterum eorum est, quorum ingenium optimis doctrinis excultum summam aut docendo, aut scribendo gloriam iisdem præ ceteris comparavit; tertium vero illos complectitur, a quibus in ecclesiasticæ, sive civilis reipublicæ commodum vel una tantum in urbe, vel in amplissimo provinciarum, regnorumve conspectu uberissimi rerum per ipsos gestarum fructus redundarunt. Atque hosce quidem eo nobiliori meritorum suorum commendatione decet exornari, ipsorumque recte facta aliis ad imitandum proponi, quo non uno laudis genere illustres semet præstiterunt, sed ad utramque tum virtutem, tum doctrinam excolendam contento studio, eximioque profectu incubuerunt; & id præterea sunt affecti, ut ingentes & privatis & publicis rebus opere, exemploque parerent utilitates. Quorum in numero videtur mihi inter primos facile collocandus egregius plane vir, & Operis huiusce Auctor Daniel Farlatus; cum id non meo solum iudicio, sed communi quoque sapientum virorum consensu fuerit jamdiu comprobatum, quibus Danielis virtus, doctrina, & præclara agendi ratio probe cognita erat, atque perspecta. Indecore igitur actum cum illo fuisset, & injuste, si hoc in loco, & ipsa huiusce Tomi fronte, qui non postremus extitit studiorum suorum labor, quamdam quasi hominis imaginem, non ære, sed ipsius expressam moribus, actisque conspiciendam omnibus non proposuissimus; unde existimatio illa, quam sibi antehac promeritus est, publico recte factorum suorum præconio aucta magis, magisque vulgata confirmetur; & hoc, quidquid est, humanæ laudis, gloriæque, a qua, dum vixit, summopere, constanterque abhorruit, ejus nomen honorabilius apud posteros fervet, atque tueatur. Hoc ego consilio, tum ut aliquod grati animi obsequium rependam collatis ab illo in me beneficiis, breve commentariolum de vita, & scriptis Danielis tibi, Lector, exhibeo: quamvis autem pleraque, & pretiosiora virtutum suarum monumenta ipse nos quam occultissime celaverit, ex hisce paucis liquido intelliges, cujus viri sit opus, quod legis, & opus ipsum ne levi quidem ullius gratiæ captandæ spe, sed religionis, ac pietate duce elaboratum & descriptum fuisse.

Daniel Farlatus honesto genere natus est anno 1690. in oppido Forojuliensi S. Danielis, cujus nobilitati eximium decus Danielis nostri nomen adjunxit. Puer in disciplina parentum pietatis rudimenta edoctus præclaram jam tum animi docilitatem præ se tulit ad omnia religionis officia; & in prima illa morum institutione satis ostendit, quam belle divino munere e ornatu ejus animus esset, qui deinceps singulari vitæ innocentia Deo carus in primis, & miti quadam natura cum ingenuo agendi candore, & adabili gravitate conjuncta hominibus mirifice acceptus efficeretur. Cumque ætate jam adollescere, ne optimæ filii indoli quidquam deesset, quod eidem excolendæ utilius esse judicaretur, a parentibus Goritiam missus est, ut nobile illius urbis Lyceum adiret, & inter humaniorum litterarum studia Christianis præcipue præceptis, institutisque imbueretur. Nec suorum optatis, atque expectationi Daniel defuit; siquidem politioribus litteris egregie cultus primas ingenii laudes obrinuit, & adeo celeres, firmosque in consequenda virtute progressus edidit, ut nullæ ætatis illecebræ animum adolescentis ab arrepto itinere retardarent, & fluxa, caducaque humanarum rerum fide despecta, maturo jam iudicio statuerit, se se ab illis penitus abdicare. Quare cum octavum supra decimum ætatis annum proxime attigisset, communicato cum iis consilio, quibus conscientia suæ moderatoribus utebatur, factaque illi a patre potestate, ut in Societatem Jesu admitteretur, supplex petiit, eamque ingressus est Bononiæ anno 1707. Novo vitæ genere lætus totum se Daniele disciplina, & præscripto D. Ignatii regendum commisit, atque in illam curam unice incumbens, ut quemcumque propositæ sibi perfectionis gradum conscenderet, ingenti alacritate, ac fervore primos religiosæ probationis & studiorum annos laudabiliter exegit: quantum enim virtutum exercitatione, atque exemplo juvenis adhuc excelluerit, id mihi certo indicio est, quod didici ab iis, quibus eo tempore communis fuit cum Daniele convictus, ipsum eadem, qua senex, animi, actionisque habitudine se se juvenem præbuisse, dignum propterea, qui ab omnibus diligeretur, & omnibus esset admirationi: quod solidæ omnino, probatæque ab ipsa adolescentia virtutis gravissimum est testimonium. Quare post absoluta priora studia, & habitam publice de Philosophia disputationem, ut, quod moris erat, docendi humaniores litteras munus iniret, Patavium adiit Majorum jussu, qua in urbe omnium disciplinarum, & virorum doctissimorum domicilio satis intelligebant, Danielis operam uberes tum pietatis, tum doctrinæ fructus esse allaturam. Et expectationem quidem minime fefellit eventus; quippe Daniel, ubi primum commissos sibi puerorum animos colere, & e formare cœpit ingenia, partim severiori disciplina usus, qua intelligebat hujusmodi ætatem in officio continendam esse, partim gravi quadam agendi humanitate, tum qua hortatione, qua præmiis, qua æmulationis studio segiores excitans, alacriores impellens eos ita sibi devinxit, ut ad quæque religionis, ac ludi litterarii munera, progressionisque paratissimos semper habuerit, & singulari animorum, ingeniorumque utilitate illos provexerit. Sed major, quam intra privatos gymnasii parietes, existimatio illi apud cives obvenit, & partum de-

Danielis  
ortus, &  
educatio.

Societatem  
Jesu ingre-  
ditur.

cus multo illustrius, cum publicas de more functiones rei literariæ aut carminē obiret, aut soluta oratione, quo utroque in genere eximiam latini sermonis gratiam, atque dignitatem scribendo erat affectus; quamvis ingenii præcipue vis, ac nitor in iis eluceret, & mira inventionis perspicuitas, & gravitas, quibus haud minus præclaram doctrinæ, scientiæque laudem a doctissimis quibusque Lycei publici viris promerebatur, quam jucundissimo suæ consuetudinis fructu illos oblectaret. Ita quinquenni magisterio Patavii perfunctus, ut gravioribus Theologiæ disciplinis operam daret, Romam abiit, quo selecti ingenio, ac virtute juvenes convenire solebant ex unaquaque provincia, ut in illo universi orbis theatro quidquid religiosæ perfectionis, ac doctrinarum addicerent probatissimorum hominum adjuti exemplis, & præceptionibus instituti. Atque inter ceteros quidem cœquales, & condiscipulos Daniel is erat, quem omnes suspicerent, cum aut ingenii, aut virtutis, aut absolutissimæ legum suarum observantiæ præclariora in dies specimina edebat; eaque plurium vox erat, qui divinarum rerum exercitatione, sapientiæque alios antecellebant, Daniele æque morum integritate, ac intelligentiæ nitore, & acumine Angelicam quodammodo speciem præ se ferre. Hinc mirum non est, uberrimam cujusque scientiæ, ac doctrinæ supellectilem ab eo sibi comparatam fuisse, in Divinarum vero Scripturarum & Ecclesiasticæ historiæ sedula lectione ingenium, atque memoriam eximio sacre eruditionis thesauro locupletasse: quare cum Theologicorum studiorum metam prope jam attingeret, de Sacris Litteris in unam, de Theologia universa in duplicem disputationem plurimis propositis quæstionibus differere palam potuit adeo docte, sapienterque, ut singularem præ ceteris existimationem & laudem ab nobilissimo præclarissimorum, qui aderant, virorum cœtu fuerit consecutus. Jamque sacerdotali auctus dignitate, & officio is Daniel erat effectus, qui seu morum probitate, atque sanctimonia, seu cogitandi, agendique prudentia, ac sagacitate, ipsa demum doctrinæ copia præcipuis quibuslibet obendis muneribus apprimè idoneus ab omnibus judicaretur; cum, quo nescio modo, divino certe consilio, & ingenti tum Ecclesiæ, tum civitatis Patavinæ bono, Patavium illico redire jubetur anno 1722. vix supremo studiorum cursu perfectio, ut in conscribenda Illyricæ Ecclesiæ historia socius foret, atque adjutor P. Philippo Riceputo S. J. qui grande hoc opus tum moliebatur, & summa eruditorum expectatione exorsus jam fuerat.

Illyrici sacri historiam scribit.

Hic non ea quidem repetam, quæ de hocce Opere, & primo illius conditore Riceputo Daniel ipse fuisse, distincteque differuit in præfatione Tomi primi; sed, qua erat modestia præditus, quantum sibi laboris, negotiique creatum fuerit, silentio præterit, cum plures annos propositum a Riceputo suæ historiæ specimen sequi, eique mentem, totamque scribendi rationem conformare debuerit; quin etiam vir magistro suo multo sane doctrina, ingenioque præstantior ab illius nunquam voluntate deflexit, ejusque vel primo nutui ne levi quidem obstitit repugnantia verbo. Itaque totum illud annorum ferme xx. spatium, quo suam Philippo operam præbuit, laboris meritoque plenum fuit; Daniel etenim in versandis modo, ordinandisque, quæ Philippus collegerat, monumentis, modo in iis exscribendis, & de origine, ac vicibus Illyricarum gentium pluribus libris, ac commentariolis jam conficiendis occupabatur quotidie ad Riceputi consilium: utilitatis vero nihil inde consecutum est; siquidem, Philippo vita defuncto anno 1742., novam ipse historiæ Illyricæ ideam animo efformavit, novumque, & ab illo, quod Philippus excogitaverat, plane diversum opus aggressus est. Igitur Daniel ingenti rerum, studiorumque mole pressus, chartarum undique, & veterum monumentorum congerie circumseptus, dum e tota pene Italia, ac Dalmatia docti, eruditi, ac principes viri, quos Riceputus in tanti operis admirationem, desideriumque exciderat, in illum unum mentem defixam habebant, suis unus ipse viribus quid consilii ceperit, quibusque subsidiis manum operi incipiundo admoverit, in laudatissima historiæ hujusce præfatione idem luculenta oratione patefecit; quid vero unus ipse præstiterit annorum triginta spatio, testantur volumina quinque Illyrici Sacri suo consilio, ingenioque disposita, suo labore confecta, suis descripta manibus, methodo, doctrina, eruditione, stilo nobilissima, & typis jam evulgata, queis adde sextum fere absolutum, & septimum proxime inchoatum. Hæc totius Farlati operis summa est, de quo multæ opiniones propositæ, plures dictæ sententiæ, plurima, eaque dissimilia prolata judicia. Suos namque censores habuit Daniel, quos aliquando magis æquos esse cupierit; sed religiosus vir, ac mitis iustas quoque in litteris contentiones effugere maluit, quam objecta sibi in historiæ leges, & critices artem peccata, quæ plura poterat, tueri. Illud fateri certe debemus, nihil defuisse Danieli sollicitudinis, industriæ, studii, quo in Historiam suam, quidquid ad illam attinet, tum ea quæcumque in penitioribus archivorum loculis latebant, quæque sibi comparare poterat, apte, follienterque conferret: hinc laboriosum iter ab illo susceptum per maritimas Dalmatiæ urbes; hinc adhibita impense cura in perquirendis, invifendisque tum privatis tum publicis veterum gestorum tabulis, ac monumentis: nec ab scribendarum litterarum eo molestiori, quo diuturnior est, occupatione unquam cessatum est, ut eruditi consulerentur viri, quorum scientia Illyricæ Historiæ esset profutura, aut a principibus dignitate & auctoritate hominibus eorum posceretur tutela, atque patrocinium; immo & pecuniæ tantum infumere sibi fas duxit, quantum homini licuit religiosa paupertate amantissime obstricto. Quid igitur in Daniele, ejusque scriptis reprehendas? duo nimirum, alterum quod nimis scribendi licentiæ aliquando indulserit in prioribus Tomis, alterum quod in postremis jejuna aliquando arefcat historia; post hæc haud negavero, aliquoties Farlatum errasse, at aliorum culpa, quibus ea fides defuit, quam humani animi honestas, atque integritas postulabat, at librorum defectu, & monumentorum, quæ paucissima in plerisque Illyrici urbibus bellorum ac temporum injurias effugerunt, at ea demum ingenii nostri natura, atque conditione, qua factum est, ut nullius hactenus vel summi in scribendo viri labores aliqua & iusta animadversione carere videantur. Nam quod ad artem critices spectat, hanc Daniel apprimè novit, & de ejus natura, atque usu ingeniose eleganterque differuit brevi commentariolo, quod inter cetera ejusdem scripta latitabat: cum vero id illi vitio præcipue vertitur, quod ab critices legibus, institutisque simplici quadam credulitate desciverit, vereor, ne in quo censores isti Daniele reprehendunt, ipsi se accusent, & quantum hujusce artis

Hujusce operis in diebus.



eis tribuendum sit usui, quantum æquo, sanctoque jure denegandum, ignorent. Qua de re, atque ipso Farlati opere lectissimum Lipsienſium Cenſorum in duos priores Tomos judicium profero, a quibus neque luculentius, neque dignius, laudationis teſtimonium is potuit exſpectare. Magni, inquit enim in Actis Erudit. anni 1759., opus ingenii, multi laboris, copioſæ doctrinæ, plurimique in hiſtoria eccleſiaſtica uſus noſtris lectoribus indicamus: tum propoſito, laudatoque Farlati conſilio, totam operis ideam exhibent, illiusque quaſi ſuccum exprimunt; deinde ſubdunt; *Deceſſit etiam auctor aliquoties a propoſita materia, & jucunda excuſſionibus doctis lectoribus diſverticula facere voluit . . . .* Toto quidem in opere elucet quædam amabilis modeſtia, ſibi plerumque diſſidens, multa lectorum arbitrio relinquens, non plus novis ut opinionibus concedatur poſtulans, quam rationes & conjecturæ, quibus res quæque ſuffulciatur, mereantur, ſæpiſſime ſuam aſſenſionem cohibens, & rem relinquens in medio. Eſt denique ſcribendi genus ſatis elegans, & quod veterum auctorum diligentem lectionem redolet. Sed in cenſura Tomi II. Honorii III. Antiſtitis Salonitani hiſtoriam præſertim commendant, quæ tum propter multitudinem, magnitudinemque rerum, quæ eo tempore acciderunt, tum propter animadverſiones ab auctore allatas valde præ reliquis eminet; & hiſce denique concludunt: *Hæc de celeberrimi Farlati labore, quem eximium & præclarum totum ſere per opus elucere intelleximus. Nihil hic fortæſſe aliud, quam nimiam copiam reprehendas . . . .* Sed compenſabit, & obliterabit hunc nævum elegantia, quam in deſcribendis rebus ſatis probabit auctor viris doctis. Huic teſtimonio nihil eſt, quod inſuper addas, ut Danielis opus & ſcripta æquiori commendatione probentur.

Verum quiſque animadvertens, quanta ſtudiorum mole is premebatur, facile exiſtimabit, toto vitæ ſuæ tempore illum hoc uno in opere calamo ingenioque fuiſſe occupatum. Et mirum ſane cenſere ſolemus, ſiquis aliqua in ſcientia verſatus ad illam illuſtrandam omnem vitæ curſum, & continuum pluribus libris conſciendis laborem contulerit; quanto igitur id magis in Daniele mirandum, qui præter Illyricæ Hiſtoriæ negotium graviſſimis quotidie domi foriſque occupationibus diſtinebatur? Equidem in ſui admirationem unumquemque trahebat, cum hominem viderent exiguis corporis viribus, & annos aliquot pene quotidianis febribus afflicto impigre hilariterque præſto ubique adeſſe, quo vel animorum cura, vel eorum, qui præerant, juſſa, vel cujuſpiam vices ſupplendi neceſſitas illum vocabat, tum adeo multa, & inter ſe diſſimilia munera ita obire, quaſi ſtudiorum ſuorum oblitus iis unice, ſemperque vacaſſet. Etenim quo primum tempore Patavium rediit, ut ingens erat de illo exiſtimatio, ſæpe Philoſophicis & Theologicis conventibus publice diſputaturus intererat, nec raro ſacras panegyres oratus de ſuggeſtu dicebat; cum plures interea illum pene ad ſatiſdium convenirent, ut eorum nomine latinæ lucubrationes variis de rebus digereret, iſque interdum magni ad Eccleſiæ Patavinæ decus momenti. Sed ubi caſuum quorundam neceſſitate adductus animarum procurandæ ſaluti præterea ſemet addixit, nullum proſecto munus fuit ex iis, quæ in hanc operam ſolent exerceri, quo & ipſe aut crebro, aut ad ſupremum uſque vitæ ſpiritum perfunctus non fuerit. Nam plures annos diverſos hominum cœtus, ipſos vero ſuæ familiæ ſocios ſacris D. Ignatii exercitationibus quotannis excoluit: plures quandoque habebat de religione ſermones ad ſcholarum alumnos, & ſacrarum Virginum collegia ſtatis diebus per ſollemnes Adventus & Quadageſimæ ſerias adibat, quas piis concionibus ad religioſum cultum, morumque ſanctitatem adhortabatur: ab hoc tamen munere anno ante deſtitit, quam vita decederet, eodemque tempore a novendiali concionum curſu abſtinuit, quem in magna hominum frequentia ante feſtum diem D. Joſephi diutiſſime peregit tenui ſed aureo eloquio, atque ad cujuſlibet ingenium & utilitatem mirifice accommodato. Attamen eo gravius, quo diuturnius fuit excipiendi pœnitentium confeſſiones miniſterium, in quo mira hominis prudentia, prompta facilitas, ingens doctrinæ copia, & caritas prorſus ſingularis eluxit, cum neminem a ſe unquam rejecerit, omnes aut recrearit afflictoſ, aut timidos dubioſque in ſpem æternæ felicitatis erexerit, perditos atque flagitioſos per rectum Chriſtianæ legis tramitem firmo gradu deduxerit, probos pioſque perfectæ veræ ſolidæque virtutis exercitatione inſtituerit magno ipſorum proſectu: hinc ingens ad illum cujuſque generis, ordinis, atque ætatis hominum concurſus, juvenum præſertim, ac ruſticorum, quos paterno quodam affectu complecti ſolebat, & incredibili patientia, ac ſuavi animi vultuſque aſſabilitate Chriſtianis præceptis erudire; nec pauci erant dignitate, aut doctrina præſtantes viri etiam ex urbis Prætoribus, & e religioſis familiis, quorum conſcientias moderabatur, animoſque conſilio regebat: ad hæc peculiarem quoque ſacrarum Virginum curam ſuſcepit, & adoleſcentulos, qui ſcholis intererant, præcipuo quodam ſtudio tum quavis hebdomada Pœnitentiæ Sacramento expiare, tum piis inſtitutionibus imbuere nunquam deſiit. At nihil erat Danieli antiquius, quam reorum, qui publicis tenentur carceribus, cura, quo perditis, miſerrimisque ipſorum animæ & corporis rebus omnem, quam poſſet, opem ac levamen afferret. Quo in munere caritatis & laboris pleno adjutor antea exiſtit annos plures Antonio Contarino ejuſdem, cujus Daniel, Societatis viro, & æque ſanctimonia, ac ſummis in Eccleſiam Patavinam meritis præclaro: cumque hic ætate, & valetudine gravis quibuſque muniis obeundis impar jam eſſet, Danieli totum incubuit, quantum illud oneris erat. At in eo perſerendo nemo ſatis illius patientiam, animi magnitudinem, conſtantiam, & invictos labores juſto præconio commendaverit. Quæ nam aſſidue illum urgebat ſollicitudo aut cibi, aut veſtium, aut pecuniæ eorum comparandæ egeſtati? quam prudens veniæ quandoque impetrandæ ſtadium aut citius obſtinendæ in leviora delicta ſententiæ? quis ardor, ut animorum cujuſque incolumitati proſpiceret? nec ulla ſerme hebdomada effluxit, quin neque conviciis, injuriisve deterritus, neque incultis, & agroſſibus agendi modis repulſus inter illas locorum anguſtias, & ſœdas carcerum latebras hilari vultu verſaretur, miſeriores inviſeret, ægros ſolaretur, quos opus erat, ſacræ conſeſſionis ope juvaret, adeo ut hoc in munere vitam pene conſumeret, cum inde domum redux eodem die letali morbo correptus eſt, quo demum interiit. Quantum propterea admirationis in ſe promeritus ſit, quæ de illo in dies creverit exiſtimatio, quos fructus pietatis, atque religionis attulerit conſtans hæc, & perpetua vitæ ratio in cujuſcumque utilitatem impenſæ, quilibet ſapiens aperte intelli-

Cetera Danielis a. a.

telligit, recteque dignoscit: hinc nemo unus in Patavina civitate Farlatum novit, qui vehementer tanti viri quotidianos labores, ejusque piissime gesta non suspexerit, & ubi se dabat occasio, iustis laudibus non cumulaverit. Porro hanc in Daniele nostro agendi consuetudinem, atque irrequietum pro divinæ gloriæ amplitudine, & æterna animorum salute studium ipse Pontifex Maximus Clemens XIII. magnopere admiratus est, quippe qui Patavinæ Ecclesiæ Antistes cum esset, nedum suis ipse oculis egregia ejus acta conspexerat, sed ejusdem & consilio & opere plurimum usus fuerat. Quare cum Daniel tertium Illyricæ Historiæ Tomum illius Pontificis nomini inscripisset, Clemens oblatum sibi munus perhumaniter excipiens litteris quoque ad Danielem datis die xi. Septembris anni 1765. & gratam erga illum animi sui voluntatem significavit, & preconceptam rerum, quæ ab eo gerebantur, admirationem tot inter studiorum gravissimas occupationes præcipue testatus est. Quarum litterarum exemplum hic subjicio, ut ex iis suis honos, decusque Danielis actis, meritisque augeatur.

Clemens PP. XIII.


*Dilecte Fili Religiose Vir Salutem & Apostolicam Benedictionem. Impigre Te urgere, quod suscepisti de Illyrico Sacro spissum opus & operosum, ostendit tertium Volumen de Ecclesia Spalatensi, quod typis editum Nostro Nomini dicatum voluisti. Quam tue erga nos voluntatis & obsequii significationem per quam grato animo excepimus, & memori mente defixam perpetuo retinebimus. Ceterum non satis mirari possumus, qui gravis annis & tot laboribus fractus, quos in animarum salutem sumis assiduos, ejusmodi scripta proferas, ex quibus existimare quisvis debeat, Te ab omnibus Instituti, quod profiteris, muneribus vacuum omnem operam tempusque tuum ponere in studiis Sacrarum Litterarum. Deum enixe precamur, ut tibi vitam valetudinem viresque suppediet, non tam ut præclarum opus ad finem possis perducere, quam ut diutius Fideles, qui te utuntur in æternæ salutis via Magistro & Duce, pietatis Tuae fructibus perfruantur. Tibique Dilecte Fili, intimo nostri cordis affectu Apostolicam Benedictionem peramanter impertimur. Datum Romæ apud Sanctam Mariam Majorem sub Annulo Piscatoris die xi. Septembris MDCCLXV. Pontificatus Nostri Anno Octavo.*

Hinc virtutes,

Ex hisce igitur, quæ de rebus a Daniele gestis brevi perstrinximus, promptum est de virtutibus ejus judicium, quarum tantummodo præsidio iis omnibus pie recteque perfungi potuit, in quibus integrum vitæ suæ cursum constantissime exegit. Sane præ ceteris eximia in Deum religio ac pietas inclaruit; atque hanc ita precandi quotidiana consuetudine, assiduoque usu præ se ferebat, ut ex invito interdum quidam Divini ardoris ignes erumperent, quos animus continere non poterat, præsertim cum sacris operaretur; & is tunc erat totius hominis habitus ad religionem compositus, ut intentum mentes & corda eodem, quo ipse fervebat, pietatis æstu accenderet: omnia vero, quæ ad Deum ejusque Divos attinent, præcipuo cultu venerari solitus, ipsam divinorum librorum lectionem, cui quotidie ferme impendit breve temporis spatium, nudò semper capite cum reverentia percurrerebat. Propterea qua caritate in proximorum adjumentum & salutem ardentissime ferretur, ea satis indicant munera, quæ vel sponte vel jussus continue gessit, quippe qui recte intelligeret, nullum præstantius, nullum Deo gratius esse obsequium, quam quod cum spiritali ceterorum bono, & æterna utilitate conjungitur. Hoc autem ut assequeretur, nihil prætermittebat, quod vel corporum, vel animorum in primis incolumitati proderet; neque illi obstitere certa vitæ discrimina, quin ultro se se iisdem objiceret impavidus, ubi cujuscumque salus id ab eo postulasset: sane cum Patavii in foro Nobilium flagitiosi quidam inter se concurrissent, & ex iis unus plumbea ictus glanle prope animam efflaret, Daniel, qui fortuito aberat haud procul, accitus illico inter volitantes adhuc igneos adversariorum globos adstitit morituro, eique suprema impertit Christianæ religionis subsidia. Accidit etiam aliquando, ut is Patavio proficisceretur Venetias publico ad iter usus navigio, quod Patavinum appellant, & exorta ibidem duorum rixa, alter alterum stricto ense pene confoderet; at Daniel subito permotus casu, nihilque veritus furentis hominis iram, ejus manu vi apprehensa ictum avertit; postea illum blande allocutus tantum verborum mansuetudine, & caritate valuit, ut is Danieli obsequens ad officium se composuerit. Efficax quidem adeo erat ad cujusque ingenium ejus sermo, ut sive consilio, sive exhortatione in sui sententiam quemlibet alliceret, animosque ad ea, quæ religionis, officiique erant, mira suavitate pertraheret, quam etiam in reprehensionibus præcipue servabat; quin addita interdum præter humanam vis quædam inesse illi videbatur, unde quisquam pertinacissimus rationem victus pacatusque mutabat; quod facinoroso cuidam contigit, qui morte damnatus ob patratam hominis cædem, in extremam rabiem adeo efferatus est, ut, cum impendens sibi supplicium effugere nullo modo posset, ne animæ quidem saluti consultum a se esse vellet, & quorumvis consilia, ac monita obstinate contemneret. Aderant religiosi, piique viri, quos dolor angebat desperatæ hominis poenitentiae, & nihil opis fuerat prætermisum, quo ab miserando insanæ statu resipisceret, sed irritum conatu. Quare acciri Danielem jubet urbis Præfectus, qui confestim advolat, & reo assidens leniter illum compellat, hortatur, orat, precibus & justitiæ divinæ minas, & misericordiæ pollicitationes intermiscet: res mira; Daniele loquente, & cunctis expectatione suspensis, miser ille repente sustollit oculos, ima trahit suspiria, atque rectæ rationis usum recipiens peccata rite confitetur, tum demum expiatus, & cælesti epulo refectus justas sui criminis poenas libens luit, animamque, ut spes fuit, e Tartari faucibus ereptam Domino reddidit. Certum porro mihi est, alia quoque admiratione digna eidem accidisse, quæ tamen ipse cautissime occultabat, quippe, cum de se, suisque rebus quam demisse & humiliter sentiret, nullum unquam sibi verbum excidere passus est, quod aliquam sui existimationem apud ceteros pareret; dum aliorum & scripta, & facta ingenio laudis testimonio commendabat; & sin minus probatione digna forent, aut silentio sensum premebat animi, aut excusationi locum quærebat, nunquam de aliis contemtum locutus. Hæc vero submissio quovis in ejus opere dictoque elucebat, præsertim cum Superiorum jussa, & consilia exsequeretur, quibus absque ulla voluntatis, judiciiive mora facili obedientiæ alacritate parebat,

bat, infimæ etiam conditionis homines ita excipiens, & alloquens, ut obsequio auctoritatem temperaret. Equidem ab omni fastu & moribus ambitiosis vehementer abhorruit, ipsoque corporis habitu, & studio voluntariæ paupertatis, quam in usu rerum omnium coluit impenſe, eundem submiſſi, humilisque animi ſenſum præ ſe tulit: idem autem adeo manſuetus, ut veſtigium in eo contumaciæ cerneret nullum, ita comis, ut lenitatem mirum in modum cum gravitate miſceret; quemcumque vel ex occurſu fortuito ſereno intuebatur aſpectu; qualibet adieſſes hora, æque accipiebat benigne; exhibita vero tum a domesticis, tum ab externis benevolentiz officia non reſpuebat, cum poſſet, & ipſe ſua iſdem ultro præſtabat; nec recreandi animi tempus opportunum & aptas rationes ulli abnuere ſolitus, ſiquis offerret, immo ipſe interdum recreationis cauſas & modos hilare blandeque in medium afferre, & feſtivo lepore ſermonem condire, quo fiebat, ut ejus conſuetudo maxime delectaret. Erat tamen tanta verecundia verborum, & vultus geſtusque modestia, ut ſingulare caſtimoniæ decus inde niſceſceret, quam nobiliſſimam virtutem ſenſuum præcipue cuſtodia, & ſedula corporis afflictatione ab omni contagione immunem tutabat; qui præterea ſui juxta Evangelicam doctrinam oſor acerrimus nihil in quotidiana, & communi vita prætereire ſinebat, quod aliquam ſibi poenam inferret; quidquid vero moleſtum & grave ſive animo, ſive corpori accideret vel ex ipſa anni temporum mutatione atque inclementia, nunquam conqueri auditus: quæ difficillima corporis afflictandi exercitatio, & abſoluta eſt tolerantiz virtus. Adverſus ea, quæ videntur acerbæ, & contra omnes varietates in vita verſantur, animo fuit ita præſenti, ut nunquam vel a ſtatu naturæ, vel a religioſi dignitate diſceſſerit. Cum primum Illyrici ſacri volumen poſt ingentem laborem abſolviffet, ſua manu deſcriptum illud tradidit domeſtico cuidam, qui Venetias pergebat, ut typographi jam pacta opera typis ederetur. Sed dum iſ minus caute equitandæ iter agebat, vidulus, cui volumen fuerat incluſum, in itinere decidit, neque ante ſenſit amiſſum, quam ad proximas urbi lacunas perveniſſet: tum valde commotus animo viam celeriter relegit, ſcrutatur undique loca, obvios quoſque rogat, caſum monet; nullum tamen reperi viduli apparet indicium. Hoc audito, Daniel ſedato animo jacturam pertulit voluminis, nec ullo iræ æſtu in domeſticum illum exturbatus, cum nec magiſtratuum ope reperi volumen poſſet, admirabili tranquillitate ac patientia eidem reſciciendo manum adinovit. Eandem animi æquitatem, & conſtantiam præbuit inter graviſſimas ſui Ordinis calamitates, quem ſingulari aſpectu diligebat, cujuſque leges, atque inſtituta ſancte ſervabat, & venerabatur: aliquando autem rogatus a quopiam veri ne rumores eſſent, qui de Societate abolenda ferebantur in vulgus, & gravi ſe angſi ſollicitudine fateretur; *Eja*, inquit Daniel, *bonum, dum licet, agamus; tum quæ Deo placita eveniant*. Atque hac in re miram proſecto divinæ providentiæ in ſe bonitatem expertus eſt, ut poſt cumulata meritis, ac virtutibus vitam extremo eriperetur totius Ordinis infortunio; nam menſe Aprili anni 1773. febri repente correptus, dum e publicis carceribus domum rediret, ſex fere dies in lecto decubuit; nec ſpes omnino deerat valetudinis recuperandæ; at ipſa D. Marco die ſacra, Pœnitentiæ & Euchariſtiæ Sacramentis de more ſuſceptis, primo vespere ad Superos placidiſſime evolavit annos natus tres circiter ſupra octoginta.

Hæc de Danielis vita, actiſque tibi, Lector, propoſui, quæ ſi recte perpenderis, ex iis cognosces, & obitus. quantus virtute vir, quantus doctrina iſ extiterit; unde nec cuique mirum videatur clariffimi viri fundamētum, reſque ab eo geſtas, & doctiſſima ingenii ſui, atque eruditionis monumenta non ſolum Patavinorum civium, ſed etiam externorum hominum tum in Italia præſertim, tum in Dalmatia teſtimonio plurimi ſemper habita fuiſſe & magna cum veneratione commendata. Statura fuit modica, & grato dignitatis aſpectu, colore inter albicantem & ſubruſum, honeſta fronte, lætis oculis, moderata naſi figura, alacri ſed gravi inceſſu. Effigies illius nulla ſeu picta extat, ſeu platiæ opere expreſſa: ſed præſtantiffimæ virtutes, quibus enituit, dignam animi imaginem exhibent, quam docti religioſique viri imitentur, & pia poſteritas celebret.





# ARCHIEPISCOPATUS ET EPISCOPATUS

QUI IN HOC TOMO CONTINENTUR.

ARCHIEPISCOPATUS , olim EPISCOPATUS Jadertinus , cum Appendice  
de Episcopatu Pagenfi.

EPISCOPATUS ABSORENSIS.

EPISCOPATUS ARBENSIS.

EPISCOPATUS VEGLIENSIS.

EPISCOPATUS SISCIANUS , nunc ZAGRABIENSIS.

# CONSPECTUS HUIUS VOLUMINIS.

XIII

## ECCLESIA JADERTINA.

### EPISCOPI & ARCHIEPISCOPI JADRENSES.

Pag. 1.

### EPISCOPI JADRENSES.

24.

380. I. **S.** Felix.  
530. II. Andreas.  
590. III. Sabinianus.  
800. IV. S. Donatus.  
870. V. Vitalis.  
911. VI. Firminus.  
969. VII. Basilius.  
978. VIII. Anastasius.  
1018. IX. Præstantius.  
1029. X. Andreas II.  
1044. XI. Petrus.  
1056. XII. Andreas III.  
1060. XIII. Stephanus.  
1072. XIV. Andreas IV.  
1073. XV. Stephanus II.  
1090. XVI. Andreas V.  
1101. XVII. Gregorius.  
1111. XVIII. Marcus.  
1124. XIX. Micha, seu Michael.  
1138. XX. Petrus II.  
1141. XXI. Lampridius.

*ibid.*

25.

26.

30.

39.

*ibid.*

40.

41.

42.

*ibid.*

43.

44.

45.

49.

50.

*ibid.*

52.

54.

*ibid.*

55.

56.

1533. XXXII. Cornelius.

126.

1554. XXXIII. Aloysius.

127.

1555. XXXIV. Mutius.

*ibid.*

1566. Aloysius iterum.

128.

1567. XXXV. Andreas II.

*ibid.*

1577. XXXVI. Natalis.

131.

1589. XXXVII. M. Antonius.

141.

1592. XXXVIII. Aloysius II.

142.

1592. XXXIX. Aloysius III.

*ibid.*

1596. XL. Minutius.

*ibid.*

1604. XLI. Victor.

156.

1615. XLII. Lucas II.

157.

1624. XLIII. Octavianus.

159.

1639. XLIV. Benedictus.

163.

1642. XLV. Bernardus.

*ibid.*

1656. XLVI. Theodorus.

164.

1669. XLVII. Evangelista.

165.

1688. XLVIII. Victorius.

166.

1713. XLIX. Vincentius.

*ibid.*

1746. L. Matthæus.

168.

1771. LI. Michael.

169.

### Appendix ad Ecclesiam Jadertinam.

De instituendo Episcopatu Pagenfi, & de  
quibusdam Episcopis electis.

170.

## EPISCOPI SUFFRAGANEI

*Metropolis Jadertinae.*

### ARCHIEPISCOPI JADRENSES.

57.

### EPISCOPI ABSORENSES.

182.

1146. I. Lampridius idem.  
1180. II. Thebaldus.  
1183. III. Damianus electus.  
1187. IV. Petrus electus.  
1198. V. Nicolaus electus.  
1208. VI. Leonardus.  
1218. VII. Joannes.  
1238. VIII. Thomas electus.  
1238. IX. Dominicus.  
1247. X. Laurentius.  
1287. XI. Andreas electus.  
1291. XII. Joannes II.  
1297. XIII. Henricus.  
1300. XIV. Jacobus.  
1312. XV. Alexander.  
1314. XVI. Nicolaus II.  
1320. XVII. Joannes III.  
1323. XVIII. Nicolaus III.  
1367. XIX. Dominicus II.  
1376. XX. Petrus II.  
1398. XXI. Joannes IV. electus.  
1400. XXII. Lucas.  
1420. XXIII. Blasius.  
1428. XXIV. Laurentius II.  
1449. XXV. Polydorus.  
1450. XXVI. Maphæus.  
1496. XXVII. Joannes V.  
1503. XXVIII. Alexander II.  
1504. XXIX. Joannes VI.  
1505. XXX. Franciscus.  
1505. XXXI. Egidius.

*ibid.*

62.

64.

*ibid.*

66.

71.

72.

74.

*ibid.*

77.

84.

*ibid.*

85.

86.

93.

*ibid.*

94.

*ibid.*

97.

99.

108.

109.

113.

*ibid.*

117.

*ibid.*

122.

123.

*ibid.*

*ibid.*

125.

870. I. Dominicus.

184.

1000. II. Martinus.

185.

1030. III. S. Gaudentius.

*ibid.*

1042. IV. Laurentius.

195.

1060. V. Petrus.

*ibid.*

1069. VI. Basilius.

*ibid.*

1100. VII. Guillelmus.

*ibid.*

1110. VIII. Petrus II.

196.

1141. IX. Petrus III.

*ibid.*

1179. X. Lanfredius.

*ibid.*

1197. XI. Cosmus.

*ibid.*

1224. XII. Albertus.

*ibid.*

1240. XIII. G.

197.

1290. XIV. Michael.

*ibid.*

1300. XV. Angelus.

*ibid.*

1315. XVI. Bonifacius.

198.

1325. XVII. Guillelmus II.

*ibid.*

1335. XVIII. Cyprianus.

*ibid.*

1350. XIX. Bonifacius II.

*ibid.*

1363. XX. Michael II.

*ibid.*

1390. XXI. Thomas.

199.

1400. XXII. Pactius.

*ibid.*

1405. XXIII. Maurus.

*ibid.*

1410. XXIV. Isidorus.

*ibid.*

1412. XXV. Vitus.

*ibid.*

1430. XXVI. Petrus IV.

*ibid.*

1445. XXVII. Simon.

200.

1459. XXVIII. N. N.

203.

1463. XXIX. Andreas.

*ibid.*

1464. XXX. Antonius.

*ibid.*

1474. XXXI. Marcus.

207.

1486.

1486. XXXII. Joannes.  
 1506. XXXIII. Andreas II.  
 1514. XXXIV. Joannes Baptista.  
 1517. XXXV. Andreas III.  
 1533. XXXVI. Antonius II.  
 1553. XXXVII. Marcus Fidelis.  
 1575. XXXVIII. Coriolanus.  
 1614. XXXIX. Octavianus.  
 1634. XL. M. Antonius.  
 1653. XLI. Joannes II.  
 1667. XLII. Matthæus.  
 1673. XLIII. Simon II.  
 1720. XLIV. Nicolaus.  
 1739. XLV. Joannes III.  
 1743. XLVI. Matthæus II.  
 1745. XLVII. Nicolaus II.  
 1757. XLVIII. Bonaventura.

## EPISCOPI ARBENSES.

986. I. Petrus.  
 1018. II. Madius five Majus.  
 1062. III. Drago.  
 1072. IV. Petrus II.  
 1075. V. Gregorius.  
 1080. VI. Domana seu Dabrana.  
 1086. VII. Vitalis.  
 1094. VIII. Petrus III.  
 1097. IX. Lupus.  
 1111. X. Bonus.  
 1177. XI. Andreas.  
 1205. XII. Prodanus.  
 1216. XIII. Venantius.  
 1220. XIV. Andreas II.  
 1225. XV. Jordanus.  
 1239. XVI. Paullus.  
 1249. XVII. Stephanus.  
 1260. XVIII. Gregorius II.  
 1290. XIX. Matthæus.  
 1292. XX. Georgius.  
 1313. XXI. Siméon.  
 1315. XXII. Aimus.  
 1320. XXIII. Georgius II.  
 1321. XXIV. Franciscus.  
 1329. XXV. Georgius III.  
 1364. XXVI. Chryfogonus.  
 1375. XXVII. Zudenicus.  
 1412. XXVIII. Zudenicus II.  
 1414. XXIX. Marinus.  
 1423. XXX. Franciscus II.  
 1428. XXXI. Angelus.  
 1433. XXXII. Joannes.  
 1440. XXXIII. Matthæus II.  
 1443. XXXIV. Paullus II.  
 1443. XXXV. Nicolaus.  
 1451. XXXVI. Joannes II.  
 1472. XXXVII. Leonellus.  
 1484. XXXVIII. Aloyfius.  
 1515. XXXIX. Vincentius.  
 1569. XL. Blasius.  
 1584. XLI. Andreas III.  
 1588. XLII. Paschalis.  
 1621. XLIII. Theodorus.  
 1636. XLIV. Petrus IV.  
 1664. XLV. Domnius.  
 1695. XLVI. Octavius.  
 1700. XLVII. Antonius.  
 1713. XLVIII. Vincentius II.  
 1720. XLIX. Domnius II.  
 1729. L. Andreas IV.  
 1739. LI. Pacificus.  
 1746. LII. Joannes III.

210. 1756. LIII. Joannes Lucas. 286.  
 ibid. 1765. LIV. Joannes Baptista. 294.  
 211. 1771. LV. Joannes M. Antonius. ibid.

## EPISCOPI VEGLIENSES. ibid.

213.  
 215.  
 216. 1000. I. Vitalis. 297.  
 217. 1050. II. Gregorius. ibid.  
 218. 1069. III. Petrus. 298.  
 219. 1100. IV. Dominicus. ibid.  
 221. *Reliquos Veglienses Episcopos habe in calc. hujus*  
 ibid. *Conspetus.*

ECCLESIA SISCIANA, nunc  
ZAGRABIENSIS,

*Suffraganea Metropolis Colocensis*  
*in Hungaria.*

ibid. 317.  
 226. Monitum ad Lectorem. ibid.  
 ibid.

## ECCLESIA SISCIANA. ibid.

227.  
 229. 300. S. Quirinus. 319.  
 230. 347. Marcus. 325.  
 ibid. 381. Constantius. 326.  
 232. 530. Joannes. 329.  
 ibid. 531. Constantinus. ibid.

## ECCLESIA ZAGRABIENSIS. 330.

236.  
 237.  
 239. 1093. I. Duh. 348.  
 ibid. 1098. II. Bartholomæus. 349.  
 ibid. 1101. III. Singidunus. ibid.  
 ibid. 1112. IV. Francica. 350.  
 242. 1131. V. Macellinus. ibid.  
 ibid. 1150. VI. Gotthaldus. 352.  
 243. 1160. VII. Bernaldus. ibid.  
 244. 1166. VIII. Job. 354.  
 ibid. 1170. IX. Prodanus. ibid.  
 245. 1175. X. Ugrinus electus. ibid.  
 ibid. 1176. XI. Prodanus II. 355.  
 ibid. 1186. XII. Timotheus. ibid.  
 ibid. 1190. XIII. Dominicus. ibid.  
 246. 1207. XIV. Gotthardus. 357.  
 247. 1215. XV. Stephanus. 358.  
 248. 1225. XVI. Stephanus II. 361.  
 250. 1251. XVII. Philippus. 370.  
 ibid. 1266. XVIII. Timotheus II. 373.  
 251. 1287. XIX. Antonius. 383.  
 ibid. 1288. XX. Joannes. 384.  
 ibid. 1295. XXI. Michael. 385.  
 252. 1304. XXII. S. Augustinus. 389.  
 253. 1319. XXIII. Stephanus III. 414.  
 ibid. 1321. XXIV. Nicolaus. 416.  
 258. 1322. XXV. Jacobus. ibid.  
 259. 1324. XXVI. Ladislavus. ibid.  
 262. 1325. XXVII. Jacobus II. 417.  
 264. 1326. XXVIII. Ladislavus II. 418.  
 270. 1343. XXIX. Jacobus III. 427.  
 273. 1349. XXX. Dionysius. 431.  
 ibid. 1350. XXXI. Nicolaus II. ibid.  
 280. 1356. XXXII. Stephanus IV. 436.  
 281. 1376. XXXIII. Demetrius. 438.  
 282. 1379. XXXIV. Paullus. 439.  
 ibid. 1388. XXXV. Joannes II. 445.  
 283. 1395. XXXVI. Joannes III. ibid.  
 ibid. 1398. XXXVII. Eberhardus. 449.  
 284. 1408. XXXVIII. Andreas. 455.  
 285. 1410. XXXIX. Eberhardus iterum. 456.  
 ibid. 1420. XL. Joannes IV. 461.  
 ibid. 1433. Interregnum Episcopale. 468.  
 Ma-



|  |              |
|--|--------------|
| Matko, five Matthias, Gubernator Episcopatus Zagrabienfis.   | 469.         |
| Joannes Episcopus Timiniensis, Administrator I. Episcopatus Zagrabienfis.  | <i>ibid.</i> |
| 1439. Matko idem Gubernator Episcopatus Zagrabienfis.  | 471.         |
| Abel Episcopus Olmenfis, Administrator II. Episcopatus Zagrabienfis.   | <i>ibid.</i> |
| 1441. Matko idem Gubernator Episcopatus Zagrabienfis.  | 472.         |
| Joannes Episcopus Lydenfis, Administrator III. Episcopatus Zagrabienfis.   | <i>ibid.</i> |
| 1442. XLI. Benedictus.   | 473.         |
| 1454. XLII. Balthassar.  | 486.         |
| 1458. XLIII. Demetrius II.   | 487.         |
| 1466. XLIV. Ofvaldus.  | 488.         |
| 1500. XLV. Lucas.  | 512.         |
| 1511. Thomas Bakacius, five de Bakacs, Archiepiscopus Strigonienfis, S. R. E. Cardinalis, Administrator Ecclesie Zagrabienfis. | 517.         |
| 1514. XLVI. Joannes V.   | 521.         |
| 1518. XLVII. Simon.  | 522.         |
| 1543. XLVIII. Nicolaus III.  | 532.         |
| 1548. XLIX. Volphangus.  | 534.         |
| 1550. L. Paullus II.   | <i>ibid.</i> |
| 1558. LI. Matthias.  | 539.         |
| 1563. LII. Georgius.   | <i>ibid.</i> |
| 1578. LIII. Joannes VI.  | 545.         |
| 1585. LIV. Petrus.   | 546.         |
| 1589. LV. Caspar.  | 547.         |
| 1600. LVI. Nicolaus IV.  | 551.         |
| 1604. LVII. Simon II.  | 553.         |
| 1613. LVIII. Petrus II.  | 558.         |
| 1628. LIX. Franciscus.   | 561.         |
| 1637. LX. Benedictus II.   | 571.         |
| 1643. LXI. Martinus.   | 579.         |
| 1649. LXII. Petrus III.  | 580.         |
| 1668. LXIII. Martinus II.  | 585.         |
| 1688. LXIV. Alexander.   | 588.         |
| 1695. LXV. Stephanus V.  | 589.         |
| 1704. LXVI. Martinus III.  | 592.         |
| 1708. LXVII. Emericus.   | <i>ibid.</i> |
| 1728. LXVIII. Georgius II.   | 601.         |
| 1749. LXIX. Franciscus Xaverius.   | <i>ibid.</i> |
| 1751. LXX. Franciscus II.  | 602.         |
| 1770. LXXI. Joannes Baptista.  | <i>ibid.</i> |
| 1772. LXXII. Josephus.   | <i>ibid.</i> |

ADDITAMENTA

|  |              |
|--|--------------|
| <i>Ad Tomum V. Illyrici sacri.</i>               | 603.         |
| §. I. Additamenta ad Ecclesiam Jader-<br>tinam.  | <i>ibid.</i> |
| 1774. LII. Joannes VII.                          | 616.         |
| §. II. Additamenta ad Ecclesiam Abfo-<br>rensem. | 617.         |
| §. III. Additamenta ad Ecclesiam Ar-<br>bensem.  | 624.         |
| §. IV. Additamenta ad Ecclesiam Ve-<br>gliensem. | 639.         |
| 1153. V. Petrus II. Episcopus Vegliensis.        | <i>ibid.</i> |
| 1170. VI. Dabro.                                 | 299. 640.    |
| 1186. VII. Joannes.                              | 640.         |
| 1270. VIII. Marinus.                             | 301. 643.    |
| 1290. IX. Lambertus.                             | 301. 643.    |
| 1295. X. Hieronymus.                             | 643.         |
| 1297. XI. Matthæus.                              | 302. 643.    |
| 1302. XII. Thomas.                               | <i>ibid.</i> |
| 1314. XIII. Jacobus.                             | 303. 643.    |
| 1330. XIV. Lompradius.                           | 646.         |
| 1332. XV. Nicolaus.                              | <i>ibid.</i> |
| 1421. XVI. Nicolaus II.                          | 303. 646.    |
| 1436. XVII. Angelus.                             | 304. 646.    |
| 1440. XVIII. Franciscus.                         | <i>ibid.</i> |
| 1460. XIX. Nicolaus III.                         | 305. 646.    |
| 1500. XX. Natalis.                               | 308. 646.    |
| 1528. XXI. Eusebius.                             | 309. 646.    |
| 1531. XXII. Joannes II.                          | <i>ibid.</i> |
| 1550. XXIII. Albertus.                           | 310. 646.    |
| 1564. XXIV. Petrus III.                          | <i>ibid.</i> |
| 1589. XXV. Joannes III.                          | 312. 646.    |
| 1623. XXVI. Aloysius.                            | <i>ibid.</i> |
| 1642. XXVII. Constantius.                        | <i>ibid.</i> |
| 1653. XXVIII. Georgius.                          | 313. 646.    |
| 1660. XXIX. Franciscus II.                       | <i>ibid.</i> |
| 1668. XXX. Theodorus.                            | <i>ibid.</i> |
| 1684. XXXI. Stephanus.                           | <i>ibid.</i> |
| 1688. XXXII. Balthassar.                         | 313. 647.    |
| 1713. XXXIII. Petrus Paullus.                    | <i>ibid.</i> |
| 1720. XXXIV. Vincentius.                         | 314. 647.    |
| 1730. XXXV. Fridericus.                          | <i>ibid.</i> |
| 1739. XXXVI. Petrus Antonius.                    | <i>ibid.</i> |

# NOI RIFORMATORI

Dello Studio di Padova.

**A** Vendo veduto per la Fede di Revisione , & Approvazione del P. F. *Filippo Rosa Lanzi* Inquisitor General del Santo Ufficio di Venezia nel Libro intitolato; *Illyrici Sacri Tomus V. Autore P. Daniele Farlati S. J. &c. Ms.* non v' esser cosa alcuna contro la Santa Fede Cattolica , & parimente per attestato del Segretario Nostro , niente contro Principi , & buoni costumi , concediamo licenza a *Sebastian Coleri* Stampator di Venezia che possi essere stampato , osservando gli ordini in materia di Stampe , & presentando le solite Copie alle Pubbliche Librerie di Venezia , & di Padova.

Dat. li 20. Luglio 1768.

(  
( Alvise Vallareffo Rif.  
( Francesco Morosini 2.<sup>do</sup> Cav. Proc. Rif.

Registrato in Libro a Carte 351. al Num. 2486.

*Davidde Marchesini Segr.*

Registrato a Carte 4. al Magistrato alla Bestemmia.

*Andrea Grattarol Segr.*

# ECCLESIA JADERTINA.

## EPISCOPI ET ARCHIEPISCOPI

### JADRENSES.

Jadera  
princeps  
Liburniæ  
civitas.



De origine  
vocabuli  
alii aliter  
opinantur.

Uam Latini *Jaderam*, sive *Jadram*; Constantinus Porphyrogenitus *Diadoram*, Slavi *Zadur*, Itali *Zaram* vocant. Civitas est nobilissima veteris Liburniæ, ejus scilicet regionis, quam Tedanius flumen ab Japidia, Titius amnis a Dalmatia sejungebat. Nunc autem quicquid est terrarum ac gentium inter duos fluvios Arsiam & Drilonem, Dalmatiæ vocabulo continetur. Jadera inter omnes civitates Dalmaticas magnitudine ambitus, ædificiorum numero & pulchritudine, civium & incolarum frequentia, commercio & divitiis facile præcellit. Nugari videtur Porphyrogenitus, qui nomen urbis ex duobus latinis vocabulis jam erat conflatum fuisse commentus est; quod hæc civitas jam erat, antequam Roma conderetur: Τοῦ ἀρχαίου τῆς Διადόρας καὶ τῆς Ρωμαίας ἢ Διὰ τὴν ἐκ τῆς ἐξτ. *Diadora* urbs vocatur Romanorum lingua jam erat, videlicet quod ante Romanam hæc condita fuerat; est autem urbs hæc magna, & vulgari *Diadora* nuncupatur. Lib. de Adm. cap. xxix. Thomas Archidiaconus cap. ix. Hist. Salonit. hanc urbem a Salonitanis patria eversa profugis sæculo septimo restitutam ac denominatam fuisse censuit; sed pluribus sæculis ante Salonam excisam nomen Jaderæ huic civitati impositum fuisse constat, & Latinis Græcisque litteris celebratum. Idem tamen Archidiaconus ex aliorum sententia originem ac nomen civitatis ad quemdam Jadrum conditorem referri posse existimat: *Quidam* (Salonitani exules) versus occidentalem plagam navigantes, ad portum cujusdam urbis antiquæ, sed dirutæ applicuerunt; & videntes locum satis habitabilem ad manendum, paraverunt ibi aliquod monumentum, & habitaverunt in eo. Et quia situs loci propter adjacentes insulas & propter commoditatem portus, multum eis placebat, non habebant jam necesse ad Salonam redire; nihil enim eis videbatur deesse præter fluvium Jadrum, qui ex orientali parte Salonitanæ urbi multum delectabiliter inflebat. . . . hoc igitur sæpius nominato urbi nomen impositum est *Jadria*; vel, ut quibusdam placet, ab *Jadro* conditore *Jadria* nomen accepit. Nicolaus Dolionius ex fabulis Annianis tradit Jaderam & conditam & appellatam fuisse ab *Jadro*, qui a Noemo septima generatione distabat. Palladius Fuscus videtur voluisse derivare urbis nomen ab amne *Jadro*, cum per errorem eidem urbi accommodaverit versiculum illum Lucani: *Et tepidum in molles Zephyros excurrit Jader*; quem quidem ad Salonam referendum esse versiculus ille proxime superior perspicue docet: *Qua maris Adriaci longas ferit unda Salonas; Et tepidum in molles Zephyros excurrit Jader.* Cum hæc duo vocabula *Jadra* & *Adria* unico Illyrici Sacri Tom. V.

jota, ex prima in secundam syllabam traducto, inter se differant; unde unum ortum est, indidem alterius origo videtur esse repetenda. Dalmatiam universam antiquitus *Adriam* appellatam fuisse ex opinione quorundam scripsit Archidiaconus cap. 1. *Quidam dicunt quod Adria dicitur a quodam Adrio Itali fratre, qui regnavit ibidem; vel secundum quosdam Adria dicitur ab Adria, quod est lapis; quia lapidosa & montuosa est hæc provincia; unde Ovidius: Subdita montana brachia Dalmatiæ.* Sed paullo ante idem vocabulum aliunde deduxerat: *Adria nihilominus hæc provincia nuncupatur ab Adriane filia Minois regis, quam rapuit Theseus &c.* Undecumque huic regioni nomen *Adriæ* obvenerit, inde etiam urbis nomen derivatum videtur; quæ primum *Adria*, deinde *Jadra* & *Jadera* dicta est; & quod fere princeps esset totius regionis, nomen commune sibi proprium fecit. Hinc etiam propagatione quadam ejusdem vocabuli, & mons *Adrius*, sive *Ardius* inter Titium & Nerone, & *Mare Adriaticum*; ex quo nomen accepit gemina civitas Italica eidem mari adjacent, videlicet *Adria* civitas & colonia Tuscorum in regione Veneta, & *Adria* Piceni apud Matrimum amnem; quamvis alii ab alterutra mare denominatum esse existiment. Scyllax Cæriandensis vetustissimus Geographorum in Periplo urbes maritimas Liburniæ percensuit, inter quas *Liasidassam*; quæ quidem Jadera est ex interpretatione Lucæ Holstenii, & Joannis Lucii. Ceterum ex aliis ante monarchiam Romanam conditam Scriptoribus neminem invenio, qui Jaderam, vel Jadertinos nominaverit, præter Aulum Hirtium, qui cap. xxi. de Bello Alexandrino mentionem fecit *Jadertinorum*, quorum semper, inquit, in Rempublicam singulare consisterat officium. Postea vero omnes, si Strabonem excipias, & nobilissimi quique Geographorum, Pomponius Mela, Cajus Plinius, Claudius Ptolemæus, & alii horum aequales, vel eorum ætati supiores, inter Liburniæ, sive Dalmatiæ civitates *Jadram*, vel *Jaderam* annumerarunt.

Hæc civitas & universa Liburnia anno ante Christum circiter 240. Agronis Illyriorum regis imperium subivit, & vocabulo ac finibus Illyrici in Liburniam prolatis contineri coepit; atque exinde pars Illyrici perpetuo fuit. Paruit regibus Illyriorum usque ad Gentium posterum Illyrici regem; a quo simul cum Dalmatia, sibi ab ortu finitima, defecit anno ante Christianam epocham 180. Regio dominatu depulso, suas sibi leges, suos sibi magistratus descripsit, in morem liberæ, omnique extraneo imperio exemptæ reipublicæ. Hanc Jadrenses & Liburni libertatem annos fere centum & amplius cum retinissent, primum socios, deinde

Jadera cum  
Liburnia  
Illyricis re-  
gibus pa-  
ruit; de-  
inde liberta-  
tem est ad-  
epta.

A inde

Liburni & Jaderenses primum socii, deinde vestigales populi Romani.

inde vestigales populi Romani seipsos fecerunt. Romani cum Dalmatis Liburniæ finitimis multa jam bella gesserant, eisdemque Salonam & oram maritimam fere omnem ademerant, anno ante Christum octavo & septuagesimo; cum Liburni & Jaderenses Romanos, a quibus plures & gravissimas clades Dalmatæ acceperant, socios, quam hostes habere maluerunt; atque ut sibi suisque rebus consulerent, in clientelam populi Romani se ultro contulerunt. Hæc fusius & accuratius explicata sunt Tomo primo Illyrici Sacri Parte 1. & 2. Prolegomenon. Jaderensium præclara studia & merita in Rempublicam Romanam, multis ac perpetuis officiis testata, commendavit Aulus Hirtius supra laudatus: *quorum, inquit, semper in Rempublicam singulare constiterat officium*. Anno ante Christum fere quinquagesimo Jaderenses & Liburni, quibus Dalmatæ Promonam, urbem natura & loco munitam eripuerant, oratores miserunt ad Julium Cæsarem, qui tum Illyricam provinciam, tum Galliam utramque, ante aliquot annos sibi a Senatu decretas, obtinebat, cum is e Gallia transalpina rediisset in Italiam, ut quotannis facere consueverat. Ab eo ut auxilium adveniret Dalmatas impetrarent, Jaderam, & regionem universam in populi Romani ditionem ac potestatem tradiderunt. Cæsar Liburnis in fidem receptis, primum quidem misit, qui Dalmatis denunciarent, ut Promonam Liburnis, imperio Romano subjectis & vestigalibus restituerent; deinde vero, cum Dalmatæ imperata facere abnuerent, iussit copias in Dalmatiam traduci, quæ Dalmatas urbe, quam occupaverant, totaque Liburnia expellerent. Sed contra quam opinabatur, omnem suum exercitum ab hostibus deletum & concisum paullo post intellexit. Cladis acceptæ ulciscendæ studio ut maxime flagraret, ultionem tamen in aliud tempus distulit; alio enim illum alia curæ, cogitationesque evocabant. Jam enim, quæ Cæsari cum Pompejo erant, acres acerbæque discordiæ ad bellum civile spectabant; quod haud multo post exortum magna utrinque contentione geri cœpit. Hæc Appianus de bellis Romanorum in Illyrico: *Quo antea tempore Cæsar apud Celtas cum imperio erat, Dalmatæ, ceterique benigniori fortuna utentes Illyrii Liburnis, quæ item Illyricorum gens est, Promonam urbem abstulere. Liburni in populi Romani fidem concedentes, Cæsaris in propinquo agentis opem implorarent. Cæsar misit qui Promonam tenentibus denunciarent, ut oppidum Liburnis redderent: cumque hi contemnere imperium viderentur, validam armorum manum submisit, qui omnes ab Illyriis concessi sunt. Neque Cæsar ultus est; non enim Pompejanis discordiis implicito, satis in eam rem curæ fuit.*

In bello civili Salonam quidem a Cæsarianis constantissime tenebat; Jadera vero Pompejanas partes secuta fuisse videtur. Nam Q. Cornificius Cæsaris Quæstor, qui provinciam Romanam Illyricam, compluribus castellis captis, in Cæsaris fide ac potestate retinuit, cum M. Octavius post prælium Pharsalicum ex fuga in Adriaticum cum classe Pompejana se contulisset, aliquot naves cepit, Octavio ab Jaderinis subsidio missas; hisque ad eas, quas habebat, naves adjunctis, cum ipsa validissima Octavii classe dimicare se posse confidebat. Ita explicari, atque intelligi debere videntur quæ Aulus Hirtius cap. XIII. de Bello Alexandrino scripsit:

*Cum Octavius ex fuga Pharsalici prælii magna classe in illum sinum se contulisset, paucis navibus Jaderinorum, quorum semper in Rempublicam singulare constiterat studium, dispersis Octavianis navibus, erat positus (idest Q. Cornificius), ut vel classe dimicare posset, adjunctis captivis navibus sociorum &c.*

Post interitum Cæsaris, Jadera sub imperio Octaviani Augusti, vocabulis Japidæ & Liburniæ abrogatis, inter civitates Dalmatiæ annumerari cœpit. Augustus siquidem ex Japidia, Liburnia, Dalmatia unam provinciam sub nomine communi Dalmatiæ conslavit, eamque Proconsularem esse iussit, & Proconsuli regendam tradidit. Idem vero Augustus post Actiacam victoriam rerum omnium potitus, Jaderam mœnibus, ac turribus sepexit; eoque Coloniam Romanorum deduxit, ut docet vetus inscriptio Jaderæ reperta, atque ad *Portam Episcopi Nonæ*, ut ait Joannes Lucius, affixa.

Cum Japidibus & Dalmatis in unam provinciam coaluerunt sub Octaviano Augusto,

IMP. CÆS. D. F. AVG  
PARENS COLONIAE MVRVM  
ET TVRRIS DEDIT.

Coloniæ Jaderinam ab Augusto non restitutam, ut Joannes Lucius censuit, sed conditam fuisse oportet, cum Augustus hujus Coloniam Parens appelletur. Hinc dicitur in Nummo Domitiani apud Christophorum Cellarium: COL. AVGVSTA IADERA. Alter lapis ibidem visitur priori subjectus, & posterior arate, qui turres vetustate collabentes a T. Julio Optato restitutas fuisse declarat.

qui coloniam Romanorum Jaderam deduxit.

T. IVLIVS OPTATVS TVRRIS  
VETVSTATE CORRVPTRAS  
IMPENSA SVA RESTITVIT.

Exstat altera Augustalis inscriptio in domo Buccarea, quæ ad Tiberium Imp. pertinet.

TI. CAESAR DIVI AVG. F.  
AVGVST. IMP. PONTIF. MAX.  
TRIB. POTEST. XX COS. III  
LEG. IX. LEG. XI  
P. CORNELIO. DOLABELLA  
LEG. PRO. PR.

Cum civitas aquæ penuria laboraret, Trajanus Imperator inde usque ab Titio flumine aquas sane copiosas tubis æneis, aut lateritiis inclusas, circuitu milliarium fere triginta in urbem derivavit, ut vestigia ostendunt vetustissimi aqueductus; cujus auctorem lapis declarat an. 1620. inventus, atque in ædes Joannis Petri Panizzoni translatus; sed litteras posteriores exedit vetustas.

IMP. NERVA TRAIAN  
PONTIF. MAX. TR  
AQUAEDVCTVM COLON  
IN QVO DANTE IMPEN  
SACRATISSIMI PRINCI

Ex Collectaneis Simeonis Gliubavacii Patricii Jaderensis. In columna eccl. B. V. Annuntiatæ,

IMP. CAES.  
M. CLAVDIO  
TACITO P. P.  
INVICTO  
AVG. N.

In columna carceris archiepiscopalis,

D. N. IVLIANO  
VICTORI AC TRI  
VMPHATORI TOTI  
VSQVE ORBIS AVG.  
BONO REIP. O.

Jaderam Plinius, & Ptolemæus Coloniam Romanam

*Ædificia Romana Jaderz.* manam vocant. Positio urbis & forma, portus manufacti & natura tutissimi magnitudo, locorum & insularum adjacentium amœnitas, agri fertilitas, cœli mira temperies Romanos allexit, & perpulit, ut hanc civitatem & magni facerent, & summopere diligerent; eamque incolis augerent, mœnibus ac turribus egregie munirent, in ejusque commodis atque ornamentis amplificandis plurimum studii operæque impenderent. *Varia*, ut scripsit Lucius, *præclari operis templorum, amphitheatri, theatri, & mœniorum vestigia Romanam magnificentiam demonstrant; inter quæ columna ingens post tot urbis casus adhuc in foro erecta cernitur, & arcus majoris ædificii pars, nunc ad portam civitatis S. Chrysogoni translatus, in cujus epistyllo hæc leguntur:*

MELLA. ANNIANA. IN. MEMOR.  
Q. LAEPICI. Q. F. SERG. BASSI.  
MARITI. SVI. EMPORIVM. STERNI. ET.  
ARCVI. FIERI. ET. STATVAS.  
SVPERPONI. TEST. IVSS. EX. HS. DCXXX P. R.

*A Romanis culta & habitata* Urbem & Coloniam Jaderinam a civibus & familiis Romanis frequentissime habitatam fuisse declarant antiquæ inscriptiones, ibidem in urbe & in agro circa urbem repertæ, quas Joannes Lucius adjunxit ad Monumenta historica Tragurientia; ex quibus nonnullas huc transcribere visum est.

*Inscriptio- nes Roma- næ.*

*In templo S. Donati.*

IVNONI AVGVSTAE  
APVLEIA M. FIL  
QVINTA SVO ET  
L. TVRPILIO BROCHI  
LICINIANI FILII NOMINE  
TEST. PON. IVS

*Ibidem.*

HELVIA VENERA  
V. F. SIBI. ET  
Q. PETRONIO CAPITONI  
VIRO SVO. ET  
Q. PETRONIO. APHRODISIO.  
ET SVIS. LIBERTIS.  
LIBERTABVSQVE. POSTERISQVE.  
EORVM.

*Ibidem.*

C. ALIVS  
SPEC. L  
V. F. SIBI. ET  
IN. FR.  
IN. AGR.

*Ad portam Episcopi Nona.*

Q. ASIENO. Q. F.  
TRO AGRIPPÆ  
AED. II VIRO  
PONTIFICI  
EX AERE CONLATO  
DECVRIONIS LEP\*IEFS

*Ibidem.*

ISIDI SERAPIDI LIBER  
LIBERÆ VOTO  
SVSCEPTO PRO SALVTE  
SCAPVLÆ FILII SVI  
P. QVINCTIVS PARIS  
S. L. M.

*Illyrici Sacri Tom. V.*

*Apud S. Andream.*

M. AVRELIVS MARIVS  
SELEVCVS  
VET. ET OPT.  
AELIÆ CLAVDIAE  
CONIVGI  
INCOMPARABILI  
ET SIBI  
VIV. POSVIT

*Apud S. Petrum Majorem.*

D. M.  
O. TERTVLL. FILIO O.  
TERTVLLVS ET AV  
REL AMANTISS. PA  
RENT. PO.

*Apud S. Agatham Majorem.*

L. VETVRIVS FLORVS  
VETERANVS SCRIBA  
NA. DALMATA  
VIX. ANN. LV  
POSVIT  
T. VETVRIVS  
PANNONIVS  
LIBERTVS  
PATRONO B. M. G.

*In ade S. Spiritus.*

ROGATO AVG. LIB.  
TABVL. CYPR.  
FAV. SILVANVS FIL. ET  
FELICISSIMA NEPTIS ET  
SEVERINVS CONLIB. ET  
DIVS. LIB. HEREDES  
F. C.

*Ad D. Joannem Evang.*

SERGIA OLYMPIAS  
SIBI ET  
L. SERGIO RVGO \* F. ET  
L. CALTILIO TESPIO  
H. M. H. N. S.

*\* RVGO ex Ap- piano.*

*Apud S. Joan. Bapt.*

C. DIDIO  
CONCORDIANO  
V. A. VI. M. VIII. D. XX.  
C. DIDIVS CELER  
N. IVNIA MARCELLINA  
PARENTES

*Ad S. Apollinarem.*

D. O. M.  
VALERIAE DIDIAE  
VALERIA TERCIA  
MATRI PIENTISS  
B. M. P.

*Prope ecclesiam S. Dominici.*

QVINTILIVS OPTATVS  
IIII VIR VIVVS FECIT SIBI ET  
QVINCTILIAE ARBVSCVLAE  
MATRI ET NVMI. PIAE PVSILLAE  
LATVM PEDES XX  
LONGVM AB VNDA AD  
MACERIAM.



*In aula Archiepiscopi.*

M. V. CORNELIVS. HIERO  
V. F. SIBI. ET.  
CORNELIAE. HEROIDI.  
VXORI. CARISSIMAE. ET  
M. CORNELIO. CARPONE. GOLEARIO  
ET. M. CORNELIO. CARPO  
JVRIS. STUDIO  
LIBERTIS. LIBERTABVSQVE.

*Prope canobium S. Francisci.*

MANIBVS. GENTIS. SVAE.  
LIBERTIS. LIBERTAB. Q. S. SIBI  
PONENIS  
VINEDIAE. C. F. IVCVNDAE. VXORI.  
H. M. H. N. S.  
IN. FR. P. XII. IN. AGR. P. XVI.

Si quis plura hujusmodi monumenta Jadren-  
sia Romanae antiquitatis desiderat, adeat Joan-  
nis Lucii Appendicem ad Monumenta Tragu-  
riensia, sive *Inscriptiones Dalmaticas*.

Jadrenses  
& Dalmatae  
pars Imperii  
occidentalis,  
deinde ori-  
entalis.

Intra finem saeculi quarti, cum facta esset di-  
visio Imperii & Illyrici orientalis, & occident-  
alis, Jadera cum Dalmatia Imperio occidentis  
attributa pars fuit Illyrici occidentalis, & prae-  
fecto praetorio Italiae commissa. Proximo au-  
tem saeculo post extinctum Imperium occidenta-  
le, primum sub Herulorum, deinde sub Go-  
thorum potestatem cecidit. Saeculo sexto Justi-  
nianus Imperator Jaderam, cum Dalmatia Go-  
this ademptam, cum Imperio orientis conjun-  
xit; cui constanter adhaesit usque ad saeculum  
undecimum, quamvis Slavi Dalmatiam mediter-  
raneanam, concessu Heraclii Augusti sibi tradi-  
tam obtinerent; nisi quod sub initium saeculi  
noni ad breve tempus Francis & Caroli Ma-  
gni imperio paruit. Post annos non ita mul-  
tos, dum Michael cognomento Balbus rerum in  
oriente potiebatur, hujus ignaviam exosi, Ja-  
drenses, ceterique Dalmatae maritimi ab eo de-  
fecerunt; & per annos fere quadraginta, suis  
legibus, suisque magistratibus sibi constitutis,  
libertatem omni extraneo dominatu exemptam  
retinuerunt. Sed anno circiter 868. cum Sara-  
ceni oram maritimam depopulati, Ragusium  
terra marique obsiderent, veriti ne capto Ra-  
gusio, ceteras quoque urbes sub potestatem re-  
digerent, ac suis viribus diffisi, missis Constan-  
tinopolim oratoribus auxilii petendi causa, sub  
imperium Basilii Macedonis redierunt. Hic Dal-  
matia in deditionem recepta, classem centum  
navium adornari iussit, ut docet Porphyroge-  
nitius, quae, duce Niceta patricio, Ragusium  
obsidione liberavit. Saracenis depulsis, ab Sla-  
vis accolis Jadrenses & ceteri Dalmatae mari-  
timi vexari, & gravissimis damnis atque incom-  
modis affici coeperunt. Rursus ergo legatos Con-  
stantinopolim miserunt rogatum auxilia, qui-  
bus se resque suas ab injuriis Slavorum defen-  
derent. Basilii autem, cum e re publica esse  
praesidio erant provinciae, atque urbibus orien-  
tis, navium & copiarum detractio imminui,  
alioque distrahi; auctor fuit Jadertinis & Dal-  
matis, ut pacem & quietem ab hostibus vel suo,  
& Imperii detrimento redimerent; permisit si-  
quidem, ut annua vestigalia, quae sibi & Im-  
perio debebant, Slavis persolverent, quibus illi  
conciliati ac deliniti a maleficiis abstinere; ipse

Tributarii  
Slavorum.

vero exiguum tributum sibi retinuit, quo suam  
Dalmatae fidem adversus Imperatorem orientis  
profiterentur. Nulla civitas Dalmatae, si Spa-  
latum excipias, majus tributum, quam Jadera  
Imperio, ac deinde Slavis pendebat; summam  
enim efficiebat centum ac decem numismatum;  
ex quo fit, ut Jadera secundum Spalatum, in-  
ter ceteras Dalmatae civitates opibus ac divitiis  
praepolleret. Haec Porphyrogenitus de Adm. Imp.  
cap. 30. *Atque ex illo tempore, inquit, omnes  
istae urbes Slavorum tributariae factae ipsi solvunt.*  
Hic igitur status rerum Jadrensi, & Dalma-  
ticarum erat; vigeatque lex tributis Slavoni-  
ci, cum Constantinus Porphyrogenitus, qui haec  
scripsit, Imperio potiebatur; neque antea abo-  
leri potuit, quam Jadera & Dalmatia in fidem  
tutelamque Venetorum concessit. Postquam Ba-  
silius Jadertinis & Dalmatis potestatem fecit an-  
nui tributis, quod Imperio debebant, Slavis sol-  
vendi, ut eos ab illorum incursionibus & mo-  
lestiis liberarent, valde diminuta est Imperato-  
rum Graecorum, sive orientis in Dalmatas do-  
minatio. Illi siquidem praeter jus constituendi  
supremi totius provinciae magistratus, levissimi  
cujusdam tributis exigendi, & certum numerum  
militum, navium, & nautarum civitatibus im-  
perandi, si quando bellum in his partibus ge-  
rendum esset, nihil fere aliud potestatis in Dal-  
matia retinuerunt. Qui nomine jussuque Impe-  
ratoris huic regioni praesidebat, alias *Proconsul*,  
alias *Strategus*, alias *Catipanus* appellabatur, &  
plerumque sedem stabilem, cum curia & mili-  
tia praetoriana, Jaderae habebat; itemque inter-  
dum *Prioris* quoque, qui erat magistratus ur-  
banus, nomen gerebat in hac urbe, & officio  
fungebatur. Anno 986 *Majus Prior Jadræ, at-  
que Proconsul Dalmatarum*. Anno 1033. post  
recuperatam a Graecis Imperatoribus Dalmatiam  
*Gregorius Prior urbis Jadræ, & Proconsul, sive  
Strategicus universae Dalmatiae*. Anno 1059. *Leo  
imperialis protospatarius, Prior Jadræ, & totius  
Dalmatiae Catipanus*.

Priores Ja-  
drenses, &  
Procon-  
sules Dalma-  
tiae ab Grae-  
cis Imperi-  
constituti.

Saeculo decimo vergente tam Chrobati, quam  
etiam Narentani gens Serblorum ferox & immi-  
tis rapto vivere, & rapinis ditescere assueta,  
tum Dalmatis, licet Chrobatorum vestigalibus,  
oram maritimam, tum Venetis Adriaticam na-  
vigationem latrocinii & piraticis lembis infe-  
stam reddebant. Cum nihil auxilii sperare pos-  
sent a Basilio & Constantino Imperatoribus,  
implicitis multiplici bello civili & Bulgarico,  
primum Jadrenses, deinde horum exemplo ce-  
teri Dalmatae ad Venetorum opes confugere,  
atque in eorum potestatem & clientelam se sua-  
que tradere decreverunt. Ac Jadrenses quidem,  
antequam reliqui Dalmatae legatos suos Venetias  
mitterent rogatum auxilia, jam erant in fide ac  
ditione Venetorum, ut docet Andreas Dandulus.  
*Illis namque temporibus in Dalmatarum con-  
finitio, non plus, quam Jadrenses cives Veneto-  
rum ditioni obtemperabant: quem Danduli lo-  
cum Joannes Lucius lib. 2. cap. v. his verbis  
illustravit: Tunc Jadræ solum in Dalmatia Ve-  
netos in protectione habuisse Dandulus, & ceteri  
Chronista referunt. Jadrenses vero aliqua ex cau-  
sa proximorum Croatorum molestiis tribui debet;  
& ob imbecillitatem virium Imperii orientalis,  
ad vicinam & antiquam societatem revertisse, ut  
a Croatorum molestiis liberarentur; & Venetorum  
protectionem natos, Croatis quoque negasse tri-  
butum*

Primum Ja-  
drenses, &  
deinde ce-  
teri Dalma-  
tae Veneto-  
rum imperium  
acceperunt.

butum conjectari potest. Itaque Petrus Urseolus II. Dux Venetorum, rogatu Dalmatarum, in eunte sæculo undecimo classem eduxit, ad ulciscendos & compescendos Slavos, Venetis ac Dalmatis infestis; & oram maritimam prætervectus, civitates illas ultro in deditionem venientes ad Venetum imperium adjunxit. Ab omnibus quidem jusjurandum in verba Ducis, legesque Venetorum exactum fuisse scripsit Dandulus; non item vero ab Jadrensisibus, qui Duce ac Dominum suum, quibus dignum erat, honoribus & acclamationibus exceperunt; sed cum jampridem Venetorum imperio subiecti essent, necesse non fuit novo sacramento fidem illorum obstringere. Altera vero die, ait Dandulus, Jadrensem antequam appropinquaret urbem, ejusdem civitatis Prior cum Episcopo, & ceteris suum dominum receperunt. Ita Veneti sub initium sæculi undecimi, post Jaderam ante aliquot annos in fidem receptam, Dalmatiam universam, tum voluntaria earum gentium deditione, tum etiam permissione, ut ait Dandulus, Basilii & Constantini Imperatorum Constantinopolitanorum, cum hi mallent Dalmatas, quibus opitulari non poterant, Venetorum tutelæ committere, quam injuriis Slavorum expositos relinquere, jure quam optimo adepti sunt, centum fere annis, antequam in eam regionem arma inferrent, vel certe suum dominatum protenderent reges Hungariæ, quibuscum Veneti pro Jadera vel retinenda, vel recuperanda, plurima posterioribus sæculis & gravissima bella gesserunt.

Postea redeunt ad Imperium orientis.

Jadera cum reliqua Dalmatia anno circiter 1030. sub Imperium orientis rediit. Exinde magistratus Græcos ferme usque ad annum 1074. huic civitati ac provinciæ præpositos invenio. Andreas Dandulus Jaderam a Salomone rege Hungariæ Venetis ademptam, a Dominico Contareno Duce anno secundo sui principatus recuperatam fuisse tradit: quæ quidem inter se perspicue pugnant. Nam secundus annus Dominici Ducis Venetorum congruit cum anno 1045. cum Salomon nondum imperare cœperat, qui regnum in Hungaria obtinuit anno 1063. Præterea nemo est ex antiquis Hungaricis Scriptoribus, qui tradiderit ante S. Ladislavum, qui anno 1076. Geylæ fratri successit, atque ante annum 1091. quemquam ex Hungariæ regibus arma copiasque in has regiones intulisse. Anno circiter 1074. Dominicus Silvo Dux Venetiarum Northmannis, qui navigationem Adriaticam, oramque maritimam infestam armatis navigiis faciebant, in fugam averfis mare purgavit, Dalmatis salutem & tranquillitatem restituit. Quo facto animos Jadrensiū, & Dalmatarum ita sibi conciliavit, ut in Venetorum fidem ac potestatem, unde ante annos amplius quadraginta desciverant, se rursus contulerint, eo promptius ac libentius, quod cum expositi essent Northmannorum excursionibus ac direptionibus, nihil præsidii ab Imperatoribus orientis expectare poterant: ea siquidem tempestate Græcorum opes, magis etiam ab Saracenis in Asia, quam a Northmannis in Italia erant debilitatæ fractæque. Ergo Dominicus Silvo Jadrenses & Dalmatas novo beneficio obstrictos in deditionem & clientelam recepit; & cum non deessent ex illis populis, qui Northmannis studebant, sequæ ad illorum amicitiam cupiebant adjungere, omnes jurejurando adegit nihil rei posthac & commercii cum Northman-

A Northmannis vexati rursus in Venetorum fidem ac tutelam se conferunt.

Hyrci Sacri Tom. V.

nis sibi futurum. Hæc breviter Dandulus, Northmanni Dalmaticorum fines invadunt, & destruunt. Dux itaque egressus eos abire coegit; & ab incolis solidam fidelitatem cum promissione non adducendi Northmannos in Dalmatiam suscepit.

Jadera in ditione mansit ac potestate Venetorum usque ad annum quintum sæculi duodecimi; cum Colomanus rex Hungariæ immemor fœderis, quod cum Venetis contra Northmannos pepigerat, ex absentia Venetæ classis ad sacram Syriacam expeditionem profectæ, occasionem Dalmatiæ Venetis eripiendæ arripuit; ac primum Jaderam vehementissime oppugnatam ad deditionem compulit; demum reliquas omnes Dalmatiæ urbes sub imperium Hungaricum subjunxit. Post obitum Colomani anno 1114. extincti, Ordela-phus Dux Venetorum, ingenti classe in Dalmatiam traducta, tum insulas sponte in fidem redeuntibus recepit, tum Jaderam obsidione cinxit, & acriter oppugnare institit, quam intra paucos dies deditionem facere coegit. Sed castellum quod Colomanus inædificaverat, Hungari tunc quidem retinuerant, sed biennio post illud quoque Venetus Hungaris ademittit, qui magno prælio fusi fugatique tota Dalmatia excesserunt. Exinde Jadera per annos circiter tercentos motibus fere perpetuis rerumque publicarum conversionibus obnoxia, alias Venetis, alias Hungaris paruit; & nulla civitas Dalmatiæ fuit, quam Veneti sæpius vel amiserint, vel recuperaverint. Demum sæculo decimo quinto ineunte Jaderam Veneti ab Ladislavo rege Neapolitano, qui Dalmatiam Sigismundo regi Hungariæ ademerat, centum millibus nummum argenteorum redemerunt: quæ civitas deinde stabili fide nomini & imperio Veneto in perpetuum adhasit.

Colomanus rex Hungariæ Jaderam, & Dalmatiam Venetis eripuit; utramque Ordela-phus Dux Venetorum recuperavit.

Pro Jadera vel retinenda vel recuperanda Veneticum Hungaris iterum ac sæpius bella gesserunt.

In ea Dalmatiæ, seu veteris Liburniæ regione, quæ inter Jadertinum & Japidicum fretum interjacet, sita est Jadera, marique affidet, quo fere undique circumluitur; nisi quod brevi quodam isthmo & angusto, qua in solem orientem spectat, continenti annectitur. Enona, sive Nona distat in meridiem passuum millia circiter decem. Iter maritimum Pola Jaderam, cum Antoninus quadringentis & quinquaginta stadiis, Plinius centum & sexaginta milliariis definierint, hic longius produxit, ille brevius contraxit, quam urbis utriusque distantia postulat. Idem Antoninus Jaderam ab Salona centum milliarium interjectu disjunctam. Duplo majorem distantiam Plinius interpoluit: Salona Colonia ad Jaderam CCXXII. M. pass. Relicta priori, reliquas notas arithmeticas detrahi oportet, quas librariis, quam Plinio libentius adscripserim. Jadera urbs & natura & situ, & descriptione ædificiorum & pulchritudine inprimis nobilis, mille passuum & quingentorum ambitu circumscripta. Egregiis mœnibus & propugnaculis septa est, aliisque insuper operibus & munitio-nibus firmata. Urbi ab oriente arx adhæret, isthmo imposita, atque ad normam hodiernæ militaris architecturæ sollemniter constructa, validissima ad quaslibet hostiles ab continenti aggressiones vel sustinendas, vel repellendas. Portus ab septemtrione urbi subest, capacissimus navium & classium cujuslibet magnitudinis; ostium in orientem obvertit; binis propugnaculis instructus ad maritimos hostes aditu prohibendos, tutusque ab impetu ventorum australlium ipsiusmet urbis interpositu; viâ aliorum

Jaderæ positio, & descriptio.

ventorum, continentis, atque aggerum objectu infringitur. Palladius Fuscus lib. 1. de situ oræ Illyrici, de positione, opulentia, portu, commercio, agro urbis Jaderæ hæc breviter scripsit. *Ab Nona stadiis circiter octoginta abest Jadera, urbs sane inter Illyricas clarissima, non solum quia Romana colonia fuit, verum etiam quod tam Græcorum, quam Latinorum monumentis celebrata est. Est autem in quadam Liburniæ cervice in occidentis solis partes procurrenti sita . . . a tribus lateribus mari cingitur, nec ulla hodie inter Illyricas existit, quæ a nautis, & maritimis negotiatoribus ultro citroque commenantibus magis frequentetur, vel quod appellere volentibus in opportunissimo loco posita est, portumque pulcherrimum atque tutissimum habet, vel potius quia quovis tempore res usui necessaria ibi venales existunt. Verum ejus ager ante Turcarum incursiones frequens erat, & adeo hominibus abundabat, quod illa civitas sine ullis externis auxiliis decem triremes armare poterat, & sæpe armavit.*

Ædificia,  
& magistratus.

Jadera plurimis ædificiis referta est tum publicis, tum privatis. Est palatium sane amplum & magnificum, in quo diversari solet Provisor generalis totius Dalmatiæ, insignibus propemodum regiis utens, summa rerum omnium potestate præditus, eo comitatu septus sive aulico, sive militari, qui veterem regni Dalmatiæ speciem & majestatem repræsentat. Sunt ædes prætoriaræ, sunt etiam præfecturiæ, & nobiles, & ornatae; in his habitat Præfectus, quem Capitaneum magnum, in illis Prætor, quem Comitatem vocant; uterque ex patricia Veneta nobilitate; alter rem civilem, alter rem militarem administrat. His adde Præfectum arcis, Venerum item patricium, qui etiam quæstoris munere fungitur, ærario publico præpositus. Est forum, est curia, ubi controversiæ disceptantur, jus civibus redditur, de rebus communibus consulitur, & comitia ad creandos urbanos magistratus habentur. Tres sunt ordines civitatis, nobilium, mercatorum, artificum. Consilium publicum ex viris nobilibus constat; e quibus tertio quoque mense Consiliarii quatuor deliguntur, qui Rectoribus civitatis assideant, atque adjumento sint ad rem publicam bene gerendam. Sunt plures in urbe magistratus variis muneribus præpositi, quorum alii viris patriciis, alii civibus inferioris ordinis mandari solent. Habent Jadertini leges sapientissimas, quarum descriptione optimus civitatis status continetur; aliæ ad rem sacram & cultum divinum, aliæ ad rem civilem, militarem, forensem, agrariam, annonariam, itemque ad tributa, & mercimonia pertinent; quæ quidem leges imperantes honesta atque utilia, prohibentelque contraria, quidquid in omni bene morata & constituta civitate ad commune & privatum commodum desiderari potest, distribuit atque ordine persequuntur, & declarant. Hæc omnes in unum codicem collectæ, & Senatus Veneti auctoritate comprobatae, vocantur *Statutum Jadrense*.

Civium Jadrensiun-  
glogium.

Jadertini ad omnem honestatem atque humanitatem natura ipsa facti esse videntur. Ea quippe sunt indole præditi, ut quamvis nullo ductore & magistro admonente, per se ipsi rationem ducem facile sequantur. Comes sunt, perurbani, officiosique tum inter se, tum etiam erga hospites atque advenas, quos sibi benevolentia & obsequio devinciunt, ac de omnibus

bene mereri student. Commode ac bene habitant, & domos habent, pro cujusque conditione ac dignitate, satis amplas & ornatas, & copiosa cujusque generis supellectili lautaque instructas. Munditiem amant in victu, elegantiam in cultu corporis, utramque cum laudabili parsimonia conjunctam; sed cum res ac tempus postulat, in sollemnioribus conviviis, in publicis functionibus & spectaculis, apparatus, pompam, magnificentiam desiderari non patiuntur. Villas habent, in insulis præsertim perpulchre descriptas, æque amœnas & fructuosas; ad quas statim anni temporibus, tum rustican-di gratia, tum rei agrariæ & pecuariæ inspicundæ curandæque causa itare solent; ibique summa cum animi oblectatione, & rerum suarum emolumento commorantur. Ut paucis omnia complectar, nulla fortasse civitas est Dalmatiæ, quæ indole, lingua, moribus, victus cultusque lauitia, ædificiorum descriptione, urbanitate officiorum, omnique vitæ civilis consuetudine, ad civitates Italiæ vel cultissimas propius accedat; ut quicumque apud Jadertinos diversatus, in ipsa media Italia versari se credat. Sunt Jadertini præstantissimo ingenio, acuto & perspicaci; nullumque est genus doctrinæ tam sublimis & reconditæ, quam assequi, in eaque excellere nequeant, si studium ac diligentiam vel mediocrem adhibeant. Sunt singularem in agendo industriam præditi, atque ad difficillima quæque negotia expedienda, resque publicas & privatas curandas quam aptissimi. Sunt etiam indole militari; atque ad pugnam, tum animi tum corporis viribus in primis valent, & studio gloriæ bellicæ maxime ducuntur. Quare plurimi sane ex hac urbe extiterunt illustres viri, alii præclara eruditione atque doctrina ornati, alii magna prudentia & eximia rerum gerendarum scientia excellentes, alii denique rei militaris periti, bellicis præfecturis & laudibus insignes.

Territorium Jadrense partim ex continenti, Territorii  
partim ex insulis constat; & *Comitatus Jaderæ* Jadrenius  
appellatur. In continente longius, quam latius amœnitas  
protenditur; quippe cum pars superior in septemtrionem spectans ad territorium Nonense & secunditas.  
pertineat. Regio in primis amœna est; cæli admodum jucunda salubrique temperie fruitur; partim in colles molliter assurgit, felix præpinguibus glebis, & riguo solo, segetum omnigenarum feraci; castellis porro, pagis, villisque ita referta est, ut vix alia Dalmatiæ regio sit vicis, domiciliis, incolis frequentior. Quatuor sunt loca præcipua, quæ Jadertinorum jurisdictioni subsunt. Zemonicum oppidum non ignobile, duum ferme ab Jadera horarum itinere, scrupulo celsoque loco incumbens; qui cingitur, ut docet Typographus Magni Regni Hungariæ, *Oppida pri-  
muro veteri quidem, sed robusto, quem angulis maria.*  
*de more adnexa propugnacula, & ex his alterum, quod septemtrionem respicit, ad recentioris artis leges conformatum, stabiliunt.* Nadinum sex circiter a Zemonico milliaribus distans, de quo idem Typographus: *Nadinum oppidum, quondam a Gothis eversum, deinde a Venetis in gratiam Jadertinorum fortalitiū haud contemnendū forma donatum, haud procul ab Auranesi Euripo in edito consistit, unde in subjecta undique loca patet prospectus. Statio hæc bis a Turcis capta, toties a Venetis recepta legitur; postremo autem sub anno 1684. ab igne, quem Turcæ sponte digressi applicuerant, adeo fœdata est, ut eam-*

*eamdem a Veneta Republica redintegrari, ac munitionibus instrui oportuerit. Aurana infra Nadinum ad meridiem, ad lacum cognominem sita, olim castellum, & nobilis statio fuit Equitum militiæ templi, locus peramœnus, & domiciliis non ita multis habitatus. Jadera vetus, oppidulum parvum ad mare adjacens, ubi olim Blandona, quam Auctor Itinerarii Antoniani viginti millia passuum ab Jadera disjuncta, postea Belgradum sive Alba Maris, quam Chrobati ædificaverunt, Veneti sæculo duodecimo everterunt; ejusque adhuc rudera & vestigia visuntur. Nunc oppidum est exiguum, & infrequens, quod Jadera vetus appellatur. Id vocabuli unde acceperit, explicatum est Tomo II. Illyr. Sac. pag. 321. & 322.*

*Insulæ territorii Jaderensis præcipuæ.*

*Aliæ longe plures, sed exiguæ.*

Comitatus Jaderensis insulæ plurimæ numero sunt, pleræque circuitu exiguæ; tres ceteris magnitudine præstant; Ullianum & Palmania modico spatio inter se disjunctæ, Jaderino freto adjacent; tertia ab utraque passuum millia fere septem in meridiem distat, omnium maxima, quæ in longitudinem ab occasu in ortum ad triginta milliaria porrigitur. Magnam, aut Longam vulgo appellant; & Sale etiam vocari solet ab oppido ejusdem nominis, ac totius insulæ princeps, quod situm est in angulo extremo, ad orientem & meridiem converso. His aliæ minores circumfulæ propemodum innumerabiles, quarum plerasque scopulos verius dixerim. Prima omnium ab occidente est Melada in sinu Flanatico, quam Porphyrogenitus Meletum, Anonymus Ravennas Geographus Malatam vocant; postrema omnium ab oriente Vergada, quam Porphyrogenitus, Lucio interprete, Lumbricatum appellat; a Palmania brevi euripo interfluo discreta, & familiis focisque admodum paucis habitata. Ceteras intermedias nulla re memorabiles nominare necesse non est. Uberrimis & optimis pascuis ad greges alendos fere omnes abundant. Pleræque vinum etiam, triticum, oleum, & cujusque generis fruges & fructus ferunt. Mare circumfulum piscium apprime ferax, copiosos e piscatu questus insularibus suppeditat. Jaderitini suas villas & possessiones habent non solum in continenti, sed etiam in insulis; utrinque magnos proventus percipiunt. His accedit commercium maritimum multiplex, & valde quæstuosum, ex quo civitas & familiæ privatæ plurimum ditescunt. Ita & mare, & terra, & insulæ, omnium rerum, quas natura desiderat, abundantiam & copiam Jaderitinis contribuant.

*Initia Christianæ religionis apud Jaderenses temporibus apostolicis aequalia.*

*Præfatus Episcopus præter Sanctum Felicem ignotum.*

Christianæ religionis ab Jaderitis susceptæ primordia inde usque a temporibus apostolicis repetenda esse certius videtur, quam ut in dubium revocari possit. Cum Titus, Hermes, Domnius, a principibus Apostolorum Petro & Paulo in Dalmatiam missi, Evangelii lumen illis gentibus intulerint, & Christi cultum in ea regione & finitimis locis longe lateque propagaverint; credibile non est neglectos ab illis fuisse & prætermisissos Jaderinos, quorum civitas secundum Salonam, incolarum numero, divitiarum copia, celebritate nominis ac famæ, inter ceteras Dalmatiæ urbes longe præstabat. Nec vero ab simile est primum illis Episcopum datum fuisse ab ipso B. Domnio, qui suam sedem pontificiam, totius provinciæ principem Salonæ constituerat. Ceterum Jaderensis Episcopatus initia nobis incognita sunt; neque ullum Jaderæ Antistitem nominatim proferre possumus ante S. Felicem,

qui sæculo quarto ad exitum vergente Ecclesiam Jaderinam administravit. Post Felicem usque ad sæculum undecimum Episcopos non amplius septem antiqua monumenta suppeditant, longe pauciores, quam ut seriem pontificalem sexcentorum annorum explere possint. Tantam nominum & actorum episcopaliū stragem multiplex communium rerum conversio, crebra urbis oppugnatio & direptio, veterum tabularum incensio, vetustas demum atque edacitas temporum fecit. Quæ igitur causa & calamitas posteriorum, eadem superiorum ante Felicem Antistitem notitiam posteritati præripuit. Ab sæculo undecimo continuatio serieque Episcoporum & Archiepiscoporum Jaderensium, fidelium litterarum custodiæ commissa, ac nullis fere lacunis interrupta, ad nostram ætatem pervenit. Sæculo duodecimo Eugenius III. Episcopum Jaderensem jure ac titulo metropolitico donavit, tribus eidem ecclesiis Abfrensi, Vegleni, Arbeni contributis; quas metropoli ac provinciæ Spalateni detraxit.

*Sæculo 12. Ecclesia Jaderensis jure metropolitico donata.*

Nihilo certiora sunt initia Capituli Jaderensis. Principio, ut ceteris ecclesiis cathedralibus, sic etiam Jaderinæ suum erat collegium e presbyteris & diaconis constans, qui cum clericis ordinum inferiorum nocturnæ ac diurnæ psalmodiæ operam dabant, quorumque consilio atque opera Episcopus ad regendam suam paræciam utebatur. Is erat Senatus, ut docet Ludovicus Thomasinus, id Episcopi Consilium. Parochiis omnibus clericisque urbanis pariter ac ruralibus dignitate & imperio præerat; & mortuo Episcopo vel absente, universæ dioceseos regimen suscipiebat. Hæc congregatio e presbyteris & diaconis conflata, in quam deinde in aliquibus ecclesiis recepti sunt etiam subdiaconi, postquam scilicet hic ordo inter sacros annumerari, & lege castitatis obstringi cœpit, nunc Capitulum dicitur; & in eam qui cooptati sunt Canonici vocantur. Habebant Jaderitini Canonici ædes communes prope palatium episcopale; quæ quidem ædes fortuito incendio conflagrarunt, nec postea restitutæ sunt; sed area universa, quam occupabant, ad hortos archiepiscopales amplificandos accessit. Suus erat Capitulo Jaderensi Archidiaconus, dignitate, & auctoritate princeps omnium Canonorum; sed hujus mentionem sæculo undecimo antiquiorem nullam invenio. Anno autem 1091. Majus Archidiaconus fideliter scripsit sententiam Andreæ Episcopi Jaderensis, quam tulerat secundum Vekenegam antistitam cœnobii Mariani Jaderensis.

*Vetus Capitulum.*

Sunt qui existimant collegium Canonorum Jaderensium institutum fuisse a Petro de Metafaris Archiepiscopo, qui sæculo decimo quarto Jaderinam provinciam administrabat. Sed potius ab eo restitutum, sive auctum, atque ad veteris disciplinæ & juris canonici normam reformatum esse dixerim. Jamdudum siquidem civiles discordias, & bellicos tumultus, reditusque mentis capitularis alio distractos & amissos, prope dissolutum fuerat; & qui supererant ex ordine Canonorum, cum presbyteris & clericis aliarum ecclesiarum permixti, nullo fere canonice societatis vinculo inter se colligati erant; ex quo fieri necesse fuit, ut cultus divinus in æde metropolitana magis magisque in dies obsolesceret; & pauci essent, qui statis horis chorum frequentarent, debitas Deo laudes persolverent, ac cetera publicæ religionis officia peragerent. Suum tamen titulum retinebant Archi-

*Capitulum Jaderense a Petro de Metafaris Archiepiscopo restitutum, auctum, reformatum.*

# 8 ECCLESIA JADERTINA.

chidiaconus, Archipresbyter, Primicerius, quibus cum conjuncti parochi & primores quinque ecclesiarum collegialium, quæ tum in urbe erant, totius cleri Jadrensis principatum gerebant. Itaque Petrus effecit, ut rursus in Capituli unius corpus coalescerent, eosque in antiquum statum & pristinam formam ac dignitatem restituit. Canonicos omnino duodecim esse voluit, hisque, ut antea, & loco & dignitate antecedere Archidiaconum, Archipresbyterum, & Primicerium. Hanc novam descriptionem Capituli, itemque totius cleri metropolis Jadertinae integram habes in actis ejusdem Petri Archiepiscopi. Ad Capitulum Jadrense ex antiqua ecclesiæ disciplina pertinebat jus eligendi Episcopos & Canonicos, ne illis quidem tribus exceptis, qui loci ac dignitatis primatum tenent. Duplicis etiam sigilli capitularis privilegio ex regum concessione gaudebat; alterum erat rotundæ, quo ecclesiasticæ, alterum ovalis figuræ, quo civiles publicæ privatæque tabulæ obsignari solebant. Utrumque Capitulo non honorificum modo, sed etiam quæstuosum erat. Nam in omnibus ferme rebus publicis, privatis, forensibus, domesticis contrahendis, ut rerum contractarum fides & auctoritas constaret, opus erat signi capitularis impressione; pro qua aliquid pecuniæ ab iis, quorum intererat, persolvi debebat. Itaque uni de Capitulo sigilli utriusque custodia committi solebat, cum potestate quælibet acta obsignandi, quem vocabant Custodem sigilli; lucrum vero inde percepti partem ipsemet custos sibi vindicabat, partem Canonici inter se dividebant.

Privilegium sigilli Capituli Jadrensis concessum.

Ædes cathedralis vetus titulum S. Petri cum titulo S. Anastasie commutavit.

Collegialis ecclesia S. Simeonis Prophetæ.

Antiqua ædes cathedralis primum titulo ac patrocinio suberat S. Petri principis Apostolorum, in cujus honorem consecrata fuerat; sed sæculo nono post corpus S. Anastasie martyris illuc inductum, & Constantinopoli translatum, ab S. Anastasia vulgo cognominari cœpit: qui ritulus Anastasianus una cum ejusdem martyris corpore in ædem novam migravit. Hanc jam pridem inchoatam, sæculo decimo tertio absolvit, & ritu sollemni consecravit Laurentius Periander Archiepiscopus Jadrensis. Ibidem loci, ubi vetus fuerat, nova constructa est, sed longe augustior & magnificentior, de qua in eodem Periandro Archiepiscopo. Huic proxime adjacet palatium archiepiscopale, opere sumptuose magnifico exstructum, quod magnitudine ambitus, descriptione partium, elegantia structuræ, ceteras Antistitum Dalmatiæ ædes pontificias longe multumque superat.

Sex erant in urbe ecclesiæ, quas vocant collegiatas, sive collegiales, S. Salvatoris, nunc S. Antonii, S. Petri veteris in foro parvo, S. Petri novi in foro maximo, S. Michaelis, S. Stephani, nunc S. Simeonis Prophetæ, & S. Mariæ Majoris. Quinque prioribus sublati, quarum proventus Petrus Archiepiscopus partim episcopali, partim capitulari mensæ attribuit, postremam S. Mariæ eidem Archiepiscopo intactam reliquit. Sed hæc, cum Veneti ædem Mariæ diruissent, ut novis operibus munitionibusque urbem ab ea parte firmarent, translata fuit ad templum S. Stephani, sive S. Simeonis Prophetæ, quæ etiamnum viget, constatque quatuor presbyteris, tribus diaconis, totidemque subdiaconis & acolythis, qui divinæ psalmodiæ ac liturgiæ quotidianam operam navant. Unus his omnibus præest, Plebani titulo ac dignitate præditus.

Inter cetera urbis templa illud singulari commemoratione dignum est, quod sæculo nono ad latum sinistram ædis cathedralis S. Donatus Episcopus extruxit, & Sacrosanctæ Trinitati dedicavit. Opus plane eximium figuræ orbicularis. Nunc ab S. Donato titulum habet, cujus corpus ibidem asservatur. Multa sunt in civitate pia sodalitia, multa in omnibus vicis templis & sacella, ex quorum multitudine ornatuque religio & pietas Jadrensis maxime elucet. Nec desunt vel ad curandos ægrotos, ac præsertim milites Nosocomia; nec Mons pietatis ad inopum & egentium necessitati consulendum. Cœnobium ac cœtus hominum vel mulierum, vitæ religiosæ vinculo, & monasticæ disciplinæ jure lociati sunt novem omnino. Antiquitate ac dignitate omnibus antecedit monasterium Benedictinum S. Chrysogoni martyris, cum insigni basilica, in qua hujus sanctissimi martyris corpus conditum ferunt. Cœnobium Franciscanum rigidioris observantiæ inde usque ab hujus ordinis primordio ædificatum fuit, & cum templo eidem adjuncto a S. Francisco nunc cognominatur. Suum itidem in urbe domicilium habent Patres tertii Ordinis Franciscani, quibus ædes S. Joannis, nunc S. Silvestri attributa fuit. Erat vetustissimum templum S. Platonis Monachi, qui pro cultu sacrarum imaginum contra Iconomachos egregie decertavit. Hoc sæculo decimo tertio magnificentius auctum ac restitutum, una cum monasterio ibidem a fundamentis exstructo, Patribus Dominicanis Jadertini tradiderunt; exinde ab S. Dominico titulum accepit. Duo sunt collegia sacrarum Virginum Ordinis Benedictini, unum S. Mariæ, quod Cresimirus rex Croatiae & Dalmatiæ sæculo undecimo fundavit, & optimis vestigalibus instruxit, ut Cichæ sororis suæ pio desiderio obsequeretur, quæ sumpto habitu monachali, prima ejusdem Antistita fuit; alterum S. Catharinæ, quod anno 1391. Petrus de Matafaris Archiepiscopus condidit, donatum ex bonis sane copiosis, quæ huic cœnobio instituendo Franciscus Chrysogonus testamento legavit. Duo præterea antiquitus erant collegia virginum ejusdem Ordinis Benedictini, unum videlicet S. Nicolai, alterum S. Demetrii. Utrumque primum quidem virgines sub regula S. Claræ, secundum virgines sub regula S. Domitici recepit. His quintum accessit virginum Nonensium, quæ bello Cyprio fervente cum ob metum Turcarum Jaderam translata fuissent, eidem attributum est domicilium & templum S. Petri veteris, quod deinde ab S. Marcella cognominari cœpit, cujus corpus Nona translatum ibidem servatur & colitur.

Templum insigne S. Donati Ep. Jadren.

Cœnobium utriusque sexus.

Nec prætercunda est ædes S. Eliæ Prophetæ, quam frequentant & colunt advenæ ritus Græci, patriis sedibus vel a Turcis ejecti, vel sponte relicti, atque Jaderam permisso Senatus Veneti sub ea conditione recepti, ut, sanctissimis Ecclesiæ orientalis ritibus & caerimoniis obtemperantis, vinculo catholicæ fidei, sinceræque obedientiæ conjuncti essent cum Ecclesia Romana, & Archiepiscopo Jadertino subiecti. Extat etiam Seminarium archiepiscopale, quod sæculo superiori Bernardus Florius Archiepiscopus prescripto & norma Concilii Tridentini ad clericos bonis litteris ac moribus imbuentes instituit. Huic Vincentius Zmajavichius Archiepiscopus alterum adjecit Illyricis clericis erudiendis. Ecclesia & civitas Jadrensis plurimis & insigni-

Ædes S. Eliæ & Seminarium archiepiscopale.



Divorum reliquiis, quas ecclesia & civitas Jaderensis veneratur. gnis Divorum reliquiis referta est, quas antiquitate, qua & eximia religione veneratur, quarumque praesidio tum publica, tum privata salus & felicitas nititur. Harum catalogum ad nos transmissum, si huic loco intexerem, facturus operae pretium mihi videor.

„ In Basilica Metropolitana.

„ Ossa & cineres S. Anastasiae martyris. Con-  
„ duntur in arca marmorea, ejusdem arcae inserta.  
„ Corpora Sanctorum virginum & martyrum  
„ Irenes, Agapes, & Chioniae, loculo itidem  
„ marmoreo inclusa, subter altare maximum.

„ In Sanctuario ejusdem basilicae.

„ Ossa S. Zoili confessoris in arca cypressina  
„ picta & inaurata, cui inscriptum est: Ossa  
„ S. Zoili confessoris.

„ Maxilla inferior S. Anastasiae in ejusdem  
„ simulacro argenteo.

„ Cranium S. Sixti martyris in ejusdem iti-  
„ dem simulacro argenteo.

„ Caput integrum S. Leonardi in theca ar-  
„ gentea.

„ Ex capite S. Mariae Magdalenae, quod in-  
„ clusum est in capite argenteo cum hac epi-  
„ graphe.

„ Ne desperetis vos, qui peccare soletis,  
„ Exemplo meo vos reparate Deo.

„ Pars capitis S. Marthae virginis itidem in  
„ capite argenteo.

„ Caput S. Jacobi martyris in theca argen-  
„ tea, cui haec epigraphe insculpta est: Ego  
„ Bosna jussi fieri hanc capsam in honorem S. Ja-  
„ cobi martyris ob remedium animae viri mei,  
„ & animae meae.

„ Caput S. Orontii martyris in capsula ar-  
„ gentea.

„ Pars capitis S. Georgii in capite argenteo.

„ Humerus S. Marci Evangelistae in theca  
„ argentea.

„ Brachium S. Donati Episcopi Jaderensis; cui  
„ condendo elaboratum fuit brachium ex auro  
„ solido & purissimo, pretiosis margaritis &  
„ gemmis ornatum, eique haec inscriptio inci-  
„ sa: Rex Colomane Rexor Amandavia hoc bene  
„ fecisti, retribuit tibi quod voluisti.

„ Alterum ejusdem brachium in altero iti-  
„ dem argenteo brachio, cum hac epigraphe:  
„ Brachium S. Donati Episcopi.

„ Articulus ex digito S. Joannis Baptistae in  
„ brachio argenteo inclusus.

„ Brachium S. Euphemiae in aurea theca ad si-  
„ militudinem brachii conformata, plurimis  
„ ibidem margaritis intexta, & inscripta his li-  
„ teris: Praestantius cum uxore sua Dobra fieri  
„ fecit.

„ Pars brachii S. Zoili confessoris in vase  
„ crystallino, laminis argenteis instructo.

„ Brachium S. Sixti in brachio argenteo;  
„ item in altero brachio argenteo brachium S.  
„ Ildori Episcopi, quod Chaica uxor Demetrii  
„ fieri fecit, ut ibidem inscriptum est.

„ Pars cranii S. Ursulae in theca crystallina  
„ variis argenteis ornamentis distincta.

„ Reliquiae Sanctorum Innocentium, & Mar-  
„ thae in pyxide crystallina.

„ Spina ex corona Christi Domini, & frag-  
„ mentum spongiae eidem ad potandum acetum  
„ adhibita, in theca crystallina, quatuor ex  
„ argento draconibus innixa.

„ Tres digiti S. Donati in totidem thecis ar-  
„ genteis.

„ Pes uterque S. Chrysogoni in duabus the-

„ cis ex argento, ad pedis similitudinem con-  
„ fectis.

„ Ossa S. Donati in arcula lignea, argenteis  
„ laminis undique oblecta; cui titulus inscri-  
„ ptus: Hoc opus factum fuit tempore nobilium  
„ virorum Viti Gandali, Ulcinae de Martinusis,  
„ & Pauli de Galleis Anno Domini 1326.

„ Reliquiae S. Martini in tabula quadrata ob-  
„ longa ex solido argento, & his litteris in-  
„ cisa: Paulus Martinus, & Mladenus Croa-  
„ tia praesides S. C. P. fieri jusserunt; Donatus  
„ vero Britannicus, & Candidus, & Grisogo-  
„ nus Nassius, procuratores fabricae, vetustate  
„ deformatam de Robobelli Antistitis consensu in  
„ melius restituerunt anno 1496.

„ Reliquiae S. Danielis Prophetae in tabulam  
„ argenteam insertae, in qua caelatae sunt effi-  
„ gies Sanctorum Petri & Pauli, itemque S.  
„ Danielis, & epigraphe incisa: Paulus Banus  
„ Croatorum & totius Bosnae Dominus me fe-  
„ cit ad honorem S. Petri, S. Pauli, & S. Da-  
„ nielis Prophetae.

„ Caput Virginis unius de sociis S. Ursulae  
„ in capsula cypressina eleganti opere caelata.

„ Plures Divorum reliquiae duabus crucibus  
„ argenteis infixae.

„ Aliae itidem multae particulae ex Divorum  
„ exuviis decerpatae in duabus arculis, altera ar-  
„ gentea, altera eburnea.

„ Extat itidem tabula quadrata oblonga,  
„ quam circumcirca exornat corona ex ebene  
„ & argento, mira arte facta, & plurimis San-  
„ ctorum reliquiis referta apte sciteque dispo-  
„ sitis; inter quas principem locum obtinet  
„ fragmentum, ex ligno Sacrosanctae Crucis.

„ In Templo S. Donati proximo Basilicae  
„ Cathedrali.

„ Corpus ejusdem in arca marmorea cum  
„ hac inscriptione ibidem insculpta: Ossa S. Do-  
„ nati Archiepiscopi.

„ In Aede S. Mariae.

„ Caput S. Gregorii Papae in theca argentea,  
„ Caput S. Quirini martyris in capite argen-  
„ teo inaurato.

„ Ossa S. Andreae Apostoli, & S. Marci Evan-  
„ gelistae in theca argentea.

„ Fragmenta ex ossibus S. Anastasiae, & S.  
„ Simeonis Prophetae, itemque duo dentes, al-  
„ ter S. Mariae Magdalenae, alter S. Benedicti  
„ abbatis in theca crystallina laminis argenteis  
„ ornata.

„ Varia fragmenta ex capite S. Euphemiae,  
„ ex ossibus S. Zoili confessoris, ex columna  
„ Christi Domini, ex ligno Sanctissimae Cru-  
„ cis, ex indusio S. Agnetis, ex reliquiis S. Mar-  
„ tini, suis quaque arculis inclusa, partim ar-  
„ genteis, partim crystallinis.

„ In Aede S. Silvestri, nunc S. Crucis.

„ Reliquiae S. Fausti in capite argenteo.

„ Brachium S. Priami martyris in brachio  
„ argenteo.

„ Ex brachio S. Donati fragmentum in bra-  
„ chio argenteo.

„ Reliquiae S. Marcellae in vase ex crystallo  
„ & argento. In duobus vasis ejusdem operis  
„ ac materiae

„ Reliquiae S. Rogerii & S. Christophori.

„ Velum S. Barbarae in vase argenteo &  
„ crystallino.

„ Ex lacte B. V. in vasculo argenteo.

„ In Aede S. Chrysogoni.

„ Reliquiae S. Ursini martyris & costa S.

„ Lu-

- „Lucia in capsula crystallina.  
 „Lapis, in quo S. Chrylogonus caput gladio supposit.  
 „Corpus ejusdem S. Chrylogoni, sed locus ignotus, in quo conditus est.  
 „In Aede S. Rocchi.  
 „Caput S. Zoili confessoris in theca argentea.  
 „In Aede S. Marcellae.  
 „Ex ossibus S. Casimiri, S. Adriani mart., S. Floriani mart., S. Agapiti mart., S. Felicis mart., itemque ex reliquiis S. Marcellae virginis, S. Margaritae virginis & mart., S. Petri martyris, Sanctorum Lucani & Theophanis martyrum, SS. Hermetis & Bonifacii martyrum fragmenta, in aliis atque aliis thecis partim crystallinis, partim argenteis.  
 „In Aede S. Catharinae.  
 „Caput S. Justae virginis & martyris, digitus S. Donati Episcopi, itemque S. Ambrosii Episcopi, & reliquiae S. Catharinae virg. & mart. in quatuor vasis argenteis.  
 „In Aede S. Demetrii.  
 „Reliquiae S. Helenae, & S. Demetrii in duabus thecis argenteis.  
 „Reliquiae S. Joannis Baptistae, & aliorum Divorum insertae cruci argenteae.  
 „In Aede S. Nicolai.  
 „Plura fragmenta ex reliquiis S. Nicolai, & S. Clarae, ex ligno S. Crucis, ex columna Christi Domini, itemque brachium S. Bonifacii & manus S. Agapiti mart. quae omnia inclusa sunt totidem thecis vel argenteis vel crystallinis. Crux itidem & tabella aliarum Divorum reliquias utrobique infixas exhibet.  
 „In Aede S. Simeonis Prophetae.  
 „Corpus ejusdem integrum, & ab omni parte intactum in arca ex argento solido, mirae arte facta, & praeclaris operibus calata.  
 „In Aede S. Dominici.  
 „Digitus S. Dominici; duo frustula, alterum ex brachio S. Thomae Aquinatis, alterum ex brachio S. Andreae Apostoli; pes S. Helenae, S. Constantini, particula ex ligno S. Crucis, in quinque thecis ex argento & crystallo.  
 „Diocesis Jadrensis varios pro temporum varietate fines habuit; ac principio quidem amplissimos, cum pauci essent in Dalmatia Episcopi. Post Nonensem & Belgradensem Episcopatus institutos, terminis admodum exiguis continebatur, ut docet Thomas Archidiaconus cap. xv. Hist. Salon. *Jadrensis Episcopatus non magnam habuit parochiam, propter vicinitatem Nonensis & Belgradensis Episcopatum.* Nunc vero his regionibus circumscribitur. Ab occasu & septentrione Nonensi, ab orienti Scardonensi diocesi terminatur. A meridie vero oram, quam fretum Jaderinum praeterfluit, in longitudine millia passuum circiter triginta productum, & omnes ex adverso insulas, cum possidemus ad occasum insulas sinus Flanatici, itemque partem insulae Pagi, qua spectat in orientem, complectitur. In continenti oppida praecipua diocesis Jaderinae eadem sunt, quae supra diximus territorii Jadrensis finibus includi, videlicet Zemonicum, Nadinum, Aurana, Jadera vetus. Prima ab occasu insula in sinu Flanatico ad diocesim Jaderinam pertinens est Mesada; in qua olim erat coenobium monachorum, Ordinis Benedictini, cujus Abbas anno 1247. traditur in monumentis Traguriensibus quoddam libros vendidisse Gervasio Subdiacono & Dese Katarizzae procuratoribus ædis Lauren-

tianae Traguriensis. Pagus, olim Gissa, insula ejusdem sinus Flanatici bipartito divisa est; qua spectat in occasum Arbeni, qua vergit ad solem orientem, olim Nonensi, nunc Jaderino Antistiti subest. Primarium insulae oppidum ad septentrionem contra litus Japidicum, cui itidem Pago nomen est, ad jurisdictionem Ecclesiae Jadrensis pertinet. In eo insigne est collegium ex duodecim Canonicis constans, quibus Archipresbyter praest, cui etiam commissa est procuratio animarum; huic Blasius Archiepiscopus Primicerium adjunxit, qui locum honoris ac dignitatis Archipresbytero proximum tenet. De possessione hujus insulae atque urbis magnae contentiones Jaderinis fuisse non solum cum Arbensibus, sed etiam cum ipsis Pagenis, qui ex jurisdictione Antistitis Jaderini se subtrahere, & proprium sibi Episcopum constituisse nitebantur. In oppido duo sunt coenobia, alterum S. Antonii, quod Patres Dominicani, alterum S. Francisci, quod Patres Franciscani, quos vocant Conventuales, obtinent; itemque collegium est satis frequens virginum Ordinis Benedictini, quod a S. Margarita cognominatur. Nobilis olim erat apud Ullianum insulam, atque opulenta S. Benedicti Abbatia, collem S. Michaelis insidens, quam Pius V. Abbatem commendatario adeptam cum ejus redditibus attribuit Patribus Dominicis Jaderinis. In eadem insula coenobium est Franciscanum severioris disciplinae ab S. Hieronymo cognominatum. Ulliano scopulus adjacet situs in freto Jaderino, ubi parvum monasterium, quod a Patribus Franciscanis tertii ordinis incolitur. Sed iidem Patres coenobium paullo majus & numerosius possident in Insula magna sive longa apud Zaglavem, vicum ejusdem insulae, quod a Gregorio Marganio Bolnensi, homine aequo pio ac divite, post Bosnam a Turcis captam anno 1470. ædificatum ac dotatum ferunt. In extremo insulae Palmaniae ad orientem angulo est perantiquum monasterium SS. Cosmae & Damiani, cui nunc Abbas commendatarius praepositus est, habitaturque a paucis monachis instituti Benedictini, qui ab ceteris ejusdem ordinis congregationibus sejuncti, sui sunt juris, atque ad psalmodiam & liturgiam peragendam lingua Slavonica utuntur. Ibidem in oppido primario & cognomine ipsius insulae extat non ignobile coenobium Patrum e Franciscana familia, quibus ab observantia cognomen est. Vergada postrema est orientem versus insula diocesis Jaderinae. Praeter parochiam urbanam S. Eliae, duae sunt in diocesi parochiae ritus Graeci, sive Serbiani; altera S. Michaelis in Pago, cui nomen est *Miragne*, huic subsunt villae omnino decem; altera est S. Georgii in Vico, cui nomen est *Smovichio*, & sex ipsas villas complectitur. Nunc explicanda est series Episcoporum & Archiepiscoporum Jadrensi.

## Episcopi Jadrenses.

- I. S. Felix Episc. an. 380.  
Lacuna annorum 140.
- II. Andreas an. 530.
- III. Sabinianus an. 590.  
Lacuna ann. 200.
- IV. S. Donatus an. cir. 800.
- V. Vitalis an. circ. 870.
- VI. Firminus an. 911.
- VII. Basilius an. 969.

VIII.

Descriptio  
diocesis Ja-  
drensis.Oppida &  
insulae.Episcopi  
& Archiep.  
Jadrenses  
recenten-  
tur.

- VIII. Anastasius an. 978.  
 IX. Præstantius an. 1018.  
 X. Andreas II. an. 1029.  
 XI. Petrus an. 1044.  
 XII. Andreas III. an. 1056.  
 XIII. Stephanus an. cir. 1060.  
 XIV. Andreas IV. an. 1072.  
 XV. Stephanus II. an. 1073.  
 XVI. Andreas V. an. circ. 1090.  
 XVII. Gregorius an. 1101.  
 XVIII. Marcus an. 1111.  
 XIX. Micha an. 1124.  
 XX. Petrus II. an. 1138.  
 XXI. Lampridius an. 1141.

Archiepiscopi Jadrenses.

- I. Lampridius idem Archiep. an. 1146.  
 II. Thebaldus an. 1180.  
 III. Damianus electus an. 1183.  
 IV. Petrus el. an. 1187.  
 V. Nicolaus el. an. 1198.  
 VI. Leonardus an. 1208.  
 VII. Joannes an. 1218.  
 VIII. Thomas el. an. 1238.  
 IX. Dominicus an. 1238.  
 X. Laurentius an. 1247.  
 XI. Andreas el. an. 1287.  
 XII. Joannes II. an. 1291.  
 XIII. Henricus an. 1297.  
 XIV. Jacobus an. 1300.  
 XV. Alexander an. 1312.  
 XVI. Nicolaus II. an. 1314.  
 XVII. Joannes III. an. 1320.  
 XVIII. Nicolaus III. an. 1333.  
 XIX. Dominicus II. an. 1367.  
 XX. Petrus II. an. 1376.  
 XXI. Joannes IV. el. an. 1398.  
 XXII. Lucas an. 1400.  
 XXIII. Blasius an. 1420.  
 XXIV. Laurentius II. an. 1428.  
 XXV. Polydorus an. 1449.  
 XXVI. Maphæus an. 1450.  
 XXVII. Joannes V. an. 1496.  
 XXVIII. Alexander II. an. 1503.  
 XXIX. Joannes VI. an. 1504.  
 XXX. Franciscus an. 1505.  
 XXXI. Ægidius an. 1530.  
 XXXII. Cornelius an. 1533.  
 XXXIII. Aloysius an. 1554.  
 XXXIV. Mutius an. 1555.  
 Aloysius iterum an. 1566.  
 XXXV. Andreas II. an. 1567.  
 XXXVI. Natalis an. 1577.  
 XXXVII. M. Antonius an. 1582.  
 XXXVIII. Aloysius II. an. 1592.  
 XXXIX. Aloysius III. an. 1592.  
 XL. Minutius an. 1596.  
 XLI. Victor an. 1604.  
 XLII. Lucas II. an. 1615.  
 XLIII. Octavianus an. 1624.  
 XLIV. Benedictus an. 1639.  
 XLV. Bernardus an. 1642.  
 XLVI. Theodorus an. 1656.  
 XLVII. Evangelista an. 1669.  
 XLVIII. Victorius an. 1688.  
 XLIX. Vincentius an. 1713.  
 L. Matthæus an. 1746.

Post historiam Ecclesiæ Jaderinæ absolutam, atque ad prælum paratam, mihi allatus est Jadera Commentarius rerum ecclesiasticarum Ja-

drensiū, quem confecit Valerius de Ponte Archidiaconus ejusdem ecclesiæ, vir doctissimus, & Dalmaticæ antiquitatis diligentissimus investigator. Hunc nobis curavit, & Patavium transmisit Antonius Daniel Thomasonus, vir excellenti ingenio, præclara doctrina & eruditione, singularique humanitate præditus, cujus erga me, itemque Jacobi ejus parentis viri clariss. & medicis præstantissimi merita tanta sunt, ut nullam eorum partem, non modo referenda, sed ne cogitanda quidem gratia consequi possim. Auctor hujus Commentarii non solum ea confirmat, quæ a nobis jam sunt exposita; sed de structura & magnificentia ædis cathedralis, de antiquitate & institutione, seu potius restitutione, & privilegiis Capituli Jadrensis, de templis ac monasteriis cum urbis, tum diocesis, eorumque conditoribus plura, quam nos, & accuratius persecutus est. Quare factum me operæ pretium censui, si ad nostrum Commentarium historiæ Jadrensis Ecclesiæ præpositum, hunc quoque supplementi causa adjungerem. Brevem catalogum Antistitum Jaderæ, quem Valerius suo Commentario subjecit, quemque antea jamdudum nactus fueram, prætermittendum putavi, cum nihil afferat, quod in describendis Episcoporum actis nostram notitiam & descriptionem effugerit. Sæpe tamen ex hoc catalogo Valerium testem a nobis citatum invenies.

Rerum Ecclesiasticarum Jadrensiū

COMMENTARIUS

AUCTORE VALERIO DE PONTE

Archidiacono Jaderino.

„ J Adra seu Jadera urbs est Illyrici antiquissima Græcis & Latinis Scriptoribus satis nota, a Porphyrogenito Diodora dicta, Dalmatiæ princeps, olim Romanorum Colonia, nunc post varias dominationum vicissitudines in ditione Venetorum posita. Quæ de ejus origine ab imperitis dictitantur commentitia sunt. Sita est in lingua quadam veluti peninsula, quæ mari Adriatico circumquaque alluitur, ac duplici fossa a continenti dirimitur, aggeribus munitissima, ac in exteriori fronte latissima arce ac latenti anteride protecta stat firmissimo reipublicæ christianæ propugnaculum adversus Turcarum potentiam, quibus vix \* quatuor milliariibus contermina est. Adjacet ab aquilone portus tutam præbens classibus stationem, a meridie gemina serie insularum vallatur, quæ irruentem pelagum arcent; ab insulis ad continentem interjacet sinus non exiguus, ad partes orientis & ad omnem Italiæ oram frequens, & pervius. Mare etiam præ ceteris copiosum. Agrum \* habebat olim latissimum ac amœnum, nunc Turcica tyrannide alicubi fere ad littora coarctatum. Solum omnigenis fructibus ferax congruum vitæ humanæ præbet alimentum. Quod si colonis industriis abundaret, uberioribus etiam regionibus vel ad delicias non invideret. Assiduū vel copiosum cum Turcis commercium, qui è remotis etiam provinciis Jaderam veluti ad emporium confluunt. Cives pietate ac moribus Italicis satis imbuti Italico quoque more vestiuntur, lingua vero Italica promiscue cum Slava utuntur, sed hæc

„ vul-

„ vulgo & rusticis vernacula & usualis est. Re-  
 „ liqui agri incolæ fidei Christianæ tenacissimi,  
 „ & infidelibus finitimi, armisque strenui, ho-  
 „ stium impavidi, cultura non satis industrii,  
 „ sed hospitio ita effusi, ut frugalitatem & par-  
 „ simoniam inter dedecora ac probra numerent,  
 „ quorum domus semper patent, nec notum ab  
 „ ignoto distinguunt.

„ Ceterum ingenui, prout ceteris Dalmatis,  
 „ versatili & ad omnes artes ac scientias per-  
 „ discendas aptissima, ni educationis numero  
 „ animorum cultus in provincia ex inopia de-  
 „ ficerent. Testes viri Dalmatæ scholis Italicis  
 „ exculti, qui haud impares se ostendunt alia-  
 „ rum nationum alumnis, litterarumque pro-  
 „ fessoribus, quorum alii vel primarias digni-  
 „ tates adepti sunt, alii vero sua sorte conten-  
 „ ti illas promerente gaudent.

„ Nec omittendum est nobile elogium ad por-  
 „ tam continentis positum, ingenti sumptu, &  
 „ Veneta magnificientia erectum, quod tale est:  
 „ Cum urbem Dalmatiae principem olim P. R.  
 „ Coloniam Senatus Venetus munitam & ab omni  
 „ hostium impetu tutam redderet, Marcus An-  
 „ tonius Didus Comes, Michael Salamonus Præ-  
 „ fectus Portam hanc summa cura construi cura-  
 „ vere MDXXXI.

„ Jaderam vero fuisse Romanorum Coloniam  
 „ testantur Plinius & Ptolemæus; eamque ante  
 „ Augustum deductam & ab ipso restauratam  
 „ testatur lapis e ruderibus veterum murorum  
 „ erutus, & insitus parieti hortorum Capituli  
 „ Nonæ, in regione portæ catenarum, cujus  
 „ inscriptio sic se habet.

IMP. CÆSAR. DIVI. F. AUG.  
 PARENS COLONIAE MVRVM  
 ET TVRRIS DEDIT

T. IVLIVS. OPTATVS. TVRRIS. VETVSTATE.  
 CONSVMPTRAS. INPENSAS. SVA. RESITVIT.

„ In calce ejusdem lapidis appositum est disti-  
 „ chon docens quando exposita fuit, & talis est.  
 „ Urbe hac Præfectus Sanuta ex prole Marinus  
 „ Me struxit tandem Veneto Dominante Senatu.  
 „ Idem quoque indicat descriptio Acquædu-  
 „ ctus, quo Trajanus ex Titio flumine tractu  
 „ 30. milliarium aquas copiosas Jaderam de-  
 „ rivavit, quæ inscriptio est mutila in lapide  
 „ detruncato; Jaderam fuisse Coloniam testa-  
 „ tur sic.

IMP. NERVA. TRAIAN...  
 PONTIF. MAX. TR...  
 AQVEDVCTVM COLON...  
 IN. QVO. DANTE. IMPEN...  
 SACRATISSIMI. PRINCI...

„ Plurimi etiam lapides antiqui sepulcrales  
 „ honorarii & votivi in eadem civitate repe-  
 „ riuntur ejus nobilitatem testantes, quos Jo-  
 „ annes Lucius inter inscriptiones Dalmaticas a  
 „ se collectas inseruit, & cum memoriis Tra-  
 „ guri edidit.

„ Hactenus rei Jadrensis geographica ac ci-  
 „ vilis facies: nunc ad ecclesiam, quæ nobis po-  
 „ tior est, transeamus.

„ De Jadrensis Ecclesiæ origine nihil certi;  
 „ nam quo tempore Jadræ civitas christianæ  
 „ militiæ nomina dederit ignotum est.

„ Attamen haud temere conjectare, si in  
 „ ipso nascentis Ecclesiæ exordio Christum in-  
 „ duisse assererem. Etenim si Dominus Petri

„ Apostoli discipulus Salonas Deo Christoque  
 „ peperit, quomodo eum latere potuit Jadra  
 „ nobilis Romanorum colonia, quin eam quo-  
 „ que Christi fide imbueret, & evangelicis præ-  
 „ ceptis erudiret.

„ Certiores fidei christianæ parentes incom-  
 „ perti. Quid enim barbarorum sæda colluvies,  
 „ quæ sæpius Dalmatiam invasit ac funestavit,  
 „ perdere ac obliterare non potuit?

„ Nihil mirum si cum regionis excidio re-  
 „ rum maxime ecclesiasticarum memoria quo-  
 „ que exciderit. Ceterum quæ barbaries non  
 „ delevit, dominationum vicissitudo & incola-  
 „ rum incuria oblivione involvit.

„ Ecclesiam Jadrensem Episcopi a principio  
 „ habuere. Neminem Felice antiquiorem repe-  
 „ rio. Felix vero, Sabinianus, Donatus, &  
 „ Vitalis longo annorum intervallo ita dissident,  
 „ ut istos temporum hiatus implere seriemque  
 „ Episcoporum deficientium colligere minime  
 „ licuerit.

„ Reliqui ita se contingunt, ut fere nemi-  
 „ minem omisum suspicari possit.

„ Episcopos Jadrenses contumacia ad Archie-  
 „ piscopatum evexit. Micha enim Episcopus,  
 „ seu Michael, Ipe Archiepiscopus Spalatenfis  
 „ frustratus ac delusus, Metropolitanæ Spalatenfi  
 „ obedientiam primus detrectavit, novamque  
 „ provinciam meditari ac tibi moliri cepit,  
 „ prout refert Thomas Archidiaconus Spala-  
 „ tensis cap. 19.

„ Tum Petrus ejus successor in eadem con-  
 „ tumacia perseveravit. L. n. pridius tandem ju-  
 „ ra Metropolitæ ac pallii insignia a Sede Apo-  
 „ stolica obtinuit. Ceterum Archiepiscopus post  
 „ gravia Jadrensiū reluctantium discrimina  
 „ Gradenlem Patriarcham Primatem suum agno-  
 „ scere cogitur, de quo idem Lucius de regno  
 „ Dalmatiæ & Croatia lib. 3. cap. 11. latissi-  
 „ me agit, & Ughellus eodem Tom. 5. qui re-  
 „ citat bullas Pontificum Primatum Patriarchæ  
 „ Gradenli deferentes.

„ Jadrensi Archiepiscopo tres suffragantur E-  
 „ piscopi, nempe Auxerensis, Veglensis, & Ar-  
 „ benfis, qui ejus provinciam constituunt. Nam  
 „ sicuti Venetis adniventibus Archiepiscopus  
 „ Jadrensis Sedis Apostolicæ gratiam ac pallium  
 „ adeptus est, ita eorum quoque ope, præfati  
 „ tres Episcopi civitatum, quæ Veneris tunc  
 „ parebant, in illius provinciam redacti sunt;  
 „ ceteris Dalmatiæ civitatibus juris Croatici  
 „ existentibus Archiepiscopo Spalatenfi rema-  
 „ nentibus. Diocesis Jadrensis patet in circui-  
 „ tu una cum insulis ad centum circiter mil-  
 „ lia passuum. Triginta sex habet parochias,  
 „ tredecim in continenti, reliquas in insulis  
 „ adjacentibus positas, quæ presbyteris idioma-  
 „ tis Illyrici per concursum conferuntur, quo-  
 „ rum regimine Sacramenta populo admini-  
 „ strantur ac religionis ratio edocetur. Privile-  
 „ gium celebrandi divina officia idiomate Illy-  
 „ rico, seu potius Slavo, concessum fuit a PP.  
 „ Joanne VIII. Svetopulcro principi Moraviæ,  
 „ ut refert Baronius ad annum 880. Tom. X.  
 „ Annalium.

„ Ecclesiæ insularum, quæ jacturas belli mi-  
 „ nus assensere, cultiores existunt; quæ vero in  
 „ continenti jacent, diuturni & sævissimi Tur-  
 „ carum belli calamitatibus pressæ, ac sæpius  
 „ succensæ adhuc vestigia desolationis exhibent,  
 „ quæ tamen pacis beneficio reparantur, ac pe-  
 „ ne ad pristinum cultum restitutæ reperiun-  
 „ tur,

- „ tur, non obstante incolarum inopia ac recens-  
 „ tibus perpeffis cladibus.  
 „ Ecclesia cathedralis in ædificium fatis am-  
 „ plum confurgit, interius exteriusque solida  
 „ & decora structura difpofitum ac compactum.  
 „ Opus quidem plurium annorum ac ingentis  
 „ fumptus circa annum 1324. abfolutum, ut  
 „ conftat ex infcriptione in fuperliminari portæ  
 „ majoris exiftenti, videlicet:  
 „ Anno Domini MCCCXXIII. tempore Joannis  
 „ de Butovano D. C. Jadrenfis Archiepifcopi.  
 „ Licet aliquot ante annis, nempe anno 1285.  
 „ confecratum fuerit a Laurentio Perianbro Ar-  
 „ chiepifcopo, adfiftentibus Spalatensî Archie-  
 „ pifcopo, ac reliquis utriusque provincie Epi-  
 „ fcopis, uno Pharenfî excepto, pro ut patet  
 „ ex quibuldam litteris ejufdem Laurentii Epi-  
 „ fcopo Traguriensî eodem anno datis fub die  
 „ fecunda Junii, in quibus loquitur de infula  
 „ Stimaz a Sibenicensibus occupata, quæ litte-  
 „ ræ adhuc extant authenticæ in archivio civi-  
 „ tatis Sibenici.  
 „ Verum infpecto die quo ædem litteræ datæ  
 „ fuerunt, plane dicendum eft confecratio-  
 „ nem ejufdem ecclefie mente Maji fuiffe ce-  
 „ lebratam: cur vero Ecclesia Jadrenfis ejus  
 „ anniverfariûm dedicationis officium die nona  
 „ Junii recolat, probabiliter arbitraretur id con-  
 „ tigiffe, quia Archiepifcopus confecrator juffa  
 „ fuadente caufa, tunc ufus fuerit facultate fibi  
 „ a jure concessa commutandi diem anniverfa-  
 „ rium dedicationis, quem ad diem nonam  
 „ tranfulerit: fed vix cogitari poteft caufa tam  
 „ remotæ translationis; & quamvis non expri-  
 „ matur certa dies qua datæ fuerunt Archidia-  
 „ cono & Sibenicensibus litteræ, quæ in præ-  
 „ dictis revocantur, nihilominus ex aliis fcri-  
 „ pturis, quibus ufi funt Sibenicenses coram Du-  
 „ ce Venetiarum anno 1324. dum pro ejufdem  
 „ infulis contendebant cum Jadrenfibus, con-  
 „ ftat datas fuiffe die vigefima octava Maji,  
 „ & pridie celebratam fuiffe confecrationem ca-  
 „ thedralis Jadræ; quæ fcripturæ affervantur in  
 „ eodem archivio Sibenicensi. Mirum quoque  
 „ videri poteft, quod Archiepifcopus Spalatensis  
 „ cum fuis fuffraganeis, qui tunc erant juri-  
 „ dictionis Ungariæ, adfuerint follemnitati con-  
 „ fecrationis Ecclefie Jadrenfis fub dominio Ve-  
 „ netorum exiftentis: attamen ex hoc argui  
 „ poteft tunc utrumque dominium pacem co-  
 „ luiffe inter fe.  
 „ Eadem ecclefia cathedralis olim erat fub  
 „ titulo Sancti Petri, de cujus primæva ædifi-  
 „ catione aliquid certi ftatuere perdifficile eft;  
 „ omni tamen dubitatione caret & ortu & fplen-  
 „ dore fuiffe florentem & antiquiffimam. Titu-  
 „ lus Sancti Petri tranfit in nomen S. Anaftha-  
 „ fiæ M. quam juniorem efle profitentur, ex  
 „ quo ejus cineres a S. Donato Jadrenfî Epi-  
 „ fcopo adductæ fuerunt, ut in ejus transla-  
 „ tionis hiftoria traditur; nunc vero in facello  
 „ laterali marmoreo conditæ funt.  
 „ In Sanctuario depofita funt offa S. Zoili  
 „ Confefloris in arca cypreffina cum infcriptio-  
 „ ne: *Offa S. Zoili Confefloris.*  
 „ Ibidem affervantur plures reliquiæ Sancto-  
 „ rum, nempe  
 „ Mandibula inferior una cum tribus den-  
 „ tibus, quæ eft infignior reliquia S. Anaftha-  
 „ fiæ felecta ex ejus offibus & cineribus, quan-  
 „ do a Luca Stella Archiepifcopo fuit aperta  
 „ *Myrici Sacri Tom. V.*  
 „ arca & recognita, & condita in theca argen-  
 „ tea, forma capitis pectore tenus efficta, mo-  
 „ nili aureo decorata & cum cruce encaufto de-  
 „ picta, & unionibus pendulis exornata, in  
 „ cujus diademate eft infcriptio: *S. Anafthafie*  
 „ *Martyris.*  
 „ Cranium S. Sixti martyris inclufum in the-  
 „ ca argentea pectore tenus Martyrem repræfen-  
 „ tante.  
 „ Caput integrum S. Leonardi Confefloris  
 „ conditum in theca argentea.  
 „ Fruftum capitis S. Mariæ Magdalenz clau-  
 „ tum in theca argentea fpeciem capitis cum  
 „ humero præferente, fub qua hæc habetur in-  
 „ fcriptio:  
 „ *Ne desperetis vos, qui peccare soletis,*  
 „ *Exemploque meo vos reparate Deo.*  
 „ Fruftum capitis S. Marthæ virginis in the-  
 „ ca argentea formam capitis habente.  
 „ Caput S. Jacobi Intercifi martyris inclu-  
 „ fum in theca argentea rotunda, circa quam  
 „ leguntur verba: *Ego Bosna jussi fieri hanc ca-*  
 „ *pam in honorem S. Jacobi martyris ob reme-*  
 „ *diurn animæ Cafei viri mei, & animæ meæ.*  
 „ Caput S. Orientii martyris in capfula ar-  
 „ gentea, imaginibus Sanctorum exornata.  
 „ Fruftum capitis S. Georgii claufum in the-  
 „ ca argentea deaurata in forma capitis; defu-  
 „ per calatum ftemma familiæ Veneriæ, & for-  
 „ te tempore Laurentii Venerii Archiepifcopi  
 „ fuit opus confectum.  
 „ Humerus S. Marci Evangeliftæ in theca ar-  
 „ gentea, deaurata, tripodi argenteo impofita.  
 „ Brachium S. Donati Epifcopi conditum in  
 „ theca ex auro puriffimo, gemmis pretiofis,  
 „ & unionibus baccata, in forma brachii effi-  
 „ cta, quæ circa vertebram manus habet in-  
 „ fcriptum: *Rex Colomane Rector Amantaviæ*  
 „ *hoc bene fecisti, retribuit tibi quod voluisti.*  
 „ Brachium aliud S. Donati in theca argen-  
 „ tea deaurata in fimilitudinem alterius cum in-  
 „ fcriptione: *Brachium S. Donati Epifcopi.*  
 „ Articulus digiti S. Joannis Baptiftæ inclufus  
 „ theca argentea in forma brachii tenentis in-  
 „ dicem extenſum, cum infcriptione: *S. Joan-*  
 „ *nis Baptiftæ.*  
 „ Brachium S. Chryfologi martyris in the-  
 „ ca argentea, crebris cryftallinis lapillis ex-  
 „ ornata, cum infcriptione: *Sanctiffimi Chryfo-*  
 „ *goni brachium.*  
 „ Brachium S. Euphemie in theca, in for-  
 „ ma brachii ex puro auro cum lapillis pretio-  
 „ fis, circa quam leguntur: *Præftantius cum*  
 „ *uxore fua Dobra fieri fecit.*  
 „ Brachium S. Ifidori Epifcopi in theca ar-  
 „ gentea, aurolita in forma brachii cum in-  
 „ fcriptione: *Ego Chaica uxor Dimitri fieri feci.*  
 „ Brachium S. Sixti martyris in theca ar-  
 „ gentea deaurata brachium imitante.  
 „ Pars cranii auricularis S. Urfule Virginis  
 „ & martyris in fatis amplo oſtenſorio ex gla-  
 „ ciali cryftallo confecto, cum bafe & opercu-  
 „ lo argenteo & inſignibus Archiepifcopi Va-  
 „ lareſſi.  
 „ Fruftum brachii S. Zoili Confefloris in o-  
 „ ſtenſorio cryftallino cum bafi & operculo ar-  
 „ genteo deaurato.  
 „ Spina coronæ, & fruftulum ſpongiæ adhi-  
 „ bitæ in paſſione Domini noſtri Jeſu Chriſti,  
 „ in vaſculo cryftallino ſuffulto quatuor draco-  
 „ nibus argenteis.



„Fruſtula reliquiarum Sanctorum Innocen-  
tium & S. Marthæ in oſtenſorio cryſtallino  
cum baſi argentea.

„Tres digiti S. Donati in tribus thecis ar-  
genteis formam digiti habentibus.

„Duos pedes S. Chryſogoni in thecis argen-  
teis cum inſcriptione: S. Chryſogoni.

„Duo oſſa S. Donati in arca laminis argen-  
teis teſta cum inſignibus Archiepiſcopi Pi-  
ſauri.

„Plura fruſtula oſſum S. Chryſogoni de ejus  
integula; & capulum enſis ex glaciali cry-  
ſtallo conſectum in capſula laminis argenteis  
teſta, cum inſcriptione:

„Hoc opus factum fuit tempore N. Nob. vir.  
Viti Gandali, Vulcina Martinuſis, & Pauli de  
Galellis, anno Domini 1326.

„Fruſtuli reliquiarum S. Martini inſiti ta-  
bellæ lamina argentea teſta, cum imagine S.  
Martini & inſigniis Archiepiſcopi Robobelli,  
cum tali inſcriptione:

„Paulus Martinus & Mladenus Croatia Præſi-  
des S. C. P. fieri jufferunt. Donatus vero Bri-  
tanicus Canonicus, & Chryſogonus Naſſius  
Procuratores fabricæ vetuſtate deformatam,  
Jo. Robobelli Antifitiſis conſenſu, in melius re-  
ſtituerunt 1496.

„Reliquiæ S. Danielis Prophetæ in tabella  
limili lamina argentea teſta, cum imagini-  
bus Sanctorum Petri & Pauli & Danielis, &  
inſcriptione:

„Paulus Banus Croatorum & totius Boſnæ  
Dominus me fecit fieri ad honorem SS. Petri,  
& Pauli, & S. Danielis Prophetæ.

„Duæ cruces argenteæ deauratæ, pluribus fi-  
guris pictæ, plures Sanctorum reliquias con-  
tinentes.

„Caput unius ex ſociabus S. Uſulæ ſerico  
obvolutum, & in capſula lignea repositum.

„Duæ capſulæ, una argentea, altera eburnea  
lamina teſta, in quibus plura fragmenta oſ-  
ſum Sanctorum ſine nominibus.

„Tabella cum coronide ex ebano argenteis  
floſculis exornata, in qua ſub nitido ſpecu-  
lari ſitæ ſunt plures reliquiæ Sanctorum ſin-  
gulis nominibus appoſitis, inter quas extat  
venerabile fruſtum Sanctiſſimæ Crucis.

„In eodem ſacrario cuſtoditur inſula archie-  
piſcopalis, pretioſis unionibus ac lapillis di-  
ſtincta, cum inſignibus Archiepiſcopi Lucæ  
de Firmino, nec non baculus paſtoralis argen-  
teus, mirifice elaboratus cum inſignibus Ma-  
thæi Valareſſi Archiepiſcopi.

„Sub tribuna collocatum eſt altare majus;  
ciborio marmoreo altari ſuperpoſito, pretioſis  
columnis innixo, quod conſtructum fuit tem-  
pore ejuſdem Joannis de Butovano Archie-  
piſcopi, ut docet inſcriptio in fronte ejuſdem  
poſita, videlicet:

„In nomine Domini anno ejuſdem MCCCXXXII.  
factum fuit hoc opus tempore D. Joannis de  
Butovano Archiepiſcopi Jadrenſis.

„Icon ſeu tabula altaris erecta fuit ex teſta-  
mento Bartholomæi Archipreſbyteri, ut vide-  
re eſt in baſi ejuſdem tabulæ, ubi ſic legitur.

„Lucas Peliparius q. Giorgii & Jacobus Dra-  
perius q. Joannis commiſſarii venerabilis Fra-  
tris Bartoli Archipreſbyteri Jadrenſis, fecerunt  
fieri hanc tabulam . . . . D. Q. D. Archi-  
preſbyteri, cujus anima requieſcat in pace. Anno  
Domini MCCCXCVIII. menſe Octobris. Magi-  
ſter Doimus.

„Pavimentum Chori marmore diſcolori, pro  
ut totius etiam Eccleſiæ, ſtratū eſt. Cho-  
rus vero a ſolo aliquot gradibus eminet, ge-  
minos ad latera ſedium ordines continens ca-  
latoque opere egregie elaboratos, quæ ſingu-  
lis de clero pro dignitate ſui gradus ſunt af-  
ſignatæ. Choro ſubeſt clauſtrum *Confeſſio* nun-  
cupatum, fornice teſtum & duplici ordine co-  
lumnarum ſuffultum. Duæ patent ſcalæ hinc  
inde ad deſcenſum perviæ. Fornici interta eſt  
quædam cellula continens arcam marmoream,  
in qua condita ſunt corpora Sanctorum Vir-  
ginum ac Martyrum Agapis, Chionæ, & Ire-  
nis, quæ fuerunt S. Zoili diſcipulæ & fami-  
liares S. Anaſtaſiæ, in cujus actis Surius plu-  
ra de illis refert. Cellulæ innixa eſt baſis al-  
taris majoris in baſi poſiti, & præterea ali-  
qui dixerunt ſub ara majori earundem San-  
ctorum corpora quieſcere. Extat in reſſu  
ſub abſide ejuſdem confeſſionis menſa altaris,  
in quo tradunt deſcriptum fuiſſe aliquando  
corpus S. Marci Evangeliftæ, dum Alexan-  
dria Venetias veheretur, navemque Jadræ di-  
vertiſſe, ac ſacrum corpus ibidem interim de-  
poſuiſſe. Verum quemdam ſacriſtam indiſcre-  
ta devotione adaſtum arrepta occasione tunc  
ſurripuiſſe armum ſeu os humerale ſacri cor-  
poris, quod adhuc in theca argentea deaura-  
ta inter reliquias ſanctuarii aſſervatur & San-  
cti Marci Evangeliftæ eſſe dicitur. Huic tra-  
ditioni adſtipulatur uſus ibidem celebrandi  
Miſſam conventualem ac reliqua divina Offi-  
cia in die translationis S. Marci die trigeſima  
prima Januarii.

„Baptiſterium in ſacello cathedrali adjacen-  
te collocatum amplam fontis formam præſe-  
ferens ex pretioſo marmore conſtructum eſt.  
Sacellum iplum forma rotundum, fornice te-  
ctum, altariolis marmoreis circum collocatis  
ornatur.

„Ceterum reliqua Eccleſiæ membra unde-  
quaque ſplendidam exhibent magnificentiam, nec  
deſiderantur vafa & ornamenta. Altarium ar-  
gentea ſacraque ſupellex valde pretioſa, qui-  
bus aſſatim inſtructa eſt.

„Primordia Capituli jacent incomperta; com-  
peri tamen poteſt valde antiquum eſſe. Quod  
ſi ejus originem per conjecturas indagare ve-  
limus, apparet quædam Capituli imago ſeu  
ſpecies collegii in teſtamento Andreæ Prioris  
Jadræ & Proconſulis Dalmatiæ, quod exiſtit  
in archivio monaſterii S. Chryſogoni, condito  
anno 908., & a Lucio recitato in memoriis  
Tragurii lib. 4. cap. 2.

„Aliud quoque indicium antiquitatis Capi-  
tuli colligitur ex quadam ſcriptura, quæ le-  
gitur in regiſtro Privilegiorum monaſterii SS.  
Colmæ & Damiani montis Thoni, ſcripta per  
Dabrum Archidiaconum Jadræ anno 1076. &  
in alia, inter privilegia monialium S. Mariæ  
Jadrenſis, ſcripta manu Madii Archidiaconi,  
quæ cum contineat plura antiquitatis monu-  
menta referre ſtatui.

„Anno Incarnationis J. C. D. N. MXCI. Kiri  
Aleſio Coſtantinopoleos imperante, tempore quo  
Wladislaus Panoniæ rex, Croatia invadens re-  
gnum, domnum Almu nepotem ſuum in illo  
ſtatuit regem. Jadrenſi vero cathedra domno  
Andrea venerabiliter præſulante meque Drago  
domni Præſtantii Epſcopi nepote jam tertio Pri-  
orante, accidit ut in primo anno meæ triæ  
recuperationis coram nobis & præſato Epſco-  
po

„po

„ po & aliis quam plurimis oriretur querimonia  
 „ domna Vekenja filia Ciga, quæ viri sui vide-  
 „ licet Dobrosłavi thorum custodiens viginti an-  
 „ nis Deo devota, monastico utebatur habitu,  
 „ quam Petrus socer suus domni Dobri verbis  
 „ suorum deceptus propinquorum, suo exbaredi-  
 „ tarat verbo, filiumque suum cum quadam Scla-  
 „ uncula habebat moriens totius suæ hereditatis  
 „ fecerat heredem. Hac autem moniali irretita  
 „ vinculo quæ illum alimentis indumentisque fo-  
 „ verat &c.

„ Cæteris Omissis.

„ Quapropter ego Dragus Prior comune servans  
 „ Sacramentum neminem volens ab aliquo vim  
 „ sustinere, cum jam nominato Episcopo aliisque  
 „ Nobilibus ad domum illius pergentes legali hoc  
 „ definientes iudicio sub episcopali vinculo præce-  
 „ pto illam plenam partem habere iussimus &c.

„ Hac ego Majus Archidiaconus quia his o-  
 „ mnibus interfui & ut a memoratis præsulibus  
 „ mihi injunctum est, fideliter scripsi & post tra-  
 „ ditam coram his testibus lecta est & sigillo  
 „ dicti Prioris signata.

„ Joannes Judex, Vitaza testis, Miha testis,  
 „ Desana testis &c.

„ Ex quibus scripturis inferre licet, quod si  
 „ tunc Ecclesia Jadrensis habuerit Archidiaconum  
 „ qui est prima dignitas & caput Capituli,  
 „ probabile habuisse etiam alias dignitates &  
 „ canonicos, qui Capitulum constituunt.

„ Qua postmodum ratione Capitulum melio-  
 „ ra acceperit incrementa non satis liquet. Con-  
 „ stat tamen ex alia scriptura ejusdem archivii  
 „ S. Chrysogoni anno 1190. Jadra Capitulum  
 „ extitisse ex dignitatibus & Canonicis consti-  
 „ tutum.

„ Verum quia multi gratis opinantur Petrum  
 „ de Matafaris, qui vixit usque ad annum 1400.  
 „ instituisse Capitulum & Canonicos Jadrenses,  
 „ ideo ut refellantur ejusmodi assertiones, sci-  
 „ endum est usque ad tempora dicti Petri Ca-  
 „ pitulum constituisse ex omnibus titulatis tam  
 „ Ecclesiæ cathedralis, quam reliquarum col-  
 „ legiatarum, pro ut constat ex actis capitula-  
 „ ribus tunc temporis celebratis. Verum cum  
 „ difficilis experiretur congregatio multiplicum  
 „ personarum, negotiaque tarde & confuse ex-  
 „ pedirentur, eapropter idem Petrus salubri  
 „ initio consilio anno 1393. convocatis totius  
 „ cleri comitiis quæ Capitulum repræsentabant,  
 „ servato juris ordine, requisivit consilium ac  
 „ obtinuit consensum reformandi Capitulum,  
 „ augendi cathedralis Clerum & restituendi Ca-  
 „ nonicos, qui in cathedrali nescio qua de cau-  
 „ sa defecerant, cum ab anno 1288. usque ad an-  
 „ num 1393. nullibi Canonici Jadrensi-  
 „ mentio habeatur.

„ Et quamvis Ughellus in sua serie Archie-  
 „ piscoporum Jadrensi- & Paulus de Paulo in  
 „ suo Memoriali in calce operis Lucii de re-  
 „ gno Dalmatiæ pag. 428. cap. 1. asserat hunc  
 „ Archiepiscopum instituisse duodecim Canoni-  
 „ cos in cathedrali Jadra primo & solemniter;  
 „ attamen tam Ughellus, quam Paulus  
 „ nescio quomodo decepti aberraverint a rei  
 „ veritate, cum ipso facto contrario constet ex  
 „ quam plurimis scripturarum monumentis, in  
 „ quibus ante Petri tempora, Canonici Jadren-  
 „ sium mentio reperitur, & signanter in præ-  
 „ dicta scriptura 1190.; item in litteris Inno-  
 „ centii PP. III. lib. 3. cap. 539. circa annum  
 „ 1200. scriptis Nicolao Episcopo Pharenii,  
 „ Illyrici Sacri Tom. V.

„ qui in Ecclesiam Jadrensem se intruserat,  
 „ quas refert Lucius de regno Dalm. lib. 3.  
 „ cap. 13. Omitto plura alia documenta, quæ  
 „ ante annum 1394. Canonicos Jadrenses exti-  
 „ tisse docent. Quocirca dicendum est Petrum  
 „ de Matafaris Archiepiscopum non instituisse  
 „ sed restituisse Canonicos in cathedrali Jadra  
 „ & Capitulum jamdiu institutum reformasse,  
 „ quod clare constat ex constitutionibus ab eo  
 „ tunc conditis & editis, & præsertim ex præ-  
 „ fatione, quæ valde confert ad veritatem quam  
 „ indagamus.

„ Omittitur scriptura, quæ est de anno MCCC-  
 „ XCIII. Indictione prima, die lunæ mensis No-  
 „ vembris, pontificatus sanctissimi in Christo Pa-  
 „ tris DD. Bonifacii divina providentia PP. IX.  
 „ anno V. in qua agitur de reparatione Capi-  
 „ tuli & habetur, quod Metropolitanæ, suffra-  
 „ ganeæ, & collegiatæ Ecclesiæ habebant Cano-  
 „ nicos &c.

„ Eodem anno, Indictione, & mense, die 19.  
 „ omnibus presbyteris convocatis & congrega-  
 „ tis idem D. Archiepiscopus denuo dictam  
 „ propositionem & requisitionem fecit, cui o-  
 „ mnes prænominati pro se & successoribus eo-  
 „ rum libere & discrepante nemine consense-  
 „ runt. Insuper die 27. dicti mensis 3. & ulti-  
 „ mo prædicti consenserunt concordie voluntate.  
 „ Item currentibus annis a nativitate Domi-  
 „ ni 1395. die 14. Julii præsidente in vicaria-  
 „ tus officio egregio decretorum Doctore D.  
 „ Francisco de Aristotile de Sulmona præfati  
 „ Archiepiscopi Jadra vicario generali, ab eo-  
 „ dem vicario convocati fuerunt prædicti omnes  
 „ presbyteri, & Sacerdotes, & constitutiones &  
 „ statuta publicavit, quibus omnes Capitulum  
 „ facientes consenserunt pro se &c.

„ Quid plura quando ipsemet Paulus de Pau-  
 „ lo in suo Memoriali subjicit post prædictam  
 „ notam de prima institutione, eodem anno 1394.  
 „ die Martis in hora mediæ noctis penultima Se-  
 „ ptembris combustam fuisse Canonicam S. Ana-  
 „ stasie; igitur si eodem anno jam extabant æ-  
 „ des Canonici combustæ, sequitur quod an-  
 „ tea aliquando extiterint etiam Canonici, qui  
 „ eas inhabitarent, nec credibile est illas ædifi-  
 „ catas fuisse post publicationem Canonici-  
 „ a Petro factam, quia tunc temporis jam de-  
 „ sierat mos antiquissimus Capitulis & Cano-  
 „ nicis comuni mensa & dormitorio utendi;  
 „ igitur necesse est quod ædes Canonici tunc  
 „ combustæ usui fuerint Canonicis ante Petrum  
 „ aliquando existentibus, quod immo indicium  
 „ evidens est antiquitatis ipsius Capituli.

„ Porro cur & quando in cathedrali Jadra  
 „ Canonici defluerint, prorsus incertum est.  
 „ Attamen conjectari satis probabiliter potest,  
 „ quod cum præbendæ canonicales & prædia  
 „ mensæ capitularis in solo Croatico existent,  
 „ Jadraque nomen Romanum retinens ac sub  
 „ ditione Imperatoris orientalis semper perse-  
 „ verans arcum in continenti haberet territo-  
 „ rium (nam ab oriente Belgradum, ab occidente  
 „ Nonam civitates Croatorum habebat, parum-  
 „ que a septentrione Croatici fines distabant)  
 „ propterea regulos seu Comites Croatorum cir-  
 „ ca illa tempora tyrannice dominantes occu-  
 „ passe & usurpasse prædia, ac proventus Ca-  
 „ nonicorum, quibus deficientibus Canonicos  
 „ quoque Ecclesiam deseruisse eorumque nomen  
 „ in oblivionem abiisse.

„ At postquam reguli ab Ungaris & Venetis

B 2

„ per-

„ perdomiti abacti fuerunt, Ecclesiæ quoque  
 „ suos redditus recipere & augere cœperunt. His  
 „ accesserunt decimæ, quas Croati Ecclesiis sup-  
 „ presserant, sibi que a colonis exigebant, cu-  
 „ jus abusus vestigia in diœcesi Nonæ, quæ ci-  
 „ vitas Croatorum erat, adhuc prorsus non sunt  
 „ oblitterata; quæ quidem rerum ecclesiastica-  
 „ rum incrementa viam stravere Petro Archie-  
 „ piscopo Canonicos restituendi ac cultum ca-  
 „ thedralis instaurandi ac augendi. Sed de ori-  
 „ gine Capituli satis.

„ Jus eligendi Episcopos, & Archiepiscopos,  
 „ apud Capitulum residebat, in quo aliquando  
 „ populus, aliquando reges Ungariæ se inger-  
 „ lerunt. Usum est Capitulum hoc jure usque  
 „ ad annum 1291. nam dissidio inter Capitu-  
 „ lares, hæde vacante, de electione Archiepis-  
 „ copi exorto, Nicolaus PP. IV. pro bono pa-  
 „ cis electionem sibi reservavit & Joannem Fra-  
 „ trem Ordinis Minorum Jadrensi Ecclesiæ præ-  
 „ fecit. Sic rerum publicarum jura & dignitas  
 „ discordia dilabuntur. Hinc obiter non alia  
 „ incongrua conjectura desumi potest cessatio-  
 „ nis Canonorum, quandoquidem spoliati Ca-  
 „ nonici jure eligendi, indignatione forsan con-  
 „ citi, Ecclesiam delerere.

„ Electio quoque dignitatum & Canonorum  
 „ etiam super numerum sine reservatione ad  
 „ Capitulum pertinebat, idque ex constitutio-  
 „ nibus ejusdem Petri de Matafaris Archiepis-  
 „ copi, quæ a Sede Apostolica fuerunt confir-  
 „ matæ, ut testatur Maphæus Valaresso Ar-  
 „ chiepiscopus in præfatione suarum constitu-  
 „ tionum; quo jure idem Capitulum vix sæcu-  
 „ lo elapso etiam utebatur, sed an incuria vel  
 „ alia de causa neglectum illud, & ad Curiam  
 „ Romanam & ad Archiepiscopum juxta Regu-  
 „ las Cancellariæ Apostolicæ respective devolu-  
 „ tum sit nescitur.

„ Idem Capitulum præter statuta suas etiam  
 „ habet proprias consuetudines, quas Archie-  
 „ piscopi sæpe abrogare nitebantur. Verum im-  
 „ plorato per Capitulum Sedis Apostolicæ præ-  
 „ sidio Sixtus PP. IV. eas confirmavit, inhibuit-  
 „ que Archiepiscopo & aliis quibuscumque quid-  
 „ quid adversus Capituli statuta & consuetudi-  
 „ nes innovare vel attentare per Breve diei 21.  
 „ Januarii 1480. quod omittitur.

„ Jus convocandi Capitulum est penes Ar-  
 „ chidiaconum, irrequisito Archiepiscopo, qui  
 „ locum in Capitulum non habet, immo ab eo  
 „ recedunt Vicarius cæterique ministri Curie  
 „ Archiepiscopalis, licet sint de Capitulo, quan-  
 „ do tractatur aliquid controversum cum Ar-  
 „ chiepiscopo.

„ Locus capitularis congregationis est sacri-  
 „ stia cathedralis dicta capella S. Barbaræ. Ni-  
 „ tebantur Archiepiscopi vindicare sibi jus con-  
 „ vocandi Capitulum illudque congregandi in  
 „ aula sui palatii, reluctantibus semper capitu-  
 „ laribus licet diversimode ob id vexatis.

„ Tandem per Brevem Sixti IV. auctoritate  
 „ Apostolica firmata fuit antiqua consuetudo  
 „ Capituli se independentem ab Archiepiscopo  
 „ congregandi in sacristia, pro ut testantur ve-  
 „ tullissima acta capitularia in ejus archivio ser-  
 „ vata. Tenor Brevis omittitur, sed est sub die  
 „ 24. Januarii 1475.

„ Habet quoque Capitulum suum Cancellari-  
 „ um & nuncium itemque procuratores ac  
 „ proventuum & emolumentorum exactores,  
 „ nec non computistam qui divisiones reddituum

„ calculat, ac singulis titulatis partes ex comu-  
 „ ni mensa assignat.

„ Duplici Capitulum utitur sigillo, minori in  
 „ negotiis levioribus, majori vero rotundo in  
 „ expeditionibus ecclesiasticis gravioribus. Olim  
 „ etiam tertio sigillo oblongo utebatur, unde  
 „ non exigua proveniebant emolumenta, ut in  
 „ aliquibus Capituli statutis præscripta reperitur  
 „ ratio dividendi utilitates sigilli. Etenim si  
 „ quis relevare aliquid in publicam formam  
 „ vellet, requisito a Capitulo uno ex Canoni-  
 „ cis, qui dicebatur Prestaldus, coram eo sti-  
 „ pulabantur singula quæ ad præsentium vel fu-  
 „ turorum memoriam probare voluisset, passim-  
 „ que in actis capitularibus rogabantur con-  
 „ tractus sæculares, pariterque Capitulo delega-  
 „ batur executio regaliū mandatorum, quæ  
 „ acta adhuc extant regesta in nonnullis volu-  
 „ minibus archivii capitularis, cujus claves cu-  
 „ stodiuntur ab Archidiacono, Archipresbytero,  
 „ & Decano Canonorum.

„ Quindecim personæ modernum constituunt  
 „ Capitulum, videlicet Archidiaconus, Archi-  
 „ presbyter & Primicerius, quæ sunt dignita-  
 „ tes ac in antiquis constitutionibus nuncupa-  
 „ bantur Prælati, & duodecim Canonici, quo-  
 „ rum antiquior Decani titulum obtinet. Hic  
 „ Capitularium numerus in præfatis Petri de  
 „ Matafaris constitutionibus constitutus fuit, in  
 „ quo residet tota potestas & auctoritas anti-  
 „ qui Capituli, ut patet ex ejusdem constitutio-  
 „ nibus quæ omittuntur.

„ Numerosus insuper itidem recensetur Cle-  
 „ us, nempe sex mansionarii usum Almutii  
 „ habentes, duodecim septemanarii, qui offi-  
 „ cium etiam Diaconi exercent, decem Subdia-  
 „ cono, octo Acol'ythi. Omnes præfati de Cle-  
 „ ro quotidiano servitio chori sunt mancipati,  
 „ quod juxta præscriptum S. Concilii Tridenti-  
 „ ni exercent.

„ Cæterum sacræ functiones ad normam ce-  
 „ rimonialis & rubricarum exacte celebrantur  
 „ sub directione magistri cerimoniarum & ma-  
 „ gistri chori. Duo etiam Curati animarum,  
 „ duo sacristæ & præfectus musices suis mune-  
 „ ribus singuli naviter funguntur.

„ Redditi Cleri fere omnes in decimis com-  
 „ putantur, quæ dividuntur juxta Canonum sta-  
 „ tuta, nempe inter Archiepiscopum, fabricam  
 „ Ecclesiæ cathedralis, & mensam ejusdem Cle-  
 „ ri, quæ partem quoque pauperum non imme-  
 „ rito capit. Census ad præsens singulorum te-  
 „ nuis. Canonorum vix 60. ducatorum, Ar-  
 „ chidiaconi duplicis, at reliquorum ordinum  
 „ ita minor ut retrograde recensendo pro di-  
 „ midia singulis decreseat, juxta gradum offi-  
 „ cii sui, nam diuturni ac sævissimi belli de-  
 „ trimenta pinguioribus proventus hausere.

„ Archiepiscopi mensa una cum decimis tria  
 „ millia ducatorum non excedit.

„ Adjacet cathedrali palatium archiepiscopa-  
 „ le satis amplum, atrio, aulis, hortisque ma-  
 „ gnifice distinctum, quod instauratum olim fuit  
 „ a Maphæo Vallaresso Archiepiscopo, ut do-  
 „ cet inscriptio in porta Aulæ superposita, quæ  
 „ talis est.

M. VALARESSUS. S. HIADERTINÆ  
 ECC. PONT. HAS. AEDES. RESTAURARE  
 ET. ORNARE. CURAVIT.

„ Fabricæ cathedralis proventus in 4. deci-  
 „ marum consistunt, quæ octingentos circiter  
 „ ducatos ut plurimum pertingunt.

„ An-

„ Antiquitus diu controversum est de procuratore fabricæ, præsertim inter Fratrem Jacobum de Fuligno Archiepiscopum, & Comune civitatis; tandem solemnī stipulatione inter partes anno 1302. die 4. Octobris conventum est, quod prædictus D. Archiepiscopus solus debeat eligere & instituere duos viros legales, unum clericum, & alium laicum, qui recuperent fructus, & expendant, pro ut visum fuerit utile dicto D. Archiepiscopo, in utilitatem Ecclesiæ, quorum officium duret per annum, & compellantur per D. Comitem rationem reddere coram D. Archiepiscopo, si interesse voluerit. Verum quia hæc conventio satis firma non videbatur sine consensu Capituli, die 15. Aprilis 1305. Archidiaconus Nicephorus cum duobus œconomis seu syndicis Ecclesiæ, Capituli nomine eam approbaverunt, ut videre est lib. 5. cap. 37. reformationum in Statuto Jadræ. Nihilominus tamen postmodum iterum contentiones inter easdem partes exortæ Maphæo Vallaresso Archiepiscopo, quibus quatuor sacra consulta intercessere, videlicet 1454. 25. Septembris, 1458. 8. Julii, 1459. 10. Augusti, 1460. 17. Aprilis, quæ decreta prædictam conventionem in usum revocaverunt, quæ hætenus viget hoc amplius, ut administratio integra fabricæ sit penes ecclesiasticum, in cujus fidelaius conquiescit.

„ Cathedrali ab austro contiguum est templum forma rotundum a S. Donato, ut tradunt, erectum ac sanctissimæ Trinitati dicatum, quod postmodum S. Donati titulum sortitum est. Veneratur in altari majori sacra imago B. Virginis antiquissima, sub titulo Purificationis, cui inservit congregatio duodecim Sacerdotum nuncupata Caritatis.

„ Ibidem collocata est urna marmorea, cum ossibus dicti S. Donati. Ad superiorem huius templi partem ascenditur per scalam semicircularem, ubi frequentatur congregatio oratorii. Cernuntur inserta parietibus ejusdem templi fragmenta non exigua, quæ ex sculpturis & inscriptionibus, litteris fere palmariibus, indicant fuisse alicujus ædificii ingentis ac sumtuosæ molis, quod Junoni Augustæ dicatum, ex inscriptione cujusdam fragmenti dignoscitur, quam Romana superstitio & adulatio voluit fuisse Liviam Augusti Cæsaris uxorem.

„ Hujus forsan vestigia esse dixerim ea, quæ adhuc visuntur in hortis Seminarii Floriani ad cubitum & amplius e solo surgentia, lapidibus semirustico ordine compactis, quibus non longe imminet duæ columnæ ordine corinthio elaboratæ, trabe lapidea desuper conjunctæ, altitudinis cubitorum circiter triginta, quarum basis sub terra latet, aliasque similes extitisse indicant, quæ porticus amplissimæ fuisse demonstrant. Hanc molem forsitan zelus S. Donati diruit, ejusque rudera in ædificium templi sanctissimæ Trinitatis convertit. Sed redeamus ad Ecclesias.

„ Fuerunt olim in eadem civitate sex collegiæ sub regimine Plebanorum, ex quibus unica superstes extat, videlicet S. Simeonis, quæ olim S. Mariæ Majoris, & S. Mariæ Presbyterorum nuncupabatur; postquam vero corpus S. Simeonis in eadem illatum fuit, collegium S. Simeonis appellari cœpit, & adhuc perseverat. Verum Ecclesia S. Mariæ

*Illyrici Sacri Tom. V.*

„ Presbyterorum, quæ erat satis ampla & decorata, diruta fuit anno 1570. Turcico ingruente bello, quia munimenta & aggeres civitatis valde impediēbat, inde S. Simeonis sacro corpore in contiguam S. Rocchi Ecclesiam recepto; demum anno 1632. in Ecclesiam S. Stephani, nunc S. Simeonis, translatus fuit, una cum collegiata S. Mariæ Majoris.

„ Collegium S. Simeonis sub regimine Plebanorum constat ex quatuor mansionariis, qui curam animarum per turnum exercent in circumjacenti civitatis regione, tribus Diaconis, tribus subdiaconis, & tribus acolythis, qui omnes quotidiano servitio chori sunt adscripti, habentque mensam separatam, præter reditus ex decimis cum cathedrali communes. Administratio fabricæ S. Simeonis incumbit procuratoribus laicis a Consilio nobilium deputatis.

„ Jura vero clavium arcæ sacri corporis manent apud Archiepiscopum, Prætozem, Plebanum, & eosdem duos procuratores, quibus hoc jus elargitum primo fuit ab Elisabeth juniore uxore Ludovici regis Ungariæ & Poloniæ, quæ arcam argentæam S. Simeonis obtulerat.

„ Reliqua quinque collegia, videlicet S. Stephani, S. Michaelis, S. Petri veteris, vel de platea parva, nunc S. Marcellæ, S. Petri novi, vel de platea magna, cujus Ecclesia erat in medio fori indulto Apostolico demolita, anno 1447. die 17. Junii, & S. Salvatoris, nunc S. Antonii, communi consensu totius Cleri suppressæ fuere, earumque Clerus servitio cathedralis a Petro de Matafaris Archiepiscopo adscriptus, retento a titularis earundem Ecclesiarum, qui nunc Septimanarii vocantur, onere Missarum, per turnum celebrandarum respectivo in Ecclesiis, in quibus olim residebant, ubi nemo officia divina collegialiter celebrare potest, illis non intervenientibus.

„ Plebanix earundem collegiatarum ad instar beneficiorum simplicium evaserunt collatiæ, ac postmodum diversis temporibus unitæ, nempe S. Stephani & S. Salvatoris, uti pinguiiores, Archiepiscopi suæ mensæ applicaverunt; S. Michaelis & S. Petri novi, Capitulo cedere; S. Petri veteris, cum ædibus Plebani, monialibus S. Marcellæ, quas ad ampliandum monasterium Plebanus ejusdem Ecclesiæ, cum assensu Archiepiscopi, olim perpetuo illis concessit. Istarum collegiatarum origo ignota; licet earundem extet satis antiqua memoria.

„ Quatuor Regularium cœnobîa civitas habet. Videlicet primum S. Chrysogoni martyris civitatis patroni, Ordinis S. Benedicti, cujus monasterium a solo Abbate sub jurisdictione Archiepiscopi antea regebatur; de qua subjectione cum orta fuisset controversia inter Maphæum Vallaressum & Abbatem, qui ob id in Curia Romana litem contestaverat, tandem in actis publicis cessit liti, & Archiepiscopum suum ordinarium superiorem agnovit. 4. Maii 1476. Idem abiit in commendam, ac subinde mensa inter monachos & commendatarios divisa fuit, cujus redditus in mille circiter ducatos consistunt. Tandem anno 1622. unitum fuit Congregationi Cassinensi. Fundatio monasterii antiquissima, sed ignota; constat tamen ex monumentis ejusdem monasterii relatis ab eodem Lucio, & præ-

„ fertim ex scriptura anni 986. monasterium  
 „ S. Chrylogoni pridem negligentia destitutum,  
 „ & oblivione suppressum, tunc instauratum fuisse,  
 „ & traditum Madio monacho montis Castelli,  
 „ ac subinde pluribus prædiis auctum, curante  
 „ Madio Priore Jadræ & Dalmatarum Proconsule,  
 „ cum consensu nobilium, & populi, ex qua scriptura  
 „ illorum temporum status civilis & ecclesiasticus apparet.

„ Scriptura omittitur, quæ est de anno 986.  
 „ 19. Decembris.

„ Hæc scriptura asserit templum S. Chrylogoni  
 „ a Fusculo & Andrea Prioribus Jadræ ædificatum  
 „ fuisse; ideo venit considerandum testamentum  
 „ ipsius Andrea Prioris conditum anno 908. ibidem  
 „ a Lucio insertum, pingui ac barbara elocutione  
 „ inscriptum, sed insigni pietate. Verum cum in hoc  
 „ testamento relictum fuerit quoddam legatum S.  
 „ Chrylogono, & ejus Abbati, probabiliter dici potest  
 „ ecclesiam S. Chrylogoni cum ipso monasterio ante  
 „ Andrea tempora extitisse, a qua una cum Fusculo  
 „ instaurata fuit, sicut a Madio monasterium.  
 „ Ceterum consecratio hujus ecclesiæ in forma,  
 „ quæ modo videtur, celebrata fuit anno 1407.  
 „ ut notat Paulus, die Martis 11. Junii, sed monachi  
 „ celebrant illam die 2. Maji, quæ debet esse  
 „ primæva, illa vero forte fuit reconciliatio ex  
 „ aliquo accidenti.

„ Adjacet eidem ecclesiæ turris campanaria non  
 „ tamen perfecta cum inscriptione:

„ *Ad laudem Dei & B. Virginis D. Bernardus Jadræ  
 „ monachus hujus ædis Prior sua & aliorum  
 „ monachorum cura & expensis. MDXLVI.*

„ Asservabatur olim in eadem ecclesia corpus  
 „ S. Chrylogoni martyris; an vero adhuc ibidem  
 „ reperiatur incertum. Quando item Jadræ  
 „ primo advectum fuerit prorsus ignotum, ac  
 „ proinde commentitia ac omnino apocrypha est  
 „ quædam manuscripta historia ejus inventionis,  
 „ quæ in membrana legitur apud monachos  
 „ ejusdem monasterii sine anno, vel indictione,  
 „ in qua habetur mentio personarum, locorum,  
 „ & magistratuum prorsus ignotorum, quæ  
 „ nullatenus congruunt nec publicis nec privatis  
 „ vel antiquissimis documentis, quæ extant de  
 „ rebus Jadrænsibus, ac proinde fabulosa  
 „ censenda est. De secunda ejusdem sacri  
 „ corporis inventione, quæ contigit Andrea II.  
 „ Episcopo XI. anno 1046., nihil ambigendum;  
 „ testatur enim scriptura, quæ in archivio  
 „ monasterii asservatur, regnante Theodora  
 „ Imperatrice, tempore Grubissæ Prioris, inventum  
 „ a prædicto Andrea Episcopo sacrum corpus in  
 „ ecclesia sub altari ejusdem martyris.

„ Ceterum posterioribus temporibus diu dubitatum  
 „ fuit de eodem sacro corpore, eoque magis,  
 „ quod ex traditione habebatur illud translatum  
 „ fuisse Venetias, & collocatum in ecclesia  
 „ SS. Gervasii & Protasii. His adstruit fidem  
 „ id quod scripsit Sansovinus in Chronico  
 „ Venetiarum lib. 6. de eadem ecclesia vulgo  
 „ dicta S. Trovato, quod evenisse conjectari  
 „ potest circa annum 1200. quando Jadræ  
 „ Venetis desolata fuit. Verum cum nulla  
 „ sit certitudo idem sacrum corpus in eadem  
 „ ecclesia reperiri, dum nullus locus ostenditur,  
 „ ubi repositum sit, probabiliter dici potest,  
 „ receptis in gratiam Jadrænsibus, corpus  
 „ etiam S. Chrylogoni illorum patroni fuisse  
 „ restitutum. Cui conjecturæ congruit id quod  
 „ Stringa Canonicus S. Marci, & Martinonius

„ referunt in additionibus ad Chronicum Sansovini,  
 „ nimirum corpus S. Chrylogoni fuisse in ecclesia  
 „ SS. Gervasii & Protasii, sed postea Jadræ  
 „ reductum. Et quamvis apud Jadrænes hoc  
 „ factum modo sit valde ambiguum, nec ullibi  
 „ in ecclesia S. Chrylogoni indigatur locus,  
 „ ubi idem S. Corpus quiescat, attamen  
 „ crederem tempore ejus restitutionis monachos  
 „ ejusdem monasterii illud in aliquo ecclesiæ  
 „ loco occultasse, ne impofterum eo privari  
 „ periclitarentur; cui opinioni favet arca  
 „ lignea intus forisque picturis exornata,  
 „ exprimentibus vitam ac martyrium ejusdem  
 „ Sancti, in qua asserunt conditum olim fuisse  
 „ corpus S. Chrylogoni, quæ in ejus sollemnitate  
 „ exponitur.


„ Demum non tædeat lectorem noscere Abbatem  
 „ vel vetustissimos ejusdem monasterii, per  
 „ seriem plurium annorum digestos ex eorum  
 „ scripturis excerptos. 908. Oldobertus. 986.  
 „ Madius... Andreas. 1033. Tarlo. 1036. Franco.  
 „ 1046. Gifus. 1059. Petrus... Forminus  
 „ Cresimiro rege. 1069. Petrus. 1072. Petrus.  
 „ 1078. Gregorius. 1195. Vincentius, cui concessit  
 „ Cælestinus III. usum mitræ, baculi, ac  
 „ sandalium, sicut præcessores habebant. 1221.  
 „ Damianus. 1223. Controversia Abbatis  
 „ absentis cum comunitate & Archiepiscopo cum  
 „ delegationibus PP. Honorii III. & Gregorii IX.  
 „ 1230. Damianus. 1238. Jordanus tunc Episcopus  
 „ Arbenis fuerat post mortem Vincentii II.  
 „ Abbas S. Chrylogoni electus. 1243. Detorente.  
 „ 1247. Nicolaus Semitecolo. Reliqui uti notiores  
 „ omitti.

„ Sed quoniam meminimus Priorum Jadræ, non  
 „ erit inutile disserere quinam fuerunt isti  
 „ Priores, ad clariorem intelligentiam eorum,  
 „ quæ dicta sunt & quæ erunt dicenda. Sciendum  
 „ itaque est istos Priores fuisse magistratus  
 „ Jadræ, qui, cum etiam præessent toti provinciæ,  
 „ appellabantur Proconsules, vel Catapani  
 „ Dalmatiæ, & insuper utebantur titulo patricii  
 „ & protospatarii imperialis & stratici Dalmatiæ.

„ Idem antea duces, postmodum sub regibus  
 „ Ungarorum aliquando duces, demum Bani  
 „ appellati sunt. Hos centerem origine fuisse  
 „ Græcos, cum Imperatorum Græcorum provinciam  
 „ regerent, eosque occasione regiminis Jadræ  
 „ fixisse domicilium, ubi post desolationem  
 „ Salonæ, Præsides Dalmatiæ residebant. Et  
 „ quamvis Græci fuerint origine, Latinum  
 „ tamen ritum servasse constat ex eo, quod  
 „ monasteria & Ecclesias Latinas impense excolerent  
 „ mutuaque connubia cum Croatis contraherent.  
 „ Verum licet hujusmodi magistratus non esset  
 „ perpetuus, nec hæreditarius, sed post  
 „ declinationem Imperii Græcorum populariter  
 „ electivus; tamen non egrediebatur, ut plurimum,  
 „ illorum agnationem, ex qua etiam Episcopi  
 „ Jadræ aliquando eligebantur, quia filius  
 „ patri & frater fratri sæpe in Prioratum  
 „ succedebant; eundemque magistratum iterum  
 „ ac tertio reassumebant, ut videre est ex  
 „ scripturis, quæ paucissimæ reperiuntur  
 „ illorum temporum, ex quibus tamen elicitum  
 „ fuit sequens illorum, licet interrupta, progenies,  
 „ in qua recensentur aliqui benefici non solum  
 „ S. Chrylogono, sed etiam monialibus S. Mariæ;  
 „ digni ut eorum memoria vigeat & grato  
 „ animo recolatur ab illis, qui adhuc eorum  
 „ beneficiis fruuntur.

Petrus





„ Verum ut aliquæ personæ, quæ in hac se-  
„ rie numerantur, & earum gesta melius inno-  
„ tescent, possunt videri scripturæ infrascriptæ,  
„ videlicet ex regesto S. Mariæ 1066. scri-  
„ ptura Ciccæ filiz Doimi & Vekenegæ &c.  
„ Ex Summario scripturarum S. Chrysogoni scri-  
„ ptura Draghi Prioris 1093.  
„ Anno incarnationis D. N. J. C. 1066. Cre-  
„ simiro rege regnante Croatia, & Stephano Ja-  
„ dra præfulante, & Drago Jadræ priorante.  
„ Ego Cicca filia Doimi & Vekenegæ neptis  
„ Maji Prioris, uxor Andrea filii Papæ post in-  
„ terfectionem mariti, cum duabus remanens filia-  
„ bus in viduitate, videlicet Domnana & Vekenega,  
„ capi corde perpendere qualiter istius ca-  
„ duca vitæ non perderem hereditatem, & fu-  
„ turarum non amitterem perpetuitatem, sicque  
„ mihi salubrius existimans consilium ut ego cum  
„ majori filia videlicet Domnana Deo dicarer mo-  
„ nacha, minorem vero Vekenegam maritali sub-  
„ derem jugo, hujus vero consilii germanum &  
„ consanguineos quos habebam propinquos feci  
„ mihi conscios Stephanum Episcopum & Drago  
„ Priorem, & Cricam totius mei ætus coopera-  
„ tores &c. At postquam eis utilis est visa mea  
„ tractatio, communi cum concivibus habito con-  
„ silio, ac Petro Sanctissimo Abbate S. Chrysogoni,  
„ cum omnibus monachis huic consentien-  
„ tes meditationi, mihi donaverunt ecclesiam S.  
„ Mariæ minoris, ante portam bellatam.  
„ Ex Summario S. Chrysogoni.  
„ 1093. Indictione 4. imperante Alexio Magno

„ Imperatore, Episcopo Jadræ Andrea, Drago  
„ Jadræ Prior nepos Dragonis majoris jam se-  
„ nex, in quinto anno sui prioratus, post pluri-  
„ ma pericula & agones; ab incolis suis ac diver-  
„ sarum gentium feritate gravatus, conciliatus  
„ omnibus nobilibus suis, concedit monachis mo-  
„ nasterii S. Chrysogoni omnia illa servitia, quæ  
„ antiquitus Priores Jadræ in castro Lubicata ha-  
„ buisse manifestum erat &c.  
„ Ex his vetustissimis monumentis potest col-  
„ ligi quod ecclesia monialium appellabatur S.  
„ Maria Minor, & fundatum fuit monasterium  
„ per Ciccam anno 1066. quod status civitatis  
„ erat democraticus & alienatio ecclesiarum de  
„ consensu civium fiebat. Quod in judiciis et-  
„ iam sæcularibus Episcopus suam jurisdictio-  
„ nem interponebat & appellationes ad Archie-  
„ piscopum Spalatensem deferrebantur. Item istos  
„ Priores interdum expertos fuisse domi sedi-  
„ tiones & æmulationes, foris armorum con-  
„ gressus & bella cum regibus ac regulis Croa-  
„ torum, licet eorum curiæ aliquando interfue-  
„ rint, a quibus sæpe prævalide pressi, decli-  
„ nante Græcorum Imperio, demum ad Vene-  
„ torum præsidium cum ceteris Dalmatis com-  
„ migrasse.  
„ Arguitur etiam tenuitas rei familiaris ac  
„ prædiorum, quæ in eorum possessione repe-  
„ riebantur, impar equidem dignitati magistra-  
„ tus quem gerebant.  
„ Colligitur tunc temporis Episcopos & cle-  
„ rum sæcularem in Croatia nondum cælibatum  
„ agno-

\* *Id colligi nequis; nam si quis Episcopus ut Præstantius, vel presbyter filios habuisse dicunt, eos genuisse possunt ante sacros Ordines susceptos.*

agnovisse, \* qui tempore Divi Gregorii Magni in Italia & insulis Italiæ cœpit institui, ut colligitur ex illius epistola 42. lib. 1. ad Petrum Siciliæ subdiaconum redacta in decreto Gratiani cap. ante triennium cum sequ. 31. dist. cap. nullum 8. dist. Idem institutum dilatarî cœpit sub Callisto PP. II. cap. Presbyteris 17. dist. Alexander quoque III. in occidentales provincias cœlibatum extendere studuit, ut videre est cap. 1. & cap. sane de clericis conjugatis.

„ Cresimirus junior, qui & Petrus dictus est, confirmavit donationem factam a Cresimiro seniore ejus avo Dicli, quod olim dicebatur Iculus vel Michulus, unde Promontorium dictum est Pontamicca, monasterio S. Chrysogoni. Vide Lucium lib. 2. cap. 8. Idem anno 1059. fundavit monasterium & ecclesiam S. Joannis Baptistæ in Belgrado, & donavit Ciccæ sorori suæ anno 1072. terras in Tachina; quæ Cicca fundavit monasterium S. Mariæ. „ Sciendum quoque Præstantium seniore Episcopum Jadræ cum Madio ejus fratre donasse monasterio S. Chrysogoni ecclesiam S. Michaelis cum terris adjacentibus, quam ipsi fundaverant in insula antiquitus dicta Flavico postea Pistimana, nunc Palman, quæ ecclesia nunc est parochialis villæ Nevilianæ. „ Vide Lucium.

Alter regularium conventus est S. Dominici Ordinis Prædicatorum, cujus titulus antiquitus erat S. Platonis, ibique monasterium, in quo nonnullæ moniales degebant.

„ Verum isti Fratres primum evocati a Dominico Franco Archiepiscopo, non habentes locum permanentem in civitate, a Capitulo cathedralis post illius obitum sponte fuerunt excepti & in capella seu ecclesia S. Thomæ collocati, quæ sita est apud ædes, illis tunc a Comite de mandato Ducis Venetiarum assignatas, pro ut constat ex scriptura 1244. apud eosdem Fratres existente, quæ capella nunc vocatur Capitulum monasterii; subinde a Laurentio Perianthro Archiepiscopo & ab eodem Capitulo, ita postulantes Duce Veneto & Patriarcha Gradeni 1248. donati fuerunt eadem ecclesia S. Platonis, quæ deinceps dicta fuit S. Dominici, licet consecrata fuerit ad honorem S. Marci Evangelistæ a Guidone Patriarcha Gradeni, & Dalmatiæ Primace, assistentibus Jadræ, Arbeni, Sibenicensi, & Nonensi anno 1280. 10. Januarii ut docet diploma apud eosdem Fratres existens.

„ *Universis & singulis Christianis fidelibus presentes litteras inspecturis* Leonardus Quirinus Comes Jadræ cum suis Consiliariis Marco Basadonio, & Philippo Donato &c. omittuntur ob prolixitatem. „ *Edificium ecclesiæ S. Dominici amplum, altaribus eleganti pictura & auro effulgentibus; ædes conventus latæ cum officinis congrue dispositis; redditus sufficientes pro mensa viginti & amplius Fratrum, quibus accessit Abbatia S. Michaelis de Monte cum censu 300. circiter ducatorum, cujus commendam Beatus Pius PP. V. suppressit & huic conventui applicuit, ea lege, ut ibi studium formale institueretur ad commodum, & eruditionem indigenarum & provincialium.* „ *Æqualis fere structuræ ac formæ est ecclesia S. Francisci Minorum de observantia consecrata anno 1282.*

„ Hæc tamen excedit pulchritudine ac splendore altarium pretiosis columnis & statuis ornata. „ Conventus ædificium satis amplum, quod ducentis retro annis Fratres conventuales possidebant, apud quos remanserunt antiquæ Scripturæ, e quibus elici potuissent origo & alia quæ incomperta jacent.

„ Extant quoque in eadem civitate Fratres tertii Ordinis S. Francisci, qui vocantur Eremitæ de pœnitentia, celebrantque officia idioma Illyrico. „ Horum adventus primus in agro Jadræ fuit anno 1439. die 4. Decembris, nam ecclesia S. Joannis Baptistæ, quam tunc possidebat titulo Rectoris quidam Presbyter Paulus de Littera Slava, resignata fuit in manibus Laurentii Venerii Archiepiscopi, qui eam concessit & contulit fratri Martino q. Novatii ejusdem Ordinis, ut ibi sui Fratres habitarent & conventum construerent, accedente sponione Gregorii Mangane civis Jadræ, qui instaurare ecclesiam & monasterium ædificare professus est; quam concessionem Maphæus Vallareffus commissarius Nicolai PP. V. confirmavit anno 1454. ultima Februarii. „ Verum circa annum 1527. Turcis in Dalmatia omnia flammis & ferro miscens, jussu publico dicta ecclesia demolita fuit, receptis Fratribus ex Veneti S. C. 1521. 30. Junii in ecclesia S. Silvestri diruta, juxta pomerium urbis posita, cum hortulis adjacentibus, ac subinde tractu temporis, adeptis solo & ædibus contiguis, monasterium construxere.

„ Confraternitas vero S. Silvestri in ecclesia S. Thomæ secessit, quæ erat Plebania nuncupata, sine cura, & sine clero. Hanc Plebanus cessit confraternitati, reservato sibi Canone unius cerei & certa portione obventionum funeralium. Eadem ecclesia etiam S. Crucis dicitur, & ob celebre & antiquum D. N. J. C. simulacrum valde veneratur. „ Habetur mentio de hac ecclesia in testamento Andreæ Prioris anno 908.

„ Monasteria monialium quinque; duo Ordinis S. Benedicti videlicet S. Mariæ & S. Catharinæ, unum S. Dominici in S. Demetrio, ac duo S. Claræ, unum in S. Nicolao, alterum in S. Marcella. „ Monasteria S. Mariæ, Nicolai, & Demetrii patent nobilibus; S. Catharinæ vero reliquis ingenuis civibus, itemque S. Marcellæ, ubi etiam puellæ nobiles Nonæ admittuntur, cum 200. circiter ab hinc annis Nona Jaderam fuerit translatum. „ Monasterii S. Mariæ prima institutio Ciccæ sorori Cresimiri junioris Dalmatiæ & Croatiæ regis tribuitur, ut in scriptura 1066. supra relata & a Lucio cap. 15. lib. 2. Dicta ecclesia consecrata fuit anno 1072. & celebrant consecrationem moniales die 28. Octobris.

„ Habent privilegium moniales & aliud refert Lucius pag. 102. Adjacet turris campanaria, quam Colomanus Rex Ungariæ erexit, ut patet ex inscriptione.

„ *Anno Incarnationis D. N. J. C. MCV. Post victoriam & pacis premia Jadræ Introitus a Deo concessa proprio sumptu hanc Turrim S. Mariæ Ungariæ Dalmatiæ Croatiæ construi & erigi jussit Colomanus Rex.*

„ Moderna ecclesia nullum vetustatis vestigium nunc retinet, præter ciborium aræ majoris,

„ joris, in ejus pinnaculo Crux hujusmodi extat  
 „ M. CV quod demonstrat eodem tempore ac  
 „ turrim fuisse constructum.  
 „ Eodem anno obiit Vekenega filia Ciccz  
 „ Abbatis, quæ vivente viro monasticam vitam  
 „ inire decreverat, ad cujus favorem secuta est  
 „ sententia relata 1091.  
 „ Sepulta est in Capitulo ejusdem monaste-  
 „ rii & arca columnis suffulta habet inscri-  
 „ ptionem:  
 „ *Laude nitens multa jacet hic Vekenega sepulta*  
 „ *Quæ fabricavit Turrim simul & Capitolia*  
 „ *struxit.*  
 „ *Hæc obiit undeno centum post mille sub ævo,*  
 „ *Quo vivens Christus carnis portavit amictus.*  
 „ *Nos habet annus quintus quo Rex Colomanus*  
 „ *Præsul & est decimus quo G. fuit annus.*  
 „ Huic monasterio idem Colomanus nobile  
 „ concessit privilegium regiæ libertatis anno 1102.  
 „ quando coronatus fuit rex Croatorum Belgra-  
 „ di civitate regia, nunc Zaravecchia.  
 „ S. Nicolai ecclesia & monasterium anti-  
 „ quius censerem ex ejus structura, sed de ejus  
 „ origine nihil certi videre licuit.  
 „ Idem dicendum est de origine monasterii  
 „ S. Demetrii; extant tamen quædam scripturæ  
 „ in archivio monasterii montis Tconi, ex qui-  
 „ bus constat donatam fuisse ecclesiam S. Deme-  
 „ trii ejusdem monachis a Capitulo & univer-  
 „ sitate civitatis anno 1203. post desolationem  
 „ Jadræ, quæ circa annum 1200. contigit. Ea-  
 „ dem donatio fuit confirmata a Benedicto Fal-  
 „ letro Patriarcha Gradensi, qui vixit circa ea-  
 „ dem tempora.  
 „ Verum circa ea tempora Jadræ a Venetis  
 „ muris nudata ejusque ædibus everfis, cives  
 „ vegetiores ac armis assueti piraticam iniere,  
 „ reliqui imbecilliores utriusque sexus dispersi  
 „ abiere quoquo poterant refugium quæritantes.  
 „ Eandem quoque calamitatem moniales S.  
 „ Demetrii perp. sse sunt, quarum aliæ Arbum  
 „ cum Abbatis Viola migrarunt, aliæ vero in  
 „ agro Jadrensi apud S. Petrum de Bubgnani se-  
 „ cesserunt, ubi inopem & ærumnolam vitam  
 „ agentes, ut victui suo aliquo modo consule-  
 „ rent, eandem ecclesiam S. Petri cum prædiis  
 „ ad eam pertinentibus concesserunt Dominico  
 „ Abbati SS. Cosmæ & Damiani, qui eas in  
 „ protectionem uti sorores suscepit, ac alimen-  
 „ ta atque alia ad vitam necessariam spopondit,  
 „ ut docet scriptura 1207.  
 „ Cumque ecclesia S. Petri Bubgnane est dice-  
 „ cesis Belgradensis, cujus sedes Episcopalis Scar-  
 „ donam translata fuit post everisionem Belgradi,  
 „ ideo Bartolus Episcopus Scardonensis eandem  
 „ cessionem confirmavit anno 1207.  
 „ Jadrenses interim exules ac profugi cladi-  
 „ bus & calamitatibus pene consumti, salubri  
 „ inito consilio supplices in gratiam & fidem  
 „ Venetorum reddidere, quibus patriam repe-  
 „ tere & domos dirutas reparare fuit permissum.  
 „ Ea propter Viola Abbatis S. Demetrii,  
 „ Jadræ reversa ecclesiam suam requisivit, ac  
 „ sibi restitui postulavit; quam tandem ejusdem  
 „ Abbati Dominico cessit, ut constat ex scri-  
 „ ptura 1208. Quomodo postea redierit ad mo-  
 „ niales, cognoscere non licuit.  
 „ Monasterium S. Catharinæ recentius digno-  
 „ scitur.  
 „ Cæpit construi a Pellegrina filia qu. Ser  
 „ Cose de Saladinis & relicta qu. Ser Francisci  
 „ Chrylogoni Nobilis Jadræ, quæ in testamen-

„ to suo 1391. 22. Maji disponit, quod mo-  
 „ nasterium S. Catharinæ a se fundari cœptum  
 „ compleri debeat per suos commissarios, in-  
 „ ter quos nominavit præcipue Rever. D. Pe-  
 „ trum de Matafaris Archiepiscopum, & in eo  
 „ immitti debeant moniales populares, cui lega-  
 „ vit integram suam possessionem de Peterzane,  
 „ hortos, & olivetos &c. Postmodum vero Ni-  
 „ colaus Draperius civis Jadræ dictum mona-  
 „ sterium & ecclesiam ampliavit, in qua cum  
 „ Agnete ejus uxore sepeliri voluit, cui e suis  
 „ bonis legavit, ut constat ex testamento 23.  
 „ Martii 1413.  
 „ Sanctæ vero Marcellæ licet adventitium,  
 „ cum ortum suum habuerit Nonæ civitatis re-  
 „ giæ antiquissimæ, pro ut indicant ibi vesti-  
 „ gia & rudera; translatum fuit Jaderam circa  
 „ annum 1500. & comune effectum civibus Ja-  
 „ dræ & nobilibus Nonæ.  
 „ Extabat antiquitus aliud monasterium in  
 „ suburbio Jadræ, videlicet S. Mariæ de Melta,  
 „ de quo habetur mentio in Stat. lib. 3. cap. 5.  
 „ sed cum suburbio demolitum est.  
 „ Reditus monasteriorum sufficientes.  
 „ Plures reliquæ SS. asservantur in eisdem  
 „ monialium ecclesiis.  
 „ In S. Maria.  
 „ De capite S. Gregorii PP.  
 „ Caput S. Quirini martyris.  
 „ De brachio S. Andreæ & S. Matthæi Apo-  
 „ stolorum.  
 „ De reliquiis S. Anastasiæ & S. Simonis Pro-  
 „ phetæ.  
 „ Dens S. Mariæ Magdalene. Item S. Bene-  
 „ dicti Abbatis.  
 „ De capite S. Euphemie. Frustulum ossum  
 „ S. Zoili confessoris.  
 „ De Spongia passionis. De ligno S. Crucis.  
 „ De Columna flagellationis.  
 „ De subucula S. Agnetis. Reliquiæ S. Mar-  
 „ tini, & aliorum SS.  
 „ In S. Catharina.  
 „ Frustulum capitis S. Justæ virginis, & mar-  
 „ tyris.  
 „ Digitus S. Donati. Item S. Ambrosii.  
 „ Reliquiæ S. Catharinæ virginis & martyris.  
 „ In S. Demetrio.  
 „ Reliquiæ S. Helenæ. Item S. Demetrii.  
 „ Item plurium SS. sine nomine.  
 „ Urceolus argenteus cum liquore, qui sca-  
 „ tet ex corpore S. Demetrii.  
 „ Plures reliquiæ in cruce argentea & reli-  
 „ quæ S. Jo. Baptistæ.  
 „ In S. Nicolao.  
 „ Fragmenta reliquiarum S. Nicolai.  
 „ De brachio S. Bonifacii.  
 „ Manus S. Agapiti martyris.  
 „ Fragmentum reliquiarum S. Claræ.  
 „ De ligno S. Crucis. De Spongia passionis.  
 „ Fragmentum Columnæ passionis Domini.  
 „ Plurimæ aliæ reliquiæ SS. in tabella, & in  
 „ cruce.  
 „ In S. Marcella.  
 „ Ossa S. Casimiri & S. Adriani martyrum.  
 „ Reliquiæ S. Marcellæ virginis. S. Margari-  
 „ tæ virginis & martyris. S. Felicis martyris.  
 „ Dens S. Alcleræ martyris. S. Floriani mar-  
 „ tyris. S. Giovine martyris & virginis. S.  
 „ Agapiti martyris. S. Lucretiæ martyris. SS.  
 „ Petri, Lælii, Boni, Lucani, Theophonti mar-  
 „ tyrum. SS. Ermetis & Bonifacii martyrum.  
 „ Parum cineris S. Petri Apostoli.

„ Reli-

„ Reliquæ ecclesiæ cum monasteriis viginti septem numerantur, pleræque a confraternitatibus laicorum & artium scholis cultæ & frequentatæ, nec non de necessariis ad divinum cultum sufficienter, & aliquæ etiam copiose instructæ. Exstat etiam ecclesia S. Eliæ Prophetæ pro illis, qui sunt Græci ritus, quæ regitur per unum monachum S. Basilii, qui ibidem officia ritu Græco celebrat.

„ Extant præterea tres Congregationes Presbyterorum, novem confraternitates laicorum, pluresque artium scholæ; nec alia instituta desiderantur quæ religionis incrementa promovere possunt.

„ In plerisque memoratis ecclesiis reperiuntur plures SS. Reliquiæ decenter & splendide asservatæ, quas singulas recensere longum esset.

„ Inter cetera ampulla argentea cum quodam glutino, quod lac B. Virginis appellant, in ecclesia S. Silvestri.

„ Hospitalia septem in eadem civitate reperiuntur.

„ Unum pro damnatis ad triremes, alterum pro militibus, reliqua quinque pro pauperibus utriusque sexus, videlicet S. Jacobi, S. Martini, quod antiquitus erat in suburbio; S. Bernardini, S. Marci, & B. Virginis de Castro veteri. Illorum auctores ignoti, excepto S. Jacobi, quod Jacobus Morgane civis Jadræ instituit.

„ In eadem diocesi quinque etiam cœnobii & conventus Regularium reperiuntur. Unum in insula Pasmani in monte, quod villæ Tconni imminet, in cujus vertice sita est ecclesia SS. Cosmæ & Damiani, cum monasterio, pro angustia situs, satis opportuno, quod lex monachi Ordinis S. Benedicti idiomatis Illyrici incolunt. Abbas commendatarius illud regit & administrat. Jugum montis antiquitus castrum cingebat, cujus vestigia adhuc apparent, quo refugium aliquando patuit Capitulo cathedralis Jadræ, cum eadem civitas quoddam excidium funditus passa est, cujus meminit scriptura 1203. existens in archivio ejusdem monasterii relata a Lucio lib. 4. cap. 2. pag. 157.

„ Primordia hujus monasterii ab eodem Crelimiro rege processisse dignoscuntur circa annum 1059. ex scriptura ejusdem monasterii. Sciendum est primum ejusdem monasterii titulum fuisse S. Joannis Apostoli & Evangelistæ, in cujus honorem idem rex Belgradi, nunc Zaravecchia, ædificavit ecclesiam ac monasterium, quod tradidit regendum Andreæ Abbati, illudque auxit plurimis prædiis & præcipue insula Zuris & Curte Rogovo, ut habetur ex scriptura apud monachos existente.

„ Eandem ecclesiam consecraverunt Laurentius Archiepiscopus Spalatensis una cum Apocryfariis Romanæ Sedis Episcopo Fulconio & Gebizono Abbate SS. Felicis & Alexii, nec non Præstantio Episcopo ejusdem civitatis anno 1076. quo die cives Belgradenses obtulerunt eidem ecclesiæ decimas olivarum, ut videre est ex scriptura penes monachos existente. Eodem anno & forsitan die Præstantius Episcopus Belgradensis donavit eidem monasterio S. Joannis Evangelistæ ecclesiam SS. Cosmæ & Damiani in monte, quod constat ex iisdem scripturis.

„ Sed cum Bonus Episcopus Belgradensis eandem ecclesiam iterum occupasset, Angustinus

„ Cardinalis Sedis Apostolicæ Legatus, illam eidem monasterio restituere fecit anno 1103. & eandem donationem postea confirmavit Ordelaphus Faletro Dux Venetiarum anno 1416. ut videre est in scripturis monachorum.

„ Verum Belgrado everso a Dominico Michaeli Duce Veneto, monasterium S. Joannis Evangelistæ ad insulam e regione positam translatum fuit, & dictæ ecclesiæ SS. Cosmæ & Damiani unitum, antiquato nomine S. Joannis. Sed cum Dux Venetus post evertionem Belgradi donasset Michæ Episcopo Jadræ ecclesiam SS. Cosmæ & Damiani, illam Michæ postea restituit eidem monasterio anno 1129. ut testantur scripturæ. Extant quoque plura diplomata Pontificum & regum Ungariæ, quæ testantur amplitudinem possessionum ejusdem monasterii, in cujus ditione 36. villæ numerabantur, quarum iudex ordinarius Abbas monasterii existeret.

„ Ecclesia SS. Cosmæ & Damiani postmodum fuit funditus cum ipso Castro deleta, quando, & a quo ignotum.

„ Iterum tamen a fundamentis constructa anno 1369. ut sequens docet inscriptio, quæ cernitur litteris Gothicis exarata supra portam lateralem ejusdem ecclesiæ.

„ *Hoc opus novæ constructionis ad futurorum rei memoriam post destructionem infra scriptorum loci & ecclesiæ SS. Cosmæ & Damiani, Artemii, Leontii & Euprepii martyrum & fratrum, readificatur & a fundamento constructur, ad laudem Dei Omnipotentis, Beatissimæ Virginis ejus Matris Mariæ, discipulorumque SS. per Fratrem Petrum de Jadra, Dei & Apostolica gratia umilem Abbatem dicti loci, Capellanumque D. Papæ infra scripti, instante anno a Nativitate Salvatoris MCCCCLXIX. Indictione 7. die 4. Junii, præsentente Papatui Urbano divina providentia Papa V. anno ejusdem 7.*

„ Cujus ecclesiæ ædificium absolutum fuit anno 1418. ut patet ex lapide inscripto, sito sub pinnaculo faciei ejusdem ecclesiæ.

„ *Hæc ecclesia fuit completa MCCCCXVIII. tempore Reverend. Prioris D. Francisci Mariæ petro, in honorem Beatissimorum Cosmæ & Damiani D. M.*

„ Aliud monasterium fuit in diocesi, nempe S. Michaelis de Monte, e regione civitatis in insula Ugliani situm (nam tota insula, quæ utroque fretu terminatur, Ugliani insula dicitur, in qua plures vici seu villæ continentur) quod prius commendatum, demum a B. Pio V. suppressum fuit. Ecclesiam S. Michaelis in cacumine montis excelsi positam cingit castrum adhuc existens non spernendæ molis ac structuræ, cum arce eminenti, ex qua tamquam ex specula prospiciuntur sinum Adriaticum præternavigantes. Ipsum castrum ceptum fuisse construi circa annum 1366. colligitur ex quadam instructione Consilii generalis Jadræ, suo Nuntio ad regem Ungariæ Ludovicum ablegato, quam inserit Lucius in suis memoriis Tragurii lib. 5. cap. 7. & postea munitum anno 1373. ut docent quædam litteræ ejusdem Consilii Episcopo Vacienti datæ, quarum meminit ibidem Lucius.

„ Item in eadem diocesi Observantes S. Francisci tres conventus habent. Unum in insula Pasmani, quem construi jussit juxta ecclesiam S. Domnii Pellegrina de Saladinis in suo te-

„ sta-

„ stamento, in quo habitare voluit Fratres Mi-  
 „ nores de Bosna. Alterum in Ugliano cum  
 „ ecclesia S. Hieronymi. Tertium in insula Sil-  
 „ vae fundatum a Matthæo Paulina ejusdem in-  
 „ sulæ incola anno 1660. cum ecclesia S. Ma-  
 „ riæ de Carmelo, erecta a Simone Paulina  
 „ ejus fratre.

„ Tertiarii S. Francisci duos ibidem in diœ-  
 „ celi tenent conventus, unum in scopulo par-  
 „ vo dicto Galevaz, apud insulam S. Michaelis  
 „ e regione civitatis cum ecclesia S. Pauli pri-  
 „ mi Eremitæ, quæ illis fuerat concessa per  
 „ Marinum Crislava & Antonium de Chryto-  
 „ gonis commissarios substitutos Bartoli de Mi-  
 „ lano, & confirmata per Archiepiscopum Val-  
 „ laresum commissarium Apostolicum anno 1454.  
 „ die ultimo Februarii. Alterum in insula ma-  
 „ gna in loco dicto Zaglava cum ecclesia S. Mi-  
 „ chaelis, quæ constructa fuit a Gregorio Mor-  
 „ gane præfato, & legata eisdem Fratribus cum  
 „ nonnullis terris in eadem insula existentibus.  
 „ Utrumque paucos Fratres habet.

„ Oppidum Pagi cum fere tota insula Jadria-  
 „ cæ diœcesis esse censetur, excepta ora occi-  
 „ dentali, quæ ad diœcesim Arbenensem pertinet.  
 „ Eadem insula primum Cissa seu Gissa a Pli-  
 „ nio, postea a Dandulo Kessa vel Quissa ap-  
 „ pellata, a Croatis cum civitate ejusdem nomi-  
 „ nis desolata fuit, cujus vestigia adhuc ibidem  
 „ cernuntur. Hæc a Cresimiro rege Dalmatiæ  
 „ & Croatiæ anno 1071. Arbeni Ecclesiæ as-  
 „ signata fuit, exceptis villis Pagi, Pezzani,  
 „ & Uvlassich, quas Episcopo Nonensi tribuit.  
 „ Postmodum a Sebastiano Ziani Duce Veneto  
 „ anno 1174. Rogerio Mauroceno Dominici  
 „ Comitis Jadræ filio, titulo Comitis conces-  
 „ sa. Verum exortis controversiis inter eundem  
 „ Rogerium & Arbenes, res ad Lampridium  
 „ Archiepiscopum & ad Consules & Consilium  
 „ Jadræ delata est; auditis propterea partium  
 „ juribus, decretum fuit anno 1177. ut insula  
 „ Kessa a Jadrensis & Arbensibus communi-  
 „ ter coli & pasci perpetuo debeat, nihilque  
 „ Arbenes dicto Rogerio respondeant.

„ Porro rebus Dalmaticis post varios casus  
 „ ad regem Ungarorum devolutis, Jadrenses  
 „ ejusdem insulæ dominium a Ludovico rege  
 „ iterum obtinere, juraque sua etiam ultra  
 „ fines Arbensium extendere nitebantur & in  
 „ suum dominium Novaliam, Kessam, & Lonum  
 „ cum suis pertinentiis includere, quibus præ-  
 „ judiciis Arbenes obistere volentes anno 1372.  
 „ in actis publicis jura sua protestati sunt per  
 „ Hermolaum de Hermolao eorum V. Comi-  
 „ tem & Cancellarium Consilii.

„ Verum cum Pagenes toto conatu semper  
 „ Jadrensi dominatum detrectarent, anno 1393.  
 „ ab eis defecere ejecto Joanne Soppe eorum Co-  
 „ mite. At Jadrenses armis validiores recepto  
 „ Pago, atrociam Pagensibus intulere jurgia, co-  
 „ tumelias, ludibria, mutilationes, suspendia,  
 „ direptiones, turpesque interneciones. Quibus  
 „ a rege Sigismundo cognitis, Pagensiumque cla-  
 „ moribus & querelis exauditis, Pagus Jadren-  
 „ sibus ademptus fuit anno 1395. Pagenes a  
 „ carceribus missi, resque eorum tam ecclesiasti-  
 „ cæ quam sæculares, quæ apud Archiepisco-  
 „ pum servabantur, restitutæ. Ceterum ut ju-  
 „ ris ordine servato res ageretur, delegati fue-  
 „ runt judices regii, Joannes Episcopus Zaga-  
 „ brienfis, & Gara Banus Dalmatiæ & Croa-

„ tiæ, qui pro dirimendis etiam aliis subdito-  
 „ rum quæstionibus Nonam convenerant, ge-  
 „ neralem conventum celebrantes, assumptis  
 „ Chrysogono Traguriensi, & Joanne Nonensi  
 „ Episcopis, Comite Corbaviensi, & duobus,  
 „ vel tribus nobilibus civitatum Tragur. Spa-  
 „ lat. Scardonem. Nonen. & Arben. ubi par-  
 „ tium juribus plenissime auditis anno 1396. 24.  
 „ Junii decreverunt & declaraverunt insulam Pa-  
 „ gi instar aliarum civitatum Dalmatiæ, in suis  
 „ libertatibus esse conservandam, Jadrensis  
 „ perpetuum silentium imponendo, reservato  
 „ jure Pagensibus coram rege prosequendi in-  
 „ jurias & damna a Jadrensis sibi illata, cu-  
 „ jus tenor sententiæ refertur a Lucio in notis  
 „ ad Memoriale Pauli de Paulo.

„ Jadrenses nihilominus illico regem appel-  
 „ lantes, nuntios ad curiam regiam misere,  
 „ qui omnis judiciorum contentione, con-  
 „ silium emendi insulam Pagi iniere, oblati  
 „ regi exhausto in pretium 40. ducatorum mil-  
 „ libus in decennium solvendis.

„ Verum cum irriti Jadrensi conatus eva-  
 „ dissent, Pagenes in sua libertate perrexere.  
 „ Verum cum postea anno 1402. 27. Augusti  
 „ Jadrenses Ladislao regi Neapolitano se dedis-  
 „ sent, Pagum quoque in suam potestatem ite-  
 „ rum receperunt, ut colligitur ex eodem Me-  
 „ moriali Pauli. Porro Jadra a Ladislao Vene-  
 „ tis per venditionem tradita anno 1409. Pa-  
 „ genes excusso Jadrensi jugo regimen Ve-  
 „ netorum liberum susceperunt.

„ Sed cum villa Pagi, una cum parochiis  
 „ orientalibus, illius insulæ a Cresimiro rege  
 „ in privilegio 1071. Episcopo Nonensi, ut  
 „ diximus, assignatæ fuissent, ac postea a Ve-  
 „ netis occupatæ, ideo in Synodo ab Archie-  
 „ piscopo Spalateni cum suis Suffraganeis cele-  
 „ brata anno 1185. annuente Summo Pontifi-  
 „ ce, pro bono pacis detracta fuit Episcopo  
 „ Arbeni Zupa Luchæ in solo Croatico exi-  
 „ stens, & ejus medietas assignata Episcopo No-  
 „ nensi, pro parte insulæ Pagi a Venetis pos-  
 „ sessa. Porro ut Veneti eandem insulæ partem,  
 „ recrudescente tunc cum Ungaris bello, tueri  
 „ ac retinere possent, extructa arce in villa Pa-  
 „ gi, eam præsidio munire, ubi incolæ ut  
 „ in tutiorem locum suas sedes locare cœperunt,  
 „ quorum frequentia vicus in oppidum excre-  
 „ vit, & oblitterata antiquæ Kessæ memoria, Pa-  
 „ gi nomen invaluit.

„ Adjacet oppido vallis salinarum copia sa-  
 „ tis nota Reipublicæ Venetæ opulentum cen-  
 „ sum reddens, quarum laborioso proventu in-  
 „ colæ ut plurimum victitant. Verum tractu  
 „ temporis auctis Pagi ædificiis ac ecclesiis, ho-  
 „ stium incursionibus expositis, Senatus Vene-  
 „ tus novum oppidi locum magis tutum & op-  
 „ portunum meditari cœpit, illudque in fau-  
 „ cibus vallis, ubi euripus æstuat, anno 1443.  
 „ collocavit, murisque peronatis ac turribus  
 „ munivit, ac sepsit, quo incolæ Pagi migra-  
 „ runt, quorum prisca ædes rudibus obrutæ  
 „ adhuc visuntur, ac terræ veteris nomen re-  
 „ tinent. Quæ a nobis de Pago breviter, ea fu-  
 „ sus narrat Lucius lib. 3. cap. 12. item Pau-  
 „ lus de Paulo in suo Memoriali.

„ In eodem oppido insignis extat collegiata  
 „ constans ex Archipresbytero, qui habet curam  
 „ animarum, & duodecim Canonicis, quam  
 „ Petrus de Matafatis Archiepiscopus ex paro-  
 „ chia-

„ chiali in collegiatam erexit circa annum 1395.  
 „ ac subinde Blasius Molinus titulo Primitierii  
 „ auxit.

„ Quam erectionem Martinus PP. V. circa  
 „ annum 1427. confirmavit. Hi omnes quoti-  
 „ diano servitio chori sunt addicti, quem plures  
 „ etiam alii Sacerdotes & clerici frequentant.  
 „ Regitur per Vicarium foraneum, cui quin-  
 „ que parochiae ejusdem insulae substant. Eccle-  
 „ sia collegiata est satis ampla, perpolitae ex-  
 „ structa, suppellectilibusque non indigna. Re-  
 „ ditus congruos habet.

„ Ceterum sicut hoc oppidum, tam ecclesia-  
 „ sticis quam saecularibus qualitatibus non defi-  
 „ cit, ita ut ad integrum jus civitatis & ad  
 „ episcopalem dignitatem non immerito adspi-  
 „ ret eoque augeri satagat, ita Episcopum ali-  
 „ quando habuisse gratis asserit, nec ullo legi-  
 „ timo documento probat.

„ Etenim cur in locum demortui Episcopi  
 „ successor adlectus non fuerit, causa assignan-  
 „ da est. Praeterea Ferdinandus Abbas Ughel-  
 „ lus vir in perquirendis episcopalibus sedibus  
 „ sedulus, ac accuratissimus, cui patuere Codi-  
 „ ces Vaticani ac libri provisionum consistoria-  
 „ lium, in quibus episcopales ecclesiae totius  
 „ orbis Christiani sunt descriptae, hanc unam  
 „ Pagensem in sua Italia sacra dum de Archie-  
 „ piscopatu Jadrensi agit, tanquam Patriarcha-  
 „ tui Gradeni subiecto, sibi excidere non si-  
 „ visset, vel saltem inter suppressas vel unitas  
 „ numerasset, prout de aliis suppressis, vel uni-  
 „ tis vir diligentissimus meminit, quando ali-  
 „ quod memoriae vestigium earum invenit. Sed  
 „ mittamus ista, & ad oppidum revertamur,  
 „ in quo extant duo Regularium conventus,  
 „ unum S. Dominici in S. Antonio, alterum  
 „ Minorum conventualium in S. Francisco;  
 „ utrumque, unum vel alterum Fratrem habent.  
 „ Extat quoque monasterium monialium Ordinis  
 „ S. Benedicti in ecclesia S. Margaritae, ubi  
 „ 20. sorores ac plures educandae degunt, cu-  
 „ jus redditus tenuitatem supplet magnificentia  
 „ principis, non exiguo indulto salis. Oppido  
 „ Pagi moderno pons ligneus necit isthmum,  
 „ in quo extat ecclesia S. Petri Apostoli cum  
 „ parietinis monasterii, cujus proventus licet  
 „ exigui Abbati commendatario cedunt. Op-  
 „ pido veteri imminet ecclesia S. Mariae Ma-  
 „ joris, structura non ignobilis, olim parochia-  
 „ lis, quam nunc precario tenent Fratres S.  
 „ Francisci de obervantia, in quam adhuc Ar-  
 „ chiepiscopus & Capitulum collegiatum jus re-  
 „ tinent. Aedes pro Fratribus ibidem condidit  
 „ Blasius Discovich nobilis Pagensis, ac non-  
 „ nullas terrulas legavit, quibus accedunt elec-  
 „ molynae ad victum Fratrum.



## EPISCOPI JADRENSES.

### S. F E L I X

Episcopus Jadrensis I.

**I**nter Episcopos Jadrenses hic primus est, cu-  
 jus nomen & memoria litteris prodita ad  
 nostram aetatem pervenit. Nullus dubito, quin  
 huic ecclesiae plures alii ante Felicem Antisti-  
 tes praesuerint, quorum notitiam vetustas atque  
 oblivio posteritati praeripuit. Ceterum, si Salo-  
 nitana excipias, nulla est in Dalmatia Eccle-  
 sia, quae suorum Antistitum seriem altius repe-  
 tere, & Episcopos Felice Jadertino antiquiores  
 nominatim proferre possit. Ab initiis Salonita-  
 nae Metropolis proxima fuisse primordia Epi-  
 scopatus Jadertini facile existimaverim; id siqui-  
 dem urbis amplitudo ac dignitas postulabat,  
 quae ceteris Dalmatiae civitatibus, secundum Sa-  
 lonam, numero civium, copia divitiarum, ce-  
 lebritate nominis, & advenarum commercii cau-  
 sa illuc adeuntium frequentia, longe praestabat:  
 quare Jadera dignior nulla villa fuerat, quae pri-  
 ma omnium, post ecclesiasticum principatum  
 Salonae constitutum, episcopali sede donaretur.  
 Hanc saeculo quarto Felix obtinebat; hujusque  
 diocesis ac jurisdictionem amplissimam fuisse  
 oportet; siquidem temporibus illis, praeter hunc  
 & Metropolitam Salonitanum, vel nullus alius,  
 vel admodum pauci erant in Dalmatia Episcopi.

De Felice Episcopo Jadrensi nihil aliud li-  
 teris traditum est, nisi eum duobus celeberrimis  
 Conciliis interfuisse, Aquilejensi & Medio-  
 lanensi. Anno igitur 381. conveniunt Aquile-  
 jam non solum multi ex Italia Episcopi, ju-  
 bente Gratiano Imperatore, sed etiam aliqui ex  
 regionibus finitimis, itemque Legati Afrorum &  
 Gallorum, nulla quidem lege, siue imperio  
 astricti, sed caritate ac studio rei catholicae  
 tuendae impulsu; atque in his Felix Episcopus  
 Jadertinus. Hujus Synodi cogenda causam praebuerunt  
 Palladius & Secundianus Episcopi, al-  
 ter in Moesia, alter in Dacia, sectatores occulti  
 Arianae impietatis, quam in Pannonia, Moesia,  
 Dacia, post interitum Germani Sirmiensis, Va-  
 lentis Mursae, Ursacii Singiduni Antistitem pro-  
 pmodum excitare, lateque vulgare mirum in  
 modum studebant; id quo impunitius facere pos-  
 sent ac liberius, fidei & religionis Catholicae  
 personam induerant; & Gratianum Imperatorem  
 adeuntes queruntur se falso in suspensionem ha-  
 resecos vocari; rogant ut Concilium universale  
 convocari jubeat, in quo suae fidei rationem red-  
 dere possint. Eorum postulatis annuendum cen-  
 suerat Gratianus; sed eum ab ejusmodi consilio  
 revocavit Ambrosius, nihil tanti esse existans,  
 ut propter duos tantum in perfidia cariosos Epi-  
 scopos toto orbe essent Ecclesiae summis Sacerdo-  
 tibus destituta. Jussit igitur Gratianus solum  
 Episcopis diocesis Italicae diem edici ad con-  
 veniendum Aquilejam; si qui tamen ex finiti-  
 mis, vel longinquis ad Synodum Aquilejensem  
 accederent, noluit illis aditum intercludi. Ha-  
 bita est Synodus Syagrio & Eucherio clarissimis  
 Coss. III. Nonas, vel ipsis Nonis Septembris  
 anno 381. Palladius & Secundianus, quamvis  
 Arianis flagitii virgo animo inclusum & com-  
 pressum verbis ambiguus regere conantes, & huc  
 atque

Felix pri-  
 mus Epi-  
 scoporum  
 Jadrensi-  
 um, cujus  
 nomen ex-  
 tet.

Ducibus  
 Conciliis  
 Aquilejen-  
 si, & Me-  
 diolanensi  
 interfuisse.



atque illuc tergiversantes, convicti tamen hæreseos haud dubie, damnatique recesserunt. Felix Episcopus noster hanc in Palladium nominatim sententiam tulit: *Palladium, qui blasphemias dicit in Filium, sicut Arius, cum omnibus pariter condemno*. Idem cum aliis nomen suum adscripsit tribus epistolis datis ad Imperatores Gratianum, Valentinianum, ac Theodosium. In prima epistola eos rogant, ut Palladium & Secundianum Arianae impietatis compertos, & sollemni judicio damnatos, ab ecclesiae liminibus arceri jubeant; Photinianorum audaciam coerceant, qui clandestinos conventus Sirmii agere non verebantur: in altera monent, ne Ursicino aures præbeant, qui adversus Damasum schisma seditionemque conflaverat, ac rursus sedem Romanam invadere conabatur; in tertia denique gratias agunt Imperatoribus, quod eorum singulari virtute ac vigilantia, compressis hæreticis, pax & tranquillitas ecclesiarum sit constituta; hortantur etiam ut Timotheum Alexandrinum, & Paulinum Antiochenum Episcopos, quorumdam dissensionibus agitados, in suam fidem & clientelam recipiant, & quamprimum ad componenda orientalium Episcoporum dissidia Concilium Sacerdotum Catholicorum Alexandriam convocari jubeant, qui *inter se plenius tractent, atque definiant, quibus impertienda communio, quibusque servanda sit*.

Ex caritate Synodum Mediolanensem adiit.

Eodem christianæ caritatis impulsu, & rei catholicæ adjuvandæ studio Felix incensus, Mediolanum se contulit ad Concilium, quod Ambrosius litteris Siricii Papæ admonitus contra Jovinianum hæresiarcham indixerat. Cum Jaderina Ecclesia neque Mediolanensi, neque Aquilejensi Metropolitæ subesset, neutrius Synodi adeundæ lege tenebatur; uni enim parebat Metropolitæ Salonitano; & quamvis cum Dalmatia una esset de septemdecim provinciis Illyrici subjectis Præfecto prætorio Illyrici, exempta tamen erat jurisdictione ecclesiastica Primatis Illyrici, & cum sua metropoli ex auctoritate nutuque Romani Patriarchæ seu Primatis pendebat, ut aliis locis sæpius dictum est. Jovinianum ergo Pontificis & Concilii Romani sententiis confixum, jussit Siricius ab ecclesia etiam & Synodo Mediolanensi damnari; in ea quippe civitate errores suos disseminandi initium fecerat, & ob hanc causam Mediolano expulsus Romam venerat, ut pestifera opinionum suarum contagione Romanorum animos inficeret. Hæc autem erat flagitia Joviniani, virginitatem nihilo majoris apud Deum vel pretii vel meriti esse, quam sit castitas conjugalis; neminem, qui baptismum rite suscepisset, innocentiam & sanctitatem, quam e sacro fonte hauserat, posse amittere; tantumdem a Deo gratiæ inire, qui carnibus cum gratiarum actione vesceretur, quantum qui ab illidem religiosæ temperantiæ causa abstineret; idem piis omnibus & æquale præmium in cælo decretum esse; quod vero aures omnium horrescunt, Deiparam ex quo Christum pepererat, Virginem esse desisse. Infamem hæresiarcham Felix cum universa Synodo Mediolanensi damnavit, & epistolam synodicam ad Siricium quarto loco post Ambrosium, Evarium Cenetensem, Maximum Amoniensem, subscripsit *Felix Episcopus Jaderinus*, anno 390.

Post Felicem ingens centum ac fere quadraginta annorum lacuna plures Episcopos vetustate & oblivione obrutos absorbit. Quo temporis intervallo Jadera cum Dalmatia primum sub Illyrici Sacri Tom. V.

Odoacre Herulorum, deinde sub Theodorico Gothorum imperium subivit.

## ANDREAS EP. JADERENSIS II.

Hujus quoque nomen & Episcopatus Jaderensis lateret, nisi extarent acta duplicis Concilii provincialis Salonitani. Utrumque convocavit Honorius hoc nomine tertius Metropolitæ, primum anno 530. alterum anno 533. Utrumque a censura Joannis Lucii vindicare conati sumus in actis ejusdem Honorii; nihil est in illis, quod reprehendere queas, præter styli barbariem & mendosam scriptionem, quæ librario- rum vel inscitiae, vel incuriæ attribui potest. In priore Canones omnino quatuordecim constituti sunt, quibus nihil sanctius, nihil utilius, nihil tum juri divino & ecclesiastico, tum illis temporibus magis aptum & consentaneum. Huic proxime post Honorium Archiepiscopum subscripsit *Andreas Episcopus Ecclesiae Jaderinae*. In secundo primus sententiam dixit idem Andreas, censuitque provinciam Salonitanam Episcoporum numero augendam esse, propterea quod parochiæ quorundam Episcoporum, ac præsertim Antistitis Salonitani, latius paterent, quam ad illas regendas & lustrandas unus idemque Episcopus sufficeret: *Andreas vir venerabilis Jaderinae Ecclesiae Episcopus dixit: Omnium Sacerdotum fratrumque meorum, Papa beatissime, prosequor voluntatem; quia tanta est bonitatis magnitudo, ut omnes nos faciat de tui oneris levamine cogitare. Quippe cum gratum vobis fore credamus propter differentiam hos pro parochia consignanda plebi excursus, parochiasque presbyterorum vestra consecratione merentur alios ordinare Pontifices. Sicut etiam in Barcensi Ecclesia, a prædecessore vestro beata memoriae Honorio est provide ordinatum; quia in tanta dissensione locorum rarius consignationem chrismatis populus renatus adsequitur. Quapropter qui omnium nostrum primatum, Deo juvante, quo præsidet, & curam geris, ordinationemque commissam tuorum, necesse est Pontificum adminiculis releveris. Correctionem & explicationem his verbis adhibitam habes in actis ejusdem Honorii §. 3. Cap. II. Post Andream unus alterve Episcopus desideratur ad explendam seriem episcopalem usque ad finem hujus sæculi sexti.*

Nondum fortasse Andreas e vivis discesserat, cum Justinianus Imperator Gothis bellum intulit; & anno primo ejusdem belli, ære vulgaris 535. Jaderam cum Dalmatia fere tota hostibus ademptam ad Imperium orientis adjunxit. Eodem anno Justinianus patriam suam in confinibus Epiri novæ ac Dardaniæ sitam, quam propemodum a fundamentis resectam, mœnibus validissimis firmatam, & præclaris ædificiis auctam, *Justinianam primam* appellari voluit, totius Illyrici caput & fastigium esse jussit, translata illuc ex Macedonia & urbe Thessalonicensi tum præfectura prætoriana Illyrici, tum supremo hierarchiæ Illyricæ magistratu, qui jus nomenque Primatis & Vicarii Apostolici obtinebat. Ac Dalmatiam quidem eidem Præfecto Justinianæ primæ subjecit, non item vero Ecclesiæ Dalmatiæ Primati ejusdem civitatis adjunxit. Hæc siquidem, ut antea Sirmiensis, ac Thessalonicensis, sic postea Justinianopolitani Metropolitæ jurisdictioni exemptæ, in potestate Primatis ac Pontificis Romani permanserunt, ut parte prima Prolegomenon, atque in Hono- rio

Andreas Ep. Jaderinus primo itemque secundo Concilio provinciali interfuit sub Honorio III. Metr. Salonit.

Justinianus Jaderam & Dalmatiam Gothis ademit.

rio III. Metropolita declaratum fuit. Itaque Andreas & Ecclesia Jadrensis eundem, quem ab initio, Primatem Romanum retinuit & coluit.

Controversia de tribus Capitulis.

Post mortem Andreæ celebris illa de tribus Capitulis controversia exorta est, quæ primum occidentales ab orientalibus opinionum diffidio sejunxit, deinde occidentales ipsos inter se commisit, factionesque in contrarias distraxit. Post damnationem eorumdem Capitulorum in Synodo quinta Constantinopolitana sancitam, & Vigili Romani Pontificis auctoritate confirmatam; qui Capitula defendere obstinatione quadam sententiæ perseverarunt, habiti sunt dictique schismatici. Ac plerique Dalmatiæ Episcopi, & fortassis etiam Jadertinus, quicumque tum fuerit, auctore Frontiniano Metropolita Salonitano, trium Capitulorum defensionem, antea, dum ea tueri licebat, susceptam, post synodicam & pontificiam damnationem obfirmatis animis retinuerunt; malueruntque ab Romano Pontifice, quam a sua pertinacia deliscere. Sed postquam Justinianus Frontinianum in exilium deportari iussit, Petrus eidem in Sedem Archiepiscopalem iussus Jadertinos & Dalmatas, repudiato trium Capitulorum patrocinio, ab schismate abductos in sinum Ecclesiæ revocavit.

#### SABINIANUS EP. JADRENSIS III.

Sabinianus Episcopus Jadrensis.

Maximo in sedem Salonitanam intruso.

Æqualis fuit Gregorio Magno, ad quem tres extant hujus sanctissimi & maximi Pontificis epistolæ. Sabinianus jam tum Ecclesiam Jadertinam regebat, cum Maximus per vim & factionem schismaticam, non sine suspitione largitionis simoniacæ electus, sedem Salonitanam invalit anno 593. Hanc electionem pluribus vitis infectam Gregorius rescidit, & irritam fecit; vetuitque illum, aut alium quemquam injussu suo consecrari, interdicti pœna proposita tum in Episcopos Dalmatiæ, si quidem hi conferre, tum in ipsum Maximum, si hic suscipere consecrationem episcopalem auderet; accessuque ad mysteria divina illos prohibuit: *quod si contra hac*, (ut est in epistola Gregoriana data anno 593. & inscripta *Universis Episcopis per Dalmatiam*) *quidpiam vel sponte vestra, vel a quolibet coacti, præsumpseritis agere, decernimus vos a Domini corporis & sanguinis participatione privatos, quatenus ex eadem ipsa attritione vestra, vel voluntate transgrediendæ præceptionis nostræ, a celestibus mysteriis alieni sitis, nec is, quem ordinaveritis, habeatur Episcopus*. Verum consanguinei & fautores Maximi, vi manuque militari adhibita, quosdam ex Episcopis compulerunt, ut eidem manus imponerent, & consecrationem impertirent. Plures deinde Gregorius epistolas tum ad Maximum, tum ad alios Maximi causa scripsit, quarum aliæ ad annum 94. aliæ ad 95. aliæ ad 96. ejus sæculi annum pertinent. Ac primum quidem tam Maximo, quod indignus ad Sacerdotium obreperit, & contra quam ipse vetuerat, consecrari voluerit; quam Episcopis, qui eum consecraverant, sacris altaribus & pontificalibus ministeriis tamdiu interdictum esse voluit, quoad permisso jussuque Mauricii Imperatoris illum ordinatum fuisse constabit: Maximus siquidem cum Mauricii favorem & patrocinium sibi conciliaffet, id Gregorio significandum curaverat. Deinde eidem imperavit, ut quemadmodum a Mauritio iussus fuerat, omni abjecta cunctatio-

ne, Romam veniret ad causam dicendam, & objectas sibi criminationes depellendas. At Maximus neque Romam se conferre, neque Gregorii judicium subire voluit; & pontificio interdicto posthabito, ac violato, tum rem divinam ritu sollemni & pontificali facere, tum omnia Episcopi munera & officia exsequi pergebat. Quare ex violatione illius interdicti se ipsum in laqueum majoris excommunicationis induerat, ut eidem & Episcopis, a quibus consecrationem acceperat, Gregorius denunciaverat: *Quod si contra hac agere præsumpseritis*, (id est, si quidpiam interea episcopalis potestatis ac muneris attingere audebitis) *anathema vobis sit a Deo, & a B. Petro Apostolorum principe; ut contemplatione judicii vestri, ceteris quoque catholicis ecclesiis ultionis vestræ præbatur exemplum*. Hæc accuratius & distinctius in actis Maximi ex epistolis Gregorianis ibi descriptis. Cum igitur Maximus gravissimo illo anathemate confixus ac segregatus esset ab omni Christianorum cœtu, nemini licebat cum illo ullius rei sacræ commercium habere, quin illius culpæ particeps fieret, ac se quoque excommunicationis vinculo illaquearet.

Jam vero Sabinianus ex flagitiis Maximi cum pertinacia conjunctis, non levem culpam & pœnam cum ceteris Episcopis contraxit. Nam primum ipse quoque in eligendo provehendoque Maximo ad Pontificatum Salonitanum cum aliis Dalmatiæ Episcopis consensit, & Maximi electionem, postquam Gregorius irritam fecisset, ratam habuit ac legitimam; quam ob causam eidem, atque ceteri Episcopi, interdicto suberat, quod omnibus ac singulis, quorum suffragiis Maximus electus & confirmatus fuerat, divinæ Eucharistiæ percipiendæ facultatem adinebat: si vero non solum ejus electioni & confirmationi consensum, sed etiam ejus consecrationi episcopali operam & ministerium præbuit; alterius pontificiæ censuræ vinculo obstrictus tenebatur; siquidem Gregorius Maximum, & eos, qui Maximum, manibus eidem impositis, consecrarunt, ab omni munere & officio episcopali tamdiu abstinere jussit, dum ex litteris Constantinopoli allatis cognosceret id auctoritate jussuque Imperatoris factum esse; diserteque addiderat, huic interdicto nisi paruissent, exemplo illis anathema, sive majorem excommunicationem inflictum iri. Ac Maximus quidem violato interdicto hanc gravissimam pœnam sibi conciverat; Sabinianum vero, aliosque Episcopos ab hujusmodi violatione, pœnaque in violatores constituta, alienos & immunes fuisse affirmare, vel negare non ausim. Ceterum Sabinianus, quamvis nulla alia culpa teneretur, nullisque aliis censuris ac pœnis ecclesiasticis illigatus esset, non levi tamen se culpa pœnaque obstrinxerat, propterea quod in eadem rerum sacrarum & ecclesiasticarum communione, qua fuerat antea conjunctus cum Maximo, persistere non est veritus, etiam postquam Gregorius illum nominatim ab ecclesia segregaverat, vitandumque ab omnibus esse denunciaverat: ex quo factum est, ut plures ex Jadertinis Episcopi sui auctoritate & exemplo, sive Maximi, sive illorum, qui Maximo adhærebant, consociationem sibi defugiendam non esse putarent. Itaque Jadrensi alii pontificio edicto obtemperandum, & tum Maximum, tum eos, qui juncta cum Maximo societate & communione seipsos polluerant, vitandos esse censebant; alii vero non item, qui vel

nequidquam Gregorio P. prohibente adhæsit;

igna-

exemplo ignari quo scelere, quave poena se obstringerent, vel metu & necessitate quadam compulsi, cum suo plures Jaderensium in eandem culpam traxerant, poenamque.

Maximo, ejusque fautoribus ac sociis, rerum præsertim sacratum commercium retinuerant. Extat epistola Gregorii inscripta: *Presbyteris, Diaconibus, & Clero, Nobilibus ac populo Jadera, consilientibus, & Militibus, qui Maximo prævaricatori communicaverunt*. Data fuit anno 596. Utrosque, & qui Maximo favebant, & qui ab eo abhorrebant, Gregorius admonuit, alteros quidem ut se ab ejus labe & contagione intactos servarent, alteros vero, ut statim alienationem a Maximo & disjunctionem sibi faciendam esse intelligerent. Maximi jussa & vetita pontificia contemnentis obstinationem & perversitatem commemorat, ob quam dignum se præbuit, qui a capite, totoque corpore Ecclesiæ abscinderetur. Quos Sedes Apostolica execratur, atque ab se rejicit, cum his nulla debet esse piis Christi cultoribus societas, sed potius summa distractio. Caveant ne ab illis Sacramenta percipiant, quibus cum Maximo societatem & amicitiam intercedere cognoverint; alioquin fore, ut quod sibi saluti esse deberet, in suam perniciem convertant. Habes hanc epistolam in actis Maximi.

Ex admonitione Gregorii relinquitur, quod cum Maximo consociationem diremit.

Hæc epistola Sabiniano etiam ad resipiscendum oculos aperuit; & conscientia stimulante, primum quidem culpæ labisque ex contagiosa cum homine, multis flagitiis coinquinato & ab Ecclesia segregato, societate contractæ pudere illum ac poenitere coepit; deinde agnitam Maximi nequitiam & contumaciam execratus, omnem, quæ sibi cum eo fuerat, amicitiam & consociationem dissolvit. Id cum Gregorius rescivit, statim litteras ad Sabinianum dedit. Illum sane reprehendit, quod Maximo Sacerdotium contra fas legesque arripienti consenserit, ejusque facinoris & poenæ participem se & consortem præbuerit; laudat vero, quod licet sera, non inutili tamen poenitentia animum subeunte, nunc ab ejus pravis actibus dissentiat, seque a pestifero illius consortio revocaverit. Jubet eum Romam venire, & quoscumque possit Episcopos ac religiosos viros secum adducere, quos pravitas & malitia Maximi, & juncta cum illo societas & communicatio aut exitiali contagione infecerat, aut levi afflatu contigerat; ut causa omnium diligenter excussa & cognita, pro eo ac singuli mererentur, vel poenam salutarem decerneret, vel culpæ omnis poenæque liberationem impertiat. Nunc autem, inquit, quia ab ejus te nequitia cognoscimus dissentire denique, ut nec ei communices, nec nominis ipsius facias inter sacra sollemnia mentionem, ut animæ tuæ vel sero te ab eo discordasse proficiat; scriptis te presentibus adhortamur, quatenus ad nos, mora omni submota, venire non differas; sed & alios tecum, quos tamen potueris, Episcopos, ceterosque religiosos festines adducere; ut causa subtilius examinata, & nostra, si res exegerit, congrue decenterque debeat absolutio provenire; & hi, qui in peccato ejusdem temeritate collapsi sunt, ad viam salutis, auxiliante B. Petro Apostolorum Principe, dispositione Deo placita revocentur. Hæc epistola data est post superiorem ad Jaderinos, anno scilicet proximo 597.

Sabinianus cum ex litteris Gregorii apertius ac dilucidius cognovisset quantum in se flagitii admiserat, sequendis juvandisque partibus hominis contumacis, ejectique ab Ecclesia; exhortuit enimvero, atque in semetipsum tanti sceleris

conscium ac participem salubri indignatione exaruit. Quocirca ad labe eluendas, quas ex improba illa, & Deo Ecclesiæque iuvsa factione contraxerat, ab urbe atque hominum frequentia secessit, seque in latebras abdidit cujusdam monasterii, ut ibidem inter monachos in jejuniis ac precibus, & voluntaria corporis afflictatione dies aliquot transigeret, tantisque errati sui poenas ultro suscipere, quantas videlicet ab se salutare sui commissique facinoris odium, & ardens veniæ gratiaque divinæ promerendæ studium postulabat. Rescripsit ad Pontificem, confessus est peccatum suum non sine acerbissimo animi sensu ac dolore; & quid & quantum poenarum susceperit pro illius expiatione, breviter exposuit, ac veniam suppliciter petiit. In extrema epistola nescio quid controversiæ, sive negotii, quod illi erat Constantinopoli, Gregorio commendavit; de hoc siquidem magnopere sollicitus erat, & verebatur, ne qua fraus dolusve subrepens, sibi aliquod damnum & periculum crearet; fortasse Maximus, ut Sabiniani a se defectionem ulcisceretur, aliquam eidem in urbe regia litrem intenderat, vel calumniam intulerat. Hæc ex responsione Gregorii ad Sabinianum; nam hujus ad illum litteræ interciderunt. Hæc tam insigni & severa poenitentia non solum a Gregorio veniam errati, sed etiam litteras consolatorias meruit: caput autem litterarum erat, gaudere se quod maculam e consociatione sacrilega & schismatica susceptam salubri poenitentia & satisfactione expiaverit; cumque illum & venia impertierit, & in suam Sedisque Apostolicæ gratiam & communionem jam receperit, obligatione urbis ad eundem exsolvit, quam superioribus litteris eidem imposuerat. Det operam, ut alii quoque suo exemplo suisque cohortationibus impulsu se a pestifera Maximi societate sejungant. De suis in urbe regia negotiis ne metuat, & anxio animo sit; quippe illius causam suo apud Mauritium Apocrifario ab se diligentissime commendatam fuisse. Hæc est sententia secundæ Gregorii ad Sabinianum epistolæ, quæ scripta fuit indictione prima, mense Februario, an. 598.

Vix dici potest quantum alacritatis ac lætitiæ Sabiniano attulerint secundæ Gregorii litteræ, ex quibus & suam conversionem ac poenitentiam Pontifici probatam fuisse, & se ab illo in gratiam communionemque Sedis Apostolicæ receptum esse intellexit. Ad Gregorium ergo rescripsit, se pro singulari illius indulgentia ac benignitate plurimas maximasque gratias & agere, & habere; pontificiam fidem atque opem implorat, ut sibi præsidio sit contra Maximum; a cujus consortio & factione cum descivisset, eum sibi inimicum infestumque reddiderat. Id negotii & controversiæ quod sibi erat Constantinopoli, ac versabatur in aliquo discrimine, iterum Gregorio, & magnopere commendat. De presbytero, qui nescio quod gravissimum flagitium commiserat, quid statuendum esset, Pontificem consulit. Ad extremum orat obsecratque, ut Ecclesiæ Jaderinæ privilegia & beneficia, quæ in illam Pontifices Romani contulerant, firma rataque esse jubeat. Sabinianus e suorum numero delegit hominem expertæ in primis fidei ac prudentiæ, cui has litteras Romam perferendas dedit, diligenter admonitum, ut quæ scripto breviter ac summum commissæ erant, ea ipse verbis fusius & accuratius Pontifici exponeret. Hæc quoque Sa-

Per litteras a Gregorio veniam petiit, quam etiam impetravit & litteras consolatorias ab eodem accepit.

Gratias agit Gregorius, ejusque patrocini-um implorat adversus Maximum sibi intantum.

Tertia Gregorii  
epistola ad Sa-  
binianum.

biniani epistola vetustate interit. Gregorius ad omnia respondit, ac mirifice se oblectatum esse ait sincera illius & prompta poenitentia, ejusque obedientiam commendat; bono animo esse jubet, quidquid molestiae Maximus intulerit patienter ferat, illius minas superbas atque inanes contemnat. Hæ quatuor Gregorianæ epistolæ, una ad Jaderinos, tres ad Sabinianum, quamvis ad Ecclesiam & Episcopum Jaderensem pertineant, eas tamen actis Maximi Salonitani Antistitis interferi, conjungique oportuit, ut continuatio tota, seriesque illius gravissimæ controversiæ, & omnia, quæ ad illam referuntur, non interrupta & mutilata, sed integra & perpetua narratione, sub uno veluti aspectu ponerentur. Postremam tamen ad Sabinianum epistolam cum notis eidem subjectis hic rursus describendam censui.

Gregorius Sabiniano Episcopo Jaderino.

Satis, Frater charissime, de sinceritate tua lætificor, quod eam solliciti discretionis judicii, & ubi obediendum (1) est obedire, & ubi resistendum est resistere, studio sacerdotali, cognosco. Cum quanta namque te devotionis alacritate submiseris his, quæ ob culpam præteriti excessus (2) indiximus, litterarum tuarum, quas per latorem præsentium direxisti, pagina referavit. Nec poterat aliter (3) a dilecto Fratre suscipi, quam a diligente mandatum est. Unde in Omnipotentis Dei miseratione confido, quia ita ejus te gratia protegit, ut per hoc etiam ab aliis (4) absolutus, salubriter paruisse te gaudeas. De hoc vero quod se contristari charitas tua Maximi prævaricatoris & excommunicati (5) emulatione signavit, turbari non debet; sed decet, ut ad modicum tumentes inaniter fluctus patienter tolerando sustineas, & undarum spumas perseverantia virtute substernas. Novit enim patientia levigare, quod grave est, & constantia superare, quod sævit. Animos ergo tuos adversitas non deiciat, sed accendat. Audacior te in omnibus vigor sacerdotalis ostendat. Nam vera documenta veritatis sunt, promptiorem in duris, & fortio rem se quemquam in contrariis exhibere. Ut igitur rectitudinis robur a bono deliberationis sua nulla valeat impulsione convelli, mentis gressus in ejus petra (6) soliditatem, sicut capillis, dirige, in qua Redemptorem nostrum per totum mundum fundasse nostris ecclesiam; quatenus recta sinceri cordis vestigia in devio itinere non offendant. Ea vero quæ nobis scripsisti, vel præsentium lator coram positus explicavit, nos non credatis negligenter (7) omittere; sed de his omnino sollicite cogitamus. Dilectissimo autem filio nostro (8) Anatolio Diacono jam & prius, & nunc iterum omnia subtiliter indicavimus, hortantes ut quidquid ad utilitatem ac quietem charitatis vestra, vel filiorum vestrorum pertinet, Creatoris nostri auxilio suffragante, agere stricte ac studiose festinet. Et ideo fraternitatem vestram ne mæror afficiat, nec inimicitia ejuslibet affligat; nam divinitatis gratia opitulante in proximo adesse confidimus, ut & præfati prævaricatoris & excommunicati præsumptio districte reprimatur, & vestra quies, sicut desideratis, adveniat. Excellentissimo quoque (9) Exarcho, qui nobis eum studet commendare, de pravitæ ipsius scribere nequaquam omisimus. Presbyterum vero, de quo nos fraternitas tua latoris præsentium relatione consuluit, nulla ratione

in Sacro Ordine post (10) lapsum, aut permanere, aut revocari posse cognoscas: circa quem tamen mitius agendum est, propterea quod commissum facinus facili dicitur professione confessus. Præterea pariter hic portitor quædam ecclesiæ vestra privilegia a nostris concessa prædecessoribus intimavit. De quibus, scriptis charitatis vestra nos subtilius volumus informari, vel si qua ex eis scripta in ecclesiæ vestra scrinio rejacent, eorum huc exemplaria transmitti necesse est, ut quidquid ad honoris vestri reverentiam, vel (11) genium præfata ecclesiæ pertinet, libenti animo parare possimus. Glorioso autem communi filio Domno (12) Marcello, si huc venire voluerit, instantius suadete, quia omnino eum videre desidero. Si vero illic stare elegerit, ita vos ei in charitate, qua convenit, exhibete, ut affectui ipsius, quem circa vos habet, respondere, sicut condecet, valeatis. Omnipotens Deus sua gratia dono vos & custodia protegat, & cor vestrum in ea, quæ ei sunt placita, semper accendat. Mense Jun. Indictione prima, id est anno 598.

Notæ.

(1) E tuis litteris cognosco te agere fide sincera, quæ subtili judicio discernit, quibus obedire, & quibus resistere oporteat.

(2) Cum in duabus superioribus litteris ad Sabinianum nihil hujusmodi Gregorius præscripserit, necesse est alterutri epistolæ aliquid scripti separatim adjunxerit, in quo rationem ritumque obeundæ poenitentiae canonicæ Sabiniano tradebat.

(3) Hæc nimirum vis est sinceræ perfectæque charitatis, ut qui se ab altero diligi sentit, non possit non obsequi voluntati illius, a quo diligitur.

(4) Opera poenalia sibi a Gregorio injuncta tam alacri promptoque ad obediendum animo suscepit ac peregit Sabinianus, ut non solum maculas omnes eluerit, quas ex inita cum excommunicatis societate contraxerat, sed etiam pro aliis delictis, si quibus obstrictus fuerat, cumulate satisfecerit.

(5) Ex quo enim Sabinianus a pestifera Maximi familiaritate desciverat, hic inimice illum insectari, & plurimis molestiis afficere nunquam destiterat. Itaque Gregorius Sabinianum egregiis documentis instruit, & confirmat ad patienter & constanter ferendum quidquid incommodi injuriæ Maximus intulerit.

(6) Jubet mentem atque animum Sabiniani, ne moveri desectique a recto queat, in ejus petra, id est fidei Apostolicæ, soliditate defigi, quæ convelli non potest, cuique totius ecclesiæ moles incumbit.

(7) Pollicetur se curaturum diligenter, ut res & negotia Sabiniani in urbe regia, illi ex sententia succedant.

(8) Anatolius erat Diaconus Ecclesiæ Constantinopolitanæ, qui apud Mauritium auctoritate & gratia plurimum valebat; cuique propterea Gregorius prima & gravissima negotia sæpe commendaverat, ut Gregorianæ ad eum epistolæ declarant.

(9) Is erat Callinicus, cujus favorem & patrocinium sibi Maximus conciliaverat.

(10) De clericis post lapsum non recipiendis, ac puniendis plures extant Canones. Cum Presbytero tamen, de quo consulitur, mitius agendum censet, propterea quod de suo lapsu spon-

sponte & ingenue confessus fuerat : errati autem voluntaria & prompta confessio aliquid indulgentiæ meretur.

(11) Huic verbo Editores Maurini hanc explanationem adhibuerunt. *Ornatum intellige splendidiorem, decus, sive privilegium jam ab antiquo concessum, atque adeo legitime expetitur. Vide Henr. Steph. Schediasm. c. 18. Johan. Brodai Miscel. lib. 9. c. 10. Siagrius Augustodun. Episcopus pro genio & honore suæ ecclesiæ pallium postulat infra lib. 9. epist. 108.*

(12) Marcellus ille Scholasticus, ad quem extat epistola Gregorii Tomo II. Myr. Sac. in actis Maximi a nobis descripta. Hunc patria Jaderinum fuisse oportet, aut subjectum Ecclesiæ Jaderinæ. Eum siquidem vocat *filium* tum sibi, tum Sabiniano *communem*.

Series Episcopalis in intervallo ducentorum fere annorum interrupta.

De Sabiniano nihil præterea veterum scriptis ac monumentis traditum invenio; neque comperitur, quamdiu vixerit. Post Sabinianum series episcopalis duorum sæculorum hiatu interrupta est; ex omnibus enim Episcopis, qui per annos fere ducentos Ecclesiam Jaderinam administrarunt, ne unum quidem vetustas & oblivio reliquum fecit, cujus nomen ac memoriam non aboleverit.

Avars cum Slavis Salonam & alias urbes everunt.

An tempestas illa barbarica, quæ anno 639. in Dalmatiam incubuit, & Salonam urbem nobilissimam funditus evertit, Jaderam quoque oppresserit ac diruerit, mihi exploratum non est.

Avars cum Slavis permixtos Dalmatiam universam, & Istriam, aliasque finitimas regiones depopulatos fuisse constat. Præter Salonam & Epidaurum, alias etiam urbes ab illis expugnatas fuisse commemorat Constantinus Porphyrogenitus lib. de Administ., sed nullas nominatim expressit. In ea calamitate populis illis miseris atque afflictis aliquid solatii & subsidii attulit Joannes IV. Pontifex Maximus, quem natione

Joannis IV. Papæ Dalmatæ erga suos populares pietas ac beneficentia.

Dalmatam Scriptores omnes, patria vero Jaderinum fuisse Onuphrius Panvinus, Alphonsus Ciacconius, & alii affirmant. Hic populum suorum vicem sollicitus, ac dolens, Martinum Abbatem eximie fidei & sanctimonie virum, cum ingenti pecunia e sacro ærario deprompta in Dalmatiam, atque Istriam misit anno 640. ut quos Avars & Slavi in servitutem abduxerant, redimeret; & corpora Sanctorum Martyrum direptionibus & sacrilegiis barbarorum erepta Romam adveheret. Eodem tempore, ut scripsit Archidiaconus cap. VIII., Joannes Summus Pontifex, cum esset Dalmatinus natione, audiens gentis suæ miserabilem casum, valde condoluit, misitque quemdam Abbatem Martinum nomine, cum multa pecuniæ quantitate pro redimendis captivis. Qui veniens ad partes Dalmatiæ multos redemit captivos a Sclavis, eosque ad parentes suos remisit. Iste Martinus ex Apostolica jussione multorum Sanctorum reliquias accepit in partibus Dalmatiæ & Istriæ; & detulit eas Romam ad prædictum Papam Joannem &c. Hæc fusius & accuratius Tomo I. & II. in actis S. Venantii & Theodori III. Antistiti Ecclesiæ Salonitanæ. Si Joannes IV. Jaderinus fuit, ut fuisse graves Auctores censent; habet sane hæc civitas, cur jure meritoque tali ac tanto Pontifice gloriatur, qui & thesauros Ecclesiæ S. Laurentium imitatus ad sublevandam populum suorum calamitatem effudit; & non solum ob summam pontificiam dignitatem, sed etiam ob rerum præclare gestarum gloriam, patriæ Myrici Sacri Tom. V.

sua universaque nationi magno fuit decori & ornamento. Hic primus, collecta Romana Synodo, nefarium dogma Monothelitarum, & Heraclianam Ecthesim, animo imperterrito ad omnia, quæ sibi ab Heraclio Imperatore, vel ab ejus Exarcho Ravennate imminabant, sollemni judicio & suprema auctoritate damnavit; ac præterea Monothelitis eripuit auctoritatem & patrocinium Honorii Papæ, cujus litteris ad Sergium Patriarcham Constantinopolitanum, ad malefatos errores tuendos perversa interpretatione explicatis abutebantur. Eum quippe, qui litteras illas Honorio dictante, & nomine jussuque Honorii ad Sergium scripserat, jussit eandem litterarum sincerum germanumque sensum exponere, ac dilucide ostendere aliorum, atque Honorius intelligebat, ab hæreticis referri; ut docet S. Maximus Abbas in eo dialogo, quem cum Pyrrho habuit, qui Sergio in sedem Constantinopolitanam & Monotheliticam impietatem successerat. Ita Joannes tum Honorii famæ, tum catholicæ veritati consuluit; neque aliunde majus graviusque pro sincera & orthodoxa fide Honorii testimonium proferri potest, quam ex hac explicatione mentis & sententiæ Honorianæ, ab eo tradita, qui Honorio ab epistolis cum esset, ejus animum optime noverat, quique ex ejus sensu & judicio epistolam illam fideliter expressit.

Post cladem Avaricam, & Salonam aliasque Dalmatiæ urbes a barbaris excisas, primum Chrobati, deinde Serbli, utrique ex genere Slavorum, permixti Heraclii Imperatoris in Dalmatiam migrarunt, & Avaribus victis demum, expulsisque Dalmatiam mediterraneam universam occupaverunt, cujus pars occidentalis & inferior Chrobatis, pars vero superior & orientalis Serblis obvenit. Jaderam vero, ceterasque urbes maritimas vel reedificatas, vel a barbaris intactas in sua potestate Heraclius & alii deinceps Imperatores Orientis retinuerunt. Cum Sedes Archiepiscopalis Salonitana constituta fuisset Spalati in urbe nova e Palatio Diocletiani exstructa, aliis etiam civitatibus Dalmatiæ sui Antistites restitui cœperunt, qui temporibus illis calamitosissimis, in eaque rerum omnium perturbatione, creari desierant. Joannes Lucius lib. 1. cap. 9. existimat ex Archidiacono colligi posse Jaderam quoque ab Avaribus dirutam, & a Salonitanis ex insulis, ad quas profugerant, redeuntibus restitutam fuisse: Cum ad Jadræ ruinas aliquos ex Salonitanis profugos appulisse narret Archidiaconus, Jadræ quoque tunc destructam fuisse fatendum esset. Verum Archidiaconus ait exules illos Salonitanos non ad Jadræ ruinas, sed ad portam cujusdam urbis antiquæ, sed dirutæ applicuisse; & videntes, inquit, locum satis habitabilem ad habitandum, paraverunt ibi aliquod munimentum, & habitaverunt in eo. Et quia situs loci propter adjacentes insulas, & propter commoditatem portus, multum eis placebat, non habebant jam necesse ad Salonam redire; nihil enim eis videbatur deesse præter fluvium Jadræ, qui ex orientali parte Salonitanæ urbi multum delectabiliter infusebat, de quo legitur in Lucano:

Qua maris Adriaci longas ferit unda Salonas,  
Et tepidum in molles Zephyros excurrit Jader.  
Hoc igitur sapius nominato, urbi nomen imposuit est Jadræ, vel ut quibusdam placet, ab Jadro conditore Jadræ nomen accepit. Nomen Jadræ, non ibi inventum, sed tunc primum a

Chrobati & Serbli expulsi Avaribus, Dalmatiam mediterraneam occupant.

Jadera non est urbs ista antiqua & diruta, cujus meminit Archidiaconus, sed portus Blandona.



Salonitanis illatum esse scripsit Archidiaconus; quodnam vero fuerit vocabulum antiquæ illius dirutæque civitatis non tradit. Non est autem verisimile, Jaderam, urbem tota Dalmatia notissimam atque celeberrimam, amplissimamque coloniam Romanorum, ignotæ cujusdam & antiquæ urbis nomine, prætermisso proprio vocabulo, ab Archidiacono significari voluisse, quæ ab Avaribus, ut Lucius cenlet, diruta fuerit. Propius vero est, ut supra diximus, oppidum illud, in cujus vestigiis Salonitani ex insulis reduces domicilia sibi excitarunt, fuisse Blandonam, quam Auctor Itinerarii Antoniniani, inter Jaderam & Arausam interjecit. Congruit ejus loci positio descripta ab Archidiacono. Huic enim neque portus commoditas & opportunitas deest, & plures e regione obiacent insulæ ex illis, quas Plinius Crateas, Liburnicas, Celodussas vocat.

Post eadem  
Avaricum  
suus etiam  
Jaderæ Ep.  
constitutus

Ceterum sive tempestas illa barbarica Jaderam intactam præterierit, sive eodem, quo Salonæ, turbine convulsa, hæc etiam civitas corruerit; certe quidem post Avarum expulsos, resque publicas compositas & tranquillatas, suum ipsa quoque Episcopum recepit. Verum anno 671. cum Chrobatibus & Serblis, qui ejectis Avaribus loca mediterranea Dalmatiæ incolebant, sacro baptismo initiatis suum dari Episcopum oportuerit, hujusque sedes episcopalis Nonæ collocata sit; necesse fuit tum ipsam urbem Nonam, tum alia loca detrahi ex ditione Antistitis Jaderini, ut sua novo Episcopo diocesis assignaretur, quæ longe lateque porrecta, quidquid erat in Dalmatia generis & nominis Slavonici complectebatur; nam initio, ut præclare Joannes Lucius animadvertit, post primum Slavorum baptismum, de quo in Joanne primo Metropolitæ Spalatensis, Nonensis fuit unicus totius gentis Slavonicæ Episcopus. Hinc valde diminuta fuit Jaderina diocesis, & finibus longe contractioribus circumscripta: id quod etiam Thomas Archidiaconus docet cap. xv. *Jadrensis Episcopatus non magnam habuit parochiam, propter vicinitatem Nonensis.* Verum omnem, ut supra dixi, rerum & Antistitis Jadrensis notitiam, usque ad sæculum novum, nimia vetustas & oblitio intercept.

#### S. DONATUS EP. JADRENSIS IV.

Hic non solum rebus præclare pieque gestis, sed etiam vitæ sanctimonia & miraculis urbem & Ecclesiam Jaderinam illustravit. Jaderæ nobili genere natum ferunt; at si non patria Jadrensem, certe natione Dalmatam fuisse communis est omnium opinio. Sub initium sæculi noni ad hanc ecclesiam regendam accessit, pro cujus utilitate, & civium suorum, omniumque Dalmatarum salute duas nobilissimas legationes suscepit, alteram ad Carolum Magnum regem Franciæ, alteram ad Nicephorum Imperatorem Græcorum.

Carolus  
Magnus  
Chrobatos  
seu Dalmatas  
mediterraneos  
sub imperium  
rederunt.

Carolus Pipini Francorum regis filius, is qui magnitudine rerum gestarum Magni cognomen invenit, post Saxones & Hunnos debellatos, Chrobatos etiam, qui Dalmatiam mediterraneam incolebant, & cum Hunnis finitimis adversus Francos socialia arma conjunxerant, vel subactos & bello domitos, vel ultro in fidem venientes sub imperium Francorum intra finem octavi sæculi subjunxit: id quod diserte traditum est ab Eginharto in vita Caroli: *Tost quam*

(id est Saxoniam) utramque Pannoniam, & oppositam in altera Danubii ripa Daciam, Histriam quoque, Liburniam, atque Dalmatiam (mediterraneam, quam Chrobati concessu Imperatorum Orientis obtinebant) subjecit, exceptis maritimis civitatibus, quas ob amicitiam, & junctum cum eo fœdus, Imperatori Constantinopolitano habere permisit: ac deinde cum Romam venisset anno 800. ulturus injurias Leoni III. Pont. Maximo illatas, natali Christi die in basilica S. Petri Imperatoris nomen & insignia sumpsit, tradente ipsomet Pontifice, & Clero, Senatu, populoque Romano applaudente. Imperium Caroli æque potens ac beneficium plurimas utilitates Chrobatibus & Pannoniis attulit; hisque gentibus erat tum præsidio ad hostium incursiones arcendas, tum adjumento ad rem publicam & privatam augendam. Ad hæc liberales artes ac disciplinas a Carolo illatas esse in Pannoniam, & magistros inductos, qui ad juventutem latinis litteris erudiendam scholas aperirent, auctor est Melchior Inchofferus: quam vero ad Pannonios bonis artibus imbuendos conculerat, eandem Chrobatibus excolendis curam impendisse non est cur dubitemus.

Cum igitur res Chrobatice & Pannonice sub imperio Caroli flourerent, & auctiores quotidie fierent; Dalmatas maris accolæ finitimarum gentium felicitate illectos, Græci dominatus cum Gallicano commutandi cupiditas cepit. Multæ præterea causæ suberant, cur Dalmatas maritimos imperii Græci pœniteret. Res opesque Græcorum bellis barbaricis, & intestinis discordiis jamdudum labefacti, ac multarum provinciarum jactura diminui cœperant; & post Ravennam amissam admodum raræ, aut nullæ ab Oriente classes in Adriaticum immitti solebant, quæ oram utramque tuerentur. Quare si qua vis hostilis ingrueret, præsertim a Saracenis, qui Africam & maximam Hispaniæ partem adepti, in occasionem Dalmatiæ Italiæque occupandæ imminebant; Dalmatæ nudati præsidio, expositique barbarorum injuriis, ab Imperio orientali sumptibus & jacturis exhausto, nulla auxilia sibi polliceri poterant; cum vix Imperatoribus ad regiam urbem & finitimas provincias tuendas satis copiarum suppeteret. Hæ scilicet causæ Jaderinos & Dalmatas impulere, ut se in fidem ac clientelam Caroli Magni conferrent. Duos itaque legatos ad Carolum decreverunt, Donatum Episcopum & Paulum ducem Jaderæ, qui anno 806. cum legatis Venetorum profecti, sub festos natalis Domini dies Aquisgranum ad Carolum cum venissent; se, urbes, populosque maritimos Dalmatiæ Carolo Imperatori tradiderunt; conventumque est utrinque in hanc conditionem, ut Dalmatæ annua vectigalia Carolo persolverent, Carolus præsidium ac tutelam Dalmatis rependeret: 806. statim post natalem Domini venerunt Villerus (sive Obelerius) & Beatus Dux Venetiæ; & Paulus Dux Jaderæ, atque Donatus Episcopus ejusdem civitatis, Legati Dalmatarum ad præsentiam Caroli cum magnis donis. Hæc Adelmus & Eginhartus in Annalibus Franc. Sed alia fuit Venetæ, alia Dalmaticæ legationis causa. Obelerius & Beatus fratres Ducesque Venetiarum a Senatu populoque ad Carolum missi fuerant, ut de eade sacrilega Joannis Patriarchæ Gradenfis Venetos purgarent, ex ejusque animo suspiciones evellerent, quas Fortunatus Patriarcha Gradenfis Venetos criminando injece-

Donatus  
Episcopus  
cum Paulo  
Duce Jaderæ  
legatus ad  
Carolum missus  
urbes maritimas  
Dalmatiæ  
in eius fidem  
actuelam tradidit.

cerat;



gerat; id quod apud Dandulum & Scriptores Venetos. fufius ac dilucidius explicatum est. Legatio autem Dalmatica eo fpectabat, ut populos atque urbes maritimas in Caroli fidem ac tutelam comitteret. De utriusque legationis Venetæ & Dalmaticæ exitu generatim & obfcurius loquuntur Annales Francorum, quam ut quæ acta sunt & constituta, diftincte ac perfpicue intelligi poffint: *Et facta est ibi ordinatio ab Imperatore de Ducibus & populis tam Venetiæ, quam Dalmatiæ; quibus ex verbis nihil aliud colligitur, nifi Imperatorem decreviffe fecundum ea, quæ oratores utriusque gentis poffulaverant; nam ad Dalmatiam quod attinet, Dalmatæ in fidem ac deditionem imperii, annuo tributo impofito, recepti funt, & Carolus Dalmatiam ad regnum Italicum Pipini filii adjunxit; eique imperavit, ut huic provinciæ magiftratus præficeret, & præfidiis urbes muniret. Hæc breviter Joannes Lucius lib. 1. cap. xv. Nam Græcorum rebus maritimis in Adriatico in dies decrefcen- tibus, fplendore potentiæ Caroli invitati Dalmatæ, Croatorumque freti vicinitate ac Venetorum amicitia, ad Francorum protectionem confugerunt. Donatus legatione Gallicana feliciter perfunctus Jaderam rediit; & nihilo minorem, quam antea, curam & fedulitatem ad ecclefiam fibi commiffam fanctiffimis præceptis & exemplis excolendam adhibuit.*

Niceta patricius cum claffe ad recuperandam Dalmatiam miffus.

De amiffa deditaque Dalmatia Constantinopolim cum effet allatum, Nicephorus claffem intrui juffit, ac Niceta Patricio duce in Adriaticum ad eam provinciam recuperandam transmitti anno 807. Sed Niceta præteritis intactisque infulis atque urbibus Dalmatiæ, Venetias recte contendit. A Venetis honorifice acceptus, & com- meatu nautico aliisque fubfidiis, quibus claffis indigebat, adjutus, Obelerium Ducem Venetorum, ut eft apud Dandulum, ex mandato Nicephori, honorario Spatarii titulo ornavit. Ceterum five quod non fatis virium & copiarum haberet, five quod urbes Dalmatiæ validioribus effent Francorum præfidiis inftitutæ, quam ut expugnari, aut in deditionem redigi poffe viderentur, dum apud Venetos degebat, pacem cum Pipino, oratoribus ultro citroque miffis, faciendam cenfuit; fed in eas conditiones, quæ utrinque propofitæ fuerant, cum pax convenire non poffet, inducias pepigit ufque ad menfem Auguftum. Ita re infecta claffem in Orientem re- vexit. Hæc Annales Francorum fupra laudati: *Claffis a Nicephoro Imperatore, cui Niceta Patricius præerat, ad recuperandam Dalmatiam mittitur... Niceta Patricius, qui cum claffe Constantinopolitana in Venetia fe continebat, pace facta cum Pipino, & induciis ufque ad menfem Auguftum constitutis, ftatione foluta, Constantinopolim regreffus eft.*

Alterius Græcorum claffis adventu Dalmatiam maritimi perterriti fua imperium Nicephori re- deunt.

Anno 809. cum jampridem pactæ cum Francis induciæ exiffent, Nicephorum claffem alteram in Adriaticum ad redigendam fub imperium Dalmatiam immiffit. De hac expeditione Annales Francorum Bertiniani, & Metenfes: *Claffis de Constantinopoli miffa prius Dalmatiam, deinde Venetiam appulit, cumque ibi hyemaret, pars ejus Comaculum infulam acceffit, commiffio- que prælio contra præfidium, quod in ea difpo- fitum erat, victa atque fugata Venetiam recessit. Dux autem, qui claffi præerat, nomine Paulus, cum de pace inter Græcos & Francos constituenda, quafi fibi hoc effet injunctum, apud Pipinum Italiæ regem agere moliretur, Wilario, & Beato*

*Ducibus Venetiæ omnes conatus ejus impedi- entibus, atque ipfi etiam infidias parantibus, cognita illorum fraude difceffit.* Dalmatas maritimos hujus claffis adventu improvifo & inopinato perterritos ultro in potestatem Nicephori fediffle arbitror; nam tradunt Annales Francorum anno proximo 810. *claffem a Pipino ad Dalmatiæ litora vafanda miffam fuiffe; fed cum Paulus Cephallenia Præfectus cum orientali claffe ad auxilium Dalmatis ferendum adveniffet, regia claffis ad propria regreditur.* Id autem argumento eft urbes maritimas Dalmatiæ jam regreffas ad Imperium Orientis, cum claffem ad eas Pipinus quidem vafandas miffiffet, Paulus vero dux Græcorum tuendas duxiffet. Ita Dalmatæ maritimi quarto anno, poftquam Carolo fe tradi- diffent, ad priftinos dominos Imperatores Orientis redierunt; Dalmatia vero mediterranea inter Arliam ac Tilurum, quam Chrobati incolabant, in potestatem Francorum permanfit. Intra finem anni 810. Nicephorus Arlacium Spatarium legatum de pace ad Pipinum miffit, ut eft in Annalibus Francorum, quem cum jam inde a menfe Augufto vita functum reperiffet, Aquifgranum ad Carolum progreffus eft, quocum ageret de concordia inter duos Imperatores constituenda. Pax ita convenit, ut Carolus Iftriam, Liburniam, Dalmatiam mediterraneam, id eft Chrobatiam, retineret; fed civitates maritimas Dalmatiæ, fortaffis etiam Iftriæ, in potestate Nicephori relinqueret, vel fi nondum eas Græci receperant, Orientis Imperio reftitueret. Hæc illa amicitia, hoc eft illud fœdus inter Carolum & Nicephorum, cujus meminit Eginhartus in vita Caroli: *Utramque Pannoniam, & oppofitam in altera Danubii ripa Daciam, Iftriam quoque, & Liburniam, atque Dalmatiam (obtinerebat), exceptis maritimis civitatibus, quas ob amicitiam, & junctum cum eo fœdus, Imperatori Constantinopolitano habere permiffit.* Idem affirmat Dandulus ex Eginharto: *Postquam utramque Pannoniam, & oppofitam in altera Danubii ripa Daciam, Iftriam quoque, & Liburniam atque Dalmatiam, exceptis maritimis civitatibus, quas ob amicitiam, & junctum cum eo fœdus, Nicephorum Constantinopolitanum Imperatorem habere permiffit, acquifierat omnes barbaras ac feras nationes &c.* Verba Eginharti modo laudata referri oportet ad fecundam Nicephori legationem, pacemque cum Carolo redintegratam, quæ ad annum 810. pertinet. Duas enim legationes Nicephorus ad Carolum miffit, primam anno 803. ut docent Annales Francorum, cum vacuum, Irene expulfa, Imperium invafit; tunc quidem pax inter utrumque Imperium constituta eft; fed de civitatibus maritimis Nicephoro relinquendis, vel reddendis nihil additum eft; fi enim huic paci, feu fœderi conditio hæc adjuncta fuiffet, jus ac fidem Carolus violaffet, cum triennio poft, contra quam pax inter utrumque convenerat, urbes maritimas Dalmatiæ in deditionem accepit; quod a fidelitate Caroli, fummaque in patris & conventis fervandis constantia & religione alienum eft. Reftat igitur, ut verba illa Eginharti referri debeant ad legationem fecundam Nicephori, pacemque Aquifgranenfem anni 810. in qua cum fancitum efflet, ut Carolus retineret omnia, quæ five in Italia, five extra Italiam poffidebat, nominatim exceptæ fuerunt civitates maritimæ, quæ Nicephoro reftitui, vel relinqui jubebantur.

Pax inter Carolum & Nicephorum constituta.

Nunc

Donatus  
Constanti-  
nopolim  
missus Ni-  
cephorum  
Dalmatis  
fratrum re-  
conciliavit.

Nunc de Constantinopolitana Donati ad Nicephorum legatione. A priore Gallicana vix anni quatuor intercesserant, cum a resumpta rerum ecclesiasticarum administratione iterum ad reipublicæ negotia procuranda, & civium suorum, ac Dalmatarum saluti consulendum, altera non minus necessaria & longinqua legatio illum avocavit. Voluntaria illa Jadrensi ac Dalmatarum a Græcis ad Francos defectio mirum quantum Nicephori animum exasperaverat; & Dalmatis in potestatem receptis non obscura iratæ insensæque voluntatis indicia dederat. Qui eum placaret, aptior nullus visus est Donato Episcopo Jadrensi. Hunc itaque Constantinopolim legatum deprecatoresque miserunt; nec sua illos opinio fefellit. Quamvis enim ignotum non esset Nicephoro eum fuisse, qui de Dalmatia dedenda ad Carolum missus fuerat; eximia tamen viri sanctitas, prudentia, & caritas adeo Imperatoris animum sibi conciliavit, ac delinivit, ut non solum plenissimam defectionis veniam Dalmatis dederit, sed etiam si quid odii vel acerbis adversus Donatum ob legationem Gallicanam conceperat, id omne in summam erga sanctissimum Antistitem venerationem amoremque converterit. Nihil pro suæ civitatis & ecclesiæ utilitate postulavit, quod non illi Nicephorus prolixè cumulateque concesserit. Nullum erga illum honoris & benevolentiae officium prætermisit. Abundem tum aliis muneribus, tum vero pretiosis Sanctorum Martyrum exuviis donatum dimisit. Sunt qui eum a Carolo Magno de pace cum Nicephoro componenda, ac civitatibus maritimis reddendis missum esse affirmant.

Corpus S.  
Anastasiæ  
Jaderam  
attulit.

Corpus S. Anastasiæ martyris Constantinopoli ab eo delatum fuisse vetus est & constans Jadrensi opinio, multarum ætatum consensu firmata. Duas nobiles in primis ac celeberrimas martyres, quibus nomen Anastasiæ fuit, apud Martyrologos commemoratas invenio, utramque patria Romanam; sed altera sub Valeriano, altera sub Diocletiano gloriosam pro Christo mortem oppetiit; hæc junior, quod posterior, illa senior, quod superior ætate fuit, appellari solet. Utram Donatus Constantinopoli Jaderam attulerit, addubitare cogit idem & commune utrique nomen; unde confusio actorum utriusque & permissio secuta est: id quod Baronius præclare animadvertit in suis notis ad Martyrologium die 25. Decembris: *Monemus lectorem de utrisque Anastasiis contigisse, ut ob commune nomen, incuria quadam Acta communicata, atque simul confusa videantur, ut quod alterius est, alteri tribuatur. Sed ex eo loco, quem suo quæque martyrio nobilitarunt, intelligi potest, utra illarum, seniorne an junior primum Constantinopolim, deinde Jaderam advecta fuerit. Anastasia senior Romæ, Valeriano imperante, illustri martyrio perfuncta est, de qua in Martyrologio Romano ad diem 18. Octobris: Ibidem, id est Romæ, S. Anastasiæ senioris virginis ... in persecutione Valeriani sub Probo Præfecto vinculis constricta, abscissis mamillis, evulsis unguibus, dentibus comminutis, manibus pedibusque præcis, truncato capite, tot passionum monilibus ornata migravit ad sponsum. Hæc, ut Baronius in Notis, senior dicta respectu alterius Anastasiæ, quæ passa est in persecutione Diocletiani, de qua inferius VIII. Kalen. Januarii. Palæstra vero, in qua pro Christo decertavit Anastasia junior, fuit Sirmium, civitas illis tem-*

Per Anastasia

poribus totius Illyrici princeps. Hujus quippe martyrium Apographa Hieronymiana, & Florus in suo Martyrologio apud Tillemontium, Sirmio adscribunt; idem confirmant Acta ejusdem Anastasiæ apud Surium, in quibus dicitur a Diocletiano tradita fuisse Floro Præfecto Illyrici, qui in eam & quæstionem habuit, & capitalem sententiam tulit; itemque magis diserte apud Mombrinium: *Revertente Imperatore Diocletiano a Macedonia, apud Sirmium comprehensa B. Anastasia, & perducta ad forum, ubi Florus Præfectus Illyrici sedens causas audiebat &c.* Quod autem in quibusdam ejus Actorum exemplaribus scriptum est Anastasiam cum plurimis aliis, Christianæ religionis causa, capite damnatis, male compactæ & fatiscienti naviculæ impositam, sine velis, sine remige, sine gubernaculo, & mari commissam, certissimo naufragio divinitus exemptam fuisse, id videtur pugnare cum martyrio Sirmienfi; siquidem hæc civitas a mari longissime abest. Sed maris vocabulum referri potest ad Danubium, vel Savum; uterque enim ob copiam aquarum, alvei latitudinem, atque altitudinem, motum & agitationem fluctuum, speciem quamdam maris ac similitudinem exhibet; nec desunt exempla apud Scriptores, qui fluvios ingentes, & navium justæ magnitudinis capaces, maris vocabulo afficiant. Beda, Usuardus, & alii plures una cum Martyrologio Romano docent hanc juniorem Anastasiam ad palum alligatam, strue lignorum circa illam accensa consumptam fuisse apud insulam *Palmariam*. Est contra Terracinam insula quædam inferi maris, prope ab insula Pontia, quam *Palmariam* vocant; sed cum inter omnes constet Anastasiam Sirmii captam, atque in carcerem inclusam, ibique longa inedia maceratam fuisse, sub Floro Præfecto Illyrici, qui ex mandato Diocletiani huic quæstioni ac judicio præfuit; nihil causæ satis probabilis excogitari potest, cur e Sirmienfi civitate Romanam deportari jussa fuerit; unde postea navigio vetusto & carioso ad certissimum naufragium imposita, cum sociis ad *Palmariam* insulam contra Terracinam divinitus appulerit. Cum neque in Savo, neque in Danubio exiguae insulæ desint; ex his fortasse aliqua fuit non longe ab urbe Sirmienfi, cui nomen erat *Palmariæ*; ad quam cum delata fuisset Anastasia, ibidem martyrio perfuncta est; vel potius hæc insula exinde a Christianis appellari cepit *Palmaria*, quod eam Anastasia cum ducentis & septuaginta commilitonibus sociisque gloriosi certaminis, victricibus tot martyriorum palmis nobilitasset. Ceterum in Actis Anastasianis apud Surium *Palmaria* insula nusquam nominatur; sed a Præfecto Illyrici tum alii alius supplicii necati dicuntur, tum Anastasia igni tradita, & ibidem sepulta dicitur in horto Apolloniæ sanctissimæ matronæ, quæ deinde, ut est in iisdem Actis, id est post pacem Ecclesiæ redditam, *Templum quoque excitat Martyri præclarum & magnificum, & postea anniversarium ei festum celebrat.*

Cum igitur de Sirmienfi martyrio & sepulcro Anastasiæ junioris vix aut ne vix quidem dubitari possit, longe verisimilius est hanc ex urbe Sirmienfi, quam illam seniore Anastasiam inde usque ab urbe Roma Constantinopolim translata fuisse, præsertim cum hujusce translationis tum causa afferri, tum tempus designari possit; neutrum autem in seniore, utrumque in juniorem Anastasiam optime convenit.

Anastasia  
junior Sirmio  
Constantinopolim  
translata est.

nit. Anno 441. vel sequenti Attila Hunnorum rex plurimis armatorum millibus Pannoniam invasit; & cum alias civitates, tum vero Sirmium urbem nobilissimam Pannoniæ inferioris, haud longe a confluentibus Savi & Danubii sitam, ac totius Illyrici occidentalis principem, funditus evertit. Excidium Sirmienſe, quod Scriptores fere omnes in annum alterum & quadragesimum, vel huic proximum, sæculi quinti conferunt, Anastasiani corporis Constantinopolim transferendi causam præbuit. Nam templo Anastasiano, quod Apollonia ædificaverat, pariter cum urbe diruto, ne corpus Sanctissimæ Martyris subter ruinas neglectum & obrutum insuper hominum interitu, & oblivione posteritatis, debito cultu in perpetuum careret, post aliquot annos indidem effossum, & Constantinopolim tranſvectum est, ut in illa regia civitate, quibus dignum erat, honoribus coleretur. Hujus translationis fidem faciunt Acta ejusdem apud Sirmium: Post multos annos (idest ab ejus martyrio amplius centum & quinquaginta) civitatum felicissima, Constantinopolis inquam, ejus ad se exportatas suscepit reliquias, & eas deposuit in magnifico templo, & ea digno, thesaurum honorum, fontem miraculorum, corroboracionem animæ, & corporis. Huic translationi annum primum Leonis Imperatoris, qui fuit æræ vulgaris 457., Cedrenus adscripsit. Illo anno, inquit, allata sunt Sirmio reliquiae Sanctæ Martyris Anastasie, inque ejus templo depositæ, quod est apud rostra Domnini. Idem confirmat Theodorus Lector in extremo libro 2. Collectionum, auctor sæculi sexti, qui translationem eandem ad Pontificatum Gennadii Patriarchæ, imperio Leonis æqualem, refert: Gennadio Patriarcha allatæ sunt a Sirmio reliquiae S. Anastasie, & in martyrio ipsius depositæ, quod in Embolis Domnii situm est. Sed Nicephorus lib. 4. cap. 10. scriptum reliquit corpus S. Anastasie Constantinopolim tranſvectum fuisse ante imperium Leonis, cum Pulcheria & Marcianus rerum in oriente potiebantur. De templo Constantinopolitano, sive martyrio Anastasie, Baronius in notis ad Martyrologium Romanum hæc subjecit; eas esse reconditas in basilica Anastasie, non quidem ab ea primum ita denominata, sed a Gregorio Nazianzeno, cum illic fides collapsa (ob Arianam perfidiam in civitate dominantem) excitata est (& quodammodo revixit), ita dicta: quam quidem olim perexiguam, in augustiorem formam a se auctam, Sanctus Marcianus Presb. in honorem Dei Genitricis & Anastasie martyris, Deo dicandam curavit, ut Marciani Acta testantur, quæ descripsit Metaphrastes, habetque Lip. Tom. V. Illud vero, quod ibidem a Baronio dictum est, seniore Anastasiam Sirmii passam, & Constantinopoli celebrem fuisse, ejusque reliquias illuc translatas esse, eidem assentiri non possum: nam ipsemet Baronius martyrium senioris Romæ ad diem duodevicesimam Octobris adscripsit sub Valeriano Imperatore; quæ quidem, ut in notis ad eam diem idem Baronius, Senior dicta est respectu alterius Anastasie, quæ passa est in persecutone Diocletiani, de qua inferius 8. Kalendas Januarii. Quo autem tempore, quam ob causam, quo auctore senior illa ex urbe Roma Constantinopolim deſecta fuerit, si quærere velis, frustra labores; ac ne verisimile id quidem est; præsertim cum plurima Sanctorum corpora ex oriente in occidentem, Constantinopoli Romam,

hinc vero illuc aut nulla, aut paucissima translata fuisse inveniuntur.

Anastasia junior nobili genere nata est Romæ, quam ab incunabilis Flavia mater, femina sanctissima, christianis institutis ac præceptis diligentissime erudit. Sed Prætextatus pater invitam nubere coegit Publio viro crudeli, & cultori idolorum studiosissimo, a quo religionis causa in arctissimam custodiam inclusa fuit. Hujus extant duæ ad Chrylogonum epistolæ, duo itidem ad eas Chrylogoni responsa, Viro mortuo Roma discessit, Chrylogonum secuta, quem Diocletianus Aquilejam deduci jusserat. In ea civitate, quod Romæ jam facere instituerat, multam ac perutilem operam tum ipsi Chrylogono, tum ceteris Christianis carcerum pædore & inedia afflictis præbuit, quos suis opibus & facultatibus sustentabat. Post martyrium Chrylogoni, cælesti hujus voce admonita, trium virginum Agapes, Chionie, & Irenes curam suscepit, quas jussu Diocletiani Thessalonicam abductas itidem secuta est; eisdemque ad ultimum usque spiritum pro Christo decertantibus adfuit, omniaque pietatis & charitatis officia præstitit. Deinde Sirmium se contulit, ut in ea quoque civitate, afflictis, vexatisque Christianis subsidium & solatium ferret. Ibi cum esset, a Diocletiano comprehendi jubetur, & Floro Præfecto Illyrici torquenda traditur. Ad palum alligata, & sarmentis circumpositis igne admoto, quam diu vehementerque concupierat, martyrii palmam adeptæ est VIII. Kal. Januarii an. 390. Hæc summam ex Actis S. Anastasie, de qua fusius & accuratius in historia Ecclesiæ Sirmienſis.

Hujus ergo Anastasie junioris corpus, quod Constantinopolim sæculo quinto translatus, in basilica Anastasiana colebatur, Nicephorus Imperator dedit Donato Episcopo Jaderensi, quod suæ erga sanctissimum virum venerationis & benevolentie pignus esset, ac monumentum. Hæc reliquias pius Antistes pluris habuit, quam gazas omnes divitiasque aulae imperatoris; & hujus sacri thesauri adeptione lætus Constantinopoli discessit. Rebus omnibus, quarum causa ad urbem regiam missus fuerat, e sententia gestis, Jaderam redeuntem, & pretiosis illis spoliis ditatum, universa civitas obviam effusa, ingenti omnium gratulatione & latitia excepit. Corpus S. Anastasie in arcam marmoream inclusum in æde cathedrali collocavit, eique altare ejusdem Martyris nomine consecratum superimpoluit. Edes cathedralis Jaderina titulo & patrocinio suberat S. Petri principis Apostolorum; sed cum religio & cultus S. Anastasie quotidie magis effloresceret, conversis ad eam precibus ac votis Jaderensium, Martyris sepulcrum eximia veneratione & assidua frequentia celebrantia, Deo insuper haud dubiis miraculis supplicum fiduciam & sepulcri Anastasiani celebritatem augente; antiquus S. Petri titulus paulatim exolevit, & basilica illa, veteri posthabito, novum ab S. Anastasia titulum accepit, quod deinde perpetuo retinuit. Hujus tituli Anastasiani antiquitatem confirmant tabulæ testamentariæ cujusdam Andreæ Prioris sive Rectoris Jaderæ, qui anno 908. in Sancta Anastasia unam cuppam, & unum pannum de serico legavit; ex quo intelligi potest, vel Donato adhuc superstitē, vel proximis ab ejus obitu temporibus, ædem cathedralem ab S. Anastasia denominari cœpisse. Atque iisdem fere temporibus Jaderini Beatam Ana-

Donatus Anastasiam juniorem Constantinopoli Jaderam adve-

Anastasia Constantinopoli culta non senior Romæ sub Valeriano, sed junior Sirmii sub Diocletiano martyrii palmam adeptæ.

S. Anastasia  
urbis & Ec-  
clesiæ Ja-  
dertiæ Pa-  
trona.

Historia  
translatio-  
nis Anasta-  
siæ post epi-  
scopatū  
S. Donati  
seculis con-  
scripta.

Anastasiā urbis patronam adoptarunt; ejusque diem festum translātum ex die natali J. su Christi Servatoris nostri, in quem illius martyrium incidit, xviii. Kalendas Februarii ritu sollemni concelebrant, ut docet Kalendarium Ecclesiæ Jadrensis: 15. Januar. *Anastasia Vid. Pat. Civ. dupl. 1. clas. cum Octava &c.* Ejusdem vero translatio ibidem adscripta est ad diem vicesimum quintum Septembris sub ritu semiduplici.

De corpore S. Anastasiæ Constantinopoli Jadaram per S. Donatum translato extat historia perantiqua, quæ olim in æde cathedrali, cum anniversaria ejusdem translationis commemoratio celebrabatur, inter sollemnem ejus diei Placidiam, vel Liturgiam recitari solebat. Valerius a Ponte in hac historia quadam animadvertit, quæ ejus auctoritatem & fidem imminuere videntur: *Advenisse* (S. Donatum) ossa & cineres S. Anastasiæ martyris testatur quadam historia, quæ olim legebatur in Festo translationis ejusdem, quæ cum in nonnullis haud integram gerat fidem, eam rejicimus in Apologia scorsim elucubrata, ubi probavimus S. Anastasiā patronam nostram, quam juniorem esse profiteamur, fuisse uxorem Publii &c. Verum præter duo mendæ, alterum chronologicum, alterum chorographicum, & pauca quædam ac levia errata historica, vix aliquid invenies, quod reprehendi possit. Legationem Constantinopolitanam S. Donati in annum 804. conjecit, quam post ejusdem Gallicam legationem collocari, revocarique ad annum undecimum sæculi noni oportet. Martyrium S. Anastasiæ urbi Smyrnenſi affixit, quod Sirmienſi restitui debet. Utrumque mendum libentius, quam auctori hujus historiæ, librariis attribuerim, qui sæpiſſime in exscribendis notis arithmeticis, & nominibus locorum, quæ sunt inter se similia, falluntur & fallunt. Hæc & cetera, quæ aliqua correctione indigent, nostris in eam notis emendanda & explicanda curabimus. Hanc historiam tercentis, vel quadringentis post Episcopatum S. Donati annis conscriptam fuisse apparet, cum Episcopi Jadrenſes titulum Archiepiscopalem jam usurpare cœpiſſent; nam S. Donatus, vocabulo e posterioribus sæculis desumpto, eidemque per anticipationem affixto, *Archiepiscopus* appellatur. Longissime itidem ab ætate S. Donati distabat, qui ejus arcæ sepulchrali, quamvis antiquæ, hunc titulum inscripſit: *Corpus S. Donati Archiepiscopi Jadrenſis*. Historia translationis est hæc.

Anno Dominicæ Incarnationis DCCCIV. (1) regnantibus in orbe duobus Imperatoribus Nicephoro Constantinopolitano, Carolo vero Gallia; & ideo inter eos orta est magna (2) dissensio, quoniam fortuna regni imperialis impatiens est consortis, ut pene eorum duorum Imperatorum dissensione totus mundus periclitaretur: nec hoc mirum cuilibet videtur, quippe quia nulla fides est regni sociis, & omnis potestas impatiens est consortis, ut in hoc exemplo, & in multis aliis ostenditur: legimus nempe ob id Saul persecutum fuisse David; Absalon quoque novimus eundem genitorem suum persecutum fuisse; multos etiam reges & Imperatores hujus rei causa occisos audimus. Potest & hoc etiam ipsa Roma, cum adhuc parvum asyllum esset, nobis præferre exemplum. Romulus occidit fratrem suum Remum a quo postea Roma dicta est, ut ille nobilissimus Poeta ait: *Fraterno primi maduerunt sanguine muri*. Causam igitur tantæ discordiæ non sine divina dispositione evenisse credimus, cum scri-

ptum sit, nihil in terra sine causa, sed propterea, ut hi duo viri religiosi atque sanctissimi, videlicet Donatus (3) Jadra urbis Præsul & (4) Benenatus Venetiarum Dux, tum quia legati pacis a Carolo, tum quia ecclesiarum & omnium fidelium nuntii pacis fuerunt, Constantinopolim devenirent, & pretiosum thesaurum, nulli gemmarum, vel auri pretiosi thesauro comparabilem, corpus scilicet Beata Virginis & Martyris Anastasiæ invenirent, quod tamen inventum primo sic est. Apollonia (5) femina Christianissima in quodam suo viridario extruxerat illi basilicam post passionem ejus, & ibi, ut decuit martyrem, in marmorea tumba cum aromatibus recondidit. Post multum vero temporis, multis jam elap- 6  
tis annis, peccatis nimis imminuentibus (6) Smyrna civitati, in qua corpus prælibatæ virginis & martyris, ut supra diximus, fuerat martyrizatum & reconditum, a barbaris (7) ob- 7  
ſeſſa & diu expugnata, tandem destructa est. Ad- ſunt quidam viri christianissimi, ac veræ reli- gionis; nolentes margaritas, videlicet sanctis- ſimum corpus supradictæ virginis & martyris Anastasiæ relinquere inter porcos, ut ab illis con- culcatum vileſceret, secum tollentes Constantino- polim deferunt, & timentes ne furtive eis sub- latum fuisset, absconderunt (8) illud; sed quia 8  
diu latere non potuit, adveniunt nuntii pacis, ad- veniunt amatores veræ pacis, quæ est Christus, sic enim de eo scriptum est: Ipse est pax vera viventium; adveniunt equidem Donatus Archi- præsul Jadra, & Benenatus Venetiarum Dux, ad- veniunt pacem (9) ferentes; quare non sine cau- 9  
sa hi duo pacis verba referunt (ipsa enim quip- pe nominum suorum explicatio notat, si diligen- ter inquiras). Deum plus, quam seipsos diligen- tes, & proximum tamquam seipsos amantes, pa- cis nuntii mittuntur, quibus prænominati viri (10) 10  
Smyrnitæ divina providentia adhaſerant, & qui eſſent, & qualiter Constantinopolim deveniſſent, & sicut sanctissimum corpus Beata Anastasiæ vir- ginis & martyris de (11) Smyrna civitate (12) 11 12  
secum detuliſſent, omnia narrant petentes secum velle in Dalmatiam pergere; tandem gratanter & honestissime ab eis suscepti sunt. Cumque Dona- tus sanctissimus Archipræsul ac Benenatus Dux capium opus, ad quod miſſi fuerant, diligentissi- me peregreſſent, vento succedente secundo, una cum supradictis viris & sanctissimo corpore (13) 13  
præſata virginis & martyris Anastasiæ ad prop- ria remeare cœperunt. Atamen navigantes, cum sæpiſſime insulis, villis, oppidis, & civitatibus applicantes, in eas descendiſſent causa recusatio- nis humanæ, audiebant Damones circumquaque per aera ululantes; alii clamabant dicentes: Ec- ce martyr Anastasia venit; ecce venit Christi martyr; alii autem quasi puerili voce stridentes clamabant: O martyr Christi Anastasia, ad quid veniſti torquere nos; quid tibi & nobis? abi hinc, recede a nobis. Ad cujus spectaculum omnes cucurrerunt, & multi a Damonibus obſeſſi, vincii catenis ferreis, ad eam ducti liberabantur, leproſi mundabantur, paralytici curabantur, cæcis redde- bat viſum, ſurdis auditum, claudis greſſum, man- cis vero dexteram; & quicumque habebant in- firmos variis languoribus detentos, ducebant eos & sanabantur; sic quoque per singulas provin- cias corpus Beata Virginis & martyris Domino nostro J. su Christo concedente operabatur. Tan- dem Deo duce proſperis ventis Jadram deven- runt; cumque apud eandem civitatem deveniſſent, Benenatus Dux, quoniam vir prudens erat & præ-

14 *præpotens*, magna cum vi (14) nitebatur præ-  
tiosissimum corpus prænarratæ virginis & martyris  
secum Venetias asportare. Donatus vero Archipræ-  
sul e converso nitebatur similiter retinere illud,  
ac summa cum veneratione Jadræ introducere;  
quibus diu altercantibus permissum est Duci; cui  
cum permissum foret ab hominibus, denegatum  
est sibi a Deo, qui cum navigare cœpisset, su-  
bito sub celi serenitate, & maris, ac temporis  
tranquillitate, orta est tempestas valida; aernam-  
que turbatur, æquor tumet, ventus adversatur,  
navis vero huc atque illuc ventis ac fluctibus  
agitatur. Benenatus autem Dux expectans tempo-  
ris & maris tranquillitatem, sapissime conatus  
est una cum sanctissimo corpore transfretare; qui  
cum hoc sibi divinitus denegatum fore cognovisset,  
tandem licet invitus Donato Archipræsuli sanctis-  
simo, & cuncto clero, & populo Jadrensi habendum  
permisit. Ad tantum vero miraculum omnis  
concurrit ætas, omnisque sexus, omnis conditio  
exultat animo, manibus plaudunt, vocibus cla-  
mant, laudibus resonant dicentes: Gloria tibi Do-  
mine; Gloria tibi Domine. Cumque diu multum-  
que in Dei laudem & Beatissimæ Virginis accla-  
matum fuisset, tandem populus acquievit. Na-  
vis vero, in qua corpus Sanctæ Virginis Marty-  
ris Anastasie erat, nemine cogente, sed ipsamet  
quasi levi quodam volatu ad portum Jadræ us-  
que pervenit, ad portam, quæ est juxta Eccle-  
siam S. Georgii Martyris. Archipræsul vero Do-  
natus quasi paratus ad celebrandum Missam, una  
cum clericis cujusque ordinis, ac luminaribus præ-  
paratis præcedentibus, cum clericis, monachis,  
sanctimonialibus, ac ceteris viris religiosis, se-  
quentibus vero militibus, cum præfato Benenato  
Duce Venetiarum, cantantes & psallentes, ac  
summis laudibus venerantes corpus Beatissimæ Vir-  
ginis & Martyris Anastasie per supradictam por-  
tam in civitate introducentes, ad Ecclesiam Bea-  
ti Petri, ubi Archipræsulis & nunc est sedes,  
perduxerunt, ibique multa cum veneratione die  
nocturne custodierunt, donec illi ædem & aram  
ubi illam conderent, præpararent. Interim autem  
multas ibidem, Domino cooperante, Beatissima Vir-  
go & Martyr Anastasia virtutes operata est. Sed  
quanti cæci illuminati, quanti paralytici curati,  
quanti a Demonibus liberati, nec lingua prome-  
re sufficit, nec intellectus capere potest. Cives  
vero Jadrenses basilicam Beati Petri, in qua su-  
pradictum corpus Beatissimæ Virginis & Marty-  
ris Anastasie depositum extat, in ade (15) sibi  
15 Apostolico decreto dicata condiderunt; quæ de  
cetero basilica S. Anastasie Virginis & Marty-  
ris vocaretur. Qui supradicti cives alii agris,  
alii vineis, alii insulis, alii villulis ditaverunt;  
nec tam grande miraculum prætermittere volumus  
præteritis temporibus. Cum enim cum beato cor-  
pore per dictam portam civitatis ingressi essent,  
accidit ut quidam incaute veniens, per eandem  
portam transiret, qui mox corruens in terram  
ante ipsam portam expiravit. Cives autem viso  
tanto miraculo, timore perterriti, statim ipsam  
portam firmissimo muro obstruxerunt, ut nullus  
amplius per eam neque aditum, neque exitum  
habere posset, quæ usque hodie clausa est & sem-  
per usque in finem sæculorum non aperiatur. Post-  
quam vero prædicti cives domicilium & aram  
parassent, suisque propriis rebus mobilibus &  
immobilibus perbene ditassent, Donatus sanctissi-  
mus summa cum veneratione, ut decet Præsulem,  
& animi devotione clero & populo cantantibus  
& psallentibus pretiosissimum corpus Beatæ Vir-

ginis & Martyris Anastasie nitidissimo loco,  
quinto (16) nonas Octobris recondidit, ubi nunc  
16 multa per eandem Virginem præstantur beneficia,  
regnante (17) Domino nostro Jesu Christo, cu-  
17 jus est honor & gloria per infinita sæcula sæcu-  
lorum. Amen.

## Notæ.

(1) Neque ante annum 806. Dalmatia ma-  
ritima se per suos legatos Donatum Episcopum  
& Paullum Ducem Jaderæ, Carolo tradiderat,  
neque ante annum 809. in potestatem Nicepho-  
ri redierat. Itaque post pacem inter Carolum  
& Nicephorum per Arsacium legatum anno 810.  
Aquisgrani constitutam, legatio Constantinopo-  
litana Donati Episcopi secuta fuit, & ab an-  
no quarto ad undecimum noni sæculi revocan-  
da est.

(2) Urbes maritimæ in fidem ac potestatem  
Francorum per deditionem receptæ, avulsæque  
ab Imperio Orientis anno 806. Nicephorum a  
Carolo alienarunt; neque exinde inter utrum-  
que Imperatorem concordia firma & stabilis fuit  
ante pacem Aquisgranensem anni 810. Niceta  
Patricius cum classe in Adriaticum missus an-  
no 807. inducias quidem paucorum mensium  
cum Pipino rege Italiæ pepigit, sed pacem sta-  
bilire non potuit. Anno 809. Dalmatæ mari-  
timi perterriti adventu classis Græcorum, Paul-  
lo ductore, sub imperium Nicephori redierunt,  
Anno demum 810. pax Aquisgrani, Arsacio  
internuncio Nicephori & interprete, in has con-  
ditiones convenit, ut Dalmatia mediterranea ad  
Carolus, maritima ad Nicephorum pertineret.

(3) Hinc intelligi licet Donatum duplici a-  
pud Nicephorum legatione anno 811. functum  
fuisse, altera ab Carolo injuncta, ut pacem  
Aquisgranensem confirmaret, de qua Eginhar-  
tus, altera nomine jussuque civium suorum &  
Dalmatarum suscepta, ut Nicephorum Dalma-  
tis iratum placaret, de qua Valerius a Ponte:  
Hinc conjectari licet Dalmatas indignatione Ni-  
cephori perterritos, ope legationis ejusdem Do-  
nati usos fuisse, qui Constantinopolim profectus,  
iram Imperatoris placavit.

(4) Quem Annales Veneti Beatum vocant,  
is Benenatus, idest feliciter natus, rite appella-  
ri potest; nam eadem fere notio utriusque voca-  
bulo subest, & fortasse utroque nomine affici  
solebat. Obelerius cum Beato fratre principa-  
tum apud Venetos obtinuit. Uterque anno 809.  
quod Francis studerent, ducali solio & urbe  
depulsus fuit; Obelerius quidem Constantinopo-  
lim, Beatus vero Jaderam secessit. Subsequenter  
Veneti, ait Dandulus, assistente Hebersapio Im-  
periali Apocrifario, hoc egerunt, ut uterque Du-  
cis dignitatem, & patriam amitterent. Unus  
idest Obelerius Constantinopolim, alter vero Bea-  
tus Jadræ petiit. Dum ergo Beatus, sive Be-  
nenatus, qui ducalis dignitatis titulum, Vene-  
tis vel invitis retinebat, Jaderæ versabatur; eum  
Carolus socium Donato Episcopo adjungi vo-  
luit, ad legationem Constantinopolitanam suo  
nomine obeundam. Hujus legationis munus eo  
libentius suscepit, quod Nicephori auctoritate  
atque opera se in pristinam apud Venetos di-  
gnitatem restitutum iri sperabat.

(5) Ex Actis S. Anastasie apud Surium, alio-  
que Hagiographos.

(6) En mendum topographicum. Expuncto  
Smyrnæ vocabulo, nomen Sumiæ civitatis sub-  
stitui



stitui oportet; nusquam enim legitur Anastasia apud Smyrnam martyrio functa esse.

(7) Attila Hunnorum Rex, qui post Bledam fratrem interfectum anno 444. regnare cepit, Sirmium funditus evertit.

(8) Corpus S. Anastasie Constantinopolim de-  
vectum fortasse ad tempus aliquod delituit; il-  
lud certe ab illo latibulo & ignoratione ho-  
minum vindicavit S. Marci Presbyter, at-  
que in basilica Anastasiana collocavit, ut est  
apud Metaphrastem in vita ejusdem S. Marcia-  
ni. At Cedrenus in templo, quod eidem ex-  
structum fuit apud *Rosstra Domini*, honorifice  
depositum fuisse affirmat.

(9) Non ad *ferendam*, sed ad confirmandam  
pacem Aquilgranensem, anno 810. inter Caro-  
lum & Nicephorum conciliatam.

(10) Sirmienfes.

(11) De Sirmio.

(12) Hæc correctione & explicatione indi-  
gent. Non illi quidem Sirmienfes, qui falso vo-  
cantur Smyrnenfes, corpus S. Anastasie Con-  
stantinopolim detulerant; sed de corpore S. A-  
nastasie, Constantinopolim ante annos amplius  
quadringentos translato, quæ a majoribus quasi  
per manus tradita posteris acceperant, legatis,  
dum per Pannoniam iter haberent, narrarunt,  
illisque se comites adjunxerunt.

(13) Non furtim sublato, sed a Nicephoro  
Imperatore illis donato; ut ex inveterata &  
communi Jadrenfium opinione supra dictum est.  
Legati Constantinopoli discesserant ante obitum  
Nicephori, qui eodem anno 811. vii. Kalen-  
das Augusti extinctus, sedem augustalem va-  
cuam Stauratio filio reliquit.

(14) Benenatus sive Beatus, pretioso illo  
thesauro Venetias allato, sperabat se in gratiam  
cum suis civibus redire posse, revocarique ab  
exilio; & fortassis etiam in sedem ducalem post  
obitum Angeli Particiaci restitui. Non enim  
ignorabat Venetos sacrarum reliquiarum cupi-  
dissimos esse, summaque erga illas veneratione  
affici; ut tam multa Divorum corpora avidissime  
expetita, & Constantinopoli, vel ex aliis parti-  
bus Orientis Venetias delata declarant.

(15) Ædes cathedralis S. Petri, post corpus  
S. Anastasie illuc illatum, hujus quoque nomi-  
ne consecrata fuit; & veteri titulo paullatim  
exsollescente, novum ab S. Anastasia titulum  
accepit.

(16) Anniversaria translationis Anastasianæ  
commemoratio nunc recolitur vii. Kalendas Oc-  
tobris.

(17) His verbis concludi solent perantiquæ  
Divorum historię, quas Legendas vocant.

Corpus S. Anastasie  
plures ci-  
vitates sibi  
vindican-  
Sed de corpore & sepulcro S. Anastasie, ut  
sæpe accidit cum de sacris ipsis agitur, in-  
ter aliquas civitates controversa est; utrumque  
Jadertini esse apud se contendunt, Romani sibi  
vindican, Aquilejenses repetunt, Januenses et-  
iam antiqua utriusque possessione gloriantur.  
Exstat Romæ ecclesia perantiqua S. Anastasie  
ad Palatium, olim titulo Cardinalitio insigni-  
ta, apud quam statio est feria tertia hebdoma-  
dis primæ sollemnis jejunii quadragesimalis, &  
feria itidem tertia post Pentecostem; in ea cor-  
pus S. Anastasie conditum affirmant. In San-  
ctuario Aquilejensi erat capsula cum hac inscri-  
ptione: *Corpus S. Anastasie. Ubertus Folieta*  
lib. 6. hist. Genuen. Anno 1296. *Roscius Au-*  
*ria, cum egregiam multorum annorum operam,*

*præfatus classis, Constantinopolitano Casari in*  
*Ponto Euxino navasset, nonnullaque loca expu-*  
*gnasset; hoc laborum & meritorum primum*  
*optavit, ut corpore S. Anastasie V. & M. dona-*  
*retur; quod Genuam delatum in æde D. Matthæi*  
*collocatum est, in qua magna cum veneratione*  
*& religione adservatur.* Sunt etiam, qui apud  
Tillemontium tradunt corpus S. Anastasie et-  
iamnum Constantinopoli in æde patriarchali as-  
servari. Cum plures civitates de unius ejusdem-  
que sacri corporis possessione inter se contend-  
dunt, hujusmodi controversiæ sic dirimi solent;  
scilicet duos vel plures fuisse ejusdem nominis  
Divos, horumque corpora illis civitatibus, in-  
ter quas est contentio, suum cuique adjudicari  
debere, vel certe ex ejusdem Divi aut Martyris  
exuviis partem aliquam insignem unicuique ear-  
um civitatum dispertiri, quam intelligi oportet  
ex superaddita Corporis . . . inscriptione. Cujus  
Anastasie corpus possideant, vel ex reli-  
quiis Anastasianis quid & quantum apud se re-  
tineant ac venerentur illæ civitates, quas su-  
pra nominavi, inquirere nihil attinet; illud  
affirmare posse mihi videor, de corpore S. Ana-  
stasie Romanæ, viduæ Publii, martyris Sir-  
mienfis, primum Constantinopolim, deinde Ja-  
deram advecto, & in æde cathedrali condito,  
servatoque ibidem usque ad hæc tempora, vix  
aut ne vix quidem dubitandum esse. Hæc est

indigenarum opinio ab antiquissimis temporibus  
accepta, & per singulas ætates sine ulla inter-  
ruptione propagata, quam confirmat cultus ve-  
tustissimus sanctissimæ huic & præstantissimæ  
martyri perpetuo adhibitus, patrocinium urbis  
eidem commendatum, titulus Anastasianus ædi  
Metropolitane impositus. Nec desunt Scripto-  
res idonei & perantiqui, quorum auctoritate  
Jadertina corporis Anastasiani translatio nixa  
est. Adelmus Donato Episcopo Jadrensi æqua-  
lis tradit in suis Annalibus exuvias S. Ana-  
stasie Martyris Romanæ, sponsæ Publii, filie  
Prætextati & Faustæ, Constantinopoli Jaderam  
delatas fuisse. Constantinus Porphyrogenitus,  
qui proximo post S. Donatum sæculo floruit,  
sepulcri ac templi Anastasiani Jadrensis fidem  
facit his verbis lib. de Admin. cap. 29. *In ea-*  
*dem vero urbe sepultum est corpus S. Anastasie*  
*Virginis filie Eustathii Regis, quod illic asserva-*  
*tur. Templum autem S. Anastasie oblongum est,*  
*simile illi, quod in Collophrasis est, & colum-*  
*nnas habet prasinæ, atque albas, totumque or-*  
*natum est figuris pictura vetusta elaboratis, pa-*  
*vimentum vero ipsius ex opere tessellato confe-*  
*ctum.* Anastasiam Virginem appellat; sunt e-  
nim, qui post initas cum Publio nuptias, vir-  
ginitatem ab omni concubitu intactam servasse  
affirmant; quod autem filiam dixerit regis Eu-  
stathii, amandemus licet inter fabulas Græco-  
rum. Prætereo Scriptores juniores, præsertim  
Dalmatas, qui corpus S. Anastasie Romanæ,  
viduæ Publii, martyris Sirmienfis Constantino-  
poli translatum in Basilica Metropolitana Ja-  
drensi asservari confirmant: id quod Valerius a  
Ponte Archidiaconus Jadertinus docta eruditae-  
que dissertatione demonstravit. Sed omnem de  
hac re dubitationem sustulit proximo superiori  
sæculo Lucas Stella Archiepiscopus Jaderæ, qui  
arcam marmoream subter altare S. Anastasie  
inventam effossamque aperuit; in qua nihil qui-  
dem reperit, præter cineres & ossa semiustula-  
ta; sed eas corporis Anastasiani reliquias esse  
declaravit inscriptio tribus ejusdem arcæ lateri-  
bus

quod apud  
Jadertinos  
asservari  
multis ar-  
gumentis  
evinctur.

Idem con-  
firmat in-  
ventio cor-  
poris S. A-  
nastasie.



bus incisa, quæ est hujusmodi. A fronte : *In nomine SS. Trinitatis. Hic requiescit corpus Sanctæ Anastasie. De dono Dei, & Sanctæ Anastasie. Donatus peccator Episcopus fecit, Deo gratias. A tergo: In nomine Sanctissimæ Trinitatis. Hic requiescit corpus S. Anastasie. A latere sinistro: De donis Dei Donatus peccator Episcopus fecit.* Sed de hac inventione plura in actis Stellæ Archiepiscopi.

S. Donatus  
corpora SS.  
Chryso-  
goni, & Zoili  
Aquileja  
Jaderam  
transstulit.

S. Chrylogoni Martyris, itemque S. Zoili Presbyteri Aquilejensis Jaderam translati neque auctor, neque tempus litteris proditum reperitur. Utriusque translationem Donato Episcopo Jadrensi adscribendam cenfeo. Chrysogonus civis Romanus, quod Christianam religionem coleret, in carcerem conjectus, jussuque Diocletiani Aquilejam perductus, non ita longe ab ea civitate apud Aquas gradatas, securi cervicem Christi causa subiecit. Ejus corpus pie curavit, & capse inclusum domi suæ recondidit Zoilus Presbyter, vir eximie sanctitatis, qui haud multis post diebus ad beatam immortalitatem migravit. Post Imperatores Christiani nominis hostes extinctos, & pacem Ecclesiæ constitutam, corpora Sanctorum Chrylogoni & Zoili ex humili loco & obscuro in altiore & illustriorem locum evecta, quibus digna erant, honoribus Aquilejenses per annos amplius quadringentos coluerunt. Jam vero cum Donatus urbis & ecclesiæ suæ exuviis Divorum locupletandæ miro desiderio flagraret, quemadmodum a Nicephoro S. Anastasie, sic a Carolo Magno, cujus in ditione tum erat Aquileja & Marchia Forojulienfis, Sanctorum Chrylogoni & Zoili corpora impetrasse mihi videtur. Cum enim apud utrumque Imperatorem legatione Dalmatica fungeretur, tanta fide, religione, ac sapientia munus illud longe gravissimum sustinuit, ut magnam utriusque exultationem & benevolentiam sibi conciliaverit; & cum tali actante Præsuli maxime cuperent gratificari, tum aliis donis, tum sacris præsertim, quibus maxime delectabatur, reliquiis cumularunt. Corpus S. Chrylogoni in templo, quod Jadertini hunc sanctissimum martyri ædificaverunt, apud Patres Benedictinos asservari dicitur; sed locus sepulchri ignotus est. Urbe capta & direpta sub initium sæculi decimi tertii a Venetis, sublatum fuisse ajunt; ac deinde Jadertinis in gratiam receptis restitutum Abbas illius cœnobii abdito occultoque loco recondidit, ut sacrosancti hujus depositi rursus amittendi periculum præcaveret. Loci notitia decursu temporum sensim obscurata est; & si quibus credita fuerat, eorum interitu prorsus evanuit. Ostentant arcam egregie pictam, in qua ejus corpus conditum fuerat, itemque lapidem sanguineis notis aspersum, cui caput gladio amputandum superposuit. De templo & cœnobio Benedictino S. Chrylogoni vide supra quæ scripsit Valerius a Ponte in suo Commentario pag. 18. In sanctuario ædis metropolitane brachium S. Chrylogoni a corpore avulsam, ejusque pedes, tribus argenteis lisanthecis inclusi, asservantur, prætereaque ossa quædam ejusdem in capsula itidem argentea, cui hæc inscriptio incisa est:

*Hoc opus factum fuit tempore nobilium virorum Viti Gandali, Vulcine de Martinussis, & Pauli de Galleis. Anno Domini 1326.* Jadrenses S. Chrysogonum urbis & ecclesiæ patronum jam inde ab antiquissimis temporibus agnoscunt & colunt; ejusque diem natalem sol-

lemni ritu concelebrant viii. Kalendas Octobris, ut in hujus ecclesiæ Kalendario præscriptum est: 24. Novembris Chrysogoni Mart. Tutel. hujus nostræ Ecclesiæ, & Primarii Patr. Civit. dupl. i. clas. cum off. Ejusdem vero translationem colunt xiv. Kal. Junias; 19. Maji translatio S. Chrysogoni M. sem. per tot. diœces.

Corpus S. Zoili Presbyteri, quod itidem a S. Donato Episcopo Aquileja Jaderam concessu Caroli Magni delatum existimo, duplici arca cupressina & marmorea inclusum erat. Caput scorum in lisantheca argentea repositum est; & corpus quidem asservabatur in æde vetustissima S. Mariæ Majoris prope a mœnibus sita, quam Jadrenses anno 1570. urgente bello Cyprio demoliti sunt, ut muros urbis ab hac parte novis operibus, munitionibus, aggeribusque firmarent. Ab ea demolitione intactum superfuit sacellum S. Rocchi, in quo depositum fuit corpus S. Zoili, insertumque mensæ altaris S. Martini. Lucas Stella Archiepiscopus an. 1622. transtulit ad sanctuarium ædis metropolitane, ubi etiamnum asservatur & colitur. Arcæ inscribi jussit: *Ossa S. Zoili Confessoris.* Hæc translatio xvii. dies vero natalis S. Zoili x. Kalendas Januarii sub ritu duplici celebratur.

In sacello subterraneo ædis metropolitane subter fornem, cui ara maxima incumbit, exstat ingens arca marmorea, in qua condita esse corpora trium sororum virginum & martyrum Agapes, Chionie, & Irenes, communis est & constans Jadrensis opinio, cui fidem & auctoritatem adjungit cultus vetustissimus eisdem in hac urbe adhibitus, qui omnem superiorum sæculorum memoriam antegreditur. III. Nonas Agapi & Chionie, Nonis ipsis Aprilis Irenie clerus Jadertine diœceseos, jam inde ab antiquissimis temporibus, anniversaria ecclesiastici ritus cultusque officia persolvit; siquidem ad tertium Agapes & Chionie, ad quintum diem mensis Aprilis Irenes nomen ac martyrium in fastis Romanis & Jadrensis adscriptum est. Harum quoque Martyrum exuvias Donato Episcopo suo Ecclesia Jadrensis acceptas referre debet, ut mihi videtur. Nam sive Aquilejæ, ut Ferrarius & alii censent, sive Thessalonice, ut ex illarum actis colligitur, martyrio perfunctæ & sepultæ fuerint, sive denique Aquilejenses a Thessalonicensibus, distinguendas esse putes, id quod aliqui existimant, nosque ostendere conati sumus Tomo II. Illyr. Sacr. in historia persecutionis Diocletianæ; illas Donatus vel Aquileja cum SS. Chrysogono & Zoilo, vel Thessalonica, dum Constantinopoli rediret, cum S. Anastasia Jaderam deferre potuit.

Sunt qui Episcopatum Donati ad annum sexagesimum hujus sæculi noni perducunt, quod, quamvis diutissime vixerit, non est verisimile. Eximia viri sanctitas, & flagrans ad omnia religionis ac pietatis opera studium dubitari non sinit, quin præter ea, quæ modo exposita sunt, alia multa gesserit memoria & litteris digna. Sed rerum ab eo laudabiliter pieque gestarum nullum extat monumentum augustinus, quam templum sane amplum & magnificentum, quod ab illo ingenti mole sumptuque extructum, & Sanctissimæ Trinitati consecratum, ejusque titulo insignitum ferunt. Est figuræ rotundæ ad similitudinem basilicæ Spalatensis S. Domnii, laterique dextero ædis cathedralis adjacet. Ajunt ibidem fuisse olim delubrum ingens Junoni Augustæ sacrum, (id est

Corpus S. Zoili in sanctuario ædis cathedralis.

Exuvias trium SS. Virginum, & Martyrum, idem Donatus Jaderam attulit.

Templum Jadrense S. Chryso-  
goni, in quo conditus fuit;

sed locus sepulchri ignotus.

Templum SS. Trinitati ædificavit, ubi erat delubrum Junonis Augustæ.

Livæ uxori Octaviani Augusti Imperatoris, si vera est quorundam interpretatio) idque confirmat vetus inscriptio, reperta inter rudera ejusdem delubri, quod jamdudum vetustate collapsum ac dirutum erat.

IVNONI AVGVSTÆ  
APVLEIA. M. FIL.  
QVINTA SVO. ET  
L. TVRPILIO BRO\*CHI  
NOMINE

Ex correctione & additione Simeonis Gliubavacii:

BROCCHI  
LICINIANI. FILII. NOMINE.  
TEST. PON. IVS.

Idem confirmant fragmenta quædam veterum lapidum variis notis & figuris incisa, reliquæ antiqui illius ædificii, quæ passim templi parietibus inserta conspiciuntur.

De Dracone  
ne czlo ab  
S. Donato  
narratio  
fabulosa.

Quædam de S. Donato mira narrantur, quibus fidem & auctoritatem adjungere non ausim; veluti illud de immani quodam Dracone, quem contruxit in angulum ejusdem templi, quod ipse ædificaverat, & signo Sacrosanctæ Crucis objecto interfecit; ac de fonte, quem e silice fufis ad Deum precibus elicit. Huc alludit ac pertinet Antiphona illa, qua sanctissimi sui Præfatis laudes concelebrat Ecclesia Jadrensis, & insignem ad Deum conversionem cujusdam Theodosii commemorat, quem ipse a miserabili errore ad catholicam veritatem, certoque æternæ vitæ periculo ad rectum salutis tramitem revocavit: *Donate Dei Pontifex, ora pro nobis rerum opificem, qui Draconem occidisti, & Theodosium ad fidem convertisti*. Hæc, & si quæ alia de Donato mirabilia prædicantur, cum magis vulgi opinione, quam incorruptis rerum gestarum monumentis tradita sint, prætermittenda censui, præsertim quod clarorum hominum sanctitas non tam signis atque miraculis, quam charitate in Deum, & vitæ innocentia, piisque operibus continetur.

Sepultus  
est in æde  
SS. Trinitatis, quam  
ipse extruxerat.

Annus & dies emortualis Donati Episcopi ignotus est; funere quam amplissimo elatus in eadem, quam ipse construxerat divinæ Trinitati, basilica perquam honorifice depositus fuit. Utrumque ejus brachium postea divulsam a corpore, & arca marmorea exemptum, alterum aurea & gemmis ornata, alterum argentea lippantheca inclusum servatur, & colitur in sanctuario ædis metropolitane. Egregia viri sanctitas nota omnibus atque perspecta, statim illi post obitum summam venerationem conciliavit apud Jadrenses, qui eum in Divorum numero habitum, sibi apud Deum, suæque urbi patronum adoptarunt; & iis, quibus cælitibus cum Christo regnantes affici solent, privatis publicisque honoribus coluerunt. Ejus diem festum agunt v. Kalendas Martii, ut præscriptum est in eorum Calendario: 25. Febr. *Donati Episcopi Jadrensis*. Dupl. maj. om. de com. 1. loco; in ejus Ecclesia dupl. 1. clas.

S. Donatus  
Patronus  
Jadrensis.

Nec defuerunt, opinor, miracula divinitus edita ad ejus sanctimoniam testificandam, cælestemque felicitatem; sed defuit, qui ea litteris ac posteritati mandarent; vel si quæ in Jadrensi commentariis, aliisque publicis vel privatis erant monumentis, urbe sæpius capta, direpta, incensa perierunt. Ceterum patrocinium S. Donati non semel Jadrensis in maximum discrimen adductis saluti fuit. Tenet fama, &

Scriptorum Hungariæ & Dalmatiæ litteris traditum est, Colomanum regem Hungariæ, inter initia sæculi duodecimi, dum esset Jaderæ (quam urbem Venetis eripuerat), cum illos averso ab se animo esse, atque ad defectionem spectare suspicaretur, decrevisse civitatem illam incendere, & funditus evertere; verum in somnis visum sibi esse videre S. Donatum vultu truci ac minaci, ab eoque se verberibus cædi, & gravi severaque admonitione increpitum deterrere, ne quid adversus Jadrenses faceret aut moliretur: hoc scriptum reliquit in suis annalibus Thuuroctius, idemque alii Scriptores Hungarici confirmant: *Cumque rex esset in Dalmatia, in civitate Zadur, & cogitaret civitatem succendere pro duritia gentis illius, & dormiret in palatio suo, quod ibi edificaverat; & ecce Sanctus N. (Donatus) Zaduriensis Episcopus venit ad eum in horrido vultu, quem per capillos capiens traxit, & cum virgis laureis valde verberavit, quem cum dimisset, illum non vidit; sed dolorem sentiebat, & illius virgarum supra corpus suum aspiciebat; quapropter a molestatione civitatis patienter cessavit*. Idem confirmare videtur vetus inscriptio aureo brachio, in quo alterum e S. Donati brachiis inclusum est, insculpta: *Rex Colomane Rexlor Amandevia, hoc bene fecisti, retribuisti tibi quod voluisti*. Verisimile est Colomanum severa illa reprehensione & castigatione perterritum vovisse S. Donato pretiosum hoc monumentum, scilicet brachium aureum pro sanitate recuperanda, & voto persoluto, quod petierat impetrasse. Anno 49. sæculi superioris, cum atrox pestilentia Sibenici grassabatur, & nobiles juxta ac plebeas domos populata, latius in dies per finitimas regiones serpebat; jamque pervaserat Jaderam, & per vulgaria primum capita vagari, deinde nobilitatem quoque primoresque civitatis corripere coeperat; ope & deprecatione S. Donati depulsam fuisse, ac penitus extinctam, tum ejus templi profanati expiatio, tum cultus pristinus eidem restitutus, tum alia divina indicia declararunt; id quod suo loco ac tempore explicandum erit.

Ex quo corpus S. Donati in basilica Sanctissimæ Trinitatis depositum fuerat, & qua dignum erat, populi frequentia ac religione cultum, basilica illa titulo veteri paulatim exolescens, ab S. Donato cognominari coepit, quem titulum etiamnum retinet. Loculus marmoreus, in quo conditus fuerat, insertus erat parieti, reclususque in angulum templi, loco non satis conspicuo, minus certe, quam oportuerat, honorifico; & cum decursu temporis, defervescente, ut fit, civium religione, propemodum neglectus esset, nec debitus illi honos haberetur; Lucas Stella Archiepiscopus anno 1622. arcam marmoream fieri, & selectis lapillis, insertisque præclaris operibus ornari jussit; in eaque sacrum corpus reposuit, atque in summo illius basilicæ altari collocavit, ubi nunc eximia populi veneratione frequentatur & colitur. Antiquam epigraphem servari, atque in arcam novam grandibus litteris referri incidique placuit; est autem hæc: *Corpus S. Donati Archiepiscopi Jadrensis*; quam quidem epigraphem annis fere quadringentis post ejus obitum appositam fuisse oportet; postquam scilicet Ecclesia Jadertina jus ac titulum metropoliticum adeptæ est. De templo Sanctissimæ Trinitatis, nunc S. Donati, recole, quæ scripta sunt supra in Commentario Valeriano pag. 17. S. Donato in hujus ecclesiæ regi-

Corpus S.  
Donati  
Lucas Stell.  
la Archiepiscopus  
humili loco  
sublatum  
in summo  
altari  
collocavit.

regimen unus, aut alter successit; sed utriusque nomen ac memoriam vetustas oblitteravit.

## VITALIS EP. JADRENSIS V.

**Vitalis Ep. Jadrensis cum ceteris Dalmatis a Romano Patriarcha defecit.** Hujus Episcopatus incidit in ea tempora tenebris ac silentio digna, cum clerus populusque Jadrensis, & reliquæ omnes Ecclesiæ Dalmaticæ, impulsu Basilii Imperatoris, & Photii hostis Latinorum acerrimi, a Romano ad Constantinopolitanum Patriarcham defecerunt. Nominatim ac præcipue Vitali Episcopo Jadertino inscripta est epistola Joannis Papæ VIII. qui Dalmatas gravissimis & suavissimis verbis monet, hortatur, rogat, ut ad pristinum obsequium erga Sedem B. Petri Principis Apostolorum, caput & magistrum omnium ecclesiarum, revertantur. Hanc epistolam Tomo III. Illyrici Sacri in Marino Archiep. Spalatensi §. 2. descripsimus, quæ cum potissimum directæ fuerit ad Vitalem, iterum hic lectoribus exhibendam esse censeo. Notas vero, eidem explicationis causâ subjectas, ex loco & paragrapho, quem modo diximus, poteris, si libet, repetere.

**Epistola hortatoria Joannis Papæ VIII. ad Vitalem, Reverendissimis & Sanctissimis Episcopis Vitali Jadrensi, Dominico Absarensi, ceterisque Episcopis Dalmaticis, seu Joanni Archipresbyt. Sanctæ Sedis Salonitanæ, omnibusque Sacerdotibus, & senioribus populi, habitatoribus Spalatensis civitatis, atque Zadarensis, ceterarumque civitatum. Pastoralis sollicitudine moti vos quasi oves dominicas nobis in B. Petro Apostolorum principe commissas, dicente Domino: Si diligis me, Simon Petre, pasce oves meas; licet pro assidua gentium persecutione nunc usque impediti, his modo apostolatus nostri litteris visitare curavimus, admonentes fraternitatem vestram, ut more præcessorum vestrorum ad Sedem B. Petri Apostoli, qua caput & magistra est omnium ecclesiarum Dei, & ad nos, qui ei divinitus præsidemus, toto animo libentique voluntate reverti studeatis... Reminisci namque debetis, quanta eosdem præcessores vestros prospera evidentissime comitabantur, quando ad limina Petri celestis regni clavigeri, devoto pectore quasi proprii filii consuebant, & quanta postmodum nunc usque sustinueritis adversa, cum ab ea vos quasi alienos separare non dubitatis. Quapropter vos plurimum diligentes, non ea, quæ vestra sunt, sed vos quærentes, paterna benignitate monemus, atque hortamur, ut, sicuti diximus, ad gremium Sanctæ Romanæ Ecclesiæ matris vestræ redire ovanter attendatis, ut electus a vobis canonice Archiepiscopus, una cum vestro omnium consensu & voluntate ad nos veniens, gratiam episcopalis consecrationis, sanctumque pallium a nobis more pristino incunctanter percipiat; ut gratiam, & benedictionem S. Petri, ac nostram habentes, a malis omnibus liberi, & bonis universis repleti, & hic in presenti sæculo gaudeatis, & in futuro cum Domino sine fine procul dubio exultetis. Porro si aliquid de parte Græcorum, vel Sclavorum, super vestra ad nos reversione, vel consecratione, aut de pallii perceptione dubitatis; scitote pro certo, quoniam nos secundum Sanctorum Patrum, decessorumque nostrorum Pontificum statuta, vos adjuvare auctoritate curabimus. Quod si forte hanc nostram apostolicam admonitionem, immo canonicam præceptionem pro nihilo ducentes, ad Sedem Apostolicam Romanæ Ecclesiæ redire, & inde secundum antiquam normam consecrationem episcopalem, sacrumque pallium reci-**

**Illyrici Sacri Tom. V.**

pere contempseritis, omni ecclesiastica vos communione scitote penitus excommunicandos. Interim tamen auctoritate Dei, & Sancti Petri vobis præcipimus, ut non habeatis licentiam aliunde consecrationem, palliumque recipere. Nam si feceritis, quasi transgressores & inobedientes, vos sine dubio judicabimus. Hanc autem nostri apostolatus epistolam fraternitati vestræ per hunc præsentem Joannem Ven. presbyterum fidelem, familiarem nostrum direximus, cui scilicet aliqua injunximus, vobis verbotenus referenda; & ideo illi omnia, quæ de parte nostra dixerit vobis, credere nullatenus dubitetis, ipsamque epistolam, ut ad omnium vestrum notitiam ferat, bulla nostra jussimus in calce signari. Data X. die men. Jun. Indiæ. XII., id est an. Christi 879.

Nec vero hæc Dalmatarum a Sede Apostolica defectio, de qua in Georgio & Marino Archiepiscopis Spalatensibus, diuturna aut valde pertinax fuit. Altero siquidem anno post litteras pontificias acceptas, qui fuit æræ vulgaris 880. Jadrenses ac ceteri Dalmatæ, una cum Chrobatis & Serblis Dalmatiæ incolis, cognita fraude, malicia, perfidia Photii, ad sinum Ecclesiæ Romanæ redierunt.

## FIRMINUS EP. JADRENSIS VI.

Hunc Joannes Lucius in suis ad Ughellum animadversionibus e catalogo Antistitum Jadrensium expungendum censuit; illum siquidem Ferdinandus Ughellus tertium in sede episcopali numeravit, prætermittis Felice, Sabiniano, & Vitali Episcopis, quos Ughello ignotos Nicolaus Coletus Presbyter Ecclesiæ S. Moysis Veneriarum, vir clarissimus & eruditissimus, in secunda editione Ughelliana ab se aucta & emendata, Tomo quinto, suis locis reposuit. A me monitus, inquit Lucius, Abbas Ughellus, visa mei codicis antiquitate, & cum suo exemplo, quod habebat, collata, vir ingenuus, & in antiquis characteribus versatissimus, se deceptum fassus est; novamque seriem Episcoporum Jadrensium, expunctis duobus e supradicto Codice sumptis, primoque & tertio loco positis, (id est Andrea I. & Formino) manu propria in margine, pagina 1460. sui Tomi quinti, captam reliquit, integram de novo editurus, si morte præventus non fuisset. At Firminum in serie Ughelliana Episcoporum Jadrensium retinendum esse, eique locum sextum, ut in secunda Veneta editione, attribuendum esse manifesto convincunt tabulæ testamentariæ Andrea Prioris, quæ in cœnobio Benediktino S. Chrysogoni asservantur. In his Firminus nominatur, qui etiam eisdem tabulas signo episcopali obsignavit. Pauca quædam ex iisdem, quæ ad pia legata pertinent, hic describere visum est. Sed latina locutio, pluribus mendis inquinata, barbariem & incertam illius sæculi declarat.

In nomine Domini nostri Jesu Christi, & ejusdem Incarnationis an. 908. Indiæ. 7. men. Decemb. Imperante Domino N. Constantino piissimo & perpetuo Augusto, in civitate Jadren. Maturo namque & salubri consilio a majoribus proditum est, ut omnis homo ante dispensare, & deliberare suas facultates debeat, priusquam repentina calamitatis casu, periculo ingruente mortis metus urgeat... Idcirco ego peccator Andreas Prior divino juvamine fretus... decumbens in lecto, licet viribus invalidus, tamen mente Deo auxiliante tutus volo & jubco, Deo au-

**D 2** **flore,**

**Firminus ab Joanne Lucio e serie Antistitum Jadrensium expungitur;**

**sed retineamus e quibusdam tabulis testamentariis.**

ore, & omnibus sanctis ejus, in primum domum, in quo jussus sum vivere, cum introitu, & exitu suo habeat filio meo Andrea. . . . Et in Sancto Grisogono dimitto vinea, quæ emi de Mazulo, & terra de Viculo quæ comparavi, servum & ancillam, & centum capita de pecora, & uno panno de sirico, & uno savano. In Sancta Maria uno panno de sirico. In Sancto Petro . . . de panno sirico. In Sancto Thoma uno savano. In Sancta Anastasia una coppa de argento, & uno panno de sirico. Firmino Episcopo dimitto cavallum meum. Petro diacono fratri meo una coppa argentea, & sella argentea. Odolberti Abbatis vestimentum de Quirino investito de panno vario, & una lana caprina, & una butte de vino, & uno cavallo. Joanni diacono coopertorio de lecto de Quirino investito de sirico, & uno feltro parato cum sirico. Ad sacerdotes detur pro anima mea centum capita de peculio, & centum modia de grano, & una butte de vino, & cetera oves atque capra, quæ remanserint, dentur pro anima mea; & in captivis dentur solidi centum, & nave vendatur, & detur pro anima mea. Et pro anima mea dimitto liberos in primis Marusco cum uxore & filia, & do ei vinea, quæ comparavi de Constantino Mag. Ominico Calbaroso cum uxore sint liberi. Liberi Cacano filio Butirani Justo cum uxore sua, & quatuor filii, filio Pricinaco, filio Bribina, Trebamida filia de Sicirano cum duo filii, uxor Rafinaco cum filio Strieterio, Simiffima, Zremilo, omnes isti sunt liberi. Adzanello dimitto vinea, quæ comparavi de Maria Venetica, & alia facia de vinea, quæ emi de Barbaro de Cresumi. Et si vult uxor mea Maria portionem suam possidere, observet lectum; & si duxerit virum alium, omnia auferre ab ea; & quod si absit unus ex filiis meis, aut filias obierint, omnes fratres ejus, & sorores partem defuncti dividant. Hac cuncta quidem prælibata, Deo auctore, volo firma & stabilia permaneant, & nullus unquam audeat violare. Quod si quis protervus, Deum non metuens, nostræ definitioni, parvi pendens, contraire voluerit, iram Dei omnipotentis Patris & Filii, & Spiritus Sancti incurrat, & maledictionem a CCC. & XVIII. S. Pat., & lepra Naaman Syri plenus irremediabilis crucietur, & in novissimo maledictionis cum Diabulo, & ejus retro ministros, ac Judas Iscariotes, in gehennæ bratro muneretur. Alium hoc tempore, die, loco, & Consule, ut supra.

Sigil. M. Firmini Episcopi sanctissimi, Odolberti Abbatis, Petri diaconi commissarii fide hujus descriptionis. Sign. Præstantii Tribuni, Constantino Trib. Vitalis Trib. Gregorio Trib. Dabro Trib. Anastasius Trib. Paulo Trib.

Et ego Joannes diaconus jussus a supra memorato Andrea Priore manu propria scr. atque feliciter post tradit. complevi.

Utraque nota chronologica, his tabulis præfixa, vitiata est; nam neque Imperium Constantini Porphyrogeniti, neque Indictio septima congruit cum anno 908. Siquidem non ante annum 911. post mortem Leonis parentis Constantinus adhuc puer, sub tutela Alexandri patris sui, nomen & insignia Imperatoris sumpsit; annus vero 908. Indictione XI. obsignatus est. Itaque substitui oportet annum undecimum, vel duodecimum sæculi decimi, & Indictionem XIV. vel XV. Ex his tamen temporum notis colligi potest, initium Episcopatus Firmini revocandum esse vel ad posteriores noni sæculi annos, vel ad

priores proximi sæculi. Valerius a Ponte Archidiaconus Jadertinus non in scite concepit hunc Firminum esse illum eundem, qui anno secundo & nonagesimo superioris sæculi apud Muncimurum Ducem Chrobatorum scribæ officio fungebatur, eratque Curator, seu Præfectus regii sacelli: sic enim se ipse appellavit, & subscripsit: Ego Firminus diaconus, & capellanus dicti ducis, præcipiente mihi domino meo Muncimiro, glorioso duce, coram dictis testibus audita scripsi & post tradita feliciter complevi. Habes hoc Diploma in actis Petri IV. Archiepiscopi Spalatensis. Anno circiter 925. Firminus, sive Forminus interfuit Concilio nationali Spalatensi sub Joanne III. Metropolitano, quod Joannes Anconitanus & Leo Prænustinus Episcopi, Legati Sedis Apostolicæ, ex mandato Joannis X. Pontificis max. convocarunt; in quo cum alia multa sapienter constituta sunt, quæ ad rem Christianam & ecclesiasticam disciplinam pertinebant, tum vero interdictum est, ne quis in posterum linguam Slavonicam ad sacrificium, ceteraque publicæ religionis officia peragenda in templis adhiberet. Interfuit itidem Concilio provinciali Spalatensi, quod anno circiter 927. indixit Madalbertus pontificius ad Bulgaros & Dalmatas legatus, ut eas, quæ de jurisdictione ac finibus erant inter Episcopos, controversias dirimeret. In eo tum Jadertina tum aliarum diocæseon descriptio facta est, & quibus antiquitus definebantur, sui cuique fines restituti. Extat epistola Leonis Papæ VI. inscripta Formino sanctæ Jadaratensis Ecclesiæ Episcopo, & Gregorio sanctæ Nonensis Ecclesiæ Episcopo, omnibusque Episcopis per Dalmatiam commorantibus &c. Pontifex hac epistola confirmavit acta & decreta Concilii provincialis Spalatensis, & Madalberti Legati Apostolici; illosque Episcopos debita adversus Metropolitam reverentiæ & obedientiæ admonuit, nominatim jussit Forminum ita suam parochiam retinere, quemadmodum in antiquis temporibus mansit. Data est hæc epistola vel anno 928. quo Leo suscepit, vel sequenti, quo pontificatum morte sublatus deposuit. Descripta est in Joanne III. Archiepiscopo Spalatensi, ubi fusius & accuratius de utroque Concilio nationali & provinciali. Post obitum Firmini, seu Formini, unus vel duo Episcopi desiderantur, quorum pontificatus fere usque ad annum undeleptuagesimum hujus sæculi pertingit.

#### BASILIIUS EP. JADRENSIS VII.

De quo Valerius a Ponte Archidiaconus Jadertinus: Basiliius, cujus mentio in scripturis ejusdem monasterii S. Grisogoni, quarum initium: Anno Domini 969. die 15. Julii, Imperatoribus Constantino, & Basilio Augustis, Basilio Episcopo, Majo Priore. Sed imperium Constantini & Basilii fratrum non satis cohæret cum anno 969. neque enim ante annum 975. imperare cœperunt, post mortem scilicet Joannis Tzimiscis. Cum tamen in omnibus catalogis Basiliius inscriptus reperitur, retinendum esse arbitror, ejusque pontificatum cum ejusdem Joannis Tzimiscis imperio conjungendum, qui Nicephoro Phocæ extincto successit anno 969. Ceterum retineri etiam potest epocha illa desumpta ex imperio Constantini, & Basilii, affigique ad Episcopatum Basilii Jadertini Antistitis; nam Joannes Tzimiscis anno 969. Imperator salutaris, statim

Concilio nationali Dalmatico & provinciali Spalatensi interfuit.

statim collegas imperii adscivit Constantinum & Basilium filios Romani, qui proximus fuit ante Nicephorum Imperator.

ANASTASIUS EP. JADRENSIS VIII.

Anno 978. in sedem Jadertinam Basilio subrogatus, hanc Ecclesiam adhuc regebat anno 981. qui quidem annus post susceptum ab eo pontificatum octavus fuisse dicitur in tabulis cœnobii Benedictini S. Chrysogoni. Sub initium sæculi superioris Andreas Prior, sive Præses Jaderæ, & Fusculus viri nobiles atque opulenti, cum templum D. Chrysogono & monasterium ædificassent, utrumque monachis S. Benedicti tradiderunt. Ac templum cum multis in locis vitium fecisset, ac fere jam collabasceret, reparatione indigebat; monasterium vero, per incuriam Abbatum ac Præsidum, a pristina monachali disciplina desciverat; & plerisque monachorum alio atque alio delabentibus, incultum ac prope desertum, exercitationibus & officiis monasticis vacabat. Majus Prior, sive Rector civitatis de communi omnium civium sententia, e consensu hæredum Andreæ & Fusculi, templum reædificavit, atque ex instituto Sancti Benedicti intra septa monasterii includit, cujus aream atque ambitum laxavit, muro viam publicam interclusit, quæ templum a cœnobio sejungebat, ut monachali solitudini ab hominum commercio segregatæ magis tranquille consuleret. E primario Casinensi cœnobio Madium Monachum Presbyterum, eximie religionis ac prudentiæ virum, & instituti Benedictini apprime peritum evocavit, cui templum & monasterium tradidit, cum omnibus prædiis, fundis, & vectigalibus annuis utriusque; eundemque Abbatem constituit, qui monachis præsideret, atque illos ad normam monasticæ disciplinæ institueret.

Majus Prior civitatis templum & monasterium S. Chrysogoni restituit.

In Christi nomine, & ejusdem Incarnationis anno 986. Indictione 14. sub die fere 19. mensis Decembris, Imperatoribus Dominis piissimis & perpetuis Augusti Vasilio & Constantino a Deo coronati Magni Imperatores, apud civitatem Jaderæ, cathedra pontificali sub regimine Anastasii Episcopi. Igitur ego quidem Majus Prior supradictæ civitatis, atque Proconsul Dalmatarum, una cum consensu omnium nobilium habitantium civitatis Jadræ, seu & hæredibus Domini Fusculi, atque Andreæ Prioris, masculorum, seu seminarum, atque universi populi, majorum & minorum omnium in unum conglobati, uno consilio, & pari voluntate cogitantes de Dei timore, & æterna retributione; eo quod ille bene possideret res in sæculo, qui sibi de terrenis atque caducis parat præmia sempiterna: Idcirco ecclesiam Beati Grisogoni Martyris, quæ sita est infra muros prædictæ civitatis, ubi & sacratissimum ejus corpus requiescit, quod est ædificata a prædictis D. Fusculo & Andreæ, ubi dicitur, quod aliquando monasterium fuisset, sed per negligentiam defecisset, nunc adjuvante Domino reædificamus, secundum omnem monasterii ordinem; atque ordinamus D. Madium Dei sacerdotem & monachum nostrum esse Abbatem, qui fuit ex monasterio S. Benedicti, quod situm est in monte Cassino, una cum consensu nostræ congregationis B. Grisogoni, & tradimus ei prædictæ ecclesiæ omnia ibidem pertinentia, domus, vineas & terras, cultas, vel incultas, mobilia seu immobilia; ut in ipsis sit potestate, & suorum fratrum, ad solatium ibi-

Illyrici Sacri Tom. V.

dem servientium, utendum, possidendum, perfruendum, ordinandum sine contradictione ullius, tibi Domino Madio Abbati prædicto, tuisque successoribus, qui post te venturi sunt secundum monasticum ordinem. Unum tamen nobis reprehensibile videtur, quod ecclesia extra antiqua claustra sit posita, quod præcepta S. Patris Benedicti prohibent fieri, eo quod omnia necessaria monachis infra monasterium debeant haberi, ut nulla necessitas sit eis vagandi; ideoque viam publicam, quæ inter ecclesiam & antiquam claustram fuit, claudere fecimus; alia autem via publica, quæ ab oriente ecclesiæ fuit posita, similiter claudere fecimus; sed invicem ejusdem viæ de territorio ejusdem ecclesiæ viam fecimus publicam secus murum civitatis. Hæc omnia non speciali nostro consilio, sed omnibus consentientibus civibus, ad salvationem prædictæ civitatis & populi ordinavimus, & constituimus atque firmamus. Ut si aliquis diabolico spiritu impletus, quod non optamus, contra vos, vestrosque successores molestiam de rebus, aut substantiis fecerit de supradicta ecclesia, habeatis licentiam cum hac cartula traditionis in judicium venire, atque monstrare ante Imperatorem, ante regem, ante Comitem, sive judices, qui pro tempore fuerint, ut nihil aliquid de supradicta causa subtrahere, aut aliquem scandalizare possint; quod si aliquis quocumque tempore diabolico spiritu, tam de nostris, quam de extraneis contra nostram definitionem aliqua adversa facere præsumpserit, iratum habeat Patrem, & Filium, & Spiritum sanctum, & maledictionem a CCC. & XVIII. sanctis Patribus, & in novissimo maranathe cum Diabulo, & ejus tetrīs Angelis ac Juda Scariote, in inferno muneretur. Hæc cartula volumus ut in sua maneat firmitate.

Actum hæc tempore a Consulibus supradictis, & loco, coram his testibus, & insuper firmamus & constituimus, ut quisquis contradictor extiterit, sicut superius diximus, non solum his supradictis maledictionibus subiaceat, sed etiam poenam persolvat auri lib. viginti, & confusus sileat mutus, & hanc cartulam firmam & roboratam semper persistat. Anno Pontificatus Domini Anastasii octavo, indictione 14.

✠ Signamus Ego Anastasius Episcopus testis supradictæ civitatis.

Ego Petrus Episcopus Arben. Civi. testis. Ego Dominio trib. testis. Ego Lampridio trib. testis. Ego Petrus trib. socer Prioris testis. Ego Majo trib. Cerneche testis. Ego Dabro frater ejus testis. Ego Ursana trib. testis. Ego Petrus trib. Spalatinus testis. Ego Barba trib. testis. Ego Nichiforus trib. testis. Ego Joannes trib. Arbesano testis. Ego Plato trib. frater ejus testis. Ego quidem Anastasius Episcopus supradictæ civitatis manu propria scripsi, & roboravi.

Post Anastasium nihil causæ est, cur multos Ughellus desideret Episcopos, ad seriem Antistitum Jadrenium sine ulla interruptione continuandam; potuit siquidem Anastasius vitam perducere usque ad initium sæculi proximi, cujus anno 1018. pontificatum Præstantii successoris idem Ughellus affixit. Itaque quod felix fortunatumque fuit Jaderæ totique Dalmatiæ, id contigit sub Anastasio Episcopo, ut Petrum Urseolum Ducem Venetorum inter faustas lætasque totius cleri & populi acclamationes exciperet. Nam sub initium sæculi undecimi, cum Dalmatæ maritimi piraticis Narentanorum & Chrobatorum vexationibus ac latrociniiis expo-

Dalmatia se Venetiæ dedit, quorum imperium jam pridem Jadrenses acceperant.



ruiti, per suos legatos in fidem ac clientelam Venetorum se contulissent; Petrus Urseolus ingenti classe oram Illyriae ac Dalmatiae praetervectus, civitates maritimas Dalmatarum ad Venetum imperium adjunxit, Chrobatos & Narentanos piratas compescuit. Ita Veneti primam Dalmatiae possessionem adierunt annis fere centum, antequam Hungari in eam regionem arma vexillaque inferrent. Ceterum Jadrenses jam erant in fide ac potestate Venetorum, ad quos ante annos non ita multos confugerant, ut contra piratas sibi praesidio essent, quo freti tributum a Slavis impositum abnuebant, ut docet Andreas Dandulus in Petro II. Urseolo: *Illis namque temporibus in Dalmatinorum confinio, non plus, quam Jadrenses cives, Veneticorum Ducis ditioni obtemperabant &c.* quem Danduli locum Joannes Lucius lib. 2. cap. 5. de Reg. Dal. & Croat. his verbis illustravit. *Tunc Jadram solum in Dalmatia Venetos in protectione habuisse Dandulus, & ceteri Chronistae referunt. Jadrenses vero aliqua ex causa eorumdem protectioni se dedisse oportet, quae proximorum Croatorum molestiis tribui debet; & ob imbecillitatem virium orientalium ad vicinam & antiquam societatem Jadrenses revertisse, ut a Croatorum molestiis liberarentur; & Venetorum protectionem natos, Croatis tributum negasse conjectari potest.* Ac propterea, cum Petrus Urseolus reliquas civitates Dalmatiae in ditionem receptas sollemni sacramento sibi, imperioque Veneto obstringeret; nullum ab Jadertinis iuramentum in verba Ducis exactum, ac redditum fuisse Dandulus commemorat, quod jampridem essent in potestate Venetorum; ac proinde non erat necesse novo illos sacramento illigari. Cum igitur classis Veneta in conspectu urbis venisset, Anastasius Episcopus pontificali habitu ornatusque insignis cum clero, & rector civitatis cum primaria nobilitate & populo obviam prodixit, suumque Ducem ac dominum, quibus dignum erat, honoribus & acclamationibus excepit: *Altera vero die, ait Dandulus, Jadrensem antequam appropinquarent urbem, ejusdem civitatis Prior cum Episcopo & ceteris suum Dominum receperunt; & ingressi urbem, ibi regionis majores confluentes, ejusdem principis dominationi subesse praestabant, inter quos Veglensis & Arbensis Episcopi &c.* Post aliquot annos Anastasius morte sublatus sedem vacuam successori reliquit.

#### PRÆSTANTIUS EP. JADRENSIS IX.

Præstantius cum fratre Majo ædificavit templum S. Michaelis apud insulam Pasmaniam, ac tradidit Abbatibus ac cœnobio Benedictino S. Chrysogoni. Erat frater Maji, qui Prior fuerat Jaderæ & Proconsul Dalmatarum, de quo supra in Anastasio. Uterque in Pasmania insula, sita e regione Belgradi, seu veteris Jaderæ, communiconpilio sumptuque ædem S. Michaelis construxit, annuisque proventus dotavit: quam deinde Trasoni Cœnobiarchæ S. Chrysogoni donarunt, ut est in tabulis illius cœnobii: *Est aliud territorium S. Chrysogoni in insula & loco, qui antiquo nomine Flavico dicitur, nunc vero Postimana nominatur, in quo loco Præstantius Episcopus una cum Majo fratre suo Priore ædificavit ecclesiam ad honorem B. Michaelis Archangeli; & quibus voluere dotarunt beneficiis; Traso denique, qui illis diebus nostro cœnobio præerat Abbas, prospiciens hanc sibi, suisque Fratribus satis esse congruam, & ad suam utilitatem nimis proficuum, vocavit ad se dictos fratres,*

*& petivit illam, disponens iis necessitatem suorum Fratrum ac domus Dei: cujus voluntatem, ac petitionem consecuti sunt dictus Præsul & frater ejus; obtuleruntque in obsequio Abbatis tam ecclesiam, quam ædificaverant, quam adjacentia territoria, ut perpetuo B. Martyris Cella fieret; tradentes eam legaliter, coram quibusdam Jadrensibus stabiliunt, & confirmant; quod factum inconvulsam mansit temporibus ipsorum &c.*

Hisc tabulis nullum annum adscriptum invenio; sed tum ædificationem templi S. Michaelis, tum ejusdem donationem Trasoni Cœnobiarchæ factam ad priores sæculi undecimi annos referendam esse arbitror, cum scilicet Præstantius Ecclesiam Jadrensem administrabat, & Majus Præstantii frater præfecturam urbis, quam gerebat anno 986. vel adhuc retinebat, vel depositam iterum resumpserat; nam hujusmodi Præfectis seu Prætoribus urbanis imperium in alios atque alios annos prorogare, & hoc magistratu semel perfunctis, iterum ac sæpius eadem suprema urbis administratio mandari interdum solebat. Idem existimes velim de præfectura monastica Trasonis Cœnobiarchæ, quem etiam annis 1033. & 1057. Abbatem in tabulis cœnobii Jadrensis S. Chrysogoni nominatum reperio; nisi forte plures fuerint, quibus idem nomen Trasonis esset, quibusque eadem præfectura diversis temporibus obtigerit.

In diplomate Cresimiri regis Chrobatorum, quo Belgradense monasterium S. Joannis Evangelistæ multis prædiis & amplissima immunitate donavit anno 1057. testes nominantur *Drafe & Madius filii Præstantii Episcopi*; quos itidem commemoratos invenies in tabulis cœnobii Jadrensis S. Chrysogoni, quod idem Cresimirus anno 1067. regali auctoritate ac diplomate communivit. Hi erant filii Præstantii Antistitis Jaderitini, qui cum *Majo fratre urbis Priore, & Proconsule Dalmatarum*, Ecclesiam S. Michaelis, de qua supra, apud insulam Pasmaniam ædificavit, eamque Trasoni Cœnobiarchæ S. Chrysogoni donavit. In his autem posterioribus tabulis vocantur *consobrini* (id est, patruels) *Gregorii similiter Jadrensis Prioris, & imperialis Patricii, ac totius Dalmatiae Strategii, & filii dicti Prioris Maji*. Itaque Præstantius antequam Sacerdotium susceperet, duos illos filios *Drafem & Madium* genuerat e conjuge legitima, quam vel dimisit, vel morte præreptam amisit. Porro Præstantius Episcopatum Jadrensem, quem Ughellus & Valerius a Ponte conjungunt cum anno 1018., retinuit usque ad annum circiter septimum, & vicesimum hujus sæculi undecimi; nam biennio post sedem illam episcopalem obtinebat

#### ANDREAS II. EP. JADRENSIS X.

De quo fit mentio in tabulis cœnobii S. Chrysogoni: 1029. *Indict. 12. imperante D. Romano Augusto, Andrea Venerab. Episcopo Jaderitina civitatis, testamentum seu cartula donationis facta Mon. S. Grisogoni Jadrensis per Elenizam sororem Godemiri Bani &c.* itemque in aliis ejusdem cœnobii quadriennio post confectis: *Anno Domini 1033. die 1. Julii regnante Romano Augusto, Jaderæ regente cathedram pontificatus Andrea Vener. Episcopo, Priore urbis Domino Gregorio & Proconsule. Permutatio facta est a Traso Abbate monasterii S. Grisogoni Jadrensis cum filiis Constantini, qui dederant dicto Abbati do-*  

mum



Jadrenses  
cum ceteris  
Dalmatis  
sub impe-  
rium Græ-  
corum re-  
deunt.

mun suam, quæ erat prope monasterium; & ipse Abbas dedit illis aliam domum, quæ fuerat... cum pertinentia sua, & quatuordecim solidis... ex auro mundo per iussu Gregorii Prioris & Proconsulis de ipsa civitate Jadræ, scripta manu Maij diaconi &c. coram testibus Andrea filio, Tribuno Vitali, Tribuno Drago &c. Ex hisce tabulis docemur Jadrenses, & civitates maritimas Dalmatiæ, quæ hoc sæculo ineunte in fidem & clientelam Venetorum transferant, sub Imperium Orientis aut omnes, aut fere omnes rediisse: id declarat tum nomen Imperatoris Græcorum, iisdem tabulis præfixum, tum Græcus magistratus, Dalmatiæ præpositus. Dalmatiæ reversionis ad Imperium Orientis causam cum Joanne Lucio conferendam censeo in discordias ac seditiones, quibus per ea tempora res Veneta turbata est, atque in factiones distracta, de quibus Andreas Dandulus in Orthone & Dominico Urseolis Ducibus, ceterique Veneti Scriptores. Hinc occasionem oblatam Dalmatis fuisse arbitror redeundi ad pristinos dominos, Græcisque ipsis opportunitatem provinciæ recuperandæ, quam ab Imperio Orientis divulsam ægerime ferebant: Ex quibus, inquit Joannes Lucius lib. 2. cap. ix. sicuti magistratus imperialis in Dalmatia fuisse apparet; ita quoque integrum ejus dominium ad Imperium rediisse argui debet, Venetosque inter se tumultuantes Dalmatia protectionem vel prætermisisse, vel retinere non potuisse. Hanc vero ob causam Veneti alienatæ a Græcis voluntatis indicia non obscura præbuerunt; nam cum anno 1033. (ut est apud Cedrenum) Saraceni oram Illyricam incendiis & grassationibus vastarent, nullas Veneti copias navales, uti antea fecerant, subsidio Græcis miserunt; sed Saraceni a Ragusinis & Nicephoro Patricio Nauplii Præfeto, Caranteni filio, male multati sunt, prælio visci &c. Hæc cum referat Cedrenus, neque Venetos, ut Lucius animadvertit, contra Saracenos more solito Græcis auxilia præstitisse memoret; argui potest ob Dalmatiæ titulum vel denegatum, vel vetitum, Venetos ab Imperio alienatos auxilia contra Saracenos, quamvis communes inimicos, præbere noluisse.

Anno 1036. Andreas adhuc Ecclesiam Jadrensem regebat, ut docet Valerius a Ponte ex tabulis cœnobii S. Chrysogoni: 1036. Indiæ. IV. die 13. Februarii, Romani Imperii dignitatem gubernante Serenissimo Michaelis, Gregorio Protospatario, & Stratico universæ Dalmatiæ, Andrea Episcopo.

#### PETRUS EP. JADRENSIS XI.

Hujus nomen ac memoriam oblivioni ereptam servavit tabularium S. Chrysogoni: Anno Domini 1044. Indiæ. 12. die prima Decembris, imperante Constantino Imperatore, Petro Vener. Episcopo, D. Andrea Priore. Testam. . . Daurete, in quo relinquit S. Grisogono quoddam hortum, quod erat prope monasterium, scriptum manu Crisane.

Stephanus Banus Chrobatiæ templum ac domicilium ab ipso constructum cœnobio Jaderensi in agro Jadrensi, certe extra urbem, ut Valerius a Ponte admodum scite animadvertit, & fortasse Obrovacii, ut idem Valerius existimat,

ædificavit, & parvum monasterium adjunxit, quod Cellam vocat: utrumque vero tum sacra, tum domestica suppellectili copiose instructum, itemque frugiferis terris, & optimis vectigalibus dotatum, donavit cœnobio Jaderino S. Chrysogoni, ejusque cœnobiarchæ Trasoni, quem suum Patrem Spiritualem vocat: idque litteris publicis testatum esse voluit, quas laudavit & approbavit Marcus Judigus Episcopus Tinniniensis, qui & Chrobatorum Episcopus appellari solebat; hujusque approbatio erat necessaria, vel quia locus, in quo templum & domicilium illud conditum fuerat, additionem regis Chrobatiæ pertinebat, vel quia si quid Chrobati de rebus suis cuiquam, præsertim extraneis donarent, ut hujusmodi donatio rata esset ac legitima, auctoritas & subscriptio Episcopi Chrobatiensis accederet oportebat, quietiam Episcopus regius vocabatur. Hæc sunt tabulæ donationis.

In nomine Domini nostri Jesu Christi. Ego Stephanus Banus fabricavi istam ecclesiam ad honorem S. Nicolai Confessoris Christi, & S. Petri Apostoli, & S. Stephani Pontificis, & B. Dimitri Martyris, & Magni Grisogoni Martyris, nec non & B. Dei Genitricis Mariæ, atque omnium Sanctorum Christi. Cum conjuge mea Maria fabricavi eam sub temporibus Domini Constantini Monomachi. Ego denique Stephanus Banus, & Imperialis Protospatarius compleri hæc omnia intrante anno Domini millesimo octavo decimo, Indiæ. xxii., incipiente anno decimo. De propria mea facultate laboravi eam, & dedi in eam quindecim panno de serico, & una cortina de serico, quinque planetas de serico, & quatuor paria de bracilo, & quatuor manipulos, quatuor stolas, sex camiso, quatuor amictos, quatuor cingulos, unam cupam, unum cocleare, unam fistulam de argento, iconas quinque, unam de argento, tres cruces, unam de argento, filacteria quatuor de auro, & tria de argento, unam capsam, & unum turibulum, & duos calices de argento, tre libros missales, unum Passionario, tres Omelias, smaragdum unum, duo antiphonaria, duo manicale, psalteria tria, innaria duo, brebiarium unum, duo cereolata, unam sellam, unum pario de bacili, tria facinegia. Dedi etiam unam curtem, quæ cognominatur insula, cum ecclesia S. Pet., & cum sex servos, & quatuor ancillas, & alia curte, quæ vocatur nova sella, cum duodecim familiæ, & tertia curte, quæ dicitur Butinaviso cum octo familiis, dedi viginti jumenta, cum duos equos, & triginta vaccas, & CCC. pecora, & triginta duos porcos, posui tres campanas, quæ sunt appretiatæ unam libram de auro. Hæc omnia, & cum ipsa ecclesia tradidi in potestate D. meo Patri Spirituali Trasoni Abbati, ut sit in perpetuum cella S. Grisogoni, cujus sacratissima membra Jadræ retinentur. Et si quis (quod absit) ausus fuerit subtrahere ex meis, vel extraneis, moriat de Ramato, & habeat semen super terram, & persolvat auri libras XXX. Insuper iratum habeat Patrem, & Filium, & Spiritum Sanctum, & maledictionem CCC. & VIII. Patres, & in novissimo Maranatha cum Diabolo, & ejus tetris Angelis, ac Juda Scariothe in inferno muneretur; & hac cartula volumus, ut in sua maneat firmitate.

Et Ego Marco Judigo Croatenfis collando, confirmo, corroboro, atque concedo.

Duplex error chronologicus in arithmeticas notas irrepsit; neque enim cum anno millesimo octa-

collabo decimo imperium Constantini Monomachi coheret, qui Michaelis Calaphacti expulso, Imperatoris nomen & insignia suscepit anno 1042. Indictio autem vicesima secunda perspicue falsa est; nam quælibet Indictionum periodus quindecim ipsis annis definitur. Utrumque mendum corrigi debet ex nota sequenti chronologica: incipiente anno decimo, idest imperii Constantini Monomachi; hic autem annus congruit cum anno æræ vulgaris 1052. & cum Indictione sexta. Huic templo adjuncta erat Cellula: sic enim vocari solebant parva quædam monasteria, quæ erant veluti membra unius principis monasterii, hujusque Abbati suberant. Eas monachi haud sane multi cum suo Præposito live Decano incolebant. De hujusmodi cellis monasticis Mabillonius in Præfat. ad sæc. v. Act. SS. Benedict. §. 4. num. 53. Observare convenit . . . eam fuisse in nobilioribus monasteriis disciplinam, ut quælibet minores sub se haberent colonias, quæ cella, præpositura, obedientia, prioratus, monasteriola, monasteria passim, immo & Abbatiæ aliquando vocabantur. In illis cellis erant præpositi, sive decani ad nutum Abbatis, qui principi monasterio præerat, amovendi: & si qui Abbates illis præficebantur, non nisi prius habito primi Abbatis consensu, eorum fiebat electio, ab eodem postea confirmanda.

Petrus Episcopus vitam prorogare potuit usque ad annum hujus sæculi quintum & quinquagesimum; nam anno proximo jam ei successor datus fuerat

#### ANDREAS III. EP. JADRENSIS XII.

Andreas Ep.  
corpus S.  
Chrylogoni,  
quod  
jamdiu la-  
tebat, inve-  
nit.

Suscepto Episcopatu nihil habuit antiquius, quam ut locum investigaret, ubi conditum lateret corpus B. Chrylogoni. In urbe Jadrensi, atque adeo in ejus templo asseruari, inter omnes constabat; sed loci sepulchralis memoria hominum interitu, & oblivione posteritatis sensim evanescens, omnino demum interierat. Diligenti adhibita inquisitione, illud tandem alte in terram defossum reperit subter altare ejusdem Martyris titulo consecratum. Universa civitas exsultavit gaudio, & ingens omnium ordinum concursus extitit ad sacras illas exuvias venerandas, quas sibi publicæque venerationi redditæ esse lætitia incredibili gratulabantur. Ut infinitæ multitudinis cupiditati satisfaceret, corpus in sacello validis septis munito aliquot dies omnium oculis expositum fuit, potestas ut esset omnibus per otium contemplandi, & quæ quisque attulerat, munera offerendi. Illud deinde Episcopus in eam arcam inclusit, quæ nunc vana visitur, egregie picta, & B. Chrylogoni ægrem, ejusque martyrii historiam variis coloribus scite admodum eleganterque repræsentans. Hujus inventionis perbrevis descriptio literis consignata est, quæ asservatur in tabulario S. Chrylogoni; sed annus MXLVI. eidem inscriptus pugnat cum Indictione nona, & cum imperio Theodoræ Porphyrogenitæ Augustæ, quæ post obitum Constantini Monomachi intra finem anni 1054. imperare cæpit, & biennio post e vita migravit. Itaque unica nota X. ex-empta, annum MLVI. substitui oportet, quo cum etiam Indictio nona, & imperium Theodoræ coheret.

Historia Inventionis. Anno Dominicæ Incarnationis MXLVI. (MLVI.) Indictione 9. regnante D. Theodora gloriosa Imperatrice; tempore Græcæ Prioris, Andreas

Venerab. Episcopus cum anxius quæreretur B. Chrylogoni martyris corpus, quod misericors Deus ad tuitionem Jaderensium olim concesserat, tandem in ecclesia & sub altare ipsius Martyris illud invenit. At cum audisset populus, quod B. Martyris corpus esset inventum, cucurrere ad eum omnes viri & mulieres; nobiles & ignobiles laudantes, & glorificantes Deum, & omnes prout in terram, unusquisque eorum, quod volebat, ante sacrum corpus offerebat. Adfuere inter eos & piscatores, qui etiam grippatores nominantur, scilicet Supena, Pizudel, Podboy, & collegæ eorum ceteri, qui B. Martyri sub iurjurando promiserunt, se suosque posteros unam portionem suæ piscationis omni tempore esse duros, adjicientes, & dicentes, ut qui hanc nostram offertionem aliquo tempore subtrahere voluerit, iratum habeat trinum & unum Deum, & B. Martyrem, & Potestate loci coactus persolvat Martyri hanc portionem invitus; quæ promissio a suis promissoribus usque nunc voluntarie est peracta, & erit, ut putamus peragenda semper.

Alteram antiquiorem ejusdem sacratissimi corporis inventionem ex tabulis cænobii S. Chrylogoni, nimia vetustate attritis, Zoilus monachus sæculo decimo quinto transcripsit, ut ipse met tellatur, hæc ad calcem adjiciens: Ego Zoilus monachus cænobii gloriosi martyris Chrylogoni, motus devotione, hanc sui corporis inventionem deletam & totaliter cassam illuminavi, litteras omnino deletas iterum, seu de novo rescripti manu propria, anno salutis MCCCCXXXVIII. Sed hanc historiam, quæ omni nota chronologica caret, fictam & commentitiam declarant futilia quædam & absurda interjecta, itemque nomina locorum, personarum, magistratum, quæ neque in publicis, neque in privatis rerum Jadrensiū antiquis monumentis inveniuntur; ut jure meritoque Joannes Lucius & Valerius a Ponte indignam censuerint, quæ publicam lucem aspiceret.

Valerius a Ponte Archidiaconus Jadrensis Andreas III. subjecit Præstantium hoc nomine secundum Episcopum Jaderinum, & Ferdinandum Ughellum reprehendit, quod hunc prætermiserit. Nititur auctoritate cujusdam regii diplomatis confecti mense Februario anno 1059. in quo Præstantius Episcopus nominatur. His temporibus rerum in Chrobatia potiebatur Cresimirus IV. hoc nomine inter duces & reges Chrobatiorum, qui aliquot insulis & maritimis oppidis Dalmatiæ in suam potestatem reductis, itemque terrestri dominatu usque ad Savum prolato, regni fines terra marique amplificavit; nec solum Chrobatia, sed etiam Dalmatiæ regis titulum sumpsit. Hic cænobium Benedictinum sub titulo & tutela S. Joannis Evangelistæ, ære sumptuque regio fundatum Belgradi in urbe ditionis Chrobatice, anno 1059. tum plurimis prædiis, ac fundis, tum amplissima immunitate donavit. Regiam donationem, quam in Theodosio Episcopo Belgradensi descriptam habes, confirmarunt Maynardus Abbas & Nicolai II. Pontificis legatus, Laurentius Archiepiscopus Spalatensis, Raynerius Chrobatienſis, Theodosius, & Præstantius Episcopi. Hunc autem Præstantium, quamvis neque urbis, neque ecclesiæ, cujus erat Episcopus, nomen adjectum sit, Episcopum Jaderæ fuisse Valerius existimavit, ac propterea inferendum censuit catalogo Antistitum Jadrensiū, & Andream III. subjiciendum. Verum enimvero post diploma

Præstantius II. quem Valerius a Ponte Andreas III. subjecit, rejiciendus.

ma illud Cresimiri, mense Februario, an. 1059. Andreas adhuc vivebat; quippe qui cum Laurentio Metropolitano Spalateni testis fuit approbatorque sententiæ, quam tulit secundum monachos S. Chrysogoni Acuzo, itidem Legatus Nicolai II. Hujus autem legatio apostolica posterior fuerit necesse est, quam illa Maynardi. Cum enim Nicolaus II. intra finem anni 1058. electus, ineunte proximo pontificalia insignia suscepit, nullum in Dalmatiam legatum mittere potuit ante Maynardum, qui mense Februario an. 1059. idest primo vel secundo mense post pontificatum a Nicolao susceptum, legatione apostolica in Dalmatia fungebatur. Itaque postquam Maynardus confecta legatione Dalmatica in urbem redierat, Nicolaus Acuzonem in Dalmatiam misit vel eodem anno, vel sequenti. Hic Jaderæ cum esset, Cellam, & ædiculam S. Joannis Evangelistæ, quam Eprobina, sive Corbina, femina locuples atque primaria ab se constructam in Silago insula, cum donasset S. Chrysogono, muliebri levitate & inconstantia repetebat, eidem S. Chrysogono, sive hujus ecclesiæ & cœnobio adjudicavit, præsentibus ac testibus Laurentio electo Archiepiscopo Spalateni, Andrea Episcopo, & aliis pluribus. Sententiæ hæc est.

*Sententia Acuzonis legati Sedis Apostolicæ secundum monachos S. Chrysogoni.*

In nomine Dei aeterni, futuræ recordationis memoriæ litteris notificare satagimus, ut posteris pateat, quod si quis a veritatis tramite exorbitare voluerit, ipsa littera eundem arguat. Notum sit omnibus, quod Petrus Ven. Abbas monasterii S. Chrysogoni, astans ante conspectum D. Acuzonis Apostolicæ Sedis Apocrisarii, missi a Domino Nicolao Romano Pontifice, conquestus est de quadam cella in honorem S. Joannis fundatam, ac posita in insula, quæ dicitur Silagus, quam Eprobina obtulit ecclesiæ S. Chrysogoni. Nunc autem instigante Diabolo vult eam subtrahere cœnobio S. Chrysogoni, ad quod prius devota mente sua sponte contulerat. Tunc Apocrisarius Romana Sedis interrogavit clericos, & bonos laicos, si res ita se haberet, quemadmodum Abbas retulit. Cuncti autem, qui aderant, vera assertione perhibent Abbatem verum dixisse, & secundum donationem Gorbina, S. Chrysogonus omni cum justitia debet habere, & in perpetuum possidere. Unde quia Dominus Apocrisarius per ministros Dei, scilicet Sacerdotes, & clericos, & veridicos laicos cognovit hoc fore verum, protinus per virgam, quam in manu sua tenebat, investivit præfatum Abbatem de ipsa ecclesiâ, ac de omnibus ad eam pertinentibus; tali vero modo, quod absit, & avertat Deus, quod si quis ex præfato monasterio ecclesiâ illam abstrahere voluerit, maledictionem Dei, & S. Petri Apostolorum Principis, & nostram habeat, & cum Juda traditore Domini nostri Jesu Christi damnetur, & cum Diabolo, & sociis ejus in inferno concremetur.

Hoc actum est in præsentia Laurentii Absarenis Episcopi, a Spalatinis, & a cuncto Concilio Archiepiscopi electi, & Andrea quondam Episcopi, ac multorum bonorum hominum, & tempore Nicolai Prioris, & Stratego civitatis Jaderæ, Ind. III.

Cum Laurentius, antea Episcopus Absarenis, adhuc Archiepiscopi electi nomen gereret, id argumento est, hanc sententiam latam fuisse anno 1059. ad exitum vergente, vel proximo ineunte, & antequam idem Acuzo ex mandato & auctoritate Nicolai translationem Laurentii

ab Ecclesiâ Auxorense ad Metropolim Spalatinam confirmaret, atque eidem pallium imponeret, ut diximus in actis ejusdem Laurentii. Huic sententiæ adfuisse dicitur testis approbatorque Andreas quondam Episcopus, urbe & ecclesiâ, cujus erat Episcopus, tacite prætermisita. Sed cum hæc sententia pertineret ad templum & cœnobium Jadrense, quod, ex antiqua ecclesiastica disciplina, Episcopi Jadrensis jurisdictioni suberat; cum verisimile sit Jaderæ pronunciatam fuisse, cum denique huic judicio interfuerit Nicolaus Prior & Strategus civitatis Jaderæ; ex his satis perspicue apparet Andream fuisse Episcopum Jadertinum tertium hoc nomine, de quo nunc agimus. Contra vero diploma illud Cresimiri, in quo nominatur Præstantius Episcopus, non ad Jadrensem, sed ad Belgradensem civitatem, atque ad cœnobium D. Joannis Evangelistæ in ea conditum pertinet, videturque in hac urbe confectum esse; & præterea nullus in eo sive magistratus, sive civis Jadrensis testis nominatur: nullum igitur ex eo suppetit argumentum, sive indicium, ex quo conjici possit hunc Præstantium Episcopum Jadertinum fuisse: cujus vero loci Episcopus fuerit compertum non est. Belgradensis esse non potuit; nam tunc Ecclesiæ Belgradensi Theodosius præsidebat, ut docet alterum diploma Cresimiri eodem anno 1059, & eodem mense Februario datum. Cum anno 1075. Gerardus Archiepiscopus Sipontinus, & legatus apostolicus, Cellam S. Joannis ab Episcopo Jadrensi monachis S. Chrysogoni ereptam, restitui jussit, hujus sententiam cum Laurentio Metropolitano & Joanne Traguriensi Episcopo confirmavit Præstantius Episcopus Castilanus; sed nusquam in universa Dalmatia Episcopum Castilanus invenio. Adverbium quondam Andrea Episcopo appositum in decreto Acuzonis, argumento est Andream post sententiam ejusdem Acuzonis prolata, suæque voce approbatam, mortem obiisse, antequam eadem manu publici scribæ litteris consignari juberetur. Indictio III. non congruit neque cum 59. neque 60. hujus sæculi anno; hoc mendum arithmeticum librario attribui licet; quare vel primum I in X converti, vel eidem præponi X oportet, unde existat Indictio vel XII, quæ ad annum 1059., vel XIII. quæ ad annum 1060. pertinet.

Cum igitur Andreas III. vitam & pontificatum perduxerit usque ad finem anni 1059. vel ad initium sequentis; Præstantius secundus hujus nominis non potuit esse Episcopus Jadrensis mense Februario anni 1059. cum diploma illud Cresimiri datum est, in quo nominatur Præstantius Episcopus.

#### STEPHANUS EP. JADRENSIS XIII.

Anno 1066, Ecclesiæ Jadrensis administrationem jam susceperat, retinuitque usque ad annum 1071. ut e monumentis Jadrentibus satis perspicue intelligitur. Quare in catalogo serieque Antistitum Jadrensiū nihil loci aut temporis relictum est Basilio II, quem Ughellus intrusit, ejusque Episcopatum anno 1069. affixit. Stephani autem initia referri possunt ad annum 1060. quo quidem anno, vel superiori Andream III. e vita migrasse diximus. Cicha nobilissima femina, nec genere, quam virtute illustrior; post interitum viri sui, nescio a quibus, & quam ob causam interfecti, divino spiritu assista, rebus

Andreas nominatus in sententia Acuzonis fuisse Episcopus Jadrensis probatur.

Cicha ma-  
trona nobi-  
lissima cum  
Domnana  
filia mo-  
nasterium  
S. Mariæ  
Minoris  
fundavit.

rebus mortalibus nuntium remittere, & monachali habitu suscepto, reliquam vitam procul ab hominum commercio, pijs exercitationibus transigere, unius Deo vacare constituit. Erat filia Doimi in primis inter Jadrenses nobilis & opulenti. Matrem habuerat Vekenegam neptem Maji sive Madii olim Prioris Jaderæ, & Proconsulis Dalmatarum, fratris Præstantii Episcopi, genitam fortasse ex Gregorio Maji filio, qui fuerat itidem Prior civitatis, & Protospatrius Imperialis. Andream nupserat æque clari generis viro, qui vocatur filius Papæ; quod nomen Papæ nisi proprium fuerit parentis Andream, hunc ex illustri aliquo viro genitum fuisse dixerim, qui post obitum conjugis, ecclesiasticæ militiæ nomen dedit, & per omnes inferiorum Ordinum gradus ad Episcopatum pervenerit; nam Episcopi antiquitus Papæ vocabantur. Ne haberi dicique possit filius Præstantii Jadrensis Episcopi, obstat consanguinitas, quæ Cichæ cum Andream fuisset; hæc siquidem erat canonicum impedimentum, quod Cicham cum Andream matrimonio jungi vetabat. Duas ex Andream filias genuerat, Domnam, & Vekenegam; hanc natu minimam nuptui in amplam & opulentam familiam collocaverat; illa vero cælesti instinctu afflatuque, pariter cum matre, sæculi pompis ac divitiis valedicere, ac se perpetuæ castitati ac religioni consecrare decrevit. Porro Cicha ne quid inconsulte ac temere susciperet, ageretve, quid suæ voluntatis esset, cum consanguineis, tum præsertim Stephano Episcopo aperuit; nemo fuit, quin præclara illius cogitata & consilia laudaret; & universo nobilium ac civium Concilio approbante, ædes ad id jam antea designatas coemit, ex eisque cœnobium ad normam & regulam instituti Benedictini construxit; annuos vero proventus e suis & suæ bonis dotibus assignavit. Proximum templum S. Mariæ Minoris, quod ad monasterium S. Chrysogoni jure patronatus pertinebat, in quo virgines illuc recipiendæ divinis rebus, psalmodiæ, aliisque pijs exercitationibus operam darent, Petrus cœnobiarcha iisdem donavit. Hoc est illud æque antiquum ac celebre monasterium Jadrense ab S. Maria cognominatum, quod etiamnum extat, & virginum Deo sacratarum ex ordine patricio eximia religione, & regulari observantia floret, omniumque virtutum exemplis abundat. Huic templo & cœnobio cognomen S. Mariæ Minoris antiquitus fuit, quo distingui posset ab altera æde Mariana Jadrensi, quæ appellatur Ecclesia S. Mariæ Majoris, Canonicorum collegio insignis; sed ab hinc duobus sæculis hanc dirui oportuit, ut propugnaculis ad urbis defensionem extruendis locum relinqueret. De institutione hujus cœnobii quæ paullo uberius & fusius explicationis causa exposita sunt, ea summam ac breviter in tabulis Jadrensis continentur.

Tabulæ in-  
stitutionis  
monasterii  
virginum  
Jadrensis

Anno Domini 1066. Cresimiro rege regnante, & Stephano Jadræ præsulante. Ego Cicha filia Doimi, & Vekenegæ, nepotis Madii Prioris, uxore Andream filii Papæ, post interfecionem mariti, cum duabus remanens filiis in viduitate, videlicet Domnana & Vekenegæ, capî corde perpendere, qualiter istius caducæ vitæ non perderem hereditatem, & futuram non amitterem perpetuitatem, sicque mihi salubrius existimans consilium, ut ego cum majori filia, videlicet Domnana, dicarer monacha, minorem vero maritali subderem jure; hujus vero consilii consanguineos,

quos habebam propinquos, feci mihi conscios, & Stephanum Episcopum &c.

At postea quam eis utilior est visa mea tractatio, communi cum concivibus habito consilio, ac Petrum sanctissimum Abbatem S. Chrysogoni, cum omnibus monachis huic innuentibus meditationi, mihi donaverunt ecclesiam S. Mariæ Minoris ante Portam Bellata &c.

Eodem anno, quo condi, aptarique ad usus regulæ ac disciplinæ monachalis cœperat hoc cœnobium Benedictinum, exadificatum & absolutum fuit. Cicha cum Domnana filia, aliisque nobilibus atque ingenuis virginibus, ingressa, monasticæ vitæ fundamenta jecit. Illa siquidem omnium consensu Antistita constituta est, quæ ceteris præset, & sancte pieque vivendi rationem, ex instituto S. Patris Benedicti, suis verbis & exemplis præscriberet. Sub idem tempus novo monasterio ingens decus & præsidium accessit. Sibenicus, in urbem ditionis Chrobatice, Cresimirus rex cum primoribus regni, & Laurentius Archiepiscopus cum Stephano Jadrensi, aliisque Episcopis provinciæ Spalatensis convenerant. In hoc augustissimo conventu Cresimirus cœnobium Jadertinum S. Mariæ regia libertate donavit, & immune, nullique tributo obnoxium esse jussit; atque cum omnibus ejus prædiis ac fundis in suam fidem ac tutelam recepit: id quod approbarunt, & collaudarunt omnes, qui aderant, Episcopi proceresque. Joannes Lucius docet regia libertate donari non personas cœnobii Jadertini, quæ cum degerent in urbe Jadrensi Orientis Imperio subjecta, Chrobatum regum jurisdictione omnino erant exemptæ, sed ejusdem cœnobii possessiones & prædia, quæ intra fines regni Chrobatice continebantur; hæc siquidem immunita & libera esse jussit; ex his si quis aliquid auferret, eum quadrupli condemnavit. Contra vero cum Cresimirus caveri voluit monasteriis, quæ sita erant in urbibus Chrobatice, eorumque commodis & rationibus prospicere, non Regiam, ( ut idem Lucius animadvertit lib. III. cap. 3. de Regn. ), sed simplicem libertatem concedendo nulli mortalium monachos subjectos esse declaravit, ab omni tributo, & regali regio absolvit; Colomanus item imitatione Cresimiri, cum nondum Jadræ, Dalmatiamve possideret, monialibus S. Mariæ Jadrensis regiam libertatem tribuendo, regium jus Croaticum remississe videtur, quod non de personis, sed de terris, in Croatico regali solo a monasterio possessis, intelligendum est, eo magis quod Cresimirus & Colomanus penam imponant, non personas inquietantibus, sed bona mobilia, vel immobilia monasterii invadentibus: hinc observandum est verbum Regiam Dalmaticis exprimi ( id est, dari ) monasteriis, non Croaticis: ex quo Dalmaticas civitates, prout Imperii Orientalis, imperiales dictas conjici potest, ad differentiam Croaticarum Regiarum vocatarum; ideo regie libertatis datione intellecta fuisse monasterii bona in regali solo posita, personæque monasticæ in prædiis degentes absoluta regia libertate uti, fruique debere. Igitur Cresimirus regiam libertatem cœnobio Mariano Jadrensi traditam regali itidem diplomate confirmavit, in quo Cicham ejusdem Antistitam vocat Sororem suam, non quidem ex patre, sed fortassis ex matre; nam Cresimirus filius fuit Stephani regis Chrobatice, Cicha vero erat filia Doimi, & Vekenegæ; quæ quidem Vekenegæ, ut conjectari licet, post mortem conjugis, cum Stephano Cresimiri paren-

quod Cresimirus rex libertate regia donavit.

parente, ut erat femina primariæ nobilitatis, secundum matrimonium inierat; nisi forte idcirco *Sororem suam* appellat, quod Cicha consanguinitate, sive affinitate sibi propinqua esset; vel quia ob eximias ejus virtutes, & summam, quam obtinebat, ejusdem cœnobii præfectorum, honoris causa eam sibi sororem adoptare, & suam dici sororem voluerat. Libertatem regiam cœnobio Jaderino concessam ait Cresimirus fuisse approbatam laudatione nostri ducis Stephani, quem, ut Lucius docet lib. 11. cap. ix. de Reg., primogenitum fuisse Cresimiri, avi nomen habentem, ad regni successionem destinatum conjectari potest; cum eodem titulo postea reges Hungaria primogenitos suos insignire solerent. Sed Stephanus filius fuerit necesse est fratris Cresimiri; cum in quodam diplomate ipsemet Stephanus Cresimirus non patrem, sed patrum, se vero designatum regni hæredem appelleret. Per ea tempora rerum in Oriente potiebatur Constantinus Ducas, qui in diplomate Cresimiri *Dubczy*, sive vocabulo Slavonico, sive per errorem librarii, appellatur. In actis autem decretisque regum Chrobatæ Imperatores Græcorum nominari solebant, quod ab illis titulum regium, ac provinciam illam fiduciarium duces ac reges Chrobatorum acceperant. His explicatis, ipsum Cresimiri diploma proferamus.

Diploma  
Cresimiri.

Anno Incarnationis Domini nostri Jesu Christi 1066. *Dubczy* Constantinopoleos imperante. Ego Cresimir rex Croatia, & Dalmatiæ, filius Stephani regis, concessione Laurent. Spalatensis Archiepiscopi, omniumque nostri regni Episcoporum, & laudatione nostri Ducis Stephani, ceterorumque Croatia Comitum, do regiam libertatem monasterio S. Mariæ Jaderensis, quod soror mea Cicha fabricavit, siquidem ut si aliquis protervus in aliquo, prædicto monasterio contraire voluerit, vel ut si aliquid abstulerit ecclesiæ quadruplum restituat, & sua omnia regali juri subiaceant. Hocque ab Archiepiscopo, & omnibus Episcopis confirmatum canonice, ac ab universo cœtu colaudatum est. L. Archiepiscopus Laud. Stephanus Episcopus Jaderæ Laud. Rainerius Episcopus Croatiae Laud. Joannes Trag. Episcopus Laud. Dabro Belgrad. Episcopus Laud. Drago Arben. Episcopus Laud. Petrus Absaren. Episcopus laudavit. In die Natali Domini in Sibenico, coram omnibus prædictæ Abbatisse Cichæ hæc scripta sunt.

Cresimiri  
erga mona-  
sterium S.  
Chrysogoni  
beneficentia.

Nec verò Cresimirus suam erga cœnobium monachorum S. Chrysogoni beneficentiam ac liberalitatem desiderari passus est. Petrus Cœnobiarcha suppliciter a rege postulavit, ut villas omnes, ac prædia ejusdem cœnobii, quæ sita erant in regionibus Cresimiro subjectis, regali auctoritate communiret, ac præsertim ecclesiam & domum S. Michaelis apud insulam Pasma-niam, cum omnibus terris frugiferis eidem annexis, quam Majus Prior & Præstantius Episcopus Trasoni Abbati donaverant; nam haud multis ante annis quidam iniqui homines, spe & avaritia inhiante, in eas possessiones invadere, & aliquid ex illis decerpere atque intervertere conabantur; quare necesse fuerat, ut Gregorius Maji filius, & Rector civitatis, cum Drase & Madio suis patrue libus, Præstantii filiis, in eam insulam trajicerent; & fidem facerent ea omnia, quæ ipsi certis terminis definierunt, monachis S. Chrysogoni a suis parentibus donata fuisse. Quod Petrus postulabat, Cresimirus non solum fecit, sed etiam praelixè cumulateque fecit. Nam & possessionem bonorum

omnium, quæ cœnobium S. Chrysogoni ex regum & privatorum hominum donatione possidebat, auctoritate regia confirmavit; & præterea unam ex insulis ditionis Chrobatice, cui nomen erat *Mauri*, cum omnibus ejus proveniuntibus, eidem cœnobio in perpetuo possidendam tradidit. Extat duplex amplissimum diploma Casimiri regis, alterum anno 1067. alterum biennio post Nonæ in urbe Chrobatice confectum; primum Abbas S. Bartholomæi, secundum Stephanus Episcopus Jaderæ scripsit, suoque chirographo confirmavit.

Anno Dominice Incarnationis 1067. Indict. 4. Epacta 3. concurrente 7. regnante Domino Constantino Duca Magno Imperatore, Prioratum vero Jaderæ retinente D. Leone imperiali Protospatrio, & totius Dalmatiæ Catipano. Ego quidem Petrus S. Grisogoni Abbas immeritus, cerno quod his temporibus, in quibus jam fines devenere sæculorum, nonnulla subtrahuntur de possessionibus Sanctorum per ingluvias hominum mundanorum, ac Deum non metuentium, sed callida machinamenta, & dolosa solummodo amantium plurima argumenta. Unde Chirographum hoc ad posteritatis memoriam esse studui, cum consilio, ac voluntate, & testificatione præfatæ urbis nobilium, quorum nomina subterascripta reperiuntur de possessionibus, hoc est terris, vineis, oliveis, ac piscationibus cœnobii prædicti Christi martyris, videlicet B. Grisogoni, vel in quibus locis hæc universa habentur, quæ mei regiminis tempore in obsequio Fratrum in eodem cœnobio Christo famulantium esse cognovi, ne alicui de superscriptis rebus minuendi facultas in posterum largiatur. Igitur scribere curavi in primis territorium, in quo olive, & vineæ monasterii esse plantatæ noscuntur, in loco, qui Tculi nominatur, & his terminis terminatur. Est in eodem loco vallis infra duos petrosos colles porrecta, in Oriente, quæ Rabiosa dicitur, estque primus terminus jam dicti territorii, a summitate ipsius vallis in Oriente, ubi etiam pusillus stare ulmus cernitur usque ad limitem, qui ultra ejusdem loci in occidentali parte habetur; secundus namque terminus per transversum a mari usque viam antiquam, qua itur ad Nonam, quæ est etiam contra Sublata, in qua hæc de causa antiquitus sita est columpnella, quæ erat ab insidiatoribus de loco, in quo steterat, remota in Orientem quasi passus ducentos, quam nos cum consensu Cresimiri regis Croatorum, suorumque nobilium, pristino restituimus loco. Hanc ipsam denique terram, hisque terminis terminatam, sine infestatione quorumlibet hominum, servis Dei perpetuo possidendam hoc modo antiquitus in nostro jam dicto monasterio ferunt fuisse datam, quod rex quidam Croatorum veniens votum reddere Deo ad ecclesiam præfatam, petentibus servis Dei pro suæ remedio animæ donavit eam, quod factum pronepos ejus, prædictus rex, nostris quoque stabilivit diebus, tribuens nobis hoc libellum continentem ita:

Ego Cresimer, qui alio nomine vocor Petrus, Croatorum rex, Dalmatinorumque, notifico omnibus, quod justum mihi videtur, ut statuta parentum meorum antiquorum non cassentur, maxime illa, quæ ad salutem eorum pertinent animarum. Comperimus namque in gestis proavi Cresimiri Majoris, quod pro remedio animæ suæ tradidisset monasterio S. Grisogoni territorium aliquod in loco, quod dicitur Hyculas, a quercu, quæ stat supra vallem rabiosam, usque ad Stafilum, qui

Diploma  
regis Cresimiri.



qui hac de causa situs est in trivio, quod est contra Sublatam, perpetuo possidendum, quod totum possessoribus suis mansit tempore ipsius, & filii ejus Drizislavi, & eorum potentibus Banis, videlicet Pribina & Godemiri, & temporibus Suetoslavi, & ejus fratrum Cresimiri, & Goy-slavi, & filii ejus regis Stephani patris mei, faventibus nobilibus Banis, eorum qui fuere temporibus, hi sunt Varda, Bozhare, & Stephanus Prasca. Unde sancimus eorum sanctiones a nobis roboratas perpetuo permanere. Si quis autem post nostrum obitum ista violare temptaverit, supremi incurrat Judicis iram, & in horreni examinis die sinistrum possidens locum audiat, quæ sinistri merentur. Alium est in Nona civitate his coram testibus. Boleslaus Tepa testis, Adamizo Noniensis Jupanus testis, Vialcizo Jup. de Licca testis, Voleta Dad testis, Budic Postelnic testis, Joannes regis Capell. testis, Zuoiz Volar testis, Dragogna Scuto bajulus, Dodavid Vinote, Grabogna Decanus testis. Ego Abbas S. Batt. scripsi jussu Regis Domini mei.

Et aliud territorium S. Grisogoni in insula, in loco, qui antiquo nomine Flavico dicitur, nunc vero Postimana nominatur, in quo loco Præstantius Episcopus una cum Majo fratre suo Priore edificavit ecclesiam ad honorem B. Arcang. Michaelis, & quibus voluere dotarunt beneficiis. Trafo denique, qui illis diebus huic nostro cænobio præerat, Abbas prospiciens hanc sibi, suisque fratribus satis esse congruam, & ad suam utilitatem nimis proficuum, vocavit ad se dictos fratres, & petitis illam, disponens iis necessitatem suorum fratrum, ac domus Dei; cuius voluntatem ac petitionem consecuti sunt dictus Præfuit, & frater ejus, obtuleruntque in obsequio Abbatis & fratrum tam ecclesiam, quam adificaverat, quamque adjacentia territoria, ut perpetuo B. Martyris Cella fieret; tradentes eam legaliter coram nonnullis Jadrensis stabiliunt, & confirmant. Quod factum utique inconvulsum mansit temporibus ipsorum, sed post obitum illorum, quidam temptaverunt subtrahere aliquid de donatis jam Ecclesie Dei territoriis; qua de causa veniens ad insulam filius dicti Prioris Gregorius, similiter Jadren. Prior, & imperialis Patricius, ac totius Dalmatie Stratigo, ad insulam cum suis consobrinitis, filiis dicti Episcopi, quatenus quis jam nunquam posset in aliquo servos Dei molestare, prædicta territoria, sicut a suis Patribus sacro cænobio donata fuerant, clarius propalaverunt, confirmarunt, & his terminis terminarunt, a mari videlicet usque ad montium summitates, & a fundo vallis, quæ in Orientem post præfatam ecclesiam esse cernitur, in quo fossatus habetur, qui contra ipsos montes mitti videtur, usque ad maceriam, quæ ultra desertum oppidum in parte occidentali similiter habetur, quo etiam tunc ob sui facti memoriam lapidum pro signo pusillum statuunt acervum. Et hæc quippe nomina sunt eorum, qui hujus rei cum eo tunc adjuutores, cooperatores, & testes affuere; quorum jussu, & voluntate hoc Chirographum scribi fecimus, in primis scilicet Præstantius Tribunus, Dabro Trib. Martinus T., Cerneca T. Andreas T. qui postea Prior effectus est, Dabro T., Sergius T. Georgius T., Majus T. Ursana T., Petrus T., Gancellia T. & alii plurimi. Ego Stephanus Jadren. Episcopus horum, & aliorum nobilium plurimorum consilio, & voluntate, jussu & testificatione, curis præpeditis nonnullis Cyrographum hoc rustico sermone conscripsi.

Quoniam Divinitatis eximia celsitudo summis ac minimis, non modo pro meritis, verum etiam dispensatione profunda, æternos largitur honores, & modo ininvenigabili elevat sublimandos, & sublimium superbiorum colla pessundat, ut ineffabilis Judicis ineffabile quoque judicium perseveret, & omnipotentis discretio ex inexhausto procedens fonte terrena dispenset imperia. Ideo ego Cresimirus Dei gratia largiente, Croatia atque Dalmatie jura gubernans, atque avi mei beata memoria Cresimiri regis, patrisque mei regis Stephani in Elisio campo feliciter quiescentis, habenas regni tenens, anno Dominica Incarn. 1069. Indiæ. 7. Epacta 5. concurrente 3. in nostro Nonen. cænaculo residens una cum nostris Jupanis, Comitibus, atque Banis, Capellanis etiam nostræ regalis aulæ, cogitare cæpi qualiter omnipotens Deus hereditarii regni mihi concessit gubernacula, conservaret, & animabus meorum prædecessorum requiem donaret; inveni nihil in operibus maxime dignius, nihilque Deo acceptabilius, quam ex nostra terrestri aula supernorum civium atque Sanctorum sacrata habitacula possessionibus muneribusque ditare condignis. Igitur quia Deus omnipotens terra marique nostrum prolongavit regnum, decrevimus, & prompto animo stabilivimus monasterium S. Grisogoni Mart. cujus venerandum corpus intra ejusdem civitatis mœnia requiescit, prædiis atque possessionibus honorare, simul quia in gestis antecessorum nostrorum regum scilicet excellentissimorum in campis & territoriis plurimis prædictum monasterium invenimus privilegiatum. Nos ergo a prædecessoribus nostris in nullo deviantes pro remedio animæ meæ, meorumque defunctorum omnium, offerimus, & stabili tenore donamus tibi Beatissimo Grisogono Martyri, & præfente D. Petro tuæ Sanctæ Aulæ Abbate, nostram propriam insulam, in nostro Dalmatico mari sitam, quæ vocatur Mauni, cui ex orientali parte adjacet insula, quæ in vulgari Sclavonico Veru nuncupatur, ut eam habeat, & possideat in æternum absque cujusquam mortalium inquietudine, prædicti sanctissimi martyris monasterium; nam sic bona nostra decrevit voluntas, annuentibus, & supplicantibus venerandis nostri regni principibus. Ut autem hæc nostra donatio in æternum fundetur, & stabilitate perpetua perseveret; eam nostra, nostrorumque Episcoporum attestatione astringimus, & inviolabiliter præmunimus, statuentes, ut quicumque mortalium, immemor divini examinis, & perversorum nostræ regie dignitatis, voluerit umquam ausu temerario de prædicta insula, cænobio regaliter concessa sanctissimi Grisogoni, inquietare, simulque nostra jura confundere, incurrat iram super iram futuri Judicis, & sit reus in conspectu extremi examinis, cum Herode, Juda, & Simone Mago portionem in æternum habiturus, & Antichristi consortia possessurus ab omni pace, a Deo, Sanctisque Apostolis, & a cuncto Sanctorum cœtu, & Beatiss. Grisog. maledictionem accipiat sempiternam; & nostræ regali curiæ, quibuscumque successoribus meis Regibus, Jupanis, Comitibus, sive Banis componat lib. auri C. & in nostro regno perpetuo sit infamis. † Ego Cresimir rex Cro. atque Dalmatie.

† Ego Stephanus Jadera Episcopus scripsi, & hæc sunt nomina testium, quæ in hoc facto interfuere. Adamizo Nonen. Jupanus T. Boleslaus curialis Comes T. Viachizo Jup. de Licca T. Volessa Dat. T. Budec Postelnic Berberien. Jup. T. Joannes regis Capellanus T. Petrus regalis

Alterum  
Cresimiri  
diploma.



galis curia Judex T. Guidoꝝ regalis Pincerna T. Dominus Leo Imperialis Protospatarius, ac totius Dalmatiae Catipanus T. Salvislavus Nonen. Judex T. Adam Monachus de S. Bartholomaeo Abbas T. Petrus Jupanus de Sidraga T. Dragomir Jupanus de Cetina T. Andreas Belgradensis Prior T.

Ego Anastasius hujus Cirographi diffator Crovaten. Episcopus, & aula regia Cancellarius, jussu & voluntate praedicti Domini mei regis scripsi, & confirmari feliciter in civitate Nona. Amen.

Cresimirus  
cœnobium  
virginum  
Jadrensum  
novis bene-  
ficiis auxit.

Cum cœnobii Mariani Jadrensis fama, bonusque odor instituti Parthenonis manaret quotidie latius, & cresceret in dies numerus virginum Deo sacratarum; Cresimirus rex ejusdem proventus augendos censuit; & rogatu Cichæ Antistitæ terram in Tochenia eidem anno 1072. donavit, quam regalem vocat, idest ad regiam domum familiamque jure proprietatis pertinentem. Hanc donationem Jaderæ confirmavit, Stephano Episcopo præsentem, atque approbante.

Anno Incarnationis Dominica 1072. Ego Cresimir rex Croatia & Dalmatiae ob remedium animæ meæ, & præcessorum meorum, monasterio S. Mariæ monialium, rogatu sororis meæ, quod noviter factum est Jaderæ, Cichæ, dono terram in Tochenia, quæ regalis esse dignoscitur, vel regalium servorum, vergentem per convallem ab oriente in occidentem, quæ mari determinatur, in aquilonem vero usque ad supereminentem montem, ad meridianam autem plagam trahentem; quam avus meus G. dedit cognato suo Madio, & filio ejus Dabrana, coram his testibus Dabro Priore filio Bolize, Niciforo, & fratre ejus Madio filio Zelle, Dobro Drago Scitinossa, Descini Jurisar, Budillo Capellano, Desa Jadrensi clerico. Si quis autem nostra donationi in posterum contraire voluerit, bannum persolvat regalem, nostra donatio semper firma permaneat. Hoc actum est in Tochenia, & firmatum Jadræ, coram Stephano ejusdem civitatis Episcopo, Drago Priore, Segæ Judice, Zella & Doda, & aliis quampluribus.

Hoc eodem anno 1072. tum Stephanus e vita decessit, tum eidem ad sedem pontificiam subrogatus fuit

#### ANDREAS IV. EP. JADRENSIS XIV.

Eodem anno 1072. quo Andreas Ecclesiæ Jaderinæ regimen suscepit, habitum est Jaderæ Concilium provinciale, ut colligitur ex tabulis infra describendis cœnobii S. Mariæ, quibus hæc verba inserta sunt: Congregatis nobis cum plurima causa ventilanda & examinanda allata, ut moris est Concilii generalis, confluerent &c. Sed hujus Concilii acta decretaque interierunt. Laurentius Metropolitæ Spalatensis pro suo jure & Concilium convocavit, & eidem præfuit. Interfuerunt Episcopi provinciales omnino sex, qui in iisdem tabulis nominantur, Andreas Jaderinus, Petrus Arbensis, Petrus Vegliensis, Joannes Tragurienis, Basilus Belgradensis, Andreas Nonensis; Gregorius Abbas S. Chryslogoni, cum Madio & Trasone, qui licet præfectura illa monastica perfuncti, tamen Abbatibus titulum retinebant; itemque Theodorus Abbas S. Stephani de Pinnis, alique cœnobiarchæ ex Ordine S. Benedicti; & primores e clero, magistratu, & Consilio nobilium Jadrensi. Cichæ virginum Jadrensum Antistita censuit di-

Illyrici Sacri Tom. V.

vinitus oblatam opportunitatem consecrandæ basilicæ Marianæ, quam a Petro cœnobiarcha S. Chryslogoni sibi traditam refecerat, atque in augustiorem formam redegerat. Concursum enim tot Episcoporum ad hujusce consecrationis splendorem, magnificentiam, celebritatem vel plurimum addebat, quippe templorum dedicationem summa majores nostri religione confici, & quantæ maxima potest, pompa apparatuque voluerunt. Laurentius Metropolitæ, ut ejus dignitas postulabat, consecrationem sollempni ritu peregit, ceteris Episcopis eidem honoris causa, cum clero universo, ministerium operamque præbentibus; & cuncta fere civitate, insolita omnium ordinum frequentia, religione, ac lætitia sacram functionem prosequente. Sub dedicationem templi Andreas Episcopus Jaderinus, & Dabro Prior, seu Præfectus urbis, convocato clero & populo, insulam Silvæ, quam Porphyrogenitus Selbon vocat, & immunitatem amplissimam cœnobio & templo Mariano, de communi omnium voluntate donarunt; quam donationem deinde, antequam Concilium dimitteretur, Episcopi & Abbates, clerus & populus, omnes una voce, & universali approbatione confirmarunt; postea tamen amplissimæ immunitati visum est aliquid detrudere. Tabulas donationis hic subjicio, sed aliquibus in locis quædam obscurius expressa sunt, quam ut facile intelligi possint.

Consecra-  
tio adis  
Marianæ  
virginum  
Jadrensi-  
um, cui  
Andreas  
Ep. & Da-  
bro insu-  
lam Silvæ  
donavit.

Anno Dominica Incarnationis 1072. Indictione 8. (10.) Ego Andreas Præsul Jaderæ urbis, una cum Drago Priore, Clero, & populo ejusdem civitatis: placuit nobis dare insulam Silvæ, & veram libertatem, veramque ingenuitatem monasterio S. Mariæ, sito in eadem urbe, in die consecrationis ejus basilicæ, jure perpetuo tenendam, ob salutem omnium nostrum virorum & defunctorum; quod si quis protervus deinceps hoc nostrum actum violare, aut rumpere temptaverit in aliquo, & vim sanctis monialibus, illic habitantibus, vel usque ad formellam casei rapuerit, divinam, & Sanctorum ejus, & nostram percipiat maledictionem, & medietas domus ejus cadat in publico. Ego Joannes Judicator laudo & confirmo, Candidus laudo & confirmo. In Christi nomine, Ego Drago gratia ejus Prior Jadræ urbis, una cum Nobilibus, & omni populo hujus civitatis tibi Domina Cicca Abbatissa, suisque sororibus presentibus & futuris, placuit nobis concedere propter Deum, & sanctam Dei Genitricem, & pro salute animarum, & corporum nostrorum veram libertatem, quam nullus ex nostris monasteriis habet, ut non cavallus, non famulus, usque ad formellam casei, per vim aliquis eis tolleret; & si quis hoc nostrum rumpere, vel contraire voluerit, deificam habeat maledictionem, & incurrat eis penam medietatis domus suæ.

Tabule do-  
nationis.

Actum est hoc in die consecrationis basilicæ S. Mariæ ante Andream nostrum Episcopum, & ejus Clero, & Madio Abbate, & Trasone Abbate. L. D. G. Spalat. sedis Archiepiscopus. A. Jaderinus Episcopus. Petrus Arbensis Episcopus, Petrus Vegliensis Episcopus. I. Tragurienis Episcopus, B. Belgradensis Episcopus, A. Nonensis Episcopus. G. Abb. monasterii sancti Chris. Theodorus S. Stephani, Petrus S. Nicolai, Jo. S. Michael, Dabrana S. Petri, cum omnibus Clericis & laicis Dominum timentibus Jaderina S. Ecclesiæ, congregatis nobis cum plurima ventilanda & examinanda allata, ut moris est generalis concilii, confluerent, interea etiam nihilominus illud

E

affuit

affuit muniminis scriptum, quod Episcopus & Prior, nobiles, & ignobiles Jadrenses, Ecclesia Sanctæ Mariæ semper Virginis, monast. vid. & Virgin. Deo devote famulantium noviter in eadem civitate inter se temporibus constructo, tempore consecrationis jam dictæ ecclesiæ, devote, & alacriter concesserant insulam Silvæ; hoc denique licet continens, ut quæ de solo patrimonio nobilium puellarum illuc ob amorem Christi concurrentium edificatum fuerat, sic ab omni festinatione tributi quiete viverent, ut liberæ ab omni mancipatione humani servitii toto mentis affectu servirent, cui se desponsantes ancillulas tradiderent. Hoc solummodo petentes, Abbatissa ingenuitate præcipua nomine Cicca cum omnibus sororibus volentibus illis amplissima de fisco civili dona conferre; quod namque dum diligentius perscrutantes investigarem, illud inde cassare studuimus, quod cassandum, & impossibile ad observandum perspeximus. Inerat siquidem ei, ut si quis ex omnibus bonis monasterii usque ad formellam cassei violenter præsumeret, anathematis vinculo ex triplo ligaretur; quo jure abrafo, stabilita firmare salubrius decrevimus. Ita quidem ut nullus de Clero, vel populo, magna, vel parva persona, ingenuus, vel servus ab inde in antea quicquam violenter auferre præsumat; quod si præsumpserit, & emendare post hæc, tam querimoniam resistendo voluerit, anathematis vinculo innodatus intereat, excepto quod Prior sæpe dictæ civitatis pro communi utilitate omnium concivium ipsemet, vel alius ejus iecerit, vel suum legatum transmissit, quod tamen cum omni honestate, & mensura fiat. Hoc denique promulgato acclamatum est, si placeret; succlamatum quoque est omnibus, placet.

Svinimirus post breve regnum Slavizi, rerum in Chrobatia potitus anno 1075., regali diplomate confirmavit donationem terrarum in Tochénia, quas Cresimirus cœnobio virginum Jadrensiarum attribuerat.

Ego Svinimir rex Croatiae atque Dalmatiæ concedo, firmo, & corroboro coram Laurentio Archiepiscopo, & Joanne Abbate S. Bartholomæi, & Andrea nostro capellano, & Dominico Tepize, & Crenia Zupano, hanc donationem quam dedit noster antecessor rex Cresimir monasterio Sanctæ Mariæ sito Jaderæ, de terris in Tochénia & de conditione, sicut in suprascripta continetur cartula. Hoc actum est in Teneno Anno Dominice Incarnationis MLXXVIII.

Dominicus  
Silvo dux  
Venetorum  
Jadrenses in  
donationem  
voluntaria-  
m rece-  
pit.

His temporibus Jadera cum plerisque civitatibus maritimis Dalmatiæ sub imperium Venetorum rediit. Dominicus Silvo, qui principatum in Venetis obtinebat, jam inde ab anno 1070. susceptum, aliquot armata navigia eduxit, ut est apud Dandulum, Northmannos mari, oræque maritimæ infestos in fugam avertit, Dalmatis salutem & tranquillitatem restituit. Quo facto ita illarum gentium animos sibi conciliavit, ut in Venetorum fidem ac potestatem, unde ante aliquot annos desciverant, se rursus contulerint, eo promptius ac libentius, quod cum expositi essent Northmannorum injuriis ac direptionibus, nihil præsidii ab Imperatoribus Orientis sperare poterant. Ea siquidem tempestate Græcorum opes magis etiam a Turcis, sive Saracenis in Asia, quam a Northmannis in Italia, erant debilitatæ fractæque. Nec vero amicitiam, quæ Venetis erat cum Græcis, recepta in fidem Dalmatia dissolvit; quin eam postea magis firmarunt magisque, tum

copiæ navales Venetorum Græcis subsidio missæ, quarum opera magni fuit in bello Northmannico; tum jus retinendæ ac possidendæ Dalmatiæ, quod post aliquot annos Alexius Comnenus Imperator Ducibus Venetorum stabile ac perpetuum esse aureo diplomate sancivit.

Andreas IV. hoc nomine huic ecclesiæ vix annum integrum præfuit; anno siquidem 1073. eandem regebat

#### STEPHANUS II. EP. JADRENSIS XV.

Cujus nomen inscriptum est tabulis cœnobii Mariani virginum Jadrensiarum, infra in Andrea V. proximo Stephani successore describendis; quarum initium est hujusmodi. In nomine Domini nostri Jesu Christi, & ejusdem Incarnationis 1073., regnante Cresimiro Croatiae rege, Svinimiro Bano, Episcopo vero Domino Stephano &c. Hic interfuit Concilio provinciali Spalatensi, quod jussu Gerardi Archiepiscopi Sipontini, legati Sedis Apostolicæ, Laurentius Metropolitani convocavit anno 1075. de quo in actis ejusdem Laurentii cap. 2. §. 1. Huic enim Synodo suum nomen subscripsit secundus post Laurentium Stephanus Episcopus Jadrensis, ut docet Archidiaconus cap. xvi. Cum Stephanus Cellam, sive templum & domum S. Joannis Evangelistæ, in insula Silago positam, Petro Cœnobiarchæ S. Chryslegoni abstulisset, Gerardus legatus apostolicus de communi Concilii sententia restitui jussit: Petrus Venerabilis Abbas S. Grifogoni conquestus est de Cella S. Joannis Evangelistæ, quæ Silagus dicitur, quam suus Episcopus, videlicet Stephanus, illam sibi abstulerat... Ego autem videns sibi juste fieri, & omne Concilium mecum, rursus præcipimus suo Præsuli investire Abbatem &c. Quam Gerardus tulit secundum Abbatem & monachos Benedictinos sententiam, integram habes in Laurentio Archiepiscopo. In tabulis S. Chryslegoni apud Valerium a Ponte anno 1078. confectis inscriptum est nomen Stephani Episcopi: Regnante Betoniate Angelo (id est Nicephoro Botoniate), Jaderæ Priore Drago, Stephanus Episcopus regens. Annos fere sexdecim Stephanus Jadrensem pontificatum gessit, quem cum vita deposuit anno circiter 1090.

Stephanus  
II. Ep. in-  
terfuit  
Concilio  
Provinciali  
Spalaten.

#### ANDREAS V. EP. JADRENSIS XVI.

Hujus ecclesiæ gubernacula suscepit post obitum Stephani, annos fere undecim retinuit, morte præreptus sub initium proximi sæculi dimisit. Semel atque iterum, scilicet anno 1091. & 1094. in tabulis Jadrensiarum illorum temporum, Andreæ nominatum invenio. Vekenega filia Cichæ vidua Dobroslavi, exemplum maris secuta, cœnobiū Benedictinum S. Mariæ ingressa est, seque ipsam Deo in perpetuum devovit. Dobroslavus moriens de consensu uxoris, quæ marito propositum susceptumque consilium vitæ religiosæ ineundæ aperuerat, Petro parenti suo omnium bonorum, quæ sibi ex avita, & paterna hæreditate obtigerant, usumfructum legaverat; at dominium eorundem penes uxorem esse voluerat, quæ post mortem Petri loceri sui, de iisdem bonis quidquid liberet, statuere posset ac decernere. Illa vero hujusmodi bona cœnobio Mariano addixit, cui postea & seipsam mancipavit, eidemque jus possessionis illorum ad eundæ, mortuo Petro, & omnes

Andreas V.  
Ep. Jaden-  
sis, bona Do-  
broslavi in  
litere ad-  
dixit.

ex

ex illis fructus in posterum percipiendi tradidit, ut constet ex tabulis confectis anno 1073. cum Stephanus II. adhuc sedem episcopalem tenebat.

In nomine Domini nostri Jesu Christi & ejusdem Incarnationis MLXXIII. Regnante Cresimiro Croatia rege, Bano Svinimiro, Episcopatum vero gubernante D. Stephano, in civitate Nona Jupanus Adamizo. Ego denique Vekenega pro remedio animæ meæ præcipio fieri in domo Sanctæ Mariæ de Jadra, omnem possessionem meam quam habeo vineis terris cultis, vel incultis, & omnia animalia pecoribus vel jumentis, omnia, & in omnibus sit in prædicta domo S. Mariæ in perpetuum possidenda; & si quis parentum meorum contraire temptaverit, quod absit, iratum habeat trinum, & unum Deum, & cum Juda Scarioth in inferno damnatur. Adamizo testis, Prodano testis, Desinna testis capellanus, Gurbina testis, Zolimiro testis, presbyter Fredruchia testis, presbyter Barba testis, Zovina testis, Nepottoi testis, presbyter Milotech testis, Petrus de Bonemute testis, & alii plures testes.

Verum Petrus morti jam proximus, immemor beneficii a Dobroslavo & nuru accepti, hanc per summam injuriam exheredavit, ut filium adhuc impuberem bonorum omnium Dobroslavi hæredem faceret, quem paucis ante annis ex quadam muliercula Slava genuerat. Vekenega statuit bona sua, seu potius cœnobii Mariani repetere ac persequi lite atque judicio. Huic controversiæ dirimendæ delecti sunt judices Andreas Episcopus, & Drago Rector civitatis, qui audita utraque parte secundum Vekenegam judicarunt. Ab hac sententia tutores, quibus Petrus filium commendaverat, quique causam pupilli agebant, ad Laurentium Metropolitam appellarunt, non dissentiente Vekenega. Sed veriti ne in judicio quoque archiepiscopali superati causa caderent, tergiversari cœperunt, alias ex aliis morasnectere, diem de die differre; iterum ac sæpius quo provocaverant citati, adesse renuebant. Itaque Episcopus, & Rector civitatis secunda priorem sententia confirmarunt; nisi quod de consensu Vekenegæ dimidiam domus paternæ partem pupillo relinquendam esse censuerant. Utramque sententiam Laurentius Archiepiscopus, ad quem appellatum fuerat, rogatu Vekenegæ confirmavit. Habeo exemplum utriusque sententiæ; sed quædam interjecta sunt, quæ vel culpa librarii, vel ob incertitiam latinæ locutionis, nisi aliqua explicatione adhibita, vix intelligi possunt.

Anno Incarnationis Jesu Christi Domini nostri  
1 MXCI. Kyri Alexio (1) Constantinopoleos imperante, tempore quo Uladislavus (2) Pannoniorum rex, Croatia invadens regnum, Domnum Almannum suum nepotem in illo statuit regem: Jaderensi vero cathedræ Domno Andrea venerabiliter  
3 Præsulante; meque Drago Domini Præsantii (3) Episcopi nepote jam tertio (4) Priorante. Accidit ut in primo anno meæ tertiæ recuperationis, coram nobis ac præfato Episcopo, aliisque  
4 quampluribus oriretur querimonia Domnæ Vekenegæ filiæ Cichæ, quæ viri sui videlicet Dobroslavi thorum (5) custodiens, viginti annis Deo devota, monastico utebatur habitu, quam Petrus socer suus, domni Dabri, verbis suorum  
6 deceptus propinquorum, suo exheredatavit verbo, filiumque suum, quem quadam Sclavuncula (6) natum habebat, moriens totius suæ (7) hereditatis fecerat hæredem. Hanc autem monachali irretitam vinculo, quæ illum alimentis indumentis  
7 Illyrici Sacri Tom. V.

isique foverat continue, quod veris probatur assertionibus, expertem (8) suorum fieri jusserat; dicens filio mortuo, huic nuru quasi (9) mortuæ nil deberi dari. Quem etiam jam dictus Dobroslavus filius ejus, paterna motus pietate, suæ consensu conjugis Vekæ, quam futuram noverat monacham, eadem notificante, moriendo suæ illum proprietatis (10) fecerat participem, par boum sibi tribuens cum suis culturis, aureisque nastalos (11), quin etiam suam vineam. Nempe neminem æstimans illi (12) compotizari hæreditati, suæ prætermissa conjugis; quippe nondum ipse pater alia utebatur uxore: unde factum est, utrisque coram nobis litigantibus, ipsamet D. Vekæ cum sua matre aliisque propinquis, & ex alia parte Madio electo, (13) ejusque fratre Petrina, nec non Zanizo Mezichirne filio quampluribus aliis (14) conjicientibus; demum jussu Præsulis episcopali, quo sedebamus, egressi palatio, ibidem cisternam ingredientibus cum jam dicto Episcopo, & Joanne judicatore, aliis nobilibus, ducto in medium utrorumque certamine, quid hinc rei exitus doceret, perscrutari cœpimus, quod more antiquorum dijudicari volentes; ut ipsa sua frueretur parte, (15) velut si vivus adesset, cujus (16) Karitate se monastica dederat perfectioni; sed huic rei contrariantibus hoc displicuit, seque archiepiscopali velle obedire judicio conclamabant; quibus & illa una nobiscum assentiens, sapissime invitavit, ut ad suum cum ea irent propositum, (17) qui sub unius anni judicii nobis cernentibus, centies exclamati, (18) ire renuerunt; quos nos hoc modo definivimus in primis anni illius (19) attributo sibi Tribuno Trunziano Malopere filio, partis domus, & vineæ hæredem eam fecimus, ut vel sic Spalatam pro ut expetierant, cum ea proficiscerentur. Quibus & ex (20) hoc induciæ a mense Julio usque in natalem Domini largitæ sunt, sed procaciter resistentes, & se hinc subtraxere. Quapropter (21) ego Dragus Prior commune servans sacramentum, neminem volens ab aliquo vim sustinere, cum jam nominato Episcopo, aliisque nobilibus ad domum illius pergentes, quæ sita est in quadrivio S. Petri, legali hoc definientes judicio, sub episcopali vinculo præcepto, illam plenam habere partem jussimus; ipsique nos illis domum partientes monach. . . occidentalem partem domus dedimus; duasque ulnas, & eo amplius medietatis domus propter maritum, illum consentire volumus, infantulo.

Hæc ego Majus (22) Archidiaconus, quia his omnibus interfui, & ut a memoratis Præsulibus mihi injunctum est, fideliter, veraciterque scripsi; & post tradita, coram his testibus lecta est, & sigillo dicti Prioris signata. Joannes judicator Vitaræ testis, Micha testis, Desinna testis, Madio Zellæ testis, Budinellus testis, Madius gener Zellæ Præsantii testis, Pruona testis, Grubica filius G. . . . testis, Gauzulus presta barba testis, Barba testis, Neup. . . . testis, Dolmaldus testis, Brate testis, & alii quamplures collaudantes & confirmantes.

Quoniam quod a minoribus legaliter diffinitum est iudicibus, a majoribus, si oportet, debeat confirmari: Corroboro ego L. . . . Salonitanæ sedis Archiepiscopus, & laudo hoc iudicium a tanto honestissimo viro D. Jaderano Priore cum suis nobilibus jam datum; in ecclesiasticis enim & mundialibus sancitum habetur legibus, ne qualibet persona in sua arrogantia erecta, contra iudicia semel data, conqueratur iterum in sua male visa  
E 2 que-

simul cum  
Drago Priore  
re virginum  
Jadr. cœnobio  
adjudicavit,

quod iudicium  
Laurentius  
Metropolitæ  
confirmavit.

*querimonia. In libello quidem, quem Vekenega filia Cich, a pralibato Priore datum, & ab Archidiacono M. scriptum, ad meam contulit laudationem, iuste, & canonice cognovi finitum. Quis namque arrogans exhereditare auderet hanc viduam ab hereditate mariti sui, dum non solum ejus lectum sic nobiliter, utpote cognoscimus, observavit, ac inter viduas, quas laudat Apostolus Paulus, se ad certamen, & ad premium utique, assumpto eorundem habitu projectoque cum suis sarcinis mundo, contulit. Unde hac ordinata sicut superius confirmo, & immo laudo, & sub ligamine anathematis, & Nicæni Concilii vinculo quemque pono, qui hoc nitetur infringere, & delere. Hanc vero sigillo S. Domnii cartulam jussi signari, ut contra omnes permaneat conquestores in sua stabilitate firma. In hac laudatione Andreas Episcopus Jadera & D. ejusdem civitatis Prior testes.*

## Notæ.

(1) Quamvis Jadera, ceteræque urbes maritimæ sub imperium Venetorum rediissent; Veneti tamen, quibus Imperatores Græci recuperatam Jaderæ possessionem non inviti annuerant, & Alexius Comnenus aureo diplomate confirmaverat, actis tabulisque publicis ut Dalmatæ nomen Imperatorum Orientis more pristino inscriberent, grati animi & honoris causa permiserunt.

(2) Post mortem Svinimiri ac Stephani regum Chrobatæ, Ladislaus rex Hungariæ, is qui eximia vitæ sanctimonia Divorum numerum obtinuit, sive a sorore vidua Svinimiri, ut Scriptores Hungarici, sive a proceribus Chrobatum, ut Archidiaconus tradit, evocatus, Chrobatiam magna ex parte subegit, & Almus fratris filium Chrobatæ regem dedit; idque accidit anno 1091. ut tabulæ modo descriptæ declarant.

(3) Drago nepos erat Præstantii Jadrensis Episcopi, ex hujus filio Drase, vel Madio.

(4) Id est tertio præturam urbis gerente.

(5) Post mortem scilicet viri sui Dobroslavi in cœnobium Marianum apud matrem Cicham Antistitam se receperat, & monachalem habitum induerat.

(6) Fortasse natus erat e toro non legitimo, ac propterea carens omni jure adipiscendum parentis, tum patruelis Dobroslavi hereditatis.

(7) Non solum suorum bonorum heredem uxorem Dobroslavi reliquerat, sed etiam illorum bonorum, quorum usumfructum parenti, dum viveret, legaverat.

(8) Nam ipsamet Vekenega consentiente, Dobroslavi bona, quæ vel ipse sibi acquiritur, vel illi ex avita & paterna hereditate obveniant, parenti ad fruendum, quoad viveret, atque utendum reliquit.

(9) Qui vitam religiosam profitetur, & sollemnibus votis se Deo obstringit, is perinde ac si mortuus esset, jus omne habendi, acquirendi, possidendi amittit; si quid tamen illi ex bonis paternis, vel aliunde obveniat, id omne in jus transit ac potestatem monasterii, juxta illud tritum pronuntiatum: *Quidquid acquirit monachus, acquirit monasterio*. At Vekenega non suam, sed sui monasterii causam agebat.

(10) Id est usumfructum suorum bonorum parenti legavit; quæ quidem bona, mortuo pa-

rente, ad conjugem suam devolvi jubebat.

(11) Id est pretiosam suppellectilem, auream, & gemmeam.

(12) Id est neminem putabat fore, qui hereditatem mariti conjugis relictam, viduæ præripere studeret.

(13) Hi erant tutores, quos Petrus filio impuberi reliquerat, quique causam pupilli agebant.

(14) Id est adversantibus.

(15) Hereditas viri sui Vekenegæ adjudicatur.

(16) Ut vivum, sic mortuum virum suum Vekenega dilexit, ac propterea maluit vinculis vitæ religiosæ illigari, quam alteri nubere.

(17) Id est Spalatum profecti, de quibus erat controversia, secum lite contenderent.

(18) Iterum ac sæpius per præconem citati ad curiam archiepiscopalem, ad quam ipsi appellaverant.

(19) Hæc lectori interpretanda relinquimus.

(20) Post secundum judicium secundum Vekenegam factum, induciæ sex mensium illis ad causam coram Archiepiscopo dicendam prorogantur.

(21) Cum nullo modo adduci possent, ut subirent judicium Archiepiscopi, ad quem provocaverant; Andreas Episcopus & Drago Rector civitatis priorem sententiam ita confirmant, ut tamen, Vekenega consentiente, partem dimidiam domus paternæ pupillo attribuant.

(22) Hinc colligi velim jam tum collegium aliquod Canonicorum viguisse in æde cathedrali, cui Majus Archidiaconus dignitate & auctoritate præerat; neque primum sæculo decimo quinto illud a Petro de Matafaris Archiepiscopo institutum fuisse, sed vel restitutum, vel auctum ac reformatum.

Anno itidem 1094. tabulis Jadrensis nomen Andreæ Episcopi adscriptum reperitur: *Anno Domini 1094. imperante Alexio Magna Imperatore, Episcopo Jadræ Andrea, Drago Jadrensis Prior jam senex, in quinto sui Prioratu, post plurima pericula & agones, quæ ab incolis suis, ac diversarum gentium feritate (sustinuit), conciliatis omnibus nobilibus suis, concedit monachis S. Grisogoni omnia illa servitia, quæ in castro Lubicata habuisse manifestum erat &c.* Nec vero Andreas ante initium sæculi proximi sedem episcopalem vacuam successoris reliquit.

## GREGORIUS EP. JADRENSIS XVII.

Hujus initia episcopalia dimoveri nequeunt ab anno 1101. quippe anno hujus sæculi undecimo, annum a suscepto Episcopatu decimum agebat, ut docet inscriptio sepulchralis Vekenegæ Antistitæ cœnobii Mariani, quæ paullo post describetur. Nihil igitur causæ erat, cur Valerius a Ponte Archidiaconus Jadrensis Ughellum reprehenderet, quod Gregorii pontificatum anno 1101. assiderit, cujus exordium ipse in annum quintum hujus sæculi rejiciendum esse existimavit. Anno superioris sæculi 93. Colomanus Ladislavo patruo suo in regnum Hungariæ successit, Almo fratre, quem Ladislavus hereditatem regni instituerat, ultro cedente, cum is maluerit dimittere, quam jus suum retinere fratre adversante, ac civili bello implicari, quod nisi multorum sanguine restingui non potuisset.

Qua-

Quadriennio post Belgradum, ceterasque urbes Chrobatiae praesertim maritimas occupavit, quas Ladislavus intactas reliquerat, cum hic anno 1091. Chrobatiam invasis; & aliquot oppidis mediterraneis captis, necesse habuit exercitum in Hungariam reducere, propter Chunnorum irruptionem. Anno 1102. idem Colomanus Chrobatos, qui ab imperio defecerant, Hungarici exercitus adventu conterritos per voluntariam deditionem in fidem recepit; & Belgradi regalia insignia cum titulo regis Chrobatiae & Dalmatiae sumpsit, exemplo regum Chrobatum, qui finibus regni ad mare prolatis, cum aliquot insulas urbesque maritimas Dalmatiae adepti essent, se reges Chrobatiae atque Dalmatiae nominari, inscribique in omnibus seu publicis, seu privatis monumentis volebant. Belgradi cum esset, cœnobio Mariano virginum Jadrensi regiam libertatem impertiit, qua ejusdem agris & prædiis, intra fines regiae ditionis constitutis, cautum esse voluit; & si quis ex bonis illius cœnobii aliquid surriperet, eum quadrupli condemnavit; idque sancivit hoc diplomate.

Diploma  
Colomani.

Anno Incarn. D. N. J. C. 1102. Ego Colomanus Dei gratia rex Ungariae, Croatiae, atque Dalmatiae, sano habito consilio, postquam coronatus fui Belgradi supra mare in urbe regia, rogatu subscriptorum meorum Comitum, pro charitate Dei & remedio animae meae dono perpetuam pacem, & regiam libertatem monast. S. Mariae monialium, quod situm est in Jadera, ut ibi Deo devotae degentes, servire Deum, & interpellare pro statu mei regni valeant; nam nemo secularibus involutus curis, Deum, ut tanto decet Ordini, contemplare potest. Unde sub istius privilegii scriptione hanc dationem libertatis regiae sic corroboro, ut nullus mei regni audeat quicquam distrabere, vel auferre illi monasterio, tam in mobilibus, quam immobilibus. Si quis vero contumax nostrae regali huic iussioni contraire tentaverit, & aliquid de bonis monasterii usurpaverit, illi ecclesiae quadruplum reddat; usurpator vero cum suis omnibus regali sententia subiaceat; & hoc confirmamus nostra sigillatione istorum Comitum: Procopius Acriensis Episcopus laud., Singidunus Ragusienis Episcopus laud., Isaac Comes laud., Petrus Comes laud., Cladia Comes laud., Saul Comes laud., Amec Comes laud., Thomas Comes laud., Andreas Comes laud., Cosmas Comes laud., Bocan. Comes laud., Dionysius Comes laud.

Dalmatiam  
eripuit Ve-  
netis.

Anno autem 1105. Colomanus, amicitia & societate violata, quam adversus Northmannos cum Venetis pepigerat, dum classis Venetorum abesset, sacrae contra Saracenos expeditionis causa in Palaestinam profecta, Dalmatiam Venetæ ditionis invasis; ac primum Jaderam obsedit, vehementissime diuque oppugnavit, ac demum, S. Joanne Ursino Episcopo Traguriensi conciliatore, æquissimis conditionibus propositis, in deditionem accepit, ut scripsit Auctor vitæ ejusdem S. Joannis, quæ inserta est Tomo IV. Illyrici Sacri in Episcopis Traguriensibus. Gregorius Episcopus cum clero & populo iis, quibus dignum erat, honoribus & obsequiis Colomanum excepit, regiaeque tutelæ ac beneficentiae tum ecclesiam, tum urbem commendavit. Et Colomanus quidem Jadrenses, & quos deinde sub potestatem redegit, Tragurienses, Spalatenes, ceterosque Dalmatiae populos, ut sibi conciliaret, atque in fide & officio retineret, Illyrici Sacri Tom. V.

plurimis maximisque beneficiis atque immunitatibus cumulavit, ut docet Bonfinius Dec. 2. lib. 1. Colomanus recepta Jadera, ceteros paullo post Dalmatas recepit, quos ut majori diuturnioreque beneficio sibi obstringeret, ultro libertate donavit; item urbium templa donariis amplissimis excoluit; ac regii dominatus nihil fere aliud sibi reservavit, nisi jus confirmandi Episcopi, & Comitum, quem ipsi cives pro suo arbitratu elegissent; itemque jus exigendi duas partes portorii, quod singulis rebus, quæcumque ab extraneis inferrentur, impositum erat. Jadrensis deditionis annum 1105. declarat inscriptio incisa in ea turre cœnobii ac templi Mariani virginum Jadrensi, quam Colomanus regio sumptu exstrui, & excitari jussit.

ANNO INCAR. DNI NRI IHV XPI MIL CV  
POST VICTORIAM ET PACIS PRAEMIA  
IADERÆ INTROITUS A DEO CONCESSA  
PROPRIO SUMPTU HANC TVRRIM  
SCÆ MARIE VNGARIÆ DALMACIÆ  
CHROATIÆ CONSTRVI ET ERIGI  
IVSSIT REX COLOMANVS

Idem annus ob triumphalem Colomani in urbem ingressum memorabilis præfixus est in tabulis, quas Vekenega Antistita cœnobii Mariani confecit, ut possessionem cujusdam prædii, quod Cicha ejus mater, cum eidem cœnobio præisset, de Jadrensibus emerat, testimonio venditorum, qui adhuc superstites erant, comprobaret. Tabularum initium est hujusmodi: Anno Incarnationis D. N. Jesu Christi 1105. Indict. 3. (13) Regnante piissimo Colomano Croatiae & Dalmatiae, primo anno, quo triumphaliter Jaderam ingressus est.

Dum Gregorius Ecclesiae Jadrensi præsidebat, Crescentius Metropolitae Spalatenensis Concilium provinciale Jaderam convocavit; sed hujus Concilii annus ignotus, acta deperdita; & memoriam omnem obruisset vetustas, nisi adhuc extaret in archivo Capituli Spalatenensis fragmentum quoddam ex ejusdem Concilii actis decerptum, in quo nominantur Episcopi provinciales, qui cum Crescentio Archiepiscopo interfuerunt, ad quinque omnino, Gregorius Jadrensis, Lupus Arbenensis, Petrus Abslarenensis, Dominicus Veglensis, Joannes Traguriensis; itemque quatuor Cœnobiarchæ, Gregorius Abbas S. Petri de Humai, Duimus S. Stephani Spalatenensis de Pinis, Desa S. Gregorii, & Damianus S. Joannis Baptistæ Traguriensis, Adfuit itidem Theobaldus Præpositus Strigoniensis, fortasse locum tenens, sive legatus Laurentii Archiepiscopi Strigoniensis; ex quo intelligi licet jam tum conari cœpisse Archiepiscopos Strigonienses provinciam Spalatensem in suam potestatem redigere, cum primum Dalmatia juris Hungarici esse cœpit. In eo, quod dixi, fragmento nihil aliud scriptum est, nisi Gregorium Abbatem S. Petri recordationem facere cum Theobaldo Præposito Laurentii Strigoniensis Archiepiscopi, in Synodo Jadrensi, coram Archiepiscopo Crescentio, & Gregorio Jadrensi Episcopo, nec non Lupo Arbenensi Episcopo, atque Petro Abslarenensi, Dominico Veglensi, & Joanne Traguriensi Episcopo, & Duimo Abbate S. Stephani, & Desa S. Gregorii Abbate, & Damiano Traguriensi Abbate, & aliis pluribus, qui ibi interfuerunt. Cetera desiderantur.

Gregorius  
Concilio  
provincia-  
li interfuit,  
quod Cres-  
centius  
Metropo-  
lita Jaderam  
convoca-  
vit.

Anno 1108. cum Colomanus in Dalmatiam venisset, & Jaderæ versaretur, tunc accidisse



Colomanus arbitror, quod narrat Thuuroctius de S. Donato Episcopo Jadrensi, quem Colomanus per quietem videre sibi visus est, seque & verbis & verberibus increpitum deterreri, ne Jadrenses, quibus iratus erat, ullo incommodo molestiave afficeret; idque a nobis breviter expositum fuit in actis ejusdem S. Donati. Colomanus quippe castellum in urbe exstruxerat præditiisque Hungaricis munierat; ut quodam veluti freno injecto, Jadrenses in fide atque officio continerent. Id mirum quantum animos civium a Colomano alienavit. Hoc enim munimento ac præsidio, data Jadrensibus libertas diminui, & contra quam postulabant conditiones, in quas urbis deditio convenerat, quædam civitati servitus imponi videbatur. Nec vero abstinebant, quo minus palam & aperte sui doloris, aversaque ab rege voluntatis indicia ostenderent; quibus usque adeo irritatus est Colomanus, ut, teste Thuuroctio, urbem incendere, & funditus evertere decreverit. Jadertinis auxilio & salutis fuit S. Donatus, qui regis iram compescuit, urbem ab incendio & excidio prohibuit.

Epitaphium  
Vekenegæ  
Antistite  
cœnobii Ma-  
riani.

Gregorius anno 1111. adhuc Ecclesiam Jadrensem regebat, cum Vekenega Antistita cœnobii S. Mariæ ex hac vita decessit, ut docet titulus sepulchralis eidem adscriptus.

*Laude nitens multa, jacet hic Vekenega sepulta,  
Quæ fabricam turris, simul & Capitolia struxit.  
Hæc obit undeno, centum post mille sub ævo,  
Quo veniens Christus carnis gestavit amictum.  
Nos habet, est annus quintus quo Rex Colomanus,  
Præsul & est decimus, quo G. fuit annus*

Ex ultimo versiculo colligi licet annum Christi 1111. fuisse decimum Episcopatus Gregorini. Itaque, ut supra diximus, anno 1101. Gregorius ad Ecclesiam Jadrensem regendam accessit; nec multo post obitum Vekenegæ, ipse quoque ad superos migravit; nam hoc ipso anno undecimo sæculi duodecimi sedem episcopalem obtinebat.

#### MARCUS EP. JADRENSIS XVIII.

Marcus Ep.  
interfuit  
Concilio  
provinciali  
Spalaten.

Hunc Ughellus prætermisit, sed retinendum esse in catalogo Antistitum Jadrensiū monumenta Dalmatica docent. Interfuit quippe anno 1111. Concilio provinciali, de quo in Crescentio Metropolitano, & sub finem Concilii cum aliis Hungariæ & Dalmatiæ Episcopis laudavit approbavitque diploma regium, quo Colomanus privilegia Ecclesiæ Arbenfis confirmavit. *An. Incarn. Dom. 1111. in præsentia suorum Episcoporum & Comitum . . . Marcelli Vacienfis Episcopi . . . Crescentii Archiepiscopi . . . Marci Jadrenfis Episcopi &c.*

Veneti Jaderam recuperant.

Dum Marcus hanc ecclesiam administrabat, Colomanus obiit anno 1114. Stephano filio relicto, quem, cum nondum imperio maturus esset, procerum quorundam fidei ac tutelæ commisit. Tunc Ordelauphus Dux Venetorum, Dalmatiæ recuperandæ occasione oblata, anno tertio decimo sui Ducatus, æræ vulgaris decimo quinto supra millesimum & centesimum, ingenti classe transvectus, primum insulas ultro in fidem redeuntis recepit, deinde Jadrenses obfidione cinxit terra marique, ac vehementer oppugnare instituit. Hungarorum præsidium fame coactum fuisse urbem excedere auctor est Bonfinius. Hungaris autem abeuntibus dedecio facta est, & Veneti magna civium voluntate admissi; sed castellum, quod inædificaverat Co-

lomanus, Hungari retinuerunt. Hoc quoque anno sequenti hostibus ademptum est, itemque reliqua fere omnis Dalmatia. Sed anno proximo Veneti cum Hungaris adverso Marte dimicarunt. Ordelauphus in acie periit; Veneti cæsi fugatique; Jadera tamen retenta est. Hæc Andreas Dandulus. Et quamvis anno 1124. Stephanus II. rex Hungariæ ceteras fere omnes Dalmatiæ urbes Venetis eripuerit, dum classis Venetorum aberat, & contra Saracenos in Syria rem prospere gerebat; Jadera tamen in Venetorum fide ac potestate permansit. His temporibus Marcus Episcopus e vita decessit.

#### MICHA, seu MICHAEL, EP. JADR. XIX.

Erat filius Calopræstantii, cujus initium Ferdinandus Ughellus & Valerius a Ponte conferunt in annum 1124. Cum conductores quorundam prædiorum S. Chrysogoni neque vellent annuam pensionem solvere, & ipsorum prædiorum dominium usurpare ad seque transferre conarentur; Andreas Cœnobiarcha eos in judicium vocari, citarique ad Michaellem Episcopum curavit, qui secundum Abbatem sententiam dixit; & ab illis, quibus ea prædia locata erant, de fructibus inde perceptis quartam partem singulis annis persolvi monachis iussit, idque publicis tabulis mandari, quæ sunt hujusmodi: *Post multorum vero annorum curricula, quidam maligno consilio jam sæpe dista territoria invadere cupiebant, & antiquas traditiones irrumpere volentes de vineis, quæ ibi ex consensu monachorum plantatæ fuerant, & de olivetis, vel de pomis nihil dare volebant. Tunc ego Andreas Abbas, qui illo tempore eidem monasterio præeram, una cum omni congregatione Fratrum vocavimus Michaellem Episcopum in Capitulum S. Grisogoni, & habuimus cum eis certamen, & ingens luctamen verborum, & Dei gratia convicimus eos. Tunc Episcopus cum Judicibus adjudicavit eos, ut de omni re, quæ nasceretur in terra S. Grisogoni, quartam partem darent, de vino, de oleo, de pomis; & isti sunt testes, qui ibi fuere, Majus Zambura testis &c.*

Per ea tempora non exiguum terrarum & jurisdictionis incrementum ecclesiæ pariter, urbi que Jadrensi accessit. Dominicus Michael Dux Venetorum, re Syriaca bene gesta, & post multas insulas urbisque Græcis, sibi & sacræ expeditioni infestis, ademptas, classem Venetias revertisit anno 1125. In regressu civitates maritimas Dalmatiæ, pulsas Hungaris, recepit. Belgradum vero, quod cives illi, Hungarorum auxiliis confisi, resistere ausi fuissent, ac præsertim quod piraticis lembis tum Jadertinos, tum Adriaticam navigationem infestarent, vi cepit ac funditus evertit. Hæc Dandulus. Palmaniam aliasque insulas, quæ ad jus, ditionemque Belgradensium, itemque partem territorii Belgradensis, quæ in occasum spectabat, urbi & Ecclesiæ Jadertinae concessit. Tunc Episcopus Jadrensis, qui, ut docet Archidiaconus, non magnam habebat parochiam propter viciniam Nonensis, & Belgradensis Episcopatum, fines suæ diocæseos ab ortu & meridie, terra marique amplificavit. Civitas quoque incolis aucta est; nam e Belgradensibus hac illac fuga dispersis, sane multi Jaderam se contulerunt. Sedes episcopalis Belgrado translata est Scardonam; Virgines Benedictinas Belgradenses S. Thomæ profugas, cœnobiū Marianum Virginum Belgradensium ejusdem

Civitas & Ecclesiæ Jadrensis jurisdictione & insulis aucta.

dem ordinis recepit. *Dux in Jadra*, ut ait Dandulus, a Clero & populo tamquam suus verus Dominus receptus, tum insulis illis, quas dixi, opipidisque urbem & ecclesiam donavit, tum vero Michaeli Episcopo templum SS. Cosmæ ac Damiani, in angulo insulæ Palmaniz ad orientem positum, (Icon vulgo dicitur) & loco præalto incumbens attribuit. Cœnobio Benedictino S. Joannis Evangelistæ pariter cum urbe diruto, monachi vagi ac dispersi, quo se recipebant, locum nullum inveniabant. Michael igitur rogatu cleri populique Jadertini, itemque Belgradensium exulorum, ecclesiam illam SS. Cosmæ ac Damiani incolendam ac possidendam tradidit Joanni Cœnobiarchæ S. Joannis Evangelistæ, ejusque monachis, qui ad insulam Palmaniam se transtulerunt; ibique apud ecclesiam illam, laxatis ædibus auctisque, sedem ac domicilium collocarunt. Exinde posthabito antiquo titulo S. Joannis Evangelistæ, hoc novum cœnobiolum ab SS. Cosmæ & Damiano cognominari cœpit, quem titulum etiamnum retinet, habitaturque a paucis monachis Benedictinis; subest vero Abbati extraneo, quem Commendatarium vocant. Extant tabulæ donationis, sed multis mendis inquinatæ, quas Michael Episcopus confici jussit in hæc verba.

Tabulæ  
donationis  
templi SS.  
Cosmæ &  
Damiani  
monachis  
Belgraden-  
sibus.

*Almificæ Incarn. J. X., nostræque reparationis anno Domini millesimo CXXIX. abeunte. Indictione VI. elabente. Ego M. divina favente clementia, alma Anastasiæ cathedra præsulante, notum facio tam præsentibus, quam remotis, stabile privilegium libertatis ecclesiæ SS. Cosmæ & Damiani, quam ecclesiam post reversionem Romanæ, desolationemque civitatum, Dux Venetiarum mihi concessit habere; qua de re maxima collectio clericorum, ac laicorum unanimes venerunt ad me, ut ego concederem sibi præfatam ecclesiam, quam Deo illustrante, favorabili voluntate, vel precamine istorum condonavi Abbati Joanni, suisque fratribus ecclesiam M. frui divinis officiis, pro ablutione suorum facinorum, vel suorum commissorum: quod si aliquis prociac temere hoc meum exaratum corrumpere temptaverit, habeat maledictionem Dei, & trecentorum decem & octo Patrum, nec non & meam . . . ab omnibus bonis in futuro particeps sit cum Juda proditore. Hujus rei testes Micha, Cotona, Michade Starecca, Michael de Panza, Guzilla, Domazza. Ego Madius Unula S. Michaelis hanc scedulam scripsi, & hujus rei testis sum.*

Dum Michael huic ecclesiæ præsidebat, Hungari Bela II. regnante, anno circiter 1133., Dalmatiam omnem Venetis eripuerunt, præter Jaderam, quæ cum insulis in fide Venetorum permansit, ut docet Andreas Dandulus in Dominico Mauroceno Duce: Cum Spalatum, Tragurium, Sibenicum, & plura alia loca Croatia, Hungarica rabies occupasset, Jadra cum insularum urbibus sub ducali protectione manentibus &c.

Michael  
Ecclesiam  
Jadrensem  
subduxit  
jurisdictioni  
metropoli-  
tis Spala-  
tensis.

Post discessum, seu potius desperatam fugam Manassis Metropolitæ Spalatensis, qui urbis, ac libertatis Spalatensium prodicionem moliebatur, de qua dictum est in historia Antistitum Spalatensium; interregnum metropoliticum tenuit ab anno fere decimo quinto hujus sæculi usque ad annum tricesimum quintum. Interea Michaellem Episcopum suæ dignitatis augendæ, & sedis episcopalis Jadertinæ cum sede metropolitana Spalatensi commutandæ cupido incessit. Hujus adipiscendæ causâ quas artes adhibuerit, quæ consilia clandestina, quæque conventiones

inierit cum Dabrone Archidiacono Spalatensi, ad quem tum, cum metropolis illa suo Antistite careret, summa rerum ecclesiasticarum pertinebat, Thomas Archidiaconus cap. 19. his verbis exposuit: *Eo itaque tempore Micha Episcopus Calopræstantii filius præerat Ecclesiæ Jad. Huic promittebat Dabro Archidiaconus Archiepiscopatum Ecclesiæ Spalatensis. Quamobrem multa donaria, & xenia consequabatur ab eo; sed quod ei de pontificatu Spalatino promiserat, nolebat ducere ad effectum. Tunc instante Episcopo, promisit Archidiaconus, talique ipsum calliditate decepit; statuit namque diem, qua Spalatum veniens Missam cantaret, admonitionem faceret, ne tanto tempore sinerent suam ecclesiam pastore viduatam manere; & inter hæc verba pollicitus est Archidiaconus primam se vocem electionis de persona Episcopi emissurum. Quid plura? Venit Episcopus, Missam cecinit, admonitionem fecit; sed is, qui se in ipsius electionem proclamaturum promiserat, nihil dixit. Videns autem Episcopus ab Archidiacono sibi fore delusum, vehementer indignatus recessit, proponens debitam subjectionem Spalatina metropoli subtrahere, & ab ipsius subjectione se omnino eximere.*

Michael igitur iniquo animo ferens se fraudulentis Archidiaconi promissis deceptum esse, incredibili dolore & iracundia exarsit; cumque spe omni Archiepiscopatus Spalatensis potundi se dejectum videret; fidei atque obedientiæ vinculum, quo metropoli Spalatensi obstrictus erat, palam aperteque dissolvit, ejusdem potestati se subduxit, omni ope atque opera eniti cœpit, ut sibi & Ecclesiæ Jadertinæ jus titulumque metropoliticum acquireret. An etiam sibi arrogaverit nomen Archiepiscopi mihi non est compertum, cum nulla sint monumenta, in quibus hoc titulo insignitus appareat: certe & approbatione Romani Pontificis, & pallio, ceterisque insignibus archiepiscopalibus caruit. Nullum autem debitæ subjectionis atque obedientiæ officium præstitit Gaudio Metropolitæ Spalatensi, qui anno 1136. ad sedem archiepiscopalem electus, diuturno interregno finem attulit. Denique cum in eo proposito susceptoque consilio permaneret, ut Ecclesiam suam ab jurisdictione Metropolitæ Spalatensis divelleret; talia meditantem & conantem mors oppressit anno 1137. vel sequenti.

#### PETRUS II. EP. JADRENSIS XX.

Hic anno 1138. non solum in sedem episcopalem Michaeli, sed etiam in ejus sensu, cogitata, conatusque successit, ut docet Archidiaconus loco supra laudato: *Defuncto tamen Micha Episcopo, successit alter in Ecclesia Jadrensi, qui decessoris sui sequens vestigia inobediens Spalatina Ecclesiæ permansit. Itaque decessoris exemplis insilens, neque Metropolitæ suo obedientiam præstare voluit, & eodem ambitionis æstu percitus, metropolitica dignitatem affectavit; quam cum sine auctoritate Sedis Apostolicæ obtinere non posset, tamen titulum inanem Archiepiscopi assumpsit; siquidem in tabulis Jadrensis anni 1138. apud Lucium Petrus Archiepiscopus nominatur. Tantum vero abest, ut tituli assumpti approbationem, aut pallium a Sede Apostolica impetrare potuerit; ut Innocentius II. in suis ad Gaudium Archiep. Spalatensem litteris, Laterani datis anno 1138. vel proxime sequenti, quamvis nominatim Petri per-*

Petrus II.  
Ep. Jadren.  
impertum  
Metropoli-  
tis Spala-  
tensis abnu-  
& Archie-  
piscopi titu-  
lum sum-  
puit.

perviciam non perstringat, generatim tamen jubet omnes Episcopos Dalmatiae, id est inferioris, seu provinciae Spalatensis, suo Metropolitae obediētes ac subiectos esse; & vocatos Spalatium convenire ad Synodum provincialem, quam extra Ecclesiam metropolitanam celebrari vetat, siquidem Gaudius in suis ad Innocentium litteris questus fuerat de Jadrensi Episcopo, & de tribus insularibus Episcopis, quos Petrus ad defectionem a metropoli Spalatensi sollicitabat, ut ad novam, quam instituere moliebatur, metropolim adungeret. Particulam extremam epistolae pontificiae huic loco intexere visum est: *Præterea Episcopos per Dalmatiam constitutos, quibus Salona tempore suo rutilando utebatur, Sancta Spalatina Ecclesia, ubi corpus S. Domnii discipuli B. Petri requiescit, cum omni reverentia obedire sancimus; quem unum totius Dalmatiae Metropolitanum in Salonitana Ecclesia fore scimus, juxta quod in decretis nostris comperimus. Item quia per vestras litteras conqueſti estis de Suffraganeis recusantibus venire ad Concilium Sanctae Salonitanae Ecclesiae Metropolitanae; nos ita statuimus, ut in Dalmatia nullo alio loco Synodus præter in vestra Metropolitana Ecclesia celebretur, & ibidem omnes Suffraganei præfata Ecclesiae Salonitanae more solito consecrentur.* Habes integram epistolam in Gaudio Archiep. Spalatensis. cap. 1. §. 1.

Nec vero epistola & auctoritas pontificia ambitionem Petri conatumque compreſſit. Titulum *Archiepiſci*, quoad vixit, pertinaciter retinuit; sed altero aut tertio anno, quam illum susceperat, una cum vita deposuit. Nec solum, quam appetebat, dignitate caruit, sed etiam episcopalis consecrationis expertus videtur fuisse. Cum enim a suo Metropolitae, ut Pontifex in suis ad Gaudium litteris jubebat, accipere noluisse, neminem invenit, qui maris eidem imponere, & pontificalem consecrationem imperitare auderet.

#### LAMPRIIDIUS EP. JADRENSIS XXI.

Filius Marichnae, ut docet Archidiaconus, ex nobili familia Jaderina de Gallis, sive Gal-  
leis, ut Chronologi Veneti, alique Scriptores tradunt. Duos habuit e clero Jadrensi competitors, Petrum Camasii, & Martinum Manzavini filios; suos quique fautores & patronos habebat, quorum gratia, auctoritate, ac praesidio ad sedem episcopalem adipiscendam nitebantur. Tunc erat Rector civitatis Petrana, qui sub dominio supremo Venetorum praeturae urbis gerebat. Hic patrocinium Lampridii suscepit; & cum apud omnes imperio, dignitate, favore populari plurimum posset, facile obtinuit, ut cleri populique suffragia, vel omnia, vel pleraque in unum Lampridium confluerent. Interea, ut scripsit Archidiaconus, vacante Ecclesia Jadrensi, tres ejusdem Ecclesiae clerici ad pontificatus honorem certatim aspirabant, videlicet Lampridius Marichnae, Petrus Camasii, & Martinus Manzavini. Comes vero civitatis eo tempore erat Petrana. Hic cepit fovere partes Lampridii, eo quod nec ipse per se superbus, nec erat de superbo genere procreatus. Tunc Lampridius iste Jadrensis Episcopus est effectus.

Lampridius  
jus ac ti-  
tulum me-  
tropolitici  
cum asse-  
dit.

Ergo Lampridius Episcopatum Jaderinum adeptus anno circiter 1141. nihil prius sibi conandum & efficiendum censuit, quam ut quod decessores sui saepe & frustra conati fuerant, sibi

& ecclesiae suae jus ac titulum metropoliticum adipisceretur: id quod nihilo ipse studiosius, ac vehementius, quam Jadrenses expetebant. Ea tempestate Jadera sub dominio Venetorum in maximas opes creverat, & numero ædificiorum, frequentia incolarum, multitudine navigiorum, negotiatione maritima, territorii amplitudine, divitiarum copia, ceteris Dalmatiae civitatibus facile praestabat; praesertim postquam Dominicus Michael Dux Venetorum, Belgrado everſo, insulas omnes Belgradenses, itemque partem haud exiguam Belgradensis agri Jaderinis donaverat. Urbis dignitas atque opulentia Episcopum & cives mirum quantum extulerat; tantoque illis spiritus attulit, ut ecclesia atque urbe sua indignum putarent subesse Metropolitaenae Spalatensi; neque aliter utriusque dignitatem tueri se posse crederent, nisi in Hierarchia ecclesiastica ceteris ecclesiis & civitatibus episcopalibus praelata, ad gradum ac dignitatem metropoliticae eveheretur. Quae Joannes Lucius in hanc sententiam commentatus est lib. 3. cap. xi. huc transcribenda censeo: *Quoties relata bella inter Ungaros & Venetos recrudescabant, eo magis Croati insulas & littora continentis deserere cogebantur; quarum maxima pars Jadrenſium commodo cessit, qui Croatorum molestiis liberati, navigationem quietam naſci, ex ſitu opportunitate, opes populumque auxerunt, ceteraque Dalmatiae civitates praecellere ceperunt; & deſtructo Belgrado, ex insularum ejusdem donatione a Dominico Michael Duce Venetiarum facta eidem Episcopo Michaeli, de quo Archidiaconus, ut supra relatum est, jurisdictio Episcopi Jadrenſis, & redditus ampliati fuerunt; tunc Episcopum spiritus elatioris sumpsisse, & occasione oblata Archiepiscopatum Spalatensem consequi tentasse; speque deluſum, obedientiam primo denegasse, mox exemptionem procurasse dicendum est: cum autem hac Michael inobedientia eo tempore inciderit, quo Innocentius II. ob schisma Anacleti in Gallias proficisci coactus fuit, quod ab anno 1130. usque ad 1138. perduravit; ideo nil mirum, si ejus successor non solum inobediens perseveravit, ut Archidiaconus refert, sed etiam Petrus Archiepiscopus 1138. dictus reperiatur; eodemque tempore Gaudius Spalatensis Archiepiscopus pallium ab Archiepiscopo Strigonien. sumere praesumpserit, qui sicuti graciosus satis apud reges Ungariae, quippe elatus homo eorum curias frequentabat, ut Archidiaconus refert, ita Bela rege petente ab Innocentio in sede restituto pallium recepit, ut in ejusdem Innocentii epistola refertur: ex qua apparet reluctatio aliquorum Dalmatiae Episcoporum veniendi ad Synodum Salonitanam, sive Spalatensem, quod de Petro Michaeli successore, qui se pro Archiepiscopo Jadrenſi gerebat, & de tribus occidentalibus Episcopis, quos sibi in Suffraganeos destinarat, inobedientes Spalatinae Ecclesiae permansisse cum Archidiacono intelligendum est; sed persistente hac contumacia, cum Spalatium in Ungarorum potestatem devenisset, Veneros tunc profectionem Lampridii successoris Petri suscepisse; & ut Archiepiscopus a Summo Pontifice confirmaretur, & illis civitatibus, quae ipsi parebant, praesesset, obtinuisse Dandulus refert. Lampridius, inquit, Jadera Episcopus Ducis praesidio, ab Anastasio Papa, ut Jadrenſis Ecclesia metropolis & palliata de cetero foret, privilegium obtinuit; illique insularum cathedrales ecclesias Romanae Ecclesiae obediētes, subjecit.*

A R-

## ARCHIEPISCOPI JADRENSES.

Idem LAMPRIDIUS

Archiepiscopus Jaderensis I.

Ius metropolitico  
interpolitis  
precibus  
Ducis Venetiarum,

**L**ampridio igitur & Jaderensibus plurimum profuit commendatio Ducis Venetorum, qui suas preces apud Pontificem interposuit, & id quod cupiebant, illis impetravit, ut Jaderensium animos sibi magis obstringeret, eorumque fidem hoc beneficio devinctam teneret; præsertim cum præter Jaderam & insulas Sinus Flanatici, reliqua omnia sub imperium Hungarorum rediissent: Venetæ autem Reipublicæ intererat tum Jaderensem, tum insulares Episcopos, jurisdictione ac potestate Archiepiscopi Spalatensis eximere, ne Venetis Episcopis ullius rei commercium esset cum Episcopis Hungaricæ ditionis; hoc enim sublato, facilius illi in fide ac potestate Venetorum retineri posse videbantur. Ab Anastasio IV. id honoris & potestatis Ecclesiæ & Episcopo Jaderenti collatum fuisse tradunt Thomas Archidiaconus, & Andreas Dandulus; uterque fallitur, & Ferdinandum Ughellum fefellit, qui utriusque testimonio nixus institutionem Metropolis Jaderitinæ in annum 1154. & secundum pontificatus Anastasiani annum conjecit. Lampridius siquidem anno 1146. jam adeptus erat nomen ac dignitatem Archiepiscopi, ut apparet ex tabulis cœnobii SS. Cosmæ ac Damiani apud insulam Palmaniam: Anno 1146. *Indict. nona, tempore Petri Polani Ducis Ven. & Lampridii Jaderensis Archiepiscopi, & Petri Comititis &c.* Notæ chronologicæ inter se optime congruunt, sed pontificatum Anastasii antecedunt, qui anno 1153. in cathedram Romanam Eugenio III. successit; hujus autem annus secundus utroque illo caractere chronologico, in tabulis modo laudatis expresso, insignitus est; quippe ab anno 1145. usque ad an. 1153. Ecclesiæ præfuit.

Itaque anno 1146. vel superiori, decreto & auctoritate Eugenii III. Pontificis Maximi, Ecclesia Jaderitina ex jurisdictione metropolis Spalatensis exempta fuit; & jure ac titulo metropolitico aucta & ornata, tres insulares Episcopatus Venetæ ditionis, Arbensem, Vegliensem, Auxerensem sibi subiectos obtinuit; Lampridius vero nomen Metropolitæ cum pallio ex urbe accepto rite ac legitime suscepit. Sub idem tempus Petrana Comes Jaderæ, cujus potissimum favore Lampridius sedem Jaderensem obtinuerat, ut dignitatem metropolitica eadem collatam potestate & jurisdictione auget, novum Episcopatum instituendum curavit, quem ad tres illos Episcopatus Ecclesiæ Jaderitinæ attributos adjungeret. Duas insulas Phariam & Bractiam, quæ pertinebant ad diocœsim Spalatensem, auxiliis Venetorum adjutus, Hungaris ademeral, ut docet Archidiaconus cap. xx. Comes prædictus (Petrana) cum Venetis earundem insularum (Phariæ & Bractiæ) dominium occupaverat. Auctor fuit populis utriusque insulæ, quos jampridem Episcopi proprii, a quo regerentur, eligendi habendique cupiditas inceserat, ut expulso Cernata Archipresbytero, Martinum filium Manzavini, qui ob Petranæ favorem Lampridio præstitum, se ab Episcopatu Jaderensi re-

pulsus fuisse acerbissimo animo ferebat, sibi in Episcopum eligerent; hoc beneficio sibi conciliatum & obstrictum facile adduci posse sperabat, ut suæ voluntati obsequeretur, & novo Metropolitæ Jaderensi se suamque ecclesiam subjiceret. Sed sua illum spes fefellit. Nam Martinus Episcopatum Phariensem & Bractiensem opera & patrocinio Petranæ adeptus, posthabito utroque Metropoli Jaderitino & Spalatensi, consecrationem episcopalem ab Ragusino Archiepiscopo petiit, & accepit; deinde multæ & graves de hujusmodi recentij Episcopatu contentiones Jaderitino cum Spalatensi Metropoli fuerunt; demum sedes hæc episcopalis adjuncta est metropoli & provinciæ Spalatensi. Huc revocæ quæ dicta sunt in Episcopis Phariensibus.

Annos fere octo Lampridius in regenda nova metropoli prosperum sine ulla offensione ac perturbatione cursum tenuerat, neque minorem apud Venetos, quam apud Jaderinos existimationem & benevolentiam sibi conciliaverat; cum tranquillum civitatis & ecclesiæ statum exorta, unde minime oportuerat, Jaderensium a Venetis defectio perturbavit. Venetæ dignitatem Patriarchæ sui Gradenfis & jurisdictionem, quibuscumque possent rebus ac privilegiis amplificare mirum in modum cupiebant. Itaque cum alia multa decora & ornamenta eidem a Sede Apostolica conferenda curassent, tum vero jus imperiumque Primatis in Jaderitinam metropolin ab Adriano IV. impetrarunt. Hic quoque Archidiaconus erravit, dum scripsit cap. xx. *Lampridium sub Patriarcha Gradenfi pallium obtinuisse ab Anastasio Papa anno 1145.* Tria simul conjunxit, quæ inter se discrepant: annum 1145. cum pontificatu Anastasii IV. qui regimen universalis Ecclesiæ suscepit anno 1153. & cum eodem Anastasio tum pallium Lampridio traditum, tum etiam Primatum Jaderitinum Patriarchæ Gradenfi collatum; neutrum præstitit Anastasius. Eugenius III. ut dictum est, anno 1145. Ecclesiam Jaderensem jure metropolitico, Lampridium pallio donavit. Adrianus vero IV. successor Anastasii an. 1155. Metropolim & Archiepiscopum Jaderensem Henrico Dandulo Patriarchæ Gradenfi subjecit. Extat epistola Adriani inscripta Henrico Gradenfi Patriarchæ, ejusque successoribus canonice substituendis in perpetuum; data Romæ apud S. Petrum per manum Rolandi S. R. E. Presb. Card. 8. Kal. Martii, *Indict. III. Incarn. Dom. an. MCLIV. Pontificatus vero Adriani Papæ IV. an. 1.* Ex notis chronologicis, quibus designatur an. *Incarn. Dom.*, jota penultimum eximi oportet, ac substitui an. MCLV. quo cum cohæret *Indictio III.* & annus primus Adriani Pontificis. Subjicio particulam ex hac epistola pontificia decerptam, quæ ad rem nostram pertinet: *Inde est, quod nos honestatem ac prudentiam tuam, & devotioris sinceritatem, quam erga S. Romanam Ecclesiam semper habere dignosceris, attendentes, & ne commissa regimini & dispositioni tuæ Gradenfis Ecclesia, quæ de benignitate Sedis Apostolicæ prærogativa gaudet honoris, ex brevitate Patriarchatum, inferius & abjectius valeat apud simpliciores haberi, ad ampliandam dignitatem ipsius, primatum ei supra Jaderitinum Archiepiscopatum, & Episcopatus ipsius, apostolica auctoritate concedimus, & tam te, quam successores tuos Jaderitino Archiepiscopo consecrationis munus imperiri; Romano quidem Pontifici traditione pallii reservata &c.*

Jaderitinam metropolim Patriarchæ Gradenfi non Anastasius IV. sed Adrianus V. subjecit.

non ab Anastasio IV. sed ab Eugenio III. obtinuit Lampridius.

Instituto Episcopatus Phariensis.

Idem

Idem Pontifex eodem die ac loco ad Lampridium & Episcopos eidem subiectos scripsit in hanc sententiam: Patriarcham Gradensem ab se constitutum esse Primatem Jaderinæ provincie ac metropolis. Meminerint ergo se illi subditos esse, eundemque iis, quæ Primati debentur, honoris atque obedientiæ officiis colere ac revereri.

Epistola  
Adriani ad  
Lampridius.

Adrianus Episcopus servus servorum Dei Venerabili Fratri Lampridio Jaderino Archiepiscopo, ejusque suffraganeis Episcopis salutem & apostolicam benedictionem. Quoniam Sacrosancta Romana Ecclesia universarum ecclesiarum caput & mater est, vel remotione obsistente terrarum, vel multiplicitate impediende negotiorum, quarundam ecclesiarum necessitatibus non tam facile potest, ut oportet, aliquando consulere; ideo aliarum ecclesiarum, quæ ampliorem curam illis impenderent, super eas institutos, & discretos, tum providos viros in partem suæ sollicitudinis consuevit evocare. Hujus itaque rei nos consideratione inducti, tum quia dignitatem Gradenfis Ecclesiæ dignum duximus ampliare; tum quia utile vobis, & temporaliter, & spiritualiter esse prospeximus, habere prope vos a quo & in dubiis magisterium, & in necessitatibus solatium recipere valeatis; Venerabilem Fratrem nostrum Henricum Gradensem Patriarcham, Primatem vestrum duximus statuendum, & Gradenfis Ecclesiæ dignitatem primatus, ecclesiis vestris declaravimus de cetero præsidere. Ea propter per præsentia vobis scripta mandamus, quatenus eundem Patriarcham amodo Primatem vestrum humiliter habeatis; & sicut Primati vestro, exhibeatis ei obedientiam, & honorem; ad magnum quidem profectum vestrum, annuente Domino, pertinebit, si doctrinam ejus devoto animo receperitis; & quod salubriter ipse præceperit, prosecutione operis studueritis adimplere. Datum Romæ apud S. Petrum 8. Kal. Maji, Pontificatus nostri anno primo.

Lampridius  
& Jaderini  
moleste  
ferunt se  
subiectos  
esse  
Patriarchæ  
Gradenfi.

Incredibile dictu est quam moleste tulcrint Lampridius & Jaderini Ecclesiam suam in ditionem redigi Patriarchæ Gradenfis: id quod eorum animos a Venetis alienavit, & ab imperio Venetorum sapius deficiendi initium & causam præbuit. Non ignorabant Venetorum apud Sedem Apostolicam gratiæ operæque tribuendum esse, tum quod metropolitica dignitatem adepti fuisset, tum quod Patriarchæ Gradenfi subderetur Ecclesia Jaderina; sed hoc magis despiciatui, quam illud honori sibi ducebant; & plus eos dolor hujusmodi subjectionis, quam illius beneficii gratia valebat. Illud siquidem ad decus ac splendorem suæ metropolis pertinere putabant, addique cupiebant, ut, secluso quocumque alio intermedio seu Patriarcha seu Primati, uni Romano Pontifici subesset, ex ejus arbitrio solum penderet, ab eoque uno mandata & leges acciperet. Itaque Lampridium Romanam miserunt, qui suam & ecclesiæ suæ causam per se iple ageret; oraret atque obsecraret Pontificem, ut vellet juberetque metropolim Jaderinam nullius, præterquam Sedis Apostolicæ, imperio ac potestati subiectam esse. Adrianus quod Venetorum gratia decreverat, revocare noluit; & Lampridius, suadente, vel jubente Pontifice, in augustissimo Cardinalium conventu pollicitus est se loco Primatis habiturum Henricum Patriarcham Gradensem, ejusque successores; neque commissurum, ut sua erga illum observantia & obedientia desiderari posset, quem admodum testatur idem Pontifex in suis li-

teris ad Episcopos, Ducem, & universum populum Venetiarum, datis Laterani Idibus Julii anno 3. Pontif. id est anno Christi 1157. Ad hæc discretionem vestram, præsentium significatione volumus innotescere, quod frater noster Jaderensis Episcopus in nostra, & fratrum nostrorum præsentia, memorato fratri nostro Patriarchæ, ejusque successoribus obedientiam, tamquam Primati suo, spontanea voluntate promissit, & nos promissionem ipsam in publicum fecimus redigi instrumentum.

Lampridius Jaderam reversus cives omnes reperit, uti eos reliquerat, plane obfirmatos in proposito susceptoque consilio abnuendi Patriarchæ Gradenfis; a quo cum nulla ratione deduci possent, satius esse duxit tempori cedere, seque ad illorum voluntatem accommodare, quam in odium offensionemque totius civitatis incurere. Igitur neque subjectionis profitendæ causa Patriarcham Gradensem adiit, neque ullem obedientiæ ac submissionis officium eidem præstitit. At Veneti ne Jaderensium animos exacerbarent, neve occasionem rerum novandarum præberent, prudentia ac dissimulatione utendum esse censuerunt; nec vehementius eos cogendos putarunt, ut se Patriarchæ Jaderensi submitterent; præsertim cum Hungari finitimi reliquam omnem Dalmatiam possiderent, ad quorum auxilium & imperium Jaderini confugere potuissent.

Cum Spalatenses legem tulissent, ne quis in posterum partem ullam, possessionemve bonorum suorum ecclesiis aut donarent, aut venderent, aut testamento legarent; Alexander Papa III. an. circiter 1160. Lampridio Archiepiscopo per litteras imperavit, ut Rectori, Consilio, Communi Spalatensium denunciaret extemplo eis pontificia auctoritate anathema inflictum, & civitatem interdicto suppositum iri, nisi legem illam ecclesiasticæ libertati atque immunitati injuriosam abrogarent, ac rescinderent. Hanc epistolam pontificiam v. Idus Junii, & reliqua, quæ ad eam pertinent, habes in Absalone Archiepiscopo Spalatensi.

Petrus VI. Archiepiscopus Spalatensis de multis molestiis, quibus afflictabatur, ac præsertim de præpotentium quorundam insectationibus conquestus est apud Alexandrum III. ab eoque petiit ut dignitatem Ecclesiæ Spalatensis sibi commendatam haberet, a cujus metropolitica potestate Jaderensem cum tribus aliis Ecclesiis divulsam vehementer dolebat. Pontifex litteris ad eum redditis Anagninæ 111. Nonas Majas anno 1166. quas in eodem Petro descripsimus, amicitissimis verbis hominem solatus, molestias & injurias eidem illatas perinde dolet, ac si illatæ sibi essent; jubet bono animo esse, spemque omnem in Deo ponere ac desigere. Ad Jaderinam Ecclesiam quod attinet, se nihil novi decreturum, quod metropolis Spalatensis dignitati, utilitatique officiat; quibus verbis ostendit nolle se, nec debere jus metropoliticum a suis decessoribus Ecclesiæ Jaderinæ collatum abrogare: Nos, inquit, de Jaderensi Ecclesia nihil citra justitiam & honorem Ecclesiæ Spalatensis de novo, auctore Deo, statuimus, aut statuimus.

Postquam Lampridius anno 1157. Roma redierat, per aliquot annos ecclesiam suam tranquille placideque gubernavit; & quamvis imperium ac potestatem Patriarchæ Gradenfis constanter abnueret, nihil tamen molestiæ aut illi, aut Jaderensibus exhibitum invenio. Verum haud mul-

Jubetur  
Lampridius ab  
Alexandro  
III. denunciare  
Spalatensibus  
ut legem  
perniciosa  
ecclesiæ  
rescindant.

Idem Pontifex noluit revocare jus metropoliticum Ecclesiæ Jaderinæ concessum.

Jaderenses a Venetis deficiunt, & regimen civitatis Lampridio deferunt.

tis



tis post annis rursus Archiepiscopus & Jadrenses urgeri cœperunt, ut quod Pontifex Romanus decreverat, Patriarcham Gradensem, tamquam Primatem suum agnoscerent, colerentque. Porro Jadrenses veriti, ne sub Venetorum imperio dum manerent, vi ac necessitate cogerentur ecclesiam suam eidem Patriarchæ subicere; Dominico Mauroceno Comite, seu prætore civitatis expulso, se atque urbem in libertatem vindicarunt. Præturam vero, sive civitatis administrationem, a civibus sibi delatam Lamprius suscepit. Id tradunt apud Joannem Lucium Veneti Chronologi: *Tempore dicti Ducis (Vitalis Michaelis II.) quidam Archiepiscopus de Gallis Jadrensis dominatum civitatis invadere pene, ac retinere ausus est; cum Præfectus & Rector electus fuisset a civibus. Etiam hoc tempore Jadra, quæ sæpe deficiebat, pulso Mauroceno Comite suo, tertio defecit; videns dictus Dominicus Jadram defecisse, statim venit Venetias, & retulit Jadram se tradidisse Archiepiscopo Jadra de Gallis. Idem confirmat Andreas Dandulus; sed Jadram tunc traditam fuisse ait in fidem ac potestatem Hungarorum, id est Geysæ II. regis Hungariæ, sub cujus imperio erat, præter Jaderam & insulas, reliqua omnis Dalmatia: Jaderini igitur subjectionem sui Archiepiscopatus Patriarchæ Gradenfi molestam habentes, nunc tertio rebelles Ducis effecti, Dominicum Mauroceno defuncti Ducis natum, eorum Comitem expulerunt; & regis vexilla erigentes, se ejus dominio tradiderunt. Dux illico xxx. galeis armatis Jaderam properat, quam ab Hungaris munitam inveniens, dum obtinere nequiret, Venetias remeavit. Sed anno sequenti idem Dux classem longe majorem apparavit, eique imperatorem præposuit Dominicum Maurocenum, qui Jaderam terra marique obsessam, vehementerque oppugnatam vi cepit, aut Hungaris abeuntibus ad deditionem compulsi, ut Dandulus docet, & Jadrenses Hungarico præsidio destitutos ad fidem atque obsequium revocavit. Dominicus Maurocenus ducentos e primaria nobilitate obfides accepit, sumptoque supplicio de præcipuis seditionis auctoribus, ut tradunt alii Venetorum Chronologi, Venetias perduxit. Deinde Jaderam rediens regimen civitatis recepit, quod retinuit usque ad annum 1180. ut Jadrenses tabulæ testantur. Hanc secundam expeditionem contra Jaderinos susceptam Dandulus affixit anno decimo quinto Vitalis Michaelis Ducis Venetorum, qui cum anno 1156. principatum inierit, ejus imperii annus decimus quintus coheret cum anno Christi 1171. sed eam ad superiores annos revocari jubent tabulæ Jadrenses, e quibus satis certo colligitur Dominicum Maurocenum anno 1167. jam in urbis præturam atque administrationem restitutum fuisse: 1167. Temporibus itaque Vitalis Michaelis Ducis Ven. & Lamprii Jaderini Archiepiscopi, atque Dominici Mauroceni Comititis &c. Itaque defectionem Jadrensi in annum 1165. contulerim, eodemque anno Vitalis Dux cum tricenis armatis triremibus Jaderam tentavit, sed re infecta Venetias rediit; anno autem 1166. Dominicus Maurocenus urbem aut vi, aut deditione sub potestatem redegit. Dandulus igitur hæc habet: Dux itaque anno xv. ingentem paratum exercitum, cum Dominico Mauroceno Capitaneo, denuo Jaderam mittit, quos ex Hungarorum præsidio in errore tenaces, appositis scallis, & gattis, diris, & variis insultibus idem*

*Capitaneus impugnare non destitit. Hungari ob hoc territi, relictis tentoriis fuga salvati sunt. Cives tunc desolati de solita Venetorum gratia confidentes, Jadrensem civitatem Capitaneo libere tradiderunt, qui eandem muniens, ducentum de nobilibus Jadra secum assumptis Venetias rediit. Jadrenses igitur, qui advenerunt, jus Primatis super eorum Archiepiscopo Patriarchæ Gradenfi concessum profitentes, disruptis muris, & datis obsidibus, obtenta a Duce venia, in urbe sua restituti sunt; & postea qui in acquisitione civitatis Capitaneus erat, in Comitatu redintegratus est. Hæc paullo aliter uterque Chronologus super laudatus: Quo audito Dux classem adornavit, eique præfecit Dominicum Maurocenum, qui vi simul & consilio populum in pristina Ducis ditione retinuit; ibique dictus Dominicus cum magna Venetorum & Longobardorum manu subsedit; supplicioque affecti illos proditores Jadren., qui sæpe deficiunt &c. Hoc audito Veneti classem paraverunt, multoque milite instruxere; eaque celeriter expedita, idem Dominicus Maurocenus classi cum imperio præfectus, vi cepit Jadram; atque a potestate Archiepiscopi Venetorum rebellis receptam, in eodem Prætura magistratu regere perseveravit.*

Sed ut ut res gesta fuerit, illud satis constat Jadrenses una cum Archiepiscopo pollicitos esse futuros se in fide ac potestate Patriarchæ Gradenfis; & venia defectionis impetrata, cum Venetis in gratiam rediisse. Exinde civitas, quoad Lamprius vixit, sub imperio Venetorum, & prætura Dominici Mauroceni pacata & tranquilla fuit. Præter cœnobium Benedictinum S. Mariæ, alterum erat Jaderæ collegium sacrum Virginum ejusdem Ordinis, sub titulo ac patrocinio S. Platonis; huic Urania, illi Scemofia præerant. Hæc de quodam prædio inter se contendeant, quod sibi utraque, suoque monasterio vindicabat. Hujus controversiæ arbiter electus est Lamprius Archiepiscopus, una cum Dominico Mauroceno Prætore, qui secundum Antistitam cœnobii Mariani judicavit. Hæc est sententia, quam plurimum testimonio confirmari, & publicum scribam in tabulas referri jusserunt.

Anno ab Incarnatione Domini MCLXVII. Indictione XII. temporibus itaque Vitalis Michaelis Ducis Venetiarum, & Lamprii Jaderini Archiepiscopi, atque Dominici Mauroceni Comititis. Nos denique prænominatus Lamprius Archiepiscopus, & Dominicus Maurocenus Comes, ac alii nobiles viri, qui in isto placito interfuimus, jubemus fieri cartulam recordationis de placito, quod Abbatissa Sancti Platonis Urania contra Scemofiam Sanctæ Mariæ Abbatissam, de terris quæ in Bracizio sitæ sunt, placitabat, quas Petrus Semiviti filius una cum filiis Crine & suis propinquis prænominato cœnobio dederat. Hæc namque terra incipit a territorio Sancti Chrysogoni ex utraque parte usque ad rivum descendentem, ex alia parte rivum ascendentem usque ad silvam juxta territorium S. Nicolai præter quasdam terras in medio positas, quæ Sancti Chrysogoni fieri probantur. Dicebat enim Sancti Platonis Abbatissa. Hæc terra cœnobio Sancti Platonis attinere, & testamentum ostendebat, quod a quodam viro pro viginti romanatis emerat. E contra Sanctæ Mariæ Abbatissa respondebat, immo nobis attinet, & nos eam semper laboravimus, & per manus nostras aliis ad laborandum tradidimus, quia Petrus Semiviti filius, una cum suis propin-

Jadrenses Patriarchæ Gradenfi se subiciunt.

Sententia Lamprii & Antistitæ cœnobii Mariani.

Classis Veneta illustra Jaderam obliet,

quæ postea iterum obfides ad fidem & imperium redire cogitur.

pinquis, hanc terram monasterio B. Mariæ dederat, ac etiam testamentum inde ostendebat. Unde nos rationem perscrutantes ex utraque parte, iudicavimus Scemosæ Abbatis S. Mariæ cum sex sanctis monialibus suum testamentum affirmare, quod ipsa, uti curia præcepit, coram pluribus affirmavit. Hoc actum est coram his testibus. Josepho Iudice, Crisogono Iudice, Madio Iudice, Madio Plebano S. Petri, Michaeli Plebano Sancti Petri, Nicolao Milzaci, Andrea Lisre, Zura Talavigi, Cemesso, Vulcina filio Copre, Grubessa filio Josephi, Micha filio Tripze, Gregorio Vitaze, & Stephano Cosritti, Jacobo Segarlui Surdano, atque Stephano Zele. Et ego Joannes Sanctæ Anastasiæ subdiaconus atque notarius, ibidem cum his superscriptis testibus interfui, scripsi, &c.

De duabus Ecclesiis Seniensi & Phariensi Lampridio cum Metropolitâ Spalateni controversia fuit; utramque siquidem ad metropolim Jaderinam adjungere cupiebat. Miræus Episcopus Seniensis vel sponte sua, vel potius suasionē Lampridii, Spalateni Archiepiscopo, quam debebat, fidem atque obedientiam detrahere, atque ad Jaderinum transferre jam cœperat, hac fortasse ratione adductus, quod Senia longius Spalato, quam Jadera distaret, & brevior ac faciliior sibi ad Jaderinum, quam ad Spalatensem Metropolitam foret accessus: quippe Jaderina intermedia diœcesim Seniensem a diœcesim Spalatenis Archiepiscopi sejungit. Huic metropoli tunc præerat Gerardus, qui cum admonendo deterrendoque tum Lampridio, tum Miræo, jus suum obtinere non posset, de utroque graviter conquestus est per litteras apud Alexandrum III. Pontificem Max. Hic litteris ad Seniensem Episcopum datis, eidem imperavit, ut, more atque exemplo decessorum suorum, se fidelem atque obedientem suo Metropolitæ Spalateni præberet; nisi pontificiis admonitionibus & mandatis obtemperaret, in eum graviter animadversum iri; ut pœnis eidem inflictiis debita Episcoporum erga suos Metropolitæ obedientia sanciretur. Hæc epistola inserta est actis Miræi Episcopi Seniensis; data autem fuit Beneventi III. Id. Februarii an. 1169. hoc siquidem anno Alexander erat Beneventi, ut declarat illius ad Henricum Angliæ regem epistola, ibidem data pridie Kalendas Martii, quæ ab anno 1169. dimoveri nequit. Admonitio & auctoritas pontificia Miræum ad pristinum erga suam Metropolitam obsequium revocavit, Lampridium ab aliena diœcesi usurpanda deterruit.

Altera Lampridii cum Archiepiscopo Spalateni contentio gravior ac diuturnior fuit. Ecclesiam ac diœcesim Phariensem uterque suam esse dicebat, sibi vindicabat; Spalatenis quod antea pars erat suæ diœceseos, ab eaque divulsa fuerat; Jaderinus vero, quod Veneti Phariam, aliasque insulas Hungaris adeptas Jaderensibus donaverant; ac præterea quod illius Episcopatus instituendi auctor fuerat Petrona Comes & Rector civitatis Jaderinæ, ut supra dictum est. Anno 1177. Alexander III. Guillelmi regis Siciliæ triremibus advenit Venetias navigabat, ut in ea civitate pacem inter Ecclesiam & Imperium conciliaret, ac Fridericum Aenobarbum Imperatorem secum in concordiam reduceret. Peropportune accidit, ut Jaderam appulset. Illum Lampridius, clerus, populusque obviam procedens, regio apparatu, summa

lætitia & veneratione excepit. De adventu Alexandri Jaderam Romualdus Archiepiscopus Salernitanus hæc apud Baronium tradidit: Jaderam applicuit, ubi ab Archiepiscopo, & Episcopis illius regionis, Comite, & populo satis honorifice est receptus. Idem confirmat alter apud eundem Baronium Scriptor actorum Alexandri: In proxima Dominica, priusque sol lucesceret, ad civitatem Jaderam, . . . & quoniam nondum quisquam Romanus Pontifex civitatem ipsam intraverat, de novo ipsius Papa adventu facta est ingens cleri & populi illius loci lætitia communis, & ineffabilis exultatio collaudantium, & benedictium Dominum, qui modernis temporibus per famulum suum Alexandrum successorem B. Petri, Jaderinam civitatem dignatus est visitare. Itaque preparato sibi de Romano more caballo, processionaliter deduxerunt eum per mediam civitatem ad Beatæ Anastasiæ majorem ecclesiam; in qua ipsa virgo & martyr tumultata requiescit, immensis laudibus, & canticis altissime resonantibus in eorum Slavica lingua. De adventu Alexandri in civitatem Jaderam hæc ex actis Mss. Romanorum PP., quæ servantur in Bibliotheca Bononiensi S. Luc. PP. Soc. Jesu pag. 162. Alexandri III. fuga ab Italia, Friderico Imp. persequente. Pontifex per Adriaticum iter habens tempore Quadragesimæ Jaderam appulit, quæ sita est in capite Hungariæ regni, die Dominico, sole illucescente. Et quia nullus Pontifex eo unquam advenerat, facta est in clero, & populo communis & ingens lætitia. Ibi super album caballum deductus est per mediam civitatem ad B. Anastasiæ Majorem Ecclesiam, in qua ipsa virgo, & martyr honorifice tumulatur. Post diem quartum exivit Jadera, & per insulas Sclavorum Venetias versus perrexit. Hæc autem gesta videntur an. 17. aut 18. ineunte sui Pontificatus. Erat annus decimus octavus a superiori Septembri vel Octobri jam initus, qui congruit cum anno æræ vulgaris 1177.

Raynerius Archiepiscopus Spalatenis, qui cum primoribus cleri & primaria nobilitate Alexandrum ad Isthmum insulam appulsum venerabundus adierat, ut tradit Archidiaconus, eundem Jaderam usque honoris atque officii causa comitatus est. Pontifex quatuor ipsos dies Jaderæ commoratus fuit; & post quartum diem, ut Scriptor supra laudatus docet, exivit Jadera, & per Sclavorum insulas, & maritimas Isthmæ civitates, felici cursu transitum faciens ad monasterium S. Nicolai, situm in faucibus Rivoalti, alacriter Domino auxiliante pervenit. Cum ergo esset Jaderæ, uterque Archiepiscopus Spalatenis & Jaderinus Alexandrum rogavit, ut quæ inter ipsos erat, de Phariensi Ecclesia controversia dirimeret. Sed Pontifex cum Venetias ire festinaret, illius causæ cognitionem in aliud tempus rejiciendam censuit. Venetiis pervenit x. Kalendas Aprilis an. 1177. & pace composita, ceterisque omnibus, quorum causa venerat, negotiis e sententia confectis, mense Octobri discessit. Dum igitur in ea civitate morabatur, Raymundum de Capella Subdiaconum Pontificium, quem paullo post Cardinalem creavit, legatum cum amplissima potestate in Dalmatiam misit, ut ecclesias illas videret, cleri disciplinam ac populi mores, sicubi a recto tramite deflecterent, reformaret atque corrigeret; simulque eidem id mandati dedit, ut de controversia Phariensi, quæ Raynerio erat cum Lampridio, rite cognosceret, ac sententiam fer-

ret;

De Seniensi & Phariensi Ecclesiis Lampridius & Gerardus Spalateni Metropolitæ inter se contendunt.

Alexander III. P. Jaderam appulit.

ret: si vero alterutra pars ejus judicio stare nollet, ac Sedem Apostolicam appellaret; rationes in utramque partem allatas, ac testificationes jurejurando firmatas colligeret, easque tabulis consignatas ad curiam Romanam transmitteret, vel deferret; deinde diem utrique causæ apud eum, quem Pontifex delegaverit, dicendæ præfiniret. Hæc tum ex litteris encyclicis Raymundi, tum ex epistola Alexandri ad Raynerium in hujus actis descripta, quæ data est Venetiis in Rivoalto, XI. Kalendas Septembris, an. 1177.

qui ad Concilium generale Spalatense convocavit Archiepiscopos provinciarum Jaderensis.

Ergo Raymundus cum in Dalmatiam venisset, nihil prius sibi faciendum censuit, quam ut Episcopos universæ illius regionis Spalatense Concilium generale convocaret; diemque primum Septembris ad conveniendum edixit. Extat ejusdem epistola ad Lampridium Archiepiscopum, Episcopos, Abbates, Archidiaconos, Archipresbyteros provinciarum Jaderensis, quos jubet Spalati ad tempus præscriptum adesse. Cum Ecclesia Jaderensis tum metropolitica, tum primatiali jurisdictioni Ecclesiæ Spalatensis exempta, sub jus imperiumque primatiale Patriarchæ Gradensis migrasset; neque Lampridius, neque Episcopi eidem subiecti, Concilii generalis Dalmatici ac Spalatensis adeundi lege ordinaria tenebantur. Sed cum legatio apostolica Raymundo tradita universam Dalmatiam complecteretur, hujus extraordinariæ potestati non solum Spalatensis, ceteræque Dalmatiæ superioris Ecclesiæ, sed etiam Jaderina metropolis suberat; eique Alexander ad corrigendas & reformandas omnes Dalmatiæ Ecclesias auctoritatem amplissimam attribuerat; omnesque Antistites illius regionis ejusdem mandatis ac decretis subiecerat. Lampridius igitur, quamvis illius ecclesiæ ad Primatem & Concilium generale Patriarchatus Gradensis pertineret; tamen legato Sedis Apostolicæ ad Concilium Spalatense pro potestate extraordinaria vocanti parere debuerat. Adde quod necessitas suæ causæ agendæ tuendæque illum ad eam Synodum compellebat. In ea liquidem Raymundus ex mandato Alexandri finem imponere statuerat controversiæ inter Raynerium & Lampridium jampridem exortæ de Phariensi Ecclesiâ; & auditis rationibus ac testibus utrinque allatis & productis, illam aut Spalatensi, aut Jaderinæ metropoli adjudicare, pro eo ac jus & æquitas postulare. Epistola Raymundi ad Lampridium hæc est.

Epistola Raymundi ad Lampridium &c.

Raymundus Cardinalis de Capella Dei gratia Sanctæ Romanæ Ecclesiæ Subdiaconus, Apostolicæ Sedis legatus. Venerabili Fratri L. Jaderensi Archiepiscopo, & ceteris Episcopis, & Suffraganeis, atque Abbatibus, Archidiaconis, Archipresbyteris universis per eorum Episcopatus constitutis salutem, & sinceram in Domino dilectionem. Cum Dominus Papa, & Sacrosancta Romana Ecclesia nos ad Dalmatiæ atque Croatia partes propter hoc destinaverit, ut pro vigili sollicitudine apostolica, doctrinam & ecclesiasticam disciplinam, in quantum Dominus ministraret, ibidem dilataremus, quæ corrigenda essent corrigentes, & quæ plantanda plantantes; salubriori habito consilio perspeximus, de omnibus ecclesiarum Prelatis, qui in nostra sunt legatione, unum celebrare Concilium, ut de communiantorum Patrum auctoritate, quæ fuerint statuenda in Domino statuatur. Volentes itaque vestris laboribus & expensis, salva honestate, in quantum possumus parcere; & Prelatos superiorum

ris Dalmatiæ non videamur nimium fatigare; in Spalaten. civitate, in loco sat magni confinii, & tam propinquo vobis, quam eis, prædictum Concilium auctore Domino duximus celebrandum. Ideoque universitati vestræ mandamus præsentis scripto, & auctoritate Domini Papæ, cujus vires licet indigni gerimus, firmiter præcipimus, quatenus ad prædictum Concilium, quod in prædicta civitate Spalaten. proximis Kalendis Septembris, Christo permittente, sumus celebraturi; ad eandem diem, contradictione & occasione cessante, accedatis, ut quæ ad honorem Dei, & utilitatem vestræ ecclesiæ, ad salutem animarum, ibi statuta fuerint & ordinata, tanquam obedientiæ & disciplinæ filii scire studeatis, & observare, subditosque vestros ad eorundem observationem diligenter exhortari, & commovere; ut sic in diversis talentis fœnerantes, una cum grege vobis credito ad vitam mereamini pervenire sempiternam. Si quis autem vestrum in hac parte, quod non credimus, inobediens extiterit, qui ad prælibatum Concilium non venerit, sciat se proculdubio canonica sententiâ subiacere. De cetero præfatum Lucarem familiarem nostrum, quem persæpe dicto Concilio vocando ad vos dirigimus, fraternitati vestræ commendamus, rogantes affectuose, & mandantes, quatenus eum benigne tractetis, & nostri amoris, ac Sacrosanctæ Romanæ Ecclesiæ intuitu, sic liberaliter beneficiatis; scientes, quod si eum, uti decet, honoraveritis, nos valde gratum habebimus, & acceptum, & pro temporis opportunitate libenti animo vobis inde curabimus respondere.

Ne Lampridius litteris ac mandatis Raymundi obsequeretur, Veneti pariter ac Jaderenses obstiterunt; hi quidem, propterea quod si Lampridius in Concilio primatum sublellii Metropolitæ Spalatensi cedere cogeretur, ei subiectus esse, ac dignitate inferior videri posset; illi vero, quod Episcopos Venetæ ditionis cum Episcopis Imperii Græci commisceri nolebant, ac ne sacrarum quidem rerum commercio jungi patiebantur; siquidem Spalatun., & præter Jaderam reliqua omnis Dalmatia Hungaris adempta, suberat Emanuelli Græcorum Imperatori, qui cum omne Latinorum nomen pessime oderat, tum Venetos præsertim, quibus plurima & gravissima damna intulit. Extat epistola quædam ad Primicerium, Capitulum, magistratus, & cives Spalatenses, quæ videtur attribuenda esse Lampridio Archiepiscopo Jaderensi. Causas affert, cur Spalatun venire, & Synodo adesse non possit; absentiam suam apud legatum pontificium excusent, ab eoque impetrent, ut diem Synodo jam indictæ prorogare velit. Sed pleraque sunt, quæ ob mendosam scriptionem, & rerum ac negotiorum ejus temporis ignorantiam, satis intelligi nequeunt.

... Spalatensi Primicerio, & ejusdem sedis toti venerabili Capitulo, Majoribus & Magistris, & Dominis ... uti fratribus; nobilissimo E. Comiti, suo carnali consanguineo, & ordine filio spirituali, & omnibus ejusdem civitatis hominibus ... propinquis ... salutem, orationem & ... est. Qualiter nobis Dalmatinis Spalatensis Ecclesiæ, mater, magistra, & domina extiterit, qualiterque ditioni ejus tota Dalmatia, obedientia & subiectione subdita fuerit, Dominus scit, & homines, vobisque & integre & melius scientibus non est intimandum. Inde est, quod decessorum nostrorum exempla volens multotiens prosequi, a fratribus nostris Jaderensibus multa ad-

Epistola Lampridii ad Primicerium Spalatensem, in qua affert excusationem absentie suæ a Concilio generali.

F versa

versa patiens; aliquando navi & rebus in ea necessariis ablati, aliquando navi perforata & in fundum versa, ut vestrorum multi, qui praesentes fuerunt, viderunt; & aliis multis machinationibus ac minis, huc usque venire nequiverunt. Nunc autem desiderio desidero venire, sed prohibeor, quoniam angustiae mihi sunt undique; si venirem, inciperent . . . Veneticorum dicentium, non pro Synodo, sed nostro pro impedimento, & dolo vadit; illuc amicorum civium rogantium me. Venetiam ire pro Communitate, & libertate, & statu terrae Jadrensis; Sclavorum, Ungarorum, aliorum aliquorum manibus non evadam. Quapropter vobis & majoribus supplico, ut cum Domino legato terminum praefixum Synodi elongare dignemini, congruo nobis ac pacis tempore venturis Episcopis, vel importabilia nobis praeccepta ac gravamina impossibilia remittat. Alioquin Summum appellamus Pontificem. Ut cupitis, valete.

Lampridius  
controver-  
siam de in-  
sula Pago,  
inter Ar-  
benes, Ja-  
dertinos, &  
Rogerium  
Mauroce-  
num dire-  
mit.

Habitu quidem fuit Concilium generale Spalatense, cujus acta interierunt; sed cum abesset Lampridius, qui ecclesiae suae causam ageret, Raymundus controversiam Phariensem in iudicium reliquit. His temporibus Lampridius Archiepiscopus controversia de insula Chessa, sive Pago, quae erat inter Arbenes, Rogerium Maurocenum dominum ejusdem insulae, & Jadrenses, diremit & composuit. Extat ejus sententia, sed aliis atque aliis identidem lacunis intercisit.

Anno Domini . . . Jesu Christi 1177. men. Feb. Indictione XI. temporibus equidem Sebastiani Ziani Ducis, & Lampridii Ven. Jadren. Archiepiscopi, atque Dominici Mauroceni Comitis. Nos namque Lampridius Jadren. sedis Archiepiscopus una cum nostris Consulibus Bar. . . nice, Martino Sloradi, Petro Ro . . . itaze, & aliis nostrae civitatis nobilibus, Grisogono Judice, Damiano Sloradi, Vota . . . arra Madio Joannis Graeci, Scioppe Michebotolage, Valentino Kessi, Prastantio . . . ichael Pance, Lampredio Vitaze, Micha peerizi, Bolisio de Bonoguali, Martinolip. . . a, & multis aliis hunc contrarium . . . imus, volentes refecare controversiam, quae inter Arbenes, & Rogerium Dominici Mauroceni Jadertini Comitis filium, de Comitatu insulae Kessa vertebatur, nam praedictus Rog. . . insulam Kessa, incipiendo a Columnis Canuli, & Bar. . . um, ab introitu ve . . . Pagum sui comitatus, scilicet Kessa fore assererat. Contra And. . . nas Archidiaconus, Stephanus Maldenarius Micha Arbenes Judices, Petrus Dominica Basilii, qui ad hujus negotii causam tractandam ad nos venerant, respondentes dicebant; Manifestum quidem & certum habetur praedecessores nostros per ducentos annos & eo amplius praefatam insulam possedisse, & coluisse semper; super hac igitur vos Domine Archiepiscopo, & Jadrensi Consulum, ceterorumque nobilium provideat sagacitas, si nos jam dicta insula cau. . . respondere tenemini. Nos itaque Lampridius una cum supradictis C. . . & . . . obilibus, utramque partem sua iustitia & ratione . . . iter destitui de his omnibus per duos . . . habentes per legem & iudicium statuen. . . crevimus, ut Arbenes saepe dicto Rogerio, ejusque successoribus in perpetuum respondere non de . . . stabilivimus quatenus praedicta insula Kessa communiter a Jadrensis, Arbensibus, hominibusque . . . coli, pasci, & omnibus modis uti perpetuis temporibus debeat; & ut praesens contrarius . . . mus, & stab. . . etiam conservetur,

Archiepiscopalis sigilli munimine firmavimus simul, & ipsum communivimus . . . go Lampridius D. G. Jad. Archiepiscopus m. m. miss. †. Ego Andreas D. G. Arben. Episcopus m. m. miss. †. . . Cosmas Arben. Archid. m. m. miss. †. Ego Andreas Presbyter Saldini filius m. m. miss. †. Ego Joannes S. Anastasia Diaconus m. m. miss. †. Ego P. dicta Sanctae Anastasia Subdiaconus m. m. miss. †. Signum David Consulis, qui hoc fieri iussit †. Signum Martini Sloradi Consulis, qui hoc fieri iussit . . . trizi Vitaze, qui hoc fieri iussit †. Signum Grisogoni Judicis, qui hoc scrib. . . Signum Damiani Sloradi, qui hoc fieri voluit †. Madii Johannis Graeci, qui hoc fieri voluit †. Signum Sciop. . . boluge, qui hoc scribi voluit †. Signum Valentini Kessi . . . nec, qui hoc fieri voluit †. Signum Nicolai Mozzaci, qui hoc fieri voluit †. Signum Dobre Resinne, qui hoc fieri voluit †. Sig. . . taze, qui hoc fieri voluit †. Sig. . . gualdi, qui hoc fieri voluit †. Signum Martini Lippe, qui hoc fieri voluit †. Ego Matthaeus S. Anastasia Subdiaconus, & Jadrensis curiae notarius . . . voluntate praescripti Domini mei Archiepiscopi Lampredii, Consulum, & reliquorum nobilium scripsi, & roboravi, & solito signo signavi.

Et ego Maratha Arben. Archipresbyter ac notarius hoc exemplum exemplavi sic . . . repperii sigillo D. Lampredii Archiepiscopi munita, nec auxi, nec minui, complevi & . . . consueto signavi.

Lampridius e vita migravit ante annum octogesium hujus saeculi, quippe hoc anno ad gubernacula Metropolis Jadertinae jam sedebat proximus Lampridii successor

#### THEBALDUS ARCH. JADRENSIS II.

Post obitum Lampridii rursus Jadertinos cupidus incescit suae Metropolis subtrahendae imperio Patriarchae Gradensis. Ne igitur opus esset novo Archiepiscopo ad Patriarcham Gradensem, consecrationis suscipiendae causa, accedere, ab eoque confirmari; Jadertinum Pontificatum Thebaldo Episcopo Eugubino detulerunt; petieruntque ab Alexandro III. ut collatum illi Sacerdotium traditione pallii ratum haberet. Annuit Pontifex; & Episcopum illum metropolitica dignitate auctum, & pallio donatum admonuit, atque pro potestate imperavit, ut debita observantiae, atque obedientiae officia Patriarchae Gradensi praestaret, seque illi subiectum & obsequentem praerberet. Jaderam venit, ingenti omnium laetitia & gratulatione exceptus est. Sed ne Jadrensis animos ab se alienaret, horum voluntati obsequi, quam pontificiis mandatis, obtemperare maluit. Ad urbem redire iussus est cum aliquibus e primaria nobilitate; & omni studio, omnique adhibita obsecratione apud Pontificem eniti, ut Metropolim Jadrensem a potestate Patriarchae Jadrensis eximeret. Gravi morbo interceptus iter persequi non potuit. Per litteras, & legatos, quos secum ducebat, postulata & preces Jadrensi Pontifici exposuit. Nihil impetravit, eumque gravissimis litteris Alexander increpuit; & nisi Primatem sibi suaeque ecclesiae ab Sede Apostolica praepositum, quibus decebat, officiis atque obsequiis agnosceret & coleret, eidem usum pallii, & praecipuas quasdam episcopales functiones interdixit. Sed neque apud eum, neque apud Jadertinos valuit auctoritas pontificia; & obstinatione quadam sententiae in proposito susceptoque consilio perseverarunt. Hae Andreas Dandulus in

Aureo

Thebal-  
dus ex Eu-  
gubino E-  
piscopo  
Archiepi-  
scopus Ja-  
drensis,  
cum Ja-  
drensis  
renuit  
subesse Pa-  
triarchae  
Gradensi.

Epistola  
Alexandri  
ad Thebal-  
dum.

Aureo Mastropetro Duce Venetiarum: Jaderini suae sedis dedignantes subjectionem, ne in Lampridii defuncti locum eligendus successor a Gradenſi Patriarcha confirmationem susciperet; ab Alexandro Papa Eugubinum Episcopum ab eis electum Archiepiscopum obtinuerunt, cui in traditione pallii commisit Papa, ut Gradenſi Patriarchae obedientiam Primati debitam exhiberet, non intendens, ut scripsit, juri Gradenſis Ecclesiae ex hoc aliquantulum derogare. Archiepiscopus Jadera receptus, reverentiam Patriarchae exhibere a civibus non solum prohibitus, sed etiam ut ecclesiam suam eximeret, cum aliquibus civibus Romam accedere coactus fuit; qui iens apud Fossam malam infirmatur; litteris & nunciis Jaderensium propositum Pontifici enarrat. Papa igitur eum redarguens inter cetera per epistolam ait: Venetia in unitate catholica laudabilis stetit, & fuit civitas refugium Episcopis, & aliis ecclesiarum Praelatis, qui de Lombardia, Tuscia, & Marchia a sedibus propriis, instante schismate, illuc divertere voluerunt. In reformatione quoque Ecclesiae qualiter Sedem Apostolicam audierint, & honoraverint, ad tuam credimus notitiam pervenisse. Quia igitur tibi imminet subiectos a praesumptione sua compescere, cum non debeamus sequi populum, sed docere, mandamus quatenus infra tres menses, postquam Jadam iveris, pergens Venetias eidem Patriarchae obedientiam, & reverentiam Primati debitam promittas, & impendas; & clerum & populum tuum ad idem, sicut te decet, inducas; ita quod ipse Patriarcha contra te materiam conquerendi non habeat, nec inter Venetos & Jaderenses gravis ex hoc & periculosa discordia oriatur. Alioquin usum tibi pallii interdiximus, & te consecrandi Suffraganeos tuos, & ecclesias dedicandi auctoritate privamus. Quae Archiepiscopus rediens per Jaderenses elatos adimplere pertinaciter prohibitus fuit. Epistolam Alexandri ad Thebaldum post Concilium Lateranense III. scriptam fuisse videtur intelligi posse ex his verbis: in reformatione ecclesiae, quae in eo Concilio decreta fuit.

Thebaldus  
Archiep.  
nominatus  
in tabulis  
an. 1180.

Nomen Episcopi Eugubini ad Metropolitim Jaderensem translatus non aliunde nobis certius innotuit, quam ex tabulis Sanctuarii Arbenſis. 1180. 14. Martii, tempore Aurei Mastropetri Ducis, & Thebaldi Vener. Jaderen. Archiep., Domini Mauroceni Comitis; item ex tabulis cenobii S. Joannis Apostoli & Evang. In nomine Domini anno Incar. Dominica 1181. mense Martio, Indiſt. 14. Jadera temporibus D. Thebaldi Vener. Jaderen. Archiep. hoc actum est &c. Episcopatum Eugubinum Thebaldi Ferdinandus Ughellus Tom. I. Ital. Sac. inter annos 1163. & 1171. constituit, Daniel Papebrochius Tomo III. Maji in vita S. Ubaldi Episcopi Eugubini octo mensium spatio definivit, eumque anno 1161. simul electum ac S. Ubaldo subrogatum, simul vita functum fuisse affirmat. Uterque fallitur; nam ex tabulis modo laudatis anno 1181. adhuc vivebat Thebaldus, neque ante annum 1177. Lampridio adhuc superstite, transferri potuit ad Ecclesiam Jaderensem. Hujus translationem conferendam censeo in annum 1177. vel 1178. nam sub initium anni 1179. jam in sedem Eugubinam eidem successerat Offredus, cum is, teste Ughello, interfuerit Concilio Lateranensi III., quod 3. Nonas Martii anno 1179. celebrari coepit. Vitam S. Ubaldi Episcopi Eugubini Ubaldis composuit, & inscripsit Friderico I. Imperatori. Inscriptio haec est: Federico Romanorum Imperatoris Illyrici Sacri Tom. V.

Vitam S.  
Ubaldi com-  
posuit.

ratori Thebaldus contra votum & meritum Eugubinae Ecclesiae electus, caelestis regni diadema perpetuum. Vita scripturus & miracula viri Dei Ubaldi &c. Papebrochius proxime post S. Ubal- dum Eugubinae Ecclesiae Episcopum electum fuisse affirmat ex tabulis ejusdem ecclesiae; sed Ughellus inter utrumque Bonatum interjecit, quem Thebaldo subijciendum Papebrochius censet. Si Thebaldum Bonato praeposendum putes, hujus brevem admodum pontificatum fuisse oportet: cum enim creatus fuisset Episcopus post translationem Thebaldi anno 1177. vel proximo sequenti, anno 1179. & mense Martio jam sedem illam vacuam successorii Offredo reliquerat, qui hoc anno ad Concilium Lateranense profectus, hujus decreta subscripsit, ut docet Ughellus. Thebaldus haud levem nomini suo notam inussit, cum vitam S. Ubaldi Friderico Imperatori dedicavit, qui suscepto patrocinio Octaviani Antipapae, adversus Alexandrum schismaticam coitionem conflaverat; sed hanc vel ante, vel certe post Fridericum Alexandro reconciliatum, & pacem Ecclesiae redditam, salubri poenitentia expiavit; nisi forte suos de vita & miraculis S. Ubaldi commentarios sub nomine Friderici antea emiserit, quam is aperte bellum Alexandro indiceret. Certe apud Sedem Apostolicam graviter offendit, quod Pontifici imperanti, ut Patriarcham Gradensem loco Primatis haberet coleretque, obtemperare noluit; & hanc causam fuisse arbitror cur a Concilio Lateranensi abfuerit, cum ceteroquin tres provinciae Jaderensis Episcopi, Andreas Arbenſis, Lampredius Absarenſis, & Dabro Veglenſis interfuerint.

Alexander post Concilium Lateranense dimissum rursus alterum legatum de reformandis cleri ac populi moribus, & quibusdam controversiis componendis, misit in Dalmatiam anno 1180. dum sedes metropolitana Spalatensis post martyrium S. Raynerii Archiepiscopi vacabat. Hic fuit Theobaldus Subdiaconus Ecclesiae Romanae, apud quem Canonici & clerici Spalatenses quæsti sunt de Metropolitani Jaderensis, quod contra jus fasque Ecclesiam Phariensem a Spalatensi provincia divellere, & sibi subijcere conarentur. Theobaldus ne quid temere decerneret, inaudita altera parte, clerum Jaderinum ad causam pro sua ecclesia dicendam Spalatum per litteras citavit. Thebaldum Archiepiscopum, ad quem potissimum ea causa pertinebat, idcirco fortasse non vocavit, quod is e gratia Sedis Apostolicae exciderat, ob eamque causam & pallii usum & potestatem consecrandi Suffraganeos & dedicandi ecclesias amiserat; cum scilicet ne in Jaderensium offensionem incurreret, Patriarchae Gradenſi honorem & obedientiam praestare noluisse; vel tunc forte aberat Jadera, Romam missus, ut ecclesiam suam ejusdem Patriarchae jurisdictioni eximendam curaret, id quod supra ex Dandulo expositum est. Clerus Jaderensis neque ad diem illi praefinitam Spalatum advenit, neque suos internuncios misit, qui Jaderinae Metropolis causam defenderent. Itaque legatus inspectis tabulis antiquis, & rationum momentis, quibus utriusque metropolis causa nitebatur, in utramque partem pensitatis, adhibitisque in consilium Episcopis virisque doctissimis, secundum Ecclesiam Spalatensem judicavit. Sententia Theobaldi, cui tum Archiepiscopus, tum clerus Jaderensis repugnarunt, descripta est S. 1. Interregni Archiepiscopalis Spalatensis.

Theobaldus  
subdiaconus  
S. R. E.  
legatus in  
Dalmatiam,  
Eccles. Phariensem  
Metropoli  
Spalatenſi  
judicavit.



latensis post martyrium S. Raynerii in quintum usque annum producti.

Jadrenses ne Patriarchæ Gradeni se submittere cogantur, a Venetis ad Belam Hungariz regem deficiunt. Cum Jadrenses iniquo animo ferrent Romanorum Pontificum decretis & Venetorum imperiis urgeri se, ac propemodum cogi, ut Metropolim suam Patriarchæ Gradeni submitterent, demum exsequi decreverunt, quod jam pridem occulte moliri cœperant; & expulso Veneto magistratu, aperta quoque defectione, in fidem se contulerunt ac ditionem Belæ III. Hungariæ regis, qui urbem illam firmissimo præsidio & propugnaculis munivit. Bela siquidem post Emanuelem Græcorum Imperatorem extinctum an. 1180., exercitu ex Hungaria traducto, Spalatum ceterasque Dalmatiæ & Chrobatiz urbes recuperavit. Hinc opportunitas Jadrensis oblatâ transeundi ad finitimos Hungaros, & Veneti dominatus depellendi. Hoc tempore (ait Dandulus in Aureo Mastropetro) Jadrenses a Duce requisiti, ut Præsulem suum Gradeni Patriarchæ obedientiam exhibere permitterent, exequi renuerunt, rebellesque tunc quarto effecti, se, & urbem Jadræ protectioni Belæ regis tertii Ungariæ subdiderunt. Rex autem tunc hominibus & victualibus civitatem munit, & muro circumclusit. Jadrensis defectione vel in annum 1180. exeuntem, vel in annum proximum ineuntem conferenda est; nam anno 1181. Jadrensis Bela imperabat, qui & civitati & provinciæ Maurum Comitem Rectoremque præfecit; ut docent tabulæ cœnobii Jadrensis S. Chryslogoni, quarum hoc est initium: 1181. mense Februarii Jadera regnante D. Bela D. G. rege Hung. Dalm. Cr. sententia D. Mauri, Dei & regis gratia Comitis, & totius maritimæ provinciæ studiosi exercitatoris, cum castra metatus esset &c.

De Jadrensi rebellionem cum Venetias allatum esset, confestim omnia civitatis studia in id unum conversa sunt, ut classe comparata, & contractis copiis, Jadrenses armis ad imperium vel inviti revocarentur. Aerarii inopiam, quæ celeritati decretæ expeditionis obstat, procerum & nobilium virorum liberalitas supplevit. Adornata igitur & instructa classe, transmissum est in Dalmatiam; Jadrenses oblatâ statim cœpti, vehementerque oppugnari. Sed civitas validissimo Hungarorum præsidio defensa, neque expugnari, neque ad deditionem compelli potuit. Interea Pagus, aliæque insulæ Sinus Flanatici, & Jadrensi litoribus adjacentes, vel in fide retentæ sunt, vel intra paucos dies imperium receperunt: Dux autem, inquit Dandulus, illatum scelus reformare anhelans, congregatam concionem sibi conformem invenit; & fisco ex continuatis angustiis nimis exinanito, dum de eis recuperandis collatio haberetur, Prælati, & multi nobiles fidei pleni, se liberaliter obtulerunt. Tunc pro congrua satisfactione decernitur, ut præventus Rivoaltini fori, & datia quarantefimi sint eis totaliter deputata. Ceterum Dux paratam classem mittens, per mare Jadræ obsedit, & viriliter impugnat, & Pagum ceterasque insulas sibi subiecit. Ita Dalmatia & Chrobatia universa præter insulas Dalmatiæ inferioris fere omnes, in jure manlit ac potestate Hungarorum. Hoc bellum a Venetis cum Hungaris susceptum est anno 1181. tenuitque usque ad annum 1188. multis cladibus ultro citroque illatis & acceptis. Interea e vita migravit Thebaldus, eique subrogatus fuit

DAMIANUS ARCH. JADR. III. electus.

Hunc Valerius a Ponte catalogo Antistitum Jadrensi expungendum censuit, sed retinendum esse demonstrant tabulæ cœnobii S. Chryslogoni confectæ anno 1183. in quibus nominatur *Damianus Archiepiscopus*. Tum hic, tum alii, qui ab eo propius electi fuerunt, in monumentis Jaderinis vocantur *Archiepiscopi*; quod caruerint approbatione tum Patriarchæ Gradeni, cujus imperium abnuebant, tum Pontificis Romani, cui præcipienti, ut eidem Patriarchæ subiectos se præberent, obtemperare volebant. Damianus unum aut alterum annum *Archiepiscopi* titulum gessit. Eo vita functo, Ecclesia Jadrensis aliquot annos Episcopo caruit; nam anno 1185. cum legati Spalatenses Veronam ad Lucium III. Ecclesiæ Phariensis repetendæ causâ se contulissent, S. des Jaderina vacabat; ut colligitur ex epistola Urbani III. Veronæ data eodem anno, 2. Id. Decembris, cum paucis ante diebus in eadem civitate & Lucius mortuus esset, & Urbanus eidem substitutus. Inscripta est *Dilectis filiis clero, nobili viro M. Comiti, & populo Spalatensi*. Cum venissent, inquit, ad præsentiam felicitis memorie Lucii Papæ prædecessoris nostri dilecti filii B. Canonici ecclesiæ vestræ, & Judex . . . significarunt ei injuriam, quam super Episcopatu Phariensi videmini sustinere. Verum licet vestra vellet indemnitate ecclesiæ providere, . . . quia tamen Ecclesia Jadrensis vacat . . . nec antequam ipsa Ecclesia ordinetur, de negotio finiendi tractare volens, ipsum in eo, in quo nunc est, statu sine contentione manere iussit &c. Ob eandem causam nec ipse Urbanus controversiam Phariensem dirimere voluit. Habes integram epistolam in Nicolao Episcopo Phariensi III. Ceterum valuit demum sententia Theobaldi legati apostolici, quam Andreas rex Hungariæ & Innocentius III. confirmarunt; & Metropoli Spalatensis, sublata omni controversia, Ecclesiam Phariensem in sua potestate retinuit, atque etiamnum retinet.

PETRUS ARCH. JADRENSIS IV. electus.

Hujus mentio reperitur, cum appposito titulo *Archiepiscopi*, in Jadrensis & Dalmaticis monumentis illorum temporum. In nom. Sanctæ & individue Trinitatis. An. ab Incarn. Dom. 1190. mense Maji 19. Indi. 8. Jadræ regnante Dom. nostro Bela rege Ung. Dal. & Croat. & Jaderinæ Ecclesiæ Petro Ven. Archiepiscopo presidente &c. Anno Dom. Incarn. 1190. men. Junii die Sanctorum Joannis & Pauli, Indi. 8. Jadræ. Temporibus Domini nostri Belæ &c. & Petri Jaderinæ Sedis Ven. Archiepiscopi &c. Jadræ an. Domini 1193. Petri Archiepiscopi tempore &c. Valerius a Ponte Archidiaconus electum fuisse tradit an. 1187. Erat natione Hungarus; & cum Primatem Gradensem agnoscere, eique se submittere vel ipse noller, vel ab Jaderinis prohiberetur; Pontificatus sibi collati approbationem, & pallium a Sede Apostolica impetrare non potuit. Itaque fere semper commoratus in Hungaria, nunquam ad suam ecclesiam accessit. Nicolao Manzavino Episcopo Phariensi ad functiones episcopales peragendas utebatur. Hic Martino patruo subrogatus in sedem Phariensem, a Petro Archiepiscopo Spalatensi consecratione petita, sed non expectata, ut est apud Ar-

Damianus Archiepiscopus electus.

Interregnum Archiepiscopale.

Petrus electus Archiepiscopus Jaderinus.

cujus absentis vice fungitur Nicolaus Episcopus Phariensis.

Archidiaconum, Veronam ad Lucium Papam se contulit, ab eoque consecratus, & Phariam reversus Spalatensi Jadertinum Metropolitam prætulit, eique suam Ecclesiam subiecit. Hæc paullo distinctius & accuratius in Episcopis Phariensibus. Ergo perinde ac si suffraganeus esset metropolis Jadertinæ, omnem ei suam obedientiam, itemque vicariam operam ad omnia, quæ sunt Episcopi, munera & officia exequenda detulerat.

Cum ædes S. Martini, & quæ ad eam pertinebant, ab illis, ad quos jure patronatus spectabat, donata fuissent Abbati & Monachis S. Chrysogoni, hanc donationem Clemens III. apostolica auctoritate confirmavit.

Diploma Pontificium.

Clemens Episcopus servus servorum Dei dilectis filiis G. Abbati, & fratribus salutem, & Apostolicam benedictionem. Justis petentium desideriis dignum est nos facile præbere consensum, & vota quæ a rationis tramite non discordant effectu prosequente complere. Ea propter dilecti in Domino filii vestris justis postulationibus grato concurrentes assensu, Ecclesiam Sancti Martini cum omnibus pertinentiis suis a patronis ipsius Ecclesiæ, de consensu Jadertini Capituli, monasterio vestro pia largitione concessam, sic ut ipsam juste ac sine controversia possideatis, vobis, & per vos eidem monasterio auctoritate Apostolica confirmamus, & præsentis scripti patrocinio communimus, statuentes ut nulli omnino hominum liceat hanc paginam nostræ confirmationis infringere vel ei ausu temerario contraire. Si quis autem hoc attemptare præsumpserit, indignationem omnipotentis Dei & Beatorum Petri & Pauli Apostolorum ejus se noverit incursurum.

Data Laterani xv. Kal. Julii, Pontificatus nostri anno secundo, id est Christi 1189.

Veneti Jadrentibus maxime infesti.

Per ea tempora Veneti atque Hungari gravissimo bello inter se dimicabant, hi pro retinenda, illi pro recuperanda Dalmatia. Sed Veneti Jadertinos præsertim haud armis, quam animis infensioribus, persequerantur; quippe quos rebellium loco ducebant. Prælio apud quoddam promontorium, cui Trani nomen erat, commisso, prope fuit, ut Jadrentes ingentem cladem acciperent; sed resumptis animis ac viribus, tanto impetu in Venetos incubuerunt, ut cælis & fugatis hostibus egregiam victoriam reportaverint. Itaque post pactas ad biennium inter Venetos & Hungaros inducias, Jadertini memores periculi depulsi, ac relatæ victoriæ, quam secundum Deum patrocinio S. Chrysogoni acceptam ferebant, solemnibus gratiarum actione, pii gratique animi officia Deo ac Beato Chrysogono persolvere decreverunt. Nicolaus Episcopus Phariensis, qui Petri electi Archiepiscopi vice fungebatur, pontificali ritu litavit, & gravi oratione hortatus est, ut beneficii divinitus accepti magnitudinem secum ipsi reputarent, & memoriâ colerent sempiterna: id quod notatum invenio in quodam codice archivi S. Chrysogoni: 1190. 19. Madii, post bellam cum Venetis habitam, & post victoriam de castello, & promontorio Trani . . . . Sancto Grisogono gratias effundentes de evasione periculi, & collatione victoriæ, ac omnimodi percepti beneficii devote retulimus, electo nostro in Hungaria persistente, & Nicolao Faren. Episcopo Ecclesiæ nostræ suffraganeo Missarum solemnibus celebrante, & sermonem ad populum more solito faciente. Septem fere annis Petrus titulum archiepiscopalem retinuit; quem anno 1195, vel Iulij Sacri Tom. V.

periori, aut morte sublatus, aut voluntaria cessione deposuit. Eo quippe anno Sedes Archiepiscopalis vacabat, ut docent tabulæ Jadertinæ: Anno 1195. Indict. 12. Jadræ. Regnante D. N. Bela Ung., Dalm., Rama rege, & Enrico ejus filio bis coronato Dalm. & Croat. feliciter gubernante, Ecclesia Jadertina proprio pastore vacante, & Damiano inclito Comite ejusdem civitatis principante &c. Exinde interregnum episcopale quatuor ipsos annos tenuit.

Interregnum Archiepiscopale.

Interea Cælestinus III. Cœnobiarchæ S. Chrysogoni facultatem a decessoribus obtentam utendi pontificalibus insignibus concessit, & confirmavit.

Cælestinus Episcopus servus servorum Dei dilecto filio Vincentio Abbati Sancti Grisogoni Jadertini salutem & apostolicam benedictionem. Cum te devotum & fidelem Ecclesiæ filium esse credamus, honori tuo libenter intendimus, & personam tuam aliquo speciali privilegio duximus honorandam, & ut ferventius in nostra, & Romanæ Ecclesiæ devotione persistas, quo te noveris per nos honore, ac dignitate ecclesiastica decoratum. Ea propter dilecte in Domino fili devotionem tuam & prudentiam attendentes, usum mitræ, annuli, baculi, ac sandalium, sicut prædecessores tui hactenus habuisse noscuntur, de benignitate Sedis Apostolicæ tibi duximus concedendum, ut ipsis ecclesiasticis insignibus solemnibus processionibus & præcipuis festivitibus Ecclesiæ tuæ de auctoritate Sedis Apostolicæ, tam infra monasterium tuum, quam Ecclesias pertinentes ad ipsum libere potiaris. Nulli ergo omnium hominum liceat hanc paginam nostræ concessionis infringere, vel ei ausu temerario contraire. Si quis autem hoc attemptare præsumpserit, indignationem omnipotentis Dei, & Beatorum Petri & Pauli Apostolorum ejus se noverit incursurum.

Diploma Pontificium secundum Abbatem S. Chrysogoni.

Datum Laterani XV. Kal. Junii, Pontificatus anno V. id est 1196.

Si epistola Innocentii III. inscripta Capitulo Sanctæ Anastasiæ, referenda sit ad Collegium Canonicorum Jadrentium, cui cognomen esse potuit, & videtur fuisse, ab titulo ædis cathedralis Anastasiæ, ex ea colligitur per id temporis hominem quemdam alienigenam & extraneum, quem Innocentius barbarum vocat, per vim & factionem laicalem electum, & in Sedem Archiepiscopalem intrusum fuisse; quæ de re cum Canonici conquesti essent, Pontifex electionem illam irritam fecit, & Canonicis mandavit, ut ipsi e præscripto Canonum eligerent quem maxime idoneum ad Ecclesiam illam regendam esse judicarent. Ex eadem epistola apparet in æde cathedrali usum ac ritum liturgiæ ac linguæ Græcæ ab Græcis, una cum dominatu Imperatorum Orientis, jampridem receptum fuisse, & adhuc eo tempore viguisse. Hæc epistola data est VIII. Idus Februarii, anno 1198. uno fere mense postquam Cælestino III. in Sedem Romanam successit Innocentius.

Intrusum in sedem archiepiscopalem Innocentius III. expelli jubet.

Capitulo Sanctæ Anastasiæ, ut electus per potentiam laicalem intrusus cassetur, & alius de licentia apostolica eligatur.

Ex illo singulari excellentia privilegio, quod Unigenitus Dei Filius Jesus Christus principi Petro concessit, Sanctorum Patrum postmodum instituta manarunt, ut majores causæ ad Sedem Apostolicam perferrentur, quatenus quod super eis deberet statui, circumspicte ipsius responsio declararet. Cum igitur in Ecclesia vestra, quæ sub obedientia Sedis Apostolicæ perseverans, Græcorum

Epistola Innocentii P. III. ad Capitulum S. Anastasiæ.

rum hactenus & ritum servaverit & linguam, per laicalem potentiam, prater vestram auctoritatem & electionem vestram, non tam Latinus, quam Barbarus sit intrusus; Nos de fratrum nostrorum consilio intrusionem ipsam irritam decernentes, ne diutius Pastoris solatio vestra careat Ecclesia, vobis humiliter postulantibus secundum statuta Canonum, & antiquam ejusdem Ecclesie consuetudinem, liberam concedimus licentiam eligendi, per apostolica scripta mandantes qualiter talem vobis in pastorem electione canonica praeferatis, qui non minus prodesse desideret & noverit, quam praesse. Dat. Later. 8. Id. Februarii 1198.

NICOLAUS ARCH. JADREN. V. electus.

Nicolaus  
Manzavi-  
nus ex E-  
pisc. Pha-  
rien. Ar-  
chiep. Ja-  
dren. ele-  
ctus.

Erat Episcopus duarum insularum Phariæ & Braçiae, qui cum Petri Archiepiscopi electi absentis munere & officio fungeretur, ut supra dictum est, animos Jadrensiū ita sibi conciliaverat, ut Canonici Jadertini ex facultate sibi ab Innocentio tradita, ejusque mandato, cunctis suffragiis hunc sibi in Archiepiscopum elegerint an. 1198. ante mensem Majum; sed ob eas causas, quas infra exponam, neque approbationem, neque pallium ab Sede Apostolica impetravit. Itaque nomen Archiepiscopi annos fere quinque retinuit. Bela III. rex Hungariæ e vita migravit an. 1197., vel proximo incunte. Duos filios reliquit, Emericum sive Henricum natu maximum, qui parenti in regnum successit, & Andreā, quem Dalmatiæ & Chrobotiæ principatu Emericus frater donavit. Hic Zachlumiam, sive Chulmiam Serblis, Ramam Rascianis adempram, ad suam ditionem adjunxit, suisque titulis adjecit, appellarique voluit Dalmatiæ, Croatiæ, Rame, Chulmaque dux. Anno igitur 1198. post Zachlunos & Rascianos insigni victoria profligatos, triumphali pompa & apparatu ingressus est Jaderam; qua in urbe sententiam tulit secundum Vincentium Abbatem S. Chrylogoni; in hac autem nominatur Nicolaus Archiepiscopus: Anno 1198, die 6. Maii, temporibus Emerici regis Hungariæ, Dalmatiæ, Croatiæ &c. ac Nicolai Jadrensiū Archiepiscopi. Post felicem, & gloriosum victoriosæ dominationis ingressum Illustrissimi Andreæ, tertii regis Bela filii, & triumphum, quem sibi omnipotens ducatus sui protector & auctor, de Dalmatiæ & Croatia magnifice conferre dignatus est, atque post habitam tam Chulmiæ, quam Rasciæ laudabilem victoriam, cum ad Jadertinam civitatem victor rediret, ducatus sui jura disponens, &c. Anno itidem sequenti in tabulis S. Mariæ Nicolaus Archiepiscopus vocatur: 1199. mense Martii die decima, adstante Indict. secunda Jadra. Temporibus ejusdem . . . Emerici regis Hungariæ, Dalmatiæ, Croatiæ, atque Ramæ, & Andreæ incliti fratris ejus, & Nicolai Jadrensiū Archiepiscopi &c. Extant itidem duo monumenta ex tabulario S. Chrylogoni anno 1202. conscripta, alterum pridie Nonas Martii, alterum pridie Idus Maji, in quibus nominatus est Nicolaus, cum apposito vocabulo Archiepiscopi.

Conatus  
Nicolai  
inutiles.

Nicolaus multa quidem temere aggressus est, sed nihil illi e sententia successit; & cum plura concupisceret ac moliretur, quam jus & æquitas ferret, omnia ejus molimina & conatus eo denique reciderunt, ut & Phariensem, quem dimiserat, & Jadertinum, quem jure electionis acquisierat, pontificatum amiserit. Primum igitur

tur omnem operam adhibuit, ut in Sedem Phariensem, ab se relictam, Diaconum quemdam Jadertinum intruderet, quem neque Clerus, neque populus utriusque insulæ Phariæ & Braçiae admittere voluit. Andreas vero Dux Dalmatiæ & Chrobotiæ, dum regiones illas lustraret, Micham Canonicum Ecclesiæ Spalatenis Episcopum utriusque insulæ nominavit; quam nominationem Clerus populusque cunctis suffragiis approbarunt; idem vero Andreas Ecclesiam Phariensem Spalateni adjudicavit: Hinc est, inquit, quod nos in Dalmatiam perambulantes invenimus Episcopatum Phariensem suo pastore vacantem; ne igitur juri ecclesiastico in aliquo derogaretur, diligenti inquisitione inquisivimus, cui Archiepiscopati suffraganatus subiaceret, relatione vero Dalmatiæ Episcoporum, & universorum Croatarum principum percepimus, quod ex antiqua constitutione sub Spalateni Archiepiscopatu fuisset. Nos vero relationi eorum attendentes, prætactum Episcopatum cuidam Spalateni Canonico Michæ contulimus, & eundem Episcopatum Spalateni Ecclesiæ confirmavimus &c. Integrum Andreæ diploma descriptum habes in Michæ Episcopo Phariensi.

Illud præterea molitus est Nicolaus, ut jurisdictionis metropolitanae fines amplificaret, & provinciam Jadertinam duabus Ecclesiis episcopalibus Nonensi & Scardonensi augeret. Auctor igitur Capitulo & civibus fuit communi totius civitatis & Ecclesiæ nomine petendi ab Emerico rege, ut juberet duos illos Episcopos redire in fidem ac ditionem Metropolis Jadertinae, ad quam antea pertinuisse, cuique tunc attributos fuisse aiebant, cum Ecclesia Jadrensis ex Apostolica Sedis auctoritate jus nomenque metropolitanum adeptæ est. Emericus ne quid temere postulatis Jadrensiū indulgeret, Michaeli Episcopo Scardonensi per litteras imperavit, ut Jaderam se conferret, tabulas illius Ecclesiæ diligenter scrutaretur, & evolveret; in iisque si comperisset Ecclesiam suam inter illas annumerari, quæ simul cum dignitate metropolitana contributa fuerit metropoli Jadertinae; hujus Archiepiscopo subjectum se profiteri, atque obedientem præbere meminerit. Epistola Emerici inserta est actis Michaelis Episcopi Scardonensis. In eadem sententiam scripsit Episcopo Nonensi. Cum per eos dies Spalatina Sedes vacaret, Capitulum Spalatenle causam ac defensionem suæ metropolis suscepit, & Jadrensiū conatus infregit; quorum postulata nullis tabulis, nullo jure, nulla consuetudine inniti per suos nuncios & litteras regem edocuit. Emericus igitur regium mandatum revocavit; & epistolam plenam officii ac benevolentiae ad Canonicos Spalatenes scripsit, quam exhibuimus post acta Petri VIII. Archiepiscopi Spalatenis.

Sed nihil Nicolao calamitosius & perniciosius fuit, quam quod injussu Sedis Apostolicæ a Phariensi ad Jadertinam Ecclesiam transierit, quod ante pontificiam approbationem Archiepiscopi jura & officia usurpaverit, quod denique Innocentio Papæ Romam ad se purgandum venire jubenti parere noluerit. Hæc breviter Archidiaconus cap. XXIII. Vacante autem Sede Jadrensi, Nicolaus iste in Archiepiscopum est electus, qui electionem temere suscipiens, absque licentia Sedis Apostolicæ administratione Jaderensis Ecclesiæ se imprudenter immergit. Quamobrem Innocentius Papa eum utraque dignitate privavit. Postquam Nicolaus electus fuisset in Archie-

Emericus  
rex Hung.  
jubet Episcopos  
Nonen. &  
Scardonen.  
redire ad  
obsequium  
Metrop.  
Jadrensis.

sed postea  
mandatum  
revocavit.

Tria ob-  
jecta Nico-  
lao, ob quæ  
illius trans-  
itus a Phari-  
ensi ad  
Jadertinam  
Ecclesiam  
non erat  
legitimus.

chiepiscopum, oratores Cleri & civitatis Jader-  
tinæ Romam venerunt postulatam ab Innocen-  
tio, ut electionem illam ratam haberet, tradi-  
tumque Nicolao Sacerdotium auctoritate apo-  
stolica confirmaret. Pontifex cum suis litteris  
hoc responsum ad Jadrenses referri iussit: e col-  
legio Canonicorum viros aliquot probatæ fidei  
atque integritatis Romam mitterent, ut de stu-  
diis postulationum, & de meritis postulati cer-  
tior effectus, securius in ipso negotio procedere  
valeret. Si ex eorum testimoniis electionem ri-  
te factam, & electum eo gradu atque honore  
dignum esse comperisset, nihil moræ in se fu-  
turum quin transitum Nicolai ab una ad alte-  
ram Ecclesiam, & electionem approbaret, pal-  
liumque illi concederet; modo tamen jureju-  
rando polliceretur se fore subjectum Patriarchæ  
Gradenfi. Hæc conditio mirum quantum dispi-  
cuit Jaderthinis internunciis. Itaque neque Pon-  
tifice salutato, neque pontificiis litteris acce-  
ptis, Jaderam redierunt. Nicolaus vero per sum-  
mam temeritatem atque arrogantiam se in ad-  
ministrationem Metropolis Jaderthinæ ingessit, &  
partes agere Archiepiscopi præoccupavit. Hæc  
ex epistola Innocentii ad eundem Nicolaum  
paullo post describenda.

Nicolaus  
ab Innocen-  
tio impetra-  
vit, ut  
sua & Mi-  
chæ causam  
tribus  
Episcopis  
cognoscen-  
dam dele-  
garet.

Cum de hac præproperea ac temeraria archie-  
piscopalis officii usurpatione ad Sedem Aposto-  
licam se delatum fuisse Nicolaus cognovit, &  
simul iniquo animo ferret Episcopatum Pharien-  
sem, Diacono Jaderthino, quem ipse eligi vo-  
lebat, repulso, collatum fuisse Michæ Canoni-  
co Spalatenfi, hunc criminatus est, quod Se-  
dem Phariensem temere & imprudenter inva-  
serit, & litteras ab Innocentio ad Episcopos Po-  
lensem, Absarentem, & Arbensem impetravit,  
ut hi tum de tua, tum de causa Michæ co-  
gnoscerent, ac sententiam ferrent. At Michæ,  
cum postulati a Nicolao iudices sibi suspecti es-  
sent, illorum iudicium subterfugiens, Romam  
profectus est. Illi autem in eum, iter Roma-  
num jam ingressum, sententiam anathematis tu-  
lerunt: qua quidem poena, si forte in eam in-  
currisset, Micham Pontifex liberari iussit, & re  
injudicata dimisit. Hæc e litteris Innocentii ad  
Episcopos Tinninensem & Scardonensem infra  
describendis. Michæ igitur post consecrationem  
episcopalem Spalati susceptam a tribus Episco-  
pis provinciæ Spalatensis, ex mandato & dele-  
gatione Capituli, quod, Sede Archiepiscopali  
vacante, secundum canonicas sanctiones in po-  
testatem atque administrationem archiepiscopa-  
lem successerat, Romam se contulit, ut ab In-  
nocentio collati sibi Episcopatus Phariensis ap-  
probationem impetraret. Verum cum Nicolai  
translatio a Phariensi ad Jadrensem Ecclesiam  
suffulta non esset auctoritate Sedis Apostolicæ,  
sicut hæc non erat legitima, ita legitime &  
vere vacua esse non poterat haberique Sedes Pha-  
riensis: quo posito, Michæ electio irrita esset  
necesse erat. Nicolaus autem, ut suæ temerita-  
tis & audaciæ culpam ab se amoveret, Micham  
vero ab Ecclesia Phariensi repelleret, per suos  
nuntios, & in suis ad Pontificem litteris asse-  
rebat, se quidem electum fuisse ab Jadrensis,  
atque Jaderam, unde oriundus erat, ad pater-  
nam domum adiisse; verum in Ecclesia illa, non  
Archiepiscopi, sed Archidiaconi Jadrensis offi-  
cio functum esse: quippe titulum munusque Ar-  
chidiaconi, quod ante susceptum Phariensem E-  
piscopatum obtinebat, postea etiam, vel Sedis  
Apostolicæ, vel Capituli Jadrensis permisso re-

tinuerat. Micham vero de ambitu accusavit,  
quod corrogatis insularium suffragiis Ecclesiam  
Phariensem nondum a proprio Episcopo reli-  
ctam occupaverit. Contra ea respondebat Michæ,  
Nicolaum aperte & palam professum esse a Se-  
de Apostolica potestatem sibi factam fuisse tran-  
teundi ad Ecclesiam Jadrensem, dimissa Pha-  
riensi, in eaque jus & officium archiepiscopale  
usurpasse, ac proinde Pharienses, cum ex asser-  
tione Nicolai Ecclesiam suam legitime ab eo  
dimissam esse putarent, jus habuisse novi Epis-  
copi eligendi, seu potius approbandi, recipien-  
dique illum, quem Andreas Dux Dalmatiæ no-  
minaverat. Cum igitur inter se contraria essent  
quæ Michæ, quæque Nicolaus assererat, Pon-  
tifex ab utriusque assertionem assensum sustinuit;  
neutri credendum censuit, ne alterutri injuriam  
faceret. Itaque de huiusmodi rebus certior fie-  
ri, docerique voluit ab Episcopis Tinninienfi  
& Scardonensi, itemque a Cœnobiarcha Tragu-  
riensi S. Joannis Baptiste, ad quos litteras de-  
dit: caput autem litterarum, sibi quidem con-  
stare transitionem Nicolai ad sedem Jaderthinam  
auctoritate Sedis Apostolicæ approbatam non  
fuisse; sed quæ Nicolaus absens per litteras, &  
Michæ coram exposuerant, non esse inter se con-  
sentanea; se incertum esse utri fidem adhibeat:  
illi, vel saltem duo ex illis, rem diligentius  
inquirant; quid veri aut falsi compererint, ad  
se rescribant. Hæc epistola data est Laterani  
iv. Id. Julii, anno ii. pontificatus Innocentia-  
ni, id est Christi 1199.

Innocentius Episcopus servus servorum Dei ve-  
nerabilibus fratribus Tinninensi & Scardonensi E-  
piscopis, & dilecto filio Abbati Traguriensi sa-  
lutem & Apostolicam benedictionem. Constitutus  
in præsentia nostra venerabilis frater noster M.  
dictus Farenfis Episcopus sua nobis assertionem mon-  
stravit, quod cum venerabilis frater noster N.  
Farenfis Episcopus electus fuisset in Archiepisco-  
pum Jaderthinum, asserens electionem suam fuisse  
per Sedem Apostolicam confirmatam, ad Jaderthi-  
nam transiit Ecclesiam, & in ea tamquam Ar-  
chiepiscopus ministravit; postmodum autem ad Fa-  
rensem accedens Ecclesiam, cepit de substituenda  
sibi in eadem Ecclesia pastore tractare, volens in  
eam intrudere M. Diaconum Ecclesiæ Jaderthinæ;  
principe terræ alium ibidem intrudere moliente  
per potentiam laicalem; propter quod clerus &  
populus Farenfis convenientes in unum, credentes  
dictum Episcopum ad Jaderthinam Ecclesiam aucto-  
ritate Sedis Apostolicæ transivisse, dictum M. in  
pastorem sibi concorditer elegerunt, & electionem  
factam dilectis filiis Spalatenfi Capitulo præsen-  
tantes, eam confirmari obtinuerunt, & electum  
suum per Suffraganeos Spalatensis Ecclesiæ conse-  
crari. Postmodum autem præfatus N. Farenfis  
Episcopus a nobis ad venerabiles fratres nostros  
Polensem, Absarentem, & Arbensem E-  
piscopos litteras impetravit, a quibus licet pro-  
pter causam suspicionis idem Episcopus appellas-  
set, ipsi nihilominus, sicut ei fuit in via sugge-  
stum, excommunicationis sententiam protulerunt;  
propter quod ipsum ad Sedem Apostolicam veni-  
entem fecimus ad maiorem cautelam absolvi.  
Constitit autem nobis quod licet dictus N. postu-  
latus fuerit in Ecclesia Jaderthina, postulatio ta-  
men ejus nondum fuit per Sedem Apostolicam ap-  
probata. Suggerum etiam nobis fuit per litteras  
& nuntios ejus, quod cum Jaderam, unde ori-  
undus fuerat, ad domum propriam accessisset, &  
in Jaderthina Ecclesia, non tamquam Archiepisco-  
pus,

De  
is contro-  
verfiis  
Innocen-  
tius se e-  
doceri ab  
Episcopis  
Tinninien-  
& Scardo-  
nen. per  
litteras ju-  
bet.

Epistola  
Innocentii  
Pape III.

pus, sed tamquam Archidiaconus ministraret, dicitur M. in locum viventi irrepit, & in Farensem Ecclesiam temere se permisit intrudi; propter quod de mandato nostro per memoratos Episcopos excommunicationis fuit vinculo innodatus; quia vero sive memoratus Episcopus temere transiverit ad Ecclesiam Jaderinam, sive ipsam tamquam ipsius Archidiaconus visitavit, antequam Farenfis Ecclesia fuisset ab eo auctoritate Sedis Apostolica absoluta, per electionem canonicam alium sibi Episcopum non poterat copulare; eidem Episcopo dedimus in mandatis, ut a Farenfi Ecclesia omnino recedat, nec se nominet Farensem Episcopum; sed ad Spalatensem Canonicam, unde assumptus fuerat, si voluerit, revertatur. Quia vero Farenfis Ecclesia iusto forsan errore decepta, credens videlicet Episcopum ad Jaderinam Ecclesiam de mandato Ecclesiae Romanae transisse, in hunc contulit sua vota, & ipse occasione simili circumventus consensit in eam; discretionem vestram per apostolica scripta mandamus, quatenus, sublato appellationis obstaculo, inquiratis diligentius veritatem, si praefatus N. Farenfis Episcopus postulationem suam asseruit per Sedem Apostolicam approbatam, si ad Jaderinam Ecclesiam omnino transivit, si in ea se habuerit ut electus, si de substituendo sibi pastore in Ecclesia Farenfi tractavit; ut de his & aliis per litteras vestras certiores effecti, melius in ipso negotio procedamus. Quod si omnes his exequendis nequiveritis interesse, duo vestrum ea nihilominus exequantur. Datum Laterani 4. Idus Julii, Pontificatus nostri anno secundo, id est 1199.

Litteris eodem loco dieque datis Innocentius administrationem Ecclesiae Phariensis commendavit Capitulo Spalatensi, ut ejusdem curam gereret, dum causa Michae Phariensis electi canonica disquisitioni subesset.

Quinto fere mense post superiores litteras, Innocentius ad Nicolaum scripsit, eique imperavit, ut cum delectis e Capitulo Canonicis Romanam veniret, praecipuae administrationis archiepiscopalis rationem redditurus; ut si iusta & sincera excusatione adhibita, de auso illo temerario se purgaverit, & ipse idoneus ad munus sibi impositum gerendum esse, ejusque electio canonica fuisse reperiatur, illius ab una ad alteram ecclesiam transitionis approbationem, & pallium pontificale recipiat; postquam scilicet pollicitus fuerit se submissum Patriarchae Gradenfi, atque obedientem futurum. Nisi porro se intra duos menses Romae sistat, omne episcopale munus atque officium sibi perpetuo interdictum esse intelligat.

Mirari cogimur & moveri, quod (sicut a multis accepimus) tu regimen Ecclesiae Jaderinae, sine mandato Sedis Apostolicae, irreverenter assumere praesumpisti; licet enim clerici Ecclesiae Jaderinae cum sua civitatis nunciis ad nostram praesentiam accessissent, & nobis tam ex relatione ipsorum, quam litterarum inspectione, quas tulerunt, patuisset, quod in Jaderinum Archiepiscopum electus fueras, imo verius postulatus; quia tamen etsi de modo postulationis possemus reddi per easdem litteras certiores, de persona tua nobis non poterat fieri certa fides, nec examinare debebamus absentem; eis de consilio fratrum nostrorum decrevimus respondere, ut aliqui de Canonicis ejusdem ecclesiae nostro se conspectui praesentarent, ut de studiis postulationum, & de meritis postulati certiores effecti, securius in ipso negotio procedere valeremus: adicientes quod li-

cet Episcoporum translatio ad solum pertinet Romae Pontifici, quia tamen ad Ven. fratrem nostrum Patriarcham Gradensem consecratio Jaderini electi noscitur pertinere, cum de beneplacito nostro procederet, ut tibi pallium conferremus, & tu nobis juramentum fidelitatis praestares, te procul dubio faceremus dicto Patriarchae Gradenfi professionem canonicam, & debitam obedientiam exhibere; sed ipsi nuncii tales noluerunt litteras reportare; quibus reversis sine mandato nostro, Ecclesiae Jaderinae diceris regimen assumpsisse, & in ea tam temporalia, quam spiritualia administrare; quia vero grave nimis est, quod de tua praesumptione proponitur, nec subito volumus damnationis sententiam jaculari, fraternitati tuae per apostolica scripta mandamus, & districte praecipimus, quatenus infra duos menses post suspensionem praesentium, cum competenti numero Canonico Ecclesiae Jaderinae, iter arripas ad Sedem Apostolicam veniendi, redditurus nobis super excessu, quem praediximus, rationem; ita quod si culpabilis inventus non fueris, cum nobis de postulatione canonica, & persona tua idoneitate constiterit, translationis gratiam, & pallium recipere merearis: postmodum debitam nobis fidelitatem, & dicto Patriarchae Gradenfi professionem canonicam impensurus; alioquin ex nunc te noveris ab officio pontificali suspensum; & nos Canonicis Jaderinae Ecclesiae dedisse firmiter in mandatis, ut aliam personam idoneam canonice sibi eligant in Pastorem. Dat. Laterani 3. Nonas Decembris, id est eodem anno 1199.

In eadem sententiam & iisdem fere verbis scripsit ad Canonicos Jadrenses, quibus imperavit, ut si Nicolaus mandatis pontificiis non obtemperaverit, alium sibi Archiepiscopum eligant; siquidem epistolae Innocentianae modo descriptae hanc notam subjectam invenio: *Scriptum est Jaderinis Canonicis in eum fere modum, usque ad verbum suspensum. Deinde hoc additum est: Quocirca universitati vestrae per apostolica scripta mandamus, quod si praedictus Episcopus praecipuum nostrum contempserit, vos aliam personam idoneam vobis eligatis canonice in Pastorem. Dat. ut supra. Utraque epistola scripta est anno 2. Pontificatus Innocentii, Christi 1199.*

Nicolaus litteris pontificiis neque paruit, neque rescripsit; ac dignum se praebuit, quem Innocentius utroque Sacerdotio & Phariensi & Jaderino privaret, quemadmodum docet Archiepiscopus, & licet intelligi ex epistola Innocentii ad Emericum regem Hungariae, cujus particulam extremam hic subijcio: Nicolaum quoque quondam Farensem Episcopum, qui non solum praeter auctoritatem nostram, sed etiam contra prohibitionem expressam, Jaderinam Metropolitim, quam praesumpsit invadere, detinere praesumit, unde suspensus a nobis anathematizari mandatur, ut a suo resipiscat errore, tradita tibi potestate compellas; ne juxta canonicas sanctiones, non careas scrupulo societatis occulta, si manifesto facinori desinas obviare. Dat. Laterani Idib. Octob. an. 1200. Nihilo obsequentiores Pontifici se praebuerunt Canonici Jadrenses. Itaque Nicolaus vel invito Innocentio titulum Archiepiscopali retinuit usque ad annum 1202. ut docent tabulae coenobii Benedictini Jadrensis supra laudatae; neque antea illum deposuit, quam Veneti eodem anno Jaderam expugnaverunt. Post annum 1202. nulla deinde Nicolai mentio reperitur in tabulis Jaderinis; & interregnum Archiepiscopale tenuit usque ad annum 1208. Sedem

In eadem sententiam scripsit ad Canonicos Jaderinos.

Nicolaus cum mandatis pontificiis parere nollet, in ordinem cogitur.

Innocentius Nicolaum Romam venire jubet.

Epistola Innocentii.



Micha Epi. Sedem vero Phariensem (Nicolao legitime per Pontificem dejecto, atque exauctorato) Micha obtinuit, eodem Innocentio approbante, qui præterea decrevit, ut, sublata omni controversia, ecclesia illa Metropoli Spalatensi subesseret. Hic (Micha) in Ecclesia Spalatina consecrationem suscepit, & pergens ad Apostolica Sedis Præsulem, confirmationis rescriptum obtinuit, ut deinceps Episcopus Phariensis antiquæ Metropoli Spalatensi, tamquam matri suæ, perpetuo adhaereret. Thomas Archidiaconus cap. 23.

Cum Veneti Jadera amissa, ut supra dictum est, insulas omnes Jadertinae ditionis in sua potestate retinuisent, Jadrensiū opes, quællus, vectigalia, territorium in summas angustias adduxerant. Hi autem emolumentorum quod antea ex insulis percipiebant, piraticis prædis compensare decreverunt. Itaque armatis lembis mari discurrere, undecumque & quæcumque possent rapere ac prædari, & navigationem Adriaticam tum omnibus, tum præsertim Venetis infestam reddere cœperunt. Magno etiam odio in Venetos flagrabant, quod Jadrenses insulas retinerent, & Ecclesiam Jadertinam Patriarchæ Gradeni subiectam esse vellent. Erant autem eo tempore, ut scripsit Archidiaconus cap. 25. Jadrenses Venetis multum infesti; quacumque enim ex parte poterant, Venetos invadebant, bonæ eorum diripientes, injuriantes, trucidantes, & quidquid mali exercere valebant, in ipsos totis viribus conabantur. Anno 1202. Syriaca expeditio indicta est, quæ Venetis maleficia & damna ab Jadrensiibus accepta vindicandi, & urbis oppugnandæ capiendæque occasionem præbuit. Innocentio III. hortatore & impulsore, ingens nationum occidentalium fere omnium motus extitit & concursus ad Palæstinam recuperandam. Bonifacius Marchio Monferratenis supremus imperator, alique duces, Episcopi, ac proceres, ex Gallia & Belgio, qui sacra militiæ nomen dederant, cum ingentibus copiis Venetias conveperunt. Pro tantarum copiarum vetura octoginta millibus marcharum argenti ajunt pactos fuisse cum Venetis, qui & comæatus nauticos, & naves onerarias ad pedites equitesque transvehendos contribuere debebant. Sed cum Principes fœderati non haberent, unde integram præsentemque pecuniam solverent, ita convenit, ut pro dimidio illius summæ, quod illis deerat, operam suam Venetis ad Jaderam expugnandam conferrent. Veneti autem & ipsi sacro fœderi adscripti, sexaginta triremes adornarunt, quas post captam Jaderam in Palæstinam contra Saracenos traducerent. Henricus Dandulus Dux, etsi ætate longe proventus, Senatu populoque approbante & plaudente, crucem sumpsit, ac Venetæ classis imperium suscepit. Primus itaque omnium Idibus Octobris anno 1202. profectus est; cum reliqui postmodum secuti sunt. Jadertinae civitatis obsidionem, oppugnationem, eversionem Archidiaconus cap. 25. descripsit his verbis: *Itaque universa classium multitudo sustulere se a Venetiis A. D. MCCIII. (II.) mense Octobri, & venientes circa oras Istriæ intraverunt in Dalmatiam, applicueruntque prope Jadrensiū civitatem. Erant autem insigniores duces ipsius exercitus, ex parte Fran-*

*corum quidam Simon \* Comes de Monte forti, ex parte vero Venetorum Dux Henricus Dandulus, vir valde strenuus & circumspectus, qui licet corporalibus oculis cæcutiret, mente tamen satis noverat perspicaciter intueri. Igitur ubi se*

*Jadrenses vident ab exercitu circumvallari, timuerunt valde, quid consultius agerent nescientes. E vestigio autem subsecuta est clades nimie mortalitatis, ita ut non tot viri & sani in civitate restarent, qui sufficerent mortuos sepelire; jacebant miserorum cadavera in domibus, & ecclesiis inhumata; nesciebant miseri cives quid potius, funera an publica officia procurarent; sicque factum est, ut infelix civitas suorum præsidii indefensa, in brevi, & de facili ab hostibus caperetur. Die autem S. Chrysogoni, qui apud illos celeberrimus habebatur, divina ultio patuit super illos; nam Veneti de ratibus egressi catervatim in civitatem irruerunt, quam in momento captam, & aliquando hospitatam, in recessu totam in solitudinem rede gere. Diruerunt enim omnes muros ejus, & turres per circuitum, & universas domos intrinsecus, nihil nisi solas ecclesias relinquentes.*

Civitas itaque mœnibus nudata est, privata & publica ædificia, præter ædes sacras, magna ex parte semiruta, incolæ fuga dispersi alialio se receperunt; & cum exercitus Principum fœderatorum circa urbem hybernaverit, nemo Jadrensiū illuc accedere ac patriam revivere ausus est. Vere appetente anni proximi 1203, classis Veneta cum sociis discessit; cujus discessu Jadrensiibus profugis metus exemptus, ac patriæ ulciscendæ dira cupido injecta est; & si umquam antea, tunc maxime odio iraque exstimulante, infestissimam Venetis insulis ac navigationibus piraticam exercere cœperunt, ut docet Archidiaconus loco supra laudato; & quæ secuta sunt usque ad urbem restitutam, & Jadrenses in gratiam ac ditionem Venetorum receptos, accurate persequitur: *Tunc Jadrenses patria exules cœperunt per mare discurrere, magnas Venetorum cades, ubicumque eos invadere poterant, facientes. At Veneti missis galeis & navibus ædificaverunt quoddam præsidium in insula ante Jadram, ubi plurima confidens acies armatorum prohibebant Jadrenses civitatem ingredi, eos per mare undique insequentes. His diebus advenerunt decem galeæ Cajetanorum ad Dalmatiam partes. . . . Coadunaverunt se Jadrenses cum Cajetanis, & abeuntes cœperunt pugnare cum Venetis, qui erant in castro; & tandem Veneti imparēs viribus, defecit jam, & languentibus dextris resistere nequibant. Tunc Jadrenses cum Cajetanis potiti victoria, quotquot Venetos in castro illo invenerunt, omnes gladio peremerunt; destructo totius munitionis illius ædificio, Jadram intraverunt; & tunc ruinas domorum suorum, ut poterant, instaurantes, habitaverunt in eis. Miserunt autem Venetias, & fecerunt pacem cum ipsis, jurantes eis subjectionem perpetuam, & fidelitatis constantiam observare.*

Ædibus collapsis utcumque restitutis, civitas rursum inhabitari cœpit. Sed cum novam contra se & validiorem classem Venetiis apparari audivissent, legatos mittunt anno 1203. vel proximo incunte, pacem orant, his legibus impetrant, ut obsides darent, Comiti seu magistralui parerent, quem ipsi e Veneta nobilitate elegissent; & quod caput fuit, ecclesiam suam Patriarchæ Gradeni subicerent: *Timentes stolum, ait Dandulus, quem Veneti prædaraverant, per suos nuncios gratiam implorant, & offerunt perpetuam fidelitatem, obsides, & cantationem laudum exhibere, Comitemque Venetum eligere, & Archiepiscopum, qui reverentiam & obedientiam Primati debitam Patriarchæ Gradeni exhibeat,*

Classis Veneta Jaderam expugnat & inchoa diruit.

Jadrenses legatis Venetias missis pacem orant, impetrantque, & ecclesiam suam Patriarchæ Gradeni subijciunt.

beat, & erga hostes Venetorum insurgere, & annuatim 3000. pellium cuniculorum tribuere. Qua oblatione benigne accepta, ad gratiam restituti sunt.

Interregnum Archiepiscopale.

Virginum Benedictinarum S. Demetrii cœnobium traditum monachis SS. Cosmæ ac Damiani.

Quamvis autem urbe reedificata, & Jadrensis in gratiam Venetorum receptis, res quietæ tranquillæque viderentur; tamen metropolis Jadertina usque ad annum 1208. Archiepiscopo caruit. Erat Jaderæ cœnobium S. Demetrii, quod Virginibus Benedictinis, post eversionem Belgradi ex hac urbe profugis, Jadrenses attribuerant. Cum civitatis obsidio & oppugnatio immineret, hæ virgines partim cum Viola in Arbam insulam transeuntē receperunt se in collegium Virginum Arbensium S. Andrea; partim vero ad Ecclesiam S. Petri in Bubiano domumque illam campestrē commigrarunt, quæ ad monasterium S. Demetrii pertinebat. Hoc igitur Demetrianum cœnobium vacuum ac desertum, Plebani, ac Præpositi parœciarum urbis, ex quibus Capitulum ædis cathedralis constabat, & Domaldus Comes, & Commune Jadertinorum donavit Dominico Cœnobiarchæ, & monachis SS. Cosmæ ac Damiani, insulæ Palmaniz; ad quos post urbem captam & eversionem confugerant; propterea quod ab illis benigne accepti, ac liberaliter habiti & tractati fuissent. Capitulum Jadren. Domaldus Comes, & universitas ipsius civitatis, Reverendissimo Patri Dominico Sanctorum Cosmæ & Damiani de Monte Abbati, ejusque catholicis successoribus monasticam vitam professis in perpetuum. Quoniam nostræ desolationis & exilii tempore, vos & monasterium vestrum agnovimus nobis profligatis fore asilum pariter, & auxilium. Idcirco ad memoriam beneficia vestra nobis benigne exhibita reducentes, vobis, & per vos vestro monasterio Ecclesiam S. Demetrii Martyris, in nostra civitate sitam, tradimus atque concedimus, ita dumtaxat, ut liceat vobis & prædicto monasterio memoratam ecclesiam cum adjacente curia sua libere obtinere, & rationabili jure perpetuis temporibus possidere. Obsecramus igitur, & contestamur omnes Dei fideles per Deum Patrem omnipotentem & Jesum Christum filium ejus, nec non & Spiritum Sanctum ab utroque procedentem, ut hæc omnia inviolata custodiant, quatenus in Sanctorum consortio æternæ retributionis bravium habere mereantur.

Ego Marinus Plebanus S. Mariæ huic donationi interfui & subscribo.

Ego Petrus Plebanus S. Stephani huic donationi interfui & subscribo.

Ego Joannes Plebanus S. Michaelis subscribo.

Ego Stephanus Plebanus S. Petri subscribo.

Ego Presbyter Michael subscribo.

Ego Presbyter Grifogonus subscribo.

Scriptum Jadræ a Camasio Diacono S. Anastasie, & Communis notario. Anno Dominicæ Incarnationis 1203. mense Februarii, Indiæ. sexta feliciter.

Indictio sexta congruit quidem cum anno 1203. sed neque hic annus, neque indictio retineri potest. Utraque nota chronologica amariensis vitio depravata est; mense siquidem Februarii, & anno 1203. nondum clavis Veneta & sociorum Jadera, & ab hybernis discesserat. Itaque ex Joannis Lucii correctione substituentus est annus 1204. cum indictione septima.

Hanc donationem suo diplomate communivit Benedictus Phaledrus Patriarcha Gradenfis pro suo jure Primatis, quod non solum ex decreto

Sedis Apostolicæ, sed etiam ex conditione a Venetis imposita Jadrensis, & ab his accepta, libere jam usurpare poterat. Hoc diploma scriptum fuerit oportet ante annum 1208. ut docent tabulæ Jadrenses paullo post describendæ. Benedictus Dei gratia S. Gradenfis Ecclesiæ Patriarcha, & Dalmatiæ Primas, dilectis in Christo filiis Dominico S. Damiani de Monte Abbati, & ejus conventui salutem & patriarchalem benedictionem. Justis petentium votis facilem nos decet præbere assensum, & ea, quæ a veritatis tramite non discordant, præcunte justitia confirmare. Eapropter dilecti in Christo filii, vestris justis postulationibus annuentes, ecclesiam S. Dimitrii Martyris in Jadertina civitate positam monasterio vestro ab universo clero & populo ejusdem civitatis, intuitu pietatis & retributionis collatam, sicut eam cum suis adjacentiis juste & canonice possidetis, vobis præsentis scripti patrocinio confirmamus. Si quis autem huic nostræ confirmationis paginæ aliquo unquam tempore ausu temerario voluerit contraire, maledictionem Dei omnipotentis, & nostram se noverit incursum.

Virgines S. Demetrii, quæ ad S. Petri de Bubiano confugerant, cum summa rerum omnium inopia & multis ac magnis incommodis conflarentur; illis benigne ac liberaliter subventum est ab eodem Dominico Cœnobiarcha SS. Cosmæ & Damiani. Hæ igitur grati animi ergo ædem & domicilium S. Petri cum possessionibus eidem annexis, donaverunt Dominico Abbati & cœnobio SS. Cosmæ & Damiani, de consensu & voluntate conditorum ejusdem ecclesiæ S. Petri. Extant tabulæ donationis, in quibus nominatur Andreas rex Hungariæ, Dalmatiæ, & Chroatiæ &c. ex quo apparet has tabulas confectas fuisse extra urbem ac territorium Jadrense intra fines ditionis Hungariæ; siquidem post Jaderam a Venetis receptam, reliqua Dalmatia in fide mansit ac potestate regum Hungariæ. Cum stationem S. Petri, quæ tum ferebant inter Principes Slavoniæ, dissidia inferam protugis virginibus redderent, Dominicus Abbas domicilium satis tutum & commodum non longe a cœnobio illis attribuerat, pollicitus insuper nihil eisdem, quoad viverent, ab se & suo monasterio defuturum sive ad victum, sive ad cultum, & vestitum. En tabulas donationis.

Instante tempore maximæ perturbationis, & supervenientibus diebus malorum, & dolorum, in quibus civitas Jadertina solotenus prostrata est, necessitate cogente ad quamdam capellam in honorem S. Petri Apostoli fundatam in loco, qui dicitur Bubiani, quæ quondam fuit sub ditione monasterii S. Dimitrii, in quo parvus grex noster Deo omnipotenti famulabatur, confugimus nos quidem Dragosa, Cirda, Tremilla, & Dabroza moniales, & quadam aliæ, quæ Dei iudicio universæ carnis viam ingressæ sunt: volentes igitur, & modis omnibus affectantes in prædicto loco Domino Jesu Christo debitum servitium exhibere, propter instans schisma, quod ortum est inter potentes Sclavoniæ, multa & gravia incommoda ab omnibus, tempore ferventis schismatis, quotidie perpeßæ fuimus; tumque sine Rege eramus, tumque usque ad unum non erat, qui nobis faceret bonum. Ceterum cruciatus diurnos & nocturnos evadere optantes, cogitavimus ut quoquo modo tot angustiis, quibus premebamur, sinem Deus omnipotens sua benignitate imponeret; & reversis in nobismetipsis, ad honorem & gloriam Domini nostri Andreae almissi regis

Ædes & domicilium S. Petri eidem Dominico Abbati & Monachis donatum.

Tabulæ donationis.

regis Hungariae, accessimus mente & corde ad Venerabilem Patrem Dominum Dominicum Abbatem S. Damiani de Monte, & ad universos fratres ejusdem monasterii, scientes pro certo, quod nullo modo in memorata capella stare poteramus, rogantes plurimum posteritatem ejus, quod sui gratia & nobis consuleret pariter & subveniret; qui habito fratrum consilio, nostrae mediocritatis & calamitatum nimium compatiens, suscepit nos in consortio fraternitatis suae, firmiter nobis pollicens in vita nostra, tam in vicualibus, quam & indumentis, seu omnibus necessariis, prout sororibus suis, veluti meliori & Fratribus monasterii, providere; ideoque de communi voluntate & assensu fundatorum saepe dictae Ecclesiae S. Petri, scilicet Slovinae & Grubessae filiorum Boricii, Radoslavi & Dragoslavi filiorum Stephani, Trace Binboli filii Tolissi, Jurgii filii Radosi, Niculae & Prodanizi filiorum Domini . . . optulimus & tradidimus ipsam Ecclesiam S. Petri, cum omnibus pertinentiis suis, tam in vineis, quam in terris, sive in nutritis animalium quorumcumque, & subposuimus eam, & nos ipsas sub ditione & jure praedicti monasterii S. Damiani in perpetuum: praesente Domino Bartholomaeo Scardonense Episcopo, Mirso, Dessidrugo, Stoyanno, Negroso, Dragovanno Presbyteris; Duymo Megorovikio Tartaro Chleunianino, Chodimiro, Cacicle Sutroso, & Slaomiro Lisnici Kig, Privoso, & Trebeso Vireviksg, Stroyco, Daimozaymo, & Uste Cuddomirvikio. Scriptum est hoc, & roboratum a Vitale S. Petri veteris Plebano, & Jadrensi notario, festo S. Benedicti Abbatis, quod est XII. Kalendas Aprilis; anno vero Incarnationis Jesu Christi Domini nostri 1207. Ind. X. tempore Innocentii Papae tercii; Regnante vero Andrea tercii Bela regis filio, Hungariae, Dalmatiae, Croatiae, Ramae, Servieque rege feliciter.

Viola Antistita cœnobii Demetriani cum reliquis sororibus, quae Arbam confugerant & lex annos diversatæ fuerant apud Virgines Arbenfes S. Andreae, Jaderam reversa, cum vetus domicilium ac templum ex donatione Capituli & Communis Jaderini, in jus ac potestatem monachorum insulae Palmaniae migrasse cognovisset; ad Virgines Benedictinas S. Mariae se contulit, a quibus perbenigne cum sociis accepta, reliquam vitam ibidem transigere decrevit; facile se adduci passa est, ut jus omne antiqui cœnobii recuperandi sponte dimitteret; & ipsa quoque donationem illam confirmavit.

Ego Viola monialis Sanctae Mariae, quondam Abbatissa Sancti Dimitrii, post desolationem civitatis Jaderinae, cum non esset aliquis, qui de voluntate Ducis Venetiarum in ea quiesceret habitare, relicto parvo ovili meo diverti ad civitatem Arbensem, ubi quandiu Deus voluit, in monasterio Sancti Andreae permansi; sorores namque meae bonis omnibus expoliatae confugerunt ad Ecclesiam S. Petri in Bubiano capellam nostri monasterii, & ibi miseram & infelicem vitam ducentes, per aliquod tempus manserunt. Cumque Deus omnipotens sua gratuita pietate Jaderinis facultatem reddendi ad loca propria tribueret, & sorores praedictae propter servens schisma, quod inter nobiles Sclavoniae ortum fuerat, diurnis & nocturnis afficerentur incommodis, & nullam redeundi facultatem ad Ecclesiam S. Dimitrii haberent, quae a quibusdam Jaderinis habitabatur; Illustrissimus vir Domaldus Comes, Capituli, & populi consilio habito, optulerunt eam monasterio Sancti Damiani de Monte habendam in perpetuum

atque regendam; cui etiam, & sorores meae cum praedicta capella sua sponte se subdiderunt. Ceterum cum civitas praedicta volente Domino de die in diem in melius cresceret, & ego multis indigerem, reversa in memetipsam redii & ego, ubi cum quaererem ecclesiam meam, pro voluntate Capituli, & Vitalis Danduli Comitis, & totius Communitatis illam habere nequivi; praesertim cum Dominus Benedictus Faletro Gradensis Patriarcha ipsam jam dicto monasterio Sancti Damiani privilegii sui munimine roborasset. Ego vero benigne & misericorditer a Talia Sancta Mariae Abbatissa Domina mea, cum sororibus suscepta, cum ibidem manerem, ad exhortationem Capituli, & Communitatis, Dominicus Abbas Sancti Damiani ad sustentandam imbecillitatem meam tribuit mihi XX. perperos, & pro illis, quas ego mecum eduxeram e monasterio Sancti Dimitrii. Ideoque ipsum monasterium a modo perpetuis temporibus per me reddo securum, nullam aliquando loquelam, vel rixam contra eum, vel fratres ipsius aliqua fraude, vel imperio excitaturam. Prataxata sunt haec, & firmata in aspectu, & testimonio Matthaei Presbyteri Sanctae Mariae Majoris, Praedicii Sancti Stephani, Manfredi Sancti Michaelis Plebanorum, Grisogoni Presbyteri Sanctae Anastasiae, & Camosii Diaconi, Cossae Grisogoni, Michae Pecenegi, Dese de Perze, Vitaze Petricii, Nicolai de Lampredio, Leonardi de Ossinico, & aliorum multorum. Quod ego Vitalis Sancti Petri veteris Plebanus, & Jadren. notarius, ut audiui, scripsi, roboravi, & solito signo signavi procurrente anno Domini 1208. mense Septembri Indictione XI, Jadra.

## LEONARDUS ARCH. JADRENSIS VI.

Erat cœnobiarcha S. Felicis Venetiarum, quem ab Jadrensis ad regimen ecclesiae suae propterea electum fuisse arbitror, ut sibi Venetorum gratiam & benevolentiam magis magisque conciliarent. Hujus electionem Simon Gliubavacius patricius Jaderinus, doctus in primis atque eruditus, in eo, quem contexit, catalogo Antistitum Jadrensis, itemque Ferdinandus Ughellus & Valerius a Ponte in annum 1208. conjiciunt. Nec vero assentiri possum Julio Ambrosio Lucentio, qui apud Ughellum in editione Veneta Leonardum anno 1207. (nisi sit mendum typographi) e cœnobio Veneto S. Felicis ad Metropolim Jaderinam regendam evocatum fuisse tradit; hoc quippe anno Veneti & Jadrenses vi & armis inter se decertabant; nec vero ante finem hujus anni vel initium proximi Jadrenses, venia impetrata, in gratiam ac potestatem Venetorum redierunt, Praeterea anno 1204. Pastore adhuc carebat Metropolis Jaderina, ut est in tabulis Jaderae conscriptis: Anno Dominicae Incarnationis millesimo ducentesimo quarto, astante Indictione septima. Temporibus equidem Domini nostri Henrici Danduli Ducis Venetiarum, Dalmatiae atque Croatiae, Ecclesia Jaderina proprio carente Pastore, & Vitalis Danduli Comitis Jadra &c. In tabulis S. Chrysogoni Leonardus sub nomine Archiepiscopi reperitur anno 1209. 12. Junii, & anno 1213. die 6. Maji tandem Archiepiscopus nominatur.

Duas causas reperio, quae obstiterunt ne Leonardus ab Innocentio III. vel approbationem Archiepiscopatus sibi delati, vel pallium pontificale obtineret. Prima haec est. Clades & everio urbis Jaderae gravem indignationem commoverat Innocentii Pontificis, qui ducibus sacra-

Leonardus  
e cœnobio  
Veneto Be-  
nedictino  
S. Felicis  
electus Ar-  
chiep. Jader-  
n.

Approba-  
tione Pon-  
tificis &  
pallio ca-  
ruit ob du-  
as causas.

Viola An-  
tistita S.  
Demetrii  
donationem  
cœnobii  
Demetria-  
ni tradidit  
monachis  
SS. Columae  
& Damiani  
confirmavit.

rum expeditionum, & militibus cruce signatis, anathematum & execrationum poenis gravissimis propositis, interdixerat, ne Christianorum terras invaderent, aut bona diriperent; nominatim vero Jadrensis, qui a Veneta classe, illac præteritura, sibi suæque civitati metuentes, Pontificis opem ac tutelam imploraverant, ne ullam molestiam exhiberent cautum esse voluerat. Henricus Dandulus Dux Venetorum placare conatus fuerat iratum Pontificem, & suis ad eum litteris demississime, atque subiectissime scriptis, ejus facti rationem reddidit, causam culpamque omnem in ipsos Jadertinos convertit, qui cum a fide non semel defecissent, tum omni maleficiorum genere Venetos lacefferant, justitiamque eorum ultionem in se concitaverant. Jadrensis pro damnis illatis satisfactum esse, cum insulas omnes, quas ante rebellionem possidebant, illis Veneti restituisent; ac propterea impetratum esse a Petro Cardinali & legato Ecclesiæ Romanæ, ut Venetos omni culpa poenaeque liberaret. Hæc ex epistola Henrici ad Innocentium, cujus extremam particulam hic subjicio: *Paternitati vestrae contra me & Venetos sententiam excommunicationis placuit promulgare, quam patienter & humiliter sustinimus, usque quo per Dominum Petrum Tit. S. Marcelli Presbyterum Card. & S. R. E. legatum, præstita condigna satisfactione, meruimus absolutionem, ut secundum ordinationem vestrorum nunciorum & scriptorum paginam vestrae sanctitati poterit innotescere.* Sed neque his litteris, quamvis sinceris, demissi, humilisque animi testibus, ira Pontificis leniri potuit; neque Innocentius antea Venetos in pristinam gratiam recipere voluit, quam clariora poenitentiae documenta dedissent, & plura Jadrensis præstarent, quibus damna illis illata æquiori compensatione refarcirent. Altera causa hæc fuit, quod Leonardus cum Jaderam venisset, obsequi maluit voluntati Jadrensis, qui contra quam polliciti fuerant, Patriarchæ Gradenensis imperium detrectare perseverarunt, quam pontificiis decretis obtemperare, ut Lucentius supra laudatus apud Ughellum docet: *Et hic, ut Jadertinis morem gerneret, detrectavit obsequium exhibere Primati suo Gradeni.* Nomen Archiepiscopi gessit usque ad annum 1213. Hoc eodem anno Innocentius rescribens ad Petrum Zianum Ducem Venetorum ait se paratum esse pallium transmittere Leonardo electo Archiepiscopo, modo Jadrensis pro clade, quam Veneti testis ac moenibus illius civitatis intulerant, ea, quam ipse præscripserat, plenaeque compensatione antea satisfactum fuerit: *Super excessibus contra Jadertinorum civitatem commissis, si mandatis nostris curabitur obedire, nos ipsi electo pallium transmittemus, quod propter dictos excessus hactenus tibi distulimus destinare &c.* Cumulate statim satisfactum fuisse, & debitam Patriarchæ Gradeni obedientiam a Leonardo præstitam esse, argumento sunt tabulae cœnobii Jadrensis S. Chrysogoni, consecratae anno eodem 1213. 6. Maji, quas citat Valerius a Ponte. In his siquidem cum Leonardus appelletur *Archiepiscopus*, nullus relinquitur locus dubitandi, quin Leonardus ab Innocentio & Sacerdotii sibi collati approbationem, & pallium archiepiscopale accepit. E vita excessit, aut Pontificatum ultro deposuit anno 1216. vel sub initium anni proximi: hoc quippe anno, mense Aprili ineunte, Ecclesia Jadertina pastore proprio destituta erat,

ut tabulae cœnobii SS. Cosmæ & Damiani declarant. *Anno Dom. Incarn. 1217. mense April. 14. die astante, Indiæ. quinta, Jadræ, temporibus equidem Domini nostri Petri Ziani incliti Ducis Venetiarum, Dalmatiæ atque Croatiae, Ecclesia Jadertina proprio Pastore vacante, & Petro Michaeli egregio Comite existente &c.*

Per eos annos S. Franciscus, ut ex indiciis non levibus opinatur Franciscus Gonzaga Tomo primo de origine Seraphicæ Religionis, cum martyrii palmam adipiscendi causa Syriam peteret, adversa tempestate ad insulas & litora Dalmatiæ impulsus, Jaderam venit, & parvum in ea civitate hospitium nactus, ibi suis fratribus vel ipsemet fundavit, vel paucis post annis Jadertini cœnobium ædificarunt. *Aliquot epitaphia & sepulchra, inquit Gonzaga, hoc in conventu (Jadrensi) ante 300. annos eruta facillime indicant S. Franciscum Hierosolymam petentem, hunc locum visitasse; præsensque monasterium, quod sibi temporis successu sacratum evasit, pro primæ illius paupertatis exigentia, ex Jadrensis facultatibus fundasse.*

S. Franciscus adven-  
tus in urbem Jader-  
næ.

#### JOANNES ARCH. JADRENSIS VII.

Patria Venetus, e nobilissima patricia gente Veneria, cui Gardiazæ alter cognomen fuit; utroque enim avito familiæ suæ vocabulo in quodam diplomate paullo post describendo se ipse appellat. Anno 1218. delatum ei fuit Sacerdotium Jadrense; & cum hic annus jam ad exitum vergeret, nondum aut consecrationem, aut pallium susceperat; quippe qui mense postremo ejusdem anni in tabulis Jadrensis nominatur *Archiepiscopus: Anno Dominicæ Incarn. 1218. mense Decembri, duodecimo die astante, Indiæ. 6. Temporibus quidem Domini nostri Petri Ziani Ducis Venetiarum, Dalmatiæ, & Croatiae, & Joannis Ven. Jad. Archiepiscopi, ac Petri Michaelis egregii Comitis &c.* In reliquis deinde monumentis Jadrensis annorum 1220. 1222. 1223. 1230. nominatur Archiepiscopus: quod argumento est eum debita Primati suo Gradeni obedientiæ & submissionis officia præstitisse, ac proinde ab Sede Apostolica pallium impetrasse. Hujus ecclesiæ regimine suscepto ad depravatos cleri & populi mores corrigendos, ad disciplinam ecclesiasticam restituendam, & præsertim ad nefarias & hæreticas opiniones extirpandas omni cogitatione curaque incubuit. Nam temporibus illis turbulentissimis, cum ob bellum cum Venetis gestum, atque etiam propter intestinas discordias, civitas in armis esset, omnesque illi cupidine rapiendi atque prædandi, maritimis excursionibus & latrocinii operam darent; multæ labe, ut in ea militari licentia, & morum corruptelæ irrepsent; quæ majora in dies incrementa cœperant ex incuria, vel absentia Prælulum, quibus fere perpetuum & cum Romano Pontifice, & cum Patriarcha Gradeni diffidium erat. Ad hæc pestis Manichæorum e Bosnia finitima in Dalmatiam invecta, Jaderam quoque invaserat, & nobilium præsertim animos infecerat. Hæc de Jadrensis ex Archidiacono cap. xxv. *Et cum pluribus essent vitiis depravati, hoc etiam ad nequitiam suam cumulum addiderunt, ut catholica fidei normam spernerent, & hæretica se permetterent tabe respergi. Nam pene omnes, qui nobiliores & majores Jadræ censebantur, libenter recipiebant hæreticos & fovebant.* Idem Archidiaconus e-

Joannes Venerius Archiepiscopus depravatos populi & cleri mores curavit & correxit.

Leonardus  
& Jadrensis  
imperium  
Patriarchæ  
Gradenensis  
detrectant.

Tandem  
Primatum  
Gradensem  
agnovit &  
pallio acce-  
pto Archie-  
piscopus  
appellatur.

tionem civitatis, clademque a Venetis illatam Deo iustissime facinora Jaderensium ulciscendi attribuit. Diu sane multumque Joanni laborandum fuit, ut tot tantisque malis mederetur, & pravas consuetudines aboleret, execrandasque opiniones elideret. Ad hæreticos ex urbe expellendos, & ex animis Jaderensium fibras omnes lethalium dogmatum evellendas, magnum Joanni adjumentum, atque auctoritatem attulit Aconcius Sedis Apostolicæ legatus, ab Honorio III. missus in Dalmatiam ad piratas exterminandos, proficiscentibus in Palæstinam sacri belli causa maxime infestis, & in Bosinam ad profligandos Manichæos sive Patarenos, revocandisque ad catholicam fidem in eam hæresim prolapsos; qui anno 1222. opportune Jaderam accessit, ut dictum est in Guncello Archiepiscopo Spalatensi,

Deo Honorio III. epistolæ, altera ad Capitulum & Clerum, altera ad Archiepiscopum & Episcopos provincie Jaderensis.

Franciscus Gonzaga Tom. I. de origine Religionis Seraphicæ duas Honorii III. epistolas citat; unam ad Capitulum & Clerum Jaderinum, ut de proventibus ecclesiasticis, quos quisque perciperet, partem vicissimam ad præsidium & subsidium sacrorum in Palæstina locorum contribuant; alteram ad Archiepiscopum & Episcopos provincie Jaderinæ, ut scholas Sacre Theologie instituendas, & clericis aperiendas curent. Posterioris inscriptio hæc est: Honorius Episcopus Servus servorum Dei Ven. Fratribus Jaderen. Archiepiscopo, & Suffraganeis ejus, & dilectis filiis ceteris Ecclesiarum Prelatis, & Capitulis in Jaderen. provincia constitutis sal. & apostol. benedict. Cum hæc epistola bene longa sit, atque communis, ad omnes Christiani orbis Antistites missa, uti etiam superior; neutram hijs describere operæ pretium esse censui.

Joannes donationem templi & cœnobii Demetriani traditi, amplissimo diplomate confirmavit. In Christi nomine, Anno Incarnationis ejus 1222. mense Martii, die septima astante, Indict. decima Jadera. Temporibus Domini Petri Ziani incliti Ducis Venetiarum, & Joannis Venerii Jaderen. Archiepiscopi, ac Petri Michaelis egregii Comit. Quoniam lapsu temporum oblivione labuntur quæ fiunt in tempore, necessarium est, ut gestorum memoriam, litterarum series propagata in posterum revocet fugientem. Cognoscant ergo præfentes, & sciant posteri, quod nos quidem præscriptus Joannes Gardiaza, Dei miseratione promoti ad sollicitudinem Ecclesie Jaderinæ, cum ex commissi nobis officii speculatione debita, multa in eadem ecclesia, ob diutissimam Pastoris absentiam invenissemus alla evellenda, plantanda plurima; comperimus inter cetera, Ecclesiam S. Dimitrii Jaderina civitatis a clero & populo Jaderino S. Damiani monasterio de Monte collatam, ad ecclesia utriusque communem utilitatem. Nos quoque, quorum interest profectibus ecclesiarum, & usibus intendere, pensata dicti monasterii & conventus religione, plena fructibus honestatis & elemosynarum, dictam S. Dimitrii Ecclesiam cum omnibus suis circumstantiis & possessionibus ubicumque positis, ad preces Roberti Abbatis, & conventus memorati, monasterio supradicto tradimus, traditam confirmamus, confirmatam præsentis scripti patrocinio communitum; & ut hæc nostra confirmatio indubitati summat roboris fulcimentum, præsentem paginam nostri duximus sigilli karactere muniendam; testes autem hujus nostræ collationis, confirmationis, & communitationis, ad hoc rogati, sunt Aconcius

Illyrici Sacri Tom. V.

Domini Papæ subdiaconus & capellanus, Apostolica Sedis legatus, Treguanus Tragurienfis Episcopus, Chranus S. Joannis ejusdem diocesis Abbas, Damianus Abbas S. Grisogoni Jaderen. diocesis, Manfredus Archidiaconus, Camasius Archipresbyter, S. Petri veteris Plebanus, Dobre S. Stephani, Marinus S. Petri novi, Zancius S. Michaelis Plebani Jaderini; ac nobiles viri Laurentius de Joseph, Coscia Gregorii, & Desza Pissiza advocatus prædicti monasterii. Nulli ergo hominum liceat hanc nostræ donationis paginam infringere, vel ei ausu temerario contraire, quam nos ad majorem evidentiam per manum publicam, coram præscriptis testibus, in scriptis redigi præcepimus. Et ego Vitalis S. Maria Majoris Plebanus, & Jaderensis notarius, huic donationi & confirmationi interfui; & ex præscripto prædicti Domini Archiepiscopi scripsi, roboravi, & signo consueto signavi.

His temporibus ingens præsidium, decus, & adjumentum civitati & Ecclesie Jaderensi accessit & duabus illis sanctissimis familiis Dominicana, & Franciscana, haud multo ante institutis, & auctoritate Sedis Apostolicæ approbatis. Cum Dominicani Ordinis fama, bonusque odor sanctimonie & doctrinæ, indidem se diffundens, manaret quotidie latius; aliquot præclaræ illius disciplinæ alumnos Jaderini accerserunt, ut civibus ad recte pieque vivendum, non minus suarum virtutum exemplis, quam concionibus habendis, & confessionibus audiendis prodesse; hospitium illis cum æde S. Silvestri prope basilicam S. Chrysogoni attributum est, quod incolerent interea, dum locus commodior & opportunior ad cœnobium condendum eisdem assignaretur; id quod ex tabulis cœnobii Dominicani Jaderensis scriptum reliquit Thomas Malvenda in Annalibus Sacri Ordinis Predicatorum: Anno Domini 1228. Fratres venerunt Jaderam, & datus est eis locus S. Silvestri penes Abbatiam S. Chrysogoni, in quo mansere per aliquod tempus. Sub idem tempus Patres Minores Franciscani ab Jaderensibus invitati, suum in urbe domicilium collocarunt, ut docet Franciscus Gonzaga par. 2. De origine Seraphicæ Religionis Franciscana. Utrorumque adventus peropportunus fuit, maximeque salutaris civitati & Ecclesie Jaderensi, quæ plurimis vitiorum & hæreseum corruptelis infecta erat. Sed neutros benigne accepit Joannes Archiepiscopus, quin immo utrosque multis molestiis & contumeliis affecit, vetuitque conciones habere, confessiones excipere, ac cetera apostolica ministeria ad salutem animarum obire. Quapropter dignum se præbuit, quem Gregorius IX. Pontifex Maximus severe acriterque reprehenderet, datis ad eum litteris in hæc verba.

Gregorius Episcopus servus servorum Dei ven. fratri Archiepiscopo Jaderensi sal. & apost. benedict. Sperabamus quod, cum de qualitate status tui, pro eo quod sis in remota positus, haberi de facili certitudo non posset, illa mente vigili studes efficere, per qua nobis quandoque constaret te virtutum fragrantia pro Redemptoris gloria, & salute tibi commissi populi redolere. Sed ecce contrarium ex eo didicimus admirantes, quod, cum quidam ex dilectis filiis Fratribus Ord. Minorum, qui fere nihil aliud quarunt, vel cogitant, nisi quod singula hominum nationes divini cultu nominis resplendant, ad civitatem Jaderensem hæretica pravitate infectam maculis accessissent, propagare ibi Fidei Catholicae sanctitatem; eos la-

corum

Patres Dominicani Jaderam receperunt.

itemque Patres Franciscani.

Epistola Gregorii IX. ad Joannem Archiepiscopum.



corum multitudine benigne & hilariter admittente, quorum multi per ipsos, illius faciente virtute, qui neminem vult perire, ad penitentiam sunt conversi; tu qui promotor eorum esse debebas, & precipuus in procurandis animarum profectibus, non remissus, contumeliarum aculeis ipsorum pectora pupugisti; & non contentus injuriis partem afficere, quin nitereris totum illarum jaculis conturbare, ipsorum Ordini graviter detrabere presumpisti, januas claudi faciens, ne ad predicationem Ministri provincialis ejusdem Ordinis populus conveniret; quasi sit tuo voto contrarium, quod quis ad vitam proficiat, doctrinis paupertatis extremae & caritatis immensa cultui deditorum. Præterea cum in partibus illis pauca, vel nulla religiosorum congregationes existant, in quibus disciplina vigeat regularis, in quasdam mulieres ibidem constitutas, pro eo quod capillorum abscissa casarie, ac relicto seculari habitu, eligerunt sua crimina in domibus propriis deplorare, in eorundem Fratrum obprobrium, quorum exhortationibus, operante Domino, anhelant ad præmia beatorum, excommunicationis sententiam promulgasti; divina auctoritate districte precipiens, ut cum Apostolus tonsuram prohibeat mulierum, quod aliqua sive in domo propria commoretur, vel religionis sit habitum susceptura, tonsuram sibi non faciat, vel ab alio fieri non permittat; & si forte contingeret presumi contrarium, tam tonsæ, quam tonduentes excommunicationis sententiæ subiacerent. Quare contigit, quod cum quidam Fratres Ordinis Predicatorum, qui ad eas partes nunciare venerant celestis regni gloriam & thesauros, tibi devote dicerent, quod inconsulte talem sententiam protulisses, præsertim cum Apostolus in verbo, quod de tonsura proposuit, ad mulieres, quæ mundum & concupiscentiam reliquerunt, non videatur habuisse respectum; tu non contentus contra te in Fratribus supradicti Ordinis supernæ provocasse potentiam majestatis, adjecisti furorem ejus & in jam dictis acere, presumendo, ne ipsi predicarent ibidem, vel confessiones audirent, aut in Ecclesiis civitatis præfata predicationi eorum audientia tribueretur, firmiter inhibere. Quid multa? quasi tibi sit in tadum quod aliqui convertantur ad Dominum de multitudine populorum, eos qui infratempus \* probationis Fratrum Minorum Ordinem derelinquunt, licet evidenter appareat, quod absolute vitam mutare voluerint, renuntiando penitus seculi vanitati, viva vel sumesta potius voce pronuncias posse libere ad statum redire pristinum, nec propter hoc, in contrahendo matrimonio ipsorum, redire aliquod impedimentum; quasi voluntas in hac parte tibi propterea sufficiat, & timor tuæ conscientie de processu contra sanctiones canonicas non incumbat; quarum ignorantiam vel contemptum ex hoc manifeste præstendis, quod quemdam, qui præmisso modo habitum reliquerat, reclamantibus dictis Fratribus, concessis sibi sacris ordinibus, in Canonicum & tandem in Primicerium promovisti; alteri, qui ad ejusdem Ordinis habitum processerat assumendum, suadendo litteris & promissionibus, quod rediret ad seculum, cujus per processus hujusmodi te amatorem innuis non remissum, Verum cum ex præmissis, si veritate nituntur, tibi & multitudo ruboris incumbere, & grandis debeat materia penitudinis imminere; maxime cum nos ipsi pro verecundia reportemus, tantum membrum Ecclesiæ excessuum perpetracione tam varia, Deo & hominibus displicere; fraternitati

tua per apostolica scripta districte precipiendo mandamus, quatenus quæ supra præmissis improvide attemptasse dinosceris, promptitudine diligenti emendare sollicitus, a dictarum mulierum, & Fratrum Ordinum prædictorum, & aliorum omnium, qui se in partibus supradictis sacra religionis observantia dedicarunt, molestatione desistens, aut aliquos a semita mandatorum Dei non avertens, talem te amodo super iis, quæ pontificale deposcunt officium, verbo exhibeas & exemplo, quod Fratres eisdem, & religiosos alios tui nominis constitues laudatores; & Patris aterni Filium, quem in præfatis excessibus graviter offendisse dinosceris, tibi propitium reddere merearis: alioquin damus ven. fratri nostro . . . Archiepiscopo, & dilecto filio Archidiacono Spalatensi nostris litteris in mandatis, ut te ab hujusmodi presumptionibus, auctoritate nostra, appellatione remota, compescant. Dat. Viterbii, X. Calen. Decem. Pontificatus nostri anno nono, id est Christi 1235.

Admonitio & objurgatio pontificia profuit Archiepiscopo, ut opinari licet; ac deinde Fratres utriusque Ordinis, tamquam operarios evangelicos sibi divinitus datos esse censuit, quibus ad vineam dominicam sibi commissam excolendam uteretur. Annos præterea duos præfuit metropoli Jaderina, usque ad annum 1238. quo quidem anno, die 15. Martii, sedem archiepiscopalem vacasse tabulæ cœnobii S. Chrysogoni declarant. Huic subrogatus est

THOMAS ARCH. JADREN. VIII. electus.

In tabulis ejusdem cœnobii S. Chrysogoni anno 1238. die 8. Madii Archielectus vocatur. Ne annum quidem gessit pontificatum; quem antea fortassis, quam consecrationem episcopalem suscipere, ut Valerius a Ponte existimat, moriens deposuit.

DOMINICUS ARCH. JADREN. IX.

Venetis oriundus, qui Franco cognomen fuit. Anno 1238. ad hanc Ecclesiam regendam accessit, & anno 1239. die octava Januarii in tabulis S. Chrysogoni nominatur Archiepiscopus, itemque anno proximo in aliis tabulis Jadrensis: In Christi nomine, anno Incarnationis ejus 1240. mense Junii die tertio decimo exeunte, Indict. decima tertia Jadræ. Temporibus eisdem D. Jacobi Theupoli Ducis Venetiarum, & D. Dominici Franci vener. Jadræ. Archiep., ac Joannis Michaelis egregii Comititis.

Dum Dominicus huic Ecclesiæ præerat, Jadera rursus ab imperio Veneto ad Hungaros descivit anno 1242., Joanne Michaelis urbis Rectore expulso. Cum de Jadrensi defectione Venetias allatum esset, Jacobus Theupolus Dux & Senatus validissimam classem adornari jubent, eique imperatorem præficiunt Raynerium Zenum, qui anno sequenti, navalibus copiis in Dalmatiam traductis, civitatem obsidione cinxit, omnique telorum genere oppugnare cœpit. Bela IV. rex Hungariæ, ad cujus fidem opemque Jadrenses confugerant, Dionysium Banum Slavoniæ & Dalmatiæ, cum exercitu Slavorum & Hungarorum obsessis auxilio misit. Civitas terro marique vehementissime oppugnata, & nihilo legnius per aliquot dies defensa. Sed cum Dionysius ictu sagittæ, quamvis non ita graviter, vulneratus esset; æque militibus ac civibus ad repugnandum animus defecit. Itaque ingen-

Jadertini  
rursus a  
Venetis  
deficiunt.

Civitas  
oppugna-  
ta, & ca-  
pta,

Jadrenses  
venia do-  
nati atque  
in patriam  
restituti.

Pax inter  
Regem  
Hungarie  
& Vene-  
tos.

ingenti omnes pavore perculsi in fugam con-  
sternantur, urbem prædiis ac defensoribus va-  
cuam Venetorum potestati relinquunt. Jadren-  
ses patria profugi, alii alio, plerique cum Ca-  
pitulo & clero Nonam in urbem ditionis Hun-  
garicæ se recipiunt. Veneti civitatem ab inco-  
lis desertam cum reperissent, constatam e Ve-  
neta nobilitate & plebe coloniam illuc dedu-  
cunt, novisque habitatoribus domos & bona Ja-  
drensiū distribuunt. Jadrenses patria extorres,  
qui Nonam confugerunt, Hungarorum auxiliis  
destituti, legatos Venetias mittunt anno 1244.  
qui veniam & pacem implorarent. Clementer ac  
perbenigne accepti sunt; & Venetis colonis re-  
vocatis, civitas restituta est Jadrensis, & sua  
cuique bona ac domicilia; postquam videlicet  
leges & conditiones a Venetis impositas accepis-  
sent, quarum secunda, tertia, & quarta, quæ rem  
ecclesiasticam pertinent, hæ sunt: 2. Jadrenses  
habeant electionem Archiepiscopi, qui præsentari  
debeat Patriarchæ Gradeni, & ab eo confirma-  
ri, & consecrari. 3. Dicto Archiepiscopo præser-  
ventur omnes jurisdictiones, & privilegia con-  
suetæ, quæ habuerunt Archiepiscopi decessores.  
4. Clerici singulis annis diebus festis Nativitatis  
& Resurrectionis Domini nostri canere debeant lau-  
des Duci Venet., Patriarchæ, Comiti, & Ar-  
chiepiscopo; propter quod accipiant consuetam ob-  
lationem in Missa solemnī Ecclesiæ Cathedralis,  
rogando Deum pro conservatione Communis Ve-  
netiarum, promittendo primo ipsi, & postea ci-  
ves omnes nomine totius populi perpetuam fidem  
& obedientiam. Hæc Archidiaconus cap. 43., &  
Dandulus, alique Scriptores Veneti; quorum  
plerique defensionem Jadrensem anno 1242. re-  
cuperationem anno sequenti adscribunt, nec mul-  
to post Jadrensiū in patriam reversionem sub-  
jiciunt; sed restitutionem Jadrensiū Dandulus  
in annos posteriores rejecit.

Post Jaderam receptam, cum Legati Veneto-  
rum de pace constituenda in Hungariam venis-  
sent, Bela IV. rex Hungarorum pacem cum Ve-  
netis in has leges confirmavit.

Nos Bella Dei gratia rex Ungariæ. Tenore  
presentium scire volumus universis, quod viris  
nobilibus & discretis S. Justiniano, & P. Dan-  
dulo nunciis, & Procuratoribus, dilecti, & ami-  
ci nostri Jacobi Teupoli illustris Ducis Venetiarum  
promissimus nomine dicti Ducis & Communitatis  
Venetiarum juramento corporaliter præstito tactis  
sacris, quod universa & singula capitula infra-  
scripta observabimus, & attendemus bona fide  
sine fraude, absque ullo malo ingenio, & obser-  
vari a nostris inviolabiliter faciemus, ut quod  
dicto Duci, & suis successoribus veram, firmam,  
& perpetuam pacem, & amicitiam observabi-  
mus. Item quod dominum Ducem, & Venetos  
permitteremus tenere civitatem Jadrensem cum per-  
tinentiis suis, sicut cives Jadrenses olim tenuerunt,  
absque ulla inquietatione, vel contrarietate.  
Nec intromitteremus nos per nos, & per nostros  
successores, aut per nostros homines de civitate  
Jadrensi cum suis pertinentiis in perpetuum. Item  
non permittemus, vel conveniemus, imo fidelibus  
nostris districtius dabimus in mandatis, & spe-  
cialiter Cachetis & Jaderinis omnibus, qui ex-  
ierunt civitatem Jadrensem, & sunt sub potesta-  
te nostra, ut Duces Jadræ commorantes, & alios  
Venetos non præsumant de cetero molestare, vel  
aliquam injuriam, seu offensam inferre. Item me-  
moratos Jaderinos, qui exierunt civitatem, &  
sunt, vel esse volunt sub potestate nostra, & in  
Illyrici Sacri Tam. V.

terra nostra, removebimus a districtu Jadrensi, &  
Nonensi, & collocabimus eos 4. milliariis remo-  
tis a mari. Item nullam conventionem, nullam  
pactum, nullam confederationem faciemus, &  
nullam societatem cum aliqua persona, vel ali-  
quibus personis contra jam dictum Ducem, &  
suis successores ac etiam contra Commune Vene-  
tiarum. Nec aliquod consilium, vel auxilium  
inimicis ipsius Ducis, vel suorum successorum,  
seu Communitatis Venetiarum impendemus, aut  
impendi faciemus contra dictum Ducem & Com-  
munitatem Venetiarum. Nec ipsos inimicos, nec  
ipsorum nuncios, aut homines per terram nostram  
transire permittemus contra prædictum Ducem,  
& Communitatem Venetiarum. Item cum requi-  
siti fuerimus a prædicto Duce, vel ipsius succes-  
sore, prout decet ab amico, consilium, & auxi-  
lium impendemus contra suos inimicos & infi-  
deles maxime circa maritima, sicut consuevit  
amicus amicum juvare, sicque facere poterimus  
cum bono, & honore, & salute regni nostri.  
Ad majorem autem firmitatem prædictorum litte-  
rarum presentes nostro sigillo fecimus communiri.  
Datum in Castro juxta castrum Gallas anno Do-  
mini 1244. Kal. II. Julii.

Rebus Jadrensis tranquillatis, Dominicus  
Archiepiscopus de loco tradendo Patribus Do-  
minicanis opportuno ad cœnobium ædificandum,  
temploque ad sacras illorum functiones accom-  
modato, cogitare cœpit; nam ad eam diem  
hospitio perangusto ubi fuerant, & ædícula S.  
Silvestri, ad res divinas peragendas, & populi  
frequentiam excipiendam parum idonea. Erat  
in urbe pervetus Ecclesiæ S. Thomæ Apostoli,  
eademque una erat de parœciis urbanis. Hanc  
illis assignare decreverat; sed morte præreptus  
anno 1244. præclara cogitata perficere non po-  
tuit. Jadrense Capitulum, quod juxta canonica  
sanctiones in curam potestatemque archie-  
piscopalem successerat, quod optimus Antistes  
facere constituerat, sibi exsequendum censuit;  
& Patres Dominicanos per quemdam Canoni-  
cum in illius templi possessionem rite ac legi-  
time induxit; cum parochus ea præfectura &  
ecclesiæ volens libensque cessisset. Iisdem Patri-  
bus ut assignandum curaret spatium quod satis es-  
set ad cœnobium ædificandum, Jacobus Theu-  
polus Dux Venetiarum mandavit Laurentio Qui-  
rino urbis prætori; qui de sententia & volun-  
tate Consilii & Communis Jadrensis, quasdam  
domos proximas S. Thomæ, quas hæredibus va-  
cuas & caducas esse censebant, in hujusmodi æ-  
dificium an. 1244. destinavit, ut docent tabulæ  
Jadrenses.

Universis Christi fidelibus presentes litteras in-  
specturis. Leonardus Quirinus Comes Jadræ cum  
suis Consiliariis Marco Bragadino, & Philippo  
Donato salutem in omnium Salvatore. Universi  
vestre presentibus innotescat, quod cum nos  
ex parte Domini Ducis Venetorum recepissemus in  
mandatis, ut Fratribus Prædicatoribus in Jadræ  
commorantibus, nondum tamen locum sibi depu-  
tatum habentibus, infra muros in loco competenti  
providere debemus; cum consilio, & assensu to-  
tius Communitatis Jadren. domum Marini de Gru-  
be cum curte sua, & domum Petri Calchina si-  
militer cum curia sua, & loculum Malfredii præ-  
dicti Fratribus contulimus perpetuo possidenda.  
Salva tamen Domini Ducis voluntate reservata.  
Quæ domus cum prædicto Malfredii locello, &  
curiis, in toto & summa comprehensa, ducento-  
rum, & quinquaginta passuum numerum in cir-  
cuitu

Edem S.  
Thomæ  
Patribus  
Dominica-  
nis a Do-  
minico Ar-  
chiepiscopo  
decretam,  
Capitulum  
gradi ju-  
bet.

Diploma  
Leonardi  
Quirini  
Prætoris  
Jadræ.

cuitu non excedunt; & terminantur hoc modo. Ex duabus quidem partibus via publica, a tertia autem parte Ecclesia Sancti Thomae, a quarta vero parte tenuta Grisogoni filii Dimine Senzaderi ambiuntur. Testimonium praeterea perhibemus, quod Capitulum Ecclesiae Jadren. bonam voluntatem venerabilis Patris bonae memoriae Domini Franci quondam Archiepiscopi, quam asserbat se habere, jam dictis Fratribus de Ecclesia conferenda, eo de medio sublato, nec valente complere quod voluit in collatione Ecclesiae S. Thomae Apostoli, omnimoda bona voluntate perducere curavit ad effectum, per Nicolaum Presbyterum Canonicum suum eisdem investiendo, & in possessionem corporalem ejusdem Ecclesiae inducendo; Plebano ejusdem Ecclesiae . . . . voluntarie eidem Ecclesiae resignanti commutatione exhibita competentis. In cuius nostrae donationis testimonium, & robur firmitatis, praesentem paginam praedictis Fratribus contulimus, sigilli nostri munimine roboratam. Anno Domini MCCXLIV.

Patres Dominici domos sibi assignatas adire prohibiti.

Hanc donationem Jacobus Theupolus Dux Venetiarum confirmavit, ut ipsemet in suis litteris ad Angelum Maurocenum Comitem Iaderae, ejusque Consiliarios testatur. Sed ne Patres Dominicani aedes sibi assignatas obtinerent, civis quidam Jadertini, ad quos, sive ad majores eorum aedes illae olim pertinebant, obstituerunt; & an. 1244. cum Venetiis de Jadrensis in gratiam recipiendis, atque in patriam restituendis ageretur, Magister quidam ex Ordine Fratrum Minorum, qui cum oratoribus Jadertinis, de venia ac pace petenda missis, venerat, illorum causam egit, ac vehementer institit, ne suae civibus illis aedes adimerentur, vel si jam adeptae fuerant, ut restituerentur. Itaque anno 1247. adhuc Patres Dominicani angusto & precario domicilio utebantur. Quapropter apud Ducem conquesti sunt, quod aedes sibi ex mandato ejusdem Ducis a Leonardo Quirino Comite, seu Praetore civitatis ante quadriennium destinatas, adire ac possidere prohiberentur. Dux igitur, per litteras Angelo Mauroceno Comiti Iaderae, ejusque Consiliariis inscriptas, Raynerio Zeno mandavit, ut duos illos oratores Jadrenses, qui Venetias ad veniam & pacem petendam venerant, & cum ipso Raynerio pactis conventisque inter Venetos & Jadertinos stabiliendis interfuerant, interrogaret de quibus exposulasset Magister ille Ordinis Franciscani, & num ejus exposulatio jure ac veritate niteretur; quae vero ex illis audiverit, & compererit, vel quae ipse meminisset, ad se perscriberet.

Litterae Ducales ad Comitem Iaderae & ejusque Consiliarios.

Jacobus Theupolus Dei grat. Venet. Dalmat., atque Croat. Dux, Dominus 4. partis & dimidia totius imperii Romaniae, nobilibus, & sapientibus viris Angelo Mauroceno, & ejus Consiliariis Marino Mauroceno, Stephano Justiniano, Raynerio Geno, & Joanni de Canali, ambasciatoribus suis dilectis fidelibus sal. & dilectionis affectum. Ex parte conventus Fratrum Praedicatorum de Jadra fuit coram nobis expositum conquerendo, quod concessionem quarundam possessionum de Jadra, quas nobilis vir Leonardus Quirinus tunc Comes Iaderae, de nostro mandato fecit conventui supra dicto, & nos postmodum simili modo eidem concessimus, per nostras patentes litteras confirmantes; quidam Jadertini, quibus dictae possessiones olim spectabant, impediunt toto posse, petentes tunc sibi restitui memoratas; verum quia nobilis vir Joannes Badovarius fidelis noster dilectus, qui nobiscum, Raynerio Geno, interfuit in tractatu

concordiae Jadertinorum, & Gabriel cancellarius curiae nostrae, qui praesens fuit, interrogati a nobis dicunt & asserunt, quod in tractatu concordiae antedictae mentio facta fuit de possessionibus nominatis, ut ipsas habere & tenere debuissent Fratres Praedicatores, secundum concessionem factam a nobis, & a Comite memorato, & quod super hoc responsum fuit a Magistro Fratrum Minorum, qui erat tractator pro nunciis Jadertinorum, quod pro ipsis possessionibus restitutio fieret personis, quibus spectabant ab universitate Jadertinorum; prudentiam vestram Raynerio Geno requirimus attentius, & rogamus quatenus si praedicta sunt in memoria vestra, nobis vestris litteris hoc, quam cite poteritis, significetis; etiam si vobis videbitur, viros nobiles Papum de Petrogna, & Grisogonum de Mauro nuncios Jadertinorum interrogare, & inquirere debeatis, scientes dictum Magistrum Fratrum Minorum abesse; unde ipsum super his interrogare minime potuimus. Datum in nostro ducali palatio die 7. intrante Novembris, Indictione 6. id est anno Christi 1247. quocum congruit Indictio 6. si hujus initium more antiquo ab Septembri mense ducendum sit.

Quid responsum hisce litteris redditum fuerit, non invenio, Sed cum aequitas vetaret aedes avitas legitimis dominis eripere, illi autem nullo quantolibet pretio vendere, atque alienare nollent; anno tandem 1248. vel sequenti aliunde Patribus Dominicis stabile & satis commodum domicilium quaesitum fuit, ut mox dicemus.

Ante annos duos Innocentius IV. suis ad Archiepiscopum & clerum Jadertinum litteris an. 1245. mense Decembri Lugduni datis, illos hortatus est ac monuit, ut quando ipsi evangelicos illos praedicones ad urbem & Ecclesiam erudiendam evocarunt, iisdem etiam & locum extruendi coenobii, & templum ad ministeria christianae religionis obeunda attribuendum curarent. Idem Pontifex per suas litteras Abbatem SS. Cosmae ac Damiani rogavit, ut Ecclesiam S. Demetrii cum aedibus eidem annexis, sibi ante aliquot annos a clero & civitate donatam dimitteret, & Patribus Dominicis possidendam traderet. Haec ex tabulis archivi Dominicani Jadrensis. Sed antequam Pontificis voluntati obsequerentur, visum est expectari, dum novus Archiepiscopus crearetur; nondum enim videtur electus fuisse, qui Dominico Franco in sedem metropolitanam succederet. Innocentii autem epistola inscripta est, non solum Capitulo, sed etiam Archiepiscopo, propterea fortassis, quod vel nondum de morte Domini, anno 1244. sublato, nuncios acceperat, vel novum Archiepiscopum jam electum, approbatumque a Patriarcha Gradensi existimabat.

Innocentius Episcopus servus servorum Dei venerabili fratri . . . Archiepiscopo & dilectis filiis Clero Jadrensi salutem & apostolicam benedictionem. Credentes firmiter & sperantes, ut preces nostras specialiter, cum pro religiosi personis illas vobis dirigimus, adimplere curetis, libenter ad ea quae religionis favorem respicere dinoscuntur nostris litteris vos hortamur. Hinc est quod cum dilecti filii Fratres Ordinis Praedicatorum de Jadra illuc ad petitionem vestram & civium civitatis ejusdem, sicut intimantibus ipsis accepimus, fuerint destinati & nondum ibi locum ubi morentur congruum potuerint obtinere; Universitatem vestram monemus & rogamus attente, per apostolica vobis scripta mandantes quatenus confide-

Innocentius IV. Archiep. & clerum, ut Patribus S. Domini locum condendo coenobio, Abbatem SS. Cosmae & Damiani ut templum S. Demetrii eidem attribuatur, hortatur.

rato

rato provide quam sit utilis vobis in illis partibus Fratrum presentia eorumdem, ipsis de aliquo loco in quo morari commode valeant & devote Domino famulari, ad collationem vestram spectante, in civitate predicta providere libenter & liberaliter studeatis. Mandatum nostrum taliter implenturi, quod devotionem vestram exinde dignis in Domino commendare laudibus valeamus. Dat. Lugdun. XII. Kal. Januarii, Pontificatus nostri anno secundo, id est 1245.

LAURENTIUS ARCH. JADREN. X.

Laurentius Perlander Archiep. Jadren. a Patriarcha Gradeni approbatus & consecratus.

Templum & monasterium S. Platonis, Patribus Dominicanis tradidit.

Huic Perlando cognomen fuit; Jaderinusne, an Spalatenfis ortu fuerit, incertum est. Exquisita humanarum ac divinarum rerum doctrina, publico certamini exposita, & probata, Magistri nomen illi peperit. Hujus nulla mentio in tabulis Jadrensis ante annum 1247. reperitur; quod argumento est eum vel hoc anno, vel superiori electum & renunciatum fuisse Archiepiscopum; sed in his tabulis consecratus anno 1247. itemque in tabulis anni proximi nominatur *Archiepiscopus*; postquam vero a Patriarcha Gradeni Primatibus & approbationem obtinuit, & consecrationem episcopalem suscepit, habitus est dictusque Archiepiscopus. Nihil prius sibi faciendum censuit, quam ut Innocentii IV. Pontificis voluntati morem gereret, ac Patribus Dominicanis de opportuna habitatione accommodaret; praesertim cum etiam Jacobi Theupoli Ducis Venetiarum auctoritas urgeret, idemque, quod Pontifex, Archiepiscopo imperasset. Cœnobiarcha SS. Cosmæ & Damiani, ut litteris pontificiis obsequeretur, ædem S. Demetrii iisdem Patribus gratuito & libenter obtulerat. Verum alius locus visus est illis opportunior, atque commodior. Erat Jaderæ cœnobium ac templum S. Platonis monachi, qui apud Constantinopolitanos eximia sanctitate, & miraculorum fama floruit; cujusque cultum Græci, dum Dalmatia Orientis imperio suberat, Jaderam invexerant. Hic statio erat & sedes Virginum Deo sacrarum, quæ simul cum antistita de communis consilio hanc relinquere statuerant, & Archiepiscopo tradere, qui in eandem Patres S. Dominici induceret; modo sibi liceret Benedictinum cum Dominicano instituto, & Platonianam cum æde ac domo Demetrianam, quam monachi SS. Cosmæ & Damiani Patribus Dominicanis gratuito tradiderant, commutare; atque insuper sub regimine ac disciplina Patrum illius sanctissimi ordinis, ad normam & præscriptum S. Dominici vitam agere. Illarum votis ac postulatis assensum est. Itaque ad S. Demetrii migrarunt; seque in iis, quæ ad Deum caste colendum, & pie sancteque vivendum pertinent, illis gubernandas, eorumque præceptis erudiendas tradiderunt. Id munus Patres illi religiosissimi summa cum fide, prudentia, & sedulitate obierunt, atque usque ad annum 1574. retinuerunt.

Sed antequam Virginibus S. Platonis traditum fuisset monasterium S. Demetrii, eas translatas fuisse comperio ad monasterium suburbanum de *Alta Ripa*, sive de *Melta*, quod paucis ante annis conditum fuerat. Quinque Virgines Vesprienses ex Ordine S. Dominici anno 1241, cum Tartari in Hungariam effusi omnia ferro & igni vastarent, in Dalmatiam profugerant, & Nonnam se contulerunt. Ab his collegium Virginum Nonensium S. Mariæ institutum ferunt. Una vero de illis, cui nomen Helenæ, postea

Illyrici Sacri Tom. V.

Jaderam venit, & locum in suburbio de *Alta Ripa* sive de *Melta* cognominatum ab Jaderinis novo cœnobio condendo impetravit; ad cuius ædificationem Albertinus Maurocenus patricius Venetus insigni munificencia plurimum pecuniæ contulit; qui propterea in quodam diplomate Benedicti XII. parens conditorque ejusdem cœnobii appellatur. Nec vero pio huic operi defuit liberalitas Jadrensis, quos Laurentius Archiepiscopus, propositis indulgentiarum præmiis, ad subsidia contribuenda excitavit. Utrumque diploma pontificium & archiepiscopale extat in archivo cœnobii Demetrianæ, ad quod post annos circiter septuaginta Virgines illæ transierunt. Nulla sedes visa est opportunior ad Virgines illas Platonianas excipiendas; praesertim cum novum illud cœnobium Meltense habitatoribus, & proventibus indigeret; hæc illis statio assignata fuit anno circiter 1250. huic proventus omnes cœnobii S. Platonis attributi; & cum, deposita Benedictina, vestem Dominicanam induissent, eas Laurentius Perlander Patribus Dominicanis, in eas, quas ipsæ reliquerant, sedes subrogatis, regendas, & e præscriptis S. Dominici excolendas tradidit: quæ omnia Joannes de Anagnia proximus post Laurentium Archiepiscopus confirmavit: *In nomine Domini, amen. Universis has litteras inspecturis F. Joannes de Anagnia Dei & Apostolicæ Sedis gratia Jadren. Archiep. una cum ceteris Canonicorum Capituli ejusdem Eccl. salutem in Domino sempiternam. Sane quamvis pie memorie Magister Laurentius Archiep. prædecessor noster una cum Capitulo universo &c. attendentes devotionem, seu presentationem factam de monasterio S. Mariæ de Alta Ripa Jadren. diocesis, monialibus, seu sororibus, Ordinis S. Augustini, a veris patronis seu fundatoribus cum omnibus rebus suis mobilibus, & immobilibus, & etiam de possessionibus, quæ olim fuerant S. Platonis, cum omnibus pertinentiis &c. Virgines Dominicanæ ab S. Augustino cognominari solebant, quod sanctissimus Pater Dominicus ad normam instituti Augustiniani eis rationem vivendi præscripserat. Ex his perspicue intelligitur Virgines primævas incolas cœnobii de Alta Ripa coloniam quamdam fuisse ex monasterio S. Platonis illuc deductam. In hoc monasterio suburbano annos circiter sexaginta sub regimine ac disciplina Patrum S. Dominici vitam religiosam caste pieque coluerant; cum anno 1311. defectio Jadrensis ad Carolum regem Hungariæ, & motus Venetæ classis ad Jaderam obsidendam adventantis stationem illam relinquere coegit, quæ diruta fuit, ne hostibus ad oppugnationem urbis adjumento esset. Itaque in civitatem receptæ sunt, ac tum demum a cœnobiarcha & monachis SS. Cosmæ & Damiani traditum illis fuit monasterium S. Demetrii, quod etiam retinent, servato Dominicano instituto; sed regimine Fratrum exemptæ, & episcopali jurisdictioni jam inde ab anno 1573. subiectæ, ex libera cujusque juris cessione Magistri Generalis Ordinis S. Dominici.*

Virgines S. Platonis ad cœnobium Meltense S. Mariæ translatæ,

deinde ad monast. S. Demetrii.

De adventu Virginum Vespriensium, conditorque ab illis utroque cœnobio Mariano, tum Nonensi, tum Meltenfi apud Jaderam, ipsæ Virgines Nonenses illustre testimonium dederunt, quod extat apud Patres Dominicanos Jadrenses, anno 1347. iv. Id. Octobris tabulis consignatum in hæc verba: *Item dixerunt, & asseruerunt, prout ab antiquioribus sororibus dicti monasterii intellexerunt, dictum monasterium fuisse fundatum*

hoc modo: quia scilicet venientes de partibus Hungariae, & fugientes quinque sorores cujusdam monasterii in partibus Hungariae, vocati Vespri-  
mum, Ordinis S. Augustini, secundum instituta, & sub cura Fratrum dicti Prædicatorum Ordinis constituti, a persecutione Tartarorum, in quarum quinque sororum comitiva erant Fratres Prædicatorum; nomina quarum quinque sororum dixerunt hæc esse: Soror Egizia filia Simeonis Bani, soror Christina, soror Helena, soror Margarita, & soror Maristella; quarum quatuor remanentes in civitate Nona ordinarunt monasterium in dicta Ecclesia S. Mariæ: quinta vero soror nomine Helena, ivit Jaderam, & ibidem ordinavit monasterium vocatum S. Maria de Alta Ripa, sive de Melta &c. Idem eodem anno v. Kalendas Decembris confirmavit Gratia antistita, sive Priorissa cœnobii Demetriani, quæ bello ingruente, relicta statione Melteni, cum suis sororibus Jaderam se receperat; & post aliquot annos monasterium S. Demetrii, ex donatione monachorum Sancti Cosmæ & S. Damiani, obtinuit. Quæ vero ipsa narrat, & testificatur, fuisset auribus se accepisse ait a Miroslava, quæ cum sorore sua Elisabetha ab cœnobio Nonensi digressa, Helenæ lociam atque adjutricem ad fundandum Jaderente monasterium de Alta Ripa se prabuerat. Hujusmodi testificatio extat in archivo cœnobii Jaderini Dominicani eo, quem diximus, anno dieque conscripta: Tunc dicta soror Gratia Priorissa sic respondit: Pater reverende, ego dico vobis in verbo veritatis, quod in nostro monasterio de Melta fuit quadam soror nomine Miroslava, quæ sic multoties & seriose nobis sororibus, quæ tunc eramus in dicto monasterio de Melta... quod ipsa cum quadam sorore sua carnali Elisabeth nomine, quæ scilicet tam Miroslava, quam Elisabeth fuerunt sorores S. Mariæ de Nona, quæ Miroslava sic narrabat, quod quinque sorores de monasterio Vespriensi de Hungaria etc. (ut supra ex testificatione Virginum Nonensium) & dicebat, quod dicta Miroslava & Elisabeth sorores carnales ipsius monasterii S. Mariæ de Nona venerunt Jaderam, cum una illarum quinque sororum, quæ vocabatur Elena, & inchoaverunt monasterium de Melta; & post pauca interjecta: Et dixit soror Gratia Priorissa, quod cum dicta Miroslava fuit in monasterio de Melta, & in domibus Joannis de Cernuco tempore guerræ aliquibus annis &c.

Templum  
Dominica-  
num S. Pla-  
tonis rez-  
dicatur.

Jam vero illuc regrediamur, unde digressi sumus. Laurentius ergo cœnobium ac templum S. Platonis monacharum ditcessu vacuum, Capitulum, Consilio, populoque consentiente, Patribus Dominicanis attribuit, eosque in possessionem utriusque induxit, pensione hac levissima imposita, ut videlicet singulis annis, die festo S. Anastasie, duos cereos, duas amphoras vini, & paullulum thuris ad metropolitaneam contribuerent. Sed cum ædes S. Platonis angustior esset, quam pro frequentia civium, illuc divini verbi audiendi & sacra mysteria percipiendi causa confertim adiutium; veterem disturbantem, & novam laxioremque excitari oportuit, ad cujus constructionem ornatumque Laurentius plurimum pecuniæ contulit. Clemens vero IV. omnibus & singulis, qui ad ejusdem templi aedificationem aliquid subsidii conferrent, tantumdem de pœnis canonicis remisit, quantum pœnis & laboriosis centum dierum operibus extirpanti oporteret.

Clemens Episcopus servus servorum Dei. Uni-

versis Christi fidelibus presentes litteras inspecturis salutem & apostolicam benedictionem. Quoniam, ut ait Apostolus, omnes habemus ante tribunal Christi, recepturi prout in corpore gessimus sive bonum fuerit sive malum; oportet nos diem missionis extremæ nunc operibus prævenire, ac extremorum intuitu seminare in terris, quod recedente Domino cum multiplicato fructu recolligere debeamus in cælis. Firmam spem fiduciamque tenentes, quoniam qui parce seminat parce & metet, & qui seminat in benedictionibus & metet vitam æternam. Sane dilecti filii... Prior & Fratres Ordinis Prædicatorum Jadrenses ibidem sicut accepimus Ecclesiam cœperunt extruere, in qua divinis possint laudibus deservire. Cum itaque ipsis propter Christum extremæ ferentibus sarcinam paupertatis, ad hoc fidelium subsidium sit plurimum opportunum; universitatem vestram rogamus & hortamur in Domino in remissionem vobis peccaminum injungentes, quatenus de bonis vobis a Deo collatis pias elemosynas & grata eis charitatis subsidia eregetis, ut per subventionem vestram memorata Ecclesia valeat consumari & vos per hæc & alia bona quæ Domino inspirante feceritis ad æternam possitis felicitatis gaudia pervenire. Nos enim de omnipotentis Dei misericordia & beatorum Petri & Pauli Apostolorum ejus auctoritate confisi omnibus vere penitentibus & confessis, qui dictis Fratribus pro ecclesia consumanda manum porrexerint adjutricem, centum dies de injuncta sibi penitentia misericorditer relaxamus presentibus post quinquennium minime valituris. Datum Perusii Idibus Martii Pontificatus nostri anno secundo. Nos autem Laurentius Dei gratia Jaderensis Archiepiscopus memoratum originale non cancellatum non abolitum nec abrasum, sed in omni parte sua integrum & perfectum lectum & asculatum cum exemplo presentis anno Incarnationis Dominica millesimo ducentesimo sexagesimo septimo Indictione nona die mercurii intrante Octubrio, Jaderia in palatio archiepiscopali, ut in eodem vidimus originali & de verbo ad verbum legimus, præcepimus fideliter exemplari ad perpetuam rei memoriam faciendam, & ne de presenti exemplo autentico posterum ab aliquibus dubitetur, sigillum cum sigillo pendenti eidem facientes apponi.

Hanc ædem deinde anno 1280. IV. Id. Januarii Guido Patriarcha Gradenfis ritu sollemni consecravimus, una cum Laurentio Archiepiscopo, ac tribus aliis Episcopis Arbenfi, Nonensi, Senensi. Novo templo novus ab S. Marco titulus impositus fuit; nec vero propterea vetus statim exolevit; nam in tabulis etiam posteriorum ætatum a S. Platone cognominatum reperio. In sacrario ejusdem templi extat tabella parieti affixa, hisque litteris inscripta: Dedicatio hujus templi celebratur XIV. Januarii. S. Platonis Titularis hujus templi festum fit XX. Novembris; cum cæteroquin anniversaria commemoratio S. Platonis in Martyrologio Romano ad diem quartam Aprilis adscribatur. Sed utroque titulo paulatim exolefcente, nunc a S. Dominico vulgo cognominari solet. Hæc ex tabulis cœnobii Dominicani Jaderensis.

Huc addere libet tabulas ipsas consecrationis. Universis presentes litteras inspecturis frater Guido miseracione divina sanctæ sedis Graden. Ecclesiæ Patriarcha Dalmatiaeque Primas salutem in Domino sempiternam. Fidelium devotionis presentium serie innotescat, quod nos auctore Domino qui omnium extitit principium atque finis quarto

Guido Patriarcha Gradenfis consecrat templum S. Platonis.



decimo die mensis Januarii intrantis ecclesie Fratrum Prædicatorum de Jadra & majori altari ejusdem ad Dei honorem & pretiosissimi Marci Apostoli & Evangelistæ & omnium Sanctorum consecrationis munus duximus impendendum. Cui consecrationi venerabiles Patres Dominus magister Laurentius Jadrensis Archiepiscopus, Dominus Stephanus Nonensis Episcopus, & Dominus Martinus Senien. Episcopus assisterunt. In qua quidem consecratione nostrorum quilibet ad ipsam populo confluenti ac die quolibet nominati mensis cum devotione eandem ecclesiam visitanti, necnon omni prima Dominica uniuscujusque mensis usque ad unum annum, ob reverentiam prælibati Beati Marci indulxit unum annum & quadraginta dies de peccatis, de quibus vere essent contriti pariter & confessi; & de conscientia & voluntate venerabilis fratris nostri Domini Gregorii Arbenensis Episcopi totidem annuimus indulgere. Sane quia tantum munus non est obliviscendum a fidelibus Jesu Christi, sed debet semper ardoris devotio in eorum mentibus germinare: eandem ecclesiam Beati Marci in adniversario cunctis temporibus tanto indulgentiarum privilegio gaudere volumus una cum prædictis Archiepiscopo & Episcopis ad ipsam devotionem populi excitandam. Ad hæc nos Patriarcha una cum supradicto Episcopo Senienti nostro in hac parte sibi accedente consensu ob reverentiam tanti principis beatissimi Marci Apostoli & Evangelistæ omnibus, qui prænominatam Ecclesiam visitabunt in diebus in quibus annuatim ejus festa sollempniter celebrantur, similiter unum annum & quadraginta dies pro quolibet præsentibus indulgemus. Ut pax Dei quæ exsuperat omnem sensum taliter illuminet corda vestra, quod tantum munus indulgentiarum possitis digne capere & habito retinere. Sperantes quod per hæc & alia bona quæ feceritis Dei adjutorio mediante, valeatis ad gloriam supernæ felicitatis merito adipisci. In cujus rei testimonium & perpetuæ firmitatis præsentibus litteras fieri mandavimus & nostri ac prædictorum Archiepiscopi & Episcoporum pendentium sigillorum munimine roborari. Dat. Jadra in archiepiscopali palatio die excunte mense superscripto Januar. Anno Domini millesimo ducentesimo octuagesimo. Indictione octava.

Dux epist. pontificæ ad Laurentium.

Extant epistolæ dux pontificæ ad Laurentium Archiepiscopum; altera Innocentii IV. inscripta Venerabilibus fratribus Archiepiscopo Jadrensi, Episcopo Scardonensi, dilecto filio Archidiacono Nonensi. Ei mandavit, ut cum duobus hisce ab se delegatis iudicibus, de quibus inter Tragurienles & Sibenicenles erant controversiæ, rite cognoscerent, ac sententiam ferrent. Sibenicenles siquidem ajebant olim se proprium Episcopum habuisse, quod negabant Tragurienles; ac proinde urbem & Ecclesiam suam potestati Episcopi Tragurienlis eximendam, eique sedem episcopalem restituendam esse. Data est Anagnina v. Id. Julii, Pontific. anno xii. id est 1254. Altera est epistola Alexandri IV. inscripta Ven. fratri Archiepiscopo Jaden. & dilectis filiis Abbati S. Grisogoni Jadra, & Archidiacono Nonensi. Ut Sibenicenles compellerent ad imperium Magistri fratrum militiæ Templi accipiendum, atque illi, quæ deberent, obsequia & officia præstanda. Data est Anagnina v. mensis Julii, Pontificatus anno primo, id est 1255. Utramque epistolam descriptam habes in historia Ecclesiæ Sibenicensis.

Virgines Benedicti-  
æ S. Nico.

Erat Jaderæ collegium Virginum Ordinis S. Benedicti sub titulo ac tutela S. Nicolai. Anno

1260. cum antistita mortua esset, omnes illæ Virgines de communi consensu adscribi voluerunt Ordini Franciscano S. Claræ, amplectique institutum & colere disciplinam cœnobii S. Damiani, quod Assisi in omni religiosarum virtutum genere florebat. Laurentius Archiepiscopus ea de re consulendos putavit Canonicos, & plures alios eximæ doctrinæ ac prudentiæ viros; de quorum sententia consilium illarum Virginum approbavit; & cœnobium illud e Benedictino Franciscanum, omni jurisdictione archiepiscopali exemptum, in fidem & clientelam Sedis Apostolicæ transtulit. Extat ejus decretum in hæc verba: Quia juxta Canonum sanctiones bonæ rei dare consilium, & vitæ præsentis habetur subsidium, & æternæ remunerationis expectare cernitur præmium; idcirco nos Laurentius D. G. Jaden. Archiepiscopus, cum nostro Capitulo universo, deliberatione diu inter nos habita, & communicato cum pluribus sapientibus & religiosi viris consilio, diligenter considerantes, & utiliter attendentes, quod donatione seu oblatione monasterii S. Nicolai de Jadra Ordinis S. Benedicti, quod Abbatissa caret, cum omnibus rebus suis mobilibus & immobilibus, quam universæ moniales ejusdem monasterii pura & pia intentione, de consensu patronorum ipsius, fecerunt liberaliter & devote Deo, & Ordini S. Damiani pauperum dominarum, sua simul eidem Ordini corpora offerentes; non solum in Jadrensi provincia, sed in tota Dalmatia procuratur & acquiritur tam salus corporum, quam etiam animarum; prædictam donationem, seu oblationem totius cordis visceribus ratam & gratam habentes, prædictum monasterium cum omnibus juri-  
bus suis, & moniales omnes, quæ nunc sunt, & quæ de cetero per tempora fuerint, ab omni jurisdictione, seu subjectione duximus perpetuo eximendas, nihil omnino juris nobis in eodem monasterio reservantes. In cujus donationis, ratificationis & exemptionis perpetuam firmitatem præsens scriptam nostris sigillis pendentibus fecimus communiri. Actum est hoc in monasterio antedicto, præsentibus Damiano Plebano S. Petri novi de Jadra, Geminiano Jadrensi Primicerio, & nobilibus viris Cecne de Merga, Obsogono de Mauro, Paulo de Lampredio, Joanne de Zivakelli, & Lampridio Nicole, & aliis pluribus, currente anno 1260. mense Martii die 7. exeunte Indict. 3.

Laurentii decretum confirmavit Alexander IV. ac Virgines illas & omnia illorum bona in potestatem ac tutelam Sedis Apostolicæ recepit.

Alexander IV. Virgines S. Nicolai in clientelam Sedis Apostolicæ recepit.

Alexander &c. Abbatissa S. Nicolai Jadrensis, ejusque sororibus tam præsentibus, quam futuris regularem vitam professis, & perpetuam religiosam vitam eligentibus &c. Eapropter dilectæ in Christi filiæ vestris justis postulationibus clementer annuimus, & monasterium S. Nicolai Jaden. in quo divino eslis obsequio mancipatæ, sub D. Petri & nostra protectione suscipimus, & præsentis scripti privilegio communimus. In primis siquidem statuentes, ut Ordo monasticus, qui secundum Deum, & B. Benedicti regulam atque imitationem montalium inclusarum S. Damiani Assisinatæ. & formulam vitæ suæ a fel. rec. Gregorio PP. prædecessore nostro Ordini vestro traditam, cum adhuc esset in min. officio constitutus, in eodem monasterio institutus esse dignoscitur, perpetuis ibidem temporibus inviolabiliter observetur. Præterea quascumque possessiones, quacumque bona idem monasterium in presentiarum

juste & canonice possidet, aut in futurum concessione Pontificum, largitione fidelium &c. usque illibata permaneant; in quibus hac propriis duximus exprimenda vocabulis; locum ipsum, in quo praefatum monasterium situm est, cum omnibus juribus & pertinentiis suis, Ecclesiam S. Joannis de Mezam cum vinea & terris ibidem positis, vineas de Gillun cum omnibus terris, quae sunt ad Slatam, & cum omnibus terris, quae sunt ad Bravo, & cum omnibus domibus, & casalinis, quae sunt in civit. Jadrensi, cum pratis, vineis, terris, nemoribus, usuagiis, & pasuis in bosco & plano, in aquis & molendinis, in viis & semitis, & cum omnibus aliis libertatibus & immunitatibus suis. Liceat quoque vobis &c. retinere &c. Præterea omnes libertates, & immunitates, quas monasterio vestro Ven. Fr. noster A. Jadren. de Capituli sententia indulsisse dignoscitur, sicut in eorum litteris plenius continetur, auctoritate apostolica confirmamus, & praesentis scripti privilegio communimus. Tenorem autem litterarum ipsarum praesentis privilegio inseri fecimus, qui talis est: Quia juxta Canonum sanctiones, &c. ut supra.

Decernimus ergo ut nulli omnino hominum liceat &c. Ad indicium autem hujus perceptae a Sede Apostolica libertatis, unam libram cere nobis, nostrisque successoribus singulis annis persolvatis &c. Datum Anagnina per manum Magistri Jordani S. R. E. Notarii & Vicecancellarii 3. Id. Junii, Indi. 3. anno Incar. Domini 1260. Pontificatus vero Domini Alexandri PP. IV. 6.

Idem Alexander litteris datis ad Ministrum & Vicarium Sclavoniae ac Guardianum Ord. Min. Jadrae, eodem anno, xii. Julii, eidem imperavit, ut e cœtu fratrum suorum quatuor Sacerdotes spectatæ fidei, doctrinæ, ac probitatis eligeret, qui Virginibus illis ad regulam S. Clarae, atque ad omnes Franciscani Ordinis leges instituendis, eorumque confessionibus audiendis praesent.

Mandatum  
Joan. XXI.  
ad Laurentium  
Archiep.

Extat epistola Joannis Papæ XXI. anno 1276. data Viterbii ad Laurentium Archiep. Jadrensem: ut publice & sollemni denunciatione declaret communionem Christianorum & sacris omnibus interdictum esse praepotentibus quibusdam viris, qui domicilium Dominicanum Nonense diripuerant, & manus sacrilegas in Fratres injecerant; jubeatque restitui quae abstulerant.

Joannes Episcopus servus servorum Dei ven. frat. Archiepiscopo Jadren. salutem & apostolicam benedictionem. Sua nobis dilecti filii Prior & conventus Ord. Prædic. Jadren. conquestione monstrarunt, quod licet per litteras Sedis Apostolicæ sit inhibendum, ut nullus Ecclesias aut loca Fratrum prædicti Ordinis ausu temerario praesumat infringere, aut in illis violentiam damnablem exercere; ac statutum, ut illi, qui postposito timore divini Numinis secus facere praesumpserint, ipso facto sententiam excommunicationis incurrant, a qua non possint absolvi, nisi per eandem Sedem, vel Conservatorem ab ipsa dictis Fratribus aut eidem Ordini deputatum; Marcus tamen, & Michael dicti Comites, Miroslaus Trazon, & Buchze cives Nonenses, adjunctis sibi nonnullis iniquitatis filiis, ad locum, quem dicti & Prior habebant in prædicta civitate Nonensi, hostiliter accedentes, & in quosdam ex dictis Fratribus manus injicientes, Dei timore postposito, removere violentas, partem loci ejusdem diruere, & bona dictorum Fratrum ibidem inventa rapere & asportare nequiter praesumpserunt, in dictorum

Prioris & Fratrum grave praesudicium, & scandalum plurimorum. Quocirca fraternitati tuae per apostolica scripta mandamus, quatenus si de hujusmodi manuum injectione, & loci prædicti dirutione legitime tibi constiterit, prædictos sacrilegos tamdiu appellatione remota, excommunicatos & publice nuncios, & facias ab omnibus artibus evitari, donec super iis satisfecerint competenter, & absolutionis suae beneficium assequantur; eosdem quoque, quod bona ipsa dictis Priori & Fratribus restituant integre, ut tenentur, monitione præmissa per censuram ecclesiasticam, appellatione remota, prævia ratione compellas. Testes autem, qui fuerint nominati, si se odio, gratia, vel timore subtraxerint, censura simili, appellatione cessante, compellas veritati testimonium perhibere. Dat. Viterbii Id. Octobr. anno Pontific. nost. primo; id est 1276.

Nec Laurentius erga Dominicanos, quibus cœnobium S. Platonis tradidit, quam erga Franciscanos cœnobitas, magis beneficus fuit; his quoque multa large effusque donavit, unde sumptus ad cœnobium ac templum S. Francisci ædificandum necessarii suppetere. Conditum templum absolutumque ipsemet consecravit anno 1282. ut est in tabulis cœnobii Franciscani.

Sed jam inde a suscepto pontificatu cogitationes suas curasque præcipuas ad molitionem novæ basilicæ metropolitanæ converterat, vetus quippe, præterquam quod erat male materiata, & ruinosa, neque magnitudine, neque structura, neque elegantia, dignitati sedis archiepiscopalis respondebat. Itaque de communi sententia tum Capituli, tum publici urbis Consilii, veterem disturbari jussit, & aream fundamentis jaciendis circumcirca laxari. In eam ædificationem tum Laurentius e domestico & ecclesiastico patrimonio, tum civitas ex communi ærario, tum cives omnes pro suis quisque facultatibus, ingentem vim pecuniarum contulerunt. Opus multorum annorum fuit; neque ante annum 1285. basilica ex omnibus suis partibus absoluta atque perfecta est; ampla sane & magnifica, quæ nomen ac dignitatem ædis metropolitanæ egregie sustinebat. Ad solemnem basilicæ dedicationem non solum Episcopos sibi subjectos, sed etiam Joannem metropolitam cum Episcopis provinciae Spalatensis invitavit; cum enim, ut præclare Lucius animadvertit, pax Venetis esset cum Hungaris, nihil obstabat, quominus utriusque ditionis Episcopi in eundem locum sub dominatu Venetorum convenirent. Adfuere igitur fere omnes utriusque provinciae Episcopi cum Joanne metropolita Spalatensi; & anno 1285. v. Kalendas Maji peracta est consecratio quanta maxima excogitari potest pompa, religione, & magnificentia, nec solum civium sed etiam advenarum frequentia & gratulatione. Sub ipsam basilicæ dedicationem Laurentius duas insulas Surium, & Srimaz, id est Mortarium interprete Lucio, territorio Sibenicensi, ac diœcesi Traguriensi adjudicavit, quas Petrus Archidiaconus Sibenicensis ab Jadrensis per injuriam ablatas fuisse questus fuerat, suamque sententiam litteris mandari jussit, & suo chirographo subscripsit, annuloque obsignavit. Verum postea tabulis ac monumentis Jadrensis diligentius inspectis, & auditis seniorum quorundam testimoniis ad hunc faciendam maxime idoneis, cum ex his manifeste comperisset insulas illas ad jus civitatis ac diœcesis Jadertinae pertinere, priorem sententiam revo-

Laurentii  
liberalitas  
erga Fran-  
ciscanos.

Novam æ-  
dem me-  
tropolita-  
nam extru-  
xit & con-  
secravit.

revocavit, atque irritam fecit: qua de re per litteras admonuit Gregorium Episcopum Traguriensem, ne quid jurisdictionis, ac potestatis episcopalis in eas insulas usurpare auderet. Extat epistola Laurentii ad Gregorium in hæc verba.

Epistola  
Laurentii  
ad Grego-  
rium Episc.  
Tragurien-  
sem.

Ven. in Christo Fratri D. Fratri D. G. Episc. Traguriensi amico in Christo dilecto Laurentius Percander Jadrenf. Archiep. sal. & fraternam in Domino caritatem. Cum pridie, seu noviter, quando placuit vobis consecrationi ecclesiæ nostræ personaliter interesse, presentibus Ven. P. D. Fratre J. Archiepiscopo Spalaten. & vobis cum aliis suffraganeis ejus, atque nostris, quamdam litteram sigillo nostro signatam Petro Archidiacono Sibenico. & Sibenicensibus concessimus super duabus insulis, Scrimaz scilicet & Zuri, dicentes in eadem, quod istæ duæ insulæ, sicut audieramus, erant, & pertinebant ad Sibenicenses; postea dum per antiquos homines, & fide dignos audientes & intelligentes plenius veritatem, visis quibusdam etiam instrumentis, & privilegiis, in quibus manifeste probatur, quod prædictæ insulæ pertinebant, & erant de jure & proprietate civitatis Jadren. a tempore, cujus non extat memoria, prædictam consecrationem nostram per errorem factam, quam propter ignorantiam, aut negligentiam, seu occupationem nimiam, occasione dictæ consecrationis ecclesiæ nostræ, fecimus, de consilio sapientum, & religiosorum nostrorum, auctoritate presentium totaliter revocamus, irritamus, irritantes & cassantes eandem; in hoc jura canonica exequentes, juxta verbum summi Pontificis dicentis: Sententiam Romanæ Sedis non negamus posse in melius commutari, cum aliquando dictum fuerit, seu factum, aut scriptum contrarium veritati; & ne occasione dictæ consecrationis nostræ, sicut nulla, & quamquam nulla, processu temporis inter civitatem Jadrensem, & castrum Sibenicense quæstio aliqua valeat suscitari; presentem litteram revocatoriam, nostri sigilli pendenti munimine, ac etiam signo & nomine infra scripti notarii roboratam, vobis duximus transmittendam. Datum Jadrae A. D. 1285. Indiç. 13. die 2. men. Junii, presentibus Ven. P. D. Fratre Augustino D. G. Episcopo Civitatis Nova, & religioso viro Joanne Abbate S. Grisogoni, Nobb. viris Marino Girardo, & Ricobono de Venetiis, nunc mercatoribus Jadren. & aliis. Ego Laurentius D. G. Jadren. Archiepiscopus manu propria. Ego Vincenzius ecclesiæ S. Stefani Presbyter, & Jadren. Notarius his interfui, & de mandato prædicti Archiepiscopi hanc cartam scripsi, roboravi, & signo consueti signavi.

Corpus S. Simeonis Prophetæ ex Palæstina Jaderam translatum.

Temporibus Laurentii Archiepiscopi magnam felicitatem ac lætitiā, ingens decus ac præsidium civitati & Ecclesiæ Jadrensi attulit corpus S. Simeonis Prophetæ, ejus, qui Christum Dominum suis manibus excepit, suisque brachiis complexus est, e Palæstina Jaderam translatum. Historia hujus translationis nullis quidem temporum illorum monumentis continetur; sed a majoribus per omnes deinceps ætates filiis ac nepotibus tradita est, eorumque animis altius impressa, quam ut vel hominum interitu, vel posteritatis oblivione aboleri potuerit; deinde vero, anno fere centesimo ab ea translatione, scriptis etiam celebrari, ac tabulis æneis vel marmoreis insculpi cœpit. Ceterum si quæ forte de sanctissimis illis exuviis Jaderam deventis in antiquis Jadrensiū commenta-

riis, & in aliis publicis privatisque erant codicibus, in multiplici conversione rerum ac perturbatione, direptionibus, incendiis, aliisve infortuniis, quæ postea secuta sunt, omnino interiere. Cum ab exitu sæculi undecimi usque ad finem sæculi decimi tertii plures ad Hierosolymam & Palæstinam vel recuperandam, vel tuendam expeditiones sacræ susceptæ fuerint; qui pio illo bello perfuncti in Europam redibant, si quæ Divorum corpora nancisci potuerant, quæ summa aviditate ubique conquirebant, ea secum afferbant, ut patriam pretiosis hujusmodi lipsis ditarent; & cum Christiani reges ac populi per annos fere ducentos tot classes armaverint, tot sumptus ac labores impenderint, tam multa & gravissima pericula adierint, tantum denique sanguinis profuderint vel ad Hierosolymam excipiendam, vel ad Palæstinæ possessionem retinendam; omnis quidem eorum conatus ad irritum cecidit, hoc tamen emolumentum perceptum est, quod multæ & nobilissimæ civitates Italiæ, atque Europæ pretiosis Martyrum ac Divorum spoliis ex Oriente advectis locupletatæ fuerunt. Erat præterea temporibus illis frequentissima cujusque nationis hominum ex Europa in Asiam & Palæstinam navigatio; alii religionis & voti causa ritu peregrinantium sacra loca petebant; alii cum mercibus & oneribus commeabant; ac præsertim Veneti, qui plures insulas & urbes in illis partibus, quæ post captam Constantinopolim eis obtigerant, satis diu in potestate retinuerunt. Mira vero omnibus, qui quacumque de causa illuc trajiciebant, cupiditas inerat, vel integra Divorum corpora, quorum referta erant vetustissima illarum regionum templa, vel saltem aliquid ex eorum mortalibus exuviis, undecumque oblata fuisset occasio, auferendi ac domum asportandi. Certe Veneti hujusmodi sacris opibus, quas multo pluris faciebant, quam urbium captarum spolia, ex Oriente delatis, tum patriæ suæ, tum insularum circumjacentium templa locupletarunt. Neque enim religioni habendum esse putabant reliquias Sanctorum aut furtim surripere, aut per vim auferre; ac tantum aberat, ut hujus generis furta & rapinæ crimini cuiquam darentur, ut potius id laudi ac pietati tribui soleret; præsertim cum prope jam esse videretur, quando res Christiana in illis partibus quotidie deterior fiebat, ut omnia loca illa sanctissima sub potestatem hostium Christiani nominis reciderent. Ex occasione igitur hujusmodi sacrarum vel expeditionum, vel peregrinationum, aut etiam itinerum commercii causa susceptorum, Jadera pretiosissimum illum, de quo loquimur, thesaurum adepta fuit.

De corpore S. Simeonis Jaderam transvecto triplex fama vulgata est. Anno 1274. cum Gregorius X. in Concilio generali Lugdunensi novam ad Hierosolymam recuperandam expeditionem Christianis regibus ac principibus indixit; ajunt Franciscum Cedulinum civem Jadrensem cum decem navigiis armatis ab Jaderinis in Palæstinam rei Christianæ periclitanti subsidio missum fuisse; & cum aliquandiu rem strenue gessisset, reversum in patriam, sacrum illud corpus attulisse. Sed Gregoriana illa expeditio successu caruit; & ex omnibus regibus ac dynastiis Christianis nemo unquam fuit, qui se tam gloriosi operis ducem profiteri voluerit. Quare nulla tunc classis Europa in Palæstinam trajecit, ad quam Jaderini suas naves adjunxerint; nisi for-

Transla-  
tionem S.  
Simeonis  
ab Fran-  
cisco Ce-  
dulino,

& anno  
circa  
1276.

te ultro ipsi & soli hoc subsidium Christianis in magnum discrimen adductis submiserint.

In quodam codice vetusti characteris scriptum est corpus S. Simeonis Jaderam allatum fuisse anno 1213. cum Marinus Cedulaus tredecim triremes Jadrenses cum Januensium navibus conjunctas, & sacra expeditione perfunctas, in patriam revcheret. Sed præterquam quod post Constantinopolim captam anno 1204. usque ad annum 1215. nulla decreta fuit in Palæstinam expeditio, & quæ ab Innocentio III. in Concilio Lateranensi indicta fuerat anno 1215. biennio post suscepta est ductore Andrea rege Hungarorum; non est sane verisimile Jadrensiu triremes Jaderam appulisse simul cum navibus Januensium, quibus graves tum erant ac diuturnæ inimicitiae cum Venetis, quorum imperio Jadera suberat. In anno quoque advecti sanctissimi illius corporis erratum est; nam e quodam scripto reperto in arca ejusdem, ut postea dicemus, colligitur illud in urbem allatum & conditum fuisse post annum octogesimum seculi decimi tertii.

alii anno 1283.

& pio cui-dam civi Veneto adscribunt.

Ab hac & superiori narratione diffidet & variat fama communior & magis recepta. Ajunt inde usque ab antiquis temporibus memoriam traditum esse onerariam quandam Venetam, quæ revertebatur e Syria, in Adriaticum sinum invecam, coorta repente atroci ac læva tempestate, ventis ac fluctibus, non sine evidenti periculo naufragii, diu multumque agitatam fuisse; ac demum facta mercium jactura, discissis velis, malis antennisque difractis, haud dubio cælitum impulsu portum Jadertinum tenuisse. Inter vectores erat quidam civis Venetus, nobilis in primis ac pius, qui sacra Palæstinæ loca, Christi Domini, Disparæ Virginis, & Apostolorum nobilitata vestigiis summa veneratione obierat. Hic corpus B. Simeonis Prophetae arca lignea inclusum Venetias afferebat, quam in sentinam navis, loco invio & impervio abdiderat, ne cui occulti thesauri suspicionem injiceret; ex quo evenit, ut in communi rerum omnium jactura, nautarum oculos & manus effugeret. Exlensu in terram facto, dum navis, vela, antennæ, cæteraque instrumenta navalia reficerentur, usus est hospitio apud quosdam religiosos viros, qui domicilium habebant in suburbio; arcam efferrî jussit, ac suis hospitibus commendavit; quos tamen quid in ea contineretur ut celaret, simulavit se ibi inclusum habere cadaver fratris sui, in Palæstina demortui, quod Venetias transportabat, ut sepulchro majorum suorum inferret: eos rogavit ut interea, dum tempus profectiois appeteret, illud in communi cœmeterio subter terram conderent. Verum paullo post in letalem morbum incidit, quo intra paucos dies extinctus est; cum autem in extremo vitæ periculo versaretur, ejusque salus desperata jam esset; religiosos hospites admonuit, ut antequam corpus suum terræ mandarent, schedulam quamquam involutam, quam collo appensam gestabat, explicarent, attenteque legerent; ex ea intellegendos, quale & quam pretiosum depositum in arca illis commendata contineretur. Vix ille spiritum supremum efflaverat, cum boni illi Fratres mira cupiditate flagrantis sciendi quid tandem istuc rei esset, schedulam e demortui collo detrahunt, aperiunt, legunt; & cum comperissent se talem ac tantum, insperatum, nec optatum thesaurum adeptos esse, incredibile di-

ctu est, quanta illorum animos rei novitate attonitos admiratio simul ac lætitia incesse- rit. Antequam dies illucesceret, atque urbis januæ aperirentur, ad vitandam frequentiam ac turbam popularem, arcam effodere ac recludere statuunt. Verum illa ipsa nocte tres Judices civitatis, qui una cum Veneto Prætor rebus publicis præsidebant, alius seorsum ab alio, somnum inter ac vigiliam divinitus admoniti sunt de sacris exuviis sanctissimi cujusdam viri, Jaderam inde usque ab Palæstina, singulari Dei beneficio, ad præsidium urbis & salutem insularum transeatis; simulque illis ostensus est locus, ubi latebant, atque unde eruendæ forent, ut publicæ venerationi expositis debitus honor haberetur. Protinus illi mixta pavori lætitia perfusi evigilant, e lecto profiliunt, & singuli ignari quid aliis quoque secundum quietem cælesti voce patefactum esset, in idem quadrivium haud dubio Numinis ductu conveniunt; quid sibi quisque divino admonitu nuntiatum fuerit, inter se aperiunt & conferunt; januam urbis mane summo referari jubent, & viris illis religiosus arcam effodientibus superveniunt. Hi autem deprehensi cum essent, neque de sacro illo thesauro ibidem infosso, quem apud se retinere cupiebant, eos jam divinitus edoctos celare possent; rem omnem ordine narrant, schedulam apud suum hospitem vita functum inventam ostendunt, quæ fidem facit corporis S. Simeonis Prophetae in suum loculum inclusi; cum schedula cohærent quæ tres illi Præsides civitatis Deo monente cognoverant; nullus dubitandi locus relinquitur. Arca extracta reclusaque, corpus venerandi senis prorsus integrum, nulla- que ex parte tabefactum reperiunt. Quæ res ob- jecta oculis animisque omnes, qui aderant, stu- pore & miraculo attonitos defixit: ut se paul- lisper collegerunt, extemplo positis genibus in terram procumbunt, Deum in Sanctis suis ad- mirabilem collaudant, cui etiam curæ sint ca- daveris servorum suorum; & manantibus præ gaudio lachrymis divinæ bonitati gratias agunt, quod se ac patriam tali ac tanto munere & hono- re dignaretur. Ubi primum in urbem fama per- lata est, cuncta civitas se plenius portis effudit, sacri corporis tum visendi studio, tum etiam venerandi. Archiepiscopus cum Sacerdotum ag- mine processit, corpus diligenter inspexit, par- tes omnes diu multumque pertentavit tractavit- que, ac totum plane integrum invenit, nulla- tabe aut livore correptum, ac tale prorsus, quale nunc etiam existit; omnibusque ejus vi- sendi cupidus ostendit. Deinde rem omnem pro sua gravitate ac prudentia diligentius cautiusque examinandam censuit; & tum Fratres illos de arca eisdem commendata, tum Judices civitatis de superna illa admonitione, variis percontatio- nibus, quales ad veritatem eliciendam adhiberi solent, rite interrogavit. Cumque illi congru- entia responderent, nec modo sibi unusquisque, sed etiam omnes inter se mire constarent, de- crevit illud prudenter pieque credi posse corpus esse S. Simeonis Justi & Prophetae, qui puerum Jesum Christum in templo suis manibus excep- pit; & quæ tum huic, tum Virgini Matri e- ventura essent, divino afflatus spiritu prædixit. Itaque in urbem sollempni & frequentissima sup- plicatione deferretur; & duplici loculo cupressino & marmoreo inclusum in templo S. Mariæ Ma- joris, ubi erat insigne collegium Presbyterorum, collocatur, ut ibi perpetuo supplicum votis ac

Illud S. Si- meonis Prophetae corpus esse agnoscitur.

In Urbem inferretur & in templo S. Mariæ deponitur.

ve-

venerationi expositum esset. Arca marmorea vetus adhuc extat, visiturque in æde S. Stephani, aræ S. Crucis inserta, cujus pars anterior effigiem S. Simeonis in modum cubantis, opere & scalpri valde antiquo calatam exhibet.

Nec defuerant crebra & illustria miracula, quæ statim sacris illis exuviis fidem ac venerationem conciliarent; ægrotis salus restituta, demones e corporibus oblectis expulsi, cæcis videndi, claudis gradiendi facultas reddita; nonnulli fere ex ipsis mortis faucibus erepti, alii aliis calamitatibus, quibus obnoxia est humana conditio, divinitus exempti; sed defuerunt qui hæc vetustiora miracula, ac a majoribus velut per manus tradita posteris, litteris etiam sigillatim ac distincte proderet. Horum fama longe lateque vulgata non Dalmatas solum, sed etiam finitimos populos ad sepulchrum S. Simeonis colendum, ejusque opem implorandam excitavit. Exinde S. Simeonis cultus ac veneratio crevit in dies, neque ulla temporum diuturnitate diminui potuit; quin magis magisque aucta est, atque etiam vel maxime viget ac floret. Hæc Jaderenses fama & auditione a majoribus accepta commemorant. Opiniorum commenta delet dies, rerum gestarum veritatem confirmat; hæc stabilis permanet ac celerrime propagatur, illa vix orta evanescunt.

Eximia  
Ludovici,  
& Elisabethæ  
regum  
Hungariæ  
arca sacrum  
illud depo-  
situm reli-  
gio.

De corpore S. Simeonis apud Jaderenses condito certa & communis opinio, intra centum annos longe ac late pervagata, usque adeo convaluerat, ut Ludovicus rex & Elisabetha ejus uxor regina Hungariæ, cum Jaderam venissent anno 1371. de tam testata pervulgataque re minime dubitari posse existimarunt, neque alienum regia gravitate putaverunt eximio pietatis exemplo fidem eidem atque auctoritatem adjungere. Itaque ad templum S. Mariæ Majoris, cum dynastis, proceribus, ac toto regio comitatu processerunt; & sacrum illud depositum castissime venerati, muneribus etiam regali magnificentia dignis coluerunt. Elisabetham, dum corpus illud ab omni labe intactum intentius contemplatur, ingens cupido incescit aliquid ex eo auferendi, quod in suo regio conclavi asservaret omni honore cultuque. Ergo per speciem pertentandæ illius integritatis plane admirabilis, furtim digitum avulsit, suoque in sinu clam reposuit. Mirum dictu, visuque! vix ab ara paullulum abscisserat, cum sacro quodam horrore correpta, ore toto expallescente, circumfusa oculis caligine cæcutire, omnibus artibus contremiscere; ac parum abfuit, quin præceps in terram caderet, nisi prompti accurrissent ephæbi aulici, qui eam a lapsu sustinerent. Ad hæc, ulceribus subito inustis totum pectus, ubi pium furtum condiderat, sibi putrescere, & sanie ac tabe manare animadvertit. Enimvero, ut erat femina prudens ac religiola, Deum avulsi digiti ultorem agnovit ac sensit, nec vero aliter, nisi eo restituto, cælestem iram placari posse. Quocirca alienis manibus ad arcam S. Simeonis se reduci jussit; & genua submittens, manus pariter oculosque tendens in cælum, manantibus ubertim lachrymis, veniam a Deo, Divoque Simeone enixe petere institit, ignoscerent pio errori, ignoscerent delictum agnoscenti suum, nihil e sacro illo corpore penes se, Deo & B. Simeone invito, futurum. Digitum ablatus restituit, deditque in manus cuidam Sacerdoti, qui cum eum suo loco reposuisset, ira cohesit, ut recentis juncturæ ne-

vestigia quidem apparerent. Tum paulatim pristinus ori color, oculis serenitas, membris vigor redire; & ulceribus evanescentibus, perfectam corporis sanitatem, animique tranquillitatem recepit. Gratiis Deo ac Beato Simeoni actis, annulos ingentis pretii sibi detraxit, quibus digitum quem absciderat, indui voluit; deinde vero, ut suum errorem sive culpam expiaret, simulque valetudinis recuperatæ, ac beneficii accepti insigne monumentum ac perpetuum statueret; arcam argenteam vovit, in quam S. Simeonis corpus conderetur; & mille marchas argenti in eam impendendas numeravit. Quæ quidem arca anno demum 1380. calatis operibus, summoque artificio perfecta est. Quæ divinitus reginæ acciderant coram aulicis, & confertissima multitudo, ac pæne in conspectu totius civitatis, ut apud posteros fidem haberent, una cum effigie sua in ipsamet arca cælari jussit; ubi etiam visuntur quædam antiqua miracula per Sanctum Simeonem edita, ac præsertim historia ejus corporis Jaderam navigio advecti, & effossi e suburbano cœmeterio, ut supra a nobis descripta est; quæ ab avis & parentibus voce vel scripto tradita, sæculo proximo post sacras illas exuvias Jaderam delatas, adhuc filiorum ac nepotum memoria vigeat. Arcae descriptionem, & epigraphem eidem incisam in annum octogelimum sæculi decimi quarti, atque in pontificatum Petri de Marafaris Archiepiscopi Jaderensis rejiciendam censeo.

Sæculo superiori cum detecta esset arca vetus marmorea, repertus est ibidem catalogus vetustissimus characteris, in quo descripta sunt cognomina illustrium familiarum Jaderensium, quæ sæculo decimo tertio florebant; & cujusque familie princeps nominatim exprimitur, sub hoc titulo:

*Nomina Dominorum Nobilium Jaderensium de anno 1283.*

*Andreas Cotopagna.*

*Matthias de Sabbe.*

*Bogde de Laurcha &c.*

Sunt omnino ad centum; ex his autem nonnulli in actis tabulisque publicis illius ætatis nominati reperiuntur. Hinc intelligi licet, quo anno corpus B. Simeonis, ante biennium, vel triennium e Palæstina Jaderam, atque in urbem delatum, in arca illa marmorea depositum fuerit, quo cum cives illi ac patricii Jaderenses, religionis causa, nomina sua & cognomina includi voluerunt; ut scilicet meritis & precibus B. Simeonis apud Deum interpolitis eadem libro immortalis beatæque vitæ inscriberentur. Itaque annus sacrosancti corporis Jaderam advecti fuit annus Christi circiter 1280. & anno 1281. in arcam illam inclusum est.

Hanc inveteratam Jaderensium de corpore S. Simeonis apud se condito, firmamque opinionem obtundere videtur atque elevare auctoritas Andreæ Danduli, qui corpus idem B. Simeonis sub initium ejusdem sæculi decimi tertii Venetias Constantinopoli allatum fuisse tradit, cum Henricus Dandulus principatum apud Venetos obtinebat: Plebei etiam Veneti Andreas Balduino, & Angelus Drusiaco de Oratorio S. Mariæ adbarente Ecclesiæ S. Sophiæ (Constantinopolitana) corpus S. Simeonis Propheta cum labore auferunt, quod Venetias delatum in Ecclesiâ antiquitus sub Sancti vocabulo fabricata reponunt. Verum celebritas & magnificentia cultus vetustissimi, quem apud Jaderinos obtinet Simeonis, de quo S. Lucas cap. 2.; concursus popu-

Schedula  
reperita in  
arca ve-  
teris.

Posse-  
nem corpo-  
ris S. Si-  
meonis,  
quam An-  
dreas Dan-  
dulus Ve-  
netias at-  
tribuit,



Jadrenses  
jure potio-  
ri sibi vin-  
dicant.

lorum ex tota Dalmatia & finitimis regionibus, non modo Christianorum, sed etiam Turcarum ad beatas ejusdem exuvias colendas confluentium, crebra per eum miracula edita, multa & maxima beneficia supplicum votis per eundem collata, ut alia omnia argumenta deessent, possessionem ejus sanctissimi corporis Jadrensis adjudicant, vix ut locus dubitationi ullus relin- qui videatur. Contra ea Venetiis corpus illud, quod in æde S. Simeonis asservatur; ejuscum- que Divorum cum Christo regnantium sit, non ea veneratione, non ea civium frequentia, non ea denique donorum opulentia & copia colitur, quæ talem ac tantum Prophetam deceret, quem Deus tali ac tanto honore dignatus est, ut vin- dicem ac Servatorem totius generis humani, ab antiquis Prophetis prænunciatum, fuisset oculis videret, suis manibus contrectaret, suis etiam ulnis amplecteretur; quin immo corpus illuc hætenus jacuit inclusum arca nullius præ- tii, & fere in vulgus ignotum, neglectumque. Nec vero tanti est auctoritas Andreæ Danduli, ut piam illam communemque, & multorum æ- tatum consensu firmatam Jadrensi credulita- tem infirmet, eisque corporis S. Simeonis jam inde a sæculo decimo tertio possessi gloriam eri- piat. Neque enim ab illa ætate, qua cum Ve- netam S. Simeonis Prophetæ translationem con- junxit, proximus fuit Dandulus, sed centum, & fere quadraginta annorum intervallo disjun- ctus, ut necesse non sit tantam illi auctoritatem & fidem tribuere, quanta tribui solet scriptori- bus, qui rebus gestis vel æquales, vel suppres fuerunt. In partibus Orientis plures alios fuisse & sanctitatis excellentia, & miraculorum fama celebres viros, quibus Simeonis nomen fuit, quibusque Christiana religio titulum cultumque Divorum decrevit, tum Romanum, tum alia Martyrologia vetustissima testantur. Ex his il- lum fuisse arbitror, cujus corpus sæculo deci- mo tertio ineunte Græcis ademptum, & Vene- tias translatum fuit; & opinionis errore factum existimo, ut putaretur esse corpus S. Simeonis Prophetæ; cum cæteroquin nulla, quibus id probaretur, argumenta vel indicia proferri pos- sent. Est quidem apposita inscriptio tabellæ mar- moreæ antiquis litteris incisa, quæ declarat il- lud esse corpus S. Simeonis Prophetæ Constau- tinopoli translatum; sed nihilo recentior est, & fortasse vetustior, ut ex forma litterarum perspicui potest, inscriptio, quam regina Elisa- betha in fronte media arcæ argenteæ insculpi jussit. Annus corporis Venetias delati, Venetæ inscriptioni subjectus, qui est Christi 1203. mihi non satis probatur. Nondum enim Galli & Veneti Constantinopolim in potestatem re- degerant; quæ capta est anno 1204. tunc enim & alia nobilissimæ illius & opulentissimæ urbis ipolia, & multa etiam Divorum corpora Vene- tias allata sunt; & sane Dandulus corpus S. Si- meonis post Constantinopolim Græcis ademptam Venetias devecum fuisse tradit. Ceterum in hac controversia, ab Jadrensi causa con- tra ipsos Venetos multa sunt & gravissima ju- dicia Ducis ac Senatus Veneti, itemque supre- mi magistratus Dalmatiæ, qui plura decreta fe- cerunt, suis deinceps locis ac temporibus inse- renda, pro tuendo ornandoque templo & sepul- chro Jaderino S. Simeonis Prophetæ; quæ qui- dem facturos fuisse non arbitror, si ejus cor- pus inde abesse, & Venetiis asservari existima- rent. Si ergo Veneti judiciis ac decretis sum-

mæ apud omnes auctoritatis stare velint, hanc gloriam Jaderinis intactam relinquant necesse est; Jaderitini vero de hujus sacratissimi corpo- ris possessione, sibi æque honorifica, ut salu- tari & benefica, in Domino glorientur.

Ut redeamus ad Laurentium Archiepiscopum, hic sollemni pompæ, qua venerandum illud corpus in urbem delatum est, conditumque in æde Mariana, non solum interfuit, sed etiam præfuit: & incredibili gaudio exultans, quod suis temporibus Civitati & Ecclesiæ suæ tam insigne decus ac præsidium singulari Dei bene- ficio collatum fuerit, jure ac merito canere po- tuit cum beatissimo illo sene: *Nunc dimittis servum tuum Domine in pace &c.* Nec sane mul- tos annos superstes fuit, & meritum, quam dierum plenior & vita migravit anno 1287.

#### ANDREAS ARCH. JADREN. XI. electus.

Oriundus e familia Veneta Gussonia, quam & Gausoniam, & Campsoniam nominatam in- venio; idemque erat Canonicus Ecclesiæ cathed- ralis Patavinæ. Cum pro more illorum, tem- porum Canonici Jadrenses ad comitiæ archie- piscopalia convenissent, plerique suam in eum suffragia contulerunt. Reliqui Canonicorum, qui ab illis dissidebant, ad Guidonem Patriar- cham Gradensem provocarunt. Res diu mul- tumque coram Primæ variis contentioibus a- gitata, ad exitum perducere non potuit. Itaque ad Sedem Apostolicam appellatum est. Nico- laus IV. hujusmodi controversiam dirimendam dedit Joanni Presbytero Cardinali S. Cecilie. Sed dum adhuc lis sub judice pendebat, An- dreas Gussenius studio pacis & quietis Romam se contulit; & coram Pontifice jus omne Ar- chiepiscopatus Jaderitini obtinendi, quod per electionem acquisierat, sponte ac rite dimisit. Nomen Archiepiscopi electi duos, tredecim annos sustinuit, & in tabulis Jadrensis an. 1288. die 12. Januarii, itemque anni 1289. XII. Februa- rii, & 11. Aprilis Andreas Gausonius appellatur Archielectus. Pontifex nominationem Antistitis Jadrensis ad se revocavit; ab eoque nominatus est

Andreas  
Gussenius  
Archiep.  
electus, ob  
controver-  
siam exor-  
tam jure  
suo cessit.

#### JOANNES II. ARCH. JADREN. XII.

Hic primus ex omnibus fuisse dicitur, quem Pontifex Romanus Antistitem Jadrensis dedit, cum antea penes Capitulum Jaderitini Archie- piscopi eligendi, approbandi vero consecrandi- que potestas fuisset penes Patriarcham Graden- sem Primatem provincie Jadrensis. Natus est Anagninæ, quæ olim veteris Latii, nunc Cam- panie civitas est sane frequens ac nobilis. Ag- gregatus ad sodalitatem Franciscanam Fratrum Minorum rigidioris disciplinæ, avito posthabi- to, cognomen e patria sumpsit, dictusque est F. Joannes de Anagnia. Octavius Spaderus cœ- nobii Franciscani Jaderitini alumnus fuisse tra- dit. Ejus singularem doctrinam & virtutem per- spectam habuerat Nicolaus Papa IV. ex eadem Franciscana familia ad Pontificatum evectus, dum in Dalmatia versabatur. *Assumptus hoc anno 1291. (ut scripsit Vadingus) ad Archiepiscopatu- tum Jadræ (quæ insula est, & urbs primaria Liburnorum, ditionis Venetæ, corpore S. Simeonis Prophetæ, qui Christum ulnis excepit, commen- datissima) per obitum Laurentii pastore vacantem, F. Joannes Minorita de Anagnia.*

Ex-

Extat diploma Nicolai IV. qui Joannem Jaderinæ Ecclesiæ Archiepiscopum præfecit.

Diploma Nicolai IV. Pont. quo Joannem Ecclesiæ Jaderinæ præfecit.

Nicolaus &c. Dilecto filio F. Joanni &c. Ad universalis Ecclesiæ regimen divina dispositione vocati, circa statum cujuslibet aciem sollicitæ considerationis extendimus, pastoralis partes officii vigilantius adhibentes, ut Ecclesiæ singulæ a pastoribus gubernentur idoneis, & rectoribus utilibus disponantur. Dudum siquidem Jaderensis Ecclesiæ per obitum bonæ memoriæ L. Jaderensis Archiepiscopi pastoris solatio destituta, Capitulum ipsius Ecclesiæ pro futuri substitutione pastoris convenerunt in unum, & cum tandem nonnulli ex dilectis Capitulo Magistrum Andream Capsoni Canonicum Ecclesiæ Paduanæ, in Jaderensem Archiepiscopum elegerint, reliqui ad venerabilem Fratrem nostrum Gradensem Patriarcham, loci superiorem, ab electione hujusmodi appellarunt. Coram quo aliquandiu negotio hujusmodi ventilato, nos in eo postmodum per appellationem ad Sedem Apostolicam, legitime devoluto dilectum filium nostrum Joannem tituli Sanctæ Cecilie Presbyterum Cardinalem concessimus partibus Auditorem. Verum postea idem magister Andreas cupiens suæ providere quieti, juri, si quod sibi in electione hujusmodi extiterat acquisitum, in nostris manibus renunciavit expresse. Nos itaque hujusmodi renunciatione recepta, ad provisionem ipsius Ecclesiæ salutarem debita solertia consurgentes, ut ipsam avertamus a dispendiis, quæ solent Ecclesiis ex vacatione diutina provenire, in te Ordinis Minorum Fratrum, quem ut fide dignorum testimonio laudabili accepimus, virtuosum prædicant fluentia virtutum, ac titulo multæ circumspeditionis extollunt, oculos direximus nostræ mentis. Quapropter sperantes in Domino, quod per ministerium tuæ virtutis in multis expertum, & experientia comprobatum, præfata Ecclesiæ in prosperitate consurget optata, & brachio tuæ consolationis subnixæ in spiritualibus & temporalibus, auctore Domino, gratis proficiet incrementis, te ipsi Ecclesiæ de Fratrum nostrorum consilio præficimus in Archiepiscopum & pastorem, tuæ prudentiæ curam & administrationem ipsius temporaliter, & spiritualiter, committendo, postmodum tibi de nostris manibus munere consecrationis impenso. Rogamus itaque fraternitatem tuam & hortamur in Domino, per apostolica tibi scripta mandantes, quatenus curam, & administrationem ipsius Ecclesiæ tuæ fidelitati commissas devoteque susceptas, sic prudenter studeas gerere, ipsarumque onus prudentius supportare, quod in grege tibi tradito fructus multiplices illi bono pastori acceptos referas, qui dat affluenter & non impropere, quique actus sibi placitos dirigit in viam salutis æternæ; id sic efficaciter supernis adjutus auxiliis impleturus, quod proinde una cum tuis subditis merearis cum dilectis in dilecto examine in dexteram collocari, sempiternæ latitiæ dulcedine fruitor. Datum apud Urbem veterem 2. Idus Februar. anno 3. idest Christi 1291.

Cum Joannes Jaderam venisset ad regimen Ecclesiæ sibi commissæ suscipiendum, una cum Capitulo & clero, magistratu & populo, Thomasinam Maurocenam matrem Andree III. regis Hungariæ, navibus Venetorum advectam, regio apparatu accepit. Hæc siquidem Stephanus Andree II. ex Beatrice Eltenfi secunda conjuge filio, Venetiis exulanti nupserat; ex eoque Andream III. genuerat, qui, post interitum Ladislavi regis a Cumanis interfecti, ab Hungaris evocatus regis titulum & insignia sumpsit

Ulyrici Sacri Tom. V.

anno 1290. & anno insequenti matrem, quam Venetiis reliquerat, perhonorifice invitavit. Thomasinæ adventum in urbem Jaderensem Tabulæ Tragurienses confirmant: Anno 1291. die 18. Septemb. Cum mater regis Ungariæ transitum facere intendit per Jadræm, ad reg. mittatur una galeotta Communis bene & diligenter aptata &c.

Nicolaus IV. Palæstinæ recuperandæ cupiditate flagrans litteras encyclicas ad Joannem Jaderensem, tum ad ceteros Archiepiscopos, & Episcopos quaquaverlum misit, ut Christianos ad sacrum bellum, & crucis insigne suscipiendum hortarentur. Has Joannes se accepisse testatur in suis ad Episcopos provinciales litteris: Universis præsentibus litteras inspecturis F. Joannes Dei & Apostolicæ Sedis gratia Jader. Archiepiscopus, sinceram in Domino charitatem. Noveritis universi vos a sanctis. Patre nostro Nicolao PP. IV. litteras recepisse non vitiatas &c. quarum tenor de verbo ad verbum talis est: Nicolaus SS. D. Venerabilibus Fratribus Archiep. Jader. & ejus Suffraganeis sal. & apostol. benedict. Guerra sanctæ miserabilis status &c. Dat. Urb. vet. Cal. Augusti Pontif. nostri anno 14. id est 1292. His litteris & hortationibus pontificiis, suas quoque Joannes hortationes adjecit, ut impigre seduloque exsequeretur, quæ Pontifex jubebat.

Litteræ encyclicæ Nicolai IV. ad Joannem misit.

His temporibus Ecclesiam metropolitanam Jaderensem muneribus coluerunt Comites Breberienenses, qui ea tempestate maximis opibus copiisque florebant, Paullus Banus Chrobatæ, ac Dominus Bosnæ, & Mladinus ejus filius, itemque Martinus quidam e Dynastis Chrobatæ; quorum eximie religionis monumenta extant, binæ videlicet argenteæ lipsanthece, his notis inscriptæ: Paulus Banus Croatorum ac totius Bosnæ Dominus hoc fecit fieri ad honorem SS. Petri & Pauli Apostolorum & S. Danielis Prophetæ. Paulus, Martinus, & Mladenus Croatia Præsides S. C. P. fieri jusserunt.

Bonifacius Papa VIII. anno 1295. Joanni Archiepiscopo Jaderensi epistolam scripsit, ut est apud Vadingum tom. 2. Annal. eique imperavit, ut virum expertæ fidei, doctrinæ, probitatis ex Ordine Franciscano, Ecclesiæ Absconrensi, vel Arbeni pastorem suo viduatæ Episcopum præficeret. Anno 1296. Concilio Gradeni sub Agidio Patriarcha per procuratorem interfuit; Capitulum quoque Jaderense alterum procuratorem misit: Agidius Dei & Apostolicæ Sedis gratia S. Gradenfis Ecclesiæ Patriarcha, Dalmatiæque Primas, una cum venerabilibus Fratribus, & Suffraganeis nostris .... Petro Nicolao Clerico de Vicentia procuratore Ven. Patris Domini F. J. Jaderensis Archiepiscopi .... & Marino Pilofo Plebano S. Stephani de Jadra procuratore Capitulum Jaderensis & Absconrensis &c. Idem Bonifacius anno 1297. Joannem Ecclesiæ Jaderinæ adeptum, Tranensibus in Apulia Archiepiscopum dedit. Sed morte sublatus anno proximo, hanc sedem vacuam reliquit.

Altera Bonifacii VIII. epistola ad eundem.

Concilio Gradensi per procuratorem interfuit,

translatum ad Ecclesiam Gradensem

### HENRICUS ARCHIEP. JADREN. XIII.

Patria Tudertinus ex Ordine Patrum Minorum S. Francisci, de quo Vadingus Tom. II. Creavit hoc anno 1297. Bonifacius Archiepiscopos duos ex Minoritis .... F. Henricum de Tuderto in Ecclesia Jaderensi in insula Liburnorum ditius Venetæ, per translationem Joannis Archiepiscopi etiam Minoritæ, ut supra diximus, ad

H

Ec-

Ecclesiam Tranensem, vacante XIV. Kal. Julii. Extat diploma pontificium collati eidem Archiepiscopatus.

Diploma  
Bonifacii  
VIII. P.

Bonifacius &c. Dilecto filio F. Henrico de Tudereto Fratrum Minorum professori &c. Romani Pontificis, quem Pastor ille celestis, & Episcopus animarum, potestatis sibi plenitudine tradita, Ecclesiis prout universis, plena curis & onusta angustiis sollicitudo requirit, ut circa cuiuslibet statum Ecclesie sic ipse solerter invigilet, prudenterque excogitet, ac prospiciat diligenter, ut per ejus circumspectionem providam, & providentiam circumspectam, Ecclesiis singulis pastor accedat idoneus, & rector providus deputetur; quatenus ipsa, superni favoris opitulante clementia, laetis foveantur eventibus, & votivae prosperitatis successibus gratulentur. Sane Jadrensis Ecclesia per translationem venerabilis Fratris nostri Joannis Tranensis, tunc Jadrensis Archiepiscopi, ad Tranensem Ecclesiam per nos factam, nuper solatio destituta pastoris, nos ad ejusdem Jadrensis Ecclesie quietum statum, & prosperum, paternae sollicitudinis studio intendentes, ordinationem ejus, & dispositionem Sedi Apostolica duximus reservandam. Decernentes ex tunc irritum & inane, si secus super hoc scienter vel ignoranter per quemcumque, seu quoscumque contingeret attentari. Volentes igitur prout ad nostrum spectat officium, obviare dispendiis, quae possent ex proluxa vacationis instantia eidem Jadrensi Ecclesiae imminere. Considerantes etiam probitatis merita grandia, & virtutum dotes multiplices, quibus dono superni Numinis nosceris insignitus, & propterea spem gerentes indubiam fiduciamque plenam in Domino obtinentes, quod per tuae laudabilis circumspectionis industriam, cum te celebris famae praconium rejerat, quod multorum relatio fide digna confirmat, in spiritualibus & temporalibus circumspectum, praefata Jadrensis Ecclesia, Deo favente, proficiet in utrisque, deliberatione cum Fratribus nostris super hoc habita diligenti, te jam dictae Jadrensis Ecclesiae, Ordinis Fratrum Minorum professorem, de Fratrum praedictorum consilio, & Apostolica plenitudine potestatis, praeficimus in Archiepiscopum, & pastorem, curam & administrationem ipsius tibi in spiritualibus, & temporalibus committentes. Firma concepta fiducia, quod, dirigente Domino, per aelus tuos, eidem Jadrensi Ecclesiae, per tuam curiosam solertiam, tuum ministerium studiosum honoris & prosperitatis multiplicis, Deo propitio, desiderata provenient incrementa. Ideoque discretionis tuae per Apostolica scripta mandamus, quatenus nostris, & Apostolica Sedis beneplacitis sub prompta humilitatis officio te coaptans, & reverenter suscipiens impositum a Domino tibi onus, ejusdem Jadrensis Ecclesiae curam sollicitam gerere studeas, ejusque vacare profectibus non omittas, gregem Dominicum in illa tua discretionis commissum doctrinae verbi & operis informando; ita quod Ecclesia ipsa per tuae diligentiae studium laudabilibus in spiritualibus, & temporalibus, ad divini nominis gloriam proficiat incrementis. Datum apud Urbem veterem 14. Kal. Julii anno 3. id est 1297.

Henricus  
Martinum  
primum  
Episcopum  
Sibenicensis  
dedit  
& consecra-  
vit.

Hic ex mandato Bonifacii Pontificis una cum Petro IX. Archiepiscopo Spalatensi electo primum Episcopum Sibenicensibus dedit F. Martinum & sua Franciscana sodalitate anno 1298. eundemque cum Nonensi & Scardonensi Episcopis solemniter ritu consecravimus. Hoc eodem

anno jussu Veneti Senatus, & aere publico, Novorum firmiter murorum ambitu Jadera circumcludi, Jadrensiurum novaque moenia aedificari coeperunt; quorum fundamenta & initia nomine & auspiciis S. Chrylogoni urbis patroni locari, velutique dedicari voluerunt, ut docet inscriptio postibus ejusdem basilicae affixa.

AD HONOREM DNI XPI SALVATORIS  
SANCTIQUE GRISOGONI JADRÆ PROTECTORIS  
MURUS VRBIS JADRÆ FUIT INCHOATUS  
DIE XII. ASTANTE NOVEMBRIS  
INDICTIONIS BIS SENÆ ORDINE LABENTIS  
SUB ANNIS XPI MILLE DUCENTIS  
NONAGINTA OCTO PLUS COMPUTI LEGENTIS  
EXISTENTE COMITE LEONARDO GRISOGONO

Porro Henricus vix triennium huic Ecclesiae praefuit, & intra finem hujus saeculi, vel sub initium sequentis e vita decessit.

JACOBUS ARCH. JADREN. XIV.

Hunc quoque Jadrensis Archiepiscopum dedit Franciscana familia, aequae virtutibus, ac viris omnium laudum genere illustribus florens, a patria de Fulgino cognominatum. Ad hanc Ecclesiam regendam accessit anno 1300., quo quidem anno ejus nomen in tabulis S. Chrylogoni inscriptum invenio. Vix pontificatum inierat, cum in eum ejusque decessores, itemque in clerum atque administratores decimarum ecclesiasticarum, gravissima querela, & atrocissima criminatio iacta est, quae prope abfuit a tumultu ac seditione populari. E praescripto Canonum, & antiqua consuetudine, decimas Ecclesiae quadripartito sic distribui oportebat, ut pars una Archiepiscopo, altera clero obtingeret, reliquae duae partim erogarentur in pauperes, partim ad fabricam basilicae cathedralis Anastasianae, ejusque ornatum, & facta tecta tuenda pertinerent. Vulgo autem querebantur non sine indignatione ac fremitu proventus e decimis collectos perperam administrari, nihil ex illis vel pauperes, vel aedem metropolitanam percipere; omnia sibi Archiepiscopum & clerum vindicare, atque inter se partiri. Ut causam omnem occasionemque hujusmodi querelis & criminationibus praeriperent, inter Jacobum Archiepiscopum, & Joannem Superantium urbis Praetorem, virosque primarios e Consilio nobilium ad id delectos, ita demum convenit, ut Archiepiscopus duos viros expertae fidei ac probitatis, & juris utriusque ac legum peritos nominaret, alterum ex clero, alterum ex ordine laicorum, qui singulis annis decimas & fructus omnes spectantes ad fabricam basilicae Anastasiana colligerent, administrarent, impenderent de consilio & voluntate ipsius Archiepiscopi postulare. Hanc illis traditam procuracionem unius anni spatium definiendam esse censuerunt; prorogari tamen posse voluerunt, modo sub exitum cuiusque anni rationem accepti & expensi coram Archiepiscopo, si quidem adesse vellet, Praetori civitatis redderent. Hanc autem compositionem triennio post Capitulum Jadrense, praesente Archiepiscopo, & Nicephoro Archidiacono referente, approbavit & confirmavit. Quae omnia tribus tabulis, sive instrumentis comprehensa, e codice Statutorum Jadrensiurum desumpta, hic describi visum est.

Querela  
gravissima  
de mala  
administra-  
tione decimarum.

De

De quarta parte decimæ in fabricam Ecclesiæ  
Sanctæ Anastasiæ distribuenda.

Præfatio  
composi-  
tionis quæ-  
relæ.

Detestanda quorundam iniquorum perversitas  
abstinere nesciens a prohibitis, nec debito modo  
gaudere concessis, digne plerumque potentiam in-  
vocat Laicorum, ad nequitiam fraudis tam au-  
dacis multifarie reprimendam. Sane licet olim  
fuerit canonica constitutione decretum qualiter de-  
cima debeat dividi, distribui, seu partiri; con-  
suetudo tamen retroactis temporibus diutius obser-  
vata circa decimæ divisionem est hodie salubrius  
& utilius instituenda, de permissione ipsorum ca-  
nonum speciali. Et non attendentes quidam ec-  
clesiastici viri, quod omnes fructus decimales de  
universali decima collecti in civitate Jadra, &  
ejus districtu, deberent dividi in quatuor partes,  
quorum fructuum quarta pars dari debeat Clero,  
secunda quarta pars attribuebatur Archiepiscopo  
Jadren, tertia quarta pars relinquebatur distri-  
buenda inter pauperes, ultima vero quarta pars  
in fabricam Ecclesiæ S. Anastasiæ distribuebatur  
ex consuetudine hætenus observata ibidem; De-  
cimam ipsam ad sui commodum contra consuetu-  
dinem ipsam, & jus scriptum, in duas tantum-  
modo partes dividere præsumperunt, unam qua-  
rum, puta medietatem, in suos usus Jadrensis  
Archiepiscopus convertebat, alteram vero par-  
tem, puta aliam medietatem universus Clerus Ja-  
drensis in seipsum Clerum universaliter dividebat.  
Verum quia discordiam sæpe pariunt novitates,  
sicut magistra rerum experientia lucidius manife-  
stat, ex hoc rumor, & scandalum in Jadrensi  
populo terribiliter insurrexit contra ipsum Ar-  
chiepiscopum civitatis ejusdem; quo circa sub  
anno Domini millesimo trecentesimo secundo, in-  
dictione prima, temporibus primi regiminis ho-  
norabilis & magnifici viri D. Joannis Superancii  
egregii Comitiss Jadrensis; idem Dominus Comes,  
tam prudenter & utiliter, quam salubriter &  
celeriter se interposuit ad sedationem ipsius scan-  
dali & rumoris, & inducendam inter Dominum  
Archiepiscopum, & nobiles civitatis Jadra be-  
nivolam unitatem; & post multos tractatus &  
verba, ad infrascriptam concordiam finaliter sunt  
deducti, videlicet quod religiosus, & venerabi-  
lis Pater Dominus F. Jacobus de Fuligno Archie-  
piscopus Jadrensis se spontanee obligaret per in-  
frascriptum modum, ut fecit, & plenarie con-  
tinetur in carta scripta manu Benedicti de Rifal-  
dis Notarii, cujus tenor inferius de verbo ad  
verbum seriosius continetur; postquam corrente mil-  
lesimo trecentesimo quinto, indictione tertia, tem-  
poribus secundi regiminis ejusdem egregii viri  
Domini Joannis Superancii, Capitulum cathedra-  
lis Ecclesiæ civitatis Jadra una cum toto Clero  
approbaverunt prædictam concordiam, & contra-  
ctum factum cum Domino Archiepiscopo antedicto  
per modum & ordinem infrascriptum, sicut con-  
tinetur in instrumento, in partibus inferioribus  
interclusa, scripto manu ejusdem Benedicti No-  
tarii, ad quorum contractuum plenariam execu-  
tionem, idem Dominus Archiepiscopus existens in  
majori palacio Communis Jadra, una cum Do-  
mino Comite antedicto, discretos viros Dominos  
Michaellem filium Domini Joannis Cusi, primice-  
rium majoris Ecclesiæ Jadrensis, & Lamprem de  
Civalellis, elegit in officiales, collectores, &  
dispensatores decimæ antedictæ, seu partis perti-  
nentis ad fabricam Ecclesiæ S. Anastasiæ, ut in  
contractu scripto manu Guidonis de Mackagnis  
Imperialis aulæ Notarii, inferius intercluso ple-  
nius continetur. Et ne perpetuo de prædicta con-  
cordia Sacri Tom. V.

cordia, seu pacto in posterum dubitatio oriatur,  
voluit & mandavit Commune Jadra ad perpe-  
tuam rei memoriam, quod de prædictis contracti-  
bus fieret hoc statutum, ita quod ipsa instrumen-  
ta, & eorum tenores de verbo ad verbum de-  
beant observari deinceps pro statuto præciso, cui  
non possit, nec debeat modo aliquo, vel ingenio  
per aliquem obviari; tenor autem primi instru-  
menti talis est.

In nomine Domini Nostri Jesu Christi. Amen. Tabulæ  
Anno Incarnationis ejusdem millesimo, trecente-  
simo secundo, Indict. prima, die quarto excurrenti  
mense Octobri Jadra; temporibus quidem domini  
Petri Gradonici incliti Ducis Venetiarum, &  
Domini F. Jacobi de Foligno venerab. Jadren.  
Archiepiscopi, ac Domini Joannis Superancii egre-  
gii Comitiss. Cum inter venerabilem Patrem Do-  
minum F. Jacobum de Ordine Minorum Fratrum,  
Dei & Apostolicæ Sedis gratia Jadren. Archie-  
piscopum ex una parte, & nobilem virum Domi-  
num Joannem Superancium Comitem civitatis Ja-  
dren. memoratum, nec non & Dominos Stanum  
de Varicassis, Ulcinam de Matafaro, Jacobum  
Zadolin, Lampre de Civalillis, Bogde de Loare-  
thana, Jacobum de Petrez, Simeonem de Slora-  
to, Micham de Martinusso, Fredericum Grisogo-  
ni, & Dobrem de Begna nobiles viros, & ci-  
ves Jadren. electos ad infrascripta de voluntate  
unanimes, & consensu majoris Consilii ejusdem  
civitatis, nomine & vice Communis Jadren.,  
& pro utilitate publica & universali, & pro  
instruenda fabrica universal. & Cathedral. Ec-  
clesiæ civitatis Jadren. ex altera parte. Super  
eo quod prædicti Domini Comes & nobiles nomi-  
ne prædicto dicebant, petebant, & firmiter as-  
serebant, quod prædictus Dominus Archiepiscopus  
una cum prædicto Domino Comite, & ambo si-  
mul deberent eligere duos bonos & honestos vi-  
ros, & legales, qui reciperent, & recipere de-  
berent omnes redditus decimales, & quoscunque  
alios pertinentes ad refectiorem fabricæ Beata  
Anastasiæ, & ipsos redditus receptos debeant fa-  
cere distribui, & expendi in refectiorem & fa-  
bricam Ecclesiæ antedictæ, ad voluntatem Domi-  
ni Archiepiscopi antedicti, & quod Dominus Ar-  
chiepiscopus debeat addere duos Clericos prædictis  
duobus Laicis, qui omnes simul debeant omnia  
supradicta integraliter, & fideliter adimplere pro  
utilitate fabricæ ecclesiæ antedictæ, cum hoc fue-  
rit sic a retroactis temporibus diutius observa-  
tum, ab eo tempore, cujus initium non est in  
memoria hominum viventium in Jadren. & ali-  
bi per totam provinciam Dalmatinam; & e con-  
tra quod Dominus Archiepiscopus antedictus di-  
cebat, & asserebat se non teneri, nec obligatam  
esse ecclesiam suam ad observantiam prædictorum.  
Volentes prædictæ partes supradictæ subortum li-  
tigium, & ejus occasionem ad præsens tollere,  
& in posterum radicitus amputare; & conside-  
rans Dominus Archiepiscopus antedictus, quod sic  
fuerat hætenus observatum, ut dictum est, ad  
hanc concordiam de plano pro bono pacis finali-  
ter, sponte & unanimiter devenerunt; videlicet  
quod prædictus Dominus Archiepiscopus solus de-  
beat eligere, & instituere duos viros legales, &  
bonos, unum Clericum, & alium Laicum, qui  
singulis annis sine contradictione aliqua ipsius Do-  
mini Archiepiscopi recuperent, & recipiant omnes  
fructus, & redditus decimales spectantes ad fa-  
bricam ecclesiæ antedictæ, & ipsos expandant  
in utilitate ipsius fabricæ, & in ipsam fabri-  
cam, prout visum fuerit esse utile Domino Ar-  
chie-

chiepiscopo antedicto, & evidenti utilitati ipsius ecclesie; & ipsorum officium daret per annum, vel etiam plus, donec fuerint revocati, & remoti, seu ab ipso officio absoluti; dum tamen ipsi duo viri sic electi omni anno teneantur, & compellantur per Dominum Comitem computare, calculare, & rationem facere sibi, bene, & distincte de omni eo quod ad eos pervenerit, & de omni quod receperunt, & expenderunt in fabricam ecclesie antedictae, praesente Domino Archiepiscopo antedicto, si voluerit interesse: quae omnia & singula, & qualibet praedictorum Venerab. Pater Dominus Archiepiscopus antedictus, nomine suo & ecclesie antedictae, promisit per stipulationem solemniter interpositam Domino Comiti, & de sumptibus antedictis firma & rata habere, & tenere perpetuo, & non contrahere, vel venire de jure vel de facto, sub infra-scripta poena; & e contra praedictus Dominus Comes cum sapientibus antedictis, promiserunt Domino Archiepiscopo antedicto omnia & singula superscripta, & infra-scripta firma & rata habere, & tenere sub poena librarum mille denariorum Venet. parvorum; quam quidem poenam una pars alteri ad invicem, & vicissim solemniter promisit, stipulationibus hinc inde intervenientibus; & voluerunt praedictae partes pro unoquoque capitulo & articulo hujus contractus non servato, toties committi contra partem non observantem, & peti & exigi possit cum effectu per partem illam quae observaverit, quoties ventum fuerit contra praedicta & infra-scripta omnia & singula, vel aliquod ipsorum; & poena petita, vel non exacta, vel non soluta, vel non, ex virtute hujus contractus omnia & singula superscripta & infra-scripta debeant per ipsas partes plenarie attendi, & integraliter observari, cum obligatione omnium bonorum & reddituum Archiepiscopatus, & Communis Jadræ praesentium & futurorum, quae bona ad invicem unaquaeque pars pro altera se precario constituit possidere usque ad satisfactionem poenae integraliter faciendam pro singulis capitibus, in quibus commissa fuerit ex eo; quod aliqua partium non attenderit, vel non observaverit praedicta, vel aliquod praedictorum, & cum reparatione seu satisfactione totius damni, & interesse factorum praedicta de causa, credendo de praedictis, & quolibet praedictorum soli verbo partis attendentis absque sacramento, & alia probatione. Insuper pars non observans praedicta, vel aliquod praedictorum dedit parabolam, & plenam licentiam parti observanti praedicta; quod possit ac debeat auctoritate sua sine alicujus iudicis licentia vel decreto intrare, & recipere tenutam, & corporalem possessionem bonorum partis non observantis praedicta, vel aliquod praedictorum, usque ad satisfactionem plenam omnium damnorum, & interesse factorum non observatorum, & poenae exactionem; & acceptam ipsorum bonorum possessionem pars, quae sic acceperit, possit retinere insolutum si voluerit, & alteri vendere, sicut sua de parabola, & plena licentia ex nunc sibi concessa, ac voluntate partis non observantis praedicta, vel aliquod praedictorum. Renunciaverunt insuper partes praedictae sibi adinvicem, & vicissim per pactum speciale omnibus feriis, & diebus feriatis statutis, & reformationibus Communis Jadræ factis vel faciendis, exceptioni, & probationi doli mali in factum, deceptioni, simulationi, fictioni, fraudi; beneficio in integrum restitutionis, conditioni, sine causa supplicationi, & appellationi; ipsam appella-

tionem remittendo per pactum expressum; exceptioni, quod metus causa officio iudicis, portationi libelli, litis contestationi, privilegio fori, causa non intervenientis iusta vel iniusta, literis & privilegiis impetratis, & omnibus aliis suis iuribus specialibus & communibus, ecclesiasticis & civilibus, expressis & non expressis, quo vel quibus alterutra partium posset venire contra praedicta, vel aliquod praedictorum. Actum est hoc, & firmatum coram hiis vocatis, & rogatis testibus in loco Fratrum Minorum conventus Jadræ, scilicet religiosi juris providis, & honestis Fratre Pace Ministro Ordinis Minorum in Sclavonia, Fratre Antonio de Pola, & Fratre Nicola de Jadra dicti Ordinis Minorum; & nobilibus viris Domino Rizzardo Quirino, & Domino Petro Belegno Consiliariis Jadræ, & discreto viro Domino Nicephoro Archidiacono Jadren., Paulo de Basaco, & Creste de Grubogna civibus Jadræ, & aliis. Ego Benedictus de Raffaldis Imperiali auctoritate Notarius publicus, & praedicti ac memorati Domini Joannis Superancii Scriba praedictis omnibus praesens fui, & rogatus cum instantia a praedictis partibus scripsi, compleri, & roboravi.

Tenor autem secundi instrumenti talis est.

In nomine Domini nostri Jesu Christi. Amen. Anno Incarnationis ejusdem millesimo, trecentesimo quinto, Indictione tertia, die quartodecimo intrante, mense Aprilis, Jadræ. Temporibus e-

Compositio-  
tionem ap-  
probavit  
Capitulum  
Jadrense  
constans e  
Plebanis,  
Presbyteris,  
& Clericis eccle-  
siarum ci-  
vitatibus.

quidem Domini Petri Gradonico incliti Ducis Venetiarum, & Domini Fratris Jacobi de Foligno vener. Jadræ. Archiepiscopi, ac Domini Joannis Superancii egregii Comitis. Cum inter venerab. Patrem Dominum Fratrem Jacobum de Ordine Minorum Jadrensem Archiepiscopum memoratum, nomine suo, & suae ecclesiae beatæ Anastasiae ex una parte, & nobilem virum Dominum Joannem Superancium tunc temporis Comitem Jadrensem supradictum, nec non discretos viros Dominos Stanum de Varicassis, Vulcinam de Matafaro, Jacobum Zadolin, Lampre de Civaellis, Bogde de Loaretena, Jacobum de Petreze, Simeonem de Zlorado, Micham de Martinusso, Fredericum Grigoni, & Dobre de Begna nobiles cives civitatis Jadrensis, nominibus suis, & Communitatis Jadræ ex altera parte, pro evidenti utilitate ipsius ecclesiae, & fabricae, ac etiam civitatis ejusdem, inita & facta fuisset infra-scripta concordia, seu compositio super colligenda, & gubernanda, expendenda ac dispensanda quarta parte decimae Jadrensis civitatis, & districtus ejus ad opus fabricae, & in fabricam ecclesiae Beatæ Anastasiae per duos bonos & legales viros, prout in instrumento compositionis & concordiae facto, & scripto manu Notarii infra-scripti plenius continetur; providi & discreti viri Domini Nibiforus Archidiaconus, Stephanus Plebanus Sancti Petri novi, Simeon Plebanus Sancti Petri veteris, qui erant, & sunt Hiconomi, & speciales procuratores & syndici Capituli antedicti, sive ecclesiae antedictae, considerantes quod talis compositio, & concordia redundabat ad evidentem utilitatem fabricae ipsius ecclesiae, procuraverant, & unanimi consilio decreverant confirmationem, & approbationem infra-scripti contractus evidenter pertinere, & spectare ad bonum statum & reparationem, ac conservationem perpetuam ipsius ecclesiae antedictae; & ideo fecerunt omnes de Capitulo ipsius Ecclesiae, & ipsum Capitulum evocari, conveniri, congregari, secundum consuetudinem ipsius ecclesiae in loco, in quo



quo solitum est ipsum Capitulum congregari; in quo quidem Capitulo congregato more solito, ut dictum est, intervenerunt venerabilis Pater Dominus Archiepiscopus antedictus, & discreti viri Domini procuratores, & hyconimi supradicti, nec non Dominus Martinus Plebanus Sancti Miche, Marinus Plebanus Sancti Stephani, Michael Primicerius Jadrensis, Grisogonus Plebanus Sanctae Mariae Majoris, Joannes Archidiaconus Fare, Franciscus Clericus Sanctae Anastasiae, Presbyter Stephanus, & Presbyter Damianus Sanctae Anastasiae, Ciprianus Acholitus, Presbyter Michael Sancti Miche, Presbyter Dragus ecclesiae Sancti Petri novi, Presbyter Matthaeus Sancti Stephani, Andreas Diaconus Sanctae Mariae Majoris, Thomas Diaconus Sancti Petri novi, Presbyter Georgius Sanctae Anastasiae, Damianus Diaconus Sancti Petri novi, Martinus Diaconus Sanctae Anastasiae, Damianus Diaconus Sancti Petri veteris, Simeon Diaconus Sancti Stephani, Nicolaus Diaconus Sancti Miche, Presbyter Vitus Sanctae Anastasiae, Nicolaus Subdiaconus Sanctae Anastasiae, Mire Diaconus Sancti Petri novi, Georgius Acholitus, Grisogonus Acholitus, Presbyter Vitus Sclavus Sanctae Anastasiae, Presbyter Andreas Sanctae Mariae Majoris, Presbyter Cosma Capellanus Sancti Laurentii, Presbyter Vulcina ecclesiae Sancti Petri novi, Joannes Diaconus Sanctae Mariae Majoris, Simeon Diaconus Sanctae Mariae Majoris, Presbyter Basilus Sancti Stephani, Presbyter Sivigna Sanctae Mariae Majoris, Presbyter Andreas de Quarti Sanctae Mariae Majoris, Simeon Diaconus Sanctae Anastasiae, Joannes Subdiaconus Sanctae Anastasiae, Helia Diaconus Sanctae Anastasiae, Grisogonus Clericus Sanctae Anastasiae; coram quibus propositum fuit p. Dominum Archidiaconum supradictum in pleno Capitulo nomine, & vice sua, & praedictorum hyconomorum seu procur. de modo & forma, de confirmatione & approbatione, vel de revocatione, seu improbatione infra scripti contractus. Demum post longum sermonem, & multorum arrengeatorum eloquentiam, seu dicta, omnes supradicti, qui faciunt plenum & totum Capitulum, nullo penitus discrepante, & totum Capitulum, praesente Domino Archiepiscopo supradicto, tamquam Capitulum & Collegium ipsius Ecclesiae, considerantes dictam concordiam, compositionem, & contractum perutilem esse dictae ecclesiae, & consuetudini optentae hactenus ab antiquissimis temporibus, convenire certiorari clare & distincte supra infra scripto contractu ex certa scientia, pro meliori statu, reparatione, ac perpetua conservatione ipsius Ecclesiae, & ut servetur, & imitetur consuetudo diutius observata, approbaverunt, laudaverunt, ratificaverunt, acceptaverunt, & emologaverunt infra scriptum contractum, concordiam, & compositionem in omnibus & per omnia, prout in ipso contractu plenius & serius continetur; & eidem contractui suum prae buerunt assensum benivolum & attentum. Postque omnes supradicti tamquam Capitulum promiserunt praedicto Domino Joanni Superancio Comiti supradicto, nomine & vice civitatis praedictae recipienti, & mihi Notario infra scripto stipulanti, nomine omnium, quorum interest, vel interesse poterit, ipsum contractum, & omnia & singula, quae in ipso contractu plenius & serius continentur, rata & firma habere & tenere perpetuo, & non contra facere, vel venire de jure, seu de facto per se, vel per aliam aliquam rationem, vel causam, sub poena mille librarum denariorum Illyrici Sacri Tom. V.

Venetorum parvorum, quam quidem poenam una pars alteri sibi adinvicem & vicissim solemniter promisit, stipulationibus hinc inde intervenientibus; & voluerunt praedictae partes ipsam poenam pro unoquoque capitulo hujus contractus non servato totiens committi contra partem non observantem, & peti, & exigi cum effectu per partem, quae observaverit, quotiens ventum fuerit contra ipsam ratificationem, & approbationem, vel in aliquam partem ipsius; & poena exacta, petita, vel non soluta, vel non, ipsius contractus ratificatio & approbatio rata maneat, & perduret, sub obligatione omnium bonorum, reddituum ipsius Capituli, & Communitatis Jadrae praesentium, & futurorum; quae bona adinvicem, una pars pro altera se precario constituit possidere usque ad satisfactionem poenae integraliter faciendam pro singulis capitulis hujus ratificationis, & approbationis, cum satisfactione totius damni, & interesse factorum praedicta de causa, credendo de praedictis, & quolibet praedictorum soli verbo partis observantis praedictam ratificationem & approbationem sine sacramento, & alia probatione; insuper pars non observans infra scriptum contractum concordiae, & praesentem ratificationem dedit parabolam, & plenam licentiam parti observanti, quod possit & debeat sua auctoritate, sine alicujus judicis licentia vel decreto, intrare tenutam, & corporalem possessionem bonorum partis non observantis infra scriptum contractum concordiae, usque ad satisfactionem plenariam damnum & interesse; & ipsam tenutam possit sibi retinere, si voluerit, & alteri vendere sicut suam, de voluntate & plena licentia sibi concessa; hinc inde renunciaverunt insuper partes praedictae sibi adinvicem & vicissim per pactum speciale omnibus feriis, & feriatis diebus; exceptioni & probationi doli mali, deceptioni, simulationi, fitioni fraudi, beneficio in integrum restitutionis, conditioni, sine causa supplicationi, & appellationi; ipsam appellationem remittentes per pactum expressum, privilegio fori, causae non intervenientis iustae, vel iniustae, litteris & privilegiis impetratis, & impetrandis, & omnibus aliis suis juribus, specialibus & communibus, ecclesiasticis & civilibus, expressis, & non expressis, quo vel quibus alterutra pars posset venire contra praedicta vel aliquod praedictorum. Tenor autem instrumenti compositionis & concordiae, de quo superius est habita mentio, talis in omnibus, & per omnia.

Hic subiectae sunt tabulae compositionis supra descriptae.

His temporibus Jadrenses, ut cultum S. Chrysogoni, ejusque anniversarii ac festi diei celebratatem augerent; exulibus omnibus, qui capitalium & graviorum facinorum rei non essent, fidem publicam dari, ac potestatem permitti voluerunt in urbem impune veniendi, tum ipso die festo S. Chrysogoni, tum tribus proximis ante & post diem festum diebus, ad sanctissimum illum Martyrem, & Patronum primum civitatis venerandum. Libro v. Statutorum Jadrensi insertum est hoc capitulum:

De Interdictis sive aliquibus Bannitis ad certa tempora ob reverentiam S. Grisogoni restituendis in civitate.

Ad honorem Dei omnipotentis, & beatae Mariae Virginis gloriosae, ac Sancti Grisogoni Patroni nostrae civitatis Jadrensis; statuimus, & irrevocabiliter ordinamus, quod omnes banniti Jadrae, sive de civitate Jadrae, praeterquam pro

Pro cultu S. Chrysogoni augendo

Decretum Jadrense.

homicidio, pro furto, pro prodicione, possint venire Jadram ante festum S. Grisogoni per tres dies, & in die ipsius festi, & in ipsis prædictis diebus, & in die festi ibidem stare securi; & post ipsum festum per alios tres dies proxime subsequentes possint venire Jadram, & stare ac redire salvi, & securi, sine læsione aliqua in rebus & personis; ita tamen, quod ultra tertium diem immediate post festum, si reperiantur in Jadra, vel ejus districtu, sint asidati in rebus & persona, prout prius erant ante festum Sancti Grisogoni; nulla eorum defensione audita.

Alia præterea decreta præclara fecerunt, in quibus diligentissime, graviorum poenarum comminatione interposita, bonis ecclesiarum & monasteriorum cavetur.

Quoniam  
Card. Le.  
Gentilis  
Ap. Legatus  
in Hunga-  
ria &  
Dalmatia,  
Clerus Jaden-  
sis recipere  
noluit, ne-  
que illius  
mandatis  
parere.

Dum Jacobus huic Ecclesie præsidebat, F. Gentilis Presbyter Cardinalis tit. S. Martini in Montibus, a Clemente V. Legatus in Hungariam missus, ut gentes illas partium studio distractas in concordiam reduceret, atque submitteret imperio Caroli Roberti e stirpe Ducum Andegavensium, & regum Hungarie oriundi; ex mandato ejusdem Pontificis provinciam Spalatensem & Jaderinam illustravit anno 1308. Jaderam cum venisset, Clerus Jadrensis illum, non eo, quo Spalatium, ceteraque urbes Dalmatiae, honore, & submissione excepit; quin immo ejus monitis ac mandatis parere contumaciter recusavit: agebant quippe legationem Apostolicam eidem injunctam, eidem terminis circumscriptam esse, quibus provinciae ditionis Hungariae definiebantur, ad quam Jadera non pertinebat, cum sub imperio Venetorum esset; ac proinde se Gentilis Legati potestate ac jurisdictione exemptos esse. Itaque ut ejus auctoritatem defugerent, appellationem Sedis Apostolicæ interposuerunt. Contra vero Gentilis in suis litteris mox describendis, asserbat legatione sibi a Pontifice Maximo imposita, non solum Hungariam, & Dalmatiam juris Hungarici, sed nominatim ipsam Jaderam comprehendere; & amplissimam potestatem sibi traditam esse ad disciplinam restituendam, atque ad corrigendum & reformandum utrumque Ordinem clericalem & monasticum, quem præsertim Jaderæ multis corruptelis depravatum esse fama & auditione acceperat. Illi autem omnes ejus legationi & auctoritati usque eo repugnarunt, ut quædam ejus mandata & sententias valvis ædis metropolitanae affixas discerperint, ac dilaceraverint; domesticos & familiares Legati in fugam conjectos clamoribus & minis intectati fuerint; nec solum Clericos & laicos armatos in ædem S. Demetrii convocare, sed etiam, pulsatione tintinnabuli ejusdem ædis metropolitanae, universum populum in eum, ejusque familiam concitare & infligare ausi fuerunt. Hujus temerarii facti, & iniquæ conspirationis fama cum ad aures Legati pervenisset, in auctores & confectores clam et dissimulanter inquiri jussit. Tum forte aberat Jacobus Archiepiscopus, cum in tota illa judicialium actuum serie nusquam nominetur. Quare Gentili omnis contentio fuit cum Paullo Fulginati Vicario generali, cum Præpositis Ecclesiarum Jadrensis, cum co-episcopis & monachis. Interea dum in eos, quos dixi, questio haberetur; primum quidem Vicarium generalem per suum cursorem ac suas litteras citari jussit; deinde per eundem curso-

Ad præsen-  
tiam Lega-  
ti jubentur  
citari.

rem, & alias litteras separatim Primicerium, Archipresbyterum, itemque quatuor Plebanos, lex Rectores ecclesiarum urbanarum. Quæ omnia relata sunt in codicem Vaticanum MSS. num. 3955., huic titulo subiectum: In Dei nomine amen. Anno Domini 1308. Ind. 6. Pontif. D. Clementis PP. 5. an. 3., diebus & mensibus infra-scriptis. Hic est liber sive quaternus litterarum, commissionum, citationum, relationum, instrumentorum, & aliarum scripturarum diversarum factarum coram R. in Christo Patre, et DD. Fratres Gentile D. G. tit. S. Martini in Montibus Presbytero Card. Apostol. Sedis Legato in officio sue legationis, & p. eum, et ejus auditores, videlicet &c. &c.

Itaque ad præsentiam Legati jubentur citari quos supra nominavi, ad eoque litteras ipsius Legati perferri, propositis gravissimis poenis, nisi die præfinito compareant.

Die 29. mens. Julii sup. D. Legatus Fr. Gentilis Card. & Legatus apud Jadram in Camera sua commisit, & mandavit Gratiolo de Luca cursori & nuntio suo jurato, ibidem præfenti, quod iret eodem sero, & præsentaret ex parte ipsius D. Legati litteras infr. sigillatas sigillo ipsius, Paulo de Fulgineo Vicario Archiepiscopi Jadren., & ipsum citaret secundum dictas litteras, quorum tenor talis.

Frat. Gentilis miser. Dei &c. Paulo de Fulgineo ven. Pat. D. Archiep. Jadr. in temporalibus Vicario spiritum consilii sanioris.

Cum nos circa reformationem ecclesiarum, & monasteriorum, & aliorum ecclesiasticorum locorum nostra legationis, & præsertim Jadrensis provinciae, in qua nunc personaliter residemus, totis desideriis intendamus, & ad nos fide digna relatione ac fama referente pervenerit, quod Ecclesia Jadren. quæ in spiritualibus, & temporalibus dicitur esse collapsa, ipsiusque civitatis ac diocesis clerus correctione & reformatione indigeat; idcirco volentes de ipsa Ecclesia, & Cleri prædicti statu informari, te, qui præfati Archiep. vices olim gessisti, & in temporalibus geris ad præfens, & per hoc de prædictis habere debes notitiam plenioram, tenore præsentium te &c. pro prima, secunda, & tertia monitione monemus, tibi sub excommunicationis poena injungentes, quatenus sequenti die post præsentationem præsentium, quem tibi, quia correctio & reformatio prælibatæ celeritatem desiderant, peremptorie assignamus, coram nobis personaliter te præfentes nostris pariturus mandatis, quæ tibi super reformatione status ipsius Ecclesie, & Cleri ejusdem, & aliis, prout ad nostrum spectat officium, duxerimus injungenda; quod si forsitan in dicto termino coram nobis, ut prædictum, comparere contempseris, ex nunc te in hiis scriptis excommunicationis sententia innodamus, quam si ad duos dies animo toleraveris pertinaciter, ex nunc dicti vicariatus officio te privamus, aliter contra te processuri, ut justitia suadebit.

Eodem die 29. Julii præd. Gratiolus nuntius & cursor sup. D. Legati retulit sup. D. Legato, & mihi Philippo de Cingulo ejus notario, se eodem die præsentasse supradictas litteras suprascripto Paulo præfentialiter invento, & ipsum citasse secundum ipsarum litterarum formam, ac ipsas litteras ad majorem cautelam sibi dimisisse.

Eodem die 29. Julii sup. D. Leg. com. & man. sup. Gratiolo nuntio & cursori suo ut iret, & eodem die citaret infra scriptos Plebanos & clericos secundum formam infra scriptarum litterarum, cuilibet eorum directarum, & eis ipsas litteras ex parte ipsius D. Legati presentare deberet; quorum Plebanorum & clericorum nomina sunt hæc: pr. Symon Plebanus Sancti Petri veteris, Stephanus Plebanus Sancti Petri de platea, Grisogonus Plebanus Sanctæ Mariæ Majoris, Micha Primicerius, Marchus Archipresbyter Jadren. ac Martinus Plebanus S. Michaelis de Jadra.

Frat. Gentilis &c. Symoni Plebano Sancti Petri veteris Jadren. spiritum consilii sanioris. Cum nos circa reformationem eccl. & mon., & aliorum ecclesiar. locorum nostræ legationis, & præsertim Jadren. provincie, in qua nunc personaliter residemus, totis desideriis intendamus, & ad nos fide digna relatione ac fama referente, pervenerit, quod ecclesia tua correctionis, ac reformationis noscitur plurimum indigere, nos volentes de statu ipsius ecclesiæ plenius informari, tenore præsentium te requirimus & citamus, pro prima, secunda, & tertia monitione monemus, tibi sub pœna excommunicationis nihilominus injungentes, quatenus sequenti die post præsentationem præsentium, quem terminum, quia correctio & reformatio celeritatem desiderat, & tu apud Jadram personaliter inveniris, tibi peremptorie assignamus, coram nobis personaliter te præsentem nostris pariturus mandatis, quæ tibi super reformatione status tuæ ecclesiæ, & aliis, prout ad nostrum spectat officium, duxerimus injungenda; quod si forsan intra præfixum terminum coram nobis personaliter comparere contempseris, ex nunc te in hiis scriptis excommunicationis vinculo innodamus, beneficiorum tuorum, quamdiu in dicta excommunicatione perstiteris, fructuum perceptione privantes, contra te processuri secundum quod tua contumacia exegerit, sive culpa.

Extant in eadem sententiam eademque verba ejus litteræ ad Plebanum Sancti Petri in platea, ad Plebanum Sanctæ Mariæ Majoris, ad Plebanum Sancti Michaelis de Jadra, ad Primicerium, ad Archipresbyterum majoris ecclesiæ.

Die 30. men. Julii ante tertiam, sup. Gratiolus nuntius & cursor resulit supradicto D. Legato, & mihi Philippo de Cingulo notario se heri citasse supradictos Pleban. Sanct. Mich., Archipresbyt. Jad., & Pleban. Sancti Petri veteris personaliter inventos, & eis copiam litterarum dimisisse; ac Plebanum Sancti Petri de plateis, & Primicerium citasse ad domos eorum habitationis, & presentibus eorum familiaribus, & ipsis litterarum copiam dimisisse, & quemlibet eorum citasse secundum dictarum litterarum formam.

His litteris ac mandatis nemo paruit; ac proinde omnes excommunicationis, quam singulis eadem tempore admonitione præmissa, Legatus intentaverat, vinculo se ipsi ob suam pertinaciam illaquearunt; nec vero quamvis hujusmodi ecclesiasticæ animadversionis nota inulti essent, a rebus divinis abstinuerunt.

Post biduum Gentilis per suum cursorem & suas litteras citari jussit illos omnes, qui ix. Kal. Augusti vel duces, vel socios se præbuerant ad legati sententias dilacerandas, & populi seditionem concitandam, ac nominatim tres cœ-

nobiarchas, Vicarium generalem Archiepiscopi, ceterosque parochos & clericos.

Die prima mens. Augusti sup. D. Legatus commisit & mandavit Gratiolo de Luca cursori & nuntio suo jurato ibidem presenti, quod iret & citaret infra scriptos Abbates, Plebanos, & Clericos de Jadra, & diceret ipsis secundum formam infra scriptarum litterarum, & eis, & cuilibet eorum litteras infra scriptas presentare deberet. Qui Gratiolus eadem die resulit prædicto D. Legato, & mihi Philippo de Cingulo notario suo se ipsa die citasse Fratres Vitum Sancti Grisogoni, Joannem SS. Cosmæ & Damiani monasteriorum Abbates, Paulum de Fulgineo Vicarium Archiepiscopi, Micham, & Marchum Primicerium, & Archipresbyterum Jad., Stephanum S. Petri de Platea, Grisogonum Sanctæ Mariæ Majoris, & Martinum Sancti Michaelis de Jadra Plebanos, Franciscum filium Damiani de Slurado, Grisogonum de Cystallis Clericos personaliter inventos, & Fratrem Matthæum Abbat. monasterii in monte, ac Nichiforum Archidiacon. Jad., & Symonem Plebanum S. Petri veteris in domibus eorum habitationis, & ad ecclesias eorum de Jad. presentibus eorum familiaribus secundum formam infra scriptarum litterarum, & eis dimisisse copiam earundem litterarum, quarum tenor talis est.

Frat. Gentilis &c. Fratri Vito Sancti Grisogoni, Fratri Johanni SS. Cosmæ, & Damiani, Fratri Matthæo Sancti Michaelis in monte civit., & districtus Jadren. monasteriorum Abbatibus, Paulo de Fulgineo Vicario seu procuratori ven. in Christo P. D. Archiepiscopi Jadren., Nichiforo Archidiacon., Michæ Primicerio, Matthæo Archipresbytero Jadren., Symoni Plebano Ecclesiæ Sancti Petri veteris, Stephano Plebano Sancti Petri de platea, Grisogono Plebano Ecclesiæ Sanctæ Mariæ Majoris, Martino Plebano Ecclesiæ Sancti Michaelis, ac Francisco filio Damiani de Slurado SS. Cosmæ & Damiani, Grisogono filio Damiani de Cystallis Sanctæ Anastasiæ Jad. civit., dictarum ecclesiarum custodibus, seu Capellanis spiritum consilii sanioris. Cum ad nos publica fama referente pervenerit notorium esse in civit. Jadrensi, quod vos, & vestrum quilibet cum multis aliis clericis tam prælatis, quam aliis secularibus, & religiosis, cum die 24. Julii essetis simul in majori ecclesia congregati, cum furore ac rumore currentes ad portas dictæ ecclesiæ, in quibus affixæ erant de nostro mandato quadam nostræ litteræ continentes quasdam nostras sententias, & processus, ipsas nostras litteras, non sine magno apostolicæ Sedis, & nostræ contemptu obprobrio, de dictis portis defixistis, & dilacerantibus vel dilaceranti . . . . . dantes ei vel eis in prædictis consilium, auxilium, & favorem; & quod tunc in nostram familiam irruestis insequendo eam usque ad portas habitationis nostræ; & quod eo die vos cum eisdem posuistis civitatem Jadrensem in rumore, concitando ipsum populum contra nos, quatenus in vobis fuit, & quod die 28. mens. Julii, vos cum multitudine clericorum, & laicorum armatorum in Ecclesia Sancti Dimitrii Jadren. convenistis, & contra nos & nostram familiam Rectorem civit. præd., populum ipsius civit. concitare conati fuistis pulsando campanam dictæ majoris ecclesiæ Jadren. ad rumorem & . . . . .

Citari jubentur qui litteras Legati dilaceraverant, & populum ad seditionem incitaverunt.

Litteræ Legati.

& alia faciendo, per quæ consuevit populus incitari; & quod postquam fuisset excommunicati, ingressis publice vos divinis. Nos volentes de dicto notorio facinore inquirere veritatem, tenore presentium vos & vestrum quemlibet requirimus & citamus, quatenus sequenti die post harum presentationem, hora tertia coram nobis personaliter & peremptorie comparere curetis, dicturi, & opposituri contra dictam requisitionem quidquid credideritis vobis de jure competere, & vestram si poteritis in prædictis, & aliis in dicta inquisitione contentis in contrarium ostensuri. Alioquin in dicta inquisitione contra vos, ut de jure fuerit, procedemus, vestra absentia non obstante &c.

Tres cō-  
nobiarchæ  
violatores  
anathema-  
tis cui su-  
berant.

His secundis litteris nihilo obsequentiores, quam prioribus se præbuerunt: quin immo tres illi cōnobiarchæ, quamvis eisdem omni sacra functione & ingressu ecclesiæ interdictum esset, ausi sunt habitu ritumque pontificali exequias cuiusdam mulieris defunctæ in æde Franciscana Patrum Minorum peragere ac celebrare.

Item die 3. men. Augusti in ecclesia Fratrum Minorum de Jadra, dum corpus Marizæ, filie quondam Symonis Candi de Jadra, ibi jaceret caussa tradendi ecclesiastica sepultura, constitutus ibidem Beraldus de Firmo domicellus & familiaris ejusdem D. Legati, qui in præsentia mei Notarii & testium subscriptorum vice & nomine ipsius D. Legati dixit, & protestatus fuit, quod cum Fr. Vitus S. Grisogoni, Fr. Johannes SS. Cosma & Damiani, ac F. Mathæus S. Michaelis in Monte, civit. & districtus Jadrensis monasteriorum Abbates, excommunicati essent, & suspensi ab executione pontificalium, & ab ingressu ecclesiæ per ipsum Dominum legatum quibusdam exigentibus meritis, & ipsi Abbates cum nonnullis clericis de Jadra in dicta ecclesia ad dictum corpus cum pluvialibus, & mitris, & baculis pastoralibus parati existerent, & exequias, & mortuorum officium celebrarent in publico, & coram masculis & feminabus ibidem existentibus; & quod excommunicationem, & suspensionem prædictam, tamquam contemptores clavium, non timebant &c. de quibus omnibus petiit, & rogavit me inde fieri publicum instrumentum actorum in dicta ecclesia Frat. Minorum, presentibus Fr. Procole de Veglia, & F. Jacobo de Jadra Ord. Min., præterea Philippacio de Cingulo, & Tarantino domicellis D. Legati testibus & aliis pluribus. Ego Philippus de Cingulo notarius juratus &c.

Videntur  
omnes testi-  
fuisse, an-  
te dictum  
sum Gentili  
Legati,  
& eius man-  
datis pa-  
ruisse.

In codice Vaticano supra laudato hic definit series Actorum Jadrensiū, neque ibi scriptum est quem exitum habuerint. Legatus vi. Id. Augusti adhuc Jaderæ manebat, ut ejus litteræ datæ ibidem eodem die declarant, quibus ædem cathedralem Traguriensem S. Laurentii, diebus a se præscriptis, pie visentibus certam delictorum indulgentiam largitus est; nec vero ante mensem Septembrem hujus anni 1308. e Dalmatia discessit, atque in Hungariam profectus est: quo temporis spatio licet opinari, illos omnes, qui in eum contumaces fuerant, resistuisse, legati pontificii mandatis obtemperasse, & quibus illigati erant, anathematum vinculis exsolutos fuisse. His omnibus celeris ac laudandæ pœnitentiæ exemplum præbuerat Joannes de Butuane patricius Jadrensis, & clericus S. Mariæ Majoris, qui ab illis secessionem fecit, quibuscum de non recipiendo Legato antea consenserat; & facti pœnitens ad eum supplex adiit;

atque ut est in iisdem Actis Jadrensiū, si quam ipse fecisset, vel ejus nomine facta esset contra illum appellatio, revocavit, veniam petiit, ac debita eidem reverentiæ, atque obedientiæ officia præstitit. Hic post annos fere duodecim creatus fuit Archiepiscopus Jadertinus.

Die Martis 23. men. Julii. D. Johannes de Butuane Clericus ecclesiæ S. Mariæ Majoris de Jadra venit coram D. Leg. ad palatium Archiepiscopatus Jadren., & ipsum Dominum suum & Leg. provinciae Jadrensis & Dalmatiæ recognovit & recepit, & sibi reverentiam fecit; renuntiavit ex iam omnibus appellationibus factis per eum, vel alium ejus nomine contra ipsum D. Legatum, & ejus legationem, presentibus discretis viris Domino Philippo de Sardinia, Vanne de Aretio, & Gasparo Auditoribus, ac presenti Fratre Petro de Bononia, ac Fratre Elia de Parisiis Ordin. Minorum, & aliis pluribus testibus.

Clemens V. anno 1308. ut ceteros christiani orbis Archiepiscopos & Episcopos, sic etiam Archiepiscopum Jadertinum ad Concilium generale Viennense in Galliam, per litteras encyclicas invitavit. In collectione Conciliorum extat epistola pontificia uno eodemque exemplo ad omnes & singulos Archiepiscopos missa: In eodem modo Archiepiscopo Jadrensi, & Episcopis &c. mandamus quatenus vos Frater Archiepiscopo &c. Diem ad conveniendum Viennam in Galliam Narbonensem edixit, affixum Kalendis Octobris, post biennium ab hisce litteris exactum, id est anno 1310. Sed cum ob gravissimas causas Concilium in annum proximum 1311. differri oportuerit; id per alteram epistolam Avenione datam pridie Non. Aprilis 1310. significavit, quæ inscripta est singulis Archiepiscopis; & in eodem modo Archiepiscopo Jadrensi, & ejus suffraganeis &c. An vero Jacobus cum suis provincialibus Episcopis Viennensi Concilio interfuerit, quod anno 1311. xvii. Kal. Novembris celebrari cœpit, incertum est; cum nomina Episcoporum Actis & decretis hujus Synodi subscripta non inveniantur.

Anno 1311. Jadrentes, impulsu Comitum Breberiensium, ab imperio Venetorum ad Carolum regem Hungariæ defecerunt. Hic filius erat Caroli Martelli ex Maria sorore Ladislavi regis Hungariæ, & Carolo II. rege Neapolitano geniti; cui ex jure materno regnum Hungariæ Romanus Pontifex adjudicaverat. Parenti autem morte præcepto in jus ejusdem regni obtinendi Carolus filius successerat; qui post mortem Andree III. anno 1301. extincti, cum in Hungariam venisset, superatis demum competitoribus, & Cardinali Gentili Sedis Apostolicæ Legato adnitente, communi Hungarorum consensu tandem aliquando rex appellatus, anno 1310. Albæ more majorum regale diadema suscepit. Jadrentes igitur Michaelē Mauroceno prætorē urbis ejecto, depulsoque Venetorum præsidio, Mladinum ex Comitibus Breberiensibus, Paulli Bani filium natu maximum, civitati suæ rectorem præposuerunt, missisque in Hungariam legatis, se atque urbem Carolo regi dederunt; ab eoque postularunt, ut quidquid immunitatum, ac privilegiorum Jadrensiū antiqui reges Hungariæ concesserant, id omne firmum ac ratum esse juberet. Rex annuit, ut declarat illius diploma apud Joannem Lucium lib. iv. cap. xii. de Reg. Dal. & Croat., datum iv. Idus Octobr. anno Domini 1311. De Jadrensiū rebellionē cum nuntiātum esset Venetiis, confestim ad urbem reci-

Concilium  
Viennense  
audistum.

Jadrentes  
a Venetis  
ad Carolum  
regem  
Hungariæ  
defecerunt.

receptendam classis adornata est, quam B. Iletus Justinianus eidem præpositus in Dalmatiam traduxit, & Jaderam obledit. Hæc obsidio duos fere annos tenuit. Inter hæc mortuus est Jacobus Archiepiscopus, eique subiectus

ALEXANDER ARCH. JADREN. XV.

Hujus neque patriam, neque institutum religionis vitæ compertum habeo. Valerius a Ponte Archidiaconus Jadertinus hæc breviter scripsit: *Frater Alexander, de qua in scripturis S. Chrysogoni an. 1312. 7. & 11. Martii; ubi confirmatus, & consecratus exprimitur; sed de eo nihil in regestis Consistorialibus; unde colligi potest, quod forsan electus a Capitulo, vel a rege Hungariae fuerit, quod insinuant verba dictarum scripturarum S. Chrysogoni, in quibus dicitur fuisse confirmatus, quod adoptari nequit, si Papa illum elegisset. Ad hunc missa fuerit oportet epistola Clementis V. una cum decreto Concilii Viennensis, in quo de communi sententia Ordo Templariorum abolicus est, & illorum opes, ac possessiones hospitalariis S. Joannis attributæ, qui divitiis illorum aucti in insula Rhodo Saracenis erepta sedem posuere. Inde Rhodii Equites appellati, qui nunc Melitenfes. Hujus igitur decreti exemplum, & Clementis epistola encyclica dat. an. 1312. v. Non. Maji, perferri jussa est ad Episcopos & præpositos ecclesiarum, in quorum diocesi vel ditione domos, ecclesias, & prædia Templarii possidebant; atque illis imperatum fuit, ut in hujusmodi bonorum possessionem mitterent Equites Rhodios, expulsis Templariis, qui eo nomine atque ordine prorsus indignos se præbuisse dicebantur. Templares in Dalmatia apud Auranam, qui locus est inter Jaderam, & Sibenicum, insigne in primis & opulentum cœnobium obtinebant; quod ex decreto Concilii Viennensis hospitalariis S. Joannis tradi debuerat. Quod igitur ceteris Episcopis, idem quoque mandatum est, & scriptum eodem modo Jadrensi, & Spalatensi Archiepiscopis.*

Aurana a Templariis ad Rhodios Equites translata.

Jadrenses sub imperio Venetorum redeunt.

Anno 1313. Jadrenses ad pristinos dominos, a quibus desciverant, redierunt. Idem Mladinus Jaderæ Comes, qui desciscendi, eisdem redeundi auctor fuisse dicitur, ut Venetos sibi amicos faceret, quorum magni intererat urbem illam recuperare ad navigationem Adriaticam tutam præstandam, tuendumque maris imperium. Nec suum Mladino præmium defuit; cum siquidem anno 1314. cum fratribus Breberiensibus Joannes Superantius Dux Venetorum, ut ex ejus diplomate constat, civitate donatam, inter patricias familias aggregavit. Alexander vix biennium Ecclesiæ Jadrensi præfuit.

NICOLAUS II. ARCH. JADREN. XVI.

Ex Ordine Patrum Prædicatorum, de quo Vincentius Maria Fontana in sacro Theatro Dominicano: P. F. Nicolaus de Setia ex Romana provincia, cunctis virtutibus, quæ in optimo pastore requiruntur, præclare excultus, a Clemente V. P. M. anno redempti orbis 1312. promotus ad Ecclesiam Jadrensem Archiepiscopalem in Sclavonia; quam cum pluribus annis, prout optimum decebat Antistitem, sanctissime rexisset, humane fragilitatis debitum persolvit. Sed rectius Valerius a Ponte ejus initia pontificalia rejecit in annum 1314., ut habetur, inquit, in libris Con-

sistorialibus. Sex ipsos annos hanc ecclesiam pie tranquilleque sub placido Venetorum imperio gubernavit. Inter omnes, quibus prædixus erat, virtutes eminebat ejus erga egentes ac miseros singularis, & paterna caritas; ad quorum inopiam & calamitates sollevandas, patrimonium ecclesiasticum non erogare solum, sed profunderè videbatur; dignus profecto, quem Patrem fratrum Jesu Christi, id est pauperum, vulgo appellarent. Anno 1320. ad superos migravit; illatus est in ædem Patrum sui Ordinis, sepultusque in Odeo. Lapidum sepulchrali ejus effigies opere anaglyphico insculpta est; sed caret inscriptione. Excellens de illius sanctitate opinio, & rerum ab eo pie gestarum memoria quamdiu viguit, ejus sepulchrum non indigenis solum, sed etiam advenis venerationi fuit.

JOANNES III. ARCH. JADREN. XVII.

Huic Jadera patria fuit, parentes nobiles, cognomen de Butuane. Aggregatus cum esset ad collegium Presbyterorum S. Mariæ Majoris, hinc illum Joannes XXII. ad sedem episcopalem Jadertinam evexit anno 1320., ut docet Valerius a Ponte Archidiaconus Jadrensis. Eum Dominicus Patriarcha Gradensis consecravit; eidemque anno sequenti idem Pontifex pallium tradidit, ut est in tabulis Consistorialibus Avenionensibus: *Assignatio pallii pro Joanne Archiep. Jadren., per Patriarcham Gradensem, in cujus Patriarchatu Ecclesia Jadrensis consistit, & cui est immediate subiecta, consecrato. Dat. Aven. 16. Kalen. April. an. Pontific. VI. id est 1321. Quod Gentili Legato Sedis apostolicæ, quem alii recipere volebant, submissum se atque obedientem præbuerit, ut diximus, propterea cum meruisse arbitror, ut a Pontifice in excelso illo dignitatis gradu collocaretur. Anno 1324. duas insulas Mortarium & Surium ab sua diocesi avulsas amisit. Has Veneti Sibenicensibus ademptas Jadertinis attribuerant; sed cum abhinc duobus annis Sibenicensis cum Traguriensibus sub imperium Venetorum redissent, eas Sibenicensibus restitui jusserant. Annos circiter duodecim summa cum vigilantia & sedulitate hanc Ecclesiam administravit; sui que nominis ac Pontificatus memoriam duplici inscriptione consignatam reliquit. Altera inscriptio superliminari januæ maximæ Basilicæ metropolitanæ, quæ inchoata olim a Laurentio Periandro, & magna ex parte perfecta, demum absoluta fuit sub pontificatu Joannis; incisa est his litteris: *Anno Domini MCCCXXIV. tempore Domini Joannis de Butuane Dei gratia Archiepiscopi Jadertini. Altera vero insculpta est in fronte tabernaculi marmorei, quod quatuor columnis itidem marmoreis innixum, altari summo & primario impositum est: In nomine Domini. Anno ejusdem Incarnationis MCCCXXII. factum fuit hoc opus, tempore Joannis de Butuane Archiepiscopi Jadrensis.**

Dux insule diocesi Jadertini detractæ, & Sibenicensibus restituta.

Anno 1331. versabatur in Dalmatia Bertrandus Rotundus Canonicus Vivariensis, Nuntius pontificius, idemque præpositus colligendis decimis, quas Sedes apostolica æque monachis, ac clericis imponere solebat. Has cum non solvissent Virgines Jadertinae S. Demetrii, eas Bertrandus censuris poenisque ecclesiasticis affecit. At illæ apud Joannem Pontificem suppliciter libello suam paupertatem causatæ, ob quam solvendo non erant, mandatum apostolicum impe-

Bertrandus Rotundus Nuntius pontificius, & decimarum apostolicarum exactor.



frarunt, quo jubeantur, quibus confixæ fuerant, sententiis ac pœnis liberari: Mandatum Magistro Bertrando Rotundo Canonico Vivariensi, apostolica Sedis Nuntio, quatenus Priorissam & conventum pauperum sororum monasterii S. Demetrii Jadren. Ordinis S. Augustini absolvat a sententiis in eas per ipsum promulgatis, ex eo quod decimas sexennales, & triennales per Sedem apostolicam dudum impositasolvere non potuerant. Dat. Avenione Idibus Januarii, An. Pontific. xv., id est 1331. Joannes Archiepiscopus e vivis excessit sub initium anni 1333. nam hoc anno viii. Idus Aprilis jam sedes archiepiscopalis vacabat, ut docet Valerius a Ponte.

#### NICOLAUS III. ARCH. JADREN. XVIII.

Civis & patricius Jaderinus ex illustri familia de Matataris, ex qua insignes viri prodierunt bellicis laudibus ac civilibus clarissimi; ejusque antiquitatem ac nobilitatem testantur inscriptiones sepulcrales cum stemmate gentilitio, quæ Jaderæ in variis templis videntur. Hunc Scriptores Dominicani suum esse dicunt, luxque disciplinæ alumnum; sed eum confundunt cum Nicolao de Setia Archiepiscopo, de quo supra; quippe hunc ipsum Nicolaum III. alii de Setia, alii Sizzensem vocant. Illorum auctoritatem secutus Ughellus eundem Prædicatorum Ordini adscripserat; verum postea in appendice, ratione nescio qua adductus e Dominicanam in Franciscanam familiam transtulit; sed Valerius a Ponte Dominicanis pariter & Franciscanis addidit, nullique religiosæ sodalitati aggregatum fuisse ex eo conjecit, quod in omnibus, & lane multis monumentis illius ætatis Dominus, & Decretorum Doctor vocatur; nusquam vero ejus nomini titulus Fratris præfigitur, qui communis est omnibus ex quocumque Fratrum religiosorum Ordine ad Episcopatum erectis, ac fore nunquam prætermitti solet.

Joannes XXII. anno 1333., ut docent Ferdinandus Ughellus, & Valerius a Ponte, Nicolaum Jadrensis Archiepiscopum dedit, virum doctrina, & juris pontificii scientia longe clarissimum. Vix ad regimen accesserat, cum ei dirimenda fuit controversia intra finem anni superioris inter Canonicos Arbenenses, & Jaderinos exorta. Veteri consuetudine, & more majorum comparatum erat, ut si qua necessitas ingrueret, vel utilitas requireret ecclesiæ & provincię Jadrensis, extraordinaria quædam tributa, quas vocabant collectas, tum Episcopis, tum Canonicis, ceterisque clericis sacerdotio aliquo fructuoso præditis totius provincię imperarentur. Querebantur autem Canonici Arbenenses se nimio plus gravari a Capitulo Jadrensi, & majorem sibi collectam indici, quam jus & æquitas postulerent. Horum querimoniarum, ac postulationi ut satisfaceret Nicolaus, & omnem occasionem querelis ac dissensionibus in posterum præciperet; in Concilio provinciali, cui interfuerunt tres Episcopi Jaderinæ metropoli subiecti, Arbenensis, & Vectensis per se ipsi, Ablorensis vero per suum Vicarium, itemque primores Capitulum & cleri universæ provincię, omnibus consentientibus, atque approbantibus, hoc decretum fecit.

Nos Nicolaus Dei, & apostolica Sedis gratia Archiep. Jadren. de mense Octobris nuper elapsi die Sabbathi, 15. mens. Octob. de quadam controversia super factio impositionis collectarum

impositarum, vel imponendarum in provincia Jadrensi, orta inter Prælatos, & Capitulum Arben. ex una parte, & Capitulum Jadren. ex parte alia, sententiam definitivam protulimus in hæc verba: In nomine Domini amen. An. Incarn. ejusdem 1334. Ind. 2. die Sab. 15. mens. Octobris. Cum orta fuisset controversia quadam super factio impositionis collectarum impositarum, vel imponendarum in provincia Jadren., inter Prælatos & Capitulum Arben. ex parte una, & Capitulum Jadren. ex parte alia, & super dicta controversia oblata fuisset querela per procuratores & syndicos Prælatorum & Capituli Arben. contra Capitulum Jadren.; in pleno nostro Concilio, in nostra præsentia, & duorum Episcoporum suffraganeorum, aliorumque præsentium Prælatorum, fuit nobis per utramque partem hinc inde cum instantia supplicatum, quod deberemus prædictam controversiam de media tollere, & prædictas partes ad concordiam per definitivam sententiam revocare, justitia mediante; nos vero removere volentes omnem materiam scandalorum, cupientesque Clerum nostræ ditioni subiectum pacificare, & quietare, ita ut pie, sobrie, sancte, ac pacifice inter se convivere debeat, jura etiam utriusque partis attente considerantes, pro bono pacis, & tranquillo statu temporali & spiritali, definimus, & sententiamus, proferentes sententiam in scriptis; quod Jadren. Archiepiscopus, si præsens fuerit, vel in absentia, ejus Vicarius cum Capitulo, & Prælati omnibus Jadren. civitatis ac diocesis, secularibus & regularibus, vocatis Episcopis & Capitulis suffraganeorum ecclesiarum, de omnium prædictorum præsentium, vel eorum procuratorum consensu, vel majoris partis eorum, libere possit imponere impositionem pecuniæ solvenda per Jadrensem civitatem & diocesim, ac totam provinciam, quotiens, & quando necessarium & expediens fuerit; & hoc idem possit Capitulum Jadren. una cum Prælati secularibus & regularibus Jadren. civitatis & provincię, vocatis Suffraganeis & Capitulis eorumdem, de consensu omnium præsentium, vel procuratorum ipsorum, vel majori parte ipsorum, prædicta Ecclesia Jadren. vacante: ita quod clara æqualitas personarum voces habentium in prædictis appareat: & quod summa pecuniæ impositæ quantitas dividatur in quinque partes, quarum tres persolvent Suffraganei una cum Clero, reliquas duas Jadren. Ecclesia cum Clero, ut est hactenus observatum. Impositio vero nuper facta, soluta, & persolvenda per eos, qui non persolverunt, in suo robore permaneat, nullum propter hoc in posterum alicui præjudicium generando. Hanc autem sententiam in præsentia totius nostri Concilii lectam approbaverunt, & ratam & authenticam expressa voce habuerunt omnes Episcopi suffraganei nostri, scilicet Domini Arben., Vicarius Obloren., & Veglen.; nec non omnes alii Prælati in præsentia totius nostri Concilii præsentialiter constituti. Actum est hoc in sacristia majoris ecclesiæ Sanctæ Anastasiæ in Jadra, præsentibus toto nostro Concilio, & D. Pagano Vicario monasterii S. Petri de Arbo pro D. Patriarcha Gradeni, & D. Nicolao de Pisis Plebano Ecclesiæ Sanctæ Juliæ diocesis Pisanæ. Ego Gerardus filius Ruffini de Burgo de Placentia Imper. auctoritate Notarius his prædictis interfui, & rogatus hæc scripsi & authenticavi, & signo meo proprio signavi.

Sed cum quadam particula hujus decreti videretur ambigua, aut obsecurior, quam satis perspi-

Controversiam de impositione tributis extraordinariis inter Capitulum Arbenense & Jaderinum, in Concilio provinciali diremit.

Sententia Nicolai.

spicue intelligi posset; Episcopus & Clerus Arbenensis postularunt, ut eam dilucidius explicaret, omnique verborum ambiguitate remota, nullum aliter interpretandi, atque ipse decreverat, locum relinqueret.

Et quia D. Arbenensis Episcopus, & suus Clerus de prædictis se tenentes gravatos, nobis humiliter supplicarunt, ut in dicta nostra sententia dignemur apertius declarare clausulam illam; videlicet quod Jadrensis Archiepiscopus, si præsens fuerit, vel in absentia, ejus Vicarius cum Capitulo, & Prælati omnibus Jadrensis civitatis, & diœcesis, secularibus, & regularibus, vocatis Episcopis, & Capitulis suffraganeorum ecclesiarum, de omnium prædictorum presentium vel procuratorum consensu, vel majoris partis eorum, libere possint imponere impositionem pecunie solvendam per Jadrensem civitatem, ac diœcesim, ac totam provinciam, quotiens, & quando necessarium & expediens fuerit; & hoc idem possit Capitulum Jadrense una cum Prælati secularibus & regularibus Jadrensis civitatis ac diœcesis, & provincie nostræ Suffraganeis, & Capitulis eorundem, de consensu omnium presentium vel procuratorum ipsorum, vel majoris partis eorum, prædicta Ecclesia Jadrensi vacante; ita quod inter ipsos clara æqualitas personarum voces habentium in prædictis appareat. Quare nos dictam clausulam, & dubia scilicet, quæ sunt in ea, declaramus intelligi volentibus, & sic inviolabiliter observari præcipimus definitive, & sententialiter in futurum, quod, quodcumque præmissa impositio occurrerit facienda, Archiepiscopus Jadren., qui pro tempore fuerit, vel ejus Vicarius eo absente, cum Capitulo Jadren. habeant duas voces, & hoc idem habeant Vicarius Capituli Jadren., & ipsum Capitulum vacante ipsa Ecclesia; & quilibet de Suffraganeis, vel in ejus absentia suus Vicarius cum Capitulo suo similiter habeant duas voces; & vacantibus ecclesiis suffraganeis vel aliqua earum, habeat Vicarius in unaquaque cum suo Capitulo similiter duas voces: rata manente dicta nostra sententia in omnibus aliis sicut jacet. Dat. in nostro archiepiscopali palatio, & scripta per Gerardum filium Ruffini de Burgo notario Cancellarie nostræ, die Jovis secundo mensis Februarii, sub 1335., Indict. III., & in prædictorum omnium robur, jussimus nostrum sigillum cum cordula pendente apponi.

Benedictus XII. commendat FF. Prædicatores Virgines Jadrenses S. Augustini. Erat prope Jaderam in loco, cui nomen Altaripa, collegium sacrarum virginum Ordinis S. Augustini, quæ a Benedicto XII. petierunt, impetraveruntque, ut e cœnobio Patrum Prædicatorum Jadrensiu vitam religiosæ magistris sibi daret, a quibus sacramenta sulciperent; atque ad normam & præscriptum instituti Dominici regerentur; ut constet ex pontificiis litteris datis ad Magistrum gen. Ordinis Prædicatorum, atque ad præpositum provincie Dominicanæ Jadrensis.

Benedictus Episcopus servus servorum Dei dilectis filiis Mag. Ordinis Prædicatorum, & Priori provinciali, sub cujus regimine Fratres ejusdem Ordinis Prædicatorum Jadrensis conventus consistunt ad præsens, seu consistent in posterum, salutem, & apostolicam benedictionem. Apostolica Sedis benignitas prudentes Virgines, quæ se parant accensis lampadibus obviam ire sponso, tanto propensiori debet studio prosequi caritatis, quanto majori propter fragilitatem sexus indigere suffragio dinoscuntur. Cum igitur, sicut ex parte

dilectarum in Christo filiarum Priorissæ, & sororum monasterii Beate Mariæ de Altaripa juxta Jadram Ordinis Sancti Augustini, secundum instituta, & sub cura Ordinis Prædicatorum viventium, fuit propositum coram nobis; quod eadem incluse corpore in claustris claustralibus, mente tamen libera devote Domino famulantes, vobis, & eidem Ordini vestro affectent committi; Nos ipsum ipsarum propositum in Domino commendantes, earum devotionis precibus inclinati ipsas & monasterium prædictum vobis, & dicto Ordini, auctoritate apostolica duximus committendas; eadem auctoritate nihilominus statuente, ut sub magistro, aut doctrinis vestris, & successorum vestrorum Mag. & Prioris provincialis, qui p. t. fuerint, de cetero debeant permanere, illis gaudentes privilegiis, quæ vestro Ordini sunt concessa, vel in posterum concedantur. Vosque, ac successores prædicti animarum suarum sollicitudinem gerentes, & curam, atque eis de institutionibus ejusdem vestri Ordinis illa, quæ eis competunt, exhibentes, eidem monasterio per vos, vel alios Fratres dicti Ordinis, quos ad hoc idoneos videritis, quoties expedierit, visitationis officium impendatis, corrigendo, & reformando ibidem tam in capite, quam in membris, quæ correctionis, & reformationis officio noveritis indigere. Electio tamen Priorissæ libere pertineat ad conventum, ac nihilominus instituat . . . . . tis, & ordinatis, prout secundum Dominum videritis expedire; confessiones earum audiat, & ministris eis ecclesiastica sacram. . . . . liceat prædictis Priorissæ, & sororibus, redditus, & possessiones recipere, ac eas libere retinere. Non obstante contraria consuetudine, vel statuto ipsius vestri Ordinis, confirmatione Sedis prædictæ, vel quacumque firmitate alia roboratis. Quocirca discretioni vestræ per apostolica scripta mandamus, quatenus omnia præmissa ad ministerium vestrum spectantia, curetis diligenter, & sollicite juxta hujusmodi commissionis, & constitutionis nostræ tenorem, sublato cujuslibet difficultatis dispendio, adimplere. Dat. Laterani 10. Cal. Januarii, Pontificatus nostri anno primo, Christi 1334.

Per hæc tempora idem Benedictus Papa XII. tria sacerdotia civitatis Jadrensis contulit, quibus cura animarum erat, videlicet præfectorum ecclesiæ collegiatæ Sancti Matthæi, & S. Petri veteris; item paræciam S. Michaelis, ut notatum est in Tabulis Avenionensibus Actorum Consistorialium.

Mandatum pro collatione plebanatus collegiatæ & secularis plebis S. Matthæi Jadren. 20. florenorum auri valorem annum non excedentis, & per obitum quondam Stephani apud Sedem apostolicam prævia generali reservatione vacantis, pro Dometrio Matafaris de Jadra Clerico Jadren., cum cessatione electionis ipsius favore concorditer celebratæ, ac confirmatæ. Dat. apud Pontem . . . . . diœces. Avenionensis 8. Cal. Septemb.

Mandatum pro collatione plebanatus collegiatæ secularis & curatæ Ecclesiæ S. Petri veteris Jadra 20. florenorum auri valorem non excedentis, & per obitum apud Sedem apostolicam prævia generali reservatione vacantis, pro Damiano filio quondam Joannis de Jadra perpetuo Capellano S. Petri in insula Gi. . . . . prope Jadram. Dat. Avenione Cal. Feb. an. 4. Pontif. id est an. Christi 1338.

Collatio plebanatus Ecclesiæ S. Michaelis Jadren.

Tria sacerdotia urbana per Benedictum XII. collata.

Jadren. 16. florenorum auri valorem annuum non excedentis, & per assentionem a Chrysogono de Varicassis factam de Plebanatu ecclesie S. Martini de Venetiis Castellana diocesis ipsi per Pontificem collato, vacantis, obtentu Nicolai Archiep. Jadrensis, pro Petro quondam Bellote de Pago, qui duo beneficia sine cura in dicta diocesi dimittere tenetur. Dat. Avenione VII. Cal. April. anno 8. Pont. id est 42.

Mandata  
ejusdem  
Pontificis  
ad Nico-  
laum Ar-  
chiep.

Idem Benedictus anno 1337. Nicolao Archiepiscopo mandatum dedit, ut una cum Episcopis Scardonensi & Nonensi inquireret, & canonicis pœnis animadverteret in quemdam F. Joannem ex cœu Fratrum hospitalium S. Joannis Hierosolymitani, qui multa de rebus cœnobii furatus cum esset, habitu monachali dimisso secesserat, seque sacrilegiis nuptiis illigaverat.

Mandatum Archiepiscopo Jadrensi, & Nonensi ac Scardonensi Episcopis, quatenus faciant justitiæ complementum super eo, quod Joannes de Camporiano Frater Praefectus Ordinis hospitalis S. Joannis Hierosolymitani, diabolico spiritu instigatus, habitu dimisso, falsoque se alio nomine Bonjoannes faciens nuncupari, matrimonium, imo verius contubernium, cum quadam muliere contraxit; secumque plura bona mobilia, & immobilia dicti hospitalis nequiter asportavit, & a Communis civitatis Jadrensis suffultus potentia, detinet occupata; instantibus Priore & Fratribus Prioratus S. Joannis Hierosolymitani de Ungaria. Dat. Aven. 3. Id. April., anno tertio Pont. id est Christi 1337.

Idem Pontifex sub idem tempus litteras dedit ad Nicolaum Archiepiscopum, eique mandavit, ut Virgines cœnobii Jadertini S. Clarae, interdicti & anathematis vinculis exsolvat, quibus illigatae erant ob decimas ærario apostolico non solutas; eisdemque solutionem prateritarum decimarum condonavit.

Venerabili fratri Archiep. Jadren. Exhibita nobis conventus monasterii S. Nicolai Jadren. ad praesens Abbatissa carentis, Ordinis S. Clarae petitio continebat, quod licet ipsa tanta paupertate gravetur, quod de proventibus possessionum suarum, vix pro certa parte anni possint congrue sustentari, quinimo pro magna parte temporis de elemosynis fidelium, quas petunt, & peti faciunt, sustentantur; tamen dilectus filius Bertrandus Rotundi collector decimarum per felices recordationis Joannem Papam XXII. predecessorem nostrum in partibus ipsis impositarum, specialiter deputatus, in dictum monasterium, pro eo, quod quondam Francisca Abbatissa dicti monasterii, & conventus praedicti, hujusmodi decimas eis impositas, in statutis terminis non solverunt, interdicti, necnon & in Abbatissam eandem & singulas moniales dicti monasterii, excommunicationis sententias promulgavit, quodque ipsa Abbatissa & conventus, propter ipsarum maximam paupertatem ad solvendum hujusmodi decimas, tempore aliorum Romanorum Pontificum compulsae non fuerint, nec etiam si ipsa conventus compellerentur, eas possentolvere sine magno earum incommodo, propter maximam inopiam earumdem. Quare praefata conventus, dicta Francisca interim sublata de medio, nobis humiliter supplicarunt, ut statui earum paterne consulere, ac etiam necessitatibus providere, de consueta Sedis apostolica clementia dignaremur. Nos itaque ipsarum conventus supplicationibus annuentes, ac praefatas decimas eis pro tempore praterito im-

positas, auctoritate praesentium, de speciali gratia remittentes eisdem, fraternitati tuae per apostolica scripta committimus, & mandamus, quatenus praefatas moniales & conventum ab omnibus sententiis per dictum Bernardum, aut subcolletores suos in eas occasione hujusmodi decimarum non solutae, prolati auctoritate nostra, juxta ecclesiae formam absolvere, ac interdictum praefatum studeas relaxare, injuncto eis super hoc quod de jure fuerit injungendum, & nihilominus dictam Franciscam, si apparuerunt signa penitentiae in eadem, absolvas a praedicta excommunicationis sententia, in eam propterea promulgata. Datum Avenion. x. Kal. Julii anno 111.

Annos fere undecim Nicolaus Ecclesiam Jadrensem, summa civium approbatione, & christiana rei ac pietatis incremento, placide tranquilleque administraverat; cum repente ingens exitiit rerum motus, ac perturbatio, quae optimum pacatumque civitatis & ecclesiae statum vehementer concussit, adduxitque in maximum periculum, & in extremum pene discrimen. Jampridem Jadrensiū fides Venetis suspecta esse coeperat. Ludovicus rex Hungariae, Carolo parenti demortuo in regnum suffectus anno 1342., Elisabetham matrem in Italiam mittere decreverat, ut vel a Pontifice absente per litteras, vel ab ejus Legato, qui Romae praesidebat, regni Neapolitani titulum & diadema Andreae filio impetraret. Hunc siquidem Joanna in matrimonium duxerat, quae post mortem Caroli Roberti regis Neapolitani avi sui, sibi uni regiam coronam a Legato pontificio imponendam curaverat, sibiue uni totius regni administrationem vindicabat, praterito neglectoque Andree viro suo, Elisabethae filio, & fratre Ludovici, contra quam ex pactis nuptialibus convenerat. Porro Jadrenses, injussu Senatus Veneti, duas triremes, quibus Elisabetha in Italiam transveheretur, Ludovico petenti accommodaverant; & quamvis de petitione regis, & commodatis eidem navigiis Ducem ac Senatum per litteras certiores fecissent, efficere tamen non potuerunt, quin animis Venetorum clandestinae alicujus cum rege conjunctionis suspicionem injicerent. Ac Senatus quidem suas ultro naves Ludovico detulit, quibus Elisabetha uti maluit, quam triremibus Jadrensiū, quae jam in anchoris stabant ad portum Seniae, illisque in Apuliam transvecta est anno 1343., ut Veneti pariter, atque Hungarici Scriptores tradunt. Sulpicionem auxit legatio Jadrensiū ad regem, qui biennio post exercitum ad fines Dalmatiae traduxit, ut proceres Chrobatorum detrectantes regis imperia ad obsequium reduceret. Multae etiam aliae maritimae civitates ditignis Venetae, honoris & officii causa suos ad regem legatos miserunt; verum legatio Jadrensis alio spectare videbatur, ut postea compertum fuit; & ex aliis insuper indiciis latis patuit Jadrensiū fidem ac voluntatem nutare, atque ad Ludovicum regem propendere. Antequam in apertam defectionem erumperent, Andreas Dandulus ante triennium Dux Venetorum declaratus, is, qui res Venetas breviter atque ordine descripsit, classem sub praefectura Petri Canalis in Dalmatiam transmisit, ut Jadrensiū conatus praecuperet; ac deinde Marcus Justinianus copias terrestres duxit; uterque anno 1345. urbem terra marique obedit. Jadrenses timore magno perculsi, Nicolaum Archiepiscopum, ac duos ex ordine nobilium ad Ducem ac Sena-

Jadrensiū  
fides Ve-  
netis sus-  
pecta.

Jadrenses  
obscidentur  
a Venetis.

Nicolaus  
Archiepiscopus  
ad Senatum  
de venia peten-  
da missus  
Orator.

matum oratores deprecatoresque miserunt, qui veniam, si quid Jaderini deliquissent, pacemque orarent, ut docet Scriptor anonymus oblationis Jadrensis: *Tres honoratos elegerunt viros; quorum primus D. Nicolaus D. G. Jadren. Archiepiscopus, alius Martinus pradius, & ultimus Thomas de Petrizio; qui Venetias transfretare celeriter studeant &c.* Sed ea legatio frustra fuit. Desperata venia, cum civitas acius in dies oppugnaretur, quod jamdiu clam moliri dicebantur, id exsequi festinarunt, oratoribus ad Ludovicum missis, qui urbem in ejus fidem ac tutelam traderent, opem & auxilium implorarent. Rex cum exercitu, quam celerissime potuisset, se affuturum promisit. Nicolaus Archiepiscopus ipso die festo S. Chrylogoni, dum in ejus basilica litaret, inter sollemne sacrificium post evangelicam lectionem, vexillum Hungaricum ab rege missum explicavit, faustis piisque precationibus cives ingenti læticia perfructus ad urbis defensionem, ac spem victoriæ erexit, ut tradit Anonymus supra laudatus his verbis: *Septimo Kal. decimi mensis, in quo præcipue Jaderini solemnissime eorum Pastoris festum mirifici martyris Chrylogoni celebrando non desistunt, D. Nicolaus venerab. Pater & Archiep. Jadren., compatriota in Ecclesia beatissimi athleta Chrylogoni, in qua totus erat apparatus Clerus, ac populus universus ejusdem civitatis ad solemnia audienda officia advenerat, devotam celebravit Missam, & post sancta evangelica lectionis enunciationem, pulpitum ascendit, multosque hortatorios pronuntiavit sermones, & benedicens altissima voce omnibus audientibus, qui ad devotionis festum congregati fuerant, vexillum regis extulit, quod idem rex Ludovicus in signum fidelitatis transmisserat. Expletaque benedictione omnes in basilica adunati unanimiter cum jubilatione clamaverunt dicentes Amen. Et dum solemnia explebantur mysteria, universus Clerus Dalmaticis decoratus vestibus, laudibus, hymnisque, & sanctorum psalmorum ductu, in multorum nobilium & plebeiorum comitiva, cum eodem Antistite in foro media ipsius urbis usque devenerunt; & suscepta a dicto Antistite totus vulgus benedictione, in trunco eminenti passuum fere undecim, in dicto medio foro, dictum vexillum inestimabili lætitia erexerunt &c. &c.*

Anno igitur sequenti Ludovicus cum magno exercitu in Dalmatiam veniens, apud Jaderam confedit, ut civitatem sibi traditam obsidione levaret. Sed cum munitionem quamdam, quam Veneti extruxerant, acerrime oppugnaret, ingenti clade accepta, inglorius in Hungariam remeavit. Post regis discessum, Jadrenses Venetam obsidionem aliquot menses sustinuerunt. Sed demum externa auxilia desperantes, suis viribus diffisi petierunt, ut liceret sibi mittere Venetias de pace legatos, quod haud gravate eis concessum. Hi venia impetrata, urbem seque in Venetorum potestatem rursus tradiderunt intra finem anni 1346. Hæc fuscè copioseque descripta sunt ab Anonymo Scriptor oblationis Jadrensis, quo cum historici & chronologi Veneti ferme consentiunt.

Rebus publicis tranquillatis, & pacata civitate, Nicolaus Antistes alacer rediit ad sua pastoralia munia obeundas; ac per annos fere decem quies fuit & tranquillitas; sed anno 1356. Ludovicus sociali scedere cum Francisco Carrario Regulo Patavino, & Nicolao Patriarcha Aquilejensi conjunctus, bellum Venetis intulit, *Illyrici Sacri Tom. V.*

Ludovicus  
Dalmatiam  
Venetis  
eripuit.

militemque universam Dalmatiam partim vi, partim deditione ademit. Jadera hostibus tradita fuit per prodicionem Abbatis S. Michaelis, qui clanculum nocte concubia Carrarienses & Hungaros demissis scalis intra mœnia urbis innoxit. Arx tamen a Venetis retenta est; quam deinde Ludovico tradere oportuit; cum is sub initium anni 1357. Jaderæ pacem cum Venetis reintegravit: & eodem anno Nicolaus Archiepiscopus cum aliis Dalmatiz & Hungariæ Præsulibus, præsens ac testis nominatur in privilegio, quod Ludovicus Traguriensibus concessit.

Jadera per  
prodicionem  
potitur.

Annos circiter decem Nicolaus sub imperio Ludovici Ecclesiæ Jadrensi præfuit; anno liquidem 1360. Episcopo Scardonensi potestatem fecit altare maximum, & alias minores aras sollemnibus cærimoniis & precationibus consecrandi in templo Jadrensi Patrum Prædicatorum; cujus consecrationis testes litteræ in Guilhelmo Episcopo Scardonensi descriptæ sunt; & anno 1364. eum nominatum invenio in tabulis cœnobii Dominicani Jadrensis: *Anno 1364. regnante Ludovico &c. tempore Nicolai de Matafaris Archiep. Jadren., & magnifici viri Domini Nicolai de Seex regnorum Dal. & Croat. Bani Generalis, Comitibus civitatis Jadræ &c. &c.* Post hunc annum neque in tabulis Jaderinis, neque in aliis monumentis Dalmaticis ejus nomen reperitur: quod indicio esse posset vel hoc eodem anno, vel proximo mortuum esse. Ceterum Johannes Lucius Nicolai mortem cum anno 1367. conjunxit, idque confirmari potest diplomate Ludovici regis dat. an. 1367. viii. Kal. Aprilis, in quo nominatur Nicolaus Jadrensis. Extat nobile sepulcrum ejus in æde metropolitana propter fontem baptismatis; & tabula marmorea superposita effigiem Præsulis sedentis in solio episcopali inter duodecim Canonicos insculptam exhibet, cum insigniis familiæ de Matafaris sine ulla inscriptione. Sunt qui existimant in hoc sepulcro conditum esse Petrum de Matafaris itidem Archiepiscopum Jadrensem; idque conjiciunt ex Canonicis eidem assidentibus, cum hic collegium Canonicorum instituerit, vel potius ad normam & exemplum aliorum Capitulorum reformaverit. Verum Petrus Asculi, ubi diem obiit supremum, sepultus est in æde cathedrali, ut postea dicemus. Nicolai vero esse, quod Jaderæ visitur, sepulcrum eo, quo diximus, loco positum, constat e supremis tabulis Equitis Ludovici de Matafaris, anno 1421. v. Non. Octobris confectis; in quibus, ut tradit Valerius a Ponte, *ordinat constructi debere altare in Ecclesia S. Anastasie sub arca Reverendissimi Domini Nicolai de Matafaris olim Archiepiscopi Jadrensis, in quo quotidie celebrari debeat Missæ sacrificium per Capellanum a suis commissariis eligendum &c. quæ celebratio Missarum modo exequitur in altari Sanctissimi Sacramenti eidem sepulchro proximi, ad quod translata forsitan fuit, cum sub eodem sepulchro constructi altare indecens visum fuerit.*

Eius sepulcrum,

quod Petrus de Matafaris falso attribuitur.

## DOMINICUS II. ARCH. JADREN. XIX.

Oriundus ex Epiro nova, quam nunc Albaniam vocant, qui ab ineunte adolescentia Ordini Patrum Prædicatorum adscriptus, multæ egregiæ doctrinæ, ac religiosarum virtutum documenta dederat. Hunc antea Caulensem Episcopum fuisse, atque inde ad metropolim Jaderinam translatum auctores sunt Ferdinandus U-

Dominicus  
Epirota  
Dominica-  
nus & Cau-  
lensis seu  
potius  
Corcyrensis  
Episcopo  
Archiep.  
Jadren.

ghellus, & Vincentius Maria Fontana in Theatro Dominicano; sed Joannes Lucius, Valerius a Ponte tradunt Episcopatum Corcyrae Nigrae, quae insula est Dalmatiae, antea obtinuisse, quam ad sedem metropolitanam Jadrensem ascenderet. Ejus episcopalia initia idem Ughellus & Fontana conferunt in annum 1366., sed anno proximo exeunte Ecclesia haec adhuc Archiepiscopo carebat, ut docent Tabulae Jadrenses apud Valerium de Ponte: 1367. Indiſt. 5. die 9. men. Decembris regnante Serenissimo Principe, & Domino nostro naturali D. Ludovico Dei gratia Rege Ungariae, vacante dicto Archiepiscopatu Jadrense, propter ejus (Nicolai) mortem; tempore magnifici & potentis Domini &c. Ludovicus rex Hungariae, cum Dominicum plurimi faceret, ejusque insignem prudentiam, agendique solertiam in arduis & multis negotiis expertam atque perspectam haberet; Jadrensem pontificatum ei contulit, & collatum illi sacerdotium ab Urbano V. confirmandum curavit. Quin immo ante regiam declarationem, & pontificiam approbationem, ut est apud Lucium lib. 5. cap. 7. Monum. Tragurien., idem Ludovicus per suas litteras ad Gregorium praepositum S. Mariae Jadrensis, & curatorem bonorum archiepiscopalium sede vacante constitutum, Zagrabiae datas anno 1367., eidem imperavit, ut bonorum illorum possessionem atque administrationem illi traderet, quem Stephanus Francisci civis Jadrensis ex regio mandato nominasset. Hic autem nominavit Fratrem Dominicum Episcopum Corcyrensem; ex quo cognitum est eum fore Archiepiscopum. Nec vero ante annum 1368. diploma Pontificis regiam nominationem approbantis Avenione Jaderam perferri, aut Dominicus ecclesiae sibi traditae possessionem adire potuit.

Jus sigilli  
archiepiscopalis, &  
capitularis  
ab rege im-  
petavit.

Cum & auctoritate & gratia plurimum apud Ludovicum valeret, sibi & Canonicis suis ab rege impetravit jus sigilli archiepiscopalis & capitularis, regali auctoritate munitum ad fidem actis, tabulisque publicis conciliandam. Extat regium diploma in haec verba.

Ludovicus Dei gratia Ungariae, Dalmatiae, Croatiae, Ramae, Serviae, Galliciae, Lodomeriae, Cumaniae, Bulgariae Rex, Princeps Salernitanus, honoris montis S. Angeli Dominus. Omnibus Christi fidelibus tam praesentibus, quam futuris praesentium notitiam habituris, salutem in omnium Salvatore. Magnus Dominus, & laudabilis nimis in civitate Dei nostri ad hoc reges & principes ad regni gubernacula provexit, ut licet multipliciter circa alia, & diversa negotia hinc inde emergentia distrabantur, tamen curam debitam Sanctae Matris Ecclesiae, per quam a vitiis expiantur, & caelestibus sociantur, & signanter per quam communis justitia, & uberior status regnicolarum provehantur, potius sollicitudinem adhibeant; hoc enim pie, hoc manifeste, hoc deifice a regia agitur maiestate, per quod jura viriliter defendantur, subditorum justitia, & aequitas, quae uti duae sorores se invicem amplexantur, eclypsin non patiantur aliqualem. Proinde ad universorum notitiam harum serie volumus pervenire, quod quia divina Majestatis reverentia cordi nostro insidet, & ad ejus nominis cultum, mentis nostrae aures sedule occupantur; tanto nos ante oculos misericordiae ipsius, credimus miserationis dona percipere, quanto ad laudem sui nominis, propensionis officii nostri munus studuerimus salutarum largiri. Ob hoc hu-

jusmodi . . . . . Domini devotorum, & fluentis desiderii nostri affectum quos . . . . . nomine, sanctissima ecclesia Jadren. metropolis compententis operis structura constructa existit, & fundata, cujusque viri, seu patroni, & tutoris specialis . . . . . habemus singularem. Speramus enim ipsius almificae Anastasiae Virginis precum suffragiis secuturum, nedum in terris, verum etiam in caelestibus pie conservari. Volentes itaque ecclesiam praepone re terrenis, & perpetuo duratura caducis, ut quod tenemus in terris cum multiplicato fructu recolligere valeamus in caelis; sint itaque iis omnibus pie . . . . . se non minus attendentes inviolabilem fidem, & fidei puritatis constantiam Venerabilis in Christo Patris Domini Dominici Archiepiscopi Ecclesiae dictae Jadren, fidelis nostri dilecti, quam ad nos, & ad sacrum nostrum diadema eo devotius, quod ferventius indefessa fidelitatis studio, noscitur habuisse; recordantesque satis grata, & innumera accepta servitia ejusdem, quibus ideo in cunctis nostris & regni nostri negotiis, & processionibus, adeo studuit complacere nostrae maiestati; & in ejus obsequii virtutibus noster regius animus mitissime conquievit; supplicatione ejusdem Domini Archiepiscopi fidelis nostri, in sua, & Capituli sui personis porrecta, eandem nostram petens maiestatem, nihilominus quo uberiori conservatione iurum regnicolarum nostrorum, & communi justitia observanda dictae Ecclesiae suae Jadrensis, huiusmodi specialis gratiae prerogativa innata cordis nostri pietate duximus faciendum, ut dicta Ecclesia Jadrensis, nec non idem Dominus Archiepiscopus, & Capitulum ejusdem, sigillo autentico, in quo perfectissime, & figuratiter erit Beata Virgo Filium in brachio bajulans, ex latere dextero Beatissimam Anastasiam, & sinistro Sanctum Grisogonum habente, uti possit, sicut cetera Capitula, conventus, & loca . . . . . regnorum nostrorum Dalmatiae, & Croatiae perpetuis temporibus utantur, & potiuntur; sub quo universas litteras . . . . . regnicolis nostris illas petentibus dare possint, & assignare ex nostra commissione, annuentia, & dono nostrae maiestatis speciali; ita tamen, quod Dominus Archiepiscopus . . . . . in dicta sua Ecclesia habeat, qui fideles sint, & pro communi justitia observanda idonei reperiantur . . . . . ne falsitas praevaleat veritati, & iniquitas praejudicet aequitati; in cuius rei memoriam, firmitatemque perpetuam praesentes concedimus nostras litteras privilegiales, pendentis autentici sigilli nostri duplici munimine roboratas. Datum per manus Venerabilis in Christo Patris Domini Radislai Episcopi Vesprimiensis reginalis Cancellarii, & aulae nostrae vice-Cancellarii fidelis nostri, & dilecti. Anno Domini 1371. 5. Non. mensis Januarii, regni autem nostri anno XXIX. Venerabili in Christo Patri, & Domino Thoma Strigonien. Decretorum Doctore, Stephano Colocen. sacrae paginae magistro, Vigulino Spalaten., eodem Dominico Jadren. . . . . Ragusien. Archiepiscopis, Demetrio Varadien. Colomano Jaurinen. Michaeli Agrien. Vilielmo 5. Ecclesiarum, Innocentio Zagrabien. Demetrio Transilvanen. Joanne Vacien. Dominico Varadien. Petro Bosnen. Ladislao Nitrien. Stephano Sirmien. Nicolao Tinien. Demetrio Nonen. Nicolao Maginen. Stephano Pharen. Valentino Tragurien. Matthaeo Sibenicen., Michaeli Scardonien., & Portina Senien. Ecclesiarum Episcopis, Ecclesias Dei feliciter gubernantibus . . . . . Magnificis vi-

ris



ris dicto Radislao regni nostri Palatino, Emerico Voivoda Transilvano, Nicolao Ecch giudice Curia nostra, cum Magistro Tavernicorum nostrorum Simeone regnorum Dalmatiae, & Croatiae, Petro Zudar totius Slavoniae, & Nicolao Denacon Banis; Paulo Dapiferorum, Joanne Janitorum, & Stephano Agazonum nostrorum magistris, ac eodem Domino Eraldi Duce Apuliae, Comite Possenjen., aliisque quam pluribus, comitatus regni nostri tenentibus, & honores.

Anno 1371. Ludovicus cum Elisabetha juniore conjuge sua, ingentique procerum comitatu in Dalmatiam venit; & cum alias urbes obiisset, Jaderam accessit; qua in urbe aliquot dies commoratus est, ut ejusdem acta ibidem & decreta declarant. Dominicus Archiepiscopus regem omni honore atque officio prosecutus est; nihilque ab eo vel sibi, vel ecclesiae suae postulavit, quin facile impetraverit. Per eos dies Elisabetha uxor regis sepulcrum S. Simeonis Prophetae, ut eam sua pietas admonebat, summa veneratione adiit; & cum quaedam eidem divinitus accidissent plane admirabilia, de quibus in Laurentio Periandro Archiepiscopo dictum est, sanctissimo illi Prophetae arcam argenteam vocit, de qua in Petro Archiepiscopo, & proximo Dominici successore.

Discordia inter Jaderenses & Archiepiscopum.

Post discessum Ludovici dissensiones quaedam interpositae animos civium ab Archiepiscopo alienarunt; quae mutuis offensis quotidie magis exacerbatae Jaderenses usque eo concitarunt, ut cum legationem supplicem de petendis rebus civitati utilibus ac salutaribus ad Ludovicum mittere decrevissent, inter cetera postulata, hoc legatis maxime commendatum esse voluerunt, regem orantem atque obsecrantem, ut Dominicum Archiepiscopum ab urbe & Ecclesia Jaderensi amotum ad aliam Ecclesiam transferendum curaret. Ludovicus omnia, quae legati petierunt, prolixè cumulateque concessit; quod vero pertinebat ad postulatum de removendo Archiepiscopo, id quoque indulgendum censuit; & litteris ad eum humanissime scriptis significavit quid a se Jaderenses postulaverint, quid quies & tranquillitas publica requireret; temporis cedendum esse, urbe abscederet, procul a conspectu civitatis tantisper omni munere episcopali abstinere, dum illi aliam Ecclesiam a Pontifice conferendam curaret. Cum Jaderenses omnia quae optabant, e Ludovico impetrassent, gratiosa apud filium commendatione reginae senioris Elisabethae interposita, duos legatos miserunt, ut maximas gratias utrique agerent, quod quae Jaderenses postulaverant, rex benigne concesserit; ac praesertim quod semoto ab urbe Episcopo, civium quieti ac tranquillitati consuluerit. Extant mandata tradita legatis in tabulis archivi publici, quarum initium hoc est: Anno 1374. . . . . Aprilis. Quod vos Ser Damianus de Nassis, & D. Jacobus de Raducis facta reverentia, & recommendatione solita majestati D. regis & Dominae reginae senioris primo dicetis qualiter . . . . . Item nostri parte majestati utrique praeclaras, & supplices gratias referatis de tam benigna & gratiosa expeditione ultimorum ambasciatorum nostrorum, referentium nobis omnem obtinuisse gratiam postulatam; ex quibus multum sumus alacres & contenti, maxime de separatione Archiepiscopi ab incolatu civitatis usque ad translationem ipsius, oblatam per regiam majestatem; qua facta, in pace quietam animorum & corporum stabimus, civitasque Illyrici Sacri Tom. V.

augebitur de bono in melius ad honorem regiae majestatis &c. &c. Post annum 1374. de Dominico Archiepiscopo nullam in Tabulis Jaderensibus mentionem factam invenio; ex quo intelligi potest nunquam Jaderam rediisse, posteaquam jussu Ludovici abcessit; neque facile asenserim Vincentio Fontanae, qui diuturnum pontificatum illi attribuit; & Jaderae mortuum, atque in aede cathedrali tumulatum fuisse affirmat, de illoque hoc scriptum reliquit in suo Theatro Dominicano: P. F. Dominicus (Dalmatinus, inquit Taegius) cum Caulensis Episcopus ante esset, defuncto Nicolao Sozenfi (de Matafaris) ab Urbano V. hanc Ecclesiam (Jaderensem) suscepit administrandam 4. sui Pontificatus anno, nempe 13. Kalen. Januarii evanescentis anni 1366., quam pluribus annis pie rexit; vitamque cum morte commutavit in sua Cathedrali tumulatus.

Error Vincentii Fontanae.

# PETRUS II. ARCH. JADREN. XX.

Filius fratris Nicolai III. Archiepiscopi de Matafaris; qui cum apud Carolum Dyrrhachensem, Ducem Dalmatiae, gratiosus esset in paucis, ejusque familiarium longe primus, hujus auctoritate & commendatione nixus, quamvis admodum juvenis, sedem archiepiscopalem Jaderensem obtinuit. Erat Carolus e regia stirpe Caroli II. regis Neapolitani, filius Ludovici ducis Dyrrhachii. Illum Ludovicus rex Hungariae ex Italia ante aliquot annos evocaverat, eique regnum Neapolitanum destinaverat, quod jure propinquioris consanguinitatis post obitum Joannae reginae ad se pertinere existimabat; atque ut Carolo jus illius regni adipiscendi magis magisque augeret, Margaritam filiam Mariae sororis Joannae uxorem ei dederat; ut vero eundem ad imperium, reique publicae administrationem assuefaceret, ducem Dalmatiae & Chrobatiae praefecit; & anno 1373. cum Margarita conjuge in Dalmatiam misit. Carolus Jaderae domicilium sibi sedemque delegit; qua in urbe Joannam filiam primogenitam ex Margarita suscepit. Hic ergo, cum Petrum de Matafaris, juvenem egregiae indolis, excelsique animi magnopere diligeret, eidem a Gregorio XI. Pontifice maximo Archiepiscopatum Jaderensem conferendum curavit, quamvis ab ea aetate longe abesset, quam ad suscipiendum Episcopatum sacri Canones requirunt; ac ne sacerdotio quidem secundi ordinis adhuc maturus erat. Itaque possessionem quidem ecclesiae sibi traditae adivit anno circiter 1376. In privilegio, quod Ludovicus rex Hungariae concessit Abbatibus & monachis coenobii de Peis-Varad an. 1379. Petrus Jaderensis nominatur. Per annos fere septem omnia quidem, quae ad potestatem jurisdictionis, non item vero quae ad potestatem ordinis episcopalis pertinent, administravit.

Tres fere annos Carolus Dalmatiae & Chrobatiae principatum tenuerat, cum visum est Ludovico illum in Italiam ac patriam remittere, visendi & salutandi causa Joannam reginam uxoris suae materteram, cui successurus erat in regnum, ejusque benevolentiae magis ac magis sibi conciliandae. Ante profectioem res contingit, ut ferunt, plane admirabilis, quae ad cultum S. Simeonis augendum maxime valuit. Margarita Caroli uxor, ut erat femina pia, & praecipua quadam religione S. Simeonem venerabatur, ab ejus sepulchri custodibus enixe petiit

Carolus & Margarita particulam e corpore S. Simeonis auferunt,

particulam ex ejusdem corpore, quam secum perpetuo circumgestaret, sibi ad sanctissimum illum Prophetam impensius colendum incitamento, suæque vitæ præsidio futuram. At illi objecto metu ex recordatione eorum, quæ haud multis ante annis Elisabethæ reginæ acciderant, caveret admonuerunt, ne quæsitum invito Deo præsidium in periculum verteretur. His nihil deterrita, piæque suæ voluntatis conscientia fides, acius id petere institit, quod vehementissime cupiebat; & urgenti atque instanti, quod sibi dari omnino volebat, negari non potuit. Hoc dono, quod omni thesauro, regiaque gazæ pretiosius esse ducbat, mirifice læta, cum Carolo conjugē triremem conscendit anno 1376. in Apuliam transfusura; verum quoties e portu egressa est, toties ventis adversis resstantibus regredi coacta fuit; nec vero propterea vim divini Numinis repulsantis, vel ipsa, vel Carolus agnovit. Itaque iussi sunt nautæ viribus omnibus contra obniti, & remis ac remulco ventorum oblectantium impetum diffringere ac superare. Longius a terra progressos, jamque in altum invehos atrox & scæda tempestas invasit, quæ vectores nautasque in ultimum discrimen adduxit. Tum vero Margaritæ & Caroli animum subiit memoria divinæ indignationis, quæ Elisabetham reginam ob digitum S. Simeonis avulsum perculerat, itemque cælestium dirarum, quas sibi ob eandem causam custodes & præfides arcæ obnuntiaverant. Itaque ambo communi consilio decernunt reddere quod abstulissent; simulque veniam & pacem a Deo precari, B. Simeonis opem implorant. Hac imploratione, velut fræno injecto, procella sedatur; secundus regredientibus ac placidus ventus exoritur, qui navim, prora conversa ad littora Dalmatiæ, in portum Jadrensem impellit. Egressi in terram templum S. Simeonis supplices adeunt, ejusque corpus venerati, quidquid ex eo sustulerant Sacerdotibus restitunt. Hoc autem videtur esse illud fragmentum, quod seorsum a corpore nunc asservatur in argentea lippotheca apud Virgines Benedictinas S. Mariæ. Illi vero hac religione, qua obstricti erant, soluti, expiatque triremem conscendunt; & non tam ventis ferentibus, quam cælesti Numine itineri obsecundante, facili & expedita navigatione oram Apuliæ incolumes tenuerunt.

sed in n.  
tum lo-  
cum postea  
restituunt.

Elisabetha  
regina  
Hungariæ  
arcam ar-  
genteam,  
quam S. Si-  
meoni vo-  
verat, quam  
primum  
fieri iussit.

Hujus admitandi eventus fama late vulgata, cum ad aures Elisabethæ reginæ pervenisset, huic magno incitamento fuit, ut quod voverat Sancto Simeoni, exsequi festinaret. Ex nobilitate Jadrensi quinque primarios viros non magis graves ætate, quam rerum gerendarum solertia præditos elegit, qui arcæ argenteæ, quam S. Simeoni promiserat, perficiundæ præessent; iisdemque in hoc opus mille marchas argenteas numerari iussit. Hi vero piæ reginæ mandatis statim obsecuti, arcam faciendam locarunt magistro Francisco Mediolanensi, qui Jadrenæ habitabat, aurifici & sculptori eximio; cum eoque tum de pretio, tum de artificio convenerunt. Hæc Tabulis Jadertinis, quarum exemplum hic subijcio.

1377. Indiæ. xv., die Dominico, 5. Julii. Regnante serenissimo principe & Domino nostro naturali Domino Ludovico Dei gratia Rege Hungariæ, Poloniæ, & Dalmatiæ &c. &c. Tempore Reverendissimi Patris D. D. Petri de Matafaris Archiepiscopi Jadren., & egregii & potentis viri D. Raphaelis de Surdis æ Placentia civita-

tis Jadra Comitit. Cum Illustrissima Principissa & Domina nostra naturalis Domina Elisabeth Regina Hungariæ, Poloniæ, & Dalm. & gloriosi Domini nostri Regis Hungariæ consors, divino spiritu mota visitare voluisset corpus B. Simeonis iusti in sua fidei civitate existens, quo viso humili compassione commota non jacere, ut conveniens est, idcirco Jadra post discessum suum destinavit mille marchas argenti, causa ipsi beatissimo corpori S. Simeonis iusti fabricandi arcam unam argenteam, in qua dictum corpus sanctum reponatur, & conservetur, ut dictum est; & pro dicto opere citius conficiendo eadem Domina Regina nostra per suas gratiosas litteras scripsit fidelibus suis Jadrensibus D. D. Francisco de Georgio, Masseo de Matafaris, & Paulo de Georgio, strenuis militibus suis regiis, & S. Gregorio de Civaletlis, & Francisco de Cedulinis; ut ipsi, prout citius fieri possit, dictam arcam perficerent. Qui strenui milites D. Franciscus, D. Masseus, D. Paulus, uti fidelissimi reginæ majestatis, tam suis nominibus, quam nom. S. Georgii de Civaletlis, & S. Francisci de Cedulinis, qui absentes erant, cupientes regia mandata pro parte adimplere, se regio nomine convenerunt cum magistro Francisco aurifice quondam Antonii de Mediolano nunc habitante Jadra pro dicto opere conficiendo in hoc modo, videlicet quod dictus magister &c. &c.

In id opus tres fere annos labore assiduo artifex insumpsit; annoque octogesimo hujus sæculi arca ingentis ponderis e purissimo argento, singulari summoque artificio perfecta est, figuris pulcherrime cælati distincta, extrinsecus pariter & intrinsecus inaurata, quam undeviginta millibus nummum argenteorum, & sexcentis insuper ac nonaginta æstimatam ferunt. Ejus tergo medio hæc inscriptio litteris Gothicis incisa est:

Inscriptio  
eidem in-  
sculpta.

Simeon hic iustus Christum de Virgine natum  
Ulnis qui tenuit, hac arca pace quiescit.  
Hungariæ regina potens, illustris & alta  
Elisabet junior quam voto contulit almo  
Anno milleno triceno octuageno.

Hoc opus fecit Franciscus de Mediolano.

Opus omnino visendum, cujus eximiam pulchritudinem & magnificentiam nemo concipere animo potest, qui non oculis ante subjece- rit. Pluribus describere pretium operæ non ducō, cum in subjectis Tabulis spectare liceat.

Porro Jadrenses Elisabethæ reginæ pietatem ac magnificentiam æmulati, quatuor Angelos iustæ magnitudinis ære sumptuque communi ex argento fundendos curarunt, qui arcam sustinerent. Arca igitur argentea cum absoluta perfecta fuisse, atque in ædem Marianam illata, superposita fuit altari, intra cujus mensam inclusa erat vetus arca marmorea, in qua corpus S. Simeonis continebatur. Quatuor angulis arcæ totidem Angelorum simulacra, quæ dixi, suum cuique, apposita, quorum manibus arca sustentari videbatur. An vero tunc venerabile illud corpus arca inferiori marmorea exemptum fuerit, ac depositum in superiori argentea, sunt qui dubitent; nam sæculo superiori, cum translatum fuit in ædem S. Stephani, non in hac, sed in illa repertum est. Mihi vero similis videtur eodem anno 1380., cum arca argentea confecta, & arcæ S. Simeonis imposita fuit, in hac reconditum fuisse, ut docet inscriptio tergo ejusdem arcæ insculpta; idque confirmat custodia clavium hujus arcæ, quæ

Jadrenses  
quatuor si-  
mulacra  
Angelorum,  
qui arcam  
sustinerent,  
ex argento  
fieri cura-  
runt.

Corpus S.  
Simeonis  
in arca no-  
va repul-  
tum.

quæ penes Rectorem & magistratus civitatis summa diligentia & cautione asservari solebant. Nam si vacua fuisset, & instar cujusdam cenotaphii; quid attinebat eam adeo diligenter obferari, & claves magistratibus tradi summa fide, & cura custodiendas. Cum autem ædem Marianam dirui, & corpus S. Simeonis in proximo sacello S. Rocchi ad tempus deponi oportuit, tunc illud ex argentea in veterem arcam marmoream relatum fuisse existimo; id quod suo loco attempore accuratius explicandum erit.

Petrus Ar-  
chiepisco-  
pus Caro-  
lum in Ita-  
liam cum  
exercitu  
proficiscen-  
tem comi-  
tatur.

Nunc vero ad Petrum revertamur. Anno 1381. comitatus est Carolus Dyrrhachiensem, quem Ludovicus ante triennium ex Apulia evocaverat, ut copiis Hungaricis præliceret in bello sociali, quod contra Venetos gerebat, redeuntem cum exercitu in Italiam, ut regnum Neapolitanum Joannæ eriperet, quæ ab Urbano VI. ad Clementem pseudo-pontificem desciverat; & cum Romæ ab eodem Urbano primum senator urbis est declaratus, deinde titulum & insignia regni Neapolitani accepit, Petrus quoque huic sollemni cærimoniz interfuit, ut tradit Ferdinandus Ughellus; itemque arbitrator secutum esse Carolum, qui pontificis auxiliaribus copiis auxilio exercitu regnum invasit, Neapolim cepit, Joannam reginam in arce nova obsellam, omnis auxilii spe adempta, deditionem facere coegit; eamque in castellum S. Felicis inclusit; nec multo post eodem, quo illa Andreæ Ludovici fratrem, & conjugem suum necasse dicebatur, mortis genere sustulit. Petrus Jaderam reversus cum esset, post obitum Ludovici regis Hungariz anno 1382. extincti, cum ei necessarium esset iter in Hungariam ad quædam ecclesiæ suæ negotia expedienda, socius adjunctus est duobus ex ordine patricio legatis, quos Jadrenses miserunt ad reginas Elisabetham matrem, & Mariam filiam, ut communi civitatis nomine fidem atque obsequium utrique reginæ, sacramenti religione interposita & conceptis verbis obstringerent; ut docet epistola Jadrensi dat. x. Octobris Indict. 6. idest an. 1383. *Mittimus ad vos . . . . . quibus commisimus, ut una cum Reverendo in Christo Patre D. Petro Archiepiscopo Jadren., in curiam serenitatis vestræ, pro ejus propriis negotiis accedente &c. &c.*

Utraque re-  
gina Hun-  
garie cor-  
poris S. Si-  
meonis cum  
arca argen-  
tea auferen-  
di suspicio-  
nem Jaden-  
sibus inje-  
cit.

Anno 1383. ix. Kalen. Novembris utraque regina Jaderam venit, faustis acclamationibus & regio apparatu acceptæ; qua in urbe dum manebant, rumor percrebuit eas velle arcam argenteam una cum corpore S. Simeonis in Hungariam asportare; idque summo mœrore Jadrenses affecit; eoque credibilius id visum est, quod Elisabetha claves arcæ Henrico Bano tradi jussit, ut docet Paullus de Paullo in sua Ephemeride: *D. Regina antedicta præcepit D. Henrico E. prædicto, ut acciperet unam clavem arcæ argenteæ S. Simeonis prædicti. Ne auferret quoque simulacra argentea Angelorum, quæ Jadrenses sumptu communi facienda curaverant, ab arca dimoveri, condique in abdito loco impetrarunt; id ex testificatione cujusdam militis admodum senis signatum est publicis tabulis an. 1445. die 12. mens. Aprilis. Ser Novachus de Milcho quondam Miles, civis Jadræ ætatis annorum 88., prout asseruit, monitus, juratus & diligenter examinatus super prædictis cum sacramento dixit, vere recordari qualiter . . . . . Et plus dixit, quod de anno 1380., vel circa, quo tempore serenissima Regina Hungariæ venit Jaderam, pro accipienda corpus S. Simeonis cum*

Illyrici Sacri Tom. I.

arca argentea, dixit recordari, quod nobiles Jadræ acceperunt quatuor Angelos argenteos, qui erant sub arca ipsa, ubi vel penes quam nunc est corpus S. Simeonis, & illos reposuerunt in camera suæ procuratiæ &c. &c. Verum ipsa met Elisabetha hunc timorem Jaderinis exemit, cum antequam Jadera discederet, claves ejusdem arcæ restitui darique jussit Rectori civitatis, qui tum erat Paullus de Paullo supra laudatus, a quo hæc notata sunt in Ephemeride: Eodem anno 1383. die 16. Novembris D. Uladislavus Castellanus & Vicarius Jadræ præstavit nobis pro parte D. D. Reginarum clavem arcæ prædicti S. Simeonis, ut per Regimen servaretur; & data fuit mihi Paulo de Paulo, tunc Rectori prædictæ civitatis; ita quod primus Rector, qui incæpit servare dictam clavem mandato D. D. Reginarum prædict., ego fui.

Petrus nactus ætatem idoneam ad consecrationem episcopalem suscipiendam, profectus est Romam anno 1384. & ibidem Presbyter simul & Episcopus ordinatus est; anno vero sequenti sacrificandi initium fecit, atque in æde metropolitana primam divinæ Majestati hostiam immolavit; ut scriptum reliquit Paullus in sua Ephemeride: 1384. men. Martii D. Archiepisc. Jadrensis recessit a civit. Jadræ & ivit Romam. 1385. die Sabbathi idem D. Archiepiscopus reversus est Jaderam; eodem anno die 9. Aprilis, qui fuit dies Dominicalis, idem D. Archiepiscopus celebravit in Ecclesia S. Anastasiæ in Jadræ Missam novellam.

Jaderam igitur reversus, urbem, totamque regionem civilium dissidiorum motu agitatam invenit; & ipsemet quoque clandestinam cum perduellibus societatem coivisse dicitur; id quod cum illi post aliquot annos causa fuerit Ecclesiæ Jadrensis dimittendæ, ac sibi metipsi exilium consciscendi, videtur hoc loco explicandum esse. Quod jamdiu quidam Hungariæ & Dalmatiæ procures muliebri imperio pertasti, & nimiam potentiam exosi, quam apud Reginas Nicolaus Gara Palatinus obtinebat, clandestinis consiliis inter se agitabant, demum anno 1384. exsequi festinarunt. Hujus seditionis auctores præcipuos fuisse comperio Paullum Episcopum Zagrabientem, Joannem de Palixna Priorem Auranzæ, Joannem Horvat Banum Slavoniæ, & Stephanum Larzchovichium, quem sibi suspectum Elisabetha Banatu, seu principatu Dalmatiæ & Chrobatiz paullo ante amoverat, substituto in ejus locum Thoma de Sancto Georgio. Cum de regno Hungariæ ad Carolum regem Neapolitanum transferendo conjurassent, in hujus conjurationis societatem plurimos e nobilitate Dalmatica & Hungarica traxerant. Rei perficiendæ partes Paullus Episcopus sibi desumpsit; & per speciem Romani itineris Neapolim se contulit, Carolum adiit, ac facile perpulit, nequidquam eum dehortante ac deterrente Margarita conjugem, ut spem occasionemque sibi oblatam potiundi regni Hungarici avidius, quam cautius arriperet. Itaque duas triremes instrui armarique jussit, quibus, auctore ac duce Paullo, in Dalmatiam transvectus, Seniam cum appulisset, ex Hungaria & Dalmatia multorum ad eum optimatum, militum, & cujusque ordinis hominum concursus est factus: qua ille fretus multitudine Budam ire properavit. Ejus repentino adventu Reginæ perterritæ cum essent, simulatis tamen benevolentiz atque honoris officiis eum prosecutæ, amicum sibi ha-

Petrus Ro-  
mæ Presby-  
ter & Epil-  
copus con-  
secratur.

Conscius  
fuisse puta-  
tur rebel-  
lionis Hun-  
garicæ &  
Dalmaticæ  
adversus  
reginas  
constat.

bere, quāto hostem experiri maluerunt. Ille vero paucis post diebus Albam progressus inter faustas omnium acclamationes regale diadema suscepit mense Octobri, anno 1385. Sed anno sequenti vi. Id. Februarias cum regno vitam amisit: nam Nicolao Gara instigante, Blasius Forgachius Carolum ex insidiis adortus interfecit. Regni Neapolitani heredem reliquit Ladislavum filium adhuc impuberem, sub tutela matris Margaritæ, ex qua etiam Joannam filiam suscepit. Sublato Carolo, seditioforum hominum audacia compulsi, & conspiratio illa contra Reginas constata facili negotio restingui posse videbatur. Ac rebus quidem Hungariæ pax & tranquillitas brevi restituta est; ut in Dalmatia reliquias omnes illius conjurationis abolerent, illuc Reginæ profectæ sunt cum ingenti procerum comitatu. Ad fines Dalmatiæ cum venissent, Joannes de Hericart Banus, & Joannes de Palixna Prior Auranzæ, qui armatis satellitibus viam illam obsidebant, ex insidiis confurgunt, Nicolaum de Gara Comitem Palatinum, & Nicolaum Forgachium Caroli interfectorem obtruncant, reliquos partim cædunt, partim disjiciunt, atque in fugam vertunt; Reginam utramque captam, & Novigradum abductam, in arctam custodiam includunt. Elisabetham alii gladio interiisse, alii in flumen dejectam, & submersam, alii morte naturali extinctam tradunt. Ejus corpus Jaderam translatum in æde S. Chrysogoni honorifice depositum. Obiit anno 1387.; hoc siquidem anno ut scriptum reliquit Paulus in Ephemeride, 16. Januarii applicuit novum, quod D. Regina senior obiit in castro Novigrad in captivitate. Infra hæc subjicit: 1387. die Sab. 9. Febr. fertur quod corpus pradiæ D. Reginae fuit portatum Jaderam, & repositum in mon. S. Grisogoni. Mors Elisabethæ, & Mariæ captivitas multorum miserationem atque adeo indignationem commovit, ac præsertim Sigismundi Marchionis Brandenburgensis, filii Caroli IV. Imperatoris, & fratris Venceslavi Regis Romanorum. Ei Ludovicus rex Hungariæ, antequam moreretur, Mariam filiam, ac dotis nomine regnum Hungariæ desponderat. Cum Carolus in Hungariam venit, jam Maria ad nuptiales annos pervenerat, & fortasse matrimonium etiam cum Sigismundo per procuratores inierat. Itaque Elisabetha, Caroli adventu conterrita, clandestinis litteris ac nunciis Sigismundum sollicitavit, ut matri, ac filię sponsæ, sive uxori suæ auxilio venire maturaret, & regnum dotale sibi armis vindicaret. Sed cum Sigismundus tot ac tantas copias non haberet, quibus æquo Marte cum Carolo & perduellibus decertare posset, ausus non est se suosque in id periculum ac discrimen committere. Cum vero de interitu Elisabethæ, & Mariæ captivitate cognovisset; quam maximum potuit exercitum collegit, ut hanc perduellium potestate eriperet, ac regnum amissum ei, sibi que recuperaret. Sed neutrum efficere potuisset sine opera & auxilio Venetorum sponte oblato; est enim quædam naturalis pietas Venetorum animis insita, ut afflictæ regum fortunæ illorum opes alliciant ad misericordiam, impellantque ad ferendum auxilium. Itaque obliti injuriarum, quas a Ludovico parente acceperant, hujus filię, & ejus sponso opitulari decreverunt. Ac primum quidem Pantaleonem Barbum in Hungariam miserunt, qui optimatum, atque illarum gentium animos Sigismundo conciliaret, eosque

apris & idoneis rationibus hortaretur, ut regnum jure dotali debitum ei traderent. Neque incassum hortatio adhibita. Sigismundus, nemine repugnante, summo omnium consensu rex declaratus, Albæ regium diadema, & cetera regni insignia sumpsit prid. Kal. April. an. 1387. Hic deinde omnibus copiis viribusque elaborandum censuit, in id universo regno omnem operam conferente, ut Mariam e custodia Novigradensi ereptam in thori maritalis societatem sibi adjungeret, atque in regnum paternum restitueret. Sed præclari hujus facti gloriam sibi unis Veneti vindicarunt, quibus Maria vitam, libertatem, & regnum referre debuit acceptum. Illi siquidem Petrum Barbadiæ cum milite cum aliquot armatis triremibus, qui advigilaret ad custodiam illius oræ maritimæ, simulque obsideret, ne ullum elabi posset navigium, quo Maria Neapolim transvecta in potestatem veniret Margaritæ, quæ illius morte Caroli viri sui necem ulcisci velle dicebatur. Porro Petrus, egressu omni navigiis & excubiis intercluso, egregiam præterea militum manum in terram exposuit; Joannem Priorem Auranzæ arctissime obledit, ac tandem metu, vique adhibita compulsi, ut Mariam liberam emitteret; quæ summo cum honore, ingenti que gratulatione accepta, in triremes Venetas conscendit, illique primum Nonam, deinde Seniam devecta est. Senia in Hungariam profecta est Kalendis Julii. Zagrabiam venienti Sigismundus obviam processit, & sponfam peramanter complexus, in ea civitate regali apparatu & magnificentia nuptiarum solemniter celebravit.

Hujus, quam exposui, contra Reginas Hungariæ matrem & filiam conjurationis conscium fuisse Petrum Archiepiscopum, & participem tradit Valerius a Ponte; quippe Carolo in primis studebat, quod plurimis ejus beneficiis cumulatus fuisset, eique, ut diximus, Archiepiscopatum Jaderensem acceptum ferebat. Ceterum de occulta Petri cum perduellibus societate nihil Mariæ, vel Sigismundo suboluit, apud quos pristinam gratiam retinuit; & anno 1388. cum aliis Præsulibus Hungariæ & Dalmatiæ nominatur Petrus Jaderensis in privilegio Sigismundi, Archiepiscopo & Ecclesiæ Strigoniensi concessio. Anno autem 1392. adhibitus est testis solemnibus sacramenti, quo Jaderenses pacem inter se, & suam erga Sigismundum & Mariam reges Hungariæ fidem confirmarunt; ut est in Ephemeride Paulina: 1392. die 19. Jan. in Consilio generali, presentibus Patribus D. Petro de Matas. Archiepiscopo Jader., D. Grisogono de Soppe Abb. monasterii S. Grisogoni de Jadera, & D. Abbate de Rogova, juravimus super brachium S. Grisogoni martyris ibi reverenter dictam pacem & unitatem inter nos cum fidelitate Ungariæ regis & reginæ. Itaque cum Petrus de sua cum perduellibus coitione Sigismundum & Mariam celatos esse confideret, securus ab hac parte, & nihil sibi metuens, in civitate permansit, ecclesiæque administrationem retinuit.

Illud præclarum in primis Petri opus fuit, & singulari commemoratione dignum, quod anno 1393. collegium Canonicorum, non illud quidem instituit, ut aliqui falso putant, sed ad normam disciplinæ jurisque canonici, atque ad exemplar aliorum Capitulorum reformavit. Veteri Capitulo, ob eas, quas in procemio attigimus causas, dissoluto, ac disperso; erat tamen ante Petrum suus Ecclesiæ metropolitana cætus Presbyterorum, qui

opera Venetorum rex Hungariæ declaratur, regalibus insignibus Albæ susceptis.

Petri Archiepiscopi cum perduellibus occulta societas Sigismundum & Mariam latuit.

Collegium Canonicorum Jaderensium reformavit.

Elisabetha & Maria captæ a perduellibus & Novigradi in custodiam traditæ.

Sigismundus Marchio Brandenburgensis sponfus Mariæ.

qui nomen Capituli gerebat; sed hi per varias urbanas ecclesias dispersi, alii alti, & suæ quique ecclesie inserviebant. Sex erant in urbe ecclesie præcipuæ, & suum cuique collegium Presbyterorum & Clericorum, unus itidem singulis Plebanus sive Parochus, qui auctoritate & potestate inter illos præstabat, curamque animarum habebat. Erant autem hæ: S. Salvatoris, S. Antonii, S. Petri veteris in foro parvo, nunc S. Marcellæ, S. Petri novi in foro maximo, S. Michaelis, S. Stephani, nunc S. Simeonis, & S. Mariæ Majoris. E collegiis harum minorum ecclesiarum, ac præsertim ex Plebanis, sive illarum Rectoribus constabat Capitulum ecclesie majoris sive cathedralis; idque perspicui potest ex tabulis donationis Templi Demetriani, quod Capitulum Jaderense & Domaldus Comes &c. grati animi causa Abbati & monachis SS. Colmæ & Damiani attribuerunt. Hæc tabulis, quas in Nicolao electo Archiepiscopo descripsimus, subscripti sunt Rectores ecclesiarum urbis; ex quibus scilicet compositum erat Capitulum Jaderense. Ab S. Anastasia, sicut ædes cathedralis, sic etiam Capitulum cognominari solebat, ut declarat epistola Innocentii III. inscripta *Capitulo S. Anastasie*. Laurentius Perlander Archiepiscopus in quodam suo decreto, quod ejus actis intexuimus, *Capitulum* nominat: Nos, inquit, cum nostro universo *Capitulo* &c. Sed in tabulis compositionis, quæ inter Nicolaum Archiepiscopum, & Commune Jaderensium de divisione decimarum facta est sub initium hujus sæculi decimi quarti, clarius apparet Capitulum metropolis Jaderensis, constans e Præpositis, & Clericis aliarum ecclesiarum civitatis; in his siquidem nominantur Niphorus Archidiaconus, Stephanus Plebanus S. Petri novi, Simeon Plebanus S. Petri veteris, qui erant, & sunt hyconomi, & speciales procuratores, & syndici Capituli antedicti sive Ecclesie antedictæ . . . . . Hi scilicet fecerunt omnes de Capitulo ipsius ecclesie, & ipsum Capitulum evocari, conveniri, congregari secundum consuetudinem ipsius ecclesie, in loco, in quo solitum est Capitulum congregari; in quo quidem Capitulo congregato more solito, ut dictum est, intervenerunt Venerab. Pater Dominus Archiepiscopus antedictus, & discreti viri Domini procuratores, & hyconomi supradicti; nec non Dominus Martinus Plebanus Sancti Michaelis, Martinus Plebanus Sancti Stephani &c. &c. & alii atque alii ibidem nominati, omnes vel Plebani, vel Presbyteri, vel Diaconi & Subdiaconi, vel Clerici tum ædis metropolitane, tum aliarum ecclesiarum, e quibus Capitulum, & collegium ipsius ecclesie, scilicet metropolitane, constatum erat. Hi vero omnes compositionem inter Archiepiscopum & Commune Jaderense initam approbaverunt, laudaverunt, ratificaverunt &c. &c. Has tabulas exhibuimus in actis Nicolai Archiepiscopi. Huic Capitulo Jaderensi ad hunc modum composito, uti nunc, sic antiquitus tres dignitate & auctoritate præsidebant, Archidiaconus, Archipresbyter, Primicerius, quorum nomina in tabulis superiorum ætatum sæpe inveniuntur. Nec sua illi deerant insignia & privilegia. Ludovicus rex Hungarie, ut supra diximus in Dominico Archiepiscopo, jus sigilli Capitulo Jaderensi concessit, quo ad tabulas privatas & publicas obsignandas uteretur.

Cum ergo hi, quos dixi, Canonici variis

ecclesiis, suis quique, addicti essent, in earumque ministeriis occupati; hinc fiebat, ut cultus divinus in æde metropolitana obsolesceret, nec pro ea, quam postulat, dignitate & frequentia peragi posset; quippe pauci erant, qui chorum frequentarent, debitas Deo laudes nocturna ac diurna psalmodia persolverent, ceteraque publicæ religionis officia exsequerentur. Itaque Petrus effecit, ut qui segregati erant, & per varia urbis templa dispersi, arctiori quodam societatis, & canonicarum legum vinculo inter se jungerentur, atque in unius Capituli iusti ac legitimi corpus coalescerent. Quinque urbana Presbyterorum collegia sustulit, sextum S. Mariæ Majoris, ubi asservabatur corpus S. Simeonis, intactum reliquit. Ne vero ecclesiis illis, quibus nobiliorem cleri partem ademerat, deessent qui divini cultus officia peragerent, duos, tresve, aut plures rerum sacrarum administrari in singulis constituit, qui quotidianum Missæ sacrificium offerrent, rei que liturgicæ operam darent. Sacerdotia iisdem ecclesiis præposita iussit imposterum simplicia esse, & ab omni animarum cura vacare. Postea sacerdotium S. Stephani, itemque S. Salvatoris cum mensa archiepiscopali, duo vero illa S. Michaelis & S. Petri novi mensæ capitulari, cum suis quodque proventibus conjunctum fuit. Ædes autem S. Petri veteris, cum domicilio Parochi, tradita fuit sacris Virginibus Nonensibus, quæ ob metum Turcarum Jaderam confugerunt, & titulum antiquum cum titulo S. Marcellæ commutavit. Hæc autem est descriptio Capituli Jaderensis, quod Petrus auxit, & reformavit. Canonicos omnino duodecim esse voluit, quorum plerisque ex primoribus illarum, quas dixi, ecclesiarum delegit; hisque, ut antea, loco & auctoritate antecedere Archidiaconum, Archipresbyterum, & Primicerium, Sex Mansionarios, sive chori sacræque liturgiæ adjuutores adjecit, duos aut tres Hebdomadarios, qui singulis diebus, ea, quæ cuique obtingeret, hebdomada formulam ritumque psallendi, ac rei divinæ faciendæ præscriberent; decem Diaconos & Subdiaconos, octo Acolythos, duos lacarii præfectos, duos itidem magistros chori, unum qui musicos modos ac numeros, alterum qui cantum Gregorianum regeret; duos demum Parochos, quos constituendi, amovendique jus esset penes Archiepiscopum. Omnibus certos annuos proventus, suos cuique, pro cuiusque gradus & officii ratione assignavit. Communem massam, cujus administrationem ad Canonicos pertinere voluit, ex qua quisque portionem sibi debitam perciperet, confectam ex vectigalibus, quæ adhuc retinebat clerus ædis metropolitane, tum ex aliis, quæ alio distracta cum fuissent, Petrus recuperavit; hæc deinde crevit, ut diximus, ex redditibus duorum Capitulorum collegialium S. Michaelis, & S. Petri novi, quæ idem Archiepiscopus abolverat. Utrum vero Petrus Penitentiarii, itemque Theologalis Canonici munus ac stipendium constituerit, an posteriores Archiepiscopi utrumque adjunxerint, mihi non est compertum. Hæc omnia Petrus, ut firma essent, rata, & legitima, non suo arbitratu, & sua voluntate, sed convocatis omnibus Rectoribus ecclesiarum, & viris primariis Cleri Jaderini, de communi omnium sententia fecit, & sancivit; itemque præclaras constitutiones edidit, quæ ad Capituli & Cleri totius disciplinam, ad decus &

Capitulum  
vagam  
quodam-  
modo ac  
dispersum  
in unum  
collegit.

Forma &  
descriptio  
novi Ca-  
pituli Ja-  
drensis.



splendorem divini cultus pertinent. Postea vero tum descriptionem Capituli clerique ecclesie metropolitanae, tum leges illas, quas constituerat, Bonifacii IX. Pont. Max. auctoritate confirmandas curavit. Quae omnia breviter in quodam Catalogo Antistitum Jadrensiu[m] his verbis: *Petrus de Matafaris nob. Jadren. hic auxit clerum ecclesie metropolitanae. Anno enim 1393. die 19. Julii convocatis universis Ordinibus Cleri Jadren., communi voto suppressit Plebanias, (una excepta S. Mariae Majoris, sive Presbyterorum) & instituit xxi. Canonicos, reliquos titulos ad numerum LI. auxit, quos ex Plebanis ad cathedralem adscripsit, iuraque totius Capituli, quae tunc in omnibus cleri ordinibus consistebant, ad tres Dignitates, & xxi. Canonicos redegit, de quo extant constitutiones in archivo Capituli Jadrensis.*

Novi Canonici in æde metropolitana officia divina concipiant.

Post approbationem pontificiam, anno sequenti, 111. Id. Aprilis die proximo ante diem Dominicum, cui a Palmis cognomen, novi Canonici, ceterique inferiorum ordinum Presbyteri, & clerici in ædem metropolitanam convenerunt ad possessionem subfellii, & gradus cuique traditi adeundam, atque ad psallendum, divinamque liturgiam ritu solemniter peragendam, ut notatum reliquit Paullus in sua Ephemeride: 1394. die 11. Aprilis, scilicet die Sabbathi in vigilia Dominicae Palmarum, inceperunt Canonici in civit. Jadra, tempore Reverendissimi in Christo Patris D. Petri de Matafaris Archiepiscopi, qui eos primo constituit, & xxi. eorum in ecclesia sua cathedrali, die praedicto solemniter pronuntiavit.

De collegio Canonico[r]um instituendo, seu potius reformando ad normam cœtus & disciplinae capitularis, extant Tabulae Jadrenses, quas infra subijciam. Anno 1393. convocatis in aulam archiepiscopalem Archidiacono, Archipresbytero, Primicerio, Presbyteris, & Diaconis ædis cathedralis, itemque Praepositis, Presbyteris, & Diaconis sex parœciarum urbis, ex quibus vagum quoddam, & per plures ecclesias dispersum, Capitulum Jadrense constabat, tres habitati sunt conventus ternis diebus, 17. 19. 26. mensis Novembris. In his Petrus Archiepiscopus de collegio Canonico[r]um constituendo affigendoque Basilicæ cathedrali, & Canonico[r]um numero definiendo, quid sui consilii ac voluntatis esset, semel, iterum, tertio exposuit; eique omnes ad unum assensu sunt. Deinde ex universo Clero Jadrensi duodecim Canonicos delegit; qui cum Archidiacono, Archipresbytero, Primicerio, ceterisque Presbyteris secundi ordinis & clericis anno sequenti 1394., ut est in Ephemeride Paullina, tertio Idus Aprilis, in æde cathedrali, postquam Petrus quos creaverat Canonicos, publice & nominatim renuntiasset, psalmodiæ, ceterisque rebus divinis operam dare cœperunt. Anno autem 1395. 1v. Kalendas Augusti, rursus convocatis in aulam archiepiscopalem iisdem, quos supra dixi, leges sancivit, quæ potissimum ad divisiones, ac distributiones reddituum & decimarum mensæ capitularis pertinent. Quæ omnia ut firma essent, atque in perpetuum valerent, his tabulis consignari iussit.

Leges quædam Capitulares.

Quoniam nihil melius quam in Dei laudibus venerabiliter vigilare, nihil pro Deo acceptius, quam orationes divinae laudis honorificis ministris psallere, ad quas fidelis quilibet licet devote assurgere debeat & fideliter teneatur, tanto magis

hoc Prælatorum incumbit visceribus, quanto majoribus ordinibus & dignitatibus per Dei gratiam fuerint sublimati, ut ipsi per se doceant atque plantent, . . . . . jubilantes, ac simul ostendant qualiter alias in domo Domini oporteat conversari, quæ quanto honorabilibus & perfectioribus ministris fuerit decorata, tanto magis Creatori nostro orationes psallentium sunt acceptæ. Ea propter Reverendus in Christo Pater & Dominus Petrus de Matapharijs Archiepiscopus Jadren. Ecclesiam vocabulo Sanctæ Anastasiæ insignitam, Canonicis & præbendis ac canonicatibus & officiis destitutam cupiens & desiderans reparare, convocato Capitulo, Archidiacono, Archipresbytero & Primicerio Jadren. Plebanis & Clericis civitatis Jadrae ad sonum campanellæ, ac convenientibus omnibus infra scriptis facientibus & representantibus totum Capitulum civitatis Jadrae, videlicet, Domino Marino de Batadeis Archid. Jadren. Domino Mauro de Fasolis Primicerio Jadren. & Domino Bartholo Archipresbytero Jadren., Presbytero Civitano quondam Georgii de Lavovich, Presbytero Georgio quondam Stanislavi Russinich, Presbytero Luca quondam Bravi de Nona, Presbytero Matthæo vocato Subaz, Presbytero Matthæo Salasich, Presbytero Laurentio Pribudien, Presbytero Nicolao Diacono, Presbytero Zontino Diacono, Presbytero Zoilo Diacono, & Luca Diacono, omnibus Presbyteris & Clericis vocem habentibus in metropolitana Ecclesia Sanctæ Anastasiæ, de dicta civitate Jadra: & Presbytero Petro quondam Marci Graci, Presbytero Matthæo quondam Bure, Presbytero Simeone Sachcich, Presbytero Georgio quondam Marini, & Presbytero Simeone Stocco Diacono, Presbytero Collano Zusservich Diacono, & Presbytero Jacobo Zarlanzich Diacono; hiis omnibus Presbyteris & Clericis in Ecclesia Sanctæ Mariæ Presbyterorum de dicta civitate Jadra: & Presbytero Matthæo de Aurana Plebano Ecclesie Sancti Stephani de dicta civitate Jadra: Presbytero Nicolao de Nona, & Presbytero Georgio de Minasto & Surissa Diacono, hiis omnibus Presbyteris & Clericis in dicta Ecclesia S. Stephani: & Presbytero Petro de Apulia, Presbytero Theodoro de Albania, & Presbytero Nicolao Ungaro, hiis omnibus Presbyteris & Clericis Ecclesie Sancti Petri novi de platea magna Jadra: & Presbytero Michaeli Plebano Ecclesie S. Michaelis de dicta civitate Jadra, Presbytero Gregorio dicto Nicodemus, Presbytero Joanne quondam Michaelis lapicidæ, & Presbytero Joanne quondam Senchi marinarii Diacono, omnibus Presbyteris & Clericis dictæ Ecclesie S. Michaelis: & Presbytero Andrea de Albania & Presbytero Rastico quondam Stanislavi, ambobus Presbyteris Ecclesie S. Salvatoris de dicta civitate Jadra: & Presbytero Petro Dragonich, Presbytero Bartholo quondam Stipani suppatoris, Presbytero Cressivano quondam Simeonis, Presbyteris dictæ Ecclesie S. Petri veteris omnibus de Capitulo Jadra ac facientibus & representantibus majorem & sanio[re]m partem & ultra quam tres partes dicti Capituli Jadren. & omnibus propter hoc congregatis in sala magna palatii archiepiscopatus praedicti: Idem Dominus Archiepiscopus infra scripta praesens proposuit atque dixit, quod cum non solum metropolitana sed etiam suffraganea & collegiata ecclesie habeant Canonicos, quibus ipsa ecclesie honorantur & decorantur, propterea ipse duodecim Canonico[r]um numerum & totidem præbendarum in dicta Jadrensi Ecclesia vole-

volebat consensu & voluntate communi Deo propitio ordinare, in dicta Ecclesia perpetuo permanens, ac constitutiones & statuta facere quibus creandi Canonici in perpetuum regeantur, ut divinus cultus possit in Dei laudibus augmentari, requirens & exposcens prædicti sui Capituli voluntatem & assensum, ut in præmissis velint & debeant unanimiter consentire, & ipsorum voluntatem exprimere: Ad quæ præmissa omnes nominati pro se & successoribus eorum in perpetuum & nomine suarum ecclesiarum, deliberato consilio & tractatu expresse, sponte, ac libere unanimiter & concorditer consenserunt nemine discrepante. Acta sunt hæc anno a Nativitate Domini 1393. Indictione secunda die Luna 17. mensis Novembris, Pont. sanctissimi in Christo Patris & D. D. Bonifacii divina providentia Papæ IX. anno v. & eodem anno Indictione ac mense die 19. dicti mensis prædictis omnibus iterum pro præmissis & secundo tractatu ad sonum campanæ convenientibus, & congregatis in sala prædicta, idem Dominus Archiepiscopus denuo præmissam propositionem & requisitionem fecit, & proposuit, cui omnes prænominati pro se & successoribus eorum ut supra libere & discrepante nemine consenserunt. Insuper eisdem annis currentibus, Indictione, Pontificatu, & mense, die 26. dicti mensis, item prædictis omnibus iterum pro præmissis ac tertio & ultimo tractatu convenientibus ad sonum campanæ, congregatis in sala prædicta ut est dictum, D. Archiepiscopus similem propositionem & requisitionem fecit & proposuit, ut est supra dictum, cui prædicti supranominati omnes unanimi ac concorditer voluntate sponte & discrepante nemine ut prædictum consenserunt.

Item currentibus annis a Nativitate Domini 1395. Indictione tertia die 19. mensis Julii, præsidente in vicariatus officio egregio Decretorum Doctore D. Francisco de Aristotile de Sulmone præfati D. Jadrensis Vicario Generali, idem D. Vicarius convocatis & requisitis omnibus supranominatis & ad sonum campanæ in sala prædicta convenientibus legit & publicavit de mandato prædicti D. Archiepiscopi voce alta & intelligibili tum præcedentes ordinationes quam sequentes constitutiones & statuta in præsentia mei notarii ac testium infracriptorum, videlicet Ser Filippo de Matapharis nobili civi Jadra, D. Angelo Bernardi & Ser Vanne Andreucii de Firmo ac Georgio quondam Ser Francisci de Saladinis de Jadra testibus & aliis ad hæc habitis & vocatis, quibus lectis ac publicatis prædicti omnes totum Capitulum facientes & representantes approbaverunt & laudaverunt & expresse ratificaverunt & acceptaverunt per se & successoribus & ecclesiarum suarum nomine in perpetuum sponte & libere eisdem nemine discrepante; quarum constitutionum, ordinationum, & statutorum talis est tenor, videlicet

Primo quidem statuit, decrevit, disposuit, & ordinavit idem Reverendissimus Pater D. Petrus Archiepiscopus de dicti Capituli consensu, consilio, beneplacito & unanimi voluntate de cetero perpetuis futuris temporibus in ecclesia majori Jadren. videlicet in ecclesia Sanctæ Anastasiæ esse duodecim Canonicos sive canonicatus cum duodecim portionibus sive præbendis annexis singulis præbendis videlicet singulis Canonicis, quarum quidem præbendarum & canoniatarum sex possint esse & esse debeant sacerdotales, tres diaconales & tres subdiaconales, non tamen detrahendo quin

omnes possint esse sacerdotales vel diaconales vel subdiaconales, dummodo qui non fuerint Sacerdotes mansionarios teneantur habere, & ut nullus ad ipsos canonicatus atque portiones eligi valeat vel assumi, nisi fuerit in ordinibus sive in ordine sacro, quem præbenda requirat, antequam assumatur vel eligatur legitime constitutus a Deo; ut si D. Archiepiscopus vel Capitulus ipse, ad quos modo & forma subscriptis electio, provisio, seu quævis dispositio dictorum canonicatus & portionum modo quolibet pertinebit, aliquem ad ordinem presbyteralem vel subdiaconalem, prout vacans præbenda exigeret, non promotum scienter assument, in & contra eum, vel eos locum habeant iura contra eligentes, vel promoventes ad talia beneficia indignos ex certa scientia, promulgata.

Item quod dictæ duodecim canonice seu ad eas in posterum promovendi, una cum venerabilibus viris Dominis Archidiacono, Archipresbytero, & Primicerio, qui in præsentia sunt, vel fuerint in futurum, habeant & habere debeant de media parte totius decimæ sive decimarum provenientium ad Jadren. Capitulum, sive ad Jadren. Ecclesiam vel ecclesias, (nam reliqua media pars dictarum pertinet ad Dominum Archiepiscopum & Archiepiscopatum Jadren. & fabricam ejus) dicti Canonici Sacerdotes duplum ejus quod haberent alii Presbyteri per alias ecclesias non Canonici, salvo quod in mortuoriis, prandiis, vel aliis honorificentis. Plebani ecclesiarum civitatis Jadra debeant esse pares cum Canonicis: circa vero decimam recipiendam tantum habeat quilibet Plebanus, quantum unus de Sacerdotibus non Canonicis.

Omnes autem redditus & proventus dictos Prælatos & Canonicos & Plebanos & ceteros Sacerdotes & alios constitutos in Jadren. civitate tantum contingentes venire debeant in communi colligendi, conservandi, & fideliter administrandi per duos fideles viros qui massarij debeant appellari, assumendos & eligendos singulis annis de numero ipsorum Domin. Prælatorum aut Canonico- rum, vel aliorum Sacerdotum, per ipsos Dominos Canonicos, & Prælatos ordinandos; demum per Dominum Archiepiscopum, prout canonicatus, confirmandos; qui massarij teneantur & debeant ante depositionem officii in fine anni semel dumtaxat de administratis, datis, atque receptis per eos, dicto D. Archiepiscopo, ac Prælati Canonici atque aliis debitam reddere rationem.

Omnes autem dictos duodecim Canonicos, Archipresbyterum quoque & Primicerium in perceptione portionum & fructuum voluit pares esse; Archidiaconus autem, quem ut majoris administrationis decorat officium, ita majoris portionis, utilitatis & comodi convenit prærogativa gaudere, duas portiones habeat, & duplicatos proventus percipiat, ita quod quancumque inter ipsos fratres Canonicos videlicet & Prælatos contigerit aliqua dividenda, fiant sexdecim portiones, quarum duas D. Archidiaconus, qui fuerit pro tempore, habeat, singulis partibus singulis Prælati & Canonici assignatis; & sit cultus divinus quo nihil melius nihil sanctius cum Dei laude & animarum salute in ipsa majori ecclesia. Idem D. Archiepiscopus de dictorum Capituli consilio & assensu decrevit, ut aliquota dictorum proventuum per dictas personas in quotidianis distributionibus habeantur, modo videlicet & ordine infra scriptis.

Primo videlicet ut in singulis quatuor celebri-

patibus anni, videlicet Natalis Domini, Resurrectionis Dominica, Ascensionis ejus gloriosae, & Pentecostes, nec non Sanctae Anastasiae, Sancti Chrysogoni, Sancti Donati, Sancti Simeonis, Sancti Zoili & dedicationis ejusdem ecclesiae inter ipsos Canonicos & Pralatos per memoratos massarios dividantur librae triginta duae parvorum in singulis festivitibus, aut in earum vigiliis, Assumptionis SS. Mariae, Sancti Joannis Baptista, nec non omnium Sanctorum; & in die Mortuorum librae viginti quatuor inter personas ipsas fideliter dispensentur; singulis autem aliis diebus dentur fratribus praedictis in totum solidi sexaginta quatuor parvorum; dividantur autem haec summa dictis diebus & vigiliis hoc modo.

Primo in qualibet vigilia dictarum quatuor celebritatum vespere & completorio cuilibet interessenti dentur solidi octo parvorum, & in matutinis die festivitatis solidi octo, in Missa solemniter celebranda solidi octo, interessenti quoque hora prima solidi duo, tertiarii solidi duo, sexta solidi duo, nona solidi duo, vespere solidi octo, & completorii solidi duo; in vigiliis autem & diebus aliarum festivitatum praedictarum sic servetur & fiat, in vespere vigilia interessenti videlicet dentur solidi sex, in prima, tertia, sexta, & nona ac completorio divinis interessenti solidi sex; aliis autem singulis diebus detur in matutinis solidus unus, in Missa conventuali seu majori solidus unus, in prima, tertiis, sexta & nona ac completorio solidus unus debeat exhiberi, ita quod si quis in festivitibus minoribus & diebus aliis ad unam ex quinque horis videlicet prima, tertia, sexta, nona & completorii defecerit, licet quatuor ex eis interfuerint, habeat quoad perceptionem solidi sex in diebus festivitatum praedictarum, & solidus unus in aliis singulis diebus perinde ac si nulli horarum praedictarum interfuisset, ita ut solutio praestatio sive distributio fienda occasione dictarum quinque horarum sit unica, nec per partes aliquatenus dividatur; ubi autem praedicta divisiones non fierent & fructus aliter partirentur, qui Missae non interfuerit, ut praedicitur, solvat solidum unum similiter in matutino & vespere ut est dictum; ita tamen ut Sacerdotibus quibus major debeat portio, sit qualibet dictarum horarum poena solidi, proportionaliter ut habet partem.

Voluit insuper idem D. Archiepiscopus de consilio dicti Capituli, ut is intelligatur interfuisse vespere, qui antequam primus psalmus compleatur, accesserit ad divina usque ad finem officii perseverans, & die quo hymnus angelicus non diceretur, antequam compleatur epistola se praesentet, & qui ante completionem primi nocturni ad matutinale officium, quique in Missa venerit antequam hymnus angelicus videlicet Gloria in excelsis Deo fuerit integraliter decantatus, quique similiter in aliis horis, cum fuerit antequam psalmus dicendus expleatur per psallentes in choro; qui vero post terminos designatos ad divinum accesserit officium, quoad percipiendum distributiones ipsas habeatur pro prorsus absente. In omnibus autem distributionibus fiendis D. Archidiacono, qui est & fuerit pro tempore, duplex portio assignetur, ut superius est praemissum. Distributiones autem nullo casu absentibus fiant, nisi prout disponitur a jure communi. Quicquid autem in fine anni superesse constiterit, inter Pralatos & Canonicos aequaliter dividatur, D. Archidiacono dumtaxat assignata duplici portione.

Voluerunt tamen, ut decus Ecclesiae Jadrensis, quae sicut Deo auctore vicinas ecclesias ex sui primaria origine, honore & gloria antecellit, sic peritorum virorum splendore praeter ceteris elucescat, suscipiat incrementum, quod D. Archiepiscopus, qui est vel fuerit per tempora, possit unum aut duos tantum dociles & elegantioris ingenij ex dictis Canonicis & Pralatis ad studia generalia destinare, ibidem per quinquennium moraturos, quorum cuilibet de proventibus dicti Capituli videlicet Canonicorum & Pralatorum ducati quindecim auri annis singulis per antedictum quinquennium transmittantur, quae studia intelligantur solummodo de scientia Juris Canonici vel de scientia sacra Theologiae, & non de aliis scientiis.

Item statuit idem D. Archiepiscopus ut si contigerit aliquem esse duplicem in dicta majori ecclesia, puta Pralatum & Canonicum, nihilominus unam portionem habeat, portione reliqua inter ceteros proportionaliter assignata. Similiter si quis plebaniam obtinens ad praesens, vel etiam in futurum, affectus jam sit, vel assequatur in posterum canonicatum vel pralaturam aliquam in dicta ecclesia majori, una sit dumtaxat, aut Plebani, aut Pralati, seu Canonici, quam maluerit, portione contentus; reliqua, si canonicalem vel pralaturalem elegerit, inter reliquos Plebanos & Sacerdotes ac Clericos ecclesiarum civitatis Jadrae divisa; si vero plebanalem maluerit, portio canonialis, vel ex pralatura proveniens, inter praedictas personas Pralatos & Canonicos videlicet dividatur.

Insuper statuit praefatus D. Archiepiscopus & voluit una cum dicto Capitulo quod de cetero penes dictos Pralatos tres Archidiaconum Archipresbyterum & Primicerium aliosque Canonicos ordinandos sit & resideat, ac esse & residere debeat totum verum & integrum & in solidum jus Capituli, & jura, quae hactenus ad Capitulum Jadrense spectaverunt vel pertinuerunt, quomodolibet de consuetudine, privilegio vel de jure de cetero spectent & pertineant ad dictos Canonicos & Pralatos pleno jure, ita quod de cetero ipsa quidem persona dumtaxat nominentur Capitulum Ecclesiae Jadrensis & pro Capitulo habeantur, & omnia jura ad Capitulum pertinentia exerceant communiter & tractent, eligendo & faciendo prout ad Capitulum spectat, faciendum cum D. Archiepiscopo praedicto unum corpus prout de jure noscitur esse clarum.

Item si fuerit aliquis in dicta ecclesia Canonicus & Pralatus, nihilominus unam vocem dumtaxat habeat in Capitulo, & omnibus tractatibus, ita quod geminatio tituli vocem non geminet vel augmentet.

Item quod vacante aliquo canonicatu in ecclesia antedicta, vel personatu seu dignitate, proventus illius dignitatis vel canoniae seu illa obventio inter singulos dividantur proportionibus antedictis.

Attendentes quod idem D. R. P. D. Archiepiscopus ut ecclesiam suam & personas ipsius ecclesiae continuis sublevet incrementis & praeter aliis honorentur.

Item praedicti Domini de Capitulo ordinaverunt & voluerunt & solemniter statuerunt, quod collatio, provisorio, & dispositio canonicatum & praelatarum spectet & pertineat ad dictum Reverendissimum in Christo Patrem & D. Petrum Archiepiscopum quoadusque vixerit, & adjuvante Domino Archiepiscopus manserit. Post autem ejus de-

decessum & exinde perpetuis temporibus electio Canonorum & Pralatorum predictorum spectet & pertineat ad prefatum Capitulum, confirmatio vero ad Dominum Archiepiscopum, qui per tempora fuerit.

Item statuerunt quod quilibet Pralatus & Canonicus de cetero assumendus in dicta ecclesia, postquam fuerit canonicatus seu pralatura possessionem pacificam assecutus, infra annum a die apprehensa possessionis in antea computandum, teneatur & debeat artem cantus firmi addiscere; alioquin si non fuerit instructus in arte cantus firmi, elapso anno, pralatura, personatu, seu canonicatu & prabenda, quem & quam obtinebit, sit eo ipso jure privatus; tamen hoc remaneat in voluntate & discretionem aliorum Pralatorum & Canonorum, vel majoris partis eorum.

Item quod emolumentum sigilli seu proveniens ex sigillo predicti Capituli inter Pralatos & Canonicos dumtaxat aequaliter dividatur & per ipsos sub clavi communiter teneatur.

Item, ut proficiendi opportunitas tribuatur, quod assumatur aliquis magister cantus idoneus per dictum Capitulum per Dominum Archiepiscopum postmodum confirmandus, cui de proventibus & communi massa totius cleri duodecim ducati auri ad plus valeant pro salario deputari.

Item statuit idem Reverendissimus Pater de dicti Capituli consilio & assensu ut ordo presens quoad receptionem fustium & proventuum & quoad divisionem em predictam dumtaxat in Natali Domini proximo venturo sortiatur effectum & suum incipiat habere vigorem. Acta sunt haec Jadera in supradicta sala palatii archiepiscopalis praesentibus Ser Philippo de Mataphariis, Ser Giorgio de Labavaciis nobilibus civibus Jadera, D. Angelo Bernardi & Ser Vanne Andreutij de Firma testibus & aliis ad haec habitis & vocatis, currentibus annis Domini nostri Jesu Christi a nativitate ejusdem millesimo trecentesimo nonagesimo quarto Indictione tertia, die decimanona mensis Julii, Pontificatu sanctissimi in Christo Patris & D. D. Bonifacii divina providentia Papae noni.

In quorum quidem omnium sic solemniter celebratorum & perennem rei memoriam & fide dignum testimonium pontificalis sigilli dicti Domini Archiepiscopi & sigilli predicti Capituli Jaderensis, praesens instrumentum impendenti voluerunt communiri.

Et ego Vannes quondam Bernardi de Firma publici imperiali auctoritate Notarius & civitatis Jaderae juratus ac Notarius & scriba supradicti Domini Archiepiscopi & predicti Capituli Jaderensis rogatus de predictis praedicta ordinamenta de mandato predictorum Dominorum Domini Archiepiscopo & dicti Capituli Jaderensis scripsi & publicavi, signumque meum consuetum apposui.

Eodem anno 1395. haud multo post, vel anno superiori aedes Canonorum prope Basilicam metropolitanam fortuito incendio conflagravit; nec postea restructae sunt; sed area, cui incumbere debant, ad hortos archiepiscopales amplificandos accessit: quod idem Paullus huius anno adscripsit: Eodem anno die martis jam hora media noctis, penultimo Septembris combusta fuit Canonica S. Anastasia.

Idem Petrus in aede S. Mariae sive S. Jacobi, primaria oppidi atque insulae Pagi, collegium insignis Presbyterorum instituit; duodecim omnino esse iussit, quos Canonorum vocabulo insignivit, iisque unum dignitate & auctoritate praefecit, quem Archipresbyterum vocavit; eique

curam animarum commendatam esse voluit.

Sed quo beneficio Pagenenses gratos erga se, & sibi magis obsequentes reddere debuisset, eodem contra se, & urbem, Ecclesiamque Jaderinam illos armavit. Id splendoris ac dignitatis collatum Ecclesiae Pagenti insulares illos adeo extulit, tantos spiritus eisdem attulit, tantamque arrogantiam, ut Episcopi & civitatis Jaderensis, quorum jurisdictioni suberant, imperium dedignati, tam magistrarum ab Jaderensibus impostum, quam Vicarium episcopalem expulerint; sibi non solum Rectores oppidi e suo Comuni constituerint, sed etiam Episcopum e collegio Canonorum eligere decreverint. Quod cum Jaderam allatum esset, Jaderini aliquot navigia armarunt; quibus equites & pedites sub duce Damiano de Nassis transvecti, Pagenenses de improvviso adoriuntur, plerisque in fugam averunt, obstantes cadunt, duos Rectores civitatis cum aliis pluribus, itemque cum illo, quem designarunt, umbratili Episcopo, & aliquot clericis, captivos Jaderam abducunt; hos vero cum suo designato Episcopo in custodiam archiepiscopalem tradiderunt. Sed ex mandato Sigismundi Jaderenses & laicos captivos & clericos carceribus archiepiscopalibus exemptos reddiderunt, simul cum sacris thesauris, quos ex ecclesiis illius oppidi ablatis apud Petrum Archiepiscopum deposuerunt. Haec fusius in Ephemeride Paullina, quae in Appendicem ad historiam Ecclesiae Jaderensis rejicimus. Nec vero propterea Pagenenses cogitationem cupiditatemque sedis episcopalis obtinendae abjecerunt, & fortassis etiamnum retinent. Quae deinceps hujus rei causa tentaverint, egerintve tum apud Sedem apostolicam, tum apud Senatum Venerum, singillatim distincteque exponemus in Appendice De Pagenensibus Episcopis electis; hic autem res Pagenenses non ultra attingere volumus, nisi quae coherent historiae Antistitum Jaderensium.

Petrus ut cultum augeret S. Simeonis Prophetae, & S. Anastasiae; tum aedi Marianae, tum basilicae Anastasiae amplissimas indulgentias impetravit a Bonifacio IX., easdem prorsus, quibus Alexander III. Venetiis Basilicam Marcianam cumulavit, ut Paullus in sua Ephemeride descripsit: 1396. Die 8. men. Octob. incipit indulgentia de poena & culpa, prout est in Ecclesia Sanctae Mariae Presbyterorum Jadera, ubi requiescit corpus B. Simeonis Justii, pro reverentia ipsius corporis, & in Ecclesia Sanctae Anastasiae, ubi jacet ejus sanctum corpus, similiter per octo dies sequentes eo modo, quo continetur in privilegio D. Papae concessa super hoc anno eodem; quam indulgentiam impetravit R. Pater & D. Petrus de Matafaris Archiepiscopus Jadera, ut ibi continetur expresse; & hac indulgentia incipit existentibus Rectoribus Jadera Dominis Mizolo de Fanfogis, Simone de Detrico, & me Paulo de Paulo. En diploma pontificium.

Bonifacius Episcopus servus servorum Dei universis Christi fidelibus praesentes litteras inspecturis salutem & apostolicam benedictionem. Licet is, de cuius munere venit, ut sibi a suis fidelibus digne & laudabiliter serviatur, de abundantia suae pietatis, quae merita supplicum excedit, & vota, bene servientibus sibi multo majora retribuatur quam valeant promereri; nihilominus tamen desiderantes Domino populum reddere acceptabilem & bonorum operum sectatorem, fideles ipsos ad complacendum sibi, quasi quibus-

Aedes S. Anastasiae & S. Simeonis amplissimis indulgentiis locupletata.

dam allestivis muneribus, indulgentiis scilicet, & remissionibus invitamus, ut ex inde reddantur divina gratia aptiores. Cupientes igitur etiam intuitu venerabilis fratris nostri Petri de Mataphariis Archiepiscopi Jaderensis, nobis super hoc humiliter supplicantis, ut Ecclesia major Jaderensis, quae ut asseritur, vocabulo Sanctae Anastasiae insignitur, & quae reparatione non modica indigere dinoscitur, congrue reparetur, ipsaque, ac Sanctae Mariae Presbyterorum Jaderensis Ecclesia, in qua corpus Sancti Simeonis Justii venerabiliter requiescit, congruis honoribus frequententur, & etiam conserventur, & ut Christi fideles eo libentius causa devotionis confluant ad easdem, & ad majoris reparationem, ipsiusque, & Sanctae Mariae ecclesiarum praedictarum conservationem manus promptiores porrigant adiutrices, quo ex hoc ibidem dono gratiae uberius conspexerit se refectos; de omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus vere poenitentibus & confessis, qui in festivitate ejusdem Sancti Simeonis a primis vespere usque ad secundas vespere ipsius festivitatis, & per octo dies ipsam festivitatem immediate sequentes, praedictas ecclesias devote visitaverint annuatim, & ad reparationem ac conservationem hujusmodi manus porrexerint adiutrices, die utriusque festivitatis, & octo diebus praedictis, in quibus ipsas ecclesias devote visitaverint, & ad reparationem ac conservationem hujusmodi manus porrexerint adiutrices, ut praefertur, illam indulgentiam, & remissionem peccatorum concedimus, quam Ecclesiam Sancti Marci de Venetiis Castellanae diocesis, in die Ascensionis Domini nostri Jesu Christi visitantes annuatim quomodolibet consequuntur. Volumus autem, quod si alias visitantibus dictas majorem, & Sanctae Mariae Ecclesias, seu ad reparationem ac conservationem hujusmodi, aut earum fabricam manus ponentibus adiutrices, seu alias inibi pias elemosynas erogantibus, aut alias, aliqua alia indulgentia in perpetuum vel ad certum tempus nondum elapsum duratura, per nos concessa fuerit, ipsa alias facta concessio nullius existat roboris vel momenti. Datum Romae apud Sanctum Petrum v. Kal. Junii, Pontificatus nostri anno septimo.

Sigismundus sibi tradi jubet confici-  
os conjura-  
tionis, &  
necis Eli-  
sabethae R-

Cum Sigismundus iter in Dalmatiam suscepisset, quatuor primarios viros Jaderam praemisit, qui ab Rectoribus civitatis postularent illos omnes, ac tres nominatim, qui vel participes, vel suspecti erant conjurationis, contra reginas Mariam & Elisabetham ante aliquot annos constaret: 1396. 12. Januarii, ut est in Ephemeride Paullina, applicuerunt Jadam mag. viri Domini Paulus Caroli, & Carolus Comites Corbaviae, & Paulus Michael Vicebanus Chroatorum, Legati serenissimi principis, & D. N. reg. Sigisf. Ung. R., qui die crastina in sapienti Consilio nostro porrectis litteris credentialibus, exposuerunt eorum ambaxiatam, videlicet quod D. D. Rectores darent ex se eidem D. R. omnes culpabiles, seu participes mortis q. D. Elisabeth suae socrus, & eos, qui alium Dominum introducere... in Dalm., & eos qui participati sunt cum Joanne Joannis de Palizna olim Priore in Urana, & cum Joanne Bano, pro quo inquirendo praecipiebant in praesentia R. Patris D. Leonardi Episcopi Signien., pro hoc a D. rege specialiter destinati, ut statim mitterent Tininum decem nobiles potiores ex se, & quod unus eorum essem ego Paullus; & insuper quod omnino mitterent eidem regi tres nobiles, scilicet s. Andream Nic.

s. Maurum Petri, & s. Dymum olim D. Joannis, omnes de Grisogonis, qui inculpati veniebant de praedictis &c. &c. Cum autem Petrus Archiepiscopus sibi ejusdem conspirationis conscius esset, vel certe de hac se graviter suspectum esse intelligeret, periculum, quod sibi metuebat, fuga praeventendum ratus, voluntarium sibi exsilium conscivit. Sigismundus jussit omnia ejus bona & quorundam aliorum fisco, sive prario regio addici; id quod significare Paullum voluisse arbitror his verbis: 1396. die Jovis 22. Febr. venerunt Jaderam Adam Castellanus Tinin. & Petricia familiaris D. Nic. de Gara Dalm. & Chroat. B. cum litteris credentialibus scriptis in Toplicia die 13. praedicti men., & cum duabus litteris regiis scriptis in Tinino die 3. jam dicti men. Feb., una quarum directa ipsi Bano, & alia Rectoribus Communis nostri, pro intromittendo bona D. Archiep. Jaderen., D. Guidonis &c. &c. Anno vero sequenti Sigismundus vetuit Petrum Archiepiscopum in tabulis publicis nominari, ut Paullus itidem tradit: Eodem anno (idest 1397.) 24. Septemb. ex mandato D. regis captum fuit in consil. generali, quod in instrumentis publicis, quae conficiuntur in Jadra, non ponatur a modo nomen Archiepiscopi; sed instrumenta valeant de cetero facta, ac si nomen fuisset impositum, quemadmodum prius imponebatur. Huic & superiori particulae Ephemeridis Paullinae hanc interpretationem adhibuit Valerius a Ponte: Cum Petrus insimulatus fuisset complicitatis cum aliis, qui pro captivitate Reginarum Elisabeth, & Mariae cooperaverant, Caroloque III. regi Neapolitano adhaeserat, quando in Hungariam perrexit, ibique post coronationem occisus fuit; ideo Sigismundus Brandeburgensis, ulturus crimen laesae majestatis in socrum, & uxorem perpetratum, cum personas perduellium, qui in Apuliam confugerant, habere non posset, ad eorum bona se convertit, quae fisco addixit, ut notat idem Paullus 1396. 22. Febr. ac deinde an. 1397. 24. Septemb. caput fuit in generali Consilio quod in instrumentis publicis non ponatur a modo nomen Archiepiscopi, ex quibus apparet Petrum jussu regis non fuisse amplius habitum pro Episcopo.

Petrus Archiepiscopus sibi metuens fuga liberati suae, ac saluti consuluit.

Porro Petrus Romam se contulit; quem Andreas Thomacellus consanguineus Bonifacii IX. Marchio Piceni, ob singularem ejus prudentiam, & cogitandi agendique solertiam, Rectorem generalem totius provinciae Picenae praefecit. Hanc ille per triennium summa cum laude administravit. Obiit Asculi anno 1400., sepultusque in eade cathedrali ante aram S. Venerandae, meruit hunc titulum sepulchralem:

Præfaturam Picenae provinciae obtinuit, & Asculi moratur;

Hic jacet in tumba Archiepiscopus ille Jaderensis Petrus de Matafariis prisco dignus in ævo, Virtutum clarus, luget quem Marchia tota, Extinctum deslet lacrymabilis Ascula turba, Namque reformator fuerat & vice Rector, Clemens, & justus, æquus servator honesti. Gloria virtutum, populi favor, & genus altum Quid profuerunt? nunc parvo clauditur antro. Sic licuit rapida tanto de corpore morti Virginis a partu anno mille cum quadringentis.

ejus sepulcrum, & inscriptio.

JOAN. IV. ARCH. JADREN. XXI. electus.

De quo neque genus, neque patriam, neque vitz institutum ex monumentis illorum temporum cognoscere licuit. Hunc post discessum seu fugam Petri Sigismundus elegit; sed pontificia ap-

Joannes Archiepiscopus electus, sed a Pontifice non approbatus.



approbatione caruit, tum quia Sedes apostolica jus eligendi Archiepiscopi Jadrensis sibi reservaverat, tum quia sedes illa metropolitana per legitimam Petri abdicationem non vacabat. Ferdinandus Ughellus inter hunc & Petrum de Matafaris Bartholomæum nescio quem interjecit; *cujus memoriam extrare ait, in cathedrali anno 1399. in basi majoris altaris, quod exornandum reliquit ex testamento eodem anno scripto.* Sed hic abest ab omnibus catalogis pontificalibus. In schedis Jadrensis ad me transmissis hoc scriptum reperio: *In ipsis memoriis videre est Bartholomæum, cuius meminit Ughellus anno 1399. fuisse Archiepiscopum, non Archiepiscopum.* In tabulis S. Chrysogoni ad an. 1398. Joannes Archielectus nominatur; de quo Valerius a Ponte: *Hunc nunquam a Sede apostolica confirmatum fuisse arbitror, cum non reperitur in libris provisionum consistorialium; & cum fuerit a Sigismundo illegitime electus, vivente adhuc Petro de Matafaris a sua ecclesia inique exturbato, nunquam a Pontifice Romano habitus fuit pro Archiepiscopo.* Archielecti nomen retinuit usque ad initium sæculi proximi; & quamvis neque a Pontifice approbatus fuisset, neque fortassis episcopali consecratione initiatus, non tamen ejus ecclesie administratione, usurpandaque jurisdictione archiepiscopali abstinuit, ut docent lites, quas habuit cum Capitulo, cujus jura & privilegia diminueret studebat, cuique plurimas molestias exhibebat. Canonici questi sunt apud Sigismundum; qui vetuit Joannem suis Canonicis molestum esse, litteris ad eum datis in hæc verba.

*Sigismundus Dei gratia Rex Ungaria, Dalmatia, Croatia &c. Fideli suo dilecto venerabili viro Domino Joanni Archielecto Jadrensi salutem, & gratiam. Pro parte fidelium nostrorum honorandorum virorum, Dominorum Capituli Jadren., nostra propositum extitit majestati, quomodo vos ipsos in iuribus, jurisdictionibus, privilegiis, immunitatibus, quibus temporibus predecessorum nostrorum uti, frui, & gaudere fuisset soliti, non conservatis, imo diversis novitatibus adinventis, eos multimode vexetis, & vexari nitemini in futurum; cum tamen ipsi vobis, tamquam ipsorum Prelato, secundum quod aliis Prelatis, Archiepiscopis videlicet dictæ Ecclesie Jadren. fecerunt, reverentiam, obedientiam tam debitam, quam devotam exhibuerint, vestrisque iussis, & mandatis obediverint, & obtemperaverint, obedireque, & obtemperare in futurum prompti essent, & parati. Quare fidelitati vestræ firmo regio sub edito precipimus, & mandamus, quatenus, si eis, quæ nobis relata sunt, veritas suffragetur, ex tunc eosdem Dominos, & Capitulum dictæ Ecclesie Jadren. in illis omnibus libertatibus, in quibus per predecessores vestros tenti fuerunt, & conservati, postergatis omnibus novitatibus in præjudicium eorum, & libertatum ipsorum, per vos, ut præmittitur, adinventis, tenere, & conservare pacifice & quiete debeatis; dummodo & ipsi in omnibus, ut præmittitur, vestris studeant mandatis, & præceptis obedire, ac plane obtemperare. Secus nullatenus facere præsumentes in præmissis, præsentibus post lectionem reddi jubemus presentanti. Datum Budæ in festo Purificationis B. M. V. Gloriosæ anno Domini 1399.*

*Per ea tempora in æde S. Mariæ Majoris sacellum augustius & ornatius, in quo arca S. Simeonis collocaretur, ædificari cœpit; atque ad Illyrici Sacri Tom. V.*

ejus fundamenta subtruenda primum lapidem episcopali precatione consecratum dimisit Paulus de Paulo Rector civitatis, ut ipse notatum reliquit in sua Ephemeride: 1397. die Luna 28. men. Madii me existente Rectore cum prædictis, de nostro mandato incæperunt portare lapides & calces pro fabricatione capellæ S. Simeonis Justi; & die Veneris 8. men. Junii proxime venturi cœpit laborari fundamentum pro ipsa capella amplianda, cujus fundamenti primum lapidem Ego Paulus cum episcopali benedictione posui. Anno 1400. Joannes vel e vita decessit, vel titulum archiepiscopalem sponte dimisit.

## LUCAS ARCH. JADREN. XXII.

A patria cognomen ei fuit *de Firmo*; *Fumanum* vocat Ughellus fortassis e familia, unde oriundus fuit, sed patria *Firmanum*. Erat ex Ordine Fratrum Eremitarum S. Augustini, omnium disciplinarum genere, ac præsertim divinarum rerum scientia clarissimus, nec minus virtutum omnium laude cumulatus. Apud suos tum aliis honorificis præfecturis, tum procuratoris generalis munere sanctus est. Hunc Bonifacius IX. Archiepiscopum Jadrensis dedit anno 1400., ix. Kal. Augusti, ut constat ex epistola ejusdem Pontificis ad Canonicos Jaderinos, itemque ex epistola Marchionis Sulmonensis Rectoris provincie Picenæ ad eosdem Canonicos. Utraque novum Episcopum illis magnopere commendat, cum insigni testificatione ejus virtutum ac meritorum. Neutram epistolam nancisci licuit.

Jaderam cum venisset, nonnullos reperit, qui cum illi pontificatum Jadrensem inviderent, ne possessionem ecclesie sibi traditæ, & bonorum ecclesiasticorum adiret, omni ope atque opera obstabant. Quare Bonifacius Cœnobiarchæ S. Chrysogoni, & Priori Auranz per litteras mandavit, ut adversarios Lucæ Archiepiscopi, incusso anathematum ac pœnarum metu compellerent, eique Jadrensis Sacerdotii & bonorum suorum possessionem dari, auctoritate apostolica interpolata juberent.

Bonifacius Episcopus servus servorum Dei. Dilectis filiis Abbati S. Grisogoni, & Priori de Varana, per priorem solita gubernari, Jadren. monast. salutem & Apostolicam benedictionem. Dandum Ecclesie Jadrensi tunc vacanti de persona Ven. Fratris nostri Lucæ Archiepiscopi Jadrensis auctoritate apostolica duximus providendum, præficiendo ipsum eidem ecclesie in Archiepiscopum, & Pastorem, prout in nostris inde confectis litteris plenius continetur. Cum autem sicut non sine mentis amaritudine percepimus, idem Lucas Archiepiscopus nonnullorum æmulorum suorum procurante malitia, pacificam possessionem administrationis bonorum dictæ ecclesie adipisci non possit, in ipsorum æmulorum animarum periculum, Apostolicæ Sedis contemptum, ac ejusdem Lucæ Archiepiscopi non modicum præjudicium, & gravamen; Nos eidem Lucæ Archiepiscopo super his, prout ex debito pastoralis officii tenemur, salubriter providere volentes, discretionis vestræ per apostolica scripta sub excommunicationis signa, quam vos, & quolibet vestrum incurrrere volumus ipso facto, mandamus; Quatenus vos, vel alter vestrum eundem Lucam Archiepiscopum ad pacificam possessionem administrationis bonorum hujusmodi, quantum in vobis fuerit admitatis, & admitti faciatis; & nihilominus

Simeoni extruere ptum.

Pontifex litteris datis ad Ab. S. Chrysogoni, & Priorem Auranz jubet Lucam in possessionem sacerdotii Jadrensis admitti.

minus dilectos filios, Communitatem civitatis Jaderensis, ac alios quoscunque, pro parte dicti Archiepiscopi vobis, vel alteri vestrum nominandos; sub excommunicationis, ac aliis formidabilibus sententiis, atque pœnis, quas ipso facto incurrerent, & a quibus a nullo praterquam a Romano Pontifice absolvi possint, auctoritate nostra monentis, & mandatis eisdem, ut eundem Lucam Archiepiscopum ad pacificam possessionem administrationis bonorum hujusmodi, summo quolibet contradictionis obstaculo admittant, & quantum in eis fuerint admitti faciant, & procurent. Nos enim vobis, quoscunque eidem Luca Archiepiscopo in præmissis rebelles ecclesiasticos, & mundanos, si a rebellionem hujusmodi infra tertium terminum, per vos ad hoc præfigendum, a rebellionem hujusmodi non destiterint, omnibus beneficiis ecclesiasticis, nec non feudis, quæ ab Ecclesia Jaderensi prædicta obtinent, auctoritatem privandi, ac ad illa & quæcumque alia beneficia ecclesiastica imposterum obtinenda inhabilitandi; contradictores quoque per censuram ecclesiasticam ac aliam pœnam, prout vobis videbitur, appellatione postposita, compescendi plenam & liberam concedimus tenore præsentium facultatem. Datum Romæ apud S. Petrum vi. Id. Jan. Pontificatus nostri anno xii. idest 1401.

Jadrenses  
ab Sigis-  
mundo ad  
Ladislavum  
regem  
Neapolita-  
num defi-  
ciunt.

Vix Lucas administrationem Ecclesiæ Jaderinæ susceperat, cum Jaderæ atque in Dalmatia multiplex imperii, & rerum publicarum conversio facta est. Ad Sigismundum ex Hungariæ & Dalmatiæ possessione pellendum, Ladislavus rex Neapolis, filius Caroli ejus, quem superioribus annis in Hungaria per insidias & prodicionem interfectum fuisse diximus, sædus ierat cum Oltoja rege Bosnensium, & Hervoja supremo Vajvoda regni Bosnæ, itemque cum plurimis dynastis ac proceribus Hungariæ, & Chrobatæ. Primi omnium Jadrenses Hervojæ sollicitationibus, & promissis illecti, anno 1401. urbem in fidem ac potestatem Ladislavi tradiderunt. Urbis traditæ præmium fuit insula Pag, quam Sigismundus Jadrensis ademerat, Ladislavus restitui, eorumque jurisdictioni subesse iussit. Anno proximo vi. Kal. Septembris Aloysio Aldemarisco præfecto classis Neapolitanæ ad urbem venienti clerus, magistratus, & populus obviam prodierunt, eumque medium inter Archiepiscopum & Abbatem S. Chrysogoni cum ad basilicam ejusdem S. Martyris deduxissent, ubi Archiepiscopus solemnibus ritu sacrificavit, vexillum Ladislavi ingenti omnium acclamatione, plausuque explicarunt. Deinde pridie Nonas Septembris coram Luca Archiepiscopo sacrum Evangeliorum codicem in manibus tenente, magistratus & primores urbis suam fidem obedientiamque Ladislavo regi interposita sacramenti religione obligarunt. Hæc Paulus in Ephemeride ad an. 1402. Nec multo post universa Dalmatia sub imperium Ladislavi concessit. Anno autem 1403. Ladislavus, classe egregie instructa, transvectus est in Dalmatiam; & mense Majo Jaderam cum apulisset, Archiepiscopus cum clero, magistratus cum populo magna gratulatione, & lætitia excepit: qua in urbe Angelus Presbyter Cardinalis tit. S. Laurentii, Episcopus Ostiensis, Legatus pontificius solemnibus cærimoniis Ladislavo diadema regium imposuit, ceterisque regalibus insignibus ornatum regem Hungariæ & Dalmatiæ appellavit, ut docet Raynaldus ad an. 1403. ex Theodorico Niemo, qui libro 2.

cap. 17. hæc scripsit: Bonifacius eodem anno, 14. Pontificatus sui, dictum D. Ladislavum coronari fecit in regem Hungariæ in civitate Jauriensium; huic postremo verbo Joannes Lucius lib. v. de Reg. Dal. & Croat. cap. ix. hanc notam appoluit: Jauriensis civitas Ungariæ ad flumen Arabonis prope Danubium in finibus Austriæ sita est, quam Ladislavus non vidit; ideo mendose scripta est pro Jadrensi: quippe Ladislavus, postquam Hervojam Dalmatiæ proregem constituit, eodem anno discessit; & intra finem mensis Octobris, vel sub initium Novembris Neapolim jam pervenerat, ut constat ex ejus epistola ad Spalalenses Dat. in Castro novo Neap. die 9. Novemb., xi. Indict. quæ cohæret cum anno 1403. In tabulis publicis Jadrensis anno 1405. regem Ladislavum cum Luca Archiepiscopo nominatum invenio: Anno 1405. regnante Ladislavo D. G. Ung. Jerusal. Sicil. Dalm. & Croatiæ inclyto rege, temporeque Reverendissimi in Christo Patris & D. D. Fratris Luca de Firmo D. G. Archiep. Jadren. &c.

Cum legatio apostolica tradita Angelo Presbytero Cardinali, qui Jaderæ Ladislavo ex mandato Bonifacii IX., cum titulo regis Hungariæ, diadema regale imposuit, non solum ceteras regni Hungarici partes, sed etiam Dalmatiam complectatur, litteras pontificias ad eum datas, hic describendas censeo.

Dilecto filio Angelo tit. S. Laurentii in Damaso Presbytero Cardinali, Apostolicæ Sedis Legato. Inter cetera desiderabilia nostri cordis animarum salutem, incrementum veræ fidei, observantiam ecclesiasticæ libertatis, quietem, & pacem cunctis Christianis adesse desiderabiliter affectantes, sedula solertia vigilamus, & adhibemus, quantum possumus, diligentiam vestra studium, ut hæc fidelibus ipsis laudabiliter possint, submotis impedimentis quibuslibet, juxta nostri desiderii plenitudinem, auctore Domino, provenire. Sed quamvis universis & singulis regionibus Deo & apostolicæ Sedi devotis favorem apostolicum, quoties necessitas ingruit, impendere debeamus, & ad eas nostræ mentis diffundamus intuitum, levando in circuitu vigilis more postoris tam corporeos quam mentales oculos, visuri quid gregi commisso nobis expediat, & quid operis impendi debeat circa ipsum, ut illius fulti præsidia cui cogitationes hominum preparantur, quique fortium altus superat, & infirmos robore potenter accingit, ministerii nostri sollicitudinem ad ea præsertim, quæ fidelibus populis necessario expedire viderimus, & noverimus profutura, salubriter & utiliter exponamus; in præsentiarum tamen Hungariæ regni nobilis necessitates præcordialiter intuemur, profundis meditationibus laboriosisque vigiliis insudando, ut eidem in hujusmodi necessitatum articulis, & maxime ut assistentia tam spiritualis quam temporalis charissimo in Christo filio nostro Ladislao regi Sicilia illustri circa recuperationem regni Hungariæ ac partium prædictarum, aliorumque jurium in illis & aliis partibus eidem regi quomodolibet competentium valeat efficacius exhiberi, opportunum adhibeatur, auxiliante Domino, consilium salubreque remedium impendatur. Unde cum hostis humani generis, pacis æmulus, & zizaniam seminator ab olim in eodem regno turbationes & scandala suscitavit, ex quibus regale solium & ipsius regni regimen sunt depressa, vastatis fidelium bonis, ecclesiarum & piorum locorum dejectis juribus, pessundata damnablem ecclesiastica liber-

Litteræ  
Bonifacii  
IX. P. ad  
Angelum  
Card. Le-  
gatum apo-  
stolicum.

libertate & subsecutis exinde animarum periculis deplorandis, personarum nefandis excidiis, & aliis fere innumeris detrimentis, nos exinde graves & amaras gessimus & portavimus in mente nostra puncturas, dum miserabilis illius regni conditio & commissorum inibi enormitas excessuum infra nostra precordia revolvuntur, & utinam desuper datum esset, ut cum honore Dei, & ecclesiae & aliorum salubri statu fidelium posset commode circa tantum negotium exhiberi nostra praesentia corporalis, ut ubi mente vigilanter intendimus, ibi praesentialiter nostrum desiderium panderemus. Sed quia id conditio nostra non patitur, & innumera negotiorum undique concurrentium varietate distrabimur, illos in partem apostolicae sollicitudinis de latere nostro nonnunquam assumimus, quibus fore percipimus caelesti dono provisum, ut altis & arduis negotiis sciant & possint consulere proinde & utili consilio.

Attendentes itaque quod personam tuam altissimus gratiarum Dominus scientiarum magnitudine, providentia munere, circumspeditionis gratia, industria claritate, multisque virtutibus insignivit, humeris tuis fortitudinis robur adiiciens, ut ad laudem sui nominis frequenter onera grandia supportares, plenissimam quoque de tuis meritis fiduciam obtinentes, licet apud Sedem apostolicam ex eminentia tui consilii valde necessarius habearis, nosque inviti quodammodo tanti viri praesentia careamus, tamen propter urgentem & inevitabilem necessitatem dicti regni, cui speramus in praedictis per tuam industriam circumspeditionem, illo tibi auxiliante, qui potest salubriter consulere, & utiliter subvenire, ad praefatum regnum, commisso tibi plenae legationis officio, in eodem regno, ac in Sclavonia, Dalmatiae, Croatia, Razia, Bosna, Valachia, & Bulgaria partibus, ut in eis evellas & destruas, dissipes & disperdas, adifices, plantes, & statuas in nomine Domini, sicut videris expedire, de fratrum nostrorum consilio, tamquam pacis angelum destinamus, inuncto tibi nihilominus, ut in regno ipso tam ibidem, quam in provinciis memoratis, inter ecclesiasticos & monachos viros & universos alios, cujuscumque conditionis, praeminentiae, ac status, agas, & tractes quae ad cultum Dei & praedictae Sedis honorem, observantiam ecclesiasticae sanctionis, integritatem ecclesiasticae libertatis, consecutionem regni & jurium praefatorum pro dicto Ladislao, robur prosperi status regni, & provinciarum praedictarum, honestatis cultum, reformationem pacis, relevationem pauperum, & animarum salutem, & tranquillitatem corporum pertinebunt.

Et ut circa legationis officium, quod in eodem regno Hungariae ac aliis provinciis ac partibus praedictis tibi duximus committendum, eo possis prosperari facilius, quo more solito legatorum, qui missi de latere transeunt adornati insigniis, personam nostram quodammodo praesentabis, de speciali gratia apostolica tibi auctoritate concedimus, ut eisdem insigniis infra praedictum Hungariae regnum dumtaxat uti libere valeas, praedictae legationis officium prosequendo, ita tamen quod praemissis insigniis in aliis commissis partibus, provinciis, & locis aliquatenus non utaris, ut id quod in hac parte tibi pro evidentibus necessitatibus & utilitatibus regni praedicti & terrarum earumdem conceditur, ad aliquam consequentiam praetextu concessionis hujusmodi in regno & terris eisdem propter hoc in posterum non trahatur: quocirca circumspeditioni tuae per apostolica

lica scripta firmiter praecipiendo mandamus, quatenus inunctum tibi onus laboris hujusmodi pro divina & nostra reverentia devote suscipiens, illud sic sollicito & viriliter & laudabiliter juxta datam tibi a Deo potentiam exequaris; quod de tuis studiosis laboribus, caelesti tibi favente clementia, sperati fructus adveniant; tuque per sollicitudinis tuae ministerium, illam, quae pias causas gerentibus pro retributione rependitur, palmam gloriae feliciter merearis. Datum Romae apud S. Petrum Kalendis Junii, Pontificatus nostri anno XIV. idest anno 1403.

Post discessum Ladislavi Lucas Archiepiscopus, & clerus, & magistratus, ac principes viri civitatis anno 1404. supplices litteras miserunt ad Innocentium VII. Pont. Max., quarum caput erat corpus S. Simeonis Justi plurimis a Deo maximisque illustrari miraculis, adeo perspicuis & evidentibus, ut Bosnenses haeretici sane multi eorum vi ac luce percussi ab avertis, nefariisque erroribus ad catholicam fidem ac veritatem convertantur; quapropter orare atque obsecrare, ut velit ac jubeat ratas esse, atque in perpetuum valere indulgentias omnes, quas Bonifacius IX. Ecclesiae S. Simeonis, itemque S. Anastasiae concessit, rogatu Petri de Matafaris Archiepiscopi Jadrensis. In eandem fere sententiam libellum supplicem obtulerunt Cardinali Ostiensi, qui Legati apostolici munere functus fuerat in Dalmatia, idemque ex mandato Bonifacii Ladislavo titulum & insignia regis Hungariae tradiderat. Initium utriusque epistolae est hujusmodi.

D. P. P. Sanctissime Pater ac Domine noster. Sanctitatis vestrae antecessor memoriae felicissimae Bonifacius P. P. Ecclesiis SS. Anastasiae & Simeonis Justi, hujus civitatis Jadrae, & maxime S. Simeonis, cujus corpus infinitis miraculis clarum sua ipsa hic Jadrae in ecclesia jacet, Bullis papalibus indulgentiam dudum attribuit, qualem habebat Ecclesia S. Marci dioecesis Castellanae Venetiarum in die Ascensionis Dominicae, prout Antistes noster & clerus sanctitatem vestram eorum litteris informabunt; & non immerito hoc fecit, nam primo multorum nostrorum religiosorum, & mundanorum relationibus fide dignis innotuit multis miraculis corpus illud Simeonis Justi claruisse; secundo haec civitas vicina haereticis montanarum Bosnensium, & aliarum gentium alienigenarum, talibus miraculis ad se traxit quamplures, atque ad fidem orthodoxam, qui relictis haereticorum perveris doctrinis, quibus Diabolo instigante irretiiti erant, conversi sunt, Christianorum fidei maximum augmentum &c. &c.

1404. Domino Cardinali Ostiensi. Reverendissime Pater & Domine. Scribimus apostolicae Sanctitati, quod felicis recordationis Bonifacius P. P. suae sanctitatis proximus antecessor, hujus civitatis Ecclesiis SS. Anastasiae & Simeonis Justi, & maxime S. Simeonis, cujus corpus infinitis claret miraculis, illam attribuit indulgentiam similem, quam habet Ecclesia S. Marci dioecesis Castellanae civitatis Venetiarum; sed postea intelleximus quod praefatus Apostolicus multas & plures abolevit indulgentias; nescimus si inter abolitas ipsas, indulgentia haec contenta sit. Quare si esset abolita, humiliter suae sanctitati supplicamus, ut sua sanctitas dignetur eam reviviscere, & eam reiterare dictis ecclesiis concedere, quod utilissimum erit nostrae fidei orthodoxae; multi enim longinquis a partibus dictas ecclesias miraculis ipsorum Sanctorum claras annuatim veniunt visitaturi,

Lucas & Jadrensi-  
epistola  
supplex ad  
Innocen-  
tium VII.

Epistola  
Jadrensi-  
ad Inno-  
centium  
Papam,

Altera ad  
Cardina-  
lem Oti-  
ensem.

in detrimentum maximum Bosnensium hæreticorum, quorum sectam . . . . . hic dum essetis, intellexistis; & erit fidei nostræ augmentum; nam dicti S. Simeonis Justii corporis hic jacentis miraculis huc accedentes convicti, relictis doctrinis hæreticæ pravitate ad nostram Christianam fidem convertuntur. Quare . . . . . nostrarum affectibus vos precamur, ut dignemini dicti Sancti ob devotionem &c. &c.

Effigiem  
B. Virgi-  
nis in S.  
Francisci  
idem Lu-  
cas intulit.

Anno 1408. Lucas effigiem Deiparæ Virginis ab Angelo salutatæ pulcherrime pictam cum Capitulo & clero, urbis magistratu, omnique nobilitate, & civitate universa prosequente, solemni supplicatione detulit in ædem Fratrum Minorum S. Francisci; & post Missæ sacrificium pontificali ritu peractum, ibidem loco maxime illustri & conspicuo collocavit: quod his verbis Paullus in Ephemeride annotavit: 1408. Die Dominico 21. Aprilis quidam devotissimus factus exitit in Jadra per Francolum Aporcocarium filium Angeli de Galgano, cum una imago Gloriosa, & imago S. Gabrielis Archangeli fuerunt portatæ in Ecclesia Fratrum Minorum cum maxima solemnitate, & comitatu, D. Archiepiscopo, omni Clero, Rectoribus, militibus, nobilibus multis, civibus ac forensibus ac popularibus, dominabus feminis, & puellis, virginibus & maritatis, cum magnis cantionibus ecclesiasticis & musicis, & cum multa effusione lachrymarum pro devotione, ubi consecratæ fuerunt per ipsum D. Archiepiscopum cum solemnitate Missarum; quo die idem Francolus magnum fecit & solemne convivium nuptiarum adinstar, ipsius B. Virginis ob reverentiam.

In carce-  
rem a Præ-  
fecto Arcis  
confectus.

Verum eodem anno Lucas Archiepiscopus insignem injuriam accepit a præfecto arcis, quam Ladislavus, ut in aliis Dalmaticæ civitatibus, sic Jadre ad incolas in fide atque officio continendos, vel invitis civibus ædificari voluerat, & suorum militum præsidio muniri. Hic igitur Archiepiscopum, sive quod in suspicionem alicujus clandestinæ cum Sigismundo societatis sibi venisset, sive aliam ob causam, satellitibus immixtis, comprehendi jussit, & arctissima custodia septum in arcem inclusit. Res omnibus perindigna visa est; atque ad declarandum communem luctum ac mœrorem, universale tota urbe iustitium indictum est; æra sacra siluerunt, templorum januæ clausæ, publica religionis officia intermissa. Quocirca præfectus veritus ne popularis ille motus ac tumultus in apertam seditionem erumperet, quatri-duo post Archiepiscopum custodia exemptum dimisit: 1408 Die Lunæ 25. Junii (ut est in Ephemeride Paullina) D. Lucas de Firmo Archiepiscopus Jadren. per homines Cyosi Castellani Jadre captus exitit: quo facto per omnes ecclesias siluerunt campanæ, & ecclesiarum aditus clausi portis nulli patuit. Et die Jovis, ejusdem mensis Junii 28., quibusdam pactis & conditionibus liberatus fuit.

Dalmatia  
sub impe-  
rium Sigis-  
mundi re-  
dijt.

Nec vero diu Jaderam ac Dalmatiam in sua potestate retinere Ladislavo licuit. Nam Hervoja dux Spalati, itemque Vicarius Ladislavi ad Sigismundum defecit, & cum eo intra finem anni 1408. sub imperium ejusdem Sigismundi rediit universa Dalmatia præter Jaderam, quam Joannes de Lusignano dux Baruti, patruus Mariæ uxoris Ladislavi, Comes & Rector urbis, metu Neapolitani præsidii castello impositi ab defectione absterruit. Porro Ladislavus tanti esse non censuit longinquas illas regiones recu-

perare, ut a rebus Italicis, quæ tum prospere illi procedebant, copias abstraheret, ac spem certam pro incerta dimitteret. Satis vero intelligebat Jaderam, quæ in fide adhuc manebat, ab illis paucis militibus præsidariis, quos ad custodiam arcis reliquerat, contra exercitum Sigismundi defendi ac retineri non posse. Itaque urbem cum toto agro, & quidquid littorum, insularum, oppidorum ad ejus fines ac ditionem pertinebat, centum millibus nummum argenteorum Venetis vendere constituit. Fuit ea res Senatui populoque longe gratissima, qui suam illam civitatem jure antiquo acquisitam & possessam, toties amissam, toties recuperatam, redimere potius, quam emere videbatur; præsertim cum ad dominatum maritimum & retinendum & exercendum opportunissima esset: ea vero recepta, apparebat fore, ut omnis ora Dalmatica ad imperium rediret; quod ita sane haud multo post contigit. Nec minus læta fuit Jadrensis, utilis, & salutaris ad suos antiquissimos Dominos reversio, a quorum imperio nunquam postea hæc civitas aut defecit, aut divulsa fuit. Quare ad omnia urbis templa supplicatio habita est, actæque Deo immortalis ac superis gratiæ, ingenti omnium lætitia & gratulatione. Atque etiamnum Jadrenses singulis annis faustissimum illum diem proximum ante Calendas Augusti, quo quatuor viri primarii e patricia nobilitate, Venetiis missi, possessionem urbis receperunt, solemni supplicatione, & gratiarum actione concelebrant.

Jadera Ve-  
netis in  
perpetuum  
tradita.

Cum Patres Constantienses Joanni XXIII. Pontificatum abrogassent, eoque Gregorius XII. ultro se abdicasset, & Ecclesia Romana vacaret; Jordanus Cardinalis Ursinus Episcopus Albanus, præses Concilii, idemque auctoritatem & locum tenens Sedis apostolicæ, Lucæ Archiepiscopo Jadrensi per litteras mandavit, ut duobus consanguineis matrimonium ineundi potestatem faceret, amoto, quod obstabat, canonico impedimento.

Facultas  
amovendi  
canonici  
impedi-  
menti Lu-  
cæ Archie-  
piscopo de-  
legata.

Venerabili in Christo Patri Dei gratia Archiepiscopo Jadrensi, vel ejus Vicario in spiritualibus, Jordanus miseratione divina Episcopus Albanensis salutem, & sinceram in Domino charitatem. Sedis apostolicæ providentia circumspècta nonnumquam rigorem juris mansuetudine temperat, & quod sacrorum Canonum instituta prohibent, de gratia benignitatis indulget, prout personarum, & temporum qualitate pensata, id in Deo salubriter expedire cognoscit. Sane ex parte nobilium Simeonis filii quondam Philippi de Rosa, & Franzæ filia Simeonis de Detrico militis, domicellorum Jadrensi, nobis oblata petitio continebat, quod ipsi ex certis, & rationabilibus causis desiderant invicem matrimonialiter copulari; sed quia quarto consanguinitatis gradu invicem sunt conjuncti, eorum in hac parte desiderium adimplere non possunt, dispensatione apostolica super hoc non obtenta. Quare supplicari fecerunt humiliter iidem exponentes, super iis per Sedem ipsam de opportuna dispensationis gratia provideri. Itaque eorum in hac parte supplicationibus inclinatis, auctoritate Sedis apostolicæ, ejus primarie curam gerimus, & de speciali mandato super hoc auctoritate apostolica vobis facto, circumspèctioni vestræ committimus, quatenus si est ita, cum ipsis Simeone & Franzæ, quod impedimento consanguinitatis hujusmodi non obstante, possint inter se matrimonium libere contrahere, & in eo, postquam contractum fuerit, lici-

Epistola  
Jordanis  
Cardinalis  
ad Lucam.

*licite remanere jure dispensationis, dummodo D. Franza propter hoc ab aliquo rapta non fuerit, prolem inde suscipiendam legitimam decernentes. Dat. Constantia 8. Id. Septembris anno Domini 1416., Apostolica Sede Pastore vacante.*

Sub mitissimo Venetorum imperio Lucas ecclesiam sibi commissam annos fere undecim placide tranquilleque administravit. Fuit vir singulari erga Deum pietate, erga homines beneficentia, & in victu cultuque quotidiano, religiosa & vere ecclesiastica frugalitate. E proventibus ecclesiae quod sibi supererat, partim erogavit in pauperes, partim in quosdam fundos frugiferos emendos impendit, quos ecclesiae suae testamento reliquit, cui etiam legavit mitram pontificalem laminis argenteis distinctam, & pretiosis gemmis atque unionibus ornatam. Extat in aede cathedrali apud altare S. Anastasiae lapis sepulchralis, cui simulacrum episcopale insculptum est, eique gryps appositus, quod est insigne gentilitium. Caret inscriptione. Hoc ajunt sepulcrum esse Lucae Archiepiscopi. Obiit anno 1420., vel superiori exeunte.

BLASIUS ARCH. JADREN. XXIII.

Ex Veneta patricia Molinorum familia, vir Blasius e plenius consilii, & cogitandi agendique solertissimae, quem Alexander V. an. 1420. Episcopum Ecclesiae Polensis praefecerat, Martinus vero itidem V. transtulit ad metropolim Jaderinam regendam, ut est in tabulis consistorialibus: IV. Nonas Martii, 1420. translatus est Blasius ad Ecclesiam Jadrensem vacantem per mortem &c. Anno sequenti Jaderam venit, & a clero populoque, magna frequentia & gratulatione exceptus est. Septem annos laudabiliter praefuit. Sacrarum aedis metropolitanae, amplum, & egregie ornatum aedificavit; itemque subcellia pulcherrime caelata tum Canonicis, tum Presbyteris secundi ordinis, chorique adjutoribus aere suo construxit. Utriusque operis auctorem declarant insignia gentis Molinae, quibus rota molendinaria insculpta est, utrobique variis locis affixa. Per ea tempora obiit Ludovicus de Matafaris patricius Jaderinus, qui ut suam erga Nicolaum propatrum, & Petrum patrui Archiepiscopos Jadrenses, itemque Demetrium Episcopum Nonensem fratrem suum eximiam pietatem, & memoris animi officium testatum relinqueret, supremis tabulis haec legavit: Item voluit & ordinavit, quod fundetur unum altare in Ecclesia S. Anastasiae de Jadra sub sepulcro si-  
ve arca Reverendissimi Patris Domini Nicolai de Matafaris Archiep. Jaden., cui quidem altari dimisit, & legavit omnes introitus suae possessionis posita sub monte Ferreo . . . . . 100, vel circa, cum conditione, quod eligatur unus Sacerdos, qui quotidie teneatur in perpetuum celebrare unam Missam super dictum altare pro anima dicti quondam Domini Nicolai, & Domini Dimitri Episcopi Nonensis ejus fratris, & pro anima ipsius testatoris. Item voluit, & ordinavit, quod aedificus cujusdam suae domus cum statione posita Jadrae in contrata Sanctorum, detur omni anno collegio cathedralis ecclesiae de Esculo, in qua jacet corpus Reverendissimi Patris Domini Petri Archiepiscopi Jaden., ut teneantur rogare Dominum Deum pro anima ipsius Domini Petri. Et si suis commissariis quandocumque videretur, quod dicta domus cum statione commode bene posset vendi, quod ipsam vendant, & de  
Pia legata Ludovici de Matafaris.

pretio ipsius ematur una possessio in civitate seu districtu Esculano; cujus fructus cum tota possessione sint, & esse debeant dicti collegii Ecclesiae Esculanae, ut orent Deum pro anima ipsius quondam Domini Petri.

Anno 1427. idem Martinus Papa Blasium Blasius ad Jaderinis adeptum Patriarcham Gradensem creavit, & Eugenius IV. Praefectum Cancellariae apostolicae constituit. E vita decessit an. 1439. Patriarchatum Gradensem translatus.

LAURENTIUS II. ARCH. JADREN. XXIV.

Gens Veneria, apud Venetos patricia, ex qua ortus est Laurentius, opibus, honoribus, rerum gestarum gloria in primis floruit, & semel atque iterum civitatis suae principatum obtinuit. Erat Laurentius Episcopus Methonensis in Peloponneso, cum eum Martinus V. ad metropoliticae Ecclesiae Jaderinae dignitatem revexit, ut docent tabulae consistoriales: 1428. xiv. Kalendas Februarii transtulit Laurentium Venerium de Venetiis Episcopum Methonensem ad Ecclesiam Jadrensem vacantem per translationem D. Blasii de Mulino ad Patriarchatum Gradensem. Tertio post susceptum pontificatum anno, provinciam totam jure ritumque metropolitico illustravit. Cum Ecclesiam Arbensem visitaret, orta est inter Episcopum, Clerum, & Ordinem monasticum controversia, quid & quantum cuique solvendum esset, si quae in rem communem impensae faciendae forent. Sententiam Laurentii rejicimus ad historiam Ecclesiae Arbenensis. Synodum convocavit, in qua praeclaras leges constituit tum ecclesiasticae disciplinae, tum christianae pietati perutiles, quas Maphaeus Valaresus Archiepiscopus summis laudibus extulit, easque suis decretis insertas ab omnibus servari iussit. Anno 1433., ut docet Valerius a Ponte, Concilio Basileensi interfuit; sed antequam Synodus in apertum schisma degeneraret, Basilea discessit; anno siquidem 1437. erat Jaderae, ubi litem quamdam de decimis, quae sibi & Capitulo erat cum monachis utriusque sexus, de utriusque partis consensu composuit.

In Christi nomine Amen. Anno ab Incarnatione ejusdem 1437. Indict. xv. die penultimo mensis Februarii. Temporibus &c. Cum inter Reverendissimum in Christo Patrem & Dominum Laurentium Venerio D. G. Archiepiscopum Jaden., & venerab. Capitulum Canonicorum suae cathedralis Ecclesiae Sanctae Anastasiae Jaden. ex una parte, & Reverendum Fratrem Petrum de Crisavari eadem divina gratia Abbatem S. Grisogoni de Jadra Ordinis S. Benedicti, nomine & vice dicti sui monasterii, & suorum monachorum, tamquam syndicum & procuratorem monasterii Sancti Nicolai monialium Ordinis S. Clarae, monasterii S. Mariae monialium S. Benedicti, monasterii S. Platonis Ordinis S. Dominici, monasterii S. Demetrii Ordinis S. Dominici monialium, monasterii S. Catharinae Ordinis S. Benedicti, monasterii & Abbatiae S. Michaelis in monte Jaden. diocesis Ordinis S. Benedicti ex alia parte, mota fuit lis, quaestio, & controversia, & differentia, causa & occasione cujusdam privilegii nuperrime emanati a sanctis. Sede apostolica in favorem praefati Domini Archiepiscopi, & Capituli, super facto quarundam decimarum, prout in ipso privilegio continetur, dato Bononiae, anno Incarnat. Domini 1436. 14. Kalendas Novembris, Pontificatus sanctis. Domini nostri Eugenii anno VI.: idcirco sequitur compositio inter utram-

Litem de decimis composuit.



que partem, promittente Archiepiscopo una cum Capitulo, idest Archidiacono, Archipresbytero, & Plebanis se non exacturos quidquam decimarum titulo ex bonis, quæ in præsentii possideant monasterium S. Grisogoni, & alia prædicta: e contra vero obligante se eodem Petro cum ceteris monachis & monialibus ad solvendas decimas singulas de consueto dictæ civitatis Jadre debitas, & debendas de possessionibus, per ipsum Dominum Abbatem, monachos suos, & monasterium, & monasteria prædicta, fratres, & moniales eorundem, & quodlibet, & quemlibet, & quamlibet ipsorum, & ipsarum, deinceps acquirendis, jure legationis, acceptionis, donationis, & quocumque alio juris titulo, & per ipsos, & per ipsas, & per ipsa tenendis, & possidendis quomodocumque, vel qualitercumque. Datum Jadre super sala magna Archiepiscopatus &c. præsentibus &c. Ego Ludovicus de Metafaris iudex examinatus me subscripsi.

Triaceno-  
bia Fran-  
ciscana con-  
dita.

Dum Laurentius huic præsidebat ecclesiæ, tribus religiosorum virorum domiciliis aucta est civitas & diocesis Jadertina; unum itemque alterum traditum est Fratribus Minoribus de observantia; tertium ipsemet Laurentius Eremitis tertii Ordinis Franciscani assignavit. Primum fundavit Simon Begnius patricius Jadrensis in oppido atque insula Ulliani; de quo Lucas Vadingus Tomo V. Annalium sub an. 1430: Apud Oclanum, seu Uglanum insulare oppidum ab urbe Jadrensi Dalmatiæ metropoli quinque mil. passuum, construxit Simon Begna civis Jadrensis Ecclesiam SS. Hieronymo, & Petro Martyri dicatam, pro usu & habitatione Min. reg. Obser. & donationem hoc anno confirmari curavit a Martino Pontifice: Pius supplicum votis 3. Non. Jul. A quodam Begnano Episcopo ibi tumultuato conventum edificatum scribit Graza; sed puto deceptum in cognomine Begnano; neque alium fuisse constructorem, quam prædictum Simonem Begnanum; & huic tamquam fundatori honorificam donatam esse sepulturam.

Extat epistola Martini V. ad cœnobiarcham S. Chrysogoni: ut ejusdem loci, & ecclesiæ recipiendæ facultatem iisdem Fratribus largiatur.

Epistola  
Martini  
V. ad Ab-  
batem S.  
Chrysogo-  
ni.

Dilecto filio Abbati monasterii S. Chrysogoni Jadren. Pius supplicum votis &c. Cum itaque &c. pro parte dilecti filii Simonis de Begna civis Jadren. petitio continebat, quod ipse &c. collatis &c. unam ecclesiam in honorem, & sub vocabulo Sanctorum Hieronymi, & Petri Martyris, in loco insula, Jadren. diocesis, a civitate Jadren. in qua quædam Ordinis Fratrum Minorum domus est, per quinque milliaria distante, fundavit, atque construxit, seu fundari, & construere fecit, ad Ordinem prædictum singularem generis devotionis affectum, dictam ecclesiam cum juribus, & pertinentiis suis, pro aliquorum dilecti Ordinis Fratrum de Observantia nuncupatorum, qui vicariatus Bosnæ dilecti Ordinis secundum illius morem subiecti sunt, usu & habitatione, deputare & applicare desideret &c. pro parte dilecti Simonis, nobis humiliter supplicatum fuit &c. Nos igitur &c. discretionis tuæ &c. mandamus, quatenus si vocatis &c. dictam ecclesiam prædictis Fratribus pro eorum usu &c. applies, ipsique Fratribus illam pro iisdem usu & habitatione recipiendi &c. licentiam largiaris. Non obstantibus tam fel. recordationis Bonifacii Papæ VIII., quam nostris &c. contrariis quibuscumque. Nos enim &c. Fratribus in dicta ecclesia pro tempore moraturis, ut omnibus & singulis privilegiis &c. concessis uti &c. valeant &c. indulgemus. Inter tamq. Parochialis &c. sacro. Da-

tum Romæ apud Sanctos Apostolos III. Nonas Julii, anno xlii., idest æræ vulgaris 1430.

Theodorus de Brandino civis Vicetinus æque opulentus ac pius, domum exiguam quidem, sed suis cellulis distinctam edificavit, & suppellectili, ceterisque rebus necessariis instruxit, eidemque ædiculam sacram adjunxit, quam titulo ac religione S. Crucis consecrari voluit. Utriusque recipiendæ facultatem Pater Nicolaus ex Ordine S. Francisci, Præses cœnobii Hieronymiani, quod situm erat in oppido & insula Ulliani, ab Eugenio impetravit. Extat Eugenii ad eum epistola in hæc verba.

Eugenius servus servorum Dei. Dilecto filio Nicolao de Tragurio Ord. Fratrum Min. salut. & apost. benedict. Sacre religionis, sub qua mundanis abiectionibus illcebris devotum ac sedulum exhibes Altissimo famulatum, promeretur honestas, ut votis tuis, illis præsertim, quæ in religionis hujusmodi, ac divini cultus augmentum cedere noscuntur, quantum cum Deo possumus, favorabiliter annuamus. Cum itaque, sicut exhibita nobis nuper pro parte tua petitio continebat, dilectus filius Theodorus de Brandino de Vincentia, laicus in civitate Jadren. moram trahens, quoddam eremitorium extra, ac prope muros Jadre consistens, quod ipse olim de bonis suis a Deo collatis cum parva ecclesia ac cellulis nonnullis edificari fecit, in domum conventualem Ord. Fr. Min. cum dicta ecclesia ampliatione, nec non campanili humili, campana, dormitorio, refectorio, claustris, hortulaniis, & aliis necessariis officinis ad instar aliarum præfati Ord. domorum, sub Sanctæ Crucis vocabulo, alias canonice construere, & erigere, seu construere & erigi facere proponat pariter & intendat; tuque illud pro usu & habitatione perpetuis quorundam præfati Ord. Fratrum sub illius regulari observantia degentium recipere desideres; Nos qui cultum & religionem hujusmodi nostris potissimum temporibus ubique locorum augeri intensis desideriis affectamus, propositum Theodori, ac desiderium tuum hujusmodi condignis in Domino laudibus commendantes, tuis in hac parte supplicationibus inclinati, tibi, qui, ut asseris, Guardianus domus S. Hieronymi de Uglano præfati Ord. Jadren. dioc. existis, seu Guardiano, qui erit pro tempore ipsius domus S. Hieronymi, in qua sub observantia prædicta vivitur, domum S. Crucis hujusmodi, postquam sic erecta, seu in tali statu, quod in ea conventualiter habitari possit, fabricata fuerit, pro perpetuis usu & habitatione prædictis, accipiendi, nec non eisdem Fratribus in illa tunc recepta perpetuo habitandi plenam & liberam auctoritate apostolica tenore præsentium licentiam largimur, jure tamen &c. &c. & nihilominus si erectionem, ac receptionem hujusmodi fieri contigerit, Guardiano & Fratribus dictæ domus S. Crucis, qui erunt pro tempore, ac eidem domui, quod ipsi omnibus & singulis privilegiis, immunitatibus, prærogativis, indultis, & gratiis aliis domibus vicariatus Bosnæ, juxta morem dilecti Ord., eorumque pro tempore Guardianis, & Fratribus per Sedem apostolicam, vel alias generaliter concessis uti valeant pariter & gaudere, auctoritate prædicta concedimus de gratia speciali. Non obstantibus &c. &c. Nulli ergo &c. &c. Datum Florentiæ anno Incarnationis MCCCCXLII. v. Non. Julii, Pontific. nostri anno xli.

Ædiculam  
S. Crucis  
recipiendi  
potestatem  
Nicolao  
Prædi-  
canti  
cœnobii  
Hieronymi  
Eugenius IV.  
concessit.

Idem Eugenius per litteras Laurentio Archiepiscopo imperavit, ut quod Bartholomæus homo pius ac dives de monasterio e suis bonis extruendo, rebusque omnibus necessariis ornan-

Tertium  
cœnobium  
primo tra-  
ditum mo-  
nachis S.  
Pauli pri-  
mi Eremitæ;

do supremis tabulis decreverat, id ab ejus testamenti curatoribus omnino exsequendum, & perficiendum curaret. Hoc autem traditum fuerat Patribus S. Pauli primi Eremitæ.

*quod Eugenius literis ad Laurentium datis absolvi rebusque necessariis ornari iussit;*  
Eugenius Episc. servus servorum Dei ven. Fratris Archiep. Jadren. sal. & apost. bened. Humilibus supplicum votis libenter annuimus; eaque favoribus prosequimur opportunis. Exhibita siquidem nobis nuper pro parte dilectorum filiorum Felicis Prioris, & Canonicorum monasterii S. Pauli primi Eremitæ loci in Scopulo Galevarum Ord. S. August. tuæ diocesis petitio continebat, quod licet olim quondam Bartholomæus Martini de Milano laicus tunc in humanis agens in quodam per eum condito testamento inter alia voluisset, & ordinasset, quod de suis bonis, quæ ipsum relinquere contigerat, per ipsius testamenti executores, sive commissarios, unum monasterium cum oratorio, domo, ecclesia, cimiterio, campana, campanili, refectorio, dormitorio, & aliis necessariis officinis pro usu, & habitatione certorum Religiosorum, qui inibi perpetuo sub regulari observantia Missas & alia divina officia, per ipsius Bartholomæi, nec non suorum progenitorum, & aliorum fidelium animarum salute perpetuo celebrarent, construi & edificare facere deberent; ac dilectus filius Andreas Reggeri civis Jadren. unus ex dicti testamenti executoribus, in eodem loco dictum monasterium construi & edificari facere incipisset, ac illud dicto Felici pro se, & aliis Religiosis tunc recipienti, & acceptanti, tui ad id accedente assensu, ac te auctoritate & decretum interponente, assignasset; ipseque Felix, & alii Religiosi in eodem monasterio aliquamdiu permansissent; tamen dictus Andreas, & dilecti filii Gregorius de Allegretis, ac Joannes de Milano, nec non dilecta in Christo filia ipsius Andree uxor, & alii ejusdem testamenti executores, apud quos sufficientia ipsius Bartholomæi bona, de quibus ipsius monasterii structura, & adificia decenter consumari, & compleri possent, remanserunt, structuras & adificia prædicta juxta voluntatem, & ordinationes præfatas, compleri facere, ac dicto monasterio de libris, & ornamentis ecclesiasticis, ac aliis eorum requisitis providere non curarunt hætenus, neque curant, in non modicum Prioris & Canonicorum prædictorum præjudicium, & gravamen. Quare Prior & Canonici prædicti nobis humiliter supplicarunt, ut super his opportune de benignitate apostolica providere dignemur. Nos itaque, qui de præmissis certam notitiam non habemus, hujusmodi supplicationibus inclinati fraternitati tuæ per apostolica scripta mandamus, quatenus vocatis dictis executoribus, nec non aliis, qui fuerint vocandi, super præmissis omnibus, ac singulis, eorumque circumstantiis universis auctoritate nostra te diligenter informes; & si per informationem hujusmodi ita esse repereris, dictos executores ad faciendum structuras, & adificia hujusmodi decenter perfici, ac consumari, nec non ad providendum dicto monasterio de libris, ornamentis, & aliis necessariis juxta voluntatem, & ordinationem prædictas, per censuram ecclesiasticam & alia opportuna juris remedia, eadem auctoritate compellas, ac alia facias, ordines, disponas, & exequaris omnia ac singula, quæ in præmissis, & circa ea, necessaria fuerint &c. &c. Contradictores &c. &c. Non obstante &c. &c. Dat. Florentiæ an. Incar. Dominica 1442., v. Kal. Junii, Pontifi. nostri anno xii.

Sed cum curatores illius testamenti vel morem obissent, vel commissum sibi procuratorium neglexerent, in eorum locum una cum

duobus patriciis Jaderinis substitutus est Laurentius Archiepiscopus, qui Patribus Paullinis, vel sponte abeuntibus, vel abire iussis, locum eidem assignatum attribuit Eremitis tertii Ordinis Franciscani, quibus de Penitentia cognomen est; cum ædicula S. Joannis Baptistæ sita prope civitatem, quam vetustate collabentem fulciri ac firmari iussit: iisdem quoque decreta fuit Ecclesia & domus S. Pauli primi Eremitæ imposita scopulo Galevarum proximo insulæ S. Michaelis, quam tum quidem Patres Paullini relinquere volebant, sed postea utramque retinuerunt, ut constat ex tabulis anni 1460. Hæc ex epistola Nicolai V. ad Maphæum Valaresum Archiepiscopum Jadrensem.

Cum ædes S. Petri novi in medio foro maximo sita, civibus & civitati incommoda esset, ejus demoliendæ facultatem a Nicolao V. impetrarunt anno 1447. Sacerdotium vero eidem annexum simul cum onere quotidiani sacrificii translatum est in ædem cathedralem, atque ad altare S. Petri affixum. Anno proximo antequam Laurentius e vita decederet, præclara quædam decreta & statuta Capituli Jadrensis approbavit quæ sunt hujusmodi.

In Christi nomine Amen. Anno ab Incar. divina 1448. Indict. undecima, die 25. mens. Aug. tempore sanctiss. in Christo Patris & D. N. D. Nicolai divini. provid. Papæ V. Anno II. sui Pontif. temporeque Reverendiss. in Christo Patris & D. D. Laurentii Venerio miserat. div. Archiep. Jadren. dignissimi. Existentibus convocatis & in simul congregatis & coadunatis venerabilibus Patrib. videlicet Dominis Prælati & Canonici Capituli Jadren. ad sonum campanæ ut moris est ac per nuntium juratum vocatis prius & solemniter requisitis in capella S. Barbaræ, quæ est sacristia ecclesiæ metropolitana S. Anastasiæ Jad., ubi ipsorum Dominorum Prælatorum & Canonicorum .... semper solent congregari ad omnia eorum acta consicienda. Ibi que dicti Domini Prælati & Canonici habentes insimul tractatum super nonnullis, quæ necessario erant emendanda, corrigenda, atque de novo statuenda; & considerantes quod Sancti Patres in sacrorum Canonum sanctionibus, ideo in Sancta Dei Ecclesia statuerunt & ordinarunt varias & diversas dignitates & Prælaturas, præficientes unumquemque juxta gradum suum, ut videlicet qui in majori dignitate est constitutus, præsit illi, qui in minori dignitate positus est, & sic de singulis, unamquamque dignitatem secundum gradum suum suis decorantes prærogativis, signisque majoris honorificentie ornantes, ut per ea quilibet se in suo dignitatis gradu esse noscatur, & inferiores ut debetum sciant superioribus impendere honorem. Cum igitur Prælati scilicet Archidiaconus, Archipresbyter, Primicerius, & Canonici Jad. ecclesiæ sint in dignitatibus & honoribus constituti, unusquisque in gradu suo ac signis majoris honorificentie & præminentie atque honoris exaltati, atque decorati, zanfardis videlicet sive almucii, quas in signum suæ dignitatis deferre solent, & nonnulli dictorum Dominorum Canonicorum ipsam zanfardam, sive almuciam non solum deferre, verum etiam habere non curant: idcirco præfati Domini Prælati & Canonici cum licentia, consensu, & voluntate prælibati Reverendissimi Domini Archiepiscopi consentientis, & ad omnia & singula infra scripta, suam auctoritatem & judiciale decretum interponentis, omnes unanimiter & concorditer fecerunt, constituerunt, & ordinarunt, ut de cetero quilibet Prælatus & Canonicus habeat & habere debeat suam zanfardam, seu almuciam, & qui eam in præfatis non habet, quod usque ad festam Resurrectionis

deinde attributum Eremitis tertii Ordinis Franciscani.

Decreta quædam Capituli Jadrensis Laurentius approbat.

Dominicæ proxime futurum, ipsam effectualiter habere procuret, sub pœna librarum decem parvorum, a contrasfaciente exigenda, & irremissibiliter ipsi venerab. Capitulo persolvenda; quam xanfardam sive almuciam quilibet Prælatus & Canonicus debeat & teneatur deferre, ut est moris, in omnibus processionibus generalibus, & solemnitatibus, ac etiam in omnibus aliis festivitibus solemnibus & diebus Dominicis, sub pœna solidorum viginti pro qualibet vice a contrasfaciente ipsi venerab. Capitulo persolvenda, ut præmissum est. Item præfati Domini Prælatis & Canonici volentes & cupientes, ut Clerus Jadrensis honeste vivat, & moderate unusquisque secundum modum suum incedere debeat, utque omnis temeraria præsumptio tollatur ab illis, qui se extollere vellent, & Prælatis ac Canonici coaquare, saltem in vestibus, si in dignitatibus æquales esse non possunt; ut igitur superiores & qui in dignitatibus constituti sunt ab inferioribus differant & noscantur; statuerunt, ordinarunt, & decreverunt dicti Domini de Capitulo, ut nullus Presbyter, Diaconus, Subdiaconus, aut cujuscunque alterius ordinis in civitate Jadrensi constitutus, qui non esset Prælatus vel Canonicus, etiam si esset in Canonicum electus & nondum sui Canonicatus præbendam assecutus, amodo in antea nullo modo audeat neque præsumat portare, seu deferre caputem suffultum syndone, quod si quis tantæ præsumptionis & temeritatis fuerit, & huic constitutioni contrasfecerit, eo ipso cadat in pœnam decem librarum parvorum, & quod perdere debeat ipsum caputem; quæ pœna toties exigenda debeat & præfato Capitulo applicari, quoties per quemquam illorum contrasfactum fuerit. Ut etiam dignus honor & debita reverentia ipsis Dominis Prælatis & Canonici ab inferioribus exhibeatur, statuerunt & ordinarunt ut Presbyteri mansionarii, cæterique clerici civitatis Jadren., debeant facere ipsis Dominis Prælatis & Canonici dignum honorem, debitamque exhibere reverentiam, tam in ecclesia, quam extra; cum sit honor honorantis; nec quisquam præsumat facere alicui ex dictis Dominis Prælatis & Canonici aliquam injuriam, vel dicere aliqua verba injuriosa, seu opprobriosa sub pœna quinque librarum parvorum, & quinque dierum carceris in pane & aqua, & si petierint gratiam, ut commutetur sibi dicta pœna carceris, quod solvat pro dicta commutatione pœna libras quinque parvorum, quæ tota pœna applicetur Capitulo. Dignum quoque est, & laudabile, ut qui ab ecclesia emolumenta percipit, debitum famulatum ipsi ecclesiæ reddere debeat: & quoniam sunt nonnulli clerici, qui licet ecclesiam frequentant & ad officium veniunt, non tamen faciunt suum debitum circa divinum officium; nam dum in medio chori ante magnum lecturinum cantatur, & cantari debent ea quæ ad officium pertinent, tam in Matutinis quam in Missis, & aliis horis, ad quæ cantanda omnes convenire debent in medio ante prædictum lecturinum; quidam negligentes, neque curantes aliqui sedent, aliqui stant in choro in cathedris suis neque cantantes, neque vocem aliquam proferentes ad modum statuarum in pariete delixarum, neque crubescunt quod Domini Prælatis & alii Canonici se ante dictum lecturinum præsentant & cantant, illi autem se movere nolunt. Ut igitur quisque faciat debitum suum, & ad id quod tenetur se exerceat, statuerunt præfati Domini de Capitulo & ordinantes decreverunt, ut deinceps

quilibet Presbyter & clericus tam septimanarius quam in quocumque alio titulo, in quacunque ecclesia Jadrensi intitulatus, exceptis dumtaxat Presbyteris & clericis Sanctæ Mariæ Presbyterorum, dum divinum officium in ecclesia cantatur, tam diurnum, quam nocturnum, & quando cantari debent quæ sunt cantanda, videlicet in Matutinis invitoria, antiphonæ, & responsoria, cum suis versiculis & alia necessaria; in Missis vero introitus cum suo versu graduali, cum suo versu Alleluja, cum suo versu Tractus, cum suis versiculis sequentiæ, postcommunio, Kyrieleison, Hymnus Angelicus, Credo, Sanctus, Agnusdei, prout quodque officium tempore suo exegerit, & similiter in vespers & aliis horis debeant exire de sua cathedra, sive staret, sive sederet, & se præsentare in medio ante lecturinum & ibi cantare cum aliis clericis quæ erunt cantanda: & si quis hoc facere contempserit, pro qualibet vice solvat &olvere debeat solidos viginti parvorum, quæ pœna toties exigenda debeat, & ipsi Capitulo applicari, quoties quisque contrasfecerit. Sunt etiam quidam qui non verentur in choro ad superiores cathedras ascendere, & aliquando supra Canonicos stare, & sedere, quod est maximum inconveniens, & aliquando etiam clerici inferioris ordinis a Presbyteris, ipsis Presbyteris se anteponunt, alter alteri nullum honorem ferendo, quod est valde absurdum: unde prælibati Domini de Capitulo voluerunt & statuerunt, ut quilibet in choro debeat manere in loco suo gradatim, secundum uniuscujusque dignitatem, & ordinem, nec unquam præsumat se præponere alteri sibi majori tam in dignitate, quam in ordine, sub pœna viginti solidorum pro qualibet vice contrasfaciente. Item cui Reverendissimus in Christo Pater & Dominus Dominus Laurentius Venerio miseratione divina Archiepiscopus Jadren. sit Dominus & caput metropolitane Ecclesiæ Sanctæ Anastasiæ, Prælatis vero & Canonici sint membra ejus; consonum rationi esse videtur, ut quod dignitas ipsius Reverendissimi Domini Archiepiscopi non requirit, quod ad omnia se exercent quæ in ipsa ecclesia sunt facienda & ordinanda, maxime circa cultum divini officii & ornatum ipsius ecclesiæ; dicti Domini Prælatis & Canonici, cum sint membra ejusdem capituli, debeant caput suum juvare; & quoniam dicti Domini Prælatis & Canonici, cum aliquid præcipiunt sacristis, qui curam habent ecclesiæ, non exaudiuntur ab eis, imo quod pejus est, exasperantur contra eos, superbeque respondent: ut autem temeraria eorum comprimatur audacia atque præsumptio, eisdemque Dominis Prælatis & Canonici debita ab ipsis sacristis reverentia & obedientia exhibeatur, prædicti Domini Prælatis Capituli Jadrensis statuerunt & ordinarunt quod sacristæ dictæ Ecclesiæ Sanctæ Anastasiæ, qui præsentem sunt, & qui pro tempore erunt, debeant & teneantur esse reverentes ipsis Dominis Prælatis & Canonici eisque esse obedientes in omnibus licitis & honestis, & maxime si quis ex dictis Dominis Prælatis & Canonici præciperet alicui eorum, ut facerent id quod esset necessarium, vel circa divinum officium, vel etiam circa mundiciam ecclesiæ & ornatum ejus; & hujusmodi statim & in contingenti teneantur eis obedire & facere ea quæ sibi præcipiunt; quod si aliquis ipsorum obedire noluerit, nec facere ea quæ sibi præcipiunt, ipso facto cadat & cadere debeat in pœnam viginti solidorum; quæ pœna toties exigenda debeat, quoties per aliquem ipsorum contrasfactum fuerit, præ-

præfatoque Capitulo applicari. Quibus omnibus & singulis superscriptis præfatus Reverendissimus in Christo Pater & Dominus noster, Dominus Laurentius Archiepiscopus Jadrensis, suam auctoritatem interposuit & judiciale decretum. Et ad majorem fidem & testimonium omnium & singulorum præmissorum suo pontificali sigillo pendenti una etiam cum pendenti sigillo prædicti venerabilis Capituli Jadrensis communiri & authenticari fecit.

Acta & gesta sunt hæc omnia in supradicta capella Sanctæ Barbaræ anno, die, mense, & Pontificatu quibus supra. De quibus omnibus & singulis superscriptis præfatus Reverendissimus Dominus Archiepiscopus & dicti Domini Prælati & Canonici mandaverunt & commiserunt mihi Notario infra scripto ut unum publicum deberem conficere instrumentum.

Et ego Presbyter Nicolaus quondam Benedicti Primicerius Jaden. publicus auctoritate Imperiali & Jadræ juratus notarius, ac præfati Reverendissimi in Christo Patris & Domini Domini Laurentii Venerio miseratione divina dignissimi Archiepiscopi Jadrensis ejusque archiepiscopalis curiæ ac etiam prælibati venerabilis Capituli Jadrensis cancellarius & scriba ..... prædictis constitutionibus, ordinationibus, decretis, aliisque omnibus & singulis dum sic ut præmittitur fierent & agerentur, præfatus interfui eaque de mandato & commissione supradicti Reverendissimi Domini Archiepiscopi ac dictorum Dominorum Capituli Jadrensis scripsi & in hanc publicam formam redegei signoque & nomine meis solitis & consuetis una cum appensione sigillorum dictorum Dominorum Archiepiscopi & Capituli signavi rogatus ..... & requisitus in fidem & testimonium omnium singulorum præmissorum.

Mors Venerii, sepulcrum, inscriptio.

Laurentius Ecclesiam Jaderthinam administravit annos amplius viginti, & cum in omnibus virtutibus excelluit, tum singularis in eo fuit benignitas erga miseros & egentes, quibus nulla umquam re, neque consilio, neque opera, neque pecunia defuit. Exstinctus est anno 1449, & ingenti totius civitatis mœrore luctuque illi parentatum fuit. Sepeliri se jussit in basilica cathedrali ante sacellum S. Anastasiæ; cujus fornicem egregiis picturis ornavit, ut Veneriæ domus insignia ibidem expressa declarant. Lapis sepulcro impositus exhibet insculptam Laurentii effigiem habitu pontificali. Huic superne imminent duo cælestes aligeri manu tenentes quoddam velum expansum, cui hoc tetrastichon inscriptum est:

Sacrarum legum Doctor Laurentius alto  
Sanguine Venerio patritius Venetus,  
Et Jaderæ Antistes præerat qui Antistitibus oris  
Dalmatiæ tribus, clauditur hoc tumulo.

POLYDORUS ARCH. JADREN. XXV.

Patritius Venetus ex antiqua & perillustri Foscare gente, quem Eugenius IV. an. 1437. Bergomatibus Episcopum dederat. Sed cum severius & asperius imperaret, quam ferret gravitas & lenitas episcopalis, demum in odium offensionemque civium incurrit. Communi invidiæ iræque ut se subduceret, nocte intempesta, & fuga clandestina ex urbe decessit, ac Venetias se contulit. Illum deinde Nicolaus V. Ecclesiæ Jaderthinæ Archiepiscopum præfecit an. 1449. xiii. Kal. Decemb. Sed Polydorus mors præripuit, quam ecclesiæ sibi traditæ regimen susciperet. In patria mortuus est ac sepultus.

MAPHÆUS ARCH. JADREN. XXVI.

Ortus Venetiis e gente patritia Valaresa, clarorum toga & lago virorum secunda. Cum generis nobilitate omnigenam eruditionem, & singularem eloquentiam conjunxit. Patrum habuit Fantinum Archiepiscopum Cretensem virum longe doctissimum, fratrem vero Jacobum Episcopum Justinopolitanum, qui multas & illustres tum a Senatu Veneto, tum a Sede apostolica impositas sibi legationes de maximis gravissimisque negotiis obivit. Erat Maphæus Canonicus Ecclesiæ Tarvisinæ, cum ei Nicolaus V. Metropolim Jaderthinam decrevit anno 1450. iv. Kalendas Augusti. Egregiis institutis, exemplis, & operibus nomen suum & Pontificatum illustravit. Synodum fecit, qua nihil utilius, nihil præclarior ad cleri disciplinam stabiliendam, ad populi mores reformandos, ad christianam religionem ac pietatem augendam, Cum ad eum delata esset controversia, quæ Joanni Scaphæ Episcopo Arbeni erat cum Archidiacono & Archipresbytero ejusdem ecclesiæ, secundum hos judicavit; verum Episcopus ab ejus sententia ad Patriarcham, & Præmatem Venetum appellavit. Anno 1453. sententiam tulit in clericum, qui ex arca S. Simeonis fragmenta quædam argentea furtim surripuit, & eundem, qua dignus erat, pœna & ignominia affecit.

Maphæi Valaresii Archiep. Synodus.

Nos Mafæus Valaresso miseratione divina Archiep. Jadrensis. Cum his diebus proxime elapsis esset perpetratum quoddam furtum in Ecclesia S. Simeonis de quibusdam argentiæ fractis ab arca ejusdem gloriosissimi S. Simeonis, & de hoc esset facta nobis querela, & denunciatio præsumptuosa contra & adversus quemdam Bartholomæum clericum Forjuliensem, vid. organistam S. Francisci de Jadræ; missisque illico officialibus Curie nostræ Archiepiscopalis dictum Bartholomæum clericum capi, & ad nostram præsentiam adduci fecerimus; eoque coram nobis constituto cum proposuissimus ei minas, & tormenta pœnarum ex eo sumenda, nisi de plano prædicti furti perpetrati scelus fateretur; tandem confessus fuit de plano, & absque ullo tormento, quod die Sabbathi proxime præteriti de sero, diabolico spiritu ductus, pergens ad ecclesiam præfatam, clamque ingressus, fecit se ferrari, & claudi in dicta ecclesia, non advertente tamen illo, qui præfatam ecclesiam ferrabat, seu claudebat. Demum accedens ad prænominatam arcam, effregit quædam argentea, vid. unam figuram unius Angeli, & quasdam laminas argenteas, & unam coronam cum quibusdam oculis positis ad imaginem Beatiss. Bernardini; quibus argentiæ abstrahis furtim recessit, & ea omnia asportavit domum suam prope Sanctum Franciscum, ad descolandum & liquefaciendum, & sic demum vendendum, prout clare nobis constitit, & per confessionem ejus, & per evidentiam ipsius rei, quia missi a nobis nuntii ad perquirendum ipsum argentum in domo præfata prope S. Franciscum, invenerunt & reportaverunt nobis, prout idem Bartholomæus confessione sua indicaverat. Verum quia officii nostri est morbidas oves aut cauterio pœnitentiæ ac disciplinæ castigare, aut a grege omnino separare & abicere, quia dictum Bartholomæum invenimus transgressorem legum divinarum, non viventem secundum mores, & honestatem clericorum ad tantum sacrilegii ac furti sic-

Sententia & pœna in clericum furem sacrilegum.

scelus attigisse, ne malefacta ipsius transeant impunita, & ne videamur dissimulando tanta facinora, peccandi licentiam ceteris præbere, sed potius ut pœna illius transeat in exemplum aliorum; Christi nomine repetito, a quo omnis iustitia principium & finem habet, per hanc nostram sententiam, dictum Bartholomæum pro perpetratis sceleribus, & pro tanto sacrilegio, in his scriptis condemnamus, & condemnatum declaramus in hunc modum, videlicet quod coronari debeat corona ex papavo demonum figuris depicta, & sic, ut præmissum est, coronatum pedes duci per civitatem incipiendo a portis nostri archiepiscopatus, & eundo per rectam viam versus plateam, circumgirare ante logiam, deinde transeundo per contratam aurificum, tandem pervenire ad ecclesiam ejusdem Beatiss. Simeonis; & quod ad dictam ecclesiam a parte anteriori debeat aptari una scala, ad quam idem Bartholomæus debeat ascendere, & ligari ad illam scalam, & stare ibidem ad medietatem dictæ scalæ sic, ut præferitur, coronatus per duas horas, videlicet usque ad horam prandii, deinde reduci ad palatium nostri archiepiscopatus, & ibi frustrari seu flagellari juxta arbitrium nostrum, & quod de suo satisfacere debeat tam damno arcæ prænominata S. Simeonis, quam officialibus, si & in quantum de suo inventum fuerit. Post hæc peracta dictum Bartholomæum bannimus & relegamus perpetuo de civitate Jadræ & diœc. ejus, quæntes, & præfidentes eidem terminum recedendi ab hac civitate duorum dierum; & si forte infra dictum terminum non recesserit, iusto infirmitatis, aut alio legitimo impedimento non obstante, eidem pœnæ supradictæ subiaceat. Verum si tanta præsumptionis, & temeritatis extiterit, ut dictum bannum, & relegationem spernens, Jadræ forte infortunio suo venerit, eandem pœnam cum carecteris annua intrusionem incurrat. Et dicta pœna toties iterari debeat, quoties ipse Bartholomæus contrafacere præsumperit. Reservantes nobis libertatem prædictas pœnas cumulandi, ac minuendi ad arbitrium nostrum, juxta merita delictorum ejusdem. Et hanc nostram dicimus esse sententiam.

Extant duæ epistolæ Nicolai V. Pontificis ad Maphæum. Prima data fuit apud S. Petrum a. n. 1453. in hæc sententiam. Cum Turcæ post Bosnam captam, immiperent toti Dalmatiæ, Jaderini a Pontifice postularunt, ut potestas libi fieret demolendi cœnobii suburbani S. Crucis, haud ita pridem ædificati, ne hostes, si forte obsidionem Jadræ molirentur, eum locum caperent ac munirent; eoque ad civitatem oppugnandam uterentur; itemque Fratres Franciscanos rigidioris disciplinæ ex eo cœnobio in urbem transferendi ad cœnobium S. Francisci, hinc expulsis Fratribus ejusdem Ordinis, quos Conventuales vocant; his enim illos civitati utiliores fore existimabant. Annuit Pontifex, & litteras dedit ad Maphæum in hæc verba:

Nicolaus Episcopus servus servorum Dei ven. Fratri Archiep. Jadræ. sal. & apostol. benedict. Inter desiderabilia cordis nostri desideria &c. Cum itaque sicut exhibita nobis nuper pro parte dilectorum filiorum Communitatis & civium civitatis Jadrænsis petitio continebat, ipsi Communitas & cives considerantes &c. vitam Fratrum domus S. Francisci Jadrænsis Ordinis Fratrum Min. &c. & nisi Fratres ab eadem domo amoveantur exinde, quamplurima scandala verisimiliter subsequuntur; quodque etiam dicti Communitas &

cives ob timorem, impugnationem, & insultationem, quæ illis per ipsorum hostes, & præsertim perfidos Turcas Christiani nominis inimicos, ex domo S. Crucis extra muros Jadræ. Fratrum dicti Ordinis regularis observantia verosimiliter fieri possent; domum S. Crucis hujusmodi demoliri facere intendant; attendentes insuper quamplures animarum fructus, quos ipsi cives ex prædicationibus & religiosa vita dictorum Fratrum de observantia consequuntur, & consequi possint, Conventuales a prædicta domo S. Francisci amoveri, & ad ipsam Fratres de observantia hujusmodi transferri summopere desiderans, Pro parte dilectorum filiorum nobilium virorum domini Venetorum, sub quorum temporali dominio prædicta civitas existit, ad dictam Communitatis & civium desiderium, nobis fuit humiliter supplicatum, ut ad obviandum scandalis, & aliis præmissis, ac pro ipsorum civium animarum salute, nec non divini cultus, & religionis augmento in præmissis opportune providere de benignitate apostolica dignaremur. Nos igitur qui dissensionibus, & scandalis quibuscumque quantum cum Deo possumus obviamus, & cultum divinum nec non religionis augmentum hujusmodi nostris præsertim temporibus vigere, & augeri intentis desideriis affectamus, de præmissis omnibus & singulis, tam per litteras dictorum nobilium virorum domini Venetorum quam alias plenissime informati, hujusmodi supplicationibus inclinati, auctoritate apostolica, & ex certa scientia tenore præsentium prædictam domum S. Francisci ad regularem observantiam dicti Ordinis, sub qua Fratres ejusdem domus S. Crucis degunt, reducimus & reformamus, & pro reductione & reformatione hujusmodi statuimus, decernimus, & in virtute sanctæ obedientiæ eis districte præcipiendo mandamus, quod ex nunc in antea perpetuis futuris temporibus regularis in prædicta domo S. Francisci servetur observantia, ac sub illa Fratres in eo, nunc, & imposterum degentes vivant, ipsaque domus S. Francisci, ac illius Fratres, & personæ Vicariis, & aliis Superioribus Ordinis, & observantiæ prædictorum, sub quibus prædicta domus S. Crucis, & ejus personæ subiectæ existunt, in perpetuum, in omnibus & per omnia subsistant, ac juxta ritus, mores, statuta, & privilegia Fratribus Ordinis & observantiæ prædictorum per Sedem apostolicam concessa regatur, & gubernetur. Et nihilominus, ut reductio, & reformatio hujusmodi suum celerius sortiantur effectum, dilectos filios Guardianum, & Fratres domus S. Crucis ad prædictam domum Sancti Francisci, ut inibi commorentur, & Altissimo deserviant, transferimus. Quodque nunc existens Guardianus S. Crucis ejusdem S. Francisci domorum Guardianus sit, & censeatur, decernimus, modernum Guardianum domus S. Francisci a guardianatu, & illos ex ejusdem domus S. Francisci Conventualibus Fratribus, qui sub dicta observantia vivere noluerint, a prædicta domo S. Francisci realiter & omnino amoventes. Præterea volumus & eadem auctoritate statuimus & decernimus quod omnia, possessiones & bona immobilia prædictæ domus S. Francisci quantumcumque, quacumque, & quotcumque, & qualicumque, & quantumcumque valoris sine, per dictos Communitatem, & cives, seu deputatos ab eis perpetuo regantur & gubernentur, seu si id eis magis expedire videbitur, per ipsas Communitatem, & cives, seu deputatos ab eis publica subhastatione prima simul, vel successive vendan-

Cœnobii suburbani S. Crucis demolienti potestas Jadrænsibus facta per Nicolaum V.

in suis ad Maphæum litteris.



tur, illorumque pretium seu pretia, in emptio-  
nem imprestorum de Venetiis, quorum seu pos-  
sessionum, & bonorum prædictorum fructus &  
emolumenta annis singulis in reparationem, &  
conservationem fabricæ ejusdem domus S. Fran-  
cisci, quæ sicut accepimus, in ruinam labitur,  
& magna reparatione noscitur indigere, expo-  
nantur penitus, & omnino convertantur. Ipsi  
insuper Communitati & civibus prædictam domum  
S. Crucis extra muros prædictos consistentem, il-  
lius tamen ecclesia alias illæsa permanente, de-  
moliendi licentiam: ac prædictæ domui S. Fran-  
cisci & Fratribus de observantia in ea pro tem-  
pore degentibus, quod omnibus & singulis pri-  
vilegiis & exemptionibus, aliis domibus & Fratri-  
bus Ordinis & observantia prædictorum, ipsique  
demoliendæ domui, per Sedem apostolicam con-  
cessis & in posterum concedendis, perpetuo uti  
& gaudere libere & licite possit & valeat, con-  
cedimus &c. &c. Datum Romæ 1453. 13. Ka-  
lendas Aprilis.

Altera Ni-  
colai ad  
Maphæum  
epistola:  
jubetur  
confirmare  
possessio-  
nem loco-  
rum tradi-  
tam P. P.  
Francisca-  
nis tertii  
Ordinis.

Alteram idem Pontifex anno sequenti episto-  
lam ad Maphæum scripsit: ut possessionem do-  
mus & ecclesiæ S. Joannis Baptistæ prope ur-  
bem, itemque S. Pauli in Scopulo Galevæ,  
a Laurentio Venerio Archiepiscopo traditam Ere-  
mitis tertii Ordinis Franciscani, ratam esse ju-  
beat, & apostolica auctoritate confirmet.

Nicolaus Episcopus servus servorum Dei ven.  
Fr. Archiep. Jaden. sal. & apost. benedict. Ut  
ea, quæ pro divini cultus, & religionis augmen-  
to, nec non animarum Christi fidelium salute,  
pie & provide facta sunt, firma, perpetua, &  
illibata persistant, libenter cum a nobis petitur,  
favorem apostolicum impertimur. Exhibita nobis  
nuper pro parte dilectorum filiorum Martini, &  
Viti pauperum Eremitarum Ord. B. Francisci de  
Poenitentia nuncupati petitio continebat, quod du-  
dum bonæ mem. Laurentius Archiep. Jaden. præ-  
decessor tuus, ac dilectiss. filii Martinus de Cris-  
sava, & Antonius de Grisogonis nobiles cives  
Jaden., testamenti quondam Bartuli de Milano  
fideicommissarii, substituti loco verorum fideicom-  
missariorum præfati Bartuli deficientium ac depu-  
tati, cupientes cultus & ordinis de poenitentia  
hujusmodi augmentum, Archiepiscopi videlicet  
accedente consensu, & voluntate dilectorum filio-  
rum Capituli, sive Ecclesiæ Jaden., ac intuitu  
dilecti filii Greg. Merganich civis Jaden. pro di-  
cto Ordine postulantis, Ecclesiæ S. Joannis Ba-  
ptistæ, prope & extra muros Jaden., tunc cer-  
to modo vacantem, & quæ minabatur ruinam,  
nec non cives & commissarii præfati de expres-  
sa voluntate præfati Archiepisc. Ecclesiæ S. Pauli  
primi Eremitæ, sitam super Scopulo Galevæ  
prope insulam S. Michaelis tuæ diocesis, cum  
omnibus, & singulis fructibus, & juribus, &  
pertinentiis universis, ad præfatas S. Joannis  
& S. Pauli Ecclesias spectantibus, Martino, &  
Vito prædictis ibidem præsentibus, & suis pro-  
priis, ac Ordinis hujusmodi nominibus acceptan-  
tibus dederunt, tradiderunt, concesserunt, ac in  
perpetuum consignarunt; præfatosque Martinum  
& Vitum, quibus supra nominibus, de prædictis  
ecclesiis, quibus nulla imminet animarum cura,  
ad illas habendum, tenendum possidendum, &  
usufructuandum investiverunt; ita tamen quod  
prædicti Eremitæ teneantur &c. &c. Cum au-  
tem, sicut eadem petitio subjungebat, Martinus  
& Vitus præfati cupiant dationem, traditionem,  
concessionem & investituram hujusmodi pro illa-  
rum subsistentia firmiori per Sedem apostolicam

confirmari, pro parte ipsorum Martini & Viti  
nobis fuit humiliter supplicatum, ut dationi,  
traditioni, concessioni, & investitura hujusmodi  
& inde secutis quibuscumque, robor apostolicæ  
confirmationis adjicere, aliasque in præmissis op-  
portune provideri, certam notitiam non habentes,  
hujusmodi supplicationibus inclinati, fraterni-  
tati tuæ per apostolica scripta mandamus, qua-  
tenus si, & postquam tibi de datione, traditio-  
ne, concessionem, investitura præmissis legitime con-  
stiterit, illos & quæcumque inde secuta auctoritate  
nostra approbes, & confirmes, suppleasque omnes  
defectus si qui forte intervenerint in iisdem. Dat.  
ap. S. Petrum, anno Incar. Dominicæ 1454. 14.  
Id. Januar. Pontific. nostri anno VII.

Huic epistolæ hanc notam subjectam invenio:  
Sequitur executio juxta mandata apostolica Ma-  
phæi Valareffi, sub data Jadræ ultimo Februarii  
1454. Verum domus & ecclesia S. Pauli pri-  
mi Eremitæ haud multis post annis restituta  
fuerint oportet Fratribus Paullinis, ut constet  
ex Tabulis Jadrensis anno 1460. confectis,  
ex quibus apparet, ejusdem domus & ecclesiæ  
possessores tunc fuisse eosdem Patres Paullinos:  
Quidam Lombardinus de Soppe prædium, seu pos-  
sessionem integram in insula Rave Jaden. diocesis  
reliquerat testamento, atque 100. ducatos auri  
pro reparatione Ecclesiæ S. Gregorii sitæ in pon-  
te vallis S. Euphemie prope Jadræ & insulam  
S. Michaelis, ac reparatione domus prope dictam  
ecclesiæ pro habitatione quatuor Eremitarum,  
cum certis Missarum celebrandarum oneribus; de-  
currente tempore observatum est proventus eos  
esse adco tenues, & exiles, ut dictorum quatuor  
Eremitarum sustentationi minime sufficerent. At  
vero Patres S. Pauli de Scopulo Galevæ, ejus-  
dem diocesis & Ordinis exposuerunt, quod si  
sibi prædicti proventus applicarentur, prædicto  
Missarum oneri satisfacerent. Super his Pius Pa-  
pa rogatus, Deodatum Abbatem S. Grisogoni ad  
eamdem cognoscenda, & deliberanda delegavit,  
Dat. Senis anno 1460. v. Id. Augusti. Executio-  
nem autem adimplevit Deodatus, & unionem se-  
cit optatam. Dat. Jadræ eodem anno die xx. men.  
Decembris. Pro statione illa Paulliniana, Ma-  
phæus alium domicilii ac templi condendi lo-  
cum iisdem Eremitis tertii Ordinis Franciscani  
concessit in angulo fere extremo ad orientem  
illius insulæ, quam ab oppido primario Salam,  
vulgo Lougam appellant: loco nomen est Za-  
glave. Hic igitur anno 1470. & domum sibi,  
& templum S. Michaelis ædificarunt, coeme-  
runtque aliquot terras frugiferas, unde sibi quæ  
ad vitam sustentandam erant necessaria suppet-  
rent; sumptus & pecuniam contribuyente nobili  
quodam & locuplete viro Bosnensi, qui post  
Bosnam sub potestatem Turcarum redactam,  
patria profugus Jaderam se receperat. Fratres  
Franciscani ex Ordine tertio his temporibus  
primum in Dalmatiam recepti, alia atque alia  
deinceps variis in locis domicilia obtinuerunt,  
& fere ubique Slavonico sermone ad psalmo-  
diam, remque divinam peragendam utuntur. In-  
ter hos Sixtus IV., ut eos communi religiosæ  
societatis atque obedientiæ vinculo inter se col-  
ligaret, unum eligi jussit, qui ministri provin-  
cialis nomine & auctoritate præditus, univer-  
sæ provinciæ Dalmaticæ illius tertii Ordinis  
præsideret.

Dilectis filiis Ministro & Fratribus tertii Or-  
dinis S. Francisci in provincia Dalmatiæ consi-  
stentibus Sixtus PP. IV. Dilecti filii, salutem &  
apost.

Domus &  
Ecclesia S.  
Pauli re-  
stituta Pa-  
tribus Pa-  
ullinis.

Domici-  
lium Fran-  
ciscanis  
terti Or-  
dinis tra-  
ditum in  
Sala an-  
sala.

Tertius  
Ordo S.  
Francisci  
auctus in  
Dalmatia,  
eique Mi-  
nister Pro-  
vincialis  
præpositus  
a Sixto  
IV.

apost. benedict. Solliciti de vestra unione & pace, curam & operam, more pii Patris, libenter impendimus; ut sublato discordiarum fomite, sub amœnitate pacis, & spiritali quiete, virtutum Domino famulæmini. Animadvertentes igitur multum ad hujusmodi unionem pacemque pertinere, ut omnes unum caput habeatis, & sub unius ministri obedientia continetis; volumus, & per præsentis litteras in virtute sanctæ obedientiæ, auctoritate apostolica vobis mandamus, ut unus minister capitulariter per vos eligi debeat, & is, in quem major pars Fratrum in Capitulo congregatorum consenserit, minister esse, & omni- bus præesse debeat; ac ipse minister sic electus solus, & non alius quisque, visitationis officium in vos exercere debeat ac possit; cuique, ac nemini alteri, visitatori parere, & subesse teneamini. Mandamus universis & singulis tam ecclesiasticis, quam secularibus personis, sub excommunicationis lætæ sententiæ pœna, ut vos in præmissis nullo modo molestant, aut patiantur ab aliis molestari; contrariis non obstantibus quibuscumque &c. Dat. Romæ apud S. Petrum sub annulo Piscator. die 18. Aprilis MCCCCLXXII. Pontif. nostri an. 2.

Provincia Dalmatica Franciscana tertii Ordinis eo crevit, ut aliis atque aliis domiciliis accedentibus, decem ipsa cœnobîa complecteretur; quæ omnia itemque provinciam Justinopolitanam Clemens VIII. cum provincia Italica ejusdem Ordinis conjunxit, suos tamen utrique ministros provinciales reliquit, qui Vicario & Visitatoribus generalibus provinciæ Italię subessent.

Extat quoque epistola Sixti IV. ad Maphæum Archiepiscopum data apud S. Petrum anno 1478. ne definitum numerum Canonicoꝝ Ecclesię Arbenſis augeri sinat; neve illis, quibus per electionem anticipatam a Sede apostolica jus datum est succedendi in locum eorum, qui decesserint, ad subſellia & conventus Canonicoꝝ aditus pateat, aut liceat quotidianas distributiones percipere. Hanc epistolam historiæ Arbenſis Ecclesię reservamus. Altera ejusdem Pontificis epistola ad eundem Archiepiscopum post biennium data extat in hæc verba.

Sixtus Papa IV. Venerabilis Frater salutem & apostol. benedict. Cum, sicut accepimus, juxta latuta & consuetudines Ecclesię tuę Jadren. procurator seu syndicus dilectorum filiorum diſtæ ecclesię, quorum capitularis mensa a mensa archiepiscopali separata exiſtit, medietatem omnium locationum, pensionum, & decimarum ad diſtam ecclesiã spectantium exigere & levare, illamque inter singulares Capituli & alias ecclesię hujusmodi ecclesiasticas personas, propria auctoritate dividere & consignare consueverit; Nos cupientes, ut præmissa & alia ecclesię statuta & consuetudines pro ipsius ecclesię conservatione & bono statu inviolabiliter observentur, simulque præfatorum Capituli in hac parte supplicationibus inclinati: tenore præsentium præmissa ac omnia quæcumque alia diſtæ ecclesię statuta & consuetudines, quorum tenores & formas hic pro sufficienter expressis haberi volumus; quatenus non sint diſſona juri communi, apostolica auctoritate confirmamus & approbamus ac robur obtinere decernimus. Et nihilominus, tam tibi, quam quibuscumque aliis cujuscvis dignitatis, status, gradus, vel conditionis existant, in virtute sanctæ obedientiæ præcipiendo mandamus, quatenus nihil contra statuta & consuetudines hujusmodi innovare, nec super illis Capitulares prædi-

ctos quoquo pacto molestare, neve vos de eis, quominus divisio & consignatio hujusmodi, sicut alias solitum exiſtit, fieri possit, intrittere præsumatis. Non obstantibus in contrarium facientibus quibuscumque. Datum Romæ apud S. Petrum sub annulo Piscatoris, die 21. Januarii MCCCCLXXX., Pontific. nostri anno nono.

Litem Maphæus sane molestam ac dispendiosam habuit cum cœnobîarcha S. Chrylogoni, qui se omni omnino jurisdictione ac potestate episcopali exemptum esse contendebat; cum diu multumque agitata fuisset in Curia Romana, demum Abbas ille omne, si quod habebat, jus ac privilegium ultro dimisit. Altera illi de jurisdictione controversia fuit cum Jacobo Bragadeno Episcopo Nonæ, qui ob gravitatem cœli Nonentis Jaderæ suam stationem affixerat, in eaque urbe clericis populisque sibi commissis omnia Episcopi officia præstabat: id quod Maphæus in aliena civitate ac diſſecti per leges ecclesiasticas ei non licere ajebat. Sed eum ab hujusmodi contentione ac lite removit privilegium Innocentii VIII., qui Jacobo tum Jaderæ commorandi, tum juris & muneris episcopalis erga clerum & populum sibi subiectum exercendi potestatem concesserat, petita quidem, licet tamen non impetrata ab Archiepiscopo licentia.

Corpus S. Simeonis, ut dictum est, in æde S. Mariæ Majoris affervabatur, in eo sacello, quod Jaderini opere cultuque magnifico extruxerant, arca argentea inclusum, quam Elisabetha regina Hungariæ conjux Ludovici regis suo ære sumptuque fieri jusserat. Creverat cum populorum, miraculorumque frequentia, & augebatur quotidie sacrosancti illius depositus & religio; atque ab indigenis pariter advenisque summa veneratione afficiebatur; creverat quoque opulentia tum ex donis votivis, legatisque piorum hominum, tum ex fundis ac prædiis testamento relictis, unde annui sumptus ad ornatum sacelli, ad cercorum & luminum copiam, ad sacram & pretiosam suppellectilem augendam suppeditabant. Terni singulis quinquenniis e cœtu nobilium procuratores eligebantur, qui una cum Parocho, sive Præfecto templi Mariani, & primoribus collegii Presbyterorum, tum arca, tum sacri thesauri custodiæ præessent, proventusque annuos, & votivam pecuniam administrarent. De hujusmodi administratione multæ inter eos, & variæ controversiæ exortæ sunt, quas hic referre non vacat. Huc pertinet quæ de clavibus arcæ Maphæo Archiepiscopo controversia fuit cum Petro Basadonna urbis Comite ac Prætor. Arca obſervata erat clavibus omnino quatuor, quarum unam Archiepiscopus, alteram Comes sive Prætor, tertiam Parochus, quartam procuratores arcæ custodiebant. Cum Maphæus Pontificatum suscepit, claves illas, contra quam consuetudo ferebat, omnes penes Parochum invenit, hujus custodiæ sive incuria illorum, ad quos pertinebant, sive incogitantia quadam relictas: omnes sibi tradi jussit, easque apud se retinere decrevit. Petro Basadonnæ Prætori unam sibi, itemque alteram procuratoribus arcæ poscenti semel atque iterum denegavit. Is auctor fuit, ut duo Venetias oratores mitterentur, qui apud Ducem & Senatum de Archiepiscopo graviter quæsti, jus antiquum æque Prætoris, ac civitatis defenderent, atque obtinerent. Vetus consuetudo servari ac retineri jussit.

Lites Maphæi.

Cultus B. Simeonis auctus.

Claves arcæ, quas Archiep. apud se retinere volebat.

jussit a Senatu tradere iis, ad quos ex veteri consuetudine pertinebant.

sa est, ut constet ex litteris regiis Francisci Foscari Ducis Venetiarum ad Prætores, & Præfectum urbis, quarum duas particulas excerptimus hic describendas.

Franciscus Foscari Dei gratia Dux Venetiarum &c. &c. Nobilibus & sapientibus viris Petro Basadonna de nostro mandato Comiti, & Benedetto de Mula Capitaneo Jadra, fidelibus dilectis salutem, & dilectionis affectum. Venerunt ad præsentiam nostram sapientes viri Antonius de Grisogonis nob. civis Jadren. orator nobilium, & M<sup>s</sup>. Simeon Barberio orator populorum Jadra, & sub vestris credentialibus litteris graviter conquesti sunt, quod Rev. D. Archiep. Jadra auctoritate propria acceperit, & in se tenet claves arcæ S. Simeonis, quas soliti erant tenere Comes noster, Plebanus dictæ Ecclesiæ, & Procuratores &c. &c. Præterea volumus, & vobis mandamus, quatenus suæ Rev. Paternitati dicere, & nostri parte declarare debeatis, quod intentionis nostræ est, & volumus, quod quatuor claves arcæ S. Simeonis, cujus corpus illi fidelissima Communitati donavimus, teneantur omnino per illos, qui ipsas soliti sunt tenere &c. &c. Datum in nostro Ducali Palatio, die 9. mensis Augusti, Ind. 111. 1454.

Prætor cum ne unam quidem clavim apud Archiep. retineri veller,

Archiepiscopus regiis mandatis paruit. Sed cum in litteris ducalibus nominentur quidem Comes, Plebanus, & Procuratores, quibus claves arcæ tradi jubentur, sua cuique, non vero Archiepiscopus; hinc Prætor occasionem sumptit spoliandi Archiepiscopi potestate ac jure cujusque clavis apud se custodiendæ. Injuriam sibi factam Archiepiscopus ad Ducem & Senatum detulit, impetravitque, ut sibi quod contra jus factum ademptum fuerat, restitueretur; idque epistola ejusdem Ducis ad Andreæ Marcellum Prætores urbis declarat.

eam dare Archiep. jubetur.

Franciscus Foscari Dei gratia Dux Venetiarum &c. &c. Nobil. & sapientibus viris Andrea Marcello Comiti Jadra de suo mandato, & successoribus fidelibus dilectis salutem & dilectionis affectum. Recipimus litteras vestras datas ultimo mens. August. prox. præteriti, nostris responsivas, quibus petieramus certiorari per quos a tribus annis ultra forebant teneri claves arcæ S. Simeonis; quibus intellectis deliberavimus, ac volumus, & mandamus, ut quemadmodum scripsimus alias consuevisse, de dicta arca sint tantum quatuor claves, una quarum teneatur per Reverendissimum Dominum Archiepiscopum, una per vos Comitem, & successores vestros, tertia per Plebanum illius parochiæ, & quarta per egregium virum Gregorium Detrico, cujus pater, quoad vixit, Procurator illius ecclesiæ fuit, & post ipsius obitum, supradictus Gregorius dictum jus procuratorium tenet. Quare &c. Datum in nostro Ducali Palatio, die 8. Septembr. Indict. vi. 1457.

Joannes Detricus ejusque hæredes perpetui Procuratores arcæ S. Simeonis ab Senatu decreti,

Joannes Detricus Gregorio parenti demortuo in custodiam ac tutelam arcæ S. Simeonis susceptus, Ducem & Senatum rogavit, ut veller ac juberet munus illud procuratoris, juxtaque clavis retinendæ non solum sibi perpetuum esse, quemadmodum Simoni avo, & Gregorio patri fuerat, sed etiam familiæ Detricæ sic annexum, ut quasi quædam hæreditas honoraria, in filios ac nepotes transfret. Quod postulabat, ob insignia in Venetam Rempublicam merita & sua, & majorum suorum, facile impetravit an. 1475. Sed cum id tum cæcis nobilium, tum civitas universa ægerime ferret; maluit eo privilegio Illyrici Sacri Tom. V.

carere, quam suis civibus invidiæ & offensioni esse; præsertim cum horum querimoniarum Venetias essent delatæ. Itaque illud abrogari passus est. Extat decretum abrogationis in hæc verba.

Andreas Vendraminus Dei gratia Dux Venetiarum &c. &c. Nobil. & sapp. viris Danieli Badico de suo mandato Comiti, & Hieronymo Ferro de suo mandato Capitaneo Jadra, & successoribus fidelibus dilectis salutem, & dilectionis affectum. Cum indolisset ad præsentiam nostri Domini ista fidelissima vestra Communitas per oratores suos de interrupta prærogativa sua, & terminatione nostra, deputandi a se duos Procuratores arcæ S. Simeonis istius, pro forma & continentia dictæ terminationis, & hoc per impetrationem spectabilis inclyti D. Joannis Detrico fidelissimi nostri, ut ipse esset tertius Procurator ipsius arcæ prætextu scilicet permissionis ipsius Communitatis, ut avus & pater suus in vita sua procuracionem dictæ arcæ exercerunt, volumus habere ad nos ipsum D. Joannem Detrico; qui intellectis rationibus, & etiam cum non ignoraret Dominium nostrum non esse defuturum jurebus ipsius Communitatis, licet merita & fides familiæ Detricæ nota & perspecta nobis foret; tandem contentus fuit, tamquam bonus civis, & obsequens suæ Communitatis, cedere & renunciare omni juri, quod haberet in dicta procuracione. Quare tenore præsentium abrogantes, & revocantes litteras & concessionem factam per nostrum Dominium eidem D. Joanni, post terminationem prædictam nostram factam die 25. Januarii 1474.; confirmamus & approbamus auctoritate Consilii nostri Rogatorum dictam terminationem nostram factam dictæ Communitati, cum silentio perpetuo ipsius D. Joannis Detrico. Has autem nostras in Cancellaria vestra ad futuram memoriam registrari facite &c. Dat. in nostro Ducali Palatio, die prima Maji, Ind. 11. 1478.

quod ab eodem Senatu abrogatur.

Nullam præterea de arca S. Simeonis, ejusque clavis controversiam sub Pontificatu Maphæ extitisse comperio. Quod autem in litteris prioribus Francisci Foscari Ducis scriptum est, corpus S. Simeonis Jadrensis a Venetis donatum fuisse, id aliqua explicatione indiget; ac multa quidem extant superiorum temporum monumenta, in quibus Jadertini hujus pretiosissimi thesauri possessionem Venetis acceptam ferunt. Venetus ille mercator, e Palæstina rediens, cum vi tempestatis impulsus Jaderam appulisset, corpus S. Simeonis arca lignea inclutum apud monachos cœnobii suburbani ad tempus deposuit; ceterum sacratissimas illas exuvias in patriam deferre decreverat; id quod morte præreptus efficere non potuit. His vero temporibus Jadrenses Venetorum imperio suberant. Illud ergo sacrosanctum corpus, cum civitati Venetæ ab ejus legitimo possessore jam desponsum ac destinatum fuisset, sibi siquæ patriæ vindicandi jus Venetis erat, & potestas. Sed cum Jadertini Ducem ac Senatum, per suos oratores, cum multis lacrymis orarent, atque obsecrarent, ne tali ac tanto bono & præsidio se suamque civitatem privari pateretur, eorum preces auditæ sunt; & caeleste illud donum divinitus illis allatum ut perpetuo possiderent, Senatusconsulto decretum fuit. Præterea cum Veneti Jaderam jure belli toties acquisitam, ac recuperatam, ab Ladislavo rege Neapolitano ingentis pecuniæ summa redemissent; Jadertinis confirmarunt possessionem sacri illius depositi, quod cum urbe in eorum potestatem.

Cur in litteris ducalibus corpus S. Simeonis a Venetis donatum fuisse Jadertinis dicatur.

testatem transferat; & suo jure si uti voluissent, Jadrensis adeptum Venetias deferre potuerant. Ita fit, ut corpus S. Simeonis vere, ac merito dici possit donum esse Venetorum Jaderinis collatum.

Maphzi  
in eadem  
cathedra-  
lem meri-  
ta.

Nunc ad Maphæum revertamur. Dum huic metropoli præsidebat, Coloniz Sedis apostolicæ nomine jussuque legationem obivit: qua perfusus Jaderam retulit sacras reliquias & corporibus Sociarum Beatæ Ursulæ decerptas, easque in sacrario ædis Anastasianæ depoluit. Perennem beneficentiæ ac pietatis suæ memoriam non modo civium animis impressam, sed etiam oculis subjectam reliquit. Palatium archiepiscopale collabascens suffulcit, amplificavit, & præclaris operibus decoravit, ut declarat inscriptio superliminari januæ maximæ intusculpta:

*Maffeus Valareffus S. Jaderinæ Ecclesiæ Pontifex  
Has aedes restaurare, & ornare curavit.*

Eadem metropolitana pretiosis aulæis, sacra-  
rium copiosa supellectili, linea, serica, & ar-  
gentea locupletavit; itemque organum pneuma-  
ticum miro artificio elaboratum de suo fieri  
jussit. Turrim ingentis molis ad sustinenda ærea  
intinnabula ædificare cœperat, jamque ad mul-  
tum altitudinis provexerat, cum morte subla-  
tus ad fastigium perducere non potuit. Huic  
operi perficiendo, pecuniæ & materiæ quod pa-  
raverat, conferri voluit ad construendas aedes  
peramœnas in villa atque insula S. Cassiani, qui-  
bus successores sui ad rusticandum uterentur.  
Lituum episcopalem, & calicem cum patella  
magni ponderis ac pretii, utrumque nira arte  
factum, & cælaris operibus ornatum basilicæ  
Anastasianæ legavit: uterque in sanctuario, ubi  
sacra liptana conduntur, etiamnum aservatur.  
Jaderæ diem obiit supremum anno 1496; tu-  
mulatus fuit in æde cathedrali prope aram Dei-  
paræ Virginis in cælum assumptæ, quam ipse-  
met e selectis marmoribus suoque ære extruxe-  
rat. Sepulchro lapis superimpositus, in quo cæ-  
lata est crux archiepiscopalis. Superne affixum  
est parieti honorarium e marmore Cenotaphium,  
cui supercubat simulacrum episcopale itidem mar-  
moreum; infra titulus inscriptus est:

Mors &  
sepulcrum.

*Maffeo Valareffo Antistiti amantiſſimo*

*Lucas & Joannes ex defuncti testamento.*

Multa quidem ingenii, eruditionis, & eloquen-  
tiæ lux monumenta posteritati reliquit, sed quæ  
publica luce caruerunt; ajunt Romæ in Biblio-  
theca celeberrima Francisci Cardinalis Barbarini  
extare volumen ejus orationum, & epistola-  
rum; ex his unam, qua gratulatus est Maphæo  
Contareno dignitatem patriarchalem eidem col-  
latam, hic describendam censui.

Epistola  
gratulato-  
ria ad Ma-  
phæum  
Contare-  
num Pa-  
triarcham  
Venetum.

Reverendissimo Patri Maphæo Contareno Pa-  
triarchæ Veneto electo Maphæus Archiep. Jadren.  
Superioribus diebus ut relatum mihi est, cum  
post obitum & animam calo redditam beatissimi  
viri Laurentii Justiniani patritii Veneti, de no-  
vo Pastore eligendo Senatus & ordo Patrum con-  
scriptorum ad consultandum conveniret, multique  
in medium essent adducti, & quidem probatissi-  
mi viri, eligendi; consideratis tamen, ac dili-  
gentissime discussis vestris magnificis virtutibus,  
rerumque omnium summa prudentia, & vitæ  
maxima integritate, ac sanctimonia, in solam Re-  
verendissimam Paternitatem vestram vox omnium,  
& consensus totius Senatus conversus, unanimi-  
ter basit; sic in Pastorem & gubernatorem ani-  
marum tam excellentissimæ civitatis, ita lauda-

biliter, & gloriose eadem Reverenda Paternitas  
vestra electa illico, & jam per Maximum Pon-  
tificem rite, & feliciter confirmata est. Quis  
hic dubitat Christi voluntatem operatam, ut lu-  
cerna jamdiu accensa non sit deinceps in occul-  
to, sed palam & super candelabrum, ut qui in-  
grediuntur domum Dei, & egrediuntur, lumen  
virtutum vestrarum videant, & exemplar vitæ  
perfectioris accipiant. Sed quamvis eidem Re-  
verendæ Paternitati vestræ istud onus laboriosissi-  
mum, & periculosissimum admodum, si perfun-  
ctorie agatur, visum fuerit; tamen P. V. Dei  
voluntatem in se recognoscens, cervicem suam  
jugo Domini humiliter inclinavit ac subivit;  
quod & ego pro parvitate ingenii mei, ac ju-  
dicii inopia laudo, atque magnopere approbo;  
id asseverans, quod dicunt sapientes, majoris  
perfectioris esse pro omnibus gentibus, si fieri  
possit, salvandis, maximos labores, molestiasque  
suscipere, quam in solitudine Deum orare, quia  
juxta Platonis sententiam: Non nobis solum na-  
ti sumus, sed partim patriæ, partim amicis, &  
proximis, quibus nolle prodesse immanissimum  
est. Virtutis enim locus omnis in actione consi-  
stet. Hac licet Reverenda Paternitas vestra me-  
lius intelligat, tamen dicta velim ad meam con-  
solationem; quæ quidem consolatio ex hac digni-  
tate vestra vobis cælitus, ac humanitus collata,  
mibi exorta, & mirum in modum aucta, pro-  
bavit causam has litteras scribendi, quibus gau-  
dium, & lætitiæ meam vobis filiorum more  
significarem, tam virtuti, & honori vestro con-  
gratulus quam patriæ meæ, quæ talem ac tan-  
tum auspiciem sortita est; qualis ætate nostra ha-  
beri possit nemo. Valeat Reverendissima Paterni-  
tas vestra, cujus orationibus meam imbecillita-  
tem commendo. Ex Jadera, die 5. April. 1456.

JOANNES V. ARCH. JADREN. XXVII.

Ex familia Veneta Robobella, quæ erat in-  
ter cives secundi ordinis clara in primis & co-  
piosa. Ab Alexandro VI. Rector Viterbio præ-  
positus, & curator generalis provinciæ Patri-  
monii S. Petri, utrumque munus difficillimis  
temporibus sapientissime gessit. Idem Alexander  
anno 1496. Joanni contulit Archiepiscopatum  
Jadrensem, quem annos septem summa cum  
laude tenuit. Ejus nomen inscriptum reperio  
sub simulacro argenteo S. Martini, quod ve-  
tustate deformatum, semelum, insulcatum pii  
quidam viri reformandum, restaurandum, ex-  
poliendum curarunt. Extat in sanctuario sacra-  
rum reliquiarum, hac apposita inscriptione:  
*Paulus, Martinus, & Mladinus Croatia Trasi-  
des S. C. P. hoc fieri jusserunt; Joannes vero Bri-  
turcius Canonicus, & Grisogonus Marsius procu-  
ratores fabricæ vetustate deformatum Joannis Robo-  
belli Archiepiscopi consensu restituerunt an. 1496.*  
Plurimum pecuniæ insumpsit in ornatum cultum-  
que Basilicæ metropolitane. Inter cetera eidem  
collata vel ad ornamentum vel ad fartatecta tuen-  
da, illum singulari commemoratione dignum,  
quod supremam ejus ac mediam contabulatio-  
nem, tegulis lateritiis amotis plumbeis tabulis  
construxit; & pinnaculum, sive turriculam sum-  
mo ædis fastigio impositam restituit, & lami-  
nis itidem plumbeis contexit, ut epigraphæ  
grandibus litteris ibidem incisa declarat: *Joan-  
nes Robobellus Venetus Archiepiscopus Jadrensis  
fecit fieri MCCCC.* Virgines Benedictinas No-  
nenses, quæ ob metum belli Turcici Jaderam pro-

profugerant; benigne ac liberaliter accepit atque tractavit; iisdemque cum templo S. Patri veteris, domum proximam habitandam tradidit. Exinde jurisdictioni Nonensis Episcopi exempta, sub potestatem ac regimen Archiepiscopi Jaderensis transierunt. E vita decessit an. 1503. Jaderane an Venetiis morte obierit, mihi non constat. Si diem supremum obiit Venetiis, non subito quin illatus fuerit in ædem S. Stephani, atque in majorum suorum sepulchro conditus, quod extat his litteris incisum: *Robobella familia insigne hoc monumentum, quod Odoricus ante ducentos amplius annos erexerat, Paulus Robob. temporis edacitate consumptum, multo elegantius sibi, suisque posteris restituit 1501.*

ALEXANDER II. ARCH. JADREN. XXVIII.

Cujus neque patria, neque familia mihi nota est. Alexandro VI. erat ab epistolis, vir summa integritate & prudentia, multis magnisque rebus ipse, quem Pontifex carum in primis habuit, cuique plurimum tribuebat. Ut Alexandri virtutes ac merita, quo digna erant, præmio atque honore decoraret, illum ad episcopalem dignitatem evexit anno 1503., & Jaderinæ Ecclesiæ nobilissimæ Archiepiscopum præfecit. Sed eum ab se divelli cum ægre ferret, Romæ aliquamdiu retinuit. Mors Pontificis paulo post secuta, novam ejus promotioni moram interpoluit. Dum ergo Alexandri ex urbe discessum aliud ex alio quotidie impedit, morte immatura sublatus, sedem Jaderinam antequam conscenderet, vacuam reliquit. Obiit Romæ anno 1504.

JOANNES VI. ARCH. JADREN. XXIX.

Patria Tragurienfis, cognomento Cipicus, seu Cepio, nobili genere natus, patrem habuit Coriolanum Cipicum, æque marmorum, ac litterarum gloria clarissimum, qui sub Petro Mocenico classis Venetæ imperatore, cum præfectus esset tremis Tragurienfis, contra Turcas in Asia egregie pugnavit; idemque de bello eodem Asiatico elegantissimos commentarios scripsit, quorum auctorem summis laudibus extulit Palladius Fulcus in opusculo *De Situ Oræ Illyricæ: Illustratum est ætate nostra Tragurium Coriolano Cepione oratore historicoque eloquentissimo, qui cum sub Petro Mocenico classis Venetæ imperatore trierarchus non sine ingenti gloria ob res egregie gestas militasset, quo tempore Turcæ Chalcidem expugnavunt, confecto bello, de Petri ipsius gestis librum luculentissime scriptum edidit, quem ipse pluries legi captus Cepionis tum copia & elegantia, tum fide & gravitate.* Eidem frater fuit Aloysius Cipicus Famagustæ Episcopus, vir insigni eruditione & doctrina præditus, quem ferunt ab Alexandro VI. Romam evocatum fuisse, ut eum Cardinalis titulo atque insignibus decoraret; sed hanc ei dignitatem mors inopportuna invidit, quæ illum, dum Romam iter faceret, e vivis exemit. Joannes erat Romæ, cum Alexander migravit e vita. Julius II. æquissimus virtutum ac virorum illustrium æstimator neminem Joanne digniorem censuit, cui Pontificatum Ecclesiæ Jaderensis conferret. Itaque renunciatus est, & consecratus Archiepiscopus anno 1504. Idibus Februarii; procuratorem designavit, qui nomine suo sacerdotii sibi collati possessionem adj-

*Illyrici Sacri Tom. V.*

ret; itemque Vicarium generalem, qui dum ipse abesset, sua vice fungeretur, Georgium Diphnicum Episcopum Nonensem constituit: is quippe ex privilegio pontificio domicilium ac sedem Jaderæ habebat: ut constat ex inscriptione cujusdam epistolæ, quam idem Georgius scripsit ad Aloysium Malumbram Antistitem Arbensem: *Georgius Disignus Referendarius apostolicus Episcopus Nonensis, ac Reverendissimi Domini Joannis Cipici Archiepiscopi Jadren. Locumtenens, Reverendissimo Domino Aloysio Malumbræ Episcopo Arbeni, prædicti Domini suffraganeo &c. Data est Jaderæ viii. Idus Martii anno 1505.* Hoc eodem anno alterum sui muneris Vicarium Georgio substituit Stephanum de Cortesii Archidiaconum Ecclesiæ metropolitane, ut constat ex codice Sodalitatis SS. Sacramenti, quæ per id temporis Jaderæ instituta fuit. Dum Joannes Jaderinam professionem ex die in diem differt, ei quoque mors insperata vitam et Pontificatum ademit. Extinctus est Romæ anno 1505., in eaque urbe ad tempus sepulturam obtinuit. Post annos amplius septuaginta Aloysius Cipicus fratris filius, ut ipse supremis tabulis jussisset, patris cadaver Tragurium translatum, atque in æde suburbanæ S. Mariæ de Angelis honorifico sepulchro condidit, & hoc elogio decoravit.

*Joannes Cipicus Coriolani filius, qui ob singularem virtutem, ingeniique præstantiam a Julio II. Pontifice Max. Archiepiscopatu Jaderensi donatus fuit; Romæ defunctus est; & in patriam ex testamento Cadaver ejus translatus, Aloysii Cipici ex fratre nepotis cura, hoc requiescit monumento, nomini suo laudique perenni dicata MDLXXVIII.*

FRANCISCUS ARCH. JADREN. XXX.

Inter patricias apud Venetos familias Pisaurum generis nobilitate clarissima est, tum opibus, honoribus, ceterisque omnibus ornamentis abundat. Quæ sæculo superiori Joannem civitati suæ Principem, eadem ante annos centum & quinquaginta Franciscum Metropoli Jaderensi Archiepiscopum dedit. Hunc siquidem Julius II. in senatu Cardinalium, gravissimo suo & honorifico judicio decoratum, ad Pontificatum Jaderinum evexit anno 1505. Cum renunciatus est Archiepiscopus, Romæ versabatur; de quo in libro Ceremoniarum Paradisi de Grassis civis Bononiensis, Magistri ceremoniarum sacri palatii sub Julio II., qui M. extat in Bibliot. Collegii Bononiensis Soc. Jesu, hæc tradita reperio: *An. 1507. mense Maio in vigilia Ascensionis... Electus in Archiep. Jaderensem, qui fuit per annum quasi integrum excommunicatus ad instantiam Subdiaconorum, quia non solvit jura pallii, & fuit semper ab urbe absens, hodie intravit capellam; sed ego secretè admonui, ut recederet, alioquin esset scandalum; ipse respondit se fuisse absolutum; nihilominus nolui credere, & tamen non recessit; & post vesperras solvit mihi pro Subdiaconis duc. 40. de Camera.* Nec vero ante obitum Julii ad suam ecclesiam regendam accessit, quam absens per suos Vicarios administravit. Anno 1510. cum magno Cardinalium & Curie Romanæ comitatu Julium Bononiam profectum secutus est; qua in urbe Assessor, sive Assistent solio pontificio creatus fuit, ut est in eodem codice Ceremoniarum: 1510. In prima Dominica Ad-

Duo Vicarii Joannis Archiepiscopi.

Franciscus Pisaurus Archiep. Romæ veritatur.



ventus . . . . Cum intellexisset Pontifex (is tum Bononiæ versabatur) Assistentes suos, quibus tunc opus esset, has Missas, scilicet Adventus, celebrare, inter se non concordare; & sic neminem esse, qui celebraret; propterea sacrista suo, & me vocatis, iussit ut Archiep. Jaden. notaremus, quia cum Assistentem suum creabat, ut crastinam Missam de Adventu in prima Dominica celebraret, prout celebravit in ecclesia Sancti Petronii. Erat itidem Romæ anno 1513., & Julio mortis proximo aderat, qui cum aliis ibidem præsentibus testem voluntatis suæ de ratione novi Pontificis creandi etiam Archiepiscopum Jaderensem esse voluit, ut constet ex eodem libro Cereemoniarum: An. 1513. 20. Februarii Dominica secunda Quadragesimæ, cum Pontifex jam moreretur, inter testes ultimæ suæ voluntatis circa electionem novi Pontificis faciendam per solos Cardinales, & circa hoc, quod omnes legitimi Cardinales etiam absentes ad hanc electionem admitterentur, adfuit etiam Archiepiscopus Jaderensis. Idem vero cum aliis præpositus fuit custodiæ conclavis & comitiorum pontificalium: Eodem an. 28. Febr. die Lunæ Archiepiscopus Jaderensis cum aliis 20. eligitur ad tertiam custodiam, quæ est apud ostium Conclavis pro electione novi Pontificis.

Septem sessionibus Concilii Lateranensis interfuit, quinque prioribus sub Julio, quibus inter Patriarchas & Assistentes Papæ subscriptus legitur Reverendus Dominus Franciscus Jaderensis; duabus sub Leone X., octavæ, itemque novæ, quæ habita fuit anno 1514.; ab reliquis tribus abest ejus nomen, & subscriptio. Itaque, ut mihi videtur, vel anno ipso 1514., vel proximo ineunte, primum Jaderam venit, atque ad gubernacula ecclesiæ suæ sedere cœpit. Omni vi operaque connixus obstitit Pagensibus ne sede episcopali potirentur, quam a Romano Pontifice, precibus Cardinalis SS. Quatuor Coronatorum interpositis, postulaverant, & Petrum Cassium jam Episcopum designaverant. Anno 1515. vel sequenti Pagensium rogatu oppidum illud, totamque insulam lustravit. Virgines Benedictinas illius oppidi, quarum integritatem, religionem, honestatemque maximis laudibus ornavit, ad communis monasticæ vitæ formulam redégit, assignatis annuis proveniuntibus, ex quibus quæ ad victum cultumque necessaria essent, abunde suppetere. Extat ejus decretum in hæc verba.

Nos Franciscus Pisaurus J. V. D. Archiep. Jaden. sapius invitati non solum a Clero, verum etiam a populo Pagensi nobis in Christo plurimum dilectis, ut vellemus Pagum visitare, & ea quæ pro cultu divino reformanda forent reformare, cum plurimi sint anni elapsi, quibus Clerus, & hæc civitas a Pastore suo non fuerint visitati; eorum desiderio præsentiam nostram denegare non potuimus, eorumque votis satisfacimus. Laboribus itaque, & vigiliis minime parcetes, monasterium S. Mariæ Annunciatæ visitavimus, in quo conspeximus virginale decus florere, & moniales vitæ integerrimæ sacro velamine Deo dicatas divinum & gratum Deo obsequium diu nocturne exhibere; quarum quidem vitam religiosam sanctamque esse audieramus, sed in rei veritate sanctiorem invenimus. Quæ de re Salvatori nostro gratias inexhaustas replicavimus, replicamusque, quod sibi tales elegit famulas, quæ divinam majestatem pro hujus populi delictis continue deprecantur. Nihil profe-

cto in earum monasterio desiderari potest; quod earum vitæ integritati addi possit, nisi quod unus error non parvus a nobis inventus est, qui potius necessitas, quam error merito dici posset; ipsæ enim contra voti sui puritatem, sibi ex labore suo proprium acquirunt & possident; & si id illis non est satis, alimenta a parentibus præstantur, & Regula D. Benedicti non servatur. Hæc autem cives Pagenses a nobis clarius intelligentes, magnificis ac clarissimis Dominis Aloysio Lauredano Comiti, & Vincentio Basadonna Camerario Pagi & insulæ dignissimis supplicarunt, ut ad perficiendum tantum bonum, videlicet ut servetur Regula S. Benedicti, & in communi vivere possint, dignarentur in insula Pagi pascua, seu, ut dicitur, herbaticum pro grege mille ovium ipsis monialibus perpetuo concedere ac assignare. Præfati igitur magnifici Comes & Camerarius hujusmodi preces iustas & pias admittentes, pro mille ovibus tenendis in hac insula ac nutriendis, monasterio prædicto pascua perpetuo concesserunt, ac assignare promiserunt. Quæ concessione, & promissione gavisi, statutus, & ordinamus, ut ammodo quam primum fructum perceperint ex præmissis animalibus, eisdem permissis, ut supra, dictæ moniales secundum voti obligationem in communi vivere debeant, & teneantur, quamdiu prætaxatus numerus in hac insula supererit; & casu quo dictus grex, aliqua, quod absit, contagione infectus, vel aliquo alio casu fortuito forte periret; tum illi cives Pagenses, qui pro tempore monachas sibi sanguine conjunctas in dicto monasterio habere reperiantur, gradu consanguinitatis proximiores, ceterique alii tenerentur victum, prout nunc præstare, donec dictus grex suppleatur &c. &c. Abest nota chronologica; sed cum Aloysius Lauredanus, ut est in Tabulis Pagensibus, annum 1515. Praturam gereret, in hunc eundem annum, vel in proximum lustratio episcopalis insulæ & oppidi Pagensis inciderit oportet.

Hanc ecclesiam Franciscus per annos quinque & viginti tranquille sapienterque administravit. Ceterarum rerum ab eo gestarum in pontificatu tam diuturno nullum monumentum sive literis consignatum, sive marmoribus impressum reperio. Vitæ quietioris studio dignitatem archiepiscopalem cum honorario titulo Patriarchæ Constantinopolitani commutavit anno 1530.

Ut magna ex parte superiorem, sic post depositum Archiepiscopatum reliquam vitam Romæ transegit, non illam quidem inertem atque ingloriam, sed honorificam atque operosam. Eum siquidem plurimi fecit, & earum in primis habuit Clemens VII. P. M., qui ad gravissima quælibet negotia expedienda ejus consilio operaque utebatur. Tradunt eum a Senatu Veneto designatum fuisse Episcopum Ecclesiæ Brixienfis; sed ea designatio effectu caruit, nam Romanam commorationem sacerdotio Brixienfi prætulit. Thomas Diplovatius celeberrimus Jurisconsultus in epistola ad Jacobum Pisaurum Paphi Episcopum, Francisci Archiepiscopi Jaderitini mentionem perhonorificam fecit: Est etiam Franciscus Fantini filius Archiepiscopus Jaderensis, qui nunc in urbe tranquille feliciterque vivit, & Clementi summo Pontifici operam præstat insignem. Sed amplissimo elogio illum ornavit Nicolaus Crassus in lib. de Gente Pisaura pag. 99. sed quem Diplovatius Fantini filium, hic nepotem, & Andree filium vocat.

Fran.

Interfuit  
Concilio  
Lateranensi.

Urbem &  
insulam  
Pagi lustravit.

Eius decretum.

Dimisso  
Archiepiscopatu  
titulum Patriarchæ  
Constantinopolitani  
assumpsit.

Romæ moratur.

Francisci  
elogium.

Franciscus Pisaurus Andrea f. Fantini nepos  
Jadrensis Archiepiscopus.

Franciscum, Jadræ Archiepiscopum, ecclesiastica eximia dignitas, & amplitudo conspicuum inter omnes facit, & elogio nostro maxime dignum; at insignis doctrina, & mores sanctissimi, quibus præfulsit, perquam dignissimum. Hoc ipso decoris, & majestatis pleno vultu, rerum omnium, atque præcipue divinarum scientia præfulgens, Romæ tranquille, & feliciter vitam agebat, dum Clementi VII. Pontifici Maximo operam præstaret insignem, & a Thoma Diplovatatio celeberrimo Jurisconsulto, anno a Christo nato 1529. celebrari promeruit, ut in ejus præfatione prædicta, typis mandata, superius ostensum est. Tantamque de sua probitate, doctrina, & prudentia expectationem concitavit, ut, cum Venetus ipse Senatus vellet, paucis post annis, in maximo, & opulentissimo Brixienti Episcopatu Præfatum pro jure suo nominare, Nicolaum hunc, & nullis, nisi propriis meritis suffragantibus, nolentem ipsum, immo ne scientem quidem inter ceteros Senatus ille omnium prudentissimus suffragatus est anno a Christo Domino nato 1531. Videant modo cuncti quanti merito suo is faciendus fuerit, qui Archiepiscopatum obtinens, a Pontifice Maximo Romæ, a sapientissimo Senatu Venetis, & a celebri Jurisconsulto in æternis litterarum monumentis laudatus est. Eumque a nobis quoque exili hoc elogio inter ceteros heroas referri permittat.

ÆGIDIUS ARCH. JADREN. XXXI.

F. Ægidius  
ex Ordine  
Eremitarum  
S. Augustini,

Magnus homo, & ingens cum Ecclesiæ Jaderinæ, tum sæculi sui ornamentum, qui magnam reliquit sui nominis famam, non minus illustrium factorum, & quibus perfusus est, honorum ac munerum splendore, quam omnium doctrinarum & virtutum gloria partam. Tenui fortuna, sed honesto loco natus est Viterbii, & ex patria Viterbiensis cognominari solet, cum avitum cognomen illi esset Caninio. Ab ineunte adolescentia dedit nomen in laudatissimam Eremitarum D. Augustini sodalitatem; & post exactum tyrocinium ad studia litterarum, omniumque optimarum artium se contulit, & philosophici ac theologici magisterii titulum atque insignia promeruit. Nullum est eruditioris ac doctrinæ genus, in quo non excelluerit. Cum singulari eloquentia peregrinarum linguarum scientiam conjunxit. Ambrosius Calepinus suum Lexicon latinum Ægidio dedicavit, quem in epistola eidem inscripta insignem Poetam, Oratorem, Theologum, Concionatorem vocat. Per omnes inferiorum magistratuum atque honorum gradus, ad supremam sui Ordinis præfecturam ascendit. Hanc dum gerebat, Concilio Lateranensi interfuit, & primam apud Patres Lateranenses orationem habuit, sapientissimis sententiis, gravibusque verbis ornatam ac perpolitam, quam Jacobus Sadoletus in sua ad Petrum Bembum epistola summis laudibus extulit; & Ægidium sui sæculi clarissimum lumen appellavit. Ab Julio II. plurimi fieri solebat, qui ejus opera & solertia ad maxima & gravissima negotia apud Principes Christianos expedienda ulus est. Nihil inferioris existimationis & gratiæ locum obrinuit apud Leonem X. cujus nomine plures & honorificas legationes gessit, a quo etiam orator missus est in Hispaniam ad Carolum V. Imperatorem, ut eum ad sacrum Illyrici Sacri Tom. V.

Rektor  
Generalis  
sui Ordinis,

multis pro  
Sede apostolica  
negotii & legationibus  
gestis clarissimus.

bellum contra Selinum regem Turcarum, Christianorum exitio imminens, suscipiendum hortaretur. Extant aliquæ Leonis epistolæ ad Ægidium, & quibus dignosci potest quanti eum taceret, quantoque opere diligeret gravissimus ille Pontifex litterarum & litteratorum hominum fautor munificentissimus. Ex illis unam describere operæ pretium duxi, in qua lummam Ægidii modestiam commendat.

Ægidio Viterbiensi Augustinianorum Eremitarum Magistro. Scripseram ad te proximis litteris cogitare me Senatum vocare Cardinalium creatorum causa: neque tamen statutum mihi esse quo die; sed cum statuissem, tibi significaturum; eas ad litteras tantummodo mihi rescriptis præbare te consilium meum: scire enim nihil me, nisi quod e republica sit, esse faciendum. Ego vero scripseram, ut elicerem abs te, cuperes ne ipse in Cardinalium collegium cooptari. Id quoniam reticisti vel pudore tuo, atque modestia, qua semper magnopere abundas, vel quod ejus rei nulla te cupiditas teneat; utrumlibet lætor, vel prudentem esse te, vel ambitione carere, præsertim earum rerum, quarum adipiscendarum desiderio plerique ita ducuntur, ut etiam insaniant. Itaque confirmasti etiam tu quidem mihi tuo silentio consilium meum: per diu enim est cum te legere in Cardinalium ordinem cogito; cum et tuorum laborum, magna cum reipublica utilitate triginta totos annos susceptorum, hanc tibi quasi mercedem persolvam, quam possum maximam atque amplissimam; tum ut te reipublica sic utatur, ut ex te fructus uberrimos capere possit. Puto autem reipublicæ majori, & usui, & honori fore dignitatem tuam, quam tibi ipsi. Major enim atque illustrior jam est virtus tua, quam quæ magistratu illo egeat. Ordo vero ipse talibus viris, ut tu es, egere mihi quidem magnopere videtur. Quare plus tu ordini, quam tibi ordo, ornamentum afferes. Efficiam igitur id nunc, quod dudum, ut dixi, meditor, teque cum reliquis, qui a me creandi sunt, Cardinalem nominabo. Id erit Kal. Quintilibus, quem addiens mando tibi Romæ ut sis, ut te statim videre atque amplecti possim. Datum octavo Kalendas Quintilis, anno v. Romæ.

Leonis X.  
ad Ægidium  
epistolæ.

Stetit Pontifex promissis; atque ut præclara Ægidii merita in rempublicam christianam, quibus digna erant, honoribus afficeret, eundem anno 1517. & titulo Patriarchæ Constantinopolitani decoravit, & in collegium Cardinalium cooptavit, quem postea Adrianus VI. Viterbiensis Episcopum dedit. Alias etiam Ecclesias eidem mandatas ferunt. Anno autem hujus sæculi tricesimo inter eum & Franciscum Pisaurum Archiepiscopum Jadrensem ita convenit, ut huic titulum patriarchalem cederet, hic vero illi Ecclesiam Jaderinam in administrationem traderet. Utriusque cessionem Clemens VII. ratam habuit, & quam inter se fecerunt, permutationem approbavit, ut est in tabulis consistorialibus: 19. Decembris 1530. fuit data in administrationem Ecclesiæ Jadren. Reverendissimo Ægidio, ac provisorum Patriarchatui Constantinopolitano de persona Fr. Archiep. Jadren., vacante per cessionem utriusque, & causa permutationis factæ invicem. . . . non tamen consistorialiter de Jadrensi; sed verbo Sanctis. Patris nostri factis Reverendissimis, inter quos fuerunt Franciscus de Monte &c. &c. Metropolitum Jadrensem absens administravit, usus opera Petri Grilli Doctoris decretorum, quem sui muneris, suæque

Ægidius  
Cardinalis  
creatur, &  
Episcopus  
Viterbiensis.

Metropolis  
Jadrensis.

Romæ de-  
cessit;

eius sepul-  
crum & in-  
scriptio se-  
pulchralis.

potestatis Vicarium constituit. Sed ne integrum quidem biennium huic Ecclesiæ præfuit, & anno ætatis sexagesimo, Æræ Christianæ 1532. pridie Idus Novembris Romæ decessit. Ferdinandus Ughellus in Archiepiscopis Jadrensisibus anno 1536. in Episcopis Viterbiensibus anno 1532. Ægidii mortem affixit; sed mortuum esse anno 1532. tum Oldoinus, tum Tabulæ Jaderenses infra describendæ confirmant. Sepultus est in templo Augustiniano sui Ordinis aram maximam; cui quadriennio post titulum sepulchralem fecit Gabriel Præpositus Generalis Eremitarum Sancti Augustini.

D. O. M.

ÆGYDIO VITERBIENSI CARDINALI.....  
GABRIEL VENETVS GENERALIS POSVIT  
MDXXXVI.

*Ante sacros cineres bona verba viator  
Dicito, divinus hic jacet Ægydus:  
Qui potuit lingua humanas inflectere mentes  
Et trahere hærentes fervidus ad se animos.  
Quidquid pandit Arabs divinum, quidquid E-  
retribus  
Dives Aramcis occulit in tenebris,  
Explicuit populis, & si quid spiritus ultra  
Sentit, adhuc sanctum, quod meditetur, habet.*

De morte Ægidii Jaderam cum esset allatum, Petrus Grillus ejus Vicarius generalis, convocato Capitulo, traditum sibi munus, atque administrationem deposuit; Canonici vero elegerunt Stephanum de Cortesiis Archidiaconum, qui rei christianæ & ecclesiasticæ curam susceperet, ac tamdiu gereret, dum archiepiscopale interregnum teneret; idque relatum est in acta capitularia his verbis.

Ægidio  
Vicari ca-  
pitularis.

*In Dei æterni nomine Amen. Per hoc præsens publicum instrumentum cunctis pateat evidenter & sit notum, quomodo salutis humanæ 1532. Indict. v., die vero Mercury, 18. mensis Decembris, post vespertas, Pontificatus sanctissimi Domini nostri Clementis divina providentia Papæ VII. anno X. In mei notarii publici testiumque infracriptorum præsentia, congregatis personaliter Reverendis Patribus Domino Stephano de Cortesiis Archidiacono, Domino Francisco Cedolino Archipresbytero, Domino Donato Britanico Primicerio, Domino Bartholomæo Bichianich, Domino Joanne Donato Begno, Domino Paulo de Sanctis, Domino Joanne Sichivich, Domino Joanne Tomaseo, Domino Marco Benzot, Domino Simone Britanico omnibus præbendis, Domino Simeone Saricovich, & Domino s. Grisogono Cedolino supranumerariis Canonici Ecclesiæ metropolitanae Sanctæ Anastasiæ Jaderen., vocem habentibus, ipsiusque Capitulo, cōsedente capitulariter Reverendo Patre Domino Petro Grillo, decretorum Doctore, Scholastico Justinopolitano, & Reverendissimi in Christo Patris D.D. Ægidii titulati Sancti Marcelli, Sanctæ Romanæ Ecclesiæ Presbyteri Cardinalis, Archiepiscopi ejusdem Ecclesiæ, Vicario in spiritualibus, & temporalibus Generali; qui cum ea, qua decuit, humanitate, dixit: Reverendi Patres & Domini Capitulares, hæcenus videlicet jure merito sui Vicarius Reverendissimi Domini Cardinalis Ægidii Archiepiscopi vestri, de morte cujus diebus proxime præteritis . . . . . Verum quia hodie fuit mihi relatum per quendam cantorem Ragusii Presbyterum ex urbe venientem, qui est attestatus, etiam se intromittens nobis, pectore tacto in ipsa urbe in*

*Ecclesia Sancti Augustini vidisse mortuum; ac sepeliri præfatum Cardinalem Ægidium, illiusque exequiis, & funeri personaliter interfuisse; narrans etiam idem cantor quedam particularia pro ipsius B.M. ex testamento disposuisse, ac sui testamenti commissarios instituisse Reverendissimos Cardinales Rodolphum, & Grimanum, ac Reverendum Dominum Episcopum Senien. Ex quibus præmissis habere se dixit pro firmo, & certo, eundem Cardinalem Ægidium, & Archiepiscopum morte extinctum; & sic extinctum fore, & esse mandatum sui vicariatus, & jurisdictionem suam, quam in manus, & arbitrium, ac jurisdictionem ipsius Reverendi Capituli, Dominorum Canonorum dimittit, & reponit, prout de jure, Sede vacante, cui tam in spiritualibus, quam in temporalibus providere debent; a quo Reverendo Capitulo, & Dominis Canonici perhumane recessum sub condecensibus verbis postulavit, & de grata benevolentia, & caritate erga eum usa gratias egit. Qui quidem Domini Canonici, & Capitulum, intellectis, & consideratis præmissis per dictum Dominum Petrum olim Vicarium expositorem, illa admiserunt pro certis & legitimis; super quibus etiam ipsi cerciorari voluerunt omni diligentia; quæ forma, & attestatio mortis præfati Domini Cardinalis Ægidii, & Archiepiscopi sit, & si vera non esset, nec vacaret, ex resignatione dicti Domini Petri nolentis uti officio ordinario, & vicariatus, ad ipsum venerabile Capitulum omnimoda provisio de jure, & consuetudine spectare, & pertinere dignoscitur; idcirco pro debito sui officii capitularis, & Sedis præfata indemnitate spirituali, & temporalis, decreverunt omnes unanimiter providere, & in primis ad electionem Reverendi Domini Vicarii ex jurisdictione ordinaria procedere voluerunt, & processerunt omni meliori modo, & formis: quæ omnium votis, & jurisdictione ordinaria exercentes, prout de jure, præfatum Dominum Stephanum Archidiaconum Vicarium, ratione officii sui Archidiaconum perpetuum, nominarunt &c. &c.*

CORNELIUS ARCH. JADREN. XXXII.

Hunc quoque Ecclesia Jaderensis acceptum refert nobilissimæ Pisauræ genti; ex qua cum ortum & cognomen traxerit, generis claritatem splendore virtutum auxit. Filius erat fratris Francisci proximi ante Ægidium Archiepiscopi Jaderensis. Clemens VII. Cornelium in amplissimo Patrum purpuratorum Senatu Archiepiscopum renunciavit 14. Id. Novembris an. 1533. Hujus initia archiepiscopalia Ferdinandus Ughellus in annum 1536. rejecit. Nec mihi hic prætereunda est nota Lucentii in Archiepiscopos Ughellanos Jaderenses editionis Venetæ: Nulla de hoc Ægidio (Viterbiensi) in schedis & actis consistorialibus mentio habetur quoad regimen Jaderensis Ecclesiæ. In iis enim 10. Novembris an. 1533. enarratur Franciscum Pisaurum Patriarcham CP. cessisse regimini hujus ecclesiæ in favorem Cornelii nepotis sui. Igitur ante annum 1536. huic jam præpositus fuit, nullo verbo resonante Ægidii Card., qui si huic administrator datus fuit, eum ipse cessit Patriarchatum CP. Francisco Pisauo cedenti sibi Jaderense regimen; id sane fuit cum reservatione juris regressus; & ex cessione (vel morte) Ægidii rediisse ad banc administrationem; & eam postea resignasse oportuit ad favorem nepotis; si Ægidii locum integrum servare volumus ex norma eorum tempo-  
rum.

*rum*. Necessè est Lucentius non viderit locum actorum consistorialium supra laudatum, in quo dicitur fuisse data in administrationem Ecclesia Jaden. Reverendissimo Egidio &c. De regressu autem Francisci Pisauri ad regimen Ecclesie Jadenensis post mortem Egidii Lucentio facile assenserim. Paullus III. Cornelium anno tertio ab ejus archiepiscopali creatione pallio pontificio donavit, ut docent acta consistorialia: 4. Febr. 1536. concessit pallium Archiepiscopo Ecclesie Jadenensis. Anno 1537. cum Solimannus rex Turcarum Venetis bellum intulisset; Senatus demoliri jussit cœnobium suburbanum S. Joannis Baptistæ, quod Patres Franciscani tertii Ordinis incolebant; ne hostibus munimento idem esset, atque adjumento ad urbem oppugnandam. Iisdem yero Patribus intra mœnia receptis Cornelius templum S. Silvestri cum ædibus proximis attribuendum curavit, quod deinde ab S. Joanne cognominatum est, veteri titulo huc translato. Aurana, & alia quædam loca diocesis Jaderinæ amissa sub potestatem Turcarum ceciderunt. Insignia gentis Pisauræ cum nomine Cornelii, tum palatio episcopali, tum templo S. Anastasiæ variis in locis insculpta, utrumque ab eo vel reparatum, vel ornatum fuisse argumento sunt. Ex hac vita migravit anno 1554.

Bello Turcico ingruente Franciscanis tertii Ordinis in urbem receptis domitium attribuit.

## ALOYSIUS ARCH. JADREN. XXXIII.

E gente Cornelia inter patricias Venetas longe amplissima, de quo etiam in Episcopis Traguriensibus. Hunc haud genere, quam virtute clariorem Julius III. purpura donavit; & anno 1554. Archiepiscopum metropoli Jaderinæ præfexit, ut docent Tabulæ consistoriales: 25. Junii 1554. providit Ecclesie Jaden. vacanti per obitum Cornelii de persona Reverendissimi Domini Aloysii Diaconi Card. Cornelii, ipsumque illi in Archiepiscopum præfexit & Pastorem, cum retentione omnium &c. & clausulis &c. taxa 400. Floren. &c. Administrationem ecclesie sibi traditæ commendavit Mutio Calino Brixienli, viro eximie integritatis, doctrinæ, ac prudentiæ. Anno sequenti Archiepiscopatum dimisit; jus tamen retinuit ejusdem recipiendi post mortem vel abdicationem successoris. Duos deinceps Episcopatus obtinuit, primo Bergomatem, deinde Traguriensem. Annos natus undehonaginta Romæ obiit vi. Idus Maji anno 1584. Habes titulum sepulchralem in Episcopis Traguriensibus.

Alloysius Cornelius Cardinalis & Archiep. Jaden.

## MUTIUS ARCH. JADREN. XXXIV.

Eques Hierosolymitanus ex antiquissima & nobilissima gente Calina Brixienli, quæ tum patriæ, tum ecclesie, tum etiam societati nostræ viros egregios & omni laude cumulatatos dedit; inter quos Cæsar Calinus e Societate nostra, plurimis operibus in lucem editis, insigni pietate & doctrina refertis, clarissimus idemque notissimus. Annum fere integrum Aloysio Cardinali Cornelio Archiepiscopo. absenti operam vicariam præbuerat; cum Paullus IV. Jaderensem Archiepiscopatum ab Aloysio dimissum Mutio contulit, ut docent acta consistorialia: 27. Junii 1555. referente Reverendissimo Pisani, providit Ecclesie Jaden. vacanti per cessionem Reverendissimi Domini Aloysii Card. Cornelii in manibus sua Sanctitatis sponte factam, & per

eamdem admissam, de persona D. Mutii Calini Fr. Hospitalis S. Joannis Hier., ejusdem Reverendissimi Secretarii; ipsumque illi in Archiep. præfexit & Pastorem; reservatis eidem cedenti medietate fructuum mensæ archiepisc. cum facultate transferendi quoad summam ducatorum 200. auri de Camera dumtaxat, absque dicti Mutii electi etiam in hoc expresse consentientis, ac successorum suorum ipsius Ecclesie Jaden. Archiepiscopum, & administratorum pro tempore existentium desuper præstantium, consensu; nec non regressu ad dictam ecclesiam per cessum, vel decessum dicti Mutii; ita tamen quod in eventum regressus hujusmodi, si D. Aloysius Cardinalis aliam, sive alias ecclesias obtinuerit, dicta Ecclesia Jaden. seu una ex obtentis, quam maluerit, per eum retenta, reliquas infra sex menses a die &c. dimittere teneatur, & cum retentione omnium aliorum pro dicto Card. Aloysio, & clausulis &c. Post biennium 9. Augusti 1557. concessit pallium Mutio Calino Archiep. Jaden.

Suscepto ecclesie sibi traditæ regimine, nihil studii operæque prætermisit, ut Societatem Jesu, ad cives pietate ac litteris excolendos, Jaderam inveheret, eique in hac urbe collegium fundaret. Itaque aliquot Patres ab Jacobo Lainio Præposito generali postulavit; id quod eodem tempore itidem petierat Ludovicus Beccatellus Archiepiscopus Ragusinus. Sed propter paucitatem sociorum, utrique plus uno dari non potuit. Is fuit Nicolaus Bobadilla unus e decem sociis S. Patris Ignatii, vir solidæ virtutis, & acris vehementisque animi ad difficultia quæque superanda, ubi Dei gloria & animarum salus ageretur. Postquam unum & alterum mensem Jadræ commoratus, rei christianæ perutilem operam navasset cum ingenti, tum Archiepiscopi, tum omnium civium approbatione, Ragusium discessit, ut tradit Franciscus Sacchinus lib. 3. part. 2. hist. Societat. Jesu: Jaderensis & Epidauri Antistites ita apud P. Generalem institere, ut fuerit illis tradendus Nicolaus Bobadilla. . . . Jaden. Ecclesie & Archiepiscopo opera utiliter navata Epidaurum excurrit.

Cum Pius IV. ad Concilium Tridentinum, sub Julio III. ob ingruentia bella intermissum, persequendum absolvendumque Episcopos revocasset anno 1560., Mutius Tridentum profecturus Marcum Lauretanum Episcopum Nonensem muneris sui Vicarium reliquit, ne quid detrimenti, se absente, res ecclesiastica & christiana caperet. Id docent Tabulæ Curie archiep. Jaden. Reverendissimus in Christo Pater, & D. D. Marcus Lauretanus Dei & apostol. Sedis gratia Episcop. Nonensis, & Reverendissimi in Christo Patris, & D. D. Mutii Calini miseratione divina Archiep. Jaden. dignissimi, in spiritual. & temp. V. gerens general., sedens in sala 20. m. Septemb. &c. &c. In augustissimo illo præfatum ac procerum conventu multa & illustra doctrinæ & eloquentiæ suæ documenta præbuit. Delectus fuit, qui sapientissimæ & gravissimæ Cardinalis Lotharingii orationi responsum redderet; in quo nihil desideres, quod sive ad gravitatem sententiarum, sive ad elegantiam verborum pertineat, insertumque est actis ejusdem Concilii. Defensio atque causa Episcoporum provincialium potior illi fuit, quam sua & aliorum Metropolitanorum, quippe cum ab illa vel jus vel æquitas stare videretur. Itaque Episcoporum causa perquam eleganter accuratè oravit. Trina potissimum obtinuit, quæ

Mutii erga nostram Societatem benevolentia.

Interfuit Concilio Tridentino summa cum laude.

Episcoporum Provincialium causam egit, atque obtinuit.

quæ ad utilitatem dignitatemque eorumdem provincialium Antistitum referuntur, quippe sacrosancta Synodus secundum sententiam Mutii Episcopos metropolis adeundæ lege exemit, nisi si quando ad Synodum provincialem vocarentur; causas minores criminales Episcoporum in Concilio provinciali cognoscendas ac dijudicandas esse; non licere Metropolitans diœceses præfulum sibi subditorum lustrare, nisi de sententia Synodi provincialis. Rerum actorumque omnium Concilii Tridentini sub Pio IV. Commentarios diligentissime confecit, Aloysio Cardinali Cornelio inscriptos, quos ad historiam ejusdem Concilii componendam magno sibi adjumento fuisse testatur Sforzia Pallavicinus.

Commen-  
tarios ejus-  
dem Con-  
cilii confe-  
cit.

In Synodo  
diœcesana  
decreta  
Tridenti-  
na promul-  
gavit.

Post absolutum dimissumque Concilium anno 1563. exeunte, Jaderam reversus diœcesim lustravit, synodum fecit, decreta Tridentina promulgavit, atque ut ad eorum normam cleri populi que mores conformarentur, ac disciplina ecclesiastica in integrum restitueretur, omnem curam operamque adhibuit. Per eadem tempora Aloysio Cardinali Cornelio Episcopo Tragurienti ad regendam ecclesiam illam, totamque diœcesim ritu episcopali peragrandam, vicariam operam navavit; vocaturque in tabulis Tragurientibus: *Illustrissimi & Reverendissimi Domini Aloysii tit. S. Marci S. R. E. Cardinalis Cornelii, Ecclesiæ Tragurientis perpetui administratoris Locumtenens gen. Commissarius, & Vicarius gen.* Illud præclarum in primis, Ecclesiæque Jaderensi perutile futurum, quod e præscripto Concilii Tridentini de instituendo clericorum seminario excogitaverat, eique Abbatiam S. Michaelis de Monte, quam sibi commendatam habebat, cum omnibus proventibus eidem annexis, attribuire statuerat. Sed perficiendi, quod maxime optabat, facultatem interceptit inopportuna Mutii ab Jaderina Metropoli ad Ecclesiam Interamnensem translatio, quam Pius V. decrevit anno 1566. idus Julii. Absentem ingenti mœrore & luctu tota civitas prolecta est; sui que desiderium animis omnium aite infixum reliquit. Ecclesiæ Interamnenli præfuit annos fere quatuor, e vivis sublatus anno 1570. mense Aprili.

Translatus  
ad Eccle-  
siam Inter-  
amnensem.

#### ALOYSIUS ARCH. JADREN. iterum.

Aloysii  
Card. Cor-  
nelii ad  
Ecclesiam  
metropoli-  
tanam re-  
gressus.

Mutio decedente regressus ad Metropolim Jaderinam patuit Aloysio Cardinali Cornelio, qui sibi jus ad eam regrediendi post mortem vel decessionem Calini reservaverat. Neque audiendus est Lucentius in notis ad Ughellum: *Qua eadem die, cum scilicet Pontifex Ecclesiam Interamnensem Mutio decrevit, in Consistorio Aloysius Card. Cornelius libere cessit juri regressus sibi reservato super hanc Ecclesiam (Jadrensem), ut ex actis desumitur.* Nam post annum 1566. Joannes Donatus Begnius Canonicus ex delegata sibi ab Aloysio vicaria potestate, Ecclesiæ Jaderensis administrationem suscepit, ut docent tabulæ Curiae archiepiscopalis: Joannes Donatus Begnius Canonicus, & Illustrissimi ac Reverendissimi D. D. Aloysii tit. S. Marci Presbyteri Cardinalis Cornelii Ecclesiæ metropolitane Jaderen. perpetui administratoris dignissimi in spir. & tempor. Vicar. gen. Universis has nostras litteras inspecturis &c. &c. Dat. Jad. die 28. men. Decemb. an. 1568. (cor. 1566.) Ex actis ejusdem Curiae archiepiscopalis constare ait Valerius a Ponte, fuisse itidem Vicarium generalem Alo-

ysii Card. Cornelii Andreæ Minutium, in quem idem Aloysius Archiepiscopatum transtulit.

#### ANDREAS II. ARCH. JADREN. XXXV.

In oppido Seravallis, quod in regione subalpina Marchiæ Tarvisinæ frequens est ac nobile, familia Comitum Minutiorum clara in primis, & perantiqua, tum honoribus atque opibus, tum majorum suorum civilibus, bellicis, ac litterariis laudibus præstantium immortalis gloria floret. Hinc ortus est Andreas, qui cum nobilitate generis eximiam doctrinam, prudentiam, vitæque integritatem ac religionem conjunxit. Ex Vicario generali Archiepiscopus Ecclesiæ Jaderinæ a Pio V. designatus cum esset anno 1567., die 28. Novemb., ut docent acta consistorialia; anno proximo, ut est in iisdem actis, pallium ab eodem Pontifice petiit, & vi. Kalend. Aprilis sibi a Cardinali Vitellio impositum Romæ suscepit: 27. Martii 1568. *Reverendo Domino Andrea Minutio Archiepiscopo Jaderensi coram per Dominum Antonium Vellium Advocatum consistorialem instantissime petente tradi sibi pallium, Sanctitas sua id ei concessit; mandavitque Reverendissimo Card. Vitellio S. R. E. Camerario, tamquam Archidiacono, ut illud ei cum solitis ceremoniis traderet, atque assignaret.* Erravit itaque Ughellus, & Valerius a Ponte, qui archiepiscopalia initia Andreæ in annum 1569. rejiciunt; itemque error arithmeticus irreplevit in tabulas Jaderinas supra laudatas, in quibus Joannes Donatus Begnius fuisse traditur Vicarius Aloysii Cardinalis Cornelii die 28. mensis Decembris 1568., cum Andreas intra finem anni superioris Archiepiscopatum, hoc vero anno, Martio mense exeunte, pallium obtinuerit.

Error U-  
ghelli, &  
Valerii a  
Ponte.

Anno altero, quam Metropolis Jaderinæ possessionem adierat, bellum Cyprium exarsit, cujus primos impetus Dalmatia excepit. Turcæ in agrum Jaderinum hoc & superioribus annis illati cum omnia igni ferroque devassent, Capitulum & Clerus Jaderensis fere omnes, quos ex decimis percipiebant, proventus amiserat. Andreas utriusque inopie atque egestati ut consuleret, sacerdotium sive Abbatiam S. Michaelis de Monte apud insulam Uiliani, ob mortem Mutii Calini Episcopi Interamnensis extincti anno 1570., quasi caducam & vacuum, cum omnibus ejus redditibus, eidem Capitulo & Clero perpetuo possidendam, & fruendam attribuit: id tamen oneris utrique imposuit, ut ex hujus sacerdotii proventibus quinos & vicenos argenteos singulis annis Magistro clericorum contribuerent.

*Andreas Minutius miserat. divina Archiep. Jaderen. Dilectis nobis in Christo Archidiacono, Archiepiscopo, Primicerio, & Canonicis Cap. Jaderen., nec non omnibus Mansionariis, Septimanariis, Diaconis, Subdiaconis, & Acolytis de massa Capit. Jaderen., presentibus & futuris salutem, & spiritualium bonorum incrementum. Cum nuper beneficium rurale non autem claustrale, Abbatia S. Michaelis de Monte nuncupatum, in insula diœcesis Jaderensis constitutum, per mortem B. M. Reverendissimi Patris Domini Mutii Archiepiscopi, nec non Dei & apostolicæ Sedis gratia olim Episcopi Interamnensis, ejusdem beneficii Abbatia nuncupati ultimi & immediati possessoris, & rectoris, nuper extra Romanam Curiam vita functi, vacavit, & vacet; nobisque per*

Decretum  
Andreæ  
Minutii  
Abbatiam  
S. Michaelis  
Capitulo  
& Clero  
conferen-  
tis.



per vos humiliter supplicatum fuerit, ut, cum omnes licet tenues & miseros proventus decimarum agri Jadrensis ad praesens ob Turcarum saevissimum bellum in totum igni & gladio devastati ac occupati, amiseritis, quorum tamen, dum extabant, dimidium dumtaxat inter vos, qui sexaginta duorum, sub diversis titulis, corpus perpetuae Ecclesiae Jadren. servituti obligatum efficitis, dividebatur, & eo unico proventu vivebatis, ac propterea ad extremam paupertatis & miseriae calamitatem delapsi estis; ipsum beneficium, ut praemittitur, vacans vobis in perpetuas quotidianas distributiones inter praesentes in Ecclesia Jadrensi praedicta, horis canonicis quotidie actu deservientes, convertendum, & applicandum conferamus; ut sic aliquatenus sublevati, Dei omnipotentis, & ejusdem Ecclesiae Jadren. servituti, & cultui incumbere valeatis. Nos igitur scientes expositionis, & supplicationis vestrae veritatem; considerantes ob beneficiorum ecclesiasticorum tenuitatem in diocesi nostra ad fines Turcarum existentium, quae nunc praeter unicas steriles insulas a Turcis, ut praefertur, occupata sunt, in pacis tempore Seminarium in Ecclesia Jadrensi juxta praescriptum sacrosancti Concilii, licet id faciendi tum nos, tum praecessores nostri cuperemus, nullo studio erigi seu institui potuisse; ex vacatione hujus beneficii in nostra diocesi consistentis bonum aliquod perpetuum opus ad laudem omnipotentis Dei, & Ecclesiae Jadrensis decorem, & Cleri ipsius profectum, vobisque supplicantibus, nullatenus non impertiendum instituendumque arbitrati sumus. Ergo praesentium tenore, auctoritate nostra ordinaria, qua ex munere Archiepiscopatus nostri fungimur, & omni, quo possumus, & valemus, meliori ac magis subsistenti modo beneficium ipsum rurale Abbatiae S. Michaelis de Monte nuncupatum, sicuti praemittitur, vacans, vobis dilectis filiis Capitulo & Clero Massae capitularis Jadren., humiliter petentibus, supplicantibus & recipientibus, in perpetuum ad laudem & gloriam omnipotentis Dei, ejusque gloriose Virginis matris, Spiritus Sancti gratia invocata, conferimus, & consulimus; vobisque de eodem providemus, & providendum duximus, cum omnibus & singulis fructibus, redditibus, & proventibus, juribus, jurisdictionibus, & emolumentis quibuscumque ad dictum beneficium rurale Abbatiae nuncupatum quomodocumque, & qualitercumque spectantibus, & pertinentibus, inter vos & successores vestros in perpetuas quotidianas distributiones pro portionibus consuetis, salva tamen annua perpetua obligatione infra scripta, & inter praesentes dumtaxat in Ecclesia Jadren. personaliter horis canonicis deservientes distribuendis. Quos quidem fructus & proventus beneficii jam dicti vobis collati, tenore & auctoritate praedictis obligamus, & subponimus in perpetuum ad solvendum ducatos 25. in singulis annis Doctori seu Magistro scholae erigendae, qui litteris Latinis bonisque moribus clericos Ecclesiae Jadrensis instructurus est; ita quod, si nullos alios fructus per tempora idem beneficium, praeter hos ducatos 25., reddiderit; eos tamen, omnibus aliis semotis & cessantibus, huic institutioni clericorum obnoxios, & obligatos esse volumus atque decernimus. Mandantes tenore & auctoritate praedictis cuicumque Notario publico diocesis Jadren., quem duxeritis eligendum, ut Reverendum Archidiaconum Jadren. nomine omnium vestrum virtute harum nostrarum collationis litterarum, praestito prius ab eo

corporali juramento in animam omnium vestrum de fidelitate & obedientia servanda erga Sanctissimum D. N., & p. Sedem apostolicam, & nos, & successores nostros legitimos, & de tuendis juribus dicti beneficii, in realem & actualem possessionem ejusdem beneficii Abbatiae nuncupati, cum conditionibus & obligationibus praedictis inducat, & inductum conservet; ac vobis de fructibus, redditibus, proventibus omnibus, & quibuscumque dicti beneficii Abbatiae nuncupati, ubique existentibus, integre responderi faciat, amoto inde quotibet illicito detentore, per censuram ecclesiasticam, si opus erit, compescendo. In quorum fidem, & testimonium has nostras litteras per Cancellarium nostrum infra scriptum fieri, & subscribi, ac nostri majoris sigilli appensione, & manus nostrae subscriptione firmatas, roborari mandavimus. Dat. Jadræ in Camera cubiculari nostra an. Nativ. D. N. Jesu Christi 1570, Indict. 13., die vero 24. mens. Aprilis, Pontific. sanctissimi D. N. Pii D. G. PP. quinti an. v. praesentibus D. Laurentio Ventura, & D. Marcantonio Bassano civibus Jadren. testibus rogatis, specialiterque &c. &c.

Andreas idcirco fortasse jus illius sacerdotii conferendi ad se pertinere exultabat, quod Mutius extra Curiam Romanam, & illis mensibus mortuus esset, quos episcopales vocant, ignarus decreti pontificii, quod quolibet hujusmodi sacerdotia, usque ad certum & praefinitum tempus vacatura, arbitrio & potestati Sedis apostolicae reservabat. Itaque Pius V. Patribus Dominicanis Jadertinis, quorum annui proventus propter vastationes Turcarum detrimenti plurimum ceperant, Abbatiam S. Michaelis concessit, & cum eorum coenobio in perpetuum conjunxit.

Pius Episcopus servus servorum Dei ad perpetuam rei memoriam. Exposcit debitum pastoralis officii, cui disponente Domino praesidemus, ut circa statum monasteriorum, aliorumque regularium locorum quorumlibet prospere dirigendum, intendentes in iis, per quae commoditatibus illorum, ac divini cultus augmento consulitur, partes apostolicae providentiae, prout opportunum fore conspiciamus, favorabiliter impertiamur. Dudum siquidem omnia beneficia ecclesiastica ex tunc, usque ad certum tempus tunc expressum 18. Aprilis, & certis aliis etiam tunc expressis mensibus, aliasque per resignationem extra Romanam Curiam vacatura, collationi & dispensationi nostrae reservavimus, decernentes ex tunc irritum, & inane, si secus super his a quocumque, quavis auctoritate scienter vel ignoranter contigerit attentari. Cum itaque postmodum ecclesia, sive Cura, Abbatia nuncupata S. Michaelis, in loca ultra Barchaneum dioc. Jadren., sive prope & extra muros Jadrenses, quam b. m. Mutius Episcopus inter alia ex concessione dispensationeque apostolica in titulum sive commendam, dum viveret, obtinebat, per obitum ejusdem Mutii, qui tempore praedicto nondum elapso extra dictam Curiam de mense Aprilis proxime praeteriti diem clausit extremum, vacaverit, & vacet ad praesens, nullusque de illa, quatenus per obitum hujusmodi vacet, ut praefertur, praeter nos hac vice disponere potuerit, sive possit, reservatione, & decreto obstantibus supradictis; cumque sicut accepimus, in civitate Jadrensi extet una domus sive conventus Ordinis S. Dominici FF. Praedicatorum, in qua, seu quo studium universale FF. Religiosorum dicti Ordinis totius illius

Pius V.  
abrogata  
Minutii  
donatione,  
Sacerdotium S. Michaelis Patribus Dominicanis  
conferit.

illius provinciae Dalmatiae consistat, quae quidem domus, licet sit principalis illius provinciae, & valde insignis, summa tamen paupertate est oppressa; idcirco nos, qui dudum inter alia volumus . . . . . quique tam ad subsistentiam dilectorum filiorum Prioris & Fratrum, seu Religiosorum dictae domus, quam ad studii universalis, & studentium conservationem & mantentionem, fraternae considerationis intuitu, curam dirigentes, ac in praemissis pro nostri pastoralis officii arbitrio opportune providentes, ipsosque Priorem & Fratres, ac eorum singulos a quibuscumque excommunicationis, suspensionis, & interdicti, aliisque ecclesiasticis censuris, & poenis a jure, vel ab homine quavis occasione latis, si quibus quomodolibet innodati existant, ad effectum praesentium dumtaxat consequendum harum serie absolventes, & absolutos fore censentes, nec non aliarum unionum eidem domui seu conventui quomodolibet factarum tenorem verumque & ultimum dictae ecclesiae vacationis modum, & si ex illo quavis generalis reservatio, etiam in corpore juris clausa resultet, praesentibus pro expresso habentes; motu proprio, non ad ipsorum Priorum & Fratrum, & alterius pro eis nobis super hoc oblatae petitionis instantia; sed de mera liberalitate, ac ex certa scientia ecclesiam praedictam, & illius fructus, redditus, & proventus, centum ducatorum auri de Camera, secundum communem estimationem valorem annuum, non excedentes . . . . . cum annexis hujusmodi, ac omnibus juribus, ac pertinentiis eidem domui, sive conventui; ita quod licet Priori & FF. praestatis per se, vel alium, sive alios, ejusdem domus, seu conventus nomine corporalem possessionem ecclesiae praedictae, & annexorum jurium, & pertinentiarum propria auctoritate libere apprehendere, ac perpetuo retinere, illiusque fructus, redditus, & proventus percipere, exigere, ac in domus & conventus ac studii praedictorum usus, & utilitatem convertere, nec non ejusdem domus, seu conventus . . . . . unum, annuimus & incorporamus; nec non unionem, annexionem, & incorporationem praedictam sub praetextu, quod illa vocatis vocandis, & ex necessaria causa facta non sit, nullo umquam tempore retractari, neque Priorem & Fratres praedictos ad illius causam verificandam teneri, aut praesentes litteras quovis quovis colore vel ingenio, de subreptionis vel obreptionis, aut nullitatis vitio, seu intentionis nostrae defectu notari, vel impugnari posse decernimus &c. &c. Nulli ergo &c. Dat. Romae apud S. Petrum, Anno ab Incar. Domini 1570. Cal. Junii, Pontificatus nostri an. V.

Senatus  
pontificiam  
donatio-  
nem appro-  
bavit.

De hujusmodi sacerdotio lis aliqua fuit Patriarchis Dominicanis cum Capitulo & Clero Jaderensi, quae Venetias delata cum fuisset, Aloysius Dux & Senatus possessionem antea traditam Canonicis, & clericis Jaderinis revocavit, & pontificia Piana concessione approbata, cenobio S. Dominici adjudicavit. Extant litterae ducales in tabulario ejusdem cenobii.

Jamdudum Veneti novis operibus, & propugnaculis Jaderam communire coeperant. Bello Cyprio exorto, his munitionibus quod deerat, Senatus jussit perficere. Quae pars nunciorum in portum imminet, erat structurae perantiquae, multaque locis labefactata, & sane debilior, quam ut vim hostilem sustinere posset. Hanc igitur reficiri ac refici, & quod caput erat, aggeribus firmari oportebat. Obstabat

templum S. Mariae Majoris mœnibus contiguum, in quo corpus S. Simeonis jam inde a saeculo decimotertio asservabatur, & summa veneratione colebatur. Quare templum illud demolendum esse censuerunt, locus ut esset aggeribus extruendis, intacto tamen sacello S. Rocchi, in quod translatus fuit sanctissimum illud corpus, arca argentea exemptum, & arca cupressina inclusum, reconditumque in veteri loculo marmoreo, subter mensam altaris ad tempus depositum fuit. Arca vero argentea Virginibus Benedictinis S. Mariae in custodiam tradita est. Sed cum locus ille, perangustus atque inornatus videretur indecens esse, ac plane indignus, qui talis ac tanti Prophetæ sanctissimas exuvias apud se conditas servaret; Jaderenses pro sua erga S. Simeonem eximia religione, non procul a veteri novum templum opere cultuque magifico construere decreverunt; jamque jacta erant fundamenta, & parietes e solo eminere jam coeperant; cum ob defectum pecuniae inchoatum opus intermittere oportuit; ac centum fere anni efflaxerunt, antequam sacrum illud corpus in locum digniorem transferri potuerit.

Dum bello Cyprio Dalmatia quoque ardebat, Andreas Jadera secedens, Marco Lauretano Episcopo Nonensi ecclesiae suae administrationem commisit. Annos natus sexaginta, extra diocesim, ut docet Valerius a Ponte, & quidem Venetiis diem obiit supremum; eique Minutius fratris filius in æde metropolitana monumentum posuit, atque elogium fecit:

Corpus S.  
Simeonis  
in sacellum  
S. Rocchi  
transla-  
tum.

Andreas  
extra dioc-  
cesim mor-  
itur.

Ejus elo-  
gium, &  
scriptio  
sepulcra-  
lis.

#### Christo Redemptori.

Andreas Minutius Serravallesi Doctore  
Verum usu, religione, charitate, lenitate  
Praestantissimo, per Pium Quintum Pon. Max.  
Jaderensi Archiepiscopo creato, qui moriens  
Incredibile sui desiderium, boniq. cognomen-  
tum reliquit.

Vixit Andreas annos sexaginta, in Archie-  
piscopatu

Annos quinque; obiit MDLXXII.

Integram inscriptionem habes in Minutius Archiepiscopo, qui post quatuor Archiepiscopos interjectos patruo successit. Ejus corpus Venetiis in patriam translatus Nicolaus & Hieronymus fratres Andree apud Serravallem, in templo suburbano S. Andree tunc primario illius oppidi, medio in Odeo perhonorifica sepultura donarunt; atque ab latere summi altaris, quod cornu epistolae vocant, monumentum marmoreum parieti affixum, egregieque ornatum eidem posuerunt, his litteris inscriptum:

Jesu Xpo. Redem.  
Andreas Minutius Jo. Filius,  
Artium, Scientiarumq. peritiss.  
Jadera Archiepiscopus,  
Ibi, Romae, & ubiq. clare vixit;  
Annum agens LX. Venetiis obiit.  
Nicolaus, & Hieronymus I. C.  
Fratres Fratrem merentes  
Huc deferri, & hic deponi curarunt.  
MDLXXII.

Post obitum Andree, cum ob clades a Turcis illatas, & vastationem agri Jaderini, vestigia ecclesiae & mensae archiepiscopalis valde diminuta essent, nemo fuit, qui Archiepiscopatum peteret, ac tantum onus, necessarius ad illud pro dignitate sustinendum subsidiis desti-

Ecclesiæ  
Jadrensis  
administratio tradita  
Marco La-  
uretano E-  
piscopo  
Nonensi.

tutum; subire vellet. Itaque Gregorius XIII. Pont. Max. Marcum Lauretanum Episcopum Nonensem Ecclesiæ Jadrensis administratorem esse iussit, litteris ad eum datis anno 1573. xiiii. Kal. Aprilis. Ecclesiasticorum reddituum quod supererat bifariam distribui voluit, & partem unam Aloysio Cardinali Cornelio, alteram ipsi Lauretano assignavit. Hic vero traditam sibi administrationem e pontificio decreto suscepit anno sequenti, tertio Non. Februarii, & quoad vixit, perpetuo retinuit: Plura, inquit, Valerius a Ponte, tam pro disciplina ecclesiastica, quam pro cultu ecclesiæ opportune constituit; scripsit de vera felicitate; vir non vulgaris eruditionis & pietatis. Hunc Ferdinandus Ughellus Archiepiscoporum Jadrensum catalogo adscripsit inter Andreæ Minutium, & Natalem Venerium, qui ceteroquin administratoris munere contentus, titulo Archiepiscopi semper abstinuit. Migravit ad superos anno 1577. vii. Kal. Julii, de quo plura in Episcopis Nonensibus. Ejus mors finem attulit interregno archiepiscopali, quod annos quinque tenuit. Post Cypriam amissam aliquot familias Græcas patria profugas Jadera excepit; quibus concessu Senatus Veneti & ecclesiæ S. Eliæ condita fuit, & sedes in urbe attributa est, ea tamen lege & conditione; ut ritum Græcum cum Religione Catholica, debitaque æga Romanum Pontificem obedientia conjungerent; itemque ut Sacerdos eidem ecclesiæ præpositus, & Curator animarum ritus græcanici, Archiepiscopo Jaderino subesset.

#### NATALIS ARCH. JADREN. XXXVI.

Hic alter est e Veneria gente apud Venetos patricia, qui haud minus virtutum, quam generis, splendore metropolim Jaderinam illustravit. Cum præter cetera, quibus præditus erat, ornamenta, linguam Slavonicam calleret, apprime utilem ac necessariam ad rusticanos homines Italici sermonis ignaros erudiendos, illum Gregorius XIII. huic diœcesi ac metropoli maxime aptum esse censuit. Itaque anno 1577. 13. Novemb. providit Ecclesiæ metropol. Jaden. per obitum b. m. Marci Lauretani Episc. Nonen. illius administratoris perpetui vacanti de persona R. D. Natalis Venerii nob. Ven. sac. Theol. Doct., & in Presbyteratus Ordine a proximo mense Augusti constituti, in idiomate illius regionis instructi, cum dispensatione quoad tempus susceptionis sacri Ordinis, & salva remanente antiqua mediocritate fructuum dictæ Ecclesiæ pro R. D. Cardinali Cornelio. Ex tab. confistor. Anno sequenti xvii. Kal. Julii Jaderam appulit, & ecclesiæ sibi traditæ possessionem adivit, ut constat ex responsione Petri Veglenis Episcopi ad litteras encyclicas, quibus Natalis de adventu suo Episcopos provinciales admonuit.

Epistola  
gratulato-  
ria Episc.  
Veglenis  
ad Nata-  
lem.

Reverendiss. in Christo Pater. Quod Ecclesiam Jaden. Pastore destitutam persona vestra summa religione, probitateque, ac prudentia erudita, Sanctiss. D. N. D. Gregorius divina providentia PP. XIII. Sancto Spiritu affluens honestavit, atque illa ad ecclesiam suam xvii. Kal. Julii se contulerit, ut ex litteris suis humanissimis sub xiiii. Cal. dat. & sub prid. Nonas ejusdem alatis accepi; plurimum (ut debui) sum letatus; nam ut membra sine capite vitam ducere nequeant, ita hæc ecclesiæ sine capite vestro languida,

& pene mortua videbantur. Ecclesiæ igitur vestræ, atque Reverendissimæ Domin. vestræ etiam atque etiam gratulor, pro cuius salute, & conservatione sine intermissione preces effundam ad Dominum, & pro quarumcumque adversitatum destructione & extirpatione. Interim dum hic me ad invisendam Dominationem vestram Reverendissimam, & ejus manus deosculandas, possim transferre; me in gratiam suam recipiat & conservet, cui metotum trado atque commendo. Monito quod Ecclesiæ mea multis agitur adversis, de qua cum ad Dom. vestram Reverendissimam accedam, secum pluribus agam, & bene valeat. Vegla ex Episcopatu nostro die x. Julii 1578.

Dom. V. Reverendissimæ uti filius

Petrus Episcopus Veglen.

Anno 1579. Augustinus Valerius Episcopus Veronensis, vir omni laudum genere cumulatifissimus, jussu missuque Gregorii XIII., nomine ac potestate Visitatoris apostolici præditus, Ecclesias Dalmatiæ lustravit. Mense Majo Jaderam pervenit; eamque in urbem ad Concilium generale omnes tum provinciæ utriusque Spalatenfis & Jadrensis, tum reliquos Dalmatiæ Veneræ Episcopos convocavit. Interfuerunt Natalis Venerius Jaderinus Archiepiscopus, Dominicus Malcottus Aloysii Michaelis Archiep. Spalatenfis adjutor & successor designatus, Episcopi sex omnino Petrus Bembus Veglenis, Coriolanus Garzadus Auxerensis, Lucas Spingarolus Sibenicensis, Martinus de Martinis Phariensis, Petrus Cedulinus Nonensis, Franciscus Zapanius Catharensis. Tres desiderati sunt, Blasius Sidineus Arbenis gravi morbo impeditus, Antonius Guidus Tragurienis, qui tum Venetiis erat, Augustinus Quintus Antistes Corcyræ Melanæ legitima exultatione usus. Quatuor præterea defuerunt e provincia Spalatenfi Daniel Vocatus Dumnenis, idemque administrator Ecclesiæ Macariensis, sive Macharschenis, incertum quibus de causis, Seniensis qui suberat imperio regum Hungariæ, Tinniniensis vero, & Bosnensis, qui sedem episcopalem jamdudum amiserant. In hoc augustissimo conventu Augustinus leges qualdam seu constitutiones universales summa cura & prudentia elaboratas, & compositas edidit, quæ ad provinciam utramque, ac Dalmatiam Veneram pertinebant, quibusque totius rei christianæ & ecclesiasticæ descriptio moderatioque continetur. Has communi omnium approbatione receptas, in quibus singularis Augustini religio, doctrina, prudentia, & vehemens illud, quo flagrabat, studium ecclesiasticæ disciplinæ reformandæ, divinæ gloriæ augendæ, & animarum salutis modis omnibus consulendi, undique spirare videntur, dignas esse censeo, quæ hic iterum in lucem publicam prodeant, cum rara sint, vel nulla supersint earundem exempla, quæ idem Augustinus typis Veronensibus edenda curaverat.

Visitatio  
apostolica  
Ecclesi-  
arum Dal-  
matiz Au-  
gustino  
Valerio  
Episcopo  
Veronensi  
commissa.

Synodus  
generalis  
Jadertina.

Constitutiones & decreta in conventu RR. DD. Spalatenfis & Jadrensis provinciarum Archiepiscoporum & Episcoporum, ac eorum assensu a Reverendissimo D. Augustino Valerio Veroncn. Episcopo Visitatore Dalmatiæ & Reformatore apostolico promulgata, & a Sede Apostolica confirmata.

In Nomine Sanctissimæ & individuae Trinitatis  
P. & F. & Spiritus Sancti. Amen.

De iis, quæ ad Episcopos pertinent.

Constitu-  
tiones Va-  
lerianæ in  
Synodo  
promulga-  
tæ ac reco-  
pitæ.

Cum Episcoporum præsentia gregi, eorum fi-  
dei a Deo tradito, plurimum conferat, quod mul-  
tis rationibus in Concilio Tridentino sess. 23. ex-  
plicatum est; Episcopi hujus provinciae in sua ec-  
clesia resideant, non absint ab ea sine licentia  
Sanctiss. D. N., vel nisi causa suæ absentiae a  
Metropolitano cognita, & in scriptis approba-  
ta, eo vero absente, ab antiquiore Suffraganeo.  
Gregem suum pascant verbo, & exemplo, eradi-  
cent, vellant, & plantent; munere, ad quod  
vocati sunt, fungantur, non tamquam dominan-  
tes in Clero, sed forma facti gregis ex animo,  
(ut monet Apostolorum Princeps) doctrina, pru-  
dentia, & charitate præsertim in omnes, se ve-  
ros Pastores & populorum Patres ostendant.  
Quod si absuerint tribus præteritis mensibus, ad  
Sanctiss. nostrum scribat Archiepiscopus, aut an-  
tiquior Suffraganeus.

Cum præcipuum sit munus Episcopi docere, in  
tanta penuria magistrorum, qua laborat Dalma-  
tia, pro eorum pietate munus ipsi docendi susci-  
piant, Catechismum Romanum interpretentur,  
inter Missarum solemnia sermonem ad populum  
habeant, linguam Illyricam, nisi eam norint,  
studeant ediscere pro salute animarum pretioso  
Christi sanguine redemptiarum.

In mensa lectione sacra non careant, & mo-  
destia ac sobrietatis exemplum præbeant; hospi-  
tio, quatenus tenues eorum redditus patiuntur,  
pauperes Christi excipiant, illos præsertim, qui  
timore aut variis cruciatibus a christiana fide de-  
fecissent, & in gremium S. Matris Ecclesiae eo-  
rum auctoritate redire cuperent.

Et quoniam multi e populo christiano in hac  
provincia, sævissima Turcarum oppressi sunt ty-  
rannide, & tamen fidem christianam semel in sa-  
cro baptismo susceptam constanter retineant, o-  
mnibus rationibus alenda est eorum constantia,  
parvique libelli, veluti summa Catechismi in Il-  
lyricam linguam sunt transferendi; mittendi sal-  
tem Sanctissimæ Resurrectionis, & Natalis Do-  
mini nostri tempore Sacerdotes, qui ad perseve-  
rantiam illos hortetur, & charitatem, & ubi  
residet Episcopus illos invitent. Quod si Episco-  
pi zelo Dei, & studio lucrandarum Deo anima-  
rum incensi ad illos se contulerint, & magis  
Deo servient, & majorem Domini mercedem con-  
sequentur. Singulis saltem tribus annis in ea lo-  
ca, ubi fideles vitam sollicitudinis plenam ducunt,  
pro ministrando illis sanctissimæ Confirmatio-  
nis sacramento se conferant, aut saltem diaconos  
locum, quo commodius ipsi se transferre possunt,  
adeant; ibidem sacramentum ministretur, deque  
illius virtute & fructu plurima pro audientium  
captu in medium afferant.

Quolibet triennio Concilium provinciale fiat,  
ut Concilii Trident. decreto sancitum est, quod  
non incommode fieri poterit, cum magna sit lo-  
corum propinquitas, & admodum commoda na-  
vigatio, fiatque eo tempore, quod Archiepisco-  
pus commodius judicaverit, in quo Concilio no-  
va, si necesse fuerit, constitutiones proponantur,  
& de observatione harum agatur, atque illic  
se invicem Episcopi consolentur, & in arte  
pascendarum animarum, quæ omnium difficillima  
est, se invicem instruant. Quod si Archiepiscopi  
hac in parte officio suo defuerint, antiquior Suf-  
fraganeus residens possit Concilium convocare.

Convocet unusquisque Episcopus propriae eccle-  
siae synodum singulis annis post Sanctissimæ Re-  
surrectionis D. N. J. C. dies, quam unius diei  
spatio poterit absolvere; ibique examinatores &  
judices juxta formam Concilii Trident. constituat.

Adhibeant Episcopi magnam diligentiam in exa-  
minatione Ordinandorum, cum hoc munus sit tan-  
tum Episcopi; nec prorsus sine dimissoriis quem-  
quam ad ordinationes admittant contra decretum  
Concilii Tridentini; quod si aliter fecerint, pæ-  
nis a sac. Concil. statutis subiciantur.

Vicarium doctrina, & vitæ integritate præ-  
stantem habeant; sed neminem de Capitulo, ad  
vitandas dissidiorum occasiones, generalem consti-  
tuant Vicarium.

Cum in hac provincia magna sit Sacerdotum  
penuria; caveat Episcopus ne Sacerdotum incitiam  
adhuc magis, quam paucitas ejus ecclesiam de-  
decoret; ideo litteras dimissoriales non concedat,  
nisi maxima necessitate, & nisi diligenter eos,  
quibus litteras concesserit, examinauerit.

Et cum Sacerdotum paucitati, & incitiam in  
hac provincia succurrendum sit, nullaque sit fa-  
cilius ratio, quam si Seminaria juxta formam  
Concilii Tridentini erigantur, orant Visitator,  
& Patres per viscera D. N. J. C., & per ze-  
lum honoris Dei, cujus S. P. D. noster Grego-  
rius XIII. plurima dedit documenta, & quotidie  
dat, ut ad erigendum saltem unum Seminarium  
in Spalaten., alterum in Jadren. provincia ani-  
mum suum propagandæ christianæ religionis stu-  
dio maxime incensum intendat, unioribus benefi-  
ciorum simplicium, pro alendis saltem 40. cler-  
icis, pro quorum educatione sexcenti nummi  
aurei fortasse sufficient; & pro sua benignitate  
concedat, ut dum hujus provinciae beneficia va-  
cent, huic necessitati aliqua ratione succurratur.  
Quod si difficile Sanctissimus D. N. judicaverit  
erigi posse Seminaria in hac provincia, quæ omni-  
bus hujus provinciae ecclesiis serviant; admitti  
saltem jubeat e singulis ecclesiis 4. pueros ab  
Episcopo cum consilio Capituli eligendos in Ger-  
manico collegio Romæ erecto, aut in Dalmatico  
ejusdem Sanctiss. D. nostri benignitate erigendo.

Interea Episcopi maxime curent ut clerici,  
qui ecclesiae inserviunt, in Grammaticis instru-  
antur; & præcipue in illis ecclesiis, in quibus  
præceptores non sunt delecti; qui tamen omnino  
studeant, ut quantocius probati & eruditi eli-  
gantur.

Cum nulla sit in hac provincia juris canonici pe-  
ritia, tantaque sit civium & omnium inopia,  
ut nequeant ad discendam nobilem & necessariam  
scientiam ad publica se conferre gymnasia; sup-  
pliciter rogant Patres ejusdem provinciae Sanctiss.  
D. N. velle, ut e singulis Dalmatiae civitatibus  
duo, aut saltem unus in collegiis, quæ Romæ,  
Bononiæ, Perusie instituta sunt, recipiantur, &  
saltem per quinquennium alantur, iique ab Epis-  
copo eligantur.

Magistrum morum, & ceremoniarum Episcopi  
etiam deligant, cui aliquod simplex beneficium ap-  
plicent.

Studeant maxime Episcopi, ut Sacerdotes, qui  
confessiones audiunt, & doctrina & moribus sint  
probati.

Suppliciter hic Conventus B. P. D. N. Gre-  
gorium XIII. rogat, ut Præpositis Ordinis S. Do-  
minici & S. Francisci jubeat, ut Religiosi omnes  
viri, qui in hac provincia monasteria sunt in-  
gressi, & hoc tempore in Italia degunt, in e-  
andem provinciam redeant.

Unum

Unum saltem collegium PP. Jesuitarum pro sua benignitate in hac provincia erigat.

Cum in hac provincia, Turcis immanissimis christiana religionis hostibus nimis propinqua, periculum sit ne haeretica labes subrepat, Presbyteros Servianos ad se evocabunt Episcopi, illisque saepe inculcabunt non habere Deum Patrem, qui Sanctam Romanam Ecclesiam Catholicam non sequitur Matrem; instruuntque illos praesertim in articulis fidei, de premiis sanctorum, de poenis damnatorum etiam ante diem Judicii, de processione Spiritus Sancti a Patre & Filio.

Indicem librorum prohibitorum in synodo dioecessana promulgabunt; cavebunt maxime ne homines haeretica peste contaminati in hac provincia lateant.

Ludimagistros, a quorum probitate & doctrina populorum & civitatum disciplina ortum habet, qui corruptis moribus totam corrumpere possunt provinciam, diligenter ipsos Episcopus examinet, & juxta sac. Concil. Trident. decretum inquirat, ac praescriptum Sanctiss. Domini Pii IV., & nisi sincera fide fuerint, illos docere non permittat. Si vero eos viros bonos, & satis eruditos cognoverit, hortetur ut ad pueros in doctrina christiana instituendos diebus festivis una cum discipulis ad ecclesiam accedant.

Quia prava quadam irrepsit consuetudo in Dalmatia eligendi magistros Regulares viros, qui relictis monasteriis suis, quae officinas virtutum omnium nominat S. Bernardus, quadam mercedula illecti, aut potius licentia vivendi, ad onus docendi Grammaticam se deligi conantur, Episcopi maxime studeant, ut in suis monasteriis manentes ab hujusmodi docendi munere excludantur, diligenterque indagent qua auctoritate extra monasteria vivant, illosque cogant, ut ad monasteria redeant sua.

Quia saepe Dominorum Venetorum triremes in hujus provinciae portus se consueverunt recipere, studeant Episcopi, ut miserandos homines ad triremes damnatos per se, aut per alios interdum consolentur, & poenitentiae sanctissimaeque Eucharistiae sacramentis resciantur; singulique triremium Capellani, quibus illorum animae a Deo sunt commissa, ab illis Episcopis examinentur, ac visitentur, ad quorum dioecesim applicuerint.

Cum indulgentia noverca sit disciplina, curent Episcopi ut clericos concubinos, adulteros, aut quocumque gravi scelere contaminatos ad exemplum & terrorem ceterorum puniant.

Belli tempore, quod interdum solet accidere ob potentissimi & immanissimi hostis vicinitatem, Episcopi gregem non deserant suum, pro quo Christum Pastorum omnium exemplar imitantes animam ponere debent suam; nam pastoralis auctoritas nullo tempore magis prodesse potest, quam dum pro religione christiana dimicatur.

Orationem esse veluti telum, quo Sathana resistitur, & veluti clavis, qua calum aperitur, Sancti Doctores memoriae prodiderunt. In hac igitur provincia, quae Turcarum faucibus est exposita, maxime necessariam esse orationem ad mitigandam iram Dei, & ad peccata vitanda nemo negabit. Idcirco Episcopi curent, ut ad campana sonum eodem tempore fiant preces ad Dominum Deum, ut populum suum a Turcarum tyrannide tueatur, & hanc provinciam, totamque christianam rempublicam pro sua misericordia defendat.

Cum nulla sit major miseria, quam ignorare rudimenta christiana religionis, sine quibus nemo

Illyrici Sacri Tom. V.

ad patriam caelestem pervenit; maximam Episcopi adhibeant diligentiam, ut singulis diebus festis ad sonum campanae pueri in ecclesiam conveniant, & in doctrina christiana erudiantur. Clericos vero deligent, qui vicissim id muneris suscipiant. Addant etiam aliquos probos viros, qui in illa nobilissima docendi ratione versentur, atque in illa eleemosyna, qua nulla esse potest Deo acceptior, se exercent; illosque saepe hortentur, ut singulos pueros filios existiment suos; & illos in doctrina christiana instituunt, mercedem laborum suorum a benignissimo Patre Deo bonorum omnium largitore accepturi.

Quia in hac provincia ferocissimus hostis omnes fere agros depopulatus est, & in suam redegit potestatem, ita ut sit maximus egenorum numerus, Pietatem charitatis proximis mensibus erectam conservare, atque etiam propagare sermonibus suis & privatis hortationibus nitantur Episcopi; servanturque regule, quae singulis civitatibus sunt propositae.

Quoniam ut scribit S. Augustinus, qui sanctissima femina Monica filius fuerat, ubi ad Episcopatum fuit promotus, nec cum matre habitare voluit, his verbis utens: Matris meae & sororis meae ancilla, nec mater, nec soror est. Idcirco ad evitandum omne scandalum Episcopus in suo episcopatu nullam mulierem, quamvis aristissima affinitate conjunctam, habitare permittat: cui constitutioni si non paruerit, Archiepiscopus illum arguat; & si magnum inde oriri scandalum animadverterit, ad Sanctiss. D. N. scribat.

Cum in hac provincia sive Hebraeorum astutia, sive Christianorum, in quorum animos ipsi illabuntur, perverso judicio, Hebraei medicam artem exercent, sive a civitatibus honorificis stipendiis vocentur cum aliquo christiani nominis dedecore, & non minimo periculo damnationis aeternae eorum, quibus ipsi medentur; curent omnino Episcopi, ne Hebraei medici eligantur, cum decretum Sanctissimi D. N. Pii V. de morandis agrotis ad sanctum poenitentiae sacramentum suscipiendum ipsi observare prorsus negligant; hortanturque Visitator, & Patres hujus provinciae Communitates, ut ab inimicis Crucis Christi, & a perfidis hominibus caveant.

Afflicta provincia Dalmatiae tot bellis, & Turcarum incursionibus, discordia miseranda & intestino morbo laborare consuevit. In hoc igitur maxime studium, & diligentiam adhibeant Episcopi, ut dissidentes animos concilient, & piis operibus, confraternitatibus, societate in primis charitatis illos conjungant.

Cum autem ad Episcopos maxime pertineat orare pro populis, & sacrificium offerre pro salute animarum eorum fidei traditarum, singulis diebus festis saltem Missam celebrent; nam suo exemplo reliquos Canonicos, & Sacerdotes ad idem sacrificium offerendum excitabunt.

Quia non solum praesentibus, sed etiam futuris debet consulere Episcopus, & curare diligenter, ut Christi patrimonium, hereditatem pauperum & Ecclesiae sponsae facta testa tueantur; curabit ut archivium fiat, in quo omnia publica instrumenta ad ecclesiam spectantia reponantur; ad hocque in suis aedibus locum tutum & abditum perquirat; cogatque notarios etiam ecclesiasticis censuris, ut eadem publica instrumenta, & acta publica, vel litteras, aut quavis similia, quae ad ecclesiam spectant, hunc in locum conferant, invocato, si opus fuerit, pro illis conferendis auxilio brachii secularis.

M

Quia



Quia in hac provincia summa Dei benignitate, & horum populorum catholica fidei zelo, multae atque eadem nobiles Sanctorum, Sanctarumque reliquiae asservantur; curent Episcopi ut magna in veneratione habeantur; non omnium oculis, & omni tempore pateant, statis tantum diebus populis ostendantur; quo vero die reliquias ostendent, Episcopus, aut ejus nomine quispiam Concionator, magnos illos esse thesauros commemorabit, populosque excitabit ad veram pietatem, & ad illas debita veneratione prosequendas.

Curent Episcopi ut rite sanctissima Sacramenta ministrentur. In consecratione sanguinis D. N. J. C. albo potius vino, quam nigro utantur; & in communione laicorum ad tollendum omnem errorem, in quem aliqui possent incidere, in ablutioe vitrea vel alterius materiae vasculo utantur, eoque forma decenti conflato.

Caveant omnino Episcopi ne oratoria in privatis domibus construantur, neve sanctissimum Eucharistiae sacramentum extra parochias, nisi maxima in necessitate sumatur; idque ad conservandam sacramenti unitatem; & ut Parochis nota sit parochianorum suorum pietas & devotio.

Studeant Episcopi ut legata ad pias causas pro officiis, & Missis pro mortuis celebrandis, aut pro excipiendis, & alendis pauperibus, a fidelibus, & aliis omnibus instituta omnia serventur; magistratuumque auxilium illis non defuturum confidimus; & ne desint causae Christi eosdem magistratus ad id Patres vehementer hortantur, quia parebunt sacro Concilio Tridentino, & serenissimae Reipublicae Venetique Senatus consulto, quae illud observari iussit.

Cum in religiosorum hominum claustra, atque etiam in hortos mulieres variis pretextis ingrediantur, praesertim ut hauriant aquam, contra Bullam Sanctissimi Pii V. & Gregorii XIII.; hac constitutione decernitur, ut illorum monasteriorum Praepositi, qui mulieres pro haurienda aqua, aut pro quavis alia causa in eorum monasteriorum claustra aut hortos ingredi non prohibuerint, subiaceant poenis contentis in ipsis Bullis.

Quoniam perversa illapsa consuetudo de fratribus juratis, in qua adhibito iurejurando, & verbis quibusdam a Sacerdotibus prolatis, quasi sanctum Sacramentum ministretur, superstitiosa ac nimis periculosa conjunctio iniri consuevit inter mares & feminas, inter Turcas & Christianos, inter eosdem & Gracos schismaticos, quae familiaritas multorum peccatorum occasionem praebuit; hujusmodi pravam consuetudinem avertere studeant, Sacerdotibusque prohibeant poenis etiam propositis, ac hujusmodi juramenti intersint, neve illas conventiones verbis suis roborent.

In eligendis patrinis aliquis delectus habeatur, nimirum ne sint haeretici, schismatici, aut homines facinorosi, & qui statuto tempore Sanctissimum Eucharistiae Sacramentum non sumpserint; quod ut fiat magnam diligentiam adhibeant Episcopi.

Ad tollendam pravam consuetudinem, & morem Ethnicorum, qui a Christiana religione omnino alienus esse videtur; jubeant Episcopi ne quis in hac provincia in die Commemorationis omnium fidelium defunctorum, super sepulcris mortuorum comestiones faciat; quin potius hortentur, ut cibi illi pauperibus distribuantur, mercedem a Deo accepturi; quod si quis secus facere ausus fuerit, arbitrio Episcopi puniatur.

Et quoniam contra decorem, & dignitatem religionis quandoque accidit, ut Religiosi mendicantes dum eleemosynam quarunt, in proprio habitu non incedant, & ob id populum in illos obloqui observatum sit; Episcopi perversum hunc morem omnino tollere curent. Si quis vero sine monachali habitu incedere deprehensus fuerit, arbitrio Episcopi puniatur.

Quia Sanctam Romanam Ecclesiam tamquam omnium Ecclesiarum Magistram in ipsis etiam, quae ad externum Dei cultum pertinent, omnino sequi & imitari aliae omnes Ecclesiae debent; hac constitutione decernimus, ut in ceremoniis, in canonicis horis persolvendis, in Epistola & Evangelio recitandis, & in sacris indumentis conficiendis, mos & consuetudo Romana servetur.

Cum Sathanae astutia, qui nihil aliud molitur, nisi ut omnibus rationibus suam augeat tyrannidem, & bona etiam opera corrumpat, accadat ut, cum representationes Passionis & Sanctorum fiunt, plerumque oriantur inimicitiae, & res sacrae profane tractentur, risusque interdum inde excitetur; representationes hujusmodi Episcopi fieri minime permittant. Si quis autem representare ausus fuerit, ab iisdem puniatur.

Cum ecclesia sit domus orationis, in qua divina laudes Deo persolvuntur, ab eaque omnes vendentes & ementes Dominum nostrum ejecisse in Evangelio sit scriptum; hoc maxime curent Episcopi, ut a foribus, & porticu ipsius ecclesiae omnia profana, & praesertim choreae, saltationes & ludi arceantur.

Ut misericordiae opera omnia exercere non omittant Episcopi; ad calamitosos homines, qui in carceribus detinentur, accedant; atque paterno studio eos consolentur, diligenter inquirant an illis sancta sacramenta ministrentur.

In his, quae spectant ad hospitalia, in quibus pauperibus Christi, quae ad victum, & ad valetudinem recuperandam sunt necessaria suppeditantur; maximam diligentiam adhibeant Episcopi, ut fideliter & paterne se habeant hi, ad quos hujusmodi administratio pertinet. Omnino autem tenentur id servare, quod sacri Tridentini Concilii decreto hac de re sancitum est.

De his quae a Reipublica magistratibus praestari debent.

Clarissimis Venetae Reipub. magistratibus, ut serenissimae Reipublicae, quae erga Sanctam Sedem Apostolicam Romanam plurima semper dedit obedientiae & observantiae documenta, post Episcopos potior sit locus in supplicationibus, atque etiam in ecclesia.

Studeant Episcopi si fieri potest, quemadmodum in proxima visitatione statutum est, ut chorus sit divisus ita, ut clerici dum canonicas persolvunt horas, a laicis non impediuntur.

Rectores hujus provinciae pro eorum pietate Episcopis faveant, causam Dei defendant, dignitatem Sedis apostolicae, & immunitatem ecclesiasticam juxta praescriptum sac. Trident. Concilii tueantur; Episcopos decimas, quae ipsis de jure debentur, petentes, & exigentes non impediant, auctoritate potius sua juvent.

Et quoniam aequum est, isque praeceptorum Venerabilium, qui catholicam Rempublicam plurimos annos pie & innocenter administrant, fuit perpetuus mos, ut decimae Deo dicatae a quopiam minime defraudentur, exigantur potius juxta justam portionem ab Episcopis ministris Dei, a Canonicis, & Parochis; hac constitutione iidem clarissimi omnium civitatum Dalmatini Quae-

re-

vehementer rogantur, ne a priscorum Venetorum majorum suorum pietate degenerent, eorum potius studium in ecclesiasticorum bonis juvandis imitentur. Amplissimo Senatui in hac re obtemperent, qui plurima Senatusconsulta in eandem sententiam fecit, modumque illum exigendi decimas servari jubeant, qui servatur in exigendis decimis Sereniss. Dominio debitis; (præsertim in insula Veglia) cum æquissimum sit, ut major diligentia adhibeatur in exigendis his, quæ Deo ejusque cultui debentur, quam adhibeatur in exigendis, quæ Principum sunt.

In clericos sæculares aut regulares non ausint ulla de causa manus inicere, nec ulla prorsus processus formatione de eorum criminibus inquirere, ne in excommunicationem a Sanctis Ecclesiæ Romanæ Pontificibus in Cæna Domini promulgatam incidant; Episcopum potius civitatis aut Vicarium amice si quid contra clericos aut religiosos ad aures eorum pervenerit, moneant.

Sciant iidem clarissimi Rectores nihil fore Deo bonarum rerum omnium auctori acceptius, nihil Venetæ Reipublicæ, a qua ea dignitate ornati sunt, gratius, nihil populis, quibus præsent, utilius, nihil illis demum honorificentius, quam cum ministris Dei, qui pro Christo legatione funguntur, quorumque officium est lucrari animas Christi sanguine redemptas, perpetuo consentiri, illisque obsequium & reverentiam præstare.

Rogant Patres hujus conventus eosdem clarissimos magistratus, ut cum pro tempore illis necesse est pro publicis negotiis gerendis Turcas in civitates, quas administrant, recipere, ne in domibus muliercularum, quæ a maritis & parentibus non custodiuntur, excipiant, ne infidelis hominis semen cum christiano semine Amine commisceatur.

Agnoscant clarissimi Rectores, & honore prosequantur Episcopos, ut Patres & Pastores animarum suarum per id temporis spatium, quo in Dalmatiâ magistratu fungentur; illos tamquam Patres consulant de iis, quæ ad animæ suæ salutem pertinent; maledicos, & detractores, qui Episcopum in odium populi adducere conantur, pietate & zelo Dei coerceant. Visitator, & Episcopi hujus provinciæ rogant etiam clarissimos magistratus, ut dies omnes festos, quos S. Mater Ecclesiæ servandos statuit, sanctissimosque in primis dominicos dies servari jubeant, & emptiones, nisi in magna necessitate, fieri prohibeant. In solemnitatibus Corporis Domini nostri Jesu Christi, quibus sacratissimum illud Corpus per civitatem defertur, atque etiam feria sexta sancta hebdomada, dum ad sepulcrum universo populo deducendo idem sanctissimum Corpus Episcopus defert, Turcas atque omnes infideles, qui irridere hujusmodi sacrum ritum consueverunt, quo ad ejus fieri poterit, a civitate arceant.

Cum periculosa admodum & perniciofa sit Christianis Turcarum familiaritas, feminis in primis, quibus ab illorum libidine interdum etiam contempta strui solent insidia; clarissimos civitatum Rectores iidem Patres rogant, ne permittant adolescentibus ad Turcarum molendina accedere: quas autem compererint ad ea accessisse, puniant; easdemque soli Episcopi possint absolvere.

Cum non sine piorum hominum admiratione & dolore interdum locorum quorundam Dalmatiæ Rectores in collationibus parochiarum, atque in eligendis Capellanis ad simplicia beneficia pu-

Myrici Sacri Tom. V.

blica auctoritate nixi, contra canonicas sanctiones, jus eligendi sibi usurpaverint, & non bonis Sacerdotibus interdum favcant; Episcopus si id aliquando acciderit, constitutionem hanc iisdem Rectoribus legendam curent, qua intelligant se etiam excommunicatos, tamquam juris perturbatores, ecclesiasticæ disciplinæ corruptores, & episcopalis auctoritatis usurpatores, justamque Dei iram in se provocare, & in excommunicationem latæ sententiæ incidere; præterquam quod Rempublicam, quæ Sanctæ Apostolicæ Romanæ Sedis semper paruit, & sacrum Concilium Tridentinum, quod S. C. servandum jussit, maxime ladunt.

Monent etiam Patres magnificos trivarium Præfatos, ut Deum timeant, dies festos præsertim Dominicis, quatenus matitima, in qua se exercent, disciplina patitur, servent, servilia opera in eisdem dies festos non differant; si quid vero hujusmodi facere coacti fuerint, benedictionem prius ab Ordinario petant, hujus reverentiæ erga Deum ab eodem omnium rerum moderatore, cum suis navigationibus, omnibusque negotiis remunerationem accepturi.

De iis, quæ ad Canonicos & Clericos in universum spectant.

Quoniam ipso ministro Dei decorum maxime laudatur, omnes Canonici & clerici veste utantur longa, & nigro colore, ne a populo contemnantur. In tunica nulla sit lactuca, non liceat uti serico, nec annulo, nisi iis, qui aliqua dignitate fuerint insigniti; quod si quis huic constitutioni non paruerit, juxta sacros Canones, & sacri Concilii Tridentini decreta puniatur.

Cum insigne ecclesiasticæ dignitatis sit corona in capite, omnes Canonici & clerici coronam gestent in capite; quod si facere neglexerint, ab Episcopo puniantur.

Curent, si fieri potest, Episcopi, ut clerici deferant biretum in modum crucis; quod si efficere minime potuerint, permittant ut bireto rotunda forma utantur; pileos vero forma oblonga omnino non admittant, & eos, qui illos gestarent, puniant.

In ecclesiâ sanctissimæ Eucharistiæ Sacramento maximus honor ab illis exhibeatur, genua stent submisso, suæque devotione populos ad devotionem excitent.

Episcopo tamquam hierarcho & magistro illis a Domino tradito obtemperent, gravissimumque sciant esse peccatum illum tristitia afficere, & illa verba D. N. J. C. Apostolis dicta, Episcopis dicta arbitrentur; Qui vos spernit, me spernit. Caveant itaque ne spernentes Episcopum suum, spernant Regem Regum D. N. J. C., quæ nihil potest esse iniquius, & scelestius.

Et quia ut scribit S. Jacobus, lingua est ignis, silva malorum, universitas iniquitatis, plurimæque ex maledicentiis & calumniis oriri solent inimicitia inter Sacerdotes, multa etiam concitari seditiones in Episcopos; decernitur hac constitutione, præter pœnas, quibus de jure plerumque sunt maledicentes, & illi qui Episcopum infamant suum, ut quicumque Canonicus, aut Sacerdos, clericusque Episcopum suum, aut alterius ecclesiæ, injuriosis verbis publice læserit, aut in illum Rectores civitatis, aut nobiles, aut plebem irritaverit, arbitrio Episcopi acriter puniatur.

In chorum sine superpelliceo non accedant; & sanctum altaris Sacramentum antequam offerant Deo, prius se præparent, peccata confiteantur

M 2

sua,

sua, manus laevis, in altarique biretum non ausint ponere; in ecclesia pileo non utantur, nec sine superpelliceo divino cuique officio intersint, nec puerorum etiam funeralibus, cum indecorum sit sine sacerdotali habitu sacerdotali munere fungi; iidem gravitatem cum modestia conjunctam retineant, quae decet Sacerdotes & ministros Altissimi: cui constitutioni qui contrafecerint, Episcopi arbitrio puniantur.

Prava quaedam in hanc provinciam irrepsit consuetudo, ut dum Sacerdotes primam Missam celebrant, pecuniam quærant, & convivia lauta & ampla pro qualitate provinciae fiant: huiusmodi igitur consuetudinem tollere Episcopi magna diligentia studeant.

Nemo mulierem in domo sua habitare permittat, cuius forma ad incontinentiam allici, ex qua scandala oriri possint; sed quæ sit probatis moribus, quæve Episcopi aut ejus Vicarii iudicio nullam incontinentiae suspicionem possit injicere.

Negotiatorem clericum cum Sancti Patres damnaverint, virumque de sorte Domini vocatum non deceat secularibus negotiis implicari, nullius generis mercaturam exerceat clericus, quod si secus fecerint moniti, juxta sacros Canones arbitrio Episcopi, aut ejus Vicarii puniantur.

Cum non deceat ministros Christi, Sacerdotes & clericos tempus terere, quin potius ad eos pertinet precibus, & sacrorum librorum explicatione, vitæque exemplo populos instruere, ludus alearum & taxillorum illis prorsus sit prohibitus: non intersint spectaculis aut choreis, non dent operam venationibus, non incedant personati, aut arma deferant, in quibus omnibus si deliquerint, ab Episcopo puniantur.

De iis, quæ ad Canonicos separatim pertinent.

Cum Episcopus in ecclesia principem locum teneat, & sit a Romano Pontifice Christi Vicario in partem sollicitudinis vocatus, Canonici illius capitis sunt membra; & ideo cum nihil tam deceat, quam membrum a capite dissentire, quam Canonicos cum Episcopo suo altercari; si quis igitur ex Canonicis Episcopum irritaverit, Dei iudicium non effugiet, & tamquam seditiosus a generali Vicario punietur.

Quoniam domum Dei decet sanctitudo, in ecclesia cathedrali Canonici silentium servant, a iurgiis & maledicentiis, a verbis etiam otiosis abstineant, in choro litteras non legant, & præsentem esse Christum Dominum existiment.

Quo tenuiores sunt Canonicorum præbendæ, atque etiam distributiones, quæ ipsis dantur, eo magis eorum laudanda est devotio, qui pro honore Dei, a quo tot beneficia accepimus, & accipimus quotidie, chorum frequentant, hymnosque eidem Deo canunt.

Vicarius Episcoporum sit in choro primus locus, cum unum & idem sit tribunal Episcopi & Vicarii, inter Canonicos vero Archidiacono & Archipresbytero sit locus juxta consuetudinem ejusque ecclesiæ.

In beneficiis ecclesiasticis, quæ Capitulis hujus provinciae annexa sunt, Ordinarii sollicitè providere procurent, ut per idoneos Vicarios etiam perpetuos, ab ipsis deputandos, animarum cura laudabiliter exerceatur juxta decretum Concilii Tridentini.

Provideant Episcopi ut Canonici in iis, quæ ad eorum manus, & præsertim animarum curam pertinent, instruantur.

Quicumque interpretationibus Catechismi, aut

Summa B. Antonini, aut alterius probati Doctoris, quem explicandum omnino Episcopus curabit, interesse neglexerit, arbitrio Episcopi puniatur, ut qui respuerit disciplinam, & scientiam repulerit.

Curent Episcopi ut saltem diebus Dominicis, & festis solemnioribus, si autem curam animarum habuerint, frequenter suo muneri satisficiant, & Missas celebrent.

In hac militanti Ecclesia chorus, ubi hymni cantantur Domino, representat angelicum chorum celestis hierarchiæ; studeant igitur Canonici dum in choro psallunt, Domino psallere ore & corde, non voce canere, & mente esse distractos, non laudare Deum verbis, factis vero atque odio in proximum, eundem Deum ad iracundiam provocare.

Episcopum ut Pastorem animarum, & præcipuum ministrum Christi, in ecclesia præsertim, omnibus honoribus prosequantur; illum ex episcopalibus ædibus deducant, atque ad easdem reducant superpelliceo induti, si tamen domus fuerit proxima ecclesiæ; existimentque honorem, qui Episcopo tribuitur, ad Deum, & ad se pertinere.

Cum interdum quo tempore horæ canonicæ in ecclesia persolvuntur, atque etiam offertur Domino sacratissimum sacrificium Missæ, reperiantur Canonici, qui tempus conterentes, nobilissimi sui muneris obliti cum laicis in foro nungentur; cum id constiterit, Episcopi illos monent, atque etiam puniant. Liceat tamen Canonici, ut decretum est, per tres menses, ut rebus suis consulant, ab Ecclesia abesse, salvis nihilominus earum Ecclesiarum constitutionibus, quæ longius servitii tempus requirunt.

Capitulum in propriis litibus & controversiis quacumque de causa ex distributionibus, quæ ad reliquos etiam clericos, qui ecclesiæ inserviunt, spectant, nihil expendet, nisi communis omnium causa agatur.

De iis, quæ ad Parochos pertinent.

Parochi sua parochia sine Episcopi licentia si absint, puniuntur pœnis, quæ a sacro Tridentino Concilio sunt constitutæ; & parochiam non possint dimittere etiam cum consensu parochianorum, nisi de expressa licentia Episcopi in scriptis; quod si secus fecerint, juxta ejusdem Concilii decretum puniantur.

Christianam doctrinam doceant, verbum Dei populo explicent, & non desinant sermonibus suis detestari peccata, & ad præcepta Dei servanda populum adhortari, gloriam & penam proponentes, & de quatuor Novissimis ea commemorantes, quæ facile omnibus cognita & explorata sunt.

Post solemnitatem Dominicæ Resurrectionis, eos qui sanctissimum Eucharistiæ Sacramentum minime sumpserint, deferant; quæ in re si officio suo desint, ab Ordinario puniantur.

Ad Parochorum usum, qui non satis latinis litteris instructi videbuntur, Sancti Antonini Summa Italice pro imperitis Sacerdotibus edita, aut aliqua alia Summa in Illyricam linguam vertatur; ut inde cognitionem aliquam pascendarum animarum omnes Parochi possint consequi. In sacri Baptismi sacramento administrando ritum servant a S. Romana Ecclesia institutum, quem ut omnes facilius ediscant, hujus conventus decreto Rituali Romano utantur.

Nemo intra domesticos parietes baptizet, neque alia sacramenta, & præcipue sacramentum

matrimonii ministrare audeat, nisi necessitatis causa; & unus tantum compater, & una comater juxta Sac. Triden. Concilii decretum e sacro fonte pueros suscipiant, eorumque nomina in libro describantur; nec patrinorum multitudinem permittat, ne veniente aetate ea ratione matrimonia impediatur.

Hortentur Parochi, & Episcoporum auctoritate nixi cogant omnes patresfamilias, cum primum filios susceperint, ut infra octo aut decem dies ad sac. Baptism. sacramentum suscipiendum mitant; cum non minimum periculum sit, ne si tempus protrahatur, ut inveteratus quidam mos in hac provincia obtinuisse videtur, infantes imbecilla illa aetate sine tanto ac tam necessario sacramento pereant, & iidem patresfamilias hujus negligentiae coram Deo sint reddituri rationem. Quod si observare neglexerint, ab ingressu ecclesiae, & perceptione sacramentorum sint suspensi.

Cum saepe usuveniat, ut Turcae superstitioso quodam commento a Sacerdotibus flagitent, ut filios baptizent suos, nimirum quod sibi persuadeant baptizatos non fore; caveant Sacerdotes ne sanctissimum sacramentum ea ratione dedecorent, omniaque patiantur potius, quam illud eam ob causam conferant.

Cum a Parochis matrimonia saepe celebrentur, decretum de publicationibus faciendis servent, trinas denunciations non omittant, gradus affinitatum considerent, sanctum matrimonium sancte ministrent, & gravitatem retineant suam.

Sponsam & sponsum benedicere non omittant, & de virtutibus sancti matrimonii semper aliquid dicant.

Quoniam decima de jure divino ecclesiae sunt solvenda, Parochi inter Missarum solemnias publico sermone omnes hortentur, ut eas alacri animo, & sine fraude persolvant. Eos etiam, qui bona ecclesiastica quocumque prae-textu occuparent, moneant ut ea quam primum reddant; ne cum aliquid ecclesiae subtrahere student, in excommunicationis poenas incidant, & eorum patrimonialia, omnesque facultates illis a Domino concessae corrumpantur.

De iis, quae ad Operarios pertinent.

Cum in quibusdam Dalmatiae provinciae ecclesiis soli Episcopi operarios, seu administratores, qui redditus quosdam ecclesiasticos ad ecclesiam reparandam, atque etiam ad ejus ornatum retinendum exigunt, eligant; hac constitutione decernitur, ut illarum ecclesiarum consuetudo, & jus servetur tam in electione operariorum, quam in administratione pecuniae. In quibus vero ecclesiis a spect. Communitatibus eligi consueverunt operarii, aut S. Sedis apostolicae concessione, aut longa plurimorum annorum consuetudine; ex his unus aut duo ab Episcopo & Capitulo eligantur, aut a solo Episcopo, uti mos obtinuit; quod fiat pro conservanda pace, & ad tollenda omnia dissidia, quae inde oriri possunt. Ad munus tamen operarii sive administratoris praestandum, in quo Ecclesiae Dei, immo ipsi Deo servitur, nominari non possunt quicumque adulterii, concubinitus, aut aliquo alio scelere publico commaculati fuerint, quique sanctissimae Eucharistiae sacramentum eo anno non sumpserunt. Quod si hujusmodi homines eligantur operarii, electio illa sit nulla.

Eligatur ab Episcopo unus e Capitulo, qui reddituum hujusmodi, qui reparationi, & ornamento ecclesiae sunt dedicati, notitiam habeat, & in librum referat; ut quo die operarii rationem sunt reddituri administrationis suae, ipse possit

Illyrici Sacri Tom. V.

interesse, & jura ecclesiae tueri.

Reddantur hujusmodi rationes, ut multorum annorum consuetudine receptum est, ab operariis coram Episcopo, & ubi jus obtinuit, etiam coram Rectore civitatis; & tota summa pecuniae ponatur in arca, cujus tres sint claves, una penes Episcopum, altera penes Rectorem, tertia penes operarium; idque ad removendas omnes suspiciones.

Cum vero sponsus ecclesiae sit Episcopus, de ejus voluntate ornari debet ecclesia; quamobrem operarii aut thesaurarii nihil inconsulto Episcopo audeant facere, nullamque pecuniae summam impendant; quod si contumaciter officium illud exercere voluerint, ingressus sibi interdiciatur ecclesiae per totum id tempus, quo moniti ab Episcopo operarii aut thesaurarii munere fungentur, & cum huic constitutioni contrafecerint, officio priventur.

Cum intoleranda vanitatis sit insignia familia addere rebus, quae ecclesiasticis sumptibus effectae sunt, nullus audeat operarius nec planetis, nec pluvialibus, nec tabernaculo, nec cruci, nec altari, nec ulli rei, ab illo publico nomine & sumptu exstruenda, insignia suae familiae apponere; quod si aliter fecerit, ejus insignia adimantur, & poena ducatorum decem, in sumptibus ecclesiae collocandorum, puniatur.

De iis, quae ad Moniales pertinent.

Sunt in hac provincia pauca quaedam monasteria monialium, quorum redditus tenues admodum sunt, & angusta illa quidem, cum hortis careant, & rebus ad vitam tuendam necessariis prorsus indigeant, nimirum puteis, & aliis quibusdam rebus, sine quibus vita traduci non potest, quae tamen sunt vetusta, cum ante quingentos annos fundata fuerint, cumque omnes civitates Dalmatiae, quae ad magnam inopiam sunt redactae, extinctionem monasteriorum agerrime se laturas ostendissent, translationesque fieri nulla ratione queant propter pecuniae inopiam, tum maxime quia loca non reperiuntur idonea; curent Episcopi, ut clausuram, ad quam eadem monasteria sunt redacta, conservent.

Moniales saepe visitent Episcopi, suaeque praesentia, sermonibus etiam, si modo Illyricam linguam sciant, consolentur; ipsis autem monialibus editum sit, ut sub poena excommunicationis posthac nulla causa, nisi aut belli, aut pestis tempore, idque cum Episcopi licentia, e monasterio audeant egredi; nullam Virginum intra clausuram excipiant monasterii, nisi eo animo ingrediuntur profitendi religionem, aut educationis causa, idque fiat conditionibus praescriptis a sacra Congregatione Concilii Trident.

Nec parentibus nec consanguineis suis bona monasterii sub excommunicationis poena largiantur; & singulis annis a monasteriorum procuratoribus, justis de causis a Communitatibus eligendis, reddantur rationes coram Episcopo.

In choro sacras horas canonicas persolvant, silentium servent, libros Sanctorum Patrum, & Sancti Bernardi ad Sororem, aut S. Ambrosii de Virginitate in Illyricam linguam conversos legant.

Singulis festis diebus, quibus moniales sacram Eucharistiam generaliter sumunt, neminem ad sui colloquium admittant.

Semel saltem in mense peccata confiteantur suae, & SS. Eucharistiae Sacramentum sumant.

Ultra praescriptum numerum monialium nullam aliam admittant, nisi tantam pecuniae summam contribuat, ut inde victum habeat.

Abbatissa, seu Praefecta quocumque nomine appelletur, quadraginta saltem annos sit nata; quod

M 3

si nul-

si nulla illius aetatis in monasterio reperitur, ex alio monasterio eligatur. Si autem id expedire Episcopus non judicaverit; monacham, quae triginta saltem annos exceperit, ad id muneris eligi permittat.

Saepe commemorent Episcopi illam esse eligendam Abbatisam, quae magis ab illa praefectura abhorret; ambitiosas vero feminas ad illud honorem non esse evehendas.

Abbatissarum hoc praecipuum sit munus, ut nulla umquam monialium sine auscultatrice qucumque alloquatur, aut ejus excipiat sermonem.

Ne cuiquam liceat sub excommunicationis poena, nisi iis, qui secundo affinitatis gradu sunt conjuncti, monasterium monialium accedere, sine licentia Ordinarii, aut ejus Vicarii; & si Praefecta monasterii aliquem admiserit, in eandem excommunicationis poenam incidat, & Ordinarii arbitrio etiam alia poena puniatur.

Religiosis viris cujuscumque religionis fuerint ad moniales Episcoporum auctoritati subiectas non pateat aditus, nisi cum expressa Ordinarii licentia sub eadem poena.

Curent Episcopi ut Illyrica lingua verbum Dei etiam moniales audiant, jubeantque concionatoribus, qui Quadragesima & Adventus tempore suas in civitate conciones habent, ut semel in hebdomada ad moniales sermonem habeant. Ipse etiam Episcopus eas consoletur atque instruat suis sermonibus.

Curent etiam Episcopi ut Regula S. Benedicti, & S. Francisci, quam professae sunt, in Illyricam linguam vertatur.

Quia in hac provincia sunt quaedam seminarum receptacula, sive congregationes potius, illas sapientius Episcopus visitet, atque a crebris colloquiis saeculares avertat; & si periculum incontinentiae imminere videat, congregationes illas potius dissolvat.

Quae femina in unum locum collecta eremiticam vitam degentes sua, & populorum peccata deslere dicuntur, diligenter ab Episcopo observentur, interrogenturque saepe, si mutato proposito libentius monasterium ingrederentur, ne forte inconstantiae causa, & solitariae vitae tadio in desperationem incidant. In harum numero in Dalmatia quaedam admirabilis sanctimoniae fuisse constat, quarumque exemplum illis saepe debet proponi.

De iis, quae ad confraternitates pertinent.

Cum plurimae in hac provincia confraternitates reperiantur diversis nominibus nuncupatae, quorum hominum studia Episcopi alant, & in hujus vitae peregrinatione, periculosoque itinere socios habere non minima esse prudentiae dicant; piaque & sanctas esse confraternitatum occupationes; sed plerumque Sathanam discordias serere solitum.

Ad vitanda igitur dissidia, & fugiendas omnes dissensiones, regulas, quibus instituti sunt, servantes, sanctissimum Eucharistiae Sacramentum saltem semel in mense ab hominibus confratribus sumendum persuadere nitantur.

Diligenter caveant Episcopi, ne in confraternitatibus alatur ambitio, & contentio; & ne priores locos ambientes, illa occasione peiores efficiantur; hujusmodi autem homines expelli Episcopi studeant.

Quia etiam magno jam periculum hominum dolore orta est vehementis suspicio in quibusdam civitatibus, non solum ibi discordias, sed plerumque lites & dissensiones excitari, & pecuniis in usum pauperum coactis, & piorum hominum te-

stamenti reliquias pauperibus Christi, in litigiis saepe, variisque dissensionibus consumi; hac constitutione decernitur, ut quicumque in aliqua confraternitate constitutus suaserit pecunias confraternitatis in alios, quam in pios usus, hoc est in litibus promovendis, in nunciis & muneribus mittendis, aut quavis alia in re expendi, arbitrio Episcopi puniatur, si illam pecuniam, quam extrahi suaserat, statim non restituat.

Plurimum autem in Domino hortamur clarissimos magistratus, ut hanc constitutionem servari sua auctoritate studeant.

Ad tollenda multa scandala, quae oriri consueverunt ex administratione pecuniae confraternitatum, ne quae piis operibus debentur, in praevarios usus convertantur; decernitur, ut singulis annis ab iis, qui confraternitatibus praepositi erunt, coram Episcopo, & ubi mos obtinuit, coram clarissimis Rectoribus rationes reddantur, juxta Concilii Trid. decretum, dati & accepti; quod si facere neglexerint, consortio fratrum intelligantur esse privati.

Episcopus tamquam pater pauperum, totius populi, & confraternitatum, contra illos agat, etiam ecclesiastica censura, qui pecuniam confraternitatum in suum usum transulissent; & eos, qui aliquam pecuniae summam debere solvere esset cognitum, ad solvendum cogat; quae tamen pecunia in potestate confratrum remaneat.

Adulteri, concubinari, maledici, jeditiosi, usurarii, & si qui sunt hujusmodi homines infames, ex confratribus excludantur.

De iis, quae ad Laicos pertinent.

Quoniam arma Episcoporum, quibus ecclesiasticam tuentur dignitatem, & perversorum hominum insolentiam comprimunt, sunt excommunicationes, hujusmodi arma omnes cujuscumque sexus, & conditionis valde extimescant. De vi autem excommunicationis interdum concionatores sermonem habeant.

Bullam in Cena Domini Sanctissimi Domini nostri ipsi interdum explicandam curabunt Episcopi, praesertim in his, quae ad arma, & ferrum in partes infidelium deportanda pertinent.

Adulteros, concubinarios, & sanctissima Sacramenta respuentes saepe deterrebunt; excommunicatione etiam, si opus fuerit, ad aliorum terrorem ferient.

Hortantur Patres hujus conventus omnes patres, & matresfamilias, ne in privatis domibus filias suas inclusas teneant ita, ut sanctissimo Missae sacrificio nunquam intersint; ut ad ecclesiam Dominicis saltem diebus illas ad Missam accedere permittant sub matrum, & consanguineorum custodia.

Harum constitutionum exemplar singulare Ecclesiarum hujus provinciae Episcopi, Canonici, Sacerdotes, & clerici habeant, legant, & ad usum revocent; Laicis etiam in illis, quae ad illos spectant, explicant.

In Christi nomine. Anno Nativitatis ejusdem 1579. Indi. 8., die Mercurii, 20. mensis Maji, Pontificatus Sanctissimi in Christo Patris, & D. N. D. Gregorii divina providentia Papae XIII. anno 8. Jadera in monasterio Sancti Benedicti, ubi nunc residet inscriptus Reverendissimus Dominus Visitator, praesentibus RR. DD. Raphaello de Raphaellis J. U. D. Canonico Veronensi, Alescanio Randolo J. U. D., Laurentio Albertino, & Antonio Guilielmo Archipresbyteris Calderii Pozzolenghi, & Poviliani respective, Veronensis diocesis, atque Aloysio Locatello etiam Presbytero



tero Veronensi, omnibus familiaribus dicti Reverendissimi Domini Visitatoris testibus vocatis, & rogatis.

Reverendissimus D. Augustinus Valerius Dei & Apostolica Sedis gratia Episc. Veronensis, & Comes, atque a prefato Sanctiss. D. N. constitutus, & deputatus Visitator, Reformator, & delegatus generalis, & specialis totius provinciae Dalmatiae ex apostolicis litteris in forma Brevis datis Romae apud S. Petrum sub annulo Piscatoris die 18. Octobris 1578., Pontificatus sui anno VII., post absolutam fere totam visitationem ejusdem provinciae, praesentes constitutiones pro salubri ipsius provinciae statu, ecclesiastica disciplina in ea stabilienda, religionis cultu adaugendo & propagando condidit, & ordinavit, alias etiam additurus, si quas alias superaddendas Dominus suggererit. Quas quidem constitutiones lectas coram Reverendissimis Patribus DD. Natali Venerio Jadren., & Dominico Malquato electo Coadjutore Spalaten. Archiepiscopi, Petro Bembo Veglien., & Luca Spingarolo Sibenicen., Martino de Martinis Pharen. Coriolano Garzadorio Auxeren., Petro Cedulino Nonen., atque Francisco Zapatio Cataren. Episcopis in hanc urbem Jadren. intuitu dicti Reverendissimi DD. Visitatoris conventis; absentibus Reverendissimis D. D. Blasio Sidineo Arben. gravi morbo correpto, Antonio Gaido Tragurien. Venetiis occupato, atque Augustino Quintio Curzolen. Episcopis; & super ipsis pluribus sermonibus habitis, & ab ipsis omnibus mirum in modum collaudatas & commendatas, communi ipsorum assensu in Dei nomine publicari fecit, mandans apostolica auctoritate, qua fruebatur, eas ab universis, & singulis ejusdem provinciae, quorum interest, aut intererit, deinceps inviolabiliter observari.

RR. D. Visitatoris apostolici Cancellarius  
Thomas Forestus Veronensis.

Augustinus, dum Jaderæ versabatur, sacellum S. Rocchi adiit, & corpus S. Simeonis, ut cum sua erga Sanctissimum Prophetam religio admovebat, pie ac suppliciter invenit. Sed locum illum tam angustum atque ignobilem tam illustri ac pretioso deposito plane indignum esse censuit. Jussit ergo, nisi aliunde ad ædificationem basilicæ, quam Jadrenses designaverant, & moliri jam cœperant, sumptus suppetere, arcam argenteam, & quidquid esset facti infectique argenti ex piis donis votisque collectum consilari; ut inde necessaria ad opus illud persequendum absolvendumque pecunia conficeretur. Si vero quod de arca conflanda decreverat, Jadrenses ægre ferrent, atque intra octo menses hujus ædificii perficiendi alia nulla ratio inveniri posset, imperavit Archiepiscopo, ut sacrosantas illas exuvias tam humili loco atque indecoro ne diutius jacere sineret; illasque in aliquod ex nobilioribus urbanis templis transferendas curaret, ubi pro dignitate collocarentur; & loci magnificentia ornatulque ad eas venerandas civium atque adventum frequentiam alliceret. Itaque decretum fecit in hæc verba.

Augustinus Valerius Visitator apostolicus jubet inchoatum S. Simeonis templum absolvi, vel ejus corpus in locum honorificentiorum transferri.

Die Veneris 8. Maji 1579. Reverendissimus D. Augustinus Valerius Dei & Apostol. Sedis gratia Episcopus Veronensis, & Comes, & in provincia Dalmatiae apostolicus Visitator, Reformator, & delegatus, cum muneri hujusmodi apostolica visitationis intendens in civitate Jadrensi animadvertisset, quod venerab. reliquia beatissi-

mi corporis S. Simeonis, quæ alias in celebri templo bellorum injuria, & pro civitate munienda postmodum diruto, honorifice asservabatur, nunc in arcto, ac tantæ reliquæ minime decenti, atque indecoro loco continetur; quodque licet pro novo templo in ejusdem Sancti honorem, & ad illud beatissimum corpus continendum reedificando jacta fuerint fundamenta, nihilominus fere omnium nobilium, & civium inopia, ad quam propter ingentes a vicinis Turcis susceptas clades redacti sunt, res sæpius tractata, nunquam tamen absoluta fuit, & adhuc venerabilis ipsa reliquia quam minime decorè custoditur: existimans itaque suas esse partes ex apostolico munere sibi commissio, ad Dei gloriam, & ejusdem beatissimi corporis honorem, desuper aliquo convenienti modo consulere, & hinc adhibitis in colloquio spectabil. Consiliariis hujus civitatis, qui etiam in scriptura sua eidem Reverendissimo Domino Visitatori præsentata, hanc eandem ipsi reliquæ debitam stationem constitui maxime efflagitarunt; & cognito, quod ea, quæ nunc per eos ad hoc templum construendum propolita sunt, non firmo aliquo fundamento sustentantur, unde re de die in diem producta periculum est, ne debitum finem umquam sortiatur; ideo pro hujus negotii ratione, & Jadrensis civitatis conditione, in hanc denique sententiam Reverendissimus Dominus Visitator devenit Apostolica auctoritate, qua fungitur, omnino executioni demandandam; quod videlicet si spect. Consilarii hujus magnificæ Communitatis, vel illi, ad quos spectat, quorum piæ voluntati cupit obsequi maxime, infra octo menses proxime futuros aliquem modum invenerint, quo postmodum convenienti temporis spatio realiter, & cum effectu illud templum ad ipsius S. Simeonis honorem super jactis fundamentis possit edificari, & penitus absolvi, id in Dei nomine, & cum ejus benedictione perficiatur; quod si hoc minime effici potuerit, super quo Reverendiss. D. Archiepiscopus Jadrensis pro sua conscientia judicabit: tunc & eo casu Reverendiss. Visitator eadem auctoritate pro ipsius templi absolute arcam illam argenteam haud minimi valoris, nempe quæ ad quatuor millium aureorum valorem ascendere dicitur, annis abhinc ducentis & amplius, ut fertur, voto ab Helisabeth Regina Hungariæ in ejusdem Sancti Simeonis honorem oblatam, reliquasque argenteas uncias nulli usui, vel in ministrando sacramenta, vel in decore ecclesiæ servando necessarias, sub eorumdem nobilium custodia detentas, fabrica ejusdem templi appropriabit, vel vendendas, vel alio aptiori modo disponendas; quo casu pro ipsius regimine, & convenienti administratione gerenda debite provideatur, sicuti alias, dum ejusdem templi constructioni intendebatur, provisum extitit. Hoc autem decrevit idem Reverendiss. D. Visitator, quia D. Ambrosius Ecclesiæ Doctor præstantissimus in reparationem ecclesiæ proprios etiam calices, sacrificio jam deictos, impendi debere dixit; & quia in ecclesia B. Virgini de Laureto dicata, cui plurima aurea, & argentea vota in dies offeruntur, Summorum Pontificum decreto in signatos nummos conflata, constructioni, & reparationi ejusdem ecclesiæ disponuntur; & quod id etiam observatur in ecclesia B. Mariæ de Campana Veronensi, & in alijs plerisque nobilium civitatum ecclesijs. Templum est locus orationis; & quod Ungarica Regina in oblatione ejusdem arcæ meruisse videtur, si ex arca templum constructur;

unde

unde in eo divinus cultus asservabitur, & custodietur, procul dubio ipsius animæ salutis propensius consulatur. At si hanc expositionem arca & argenti magnifica Communitas non aequo fortasse animo tulerit, quia varia sunt hominum sententiæ; idem Reverendiss. D. Visitator, qui cogitat eidem Communitati rem gratam facere, & ad Dei gloriam, quod omnia pacifice & quiete procedant, eadem apostolica auctoritate mandat, quod lapsis ipsis octo mensibus, ne beatissimum illud corpus ulterius eo tam indigno loco visitetur, per Reverendissimum D. Archiepiscopum Jaderensem debitis ceremoniis illud in aliam hujus urbis ecclesiam, in qua decenter & honorifice collocabitur, judicio dicti Domini Archiepiscopi, & antedicti Consilii magnifica Communitatis deligendum, transferatur, ibidem permanens, donec absoluto dicto templo, in illud reportari, & in eodem decenti modo collocari potuerit; & in casu hujusmodi translationis Sacerdotes omnes nunc in loco jam dicto, ubi est reliquia, celebrantes, eandem sequentes in ecclesia, ubi collocabitur, ad ipsius honorem celebrare teneantur. Et pro præsentis decreto exsequendo Reverendissimus D. Visitator rogat clarissimos Dominos urbis Rectores, quod si opus fuerit, de super Reverendissimo Archiepiscopo opem ferre dignentur, quod pro eorum pietate, & præcipuo religionis zelo eos facturos confidit.

Post discessum Augustini Valerii, Natalis Archiepiscopus nunquam destitit Jaderinos monere, hortari, urgere, ut tandem aliquando inchoatæ basilicæ manus admoverent, eamque ad fastigium perducerent. Sed nulla prorsus ratione adduci potuerunt, ut arcam argenteam conflagrandam traderent, ac tam inigne regiæ pietatis ac magnificentia monumentum aboleri, & corpus S. Simeonis, urbemque tam pretioso ornamento privari vellent. Aliunde igitur, partim ex publicis vectigalibus, partim ex voluntaria priorum hominum liberalitate pecuniam conquirendam esse putarunt; sed hujusmodi subsidia multo tenuiora erant, quam quantum ad ædificationem templi opus fuisset. Civitas quippe immensis bellorum sumptibus exhausta erat, & res communes privatæque ex assiduis Turcarum incursionibus plurimum detrimenti ceperant. Itaque ad beneficentiam effulamque in omnia pietatis opera largitatem Gregorii XIII. confugere decreverunt; & cum Petro Cedula Episcopo Nonensi necessarium iter Romam esset, huic preces Senatus populique Jaderensis ad Summum Pontificem deferendas dederunt, libello supplici composito in hæc verba.

Cum S. Simeonis Justus illius Propheta, qui Salvatorem mundi templo oblatum ulnis propriis excepit, corpus sacratissimum adhuc omni ex parte integrum, nec ulla temporis longissimi edacitate corruptum, vel maculatum, nedum ab hujus civitatis, & universæ provincie Dalmatiae Christianis, verum etiam a compluribus aliis externarum gentium fidelibus ab occasu ad orientem, & ab ortu ad occasum hac iter facientibus, retroactis temporibus diutius visitaretur, summaque cum pietate atque devotione veneraretur; spectabilis hæc Communitas Jadræ singularem hujus sanctissimæ reliquiæ curam suscipiens, maxima cum diligentia optimum semper præstitit officium, quo templum satis decorum huic sacratissimo corpori erigeretur. Quapropter ecclesiam alias S. Mariæ Presbyterorum nuncupatam, & vetustate consumptam in novum D. Simeonis tem-

plum restaurari, & lapide quadrato, & polito, nec non statuis nobilissimis & magni pretii pie atque studiose elaboratis exornari curavit. Quod templum urgente turbulentissimorum temporum necessitate, impioque Turcarum bello debacchante, pro munienda aggeribus civitate, & opportunis ab infidelium immanitate propugnaculis tuenda, solo aequatum fuit, & est. Quamobrem corpus illud miraculosum perinde ac sanctissimum in quodam parvulo earundem adium suarum ut supra destructarum superstiti angulo indecenter utique jacet, cum immenso ejusdem spect. Communitatis dolore, & omnimoda civitatis totius, atque provincie displicentia, nec sine aliquali murmuratione, sive scandalo cunctorum Christi fidelium per hanc civitatem transeuntium, & præsertim ad sanctum illud corpus visendum accedentium. Quum præ nimia tenuitate facultatum hujus civitatis temporum & bellorum calamitatibus exhausta, & ob agrum ab hostili crudelitate frequentatis incursionibus, præliis, & depradationibus occupatum, omnes nos tandem inhabitantes usque adeo pauperes facti sumus, ut pro tenui victu quotidiano erogando, ac necessitatibus nostris eliminandis vix suppetant vires, nedum supersint ad novas ades præfato Divo Simeoni instaurandas, licet jam Deo favente nova earundem sacrarum adium jacta fundamenta de terra surgentia aliquatenus prospiciantur, quarum nihilominus ædium sic surgentium perficiendarum nullus amplius datur modus, nec spes restat aliqua cæptum opus debito fini demandari, & optata consummatione perficere, nisi quod plures Christi fideles manus porrigant adiutrices, piamque largiantur eleemosynam, & præcipue nisi Apostolicæ Sedis gratia, & sanctiss. D. N. Gregorii divina providentia PP. XIII. misratio incomparabilis toto orbi terrarum decantata adiuvando adspiciatur & foveat: idcirco egregii & magnifici viri DD. B. Ferra, Hieron. Civaletius, Com. Detricus, & Julius Rosa, clarissimi Domini Comitis Jadræ, nec non ejusdem sp. Communitatis Consilarii, & idem D. Hieron. Civaletius & D. Hieron. Grigonus Procurat. fabricæ capellæ S. Simeonis Justus constituti in præsentia mei notarii & testium infrascriptorum vice & nomine supradictæ Communitatis tuentis & procurantis jura capellæ fabricæ prælibatæ, nec non intervenientes omni alio modo, via & forma quibus de jure vel de facto opportunius & melius possunt &c. constituunt eorum legitimum Procuratorem, nuntium, & negotiorum gestorem generalem & specialem, ita tamen Reverendissimum in Christo Patrem D. D. Petrum Cedula nob. Jaderensem Dei & Apostolicæ Sedis gratia Episcopum Nonensem ad se conferendum quam primum ad Illustrissimum Serenissimi Domini Venet. nostri Domini Oratorem in urbe commorantem, & cum clarissima ejus Dominatione nomine hujus suæ fidelissimæ Communitatis consulendum super hujusmodi pio suffragio a S. Sanctitate implorando cum assensu seu saltem protectione atque licentia præfati Illustr. D. Oratoris; deinde ad comparandum supradicto nomine ad beatissimos pedes Sanctissimi D. D. N. præfati, & expositis calamitatibus & tribulationibus nostris universis, nec non deplorata ruina templi S. Simeonis solo aequati & indecentia loci ubi ad præfens sanctum illud corpus reperitur, & evidenti impotentia nostra enunciata ad reparationem ejusdem, nomine præfate Communitatis devotissimæ S. Sanct. oratricis humiliter supplicandum, quatenus S. S. intuitu pietatis

Ad ædificationem templi S. Simeonis indicta collecta, & legatio ad Gregorium XIII. decreta.

Libellus supplicis ad Pontificem.

tatis christiana sibi admodum peculiaris, & pro visceribus Christi, cujus vices gerit in terris, aliqualem eleemosynam tanti & talis Pontif. amplitudini concedentem, & huic pio operi congruam tribuat, & largiri dignetur pro universali consolatione omnium nostrum, & pro satisfactione cunctorum Christianorum hanc sanctam reliquam visentium & venerantium, demum ad honorem & gloriam omnipotentis Dei: nec non tali de causa ad comparandum coram quocunque officio, magistratu, & tribunali, tam in alma urbe, quam alibi in quacunque civitate, castro, vel loco, & ad acceptandum & recipiendum quamlibet pecuniarum summam, seu res quaslibet, vel earum valorem superinde sibi oblatum, sive fructus vel proventus tractuum vel vestigalium quorumcumque pro quovis tempore in eleemosynam concessorum, & de sic concessis, habitis & receptis quietandum, unum vel plura instrumenta quietationis stipulandum, & conficiendum, nec non ad omnia, & singula alia in simili negotio necessaria, & opportuna peragendum vice & nomine prefatae Spekt. Communitatis & supradict. magnificorum D. D. constituentium, tamquam si ipsimet personaliter &c. & si forent alia quae mandatum exigent speciale, cum potestate etiam substituendi loco suae Dominationis Reverendissima unum vel plures procuratores cum eadem vel limitata potestate, prout &c. promittentes perpetuo rata, firma, & grata omnia & singula &c.

Obitus  
Natalis  
Archiepiscopi.

Verum nescio quid impedimenti Romanae Episcopi Nonensis profectioni obiectum preces ipsaeque Jadrensis fecerit. Nec tamen cogitatio & voluntas basilicae aedificandae, quamvis in praesens facultas deesset, ex animis Jadrensis decessit, qua fretus & confusus Natalis Archiepiscopus, dum imperatam sacri corporis translationem ex alio in alium annum differt, morte repentina praereptus diem supremum obiit Jadræ intra finem anni 1588. viii. Kal. Januarii, vel anno proximo incunte, ut est in Regestis majoris Consilii Venetiarum apud Venetum editorem Ughelli. In abside, quae supra summum altare aedis metropolitanae eminet, imaginem quamdam extremi iudicii docto penicillo repraesentandam curavit, ad salubrem terrorem oculis suspicientium animisque incutendum. Extat epistola Aloysii Sagredi Patriarchae Venetiarum ad Natalem Venerium Archiepiscopum Jadrensem; qui iubetur per se, & per suos provinciales Episcopos promulgare plenissimam omnium delictorum veniam, quam Gregorius XXII. Christianis omnibus concessit, qui praescriptis religionis ac pietatis operibus caste riteque perfuncti fuissent.

Epistola  
Patriarchae  
Venetiarum  
ad  
Natalem.

Reverendissime in Christo Frater carissime. Mitimus fraternitati vestrae his nostris inclusas litteras apostolicas Jubilei, & plenariae remissionis omnium peccatorum Christi fidelibus per sanctissimum D. N. Gregorium PP. XIII. concessae, quas in ejus civitate & diocesi, ac in civitatibus suae diocesis Suffraganeos suos, & curae suae archiepiscopali commissos publicari faciet & mandabit, cum debitis exhortationibus & monitionibus, ut quilibet pie ac devote tantum munus suscipiat. Dat. Venetiis ex Patriarchali Palatio nostro, die 18. Martii 1583.

Extat praeterea epistola Natalis Archiepiscopi ad Everardum Mercurianum Praepositum Generalem Societ. Jesu Jadræ data v. Id. Maji an. 1579.; quam iisdem verbis, & eodem, quo

conscripta est, Italico sermone hic subjiciendam censui:

Molto Reverendo Signore come fratello. La vita esemplar & dottrina dei Reverendi Padri della Compagnia di Gesù è tanto grata & cara a tutta questa città, & a me insieme, che da ciò spinto, per l'ardor di lor carità, desiderando che quelli della mia giurisdizione conforme la mente di essi siano cibati del divin cibo per bocca di questi religiosi e devoti Padri, ho voluto queste mie indirizzar a V. S. R., pregandola con ogni affetto di animo, che si contenti a soddisfazione di questa mia giusta dimanda, & consolatione de populi miei inviarmi un P. Predicatore, con un compagno, che parerà al suo giudizio convenirsi a tal città, per l'Avvento di N. S. prossimo venturo, acciò a quel tempo dia principio ad operare, & seguendo per tutta la Quadragesima spiritualmente consolare li qui habitanti; che se più oltre li parerà di fermarsi, gratiagrande ci sarà; perchè questi tutti infiammati di santo amore, sommo desiderio hanno di haver Padri di tal qualità appresso di se; in che in gran parte ha fatto concipir nell'animi loro il bono & santo Padre Hieronimo Ottello apportatore di queste, che satisfacendo nell'universale a tutti, è stato da cadauno, & molto amato, & riverito molto, così ricercando i meriti suoi. Ho ferma opinione, che quello, il quale sarà mandato a tal ufficio, si compiacerà assai & della città, e delle genti, di modo che resterà compiutamente soddisfatto; con che da N. S. prego a V. S. R. ogni contento nella sua santa grazia.

& Natalis  
ad Praepo-  
situm Ge-  
neralem  
Societ.  
Jesu.

Di Zara li xi. Maggio 1579.

Di V. S. M. R. Come fratello l'Arcivescovo.

M. ANTONIUS ARCH. JADREN. XXXVII.

Ex eadem gente patricia Veneria, unde Natalis ejus frater; quem Sixtus V. in hanc sedem archiepiscopalem fratri demortuo subrogavit. Siquidem, ut est in Tabulis consistorialibus, anno 1589. 26. Aprilis providit Ecclesiae Metropol. Jadrensi per obitum b. m. Natalis Venerii vacanti, de persona R. D. M. Antonii Venerii ejus fratris nob. Veneti, moribus, pietate, doctrina idonei; dispensavitque cum eo propterea quod per sex menses tantum sit in sacris Ordinibus constitutus; ipsumque dictae Ecclesiae in Archiep. & Pastorem praefecit, cum onere solvendi scuta 140. pro alimentis duarum puellarum Jacobi Stramboli Cyprii filiarum, quae in monasterio S. Lucia in Silice urb., ex decreto felic. record. Gregorii, impensa Camerae apostolicae educantur; quam Cameram ab eo onere immunem esse voluit, durare autem super ecclesia praedicta, quoad dictae puellae caelesti, aut terreno sponso, sua sanctitate benigne opem conferente, nubant. Optimi fratris ac decessoris vestigia persequens, annos ferme tres huic Ecclesiae laudabiliter praefuit. Mortuus est Jadræ anno 1592. tertio Kalendas Martii, ut Valerius a Ponte; vel ipso mense Martio, ut in Regestis Venetis supra laudatis. Horum duorum fratrum Natalis & M. Antonii corpora illata sunt in sepulcrum Laurentii Venerii Archiepiscopi Jadrensis, situm in aede metropolitana prope a-ram Sanctae Ursulae.

## ALOYSIUS II. ARCH. JADREN. XXXVIII.

Patricius Venetus ex antiquissima Baroccia familia, amplissimis quibusque patriæ honoribus ac muneribus functa. Erat Aloysius Canonicus Ecclesiæ Patavinæ, quam Petrus Baroccus æque doctissimus, & sanctissimus Antistes, ante annos fere centum summa cum laude gubernavit. Clemens VIII. Aloysium haud majorum commendatione, quam suarum virtutum illustriorem anno 1592. tertio Nonas Aprilis Archiepiscopum Jaderensem designavit; sed antequam consecrationem episcopalem susceperet, mors illi hunc honorem præripuit. Extinctus est Patavii eodem anno vi. Nonas Maji; illatusque in ædem S. Prodocimi, ibidem sepulcrum obtinuit; eique titulum sepulcralem fecit Vincentius Baroccus frater:

Elogium  
sepulcrale.

*Aloysio Baroccio Nob. Ven.  
Can. Pat. a Clemente VIII. Pont. Max.  
Jaderensi Archiepiscopo designato  
an. Domini MDLXXXII. ter. Non. April.  
qui ejusdem anni sex Non. Maii  
obit Patavii an. æt. ejus XXXII.  
Vincent. Baroc. Frat. amantiss. C. C. C.*

## ALOYSIUS III. ARCH. JADREN. XXXIX.

Aloysius  
Molinus  
Archiep.  
transla-  
tus ad Ec-  
clesiam  
Tarvisi-  
nam.

Huic in pontificatu Jaderensi, annis certum circiter & septuaginta, antecesserat Blasius ex eadem gente Molina, qui post urbem a Venetis recuperatam primus fuit e nobilitate patricia Archiepiscopus Jaderinus. Clemens VIII. anno 1592. vii. Id. Novembris Aloysio hanc Ecclesiam decrevit, vacantem, ut est in Tabulis consistorialibus, per ob. b. m. M. Antonii, *salvis pensionibus antiquis sup. dicta ecclesiæ fructibus*. Anno sequenti universam dioccesim lustravit; eaque perutili ac laboriosa lustratione perfunctus, synodum fecit, sapientissimas leges constituit, gravissimis edictis poenisque persecutus est infectos labe Simoniana, sceleratores iniquos, scortatores publicos, alienæque pudicitie insidiatores. Huic Ecclesiæ summa cum vigilantia, prudentia, sanctitate præfuit annos ipsos quatuor; quam ex decreto Clementis VIII. commutavit cum Ecclesia Tarvisina anno 1596. Idibus Novembris. Decessit Venetiis anno 1604. relatusque Tarvisum, & quam amplissimo funere elatus, in æde cathedrali conditus fuit. Ejus pegmati funebri, seu cenotaphio hoc elogium affixit Bartholomæus Burchelatus Medicus physicus:

Titulus  
funebri.

*D. O. M.  
Aloysio Mol. Archiep. Jader. Episc. Tar. do-  
ctrina, vita, & moribus spectatiss. in  
omnibus admirando Barth. Burch. Physi-  
cus, donec aliud altius dicetur, Præsul-  
ac Patri opt. H. Mon. constituit.*

## MINUTIUS ARCH. JADREN. XL.

Minutii  
gesta ante  
Archiepis-  
copatum  
ex com-  
mentario  
Friderici  
Althani.

De vita, virtutibus, rebus præclare gestis Minutii de Minutiis Archiepiscopi Jaderensis Commentarium Italicum grave in primis & accuratum, eleganter copioseque descripsit, & Venetiis anno 1757. e typographia Joannis Baptistæ Paqualis in publicum emisit Fridericus Althanus e Comitibus Salvaroli Forojulienis, vir haud generis nobilitate, quam ingenio,

doctrina, vitæ integritate, morum suavitate & elegantia clarior; quem apud viros litteratos summopere commendant varia illius opuscula in lucem edita, vetustæ, ac præsertim sacre eruditionis referta, scilicet *De Calendario in genere, & speciatim de Calendario ecclesiastico dissertatio, cui adnectuntur complura per vetusta Hagiologia, nunc primum edita atque illustrata, & Index Martyrologicus; Iter liturgicum Forojulienæ; Baptismale hieroglyphicum epistolica dissertatione explanatum; In quoddam altare portatile epistolaris dissertatio*. Ex eo igitur, quod laudavi, Commentario nonnulla decerpsi, ac summatum exposui, quæ ad Minutium pertinent, præsertim ante susceptum Archiepiscopatum Jaderensem.

Natus est Minutius Serravalli anno post Virginis partum 1551. xvi. Kal. Februarii. Patrem habuit Hieronymum Minutium virum clarissimum, matrem Francischinam Raccolam pari splendore ac nobilitate feminam. Ab incunabulis in sinu optimorum parentum educatus pueritiam egit ex eorum sanctissima disciplina. Erat in eo rara indoles animi, egregia corporis forma & constitutio, magnum & acre ingenium. Primis litteris, quibus puerilis ætas impertiri solet, operam dedit apud Joannem Baptistam Brancaccium Neapolitanum, qui patria pulsus apud Serravallum se receperat, deinde apud Bernardinum Parthenium, qui ingenuis adolescentulis erudiendis Sacilli scholam apererat, celeberrimos ætate illa liberalium artium magistros. At domi habuit, unde Rhetoricam, Philosophiam, Mathesim disceret, nimirum ab Andrea patruo viro doctissimo, qui cum Archiepiscopus Jaderinus factus esset, Minutium Jaderam secum deduxit, ubi duos annos commoratus, omne illud tempus ad ea studia, quibus ad eam diem deditus fuerat, recolenda & absolvenda contulit. In Italiam reversus, Patavii juri civili & pontificio studuit. Primum Bartholomæo ex Comitibus de Purtilis internuncio apostolico in Germania, deinde Ludovico Cardinali Madruccio Episcopo Tridentino ab epistolis fuit: utrique, ac præsertim Madruccio in Comitibus Augustanis ad gravissima negotia expedienda operam perutilem navavit. Ab hoc Romam missus cum esset, ut de iis, quæ in illis Comitibus acta decretaque fuerunt, ad Sedem apostolicam referret; tanta in eo visa est Patribus Romanis intelligendi perspicacia, atque ad omnia naturalis ingenii dexteritas, ut maximis quibusque rebus ac difficillimis par & idoneus habitus fuerit. Illum igitur Gregorius XIII. in Germaniam remisit, ut Eberardum Archiepiscopum Coloniensem, qui a fide catholica turpissime defecerat, ea, qua plurimum valebat, lenitate ac prudentia ad finem Ecclesiæ reduceret, vel certe rationes suggereret mala illa præcavendi, quæ ab illius defectione religioni impendebant. Sed desperata jam erat hominis salus, nec ullum remedium pati poterat; eoque res venerat, ut non solum poenis ecclesiasticis, sed etiam ferro ac viribus cum illo agi oporteret. Minutius de auxiliis petendis ad Gregorium, itemque ad Philippum regem Hispaniæ missus est. A Pontifice ingentem pecuniæ summam ad bellum gerendum, a Philippo copias Belgicas impetravit, quibus adjutus Ernestus frater Ducis Bavariæ, electus Archiepiscopus Colonienfis, Eberardum expelleret. Hac legatione perfunctum Guil-

Protonota-  
rius apo-  
stolicus  
creatus,  
duplex  
Colonien-  
te, atque  
Oettinga-  
num sacer-  
dotium  
adeptus  
est.

Guillelmus Dux Bavariz, cui singularis Minu-  
tii fides, industria, & solertia perspecta erat,  
apud se retinere voluit, suisque intimis consi-  
liariis præfecit, ut ad gravissima quæque & de-  
cernenda & gerenda, illius potissimum consilio  
atque opera uteretur. Nec multo post dupli-  
cem illi legationem injunxit, alteram in Bel-  
gium ad sollicitandam protectionem copiarum,  
quas Ernesto fratri rex Hispaniz auxilio mitti  
imperaverat; alteram deinde Romam, ut rur-  
sus a Pontifice alia subsidia eidem Ernesto po-  
stularet. Annos ipsos quinque in urbe ex man-  
dato ejusdem Ducis commoratus, tum aulae,  
tum Ecclesiz Bavariz negotia apud Sedem apo-  
stolicam diligentissime curavit. Annos natus  
triginta quinque, Romæ cum esset, ecclesiasti-  
cæ militiæ nomen dedit, anno scilicet 1588.,  
eumque ob egregia in rem christianam & pu-  
blicam merita Sixtus V. titulo Protonotarii  
apostolici decoratum Sacerdotio Colonien-  
si S. Mariz ad gradus, Guillelmus Dux Bavariz in-  
signi Præfectura Oettingana donarunt. Rever-  
sus in Bavariam alijs atque alijs gravissimis mu-  
neribus, & legationibus obeundis, magis ma-  
gisque existimationem, & benevolentiam Ducis  
Bavariz sibi conciliavit. Anno 1590. rursus  
Minutium Romam misit, ut suo nomine susce-  
ptum Pontificatum Urbano VII. gratularetur;  
sed quæ huic Pontifici intra dies non ita mul-  
tos morte præcepto præstare non potuit, Gre-  
gorio XIV. ea gratulationis officia præstitit;  
quo jubente, ut erat rerum & malorum Ger-  
maniz scientissimus, nec auritus, sed oculatus  
testis, scripto bene longo diligenter & sapien-  
ter exposuit, quis esset in ea regione status Re-  
ligionis catholicæ, quæ ad eam restituendam,  
& confirmandam vel prodesse, vel obesse pos-  
sent: quæ quidem expositio, & prudentissima  
Minutii monita mirum quantum utilitatis ac  
præsidii rei catholicæ attulerunt. Sed ea Gre-  
gorius approbare quidem potuit, at experiri  
non potuit; nam vix annum & bimestrem Pon-  
tificatum gessit: peropportuna fuerunt, ac per-  
utilia successoribus ad consulendum rebus Ger-  
maniz in extremum fere discrimen adductis.  
Innocentius IX. Gregorio successus anno 1591.  
quanti Minutium faceret, satis ostendit, cum  
eum, concessu Ducis Bavariz, in urbe retinuit,  
ut sibi esset a secretis; & negotiis ecclesiasticis  
totius Germaniz curandis expediendisque præ-  
esse voluit. Eundem & gratiæ & honoris lo-  
cum, atque munus retinuit apud Clementem  
VIII., qui Abbatiam S. Chrysogoni Jadrensis  
Minutio contulit. Interea cum alij Antistites,  
& Proceres Germaniz, tum vero Guillelmus  
Dux, hujusque frater Ernestus Archiepiscopus  
Colonien-  
sis, iterum ac læpius Clementem per  
litteras rogarunt, ut Minutium galero & pur-  
pura ornaret. Extant duæ epistolæ, quas suis  
de vita Minutii commentariis Fridericus Co-  
mes Althanus inseruit; altera Ernesti & Guil-  
elmi VII. Id. Septemb. an. 1594., altera so-  
lius Guillelmi triduo post, sed eodem anno  
data. Facere non possum quin ex priore aliquas  
particulas hic interseram, e quibus perspicere  
possim, quantum hi duo viri principes virtuti ac  
meritis Minutii tribuerent: Nos Sanctitati ve-  
stræ cum ea, qua decet, & qua possumus sub-  
missione, fide, & diligentia proponimus, & com-  
mendamus Reverendiss. Minutium, ut hunc Car-  
dinalem creet, pro certissimo habentes eum insi-  
gnem fore inter Sanctam Romanam Sedem, & Ger-

Ex episto-  
la Ducis  
Bavariz &  
Archiep.  
Colonien-  
sis ad Cle-  
mentem  
VIII. tra-  
smissa  
quædam  
Minutio  
perhonorifi-  
ca.

maniam mediatorem ad utriusque singularia com-  
moda, mutuamque veram fiduciam; etsi enim  
Germanus ille non est nativitate, Germanus ta-  
men est animo, amicitia, convictu, praxi, usu  
rerum: quot enim ille annos in his partibus fuit,  
fere totam maximam Germaniam peragravit,  
maxima ubique & minima observavit, fere cum  
omnibus Catholicis Principibus ecclesiasticis, &  
secularibus, cum multis etiam hæreticis egit,  
& omnibus, quod scimus, plane satisfecit, pe-  
ne omnia, quæ a multis annis fuerunt, gravio-  
ra per Germaniam negotia tractavit . . . . .  
Germani omnes, certum hoc est, mallent ipsum  
habere Cardinalem, & quasi perpetuum Natio-  
nis Advocatum in urbe, quam aliquem Germa-  
num; vix enim profecto unus est inter ipsos Ger-  
manos, qui tantam haberet nostratum rerum no-  
titiæ, quantam ille . . . . . At deprehendit  
autem Sanctitas vestra sine dubio tantas hætenus  
in illo ipso Minutio virtutes, ut sciat se ei in  
rebus maximis tuto confidere posse, seque virum  
dignissimum promoturum esse, si ipsum Cardina-  
litia cohonestet dignitate. Quantum ille meritis  
sit de Sede Apostolica, deque Dei Ecclesia, cum  
diu jam, ac antea etiam in urbe fuit, hoc San-  
ctitas vestra, urbsque ipsa sciet; hoc nos vero  
profitemur, atque asserimus optimum eum de to-  
ta Germania meritum esse. Agnoscunt & prædi-  
cant hoc omnes Catholici Archiepiscopi, Episco-  
pique, qui tam honorifice de eo sentiunt, loquun-  
tur, & scribunt, ut censeant ipsius potius mo-  
derationem, quam Sedis apostolicæ judicium ob-  
stare, cur non jampridem sit Cardinalis. Con-  
junctim Trevirensis Archiepiscopus, & Herbipo-  
lensis Episcopus, optimi Antistites, humillimas  
commendationes, & obtestationes suas . . . . .  
ac sane vero specialia ejusdem Minutii merita in  
Colonien-  
si Ecclesia, de cujus conservatione magna  
ipsi pars debetur & laus . . . . . Cum igitur  
concurrant Dei in primis, & Sedis apostoli-  
cæ, Christianæque Reip., totius Germaniz, &  
nostræ, domusque nostræ peculiaria commoda, nos  
Sanctitati vestræ, ad sanctissimos pedes prostra-  
ti, quanta possumus humilitate, & diligen-  
tia supplicamus, ut Minutium hunc nostrum in  
proxima promotione Cardinalem creet; inseret  
Sanctitas vestra in istud collegium virum orna-  
tissimum, & beabit (credat nobis) eo beneficio  
Germaniam universam &c. &c.

Sed optimus Pontifex, ut maxime vellet ju-  
stissimis utriusque postulatis satisfacere, & Mi-  
nutium quo dignus erat, honore & præmio  
impertire; id tamen quo minus efficere posset,  
causæ quædam graviores, quas hic commemo-  
rare non est necesse, interpositæ obstituerunt.  
Itaque Minutii cooptationem in Patres purpu-  
ratos rejecit quidem in aliud tempus, non au-  
tem ex animo & cogitatione deposuit. Interea  
ne nihil tali ac tantæ virtuti, totque gravissi-  
mis laboribus, incommodis, atque itineribus  
rei catholicæ causæ susceptis, contulisse vide-  
retur; in amplissimo Cardinalium Senatu Me-  
tropolim Jadertinam Minutio decrevit, cum  
summa testificatione ejusdem in Ecclesiam me-  
ritorum; ut proditum est in Tabulis consisto-  
rialibus: 1596. 7. Febr. translatio a Jadrensi  
ad Tarrisanam Aloysii Molini, & creatio Mi-  
nutii in Archiepiscopum Jadrensem. Ceterum  
anno superiori exeunte a Clemente designatum  
fuisse Archiepiscopum intelligi potest ex epi-  
stola gratulatoria Francisci Barbari Patriarchæ  
Aqui-

Archiep.  
Jadrensis  
creatur.



Aquilejensis ad Minutium data an. 1595. xvii. Kal. Januarii; cujus fragmentum Fridericus Althanus descripsit. Primum quidem Minutius oblatam sibi dignitatem recipere abnuit, quod ei non videretur se vocari a Deo ad Episcopatum; & quæ hominis erat de se humiliter sentientis opinio, tanto oneri ferendo se non esse existimabat. Verum postea cum se collegisset, & ad preces effusus Deum orasset, ut quid suæ voluntatis esset ostenderet; mentem atque animum sibi paullatim immutari sensit, ac divinitus alicui impellique ad sacerdotium ultro sibi oblatum recipiendum. Veritus igitur ne Spiritui Sancto resisteret, omni spe rei bene gerendæ in uno Deo reposita, dedit manus, & fere uno mense post, designationi pontificiæ assensum præbuit. Itaque eo, quo diximus, die Archiepiscopus Jaderensis in Consilio Cardinalium renunciatus est. Eum in æde Hieronymiana Nationis Illyricæ Philippus Cardinalis Segæ Episcopum consecravit; & tertio Nonas Aprilis pallium suscepit, ut docent Acta consistorialia: 3. Aprilis datum Minutio pallium.

Eodem anno 1596. intra finem Septembris Jaderam appulit; exceptusque fuit incredibili civium omnium lætitiâ, & gratulatione. Qui omnem anteaquam ætatem in aula & curia Principum, in legationibus obeundis, in variis cujuscunque generis negotiis gerendis, ab instituto episcopali fere alienis, consumperat, ubi ad hanc Ecclesiam regendam accessit, adeo visus est huic muneri aptus, instructusque omnibus illis virtutibus, quas in Episcopo Apostolus requirit, ut ad regimen & officium pontificale natus esse videretur: ita enim natura factus erat, ut quamcumque ad rem se applicuisset, in ea facile excelleret; præsertim cum in id, cui se dederat, omni studio curaque incumbere solet. Suscepta igitur Ecclesiæ Jaderensis administratione, statim veri perfectique Episcopi personam non solum induit, sed etiam, quamdiu præfuit, prodignitate sustinuit; & factus forma gregis ex animo nullum optimi Pastoris officium prætermisit, cui non plene cumulateque satisfecerit. Primas curas & cogitationes in ecclesiam urbanam contulit; & clerum ad omnem honestatæ componere, & civium mores corrigere ac reformare studuit. Deinde pastorem sollicitudinem ad universam diocesim extendit; quam ingenti suo labore & periculo semel atque iterum lustravit. De primâ episcopali lustratione, in qua, ob incommodam & male affectam valetudinem sæpe interrupta, biennium consumpsit, hæc ille in quadam sua epistola Italica ad Joannem Franciscum Carettonium Presbyterum Societ. Jesu: Nunc, inquit, lustrationi diocesanos totum me tradidi; per mihi mirum, & mysterii cujusdam instar hoc esse videtur, quod cum ego in rebus & negotiis tam variis; tamque alienis ab episcopali professione ætatem meam contriverim, me Deus Opt. Max. ad hanc palestram mihi insuetam transtulerit. Regio aspera est, laborum & periculorum plena; sed nemo est ex illis, quos hujus apostolicæ expeditionis socios mihi adjuuxi, qui hæc omnia magis, quam ego contemnât, subeatque libentius. Progressus sum usque ad confinia Turcicæ ditionis; magnos atque assiduos imbres habuimus; & præclare nobiscum agi putabamus, si quod tugurium fors nobis obtulisset, in quo noctem transigere, & substratis paleis membra defessa componere liceret. Ignoratio linguæ Slavonicæ mihi permolesta

est, & rei bene gerendæ difficultates auget; omnia tamen feram lato etiam animo, non solum libenti, quamdiu Deo visum erit: nisi in hac vita mihi obtigerit statio minus incommoda & laboriosa, quietiorem in calo & jucundior me habiturum confido. In peragrandâ diocesi illud summo opere curavit, ut Parochis vel minimo sumptui esset: id quod ipse in actis prioris visitationis scriptum reliquit: Curavimus vero, ut minimum onerosi pauperibus Sacerdotibus, quales sunt omnes nostræ diocesis, essemus; idcircoque magnopere cavimus, ne quisquam præter unam, aut binas ad summum refectioes nobis exhiberet; in iisque frugalitatem semper præscriptimus, & præscribemus deinceps, majorem sumptum facturi de nostro, si alicubi immorari diutius necesse fuerit.

Post absolutam priorem lustrationem, cum ipsemet suis oculis perspexisset, quinam esset in tota sua diocesi status rei christianæ, quibus incommodis ac vitiis laboraret, quibusve remediis ac præsidis indigeret; Canonicis metropolitana, & Rectoribus ecclesiarum synodum diocesanam indixit, quam mense Augusto an. 1598. celebravit. Constitutiones synodice, in quibus præstantissimi Antistitis religio, pietas, sapientia, & ea, qua flagrabat, divinæ gloriæ amplificandæ, ecclesiasticæ disciplinæ stabilindæ, pravæ consuetudines extirpandi, & populi Christiani mores reformandi cupiditas potissimum elucet, dignæ sunt quæ in lucem aliquando proferantur.

„ Minutius miseratione divina Archiepiscopus Jaderensis, Abbas Sancti Grisogoni &c.

„ Reverendis nobis in Christo dilectissimis Abbatibus, Dignitatibus, Canonicis, Religiosorum Superioribus, ac universo Clero diocesis nostræ Jaderensis salutem, gratiam, & charitatem ab omnium bonorum largitore Deo.

„ Cum biennio jam integro hujus nostræ diocesis visitationi, morum reformationi, & divini cultus instaurationi, quantum imbecillitas nostra, & exigua corporis valetudo tulit, cum omnipotentis Dei auxilio incubuerimus, singularique cura, si morbis omnibus mederi maxime non potuimus, eos saltem cognoscere studuerimus; nunc ut quasi circumducto circulo hanc operam terminemus, quo eandem denuo indefesso labore, & nunquam quietura sollicitudine, Spiritus Sancti gratia juvante a suo principio resumamus; Dilectiones vestras ad synodum hanc convocavimus, ut & vos quæ ad salutem animarum, ad ecclesiæ nostræ incrementum, ad fidei christianæ propagationem, & divini nominis gloriam convenire judicavimus, audiat, & vicissim nos sententiâ vestram fidelem, & prudentem iisdem de rebus audiamus, ut communicatis consiliis, injunctis, que conatibus communem causam communibus studiis juvemus. Minuunt autem laborem nostrum illustrissimorum prædecessorum nostrorum, ac imprimis Illustrissimi, & Reverendissimi Domini Domini Aloysii Molini, jam Tarvisini Episcopi, opera in hac ecclesia pie & laudabiliter huc proxime præteritis annis præstita, tum vero paulo antiquior summa vero prudentia plena, ac utilissima apostolica visitatio per Illustrissimum & Reverendissimum Dominum Domini-

Synodum diocesanam convocavit.

Constitutiones Synodice.

Diocesim hanc lustravit.

Augu-  
stianus Va-  
lerius Ve-  
netus Ep.  
Veronen-  
sis, & San-  
ctæ Roma-  
næ Eccle-  
siæ Presby-  
ter Cardi-  
nalis in  
egregio o-  
pere De ca-  
utione ad-  
hibenda in  
edendis li-  
bris, pag.  
34 n. 42.  
de hac sua  
Dalmatiæ  
visitatione  
mentionem  
habet his  
verbis:  
Anno mil-  
lesimo quin-  
centesimo  
septuagesimo  
nono ad  
provinciam  
Dalmatiæ  
visitandam  
missus sum;  
sequenti  
anno in Hi-  
stiam, de-  
inde Venetiam, po-  
stremo Pa-  
travium, &  
Vincetiam.  
..... Et ita  
etiam sunt  
constitutiones  
ad Dalma-  
tiam provin-  
ciam u-  
sum, con-  
suetudi-  
bus omni-  
bus Episco-  
pis: alie  
ad usum  
Histie ac-  
commodata.  
A princi-  
pio vix au-  
debam egre-  
di Verona,  
navigationes  
aut horum  
verbam; sed  
divino be-  
neficio sa-  
lamet, ut  
visitationes  
Dalmatiæ  
prospere  
admodum  
consecrerim,  
& labores  
illius mei Go-  
gorio XIII.  
summo Pon-  
tifici admo-  
dum acce-  
pri essent.  
vint.

minum Cardinalem \* Veronensem pera-  
cta, cujus decreta, tum vero postremæ sy-  
nodi diœcesanæ anno 1594. sub eodem Illu-  
strissimo Molino habitæ, si recte hic obser-  
varentur, essent propemodum labores nostri  
supervacanei; hortamur igitur, & rogamus  
in Domino, ea omnia ut animo repetatis,  
& tamquam certam regulam optime institu-  
endæ vitæ vobis perpetuo proponatis, que-  
madmodum & nos in officio nostro recte  
administrando illa nobis præclarissima exem-  
pla ob oculos semper statuimus. Constitutio-  
nes vero, quas de novo adjungimus, vel  
in veterum confirmationem, vel prout re-  
centiora contingentia admonuerunt, ea po-  
testate, quam et archiepiscopalis nostra ju-  
risdictio, & apostolica, quæ, & visitationis,  
& synodi tempore adjungitur, auctoritas con-  
cedit, jam, & perlegendas, & firmiter ob-  
servandas, & custodiendas tradimus; per eas  
nim confidimus, & multos abusus tolli pos-  
se, & ecclesiasticam disciplinam sic instau-  
randam, ut luceat lux nostra omnibus, qui  
in grege nostro sunt. Quod Pater Domini  
Nostri Jesu Christi, Pater misericordiarum,  
& Pater totius consolationis nobis concede-  
re dignetur. Amen.

De Canonicis.

„ Ubi fuerunt initia visitationis nostræ, ibi  
ad omnipotentis Dei gloriam, animarumque  
nobis conceditarum salutem, & Jaderinæ  
Ecclesiæ decus, Synodi etiam principium con-  
stituere volentes; unde nempe ceteri exem-  
plum, nos solatium, & religio ornamentum  
suum præcipuum expectat; Capitulum Me-  
tropolitane Ecclesiæ nostræ, & reliquum cle-  
rum eidem ecclesiæ addictum cupimus im-  
primis singularis pietatis, modestiæ, & veri-  
tatis laudibus splendescere, ut quo majoribus  
calamitatibus quotidie e celo plectitur po-  
pulus, eo majori sollicitudine divinam ultio-  
nem placare studeant Sacerdotes, ne qui de-  
mas de paupertate propria pendunt, sua  
frustrantur expectatione, sed libentius tri-  
buant, quod cernunt eorum deservire ali-  
mentis, qui preces, & sacrificia assidua pro  
communi bono exhibent, assiduosque labores  
in ecclesia Dei tolerant, quorumque odor  
est, sicut odor agri pleni.

„ Quod pie prudenterque animadvertentes  
prædecessores nostri (quorum vestigiis dum  
inhæremus, errare nos non posse confidimus,)  
multa circa divini cultus frequentiam, &  
decorem antea instituerunt, quæ nos firma,  
& rata omnino esse volumus, ac perpetuo  
servari debere censemur.

„ Novis vero decretis clerum nostrum gra-  
vare nimis, ac confundere plane non inten-  
dimus, sed veteres potius constitutiones sa-  
pientissime ad sacri Concilii Tridentini præ-  
scriptum sanctitas renovare, ut antea dixi-  
mus, & confirmare, magisque si forte opus  
est explicare, fideliumque Presbyterorum men-  
tibus instillare satagimus.

„ In primis igitur, quod ad chori frequen-  
tiam, continuamque, ac debitam visitatio-  
nem attinet, quandoquidem non sinit bene-  
ficiorum tenuitas, ut statum ecclesiæ nostræ  
ad aliarum ecclesiarum normam, & ad su-  
pradii Concilii Tridentini sanctiones con-  
formare commode nunc possimus, maneat  
saltem in robore id, quod hætenus obser-

Illyrici Sacri Tom. V.

vari cœpit, ut nempe tum iis, qui digni-  
tates exercent, Archidiacono, Archipresby-  
tero, & Primicerio, tum vero Canonicis,  
Mansionariis, Hebdomadariis, ac reliquis  
omnibus ecclesiæ servitio mancipatis, quo-  
ties divina officia negligunt, illud detraha-  
tur, quod hætenus detrahi consuevit, to-  
taque deinde illa summa, quam punctatio-  
num appellant, secundum fideles ædituorum,  
aut punctatorum notas realiter, ac sine ulla  
condonationis spe, ex portionibus in deci-  
marum distributione ad Natalitia, & ad Pas-  
chalia festa fieri solita sic compensetur, ut  
negligentiorum portio magis diligentibus (ut  
par est) accrescat.

„ Trium vero mensium absentia, quæ per  
sacrum Concilium Tridentinum unicuique  
Canonico tribuitur, omnino in hac leviori  
multa nemini patrocinari posse, aut debere  
declaramus; prodesse tamen illam in reliquis  
emolumentis sic debere censemus, ne in di-  
tributione majori, quæ ex officinarum, de-  
cimarum, aliisque redditibus fit, præjudicium  
afferat, sed pro præsentibus reputentur illi,  
quos sic abesse contigerit, si modo absentia  
causam coram nobis probaverint, veniam-  
que de more petierint, ac obtinuerint, ne  
quisque vagandi consuetudine, ac residentia  
tædio, aut quovis profano minusque neces-  
sario peregrinandi studio sæpius proficisci as-  
suecat.

„ Antiqua vero instituta, quæ ad proprias  
ecclesiæ nostræ solemnitates singulos sub pœ-  
na obligant, suam vim habere volumus, ne-  
que cujuslibet excusationem in dictis sole-  
mnitatibus admittendam statuimus, nisi si  
quem, aut ægrotare, aut ecclesiæ causa de  
nostro mandato non alias abesse contigerit;  
privata enim quæcumque negotia huic obli-  
gationi postponenda censemus, aut multan-  
dum qui non postposuerit.

„ Excusatus de consensu Capituli, aut nostro  
ob quamcumque invaletudinem vel a choro,  
vel a funeralibus, sciat nisi illud impedi-  
mentum sit re vera necessarium, non se ju-  
ste fructum ullum percipere, & teneri ad  
restitutionem, si cum potest, & cum primum  
impedimentum cessat, non accesserit; quicum-  
que autem infirmitatis vera excusatione pro  
præsentibus censetur, sciat pariter illud sibi uti-  
lius esse non debere, quam tempore integræ  
valetudinis erat; at si quis sub infirmitatis  
prætextu, de se ipso indulgentius judicare  
videbitur, eum redigat, vel senior Canoni-  
cus, vel magister chori ad officium; si vero  
monitus non satisfaciatur, referatur res ad no-  
strum, nostrive generalis Vicarii judicium,  
ne delicatiusculi quidam elemosynas laboran-  
tibus in ecclesia debitas otiosi exedant.

„ Quamvis autem profiteantur Canonici,  
aliique de clero nostro licere sibi per quam-  
dam consuetudinem, vel abutuntur inconsulto  
Archiepiscopo exire de civitate abesseque,  
vel per multos dies, si modo extra diœce-  
sim non discedant, non tamen convenire ju-  
dicamus, quempiam nobis inficiis id impo-  
sterum audere; quemadmodum enim haud fa-  
cile cuique impedimento erimus, quo minus  
res suas domesticas foris procuret, aliisque  
honestis de causis absit, sic certe non de-  
cet nos ignorare, & quo quisque proficiscatur,  
& quamdiu absuturus sit; propterea

N

man-

„ mandamus ne impoſterum ullus noſtrorum ,  
 „ aut Sacerdotum , aut clericorum civitatem  
 „ extra pernoctandi animo egredi præſumat ,  
 „ quin ſe prius coram nobis , aut Vicario no-  
 „ ſtro liſtat; qui ſecus fecerit , prima vice me-  
 „ dio , altera integro mulctetur ducato , & ſi  
 „ pergat mandata ſpernere , gravioribus pœnis  
 „ arbitrio noſtro damnetur .

„ Extra diœceſim vero quacumque de cau-  
 „ ſa abire nemo audeat , niſi a nobis , vel a  
 „ Vicario noſtro venia in ſcriptis obtenta , in  
 „ cujus denegatione ſi quis forte gravabitur ,  
 „ licebit eam vel a ſummo Pontifice , vel ab  
 „ Apoſtolico Nuntio Venetiis reſidente per lit-  
 „ teras procurare , nec priuſquam illa impetra-  
 „ ta ſit , ullo modo diſcedat ; quæ mandata  
 „ qui ſpreverit , ſciat ſe ipſo facto fructibus  
 „ luorum beneficiorum unius anni cariturum ,  
 „ integroque anno fore ſuſpenſum ; ſin vero  
 „ revocatus trium menſium ſpatio non redie-  
 „ rit , majori pœna mulctabitur , ac deinde ſe-  
 „ meltri elapſo iteratæ monitioni non parens  
 „ beneficiis omnibus privabitur , & punitur  
 „ etiam gravius pro arbitrio .

„ In funeralibus eos cujuſcumque emolumen-  
 „ ti participes eſſe nolumus , qui ad efferen-  
 „ dum funus proceſſionaliter cum reliquo cle-  
 „ ro non inceſſerint , nec eos , qui divinis offi-  
 „ ciis proxime celebratis , aut mox celebra-  
 „ dis in propria eccleſia non interſuerint , nec  
 „ eos , qui proxime præterito gratuito paup-  
 „ rum funeri , aut proxime eodem die futuro  
 „ pariter gratuito non intervenerint , cum im-  
 „ pellere magis pietas debeat , quam lucrum ,  
 „ nec avaritiæ , indevotionique careat nota  
 „ proprii officii rationes ea de cauſa negligere ,  
 „ quæ quominus ad parvi cujuſcumque lu-  
 „ celli bolum accurratur , non impediat .

„ Veſtium autem decentiam in choro præci-  
 „ pue , atque vero etiam in plateis clerum no-  
 „ ſtrum commendari cupientes monemus , ut  
 „ ſaltem diebus feſtis , cum maxime , & ma-  
 „ giſtratus , & nobilitas divinis officiis intereſ-  
 „ ſe ſolet , tunicis utantur prælongis ad talos  
 „ uſque deductis , a quo minores tantum Præ-  
 „ byteros , quos durior urget paupertas , excu-  
 „ ſare per neceſſariam commiſerationem inten-  
 „ dimus . Colores vero omnes exceptis iis , qui  
 „ paupertatem , non levitatem ſapiunt , idelt  
 „ qui ex non fucata lana componuntur , exem-  
 „ plo majorum noſtrorum proſus arcemus ; vi-  
 „ dimus enim cum ſtomacho neglectas in hoc  
 „ ſacrorum Canonum , & prædeceſſorum no-  
 „ ſtrorum conſtitutiones , quod impoſterum non  
 „ relinquemus impunitum . Militares etiam ve-  
 „ ſtes , quas Croaticas appellant , proſus a  
 „ choro noſtro exulare jubemus , tum vero et-  
 „ iam ab omni cleri noſtri uſu , niſi cum pe-  
 „ regre proficiſci , aut de civitate , ſive mari ,  
 „ ſive terra exire contigerit . Ceterum , ſi quis  
 „ ſimili ornatu , vel in choro , vel in eccleſia ,  
 „ vel in ipſa civitate , niſi forte ad iter ac-  
 „ cinctus impoſterum deprehendatur , libra una  
 „ priore vice , ſecunda duabus , tertia graviori  
 „ pœna ad noſtrum libitum mulctari debere  
 „ pronuntiamus .

„ Neque vero etiam tempore luſus decet  
 „ eccleſiaſticum virum cognationis , aut con-  
 „ ſanguinitatis ullius majorem habere ratio-  
 „ nem , quam eccleſiæ ; ſi quis igitur propin-  
 „ quus quiſpiam , vel arctiſſima neceſſitudine  
 „ conjunctus , etiam ſi frater , pater , vel ma-

„ ter obierit , nolumus illum extrinſecum ul-  
 „ lum lugubre ſignum geſtare , non pullatas  
 „ veſtes , non rotundum pileum , neque vero  
 „ domi deliteſcere ultra unum , alterumve diem ,  
 „ aut tertium ad ſummum , cum caritas erga  
 „ deſunctos potius poſtulet , ut properent præ-  
 „ ces , & ſacrificia pro eorum animabus offer-  
 „ re , nec tamdiu expectent , donec aſcendentibus  
 „ lacrimis , mitigatoque dolore minuat  
 „ ſimul devotionis fervor , & fructus .

„ Quod etiam in omnibus non ſolum Ita-  
 „ liæ , ſed propemodum totius quoque Dalma-  
 „ tiæ eccleſiis laudabili inſtituto emendatum  
 „ eſt , diutius in eccleſia noſtra , quam nulli  
 „ hujus provinciæ inferiorem eſſe profiteamur ,  
 „ cum & metropolitana ſit , & aliis præfulgeat  
 „ dignitatibus , tolerari incongruum , & turpe  
 „ ducimus , ut nempe Sacerdotes aliqui , & ii  
 „ etiam , qui præcipuas in eccleſia obtinent di-  
 „ gnitates , biretis adhuc utantur rotundis ſecu-  
 „ laribus , & quorum uſus ſolis Venetis nobi-  
 „ libus jam videtur relictus , quod omnino ab  
 „ eccleſia noſtra , totoque clero noſtro cujuſ-  
 „ cumque generis volumus eliminatum , & id-  
 „ eo mandamus , ut trium menſium ſpatio om-  
 „ nes ſibi de quadrato eccleſiaſtico bireto pro-  
 „ videant , aut nobis indicent , qui minus com-  
 „ mode procurare illud poſſunt ; nos etiam ſin-  
 „ gula ſingulis egentibus libenter donabimus .

„ Demum , ut pedes capiti decenter reſpon-  
 „ deant , calceos etiam , & crepidas ullius præ-  
 „ terquam nigri coloris ſub pœnis ſupra com-  
 „ memoratis omnibus eccleſiaſticis , tam in cho-  
 „ ro , quam extra chorum prohibemus , nec in  
 „ iis ſciſſuras , aut perforationes ullas , que-  
 „ madmodum nec in manicis , aut thoracibus ,  
 „ aliaque quacumque veſtimentorum parte ad-  
 „ hiberi impoſterum impune patiemur .

„ Cupientes autem omnem levitatis notam  
 „ eccleſiaſticis viris indignam a noſtro clero  
 „ depellere , quod ipſe Apoſtolicus Viſitator Il-  
 „ luſtriſſimus , & Reverendiſſimus Cardinalis Ve-  
 „ roneniſis ( quem cum honore , & reverentia  
 „ nominamus ) olim obſervato forte defectu ſan-  
 „ civit , non omittendum duximus , ut nem-  
 „ pe annulis nemo utatur , qui non ſit in di-  
 „ gnitate conſtitutus , aut Canonicus ; is vero  
 „ unicum tantum geſtet , cumque juxta San-  
 „ ctorum Patrum decreta , quoties celebraturus  
 „ eſt deponat ; qui contrafecerit , annulum ,  
 „ annuloſve prima vice amittat , ſecunda pu-  
 „ niatur gravius , & antiquum meminerit pro-  
 „ verbium : Annulatus aut ſtultus , aut Præla-  
 „ tus .

„ Non ſolum offenditur omnipotens Deus ,  
 „ ſed etiam minuitur apud populum amor , &  
 „ obſervantia adverſus clerum , ſi qui vident  
 „ levius , vel in eccleſia , vel in plateis , tunc  
 „ præcipue . . . . cum conjunctim ſacras res pera-  
 „ gunt Sacerdotes , iccirco majorem deſidera-  
 „ mus gravitatem , tum in publicis ſupplica-  
 „ tionibus , tum in funeribus proſequendis ,  
 „ ne confundantur ordines , neve turmatim  
 „ quaſi milites ſine tympano , ſine vexillo vi-  
 „ deatur clerus incedere . In id igitur incum-  
 „ bat magiſter chori , ordinesque rite diſponat ,  
 „ deſertores objurget , ni paruerint vel nobis  
 „ referat , vel Vicario noſtro , ut quiſque pro  
 „ ſuo merito tractetur . In choro pariter oc-  
 „ cupet unuſquiſque ſedem ſuam , ab ea teme-  
 „ re ne ſe ad aliam transferat , non garriat ,  
 „ nec privatim canonicas horas recitet , ſed  
 „ cum aliis præſallat , nec niſi integro officio pera-

peracto recedat; quod si necessitas urgeat, veniam vel a nobis, vel a Vicario nostro causa explicata, petat; qui secus fecerit, libra una prima vice mulctetur, altera in duplum, multiplicata vero sive per contemptum, sive per incogitantiam errata puniatur gravius.

Verum, ut etiam divinus cultus majori cum reverentia, ac debita cum devotione peragatur, mandamus clarius, ut Dignitates, Canonici, Sacerdotes, Clerici omnes gravitatem ecclesiasticam in choro servant, nec de sede una ad aliam cursitare assuecant, aut leviter garrere, ridere, aut susurrare audeant, nam extra necessariam brevem causam, aut præter materiam aliquam sacram loco illo dignam, in quo res divina agitur, inanibus colloquutionibus, aut indecentibus cachinnis contemnitur quodammodo omnipotens Deus, cum id audeamus coram ipso agere, quod coram terreno quocumque Principi scimus non licere; indecentibus igitur huiusmodi confabulationibus statuimus unius libræ poenam, obstinatis pro arbitrio nostro augendam.

Hæc vero omnia tam ad metropolitanæ ecclesiæ nostræ clerum, quam ad eum qui apud divum Simeonem sacris functionibus deservit, atque adeo ad alios quoscumque totius civitatis, tum vero etiam ad Pagensi collegiatae ecclesiæ Sacerdotes, aut clericos nostræ jurisdictioni subiectos pertinere declaramus; excipimus autem rusticanos omnes Parochos, aut clericos, quos paupertas, & necessitas ab aliquibus huiusmodi legibus excusat merito.

Statuit idem Illustrissimus Visitator, ne Canonici, aliive ecclesiastici Prælato suo maledicere, ejulve famam audeant lacerare, quod & antiquioribus sacris constitutionibus consonat; illo autem vitio laborare etiam nunc aliquos de clero, aut forte de Capitulo nostro apimadvertimus, quod ferimus patienter, cum & prædecessores nostri viri integerrimi, eadem linguæ petulantia ab eisdem fuerint, & præfentes, & abentes lacerati. Nos vero quantum & dignitas nostra, & exempli pernicies postulat, profiteamur, & prædicimus, si hæcenus dissimulando, & condonando mitiores forte fuimus habiti, facturos imposterum, ut si qui ori suo deinceps custodiam non posuerint, eos procaciter sero poeniteat, poenæque participes eos faciemus, qui nefariis huiusmodi maledictionibus interfuerint, & nobis Vicario nostro non statim renuntiaverint.

Mandat sacrosancta Tridentina Synodus, ut Sacerdotes omnes saktam singulis Dominicis, & festis diebus celebrent, quod nos Sacerdotibus nostris omnibus, sive ad id ex beneficiis obligati sint, sive non, etiam atque etiam persuadere cupimus.

Caveant autem illi, qui quocumque tempore celebraturi sacris vestibus erunt ornati, ne sermones cum quopiam de quacumque re, quæ etiam necessaria videatur, conferant, multo minus postquam ad altare accesserint, ne sibi ipsis distractionem, & vagationem mentis adfiscant; qui secus fecerit, medio ducto prima vice mulctetur, altera, ac tertia gravius puniatur ex arbitrio.

Qui tenetur in certo altari celebrare, sciat

*Illyrici Sacri Tom. V.*

se non satisfacere si in altero celebrat, nisi conveniens adsit causa a Prælato probata. Contigisse aliquando audimus, quod aliquis beneficium in hac nostra ecclesia obtinens, sacellani munus super trirème acceperit, maleque deinde utroque officio functus sit. Prohibemus igitur, ne quilibet imposterum, qui beneficium in diocesi nostra sive magnum sive parvum possideat, audeat in trirémibus operam suam locare, neque vero etiam illi, qui beneficium non obtinent, nisi licentiam a nobis impetraverint.

Canonicus nullus, aliive quicumque Sacerdos, Diaconus, Subdiaconus, vel etiam minorum ordinum clericus, qui metropolitane huius ecclesiæ servitiis sit mancipatus, possit alio ullo in loco, ne quidem in parentum suorum sepulcris, sed in hac tantum ecclesia sepeliri. Idem dicitur de his, qui apud Sanctum Simeonem interserviunt, quibus tamen integrum relinquimus sive in illa, sive in hac ecclesia condi malint.

Volentes etiam sacrosancti Tridentini Concilii sanctionem, quæ habetur in sessione 24. cap. 1. 2. de sacris Ordinibus, quibus Canonicos initiatos esse oportet, executioni mandare, de communi consilio eorundem Canoniorum nostrorum statuimus, nec Dignitatibus, nec Canonicatibus ecclesiæ nostræ quemque idoneum, aut habilem reputari debere, nisi qui re ipsa Sacerdos sit, aut Sacerdotii ordinem infra anni spatium accipere queat. Hoc enim vetus ecclesiæ nostræ institutum etiam nunc per Dei gratiam in usu esse comperimus, & ad divinum cultum perfectius exercendum utile, & necessarium esse iudicamus; si quis igitur in maioribus ordinibus non constitutus, quive infra tempus a jure statutum Presbyteratus ordinem assequi nequeat, aliquam forte huius ecclesiæ Dignitatem, aut Canonicatum imposterum quocumque modo impetraret, eum nequaquam admittendum, sed tamquam subreptitice, non per ostium, nec expositis ecclesiæ nostræ statutis, & laudabilibus consuetudinibus ingredientem, rejiciendum esse censuimus.

*De Clericis privatim.*

Clericos jubemus omnes ad unam, eandemque scholam convenire apud eum, qui Magister seminarii appellatur, donec per ecclesiæ huius angustias, quod magnopere fatigamus, fundandi seminarii aliqua ratio iniri queat. Interim nolumus cuique excusationem suppeterere, si cum ipsi, aut per nos, aut per alios scholam frequenter lustrabimus, aliquis non adsit, quasi alium habeat magistrum; qui secus fecerit, aut negligentior in schola adeunda esse deprehendatur, frustra nos de ordinibus interpellabit, immo si non emendabitur, ejicietur etiam a choro. Musicæ incumbant omnes præcipue ecclesiasticæ planæque, quam firmum cantum appellant, scientque neminem imposterum admittendum a nobis ad Subdiaconatum, qui dictum cantum non didicerit, sine illo enim officium suum in ecclesia peragere nemo potest. Noctu non grassentur armati; prædicemus enim si quem eo modo deprehendamus, nos illum ad trirèmes illico damnaturos; multo magis si Subdiaconus, Diaconus, aut Sacerdos existat, curare enim omnino debemus, ut mala fama, qua Jadrenses clerici,

N 2

, pau-

„ paucorum quorundam culpa, non in civitate  
„ solum, sed foris etiam laborant, sive per vo-  
„ luntariam emendationem, sive per nostram  
„ severam castigationem abstergatur.

„ Proinde prohibemus etiam districtius om-  
„ nem aleam, sive cartarum lusum sub pec-  
„ nis alias universo clero a predecessoribus no-  
„ stris comminatis, aliisque arbitrio nostro re-  
„ servatis, hoc etiam prædicantes, eum nos  
„ neque ad beneficia, neque ad ordines pro-  
„ moturos unquam, quem sciamus hujusmodi  
„ lusi deditum. Idcirco ordinationis tempore  
„ unumquemque etiam cum juramento inter-  
„ rogabimus, & alios desuper examinabimus,  
„ an post has nostras editas constitutiones no-  
„ strum armatus incesse, an luserit, & quo-  
„ ties. Meretricias deinde consuetudines ab om-  
„ nibus omni tempore damnatas iisdem pec-  
„ nis quibus supra, & nocturnas grassationes,  
„ & aleam lusum, ac multo etiam gravio-  
„ ribus prohibemus.

„ Pila vel majori, vel minori non ludant  
„ clerici præcipue majorum ordinum in publi-  
„ cis plateis.

„ Choreas vel privatas, vel publicas præcipue  
„ nocturno tempore non exercent sub poena  
„ carceris.

„ In choro, & in processibus, nec chirothe-  
„ cas gestent, nec flores in manibus habeant.

„ Clerici omnes qui titulum in ecclesia no-  
„ stra habent, tum vero etiam Sacerdotes, &  
„ Canonici teneantur juxta vetus & laudabile  
„ ecclesie nostrae institutum defuncti Sacerdo-  
„ tis funeri interesse, tum vero quotiescum-  
„ que, aut pater, aut mater cujuslibet Sacer-  
„ dotis effertur, funus illud sua præsentia co-  
„ honestare; qui neglexerit, libram unam solvat.

„ Clerici omnes singulis primis Dominicis  
„ uniuscujusque mensis inter Missarum solemnias  
„ communicent, & Sacerdotes si qui non ce-  
„ lebrassent, contrafacientes puniantur.

„ Multas omnes supra appositas jam nunc  
„ altari sacratissimi Sacramenti destinamus. Id-  
„ circo vero poenasque pecuniarias, & non ar-  
„ bitrarias posuimus, ut executio promptior  
„ sit, nec quisque dum decernitur, putet se  
„ vel aliena commendatione, vel propria qua-  
„ cumque deprecatione evadere posse.

#### „ De Baptismo.

„ Qui baptismatis sacramentum ministrave-  
„ rint, admoneant paternos sponsionis suae, per  
„ quam puerorum curam gerere tenentur, ut  
„ scilicet in doctrina Christiana erudiantur;  
„ quod si parentes in eo, aut negligentes, aut  
„ minus idonei ad hoc essent, debet patrinus  
„ sollicitando, hortando, stimulando supplere;  
„ immo si, quod Deus avertat, parentes defi-  
„ cere a religione cogitarent, tenetur patri-  
„ nus, & filium ab illorum manibus eripere,  
„ & juvare deinde, & instruere quantum potest.

„ Barbara nomina ridicula, aut obscena im-  
„ poni non patiantur Parochi; sed doceant eo-  
„ rum Sanctorum patrocinio commendari in-  
„ fantes, quorum nomina referunt.

„ Baptizans inquirat, an infans domi prius  
„ baptizatus fuerit, & an forma, & materia  
„ debita.

„ Obstetrices nonnullas comprehendimus præ-  
„ sumere, cum periculum instat, infantem omni-  
„ no in ventre latentem, ipso ventre abluto  
„ baptizare, in eoque genere alios etiam apud  
„ rudes insulas animadvertimus abusus; in-

„ struant propterea Parochi obstetrices sicuti  
„ mandavimus, quas si sui officii ignaras rur-  
„ lus invenimus, ejus culpæ rationem de ma-  
„ nibus Parochorum exigemus.

#### „ De Confessione.

„ Mulierum confessiones, nec in ecclesia,  
„ nec extra ecclesiam nisi orto jam sole, &  
„ antequam occidat, audiri præcipimus, quod  
„ volumus etiam in Religiosorum templis omni-  
„ no servari; si quis contrafacere auserit, pri-  
„ vetur eo munere per annum saltem, vel diu-  
„ tius ad libitum nostrum.

„ Ad privatas vero domos, ad viros, mu-  
„ lieresve audiendas, nisi cum agrotant, con-  
„ fessarius nullus accedat; mulierem vero et-  
„ iam agrotantem dum audit, cubiculi ostium  
„ maneat apertum, & stet ante januam, si fie-  
„ ri potest; vel ancilla, vel affinis, personave  
„ alia, ut omnis tollatur, vel suspicionis, vel  
„ tentationis materia.

„ Cum in forma absolutionis magnas in dice-  
„ cesi nostra præcipue inter Illyricos Sacerdo-  
„ tes diversitates, & abusus etiam esse intelli-  
„ gamus, mandamus communem formam, quæ  
„ inferius habetur, ab omnibus servari, eamque  
„ in Illyricam linguam converti, omnibusque  
„ diocesis nostræ Confessariis mandari, ut ea  
„ tantummodo sine ulla diminutione, aut addi-  
„ tione utantur sub poena suspensionis, & aliis  
„ arbitrio nostro reservatis.

#### „ Forma absolutionis.

„ Misereatur tui omnipotens Deus, & di-  
„ missis omnibus peccatis tuis perducatur te ad  
„ vitam æternam. Amen. Indulgentiam, abso-  
„ lutionem, & remissionem omnium peccato-  
„ rum tuorum, tribuat tibi omnipotens, &  
„ misericors Deus. Amen. Dominus noster Je-  
„ sus Christus te absolvat, & ego auctoritate  
„ ipsius absolvo te ab omni vinculo excom-  
„ municationis, suspensionis, & interdicti, in  
„ quantum possum, & indiges, & eadem au-  
„ thoritate te absolvo ab omnibus peccatis tuis.  
„ In nomine Patris, & Filii, & Spiritus San-  
„ cti. Amen. Passio Domini nostri Jesu Chri-  
„ sti, & merita Beatæ Mariæ semper Virginis,  
„ & omnium Sanctorum, & quicquid boni fe-  
„ ceris, & mali sustinueris, sit tibi in remis-  
„ sionem peccatorum tuorum, in augmentum  
„ gratiæ, & præmium vitæ æternæ. Amen.

#### „ De Sanctissima Eucharistia.

„ Qui Sanctissimam Eucharistiam populo ad-  
„ ministrant, advertant, ne super vitreum cya-  
„ thum (qui communis error est) manus ab-  
„ luant, ne particula aliqua in vas non sa-  
„ crum decidat, neve vinum illud, in quo Cor-  
„ pus Christi latere posset, imprudenter for-  
„ titan a non jejuno, vel non contrito sumat-  
„ ur, vel effundatur, quæ gravissima essent  
„ peccata, & contingere facile possent: abluat  
„ igitur supra calicem & ablutionis illius de-  
„ bitam habeat rationem.

#### „ De communicando in propria parochia.

„ Cum per sacros Canones tum antiquos,  
„ tum recentiores statutum sit, ut semel sal-  
„ tem in anno tempore Paschæ fideles omnes  
„ sanctissimum Eucharistiæ Sacramentum in pro-  
„ pria parochia suscipiant, multi tamen hic  
„ nescio quo spiritu ducti id facere recusant  
„ prætextantes, aut majorem devotionem in  
„ magis solitario loco, aut alia proprii capi-  
„ tis & ignorantie argumenta, quæ ne impo-  
„ sterum exaudiantur diserte mandamus, ne,  
„ ex-



„ exceptis ægrotis , aut alio modo invalidis ,  
 „ aut virginibus , aliisve mulieribus , quæ ne-  
 „ cessaria aliqua de causa nobis probata , tem-  
 „ plum parochiale accedere honeste non potue-  
 „ rint , nemini id imposterum concedatur , nul-  
 „ lusque vel secularis , vel regularis Sacerdos  
 „ cuique alterutrius sexus illud Sacramentum ,  
 „ nisi a nobis illam facultatem in scriptis tra-  
 „ ditam aspexerit , audeat ministrare ; qui se-  
 „ cus fecerit , graviter nostro arbitrio punietur .

„ De processione Sanctissimi Corporis

„ Christi .

„ In processione Sanctissimi Sacramenti , quæ  
 „ vel solemnis in suo festo quotannis , vel in  
 „ prima cujuscumque mensis Dominica minus  
 „ solemnis agitur , nonnulla observavimus Chri-  
 „ sto Servatore nostro , qui circumfertur , pa-  
 „ rum decentia , & quæ frigidam devotionem ,  
 „ aut infirmam arguunt religionem , quæ ut  
 „ imposterum pro debito Dei cultu , & popu-  
 „ li ædificatione corrigantur , hæc duximus sta-  
 „ tuenda . Opportuno tempore moneant Paro-  
 „ chi populum , ut viz omnes , per quas proces-  
 „ sio incedere solet , quam potest nitidissime  
 „ purgentur , curante unoquoque eam partem ,  
 „ quæ domui propriæ adhæret , flores etiam ,  
 „ aut odoratas herbas , viridesque , laurum ,  
 „ myrtum , lentilcum , & alias ejusmodi , qua-  
 „ rum regio abundat , devote sternant , ex fi-  
 „ nestris tapetia , aut quicquid est pretiosioris  
 „ suppellectilis exponant . In primis vero detur  
 „ opera , ne quisquam cujuscumque sexus dum  
 „ omnipotentis Dei Filius salutis nostræ auctor  
 „ inferius per terram gestatur , superne , & su-  
 „ perbe despiciendo inspiciat , vel inspiciendo  
 „ despiciat ; est enim indecentia magna , & sit  
 „ injuria Divinitati ab iis , qui descendere de-  
 „ dignantur , ut in ipsa via sin minus dedu-  
 „ cere propter valetudinem , aut alias occupa-  
 „ tiones queunt , saltem genuflexi ante ostium  
 „ humiliter adorent , quem sciunt e cælis des-  
 „ cendisse , ut nos moriendo salvos faceret .  
 „ Tollatur igitur damnandus abusus , & si cu-  
 „ jus impietas , aut indevotio parere recuset ,  
 „ moneatur in confessionibus de gravitate pecca-  
 „ ti , & si opus erit , requirantur clarissimi Re-  
 „ ctiores , ut cogant , & puniant . Virginibus tan-  
 „ tum , quæ honestatis causa delitescunt , & ægro-  
 „ tantibus indulgeatur , ut per minutiora forami-  
 „ na clausis fenestris , vel per distenta vela non  
 „ autem exporrecto pectore clarius prospiciant .  
 „ Ad excitandam , tum ad supradicta , tum  
 „ ad alia majorem hujus Sacramenti devotio-  
 „ nem , publicent Parochi certis temporibus in-  
 „ dulgentias a Summis Pontificibus in hunc  
 „ finem concessas , iis nempe , qui vel confessi  
 „ in vigilia hujus solemnitatis jejunaverint ,  
 „ vel in die solemnitatis Communionem sum-  
 „ pserint , vel in festo , & per totam octavam  
 „ pro pace , & tranquillitate Sanctæ Romanæ  
 „ Ecclesiæ Missas celebraverint , vel processio-  
 „ nes , in quibus Salvatoris nostri Sacratissi-  
 „ mum Corpus defertur , continue prosequuti  
 „ fuerint ; vel qui primis Vesperis , vel Ma-  
 „ tutino , vel Missæ , vel secundis Vesperis in-  
 „ terfuerint , ducentorum dierum indulgentiam  
 „ toties quoties , tantundem illis , qui per to-  
 „ tam octavam Vesperis , ceterisque horis ca-  
 „ nonicis interfuerint ; qui vero Primæ , Ter-  
 „ tiæ , Sextæ , Nonæ , & Completorio in ipsa  
 „ festo Corporis Christi , pro singulis horis o-  
 „ ctuaginta dies indulgentiæ promerebunt .

Illyrici Sacri Tom. V.

„ De sacris Ordinibus .

„ In collatione sacrorum ordinum singularis  
 „ adhibeatur diligentia , ne per fictas qualdam  
 „ donationes ad inanem titulum quispiam or-  
 „ dinetur , qui paulo post cogatur mendicare ,  
 „ quod haud raro in hac diœcesi contigisse  
 „ observatum est . Instrumenta igitur ejusmodi  
 „ donationum non ab alio fiant , quam a no-  
 „ stro Cancellario , & jurent donatores se id  
 „ bona fide facere , suumque esse illud quod  
 „ donant , non doti , non fideicommissio , non  
 „ hypotecæ ulli obnoxium , jurentque vicissim  
 „ accipientes clerici , se bona illa nunquam re-  
 „ trocessuros , nec alia ratione , nisi de nostra  
 „ scientia alienaturos .

„ Examinatores in Synodo electi jurent in  
 „ hæc verba : Ego N. N. promitto , & juro  
 „ me examinatoris officium mihi in hac Syno-  
 „ do demandatum , sincere , & fideliter admi-  
 „ nistraturum , nec amoris , aut odio locum da-  
 „ turum , nec munus ullum vel minimum hoc  
 „ nomine accepturum ; sic me Deus adjuvet ,  
 „ & hæc sancta Dei Evangelia .

„ Examinator , qui quempiam separatim ex-  
 „ aminaverit , vel instruxerit , ejus publico exa-  
 „ mini non intersit , nec pro illo suffragium  
 „ aut testimonium coram reliquis examinato-  
 „ ribus adhibeat .

„ Excipimus magistrum seminarii , si in scho-  
 „ la sua publice docuerit .

„ Examinatores sibi invicem neminem com-  
 „ mendent , multo minus impediendi studio  
 „ acculent , ne commendatio , & gratia , aut  
 „ odium veritatem obtegat ; quicquid habent  
 „ ad nos referant cum caritate , memores et-  
 „ iam infirmitatis propriæ .

„ De Matrimoniis .

„ Matrimonii Sacramentum magnum minus  
 „ reverenter in ecclesia nostra celebrari ani-  
 „ madvertimus , quam alibi , ubi sacræ consti-  
 „ tutiones diligentius observantur ; iccirco ut  
 „ imposterum cuncta rectius administrantur , sic  
 „ statuimus ,

„ Denuntiationes trinas Parochi non omit-  
 „ tant sine nostra licentia ; exterorum matri-  
 „ monia non publicent , nisi examine in Can-  
 „ cellaria nostra de conjungendorum libera con-  
 „ ditione diligenter habito ,

„ Si alter jugalium catholicam fidem , alter  
 „ Græcorum ritum sequitur , non publicent ,  
 „ priusquam nos moneant .

„ Suadeant Parochi , ut sponsi ante matri-  
 „ monii celebrationem prius confiteantur , &  
 „ simul communicent , ne ad tantum sacramen-  
 „ tum sola carnis concupiscentia ducti , tam-  
 „ quam bruta animalia concurrant .

„ Non benedicant quos sciant se prius car-  
 „ naliter cognovisse , aut cohabitasse .

„ Nec ejusmodi benedictionem , & matrimo-  
 „ nii solemnizationem ministrent , nisi matu-  
 „ rino tempore , prælecto nuptiali sacro : post  
 „ prandium si absque nostra licentia id ause-  
 „ rint , punientur gravius . Magna est superstitio  
 „ diabolica apud quosdam , qui cum matrimo-  
 „ nia in ecclesia contrahunt , cavent ne per  
 „ eandem portam exeant , per quam sunt in-  
 „ gressi ; id prohibeat Parochus gravi objurga-  
 „ tione . Homines rusticos , & crassos exami-  
 „ nent Parochi , nec eos ullo modo conjun-  
 „ gant , qui fidei rudimenta ignorant , sed vi-  
 „ deant prius addiscere , & ipsi instruant cum  
 „ caritate .

N 3

„ De

„ De Concubinato tum Ecclesiasticorum tum  
„ Laicorum.

„ Fœdum concubinatus crimen tum a clero,  
„ tum etiam a laicis nostræ diœcesis avertere  
„ cupientes, prohibemus sacrosancti Tridentini  
„ Concilii decretis inhærentes, ne clericus aut  
„ in domo, aut extra mulieres, de quibus pos-  
„ sit haberi suspicio, detinere, aut cum illis  
„ consuetudinem habere audeat; cum vero mul-  
„ ti omisam turpem peccati conversationem  
„ allegent, ut domi eas alant, quæ sibi alias  
„ in libidine morigeræ fuerunt, & cum qui-  
„ bus etiam proles suscipere; nos consideran-  
„ tes dari hoc modo novis peccatis occasio-  
„ nem, & facilitatem, nec ad securam cautio-  
„ nem ætatem etiam grandævam sufficere, si-  
„ mulque populo scandali, suspensionis, & ob-  
„ murmurationis locum relinqui, prohibemus  
„ sub pœna excommunicationis, aliisque arbi-  
„ trario nostro reservatis, ne Sacerdos, aut cle-  
„ ricus cujuscumque status, aut conditionis mu-  
„ lierem, cum qua alias se carnali copula con-  
„ taminaverit, live prolem inde susceperit, si-  
„ ve non, quocumque vel œconomiz, vel com-  
„ munitum filiorum, vel propriæ curæ, inva-  
„ letudinis, paupertatis, aut ætatis, vel cari-  
„ tatis etiam prætextu, secum in eadem domo  
„ alere præsumat, immo ne quidem frequen-  
„ tem alterius ad alterum accessum sub quo-  
„ cumque etiam honesto titulo impunitum re-  
„ linquamus; non satis est enim culpa carere,  
„ ni suspicio etiam absit.

„ Laicos vero eadem concubinatus fœditate  
„ torquentes paulo minori pœna, & castiga-  
„ tione dignos sacri Canones judicare, nec  
„ nos aliter sentimus; cum vero nonnulli ejus  
„ vitii a nobis sæpius moniti quærant excusa-  
„ tionem in peccatis, ne longioris patientiæ,  
„ ac nimiz indulgentiæ reos nos nostra culpa  
„ faciamus, sic demum decernimus nemini pa-  
„ trocinaturam, aut ætatis, & omisæ libidi-  
„ nis exculationem, prolisve educandæ prætex-  
„ tum, multo minus quod concubinam sub  
„ eodem tecto non alant, nec assidue cohabi-  
„ tent; quin post hanc generalem monitionem  
„ singulos deinde in scriptis monituri, ac po-  
„ titremo juxta præscriptas leges, & sacros Ca-  
„ nones, sine personarum exceptione ulla ani-  
„ madversuri sumus, quod ad omnem etiam  
„ justæ querimoniæ causam tollendam volumus  
„ iterum esse prædictum. Contra eos vero qui  
„ stultissimis, & impiis sermonibus conantur  
„ insuper, vel sibi ipsis, vel aliis persuadere  
„ concubinatum, aut fornicationem Christiana  
„ lege non prohiberi, tamquam contra hære-  
„ ticos procedemus.

„ De Decimis.

„ Non solum communes loci, temporisque  
„ calamitates, sed hominum etiam refrigescens  
„ caritas, & indevotio clerum nostrum vide-  
„ tur ad paupertatem redeisse: forte nonnul-  
„ torum corrupti mores dederunt alienationis  
„ aliquam causam. Dum igitur nos in clero  
„ nostro emendare, quæ emendari debent, so-  
„ licito animo satagimus, providere etiam cu-  
„ pimus, ut ecclesiæ, ecclesiasticisque viris  
„ jura, emolumenta que sua integra constent;  
„ cum itaque nonnulli in decimis solvendis ini-  
„ quiores se præbeant, variasque excitent su-  
„ binde cavillationes sibi ipsis, animæque suæ  
„ magisque aliis perniciosas; aliqui enim ex  
„ agris illis, ubi frumentum, hordeumve non

„ aratione sed terra ligonibus domita metunt;  
„ decimam se debere negant, absurdo sane com-  
„ mento; alii cum vana frumentave creditori-  
„ bus alieni æris dissolvendi cautela integra assi-  
„ gnant, pro decima postea pretium, & ple-  
„ rumque injustum offerunt; alii elemosynas  
„ aliquas, aut privatis Sacerdotibus, aut Reli-  
„ giorum conventui dantes perperam judi-  
„ cant in eo se decimarum solvendarum oneri  
„ satisfacere; cum tamen decima iis solis dan-  
„ da sit, quibus est attributa, nec elemosynas  
„ de alieno facere liceat; alii alio modo, dum  
„ ecclesiam defraudant, se ipsos decipiunt, & fa-  
„ cultatem dum augere injuste, ac impie in-  
„ tendunt, misere corrumpunt, & perdunt,  
„ exempla que in hac ipsa civitate non pauca  
„ suppetunt, cum ii præcipue ex divitiis in  
„ paupertatem, & mendicitatem justo Dei ju-  
„ dicio prolabi aspiciantur, quos fama fert de-  
„ cimarum fraudatores esse: hanc quoque ne-  
„ cessitatem Parochi, & Capellani populo in-  
„ stillent, argumentaque, exempla, & ratio-  
„ nes colligant, omnipotentem Deum agrorum,  
„ vinearumque esse Dominum, illum irrigare,  
„ illum incrementum dare, sibi que ipsi de om-  
„ nibus fructibus decimam reservasse, injusti-  
„ sime agere, & per summam ingratitudinem,  
„ qui denegent aut diminuendo deterioresve spe-  
„ cies dando suam divinam Majestatem deci-  
„ piant, & de hoc semel etiam in mense ser-  
„ monem habeant, & sacrosancti Tridentini  
„ Concilii decretum in capite XII. sessione  
„ xxv. super hoc editum nuntient, & expli-  
„ cent, habeantque Illyrica lingua conversum.

„ De usurpantibus bona ecclesiastica.

„ Similes istis sunt illi, qui ecclesiarum bo-  
„ na, fructus, census, agros, vineas, jurisdic-  
„ tiones, aliaque qualiacumque jura, & emo-  
„ lumenta usurpant, nec animadvertunt ex hac  
„ injustitia, & impietate præter animarum in-  
„ teritum, & excommunicationes, quibus per  
„ sacrum Tridentinum Concilium feriuntur,  
„ provenire etiam domesticas miseras, patri-  
„ monii dilapidationem, filiorum discordias,  
„ & super male paria hereditate lites, & ri-  
„ xas, id omnipotente Deo in vindictam usur-  
„ pati patrimonii sui sic permittente, ut me-  
„ rito injuste detenta bona ecclesiastica fuerint  
„ aquilæ pennis comparata, quarum unica si  
„ fuerit in pulvino, aut lecto aliis pennis im-  
„ mixta, reliquas omnes rodit, conterit, & in  
„ pulverem redigit. Hoc igitur Parochi, &  
„ Capellani similiter semel in mense inrona-  
„ bunt, decretumque Tridentini Concilii in ca-  
„ pite XI. sessione XXI. recitatum, & repe-  
„ titum interpretabuntur, docentes hujus ejus-  
„ dem criminis affines esse etiam eos, qui pia  
„ legata a majoribus suis relicta exequi recu-  
„ sant, differunt ultra annum, & ultra spa-  
„ tium a testatore præscriptum, aut minus ple-  
„ ne exequuntur: qui cogitantes, & cupientes  
„ aliqua legata pia instituere dissuadent, &  
„ quacumque ratione impediunt, isti enim re-  
„ nentur ecclesiam de suis propriis bonis com-  
„ pensare; notarios, qui testamenta conficiunt,  
„ & ejusmodi pia legata infra unius mensis  
„ spatium nobis, vel Vicario nostro generali  
„ non denuntiaverint; hos enim ipso facto in  
„ excommunicationem incurrere hac nostra sy-  
„ nodali constitutione pronuntiamus.

„ De Sortilegiis, & magicis artibus.

„ Cum varia hominum genera ex vicinis  
„ Tur-

„ Turcæ subiectis regionibus quotidie in hanc  
 „ civitatem confluant, & securitatis, aut mi-  
 „ litariæ, aliæve de causa sedem hic figant, ob-  
 „ servamus magno cum dolore irrepere simul  
 „ superstitiones, incantationes, veneficia, for-  
 „ tilegia, aliasque diabolicas artes, quas eli-  
 „ minare cupientes, quod aperte contra veram  
 „ Christi fidem, & unius Dei cultum esse com-  
 „ periantur, non solum eos qui pacto se Dæ-  
 „ moni mancipant, aut Dæmones quocumque  
 „ modo invocant, sed quicumque vel per fa-  
 „ barum jactum, vel per alias quascumque su-  
 „ perstitutiones, vel per verba, vel per imagi-  
 „ nes, aut amorem, aut odium, aut zeloty-  
 „ piam, aut morbos, aut sanitatem inducere  
 „ se posse profitentur, quive, aut de furto,  
 „ aut de alia quacumque re sortes ducere, aut  
 „ divinare se posse jactant, aut ejusmodi stul-  
 „ tissimam, & infernalem scientiam exercent,  
 „ seu illa Geomantia, sive Hydromantia, sive  
 „ Aromantia, sive Pyromantia, sive Chiroman-  
 „ tia, aut Necromantia sit, aut appelletur,  
 „ omniaque ejusmodi sortilegia, & superstitio-  
 „ sa, atque tartarica scelera prohibemus, &  
 „ damnamus, una cum illis omnibus, qui ad  
 „ huc genus hominum, aut muliercularum vel  
 „ consilii, vel auxilii causa in quocumque ne-  
 „ gotio confugerint. Nec supradictorum quem-  
 „ piam ab ullo, nisi a nobis ipsis absolvi pos-  
 „ se decernimus, mandamusque, ut Parochi,  
 „ & Confessarii in hujusmodi peste extermi-  
 „ nanda diligenter incumbant; nihil enim ma-  
 „ gis iram omnipotentis Dei provocat, unde  
 „ postea grandines, nimis pluviz, nimisque  
 „ siccitates, ac terræ sterilitates, omnisque cæ-  
 „ li, aeris, ventorum, & aquarum inclemen-  
 „ tia, & injuria derivant; armanur siquidem  
 „ creaturæ in vindictam Creatoris, ac plerum-  
 „ que iisdem calamitatibus boni etiam cum  
 „ malis involvuntur. Ideoque hanc maledictio-  
 „ nem, & hæc divina flagella, volumus semel  
 „ saltem in mense a Parochis, & Capellanis  
 „ in iis ecclesiis, iisque temporibus, quibus  
 „ major populi numerus confluere solet, de-  
 „ nuntiari, moneri omnes, non solum ut  
 „ caveant, sed etiam si quem hominem, quam-  
 „ ve mulierem hac impietate, hisque sceleri-  
 „ bus infamem, aut suspectum noverint, eam  
 „ nobis statim pro sua conscientia debeant in-  
 „ dicare, ut ob unius aut alterius graviora sup-  
 „ plicia discant reliqui ejusmodi abominatio-  
 „ nem abhorre, & detestari, ne se, & alios  
 „ in Sathanæ insidias tam facile præcipitent;  
 „ formam autem ejusmodi sermonis ad popu-  
 „ lum faciendi præscribemus nos ex sacrorum  
 „ Patrum doctrina pro gentis captu, quem po-  
 „ stea Parochi, & Capellani suo modo dila-  
 „ tent, & amplificent communibus argumen-  
 „ tis, insignioribusque exemplis subinde reci-  
 „ tatis, quæ permovere magis solent.

„ *De Turcis, eorumque consuetudine.*

„ Infelix hujus civitatis conditio Turcas no-  
 „ bis nimis vicinos constituit, quos propterea  
 „ prohibere non possumus, quin emendi, ven-  
 „ dendique causa, aut ob alia quæcumque ne-  
 „ gotia, quotidie frequentes in urbem conflu-  
 „ ant; verum nostra saltem cautio esse debet,  
 „ ne per eorum consuetudinem, aut Deus of-  
 „ fendatur, aut alii corrumpantur. Prohibe-  
 „ mus igitur, ne quisque vel in meritoriis ta-  
 „ bernis, vel in privatis domibus, ubi forte  
 „ amicitia causa excipiuntur, cibos illis ap-

„ ponat, nisi quos Christiana Ecclesia concedit,  
 „ pisces scilicet in sexta feri, & Sabbato, in  
 „ vigiliis, in Quadragesima, et ceteris tempori-  
 „ bus quid libuerit. Gravius etiam damnamus,  
 „ & excommunicationis pœna subicimus eos,  
 „ qui prædictis infidelibus, vel lenecium,  
 „ vel commoditatem ullam præstabunt, ut le-  
 „ cum Christianis mulieribus, etiam si publice  
 „ meretrices essent, commisceant, quod etiam  
 „ apud illos gravissimis suppliciis vetitum est,  
 „ & quidem per Christianorum quoque leges  
 „ cautum, ne fidelis vir infidelem feminam co-  
 „ gnoscat; id vicissim severius Turcis non in-  
 „ terdicere non modo contra pietatem, sed et-  
 „ iam contra decus, & dignitatem Christiani  
 „ nominis videtur esse.

„ In ecclesias Turcæ ingredi non permittan-  
 „ tur, nisi forte insigniores aliqui curiositatis  
 „ causa, ut vel templa, vel picturas, vel alia  
 „ quæpiam intueantur; divina tamen officia iis  
 „ præsentibus non celebrentur, & si tempus in-  
 „ ster jubeantur exire; reliquæ nullæ, nec sa-  
 „ cra vala illis etiam rogantibus demonstren-  
 „ tur, & quamvis devotionem quamdam erga  
 „ Sancti Simeonis corpus præferant, nec il-  
 „ lius quidem aspiciendi copia iis fiat; con-  
 „ ciones si audire velint, non excludantur.

„ Cum publicæ supplicationes habentur, præ-  
 „ cipue vero cum Sacratissimum Christi Domi-  
 „ ni nostri Corpus gestatur, præcedat semper  
 „ clericus unus, aut alter corpore, & ætate  
 „ grandior, ac facie gravis; is Turcas, qui  
 „ forte in via tunc starent, aut in portis fe-  
 „ nestrisve officinarum sederent, aut procum-  
 „ berent, jubeat abscedere, renitentes cogat,  
 „ ne gens infida sacrosanctæ religionis myste-  
 „ ria, & ipsum Salvatorem nostrum Unigeni-  
 „ tum Dei Filium cum irrisione, & blasphemis  
 „ spectet. In hoc vero donec exemplum  
 „ statuatur, & discant Turcæ per se in ejus-  
 „ modi occasionibus de via deflectere, implo-  
 „ retur etiam clarissimorum Rectorum (si opus  
 „ erit) auxilium.

„ *De Monialibus.*

„ Cum non minima sollicitudinis nostræ pars  
 „ circa sacrarum Virginum monasteria, quæ in  
 „ civitate, & diocesi nostra sunt, versari me-  
 „ rito habeat, ut quæ Deo dicatæ sunt in pu-  
 „ ritate, & quiete sponso suo Salvatori nostro  
 „ Jesu Christo eo fidelius serviant, quo se ma-  
 „ gis a sæculi consortio abstraxerint, & mu-  
 „ tuam inter se caritatem coluerint: ideo non-  
 „ nulla, quæ in visitatione per diligentem præ-  
 „ sentis status indagationem licuit observare, ad  
 „ earum tranquillitatem, & salutem sic san-  
 „ cienda duximus.

„ Prohibet temporum calamitas, magnaue  
 „ Jaderensis civitatis in plerisque paupertas, ne  
 „ quod laudabiliter, & ex sacrarum constituti-  
 „ onum præscripto ubique jam locorum ob-  
 „ servatur, tum puellis monasteria educationis,  
 „ sive religionis causa ingredientibus de victu  
 „ per parentes singulis anticipatis semestribus  
 „ prospici, & caveri; tum vero sacrum habi-  
 „ tum suscipientibus congruam dotem decerni  
 „ mandemus, quæ tamen omissio, videtur bre-  
 „ vi monasteria hæc omnia ad summam inopi-  
 „ am, si non ad interitum redactura; quod  
 „ ut quantum fieri potest avertamus, aut sal-  
 „ tem in longum protrahamus, habita singu-  
 „ lorum monasteriorum, tum quæ ad reddi-  
 „ tus, tum quæ ad sumptus pertinent diligenti  
 „ con-

„ consideratione, numerum in ipsis pro sustentationis facultate ita præsumimus, ut in monasterio Beatæ Mariæ trigessimum tertium, apud Sanctam Catherinam sextum decimum, apud Sanctum Nicolaum vigesimum, apud Sanctum Demetrium decimum sextum, apud Sanctam Marcellam decimum velatarum monialium non excedat, quem tamen numerum speramus nos brevi augeri posse, si dabit omnipotens Deus communibus hujus provincie calamitatibus aliquando finem, unde respicient etiam monasteria magnis incommodis, sterilitatis, grandinis, variarumque direptionum hisce superioribus annis afflictata.

„ Puellis vero, quæ nondum velatæ sunt, omnino prohibemus, ne a monasterio quidquam prorsus tribuatur, sed earum alendarum cura penes parentes sit; quod si contra præsentem prohibitionem de re monasterii eis quid fuerit tributum, id Præfecta monasterii etiam in foro conscientie restituere teneatur, & ab officio, si semel monita non desistat, suspendatur, voceque tam activa, quam passiva privetur; quod si puella suscipienda aliquando videbitur, cui parentes omnino inopes nec ipsius sustentationi idonei ullo modo sint, quominus caritativi subsidii non alimentorum titulo aliquid ei a monasterio tribuatur non prohibebimus, si modo nolter desuper requiratur consensus, quem nominatim in scriptis dāimus, ubi nobis de vera necessitate constabit.

„ At quæ ratio apud Sanctam Catherinam, & apud Sanctam Marcellam circa conditionem recipiendarum monialium, & earum doctes instituta est, eam volumus in suo vigore remanere.

„ Domesticæ autem œconomice rationes sic observentur, quemadmodum ante annos plus minus triginta ab Andrea Archiepiscopo felicis recordationis patruo nostro constituta fuerunt, quorum observatione monasteriorum res meliores fieri posse usu compertum est.

„ Imprimis vero singulariter caveatur, ne horreum, aut cellam vinariam una tantum custodiat, sed tribus clavibus loca prædicta muniantur, quarum una penes Abbatissam, altera penes cellarariam, tertia penes aliquam ex discretis habeatur.

„ Ad eandem œconomicas rationes pertinent, ut advocatorum, scribarum, gestorum, quos Castallos vocant, stipendia non nisi mediocria assignentur, ne ob levem, minisque meritoriam operam integra cujusque familia alatur. Ideo sic prædictorum stipendia limitamus, ne ulli omnibus computatis ultra viginti quinque ducatos dare liceat. Laudantes interim promptam, & gratuitam operam tum nobilium, tum civium, qui procuratorum officium in ipsis monasteriis agunt, quibus nec imposterum stipendium ullum dari volumus.

„ Omnium vero expensarum computa nobis singulo trimestri, vel saltem bis in anno exhiberi mandamus, ut pro recta, & diligenti administratione laudare unamquamque possimus, scribas singulorum monasteriorum hoc facere detrectantes loco statim amoturi.

„ Epulum quod colonis suis parare monasteria solent, sicuti non prohibemus, sic frugale esse cupimus, nullo vero modo intra clausuræ limites institui.

„ Separatim vero omnibus monialibus prohibemus ne convivium quocumque in loco, vel intra, vel extra clausuram, ne quidem cum cognatis quocumque arcto necessitudinis vinculo vinctis, at nec etiam cum parentibus agere præsumant; aliter pœnis fractæ clausuræ tenebuntur, & per annum sine velo manebunt. Prohibemus etiam eis sub eadem pœna veli, ne vestes, patientiam, scapularium, cucullam, cappam, velum, vel aliam quamcumque partem sacri habitus cuiuscumque personæ, etiam luctus, aliave qualvis de causa accommodent, utendamve tradant.

„ Curet autem Abbatissa, ne puellæ, aliæque quæcumque sacratæ Virgines in portis, quæ ad ecclesiam, vel in plateas spectant, sub iisdem pœnis sese aspiciendas exhibeant, neve turres campanarias quocumque prætextu conscendant.

„ Ut puellæ ipsæ una cum monialibus semel saltem in mense confiteantur, & communiceant.

„ Ut in choro, & in refectorio frequentes conveniant; quod si negligant, & nisi divinum officium recitare commode norint, sciunt sese ad velum nequaquam admittendas.

„ Ne ulla monialis, aut etiam puella discedat a choro, dum divina officia cantantur, etiam si a parentibus, vel quibuscumque aliis quacumque de causa evocentur; sed audita campana, quæ ad chorum, vel ad refectorium invitat, unaquæque monialis debeat festinare, omittis omnibus negociis, & sermonibus, etiam quos, vel cum parentibus, vel cum aliis instituerint, ne videantur hominum consuetudinem pluris facere, quam Dei cultum, aut superiorum obedientiam.

„ Si quæ monialis, sine causa, a Præfecta probata, chorum accedere, aut refectorium prætermittat, neque monita parere velit, carcat tamdiu vini & panis portione, donec redeat ad officium; & si Præfecta in eo cuiquam sine iusta causa indulgeat, ipsa de eorum rationem reddere cogatur, in quo etiam suam conscientiam oneramus.

„ Quicumque ad monasteria nostra cum venia in scriptis obtemperata accesserit, sive cum Præfecta, sive cum alia quacumque Virgine collocuturus, non alio in loco admittatur, nisi in ordinario collocutorio, assistantque semper deputatæ ad hoc seniores auscultatrices, quemadmodum alias demandatum fuit.

„ Confessarios infra claustra nequaquam admittant, nisi in casu necessitatis. Confiteantur sacræ Virgines ad crates; ex iisdem sanctam Eucharistiam sumant, ferrea fenestella, quemadmodum apud Sanctum Nicolaum est, ubique quamprimum fieri poterit accommodata.

„ Optaremus etiam certas horas ad operas singulas constitui, signumque per campanam dari, quando surgendum, quando matutinæ preces inchoandæ, quando Missa audienda, quando horæ cantandæ, quando prandendum, quando cenandum, quando incumbendum sit; ejusmodi enim temporum distributione certa magna percipiunt commoda Religiosi utriusque sexus, qui communem vitam agunt.

„ Dormiant singulæ separatim tam puellæ, quam moniales, & in dormitorio opportuno loco luceat nocte tota lampas una saltem, vel

„ vel binæ, ubi id loci conditio postulaverit;  
 „ quæ vero fuerint in eodem lecto repertæ pu-  
 „ ellæ condormientes, de monasterio pellantur,  
 „ moniales singulis quarta & sexta feriis unius  
 „ anni panem, vino, & obsonio careant, Præfec-  
 „ tæ, quæ id non fuerit executæ, excommu-  
 „ nicationis nobis reservatæ pœna imminente.  
 „ Ubi vero aut loci angustia, aut summa non-  
 „ nullarum paupertas coget, binis sororibus,  
 „ aut nepti cum amita, donec ejusmodi neces-  
 „ sitatibus concedat divina clementia alia ra-  
 „ tione provideri posse, simul dormire conce-  
 „ demus, si tamen supplicaverint, & de ejus-  
 „ modi necessitate docuerint, & licentiam a  
 „ nobis in scriptis obtinuerint; alioquin nemi-  
 „ ni id facere liceat sub pœnis prædictis.

„ Prohibeantur jurgia, & rixæ quantum o-  
 „ mnino potest; si quæ vero, sive puella, sive  
 „ monialis alteram quamcumque etiam Pizzo-  
 „ caram verberare ullo modo auferit, careat  
 „ duobus integris mensibus & vino, & obso-  
 „ nio quocumque, ut ei nihil præter panem  
 „ a monasterio tribuatur, & nihilominus aliis  
 „ pœnis arbitrio nostro reservatis afficiatur.

„ Compellat Abbatisa etiam Pizzocaras ad  
 „ officium, moneatque, ut moniales observent,  
 „ iisque serviant, & per vices tum cellas omnes  
 „ verrant, tum aquam ad usus necessarios in  
 „ easdem cellas portent, & ne sine causa tota  
 „ die cum monasteriorum dedecore huc illuc  
 „ circumcursare aspiciantur. Cum vero neces-  
 „ sitas postulat, mittantur ad extrinseca negotia  
 „ seniores, illæque de quarum modestia cer-  
 „ tior est opinio, quas vino minime deditas  
 „ constet; omnes vero ante Angelicæ Saluta-  
 „ tionis pulsus intra monasterii claustra ades-  
 „ se jubeantur, & circa illam horam curet Ab-  
 „ batissa, ut portæ omnes monasterii, eccle-  
 „ siæ, curiæ, & collocutorii clausæ sint.

„ Ubi plures Pizzocaræ sunt pro locorum  
 „ commoditate in singulis monasteriis, vel una,  
 „ vel binæ constituantur, quæ infirmarum cu-  
 „ ram gerant, earum præcipue, quibus non es-  
 „ sent in monasterio soror, neptis, aut con-  
 „ sanguineæ aliquæ; ubi vero Pizzocaræ va-  
 „ care, quia pauciores sunt, huic operi ne-  
 „ queunt, provideat Præfecta, ut per monia-  
 „ lium caritatem suppleatur, neque id se ne-  
 „ gligere posse sine gravi peccato credat.

„ Sciantque omnes Pizzocaræ non licere eis  
 „ sine nostra expressa licentia, nisi proprio sui  
 „ monasterii Confessario peccata confiteri.

„ Strictè etiam prohibemus tam dictis Piz-  
 „ zocaris, quam etiam castaldis monialium, &  
 „ universæ eorum familiæ, ne sine expressa li-  
 „ centia, & consensu Prælatæ monasterii mu-  
 „ nera etiam tenuissima, litteras, schedulas,  
 „ verba, seu ambasciatas a quacumque, seu  
 „ quocumque cuivis intra, vel extra monaste-  
 „ rium perferant; aliter sententiam excommu-  
 „ nicationis latæ sententiæ, quam tria cano-  
 „ nica monitione præmissa in his scriptis fe-  
 „ rimus, statim in eo ipso incurrant, nec ab  
 „ ea præter nostram, majoremve auctoritatem  
 „ absolvantur, & insuper ad illud idem, & ad  
 „ alia quæcumque monasteria accedenda perpe-  
 „ tuo inhabiles reddantur, & aliis etiam no-  
 „ stro reservatis arbitrio pœnis subdantur.

„ In admittendis puellis, sive ad educatio-  
 „ nem, sive ad religionis spem consensus im-  
 „ primis monialium requiratur, ac res dein-  
 „ de referatur ad nos, nec sine licentia no-

stra ullam liceat acceptare.

„ Semel acceptata, absque licentia nostra non  
 „ egrediatur; si faciat, nullam sibi in futu-  
 „ rum, vel ad idem monasterium, vel ad alia  
 „ spem superesse sciat, nisi per Sanctissimi Do-  
 „ mini nostri Pontificis Maximi mandatum.

„ Cum animadverterimus abusum esse, & scan-  
 „ dalum magnum ex puellis, quæ sacrum ha-  
 „ bitum suscepturæ ad paternas ædes commi-  
 „ grant, unde per plures dies per totam civi-  
 „ tatem pompa quadam parum honesta, aut  
 „ laudabili circumducuntur, id omnino impo-  
 „ sterum prohibemus, permittentes quidem, ut  
 „ quæcumque voluerint paternas domos acce-  
 „ dant, in iisque per mensem unum plus mi-  
 „ nus maneant, sed raro domo pedem efferant,  
 „ nec plures simul, si plures exire contingeret,  
 „ sed unaquæque separatim cum matre, & aliis  
 „ honestis matronis, a quibus etiam singulæ  
 „ separatim ad monasterium cum tempus erit  
 „ simpliciter deducantur. Contraria vero præ-  
 „ sumptio indignas puellas ipsas faciat, quæ  
 „ ad monasterium deinceps admittantur.

„ Puellæ sive educationis, sive religionis cau-  
 „ ta assumendæ, ex eodem patre, eademve ma-  
 „ tre sorores, in uno, eodemque monasterio,  
 „ ne ultra binas admittantur, ne major nume-  
 „ rus insolentiam aliquam erga reliquas gene-  
 „ ret; neque enim in ullo monasteriorum no-  
 „ strorum volumus imposterum plusquam duo-  
 „ bus sororibus locum dari, quæ sacrum ha-  
 „ bitum suscipiant.

„ Nullus vel procurator, vel advocatus, vel  
 „ scriba, vel minister alterius cujuscumque ge-  
 „ neris officium suum, quamvis a majori mo-  
 „ nialium numero electus, administrare incipiat,  
 „ ni prius a nobis fuerit approbatus.

„ Inventaria bonorum omnium tam mobi-  
 „ lium, quam immobilium a cujuscumque mo-  
 „ nasterii scriba trium mensium spatio descri-  
 „ bantur, & nobis exhibeantur.

„ Interior tabernaculorum pars, in quibus Sa-  
 „ cratissima Eucharistia asservatur, serico pan-  
 „ no, aut albo, aut rubro, aut cæruleo, de-  
 „ coris, & reverentiæ causa obducatur.

„ Oleum infirmorum in omnibus monialium  
 „ ecclesiis opportuno loco rite asservetur.

„ Sacre reliquiæ decenti loco, quamprimum  
 „ fieri potest, collocentur, ne in inferiori al-  
 „ taris parte, aut alibi indecenter jaceant.

„ In reliquis serventur, & priores nostræ,  
 „ & aliæ prædecessorum nostrorum constitutio-  
 „ nes, præcipue circa colloquia, & litterarum  
 „ scriptiones, imprimis vero sacri Tridentini  
 „ Concilii decreta, summorumque Pontificum  
 „ Bullæ in hac materia emanatæ.

#### „ De Casibus reservatis.

„ Voluimus synodalibus constitutionibus no-  
 „ stris casus etiam reservados inferere, prohi-  
 „ bentes, ne quispiam sive sæcularis, sive re-  
 „ gularis Sacerdos a nobis ad confessiones pro  
 „ ovium nostrarum salute admittus absolvere  
 „ super his audeat, sub pœna excommunica-  
 „ tionis, & perpetua confessionum privatione;  
 „ suntque hi qui sequuntur, in quibus tamen  
 „ nobis ipsis legem non præscribimus, quomi-  
 „ nus pro temporum conditione, & curæ no-  
 „ stræ opportunitate adjungere, vel minuire  
 „ possimus.

„ 1. Hæreticos.

„ 2. Schismaticos.

„ 3. Usurarios.

„ 4. Sa-



„ 4. Sacrilegos.  
 „ 5. Incendarios.  
 „ 6. Latrones seu grassatores viarum.  
 „ 7. Homicidas voluntarios.  
 „ 8. Striges, magos, veneficos, incantatores,  
 divinatores, sortilegos, & ab eis consilium  
 „ petentes.  
 „ 9. Opprimentes propriam prolem, & sterili-  
 tatem, aut abortum quomodolibet procu-  
 „ rantes.  
 „ 10. In patrem, aut matrem manus vio-  
 lentas iniicientes.  
 „ 11. In mortem sui conjugis effectualiter  
 „ machinantes.  
 „ 12. Verberantes clericos etiam leviter, vel  
 „ eos contumeliis afficientes.  
 „ 13. Parentes, & nutrices, qui infantes an-  
 te annum completum secum tenent in lecto.  
 „ 14. Coeuntes cum brutis.  
 „ 15. Coeuntes cum infidelibus.  
 „ 16. Peccantes contra naturam.  
 „ 17. Incestum in quarto, aut propinquiori  
 „ gradu consanguinitatis, aut affinitatis com-  
 „ mittentes.  
 „ 18. Desolutores, oppressores, & raptore  
 „ virginum.  
 „ 19. Concubinarios publicos.  
 „ 20. Sanguinem, aut semen effundentes in  
 „ ecclesia.  
 „ 21. Quemlibet conjugatum contrahentem  
 „ matrimonium cum secunda, vivente uxore.  
 „ 22. Mulierem quæ antequam reddatur cer-  
 „ tiot de morte mariti, secundo contraxerit.  
 „ 23. Non solventes decimas, vel fraudem  
 „ in solutione ipsa adhibentes.  
 „ 24. Excommunicatum vel suspensum, aut  
 „ interdictum in ordine suo ministrando, vel  
 „ eos absolventem, & taliter ligatum aliquem  
 „ ordinem suscipientem.  
 „ 25. Utentes indumentis ecclesiasticis in lar-  
 „ vis, vel in alia re ludicra.  
 „ 26. Clericos noctu per plateas cum armis  
 „ grassantes, cantilenasque, & musicas sic ex-  
 „ ercentes.  
 „ 27. Accedentes ad moniales quacumque de  
 „ causa sine licentia, vel mittentes ad ipsas litte-  
 „ ras aut schedulas, vel accipientes pariter sine  
 „ licentia, vel accipientes ab eis munera, etiam  
 „ levia, & levissima, nisi adsit consensus Ab-  
 „ batissæ; in ipsarumque monialium ecclesiis  
 „ sine licentia celebrantes.  
 „ Advertantque a prohibitionem colloquutionis  
 „ non excusari facellanos, qui Missas in earum  
 „ ecclesiis celebrare tenentur, cum res neces-  
 „ sarias ab ancillis, sive Pizzocaris, ut appel-  
 „ lant, petere possint. Ideo æquo jure sunt  
 „ censendi cum aliis; excipitur unicus Confes-  
 „ sarius in singulis monasteriis, procurator  
 „ unus, & unus scriba; tum vero consanguini  
 „ nei in secundo gradu, ut tamen præter con-  
 „ sanguineam cum aliis sermonem non habe-  
 „ ant, nec procuratores ipsi, aut scribæ, nisi  
 „ cum Abbatissæ, & cum paucis, quæ monaste-  
 „ riorum administrationi seculari incumbunt;  
 „ ab aliis abstineant, ut reliqui, alioquin non  
 „ absolvantur.  
 „ Si in prædictis omnibus, & quibuscum-  
 „ que constitutionibus difficultas, aut dubium  
 „ ullum exoriatur, omnem declarationem, &  
 „ interpretationem nobis ipsis reservamus; que-  
 „ madmodum vero nihil in iis esse existima-  
 „ mus, quod sacris Conciliis, & ecclesiasticis

„ sanctionibus non consonet, sic universa, &  
 „ singula sacrosanctæ Apostolicæ Sedi, ac Ro-  
 „ manæ Ecclesiæ, omnium ecclesiarum Matri,  
 „ & Magistræ humiliter, & fideliter submitta-  
 „ mus, ejus præcepta ne latum quidem un-  
 „ guem transgressuri.

„ *Acclamationes in fine Synodi.*

„ Benedictio, & claritas, & sapientia, &  
 „ gratiarum actio, honor, virtus, & fortitudo  
 „ Deo nostro in secula seculorum. Amen. A-  
 „ men. Amen.

„ Sanctissimo Domino nostro Clementi San-  
 „ ctæ Catholicæ Universalis Ecclesiæ Summo  
 „ Pontifici salus, vita, & prosperitas, augmen-  
 „ tum fidei, & cunctarum gentium obedientia.  
 „ R. Pia sanctissimi Pastoris nostri consilia,  
 „ & salutaria desideria omnipotens Deus cæ-  
 „ lesti gratia prosequere, ejusque preces, &  
 „ lacrymas exaudire digneris, ut hæresibus o-  
 „ mnibus sublatis, Christianis Principibus in-  
 „ ter se reconciliatis, veræ fidei hostes conte-  
 „ rantur, & Ecclesiæ tuæ pax, dignitas, & glo-  
 „ ria restituantur.

„ Serenissimo Domino Domino Marino Gri-  
 „ mano nostro clementissimo Principi, totique  
 „ Reipublicæ Venetæ salus, victoria, gloria,  
 „ & felicitas æterna.

„ R. Concede omnipotens Deus Principi no-  
 „ stro perpetua pace letari, & in ea divini  
 „ nominis tui gloriam, & rectæ fidei cultum  
 „ semper augeri, omnesque hostium suorum co-  
 „ natus dexteræ tuæ virtute collidi.

„ Illustrissimo, & Reverendissimo Domino  
 „ Domino Archiepiscopo nostro vigilantia su-  
 „ per gregem suam, in adversitatibus patientia,  
 „ in judicio lumen, in ministerio zelus domus  
 „ Dei, in regimine corporis & animæ salus  
 „ perpetua.

„ R. Conservet illum Dominus, regat, &  
 „ illuminet, ut infirmitatibus nostris compa-  
 „ tiatur, & divinum cultum, ecclesiæque no-  
 „ stræ decus tueatur, & augeat.

„ Universæ Dalmaticæ provincie, & Jader-  
 „ tino populo pax, salus, securitas, abundan-  
 „ tia, omniaque bona, quæ timentibus Deum  
 „ promittuntur.

„ R. Rogamus te clementissime Pater, ut  
 „ universam Dalmaticam oram, & imprimis fi-  
 „ delem populum Jadertinum, te unum Deum  
 „ in vero amore, & timore colere doceas, ut  
 „ per tuam misericordiam post præsentem cala-  
 „ mitates cælestem benedictionem, omniaque  
 „ animi, & corporis bona consequatur, ac per-  
 „ petuo te concedente perfruat.

„ Intercedant pro nobis apud divinam Ma-  
 „ jestatem tuam Sanctissimi Protectores nostri  
 „ Anastasia, Grisogonus, Zoilus, & Beatus Si-  
 „ meon, qui Unigenitum Filium tuum gestavit in  
 „ ulnis. Amen. Amen. Amen. Fiat, fiat, &c.

Nec vero Minutius dum peculiaribus eccle-  
 „ siæ suæ commodis utilitatique diligentissime ser-  
 „ viebat, ab omni publicorum negotiorum cura-  
 „ tione illi vacare omnino licuit. Nam tum Pon-  
 „ tificex, tum Dux Bavarie Minutio identidem da-  
 „ bant de gravissimis rebus mandata, quæ summa  
 „ illa, qua valebat, prudentia, ac dexteritate con-  
 „ fecit; veluti illud de Uscobis compescendis,  
 „ qui sub dominatu ac tutela Principum Austriæ,  
 „ ea tempestate, insulas orasque Venetorum, &  
 „ mare omne infestum armatis lembis faciebant;  
 „ nec Venetis solum, sed etiam pontificiis navi-  
 „ giis

Dum Ec-  
 „ clesiæ suæ  
 „ curam o-  
 „ mnem ad-  
 „ hibebat,  
 „ publica ne-  
 „ gotia sibi  
 „ commissa  
 „ curare non  
 „ destitit.

giis & mercatoribus plurima damna inferebant; & prope jam aberat, ut grave bellum inter Venetos Austriosque exardesceret; cum hi vel nollet, vel negligerent infames illos piratas, qui Seniam, aliaque oppida ditionis Austriacæ tenebant, sedibus maritimis ejectos ad loca mediterranea transferre, aut certe poenarum metu ac denunciatione coercitos in officio continere; illi vero injurias acceptas terra marique persequentes, ab ipsis oppidis Austriadum imperio subiectis, quæ prædonum ac prædarum receptacula erant, invadendis non abstinere. Quot circa Clemens VIII., cui magnopere cordi erat concordia Principum Christianorum, ut socia arma conjungerent contra Turcas, qui tum bellum gerebant cum Rodolpho Cæsare, Minutium per litteras jussit omne studium operamque in eo contendere, ut piratica Uscochorum licentia, quæ semen erat discordiarum, stabili ac firma pace Veneti & Austrii inter se jungerentur.

Clementis  
ad Minu-  
tium epi-  
stola.

Clemens PP. VIII. Venerabilis Frater salutem & apostolicam benedictionem. Quam diu, & quo animi ardore a nobis expetitum sit, ut inter Signienses & Venetos compositionis opportuna ratio aliqua iniretur, nemo Fraternitatis tuae melius novit, qui a secretis nostris tanto tempore, & tanta cum laude fuisti, & sensus nostros, ac consilia perspecta habes, quæ ad solam Dei gloriam, & communem Christianæ Reipublicæ utilitatem diriguntur. Itaque scis quo animi dolore calamitatem illam deplorare consueverimus, scilicet vexationes, & depredationes, & detrimenta quotidiana, quæ a Signiæ incolis non Venetorum tantum, sed nostris etiam, & Sedis Apostolicæ subditis inferuntur; ac licet tot incommodis & malis, quam semper optavimus, medicinam adhuc adhibere non licuerit, nunquam tamen pro nostra pastoralis sollicitudine hanc cogitationem deposuimus; & nunc certe magna in spe sumus fore, ut, Dei gratia adjuvante, hoc salutare negotium conficiatur, quod te quoque sperare animadvertimus. Nam & carissimus filius noster Rodolphus Imperator electus, & dilectus filius nobilis vir Ferdinandus Archidux Austriæ præclaram erga concordiam voluntatem præferunt, & de Venetorum Republica idem nobis persuadent, & præstantes nunc hujus rei administratos adesse audimus, & tu ipse gravi testimonio confirmas; itaque litteras nostras de tota hac causa dedimus ad Venerab. Fratrem Signiæ Episcopum, tum ad Capitaneum ejusdem civitatis, item ad Commissarios Cæsareos & Archiduciales; scripsimus etiam ad Equitem Justinianum, & Vicepræfectum generalem Sinus Adriatici, quos omnes efficaciter hortati sumus, ut ad Dei gloriam, & Principum suorum laudem, & ob publicam tranquillitatem, & ut mala gravissima evitentur, hanc compositionis curam toto ex animo suscipiant: & quia Fraternitatis tuæ prudentiam, rerum usum, spectatam erga nos & hanc Sanctam Sedem fidem optime novimus, & zelum tuum communis boni non ignoramus; volumus, tibi mandamus, ut in hoc negotio tractando, & Deo auctore conficiendo, operam tuam & diligentiam, quam soles, auctoritate nostra interponas, & cum iis, quos supra nominavimus, aliisque, prout opportunum esse cognoveris, agas, eorumque animos ad concordiam, ut speramus, utraque ex parte propensos, tanto efficacius disponas, impedimenta, & difficultates dimoveas, eisque testis fore, ut compositione ineunda, & de suis Principibus, & de tota Chri-

stiana Republica egregie mereantur, & nobis rem pergratam faciant. Videmus tot præstantes viros operam suam ad hoc pium opus collaturos, ut jure optimo omnia prospere, Deo juvante, evenitura sperare nobis liceat, te præsertim omni studio committente. De totius autem negotii progressu accurate more tuo ad nos perscribes. Dat. Ferrariæ sub annulo Piscatoris die secunda Septemb. MDXCVIII. Pontif. nostri anno septimo.

Ut Pontificis mandata exsequeretur, nihil curæ diligentiaque Minutius prætermisit; & communicatis cum Episcopo Seniensi, & Antonio Justiniano Præfecto Sinus Adriatici consiliis, deliberatum fuit, ut M. Antonius de Dominis Seniensis Antistes Græciensem, & Pragensem Cæsaream Curiam adiret, doceretque rem indignam & intolerandam videri omnibus, latrones illos in omnium fortunas tamdiu impune grassari; quanta ab illis calamitas rei publicæ, & christianæ impenderet; & quibus remediis ad eam avertendam opus esset. In utraque Curia tum Ferdinandum Archiducem, & Rodolphum Imperatorem, tum consiliarios fere omnes optime animatos reperit ad fræmandam piratarum insolentiam; sed ut aliquid certi ad eos abigendos vel cohibendos statueretur, impetrare non potuit; itaque nihil aliud præter verba & inania promissa retulit. Illud tamen consilio atque opera Minutii factum est, ut ex illis inter Venetos Austriosque dissidiis, quibus causam Uscochi præbebant, bellum apertum non existeret: id quod Pontifex maxime optabat. De Uscochis brevem quidem, sed accuratam historiam Minutius confecit, quam typis contignavit anno 1602.; eamque Paullus Sarpus perduxit usque ad annum 1615.

Cum nulla illi deesset ex illis virtutibus, quæ dignitatem episcopalem maxime ornant, tum in eo potissimum eminebat religio in Deum superosque, & charitas erga proximos. E patrimonio ecclesiastico quidquid necessariis ad frugalem mensam, atque ad familiam alendam sumptibus supererat, id omne vel in pauperes erogabat, vel ad divini cultus splendorem augendum, ornatumque templorum conferebat. In baptisterio ædis metropolitaneæ duo ex marmore altaria exstruxit, alterum D. Hieronymo, alterum D. Hyacintho; utrumque enim præcipua quadam veneratione prosequeretur. Annuos proventus eisdem attribuit; e quibus alimenta quotidiana suppeterent uni de Presbyteris basilicæ Anastasianæ, qui quotidie sacrum faceret; ejusque eligendi jus penes Canonicos esse voluit. Andreæ patrui Archiepiscopi, sui-que memoriam ibidem tabulæ lapideæ impressam reliquit; cui deinde posterior manus annum emortuale Minutii adjecit. Epigraphem integram hic exhibeo, cujus priorem partem in Andrea Archiepiscopo descripsi.

Ejus opera  
impensa ad  
fræmandam  
piraticam  
Uscocho-  
rum licen-  
tiam.

Monumen-  
tum in æde  
metropoli-  
tana And-  
reæ pa-  
trui ubique  
positum.

Christo Redemptori.

Andreæ Minutio Serravallensi Doctori, rerum usu, religione, charitate, lenitate præstantissimo, per Pium Quintum Pontificem Maximum Jadrænsi Archiepiscopo creato, qui moriens incredibile sui desiderium, Bonique cognomentum apud Jadrænses reliquit. Minutius ex Hieronymo fratre nepos longis peregrinationibus, in pacis ac belli studiis versatus, Bavaricæ Ducibus a Consiliis, & ab aliis honoribus, & opibus auctus, ac tandem Innocentii Noni, & Clementis Octavi Summorum Pontificum a secretis, confecta aju- turnis laboribus valetudine, integra tamen ætate

ab

ab eodem Clemente, qui de Episcopis diligentius examinandis legem tulit, trigesimo post Patrum anno eidem praefectus, & Abbatia S. Grisogoni donatus monumentum posuit, altaria edificavit & consecravit; locum totum exornavit, sepulcrum sibi designavit, atque quotidianum sacrum in Patrum, Parentum, Fratrum, Benefactorum, suique ipsius animae salutem instituit. Anno MDLXXXVIII. Vixit Andreas annos sexaginta, in Archiepiscopatu annos quinque, obiit MDLXXII. Vixit Minutius an. LIV. obiit MDCIV., summa apud Duce[m] Bavariae pro Rep. Christiana negotia pertractans.

Evocatus  
& Duce Ba-  
variae, Ec-  
clesiam O-  
ettinganam  
ibi com-  
mendatam  
juvit.

Monachi-  
dum de Ar-  
chiepisco-  
pato abdi-  
cando eo-  
gitat, & vi-  
ta decessit.

In sede pp.  
Societatis  
honori-  
ficat.

Elogium  
sepulchrale.

Cum ad ecclesiam sibi traditam regendam accessit, valetudinem attulit sane imbecilem, ac praeteritis itineribus, assiduis & laboriosis negotiis attritam, quae illi tamen impedimento non erat, quo minus omnia Episcopi munera & officia prompto atque alacri animo exsequeretur. Verum intra finem anni 1602. vehementius affligi, & inveteratae aegritudines magis magisque ingravescere coeperunt. Post multa remedia incallum adhibita, de consilio medicorum & amicorum, ad patrium solum & incunabula se retulit; quod unum ad diuturnos & veteres morbos depellendos certissimum perfrugium vulgo arbitrantur. Cum & nativi aeris beneficio, & diligenti curatione paululum recreari, & convalescere coepisset; ab Guillelmo Bavariae Duce per litteras accersitus, valetudine nondum plane confirmata, Monachium se contulit sub veris initium anno 1603. Nec vero commorationem Bavaricam otiosam sibi, & ab omni ecclesiastica curatione vacuam esse voluit. Itaque Oettingam profectus ecclesiam illam, cuius sacerdotium & praefecturam obtinebat, invenit ac iustravit; multa praclare constituit, quae ad cleri disciplinam, divini cultus incrementum, christianae plebis utilitatem pertinebant: id quod Dux ipse in suis ad Clementem VIII. litteris datis anno 1603. declaravit: Hoc vero in Praepositura sua Oettingensi testatum fecit, cum brevis admodum temporis spatium, & clerum ibi egregie reformavit, & multa praeciosa ad cultum divinum, populi devotionem augendam maxime utilia constituit, non sine bonorum omnium edificatione, meoque solatio plane singulari. Monachium reversus cum ejus valetudo deterior quotidie fieret, Archiepiscopatu Jaderensi sese abdicandi consilium coepit, auctore etiam atque hortatore Guillelmo Duce Bavariae, qui ut Minutii erga se merita remuneraretur, rursus suis litteris ac precibus apud Pontificem instabat, atque urgebat, ut eum in collegium Cardinalium tandem aliquando cooptaret. Sed hanc sublimem dignitatem, cui jam proximus esse videbatur, mors Minutio invidit; nam ad ceteros, quibus afflictabatur, morbos pleuritis accessit, qua paucos intra dies extinctus est Monachii Nonis Martii anno 1604. Amplissimum ei fusu faciendum curavit Dux Bavariae; & arca marmorea inclusum deponi iussit apud sacellum S. Andreae, in templo S. Michaelis Archangeli Patrum Societatis Jesu, quos ille summopere coluit ac dilexit. Titulus sepulchralis incisus marmori est hujusmodi:

D. O. M.

Minutio de Minutiis Forojulien-  
si Archiepiscopo Jaderensi, Praeposito Oettingano,  
Innocentii IX. & Clementis VIII.  
Pont. Max. a Secretis,

Guillelmo Bavariae utriusque Duci  
A consiliis, viro nobilitate, doctrina eximio,  
Prudentia, ac rerum usu incomparabili  
Post multos pro Republica Christiana  
Exantlatos labores, vi morbi extincto  
Hunc quietum locum dedit idem Dux Bavariae  
Benemerito.  
Vixit Annos LV. obiit Anno salutis MDCIV.

In hanc & superiorem inscriptionem, ut praecclare animadvertit Fridericus Comes Althaus, mendum chronographicum irrepsit; nam neque quintum, neque quartum, supra quinquagesimum aetatis annum, complevit. Cum enim natus fuerit anno 1551, die 17. mensis Januarii, obierit autem anno 1604. die 7. mensis Martii, vixit annos tres & quinquaginta, ac duos praeterea, non tamen integros menses. In utraque igitur inscriptione annos aetatis exactos tres & quinquaginta reponi oportet. In hac vero posteriori idem Comes Althaus pro Forojulien- si jubet substitui Serravallensi; nam oppidum Serravallis Tarvisinae, non Forojulien- sis Marchiae finibus continetur. Egregio Praesuli, ac de Societate nostra optime merito Ha- giologi Antuerpenses hoc grati memorisque ani- mi testimonium dederunt Tomo III. Aprilis in Appendice ad XI. ultimos dies ejusdem mensis: Tumultus est (Archiepiscopus Minutius) VII. Idus Martias; qui quod apud nos tumultaretur, ut habetur in annuis Collegii Monachiensis litte- ris, datum est Serenissimis Principibus templi fun- datoribus, Minutiique etiam in Societatem meri- tis, quae quoad ille vixit, & multa & magna fuerunt: ipse enim solus sua auctoritate, & in nos praeciosa propensione, & inexpugnabili con- stantia animi obtinuit, ut monasterium Ebersper- gen- se in fundationem Collegii tandem tribueretur, deficientibus fere omnibus, qui causa nostra pa- trocinari videbantur.

Multa ingenii sui, doctrinae, ac religionis mo- numenta reliquit; duo typis edita sunt, alte- rum Italice scriptum, idest Historia Vscchorum; quae quidem eo pluris facienda est, quod con- siliorum ac rerum, de quibus narrat, ipsemet particeps fuit; alterum latine scriptum, idest Vita S. Augustae, quam Laurentius Surius Vi- tis Sanctorum interuit, hoc titulo praefixo: Di- va Augusta Virginis & Martyris Vita, quam ex antiquis monumentis, & pia majorum tradi- tione clarissimus & doctissimus Minutius de Mi- nutiis de Serravalle collectam, & eleganter con- scriptam ad nos misit, patriae suae Patronam sic veneratus. Cetera ejus Opera partim Italica, partim Latina luce publica caruerunt; quorum indicem Comes Fridericus Althaus suis de Vi- ta Minutii Commentariis subtexuit. Sunt au- tem haec. De Tartaris. Storia delle guerre tra Tartari e Turchi dall' anno 1595. sino all' anno 1599. De Aethiopia, sive de Abyssinarum impe- rio. De novo Orbe. Storia del Martirio della Le- gione Tebea, e delle undici mille Vergini. Trat- tato sopra la Umiltà. Trattato contro la Detra- zione. Dialogo I. sopra la Prudenza. Dialogo II. sopra la Prudenza. Synodus diocesana. Mol- te Istruzioni, Prediche, e Scritture. Due grossi volumi di Lettere.

Duplex en-  
ror chrono-  
logicus &  
topogra-  
phicus e-  
pigraphii  
corrigitur.

Ejus varia  
opera par-  
tim edita,  
partim  
msl.

VICTOR ARCHIEP. JADREN. XLI.

Natus est Venetiis patre Jacobo Ragazzono Comite S. Uldarici, viro praestantissimo, ac de Republica Veneta praecclare merito. Patruus illi fuit

Gesta Vi-  
toris ante  
Archiepi-  
scopatum.

fuit Hieronymus Episcopus Nazarenus, idemque adjutor Episcopi Famagustæ, ac demum Episcopus Bergomensis, qui ad Patres Tridentinos, antequam Concillium dimitteretur, orationem habuit sapientissimis sententiis, gravibusque verbis ornatam; & Gregorii XIII. apud regem Galliarum internuncius fuit. Victor patris vestigia secutus, ecclesiasticæ militiæ nomen dedit, & Romam profectus inter Præsules Curie Romanæ locum obtinuit. Ejus ingenio, prudentia, doctrina mirifice delectatus Octavianus Cardinalis Mediceus, illum ad suam familiam aggregavit; & Victoris consilio ac solertia ad omnia, quæ sibi commissa erant, munera obunda utebatur. Cum Legatus apostolicus de pace inter Henricum IV. regem Galliarum & Philippum II. Hispaniarum regem concilianda missus esset, Victorem hujus legationis Gallicanæ socium sibi adjunxit; atque ad rem bene gerendam ejus opera magni fuit. Anno 1605. idem Cardinalis ad Summum Pontificatum electus, appellatusque Leo XI., incredibili lætitia simul, & optima spe Victorem implevit; sed utramque interceptit mors Leonis immatura, qui octavo & vicesimo die, quam Pontifex declaratus fuerat, ingenti omnium luctu interiit. Paulus V. eidem suffectus, ut Victoris erga decessorem merita, quo digna erant, præmio & honore afficeret, eidem Archiepiscopatum Jaderensem contulit. Sunt qui Victorem a Clemente VIII. Archiepiscopum renunciatum fuisse tradant anno 1604., xvii. Kal. Julias, id quod vero propius est. Ferdinandus Ughellus ejusdem creationem archiepiscopalem in annum 1606. conjecit. Annos circiter decem Ecclesiæ Jaderinæ summa cum vigilantia ac pietate præfuit. Diocesim lustravit, & synodum diocesanam indixit anno 1607., in qua & decreta Minutiana confirmavit, & iis alia quædam adjunxit pro conditione rerum ac temporum opportuna. Anno 1615. Venetiis cum esset, in urbe illa diem obiit supremum, illatusque sollemni funere in ædem S. Catharinæ, ibidem sepulcrum obtinuit.

Archiepiscopus Jaderensis creatus.

Venetiis obiit.

Virgo quædam enigmata perennem civitati denuntiabat, nili inchoatum templum S. Simeonis absolvatur.

Dum Victor huic ecclesiæ præsidebat, anno 1613. illud accidit mirabile, multorum, qui aderant, & gravissimorum virorum testimonio confirmatum, quod exuviis S. Simeonis Prophetæ & fidem & venerationem adauxit. Erat virgo quædam nomine Dorothea, in cœnobio S. Catharinæ Deo sollemnibus votis obstricta, quam Diabolus obsiderat, miserumque in modum vexabat. Adhibitus Sacerdos, qui eam ab illa vexatione diabolica liberaret, cum exorcismis & variis percussationibus cacodæmonem fatigaret, ille respondit se habere quædam a Christo Domino, a Sancto Simeone, aliisque Cælitibus sibi mandata, quæ vel invitatus civitati denunciare cogeretur. Ejus verba & responsa, ab iis, qui audierunt, excepta, atque in tabulas ex auctoritate publica confectas, ritæque obsignatas, referri jussa, sunt hæc omnino: *Vocato Asmodeo ad linguam &c. Interrogato quid præceperant sibi Jesus Christus cum Patrona hujus Ecclesiæ, senex Simeon, & Stephanus, ut dicat. Dic ad gloriam Dei, liberationem hujus creaturæ, & salutem nostram. R. Simeon Propheta dixit, ut annuncies illis, ad quos pertinet cura illius ecclesiæ, ut in termino annorum trium exstruant ecclesiam, quam caperunt illi edificare cum omnibus pertinentiis cultui divino. Interrogatus dicere modum, R. invenient; & de Illyrici Sacri Tom. V.*

inde profectus est, & si non fecerint ita, (non sunt hæc verba mea, sed cogor dicere a præfato Simeone) quod veniet pestilentia super hanc civitatem. Ille autem Sanctus faciet corpus suum transferre in Mediolanum; & nuncia hæc Rectoribus, quia ad illos pertinet cura civitatis, quia expectavit multo tempore, & non vult amplius expectare. Cumque vocatus venisset excellens D. Joannes Grisogonus, unus ex procuratoribus ecclesiæ S. Simeonis, coram quo fuit jussum Asmodeo, ut repetat quæ dixit: Simeon Propheta ita mihi dixit, ut dicam huic (loquendo admodum Reverendo D. Vicario) ut annunciet illis, ad quos pertinet cura illius ecclesiæ, ut in termino trium annorum exstruant illi ecclesiam, quam caperunt illi edificare cum omnibus pertinentiis cultui divino; & si non fecerint ita, quod veniet pestilentia supra civitatem; ille autem Sanctus faciet corpus suum transferre Mediolanum; & quod nunciet hoc etiam Rectoribus, quia ad illos pertinet cura civitatis; nam expectavit multo tempore, nec amplius vult expectare. Cumque excellens D. Joannes Grisogonus prædictus responderet, quod ecclesia seu fabrica ejus nullos habet introitus; & ideo cum ita sit voluntas Dei, ut admodum Reverendus D. Vicarius interroget ex quibus hæc possint fieri. Resp. antequam admodum Reverendus D. Vicarius quidquam sibi diceret, Erunt, erunt eleemosynæ, & recurratur ad Principem Venet., ut subveniat, si nolunt perdere civitatem, & corpus Sancti; nam Mediolani honorata sunt corpora Sanctorum, & præfata juramento confirmavit. Supervenientibus vero Illustrissimis DD. Aloysio Sagredo Comite, Luca Pisauo Capiteano, Hieronymo Foscari Provi generali equitum Dalmatia, Laurentio Barbaro arcis Præfetto, & Quæstore, Cesare Musto extr. gubernatore militia, & multis nobilibus Venetis, jussus replicare quod dixit circa exstructionem ecclesiæ Sancti Simeonis, replicavit omnia quæ dixit superius de verbo ad verbum, absque omissione, seu mutatione ullius verbi.

Verum enimvero, ut incredibilis tunc extiterit omnium civium ardor & cupiditas templi jam inchoati perficiendi; facultas tamen defuit, cum ad ædificationem institutam persequendam pecunia deesset. Itaque ex decreto jussuque Consilii publici, cogitatio curaque omnis Præsidum arcæ S. Simeonis versa est ad pecuniam necessariam, partim ex annuis ejusdem arcæ proventibus, partim ex subsidiis piorum hominum sive voluntariis, sive precario quæsitis conficiendam.

## LUCAS II. ARCH. JADREN. XLII.

Ex illustri civium Venetorum ordine, & familia pervetusta, cui *Stella* cognomen fuit, quæ præstantissimos viros Reipublicæ dedit, & egregie meritos in illis magistratibus gerendis, qui secundi hujus ordinis civibus demandari solent. Inter hos excelluit Joannes Petrus Stella, qui per omnes honorum gradus ad supremam Cancellarii Magni dignitatem pervenit, ut declarat ejus elogium sepulcrum in æde S. Geminiani: *Jo. Petrus Stella Eques, charus Senatui Veneto, gratus exteris Principibus, Magni Cancellarii dignitatem ingentibus meritis consecutus, ut posteris quoque memoria prodesset exemplum civibus tam magnificum. Lucas his majoribus natus ab eorum virtute non degeneravit. In gymnasio Patavino Philosophia & Jurisprudencia instru-*

Lucas Stella

primum  
Rethinen-  
si Episco-  
pus, dein-  
de Jaden-  
sis Archiep.

Aut, clericalem habitum induit, & Romam se contulit. Primus illi ad ecclesiasticas dignitates gradus, fuit sub Clemente VIII., qui Lucas ad collegium clericorum Camera apostolicae aggregavit, ac deinde titulo ac munere Referendarii utriusque signaturae condecoravit. Postea vero Rethinensem Episcopatum obtinuit; hinc translatus Paulus V. Jaderinis Archiepiscopum dedit anno 1615. xii. Kalen. Decembris; ut sub hoc anno dieque notatum est in Tabulis consistorialibus: *Proximit Eccles. Jadenfis per ob. Vistoris Ragazzoni de persona Lucas Stella Episcopi Rethynen., cum retentione compatibilium, & iurium condonatione, propterea quod fuerit Clericus Camera apostolicae, & cum reservatione pensionis annua ducat. 200. monetae Venetae ad favorem D. Ermolai Bargalissi Presbyteri Veneti.*

Episcopalis administrationis initium fecit ab huiusmodi diocesi; quam cum totam peragrasset labore indefesso, & magna illarum gentium utilitate; Canonicos & Praepositos ecclesiarum ad Synodum convocavit anno 1618.; in qua multa praecleara pieque constituit, tum Parochis ad suum munus recte fungendum, tum christianae plebi ad Deum rite colendum, honesteque vivendum pericula. Illud vero singulari commemoratione dignum, Deo Divisque honorificum, atque ad reliquias Sanctorum in antiqui cultus possessione retinendas necessarium. De corporibus Sanctorum Donati, Zoili, & Anastasiae, quae in urbe condita esse, asservarique vetus erat opinio a maioribus accepta, & multarum aetatum consensu firmata, jam pridem dubitatio auctoribus nescio quibus in vulgus disseminari coeperat, & magis magisque in dies inualescebat. Lucas ergo pro sua prudentia veritus, ne Divorum illorum cultus ac religio jam decreverat omnino exstiteret, nisi mature huic periculo ipsemet occurreret, injectamque dubitationem ex animis Jadrensis funditus eximeret; decrevit rem sedulo investigare, & manifestam omnibus facere, riteque testatam posteris relinquere. Quocirca Rectoribus civitatis, & Primoribus & Capitulo, cœtuque nobilium vocatis, ac testibus adhibitis, templum aedi cathedrali proximum adiit, quod ab ipso S. Donato Episcopo Jadrensi exstructum ferunt, ejusque titulo subest; cum antea cognomen a Sanctissima Trinitate habuisset. Loculum marmoreum, in quo corpus S. Donati inclusum esse dicebatur, e pariete, cui infixum erat, educi iussit; quem cum aperuisset, ossa ejusdem invenit, quae S. Donati esse inscriptio ibidem apposta declaravit. Arcam veterem retinuit, expolivit, & versicoloribus marmorum lapillis scite dispositis insertisque ornavit; tum ibidem ossa illa reposuit, & arcam signo archiepiscopali obsignatam in summo altari ejusdem templi collocavit.

De inventione autem & recognitione corporum S. Zoili, & S. Anastasiae, haec tradit ex actis tabulisque publicis Valerius a Ponte Archidiaconus Jadrensis. *Hic ne in posterum ambigere contingeret de corporibus S. Donati, S. Zoili, & S. Anastasiae; commendabile aggressus est opus, velut aperiendi arcas eorum. De inventionem S. Donati dixi, dum de eo in serie Episcoporum translationem feci. Arca vero marmorea S. Zoili, quae post demolitionem ecclesiae S. Simeonis, seu Sanctae Mariae Presbyterorum anno 1570., translata fuit in ecclesiam S. Rocchi, ac pro mensa altaris reperiatur, de qua multa*

*apocripha ac inania vulgus jactabat, quae Lucas Archiepiscopus dilucidare ac tollere decrevit; ac propterea eandem arcam coram magistratibus, & proceribus civitatis aperuit; invenitque plura ossa in arca cupressina congesta sine capite; eo quod caput S. Zoili jam in theca argentea conditum asservabatur in eadem ecclesia S. Rocchi; quae ossa solemniter translata fuerunt in sanctuarium cathedralis, ac reposita in arca decentissime ornata, cum inscriptione Ossa S. Zoili Confessoris.*

Arca vero S. Anastasiae tunc ignota, reperta fuit retro tabulam marmoream, quae simulacrum S. Anastasiae praeferebat, collocatam subter altare eidem dedicatum in sacello laterali ecclesiae, dum novum altare marmoreum, amoto veteri, erigebatur; cujus arcae inscriptio, ac totius facili series publico documento expressa in actis Cancellariae archiepiscopalis reposita fuit ad futurorum memoriam.

In Christi nomine Amen. Illustrissimus ac Reverendissimus in Christo Pater DD. Lucas Stella miseratione divina Archiepiscopus civitatis Jaderae. In restauratione altaris S. Anastasiae Patronae suae metropolitanae ecclesiae, die Jovis xvi. mensis Novembris, millesimo sexcentesimo vigesimo secundo, reperta est arca marmorea cum inscriptione in superficie anteriori exterius his verbis:

„ In nomine S. Trinitatis hic requiescit  
„ corpus S. Anastasiae. De donis Dei, & S.  
„ Anastasiae Donatus peccator Episcopus fecit.  
„ Deo gratias. „

A parte vero posteriori cum his litteris:

„ In nomine S. Trinitatis. Hic requiescit  
„ corpus S. Anastasiae. „

A latere vero sinistro cum his verbis:

„ De donis Dei. Donatus peccator Episcopus fecit. „

Qua aperta, & invento corpore in cinere, & aliquibus ossibus repositis in sanctuario; die Dominico 27. supradicti mensis ac anni, cum processione, & interventu Illustrissimi DD. Petri Lauretani Praetoris, & Laurentii Bragadeni Praefecti Repraesentantium Serenissima Reipub. Venetae, Religionum, Confraternitatum, ac summo totius civitatis concursu, iterum in hac ipsa arca collocatum fuit, relicta priore parte capitis asservanda in theca argentea, specialiter illi deputanda. In quorum fidem &c.

Lucas Stella Archiepiscopus.

Ego Joannes Maria Benvenuti Notarius, & Cancellaria archiepiscopalis Cancellarius omnibus interfui, & mandato praelibati Illustrissimi DD. Lucas Stella Archiepiscopi Jadrensis scripsi, & in hanc publicam formam redegi cum subscriptione Dominationis suae Illustrissimae & Reverendissimae.

Post sacras illas exuvias detectas & exploratas omnis dubitatio evanuit, pristina civium, quae jam refrixerat, religio ad eas venerandas, & frequentia referbuit; neque ullus postea de hac re scrupulus vel suspicio in Jadrensis animis reledit. Corporis S. Anastasiae ab Luca inventi riteque recogniti fidem etiam facit tabula marmorea sacello Anastasiano infixa, & his verbis inscripta: Anno 1622., die 27. Novembris Lucas Stella Archiepiscopus Corpus S. Anastasiae in cinere & ossibus inventum in hoc instaurato altari iterum collocavit.

Novem annos Metropoli Jadrensi sapientissime praefuit; & anno 1619., cum esset Venetiis, eadem S. Leonis consecravit, ut docet inscriptio ad januam lateralem his verbis apposta:

D. O. M.

Venetis  
consecra-  
vit eadem  
S. Leonis.

De corporibus Sanctorum, qui Jaderae coluntur, dubitationem subortam discutit.



D. O. M.

*Illustrissimus & Reverendissimus DD. Lucas Stella Archiep. Jadr. Templum hoc Divo Leoni dedicatum consecravit, Illustriss. ac Reverendiss. D. D. Francisco Vendramino S. R. E. Card. Patriarcha Venet. Dalmatiaeque Primas concedente; Reverendo Dominico Scroffa Ven. Plebano, Serenissimo D. Antonio Priolo Duce. An. Sal. 1619. 10. Cal. Octob.*

Flaminius Cornelius in Monumentis Ecclesiae Venetae Decade 1. pag. 269. insignium reliquiarum mentionem facit, quibus ex urbe advectis Lucas Stella Jadrensis Archiepiscopus diravit Venetam Ecclesiam S. Christophori de Pace, ut ex ejus epist. constat ibidem memorata, & scripta die vi. Aug. 1619.

Jadrensi Ecclesia dimissa, sit Archiep. Cretensis, deinde Vicetinus, demum Patavinus Episcopus.

Anno 1624. Jadrensem cum Cretensi, hanc an. 1632. cum Vicetina, Vicetinaque denique cum Patavina Ecclesia an. 1639. commutavit. Hanc multiplicem ex alia ad aliam Ecclesiam migrationem haud festivius, quam verius expressit Urbanus VIII., cum Lucam Stellam vocavit Sydus non fixum, sed errabundum. Eleganter ad ejus cognomen & stemma gentilitium leonem praeferebat alludit Poeta, Patavinum Pontificatum eidem gratulatus.

*Stella venit: supera condant lumina flamma:  
Non Adriana videt clarius unda jubar.  
Utque nil Euganeum radiis sol imbuet orbem,  
Stella hac Phœbeae lampadis instar erit.  
Illam Roma dedit, Veneti volvere, tenet nunc  
Urbs Patavi, & longum detinuisse velit.  
Hac duce cursabunt fidei ad cunabula Reges,  
Et pro muneribus corda subacta ferent.  
Praesul honorata redimitus tempora mitra,  
Quem colit Euganeis gens Patavina focis;  
Accipe solemnes populi plaudentis honores,  
Et dici patria te patiare parens.  
Phryx tibi commendat, quas olim condidit, arces,  
Si qua valent cineres, ossaque muta loqui.  
Et quamvis sinuetque jubar, victusque resolvat,  
Non tamen ore furit, nec ferit ungue leo.  
Hic sibi commissum si quisquam invadit quile,  
Est leo; si nemo laeserit, agnus erit.  
Exoriente tuo felice sydere Stella,  
Occidet afflatu stella maligna suo.  
Sed neque fulgebit minitanti crini cometes,  
Qui mundo clades, & fera bella ciet.  
Antequam cessores studeas sic reddere, ut olim  
Dicat Prodicimus urbs habuisse duos.  
Denique stellarum numerus sic crescat Olympo,  
Fac sero crescat, sydere Stella tuo.  
Patavii obiit anno tertio, quam hunc Pontificatum inherat, Christi 1642.*

OCTAVIANUS ARCH. JADREN. XLIII.

Octavianus Garzadorus ex Ep. Boviano Archiep. Jadren.

De quo Valerius a Ponte Archidiaconus Jaderinus in Catalogo MSS. Antistitum Jaderinorum: Octavianus Garzadorus nobilis Vicentinus, vir utriusque juris peritus eximius, florenti adhuc aetate munus Referendarii utriusque Signaturae in Curia Romana laudabiliter gessit, a Clemente VIII. Summo Pontifice Cardinali S. Georgii nepoti suo Praelatus commensalis, ac institutor datus fuit; quo defuncto Petri Cardinalis Aldobrandini, ejusdem Pontificis nepotis, & Camerarii apostolici, deinde Hippolyti Cardinalis Aldobrandini, ejusdem Pontificis pronepotis iidem Camerarii apostolici Auditor generalis fuit: verum ut fractam continuis laboribus valetudinem instauraret, a Gregorio XV. Episcopatu Ro-

viano in regno Neapolitano donatus est. Urbanus VIII. anno 1624. Octavianum Ecclesiae Bovianae adeptum, Metropoli Jadrensi Archiepiscopum praefecit, ut est in Actis consistorialibus: 1624. 11. Martii transfudit Octavianum Garzadorum a Bovianensi ecclesia ad Metropolim Jaderinam vacantem per translationem Lucae Stella ad Ecclesiam Cretensem, cum reservatione pensionis annua scutorum 500. pro persona, vel personis nominandis. Huic idem Pontifex titulum munusque Visitatoris apostolici dedit, ac mandatum Ecclesiae universae Dalmaticae, quae ad Venetam ditionem pertinet, lustrandae, reformatandaeque: quapropter hanc inscriptionem suis litteris edictisque praefigere solebat: Octavianus Garzadorus Archiep. Jadren., & in tota provincia Dalmatia specialis & generalis Reformatore, Visitatore, & Delegatus Apostolicus.

idemque Visitator apostolicus Dalmatiae.

Post initam possessionem Ecclesiae Jadrensis, statim commissum sibi munus visitationis apostolicae exsequi coepit; & Veneti Senatus permissu, ac Veneta triremi devectus, a Budua extrema ditionis Venetae civitate initium fecit provinciae lustrandae. Illuc appulit Junio mense anno 1624.; inde reliquas ex ordine civitates & ecclesias obivit. Ubique ab Episcopis, collegiis Canonorum, & clericorum, familiarisque religiosi magno honore, summaque reverentia exceptus fuit. Nonnulla in Ecclesiis Dalmatiae irreperant, quae inspectione & curatione apostolica indigebant; veluti dissidia quaedam inter Episcopos & Clerum, depravatio disciplinae ecclesiasticae & monachalis, nimia Christianorum & perniciose cum Turcis familiaritas; nec pauca instituenda erant e praescripto Concilii Tridentini, veluti Seminaria clericorum, loca pietatis ad pecuniam pauperibus egentibus foenerandam, mentitui conventus Parochorum & Sacerdotum ad conferendum inter se, ac differendum de iis, quae pertinent ad doctrinam moralem Christianam, lex exigenda professionis catholicae a Praepositis ecclesiarum ritus Graecanici; & alia hujusmodi, quae vel prohiberi & corrigi, vel juberi & sanciri oportebat. Omnia quidem alacri magnoque animo aggressus est, sed non omnia perficere potuit. Igitur quae sibi mandata fuerant, quoad rerum ac temporum conditio patiebatur, diligentissime curavit, ubique pravas sustulit, piasque consuetudines iniecit, Clericos & Canonicos suis Episcopis reconciliavit, leges ad restituendam utriusque ordinis ecclesiastici & monastici disciplinam necessarias ac perutiles tulit, rationem & methodum Christianae catecheseos pueris & adultis tradendae ubique praescripsit; aliaque id generis permulta, & clero populoque salutaria constituit. Hanc apostolicam peragratiorem intra duos menses confecit; & eadem trireme, quae illi ad oram lustrandam assignata fuerat, Venetias reductus eodem anno 1624. 1x. Kal. Septembris, quae sapienter pieque decreverat, Senatus auctoritate confirmanda curavit; ac deinde rerum ab se gestarum rationem Pontifici per litteras reddidit, simulque Romam misit tum constitutiones ab se factas auctoritate pontificia approbandas, tum commentarios, quos de statu cujusque ecclesiae ac dioecesis breviter quidem, sed plane ac dilucide conscripserat. Titulum Visitatoris apostolici, quoad huic ecclesiae praefuit, itemque potestatem retinuit.

Jaderam reversus, ad suum Clerum, & populum sanctissimis institutis atque exemplis re-

Corporis  
S. Simeonis in  
locum nobi-  
liorem  
transferen-  
di consi-  
lium con-  
cipit.

formandum, & sincera erga Deum pietate imbuendum omni diligentia studioque incubuit. Sed illud in primis curandum sibi censuit, quod de corpore S. Simeonis in locum digniorem transferendo Augustinus Valerius saeculo superiori mandaverat, quodque, ut omnes ardentissime optarent, effici tamen in summa difficultate nummaria non potuerat; & multo magis deerat; unde sumptus suppetere necessarii ad basilicę designatę, inchoatęque edificationem. Itaque magistratibus, curātoribus arcę, & primoribus civitatis in consultationem adhibitis, decretum fuit, ut quando ædificatio templi inchoati sumptus immanes requirebat, neque erat, unde suppetitari possent; sacratissimum illud Corpus e sacello S. Rocchi transferretur in ædem Sancti Stephani, quę secundum basilicam metropolitanam, ambitus magnitudine, partium descriptione, structurę elegantiā, ceteris urbanis templis longe præstabat. Pecunię vero quod ad eam diem ex annuis arcę proventus, & piis legatis, & collationibus voluntariis confectum erat, illatūque in ærarium S. Simeonis, id iustum est impendi tum in basilicam S. Stephani refarciendam & ornandam, tum vetō in sacellum extruendum opere cultuque magnifico, in quo sacrosanctę illę exuvie pro dignitate collocarentur. Tergo hujus basilicę hortus adjacens ad mensam archiepiscopalem pertinebat, cujus aream necesse erat cum basilica conjungi ad constructionem novi sacelli; hujus igitur possessione cessit Octavianus, sed ne qua reddituum episcopaliū diminutio fieret, cum alio fundo æque fructuoso commutavit. Jacta sunt ibidem fundamenta, & sacellum ædificari cœpit. Cum opus lentius, quam commune desiderium poscebat, progredi videretur, ad festinandum stimulos addidit, & ardorem iniecit atrox illa pestilentia, quę anno tricesimo hujus sæculi totam Italiam pervagata, cum magnas ubique mortalium strages edidisset, Dalmatiam quoque, atque Jaderam pervasit. Tum enim vero animos subiit recordatio pestis illius ante aliquot annos, jubente Deo, per energumenam Jadrensis prænuñciatę, nisi quamprimum S. Simeoni sanctuarium augustinus, & sepulcrum statuerent: Ergo tum supplicationes indixit, & alia ad placandam iram divinam adhibita piacula; tum etiam Cælitæ urbis patroni ad Numen propitiandum invocari; præsertim S. Simeon, & S. Chrysogonus; huic quidem votum est altare marmoreum in ejus templo extruendum, illi vero templum ac sacellum jam designatum decretumque. Audita sunt preces, depulsa contagio, sanitas urbi restituta, solemnes gratię Deo & Superis actę. Tum omnium curę & cogitationes versę ad exolvendum quod B. Simeoni promiserant. Sacellum & altare ejus sepulcro destinatum intra menses non ita multos absolutum est. Arcam argenteam, quę in cænobio Mariano Virginum Ordinis Benedictini reposita fuerat, pulvere obducto, humidique loci situ infuscatam, Benedicto Libano aurifici detergendam, poliendam, & si qua inde particula decisa esset, reficiendam locarunt. Hic Lydio lapide adhibito reperit arcam illam e purissimo argento constare, cui vix aliquid scoriz admixtum esset. Pondus argenti ajunt facile excedere undecim millia unciarum supra quingentas, vel septingentas; aurum vero, quod arca intrinsecus, & extrinsecus illita est, valere duobus millibus;

Arce argentea  
valior & pretiosior.

& quingentis nummis aureis Hungaricis. His si addatur merces pacta, & pretium solutum artificis, in hoc opus impenso ferunt nummos argenteos Venetos viginti septem mille, & præterea octingentos.

Condito ornatoque sacello & altari, atque huic arce argentea superposita; dies decima sexta Maii, anni 1632, dicta est solemni translationi, quę quanta maxima potuit pompa, magnificentissimo apparatu, incredibili hominum ex universa Dalmatia concursu celebrata fuit. Ab ædícula S. Rocchi instituta est supplicatio: præibant pię sodalitates, & cœtus virorum religiosorum; deinde clerici, & Sacerdotes totius civitatis, itemque Canonici ædis metropolitane; tum Octavianus Archiepiscopus pontificali habitu atque vestitu, medius inter duos primarios Canonicos Dalmaticis tunicis indutos. Sequebatur feretrum pretiosa veste constratum, cui corpus S. Simeonis impositum fuerat, & crystallinis laminis, conspicuum ut esset omnibus, undique circumdatum; quod suppositis humeris gestabant quatuor Episcopi, omnes trabeati, & mitrati, Veglensis, Auxerensis, Arbenis, & Sibenicensis. Umbellam ex holoserica & aurea veste, supra feretrum explicatam ferebant quatuor & primatia Jadrensi nobilitate; Antonio Civrano Provisorum generali Dalmatię, & Joanne Civrano urbis Præfecto, & Proprietore, cum urbano magistratu, prætoria cohorte, utroque nobilium & civium ordine, atque infinita propemodum indigenarum atque advenarum multitudine, prosequentibus; tanta cereorum atque luminum copia, ut urbs ardere videretur; tam insolita omnium ordinum lætitię plausuque, ut magnifici cujusdam triumphi species omnium oculis obversaretur. Totum iter erat frondibus floribusque constratum, tectorum fenestrarum parietesque aulicis pretiosis ornati; æra templorum læto concentu, bombardę dispositę ingenti festoque sonitu æra complebant; tympana reboabant, tubę clangebant, omnia hymnis & canticis personabant. Ubi ventum est ad Sancti Stephani, Corpus B. Simeonis Sacerdotum manibus sublatum a feretro, depositum est in arce argentea; quam per octo ipsos dies patere, & sacrum Corpus omnium oculis expositum esse placuit, potestas ut esset omnibus per otium contemplandi venerandique. Nulla ex iis diebus præterit, quin solemne sacrificium, & vespertinę preces inter symphoniacos & musicos concentus celebrarentur, & ingentes quotidie concursus sacras illas exuvias visendi colendique causa fierent, ut videndi cupiditas, videndo non expleri, sed excitari magis videretur. Ita iidem revisendi gratia sæpius redibant, & nova in horas multitudo consuebat in templum. Exacto die octavo, etsi nondum expletis oculis animisque civium, & advenarum, arca clausa fuit, & signis publicis obsignata; decretumque est, ut semel singulis annis recluderetur, scilicet viii. Id. Octobris, quem diem S. Simeonis memoria & nomine consecratum, publico & solemni cultu Jadrenses concelebrant. Decrevit etiam Octavianus Archiepiscopus, ut fastis Ecclesię Jaderinę ad diem decimum sextum Maji translatio S. Simeonis adscriberetur, & quotannis in posterum anniversarię liturgię, & canonicarum precum officio coleretur. Ut vero hujus translationis memoriam nulla temporum vetustas, aut homi-

Supplicatio & translationis solennis, ad quam universa Dalmatia concurrebat.

Octavo die reclusa solenniter.

Diei anniversarię translationis memorię tabulę lapideę impressa.

minum obliuio aboleret, ad latus dexterum ejusdem sacelli hæc epigraphæ tabulæ marmoreæ insculpta est:

ANTONIO CIVRANO

Dalmatia & Epiri cum summo Imperio Legato  
Jadra Civitatis fero pestilenti cuspide laborantis  
Provido sanitatis restitutori, pio liberatori  
Deo maximo Trino & Uno, Deiparaque Mariae  
Virgini  
Vota solventi  
Sacelli Araque Divi Simeonis a fundamentis  
Erectori

Solemni pompa, regia majestate  
Octaviano Garzadoro Archiepiscopo Jadrensi Apo-  
stolico Visitatori sacra ministrante,  
Totius Dalmatiæ Episcopis devote assistentibus  
Regularium & secularium Clero concurrente  
Omnibus ordinibus universæ Provinciæ stipantibus  
Antiquitate admiranda, sanctitate veneranda  
Ipsius qui Christum Salvatorem propriis ulnis recepit  
Lipsana translantanti

Opus sane grande & memorabile  
Hoc Christianæ munificentiae monumentum sacratur  
Simeone & Petro de Grisogonis Bartolacis, &  
Marco Begna, & Petro Calcina  
Jadræ Nobilibus Arcæ ex Consilio Procuratoribus  
Quod felix faustumque fiet  
Anno Salutis humanæ  
MDCXXXII. Mense Majo die XVI,

Nec vero hanc translationem populorum fre-  
quentia & religio, quam divina beneficia, &  
miracula celebriorem fecerunt. Pauca seligam  
ex his, quæ memoriæ ac litteris prodita sunt.  
Pridie quam translatio fieret, dum machina  
apposita elevabatur arca argentea super aram  
imponenda, trabs quædam magni ponderis,  
funè diffracta, impetu præcipiti, ruit in ca-  
put Benedicti Libani aurificis, quem supra me-  
moravimus: qua ruina illum oppressum & ex-  
tinctum nemo non credidit. Sed implorato S.  
Simeonis nomine, ac patrocini incolumis sur-  
rexit, ictusque gravissimi neque ullum dolorem  
lenit, ac ne vestigium quidem in ejus capite  
apparuit. Petrum Gaudentium Episcopum Ar-  
bensensem, qui Jaderam venerat, ut solemnem  
translationem ipse quoque sua præsentia, suo-  
que ministerio cohonestaret, vehemens febris  
invasit, & intestinis acerbissimis doloribus af-  
fectum lecto affixit. Remediis incassum adhi-  
bitis, aderat jam dies ante indictam celebra-  
tem proxima; nec vis morbi remiserat; cum  
ille manus oculosque in cælum tendens, pari  
pietate ac fiducia S. Simeonem implorat; nec  
vana spes aut imploratio fuit; preces sanitas  
excepit. Continuo Petrus febrim sibi quasi di-  
vina manu depulsam, vires etiam redditas sen-  
sit. Mox sanus & valens exiit e lecto; ac die  
sequenti non solum viam, qua circumlata est  
supplicatio, alacris confecit, sed etiam sacro  
feretro gestando humeros supposuit. Matthæus  
filius unicus Joannis Civrani Præfecti fluxu san-  
guinis laborabat, & desperata a medicis vale-  
tudine, ab interitu prope aberat, cum parens  
submissis genibus, obortisque lacrymis B. Si-  
meoni salutem filii enixe commendavit. Haud  
sua illum pietas frustrata est; puer citius omnium  
expectatione convaluit; & beneficii, deprecæ-  
tione S. Simeonis apud Deum interposita, ac-  
cepti testis est tabula ad latus sinistrum sacel-  
li affixa cum hac inscriptione:

Illyrici Sacri Tom. V.

Joannes Civranus Jadræ Præfectus, quo impe-  
rante Divi Simeonis Corpus sacellum in hoc, piis  
fidelium eleemosynis magnificentissime extructum,  
xvii. Kal. Junii MDCXXXII., factis tamen pri-  
die ad Venerabile illius Bustum vigiliis, transla-  
tum fuit, eodemque obsignatore, argentea in ar-  
ca repositum, cujus claves penes illum, tamquam  
Propratorem asservabantur, vii. Kal. mensis e-  
jusdem, pro impetrata Matthæi filii fluxu san-  
guinis graviter laborantis, Sancti Simeonis in-  
tercessionibus a Deo sanitate, seque filiumque ei-  
dem devovit.

Haud multis post annis patrocini S. Si-  
meonis illustrius ac celebrius fecit sanitas, im-  
plorata ejus ope, divinitus reddita Aloysio  
Priolo Provitori Generali Dalmatiæ Epirique,  
ut docet inscriptio ibidem apposita:

Deo Optimo Maximo  
Humanae Salutis Auctori  
Deiparae Virgini Salvatorem offerenti  
Ac Beatissimo Simeoni inter ulnas excipienti  
Aloysius Priolus Gralis Provisor  
Dalmatiæ Epirique

Ex voto de gravissima infirmitate convalescens  
Nec acceptæ sanitatis immemor existens  
Post exornatum aulaeis undique sacellum  
Salutem auspiciatus æternam  
Perpetuum hoc devotionis pignus exposuit  
MDCXL.

Captivis libertatem, cæcis lumen, surdis au-  
ditum, mutis loquendi, claudis gradiendi fa-  
cultatem restitutam, & aliis alia cujusque ge-  
neris beneficia collata, restantur tabellæ voti-  
væ, veteres recentisque; quarum pleræque ex  
argento liquefactæ sunt, adhibitæque ad re-  
laxandam arcam, ex qua non pauca frustra  
excisa perierant. Vetus consuetudo fuit, ut  
qui vel fidei obstringendæ, vel alicujus rei te-  
stificandæ causa jurare jubebantur, ii apud ce-  
lebriora Divorum, ac præsertim Martyrum se-  
pulcra, dextera, aut utraque manu iisdem su-  
perposita, verbis de more conceptis jurarent;  
& juramento nomen illius, ante cujus aram &  
corpus procumbebant, Martyris interponerent.  
Quamvis enim unius Dei Maximi, maximeque  
veracis invocato testimonio vis omnis & au-  
thoritas jurisjurandi continetur; id tamen non  
obstat, quo minus Cælices etiam honoris cau-  
sa nominemus; nam cum per horum nomen  
jurati aliquid affirmamus, revera non tam ipsos  
Sanctos cum Christo regnantes, quam Deum  
auctorem omnis veritatis, totiusque sanctitatis,  
quæ in Sanctis maxime elucet, ad fidem faci-  
endam, vel obstringendam testem appellamus.  
Hujus antiquæ consuetudinis meminit S. Gre-  
gorius homil. 32. in Evang. Joan. *Ad extincta  
Martyrum corpora viventes ægri veniunt, &  
curantur; perjuri veniunt, & a Demonio ve-  
xantur; itemque Gregorius Turonensis lib. 5.  
cap. 59.: Qui tertio aut amplius mihi sacra-  
mentum super sepulcrum S. Martini dederat. Hæc  
eadem consuetudo, a majoribus accepta, etiam-  
num usu viget apud Jaderinos; ex antiquis-  
simo instituto ac more, id etiam cultus hono-  
risque vulgo haberi solet Sanctissimo Prophetæ  
Simeoni, ut qui de re aliqua gravi testimo-  
nium dicturi sunt, ad ejus altare, & sacratis-  
simas exuvias vel sponte, vel jussi accedant; &  
ibidem invocato ejus nomine, ea, quæ testi-  
ficari volunt, jurejurando confirmant. Nec de-  
sunt exempla divinæ animadversionis in eos,  
qui*

Alia mira-  
cula vetera  
& recentia.

Ritus ju-  
randi ante  
corpora &  
sepulcra  
Divorum,  
qui ante  
arcam S.  
Simeonis  
ultrapari  
solet.

qui ad altare S. Simeonis datam fidem sefellunt, vel mentiri ausi sunt, veluti illud, quod recentiore memoria narrant de quodam negotiatore, qui teste adhibito S. Simeone, & coram ejus arca cum pejerasset, paulo post liberos omnes morte sublato amisit, & ipse naufragio periit.

Arca S. Simeonis describitur oculisq. subicitur.

Nunc demum quod in Laurentio Periandro Archiepiscopo promissum fuerat, rejectumque in acta Petri de Matapharis Archiepiscopi, sed ibi prætermisum, præstari oportet. Arcam igitur argenteam jussu sumptuque Elisabethæ reginæ conjugis Ludovici regis Hungariæ summo artificio elaboratam, lectorum oculis subicio, quinque Tabulis juxta varios ejus prospectus æthereis typis impressam. Patet in longitudinem pedes amplius quinque, tres vero in altitudinem assurgit. Multis laminis quadratis argenteis inauratisque extrinsecus & intrinsecus conveltita est, in quibus beneficia per S. Simeonem divinitus accepta, & alia, quæ ad eum, ejusque gloriam pertinent, pulcherrime cælata visuntur. Opus omnino magnificum atque præclarum, sive ex materia, sive ex artificio ejus pretium perpendas; cujus eximiam speciem nemo concipere animo potest, qui non oculis antea subjecerit. Signorum ac rerum ibidem incisarum interpretationes mihi Jadera transmissas, suas cuique laminæ adjiciam; an vero cum argumentis, operibusque cælatis omnes & singulæ congruant meam fidem interponere non aulam.

#### Explicatio ad Tabulam primam.

1. Frons Arcæ.
2. Fastigium arcæ anterius acuminatum.
3. Simulacrum argenteum S. Simeonis, amictu sacerdotali, in anteriore ac declivi parte fastigii decumbens.
4. Pars antica, qua obserata oculitur, revoluta ostenditur Corpus S. Simeonis.
5. Viri religiosi arcam effodiunt.
6. S. Simeon puerum Jesum suis ulnis complexum offert in Templo Hierosolymitano.
7. Ludovicus rex Hungariæ Jaderenses in suam fidem ac ditionem recipit.

#### Explicatio ad Tabulam secundam.

1. Latus sinistrum Arcæ.
2. Stemma gentilitium bipartito divisum; ab dextera Ludovici regis Hungariæ, ab sinistra reginæ familiæ Andegavensis, ex qua Ludovicus, insignia expressa.
3. Digitus S. Simeonis ab Elisabetha pio furto avulsus, solemnem supplicationem reportatur.

#### Explicatio ad Tabulam tertiam.

1. Latus dexterum Arcæ.
2. Stemma gentilitium, ut supra in secunda Tabula.
3. Navis, vel qua delatum est Jaderam Corpus S. Simeonis, vel qua in Apuliam vehebatur Margarita uxor Caroli Dyrrhachini; sed ob fragmentum e Corpore S. Simeonis decerptum, resstantibus ventis, & tempestate adversa regredi coacta est.

#### Explicatio ad Tabulam quartam.

1. Tergum Arcæ, seu pars postica.
2. Fastigium posterius acuminatum, tribus laminis distinctum.
3. Elisabetha Regina ob digitum avulsus male multata.

4. Quidam Arcam & Corpus furto sacrilego surripere conatus, morte repentina pœnas luit.

5. Alios itidem mors subita, & miseranda perculit, quod pedem e sacro Corpore abscindere & furari vellent.

6. Elisabetha Regina cum suis filiis, vel ancillis, humi strata, & caste pieque Arca oblata, votum persolvit.

7. Inscriptio litteris Gothicis incisa, quæ est hujusmodi:

Symeon: hic. justus.  
Christum. de. Virgine. natum:  
um: ulnis qui tenuit  
hac. archa. pace: quie  
scit. Hungariæ. Regi  
na. potens: illustri  
s: ed alta: Elyfabet. I  
\* unior: quam. voto: contulit. almo. Anno Mileno: triceno: ollu  
ageno.

Hoc opus fecit Franciscus de Mediolano.

8. Banus senex gravi morbo laborans, Divi Simeonis ope implorata convaleuit.

9. Jaderini quidem, ut diximus, pietatem Elisabethæ ac magnificentiam æmulati, quatuor Angelorum simulacra e solido argento, singulari opere, & summo artificio facienda curaverant, qui Arcam ad quatuor angulos dispositi & collocati sustinerent. Sed postea veriti ne illos simul cum Arca & Corpore S. Simeonis Elisabetha in Hungariam asportaret; ex Arca, cui suppositi erant, subductos in abdito loco impervioque condiderunt. Deinde vero eisdem consilari oportuit, ut pecuniam conficerent, sive ad ædificationem basilicæ, cujus jam fundamenta jecerunt, in quam Corpus S. Simeonis transferrent, sive ad construendum sacellum opere cultuque magnifico, jungendumque a tergo basilicæ S. Stephani; in quo demum Corpus S. Simeonis, & Arcam argenteam, in qua inclusum est, pro dignitate collocarunt. Illorum defectum supplevit Senatus Venetus pro sua eximia erga B. Simeonem religione. Ex æneis tormentis, quæ Leonardus Fosculus bello Cretico, dum in Dalmatia præerat cum summo imperio, Turcis eripuerat, tres Angelos naturalis fere staturæ excudi, & eleganti opere fieri jussit. Anno 1672. Jaderam transvecti sunt, & Arcæ suppositi, quam unus ad caput, alter pedes, tertius mediam sustinet.

#### Explicatio ad Tabulam quintam.

1. Corpus S. Simeonis integrum ab omni tabe intactum.
2. Operculum, quo clauditur ac tegitur, revolutum, & quinque laminis argenteis interius distinctum.
3. Cacodæmon ab energumeno expulsus.
4. Puer impositus Arcæ S. Simeonis, sanitatem recuperat.
5. Adolescens a præcipiti lapsu in mare sustinetur & revocatur.
6. Morbus ab altero puero Arcæ superposito divinitus depellitur.
7. Quidam seu clericus seu monachus, cum æger decumberet, ac de corpore & miraculis S. Simeonis dubitare cœpisset, horrenda specie cuiusdam mortem stricto gladio minitantis objecta respuit, ac sanitate recepta, & temeritate in

\* Junior dicitur, ut distingueretur ab Elisabetha matre Ludovici Regis, filia Ladislavi, & sorore Casimiri Regis Poloniæ, quæ dicta est Senior.





TABULA PRIMA

Io. Baptista Augusti Piteri del.









TABULA SECUNDA

*Io. Baptista Augusti Piteri del.*

*[The body of the document contains several paragraphs of text that are extremely faint and illegible due to the quality of the scan. The text appears to be organized into a list or series of entries, possibly with headings, but the specific content cannot be discerned.]*





*TABULA TERTIA*

*Jo. Baptista Augusti Piteri del.*








TABULA QVARTA

Is. Baptista Avgvsti Piteri del.

Digitized by Google



TABULA QVINTA

Io: Baptista Avgusti Piteri del.



in religionem versa, sacrum depositum, precibus, laudibus, gratiarum actionibus, & muneribus coluit.

Quæ de inventionem & multiplici translatione Corporis S. Simeonis, ex Oriente Jaderam advekti, variis locis exposui, hic in unum locum colligere, & paucis complecti libet. Anno 1283. e cœmeterio monasterii suburbani effossum, in urbem translatum est, conditumque in basilica S. Mariæ Majoris. Anno 1380. veteri loculo exemptum, in Arcam argenteam inclusum est. Anno circiter 1570. cum ad urbem novis operibus, & propugnaculis muniendam, dirui oportuisset ædem Marianam, Corpus S. Simeonis ex argentea in veterem arcam relatum, atque in sacello S. Rocchi ad tempus depositum fuit. Demum anno 1632. repositum est in Arca argentea, & in basilica S. Stephani collocatum; ubi nunc summa civium, accolarum, atque advenarum frequentia & veneratione colitur.

Octavianus Archiepiscopus depolito in villam paternam secessit.

Post translationem S. Simeonis, annos fere septem Octavianus regimen hujus Ecclesiæ retinuit, quam sanctissimis institutis, & clarissimis virtutum episcopaliū exemplis mirifice illustravit. Anno 1639. permissu Summi Pontificis Archiepiscopatum deposuit, secessitque in villam paternam agri Vicetini, ubi annos vitæ postremos ferme tredecim tranquille pieque transegit. Tandem, ut scriptum reliquit Valerius a Ponte, quietis promerita studio Ecclesiam in manibus Pontificis libere dimisit, ac in patriam se recepit anno 1639.; postmodum in adibus ac hortis a se magnifice adificatis, & instructis in villa Polegia agri suburbani ultra primum lapidem, integris sensibus ac insigni pietate nonagenarius obiit die 14. Augusti 1652.; sepultusque est Vincentia in ecclesia S. Coronæ Fratrum Prædicatorum, ad cuius tumulum hac legitur inscriptio:

*Humana vitæ conditio, sepultura tum requies est.*

**BENEDICTUS ARCH. JADREN. XLIV.**

Benedictus Capellus Archiepiscopus Jadren. ad Concordiensem Ecclesiam translatus.

Patritius Venetus e Capella gente admodum vetusta & illustri; quem Urbanus VIII. ad sedem Jadertinam evexit: 1639. 27. Junii providit Ecclesiæ Jadrensi vacanti per Octavianum Gardori liberam dimissionem de persona Benedicti Capelli, cum dispensatione supra defectibus Doctoratus, & non susceptorum ante sex menses sacrorum Ordinum. Ex Actis consistorialibus. Ferdinandus Ughellus, & Valerius a Ponte creationem archiepiscopalem Benedicti ad diem 27. mensis Martii revocarunt. Diocesim lustravit, Synodum fecit; deinde hanc Ecclesiam anno tertio, quam adierat, reliquit, atque ad Concordiensem migravit anno 1641. Nicolaus Coletus vir eruditissimus in additamentis ad Ughellum de Benedicto Episcopo Concordiensi hæc subiecit: *Vir plane insignis, qui nobilitatem generis cum vigilantia pastoralis curæ coniungens, præsuit ad annum 1667., quo mortalitatem explevit die 22. Augusti.* Venetiis in æde puellarum Mendicantium Benedicto statua posita fuit inter Vincenzium & Nicolaum ejus fratres simulacro itidem marmoreo ibidem expressos. Apposita inscriptio hæc est:

Monumentum eius positum Venetiis in æde puellarum Mendicantium.

D. O. M.

*Sublimem Antistitis dignitatem*

*Non impari mente suscepit, atque ornavit*

*Benedictus Capellus,*

*Non unico gregi bonus Pastor ad vigilavit,*

*Ab Jadrensi Insula ad Concordiensem translatus*

*vel in canitie*

*geminum robur animi ac prudentiæ*

*fortis ostendit,*

*meritis demum atque ætate gravis*

*Obiit MDCLXVII. die XXII. Augusti*

*Anno ætatis suæ LXXIII.*

Per hos annos Bartholomæus Cassius Presbyter Soc. Jesu insigni beneficio ecclesiam clerumque Illyricum Dalmatiæ affecit; quippe Rituale Romanum, Evangelia atque Epistolas Missalis Romani in sermonem Illyricum nostratibus litteris convertit, ac typis mandavit, simulque institutionem linguæ Illyricæ ab se confectam edidit.

**BERNARDUS ARCH. JADREN. XLV.**

Civis Venetus, cognomento Florius; qui a primis temporibus ætatis ad sodalitatem Cruciferorum aggregatus, tum excellenti doctrina, tum eximiis virtutibus floruit. Cydoniensem in Creta Episcopatum adeptus, ecclesiam illam per aliquot annos summa vigilantia & sanctitate administravit. Eum Cydoniensibus adeptum, Jadertinis Archiepiscopum dedit Urbanus VIII. an. 1642. VII. Kalendas Junii, si ve ut in editione Ughellana Veneta in notis ad marginem, IV. Kalendas Maji. Divina & singulari erga eum providentia factum esse dixerim, ut ab urbe illa & ecclesia discedere juberetur, ne utriusque infortunium, & gregis sui charissimi calamitates videret. Siquidem biennio post Turcæ Cretam insulam repente adorti bellum Venetis intulerunt; anno autem proximo 1645. Cydoniates urbe obfessa, vehementerque oppugnata ad deditionem perpulerunt: contra pacta & conventa genus omne crudelitatis & sævitie barbarus hostis exercuit. Clericis & cœnobitis urbe exactis, templa duo mole augustiora in Meschitarum usum vertit; deinde gravi servitio premi cœpti non plebei solum, sed etiam nobiles, quibus injuncta sine discrimine cum onera alia, tum murorum reficiendorum, qua strati ruinis erant, labor; virgines, puerique ingenui Constantinopolim abducti, destinata mancipia regis libidini; immissi milites ad prædandum, nec finis ante fuit rapinarum, quam longa felicitate accumulatas divitias omnes egressere; principes viri proditionis falso insimulati, & æque scædo atque acerbissimo supplicio affecti, quamplurimi vero ob eandem causam pulsi in exilium; ut civitas, secundum caput insulæ Candiam, frequentissima paucos intra dies prope in solitudinem venerit. Tristis & miserabilis casus Ecclesiæ Cydoniensis, prioris sponsæ suæ, incredibili mœrore Bernardum affecit; nec solum Cydoniatum calamitatibus, sed multo magis gravissimo periculo illius florentissimi regni vehementerangebatur; eique ut subsidium qualecunque ferret, e suo patrimonio certam summam annuæ pecuniæ ad sumptus belli Cretici assignavit.

Anno 1646. bellari cœptum est in Dalmatia vario eventu. Turcæ Novigrado potiti, sæpius inde turmatim effusi Jadertinum agrum popularunt, ipsomet inspeçante Bernardo, qui agrestes ad urbem confugientes, rebusque suis expoliatis benigne excipiebat, & pecunia, & quibuscumque poterat subsidiis juvabat. Tria

Bernardus Florius ex Ordine Cruciferorum primus Cydoniates Episcopus, deinde Archiepiscopus Jadrensis.

Ejus pastoralis & operosa sollicitudo, vel ipso Turcico bello fervente.

non



non ignobilia oppida diocesis Jadertinae Turcis crepta sunt, Tinum, Aurana, & Zemonicum. His Bernardus Parochos praeposuit, & sacras aedes a Turcis dirutas refecit. Belgradum itidem, quae nunc vetus Jadera dicitur, paullo ante amissum, Veneti recuperarunt. Quamvis eo bello Cretico arderet Dalmatia, id tamen gnavum ac sedulum Praesulem non absterruit, quin diocesim, observata captaque occasione rei bene, ac tuto gerendae, semel atque iterum lustraret. Duas synodos coegit Ecclesiae suae valde utiles, alteram anno 1646., alteram anno 1651. Quod ante annos octoginta Augustinus Valerius Episcopus Veronensis Visitator apostolicus summopere commendaverat, quodque superiores Episcopi frustra conati fuerant, hic demum perfecit, & Seminarium clericorum instituit, cui de suo nummos argenteos annuos omnino ad octingentos legavit, e quibus suum rectori & magistris honorarium, alimenta sex clericis suppeditarentur; totidem enim esse voluit, eosque tum e nobilitate patriicia, tum ex inferiori civium ordine deligi. In baptisterio aedis metropolitanae altare marmoreum exstruxit S. Bernardo, cujus nomen gerebat, & pecuniae reliquit quod satis esset ad victum quotidianum unius de collegio Canonico-rum Presbyteri, qui pro expiatione suorum delictorum quotidie ad hanc aram piaculare sacrum faceret. Eximia fuit erga Deum religione, & singulis diebus in basilica Anastasiana ante divinam Eucharistiam procumbens, unam alteramve horam precationi ac meditationi caelestium rerum tribuebat; nec minori charitate egentes ac miseros prosequabatur, quorum inopiam largifica stipe sublevabat. In supremis tabulis argenteam supellectilem sane copiosam tum domesticam, tum pontificalem consari, ex eaque sacra vasa, & alia ornamenta ad cultum divinum fieri iussit; denique, ut ait Valerius a Ponte, *Deum & pauperes ex reliquo asse opulentissimo haeredes scripsit*. Hanc Ecclesiam annos quatuordecim pie ac sapientissime gubernavit. Anno aetatis suae septuagesimo, Christi 1656., xvi. Kalendas Martias e vita decessit Jadræ, ingenti omnium, praesertim pauperum, luctu & mœrore. Conditus est ante aram Divi Bernardi, in eo sepulcro, quod vivens sibi paraverat.

Eius pietatis opera, & obitus.

Bina signa Angelorum aenea arcae S. Simeonis utrinque apponunt.

Huic Ecclesiae dum Bernardus praerat, arcae & altari S. Simeonis novum ornamentum accessit, liquidem impetratum est a Duce & Senatu, ut juberet quaedam aenea tormenta, quae Turcis Dalmatae eripuerant, Venetiis consari, ex eisque statuas binas in Angelorum figuram habitumque formatas effingi ac caelari. Sumptu publico elaboratae sunt, & eximia caelatura artificioque perfectae. Jaderam allatae cum essent, utramque basi marmoreae impositam, alteram a dextero, alteram a sinistro arcae atque altaris latere locarunt; simulque iisdem fere diebus pavimentum sacelli versicoloribus ac selectis lapillis constratum est.

Ob eam S. Donati templi religionem, usu profano violatam, bellum Creticum fervebat, ingentem vim foeni, variis e locis advectam pro equitatu alendo; in basilicam S. Donati condiderant, cum alius opportunior locus non suppeteret; ac proinde tum corpus S. Donati in aedem metropo-

litanam, tum effigiem Deiparae Virginis in sacellum proximum S. Martini transportaverant. Templum vero clausum a sacrificiis, a divinis laudibus, ab omni religio-functio-ne vacabat. Iisdem temporibus Sibenici atrox vis morbi contagione vulgata, claras juxta, & obscuras domos populabatur. Nulla magistratuum cura & vigilantia prohiberi potuit, quin Jaderam quoque anno 1649. invaderet; nec cladem Sibenicensi dissimilem urbi minitabatur. Plures & continuatas noctes visus est igneus globus supra basilicam S. Donati consistere; nec breve aut fugax spectaculum erat, sed diuturnum, ac prope ipsis noctibus aequale; admiratione quidem ac stupore quodam intuentium animos defixerat; sed ingruentis pestilentiae metu praecupatos nulla cura seu cupiditas inces-ferat investigandi, & cognoscendi quid caelestis illa flamma significaret, ac portenderet; cum Deus ipse apertam suae voluntatis significationem dedit. Sacerdos quidam Graecus Praepositus templo S. Eliae, vir bonus & simplex, visus est sibi secundum quidem videre atque audire Virginem Deiparam, & S. Donatum minaci vultu, gravi-que sermone denunciantes, non antea urbem morbo illo contagioso liberatum iri, quam foeno e basilica S. Donati egesto, relatoque illuc corpore S. Episcopi, itemque effigie Mariana, pristinus eidem basilicae cultus, & religio antiqua redderetur. Rem ille detulit ad Leonardum Folculum Proviforem generalem Dalmatiae; qui & Graeci Presbyteri dictis fidem habuit, & caelestibus mandatis per eum acceptis protinus obtemperavit. Nec vero aut significationem illius ostenti, quae tum demum intellecta est, aut denunciationem divi-nam fefellit eventus. Extemplo pestilentia extincta est, & globus ille igneus postea nunquam apparuit.

#### THEODORUS ARCH. JADREN. XLVI.

Gens Balba inter Venetas patricias perantiqua est. Ex ea natus est Theodorus, qui ex Abbate Praeposito ecclesiae Brixien-sis SS. Celsi & Nazarii creatus Archiepiscopus Jadertinus anno 1656., xii. Kalen. Octobris, in aede cathedrali Auxerensi pallium suscepit, tradente Joanne de Rubeis Episcopo illius ecclesiae, ex mandato Alexandri VII. Anno 1658. ecclesias totius diocesis invisit, ac praesertim Auranae, Tini, & Zemonici, quas Veneti Turcis eripuerant; ubique multa & perutilia constituit ad cultum divinum augendum, populi mores corrigendos, cleri disciplinam refarciendam. In oppidum atque insulam Selve Sinus Flanarici, sed diocesis Jadertinae, invitati sunt ad vinam Dominicam excolendam Patres Franciscani tertii Ordinis, quibus duo fratres ejusdem oppidi cives Simon, & Matthaeus de Paullinis, admodum pii & copiosi, coenobium aedificaverunt, & templum, quod anno 1660. Theodorus Archiepiscopus nomine & auspiciis Deiparae Virginis de Carmelo consecravit. Cum ob bellum Turcicum omnia in urbe, pleraque etiam publica & privata aedificia armis & armatis, militarique apparatu & commeatu referta essent; atque in ipso palatio archiepiscopali stationem militibus assignari oportuisset; Theodorus inter hos tumultus strepitusque armorum nec quieti, nec dignitati suae locum esse putavit. Itaque Venetias discessit. Sed quamvis

Coenobium in oppido Selve Patribus Fr. tertii Ordinis exstruunt.

Valerius a  
Ponte vir  
in signis do-  
ctrinae &  
virtutis  
Vic. gen.

corpore abesset, animo tamen & cogitatione ecclesiae suae commodis utilitatique assidue invigilabat. Ac primum quidem pastoralis curae ac sollicitudinis Vicarium reliquit Valerium de Ponte Archipresbyterum Ecclesiae Jaderensis, qui deinde Archidiaconus fuit, idemque ex mandato pontificio Visitator apostolicus provinciae Jaderinae, virum doctum in primis & industrium, summa fide ac prudentia praeditum, copus eruditi de rebus ecclesiasticis Dalmatiae commentarii ad sacram Illyrici historiam maximo nobis usui, & adjumento fuerunt. Quamvis proventus ecclesiastici propter Turcicas incursiones & vastationes valde imminuti fuissent, nullis tamen sumptibus parebat, ut pauperibus quae ad victum ac vestitum necessaria erant, non deessent; ac de suo alebat Praecones evangelicos, qui festis diebus Adventus Dominici, itemque per festas majoris jejunii de rebus divinis conciones haberent. Magnae illi curae fuit, ne propter suam absentiam consuetudo christianae catecheses pueris tradendae singulis Dominicis diebus intermitteretur, aut languesceret. E collegio Fluminensi Societatis Jesu duos Presbyteros acceperat, qui in urbe atque dioecesi, concionibus habendis, & confessionibus audiendis cives pariter atque agrestes homines tum divinis praeceptis instruerent, tum sacris mysteriis impertirent. His praeclarum eximiae virtutis, & charitatis proximis impensa testimonium dederunt Canonici Jaderenses: Nos Dignitates & Canonici, Capitulum universum Metropolitanam Jaderensem representantes. Universis & singulis, ad quos haec nostra pervenerint, notum esse volumus, & attestamus A.A. R.R. PP. Joannes Vitum, & Bernardum Zephyrinum Sacerdotes Societ. Jesu pie missione sua, religiose, ac fructuosissime functos esse, partes omnes verae pietatis, ac charitatis erga proximum cumulatissime adimplendo; nec minus morum integritate, ac vita innocentia, quam verbo, exemplo, ac eruditione cunctos edificasse; quorum merita eximia, hac debita commendationis officia, ac manifesta veritas testimonii jure a nobis exigunt, maximumque sui desiderium apud nos relinquunt. In quorum fidem &c. &c. Dat. Jadera die 15. Augusti 1660. His abeuntibus duos alios ex eodem Collegio Fluminensi operarios evangelicos substituendos curavit. Ceterum optimus Praeful identidem Venetiis Jaderam ventitabat, ut gregem suum interviferet, & functiones pontificales obiret. Post annos fere duodecim archiepiscopalis regiminis admodum solliciti ac laboriosi exactos, Venetiis decessit xiv. Kal. Junias an. 1669., ac sepultus est in templo S. Gregorii.

EVANGELISTA ARCH. JADREN. XLVII.

Patria Cremensis, cognomento Parzagus, ex Franciscana familia, cui ab Observantia cognomen. Multis & illustribus praefecturis sui Ordinis egregie functus, Theologi munus navavit, itemque a confessionibus fuit Petro Ottobono, tum Bergomi, cum Petrus eam ecclesiam regebat, tum Romae, cum ad Cardinalium collegium aggregatus esset, antequam ad supremum Ecclesiae universalis Pontificatum eveheretur. Archiepiscopatum Jaderensem non tam Petri Cardinalis, quam exquisitae doctrinae, & suarum virtutum commendatione adeptus est tertio mense post obitum Theodori vix elapso.

19. Augusti 1669. providit (Clemens IX.) Ecclesia Jaderensi vacanti per obitum Theodori de persona Fr. Evangelista Parzaghi Theol. Prof. Ord. S. Francisci de Observantia. Ex Tab. consistor. Hic annus 1669. finem attulit bello Cretico, ac pristinam Dalmatiae quoque tranquillitatem restituit. Hinc novo Archiepiscopo rei christianae bene utiliterque gerendae magna spes & alacritas injecta. Pacatis tranquillisque rebus, initium pontificalis administrationis ab suo grege, praeteriti belli calamitatibus afflicto, invisendo solandoque fecit, quem deinde iterum ac saepius ingenti utilitate, & magno tum divini cultus, tum christianae pietatis incremento lustravit. Bis terve conventum Parochorum indixit. Harum episcopaliu lustrationum ac synodorum acta, & decreta litteris tradita servantur, temporibus illis accommodata & perutilia; e quibus multa etiam ad rem christianam, & ecclesiasticam horum temporum administrandam, recteque componendam aptari possunt. Aliqua illi dissensio fuit cum Episcopis provincialibus; id siquidem postulabat, ut quoties ad eorum civitates ex quacumque occasione accederet, illi cum clero sibi obviam procederent, quod cum praeter consuetudinem esset, obtinere non potuit. Obstare etiam volebat, ne Franciscus de Grassis Episcopus Nonensis, qui more & exemplo suorum decessorum, ob celi Nonensis gravitatem, Jaderam habitabat, clericis ac populis suis in hac urbe & jus redderet, & officia episcopalia praestaret. Sed obstare destitit, cum Franciscus eidem objecit pontificium diploma, recenti sacrae Congregationis rescripto confirmatum, quo potestas fiebat Episcopis Nonensibus, ut respectu cleri populique sibi subiectorum, omnia quae sunt Episcopis, munia in urbe Jaderensi peragerent. Anno 1684. exortum est bellum Peloponnesiacum, quod felix & faustum Republicae Venetae ac Dalmatiae fuit. Loca dioecesis Jaderinae Turcis erepta invisit Evangelista, templa eorumdem locorum vel diruta refecit, vel Turcarum sordibus & cultu Mahometico polluta expiavit; indigenis, itemque advenis, qui e Turcica ad Veneram ditionem confugerant, quibusque agri & sedes assignatae fuerant in territorio Jaderensi, curatores animarum dedit, per quos christianis praeceptis, ac divinis mysteriis imbuerentur. Hanc praeterea suscepit curam & cogitationem, sibi suisque successoribus profuturam, ut de rebus ecclesiasticis suae metropolis & provinciae commentarios conficeret, quos typis mandare decreverat; jamque ex tabulariis tum suae, tum aliarum ecclesiarum sibi subiectarum multiplicem rerum ac monumentorum copiam collegarat. Sed praecari operis perficiendi facultatem mors illi praeripuit. Hanc Ecclesiam annos undeviginti summa omnium approbatione administravit; quem extinctum ix. Kalendas Septembris an. 1688. summo opere doluit civitas universa, ejusque funus ingenti omnium ordinum luctu prosecuta est. Vivens sibi sepulcrum faciendum curaverat in templo Franciscano sui Ordinis, cum simplici & inornata inscriptione, ex qua christiana optimi Praefulis modestia elucet.

Evangelista Archiep. aliquid controversiae habuit cum Episc. provincialibus & cum Episcopo Nonensi.

Commentarios rerum suarum provinciae conficiendos suscepit, sed non absolvit.

Ejus obitus, sepulcrum, & epitaphium.

EVANGELISTA PARZAGUS  
ORDINIS S. FRANCISCI  
CREMENSIS  
ARCHIEPISCOPUS JADRENSIS

In

Elogium &  
monumen-  
tum eidem  
positum.

In atrio, quod interjacet inter tabularium & palatium archiepiscopale, hoc elogium perhonorificum; & dignum ejus virtute, Jadrenses marmori litteris aureis Archiepiscopo de se optime merito incidi voluerunt.

*Jadrae Parzago Patriae decori  
Ordinis Sacri Seraphici Coronae  
Praesulum nulli meritis secundo  
Marmora sudent.  
Anno Domini MDCLXXXIIX.*

### VICTORIUS ARCH. JADREN. XLVIII.

Victorius  
Priolus ex  
Abbate co-  
nobii Ve-  
neti Cano-  
nicorum S.  
Salvatoris  
Archiep.  
Jadren.

Venetis ortus stirpe antiquissima & nobilissima Priolorum; ex qua tres Duces, multi adis Marcianae Procuratores, Cardinales, Episcopi, & quamplurimi civilibus honoribus, ac bellicis laudibus clarissimi viri prodierunt. Ab ineunte aetate clericalem habitum sumpsit; traditus in disciplinam Canonicis S. Salvatoris, apud eos religiosissimos & doctissimos Patres optimarum artium studiis, & omni liberali, ac digna homine nobili doctrina excultus fuit. Horum familiari piaque consuetudine illectus, ac divini Spiritus afflatu impulsus, ad eandem ipse quoque Congregationem adscribi voluit. Cum multa & praecleara sapientiae ac prudentiae, omniumque virtutum specimina dedisset, cunctis Canonicorum suffragiis creatus est Abbas illius cenobii; cui decem ipsos annos ita praefuit, ut non minus exemplo, quam auctoritate omnes ad religiosam disciplinam colendam, accurateque servandam alliceret. Cum regimine domestico ardentissimum proximos juvandi studium conjunxit. Confessionibus audiendis assiduam operam dabat, omnesque ad rectam vivendi rationem, ac divina mysteria crebro percipienda hortabatur; ex quo factum est, ut piorum hominum concursus ad eam basilicam S. Salvatoris quotidie magis auferetur. Generalis Visitatoris munere functus est, summa cum integritate, ac magno disciplinae canonicae regularis incremento; prope aberat a suprema totius Ordinis Praefectura, cum illum Innocentius XI. ad sedem metropolitanam Jadrensem evexit: 20. Decembris an. 1688. providit Ecclesiae Jadrensi, vacanti per obitum Evangelistae Parzagli, de persona Victorii Prioli Canonici Regularis Congreg. S. Salvatoris Ordinis S. Augustini, omnia habentis &c. &c.

Eius vir-  
tutes.

In hoc sublimi ecclesiasticae hierarchiae gradu collocatus, nihil de prioris religiosaeque vitae instituto, praeter habitum, immutavit: eandem in victu cultuque parsimoniam retinuit; eadem jejunia erant, eadem preces, eadem rerum omnium humanarum contemptio, idem a publico, quantum sollicitudo pastoralis patiebatur, & ab hominum frequentia secessus. Statum ac certum singulis diebus seponebat tempus, praesertim matutinum, quod somno & diurnis occupationibus ereptum tribueret meditationi rerum caelestium; ciliciis ac verberationibus corpusculum afflictabat; sacrum quotidie post diligentem animi preparationem faciebat. De proveatu ecclesiastico quidquid frugali mentis, & necessariis vitae subsidiis supererat, vel in pauperes erogabat, vel in sacra aedificia, ornatumque templorum impendebat. Illis praesertim, quos conditio generis, aut pudor vetabat pretario victum quærere, occultis & copiosis largitionibus subveniebat. Secessum in palatio

archiepiscopali sibi aedificavit, ubi ab hominum commercio & conspectu seclusus, orationi, lectioni, ac studio rerum divinarum operam daret. Templum S. Donati proximum aedi metropolitanae refecit, & ornavit; ac veteri sublato, novum altare eidem & pretiosis marmoribus, & opere eleganti construxit; annuosque proventus assignavit Sacerdoti, qui pro se, suorumque delictorum expiatione, super aram ejusdem S. Donati, Sacrificium quotidie offerret. Nec minori, quam S. Donatum, veneratione prosequeretur S. Simeonem, cujus cultum amplificavit, & ecclesiam solemni ritu consecravat, ut docet inscriptio ibidem apposita:

*Die XVIII. Octobris MDCCV.  
Consecratio E. S. Simeonis I. P.  
edita*

*ab Illustris. & Reverendis. D.D. Victorio Priolo  
Archiepiscopo Jadren.  
Co. Laurentio Fondra & Ludovico Chrysogono  
Proc.*

Illi maximopere cordi fuit traditio christianae catecheleos; in eamque rem duas ecclesias destinavit, quarum in altera pueri, in altera puellae de praeceptis ac mysteriis divinis erudirentur. Assiduissime ad gubernacula ecclesiae sibi conceditae sedit; ut vel tantisper discedere, religioni habere videretur; & cum annos quatuor ac viginti eidem praefuisset, immemor tamen patriae, oblitusque consanguineorum, semel tantummodo Venetias adiit. Sanctissime obiit anno 1712. Nonis Novembris; amplissimo funere elatus fuit; & cum ei solemnibus exequiis, ac funebri laudatione parentatum fuisset, conditus est in templo S. Donati ante aram maximam ab eo constructam, & in sepulcro, quod ipse sibi vivens paraverat. Titulum sepulcralem anno proximo fecerunt duo Canonici aedis metropolitanae:

Mors, sepultura, & titulus sepulcralis.

*D. O. M,  
Victorii Prioli  
Facilitate morum, pietatis zelo  
Virtutum omnium specimine  
Vere Archipraesulis  
ex testamento*

*Joannes de Chrysogonis, & Jo. Baptista Nicoli  
Canonici*

*Post has renovatas Aras, Anno a Xpo nato  
Supra XVII. Saeculum XIII.  
Cineres  
P.*

### VINCENTIUS ARCH. JADREN. XLIX.

Magnus homo, potens opere ac sermone; de cujus patria, familia Zmajavichia, unde ortus est, litteraria institutione, praefecturis ecclesiasticis, Archiepiscopatu Antibarensi, Primatu Serbliano & legatione apostolica, quam gessit in Epiro, Serblia, Macedonia, & Bulgaria, in historia Ecclesiae Antibarensis dicturi sumus. Hunc gravissimis laboribus, & periculis perfunctum, egregiis in rem christianam meritis illustrem, Clemens XI. Metropoli Jaderinae Archiepiscopum dedit, anno hujus saeculi decimo tertio, ut docent Acta consistorialia: 1713, 22. Maji providit Ecclesiae Jadrensi per obitum Victorii vacanti, de persona Vincentii prius Antibarensis, cum reservatione pensionis scutorum 100. moneta Romana pro Francisco Parciab. Episcopo

Vincentius Zmajavichius e Metropoli Antibarensi & Primatu Serbliz, Archiep. Jadren.

*Carbarenti, & cum decreto, quod omnia beneficia, quæ obtinet, vacent. De sapientia, æquitate, sanctimonia hujus præstantissimi Antistitis magna fuit, tum apud Provisores Generales Dalmatiæ, tum apud magistratus inferiores, & excellens opinio; tanta vero auctoritas, ut nihil ab eis peteret, quin impetraret; & quæ illi decerneret, vel ageret, nemo reprehendere audebat, nemo non laudabat, quod omnibus persualum esset illum, non tam humana, quam superna quadam prudentia & virtute collustrari, impellique ad videnda, & agenda ea, quæ vera & recta essent; neque alio spectare, nisi ad majorem Dei gloriam, ad salutem animarum, ad rei publicæ & christianæ utilitatem. Tantam vero apud omnes hominum ordines existimationem & benevolentiam sibi conciliavit, ut æque summi atque infimi summopere eum colerent & amarent. Rerum in Archiepiscopatu Jadrensi ab eo per annos amplius triginta gestarum epitomem ad me Jadertina transmissam, sed breviorē, quam optassem, ac nimis jejunam, hic subjicio. Plura & majora, quæ gessit, cum mihi non satis nota, nec sigillatim explorata sint, eorum narratione vel invitum superledeam.*

Rerum ab eo gestarum epitome.

*Vincentius Zmajavich de Perasto ab Archiepiscopatu Antibarensi seu Diocleni, & Primatu totius regni Servie, post celebrem Apostolicam Visitationem Albanie peractam anno MDCCV. & Concilio provinciali, seu nationali a se indicto finem impositum, quod postea mandato sac. Congregationis de Propaganda Fide anno 1705. typis editum est; ad regimen Ecclesiæ Jadertinae translatus x. Kal. Jun. an. 1713., Clemente XI. Christi vices in terris gerente. Statim in lustranda ecclesiâ, multis eam spiritualibus auxiliis indigentem offendit, præsertim propter inscitiam cleri, nationale tantum idioma callentis, eoque solo omnia sacra peragentis: propterea quod ex ea tantum natione in omnibus paræciis ejusdem diocesis animarum Pastores eligi soleant. Ignorantiam autem hanc a deficientia in his regionibus collegiorum, magistrorum, librorumque Illyricorum profectam, minime evelli posse animadvertens, quo ad usque necessariis hisce commodis idem clerus careret; statim adjecit animum quomodo pastoralis sua sollicitudine rei tam gravi, & animarum utilitati consulere posset. Quare apprime opportunum fore prospexit locum autem, veluti Seminarium juxta sacri Concilii Tridentini statuta in ipsa Jadrensi urbe construere, ut ibi comparatis, quæ ad opus requirebantur, Illyrici pueri edocerentur, & ex eis utiles ecclesiæ operarii, & idonei paræciarum Rectores deligerentur. Idcirco viridarii archiepiscopalis partem in superextruendum præfatum locum suis impensis redegit. Quemadmodum vero Illyricorum tenuis res familiaris ad alendam juventutem minime suppetere poterat, neque ecclesiæ diocesis huic ferendo oneri pares erant; ita providus Pastor rem totam Apostolicæ Sedi deferens, anno 1729. a Benedicto XIII. Summo Pontifice obtinuit, ut duæ Abbatiæ, nempe S. Chrysogoni Jadrensis, & S. Petri Auxerensis, post decessum commendatariorum, ad prædicti Seminarii commodum perpetuo cederent. Ecclesiâ Metropolitanam vario suppellectilium genere ornavit; gradus scilicet sanctæ, qui prius ex lignea materia constabant, in elegantiorē formam marmore perfecit, & scalam, qua ad oratorium B. M. V. supra Divum Donatum ascenditur, commodiorē,*

*& nobiliorem reddidit. In suburbio, sive ut vulgo dicitur, Borgo Erizzo, ecclesiâ paræcialem, ut pateret commodum Albani populi ex ditione Turcica sub umbra Principatus Veneti evocati, ad exhibendum Deo cultum, a fundamentis erexit. Matthæum Delivich, & Paulum Draghichivich, primum Bolinensis in Bosnia, alterum vero Ecclesiæ Diemensis in Macedonia, speciali sibi demandato munere ab Apostolica Sede, Episcopos consecravit. Ecclesiâ B. M. V. de Castello, in qua imago Dei Genitricis præcipua & frequentis fidelium veneratione colitur, in ipsius Desparæ honorem sacravit, ut declarat inscriptio ibidem incisa:*

Die XX. Octobris

MDCCXV.

Consecratio hujus Ecclesiæ

Facta ab Illustrissimo & Reverendissimo

D. D. Vincentio Zmajavich

Archiepiscopo Jadren.

*In utroque latere exteriori sacelli istius ecclesiæ, aram in unoquoque ex nobili marmore, unam ut suam, aliam vero, ut perillustris fratris sui, qui in Imperio Russiæ generalis Præfectus classis occubuerat, pietatem obtestaretur, dicavit. Idem sacellum splendide ornavit; atque ut etiam mortuus devotionem suam erga Desparam posteris commendaret, sibi tumulum prope altare Virginis condidit. Clarus vir, par maximis negotiis, optime meritis apud Ecclesias, quas rexit, plurimi habitus apud Romanos Pontifices, ac præcipue commendatus a Benedicto XIV. sel. recor. in sua Synodo diocesana, gregi suo, Principi, ac toti Ecclesiæ valde utilis obiit.*

*Titulum sepulcralem, suæ modestiæ, & eximie erga Desparam Virginem pietatis indicem, sibi ipse vivens fecit, & inscribi jussit:*

D. O. M.

Vincentius Zmaievich

Archiepiscopus Jadrensis

Vt Apud Virginem Viventium Parentem

Mortuus Viveret

Et Extinctus Quoque

Obsequium Eternaret

Ante Aram Matris

Tumulum

Mortalitatis Suae Custodem

Novissima Cogitans

In Spem Resurrectionis

Vivens Posuit

MDCCXXXIII. Etatis LXII.

Obiit Die XI. Septembris

Anno MDCCXLV.

*Anno 1718. tandem absolutum fuit altare S. Chrysogoni in ejus basilica, quod Jadrenses ejusdem voverant anno 1632. ob pestilentiam ejus ope depellendam; votique rei cum essent, tamen propter calamitates temporum, reique numerariæ difficultatem antea perficere non potuerant. Opus omnino præclarum & selectis pretiosisque marmoribus, eleganti structura, ornatuque magnifico. Altaris latera duæ hinc atque hinc statuz exornant ingentis magnitudinis, egregiæ cælaturæ, candidissimo ex marmore, videlicet Sanctorum Simeonis, Zoili, Chrysogoni, Anastasiæ; quos jam inde ab antiquissimis temporibus Jadrenses sibi, patriæque Patronos adoptarunt. Addita inscriptio bifariam divisa, cujus pars ab dextero, pars ab*

*Altare magnificum S. Chrysogoni in ejus basilica, voti exsolvendi causa extructum.*

sinistro latere, utraque nigro lapidi, litteris  
Inscriptio. aureis insculpta est.

A cornu Evangelii:

D. O. M.

*Grisogoni Martyris Patrocinio  
Pestilentia abigenda votiva  
Jadrensum Ara ab anno  
MDCXXXII. incunte,  
tantum novo saeculo ob tem-  
porum difficultatem, Francisci Cg:  
de Fanfogna studio fundata.*

A cornu Epistolae:

*Inde ab Antonio filio  
absol. Patrie religion.  
anno MDCCXVIII. com-  
plato a Patriciis are,  
Dedicata.*

*Curandi Templi Petro Calcina  
Et Comite Aloysio Tetrico  
II. Viris.*

MATTHÆUS ARCH. JADREN. L.

Matthæus  
Caramanus  
ex Abioren-  
si ad Eccle-  
siam Jader-  
inam trans-  
latus.

Patria Spalatensis, cognomento Caramanus, de quo in historia Ecclesiae Abiorenensis, quam cum duos annos gubernasset, Benedicto XIV. jubente, ad Metropolim Jadertinam regendam migravit anno 1746. Antequam Episcopatum Abiorensem susceperet, multos annos in expeditionibus apostolicis insumpsit; & rei christianæ perutilem, animarum salutem fructuosam operam navavit. Plures extra Dalmatiam regiones Slavonicas peragravit, & in Russiam, sive Moscoviam usque pervasit. Quæ peragratio & lustratio nationum Slavonicarum magnam ei facultatem attulit ad perfectam linguæ Slavonicæ cognitionem assequendam, verborum copiam & elegantiam comparandam, variasque ejusdem linguæ, & multiplices dialectos perdiscendas; vix ut alius in Dalmatia reperiri potuisset, qui purius quam ille, copiosius, & elegantius Slavonice loqueretur. Missale, & Breviarum Slavonicum sæculo superiori, ex mandato Urbani VIII. Raphael Levacovichius e Franciscana familia, qui postea fuit Archiepiscopus Achridanus, quanta maxima poterat fide, ac diligentia emendaverat; & codicem utrumque ab eo recognitum & emendatum sacra Congregatio de Propaganda Fide typis Romanis committendum curavit. Verum emendatio Levacovichiana non adeo felix fuit, ut secundis curis non indigeret; ac præsertim multa in Missali animadvertita sunt, quæ alterius correctoris manum operamque desiderabant. Hujusmodi cura demandata fuit Matthæo Caramano, utpote Slavonicæ linguæ scientissimo; ut mendis omnibus sublatis, quæ correctionem Levacovichianam effugerant, Slavonicum illum sacræ liturgiæ codicem, ab omni labe ac depravatione purum atque integrum præstaret; cum huic rei perficiendæ aut ille unus, aut certe nemo magis idoneus videretur. Hic igitur omnigenæ locutionis, & litteraturæ Slavonicæ præfidiis instructus, nec minus doctrinæ theologicæ, & divinarum litterarum peritus, ad liturgicum illum librum emendandum accessit. Omnia sub examen acremque censuram revocavit, vocabula exotica, plebeja, non omnibus usitata expunxit, in eorumque locum

Missale  
Slavoni-  
cum emen-  
dat.

quæ omnibus quidem communia essent, sed selecta & optima substituit, cum Latina vulgata sacrorum Bibliorum interpretatione quæ diffidebant, ut concordarent effecit, sententias rebus, verba sententiis aptissime accommodavit; denique quantum ingenio, & industria consequi potuit, ut quam emendatissimum Missale Romanum in linguam illam conversum in lucem prodiret, omni ope operaque curavit. Scio equidem non defuisse, qui secluso illo, qui antiquis Slavorum litteris continetur, vulgarem sermonem in sacros codices invehere cupiens, hanc emendationem acerrime oppugnavit. Sed quæ objecta fuerant, luculentis rationibus refutavit, & pleraque futilia, falsa, inter se pugnantia, & ne refutatione quidem digna esse ostendit. Hoc potissimum argumento nititur, quod sermo vulgaris & plebejus, qui in ore omnium, usuque populari veritatur, saepe variari solet, nullisque certis legibus astringitur; contra vero sermo litterarius, fidæ librorum custodiæ commissus, idem semper est, neque ulla mutationes habet: ex quo fit, ut sacri codices, si ad leges hujus litterarii sermonis, qui nulli variationi obnoxius est, semel accurate corrigantur, ac reformentur, nullam aliam deinde correctionem, sive mutationem verborum, aut dictionis desiderent. Ad confirmandam doctissimi Præfatis sententiam, maximi momenti est exemplum, & auctoritas Ecclesiae utriusque Latinæ, & Græcæ, quæ libris liturgicis sermone ab lingua usuque vulgari remoto conscriptis utuntur. Ejus super hac re dissertationem perlegi; nihil illa eruditius, nihil accuratius, nihil ad persuadendum validius. Itaque correctionem ab se adhibitam Patribus sapientissimis ita probavit, ut sacra Congregatio Missale Slavonicum ab eo recognitum & reformatum, quod anno 1741. e typis Romanis prodierat, retinendum, & nihil in illo immutandum esse censuerit.

De Serblis seu Maurolachis ritus Græci, quorum referta est Dalmatia, itemque de paræciis & monasteriis Basilianis ejusdem ritus Commentarios accuratissimos confecit. Cœnobis & paræciis omnes ritus Græcanici, per omnes fere dioceses Episcoporum Dalmatiæ dispersas, nominatim perceriet. Hos populos e Turcica ditione profugos in Dalmatiam a Venetis receptos, & domiciliis atque agris sub ea conditione donatos fuisse ait, ut ejurato schismate Photiano, religionem orthodoxam colerent, & debitam erga Romanum Pontificem obedientiam cum patriis ritibus & ceremoniis conjungerent; iisdem vero, quibus Dalmatiæ indigenæ, Episcopis subjectos se atque obsequentes præstarent. Verum datæ fidei, acceptique beneficii immemores, mirum quantum plerique ab institutis & sacris Ecclesiæ Catholicæ Romanæ abhorreant; nihil non agunt, nihil non moliantur, ut se legitimis Episcopis, eorumque jurisdictioni ac potestati subducant; nondum desierunt experiri ac tentare omnia, ut Episcopum suæ nationis, sui ritus nanciscantur; qui eos ab Episcopis Dalmatiæ Venetæ omnino disjungat, & omne cum Latinis commercium rerum sacrarum abruptat. Harum gentium ab Romanis & Latinis alienationem referendam esse ait ad Parochos & Calogeros, seu monachos nationis Græcæ, vel Serblianæ; neque enim Maurolachi, ut sunt homines agrestes, simplices, ingenio minime malo, mi-

De Serblis  
in Dalmatia  
receptis Com-  
mentarios  
scripsit.



minimeque contumaci tantopere a nobis abhorerent, nisi illorum naturali quodam erga nos odio inflammeretur; & committis in religionem & sacra Latinorum calumniis, eos non solum a nostris ritibus, sed etiam a recta in Deum fide abducerent. Illos maxime infestos esse Episcopis Dalmatiae, qui cum Serblianis paræcias intervenerunt, lustrantque, quam alieno sint a nobis, nostrisque rebus & dogmatibus, satis superque expertos esse ait! deinde illorum fraudes, errores, machinationes aperit, ac præsertim conatus saepe adhibitos, semper tamen inutiles, tum Episcopi Montis Nigri, tum Patriarchæ Puchiensis, ut populos illos ab suis Episcopis legitimis evellerent, & sub suam jurisdictionem subjungerent; verum & vigilantia nostrorum Antistitem, & præsertim auctoritate Senatus Veneti, non semel repullos, & fractos fuisse. Monita sapientissime subiecit, quibus detegi & caveri debeant subdola artes & insidiae Calogerorum, illisque obviam ire, ne labe schismaticæ, & errorum suorum contagione catholicam plebem inficiant; neve quid audiant, sibi que ardeat, quod jurisdictionem episcopalem immutent; atque ad illos in fide & obsequio continendos, lenitatem quidem adhiberi oportere; sed ubi hæc non sufficeret, negligendam non esse severitatem, invocato præsidio, quod saepe laudum est, & interposita Senatus Veneti & magistratuum auctoritate. Suis ipse monitis, & præceptis usus, ad conciliandos sibi duos Parochos ritus Græci, qui præfunt ædi & paræciæ Jaderinæ S. Eliæ, comitatem ita cum gravitate, benignitatem cum auctoritate conjunxit, ut illos dicto audientes, suis imperiis obsequentes, magna sibi benevolentia conjunctos semper habuerit. Serbliani & Græci illorum curæ commissi, non ita, ut ceteri, nomen, & sacras ceremonias Latinorum averlantur, nec illorum sacrificiis interesse verentur; & si quando Archiepiscopus ad invitandam ædem, & ritu episcopali lustrandam paræciam S. Eliæ accessit, summa illum reverentia excipiebant, ejus conciones libentissime audiebant, ejus præceptis & mandatis non inviti obtemperabant. Ad custodiam non solum diocesis ac provinciæ suæ, sed etiam totius Dalmatiæ advigilare solitus fuit, ne Parochi Græci & Calogeri fines suis muneribus, ac suæ potestati præscriptos, transilirent; & si qui eorum motus & conatus extitit vel ad fidem catholicam labefactandam, vel ad jurisdictionem episcopalem turbandam, ut eos statim compriperet, & suam impendit, & publicam au-

Græcos Jaderenses eorumque Parochos ubi conciliavit.


toritatem excitavit. Admirabili enim quodam studio tum religionem ab omni corruptela intactam servandi, tum jus, & dignitatem episcopalem tuendi exardescibat.

Ad catholicum gregem sibi concredendum, & celestibus fabulis aliquid omnino cogitatione studioque sic incubuit, ut nullum optimi Pastoris officium prætermiserit. Ejus utilitati salutique ut præpiceret, nullis laboribus, nullis incommodis pepercerit. Multa fecit, & egregie constituit, quæ ad mores christianæ plebis corrigendos, & pietatem excitandam, ad disciplinam cleri vel restituendam, vel stabilendam, ad cultum divinum augendum pertinebant. Plura & majora moliebatur, cum eum, robusta ceteroquin corporis constitutione, integra valetudine, firmis adhuc viribus, & prima ac viridi senectute vigentem, apoplexia vehemens & violenta percussit, prostravit, lectulo aut sella perpetuo attulit, actione & motu fere omni privavit. Peropportune accidit, ut Joannes Antonius Castellus, dimisso Episcopatu Catharensi, Jaderam se reciperet, atque in ea civitate domicilium stabile sibi collocaret. Hic igitur ad Metropolim illam regendam, & functiones episcopales obeundas, Præfuli agrotante invalido assiduam operam navavit. Quamvis autem ille membris fere omnibus captus & linguæ usu propemodum omni amisso, tamen, cum mente valeret sana & vegeta, Episcopo adjutori suo, quibus potuit nutibus, & vocibus balbutientibus, quæ fuerint jubenda, quæ vetanda, quæ agenda præscripsit. Ut præstantissimus Præfulus valetudinem pristinam recuperaret, quam, ut antea fecit, rursus impendere posset ad omnia illa Episcopi munera & officia exsequenda, quæ non animi solum imperio, sed etiam corporis ministerio indigent; Jaderenses omnes etiam atque etiam optabant. Sed aliter vultum superis. Deus Opt. Max. recte factorum remunerator magnificus, animam egregii Præfulis, ab omnibus, si quas contraxerat, maculis diuturna agrotatione purgatam, brevi immortalitate donandam ob ejus eximia merita, in sedes celestes recepit.

Apoplexia correptus ad ministeria episcopalia utitur opera Joannis Antonii Castellus, olim Episcopi Catharensis.

#### MICHAEL ARCH. JADREN. LI.

Cui Jadera patriam, ortum & cognomen familia Trialia dedit. Primum Canonicus & Archidiaconus Capituli Jadrensis, deinde Episcopus Coreyrensis, demum Archiepiscopus Jaderlinus, quem Clemens XIV. de Coreyrensi Ecclesia præclare meritum, ad hanc sedem metropolitancam evexit anno 1771, 14. Kal. Augusti.



# APPENDIX

## AD ECCLESIAM JADER TINAM.

*De instituendo Episcopatu Pagenſi, & de quibusdam Episcopis electis.*

Pagus insula  
la & civi-  
tas olim  
Cissa,  
Chessa, &  
Chessa.

**P**agus insula & civitas est frequens ac nobilis Sinus Flanatici contra Japydiam sita, a qua freto interfluo disjungitur, quem hodie *Canalem Morlaccha* vocant. Gissam olim auctore Plinio nominatam ferunt: eandem alias Chissam, alias Chessam, ab Andrea Dandulo apud Lucium Kussam appellatam invenio, ab urbe scilicet primaria, quam a Venetis saeculo decimo exeunte ereptam Chrobatiz, & everſam fuisse idem Dandulus tradit. Hanc insulam Creſtimirus IV. rex Chrobatiz, cum in suam potestatem redegiſſet, bifariam diviſit anno 1071., & partem superiorem ad septentrionem cum Chessa urbe principe, ab indigenis reſtita, Arbenſi civitati & Eccleſiæ, uti antea erat, ſubjectam reliquit, partem vero inferiorem ad meridiem cum villis Pagi, Pezzani, Muralani, Ulaſſici Episcopo & civitati Nonenſi attribuit. Saeculo duodecimo Ordelaphus Dux Venetorum, qui Dalmatiam, Hungaris expulſis, recuperavit anno 1115., Chessam ad Venetum Imperium adiunxit. Anno 1174. Sebastianus Zianus Dux Venetiarum, Dalmatia, atque Chrobatia, caſtrum Chessæ Rogerio filio Dominici Mauroceni Comitſ Jaderæ donavit, ut docet ejuſdem diploma. His temporibus eam insulae partem, quæ Nonenſium fuerat, vergebatque ad meridiem, Jaderſini obtinebant, ſive quod eam Veneti, Hungaris ademptam, Jaderſinis conceſſerant, ſive quod a Nonenſibus derelictam Jaderſes occupaverant, ut Joannes Lucius opinatur; idque intelligi poteſt ex ſententia Lampridii Archiepiſcopi Jaderſis, qui anno 1177. litem compoſuit, quæ de Comitatu Keſſæ inter Arbenſes erat, & Rogerium Comitem; ſimulque declaravit, quatenus prædicta insula Chessæ communiter a Jaderſibus, Arbenſibus, hominibusque . . . . . coli, paſci, & omnibus modis uti perpetuis temporibus debeatur. Saeculo decimo tertio ineunte Jaderſini, cum a Venetis ad Hungaros deſeciſſent, propterea quod Patriarchæ Gradenſi Eccleſiam & Metropolim ſuam ſubjici nollent, cum Andrea fratre Emerici regis Hungariæ, & Duce Dalmatiæ caſtrum Chessæ everterunt, ut eſt in Tabulis Jaderſinis apud Lucium: *Jaderſes cum fratre D. regis Ungariæ destruxerunt caſtrum Keſſæ*. Hanc liquidem ceterasque Dalmatiæ insulas, Veneti in ſua potestate retinebant. Tunc Veneti, ut auctor eſt idem Lucius, villam Pagi mœnibus, & propugnaculis munierunt, imposito eidem præſidio ad retinendam, tuendamque ejuſdem insulae poſſeſſionem. Aucto deinde ædificiorum numero & incolarum, civitas totiùs insulae princeps haberi, & ab ea tota insula denominari cœpit; jamque inde a multis ſæculis, Chessæ vocabulo antiquato, Pagus vulgo appellatur.

Jaderſes  
metropoli in-  
ſectus pagus  
genibus.

Saeculo decimo quarto hujus insulae partem Arbenſes, partem Jaderſini adhuc retinebant.

Sed Pagenſes ægerrime ferebant in ea insula dominari Jaderſes, a quibus capitali odio diſſidebant, quod hi plurima ſibi & maxima damna non ſemel intuliſſent. Cum enim Jaderſini a Venetis ad Hungaros ſæpe deſciſcerent, Pagenſes vero in potestate fideque Venetorum manerent; in hos illi tamquam in hoſtes læviebant; id quod Pagenſes ſcriptis mandarunt, ut maiorum omnium, quæ ab Jaderſibus perpeſſi fuerant, memoria ſempiterna extaret. Anno circiter 1180. Jaderſes, ne cogerentur a Venetis Patriarchæ Gradenſi, ut Pontifex juſſerat, ſuam Metropolim ſubjicere, ſe in fidem tutelamque Belæ III. regis Hungariæ contulerant; anno autem 1192., ut eſt in codice Pagenſi, *decem mille homines venerunt Pagum ex Jadra, & multa incendia, derobationes, deſolationes fecerunt, incipiendo a parte australi SS. Coſmæ & Damiani, & a parte Quirinali S. Ambroſii, & a parte tranſverſali S. Jacobi, & a parte occidentali S. Martini, & a parte ſeptentrionali S. Crucis incendia magna tempore nocturno, & ſub die ſubſequenti 27. Octobris anno prædicto 1192. Cum ruruſ anno 1311. a Venetorum imperio deſeciſſent, expulſo Michaele Mauroceno Rectore civitatis, fecerunt Jaderſini multa mala inopibus Pagenſibus, incendiando nobiter terram Pagi, devaſtando, & deſoſſinando ſalinas, & alia mala, cauſa quod non aſſenſerunt Pagenſes ſceleratis operibus eorum. Anno 1345. cum Jaderſes haud obſcuris ſuæ voluntatis a Venetis alienatæ, ad Ludovicum Hungariæ regem propenſæ indiſciis, ruruſ ad deſectionem ſpectarent; miſſus eſt cum claſſe Petrus Canalis, qui eos in officio contineret, vel ad imperium revocaret: quo tempore, ut ſcriptum eſt in codice ſupra laudato, *Pagenſes dederunt ſe & donaverunt Petro de Canali nobili Veneto, qui cum quinque trirēmibus venerat in portum Pagi, & dederunt Pagenſes in potestate Venetæ omnes Jaderſes, qui reperti fuerunt in terra Pagi; pro quo caſu Jaderſini cum illis de Ungaria noviter fecerunt incendia magna, & maxima damna, & ſubverſerunt Pagum, & dederunt Regi Ludovico.**

Ludovicus univerſa Dalmatia potitus, insulam Pagum pleno jure poſſidendam tradidit Jaderſibus anno 1358., ut docent litteræ regiæ ad Jaderſes; ſuperiorem tamen insulae partem Arbenſibus reliquit. Tum vero Jaderſini, ut eſt in eodem codice Pagenſi, *male tractando, & dando multas afflictiones, interemptions, ſuſpenſiones, decapitationes, vulnerationes, manuum & pedum obruncationes, & multa alia mala fecerunt.* De quibus injuriis, ac de tanta lævitia conquelli cum eſſent Pagenſes, Ludovicus insulam illam Jaderſibus ademptam in ſuam potestatem recepit. Sed anno 1372. eam Jaderſibus reddidit, ut conſtat ex duabus epistoſis Ludovici, altera ad Jaderſes, alte-

Ludovicus  
Rex Hung.  
Jaderſinis  
Pagum at-  
tribuit.

altera ad Pagenles eodem anno datis. Nec vero Jadrenses illa hujus insulæ parte contenti, quam antea possidebant, varia etiam loca, quæ ad ditionem Arbensium pertinebant, per dolum & fraudem occuparunt. Hinc gravissima illa Arbensium querimonia contra Jadrenses, quod falsis suggestionibus impetraverant litteras a R. Ludovico, per quas sibi restituta fuerat terra Pagi, & districtus, & alia a Baronibus regias vices gerentibus obtinuerint, sententiam mandati precamine includendo, & informatione non vera confines & metas, quæ sub Arben. ditione & antiquo dominio, tam jure proprietatis, quam jure possessionis constiterunt, & fuisse dignoscerentur: satis enim cibatos, & contentos se possunt reputare, quod illam partem insule Pagi, & sui districtus obtinerent sine contradictione, quæ a primordio subjecta fuit, tamquam membrum capiti ejus civitati Kessa, quæ semper fuit de jurisdictione ac potestate Communis Arben., postquam humanum genus cepit facere incolatus in illa civitate, tam Arbi, quam Kessa; quod sub specie obtinenti Pagi, aliquos confines incluserint Novalea, Kessa, & Loni cum pertinentiis suis, quæ tam spiritualiter, quam temporaliter dominio Arben. subsunt, & protestat. de conservatione jurium. Hæc Hermolaus nomine Judicum, Consilii, Communis Arbensium 1372., die 9. Septem. apud Joannem Lucium lib. 111. cap. xii. de Reg. Dal. & Croat.

Pagenles ab imperio Jadrentium deficiunt, atque in libertatem sese vindicant.

Stephanus Bermex Episcopus Pagenis electus.

Pagenles ergo ob eas, quas dixi, causas Jadertinos pessime oderant, & nihil acerbius tenebant, quam se illis subjectos esse, a quibus tam multa, tam enormia maleficia sibi illata esse meminerant. Cum autem graviore in dies premerentur imperio; demum anno 1393., ut omnem Jadrentium dominatum civilem pariter atque ecclesiasticum depellerent, magistratu Jadrensi, & Vicario episcopali expulsi, non solum Rectores oppidi e suo Consilio sibi constituerunt; sed etiam unum e collegio Canonico- rum, Stephanum Bermex Episcopum elegerunt, seque in libertatem vindicarunt. Jadertini ad Pagensem defectionem ultiscendam odio iraque inflammati quodcumque militum, equitum, ac peditum poterant celeriter contrahunt, qui navigiis impositi, ac duce Damiano de Nassis transvecti, Pagenles de improvviso adoriuntur, plerosque in fugam avertunt, obstantes cadunt, duos Rectores civitatis cum aliis pluribus, itemque cum illo, quem designaverant, umbratili Episcopo, & aliquot clericis, captivos Jaderam abducunt; hos vero cum suo electo Episcopo in custodiam episcopalem tradiderunt. Sed ex mandato Sigismundi, qui Pagum insulam Jadrentibus ademit, tum laicos captivos, tum clericos carceribus archiepiscopalis eductos reddiderunt, simul cum sacris thesauris, quos ex ecclesiis illius oppidi ablatis apud Virgines S. Nicolai deposuere. Hæc distinctius & accuratius in sua Ephemeride Paulus de Paullo civis Jadertinus enarravit.

Defectio Pagenium a Paulo de Paullo descripta.

1393. Die Mercurii 11. men. Martii rebellaverunt nobis Pagenles, & eodem die elegerunt inter se tres Rectores pro regimine eorum, vid. Dofficium, Raszigna dictum Palaz, & Carucum; & praeceperunt s. Johanni de Soppe tunc C. nostro ibidem, pœna capitis usque ad diem tertiam recedere ab insula Pagi, & captivaverunt duos nostros nobiles s. Johannem fil. q. Dominici de Nassis, & s. Simonem de Pechiaris, & Cancell. per nos eis datum, tunc ibi existentem.

Illyrici Sacri Tom. V.

Die crastina s. die Jovis hora circa vesperarum, hujus nova attraxerunt Jaderam. Ergo immediate interposuimus curam parandæ ultionis.

Die Dominico proxime sequenti, circa horam meridiei pro nanciscenda ultione expedivimus unam galearum nostrarum minorum s. optime ad hoc opus fulcitam, & multas barchas armatas, & alias quamplures pro transferendis equitibus, & peditibus nostris ad ipsam insulam, quorum Cap. generalis extitit Damianus de Nassis, cum duobus Consiliariis vid. s. Andrea de Grisog. & s. Crescius Raynerii, armator vero prædictæ galeæ s. Greg. de Cedulinis.

Die Lunæ prox. sequenti expedivimus alteram nostram galeam s. majorem, cujus patronus, seu armator extitit s. Blasius de Soppe, quo die etiam nonnulla aliæ barchæ illius profectæ sunt præmissa occasione.

Die Mercurii immediate sequenti hora quasi meridiei ipsi Pagenles per gentes nostras in quodam rumore prope Pagum ibi præmunierant, & in quo fugerant omnes relicta terra Pagi, confilii sunt, quorum quidam arripientes fugam, ceteri omnes masculini sexus, exceptis minoribus ætate, aut interfecti, aut captivati sunt, sed pro minori parte interfecti; inter quos captivos fuerunt duo Rectores eorum s. Dofficius, & Caruc; Raszigna vero tertius Rector confugit Arbem cum uno filio, & multis Pagensibus.

Die Veneris prox. 86. ipsorum inter laicos & clericos ligati manibus eodem funiculo in galea majori fuerunt ducti Jaderam, & in logia DD. Rectoribus Jadræ presentati; ubi unus dictorum Sacerdotum s. Bermex mitriatus fuit; & in eadem mitria ductus fuit, una cum prædictis aliis clericis ligatus, ut supra, ad D. Archiepiscop. Jadræ pro eo, quia nitebatur eligi in Episcopum Pagi; laicorum vero tunc e medio fuerunt positi ad torturam.

Die Lunæ sequentis prædictus Capit. cum Consiliariis post tertiam in Pago unum prædictorum Rectorum Pagi s. Dofficium in platea suspenderunt per gulam.

Die Martis sequentis 24. men. Martii D. Rectores Jadræ erectis furcis super jactum portus tres prædictorum Pagensium vid. Johannem Tutnich, fratrem Damiani Striani, & Jacobum Marangonum suspenderunt per gulam; & eodem die duobus ipsorum captivorum s. Ballio filio Damiani Tutnich, & filio Luca Leonis de Jadræ eruerunt oculos.

1394. Die Dominicali penultimo Madii, accepta fuit nobis per Regem terra Pagi, in quam dicto die mandato ejusdem R. intromisit Joannem Cubretich de genere Cubrianorum.

Eodem anno die Martis in festo S. Viti Jun. 15. exeuntibus Rectoribus Jadræ s. Gregorio de Cedulinis, s. Thomasio de Perizzo, & me Paulo de Paulo, nos hndm. Rectorum cum 4. adjunctis nobis per Consilium Secr. Jadræ, vid. s. Cressio de Nassis, s. Andrea de Grisogonis, s. Coxa de Berna, & s. Marino de Ghinano liberavimus a carceribus D. Archiep. Jadren., & de ejus conspectu Presbyterum Bertucium, & Bartum, quos dedimus D. Paulo Michalivich V. B.

Die crastina 16. Junii nos prædicti Rectores, & antedicti una cum D. Archiepiscopo, prædicto D. V. B. recipienti nomine regio restituitur; dedimus, consignavimus thesauros & res Pagensium Ecclesiarum, quæ erant in manibus nostræ Communitatis, & in manibus D. Archiepiscopi prædicti; & hoc in præsentia C. Johannis Cubretich,

P 2

tum

rum presidentis in Pago; & hoc fuit in sacristia S. Anastasia de Jadra; quos thesauros & res idem V. B. eadem die in duobus capsis clausis affixis, & sigillatis tribus sigillis vid. D. Archiepiscopi pradii, sui, ac nostra Communitatis suo nomine, presentibus nobis Rectoribus, & adiunctis in monasterio S. Nicolai monialium de Jadra depositavit, & presente Comite Johanne pradii.

Joannes Ep. Zagrabien. ab Sigismundo missus in Dalmat. Pagenes ab omni potestate Jadrensiu liberatos esse iussit.

Demum anno 1396., cum Sigismundus rex Hungarie Joannem Episcopum Zagrabiensem ad inspicuendas & componendas res Dalmaticas misisset; hic auditis querelis Pagensium, eos jurisdictioni Jadrensi omnino exemit, urbem insulamque liberam ac soli regie potestati subiectam esse declaravit.

1396. Die Martis Madii 23. applicuit Jadram R. P. D. Johannes Episcopus Zagrab. una cum D. Johanne de Gara fratre D. Bani, & C. Corbaria.

Die Martis pen. disti men. secesserunt a Jadra euntes Nonam causa ibi faciendi synodum; & erat die Mercurii D. Paulus de Georgiis, s. Martinus de Ghinanis, & ego Paulus ambasciatores & syndici Communitatis nostre ivimus Nonam post d. Episcopum, & C. Johannem de Gara pro defendendis juribus nostre insule Pagi cum multis popularibus nostris sociati.

Et die Sabb. in festo S. Johannis Baptiste 24. Junii lata fuit p. supradictos D. Episcopum & Johannem, sententia contra nos in favorem Pagensium, videl. quod dominium ipsius insule R. M. applicetur.

Extat sententia Joannis Episcopi apud Joannem Lucium in ejus Animadversionibus ad Memoriam Pauli de Paulo, quas ad Monumenta historica Tragurii adjunxit: Nos Johannes Dei gratia Zagrabienensis Episcopus Decretorum Doctor Serenissimi Principis & DD. Sigismundi eadem Dei gratia incliti Hung. Dal. Croat. & C. Regnorum Regis, Marchionis Brandenburgensis & C. Secret. Cancell. & C. . . . . Solum Deum habentes prae oculis, commisimus, & judicavimus, ut prefata insula Pagensis, omnesque habitantes ejusdem a modo deinceps temporibus futuris, una cum singulis possessionibus, salvis . . . . de distorum Jadertinorum manibus, potestate, dominio libera, exempta, absoluta habeatur; & causa & rationibus preallegatis ipsam insulam Pagensem dicta auctoritate pradii D. N. R. nobis in hac parte attributa, ceteri universo & consortio ceterarum liberarum civitatum regaliu Dalmatarum coadunantes, & aggregantes, distis Jadrensis, & ipsorum heredibus, & universis posteritatibus eorundem dicta auctoritate nobis concessa silentium perpetuum imponentes & C. & C. Dar. Nona die 24. Junii Anno Domini 1396.

a qua Jadrenses ad Regem appellarunt, sed frustra.

Jadrenses ab hac sententia appellarunt ad regium tribunal, & multa conati sunt, ut Pagenes rursus sub jurisdictionem ac potestatem suam redigerent; quemadmodum scriptum reliquit in sua Ephemeride Paulus de Paulo.

Quo instanti (idest statim sub eam sententiam) nos ab ipsa sententia appellavimus ad ipsam R. M. presentibus Ambasc. Dalmatarum, videl. Spal., Trag., Sib., ac Nonen., & aliorum quamplurimorum ibi in ipsa prolatione sententiae existentium; & eodem die recessimus a Nona & venimus Jadram.

Die vero Dominicali prox. seq. idem D. Episcopus, & C. Johan. de Gara, & C. Butco

de Corbaria secesserunt de Nona in barchis Pagensium, & iverunt Pagum.

Die Lune sequenti 26. pradii men. Junii 6. nob. vid. D. Paulus de Georgiis, D. Jacobus de Radunch, s. Damianus de Nassis, J. Andreas de Grisogonis, s. Coxa de Begna, ac ego Paulus de Paulo creati fuimus provisores super facto Pagensium cum plenissima auctoritate, & balia concessa nobis per generale Consilium cuncta f. in omnibus, quam idem Consilium habet.

Sed omnes Pagensium conatus frustra fuerunt. Cum autem Veneti anno 1409. Jaderam & insulas omnes illius tractus maritimi ab Ladislavo rege Neapolitano recuperassent; suam Pagensibus libertatem in perpetuum confirmarunt: Pagenes, ut est in codice saepius laudato, de anno 1397. in contradictorio obtinuerunt a Rege Sigismundo litteras patentes sue liberationis, & denuo anno 1399., ita quod, laus Deo, semper liberi remansi fuerunt a tali vinculo; & in perpetua libertate constituti sub Rep. Veneta: ita fiat per infinita secula seculorum. Amen.

Porro Veneti urbem Pagum ipsam, quibus aliae civitates Dalmatiae gaudebant, & beneficiis, & privilegiis ornavit, nobilesque Pagenes eodem numero & loco, quo ceteri Dalmatiae nobili genere nati, esse voluerunt. Item quemadmodum aliis Dalmatiae civitatibus, sic etiam Pago Rectorem dederunt patricium Venetum, qui jus diceret, rebusque publicis praeset. Ad haec, Pagensibus potestas data fuit castelli aedificandi ac muniendi, quo se ab injuriis Jadrensiu tuerentur. Neque enim Jadrenses, qui hanc insulam ab sua jurisdictione divulsam periniquo animo ferebant, si qua data esset occasio, existimabant temperaturos ab injuria & maleficio. Ut vero impofterum nullum sibi esset cum Jadertinis, nec sacrarum quidem rerum commercium; idem illud, quod ante aliquot annos moliti fuerant, agere & conari rursus coeperunt, ut insulam, urbem, ecclesiam suam a diocesi ac ditione Archiepiscopi Jadertini eximerent. Cum vero sub clementissimo Venetorum imperio civitas Pagi & civium numero, & commercio, & divitiis quotidie magis augetur; ab Senatu Veneto postularunt anno 1415., ut sibi liceret Episcopum ab Sede Apostolica petere, qui universae insulae praeset. Causas etiam adducebant, quibus postulati aequitas niti videbatur; nimirum urbis nobilitatem ac frequentiam dignam, quae jure & sede episcopali donaretur; difficultatem sacramenta illa percipiendi, quae ab solo Episcopo conferri possunt, videlicet sacros Ordines ab iis, qui divino afflatu impulsus ad hierarchiam ecclesiasticam adscribi cupiunt, & sacram Confirmationem; cum iter maritimum tempestatibus, & naufragiis obnoxium, vel certe periculosum, facilitatem, & aliquando etiam facilitatem adeundi Episcopi adimeret; ex quo fiebat ut plerique Christianorum etiam adulti in ea insula sacro Chrismate non inuncti e vita decederent. His addebant incuriam Antistitem Jadrensiu, qui ad eam insulam, christiani gregis visendi ac lustrandi causa, admodum raro accedere solebant; & illis culpa verbebant, quod pauci essent clerici, qui divinis officiis operam darent, quodque Abbatia S. Petri neglecta esset, & Sacerdotibus ac sacrificiis careret. Erat siquidem apud Pagenes pervetus canobium Benedictinum S. Petri, & vestigialibus

Pagus a Venetis titulo, ac privilegiis aliarum Dalmatiae civitatum donatur.

Pagenes optant, & postulant sibi proprium Episcopum.

bus haud sane contemnendis instructum, quod sub initium hujus sæculi Cœnobiarchæ Benedictino ademptum fuerat, & commendatum Archiepiscopo Jadrenti. Ac statim quidem Dux & Senatus Venetus pro sua religione & clericorum paucitati, & ecclesiæ S. Petri consulendum censuit; ut responsum redditum querelis Pagensium, & litteræ ad Comitem seu Rectorem Pagi declarant.

Responsum  
Ducis &  
Senatus.

*Responsum: Mandabimus Comiti nostro Pagi & successoribus, quod de decimis, quas Archiepiscopus Jadræ habet in insula nostra prædicta, debeat intrromittere illud, quod erit necessarium pro possendo habere clericos, qui celebrent, & faciant divina officia. Et ultra mandabimus eisdem, & successoribus omnibus, quod debeant intrromittere, & sequestrare omnes redditus spectantes & pertinentes Abbatiæ S. Petri, quam dictus Archiepiscopus habet in commenda, pro efficiendo, quod in dicta ecclesia sint Abbas & monachi, qui celebrent divina officia, & distis talibus Abbati & monachis detur illud, quod erit necessarium pro victu eorum de redditibus Abbatiæ prædictæ; & si aliquid superabundabit a victu dictorum monachorum, detur Archiepiscopo.*

*Thomas Mocenici Dux Venet. Com. Pagen. & succ. quod de decimis, quas Archiepiscopus & Capitulum Pagi singulo anno habent, reparetur ecclesia & campanile, in casu quo egeat reparatione: si vero dicta ecclesia non egerit reparatione, provideatur quod dicta decima dividantur inter Dominum Archiepiscopum Jadræ & Capitulum Pagi; sicuti est moris. Super facto autem Abbatiæ est, quod siquidem Archiepiscopus se obtulit facere, quod in dicta Abbatiæ continuo habitet unus Presbyter, qui celebret divina officia, & attendat ad gubernationem prædictæ Abbatiæ, & salinarum, & aliorum bonorum eidem Abbatiæ pertinentium, ne vadant in ruinam; in casu quo Archiepiscopus hoc faciat & observet, sit bene quidem; quando autem non provideatur, quod ibi stet unus Presbyter continue ad celebrandum &c. &c. Data die 13. mensis Novembris 1415.*

Collegium  
Canonicorum  
Pagensium  
episcopali sede  
dignum.

De postulando ab Sede Apostolica Episcopo neque annuit, neque abnuvit Senatus. Sed quod Pagensium causæ & postulato maxime favere videbatur, erat dignitas præclara excellensque Ecclesiæ & Capituli Pagensis. Petrus de Matafaris Archiepiscopus Jadræ sæculo superiori Ecclesiam S. Mariæ, principem oppidi, decoraverat per insigni collegio Canonicorum, quos duodecim esse iussit, eisque unum dignitate & auctoritate præesse, quem Archipresbyterum appellari voluit. Jus Archipresbyteri nominandi creandique penes Capitulum, approbandi penes Archiepiscopum erat; quod ad Romanum Pontificem devolutum fuisse videtur anno 1400; propterea fortassis quod ab obitu Archipresbyteri ante legitimam novi electionem menses ab jure definiti effluerant; idque intelligi potest ex mandato Bonifacii IX. tradito cœnobiarchæ S. Petri, ut Joannem quemdam, cujus Pontifex id honoris ac muneris contulerat, ex formula juris in possessionem hujus primarii Sacerdotii Pagensis mitteret: *Andrea Abbati S. Petri de Pago fuit præsentata quadam Bulla p. ven. virum Dominum Joannem Archipresbyterum Pagensem, in qua continebatur inter cetera, quod mandato Papali idem Dominus Abbas deberet ponere & mittere in possessionem corporalem dicti Archipresbyteratus ipsum Dominum Illyrici Sacri Tom. V.*

*Joannem: quod Dominus Abbas ut filius obedientia est executus in Ecclesiam S. Mariæ majorem de Pago ipsum introducendo cum suis ceremoniis, multis & pluribus Canonicis & clericis præsentibus, & ipsum in pace acceptantibus. Actum die xxix. mensis Januarii anno 1400. Blasius Molinus itidem Archiep. Jadrensis anno vigesimo, vel vigesimo primo hujus sæculi decus & nobilitatem Capituli auxit, Primicerio adjuncto, qui secundum Archipresbyterum principem locum & auctoritatem teneret. Collegium Pagensium Canonorum Martinus V. amplissimo diplomate confirmavit, quod est hujusmodi.*

Capitulum  
additum  
Primicerius.

*Martinus Episc. servus servorum Dei ad perpetuam rei memoriam. Ex supernæ providentiæ majestatis in apostolica dignitatis specula positi, circa universarum, quarum nobis desuper commissa cura est, ecclesiarum profectus & commoda, sicuti ex debito nostro pastoralis incumbit officii, studiis intendimus assiduis, & earum statum, prout earum pensatis circumstantiis congruere cernimus, in melius dirigere, & uberiores eas honoris titulis attollere studemus; & quæ profutura, ac pro divini propagatione cultus prodesse comperimus, ut illibate persistant, libenter, cum a nobis petitur, apostolici muniminis firmitatem adjicimus. Sane pro parte dilectorum filiorum Archipresbyteri, & Capituli Ecclesiæ B. Mariæ in insula Pagi Jadrensis diocesis nobis nuper exhibita petitio continebat; quod olim bonæ mem. Petrus Archiep. Jadrensis, ipsius Ecclesiæ, quæ inter alias illarum partium ecclesias, notabilis & parochialis est, honestati & venustati solertius intendens, eam etiam tunc plures, quam pro ejus ministris, redditus & proventus in communi habentem, in Collegiatam auctoritate ordinaria exivit, & in illa Archipresbyteratum, qui Curatus & dignitas principalis sit pro Archipresbytero, & duodecim præbendas pro totidem Canonicorum, cum prædicto Archipresbytero Capitulum facientium, numero ibidem instituit: ac venerabilis frater Blasius Archiep. Jadrensis ejusdem Petri Archiepiscopi successor voluit, statuit, ordinavit, quod in ipsa Ecclesia deinceps unus, qui honorabilior post dictum Archipresbyterum locum teneat, Primicerius habeatur, qui Primiceriatum obtinens chorum dictæ Ecclesiæ regat, & in ipsius absentia Archipresbyteri primus inibi in Capitulo sit, unum & dimidium canonicalis inibi portionis pro tempore percepturus; per ipsosque Archiepiscopos etiam statutum, & ordinatum successive fuit, quod vacante Archipresbyteratu prædicto infra unius a die, quo Archipresbyteri inibi defuncti corpus ecclesiastica traditum fuerit sepultura, mensis spatium, alioquin a die inibi scientia vacationis Archipresbyteratus ejusdem, Primicerius ipse, vel illo absente, antiquior Ecclesiæ præfatus Canonicus per sacram inibi juniorem..... ad sonum campanæ, die, hora & loco tunc expressis, Capitulum inibi convocari faciat, causam convocationis hujusmodi tempore, quo ad electionem inibi futuri Archipresbyteri procedendum fuerit, expressurus: & si quis excommunicatus, vel alias ad hujusmodi faciendam electionem inhabilis ibi sit, quod habilibus cedat, ipsaque electio propterea non videatur minus canonica, publice protestetur, & notam fieri de protestatione, & commissione prædictis a tabellione procuret. Processus vero electionis ejusdem Archiepiscopo Jadrensi pro tempore existenti, vel ipsius*

Martinus  
V. Capitulum  
Pagensium  
confirmavit  
an. 1417.



ipsius ad id potestatem habenti Vicario, sumptibus expensisque dumtaxat Capituli huiusmodi, per eorum Procuratores debite presentetur. Electus autem in Archipresbyterum Ecclesia predicta, antequam per eundem Archiepiscopum pro tempore existentem, sive ipsius Vicarium, sua huiusmodi electione confirmata, ipse in possessionem dicti Archipresbyteratus missus fuerit; illis, quæ ad officium inibi Archipresbyteri pertinent, se nullatenus ingerat, alioquin iuris sibi per eandem electionem acquisiti penam privationis incurrat eo ipso, habeatque Capitulum huiusmodi ex tunc alium in Archipresbyterum jus liberum eligendi; nisi aliud per ipsum Archiepiscopum, vel Vicarium tunc fuerit super hoc decretum. Rursus quoque jurisdictio Archipresbyteri, vel propter ipsius absentiam Primicerii, sit huiusmodi, ut Ecclesiam & Capitulum predictum, nec non clerum & parochianos ipsius insula, cuiusque gradus, & status sint, prout sibi melius expedire videbitur, regat & gubernet, non exorbitando a jure, vel bonis moribus, vel saltem consuetudine antiquitus inibi approbata; faciatque iudicium & iustitiam tam rigore, quam aequitate, etiam inter partes, quæ consenserint, summarie, & de plano, nec non sine strepitu, & figura iudicii, ac non servato iuris ordine processurus. Condemnatorias insuper ferre sententias, & quoscunque ipsius Ecclesia delinquentes subditos corrigere, ac eis tam censuræ ecclesiasticæ, quam pecuniariæ, seu etiam cum carceris mancipatione personales penas infligere, & absolvere possit; maioribus tamen causis inibi ad tribunal archiepiscopale reservatis; & ipsis penis pecuniariis non per aliquem ex Archipresbytero, vel Primicerio prefatis, sed per Procuratorem fabricæ ecclesiæ predictæ, qui Sacerdos fuerit, exactis. Qui quidem Archipresbyter ipse in decimis, & de oblationibus, funeralibus, exequiis, anniversariis, & similibus ibidem proventuris duplam recipiat portionem; & capellam S. Georgii Martyris, infra eandem insulam consistentem, dicto Archipresbyteratui habeat connexam. Si vero Ecclesia S. Nicolai de Pouliana dictæ diocesis, quæ alias eidem Archipresbyteratui applicata fuit, illius esse non possit; Ecclesia S. Michaelis de insula prefata cum vacaverit, ipsius loco succedat, & Archipresbyter prefatus sit verus Rector & defensor earum. Primicerioque predicto, vel aliquo ex ipsius Ecclesiæ B. Mariæ Canonicis, vita functo, & ejus corpore tumulato; dictus sacrista de Archipresbyteri, vel in ipsius absentia, Primicerii si tunc fuerit, mandato sibi coram publico, qui inde notam faciat, tabellione facto, superstitibus tunc Canonicos in ea, quæ tunc ibidem imminet facienda, electione vocem habentes, ad domos citet eorum; qui tunc statutis hora & loco, ad pulsam campana convenientes ad predictam modis, qui de electione Archipresbyteri huiusmodi præmissi sunt, electionem procedant. Et quæ postquam concorditer facta, & publicata fuerit inibi, tunc electio quanto citius intimetur; & si ille electus ipse in Capitulo huiusmodi, ac desuper rogandorum Notarii ac testium præsentia consenserit; tunc qui eam ipsi Archiepiscopo, vel ejus Vicario præsentet, per ipsum Capitulum aliquis deputetur; electus quoque in Canonicum de præbenda, ad quam electus fuerit, vel in Primicerium Ecclesiæ predictæ, de ipso Primiceriatu, donec huiusmodi electione per dictum Archiepiscopum pro tempore

existentem, sive ejus Vicarium rite confirmata, ipse installatus sit, ibidem sub simili pena, quæ de dicto Archipresbytero denotata est, se nullatenus intromittat. Electiones vero, quas inibi in discordia, & a partibus, quæ concordari non possent, paribus vocibus celebrari contigerit, ad Superioris remittentur examen. Nullus insuper ex clericis insula predicta absque testimonialibus ipsorum Archiep. & Capituli litteris, ad aliquem ex sacris Ordinibus se promoveri faciat; alioquin in decem, quæ usibus huiusmodi Capituli cedant, moneta partium illarum libris omnino multetur; nec aliquis deinceps in Canonicum dictæ Ecclesiæ S. Mariæ recipiendus de ipsius mensæ capitularis fructibus aliquid percipiat, nisi prius super huiusmodi observandis per eum statutis, & ordinationibus, qui quidem dicto Archipresbytero, tamquam Capiti Capituli huiusmodi, parere, & obedire debeat, corporale præstiterit juramentum, alias ad ipsius Archipresbyteri nutum pena congrua puniendus; nonnullis etiam adjectis aliis, prout in authenticis desuper confectis litteris, atque scriptis plenius continetur. Quare pro parte dicti Archipresbyteri, & Capituli nobis fuit humiliter supplicatum, ut erectioni, institutionibus, statutis, & ordinationibus predictis, pro eorum subsistentia firmiore, robur apostolicæ confirmationis adficere de benignitate apostolica dignaremur. Nos itaque dictis supplicationibus inclinati, erectionem, institutiones, statuta, & ordinationes huiusmodi, ac omnia & singula ea in predictis litteris & scriptis contenta, nec non inde secuta, rata habentes & grata, illa auctoritate apostolica ex certa scientia, præsentium serie confirmamus, & præsentis scripti patrocinio communimus, suppletes omnes defectus, si qui forsitan intervenerint in iisdem; non obstantibus constitutionibus apostolicis, nec non statutis, & consuetudinibus Ecclesiæ B. Mariæ predictæ, juramento, confirmatione apostolica, vel quavis alia firmitate roboratis, ceterisque contrariis quibuscumque. Nulli ergo hominum omnino liceat hanc paginam nostræ confirmationis, communionis, & suppletionis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, & B. Petri & Pauli Apostolorum ejus noverit se incursum. Dat. Romæ apud SS. Apostolos 2. Id. Maji. Anno Pontific. nostri X. idest Christi 1427.

Huic diplomati, & aliis fortasse privilegiis pontificiis freti Archipresbyteri Pagenfes contendebant Ecclesiam Pagensem, seque & Capitulum juri ordinario Anulitatis Jadrensis exemptos fuisse, nullius esse diocesis, & jurisdictionem quasi episcopalem obtinere: id quod apparet ex querimonia Joannis Palcich Archipresbyteri adversus Archiepiscopum Jadrensem, quam postea describemus.

Illas igitur, quas exposui, rationes speciosas suæ postulationi prætexebant Pagenfes. Ceteris eorum postulatis Dux & Senatus anquerat; huic vero nullum responsum anno 1415. redditum invenio. Ceterum hanc cogitationem curamque semel susceptam, nunquam Pagenfes omnino deposuerunt. Interea dum proprii Episcopi habendi cupiditate insulares illi maxime fervebant, mortuus est Petrus Discovitiu ortu Pagenfis, Spalatensis Archiepiscopus, anno 1426., qui de patria bene mereri, & civium suorum voluntati obsecundare cupiens, Ecclesiæ S. Ja-

Petrus Discovitiu Archiep. Spalatensis sua bona, & suppellectilem episcopalem futuro Ep. Pagenfi reliquit.

S. Jacobi, quæ vel eadem erat, atque Ecclesia primaria S. Mariæ, vel secundum hanc ceteris ejusdem oppidi templis magnitudine, & forma structuræque elegantia præstabat, supremis tabulis reliquit supellectilem pontificalem lineam, sericam, argenteam, bibliothecam, itemque palatium, quod prope S. Jacobi ædificaverat, & omnes salinas suas; ut his omnibus uteretur ac frueretur futurus Episcopus Pagensis, si forte impetrari potuerit: Item legavit, & dimisit Ecclesiæ S. Jacobi de Pago omnia alia sua paramenta, & totum suum argentum, & omnes & singulas suos libros, exceptis tribus, videlicet Tragediis Senecæ, Commentariis earundem, & Orosio, excludendis ab hoc legato; quibus paramentis, argento, & libris, si cives Pagenses impetrabunt, & habere poterunt Episcopum, ipse D. Episcopus utatur in Ecclesia S. Jacobi præscripti: sin autem, Religiosi in dicta Ecclesia deputandi, & ibi residentiam facientes, orent pro anima sua, & in remissionem peccatorum suorum. Item reliquit dictæ Ecclesiæ S. Jacobi de Pago palatium suum, quod fecit ibidem fabricari, & omnes salinas suas &c., quas habet in dicta insula Pago pro anima sua, & in remissionem peccatorum suorum. Et ubi dicti cives Pagenses ibidem Episcopum habere non possint, quod commissarii sui provideant de quatuor, vel quinque clericis, qui assidue temporibus Pagi resideant, divina officia in dicta Ecclesia celebrando pro anima sua, & remissione peccatorum suorum.

Pagensium preces ad Ducem & Senatum pro Episcopo obtinendo.

Ex hoc legato mirum quantum creverit Pagensibus desiderium sedis episcopalis apud se constituendæ. Itaque anno 1430. Archipresbyter, Primicerius cum collegio Canonicorum S. Mariæ Pagensis, cives primi & secundi ordinis, atque populus universus Ducem ac Senatum supplicibus litteris orarunt, ut sibi ab Sede Apostolica Episcopum impetraret. Annuit quidem Dux & Senatus, ut constat ex litteris Ducalibus datis eodem anno v. Kal. Maji, & Veneto apud Pontificem oratori postulata Pagensium commendavit; sed quamvis vel nihil tunc impetrari potuit, vel res in aliud tempus dilata fuit, spes tamen obtinendi quod cupiebant, Pagensibus adempta non est.

Consilium civitatis alio transferendæ & potestas facta a Senatu.

Civitas Pagi sita erat procul a freto Japydico, in insula fere media; locus neque tutus, neque idoneus erat propter salinas proximas, sive ad urbem muniendam, sive ad castellum extruendum, cujus ædificandi potestas a Senatu Pagensibus facta fuerat, ut se suaque tum ab injuriis Jadrensi, tum a qualibet hostili oppugnatione defenderent. Quamobrem consilium ceperunt civitatis alio transferendæ, & propius a mari, ubi nunc est, collocandæ: qui quidem locus tutior videbatur, & urbi operibus munitionibusque firmandæ opportunior. Itaque novæ urbis condendæ potestas illis petentibus permissa est a Duce & Senatu anno 1443. hisce litteris Ducalibus.

Franciscus Foscari Dei gratia Dux Venetiarum &c. Nob. sapientibus viris Petro Faletro de suo mandato Comiti Paghi, & successoribus fidelibus, dilectis, salutem, & dilectionis affectum. Inclinati supplicationibus nostrorum Paghi, qui considerantes illam civitatem Paghi sitam in loco non forti nec securo, ac etiam quod fortificari non potest, deliberaverunt in alio loco magis forti & securiori novam civitatem ædificare, & in ea habitare, & se reducere, ut sub umbra & obedientia nostra valeant in omni casu

se conservare; quem locum depictum, sive designatum nobis ostenderunt; cum nostro Consilio Rogatorum deliberavimus, ac vobis mandamus, ut prædictis nostris fidelibus Paghi pro subventionem novæ civitatis prædictæ ædificandæ, & fabricandæ dare debeatis per annos sex proximos venturos ducatos trecentos singulo anno de introitibus camera nostræ Paghi, qui convertantur in fabrica antedicta. Data in nostro Palatio Ducali die 2. men. Martii Indict. 5. 1443.

Statim Pagenses manus operi admovent; jacta sunt fundamenta tum ecclesiæ, tum civitatis: alteri extruendæ primum lapidem sacris precationibus initiatum, solemni supplicatione rituque demisit Laurentius Venerius Archiepiscopus Jadertinus; alterius ædificandæ initium factum est a turri, quæ prope januam urbis extruenda erat; ac primum lapidem locavit Petrus Faletro Prætor civitatis, secundum Vulcosius Grubenich Archipresbyter, & alios deinceps alii viri principes urbis & cleri: quæ omnia consignata sunt publicis tabulis ad hunc modum.

In nomine Dei vivi & veri Patris, Filii, & Spiritus Sancti, absque cujus invocatione nullum principium rite fundatum sit. Cum universa opinio Paghi sit, ut civitas hac transferatur ad portum Cathana, ad laudem Dei, Beataque Virg. Mariæ, ac D. Marci Evangelistæ & D. Georgii M. omniumque Dei Sanctorum; ad honorem & augmentum Serenissimi Principis & Illustrissimi Domini Francisci Foscari D. gr. in egypti Ven. Ducis, totiusque potentissima Dominationis nostræ Venet., sub cujus umbra hæc fundatur, & statum pacificum ac securum omnium nobilium, ac totius populi terræ, & insulæ hujus, in qua quidem civitate fundata sint Ecclesiæ & monasteria sub divini cultu officii, & principaliter Ecclesiæ B. gloriosæque V. M., ad cujus ordinem ædificationis dandum electi fuerunt per Capitulum & Consilium Paghi ven. viri D. Vulcosius Grubenich Archipresb., & Blasius Martini Canonicus Paghi, s. Dismanus q. Luca Dissevich, & s. Blasius Discovich, qui omnia jura antelata fabricæ, videlicet pecunias recuperatas, & recuperandas, ac etiam dispensandas, & expendendas in hoc libri volumine ordinate describent. Quæ quidem ecclesia fuit principiata, & lapis benedictus per Reverendum in Christo Patrem & Dominum D. Laurentium Venerium, Dei & Apost. Sedis gratia Archiepisc. Jadrensem, & Metropolitanum nostrum die Sabbati circa horam tertiam 18. Cal. Maji 1443. cum devotione cleri, & populi processione, & solemnitate; & immediate hora 4. fuit principiata civitas, videlicet fundamenta turris magnæ ad portam transversalem, ponens primum lapidem Magnus Dominus Comes Petrus Faletro, secundum ven. Dominus Vulcosius Grubenich Archipresbyter, tertium s. Nicolaus Radossi tunc judex, quartum Dominus Ludovicus Sagredo Camerarius, quintum Dominus Margherus Primicerius, quilibet horum in suo angulo, rogantes humiliter illic Deum Patrem, cujus nomen in principio invocavimus, ut sicut hæc principia sua potentia & misericordia incæpta, & principiata, ita terminari & finiri possint, & iuri per infinita sæcula sæculorum. Amen.

Decretum de nova urbe, & de sacra primaria condenda.

Januæ urbis ad septentrionem obversæ superposita fuit hæc epigraphe, tabulæque marmoreæ incisa: Faustis faventibus fati Thomas Georgio Prætor hic murorum civitatis fundamenta jecit,

jecit, & signa sua memores annos superatura posuit MCCCCLXVIII. Jan. die 25.

Cupiditas  
Episcopi  
propriū ha-  
bendi re-  
servavit.

Christopho-  
rus Presby-  
ter Arben-  
sis primus  
electus E-  
piscopus.

Clandestini  
molimina  
Benedicti  
de Missolis  
Episcopa-  
tus Pagen-  
sis cupidus.

Litteræ  
Ducaliter ad  
Comitem  
reū Pagi.

Dum Pagenles ad novam urbem ædificandam, & publica & privata ædificia construenda omnī studio operaque incumberent, cogitationem de instituendo Episcopatu Pagenfi, curamque ad tempus seposuerunt: quam quidem statim resumpserunt post urbem & ecclesiam S. Mariæ conditam, resque domesticas, & familias suas illuc translatas. Antonius Palcich civis Pagenfis, & Episcopus Auxerensis e regione templi primarii Mariani, ære suo palatium extruxit, in quo latis commodè, ac pro dignitate Episcopus habitaret. Nobiles vero Pagenfes anno circ. 1480. primum Episcopum elegerunt Christophorum quemdam Presbyterum Arbensem; simulque decreverunt, ut greges armentorum & pecudum cujusque generis sane numerosi, qui ad plures dominos pertinebant, quique communibus pascuis alebantur, in ea vastissima planitie, cui nomen Barbato, venderentur, ad fundos emendos, & constituendos, unde annui proventus mensæ episcopali suppetere. Huic electioni & decreto vehementer ab omnibus tum plebejis, tum civibus secundi ordinis reclamatum est, non solum quod indigne ferrent se a comitiis episcopalibus, ferendisque suffragiis exclusos fuisse, sed præcipue ob eam causam, quod greges ovium & armentorum, quos quisque possidebat, vendi & alienari nollent, seque omni, quod ex illis percipiebant, emolumento fructuque privari. Hinc orta inter hos & patricios gravis, & periculosa dissensio; & cum neutra pars alteri cedere vellet, eo crevit discordia, ut jam spectare ad seditionem videretur. Res ad Ducem ac Senatum delata cum esset; Patres illi conscripsi, ut gravissimis malis ac periculis, quæ ex illo civili dissidio imminebat, obviam irent, sapientissime censuerunt decretum illud Pagense abrogandum esse, quod dissensionem & discordiæ causam præbuerat. Ita pax & tranquillitas civitati reddita erat; cum aliunde periculum fuit, ne iterum perturbaretur. Benedictus de Missolis civis Pagenfis, homo laicus, sed doctus, & Doctoris titulo insignitus, Christophorum electum Episcopum clam sollicitare, & urgere non cessabat, ut sibi cederet, ad seque transferret jus illud Episcopatus Pagenfis adipiscendi, quod ipse per legitimam nobilium electionem acquisierat: sibi curæ futurum, ut vim effectumque illius obtineret. Quod moliebatur homo vaser & callidus, ejusque cum Christophoro clandestina consilia, & crebra colloquia, cum subolissent Pagenfis, veriti ne quid rursus turbatum ac dissidiorum in civitate oriretur; Laurentium Palcich oratorem Venetias miserunt, qui rem omnem a principio exponeret, ac de iis, quæ tunc Benedictus machinabatur publicæ quieti perniciofa, Ducem ac Senatum doceret; simulque oraret, ut opportunis remediis adhibitis, novarum dissensionum & perturbationum causas præcideret; ac juberet omnem in præsentia de instituendo Episcopatu cogitationem reponi, ac totum hoc negotium ad tempus intermittere. Hæc ex epistola Joannis Mocenici Ducis Venetiarum ad Joannem Baptistam Quirinum Prætoem Pagi, quæ est hujusmodi.

Joannes Mocenigo D. G. Dux Venetiarum &c.  
Nob. & sap. viris Joanni Baptiste Quirino de  
suo mandato Comiti Pagi, & successoribus suis  
fid. dil. salutem, & dilectionis affectum. Prudens

civis noster Pagenfis Laurentius Palcich Orator istius nostræ fidelissima Communitatis nobis narravit, quod superiori tempore, per nobiles istos procuratum fuit habere Episcopum præsentem in spiritualibus isti loco nostræ dominationis, & subinde per eosdem fuit electus quidam Presbyter Christophorus Arbensis, & ex adverso populares isti repugnaverunt, nolentes pacto aliquo ut fieret, atque eligeretur Episcopus, procurantes ut quidam actus multorum animalium positorum pro cuiusque portione in loco nuncupato Barbato, quæ per eos nobiles statuta erant posse vendi, & ex eorum venditione pecuniæ designarentur ad introitus ipsius Episcopi, incideretur & annullaretur; & quod tamen factum fuit, quando cum populares questi fuerint apud tunc syndicos nostros, illi actum illum intromittentes, & ad consilium nostrum ducentes illum inciderunt; ex qua varietate sententiarum res spectabat propemodum ad seditionem, adeo, ut nisi res per nos sopita fuisset, non est dubitandum quod magnum scandalum subsequi potuisset; ex quibus, cum res sic per nos acta fuerit, videtur tamen, ut ipse Laurentius nobis retulit, esse quendam civem Pagensem, nomine D. Benedictum de Missolis Doctorem volentem clerizare, qui sollicitat & incitat præfatum Presbyterum Christophorum ad sibi renunciandum ipsum Episcopatum, seu jura illius, ratus forte posse, quamvis male statuat, jure ipsius Episcopatus aliquid consequi, & volens facere alium motum in isto nostro loco majorem, & deteriorem priore; ex quo ipse Laurentius supplicabat, ut huic rei ejusmodi remedium apponere velimus, ut materia hujus rei episcopalis extinguatur, quæ non potest esse, nisi fomentum alicujus mali. Nos enim videntes quod prima vice in hac re egerimus, quidæ nunc faciendum sit, ut fomentum malorum amoveatur; statuimus has ad vos scribere, volentes, & vobis mandantes, ut efficaciter verbis nostris imperare debeatis tam illi Presbytero Christophoro, quam illi Benedicto, quod non debeant in negotio hujus Episcopatus aliquid omnino tentare, & velint sapienter advertere quid faciunt; quoniam motus & scandala, quæ inducuntur inter fideles nostros, valde, ac merito quidem nobis displicent; proinde se contineant, ut diximus, ab aliquod attentando in re ista episcopali; nam si secus facerent, intelligerent profecto nobis hoc molestissimum accidisse: & quia forte esse posset, quod ipse Presbyter, & Dominus Benedictus, seu alii sibi arrogarent, quod tamen non credimus, venire Venetias circa aliquod molendum in re prædicta, volumus quod, si hoc sibi arrogant, significetis illico isti Consilio & popularibus, ut & ipsi interesse possint, & uti juribus suis; has autem nostras in actis ipsis Consultariæ vestræ ad futurorum memoriam registrari faciatis, & registratas præsentanti restitui. Dat. in nostro Ducali Palatio die 16. Feb. Ind. 2. 1483.

Interea Archiepiscopi Jadrenses inienta cura vigilabant, ne qua, illius insulæ detractio, haud sane exigua de sua diocesi diminutio fieret. Tunc metropoli Jadertina præerat Maphæus Valaresius; qui per ea tempora duos actus jurisdictionis episcopalis exercuit, quibus urbem & insulam Pagenlem ad suam diocesim pertinere ostenderet, ejusque possessionem sibi confirmaret. Erat in urbe veteri collegium Virginum Ordinis Benedictini a S. Margarita cognominatum. Georgius Slovigna Canonicus Pagenfis in urbe nova templum extruxit B. Vir-

Maphæus  
Valaresius  
Archiep.  
Jadren. ve-  
rat Virgi-  
nes S. Mar-  
garitæ e  
veteri ad  
novam ci-  
vitatem  
Pagi mi-  
grare.

gini

quibus re-  
men mi-  
grandi po-  
testas facta  
est a Sena-  
tu, & a Se-  
do Apoll.

gini ab Angelo salutata, ac donavit Virgini-  
bus S. Margaritæ, quibus itidem Pagenles cœ-  
nobiū prope templum ædificarunt. Sed cum  
huc e veteri Pago migrare vellent, Maphæus  
Archiepiscopus juris episcopalis usurpandi, ac  
retinendi causa, quod amissurus erat, si forte  
Pagenles Episcopum sibi proprium impetrarent,  
vetuit illas ex antiquo cœnobio discedere,  
gravissima anathematis poena interposita. Sed  
cum Antistita, & Virgines illæ ad supremam  
Ducis Venetiarum, & Sedis Apostolicæ aucto-  
ritatem confugissent; ad novam civitatem, no-  
vumque cœnobiū, vel invito Archiepiscopo  
transcundi potestas illis facta est. Extant lit-  
teræ Ducales datæ anno 1485. 11. Idus Fe-  
bruarii, summatim descriptæ in quodam codi-  
ce Tabularii Pagensis: 1483. 11. Febr. Littera  
Ducales sub inclyto Domino Augustino Barbado  
Duce Venetiarum directæ Antonio Contareno Co-  
mite Paghi & successoribus . . . . . ad sup-  
plicationem fidelissimi & dilectissimi Francisci de  
Missolis nobilis Pagensis, nomine Abbatis ac  
monialium, quod non obstante interdicto, vel ex-  
communicatione Domini Archiepiscopi Jadrensis,  
possint habere domicilium in terra nova Paghi,  
irritum, & nullum contrarium decernentes, &  
subesse debeant Abbatis &c. Extat itidem par-  
ticula litterarum in altero codice ejusdem ta-  
bularii, quibus Raphael Cardinalis S. Georgii  
ad Velum aureum, Innocentii VIII. nomine  
& auctoritate potestatem fecit Antistitæ & Vir-  
ginibus illis se ad novum cœnobiū transfe-  
rendi: 1485. 13. Aprilis. Licentia Reverendis-  
simi Raphaelis S. Georgii ad Velum aureum Diac.  
Cardinalis, ac Summi Pontificis Camerarii con-  
cessa Mariæ Radosii Abbatis S. Margaritæ de  
Pago, quod possit cum suis monialibus, non ob-  
stantibus aliquibus præceptis Archiepisc. Jaden-  
sis se transferre, & habitare in terra nova Pa-  
ghi in monasterio noviter erecto. Anno superiori  
idem Archiepiscopus Mariam Radosiam Anti-  
stiram, ob causam nescio quam regimine cœ-  
nobii amoverat. Innocentius Pontifex cogni-  
tionem hujus causæ delegavit Episcopo Nonen-  
si, & Archidiacono Jaderino: 1485. 15. Maji  
Pontificatus SS. D. Innocentii PP. . . . .  
Delegatio in Episcopum Nonensem, & Archi-  
diaconum Jadrensem ad supplicationem Mariæ Ab-  
batis monasterii terræ Paghi super indolentiam  
ipsius circa prohibitionem factam ab Archiepi-  
scopo Jadrensi de regimine, & administratione  
per ipsam, uti non canonice assumptam. Porro  
Maria & præfecturam monasticam retinuit, &  
cum Virginitus sororibus suis, relicto veteri  
ad novum cœnobiū in urbem novam demi-  
gravit. Præterea Maphæus eidem Antistitæ &  
iisdem Virginitus privilegium antiquum, jus-  
que ademerat Sacerdotis eligendi, qui confes-  
siones illarum exciperet, illisque & sacrum fa-  
ceret, & divina mysteria impertiret. Utrum-  
que illis concessit, & confirmavit Nicolaus  
Francus Episcopus Tarvisinus, qui tum Vene-  
tiis Legatione Apostolica fungebatur.

Nicolaus  
Francus  
Legatus  
Apostol.  
eisdem  
Virginitus  
facultatem  
ob Archie-  
pisc. adem-  
ptam eli-  
gendi Con-  
fessarii con-  
cellit.

Nicolaus Franco Episcopus Tarvisinus Lega-  
tus Apostolicus cum potestate Legati Cardinalis a  
latere, per universum Venetiarum Dominium, di-  
lectis in Christo nobis Abbatis, & monialibus  
S. Margaritæ de Pago Ordinis S. Benedicti salu-  
tem in Domino. Volentes quantum possumus Sum-  
mi Pontificis voluntati obsequi, cujus legationis  
fungimur officio, qui Pontifex solet quibusdam  
personis gratias ab eo petentibus, maxime mu-

lieribus regularem vitam profitentibus, gratum  
præstare assensum . . . . . Igitur pro parte  
vestra nobis supplicatum fuit, quod cum occa-  
sione cujusdam controversia inter vos & Reve-  
rendissimum Dominum Archiepiscopum Jadrensem  
versa, & quæ adhuc vertatur, ipse Dominus  
Archiepiscopus impediat, quominus Capellanum,  
qui vobis Missas, & alia divina officia celebra-  
re debeat, & confessiones vestras audire, & sa-  
cra ministrare, habeatis. Ideo de opportuno re-  
medio nobis fuit humiliter supplicatum; vestris  
in hac parte supplicationibus inclinati, vobis di-  
cti Archiepiscopi, & alterius cujusvis Superio-  
ris licentia non requisita, sacularem, & cujusvis  
Ordinis Regularem Sacerdotem, prius tamen di-  
ctum Regularem Sacerdotem a suo Superiore li-  
centia obtenta, qui Sacerdos futurus Capellanus  
vester Missas & reliqua officia celebrare, con-  
fessiones vestras audire, nec non sacramenta vobis  
ministrare libere & licite possit ac valeat, te-  
nore presentium, auctoritate a Sanctissimo Do-  
mino nostro Innocentio Papa VIII. nobis conce-  
ssa, eligendi liberam licentiam & facultatem con-  
cedimus & elargimur; quique, ad abundantiorē  
cautelam, per vos electus Capellanus hujusmodi  
in servitio & servitiis hujusmodi, nisi ejus exi-  
gentibus demeritis, de quibus non ex abrupto,  
sed juris ordine servato constet, per quemcum-  
que quavis auctoritate amoveri nequeat auctori-  
tate præmissa. Statuimus pariter & decernimus,  
irritum & inane fore, si secus super his a  
quocumque quavis auctoritate scienter aut igno-  
rante contigerit attemptari. Dat. Venetiis apud  
S. Antonium die 7. men. Maji 1486. Pontifica-  
tus præfati SS. Domini Papæ anno secundo.

Archipresbyteri Pagenles contendebant, ut  
supra diximus, sibi & ecclesiæ suæ jurisdictio-  
nem ordinariam, & quasi episcopalem colla-  
tam esse ab Sede Apostolica; idque constare  
ajebant ex diplomate Martini V. supra descri-  
pto, seque propterea & ecclesiā suā juri or-  
dinario, & episcopali Antistitis Jadrensis ex-  
emptos esse, quem quidem tamquam Metropo-  
litam suam, non item vero tamquam Episcopum  
ab se agnosci & coli debere existimabant. Ma-  
phæus Valaressus, ut factu declararet, & osten-  
deret suæ jurisdictioni episcopali, & ordinariæ  
Ecclesiæ, Archipresbyterum, Clerum & po-  
pulum insulæ Pagi æque subjectos esse, & que  
aliæ erant ecclesiæ diocesis Jadrensis, cum suis  
Rectoribus, clericis, populis, duos in ea in-  
sula Vicarios constituit, alterum superiori, al-  
terum inferiori insulæ parti præpositum, qui  
nomine suo jus potestatemque episcopalem de-  
legatam exercerent; & unum esse voluit ipsum  
Archipresbyterum Ecclesiæ primariæ S. Mariæ,  
Joannem Palcichium. Hic vero ne quid præ-  
judicii sibi suisque successoribus afferret hujus-  
modi designatio, & usurpatio juris archiepisco-  
palis, cum absente Archiepiscopo expostulatio-  
nem fecit, & scripto consignatam eidem co-  
ram tabellione, ac testibus per suum procura-  
torem tradi jussit.

Archipre-  
byter Pa-  
gensis ju-  
risdictio-  
nem quasi  
episcopa-  
lem sibi  
viadicat,

Reverendissime in Christo Pater DD. Jadrensis  
civitatis Metropolitæ meritis, post debitam  
devotissimamque commendationem salutem. Nos  
Joannes Palcich Archipresbyter S. Mariæ Pagen-  
sis Cathedralis Ecclesiæ legitime electus, & a  
Sede Apostolica approbatus, & in eadem eccle-  
sia iudex ordinarius, ut apparet ex Bulla auten-  
tica non vitata, non abrasa, nec in aliqua parte  
suspecta, emanata tempore b. m. Martini Papæ V.  
anno

Hic cum  
Archiep.  
expostu-  
latio.

anno Pontificatus sui X. quam & V. R. D. vidit, legit, & intellexit tenorem ejusdem, per quam late, & extense apparet talem ordinariam jurisdictionem annexam fore dicto Archipresbyteratus officio, & omni Archipresbytero, qui pro tempore fuerit, impertitam; tamquam vero, ordinario, & primo cognitori in omnibus litibus, & controversiis emergentibus Paghi, & insula, ac ad dictam Ecclesiam pertinentibus; reservata tamen appellatione omnium tribunali V. R. D. Quae nunc primo cepit mihi dictam jurisdictionem impedire, postposito omni jure, & praeposita potentia absoluta facti, in magnum detrimentum hujus Ecclesiae Pagensis, & cleri, & impedimentum justitiae, spreto concessione, spretoque privilegio Bullae super allegatae, & in non parvum dedecus & opprobrium totius terrae Paghi, & hominum, atque insulae habitatorum, a qua & a quibus abundantes percipitis introitus . . . . . & sine aliqua reflexione charitatis in aedificanda Ecclesia minime manus porrexistis, ut tenemini, de medietate totius vestri introitus illic percepti per tot annos. Omitto haec, quae solum ut memoria V. R. D. commendarem, terti- gi; nam Communitas Paghi accuratissime providet de hoc, cum ad ipsam provisio spectet . . . . . Revertor ad impedimentum meae jurisdictionis, cui V. R. D. derogare non desistit, praesertim cum in hac Ecclesia non solum unum Vicarium (quem minime constituere potest) sed duos habere temptavit; & me ipsum Archipresbyterum unum e duobus per superscriptionem vestrarum litterarum nuncupandum curavit; ut quid- quid istic in dicta Ecclesia Pagensi agerem, vestro nomine agendum fore judicaretis, & non mea ordinaria jurisdictionis secundum tenorem Bullae supra allegatae. Idcirco cum omni debita reverentia R. V. D. rogo, deprecor, obtestor atque requiro, ut mihi amplius litteras cum superscriptione Vicarii dirigere nolit; cum nullo modo ipsas acceptabo, minimeque eis parebo, eo quod minime Vicariatus officio fungor, cum Ordinarius existam. Et si qua istic opus fuerit, V. R. D. ut ad Archipresbyterum & Ordinarium scribat; & tamquam legitimo scriptori in cunctis rebus justis & honestis parebo ut obsequen- tissimus. Nam si R. V. D. a vexatione cepta non desistat, non potero facere quo minus pro- videam, quam primum aderit temporis commoditas, & fortasse in parte provisum extitit, ut ex re ipsa percipietis in acceptis . . . . . cum hoc ipsa justitia suadeat, & omnis aequitas exposcat. Nec mihi posse imputari a vestra R. D. censeo, cum mei officii & ecclesiae, omni reve- rentia V. R. D. praeposita, jura consequor. Et ad intimandum haec omnia V. R. D., ne . . . . . Et per specialem nuncium & procuratorem meum latorem praesentium, nomine . . . . . V. R. D. mitto, ut haec omnia tam oretenus, quam his scriptis pandat coram notario & testibus, ut actus ipse & requisitio pro semper registratus, & annotatus appareat perpetuo, pro suffragio jurium meorum, si opus fuerit.

Huic exemplo, descripto e Tabulis Capituli Pagensis, manu recentiore adscriptus est in mar- gine annus 1485., qui congruit cum Archiepiscopatu Maphaei Valaresi; sed in alia scheda P. Riceputi nominatum invenio Blasium Moli- num, quocum Joannes Paleich Archipresby- ter hanc expostulationem fecisse dicitur; quae sane nisi nomen & cognomen Archiepiscopi il- luc per errorem irrepsit, ad superiores annos

referenda esset; quippe Blasius Molinus ab an- no hujus saeculi vicesimo usque ad vicessimum septimum Metropoli Jadrensi praesuit.

Pagenes post turbasillas & tumultus ob ele- ctionem Christophori exortos, ab omni postu- lato conatuque per annos fere viginti destite- rant; cum intermissum negotium saeculo deci- mo sexto ineunte resumete, cupidius agere, & enixius urgere coeperunt. Jam mensae episcopa- li proventus addixerant satis idoneos ad perso- nam Episcopi pro dignitate tuendam, videli- cet decimas vini, & frugum, salis praesertim & pecorum totius insulae, quae sexcentis argen- teis aestimabantur, pascua Barbati, cum octin- gentis varii generis pecoribus, redditus e testa- mento Petri Dileviti Archiepiscopi Spalaten- sis Ecclesiae S. Jacobi in urbe veteri relictis. Aedes etiam pontificales novo Episcopo jam e- rant paratae, quas aere proprio sumptuque An- tonius Paleich extruxerat. His ita constitutis anno 1504. de communi sententia omnium or- dinum civitatis in Episcopum elegerunt Mat- theum Maurum civem & Presbyterum Pagen- sem, virum insigni virtute, & doctrina pra- editum. Mihi sunt Venetias oratores, qui pe- terent a Duce & Senatu, vellet ac juberet Ve- netum apud Sedem Apostolicam Legatum sedulo curare, atque omnino efficere, ut Summus Pontifex tum institutionem Episcopatus Pagen- sis, tum vero electionem Matthaei Mauri ap- probaret, & confirmaret. Secundum postulata Pagensium factum est Senatusconsultum anno 1505. xiiii. Kalendas Januarias, scriptaque litterae Ducales, ac Romam missae ad Venetum oratorem. Sed tunc neutrum impetrari potuit; & Matthaeus Maurus vel hujus negotii longius protracti radio affectus, vel desperans de ap- probatione Pontificia, cui obstabat Archiepis- copus Jadrensis, suffragiis Pagensium in se col- latis ultro renunciavit.

Anno 1523. Hercules Missolus legatus, de oppido Pagi jure civitatis, & sede episcopali donando Romam venit; qui vota & postulata Pagensium ad Clementem VII. deferenda, Car- dinali Sanctorum Quatuor exposuit. Cardinalis re cum Pontifice communicata, Petrum Stel- lam qui sibi erat ab epistolis, jussit hoc res- ponsum Pagensibus reddere: *Spestabiles & or- natissimi viri, tamquam Patres carissimi salutem. Accedens ad urbem Hercules Missolus exposuit Reverendiss. Domino meo D. Cardinali Sanctorum Quatuor honestum ac pium desiderium vestrum, quod maxime cupere videmini concedi vobis ab hac Sancta Sede Apostolica, ut oppidum istud vestrum, quod benedicente Domino in laudabilem incolarum auctum est multitudinem, in civita- tem, & Ecclesia vestra collegiata in cathedra- lem erigantur; cui Reverendissima Dominatio sua respondit votum hujusmodi vestrum facile vos consequi posse duobus ad hoc concurrentibus ne- cessariis. In primis autem si Illustrissimi Domini Veneti consensum, deinde dotem, sive bonorum congruam assignationem annuam, & honestam ad minus 2000. ducatorum pro supportandis oneri- bus tali dignitati incumbendis, mensae episco- pali applicandam, in promptu haberetis. Mo- dum praeterea eidem Domino Herculi insinavit, quo posset expensas omnes pro dicta erectione fa- cienda necessarias intelligere, ut ad vos rediens possit de toto negotio vos plane facere certos. Cum autem idem Reverendissimus Dominus meus cognoscat intentionem vestram piam, & omni-*

Matthaeus Maurus Episcopus designatus.

Legatus Romam missa.

Respon- sum red- ditum ad volunta- tem Pagen- sium.

com-



commendatione fore prosequendam, eam ut ad optatum finem perducere valeatis, opem & operam suam vobis semper paratissimam, affectuosamque præstabit. Bene valete.

Roma ex Palat. Apost. die x. Decemb. 1523.  
Petrus Stella Doctor Protonotarius Apostolicus, & Reverendissimi D. Cardin. SS. Quatuor Secretarius.

Joannes  
Cassius  
nominatus  
Episc. &  
Venetias  
missus,

Hoc responso læti Pagenſes, cum proventus jam assignati mensæ episcopali prope abessent a summa nummum argenteorum per Cardinalem præscripta; minimeque dubitarent, quin facilem ab Senatu assensum impetraturi essent, anno 1526. Episcopum nominarunt Joannem Cassium patricium & Canonicum Pagenſem, qui apud universos civium ordines magna era in gratia & exultatione. Hunc ipsum Venetias oratorem miserunt, ut Episcopatus sibi collati approbationem ab Duce & Senatu impetraret. Extat epistola Andreæ Gritti Ducis Venetiarum inscripta Nob. & sap. viris Bartholomæo Pisauo de suo mandato Comiti Pagi, & successoribus suis fidelibus & dilectis &c. in hanc sententiam: Reverendum Presbyterum Joannem Cassium Communis Pagenſis oratorem venisse, qui civium illorum desideria & postulata exponeret; id eos ardentem cupere ac petere, ut sibi Episcopus proprius daretur, isque non alius esset, nisi ipsemet Cassius, vir omnibus illis virtutibus præditus, quæ dignitatem episcopalem maxime ornant, & ipsum ecclesiæ illi ac civitati utilem facere possunt. Postulationem Pagenſium honestam & laudabilem videri, ac plane dignam favore & patrocinio Senatus, qui quemadmodum ante aliquot annos Matthæum Maurum, sic etiam Joannem Cassium, per suum apud Sedem Apostolicam Legatum Summo Pontifici commendabit, ut ille Pagenſium petitioni satisfaciatur. Jubeat administrationem reddituum episcopaliū ipsimet Cassio tradi, ne quid de illis interea diminuatur, aut depereat. *Has autem litteras, inquit, præsentanti restituite. Dat. in nostro Ducali Palatio die 26. Novemb. MDXXVII.* Extat altera Andreæ Ducis epistola ad Venetum apud Sedem Apostolicam oratorem, cui causam Pagenſium & Joannis Cassii Episcopi electi magnopere commendat; iterumque tertia ejusdem ad eundem data 5. Novembris 1528. omni ope operaque enitatur, ut Pontifex Pagenſibus morem gerat, & novum Pagi Episcopatum instituat, eumque Joanni Cassio consecrat: id tum Duci ac Senatu gratissimum fore, tum vero ad divini cultus incrementum, & salutem animarum spectare: rem Cardinalibus, ac præsertim Cardinali Sanctorum Quatuor quam diligentissime commendat: hortetur Archiepiscopum Jaderensem, qui tum erat Romæ, postulatis Pagenſium ne obstat, quin potius faveat; honori futurum provinciæ & metropoli Jaderinæ novo illo Episcopatu augeri. Hanc epistolam Joanni Cassio perferendam dedit, qui Romam ire decreverat, ut suam ipse suorumque civium causam ageret. Sed cum Interamnâ pervenisset, letalem in morbum incidit, quo intra paucos dies extinctus est anno 1528. Ita mors Cassii tunc quidem spes & conatus Pagenſium frustrata est, præsertim repugnante tum Romæ, tum Venetiis Archiepiscopo Jaderensi. Post quinquennium nihilo legnius huic negotio insisterunt. Joannem Begnam, Presbyterum eximie doctrinæ & sanctimonie, Cassio subrogarunt anno 1534; eidemque omnes il-

dum Ro-  
mam per-  
venisset,  
Interamnâ  
morsit.

Joannes  
Begnam  
Episc.

los fundos ac proventus annuos, quos supra diximus, nominatim assignarunt; sed in eum incumbere voluerunt onus omnium impensarum, quas fieri necesse esset in diploma pontificium, quo collatum illi Sacerdotium confirmari oportebat. Sed hujus etiam electio frustra fuit, quamvis auctoritate & commendatione Senatus Veneri suffulta esset. Nec propterea desponderunt animos, aut spem obtinendi aliquando quod cupiebant, Pagenſes abjecerunt.

Nam anno 1544. Joannem Tavileum civem & Canonicum Sibenicensis, qui tum erat Romæ, nominaverunt Episcopum virum perspicue fidei, integritatis, & prudentiæ; modo ipse sumptus omnes faceret, qui vel ad diploma pontificium impetrandum, vel ad consecrationem suscipiendam, vel denique ad possessionem Sacerdotii sibi traditi adeundam necessariis forent: in idque ex formula juris fidem suam pro ipso obligarunt tres nobiles viri Sibenicensis: 1. Februarii anno 1546. Constituti in officio Cancellariæ D. Petrus Tavileo, & D. Franciscus Simeonich, & D. Jacobus Glicivich ejus gener, nobiles & habitatores Sibenici, & omni, quo potuerunt meliori modo fidejusserunt, & se obligarunt unusquisque eorum de per se, & in solidum pignus, fidejussores, & principales solutores pro Reverendo Domino Joanne Tavileo electo Episcopo Pagi, de ducatis 200. mittendis Romam eidem D. Joanni, causa mutui dandis, pro ejus inauguratione episcopali &c. promittentes &c. Sub idem tempus Joannes Romæ mortuus est; de cujus obitu cum nuntii venissent, statim nobiles novo Episcopo eligendo comitia convocarunt; & seculis suffragiis popularibus Episcopatum illum detulerunt Augustino Hermolao patricio Arbenſi, cui neque ætas erat, & scientia deesse videbatur ad munus episcopale sustinendum & gerendum idonea. Itaque huic electioni populus intercessit, suamque intercessionem per suos procuratores coram Prætoribus & magistratu Pagenſi interponi jussit: 4. Maji 1546. Coram Magnifico D. Comite & iudicibus, in officio Cancellariæ comparuerunt N. N. Procuratores popularium, & Universitatis hujus terræ Pagi, & fungentes officio suo; exposuerunt per illum spectabile Consilium nobilium terræ Pagi contra voluntatem totius Universitatis factam fuisse quandam electionem pro Episcopo novo Pagi, de quodam Augustino Hermolao Arbenſi, adolescentulo circa annorum 25., & non obstante, quod sit bonæ famæ, tamen persona secularis illitterata est, non sufficiens ad tale, & tantum officium, & onus, de quibus ante electionem factam, notificatum fuit spectabilibus Agentibus Communitatis; & de præsentanti reperiuntur diversi Prædicatores, Prælati, & Ecclesiastici, personæ apæ, & sufficientes ad pastorem, & episcopalem dignitatem prædictam mediante divino auxilio, requirentes electionem ipsam. Ideo contradixerunt ipsi electioni prædictæ non intendentes ullo modo succumbere expensis, neque contributioni introitus dicti Episcopatus, quousque non fuerit facta electio de aliqua persona ecclesiastica, quæ sciat definire inter lepram & lepram, prout sacra disponit Scriptura; & hoc omni meliori modo &c.

Joanni  
Tavileo  
Canonico  
Sibenicensis  
Pagenſis  
Episcopatum  
detulerunt.

Augustino  
Hermolao  
a nobilitate  
electo  
populus  
reclamavit.

Per annos fere quatuordecim nihil per Pagenſes actum, vel tentatum invenio, ut quem toties frustra elegerant, & summo opere expetierant ac postulaverant, Episcopum obtinerent. Anno 1560. rursus habita sunt comitia; & Episcop-

Nicolaus  
Meunus  
Subdiaconus  
Venerabilis  
tus nuntius  
aditus Ep.

episcopus Pagenſis nominatus eſt Nicolaus Meurſius Clericus & Subdiaconus Venerus; quam nominationem Dux & Senatus approbavit, & ſuam apud Sedem Apoſtolicam oratorem literis ad eum datis anno 1560. xvii. Kal. Septembris, juſſit omne ſtudium operamque adhibere, ut Pontifex tandem aliquando poſtulatſis Pagenſium obiequeretur. Inſulam illam atque oppidum ob frequentiam incolarum, eccleſiam illam ob inſigne Canonicoꝝ collegium ſede episcopali, & Nicolaum Meurſium ob ſingulares virtutes, quibus ornatus erat, Episcopatu dignum eſſe. Neutrum impetratum fuit, obſtante ſcilicet, & reclamante Martino Calino Archiepſcopo Jaderenſi. Hic quadammodo poſt neſcio quid juris episcopalis utrapace voluiſſe videtur in Archipreſbyterum, Capitulum, & clerum Pagenſem, quod privilegium illius eccleſiæ ex diplomate Martini V. repugnare videbatur. Tum Archipreſbyteri nomen ac munus gerebat Georgius Caravanichius, qui Romam profectus, Flavio Urſino Auditori generali cauſarum Curie apoſtolicæ ipſum autographum literarum Martini V. legendum, recognoscendum, examinandum tradidit; ſimulque oravit, ut ſecundum eas litteras ſibi, Capitulum, & clero Pagenſi pro ſua æquitate judicium redderet. Ille quos Archipreſbyter litteris pontificis, & eccleſiæ ſuæ privilegiis advertari dixerat, ad ſuam tribunal citari juſſit, ut per ſe ipſi, vel per ſuos procuratores exponerent ſi quid argumenti haberent, quo vel diploma illud falſum, aut ſurripiſſimum eſſe oſtenderent, vel ejus auctoritatem probabili aliqua interpretatione eludere poſſent. Hi ad diem dictam non adſuerunt; eoſque Flavio Urſino, rogatu Archipreſbyteri, contumaces declaravit.

Flavio Urſino re-  
cognovit &  
approbavit  
Prole-  
gium Mar-  
tini V.  
conceſſum  
Eccleſiæ  
Pagenſi.

In Chriſti nomine, & Sanctæ & individue Trinitatis Patris, & Filii, & Spiritus Sancti. Amen. Noverint univerſi, & ſinguli hoc præſens tranſumpti publicum inſtrumentum inſpecturi, lecturi, & audienti, quod nos Flavio Urſino Di & Apoſtolicæ Sedis gratia Episcopus Moranus, Sanctiſſimi Domini noſtri Papæ Camerarius, nec non Curie cauſarum Camera apoſtolicæ generalis Auditor, Romanæque Curie judex ordinarius, ſententiarum quoque & cenſurarum in eadem Romana Curia, & extra, ac quarumcumque literarum apoſtolicarum univerſalis, & novus executor, ad venerandi viri Domini Georgii Caravanich Archipreſbyteri B. Mariæ principalis inſtantiam, & requiſitionem, omnes & ſingulos ſua communiter, vel diſſimiliter intereſſe putantes, eorumque Procuratores, ſi qui tunc erunt, in Romana Curia pro iſdem ad dicendum contra aſſumptum ex regiſtro Bullarum ſelicis recordationis Martini Papæ quinti, privilegiorum conceſſorum Archipreſbytero & Canonicis Eccleſiæ B. Mariæ, ad videndum illud tranſumptum & decretum, . . . . . ad dicendum, & cauſam, ſi quam habeant rationabilem, quare præmiſſa fieri non debeant, allegandum, pro audientia literarum contradicſtarum Sanctiſſimi D. N. Papæ citari fecimus & mandavimus ad certum perentorium terminum competentem, videlicet ad diem & horam inſcriptos; quibus advenientibus comparuit in judicio legitime coram nobis item venerandus vir D. Georgius Caravanich principalis principaliter pro ſe ipſo, citra tamen quorumcumque procuratorum ſuorum per eum hætenus quomodolibet conſtitutorum revocationem, & certas litteras citatorias in dicta audientia, no-

ſtro de mandato executas reportavit, citatorumque in eiſdem contentorum non comparentium contumaciam accuſavit, ipſosque contumaces reputari; & in eorum contumaciam, ſupradictum ſumptum ad manus noſtras recipimus, vidimus, legimus, tenuimus, palpavimus, & diligenter inſpeximus, ſanumque, integrum, & illæſum, ac omni proſus vicio, & ſuſpitione carere reperimus, ipſum ulterius ad prædicti venerandi viri Georgii Caravanich Archipreſbyteri Eccleſiæ prædictæ inſtantiam ulteriorem, per diſcretum virum D. Fabricium Galeum dictæ Curie cauſarum Camera apoſtolicæ Notarium prædictum inſcriptum tranſumi, & exemplari, ac in publicam tranſumpti formam redigi fecimus & mandavimus, noſtram & dictæ Curie auctoritatem judicariam, & ordinariam interpoſuimus, ac præſentibus interpoſitis pariter & decretis; tenor vero dicti tranſumpti, unde ſupra fit mentio, ſequitur, & eſt talis, videlicet: Martinus Episcopus ſervus ſervorum Dei &c. (hic inferunt ſunt litteræ Martini V., quas ſupra deſcripſimus.)

Pontificatus Sanctiſſimi in Chriſto Patris, & Domini noſtri D. Pii divina providentia PP. IV. anno iv. (idelt 1564.) tranſumi & exemplari, ac in publicam formam redigi, noſtramque & dictæ Curie auctoritatem judicariam & ordinariam pariter, & deſum interponi, nos inſtanter poſtulavit. Nos autem Flavio Urſino Auditor & judex præſatus dictos citatos non comparentes reputavimus, merito ita exigente, contumaces, & in eorum contumaciam ſupradictum tranſumptum approbamus &c. &c.

Sub initium ſæculi ſuperioris Victor Ragazonus Archiepiscopus Jaderenſis veritus ne Pagenſes, quod jamdudum optabant, neque unquam moliri & conari deſiderant, tandem aliquando allequerentur, totamque illam inſulam ab diœceſi, ejusque decimas a ſeſe episcopali Jaderſina diſtraherent; ſive ex animo, ſive ſiſte ac ſimulate, ne quid ultra molirentur, hoc illis propoſuit, ut, quando in ſuſcepta ſententia & voluntate perſtabant, novum Episcopatum, quem inſtitui ceperant, ſibi diſcretem curarent: ita fieri, ut æque Pagenſis, & Jaderſina Eccleſia jure ac dignitate episcopali prædita eſſet, quavis hæc illi metropolitica poteſtate præſtaret; ipſeque duplicem titulum episcopalem gereret, alterum ab Jaderſi, alterum a Pagenſi Eccleſia deſumptum: duo illis promiſſa fecit, alterum quidem ſe Pagi ſex ipſos anni moſes commemoraturum, alterum vero Archipreſbyterum S. Mariæ ab ſe conſtitutum iri adiutorem muneris episcopalis, qui dum ipſe abeſſet, Episcopi vice fungeretur. Hæc propoſitio, etque adjecta promiſſio Pagenſibus mirum in modum placuit; & ſibi patriæque gratulabantur, quod talis ac tantus Archiepiscopus futurus eſſet primus, qui novam ſedem episcopalem ſuo nomine, ſua dignitate, ſuique virtutibus decoraret. Itaque de communi conſilio Venetias niſerunt, qui Ducem & Senatum orarent, ut quæ inter Pagenſes & Archiepiscopum convenerant, rata eſſe veller ac juberet, ſimulque a Summo Pontifice approbanda curaret. Sed ne rem quidem exitum, quem optabant, ipſe & conſilia Pagenſium habuerunt. Verum cupiditas proprii Episcopi nanciſcendi, quavis toties ſuſtrata, tamen animis Pagenſium altius hærebat, quam ut inani tot curarum, moliminum, legationum eventu,

Conventio  
inter Ar-  
chiep. Ja-  
derenſem & Pa-  
genſes.

ac


ac semper in irritum cadentis spei dolore, unquam evelli potuerit.

Alii conatus Pagensium pro Episcopo impetrando, usque ad ad. hujus sæculi xv.

Sæculo superiori eundem lapidem sæpe moverunt; sed nihilo felicius. Oratores Venetias de Pagensi Episcopatu fundando sæpius missos invenio, præsertim his annis 1627., 1641., 1668.; anno autem 72. ejusdem sæculi annuos proventus mensæ episcopalis duodeviginti modis salis augendos esse decreverunt. Anno autem quarto hujus sæculi vergentis pro Episcopo impetrando alia legatio ad Ducem & Senatum decreta fuit. Demum anno circiter 1715. Archipresbyter, Primicerius, Capitulum, populus, nobiles, cives oppidi atque insula Pagi litteras supplices ad Clementem XI. miserunt, quæ brevi ac dilucida expositione continent summam rerum omnium jam inde ab anno 1470. gestarum, ut sedem episcopalem suæ patriæ ecclesiæque impetrarent: quod frustra ad eam diem expetierant, & speraverant, id sibi a clementia & benignitate Clementis XI. Pont. Opt. concessum iri se confidere. Nondum vota Pagensium & desideria deferbuerunt; sed adhuc obscura spe & incerta expectatione pendunt.

Sunt autem hi nominati a Pagensibus, electique Episcopi:

- An. 1393. Stephanus Bermez Presbyter Pagensis. Episcopi Pagenses designati.
1480. Christophorus Presbyter Arbenfis.
1504. Matthæus Maurus civis & Presbyter Pagensis.
1526. Joannes Cassius civis & Canonicus Pagensis.
1534. Joannes Begna Presbyter.
1544. Joannes Tavileus Canonicus Sibenicensis.
1546. Augustinus Hermolaus patricius Arbenfis.
1560. Nicolaus Meursius Clericus, & Subdiaconus Venetus.



# EPISCOPI SUFFRAGANEI METROPOLIS JADER TINÆ.

## EPISCOPI ABSORENSES.

Abforus  
insula va-  
rie appel-  
lata.



Insula est in Sinu Flanatico, circuitus non exigui, quam Scylax *Absyrtim*, Plinius *Absyrtium*, Pomponius Mela, & Ptolemæus *Abforon*, vel *Apforon*, Porphyrogenitus *Opfaram*, Juniores *Auferam*, sive *Auxerum* vocant. Veteres in eo maris tractu duas, aut plures etiam, insulas constituunt, quas *Absyrtides* dicunt, nomen mutatas a fratre Medæ Absyrto, quem, cum sororem ab Jasone raptam persequens affecutus esset, apud hæc insulas interfectum, & sepultum tradunt, ut pluribus dictum est Tomo I. p. 2. cap. VII. §. 1. *De Insulis Japydicis*. Itaque Abforus una est ex insulis Absyrtidibus, cui proxime adjacet altera brevissimo Euripo dirempta, quam Mela *Absyrtim*, Plinius *Crexam*, nunc *Chersum* appellant. Utraque ad diocesim Ecclesiæ Absorensis pertinet. Ptolemæus e duabus unam effecit insulam, quam Abforon vocat; eique duas civitates attribuit *Apforum*, & *Crepsam*. Abforus insula objacet Crexæ, nunc Cherso, ad meridiem, quacum jungitur ponte versatili, quem sustollunt, ut naves erectis etiam antennis per angustas interfluentis æstuarii fauces ultro citroque transire possint; plus dimidio minor est, quam Crexa, & vicis, quam oppidis frequentior. Civitas episcopalis ac princeps totius insulæ, ejusdemque cognominis, Abforus est, quam Ptolemæus mutatione unius, & alterius additione *Apforum* vocat. Exigua est, & propter cælum insalubre ab incolis infrequens; sed mœnibus antiqui operis cincta, & publicis ædificiis ornata, duplici portu instructa, utroque fere in meridiem obverso. Quamvis autem Abforus civitas ultra fretum, quod insulam utramque dirimit, in extrema alterius regione posita sit, ad hanc tamen insulam pertinet, unde nomen accepit. Hic ædes cathedralis cum antiquo, & perinsigni Canonicorum collegio, hic palatium prætorium, hic sedes ac domicilium Episcopi, qui tamen æstivo tempore, ad declinandos noxii aeris afflatus, alias in urbe Chersi, alias Losinii habitat. Urbs quippe obnoxia est cælo admodum gravi & insalubri, sive quod e crebris æstuariis terra valde palustris est & uliginosa, sive quod mons Abforus, citra fretum e regione assurgens in altitudinem prope immensam, salubrioribus ventis, ac præsertim meridianis aditum intercludat; hinc, ut dixi, incolarum mira paucitas. Olim hæc civitas latius exposita erat; sed deinde propter infrequentiam civium breviori murorum ambitu ita contracta est, ut novis mœnibus veterem ædem cathedralem excludi oportuerit. In hac insula duo sunt celebriora oppida cognomina; alterum vocant *Losinium* magnum, quod prope a mari spectat in solem orientem, & frequentissime habitatur; alterum

Losinium parvum in adversa occidentali regione apud Sinum maritimum, quem tellus brachijs quodammodo arcuatis complectitur. Is insulæ portus est, opportuno inprimis & egregio situ, qui navibus quantalibet magnitudinis facile ingressum, ac tutam stationem præbet.

Alterâ insula olim Crexa, nunc Chersum, a septentrione in meridiem multo longius, quam latius protenditur. In eo latere, quod respicit occalum, civitas est, quam Ptolemæus Crepsam nuncupavit, *Chersum* communi totius insulæ vocabulo nunc appellant; tectis atque incolis frequens, eique subest amplissimus portus, quem Vallem indigenæ vocant, onerariis multis, & cujusque magnitudinis, excipiendis tuendisque peridoneus; ceterum tota insula portuosa est, & nautis undique stationes satis tutas & capaces aperit. Pars superior ad septentrionem vicis pluribus habitatur, non item inferior ad meridiem, quæ montuosior est, atque asperior. Duo sunt castella natura, quam arte, munitiora, alterum in angulo insulæ fere summo ad boream, quod *Capisulum*, sive Caput insulæ nominabatur, nunc corrupto vocabulo *Caiole* dicitur; alterum in latere occidentali infra Chersum, cui nomen est *Labenizze*, & littori ex edito præruptoque monte imminet. Mellis optimi copiam magnam hæc insula suppeditat: olivetis & vineis confita est, unde incolæ uberimos proventus capiunt. Utraque vero insula pecorosa est, & pascuorum ferax; silvas cæduas quamplurimas habet, e quibus ingens ad comburendum materia suppetit, quam ratibus impositam magna ex parte Venetias convehunt.

Has duas insulas, uti ceteras, cum Dalmatia universa, primum Romani post conditam monarchiam, deinde Græci Imperatores sub potestate habuerunt. Sæculo undecimo ineunte utraque Venetorum imperium subiit; postea modo iterum a Græcis, modo a Venetis, modo ab Hungaris leges accepit; tandem sub initium sæculi decimi quinti perpetua, & constanti fide Venetis adhæsit. Suos utraque magistratus & judices habet, quibus auctoritate & imperio præest Comes sive Rector utriusque insulæ, ab Senatu e patricia nobilitate delectus, & Prætoris pariter, ac Præfecti titulo insignitus.

Ut alii Dalmatiæ populi, sic Absorenses, & Chersenses Christianæ religionis primordia viris ac temporibus Apostolicis accepta referunt. Hos siquidem cum ceteris Dalmatis per Evangelium Christo genuit B. Dominus discipulus S. Petri, vel per se ipse, vel per alumnos suæ disciplinæ illuc evangelizandi causa missos, quem universa Ecclesia Dalmatica parentem agnoscit ac veneratur. Sed initia Episcopatus Absorensis perantiqua quidem, sed ignota sunt. Sunt qui ea repetenda censent ab anno 532. & a secundo Concilio provinciali Salonitano, quod

Chersum insula ac civitatis descriptio.

Urbis Absori positio & descriptio.

Varii pro temporum varietate Domini utriusque insula.

Utraque a principio Christiani nominis lucem Evangelii accepit.

quod Honorius III. Metropolitā convocavit. In eo tres Episcopatus instituti sunt, quibus aucta est provincia Salonitana, *Sarsenterensis*, *Muccurensis*, *Ludroensis*; Sarsenterensem vero eundem esse putant atque Absorensem, sic appellatum vel ex depravatione vocabuli, vel ex eo quod primum sedes episcopalis constituta fuerit in insula *Sansego*; tunc *Sarsentero*; inde postea Absorum translata. Primus autem Episcopus in eodem Concilio renunciatus fuit *Paulinus Presbyter*. Paullino subjungunt *Aaronem*, qui anno 579. Synodo Gradeni sub Hella Patriarcha interfuisse dicitur, & *Episcopus S. Ecclesie Avontiensis* vocatur. Sed quomodo hic e Gradeni ad provinciam Salonitanam, & Ecclesiam Absorensem trahi possit, non intelligo. *Constantium* tertium Episcopum Absorensem, quem cum Episcopis Istriæ ad Synodum Aquilejensem nescio quam convenisse ajunt, unde acceperint nescio. Anno 787. Concilio Nicæno secundo *Ursus Avartianensis Episcopus* interfuit; hunc quoque catalogo Antistitum Absorensem interfuerunt; malim *Laurentium Episcopum Absartianensem*, qui pariter inter Episcopos ejusdem septimæ Synodi annumeratur; propius enim ad similitudinem vocabuli Absorensem accedit. His itaque quatuor Episcopis prætermis, quorum sedes episcopalis ubi & quænam fuerit, incertum est; primus Absorensem Episcopus, de quo nulla potest esse dubitatio, cujusque nomen oblivioni præreptum vetera monumenta conservant, est *Dominicus*, ad quem extat epistola Joannis VIII. Pontificis anno 879. vii. Id. Junii scripta. Verum series episcopalis plurium annorum intervallo sæpe interrupta est; nec vero nisi a sæculo decimo quinto integra prorsus, continuata, nullisque lacunis intercisa ad nostram usque ætatem deduci potest. Ceterum ab undecimo sæculo usque ad decimum quintum, Episcopi non ita multi desiderantur ad eandem seriem explendam.

Quatuor Episcopi antiquissimi, de quibus dubitari potest an pertineant ad Ecclesiam Absorensem.

Ades antiqua cathedralis hunc extra urbem.

Novæ autem longe augustioris descriptionis.

Adhuc extat ædes cathedralis primæva extra urbem, vetustæ formæ & structuræ, cui ab S. Maria titulus est; in eaque visitur sedes episcopalis marmorea, opere antiquo & vulgari, parietis adhærens. Hujus prisca dignitas, ac debitus eidem honos ne penitus obsoleat, statim cujusque anni diebus, præsertim *Deiparæ Virginis* consecratis, Canonici & clerus inferior illuc se conferunt, ibique consueta & publica religionis officia concelebrant. Nunc vero in urbe fere media templum ingens, augustum, & longe pulcherrimum assurgit, multorum annorum labore sumptuque extructum, vel in hac tanta, quæ nunc ubique visitur, sacrorum ædificiorum magnificentia, & elegantia, conspiciendum. Decem columnæ sublimes e solido marmore, quinæ hinc, & illinc e regione inter se collocatæ, tectum concameratum sustinent, cui subest area intermedia longius, quam latius explicata: huic duo hinc atque hinc adjecta spatia, cum quinis sacellis minoribus, quæ intercolumniis utrinque respondent. Pavimentum lapidibus quadratis & versicoloribus constitutum est. In summo capite totius basilicæ elato vertice consurgit Altare maximum ex vario & multiplici marmore, eximio elegantique opere constructum. Inscrita est tabula egregie picta, quæ superne effigiem B. Mariæ, infra S. Nicolaum urbis Patronum, primum ad dexteram, S. Gaudentium Episcopum, itidem *Illyrici Sacri Tom. V.*

que Patronum civitatis, ad lavam repræsentat. Mensæ altaris superimposita est introrsum arca pretiosis, & selectis marmoribus, cælatisque operibus, & summo artificio facta, in qua Corpus S. Gaudentii, medium inter alia sacra lippiana includitur; ut monet inscriptio aureis litteris incisa: *Corpus S. Gaudentii Episcopi Auxerensis. Reliquiæ SS. Martyrum*. Facies templi tota constat e quadratis lapidibus. Summo fastigio insidet Servator generis humani Christus Dominus; eique adstant loco inferiori, & æquali utrimque spatio disjuncti, S. Nicolaus, & S. Gaudentius, alter a dextro, alter ab latere sinistro. Pars externa superior strata est tegulis lapideis, ita inter se apte conjunctis, ut ne rimulam quidem stillicidiis relinquant. Hæc nova ædes cathedralis consecrata fuit nomine S. Nicolai, antiqui & primarii Absorensem Patroni, cujus diem festum ab omnibus operibus servilibus feriat, ritu ac religione solemniter concelebrant; sed vulgus priscae cathedralis ædis titulum, ab S. Maria inditum, constantissime retinuit.

Corpus S. Gaudentii in altari maximo.

Capitulum constat e Canonicis octo, quorum tres reliquis dignitate præstant, Archidiaconus, Archipresbyter, Primicerius; jus eligendi Archidiaconum est penes Sedem Apostolicam; ceterorum electionem sibi vindicant Pontifex & Episcopus, mensibus emortualibus Canonorum ita inter se divisus, ut octo menses pontificis, quatuor episcopali nominationi tribuantur. E Canonicis unus Theologi munere fungitur, & pensione gaudet. Nullus est qui Pœnitentiarii locum teneat. Quatuor sunt Sacerdotes chori adjutores, quos Episcopus deligit, itemque quatuor clerici rerum sacrarum administrati. Proventus ecclesiastici potissimum constant e decimis, quæ juxta præscriptum sacrorum Canonum quadripartito distribuuntur; pars una ad Episcopum, altera ad Capitulum & clerus inferiorem pertinet; tertia in pauperes erogatur, quarta demum in sartatecta ædis cathedralis tuenda impenditur. Ceterum non desunt alii fundi ecclesiastici, unde episcopali & capitulari mensæ annui proventus suppeditant. Canonici singuli octogenos argenteos, Archidiaconus, Archipresbyter, & Primicerius aliquanto plus percipiunt. Unus est Parochus, itque Archipresbyter, Christianæ plebi præpositus, qui tum in civitate, tum in suburbio curam animarum gerit.

Capitulum & clerus ædis cathedralis.

Templum primum Crepsæ, sive Chersi titulo ac patrocinio subest S. Mariæ ad Nives, habetque insigne collegium Canonorum omnino decem, quibus præsidet Parochus, sive Plebanus totius civitatis, jusque hujus eligendi penes Commune Crepsentium, confirmandi facultas penes Episcopum est. Tota diocesis Absorenensis e duabus potissimum insulis constata est, Absoro & Crexa, quibus adjicias velim aliquot scopulos, qui circumjacent, sive insulas exiguas, raris admodum locis habitatas. Sunt autem hæ præcipuæ, *Lerrera*, *Unie*, utraque *Canidula* magna & parva, quæ fere obiacent ab occasu, *Sansego*, & *S. Petrus de Nimbis*, seu *de Neunis* ad meridiem. Quatuor sunt majores ecclesiæ, quas *Plebes* vocant, duæ in Crexensi insula, videlicet una in castro, quod *Caiele*, seu Caput insulæ dicitur, altera in castello *Lukenzze*; utraque ab S. Maria cognominatur; duæ itidem in Absorensi insula, *Lofinium* magnum S. Antonii Abbatis, & *Lofi-*

Templum primum Chersi.

Diocesis Absorenensis.



*Lezinum* parvum S. Martini Episcopi titulo insignitum. Ecclesie vero minores, quos vocant Curatas, in universa diocesi sunt omnino duodecim. Extra utramque civitatem Absori & Crepsæ, ubique ad psalmodiam, & liturgiam, præterquam in Ecclesia *Lubenizze*, sermo Slavonicus adhibetur. Nullæ sunt ecclesie, seu paræciæ ritus Græcanici. Olim duo erant in urbe cœnobium Ordinis Benedictini, alterum virorum a S. Petro, alterum feminarum a S. Maria Gratiarum, sive ab Angelis cognominatum. Primum jampridem a monachis desertum in jus titulumque Commendæ migravit; secundum etiamnum extat. Sed Virgines illæ Benedictinum cum Franciscano instituto commutarunt. Hæ vero cum ad summam paucitatem redactæ fuissent; duæ vel tres, quæ supererant, in alterum ejusdem Franciscani Ordinis cœnobium Spalatense, aut Jadrense, permissu Sedis Apostolicæ ac Veneti Senatus haud ita pridem emigrarunt; & domicilium ab illis relictum ad clericorum Seminarium instituendum Episcopus destinaverat. Ab urbe Absoro millia passuum circiter duo in ortum distat pagus Neresine, fere adjacens mari, ubi extat cœnobium Franciscanorum disciplinæ severioris. Huc ajunt S. Franciscum appulisse, cum martyrii cupiditate incensus ex Italia in Syriam ire decrevisset, & hunc primum Dalmatiæ locum sanctissimi illius Patriarchæ vestigiis impressum ac nobilitatum fuisse. Pia posteritas, ut talis ac tanti hospitis adventum ad immortalen religionem, atque memoriam sempiternam consecraret, cœnobium alumnis Instituti Franciscani ibidem fundavit. Est itidem templum S. Mariæ in Viaro & domicilium tertii Ordinis Franciscani propè urbem fere ad meridiem, situm in ora maritima, quod sex Fratres incolunt, atque ut ceteri omnes ejusdem Ordinis sodales in Dalmatia, sic hi quoque ad psalmodiam & rem divinam peragendam Slavonico sermone utuntur.

Duo Chersæ cœnobia.

Sunt etiam in diocesi alia conventicula, cœtusque hominum ac feminarum, disciplinæ religiois vinculo ac jure sociati. Chersæ sive Crepsæ sæculo decimo quinto Patribus Franciscanis, quos Conventuales vocant, extructum fuit attributumque cœnobium ac templum S. Patris Francisci titulo ac religione consecratum. Nul- lum est in Dalmatia frequentius, quam Crepsense, seu Chersense collegium sacrarum Virginum, quæ colunt disciplinam S. Benedicti. Earum nullus erat numerus antea definitus. Joannes de Rubis Episcopus decrevit, ne tricessimum numerum excederent. In hac insula duo sunt cœnobium tertii Ordinis Franciscani, unum S. Nicolai contra Istriam situm, in loco cui nomen est *Faresine*, quod ab urbe abest passuum millia fere quindecim; alterum S. Martini de Valle affidens ad Sinum maritimum, quem efficit mare introrsum influens inter duas illas urbes Crepsam & Absorum, hinc octo, illinc tredecim milliaribus distans. Duo hinc atque hinc scopuli sive insulæ parvæ Absorensi insulæ adjacent a meridie, *Sanfegus* ubi pervertitum erat cœnobium Benedictinum S. Michaelis, præalti collis verticem insidens; & *S. Petrus de Nimbis*, ubi hospitium habebant monachi Benedictini ejusdem insulæ Sanfegi, quod postea traditum fuit Patribus S. Francisci; nunc tantummodo ex Franciscana familia ibi habitat, & Parochi munere fungitur. Uterque scopulus cum aliis minoribus vel adjacentibus,

Cœnobium Benedictinum vetus in insula Sanfego.

vel interjectis ad diocesim Episcopi Absorensis pertinet. Nunc describenda est series Antistitum Absorensium, quamvis iterum ac sæpius, ut dixi, plurium, vel paucorum annorum hiatu interrupta.

- I. Dominicus an. circiter 870.
- II. Martinus an. cir. 1000.
- III. S. Gaudentius an. cir. 1030.
- IV. Laurentius an. 1042.
- V. Petrus an. 1060.
- VI. Basilus an. 1069.
- VII. Guillelmus an. cir. 1100.
- VIII. Petrus II. an. cir. 1110.
- IX. Petrus III. an. cir. 1141.
- X. Lanfredius an. 1179.
- XI. Cosmus an. 1197.
- XII. Albertus an. 1224.
- XIII. G. an. 1240.
- XIV. Michael an. 1290.
- XV. Angelus an. 1300.
- XVI. Bonifacius an. 1315.
- XVII. Guillelmus II. an. 1325.
- XVIII. Cyprianus an. cir. 1335.
- XIX. Bonifacius II. an. cir. 1350.
- XX. Michael II. an. 1363.
- XXI. Thomas an. cir. 1390.
- XXII. Paëtius an. cir. 1400.
- XXIII. Maurus an. cir. 1405.
- XXIV. Isidorus an. 1410.
- XXV. Vitus an. 1412.
- XXVI. Petrus IV. an. cir. 1430.
- XXVII. Simon an. 1445.
- XXVIII. N. N. an. 1459.
- XXIX. Andreas an. 1463.
- XXX. Antonius an. cir. 1464.
- XXXI. Marcus an. cir. 1474.
- XXXII. Joannes an. 1486.
- XXXIII. Andreas II. an. cir. 1500.
- XXXIV. Joannes Baptista an. 1514.
- XXXV. Andreas III. an. 1517.
- XXXVI. Antonius II. an. 1533.
- XXXVII. Marcus Fidelis an. 1553.
- XXXVIII. Coriolanus an. 1575.
- XXXIX. Octavianus an. 1614.
- XL. M. Antonius an. 1634.
- XLI. Joannes II. an. 1653.
- XLII. Matthæus an. 1667.
- XLIII. Simon II. an. 1673.
- XLIV. Nicolaus an. 1720.
- XLV. Joannes III. an. 1739.
- XLVI. Matthæus II. an. 1743.
- XLVII. Nicolaus II. an. 1745.
- XLVIII. Bonaventura an. 1757.

#### DOMINICUS EP. ABSORENSIS I.

Ante hunc habeo neminem, cujus proferre possim, quamvis hujus ætate longe antiquior sit sedes episcopalis Absorensis. Pontificatum gessit temporibus illis tristissimis, & atro lapillo signandis, cum Georgius Metropolitæ, & Episcopi omnes provinciæ Spalatensis, cum universis Dalmatis, Chrobatibus, & Serblis impulsu Basilii Imperatoris, & Photii Patriarchæ acerrimi Latinorum hostis, a Romano ad Patriarchatum Constantinopolitanum anno circiter 879. defecerunt; de qua schismatica defectione satis dictum est in eodem Georgio, & in Marino Archiepiscopis Spalatensibus, itemque in Theodosio Episcopo Nonensi. Et Chrobati quidem, auctore Theodosio Nonensium Episcopo, & Bra-

Dominicus primus Episcopus Absorensis, cujus nomen extat.

Schisma Dalmaticum & Chrobaticum.

Epistola  
Joannis  
VIII. ad  
Dominicum.

Branimiro Duce Chrobatum, brevi redierunt in sinum Ecclesiæ Romanæ, quos Joannes Papa VIII. tanquam filios profugos paterna charitate in suam gratiam, & clientelam S. Petri recepit; eorumque poenitentiam ac reversionem collaudat, eosque hortatur, ut in fide & obsequio constanter perseverent, trinis litteris ad Theodosium, ad Branimirum, ad Sacerdotes, & populum Chrobatæ, datis anno 879. vii. Id. Junii, quas in eodem Theodosio descriptimus. Sed Dalmatæ cum suis Episcopis adhuc in sua ab Romano Patriarcha defectione permanebant; & post obitum Georgii Metropolitæ Marinum elegerant, cujus confirmandi & consecrandi potestas ex antiqua consuetudine ad Pontificem Romanum pertinebat. Joannes igitur epistolam scripsit, generatim quidem ad omnes Dalmatas utriusque ordinis ecclesiastici laicique, nominatim vero ad Vitalem Jadertinum, & Dominicum Absorem Episcopos, itemque ad Joannem Archipresbyterum Ecclesiæ Salonitanæ sive Spalatenis; quos paterna benevolentia adhortatur, ut majorum suorum instituta retineant, exempla imitentur, atque ad Ecclesiam Romanam, a qua Dalmatæ Christianæ religionis lumen ac disciplinam acceperant, Christoque geniti fuerant, tamquam ad optimam matrem redire festinent; neve patiantur Marinum electum Archiepiscopum aliunde, quam a Pontifice Romano consecrationem & pallium petere; nisi suis admonitionibus paruerint, noverint se ab ecclesiastica communione, & Christianorum cœtu segregandos esse. Hanc epistolam tertio die, quam superiores ad Chrobatos dederat, scilicet iv. Idus Junii scripsit. Inscripta autem est *Reverendissimis, & sanctissimis Episcopis Vitali Adrensi (idest Jadrensi) Dominico Absorensi, ceterisque Episcopis Dalmaticis, seu Joanni Archipresbytero sanctæ Sedis Salonitanæ, omnibusque Sacerdotibus, & senioribus populi habitatoribus Spalatenis civitatis, atque Zadarenis, ceterarumque civitatum.* Habes hanc epistolam in actis tum Marini Metropolitæ Spalatenis, tum Vitalis Episcopi Jadertini.

Quamvis non statim Dalmatæ resipuerint; anno tamen 880., ut alio loco dictum est, post cognitam scilicet Photii malitiam & perfidiam, retulerunt se ad pristinam erga Patriarcham Romanum obedientiam; nec dubitari potest, quin Dominicus quoque Episcopus Absorem cum suo clero populoque debita submissionis, atque obedientiæ adversus Sedem Apostolicam officia præstiterit. Post mortem Dominici usque ad initium sæculi undecimi, de Episcopis & Ecclesia Absorensi, ne litteram quidem, nedum nomen, & rerum gestarum seriem, in antiquis monumentis invenio.

#### MARTINUS EP. ABSORENSIS II.

Hic Petrum II. Urseolum Ducem Venetorum sæculo undecimo ineunte, obviam progressus cum clero, magistratu, & populo, perhonorifice excepit. Petrus siquidem accersitu Dalmatarum, qui adversus Chrobatos & Narentanos piratas sibi suisque insulis ac civitatibus infestos, auxilium implorantes, in Venetorum fidem ac clientelam se contulerant, valida ingentique classe instructa ad eam insulam appulit, & exscensu e navibus in terram facto, Auxeri, sive Abfori in urbe totius insulæ primæ Illyrici Sacri Tom. V.

Martinus  
Ep. Absorensis  
Petrus  
Urseolum  
Ducem  
Venetorum  
excepit.

ria aliquot dies commoratus est, ubi fœderatos populos, qui tum primum Imperio Veneto se voluntaria deditione subdiderant, solemni jurjurando sibi obstrinxit. De Petri adventu ad insulam Auxerensem hæc breviter Petrus Dandulus in Chronico: *Dux deinde vastum velificando aquor... Auxerensem ad urbem delati sunt, ubi non modo cives, verum omnes de finitimis tam Romanorum, quam Sclavorum castellis convenientes, hospitii adventum se prævenisse gaudebant; & sacramentis ab omnibus peractis, sub illius Principis potestate manere decreverunt. Hoc peracto, & sacrum diem Pentecostes celebrantes prædicto Principi laudis modulamina decantare. Tunc omnibus, quibus ætatis plenitudo aderat, secum venire jussit, & acceptis stipendiis dispositum iter continuare decreverunt.* Nullum quidem urbis Episcopum Dandulus tunc nominavit; sed cum Martini Auxerensis Episcopi mentionem fecerit in Ottone, qui parenti in Principatum successit; hunc fuisse arbitror, qui ante aliquot annos hanc Ecclesiam regebat, cum Petrus Urseolus illuc classem applicuit, jussitque incolæ, ac ceteros populos, qui eo convenerant, in leges Venetorum jurare. Anno igitur 1018., cum Cresimirus III. rex Chrobatæ Jadrentem agrum aliasque maritimas oras Venetæ ditionis, excursionibus & latrociniiis infestas haberet; Otto Petri Urseoli filius, Dux Venetorum cum armatis navigiis progressus, terrorem fugamque hostibus iniecit, & urbes illas atque insulas periculo metuque omni liberavit. Tum civium atque incolarum fidem novo sacramento obstrinxit & confirmavit; ac de annuo tributo solvendo, cum tribus aliis Episcopis, & primoribus populi & cleri, Martinus Auxerensis Antistes sponsionem fecit. Nono Ducis anno (idest 1018. æræ vulgaris) Cresimirus Croatorum Præfides regionem Jadram, & alias maritimas Dalmatiæ quotidianis incursionibus inquietat. A quibus Dux requisitus cum solo exiit, & civitates tutavit, hostes in fugam vertit, & cives illarum in sua fidelitate, & obedientia solidavit. Et rediens a Vitale Episcopo Veglensi & Maio Episcopo Arhensi, & Martino Episcopo Auxerensi, & ab universo clero, prioribus, & populo distarum insularum, de tributo sibi, & successoribus suis annuatim in perpetuum solvendo sponsionem suscepit. De Martino Absorensi Episcopo nihil scriptum est in Tabulis Dalmaticis; cujus ne nomen quidem cognitum esset, nisi Chronico Andree Danduli nobis innotuisset. Huic autem, nisi si quis alius interjectus fuerit, proxime successit.

#### S. GAUDENTIUS EP. ABSORENSIS III.

Æqualis S. Petro Damiano, qui testimonium eximie sanctitatis illi tribuit; & cum eundem modo Petrum, modo Gaudentium vocet, id argumento esse potest nomen ei Petro, cognomen Gaudentio fuisse. Cum temporibus illis familia Gaudia, sive Gaudentia generis nobilitate, & divitiarum copia Spalati floreret, opinari licet ex ea Gaudentium nostrum ortum, & patria Spalatensem fuisse. De vita ejus & virtutibus ante susceptum Episcopatum nihil memoriar, aut litteris proditum est. Vitam ejusdem in Episcopatu, ac postea in solitudine monachali transactam, omnibus sanctimoniarum insignem, monachus quidam S. Mariæ Porcus

S. Gaudentius Ep. Absorensis floruit sæculo undecimo.

Ejus vitam  
descripsit  
Monachus  
synchronus  
& familia-  
ris.

Novi prope Anconam synchronus & familiaris ipsius Gaudentii conscripsit. Ratio scribendi, proœmium longiusculum, & nominum quorundam ineptæ interpretationes, quas respuunt delicatæ aures hujus sæculi, a more & ingenio illius ætatis non abhorrent. Huic historiæ fidem & auctoritatem adjungit S. Petrus Damianus, qui de B. Gaudentio quædam narrat, quæ ibi exposita sunt. Exemplar autographum hujus historiæ perantiquum & in membrana scriptum una cum ejus corpore in eadem urna inclutum fuit. Hinc surreptum cum fuisset, aliquot annos delituit. Hujus sæculi anno XIV. P. Philippus Riceputus magna cura & solertia perquisitum, tandem Creptæ in urbe Crexensis insulæ primaria invenit; ex eoque alterum exemplum descripsit; sed litteris partim vetustate excisis, partim ob membranam aliquibus locis ab utroque latere consumptam ac deficientem mutilatis, necesse habuit in eo describendo multum studii laborisque insumere; idque tam accurate perfecit, vix ut luculentius, & emendatius exemplum indidem elici potuerit. Cum veteri exemplari novum conjunxit; & utrumque serica veste, laminis signisque argenteis utrinque textum atque ornatum ad Ecclesiam Absoremensem transmisit, ut in loculo marmoreo apud Corpus S. Gaudentii repositum majori in posterum diligentia curaque asservaretur. Ejusdem historiæ alia quoque exempla extabant, e quibus Clerus Absoremensis die festo S. Gaudentii præclara ejusdem acta & miracula inter solemnem psalmodiam tum privatim, tum publice in æde cathedrali recitare consuevit. Hanc itaque historiam de vita, rebus gestis, & miraculis S. Gaudentii lectoribus exhibemus, quam nostris deinde notis & animadversionibus explicari, illustrarique oportebit.

### Vita

#### S. Gaudentii Episcopi Absoremensis.

*Vita S. Gaudentii Episcopi Absoremensis.*  
Resurgente (1) gratia individua Trinitatis lux nova terris effulsit; illa scilicet lux, quæ illuminat omnem hominem venientem in hunc mundum. Plures vero mortaliū, ut suorum oculorum velamina deponerent, ad hujus claritatis gaudia agonizando, contra labentis temporis temptationes venire disposuerunt. Quorum Abel primus iustus recte dividendo, & offerendo, bravium celeste arripuit. Deinde Noe perfectus & simplex, lingua tacendo, & iustitiam personando, aquam personavit imminere filiis hominum; ipse vero in iustitia sua fluctus superantis aquæ superavit, in libro quoque vitæ adscriptus est. Abraham vero, in cuius obedientia neminem equipollentem invenit, Scriptura sacra testante de eo voluisse pro holocausto Deo mactare filium, ideoque facta sibi promissio, quod in semine suo, id est in Christo, ut Apostolus explicavit, hereditate essent gentes, in numero Prophetarum inventus est primus. Eximiusque Prophetarum David, quamvis sanguineus vir, atque adulterinam eadem sortitus est, tandem pœnitentis magister factus, ceteris mortalibus exemplum & modum præbens pœnitentiæ in Psalmo quinquagesimo, inter Prophetas non modicam in regno calorū habitat domum. Vel brevissime, ut ad materiam redeamus; idem ipse Filius Dei, qui dicitur Christus, & est lux vera illuminans, sic enim de se

ipso ait: Ego sum lux mundi, non per creaturam aliquam sed per semetipsum indutus carne in Sacratissima Virgine, locutus est nobis Deus dicens: Venite ad me omnes qui laboratis, & ego vos requiescere faciam. Ad cuius vocem multi divino Spiritu opitulante, accurrere studuerunt; ex quibus unus ex innumerabilibus factus Absaremensis Episcopus, Gaudentius (2) nomine, qui tamquam in æthere astra, & inter astra Lucifer rutilo colore suo revolvitur orbe, sic in domo Dei, ubi congaudent Angelorum agmina, clara fruitur æterna luce; dumque occasio ipsa præbet de nomine tanti Pontificis, ac insula jam dicta, licet faciam de vita & moribus, nec non & obitus beati viri digressionem, tamen ad edificationem legentium aliquid exponere non pigremus. Absaremensis (3) insula quadam similitudine axis interpretatur; sicut enim axis pondus secum totum portat, sic etiam quidquid lucris ex labore deferentium, sive pondere consequitur, hæc insula reportat; & sicut axis firmamenti plaustrum caeleste indeficienter revolvit, sic etiam insula, quæ Absarum dicitur, olim florebat virorum pulchritudine, & inter alias Dalmatinas insulas in rerum opulentia locuplete eructare cuncta solebat. Gaudentius vero Pontifex, qui non solum ex ea natione (4) Absaremensem præclaram originem duxit, verum etiam supernæ civitatis gaudentium (5) (inde gaudendo) præclara origine Angelorum, evulsa origine primæ matris Evæ, gaudere concupivit, qui postea ex rei eventu in subscribendis legentium, sive audientium cordibus, & auribus mirifice patebit.

Nunc vero ad ea, quæ beatus vir S. Gaudentius passus est in vita sua per ejus humilitatem, Scriptoris stylus vertatur. Tempore enim, quo ad Pontificatum omnipotens Deus ipsum sublimari voluit, die nocteque in Dei laudibus frequentare disposuit; jejuniis (6) & eleemosynis deditus erat, & in templo Dei assidue hostias offerre solebat; & nobile principium ad finem perduxit. Cum autem insidiator generis humani in suis sanctissimis actibus circumvenire, aut circumvallare non potuit, ipsum per interpositam sive subiectam sibi creaturam, ut olim primo Parenti, suggerere non declinavit. Per membrum suum, nobilem imo per ignobilem virum prædictæ civitatis, quasi aurum per ignem examinare, ac temptare, ut illum Job, cui in terris similem non invenit; sic ipse latitanter in homine jam dicto, Deo permittente connixus est. Ordo vero temptationis talis fuisse perhibetur, ut ore suo beatus vir nostris (7) auribus intimavit. Ille vero nobilis, quasi ignobilis est reputandus, cum quadam, quæ pulchra dutebatur specie, tamen consanguinea, matrimonium contra interdictum religiosissimi Pontificis contrahere nixus est. In principali (8) festo Paschæ jam divinis inceptis mysticis, ecclesiæ limina suis cum complicitibus armata manu violenter intrare non timuit. Quem Beatus Gaudentius, tamquam bonus Athleta ad certamen latus accedens, vinculo excommunicationis percussit; quamvis ex expulsionem de ecclesia inimicus humani generis videtur (9) convalescere; nondum divina in terris peracta fuerant mysteria, dum apud omnipotentem Deum in calis suscepta (10) credimus esse. Tactus dolore Pontifex dictus, quod id de tanta injuria (11) pensari debuerat, divina inspirante clementia, quæ cum iniquis (12) hominibus habitare noluerat, ad torius orbis matrem mare adnatavit, ut quondam filii Israel, Mari Rubro transmissi, ad Terram promissio-

13 missionis, scilicet (13) Romanam Ecclesiam deve-  
 14 nit (14). Ut mater filium, sic tota Curia Roma-  
 na ipsum recepit, & consolari per dies pluri-  
 mos, ac largiri sibi non destitit auxilium, quod  
 15 vir Dei sanctus quaesierat; sed denique Absaren-  
 16 sium populum, qui (15) maledictione Dei & San-  
 cti Pontificis implicati fuerant, (16) sine Passio-  
 re, & correctione relinquere non permisit; &  
 17 apostolicis litteris (17) confirmatum B. Gauden-  
 tium suam ad civitatem Absarensem Papa remit-  
 tere curavit. Benedictione itaque suscepta Apo-  
 stolica, & itinere gradiente suo, ad Anconita-  
 nam tandem pervenit civitatem. Prudens qui-  
 18 dam Petrus (18) nomine in suam honorifice sus-  
 cepit domum, qui fundator tunc fuerat novi  
 19 Portus (19) cœnobii. Altera vero die, nutu Dei,  
 qui talem thesaurum nobis donaturus fuerat,  
 febrilis calor corpori depositi B. Gaudentii acce-  
 dere iussus est; Episcopo deprecante Deum, ut  
 a labore anima ipsius ad calum scandere possit;  
 sicque factum est; ut a Deo dispositum fuerat.  
 20 Per fundatorem (20) superscripti monasterii,  
 21 22 Episcopo impetrante (21), ad cœnobium cum (22)  
 populo civitatis deductus est, ubi habitum B. Be-  
 nedicti solemniter recepit, & in eadem ecclesia  
 per dies per plurimos divina concessit potentia su-  
 peresse. In quibus, vel inter quos dies, quando  
 23 potus sibi ferebatur aqua, nimium dolorem cre-  
 perat, quod (23) vini meri saporem in tantum  
 suo ore susceperat, ut sibi possit credi, quod  
 nunquam suæ voluntari parere cœnobita voluif-  
 set. Iterum atque iterum, imo multipliciter ab  
 offerentibus aquæ poculum, resumpto calice vi-  
 num degustare gaudebant, quo ægris porrecto,  
 incolumes ab infirmitatibus recedebant, impleta  
 prophetia Domini: O mors ero mors tua, mor-  
 sus tuus ero inferne; quia per febrem beatissimi  
 viri Gaudentii febres peccatorum infirmantium  
 destrui conspiciebantur.  
 Cum autem placuit ei, qui eum segregavit ex  
 utero matris suæ, & vocavit per gratiam suam  
 in mundum, ad magnalia sua vocavit. Divisa  
 ergo de carnis ergastulo anima ipsius, ascendit  
 24 ad superos (24); ut obsequium compræberet in  
 ejus Ascensione; atque tantus odor ab ejus cor-  
 pore resolutus est, ut omnium aromatum fu-  
 mus (25) excidisse videretur. Nunc ad ea, quæ  
 25 post tumulationem corporis facta sunt, (26) in  
 26 mente animus fidelium erigatur. Ad ejus nam-  
 que famam e vicinis partibus magna accurrebat  
 multitudo non solum Anconensium & Firmen-  
 sium, sed etiam e longinquis partibus, ut ab  
 omnipotente Deo, & intercessione S. Gaudentii,  
 sospitatem diversorum membrorum de infirmita-  
 tibus consequi possent. Et quia Deus lumen,  
 quod ab ipso procedit, in tenebris latere non  
 permittit, sed ut suorum opera luceant, ut ipse  
 dixit: Opera quæ ego facio, & majora horum  
 facietis; tanta miraculorum beneficia juxta se-  
 pulcrum beati viri facta conspiciuntur; ut con-  
 spicientibus nobis, qui adhuc supersumus, qui-  
 dam, qui Philippus vocabatur, a Demonio ar-  
 27 reptus, liberatus est; quadam mulier Humi-  
 nis (27) a Demonio arrepta liberata est; & a  
 febribus, a paralyti, & ex aliis infirmitatibus,  
 & diversis morbis innumerabiles liberati. Supra  
 tumulum, ubi quotidie lampades accenduntur,  
 ipsius, multoties post quarundam extinctionem,  
 ita accensa reperiuntur, ac si studiose ab aliqua  
 28 accensa custodirentur. Jadrenses (28) vero sub  
 aliquo tempore in ecclesiam, ubi corpus B. viri  
 requiescit, animis invalescentibus intrare conten-

29 dentes, & linteamina extrahere, & alia, quæ  
 in apparatu basilicæ distensa fuerant, ibi per-  
 cussi de ecclesia aliquid dilaniare, distrabere, &  
 rapere, sive extrahere non potuerunt. Tentoni-  
 ci (29) vero, qui viderunt paratam domum,  
 magno cum exercitu ad eam descendere festina-  
 runt; & divino Spiritu quidam accessit, & li-  
 beravit domum, ad quam nullus eorum accedere  
 potuit; & illa sic domus permansit. Angelo-  
 rum vero chori multoties visi sunt in nocte,  
 inter quos aspectus Gaudentii visibiliter apparuit,  
 cantantes canticum Domino.

Jam vero imminente die transitus ipsius, vo-  
 cavit ad se fratres, & discipulos totius Con-  
 gregationis; & cruce in manibus suscepta ado-  
 ravit osculo oris sui; & data cunctis pace, vi-  
 dentibus, & astantibus omnibus assumptus est  
 cum gloria Kalendis Junii apud Portum novum;  
 ubi tumultatus est, & ubi multa præstantur be-  
 neficia; præstante Domino nostro Jesu Christo,  
 cui sit honor & gloria in sæcula sæculorum.  
 Amen.

Notæ.

(1) Proœmium satis longum, sed usitatum  
 Hagiologis illorum temporum, & alius peri-  
 tum, quam usus ferat, & consuetudo hojus  
 atatis.

(2) Imo, ut mihi videtur, cognomine Gau-  
 dentius, & nomine Petrus; quippe utroque vo-  
 cabulo Damianus eum appellavit.

(3) Utraque Absorensis vocabuli interpre-  
 ratio ridicula & insulsa; sed hujusmodi insul-  
 sitatum, atque ineptiarum plenæ sunt historiæ  
 Divorum, quas Legendas vocant, sæculis illis  
 indoctis & barbaris conscriptæ, ut animadverti  
 licet in illis, quas Jacobus de Voragine col-  
 legit.

(4) Scilicet ex eadem natione Dalmatica,  
 ex qua Absorenses originem ducebant. Sunt  
 qui Gaudentium Absori natum fuisse putant:  
 nam Gaudentiorum Spalatensium divisio in duas  
 familias facta cum esset, alteram quidem Spa-  
 lati mansisse ajunt, alteram vero Absorum mi-  
 grassse, ibique rerum ac fortunarum suarum do-  
 micilio constituto, avitum genus ac nomen  
 propagasse: argumento esse, quod adhuc in ea  
 insula viget familia Godentivich, sive Gauden-  
 tivich, oriunda quidem ex antiquis Gauden-  
 tiis, sed a prisca majorum suorum nobilitate  
 ac fortuna, (quæ rerum humanarum vicissitu-  
 do est) ad humilem & agrestem conditionem  
 redacta.

(5) Hic quoque Scriptor Vitæ Gaudentia-  
 næ, dum argutior videri vult, ineptit & nu-  
 gatur.

(6) Vitam in Pontificatu transactam, & sum-  
 mis virtutibus refertam, paucis complectitur.

(7) Ex his intelligi potest Auctorem hujus  
 historiæ Gaudentio non solum ætate, sed etiam  
 vitæ monachalis societate conjunctum, & in  
 eodem cœnobio contubernalem fuisse.

(8) Eadem de S. Gaudentio famulatum nar-  
 rat Petrus Damianus in sua ad Nicolaum II.  
 litteris, quæ ab ipsomet sanctissimo viro se au-  
 divisse testatur. Sed in alia epistola præterea  
 miraculum refert, tum de panibus nuptialibus,  
 quos ne attingere quidem canes voluerunt, tum  
 de nece repentina sponso incesto, contumaci,  
 & censuræ ecclesiasticæ contemptori divinitus  
 illata. Utrumque Monachus ille scriptor hujus  
 vitæ prætermisit; quod enim vir sanctus, chri-  
 stiana

stianæ ac religiosæ humilitatis causa, monachos fratres suos celatos esse voluit, ne id sibi gloriæ verteretur; uni Petro Damiano viro prudentissimo pro summa, quæ sibi cum illo erat, familiaritate narravit.

(9) Id est, majores vires nactus est ad nocendum; nam & juvenem in sua contumacia, contemptuque auctoritatis ecclesiasticæ magis obfirmavit, & Primores civitatis, ac plerisque omnium ordinum cives flagitii socios ac defensores eidem adjunxit, & quamdam veluti seditionem contra Sanctum Pontificem concitavit. Quare omnes eodem maledicto, & anathemate perculsi fuisse paullo post dicuntur.

(10) Sacrificium pontificale acceptum Deo, & preces sanctissimi viri auditas fuisse declaravit utrumque miraculum, de quo supra diximus.

(11) Scilicet dignitas, & interdictio episcopalis violata, justis meritisque pœnis vindicari debuerat, ad cæteros ab hujusmodi flagitiis deterrandos.

(12) Omnes itaque Absorenses, aut certe plerique se incestarum nuptiarum patronos ac defensores adversus Sanctum Episcopum præbuerant, proptereaque eidem maledicto & anathemati suberant.

(13) Ut scilicet Pontificem Summum imploraret, qui Absorenses, auctoritate apostolica interposita, ad officium redire, & ecclesiæ suæque Episcopo pro illatis injuriis satisfacere cogeret.

(14) Ex Sigonio Romam venit anno 1040, cum Benedictus IX. Ecclesiæ universali præsidebat.

(15) Hinc intelligi licet universam civitatem anathemati, & interdicto suppositam fuisse.

(16) Pontifex Absorenses, quamvis gravissime deliquissent, commiseratione potius & indulgentia curandos censuit, quam pœnarum severitate magis magisque exacerbandos. Nec vero illos sine Pastore, & opportunis ad resipiscendum remediis deferendos esse putavit. Itaque hortatus est Gaudentium, ut sui eum gregis miseretur, neve illius curationem desperaret. Tandem, cum fere biennium in urbe commoratus esset, pontificis hortationibus impulsus ad suam Ecclesiam redire constituit.

(17) His litteris Pontifex leniter simul ac severe Absorenses admonerat, ut quæ in Deum peccaverant, quæque contra suum Episcopum irreverenter & contumaciter commiserant, salubri pœnitentia expiant; & postquam de contemptis violatisque Ecclesiæ præceptis atque interdictis pro eo, ac debeant, cumulate satisfecerint, Episcopum suppliciter adirent peterentque, ut, quibus contriti erant, anathematum vinculis se ac civitatem exsolveret.

(18) Id est, ut mihi videtur, S. Petrus Damianus.

(19) Cœnobium Benedictinum Neoportus, seu Portus novi, Ancona non admodum procul, conditum esse ajunt anno 1034, octo fere annis antequam S. Gaudentius ex urbe rediens Anconam veniret; conditores autem fuisse Gilierum Grimaldum, & Stephanum nobiles viros ex Alemannia oriundos, copiis & opibus affluentes, qui ex avitis possessionibus ad ædificandum ibidem, dorandumque monasterium ac templum S. Mariæ titulo insignitum, pecuniam copiosam, & prædia multa contulerunt. Hæc e Tabulis monasterii Camaldulensis S. Petri, quod situm est in monte Comero prope

Anconam: *Gilierus Grimaldus & Stephanus germanus, nobiles Alamanni* 33. terre mensuras elargiuntur pro constructione Abbatiæ atque Ecclesiæ novi Portus &c. ac deinde: Anno 1034. *Benedictini monachi suum monasterium, & ecclesiam dono acceptam Neoportus erexerunt*. In hac historia S. Gaudentii prudens quidam Petrus fundator esse dicitur novi Portus monasterii; scilicet Petrus duobus illis fratribus auctor fuit, ut in ædificationem templi ac cœnobii sumptus necessarios conferrent. Suspicio est hunc fuisse Petrum ipsum Damianum, qui postquam in Eremito S. Crucis apud Fontem Avellanum diocesis Eugubinae habitum monachalem induisset, miro studio Ordinis Benedictini propagandi reformandique ad normam ab S. Romualdo traditam flagavit. Itaque plura cœnobîa, ut est in ejus Vita, ab Joanne monacho ejusdem discipulo scriptam, in agro Cameranesi, Perusino, Faventino, aliisque locis fundavit, quibus monasterium Portus Novi annumerandum esse admodum verisimile est; eaque omnia ad severiorem S. Romualdi disciplinam, regulamque conformavit. Dum ergo Petrus Anconæ morabatur, ut ex propinquo tum ad cœnobium absolvendum, tum ad monachos instituendos erudiendosque advigilaret, Gaudentium domi excepit, & talem ac tantum hospitem, quo dignus erat, honore ac liberalitate tractavit.

(20) Id est per Petrum Damianum.

(21) Vel dum gravissimo illo morbo laboraret, vel dum convalesceret, hanc sibi voluntatem divinitus injectam sensit, ut episcopalem dignitatem, & opulentiam cum humilitate & paupertate monachali commutaret. Itaque quid sui consilii esset Petro aperuit, qui eum in proposita susceptaque sententia confirmavit; & tam insigni viro novum cœnobium nobilitare cupiens, eundem in collegium monachorum Novi Portus aggregare decrevit.

(22) Nimirum ingens admiratio Anconitanos inceserat, quod homo id ætatis, prudentiæ ac dignitatis, ex episcopali fastigio ad humilem se, pauperem, asperamque monachorum vitam sponte abjiceret. Quocirca, cum post facultatem Ecclesiæ Absorensis dimittendæ a Sede Apostolica impetratam, a Petro deducere-tur ad cœnobium Novi Portus, illum de mundanis honoribus ac divitiis quodammodo triumphantem civitas propemodum universa ingenti approbatione plausuque prosecuta est.

(23) Idem prorsus accidisse divinitus S. Petro Damiano scriptum est in ejus Vita: *Quadam igitur die apud præfatum Camonium cum in cella consisteret, Fratri, qui ei ministrabat, ex fonte sibi potum afferri jussit: qui statim pergens festinus jussum complevit. Quod Magistro gustante, vinum esse deprehenditur. Increpare itaque discipulum cepit, quod pro aqua sibi vinum tulisset. Illi vero asserenti hausisse se ex fonte quod obtulerat, eundem sibi potum Magister porrexit, jubens gustando ipsum experiri, quo valeret se teste fallax convinci. Cui gustanti licet vinum sapuisset, quod erat, nihilominus tamen, ut bene sibi conscius, potum illum e fonte se hausisse affirmabat. Cumque illi fides nequaquam daretur, alius ad eundem fontem Frater dirigitur; cujus gressus, ne fallere similiter posset, observari præcipitur. Qui ergo ex eodem fonte mox pleno vasculo hauriens, concitus rediit: potum quod hauserat, Magistro tradidit. Verum dum hic quoque potatur, optimam esse vini speciem aque*



æque fere probatur. Fratres quoque, qui cum eo erant, ex eodem gustantes, vinumque optimum comperientes, Deum præ gaudio collaudaverunt omnes: quibus Petrus illico prostratus supplicat, imo sub obedientia interdicit ac mandat, quatenus, se in carne degente, nulli prorsus mortalium, quod factum noverant, pandant.

(24) Obiit Kalendis Junii, ut postea dicitur, postridie ejus diei, quem solemni Jesu Christi ad cælum ascendentis commemoratione Ecclesia consecravit. Huic igitur anniversariæ Christi victoris, ac de hostibus humani generis triumphantis gratulationi ac lætitiæ Gaudentius in cælo cum Angelis interfuit & applausit. Hinc colligitur Gaudentii ex hac vita discessum referendum esse ad annum 1044., nam hoc anno solemne hoc festum incidit in diem proximum ante Kalendas Junii.

(25) Id est vis ac suavitas odoris, qui afflabatur ex ejus corpore, thura & aromata, ad ejusdem exequias cohonestandas, incensa superabat.

(26) Ipsemet hujus historiæ scriptor fuit testis oculatus miraculorum, quibus sanctissimi viri corpus & sepulcrum Deus illustravit.

(27) Ab Humana civitate, de qua Michael Antonius Baudrandus in suo Lexico: *Urbs fuit Italiae in Piceno, cujus nunc tantum supersunt rudera in ora maris Adriatici, vix sex milliaribus a Laureto in boream, Anconam versus*. Interdum Episcopus Anconæ, idem & Humanæ dicitur.

(28) Jadrensi vocabulo intelligi oportet Dalmatas, sive Narentanos piratas, qui ea tempestate navigationem maritimam, & oram utramque assiduus latrocinii infestam reddebant.

(29) Fortasse ex illo Teutonum exercitu, quos Henricus III. Imp. an. 1081. in Italiam duxit, ut Guibertum Ravennatem Archiepiscopum, Gregorio VII. legitimo Pontifice ejecto, in Sedem Romanam intruderet.

#### Additamentum I.

##### Testimonia virorum illustrium de S. Gaudentio Episcopo Absorensi.

S. Petrus Damianus, cui summa familiaritas erat cum B. Gaudentio, ut Episcopatus Ostiensis, una cum insignibus Cardinalitiis, deponendi potestas sibi fieret a Nicolao II. Summo Pontifice, cum alia plura sanctorum virorum, qui Pontificatu se abdicarunt, tum recens & illustre Gaudentii exemplum attulit in Opusculo XIX. de Abdicatione Episcopatus ad Nicolaum II. Rom. Pont. *Venerabilis quoque Gaudentius Apsarenسيس Episcopus, cujus ego familiaritatis dulcedinem merui, per quem Deus jam non ignobile (1) miraculum fecerat, Episcopatum dimisit, & de Sclavonico (2) regno navigans, littoribus Anconitanæ urbis (3) applicuit, a qua non longe post biennium feliciter obiit.*

#### Notæ.

(1) Illud videlicet miraculum de panibus nuptialibus, quos canes ante se projectos, veluti si ab nefastis illis nuptiis venenati fuissent, ne attingere quidem voluerunt; itemque de cælesti illo igne, quo sponsus incestus, & diris devotus miserrime periit. Utrumque apertius exposuit in Opusculo XX. apologetico ob dimissum Episcopatum: *Hæc venerabilis ille vir expertus, Petrus videlicet Apsarenسيس Episcopus,*

*qui Episcopatum dimisit, & de Sclavonico regno Italiam navigans, littoribus Anconitanæ urbis applicuit. Hic mihi, dum totius circa se regni reverentiam conquestus (\*) exponeret, ac molesta inquietudinis tædia numeraret, inter cætera unum intulit, quod vos latere non patior. Quidam, inquit, degener quidem moribus, sed majorum titulis insignitus, sui generis consanguineam nuptiali sibi fœdere copulavit. Quid plura? Prohibitus persistit, excommunicatus adhaesit, totumque ecclesiasticæ censuræ vigorem, nugarum puerilium fabulas deputavit. Cui certe hoc ad divinæ indignationis indicium contigit, ut panes de nuptialibus mensis in plateas antecanum ora projecti, minime tangerentur. Insuper, o divinæ animadversionis pavenda severitas, dum rigidus stat, dum præceptis sacerdotibus se non humiliat, qui vigilare sibi ad salutem noluit, in cubiculo dormientem repente de caelilibus irruens fulgor extinxit. Sic divini furoris expertus est moriendo sententiam qui vulneri suo, dum viveret, adhibere contempserat medicinam. Hoc autem diximus, ut quam sanctæ auctoritatis vir ille fuerit, qui Episcopatum deseruit, monstravimus.*

(1) Temporibus illis Slavonia & Dalmatia pro synonymis haberi jam cœperant. Urbes maritimæ a Venetorum Imperio ad Græcos Imperatores redierant. Regnum in Chrobatis tunc obtinebat Cresimirus III. ex imperatorio privilegio appellatus *Patricius*, vel certe Stephanus ejusdem Cresimiri filius. Utrum vero insula Absorensis ad regnum Chrobaticum pertineret, an cum ceteris maritimis civitatibus & plerisque insulis Orientis Imperio subesset, ex monumentis illius ætatis intelligi nequit. Joannes Lucius hanc urbem & insulam regibus Chrobatiæ attribuit.

(3) Appulerat quidem Gaudentius e Dalmatia profectus ad littus Anconitanum; sed inde statim terrestri itinere Romam ire festinavit: qua in urbe cum annos fere duos commoratus fuisset, ut postea dicemus, Anconam rediit; & Absorensi Pontificatu deposito, in solitudinem Novi Portus secessit, ubi post biennium vitæ monachalis exactum, sanctissime obiit. At S. Petrus Damianus Romanam professionem & commorationem mediam inter primum & secundum adventum Anconitanum silentio prætermisit; quippe quæ non pertinebat ad argumentum in quo ipse versabatur.

#### Nota.

(\*) Hinc intelligi licet multas lites & contentiones Gaudentio fuisse cum magistratibus, sive Rectoribus vel ab rege Chrobatorum, vel ab Imperatore Orientis urbi præpositis, qui fortasse etiam nuptiarum incestarum patrocinium susceperant, & ejusdem contumaciæ & flagitiæque participes ac defensores erant.

Andreas Dandulus in Dominico Flabanico Duce Venetiarum: *Verum Petrus Damianus ait, quod hoc tempore venerabilis vir Gaudentius Absorem regerat Ecclesiam, per quem Deus non ignobile miraculum fecit, qui postea Episcopatum dimisit, & de Sclavonico regno Italiam navigans littoribus Anconitanæ urbis applicuit, in qua non longe post biennium feliciter obiit.*

Carolus Sigonius lib. IV. hist. de regno Italix ad an. 1040.: *S. Gaudentius Episcopus Anxerensis in Dalmatia Ecclesiam ultro dimisit.*

Lu.

Gaudentius exemplum fuit Petro Damiano ad Episcopatum dimittendum.

1  
2  
3

Lucas Vadingus Tomo VII. ad an. 1490. in Dalmatia insignis olim florebat civitas Offaris corpore S. Gaudentii Martyris (Episcopi & Confess.) insignis; nunc vero propter aeris intemperiem paucis habitatoribus inculta.

Joannes Lucius lib. II. de Regn. Dal. & Croat. cap. XI. B. Petrus Damianus Cresimiri Regis contemporaneus, scriptum reliquit Absarense Dalmatas, uti Regi Slavo subditos, Slavonici Regni partem aestimatos, Epistol. lib. I., Epistol. 9. ad Nicolaum II. Pontif.: Ven. quoque Gaudentius Absarenensis Episcopus, cujus ego familiaritatis dulcedinem merui &c. de Slavonico Regno navigans &c.

His adde Antonium Pagium in Crisi Baroniaria ad an. 1068., Philippum Ferrarium in Catalogo generali, Godefridum Henschenium in Actis SS. Tom. & die primo Junii, Laurentium Beyerlinck in Theatro Vitae humanae, Petrum Annatum in Apparatu ad Theolog. positivam lib. IV. Jacobum Laderchium in Vita S. Petri Damiani, & alios plures, qui de S. Gaudentio Episcopo Absorensi iisdem fere verbis, quibus Petrus Damianus, perhonorificam mentionem faciunt.

#### Additamentum II.

##### De Absorensi Episcopatu S. Gaudentii.

Ferrarius & Henrichus Gaudentium ex Absorensi Arbensem Episcopum fecit; eidemque non Episcopi, sed Confessoris titulum apposuit: *Arba in Liburnia S. Gaudentii Confessoris*. In eundem errorem induxit Godefridum Henschenium, qui in Epistola S. Petri Damiani ad Nicolaum II. pro Absorensi Arbensem, sive Arbarensem Episcopum legendum putat; & nusquam se reperisse ait Absorum inter urbes episcopales annumerari: *At pro Arbeni sive Arbarensi urbe, nominata est a S. Petro Damiano Absarenensis, cujus mentio est apud Lucium lib. 2. cap. 6. ubi urbs Absarus dicitur pene diruta; sed sedem ibi fuisse episcopalem necdum potuimus uspiam legere, nisi in jam citato Petri Damiani tractatu; & paullo post hanc rationem reddidit, cur a Ferrario non sit appellatus Episcopus: Ob dimissum Episcopatum forsan a Ferrario solum Confessor cognominatur.*

Verum enimvero Absorum urbem jam inde a saeculo nono titulo ac dignitate episcopali praeditam fuisse declarat epistola Joannis Papae VIII. inscripta *Dominico Absorensi*, ceterisque Episcopis Dalmatiae; & Gaudentius Episcopus saeculi undecimi cum absit a catalogo Antistitum Arbensium ejusdem saeculi, inter Episcopos Absorenses tamen in diptychis hujus Ecclesiae, tum ab illis, quos supra laudavi, Scriptoribus numeratur. Praeterea monachus ille Anconitanus Novi Portus, qui de vita & monachatu S. Gaudentii epitomen scripsit, aequalis temporum illorum, idemque contubernalis S. Gaudentii, nullum de hujus Absorensi Episcopatu dubitandi locum reliquit.

Neque ulla dubitatio esse potest, quin Gaudentii Episcopatus ad saeculum undecimum pertineat; sed quo anno illius Ecclesiae administrationem inierit, non est compertum. Annus depositi Pontificatus, & instituti monachalis suscepti, ejusque ex hac vita discessus, si non certus, attamen probabilis investigari & constitui potest. Andreas Dandulus in Dominico

Flabanico Duce Venetorum mortem Conradi I. Germaniae regis & Imperatoris, initia regalia Henrici ejus filii, protectionem Romanam S. Gaudentii temporibus iisdem adscripsit: Hoc tempore, inquit, *Venerabilis vir Gaudentius... de Slavonico regno in Italiam navigans* &c. Conradus autem obiit anno 1039., eique statim in regnum Germaniae, ac deinde in Imperium Henricus III. successit; ex quo videtur effici posse discessum Gaudentii e Dalmatia vel in eundem, vel certe in annum proximum, quod est verisimilius, conferendum esse. Carolus Sigonius Ecclesiam Absorem ab Gaudentio dimissam fuisse scripsit anno 1040.; sed is Romanum iter, quocumque annus ille congruit, cum tacitum praetermiserit, a Pontificatus abdicatione non distinxit. In urbe mansit fere duos annos; quod tempus in gravissima illa, quorum causa venerat, negotia conficienda insumpsit. Anno 1042. Roma profectus Anconam se contulit; & postquam ex illo morbo, in quem inciderat, convalesceret, in cenobium Novi Portus secessit, seque ipsum vitae monasticae addixit, quam Petrus Damianus biennii spatio definivit: *Post biennium feliciter obiit*; ex quo fit, ut anno 1044. ad caelum migraverit. Hic fuisse annus emortualis S. Gaudentii dignosci etiam potest e nota illa, quam eidem scripto ejus vitae affixit: *Anima ipsius ascendit ad Superos, ut obsequium compraberet in ejus Ascensione*, id est Christi Domini: Anno siquidem 1044. festa & sollemnis comemoratio Christi Domini in caelum ascendentis in Ecclesiae fastis adscripta erat ad diem alterum & tricesimum mensis Maji; postridie vero hujus diei Gaudentius, ut idem auctor affirmat, qui ab ea celebritate proximus erat, id est Kalendis Junii, ad caelum conscendit, triumphalem illum Christi ingressum cum Superis celebraturus. De monachatu S. Gaudentii filius quidem S. Petrus Damianus, sed fidem facit nulli dubitationi obnoxiam monachus ejus contubernalis, & vitae monasticae socius; ceterum idem Damianus cum scripsit non longe ab urbe Ancona Gaudentium mortuum esse, nullum alium locum videtur significare voluisse, nisi cenobium Novi Portus, in quo pie sancteque decessit.

#### Additamentum III.

##### De corpore S. Gaudentii Absorum adveflo.

Corpus S. Gaudentii in aede S. Mariae Portus Novi conditum plurimis Deus illustribusque adornavit miraculis, quorum aliquot Scriptor ejus vitae narravit. Quocirca ejus sepulcrum ab indigenis juxta advenisque assidua frequentia, & eximia veneratione colebatur. Cultus ac religio S. Gaudentii cum magis in diem magisque effloresceret, non solum Basilicae Mariae magnam apud omnes famam & celebritatem conciliavit, sed etiam ad monasterium illud tum agris ac praediis augendum piorum hominum liberalitatem, tum vero ad illud tuendum, & amplissimis privilegiis ornandum Summorum Pontificum & Imperatorum auctoritatem excitavit. Exstant diplomata Alexandri III., Lucii III., Honorii III., itemque Henrici III. Imperatoris, qui Abbatem & Monachos Novi Portus, & omnia eorum bona nominatim expressa in fidem & clientelam Sedis Apostolicae, Imperique Romani recipiunt; & gravissimis poenis tum ecclesiasticis, tum multatitibus inter-

Absore discessit, & Anconae Episcopatum dimisit, & monasticum habitum sumpsit.

Obiit.

Ob sepulcrum S. Gaudentii aedis Mariae celebritas aucta.

Episcopatus S. Gaudentii ad saeculum undecimum pertinet.

positis, severissime cavent, ne qua illis injuria, vel detrimentum inferatur. Dum corpus S. Gaudentii mansit apud Monachos Benedictinos Portus Novi, nunquam ejus sepulcro defuit vel pia indigenarum & accolarum frequentia ac veneratio, vel copia donorum ac votivarum tabellarum, vel denique vis quædam divina & benefica erga miseros & calamitosos S. Gaudentii

Post Corpus S. Gaudentii aliovectum, ejus nomen & cultus excolebat.

opem auxiliumque implorantes. Sed postquam sacrosanctum illud depositum, commune illarum gentium perfugium ac præsidium aliovectum est; Gaudentii nomen & cultus tum apud Anconitanos, tum apud finitimos populos paulatim excolebat; ac demum sic prorsus evanuit, ut ne tenue quidem antiquæ erga illum religionis vestigium supersit. Anno 1299., ut est in Tabulis Anconitanis, ingenti terræmotu cœnobium Novi Portus cum æde Mariana corruit; ab hujusmodi ruina nihil illius ædificii intactum superfuit, nisi locus ille, in quo monachi ad Comitata, atque ad consultandum de re ac disciplina monastica congregari solebant. Hic locus in templi formam redactus, & consecratus est, atque in summo altari deposita fuit effigies Deiparæ Virginis in cœlum sublata, miraculis inclita, quæ in veteri basilica summa religione colebatur. Monachi in urbem recepti sunt ab Anconitanis; & apud templum S. Martini, quod a Martino quodam pio pive & opulento conditum, Jacobus Presbyter filius fratris Martini, eisdem ante aliquot annos donaverat, domicilium sibi ad tempus collocarunt. Landus Ferretus in sua historia MS. Anconitana auctor est cœnobium Neoportus, seu Novi Portus reedificatum fuisse; & Cyprianum Episcopum Abforenses anno circiter 1335, ab ejusdem monasterii Abbate & monachis impetrasse, ut monachos Abforenses S. Petri in suam societatem ac tutelam reciperent; & missis illuc aliquot viris eximie virtutis, & instituti monastici peritis, collapsam ibidem monachalem disciplinam restituerent. Eugenius IV. an. 1436. cœnobium Novi Portus cum omnibus fundis & proventibus commendavit & attribuit Mensæ capitulari Anconitanæ, in cujus Tabulario omnes ejusdem cœnobii codices asservantur; sed in his de S. Gaudentio Abforensi Episcopo, ac deinde monacho Novi Portus, ne littera quidem invenitur. Adeo post translationem Abforensis corporis Gaudentiani vestigia & oblitio omnem ejus memoriam abolevit. Celebre quidem est in illis locis nomen S. Gaudentii, sed non Abforensis, verum Ariminensis Episcopi, qui sæculo quarto sub Constantio Imperatore floruit, & in Conciliabulo Ariminensi unus fuit de illis, qui vocem *Consubstantialis* constantissime defenderunt. Alios quoque ejusdem nominis Divos Christiana religio colit, Gaudentium Novariensem, Gaudentium Veronensem, Gaudentium Brixensem Episcopos, Gaudentium fratrem S. Adalberti Archiepiscopi Gelsenensis, & Gaudentium monachum S. Vincentii. Sed cultus & veneratio, quæ his adhiberi solet, ad nostrum referri nullo modo potest. Hujus quippe notitia ac religio non solum apud Dalmatas viget, quæ quidem abhinc multis sæculis una cum ejus corpore ex Italia in Dalmatiam migravit.

Cultus S. Gaudentii Abforensis pariter cum ejus Corpore in Dalmatiam migravit.

De translatione Abforensis Corporis S. Gaudentii narratio incerta & popularis.

bus persuasum est; tam incertum est quo tempore, quo auctore, quave ratione illuc a cœnobio Anconitano Portus Novi translatus fuerit. Fama & auditione a majoribus se accepisse ajunt a naviculario quodam divinitus admonito devectum esse, qui, cum ad sinum quemdam illius insulæ appulisset, arcam, in qua inclusum erat, ibidem humi defoderit; post multos vero annos interjectos inventum, certisque ex indiciis cognitum cum fuisset, in urbem delatum esse. Sinum illum maritimum adhuc ostendunt, qui quamvis aperto mari expositus sit, nullisque repagulis munitus ad ventos ac tempestates arcendas, perpetua tamen tranquillitate gaudet, nullaque aura commoveatur, licet mare circumcirca intumescat, & turbinibus ac procellis quam vehementissime agitetur; idcirco ei nomen est *Malacia*. Ex appulsu autem sacratissimi illius corporis divinitus factum esse putant, ut vis omnis ventorum, motusque procellosus inde arceatur. Verum hæc cum nullo satis certo auctore, ac nulla veterum litterarum fide nitantur, sed solum populari quadam traditione ac fama in vulgus percrebuerit; vereor ut cordatis & eruditis viris probari possint. Cum igitur de translatione corporis S. Gaudentii ad insulam Abforensis nihil ab antiquis traditum, nihil literis proditum sit, en cuius tandem ego rei, præter opinionem, quæ sua cuique constanti esse potest, auctor sim. Simile veri est tunc e cœnobio Novi Portus sublatum, devectumque in Dalmatiam fuisse, cum graves ac perniciosas inimicitias haberent inter se ac gererent Jadertini & Anconitani. Id autem sæculo decimo tertio contigisse Tabulæ Jadrenses docent. Utrique pro more illorum temporum armatis lembis, & piraticis latrociniiis infestam alteri alteris tum navigationem, tum oram maritimam reddebant. Multa damna ultro citroque illata & accepta, & varii generis prædæ utrinque abactæ. Cum igitur Jadrenses exscensu e navibus in terram facto oram Anconitanam depopularentur, credibile est monasterium Novi Portus ab illis direptum, & corpus S. Gaudentii ablatum fuisse; magno tunc erant in honore ac pretio sacre Divorum exuvie, quas seu rapere, seu furari, pii cujusdam ac religiosi officii loco putabant, & in urbium direptione nullam hac potiore & sanctiorem prædam esse ducebant. Præterea Jadrenses æquum esse existimabant suæ Gaudentium Ecclesiæ reddi, ejusque demortui Corpus apud illos asservari, quos ipse, dum viveret, divinis mysteriis ac præceptis excoluerat. Adde quod ad jus ac decus suæ & Dalmaticæ nationis pertinere existimabant, Corpus sanctissimi Episcopi sui popularis repetere; & multo æquius esse illud apud Dalmatas, quam apud alienigenas, possideri colique. Rem vero suam agere putabant, si pretiosissimum illud depositum Abforensibus recuperarent; quippe civitas & Ecclesia Abforensis ad metropolim & provinciam Jadertinam pertinebat. His itaque beatissimi viri spoliis lætivantibusque Jadertini, perinde ac si thesaurum ingentis pretii adepti fuissent, quam maxima poterant celeritate, in Dalmatiam trajiciunt, invectique sinum insulæ Abforensis, quem a Malacia cognominari diximus, navigium ad ripam applicant, arcam ligneam, in qua inclusum erat Corpus Gaudentii, in locum remotum a mari, devium abditumque deferunt, & ibidem alte

Translatio S. Gaudentii ex cœnobio Portus Novi ad insulam Abforensis.

alte in terram defodiunt, tumulum arena obruunt, nullis relictis indiciis, unde quid ibi lateret, dignosci aut investigari posset. Verébantur enim ne, si locus ille, in quo absconditum fuerat, vulgo innotuisset, Anconitani quod sibi ablatum fuerat, aut vi aperta repeterent, aut furtim surriperent. Ceterum sacri Corporis furtum ab Jadrensisibus factum Anconitanos latere non potuit; ne illud reddere cogerentur, cum paullo post depositis odiis armisque inter se reconciliati sunt, pax ita convenit, ut quæ seu jure, siue injuria utrinque ablata fuerant, neutri ab alteris repeterent. Extant Tabulæ compositionis in hanc sententiam confectæ anno 1256. Ita possessio sacratissimi illius Corporis Anconitanis adempta, apud Absorenses perpetuo mansit; ejusque ex Italia in Dalmatiam translatio referri potest ad annum circiter quinquagesimum quintum sæculi decimi tertii. Neque aliud tempus magis idoneum, neque alia rerum opportunitas aptior videtur excogitari aut reperiri posse, cui hæc translatio innecti queat.

Ex loco  
delato de-  
latum fuit  
in ædem  
cathedra-  
lem.

Non multo post pacem cum Anconitanis reintegratam, Absorenses ab Jadertinis admoniti cum essent de loco, ubi Corpus S. Gaudentii in eam insulam transectum infoderant; veterem injuriam quantis maximis studiis & officiis compensaturi, quem virum majores eorum propter suam nequitiam & contumaciam abscedere coegerant, mortuum summo cum honore excipere decreverunt. Itaque Episcopus & clerus, magistratus & populus solemniter & frequentissima supplicatione ad locum sibi ab Jadertinis indicatum adeunt, terram effodiunt, arcam ligneam inveniunt, extractam cum Psalmis & Hymnis intra mœnia in ædem cathedralem deferunt; ac delatum summa omnium gratulatione ac veneratione subter aram maximam collocarunt. Dies inventi Corporis, simulque in urbem translatus fuit ante 111. Kalendas Augusti; quem diem fastis hujus Ecclesiæ adscriptum, singulis annis clerus Absorensis anniversariæ psalmodiæ ac liturgiæ cultu concelebrat. Sæculo decimo quinto cum urbem contra piratarum incursiones validius muniri oporteret, eam breviori ambitu circumscriptam, iis mœnibus ac propugnaculis cinxerunt, quibus a maritimis prædonibus tutæ esse posset. Intra muros urbis contractæ ædes cathedralis includi non potuit; quocirca Corpus S. Gaudentii, ne piratarum injuriis & latrociniiis expositum esset, in urbem delatum ferunt, ac depositum in quadam ædícula, quæ nunc etiam titulum S. Gaudentii retinet, ac prope abest ab æde nova cathedrali, quam eodem sæculo Antonius Panzichius Episcopus ingenti substructione sumptuque moliri cœpit; & sæculo decimo sexto, cum ad fastigium perducta & ornata esset, Coriolanus Garzadus itidem Episcopus Corpus S. Gaudentii, veteri arca lignea inclusum, cui inscriptus erat annus 1317. e proximo sacello in ædem cathedralem transtulit anno circiter 1577. v. Kalendas Februarii, & in summo altari collocavit. Hujus translationis diem in fastos Absorensis Ecclesiæ referri jussit, & singulis annis ritu cultuque ecclesiastico celebrari. Ædiculam S. Gaudentii, ne antiquam religionem e sacris illis exuviis ibidem conditis acceptam amitteret, vetustate collabentem refecit, & picturis ornavit, quæ adhuc extat, eximiaque civium veneratione ac frequentia co-

litur, Simon Gaudentius Episcopus arcam e selectis pretiosisque marmoribus atque eleganti opere faciendam curavit; & anno 1713. Corpus S. Gaudentii arca veteri exemptum in hac reposuit. Tres sunt arcæ sepulcrales, duæ ligneæ, tertia marmorea, quas Ossa sanctissimi hujus Episcopi, ex una in aliam translata consecrarunt. Omnium antiquissima, & prima fortassis, quæ sacrum illius cadaver excepit, atque ad insulam Absorensem detulit, servatur in æde cathedrali prope baptisterium. Alteram vero, cui insculptus est annus 1317., ex ædícula S. Gaudentii Coriolanus Episcopus, ut supra diximus, in ædem cathedralem transtulit, & in ara maxima collocavit. Hanc eo loco sublatam in sacrario ejusdem ædis deposuit, ubi nunc extat, Simon Gaudentius, in ejusque locum tertiam marmoream substituit, ubi nunc conditum est Corpus S. Gaudentii. Hujus pars anterior constat e lamina ænea inaurata, quæ quibusdam statis ac solemnibus diebus amoveri solet, ut civibus sacri Corporis, non solum venerandi, sed etiam inspicendi, & per otium contemplandi potestas fiat. Addita inscriptio: *Corpus S. Gaudentii Episcopi Auxerensis*. Tribus clavibus obserata est, quarum unam Episcopus, alteram Archidiaconus, tertiam magistratus urbis apud se retinent. Totum Corpus, carne prorsus exesa, constat e solis ossibus, quæ tamen artificiosa coagmentatione, filisque argenteis ita sunt conjuncta & connexa, ut integri Corporis speciem exhibeant. Obtegitur veste aurea, sericis & purpureis floribus intexta; caput insigni ac pretiosa mitra conspicuum eminet, pulvinari ex textili aureo sericoque incumbens; altera tiara, cum sandalibus pontificiis cærulei coloris, ad ejus pedes apposita est. Ibidem extat capsula, in qua inclusi sunt ejusdem dentes candidi nitidique, nulla earie aut rubigine infecti. Abest alterum brachium, quod repositum est in theca argentea, ad similitudinem naturalis atque humani brachii haud vulgari opere facta; & in solemnibus supplicationibus per urbem circumferri solet.

Dux arca  
lignæ, in  
quibus o-  
lim condi-  
tum fuit,  
& tertia  
marmorea,  
ubi nunc  
servatur.

Brachium  
sejunctum  
a corpore.

#### Additamentum IV.

*Singularis Absorensium erga S. Gaudentium religio,  
& patrocinium S. Gaudentii Absorensibus  
æque promptum ac beneficium.*

Cum Absorum de morte S. Gaudentii & miraculis in vita & post mortem editis allatum esset; incredibile dictum est quantum Absorenses suorum in sanctissimum Episcopum inique factorum pœnituerit; & pristina contumacia in venerationem versa, statim eum colere, invocare, & summum honorem mortuo, cui tantam injuriam vivo fecerunt, deferre omnes cœperunt. Exinde nunquam illorum erga S. Gaudentium religio deferbuit; quin immo magis magisque crevit in dies effloruitque; præsertim postquam sacras illius exuvias adepti, Corpus beatissimi viri, veluti quoddam publicæ salutis & felicitatis certissimum pignus apud se retinent, & magna cura ac vigilantia custodiunt. Cum jam inde ab antiquissimis temporibus Patronus primarius civitatis esset S. Nicolaus Mirenensis Episcopus, alterum sibi suæque urbi & ecclesiæ Patronum adoptarunt S. Gaudentium, quem, ut Joannes de Rubeis Episcopus Absorensis scriptum reliquit, *tota hæc diæcesis filium* (quippe eum Absori natum fuisse existimant), Pa-

Absorensium anti-  
qua & per-  
petua erga  
S. Gauden-  
tium reli-  
gio.

*Patronum, & Episcopum habuisse gloriatur, & nunc Intercessorem.* Diem natalem & festum S. Gaudentii Kalendis Junii, quo die ad Superos migravit, sollempni ritu ac religione clerus populusque concelebrant, & ecclesiastico municipali jure, ac præcepto ab operibus servilibus vacare omnes jubentur; hujus diei venerationem ac celebritatem in octavum usque diem perducunt. Inter preces matutinas recitari solebat historia de illius vita, virtutibus ac miraculis in novem lectiones juxta ritum antiquum distributa; sed cum Pius V. varias ac multiplices formulas recitandi preces canonicas, quas in singulas ecclesias consuetudo invexerat, ad normam Breviarii Romani revocari conformarique jussisset; Coriolanus Garzadus Episcopus per litteras Sedem Apostolicam consuluit, utrum novem illas lectiones retineri, componique cum ea, quam Pius præscripserat, divini officii persolvendi formula liceret. Nullum ex urbe responsum recepit. Itaque decrevit salva in ceteris psalmodiæ partibus Piana methodo, integrum cuique esse vel proprias & antiquas S. Gaudentii, vel communes Confessorum & Pontificum lectiones ad pensum canonicum adhibere. Verum Joannes de Rubeis Episcopus communes ab omnibus recitari jussit, quibus propriæ & antiquæ, si liberet, adjungi possent; sed vel nemo fuit, vel certe pauci fuerunt, qui lectiones duplicandi onus subire vellet. Exinde usus veterum lectionum defuetudine exolevit. Quocirca Officium S. Gaudentii nihil habet proprii, præter orationem, & antiphonam ad duo cantica in laudibus & vespere adhibendam, quæ sunt hujusmodi: *Confessor invictissime Gaudenti, constantissime urbis Auxeris protector & refugium, nostris acquiesce precibus, & pro salute omnium funde preces ad Dominum.*

*V. Ora pro nobis Beate Gaudenti.*

*R. Ut digni efficiamur promissionibus Christi.*

*Oremus.*

*Deus qui Ecclesiam tuam B. Gaudentii Confessoris tui atque Pontificis virtutum copiis illustras, ac protegis, da nobis quasumus ejus nos semper gaudere patrocinii, ejus meritis gloriamur. Per Dominum nostrum &c.* Hac die sollempnis supplicatio quam maxima pompa & frequentia peragi solet, Episcopo pontificis vestibus atque insigniis ornato Brachium S. Gaudentii gestante, Capitulo, clero, & piorum virorum sodalitiis præeuntibus, Prætoris urbis, magistratu, & ingenti multitudo prosequente, qui non solum e finitimis insulis locisque, sed etiam ex Istria frequentissime concurrunt, & sepulcrum S. Gaudentii oblatiis cereis, aliisque muneribus colunt. Ad augendam ejus diei celebritatem nundinæ indici solent ab omni vestigali & portorio immunes, ad quas cujusque generis negotiatores conflunt. Duos præterea dies singulis annis ob duplicem Corporis S. Gaudentii translationem memorabiles, scilicet duodecesimum Januarii, ac tricesimum Julii, ut supra dictum est, clerus Absorensis ecclesiastico ritu et officio concelebrat. Ad honorem S. Gaudentii, ejusque patrocinium civitati ac civibus impensius conciliandum, altera supplicatio instituitur die Dominica quarta solemnibus quadragesimalis jejunii. Brachium S. Gaudentii ad utramque urbis janam, quæ mari, quæque terræ obversa est, hymnum *Iste Confessor decantans, deferunt; utrobique conceptis verbis pro incolumitate civium, fertilitate agrorum,*

*S. Gaudentii meritis interpositis, vota faciunt; quibus ad extremum hanc precationem subjiciunt: Domine Jesu Christe, qui in introitu Hierusalem portas sanctificasti, dum splendore duodecim gemmarum totidem Apostolorum nomina præsignasti, & per organum propheticum prædixisti, Lauda Jerusalem Dominum, lauda Deum tuum Sion, quoniam confortavit seras portarum tuarum, & benedixit filiis tuis in te: Te quasumus Domine humiliter deprecamur, ut ponas inter omnes fines civitatis istius pacem bonam, ut in ipsa & inter homines velociter currens sermo tuus adipe frumenti satiet eos, & Spiritus Sanctus defendat omnes habitantes in civitate ista in Christum credentes, ut nunquam prævaleat inimicus in ea; sed omnes interiori voce & opere decantent dicentes: Magnus Dominus & magna virtus ejus, & sapientia ejus non est numerus. Qui cum Patre & Spiritu Sancto vivis & regnas in secula seculorum. Amen.*

Venerationem habent apud Ablorenses loca illa, quæ olim S. Gaudentii vestigiis impressa, & eximiarum virtutum exemplis, ejusque sacris exuviis consecrata fuisse fama & auditione majoribus acceperunt; veluti ædes vetus cathedralis, quæ illius Corpus ab Italia, & Portu Malaciæ devehit excepit; ædícula S. Gaudentii proxima novæ basilicæ cathedrali, in qua, post urbem breviori mœniorum ambitu circumscriptam, depositum fuit; itemque templum ac cœnobium Benedictinum perantiquum S. Petri, quod monachorum discessu vacuum, alicui viro ecclesiastico honoris ac remunerationis causa, cum redditibus eidem annexis commendari solebat. Sunt qui conditorem utriusque esse existiment S. Gaudentium, & Monachum antea fuisse, quam ad regendam Ecclesiam Absorensis eligeretur; ex quo fieret, ut, cum Episcopatum deposuit, non tum primum vitam monachalem inierit, sed per aliquot annos intermissam repetierit. Mons est altissimus, duo circiter passuum millia ab urbe in occasum & meridiem distans. In medio fere monte, & loco declivi visitur Crypta admodum angusta & tenebrosa, in quam statis temporibus se recipere solitum Gaudentium fuisse ajunt, ut ibidem ab omni hominum consortio conspectuque sejunctus, rerum divinarum contemplationi vacaret. Hac ab indigenis pariter atque advenis singulari veneratione colitur. Huc crebri peregrinorum concursus, qui ante effigiem S. Gaudentii cereos accendunt, ejus opem implorant, voti-vastabellas beneficiorum ab eo divinitus acceptorum testes appendunt. In summo hujus montis fastigio eminet sacellum S. Nicolai, & ferme ad ejusdem radices loco præalto ædícula S. Laurentii incumbit. Inter hanc & illud passim visuntur rudera quædam & vestigia parvarum cellarum, hæc illac in dorso montis dispersa, quas ab Eremiticis, sive ab Anachoritis olim habitatas ferunt. Suspicio est non improbabilis hæc loca condita & culta fuisse ab Eremitis Camaldulensibus ex disciplina S. Romualdi, cui fere æqualis fuit S. Gaudentius, & quemadmodum cum S. Petro Damiano, sic etiam cum S. Romualdo familiaritate conjunctus esse potuit. Satis autem constat S. Romualdum venisse in Istriam, & apud Parentium monachis cœnobium, Eremitis sui Ordinis parva domicilia fundasse, ut est in ejus vita apud Bollandum: *Romualdus autem tribus annis in Parentina civitatis finibus habitans, in uno monasterium construxit, & Abbatem in eo cum Fratribus ordinavit;*

Loca vestigiis S. Gaudentii consecrata.

Crypta S. Gaudentii.

Supplicatio sollempnis ejus facta ac prius die fieri solet.

Altera sollempnis supplicatio die Dominica quarta Quadragesimæ.



navit; in duobus vero inclusus mansit. Nec vero ab simile est cum ex Istria proxima ad insulam & civitatem Absori se contulisse, vel aliquos suæ disciplinæ alumnos misisse, qui monasticum, sive eremiticum institutum ibi propagarent.

Abforen-  
sium religio  
ac fiducia  
erga S. Gau-  
dentium.

Abforenses cum perpetua & constanti erga B. Gaudentium veneratione summam spem in ejus patrocinio repositam conjungunt; atque in periculis & asperis temporibus, in privatis ac publicis incommodis & difficultatibus ad ejus opem confugiunt. Neque auxilium suum S. Gaudentius frustra implorari patitur. Argumento sunt multa & magna beneficia afflictis & supplicibus divinitus collata, quorum alios e letiferis morbis ad sanitatem revocavit, alios naufragiis exemit, alios aliis infortuniis vel eripuit, vel prohibuit. Sed præsertim ad communes calamitates sive arcendas, sive depellendas præsto est præsidium S. Gaudentii, publicis votis ac precibus imploratum. Semel atque iterum sæculo superiori ingens locustarum multitudo in agrum Abforensium, & Cherseusentem incubuerat, & satis arboribusque cladem minitabatur. Brachium S. Gaudentii, sive insigne ex ejus Corpore fragmentum, pia & frequentissima supplicatione circumlatum, objectumque noxiis animalibus, protinus pestem illam depulit, ac disiecit. Si quando agri vel nimia siccitate laborant, vel assiduis imbribus obruntur; ad pluviam, vel serenitatem impetrandam, imploratione S. Gaudentii nihil est præsentius & validius. Haud multis ante annis mare insulæ circumfluum, ceteroquin natura piscosum, uberes & copiosos proventus, quos incolæ e piscatu percipiunt, denegabat. Brachium S. Gaudentii, jussu Prætoris ad oram maritimam delatum, huic mari pristinam piscium ubertatem & copiam restituit. Tutelæ ac patrocinio S. Gaudentii acceptum referunt indigenæ, quod neque Turcis, nec piratis, a quibus sæpe infestum fuit Mare Adriaticum, ad insulam populandam, prohibente S. Gaudentio, accessus patuerit.

Abforenses  
& Crexenses  
serpentes  
innoxii.

Illud etiam non insulæ solum, sed toti diocesi Abforensi commune beneficium patrocinio S. Gaudentii vulgo adscribunt; quod in utraque insula Absoro, & Crexa, scopulisque circumjacentibus, viperæ & serpentes proflus innoxii sunt, omnique veneno mortifero exarmati. Hanc præterea terræ Abforensi, & Crexensi, propter merita & preces S. Gaudentii, vim divinitus inditam esse ajunt, ut si qua ex utroque solo particula, quam ut S. Paulli Meliteniensis Africani, sic S. Gaudentii Gratiæ Abforenses Dalmatæ vocant, quocumque afferatur, hoc ad veneficos hujusmodi bestiarum morsus præsentissimum remedium esse affirmant. Ita scilicet execrationem illam, qua Gaudentius propter flagitia & perveraciam incolarum, terram gentemque illam vivus perculerat, mortuus adventu atque tactu sui corporis in salutarem ac faustam precationem convertit; & qui præteritæ contumaciæ & nequitæ virus omne insigni poenitentia ex animis evomuerant, eos ab omni noxiorum animalium veneno immunes esse voluit; & summos honores sibi suisque exuviis adhibitos singulari beneficio compensavit. Quamvis ergo utraque insula serpentum varii generis sit admodum ferax, nullum tamen noxium, nullum generi humano infestum gignit; & vel ipsi pueri viperas impune manibus tractant, atque in sinu fovant ac ferunt; quin immo si aliunde hujusmodi animalia, supapte natura venefica, in alterutram insulam inferuntur, statim atque in terram deposita sunt, disrupta intereunt, quod multis & certissimis experimentis compertum est. Terra Abforensis & Crexensis, quocumque deferatur, ubique eandem vim retinet. Anno 1690. apud Flumen, quod est oppidum S. Viti in ora maritima, cum in horto Patrum Societatis Jesu e fovea quadam angues innumerabiles emergerent, ac veluti ebullirent; Abforensi terræ conspersi omnes interierunt; eaque in scrobem illam injecta, maleficam progeniem penitus extinxit. Fuerunt qui vim huic terræ, licet alio asportata, inditam experiundi causa, viperam virulentam ac letiferam in circulum concluderent, ex una parte terra Abforensi, ex altera carbonibus obseptam; illa vero cum exitum undique sibi obstructum videret, in hos insilire, quam terram illam attingere, maluit. Scio equidem non defuturos, qui vim hanc terræ Abforensi, & Crexensi naturaliter ingentem esse existiment; & alias terras ac regiones ab antiquis Scriptoribus commemorari, e quibus angues viperæque vel innoxie gignuntur, vel si quæ illuc accesserint, procul arcantur; earumque glebis adversus quolibet venena remedium præsentissimum inesse ajunt, idque naturæ locorum adscribi oportere; quin de terra quoque Melitenensi, quam Gratiæ S. Paulli vocant, idem sentiunt ac dicunt. Sed utcumque de aliis locis ac terris ex veterum scriptis opinari libeat; nemo certe ex Scriptoribus & Geographis antiquioribus, ac ne ipse quidem Plinius diligentissimus investigator rerum naturalium, qui Absyrti, sive Absori, & Crexæ mentionem fecit, vel alterutram, vel utramque insulam veneficorum serpentium immunem esse scripsit. Neque satis certo hoc colligi potest e fabulis Hygini, qui hæc tradit: *Absoritani serpentum multitudinem resistere non poterant. Medea ab eis rogata lætas eas, in tumultum fratris conjecit, quæ adhuc ibi permanent; si qua autem extra tumultum exit, debitum naturæ persolvit*; nam Hyginus fortasse non Absoritanos Dalmatas intelligi voluit, sed Absoritanos Asiæ populos, apud quos Absyrtum fratrem Medæ cæsum ac sepulcrum tradunt Arrianus, Procopius, & alii non pauci: argumento esse potest tum Absorum oppidum Cappadociæ in confinio Colchorum, tum sepulcrum Absyrti, quod inibi ostenditur. Nec longe abest Armenia, ex qua Terra Armeniaca, quam Bolum Armenum, sive Orientalem vocant, cui ad profligandos serpentes, eorumque letales morsus sanandos vim miram inesse ferunt. Hyginus autem scriptor fabulosus more Poetarum e regione non ita longinqua virtutem illam alexipharmacam Absorum in Cappadociam transtulit, ad eamque alludere voluit, cum ob serpentes illos in sepulcrum fratris per Medeam contrusos, Absoritanos Asiaticos ab omni noxiarum bestiarum vexatione & periculo liberatos fuisse scripsit. Ceterum cum singularis illa utriusque insulæ Dalmaticæ immunitas a venenatis & mortiferis animalibus, divinæ virtuti, & patrocinio S. Gaudentii verisimilius, quam naturali efficientiæ attribui possit; non video quid causæ sit, cur hanc piæ credulitatem multarum ætatum consensu firmatam ex Abforensium & Crexensium animis eximi oporteat; ex qua nihil detrimenti, plurimum

mum adjumenti capiunt ad suam erga Deum & B. Gaudentium venerationem fiduciamque augendam.

## LAURENTIUS EP. ABSORENSIS IV.

Laurentius  
Episcopus  
Absorensis

Oriundus e Dalmatia teste Archidiacono; sed qua ex urbe & familia, incertum est; illud quoque latet e monasticone, an e clericali Ordine ad hanc ecclesiam regendam assumptus fuerit. Nobili genere natus, & eximiiis virtutibus, factisque præclaris illustrem fuisse oportet, cum dignus habitus esset, qui Sancto Gaudentio in sedem illam episcopalem subrogaretur, unusque omnium maxime idoneus, qui divinum illum virum ipsius vestigiis persequi posset, & sanctissimum illud veteris Sacerdotii exemplum excipere, ipseque aliis, qui succederent deinceps, exemplo esse. Cum igitur S. Gaudentius anno 1042., ut diximus, apud cœnobium Novi Portus monasticum institutum amplexus, Ecclesiæ Absorensi nuncium remisit; hujus regimen Laurentius suscepit, & usque ad annum hujus sæculi undexagesimum retinuit. Quæ per annos fere septemdecim ad cultum divinum amplificandum, & Christianæ plebis religionem ac pietatem augendam, laudabiliter gesserit, vetustas & oblivio intercepit; sed de his conjecturam fieri velim ex illis pulcherrimis factis, & sanctissimis institutis, immortalis memoria dignis, quibus illustravit Ecclesiam Spalatensem, eique mirifice profuit; hæc a nobis exposita sunt in historia ejusdem Spalatensis Ecclesiæ. Anno igitur 1059., cum Johannes IV. Pontificatum Spalatensem voluntaria abdicatione deposuit in Concilio provinciali, cui præsidebat Maynardus Legatus Sedis Apostolicæ, cuique ipsemet Laurentius interfuit, cunctis Episcoporum suffragiis ex Absorensi Episcopo creatus est Metropolitæ Spalatensis, ut docet Thomas Archidiaconus cap. xiii. Cum omnes Spalatensis Metropolis Episcopi convenissent, antequam dimitteretur Concilium, tractatum est de electione Metropolitanæ, quia Ecclesia Spalatensis tunc vacabat. Et factum est divina inspirante gratia, ut omnium mentes & vota in personam venerabilis Laurentii Absorensis Episcopi, qui cum cæteris Suffraganeis ad Synodum venerat, concordarent, ipsum in Patrem & Archiepiscopum unanimiter postulantes. Missa ergo electione ad Romanam Curiam, postulationem de ipso factam Domino Papæ præsentaverunt. Et quia testimonium habebat bonum ab omnibus, facile admissa est petitio eorum. Deditque Summus Pontifex licentiam transeundi, mittens ei pallium dignitatis, cum confirmatione privilegiorum metropolitice auctoritatis. Fuit autem Laurentius iste Dalmatinus origine, statuta quidem pusillus, sed sapientia magnus.

## PETRUS EP. ABSORENSIS V.

Cujus nomen adscriptum invenio diplomati Cresimiri regis Chrobatæ & Dalmatiæ, qui Sibenici in amplissimo Episcoporum & Procerum conventu anno 1066. cœnobio Mariano Virginum Jadrensi, & Cichæ Antistitæ regiam libertatem donavit. Hanc donationem laudavit approbavitque Laurentius Archiepiscopus, Stephanus Episcopus Jadera . . . . . & loco postremo Petrus Absoren. an. 1066. Extat formula solemnitis sacramenti, quo suam fidem atque obedientiam Laurentio suo Metropolitæ ob-  
Illyrici Sacri Tom. V.

strinxit: Ego Petrus Ecclesiæ Absorensis futurus Episcopus promitto tibi Domino Laurentio, tuisque successoribus canonice intrantibus me fidelem & obedientem secundum ordinem meum. Sic me Deus adjuvet, & ista quatuor Evangelia.

## BASILIUS EP. ABSORENSIS VI.

Hujus Pontificatum Valerius a Ponte Archidiaconus Jadrensis in catalogo Antistitum Absorensium cum anno 1069. & 1076. conjunxit. Sanlegus insula est diocesis Absorensis contra Absorum ad meridiem sita, & non ita lato interjecto mari disjuncta. In ea hisce temporibus ædificatum est templum ac cœnobium Benedictinum S. Michaelis, cui Pagenles sive Chelenses nescio quid maleficii aut injuriæ cum intulissent, contagiosa lues in insulam atque oppidum Pagi invalit; magnas strages edebat, terrore omnes perculerat. Admonitu S. Nicolai, in ejus tutela sunt loca omnia diocesis Absorensis, intellectum est illam pestilentiam, Deo patrati sceleris ultore immisam esse. Itaque ut divinam iram placarent, Pagenles templo & monachis S. Michaelis donarunt templum S. Petri in Neumis, cum ædibus & prædiis eidem annexis, quod ipsi possidebant in parva quadam insula, quæ angulo insulæ Absorensis ad orientem extremo objacet. Donationis Tabulæ anno 1071. confectæ sunt ejusmodi: 1071. Indict. 9. Tempore Cresimiri Dalmatinorum, & Croatinorum Regis, & Dragi Arben. Episcopi instrumentum, per quod Kessensis Communitas, quando monasterium S. Michaelis de Sansigo in primordio ædificationis ipsius, occulte & aperte offenderant, & per revelationem S. Nicolai Deus sua misericordia nos visitasset, quod strages, qua deprimebamur, ob id eveniret; pro emendatione malefactorum, quod fecerant, donant monasterio Sansicovo monumentum suum S. Petri de insulis Neumis, cum suis utrisque insulis, perpetuo possidendum; salva tamen justitia Arbensis Episcopus, cui subscribere Mozolinus Arbensis, & Kessensis Comes, & multi alii Kessenses. Anno 1075. Gerardus Archiepiscopus Sipontinus, Gregorii Papæ VII. Legatus in Dalmatiam missus, Episcopos provinciæ Spalatensis ad Concilium convocavit, de quo in Laurentio Archiepiscopo Spalatenti. Interfuerunt autem isti Suffraganei Ecclesiæ Spalatensis, ut docet Archidiaconus cap. xvi., Primus Laurentius Archiepiscopus, secundus post eum Stephanus Episcopus Jadrensis, Joannes Traguriensis, . . . . . Basilius Absorensis, & alii multi. Cum Svinimir rex Dalmatiæ & Chrobatæ, ædem S. Georgii in Putalio cum omnibus prædiis ad eam pertinentibus donasset Laurentio Archiepiscopo, & Ecclesiæ SS. Domnii & Anastasii, hanc donationem sua præsentia & approbatione laudavit Basilius Episc. Absorensis, cum aliis Dalmatiæ Episcopis: Ego quidem Svinimir Chroatorum ac Dalmatinorum Rex residens in meo Regno, anno Dominicæ Incarnationis MLXXVI. Indict. vero, XIV., die 1x. mensis Octobris &c. &c. Acta sunt hæc in præsentia horum servorum Dei, videlicet Stephani Episcopi Jadrensis . . . . . Basilii Episcopi Absorensis.

Templum  
ac cœno-  
bium Be-  
nedictinum  
S. Michaelis  
in insula  
Sanlego.

Basilius  
Concilio  
provincia-  
li Spala-  
tensi inter-  
fuit.

## GUILLELMUS EP. ABSORENSIS VII.

Quem consecravit Crescentius Archiepiscopus Spalatensis, ineunte sæculo duodecimo in sedem  
R 2 me-

metropolitanam Laurentio subrogatus; qui sub consecrationem ab eodem iurandum in sua verba, sicutque leges more majorum ab eo exegit: Ego Guilelmus Absarensis Episcopus promitto fidelitatem & obedientiam ab hac hora in antea, secundum ordinem meum Ecclesie Spalatinae, & tibi Crescentio Archiepiscopo nostro, tuisque successoribus canonice intrantibus. Sic me Deus adjuvet, & hac Sancta Quatuor Evangelia.

### PETRUS II. EP. ABSORENSIS VIII.

Petrus III.  
Ep. Abso-  
rensis in-  
terfuit  
Concil.  
provin.  
Spalaten.

Interfuit Concilio provinciali, quod Crescentius Jaderam convocavit, cuius annus ignotus est, siquidem in quodam fragmento ejusdem Concilii, cuius acta interierunt, cum aliis Episcopis provincie Spalatensis nominatur *Petrus Absarensis*. Colomanus rex Hungarie sub initium seculi duodecimi, dum aberat classis Veneta in orientem ad sacram expeditionem profecta, per vim ac fraudem Venetis Dalmatiam eripuit. Anno ejusdem seculi undecimo, cum in hac regione versaretur, amplissimum Ecclesie Arbeni privilegium concessit, quod Episcopi omnes, qui erant in regio comitatu, approbarunt, & laudarunt. Inter hos Petrus Absorensis locum postremum obtinet. *Anno Domini Incarn. IIII., Indi. 4., Epacta nona concurrentibus.* Ego Colomanus Rex Hungarorum per misericordiam Dei potitus Regno Dalmatie &c. Datum est hoc privilegium dicte Ecclesie Arbeni per manus venerab. Laurentii Strigoniensis Archiepiscopi . . . . . in presentia suorum Episcoporum & Comitum, quorum nomina hac sunt, Marcelli Vaciensis Episcopi . . . . . Crescentii Archiepiscopi Spalatensis, Anastasii Tinninien. . . . . Petri Absarensis Episcopi, & Generalis Domini Regis Curie; & ut hoc privilegium &c. &c. Petro Episcopo Absorensi id honoris & officii datum fuerat, ut in Curia regali Generalis titulum gereret, ac locum teneret; sed huic vocabulo quid muneris subesset, mihi non est compertum. Crescimus etiam, cum Episcopatum Tinninientem instituisset, hunc Episcopum titulis, & muneribus perhonorificis aulæ, & curiæ regali decoravit, ut dictum est in historia Ecclesie Tinninientensis. Hæc autem Episcoporum, & Ecclesie Tinninientium propria & perpetua esse voluit; verum dignitatis & muneris, quod Petro contulit Colomanus, ad ejus successores propagari noluit; nemo enim Antistitem Absorensium post Petrum, Generalis Regis Curie appellatus esse reperitur. Unum Petrum hoc nomine & honore amplissimo affecit, vel propter ejus eximia merita, vel propter suam in eum benevolentiam. Petrus vitam & Pontificatum perduxit usque ad annum circiter 1142., nisi forte inter hunc & Petrum Camasium unus aut alter interjectus fuerit, cuius nomen ac memoriam vetustas abolevit.

### PETRUS III. EP. ABSORENSIS IX.

Petrus III.  
Episcopus  
Jadren-  
sis obtine-  
di spe de-  
pulsus.

Patria Jadertinus, filius Camasii, Clericus Ecclesie Jadrensis. Anno circiter 1141., cum sedes episcopalis Jadrensis vacaret, hanc dignitatem Petrus cum duobus aliis ejusdem ecclesie clericis, Lampridio, & Martino petebat. Lampridius obtinuit nixus favore & patrocinio Petri Comitis, sive Reclitoris civitatis, qui ut leniret acerbiter repulsæ, quam alii duo clerici acceperant, Martino quidem Phariensem,

Petro Absorensi Ecclesiam conferendam curavit, ut tradit Archidiaconus cap. xx.: *Vacante Ecclesia Jadrensi, tres ejusdem Ecclesie clerici ad Pontificatus honorem certatim aspirabant, videlicet Lampridius Marichna, Petrus Camasii, Martinus Manzarini. Comes vero civitatis erat eo tempore Petrana. Hic cepit fovere partes Lampridii . . . . . Tandem Lampridius iste Jadrensis Episcopus factus est . . . . . Prædicti autem clerici, qui ad Episcopatum anhelaverant, ceperunt inimicari Comiti ob favorem Lampridii, qui volens eos sibi pacatos efficere, uni (id est Petro) consensit Episcopatum Absorensi &c.* Huic Ecclesie dum Petrus præsidebat, Eugenius III. Ecclesie Jadertinae jus ac titulum metropolitanum contulit, eidemque Episcopatum Absorensi, cum duobus aliis Vegleni, & Arbeni, a Spalatensi Metropoli detractum contulit.

Ecclesia  
Jadrensis  
jure me-  
tropolitico  
aucta; ei-  
que Abso-  
rensis E-  
piscopatus  
subjectus.

### LANFREDIUS EP. ABSORENSIS X.

Interfuit Concilio Lateranensi III. sub Alexandro III. cum aliis duobus Episcopis provincie Jadertinae Arbeni & Vegleni an. 1179. In Actis quippe ejusdem Concilii Labbeanae Venetæ editioa nis nominantur ante Metropolitam & Episcopos provincie Spalatensis Andreas Arbenis, Dabro Vegliensis, Lanfredius Absarensis. Abelt Thebaldus Archiepiscopus Jadertinus ob eam causam, quam in hujus historia declaravi.

### COSMUS EP. ABSORENSIS XI.

Hunc mihi suppeditavit Chronicon manuscriptum Joannis Marini Gondolæ, Patricii Ragulientis, viri doctissimi, qui suis rebus & scriptis præclaris patriam illustravit. Anno 1197. Bernardus Archiepiscopus Ragusinus cum Andrea Arbeni, & Cosmo Absarensi Episcopis consecravit Dragoſtum (alias Rhadagallum) Episcopum Bosnensem; sed Maurus Orbinus tum Pontificatum Bernardi Archiepiscopi Ragusini, tum consecrationem Rhadagalli ad superiores annos revocavit.

### ALBERTUS EP. ABSORENSIS XII.

Notus mihi est ex Tabulis Jadrensis consecratis an. 1224., in quibus nominatur *Albertus Episcopus Absarensis*. Hunc illum fuisse cenſeo, cui mandatum dedit Honorius III., ut ipse cum suo Archidiacono ex juris formula reciperet, & scripto consignandam curaret abdicationem Episcopi Polensis, qui a Pontifice petierat, ut sibi Ecclesiam illam dimittere liceret. Id constat ex epistola ejusdem Pontificis ad Patriarcham Aquilejensem: *Honorius &c. Ven. Fr. Patriarchæ Aquil. sal. &c. Dilecti filii Archidiaconus & Capitulum Polense transmissa nobis petitione monstravit, quod cum Ven. Frater noster J. Episc. Polen. propter diversas causas, quas nobis per suas litteras intimavit, petiſſet cum instantia cessionem; nos tandem ejus devoti precibus, ven. Fratri nostro Episcopo & Archidiacono Absorensi nostris dedimus litteris in mandatis, ut vice nostra cessionem recipientes, ipsius Capitulo mandarent, ut sibi de persona idonea per electionem canonicam in Episcopum provide- rent. Sed nunc prædictus Polen. Episcopus monitus ab eisdem, cedere prætermittit, prout iidem suis nobis litteris insinnavunt. Cum itaque præ-*

*prædictus Episcopus &c. Dat. Later. 4. Idus Septem. Pontific. nostri anno 6. idest Christi 1222.*

Adventus  
S. Francis-  
ci ad in-  
sulam Ab-  
lori.

Memoriæ proditum est his temporibus B. Franciscum appulisse ad insulam Abloxi, cum martyrii cupidus in Syriam contenderet, duo fere millia passuum, ab urbe, in eo vico maritimo, cui nomen est *Neresine*; ubi posterioribus ætati-  
bus, locum illum sanctissimi viri vestigiis impres-  
sum consecrandi causa, conditum est templum &  
cœnobium S. Francisci, quod etiamnum extat.  
De adventu S. Francisci in hanc insulam hæc  
litteris mandavit P. Franciscus Gonzaga Tomo I.  
de origine Seraphicæ Religionis Franciscanæ:  
*Ad eum Sinum ultra Quarnarium portus occur-  
rit, in quo Seraphicus Pater Franciscus, dum  
Terræ S. loca peteret, triremi vectus aliquando  
substitit, unde & S. Francisci nomen sibi obve-  
nit. Ab hoc igitur portu Orsaris antiquissima,  
ut ejus ruinae adhuc ostendunt, civitas aliquan-  
tulum distat, a paucis habitatoribus ob aeris in-  
temperiem inculta, sed convicinis populis ob S.  
Gaudentii Martyris (Episcopi & Confessoris) Cor-  
pus ibidem sepultum celeberrima insuper & com-  
mendatissima; cujus nobilissima quædam civis at-  
que matrona, Seraphicæ Religionis addictissima,  
hoc loco monasterium a x. Fratribus incultum,  
in honorem B. ejusdem Francisci ad mille passus  
ab ejus manibus, ac juxta maritimum Sinum  
circa annum 1490. a fundamentis ad verticem  
usque suis sumptibus erigi, perficique diligentis-  
sime curavit.*

## G. EP. ABSORENSIS XIII.

Corpus S.  
Gaudentii  
in æde ca-  
thedrali  
collocatur.

Quem Valerius a Ponte Archidiaconus Ja-  
dertinus anno 1240. adscripsit. Post hunc an-  
norum circiter quadraginta lacuna duos vel tres  
Episcopos interjectos sic prorsus absorbit, ut  
perinde ac si nulli fuissent, omnem illorum me-  
moriæ abolerit. Inter eos annos Corpus S.  
Gaudentii ex Anconitano cœnobio Novi Por-  
tus, ut supra diximus, antea transvectum Ab-  
lorenses ingenti lætitiâ & gratulatione in æde  
cathedrali collocarunt. Hoc sæculo insulam ac  
principatum Absorem obtinebat Rogerius Mau-  
rocenus. Hanc siquidem insulam Veneti jure  
fiduciario possidendam dederant Leonardo Mi-  
chaeli filio Vitalis Michaelis Ducis Venetorum,  
qui e conjuge, filia Ducis Deslæ, genuit Da-  
riam, quæ in monumentis illorum temporum  
Comitissa Absarenensis appellatur. Hæc principa-  
tum hujus insulæ e Michaelia in familiam Mau-  
rocenam jure ac nomine dotali transtulit. Nu-  
psit siquidem Rogerio Mauroceno filio Domi-  
nici Mauroceni, qui Præturam Jadrensem sæ-  
culo duodecimo annos ferme triginta gessit. E  
Rogerio & Daria natus est Petrus Comes Ab-  
sorensis an. 1236., ex Petro alter Rogerius,  
qui anno 1243. Arbensem adjunxit ad princi-  
patum Absorem. Postremus e gente Mauro-  
cena Comes & Dominus Abloxi fuit Bazeda  
Maurocenus; quo extincto sub initium sæculi  
decimi quarti, Absorenses a Senatu petierunt,  
impetraruntque, ut hereditate ac successione fi-  
ducia abrogata, Comitem seu Prætorem in-  
sulæ altero quoque anno præficerent, cujus im-  
perium biennii spatio definiretur. Primus fuit  
Andreas Daurus anno 1304. ab Senatu seu Ma-  
jori Consilio Comes Abloxi electus. Hæc ex  
monumentis Venetis & Dalmaticis.

## MICHAEL EP. ABSORENSIS XIV.

Patres Minores Franciscani jamdudum Jaderæ, & fere jam inde ab ipsis sanctissimi hujus  
Ordinis primordiis, domicilium obtinuerant, quod tum doctrina, tum sanctitate eximia flo-  
rebat. Ex eo assumptus est ad Ecclesiam Ab-  
lorensem regendam Fr. Michael patria Jaderi-  
nus, de quo Lucas Vadingus Tomo II. Anna-  
lium: *Floruit hoc in loco Magister Michael de  
Jadra Provincialis Dalmatiæ, Inquisitor hæreti-  
cæ pravitatis & Episcopus Absarensis.* De illo  
perhonorifica mentio facta est apud alios Scri-  
ptores Franciscanos, Octavium Spaderum in Ca-  
talogo insignium virorum Dalmatiæ ex Ordine  
Seraphico, Franciscum Gonzagam de origine  
Religionis Franciscanæ, Petrum Antonium de  
Venetiis Auctorem Viridarii Seraphici. Hujus  
Pontificatum Vadingus ad an. 1290., Auctor  
Viridarii ad annum 1293. referunt. Sed neque  
rerum ab eo gestarum memoria extat, & an-  
nus emortualis ignotus est. Si anno 1296. ad-  
huc vivebat, Concilio generali Gradensi, quod  
Ægidius Patriarcha eodem anno convocavit,  
Michael per suum Vicarium interfuit, ut do-  
cent Acta ejusdem Concilii: *Nos Frater Ægi-  
dii Dei gratia S. Gradensis Ecclesiæ Patriarcha,  
Dalmatiæque Primas, una cum venerabilibus Fra-  
tribus, & Suffraganeis nostris, videlicet Domi-  
nis A. Civitatis Novæ . . . . . Petro Nico-  
lao Clerico de Vicentia Procuratore Ven. Patris  
D. Fratris J. Jadrensis Archiepiscopi, & Vica-  
rio Absarensis, & Martino Pilofo Plebano S. Ste-  
phani de Jadra Procuratore Capitulum Jadren-  
sis, & Absarensis &c. Michael obiit Abloxi,  
& sepultus fuit in æde antiqua cathedrali, ex  
qua translatus est ad novam ædem cathedralem,  
& conditus apud altare S. Rocchi, retento ve-  
teri operculo marmoreo, in quo ejus effigies  
in sculpta visitur, Franciscano quidem habitu  
atque vestitu, sed cum mitra & lituo pastora-  
li. Circa effigiem incisa est hæc inscriptio lit-  
teris majusculis: SEPVLCRVM RDI IN XTO  
PRIS ET DNI DNI FRATRIS MICHA-  
ELIS DE IADRA ORDINIS MINORUM  
QUI FVIT INQUISITOR HÆRETICÆ  
PRAVITATIS IN ORDINE SVO POST-  
MODUM MINISTER PROVINCIÆ DAL-  
MATIÆ DEMUM EPVS ABSARENS CVIS  
ECCL. . . . . REXIT . . . NIS . . . . .  
QUI OBIIT ANNO DOMINI . . . DIE . . . .  
Tabula marmorea tum variis locis, tum ubi  
scripta erant quæ desunt, diffracta est, & hi-  
antibus rimis disjuncta; quam ob causam an-  
nus emortualis dignosci nequit.*

F. Michael  
Episcopus  
Absorensis  
per Vica-  
rium inter-  
fuit Con-  
cilio pro-  
vinciali  
Gradensi.

Inscriptio  
sepulcra-  
lis.

## ANGELUS EP. ABSORENSIS XV.

Hunc habemus ex diplomate Jacobi Metro-  
politæ Jadrensis, qui concessu Pagani Episcopi  
Patavini cum duobus Episcopis suæ provinciæ,  
Fr. Georgio Arbeni & Fr. Angelo Absorensi,  
ac tertio certæ urbis Antistite, omnibus & sin-  
gulis, qui Basilicam Antonianam Patavinam sup-  
plices adirent, & reliquias Divorum ibidem con-  
ditas pie venerarentur, tantum de pœna pro  
delictis debita remisit, quantum ad eam expi-  
andam satis essent opera pœnalia quadragesi-  
dierum, e præscripto Canonum pœnitentialium  
injuncta.

Diploma  
Jacobi Ar-  
chiep. Ja-  
dertini se-  
cundum  
Ecclesiam  
Patavinam  
S. Antonii

*Universis Christifidelibus presentes litteras in-  
specturis. Sanctorum meritis inclita gaudia fide-  
les Christi assequi minime dubitamus, qui eorum  
patrocinia per condigna devotionis obsequia pro-  
merentur. Illum quoque venerantur in ipsis, quo-  
rum gloria ipse est, & retributio meritorum.*

*Nos igitur ad consequenda prædicta gaudia cau-  
sam dare fidelibus cupientes omnibus & singulis  
utriusque sexus vere poenitentibus & confessis,  
qui ad ecclesiam Beati Confessoris Antonii de Pa-  
dua accedentibus . . . . . reliquias Sanctorum  
Apostolorum, Martyrum, Virginum, Confessorum  
in quibusdam venerabilibus altaribus, ac ipsa  
altaria, in quibusdam anchonis ipsius ecclesie  
reconditas ex speciali veneratione, ac devotione  
visitare . . . . . de omnipotentis Dei miseri-  
cordia, & Beata semperque Virginis Mariae glo-  
riose genitricis . . . . . & Beatorum Petri  
& Pauli Apostolorum ejus, & Beati Antonii  
Confessoris patrocinio confidentes quadraginta die-  
rum veniam peccatorum suorum misericorditer  
relaxamus de consensu & auctoritate Reverendi  
in Christo Patris D. Pagani Dei gratia Paduani  
Episcopi, prout nobis . . . . . manifestum. In  
cujus rei testimonium presentibus litteris sigillum  
nostrum duximus apponendum.*

*Et ego Fr. Jacobus Dei gratia Archiepiscopus  
Jadera sigillum meum apposui. Jadera in nostro  
Palatio . . . . . Kalen. Madij.*

*Et ego Fr. Georgius Dei gratia Episcopus Ar-  
bensis sigillum meum apposui. Dat. in nostro Pa-  
latio xvi. Kal. Madij.*

*Et ego Fr. Angelus Dei gratia Auserenis E-  
piscopus sigillum meum apposui. Dat. in nostro  
Palatio xvi. Kal. Madij.*

*Et ego Fr. Petrus Dei gratia Episcopus . . . .  
sigillum meum apposui. Dat. Padue in domo  
Minorum.*

Episcopatus Absorensis Angeli referendus est  
ad initium sæculi decimi quarti. Fuit siquidem,  
ut ex descripto diplomate colligitur, æqualis  
tum Jacobo Metropolitæ Jadrensi, qui Pontifi-  
catum & vitam ab anno 1300. usque ad unde-  
cimum vel duodecimum ejusdem sæculi annum  
perduxit, tum Pagano Episcopo Patavino, qui  
in hanc sedem episcopalem conscendit an. 1302.  
Fortassis hic est ille, quem Joannes Metropo-  
lita Jadrensis ex mandato Bonifacii VIII. Ab-  
sorensibus Episcopum dedit, ut est apud Va-  
dingum Tomo II. Annal. F. Joanni Minoritæ Ar-  
chiepiscopo Jadrensi scripsit Bonifacius VIII. an.  
1295., ut præficeret Ecclesie Absorensi sibi suf-  
fraganeæ aliquem ex Minoritis. Si Angelus hic  
fuit, quem Archiepiscopus Jadrensis ad hanc  
ecclesiam regendam elegit, erat ipse quoque  
ex Ordine Franciscano, ut Michael ejus de-  
cessor; hic autem obierit necesse est eodem an-  
no 1305., vel superiori; demum non Michael,  
sed Angelus Vicarium misit, qui anno 1296.  
in Synodo provinciali Gradeni suas partes age-  
ret, suumque locum teneret. Neque hanc no-  
stram conjecturam infirmat nota hæc ad eum  
Vadingi locum, margini apposita: *Fortasse Ar-  
bensis*. Siquidem in catalogo Antistitum Arben-  
sium nullus nomine Angelus reperitur, qui per  
eos annos Ecclesie Arbeni præfuerit.

#### BONIFACIUS EP. ABSORENSIS XVI.

Hujus nomen & Episcopatum Absorem se-  
mel tantum reperio in Tabulis Dalmaticis con-  
fectis anno 1315. *Bonifacius Episcopus Absoren-*

*sis, ut ibi notatum est, cum ceteris Episcopis  
Dalmatiæ, Avenionem ad pontificium ærarium  
transmisit pensionem quamdam Ecclesiis Dalma-  
tiæ a Clemente V. impositam.*

#### GUILLELMUS II. EP. ABSOREN. XVII.

Ex catalogo Antistitum Absorensium, quem  
mihi communicavit Bonaventura Bernardus E-  
piscopus Absorensis; dicitur *electus fuisse anno  
1325, Joanne XXII. Avenione sedente.*

#### CYPRIANUS EP. ABSOREN. XVIII.

Hunc nobis suppeditavit historia MS. Anco-  
nitana Comitis Landi Ferreti ex antiquis co-  
dicibus cœnobii Portus Novi Anconam trans-  
latis, atque in Tabulario Capituli Anconitani  
depositis. Anno circiter 1335., ut ibidem scri-  
ptum est, Cyprianus Episcopus Absori & Cre-  
ptæ cœnobiarcha & monachis Novi Portus pe-  
tiit impetravitque, ut monachos Absorenses S.  
Petri in suam clientelam ac societatem recipe-  
rent; & missis illuc viris gnaris ac peritis In-  
stituti Benedictini, collapsam ibi disciplinam  
monasticam restituerent.

#### BONIFACIUS II. EP. ABSOREN. XIX.

Ex catalogo Antistitum Absorensium, quem  
confecit P. Philippus Riceputus; non aliunde  
illam accepisse videtur, nisi ex Vadingo, apud  
quem post hunc Bonifacium vita functum an-  
no 1363., creatus esse dicitur

#### MICHAEL II. EP. ABSOREN. XX.

De quo Vadingus Tomo IV. Annalium: *Fr.  
Michael de Jadra ad Ausaren., sive Ossaren. Ec-  
clesiam assumptus est per obitum Bonifacii 15.  
Cal. Julii, an. 1363. Idem confirmat Auctor  
Viridarii Seraphici; sed hujus Episcopatus in-  
itia in annum sequentem rejecit. Cum Michael  
Ecclesie Absorensis regimen suscepit, Absorus,  
& universa Dalmatia cum insulis omnibus erat  
sub imperio Ludovici regis Hungariæ, quo cum  
Veneti sub ea conditione pacem fecerunt anno  
1358., ut hi quidem Dalmatiæ possessione ce-  
derent, ille vero restitueret quidquid in Istria,  
in agro Tarvisino, & Cenetensi Venetis ademe-  
rat. Michael huic ecclesie annos fere quadra-  
ginta præfuit. Plerumque Jadera versabatur cum  
Chrylogono cœnobiarcha S. Petri; uterque e-  
nim in illa civitate domicilium sibi constitue-  
rat, propterea fortassis, quod cælum Absoren-  
te insalubrius quotidie fiebat; nec tamen præ-  
termittebant, quin aliquando suum gregem in-  
terviserent. Ceterum ex absentia utriusque res  
ecclesiastica & monastica non parum detrimenti  
cœperat. Id Absorenses cum ægerrime ferrent,  
utrumque negligentie & incurie accusarunt ap-  
ud Legatum Sedis Apostolicæ, qui tum Jade-  
ræ versabatur. Iserat, ut mihi videtur, Nico-  
laus Presbyter Cardinalis præpositus titulo ædis  
urbanæ S. Cyriaci, quem Urbanus VI. anno  
1386. in Dalmatiam miserat, ut dissensiones ac  
turbas componeret, quas seditiosi homines ac  
perduelles excitaverant; atque ut incolarum ani-  
mos ac fidem erga Mariam reginam legitimam,  
obedientiamque confirmaret; quippe Ludovicus  
rex Hungariæ moriens an. 1382. Mariam filiam  
natu maximam heredem regnorum Hungariæ  
&*

Michael  
II. Ep.  
Absoren-  
cum Ab-  
bate S. Pe-  
tri Jadera  
sedes.

Uterque  
accusatur  
apud Le-  
garum Se-  
dis Apo-  
stolicæ.



& Dalmatiæ instituerat. Accusationum capita hæc erant: Michaellem Episcopum & Petrum Abbatem Jaderæ otiosos sedere, qua in urbe sibi domicilium extruxerant, in quo vitam quietam sine ullo labore & contentione traducerent, omni cogitatione curaque tum ecclesiæ, tum monasterii deposita atque aliis relicta. Propter absentiam utriusque & incuriam, palatium episcopale ac templum S. Petri & S. Pauli col-labascere, ac ruinam minitari; ædem paræciæ in Sansego insula jam corruisse, neminem esse, qui ejus reficiendæ curam susciperet; templum in scopulo Uniæ, qui Absaro adjacet ab occa-su, recenter exstructum, nondum consecratio-ne initiatum fuisse; ædes vero S. Nicolai, & S. Magdalenzæ prope Cryptam S. Gaudentii in-cultas esse, ac desertas a Sacerdotibus & popu-lo; ipsamque S. Gaudentii ædiculam prope æ-dem cathedralem, sine lampade, sine sacrificio, sine ullo cultu relinqui, illuvie & situ squa-lere; cisternam monasterii corruptam esse; ab cœnobiarcha domum juris episcopalis alienatam fuisse, itemque e scopulo Uniæ ab eo decimas exigi, quæ ad mensam episcopalem pertinebant. Nicolaus quæsitorem ac judicem delegavit Da-mianum Episcopum Nitriensem, Mariæ reginæ Consiliarium, qui Absorum profectus Michae-lem Episcopum, & Chrylogonum Abbatem S. Petri citari imperavit; & cum vera esse com-perisset, de quibus accusati fuerant, secundum Absorenses sententiam tulit, jussitque ædificia labentia restaurari, sacris ædibus neglectis & obsoletis pristinum splendorem, & cultum re-stitui; templum Uniæ intra diem octavum a proximis feriis paschalibus consecrari; itemque decrevit, ut Abbas domum alienatam redime-ret ac mensæ episcopali redderet, cisternam S. Petri expurgaret ac reficeret; uterque vero omni tempore, alter in cœnobio ad regimen suorum monachorum, alter in palatio pontificali ad gu-bernacula ecclesiæ traditæ sederet. Cum autem inter utrumque controversia esset de jure colli-gendi decimas & scopulo Uniæ, hanc reliquit cognitioni & judicio Legati apostolici, ad quem uterque intra quatuor menses Jaderam se con-ferret cum suis tabulis, litisque instrumentis, e quibus unde jus staret, plane aperteque di-gnoscî posset. Hæc acta sunt anno 1387., xlii. Kalendas Februarii, & inserta codici Statutorum municipalium civitatis Absorensis, ex quibus summam hujus controversiæ ac sententiæ desum-pimus. Michael eodem anno templum S. Ni-colai, incumbens vertici montis Absori, item-que S. Mariæ Magdalenzæ ad radices ejusdem montis, & S. Pauli prope monasterium S. Pe-tri restauravit; & suos ædi Gaudentianæ Præ-fectos & Sacerdotes, suumque ornatum & cul-tum restituit, ut docent monumenta Absorensia.

## THOMAS EP. ABSOREN. XXI.

## PACTIUS EP. ABSOREN. XXII.

Utrumque habeo ex catalogo pontificali, quem pro singulari sua humanitate ad me transmisit Bonaventura Bernardus, vir eximie religionis, & doctrinæ, qui nunc huic Ecclesiæ summa cum laude præsidet. Pactius e Corbaviensi ad hanc Ecclesiam translatus esse dicitur. Abest quidem a catalogo Antistitum Corbaviensium; sed inferri potest inter Nicolaum qui anno cir-citer 1380., & Geminianum, qui anno 1410.

gubernacula Corbaviensis Ecclesiæ susceperunt. Notæ chronologicae utrique appositæ correctio-ne indigent. Thomas obiisse anno 1416., & Pactius anno sequenti in locum Thomæ suffe-ctus esse dicitur. Verum enimvero ante annum 1416. Maurus, & Isidorus Ecclesiæ Absorensi præfuerunt; nec vero Isidorus ante annum 1410. Episcopus Absorensis renunciatus fuit, ut do-cent Tabulæ consistoriales. Itaque Episcopatum Thomæ & Pactii ad annos posteriores decimi quarti, & priores sæculi decimi quinti revo-cari oportet.

## MAURUS EP. ABSOREN. XXIII.

Hujus Pontificatus testes sunt Tabulæ consistoriales paullo post citandæ; referri potest ad annos priores sæculi decimi quinti; nec vero ultra annum decimum ejusdem sæculi produci.

## ISIDORUS EP. ABSOREN. XXIV.

Erat cœnobiarcha monachorum Absorensium S. Petri, de quo in Tabulis consistorialibus: Anno 1410. 19. Novembris providit (Joannes XXIII.) *Eccl. Auxeren. in Dalmatia vacanti per obitum D. Mauri ultimi ejus Episcopi, de persona Fratris Isidori Abbatis monasterii S. Petri Auxeren.* Ne annum quidem Pontificatum gessit. Eo rebus humanis exempto Joannes XXIII. Ecclesiam Absorensis decrevit F. Gigo ex Or-dine Franciscano, ut est in Actis consistoriali-bus: Anno 1411. vi. Idus Novembris provisum est *Ecclesiæ S. Mariæ in insula Cheni & Auxeri vacanti per mortem, de persona F. Gigi Ordinis Min.* Sed cum morte sublatus electi nomen ad breve tempus retinuerit, abest a catalogis An-tistitum Absorensium.

## VITUS EP. ABSOREN. XXV.

Ex insula & urbe Crexa oriundus, in fami-liam Seraphicam S. Francisci nomen dederat, ex qua ad gubernacula hujus Ecclesiæ admotus fuit, ut tradit Lucas Vadingus Tomo V. An-nalium. *Fit Episcopus Ausereensis in Liburnia in ditione Veneta, sub Archiepiscopatu Jadrensi per obitum Isidori F. Vitus de Cherfo an. 1412.* Idem tradunt Octavius Spaderus, & Auctor Viridarii Seraphici. Episcopatum Absorensis, sive Au-xerensem Vadingus in ditione Veneta consti-tuit, propterea quod jam inde ab anno 1409. Jadera cum Absoro, & plerisque insulis Sinus Flanatici sub Imperium Venetorum redierat; & postea Veneti quidquid civitatum atque insula-rum Dalmatiæ amiserant, Hungaris ademptum recuperarunt. Huic successit

## PETRUS IV. EP. ABSOREN. XXVI.

Cognomento Leonius, primus e Veneta pa-tricia nobilitate, qui huic Ecclesiæ præfuerit. Anno 1439. interfuit Concilio Florentino, ubi nominatur *Petrus Ausereensis*. In indice Con-ciliorum Collectionis Labbeanæ hæc notâ apposi-ta est: *Ausereensis in Dalmatia, aliter Ausere-nsis, nunc Offero, sub Archiepiscopatu Jadrensi.* Interdum in monumentis posteriorum ætatum Antistites hujus Ecclesiæ *Ausereenses*, sed longe sæpius *Ausereenses*, vel *Auxereenses* appellantur. Anno 1440. x. Kal. Maji coram Reverendo in Christo Patre D. Fratre Jacobo de Draza Ordinis S. Bene-

Petrus IV.  
Episc. Ab-  
soren. in-  
terfuit  
Concilio  
Floren-  
tino.

*Benedicti de Auxero, & aliis testibus lectum fuit testamentum piæ cujusdam femine Ablorensis, quæ vineam & quædam alvearia legavit ad cultum & ornatum S. Mariæ de Viaro; ubi conditum est cœnobium tertii Ordinis Franciscani, atque etiamnum extat prope a mœnibus civitatis. Anno 1445. Petrus Ecclesiam Ablorensem cum Cenetenſi commutavit. Obiit anno 1474.*

## SIMON EP. ABSOREN. XXVII.

Simon de Valle Ep. civitati & ecclesiæ perutilis.

Civis Venetus, cognominatus de Valle, cuius mentio facta est in codice Statutorum Ablorenſium. Nec solum ecclesiæ suæ, sed etiam civitati profuit. Perniciosum saluti civium jam pridem esse cœperat cælum Ablorenſe; & plerique incolarum aut immatura morte extingui solebant, aut incommoda admodum & imbecilla valetudine utebantur. Ad Principem & Senatum Venetum, cui sanitas populorum suorum præcipuè curæ est, rem deferendam censuit, ut pro sua providentia civium saluti consulere; alioquin paulatim, incolis metu valetudinis vitæque amittendæ alio demigrantibus, oppidum in solitudinem redactum iri. Missi sunt duo Provisores extraordinarii Julius Contarenus, & Antonius Venerius, qui architectos, & peritos viros consulere, quid facto opus esset, ut aer & locus salubrior redderetur. Simon Episcopus ad consultationem adhibitus auctor fuit, ut salinæ quædam urbi proximæ diruerentur, e quibus maligni halitus effluebant; atque illarum demolitio aliquid salubritatis attulit; sed aliæ præterea erant causæ salutis indigenarum infestæ, quæ haud ita facile dimoveri poterant; ac præsertim mons Absorus a meridie civitati oppositus, qui propitium meridiani solis aspectum avertēbat. Cum mœnia urbis partim diruta essent, partim ruinosæ, eodem Episcopo auctore, Oratores duo missi sunt Venetias, qui ad muros civitatis reficiendos immunitatem annui tributi in biennium a Senatu postularent; sed nihil tunc obtineri potuit, ut constat ex litteris Francisci Foscari Ducis Venetiarum datis die xx. mens. Decembris, Indict. xii. MCCCCXLVIII. Juris ecclesiastici, & sacrorum reddituum vindicem egregium se præbuit. Cum administratio decimarum, & piorum legatorum esset penes laicos, qui factis ædis cathedralis tuendis præerant, & Prosopæ vocabantur, hi rationes accepti & expensi neque Episcopo, neque Presbyteris ab eo constitutis reddere volebant; eosque hujusmodi obligatione solutos declaraverat Bernardus Nanius Comes, seu Prætor Absorensis. Hujus sententiam abrogandam curavit Simon, missis ad Andream Surianum Syndicum, & Provisorem extraordinarium oratoribus Archidiacono, & Archipresbytero, qui tum Crepæ, seu Chersî morabatur. Hic secundum Episcopum & Presbyteros judicavit.

Decretum Bernardi Nanii juri ecclesiastico repugnans abrogandum curavit.

Nos Andreas Suriano pro Illustrissimo & Excellentissimo Dominio Venetiarum Syndicus & Provisor intra Culphum. Audita lamentatione Georgii Galich . . . . . Et cum coram nobis & officio nostro comparuerunt venerabiles viri Dominus Presbyter Andreas Archidiaconus, & Vicarius Generalis Reverendissimi Patris & Domini Simonis de Valle Episcopi Ausserensis, nomine ipsius Domini Episcopi, ac Episcopatus, & Dominus Presbyter Johannes Archipresbyter Eccle-

sie Ausserensis, nomine totius Capituli ipsius, sese aggravantes, quod spectabilis vir Dominus Bernardus Nani tunc Comes Ausseri & Chersî terminaverat, quod Presbyteri non possint videre suas rationes Prosopiarum, sive Castaldorum; & visa illa terminatione, & bene examinata, declaramus, quod Presbyteri nomine quo supra, possint videre suas rationes decimarum, & rationes legatorum pauperum Christi, & rationes legatorum Ecclesiæ S. Mariæ Ausseri &c. Omnes & singulas superscriptas provisiones vigore nostri syndicati officii præcipimus & mandamus observari facere inviolabiliter. Datum Chersî die xxix. Januarii MCCCCXLIX. Indict. xii.

Huc pertinet decretum quod fecit Laurentius Justinianus primus Patriarcha Venetiarum anno 1454. in Concilio provinciali, cui Simon Episcopus Absorensis interfuisse dicitur. Ad eum siquidem veluti ad Primate Dalmatiæ delata fuerat Episcopi & Cleri Absorensis querimonia de laicis, qui potestatem judicium ferendi de decimis, easque distribuendi usurpabant: Item quoniam causæ decimales spirituales sint, nec honestum sit per judicia laicorum tractari, & propter decernimus, & decreto inviolabili observari mandamus, quod prædicta causæ non per laicos, sed ecclesiasticos judices tractari, & terminari debeant; & quod quarta pars ipsarum decimarum spectans, & pertinet, tam ad pauperes, quam etiam ad fabricas ecclesiarum, ad voluntatem & arbitrium dictorum Confratrum nostrorum dari, & distribui debeant; nec aliquis in futurum, nisi prius ab eis Confratribus nostris obtenta licentia, aliter super hoc quomodolibet disponere, seu ordinare præsumat, in contrarium facientibus non obstantibus quibuscumque. Volumus tamen quod quilibet prædictorum Confratrum nostrorum in suis ecclesiis constituat tres Procuratores, unum videlicet Sacerdotem, unum nobilem, & reliquum popularem, qui sine illorum voluntate hujusmodi distributiones facere nequeant.

Decretum Patriarchæ Venetiarum.

Cum laici homines tum Absorenses, tum præsertim Chersenses rursus decimarum negotiis se immiscere vellent, contra quam Patriarcha Venetiarum, itemque Primas Dalmatiæ vetuerat; Dux & Senatus Laurentianam sanctionem confirmavit; & tres eligi jussit Episcopo præfente ac præfidente, unum e clero, alterum e cœtu nobilium, tertium e populo, qui decimas colligerent, administrarent, & pro rata portione ecclesiæ ac pauperibus dividerent. Decretum Senatus Pasqualis Maripetrus Dux Venetiarum suis litteris inclusum transmisit ad Hieronymum Georgium Prætorem Chersî & Ausseri.

Contra laicos qui se decimarum negotiis immiscere audent, decretum Senatus ad Comitem Auxeri, & Chersî transmissum.

Pasqualis Maripetro Dei gratia Dux Venetiarum &c. Nobilibus & sapientibus viris Hieronymo Georgio de suo mandato Comiti Chersî, & Ausseri, & successoribus fidelibus dilectis salutem & dilectionis affectum.

In nostro Collegio auctoritate Consilii Rogatorum die 26. præsentis capta fuit pars infraſcripti tenoris, ut inferius videbitis particulariter. Cum pecunia decimarum, quæ mere spirituales sunt, non recte administrantur p. aliquos laicos Chersî, captum & provisum fuit in Consilio Chersî præfente Comite nostro anno 1454. die xx. mensis Maji, ut illa partes decimarum, quæ dispensari debent pauperibus, & in fabricis ecclesiarum, debite administrantur, & dispensentur, quod per Reverendum Patrem Dominum Episcopum

pum Aufferensem singulo anno eligantur duo cives Chersi, unus videlicet nobilis, & alter popularis, qui simul cum ipso Episcopo esse debeant ad canonicè & debite dispensandas decimas prædictas, sicque ab antea factum & observatum constitit. Et quoniam a certis mensibus citra, per aliquos cives volentes se immiscere in administrationem pecuniarum dictarum decimarum quaesierunt, quod per ipsum Consilium eligantur annuatim cives deputandi cum D. Episcopo, & non quod per ipsum Episcopum, sicuti disponunt Canones, & juris ordo; & super hoc auditis D. Episcopo prædicto, & civibus Chersi, & Aufferi, & viso decreto formato per Reverendissimum D. Laurentium olim Patriarcham Venetiarum in Congregatione synodali, sic providendum: Quod in negotiis, & rebus ecclesiasticis servetur ordo juris, & decretorum, ut Dominum & Senatus noster sublegetur a quotidianis stimulis, & molestiis prædictorum, vadit pars, ut pecunia prædicta debite, & pie dispensentur, quod p. D. Episcopum præsentem & successores suos singulo anno eligantur tres, videlicet unus Presbyter, unus nobilis, & unus popularis Chersi, qui habeant exigere, administrare, & dispensare pecunias omnes decimarum spectantium ad pauperes Christi, & ad fabricas ecclesiarum, secundum formam juris; & illi tres, qui fuerint electi uno anno, non possint eligi ad annos x. proxime immediatos, sicuti dicti Episcopi, & cives remanserunt concordēs, ut super hoc, sicuti iustum & debitum est, servetur forma & ordo decreti editi p. R. D. Laurentium Justinianum olim Patriarcham Venetiarum, quod penitus observari debeat, & contra dictum decretum nullo modo, forma, vel medio fieri vel provideri sine deliberatione Consilii Rogatorum congregati CXX.; & ab inde sub pæn. ducatorum centum exigenda per Advocatos Communis, sine ullo consilio, a quolibet contrasaciente; & si quid factum esset, quolibet anno retractetur, & servetur juris ordo, & mandetur auctoritate attributa a nostro Consilio Rogatorum Comiti Chersi, quod compellere debeat omnes illos, qui haberent de pecuniis decimarum, juridice ad exborsationem earum, ut dispensari, & distribui possint ad illas pias causas, ad quas deputata sunt. Et hoc idem servetur in Auffero. De frataleis autem, & scholis, & aliis servetur consuetudo. Mandamus itaque vobis auctoritate nostra, ut partem præfatam, & contenta in ea observetis, & facietis observari inviolabiliter, facientes has nostras in cancellaria vestra ad successorum memoriam registrari, & registratas ipsi Domino Episcopo restitui. Dat. in nostro Ducali Palatio die xxvii. Maji Indict. vi. MCCCCLVIII.

Dux idem Pasqualis Maripetrus paucis post diebus ad eundem Georgium Prætozem Chersi & Auxeri decretum Justinianicum suis litteris subijctum transmisit.

Pasqualis Maripetro Dei gratia Dux Venetiarum &c. Nobilibus & sapientibus viris Hieronymo Georgio de suo mandato Comiti Chersi & Aufferi, & successoribus suis fidelibus dilectis salutem, & dilectionis affectum.

Deliberavimus cum nostro Consilio & auctoritate nostri Consilii Rogatorum, quod in facto decimarum, quæ mere spirituales sunt, servetur forma & ordo decreti, seu constitutionis synodalis editæ per R. D. olim Laurentium Justinianum Patriarcham Venet., sicuti per partem superius captam in nostro Collegio, quam aliis nostris

litteris vobis misimus, particularius videbitis; & ut de dicto decreto & constitutione claram & particularem notitiam habeatis, mittimus vobis iis inclusum exemplum dictæ constitutionis, annotata manu Antonii Jacobi Cancellarii R. D. Patriarchæ Venet., & sigillata sigillo Vicarii sui propter absentiam suæ R. Paternitatis. Volumus ergo, & cum nostro Collegio, & auctoritate nostri Consilii Rogatorum, vobis mandamus, quatenus suprascriptum decretum, seu constitutionem præfati R. D. Patriarchæ, prout faciet, observare, & observari facere inviolabiliter debeatis, facientes dictum decretum, sive constitutionem, & has nostras litteras in Actis Cancellariæ regiminis vestri ad futurorum memoriam registrari, & registratas præfato Domino Episcopo Aufferensi, vel nuncio suo præsentari, & restitui. Dat. in nostro Ducali Palatio die vi. Junii, Indict. vi. MCCCCLVIII.

Reperitur inter constitutiones synodales Patriarchatus Venet. edita p. Reverendissimum Patrem & Dominum Laurentium Justiniano tunc Patriarcham Venet. primum cum suis consulibus R. P. D. Episcopis Suffraganeis in provinciali Concilio . . . . . die xiiii. Maji MCCCCLIV., Indict. tertia, quadam constitutio infra scripti tenoris &c. videlicet

Item quoniam causa decimales &c. ut supra, Ego Antonius Jacobi civis Venetus publ. Imper. auct. notarius, &c. &c.

Hæ litteræ receptæ sunt postridie, quam priores.

Igitur litteras Ducales & decretum Senatus Commune Absorensium reverenter exceptit; & convocato publico civitatis Consilio, quidquid imperatum fuerat, exsequendum esse decrevit; hoc tamen de suo addendum censuit, ut quæ pars decimarum ad pauperes pertinebat, ex ea subsidium non promiscue omnibus sine ullo detractu atque discrimine, sed illis erogaretur, qui graviore inopia premerentur, nullo habito respectu ad Episcopum, vel quemlibet alium, si forte hic aliter fieri vellet ac peteret.

MCCCCLVIII. die mensis Junii undecimo. Cum per Illustrissimum Ducem Venetiarum, etiam auctoritate Consilii Rogatorum, sub die xxvi. men. Maji 1458. inter cetera in dicta parte terminata & declarata iuste & sancte, pro causis & differentiis inter Commune Aufferi & Chersi, & totius insulæ ex una parte, & D. Episcopum Aufferensem ex altera, occasione dispensationis decimarum pauperum Christi, ac occasione fratalearum, & scholarum terminatum fuerit . . . . ., quæ terminatio inter cetera in ea contenta est, quod omni anno eligantur tres, videlicet unus Sacerdos, unus Nobilis, & unus Popularis, qui habeant dispensare ac distribuere tales decimas pauperum, & spectantes ad fabricas ecclesiarum, & quod unus, qui fuerit electus uno anno, non possit eligi usque ad decem annos, sicut latius in dictis litteris ducalibus latissime constat. Verum quia ne pro tempore ipsa decima aliter dispensentur, quam inter pauperes magis egenos, & necessarios in civitate Aufferi, & ejus districtu, sicut est etiam intentio Illustrissimi D. Venet., ac ut detur principium, via, & modus dispensationis earum, congregato Consilio Aufferi, in quo interfuit Spectabilis & generosus D. Hieronymus Georgio p. Illustrissimum D. V. Comes Aufferi, & Chersi, & totius insulæ, nec non infra scripti Consulares videlicet Stephanus Sbarra judex, s. Matthæus de Panfa loco judicis absen-

Altera epistola Pasqualis Maripetri ad eundem.

Decretum Consilii Absorensium.

Sentis, s. Colanus de Drafa, s. Martinus de Drafa, s. Matthaus de Budogoi, s. Franciscus de Drafa, s. Bortholus de Bugodoi, Joannes Rotlich, Nicoliza Coranila, Petrinus, Andreas de Neresine, Matthaus Pilanovich, Michas Perdulich, Georgius Chiela, Philippus Mochovich, Joannes filius Petrizza, Petrizza de Vegla, Petrus Marongonus, omnes existentes in dicto Consilio congregato in Cancellaria Aufferi, sonata campana juxta solitum, p. nobilem virum s. Mattheum Pansa, ut supra, posita fuit pars infrascripti tenoris, videlicet, quod remanentibus dictis litteris ducalibus firmis & validis, quae iusta, & sanctae sunt, & per praedictum Consilium honorifice comprobatae, omnes & singuli, qui de cetero eligentur per dictum Episcopum Aufferensem, aut successores suos in Auffero ad distributionem talis partis pauperum, non possint modo aliquo sub vinculo sacramenti eis, & cui libet eorum praestandi, qui ingrediuntur tale officium, tales decimas pauperum dispensare, nisi inter pauperes magis egenos & necessitatos in civitate Aufferi, & ejus jurisdictione, nec aliter ad petitionem D. Episcopi, sive successorum suorum, sive alterius Sacerdotis, aut alterius cujusvis personae dispensare possint, nisi inter pauperes magis egenos & necessitatos, ut supra dictum est, secundum eorum veram & bonam conscientiam; ita tamen, quod tales electi teneantur dispensare denarios, si denarios habebunt, & exigant; si vero exigant vinum, frumentum, agnos, & hados, haec omnia incontinenter dispensare teneantur & debeant, prout exigitur, inter pauperes, ut supra dictum est, & sicut antiquitus observabatur; ut dicta intentio Illustrissimi Domini votivam habeat executionem; & quod tales electi teneantur tenere computum ordinatum de omnibus, ut possint ostendi rationes omni anno per dictos sic eligendos in Auffero sub pena librarum centum parvarum pro quolibet contrafaciente, & qualibet vice. Cujus poenae medietas sit Communis Venetiarum, & altera accusantis, qui teneatur sub silentio; & ex tunc sit privatus officio & beneficio Communis Aufferi, & totius insulae, & quod a cetero non possit eligi ad talem distributionem modo aliquo; & idem intelligatur de illis, qui eligentur ad distributionem & dispensationem partis decimarum spectantium fabricis ecclesiarum; videlicet quod tales electi ad talem distributionem, modo aliquo aut forma distribuunt partem decimarum spectantium fabricis (non) ad petitionem D. Episcopi aut suorum successorum, aut Sacerdotis, sive cujus alterius cujusvis personae, in reparationibus & fabricis ecclesiarum, & aliis, quae fuerint utilia & necessaria pro dictis ecclesiis, sicuti antiquitus etiam observabatur; de quibus omnibus teneantur tenere computum ordinatum, ut ostendi possit, quibus ostendi debeat; & denariorum si superabundarent, teneantur successori designare; & sic de successoribus in successoribus; & haec omnia fieri debeant sub pena praedicta librarum centum parvarum, & privationis, ut supra dictum est de decimis pauperum Christi, toties exigenda, & cum effectu committenda, quoties contrafactum fuerit modo aliquo, semper ratificando, & probando ea, quae per Illustrissimum Dominum cum Collegio habente auctoritatem ab Illustrissimo Consilio Rogatorum, circa praedicta declarata fuerunt, & circa alia, ut in dictis litteris ducalibus latissime continentur, referendo singula singulis. Qua parte bal-

lottata ad bussulos & ballottas, fuit obtenta per ballottas xxi. in favorem partis, nulla ballotta in contrarium existente. Quibus quidem omnibus, & singulis pro majori securitate observandis praefatus D. Comes suam, & Communis Aufferi & totius insulae interposuit auctoritatem, & judiciale decretum subscripsit manu propria.

Ego Hieronymus Georgio Comes Offera & Cherfme subscripsi manu mea.

Cum particula illa: Nec aliter ad petitionem Episcopi, sive successorum ejus, sive alterius Sacerdotis, aut alterius cujusque personae dispensare possint &c. &c. de reverentia Episcopo debita, ejusque auctoritate haud parum derogare videretur; rogatu ipsius Episcopi Senatus Vepetus totum decretum illud Ablorense abrogari jussit. Itaque Ablorenses jubente Senatu decretum revocarunt, atque irritum fecerunt.

MCCCCLVIII. Indict. sexta, die xi. Augusti. Cancellata de mandato D. Comitum in executionem litterarum Illustrissimi D. Ven. sub die xxviii. Julii 1458., praesente s. Antonio Landi Cancellario Ill. D. V. ita, quod de cetero dicta pars sit nullius efficacia, vel vigoris, ne quis de cetero audeat aliquo modo, vel ingenio, vel aliqua quavis colore similia temptare vel facere.

Dum Simon contra laicos sua & ecclesiae jurata tuebatur, Georgius Praetor Absori & Crexæ, cui Vicarius episcopalis ob causam nescio quam anathematis sententiam inflixerat, Episcopum apud Ducem & Senatum criminatus est, ipsius culpa & incuria templum & monasterium S. Petri Absorensis ei commendatum, non solum incultum esse ac desertum a monachis & presbyteris, qui sacris ibi operarentur, sed etiam collapsis fenestrarum obicibus, quadris marmoreis e pariete divullis, & ablatis, pedore situque sordescere; aedes & possessiones Episcopatus quotidie deteriores fieri, clericorum mores plane corruptos esse, Vicarium generalem Episcopi multis flagitiis eo loco, quem tenet, & ejus persona, quam sustinet, indignis inquinatum esse, qui eo temeritatis atque audaciae protulerat, ut publicae majestatis reverentia posthabita, ipsum Rectorem civitatis ignominiosa censura inustum sacrorum communione privaverit. Ut his malis remedium afferret, & anathematis sententiam a suo Vicario prolatam revocaret, Episcopum hortatus est Pasqualis Maripetrus Dux Venetiarum, gravi simul & officiosa epistola, quam suis ad Praetorem litteris inclusam misit; & hunc admonuit, ut sibi rescriberet, an Episcopus suis monitis atque hortationibus paruerit.

Pasqualis Maripetro Dei gratia Dux Venetiarum &c. Nobilibus & sapientibus viris Hieronymo Georgio, ac successoribus suis fidelibus, dilectis salutem & dilectionis affectum. Litteras vestras accepimus datas die quarto mensis Junii proxime praeteriti, quibus vidimus, quam male teneatur Abbatia, quam habet Dominus Episcopus, ac etiam domus & possessiones Episcopatus, & inonestates Vicarii sui, & decretorum: quibus intellectis diligentiam vestram commendamus, vosque advisamus, quod ipsi Domino Episcopo scribere deliberavimus, sicuti per inclusam copiam videre poteritis; hortantes suam Paternitatem, eamque requirentes, ut penitus provideat ad reparationem dictae Abbatiae, & possessionum Episcopatus, & etiam corrigat Vicarium & Presbyteros. Quare vobis mandamus, ut dictas litteras nostras, quas dirigimus Domino Episcopo,

ab Senatu  
abrogari  
jussum est.

Simon Ep.  
negligen-  
tia & in-  
curia apud  
Senatum  
accusatus.

Epistola  
Pasqualis  
Maripetri  
Ducis ad  
Hieronymum  
Georgium  
Comitem.

quod au-  
thoritatem  
Episcopi  
diminuat  
ret.

his alligatas, sua Paternitati presentari facere debeatis, & dare operam intelligendi, si nostra satisfaciet requisitioni, & nos vestris litteris advisate, ut dare executionem valeamus iis, quæ prefato D. Episcopo scripsimus. Data in nostro Ducali Palatio die x. Junii 1458. Indict. sexta.

Reverendo Domino Episcopo Chersi & Auseri.

Altera ad  
ipsum E-  
piscopum.

Dolemus maxime nostra pro devotione & reverentia ad Ecclesiam Dei, quia videmus ecclesias locorum nostrorum per fideles subditos nostros, vel eorum progenitores ex eorum propria substantia & facultate fundatas, & doctas, ut in eis divina celebrentur officia, in ruinam tendere, & pabulum brutorum fieri, & non sine nota Prælatorum ad regimen earum deputatorum; & intendentes omnino providere, cum ad nostram ex relatione fide dignorum pervenerunt audientiam, Abbatiam, quam in insula nostra tenet R. V. P., & ipsius ecclesiam in totalem tendere desolationem; in ea minime celebrari, nec monachos per multa lustra residere, & tenere, & fenestras, lapides marmoreos auferri, raptosque, qui ab ea parte corruerunt civitatis, esse direptos; similiterque Episcopatum Chersi, & domos & possessiones tendere in ruinam; Presbyteros infinitas inhonestates committere, & inter cetera Vicarium vestrum Auseri fecisse excommunicare Rectorem nostrum illius loci, quæ omnia si bene consideraret V. R. P., maxime ladunt etiam honorem suum. Quare intendentes omnino ad huiusmodi inconvenientia providere; hortari & requirere deliberavimus P. V., ut omnino ad Episcopatum suum prædictum Chersi se conferat, & ad regimen ipsius, ut ejus requirit debitum, attendat, provideatque cum effectu, ut Abbatiam Auseri, & ejus ecclesiam, & muros... reparare, deputareque Sacerdotes in convenienti numero, qui in ea celebrent, & divinorum officiorum curam habeant; similiter regulare & admonere, & corrigere Sacerdotes, & Vicarium suum, & quod revocet excommunicationem prædictam; & tale edictum factum, quod in rebus per eos gerendis, gravitate, & honestate utantur, quemadmodum requirit sacerdotalis dignitas; ac etiam in reparationem domorum & possessionum Episcopatus antedicti condignam faciat provisionem. Declarantes, quod nisi P. V. huiusmodi nostri requisitionibus satisfaciat cum effectu, cogemur ob Dei reverentiam & honorem sanctæ ejus ecclesiæ opportunam facere provisionem; & inter cetera mandatum, ut de introitibus Abbatis Abbatia recipiat, & in ea teneantur Presbyteri celebrare, & de redditibus Episcopatus, domus, & possessiones episcopales recipiant, & decreta inhonestæ de illa insula lacerentur. Die x. Junii 1458.

Cœnobium  
Virginum  
Ordinis Be-  
nedictini  
vel condi-  
tum vel re-  
stauratum.

Sed Simon hoc ipso anno 1458., vel instanti morte præreptus, quæ sibi imperata fuerant, exsequendi spatium & facultatem non habuit. Dum huic ecclesiæ præsidebat, collegium itemque templum Virginum Absorensium Ordinis Benedictini, cui titulus erat S. Maria Gratiarum, postea de Angelis, vel conditum, vel reparatum fuit, sumptum & pecuniam suppedicante familia Sbarra, in primis inter Absorenses nobili & copiosa, ut declarat stemma gentilitium ejusdem familiæ infixum super liminari januæ maximæ ipsius monasterii, cui subjectus est annus MCCCCXLVIII. Anno, ut dixi, 1458. vel proximo Simon e vivis excessit; sed neque annum mortis, neque locum sepulchri litteris proditum invenio. De utroque

interrogati Absorenses, neutrum sibi cognitum esse responderunt.

#### N. N. EP. ABSOREN. XXVIII.

Saniovinus in eo libro, quem scripsit de sacris ædibus civitatis Venetiarum, tradit duos Antistites sepultos esse in templo S. Antonii Canonorum Regularium de Castello; & horum alterum Ablori Episcopum fuisse, cognominatum de Fornacibus, sed ejus nomen silentio prætermisit. Sæculo decimo quinto familia de Fornacibus in primis inter cives secundi ordinis opibus atque honoribus florebat, ex qua Alexander de Fornacibus, qui anno 1470. amplissimum Magni Cancellarii nomen munusque adeptus est. In eo igitur templo penes sacrarium extat sepulcrum ex candido marmore, inscripto aureis Gothicis litteris, sed magna ex parte attritis, & corosis; ex quibus ne integra quidem sententia elici potest. Hic conditus est Episcopus Absorensis de Fornacibus, cum Ottobellino de Conradis Episcopo Laudensi. Vix quadriennium præfuit.

#### ANDREAS EP. ABSOREN. XXIX.

Cognomento Calderinus, ex catalogo Antistitum Absorensium nuper mihi ex illa urbe transmissio. Ejus Episcopatus adscriptus est anno 1463. Sed annus emortualis deest, itemque locus sepulcri.

#### ANTONIUS EP. ABSOREN. XXX.

Cognominari solet de Pago ex insula & oppido, unde erat oriundus; sed avitum ejus familiæ cognomen fuit Panzicchia, sive Palcicchia. Anno 1465. huic Ecclesiæ jam præsidebat, ut perspicui potest ex decreto, quo ædem S. Barnabæ sitam in Pischio, qui locus est insulæ Crexensis, seu Chersensis, vetustate collabentem restaurari jussit; subscriptus reperitur Antonius de Pago Dei & Sed. Apost. gratia Episcop. Absorensis. Datum Chersii in domibus nostræ residentie an. 1465., quin ejus initia ad annum superiorem referenda esse declarant litteræ Christophori Mauri Ducis Venetiarum ad Prælorem Ablori mox describendæ. Antonius cum sibi suæque valetudini metueret ab inclementia cæli Absorensis, fere semper in patria domi suæ habitabat; minus sæpe, quam oportuerat, Ecclesiam & gregem suum intervisebat, rei Christianæ & ecclesiasticæ procuracionem fere totam Vicario suo, siveque ministris commiserat. De illius absentia gravissimæ querimonie ad Ducem, & Senatum delatæ sunt: cœnobium & templum S. Petri Absorensis, quod cum Abbatis titulo commendatum ei fuerat, itemque palatium episcopale ipsius negligentia & incuria vitium fecisse, collabescere, & nili quam primum reparentur, prope jam esse ut funditus corruant. Ad hæc: Internuncii Absorensium conquesti sunt de sacra suppellectili ædis cathedralis in oppidum Pagi translata, ut esset uti Episcopo ibidem commoranti, cum rebus divinis operam daret. Christophorus Maurus Dux Venetiarum, seu & Senatus nomine per litteras imperavit Petro Mauroceno Prætori insulæ, ut simul cum Prælore insulæ Arbenis, de quibus arguebatur Episcopus diligenter inquireret; & veri aut falsi quod reperisset, ad se rescriberet. Alteris ad cum

Variz in  
Andream  
Ep. crimi-  
nationes  
de quibus  
diligenter  
inquiri ju-  
betur P. e-  
tor Ablori  
& Crex.



cum litteris eodem anno 1464., sed intra finem mensis Martii datis, iussit e proventibus mentis episcopalis ædificia illa collabentia restaurari, itemque suppellectilem sacram, quod in oppido Pagi Episcopus apud se retinebat, Abbatum reterri, atque in æde cathedrali, unde ablata fuerat, reponi.

Epistola  
Duc. Ven.  
ad eum-  
dem Præ-  
torem.

Christophorus Mauro Dei gratia Dux Venetiarum &c. Nobilibus, & sapientibus viris Petro Mauroceno de suo mandato Comiti Chersi & Ausseri, & successoribus suis fidelibus, dilectis, salutem, & dilectionis affectum. Viget inter istam fidem Communitatem nostram Ausseri, & Reverendum Episcopum loci ipsius magna discordia, quæ nostro Dominio magna querelmonia exposita fuit: Episcopatum, & domos Abbatia S. Petri ruere, ipsumque Episcopum, qui, uti par est, in suo Episcopatu residere deberet, Pagi inhabitare &c. &c. quam ob rem, ut de huiusmodi rebus vera possit haberi informatio, in nostro Consilio Rogatorum decrevimus, quod Comes noster Arbi istuc venire debeat, & una vobiscum omnia, pro quibus differentia & discordia inter partes orta est, particulariter minutimque oculata fide intelligere, & audire omnes, qui supra ejusmodi rerum declaratione adducuntur, omnesque possibiles declarationes sumere, deque omnibus, quæ noveritis, nostro Dominio diligenter significare debeatis; ut habita informatione omnia deliberare possimus, sicuti iustitiæ, & æquitati convenire videbitur, facientes has nostras litteras registrare, & registratas resitui. Dat. in nostro Ducali Palatio die xxx. Januarii Indict. XII. MCCCCXLIII.

Recepta die prima mensis Martii 1464.

Altera e-  
isdem ad  
eundem e-  
pistolam.

Christophorus Mauro Dei gratia Dux Venetiarum &c. Nobilibus, & sapientibus viris Petro Mauroceno de suo mandato Comiti Chersi & Ausseri, & successoribus fidelibus, dilectis, salutem, & dilectionis affectum. Displicenter audivimus tam supplicationem & querelam Nuncii, & Oratoris istius nostræ fidelissimæ Communitatis, quam responsionem, & relationem vestram jussu nostro ad ipsam supplicationem adjunctam, quo in statu & conditione reperitur Episcopatus, & Abbatia ista Ausseri; pessima scilicet & turpissima; nam incuria & negligentia Reverendi Domini Episcopi Ausseren. factum est, ut penitus quodammodo ecclesia cum palatio, & Abbatia prolapsa sit, & in ruinam, & desolationem totalem omnino tendat, usque adeo, ut maximi, & ingentis sumptus reparatione indigeat; cui nisi cito provideatur, actum erit de ecclesia, cum expressa offensa divini Numinis, & majestatis Summi Creatoris nostri læsione. Quid enim dici potest turpius aut magis impium, quam templum & ecclesias in honorem Dei, & Sanctorum suorum extructas, & edificatas tanto studio majorum nostrorum, per ignaviam, & improbitatem in ruinam, & desolationem prolabi; exstimatesque proinde ad officium, & pietatem nostram pertinere occurrere opportune, & non pati, ut penitus ruat ipsa Ecclesia, & Abbatia, imo reparetur, & instauretur pro voto, & desiderio istius fidelissimæ Communitatis nostræ, deliberavimus, & determinavimus, ut accipi & erogari debeat annuatim tertia pars introituum dilecti Episcopatus Auxerensis in reparationem ecclesiæ, & Episcopatus prædicti, & Abbatia, usque integre reparatum, & instauratum fuerit dictum opus. Et præficiantur duo boni & integri viri ex istis nostris fidelibus, qui una vobiscum

teneant computum, & dispensationem expensarum faciendam in dictum opus, & reparationem, ita ut utiliter, & sine fraude aliqua pecunia erogentur. Insuper quod omnes res & apparamenta dictæ ecclesiæ, & Episcopatus, quæ reperiuntur in insula Pagi, reducantur Ausserum ad Episcopatum, & consignentur gastaldis ecclesiæ, sicut iustum & honestum est; mandantes vobis, ut hanc nostram deliberationem observare, & exequi omnino faciatis; commonescatisque præfatum Episcopum, ut stare contentus debeat hac nostra deliberatione; nam æquum & iustum est, ut postquam ..... redditus percepit, & fructus est, nunc sublineat hoc parum oneris in laudem Dei, & contentamentum istorum fidelium nostrorum, facientes has nostras litteras registrari &c. Dat. in nostro Ducali Palatio die xxvii. Martii MCCCCXLIV. Indict. xii.

Tertias litteras ducales eodem die datas ad eundem Prætorem Petrum Maurocenum Inter-nuncii Communis Absorensis per falsam suggestionem surripuerant, quibus potestas fiebat laicis hominibus exigendi, ac distribuendi decimas ecclesiasticas, contra quam Laurentius Patriarcha & Senatus decreverant; idque videtur colligi posse ex alia ejusdem Ducis epistola eodem anno, tertio Calendas Junii scripta. De illatis sibi criminationibus cum Antonius cognovisset, statim Venetias advolvit; & cum questus esset contra se absentem inauditumque judicatum fuisse; non solum de quibus accusatus fuerat Duci ac Senatui, se ipse purgavit, & adificiorum collabentium culpam in suos decessores conjecit, sed etiam in ipsos accusatores actionem instituit, quod jus indebitum colligendi decimas ac distribuendi pro suo arbitratu usurpare volebant, contra quam Laurentius Patriarcha, & Senatus vetuerant; in idque litteras ducales malo dolo & fraude impetraverant. Dux igitur quarta ad eundem Prætorem epistola tertias superiores litteras revocavit, & quod de exactione, & distributione decimarum Patriarcha & Senatus sanciverant, omnino accurateque servari jubet.

Christophorus Mauro Dei gratia Dux Venetiarum &c. Nobilibus & sapientibus viris fidel. & dil. &c. &c. salutem, & dilectionis affectum. Comparuit ad præsentiam nostram Reverendus Pater Dominus Episcopus Ausserensis, & conquesus est quod in ejus absentia, inauditique juribus suis, sed tantum ad suggestionem per istos fideles nostros nobis factam, & pro informatione litterarum vestrarum, vobis scripsimus litteras nostras dici viginti septimi Martii præteriti, quibus circa reparationem ecclesiarum episcopaliarum, & Abbatia Ausseri novum ordinem nostrum instituimus contradicentem, & repugnantem superioribus litteris nostris, deliberatis in Collegio nostro auctoritate nostri Consilii Rogatorum sub die xxvii. Maji MCCCCLVIII., quæ disponunt circa huiusmodi, & quod tunc fuerit mens, & sententia nostra in exactione, & dispensatione decimarum, tam pro ecclesiarum sanctitate, fabricis, reparationibus, quam pro erogatione ipsarum inter pauperes Christi, ut decretum per Reverendissimum Dominum Laurentium Justinianum olim Patriarcham Venetiarum in synodali congregatione celebratum approbaretur, & observaretur; quod decretum etiam subsequentibus litteris nostris, videlicet dici sexti Junii ejusdem millennii datis observari volumus, & ejus exemplum ipsis litteris nostris inscriptum, ad ampliore infor-

Antonius  
illatas libi  
criminationes de-  
pellit, at-  
que in ac-  
cusatores  
vertit.

Epistola  
Duc. Ven.  
ad Præto-  
rem de exi-  
gendis, &  
distribuendis  
decimis.

informationem, prædecessoribus vestris misimus, ex quibus omnibus litteris per ejus Reverendam Paternitatem productis, similiter ex litteris nostrorum Advocatorum Communis, & copia decreti prædicti, ac nonnullis aliis instrumentis ad hoc propositum celebratis, quæ diligenter videre, & examinare volumus, intelleximus quod præfata littera mensis diei xxvii. Martii præteriti ex inadvertentia propter suppressionem veritatis emanata, & scripta fuerunt. Nam si jura prædicti Episcopi expressa fuissent, & vidissemus priores litteras nostras, ac decretum, & instrumenta antedicta, quæ modo licet ex simplicibus litteris vestris revocari, nunquam ad emissionem dictarum litterarum devenissemus. Quare primo & ante omnia revocatas & irritas facientes præfatas litteras nostras diei præscripti, videlicet xxvii. Martii decursi, volumus, & fidelitati vestra mandamus, quatenus quascunque, & singulas litteras nostras, & Advocatorum nostrorum Communis circa hujusmodi materiam disponentes, ac cetera alia instrumenta observare, & inviolabiliter observari faciatis; non obstantibus litteris nostris, quas, ut prædiximus, tenore præsentium pro revocatis omnino haberi volumus. Itaque pro earum observatione clara præcipimus quæ jam antea instituta fuerant, debitum effectum sortiri, sicut fuit, & præsens est intentio nostra; & quia intelleximus, quod ex ipsa ratione decimarum, & fabricæ mulii denarii reperiuntur exacti in manibus istorum fidelium nostrorum, providere pro diligentia poteritis, quod quamprimum in loco convenienti depositentur, ut sicut conveniens est, dispensari ac distribui possint ad fabricas ecclesiarum prædictarum, & sustentationem pauperum pro forma ipsius decreti synodalis, cui nos & nostrum Collegium, auctoritate ipsius Consilii Rogatorum, adhaerentes executioni mandari jussimus; facientes has nostras litteras ad futurorum memoriam in Actis vestri regiminis registrari, & registratas præsentanti restitui. Dat. in nostro Ducali Palatio die xxx. mensis Maji Indiæ. xxi. MCCCCLXIII. A tergo. Nobilibus & sapientibus viris Petro Mauroceno Comiti Cbersi & Ausseri, et successoribus suis.

His temporibus in insulam Absorensem recepti sunt Patres tertii Ordinis Franciscani; illique attributa est ædes suburbana S. Mariæ, cui de Viaro cognomen est, cum domicilio, horto, vinea, oliveto eidem annexis, ex liberalitate & dono Stephani Sbarraz civis nobilissimi & opulentissimi. Antonius Episcopus ædis Marianæ donationem confirmavit; & Jacobo Primicerio imperavit, ut in ejusdem possessionem secundum formulam juris mitteret P. Matthæum ejusdem Ordinis, Præsidem novi cœnobii designationem; idque constat ex litteris ejusdem Episcopi ad eundem Matthæum.

Antonius de Pago Dei gratia Episcopus Ausarenensis. Dilecto nobis in Christo Presbytero Matthæo de Jadra tertii Ordinis Fratrum S. Francisci salutem in Domino. Merita tuæ probitatis, & maxime devotio dicti Ordinis, quam in ipso habemus, vehementer exposcunt, ut te grata benevolentia prosequentes, tibi reddamur ad gratiam liberales. Cum igitur ruralis Ecclesia S. Mariæ Ausaren. diæcesis, & sine cura extra muros Ausaren. in loco Viar vulgariter nuncupato, quæ de jure patronatus laicorum dicitur esse, quod licet non constet, nec probeatur, ad collationem nostram pertinens, cujus fructus, redditus & pro-

ventus decem ducatorum valorem annuum non excedunt, licet quidam laici eam de facto occupatam præteritis temporibus detinuerint; Nos attendentes tuæ probitatis merita, quibus insignitus fore dignosceris, & volentes te propter hoc ex consideratione tui Ordinis, ad quem singularem gerimus devotionem, cujus membrum existis, favore prosequi gratiose, ipsam Ecclesiam nulli alii de jure debitam, cum omnibus juribus, & pertinentiis, prout ad nos attinet, tibi damus, concedimus, & assignamus, nec non contulimus, & providemus de illa, & ipsius Ordinis nomine, cum omni plenitudine juris canonici libere, & in perpetuum, & per nostrum annulum, ut moris est, manualiter investimus; salvis nihilominus, & reservatis juribus episcopalibus; decernentes ex nunc irritum & inane, si secus super his a quocumque auctoritatem non habente, contigerit attentari. Quocirca tibi Presbytero Jacobo Primicerio Ausaren. tenore præsentium, committimus & mandamus, quatenus eundem Presbyterum Fratrem Matthæum prædictum, vel procuratorem suum ejus nomine, in corporalem, realem, & actualem possessionem dictæ Ecclesiæ S. Mariæ, ac universorum jurium & pertinentiarum suorum, ut præmittitur, auctoritate nostra inducas, & defendas indutum, amoto quolibet alio illicito detentore, faciens ipsum Presbyterum Matthæum in Rectorem dictæ Ecclesiæ admitti, sibi-que de ipsius Ecclesiæ fructibus, redditibus, & proventibus integre responderi; contradictores per censuram ecclesiasticam compescendo. In cujus rei fidem has nostras præsentis litteras fieri jussimus, & sigilli nostri pontificalis majoris appensione communiri. Dat. Auseri in nostro episcopali palatio sub anno a Nativitate Domini millesimo. . . . sexagesimo quinto, die vero quarta mensis Junii. Pontificatus sanctissimi in Christo Patris Domini nostri Domini Pauli divina providentia PP. secundum annum primo.

Joannes Archidiaconus Ecclesiæ Absorensis ædem S. Marco Evangelistæ in urbe a fundamentis suo ære sumptibus exstruxit, & idoneis vestigalibus dotavit, ut declarat inscriptio tabulæ marmoreæ insculpta, & januæ superposita:

MCCCCLXVI MESER PRE' ZVANE  
DA VEGIA ARCHID. NO D'OSSARO  
FECE FARE OSTA CIESA A NO  
ME DE S MARCO a' di p.º MARÇO

Cum urbis mœnia multis locis ob vetustatem aut corruissent, aut vitium fecissent, jamdudum civitas novis mœnibus circumdari munirique cœperat; sed cum pleræque familiæ, ut aeris locique infalubris perniciem vitarent, alio migrassent, propter numerum civium imminutum, brevioris murorum ambitu circumscribi placuit. Quam ob causam angustiori illo circuitu ædem cathedralem S. Mariæ excludi oportuit. Hæc cum male materiata & ruinosa esset, ac præterea Canonicis clericisque ac civibus perincommoda; novæ cathedralis Basilicæ intra urbem jacta sunt fundamenta; ad eam ædificationem Antonius Episcopus plurimum pecuniæ contulit. Dum viveret, summum ac princeps sacellum absolutum fuisse declarat stemma ejusdem gentilitium ibidem infixum lilii figuram referens. Sub idem tempus Orator Absorensium ad Ducem & Senatum retulit prope fore, ut castellum Absori, & palatium prætorium corrueret, nisi quamprimum

Ædes S. Marco in urbe constructa.

Ædes nova cathedralis exstrui coepit.

Domicilium apud urbem Patribus Franciscanis tertii Ordinis prædictum.

restitueretur. Christophorus Maurus Dux Venetiarum utrumque ex arario publico refici ac restitui iussit, litteris datis ad Victorem Valerium Praetorem.

Castellum  
urbis & pa-  
latium pre-  
torium re-  
fici ac resti-  
tui iussit  
Christophorus  
Maurus  
Dux Venet.  
net.

Christophorus Mauro Dei gratia Dux Venet. &c. Nobilibus & sapientibus viris Victori Valerio de suo mandato Comiti Cherisi & Aufferi, & successoribus suis fidelibus dilectis salutem, & dilectionis affectum. Fuit ad praesentiam nostram prudens fidelis noster Matthaeus Panza civis, & Orator fidelium Communitatum nostrarum Aufferi & Cherisi, & aliorum locorum istius insulae, & sub litteris credentialibus vestris tria nobis exposuit, & humiliter supplicavit; primo quod ab adoptione nostra ipsius insulae continue solverint censum suum Dominio nostro sine ulla poena &c. &c. . . . . tertio & ultimo quod quia Castellum, sive arx Aufferi, ubi est palatium Comitum nostrorum minetur ruinam, nec possit habitari per vos, nec etiam sine interesse, & detrimento terrae Aufferi, ut habitare habeatis in domibus alienis, & longinquis, & sit omnino opus reparatione; dignemur vobis concedere quod expendere possitis usque ad quatercentas libras parvorum in ipsa fabrica. Quamobrem cupientes satisfacere pia & devota petitioni dictarum fidelium Communitatum nostrarum, attenta praesentim honestate rerum petitarum, deliberavimus & decrevimus cum nostro Collegio ex auctoritate Consilii nostri Rogatorum, quantum ad primum de poena accepta pro censu &c. Demum de expendendis CCCC. libris parvorum pro reparatione arcis Aufferi residentiae vestrae, quod auctoritate Consilii nostri Rogatorum expendere distas libras CCCC. parvorum possitis, & liceat vobis de pecuniis nostri Domini pro hac vice tantum; mandantes vobis auctoritate nostra, ut dictam deliberationem, et decretum nostrum observare et observari facere, et exequi debeatis. Has autem nostras ad futurorum memoriam registrari faciat, et praesentanti restitui. Dat. in nostro Ducali Palatio die XIII. Martii. Indict. xv. MCCCCLXXVII.

Paulus II.  
donationem  
templi  
ac domici-  
lii tradidit  
fratribus  
Franciscanis  
tertijs  
Ordinis  
confirmat.

Paulus II. donationem domicilii ac templi S. Mariae de Viaro, cujus possessionem Antonius Episcopus pro sua potestate ordinaria F. Matthaeo & Fratribus tertii Ordinis Franciscani tradiderat, auctoritate apostolica per Jacobum Primicerium Ecclesiae Absorensis confirmari iussit, litteris ad eum datis, quae sunt huiusmodi.

Paulus Episcopus servus servorum Dei dilecto filio Primicerio Ecclesiae Ausarenensis salutem & apostolicam benedictionem. Sincerae devotionis sinceritas, quam dilectus filius Matthaeus de Jadra, Frat. tertii Ordinis S. Francisci de Penitentia nuncupati, ad nos & Apostolicam Sedem gerere comprobatur, nos inducit, ut suis humilibus votis, quantum cum Deo possumus, favorabiliter annuamus. Exhibita siquidem nobis pro parte dilecti Matthaei petitio continebat, quod dudum venerabilis frater noster Antonius Episcopus Ausaren. eremitorium B. Mariae extra muros Ausaren., quod collapsum, & derelictum, ac desolatum penitus existeret, & per certos laicos de facto occupatum detinebatur, tunc vacans, & quod tanto tempore vacaverit, quod de illius vero & ultimo vacationis modo certa notitia non habebatur; cum illius capella sine cura, ac omnibus iuribus, & pertinentiis suis praefato Matthaeo, pro eius ac aliorum Fratrum dicti tertii Ordinis habitatione, in perpetuum ordinaria auctoritate con-

cessit, prout in quibusdam litteris authenticis, sigillo dicti Episcopi munitis, dicitur plenius contineri. Quare pro parte eiusdem Matthaei asserentis, quod fructus, redditus, ac proventus eremitorii & capellae huiusmodi quinque florenos auri de Camera secundum communem estimationem valorem annum non excedunt, nobis fuit humiliter supplicatum, ut concessionem praedictam, ac omnibus & singulis in dictis litteris contentis pro illorum subsistentia firmiori robore apostolica confirmationis adiacere de benignitate apostolica dignaremur. Nos itaque de praemissis certam notitiam non habentes, huiusmodi supplicationibus inclinati, directioni tuae per apostolica scripta mandamus, quatenus si, & postquam tibi de concessionem, & aliis praemissis omnibus, & singulis legitime constiterit; concessionem ipsam, & illam concernentia omnia & singula, in praedictis litteris contenta, prout rationabiliter, & sine aliquis juris praedictio processerint, auctoritate nostra approbes & confirmes. Non obstantibus constitutionibus, & ordinationibus apostolicis, ceterisque contrariis quibuscumque. Dat. Romae apud S. Petrum. Anno Incarnationis Dominicae millesimo quadringentesimo sexagesimo nono, sexto Idus April. Pontific. nostri anno quinto.

Jacobus Picenus Primicerius idemque Vicarius generalis Episcopi Absorensis his litteris receptis, quae sibi Pontifex impetraverat, rite ac statim executus est; idque publicis actis, & litteris mandari iussit.

Jacobus  
Picenus  
mandata  
pontificia  
exsequitur.

In Christi nomine Amen. Anno nativitatis eiusdem millesimo quadringentesimo septuagesimo Indict. tertia, die vero vigesima prima mens. Januarii. Actum Aufferi in Ecclesia S. Mariae de Viaro extra muros civitatis Aufferi, praesentibus nobili viro S. Nicolao de Ulachis de Veglia, civis & habitatore Aufferi, Antonio Maretich Diacono Ecclesiae Aufferen., Magistro Michaelae Muratore, Magistro Jacobo Sutore, omnibus habitatoribus Aufferi, & aliis testibus ad infra scripta specialiter adhibitis, vocatis, & rogatis; ibique venerabilis vir Dominus Presbyter Jacobus Piceno Primicerius benemeritus Ecclesiae Aufferen. nec non Vicarius gen. Reverendi in Christo Patris & Domini Domini Antonii, Dei & Apostolicae Sedis gratia Episcopi Ausarenensis, in executione mandati sibi facti per patentes litteras apostolicas plumbeae bullae appensione munitas, redditas, & praesentatas per infra scriptum Dominum Frat. Matthaeum die supradicta, quarum litterarum tenor talis incipit: Paulus Episc. &c. pro clariore suprascriptarum intelligentia, & auctoritate apostolica, qua in parte hac fungitur, confirmandi penitus collationem, & tenutam, & corporalem possessionem, concessam jamdudum a praedicto Reverendo Domino Episcopo Ausarenensi auctoritate ordinaria, eam approbavit, & ratificavit; & praedictam approbando, & ratificando . . . . . posuit & confirmavit praefatum Fratrem Matthaeum de Jadra acceptantem, & humiliter ac devote per se, & nomine Fratrum praefati Ordinis S. Francisci de Penitentia suscipientem, in tenutam & actualem, realem, corporalem possessionem Ecclesiae praefatae S. Mariae de Viaro extra muros civitatis Aufferi, cum omnibus, & singulis suis iuribus, & pertinentiis quomodolibet spectantibus, & continentibus, ducendo ipsum Fratrem Matthaeum per manum in ecclesiam praedictam, & faciendo generaliter in omnibus, & per omnia, sicuti in praedictis litteris apostolicis plene continetur: ita & taliter, quod

quod dictus F. Matthæus per se, & nomine, quo supra, in posterum dictam ecclesiam cum suis juribus, & pertinentiis omnibus & singulis auctoritate apostolica valeat, & possit uti & frui juxta præfati Ordinis S. Francisci constitutiones, sine ulla contradictione cujuslibet personæ.

Et ego Joannes Petrus Missanich de Ausero publicus Imperiali auctoritate notarius, & judex ordinarius, & ad præsens Cancellarius Reverendi in Christo Patris & Domini Domini Antonii Dei & Apostolicæ Sedis gratia Episcopi Auseren., superscriptis omnibus, eum prædictis testibus præsens fui; & rogatus prædictam tenutam, & corporalem possessionem in hanc publicam formam redegei, & in fidem & testimonium præmissorum apposui nomen, & signum meum tabellionatus officii in similibus consuetum &c. &c.

Eandem possessionem confirmavit Nicolaus Arimondo Comes Absorensis & C.

Hanc eandem donationem F. Matthæus confirmandam curaverat a Nicolao Arimondo Comite seu Præore Chersî, & Auseri, qui in oppido atque insula Chersensi sedem ac domicilium collocaverat, propterea quod ædes prætorie Absorenses collabescerent, nondum firmatæ ac restitutæ fuissent, uti Dux & Senatus imperaverant.

In Christi nomine Amen. Anno ab ipsius Incarnatione 1468. Indiæ. 1. die Veneris octavo mensis Januarii in platea Communis Chersî, præsentibus nobilibus s. Jacobo Columbibus juace Chersî, & s. Martino Draxa, ac s. Nicolao Petris Chersino, testibus ad hoc vocatis, & aliis &c. Cum alias die Sabbathi 19. Decemb. 1467. Venerab. Frat. Matthæo de Ordine tertio S. Francisci Gubernatore Ecclesiæ S. Mariæ de Viaro exponente, qualiter per se & successores suos appropriare intendebat domum unam, cum curia, horto, olivariis, & aliis arboribus fructiferis, & omnes jurisdictiones spectantes dictæ Ecclesiæ S. Mariæ, sicuti constat in instrumento donationis factæ ipsi Fratri Matthæo, p. s. Stephanum Sbarra &c. ejus domus, horti, &c. hi sunt confines, videlicet a Borea terrenum Communis, a Siroco via Communis, a Garbino murus antiquus civitatis Auseri, mediante via communi, a Tramontana mare mediante via communi, vel alii, si qui sunt, veriores confines; item unum petium vineæ contiguæ s. Stephani Sbarra temptum, & possessum per ipsum Fratrem Matthæum, & alios Eremitas, ut constat in prædicto instrumento donationis &c. &c. Cumque super inde testidatum fuerit per Matthæum Fingariam in Ausero, omnia præmissa narrando juxta solitum, & servatis servandis, nullaque contradictione existente; ideo magnificus D. Nicolaus Arimondo pro inclito Venetiarum Dominio &c. Chersî & Auseri, & insula Comes honorificus, visis litteris judicum Auseri supra superscripta approbatione & stridis debite factis, sine aliqua contradictione; nec non visis & intellectis instrumento concessionis superscriptorum bonorum s. Stephani Sbarra factio dicto Fratri Matthæo pro Ordine suo, suorumque successorum, tempore spectabilis Domini Petri Mauroceno tunc Chersî & Auseri Comitibus &c. & instrumento s. Damiani de Rumeo tempore Georgii Fuscarenæ Comitibus olim Chersî & Auseri &c. super inde confectis; interloquendo pronunciavit superscriptam approbationem esse firmam, & validam, & mereri executionem, & in publicam formam relevari cum solemnitatibus opportunis, ad habendum, tenendum, uti & possidendum, & quidquid dicto Fratri Matthæo, suisque successoribus deinceps plagiarii Sacri Tom. V.

cuerit, perpetuo faciendum, cum omnibus & singulis suis juribus, jurisdictionibus, servitutibus, & honoribus ipsius domus, vineæ &c. spectantibus & pertinentibus, omni molestia & impedimento remotis; cui pronuncia idem Dominus Comes suam auctoritatem interposuit, & propria manu se subscripsit in fidem præmissorum &c.

Ego Nicolaus Arimondo Comes Chersî & Auseri me subscripsi.

Antonius ut superiores, sic reliquos Episcopatus annos, ut verisimile est, in patria domus sue transegit; nisi quod identidem ecclesiam & gregem suum revolvebat. In oppido Pageni magnificas & egregias ædes extruxit, quas consanguineis suis sub ea conditione reliquit, ut si quando Pagentes, quod jamdudum optabant, sedem episcopalem obtinerent; id palatium esset Episcopi. Ibidem moriens an. 1470. non exiguum pecuniæ summam legavit Ecclesiæ Absorensi, quam in ædificationem novæ basilicæ cathedralis jampridem inchoatæ impendi jussit. Mortuus an. 1470. sepultus est in templo primario ejusdem oppidi ante januam sacrarii, sub lapide marmoreo albi coloris, in quo ejus effigies cum insignibus & ornamentis pontificiis inculpta visitur, sine ullo titulo sepulchrali.

Antonius moritur pag.

MARCUS EP. ABSOREN, XXXI.

Patria Venetus ex inclita Nigrorum familia, quæ inter cives secundi ordinis numerum & locum sane illustrem obtinebat, & eximios viros rei publicæ ac litterariæ dedit, qui non pauca ingenii & sapientiæ suæ monumenta reliquerunt. Nec Marcus degeneravit a perenni contestataque virtute majorum; & synodicas Constitutiones S. Laurentii Justiniani egregiis commentariis illustravit. Ob insignem doctrinam & pietatem promeruit, ut ad Episcopatum Catharensem eveheretur, quem anno 1459. tulcepit. Hanc ecclesiam annos ipsos quatuordecim sapienter administravit. Nec minus suis virtutibus & exemplis profuit Ecclesiæ Absorensi, ad quam translatus fuisse dicitur anno circiter 1474. Priores cogitationes curasque ad ædificationem tum palatii pontificalis, tum basilicæ cathedralis convertit. Ad id pecunia sane ingens partim ex legato Antonii Episcopi, partim ex opum hominum liberalitate, partim ex annuis ecclesiæ proventus, seposita erat. Et basilicam quidem fere ulque ad fastigium perduxit. Ædes vero pontificias, veteribus disturbatis, a fundamentis opere ornatuque eleganti extruxit; atque intra duos tredecim annos absolvit. Utrumque ædificium summam ingentem pecuniæ absorbuit; sed quamvis læpe ob difficultatem nummariam paullisper intermittere oportuerit, tamen non defuit, unde identidem sumptus necessarii suppeterent, Deo opportuna, unde minime sperabantur, subsidia largiente; quare variis palatii locis inscribi jussit: NIHIL DEEST TEMENTIBUS DEUM. Epigraphæ tabulæ marmoreæ incisa conditorem domus episcopalis declarat:

Marcus Niger prius Catharenensis, deinde Absorensis Episcopus.

Palatium episcopale a fundamentis extruxit.

PONTIFEX HVIVS INSVLÆ DIGNVS  
MARCVS NIGRO HOC EPISCOPIVM TOTVM  
SOLO AEQVATVM REEDIFICAVIT  
Opera Joannis Pergameni in utraque Arte periti  
MCCCCCLXXXI.

Sed quod Præsuli optimo ob palatium episcopale restitutum, & basilicam cathedralem fere absolutam, civitatis benevolentiam conciliare

Advocatus  
Communis  
Absorensis  
de admini-  
stratione  
redituum  
ædis cathe-  
dralis Mar-  
co Episco-  
po litem  
intulit.

debuisset, id offensioni apud cives & invidiæ fuit. Advocatus Communis Absorensis graves de illo querimonias ad Franciscum Maripetrum urbis Prætorem detulit. Summa totius querimonie eo potissimum spectabat, ut exactio & administratio reddituum ædis cathedralis S. Mariæ, contra quam Laurentius Patriarcha, & Senatus decreverant, ad veterem, ut ipse agebat, consuetudinem revocaretur. Qui hujusmodi redditibus exigendis atque administrandis præficiantur, Prosuppi, hæc autem præfectura seu procuratio illis tradita, Prosuppia vocabatur. Primum igitur questus est nomen Fabricæ recenter esse impositum Prosuppiæ bonorum S. Mariæ de Auxero. Hujus nominis prætextu Marcum Episcopum velle in hujusmodi bonis dominari, eaque sibi suisque successoribus subjicere, cum ad jurisdictionem ac potestatem Communis Absorensium pertineant; ac propterea jus eligendi & creandi Prosuppos, sive administratores eorum bonorum usurpare, quod antea, & jam inde ab antiquissimis temporibus, penes Rectorem civitatis fuerat. Deinde Episcopum insinulavit interversæ, atque ad suum usum, sive arbitrium translata pecuniæ, quam Antonius Pancichius ejus decessor testamento, legaverat, atque in ædificationem ædis novæ cathedralis impendi jusserrat: rationes pecuniarum, quas acceperat, quasque expenderat, composuisse, cum Jacobo Draxa Prosuppo, nullis testibus adhibitis, ac ne ipso quidem Prætere civitatis præsentem: hæc omnia tum antiquæ consuetudini, tum statutis ac legibus Absorensium, tum etiam decretis Senatus Veneti repugnare. In hanc sententiam citatum invenio nescio quod decretum dat. xxvii. Maji 1455. in Collegio, & auctoritate Consilii Rogatorum. Si quod decretum hujusmodi fuit, posterioribus senatusconsultis abrogatum est, præsertim eo, quod supra descripsimus, anni MCCCCLVIII. die xxvii. Maji in Collegio ex auctoritate Consilii Rogatorum, quo, in negotiis & rebus ecclesiasticis, & spiritualibus jubetur servari ordo juris, & decretum (scilicet Laurentii Justiniani Patriarchæ) ut Senatus sublevetur a quotidianis stimulis, & molestiis prædictorum. Vereor sane ne hoc decretum, ab Advocato & Prætere citatum, idem sit, atque illud, quod pars Episcopo adversaria laudavit quidem, sed de suo quadam adjecit, quæ sibi favebant, retenta die 27. Maji, sed anno quinquagesimo octavo hujus sæculi tribus annis detractis, & in ejus loco anno quinquagesimo quinto substituto. Ceterum sive idem, sive aliud fuerit, certe ex illa particula Veneti decreti: De fratralis, & scholis aliis observetur antiqua consuetudo, quam Prætor citavit, nihil elici potest, quod causæ Absorensium suffragetur. Franciscus Maripetrus Comes seu Prætor Aufferi & Chersi, ex postulatione Advocati admittit & approbata, secundum ejus postulata judicavit. Bona & redditus ædis cathedralis nomine Fabricæ appellari vetuit, ne hoc vocabulo Episcopi ad jus sibi indebitum usurpandum abuterentur; & potestatem eligendi Prosuppos, secluso Episcopo, & exigendi ab illis rationem administrationis bonorum ecclesiæ, ad Prætorem urbis revocavit.

Franciscus  
Maripetrus  
Prætor se-  
cundum  
Commune  
Absorensium  
sententiam  
tulit.

In Christi nomine Amen. Nos Franciscus Maripetro pro Serenissimo & Excellentissimo Ducali Venetorum Dominio Comes insula Chersi & Aufferi, sedentes sub logia Communis Aufferi, ad nostrum solitum juris tribunal. Audita & sepe

ac sapius intellecta petitione & instantia egregii viri s. Blasii Pantia uti Advocati Communis Aufferi, dicto nomine comparentis, ac narrantis atque exponentis hoc modo; videlicet quod ipse constitutus est Advocatus Communis Aufferi cum sacramento secundum formam legis positæ ad capitula XLIX. Statuti hujus insule, placitare debere omnes & singulas causas proficuas & utiles, & necessarias pro Communitate sua. Et quia ipse videt & intelligit, quomodo nomine fabricæ noviter imposito bonis Prosuppiarum S. Mariæ de Auffero, hoc medio, queritur per Reverendissimum Dominum Marcum Nigro Episcopum Aufferensem, & cum effectu, & videtur esse cum consensu Prosuppi, qui non vult antevidere ea, quæ sunt contraria suæ Prosuppiæ, usurpare & submittere ejus Episcopatu bona dictæ Prosuppiæ, & similiter jura & jurisdictionem dictæ civitatis Aufferi, quæ jura & quas jurisdictiones ipsa Communitas habet in bonis ipsius Prosuppiæ, & in ipsa Prosuppia, ex diuturna & longa, ac antiquissima consuetudine approbata, & confirmata per Serenissimum & Illustrissimum Ducale Dominium nostrum Venetiarum, ut apparet ex litteris suis ducalibus datis in Ducali Palatio sub die xxvii. Maji, quæ consuetudo nostra constat per librum veterem dictæ Prosuppiæ, sicut apparet in pluribus locis ipsius libri, & in primis ad cartas 9. 90. & 101., qualiter facultas faciendi, & creandi Prosuppi dictæ Ecclesiæ spectat ad magnificos Dominos Rectores hujus insule pro tempore existentes, coram quibus etiam revideri debent, & haberi computa administrationis factæ per ipsos Prosuppos de bonis dictæ Prosuppiæ. Scilicet per experientiam jam patet veritas usurpandi velle dicta bona, & submitte ipsa sub Episcopatu Aufferi ob denarios, quos quondam Dominus Antonius Panzich olim Episcopus Aufferi, pro salute animæ suæ, dimisit novæ fabricæ Aufferi; Dominus vero Marcus Nigro Episcopus in se illas arripit, neque vult dare dictæ fabricæ, imo dicit esse suos, & tenere pro suis. Videtur etiam ex saldo facto per ipsum Dominum Marcum Nigro Episcopum cum quondam s. Jacobo Draxa quondam s. Simonis, Prosuppo dictæ Ecclesiæ, voluisse subjicere dictam Prosuppiam ejus Episcopatu, in damnum & præjudicium Communitatis; quoniam dictum saldam ipse Dominus Episcopus fecit cum dicto quondam Jacobo, nullis aliis præsentibus ipsi saldo, nisi Dominus Episcopus, & ipse quondam s. Jacobus, quod ipse Dominus Episcopus facere non potuit, neque debuit, quia est contra formam legis positæ ad capitula 143., quæ lex mandat saldam fieri debere coram magnificis Dominis Representantibus, pluribusque bonis personis, prout in ipsa lege continetur. Propterea iis, & pluribus aliis rationibus, cum effectu requirentis & instantis Communis per nos & officium nostrum ad tollendum, & removendum in futurum omne dubium, sententiari & terminari consuetudinem prædictam . . . . . Creationem Prosuppi non debere; iterum observari debere litteras ducales prædictas, & mandata prælati Serenissimi Domini nostri, & similiter observari debere omnia statuta & capitula Institutorum loquentia, & locutura de Prosuppis, & eorum creatione, & maxime capitula posita ad cap. 143., & cap. 203., & hoc nomen fabricæ amplius non imponatur, neque imponi debere bonis prædictæ Prosuppiæ, prout semper per elapsam observatum extitit; & quod Prosuppi dictæ



dictæ Prosuppiæ aliter fieri non debeat, nisi ut vult consuetudo prædicta, & sicut volunt, & mandant ipsæ litteræ ducales, & Statuta hujus insule. Visa igitur, & propterea intellecta dicta instantia & requisitione, & habita etiam vera, ac sufficienti informatione de diuturna, & antiquissima consuetudine observata super creatione dicti Prosuppi, & per librum veterem dictæ Prosuppiæ in pluribus locis ipsius libri, & maxime supernominatis capitulis, nobilibus & popularibus fide dignis asserentibus nunquam dictam Prosuppiam vocatam fuisse cum nomine fabricæ, nisi a paucis tempore citra, videlicet a tempore novæ constructionis inceptæ dictæ Ecclesiæ; & asserere etiam creationem dicti Prosuppi semper spectavisse, & pertinuisse magnificis Dominis Rectoribus hujus insule pro tempore existentibus; & quod dicta Prosuppia semper fuit Communitatis Aufferi; visisque pluribus statutis contentis in volumine Statutorum hujus insule loquentibus de dictis Prosuppis, & maxime statutis positis ad capitula 143., & 203., & aliis pluribus statutis ad alia capitula, videlicet quinto & sexto capitulis contentis in sacramento; & etiam statutis ad capitula 144. 145., ex quibus statutis sane comprehenditur creationem Prosupporum Aufferi pertinere ad magnificos Dominos Rectores hujus insule pro tempore existentes; et ipsos Prosuppos teneri, & debere reddere rationem eorum administrationis coram ipsis Dominis Rectoribus. Visi insuper præfatis litteris ducalibus, & mandatis prælibati Serenissimi Domini nostri datis xxvii. Maji 1455. in Collegio, & auctoritate Consilii Rogatorum, mandantibus prout in fine ipsarum continetur: quid de frataleis, & scholis & aliis servetur consuetudo. Attento igitur, quod tenemur per formam Commissionis nostræ conservare . . . ., & diuturnis atque approbatis consuetudinibus; tenemur etiam exequi & reverenter observare mandata prælibati Serenissimi Domini, nec non leges & statuta hujus insule, a quibus nobis non est licitum discedere; & attento ipsam Prosuppiam semper fuisse & esse hujus Communitatis Aufferensis; omnibus sane consideratis, sedentes pro tribunali, ut supra, Christi nomine repetito, ejusque gloriose Virginis Mariæ nominibus invocatis, in quorum lumine videmus lumen; in hunc modum dicimus, sententiamus, pronunciamus, & terminamus, & per hanc nostram definitivam sententiam sententiamus consuetudinem prædictam circa creationem ipsius Prosuppi observari debere: iterum observari debere litteras ducales prædictas, & mandata prælibati Serenissimi Domini nostri; & similiter observari debere statuta, & omnia capitula Statutorum loquentia super Prosuppis, & eorum creatione. Item sententiamus, quod hoc nomen fabricæ amplius non imponatur, neque imponi debeat bonis prædictæ Prosuppiæ; & quod ipsa bona amplius non vocentur cum nomine fabricæ, sed solum vocari debeant cum nomine Prosuppiæ, prout semper per elapsam observatum extitit. Item sententiamus quod Prosuppi dictæ Prosuppiæ aliter fieri non debeat, nisi sicut fuit antiqua consuetudo prædicta, & sicut volunt, & mandant ipsæ litteræ ducales, & statuta hujus insule. Et sic dicimus, sententiamus, pronunciamus, & terminamus in omnibus, & per omnia, ut supra continetur, omnibus melioribus modo, via, & forma, quibus melius de jure possumus & debemus.

Lata, data, & in his scriptis sententialiter promulgata superscripta sententia per antedictum

Wysici Sacri Tom. V.

magnificum Dominum Comitem sedentem pro tribunali, ut supra; & de ejusdem mandato lecta, & publicata per me Joannem Delamontiis civem Vicetinum, publicum Imperiali auctoritate Notarium, & judicem ordinarium, & Cancellarium præfati magnifici Domini Comitis, currentibus annis Domini nostri Jesu Christi nativitatis ejusdem millesimo quadringentesimo octingentesimo tertio, Indictione prima, die vero nono mensis Decembris; præsentibus spectabili & generoso viro Domino Henrico Baduario, quondam magnifici Domini Martini, & s. Matthæo Spalatino Judice Communitatis Aufferi, & s. Joanne Nasimbeno cive, & habitatore Chersi, & aliis pluribus &c.

Ab hujusmodi decreto & sententia Marcus Venerias profectus ad Ducem & Senatum appellavit, qui delationem Advocati fallam esse declaravit, sententiam Prætoris irritam fecit, sanctioni synodicæ, & Senatusconsulto anni 1458. standum esse decrevit.

Cum prævideret brevi fore, ut Episcopi Aufferenses ob malignitatem aeris, qui quotidie gravior fieri videbatur, cogerentur ad loca salubriora migrare, præsertim mensibus æstivis; & nullus in tota diocesi locus oppido Crepsenti dignior esset, in quo domicilium episcopale collocari posset; Ecclesiam S. Mariæ, quæ totius oppidi primaria erat, collegiatam instituit, ut ibi non deessent rerum sacrarum administratores, qui Episcopo vel pontificali ritu sacrificanti, vel alias functiones episcopales obeunti, pro dignitate operam navarent. Denos inibi Canonicos, quibus potestate ac dignitate præesset Plebanus oppidi, sive Curator rei christianæ, & præterea Sacerdotes aliquot, quos Mansionarios vocant, itemque aliquot clericos chori adjuutores esse voluit. Suos cuique annuos redditus & præventibus decimarum pro rata portione assignavit, leges præscripsit nocturnæ diurnæque psalmodiæ, aliasque ad hujus novi collegii institutionem ac disciplinam accommodatas. Potestatem eligendi quos in locum demortuorum subrogari oporteret, Canonicis reliquit, jus approbandi quos illi elegissent, sibi reservavit, itemque confirmandi omnia, quæ Canonici statuerent ac decernerent; horumque approbationem ab Episcopo petere Plebanus una cum Canonicis debebat, ut constat ex Actis episcopalibus ejusdem Marci: Nos Marcus Nigro Dei & Apost. Sed. gratia Episcopus Auxerensis: Cum hodie ad nos venerit venerab. vir Dominus Presbyter Matthæus Ischiorius Plebanus Ecclesiæ collegiatæ S. Mariæ de Cherso diocesis nostræ Auxerensis, una cum omnibus de Capitulo, humiliter petierunt, & supplicarunt, ut hæc omnia statuta & constitutiones dignaremur laudare, approbare &c. &c.

Marcus cum annos circiter undecim hanc Ecclesiam administrasset, mortuus est Patavii, conditusque in æde Patrum Ordinis Benedictini, quibus a monte Oliveto cognomen est. Ibi monumentum marmoreum obtinuit prope januam ad latus sinistrum, sublimi loco affixum, cui supercubat simulacrum episcopale; utrinque appositum est stemma gentilitium familiæ Nigræ; infra subiecta hæc inscriptio:

Marco Nigro Theologo  
Pontificii Casareique Juris Consulto excellentissimo  
Auxerensi Chersique Episcopo religiosissimo  
ac pientissimo Sacrum  
Anno salutis MCCCCLXXXV  
XIII. Kal. Augusti.

Templum  
S. Mariæ  
ad Bethle-  
hem conse-  
cravit.

Extrap quoque ejus memoria in æde Virgini-  
um Canoniarum ex Ordine S. Augustini, ad  
Bethlehem cognominata, quam ille, dum Eccle-  
siam Catharensis regebat, rogatu Christinæ de  
Nigris Antistitis consanguineæ suæ, solemni ri-  
tu consecravit.

*Dedicata est Ecclesia a Marco de Nigris Ve-  
neto, Episcopo Catariensi anno 1465.*

*Postulante Christina de Nigris consanguinea,  
& secunda Cœnobii Abbatisa.*

#### JOANNES EP. ABSOREN. XXXII.

Patribus  
Franciscan-  
is qua-  
suor cœ-  
nobii ac  
Templa  
condita &  
tradita.

Ex illustri Justorum familia Veneta patricia.  
Anno 1486. Episcopi Absorensis titulum & in-  
signia sumpsit. An sedem fixam & stabilem Ab-  
sori habuerit, non satis constat; nulla quippe  
ejus æta extant, ex quibus illius in urbe, vel  
diœcesis commoratio, ac præsentia dignosci pos-  
sit. Vel ipso tamen absente, tum civitas, tum  
diœcesis sacris ædificiis & cœnobiis aucta est.  
His temporibus Crepenses cum pro numero ci-  
vium inopia Sacerdotum laborarent, Patres Fran-  
ciscanos, quos Conventuales vocant, supple-  
menti causa evocarunt: illique domicilium ac  
templum S. Francisci, piorum hominum ære,  
ac præsertim familia Bocchinæ largitione, prope  
a mœnibus oppidi exstructum attribuerunt.  
In eo singulari pietate & doctrina floruit F.  
Franciscus Bocchinus, cujus parens Antonius  
hunc templo ac cœnobio calicem argenteum  
cum patena, & non exigua pecuniæ summam,  
ad bibliothecam instituendam, testamento lega-  
vit. Blasius Columbus patricius Crepensis mil-  
liaribus fere quatuordecim ab oppido, ubi sta-  
gnantes ex alto aquæ sinum quemdam efficiunt,  
quem indigenæ *Vallem* vocant, jampridem cœ-  
nobium ac templum Patribus tertii Ordinis Fran-  
ciscani ædificare cœperat, & pene jam ad sa-  
ligium perduxerat; cum morte sublatus, præ-  
clari operis perfecti gloriam reliquit Joanni Boc-  
chino, qui ex avito patrimonio tum ædificium  
absolvit, tum sacra & domestica suppellectili in-  
struxit, tum prædiis luculentis dotavit an. 1488.  
Cœnobio ac templo cognomen est ab S. Mar-  
tino de Valle. His quoque temporibus adscri-  
bendum censo alterum domicilium traditum  
iisdem Patribus ex tertio S. Francisci Ordine,  
cum templo S. Nicolai de *Farsina*, cognomine  
mutato ab excelso colle, in mare contra litram  
prominente; ab oppido Crepensi millia passuum  
circiter quindecim in oceanum distat. Utrique  
idem Joannes Bocchinus non magis opibus, quam  
pietate clarior annuos redditus assignavit, unde  
sumptus necessarii ad victum religiosæ familiæ,  
cultumque templi, ac rei divinæ ministerium  
suppeditarentur. Colanus Draso civis & patri-  
cius Absorensis, homo cum divitiis affluens,  
tum generis nobilitate clarissimus, Patribus Fran-  
ciscanis rigidioris disciplinæ cœnobium ac tem-  
plum S. Francisci fundavit in pago, cui nomen  
est *Neresine*, fere in ora maritima, haud ita  
longe ab urbe. Hunc locum S. Francisci adven-  
tu & vestigiis nobilitatum fuisse ajunt, qui il-  
luc appulisse dicitur, cum martyrii cupidus iter  
in Syriam suscepisset. Colanus morte præreptus,  
cum præclarum opus perficere nequivisset, ab-  
solvendum reliquit Claræ Bocchinæ conjugii suæ,  
lectissimæ ac religiosissimæ matronæ, quæ mari-  
ti pia mandata celerrime ac diligentissime cu-  
ravit, constructo quod deerat, & suppellectili  
necessaria instructo cœnaculo ac dormitorio. In  
summo templi sacello viri sui cineres, uti ipse

juisset, sub lapide marmoreo recondidit, addita  
inscriptione sepulcrali:

LUGE PAUPERTAS. CLARA BOCCHINA  
CHARO CONIUGI COLANO DRASÆ MAUSOLEUM  
QUI TEMPLUM COENOBIIQUE EREXIT  
PIENTISSIME POSUIT  
XII CAL. JUNII MDXIII.

Sed nihil illustriorem reddidit, magisque me-  
morabilem Episcopatum Joannis Justi, quam  
absolutio, & perfectio basilicæ cathedralis; qua  
quidem nulla est in Dalmatia, secundum Sibe-  
nicensem, vel descriptione partium, vel magni-  
tudine ambitus, vel denique elegantia operis  
nobilior atque augustior. Hujus dedicationem  
insigni pompa & apparatu, ingentique civium  
atque advenarum concursu, ab Georgio Di-  
phnico Episcopo Nonensi, cum Joannes abes-  
set, peractam fuisse ajunt; argumento esse, quod  
ab eodem consecratum fuisse summum & pri-  
mariū altare S. Nicolai testatur schedula re-  
perta in arca S. Gaudentii: 1498. die 13. men-  
sis *Madii*. Ego G. Episcopus Nonensis conse-  
cravi hoc altare in honorem S. Nicolai, et re-  
liquias Beatorum Innocentium, & S. Gaudentii,  
& S. Christophori in eo inclusi. Singulis Chri-  
sti fidelibus in anniversario consecrationis bu-  
jusmodi, visitantibus, unum annorum de indul-  
gentia in forma ecclesiæ consuetæ concessi. Huic  
novæ basilicæ cathedrali novus ab Sancto Ni-  
colao titulus impositus fuit, sed vulgo cogno-  
minari solet a S. Maria, antiquæ ædis cathed-  
ralis titulo retento, atque huc translato. Ab-  
sorenses Episcopo suo quamvis absenti, tamen  
id honoris haberi voluerunt, ut ejus stemma  
gentilitium, marmori impressum, januæ ædis  
cathedralis superimponerent; idemque visitur in-  
fixum ædiculæ S. Salvatoris, quæ ad mensam  
episcopalem pertinet, & interpolitum est inter  
has notas arithmeticas 14 98, quæ annum  
conditi sacelli significant.

Joanne Episcopo absente, Presbyteri Eccle-  
siæ Crepensis, quos Marcus de Nigris in unius  
Capituli corpus redegerat, hoc titulo atque ho-  
nore inflati, multa sibi tribuere, ac licere vo-  
lebant, quæ haud parum episcopali auctoritati  
derogabant, ac præsertim sua comitia injussu  
Episcopi & Vicarii episcopalis cogere, & ha-  
bere, nullam ejus, quem in suum collegium  
cooptrassent, approbationem, sive ab Episcopo,  
sive ab ejus Vicario petere. Erat tunc Vica-  
rius generalis Petrus Buticinius civis Pagensis,  
qui jus Episcopi, suumque strenue constanter-  
que defendit; & cum ejus admonitionibus &  
mandatis diu multumque reluctati fuissent, eos  
demum anathematum metu perculsos omnia,  
quæ salvo jure episcopali illis permitti non po-  
terant, animis aut invitis, aut æquis remittere  
coegit, ac debita tum Episcopo, tum ejus Vi-  
cario demissionis atque obedientiæ officia præ-  
stare.

Joannes Justus intra finem hujus sæculi, vel  
sub initium sequentis, Venetiis, ut credibile  
est, diem obiit supremum, qui nunquam for-  
tassis Ecclesiam suam adiit, ac ne de facie qui-  
dem novit. Annus mortis, & locus sepulcri  
mihi non est compertus.

#### ANDREAS II. EP. ABSOREN. XXXIII.

Interfuit sub Julio II. senis conventi-  
bus, sive sessionibus Concilii Lateranensis, ter-  
tiæ & quartæ an. 1512. quintæ, sextæ, se-  
ptimæ, octavæ anno 1513, ac demum nonæ  
sub

Ædes ca-  
thedralis  
absoluta &  
consecrata  
ab Geor-  
gio Diph-  
nico Epi-  
scopo No-  
nensi.

Capituli  
Crepensis  
arrogantia.

Andreas II.  
Ep. Abso-  
ren. inter-  
fuit Con-  
cil. Late-  
ranen.

sub Leone X. anno 1514. His adscriptus est Reverendus Pater Dominus Andreas Anserensis, semel Auxerensis appellatus. Cum in reliquis post nomen conventibus Patrum Lateranensium ejus nomen nulloquam appareat, opinari licet Romæ extinctum fuisse sub initium anni 1514. Certe hoc eodem anno successor illi datus fuit. Neque patria, neque tempus suscepti Episcopatus cognitum est. Nullum sui monumentum in Tabulis Ablorentibus reliquit, ut merito dubitari possit, an unquam Ecclesiam suam viderit. Sunt qui eum de Valle, sunt qui ab gente Cornelia patricia Veneta cognominent. In quibusdam Actis tabularii Ablorentis semel inscriptus reperitur Andreas Cornelius anno 1514. Duos fuerint ejusdem nominis, sed diversi cognominis Episcopi, mihi non liquet. Catalogus Antistitum Ablorentium nuper ad me ex illa urbe transmissus alterum ab altero distinguit: Andreas II. de Valle Joanni Justo successit, sedem reliquit anno 1514., ut colligitur ex collectione Conciliorum Arduini. Andreas III. Cornelius patricius Venetus. Ex nota quadam reperta in archivo Auxeri ad annum 1514. Hic igitur, si Episcopus Ablorentis fuit, eodem anno & suscepit, & deposuit Episcopatum; nam hoc ipso anno 1514. Joannes Baptista Garzonius hanc sedem obtinuit. Andreas Cornelius erat per id temporis Archiepiscopus Spalatenis Bernardo Zannio successit: huic Episcopatus Ablorentis ad breve tempus commendatus esse potuit, quem haud multo post reliquit.

## JOANNES BAPTISTA EP. ABSOR. XXXIV.

E gente Garzonis inter patricias Venetas nobilissima, qui collegio præfultum Romanæ Curie adscriptus Romæ degebat in ædibus Marci Cardinalis Corneli, ut constat ex ejus epistola ad Clementem Laliu Presbyterum Brixensem, Curatorem & conductorem bonorum mensæ episcopalis, quem ipse, dum abesset, locum suum tenere iussit, & potestatem ei fecit conferendi quælibet sacerdotia, si forte per id temporis vacarent, quibus vel esset, vel non esset annexa procuratio animarum: Anno 1514., ut ex tabulis Curie episcopalis docet Valerius a Ponte, Joannes Baptista de Garzonis Episcopus Auxerensis, residens in Romana curia, elegit Clementem de Latio Brixensem in Collatorem omnium beneficiorum cum Cura, & sine Cura Ecclesie Auxerensis. In eadem epistola ad Clementem ait se plurimis & gravissimis Curie Romanæ negotiis detineri, quo minus ad ecclesiam sibi traditam regendam statim, ut optabat, accedere queat. Hujus epistolæ subscriptio hæc est: Dat. & act. in camera nostra, sita in ædibus Reverendissimi in Christo Patris Domini Marci S. Maria in Via lata S. R. E. Diaconi Cardinalis, sitis apud S. Petrum, sub anno Domini 1514., Indi. II. die vero 19. Men. April. Leonis X. anno 2. Idem, dum esset Romæ, Vicarium generalem constituit Stephanum de Petris civem Crepensem, Canonicum Vegliensis, & Primicerium Ablorentis Ecclesie; qui eodem anno cum mors cujusdam Canonici incidisset in menses episcopales, alterum in demortui locum substituit, ut idem Valerius scriptum reliquit: Anno 1514. Stephanus de Petris Canonicus Vegliensis, Primicerius Auxerensis, Vicarius Joannis Baptiste de Garzonis Episcopi Auxerensis, creavit in Canonicum Ber-

nardum Bellonum. Idem Clemens de Latio legatus, sive locum tenens Joannis Baptiste Episcopi, Francisco Sidronichio possessionem dedit Sacerdotii, quod eidem contulerat Parochus oppidi & præpositus Rector Ecclesie Crepensis, ut idem Valerius ex tabulis hujus Ecclesie tradit: Anno 1515. Presbyter Clemens de Latio Locumtenens Reverendissimi Joannis Baptiste de Garzonis Presbyterum Franciscum Sidronich electum in Capellanum, & Præbendam a Plebano & Præbendato Collegiate Chersensis, investivit & confirmavit. Sessionis decimæ Concilii Lateranensis habitæ anno 1516. die 4. Maji interfuit Reverendus Pater Dominus Joannes Baptista Anserensis. Neque undecimæ, neque Jo: Baptista duodecimæ ac postremæ, quarum altera anno 1516., altera anno sequenti habitæ sunt, ejus nomen adscriptum invenio. Vereor ne mors illum tum his duabus extremis sessionibus, tum Ecclesie Ablorentis abstulerit, Sepultus est Romæ in æde S. Onuphrii; penes summum altare, ab cornu Evangelii, appositum est illi epitaphium, cui deest nota anni, ac diei eternalis:

Jo: Baptista Garzono Veneto Episcopo Absorensi. religione eximia, moribus facillimis, probitate incomparabili, liberalitate insigni, qui amicis vivens usui & voluptati, moriens incredibili morori, & desiderio fuit. Fratres B. M. P. M. D. vixit annis . . .

## ANDREAS III. EP. ABSOREN. XXXV.

Patria Cremonensis, cognomento Piperarius. In Concilio Lateranensi officio Secretarii functus est. Leo X. post dimissum Concilium anno 1517. mense Julio, vel Augusto, Andreæ, ut ejus opera uteretur ad quælibet munera obsequenda, quæ characterem episcopalem requirunt, ad gradum pontificiæ dignitatis evexit, attributo ei titulo Ecclesie Ablorentis, sed dilata in aliud tempus possessione atque administratione; eumque interea aliis gravissimis negotiis gerendis præfecit, ut intelligi potest ex Tabulis consistorialibus: 1517. Providit in titulum D. Andreæ de Piperariis de Ecclesia Auxerensi in Dalmatia sub Metropoli Jadrensi. Reditus Floreni 500. Taxa flor. 50. Post obitum Leonis & Adriani VI., Clemens VII. Andreæ inter suos præfules domesticos aggregavit. Ita Ecclesia Ablorentis annos fere novem gubernatione & præsentia sui Pastoris caruit. Stephanus de Petris sive Petritius, quem Canonici, post mortem Joannis Baptiste Garzonii, in Vicarium Capitularem elegerant, per eos annos rem Christianam administravit. Hic cum ad Candianum Bollandum Prætozem Abfiori, nescio qua de re, nomen Clementis de Latio Canonici Ablorentis detulisset, nolletque quamvis rogatus dilationem revocare, ille appellavit ad Patriarcham Venetiarum, ut est apud Valerium de Ponte in schedis MSS. Anno 1523. Clemens de Latio Canonicus Absorensis petiit a Stephano Petritio Canonico Auxerensi, Vicario Capitulari, revocare ad se querelam contra eum factam coram magnifico Comite Candiano Bollano; quod cum neglexisset, appellavit ad Patriarcham Venetiarum.

Anno 1526. Andreas Piperarius, qui hæcenus titulum Episcopi Ablorentis honorarium & ab omni curatione vacuum gesserat, Absorem advenit, & Ecclesie sibi commissæ administrationem suscepit. Nihil prius sibi faciendum puta-

Jo: Baptista interfuit Sess. x. Concilii Lateranensis.

Andreas III. Ecclesiam Ablorentem gessit ab omni administratione vacuam annos novem.

Stephanus de Petris sive Petritius Vicarius Capitularis.

Andreas Absorem venit.

Medicum  
& Pharmaco-  
polam  
ad curan-  
dos agros  
Abfiori  
conducen-  
dos cura-  
vit.

tavit, quam ut incolarum salutem atque incolu-  
mitati confuleret. Cum ex aspiratione cæli Ab-  
fiorensis gravi ac pernicioſa plurimi morbi, non  
crebri ſolum ac diuturni, ſed etiam mortiferi  
gignerentur, nullus erat in civitate, qui agros  
aut medicinam adhiberet, aut medicamenta  
conficeret. Huiusmodi calamitatem ex animo  
commiferans, commotusque miſerabili aſpectu,  
& obſecratione civium ab ſe, tamquam a com-  
muni parente, opem implorantium, decretum  
fecit digniſſimum ſuæ pietatis ac miſericordiæ,  
juſſitque ad agros curandos, eiſque remedia pa-  
randa Medicum & Pharmacopolam conducere; u-  
trique vero partim ex annuis proventibus & de-  
cimis, quæ ad baſilicam cathedralem S. Mariæ,  
& ſubſidium pauperum pertinebant, partim ex  
publico civitatis ærario ſtipendium perſolvi.

Fius de  
cretum.

Andreas Piperarius Cremonenſis J. U. Doctör,  
Dei & Apoſtolice Sedis gratia Episcopus Auſ-  
ſerenſis, dilectis nobis in Chriſto Iudicibus & Ad-  
vocatis Communitatis, & hominibus, ac parti-  
cularibus perſonis civitatis Auſſerenſis ſalutem  
in Domino ſempiternam. Cum diebus proxime  
præteritis huc applicuimus viſitandi cauſa Eccle-  
ſiam & Diœceſim noſtram Auſſerenſem, inveni-  
musque civitatem Auſſerenſem ob aeris intempe-  
riem diverſis ægri tudinibus, præſertim febribus  
uſque adeo laborare, ut vix quarta pars populi  
Auſſeren. recte valeat, nec ibidem medicum ali-  
quem exiſtere, qui ejuſmodi ægrotantibus mederi  
ac laborantibus opem ferre poſſit, commiſerati  
ſumus tantam Auſſerenſium calamitatem, quibus  
convenit opportune conſulere, prout bonum pa-  
ſtorem decet, vobis præſertim ad id enixe ſup-  
plicantibus; ſupremis deſiderantes affectibus du-  
ximus operæ pretium, quin immo pium ac adeo  
acceptiſſimum fore, ſi viam & modum condu-  
cendi in diſtam civitatem unum Phyſicum atque  
unum Aromatarium, occasione prædicta invenire-  
mus; humillimis itaque in hac parte ſupplica-  
tionibus inclinati, vobis, ac Iudicibus & Advo-  
catis, ac Communitati diſtæ civitatis, qui pro  
tempore fuerint, ut unum Phyſicum, atque unum  
Aromatarium in diſtam civitatem perpetuis fu-  
turiſ temporibus, publico ſtipendio conducere, ac  
pro huiusmodi ſtipendio viginti quinque ducatos  
auri ex redditibus, & proventibus Proſuppiæ S.  
Mariæ civitatis Auſſeri, nec non alios viginti  
quinque ducatos ſimiles ex redditibus, & proven-  
tibus decimarum pauperum ejuſdem civitatis ac-  
cipere, reliquas vero pecunias uſque ad integram  
ſolutionem ſtipendii prædicti assignandi tam Phy-  
ſico, quam Aromatario, ex redditibus, ſive bonis  
diſtæ Communitatis Auſſeren. ſolvere; cum hac  
tamen conditione, quod Phyſicus, quem pro tem-  
pore conduxeritis, tam pauperibus, quam divi-  
tibus civibus, & incolis Auſſeren. gratis me-  
deri, illoſque fideliter ac diligenter curare tenea-  
tur; libere & licite poſſitis, & valeatis, harum  
ſerie, auctoritate noſtra ordinaria, de conſenſu  
Proſupporum diſtæ Proſuppiæ S. Mariæ Auſſe-  
ren., concedimus pariter & indulgemus in per-  
petuum. In quorum fidem præſentes litteras ſi-  
eri, & per Cancellarium noſtrum inſcriptum  
ſubſcribi, noſtrique ſoliti ſigilli juſſimus appen-  
ſione communiti.

Dat. Auſſeri, die xxix. Septembris MDXXVI.  
Pontificatus Sanctiſſimi in Chriſto Patris & DD.  
Clementis divina providentia Papæ VII. anno  
tertio.

Diœceſim  
luſtravit.

Multo ſtudioſius, quam ad corpora, ad ani-  
mos curandos Andreas incubuit; urbem ac diœ-

ceſim ritu episcopali luſtravit; & multa præ-  
clara ad populi mores corrigendos, cleſi diſci-  
plinam ſanciendam, ac divini cultus ſplendo-  
rem augendum conſtituit. Vicarium habuit Jo-  
annem Paſtraneum Rectorem Eccleſiæ Lubeniz-  
ze, quod oppidum eſt inſulæ Crexenſis. Hic  
Capitulo cleroque Crepenſi ſanctiſſimas leges  
præſcripſit, ut Valerius a Ponte e Tabulis il-  
lorum temporum ſcripſit: Anno 1527. Joannes  
Paſtraneus Plebanus Lubenizze Reverendiſſimi D.  
Andrea Piperarii Episcopi Auxerenſis Vicarius  
generalis fecit quadam decreta, & mandavit ob-  
ſervari Clero Cherſenſi. Presbyteri Crepenſes  
Venetias oratores miſerunt, qui Alcobellum  
Averoldum Episcopum Polenſem, & Internun-  
cium Pontificium apud Venetos, rogarent, ut  
Capitulum Crepenſe, quod Marcus de Nigro  
Episcopus inſtituerat, ejuſque ſtatuta auctorita-  
te apoſtolica confirmaret, eidemque & titu-  
lum, & inſignia, ceteraque privilegia, quæ  
Canonicorum propria ſunt, & ſingularia, con-  
ſerret. Anno 1528. Prabendati Collegiata Cher-  
ſenſis petierunt Venetiis confirmari ſtatuta ab E-  
piscopo Nigro jam confirmata, nec non confir-  
mari electionem ſex Manſionariorum, & quod ipſi  
ad inſtar cathedralium Canonicorum ſint Canoni-  
ci, & utantur Almutiis. Valerius a Ponte.  
Quod petebant, anno proximo illis conſeſſum  
eſt ab eodem Apoſtolico Internuncio. Anno  
1529. Prabendati Collegiata Cherſenſis obtine-  
runt eſſe Canonicos, & uti Almutiis. Idem Va-  
lerius a Ponte. Extat duplex diploma, ſeu pri-  
vilegium Alcobelli, eodem quidem anno, ſed  
alterum dat. prid. Id. Febr. alterum vii. Kal.  
Martii; hoc poſteriori jus eligendi ſex adju-  
tores chori & ſacrarum functionum, quos Man-  
ſionarios vocant, eiſdem attribuit.

His temporibus duo inſignes viri ex diœceſi  
Abſoreni, & familia Franciſcana floruerunt,  
Thomas cognomento Illyricus, patria Abſoreni-  
ſis, qui ob eximiam ſanctitatem titulum Beati  
apud ſuos obtinuit, de quo Octavius Spaderus:  
B. Thomas Illyricus, diſtus ab Auximo, ſed ve-  
rius ab Auxerio, 13. Maſi 1520.; & Antonius  
Marcellus humili genere natus in caſtello in-  
ſulæ Crexenſis, quod Caiſole, ideſt Caput in-  
ſulæ vocatur. Hunc familia Marcella patricia  
Veneta, ob egregiam quamdam in puero indol-  
em, pro filio adoptavit, ſuo cognomine im-  
petiit, & poſterioribus litteris erudiendum ſol-  
erti magiſtrorum curæ tradidit. Ineunte ado-  
leſcentia in ſodalitatem Patrum Conventualium  
S. Franciſci nomen dedit; atque in cœnobio  
Crepenſi, monaſticæ diſciplinæ tyrocinium po-  
ſuit; cum excellenti ingenio, ac ſingulari cu-  
juſque generis doctrina virtutes omnes conjun-  
xit, quæ in religioſum ac magnum virum ca-  
dere poſſunt. Cum Franciſcani, quos Conventu-  
ales vocant, ab iis, quibus ab Obſervantia  
cognomen eſt, Leone X. Pontifice Max. appro-  
bant, ſeſſionem feciſſent; Antonius creatus  
fuit primus Magiſter generalis Patrum Conventu-  
alium; deinde Patarenſis Archiepiscopi titu-  
lum obtinuit; demum anno 1521. Aemoniæ,  
ſive Civitati Novæ in Iltria præpoſitus Episco-  
pus, annos quinque hanc Eccleſiam ſanctiſſime  
adminiſtravit. Deceſſit anno 1526. Sepultus eſt  
in æde Crepenſi Franciſcana Patrum ſui Ordinis,  
ante aram ſanctiſſimæ Crucis. Lapidi ſepul-  
crali ejus effigies pontificali habitu atque  
veſtitu inſculpta eſt, & appoſita hæc inſcrip-  
tio:

Alcobellus  
Ep. Po-  
lenſis & Pon-  
tificius  
Venetiis  
Legatus  
Capitulum  
Crepenſe  
confirmavit.

Duo viri  
inſignes  
diœceſis  
Abſoreni  
ex Ordine  
Franciſ-  
cano.

*Seraphico cœtu meritis qui præfuit olim,  
Dogmate qui sacro, qui Latioque potens,  
Marcella gentis jacet hac Antonius urna,  
Qui fuit & Patara Præsul & Aemonia.  
Proh dolor! heu facinus! nostri mors invida terris!  
Cur potuit Chersî gloria tanta mori?*

MDXXXVI.

*Ædes ca-  
thedralis  
artis mar-  
moreis au-  
cta.*

Dum Andreas hanc Ecclesiam regebat, ædes cathedralis altaribus marmoreis egregii operis, ac magni pretii aucta, & ornata est. Unum B. Virgini ab Angelo salutata construxit ac dotavit Franciscus Absorensis & Crepsensis ex antiqua & nobili familia Drasa, quæ olim plurimis opibus florebat; sibi que ante ipsam aram sepulcrum paravit; quo post obitum illatus est, & hæc eidem superposita inscriptio:

*Marmoris hac gelidi tegitur sub mole sepulchri  
Franciscus patriæ fama, decusque suæ.  
Hic tricennis obit Rector, sub pectore gestans  
Perpetuam in Venetos, in patriamque fidem.  
Nobilium splendor, Populi tutela fidelis;  
Hinc patria luget, civis uterque Patrem.*

Alteram item ex marmore aram civitas Absorensium ære publico excitari jussit S. Roccho; cujus effigiem docto & elegante penicillo expressit Palma pictor ea tempestate celeberrimus; tertiam Donatus de Petris, sive Petrissus, quem pia conjux superstes prope eandem aram sepe-  
liri, & hoc titulo ornari voluit:

*Et pius & præstans jacet hac Donatus in urna  
Petrissus: sacras sparge Viator aquas.  
Hoc conjux posuit monumentum grata Marito;  
Et gemit extinctum nunc quoque mæsta Virum.*

*Interre-  
gnum Epi-  
scopale.*

Anno 1527. Andreas Piperarius aut morte sublati, aut voluntaria decessione sedem Absorensis reliquit. Interregnum episcopale tenuit usque ad annum 1533. Tota rei christianæ administratio per eos annos incubuit in Vicarium Capitularem Stephanum Petritium Rectorem Ecclesiæ Crepsensis, & Canonicum Absorensis. Interea dum sedes episcopalis vacabat, matrona quædam Crepsensis vidua Stephani de Petris, æque locuples ac pia prope a mœnibus Crepsæ monasterium ac templum S. Petri ædificavit, & suis bonis dotatilibus instruxit Virginibus Benedictinis, ad quorum societatem ipsa quoque aggregari voluit, earumque regimen, quamvis invita, suscipere tamen coacta est, & quoad vixit, Antistitæ nomen munusque retinuit. In eam ædificationem plurimum pecuniæ ac subsidii contulit Petrus Coccorinus civis Crepsensis opulentus in primis ac nobilis; cujus filia nomine Angela in eodem cœnobio sub disciplina S. P. Benedicti se ipsam Deo in perpetuum devovit.

#### ANTONIUS II. EP. ABSOREN. XXXVI.

*Antonius  
de Cappa  
Episc. Ab-  
soren. duos  
habuit Vi-  
carios, al-  
terum Ab-  
sori, alte-  
rum Creps-*

Cui de Cappa cognomen, insula & oppidum Pagi patria fuit. Clemens VII. Antonium, quem in numerum præsulum domesticorum aggregaverat, Episcopum Ecclesiæ Absorensis præfecit anno 1533. Fixum ac stabile domicilium Absori constituit, neglecto & contempto periculo, quod sibi suæque valetudini ab insalubris aeris aspiratione imminerebat, ut exemplo & præsentia sua clerum & populum in urbe retineret. Post civitatem ac diocelimum episcopali lustratione peragraram, synodum indixit, ad quam tum Canonici utriusque Capituli Absorensis, & Cre-

psensis, tum Parochi fere omnes, urbanis & agrestibus ecclesiis præpositi, convenerunt. Nec solum in synodo, sed etiam extra synodum pro eo ac necessitas, & utilitas rei christianæ postulabat, plura & præclara decreta fecit, quæ ad reformandos populi mores, atque ad cleri disciplinam stabiliendam ac firmandam referuntur; ex omnibus pauca quædam Valerius a Ponte in suas schedas conjecit, Anno 1533. Reverendissimus Antonius de Cappa Episcopus Auxerensis publicavit quadam decreta pro vita & honestate Clericorum. Anno 1534. dictus Episcopus de Cappa prohibuit negotiationem Clericis sub pœna amissionis beneficiorum, & perpetuæ suspensionis a celebratione Missarum pro non habentibus beneficium. Anno eodem mandatum Reverendissimi Domini Episcopi factum omnibus Clericis habentibus residentiam, ut sub pœna amissionis beneficiorum debeant residere. Quem Canonici Absorenses, dum Ecclesia Episcopo carebat, rei christianæ & ecclesiasticæ administratorem eligerant, eundem Antonius Vicarium suum generalem creavit, videlicet Stephanum Petritium, Rectorem præpositum Ecclesiæ & Capitulo Crepsensi, eundemque Canonicum Absorensis. Alterum in oppido Crepsæ constituit, qui locum suum ibidem teneret, cujusque opera vicaria ad regimen illius cleri ac populi uteretur; hic erat Joannes Molcardinus, qui pœna exilii proposita clericis edixit atque interdixit, ne choreis operam darent, vel interessent, neve larvati in publicum prodirent. Anno 1535. Mandatum sub pœna exilii factum Clericis Chersensibus a Joanne Molcardino locum tenente Reverendissimi D. D. Episcopi de Cappa, ne choreas ducunt, vel personati incedant.

Cum Prætor Absori & Crepsæ in rebus & personis ecclesiasticis plus sibi arrogaret, quam per Canones liceret; Antonius Episcopus litteras ab Duce & Senatu impetravit anno 1334, quibus idem Prætor ab jurisdictione episcopali & ecclesiastica usurpanda omnino abstinere jubebatur. Anno 1546. post alteram urbis ac diocelisis lustrationem peractam, cum non sine magno ecclesiarum ac pauperum detrimento decimas & redditus ecclesiasticos male administrari comperisset, vel negligentia, vel malitia illorum, quibus eorum bonorum curatio mandari solebat; ita præcautum & provutum esse voluit, ut omnem vel fraudibus locum, vel incuriæ excusationem præriperet. Itaque hoc decretum fecit.

*Dum se Reverendissimus in Christo Pater D. D. Antonius de Cappa, Dei & Apostolicæ Sedis gratia Auxerensis diocesis Episcopus, ad visitationem dictæ suæ diocesis contulerit; & volens Dominatio sua ad laudem omnipotentis Dei, suæque Immaculatæ, semperque Virginis Matris Mariæ omnibus inordinatis ordinem debitum imponere, prout suum est, ad hoc ut omnia recto tramite procedant; viso quod huc usque multa inconvenientia processerunt, tum ob malum regimen eorum, qui rebus ipsis providere neglexerunt, tum etiam ob nimiam atque adeo odiosam ipsorum gubernatorum temeritatem, in detrimentum non modicum universale, ac præsertim ecclesiarum, a quibus bona ipsa processerunt, ut distribuantur ad pias causas; Dominatio sua itaque infrascriptas deliberationes, ordinationes, & statuta publicari jussit & mandavit, quæ a quibuscumque observari voluit, sub pœnis infrascriptis;*

*Ejus decretum.*



ptis; sic etiam annuente magnifico & generoso Domino Petro Maripetro pro Illustrissimo & Excellentissimo Ducali Dominio Venet. dignissimo Chersii, & Aufferi Comite, quem sua Dominatio ob auctoritatem sibi magnifico Domino Comiti a prælibato Illustrissimo Dominio attributam, tamquam ipsum Illustrissimum Dominium representandum imploravit, ut etiam magnificentia sua in hanc opinionem condescendat. Unde consulto negotio, & viso, quod operæ pretium visum est opus esse celeri remedio, mandavit publice publicari, ut infra.

Leges ab eo  
prescriptæ  
ad ream  
bonorum  
Ecclesiæ  
administra-  
tionem.

Primum itaque imperavit, ut Prosuppi sive administratores bonorum, quæ ad ecclesiam, ad pauperes, ad pia sodalitia pertinent, singulis mensibus quid & quantum vel exegerint, vel expenderit, & pecuniæ quod superesset, in codicem referant; rationesque omnes in eo descriptas Prætoris inspectioni subjiciant; id nisi fecerint, multam pecuniariam iisdem imposuit, cujus partem unam Prætori, alteram cellæ frumentariæ, sive horreo publico Absorensi, vel Creptensi dari jubebat.

Deinde ut quicumque annis superioribus Prosupporum munere functi essent, intra finem mensis proximi, rationem administrationis sibi prædictæ redderent; & si quid vel incuria perisset, vel malitia interversum esse compertum fuerit, numerata pecunia compenient; pœna eadem, quæ supra, irrogata, si id facere neglexerint.

Postea ut Prosuppi pecunias & res quascunque ex decimis & bonis ecclesiasticis collectas, quæ i. pauperes erogandæ forent, deponant apud iudices, idest primarios urbis magistratus, & Parochum civitatis, ut eas ipsi pauperibus distribuunt; qui apud Prætorem, sacramenti religione interpolita, fidem faciant se tantundem egentibus largitos fuisse, quantum a Prosuppis acceperant.

Tandem, ut bona ecclesiæ vel pauperum, si constituta auctione vendere oporteat, in foro publico, hasta posita, voci præconis subjiciantur; secluse omni dolo & collusione dentur plus offerenti; anathematis pœna proposita tum emptori, tum venditori, si quam fraudem aut fallaciam auctioni præponerent, vel interponerent.

Mandans prædictus Dominus Episcopus, ac magnificus Comes prædicta omnia ab omnibus inviolabiliter observari, & observari facere, sub pœna excommunicationis latæ sententiæ parte Reverendissimi D. Episcopi antelati, ac etiam sub pœna librarum centum parvorum parte magnifici D. Comitis, & perpetuæ privationis officii; quæ pœna dividatur, ut ante. Qui mandarunt ipsos ordines in Aulis Cancellariæ Chersii ad futurorum memoriam post publicationem ipsorum registrari.

Die primo mensis Januarii 1546. a Nativitate.

Légente ac diffante me Joanne Francisco de Romartinis V. Cancellario per Zanettum præconem sub Logia Communis voce præconia proclamata & sitidatæ fuerunt provisiones antescrptæ, ad omnium claram intelligentiam, præsentibus Domino Antonio de Petris, D. Joanne de Soliis de Pavia, ac pluribus aliis testibus. Item publicatæ fuerunt Aufferi sub die . . . ut apparet ex litteris spectab. DD. Iudicum dicti loci.

Item publicatæ fuerunt Lubenizzæ sub die xi. Junii, ut apparet fide facta p. V. C. dicti loci.

His decretis & constitutis robur & firmitatem adjecit auctoritas Ducis & Senatus Vene-

ti, qui rogatu Antonii Episcopi, & Petri Maripetri Prætoris, omnia confirmavit; & si qui ob malam infidamque administrationem patrimonii ecclesiarum & pauperum, rei peculatus comperti fuissent, iis vetuit in perpetuum ejusmodi præfecturam committi: Mandans præsentium litterarum ordinem publicari Chersii & Aufferi, & registrari in volumine Statutorum utriusque Cancellariæ, ad futuram memoriam, & omnium claram intelligentiam.

Lata data promulgata fuit antedicta provisio per Reverendissimum Dominum Episcopum & magnificum Comitem, sedentes in camera Episcopatus Aufferensis anno Domini 1546. Indict. xv. die vero mensis Januarii, præsentibus &c.

Eadem fere quadriennio post ad præcavendas fraudes, ac vigilantiam Prosupporum excitandam sancivit Zacharias Zantanus, Prætor Absori & Creptæ; ac præterea caplam, in qua asservari solebant pecuniæ ecclesiarum, & pauperum, tribus clavibus obferari jussit, quarum una penes Advocatum Communis, altera penes Prosuppos, tertia penes Vicarium Episcopi esset. Lege cautum erat, ne quis ante annos decem post priorem elapsos, alteram ejusmodi bonorum administrationem reciperet. Forte evenit, ut cum fortasse deessent, quibus hæc procuratio recte committi posse videretur, Episcopus in Prosuppos eligeret, Prætorque approbaret, qui semel hoc munere functi, nondum annos ejusdem muneris vacationi præfinitos expleverat. Quod cum Venetias delatum fuisset ad Senatum, Franciscus Donatus Dux Venetiarum litteris ad Zachariam Zantantum Prætorem datis x. Kal. Septemb. an. 1550., illam electionem & approbationem irritam fecit, eamque ab Episcopo & Prætore abrogari jussit.

His temporibus cum præluderet monasterio Benedictino Virginum Absorensium S. Mariae Cæcilia de Cappo soror, vel potius filia fratris Antonii Episcopi, quæ vitam omnibus virtutibus & sanctimoniam notis insignem ad annum ulque nonagesimum perduxit; Virgines illæ de communi sententia, Episcopo & Sede Apostolica approbante, cum Franciscano Benedictinum institutum commutarunt. Antonius Cæciliam ob excellentem ejus sanctimoniam summo opere coluit & dilexit; eique moriens annulum episcopalem aureum testamento legavit, quem ipsa quoad vixit, cum Antistita perpetua fuerit, digito insertum gessit; & ceteris quæ in ejus locum ac præfecturam deinceps succederent, gerendum tradidit ac reliquit.

Antonius cum esset summa propemodum senectute, & viribus infirmis, sensit se idoneum non esse ad episcopale onus ferendum. Itaque ab Julio III. postulavit adjutorem, qui episcopali consecratione insignitus, & jure successionis donatus, pontificias functiones obiret; idque facile impetravit, ut docent Tabulæ consistoriales: 2. Junii 1550. fuit deputatus Coadjutor R. D. Antonio Episcopo Aufferensi senio confecto, in regimine & administratione Ecclesiæ Aufferensis, D. Marcus Fidelis de Gonzaga clericus Mantuanus in 28. suæ ætatis anno constitutus, cum facultate omnium &c. exercendi, & cum futura successione per cessum, vel decessum, & cum retentione omnium. Taxa florenorum 50. Tres annos præterea vixit, quos Pagi, ut credibile est, in patria transegit. Ibidem mortuus est anno 1553., & honorifice sepultus in templo ejusdem primario. Atrium palatii episcopalis

Aliæ leges  
eodem spectantes.

Marcus  
Fidelis  
Gonzaga  
Adjutor  
illi datus,  
& successor  
decretus.

palis amplificavit, & muro circumdedit. In atrio fere medio cisternam effodit capacissimam, quæ ingentem aquæ copiam non incolis solum, sed etiam navigiis illac transeuntibus abunde suppeditat. In æde cathedrali novum baptisterium marmoreo & eleganti opere construxit, ut ejus stemma gentilitium ibi affixum declarat.

## MARCUS FIDELIS EP. ABSOR. XXXVII.

Marcus Fidelis Gonzaga Episcopus Abforensis recte bonorum Ecclesiasticorum administrationi consulit.

Hanc Ecclesiam tum summa generis claritate, tum vero eximiarum virtutum splendore illustravit Marcus Fidelis, ex nobilissima gente Gonzaga, quæ illis temporibus Mantuæ, atque in aliis Galliæ Cisalpinæ oppidis rerum potiebatur. Anno 1561. cum diocesim episcopali illustratione peragraret, multa in administratione bonorum ecclesiæ & pauperum peccari, committique animadvertit, contra quam pluribus Episcoporum, Prætorum, & Senatus Veneti decretis, ad id præcavendum compositis, sapientissime præscriptum fuerat. Itaque hoc decretum simul cum Prætore civitatis communiter fecit.

Reverendissimus in Christo Pater & Dominus D. Marcus Gonzaga, Dei & Apostolicæ Sedis gratia Episcopus Ausserensis, cum ad Diocesim visitandam accessisset, bona & introitus Ecclesiæ & pauperum non recte administrata invenit, hanc præsertim ob causam, quod licet quotannis juxta sanctiones super hoc disponentes ad regimen bonorum & introitus Ecclesiæ tres eligerentur Procuratores, qui Prosuppi nominantur, & conjunctim, & unanimiter in Domino prædicta bona & introitus canonice, & laudabiliter administrarent, totidemque similiter vocati ad partem pauperum administrandam eodem modo deputentur; tamen videtur introductum, ut ex illis unus tantum, reliquis duobus collegis in ulla re umquam accitis, propria auctoritate totam sibi vindicaret administrationem, cuncta pro libito faciat, bona & stabilia sine ipsius Reverendissimi Domini Episcopi consensu cum evidenti Ecclesiæ damno alienet, introitusque & pecunias solus exigat, easque pro arbitratu suo expendat, & interdum etiam in propinquos, domesticosque usus convertat. Unde fit, ut multoties cum opus esset Ecclesiæ de aliqua re sibi necessaria providere, aut pauperibus aliquid distribuere, non adsit facultas; indeque scandalum maximum populi, & damnum ingens Ecclesiæ & pauperibus sequuntur, cum detrimento animarum eorum, qui talia faciunt, & rerum etiam suarum jactura non modica; transacto siquidem tempore administrationis, sortem sibi appropriatam, una cum multis solvere compulsi, cum non habeant aliunde, quo possint satisfacere, paternis bonis se & filios misere spoliare coguntur. Reverendissimus igitur D. Episcopus præfatus de gregis sibi commissi salute sollicitus, videns rem hanc tam perniciosam celeri provisione egere, paterno affectu motus, salubre remedium adhibere statuit; utque facilius hac sua intentio debitum sortiat effectum, habita super hoc matura consideratione, Clarissimi Domini Melchioris Coppo pro Illustriss. Dom. Venet. in hac insula Comitibus & Capitani, justitiæ zelatoris, & executoris brachium imploravit. Qui quidem Clarissimus Dominus Melchior, intellecto toto negotio, huic rei quam primum providere & pium & sanctum esse duxit.

Reverendissimus igitur D. Episcopus & Clarissimus Comes præfati, tot malis occurrere volentes, ambo unanimes & concordēs sanxerunt, decreverunt, & terminaverunt, prout infra, mandantes has infra scriptas sanctiones sub penis, prout in eis, inviolabiliter observari. Et primo. Quod Prosuppi præsentis Ecclesiæ & pauperum tam Ausseri, quam Chersi, eisque pro tempore successoribus, sint obligati cum solemni juramenti vinculo pro eorum posse, & omni conatu bona stabilia tam pauperum, quam Ecclesiæ, alienata in pristinum statum redigere, eaque sic redacta, cum iis, quæ nunquam alienata fuerunt, gubernare; quæ nulli eorum sine consensu Reverendissimi Domini Episcopi liceat alienare; & si quid contra attentatum fuerit, irritum & inane, ac nullius roboris vel momenti sit. Insuper Prosuppi, qui hoc facere præsumpserit, in dicto officio Prosuppi amplius eligi non possit; & propterea intelligatur, & sit bannitus de tota hac insula per annum unum continuum. Insuper quod nullus ex Prosuppis possit solus sine interventu, aut licentia saltem unius ex sociis introitus, aut redditus aliquos exigere, vel exactos vendere, nec sine societate saltem unius ex collegis quomodolibet dispensare, nec aliquo pacto pecuniam ex illis confectam, aut quoquomodo exactam, vel recuperatam, ultra trium dierum spatium penes se retinere sub pœna solidorum duorum pro qualibet libra a quocumque contrafaciente toties, quoties contrafecerit, auferenda; quæ sit Clarissimi Domini Comitibus, qui exactorem faciet, & hoc ultra pœnam solidorum duorum solitam Prosuppis; quæ pecunia ut supra, sit ex introitibus confecta, vel quoquo modo exacta aut recuperata, infra terminum supra statutum a Prosuppis utriusque partis, tam Ausseri, quam Chersi, poni debeat in scriniis ad hoc deputatis, quorum unumquodque quatuor claudi debeat clavis, quarum una apud Reverendissimum D. Episcopum, vel ejus Vicarium, siue substitutum, in unoquoque supradictorum locorum commorantem, ad hoc deputatum esse debeat; reliquæ vero tres singula singulis Prosuppis distribuuntur sic, ut cum opus fuerit aliquid pro Ecclesiæ aut pauperibus de scriniis extrahere, omnes simul illius partis adesse necesse sit, pecuniæque hoc modo communi omnium eorum consensu extracta, recte & canonice dispensentur. Ulterius quod Prosuppi tam Ecclesiæ, quam partis pauperum non possint sine expresso Reverendissimi Domini Episcopi consensu pecunias Ecclesiæ aut pauperum in ullum alium usum, quam propriarum ipsarum partium Ecclesiæ & pauperum, & non aliter, nec alio modo expendere, sub pœna solidorum duorum a quolibet contrafaciente, ut supra, toties quoties contrafecerit, auferenda, & applicanda Clarissimo D. Comiti tunc esistenti; & expensæ, quod contra præsentem ordinem facta fuerint, nullo pacto admitti possint, sed omnino rejiciantur; & hoc ultra pœnam, ut supra, statutam. Hoc etiam declarato, quod si quo tempore opus fuerit auxilium præbere solutionibus & conductis Medicis, & Magistri ludi litterarii, recurrentes ad præfatum Reverendissimum D. Episcopum, vel ejus Reverendissimum Vicarium, omne pium & bonellum auxilium consequentur.

Lata, data, & in his scriptis promulgata fuerunt sanctiones suprascriptæ per supradictos Reverendissimum D. Episcopum, & Clarissimum D. Comitem, legente me Presbytero Johanne de Saviiis,

viii, suae Dominationis Reverendissima Cancellario, currente anno Domini 1561., die Mercurii, octavo mensis Octobris in Palatio Episcopatus Auseri, astante caterva Nobilium & Populorum; & praesertim Nobilibus Dominis Christophoro Scbia Judice honorando Auseri, & Dominis Donato de Petris, & Baldassare Grabi Advocatis Spectabilis Communitatis Auseri, & Domino Jacobo Drasa quondam Domini Francisci Nobili Chersensi, & quam plurimis aliis testibus.

Concilio  
Tridentino  
interfuit.

Sub Pio IV. novem postremis Sessionibus Concilii Tridentini anno 1562. interfuit; atque inter Episcopos ab Julio III. creatos, qui Tridentum ad Synodum convenerunt, secundo loco nominatur Marcus Gonzaga Mantuanus Episcopus Auserensis. Sodalitium Sanctissimi Corporis Christi aedi cathedrali annexum certis delictorum indulgentiis ab eodem Pio Pontifice donandum curavit, quas statis & solemnibus diebus perciperent quicumque in eam sodalitatem nomen dedissent. Canonicis Absorensibus, quod tenues admodum essent eorum redditus, ab solutione cujuscumque tributi immunitatem impetravit. Sub initium belli Cyprii anno 1570. Petrus Lauretanus Dux Venetiarum, in suis ad Vincentium Pisanum Praetorem Absori & Crepsae litteris, hoc ei mandatum ad Episcopum vel ejus Vicarium dedit, ut publicas & solemnes preces ad caelestem opem contra Turcas implorandam, tum in urbe, tum in oppidis & villis totius dioecesis peragendas indiceret; itemque ut juberet Parochos adhortari populos, ut conscientiae labes eluerent, & frequenter divina mysteria caste pieque susciperent.

Ad Eccle-  
siam Man-  
tuanam re-  
gendam mi-  
gravit.

Annos circiter quatuor & viginti Marcus Ecclesiam Absorem vel praesens per se, vel abiens per suum Vicarium administraverat, cum cum Gregorius XIII. ad Ecclesiam Mantuanam regendam migrare jussit anno 1574, vel sub initium sequentis, ut colligitur ex Tabulis Consistorialibus. Erravit itaque Ughellus, qui ejus Mantuanam translationem in annum 1578. rejecit. Huic Ecclesiae praefuit usque ad annum 1583., hoc quippe anno vi. Id. Septembris e vita decessit, atque in aede cathedrali honorifice tumulatus hoc Epitaphium meruit.

D. O. M.

Pius Epi-  
scopus.

Marco Gonzaga, qui primum Auxerensis Episcopus Tridentino Concilio interfuit; post Serenissimi Domini Guillelmi Mantuae Ducis III. intuitu, ad hanc Cathedralem Ecclesiam translatus est. Annos fere novem praefuit. Hic quiescit, Eudimione ejus fratre, Ferdinandoque, & Aurelio ex eodem fratre nep. & hered. sic tumulari curantibus. Anno MDLXXXIII.

Laurentius  
Lauretanus  
Episcopus  
brevissimus  
fuit, si ta-  
men fuit.

In Catalogo Antistitum Absorensium, quem super cum litteris humanissimis clarissimi Bonaventurae Bernardi Episcopi illius civitatis accepi, Marco Gonzagae subrogatus legitur Laurentius II. Lauretanus Patricius Venetus; qui nominatus esse dicitur in Codice quodam Ecclesiae S. Mariae ejus oppidi, quod *Caisole*, seu Caput Insulae appellatur, itaque in altero Codice tabularii Auxerensis. Sed si annuendum est inter Episcopos Absorenses, ejus Pontificatus brevissimus fuit; quippe sub initium anni 1575. Romae in augustissimo Cardinalium consensu huic Ecclesiae praepositus fuit.

# CORIOLANUS EPISC. ABSOR. XXXVIII.

Vicetiz nobili genere natus e gente Garza-Coriolanus dora, Doctor Sacrae Theologiae, & Subdiaconus Ecclesiae Vicetinae, quem Gregorius XIII. Absorensibus Episcopum dedit, ut est in Tabulis Consistorialibus: 19. Januarii 1575. providit Ecclesiae Auxerensi in Provincia Jadrensi per translationem R. P. Marci Fidelis ad Ecclesiam Mantuanam vacanti, de persona D. Coriolani Garzadori Subdiaconi Vicetini, Sac. Theol. Doctoris, cateraque requisita habentis, cum refectione compatibilium, & dispensatione, propterea quod Sacris Ordinibus ante sex menses non est initiatus; & cum reservatione pens. an. 500. Scutorum auri super fructibus mensae Episcopalis Auxerensis pro D. Episcopo Nicosensi. Jacobus Marzarius lib. 2. historiae Vicetinae hoc illi elogium tribuit: Coriolanus Gratianus Garzadorus, jurisconsultus excellentissimus, aliisque doctrinis, & eximiis virtutibus ornatissimus; nunc Episcopus Crepsae & Absori, magna astimationis in Aula Romana praesertim apud Gregorium XIII., qui eidem Cubicularii sui titulum & honorem impertierat.

Post susceptam Episcopalem consecrationem Absorum venit, ingenti omnium civitatis ordinum gratulatione & laetitia exceptus. Mense Octobri ejusdem anni 1575. sacrum Pontificale in aede cathedrali solemniter ritu ac ceremonia fecit; ac deinde urbis ac dioecesis lustrationem Episcopalem indixit, quam cum magno labore, & summa incolarum reiisque Christianae utilitate intra finem sequentis anni confecit. Arcam S. Gaudentii e proximo sacello ad Basilicam Cathedrali ab eo translata, & in summo altari deposita sunt. Aediculam vero illam, in qua plurimos annos Corpus ejusdem S. Gaudentii jacuerat, vetustate collabentem refecit, & egregiis picturis ornavit; ac ne antiquam religionem amitteret, in locum sacratissimi illius Corporis, statuum S. Gaudentii affabre factam ibidem substituit, quae summa Absorensium veneratione & frequentia colitur. Haec cura sumptuque Coriolani Episcopi perfecta fuisse, stemma gentis Garzadorae appositum testatur.

Aediculam  
S. Gauden-  
tii refecit,  
& ornavit.

Ad componendas controversias, quae de praefectura atque administratione bonorum Ecclesiae, & pauperum, Communi Absorensium erant cum Episcopo, haec decreta & praescripta sunt a Sebastiano Venerio Duce Venetiarum in suis ad Joannem Mocenicum Praetorem litteris datis anno 1577. ix. Kal. Augusti. I. Ut ad electionem Prosupporum quod attinet, Senatus-consulta in id saepius facta accurate serventur; nemini autem hanc procuracionem mandari liceat, quin decem annos vacationi hujus muneris praescriptos expleverit. II. Cum non plures, quam octo, sint Presbyteri, qui ad hoc munus eligi possint, nullusque ex illis tempus eidem vacationi praefinitum conficere possit, ille ceteris praeratur, qui ab ejusmodi administratione plures, quam alii, annos vacaverit. III. E proventibus Ecclesiarum & pauperum itemque ex aerario Communis argentei nummi septuaginta Medico Civitatis singulis annis persolvantur; neque vero id stipendium e sacro peculio augeri possit, nisi Episcopus & Prosuppi consenserint. IV. Penes Prosuppos jus esto exigendi decimas, aliosque omnes redditus Ecclesiarum & pauperum; pecunia inde confecta in

De bonis  
Ecclesiasticorum ad-  
ministratio-  
ne lites ha-  
buit cum  
Communi.

in arcam ferreis laminis munitam inferatur, & quatuor seris & clavibus diverſi operis atque artiſicii obſervatam; una ſit penes Episcopum, tres aliæ apud tres Proſuppos; & ſuam quiſque habeat; arcam neque aperiri, neque inde quidquam pecuniæ ad conſuetos & neceſſarios lumpus extrahi debeat, niſi adſit Episcopus pariſter cum tribus Proſuppis. V. Quidquid pecuniæ exactum fuerit, ſtatim in arcam conſiciatur; ſi quis hanc pecuniam apud ſe tribus diebus amplius retinuerit, ſtatim ab huius muneris procuratore amoveatur, & qua dignus eſt pœna afficiatur. VI. Sit penes Proſuppos potestas eligendi puſſatorem organi pneumatici; eique mercedem conſtitutam e ſacro peculio contri-  
buant. VII. Proſuppi rationes accepti & expenſi reddant, componantque coram Præſore, Judicibus civitatibus, & Episcopo, juxta conſuetudinem antiquam. VIII. Si quando Episcopus ex urbe diſcedat, vel ad inſulam Cretam, vel ad alia ſuæ diœceſis loca proſecturus, e ſacrario ædis cathedralis nihil, præter indumenta pontificalia, ſecum afferat, & omnium, ſi quæ præterea abſtulerit, notam ſcripto conſignatam relinquat. IX. Ut Episcopus pecunias e multis nummariis collectas, in reparationem templi Virginum Abſoreſium S. Mariæ de Angelis impendat. X. Ut ex redditibus ædis cathedralis S. Mariæ, item ex illis, qui ad pauperes pertinent, tum Magiſtro gymnſii publici, tum pharmacopolæ civitatis annuum ſuam decretum ſtipendium ſolvatur.

Interfuit  
Conſilio  
generali  
Dalmatiæ  
præſidente  
Auguſtino  
Valerio  
Viſitatore  
Apoſto-  
lico.

Anno 1579. interfuit Conſilio generali totius Dalmatiæ Venetæ, quod Jaderam convocavit Auguſtinus Valerius Episcopus Veronenſis, Viſitator apoſtolicus eccleſiarum diſtrictiſſimæ Venetæ, miſſus a Gregorio Papa XIII., ejusque actis ſubſcripſit *Coriolanus Garzadorus* Auxerrenſis. Paucis poſt diebus idem Viſitator Jadera diſcedens, ad Eccleſiam & diœceſim Abſoreſem inviſendam acceſſit. Abſori cum eſſet, diem feſtum S. Gaudentii pontificali ſacro celebravit; quem diem eo anno inſignis pompa & apparatus, inſoliti & multiplices mulicorum, fidium, tubarum concentus, & ingentes hominum cujuſque generis concuſus, auguſtiorum lætiorumque fecerunt. Multa præclare & ſapienter ad reformandos cleri & populi mores, divinique cultus ſplendorem augendum Auguſtinus decrevit; illud præſertim Abſori, ut ſacris reliquiis, quæ in æde cathedrali erant ſane multæ & inſignes, debitus honos haberetur, & ſuis loculis inclufæ diligentiffime cuſtodirentur; ac tunc fortaiſſis, Auguſtino potiſſimum auctore, corpus S. Gaudentii e proxima ædícula in baſilicam catholicalem tranſlatum fuit. Crepiæ vero templum primarium, quod anguſtius & inornatius erat pro nobilitate oppidi, & frequentia civium, ut amplificarent, ornarentque, gravi & copioſa oratione hortatus eſt Crepienſes; quod ſe facturos ſumma alacritate polliciti ſunt; idque poſtea præſtiterunt, certatim omnes pro ſuis quiſque facultatibus pecuniam operamque conferentes.

Gregorius XIII., cui ſides Coriolani, prudentia, ſingularis in quibuſlibet vel graviffimis negotiis gerendis ſolertia experta, atque perſpecta erat, legationem apoſtolicam Colonienſem ei decrevit, & mandavit. Id munus multos annos Coloniz ſumma cum laude geſſit. Dum aberat, Eccleſiæ ac diœceſis adminiſtrationem tum Vicario ſuo generali, tum etiam Illyrici Sacri Tom. V.

Paſchali Padavino Episcopo Arbenſi commendavit. Hac legatione perfunctus anno circiter octavo ſæculi proximi ſe ad ſuam Eccleſiam reſtulit; eamque duobus capitibus Sociarum S. Uſulæ Colonia allatis donavit. Anno 1614. Paulus V. ei petenti poteſtatem fecit Episcopatus Abſoreſis dimittendi, atque in Octavianum Garzadorum fratris ſuium transferendi. Stemma gentilitium, ſuique pontificatus memoriam tabulæ manu Andreæ civis Vicetini pictæ, & ſummo in altari collocatæ, impreſſam reliquit.

Episcopat-  
um dimi-  
ſit, & fra-  
tris ſui filio  
tradendum  
curavit.

MDXIV.

*Sub Auspiciis Illuſtr. & Reverendiſ. Dom. Domini  
Coriolani Episcopi Auſerrenſis Andreas  
De Micha Civis Vicentinus fecit.*

OCTAVIANUS EP. ABSOREN. XXXIX.

Filius fratris Coriolani, ut ſupra dictum eſt, cui collatum a patre Episcopatum confirmavit Paulus V., ut docent Tabulæ conſiſtoriales: An. 1615. 12. Maſi proviait Eccleſiæ Auſerrenſi vacanti per liberam reſignationem D. Coriolani Garzadori, de perſona Octaviani Garzadori J. V. D. Vicetini, & nuper in ſacris Ordinibus conſtituti, cum reſervatione annua penſionis ſcutorum 1500. moneta Venetæ ad favorem reſignantis, dummodo remaneant mille moneta Romana pro proviſo. Huic eccleſiæ præſuit uſque ad annum 1633., ex quo apparet nihil temporis ac loci relictum eſſe Caſari Nardo ex Ordine S. Franciſci, quem Auſtor Viridarii Seraphici inter Episcopos Abſoreſes annumeravit, ejuſque Episcopatus initia anno 1621. affixit. Titulum Abſoreſis Episcopatus inanem geſſit, nominatus a Ferdinando II. Imperatore, qui cum rex Hungariæ idem eſſet, juſ designandi Episcopos Dalmatiæ ad ſe pertinere exiſtimabat; cæterum neque huius Eccleſiæ poſſeſſionem adiit, neque proventus episcopales percepit, ut intelligi licet ex Tabulis conſiſtorialibus: An. 1621. 20. Junii, Reverendiſſimo Ludoviſſo referente pro Reverendiſſimo Domino Cardinali Dietriſtino ſua Sanctitas proviait Eccleſiæ Auſerrenſi in regno Dalmatiæ vac., ad præſentationem Caſareæ Maſtæſtatis, de perſona Fratris Caſaris Nardi Ord. Conventualium, ſac. Theol. Profeſſ., eique ab Imperatore assignari debuit congrua portio, donec & aliter provideatur, cum donatione jurium &c.

Caſar Nardus Eccl.  
Abſoren.  
titulum ha-  
norarium  
obtinuit.

Octavianus Virginibus Crepienſibus Benediſtinis S. Petri præclaras leges ad normam diſciplinæ monaſtica præſcripſit, quas poſtea Valerius a Ponte Vicarius apoſtolicus confirmavit. Dum huic Eccleſiæ præſidebat, Auguſtinus Gradonicus Episcopus Feltrienſis, qui cœnobium Benediſtinum Abſoreſe, titulo ac jure Abbatibus Commendatariis obtinebat, templum S. Petri cœnobio adjunctum, vetuſtate collapsum ſe a fundamentis reſtituit, ut declarat inſcriptio januæ ſuperpolita:

Templum  
S. Petri  
Abſoreſis  
reſtitutum.

*Hanc Divo Petro dicatam Eccleſiam  
Vetustate penitus collapsam  
Auguſtinus Gradonicus Episcopus Feltrienſis  
Abbas Commendatarius a ſolo reſtituit  
Anno a Chriſti ortu MDCXXV.*

Octavianus ſedem episcopalem anno undevicesimo, quam conſcenderat, Venetiis moriens an. 1633. vacuam reliquit. Cave eum confundas cum Octaviano Garzadoro Archiepiscopo Jaderino. Uterque patria Vicetinus fuit ex gen-

Mortuus  
venerit.

Coriolanus  
legationem  
Colonien-  
ſem plures  
annos geſ-  
ſit.

gente Garzadora; ex qua cum duarum vel trium familiarum fuissent facta divortia, non eadem utrumque familia protulit; alter alteri æqualis fuit, idem utrique stemma gentilitium; sed Archiepiscopus Jadrensis suum stemma insertum habebat aquilæ bicipiti coronatæ. Hic deposito Archiepiscopatu vitam privatam duxit usque ad annum 1652. noster vero vivere desit anno 1633. De Octaviano Episcopo Absorensi honorificam mentionem fecit F. Franciscus Barbaranus ex Ordine Fratrum Minorum S. Francisci, quos Capucinos vocant, in Historia Vicetina. Post aliquot annos Coriolanus & Ludovicus fratres filii patruo eximie merito Vicetie monumentum posuerunt in templo S. Michaelis Patrum Eremitarum S. Augustini, eique hunc titulum fecere:

*Octaviano Garzadoro ob resignationem Coriolani patrui præter ætatem gratia Pauli Quinti Pontificis Episcopo Auxerensi prudentia singulari immatura morte erepto Coriolanus & Ludovicus fratres 1644.*

#### M. ANTONIUS EP. ABSOREN. XL.

Nobili genere natus est Veronæ, ex Comitibus de Veritate. Inter Præsules Curie Romanæ titulum ac munus Referendarii utriusque signaturæ obtinuit, ut tradit Valerius a Ponte. Fortassis idem fuit, qui a Marchesio in historia Foroliviensi nominatur, & anno 1623. Præses atque Gubernator Fori Liviani fuisse dicitur. Urbanus VIII. huic Ecclesiam Absorem decrevit: 1634. 3. Aprilis providit Ecclesie Auxerensi vacanti per obitum Octaviani Garzadori de persona Antonii Veritatis Presbyteri Veronensis, cum reservatione 600. ducatorum pro personis nominandis. Pastoralis curæ & sollicitudinis initium a lustratione urbis ac diocesis faciendum sensit: qua peracta synodum convocavit an. 1636. xxi. Kal. Maji, in qua multa rei christianæ & ecclesiasticæ perutilia constituit; dies festos S. Nicolai vi. Id. Decembr., S. Gaudentii Kalendis Junii (qui sunt patroni Arbensium) in tota diocesi; Crepsæ autem S. Isidori martyris Crepsensium patroni iv. Non. Januarii, itemque Beatæ Mariæ ad Nives, cuius titulo & auspiciis subest templum oppidi primum, in urbe illa atque insula ritu sollemni juxta antiquam consuetudinem celebrari iussit. Si clericus clericum aliqua contumelia injuriave affecerit, ei statim omni sui ordinis aut sacerdotii functione interdictum esse voluit; sed cum ejusmodi pœna canonica, vel ad clericos ab jurgiis, & conviciis deterrendos non satis videretur, vel certe gravissimis ac prope seditiosis querimoniis occasionem præbuisse, eam cum multa pecuniaria commutavit. Anno 1636. vi. Idus Junias cum ex mandato Episcopi in sacrum ædis cathedralis Canonici omnes convenissent, referente Falconio Archidiacono, de communi sententia decretum fuit, ut si quis e collegio Canonicorum moriens bonorum suorum heredem instituat, is ex annuis illius fructibus, & proventibus tantundem percipiat, quantum demortuo debeat pro numero mensium ac dierum ministerii, quod vivens choro & ecclesie præstiterat; cum enim dignus sit operarius mercede sua, hanc seu donatione, seu testamento, in quemcumque voluerit, transferre potest.

Intra finem anni 1646. Valerius de Ponte Archipresbyter, deinde Archidiaconus ædis me-

tropolitane Jadrensis, vir præclara eruditione atque doctrina, summa religione ac prudentia, ex auctoritate jussuque Innocentii Papæ X., dum M. Antonius aberat, visitationem apostolicam urbis ac diocesis Absorensis, suis ad clerum & populum litteris indixit.

*Valerius de Ponte Archipresbyter Jadrensis J. V. D. Vicarius & Commissarius Apostolicus &c. &c. Munus nobis licet indignis a Sede Apostolica demandatum, juxta sacras Concilii Tridentini sessiones, exequi cupientes, eam ipsius partem in primis aggredi statuimus, per quam bonos mores tueri, personas corrigere, cultum ecclesiarum contingit potissimum augeri. Quæ sane omnia orthodoxæ fidei commoda cum sacra visitatione mirifice præstari soleant, ad eam in ipso accessione nostra limine animum mentemque convertimus. Verum cum in hac pastoralis sollicitudinis parte Illustrissimi ac Reverendissimi Præsules ordinarii naviter, & laudabiliter incubuerint, id tantum nobis reliquum fore exillimavimus, ut agrum Domini inspiciamus, & perquiramus, num in tam nobili eruditorum virorum pietatis ac doctrine segete inimicus homo aliquid superseminaverit zizaniorum, numve in vinea Domini aper de sitiva, vel singularis ferus quidquam depastus fuerit. Quare opus tam necessarium ac præcipuum sine mora quantum in Domino possumus, persicere satagentes, implorato divini Numinis auxilio, diocesanam visitationem per has nostras litteras edicimus, ac publicavimus; quam a personis primum exordiri, deinde non parcendo laboribus ad loca ipsa progredi, quantum hyemis inclementia patitur, D. o favente decrevimus. Propterea universos &c. Datum Chersi 30. Decembris 1646.*

Anno sequenti, mense Januario visitationis apostolicæ initium ab oppido Crepsensi fecit, ut constat ex ejus Actis: Die 14. 1647. Accessit ad Ecclesiam S. Isidori (quæ sita est prope a templo S. Mariæ primario totius oppidi), visitavit altare S. Gaudentii, quod ex traditione dicitur esse consecratum, nulla tamen apparent signa consecrationis. Est de collatione Ordinarii. Celebratur in eo semel in mense p. Reverendum Presbyterum Andreæ Cypri, qui possidet quamdam domunculam in contrata Zagrada, ex qua quotannis pro assidu recipit libras sexdecim, & medium cujusdam hortuli, & unam terrulam pasculativam in Graber &c. &c.

Die 25. Februarii 1647. Visitavit quamdam arcam ligneam, quæ est sub icona altaris majoris, in qua quiescit corpus S. Gaudentii Episcopi, ut referunt, Auxerensis; non est tamen integrum corpus. Interim arca munita est cratæ ferrea, quæ jugiter clausa manet; exterius vero tribus est munita seris, quarum alteram custodit Illustrissimus Ordinarius, vel ejus Interveniens, secundam Reverendus Dominus Archidiaconus nomine Capituli, tertiam vero spectabiles Judices Communitatis. Exterius nulla extat inscriptio denotans reliquiam, quæ ibi asservatur. In reliqua cetera sunt competenter disposita circa eandem reliquiam. Visitavit altare majus, quod est consecratum. Icona representat S. Nicolaum, & S. Gaudentium patronos hujus civitatis. Die dicta visitavit ecclesiam S. Gaudentii, in qua visitavit unicum altare, quod est consecratum ex traditione, non est tamen contectum tela cereata; celebratur in ea singula quaque Dominica, & feria secunda, impensis Confraternitatis ejusdem tituli, quæ habet proventus consistentes in ducatis quin-

Valerius de Ponte Archipresbyter Jadrensis Vic. Apost. visitationem Eccl. Absorensis indixit.

M. Antonii aliquot de-  
feta,

Decretum  
Capitu-  
lare.



quingenta, qui administrantur ab eisdem Confratribus. Idem altare in reliquis est competenter provisum &c. Claves ecclesiæ custodiuntur a Profuppo, seu ab ejus substituto. In Ecclesia cathedrali extat indulgentia plenaria ad septennium omnibus fidelibus confessis & communicatis in die S. Gaudentii Episcopi &c. &c.

Catalogus  
sacrarum  
reliquiarum,  
quæ  
in æde ca-  
thedrali  
asservan-  
tur.

Arce S. Gaudentii voluit inscribi Offa S. Gaudentii, cum ibidem corpus omnino integrum non esset; armarium, in quo continentur Reliquiæ Sanctorum, a situ & illuvie purgari iussit; eique adscribi: *Sacra Reliquiæ. Visitavit sac. Reliquias, quæ asservantur in quodam armario constructo in altari majori ad latus Evangelii, in quo reperit 1. quatuor capita, hoc est singulorum cranium reconditum, & consutum in serico rubro; quæ capita constant esse Sanctorum Martyrum de legione Thebaorum, prout expressum apparet ex duplici lamina plumbeo; altero quadrato, in quo hujusmodi verba reperuntur, videlicet (In hac arca continentur Reliquiæ de legione Thebaorum), item in alio lamina rotundo sculpta reperuntur hujusmodi verba, videlicet (Vera Reliquiæ de legione Thebaorum). Item ex schedula quæ dicit. (Caput Martyrum de legione Thebaorum desumptum ex Sancto Pantaleone Colonia). Item reperit ac visitavit cranium, seu caput consutum in reticula serica, quod est S. Sabina V., prout ex schedula intus reperiata. Item aliud caput consutum pariter in serico rubro, in quo reperiebatur schedula exesa, & caduca, quæ relevata fuit per Dominationem suam Reverendissimam, & est hujusmodi (De Societ. undecim mil. V.). Item visitavit duo ossa, quæ referunt esse S. Gaudentii Episcopi. Item visitavit aliud os, quod denotat esse de crure alicujus Sancti Anonymi. Item visitavit in quadam capsula quamplurima fragmenta ossium, quæ sine nomine & schedula ibidem sunt condita. Et ne in posterum dubitari possit de hujusmodi Reliquiis, illico singulis fecit apponi schedulas ad hoc, ut dignosci possint. Item reperit schedulam quamdam in eadem capsula jam exesa & caduca infra scriptarum Reliquiarum cum inscriptione, videlicet (De Ligno S. Crucis) (De Sepulchro Domini Jesu Christi) (De ligno S. Crucis, in quo pependit S. Andreas) (De S. Jacobo Apostolo) (De S. Bartholomæo Apostolo) (De S. Nicolao Episcopo) (De S. Laurentio Martyre) (Undecim millium Virginum duæ magna partes) (De S. Anna) (De S. Agnete Virgine) (Josia Martyris). Item seorsim in schedulis (De S. Elisabeth vidua) (De virga Aaron) (De veste alicujus Sancti, cujus nomen novit Dominus).*

Decreta  
Valerii  
Visitatoris  
apostolici.

Harum sacrarum Reliquiarum catalogum confici iussit; & apponi tabulam, in qua nominatim omnes sint descriptæ: ex iis quidquam, & vel minimum fragmentum, decerpi vetuit, anathematis pœna interposita. Hæc præterea imperavit: Sacrosanctam Eucharistiam juxta præscriptum Ritus Romani ex altari summo dimoveri iussit, & in eo collocari, perpetuoque asservari, quod in honorem Sanctissimi Corporis Christi extructum fuerat, Multa decreta edidit, præsertim de tradenda pueris Christiana catechesi, ac de adultis etiam divinarum præceptorum ignavis erudiendis, de honestate ac disciplina clericorum, de cultu festorum dierum, de ratione Sacramentum Pœnitentiæ rite administrandi, de sacrosancto Missæ sacrificio, de quotidianis precibus canonicis, chorique plalmodia, de studio Theologiæ moralis, de deci-

Illyrici Sacri Tom. V.

mis solvendis, & exigendis; aliaque ejusdem generis, plena sapientiæ, religionis, & illius, qua incensus erat, cupiditatis divini cultus augendi, juvandique homines ad salutem æternam asequendam. Intra finem hujus anni 1647. munus apostolicum sibi demandatum peregit.

M. Antonius, ut cæli Absorensis aspirationem suæ valetudini infestam devitaret, in oppido Crepsæ habitare consuevit; ibique in templo primario S. Mariæ ante summum altare sepulchrum sibi paravit, ac successoribus Episcopis, si quidem illuc inferri vellent. Crepsæ obiit anno 1650. xviii. Kalendas Novembris, annos natus quinque & sexaginta, & in eo, quem sibi designaverat, loculo sepultus est, Tabula marmorea rubri coloris sepulchrum obteggit, in qua sculptum est ejus stemma gentilitium, additque titulus his litteris expressus:

M. Antonii  
mors & se-  
pulchrum  
in templo  
primario  
oppidi  
Crepsensis.

MARCUS ANTONIUS ex Comitibus  
De VERITATE Veronensis

EPUS Auxerensis

Hoc Monumentum fieri

Mandavit pro se,

Et Successoribus suis

Si voluerint.

Obiit die xv. Octobris

MDC L.

Vixit an. Lxv. Menses vi.

Dies xx.

Lychnum argenteum præclaro opere, & grandi pondere, Venetiis ære suo fieri iussit, in eoque intculpi stemma gentis Pamphilæ pontificiæ, & aureis litteris inscribi INNOCENTIUS PAPA X. MDCXXX. . . . . aque ante altare maximum adis cathedralis appendi.

Marco Antonio Episcopo, Crepsæ civem egregium, cœnobium Crepsense Patrum Conventualium eximie virtutis & doctrinæ alumnum, & talitas Franciscana ingens lumen amisit, P. Blasius de Cherso, amplissimis sui Ordinis muneribus egregie functum, virum denique summe exultationis apud Pontifices, & Cardinales, Crepsæ apud Fratres suos obiit, atque in templo S. Francisci prope altare primarium conditus hoc elogium meruit.

P. Blasius  
de Cherso  
ex Ord.  
Franciscano  
vir infl-  
guis.

Siste gradum lector, cineri lachrymas & suspiria funde. Extinctus jacet in hac urna Ad. R. P. F. Blasius de Cherso, totius Philosophiæ, & sacre Theologiæ Doctor. Fuit Dalmatiæ Provincialis, cunctarum provinciarum Visitator generalis, innumerisque præfuit Capitulis generalis Commissarius, Fuit & socius, ac primus assistens Ordinis. Demum totius Ordinis Procurator generalis apud Summum Pontificem & Cardinales per sexennium extitit: quique in capella Sanctissimi orationes habuit, & religionis muneribus laudabiliter est functus. His gloriose peractis, vix ad patriam reversus ultimum clausit invida morte diem, Anno MDCXXXIII.

JOANNES II. EP. ABSOREN. XLI.

Natione Græcus, illustri stirpe ortus Chii, in urbe insulaque maris Ægæi, quem parentes in ea, quam ipsi colebant, disciplina & ritu Romano diligenter pieque educarunt, His cognomen erat De Rubeis. Venetiis in Curia pontificiæ apud Venetos Internuncii controversiis ecclesiasticis audiendis ac dirimendis præfuit. Primum Zacynthienfis, deinde Chironissensis seu Spinæ longæ Episcopus fuit. Anno decimo

Joannes  
de Rubeis  
primum  
Zacynthi-  
ensis, dein-  
de Chiro-  
nissensis,  
demum  
Absorensis  
Episco-  
pus.

T 2

belli

belli Cretici Cardinalis Delcius, cui Joannes, dum ille Venetiis apostolici Legati munere fungebatur, auditoris operam navaverat, cum Innocentio X. commendavit, ut diuturni belli fluctibus ac procellis ereptum in aliam stationem magis tranquillam & quietam transferret. Annuit Pontifex, eique Ecclesiam Absoremensem decrevit: Anno 1653. 10. Novembris transtulit Joannem de Rubeis ab Ecclesia Chironiensi ad Auxerensem vacantem p. obitum M. Antonii, &c. Incredibile dictu est quam assidue ac laboriose suas omnes cogitationes curasque in utilitatem Ecclesiae sibi commissae, suique gregis salutem Pastor optimus impenderit. Intra decem annos quater civitatem ac diocesim lustravit; & in omnes rei christianae & ecclesiasticae partes intentus, nullam praetermisit, cui non prospiceret, ac provideret, opportunis remediis ac subsidiiis adhibitis, ut si quae labalcerent fulciret, si quae consisterent firmaret. Synodum coegit anno 1660. mense Aprili; duodeviginti capitulis summam complexus est rerum omnium, quae ad rectam christianae plebis institutionem, cleri & Virginum Deo sacrarum disciplinam, ac divini cultus incrementum pertinent. Digna visa est, quae typis traderetur, eamque Cardinali Delcio patrono suo beneficentissimo dedicavit. Decimas, & redditus ecclesiasticos, qui partim ob decessorum absentiam, vel incuriam perierant, partim quorundam cupiditate & fraude interversi fuerant, recuperavit. Cum pravas consuetudines evellere, vitia extirpare, ecclesiae bona repetere insisteret, ob eamque causam in quorundam invidiam offensionemque incurrisset; non defuerunt, qui eum rerum novandarum nomine accusarent, & calumniis etiam atque injuriis appeterent. Sed Joannes majori animo erat, quam ut malignitate hominum, & obreptionibus, ab iis constanter persequendis, quae jus & officium episcopale postulabat, deterreri posset. Aedes pontificales multis in locis labefactas restauravit; cum enim plures annos vacuae habitatoribus fuissent, facta recta tuendi curam nemo susceperat; ipse autem contempta gravitate caeli Absorensis, nullaque suae valetudinis ratione habita, in urbe stabili commoratione habitavit. Turrim aedis cathedralis jamdudum exstrui coeptam ad fastigium perduxit, clero & populo, hortante Episcopo, pecuniam ad praclarum opus perficiendum certatim conferentibus. Tertio quoque anno, more majorum, Romam adiit, administrationis suae rationem redditurus, & sacra limina invisit; nunquam ex urbe rediit, quin plurimas Divorum exuvias referret, quibus tum basilicam cathedrallem, tum alias suae diocesis ecclesias locupletaret; & cum fere omnes essent insignes, & ex his quaedam integra corpora, ad earum anniversariam venerationem, suum cuique diem assignavit. Ut cultum S. Gaudentii amplificaret, ingens ex ejus ossibus fragmentum Ecclesiae Crepsensi donavit, idque testatum voluit esse hisce litteris.

Diocesim saepe lustravit, & synodum utilissimum fecit.

Cultum S. Gaudentii propagavit.

Joannes de Rubeis Episcopus Auxerensis. Ad augendam devotionem in venerabili Ecclesia Chersensi erga S. Gaudentium, quem tota hac diocesis filium, patronum, & Episcopum habuisse gloriantur & nunc intercessorem in calis, partem Ossis ejusdem secti ex illo, quod in theca aurea deaurata in Ecclesia nostra cathedrali asservatur, eidem Ecclesiae Chersensi donamus, mandantes ut in solemnioribus diebus cum aliis reliquiis exponatur;

ne sub pena excommunicationis lata sententiae, in toto, vel in parte diminuatur. In quorum fidem &c. Dat. Auxeri ex nostro Palatio episcopali die 28. Novemb. 1665.

Scholam Theologiae ex decreto Concilii Tridentini instituit, eique unum de collegio Canoniorum praefecit, qui primo cujusque hebdomadae die, in sacrario aedis cathedralis aliquam partem Theologiae, quam de moribus appellare solemus, explicaret. Praeterea semel singulis mensibus, tum Abfiori & Crepsae, tum in aliis praecipuis dioeceseos locis, de Theologia itidem morali disputationes in frequenti clericorum conventu haberi iussit. Aedem cathedralem quatuor clericis auxit, qui sacris ministeriis, & functionibus operam navarent; eisque congruentem pensionem assignavit. Sodalitates sacratissimi Rosarii auxit, & propagavit; pecuniae summam non exiguam reliquit partim collocatam, partim collocandam, ex cujus annuo fructu perciperent, suam quisque portionem, clerici illi, qui sub vespas in aede cathedrali, itemque in Ecclesiis Crepsae, Lubenizae, Capitae insulae, & Lolinii utriusque precationes, ex quibus constat Marianum illud psalterium, praecinerent, & populo psallenti orantique voce praerent. Inter cetera ejus praecclare facta, illud in primis singulari commemoratione dignum, & posteris perutile, quod acta omnia & decreta superiorum Antistitum ab anno sexagesimo quinto saeculi decimi quinti usque ad suum Episcopatum, ne dispersa & disjuncta interirent, in unum collecta conjunxit, & servatis temporum ordinibus, in quindecim volumina congeffit, his titulis inscripta.

Scholam Theologiae instituit.

Decreta Episcoporum Antistitum collegit, & in quindecim volumina congeffit.

*Inventarium Voluminum, & aliarum Scripturarum, quae asservantur in Cancellaria episcopali Auxerensi, factum anno 1662.*

I. Volumen, in quo continentur aliqua acta Reverendiss. Episcoporum ab anno 1465. usque 1533. vid. Antonii de Pago, Marci Nigri, Jo: Baptista de Garzoni & Antonii de Cippo, sunt paginae 483.

II. Volumen diversorum actuum Reverendiss. Episc. supradicti Antonii de Cippo, Andreae Peperii, Sedis vacantis, & Marci Gonzaga ab anno 1533. usque ad annum 1573. omnes paginae sunt 1582.

III. Volumen continet varia acta Reverendissimi Episcopi Coriolani Garzadori ab anno 1608. usque ad annum 1615. sunt paginae 484.

IV. Volumen actuum criminalium sub Reverendiss. Octaviano Garzadoro ab anno 1615. usque ad annum 1624. sunt paginae 1174.

V. Volumen habet acta causarum civilium, sacras visitationes, nec non dispensationes aliaque ad matrimonium pertinentia sub eodem Rev. Episc. Octaviano Garzadoro ab anno 1615. usque 1631. paginae 1160.

VI. Volumen criminalium sub dicto Reverendiss. Episc. Octaviano Garzadoro ab anno 1624. usque ad annum 1634. sunt paginae 1322.

VII. Volumen, in quo sunt acta criminalia, & civilia sedis vacantis, nec non civilia in visitationes Reverendiss. Episc. Marci Antonii a Veritate ab anno 1634. usque ad annum 1646. sunt paginae 843.

VIII. Volumen continet acta criminalia sub eodem Marco Antonio a Veritate ab anno 1634. usque ad annum 1639. sunt paginae 1314.

IX. Volumen criminalia ejusdem Reverendissimi Episc. Marci Antonii ab anno 1639. usque ad annum 1646. sunt paginae 1344.

X. Vo.

X. Volumen, in quo existunt acta criminalia Reverendis. D. Valerii Ponte Vicarii apostolici ab anno 1647. usque ad annum 1649. sunt paginae 1260.

Liber instrum. ejusdem Vicarii ab anno 1646. usque ad annum 1649. sunt pag. 14.

Visitatio generalis praedicti Reverendis. Vicarii; sunt pag. 334.

Liber extraordinar. ejusdem Vicarii ab anno 1647. usque 1649. pag. 88.

Liber pignorum supradicti. Reverendis. D. Vicarii capitularis ab anno 1647. usque 1649. sunt pag. 17.

XI. Volumen continet acta criminalia Vicarii capitularis ab an. 1650. usque ad annum 1654. sunt pag. 1045.

Liber civilium ejusdem; pag. 33.

Liber Collationum, Ordinationum, Patrimoniorum, ac Resignatarum ab anno 1619. usque ad an. 1642. pag. 138.

Liber dispensationum matrimonialium ab anno 1617. usq. ad annum 1652. sunt paginae 314.

XII. Volumen, in quo continentur diversa acta confusa ab anno 1617. usq. ad annum 1652. sunt pag. 1070.

XIII. Volumen habet acta criminalia Reverendis. Episc. Joannis de Rubeis ab an. 1655. usq. ad annum 1676. sunt pag. 1195.

XIV. Volumen actuum criminalium sub eodem Reverendis. D. Episc. de Rubeis ab anno 1657. usq. ad an. 1660. sunt pag. 1456.

XV. Volumen continet acta civilia, sacras visitationes, & dispensationes matrimoniales praedicti Reverendis. D. Episc. de Rubeis ab an. 1657. usq. ad an. 1660. sunt paginae 1456.

Tria exempla confici jussit, unum Venetias in patriarchali, alterum Jaderam in archiepiscopali Curia asservandum transmisit; tertium Absori in Tabulario episcopali deposuit. Anno 1667. Venetiis cum esset valetudinis curandae causa, letalem in morbum incidit, quo paucos intra dies extinctus, tranquille pieque obiit. Ecclesiis Absorensi, Crepensi, Veglensi (huic Constantinus frater Joannis praefuerat) sexcentos nummos argenteos legavit, singulis ducenos. Conditus est in aede Laurentiana Ordinis Benedictini ante aram S. Sebastiani, in eodem sepulcro, quo plures ante illum Episcopi advenae illati fuerant; quod cum esset aliis commune, nulla eidem inscriptio apposita fuit. Extat Venetiis ejus memoria tabulae lapideae insculpta in aede SS. Martyrum Gervasii, & Protasii, quam ipse sollempni consecratione initiavit.

D. O. M.

SS. MM. Gervasio & Protasio & Grisogono dicatum  
Joannes de Rubeis Episcopus Ausorensis consecravit  
An. Do. MDCLVIII. Cal. Aug.

Sed eadem optimi & sanctissimi Praefulis memoria viget in animis Absorensium alte impressa, vigeatque, donec suos stabit virtuti honos; quippe qui ob insignem vitae sanctimoniam, effulam in egenos ac miseros beneficentiam, & singularia in hanc Ecclesiam merita, venerationi etiam Absorensibus, non solum desiderio est.

MATTHÆUS EP. ABSOREN. XLII.

Oriundus ex insula Pharia; duplex illi cognomen fuit; alias *Scrivanellus*, alias *Pissari-chius* cognominatus est. In Germania multos annos exegerat, variis muneribus ecclesiasticis Illyrici Sacri Tom. V.

magna cum laude perfunctus. Romam profectus, in urbe illa omnium principe, praecellam famam, existimationemque doctrina, prudentia, agendique industria partem, sibi conciliavit. Clemens IX. Matthæum Ecclesiae Ablorenti Episcopum praefecit, ut est in Actis consistorialibus: 1667. 3. Augusti providit Ecclesiae Auxerensi vacanti per obitum Joannis de Rubeis, de persona Matthæi Scrivanelli &c. Fuit in eo tum eximia religio, & sollicita christianae institutionis cura, tum vero insigne studium alienae inopiae sublevandae; quippe in pauperes & calamitosos homines large effusaeque patrimonium ecclesiasticum erogabat. Composuit controversiam, quae de loci primatu erat Patribus Franciscanis cum Presbyteris secundi ordinis Ecclesiae Crepensis, cum utrisque ad funera & exequias conveniendum foret; jussitque illos post Canonicos a dextera confidere, Presbyteros vero ad sinistram. Mortuus est Crepsae, quo in oppido stabile domicilium habuit, anno quinto post initum Episcopatum, id est anno Christi 1672. vii. Idus Decembris. In aedem primariam S. Mariae illatus cum fuisset, in co sepulcro tumulatus est, quod M. Antonius sibi fuitque successoribus paraverat.

SIMON H. EP. ABSOREN. XLIII.

Ex nobili Spalateni familia Gaudentia, ex qua duo Praefules eodem saeculo prodierunt, Petrus & Dominicus patrum Simonis, uterque Arbenensis Episcopus, alter alteri successus. Simon Romae in aede Hieronymiana Illyricae nationis locum tenebat, & munus gerebat Archipresbyteri, ut tradit Valerius a Ponte; cum eum Clemens X. Episcopum Ablorentibus dedit, ut Tabulis consistorialibus traditum est: 1673. 30. Januarii providit Ecclesiae Auxerensi vacanti per obitum Matthæi Scrivanelli, de persona Simonis Gaudentii Presbyteri Spalatenis, Mag. in Theologia. In Episcopatu laetè diuturno, annorum ferme quinquaginta, quoad per aetatem ac valetudinem licuit, nihil curae ac laboris praetermisit, ut omnia vigilis, strenuè Episcopii officia, & munera exsequeretur. Diocesim laetè pius lustravit; synodum utilissimam & frequentissimam habuit, in qua & superiorum Antistitum decreta confirmavit, & alia his adiecit, quae pro temporum ac morum ratione necessitas atque utilitas postulabat. Corpus S. Gaudentii ex veteri loculo ligneo exemptum in arcam e selectis marmoribus, eleganti sculptura, & summo artificio factam inclusit; de qua quidam area dictum est in Actis S. Gaudentii. Tabernaculum sacrosanctae Eucharistiae asservandae itidem marmoreum non exigui pretii, & praecelari operis fieri curavit. In aede cathedrali duo piorum virorum sodalitia instituit; alterum christianae doctrinae singulis diebus Dominicis tradendae ac pueris erudiendis praefecit; alteri mortuorum curam demandavit, ut horum animas, ad labes in hac vita contractas eluendas, flammis addictas piacularibus sacrificiis ac precibus sublevarent. Utrique certas leges praescripsit, utrumque privilegiis, atque indulgentiis locupletavit.

Dum Simon huic Ecclesiae praesidebat, mortuus est Crepsae Dominicus Ferriciolus, vir singularis doctrinae ac religionis, qui mille argenteos pauperibus testamento legavit, itemque summam pecuniae satis magnam scœnori dandam; cuius

Simonis  
Synodus  
praecelara &  
perutilis.

Dominici  
Ferricioli  
Crepensis  
multa &  
munifica  
pia legata.

cujus annuo proventu virginibus ingenuis ac piis, quæ propter paupertatem collocari non possent, dos conficeretur. In æde Crepsensi S. Catharinæ, quam copiosa suppellectili serica & argentea donavit, sacerdotium instituit, & veltigalibus idoneis instruxit, eique hoc oneris imposuit, ut pro expiatione delictorum suorum quotidie sacrum fieret. Ad hæc & reliquis suis facularibus tantum pecuniæ confici, ac sænori perpetuo dari iussit, quantum satis esset ad suppetenda singulis annis alimenta duobus clericis, qui apud Patres Societatis Jesu in seminario Fluminensi bonis artibus ac moribus imbuerentur; alterum e clero Absorensi, alterum e Crepsensi clero deligi voluit, & utriusque nominationem spectare ad Presbyterum, qui sacerdotium S. Catharinæ ab se institutum obtineret. Si vero præstaret ac liberet sacerdotium illud, ejusque proventus, cum onere quotidiani Sacrificii, ad mentam Capituli Crepsensis adjungi, alterius clerici nominandi Canonicis Crepsensibus, alterius designandi Canonicis Absorensibus potestatem permisit.

Vincentius  
Lestius Ep.  
Arbenis  
adjutor Si-  
monis senio  
consecrati.

Cum Simon longius jam ætate proventus, & viribus infirmis, & valetudine male affecta elict, anno 1715. diœcesis lustrandæ manus curamque delegavit Vincentio Lestio Episcopo Arbenis, qui semel atque iterum insulam utramque episcopali peragratione obivit; tantaque sedulitate, prudentia, lenitate, omnes diligentissimi & amantissimi Præsulis partes explevit, ut omnium benevolentiam sibi conciliaverit, sui que cupiditatem omnium animis iniecerit. Quocirca Canonici Absorenses, communi supplicique epistola, Vincencium Zmajavichium Metropolitam suum rogarunt, ut pro sua benignitate ac providentia Ecclesiæ Absorensi consulat vellet; & quando jam mors imminere videbatur proventus, a Clemente XI. Pontifice Maximo ei substituendum curaret Episcopum linguæ Slavonicæ gnarum, robustum ac valentem, suavi erga omnes charitate præditum, qui functiones omnes episcopales peragere queat, & præsertim velit Abtori ad gubernaculum Ecclesiæ sibi traditæ perpetuo sedere: ex absentia enim suorum Præsulum detrimenti plurimum Ecclesiæ Absorensi cepisse: nullum vero huic muneri nec aptiorem, nec magis gratum omnibus & acceptum futurum Vincentio Lestio Episcopo Arbeni, cujus eximiam doctrinam, solertiam, religionem, benignitatem expertam, atque verispectam habebant; hunc igitur ex Arbeni ad Ecclesiæ Absorensi ut Pontifex transferat omni ope operaque epitatur. Hæc summa est totius epistolæ Canonicorum Absorensium, data vii. Kalend. Julii an. 1717.; eique suum quisque nomen subscripsit. Verum Vincentius Lestius post biennium ex auctoritate, jussuque Pontificis Arbensem cum Vegliensi Ecclesiâ commutavit. Anno autem 1719. Simon Gaudencius Crepsæ mortuus est, & in æde primaria hujus oppidi sepultus.

#### NICOLAUS EP. ABSOREN. XLIV.

Patria Spalatensis, cognomento Drasichius. Annos fere quatuor Ecclesiæ Nonensi præfuerat, cum ad Ecclesiæ Absorensi regendam jubente Clemente XI. migravit anno 1720. Summam vigilantiam & providentiam gregi sibi commisso per annos septemdecim æque utiliter

ac laboriose impendit. Judicem foro ecclesiastico præfexit Josephum Milanesium Archidiaconum ædis cathedralis, virum eximie doctrinæ, ac probitatis, & juris utriusque peritissimum, quem honoris & grati abimi causa nomino; quippe & multa monumenta sua manu descripta, & copiosam rerum Absorensium segetem ad hanc historiam conscriendam P. Philippo Riciputo suppeditavit. Egregio viro præclarum sapientia ac virtutis testimonium tribuit, cum ei manus auditoris demandavit, & decretum in hanc formulam fecit.

Nicolaus Dei & Apostolica Sedis gratia Episcopus Auxerensis. Dilecto nobis in Christo Adm. Reverendo Domino Joseph Milanesi, sac. Theolog. Doctori, & nostræ cathedralis Ecclesiæ Archidiacono salutem in Domino sempiternam. Optantes in nostrâ diœcesi de idonea persona providere, quæ Auditoris ecclesiastici officium in omnibus ad hujusmodi munus spectantibus benigne pro totius cleri & populi quiete & salute exercere possit, non valentes propter ardua varique oneris episcopalis negotia ubique interesse, propterea de tua consili prudentia, probitate, & integritate, auctoritate, qua fungimur in nostrâ diœcesi te in Auditorem generalem ad beneplacitum nostrum facimus, constituimus, & deputamus &c. Omissis &c. mandantes omnibus, & singulis Dignitatibus, Canonicis, Presbyteris, Clericis, caterisque ad quos spectat, ut te in Auditorem generalem, ut supra, recipiant, admittent, recognoscant, & obediant sub penis arbitrio nostro infligendis. In quorum fidem &c. Dat. Auxeri ex nostro episcopali palatio die 8. Junii 1721.

Nicolaus Episcopus Auxerensis.

Anno 1737. optimus Præsul e vivis sublatus est, conditusque in eo sepulcro, quod sibi, novem annis antequam moreretur, in oculo ædis cathedralis faciendum curaverat cum hac inscriptione.

D. O. M.

NICOLAUS DRASICH EPUS AUXEREN.  
MORTALITATIS SUÆ SPOLIA CONDIDIT  
SUB HOC LAPIDE EXPECTANS  
SURGITE POSTREMÆ VERBA TREMENDA TUXÆ.  
ANNO MDCCXXVI.

#### JOANNES III. EP. ABSOREN. XLV.

Natus in vico agri Vegonensis, quem vocant Villam novam, ex honesta familia, cui Ferro cognomen est. Archipresbyter cum esset oppidi Lenquinariz, Clemens XII. ei Ecclesiæ Absorensi gubernandam tradidit. Sollemni pompa exceptus est Abtori a clero populoque anno 1739. xviii. Kalendas Septembris; ac deductus in ædem cathedralem, ipso Deiparæ Virgini ad cælum assumptæ sacro die, administrationem Ecclesiæ sibi commissæ suscepit. Nondum episcopalis regiminis triennium absolverat, cum e vivis excessit an. 1742. vi. Kalendas Junias, & penes decessorem sibi proximum tumulatus est.

#### MATTHÆUS II. EP. ABSOREN. XLVI.

Ex honestissima familia Caramana Spalatensis, vir præclara eruditione atque doctrina, missione apostolica per aliquot annos in Moscovia functus, & linguæ Slavonicæ scientissimus, ac propterea ad sacros codices Slavonicos emendandos adhibitus. Benedictus XIV. viro eximie meri-

Matthæus  
Caramanus  
Ep. Absorensis  
translatum ad  
Metropolim  
Iadreg.

merito Ecclesiam Absorem demandavit, ejusque possessionem adivit Kalendis Maji an. 1743.; de quo plura in historia Ecclesie Metropolitane Jadrensis, ad quam regendam ab eodem Pontifice migrare jussus est anno 1745. x. Kalend. Decembris.

NICOLAUS II. EP. ABSOREN. XLVII.

Nicolaus  
Dinaricius  
Episcopus  
Absoren.  
Archiep.  
Spalatensis  
creatur.

Ex insula Pharia, & familia Dinarici, humanis divinisque litteris egregie instructus, in Curia pontificii apud Venetos Legati, plures annos Advocati ecclesiastici partes summa cum fide atque integritate peregit. Benedictus XIV. Absorensibus eodem die & Mattheum ademit, & Nicolaum Episcopum dedit, ea, quæ cuique obtigerat, Ecclesia utrumque dignum. Ac Nicolaus quidem absens delegavit, qui ad possessionem Ecclesie sibi tradite ineundam an. 1746. v. Idus Februarii vice sua fungeretur. Eodem anno pridie Kalendas Junias Absorum venit ingenti omnium civitatis ordinum læticia & expectatione, quam postea non explevit modo, sed etiam superavit. Ita enim annos fere undecim præfuit, tam illustria sapientie suæ, vigilantie & paternæ erga omnes charitatis documenta præbuit, ut anno 1757. tertio Nonas Januarii ad Metropolim Spalatensem translatus, ingens sui desiderium Absorensibus reliquerit.

BONAVENTURA EP. ABSOREN. XLVIII.

Civis & Canonicus Spalatensis, filius fratris

Hieronymi Bernardi iidem Canonici Ecclesie Metropolitane, quem, ut æquum est, non honoris solum, sed etiam memorie, gratissimeque animi causa nominatum volo: quippe cum præ clara antiquitatis monumenta & diplomata ad historiam sacram Salonitanam & Spalatensem conficiendam, resque cognitu dignas nobis suppeditare numquam destiterit. Bonaventura item, ut Hieronymo patruo, maximas gratias agere & habere debemus, quod ad ea, quæ a nobis quaesita sunt de rebus Absorensibus, humanissime responderit, & postulatis nostris plene cumulateque satisfecerit; ac præterea ex monumentis illius Ecclesie catalogum Antiquitatum nobis diligentissime confecit, observatis notatque temporibus atque annis, quibus cujusque Episcopatum innecti oportet. Vir omni doctrina & virtute ornatissimus, & juris utriusque scientissimus, pontificio apud Venetos Legato assiduam ac diuturnam operam navavit, Advocati ecclesiastici officio egregie functus. Omnino is unus efficere poterat, ut optimi decessoris jactura moderate ferri, ac desiderium leniri posset. Consecratione episcopali inauguratus fuit viii. Id. Januarii an. 1757., & factus formæ gregis ex animo, oves sibi concreditas haud minus integerrimæ vitæ exemplis, quam saluberrimis præceptis atque institutis ad reformationem salutis iter, ac felicitatis sempiternæ pascua deducit. Vivat diu optimus Præsul, pergatque, ut fecit, Ecclesie suæ, & præesse, & prodesse.

Bonaventura Bernardus Episcopus, cui plurimum debet, æque, utque ejus patro hanc historiam.

EPISCOPI ARBENSES.

Arbe insulae positio.

**I**nsula est in Sinu Flanatico, quam Plinius Arbam, Constantinus Porphyrogenitus Arbem, alii Arbum vocant. A septentrione Vegia, seu Vegia, a meridie Gissa seu Pago insulis interjacet; qua in solem orientem spectat, ab litore Japydia angusto eurippo, qua vero orientem respicit, a Crexa sive Cherso, mari latius interjecto, dirimitur. A Borea in Austrum ejus longitudo millia passuum ferme viginti complectitur; ejus latitudo varia, ubi minima est tribus, ubi maxima octo mille passibus patet. Hanc Ptolemæus Scardunam vocat, eique duas civitates attribuit, Arbam & Colentum. Sed Colentum urbem Ptolemæicam distinguas oportet a Colento insula Pliniana, quam ab Jadera triginta millibus passuum idem Plinius disjunct; estque illa ipsa, quam nunc Mortarium appellant, ut positio ac distantia loci declarat. An vero hinc fuerint Colentini illi, quos Plinius ad conventum Salonitanum adscripsit, merito dubitari potest, quippe Colentum Plinianum, sive Mortarium multo longius abest a Salona, quam a Scarduna, quæ caput erat primi conventus Illyrici. Nec vero aliam esse posse Scardunam, nisi Arbam, eadem utriusque positio confirmat. Si quidem Ptolemæus Scardunam constituit proximam Carictæ seu Vegiæ, unde Arba milliariis vix quatuor distat. Itaque quam insulam alii ab urbe primaria Arbam, Ptolemæus Scardunam vocat. Colenti vero, alterius urbis, quam idem Ptolemæus huic insulæ attribuit, adhuc extare ajunt vestigia circa templum SS. Cosmæ

Scardunam vocat Ptolemæus, eique duas urbes attribuit, Colentum & Arbam.

ac Damiani, quod totius oppidi primum erat, & illustri Canonicorum collegio nobilitatum; urbe diruta Colentinos Canonicos conjunctos fuisse asserunt cum Capitulo Arbeni: argumento esse, quod clerus Arbensis in supplicationibus publicis duas præferat cruces, utriusque videlicet Capituli Arbensis & Colentini in unum coaliti insignia.

Hæc insula qua ex parte in septentrionem obversa est, cum aspera sit & montosa, non triticum, non vinum, non oleum, non pomum fert, sed uberrima ad greges caprarum, oviumque alendos pascua suppeditat. Ingentem præterea pabuli copiam sufficiunt duo scopuli, quibus interjacet; alterum Dolinum lateri occidentali, alterum Golinum lateri orientali adjacens, appellant. Altera insulæ regio vergens ad meridiem, partim in valles & planitiem extenditur, partim in colles assurgit, & nemoribus silvisque obtegitur; annuis frequens, naturaque fertilis, & diligentia culturaque fertilior, ex qua vini, olei, tritici, aliarum segetum asatim suppetit. Ad hæc: ingentem volucrum & quadrupedum copiam ad aucupium, & venatum paludes, nemora, & saltus præbent. Sed incolæ majores e piscatu, quam ex venatione proventus percipiunt.

Regionis ac solitudo.

In eo latere hujus insulæ, quod ad occasum & meridiem vergit, loco eminenti Arba civitas insidet, ad quem neque arduus, neque difficilis est ascensus. Triplici ex parte mari circumluitur. Cælum salubre ac temperatum; quippe frigidos e montibus Japydia aquilones sua-

Arbae civitatis positio & descriptio.



ves ab mari etefia emolliunt. Civium frequen-  
tia par urbis magnitudini, quæ ambitu non  
amplius septingentos passus complectitur. In ci-  
vitate & luburbis mille hominum ac viginti  
habitari ajunt. Ædificia publica & privata,  
sacra & profana, latis eleganter & concinne  
descripta sunt; portus navium capax cujuslibet  
formæ, præclare munitus & clausus, uno pe-  
rangusto aditu relicto. Hanc insulam atque ur-  
bem a Romanis cultam & habitatam fuisse in-  
scriptiones antiquæ ibidem inventæ, & variis  
locis atque ædificiis insertæ, quarum aliquot  
exempla hic subjicio, testantur.

Inscriptio-  
nes Roma-  
næ Arben-  
ses,

*In turri S. Stephani, quæ pertinet ad Dominos  
de Galzigna.*

IMP. CAESARI  
DIVI ANTONINI FIL  
DIVI HADRIANI NĒP  
DIVI TRAIANI PART-II  
CI PRO V NEPOTI  
DIVI NERVAE V AB  
NE V POTI V  
M. AVRELIO ANTO  
NINO AVG. ARME  
NIACO TRIB. POT  
XVIII COS III V  
IMP ꝑ III  
D ꝑ D

*Supra fenestram ejusdem turris.*

XII TR. POT. XIII  
MVRVM ET TVRRES  
DEDIT.

*Infra turrim.*

IMP. CAESARI  
M. AVRELIO  
SEVERO  
AVG . . . . . DIVI  
SEVERI  
NEPOTI  
DIVI . . . . . ANTO  
NINI . . . . . MAG  
FILIO  
D D

*In angulo adis S. Joannis prope Cathedralē.*

JOVI  
OPTIMO MAXIMO  
SEX. QUINTILLUS  
O. F. SENECA VETER  
COH TITI . . . . .  
VS L . . . M . . . .

*In adibus D. Matthæi Galzigna.*

JULIAE DOMINAE  
AVGVSTAE MATRI  
CASTRORVM  
D D

*Infra sacrarium adis S. Christophori.*

IMP. CAES  
G. . . VIRIO  
TRIBONI  
ANO CAII  
PO . . . . .  
D D

Hæc insula atque civitas post Imperium Ro-  
manum in Dalmatiam prolatum, primum Ro-  
manis, deinde Græcis Imperatoribus paruit.  
Sæculo undecimo ineunte Petrus II. Urscolus  
Dux Venetorum Arbam cum universa Dalma-  
tia in fidem ac potestatem recepit. A Venetis  
ad Græcos dominos rediit; aliquando etiam  
regibus Chrobatæ subjecta fuit. Post reges Chro-  
batorum extinctos, alias ad Venetorum, alias  
ad Hungarorum ditionem pertinuit. Tandem  
sub initium sæculi decimi quinti, Venetorum  
imperio, sub quo placidissime conquiescit, in  
perpetuum adhæsit.

Arbenſes inde usque a temporibus apostolicis  
doctrinam ac fidem Christianam a B. Domino  
discipulo S. Petri, conditore ac parente Ecclesiæ  
Dalmaticæ acceperunt; & ab omni labe inta-  
ctam incorruptamque usque in hodiernam diem  
servarunt. Insignem religionem ac pietatem Ar-  
benſium declarat multitudo ædium sacrarum,  
piorum locorum, & sodalitarum, major sane  
numerus, quam pro civitatis magnitudine, ac  
civium frequentia. Infra urbis moenia partim  
templa, partim sacella variis Divis consecrata  
omnino ad viginti numerantur. Tria sunt col-  
legia Virginum Deo sacrarum. Primum est,  
antiquissimum Ordinis Benedictini sub titulo &  
tutela S. Andreæ Apostoli, alterum tertii Or-  
dinis Franciscani cum templo eidem annexo S.  
Antonii Abbatis. Neutrum alias Virgines sive  
indigenas, sive advenas, nisi nobili genere na-  
tas, admittit. Tertium itidem Benedictinum S.  
Justinæ accessit sæculo decimo sexto, ne puel-  
lis ac feminis inferioris ordinis, Deo servien-  
di facultas & locus desset. Tria itidem sunt  
monasteria, & cœtus virorum, jure ac vinculo  
disciplinæ Franciscanæ lociati; unum in urbe S.  
Joannis Evangelistæ, quod Patres Fratresque,  
quos vocant Conventuales, incolunt; alterum  
est suburbanum in Campo Martio, in quo Pa-  
tres tertii Ordinis S. Francisci degunt; ad psal-  
modiam remque divinam Slavonicum sermonem  
adhibent, ad rusticolas christianis præceptis ac  
mysteriis imbuendos diligenter incumbunt. Ter-  
tium ab urbe mille circiter passus in septem-  
trionem distat, quod una cum templo S. Ber-  
nardini Patribus Franciscanis rigidioris disci-  
plinæ annuente S. Joanne Capistrano ministro  
generali totius Ordinis, traditum fuit. Duo  
erant in insula monasteria eaque vetustissima,  
alterum Benedictinum S. Petri in Valle, quod  
desertum a monachis, Basilicæ Venetæ S. Marci  
simul cum ejus proventus, ex auctoritate Se-  
dis Apostolicæ, attributum fuit; alterum S.  
Stephani in Barbato, Canonicorum Regularium,  
seu potius, ut alii tradunt, hospitium Patrum  
Ordinis Benedictini, quod in jus potestatemque  
Abbatis Commendatarii transiit. Duo sunt,  
quos vocant Prioratus; unus in civitate Cor-  
poris Christi, cui præses e collegio Canonico-  
rum dari solet; ex hujusque proventus por-  
tionem Augustinus Valerius Visitator apostoli-  
cus cœnobio Virginum S. Antonii addixit;  
alter in extremo Campo Martio, olim ab S.  
Francisco, nunc ab S. Catharina cognominatus;  
ex hujus redditibus potissimum pauperes aluntur.  
Extat etiam in civitate domus hospitalis S. Ni-  
colai, curandis ægrotis, & peregrinis recipien-  
dis, ejusque administrationem suscipit, quem e  
cœtu nobilium Episcopus, & Prætor civitatis  
elegerint.

Diœcesis Arbenſis, præter Arbam insulam,  
com-  
Description  
diœcesis  
Arbenſis.

# SUFFRAGANEI METROPOLIS JADERTINÆ.

225

complectitur partem proximam insulæ Gissæ, seu Pagi, passuum millia circiter duodevicensa meridiem versus productam; nam pars reliqua nunc pertinet ad diocesim Jadertinam. Duas habet extra urbem ecclesias parochiales, alteram Lopari intra insulam, alteram Novaliæ in extremo ad septemtrionem angulo insulæ Pagi. Septem præterea vicis habitatur; hi autem sunt, S. Petrus in Valle, olim cœnobium ac templum Benedictinum, S. Stephanus in Pistran quondam collegium Canonorum Regularium, sive hospitium monachorum S. Petri, S. Maria Magdalena in Bargulo, S. Anastasius in Cuplaco, S. Euphemia in Campora, S. Matthæus in Mandaneo, S. Angelus in angulo superiori insulæ, quem Lon appellant. In his christianam procuracionem gerunt totidem Presbyteri, quos Curatores animarum, sive Capellanos vocant. Singulos eligendi jus habent incolæ cujusque vici, suum videlicet quique, sed eos approbandi potestas est penes Episcopum, Verum incolis S. Petri in Valle administratorem rei christianæ præficiunt Procuratores Basilicæ Marcianæ, quacum cœnobiarchia illa Benedictina conjuncta est. In vico autem S. Euphemie, plebi erudiendæ, & sacris mysteriis impertiendæ præsunt Patres Franciscani severioris disciplinæ, qui ab eo propius absunt.

Ædificatio cathedralis descriptio.

Ædes cathedralis Deiparæ Virginis in cælum Assumptæ titulo consecrata est antiquæ structuræ, satis ampla, & ornata. Longitudo ejus sex & nonaginta, latitudo duodequingenta passus complectitur, Tectum sublime & concameratum senis hinc atque hinc columnis incumbit. Intercolumniis tria sacella & altaria, videlicet S. Margaritæ, Sanctorum Paulli & Joannis, SS. Hieronymi atque Anastasie a parte boreali, duo vero ab australi sacrosancti Crucifixi, ac divinæ Eucharistiæ respondent. Facies templi obversa est in solem occidentem. Sex gradus marmoris præbent ascensum ad partem superiorem, ubi subsellia cælato opere & egregie facta, duplici ordine ita disposita sunt utrinque & alia aliis subjecta, ut supra quidem Canonici, infra vero reliqui Presbyteri confideant. Summum altare senis gradibus innixum in sublime assurgit; eique majestatem & venustatem conciliat apsis superimposita, quam sex e græco marmore columnæ sustentant. Subter mensam altaris multæ & insignes Divorum reliquiæ reconditæ sunt, quas Augustinus Valerius Episcopus Veronensis, & Visitator apostolicus, stans sollemnibus diebus efferri, populi-que venerationi exponi jussit. Has omnes nominatim percenset Vincentius Lessius in suis ad sacram Congregationem litteris, quas suo loco describemus. Illarum custodiæ quatuor Præsides e cœtu nobilium præficiuntur. Capitulum ex duodecim Canonicis constat, inter quos primum locum qui tenent, Archidiaconi, Archipresbyteri, Primicerii titulo ac dignitate præcellunt. In delectu Canonorum Episcopus quatuor, menses octo sibi vindicabat Sedes Apostolica, penes quam jus est nominandi Archidiaconi; nunc vero ex indulgentia Benedicti XIV. & Clementis XIII., retenta apud eandem Apostolicam Sedem electione Archidiaconi, reliquos Canonicos eligendi jus Papa & Episcopus mensibus alternis utriusque. Clerum inferiorem constituunt sex Presbyteri, quos Mansionarios vocant, electi a Capitulo, approbati ab Episcopo; tres Diaconi, tres itidem Subdiaconi, &

Reliquiæ Divorum multæ & insignes.

Collegium Canonorum, & clerici inferiores.

sex Acolythi, certa pensione, sua quisque præditi; horum delectus ad Episcopum pertinet. Communem massam proventus ex decimis, & prædiis quibusdam conficiunt, ex qua portionem fere æqualem Canonici percipiunt, duplo majorem, quam Mansionarii. Ter singulis diebus in ædem cathedralem ad perfolvenda publicæ religionis officia conveniunt, primo diluculo matutinis, hora tertia diurnis, sollemnique Sacrificio, post meridiem, sole ad occalum vergente, vespertinis precationibus dant operam; qui absunt sine causa legitima, ejus diei emolumentis multantur. Sanctum Christophorum urbis ac diocesis Patronum primum antiquæ religionis Arbenenses colunt; ejusque diem festum ab omni opere servili feriatum ritu sollemni, summaque veneratione concelebrant. Procuratio animarum tam in urbe, quam in diocesi, præterquam in duabus illis, quas dixi paræciis Novaliæ & Lopari, est penes Canonicos & Mansionarios; verum ne hi a quotidiana psalmodia, ceterisque sacris functionibus ayocentur; munus parochiale, urbanum quidem, Ædituo, sive Præfecto primario sacrarii, qui in civitate & suburbis Parochi officia exsequitur, vicarum vero septem illis, ut supra dictum est, Presbyteris, sive Capellanis delegari solet. Hi autem omnes, populi-que illis subjecti, ædem cathedralem tamquam matrem ac dominam colunt, & agnoscunt.

S. Christophorus Patronus civitatis.

Primordia Episcopatus Arbenensis perantiqua quidem, sed ignota sunt. Anno tricesimo, & tricesimo secundo sæculi sexti Tacyanus Episcopus Arbenensis utriusque Concilio provinciali Salomitano, sub Honorio III. Metropolita, interfuit, & subscripsit. Ceterorum post Tacyanum Antistitem Arbenisium, usque ad sæculum decimum, nomina & acta vetustas nimia nobis præripuit. Quocirca continuata horum Episcoporum series altius repeti & ordiri nequit, quam a Petro, qui intra finem ejusdem sæculi decimi hanc Ecclesiam gubernavit.

Primordia Episcopatus Arbenensis antiqua, sed ignota.

- I. Petrus an. 986.
- II. Madius sive Majus an. 1018.
- III. Drago an. 1062.
- IV. Petrus II. an. 1072.
- V. Gregorius an. 1075.
- VI. Domana seu Dabrana an. circ. 1080.
- VII. Vitalis an. 1086.
- VIII. Petrus III. an. 1094.
- IX. Lupus an. cir. 1097.
- X. Bonus an. 1111.
- XI. Andreas an. 1177.
- XII. Prodanus an. 1205.
- XIII. Venantius an. 1216.
- XIV. Andreas II. an. 1220.
- XV. Jordanus an. 1225.
- XVI. Paullus an. 1239.
- XVII. Stephanus an. 1249.
- XVIII. Gregorius II. an. 1260.
- XIX. Matthæus an. circ. 1290.
- XX. Georgius an. 1292.
- XXI. Simeon an. 1313.
- XXII. Aimus an. 1315.
- XXIII. Georgius II. an. 1320.
- XXIV. Franciscus an. 1321.
- XXV. Georgius III. an. 1329.
- XXVI. Chrylogonus an. 1364.
- XXVII. Zudenicus an. 1375.
- XXVIII. Zudenicus II. an. 1412.
- XXIX. Marinus an. 1414.

XXX.

- XXX. Franciscus II. an. 1423.  
 XXXI. Angelus an. 1428.  
 XXXII. Joannes an. 1433.  
 XXXIII. Matthæus II. an. 1440.  
 XXXIV. Paullus II. an. 1443.  
 XXXV. Nicolaus an. 1443.  
 XXXVI. Joannes II. an. 1451.  
 XXXVII. Leonellus an. 1472.  
 XXXVIII. Aloysius an. 1484.  
 XXXIX. Vincentius an. 1515.  
 XL. Blasius an. 1569.  
 XLI. Andreas III. an. 1584.  
 XLII. Paschalis an. 1588.  
 XLIII. Theodorus an. 1621.  
 XLIV. Petrus IV. an. 1636.  
 XLV. Domnius an. 1664.  
 XLVI. Octavius an. 1695.  
 XLVII. Antonius an. 1700.  
 XLVIII. Vincentius II. an. 1713.  
 XLIX. Domnius II. an. 1720.  
 L. Andreas IV. an. 1729.  
 LI. Pacificus an. 1739.  
 LII. Joannes III. an. 1746.  
 LIII. Joannes Lucas an. 1756.  
 LIV. Joannes Baptista an. 1765.  
 LV. Joannes M. Antonius an. 1771.

## PETRUS EPISCOPUS ARBENSIS I.

Ecclesiam Arbensem regebat, cum Basilus & Constantinus fratres Augusti rerum in Oriente potiebantur. Id docent tabulæ cœnobii Jadrensis S. Chrysogoni. Cum Majus prior, sive rector civitatis Jaderæ, idemque Proconsul Dalmatiæ, decretum fecit de reedificando templo, atque in pristinum statum restituendo cœnobio ejusdem S. Chrysogoni; huic decreto post Anastasium Episcopum Jadertinum, Petrus Antistes Arbensis testis adhibitus subscripsit. Initium decreti, quod in historia Ecclesiæ Jadrensis descriptum habes, est hujusmodi: *In Christi nomine, & ejusdem Incarnationis anno 986. Indiæ. 14. sub die fere 19. mensis Decembr. Imperatoribus Dominis piissimis, & perpetuis Augustis Vasilio & Constantino &c. Igitur quidem Majus Prior supradictæ civitatis atque Proconsul Dalmatiarum &c. Signamus Ego Anastasius Episcopus testis suprad. civit. Ego Petrus Episcopus Arben. testis.*

Incompertus quidem est annus, quo Petrus suscepit, quovē deposuerit pontificatum; nihil tamen obstat, quo minus ejus vita & regimen episcopale perducī possit usque ad initium sæculi undecimi. Hoc autem sæculo ineunte, cum Dalmatæ vexati a Chrobatibus & Narentanis, qui insulas, oramque maritimam piraticis latrociniiis infectas faciebant, ad fidem opemque Venetorum confugissent; Petrus II. Urseolus Dux Venetiarum, valida ingentique classe adornata, ad piratas compescendos, tuendosque Dalmatas Jaderam appulit. Qua in urbe cum esset, Petrus Episcopus Arbensis, rector, & primores civitatis atque insulæ ad Ducem venerunt; seque in ejus potestatem, sacramenti religione interposita, ditionemque tradiderunt, ut docet Dandulus lib. 9. *Jadram regionis majores confluentes, ejusdem principis (idest Petri Urseoli) dominationem subesse præoptabant, inter quos Vegliensis, & ARBENSIS Episcopi cum earum civitatum Prioribus assuerunt; & pari voto super sacra Evangelistarum dicta jurarunt, quod juxta illorum scire & posse deinceps D.*

*Petri Ducis fidem observare debuissent. Deinde Episcopi eisdem sacramentis confirmaverunt, quod feriatis diebus, quibus laudis pompam in ecclesia depromere solebant, istius principis nomen, post Imperatorum laudes, præconiis glorificarent. Petro e vivis exempto in sedem Arbensem successit*

## MADIUS sive MAJUS EP. ARBEN. II.

Hic est, opinor, idem ille Madius, quem anno 986. Majus Prior seu rector civitatis Jaderæ, e cœnobio Calineni accersivit, & monasterio ac templo S. Chrysogoni a se restituto Abbatem præposuit, ut est in ejus diplomate supra laudato: *Igitur ego quidem Majus Prior... Ecclesiam B. Chrysogoni martyris, quæ sita est infra muros prædictæ civitatis, ubi & sacratissimum ejus corpus requiescit, quæ est edificata a prædictis DD. Fusculo & Andrea, ubi dicitur, quod aliquando monasterium fuit, nunc adjuvante Domino reedificamus secundum omnem monasterii ordinem; atque ordinamus D. Madium Dei Sacerdotem & Monachum nostrum, esse Abbatem, qui fuit ex monasterio S. Benedicti, quod situm est in monte Cassino, una cum consensu &c. Habes integrum diploma in Anastasio Episcopo Jadrensi. Certe tum huic Episcopo Arbeni, tum Abbati cœnobii Jadertini idem Madii, seu Maji nomen fuit; ætas itidem eadem fuit, nam sub initium sæculi undecimi Madius Episcopus Ecclesiæ Arbeni præsidebat; ex quo verisimile sit eum ex cœnobiarcha S. Chrysogoni Episcopum factum esse. Majus etiam vocari solet in tabulis illorum temporum; sed Majus & Madius unum idemque nomen est, neque ulia re inter se differunt hæc vocabula, nisi unius litteræ intermediæ, vel interpositæ, vel exemptæ variatione; & qui Madius, idem etiam Majus apud Scriptores Dalmaticos appellatur; nihilque frequentius in antiquis codicibus occurrit, quam *Madius mensis* pro mense Majo.*

Cum Cresimirus III. rex Chrobatæ regionis insulasque Dalmatarum, quæ se in fidem & clientelam Venetorum contulerant, crebris incursionibus depopulari cœpisset; Orho filius Petri Urseoli, Dux Venetiarum classe instructa copias in Dalmatiam traduxit, & Chrobatos caelos suosque in fugam avertit. Deinde oram Dalmatiæ insulasque classe circumiens, ut ceteros Dalmatas, sic etiam Arbenes novo sacramento adegit, quorum Episcopus Majus sive Madius, cum duobus aliis Episcopis insularibus, & cleri populique primoribus, haud promptius, quam libentius in Ducis verba juravit, & annuam vestigalis solutionem spondidit: *Et rediens, ait Dandulus, a Vitaki Episcopo Veglensi, & Majo Episcopo Arbeni, & Martino Episcopo Auserensi, & ab universo clero & populo dictarum insularum, de tributo sibi, & successoribus annuatim in perpetuum solvendo sponsonem suscepit. Exat formula sacramenti, quo Majus Episcopus, & rector civitatis atque insulæ, clerus & populus fidem suam atque obedientiam Orthoni Duci obstrinxerunt: In nomine Domini Dei, & Salvatoris nostri Jesu Christi, anno ab Incarnatione ejusdem 1018. mense Julio, Indiæ. prima, in civitate Arben. Spondentes spondemus, promittentes promittimus nos quidem Majus Episcopus dictæ civitatis Arben. simul cum Tribuno... Bellata Priore nostro, una pariter cum Clero & populo, habitante in civitate supradicta, cum*

Madius sive Majus Ep. Arben. is fortasse qui antea fuit cœnobiarcha S. Chrysogoni.

Formula sacramenti, quæ Majus Episc. cum Arben. annuatim tributum Venetis promittit.

Successoribus, seu heredibus nostris, vobis D. Othoni seniori nostro Duci Venetorum, & Dalmatiorum, & Successoribus vestris tributum dare omni anno, libras de seta serica decem, & numerum Missum in Nativitate D. N. J. C. & si vobis vestrum Missum transmittere placuerit, nequaquam supradictum tributum contradicere debeamus per nullum ingenium. Hac autem, ut supra leguntur, omnia adimplere promittimus, sine omni intermissione, aut aliquo interposito Capitulo. Si autem per quodvis ingenium non adimpleverimus omnia, sicut superius legitur, in constituto tempore, tunc promittimus cum heredibus nostris, & Successoribus nostris, vobis & Successoribus vestris auri obrizi libras quinque, & hac promissionis cartula perpetualiter maneat in sua firmitate.

Ego Majus Episcopus manu mea scripsi.

Ego Bellata Prior rogavi fieri.

Ego Jo. Archipresbyter m. m. scripsi.

Ego Petrus Lucani m. m. scripsi.

Ego Marcus Diac. m. m. scripsi.

Ego Nicephorus hac rogatus feci.

Ego Lampridius h. r. f.

Ego Fuscus h. r. f.

Sic alii deinceps.

Ego Petrus Diac. rogatus a clero & populo conscripsi atque complavi.

Quamdiu sedem episcopalem Madius tenuerit, mihi non est compertum. E monumentis illorum temporum, quem nominatim proferre possum, Episcopum Arbensem nullum habeo ante annum 62. hujus sæculi undecimi. Interea ut ceteri Dalmatæ, sic etiam Arbeneses, Venetorum dominatu depulso, sub imperium Græcorum redierunt: id declarant tabulæ tum ceterarum Dalmatiz civitatum, tum etiam insulæ ac civitatis Arbensis, quibus, Veneto nomine, atque imperio prætermisso, Imperatorum Orientis, & magistratum Græcorum nomina præposita inveniuntur. Madio in sedem Episcopalem, post duos tredecim Episcopos interjectos, successit

### DRAGO EP. ARBENSIS III.

Arbeneses a Veneto ad Græcorum imperium deservunt.

Sub hujus pontificatu religio, & pietas Arbensium vel maxime floruit. Cum nullus esset in urbe atque insula cætus religiosorum virorum communis vitæ ac disciplinæ monasticæ jure sociatus; ingens omnes cupiditas incessit fundandi instituendique cœnobii, ut paratum esset civibus perflugium, si qui divino afflatu impulsus, hujus mundi procellis ac fluctibus emergere cuperent, atque illic, tamquam in certissimum salutis portum, se recipere; ubi crebris jeuniis, & assidua corporis afflictatione vitæ antea maculas eluere, & procul negotiis tumultibusque, hymnis & psalmodiæ operam dare, ut abjectis multiplicibus curis, rerum cælestium contemplationi, atque uni Deo vacare possent. Dragus Episcopus piis civium studiis obsecutus, una cum clero, & Majo urbis prætoris, cunctis civitatis ordinibus consentientibus & approbantibus, monasterium ad normam, & præscriptum S. Patris Benedicti fundare decrevit. Fulconem monachum virum eximie virtutis, & religiosæ disciplinæ scientissimum, fortassis e cœnobio Jaderino S. Chrylogoni ac-

cessitum, primum Abbatem constituit; eique duas ecclesias cum omnibus prædiis ac redditibus ad utramque pertinentibus, S. Petri, & S. Cypriani tradidit; & optionem ei dedit, utram mallet eligeret, apud quam monasticas ædes extrueret; utriusque tamen possessionem Abbatis & monachorum propriam, stabilem, ac perpetuam esse voluit. Conditum est cœnobium extra urbem prope S. Petri in Valle, unde etiam cognomen accepit; quod deinde egregiis viris & virtutibus floruit. Quod de communi omnium sententia statutum fuerat, id consignari jussum est litteris ac tabulis publicis, quæ sunt hujusmodi.

Ab Incarnatione Domini Nostri Jesu Christi 1062. Indictione 15. Imperii moderante habenas Domino Comneno\*, Croatia Dalmatinorumque regimen Dom. gubernante\* Petro. Divina crescente religione, plurimi Christianorum relinquentes sæculum soli Deo vixerunt, alii variis tormentis sua macerantes corpora, spiritum exhalaverunt; ex quorum numero non sumus, licet tamen de Dei timore compuncti corde, delictorum nostrorum reminiscens reatum, nos omnes accole Arbiana civitatis, ardenti dilectione, nimio voto unanimiter in insula nostra expectamus\* fundare monasterium, portumque salutis animarum nostrarum. Igitur in principio Ego Episcopus Dragus cum omni nostro clero, & Majus Prior cum omni populo prædicto, urbis nobilibus & ignobilibus, majoribus, minoribus, communi consensu, & in honorem Dom. N. J. Christi, & vere perfectæque Trinitatis, ac D. Mariae Genitricis Dei, semperque Virginis, ac omnium Sanctorum, in nostrum monasterium construimus, stabilimus, & perpetuo jure roboramus unam ecclesiam, quæ est edificata in nomine beati Petri Apostolorum Principis cum suis appenditiis per hujusmodi finem. Primitus a capite macerie, a monte usque ad rivum, & descendendo per rivum usque ad mare, & per mare ad molendinum, & ascendendo per montis verticem, & eundo per illum, usque in priora consinia, tibi Fulconi Abbati, & Successoribus tuis perpetualiter impendimus. Aliam denique ecclesiam S. Cypriani vocabulo conditam, cum pertinentiis, & appenditiis suis concedimus per hujusmodi finem, a Valle obscura usque in vallem de Trassina, alias tres partes mare invadit, una cum marina, omnibusque scopulis ad istum promontorium subjacentibus, & valles, quæ sunt apud S. Cyprianum, & alias quæ sunt apud S. Petrum hac conditione donamus, ut nullus sine vestra jussionis licentia piscatum intraverit, & quartam partem piscium attribuat monasterio S. Petri. Hunc autem nos Drago præscriptus Episcopus de voluntate totius nostri cleri, & Majus Prior, & cunctus populus tibi Fulconi, tuisque Successoribus ita vobis concedimus, ut ubicumque de his duobus venerandis locis complaceat vobis, Domino cooperante, monasterium construatis vobis, vestrisque Successoribus, sicut sacra Beatissimi Benedicti docet regula; integre illa veneranda loca, ut superius constituimus, cum supradictis ecclesiis, & omnibus superioribus & inferioribus, & cum viis suis ingrediendi, & egrediendi, habendi, possidendi, & omnem ordinem monasterialem ibi faciendi concedimus, nullam namque reservationem cuilibet parentum, vel heredum aliquorum nostrorum facimus, inde autem quantamlibet portionem relinquendi; sed eo modo

Tabula fundationis. \*Constantino Duca. \*Cresimiro Petro rege Croatia & Dalmatia.

\* imperium.

modo constituimus, & stabiliendo firmamus, ut si aliquo tempore vel nos, vel aliquis nostrorum parentum, vel extraneus vobis aut posteris vestris molestiam intulerint, volens inde aliquid auferre, vel minueré, & non erimus vobis ab omnibus defensores & adiutores, centum libras auri componamus in monasterio; & hoc privilegium, & constitutio firma permaneat. Et si aliqua proterva causa infra hanc nostram constitutionem adversus vos orta fuerit, jubemus ut coram Episcopo & Priore, seu omni populo proclamationem semel faciatis; ut si secunda vice nullam vobis emendationem inde fecerimus, licentiam libere habetote discedendi a nobis, & eundi ad regem, ut sicut lex docuerit, ibi emendet. Hoc privilegium tibi Falconi, & tuis successoribus taliter scribere jubemus. *Actum* in urbe Arben. Iterum supradicta hereditas S. Cypriani sit communis cum S. Petro affirmamus, non a solo Episcopo vel meis paritibus, sed primo ab ipsa Ecclesia, & fratribus, & omni clero, omnique populo obtulimus Deo omnipotenti.

Ego Dragus immeritus omnium Episcoporum, cum omnibus clericis confirmamus, & constituimus, ut quicumque homo, seu de nostra urbe, vel alterius, adversus hanc nostram constitutionem litigare temptaverit, anathematis vinculo perpetuo religetur, & omnipotentis Dei, omniumque Prophetarum, & duodecim Apostolorum, ac 344. Sanctorum Patrum incurrat maledictionem, & cum Juda proditore mancipatus in inferno, & illam terribilem, & horribilem vocem mereatur audire, qua Christus dicturus est iniquis: Ite maledicti: & qui defensor, & auditor extiterit, suavissimam illam vocem audire mereatur cum iustis: Venite benedicti. Ego Dragus Episcopus signum + feci. Ego Joannes Archidiaconus signum + feci. Ego Diaconus Georgius signum + feci. Ego Barba Presbyter signum + feci. Ego Joannes Archipresbyter signum + feci. Ego Majus Prior signum + feci. Ego Martinus signum + feci. Ego Majus signum + feci. Ego Constantinus signum + feci. Ego Majus Gattus signum + feci. Ego Martinus signum + feci.

Indictio 15. cohæret quidem cum 1062. usque ad mensē Septembrem, unde initium ducit Indictio prima, non item vero cum imperio Comneni. Primus e gente Comnena rerum in Oriente potitus est Isaacius Comnenus. Hic autem, expulso Michaelē Stratiotico, Augusti nomen & insignia sumpsit anno 1057. Kalendis Septembris, Indictione undecima ineunte. Biennio & tribus mensibus exactis, gravi ac letali morbo oppressus, Imperatorem designavit Constantinum Ducam; ipse recepit se in cœnobium Studiense, intra finem anni 1059. Indictione decima tertia jam inita; ibique licet recuperata valetudine, propositi tenax reliquam vitam exegit. Si nomen Imperatoris retineri libeat, hoc diploma ad annum 1059. vel superiorem, & Indictionem 12. vel decimam tertiam revocari oportet. Verum utramque illam notam chronologicam retinendam esse arbitror, & Isaacii abdicationem Arbenensibus ignoram fuisse dixerim; erant quippe insulares illi disjuncti ab ora maritima continentis, & quod illis erat antea cum civitatibus Dalmatiz imperio Græcorum subiectis commercium, fere omne interruptum fuerat; siquidem Cresimirus IV. Petrus etiam appellatus, rex Chrobatum, aliquot Dalmatiz urbes maritimas, veluti Nonam, itemque insulas, veluti Arbat, Græcis adeptas in suam potesta-

tem redegerat, seque propterea non Chrobatiz solum, sed etiam Dalmatiz regem appellari volebat; ut ex hoc diplomate licet intelligi, in quo Croatia, Dalmatinorumque regimen gubernasse dicitur Petrus, idest, Cresimirus Petrus. Nomen autem Imperatoris huic diplomati Arbeni prepositum est; nam id moris fuit Dalmatarum, posterioribus etiam ætatibus retentum, ut quamvis aut Chrobatis, aut Venetis, aut Hungaris subessent, nomen tamen Imperatorum Orientis vel honoris ergo, vel notandorum temporum causa, tabulis publicis inscriberent. Non igitur mirum, si Arbenes ab Græcis, & Græcarum urbium societate segregati, remotique ab continenti, Imperatorum Orientalium mutatio quæ facta esset, ignorabant. Itaque hoc diploma confectum puto Indictione quidem decima quinta, & anno 1062. ante mensē Septembrem, cui affixum est initium Indictionis primæ; sed Isaacio Comneno expuncto, Constantinum Ducam Imperatorem substituendum esse existimo.

His ergo temporibus Cresimirus IV. cui Petro etiam nomen fuit, regnum in Chrobatia obtinebat. Hic fines regni Chrobatici terra marique amplificavit; atque ut modo dictum est, aliquas tum urbes litorales, tum insulas Dalmatiz Græcis ereptas ad suam ditionem adjunxit; ac propterea non Chrobatiz solum, sed etiam Dalmatiz rex appellari voluit. Anno 1066. cum Cresimirus cœnobium Marianum virginum Jadrensiū ab Cicha sorore sua extructum regia libertate donavit; Dragus Episcopus Arbenensis cum Laurentio Archiepiscopo Spalatensi, aliisque Dalmatiz Præsulibus privilegium regale approbavit. Anno Incarn. D. N. J. Christi 1066. . . . . Ego Cresimir rex Croatia & Dalmatia &c. . . . do regiam libertatem monasterio S. Mariae Jadrensis, quod soror mea Cicha fabricavit &c. L. Archiep. laud. Stephanus Ep. Jad. laud. . . . Drago Arben. Episcopus laudavit.

Idem Cresimirus an. 1071. decretum supra descriptum de fundando cœnobio S. Petri in Arbeni insula, quod Drago Episcopus, & clerus populique Arbenensis fecerant, regali auctoritate confirmavit: Millesimo septuagesimo primo; quemadmodum hoc testamentum bonum & justum videmus a vestro Episcopo & clericis ceterisque vestris civibus corroboratum & laudatum; Ita ego Cresimirus rex eandem collaudationem, & confirmationem corroboro; & si aliquis instinctu Diaboli compulsus hanc corroboracionem nostram disrumpere temptaverit, convenit sibi fortiolem nobis esse, & amicitiam nostram spernere.

Ad jurisdictionem Episcopatus Arbenensis tunc pertinebat non solum Pagus insula, Arbat obiacens a meridie, non ita lato interjecto mari disjuncta; sed etiam aliquot oppida subalpina in ora maritima veteris Japydiæ. Cresimirus quidquid paræciarum, & locorum sive in insulis, sive in continenti Ecclesiæ Arbeni suberat, id omne in ejusdem possessione firmum ac stabile permanere decrevit, regioque diplomate communivit. Verum insula Kitz seu Pagi partem ad meridiem extremam Nonensi Chrobatum Episcopo attribuit. Aliquid etiam ex illis locis, quæ in continenti possidebat Ecclesiæ Arbenensis, videtur decerpisse, ut diocesis Nonensis fines amplificaret.

Anno ab Incarnatione D. N. Jhesu Christi MLXXI. Indictione VIII. die octava mensis Julii, tem-

Cresimirus IV. rex Chrobatiz & Dalmatiz,

cujus privilegio concessio Virginibus Jadrensis Drago subscripsit.

Decretum de fundando cœnobio S. Petri, regio diplomate confirmavit;

æquidquid Arbeni Ecclesiæ possidebat.



tempore Dom. Alexandri PP. urbis Romæ. Ego C. rex Dalmatorum ac Chroatorum infimul meis cum principibus, justitiam Arbenfis Ecclesiæ re-  
tinentes, & eam in protectione nostra suscipien-  
tes, volumus & perpetuo jure assentientes firma-  
mus, ut dicta Ecclesia habeat suas parochias, scilicet Juppam quæ fuit sub alpibus a castro latine Murula vocitata, Sclavonice Stenice usque ad fluvium Coprive, & Ecclesiam S. Georgii in Vavna. Kiffam suis cum pertinentiis, tantum re-  
tinentes de jure suo paucas villas Pagi Peçani, murowlani Wlasçi, quas & si pro malo habet, novo dedimus Episcopo Nonensi, Juppam Licbe, Juppam Buçani & Boçachi. Et hoc statutum vo-  
lumus perpetuo inviolabile manere, sicut semper a majoribus natu didicimus dictæ jam ecclesiæ in-  
violabile perstitisse. Quicumque autem nostris de successoribus hoc privilegium perturbare & ei vim inferre aliquo molimine attemptaverit, nostro iudicio pellatur a regno. De inferioribus sancimus componere, centum libras auri regali curiæ medietatem, & sanctæ prædictæ Arbenfis Ecclesiæ aliam medietatem, ad roborem & vigorem nostræque cartulæ dationis assentionisque justitiæ. Mi-  
tram nominis nostri impressis litteris prælibatæ donamus Ecclesiæ & nostri sigilli impressione firmando roboramus. Indictione VIII. Datum est hoc privilegium Arbenfis Ecclesiæ in castro Belgrado per manum Johannis Diaconi & Dom. regis No-

Kessen-  
ses seu Pagen-  
ses cœnobii  
ac templum  
S. Petri a-  
pud insulam  
de Neumis  
donarunt  
monasterio  
& templo S.  
Michaelis  
in Sanfigo.

Ex his videtur colligi posse has insulas, ea-  
que loca litoralia sub imperio Cresimiri fuisse. Diœcesis Arbenfis per ea tempora complecteba-  
tur etiam insulas quasdam exiguas, sive scopu-  
los S. Petri de Neumis, nunc de Nimbis, qui  
quamvis procul distarent, & Absoro a meridie  
proximi essent, tamen in potestate Kessensium,  
nunc Pagensium erant, & jurisdictioni Arben-  
fis Episcopi suberant; idque constat ex tabulis  
mox describendis. Erat ibi templum S. Petri,  
& parvum cœnobium, quod Kessenses extruxe-  
rant, & agrorum, quod satis esset ad paucos  
monachos alendos, eidem attribuerant. His fere  
temporibus alterum Benedictinum cœnobium ac  
templum S. Michaelis ædificabatur Sanfigi, quod  
est pagus atque insula diœcesis Absorensis, con-  
tra Absorum ab occasu sita, vergensque ad me-  
ridiem. Huic ædificationi Kessenses ob causas  
nescio quas obstabant; neque vero ab injuriis  
& maleficiis abstinabant, ut operi jam inchoa-  
to moram & impedimentum inferrent. Nec sua  
illis temeritas & iniquitas impunita fuit. Pe-  
stilentia, vel alia nescio quæ calamitas insulam  
Chellæ invasisit, & majores quotidie incolarum  
strages edebat; cum admonitu S. Nicolai, in  
cujus tutela sunt loca omnia diœcesis Absorensis,  
tantum mali ab irato Deo molestias & in-  
jurias ædicatoribus templi & cœnobii S. Mi-  
chaelis illatas ulciscente, immisum esse intelli-  
gunt. Itaque versi ad cælestem iram placandam,  
suumque crimen expiandum, eidem templo ac  
cœnobio insulam cum templo S. Petri in Neu-  
mis, & ædibus ac prædiis eidem annexis, item-  
que cum illis scopulis proximis, quos ibi pos-  
sidebant, donarunt; sic tamen, ut salvam esse  
vellent jurisdictionem Episcopi Arbenfis, ad cu-  
jus diœcesim ea loca pertinebant. Tabulæ hu-  
jus donationis anno 1071. confectæ sunt ad hunc  
modum.

Tabulæ do-  
nationis. Anno ab Incarnatione D. N. J. C. MLXXI.  
Indictione nona. Tempore Cresimiri Dalmatorum  
ac Croatorum regis, & Dragi Arbenfis Episco-  
pi. Illyrici Sacri Tom. V.

pi. Nos denique Kessensis Communitas, quia Deo,  
& monasterio S. Michaelis de Sanfigo in primor-  
dio ædificationis ipsius monasterii, occulte & aper-  
te offendimus, & quia Deus sua misericordia  
nos per revelationem S. Nicolai visitavit, quod  
strages, qua deprimimur, ob id super nos deve-  
nisset, comuni consilio pro emendatione mali fa-  
cti, quod fecimus, donamus nostrum monasterium  
S. Petri de Neumis insulis monasterio Sanfigovo,  
cum suis utrisque insulis Neumis, & eorum per-  
tinentiis, & cum decem libris ecclesiæ, & tri-  
bus aratris bovum, & duobus campanis, &  
CCVI. ovibus, & XVIII. jumentis, & quinquaginta  
vachis: pristinum vero rogamus dari Ma-  
zolino Arbenfis Comiti, qui noster est. Quæ o-  
mnia volumus ut dictum monasterium S. Michaelis,  
excepto nominato pristino, habeat, & jure  
hereditario id perpetuum possideat. Salva tamen  
justitia Arbenfis Episcopatus. Ego Mazolinus Ar-  
benfis & Kessensis Comes testor, & me subscribi  
jussi. Ego... dono, & subvolo & subscribere me  
rogo. Ego Dobrogost hanc donationem esse volo,  
Ego Petrus dono, & volo. Ego Duinus Valaste-  
lin dono & volo. Ego Stanimir dono, & volo,  
Ego Bardinus dono & volo. Ego Perlug dono  
& volo. Ego Subdimir dono & volo. Ego Pau-  
lus dono & volo. Ego Guliimir dono & volo.  
Ego... dono & volo. Ego Bastian dono &  
volo. Ego Stoian dono & volo. Ego Gostime  
dono & volo. Ego... dono & volo. Ego  
... dono & volo, & omnes quotquot su-  
mus, hanc donationem volumus esse in perpetuum  
valituram. † Et ego Dragus Arbenfis Episcopus  
notatæ interfui donationi, & salvo jure nostræ  
sedis, assentio, & hoc privilegium fieri jubeo,  
in cujus diœcesi donante donata sunt. Ego Marti-  
nus Diaconus examinatore manum misi.

Ego Martinus de Slovigna examinatore Do-  
mini Comitis Marchi Michaelis & ejus curiæ  
examinavi.

Post hæc Dragus non diu superstes fuit, &  
vel hoc eodem anno 1071. vel sequenti morte  
sublatus sedem episcopalem vacuum successoris  
reliquit.

## PETRUS II. EP. ARBENSIS IV.

Hic anno 1072. interfuit tum synodo pro-  
vinciali Jadrensi, quod Laurentius metropolita  
Spalatensis in eam urbem convocaverat, tum  
dedicationi templi Mariani virginum Jadren-  
sium, quod idem Metropolitæ solemniter ritu con-  
secravit. De utraque in actis Laurentii, item-  
que Andreæ Episcopi Jaderini: Anno Domini-  
cæ Incarnationis 1072. Indictione 8. . . . Assum-  
est hoc in die consecrationis Basilicæ S. Mariæ &c.  
L. D. G. Spalat. sedis Archiepiscopus, A. Ja-  
dertinus Episcopus, Petrus Arbenfis Episcopus &c.  
Adfuit quoque cum aliis cœnobiarchis Dabrava  
Abbas monasterii Arbenfis S. Petri; quod non  
multis ante annis conditum fuerat. In catalo-  
go Antistitum Arbensium ad me nuper trans-  
misso, post Dragum nominatur Stephanus his  
verbis: Stephanus sub anno MLXX. in pergame-  
na, pro epocha appositus. Sed cum Dragus jam  
inde ab anno 1062. Pontificatum gereret, &  
perdiderit usque ad annum 1071. ut constat ex  
tabulis supra laudatis; Stephanus anno 1070.  
Episcopus esse non potuit. Valerius a Ponte  
Archidiaconus Jadrensis, Petro II. prætermis-  
so, vitam nescio quem, fortasse Vitalem, Epi-  
scopum Drago proxime substituit anno 1074.

Petrus II.  
Ep. Arben-  
fis interfuit  
synodo Ja-  
drensi.

Duo Epi-  
scopi Ar-  
benfis in-  
certi, Ste-  
phanus, &  
Vita, seu  
Vitalis.

Verum Vita seu Vitalis aut idem fuit ac Petrus, & Petro Vita cognomen fuit, aut si eum a Petro distingui oportet, non post Dragum, sed post Petrum proximus fuit. Si retinendus est Episcopatus Vita, itemque annus 1074. cui Valerius illum affixit; hic Petro successit, & annum 1074. ei postremum fuisse oportet. Anno siquidem sequenti jam huic Ecclesiae praesidebat

## GREGORIUS EP. ARBENSIS V.

Gregorius  
Ep. Arben.  
Interfuit  
Concilio  
Provinc.

Gerardus Archiepiscopus Sipontinus ab Gregorio VII. Legatus in Dalmatiam missus, Episcopis provinciae Spalatensis Concilium provinciale indixit, quod Spalati habitum fuit anno 1075. de quo in actis Laurentii Metropolitae Spalatensis. Thomas Archidiaconus cap. xvi, Hist. Salonit. Gregorium Arbensem Episcopum nominavit cum aliis Episcopis, qui ad eam synodum convenerunt: *Misit igitur (Gerardus) & convocavit Suffraganeos Salomitanae metropolis universos, qui cum convenissent, provincialem cum eis synodum celebravit. Intersuerunt autem isti Suffraganei. Primus Laurentius Archiepiscopus, secundus Stephanus Episcopus Jadrensis, Joannes Traguriensis, Forminus Nonensis, Gregorius Arbensis &c.*

Cresimiro rege Chrobatiae & Dalmatiae e vivis exempto, post brevissimum Slavici regnum, Svinimirus cognomento Demetrius rerum positus est. Hic anno 1076. vii. Idus Octobris donationem templi S. Georgii in Putalo cum omnibus fundis ac praediis eidem annexis, quod Tirpimirus Dux Chrobatorum Ecclesiae Spalatensis SS. Domnii & Anastasii, ac Mensae Archiepiscopali attribuerat, regio diplomate confirmavit, cui testis adscriptus est cum aliis Episcopis Gregorius Arbensis: *Acta sunt haec in praesentia horum servorum Dei, videlicet Stephani Jadertinae . . . Gregorii Arbensis &c.*

Dum Gregorius Ecclesiam Arbensem regebat, Dominicus Sylvo Dux Venetorum, vicis fugatisque Northmannis, qui oram insulasque Dalmatiae infestabant, Dalmatis salutem & tranquillitatem restituit anno circiter 1076. Quo facto animos illarum gentium ita sibi conciliavit, ut in Venetorum fidem ac potestatem, unde ante annos fere quadraginta desciverant, se rursus contulerint, eo promptius ac libentius, quod cum expositi essent Northmannorum incurSIONIBUS ac direptionibus, nihil praesidii ab Imperatoribus Orientis sperare poterant. Ea siquidem tempestate Graecorum opes, magis etiam a Saracenis in Asia, quam a Northmannis in Italia erant debilitatae fractaeque. Gregorius vitam fortassis & Episcopatum perduxit usque ad annum 1080.

## DOMANA seu DABRANA EP. ARB. VI.

Adest a catalogis Antistitum Arbensium; sed nobis innotuit ex historia, quam de triplici victoria de hostibus reportata auxilio & ope S. Christophori martyris, ad quem Arbenfes in extremum discrimen adducti supplices confugerant, Georgius Episcopus rogatu civium suorum, saeculo decimo quarto ineunte conscripsit, in qua *Domana* Episcopum nominavit. Vereor ne vocabulum hujus Episcopi mendose scriptum sit; mihi que admodum verisimile est, ei nomen fuisse Dabranz. Hic anno 1072. erat coenobiar-

cha S. Petri Arbensis, & synodo provinciali Jadertinae interfuit; ex illo autem coenobio S. Petri ad regendam Ecclesiam Arbensem evocatum fuisse existimo. S. Christophorum martyrem, S. Christophorus Patronus Arbensium, & apud Latinos & Graecos celeberrimum, jam inde a priscis temporibus Patronum urbis adoptatum, Arbenfes antiqua religione, & praecipuo quodam cultu venerabantur; ejusque sanctissimum caput crystallina theca inclusum, auro gemmisque ornatum inter ceteras adis cathedralis reliquias locum praecipuum tenet. Cum ergo Domana, sive Dabrana Ecclesiae Arbenfi praesidebat, ingens hostium multitudo urbem obsedit, ac vehementissime oppugnabat; sed cujus generis illi hostes fuerint, ex illa, quam dixi, historia satis intelligi nequit; vocatur ibidem *ingens Unragorum* gens. Facile conjici posset id vocabuli amanuensium culpa depravatam fuisse; & vitiosa duplicis litterae, ac praeputera translatione, nomen Ungarorum cum nomine Unragorum commutatum fuisse: nec sane dubito quin Auctor hujus historiae ignarus rerum ac temporum illorum, civitatem ab Ungaris obsessam & oppugnatam fuisse crediderit, & scripserit, propterea quod existimabat eosdem esse, de quibus Arbenfes primam, & de quibus alteram & tertiam victoriam auspicio, & auxilio S. Christophori reportarunt; illos autem, qui post priorem illam victoriam, semel atque iterum ab urbis obsidione eodem sanctissimo martyre opem ferente depulsi sunt, Hungaros fuisse non est cur dubitemus. Verum prima haec Arbensis obsidio, & oppugnatio Hungaris attribui nequit; siquidem Hungari ante annum 1091. numquam vel in Chrobatiam, vel in Dalmatiam arma intulerunt. Primus omnium Ladislavus rex Hungariae in eas regiones anno 1091. vexilla copiasque Hungaricas inexit; is quippe post obitum Svinimiri regis Chrobatiae & Dalmatiae, vel ab sorore sua vidua Svinimiri, ut ajunt Scriptores Hungarici, vel a quodam ex proceribus Chrobatorum, ut Archidiaconus tradit, accersitus anno 1091. multa quidem Chrobatiae mediterranea oppida & castella cepit; sed ne ultra progredi posset, impedimento fuit repentina Chunnorum in Hungariam irruptio, quae Ladislavum ad regni sui defensionem evocavit. Hungari igitur non erant, qui Arbam obsederunt Domana, vel Dabrana Episcopo, cujus pontificatus initium referri potest ad initium anni 1080. sed desinat necesse est in annum sextum & octogesimum hujus saeculi, ante quinquennium, quam gens Hungarorum, rege ac duce Ladislavo, primum in Chrobatiam Cisalpinam pedem inferret. Anno siquidem 1086. Vitalis Episcopus, Domana jam extincto, sedem Arbensem obtinebat. Northmannos potius fuisse dixerim oppugnatores Arbæ, qui cum Calabriam & Apuliam Graecis eripuissent, per ea tempora maritimis incursionibus insulas orasque Dalmatiae infestas faciebant, vel fortasse Chrobatos, qui cum sub Cresimiro IV. regni fines terra marique propagassent, civitatem atque insulam Arbensem, quae sub imperium Venetorum redierat, subigere volebant, rursusque ad regnum Chrobaticum adungere. Ex Auctore historiae supra laudatae colligi potest constituique tempus, cui Episcopatum Domanae affigi oportet: nam de secunda, & tertia victoria, opitulante S. Christophoro parva cum narrare incipit, utramque ait contigisse illo tempore, cum D. Paulus civis Arbensis & Episcopus cognomine Lupus

S. Christophorus Patronus Arbensium,

cujus ope victoriam reportarunt de Northmannis vel Chrobatia.

*Lupus quartus a prædecessore jam dicto ( idest Domana ) honore pontificali fungeretur . Duos igitur interjectos esse oportet inter Domanam & Lupum, ut hic quartus ab illo haberi dici- que possit . Sunt autem Vitalis, qui anno 1086. & Petrus III. qui anno 1094. Ecclesiam Ar- bensem regebant . Petro in eam sedem episco- palem successit Lupus, qui anno 1105. hunc pontificatum gerebat . Itaque Domana collocan- dus est post Gregorium, de quo supra dictum est, & ante Vitalem; ejusque Episcopatus ab anno circiter octogesimo fere usque ad annum octo- gesimum sextum sæculi undecimi perducitur potest .*

Arbaobse-  
sa & vehe-  
menter op-  
pugnata;

Cum ergo Barbari, cujuscunque generis fue- rint, omni telorum genere, sine ulla intermis- sione, urbem quaterent; jamque cives suis vi- ribus diffisi, exterritique hostium multitudine ac ferocia hærent latiusne esset patriam dire- ptionis atque eversionis periculo, deditioe vo- luntaria, eximere; an omni fiducia in Deo re- posita, fortiter constanterque defendere; Do- mana sive Dabrana Episcopus superveniens du- bitationem omnem, ac timorem discussit; bo- no animo esse jubet, S. Christophori patroci- nio confiderent, ad eum confugerent, ab eo præsidium implorarent, quem sæpe in gravio- ribus periculis, rebusque asperioribus propitium tibi fuisse meminerant. His verbis erecti, ani- matique clerus & populus ad ædem cathedra- lem S. Mariæ undique accurrunt, & veneran- dum S. Christophori caput e sanctuario edu- ctum, pia supplicatione deferunt ad turrim S. Stephani, quam hostes crebrioribus saxorum ictibus verberabant, illudque in ipso turris fa- stigio collocant, ut omnium oculis expositum defensoribus alacritatem, oppugnantibus terro- rem injiceret. Mirum dictum! quidquid missi- lium in turrim urbemque hostes ejaculabantur, muris & hominibus intactis, vel innoxium ca- debat, vel divinitus retortum ipsos ejaculatores feriebat. Ea res barbaros stupore attonitos ex- terruit; nec dubium illis esse potuit, quin Cæ- lites pro Arbensibus contra se latrent & pugna- rent. Itaque ubi cognitum est ejus in tutela & præsidio civitas esset, depositis armis, pa- cem cum Arbensibus fecerunt; & ipsi quoque S. Christophorum pie venerati, ejusque cælestem opem suis clientibus in extremo illo discrimi- ne collatam una voce collaudantes discesserunt. Domana Episcopus post sollemnem gratiarum actionem Deo & S. Christophoro in æde cathedra- li cum universo clero populoque rite perso- lutam; diem illum sempiterna memoria dignum ob maximum periculum ab urbe divinitus de- pulsam, in sacris fastis inscribi jussit sub hoc titulo *Victoria S. Christophori*, eamque anniver- saria gratulatione in perpetuum coli. Hunc eum- dem diem, qui est septimus ante Idus Majas, etiamnum clerus populusque Arbensis, memo- res accepti beneficii, grata piaque recordatione concelebrant; & annuæ hujus religionis causa speciatim expressa est in oratione eod. die præ- scripta, quæ est hujusmodi: Omnipotens sempi- terne Deus, qui B. Christophoro Martyri tuo, Arbensiumque Patrono tale victoria munus cali- tus contulisti, ut hostium cunctos tuo nomine su- peraret, concede propitius nostrorum vitiorum mortificare catervas, ut tuo conspectui jugiter placere possimus. Jam vero totius rei, quemad- modum gesta fuit, ordinem seriemque ex ipso Georgio Episcopo cognoscere gratum fore le- ctoribus existimo.

Myrici Sacri Tom. V.

Incipit Historia S. Christophori Martyris.

Regnante Domino ac Salvatore nostro Jesu Chri- sto, qui cum Patre, & Spiritu Sancto unus est Deus atque Dominus; sub anno ejusdem millesi- mo tricentesimo octavo; Ego Frater Georgius, licet indignus Arbensis civitatis civis, & Epi- scopus, a quampluribus ejusdem urbis civibus ro- gatus extiti; ut de miraculis ac mirabilibus, quæ per gloriosissimum Martyrem suum Christopho- rum Deus in eadem civitate, sua largiflua pie- tate diversis temporibus fuerit operatus, prout ex historiis antiquis, ac senioribus civibus legis- sem & audivissem, ad notitiam præsentium, & memoriam futurorum, historialiter redigerem in scriptis. Volens igitur prædictis postulationibus satisfacere ad laudem & honorem præfati Mar- tyris Arbensium Patroni Christophori, qui suis sanctissimis meritis suffragantibus Salvatore mundi speciali privilegio ac prærogativa mirabili, divina gratia largiente, suis sacris humeris sin- gulariter meruit deportare. Incipiens ergo de vi- ctoriis ipsius Martyris Christophori in civitate præfata per eundem factis, prout potui, sub com- pendio quodam enarrando cunctis patefacio. Tem- pore igitur venerabilis viri Domini Domana na- tione Absarenis, Arbensisve Episcopi contigit, ut quadam ingens Unagorum \* gens, & in ma- gna multitudine manibus ejusdem urbis ex im- proviso appropinquaret. Quam quidem civitatem obsedit a quartadecima die Aprilis usque ad no- nam diem mensis Maji, & cum machinis & sa- gittis, & diversis armis cum instanti frequentia expugnabat eandem. Interea die quadam cum de machina super turrim Christi Protomartyris S. Stephani jactaret lapidem in civitatem, & cu- jusdam nobilis viri percuteret domum; præfatus lapis, cæcto fracto ac pavimento fere per medium passum se subterravit. Quod homines civitatis videntes, nimio timore perterriti, perplurimum metuebant. Tractabant tamen inter se quid uti- lius esset sibi faciendum; an scilicet illius gentis se jugo submitterent, an pugnando Domini po- tius implorarent auxilium, ut ipse misericorditer de tam gravi periculo, quod timebant, dignaretur eripere, qui electos humiliat, & humiles in se confidentes mirabiliter exultat. Qui quidem Deus Sancti Spiritus inspiratione prædicto Episco- po inspiravit salubre consilium. Ipse vero Epi- scopus divino Spiritu inspiratus, omnibus dixit astantibus, Honorifice, inquiens, & reverenter extracto pretiosissimi Martyris Christophori capi- te, deferamus illud in turrim, ut ipse in cujus confidimus auxilio pro nobis contra inimicos de- beat præliari, ac nobis victoriam de hostibus im- petrare. Quo audito consilio clerus civitatis, cum universis civibus, ad Sanctæ Dei Genetricis Mariæ Ecclesiam cum ingenti lætitia concurrerunt; ac reverenter pretiosissimo Martyris Christophori capite ablato, cum hymnis, litanis, & oratio- nibus ceperunt magnis vocibus ad Dominum pro- clamare, quatenus eos meritis beati Christophori a potentia illius gentis calitus eriperet, & sa- lubriter liberaret. Unde ita factum est, quod cum idem pretiosum caput Martyris Christophori super turrim extitit reverenter collocatum; hostes alium lapidem projecerunt, quod fuit mirabile & admi- ratione dignum. Dicitur enim lapis tantam aeris altitudinem petiit, ut fere ab humanis aspecti- bus se subtraheret, ac revertens mare hostibus circumstantibus in medio vallis horribiliter percus- sit. De cætero sane ex quo Martyris Christi ca- put

Historia  
primæ vi-  
ctoriæ pa-  
trocinio  
S. Christo-  
phori par-  
tiz, descri-  
pta ab Ge-  
orgio Ep.  
Arbeni.

\* verius  
Northman-  
norum vel  
Chrobato-  
rum.

put in dicta turri repositum fuit, nec machinae, nec sagitta, nec aliqua hujusmodi armamenta potuerunt Arbensibus aliquam lationem infligere. Immo & si sagittarii sagittabant, ad eandem a quibus jactabantur, sagitta reversa illos vulnerabant. Videns autem Dux illius gentis, & audiens, quod scilicet Deus meritis S. Christophori suam potentiam miraculose in se ostenderet, genibus flexis, & humi stratus cum universo suo exercitu Christi Martyrem Christophorum humiliter adoravit. Sicque culpa sua cognita, ac cum Arbensibus pace composita, rediit cum suis ad propria; nec non tanto viso miraculo, Deum glorificaverunt omnipotentem, qui confidentes in se adjuvat, & protegit tempore opportuno. Quapropter praedictus Episcopus suis subditis Arbensibus ordinavit, ut nona die mensis Maji victoriam praedictam devote & reverenter celebrarent. Quod usque in hodiernum diem, ut patet, a cunctis observatur.

## VITALIS EP. ARBENSIS VII.

Hujus nomen ad annum 1086. in tabulis Arbensibus adscriptum invenio. In his siquidem Vitalis Episcopus nominatim percensuit agros omnes fundosque, & suis quemque terminis circumscripsit, quos partim ex antiquis monumentis, partim ex testificatione seniorum, ad Ecclesiam S. Mariae & mensam episcopalem pertinere comperit; Anno Domini 1086. Ego Vitalis Dei gratia Episcopus Arbensis, cathedra residente tempore meo, recordationis cartulam facio de praediis S. Mariae Episcopatus &c.

## PETRUS III. EP. ARBENSIS VIII.

De quo nihil praeter nomen, quod affixum est anno 1094. in catalogis Episcoporum Arbensium.

## LUPUS EP. ARBENSIS IX.

Lupus & Paullus unus idemque Episcopus.

Quartus est a Domana, seu Dabrana Episcopo, patria Arbensis, cognomento quidem Lupus, sed Paullus nomine, ut docet Georgius Episcopus in historia supra laudata de Victoribus S. Christophori. Valerius a Ponte Archidiaconus Jadrensis, in suo catalogo Antistitum Arbensium, a Lupo Paullum distinxit; & hunc illi in sedem episcopalem substituit. Sed pluris est mihi auctoritas Georgii Episcopi, qui a Pontificatu Lupi, quamvis ducentorum annorum intervallo disjunctus, multo tamen propius aberat, quam Valerius; praesertim cum is Paullus Lupo proxime subiectus, ab eoque distinctus, a ceteris catalogis absit. In catalogo ex urbe Arbeni nuperrime accepto, cognomine praetermissio, Paullus nominatur; sed iisdem fere temporibus adscribitur, quae ad Pontificatum Lupi pertinent. Quocirca censeo eundem esse Episcopum, qui Lupus in primo, Paullus in altero Concilio provinciali Spalatensi, quod sub Crescentio Metropolitano habitum fuit, appellatur. Paulo igitur, sive alterum nomen, sive cognomen Lupo fuit. In catalogis plerisque Lupus dicitur, illiusque Episcopatus cum anno 1105. conjungitur; sed ejusdem initium revocari potest ad annum 97. saeculi superioris, locus ut sit ac tempus opportunum duplici victoriae, quam Arbenes S. Christophori patrocinio & auxilio freti de Hungaris reportarunt.

Colomanus Ladislavo patruo in regnum Hungariae successit anno 1093. cum ad turbas resque Hungaricas componendas priores regni annos contulisset; nihil prius sibi faciendum censuit, quam ut in Dalmatiam exercitum traduceret, & partem reliquam Chrobatiae, quam Ladislavus, Chunnico bello in Hungariam revocatus, suis armis & victoriis intactam reliquerat, sub potestate redigeret: Uladislavo rege migrante ad Dominum (ut scripsit Thomas Archidiaconus cap. 17.) Colomanus sibi in regno successit. Hic cum esset vir ferocis animi proposuit totam terram usque ad mare Dalmaticum suo dominio subjugare. Venit ergo cum multo armatorum apparatu, & obtinuit ceteram partem Sclavoniae (idest Chrobatiae), quae ab Uladislavo fuerat praetermissa. Idem Scriptores Hungarici confirmant. Quidquid non solum in mediterraneis, sed etiam in maritimis locis, reges Chrobatorum obtinebant, ad regnum Hungariae adjunxit; & Belgradi, quae civitas erat maritima Chrobatiae, nuptias cum filia Rogerii Comitum Siciliae regio apparatu ac magnificentia celebravit, ut tradit Gaufridus Monachus Benedictinus aequalis temporum illorum lib. 4. cap. 25. adventum autem regiae sponsae, itemque sollemnia nuptiarum anno 1097. affixit: Anno itaque Incarnationis millesimo nonagesimo septimo apparatis, quae necessaria erant, mense Madio cum trecentis militibus usque Thermas conducere fecit (Rogerius) Henricum Lescastrensem Episcopum, & quosdam de fidelibus suis, ab inde maritimo cursu usque Pannoniam cum puella procedere faciens cum multis sponsalibus intromittentes, velis vento commissis prospera aurea flante per aquora feruntur, usque dum in portum Albae, qui juris regis Hungarorum est, impune applicant. Hic Vincarius Comes Belligrata missus cum quinque millibus armatorum obviam fuit &c. Alba idem est ac Belgradum, sive Belligrata, & Alba maris dici solet, ut distingui possit ab Alba Graeca, quae itidem Belgradum, sive Tauranum ad confluentes Savi & Danubii situm appellatur. Idem Gaufridus Albam maris Belligratam vocat.

Anno igitur 1097. cum Colomanus post Chrobatiam subactam, in ea regione filiam Rogerii sibi desponsam praestolaretur, ditionis amplificandae cupidus, tredecim lembos instrui, armisque jussit, ex iis, quibus Chrobati vel ad piraticas excursiones, vel ad commercium utebantur; Arbam insulam atque urbem, quae ad jus aliquando pertinuit, imperiumque regum Chrobatiae, ut invaderet, & sub jurisdictionem regni Hungarici subjungeret, Bano Slavoniae, cui nomen Ugrae, imperavit. Biremes omnino duas habebant Arbenes, quas tredecim illis navigiis opponerent. Accessit tertia, quae tum forte aliunde mercimonii causa advenerat, & rogatu Arbensium se ad duas illas adjunxit. Ergo Arbenes S. Christophori, quem suppliciter invocaverant, patrocinio confisi, etsi numero & viribus longe inferiores, alacres tamen, & spei ac fiducia pleni, cum tribus bisce navigiis progressi sunt contra hostes, qui post insulam devastatam ad naves se receperant: extra jactum teli paullisper steterunt, dum Hungari caeca cupiditate praecipites, vim omnem sagittarum & saxorum in hostiles biremes ante tempus effunderent: itaque vano idu tela omnia in undas innoxia cecidere. Tum vero Arbenes magno animo conatuque in classem hostilem invecti,

Colomanus rex Hungariae Chrobatiam subigit.

Iussit Bano Chrobatiae Arbam insulam & urbem invadere, & oppugnare.

Hi, primo impetu navem unam ceperunt; reliquas omni missilium genere oppugnant. Telum nullum in conferta navigia missum cederat incassum. Itaque plerique remigum ac militum projectis armis pavore cæci in mare deliunt; natatu effugium petentes, alii gladiis interfecti, alii fluctibus absorpsi perierunt; ac ne unus quidem tantæ cladis nuncius imperfuisset, nisi vehemens ventus a septentrione repente exorirens, turbato mari, & navibus hac illac dispersis prælium diremisset. Arbenenses parva victoria tam insigni & incruenta, Deo & B. Christophoro, cujus præsens auxilium in ea pugna experti erant, enixe gratulantes, e suis lucris & proventibus aliquam particulam singulis annis Ecclesiæ cathedrali in honorem S. Christophori se oblaturus voverunt. Ad hunc fere modum explicari intelligique oportet quæ Georgius Episcopus de hac pugna & victoria scripsit; sunt enim aliqua, quæ vel explicatione, vel correctione indigent, ut nostræ in ejus narrationem notæ planum faciant.

Secundæ huius vici-  
vix descri-  
ptio.

Alio vero (1) tempore quo Dominus Paulus civis Arbenensis, & Episcopus cognomine Lupus, quartus a prædecessore jam dicto (idest Domano) honore pontificatus fungeretur in Arbenensi civitate; & Dalmatinorum tota simul provincia nulli iugo tunc esset (2) subdita; contigit ut Ungarorum rex (3) ducem suum nomine Ugram, quem Sclavorum vulgus Banum vocat, cum magna exercitus multitudine in Dalmatiam ad expugnandum totius (4) provinciam populum destinaret. Idemque accepta licentia ad hoc, egressus, que cum valida manu hominum venit in Chroatiam, & omnes sibi subiectos fecit ad se congregatos venire; & omnes consilium unanimiter firmaverunt, atque dixerunt: Novimus itaque Arbenensem civitatem linea copulationis ac consanguinitatis ita cum aliis civitatibus connexam, ut nulla civitas similis sibi (5) in tota provincia Dalmatiæ inveniatur. Quapropter oportet eam penitus expugnare, & nostro dominio subjugare. Nam si hanc sceptrum regni nostri obtinuerit, eamque nostro sceptro regente, alias civitates per eandem regere non dubitemus. Sint, ergo ad prædicta perficienda aptæ tredecim (6) naves, quatenus transiunt per mare in insulam intrare, & civitatem capere valeamus. Quod quidem consilium, ut dixerunt, opere compleverunt. Nam subito paratæ sunt ad pugnandum naves, ingressæque omnium illa militum ac peditum multitudo naves, administrantem suam iniquitatem, per ponticæulam ad prædictam civitatem est transvecta in insulam. Et (7) egressus ille innumerus exercitus, cepit undique depraedari, ac insulam degustare; cumque huius rei homines civitatis causam cognovissent, in duobus lignis currentibus, & in una forensium navi, quæ tunc illuc casu advenerat, ingressi illis tredecim obviaverunt. Quin tantam in S. Christophoro fiduciam habebant, ac si ipse visibiliter esset venturus, eosque pro eis pugnando liberaturus. Cumque prædicti in quodam se jungerent loco, tanta miserunt sagittarum ac lapidum copiam, ut splendor solis a conspectu eorum propter earumdem per aera volantium densitatem se subtraheret. Prædicta vero duo ligna currentia cum tertia navi nec unum retro projecerunt lapidem. Expectabant enim, ut omnes lapides ac sagittas jacerent; omnibus vero armis consumptis, insurrexerunt Arbenenses in eos, & pugnantes ceperunt unam de navibus illorum, & quasi omnes interfecerunt gladio; quod, Illyrici Sacri Tom. V.

quidem videntes multi de aliis navibus, quæ remanserant, loricati projecerunt se in mare, & interfecti defecerunt. Misericors autem Dominus nolens animarum, ac corporum internecionem, sed potius satisfactionem, ventum validum, qui dicitur boreas, immisit in mare, & sic divisit eos hinc inde per diversas partes dispersos. Quare cives Arbenenses unanimiter in hymnis & laudibus glorificaverunt Deum omnipotentem, & gloriosissimum martyrem Christophorum, videntes ut unoquoque anno aliquantulum de fructu sui laboris, in honorem martyris Christi Christophori, Ecclesiæ cathedrali Dei genetricis Mariæ offerendo copdonarent. Quod usque ad magnum tempus idem Arbenensis populus observavit in memoriam tantæ victoriæ, quam Dominus per alma merita S. Christophori eis conferre dignatus est; quia minime per suam potentiam sive violentiam potuissent eandem comparare.

## Notæ

(1) Anno scilicet 1097. cum Colomanus rex Hungariæ in Dalmatia versabatur, & loca omnia seu mediterranea, seu maritima, quæ reges Chrobatum possidebant, sub imperium Hungarorum subjunxerat.

(2) Historiæ illorum temporum ignoratione Georgius erravit. Tunc siquidem præcipue urbes oræ maritimæ Venetorum imperio suberant, quæ jam inde ab anno circiter 1075. in eorum fidem & clientelam redierant, ut supra dictum est in Gregorio Episcopo Arbenensi; quidquid vero in Dalmatia maritima, & mediterranea ad regnum Chrobatia pertinebat, partim Ladislavus, partim Colomanus ad regnum Hungariæ adjunxerant.

(3) Hic est Colomanus, qui anno 1097. vel superiori, cum ingenti exercitu in Dalmatiam venit, Archidiacono teste, ut reliquam ditionem Chrobatiam subigeret, quam Ladislavus intactam reliquerat. Itaque Colomanus non ex Hungaria, ut hic auctor existimasse videtur, sed e Dalmatia, ubi tum morabatur, Banum misit ad insulam & civitatem Arbenensem subjugandam.

(4) Congruit cum Thoma Archidiacono, qui ait Colomanum proposuisse totam terram usque ad mare Dalmaticum suo dominio subjugare. Sed tunc ab terris & civitatibus Venetorum vim belli abstinuit, quorum navalibus copiis indigebat ad Chrobatiam maritimam contra Northmannos tuendam, & quibuscumque postea fœdus & amicitiam junxit. Verum latius dominandi cupiditate impellente, imperare sibi non potuit, quin aliquid e ditione Venetorum deciperet, veluti Arham, quæ licet tunc in potestate Venetorum esset, non ignorabat tamen antea in potestate fuisse regum Chrobatia. Universum autem regnum Chrobatia ad se Colomanus pertinere existimabat; quippe erat successor legitimus Ladislavi patrui sui, qui regnum illud sibi traditum, ut ajunt, ab sorore sua vidua & hærede Szinimiri regis Chrobatum, armis etiam, & jure belli magna ex parte acquisierat.

(5) Cum Georgius Episcopus Scriptor huius historiæ, ortu & Episcopatu Arbenensis esset, venia illi danda, quod multa gloriosius, quam verius de patria sua prædicantes Hungaros induxit.

(6) Hungari copiis navalibus carebant. Ita-



que Chrobotis maritimis, quos sibi subjecerant, classem tredecim navium imperarunt, quibus illi vel ad commercium, vel ad piraticam utebantur.

(7) Primum igitur Hungari repentino exscensu e navibus in terram facto, Arbenenses nihil tale expectantes in terrorem ac tumultum coniecerunt, totamque insulam devastarunt; deinde onusti præda ad sua navigia redierunt, ut primariam insulæ civitatem, quæ triplici ex parte mari alligatur, a fronte, & ab utroque latere obsiderent. Arbenenses vero cum se ex illo pavore collegissent, duobus triremibus raptim instructis armisque, cum terrâ illâ, quæ paulo ante illuc appulerat, hostibus obviam procedunt, & insignem illam, S. Christophoro opulante, victoriam reportarunt.

Colomanus cum Venetis adversus Northmannos foedus junxit.

Colomanus antequam rediret in Hungariam, cum Northmanni illis temporibus oram maritimam Dalmatiæ & Chrobotiæ piraticis excursibus, & latrociniis infestam haberent, cum Venetis contra communes hostes foedus & amicitiam junxit: Quo in foedere, ait Sabellius, expressum reperio, ne Colomanus, aut ex successoribus quispiam ob Dalmatiam Venetos aliquo modo infestaret. Uno, aut altero anno, postquam Colomanus exercitum in Hungariam reverterat, Chrobotia omnis ab ejus imperio defecit. Causam defectionis conferendam censens in illud civile dissidium, ac bellum, quod per ea tempora inter Colomanum, & Almu fratres, propter nonnullas interpolatas offensiones, exarsit. Nam Chrobotos sive Colomani dominatus super & immitis, sive præclara fama & late vulgata de singulari bonitate Almi & clementia, Almique desiderium pristini regis, quem Ladislavus huic genti dederat, facile percellere potuit, ut a Colomano desciscerent, & sub imperium Almi redire optarent. De hac Chrobotorum defectione breviter Samuel Timon, rerum Hungaricarum diligens investigator: Anno 1098. Colomanum inter & Almu dissidiorum origo. Deficiunt a fide Hungarorum Croatia. Et Joannes Lucius lib. 3. cap. 3. de Reg. Dal. & Croat. Integram Croatiam Colomanum habuisse argui debet; ob id autem ex dissensione cum Almo fratre Croatiam defecisse conjectari potest, & Colomanum ipsam recuperasse; quod cum Hungaricis Scripturibus concordat. Anno igitur 1102.

Iterum Colomanus in Dalmatiam cum exercitu venit & Chrobotiam recepit.

rebus & dissidiis Hungaricis utrumque compositis, ad Chrobotiam recuperandam ingentem exercitum duxit. Cum ad Dravum pervenisset, nuntiatum esset Chrobotos, contractis & instructis copiis, paratos esse ad pugnandum, satius esse duxit Chrobotorum animos benigna legatione ad voluntariam deditioem pellicere, quam belli fortunam tentare ac periclitari. Legatos igitur præmisit, quorum pacifica blandaque oratione deliniti Chroboti, de communi consilio, & duodecim tribubus, in quas gens omnis divisa erat, totidem primariæ nobilitatis viros, singulos e singulis delegerunt, quos de paciscenda cum Colomano deditioem mitterent. Ad regem cum venissent, & perhumaniter ab eo, ac perhonorifice accepti essent; æquissimis & honestissimis conditionibus, se & populos Chrobotiæ in fidem ac potestatem Colomani tradiderunt. Hæc Thomas Archidiaconus in additamento ad Historiam Salonitanam sub hoc titulo: Memoriale bonæ memoriæ Domini Archidiaconi Eccl. Spalaten. Hic est secundus Colo-

mani adventus in Dalmatiam, affixus anno 1102. quo quidem anno Belgradi, cum titulo regis Chrobotiæ & Dalmatiæ, diadema regale sumpsit; ut ipsemet testatur in privilegio, quod Virginibus Jadrensis S. Mariæ, quamquam ejus jurisdictione exemptis, eodem anno 1102. concessit. Hæc eo narravi, ut secundam victoriam Arbenensem de Hungaris relatam, si quis velit, rejicere possit in secundum Colomani adventum, & anno 1102. adscribere. Sed tertia victoria, quam Arbenenses S. Christophoro acceptam ferunt, videtur dimoveri non posse ab anno 1105, cum Colomanus tertio in hanc regionem profectus, Dalmatiam omnem Venetis eripuit.

Anno 1104. Ordelauphus Faledrus Dux Venetorum classem numerosam ad sacrum bellum in Palæstinam traduxit; ad quam augendam urbes & insulæ Dalmatiæ, dum illuc præterveheretur, navigia & milites contulerunt. Colomanus ergo ex absentia Venetæ classis occasionem sumpsit Dalmatiæ occupandæ, quam cum regno Chrobotiæ conjungere mirum in modum cupiebat. Anno igitur 1105. violato foedere sociali, quod cum Venetis adversus Northmannos pepigerat, Dalmatiam maritimam Venetæ ditionis invasit, eo quidem fidentius atque audacius, quod tunc urbes illæ nudatæ essent prædiis, quæ Ordelauphus ad exercitum augendum deduxerat, itemque militibus indigenis, qui comen ultro dederant in sacram illam expeditionem. Ac primum Jadertinos, tum Spalatenes, inde ceteras urbes insulasque, vi ac terrore ad deditioem compulsas, in suam potestatem recepit. Solum Arbenenses, quibus fides erga Venetos, quam motus Hungarici exercitus, fuit antiquior, deditioem constantissime abnuerant. Quidam e Comitibus Hungariæ, nomine Sergius, jussu Colomani Veglensibus, Ablorensis, & Seniensibus navigia & milites imperavit, quibuscum copias ex Hungarico exercitu selectas conjunxit; insulamque adortus, omnia ferro & incendiis vastando, ad ipsam urbem pervenit. Hic quoque Arbenensibus præsto fuit patrociniū S. Christophori suppliciter fidenterque invocatum. Unam omnino navem, quam ipsi habebant, & duas, quas Veneti subsidio miserant, celeriter conscendunt, hostilem classem a militibus, qui per agros palatim prædas agebant, fere vacuum ac desertam invadunt, custodes, & paucos prædiciarios, remigesque armis exutos in vineula conjiciunt, navigia omnia incendunt. Deinde in urbem reversi, cum hostes ingenti pavore perculsos, quod navibus incensis omne maritimum periculum sibi ademptum viderent, in fugam confternatos disjectosque conspicerent; simul cum oppidanis rursus egressi, palantes ac dispersos ad unum omnes capiunt, ligatos in urbem abducunt, atque in custodiam includunt. Rem omnem, quemadmodum gesta fuerit, Georgius Episcopus stylo fu-

Colomanus Venetis Dalmatiam eripuit.

Arbenenses sui iugare jussit, qui ope S. Christophori tertiam de hostibus victoriam referunt.

Alio quoque tempore cum prædictus Pontifex Paulus eodem fungeretur honore episcopali, & Veneticorum tunc temporis prædicta civitas regeretur dominio; contigit ut quidam Ungariæ regis Comes nomine Sergius ad subjiciendam prædictam imperio hujus civitatis Arbenensium gentem & insulam ingrederetur. Suo denique imperio ceteræ tunc temporis subditæ fuerant insulæ, ac magna Sclavorum pars hujus Comitibus præceptis obediens; præceperatque omnibus, in quantum earum expe-

Historia tertia v. 602.

expeteret facultas insularum, in suo obsequio ligna currentia, & alia ligna prepararent. Statimque parata sunt novem numero ligna currentia; & aliorum propter multitudinem non patet numerus. Ingressus itaque cum exercitu in insulam, & depopulando usque ad dictam civitatem Arbensem venerant. Interea prædicta urbis cives tum cognovissent, coeperunt recommendare se S. Martyri Christophoro, humiliter ipsum deprecantes, quatenus sicut multoties ipse protegendo eos ab hostibus eripuerat, sic in tanta tribulatione ac persecutione illorum inimicorum liberaret, ac rectum consilium eis a Domino impetraret. Omnesque in ipsum confidentes quamplurimum, egressi de civitate in galeam unam, cum duabus Vene-  
 ticorum galeis, quæ venerant pro tutamine eorum, in eas intraverunt; & per mare ad vallem, quæ dicitur S. Petri, ejusdem insulae pervenerunt, ibi inventis inimicorum navigiis, captivatis, & comprehensis custodibus eorumdem, ac rebus omnibus extrahitis, & expoliatis, igne vehementi combusserunt; itaque nec unum ex eis remansit. Quibus expletis venerunt cum magna exultatione ad civitatem. Inimici vero quæ gesta erant videntes & audientes, coeperunt per insulam Arbensem fugere, seque per nemora abscondere & latitare. Homines vero civitatis exierunt per insulam unanimiter, ipsos persequentes. Quibus omnibus captis, & ligatis ab Arbensibus, ducti sunt in civitatem, & carceribus mancipati. Quod audientes homines vicinarum civitatum, tam scilicet Veglenses, quorum maxima pars erat Arbi incarcerata; nam de Vegla exierat exercitus prædictus; quam Absareses, Chersini, & etiam Senientes, miserunt Ambasciatores ad Arbenes, eosdem obmixe, & cum magnis precibus deprecantes, quatenus captivis, & in carceratis misericorditer parcerent; ac de carceribus ad propria cum libertate remeare permitterent. Quibus precibus Arbenes inclinati acquieverunt, & de carceribus extraxerunt. Prius autem, quam libertate eos donassent, oportebat quemlibet eorum quoddam ligneum artificium ad hoc specialiter præparatum super dorsum suum, circum Ecclesiam S. Mariæ Arbensis, tribus vicibus deportare in signum victoriæ, quam Dominus meritis S. Christophori Arbensibus contulit, hostes sibi subiciendo. Qui omnes singulatim portaverunt prædictum artificium libenter pro recuperanda libertate, ut ad civitates suas mereantur remeare de tantis injuriis liberati. Quod quidem artificium pendit suspensum in Ecclesia cathedrali Arbeni usque ad tempus Dom. Gregorii ejusdem civitatis Episcopi, ad memoriam prædictorum, & confusionem inimicorum. Nos ergo Fratres carissimi omnes Arbenes pro tantis, & tam magnis beneficiis nobis a Domino, S. Christophori meritis Patroni ac protectoris nostri, collatis referamus gratiarum actiones; ipsum humiliter deprecantes, quatenus nunc, & semper nos protegat, & ab omni malo defendat; concedenda nobis gratiam suam finaliter in hac vita; ut possimus tandem suam consequi gloriam in patria: quod nobis præstare dignetur Jesus Christus Dominus noster, qui ut ad ipsam ascenderemus, ad nos dignatus est descendere, & viam salutis ostendere. Qui cum Patre &c.

Ego Presbyter Thomas de Stantiis Canonicus Arbensis Ecclesiæ publicus imperiali auctoritate notarius superscriptas tres victoriarum historias S. Martyris laureati Christophori, Arbensiumque Patroni a nonnullis nobilibus Arbensibus civibus

rogatus ex libris antiquis jam dictæ Ecclesiæ relictæ & fideliter exemplavi, & in præsentem publicam formam redegi ad litteram, prout jacent, nil addendo, nil minuendo, quod variet sensus, vel mutet intellectum; ideoque in præmissorum fidem me proprio nomine subscripsi; ac signum tabellionatus officii apposui MCCCCLXXXII. Indict. XV. die vero xv. Mensis Maji.

Verum enimvero cum Colomanus ceteras insulas, urbesque omnes Dalmatiæ in sua potestate haberet, cumque Arbenes se armis ac præfidiis Hungaricis undique circumseptos, & omne commercium sibi, seu maritimum, seu terrestre interclusum viderent; tempori cedere, ac necessitati parere coacti, se ipsi quoque in fidem ac ditionem Colomano dederunt. Postquam universa Dalmatia imperium Colomani subiecit, Crescentius Archiepiscopus Spalatensis Jaderam ad Concilium Episcopos provinciales convocavit. Annus quidem ignotus est; sed cum Theobaldus, qui Præpositus erat, idest legatus, seu vicarius Laurentii Archiepiscopi Strigoniensis, interfuerit; hinc colligitur hoc Concilium habitum fuisse, cum jam Dalmatia juris erat imperii Hungarici, idest anno 1106. vel certe proximo. Jaderam ad synodum venit Lupus Episcopus Arbensis cum Gregorio Abbate S. Petri, qui dicitur interpellasse cum Theobaldo Præposito Laurentii Strigoniensis Archiepiscopi, coram Crescentio, & ceteris, qui aderant, Episcopis & Cœnobiarchis; idest vel ad eum appellasse, vel potius cum arbitrum sumpsisse, apud quem bona sui cœnobii ab iniquis possessoribus repeteret; ac lite atque judicio persequeretur. Hæc ex fragmento quodam, quod superest de actis deperditis illius Concilii, in quo Episcopi omnes & Abbates, qui adfuere, nominantur, atque in his Lupus Arbensis Episcopus: Ego Gregorius Abbas S. Petri recordationem facio, qualiter interpellavi cum Theobaldo Præposito Laurentii Strigoniensis Archiepiscopi in Synodo Jadrensi, coram Archiepiscopo Crescentio, & Gregorio Jadrensi Episcopo, nec non Lupo Arbeni Episcopo &c. Idem Lupus in altero Concilio provinciali, quod præsentem Colomano habitum est anno undecimo hujus sæculi, Paullus nominatur.

Anno igitur 1111. Colomanus in Dalmatiam venit. Habitus est frequentissimus conventus vel Jaderæ, vel Spalati, vel in urbe regia Belgradi; quem tum rex ipse, tum plerique Dalmatiæ itemque Hungariæ Episcopi ac proceres, cum duobus Metropolitibus Crescentio Spalatensi, & Laurentio Strigoniensi, suo confesso ac præsentia cohonestarunt. In hoc augustissimo & celeberrimo conventu Colomanus privilegium amplissimum Ecclesiæ Arbeni concessit. Quidquid terrarum, sive in insula Chiffa, sive in ora maritima Cresimiro IV. rex Chrobatorum ad diocesis Episcopi Arbensis pertinere decreverat, id omne in ejus potestate firmum ac stabile permanere jussit. Jus conferendi sacerdotia, & Abbates instituendi, sæculo regis, & regii Consilii arbitrio, liberum eidem Ecclesiæ permisit; clericos Arbenes, atque adeo clericos totius Dalmatiæ, eadem libertate & immunitate donatos esse voluit, qua clerici Hungariæ fruuntur, sic prorsus, ut nulli mortalium, præterquam præfidiis & magistratibus ecclesiasticis subessent. Tandem modum rationemque præscripsit decimas distribuendi inter Administros curiæ episcopalis & regiæ, ad exemplar, normam-

Arbenes Colomano se dedunt.

Lupus Ep. cum Gregorio Abbate S. Petri Arbensis, interfuit Concilio Provinciali Jadrensi;

Itemque alteri Concilio Provinciali, præsentem regem ipso Colomano.

namque illius distributionis, quæ in Hungaria fieri solebat. Regium diploma est huiusmodi.

**Diploma Colomani.** Anno Dominice Incarnationis 1111. Indictione 4. Epacta nona concurrentibus. Ego Colomanus Dei gratia rex Hungarorum, per misericordiam Dei potitus regno Dalmatiae atque Croatiae assentimus, & quantum ad nos pertinet, confirmamus Arbensi Ecclesiae suas parochias, Juppam sub alpibus suis cum terminis, a castro latine Murula usque ad flumen Coprive, Chissam suis cum terminis, Juppam Licha, Juppam Bucani, & Boc-rachi, sicut semper didicimus habuisse per privilegium Cressimiri regis, & idoneos testes, quos Paulus ejusdem Ecclesiae Praesul induxit, cognovimus; decrevimus quoque ad honorem, & dignitatem illius Ecclesiae investituram tam ecclesiasticam, quam Episcoporum, & Abbatum, absque regis Consilio, quemadmodum fuisse probavimus, fieri debere; postea necessarium duximus tum utriusque regni universo Consilio, ut qua libertate fruuntur clerici Hungariae, fruantur & clerici Dalmatiae, scilicet ut qualiscumque potentia sigillo non constriuantur, sed solo Episcoporum, & Archidiaconorum suorum sigillo, & iudicio, lege canonum cogantur & judicentur. Hoc modo decimationem, quemadmodum in Hungaria accipiunt, Praesaldus regis cum Praesaldi Episcoporum; ex decimatione Episcopi ipsi accipiant decimam partem, ex qua Praesaldus regis dimidiam partem illius decimationis accipiat; Praesaldi vero aliam dimidiam partem cum curiali Comite sui Episcopi per medium dividant, & sic curialis Comes dimidiam sibi habeat, Praesaldi vero aliam dimidiam inter se dividant. Datum est hoc privilegium Arbensi Ecclesiae per manum Venerabilis Laurentii Strigoniensis Archiepiscopi perpetuo, ex concessione Colomani regis Hungariae, Dalmatiae, atque Croatiae; in praesentia suorum Episcoporum & Comitum, quorum nomina haec sunt, Marcelli Variensis Episcopi, Simonis Quinqueecclesiensis Episcopi, Matthaei Vesprim. Episcopi, Georgii Georensis Episcopi, Sixti Varad. Episcopi, Tulberti Colocen. Episcopi; Comitum vero Joannis Palatini Comitum, Claodini, Marci, Sauli, Saunici, Ugareni, Theobaldi, Jandini; & quamplurimum aliorum Dalmatinarum Episcoporum asserentium, & testificantium, per quorum testimonium probavit praed. Praesul, dicta Arbensis Ecclesia semper ita habuisset; Crescentii Spalaten. Archiepiscopi, Anastasii Tinien. Episcopi, Joannis Tragurien. Episcopi, Bani Alben. Episcopi, Marci Jadren. Episcopi, Dominici Veglien. Episcopi, Petri Absaren. Episcopi, & Generalis Domini Regis curia; & ut hoc privilegium statutum & stabile perpetuo maneat, nostro jubemus sigillo imprimi, atque roborari.

**Lupus & Paulus vel unus, vel etiam duo Episcopi esse possunt.** In hoc diplomate Episcopus Arbensis nominatur Paulus, quem ex historia Georgii Episcopi supra descripta a Lupo distinguendum esse non putamus, & fuisse unum & eundem Episcopum censemus, cui Paulus nomen, Lupo cognomen erat. Ceterum si duos fuisse velis, quorum alter Lupus, alter Paulus appellaretur; per melicet; ac Lupi quidem Episcopatus perducere debet usque ad annum sextum vel septimum saeculi duodecimi; annum vero undecimum ejusdem saeculi, cum Colomanus decretum modo descriptum secundum Ecclesiam Arbensis fecit, Paulo Episcopo attribui oportet.

## BONUS EP. ARBENSIS X.

Ex quodam Instrumento sub eodem Anno MCXI. sed ignoratur an antecessor, an successor Pauli fuerit; ut est in catalogo Antistitum Arbensium, quem ab Joanne Luca Garagnino, nunc Episcopo illius Ecclesiae praestantissimo\*, haud ita pridem accepi. In omnibus catalogis eorundem Antistitum, duo, tresve desiderantur Episcopi usque ad annum circiter 1170. quorum nomina & acta oblivio ac vetustas posteritati praecepit. Interea post obitum Colomani anno 1114. extincti, Ordelaphus Dux Venetorum anno tertio decimo sui principatus, ut est apud Dandulum, ætæ vulgaris decimo quinto supra millesimum & centesimum, provinciae Dalmatiae recuperandae causa, cum ingenti classe trajecit. Arbenenses primi omnium deditionem facere properarunt, palam aperteque profitentes velle se Venetorum imperio subesse, quamvis Jadertini vel nollent, vel non possent. Itaque Ordelaphus Ecclesiae & civitati Arbeni omnia privilegia confirmavit, quæ concessu vel Imperatoris Constantinopolitani, vel regis Hungariae obtinebant; idque Arbenenses publicis litteris testatum esse voluerunt triennio post confectis, atque in communi tabulario, quod Sanctuarium vocant, ad perpetuam posterorum memoriam depositis, quas hic subijcio.

Anno Dominice Incarnationis 1118. Indict. XI. Epacta 26. concurrente. Nos namque Arben. populus & Comes, & Communitas recommendationem veritatis & certitudinis facimus nostris successoribus heredibus dimittendum, qualiter Ordelaph. Faledicus Dux Venetiarum nobis juravit suis cum nobilibus Joanne Tervisan Capitulano Episcopo, Dominico Paulano, Dominico Michaele, & Marino Longiferraro, & cum pluribus aliis; praedictus Dux suo cum exercitu ibat Jadram; & nos misimus Baptistam, & Madiara Sege filium, Diaconos ad dictum Ducem, & exercitum ejus, dicentes, volumus dominio vestro subesse, & si Jadrenses noluerint, vel non potuerint, si voluntatis vestrae est, nos perpetuo retinere in consuetudine, statu, & libertate terrae nostrae; & promisit ei Dux; & iterum venerunt Arben. & ipse Dux cum superscriptis nobilibus hoc modo juravit, videlicet: Juramus vobis Arbenensibus & vestris heredibus, & successoribus perpetuo vestram consuetudinem, & statum vestrum, & libertatem terrae vestrae, potestatemque, quam antiquitus dicitis habuisse sub Imperatore Constantinopolitano, & sub rege Ungarorum, Praesulem vobis eligendi, & Comitum, confirmatione nobis reservata, nostraeque curiae; insuper vos regere, & manutenere, sicuti unam ex nostris oris Rivoalti; & sicuti vobis Dalmatinis Colomanus rex Ungariae juravit suis cum Archiepiscopis, Episcopis, & Comitibus, ut in breviario illo continetur. Actum est hoc in Arben. Ecclesia atri, in tempore praefati Praesulis, & Comitum.

Anno 1145. Eugenius III. simul Venetis de re Christiana optime meritis, simul Jadrensem postulatis obsequi cupiens, Ecclesiam Jadertinam jurisdictione Archiepiscopi Spalatenfis exemit, & dignitate ac potestate metropolitana donavit; eique tres insulares Episcopatus Arbensem, Veglensem, Absorensem attribuit. Itaque Episcopus & Ecclesia Arbensis adempta Spalatenfi ad provinciam Jadrensem in posterum pertinuit.

AN-

Bonus Ep. post quem duo tresve Episcopi desiderantur in catalogo.

\* nunc Archiepiscopo Spalatenf.

Arbenenses Ordelapho Faledro Duci Venetorum se dedunt.

Deditio Arbenensium.

Ecclesia Jadertina jure metropolitico donatur; eique Ecclesia Arbensis subijciuntur.

## ANDREAS EP. ARBENSIS XI.

Hujus nomen tabulis sæculo duodecimo confectis sæpe adscriptum invenio, & primum quidem ad annum 1177. Sebastianus Zianus Dux Venetorum castrum Kessæ insulæ donaverat Rogerio filio Domimici Mauroceni Comitis Jadræ. Hæc autem insula, quæ postea Pagus dicta est, jam inde antiquitus ad ditionem Ecclesiæ, & civitatis Arbenis pertinebat. Crescimus IV. rex Crobatiz eam bipartito diviserat; & partem superiorem septentrioni obversam, in qua castrum Kessæ, Arbensibus reliquerat, inferiorem vero ad meridiem Nonensi Ecclesiæ & civitati attribuerat. Hanc Jadrenses, vel derelictam a Nonensibus, vel a Venetis sibi concessam, ut Joannes Lucius exillimat, his temporibus possidebant. Arbensibus nescio quid litigii fuit cum Rogerio Dynasta, & Domino castrum Kessensis. Quidquid erat controversiæ diremit Lampridius Archiepiscopus Jadrensis anno 1177. mense Februario; qui etiam declaravit Arbensibus pariter ac Jadertinis commune jus esse pabulandi in hac insula, agros colendi, fructusque percipiendi, Arbensibus videlicet in ea parte, quæ ad illos pertinebat, Jadertinis vero in altera, quam illi obtinebant. Sententiam Lampridii laudavit, & subscripsit Andreas Episcopus, cum Cosma Archidiacono Arbeni: Maratha vero Archiepiscopo Arbenis, idemque Scriba Communis Arbensium exemplum sententiæ Lampridianæ litteris mandavit, suoque signo obsignavit. Anno Domini Jesu Christi 1177. men. Febr. Indiæ. XI. . . . Nos namque Lampridius Jadren. Sedis Archiepiscopus . . . Ego Andreas D. G. Arben. Episcopus m. m. miss. † Cosmas Arben. Archid. m. m. miss. † . . . Et ego Maratha Arben. Archiepiscopus ac Notarius hoc exemplum exemplavi . . . nec auxi, nec minui, compleri, & . . . consueto signavi. Habes hoc diploma integrum, sed multis lacunis intercisum, in Lampridio Metropolita Jadrensi.

Andreas Ep. Lampridii Archiepiscopus Jadrensis, qui litteram composuit inter Arbenes & Rogerium Dominum Kessæ, laudavit.

Synodus Diocesana.

Anno eodem 1177. habita est in æde cathedrali S. Mariæ synodus quædam diocesana, & Andrea Episcopo præsidente, eidem interfuerunt etiam Comes, & Judices civitatis. In hoc conventu Joannes diaconus, qui mortuo parente, matris viduæ, & fratrum ac sororum natu minorum curam susceperat, graviter exposulavit injuriam sibi fieri a Comite civitatis, quod ab se rationem domesticæ administrationis exposceret, quam soli Episcopo, utpote qui jurisdictione laica exemptus esset, reddere debebat. Æquitas exposulationis & cognita & probata fuit. Itaque Synodus frequens in hanc sententiam ivit, ut secundum Joannem decretum fieret in hæc verba.

Sententia Concilii secundum Joannem Diaconum.

Anno Domini MCLXXVII. Indiæ. XI. Tempore itaque Sebastiani Ziani Ducis, ac Andrea Episcopi & Nicolai Comitis, Stephani ac Michaelis Judicum. Nos quidem Arbensis clerus hanc testamenti cartulam fieri facimus posteris perpetuo habendam. Igitur cum præfatus Episcopus ac Comes & Judices una insimul cum aliis nobilibus hominibus, post altare S. Mariæ causa Consilii congregati essent; tunc quidam diaconus Joannes nomine proclamavit se vim pati a Comite dicens: Ego namque cum sim major omnium domus meæ, & mater vidua, fratres ac sorores sub me sint, unde ego de eis rationem facere debeo Domino Episcopo meo, Dom. Comes me cogit sibi

rationem facere. Tunc vero prænotatus Episcopus & clerus dederunt se in testimonium prædictorum Judicum ac aliorum nobilium de hoc jure Ecclesiæ. Ipsi nempe in Consilio venerunt & convocato Consilio testati sunt ita: quatenus clericus cum sub se matrem viduam habet, & ipse astate omnium fratrum ac sororum major est & una insimul omnia communiter habent & omnia communiter inveniunt ac perdunt & hoc probabile esse potuit, cui clericus rationem facere debet ipse & omnis eis domus, & si alias frater aut soror alicujus clerici in matrimonio se vinxerit, & a clerico exierit, & in domu per se moratus fuerit, jam ille non debet alicui rationem facere nisi Comiti; & clericus cum subiectis Episcopo: prædicti Judices testes; Albertus Betraldi testis. Dabrava Teodori testis. Petrus Zuane testis. Petrus Canatalie testis. Diminna Baxilii testis. Micha Silvestri testis, & nonnulli alii. Ego Stephanus Sanctæ Arbensis Ecclesiæ diaconus ac notarius scripsi & roboravi. Ego Gabriel scriptor sacri palatii notarius hoc exemplar exemplavi; & sicut in exemplari continebatur, ita & in isto continetur, nihil addens vel minuens, nisi quas in eo inveni existeret litteras, plus minusve; & roboravi signo meo atque S. Ego Michael Federici Dragi sacri palatii notarius hoc exemplavi, nihil addens vel minuens in eo, quod summam mutet, vel tenorem; & signum meum imposui consuetum.

In eandem fere sententiam anno 1185. conditum fuit decretum, in quo quædam sunt intellectu difficilia.

Anno D. N. J. C. M. C. octuagesimo V. Indictione octava. Tempore quidem Sebastiani Ziani Ducis Venetiarum, Dalmatiæ atque Croatiæ. Andreas Arben. Episcopus quæsit, & interrogavit duodecim homines, qui ad Ecclesiam Sancti Leonardi juraverunt indicare judicio & ostendere, quomodo navigare debeant suum Comitem, ut ipsi dicerent sub illo idem sacramento, quæ esset consuetudo viduarum; & ipsi videlicet Diminna Baxilii, Andreas Ergani, Lorentius Scorobagati, Marcius de manica boni, Zuanelius Szie, Stephanus Matine, & ceteri alii dixerunt, Consuetudo viduarum hæc est. Si vidua sub se filium habet clericum qui major aliis filiis est, mater & omnes qui sub se sunt, Episcopo subjacent de omnibus rationibus quas Comiti facere debuerunt; similiter dicimus quod Episcopus debet excusare tres homines quoscunque voluerit, hoc scimus & per verum dicimus testimoniis. Ego Stephanus Arbensis Ecclesiæ diaconus & notarius interfui, scripsi & roboravi. Ego Michael Federici Dragi sacri palatii notarius hoc exemplavi, nihil addens vel minuens in eo, quod summam mutet, vel valorem; & consuetum meum signum imposui.

Ego Joannes Petrus de Gauzigna Communis Arbensis Cancellarius a mihi fida manu ex authentico transcribere feci, & in fidem me subscripsi, & sigillavi.

Anno 1179. Andreas Episcopus Arbensis cum Lanfredio Abforenti, & Dabrone Vegleni Episcopis Romam se contulit, & Concilio III. generali Lateranensi interfuit, quod Alexander III. indixerat. Ab Actis ejusdem Concilii abest nomen Thebaldi Metropolitæ Jadertini; quippe qui Sedis Apostolicæ gratia exciderat, propterea quod Alexandro imperanti, ut Patriarcham Gradensem tamquam Primatem agnosceret, eique

Confirmatio ejusdem sententiæ.

Andreas interfuit Concilii III. Lateranensi.

que subjectum se, atque obsequentem præberet, parere noluisse.

Controver-  
siam inter  
Arbenses,  
& quosdam  
Dynastas  
Chrobatæ  
composuit.

Cum inter Arbenses & quosdam Dynastas Chrobatæ graves essent & perniciosæ inimicitie, jamque ad pugnam & cædem spectarent, Andréas Episcopus concordie & compositionis auctor fuit. Itaque in Ablanam convenerunt, qui locus erat in ora maritima e regione insule Arbensis, de cujus possessione inter se contendeant, & interventu Episcopi pax inter utrosque conciliata est, tutum ab omni injuria vel periculo commercium restitutum, jus promiscuum pabulandi, ligna cædendi, venandi utrisque datum in loco illo maritimo, de quo erat controversia; & cum ibidem Dynastæ illi Templum S. Nicolai ædificassent, hoc tum sibi, tum Arbensibus commune esse voluerunt. Hæc sunt tabulæ compositionis.

Anno Dominicæ Incarnationis 1179. Indiæ XII. Nos quidem Malichnicus filius Borislavi Jupanii, una cum fratre meo Strojano Jupano, & Porugano, ac Mirco filio Bogdani Jupani, & aliis nostris parentibus; cum in Ablana fuimus insimul cum Andrea Arbeni Episcopo, Stephano, & Micha Judicibus, Drabana Theodori, & aliis nobilibus, missi causa pacificandi controversiam, quæ inter nos, & Arbenses erat; pacificata controversia, placuit nobis renovare pacem & amicitiam cum Arbensibus, itaut ipsi securi, & omnia eorum secunda, tuta in partibus nostræ dominationis sint, ac pro posse nostro. . . possessio nostra quæ a parte maris est, sit communis tam vobis, quam nobis, pascendi, laborandi, venandi, & quidquid placuit, faciendi; & e contra nos, & nostra omnia sint secunda in dominatione vestra. Insuper Ecclesia S. Nicolai, quam ædificavimus, volumus quod Arbenses sint hereditarii ex ea, sicut & nos; omnia, quæ ad eam pertinent, communia sint tam Arbensium, quam nostrorum. Unde nos jubemus hanc cartulam fieri perpetuæ memoriæ commendandam; ut a modo in antea, & in perpetuum hoc firmum, & stabile permaneat. Ego Stephanus Arbensis, & Ecclesia Diaconus ac notarius jussu eorum scripsi, & roboravi vi. Kalend. Novembris. Ego Miratha Arben. Archidiaconus presbyter, & notarius hoc exemplum exemplavi, sicut in ejus matre reperi, nec auxi, nec minui, complevi, & roboravi, & signo consueto signavi. Ego Stephanus Georgii de Simone Examinator manum misi. Ego Antonius de Padua Imperiali auctor. Notarius Arbensis de mandato Curie Arbensis hoc exemplum exemplavi &c.

Petrus Fuscarenus  
Arbensem  
consuetudi-  
nes & pri-  
vilegia ser-  
vatum iri  
promittit.

Anno 1188. Jaderenses ne cogerentur a Venetis Metropolim & Ecclesiam suam Patriarchæ Gradensi subicere, in ditionem ac clientelam Belæ III. regis Hungariæ se contulerunt. Verum Arbenses in potestate fideque Venetorum constantissime perstantes, dignos se præbuerunt, quibus Petrus Fuscarenus jussu missique Henrici Danduli Ducis Venetiarum, Arbem profectus, in palatio episcopali coram Andrea Episcopo colaudata illorum fide, de statu, & privilegiis, & consuetudinibus Arbensium nihil immutatum iri juratus confirmavit.

In Christi nomine amen. Anno ab Incarnatione Domini 1193. Indiæ septima, mensis Septembris exeunte die septima. Tempore Dom. Henrici Danduli Ducis inclyti, atque Andrea Arben. Episcopi, & Petri Ziani Comititis. Ego quidem Petrus Fuscarenus, veniens Arben. civis. ex jussu dicti D. Ducis ad acquirendam fidelitatem a po-

pulo ejus civitatis, testificor in Deo coram vobis omnibus in hoc episcopali palatio, & in ea veritate, quæ Christus est, & in ipsa fide, quæ Christianus vocor, verum testimonium dico, quod Dom. Henricus Dux Venet. juravit super sacra Dei Evangelia statum & consuetudinem omnibus, & civitatibus, quæ sub districtu sui Ducatus videntur esse, eas in rectitudine & justitia tenere. Unde ego dictus Petrus præcipio M. Arben. notario hoc scriptum scribere, & firmare sub testimonio horum testium.

Ego Petrus Fuscarenus scripsi.

Ego M. filius Comititis B. de Veglia testis.

Ego Ve. & An. Balbi tt.

Ego Minto Arben. Presbyter ac Notarius jussu dicti Petri nobilis viri, & testis complevi & roboravi.

In aliis deinde monumentis nomen Andrea Episcopi nusquam apparet; ejus tamen vita & pontificatus prorogari potest ulque ad initium sæculi sequentis. Extremo hujus sæculi anno Innocentius III. Abbati & cœnobio S. Petri Arbensis omnia, quibus gaudebant, privilegia confirmavit; eorumque possessiones nominatim expressas auctoritate apostolica communivit.

Innocentius III.  
bona cœnobii Arbensis S. Petri apostolica auctoritate communivit.

Innocentius &c. Ugoni Abbati monasterii S. Petri de insula Arbeni, ejusque fratribus tam presentibus, quam futuris monasticam vitam professis in perpetuum. Pia postulatio voluntatis &c. Ordo monasticus, qui secundum Deum, & B. Benedicti regulam &c. Locum ipsum, in quo præfata ecclesia sita est, cum omnibus pertinentiis, & appendicibus suis, & terminis, qui sic distinguuntur. Primitus a capite macerie a monte usque ad rivum descendendo per rivum usque ad mare, & per mare ad molendina, & ascendendo per montis verticem, & eundo per illum usque in priora consinia. Ecclesiam S. Cypriani cum pertinentiis & appendiciis suis, & terminis, qui sic distinguuntur. A valle obscura usque in vallam de Frasinu; alia tres partes mare circumdant, una cum manumena, omnibusque scopulis: ad istum promontorium subjacentia, & valles, quæ sunt apud S. Cyprianum, & alia quæ sunt apud S. Petrum: inter quas salina vestra, & piscaria consistunt. Sane novallium &c. liceat quoque &c. Prohibemus insuper &c. Cum autem generale &c. Sepulturam quoque &c. Salva tamen &c. Obveniente vero &c. Libertates &c. Decernimus &c. salva Apostolica Sedis auctoritate, & diocesani Episcopi canonica justitia. Si qua igitur &c.

Datum Laterani per manum Rainaldi Domini Papæ notarii, Cancellarii vicem agentis viii. Cal. Junii indictione secunda, Incarnationis Dominicæ anno MCXCIX. Pontificatus vero Domini Innocentii Papæ tertii Anno secundo.

Arbæ collegium erat Virginum Ordinis Benedictini sub titulo, & patrocinio S. Andrea Apostoli. Cum Veneti anno 1201. Jaderam, quæ abhinc multis annis ab imperio defecerat, vehementer oppugnatam captamque evertissent; Viola Antistita Virginum Jadersium S. Demetrii, cum aliquibus sororibus, Arbem ad Virgines sui ordinis confugit. Religiosæ hospites ea, qua decebat, charitate & benevolentia exceptæ sunt, admittæque ad communem convivium. Sex fere annos ibidem diversatæ sunt, & victu, ceterisque rebus quam liberalissime commodissimeque habitæ fuerunt. Postquam Jaderinis venia donatis, & in gratiam receptis, redire ad patriam licuit; Viola cum sociis Jaderam

Virgines Benedictinæ Arbensis, Virgines Jaderinas ejusdem ordinis profugas recipiunt.



deram reverſa eſt; & cum cœnobium Demetria-  
num monachis Benediſtinis inſulæ Paſmaniz tra-  
ditum eſſe reperiffet, ad Virgines Benediſtinas  
S. Mariæ ſe contulit, quibulcum reliquam vi-  
tam tranquille pieque tranſegit.

## PRODANUS EP. ARBENSIS XII.

Prodanus  
Ep. inter-  
fuit condi-  
tionibus pa-  
cis inter  
Arbenſes &  
Senienſes.

Cui cognomen *de Lauro* fuiſſe docent tabulæ  
Capituli Arbenſis infra deſcribendæ ſub Jordano  
Epifcopo. Prodanus initia epifcopalia Valerius a  
Ponte, & alii catalogi epifcopales referunt ad  
annum 1208. ſed retrahenda eſſe ad annum 1205.  
declariant leges & conditiones, in quas eodem  
anno pax inter Arbenſes & Senienſes convenit;  
quibus ſanciendis Prodanus Epifcopus interfuiſſe  
legitur: *Anno Domini ab Incarnatione ejus 1205.  
menſe Madii Indictione VIII. Arbi. Nos namque  
Prodanus Arbenſis Epifcopus, Joannes Siſinulus  
ejuſdem loci Reſtor una cum noſtris Judicibus Dui-  
mo & Thilippo, & aliis noſtræ civitatis nobi-  
libus, Madio Tiane, Sergio Carine, & Marino  
Dimigne Blaſii, ac univerſa Communitate Ar-  
benſi, Terrinus Fr. Templariorum Segnienſium  
Dominator, Crivoſia Segnien. Serenicus Laſſine  
Curia, Duornicus Briſania Vertiglavi, Moyſes  
Judex, Sribren Curnaviz, Craſiz filius Raſſinne,  
Radoſlaus Preſſiz . . . & multi alii, qui ad  
hujus negotii cauſam tractandam pro Communi-  
tate illius loci Arbam venerunt, hanc recorda-  
tionis, & conſtitutionis cartam per manus nota-  
rii perpetualiter habendam fieri facimus de ordi-  
namento, quod ad invicem componentes pari vo-  
luntate ordinavimus. Volumus itaque, ut præſenti  
ſcripto ſtabilimus, & cetera, quæ ad hiftoriam  
Eccleſiaſticam non pertinent.*

Alberti  
Galzignæ  
poſteſtatem  
fecit Eccle-  
ſiæ conden-  
dæ in ho-  
norem S.  
Stephani.

Idem Prodanus anno 1212. poteſtatem fecit  
Alberto Galzignæ ſive Gauzignæ civi Arbenſi  
opulento ac pio ædificandi dotandique templi,  
quod in honorem S. Stephani Protomartyris  
Deo conſecrare cupiebat.

In Chriſti nomine Amen. Anno Nativitatis  
ejuſdem 1212. Ind. prima, die tertia Menſis Ja-  
nuarii. Temporibus equidem D. Petri Ziani in-  
cleyti Ducis Venetiarum, Dalmatiæ & Croatia,  
& Vener. in Chriſto Patris & Domini Prodanus  
Epifcopi Arben. nec non egregii Marci Mauro-  
ceno honorabilis Comititis Arben. &c. In epifco-  
pali palatio Arbenſi, congregato Capitulo per  
eundem Dom. Epifcopum ad ſonum campanæ mo-  
re ſolito cum prælatis videlicet Archidiacono,  
Archipreſbytero, Primicerio, & cæteris Canoni-  
cis. Ibiſque vir nobilis D. Albertus q. Matthæi  
de Gauzigna, tamquam ſenior ſtirpis cum omni-  
bus propinquis ditte domus de Gauzigna ſexus  
maſculini civibus Arbenſibus ſe ſiſtitit in epifco-  
pali palatio coram Epifcopo Prodanus, & Capi-  
tulo convocato ibidem. Expoſuit ſuam & eorum-  
dem magnam erga B. Stephanum devotionem,  
& oravit enixe Epifcopum & Canonicos, ut  
concederent facultatem ſupra Turrim ad eos ſpe-  
ſtantiem, & exiſtenti ſupra Catribum, ædifican-  
di unam eccleſiam ad honorem prædicti Sancti.  
Item ut ipſe & progenies ſexus maſculini habeant  
in eadem Eccleſiam ædificandam juſpatronatum  
cum libertate eligendi Capellanus ab Epifcopo  
conſirmandum. Epifcopus cum ſuis prælatis, &  
toto ſuo Capitulo ibidem congregato conſenſit, ut  
dicti Gauzigna poſſent fieri facere ad honorem D.  
Stephani Eccleſiam, vel capellam cum paſtis &  
conditionibus ſuperius tactis, & inferius conten-  
tis; ſcilicet, quod primo Eccleſia ſit congrue da-

tata, 2. quod Capellanus ſi non eligatur intra  
ſex menſes, electio ad Epifcopum intelligatur de-  
voluta.

Quo anno Prodanus Eccleſiæ Arbenſis regi-  
men ſuſcepit, Petrus Zianus, antea Comes ſeu  
Prætor Arbæ, Venetum principatum obtinuit;  
& eodem anno 1205. vetera Arbenſium privi-  
legia confirmavit, ut conſtat ex ejus diploma-  
te apud Joannem Lucium lib. iv. cap. viii. de  
Regn. Dal. & Croat.

## VENANTIUS EP. ARBENSIS XIII.

Abeſt ab omnibus catalogis epifcopalibus; ſed  
pontificatus Arbenſis a Venantio ſulcepti, ge-  
ſtisque fidem faciunt tabulæ compositionis & pa-  
cis inter Arbenſes & Sibeniceſes redintegra-  
tæ, quæ ſunt hujusmodi: *Anno 1216. Indiſt. 5.  
die 12. intrante Octobris Sibenici. Temporibus  
equidem Domini Petri Ziani incleyti Ducis Venet.  
Dalmatiæ, atque Croatia, & Venantii Arben.  
Epifcopi, & Marci Maſtropetri egregii Comititis.  
Ego namque Damaldus Spalaten. ac Sibeniceſ.  
Comes, pro me meiſque hominibus de Sibenico;  
& ego Marcus Maſtropetro Arben. Comes pro  
me & Communitate Arbenſi univerſa, hoc in-  
ſtrumentum pacis & concordie perpetualiter ha-  
bendum fieri jubemus, tali videlicet modo, quod  
quidquid offenſionis ex utraque hætenus extitit,  
ex toto penitus remittatur, præter quod homi-  
nes de Sibenico vobis Domino Marco Maſtropetro,  
& veſtræ Communitati Arbenſi hinc ad fe-  
ſtum beatorum Apoſtolorum Petri & Pauli pri-  
mitus venturum . . . centum perperos aureos  
bonos juſti ponderis pro damno ab ipſis vobis fa-  
cto dare teneantur. Quos ſi in termino præſcri-  
pto vobis ſolvere non curaverint &c.*

## ANDREAS II. EP. ARBENSIS XIV.

Quem Joannes Lucas Garagninus, qui \* nunc  
hanc Eccleſiam ſapientiſſime gubernat, catalogo  
Antiftitum Arbenſium mihi tradito intexuit,  
ex quodam inſtrumento ſub Anno MCCXX. Vale-  
rius a Ponte, & alii catalogi, Venantio & An-  
drea prætermiſſis Joannem quemdam electum Pro-  
dano proxime ſubjiciunt an. 1225. Sed ne an-  
num quidem integrum Joannes Epifcopi electi  
nomen geſſit. Eodem quippe anno 1225. admi-  
niſtrationem hujus Eccleſiæ ſuſcepit

\* nunc Ar-  
chiepiſco-  
pus Spala-  
tenſis.

## JORDANUS EP. ARBENSIS XV.

Ad hanc Eccleſiam regendam acceſſit ex mo-  
naſterio S. Chryſogoni Jadrenſis, cujus cœno-  
biarcha fuerat, ut eſt in catalogo Abbatum  
ejuſdem monaſterii: *Jordanus Epifcopus Arben-  
ſis, qui poſt mortem Vincentii Abbatis S. Chry-  
ſogoni electus fuit. Ab anno 1225. uſque ad  
an. 1238. Jordani Epifcopi nomen reperitur in  
tabulis Arbenſium. Singulis civitatis ordinibus,  
ac præſertim nobilitati æque clarus & venera-  
bilis fuit; nam paterna quadam erga omnes cha-  
ritate, eximiis virtutibus, ſingulari vitæ in-  
nocentia & ſanctitate, benevolentiam pariter  
ac venerationem ſibi conciliabat. Bonorum o-  
mnium Eccleſiæ, & menſæ epifcopalis nomina,  
poſitiones, & fines recenſeri deſcribique juſſit,  
teſtibus juratis adhibitis, qui fidem facerent  
illa omnia eſſe ac fuiſſe juris eccleſiaſtici. Hu-  
jus recenſionis tabulæ ſervantur in archivo Ca-  
pituli Arbenſis.*

Jordanus  
e cœno-  
biarcha S.  
Chryſogo-  
ni Epifc.  
Arben.

Bona eccle-  
ſiaſtica re-  
cenſuit,  
atque in  
tabulis de-  
ſcripſit.

Anno

Anno Dominica Incarnationis 1229. Indiſt. 3. Mensis Februarii die 5. exeunte, Arbi. Temporibus quidem Dom. Jacobi Teupolo incliti Ducis Venet. Dalmatia atque Croatia, & Jordani Venerab. Arben. Episcopi, & Mag. Petri egregii Comit. Quoniam ab humanis mentibus cito delabitur quod in scriptis non fuerit redactum; idcirco Ego Jordanus Arben. Episcopus superius nominatus hoc scriptum recordationis fieri jubeo de terris, & vineis, & aliis jurisdictionibus mei Episcopatus, & mea Ecclesie Arbensis. Cum penitus ignorentur jura mei Episcopatus, & mea Ecclesie, de voluntate suprascripti Dom. Comit. & totius Communitatis Arbensis jurare feci tres clericos, atque tres laicos, quorum nomina sunt hac, Ursus quondam Abbas S. Petri, Designa Archipresbyter, Stephanus presbyter, Philippus filius quondam Fusci Judex, Julianus, atque Designa filius quondam Micali, ut secundum quod scirent, & a suis predecessoribus audierunt, jura mei Episcopatus, & Ecclesie mihi probarent, & demonstrarent. In primis Designa Archipresbyter juratus dixit se audisse a suis predecessoribus, quod locus ille, qui dicitur Salbinus positus juxta montem S. Damiani cum tota . . . locello qui dicitur Potueto, & Pulveraria tota usque ad Lapidum, & vinea cum terra, quam tenet Andreas Potestas prope fontem Bonifacii, & totus mons de Sciro, & locellus qui dicitur Catilla, totus positus prope ad Schirum, & totum Pluginum usque ad Drinduli, & locus, qui dicitur Campus de Pino, & terra de Valliella, & terra tota de Portamo, & terra de Sassi erant, & extiterunt, Ecclesie S. Mariae, & vinea, quam tenet Ugolus frater quondam PRODANI Episcopi de LAURO, ac quondam Episcopus Andreas eam tenebat, & idem Archipresbyter in ea laboraverat, & vallis plana, & vinea uxoris quondam Lampridii de Bagnolo, & Gurgum quondam Catalella de Marano, & monticellus de Cupellago, quem tenet Madius Ginani, erant suprascriptae Ecclesie secundum quod audierat.

Stephanus Sacerdos juratus dixit eo modo, sicut suprascriptus Designa dixit; addens praterea, quod cum esset quartarius praedicti Prodani Episcopi vendidit terram, in qua presbyter Drasimerus habet vineam in Sabuno; vinea Marina Gerdussa, & vinea quondam Fanfogna, & vinea Bivaldi, & vinea Petri Buzola, & vinea Cypriani Veglensis, & vinea Joannis Fligulini, & vinea Locave, & vinea filiorum Maltrana, & vinea Nicole Magnorelli, & vinea Joannis presbyteri de Bencina; audierat quod cum vinea Drasigne Stanne, & vinea . . . fuerunt terra Ecclesie S. Mariae, dicens se vendidisse locum, quem tenet Ragaza cum Episcopo Andrea, & cum Brugnolo quondam quartario; & vinea Madii Bertaldi, & vinea Calende, & pastinum Orient, & vinea Designa Viltzi, & vinea filiorum Lampridii Costizza, audierat, quod essent in terris suprascriptae Ecclesie, quae omnes sunt in Galbano.

Philippus Judex juratus dixit se audisse a suo patre, & a suis predecessoribus, quod a via, qua venit a monte S. Damiani, usque ad viam publicam, & inde eundo versus austrum usque ad vineam S. Petri, & vineam Cotopagne, totum fuit de quarto; & audierat quod vinea Vezoli suprascripta fuerat propria Ecclesie S. Mariae, & vinea uxoris Lampridii suprascripta simili modo, & Gurgium Vazatrichi, quod tenet Vitus Zadolini.

Designa juratus dixit se audisse ita verum esse, sicut suprascripti Designa & Stephanus dixerunt.

Julianus juratus dixit eodem modo, quod alii supradicti dixerunt; excepto de vinea & terra suprascripti Andreae, de qua nihil dixit.

Ursus juratus dixit sicut alii suprascripti dixerunt. De salinis positus in capite Comorcarii, suprascripti Ursus, Designa, Stephanus, atque Julianus dixerunt, quod erant Ecclesie S. Mariae, quia Episcopus Andreas eas fecit, & Ecclesie dimisit; & dixerunt molendinum positum prope monasterium S. Petri, cum tribus terris ibidem positus cum terra una posita in Marano prope terras Duimi Brane, esse suprascripti Episcopatus; dicentes praterea praeordinati Ursus, Designa, & Stephanus, quod torcular positum prope domum Perda Cotroni erat Ecclesie suprascriptae, addens idem Archipresbyter se vidisse unum & alium Episcopum de eo reditus habuisse. Item suprascriptus Stephanus dixit, quod omnes vineae de quarto a 20. modis superius debeant dare unum modium Episcopo. Item Designa Archipresbyter dixit se vidisse habentes vineas de quarto dare unum utrem vini Episcopo Andreae. Acta sunt haec coram hic appositis testibus Stephano Archidiacono &c.

Cum nova dissidia diremissent amicitiam & commercium ante aliquot annos constitutum inter Arbenſes, & Senientes, Jordanus utrumque redintegravit anno 1234. & in eadem leges pacem composuit, & mercandi societatem stabilivit, quas anno 1222. Prodanus Episcopus praescripserat. Confectum est redintegratae pacis & societatis diploma, cujus initium est hujusmodi: In nomine Domini. Anno ejusdem Incarn. millesimo CC. tricesimo quarto, Indictione VIII. mense Octobris. Arb. Temporibus equidem Domini nostri Jacobi Teupoli incliti Ducis Venet. Dalmat. atque Crobat. & Jordan. ven. Arben. Episcopi. Ne processu temporis ducatur in dubium, & a memoria recedat, quod subtili statuitur ordinatione; idcirco Dom. Jordanus Arben. Episcopus, Christoforus Mald. Nicholaus de rusaldo, & Ciprianus de . . . pro tota Communitate Arben. fuerunt electi ad refecandam omnem controversiam, quae inter civitatem Arben., & civitatem Segnien. suborta esse videbatur; & Fr. Radoslaus domus Templi de Segna &c. simili modo pro sua Communitate fuerunt electi ad eandem controversiam refecandam, hanc recordationis cartam per manus Not. perpetualiter, firmiter habendam & tenendam fieri jusserunt. In primis itaque pari & concordanti voluntate affirmantes perpetuo illud instrumentum confectum, & corroboratum per manus quondam Pot. Diac. Arben. notar. tenor cujus talis est. In nomine Domini; ann. ab Incarnat. ejus M. CC. quinto, mense Madii Indictione VIII. Arb. Nos Trodanus Arben. Episc. &c. Hic insertum est diploma illud, cujus initium supra descriptum fuit in actis Prodani. Extremis sui Pontificatus annis apud plebrosque optimatum, & civium suboffendit. Ecclesia S. Martini, rectore ante biennium vita functo, vacabat. Ex utroque ordine optimatum & civium sane multi erant hujus Ecclesiae Patroni, qui ad eam aedificandam, atque idoneis proventibus dotandam, pro sua quisque parte, vel pecuniam, vel fundos contulerant. Ad hos igitur jus nominandi rectoris pertinebat, potestas approbandi penes Episcopum erat. Post mortem presbyteri eidem Ecclesiae praepositi

Senientes  
Arbenſes  
reconcilia-  
vit.

Ecclesiam  
S. Martini  
jamdudum  
vacantem

Metropoli-  
ta Jadrensis  
contulit  
Jordano  
Episcopo

ejusdem pa-  
tronis re-  
clamanti-  
bus.

fiti neminem nominarunt; sed satius esse duxerunt annuos ejusdem redditus oppignerari, seu convertere ad res commune alienum, quo civitas pręgravata erat, dissolvendum: id quod sane non licebat; nam quę semel Deo, vel Ecclesię addicta sunt, nec alienari, nec oppignerari possunt, pręsertim ad ulus profanos. Duo jam anni effluxerant, cum Ecclesię S. Martini & sacerdote & sacrificiis carebat; ne diutius careret, curare ac providere suas partes esse duxit Metropolitę Jadrensis; & sacerdotium S. Martini contulit Jordano Episcopo; cum ceteroquin post diuturnam illam vacationem potestas illius Ecclesię conferendę, nominandique Rectoris, jampridem devoluta fuisset ad Sedem Apostolicam. At patroni ejusdem Ecclesię reclamant; nec vero diffitebantur sibi tunc quidem jus nullum esse eligendi pręsidem Ecclesię S. Martini, quod propter nimiam dilationem interpositam amiserunt; verum nec Archiepiscopo esse, cum e pręscripto Canonum pertineret ad Pontificem Romanum. Ut vero quidquid peccassent res ecclesiasticas pignerando, convertendoque ad inopiam civitatis sublevandam, corrigerent & expiarent; de communi sententia, juspatronatum ultro dimiserunt, & Ecclesię S. Martini cum omnibus fundis, & vestigalibus eidem annexis, donarunt ædi cathedrali S. Marię, quę reparatione indigebat; ejusque facultates tenuiores erant, quam ut satis rectis restaurandis sufficerent. Hanc donationem ut confirmaret, Episcopum iterum ac sæpius rogarunt; ille constantissime abnuit, ne scilicet collato sibi sacerdotio privaretur; negabat siquidem integrum illis esse Ecclesię S. Martini cuicumque alteri vel tradere, vel donare, postquam ejus obtinendę jus per collationem archiepiscopalem ipse obtinuisset. Cum obstarent, ne possessionem adiret; & post trinam admonitionem ei repugnare non desisterent; omnia, quę possidebant, loca interdicto supposita. Illi Romanum Pontificem appellarunt, atque ut donationem ab se factam auctoritate apostolica confirmaret, supplicibus litteris omnium nomine subsignatis petierunt. Hęc in tabulas relata sunt, atque ad hunc modum exposita.

Anno Domini 1237. Indiotione X. mense Maji, XI. die exeunte. Arba. Tempore quidem Domini nostri Jacobi Teupoli Dei gratia inclyti Ducis Venet. Dalmatię atque Croatia, & D. Jordani Ven. Episcopi Arbensis, & Rogerii Mauroceni egregii Comit. Cum sit consuetudinis civitatis Arbensis, ut defuncto capellano cujuscumque Ecclesię, fundatores ipsius Ecclesię capellani eligere debeant, & ipsius electionis confirmatio ad ipsorum Episcopum spectet; idcirco nos omnes, quorum nomina inferius continentur, fundatores Ecclesię S. Martini de Barbato, Arbensis diocesis, videntes civitatem nostram . . . & ingruente nimia necessitate de ipso debito nostro Comuni solvendo; de pari & concordii voluntate prælator. & totius Arbensis Capituli, nec non de beneplacito Dom. Comit. consiliariorum, & universę Communitatis, pignori locare disposuimus redditus Ecclesię nominata, secundum quod in publico instrumento evidenter apparet, quos Arbensis Communitas termino, quo iidem redditus tenebantur esse pignori obligati, nix medietatem redimere Curarunt. Igitur cum cathedralis Ecclesię S. Marię nostra civitatis plurimum indigeat reparatione, nec in ipsius edificio propria suffi-

Illyrici Sacri Tom. V.

cient facultates; Nos de consensu, & concordii voluntate Dom. Comit. & totius Communitatis, & majoris partis prælatorum, & totius Capituli, unanimiter possessiones suprascriptę Ecclesię in usum & utilitatem S. Marię cathedralis Ecclesię nostrę condonavimus. Verum quia elapsis duobus annis, ex quo Ecclesię supradictę capellano vacabat, Dom. Jadrensis Archiepiscopus Dom. Jordanum Episcopum nostrum instituerat capellanum, quod facere minime debuerat, quia sicut diximus, duobus annis jam elapsis institutio capellani non ad ipsum, sed ad Dominum Apostolicum de jure spectabat. Qua de re idem Episcopus noster duos Canonicos D. & M. malitiose sociavit, in quos a quibusdam paucis fundatoribus electi dicitur facta fuisse, volens cum ipsis in tres partes dividere prędictas possessiones, majori Ecclesię defraudata. Nos igitur statum & honorem Cathedralis Ecclesię sublimare volentes, pro restauratione & comodo sæpe dictę Ecclesię, jam dictam Ecclesię S. Martini cum suis redditibus refutavimus, & condonavimus nominatę S. Marię, nostrum Episcopum postulantes, ut super hoc canonico jure confirmationis munus pręberet, quod idem facere renuit; sed quod deterius est, totam terram nostram suppositum interdicto in nostrum pręjudicium, & non modicum gravamen, a quo nos Sedem Apostolicam appellavimus. Hęc sunt igitur nomina fundatorum, Christophorus Maldius noster, Christophorus Judex, Alkertus, Duimus &c. Omnes quidem suprascripti fundatores, sicut jam sæpius prętaxatum est, de propria, & pari, & concordii voluntate Dom. Comit. & majoris partis Capituli, ac totius Communitatis Arbensis Ecclesię suprascriptam B. Martini de Barbato cum omnibus redditibus suis refutamus, condonamus in usum & utilitatem, ac restaurationem cathedrali Ecclesię S. Marię, quiete ac perpetuo possidendam; quam refutationem, & condonationem, quia Dom. Jordanus Episcopus noluit confirmare, apostolico petimus munimine roborari.

Ego Christophorus Cotopagne Examinator & Judex manu mea scripsi.

Et ego Sergius Arbensis notarius de precepto supradicti Dom. Comit. & ipsius curię, hanc postulationem, & appellationem scripsi, completi, & roboravi.

Anno 1236. Rogerius filius Petri, nepos Rogerii Mauroceni ejus, cui Sebastianus Zianus Dux Venetorum castrum Kessę in insula Pago fiduciarium dederat, una cum fratre suo Leonardo, tum hoc castellum, tum etiam Novaliam Comit. & Comuni Arbensium restituit, ut est in tabulis Arbensibus: 1236. tertia Julii Rogerius & Leonardus filii quondam Petri Comit. Absarentis renunciant Comiti Arbi castrum Kessę & Novaliam. Igitur Arbenes grati animi causa eundem Rogerium sibi in Comit. seu Rectorem elegerunt, qui hanc pręcuram adhuc retinebat anno 1243. Sed castri Kessensis sub initium hujus sæculi ab Jadertinis evergi nihil fere, pręter rudera ædificiorum, supererat. Exinde Arbenes Rectorem ad insulam Pagum mittere solent, qui Novalię sedem habet. Pagus itaque, antea Kessę, insula, cum ante regnum Cresimiri tota atque integra pertineret ad civitatem & Ecclesię Arbensis, nunc bifariam divisa est; superior ad septentrionem particula Rectori & Episcopo Arbeni subest, pars vero major ad meridiem, tum Arbensium, tum Jadrensi jurisdictioni exempta, proprium qui-

Castrum  
Kessę &  
Novalia  
in Pago in-  
sula Arben-  
sibus red-  
dita.

quidem in urbe Pago Comitum sive Praetorem Venetum habet, sed diocesis Jadertinae finibus continetur. Jordanus anno 1239. e vita decedens, sedem vacuam successori reliquit.

#### PAULLUS EP. ARBENSIS XVI,

Paullus Ep.  
Arbensis  
duos habuit  
competito-  
res G. &  
M. Petru-  
lum.

De quo nihil, praeter nomen ad annos 1239. & 1243. in catalogis episcopalibus scriptum. Duos competitores, sive æmulos habuit, qui *Electi* nomen iocunde gesserunt; at illis defuit tum consecratio, tum potestas episcopalis. Nomen alterius ab littera G. initium ducebat, eique titulus Magistri praepositus erat. Cum Thomas Archidiaconus Spalatensis lites illas composuit, quæ Episcopo & Capitulo Tragurienti erant cum clero Sibenicensi, huic compositioni ac sententiæ testis approbatorque interfuit Magister G. Arbensis electus: *Actum est in curia archiepiscopali, praesentibus videlicet jam dicto Episcopo (idest Tragurienti) Magistro G. Arbensis electo &c. Datum Spalati anno Domini 1240. mens. Februario die tertia intrante.* Alter fuit Marcus Petulus Canonicus S. Marci, & Cancellarius Domini Ducis, electus a Dominico Archiepiscopo Jadrensi, ut est in catalogo Antistitum Arbensium, quem Valerius a Ponte Archidiaconus Jadertinus ex antiquis monumentis collegit, Metropolim Jadrensem tum regebat Dominicus Francus ortu Venetus, qui sive ut patriæ, sive ut Venetorum Duci gratificaretur, huic civi suo Ecclesiam Arbensensem sibi subjectam conferre voluit. Sed cum Episcopi Arbensis eligendi jus nullum esset Metropolim Jadrensi, quem ipse elegerat, merito rejectus est. Alterius vero rejiciendi quæ causa fuerit, mihi non liquet. Certe Paulus duobus illis electis Episcopis praëlatus, sedem Arbensiem obtinuit, quem adhuc retinebat anno 1243. Neque ante annum 1249. alium diversi nominis Episcopum illi subrogatum invenio.

Arbensium  
erga Vene-  
tos fides &  
constantia.

Anno 1243. cum Veneti Jaderam, quæ ad Hungaros defecerat, recepissent, & coloniam Venetorum, incolis in fugam consternatis, illuc deduxissent; Arbenfes sua erga Venetos fide novo sacramento confirmata, cum Veglensibus, & recentibus Jaderæ colonis societatem coiverunt persequendi terra marique tum Jadertinos profugos & rebelles, tum Cucitas maritimos prædones. Tabulæ socialis fœderis Arbæ confectæ sunt, in quibus nominatur Paullus Episcopus: *Anno Dominica Incarnationis 1243. Indict. 1. mens. Novembr. die 3. exeunte. Arbi. Temporibus equidem Domini Nostri Jacobi Tropolim incliti Ducis Venet. Dalm. atque Croat. & Pauli Arbensis Episcopi, & Rugerii Mauroceni egregii Comit. Cum denuo &c.*

Bela rex  
Hungariæ  
Jadera po-  
tius Fran-  
querium  
Ep. Arben-  
sem nomi-  
navit.

Bela IV. rex Hungariæ Jadera, per Jadrensem a Veneto imperio defectionem, potitus ad breve tempus, dum adhuc fortassis inter eos, quos dixi competitores de Arbenfi Episcopatu contentio erat, quamvis Arba in potestate fideque Venetorum maneret, illius Episcopi nominandi potestatem nescio quo jure fretus usurpavit. Nominavit autem quemdam Franquerium, cui etiam Scribæ regii munus vicarium contulit. Hic autem anno 1255. adhuc nomen inane *Electi* Arbensis gerebat; sed illa episcopali sede perpetuo caruit. Id intelligi potest ex diplomate ejusdem regis, qui Comitatum seu principatum urbis Senie Friderico & Bartholomæo de Frangipanibus egregie de se meritis dona-

vit: *Datum per manus discreti viri Franquerii electi Arbensis, aulæ nostræ V. Cancellarii, dilecti & fidelis nostri. Anno Domini MCCLX. (1255. ex correctione Joannis Lucii) Regni autem nostri XX.* Sed ut ingenue fatear quod sentio, vereor ne vocabulum *Arbensis* unius litteræ mutatione depravatum sit, & *Albensis* legi oporteat; praesertim cum sæpe in privilegiis regum Hungariæ titulum *Vice-Cancellarii aulæ regiae Praepositi Albensibus* attributum inveniam. Paullus vitam & pontificatum perduxit usque ad annum undequinquagesimum hujus sæculi decimi quarti.

#### STEPHANUS EP. ARBENSIS XVII,

De Domine, seu de Dominis cognominatus, ex perantiqua & perillustri inter Arbenfes familia; cujus episcopale initium anno 1249. e sede ac vita decessum anno 1258. affixit catalogus Antistitum Arbensium, qui asservatur in tabulario capitulari: *Stephanus de Domine ingressus est 1249. obiit 1258.* Nominatur in tabulis pacis & concordie, quam Saracinus Episcopus Corbaviensis anno 1251. conciliavit inter Arbensis & Zupanum Nemagnam Chrobatæ Dynastam, qui de rebus ac bonis, quæ Arbenfes in Ablana, ejusque agro possidebant, multa per vim aut fraudem abstulerat: *Anno Domini 1251. Indict. 9. exeunte Julio apud Ecclesiam S. Nicolai de Ablana: Temporibus quidem Domini nostri Marini Mauroceni incliti Ducis Venetiarum, & Ven. Stephani Episcopi Arbensis &c.* Nos quidem Saracinus Corbaviensis Episcopus &c. Hoc eodem anno Stephanus Banus totius Slavoniæ, cum oppidum & arcem prope oram maritimam, contra insulam Arbensensem in edito loco, cui nomen erat *Jablanich*, ædificasset, Arbensibus petentibus habitandam tradidit iis conditionibus, quæ neque Venetis, quorum imperio suberant Arbenfes, neque Belæ IV. regi Hungariæ, cujus in ditione locus erat, displicerent. Hæ conditiones descriptæ sunt in tabulis anno 1251. confectis, quas Joannes Lucius lib. IV. cap. IX. de Reg. Dalm. & Croat. inseruit. Arbensine, an Seniensis diocesis finibus nova civitas, & colonia Arbensium contineretur, mihi non est compertum.

Castellum  
Jablanich  
in Japydia  
traditum  
Arbensibus.

Cænobiarchæ, & Monachis S. Petri cum Episcopo & Canonicis Arbensibus multæ ac diuturnæ controversiæ fuerunt. His ut finem aliquando afferret Stephanus Episcopus, Comitum Arbæ & Abbatem S. Stephani de Barbuto arbitros elegit, qui ex æquo & bono lites omnes diremerunt, quibusdam utrique parti oneribus & conditionibus impositis, quibus eximere se neutris liceret. Idem vero Stephanus, ut monachorum benevolentiam magis magisque sibi conciliaret; diploma Dragi Arbensis Episcopi, & privilegia cænobio S. Petri collata suis ipse litteris publici tabellionis manu descriptis confirmavit.

Lites inter  
Episcopos  
& Monachos  
S. Petri compe-  
sita.

Nos Stephanus miseratione divina Arbensis Episcopus prædictam donationem, seu concessionem manifeste cognoscens, fuisse sanctam, ac etiam in utilitatem, & profectum tam Ecclesiæ nostræ, quam monasterii, rectam & firmam habentes, eandem, ut majus robur contineat firmitatis, sicut in originali sigillum prædicti Episcopi Draghi prædecessoris nostri conspeximus dependere, sigillo nostro pendenti jussimus communi-  
nare: præcipientes etiam ad majorem cautelam, & per-

et perpetuam firmitatem, eandem donationem redigi in publicum instrumentum. Excommunicamus omnes, qui contra prædictam donationem venire præsumpserint, jura et libertatem ipsius monasterii violando. Actum in Arbenſi Episcopatu.

Ego Michael Friderici Imperatoris sacri palatii notarius exemplavi, nil addens vel minuens, quod sententiam mutet, vel tenorem. Et de licentia et mandato Domini Episcopi scripsi, complevi, roboravi.

Rogero Mauroceno aut vita functo, aut prætura Arbenſi abeunte, Marcus Zianus anno 1253. regimen urbis cum titulo Comitis suscepit. Cum illum magistratum iniret, in leges quasdam juravit, quas ab se in jure dicundo, re publica administranda servatum iri promisit. Ex his duæ sunt, quæ ad rem ecclesiasticam pertinent. Altera hæc est, quod Dominus Comes manutenebit cathedralem Ecclesiam et Capitulum Arbenſe in suo statu, secundum quod Deus et ratio postulat et requirit: altera vero, quod D. Comes non debet se intrinſecus de monasterio Arbenſi, nec advocatus ejus esse.

In tabulis publicis Arbenſium anno 1258. confectis inscriptum est nomen Ven. Stephani Episcopi Arbenſis. in aliis deinde nullis posteriorum temporum apparet; ex quo conjici potest vel hoc anno, vel huic proximo mortuum esse.

## GREGORIUS II. EP. ARBENSIS XVIII.

Cognominatus de Hermolais, cui Costizza alterum cognomen fuit. Familia de Hermolais, quæ huic Ecclesiæ plures Episcopos dedit, in primis inter Arbenſes tum claritate generis, tum divitiarum copia florebat. In catalogis episcopalis, et monumentis illorum temporum alias Georgium, alias Gregorium nominatum invenio. Cum magistratus, et Consilium civitatis decimas quasdam Episcopo et Capituloolvere abnuerent, quas neque debitas, et præter consuetudinem esse affirmabant; in eos Gregorius interdicti sententiam tulit. Illi vero postquam verecunde, et reverenter de injuria sibi facta nequidquam expostulassent, ad Patriarcham Gradenſem, Primate Dalmatiæ appellarunt.

Anno Domini millesimo ducentesimo sexagesimo octavo, Indictione undecima, die nono exeunte Augusti, Arbi. Temporibus equidem Domini nostri Laurentii Teupolo, incliti Ducis Venet. etc. Venerab. Gregorii de Costizza Arbenſis Episcopi, et Marci Badoarii egregii Comititis, præsentibus Georgio quondam Simonis, et Joanne Nicole. Cum vos Pater Venerab. Gregorius Dei gratia Episcopus supra dictus tam per vos, quam vestri Capituli universitatem decimas non consuetas territoriarum Communis Arbenſis requisieritis dudum, tandemque Rectores civitatis, et ejusdem Consilium sub interdicto ponentes, hoc est privantes audientia celebrationis divinæ; unde nos Crosse de . . . ac judices, Hermolaus Matthæi, Martinus de Sloviga, et Stephanus de . . . seu Arbenſe Consilium, et Communitas universa sentientes nos exinde indebite aggravatos; tamen veluti devoti filii sanctæ Matris Ecclesiæ, qui Patris indebite indignantis . . . sustinimus, pro firmo credentes, quod nostra mansuetudine filiali, in dicta petitione, et gravaminibus . . . satis indebite contra nos factis de-

Illyrici Sacri Tom. V.

sistere deberetis; cum satis congruis et honestis defensionibus usi fuerimus in hac parte, dicentes: eligantur presbyteri, et fideles viri tam clerici, quam laici omni fide dignissimi, qui banc quæstionem debito fine definiant; et ut circumstantium finitimorum Dalmatinorum tam Communitatum, quam nobilium aliorum super hoc defensionibus terminatio requiratur. Unde cum nostras defensiones supradictas, et alias plures satis idoneas admittere non curavistis in hac parte pro satisfactio; nihilominus . . . nosque ob hoc tamquam innoxii incommode aggravati, ab omni gravamine per vos factio et faciendo, a vobis . . . suspecto iudice remoti, audientiam Venerab. Patris Gradenſis Patriarchæ, Dalmatiæque Primatis . . . in scriptis petimus. Ego Martinus de Sloviga iudex ac examinatore manu mea. Ego Marinus . . . Arbenſis notarius, scripsi, complevi, et roboravi, et consueto signo signavi.

Erat tunc Patriarcha Gradenſis Angelus Maltraversus, idemque Primas Dalmatiæ; sed quam tulerit sententiam, utris causam adjudicaverit, litteris proditum non invenio. In civitate Arbenſi collegium erat virginum ordinis Benedictini, sub titulo ac tutela S. Joannis Evangelistæ. Cum ad miram paucitatem essent redactæ, ob eamque causam a monachali disciplina degenerare cœpissent; eas Gregorius Episcopus ad alterum ejusdem ordinis monasterium tranſtulit, et cum Virginibus itidem Benedictinis S. Andreæ conjunxit. Templum vero et cœnobium S. Joannis Baptistæ Patribus Franciscanis tradidit, quod nunc possident Patres ex eadem S. Francisci familia, quos Conventuales vocant.

In Christi nomine Amen. Anno Domini millesimo, ducentesimo, octuagesimo septimo, Indictione quintadecima, die quinta exeunte mense Maji. Cum nos Gregorius Dei gratia Episcopus Arbenſis.

Monasterium sic vacans de jure conferimus, donamus, et concedimus, cum toto ambitu suo, Patri Jacobo de Padua, guardiano Fratrum minorum de Arbo, jure omnium Fratrum minorum provincie Sclavoniæ, et pro eisdem Fratribus, ipsum guardianum, ac ipsos Fratres minores in veram, pacificam, corporalem, ac perpetuam possessionem ponentes, pannum altaris Ecclesiæ S. Joannis, et annulum nostrum in manibus ipsius dantes coram nobili, et egregio viro D. Marco Michaeli Comite ejusdem civitatis, et Dom. Dominino Guidone vice Comite, et Dom. Matthæo iudice, et Clemente de Ginano, et Jacobo Notario, et multis aliis viris ejusdem civitatis. In cujus rei testimonium, et perpetuam firmitatem, presentes litteras fecimus nostri sigilli penditis munimine roborari.

Anno 1280. Jaderæ, cum aliis duobus Episcopis, et Laurentio Metropolitano interfuit dedicationi Ecclesiæ Petrum Prædicatorum, quam Guido Patriarcha Gradenſis, et Primas Dalmatiæ consecravat, ut ex tabulis consecrationis ejusdem apparet. Has habeo tabulas ex dono et museo eruditissimi et clarissimi viri Joannis Brunatii, quas hic ex archivo Fratrum Prædicatorum Jaderensium descriptas, a Fratre Joanne Augustini ejusdem ordinis accepit.

Universis presentes litteras inspecturis Fr. Guido miseratione divina sanctæ sedis Gradenſis Ecclesiæ Patriarcha, Dalmatiæque Primas, salutem in Domino sempiternam. Fidelium devotioni præ-

Domitiani & templum S. Joannis Evangelistæ traditum Patribus Franciscanis.

Diploma Gregorii Episcopi.

Interfuit Gregorius consecrationi Ecclesiæ Jaderensium PP. Prædicatorum.



sentium serie innotescat, quod nos auctore Domini, qui omnium exitus principium atque finis, decimo die mensis Januarii instantis, Ecclesiam Fratrum Prædicatorum de Jadera, & majori altari ejusdem ad Dei gloriam, & pretiosissimi Marci Apostoli & Evangeliste, & omnium Sanctorum, consecrationis munus duximus impendendum. Cui consecrationi venerabiles Patres Dominus magister Laurentius Jadrensis Archiepiscopus, Dominus Stephanus Nonensis, & Dominus Martinus Seniensis Episcopi assisterunt. In qua quidem consecratione nostrum quilibet, ad ipsam populo confluenti, ac die quolibet nominati mensis cum devotione eandem Ecclesiam visitanti, nec non omni prima Dominica uniuscujusque mensis usque ad unum annum, ob reverentiam prælibati Beati Marci, indulget unum annum & XL. dies de peccatis, de quibus essent vere contriti pariterque confessi; & de conscientia & voluntate Vener. Fratris nostri Dom. Gregorii Arbensis Episcopi totidem annuimus indulgere. Datum Jadera in archiepiscopali palatio decimo die ex-cante mensis supradicti Januarii anno Domini MCCLXXX. Indictione VIII.

Ædes ca-  
thedralis  
restaurata.

Hortatore Gregorio Episcopo, & rem sedulo curante Marco Michaelio prætore civitatis, ære publico refecta ac restaurata fuit ædes cathedralis S. Mariæ; ut docet inscriptio lateri australi externo ipsius ædis insculpta,

ANIS MILLENIS CVRETIBVS AQV DVCENI  
HIS Q SEPTENI ADIVCTIS OCTVAGENI  
ILLVSTRIS MACI MICHAELIS PVIDA CVRA  
H' STVDVIT FIE Q GLISCI OIA IVA  
GAVDET VRBS ARBI FVLGETE COITE TAL  
SEMPER QPPE VERV GLIFICADO DEV.

Annos circiter quadraginta Gregorius hanc Ecclesiam gubernavit. E vivis decessit anno 1390. vel superiore.

#### MATTHÆUS EP. ARBENSIS XIX.

Ex eadem familia de Hermolais. Ecclesiam hujus regimen anno circiter 1290. suscepit; & post biennium morte sublatum deposuit; nam anno 1292. in tabulis Arbensibus F. Georgius Episcopus nominatur.

#### GEORGIUS EP. ARBENSIS XX.

Consanguineus Georgii & Matthæi de Hermolais, hujus quidem frater, illius vero fratris filius, quem ex ordine Benedictino, vel Franciscano assumptum fuisse ad hanc Ecclesiam regendam titulus Fratris eidem præpositus declarat. Neque enim tunc in urbe atque insula alii erant cœtus virorum religiosæ vitæ ac disciplinæ jure sociati, nisi Benedictini, & Franciscani. Hic anno 1296. ad Concilium generale Gradense, quod Ægidius Patriarcha indixerat, Parochum Ecclesie S. Thomæ misit, qui suo, & Capituli, & Ecclesie Arbensis nomine interesset; ut est in actis ejusdem Concilii. Jacobus de Fulgineo Metropolitæ Jadrensis ab urbe & provincia nescio quo, aut quas ob causas discesserat, & Georgium Episcopum Arbensis vicarium sui muneris ad functiones epi-

F. Georgius de Hermolais Ep. Concilio generali Gradensi per procuratorem interfuit.

scopales obeundas reliquerat. Dum ille aberat, F. Gentilis Presbyter Cardinalis tit. S. Martini in Montibus a Clemente V. in Hungariam missus an. 1308, ab eodem Pontifice iussus fuerat Ecclesias Dalmatiz invilare ac lustrare, & sicubi collapsa esset, tum clericalem, tum monasticam disciplinam restituere, atque opportunis adminiculis fulcire. Jaderam cum venisset, Paulus Fulgineus alter Vicarius generalis Archiepiscopi, cum primoribus cleri, cœnobiar-chis, & monachis, neque illum admittere, neque illius mandata recipere voluerunt, quod dicerent legationem apostolicam eidem injunctam iisdem terminis circumscriptam esse, quibus provincie ditionis Hungaricæ definiebantur, ad quam Jadera non pertinebat, cum sub imperio Venetorum esset; ac perinde se Gentilis Legati Apostolici inspectione & correctione exemptos esse. Cum ergo ejus imperia & mandata pertinaciter abnuerent, dignos se præbuerunt, quibus Legatus sacris interdiceret, & gravissimi anathematis poenam infligeret; sicut antea dictum est in actis Jacobi metropolitæ Jadrensis. Illorum exemplum secutus Georgius Episcopus Arbensis, alter ejusdem Archiepiscopi vicarius, eandem, atque illi, canonicam animadversionem, & rerum sacrarum interdictionem sibi conscivit; ut docent acta legationis illius apostolicæ, quam Gentilis Cardinalis in Dalmatia & Hungaria gessit: Anno 1308. die Mercurii supradicti men. Julii; Ven. vir D. Philippus de Sardinia Auditor suprascripti D. Legati commisit, & mandavit, ex parte ipsius D. Legati, Gratiolo de Luca nuncio, cursori jurato ipsius D. Legati ibidem præsentis, quod statim iret, & citaret Fr. Georgium Episcopum Arbensis, vicarium Archiepiscopi, ut ipso die & mane in tertiis compareret præsentialiter coram ipso D. Legato, auditurus quasdam sententias, & processus, quos intendebat facere contra ipsum. Qui Gratiolus nuncius & cursor eodem mane, hora missæ iens, & rediens retulit dicto D. Philippo auditori, & mihi Philippo de Cingulo notario dicti D. Legati, se dictum Fratrem, & Episcopum Arben. præsentialiter citasse, secundum formam dictæ commissionis. Eadem die post Missam in tertiis D. Legatus contra ipsum Episcopum fecit suos processus & sententias, & denunciavit eum excommunicatum coram multis &c. At Georgius simul cum aliquibus cœnobiar-chis Benedictinis, & parochis ecclesiarum urbis Jaderæ appellavit ad Sedem Apostolicam, Chrysogono rectore S. Mariæ Majoris Jadrensis Avenionem misso, qui communem de Gentili Legato querimoniam ad Clementem V. deferret; ut est in tabulis Avenionensibus: Appellationes ad Sedem Apostolicam interpositæ sub die prima Augusti 1308. per Grisogonum plebanum Ecclesie S. Mariæ Majoris de Jadera, procuratorem seu syndicum, seu quocumque alio nomine dicatur, Reverend. Patris Fratris Georgii Arben. Episcopi, & Ven. Patris Fratris Jacobi Jadren. Archiepiscopi vicarii generalis, nec non religiosorum, & discretorum virorum Fr. Viti, & Fr. Joannis, & Fr. Matthæi, Abbatum monasteriorum S. Grisogoni de Jadera, & SS. Cosmæ & Damiani de Monte Jadren. diœcesis, & S. Michaelis de Monte ejusdem diœcesis ord. S. Benedicti, ac plebanorum ecclesiarum S. Petri veteris, & S. Petri novi, & S. Michaelis, omniumque aliarum personarum ecclesiasticarum Jadrensis civit. ac diœcesis prædictæ exemptarum, a sententia per Ven. Patrem, & Dom.

Gentilis legatus apostolicus ab Jaderinis non admittitur. Georgio Episcopo anathematis poenam indixit.

Ab sententia Legati appellavit ad Sedem Apostolicam.

Dom. Fratrem Gentilem etc. S. Martini in Montibus Presbyterum Cardinalem, Apostolica Sedis Legatum in regno Ungaria, promulgatam, per quam antedictum Georgium Episcopum Arbensem ab administratione sui Episcopatus privavit, seu suspendit, prefatosque Abbates & alias personas personaliter citavit; ex eo quod illum, eorum monasteria, & personas visitare volentem recipere noluerunt, dicentes ipsum non esse Legatum, sed Dom. Neapolitanum.

Hæc appellatio admissæ, an rejecta fuerit, litteris proditum non est. Ceterum opinari licet Jadrenses, & Georgium, antequam Legatus in Hungariam discederet, contumacia in obsequium versa, pontificii Legati mandatis obtemperasse, & quibus erant illigati, anathematismis

De viciis S. Christophori h. R. tiam scripuit

vipculis exsolutos fuisse. Itaque Georgius in integrum restitutus, ad sua munia episcopalia peragenda se retulit; & hoc eodem anno, rogatu civium suorum, conscripsit historiam de triplici illa victoria, quam Arbenenses, impetrato patrocinio S. Christophori, de suis hostibus reportarunt: cujus historię initium est huiusmodi: Regnante Domino & Salvatore nostro Jesu Christo, qui cum Patre & Spiritu Sancto unus est Deus, sub anno ejusdem 1308. Ego Fr. Georgius licet indignus Arbenensis civitatis civis & Episcopus &c. Cetera repeti possunt ex actis Domane seu Dabrane, & Pauli Episcoporum Arbenensium, jam supra descriptis.

Dum Clemens V. Sede Apostolica Avenionem translata, in Galliis aberat, ejus vice & legatione in Italia fungebatur Neapoleo Cardinalis, qui anno 1306, rogatu Patrum Arbenensium Ordinis Franciscani, possessionem cœnobii S. Joannis Evangelistę, ante aliquot annos eidem traditam, auctoritate Apostolica confirmavit.

Neapoleo miseratione divina S. Adriani Diaconi Cardinalis, Apostolica Sedis Legatus. Dilectis in Christo religiosi viri ministro & Fratribus ordinis Minorum provincia Slavonia salutem in Domino. Cum a nobis petitur quod iuratum est & honestum, tam vigor equitatis, quam ordo exigit rationis, ut id per sollicitudinem officii nostri ad debitum perducatur effectum. Sane petitio vestra continebat, quod bona memoria Gregorius Arbenensis Episcopus vobis monasterium S. Joannis Arbenensis, tunc dimissum per quasdam moniales ordinis S. Benedicti, quas prefatus Episcopus ad aliud monasterium dicti ordinis S. Benedicti, ubi major vigeat observantia regularis, duxerat transferendas, pia & provida liberalitate donavit, prout in litteris ejusdem Episcopi suo sigillo munitis plenius continetur, vosque ibidem ad opus Fratrum vestri ordinis locum ordinantes, predictum locum prefati monasterii S. Joannis, jam fere per viginti annos quiete, & pacifice possidistis, & adhuc pacifice possidetis.

Nulli ergo omnino hominum liceat hanc paginam nostrę confirmationis infringere, vel ei ausu temerario contraire. Si quis autem hoc attentare presumpserit, indignationem Omnipotentis Dei, & Sanctorum Petri & Pauli Apostolorum ejus se noverit incursurum. Datum Faventia x. Kal. Maji, Pontificatus Domini PP. Clementis V. anno secundo.

Invitatur Georgius ad Concilium Viennense

Ad Concilium Viennense in Galliam a Clemente V. per epistolam inscriptam Archiepiscopo Jadrensi, & ejus suffraganeis, Georgius von Illyrici Sacri Tom. V.

catus, an cum suo Metropolita, & duobus aliis Episcopis provincialibus interfuerit, quod anno 1311. xvii. Kalendas Novembris, celebrari cœpit, compertum non est; cum nomina Episcoporum actis & decretis hujus Synodi subscripta non inveniantur. Vivere desinit anno 1313. ut catalogi omnes episcopales confirmant.

## SIMEON EP. ARBENSIS XXI.

Ab anno 1313. usque ad 1315. Sedem Episcopalem tenuit ex alterutro, ut videtur, cœnobio Benedictino, vel S. Petri Arbenensis, vel S. Stephani in Barbato, vel fortasse e monasterio Franciscano S. Joannis Evangelistę ad hanc Ecclesiam regendam adscitus.

## AIMUS EP. ARBENSIS XXII.

Ex eodem ordine S. Benedicti, cujus regimini quadriennium catalogi pontificales attribuant. Abundius civis Arbenensis in primis inter suos copiosus, quidquid bonorum possidebat, moriens testamento legavit hospitio S. Francisci, in urbe haud ita pridem exstructo, ad curandos ægrotos, peregrinos excipiendos, & senes atque homines invalidos alendos. Ex annuis illis proventibus dotem assignavit presbytero, qui huic pio loco præsideret, & sacrum ibidem quotidie faceret; hujus autem eligendi jus & arbitrium penes Episcopum & Prætorum civitatis esse voluit. Si quid vero obstarat, ne huiusmodi bona ab se relicta in hæc pietatis opera impenderentur, in eorum possessionem vocavit monachos S. Stephani de Barbato, qui locus erat diœcesis Arbenensis in hac insula, ubi templum & cœnobium S. Stephani obtinebant monachi Benedictini. Sed cum temporibus procedentibus, & hospitium illud nescio quo infortunio casuve defecerit, & monachi locum illum deseruerint, quidquid ex Abundii bonis superest, nunc in pauperes vulgares distribui & erogari solet. Hæc e vetusto codice, qui asservatur in tabulario prætorio.

Plum legatum.

## GEORGIUS II. EP. ARBENSIS XXIII.

Quartus e patricia Arbenensi familia de Hermolais, vix annum Pontificatum gessit extinctus anno 1320. vel sub initium sequentis.

## FRANCISCUS EP. ARBENSIS XXIV.

Cui cognomen erat de Philippo, genus nobile, patria civitas Arbę, ut perspicitur de Philippo ex tabulis ejusdem pii legati, quod domui hospitali Arbeni reliquit Nobilis vir Pedrognus de Philippo, Francisci consanguineus. Erat Archidiaconus Ecclesię Arbenensis; quod munus plures annos magna cum laude sustinuit, cum lateque explevit; ac proinde dignus habitus est, qui ad sedem episcopalem ascenderet. Subsellium Archidiaconi, quod vacuum reliquerat, Georgius de Hermolais per legitimam canonicam electionem occupavit, ut est in tabulis Arbenensibus: Anno 1321. 30. Januarii. Cum Arben. Ecclesia careat Archidiacono per promotionem Vener. P. D. Francisci de Philippo D. G. Episcopi Arbenensis, dudum dicta Ecclesia Archidiaconi, electus est in sala Episcopalis Palatii, more consueti, coram Dom. Episcopo Diaconus Georgius Matthai de Hermolais. Hujus Pontificatum

catur catalogi producant usque ad annum alterum, & tricesimum hujus sæculi; sed prorogari nequit ultra vicessimum & octavum vel nonum; præsertim si fides habenda sit Valerio de Ponte, qui in suo catalogo Cidoneum quemdam Francisco subjecit; verum cum a ceteris catalogis absit, hunc interponere non ausim; certe quidem si Episcopus fuit, brevis admodum fuit, ante annum 1319. extinctus.

### GEORGIUS III. EP. ARBENSIS XXV.

Hunc quoque familia de Hermolais primo Archidiaconum, deinde Episcopum Ecclesiæ Arbenſi dedit, haud generis nobilitate, quam virtute clariorem, *Virum circumſpectum, providum, & discretum*: quod elogium eidem attributum invenio, cum cunctis Canonicorum suffragiis Archidiaconus renunciatus fuit. Hujus initia episcopalia catalogi in annum 1331. conjiciunt, sed ante biennium hanc sedem obtinebat, ut ex epistola Bertrandi Legati pontificii ad Georgium satis perspicue apparet. Diuturnum Pontificatum gessit, usque ad quartum & sexagesimum annum hujus sæculi productum. Cum præventus Mensæ Episcopalis valde immutatos reperisset, qui neque Episcopi personæ pro dignitate sustinendæ, neque oneribus eidem impositis ferendis erant; sibi suæque indigentiae ut provideret, Bertrandum Episcopum Ostiensem, & Velitrensem, qui tunc in partibus Italiæ legatione Apostolica fungebatur, supplex adiit, oravitque. Ejus postulatis ille annuit, & duo sacerdotia diocesis Arbenſis, alterum S. Michaelis, alterum S. Euphemie, quibus nulla animarum procuratio annexa erat, vestigalibus haud sane contemnendis instructa, cum Mensa Episcopali conjunxit, ut docet Bertrandi ad Georgium epistola.

Reditus  
Episcopalis  
immutatus

Epistola  
Bertrandi  
Legati Pontificii  
ad  
Georgium.

Bertrandus miseratione divina Ostien. & Velitren. Episcopus, Apostolica Sedis Legatus, Vener. Fratri in Christo Patri Georgio Dei gratia Episcopo Arben. salutem in Domino. Gerentes ad Arben. Ecclesiam, intra nostræ legationis terminos constitutam, paternæ dilectionis affectum, illa sibi libenter benigno favore concedimus, quæ suis fore cognoscimus necessitatibus opportuna. Cum itaque sicut in nostra proposuistis præsentia constituti, reditus & proventus Episcopalis Mensæ vestræ sint adeo tenues & exiles, quod Episcopus Arbenſis, qui est pro tempore, non potest ex illis secundum sui status decentiam commode sustentari, cum 100. florenorum auri valorem omnino, ut asseritis, non excedant; Nos volentes vobis & successoribus vestris Episcopis Arbenſibus, qui pro tempore fuerint, distaque Mensæ super hoc de alicujus sabventionis remedio providere, vestris supplicationibus inclinati, S. Michaelis de Bagnolis, & S. Euphemie capellas rurales vestræ diocesis, quibus nulla cura imminet animarum, quarum reditus & proventus in universo 16. florenorum auri summam, ut asseritis, annis singulis non excedunt, omnibus cum juribus, & pertinentiis suis, vestris vestrorumque successorum, & ejusdem mensæ usibus, in perpetuum auctoritate, qua fungimur, applicamus, annectimus, & unimus; ita quod ipsarum capellarum rectoribus, qui nunc sunt, cedentibus, vel decedentibus, aut alias capellis eisdem quoquo modo vacantibus; vos, & iidem successores, dictarum capellarum, ac jurium, & pertinentiarum suarum possessionem apprehendere,

& retinere, ipsarum fructus, reditus, & præventus in usus prædictos convertere libere valeatis, cujusquam alterius assensu minime requisito; proviso quod dicta capella debitis propter hoc obsequiis non fraudentur. Nulli ergo omnino hominum liceat hanc paginam nostræ applicationis, annexionis, & unionis infringere, vel ei ausu temerario contraire. Si quis autem hoc attemptare præsumpserit, indignationem Omnipotentis Dei, & Beatorum Petri & Pauli Apostolorum ejus se noverit incursurum. Dat. Bononia Kal. Julii Pontific. SS. Patris Domini Joannis XXII. anno XIII., idest 1329.

Hugone cœnobiarcha S. Petri Arbenſis vita sancto Joannes Papa XXII. qui multorum Episcoporum, & Abbatum nominationem sibi reservaverat, cœnobiū Arbenſe, Stephano primicerio Spalatensi, deinde Episcopo Phariensi, commendavit. Hic autem sacerdotium illud etiam post depositum Episcopatum, quamdiu vixit, retinuit. Anno autem 1332. cum diem suum obiisset, idem Pontifex sacerdotium & cœnobiū Arbenſe demandavit Dino electo Patriarchæ Gradenſi, qui anno 1337. Gradenſem Patriarchalem cum Ecclesia Januensi Episcopali commutavit: id docent tabulæ Avenionenses: *Commenda, usque ad Sedis Apostolicæ beneplacitum, monasterii S. Petri S. Benedicti, Arbenſis diocesis, provincia Jadren. per obitum Stephani olim Episcopi Farenſis, apud Sedem Apostolicam, præmissa generali reservatione, vacantis, pro Dino electo Gradenſi. Dat. Aven. 4. Cal. Januarii, anno Joannis Pp. 17. idest 1332.* Sed anno 1337. cum Dinus Patriarcha Gradenſis ad Ecclesiam Januensem regendam migrasset, Benedictus XII. Sacerdotium S. Petri Arbenſis illi collatum revocavit, ac cœnobiū illud monachis restituit, quibus Abbatem præposuit Martinusium e monasterio Veglenſi S. Laurentii desumptum, ut est in tabulis Avenionensibus: *Promotio Martinusii de Pixica monachi monasterii S. Laurentii extra muros Veglen. ord. S. Benedicti, ad Abbatiam S. Petri Arben. dicti ordinis S. Benedicti, per obitum quondam Hugonis Ab. & postmodum Stephani de Spaleto clerici Spalatensis. ac per revocationem commendæ, per Joannem Papam XXII. factæ favore Dini Archiepiscopi Januensis. tunc Patriarchæ Graden. apud Sedem Apostolicam prævia generali reservatione vacantem, cassata prius electione ipsius favore concorditer facta. Dat. Aven. 13. Kal. Junii, an. Benedicti Pp. 3. idest Christi 1337.*

Cœnobiū  
S. Petri Arbenſis  
Abbatem extra-  
neo com-  
mendatum,  
ac deinde  
monachis  
restitutum.

Anno 1334. Georgius interfuit Concilio provinciali Jadrenſi, quod Nicolaus III. Metropolitā convocaverat. In eo Concilio questi sunt Canonici Arbenſes se nimio plus gravari a Capitulo Jadrenſi, & majorem sibi collectam indici, quam jus & æquitas postularet. Horum querimoniarum & postulationi ut satisfaceret Nicolaus, & omnem occasionem querelis ac dissensionibus præriperet; rem ita composuit, ut cum Archiepiscopus & Capitulum Jadrenſe tributa quædam extraordinaria Ecclesiis & Capitulis provinciæ Jadrenſis imperarent; summa totius pecuniæ contribuendæ in partes omnino quinque divideretur; ex his duas Ecclesia, Capitulum, clerus Jadrenſis, tres reliquas Ecclesiæ suffraganeæ, cum suo quæque Capitulo & clero pro rata portione persolverent. Atque in hanc sententiam decretum fecit; cujus quidem decreti cum quædam particula videretur ambigua, aut obscurior, quam satis perspicue intelli-

Concilium  
provincia-  
le Jaderti-  
num, cui  
Georgius  
interfuit.

Controver-  
sia inter  
Canonicos  
Jadrenſes  
& Arben-  
ſes com-  
posita.

telligi posset; Episcopus & Canonici Arben-  
ses postularunt, ut eam dilucidius explicaret,  
omnique verborum ambiguitate remota, nul-  
lum aliter interpretandi; atque ipse decreve-  
rat, locum relinqueret: id quod anno sequen-  
ti, mense Februario ineunte, idem Archiepi-  
scopus apertissime, & plenissime præstitit. U-  
trumque Nicolai decretum in hujus actis descri-  
ptum est.

His temporibus cum Marinus de Forma Ar-  
chidiaconus, idemque rector Ecclesiæ S. Damia-  
ni de Monte diem obiisset, qui hanc Ecclesiā  
jure patronatus obtinebant, ejusdem regimen  
ac præfecturam contulerunt Marino de Hermo-  
lais, parochi S. Thomæ, & consanguineo Geor-  
gii Episcopi.

Anno Domini 1345. Indict. 3. die 19. mensis  
Decembris. Temporibus equidem Domini nostri  
Andree Dandulo inclyti Ducis Venetiarum, &  
Dom. Georgii de Ermolais Arben. Episcopi, ac  
Dom. Andree Michaelis egregii Comititis, præ-  
sentibus Cypriano de Percito, & Nicolao præ-  
cone Arben. & aliis.

Cum Ecclesiæ S. Damiani de Monte capella-  
no careat per obitum olim R. Presbyteri Ma-  
rini de Forma, Archidiaconi Arbensis, ipsius  
Ecclesiæ capellani; ideo nos Gauzigna, Ste-  
phanus de Gauzigna, Mixa de Grube, Joan-  
nes Madii de Gauzigna, Martinus de Dri-  
be, Pasqua Martini de Dobrodano, Nicola  
Matthaus de Ermolao, Clemens de Hermolao,  
Nicola Clementis, Marcolus Spalatinus, Ste-  
phanus de Domine, Christale de Forma, Sal-  
be Madii Salbe, Manolus de Pridula, Matthaus  
de Barnaba, Marcolinus de Pribe, Pribole,  
Martinus de Pridola, Grabe, Stephanus Gru-  
be, Colane de Gauzigna, Dominicus de Am-  
brofio, Martinus de Cevano, Ambrosius de  
Orsanto, congregati simul in Ecclesiā S. Spi-  
ritus, tamquam certi & legitimi fundatores &  
Patroni dictæ Ecclesiæ S. Damiani de Monte ca-  
pellano vacantis, ejusdem S. Spiritus gratia  
invocata, postulamus presbyterum Marinum de  
Ermolao plebanum S. Thomæ in capellanum &  
rectorem dictæ Ecclesiæ S. Damiani prædicti,  
quem presentamus vobis Rev. in Christo Patri,  
& Dom. Georgio Dei gratia Episcopo Arbeni,  
supplices humiliter vestram Paternitatem, ut  
prædictum Dom. Marinum plebanum S. Thomæ  
per nos postulatum in capellanum & rectorem  
dictæ Ecclesiæ S. Damiani de Monte, & jurium  
suorum in spiritualibus, & temporalibus digne-  
mini confirmare.

Anno 1357. cum Ludovicus rex Hungariæ  
Dalmatiam universam Venetis eripuisse, Ar-  
benes quoque, necessitate cogente, vel inviti  
imperium Hungaricum subierunt. Nomen Geor-  
gii Episcopi tabulis Arbensibus inscriptum an-  
no 1343. cum potestatem fecit Paganino civi  
Arbeni ædificandi sacelli ad honorem S. Lucie  
virginis; item annis 48. 49. 50. 55. hujus sæ-  
culi. Ejus mors in annum 1364. vel superio-  
rem incidit.

## CHRYSOGONUS EP. ARBENSIS XXVI.

Ex vetustissima & nobilissima familia Arbeni-  
de Dominis, quæ tum reipublicæ, tum Eccle-  
siæ viros perillustres, & de utraque optime  
meritos dedit. Anno 1364. administrationem  
hujus Ecclesiæ suscepit; cui plurimum profuit.  
Multum siquidem auctoritate & gratia valebat

apud Ludovicum regem, a quo primum impe-  
travit, ut vetera privilegia, civitati & Eccle-  
siæ Arbeni per Colomanum collata, regali di-  
plomate approbaret. Annuit Ludovicus, &  
ipsum Colomani diploma suo insertum verbis  
amplissimis confirmavit ad instantiam Chryso-  
goni nati Stephani de Dimine (idest de Domi-  
nis) Episcopi Arbensis anno Domini MCCCLXVII.  
xvi. Kal. Octobr. Ugolino Spalaten, Nicolao Ja-  
dren. Ugo Ragusien. Archiepiscopis, Petro Bos-  
nen. Nicolao Tinien. Demetrio Nonen. Nicolao  
Tragurien. Stephano Pharien. Joanne Maccarien.  
Matthæo Sibenicen. Micha Scardonem. & Portina  
Segnien. Episc. Corbavien. sede vacante.

Hoc eodem anno 1367. Ludovicus Episcopos  
& proceres ad consulendum de rebus publicis  
Budam convocaverat. Cum Episcopis Dalmat-  
iæ, quos modo nominavi, convenerat Chry-  
sogonus Episcopus Arbensis, qui ab rege illud  
præterea petiit impetravitque, ut decimas ob  
tumultus & sumptus bellorum alio interver-  
sas Arbeni Ecclesiæ restitui juberet, vetaret-  
que regios administratos illas exigere, atque in  
ærarium publicum inferre. Extat mandatum  
Ludovici in codice tabularii capitularis.

Idem Ludovicus Chrysogono postulante, suæ  
que Ecclesiæ causam agente in regali curia Bu-  
densi, jus colligendi decimas ex Lycha & Bu-  
tana, Valentino Episcopo Corbavien. antea con-  
cessum revocavit, Ecclesiæque & Episcopo Ar-  
beni adjudicavit, regiis litteris datis ad Pe-  
trum de Bellant Comitem Busanæ anno 1371.  
quas quidem litteras, ne quis in dubium vo-  
care posset, Chrysogonus legendas, & reco-  
gnoscendas tradidit collegio Canonicorum Ja-  
drensi, ut fidem facerent legitimas ac ger-  
manas esse, & exemplar indidem sumptum, &  
cum autographo collatum, signo capitulari ob-  
signarent.

Nos Capitulum universum civitatis Jadra me-  
morie commendantes tenore presentium significa-  
mus quibus expedit universis, presentibus & fu-  
turis, quod nobis in Ecclesiā S. Anastasiæ cathe-  
drali dictæ civitatis sollempniter modo consueta  
congregatis, accedens ad nostram præsentiam no-  
bilis vir ser Stephanus Pater Reverendi in Chri-  
sto Patris & Dom. D. Chrysoconi Episcopi Arben.  
tamquam conjuncta persona Dom. Episcopi supra-  
dicti, exhibuit coram nobis quamdam litteram  
papiream Domini nostri naturalis regis Ungariæ  
minoris sigilli impressione munitam, sanam &  
integram, omnique suspitione carentem; & sub-  
sequenter exposuit, quod idem ser Stephanus non  
audet ipsam litteram ad partes extra suam civi-  
tatem transmittere, prout aliquando expediret,  
ne propter viarum discrimina, vel alia impedi-  
menta, ipsa littera amittatur. Et ideo nobis hu-  
militer supplicavit, quatenus prædictam litteram  
sub nostro autentico sigillo accipiari fecissemus.  
Nos igitur dicti ser Stephani justæ supplicationi  
annuentes, dictam litteram integraliter de verbo  
ad verbum per presbyterum Helyam notarium au-  
thoritate imperiali publicam, & autenticam, &  
in hac parte scribam nostrum, fecimus inferius  
fideliter copiar, cujus litteræ tenor talis est:  
Ludovicus Dei gratia rex Ungariæ, & Polonia  
fidei suo dilecto magnifico viro, Dom. Petro de  
Bellant Comiti Busanæ, & Provehiteni, vel  
officialibus suis in Comitatu de Licha & Busana  
constitutis, salutem & gratiam. Fidelitati ve-  
stræ, sicut per hominem nostrum specialem, &  
litteras nostras quamplures mandavimus, sicut  
& per

Ludovicus  
rex Hung.  
urbis & Ec-  
cl. Arben.  
privilegia  
confirma-  
vit.

Jus colligendi decimas  
quas Budam

rogatu  
Chryso-  
goni Capitu-  
lum Jadren-  
se recogno-  
vit, & legi-  
timum esse  
declaravit.

Diploma  
Ludovici  
regis Hun-  
garie se-  
cundum  
Ecclesiā  
Arbenensem  
factum.

Et per presentes damus in mandatis, quatenus visis presentibus, fidei nostro dilecto Ven. in Christo Patri D. Grisogono Episcopo Arbenensis Ecclesie, vel ejus officialibus, decimas ipsius Ecclesie ubique pacifice, & quiete exigi facere permittatis, & permitti faciatis in dictis provinciis nostris Licha & Busana. Ideoque vos in easdem decimas, quas Altissimus in suum patrimonium prælegit, non intromittatis, ipsum & suos officiales nullatenus impediendo, vel molestari faciendo in hac parte; quin potius præmissas decimas dicti Domini Episcopi integraliter per suos subditos persolveri, & administrari faciatis; & ad faciendum nostra gratia intuitu vos volumus obligare; litteris nostris quibuscumque, per quondam Vener. virum Dominum Fratrem Valentinum Ecclesie Corbaviensis electum illegitime impetratis, vel per quempiam in posterum impetrandis, non obstantibus, contra formam præmissa nostro commissionis, quibus presentibus censuimus derogare; secus non facturi sicut mandata nostra non velletis transgredi. Dat. Bude Fer. 9. proxima post Dominicam Reminiscere. Anno Dom. 1371. Qua quidem littera, ut supra, copiata, & exemplata, fecimus transumptum hujusmodi cum originali per Ven. virum D. Michaellem Archidiaconum Jadrensem, & presbyterum Micham plebanum S. Michaelis de Jadra, & per dictum notarium auscultari, in nostra presentia, et diligenter examinari. Et ibidem invenimus utrumque in omnibus concordare. In quorum omnium memoriam, & evidens testimonium, atque perpetuam firmitatem presentes fecimus nostro autentico sigillo appenso communiri.

In Synodo provinciali Spalatensi, quod habitum fuit anno 1185. sub Petro VII. Metropolitano, cum medietas Lica attributa fuerit Nonensi, altera medietas assignata fuit Corbaviensi Ecclesie, ut est in exemplari Spalatensi, itemque Busana, ut docet exemplar Lucianum ejusdem Synodi. Quo tempore post hanc Synodum quæ ratione Episcopus Arbenensis jus acquisierit percipiendi decimas ex territorio Licha, & Busana, mihi non liquet. Verisimile est aliquam utriusque regionis particulam pertinuisse ad Ecclesiam Arbenensem, e cujus possessione Valentinus Episcopus Corbaviensis Arbenensem depellere voluerit. Anno circiter 1373. Chrysogonus Arbenensis dimissa, ad Ecclesiam Traguriensem regendam migravit.

Chrysogonus ad Ecclesiam Traguriensem translatum.

#### ZUDENICUS EP. ARBENSIS XXVII.

Ut cognomen, sic etiam nomen accepit ex illustri Arbenensi familia de Zudenicis. Hujus initium catalogi episcopales conferunt in annum 1382. sed revocandum esse ad annum 1375. vel superiores confirmant tabulæ ejusdem conventionis eodem anno 1375. confectæ, quæ asservantur in sanctuario Ecclesie Arbenensis. In his siquidem nominatur Zudenicus Episcopus Arbenensis. Dum Ecclesie huic præsidebat, servente jam bello Ligustico, Ludovicus Lauretanus cum decem triremibus missus est ad explorandos animos Arbensium, qui ultro libenterque in fidem & clientelam Venetorum se tradiderunt an. 1379. Sed biennio post, cum pax inter Venetos, & Ligures, ceterosque principes fœderatos convenisset, Arbam insulam atque urbem, & omnia, quæ Veneti in Dalmatia Hungaris eripuerant, regi Ludovico restitui oportuit. Petrus de Matasaris Metropolitae Jadrensis anno 1384. cum

iter necessarium ei Romam esset ad consecrationem suscipiendam, pium subsidium nomine viatici a Capitulo cleroque Arbenensi postulavit. Zudenicus clerum & Capitulum suum hujusmodi extraordinario tributo gravari nolens, Archiepiscopi postulato repugnavit obstinuitque; cum vero ille instaret atque urgeret, suisque precibus auctoritatem metropolitancam interponere videretur, appellavit ad Primatem Dalmatiae Urbanum Patriarcham Gradensem, qui appellationem Episcopi laudavit etiam, non solum admisit: id quod memorie causa litteris mandatum est: Petrus Archiepiscopus Jadrensis petiit caritativum subsidium anno 1384. a Capitulo & clero Arbenensi. Zudenicus de Zudenico Episcopus, qui se opposuit petitioni Archiepiscopi, per syndicum appellavit ad Patriarcham Gradensem fratrem Urbanum, & conquestus est de gravamine Archiepiscopi. Patriarcha per sententiam sui vicarii declaravit injustam esse petitionem Archiepiscopi, & appellationem ad ejus tribunal laudavit. Nec tamen hoc beneficio ita sibi benevolentia Capituli, & cleri conciliavit, ut litigia quædam molesta sibi a Canonis illata devitaret: quæ quidem Chrysogonus Episcopus Tragurienensis ex æquo & bono composuit, ut in scheda quadam notatum invenio: Capitulum Arbenense habebat differentias quasdam cum Zudenico, quas de communi consensu remiserunt in Grisogonum de Domine Episcopum prius Arbenensem, dein Traguriensem.

Metropolitae Jadrensis tributum extraordinarium clero Arbenensi imperanti Zudenico repugnavit.

Eius cum Capitulo litigiorum positus.

Anno 1386. Zudenicus sollempni ritu consecravit ædem S. Helenæ, quam in platea S. Joannis, nec longe a cœnobio Patrum ordinis Franciscani, Stana Bogdichia, vidua pia & opulenta extruxerat, & copiosis proventibus dotaverat. Incredibile dictu est quanta in conversione rerum & perturbatione, temporibus illis tum Dalmatæ omnes, tum vero Arbeses versarentur, sic prorsus, ut intra paucos annos ex aliis ad alios Dominos & transierint, & redierint: id quod ingentibus curis ac molestiis optimum Præfulem affecit, & quietam pacatamque rei christianæ administrationem inturbavit. Post mortem Ludovici regis Hungariæ anno 1382. extincti, Maria filia natu maxima parenti in regnum successit sub tutela ac regimine matris Elisabethæ. Quidam Hungariæ & Dalmatiæ proceres contra utramque conjuratione facta, Carolum regem Neapolitanum ad regnum Hungariæ capescendum evocarunt. Nec vero post hujus interfectionem quieverunt; sed reginam utramque, cum in Dalmatiam venissent, ex insidiis adorti capiunt, & Novigradum abductas in arctam custodiam includunt. Elisabetham alii violenta, alii naturali morte extinctam tradunt. Maria Venetorum opera perduellium manibus erepta nupsit Sigismundo Marchioni Brandenburgensi, eique dotale attulit regnum Hungariæ & Dalmatiæ. Stephanus Tuartchus rex Bohemæ, iuxta cum perduellibus societate, Dalmatiam Sigismundo eripuit; quam hic anno 1394. recuperavit. Sed iterum amisit sub initium sæculi decimi quinti, cum Hervoja Dux Spalati, qui ab Sigismundo defecebat, fere omnes urbes insulasque Dalmatiæ sub imperium Ladislavi regis Neapolitani subiunxit. Arbeses, ut sibi novi regis gratiam conciliarent, Aloysium Aldemarsicum præfectum regie classis in Comitum sive rectorum elegerunt, ut constat ex tabulis Arbensibus, in quibus Zudenicus de Zudenico Episcopus nominatur: Die

Arba sub Ladislavo rege Neapolitis.



17. Julii 1402. Regnante Sereniss. Domino Ladislao D. G. Ungariæ, Jerusalem, Sicilia, Dalmatia, & Croatia rege, tempore equidem Ven. Patris Zudenici de Zudenico Episcopi Arbensis, nec non magnifici & potentis regii militis Aloysii Aldemarisio de Neapoli Capitanei regiarum galearum generali &c. ad confirmationem regie majestatis electi Comitibus &c. Anno 1403. Ladislavus rex Neapolis, classe egregie instructa transvexus in Dalmatiam, postquam Jaderæ ab legato pontificio regni Hungarici & Dalmatici insignia sumpsit, privilegia omnia superiorum regum Hungariæ Arbensibus concessa regali diplomate confirmavit: Dat. Jadræ A. D. 1403. die 13. Augusti. Non defuerunt Arbæ qui commutationem Hungarici cum Neapolitano dominatu ægerrime ferrent. Itaque Ladislavo Neapolim reverso, tumultuari cœperunt; eoque tumultus, altercatio, & contentio crevit, ut perniciosissimam in civitatem induxerint, seditionem atque discordiam; neque ab injuriis, incendiis, direptionibus, cædibus temperatum est, frustra dehortante Zudenico Episcopo, & quantum poterat auctoritate & precibus enitente, ut iratos animos placaret, atque in concordiam reduceret. Cum & numero & viribus superiores essent qui Ladislavo favebant, contrariæ factionis homines expulerunt; & hi quidem *Exititii* sive *Extrinfeci*, illi vêtō qui remanserant in urbe, *Intrinfeci*, vocabulis illo sæculo usitatis appellati sunt. Zudenicus vero, qui communis parentis officio functus, utrisque pacis auctor & concordie fuerat, ad custodiam urbi sui gregis sibi manendum putavit. De his, quæ acciderant, per nuncios ac litteras Ladislavus admonitus, ad Arbenfes sibi fideles rescripsit, se numquam eorum exititios, suos rebelles, & ipsorum amulos in patriam redukturum, nisi prius cum eorum Communi pacificati fuerint &c. Dat. Neapoli an. 1404. die 8. Aprilis, Indiſt. 12. Arbenfes exules opem implorant Nicolai Comitibus Senæ & Modrusiæ, qui ab Sigismundo constantissime steterat, & Veglam insulam Ladislavo adeptam recuperaverat. Hic suis copiis, Arbensium profugorum accessione auctis, Arbam obsedit, cepitque; & expulsis fautoribus Ladislavi, iis quos ipsi expulerant, patriam restituit; atque urbis præturam sibi delatam suscepit. Verum haud diu retinuit; quippe Joannes de Lusignano Dux Baruti, cum classe Neapolitana superveniens, Arbam recepit; & Andriolus quidam Arbensis, princeps ductorque factionis Neapolitanæ, Arbenfes ejectos in urbem reduxit. Tunc Zudenicus Episcopus in id omni studio operaque incubuit, ut cives utriusque partis in civitate retineret, & alteros alteris reconciliaret. Itaque omnibus in ædem cathedralem convocatis, post solemne sacrificium, leges pacis edixit; ut præteritas injurias ultro citroque illatas & acceptas obliviscerentur, gravi oratione admonuit; & concordiam inter utrosque initam jurejurando confirmari jussit; ut docet Paulus de Paulo in sua Ephemeride ad an. 1405. Eodem anno & mense, die Sab. 20. Junii D. Andriolus q. Ser Stephani de Arba cum nonnullis exititiis per modum pacis & concordie intraverunt Arbem hora vespertinam; & cras post celebrationem Missæ solennis in Ecclesia cathedrali, pacem & unionem inter utrosque sacramento solemni firma-verunt.

Hervoja Dux Spalati, & vicarius regius,

cum sibi metuerit a Sigismundo, qui post receptam, & pacatam Hungariam, ingenti exercitu collecto ad recuperationem Dalmatiæ spectare dicebatur, & nullum a Ladislavo, bellis Italicis implicito, auxilium sperare posset, sibi & suis rebus prospicere statuit. Itaque relicto Ladislavo ad Sigismundum, a quo desciverat, transivit; auctorque fuit Dalmatis, & nominatim Arbensibus, ut ipsi quoque sub imperium Sigismundi redirent. Extat epistola Sigismundi ad Arbenfes, quos remissa omni rebellione, feloniam, & nota infidelitatis, recipit in subditos, & eis sua privilegia confirmat. Data est anno 1408. in festo S. Joannis Apostoli. Ita Dalmatia universa in jus ditionemque Sigismundi concessit, præter Jaderam, quam Joannes de Lusignano Dux Baruti, & præsidium Neapolitanum Jadrensi castello impositum, in fide atque officio continuit. Porro Ladislavus, cum Jaderam a paucis illis præsidariis militibus, quos ad custodiam ac tutelam arcis reliquerat, contra exercitum Sigismundi defendi ac retineri non posse intelligeret, civitatem illam cum agro, & quidquid littorum atque oppidorum ad ejus fines ac ditionem pertinebat, centum milibus nummum argenteorum Venetis vendere constituit; & anno 1409. exiguum classem misit, quæ urbem deducto præsidio Neapolitano, in potestatem Venetorum traderet. Nec multo post Veneti, ut tradit Lucius lib. vi. cap. iv. Mon. Tragurien. insulas Sinus Flanatici, Absorum, Crepsam, & Arbam, vel armorum metu compulsi, vel ultro in fidem venientes receperunt.

Sub clementissimo Venetorum imperio civitas & Ecclesia Arbensis tranquillitatem acta, Zudenico Episcopo amplam de utraque benemerendi materiam & facultatem attulit. In ea quam dixi, multiplici rerum publicarum conversione, inter civiles discordias, & bellicos tumultus, licentia quædam libertasque vivendi, nullo legum metu, nulloque freno adhibito, quotidie magis invalescens, civium animos moreque corruperat; vitia cujusque fere generis in urbe atque insula dominabantur; religio & pietas plane refrixerat, mira in templis a piis cultoribus erat solitudo, sacrarum concionum, & sacramentorum usus obsoleverat; nec fortasse levioribus clerus, quam populus morbis laborabat. Ad medendum tot ac tantis malis optimus Præsul curam omnem intendit. Lusurationem episcopalem indixit; primum urbis Ecclesias invisit; deinde vicos & paræcias obivit; nihil studii operæque prætermisit, ut corruptelas, & pravas consuetudines aboleret; ubique religionem ac disciplinam collapsam restituit, sacrarum mysteriorum frequentiam usumque revocavit. Nihil minus detrimenti cœperant e præteritis bellis, dissidiis, direptionibus bona sacra & ecclesiastica, partim, sublati limitibus, cum profanis confusa, partim aut per errorem, aut per fraudem interversa. Zudenicus ex fide veterum tabularum, & proborum hominum testimoniis, tum quæ ad mensam episcopalem, ædemque cathedralem, tum quæ ad alias Ecclesias pertinebant, recognovit, discrevit, recuperavit, novas tabulas confecit, in quibus omnia nominatim, & suis quæque confiniis distincta descripsit; easque idoneorum testium, & suo chirographo subscriptas, annuloque obsignatas in archivo episcopali deposuit, successoribus præsidio futuras ad possessionem

Arbenfes relicto Ladislavo ad Sigismundum transierunt;

ac demum redeunt ad Venetorum.

Zudenici Episcopi ægerita.

eorundem bonorum tuendam & vindicandam. In ipso aditu ac vestibulo ædis cathedralis sacellum ære suo amplum ornatumque exstruxit, cui cognomen a Suffragio fecit. Sacelli conditorem declarat inscriptio tum extrinsecus adjecta: *Hanc Capellam fecit Zudenicus de Zudenico*, eique stemma gentis Zudenicæ superimpositum; tum intrinsecus ab latere sinistro, quod vocant Cornu epistolæ, pario marmori incisa: *Zudenicus de Zudenico*. Annos circiter triginta & septem huic Ecclesiæ sanctissime præfuit; & plurimis in rem publicam & christianam meritis clarus, diem obiit supremum an. 1412. Sepultus est in æde cathedrali ante aram sacelli gentis Zudenicæ. Lapis tumulo impositus simulachrum episcopale insculptum exhibet, & circumcirca hanc epigraphem.

Hic mors,  
sepulcrum,  
& Epita-  
phium.

OPTIMI. CLARIQUE. VIRI. DOMINI. ZUDENICI. DE ZUDENICO. HUIUS. URRIS. ANTISTITIS. HOC. IN. TUMULO. CLAUDUNTUR. OSSA. QVI. ANNO. DOMINI. M. C. C. C. X. I. I. DIEM. SUUM. CLAUSIT. EXTREMUM. V. I. I. I. IDUS. JANUARI.

Lucas Vadingus Tomo IV. Annal. duos Episcopos, quibus Joannes nomen fuit, in hanc lectionem Antistitum Arbensium invexit, & alteri ipse cedenti, alterum patria Tergestinum ex ordine Franciscano substituit: *Item factus est Episcopus Arbanensis in mari Adriatico sub dictione Veneta, & Archiep. Jadrensis, F. Joannes Tergestinus per liberam resignationem Joannis in manu Pontificis Calend. Martii an. 1392.* Sed catalogi omnes utrumque respuunt; & Zudenici Chrysogono successi Pontificatum ab anno 1375. usque ad annum 1412. monumenta Arbensia producant. Errandi causam præbuit Vadingo similitudo nominum, præsertim cum utrumque vocabulum *Arbense* & *Arbanense* a primitivo vocabulo *Arba*, vel *Arbi* derivari possit; ex quo factum est, ut Episcopatum Arbensem & Arbanensem unum & eundem esse putaverit. Eodem errore captus est, qui confecit indicem geographicum Conciliorum collectionis Venetæ Labbeanæ; nam postquam recensuit nomina quorundam Episcoporum Arbensium, qui Conciliis generalibus vel provincialibus interfuerunt, hanc notam subiecit: *Arbinensis idem atque Arbensis, & Arbanensis*. Sed tum Feuderius Arbinensis, qui anno 1049. epistolæ Leonis IX. ad Episcopum Portuensem, tum Maginardus Arbinensis, qui anno 1059. actis Concilii Romani sub Nicolao II. subscripsit, erant ex Italia, atque, ut mihi videtur, ex regno Neapolitano. Nullum vero Arbanensem in tota illa collectione nominatum invenio. *Arbanensem* Ecclesiam in provincia Diocletana, sive Antibarensi fuisse indicio est *Dominicus Archipresbyter Arbanensis*, qui exunte sæculo duodecimo synodo Diocletanæ sub Vulcanico rege interfuit, & post Metropolitam subscripsit. Hæc fortasse una est ex Ecclesiis episcopalibus subjectis Metropolitæ Antibarensi, quæ, Arbanensi vocabulo jamdudum antiquato, nunc alio nomine appellatur, & huic fortasse attribuendus est uterque ille Joannes, de quo Vadingus. Falsus igitur est, cum Ecclesiam Arbanensem in sinum Adriaticum, & provinciam Jadertinam invexit; & duo illi Joannes Episcopi Arbanenses e catalogo Antistitum Arbensium expungendi sunt, quibus nihil loci ac temporis in ea serie relinquitur.

Ab hac itidem serie excludi oportet Contra-

dum ex ordine Prædicatorum, quem intrusit Vincentius Maria Fontana in suo Theatro Dominicano; & anno 1412. ab Joanne XXIII. Episcopum Arbensem factum fuisse affirmat: *P. F. Conradus Exienbursi Arben. Episcopus in Sclavonia sub metropoli Jadrensi creatus fuit a Joanne XXIII. anno 1412. 17. Kalen. Novemb. de quo nullum habent verbum Ordinis scriptores.* Ex lib. provis. prælat. ejusdem Pont. Max. Conradum non Arbensem in Slavonia, sed Albensem in Serblia, alias Belgradensem Episcopum fuisse illud argumento est, quod idem Vincentius Fontana in altero libro, cui titulus est: *Monumenta Dominicana*, ait Conradum eundem anno 1414. interfuisse Concilio Constantiensi cum Andrea Archiepiscopo Colocensi, Alba autem Græca, seu Belgradum Metropolitæ Colocensi tunc fortasse suberat, intraque fines illius provincie continebatur.

Item ex-  
plodendus  
Conradus  
Dominica-  
nus a Fon-  
tana intra-  
tus.

#### ZUDENICUS II. EP. ARBENSIS XXVIII.

Filius fratris Zudenici superioris Episcopi, quem patruus ætate in senium deversa adjunctorem sibi ad sustinendum onus episcopale adscivit anno 1407. & post insulam atque urbem Venetorum imperio, ac pristina tranquillitati restitutam, hujus operam & ministerium ad functiones laboriosiores diocesanæ lustrationis adhibuit. Catalogos Episcoporum Arbensium omnino quinque habeo; unum ex tabulario Capituli Arbensis; alterum e Sanctuario Arbensis desumptum; tertium auctore nescio quo ex antiquis & recentibus Arbensium monumentis collectum; quartum confecit Valerius a Ponte Archidiaconus Jadrensis; quintum ab Joanne Luca Garagnino hodierno Episcopo \* non ita pridem accepi. Ab tertio & quarto abest Zudenicus II. in tribus reliquis uterque Zudenicus nominatur; & Zudenici junioris initium affixum est anno 1407. cum scilicet a patruo in partem sollicitudinis episcopalis vocatus fuit. Post mortem patruus duobus annis hanc sedem tenuit, quam morte sublatus vacuam reliquit anno 1414.

Zudenicus  
II. primus  
Zudenici  
patruus ad-  
iutor;

\* nunc As-  
chiepisco-  
po Spala-  
rensi,  
deinde E-  
piscopus  
Arbensis.

#### MARINUS EP. ARBENSIS XXIX.

Illustri genere natus ex gente Cernota perantiqua, atque in primis inter Arbenenses clara & opulenta. Erat Archidiaconus Ecclesiæ Spalatensis; de quo plura in Episcopis Tragurien-sibus. Anno fere nono, quam Episcopatum Arbensem susceperat, ad Ecclesiam Tragurien-sem regendam transiit anno scilicet 1423. inde anno sequenti ad Tergestinam Sedem translatus fuit. Ex hac familia Arbeni insignes viri prodierunt, inter quos singulari commemoratione dignus mihi videtur Martinus Archipresbyter Ecclesiæ Arbensis, idemque Abbas Ottociensis, Marino Episcopo annis amplius quinquaginta posterior; cui Hieronymus & Bartholomæus ex eadem familia illustre monumētum in æde Virginum Arbensium S. Andreae posuerunt, hoc titulo appposito:

Marinus  
Archidia-  
conus, ac  
deinde Ep.  
Arbensis  
postea Tra-  
gur. de-  
sum Terg-  
estinus.

Martini  
Cernotæ  
Archipre-  
byteri Ar-  
bensis elo-  
gium.

HIER. EQVES ET BARTH. CERNOTA TESTA-  
MENTARIJ EXECUTORES SACR. LITERIS OR-  
NATO MARTINO CERNOT. ET ARCHIPR. AR-  
BEN. ET ABB. OTTOCEN. DE SE BENEMERITO  
MONUM. HOC FIERI CURARUNT  
M. D. X.

FRAN-

## FRANCISCUS II. EP. ARBENSIS XXX.

**Franciscus** Ep. Arben-  
translatus  
ad Eccle-  
siam Justino-  
politanam.

Patria Florentinus ex ordine S. Dominici, quem alias Servandum, alias de Sigismundis, alias de Blondis cognominatum reperio. Huic ob excellentem doctrinam & eximias virtutes, operamque perutilem B. Joanni de Dominicis, ex eadem Dominicana familia, Archiepiscopo Ragulino & Cardinali assidue navatam, cujus gloriosorum operum & laborum socius & confors fuerat, Martinus V. Episcopatum Arbensem decrevit anno 1423. Annos quinque ita præfuit, ut clero populoque Arbeni haud magis ferventissimis concionibus, & præclaris institutis, quam vitæ sanctissimæ exemplis profuerit. Eluxit in eo singularis modestia & mansuetudo, paterna erga omnes charitas & beneficentia. Nullam diei particulam vel a sacra lectione, ac rerum cælestium contemplatione, vel a muneribus negotiisque episcopalibus, & pietatis operibus vacuam elabi sinebat. Anno 1428. eodem jubente Pontifice, Arbensem cura Justinopolitana Ecclesia commutavit. Decessit anno 1448. De quo Vincentius Maria Fontana in suo Theatro Dominicano hæc litteris mandavit: P. F. Franciscus Servandi Florentinus, quem de Blondis nuncupant Fernandez, & Plo-dius; Arbenensis Episcopus a Martino V. creatus est, præfuitque eidem Ecclesiæ usque ad annum 1428. quo ab eodem Pontifice vii. Kalen. Martii ad Justinopolitanam translatus est, in eaque viginti annos resedit, decessitque anno 1448. de quo Olmeda in vita Bartholomæi Texerii Mag. Ord. Prædic. ita loquitur: F. Franciscus vero Servandi, & ipse Florentinus, socius quondam, comesque Joannis Dominici Cardinalis; vir undequaque clarus apud Justinopolim ibidem Episcopus moritur maximo cum fletu civitatis.

## ANGELUS EP. ARBENSIS XXXI.

Gens Cavacia, ex qua ortus est Angelus, Venetiis antiquissima erat inter primarias secundæ ordinis familias, & egregiis in rempublicam meritis clarissima, quæ sæculo superiori jus ordinemque patricium adeptæ est. Angelus tum aliis gravioribus disciplinis, tum præsertim juris pontificii, & Decretalium studio diligentem operam cum dedisset, Decretorum Doctoris nomen & insignia promeruit. In tabulis Arben-sibus *Famosissimus Decretorum Doctor* appellatur. Ecclesiæ, quam Reipublicæ servire maluit; & patriæ magistratibus ac muneribus posthabitis, Romam se contulit. Clericali ordini adscriptus inter præfules Curie Romanæ locum obtinuit. Martinus V. cognita viri doctrina & prudentia charum in primis habuit, eique præfecturam ærarii pontificii mandavit. Anno autem 1428. Episcopum Ecclesiæ Arbeni præfecit. Varia sunt acta emptionis seu locationis bonorum ecclesiasticorum nomine Angeli Episcopi subscripta & auctoritate firmata. Anno 1431. cum suo Capitulo & clero excepit Laurentium Venerium Metropolitam Jadrensem, qui indicta susceptaque totius provinciæ lustratione, Arbam pervenit. Inter Abbatem S. Petri, & Antiquitatem S. Andrea, interque Episcopum, Capitulum, clerum, & Abbatem S. Stephani de Barbato controversia orta est, quid & quantum pro sua quique parte contribuere deberent ad sumptus, quos fieri necesse erat in Archiepisco-

pum, ejusque comitatum. Laurentius litem diremit, & composuit ad hunc modum.

In nomine Dei aeterni Amen, Nos Laurentius Venerius Venetus Dei, & Apostolica Sedis gratia Archiepiscopus Jadrensis dum pro visitatione necessaria fienda in provincia nostra, advenissemus ad visitationem civitatis & diocesis Arbenensis; & pro expensis exinde secutis orta esset differentia inter Reverendum Fratrem Dominicum Abbatem monasterii S. Petri de Arbo, & venerabilem ac religiosam dominam Grubham Abbatiſſam monasterii S. Andrea prædictæ civitatis Arbi; & exinde etiam orta esset differentia inter Reverendum in Christo Patrem Dominum Angelum Cavaza Venetum, Dei & Apostolica Sedis gratia Episcopum Arben. & Capitulum, Abbatem S. Stephani, & totum clerum diocesis Arbenensis; & habita clara, & ampla informatione, quod ex antiqua & longa consuetudine, & maxime ex confessione propria præfata Domine Abbatiſſæ, facta in præsentia præfati Domini Episcopi Arbenensis, & venerabilis viri presbyteri Nicolai Plebani Ecclesiæ S. Michaelis de Jadra Cancellarii nostri, de omnibus expensis quomodocunque occurrentibus; Dominus Abbas tres partes ipsius dimidiæ, habito respectu ad quinque partes, & alias duas partes dicta Domina Abbatiſſa; aliam vero dimidiam Dominus Episcopus Arbenensis, Capitulum, Abbas S. Stephani, & totus clerus diocesis Arbenensis persolvant; volentes & intendentes omnimode, ut de cætero rancores, scandala, & omnis materia differentie de medio tollatur; & unaquæque pars sciat & cognoscat ea, ad quæ super inde tenetur; inter loquendo pronunciamus, & declaramus, quod de expensis occurrentibus, & eventibus de cætero, Abbas dicti Monasterii Sancti Petri, & Domina Abbatiſſa dicti Monasterii S. Andrea solvere debeant, & teneantur dimidiam pro rata, & pro portione, ut supra, declarata; & aliam dimidiam Dominus Episcopus Arbenensis, Capitulum, Abbas S. Stephani, & totus clerus diocesis Arbenensis; mandantes hanc nostram sententiam interlocutoriam, & declaratoriam sigilli nostri consueti munimine roborari, Actum in sala palatii Episcopatus Arbenensis, currente anno Domini 1431. Indictione 9. die lune 14. mensis Maji; præsentibus Venerabili viro Domino presbytero Simone Plebano Ecclesiæ S. Petri antiquioris de Jadra, Conrado de Alemania, habitatoribus in Jadra testibus vocatis, & adhibitis.

Cum annos circiter quinque huic Ecclesiæ præfuisset, Eugenius IV. anno 1433. v. Idus Januarii Angelum Arbenibus adeptum, Parentinæ Episcopum dedit; anno autem 1441. ad Traguriensem Ecclesiam transtulit, quam ad supremum ulque diem retinuit.

## JOANNES EP. ARBENSIS XXXII.

Civis, Canonicus, & Episcopus designatus Parentii, quem Eugenius IV. Angelo Cavaciæ in sedem Arbensem subrogavit, ut docent tabulæ consistoriales: vii. Id. Januarii anno 1433. Eugenii 2. provisum fuit Ecclesiæ Arbeni vacanti per translationem factam de persona D. Angeli ipsius Ecclesiæ ultimi Episcopi ad Ecclesiam Parentinam tunc certo modo vacantem de persona D. Joannis Sac. Theol. professoris, Canonici dictæ Ecclesiæ Parentinæ nuper ad eandem Ecclesiam Parentinam electi. Idem Eugenius IV. custodibus seu præfectis sanctuarii Arbenensis, roga-

Laurentius  
Metropoli-  
ta Jadren-  
sis. quid & quan-  
tum cuique  
contribuen-  
dum esset  
Archiepi-  
scopo pro-  
vinciam lu-  
stranti de-  
claravit.

Angelus ex  
Arbeni ad  
Parenti-  
nam ex hac  
ad Tragur-  
iensem Ec-  
clesiam re-  
gendam mi-  
gravit.

Joannes ex  
Ep. Paren-  
tino desi-  
gnatus Epi-  
scopus Ar-  
benſis.

Ab Eugenio rogatu Joannis Episcopi Seniensis, qui cum pa-  
IV. quodam privilegio impetravit custodibus sanctuarii Arben-  
Joannes Ep. Seniensis.  
traria Arbensis esset, civibus suis gratificari cupiebat, potestatem fecit Sacerdotis, quem quilibetque voluerit, eligendi, per quem in extremo vitæ periculo constituti, peccatorum omnium vinculis exsolvantur; nisi si forte hujusmodi omnium delictorum quamvis enormium veniæ impetrandæ spe confisi, grave aliquod flagitium commiserint.

Eugenius Episcopus servus servorum Dei. Dilectis filiis nobilibus viris Christophoro de Dominis, Jacobo de Hermolao, Francisco de Cernota, & Joanni de Zudenico custodibus sanctuarii Ecclesiæ Arben. & qui perpetuis futuris temporibus idem officium obtinebunt, salutem & apostolicam benedictionem. Provenit ex vestra devotionis affectu, quo nos & Romanam Ecclesiam reveremini, ut petitiones vestras, illas præsertim, quæ animarum vestrarum salutem respiciunt, ad exauditionis gratiam admittamus. Hinc est, quod nos Ven. Fratris nostri Joannis Episcopi Signiensis supplicationibus inclinati, vobis, qui etiam fidelem curam & custodiam Reliquiarum sanctuarii Arbensis Ecclesiæ geritis, ut confessor idoneus, religiosus aut secularis, quem quilibet vestrum duxerit eligendum, omnium peccatorum vestrorum, de quibus corde contriti, & ore confessi fueritis, semel tantum in mortis articulo plenam remissionem vobis in sinceritate fidei & unitate S. Romanæ Ecclesiæ, ac obedientia, & devotione nostra, vel successorum nostrorum Romanorum Pontificum canonice intrantium, persistentibus auctoritate apostolica concedere valeat, devotioni vestra tenore præsentium indulgemus: sic tamen quod idem confessor de his, de quibus fuerit alteri satisfactio impendenda, eam vobis per vos, vel quemlibet vestrum, si supervixeritis, vel per heredes vestros, si tunc forte transiveritis, faciendam injungat, quam vos vel quilibet vestrum, seu illi facere teneamini, ut præfertur; & ne, quod absit, propter hujusmodi gratiam reddamini procliviores ad illicita in posterum committenda; volumus quod si ex confidentia remissionis hujusmodi aliqua forte committeretis, quod illa prædicta remissio vobis nullatenus suffragetur; & insuper quod per unum annum a tempore, quo præsens nostra concessio ad notitiam vestram pervenerit, computandum, singulis sextis feriis, legitimo cessante impedimento jejunetis; quod si prædictis feriis ex præcepto Ecclesiæ, regulari observantia, injuncta penitentia, voto, vel alias jejunare teneamini, una alia die singularum septimanarum ejusdem anni, quæ ad jejunandum, ut præmittitur, non sitis astricti, jejunetis; & si in dicto anno, vel aliqua ejus parte essetis legitime impediti, anno sequenti, vel alias quamprimum poteritis, modo simili supplere hujusmodi jejunium teneamini. Porro si forsitan alias prælibatum jejunium in toto vel in parte, quandocumque adimplere commode nequiveritis; eo casu confessor idoneus, quem ad hoc elegeritis, jejunium ipsum in alia pietatis opera, prout animarum vestrarum salutem expedire videbitur, commutare valeat, quæ vos pari modo debeatis adimplere: alioquin hujusmodi præsens nostra concessio nullius sit roboris, vel momenti. Nulli ergo omnino hominum &c. Dat. Florentiæ Anno Incarn. Dom. 1434. VIII. Id. Octob. Pontificatus nostri an. quarto.

Joannes Ep. præfatus so-  
dalitatis S. Marie &c.  
Anno 1437. Joannes Episcopus Dobram piam quamdam mulierem in sodalitatem S. Mariæ, & S. Petri, & SS. duodecim Fratrum de con-

sensu omnium sodalium recepit & aggregavit: plenam quamdam mulierem ad eam aggregavit.  
1437. die Jovis, 19. mensis Decembris in episcopali palatio, præsentibus honesto viro presbytero Thoma de Stantiis Canonico Arbeni, & Dominico de Zuze vocatis . . . testibus, ad hæc vocatis, & rogatis; ihique Rev. in Christo Pater Dom. Joannes Parentinus Dei gratia Episcopus Arbensis, tamquam primus Castaldus Fraternitatum S. Mariæ, & S. Petri, & SS. duodecim Fratrum, una cum D. Francisco de Lentiis Archipresbytero Arbeni, & cum presbytero Creste de Maza Castaldionibus dictarum fraternitatum, & cum assensu & voluntate Fratrum dictarum fraternitatum, videlicet Domini Nicolai de Rodanis Archidiaconi, D. Matthæi de Planegos Primicerii, Dom. Antonii Plebani, presbyteri Juliani, & aliorum Fratrum dictæ fraternitatis, advertentes devotionem, quam gerit Dobra uxor quondam Dominici de Taritono, fraternitati S. Mariæ, S. Petri, 12. Fratrum, dictæ Dobra supplicans & petens ipsam in consortium dictæ fraternitatis numerare, recipere, & acceptare, & scribi facere, secundum morem dictæ fraternitatis, hac vero conditione, & pacto, quod statim post mortem ejus Dobra, pro offeritorio dictæ fraternitati vinea sua posita in Loro, sit & esse debeat libere dictæ fraternitatis: quod Dom. Episcopus una cum supra scriptis Castaldionibus, & Fratribus dictæ fraternitatis, advertentes devotionem ejus Dobra, acceptaverunt eam benigne in consortem & fraternitatem prædictam, ad participationem Missarum, & orationum celebrandarum per confratres dictæ fraternitatis, ut moris est, cum supra scripta promissione per eam facta &c.

Hæc præterea in tabulis Sanctuarii Arbensis notata invenio, quæ ad Joannem pertinent: Joannes de Parentio Arbensis Episcopus dispensavit quadam legata, maxime pro adificatione cujusdam capella secus portam civitatis.

Joannes Parentinus Episcopus Arbensis 1438. dat facultatem vendendi quadam bona stabilia spectantia ad fraternitatem S. Mariæ. Locatio pariter facta est eodem die Benedicto Abbati S. Stephani Arben. diocesis. In alio instrumento celebrato anno 1438. vocatur protitulatus, datque facultatem vendendi stabilia quadam S. Mariæ.

Anno 1439. Florentiam profectus Concilio Florentino interfuit, ejusque actis & decretis subscripsit. Arbam reversus ad episcopalia munia peragenda se retulit; sed post biennium nondum exactum huic Ecclesiæ nuncium remisit, & migravit in patriam ad Ecclesiam Parentinam regendam, quam illi Eugenius IV. demandavit an. 1441. 11r. Id. Aprilis. E vita decessit anno 1447. Dum Ecclesiæ Arbeni præsidebat, fenestra maxima orbicularis in fronte ædis cathedralis latius explicata est, & marmoreis crustis operibusque circum ornata: eique superposita hæc Inscriptio:

ANNO. DNI. M. CCCXXXVIII.  
TPRE. DOMINI LVCE VIARE  
COT.

MATTHÆUS II. EP. ARBENSIS XXXIII.

Sextus ex Arbeni familia de Hermolais. Erat Episcopus Sappatenfis in Albania sive in extrema regione Dalmatiæ superioris; quem Eugenius IV. ad regendam Ecclesiam Arbenensem mi-

Concilium  
Florentino  
interfuit;

ab Arbeni  
si ad Parentinam  
Ecclesiam  
transiit.

migrare iussit an. 1440. tertio Idus Aprilis, ut docent tabulæ Romanæ. Tom. Oblig. 65. pag. 51. r. Cum templum S. Andreæ ad mare omni ex parte rimas ageret, ac ruinam minitaret, nec vero ullis fulcimentis sustineri, prohiberi-que ab lapsu posse videretur; Matthæus illius a fundamentis reedificandi suator fuit auctor-que Matthæo de Marinellis civi Arbeni copioso in primis ac nobili; pollicitus ei tum nomen Patroni, tum jus nominandi Sacerdotis, qui præfecturam illius templi susciperet, rem-que divinam ibidem quotidie faceret, Sed promissum, quod ipse fecerat, morte præreptus anno proximo post regimen hujus Ecclesiæ suscepit, successori complendum reliquit. Semel tantummodo *Matthæum de Hermolais Episcopum Arben.* nominatum invenio in tabulis venditionis quorundam bonorum, quæ ad sodalitium S. Mariæ pertinebant an. 1442. Indict. 5. Vel hoc eodem anno, vel sequenti ad superos migravit.

## PAULLUS II. EP. ARBENSIS XXXIV.

Jadertinus patria, ex ordine Patrum Prædicatorum, ut docent omnes catalogi; de quo nullam mentionem factam reperio apud Scriptores Dominicanos, quos ego viderim. Pontificatum gessit admodum brevem, quem eodem anno 1443. suscepit, & vel sponte, vel morte sublatu depoluit, ut ex Vadingo infra citando. Ceterum catalogi Arbenes ejus regimini biennium vel triennium attribuant. Joannes Lucas Garagninus hodiernus Episcopus Arbenis \* in tabulis fratrum sodalitatibus S. Christophori confectis anno 1443. pridie Id. Junii *Balsamum de Pirano* nominatum invenit *Episcopum Arbensem electum*, cum Franciscus Fuscarius principatum in Venetis obtinebat. Sede ejus electionem, vel ipso abnuente, vel alia de causa irritam fuisse censet.

## NICOLAUS EP. ARBENSIS XXXV.

Hic quoque Jaderæ natus est, & disciplinæ Dominicanæ alumnus fuit, si fides habenda sit catalogis Antistitum Arbensium. Hic etiam abest ab historia, & monumentis editis, ac mihi notis, Patrum Prædicatorum. Illius Episcopatum alii cum 46. alii cum 44. hujus sæculi anno conjungunt. Lucas Vadingus anno 1443. cum ab Senienti ad Ecclesiam Arbensem translatus fuisse tradit Tomo V. Annalium: *Factus est Episcopus Segniensis in Dalmatia sub Archiep. Spalaten. F. Andreas de Duratio per translationem Nicolai ad Arben. 19. Calend. Augusti an. 1443.* Nec vero infra annum 1444. hujus Episcopatus initia rejici possunt; hoc quippe anno litem diremit, quæ de quadam ædícula erat cœnobiarchæ S. Petri in Valle cum quodam Canonico Ecclesiæ cathedralis, ut docent tabulæ Arbenes eodem anno confectæ. Cum vero Abbas Commendatarius S. Stephani onus annui tributi Episcopo & Capitulo solvendi deretaret; de utriusque partis consensu delectus est arbiter Vicarius generalis, qui secundum Episcopum, & Capitulum sententiam tulit.

1446. Indict. 9. die 9. Octobris.

Egrégus Dominus Vicarius auditis petitionibus factis hinc inde inter Ser Marinum de Nimira procuratorem, & procuratorem nomine totius Capituli Arbenis, & presbyterum Thomam procuratorem Domini Episcopi Arbenis, petentes ex Rlyrici Sacri Tom. V.

una parte pro certa regalia libras tres, solidos quatuor, quas annuatim Abbatia S. Stephani de Barbato tenetur D. Episcopo Arbeni & Capitulo Arbeni, sibi jus & iustitiam fieri; & ex alia parte inter Ser Nicalanum de Scafa nomine Fratris sui in commendam habentis dictam Abbatiam, tamquam ejus procuratorem, & illorum bonorum gubernatorem se defendentem, & dicentem se nescire qualiter ipsa Abbatia dictis Domino Episcopo & Capitulo teneretur in aliquibus regaliis vel donariis; quare probationes petiit, quibus se plene informare possit; quocirca productis ex consensu ambarum partium testibus, pro veritate videnda fuerunt examinati. Hi testes deposuerunt Abbatiam ab immemorabili solvisse Capitulo & Episcopatu libras tres, solidos quinque. Unde Vicarius Episcopo litem adjudicavit.

Ex omnibus decimis Novaliz, qui locus est uberrimus & latissimus in Pago insula, de quo sæpe & multæ & graves contentiones Arbensibus cum Jadertinis fuerunt, partem Episcopus, partem Canonici Arbenes percipiebant. Suas esse omnes contendebat, sibi-que vindicabat Episcopus; & inconsulto & reclamante Capitulo, pro suo arbitratu, & quibus voluit, eas locavit; annua pensionem sibi uni solvenda conductoribus imposita. Appellarunt Canonici ad Sedem Apostolicam. Eugenius per litteras mandavit Episcopo Vegleni, ut incolis Novaliz pœnam anathematis denunciaret, nisi decimarum partem dimidiam Canonici contribuerent; Nicolaus Episcopus Arbenis, ut est in tabulis Capituli, ad assensum dederat decimas Novaliz, pretendens eas ad Episcopatum tantum spectare. Reclamante Capitulo Eugenius dat litteras Francisco Episcopo Vegleni, qui sub pœna excommunicationis iussit homines Novaliz, ut de cetero debeant medietatem decimarum Capitulo Arbeni respondere. Anno 1446. hac acta sunt.

Cum jampridem in urbem recepti fuissent Fratres Franciscani, quos Conventuales vocant, eis-que attributum domicilium ac templum S. Joannis Evangelistæ; Fratres ex eodem ordine, sed severioris disciplinæ, qui apud Jadertinos in illa vinea Dominica assidue laborabant; & magno adjumento erant civibus ad christianam pietatem ac virtutem colendam; ingens sui desiderium, & miram cupiditatem Arbensibus injecerunt. Itaque duobus ex eodem ordine Fratribus Ludovico de Ragusio, & Joanne de Sibenico missis ad B. Joannem de Capistrano, qui tunc in Aprutio Vicarii generalis munere fungebatur, ut aliquot ex eadem familia Franciscana Patres suppliciter postularent, qui civitatem illam atque insulam divinis mysteriis ac præceptis excquerent; annuit vir sanctissimus; & pro potestate sibi ab Eugenio Pontifice tradita, F. Simoni de Ragusio per litteras imperavit, ut quem Arbenes dedissent, locum idoneum condendo cœnobio reciperet. Paruit F. Simon; & illuc F. Nicolaum de Pulisano præsidem cœnobii Franciscani Jadertini S. Crucis, cum litteris commendatitiis Laurentii Archiepiscopi se conferre iussit, ut locum, quem maxime Fratribus aptum esse opportunumque duceret, ipse deligeret. Hic autem designavit locum ac templum S. Euphemie, uno fere milliario ab urbe disjunctum; ibi jacta sunt fundamenta novi cœnobii; & primum lapidem sacris precationibus initiatum, ex mandato ejusdem Vicarii generalis demiserunt & locarunt illi

Controversiam de decimis Novaliz inter Episcopum & Capitulum.

S. Joannes Capistranus Arbensibus petitionibus concessit facultatem condendi cœnobia Franciscani severioris disciplinæ;

Abbas S. Stephani annuam pensionem Episcopo & Capitulo solvere jubetur.



quibus ex  
designatio-  
ne F. Nico-  
lai de Pul-  
sano locus  
& templum  
S. Euphe-  
miz tradi-  
tum fuit.

illi ipsi, quos ad B. Joannem Capistranum ora-  
tores miserant, cujus rei memoria publicis li-  
teris consignata extat: S. Joannes de Capistrano  
das in commissis Ludovico de Ragusio, & Joan-  
ni de Sibenico ordinis S. Francisci, ut primum  
lapidem jacent conveniens S. Euphemie; idque  
Eugenius IV. bulla concessit; qua obventa Arbam  
anno 1445. statim missus fuit F. Nicolaus Pul-  
sano Guardianus S. Crucis extra muros Jadræ.  
Huic præclaro ptoque operi vehementer obsti-  
terat F. Matthæus præses cœnobii Arbensis S.  
Joannis Evangelistæ; qui ajebat sacerdotium S.  
Euphemie cum suis omnibus proventibus col-  
latum fuisse ab Romano Pontifice Matthæo Pa-  
pizæ fratris sui filio admodum puero, ipsum-  
que protulit pontificium diploma. Sed cum  
omnes ordines civitatis designatum cœnobium  
summopere expeterent; ne unus omnium volun-  
tati repugnare velle videretur, jus obtinendi  
illius Sacerdotii, filio fratris acquisitum, tan-  
dem dimisit; & huic de fundis ac redditibus S.  
Euphemie illud tantummodo reservari voluit,  
quod extra fines domicilii claustrisque eorum-  
dem Fratrum præscriptos supererat. Ita ingenti  
totius civitatis læticia & gratulatione, illius lo-  
ci possessio ritu sollemni & ex juris formula tra-  
dita est F. Nicolao de Sibenico, quem F. Nico-  
laus de Pulsano rectorem Fratribus cœnobii Eu-  
phemiani præposuerat. Hæc summatim ex ta-  
bulis Arbensibus, in quibus totius rei gesta se-  
ries fute accurateque exposita fuit, in iisdem-  
que tum epistola B. Joannis Capistrani ad F. Si-  
monem de Ragusio, tum etiam diploma Euge-  
nii IV. qui eidem B. Joanni quatuordecim cœ-  
nobis vel jam exstructa, vel exstruenda recipien-  
di potestatem fecit. Quas quidem tabulas hic  
subjicere operæ pretium visum est.

Anno 1445. Indict. 8.

Tabulæ  
Arbenses.

In nomine Domini Nostri Jesu Christi. Amen.  
Actum Arbi temporibus equidem Sereniss. Prin-  
cipis, & Excellentissimi Dom. D. Francisci Fo-  
scari Dei gratia incliti Ducis Venetiarum, &  
Rever. in Christo Patris, & Dom. D. Nicolai  
Dei, & Apostolica Sedis gratia Episcopi Arben-  
sis, ac Regiminis Spectabilis, & generosi viri  
D. Pauli Maripetro pro Sereniss. Dominio Ve-  
netiarum honorabilis Comitibus Arbi, presentibus,  
ac diebus infra notatis. Religiosissimus in Chri-  
sto Pater sanctæ vitæ, ac regularis observantiæ  
D. Fr. Joannes de Capistrano ordinis Fr. Minorum  
S. Francisci de observantia nuncupatorum Vica-  
rius generalis dignissimus, zelator animarum,  
die nocteque non desinens cogitatum jactare,  
mentemque suam diversis imaginationibus revol-  
vere, qua via, quibusve introductionibus animas  
multorum, e manibus, & potestate inimici hu-  
mani generis posset evellere, & ad viam salutis  
reducere; tandem divina inspiratione, efficacissi-  
mæ experientia rerum motus, animum adjecit  
toto posse perquirere, & omnibus suis spiritibus  
operari, ut facultas daretur nonnulla loca, seu  
monasteria sui ordinis præfati, in diversis orbis  
partibus de quo construi, seu jam constructa per  
eius præfatos Fratres recipi posse, ac possideri,  
frui, & detineri perpetuis temporibus, cum præ-  
fati sui Fratres ordinis, ut præfertur, de ob-  
servantia nuncupati, ubicumque degunt, populos  
ad gratiam salutis advocent, & inducant; ea ita-  
que salubri cogitatione inductus, Bullas Aposto-  
licas a sanctitate Dom. nostri Eugenii Papæ IV.  
debite expeditas obtinuit, quarum tenor hic in-

fra punctualiter, per hoc transumptum, quibus-  
libet palam declaratur.

In Christo sibi carissimo Fratri Simoni de Ra-  
gusio, provincie Dalmatiæ ordinis Minorum, Fra-  
ter Joannes de Capistrano ejusdem ordinis minimus,  
& indignus Reverend. P. G. in cismontanis par-  
tibus quoad Fratres de observantia nuncupatos,  
immeritus Vicarius generalis, salutem, & pa-  
cem in Domino sempiternam; Cum per carissimos  
Fratres nostros Fratrem Ludovicum de Ragusio,  
& Fratrem Joannem de Sebenico mihi relatum  
fuit, quod cives, sive incolæ civitatis, & in-  
sula Arbensis de dicta provincia Dalmatiæ, ob  
summam devotionem, & affectum, quem habent  
ad gloriosissimum Patrem nostrum Beatum Fran-  
ciscum, ac etiam ad ordinem nostrum, obnixè cu-  
pientes Fratres nostri ordinis de observantia nun-  
cupatos apud eos habitare, & commorari, quam-  
pluries Fratres nostros de dicta provincia requi-  
sierunt; eisque locum pro habitatione eorum  
construendum, vel construendum providere spon-  
derunt; & ego habeam a Sanctissimo Domino no-  
stro Eugenio Papa IV. ut nonnulla loca pro ha-  
bitatione Fratrum nostrorum recipere, ac retine-  
re possim, prout in litteris sue sanctitatis con-  
tinetur expresse; hinc est quod attenta devotione  
civium illorum, & fructu salutis animarum, &  
Dei, ac nostri ordinis honore, quæ rationabili-  
ter sperari possint, concedo tibi pariter, & com-  
mitto tenore præsentium, quatenus in dicta insula,  
sive civitate Arben. vulgariter nuncupata recipere,  
vel acceptare possis locum unum construendum, vel  
de novo construendum, aptum, & congruum pro ha-  
bitatione, & commoditate Fratrum, sicut tibi cum  
discretis Fratribus de tua provincia melius videbi-  
tur, secundum formam, ac tenorem præfatarum  
Apostolicarum litterarum, hic inferius de verbo ad  
verbum insinuatam, & annotatum, qui talis est.

Eugenius Episcopus servus servorum Dei. Dile-  
cto filio Joanni de Capistrano ordinis Fratrum Mi-  
norum de observantia nuncupatorum professori sa-  
lutem, & apostolicam benedictionem. Inter eccle-  
siasticos ordines in domo Domini militantes id ex be-  
nedictione celesti ordini tuo, & illius Fratribus ma-  
gis ascribitur, ut efficax testatur experientia rerum,  
quod ubicumque degunt, populos ad salutis gratiam  
evocant sibi proficientes per vitæ meritum, &  
aliis nihilominus per exemplum. Cum itaque,  
sicut exhibita nobis pro parte tua petitio conti-  
nebat, sæpe contingat nonnullos Christi-fideles ex  
devotione, quam ad dictum ordinem habent,  
tuisque sermonibus allekti ad bona in celestia com-  
mutandum, pro ipsorum, majorumque suorum  
animarum salute, loca quadam pro usu, & ha-  
bitatione tui ordinis Fratrum fundarent, con-  
struerent, & edificarent, vel fundata, constru-  
cta, & edificata concederent, si ad id Sedis  
Apostolica suffragetur auctoritas, & sicut eadem  
petitio adungebat, si quatuordecim loca pro usu  
& habitatione hujusmodi fundandi, construendi,  
& edificandi, aut fundata, constructa, & edi-  
ficata recipiendi a Sede prædicta facultatem ha-  
beres, profecto plurimorum animas Deo lucrifa-  
cere posse sperares; Nos igitur qui religionem  
nostris præsertim temporibus adaugeri intensius de-  
sideriis exoptamus, ac salutem quarimus singu-  
lorum, tibi nec non pro tempore existentibus qua-  
rumcumque provinciarum juxta morem Fratrum  
Minorum de observantia nuncupatorum Vicariis,  
quatuordecim loca ubicumque consistentia cum Ec-  
clesiis, campanilibus, & campanis, hortis, hor-  
taliis, & aliis necessariis officinis, si tibi

ant

aut aliis alumni canonice consignentur, vel in locis ad id congruentibus, & honestis vobis per eosdem Christifideles forsitan assignandis domibus, Ecclesiis, cum campanilibus, campanis, hortis, & hortalicis, & aliis necessariis officinis hujusmodi fundari, construi, & edificari faciendi, ac recipiendi, & perpetuo retinendi, diocesano- rum locorum, in quibus hujusmodi loca fuerunt, aut ejusdem ordinis superiorum licentia minime requisita, eadem auctoritate apostolica tenore presentium concedimus facultatem; & insuper universis, & singulis dicti ordinis Fratribus, quos in locis hujusmodi pro tempore residere contigerit, ut omnibus, & singulis indulgentiis, privilegiis, libertatibus, & exemptionibus ordi- ni prefato, nec non ipsius domibus, locis, ac personis per Sedem prefatam, vel alias genera- liter quomodolibet concessis uti & gaudere libe- re, liciteque valeant, auctoritate prefata conce- dimus, (jure tamen parochialium ecclesiarum, & cujuslibet alterius semper salvo) felicitis re- cordationis Bonifacii Papæ VIII. prohibitione, ne Religiosi ordinis Mendicantium loca de novo reci- piant absque licentia Sedis Apostolicæ speciali, faciente plenam expressam de prohibitione hujus- modi mentionem, & aliis constitutionibus apo- stolicis contrariis non obstantibus quibuscumque. Nulli ergo omnino hominum liceat hanc pagi- nam nostræ concessionis infringere, vel ei ausu temerario contradicere. Si quis autem hoc ten- tare presumpserit, indignationem Omnipotentis Dei, & Beatorum Petri, & Pauli Apostolorum ejus, se noverit incursurum. Dat. Roma apud S. Petrum anno Incarnationis Dominicæ 1444. 14. mensis Februarii, Pontificatus nostri anno decimo quarto.

Prefatarum igitur apostolicarum litterarum vigore tibi, ut supra, prefatum locum in præ- dicta civitate, seu insula Arba territorio, vel finibus, ubicumque tibi melius visum fuerit, cum consilio aliquorum discretorum Fratrum tuæ curæ commissorum, meis nomine & vice recipiendi, & acceptandi juxta continentiam prefatarum lit- terarum, presentium tenore liberam, ac plenam licentiam tribuo, pariter & concedo, circa præ- dicta vices meas tibi committens, ut in omni- bus, & per omnia dicere possis, facere tanquam mea propria persona, si presentia interessem. Vale in Christo Jesu. Ora pro me. Ex civitate Aquila in sacro Conventu nostri ordinis An- domini 1445. die 23. mensis Maji, Octava In- cisionis, Pontificatus vero ejusdem Sanctiss. Do- mini Eugenii Papæ IV. anno 15. Frater Joannes supradictus manu propria me subscripsi, & sigil- lum apponi feci consuetum. Ego Notarius Luca de Balzano de Aquila prefatus. Ego Notarius Nutius Andrea de Pratorio de Aquila publi- cus &c. quorum notariorum subscriptiones in præ- fatis Bullis ordinate subnotata sunt, ut decet &c.

Quæ itaque Bullæ cum his diebus, Deo ope- rante, emanarent religioso Domino Fratri Nico- lao Pulixano ejusdem ordinis de observantia nun- cupati, Guardiani monasterii Sanctæ Crucis ex- tra muros Jadræ, qui cum non parum circa sa- lutem animarum pervigilet, inspecta serie Bullarum prefatarum, quibus specialis fit mentio hujus egenæ insula spiritualium videlicet erudi- mentorum, affectans adeo acceptabile munus ejus- dem insula habitantibus offerre, absque mora litteris persuasissimis Reverendiss. in Christo Pa- tris, & D. Laurentii, Dei, & Apostolicæ Se- dis gratia Archiepiscopi Jadrensis meritissimi, & Illyrici Sacri Tom. V.

huic rei ad Dei honorem permaxime, consilium, favorem, ac auxilium optulantis, huc Arbum se contulit, requisivitque in observatione Bullarum prefatarum locum congruum pro habitatio- ne Fratrum sui ordinis perpetuo duratura; ob- cuius adventum magnificus Dom. Comes antedi- ctus, universusque cæterus nobilium civitatis, cæ- terique bant cives, & habitatores civitatis & insula considerantes proficuum procul dubio ema- nandum exinde, si id fiet, quod petiit, debitis juxta posse redditus gratiis summo Deo, qui eis non meditantibus tale & tantum munus obtu- lerit, speciali veroque gaudio repleti fuerunt, dictum Fratrem Nicolaum benigne, & reve- renter, ut decet suscipientes, ac spondentes fore promptissimos dare quod requisivit; deinde non magno intervallo facto, idem magnificus Do- minus Comes, ut assequeretur assensum civita- tis, redderetur debitus honor quibus pertinet, mandavit ordinari Consilium solemne, in quo de- beat res ipsa proponi, & ut sit perpetuis tem- poribus duratura, sic ordinari, quod prout peti- tur, attribuat auctoritas dicti Fratri Nicolao eligendi in hac insula, ubi volueris, locum sibi gratum pro eo opere construendum; in quo qui- dem Consilio ad sonum campanæ, ut est moris, solemniter, & debite congregato, fuit posita pars infrascripti tenoris, videlicet: 1445. die 4. Augusti in pleno Consilio civitatis Arbi in loco solito, ac debite congregato, de licentia, & auctoritate magnifici D. Pauli Maripetro hono- randi Comitis antedicti; viri nobiles, & egre- gii Ser Colanus de Cernota, & Hermolaus de Hermolaus Sindici honorandi Consilio prefato pro- posuerunt, videlicet. Cum Reverendiss. Dominus Archiepiscopus Jadrensis pro honore Dei, & sa- lute animarum nostrarum scripseris magnifico Do- mino Comiti, & huic Communitati in commenda- tione religiosi Domini Fratris Nicolai Pulixano ordinis observantia, qui cum specialibus Bullis Apostolicis huc accessit, assumpturus quemdam lo- cum pro residentia Fratrum sui ordinis, conside- rata utilitate, quam animæ nostræ exinde procul dubio consequentur, inspectaque forma dictarum Bullarum, concedatur ipsi Dom. Fratri Nicolao eligendi locum in insula ubi ei videbitur, serva- ta tamen serie ipsarum Bullarum, pro construendo monasterio sui ordinis prefati. Quæ pars ad partitum posita, & ad bussulos post nonnul- las arengationes deducta, fuit obtenta per con- siliarios triginta quatuor, nemine contradicente. Quibus igitur sic peractis, idem Dom. Nicolaus omnibus locis hujus insula meditatæ elegit in observationem prefatam, locum S. Euphemie distantem a civitate per miliare, vel circa, pro sibi grato, idoneo, & apto pro eo monasterio edificando, ubi omnibus tunc assentientibus, vi- delicet Nobilibus, & aliis habitatoribus civita- tis, & insula, idem Dom. Fr. Nicolaus illico in eo loco S. Euphemie ad vacandum, ibi circa divina officia deputavit Ven. Fr. Nicolaum de Sebenico pro Guardiani, Andream de Firmo, Pacificum de Sebenico, Antonium de Bichiach, Ludovicum de Canali, Michaellem de Ragusio, ac Laurentium de Sebenico omnes ordinis prefati de observantia nuncupati, videlicet S. Francis- ci, qui ad honorem Dei, ejusque gloriosissime Virginis Matris, totiusque curia celestis, expe- rientia rerum testante, religionem eorum assiduis officiis exemplisque merito imitandis pro salute animarum integre, ac debite conservabunt, adeo quod huic universitati nil carius effici potuisset.

Gaudebant omnes, & speciali gaudio replebantur; sed inimicus totius creatura exinde non parum molestus effectus existit, quia quos ad ejus aeternale damnatum consortium jamdiu ducere procul dubio conatus fuerat; ad viam salutis admissa Religione praefata recte volare conspiciebat. Itaque sui cogitationem direxit hanc praefatam Religionem sacram vexare; & quoad potuit diversis modis id perquisivit: Denique Dom. Fr. Matthaeus Guardianus conventus Sancti Joannis de Arba, etiam certis Bullis nomine Matthaei Panizza sui nepotis simili modo contra hanc omnimodam intentionem civitatis stare conabatur: quibus omnibus occasione omnino fuit expediens ad observandum promissa, & ad prosequendum desiderium civitatis per Consilium debitis, & solamiter congregatum poni, & affirmari partem subsequens tenoris, ut si quis aliquid contra praedicta tenere praesumpserit, noscat se non solum contra praedictos Fratres penitus imitandas operari, verum etiam contra universitatem habitantium civitatis, & insulae. Die 8. Novembris, quia, prout omnibus existentibus in hoc egregio Consilio notum est, superioribus diebus per partem expressam fuit captum, & affirmatum ob persuasiones instantissimas magnifico D. Comiti, & huic egregie Communitati factas litteris Reverendiss. D. Archiepiscopi Jadrensis, & pro obediendo, ac prosequendo formam Apostolicarum Bullarum, quod quidem omnibus proponendum est, dandi, & deputandi quemdam locum Ven. Fratribus de observantia nuncupatis, pro construendo monasterium sui ordinis, ubi religioso Fr. Nicolao Pulixano, qui tunc Arbum ipsa pro causa venerat, videbitur, & placuerit; & cum idem D. Fr. Nicolaus elegisset pro eo monasterio construendo locum S. Euphemiae pro sibi apto, grato, commodo, & jam ibi dimisisset nonnullos ejus socios religioso & sanctae vitae, quos D. Fr. Matthaeus Guardianus conventus Arbensis inde dicitur vellem expellere vigore certa Bullae Apostolicae obtenta pro quodam puero, ut dicitur, ejus nepote, quas tum requisitus pluries a D. Comite antedicto nunquam ostendere voluit; & cum nullo modo vellet assentire, quod ipsi Fratres permanerent, quamvis pluries in genere & in specie fuerit requisitus, etiam cum ejus avantagio, quod ex nunc cedit in opprobrium maximum hujus Communitatis, & si id ipsi F. Matthaeo assentiretur, amplius amodo hac universitas denigraretur: unde ad hanc infamiam removendam, & ad manutenendum quod in hac causa per hanc Communitatem captum sit, omnino necesse est providere. Proponitur ergo per ser. Colanum de Cernota, & ser. Hermolaum de Hermolais Sindicos honorandos hujus Communitatis de scientia, & auctoritate antedicti magnifici D. Comitis ibi praesentis, quod pars primitus, ut supra, capta superinde per praesens Consilium affirmata sit, & si quis praesumpserit quovis modo contra eam venire, ad expensas hujus praefatae Communitatis super inde ejus sortiatur effectus, & sic leviter non revocetur. Quae pars debito modo lata, & arregata, & ad bussulos reducta, fuit obtenta, quia del. si fuerunt ballotta 27. de non una sola existente, non obstante. Is autem D. F. Matthaeus procurator Matthaei Panizza sui nepotis considerans talem intentionem civitatis, ei nullo modo contrastare disposuit, imo etiam toto posse imitari. Sicque non obstantibus Bullis nepotis penitus fuit contentus, Ecclesiam, domus, hortus

cum ea particula territorii, quae candelae videbitur, designari, ac delineri posse per praefatos Dominos Fratres de observantia nuncupatos; & sic stantibus terminis, quia idem D. Fr. Nicolaus Pulixano Jadram redierat; cum dimissis sociis suis praedictis huc Arbum se transiit religiosus D. Fr. Nicolaus de Jadra ordinis praefati de observantia; & pluribus pluribusque diebus verbum Domini devotissime, solemniterque publice annuntiavit. Tandem aspiciens nullam orationem perfectam dici posse nisi conclusio debita pronuntiaretur, videns devotionem civitatis magis, atque magis in dies ad Religionem praefatam augeri; visum ei fuit omnino necesse, ut corporalis possessio, & tenus loci praefati, videlicet, Ecclesia, domorum, ac ceterae particula territorii pacifice daretur, & assignaretur ordini antedicto, quod ejus parere exprimere non neglexit magnifico & carissimo Dom. Comiti antedicto, cuius magnificentia existimans sic fore exequendum, & omnino oportere, participato consilio, & parere egregiorum virorum D. D. Colani, & Hermolai Sindicos, & aliorum quoque plurimorum Arbi civitatis, porrigi iussit quamdam supplicationem venerando Capitulo Arbeni pro parte Communitatis, qua requirebatur auctoritas ab eo Capitulo inducendi praefatos Fratres de observantia nuncupatos in tenutam, & corporalem possessionem loci ac rerum praedictarum, pro constructione monasterii eorum ordinis perpetuo duraturi. In quo Capitulo solemniter convocato, ubi etiam affuit Ven. Dom. Fr. Joannes Abbas monasterii S. Petri della Valle, & Vicarius cum plenaria potestate Reverendiss. in Christo Patris Domini Episcopi antedicti, per omnes Ven. Canonicos devote, & reverenter in omnibus, & per omnia fuit gratificata supplicatio antedicta. Sicque ordine dato die Dominico 16. mensis Januarii magnificus Dom. Comes antedictus, spectabilis Miles imperialis D. Stephanus de Dominis, ser. Franciscus de Cernotis, D. Fr. Nicolaus de Jadra antedictus, D. Franciscus de Lentiis Archipresbyter, D. Presbyter Petrus, D. Presbyter Thomas de Stanze, & alii ex Canonicis Ecclesiae majoris, ac ex nobilibus, & pluribus civibus ad locum S. Euphemiae accesserunt, ubi per omnes unanimes, nullo contradicente, ad honorem omnipotentis Dei, Beatissimi Francisci, totiusque Curiae caelestis, affixi fuerunt confines territorii, pro ut concedenter visum fuit oportere, videlicet, a latere . . . fuit stabilita pro confini via publica, a latere australi fuerunt assignati confines incipiendo a via publica praedicta, & tenendo usque ad latus maris, & confines signati constant. Item a latere tramontana quidam monticulus clausus, sive circumdatus maueris a via publica usque ad litus maris . . . litus maris praedictus; & eis omnibus oratione ibi existentibus, ecce D. Fr. Matthaeus supradictus procurator Matthaei ejus nepotis, etiam eo Matthaeo praesente illuc applicuit, & visis designationibus consinium, eos gratificavit nomine quo supra, praestans huic actui omnem ejus auctoritatem, quam habet, seu habere potest nomine praedicto, ac se offerens perpetuis temporibus nunquam in aliquo contravenire, praefato ejus clientulo ibi praesente, & non contradicente. Successiveque omnes praedicti magnificus D. Comes, egregii Sindici, ceterique nobiles, & plures ex popularibus, nec non Rev. Patres Dom. Vicarius, Archipresbyter, Fr. Matthaeus, ceterique Canonici existentes in refectorio loci praedicti, lecta

lecta per me Notarium Bulla antedicti Matthæi Panizza, fecerunt solemnem ratificationem designationis, ac omnium actuum prescriptorum, dimittentes ipsas Bullas Matthæi Panizza in suo pristino statu, in reliquo territoriorum, ac redituum ipsi loco spectantium, ultra designationem antedictam. Quibus sic peractis, inde abierunt, & successive die Dominico 23. Januarii ad deducendum meditato sine quod capium est, magnificus Dom. Comes antedictus, & multitudo innumerabilis nobilium, & aliorum habitantium civitatis & insule ad locum prefatum S. Euphemia acceperunt summo mane, ubi post Missarum solemniam, & annunciationem verbi Domini, in eadem Ecclesia S. Euphemia ante altare majus facta debita, & exquisita congregatione per magnificum Dom. Comitem, Ven. D. Franciscus de Lentiis Archipresbyter majoris Ecclesie vice & nomine ejus universalis Capituli, presentibusque pluribus Canonicis ipsius Capituli, posuit, & induxit in nomine Patris, & Filii, & Spiritus sancti dictum Fratrem Nicolaum de Sebenico Guardianum constitutum ipsius loci in tennam, & corporalem possessionem Ecclesie antedictae, ac domorum, & territorii, ut supra confinati, eundo ad portas Ecclesie prefate, & eas claudendo, & aperiendo, ac tintinnabulum campanae movendo, & pulsando, pannos altaris apprehendendo ab utroque latere, & alias sollemnitates exequendo, quae ad assumptionem ejuslibet verae tenute corporalis possessionis requiruntur. Et immediate Rev. D. Vicarius antedictus suo annulo aureo eundem D. Fr. Nicolaum Guardianum genuflexum humiliter vice, & nomine omnium, & singulorum tam presentium, quam futurorum prefati sui ordinis de observantia nuncupati, solemniter investivit de praedictis Ecclesia, domibus, & territorio ut supra confinatis; quibus sic actis, omnes inde latentes in Domino abierunt. Et die xi. Februarii Ven. D. Franciscus Archipresbyter antedictus, D. Presbyter Thomas, Presbyter Petrus, & alii ex Canonicis Ecclesie majoris cupientes pro posse tollere, & abolere umbras scandalii, quam forte inter eos, & prefatos Ven. Fratres de observantia nuncupatos, sive eorum successores sequi posset, in Ecclesia S. Spiritus in platea Gaspi cum religioso D. Fr. Nicolao de Jadra antedicto vice, & nomine suo, ac ejus successorum amicaliter, caritative ad hac specificata pacta devenerunt. Quod si casu quis defunctus de cetero sepeliri quideret ad locum S. Euphemia prefatum per Fratres ibi degentes, non possit vetari ullo modo, & cera talis ibi sepulti dividi debeant per medietatem, si Presbyteri funerali officio aderint, & inter ipsos de observantia nuncupatos. Item quod Canonici prefati Capituli absque contradictione alicujus, si voluerint ire, possint cum processione ad ipsum locum S. Euphemia bis in anno pro ut consueverunt per clapsum, in quibus duabus vicibus non debeat intelligi, nec computari festivitas S. Euphemia, quia ipsa dies penitus prefatis Vener. Fratribus de observantia nuncupatis reservata est. Ad quae omnia, ac singula supradicta continue, & singulis horis dum sic fierent ut scriptum est, fuerunt praesentes nobiles viri ser Damianus de Dominis q. spectabilis Dom. Andrea militis, & ser Petrus de Zaro pra aliiis festes vocati, & specialiter rogati. Pro quibus omnibus ego Notarius, & Cancilieri infra scriptus fui rogatus, praesens publicum conficere Instrumentum, & dum

Illyrici Sacri Tom. 7.

omnia praedicta sic fierent, continue praesens fui inter Capitulum Arbensem.

Ego Nicolaus filius qu. Dom. Joannis de Pretto Piranensis publicus imperiali auctoritate Notarius, & Judex ordin. &c.

Ad cenobium ac templum S. Euphemiae deinde adjectum est templum S. Bernardini Senensis ex collata priorum hominum pecunia edificatum; de quo inter Canonicos, & Patres Franciscanos ita convenit, ut iidem plane, quibus aedes Euphemiana, & conditionibus subesset, & privilegiis gauderet; idque constat ex tabulis in hac verba confectis.

Millesimo quadringentesimo septuagesimo sexto, die nona Junii constituti in cancellaria Communis Vener. viri D. Martinus de Cernotis Archipresbyter Arbi, D. Mattheus Primicerius, D. Presbyter Julianus de Sotta, D. Thomas de Stantiis, D. Antonius de Bizza, omnes Canonici Arben. Ecclesie Majoris, Arbi totiusque nomine, nomineque Rev. D. Joannis Scaffa Episcopi Arben. totiusque Capituli Arben. ex una parte per se, & success. suos: ex alia vero Ven. viri Fratres Gregorius de Sibenico Guardianus conventus Fr. Minorum de observantia S. Euphemiae insule Arbi cum aliis Fratribus dicti loci, qui ad praesens repetiuntur in dicto loco, eorum nomine, & nomine Vicarii & custodis absentium, tamen ad hoc contestantium ante eorum recessum, prout asseruit ipse Dom. Guardianus; presentibus nobilibus ser Christophoro de Nimira, & ser Joanne Bachino de Dominis procurator. dicti loci, vice & nomine eorum, & successorum suorum, ex altera, ad evitanda scandala & differentias, quae imposterum oriri possent; unanimiter & concorditer ad hac pacta devenerunt, videlicet quod Ecclesia S. Bernardini cum suis pertinentiis in dicto loco de novo fabricata, quae nunc est consideranda, subiaceat & esse debeat ad conditiones, pacta, & consuetudines, ad quae erat & est Ecclesia S. Euphemiae dicti loci cum cimiterio, omni exceptione juris vel facti remota, sicut constat &c. presentibus ser Joanne de Dom. qu. ser Damiani, ser Jacobo de Dom. qu. ser Andrioli, & ser Christophoro de Cernotis qu. ser Francisci.

Ego Joannes Maria de Xojannis de Papia civis Assili publicus Imperialis Notarius Judex ordinarius, & magnifici Domini Marci Venerio honqr. Comitit Arbi pro illustr. Ducado Venetor. . . Cancellarius, suprascriptam copiam feci ex libro Inst. . . spectabilis Dom. Pauli Maripetro olim Comitit Arbi, fideliter de verbo ad verbum, nil addens nil minuens quod sensum mutet, aut variet intellectum. In quorum fidem me subscripsi.

Ego Antonius Nimireus Arben. Archidiaconus, Apostolica auctoritate Comes palatinus, & Imperiali Notarius publicus, ac Judex ordinarius, ex copia . . . Notarii posita in actis Ecclesiasticis Dom. Presbyteri Thomae de Stantiis Canonici Arben. Notarii, & curiae episcopalis Cancellarii, fideliter accopiavi.

Nicolai Episcopi nomen tabulis sanctuarii Arbensis saepe inscriptum reperitur: Anno 1444. F. Nicolaus ord. Praedicator. Capitulo consentiente, & pro bono utili, & elevatione, ut dicit, Ecclesia S. Nicolai de hospitali locat duas vineas. F. Nicolaus ord. S. Dominici anno 1447. dicitur Arben. Episcopus in quadam appellatione facta ad Laurentium Venerium Jadren. Archiepiscopum a quadam Canonico Arbeni de confiniis

Aedes S. Bernardini Senensis ad templum S. Euphemiae addita & Patribus iisdem Franciscanis attributa.

Nicolaus sepe nominatus in tabulis Arbensibus.

finis Ecclesie S. Blasii. Nicolaus de Jadra Ep. Arben. anno 1447. citatur in quodam instrumento fidei sententia Vicarii Archiep. Jadren. Laurencii Venerii, Joannes de Parentio Arben. Episcopus dispensavit quadam legata maxime pro edificatione cujusdam capella secus portam civitatis: cui dispensationi non annuit Nicolaus de Jadra anno 1447. Vitam & Pontificatum ad annum hujus seculi circiter quinquagesimum perduxit.

### JOANNES II. EP. ARBENSIS XXXVI.

Patricius Arbensis ex illustri familia Scaffa, idemque Primicerius sedis cathedralis. Plerique catalogi epocham suscepti Pontificatus anno 1460. affigunt; sed retrahendam esse in annum alterum & quinquagesimum hujus seculi affirmat Valerius a Ponte in suo catalogo, quod cum consentiunt tabulae Arbenenses. Canonicos obsequio & charitate adeo sibi devinxit, ut de communi sententia decreverint neque ullos conventus indicere, vel habere, neque quidquam statuere antea non petita, & obtemperantia Reverend. Dom. Joannis Scaffa. Extat hoc decretum inter Acta capitularia, quod factum fuit anno 1452. Anno hujus seculi quinquagesimo sexto atrox morbi vis, contagione vulgata, urbem ac totam insulam pervasit. Optimus Praeful in ea maxima calamitate gregem suum minime deferendum putavit, sed adjuutores sibi & socios quarendos, qui peste affectis opem secum ferrent, nec corpora solum aegrotantium humanis, sed animos etiam divinis remediis ac subsidiis curarent. Canonicos convocari iussit, & singulis potestatem optionemque fecit vel manendi in urbe ad subveniendum civibus suis, gravissimo illo & mortifero morbo laborantibus, vel abeundi ad commune periculum devitandum, & loca salubriora captanda. Quinque omnino fuerunt, quibus charitas, & suorum civium commiseratio, quam salus, aut vita fuit antiquior; & Episcopi exemplo sanctaque emulatione incitati, se ultro in gloriosi operis societatem obtulerunt. His vero, ne periculum sponte susceptum, piosque labor suo ac debito praemio careret, cedere iussit abeuntes dimidiam partem suarum decimarum; vel si pestis integrum annum teneret, omnes proventus ecclesiasticos illius anni, qui ad absentes pertinebant, iidem attribuendos esse decrevit. Haec autem memoriae causa in codicem Actorum capitularium referre voluit: *Tempore Joannis Scaffa, anno nempe 1456. grassabatur acerrima pestis Arbeni in insula; ideoque Capitulum convocatur ad decernendum utrum residere velint, an vero se absentare. Opinionibus hinc inde discussis & trutinatis tandem decretum est in Capitulo, quod pro libito suo quilibet se absentare poterit; & ab Episcopo determinatum, quod illi pauci, qui residebunt, provenientium decimarum integram medietatem obtinebunt. Sin autem per totum annum pestis grassaretur, totius anni proventus ad ipsos spectarent. Quinque Canonice xelo charitatis alii absentare se recusarunt.*

Joannes Ep. Post extinctam pestilentiam, controversia illi fuit sane acris & diuturna cum Francisco de Lentis Archidiacono, & cum Martino de Cerda notis Archipresbytero, qui subsellium suum proximum solio episcopali, alter ad dexteram,

alter ad sinistram constituere volebant, contra quam vetus consuetudo postulabat; idque sibi pertinaciter arrogabant, ac deberi contendebant. Cum iterum ac saepius admoniti, ab huiusmodi arrogantia & contentione non desisterent, utrumque ingressu Ecclesiam prohibuit. Res delata est ad tribunal Maphæi Archiepiscopi Jadrensis, qui per suum Vicarium Archidiacono, & Archipresbytero causam adjudicavit. Episcopus appellavit ad Primum Dalmatiae, Maphæum Contarenum Patriarcham Venetiarum, qui Rectorem plebis S. Barnabæ suum Vicarium utrique parti iudicem dedit, & Arbam ad eam controversiam dirimendam venire iussit. Lis diu multumque agitata fuit, & variis disputationibus ac iudiciis protracta; tandem litigii, & pertinacissimæ contentionis causa Episcopum susceptæ utrumque pœnituit; & actione qualibet judiciali semota, rem omnem ejus arbitrio permiserunt. Hæc breviter summamque in actis curiæ episcopalis: *Joannes Scaffa Episcopus Arbensis controversiam habuit cum Archidiacono, & Archipresbytero, quam Maphæus Valaresso per Vicarium suum judicavit; ejus sententiam Episcopus Scaffa appellavit ad tribunal Patriarchæ Venetiarum, qui Arbum misit Vicarium suum Plebanum Plebis S. Barnabæ ad controversiam dirimendam. Motivum litis fuit suspensio ab Episcopo facta, & prohibitio ab ingressu Ecclesiae, eo quod pretendebant hæc Dignitates locum habere in Ecclesia S. Mariæ apud cathedram episcopalem. Varia hinc inde judicia secuta, tandem de consensu partes se retraxerunt, & in manus Episcopi Dignitates se posuerunt. Hic Episcopus adjuutores chori, quos mansionarios vocant, itemque administratores sacrificii solemnem, certa ac stabili numero definivit, ut est in codice capitulari; Joannes Scaffa decretum tulit, quod mansionarii non possint esse numero plures, quam sex, subdiaconi vero tres, totidemque diaconi anno 1460.*

Anno 1463. post Bosnam sub imperium Turcarum redactam, multos tum de plebe, tum de nobilitate Bosnensi, amissa patria profugos, insula & civitas Arbensis excepit, quos Joannes Episcopus, ut eum & exulatum calamitas, & sua pietas admonebat, omni charitate complexus, quibuscumque potuit rebus adjuvit, eorumque inopiam subvenit. Varia monumenta, publicis ædificiis impressa ad memoriam sempiternam, suæ religionis ac beneficentiæ reliquit. Sacellum in æde cathedrali, quod Zudenicus de Zudenico extruxerat, magnificentius ornavit, ut declarat insigne gentilitium familiae Scaffæ ibidem parieti affixum, cum subiecta inscriptione, cujus litteras intermedias abrasit vetustas, Jo. . . . Episcopi. Eidem tabula marmorea a dextera insculptum est stemma Zudenici cum inscriptione: *Zudenicus de Zudenico.* Idem omnino stemma utrique inscriptioni superpositum: nam idem erat & commune utrique familiae Scaffæ, & Zudenicæ. Ædes episcopales ab Joanne restauratas fuisse & amplificatas, indicio est avitum ejusdem stemma, aula tabulato insertum, cui pontificia mitra superimpendet. In Ecclesia cathedrali ad dexteram altaris maximi aram egregio opere ornatuque Divis Hieronymo & Anastasiæ posuit; ibique apud gradus ejusdem aræ sepulcralem arcam sibi paravit. Tabula marmorea superimposita simulacrum exhibet episcopale, & stemma gentilitium superne hinc atque hinc adjectum, utrum-

Bosnenses patria sub Turcarum potestatem redacta profuger, benignè excepit.



que opere anaglyptico incisum. Orz extrema  
inscribens est titulus hujusmodi:

INSIGNIS. DIETATE. PH. IOHANNES. SCAFFA. PRÆ-  
SUL. ARB. MAUSOLEUM. HOC. SIBI. TM. ALTARE.  
AUT. CŪ. OMNI ORNATU. TABERNACULI. DAVIS. HIE-  
RONYMO. ET. ANASTASIE. SUA. IMPENSA. STA-  
TUIT. M. C. C. C. C. L. V. I.

Ejusdem epigraphes alterum exemplum ha-  
beo, quod paululum a superiori differt. Insi-  
gnis pietate vir Joannes Scaffa Præsul Arbensis  
Mausoleum hoc sibi tamquam altaris auctori cum  
omni ornatu Divi Hieronymi & Anastasie sua  
impensa statuit MCCCCLVI.

Annos circiter duos & viginti Ecclesiam Ar-  
bensis sapientissimis institutis & egregiis fa-  
ctis illustravit. Pie decessit an. 1472. illatusque  
est in sepulcrum, quod ante sex & decem an-  
nos sibi paraverat.

## LEONELLUS EP. ARBENSIS XXXVII.

Vir eximie & perantiquæ nobilitatis e ge-  
te patricia Vicetina de Clericis. Vicarius cum  
esset Basilicæ Vaticanæ, eum Sixtus IV. Epi-  
scopum Arbensibus dedit anno 1472. ut catalo-  
gi docent. Hanc Ecclesiam annos fere duode-  
cim vel per se vel per suos Vicarios admini-  
stravit. Capitulum Arbenſe constabat ex Cano-  
nicis omnino duodecim; & ne plures essent,  
tum decretis capitularibus, tum vero Metropo-  
litæ Jadrenſis auctoritate sancitum fuerat, præ-  
sertim cum mensæ capitularis adeo tenuis redi-  
tus essent, ut ex his in partes duodecim distri-  
butis, portio admodum exigua singulis obve-  
niret. Verum erant præterea, quibus ab Sede  
Apostolica jus datum fuerat in eorum, qui  
decederent, locum succedendi, occupandique  
subsellia, quæ aut morte, aut voluntaria ces-  
sione vacua reliquissent. Hi vero non solum in  
chorum, cœtusque Canoniorum admitti, sed  
etiam communium reddituum ac distributionum  
participes fieri volebant; id quod molestiæ,  
incommodo, detrimentoque veris ac legitimis  
Canonicis erat. Qua de re questi cum essent  
apud Sedem Apostolicam, Sixtus IV. Pontifex  
Max. per litteras Maphæo Metropolitæ Jader-  
tino imperavit, ut, si quod ad se delatum fue-  
rat, verum esse comperisset; definitum Cano-  
nicorum Arbensium numerum augeri, Pontifi-  
cia auctoritate interposita vetaret; neve illis,  
quibus per electionem anticipatam a Sede Apo-  
stolica jus datum esset succedendi in locum eo-  
rum, qui decesserint, ad subsellia & conven-  
tus Canoniorum accedere, & de quotidianis  
distributionibus, & communibus mensæ capitu-  
laris proventus aliquid percipere pateretur.

Diploma  
Pancifici. Sixtus Episcopus servus servorum Dei Venera-  
bili Fratri Archiepiscopo Jadrenſi salutem, &  
Apostolicam benedictionem. Exposcit a nobis pa-  
storalis officii debitum, ut ea quæ pro Ecclesia-  
rum quarumlibet, & præsertim cathedralium in-  
demnitatibus, & personarum earundem quiete,  
proque divini cultus augmento rationabiliter ge-  
sta & ordinata comperimus, ne impugnationi  
subiaceant, apostolici muniminis presidio solide-  
mus. Sane sicut exhibita nobis nuper pro parte  
dilectorum filiorum Capituli, & Canoniorum

Ecclesiæ Arbensis petitio continebat, licet in di-  
cta Ecclesia canonicales præbende non sint distin-  
ctæ, & ex statutis ipsius Ecclesiæ antiquitus  
observatis, ac etiam juramento, & metropoli-  
tica auctoritate firmatis, quod Canonici nisi duo-  
decim numero, in ipsa Ecclesia esse non possent,  
dignitatibus, seu personatibus in hujusmodi nu-  
mero computatis; tamen sæpe contingit duode-  
narium numerum per expectantes Apostolicos in-  
frangi, & augeri, non sine ipsorum Capituli,  
& Canoniorum perturbatione, & animi mole-  
stia. Et sicut eadem petitio subjungebat, si sta-  
tuta hujusmodi, ad hoc ut duodenarius numerus  
Canoniorum prædictorum non infringere, au-  
thoritate Apostolica confirmarentur, & creati  
Canonici prædictæ apostolica auctoritate expectan-  
tes, in dicta Ecclesia non admitterentur; præ-  
fatis Capitulo, & Canonicis, ac ipsorum quie-  
ti, & tranquillitati, & indemnitati salubrius  
confuleretur. Quare pro parte Capituli, & Ca-  
noniorum dictæ Ecclesiæ afferentium, quod fru-  
ctus, & redditus, & proventus dictarum præ-  
bendarum, seu canonicatum portionum, duode-  
cim florenorum auri de camera non excedunt,  
nobis fuit humiliter supplicatum, ut statuta hu-  
jusmodi, pro illorum subsistentia firmiori robore  
Apostolica confirmationis munire, aliaque super  
his opportune providere de benignitate Apostoli-  
ca dignaremur, Nos igitur de præmissis certam  
notitiam non habentes, hujusmodi supplicationi-  
bus inclinati, fraternitati tuæ per Apostolica  
scripta mandamus, quatenus si, & postquam  
tibi de præmissis legitime constiterit, statuta hu-  
jusmodi, ita quod nemini duodenarium numerum  
prædictum infringere liceat, auctoritate nostra  
approbes, & confirmes; & quod de cætero cui-  
quam expectanti, etiam in eadem Ecclesia Cano-  
nico creato, Canonicatum in dicta Ecclesia pe-  
tere, sibi conferri, & statum in choro assigna-  
ri, nisi actu vacaverit, nullatenus liceat, ea-  
dem auctoritate decernas. Non obstantibus con-  
stitutionibus, & ordinationibus apostolicis cate-  
risque contrariis quibuscunque. Datum Rome  
apud S. Petrum, anno Incarnationis Dominica  
1478. Nonis Maji, Pontificatus nostri anno se-  
ptimo.

Leonellus honorificis legationibus & mune-  
ribus partim dum huic Ecclesiæ præsidebat,  
partim post eam dimissam, egregie functus est;  
ne quid vero detrimenti per suam absentiam  
Ecclesiæ Arbensis caperet, muneris sui Vica-  
rium substituit Georgium de Marinellis Archi-  
diaconum, virum doctum in primis, & in re-  
bus gerendis industrium, experientissimum, ac  
diligentissimum; & in quadam hujus sententia  
anno 1479. prolata, Leonellus Decretorum Do-  
ctor, & Episcopus Arbensis appellatur. Post hunc  
duos Vicarios habuit, ut est in quadam schedula  
capitulari: Leonellus de Chierigatis de Vicentia  
Dec. Doc. Dei & Apostolica Sedis gratia Ep.  
Arben. duos Vicarios habebat in spiritualibus &  
temporalibus, nempe Martinum de Cernotis Ar-  
chipresbyterum, & Matthæum de Martinis Pri-  
micerium; qui investiverunt Martinum Nisoi  
presbyterum & Canonicum prædictæ Ecclesiæ de  
plebanatu S. Thomæ de Catnibo intra muros ci-  
vitatis Arbi de anno 1483. Indiſt. prima, die  
7. mensis Julii. Diploma collati Sacerdotii  
est hoc.

Martinus de Cernotis Archipresbyter & Mat-  
thæus de Martinis Primicerius Ecclesiæ Arben.  
Rever. in Christo Patris & Dom. Leonelli de  
Chic-

Legationes  
illustres  
Leonello  
Episcopo  
impositæ.

Vicarii duo  
Leonelli  
Episcopi. Sa-  
cerdotium  
S. Thomæ  
conferunt  
Martino  
Nisoi.

Chierogatis de Vicentia Decretorum Doctoris Dei & Apostolica Sedis gratia Episcopi Arben. in spiritualibus & temporalibus Vicarii generales. Dilecto nobis in Christo Martino Niso presbytero & Canonico Ecclesie predictae salutem in Domino sempiternam. Vita & morum honestas, aliaque probitatis ac virtutum merita, quibus fide dignorum hominum apud nos merito comprobatis testimonio, nos inducunt, ut tibi reddamus ad gratiam liberales. Hinc est sicut accepimus, quod plebanatus & Ecclesia S. Thomae Apostoli de Castrubo intra muros civitatis Arbi vacet, & vacare videtur Plebano, & Rectore, ac gubernatore ob obitum presbyteri Cerne de Costa sive quomodocumque ejus immediate ultimi Plebani, Capellani, & rectoris qui nuperrime suum diem clausit extremum, & in cimiterio Ecclesie cathedralis Arben. traditus est sepultura. Nos itaque qui vicem & curam Episcopatus Arbensis gerimus, quibus quacumque provisio spectat, & spectare videtur de jure & antiqua consuetudine, ne dictus plebanatus, & Ecclesia predicta regimen propter diuinam vacationem aliquod pateretur detrimentum, volentes praemissorum meritorum tuorum intuitu favore prosequi gratiose, supplicationibus pro parte tua nobis propositis favorabiliter annuentes, auctoritate qua fungimur in hac parte, te coram nobis humiliter genibus flectentem illud idem poscentem, nec non fidelitatem ac obedientiam nobis & successor. nostrum omnino profitentem, in praedictum plebanatum, sive dictae Ecclesie S. Thomae regimen investimus & per anuli nostri in digito anulari manus dexterae, sive per bireti capitis tui impositionem investitum esse volumus. Cum omnibus & singulis juribus spiritualibus, & temporalibus ipsius plebanatus, sive Ecclesie S. Thomae regimini spectantibus & pertinentibus quomodocumque. Mandantes nihilominus dilecto nobis in Christo presbytero Antonio de Miclauso Canonico Arbensis Ecclesie nobis astanti, quatenus te presbyt. Martinum Plebanum, & praelibata Ecclesia S. Thomae Rectorem, Capellanum, & gubernatorem ut tuum procuratorem legitimum in corporalem, actualem possessionem juriumque & earum pertinentiarum in praemissorum executionem inducat, & inductum auctoritate nostra praedicta defendat, tueri, & defendere debeat, amoto ab inde quolibet illicito detentore; faciendo insuper tibi de fructibus, proventus, & obventionibus integre respondere contraditores & rebelles auctoritate nostra praedicta sub excommunicationis poena compensando. Qui presbyter Antonius die instanti, ut accepimus, tamquam obedientiae filius assumptis Canon. nostro infra scripto, & testibus, illico personaliter se transtulit ad jam dictam Ecclesiam plebanatus S. Thomae, & posuit te presbyt. Martinum in tenutam realem, & personalem possessionem dictorum plebanatus & Ecclesie cum ratione p. altaris . . . . . circumdando ter dictum altare cum aperitione & refectione valvarum dictae Ecclesie, in signum verae & perpetuae possessionis delato tibi corporali juramento, qui sponte jurasti super dicto altari in verb. veritatis, quod jura ipsorum plebanatus & Ecclesie gubernabis & juxta posse tueris & defendes contra quoscumque. Cantando Te Deum laudamus alta voce cum collecta invocationis gratia S. Spiritus prout moris est in similibus fieri & observari. In quorum omnium fidem & verum testimonium praesentes litteras tibi fieri per Cancellarium nostrum infra scriptum, sigillorumque nostrorum ap-

pensionis munimine communiri iussimus praesentibus clerico Marino quondam Matthaei Marinarii, & clerico Bartulo Donati de Arbo, & aliis testibus vocatis & rogatis Arbi in domo nostra habitationis Matthaei Primitivi supradicti & ubi supra. Anno Domini nostri currente millesimo quadringentesimo octuagesimo tertio Indiction. prima die vero septimo mensis Julii.

L. S.

Et ego presbyter Thomas de Stantiis Canonig. Arben. . . . or corporis Christi publicus imperiali auctoritate Not. his omnibus, ut praemittitur interfui, vidi, audiui, & intellexi; & praesentes litteras ipsorum dominorum Vicariorum mandato firmavi, scripsi & complevi. Ideoque in fidem & robur omnium & singulorum praemissorum me subscripsi, & signum tabellionatus officii apposui consuetum.

Leonellus cum linguam Graecam apprime calleret, orationem Nili Archiepiscopi Thessalonicensis in Latinum sermonem convertit, quae Patavii extat inter Mss. codices Bibliothecae Canonice regularium S. Joannis in Viridario, hoc titulo inscripta: Nili Archiepiscopi Thessalonicensis oratio de causa dissensionis, & divulsionis Ecclesiae Graecae a Latinis, in Latinum versa a Leonello Chierogato Episcopo Arben. Extat quoque epistola Angeli Politiani ad Leonellum Episcopum; in qua singularem viri probitatem, doctrinam, prudentiam summo opere laudat. Anno 1484. vel superiori Arbeni relicta, ad Ecclesiam Tragurientem migravit; & quadriennio post Concordientem regendam suscepit. Concordientem Episcopatum brevem fuisse ait Ughellus, contra quam docent acta Capituli Concordientis ad an. 1506. diemque vicessim Augusti; quo quidem die ibi traditum est Canonicos Concordientes post obitum Leonelli Clericatos Concordien. Episcopi, qui beatae die vitam cum morte commutarunt, officiales ad regimen Episcopatus, vacante Sede, creasse &c.

Dominicus de Reno fuerat ejus familiaris & domesticus, itinerum fere omnium & legationum comes ac socius, qui per annos quinque ac triginta omnia ejus negotia gessit. Hic post mortem Leonelli Episcopi, ab aëcono Episcopatus, itemque a Capitulo Ecclesiae Concordientis mercedem postulavit sibi debitam pro assiduo ac diuturno ministerio, quod eidem Episcopo praestiterat; eamque ut obtineret, appellavit Vicarium Patriarchatus Aquilejensis, coram quo, 1x. Kalendas Novembris, an. 1506. quaedam Capitula exposuit, quibus aequitas ejus postulati & iustitia nitebatur. Haec nobis perhumaniter, ut solet, communicavit Joseph Binius, Archipresbyter Ecclesiae Gemonensis, vir nunquam satis laudandus; hic ea subjicienda censet; declarant enim qui & quantus vir fuerit Leonellus Clericatus, & quibus, quamque honorificis muneribus, & legationibus perfusus.

Coram vobis Rever. D. Vicario Patriarchatus Aquilejensis D. Dominicus dello Reno in causa quam habet cum aëcono Episcopatus Concordien. aut etiam cum Venerando Capitulo dictae Ecclesiae Concordien. pro mercede per eum petita, infra scripta producit Capitula; quae probare intendit, non tamen se adstringendo &c. & primo.

Quod jam sunt anni XXV. praefatus D. Dominicus fuit assumptus ad servitia qu. Rever. D. Leonelli Clericatos cum Episcopi Arbensis per ipsum-

Leonelli  
translati  
ad Tragurientem  
deinde ad  
Concordientem  
Ecclesiam,

Dominici  
de Reno  
postulata.

ipsummet D. Leonellum in civitate Romana, & ei inseruit tam Romæ, quam in diversis provinciis usque ad 1484. Quo tempore idem Dom. Episcopus translatus fuit ad Episcopatum Traguriensem, & de hoc est publica vox, & fama.

Quod postquam idem D. Leonellus translatus fuit ad dictum Episcopatum, scilicet 1484. prefatus D. Dominicus continuando servitutem suam similiter eidem D. Leonello præsistit famulatum, & operas continue tam in civitate Cesenæ quando ibi fuit cum Dom. Cardinali Ispontense ad concludendum pacem Ferraria, quam etiam in Patria Forijulii, quando missus fuit ad eam visitator per Rever. Dom. Marcum Barbum tit. S. Marci Cardinalem, continue eum sequendo, & præstando operas suas circa regimen domus, item circa alia servitia, donec cum eodem D. Leonello transfretavit ad Civitatem Traguriensem de mense Novembris ejusdem millesimi 1484.

Quod item D. Dominicus a dicto anno 1484. citra usque ad annum 1488. quo anno prefatus D. Leonellus translatus fuit ad dictum Episcopatum Concordien. tam in Tragurio, quam iterum in Patria Forijulii ad secundam visitationem factam nomine dicti Dom. Cardinalis S. Marci, ac denique ex Patria cundo Romam, & iterum ad Tragurium, & quando ex Tragurio in legationem Franchorum præstitit operas, & servitia eidem D. Leonello tam equitando per dictas provincias, quam stans, & commorando.

Quod postquam dictus D. Leonellus translatus fuit ad dictum Episcopatum Concordien. del 1488. idem D. Dominicus existens cum eo in Francia missus fuit ex Francia in Patriam Forijulii ad gubernationem Episcopatus Concordien. & ad diversa ejusdem D. Leonelli negotia, quæ habebat in partibus Italie.

Quod prefatus D. Dominicus a 1488. de mense Decembris citra usque per totum 1493. gubernavit Episcopatum Concordien. exigendo, & vendendo redditus dicti Episcopatus omnium dictorum annorum, & etiam partem reddituum del 1494. quo tempore impetravit ab eodem Episcopo aliis designari dictam gubernationem, & compositionem rationum, & computorum suorum &c.

Quod postquam prefatus Dom. Leonellus del 1499. venit in Patriam, & Episcopatum suum Concordien. prefatus Dom. Dominicus similiter præstitit ei suas operas, & servitia, & præcipue in camera tempore agrotationum, quas fere continue passus fuit Utini, & alibi per Patriam, & extra Patriam &c.

His temporibus fundatum esse ajunt cœnobium suburbanum tertii ordinis Franciscani in suburbio conditum cum de S. Francisci tradita basilicæ Lateranensi, & Romam profectus suppliciter Canonicos Lateranenses oravit, ut sibi potestas fieret ibidem Ecclesiæ ædificandæ in honorem S. Patris Francisci, quæ tamquam peculiaris filia, Lateranensi Basilicæ omnium ecclesiarum matri subiecta esset; iidemque privilegiis atque indulgentiis potiretur, quæ aliis hujusmodi ecclesiis eidem Basilicæ subditis & annexis imperti solent. Annuat collegium Canonorum Lateranensium, & quod petebat, gratiose benigneque concessit; ac F. Georgio præfidi Conventualium Arbenisium mandavit, ut Capituli Lateranensis nomine & auctoritate, primum

lapidem sacris precationibus initiatum locaret ad fundamentum substruendum. Hoc est ejus ad præces P. Matthæi responsum.

Nos Capitulum & Canonici sacrosanctæ Lateranensis Ecclesiæ. Religioso viro F. Matthæo de Jadra tertii ordinis S. Francisci salutem & sinceram in Domino charitatem. Inter varias sollicitudines, quibus assidue premimur, illud potissimum pulsas & excitat mentem nostram, ut cupientes Ecclesias, capellas, & alia pia loca divino cultui dedicare, illos in tam bono, & laudabili opere insistentes, quantum cum Domino possumus, favorabili præsidio prosequamur. Unde tanto his intendimus, quanto attentius desideramus, ut tenemur, Salvatori nostro, sub cujus & utriusque Joannis nomine Christianissimus Imperator Constantinus per sacrum fontem baptismi miraculose mundatus a lepra, in suo proprio Lateranensi Palatio, sacrosanctam Lateranensem Ecclesiam erexit, quæ omnium & singularum urbis & orbis Ecclesiarum Caput, & Mater, & Domina, & Sedes Apostolica principalis existit, divinum cultum Ecclesiæ, capellis, & aliis piis locis prædictis eidem Lateranensi Ecclesiæ suppositis, augeri, ac devotionem & fidem populi multiplicari. Hinc est, quod cum nuper per te coram nobis devote narratum extiterit, quod zelo devotionis accensus, tota mente desideras ad laudem & gloriam omnipotentis Dei Salvatoris, & B. Mariæ Virginis, totiusque celestis curiæ triumphantis, Ecclesiam sub vocabulo B. Francisci in quodam fundo nostro, per te nobis donato ea donatione, quæ dicitur inter viros, & irrevocabiliter, posito extra civitatem Arbe, longitudinis decem passuum, latitudinis sex, ad mensuram communis usus Dalmatiæ, qui fundus est prope domum noviter fabricatam pro te, cui ab uno latere est quedam maceries Campi Martii versus Quirinam, & domus prædicta de Borea, & partim hortus certorum Fratrum tertii ordinis, & partim commune terrenum; de qua donatione patet manu D. Laurentii de Peregrinis clerici Romani publici Notarii inde rogari. Quæ Ecclesia perpetuo est supposita nostræ sacrosanctæ Lateranensi Ecclesiæ; propterea humiliter supplicasti, ut dictam Ecclesiam ædificandi in nostro dicto fundo licentiam concederemus, ac sub protectione ejusdem Lateranensis Ecclesiæ, ac privilegiorum ejus recipere dignaremur; gratiasque, immunitates, & exemptiones, quas aliæ Ecclesiæ ejusdem Lateranensis Ecclesiæ habent, ut habere possunt ex concessionibus Romanorum Pontificum, concedere dignaremur; adjiciens quoque pro recognitione domini, prædictam Ecclesiam singulis annis in festo Resurrectionis Domini unam libram piperis intendis respondere. Quapropter tuis supplicationibus inclinati, ac petitioni tuæ benigne annuentes, tibi F. Matthæo præfato, viro conventus tertii ordinis S. Francisci, damus, concedimus, & impartimur plenam licentiam, auctoritatem, & omnimodam facultatem fundandi & ædificandi Ecclesiam sub vocabulo S. Francisci in dicto nostro fundo; dictamque Ecclesiam sic ædificandam sub protectione dictæ nostræ Lateranensis Ecclesiæ & privilegiorum, indulgentiarum a Summis Pontificibus Ecclesiis & membris eidem Lateranensi Ecclesiæ suppositis, sub dicto censu unius libræ piperis in prælibato festo Resurrectionis Domini in manibus nostrorum camerariorum Canonorum, qui pro tempore erunt, consignanda in signum veri domini, nunc suscipimus; declarantes dictam Ecclesiam fore & esse immediate subiectam

& recepta, multi-  
privilegiis  
& indul-  
gentiis do-  
nata ex de-  
creto Capitu-  
li Late-  
ranensis.

Cœnobium  
tertiū ordi-  
nis Franci-  
scani in sub-  
urbio con-  
ditum cum  
de S. Fran-  
cisci tradita  
basilicæ La-  
teranensi,

jectam eidem Lateranensi Ecclesie; ac nostra auctoritate concedentes, quod dicta Ecclesia sic edificanda, & postquam edificata fuerit; uti possit cœmeterio, campanis, altaribus ac sacro fonte baptismatis cum omnimoda libertate (salvo tamen jure parochialis Ecclesie); & auctoritate nostra a Sede Apostolica concessa, omnimodam paternitatem concedimus, & imperimus; & ut fideles ipsi eo libentius confluant ad eandem, & ad foundationem, reparationem, & conservationem ipsius, manus promptius porrigant adiutrices, quo ex hoc dono celestis gratie respexerint se resectos, cum in honorem, & sub vocabulo tanti gloriosi confessoris S. Francisci, qui fidem Domini nostri Jesu Christi, tam sua gloriosa vita, quam in morte cum innumeris & sanctissimis miraculis illustravit: cui Deus ipsi glorioso confessori tamdiu in jejuniis, & penitentiis insistendo, passionem ejus cupienti nimio ardore videre, visibiliter in aere extensus in ligno crucis mirabiliter apparuit; ejusque quinque vulnerum stigmata in suo Sanctissimo Corpore meruit reportare; edificetur; quia clementissimi Dei Filius humanum genus diabolica malignitatis veneno perfusum, morti quoque, & aeternae damnationi obnoxium, non corruptibili auro, vel argento, sed sui preciosissimi cruoris aspersione redemit; & quia in hac valle lacrymarum constituti propriis meritis aeterna beatitudinis premia nequaquam possumus adipisci, Sanctorum adjuti praesidiis, indulgentiis, & remissionibus, maculis peccatorum abluti, post hujus vitae caliginosa decursum, Sanctorum eorumdem felicitati in caelestibus jungamur, cum eis incomprehensibilis claritatis visione fruantes; de omnipotentis Dei misericordia confisi, omnibus Christi fidelibus vere penitentibus, & confessis, qui dictam Ecclesiam, postquam edificata fuerit, devote visiterint, & ad foundationem, reparationem, & conservationem ipsius manus porrexerint adiutrices, decem annos & totidem quadragenas indulgentiarum de injunctis eis penitentiis, futuris perpetuisque temporibus concedimus per praesentes. Quae indulgentia omni die Dominico, & die Quadragesimae duplicetur. Et omnibus festivitatis v. gr. Nativitatis & Resurrectionis Domini nostri Jesu Christi, B. Mariae Virginis, Beatorum Joannis Baptiste, & Evangelistae, omnium Apostolorum & Evangelistarum, B. Francisci, S. Ludovici, S. Antonii de Padua, S. Bernardini, S. Clarae, S. Elisabethae, S. Hieronymi, & aliorum Doctorum, S. Catharinae quadruplicetur; aliasque indulgentias misericorditer adipisci largimur. Committentes insuper tenore praesentium religioso viro Magistro Georgio Custodi Ecclesiae S. Joannis Arbi auctoritate nostra, & nostro nomine potestatem benedicendi primarii lapidis, & ipsius in fundamentis ponendi; & omnia & singula in praemissis, & circa praemissa faciendi, gerendi, & exercendi, quae nos ipsi facere, gerere, exercere possemus & deberemus, si praesentes essemus. In quorum omnium fidem, & testimonium praemissorum, praesentes nostras litteras fieri, & manibus nostrorum camerariorum Canonice subscribi, nostrisque sacri Capituli publici Notarii scriptis publicari fecimus, ac nostri magni capitularis sigilli iussimus appensione muniri. Datum Laterani sub anno a Nativ. Dom. 1481. die vero 15. mensis Maji, Indict. xiv. Pont. Sanctiss. in Christo Pat. & Dom. nostri Sixti div. prov. Papa IV. an. 11. Joannes de Montebonis Canon. Camera Lateran.

## ALOYSIUS EP. ARBENSIS XXXVIII.

Venetus civis e Malumbra familia honesta in primis & copiosa; cui Sixtus IV. Ecclesiam Arbensem decrevit anno 1484. quamvis catalogi primordia hujus Episcopatus in saeculum proximum rejiciant. Romae cum esset, Michaellem fratrem procuratorem suum legitimum constituit; qui profectus in Istriam atque Dalmatiam, nomine suo tum Episcopatus Arbensis, tum Archidiaconatus Parentini, tum aliorum, quibus praedictus erat, sacerdotiorum possessorem adiret, cum amplissima potestate omnia & singula peragendi, quae jus & consuetudo postulabat; idque notum omnibus ac testatum esse voluit litteris publicis ite confectis & obsignatis; in quibus constructionem, ordinemque verborum incertitia scribae valde perturbatum invenies. Has mihi pro sua singulari humanitate communicavit Flaminius Cornelius Senator amplissimus, vir insigni doctrina ac religione, qui Ecclesias urbis Venetiarum eruditissimis commentariis in lucem editis illustravit.

Aloysius Dei & Apostolicae Sedis gratia electus Arbensis. Universis & singulis praesentes litteras sive praesens publicum instrumentum inspecturis salutem in Domino, & praesentibus fidem indubiam adhibere. Noveritis quod nos non valentes singulis, quae nostra sollicitudini incumbunt, nostram exhibere praesentiam corporalem, idcirco considerantes eam per illos, de quorum circumspectione & industria plenam in Domino fiduciam obtinemus, gratis, sponte, & ex certa nostra scientia, citra tamen quorumcumque procuratorum suorum per nos hactenus quomodolibet constitutorum revocationem, omnibus melioribus modo, via, jure, causa, & forma, quibus melius & efficacius possumus & debemus, facimus, constituimus, creamus, & ordinamus nostrum verum certum legitimum & indubitatum procuratorem, actorem, factorem, negotiorum suorum infrascriptorum gestorem, & nuntium specialem & generalem, ita tamen quod specialitas qualitati non deroget, nec e contra; videlicet spectabilem virum D. Michaellem Malumbra laicum civem Venetiarum fratrem nostrum absentem tamquam praesentem, solum, & insolidum, ad nomen nostro & pro nobis corporalem, realem, & actualem possessionem Ecclesiae seu Episcopatus Arbensis, de qua seu quoque nobis per Sanctissimum in Christo Patrem & Dominum nostrum D. Sixtum divina providentia Papam Quartum certo modo provisum fuit, nec non Archidiaconatus Parentini, & illius, ac loci duorum castellorum, & ejusdem ac duorum castellorum, & S. Laurentii de Pascuadego Parentin. diocesis Ecclesiarum Canonice & praebendarum, ac Prioratus S. Silvestri suburbii Vicentini ordinis S. Benedicti etiam certo modo nobis commendatarum, prout in singulis litteris apostolicis desuper confectis plenius continetur, poni & induci ac inducendum defendi & a Canonicis & praebendis, ac Prioratu illicitos & Archidiaconatu praedictis, detentores quoslibet amoveri, petendum, faciendum, requirendum & obtinendum, ipsasque litteras quibus pertinuerit praesentandum, intimandum, insinuandum, & notificandum, dictamque possessionem apprehendendum, tenendum, manutenendum, & defendendum, nec non ad Archidiaconatum & Prioratum praefatos, ut moris est, admitti petendum, faciendum, & obtinendum, juran-

Aloysius Ep. Arbensis fratrem suum militem qui suo nomine Episcopatus Arbensis, & aliorum Sacerdotiorum tibi collatorum possessionem caperet.

jurandumque in animam nostram de observandis statutis & consuetudinibus Arbensis, & aliarum Ecclesiarum prædictarum, & quodlibet aliud licitum & honestum ac consuetum juramentum per prædecessores nostros in Episcopatu, Archidiaconatu, Canonicatibus, & præbendis ac Prioratu prædictis præstari solitum præstandi, nec non nos a Capitulo, clero, & vassallis dictæ Ecclesiæ Arbensis & populo civitatis & diocesis Arbensis in Episcopum & pastorem recipi & admitti, & a Capitulo, & clero obedientiam & reverentiam debitas & devotas, ac a vassallis nobis fidelitatem solitam ac consuetam servitia & jura ab eis debita, nec non a populo prædicto debita honorificentia exhiberi & prosequi petendum, faciendum, & obtinendum, Episcopatumque seu Ecclesiam Arensem, Archidiaconatum, Canonicatus & Prioratum hujusmodi in spiritualibus & temporalibus regendum & gubernandum, regique & gubernari ac in divinis laudabiliter deserviri faciendum; fructus quoque, redditus & proventus, jura, obventiones, & emolumenta ex dictis Episcopatu, Archidiaconatu, Canonicatibus, & Prioratu prædictis provenientes & provenientia petendum, exequendum, levandum, recipiendum & recuperandum, arrendandum & ad firmam seu annuam pensionem dandum & concedendum, locandum & dislocandum personæ seu personis, pretio seu pretiis, quibus & pro quibus dicto nostro procuratori visum fuerit expedire, & de habitis, levatis, receptis & recuperatis occasione præmissorum quietandum & quietantiam seu quietantias dandum & concedendum, cum pacto solemniter & expresso, de rem habitam, levatam, receptam, recuperatam ulterius vero petendo, & si necesse fuerit pro præmissis omnibus & singulis, & eorum dependentibus coram quocumque iudice ecclesiastico, vel seculari exsecutore vel subexsecutore delegato vel subdelegato dato seu dando contra quasumque personas tam ecclesiasticas, quam saculares comparandum & agendum, nosque & jura nostra defendendum, libellum seu libellos & quasumque alias summarias petitiones dandum & recipiendum, litem seu lites contestandum & contestari videndum, de calumpnia vitanda & veritate dicenda jurandum & quodcumque aliud juramentum in & sub calumpniæ juramento contentum in animam nostram præstandum, ponendum, & articulandum, ponique & articulari videndum, positionibus & articulis partis adversæ respondendum suisque responderi petendum, & ad omnes alios terminos tam substantiales quam accidentales de jure vel consuetudine servari solitos procedendum & procedi videndum, sententiam seu sententias tam interlocutorias quam diffinitivas sive petendum & audiendum & ab eis seu eis & quorumque alia gravamine nobis illato vel inferendo provocandum & appellandum, appellationem hujusmodi intimandum, insinuandum, & notificandum, Apostolos petendum & recipiendum, appellationis causam & causas ad Romanam curiam si opus fuerit devolvendum & devolvi faciendum, eamque & eas prosequendum, expensas taxandum & taxam petendum, ac super ipsis si necesse fuerit jurandum, & iudicis officium implorandum, earumque solutionem & extorquendum & de receptis quietandum, cum potestate nomine nostro & pro nobis vicarium seu vicarios in dicta Ecclesia Arbeni ac Episcopatu Arbeni nostro in spiritualibus & temporalibus deputandi, constituendi & ordinandi, corrigendi & reformandi, & cum

vel eos revocandi & alios loco ejus vel eorum ponendi & deputandi usque ad nostrum beneplacitum, unum quoque vel plures procuratorem seu procuratores loco sui substituendum, ac eum vel eos revocandum & onus procuratoris hujusmodi in se reassumendi totiens quotiens dicto procuratori visum fuerit expedire, & generaliter omnia alia & singula faciendi, dicendi, gerendi, exercendi & procurandi quæ in præmissis & circa ea necessaria fuerint, seu quomodolibet opportuna, & quæ nosmet ageremus & faceremus seu facere possemus, si præmissis omnibus & singulis præsens & personaliter interessemus, etiam si talia forent quæ mandatum exigent magis speciale quam præsentibus est expressum. Promittentes nihilominus notario publico infrascripto tamquam personæ publicæ & authenticæ . . . stipulanti & recipienti vice & nomine omnium & singulorum quorum interest, intererit, seu interesse poterit quomodolibet in futurum, nos ratum gratum atque firmum perpetuo habiturum totum id & quicquid per dictum nostrum procuratorem ac substitutum vel substituendum vel substituendos ab eodem, ab omnium onere satisfaciendi relevare iudicioque fisci & iudicatum solvi, cum omnibus & singulis clausulis necessariis & opportunis sub ypotheca & obligatione omnium & singulorum bonorum nostrorum mobilium & immobilium præsentium & futurorum ac omnia alia juris & facti renunciatione ad hæc necessaria pariter & cautela . . . omnium & singulorum fidem & testimonium præmissorum præsentis litteras sive præsentis publicum instrumentum exinde fieri & per notarium publicum infrascriptum subscribi & publicari mandavimus, nostrique sigilli iussimus & fecimus appensione communi. Datum & actum Romæ in domo nostræ solitæ residentie sub anno a Nativitate Domini millesimo quadringentesimo octuagesimo quarto, Indictione secunda, die vero decima octava mensis Februarii, Pontificatus præfati Sanctissimi Domini nostri D. Sixti divina providentia Papæ Quarti tertio decimo. Præsentibus ibidem Ven. & Honoran. viris DD. Beroldo Canonico Aquensi & Calixto de Johanninis laico Romano testibus ad præmissa vocatis specialiter atque rogatis.

L. S.  
Et ego Johannes Niis clericus . . . diocesis publicus Apostolica & Imperiali auctoritatibus ac Romana curiæ Notarius, quia dicti procuratoris constitutioni & potestatis dationi omnibusque aliis & singulis præmissis, dum sic præmittitur agerentur & fierent, una cum prænominatis testibus præsens interfui, eaque sic fieri vidi & audiui, ideo hoc præsens publicum instrumentum manu alterius me aliis præpedito negotiis fideliter scriptum exinde caufeci, subscripsi & in hanc publicam formam redegi. Signoque & nomine meis solitis & consuetis signavi in fidem & testimonium omnium & singulorum præmissorum rogatis & requisitis.

Ex Autographo in Archivo Monasterii S. Hieronymi Venetiarum.

Anno 1485. Arbam profectus hujus Ecclesiæ regimen suscepit, ut constat ex tabulis eodem anno confectis, quibus ejus nomen inscriptum est. In his ita convenisse dicitur inter Episcopum, Capitulum, Patricios Arbenes, & villicos Novalie, ut Archipresbyter Novalie, qui e cetera nobilitate deligi solebat, lege commorandi residendi apud incolas illos eximeretur; Novaliensibus autem potestas esset eligendi.

Archipresbyter Novalie sine lege residentis exemplum.



gendi duos Sacerdotes curatores animarum, qui rem Christianam administrarent; jus tamen eos approbandi Episcopus haberet. Cum reditus Capitulares in communem massam redigi sole-  
rent, ex qua Canonici suam quisque portio-  
nem percipiebant; suasor fuit auctorque Aloy-  
sius fundos & agros, qui pertinebant ad men-  
sam Capituli, Canonici inter se pro rata por-  
te dividerent; ut videlicet singuli ad illorum,  
qui cuique obligissent, culturam diligentius  
advigilarent, quo uberiores fructus redderent,  
neve aut sua, aut villicorum incuria deterio-  
res fieri paterentur: id quod notatum est in  
Codice Capitulari: *Aloysio Malumbra Episcopo  
Arbeni meritissimo suadente, bona Canonico-  
rum, quae erant in communi, divisa fuere ad hoc, ut  
diligentia majori laborarentur. Anno 1494. Mo-  
nasterium Arbeni S. Petri in Valle sibi com-  
mendatum habuit, ut docet subscriptio Archi-  
diaconi Arbeni exemplo cuiusdam diplomatis,  
quod ex tabulis ejusdem monasterii ipse descri-  
pserat: Ego Antonius Nimireus Arben. Archi-  
diaconus, auctoritate apostolica Comes Palati-  
nus, & Imper. Notarius publ. & iudex ordi-  
narius, ex autentica copia scripta de pergame-  
no, quae est in quadam capsula parva, inter Scri-  
pturas ejusdem monasterii, quae est apud Rever.  
Dom. Aloysium Malumbra Episcopum Arben-  
sem, & commendatarium dicti monasterii, fide-  
liter accipiam.*

Collegium  
Virginum  
terti ordinis  
S. Francis-  
ci Mag-  
dalena Bu-  
disschiae  
suecavit in  
urbe prope  
templum S.  
Antonii  
Abbatis.

Extremo hujus saeculi anno jacta sunt fun-  
damenta collegii Virginum tertii Ordinis Fran-  
ciscani, quod suos ortus & progressus acceptos  
refert Magdalene Budisschiae lectissimae matro-  
nae ex Dynastis Zirovi, quod castellum est dice-  
cesis Modrussensis. Tredecim annos nata nupit  
Joanni Bobinovichio de Bubonibus Comiti ac  
Domino Cetinae. Triennio post, viro mortuo  
sine liberis, ipsa rebus humanis uncio remis-  
so, Arbam se contulit anno 1486. seque apud  
quasdam virgines recepit, quae ab hominum  
confortio segregatae, nullis tamen votis obstri-  
ctae, voluntariam vitam ad normam instituti  
Franciscani agebant in aedibus ad id conductis,  
prope coenobium ac templum S. Joannis Evan-  
gelistae, sub regimine ac disciplina Patrum ejus-  
dem ordinis S. Francis. Hic annos ferme tre-  
decim uni Deo ac sibi vacans, assidua rerum  
caelestium meditatione, piisque exercitationibus  
transiegit. Deinde perfectioris vitae studio in-  
censa, cum duabus virginibus e primaria no-  
bilitate Arbeni, secessit in quamdam aedicu-  
lam, sitam in angulo extremo civitatis ad orien-  
tem prope antiquum sacellum S. Antonii Ab-  
batis anno 1499. Ibi collegium Virginum ter-  
tii ordinis Franciscani instituere decrevit; &  
potestate sibi facta tum per Episcopum, tum  
per praetorem & magistratus civitatis, e suis  
bonis dotatibus sane copiosis, monasterium aedi-  
ficavit, sacellum Antonianum amplificavit;  
utrumque redditibus satis idoneis instruxit. Nec  
desuerunt ingenuae virgines, & quidem e fami-  
liis patriciis, quae illuc admitti cuperent, &  
in eum sanctissimum coetum nomina darent.  
Has illa perlibenter recepit, atque ad omne  
religiosae disciplinae officium diligentissime insti-  
tuit. Magna virtutis & sanctitatis apud omnes  
opinionem decessit anno 1532. illataque est in  
aedem S. Bernardini extra urbem, & ibidem  
apud Patres Franciscanos S. Euphemiae sepul-  
crum obtinuit. Hujus vitam, illustribus san-  
ctimoniae notis insignem, Italico sermone con-

scripsit Joannes Tomcus Marnavitus Episco-  
pus Bosnensis, & Romae anno 1635. e typo-  
graphia Francisci Cavalli in lucem emisit.

Anno 1514. in Concilio Lateranensi sub Leo-  
ne X. Sessioni nonae subscriptus est *Reverendus  
Pater Dominus Aloysius Arbensis*. Ab Sessione  
proxima Aloysii nomen abest, & Congrega-  
tioni habitae anno 1515. xviii. Kalendas Ja-  
nuarii successor Aloysii interfuit: quod argu-  
mento est hoc anno vel superiori aut vita fun-  
ctum esse, aut Ecclesiam Arbensem dimisisse.  
Sui Episcopatus ac nominis memoriam marmori  
impressam reliquit supra januam maximam aedis  
cathedralis; cujus frontem & prospectum sele-  
ctis marmoribus ornandum aere suo curavit Fran-  
ciscus Nimera civis Arbensis:

Aloysius  
Concilio  
Lateran-  
ensi in-  
terfuit.

ETERNI. REGIS. SVM. LAUDI. ET VIRGINIS. ALME  
PRESVLE. MALUMBRA. ZANTANO. PRESIDE. CALBO  
QVESTORE. IMPENSA. FRANCISCI. STRVCTA NIMIRE  
MCCCLXXXX.

Idem ejus nomen insculptum erat suggesto,  
ex quo Evangelium inter sacra solemnia decap-  
tari solet, quodque paucis ante annis Joannes  
Calabotta Episcopus dimoveri jussit, cum aedem  
cathedralem restaurandam curavit.

MALUMBRA AN  
TISTES COMES  
O ZANTANE QVI  
ESCO  
ORNATV TEMPLI  
DE DOMINIS STU  
PIO.

#### VINCENTIUS EP. ARBENSIS XXXIX.

Nobili genere natus apud Fanum Fortunae, Vincentius  
quae civitas Umbrinae perantiqua est, ab Gallis  
Senonibus condita, & Colonia Romanorum  
Fanestris cognominata. Necusantia familia,  
unde Vincentius originem traxit, admodum  
clara est, & cum primariis Fanensium fami-  
liis, vel affinitate, vel sanguinis communione  
conjuncta, & illustrium virorum secunda. Hinc  
duo Episcopi, Guidus Nuceriae anno 1225. &  
Joannes Philippus Sarinae an. 1398. itemque  
Adrianus celeberrimus jurisconsultus. Natus  
est Vincentius anno post Virginis partum cir-  
citer 1487. & post primam aetatem politiori-  
bus litteris excultam, gravioribus disciplinis,  
ac praesertim juri pontificio operam dedit, &  
*Doctoris Decretorum* nomen atque insignia pro-  
meruit. Cum excellenti doctrina scientiam tri-  
plicis linguae Hebraicae, Graecae, & Latinae con-  
junctae. Romae cum esset, & nondum aetatis  
annum tricesimum attigisset, eum post obitum,  
vel decessum Aloysii Malumbrae, Leo X.  
Episcopum Ecclesiae Arbensis renunciavit anno  
1515. vel superiori. In Concilio Lateranensi  
accessus illi datus fuit ad duas Congregationes  
generales, atque ad consultandum ac delibe-  
randum de iis, quae in sessionibus agenda ac  
decernenda forent; altera habita est an. 1515.  
xviii. Kalen. Januarii ante undecimam, alte-  
ra an. 1517. tertio Idus Martii ante duodeci-  
mam, & postremam sessionem: utrique adscri-  
ptus est *Reverendus Pater Dominus Vincentius  
Arbensis*. Ab omnibus sessionibus abest ejus no-  
men & subscriptio. Ad solemnes hos consessus  
propterea non admissum fuisse arbitror, quod  
nondum Episcopalem consecrationem suscep-  
erat. Cum enim ante annum aetatis tricesimum  
desi-

Vincentius  
Necusan-  
tius Fanen-  
sis Episco-  
pus Con-  
gregationi-  
bus Gen-  
Concil. La-  
teranen. in-  
terfuit.

designatus fuisset Episcopus, duos tresve annos intercedere necesse erat, antequam pontificiis sacris initiaretur. Post Concilium Lateranense absolutum Roma discessit; & anno 1517. vel sequenti Arbam venit, ingenti omnium civitatis ordinum gratulatione & lætitia exceptus. Annos fere quinquaginta huic Ecclesiæ præfuit; sed de illius actis atque institutis quæ nancilci licuit, & litteris mandare, paucissima mihi suppetunt, præsertim pro diuturnitate Pontificatus, & eximia talis ac tanti Præfulis sapientia & virtute. Duos habuit vicarios, primum quidem Christophorum de Comitibus, secundum vero Franciscum Necusantium fratris filium eximie religionis & doctrinæ, Archidiaconum ædis cathedralis, & Abbatem S. Nicolai Isenensis. Anno 1537. Venetiis erat, qua in urbe Ignatium parentem & conditorem Societatis Jesu, ejusque socios, per omnes ordinum gradus ad apicem Presbyteratus evehit, tanta non modo ipsorum, sed etiam ipsius Episcopi lætitia, & animi voluptate, ut sese inter ejusmodi carismos nihil umquam simile sensisse affirmaret; quemadmodum in ejusdem S. Ignatii vita scriptum reliquit Joannes Massejus. Anno 1562. & sequenti Concilio Tridentino sub Pio IV. interfuit; & inter Episcopos a Leone X. creatus nominatur *Vincentius Nicofantius de Fano Episcopus Arbensis*. Ad suam Ecclesiam reversus promulganda curavit decreta Concilii, ad cujus præscripta ut cleri sui vitam ac disciplinam conformaret, leges quasdam eisdem decretis consentaneas tulit, quas ex Italico in Latinum sermonem convertimus.

Cum sacrosanctum Concilium Tridentinum optime nosset quanti interfuit, non solum ad sanctitatem ordinis ecclesiastici, sed etiam ad mores Christiani reformandos, eorum vita & exemplum, qui se divino ministerio dedicaverunt, statuit quæ a Summis Pontificibus & sacris Conciliis de clericorum vita, honestate, cultu, doctrinaque salubriter sancita sunt, sicubi desuetudine exsoluerint, in usum revocanda esse, ac retinenda; idque Episcopis, ad quorum officium pertinet, impense commendavit, ac præcepit. Idcirco nos, qui nihil vehementius cupimus, quam ejusdem Concilii mandata diligenter curare & perficere; e sacris Canonibus, quædam ad vitam & honestatem clericalem in primis necessaria, accurato studio collegimus; & magna cum cura ac diligentia ab omnibus & singulis servari jubemus; ut scilicet interiori innocentie & sanctitati, quæ in Domini sortem vocatos maxime decet, externus habitus, & conformatio totius oris & corporis respondeat. Itaque edicimus atque interdici-

Ut quicumque Ecclesiastica militie nomen dedit, patentem in vertice clericalem coronam, & capillos ad normam sacrorum Canonum deorsos perpetuo gerat; Sacerdotes vero ut pilos e superiori labra sepe & penitus abradant, ne quæ iis prominentibus guttula divini sanguinis per summam indignitatem adhareant.

Ut clericorum tunica interior infra genua, superna autem vestis ad talos usque sit producta; calcei vero accisi ne sint, factique ad formulam & elegantiam laicalem; sed simplices, & clericali modestie consentanei.

Extrema indusii circa manus & collum crispata ne sint, neve more laicorum emineant.

Non alius, quam nigri coloris veste utantur; & curiosius, quam decentius, ornandi corporis

Illyrici Sacri Tom. V.

curam omnem abjiciant; atque in universo vestitu munditiem ament, sordes effugiant.

Omne genus armorum interdictum sibi esse sciant. Qui secus fecerit, & contra hæc deliquerit, præter amissionem vestium, decem libris mulsetur, ad subsidium piorum locorum convertendis; & aliis arbitrio nostro pænis, pro modo culpæ & contumaciæ suæ, afficietur.

Ut vero non solum ab omni impudicitia, sed etiam ab omni cujuslibet incontinentiæ suspitione longissime absint, qui habitant in tabernaculis Altissimi; omnino ab se commercium omne cum mulierculis famæ perditæ, aut suspectæ arceant, juxta sanctiones Concilii Tridentini; & præterea volumus atque jubemus, ut nemo clericorum ullam feminam, licet consanguineam, domi suæ retineat, nisi causa illius retinenda nobis & cognita & probata fuerit.

Domus ex aliquo pio legato Ecclesiis relictas locari vetamus hominibus, de quorum vita & moribus mala suspicio est.

Quoniam clerici spectaculum facti sunt non solum Deo & Angelis, qui animorum nostrorum recessus introspiciunt; sed etiam hominibus, quorum oculis ipsi patent & obversantur; ab iis omnibus abhorreant, quæ clericali sanctimonia repugnant, veluti a theatris, choreis, ludicris pænis, aliisque ejusdem generis spectaculis.

Abstineant ab aleis, & lusibus, in quibus non industria, sed fortuna dominatur; nec adeant cauponas, nec canes venaticos alant, neve dent operam venationibus.

Non ineant convivia cum hominibus ebriositati atque intemperantiæ deditis, & comestationes illas, quæ Sbravize vulgo dicuntur, omnino devitent.

Nullam causam apud iudices seculares defendant, neve advocati, aut procuratoris munere fungantur, nisi in causis piis, & a nobis prius petita, & impetrata licentia.

Neque medicinam, neque tabellionis officium in rebus profanis exercent.

Nullius tutelam, & rerum familiarium ejusque administrationem suscipiant, nisi causa pietatis, & nobis consentientibus.

Ab omni negotiatione abstineant; neque venditionibus, emptionibus, aliisque contractibus arbitros se atque interpretes immisceant.

Ne agros alienos conducant.

Pro nemine fidem suam interponant; & quod alii debent, periculo suo facturos se, aut daturos non promittant.

Procuratoriam aut servilem operam laicis ne præbeant; nisi si quando id charitas exigat; & in iis rebus, quæ statum atque ordinem clericalem non dedeant.

Mensis & convivii virorum nobilium ne assent, quasi cujusdam famulatus & ministerii causa.

His nostris mandatis atque interdictis qui non obtemperaverint, eas pænas dabunt, quæ sunt eorum violatoribus jure Metropolitico constitutæ, vel si quæ eodem jure comprehensæ non sunt, quicquid libras piis locis attribuendas persolverint; & aliis pro arbitratu nostro pænis subjiciuntur.

Qui aliquo Sacerdotio præditi sunt, vel sacris ordinibus initiati, statas quotidianas preces, nocturnas diurnasque, studiose pieque recitare nunquam omittant; eas qui neglexerint, juxta sacrorum Canonum statuta, & gravioribus etiam pænis punientur.

Ad extremum rogamus & obsecramus per viscera.

scera Jesu Christi, ut clerici omnes sive in majoribus, sive in minoribus ordinibus constituti, saltem semel singulis mensibus sacrosancta divina Eucharistia mysteria percipiant; hortamurque, ut ad legendos codices utriusque Testamenti, & libros morales ac pios assidue incumbant, e quibus normam castæ sanctæque vivendi addiscere possint.

Deposito pontificatu in patriam recessit.

Titulus sepulchralis.

Ad annum ætatis fere tertium supra octogesimum Vincentius pervenerat, cum sentiens sibi & corporis vires, & animi vigorem ad sustinendum onus Episcopale decesse, anno 1569. permissu Gregorii XIII. Pontificatum deposuit. Patriam repetiit, ubi reliquam vitam placide pieque transiit, seque ad extremum diem sancte obeundum comparavit. Decessit anno 1573. & sepultus est in æde cathedrali Fanensi; eique post annos non ita multos monumentum posuit, & titulum fecit Hadrianus fratris filius:

VINCENTIO NEGVSANTIO ARBI EPISCOPO HEBRAICÆ GRÆCÆ ET LATINÆ LINGVÆ PERITISSIMO FIDEI CATHOLICÆ ACERRIMO PROPVGNATORI OCTOGESIMO SEXTO ETATIS ANNO FVNCTO MDLXXIII. HADRIANVS FRATRIS FILIVS PATRVO OPTIMO OPTIME MERITO POSVIT ANNO SALVTIS MDLXXX.

Franciscus Necusantius filius fratris Vincentii Archidiaconi Arbenensis mortuus est Arbæ.

Post quadriennium obiit Arbæ Franciscus Necusantius filius fratris Vincentii Episcopi, Archidiaconus Arbenensis, idemque Abbas S. Nicolai, quod cœnobium erat Benedictinum perantiquum in Issa, sive Lissa insula Dalmatiæ; eique in æde cathedrali monumentum posuit Octavius frater hoc titulo inscriptum:

FRANC: NIGVSATIVS CIVIS FANEN: ARCHID: ARB: ABB: S: NIC: D: LISSA VINCETII NIGVSATII. EPI PATRVI RELIGIONE PIETATEQ: REPERBS VIXIT. AN: L. MEN: I. D: XIX. OBIT. AN: DNI. M. D. L. XXVII. IIII NONAS NOVEBRIS. OCTAVIVS FRATER H. M. P.

Joannes Uron, & Ludovicus de Vivaldis, & catalogo Episcoporum Arbenensium expungendi.

In uno ex quinque catalogis Episcopalis proxime post Necusantium adscriptos invenio Joannem Uronem an. 1517. & F. Ludovicum de Vivaldis an. 1518. Utrumque respuit diuturnus Pontificatus Necusantii, qui sibi duos illos annos vindicat. Joannes ille mihi omnino ignotus est, neque unde sumptus fuerit, inveniendusque in seriem Episcoporum Arbenensium, facile dixerim. Ludovicus de Vivaldis erat sanctissima Patrum Prædicatorum sodalitate, de quo Vincentius Maria Fontana in Theatro Dominicano: P. F. Ludovicus de Vivaldis die Mercurii ultima Augusti 1519. a Cardinali de Valle pro Arborensi Ecclesia in Consistorio prepositus fuit. Orta postmodum controversia de puritate sanguinis, super ea re jussu Leonis X. Summi Pontificis, Cardinalis de S. Cruce informationem cepit; cumque comperisset eum, non Neophytum, ut aliqui dicebant, sed genere Christianum fuisse; prædictam Ecclesiam in partibus infidelium sitam obtinuit, ad quam post consecrationem commigravit. Sed cum Ecclesia illa Arborensis in tabulis consistorialibus vocetur Arbenensis, id fortassis causam errandi præbuit transferendique Ludovicum ex illa longinqua in Ecclesiam Arbenensem Dalmatiæ, quæ utique sita non est, neque tum erat in partibus infidelium: 1318. 31. Augusti pro Eccl. Arbeni in partibus infidelium propositus est R. Ludovicus de Vivaldis Ord. Prædicatorum, ita ut infra annum eo proficiscatur causa residendi. In iisdem Actis

consistorialibus Ecclesiam Arbenensem in Arabia constitutam reperio: 17. Augusti 1540. Provisis Ecclesiæ Arben. in Arabia certo modo vacanti de persona Petri de Torres portionarii Ecclesiæ Hispalensis. Hæc Arbenensis abest longe gentium ab nostra Dalmatica, quam etiam distinguendum oportet ab Ecclesia Arbanensi, de qua itidem in Actis consistorialibus: 1494. prima Octob. providit de persona D. Angeli de Macerata Ecclesiæ Arbanensi vacanti per obitum.

Duo prodigia memorabilia.

Dum Vincentius Ecclesiæ Arbeni præsedebat, duo prodigia, sive ostenta memoratu digna accidisse narrant; videlicet anno 1534. Simulacrum Deiparæ Virginis in templo Novaliæ, & anno 1559. Effigiem Jesu Christi in cruce suffixi in æde urbana S. Antonii illachrymasse. Utrumque Vicarius generalis Episcopi, alterum scilicet Christophorus de Comitibus, alterum vero Franciscus Necusantius, suis ipsimet oculis viderunt, & aliorum, qui aderant atque viderant, jurata testificatione confirmatum tabulis publicis ad sempiternam posteritatis memoriam consignari voluerunt.

## I.

In Christi Nomine Amen. Anno Nativitatis illius MDXXXIII. Indictione... Die vero Mercurii XV. mensis Julii in villa Novallæ diocesis Arbenensis. Cum heri pervenisset ad aures Rever. D. Presbyteri Christophori de Comitibus benemeriti Vicarii Rever. Dom. Episcopi Arbenensis in præsentiarum absentis a civitate Arbeni, quod imago gloriosa genitricis semper Virginis Mariæ, quæ est in Ecclesia ejusdem gloriosæ Virginis sita in superscripta villa Novallæ, plorat ex utroque oculo fundendo lacrymas a die Dominico circa horam nonam, quæ fuit duodecima instantis, ejus Rever. Dominatio una cum pluribus presbyteris contulit se ad dictam villam, ingressusque in supranominatam Ecclesiam invenit antelatum imaginem, quæ est in medio altaris, habentem filium in gremio tenendo manus supplices adhuc recentibus lacrymis ambobus oculis plorantem, ideo volens & intendens tam maximum miraculum ut omnibus innotescat ad perpetuam rei memoriam, jussit super hac materia processum formare ad laudem & gloriam omnipotentis Dei ejusque prælibatæ gloriosæ Matris & ad bonum exemplum & devotionem fidelium &c.

Die supradicta.

Retulit clericus Joannes Fabianich mandato superscripti D. Vicarii citasse ad testificandum Mariam filiam qu. Martini Ligalich.

Quæ constituta coram eodem Rev. D. Vicario & præmisso juramento admonita de veritate dicenda dixit & deposuit ut infra. Videlicet. „Venero proxime passato circa à hora di vespero essendo io inirada in la Chiesa di Santa Maria, qual è in questa villa, & pregando davanti la immagine d'essa gloriosa Verzene mi pariva, che la se mudasse de color nel volto, ne hebe ardimento dir ad alcun tal cosa, sinon Domenega subsequente io disse tal cosa à mia madre, e cusi dapoi io andai in la preditta Chiesa anebe a hora di nona & viste che dalli occhi della preditta immagine uscivano lacrime, onde tutta sbigottita per tal vista andai a trovar mia madre e li riserì; la qual venuta con mi a tal Chiesa trovò esser vero quello, che io li haveva ditto, e cusi chiamassimo pre Biasio Capellan di questa villa, & li dicessimo tal cosa, per il che

che ancor lui andò in Chiesa per veder se lui li havevamo ditto la verità co die. „

Retulit presbyter Martinus Stoymilich mandato Z. citasse ad testificandum Margaritam relictam qu. Martini Ligatich.

Qua constituta coram predicto Rev. D. Vicario & pramisso juramento interrogata circa pramissa, Respondit ut infra. „ Domenega proxima passata circa hora di nona vene mia fiola Maria dirme, come allora haveva visto lachrimar la imagine della gloriosa Vergine Maria, qual è in la Chiesa al suo nome dedicata in questa villa di Novaglia, & cusi inteso io la tal cosa andai alla ditta Chiesa & trovai con verità che la ditta imagine lachrima cusi come & al presente si vede, se non che adesso hormai le lachrime son calade più zoso, & cusi tornai a casa. Mandai da recavo la predita mia fiola che andasse in dita Chiesa, la qual non ossando andar sola chiamò con si un altra putta, & viste darecavo esse lachrime chiamorno il Capellano, il qual andò & viste siccome da lui potiti intender. „

#### Die ultra scripta.

Retulit Presbyter Martinus Stoymilich mandato &c. citasse Dom. Presbyterum Biasum Racich Capellanum hujus villa ad testificandum.

Qui constitutus coram antelato Rev. D. Vicario & pramisso juramento interrogatus & examinatus circa pramissa, Respondit ut infra. Videlicet. „ Domenega proxima passata poco da poi nona attrovandomi io in casa con certi homini da ben de questa villa venne la fiola di qu. Martin Ligatich con gran instantia rechiedendomi, che io dovesse andar alla Chiesa di S. Maria, qual è in questa villa, & cusi intrado che fu in Chiesa predicta la me disse che la imagine de essa gloriosa Vergene Maria qual è a mezzo dell' altar pianze, quello che mi approssimai ad esso altar & visti con verità che le lachrime discenderano dalli occhi d' essa sacratissima imagine, & chiamai più persone che dovestino vegnir a veder tal miraculo; & cusi coadunate li piu persone stessimo a vardar & vedessimo, che la lacrima qual era sotto al occhio sinistro si callò un dedo più in zoso, & cusi fina al presente la si trova, & quella dell' occhio dextro sta cusi in quel esser come giera all' hora, se non che anche par el signal d' un pocho che se ha calato più in zoso, siccome potite intender quasi da tutti quelli che habitano in questa villa & al presente ancora manifestamente el se vede. „

#### Die dicta.

Retulit supradictus Presbyter Martinus citasse ad testificandum Paulum de Lugbo Passatorem Novaglia.

Qui constitutus coram antelato Rev. D. Vicario & juratus de veritate dicenda deposuit ut infra. Videlicet. „ Domenega a ora de nona vene la fiola di qu. Martin Ligatich chiamar pre Biasio nostro Capellano che f' andasse in la Chiesa de S. Maria qual è in questa villa, el qual essendo andato li fo dito da essa donna che la imagine di essa gloriosa Vergene Maria qual è nel mezzo del altar pianze, & cusi avendo lui sparsa la voce di tal miraculo andai ancor mi in la ditta Chiesa con alcuni altri insieme con esse dito Capellano, & vedessimo che una lacrima era discesa dal occhio sinistro di essa sacra imagine, & cusi esso Capellano chiamò la predita donna & alquanti de mi in la Chiesa di S. Caterina per intender da esse putte circa illyrici Sacri Tom. V.

de ciò la verità, & tornadi darecavo in la dita Chiesa de S. Maria trovassimo che essa lacrima giera calada un dedo più in zoso & dal occhio dextro li in presentia nostra uscite una picchul lacrima, & d'allora in qua ancor li stanno; ben vero che quella che sotto el occhio dextro è molto più grossa al presente de quel che giera da principio. „

#### II.

#### Die Jovis quartadecima mensis

Decembris 1559.

Ex fide & delatione multarum personarum & clamore quamplurium ad aures & notitiam Rev. D. Francisci Nigulantii Abbatis S. Nicolai de Lissa Pharensis diocesis, necnon Canonici & Vicarii generalis Arbensis pervenit, quod in Ecclesia S. Antonii parvi posita in hac civitate Arbeni prope Ecclesiam S. Joannis Fratrum Minorum Crucifixus in sinu Patris æterni in tabula depictus in altari predictæ Ecclesiæ miraculose deplorat, & lachrymat ita, ut ad dictam Ecclesiam omnis populus decurrit pro videndo tali miraculo.

Quibus intellectis statim postposita omni mora præfatus Rev. Dom. Vicarius cum aliquibus de suis Canonicis versus dictam Ecclesiam iter arripuit. In quo itinere se associavit cum clarissimo D. Philippo Minio Honorando Comite Arbeni, & multis aliis nobilibus, & civibus hujus civitatis ejus Magnificentiam & dictam Ecclesiam associantibus. In qua invenit magnam populi multitudinem plorantem, & vociferantem. Misericordia. Et accessit ad dictum altare & oculata fide vidit prædictum Crucifixum plorantem, & lachrymantem ex oculo sinistro, quo miraculo viso statim diligenter circum ipsum altare perspexit, si tabula altaris prædicti esset madefacta, sicut si ex aliqua parte super dictum altare stillaret cum multis aliis indagationibus necessariis & opportunis, prout sua Dominationi visum fuit, ubi suspicionem aliquam invenire non potuit. Sed & revera miraculose prædictus Crucifixus plorabat & lachrymabat continue ibidem astantibus prædicto Clarissimo D. Comite, & Clarissimo Dom. Antonio de Canale suo prædecessore cum multis aliis nobilibus & civibus hujus civitatis.

Quibus visis & consideratis idem Rever. Dom. Vicarius multis de causis animum suum moventibus pro majori verificatione & testificatione veritatis prædictæ devenit ad infrascriptam examinationem cum præsentia & assistentia præfati Clariss. Dom. Comitis, mandans Diacono Nicolao suoque nuntio & curia sua . . . ut testes infrascriptos ad eorum præsentiam citare deberet pro deponenda veritate.

#### Die quintadecima mensis Decembris.

Constitutus coram Rever. D. Vicario antedicto examinante in camera audientia Palatii Tractorii Arbensis, assistente ibidem ultrascripto D. Comite D. Marinello Schaffa . . . Nob. hujus civitatis, testis ex officio assumptus, monitus, juratus, & interrogatus, quomodo heri de mane viderit Crucifixum ultrascriptum plorare, & lachrymare in Ecclesia S. Antonii parvi suo juramento deposuit ut infra &c.

„Habbiandomi levato da letto heri da mattina, dove subito restò tramite me ne aviai verso la Chiesa de S. Antonio picchola, come è il mio costume de visitar ogni giorno quella nostra Donna & il glorioso Crucifixo pregando, che ajutarmi

tarmi dovessero nelli miei bisogni, & maxime in questi calamitosi & penuriosi tempi insieme con la mia povera madre, quai moeino de necessità per non haver intrada alcuna & si vergognamo domandar per amor de Dio. Dove essendomi inzenochiato appresso un banco poco lontano dell' altar pregava Domenedio; dopo di me venne Ser Alexandro de Bergamo, qual prego Iddio, & inteso che ebbe il son della campana di Termini, che il Magnifico Conte fa sonar per render ragion, se levò, & si partite, a dal che lo solo in la ditta Chiesa romase. Et cusi pregando Iddio sentite che tutta la Chiesa stremitte insieme con il cisindello, qual cosa udita che hebbe mi fece gran paura; & levandomi de li mi inzenochiai appresso il altar sopraditto, & li con le lachrime ai occhi comencai pregar & supplicar quel benedetto & santissimo Crucifixo, che ajutar mi dovesse. Et cusi pianzendo viste che il ditto santissimo Crucifixo comenzo lachrimar butando una goza dal occhio sinistro, qual gli vene fina il petto, & subito lassò la segunda goza & gli si fermò; qual miraculo visto; con gran paura mi levai, & me partite; dove uscito dalla ditta Chiesa disse a mala pena della grande paura, che haveva, a mistro Christof. Cizzo orefe, Bon zorno, qual li arente la ditta Chiesa tien botega, & me ne aviai verso la botega de mistro Lorenzo Androcha Castaldo della ditta Chiesa dicendoli, Mistro Lorenzo corre in Chiesa de S. Antonio se tu vogli veder miraculo grandissimo che lachrima il Crucifixo sul altar. Dove esso mistro Lorenzo con u' soprascritto mistro Christoforo orefe, & molti altri corsero alla ditta Chiesa, quai impizzorono la candella, & revera videro esser il vero di quanto io gli havea ditto: „ & alia &c.

Relectum confirmavit.

Die antedicta.

Constitutus coram antelato Rev. Dom. Vicario examinante ut ante mistro Lorenzo Androcha... Castaldus Ecclesie S. Antonii antescritti per antescritum Marinellum nominatus, monitus, juratus, & interrogatus, quomodo heri de mane viderit Crucifixum ante nominatum lachrymare, suo juramento dixit. „ Heri a hora de Messa Terza incirca lavorava in la mia botega, dove che vene missier Marinello Schaffa con certa paura, & mi disse, Mistro Lorenzo per amor di Dio te prego vien in la Chiesa di S. Antonio piccolo, che tu vederà un grande miraculo; che pianze il Crucifixo sul altar. Onde intese tal parole stette tutto sbigottito, a tal che pose zoso il lavor qual haveva in le mani subito me ne aviai verso la ditta Chiesa, venendo in mia compagnia mistro Christoforo Cizzo orefe, & mistro Domenego Valentich botter, & ancora sopravvenne il antescritto meser Marinello. Dove tutti assieme intrassimo in la ditta Chiesa comenzando io a guardar in suso la nostra Donna, qual tien in braccio il suo fiolino pensando ch' il piangesse, qual messer Marinello mi disse, Guardate da basso mistro Lorenzo che il Crucifixo pianze; & accostandomi più appresso, con effetto viste che esso Crucifixo lachrimava, habbiando una goza sotto il occhio sinistro; qual cosa vista che hebbe immediate averse la sagristia della ditta Chiesa & impiccai la candella, & il torço, & de longo via corse a dar notizia a V. S. de tal cosa come Capo nostro in spiritual: „ & tantum scire dixit.

Et relectum confirmavit.

Die dicta.

Constitutus coram antedicto Rev. Dom. Vicario examinante ut ante magister Christoforus Cizzo aurifex testis ut supra nominatus, monitus, juratus, & interrogatus, quomodo viderit Crucifixum antedictum lachrymare, suo juramento dixit. „ Lavorando io in la mia botega viste intrar in la Chiesa de S. Antonio piccolo missier Martinello Schaffa, & uscir de quella de li un bon pezetto; qual come sbigottito mi chiamò Bon di seguitando il suo camin a bon passo verso la botega de mistro Lorenzo Androcha Castaldo della ditta Chiesa; qual mistro Lorenzo fina un pezetto visto a correr verso essa Chiesa con arquantanti soi fiolini & lavorenti chiamandomi in sua compagnia, onde lassai il lavoro, & me ne aviai alla ditta Chiesa, & intrato in essa me ne acostai al altar & per certificarmi con maggior verità montai sul altar, & viste chazar una lachrima sul petto del antedetto Crucifixo, & subito butò un altra lachrima qual se gha ferma sotto il occhio sinistro, cosa vista disse a mistro Lorenzo, che partirse dovesse e dar notizia della cosa a V. S. „ & tantum scire dixit. Interrogatus „ se mai più ha visto entrar in la ditta Chiesa il antedetto Martinello. „ Respondit, „ Ogni giorno lo visto entrar in la ditta Chiesa, se fosse il più cattivo tempo del mondo, quel tempo ch' io tengo la mia botega che sono già doi anni in circa. „

Et relectum confirmavit.

Die dicta.

Magister Dominicus Valentich botterius constitutus coram antelato Rev. D. Vicario examinante ut ante testis ut supra nominatus, monitus, juratus, & interrogatus quomodo viderit Crucifixum antenominatum lachrymare, juramento suo dixit. „ Essendo heri mattina in la mia botega, dove era atorno a certi barilotti, venne li un garson fiolo della fornara de Frati di S. Zuanne al presente lavorante de mistro Lorenzo Androcha Castaldo di S. Antonio piccolo, qual mi domandò, se avesse fogo in casa. Dicendo che il Crucifixo in la ditta Chiesa lachrimava, onde subito lasciai il lavor, & me ne aviai correndo verso la ditta Chiesa, in la qual venuto che fù me ne acostai al altar con una candella accesa in mano viste il ditto Crucifixo che haveva una lachrima, che gli usciva dall' occhio sinistro, che pareva un ambro: „ & tantum scire dixit.

Et relectum confirmavit.

Die sextadecima mensis Decembris.

Reverendus D. Matthaus Spallatinus Archipresbyter Arbensis constitutus coram antelato Rever. D. Vicario examinante ut ante, testis ex officio assumptus, monitus, juratus, & interrogatus, si viderit in Ecclesia S. Antonii parvi Crucifixum antenominatum lachrymare, juramento suo dixit. „ Adesso zobia essendomi partito dalla Chiesa catedrale dopo il finir della Messa grande in compagnia de missier pre Domenego Vesselinich Canonico per andar verso la porta grande de questa città viste venir in zoso da Campo marzo il Dottor Cernotta & il phisico di questo loto, tornai darecavo per la porta, & arrivando appresso la casa del sier Zanetto Pastrovich sentite a dirci da una donna che il Crucifixo in la Chiesa de S. Antonio piccolo lachrimava, che tutto il mondo concorre li a vedere, qual cosa de principio non volse dar fede a tal donna. Ma ne andai verso la loza, & ivi missomi a sedere venne



venne non so chi li sotto la lozza, & riferite al Magnifico Conte qualmente revera il detto Crucifixo si lachrimava; onde subito sua Magnificenza se levò dalla banca della audientia con il Magnifico Misier Antonio da Canal suo predecessore co me, & molti altri Nobili, & Cittadini, & ne aviaffimo verso la ditta Chiesa, & ne scontrassimo in piazza vecchia con V. S. & tutti in compagnia andassimo alla sudetta Chiesa. Dove con effetto con i miei proprii occhi ho visto lachrimar miracolosamente il detto Crucifixo dal occhio sinistro habiando le palpebre del ditto occhio lachrimose, & tutta via crescendo & calando la gioia della ditta lachrima, tenendo sempre mai la candella accesa in le mie mani: „ & tantum scire dixit.

Relectum confirmavit.

Die antedicta.

Reverendus D. Dominicus Vesselinich Canonicus Arbenensis constitutus coram antelato Rev. D. Vicario examinante in camera ut ante &c. Testis ex officio assumptus, monitus, juratus, & interrogatus, si viderit in Ecclesia S. Antonii parvi Crucifixum antenominatum lachrymare, juramenta suo dixit. „ Adesso zobia essendo in compagnia del Rev. nostro Arciprete & caminando per la strada de mezzo per andar verso piazza, intese, che una donna diceva alla consorte del Misier Christoforo de Zaro, che il Crucifixo in la Chiesa de S. Antonio piccolo lachrimava miracolosamente. Dove subito lassai so Signoria & mene aviai verso essa Chiesa in compagnia del Padre Fra Evangelista di questo loco dell'Ordine di Osservanti, & venuto che fu revera visti lachrimar il antenominato Crucifixo de una lachrima dal occhio sinistro, & ivi il populo si haveva assonato lachrimando, & vociferando: Misericordia, percotendosi i petti loro: „ & tantum scire dixit.

Et relectum confirmavit.

Die antedicta.

Reverendus D. Collanus de Marinellis Canonicus Arbenensis constitutus coram antelato Rev. D. Vicario examinante ut ante, Testis ex officio assumptus, monitus, juratus, & interrogatus, si viderit plorare Crucifixum antenominatum in Ecclesia S. Antonii parvi, suo juramento dixit. „ Essendomi partito adesso zobia dalla Chiesa grande dopo il finir della Messa grande in compagnia di Misier pre Zuane Cortese Canonico & venuto alla piazza vecchia mi se incontro mistro Lorenzo Androba calegher Castaldo de S. Antonio piccolo, qual mi disse, che il Crucifixo in la ditta Chiesa miracolosamente lachrima, qual cosa intesa che hebbe me ne aviai verso la ditta Chiesa in compagnia del sopraditto Messer pre Zuane, & viste con effetto, che il ditto Crucifixo havea una lachrima sotto il occhio sinistro, & tutta via gli si ingrossava chalando a basso, tenendo sempre mai la candella accesa in le mani: „ & aliud, &c.

Relectum confirmavit.

Die antedicta.

Reverendus D. Nicolaus Colich Canonicus Arbenensis constitutus coram antelato Rev. D. Vicario examinante ut ante, Testis ex officio assumptus, monitus, juratus, & interrogatus, si viderit in Ecclesia S. Antonii parvi Crucifixum antenominatum lachrymare, juramento suo dixit. „ Adesso zobia habbiamo finito la Messa grande in la Chiesa nostra cathedrale; & metendo zoso il paramento venne correndo da me mistro Lorenzo Androba Castaldo de S. Antonio piccolo, dicendomi qualmente

Illyrici Sacri Tom. V.

il Crucifixo in la ditta Chiesa miracolosamente piange & lachrima, & che io come Capeliano della Chiesa dovesse andar li, & insieme con esso lui andar dovesse a dar notitia de tal cosa a V. S. onde subito corso alla ditta Chiesa per certificarme in prima; dove revera viste pianger il ditto Crucifixo, de cui usciva una lachrima dal occhio sinistro sempre mai ingrossandosi che pareva un ambro, & chalando abasso verso il naso; qual cosa viste ch'ebbe mi misse la chotta, e stola tenendo nelle mani il Tabernaculo, & vociferando Misericordia; & in questo venne V. S. in compagnia del Magnifico Conte, & molti altri Nobili & Cittadini di questo loco, la qual fece quelle debite provisioni qual si ricercavano al suo officio: „ & aliud dixit nescire.

Relectum confirmavit.

Die antedicta.

Reverendus D. Joannes de Cortesii Canonicus Arbenensis examinatus per superscriptum R. D. Vicarium examinantem ut ante, contestis ut supra nominatus, qui deposuit in omnibus & per omnia prout in depositione superscripta D. Collani legitur, & continetur.

Et relectum confirmavit.

Die XVI. dicti.

Speſtabilis D. Hieronymus Spalatinus Nob. Arbenensis Judex hujus civitatis constitutus ad presentiam R. D. Vicarii examinantis ut ante, Testis ex officio assumptus, monitus, juratus, & interrogatus, si viderit in Ecclesia S. Antonii parvi lachrymare Crucifixum antenominatum, juramento suo dixit. „ Essendo sentado con il nostro Magnifico Signor Conte drio la banca, venne Messer Francesco Scassa, il qual disse, qualmente il Crucifixo de S. Antonio piccolo miracolosamente lachrimava. Dove sua Magnificenza non volse levarsi fin tanto non gli fosse fatta la fede per qualche Sacerdote; & dopo di questo con verità a sua Magnificenza gli fu fatta la fede de esser la verità di quanto il ditto Misier Francesco gli aveva referito. Onde subito sua Magnificenza si levò & andò in compagnia de molti Gentilhomini & Cittadini verso la sopraditta Chiesa, & venuto che fo me acostai al altar & viste una lachrima al ditto Crucifixo sotto il occhio sinistro: „ & tantum scire dixit.

Et relectum confirmavit.

Die antedicta.

Speſtabilis D. Hieronymus de Zaro Nob. Arbenensis, alter Judex civitatis, qui & deposuit in omnibus prout supra dixit prefatus D. Hieronymus ejus collega. „ Adesso, che tenendo la candella in le mani il Rever. Arciprete appresso la imagine di esso Crucifixo viste il rivolo per il qual visibilmente pareva essa lachrima esser discesa: „ & tantum scire dixit.

Relectum confirmavit.

Die XVII. antedicti.

Venerabilis Pater Fra Joannes Drasicich ordinis Minorum constitutus coram Rev. D. Vicario sedente in camera audientie Palatii Pratorii, assistente ibidem ipsa Magnifico D. Comite, Testis ex officio assumptus, monitus, juratus, & interrogatus, si viderit Crucifixum antenominatum lachrymare in Ecclesia S. Antonii parvi, juramento suo testificando dixit. „ Essendomi posto a sedere sotto la loza comun di questo luoco venero alcune persone, qual referitero al Magnifico Sig. Conte, cò il Crucifixo in la Chiesa de S. Antonio piange & lachrima, dove soa Magnificenza mi impose che andar dovesse a veder tal cosa, perche questo si ricerca

Z 3

& ap.

Et appartiene all' officio de Sacerdoti , onde subito me ne partite, & venuto che fo in la detta Chiesa re vera viste uscir una lacrima del ditto Crucifisso dal occhio sinistro, qual si abbassava tuttavia ingrossandosi. Onde grande moltitudine di gente si haveva affonato, qual lacrimava, & vociferava, Misericordia; & per maggior certification della verità tolse una candella decesa in la man, & viste esser il vero di quanto di sopra ho deposto, & li disse la mia Messa in presenzia del tutto il popolo, & aliud dixit nescire.

Et electum confirmavit.

#### BLASIUS EP. ARBENSIS XL.

Patria Jadertinus, cognomento Sideneus, hanc Ecclesiam regendam suscepit anno 1569. Duo erant Virginum Arbensium collegia, alterum Benedictinum S. Andreae, idque antiquissimum; alterum recentius tertii ordinis Franciscani, quod saeculo superiori exuente, ut dictum est, Magdalena Budrisichia, extra moenia civitatis, prope sacellum S. Antonii Abbatis fundaverat. Ad neutrum accessus patebat virginibus, quae oriundae non essent e familiis patriciis. Ne locus deesset, ubi ingenuae puellae ac mulieres ordinis inferioris seipsas Deo in perpetuum consecrare possent; ad duo illa tertium addendi mira cupiditate cives Arbenenses flagrabant; quod demum, Blasio Episcopo, sub titulo ac tutela S. Iustinae virginis & martyris institutum fuit. Ad coenobii aedificationem Commune Arbensium mille nummos atgenteos, Senatus Venetus tercentos, Summus Pontifex ducentos contulerunt. Coenobio attributi sunt duo scopuli, seu parva insulae, e quarum fructibus annui proveniunt suppeterent. Constructae sunt aedes in foro veteri apud Ecclesiam S. Thomae, quae ad Capitulum Arbenense pertinebat. Hanc rogatu Arbensium Canonici, jure patronatu rectore, & salvo jure Parochi, eidem coenobio donarunt; Blasius vero donationem confirmavit; idque testatum esse voluerunt publicis tabulis in eam rem confectis, quae sunt hujusmodi.

Coenobium S. Iustinae conditum ac donatum pro Virginitatibus non patriciis.

eidem a Canonici Ecclesia S. Thomae donata.

Decretum Capitulare.

In Christi nomine Amen. Anno ab ejus gloriosa Nativitate millesimo quingentesimo septuagesimo quarto, Indictione secunda, die vero Martis vigesima prima mensis Decembris, Pontificatus Sanctissimi in Christo Patris & D. N. D. Gregorii divina providentia PP. XIII. anno ejus tertio. Noverint universi & singuli praesens publicum Instrumentum inspecturi, quod hodie convocato, & congregato Rever. Capitulo Arben. in sacristia S. Mariae Ecclesiae cathedralis loco suo Capitalari ad sonum campanae magnae post vesperras (ut moris est) de mandato Rev. D. Francisci Negosantii Archidiaconi, in quo quidem Capitulo interfuerunt Rev. D. Archidiaconus antedictus, Dom. Bart. Concizga Archipresbyter, Dom. Christ. de Dominis Primicerius, Dom. Joannes de Cortesiis Vicarius, ego Paulus Ant. Bad. Cancellarius infrascriptus, Dominus Christoforus de Ponte, & Dom. Joannes Zudenicus omnes Canonici praebendati Arben. & pro majori parte totam Capitulum representantes, absente D. Hieronymo Mircovich, vid. per sacristam vocato, sed praedicto Capitulo adesse nolenti, ceteri vero Canonici extra diocesim existentes; & ibidem dictis Rever. Canonici pro parte totius universitatis popularium Arben. in scriptis portata, & praesentata fuit supplicatio tenoris hujusmodi,

videl. Rev. D. Praelati & Canonici: Exponitur Dominationibus vestris Rev. pro parte totius universitatis civium, sive popularium Arben. quod cum praedicta universitas ex magna devotione cupiat & intendat in hac civitate prope Ecclesiam S. Thomae de Catribbo sita in platea veteri, ad honorem Dei, sub titulo Divae Iustinae Virg. & Mart. Christianaeque fidei contra Turcas universalis protectricis, edificari facere unum monasterium monialium, sub regula D. Benedicti; & praedicta intelligant, sint, & esse debeant perpetuo subiecta Rev. Episcopo Arben. ordinario, & succes. suis; cumque praedicta universitas ad hujusmodi monasterium inchoandum indigeat Ecclesia S. Thomae praedicta ad divina inibi officia celebranda; sed cum eadem Ecclesia sit jus patronatus Dominationum vestrarum Rev. vestrique Rev. Capituli, id non valeat facere, absque earundem Dominationum vestrarum, & R. Dom. Francisci Negosantii Archidiaconi, dictaeque Ecclesiae plebani moderni, speciali licentia & consensu; Supplicat igitur humiliter eisdem Dominationibus vestris Rever. Bernardinus de Faciis abs. roffino, Baptista Vesselinich, Nicolaus Bizza, Collanus Segotta, & Georgius Michglianus pelifex cives Arben. ad hujusmodi opus a praescripta universitate specialiter deputati, quatenus dignetur sibi dicto nomine eandem Ecclesiam supradictam perpetuo per se & successores suos libere dare, & concedere de gratia speciali. Et ut antedictum monasterium fundet, celeriusque perficiat, praedictaeque Religiosae ibidem Altissimo famulantes commodius sustententur, etiam atque etiam iidem oratores humiliter precantur & petunt, ut praeerea Do. V. Rev. de aliis bonis suis a Deo sibi collatis aliquod charitatis subsidium pio affectu elargiri velint; offerentes se nomine antedictarum monialium Christi sponzarum, Deum benedictum enixis precibus orare, ut easdem Dominationes V. Rev. feliciter per multa tempora protegat & tueatur, quibus humiliter se commendant.

Quae quidem supplicatio in antedicto Rev. Capitulo lecta, accepta, & admissa fuit ad voces per omnes Canonicos antedictos, nemine discrepante, quo ad Ecclesiam praedictam tantum, juxta supplicationem; reservato tam jure patronatus ipsorum Dominorum Canonorum eligendi Plebanum per tempora necnon sine praedictis & diminutione jurium & actionum dicti Rev. Plebani moderni, ac successorum, & non aliter; quo autem ad reliqua, in eadem supplicatione, antedicti Rev. Canonici noluerunt habere respectum, & considerationem, ut possint mature deliberare, quae sint ad laudem Dei, ad augmentum cultus divini, & consolationem fidelis populi; & praemissa semper intelligant ad beneplacitum Sedis Apostolicae, & Reverendiss. D. Episcopi Arben. & non alias aliter, nec alio modo; rogantesque nos Notarium, & Cancellarium infrascriptum &c. Acta fuere hac Arba millesimo, Indictione, die, loco, & Pontificatu antedictis; praesentibus Subdiacono Damiano Vitcovich familiare praedicti Rev. D. Episcopi; magistro Nicolao Fabianich protho Calafat. & mag. Dominico Cittadela chyrurgo, civibus, & habitatoribus Arba testibus ad praemissa adhibitis specialiter & rogatis &c.

Die dicta & immediate.

Reverendissimus in Christo Pater & D. D. Blasius Sideneus J. U. D. Episcopus Arben. digniss. existens in aula sui Episcopatus, post vesperras auditis antedictis oratoribus universitatis Arben.

ben. dicto nomine petentibus, & cum instantia  
requirantibus per ejus Rev. Do. confirmari &  
approbari antedictam partem captam die hodie-  
na in Rever. Capitulo Arben. eidemque inter-  
poni auctoritatem suam &c. Qua visa & bene  
considerata, ipsam tamquam legitimam, & sibi  
gratam de meliori modo per se & successores  
suos confirmavit & approbavit, cum omnibus  
clausulis & conditionibus in ea appositis, &  
consentis, eidemque suam, & qua fungitur, or-  
dinariam auctoritatem interposuit, & judiciale  
decretum mand. &c. presentibus testibus quibus  
supra &c.

Ego presbyter Paulus Antonius Baduarius Ca-  
nonicus & Notarius publicus auctoritate Apo-  
stolica, nec non curia Episcopatus Arben. Can-  
cellarius, quia premissis omnibus, & singulis sic  
ut premititur in predicto Rever. Capitulo, &  
per superscriptum Rev. Episcopum fierent, &  
agerentur, una cum enominatis testibus interfui,  
eque omnia vidi, audiui, & in notam sumpsi,  
ideo hoc presens publicum instrumentum aliena  
manu per mihi pdum scriptum, mea propria  
manu subscripsi cum signo & nomine meis soli-  
tis & consuetis. In fidem rog. & requisitus.

Initia ca-  
nobii Ju-  
stiniani.

Absoluto cœnobio, & suppellectili domesti-  
ca, cæterisque necessariis rebus instructo, per-  
missu Pontificii apud Venetos Legati, accer-  
tiz sunt e Pagenli cœnobio S. Benedicti tres  
Monachæ, non minus gravitate & sanctimo-  
nia, quam disciplinæ monachalis scientia in-  
signes, quæ novitias alumnas ad normam insti-  
tuti Benedictini erudirent. Fuerunt sane plures  
& secundo civium ordine, quæ certatim, ut  
admitterentur, nomina darent. Novem receptæ  
sunt; neque enim annui proventus pluribus  
alendis erant. Hæc fuere initia collegii Bene-  
dictini S. Justinæ, quod etiamnum si minus  
numero, certe modestia & sanctitate Virginum  
ibidem Deo famulantium, vigeat floretque.

Augustinus  
Valerius  
Ep. Vero-  
nensis Vli-  
tator Apo-  
stolicus.

Augustinum Valerium Episcopum Veronen-  
sem, quem Visitatoris Apostolici dignitate ac  
potestate præditum Gregorius XIII. ad Eccle-  
sias Dalmatiz Venetas visendas, & reforman-  
das miserat, quo dignus erat talis ac tantus  
Præsul, honore & magna cleri populique ob-  
viam prodeuntis frequentia, Blasius excepit an-  
no 1579. Multa ille quidem vel ad pravas con-  
suetudines abolendas, vel ad Christianam, &  
Ecclesiasticam disciplinam restituendam & sta-  
biliendam, vel denique ad splendorem digni-  
tatemque cultus divini augendam egregie con-  
stituit, ac decrevit, Illud vero singulari com-  
memoratione dignum, quod venerationem Di-  
vis, eorumque sacrosanctis Reliquiis debitam,  
peculiari decreto sancivit. Arbenenses vim sa-  
ne ingentem hujusmodi sacrorum spoliolum re-  
positam in parte interiore altaris maximi adis  
cathedralis, inclusamque habebant. Huic loco  
ab sanctitate rerum ibidem conditarum nomen  
inditum est Sanctuarii Arbenensis; in quo etiam  
præcipue Ecclesiæ suæ monumenta & privile-  
gia afferantur. Selecti hujus ac pretiosi the-  
sauri custodes ac præfides deligi solebant e pri-  
maria nobilitate, viri summa integritate ac fi-  
de, quibus ea custodia recte ac tutissime com-  
mitti posset. Hi autem, ne quid de sanctissi-  
mis illis exuviis deperiret, non solum ferreis  
claustris, clavibusque obsecratis tenebant, sed  
etiam decretum fecerant, illudque jurejurando  
confirmaverant, se numquam pasturos ullam e  
sacris Reliquiis ex illo abdito obscuroque con-

clavi in lucem proferri, exponique ad publi-  
cam venerationem; atque eodem jurejurando  
obstringendos esse decreverant, quibus deinceps  
ea custodia & præfectura traderetur; ex quo  
fieri necesse erat, ut debito cultu & honore  
fraudarentur, atque illarum religio, oblivio-  
ne, & neglectu civium sensim obsolesceret.  
Quocirca Augustinus Valerius, ut pristinam  
illis publicamque venerationem restitueret, de-  
cretum illud abrogavit, & sacramentum illud,  
quo se impudentius, quam religiosius illigave-  
rant, irritum fecit; iussitque in posterum eas  
statim ac solemnibus diebus ab Episcopo desi-  
gnandis, & præsertim Caput S. Christophori  
festo ac natalitio ejus die, in summo alari,  
decoro apparatu inter cereos ardentes collocari;  
ut populi frequentia & religio ad eas ve-  
nerandas, ac Divorum, ad quos pertinent,  
opem implorandam alliciatur. Decretum Va-  
lerianum est hujusmodi.

Die Sabbathi 30. Maji 1579. Arba.

Est in cathedrali Arbeni in interiori parte ma-  
ximi altaris locus secretus, diuturna custodia ad-  
servatus, in quo quamplurima venerabiles Reli-  
quia custodiuntur; unde locus Sanctuarii nomen  
assumpsit. Hæ Reliquia adeo exacta diligentia de-  
tinentur, ut numquam in lucem deferantur, quia  
ipsius loci præfetti, & Reliquiarum custodes præ-  
cipuo quodam ipsorum decreto, jurejurando ob-  
stricti, eas Reliquias neque inde amovere, neque  
præ fidelium oculis exponere audent. Quod cum  
Rev. Dom. Visitator intellexisset, decretum hu-  
jusmodi, tamquam inofficium, & præter reli-  
gionis cultum, penitus reprobandum, mandavit,  
quod decreto ipso, quocumque juramento, aut  
alio quovis strictiori vinculo confirmato, in ali-  
quo non obstante, teneantur & debeant præfetti  
& custodes dicti Sanctuarii, præfentes & futu-  
ri, Reliquias ipsas deinceps solemnioribus diebus  
a Rev. Domino Episcopo pro tempore declaran-  
dis, præcipue die festo S. Christophori, cujus  
sanctum caput inter Reliquias ipsas veneratur,  
decenti & tanto modo, super majori altari præ-  
dicto exponere; & ibidem eatenus diligenti cu-  
stodia continere ad fidelium devotionem, & Reli-  
quiarum venerationem augendam, quatenus præ-  
dicto Rev. Dom. Episcopo satis esse visum fue-  
rit. Quibus præfettis & custodibus ex nunc te-  
nore præsentium auctoritate Apostolica, qua fun-  
gitur, juramentum prædictum penitus relaxat,  
ita ut eo deinceps in aliquo non obstante, ad  
quod subeundum futuri præfetti & custodes hu-  
jusmodi Sanctuarii minime teneantur, Reliquia  
ipsa exponantur, & contineantur modo superius  
declarato, & ita annotari iussit.

Decretum  
Valerii.

Extat catalogus Reliquiarum Sanctuarii Arben-  
sis, quem hic describere operæ pretium esse  
mihi visum est.

Catalogus  
Reliquia-  
rum Ar-  
benisium.

Caput S. Christophori. Vas in quo est reposi-  
tum, est ex crystallo, & est magna molis: in-  
tus est caput absque mandibulis. Corona aurea est  
ornatum, gemmis non parvi valoris undequaque  
decorata, in cujus dextera parte est quadam  
Crux aurea, in qua continetur particula de li-  
gno sanctissimæ Crucis.

Omnes Reliquia in vase pariter crystallo con-  
tinentur, nullo auri argenteo ornamento distin-  
cta, unum tantum si demas, in quo aservatur  
Spina de corona Christi. Vas est figura ostensorii  
oblongi, pes cujus est ex argento deaurato; bo-  
naque pars operculi pariter ex argento.

Cætera Reliquia insignes sunt hæc.

Caput

Caput S. Abundii.

Caput S. Anania.

Caput S. Azaria.

Caput S. Hermolai.

Brachium S. Theclæ.

Brachium S. Saturnini M.

Spina Corona Christi Domini nostri.

Costula S. Marini civis Arbensis.

Dens S. Apollonia M.

Reliquia S. Victorie M.

Multa ossa SS. Innocentium.

De liquore emanato e Corpore S. Andrea.

Præterea est miscellanea quadam in uno vase contenta, in quo multe SS. Reliquie suis involucris distinctæ, cartulas ex pergamena, in quibus extat inscriptio, habentes. In vasculo quodam ligneo extat cartula ex pergamena his litteris inscripta: Hæ reliquie sunt, quæ tempore Andrea Episcopi Michael & Joannes Ginanni filius Arbam portavit ad honorem Dei, & B. M. V. pro remedio animæ suæ, & suorum.

Utrum intelligat Reliquias omnes, an eas tantum, quæ in ea miscellanea continentur, dubium.

Nota Reliquiarum extracta ex pergamena quadam in vase contenta characteris non recentis.

De sepulchro Domini.

De transfiguratione Montis Thabor.

De sepulchro Nicodemi.

De lapide, in quo fixa fuit Crux Domini.

De sepulchro Mariæ.

De Ligno Domini.

De micis panis de cœna Domini.

De lapide, in quo sedit, cum jejunasset 40. diebus.

De tabula, quam dedit Deus in manu Moysis.

De Virga Moysis.

De cunabulo, in quo jacuit, de pannis, in quibus involutus fuit. Sunt & aliæ scriptæ, sed ob vetustatem erui non potuerunt.

Reliquiæ Sanctorum Custodes vigilantissimos habent, qui tanta eas diligentia custodiebant, & juramento se obstrinxerant, unquam se permissuros eas venerari obtutu. Verum ab Em. Valerio juramento absoluti, eas publicæ venerationi exponunt in Saxæli Patroni Festo, solemnisque ead die fit processio, multo populorum etiam a diffinis partibus advenientium concursu. Omnes, etiam suburbani Presbyteri sacris vestibus induti Reliquias portant; quorum quælibet ab unoquoque latere suum habet intortitum. Sequitur post omnes Divi Christophori Caput, quod Episcopus pontificalibus indutus sub baldachino portat.

Blasio adjutor datus Andreas Cernota electus Scardonensis cum jure succedendi.

Blasius Episcopus in hujus Ecclesiæ regimine annos fere quatuordecim exegerat; cum senectute, & Episcopalibus curis ac laboribus confectus, Gregorius XIII. adjutorem dedit Andream Cernotam, & huic jus etiam in eadem sedem Blasio succedendi contulit; atque annuam pensionem, ab ipsis Arbensibus constitutam, quo ad Blasius viveret, percipiendam; decrevit: 1583. 8. Augusti deputavit in coadjutorem Episcopi Arbensis cum futura successione in eadem Ecclesia Andream Cernotam ordin. S. Francisci de observan. virum probatum, pro cuius sustentatione, durante coadjutoria, assignantur a nonnullis civibus 300. ducat. Ex tabulis consistorialibus. Eadem die eundem Andream designavit, elegitque Episcopum Ecclesiæ Scardonensis, quæ tunc a Turcis gravi dominatu premebatur; ut est in iisdem tabulis. Extat

diploma Gregorianum in eandem rem atque sententiam.

Gregorius servus servorum Dei, Dilecto filio Andrea electo Scardonensis salutem, & apostolicam benedict. Personam tuam nobis, & Apostolicæ Sedi devotam, tuis exigentibus meritis, paterna benevolentia prosequentes, illa tibi favorabiliter concedimus, quæ tuis commoditatibus fore conspiciamus opportuna. Cum itaque nos hodie ex certis causis tunc expressis, te venerabili fratri nostro Blasio Episcopo Arben. quoad vixerit, & Ecclesiæ Arben. præfuerit, coadjutorem perpetuum, & irrevocabilem in regimine, & administratione ipsius Ecclesiæ Arben. in spiritualibus & temporalibus de fratrum nostrorum consilio, apostolica auctoritate constituerimus, & deputaverimus, recedente, vel decedente dicto Blasio Episcopo, & in certos alios tunc expressos eventus, eidem Ecclesiæ de persona tua, de simili consilio, dicta auctoritate providerimus, præficiendo te illi in Episcopum, & pastorem, prout in nostris litteris desuper confectis plenius continetur. Nos tibi ut onus officii coadjutoris hujusmodi commodius supportare, atque statum tuum, juxta Pontificalis dignitatis exigentiam, decentius tenere valeas, de alicujus subventionis auxilio providere, ac præmissorum meritorum tuorum intuitu, specialem gratiam facere volentes; teque a quibuscumque excommunicationis, suspensionis, & interdicti, aliisque ecclesiasticis sententiis, censuris, & penis, a jure, vel ab homine, quavis occasione, vel causa latis, si quibus quomodolibet innodatus existis, ad effectum præsentium dumtaxat consequendum, harum serie absolventes, & absolutum fore censentes, motu proprio, non ad tuam, vel alterius pro te nobis super hoc oblata petitionis instantiam, sed de nostra mera deliberatione, tibi trecenta scuta annua, & ultra, in certis prædiis vino, & fructu pecudum, pro tui sustentatione a dilectis filiis Communitate, & nonnullis civibus Arben. constituta, & assignata, ac per ipsos Communitatem, & cives obligata tibi, per te etiam una cum dicta Ecclesiæ Scardonensis etiam postquam munus consecrationis susceperis, percipienda, exigenda, & levanda, loco pensionis annuæ, auctoritate apostolica tenore præsentium reservamus, constituimus, & assignamus. Quocirca venerabilibus fratribus nostris, Patriarchæ Veneriarum, & Archiepiscopo Jadren. ac Episcopo Faren. per apostolica scripta, motu simili mandamus, quatenus ipsi, vel duo, aut unus eorum, per se, vel alium, seu alios faciant auctoritate nostra te libera perceptione dictorum trecentorum scutorum, juxta reservationis, constitutionis, & assignationis prædictarum contentiam, & tenorem, pacifice frui & gaudere. Non permittentes te desuper a quoquam quomodolibet indebite molestari; contradictores per censuram ecclesiasticam appellatione postposita compescendo. Non obstantibus constitutionibus, & ordinationibus apostolicis, ac dictæ Ecclesiæ Arben. juramento, confirmatione apostolica, vel quavis firmitate alia roboratis statutis, & consuetudinibus contrariis quibuscumque; aut si aliquibus communiter vel divisim ab eadem sit Sede indultum, quod interdicti, suspendi, vel excommunicari non possint, per litteras apostolicas, non facientes plenam, & expressam, ac de verbo ad verbum de indulto hujusmodi mentionem. Nulli ergo omnino hominum liceat hanc paginam nostræ absolutionis, reservationis, constitu-

tionis, assignationis, & mandati, infringere, vel ei ausu temerario contraire. Si quis autem hoc attentare presumpserit, indignationem omnipotentis Dei, ac beatorum Petri, & Pauli Apostolorum ejus se noverit incursurum. Dat. Roma apud S. Marcum. Anno Incarnationis Dominicæ millesimo quingentesimo octuagesimo tertio, sexto id. Augusti, Pontificatus nostri anno duodecimo.

Mors Blasi, sepulchrum, & inscriptio.

Blasius haud diu superstes fuit, & III. Id. Junii anno 1584. moriens, adjutori suo sedem vacuum reliquit. Illatus est in ædem cathedralē, tumulatusque prope ab gradibus, quibus in Odeum ascenditur. Lapidis superposito insculptum est simulacrum episcopale, capite calvo, & barba proluxa, cum hac inscriptione:

BLASII SIDINEI IVR. VTR. DOC. HVJVS ECCLESIE ANTISTITIS HIC OSSA QUIESCUNT. OBIT ANNO DNI M. D. L. XXX. IV. DIE XI. MENS. IVNII.

### ANDREAS III. EP. ARBENSIS XLII.

Ex familia de Cernotis patricia Arbenſi, de quo Valerius a Ponte in suo catalogo: 1584. 8. Augusti. Andreas Cernota de Arbo ord. Fratr. Minorum de observantia, Verbi Dei concionator insignis, electus in Episcopum Scardonem. in partibus infidelium, ac deputatus coadjutor Episcopo Arbenſi. Insigni ac pretioso dono Sanctuarium Arbenſe locupletavit, ut notatum invenio in quadam scheda ejusdem sanctuarii: Hæc est Crux aurea, quam portabat Robertus rex Neapolis, quamque dono dedit Fratri Andrea Cernota Episcopo Arbenſi, in qua Cruce repositum fuit modicum de ligno S. Crucis; quæ reposita est in sanctuario. Anno quinto suscepti Episcopatus e vita migravit; illatus est in ædem Patrum Minorum leverioris disciplinæ, ibique sepultus sine ulla inscriptione. Bonifacius Viezzerus in catalogo virorum illustrium ex ordine S. Francisci hoc illi elogium confecit: F. Andreas de Arbo ex ministro Definitor generalis 1575. Guardianus S. Clare Neapolis, & regionum monasteriorum commissarius 1579. Demum Episcopus.

### PASCHALIS EP. ARBENSIS XLII.

Cognomento Padavinus, & Venetiis oriundus, quem eductum e cœnobio monachorum Camaldulensium, in quorum sodalitatem nomen ab adolescentia dederat, Sixtus V. Episcopum Arbenſem creavit: ita enim scriptum est in tabulis consistorialibus: 19. Septemb. 1588. providit Ecclesia Arbenſi vacanti per obitum F. Andrea Episcopi, de persona religiosi viri Paschalis Padavini civis Veneti, ord. Camaldulensium, Sac. Theol. Magistri. S. Marinum olim civem suum Arbenſes antiqua & præcipua religione venerabantur, ejusque patrocinio urbem atque insulam commiserant; sed ægre ac dolenter ferebant ex ejus reliquiis ne tantillum quidem esse, quod quibus dignum esset, muneribus, ornamentis, honoribus afficerent. Integrum hujus sanctissimi viri corpus jam inde a plurimis sæculis inclusum abditumque asservabatur in æde primaria oppidi S. Marini, diœcesis Feretrane, quod ab Arimino passuum millia circiter decem in Austrum distans, monti prærupto alperoque impositum, princeps est, & caput cujusdam Reipublicæ exigue quidem, sed inde utque a primordio sui, perpetuoque libera. Arbenſium cupiditatem spemque alicu-

jus particulæ obtinendæ auxit, & vehementius incendit recentissima ejusdem corporis inventio & recognitio. Non deerant qui dubitarent an quod a majoribus fama & auditione acceperant, exuvias S. Marini in templo primario illius oppidi subter altare maximum conditas latere, id prudenter credi ac pro certo haberi posset; præsertim cum Ticinenses illud idem corpus urbi suæ vindicarent, & asservari colique affirmarent in æde urbana ejusdem S. Marini nomine consecrata. Erat tunc Archipresbyter plebis oppidi Mariniani Marinus Bonetus, vir doctus pariter ac pietate clarus. Is pro sua sapientia veritus, ne S. Marini cultus ac religio defervesceret, nisi mature huic periculo occurreret, injectamque dubitationem civium suorum animis eximeret; decrevit rem per se ipse explorare, & omnibus claram facere, riteque testatam posteris relinquere. Itaque anno 1586. v. Non. Maji, hora tertia noctis, duobus religiosi viris testibus adhibitis, ad templum S. Marini accessit, & januis clausis, jussit aperiri solum, cui altare maximum incumbit. Detecta est urna marmorea; & litteræ eidem inscriptæ monebant ibidem contineri corpus S. Marini; patefacta cum esset, ossa omnia & integra reperta sunt. Ergo re satis perspecta & divulgata, dubitatio omnis evanuit, & pristinus exuviis S. Marini cultus ac frequentia rediit. Ex his apparet vel alterius S. Marini corpus esse, de cujus possessione Ticinenses gloriantur, vel aliqua fragmenta esse decerpta ex corpore nostri S. Marini, & post hujus inventionem illuc illata. Bernardus Saccus historiæ Ticinensis lib. x. cap. viii. tradit quidem templum S. Marini media in urbe eleganter constructum fuisse ab Aistulpho Langobardorum rege; sed nusquam corpus S. Marini in eo conditum esse affirmat.

Eodem anno 1586. iij. Nonas Septembris, ipso die natali festoque S. Marini, ingenti tum civium, tum advenarum concursu & gratulatione, inter hymnos & psalmos arca elata fuit, & altari maximo imposita: quæ omnia idem Archipresbyter litteris mandavit suo chirographo subscriptis, annuloque obsignatis; quarum exemplum hic subjicio.

Quoniam in Terra perpetua libertatis S. Marini Feretrane diœcesis de corpore Sancti ejusdem nominis dubitabatur, & per talem suspicionem in dies magis ad dictum Sanctum devotio diminuebatur, licet in pede majoris altaris Plebis ejusdem Sancti prædictum corpus quiescere suspicaremur. Hinc ego Marinus Bonetus dictæ Plebis Archipresbyter corpus prædictum exquirere constitui, & prius maturo habito colloquio cum Illustrissimo, & Reverendissimo D. D. Francisco Sormano Mediolanensi dictæ Feretrane diœcesis Antistite, precibusque per aliquot dies una cum multis Fratribus Capuccinis ad Deum pro hac re delatis, tandem in Festo Inventionis S. Crucis de anno 1586. ad tres horas noctis cum interventu duorum ex dictis Capuccinis, summo cum timore, & tremore pedem dicti altaris rupi; ibique marmoream urnam inveni, in qua hi duo verus inscripti sunt:

Clusa ab antiquis nobis aperta Marini.

Sancta manent membra, nobis cunctis recolenda. Qua postea urna coram Illustrissimo & Reverendissimo Dom. Antistite, & populo prædictæ Terra aperta, clare vidimus omnes, ibi omnia ossa corpora Sancti præfati extare, cum quadam par-

Corpus S. Marini inventum sub altare maximum ibi.

Historia Inventionis.

S. Marinus olim civis, nunc Patrocinio Arbenſium.



parva cruce aenea, & quibusdam parvis nummis, quorum imago minime agnoscebatur. Post hæc die tertia proximioris mensis Septembris, in qua Sancti solennia agi solent, cum magno vicinorum concursu, licet imbres immensi de mane restiterint, prædicta ossa præfatus Antistes, & alii digniores cleri per totam Terram cum hymnis, canticis, & instrumentis musicis devote asportare, & reposita, prout etiam nunc extant, super prædictum altare majus; ibique majori, quam prius, veneratione coluntur ad laudem & gloriam Dei omnipotentis & Sancti prædicti. Et quia ego prædictus Marinus Bonetus, ut supra, his omnibus interfui, his manu mea propria scriptis, & subscriptis de omnibus fidem facio sub hac die 14. men. Octobris 1596.

Marinus Bizzius Canonicus Arbenensis a Clemente VIII. facultatem petiit sacras Reliquias extrahendi ex Ecclesia S. Marini.

Fama de invento corpore S. Marini cum laetitia manasset, ingentis lætitiæ, ac ipsi Arbenenses implevit. Marinus Bizzius patricius, & Canonicus Arbenensis exiguum ex illis sacrosanctis Reliquiis fragmentum a Boneto Archipresbytero petiit & impetravit, quod apud se retineret ac privatim coleret. Sed majus quoddam & insignius civis olim sui ac Patroni monumentum, ad communem religionem & cupiditatem explendam, Arbensium vota requirebant. Id curæ ac negotij suscepit idem Bizzius, ut pio civium suorum desiderio obsequeretur. Ac primum quidem, ne quid sibi impedimenti obiectum foret, quo minus exsequi posset quod optabat, libello supplici Clementem VIII. Pontificem Max. rogavit, sibi ut potestas fieret extrahendi sacras Reliquias ex oppido & templo S. Marini diocesis Feretrane, suamque in patriam transferendi, collocandique in locis sacris & publicis, quæ illarum sanctitati congruerent, ubi debitus eisdem honos haberetur. Annuuit Pontifex, ejusque precibus benigne subscripsit, ut Rescriptum libello supplici subjectum, & verba eidem præposita declarant.

*Licentia extrahendi Reliquias Feretranas.*

Beatissime Pater cum devotus S. V. orator D. Marinus Bitius Canonicus Ecclesie Arbenensis pia devotione ductus, utque sua Ecclesia Christi fidelium devotio plurimum ampliatur, ad augendam eorumdem Christi fidelium salutem & devotionem, & eadem Ecclesia sapius visitetur, nonnullas Sanctorum, & Sanctarum Reliquias ex S. Marini Ecclesia, & ex oppido S. Marini Feretrane diocesis extrahere, & ad partes transmittens, easdem in locis sacris non sine magna illic degentis populi consolatione honorifice, ut decet, collocari facere desideret; supplicat proinde S. V. dictus orator, quatenus pio ejus desiderio annuens, eumque specialibus favoribus, & gratiis prosequens, eidem oratori, ut nonnullas Sanctorum & Sanctarum Reliquias ex dicta Ecclesia, & oppido extrahi facere, illasque ad dictas partes deferre, & deferri, & in locis sacris sibi bene visis, honestis tamen, & ad hoc congruentibus, collocari facere libere, & licite absque ullo censurarum & pœnarum incursu valeat, licentiam concedere, pariterque indulgere dignemini de gratia speciali, non obstantibus quibuscumque prohibitionibus, desuper quomodolibet factis, ceterisque contrariis quibuscumque cum clausulis opportunis. Fiat ut petitur. Hippolitus, & cum absolute a censuris ad effectum &c.

Rescriptum Pontificis.

Et de licentia, concessione, & indulto, ut supra, & quod sola præsentis supplicationis signatura sufficiat, & ubique fidem faciat in Romana Curia, & extra eam, absque alia desuper litte-

rarum expeditione, seu per Breve Sanctiss. sue, & de consensu . . . & dummodo non sint ex principalibus aut insignioribus Reliquiis ibidem existentibus. Fiat . . . Datum Romæ apud S. Petrum xvi. Kal. April.

Pontificio rescripto lætus Marinus Bizzius Marinum Bonetum Archipresbyterum illius oppidi, biois litteris ad eum datis, oravit atque obsecravit, ut e corpore S. Marini aliquod insignis fragmentum sibi ac patriæ suæ donaret, Arbensibus & summæ venerationi, & magno præsidio futurum; gratum fore ipsimet Divino aliquid e suis terrenis exuviis illoc remitti, unde illas sumplerat, & natale solum hoc illustri suæ erga patriam pietatis monumento nobilitari; simulque illum admonuit de potestate sacras illas Reliquias extrahendi sibi per Pontificem Maximum facta. Æqua & honesta vita est postulatio. Itaque Bonetus haud libentius, quam promptius piæ petitioni morem gessit; & Costam e corpore S. Marini avulsam in capsulam inclusit, suoque signo obsignatam, cum suis ad Padavinum Episcopum, & Bizzium Canonicum litteris, eidem nuntio, quem miserat Bizzius, homini fido ac prudenti, deferendam dedit; ac suum simul Chirographum adjecit, quo fidem faciebat Costam illam ex ipso corpore S. Marini detractam esse. Ad urbem allata cum fuisset, ingens extitit totius civitatis lætitia & gratulatio. Episcopus illam deponi jussit in æde suburbana S. Francisci, ad quam v. Kal. Februar. an. 1596. post pontificale sacrificium in æde cathedrali ritu ac cærimonia solenni peractum, indicta est, & instituta cleri populique frequentissima supplicatio. Ubi ventum est ad S. Francisci, idem Episcopus venerandam illam Costam e capsula educam suis ipse manibus in ædem cathedralem detulit, Capitulo & clero cum piis sodalitiis, & virorum religiosorum agmine, præcedentibus, atque hymnum Ambrosianum decantantibus, Prætorum cum Syndicis & judicibus, omnique nobilitate, & universa civitate prosequente. Postea Episcopus confertissimæ multitudini benedictionem impertit, & Deum optimum maximum precatus, ut suffragantibus meritis B. Marini civitatem atque incolæ protegeret, ab omni calamitate tueretur, cælestibus ac terrenis bonis cumlaret, os illud sacrosanctum pretiosa theca inclusit, atque in Sanctuario Arbeni depoluit. Deinde hæc omnia ad perpetuam rei memoriam suis litteris consignata, & testata esse voluit.

Paschalis Padavinus Sac. Theolog. Professor, Dei & Apostolica Sedis gratia Episcopus Arbenensis. Universis & singulis, a quibus præsentis nostræ litteræ legentur, salutem in Domino sempiternam. Censentes valde congruum, & satis pastoralis sollicitudini ad conservationem Sanctarum Reliquiarum esse consonum, ne earum memoria in hac nostra cathedrali Ecclesia vetustate aliqua obliteretur, publicis scriptis eas æternitati quantum possumus, committere, ut Christi fidelium circa eas servetur, atque in futurum augeatur devotio; ideo notum facimus universis, quatenus hac die 28. mens. Januarii MDXCVI. Indi. 9. Pontificatus vero Sanctiss. Domini nostri Papæ Clementis VIII. anno quarto, Duce quoque Venetiarum Marino Grimano, atque Comite & Capiteo hujus civitatis pro Serenissimo Ducali Dominio Venetiarum Laurentio Michaele, Sanctuarii etiam custodibus Excellentissi-

Insigneali quide Reliquiis S. Marini a Boneto Archipresbytero impetravit.

Testificatio Padavini Episc. de Reliquiis S. Marini acceptis, & in Sanctuario Arbeni depolitis.

mo Dom. Joanne Francisco Hermolao J. U. D. D. Nicolao Bizzio, D. Christophoro Spalatino, & D. Christophoro de Dominis qu. D. Chryso-goni; Rever. J. U. D. Dom. Marinus Bizzius, jam Canonicus, & nuper in Romana Curia de Archipresbyteratu ejusdem cathedralis nostræ Ecclesiæ provisor nobis præsentavit unam de Costis Sancti Confessoris & Diaconi Marini Arbensis, a se ab oppido S. Marini Feretrana diocesis acceptam, ut perpetuis temporibus in Sanctuario hujus prædictæ Ecclesiæ nostræ, cum cæteris Sanctuariorum, & Sanctuarum Reliquiis, ipso Rev. Archipresbytero prædictæ Sanctuariorum donante, servetur. Pro cujus Reliquia approbatione pariter nobis infra scripta Instrumenta præsentavit; & primo Epistolam ad nos in hac occasione directam tenoris, ut sequitur.

Epistola Marini Boneti Archipresbyteri ad Paschalem Episcopum latine reddita.

Admodum Illustri ac Reverendissimo Domino mihi summopere colendo.

Epistola Marini Boneti ad Paschalem Episcopum. Cum Marinus Bizzius Canonicus istius Ecclesiæ a me peteret, & summe contenderet, ut insignem aliquam particulam sibi traderem e Reliquiis S. Marini conterranei sui, facere non potui, quin iustissima illius pieque postulationi satisfacerem; idque eo libentius feci, quod nihil vehementius cupiam, quam hujus Sanctissimi Viri cultum augeri & propagari, simulque tum ipsi Marino petenti & isti nobilissime civitati, tum præsertim tibi, Præful. amplissime, omni, quo possum, studio operaque gratificari. Magnam sane apud Deum gratiam obtineat necesse est hic noster beneficentissimus Patronus; quippe hæc mea patria suam libertatem, quam per annos mille ac fere trecentos omnis extranei dominatus immunem servavit, ejus meritis, gratiosissime apud Deum precibus acceptam refert. Et sane præteritis temporibus iterum ac sæpius, contra libertatis nostræ insidiatores occultos, vel hostes operatos, vim sui patrocini plurimis & evidentissimis miraculis declaravit. Quocirca Amplitudo vestra efficiat rogo, ut pretiosissimum thesaurum, quem vobis mitto, qua dignus est, veneratione omnes suscipiant, ut plurimi faciant, ut diligentissime custodiant, ut meritum illi ac debitum honorem deferant, ut in eo denique certissimum suæ vitæ, ac suarum rerum præsidium situm esse arbitrentur. Hoc vero sacrum & insigne donum esse volo mea erga vos eximia voluntatis atque observantia pignus ac testem; ut si quid vobis a me in his partibus præstari possit, id semper me cupidissime facturum esse pro certo habeatis. Ad extremum ea, quæ me decet, reverentia ac veneratione, vestras sacratissimas manus deosculor.

Ex oppido S. Marini iv. Id. April. 1595.

Marinus Archipresb. Plebis S. Marini.

Epistola ejusdem ad Marinum Bizzium

Canonicum Ecclesiæ Arbensis in

latinum conversa.

Admodum Magnifico & Rever. Domino mihi summopere observando.

Altera ejusdem Epistolæ ad Bizzium Canonicum. Binis vestris litteris, in eandem rem scriptis, unicum responsum reddo, non illud quidem tantummodo verbis, quæ apud me parum valent, sed reipsa & factis, quæ pluris esse existimo. Quod a me semel atque iterum ardentissimo studio petiistis, id præstare si abnuissem, visus essem mihi deesse officio, quod mea patria vestra debet; hæc siquidem a vobis accepit, quod ab ea jure quodam vestro nunc requiritis. Cum fru-

stillum exiguum e Reliquiis S. Marini vobis pro vestra privata religione petentibus dedi, jam tum hujus officii partem aliquam persolveram; nunc illud cumulatus reddo, ut communi sanctoque istius civitatis desiderio plenissime satisfaciam. En vobis Costam integram Sanctissimi vestri civis, & gratiosissimi apud Deum Patroni, inclusam in hac capsula, quam in vestras manus tradi jussimus. Marinus igitur Marino S. Marini Reliquias insignes mittit ac donat; ut ad majorem Dei gloriam, cultum ejus & venerationem amplifiet. Communis utriusque nostrum tutoris ac Patroni cum meminerit, mei quoque meminerit velim, præsertim cum iste clerus, ac populus religiosissimus adventum sacrarum Reliquiarum festo latoque apparatu, pia supplicatione, hymnis & canticis celebrabit. Pro munere hoc nihil aliud gratia mihi referre cupio, nisi ut vestris sacrificiis & precibus Deo me assidue commendatis.

Ex oppido S. Marini vi. Id. April. 1595.

Marinus Archipresbyter Plebis S. Marini.

Chirographum Marini Boneti

Archipresbyteri.

Cum ab admodum Rev. Dom. D. Marino Bizzio Canonico Arbeni de aliquibus Reliquiis S. Marini (cujus corpus in Ecclesia mea Plebis hic in Terra perpetua libertatis, ejusdem nominis, Feretrana diocesis, sepulchrum extat) hac solum animo illas in suam & Sancti patriam asportandi, ut in ea Sancti devotio magis augeatur, Ego rogatus fuerim; cumque ipsi, & illi patriæ, a qua hunc tam magnum thesaurum corporis Sancti prædicti patriæ mea accepit, ipsius corporis minimam partem tam instanter petitam devagare, mihi inhumanitatis vitio attribuendum esse visum fuerit, merito ob majorem præcipue Sancti cultum, Arbensisque civitatis gratiam, & ut prædicto Rev. Dom. Marino marem geram, ipsi unam de Costis ejusdem Sancti libenti animo tradere constitui, atque dedi. In fidemque prædictorum omnium & singulorum hæc manu mea scripsi, & subscripsi hac die 8. mensis Aprilis 1595. meoque sigillo munivi. Ego Marinus Bonetus Archipresbyter Plebis prædictæ manu propria.

Marini Boneti testificatio.

Post quorum instrumentorum præsentationem præfatus Archipresbyter Bizzius nos debite requisivit, ut cum præfata Reliquia perpetuis temporibus in sanctuariorum Ecclesiæ nostræ præfata servanda sit, pro ejusdem S. Marini gloria majore, atque fidelium majori cultu, & devotione, auctoritatem nostram pro ipsius approbatione interponeremus.

Nos itaque Paschalis Episcopus prædictus laudes omnipotenti Deo & B. Marino præfato red-

Approbatio Paschalis Episcopi.

ribus in *Sanctuarium cum ceteris Sanctorum*, & *Sanctarum Reliquiis conservetur*, atque *veneretur*, Deum humiliter deprecantes, ut pro meritis ejusdem S. Marini gratias, & protectionem erga civitatem hanc quotidie magis augere dignetur. In quorum omnium, & singulorum fidem presentes has nostras fieri iussimus, & sigillo nostro solito ac subscriptione muniri. Dat. Arbæ, die, millesimo, & Pontificatu, ut supra.

Præfides  
Communis  
Arbenis  
gratias agunt  
Marino Boneto.

Nec vero magistratus, idest Judices & Syndici Communis Arbenis, committendum putarunt, ut suum grati animi erga Marinum Bonetum Archipresbyterum Plebis S. Marini, debitumque gratiarum actionis officium negligerent; ut constat ex ipsorum litteris Arbæ ad eum datis iv. Kal. Februarii an. 1596. Quandoquidem, inquit, Rever. Dominationi vestre placuit civitatem hanc ornare sacris Reliquiis Costæ gloriosi corporis S. Marini popularis nostri, gratias agimus quam possumus maximas de iam sacro, & pretioso dono. . . Heri sanctissima ista Reliquia approbata fuerunt, & reposita apud alias in Sanctuario hujus Ecclesiæ cathedralis &c.

Anno 1600. Marinus Bonetus Archipresbyter S. Marini rogavit Paschalem Episcopum, ut ad se transmitteret exemplar tum libelli supplicis, quod Marinus Bizzius Clementi VIII. obtulerat, tum Rescripti Pontificii, quo facultas eidem data fuit Reliquias extrahendi ex oppido & templo S. Marini, ut illud in tabulario suæ Ecclesiæ cum ceteris scriptis ac monumentis ad S. Marinum spectantibus reponeret. Archipresbyteri de Arbeni urbe atque Ecclesia optime meriti postulatis non solum libenter & prolixè, sed etiam celeriter satisfacit; & exemplum ex autographo desumptum, proteribz episcopalis, ejusque adjutoris manu subscriptum, riteque obsignatum, conjunxit cum suis ad eum litteris humanissime scriptis Arbæ XXIV. Augusti MDC.

S. Marinus,  
ejusque socius  
S. Leo  
Arbenis,  
& Arbenis  
sum Patroni.

Cum S. Marinus, ejusque itinerum comes, & illustrium laborum socius S. Leo, uterque ortu Arbenis, insignis sanctimoniz fama patriam nobilitaverint; historia Ecclesiæ Arbenis postulat, ut eorum, quæ de vita, virtutibus; miraculis utriusque litteris prodita sunt, quamdam veluti epitomam lectoribus exhibeam, præsertim cum Arbenes utrumque urbis Patronum jam inde antiquitus adoptaverint, & solemni ac præcipua religione venerentur. Plura extant exempla vitæ S. Marini, in qua etiam S. Leonis gesta continentur; unum Arimini apud Confratres S. Hieronymi membranaceum, sæculo nono, vel certe undecimo conscriptum, ut ex forma litterarum conjici potest; alterum in oppido S. Marini in ædibus familiæ Tosinæ tertium in Bodecensi cœnobio Canonicorum regularium S. Augustini, diocesis Paderbornensis. Hoc Hagiologi Antuerpienses ceteris præferendum rati, Actis Sanctorum ad diem iv. Septembris intexuerunt. Ex his Mombricius descripsit vitam SS. Marini & Leonis; Petrus vero Natalis, aliquot narrationibus, & digressionibus prætermisiss, quamdam veluti epitomam confecit. Multa sunt, quæ viris eruditis hujus sæculi displicent; ac præsertim immanis ille anachronismus, quo imperium Diocletiani & Maximiani ab extremo ad dimidium sæculi tertii revocatur. Hunc emendarunt & sustulerunt Alexander Bellutius, & Joannes Franciscus Manentius, cives & patri-

cii oppidi Mariniani, qui de vita & rebus gestis S. Marini Commentarium Italicum bene longum concinnarunt; cetera omnia retinuerunt, quæ in vetustis illis exemplaribus fuisse lateque narrantur. Ut ut hæc acta S. Marini & Leonis non magnæ sint auctoritatis, tamen de illorum sanctitate dubitare non sinit antiquitas cultus celeberrimi, & latissime propagati, qui viget ac floret non solum in oppido S. Marini, ac tota diocesi Feretrana, itemque Arbæ, atque in universa diocesi Arbeni; sed etiam Arimini, ubi ædes nomine S. Marini consecrata, Cæsena, Bononiæ, Viguentiæ aliisque in locis Ferrariensis diocesis; ac præsertim Ticini, qua in urbe S. Marinus inde usque ab octavo sæculo nobile templum obtinet, ab Aistulpho Langobardorum rege, ut ferunt, ædificatum. Niverni etiam in Gallia S. Marinum antiqua religione coli docemur a Calendario Nivernensi, in quo ad diem iv. Septembr. adscriptum est nomen *Marini Confessoris*, ritumque duplici celebrari jubetur. Huc adde Martyrologos fere omnes recentiores. In additionibus etiam ad vetus Bedæ Martyrologium commemoratur *S. Marinus cum S. Leone socio*, die tertia Septembris ex Mss. Vaticano, & S. Cyriaci. Uterque Calendario M. Missalis Mediolanensis an. 1560. ad iv. Septembris inscriptus est his verbis: *SS. Leonis & Marini Confess.* Marinum Ticino adscribunt die tertia ejusdem mensis Belinus, Molanus, Galestinus, & Martyrologium Germanicum, quod vulgo *Canisii* vocatur. Arimino illum attribuit Martyrologium Romanum: *Arimini S. Marini diaconi*; & *Maurum* etiam appellari ait Baronius in suis ad diem quartum Septembris animadversionibus; sed locum emortualem Arimino ad montem Titanum transferendum monet Franciscus Maria de Alte Archiepiscopus Hydruntinus in suis *Disceptionibus* in Martyrologium Romanum: *Non Arimini, sed apud montem Titanum obiit, ut in ejus vita*. His accedunt Maurolycus, Vithfordus in Martyrologio Anglicano, Ferrarius in Catalogo tum generali, tum Sanctorum Italiæ, & alii plures: ex quibus apparet de sanctitate, & cultu legitimo Marini & Leonis, nullum dubitationi locum relinqui. Ad vitam utriusque, & res præclare pieque gestas quod attinet, hæc videntur pro certis haberi posse.

Marinus & Leo oriundi profectique ex Arbæ civitate & insula Sinus Flanatici, anno circiter 298. venerunt in Italiam, qui cum a pueritia Christo nomen dedissent, & extimia erga Deum & homines charitate flagrarent, Christianos jussu Diocletiani apud Ariminum plurimis gravissimisque laboribus attritos atque oppressos omni ope operaque juvabant; nec vero interea quidquam de assiduis ad Deum precationibus, de jejuniis, de vigiliis, & corporis afflictatione remittebant; quin etiam in conversionem Ethnicorum sedulo incumbebant, e quibus sane multos ab inanum Deorum superstitione ad veram rectamque in Deum fidem traduxerunt. His pietatis, ac religionis operibus intentos vitæ solitariæ, & uni Deo sibi que vacandi cupiditas incessit. Ac primum quidem Leo anno circiter 300, deinde post aliquot annos Marinus in eremum se recepit; hic in spelunca montis Titani, ille in pago Montis Feltrii, seu Feliciani, cælestem in terris vitam omnibus sanctimoniz notis insignem transegit. Plurimos annos in ea solitudine exegerant, & lon-

Quæ pl. prudenti- que de utroque credi possunt, & nulli censuræ obnoxia, breviter exponatur.

longius ætate jam erant provecti; cum de illorum admirabili sanctitate fama perlata fuit ad Gaudentium Episcopum Arimini, qui eos in urbem accersi jussit; & Marinum quidem diaconum, Leonem vero presbyterum fecit; eorumque opera ulum fuisse verisimile est ad profligandos Arianos, quorum regio & civitas illa referta erat. Demum ad pristinam solitudinem reversi, meritorum, quam dierum pleniores ad Superos migrarunt. Locus, quem uterque incoluit, deinde ab accolis juxta advenisque habitari cepit; & brevi utrobique civitas extitit, haud sane infrequens, altera ab S. Leone Leopoli dicta, altera cognominata Fanum sive Oppidum S. Marini, a quo etiam Respublica, sane pervetus, ibidem fundata nomen accepit. Corpus S. Marini in æde primaria hujus oppidi asservatur, & summa populi frequentia ac religione colitur. Corpus S. Leonis post aliquot sæcula Viguentiam, quod nunc oppidum est diocesis Ferrariensis, translatum fuit. Hæc mihi videntur esse, quæ de utroque non solum pie, sed etiam recte ac prudenter credi possunt; & ne ab ipsis quidem severioribus Criticis improbanda esse existimo. Nec vero Acta illa pervetusta, de quibus antea commemoravi, omnino respuenda censeo; nam præter enormem illum anachronismum, de quo supra admonui, nihil fere invenio, quod perspicue evidentique falsitatis argui possit. Itaque utriusque historiam, in Synopsim per Petrum de Natalibus Episcopum Equilinum redactam, hic transcribendam, opportunis animadversionibus explicandam, & quoad ejus fieri possit, veritati conciliandam putavi.

Eorundem  
Acta.

1 *Marinus Confessor in civitate Ariminensi claruit tempore Diocletiani (1) & Maximiani Imperatorum, qui dum ex omni parte diversarum artium magistros & operarios congregassent ad reedificationem Ariminensis civitatis, qui*  
2 *circa annos Domini (2) CCXX. reparari (3) cepit; contigit ut ex Dalmatia partibus duo*  
3 *magistri dolandorum (4) lapidum advenirent, videlicet Marinus & Leo, qui ex Arhensi civitate oriundi, Christiani ab infantia Domino serviebant, de labore manuum suarum pauperibus*  
4 *elemosynas tribuentes. Hi ad prædictæ Ariminensis civitatis reedificationem venientes, viderunt plures Christianos de sua provincia per præfectos operum in odium Christianæ fidei, jussu principum, injustis ponderibus aggravari, & caperunt eos in suis laboribus adjuvare. Post aliquot vero dies Marinus asellum emit, quatenus illius adminiculo fratribus suis in portandis lapidibus subveniret. Deinde ad Montem Titani (5) accedentes ad saxa exscindenda, ibidem cum aliis operariis triennium peregerunt. Post annos (6) vero tres Leo cum paucis comitibus perrexit ad Montem Felicianum; qui Mons (7) Feretri nuncupatur; ubi sibi cellam constituit, & Deo servire cepit, anachoriticam vitam ducens. Marinus vero cum aliis Christianis ad civitatem Ariminensem reparandam remansit; ubi usque ad operis perfectionem perseveravit, Christianos in laboribus adjuvans, & eis, ut poterat, charitative ministrans. Nec propter laborem corporeum orationes prætermittebat, aut jejunium; sed quanto plus carne affligebatur, tanto in laboribus fortior videbatur. Completo vero civitatis edificio, ipse civitatem aliam non munificam in celis edificare cupiens, prædicationis officio diligenter instare cepit; multosque*  
5  
6  
7  
8  
9  
10  
11  
12  
13  
14  
15  
16

*gentilium, etiam ex ipsis idolorum Sacerdotibus, ad Christum convertit. Interea dum antiquus hostis eum perturbare a divino opere moliretur, quamdam (8) mulierem adeo dementavit, ut effecta insana de Dalmatia partibus Ariminum usque veniret, Marinum uti virum suum legitimum requirendo. Quem ut invenit, ipsum importunis precibus, ut se ejus conjugem suscipere, flagitavit. Quam ubi Marinus admiratus despexit, illa insana præsidem adiit; Marinum uti virum suum expetiit, & de Christianitate accusavit. Quod cum vir Dei cognovisset ad radicem Montis Titani latenter aufugit, & ibidem in antro se arctissimo collocavit; ubi anno integro manens faciem hominis non vidit; solis agrestibus herbis, & aqua de rupe liquante post nonam quotidie refectus, Tunc (9) Diabolus ut eum terreret, omne ferarum genus, & diversa monstra ei ululantiæ prætendebat. Sed vir Domini fixus in sancto proposito persistebat. Post annum a bubulcis greges in monte pascentibus inventus & agnitus est; fama que ejus ad civitatem delata, mulier illa vesana ad locum accessit, & Marinus agrestia in hortulo serentem invenit; ipsumque ut sibi adhereret, instanter petere cepit. Qui signo Crucis contra eum edito, ostium cellula in faciem ejus clausit; & diebus sex continuis nullum sumens cibum in oratione perseveravit; post quos mulier ab immundo Spiritu liberata, delusiones diabolicas cognoscens veniam petiit; & ad Arbam rediens omnia nefanda, quæ commiserat a Diabolo delusa, publice referavit. Cum autem fama viri Dei crescente a multis frequentaretur, edificavit Ecclesiam in honore B. Petri (10) Apostoli. Et dum (11) quidam ex civibus ad eum accederet, ut eum ex livore invidia tamquam magum inde repelleret, orante Marino subito omnibus membris corporis destitutus, etiam ipsa lingua obmutuit; ita ut nec posset se movere, nec verbum proferre. Quod mater ejus per nutum intelligens ad Marinum accessit, & filio suo gratiam & sanitatem precibus impetravit: quos cum gentiles essent, Marinus ad Christum convertit; ipsosque, & omnem eorum familiam numero quinquaginta tres baptizavit. Eodem autem tempore (12) Gaudentius Episcopus Ariminensis directus ad ipsam urbem a Romano Pontifice, audita fama Sanctorum Leonis & Marini, eos ad se per litteras accersivit; & Leonem in presbyterum, Marinum vero in diaconum ordinavit. Dum autem redirent, & ursus asinum Marini devorasset; ipse (13) ursum capistro alligavit, & ut ipsum ad locum suum deferret, vicem asini supplens, imperavit; quod ursus cum omni mansuetudine fecit. Exorta vero hæresi (14) a Martiano presbytero Ariminensi, quæ mira modo Ecclesiam perturbavit; cum Christianos iterum hæretici persequerentur, & Gaudentius Episcopus cum pluribus aufugisset; Marinus in cella sua perseveravit; nulloque fugientium Christianorum timore perterritus, inde removeri potuit; sed usque ad finem vitæ indefinenter in vitæ sanctitate persistens, anno Domini CCLVII. (15) pridie (16) Non. Septembris quievit in pace; sepultusque est in cellula sua in Titanq monte, qui vocatur Pena Sancti Marini.*

Notæ.

(1) Anno 284. Diocletianus imperare cepit; anno proximo Maximianum Herculeum jure

A a

jure ac titulo Cæsareo donavit; anno demum 286. ex Cæsare Augustum & collegam imperii fecit.

(2) En immanem illum, de quo dixi, parachronismum, quem Petrus, nisi mendum typographo tribuendum putes, annorum amplius triginta detractio auxit; nam alii hujus historię Scriptores, persecutionem Diocletiani, & urbis Arimini restitutionem cum anno 257. conjungunt. Annum 298. substituas velim.

(3) Petrus eversam quidem urbem Ariminensem satis aperte indicat, cum ait illam eo anno restitui & reparari coepisse; sed auctorem causamque eversionis silentio præterit. Hæc peti potest ex Actis longioribus supra memoratis: *Exiit edictum a Diocletiano, & Maximiano Imperatoribus, ut mœnia Ariminensium reconstruerentur, & in pristinum statum arces jamdudum diruta revocarentur. Quæ mœnia, sicut vetusta retulit fama, à Demosthene Liburnorum rege classe Pontica olim excisa fuerunt. Tria hic potissimum animadverti oportet, scilicet Demosthenem regem, qui regnum in Liburnia, sive Dalmatia occupavit, Liburnos, qui ab imperio Romano desciverant, & classem Ponticam, qua Demosthenes Adriaticum mare transvectus, & Ariminum de improvviso adortus evertit. Hæc a nobis singillatim, apte congruenterque ad historiam illorum temporum explicata cum fuerint Tomo II. Illyr. Sac. cap. 2. §. 5. Historię Diocletianę, & explanatione loci cujusdam Aurelii Victoris, sane obscuri difficilisque ad intelligendum, confirmata; illuc lectorem remittimus; illinc repetat quæ hic desunt, & retractari necesse non est.*

(4) Admodum juvenes erant, cum e patria discesserunt anno 298. huc enim anno ex historia Diocletiani affigi potest eorum in Italiam adventus. Cæsar Clementinus Tom. I. Historię Ariminensis negat eos numerandos esse inter architectos, lapididas, cementarios, aliosque operarios, qui tunc Ariminum confluerunt. Gaudentius Brancacius in Vita italica S. Gaudentii Episcopi Ariminensis ait nondum baptizatos fuisse, cum in Italiam venerunt, & a S. Gaudentio Christianis sacris initiatos fuisse tradit. Neutrius opinio videtur tanti esse debere, ut eam antiquis horum Divorum Actis, cujuscumque tandem auctoritatis sint, præferri oporteat.

(5) *Attollitur Mons Titanus* (ut docent Auctores Commentarii Italici SS. Marini & Leonis) inter confinia Romandiola, & Montem Ferefranum x. milliariibus supra Ariminum, cum horrido altissimarum rupium prospectu versus mare Adriaticum. A latere australi, & occidentali varie extenditur in campos, sylvas, vallas, quæ illis temporibus nemora erant & tesqua, non aliis incolis, quam lupis, ursis, variisque feris habitata.

(6) Anno circiter 301. Leo in solitudinem se abdidit.

(7) *Mons Feretri, Italice Montefeltro, o Montefeltro: regiuncula est Italia in Ducatu Urbinatę, in ditione Pontificia, ad radices Apennini, juxta Ariminum fluvium, & confinia Romandiola. Ejus caput est Leopoli, seu Fanum S. Leonis, urbs episcopalis in monte excelso. Michael Baustrandus. Mons Feretrans, Montefeltre, urbs Umbria Episcopalis sub Archiepiscopo Urbinatę, inde 22. millia pass. in occasum recedens, in monte cum arce ab omni hostili aggressione tutissima, Duca-*

*tus Urbinatis, quæ & Leopoli (S. Leo), Feretrus Protopio. Hic potius regionis nomen est. Philippus Ferrarius.*

(8) Quæ narrantur de muliere illa Diabolico Spiritu instincta, mira & incredibilia nemini videri possunt, qui varias & multiplices insidiandi ac nocendi artes novit, quas humani generis hostis ad bonorum perniciem assidue meditatur, ut eos a studio virtutis ac religionis abducatur, vel certe ut hujusmodi præstigiis exagitet ac perturbet; his vero similia haud raro in aliis Divorum historiis reperies.

(9) Hoc etiam bellandi genere adversus magnum eremi cultorem D. Antonium Dæmon ulus fuisse legitur.

(10) Hujus ædiculæ nihil ajunt superesse, nisi nomen & situm; in ejus locum, ejusque vestigiis impositum, sacellum S. Petri ædificaverunt. Tres lectulos in totidem saxis ab S. Martino excavatos ferunt; quibus ipse, & si qui ad eum hospites diverterent, ad somnum verius arcendum, quam capiendum utebantur. Ex his lectulis duo extant in eo, quod dixi, sacello S. Petri, tertius in templo primario totius oppidi prope altare maximum a cornu Evangelii, ante quem lychnus pensilis perpetuo ardet; circa vero tabulæ votivæ quamplurimæ visuntur. In eodem summo altari eminet statua S. Marini e marmore, simulacrum oppidi altera manu sustententis; infra basim Caput S. Marini argentea & inaurata theca inclusum asservatur, & eidem basi inscriptum est: *Auctori perpetuæ libertatis suæ Divo Martino protectori Respublica Sancti Marini fieri curavit anno MDCII. & die 2. Septembris. A tergo hujus liplanthecæ, atque introrsus reconditum est Corpus S. Marini, ut docet inscriptio ibidem incisa: Aurato hoc argento Divi Marini Caput includitur, reliquo intus corpore asservato. Opus autem stipato hinc inde ære confectum opera Fabricii Bellucii, & Flamini Cionini Tutorum. Kal. Septembris MDCII.*

(11) Neminem historię hagiologicæ tam rudem atque ignarum esse arbitror, cui novæ atque inusitatæ videri possint hujusmodi pœnæ contemptoribus sanctorum virorum divinitus inflictæ, & sanitas illis eorumdem precibus restituta.

(12) De Gaudentio Episcopo Ariminensi hæc Baronius in Notis ad Martyrologium Romanum: *Vixit temporibus Constantii Imperatoris Ariani, cujus jussu in damnationem vocis consubstantialis coactum est Conciliabulum Ariminense, cum eidem civitati idem Gaudentius tunc præesset, qui pro viribus restitit; eorumque Acta, soluta jam Synodo rescidit, quam ob causam a Proconsulis militibus trucidatus est. Gaudentium non a Damaso, ut falso tradidit Petrus de Natalibus in ejus vita; sed ab Julio Papa Episcopum Ariminensem consecratum ferunt. Itaque æqualis fuit Constantio Imperatori, & Julio Pontifici; hic autem ab anno 337. ad 352. Ecclesiæ præfuit, ille ab eodem anno 337. ad 361. Imperium tenuit. Marinus & Leo vitam perducere potuerunt usque ad Pontificatum Julii, & Imperium Constantii. Fac enim uterque, cum e patria discessit anno 298., annum ætatis ageret circiter vicesimum. Cum eos Gaudentius evocavit e solitudine ante vel post annum 352. & alterum diaconum, alterum presbyterum fecit, vix quartum & septuagesimum annum attigerant, aut certe non multo longius ætate*



etate processerant. Nescio igitur quam ob causam Philippo Ferrario verisimile non esse videatur. *Marinum cum socio locasse operam suam Arimini sub Diocletiano, ac deinde sub Constantio Imperatore ordinatum esse Diaconum a S. Gaudentio.*

(13) *Quis fabulam non existimet (inquit Ferrarius in Catalogo SS. Italiæ) illud de urso loco aselli, quem devoraverat, Marinum rehente? Id fabulosum putet, qui similia de feris vel immanissimis, Deo precibus & voluntati sanctorum virorum obsecundante, mansuetis, coactisque opera servilia præstare, in actis Divorum numquam legerit; ut cetera in hanc rem exempla sane plurima prætermittam, meminerit velim duos illos leones ex intima silva Numine divino impulsos ad magnum Antonium accurrisse, effossaque terra sepulcrum parasse, in quo S. Paulli Eremitarum parentis corpus tumularetur; vel illud non admodum absimile, quod de urso & asello narratur in vita S. Maximini Episcopi Trevirensis, qui hoc eodem quarto sæculo floruit.*

(14) Hæc erat hæresis Ariana, cujus quidem non auctor, sed sectator, & defensor acerrimus fuit Marcianus Presbyter Ariminensis; quem cum Gaudentius Episcopus post damnatum Conciliabulum Ariminense, Ecclesia expulisset, tum in se, tum in Catholicos conciliavit odium furoremque Marciani Proconsulis, seu Præsidis, qui satellitibus immissis, Gaudentium fustibus cælum, ac lapidibus obrutum Catholicæ religionis causa interfecit. Hæc Baronius ad annum 359. *Gaudentius Ariminensis Episcopus, qui ingruente tunc impietate ad tempus excesserat, una cum quibusdam aliis Episcopis, Synodo jam posteriore absoluta, ad suam Ecclesiam rediens, quæ ab Arianis essent gesta damnavit, & Marcianum presbyterum eadem labe infectum eiecit; quam ob causam Marciani Præsidis in se acre odium concitavit, a cujus militibus ad suburbia foras adductus, fustibus & lapidibus impetitus, Martyr gloriosus effectus est.*

Tradunt Auctores Commentarii Italici sæpius laudati Leonem & Marinum anno 359. interfuisse Concilio Ariminensi œcumenico ac legitimo, in quo Patres Ariminenses Arianam perfidiam execrati, decreverunt nullam aliam fidei formulam approbandam ac recipiendam esse, nisi Nicænam. Sed post legitimam Synodum absolutam, cum Constantius Episcopus Arminia discedere vetuisset; plerique Episcoporum partim diuturnioris moræ tædio affecti, partim metu aut fraude inducti aliam formulam receperunt, a qua vocabulum Homousii aberat, quod omnem Arianæ blasphemiam aditum præcludebat. Huic alteri Ariminensi Synodo si adfuerunt Leo & Marinus, non dubito quin cum Gaudentio, & paucis aliis Episcopis, ab Nicæna fide & formula constantissime steterint, ac proinde in exilium eieci fuerint. Marinus vero cum se in montem Titanum ad suam speluncam retulisset, ibidem reliquam vitam sanctissime transegit. Nihil porro obstat, quominus uterque sanctissimus Anachorita ad hæc usque tempora vitam perducere potuerit; nam si anno circiter 352. cum alter diaconus, alter presbyter factus est, ut supra diximus, annum ætatis circiter septuagesimum quartum agebat, anno 359. cum Synodus Ariminensis habita fuit, annos octoginta, aut paulo amplius habebant. Veteres autem Anachoritas lon-

gævus fuisse accepimus, quibus ad vitam producendam ipsamet parce continenterque vivendi ratio vel plurimum conducebat. Ceterum in Actis cœnobii Bodecensis S. Leo ante S. Marinum, & Concilium Ariminense vitæ functus esse dicitur.

(15) Hic rursus Petrus a recta chronologia longissime aberrat. Pia mors Marini constitui potest ante septuagesimum annum sæculi quarti; & nihil causæ est, cur eam cum Hagiologis Antuerpiensibus in extremos ejusdem sæculi annos rejici oporteat.

(16) S. Marini mortem alii ad tertiam, alii ad quartam diem Septembris affigunt. Ejus corpus in ædícula S. Petri, quam ipse construxerat, conditum fuit; ac deinde translatum in templum totius oppidi primarium, ejus nomine consecratum, atque subter aram maximam collocatum; ac demum sæculo decimo sexto exeunte inde sublatum, aræque ipsi superimpositum. S. Leo Kalendis Augusti ibidem obiit, ubi vitam solitariam agebat, in Monte Feliciano, seu Feretrano, ibique sepultus templum sane angustum obtinuit; sed huic loco tantam sanctitatem ac celebritatem conciliavit, ut ex finitimis populis, qui voti ac religionis causa illuc confluebant, & ibidem plurimi sedem ac domicilium collocabant, brevi civitas extiterit frequens ac nobilis, quæ sanctissimi hujus viri nomine Leopolis appellatur, ac digna habita fuit, quæ dignitate ac Sede Episcopali donaretur. Sed ejus corpus postquam per annos fere septingentos in ea civitate summa populi frequentia & veneratione cultum fuit, sæculo undecimo translatum est Vicohabentiam, seu Viguentiam, urbem olim Episcopalem, quod nunc est oppidum diocesis Ferrariensis. Sunt qui tradunt haud multis post annis a Gratiano Episcopo Ferrariensi illatum esse Ferrariam, atque in æde S. Stephani depositum.

Arbenses SS. Marinum ac Leonem cives olim ac populares suos fuisse jure meritoque gloriantur; utrumque urbis atque insulæ Patronum adoptant; utriusque diem festum solemniter concelebrant. Post Reliquias S. Marini anno 1595. acceptas, templum eidem & altare ædificaverunt, quod in ejusdem & S. Didaci honorem anno 1605. consecravit Paschalis Padavinus, ut docet Inscriptio lateri australi ejusdem templi his litteris incisa:

ECC. ET. ALTAR. CONSECR. XVII

AD. HONOR. DEI. ET. SS. COF.

MARINI. ET. DIDAC. A. R. DNO,

PASQ. PATAVN. EPQ. ARBENSE

DIE DNICO. XXIII. APR. MDCV

Idem Marinus Bizzius, quam sæpe nominavi, Archipresbyter Ecclesiæ Arbensis, patris suæ Reliquiis Divorum locupletandæ cupidus, cum esset Romæ anno 1600. qui Jubilei celebritate insignis erat, Tibur digressus particulam e cruce S. Hieronymi Patroni Dalmatarum sibi decerpendam curavit; & in patriam reversus dono dedit Antistitæ ac Virginibus cœnobii S. Antonii Abbatis, quæ illam in ornatissima theca repositam etiamnum servant, & summa religione colunt. Ut eidem sacræ particulæ fidem faceret, schedulam ibi appositam,

Cultus SS. Marini & Leonis apud Arbenses.

Particula e cruce S. Hieronymi per Marinum Bizzius Arbensis delata, & Virginibus Arbensibus tradita.

tam, suoque annulo obsignatam, & his litteris inscriptam reliquit:

*Jesus Maria.*

*Hæc Reliquia est de cruce S. Hieronymi Doctoris Ecclesie delata a civitate Tyburtina a Marino Bizzio J. U. D. Archipresb. Arbenſi, exſtente Summo Pontifice Clemente VIII. Venet. Principe Marino Grimano, Episcopo Eccl. Arbenſis Paſchale Padavino, Abbatissa vero hujus cœnobii Bernardina Bizzia, cui eamdem Reliquiam præſatus Archipresbyter, ut perpetuo hic a Sanctimonialibus cunctis veneranda ſervetur, ſorori dilectæ dono dedit anno magni Jubilei MDC.*

Martinus Bizzius fit Archiepiſcopus Antibarino.

Martinus Bizzius ex Arbenſi Archipresbyter factus est Archiepiſcopus Antibarinoſis, & cum eſſet Romæ anno 1625. ibi diem obiit ſupremum. Pacificus frater ex urbe in patriam deferendum curavit; atque in æde S. Andreæ eidem monumentum poſuit hoc titulo inſcriptum:

MARINO BIZZIO PATRITIO ARB. JURIS

UTRIUSQ; PERITO, ET ANTIBARINO ARCHIEPO, INGENIO, GLORIA, ET AUGUSTA PRUBETIA UNDEQ; PSTATI, CUJUS OSSA E ROMA

DEBLATA HAC TUBA CODUT. HOSPES ASI

ET BENE PRECARE. OBIT ROMÆ III. KL. JANUAR. M. D. C. X. X. V.

MESTISS. FR. PACIFICUS FRNE MEM. RETINET. HOC APIUM FUNEBRE POSUIT.

Paſchalis Padavini obitus.

Paſchalis annos tres ſupra triginta Eccleſiam Arbenſem ſapientiſſime gubernavit. Anno altero & viceſimo ſæculi decimi ſeptimi deceſſit. Virginibus Arbenſibus Deo conſecratis varias leges præſcripſit, ad cujuſcumque Ordinis inſtitutum maxime accommodatas, quibus totius religioſæ vitæ ac diſciplinæ deſcriptio continetur. Duo decreta fecit; altero jubet fidelem operam piis legatis exſequendis navare, altero vetat clericos perſonatos incedere, & choræis intereſſe.

#### THEODORUS EP. ARBENSIS XLIII.

Venetis natus genere nobili e familia Georgiorum, & ab adoleſcentia aggregatus ad Congregationem Benedictinam Calinenſem, ex qua illum Gregorius XV. ad regimen Eccleſiæ Arbenſis tranſtulit. An. 1621. 25. Octobris providit Eccleſiæ Arbenſi vacanti per obitum Paſchalis de perſona Theodori Georgii Preſb. Veneti, Monachi S. Benedicti Congreg. Caſinenſis. Octavianus Garzadorus Archiepiſcopus Jadrenſis, cum ex mandato Urbani VIII. in tota Dalmatia Venetæ Viſitatoris Apoſtolici munere fungeretur, an. 1625. Arbam appulit, & ab Episcopo, clero, populoque honorificè exceptus, in cœnobio Patrum S. Franciſci, quos Conventuales vocant, domicilium ſibi delegit. Multa præclare conſtituit, quæ tum ad dignitatem ac diſciplinam eccleſiaſtici ordinis tuendam, tum ad mores plebis chriſtianæ reformandos, ac pietatem augendam pertinent. Nonnulla etiam præcepta ſcriptis tradita reliquit Virginibus Benedictinis S. Juſtinæ, plena æquitatis & prudentiæ, ſane digna, quæ hic proferantur.

Viſitator Apoſtolici Octavianus Garzadorus Archiepiſcopus Jadrenſis.

Illuſtriſſimus & Reverendiſſimus D. D. Octavianus Garzadorus miſeratione divina Archiepiſcopus Viſitatoris Apoſtolici ad Virgines Benedictinas S. Juſtinæ Arbenſis ſubjectæ Ordinatio.

Decreta Octavianus Viſitatoris Apoſtolici ad Virgines Benedictinas S. Juſtinæ ſpæctantia.

Primo. Numerus monialium non excedat ſexdecim, & puellarum ſex ſive cauſa educationis, ſive monachandi, ita ut tam moniales, quam puella, donec ad præſcriptum numerum redigantur, nulla receptari poſſit; quod ſi aliqua ultra prædictum numerum voluerit monialis eſſe, teneatur conſignare dotem ducatorum ducentorum ad perpetuum commodum monaſterii; ſi vero aliqua puella ſupra determinatum numerum voluerit monaſterium ingredi ad effectum. . . teneatur ſuis expenſis conſtruere ſibi domicilium, poſt ejus mortem ad commoditatem monaſterii manſurum; interim vero, donec poſſit aggregari numero monialium prædicto, propriis expenſis alatur.

II. Moniales omnes nullo umquam tempore, nec ſub quovis prætextu, etiam recreationis, audeant deponere monaſticum habitum, & ſumere proſanum; multo minus perſonata incedere per monaſterium, & comere capillitium ſecularium more, aliisque fucis modeltiam monachalem deformare, ſub pena privationis vocis activæ, & paſſivæ, ac officiorum & dignitatum per triennium, ipſo facto incurrenda.

III. Modeſtas recreationes, & ſtatui monaſtico convenientes ita exerceant, ut nullatenus pateant, nec conſpici poſſint a quocumque ſeculari cujuſcumque ſexus, etiam eccleſiaſtico, ſub iſſdem penis.

IV. Adhibeatur Confeſſarius bis aut ter in anno extraordinarius juxta præſcriptum Sacri Concilii Tridentini.

V. Fiat Capitulum culparum ſemel in qualibet hebdomada juxta regulam.

VI. Nulla ex monialibus, aliisque novitiis excedat e choro ſine licentia Prælata, ſub pena ad arbitrium ejusdem.

VII. Modus ſuffragiorum per buſſulum & ballottas obſervetur in omnibus deliberationibus publicis, præſertim vero in electionibus Abbatiffarum, & officialium, nec non admiſſionibus ad profeſſionem; ſecus vero facta irrita & inanes ſint.

VIII. Nulla ex monialibus eximatur ab officiis & ſerviitiis monaſticis, & monaſterii, exceptis impotentioribus teſtimonio medici declarandis, & ab Ordinario approbandis.

IX. Abbatiffa quotannis reddat rationem ejus adminiſtrationis Re. D. Ordinario, vel ipſo abſente, ejus Vicario.

X. Valeant moniales uti opera mulieris ſecularis pro earum, monaſteriiſque ſerviitiis, ab Ordinario approbanda.

XI. Nulla puella etiam pro educatione acceptetur ante ætatem ſeptem annorum; nec admitatur intra monaſterium, niſi præviis ſuffragiis monialium, capitulariter ſervendis per buſſulum, & ballottas; nec poſt vigefimum quintum poſſit retineri in monaſterio, niſi ad effectum monachandi.

XII. Puella in monaſterio degentes eamdem clauſuram ſub quocumque prætextu ſervare teneantur, quam ſervant moniales; & ſi extra caſum valetudinis exierint, amplius non admitantur ad effectum monachandi.

XIII.

XIII. Nulla monialis, seu puella lavet vestimenta secularium, exceptis collaribus, manutergiis, ejusmodique elegantioribus lintheamentis.

XIV. Puella tam educanda, quam ad habitum monasticum admittenda, dum degunt in monasterio, nullatenus coloribus modestie monastica indecentibus in suis vestimentis utantur, multo minus ornamentis aureis, & argenteis, adornamentisque secularibus, aut capilliceo profano, sub pena expulsiōis a monasterio, sine ulla spe redeundi.

XV. Nulla monialium alloquatur saculares absque licentia Ordinarii in scriptis, & auscultatrice assistente, sub pena privationis vocis activa & passiva per sex menses, exceptis conjugum, & affinibus in primo, & secundo gradu.

XVI. Moniales omnes a die professionis capillos detondeant, caputque ita linteolis tegant, ut nullibi capilli promineant, nec appareant, sub pena privationis vocis activæ, & passivæ per menses sex.

XVII. Moniales scapularia & vela sub subcollaria ita simul jungant, ut nullibi nuditas colli, pectorisque appareat sub eadem pena.

Datum Arbi in conventu S. Joannis Fratrum Conventualium S. Francisci in officio distæ Visitationis Apostolicæ, die 9. mensis Junii 1625.

Oskarjanus Archiep. Jadrensis, & Visitator Apostolicus.

Theodorus annos quindecim Ecclesiæ Arbensi præfuit. E vita migravit anno 1635.

#### PETRUS IV. EP. ARBENSIS XLIV.

Civis & Presbyter Spalatenis ex antiqua familia Gaudentia; cui Urbanus Papa VIII. anno 1636. Arbensem Ecclesiam cum decrevisset, mandavit, & sancivit, ut nemini sive ex Collegio Canonicorum, sive ex ordine inferiori Presbyterorum Ecclesiæ cathedralis, curam animarum suscipere antea liceret, quam ab Episcopo legitime approbatus fuisset; nam ea consuetudo invaluerat, ut, seclusa omni approbatione Episcopali, hæc procuratio in orbem suam cujusque vicem per omnes iret: 3. Martii 1636. providit Ecclesiæ Arbensi vacanti per obitum Theodori de persona Petri Gaudentii Presbyter. Spalaten. cum decreto ut in ea Ecclesia cura animarum circulatorum, & ut ajunt, per toro, non exerceatur a Dignitatibus, Canonicis, & Mansionariis, nisi prius ab Episcopo fuerint legitimi approbati. Ex Tab. Consistorial. Hic permissu Sedis Apostolicæ, quædam Sacerdotia, onere curandarum animarum exempta, conjunxit cum Mensa Capitulari, ut ex eorum proventus distributiones quotidianæ paullo copiosiores illis suppetere, qui divinis officiis & sacrificiis interessent, ut docent Tabulæ Arbenes: Petrus Gaudentius quædam beneficia simplicia univit pro distributionibus quotidianis, quorum proventus ascendunt ad valorem 30. scutatorum. Curavit etiam apud Pontificem unionem Abbatia S. Stephani de Barbato, sed non obtinuit. Itaque post Synodum Diocesanam peractam, quod statuerat de hujusmodi Sacerdotiis cum Mensa Capitulari conjungendis, anno 1643. in conventu Canonicorum reipsum perfecit, hoc in eam rem decreto facto, & de communi omnium sententia comprobato.

Illyrici Sacri Tom. V.

Die 12. Junii 1643.

In ultima Synodo pro provisione, & augmento distributionum quotidianarum extat decretum, quod uniantur aliquot beneficia simplicia primo vacatura; ideo hodie congregatis in cubiculo Episcopatus nostri infra scriptis Adm. R. R. D. D. vid. Hermolao Cassio Primicerio, Georgio Abbatibus, Hieronymo Gauzigna, Zacharia Galzigna, & quod etiam habente Francisci Galzigna sui fratris in diocesi existentis, sed præpediti in quibusdam suis negotiis, Zacharia Pastovich, Francisko Francinich, & Nicolao Brozich votum habente Hieronymi Allegris egrotantis, Canonicis. Nos Petrus Gaudentius Dei, & Apostolicæ Sedis gratia Episcopus Arben. &c. habito consilio cum prædictis Capitulariter congregatis, inherentes ordinationibus Sac. Conc. Trid. ex Cap. 15. sess. 24. de ref. unimus, & assignamus pro distributionibus quotidianis beneficia simplicia primo vacatura ad valorem ducatorum monetæ Venetæ octoginta, præter unum, quod jam univimus, & assignavimus, prout etiam nunc unimus, & assignamus Præbendam Theologali, & prout in Synodo nostra &c. Et ita dicimus, promulgamus, unimus, & assignamus ad laudem, & gloriam Dei Opt. Max. Beatissimæ Virginis Mariæ, S. Christophori protectoris nostri, & commodum cleri nostri prædicti. Decretum superscriptum ad majus augmentum cultus divini, hodie etiam, quæ est 5. Novembris 1643. in hac nostra Synodo renovamus, & confirmamus, & ita &c.

Anno 1645. Romam profectus, more majorum sacra limina visitavit, suæque administrationis rationem Patribus Eminentissimis reddidit. Omnia ejus acta & decreta Sacra Congregatio laudavit, & approbavit, idque Cardinalis Præses ejusdem Congregationis testificatus est.

Nos Franciscus Cervinus Episcopus Portuensis S. R. E. Cardinalis S. Marcelli nuncupatus, nomine Sac. Congregat. Eminentissimorum, & Rev. D. D. Cardinalium S. Conc. Trid. interpretum fidem facimus, & attestamus Rerum, in Christo Patrem Episcopum Arben. &c. sacrosancta Beatorum Apostolorum Limina humiliter visitasse, & rationem suæ Ecclesiæ reddidisse iisdem Eminentissimis Patribus, qui summopere laudant Apostolicæ suæ sollicitudinis pietatem in Synodo celebranda, instruendo &c. Omissis aliis &c. Laudaverunt etiam Unionem beneficiorum ad formam Sac. Concilii pro distributionibus quotidianis Canonicorum &c. Omissis aliis &c. In quarum fidem presentes ejusdem Sac. Congregationis nomine dedimus, sigillo, & manu nostris, nec non Secretarii Congregationis prædictæ munitas.

Dat. Romæ die xv. Julii 1645.

L. S. Franciscus Card. Episc. Portuensis.

Franciscus Paulucius S. C. C. Secret.

Anno 1654. rationem ritumque præscripsit colendi festos dies quorundam Divorum, qui ex antiqua consuetudine apud Arbenes pia veneratione celebrari solebant; quod ab Sancta Sede ita permissum fuit, ut populus tamen nulla ab operibus servilibus abstinendi lege diebus illis teneretur.

Nos Petrus Gaudentius Dei, & Apostolicæ Sedis gratia Episcopus Arben.

Ad majorem Dei Omnipotentis gloriam, & honorem, ac cultum debitum Sanctorum præsertim infra nominatorum, quos pro laudabili, & antiqua consuetudine hucusque in eorum diebus, festis solemniter celebravimus, licet a Sancta Sede ob rationabiles causas tantummodo devotio-

A a 3

nis.

Decretum  
primum  
Petri Episc.  
quod appro-  
bat Sacra  
Congre-  
gatio.

Decretum  
secundum.

nis titulo celebrari iussi sunt exterius a populo, non tamen interius in Ecclesia, tempore huius decreti mandamus, ut posthac eodem ritu, quo antea consuetum fuit, celebrari debere: itaque committimus Sacerdotibus ut ritu festivo non secus ac in Dominicis diebus campanas pulsant, sic diaconis, & subdiaconis, ut parati assistant majori Missa, & utriusque vesperis, & hebdomadariis Sacerdotibus cum incensatione altaris, ut officia celebrent, organista in vesperis & in Missa majori more solito organa pulsant; id autem observetur diebus festis, S. Antonii, S. Marini civis Arben. SS. Fabiani, & Sebastiani, S. Gregorii, Transfigurationis Dominice, S. Rochi, S. Augustini, S. Hieronymi, S. Francisci, S. Lucae, S. Ambrosii, S. Martini, quos speramus, & obsecramus fore apud Deum intercessores in nostris necessitatibus, tum temporalibus, cum praecipue hac insula magis obnoxia sit ventorum amissioni, ita forte nostris culpis exigentibus, tum etiam pro spiritualibus beneficiis impetrandis ac periculis omnibus avertendis; & quamvis illis diebus festis aliqua solemnitas fieret in alia Ecclesia; volumus tamen, ut in nostra maiori supradicti ritus, & caeremonia servantur sub penis ad arbitrium omnibus ut supra in officiis eorum existentibus; ita dicimus, mandamus, & committimus ad honorem Dei Opt. Max. Sanctorumque suorum honorem, & devotionem. In quorum fidem &c.

Dat. Arbi in Episcopali Palatio die 30. Januarii 1654.

L. S. Petrus Episcopus Arben.

Cum Sacerdotia conjuncta cum Mensa Capitulari, vel quae in posterum conjungi possent, non suppeditarent, quod ad quotidianas distributiones satis esset, consilium cepit rogandi Summi Pontificis ut vellet ac juberet adungi ad Mensam Capituli Abbatiam S. Stephani de Barbato, ejusque annuos proventus: id, quod impetrari non potuit, si fides habenda est tabulis supra laudatis.

Nos Petrus Gaudentius Dei, & Apostolica Sedis gratia Episcopus Arben.

Decretum  
tertium.

Inhaerentes decretis sapius in Synodis Superiorum amorum in nostra cathedrali publicatis, ordinavimus hoc modo. Cum potissimum ea, quae ad divinum cultum spectant, a nobis provideri necesse sit, ex quibus praeipuum est, ut Canonici alique de clero nostro frequentiores ad divina officia nocturna, & diurna convenient, distributiones a Sac. Conc. Triad. sess. 24. Cap. 15. de ref. participaturi, ideoque nullas in hac cathedrali nostra Ecclesia distributiones constitutas repientes, ac perennes praevidendas ad victum ejusdem Ecclesiae ministrorum non sufficientes, pro opportuna provisione cultum divinum augendi, & ministrorum necessitati subveniendi, hoc unicuique remedium superesse judicavimus, ut aliquot beneficia uniantur pro distributionibus, ac propterea etiam aliquot vacantia in hac diocesi univimus ad triginta scata circiter monetae communis valorem ascendente; quae quidem beneficia, cum sint tenuissima, ac ea, quae possent vacare in posterum, vix sint valoris quindecim scutorum dictae monetae; idcirco id consilium capessere necessarium fuit, ut supplicetur apud Sedem Apostolicam pro anione beneficii Abbatiae nuntupati S. Stephani de Barbato extra membra huius civitatis, vix ad triginta scatorum monetae valorem ascendente; quae supplicatio huius pauper-

rimi Capituli fuit etiam in relatione status huius Ecclesiae ad Eminentissimos Patres Sacri Concilii interpretes reverenter delata, qui misericordia mori benigne polliciti sunt hoc negotium pro augendo divino cultu se coadjutores apud Sanctissim. ut constas ex litteris sub die 5. Decembris 1648. Quare iterum recurrentes ad pedes Sanctissimi, ac etiam Eminentissimorum suppliciter postulant, ut dicta Abbatia pro augendo divino cultu quae meliori ratione possit, a S. Sede praefatis distributionibus uniat.

Datum Arbi in Episcopali Palatio die prima Martii 1656.

Petrus Episcopus Arben.

Porro Petrus vitam & Pontificatum perduxit usque ad annum 1664.

#### DOMNIUS EP. ARBENSIS XLV.

Ex eadem urbe Spalateni & familia Gaudentia, Archidiaconus Ecclesiae Metropolitanae Spalateni, Petro patruus in hanc Sedem successit an. 1664. decretam sibi ab Innocentio X. qui, ut est in Actis Consistorialibus, 9. Junii 1664. providit Ecclesiae Arbensi vacanti per obitum Petri Gaudentii de persona Domni Gaudentii &c. Pontificatum hanc diuturnum gessit; patri vestigiis insistens eandem perpetuo iustitiae, disciplinae, religionis viam tenuit. Quae ille egregie constituerat, ab omnibus accuratissime servari voluit, & ipse quoque multa de vita & honestate clericorum praclare detestavit. Diem obiit supremum anno 1695.

#### OCTAVIUS EP. ARBENSIS XLVI.

Patria Jadertinus, cognomento Spaderus, Fr. O. vir eximiae doctrinae & sanctitatis, ex Ordine Franciscano severioris disciplinae. Ad Ecclesiam Arbenensem regendam accessit anno 1698. cum intra finem anni superioris ab Innocentio XII. in augustissimo Cardinalium conventu Episcopus renunciatus fuisset, ut constat ex Actis consistorialibus: 23. Novembris 1691. prov. Etch. Arben. vacanti per obitum Domni, de persona Patris Octavii Spader Ordinis S. Francisci Min. observant. Custodes sacrarum Reliquiarum, quod claves sacrarii ad eas inspiciendas & recognoscendas Episcopo iubente tradere abnuerent, anathemate perculit. Enimvero hanc censuram iniquo animo tulerunt; & rem plenam querelarum cum ad Senatum detulissent, Octavius Venetias accitus est, ut facti sui rationem redderet. Ille quidem paruit; Arbam regredi noluit. Sed post quadriennium a suscepto regimine, Arbenensem cum Assisiensi Ecclesia, eodem iubente Pontifice, commutavit, quam cum annos fere septemdecim prudenter, pieque gubernasset, sanctissime obiit anno 1715. Sepultus est in basilica S. Mariae Angelorum, & hoc perhonorifico elogio decoratus:

D. O. M.

FR. OCTAVIUS SPADER JADRENSIS M. O.  
DOCTRINAE MONUMENTIS VIR CLARISSIMUS,  
ARBENSI PRIUS, ASSISIENSI DEINDE  
INFULA INSIGNITUS;  
AMORE IN EGENOS,  
ANIMI DEMISSIONE IN REBUS SECUNDIS,  
CONSTANTIA IN ADVERSIS,  
EXIMIUS,  
SACELLUM HOC EXORNAVIT,

ET

ET AD PORTIUNCULÆ LIMEN,  
VEL POST FUNERA IMMORARI PRÆOPTANS,  
HUMILE SIBI SEPULCRUM  
ELEGIT.

OBIIT IX KAL. APLIS M. D. C. C. XV.  
ANNOS AGENS LXIX.

## ANTONIUS EP. ARBENSIS XLVII.

Illustri loco natus est Tragurii, eique Rosignolo cognomen fuit. Cum Canonicus esset ædis cathedralis Traguriensis, illum Innocentius XII. Sæculo decimo octavo ineunte Episcopum Arbensibus dedit, ut licet intelligi ex Actis consistorialibus: 30. Martii 1700. providit Ecclesiæ Arben. vacanti per Octavii Spader translationem ad Ecclesiam Assisien. de persona Antonii Rosignoli Canonici Traguriensis. Annos fere tredecim huic Ecclesiæ diligentissime præfuit; ac nullum prætermisit, quin aut diœcesi illustranda, aut Synodis cogendis habendisque, eidem æque perutilem ac laboriosam operam impenderet. Synodos omnino decem convocavit; octavam celebravit anno 1709. tertio Id. Octobris; cujus decreta ad novem Capitula revocavit, quæ sunt hæc:

- I. De Fide Catholica, ejusque professione.
- II. De Verbo Dei, Doctrina Christiana, & Theologica.
- III. De Festorum, & Jejuniorum observatione.
- IV. De Sacramentorum & Sacramentalium administratione.
- V. De Missarum, & divinorum officiorum celebratione.
- VI. De processionibus, funeribus, & sepulturis.
- VII. De vita & honestate clericorum.
- VIII. De sanctimonialibus, regularibus, & laicis.
- IX. De bonis ecclesiasticis, locorum piorum, & decimis.

Antonius translatus ad Ecclesiam Nonensem.

Aliquid controversiæ habuit cum collegio Canoniorum, & cœtu nobilium, cui causam præbuerant monachæ S. Justinæ. Ut erat pacis studiosus, & fugitans litium, ac de suo jure nihil remittere volebat, ad aliam Ecclesiam se transferri optavit; idque obtinuit; nam anno decimo tertio post susceptam hujus Ecclesiæ administrationem, ad Ecclesiam Nonensem regendam migravit.

## VINCENTIUS II. EP. ARBEN. XLVIII.

Cui patria fuit Corcyra Melæna, cognomen Lessius. Erat Canonicus Ecclesiæ Corcyrensis, quem Clemens XI. Antonio Rosignolo ad Ecclesiam Nonensem translato, in Sedem Arbensensem subrogavit: 1713. 4. Decemb. providit Ecclesiæ Arben. vacanti per translationem Antonii ad Ecclesiam Nonensem de persona Vincentii Lessii Canonici Curzolenis. Diœcesim una parœcia auxit Lopari, qui vicus est ceteris frequentior, & ab urbe longius distans. Anno 1717. cum Romam per se ipse, calamitosus atque asperis temporibus præpeditus adire non possit; Georgium Georgicem Abbatem, & Canonicum S. Hieronymi nationis Illyricæ de urbe, procuratorem constituit, qui nomine suo sacra Apostolorum limina viseret coleretque, & Eminentiſſimis Patribus epistolam traderet, in qua breviter ac dilucide statum Ecclesiæ ac diœcesis Arbensis exposuit, quem cognoscere non injucundum fore lectoribus censeo.

Eminentissimi, & Reverendissimi Patres.

Ad Romanam Ecclesiam Matris limina adificata super fundamentum Apostolorum peractis trienniali tempore, juxta Sanctorum Patrum, & Canonum decreta, in signum subjectionis procumbens, & tamquam Villicus in partem sollicitudinis vocatus, rationem villicationis meæ per scripta, & procuratorem Abbatem Georgium Georgicem Canonicum S. Hieronymi Illyricorum de urbe, E. E. V. V. humillime expono, ac ut hæc mea Arbensis Ecclesia partem habeat cum cætero descripto orbe, in veste pauperis, ad pedes Principis provinciarum, & exactoris omnis possessionis Christi, venerabundus cordis obsequio eam submitto. Equidem eadem sacra limina veneraturus personaliter Romam venissem, ni famis, gladii, paupertatis aqua qua undequaque circumdant me, imminentiſſimis periculis iter impedirent. Siquid tamen in hac exposita ratione in-consentaneam vestris sententiis, ac canonicis sanctionibus æstimaveritis, corrigere non dedignamini; de cujus emendatione oraculum expectabo, ut verba vestra sint semper in ore meo, & ut in medio multorum faciam quod acceptum sit coram vobis omni tempore.

Vincentii epistola ad Sacram Congregationem.

Arba cæteris Liburnici Maris minor insula, viginti millia passuum in longitudine, octo vero in latitudine protenditur. Ab oriente montibus Babiis, ab occidente Absoro, a meridie Pago, ab aquilone Veglia contermina; in cujus medio ad meridionalis plage litora ejusdem nominis sita est civitas, suffraganea Archiep. Jadrensi, quæ sub temporali Reipublica Veneta Dominio militat. Septuaginta ad octoginta continet domos, septingentis 24. habitatoribus referta. Per insulam non in pagis, sed sparsim per arva in sex vicis incolæ degunt. In his nulla animarum cura residentialis, exceptis castro Novakia supra insulam Pagi, sito ad octodecim ab urbe milia passuum, & Neoparo a me noviter in parochialem, cum magno labore, & industria redactis.

Ecclesia cathedralis est sub invocatione B. M. V. reparatione indigens. Turris campanaria distat aliquantulum ab Ecclesia, provisa campanis, sed etiam ipsa petit reparationem in summitate. Habet chorum, tres cappellas, fontem baptismalem, organum, & sacrarium, suppellectilibus sacra male provisa, & licet tenuibus redditibus hæc cathedralis sit prædita, insignibus tamen Reliquiis Sanctorum locupletatur, a quatuor Nobilibus ad vitam servatis. In his enim annumeratur caput, sed non integrum, S. Christophori Mart. protectoris, ipsiusque, ut distant, humani generis ex obsessis corpore erumpentis hostis confessio, magni Cananiti esse Caput, pleno ore profiteretur. Huic assistuntur integra Capita duorum pauperum Anania, & Azaria, Sanctorum Abandii, & Ermolai, Manus S. Thecla V. & M. S. Pauli Apostoli discipula; Deus S. Apollonia V. & M. Costa lateralis S. Martini Confessoris civis Arbensis, & novæ Reipublicæ protectoris, & Spina Corona D. N. J. C. cum parvâ Cruce ejusdem Crucis auro incusa, quam Robertus Rex Neapoli ad pettus ex collo pendenter gestare consueverat. In vase etiam vitreo variorum Sanctorum, Sanctorumque Reliquiarum in suis cartulis seorsim inclusarum, in quibus S. Andrea Apostoli, S. Matthæi Apostoli, & Evangeliste, S. Barbara V. & M. & aliorum quatuor plurimorum Sanctorum Costula adnumerantur. Nulla documenta, quæ fidem his Reliquiis aſſerviant, adhuc perlegi. Illa omnes sub ara majoris



vis altaris suis in vasis vitreis inclusa quam honorifice asservantur, & sub quatuor clavibus turgentur, & in Feste S. Christophori, quod cadit 25. Julii, magno populi concursu omnes predi-  
cta Reliquia in altari exponuntur, & in processione solemniter ritu, & pompa deferuntur.

Tres sunt Dignitates compatibiles cum Canonicatibus, Archidiaconus, qui major est post Episcopum, Archipresbyter, & Primicerius, cum duodecim Præbendis Canonicalibus, sex mansionariis, tribus diaconis, totidem subdiaconis beneficiatis, & sex acolythis; Sacerdotes, & clerici inferiores complures. Omnes celebrant ritum latino, exceptis quatuor Sacerdotibus cum Paroco Novalia, & uno Presbytero Neopari, qui Illyrice peragunt divina. Interessentes choro duplicem distributionis partem, & divisionis Mensæ Capitularis participant. Dignitates, & Canonici præter præbendas, habent cum cæteris beneficiatis duplicem portionem decimarum Capituli, & pauperum, pro eo quod Sacramenta administrant; & semel in hebdomada applicant celebrantes pro populo. Cura animarum extat penes Capitulum, exercitium vero penes Dignitates, Canonicos & mansionarios, qui per hebdomadas turnatim, per insulam extra civitatem administrant. In civitate autem supplet præcipuus Sacerdos ab Episcopo deputatus ad nutum, vulgo Sacrista major. Prædictis diebus Dominicis a prandio debent doctrinam Christianam per turnum interesse cum Clericis. Huic pro pueris instruendis deputatus est Canonicus Marinus de Dominis, qui pro suo labore provisorius fuit per me de Præbenda Canonicali. Pro puellis separatim in alia Ecclesia extra cathedralem pariter Christophorus Neypulich Lauretanus, modo Canonicus Theologus, & alia magistra senex destinata a praside. Pro alliciendis pueris, & puellis, meis sumptibus dispensantur præmia, & ut ad hoc divinum opus fideles amore fervido accenderentur, ad porrectas meas supplicationes, hæc Congregatio a me erecta Doctrina Christiana, aggregata fuit anno proxime elapso Ven. Ecclesiæ Sanctorum Apostolorum Petri, & Pauli de urbe. Penitentiaria, & Seminarium non extant; nec est spes erectionis, quia pauperrima est mensa. Pro instructione cleri Canonicus Theologus omni hebdomada legit. Clericos in grammatica, & moribus ludi Magister per me ad nutum electus; sicut & alter a civitate conductus sæculares pueros docet.

Monasteria tria virorum, tria ordinis S. Francisci nempe de observantia, Conventualium, & tertii ordinis. Tria monialium: duo S. Benedicti, & unum tertiarum S. Francisci. Abbatia patet duæ: una S. Petri in Valle quondam monachorum S. Benedicti, modo vero unita fabricæ S. Marci Evangelistæ Venetiarum. Altera S. Stephani Papæ & Mar. olim Canonicorum Regularem, quæ nunc reperitur in commenda penes Georgium Georgicum Canonicum S. Hieronymi Illyricorum de urbe.

Beneficia simplicia ad triginta circiter Mensæ Capitulari unita fuerunt pro quotidianis distributionibus; septem alia assignata: unum magistro litterarum; alterum magistro caeremoniarum, & reliqua Canonico Theologo. Juris patronatus laicorum sola octo numerantur. Quam plurima legata pia, quæ vel ab habentibus jus patronatus, vel a commissariis a testatore, vel a laico iudice designatis, Episcopo instituentem, curantur &c. Inter laicos sunt quedam sodalitia pietatis,

quæ statutis temporibus ad processiones sub cruce propria, sed sine cappis progrediuntur. Una S. Christophori Mart. protectoris, redditibus sufficientibus. Altera vero Septem dolorum, quæ sola omnium tum civium, tum villicorum, majori ex parte, aggregata, & Ecclesiæ S. Marcellæ de urbe unita, ab Episcopo, & Capitulo administrata reperitur.

Pro pauperibus, & infirmis duo extant hospitalia; erat etiam tertium, sed hoc hospitale in Ecclesiâ S. Catharinæ redactum est. Primum S. Nicolai in civitate per Priorem laicum ab Ordinario, & Comite ad triennium creatum administratur. Alterius rector ad præsentationem laicæ familiæ juris patronatus forma, quod annexum est altari Corporis Christi in Ecclesiâ cathedrali, ab eodem Ordinario instituitur. Ex redditibus primi hospitalis S. Catharinæ quaque decima pars, cum onere duarum Missarum in hebdomada cedit Priori. Secundi vero Corporis Christi tria modia cum dimidio segetum pauperibus, & quatuordecim cadi vini monialibus tertii ordinis S. Francisci, ex ordinatione visitatoris apostolici elargiuntur. Reliqui fructus ad usum Prioris cum obligatione trium Missarum quacunque hebdomada, remanent. Nulla tamen sit elargitio, nisi cum scheda Ordinarii subscriptione roborata.

Mensa Episcopalis est valde tenuis, nec redditus annui excedunt centum quinquaginta scutata. Quibus in necessitatibus & angustiis expectans fructum lucis ero in oratione, & obsecratione pro vestra salute, & gaudio, semper tamen ad purpurarum osculum demissus, pro contestat. deb. qua sim

Arbi 15. Octobris 1717.

E. E. V. V.

Humilis. Addictiss. & Devot. Servus  
Vin. Lessius Episc. Arbensis.

Anno 1720. idem Clemens XI. Vincentium Arbensibus adeptum Ecclesiæ Vegliensis præfecit.

Vincentius migravit ad Ecclesiam Vegliensem.

#### DOMNIUS II. EP. ARBENSIS XLIX.

Oriundus ex urbe & insula Pharia, familia vero Zena, Canonicus Ecclesiæ Phariensis, ac deinde Rector Seminarii Jadertini, juris civilis, & ecclesiastici peritissimus. Virum Episcopatu dignissimum Clementi XI. commendavit Vincentius Zmajavichius Archiepiscopus Jadrensis. Auctoritas & commendatio talis ac tanti Antistitis valuit apud Pontificem, qui, ceteris competitoribus posthabitis, Domnio Ecclesiâ Arbensensem decrevit. Arbani accessit extremo die anni 1720. & VIII. Idus Januarii anno proximo, summa omnium civitatis ordinum frequentia & gratulatione, rituque solemniter Ecclesiæ sibi traditæ possessionem adivit. E collegio Canonicorum Vicarium generalem Franciscum Mustaclinium Archidiaconum, Procuratorem Fiscalem Curie Episcopalis Christophorum Negulichium Archipresbyterum, Auditorem denique, sive iudicem ecclesiastico foro præpositum Petrum Galzignam Canonicum delegit. Præterea Archipresbytero id negotii dedit, ut, nulla cuiusque habita ratione, in codicem referret nomina eorum, qui singulis diebus choro, & sacris functionibus abessent, vel interessent. Omnes & singulos sive laicos, sive clericos accessu ad cancellos, & colloquia sacrum virginum, gravissimis pœnis propositis, pro-

Domitius, Ep. Arbensis acta & decreta.

prohibuit, nisi ad eas adeundi facultatem scripto traditam ab Episcopo, vel ejus Vicario antea impetrassent. Clericis lusu alearum, & choreis publicis privatisque interdixit. Vetuit Presbyteros sine veste nigra talari ad chorum, & sacrum faciendum accedere; duodecim solidis pro quolibet sacrificio contentos esse jussit. Imperavit præfatis Ecclesiarum agrestium, ut diebus festis solemnioribus sacrum facere maturarent; ut in tempore ad Pontificale sacrificium, statimque functiones in ædem cathedralē convenire possent. Edicto cautum esse voluit, ne illi, quibus administrandi Sacramentum poenitentiae facultas esset, post auditum signum Salutationis Angelicæ vespertinæ, confessiones mulierum exciperent. Alia præterea decreta fecit, quæ potissimum ad honestatem ac disciplinam virorum ecclesiasticorum referuntur. Omnia vero vel anathemate, vel interdictione divini sacrificii, vel denique multa pecuniaria sancivit. Vivere desit optimus Præsul pridie Kalendas Martias, anno 1728. illatusque in ædem cathedralē cum aliis Episcopis sepulcrum obtinuit.

## ANDREAS IV. EP. ARBENSIS L.

Andreas  
Carlovi-  
chi Ep.  
decreta  
obitus.

Civis & Canonicus Spalatensis ex familia Carlevichia, qui ex decreto Benedicti XIII. Episcopatum Arbensem adeptus, an. 1729. ipso die sacrosancto Pentecostes die, solemnī pompa, & cum magno cleri ac populi comitatu ad Ecclesiam cathedralē processit, & solium episcopale conscendit. Vicarium ecclesiasticæ administrationis habuit Hermolaum Cassium Canonicum & Primicerium, Provicarium vero Christophorum Negalichium Canonicum & Archipresbyterum. Nihil mutandum ratus eorum, quæ invenisset a decessoribus suis constituta, quidquid ipsi sapienter decreverant, valere voluit, & novis edictis confirmavit. Nonnulla his adjunxit, quæ ab illis prætermissa, vel non satis dilucide in eorum decretis explicata fuerant. Divinorum librorum explanationes feriis quartis cujuslibet hebdomadæ, & semel in mente de Theologia morali disputationes in palatio episcopali haberi, hisque presbyteros, & clericos interesse jussit; qui abessent sine causa legitima, eos quinque libellarum Venetarum mulctatione plectendos esse. Ut piis legatis satisficeret, neve quis de massa communi quidquam interverteret, diligenter cavit, & sancivit. Presbyteris, & clericis omnibus interdixit, ne domi retinerent mulieres, quarum pudicitia vel tenui suspitione laboraret. Diem extremum obiit pridie Idus Januarias, anno 1738. Eodem, quo decessores, episcopali sepulcro in æde cathedrali tumulatus fuit.

## PACIFICUS EP. ARBENSIS LI.

Pacificus  
Bizzæ ope-  
ra apollo-  
lica.

Patricius Arbensis, clarissimæ familiæ Bizzæ stirps ultima masculina, vir non majorum nobilitate, quam sua virtute illustrior. Deo & Ecclesiæ seipsum consecrare, quam gentis suæ propagationi consulere, maluit. In Seminario Patavino Philosophiæ, ac Theologiæ operam dedit. Sacerdotio initiatus, Venetiis plures annos iis, qui in carceribus, iis, qui in tririmis erant, omni ope, qua posset, divina humanaque adjuvandis impendit. Singulis annis in dioceses, alias Venetam, alias Patavi-

nam, alias Tarvisinam excurrere, sacris concionibus per ferias solemnibus jejuniis habendis, ad mores corrigendos, & Christianam pietatem colendam, incolis illarum partium vel plurimum profuit. His Apostolicis ministeriis vir egregius ad Episcopatum proledebat, quo dignum illum censuit Clemens XII. Pont. Max. cum ei Ecclesiam Arbensem regendam tradidit. Hujus administrationem suscepit anno 1739. xiv. Kalendas Aprilis, illo ipso die, in quem S. Josephi anniversaria veneratio incidit. Illud in primis curandum censuit, ut ne deesset poenitentibus copia Sacerdotum, qui eorum confessiones exciperent. Decrevit itaque, ut omnes Mansionarii festis diebus, quatuor e collegio Canonicorum singulis cujusque hebdomadæ diebus in æde cathedrali, statim horis psalmodiæ matutinæ ac vespertinæ, lintea veste induti, & stola superaddita, in sellis ad id constitutis sederent, & confiteri volentibus operam darent. Singulis fere annis exercitationes spirituales octo dierum indixit, ad quas presbyteros & clericos omnes convenire jussit; itemque omnes, qui in urbe essent, viros ecclesiasticos sacro pontificali, ceterisque Episcopali- bus functionibus interesse, & Episcopum a palatio ad ædem cathedralē comitari ac deducere; vetuit eisdem, cujuscumque gradus ac dignitatis essent, per urbem aut larvatos incedere, aut post primam noctis horam vagari. Præcipue illi curæ fuit institutio clericorum, qui ut bonis artibus & moribus imbuerentur, nihil industriæ ac diligentiae prætermisit, & ne, sine legitima causa, ludo litterario abessent, gravi edicto poenæque sancivit. In ædibus episcopalibus scholam Theologiæ moralis instituit, eamque tribus cujusque hebdomadæ diebus haberi, & a clericis frequentari imperavit. Sacerdotes vero omnes, ac præsertim confessionibus audiendis præpositos, semel singulis hebdomadis ad controversias, quæ de moribus, quartis quibusque feriis, institui solebant, dirimendas convenire jussit. Sunt alia etiam ejus præclara instituta & decreta, quæ ad ecclesiasticam tum disciplinam stabilendam, tum doctrinam & pietatem augendam maxime pertinent; sed multo magis & clero & populo sibi commissio, integerrimæ ac religiosissimæ vitæ exemplis profuit; de quo plura dicta sunt in historia Ecclesiæ Metropolitanæ Spalatensis, ad quam regendam Benedictus XIV. Antistitem, notæ sibi perspectæque virtutis ac sapientiæ, migrare jussit anno 1745.

Translatum  
ad Metro-  
polim Spa-  
latensem.

## JOANNES III. EP. ARBENSIS LII.

Cognomen Calcotta, Tragurii honesto loco natus; qui primum Firmi in illo florentissimo Gymnasio, deinde Romæ in collegio de Propaganda Fide, magnos æque in virtutibus, atque in humanis divinisque doctrinis progressus fecit. Reversus in patriam, concionandi laude in primis excelluit; & verbum Dei disseminando, non solum Tragurientem, sed alias quoque Dalmatiæ dioceses peragravit. In collegium Canonicorum Traguriensium cooptatus cum esset, ejus doctrinam, integritatem, prudentiam tanti fecit Hieronymus Fonda Episcopus Tragurii, ut eum Vicarii generalis titulo ac jure donatum, in partem sollicitudinis, munerisque pastoralis vocaverit. Huic etiam, itemque Antonio Kadcichio Metropolitæ Spalatensi, cum

Joannes Ep.  
Arben.

cum diœceses, suam quique lustraret, socialem ac laboriosam operam navavit. His virtutibus ac meritis fretus, ad fastigium episcopale ascendit, & Ecclesiæ Arbensi a Benedicto XIV. sibi traditæ gubernacula sumpsit anno 1746. v. Kalendas Novemb. Cum Episcopi munus esse præcipuum intelligeret Evangelium populis explicare, sexies per ferias quadrageni jejunii, conciones quotidianas habuit in æde cathedrali, magna & assidua frequentia auditorum, quos alliciebat tum rei novitas, & oratoris facundia, tum vero dicendi genus ad vitia extirpanda, virtutesque animis hominum inferendas maxime accommodatum. Ne proventus ecclesiastici in usus alienos converterentur, sedulo invigilavit, atque ad rectam eorum administrationem leges sapientissimas præscripsit. Diligentissime cavuit, ut quæ vel pauperibus, vel Ecclesiis legata fuerant, curatores testamentorum summa cum fide exsequerentur. Ne mortui subsidiis sibi debitis defrauderentur, decrevit, ut Presbyteri quoties pro sublevandis animis defunctorum facerent, ac debitum solverent annexum ei sacerdotio, quo præditi erant, suum nomen, diemque sacrificii peracti in libello ad id ipsum confecto notarent, ut quod quisque debebat, persolvere constaret. Disciplinam cleri itemque virginum Deo sacrum saluberrimis sanctionibus stabilivit ac firmavit. Ad restauranda facta tecta ædis cathedralis non exiguos sumptus fecit. Cum annos ipsos decem huic Ecclesiæ utiliter ac laudabiliter præfuisset; idem Pontifex Benedictus XIV. illum Arbensibus ereptum, Sibenicensibus Episcopum dedit an. 1756. & triennio post ad Superos migravit.

ad Eccle-  
siam Sibe-  
nicensem  
transiit.

#### JOANNES LUCAS EP. ARBENSIS LIII.

Joannes Lu-  
cas Gara-  
gninus Ca-  
nonicus  
Traguri-  
ensis.

Natus est Tragurii ex antiqua & illustri familia Garagnina ab Venetiis oriunda. Post primam ætatem communium litterarum, & politioris humanitatis studiis exultant, Patavium profectus, gravioribus disciplinis quinque ipsos annos diligentem operam navavit, & Philosophia, Theologia, Juris utriusque scientia eruditus, in illo celeberrimo Gymnasio, Doctoris nomen & insignia sumpsit. Ordinem Sacerdotalem adeptus, instructu ornatuque virtutum omnium, quæ in virum ecclesiasticum cadere possunt, excellere visus est. Nec vero sibi tantum bonus esse studuit; sed quidquid ingenio, doctrina, solertia valuit, in communem utilitatem contulit. Nullum vitæ suæ tempus, nullum exercitationis, & industriæ genus prætermisit, quod in commodum & salutem proximorum non impenderet. Plures annos Philosophiam, ac Theologiam, sine ullo emolumento, clericis explicavit. Singulis diebus Dominicis pueros pariter, atque ætate proventus Christianis mysteriis ac præceptis erudit. Confessionibus audiendis assiduam operam præbuit. Conciones frequentissime habuit, præsertim majoris jejunii diebus: quo quidem tempore sub vesperam alias in templo S. Joannis Baptistæ, alias in æde suburbana S. Mariæ, homines cuiusque ordinis ac generis, illuc confluentes, tum piis meditationibus exercere, tum ad divina mysteria crebro percipienda cohortari, tum denique ad omnia Christianæ virtutis & perfectionis officia instruere solebat. Nec vero

ægrotos præsertim egenos visitare intermittebat, quos divinis humanisque subsidiis juvabat; atque animam agentibus ad extremum usque spiritum assidens, quæ illi tempori tribui solent, pietatis, & charitatis officia præstabat. A Benedicto XIV. ad Canonicos ædis cathedralis aggregatus cum esset, & horum suffragiis Procurator electus; jura & privilegia Capituli æque moderate, ac fortiter defendit; & nihilo segnius ad cleri chorique disciplinam tuendam, & pias consuetudines retinendas, non minus suo exemplo, quam auctoritate incubuit. Hieronymus Fonda Episcopus Traguriensis illum & plurimi fecit, & summo opere dilexit; cumque ejus doctrinam, integritatem, prudentiam latis cognitam & perspectam haberet, Auditoris munere præditum controversiis ecclesiasticis dirimendis præesse, & locum suum tenere iussit, amplissimam ei facultatem tradens, & honorificum ejus virtuti ac sapientiæ testimonium tribuens his verbis.

Auditor &  
Locumtenens  
Episcopi.

Hieronymus Fonda

Dei & Apostolicæ Sedis gratia Episcopus  
Traguriensis.

Considerantes, Pastoralis Officii nostri gradus exigere, in partem nostræ curæ, & sollicitudinis optimum esse assumere viros, scientia, moribus, ac pietate probatissimos, maxime in his, quæ ad forum spectant; manu igitur tenentes probitatem, scientiam, prudentiam, & discretionem Adm. Rev. Dom. Joannis Lucæ Garagnini nostræ cathedralis Ecclesiæ Presb. S. Th. D. ipsum pro causis quomodolibet ad nostrum forum spectantibus, tam civilibus, quam criminalibus, matrimonialibus, & mixtis, in Auditorem nostrum, & locum tenentem generalem pro civitate, & diœcesi tota facimus, constituimus, creamus, & deputamus; dantes eidem, & concedentes plenam, & liberam potestatem, & mandatum speciale, beneplacito nostro duraturum, omnes, & singulas causas, pro ut præfertur, ad Curiam nostram Episcopalem spectantes cognoscendi, & decidendi; edicta, & constitutiones faciendi, factas moderandi, & exequi faciendi, clericos delinquentes corrigendi, multandi, censuris etiam comprimendi, suspendendi personas, & loca interdicens, ab ipsisque absolvendi: brachium sæculare invocandi, & delinquentes carcerandi, & condemnandi; sententias latas exequi faciendi, aliaque omnia peragendi, etiam si talia essent, quæ mandatum speciale exigere. Mandantes omnibus & singulis, ut se in Auditorem, & locumtenentem nostrum generalem suscipiant, & in his, quæ ad nos, & jurisdictionem nostram ordinariam spectant, sibi obediunt. In qu. &c.

Datum Tragurii ex Episcopali Curia die 20. Decembris 1746.

Hieronymus Fonda Episc. Traguriensis.

Die 21. Decembris 1746, infra chorum

Lectum latum & publicatum ante Missam majorem per me Pres. Marcum Perovichiam Cancell. Episcopalem. presente toto Ven. Capitulo, & Rev. clero, præsertim vero Adm. Rev. Canon. Marco Antonio Hreglen, ac Rev. Presbyt. Co. Gelmini, & Michaeli Hrambassa.

Idem Episcopus cum ei necessarius esset ab urbe ac diœcesi discessus, neminem fide, doctrina, prudentia, magis idoneum Joanne Luca ad supplendam abientiam episcopalem esse existimavit. Itaque totius Ecclesiæ administrationem ei commisit, cum summa rerum geren-

da-

darum potestate, & præclara ejus virtutum ac meritorum testificatione.

Die 6. Aprilis 1752.

**Episcopi** **absentis** **partes eidem** **cum plena** **potestate** **commissæ.** **Illustrissimus, & Reverendissimus D. Hieronymus Fonda** Episcopus Tragurienfis, brevi auxiliante Deo discessurus ab hac civitate, & diœcesi, Rever. Dom. Jo: Lucæ Garagnini Sac. Theol. Doctori, Canon. nec non suo Auditori, & locum tenenti generali, gregem suum commendat, eique plenam, liberam, & omnimodam potestatem concedit edita, & constitutiones faciendi, factaque moderandi; clericos delinquentes corrigendi, mulcandi, & censuris etiam comprimendi; negotia monasteriorum monialium tractandi, & resolvendi; parochos instituendi, & confirmandi; Sacramenta ministrandi, & ministrari faciendi; a casibus quibuscumque nobis reservatis absolvendi, & absolvi concedendi; personas suspendendi, & loca interdicens; ab excommunicationibus, suspensionibus, ac interdictis, in casibus a jure permixtis, absolvendi, & omnia, & singula alia faciendi, etiam si talia essent, quæ mandatum exigerent speciale, absque ulla limitatione. Insuper vigore p. communicavit, & communicat eidem facultatem dispensandi in quibuscumque irregularitatibus, exceptis illis, quæ vel ex bigamia vera, vel ex homicidio voluntario proveniunt: dispensandi super defectum ætatis unius anni, ob operariorum penuriam, ut promoveri possint ad Sacerdotium, si alias idonei fuerint: dispensandi in 3. & 4. consanguinitatis, & affinitatis gradu simplici, & mixto tantum, & in 2. 3. & 4. mixtis, non tamen in 2. solo, quoad futura matrimonia; quo vero ad præterita, etiam in 2. solo, dummodo nullo modo attingat primum gradum, cum iis, qui ab hæresi, vel infidelitate convertuntur ad Fidem Catholicam, & in præfatis casibus prolem susceptam declarandi legitimam, cunctasque, & singulas alias facultates, sibi a sancta Sede Apostolica sub die 6. Augusti 1738. concessas, ac sub die 28. Januarii 1751. quarto reconfirmatas; illis tantum exceptis, in quibus sacra Unctio intervenit: dando illi plenam & omnimodam facultatem, ut eisdem post suum discessum possit uti in diœcesi tantum usque ad suum regressum &c. Ita per hoc &c. In quorum &c.

Hieronymus Episcopus Tragurienfis.

Nec vero prætermittere possum illustre & magnificum testimonium, quod Canonici Tragurienfes suo collegæ præstantissimo, ejusque egregiis factis atque in Ecclesiam meritis dederunt.

Nos Canonici & Capitulum Cathedralis Ecclesiæ Tragurien. sede vacante.

**Testificatio** **Capituli** **Tragurien-** **sis, virtute** **& operibus** **Apostoli-** **cis Ioannis** **Lucæ tri-** **buta.** **Universis, & singulis, ad quos hæc nostræ per-** **venerint, fidem indubiam facimus, ac in verbo** **veritatis testamur, Adm. Rev. Dom. Jo: Lucam** **Garagnin, Phil. ac Sac. Theol. Doctorem, hu-** **ius Ecclesiæ cathedralis Canonicum, in, & de** **legitimo matrimonio, & illustribus, & honestis** **parentibus procreatum, ad Sacerdotium rite ac** **recte promotum, in Patavina Universitate per** **quinquennium summa cum laude ad scientias in-** **cubuisse, in ipsaque laurea donatum fuisse: de** **hujus cathedralis servitio optime meritum, scien-** **tia, & doctrina præditum, de anno 1746. a** **modo defuncto Antistite Hieronymo Fonda bon-** **mem. in Auditorem, ac Locumtenentem generalem** **assumptum, recta judicia semper exercuisse: in** **clericorum Seminarii hujus cathedralis lectorem** **ab eodem defuncto Antistite deputatum Phil. ac**

moralis Theol. tum dogmatica tum polemica lectione ipsos indefesse, summa cum charitate, absque ullo emolumento, per integrum triennium imbuisse, idoneosque altaris ministros reddidisse: Canonicum hujus cathedralis a SS. Dom. nostro Bened. XIV. felic. regnante electum, Ecclesiæ huic cathedrali assidue inservisse, ac in ecclesiasticis functionibus divini honoris zelum prætulisse: Procuratorem hujus Capituli creatum, jura capitularia, omnesque ecclesiasticas hujus Ecclesiæ consuetudines sacerdotali constantia propugnasse, & custodisse: ex quo fuit ad sacerdotium promotus, seduli operarii partes, in procuranda animarum salute explese: in excipiendis Fidelium confessionibus in confessionali assiduus: in administranda Sacra Eucharistia frequentem: in prædicatione Verbi Dei, promovendaque Deiparæ aliorumque Sanctorum devotione, cum Fidelium concursu, animarumque fructu, Apostolico zelo omnia peragentem, indefessum: in tradendis Fidei rudimentis pueris civitatis, majoribus autem altioribus mysteriis, singulis Dominicis diebus, selecta, & obtenta ab Ordinario particulari Ecclesiæ, propositis, & elargitis præmiis pro majori concursu, & allicienda juventute, pervigilem: in quadragesimalibus annuis Orationibus de sero, in Abbatiali Ecclesiæ S. Jo: Baptiste, cum spirituali lectione, quotidianisque sacris concionibus, tum per se tum per alios ecclesiasticos, ab ipso directos, ad populum habitis, præsertim vero mentali oratione, ad elevandas in Deum Fidelium mentes, infatigabilem: Institutorem meditationis Dominica Passionis in Ecclesiæ B. M. V. de Carmelo in suburbio hujus civitatis, quotidiana populi frequentia celebrata, & auctorem extitisse; prout omnia ex authenticis documentis ac oculari experientia nobis constat. In perlustratione hujus diœcesis servidum Dei, Ecclesiæque Ministrum, in erudiendis rudibus his populis, sacramentisque ministrandis, defuncti Præsulis cooperatorem fuisse: Examinatorem Synodalem pro promovendis ad Ordines, paræciasque regendas præfectum, majorem Dei gloriam, animarumque fructum semper præ oculis habuisse. Egrotos in civitate, summa charitate frequenter visitare, ipsisque paterno affectu sublevatis, & ad veram peccatorum detestationem excitatis, Sacramenta etiam Pœnitentiæ, & Eucharistiæ ministrare; egenorumque miseriam quotidiana elemosyna satagere levare. Moribus gravem, in sermone affabilem, ab omni fastu alienum, humilitatisque peramantem, ecclesiastici viri semitam semper calcasse, & calcare, nec in aliquo defectu mores, ecclesiasticamque disciplinam respiciente, se unquam commaculasse; immo religiosæ vitæ instituto, omnibusque virtutibus specimen se alijs exhibuisse, & exhibere: Ecclesiæ hanc cathedralem, totamque diœcesim bis per triennium circiter, tum in absentia, tum in diutina agitudine modo defuncti Præsulis, summa cum laude, & prudentia nostroque spirituali solamine rexisse, acerrimumque orthodoxæ Fidei defensores, contra schismaticorum confinium attentata extitisse. In quorum testimonium præsentibus nostras eidem relaxandas duximus, eumque ad ecclesiasticas quascumque dignitates, etiam Pontificalem, idoneum, dignumque reputamus, & Sanctæ Sedi Apostolicæ ex toto corde in Domino commendamus.

In quorum &c.

Dat. Tragurii in nostro Capitulo die 4. Januarii 1755.

Jo:

Jo. Baptista Jurileo Canonicus & Archipresb. nomine totius Capituli.

Georgius Canonicus Casotti nomine totius Capituli.

Jo: Canonicus Boich nomine totius Capituli.

Jacobus Can. Quarant. C. Ven. Capituli exemplari, subscr. ac Sigillo Capitulari muniti.

Fr. Episcopus  
Arben.

Eadem fere de viro omni laude dignissimo, & de patria reque Christiana optime merito, litteris publicis testificati sunt Judices, syndici, & primores Consilii Traguriensis. Tot ac tantis laudibus, præclarisque testificationibus ornatum Benedictus XIV. in augustissimo Cardinalium Senatu, Episcopum Arbensem renunciavit an. 1756. v. Kalen. Junii, postquam de more examen subire, & sui periculum facere iussus, doctrinam suam sapientissimis Patribus & Pontifici Maximo ita probavit, ut ab omnibus, gravissima & ornatissima laudatione, Episcopatu dignissimus judicaretur: id quod Venetus apud Sedem Apostolicam Orator, in suis ad Senatum litteris, verbis amplissimis significavit. Eodem anno xvi. Kal. Novemb. ingenti hominum concursu plausuque, in æde cathedrali, Deum & Superos rite veneratus, solium pontificale conscendit, & Ecclesiæ sibi creditæ administrationem suscepit. Decessorum suorum vestigia ingressus, maluit sapientissimus Præsul, quæ ab illis præclare constituta invenit, confirmare, & sedulo curare, ut ea vigerent, & ab omnibus servarentur; quam novis edictis atque interdictis clerum populumque onerare. Itaque præter octo præcepta presbyteris & clericis anno 1758. imposita, quæ ad ecclesiasticam disciplinam, atque honestatem pertinent, pauca admodum decreta hæcenus fecit. Illud tibi potius faciendum censuit, ut, consuetudinem moremque imitatus, quem tenuit Benedictus XIV. dum Ecclesiam Bononiensem regerebat, identidem litteris encyclicis pastoralibus populum sibi commissum ad virtutem & pietatem colendam excitaret. Singulis annis, cum dies solemniore, vel præcipuis religionis mysteriis, vel Deiparæ Virginis nomine consecrati appetunt, hujusmodi litteris, civium atque incolarum animos ad eos caste ac pie concelebrandos extimulare & præparare solet; rectam eorum colendorum rationem præscribit, simulque gravissimis verbis adhortatur ad conscientiarum labes sincera dolentique confessione expiandas, & divina mysteria puro corde, vivida fide, ardenti charitate, luminaque veneratione percipienda.

Dioecesi  
lustravit.

Vix alterum annum à suscepto Pontificatu inierat, cum post peractam totius dioecesis lustrationem, Patribus Eminentissimis Sacre Congregationis per litteras tum administrationis suæ rationem reddidit, tum qualis & quis esset status Ecclesiæ suæ exposuit. Rem utramque ex ejus epistola cognosci licet, quam hic subjicio.

Eminentissimi, & Reverendiss. Patres.

Epistola  
Joannis Lu-  
cz ad Sac.  
Congrega-  
tionem.

Ad Sacrosanctam Romanam Ecclesiam omnium Ecclesiarum Matris & Magistræ Limina super fundamentum gloriosi sanguinis beatissimorum Apostolorum Petri, & Pauli extructa, peracta totius meæ dioecesis visitatione, juxta Sixtinam Constitutionem, antiquissimæ Christianorum consuetudini innixam, in observantia testificationem procumbo, & tamquam Villicus in partem sollicitudinis vocatus, pro prima vice exaratam meæ Villicationis rationem, per Procuratorem Abba-

tem Gasparum Ruggia, E. E. V. V. humillime subjicio; ut hæc mea Arbensis Ecclesia cum cætero orbe descripta, ad pedes Principis provinciarum, & exactoris omnis possessionis Christi, me etiam actore, obsequentissima provolvatur. Erat quidem in votis, sacra Limina veneraturum inmet Romam conferre, verum hoc pium desiderium abjicere Mensa Episcopalis paupertas, necessario itineris dispendio impar, me coegit.

Arba itaque inter Liburnici maris insulas minima, detrusa sub montibus, quibus C. Betius Romanorum dux, in certamine ab Illyricis caesus, Betiorum nomen indidit, eosdem montes ab oriente, ab occidente Auxerum, Pagum a meridie; & Curistam, vulgo Veglam, ab aquilone insulas prospexit. In ejus medio ad meridionalis plagæ littora sita est civitas, insula de more denominatrix, nomine Arba, clara civibus Marino, & Leone, in fastis Sanctorum descriptis, Jadrensi Archiepiscopo suffraganea, in qua nunc ducenta focularia, & ad mille cives annuerantur. Serenissimo Venetæ Reipublicæ Dominio subest, cui ob metum Narentanorum, illi, ut reliquis Illyrii urbibus, servitutem intendantium anno humana Reparationis millesimo decimo octavo, Othone Urseolo, Divi Petri filio, Venetiarum Duce, eam vestigalem constituit (pacto annuo aliquot librarum de seta serica, aut quinque auri obrizi librarum tributo) Magnus Arba Episcopus, qui, Bellata urbis Priore socio regiminis infra se posito, ipsam in temporalibus etiam moderabatur.

De Arbensis Ecclesiæ, nullo singulari privilegio conspicua, institutione memoria non superest: e vetustissimis tamen membranarum prior ejus diocesis amplitudo eruitur, nunc eoque coarctata, ut nulla in Dalmatiæ provincia angustior.

Per insulam non in pagis, sed sparsim per arva, sex vicorum incolæ commorantur. In iis nulla animarum cura stabilis, exceptis castro Novaglia, in insula Pagi ad octodecim a civitate milliaria erecto, Neoparo anno 1717. in parochiam redacto, & Valle S. Petri, unde quemadmodum ab innumeris Dalmatiæ locis, monachi S. Benedicti, ad quos pertinebat, jamdiu recesserunt.

Ecclesia cathedralis sub invocatione B. M. V. in calum Assumptæ non reparatione, sed aliquo eget ornatu. Turris campanaria, ab Ecclesia parum disjuncta, pro se nihil poscit. Chorum & quinque capellas habet Ecclesia, quæque ex his dicata est Sanctissimæ Cruci, nuper ara marmorea fuit illustrata. Adest fons baptismalis, organum, & sacrarium, quod etsi tenuissimi sint cathedralis redditus, sacris supellestilibus annuatim locupletatur. Cathedralem decorant insignes Sanctorum Reliquiæ, sub custodia quatuor ex Collegio Nobilium, quæ die 25. Julii Festo S. Christophori, præcipui insulæ Patroni, magna populi frequentia a Capellano ad id selecto in altari publicæ venerationi exponuntur & solemnī supplicatione magnifice circumferuntur.

Duodecim Præbendæ canonicales totidem alunt Canonicos, quos inter numerantur Archidiaconus qui primam sub Episcopo sedem occupat, Archipresbyter, & Primicerius. Sequuntur sex Mansionarii, sex Diaconi beneficiati, & sex Acolythi. Sacerdotum, & Clericorum inferiorum exiguus est numerus. Omnes latino idioma te divina peragunt, demptis quatuor Sacerdotibus, cum Parocho Novaglia, & unico Subdiacono, qui lingua utuntur Illyrica. Præbendæ Theo-



Theologalis multis ab hinc annis erecta fuit, cum beneficii simplicis, & perexigui fructus assignatione, & pro penitentiaria inscribit Praebenda canonicalis absque ulla alia utilitatis accessione.

Præsentibus choro duplicem partem pensionum absentium, & divisionum Mensæ Capitularis consequuntur. Dignitates, & Canonici, præter præbendas, habent cum cæteris beneficiatis duplicem decimarum portionem, unde sacramenta administrare, & semel quacumque hebdomada celebrantes pro populo applicare tenentur.

In civitate præter cathedralem nulla alia parochialis, vel collegiata reperitur Ecclesia. Cura animarum extat penes Capitulum, exercitium vero penes Capellanos, ad id nuper electos; nam gliscens in vicis suburbanis in dies populus, poposcit, & effectus est, ut peculiariis unicuique pice Capellanus assignaretur, quibus aut morbo, aut alia de causa impeditis, Canonici, & mansionarii per turnum, sua quisque hebdomada sacramenta administraturi egrediuntur. Intra civitatis mœnia id oneris incumbit præcipuo Sacerdoti ab Episcopo designato ad nutum, vulgo Sacrista majori.

Singulis diebus Dominicis doctrina Christiana explanatur. In ea pueros instruit Canonicus, & Archipresbyter Laurentius Morin, quem pro insigni sua probitate, & singulari in rebus agendis prudentia in meum Vicarium Generalem assumpsit. Illam autem puellis explicat in alia Ecclesia Andreas Perucich mansionarius, & ceremoniarum magister. Ad augendum puerorum, puellarumque concursum, præmia meis sumptibus comparata utrisque distribuuntur.

Tria virorum adjunt monasteria ordinis S. P. Francisci; nempe de observantia, & tertii ordinis extra, & conventualium intra urbis septa: totidem mulierum; duo scilicet S. Benedicti, tertium Tertiariarum S. Francisci. Hæc postrema subjacent Episcopo.

Abbatia pariter duæ commendatitiæ; una S. Petri in loco dicto Valle, cujus proventus, ex quo monachi S. Benedicti possessores eam dereliquerunt, S. Sedes fabrica templi Ducalis Venetiarum Divi Marci assignavit. Hinc Procuratores S. Marci, ut administratores ipsius sacraedis censuum, de jure eligunt dictæ Vallis Capellanum, cujus est se se offerre Episcopo approbandum. Id Capellani, ut incolis sacramenta administrare possent, vel inviti observant, excussa quacumque alia Episcopis subordinatione. Orta nuper, altissima divina providentiæ consilio, inter Capellanum, & Vallis indigenas simultas, me aptæ occasiōis arreptorem erexit ad petendam visitationis, nunquam a memoria hominum facta, facultatem ab Excellentissimis Procuratoribus, qui quam benigne, quam liberaliter, quam pie, Capellano nequicquam contrariente, mea vota exceperint, adjecta honorificentissima epistola B. E. R. V. significabit. Nulla mora interposita, tractum Vallis octoginta quatuor focalibus refertum visitavi, ea spiritali utilitate, quam mihi, & convicatoribus meis bene notam, satis est Deo omnis boni elargitori deferre, quam enarrare. Pernecessaria quidem contigit hæc mea visitatio populo haud degeneri ad effera, indomitæque Uscocorum gente, unde originem ducit, quam sibi ducens gloriæ præferebat jactabundus.

Altera Abbatia S. Stephani Papæ, & Mart. olim Canonicorum regularium, libentissime sem-

Illustri Sacri Tom. V.

per Episcopum pro tempore visitatorem admisit, qua, liberali Sedis Apostolicæ concessione, fruitur Mattheus Caraman Archiepiscopus Jadrensis. Reddituum ejus, quamvis quadraginta scuta non excedant, si unquam fieret accessio Mensæ huic Episcopali, vix 150. scutorum secunda, minoribus in angustiis versarentur Episcopi, qui semilapso Episcopali palatio, a decem, & octo annis, gravi impensa, graviori-que incommodo in conductâ domo inhabitant.

Beneficia simplicia ad triginta Mensæ Capitulari fundum quotidianarum distributionum constituunt. Accedunt alia tria, quorum unum magistro clericorum, alterum magistro ceremoniarum, tertium Canonico Theologali sunt assignata.

Jura patronatus laicorum octo recensentur, ex quibus illud S. Andreæ proximis diebus non sine contentione in pristinam libertatem relabi curavi, inque ejus possessione Petrum Galzigna, bona spei clericum constitui; ut Venetiis commodius studiis vacare possit, quibus se Patribus Societatis Jesu tradidit imbuendum.

Non desunt quam plurima legata pia, quorum executioni invigilant vel juris patronatus possessores, vel commissarii ex testamento, sive a laico iudice designati.

Seminarium non extat, nec tenuissima Mensa Episcopalis spei erigendi locum relinquit. Ejus tamen defectus detrimenta mirifice extenuat, reparatque Canonicus Theologalis Simon Spalatinus, alumnus Lauretanus, qui Grammatica, Philosophia, & morum scientia clericos expolit, cujus doctrina, solertia, & assiduitas in excipiendis fidelium confessionibus, me in gratiam alternativa ad illum primiceriali dignitate decorandum nuperrime impulerunt. Alter vero Lauretanus alumnus, & Canonicus hujus Cathedralis Marinus Demaris a civitate conductus sacularem disciplinam erudit juvenutem.

Inter laicos sunt quadam pia fodalitia, quæ statutis temporibus, sine peculiari veste, in supplicationibus proprium Cruciferum subsequuntur. Prima S. Christophori Mart. civitatis Patroni, idoneis suffulta redditibus: altera sub invocatione B. M. V. in calum Assumptæ paucis civibus, plurimis villicis conflata, quæ Archiconfraternitati S. Marcellæ de urbe unita, non aliquibus redditibus subsistit.

Duo pauperum, & infirmorum hospitia, modicis fundis dotata, succedunt: primum S. Nicolai, quod a Priore laico administratur: alterum de jure patronatus laicæ familiæ, adscriptum confraternitati Corporis Christi, in Ecclesia cathedrali, cujus Prior de numero Capituli, a dicta familia eligendus, Episcopali indiget confirmatione in officio; uterque suarum administrationum Episcopum, & Comitem pro tempore censors habent.

Æquissimum residentie præceptum nequaquam violavi, & diœcesi mihi credita primam visitationem non sine incommodo ad exitum perduxim, tam ex Capitulo nonnullis, quam missionariis Societatis Jesu in consortium laboris assumptis. Tunc temporis sacramentum Confirmationis quocumque in loco administravi, aliaque sacramenta, & sacras ordinationes per memetipsum expleri, pro ut necessitas, vel utilitas Ecclesiæ meæ imbecillitati commissa, postulare videbantur. Synodum diœcesanam nondum coegi, sed eam in proximum annum rejeci, quo eam divina opitulatione perficere conntar. Verbum Dei predicare non destiti in visitatione, & extra ipsam,

B b

tam

tam in adventu, quam in quadragesima, licet viro idoneo ex ordine Frat. Min. Conventualium hanc provinciam demandassem. Neque inveni, neque institui depositarium pœnarum; rarissimi enim sunt, qui incidunt in multas pecuniarias, quæ, si cuiquam quandoque infliguntur, statim in Ecclesiæ ornamentum transeunt. Taxa hic observata eadem est cum illa, qua utitur Cancellarius Archiepiscopi Jadrensis, cujus, ut superius innui, hæc Ecclesia est suffraganea.

Utinam ita ceteri choro addicti, quorum tarditatem apposite extimulare laboro, ut Canonici hujus Cathedralis, choro jugiter intersunt, & præter matutinum, laudes, reliquasque horas canonicas, quotidie canunt Missam conventualem, diebus tantum festis pro populo applicandam. Celebrant vero quolibet die per turnum Canonici Missam privatam, quam vocant Præbendam, illamque ex immemorabili consuetudine pro benefactoribus applicant. Constitutiones sunt in viridi observantia, & Canonicus, qui penitentiarie præbendam obtinet, sua non deest officio, assiduus in excipiendis fidelium confessionibus non modo in sede confessionalis sibi assignata, verum etiam privatis in domibus, ab infirmis frequenter accersitus. Canonicus Theologus semel in mense casus conscientiæ resolvit, & in explicatione Catechismi Romani clericos aliis diebus exercet.

De residentia parochorum non habeo quid conquirear, quousque debent; libros retinent ad præscriptum Ritualis Romani, nec in sacramentorum administratione coadjutores desiderant. Juxta monitum Conciliorum Tridentini, & Romani sollicitè salutaribus verbis pascunt plebes sibi creditas, easque scientia ad salutem necessaria imbuunt, singulari, ac pene incredibili animarum utilitate; nam simplices, humiles, dictoque obediētes parochianos divina providentia illorum cultui commendavit. Non singulis Dominicis, festisve de præcepto diebus Missam parochi applicant pro populo, ob miserrimam proventuum parvitatem, sed ad eorum legem dies decretas habent pro applicatione.

Vigent Ecclesiæ præcepta circa Ordinum collationem, circa vestes, & fori privilegia, & si quis clericus, presbyter, vel alius etiam in dignitate constitutus a recta via deflectit, facillime saluari aliqua penitentia in eam revertitur, cogente filio paupertatis, timore.

Conferentia Theologiæ moralis quotidie fere habentur in mea habitatione, ad quas, præter clericos, quorum institutionem pro scopo mihi proposui, & Sacerdotes, & nonnulli ex Canonicis aliquando conveniunt.

Nihil habeo, quod referam de clero regulari, non enim animarum curam exercent, & omnes in suo officio se continent; quidam ex iis diligenti examine excussi, in confessoriorum numero conscripti sunt.

Moniales, quæ ut exposui, omnes Episcopo subdita sunt, suas servant constitutiones, & clausuram inviolatè custodiunt; licet in parvis eas a tenaci regulæ observantia non nihil recessisse animadvertim. Præter Tertiarias, quæ communem, quoad cibum, vitam agunt, aliæ moniales, quæ militant sub legibus S. Benedicti, insimul chororum tantum frequentant, cetera seorsim exercent; & quamvis in loco refectiois una adhibeant aures sacræ lectioni quousque per eam, cui obigit, vini, & anteferculi distributio ad exitum perveniat, inde statim unaquaque in suam

cellam secedit, comestura quod ei parentes, aut propinqui quotidie ministrant.

Quæ præest monasterio tertii ordinis S. Francisci, dispensante Sac. Congregatione, usque adhuc in gubernatione perseverat, etsi jam sextum prælaturæ triennium effluerit. In causa hujus perseverantia est firma trium aliarum monialium voluntas, nempe Sororis, & duarum ejus nepitum, quæ se ipsi regendas præbent eoque unanimes, ut regiminis ab illa in aliam transferendi omnino spes desit.

Omnibus monialibus, præter ordinarium, confessorum extra ordinem, & obtuli, & concessi, utroque, prævio examine, de more approbato.

Onera Missarum, & anniversariorum tabellis inscribi, tabellasque in sacristiis, ubi nullas inveni, præter quam in sacristia Ecclesiæ cathedralis, affigi mandavi, ad tramites sanctæ memor. Urbani VIII. mandatoque adjeci præceptum, ne Canonici imposterum onera perpetua Missarum sine Episcopi licentia suscipiant, & quoad elapsa tempora suæ conscientiæ consulant.

Similiter visitans Ecclesias, quæ pias sodalitates recipiunt, disquisivi, num rite implentur benefactorum ordinationes, neque acquiescens asserito eas adimpleri, descripta ad me deferri præscripsi, ex quo mihi constitit non penitus exequi: quapropter quoad annos exactos prudentibus accurrens consiliis, perfectam earum executionem in futurum injunxi, quam, illarum conscriptione publicis locis affixa, tutari contendi.

Hæc, & quamplurima mea jussa, nisi me spes vana decipiat, obediētia præstabuntur; populus enim docilis mihi obigit, & clerus, quoad majorum partem, doctrina excultus, atque uterque ad opera pietatis valde proclivis. Eadem tamen hoc pio fidelium sensu animum mihi nimis sollicitant aliquot filii proditoris, quos arguere, increpare, obsecrare non destiti, frustra usque adhuc omni cura impensa, secularis etiam brachii invocatione licet suffulta. Non tamen luctuoso exitu diffusus, eorum conversionis sollicitudinem deponam, donec meis votis divina clementia, sancta corda defringens, respondeat.

Visitationis tempore plurimi se mihi prodiderunt abusus, quibus sollicite occurrendi nullam moram mea infirmitas interjecit. Unum maximi momenti humillime E. E. V. V. substerno, ut munitus Apostolica auctoritate, vestraque doctrina illustratus, in ejus reparationem apte operam conferam. Pastoralibus meis perquisitionibus patuit, Missas celebrari imminutioni numero, quam pia fidelium defunctorum dispositiones præcipiant, obicientibus tum prædecessorum meorum redactionem, nullo documento conspicuam, tum non respondentium oneri tenuitatem reddituum, tum fundorum in alios pios usus applicationem, aut integram ministrorum culpa dispersionem. Hinc origo obsequentissimæ meæ petitionis, num fideles piis legatis oneratos, in bona fide, vobis auctoribus, conquiescere sinam, an severam eis omnium Missarum celebrationem edicam. Verum quia id eis forte nequicquam committerem, nam fere omnes angustia rei familiaris laborant, & fundorum fructus, legataque elemosynæ ob incredibilem pretiorum alterationem nimis distant ab elemosynis nunc consuetis; idcirco audeo postulare non modo facultatem imminuendi onera Missarum, sed commutandi etiam, & a præteritis omissionibus omnes his oneribus implicitos absolvendi. Erubeo meæ conscius indignitatis rem magnam petere, sed major istius S. Sedis pietas, ad divinam longani-

ganimitatem accedens, me, ovium mihi concre-  
ditarum salutis sollicitum, ab audacia nota vin-  
dicat, & in spem benigna concessionis adducit.

Hac habui, quæ E. E. V. V. pro munere meo  
pastorali referrem. Si quid in rudi hac exposi-  
tione minime consentaneum vestris sententiis, at-  
que canonicis sanctionibus offenderitis, castigare  
non dedignemini, cuius emendationis oraculum  
anxius expectabo, ut verba vestra sint semper in  
ore meo, & in mea Ecclesiæ regimine a iudicio  
vestro non recedam. Interim ad pedum SS. P. N.  
Christi Vicarii osculum demissus, ipsi, atque E. E.  
V. V. valetudinem atque felicitatem precibus, vo-  
tis, sacrificiis a. D. O. M. semper exorabo.

Arbe Kalendis Augusti 1757.

Humil. Addict. atque Dev. Ser. &c. Joannes  
Lucas Garaguin Episcopus Arben.

Sacra Congregatio litteris ad eum redditis,  
simul collaudavit illius industriam, simul ad  
ea respondit, de quibus interrogata fuerat.

Rev. Dom. uti Fr. Episcopo Arben.

Responsum  
Sacre Con-  
gregationis

Reverendissime Domine uti Fr. In Apostolica sol-  
licitudinis partem vocatus, postquam commissam  
diocesim diligenter lustrasti, tamquam Villicum  
fidelis, & faciem illius adumbrare nobis, & Vil-  
licationis rationes dare, & coram Principis Apo-  
stolorum tropheis sacra Limina veneratus a lon-  
ge proolari non omisisti. Gavisum autem sumus  
videntes quam sedulo divini Verbi predicationi  
incumbas, & Christiana doctrina pueris, ac ru-  
dibus explicanda, exercendisque clericis in re-  
rum sacrarum studio; quam accurate divinam  
psalmodiam in choro peragi cures, neque sacro-  
rum ministerium agricolis per vicos, & arva  
dispersis deesse patiaris; siquidem paræcias de no-  
vo instituisi, & Sacerdotes ablegare non cessas,  
qui diebus festis salutaris pabulo eosdem reficiant.  
Illud etiam perfecisti, ut aliquando tibi liceret  
sacerdotium S. Petri de Valle, edificio S. Marci  
Venetiarum per Summos Pontifices unitum, in-  
visere, ac perlustrare, eaque occasione pluribus,  
que irrepsere corruptelis mederi: quamobrem  
cum muneri tuo diligenter invigiles, debitis te  
laudibus lubenter ornavimus.

Restat modo, ut ea quæ animadvertenda sunt  
excurramus; & primo ad Canonicos quod atti-  
net, quos narras singulis diebus festis sacrum  
conventuale celebrare pro populo, feriatis ve-  
ro eorum unum, juxta veterem methodum, Mis-  
sam legere pro benemeritis insimul, quas opor-  
tet Parochis quidem, non etiam Canonicis incum-  
bere onus celebrandi pro populo, sed singulis  
diebus conventuale sacrum pro benefactoribus in  
genere facere debere; quod si eorum redditus im-  
pares sint oneri huic ferendo, confugiant opor-  
tet ad hunc Sac. Conventum atque insimul mit-  
tant probatam a te notulam reddituum, atque  
distributionum quarumcumque; tunc enim venia  
dabitur offerendi diebus festis tantummodo.

Parochi vero, Vicarii, sive Canonici, sive  
non, & quicumque alii animarum curam geren-  
tes, jure divino saltem diebus festis pro populo  
sacrificare tenentur; quamobrem ille inter Cano-  
nicos, qui parochi gerit munus, hoc implere  
tenebitur, & quoniam observavimus scribere  
te, alios parochos habere quosdam decretos dies,  
quibus pro populo sacrificent; non possumus quin  
commoneamus dies ejusmodi necessario esse debere.  
singulos dies festos, atque contrarium usum quem-  
cumque omnino tollendum; illud enim dumtaxat  
iisdem permittitur, ut si facilius eleemosynam  
diebus festis invenerint, transferre possint onus  
Illyrici Sacri Tom. V.

sacrificandi pro populo in feriatis aliquem sub-  
sequentis hebdomada diem, quæ omnia sancita  
sunt in Constitutione SS. D. N. Bull. Tom. I.

Ad Sanctimonialia quod attinet, optandum fo-  
ret, si fieri possit, ut ea, quæ militant sub  
regula S. Benedicti, communi mensa uterentur,  
neque post apparitionem quamdam in communi  
triclinio, unaquaque ad proprium cubiculum se-  
cederet, ad ea, quæ per consanguineos transmi-  
tuntur, edenda. Ad eas vero quod attinet, quæ  
vivunt sub regula tertii ordinis S. Francisci, si  
onerosa nimium, ac gravis videtur Sanctimonia-  
libus præfectura illius, quæ ad sextum jam trienn-  
gium perdurat, adnitentibus in id, uti scribis,  
binis neptibus ipsius præposita; nihil aliud mo-  
nere possumus, nisi quod consultum a nobis hæc  
de re sacra Episcoporum & Regularium Con-  
gregatione, respondit, ejusmodi facultatem con-  
firmandi præpositum ad aliud triennium non alias  
concedi unquam consuevisse, quam adjecta clau-  
sula accedente consensu duarum ex tribus par-  
tibus; si vero pro secunda, vel alia vice pe-  
tatur, tunc omnino rescribitur, accedente o-  
mnium consensu; quamobrem recurrente tempore  
novæ electionis, si una tantummodo Sanctimonia-  
lium dissenferit, præfectura illa amplius pro-  
gari nequebit, ac proinde apud ipsas montales,  
si graveatur, remedium existit, quod a nobis  
exquiris.

Ad legata pia quod attinet, quoniam immu-  
nitos redditus narras, & quam multa in præ-  
teritum jam fuisse neglecta, adeo ut bareas ani-  
mo quid tibi modo agendum sit: ad futurum  
tempus quod attinet, transmittitur tibi facultas  
eadem minuendi juxta instructionem hisce litter-  
is alligatam; ad præteritum vero quod spectat,  
Sanctissimus P. religioni, atque arbitrio tuo per-  
mittit, ut eos, qui omnino impares sunt iisdem  
oneribus satisfaciendis, absolvere queas; qui ve-  
ro si non in tota, in aliqua saltem parte satis-  
facere poterunt, eosdem adigito, ut hanc saltem  
adimpleant; atque interea dum apostolicam tibi,  
quoque gregi benedictionem largitur, ego bene-  
volentiam meam toto corde despondeo.

Roma 4. Februarii 1758.

Amplius tua uti Fr. Cardin. Argenvilleæ  
Præfectus.

I. Asuriæ Secretarius.

Neque prætermittendam censeo epistolam,  
quam Clemens XIII. ad summum Ecclesiæ uni-  
versalis Pontificatum haud ita pridem evedtus,  
litteris gratulatoriis Joannis Lucæ Episcopi be-  
nignissime reddidit.

Clemens. PP. XIII.

Venerabilis Frater, salutem, & apostolicam  
benedictionem. Considerantes maxima nos infir-  
mitate circumdatos ad hujus Apostolicæ S. Sedis  
sublimitatem erectos fuisse, totis artibus con-  
tremiscimus adeo, ut potius consolationis, quam  
gratulationis officiis indigeamus. Proinde ea so-  
lum lætitiæ significationes gratæ nobis obveniunt,  
quæ precibus tum privatis tum publicis conjun-  
guntur. Quo in genere mirifice se nobis proba-  
vit eximia Fraternalitatis tuæ, & gregis vigi-  
lantia tuæ crediti pietas. Quamobrem præcipiam  
a nobis gratiam promeruerunt litteræ tuæ, qui-  
bus tam tuæ, quam illius studia nobis signifi-  
care, & Apostolatus nostri primordia faustis omni-  
bus prosequi voluisti. Ob hæc memorem semper  
animum erga te retinebimus, & nihil amitte-  
mus, quantum in nobis erit, quod in tui, &  
populi istius commodum opportune conferre po-

Epistola  
Clementis  
XIII. ad  
Joannem  
Lucam  
Episc.

cerimus. Et Apostolicam benedictionem in ipsum quoque redundaturam Fraternitati tuae peramanter impertimur.

Datum Roma apud Sanctam Mariam Majorem sub annulo Piscatoris die XXII. Septembris MDCCLVIII. Pontificatus nostri Anno primo.

A Sac. Rituum Congregatione publicum & anniversarium cultum sacrosanctae Spinae impetravit.

Cum aequo clerus populique Arbensis, atque ipse Episcopus, eximia religione affecti essent erga sacrosancta mysteria Jesu Christi patientis, ejusque Spineam Coronam; Joannes Lucas piis suorum, suisque studiis obsequens, a Sacra Rituum Congregatione petiit, impetravitque facultatem colendae anniversariae psalmodiae & liturgiae sacratissimae illius Spinae, quae in aede cathedrali inter alias Divorum Reliquias asservatur. Ipse vero Episcopus, ex potestate sibi tradita, secundum de festis feriis mensis Martii designavit, cui publicus & anniversarius ejusdem sanctissimae Spinae cultus perpetuo afflueret.

Joannes Lucas &c. Cum Rev. Episc. Arbensis ob devotionem, qua clerus & populus sua civitatis, & dioecesis prosequuntur Coronam Spineam D. N. J. C. Sacrorum Rituum Congregationi enixe supplicaverit pro facultate recitandi Officium, & respective celebrandi Missam in honorem Coronae Spinae ejusdem Domini Nostri, tam approbatam; Sacra Congregatio ad relationem mei infra scripti Secretarii benigne indulgit, ut a clero tam seculari, quam regulari dioecesis & dioecesis, die assignanda ab eodem Rev. Episcopo, excepta tamen Dominica, petendum Officium cum Missa in honorem dictae Coronae Spinae, citra tamen ejusdem Reliquiae approbationem, recitari possit, & valeat. Die 22. Decembris 1759.

D. F. Cardinalis Tamburinus Praefectus.

T. M. de Lerna Sac. Rit. Congreg. Secretar.

Illustrissimus & Rev. Dom. D. Joannes Lucas Gavagninus, Dei, & Apost. Sedis gratia Episcopus Arben. attento supradicto Sacra Rituum Congr. Decreto, mandavit, ut officium & Missa supra enunciata celebretur secunda ex festis feriis mensis Martii ab omnibus secularibus & regularibus, tam civit. quam dioec. servato ordine Missalis & Breviarii Romani rubricarum. In quorum fidem &c. Datum Arbi ex nostra Episcopali Curia die 15. Febr. 1760.

Romanum adit, suaeque administrationis rationem reddidit.

Anno 1762. Romanum iter suscepit, sacra limina more majorum veneraturus. De statu Ecclesiae suae, suisque factis atque institutis, brevi ac dilucida expositione litteris tradita Patres Eminentissimos docuit; simulque petiit, ut collegium Canoniorum Arbensium, proventibus admodum exiguis praeditum; nimio, gravique onere quotidiani sacrificii pro iis, qui erga Ecclesiam & Capitulum benefici fuissent, offerendi, pro sua aequitate & auctoritate eximeret. Responsum tulit sibi perhonorificum, & Canonicis suis quod postulabat impetravit.

Eminentissimi, & Reverendissimi Patres.

Altera Jo. Lucas Episcopus ad Sacra Congr.

Debita Sanctae Sedi obedientia, possibilique immunitati meae Pontificiarum Constitutionum observantia adductus, eidem Sanctae Sedi, atque E. E. V. V. pro altera vice Ecclesiae, angustiae dioecesis meae statum subterno, dum Sanctissimos Domini nostri pedes osculaturus, & Sacra Limina veneraturus, me Romanum contuli.

Hic in primis, quoad materiale statum meae dioecesis, pristinae relationi acquiescens, ad nonnulla quoad formam ejusdem descondo.

Parvum residentia praecipuum in violatum cu-

stodivi, mihi tantum concedens, binis cujuslibet anni mensibus, pro gregis mei utilitate, patriam invisere, a pietate parentum subsidium aliquod impetraturus, quo populi mei miseriis, meisque occurrerem, quae, semper hic familiaris, maxime invaluerunt his annis antecessis, quibus diuturnus praeter morem borealis tempestas copiosissimis salinis particulis a circumfluyente mari elevatis, obnoxiam insulam impetens, conflansque, matura jam sata, botrosque urae, instat vehementis ignis, miserrime adussit.

Dioecesim visitatione lustravi, nonnullis ex Capitulo, atque extra, mihi in socios adscitis; nec quidquam divina ope in ea, quod posset conducere ad pietatis, religionisque incrementum, praetermisisse confido. Et quoniam dioecesanos doctrina christiana valde peritiores, divinaque cultui additiores latibundus inveniri, eorum servorem adaugendum censui, cum distributione sacrorum munusculorum, aut eleemosynarum, pro varia eorum indole, atque necessitate; tum introductione in Ecclesias parochialibus Via crucis, ad quam, ipso pia novitatis oblectamento acciti, frequentes conveniunt.

Parochi in parochiis, inque mea cathedrali modo unus modo alter ex selectis ecclesiasticis viris, quadragesimali tempore Verbi divini refectione populum pavit. Eidem aliqua homilia ipse non defui, praesertim tempore Adventus, & in aliis anni sollemnitatibus.

In visitatione dioecesis, & extra, curavi jam edita decreta in Synodis dioecesanis debita demandari executioni, novaque etiam condere, quae invalescentibus morbis remedium afferrent, & ecclesiasticos ad virtutem excitarent.

Interim me involvit admodum incomperans Praefectus, vexavitque diuturna, atque acerrima lites, qua ab Episcopo in se violenter adortus transferre jus substituendi parochos, indicendi publicas supplicationes, & id genus aliorum.

Verum ejus licentiam compressit, laesamque meam jurisdictionem redemit piissima Veneta auctoritas, omnia ejus orsa, Canonicis Constitutionibus, & legibus, consuetudinibusque Principatus adversari pronuncians, ejusque contraria acta deleri praescribens.

Nonnullam quoque mihi molestiam attulit monialis quadam, quae profuga e cenobio S. Clarae Veglensis, extraneis spoliis, pauperis muliercula conditionem mentita, huc se irraduxit; seque ita clam in unum meorum monasteriorum ejusdem ordinis, S. Antonii Abbatis nuncupatum fidenter intravit. Ego casum Sacra Episcoporum, & Regularium Congregationi jamdiu subjeci, a qua mihi ad quatuor menses eam absolvendi impertita facultas. Verum, nondum conclusa casus definitione, illam ulterius absolvere institi, ne cogente desperatione, ad quam concordiam aliarum sanctimonialium testimonio proclivis erat, sibi necem conscisceret.

Consiliis, mandatisque E. E. V. V. quoad vires inhaerens, moniales sub regula S. Benedicti militantes, ad usum communis mensae diebus festis, & sollemnitatibus usque modo redegi; negotium legatorum piorum tam de cetero quam in posterum ordinavi; parochisque auctor fui, ut sacrificent quolibet die festo pro populo, quod pridem faciebant, & faciunt nunc quoque Canonici, qua quisque hebdomada per turnum curam gerit animarum.

Notulam praeterea reddituum, distributionumque Canoniorum isti sacro conventui exhibeo, ut

ut ejus fundamento veniam, in cujus spem ab E. E. V. V. adducti sunt, tandem impetrent gravissimi; ideoque forte nequaquam impleti oneris offerendi singulis diebus Sacrum Conventuale pro benefactoribus; quam veniam me intercessore humillime implorant.

Pauca parva diæcesis subministrare poterat, quæ pro meo pastoralis officio vel toleranda, vel emendanda E. E. V. V. proferrem; quarum oraculi anxius, dum ad pedum Sanctissimi Domini nostri Christi Vicarii osculum me dejicio, eidem, & V. V. E. E. perfectam valetudinem, plenamque felicitatem ab optimo bonorum omnium largitore enixe deprecor, atque exposco.

Roma 18. Februarii 1762.

Eminentiss. ac Reverendiss. Dom. D. S. R. E. Cardinalibus Sac. Cong. Concilii.

Humil. addit. atque devotiss. Servus &c. Joannes Luca Garagnin. Episc. Arben.

Reverendiss. Domino uti Fratri Episcopo Arben.

Responsio  
Sac. Cong.  
Gregationis.

Reverendiss. Dom. uti Fr. Totius Ecclesiæ diæcesisque tuæ rationem exhibuit Ampl. tua, litteris ante hos tres annos ad hanc Sac. Cong. Tridentina Synodi interpretem datis; quæ causa tibi fuit, ut superrime ad Eminentissimos Patres, exaucto triennio, brevioris epistolæ scriberes: sed nihil illa brevis prohibet, quia idem flagrantissimum tuam in Ecclesiam Arbensem studium, summaque voluntas appareat, eadem vigilantia, atque sedulitas, ut parochi suum quisque munus obeant, præsertim suam operam navent in tradenda Christianæ Fidei institutione, & explicanda Evangelica doctrina. Quod aliquando ab Ecclesia tua abfueris, & remigraris in patriam, ut ibi a pietate parentum tuorum aliquid pecuniæ conficeres, qua inopiam a populo tibi commissam, cum propter summam frugum vastitatem annonæ ingravesceret, propulsares, id quidem Eminentissimi Patres summis laudibus excipere; teque affirmamus ab omni populo, ut parentem diligere oportere. Hanc viam, si, quod omnes tibi expetimus, Dei virtute, perpetuo tenueris, nec, quod absit, ab ea unquam deflexeris; post exiguum hanc vitam ne dubites, quin illam sempiternam in beatorum cætu consequare: Christum enim Dominum fidei iussorem habes, cujus illa verba: Beati misericordes, quoniam ipsi misericordiam consequentur.

De Missa singulis diebus a Canonicis celebranda pro benefactoribus, Em. Patres, quibus Sanctissimus Dom. Noster mandavit, ut viderent, num Canonici tanta esset inopia, ut indulgentiore aliquo rescripto æquum esset aliquid de tali onere illis detrudere: censuerunt: Die 13. hujus mensis: Prævia absolutione, quoad præteritum, Episcopus jubeat, ab omnibus celebrari Missam conventualem pro benefactoribus in genere singulis Dominicis, & Festis; donec & quousque perduraverit tenuitas reddituum Canoniceptuum, de quibus agitur. Cæterum ab hoc Sac. Purpuratorum cætu, tuam in universum gubernanda Ecclesiæ rationem vehementer esse probatam, tibi animo gratulor: ac si quid habes, in quo meam erga de experiri velis benevolentiam, perficiam profecto, ut illam non vulgarem esse intelligas.

Roma 17. Martii 1762.

Amplitud. tua uti Fr. Cardinalis de Rubéis Præf.

J. Archiep. Petren. Secretarius.

Illyrici Sacri Tom. V.

Ex urbe reverlus ostendit quantopere Ecclesiæ suam diligeret; ei liquidem, tamquam sponsæ sibi carissimæ donum pretiosissimum attulit, videlicet Crucem argenteam, Romano eximique opere cælatam, & fulcro itidem ex argento pulcherrime factæ innixam. Cetera ejus præclara facta & instituta, brevitatis causa, prætermitto; sed facere nequeo, quin præstantissimo Antistiti, & de hac historia eximie merito, si minus debitas, certe quas possum, maximas gratias & agam, & habeam. Etenim omnibus, & singulis, de quibus a me per litteras interrogatus fuerat, & humanissime respondit, & plenissime satisfecit. Catalogum Antistitum Arbensium diligentissime mihi contexit, suis cuicque annis appositis; multa diplomata & monumenta ex Arbeni sanctuario deprompta suppeditavit; urbis, diæcesis, ecclesiæ, cœnobiorum, rerumque omnium Arbensium antiquarum, ac recentiorum notitiam accuratissimam, & copiam uberrimam subministravit. Nimirum optimus Præsul Ecclesiæ suam unice diligit, nec solum in ejus commodum utilitatemque totum se ipse impendit, verum etiam illam scriptis illustrari, totoque orbe celebrari mirifice cupit. Deus Optimus Maximus Antistitem omni laude cumulatum, incolumem, viribus atque animo vigentem diutissime conservet; ut egregiam illam, quæ fervet, in Deum atque homines charitatem, & sollicitudinem suam, vigilantiam, operamque apostolicam, quæ nunc exiguis Ecclesiæ Arbensis finibus continetur, in salutem atque utilitatem altarum quoque Ecclesiæ Dalmatiæ conferre & propagare possit.

Hæc anno superiori scripseram, cum, quod animus meus jamdiu prælagiebat, hoc ipso anno, in quo nunc versamur, 1765. eventus probavit. Clemens XIII. Pontifex Max. acerrimus idem, & æquissimus virorum ac virtutum æstimator, Joannem Lucam Episcopum Arbensem, ex multis & præclaris rebus ab eo gestis, sibi cognitum & perspectum ad metropolim Spalatensem totius Dalmatiæ primariam evexit; & potestate, simul cum dignitate, aucta, majorem ei facultatem attulit de multis Ecclesiis bene merendi, campumque amplissimum dedit, in quo ejus virtus, & flagrans ad omnia religionis & charitatis opera studium latius excurrere & cognosci possit. Augustinus Gradonicus Episcopus Clodienfis, vir omnigena eruditione atque doctrina, quem hic honoris ergo nominare mihi gloriæ tribuo, ex mandato Summi Pontificis ei Pallium Archiepiscopale imposuit. Negotiis confectis, quorum causa Venetias adierat, iter Spalatense suscepit; & paululum de via digressus, Ecclesiæ Arbensem primam suam, sibi charissimam Sponsam ultimum revisit. Post suprema mutæ charitatis officia ultro citroque accepta & reddita, clero & populo fausta omnia ab Largitore omnium bonorum rite precatus, inter fletus utriusque mœstasque acclamationes discessit, magno sui apud omnes desiderio relicto. Nec vero majori mœstia & plangore oprimum Præsulem Arba dimisit, quam gaudio & gratulatione Spalatum excepit. Si quando recudendus erit Tertius Tomus Illyrici sacri, in quo Acta Metropolitæ Spalatensis continentur, huic uberrimam rerum illustrium materiam hic præstantissimus Archiepiscopus suppeditabit.

Crucem argenteam ex urbe allatam Ecclesiæ suæ dono dedit.

Nobis ad conscriendam hanc historiam Ecclesiæ Arbensis plurima suppeditavit.

Ab Ecclesiâ Arbeni ad Metropolim Spalatensem translatus.



## JOANNES BAPTISTA EP. ARBEN. LIV.

Joannes Ba-  
pista Juri-  
stus Cano-  
nicus prie-  
mum.

Ex Jurilex familia, in primis inter Tragu-  
rienses honesta, & satis copiosa. Ab ineunte  
adolescentia clericalem habitum sumpsit. Ni-  
xus patrocinio Petri Cardinalis Ottoboni, cu-  
jus clientelæ commendatus fuerat, Romæ ad  
collegium de Propaganda Fide aditum sibi ape-  
ruit; in quo plures annos humanis divinisque  
disciplinis addiscendis exegit. Confecto studio-  
rum curriculo, cum doctrinam suam publico  
certamini expositam sapientibus viris ac judi-  
cibus egregie probasset, Philosophici pariter ac  
Theologici magisterii laurea & insignibus or-  
natus Doctoris nomen promeruit. Presbyteratu  
initatus Canonicatum obtinuit, a patruo  
sibi per cessionem traditum, qui Canonicus  
idem, & Archipresbyter erat Ecclesiæ Tragu-  
riensis. Reversus in patriam, cum haud multo  
post ob mortem patruum, dignitas & Sedes Ar-  
chipresbyteralis vacasset; hanc ei conferendam  
curavit Cardinalis Ottobonus, qui Joannem  
Baptistam propter ejus mores integerrimos, &  
excellentem doctrinam summopere amabat. An-  
nos amplius triginta summa cum laude Archi-  
presbyteri nomen gessit, & officio functus est;  
cui procuratio animarum annexa cum esset,  
nullis laboribus, & incommodis pepercit, ut  
earum salutis utilitatique serviret. Quo in mu-  
nere tam multa & præclara industriz suæ, do-

ac deinde  
Archipres-  
byter Eccl.  
Traguriensis.  
demum Ep.  
Arbensis.

ctrinæ, prudentiæ, charitatis documenta de-  
dit, ut se dignum præbuerit, cui Clemens XIII.  
Ecclesiam Arbensem decerneret. Itaque annos  
natum quinque & quinquaginta, non ætate,  
quam virtute maturiorem, in augustissimo Pa-  
trum purpuratorum Senatu Episcopum renun-  
ciavit anno 1765. xi. Kalendas Maji. Omni-  
no is unus fuit, qui efficere potuit, ut præstan-  
tissimi sui decessoris desiderium apud Arben-  
ses relictum tolerabilius ferretur. Regimen Ecclesiæ  
Arbensis suscepit ingenti omnium civium læti-  
tia & gratulatione; & quam expectationem præ-  
clara de singulari ejus virtute opinio commo-  
vit, eam egregie sustinuit.

Anno 1771. ex decreto Clementis XIV. Ar-  
bensem cum Ecclesia Nonensi commutavit.

Transfertur  
ad Eccles.  
Nonensem.

## JO. MARIA ANTONIUS EP. ARB. LV.

Oriundus e Dalmatia, cui de Ostia cognom-  
en, clarissimo patre ordinum militarium du-  
ctore natus; qui paterno exemplo posthabito,  
togam ecclesiasticam sago prætulit. Paræciam  
S. Andreæ diocesis Tarvisinæ, quæ ad jus di-  
tionemque Abbatis de Colle alto pertinet, ade-  
ptus cum esset, annos aliquot ad curandum,  
excolendumque dominicum gregem sibi con-  
creditum æque utiliter, ac laboriose impendit;  
proptereaque se dignum præbuit, quem Cle-  
mens XIV. altius proveheret, & Episcopum Ec-  
clesiæ Arbeni præficeret an. 1771.

## EPISCOPI VEGLIENSES.

Insulæ va-  
ria nomina.

**I**N recessu intimo Sinus Flanatici, prope  
ab littoribus Japidiz insula est, quam  
Strabo *Cyraticam* κατὰ τὴν Ἰαπιδίαν pone  
Japodas, Ptolemæus *Curictam*, unde *Cur-  
icta* Pliniani, Auctor Tabulæ Peutingerianæ *Cur-  
icum*, Cassiodorus *Curictanum* Volfango Latio  
interprete, Constantinus Porphyrogenitus *Beclam*  
appellarunt. Palladius & Sabellicus ex Andrea  
Dandulo *Vigiliam* vocant. At Vigilia, non in-  
sula, sed civitas, longe hinc abest, eamque  
Andreas Dandulus non procul ab æstuariis Ve-  
netis constituit. Uterque errandi causam sum-  
psit ex ipsomet Dandulo, qui ad annum 830.  
scripsit Obelerium principatu dejectum, & pa-  
tria expulsum, *Vigilia apud Curiculum* & obles-  
sum & captum fuisse ab Joanne Participatio Du-  
ce Venetorum. Putarunt enim Curiculum idem  
esse, atque Curicum, quæ civitas est, ut tra-  
dit Ptolemæus, insulæ Curictæ. Quod Dandu-  
lus Curiculum vocat, alter Chronologus Vene-  
tus *Aurialum* nuncupat, eum vicum fortasse,  
quem nunc Oriagum dicunt. Vigilia ex Dan-  
duli, & alterius Chronologi descriptione, haud  
longe aberat a Metamauco; eamque neuter in-  
sulam, sed urbem uterque appellat. *Cyratica*,  
*Curicta*, & *Curictana* vocabulis jamdiu vetu-  
state abolitis, hodie hanc insulam *Vegiam*, &  
*Vegliam* vulgo nominant; iisdemque promiscue  
nominibus civitas insulæ primaria nominatur.  
Ptolemæus Curictæ duas omnino civitates at-  
tribuit, *Fulfinium*, unde *Fulfinates*, & *Cur-  
icum*, unde *Curicta*, quos Plinius ad Conventum  
Scardonitanum adscripsit. Vetus est indigena-

rum opinio principem totius insulæ civitatem  
conditam fuisse a Dynasta quodam, seu Regulo,  
cui nomen erat *Curico*: inde urbem *Curicum*,  
insulam *Curictam*, incolas Curictas appella-  
tos esse.

Hæc insula sita est inter oram Japidiz, quam ab oriente & septentrione, atque insu-  
lam Crexam, quam ab occasu respicit; hinc  
abest millia passuum circiter novem, illinc an-  
gusto freto, quod *Canalem Morlacchia* vocant,  
dirimitur. Arba insula ei subest a meridie;  
utramque mare non ita late interjectum dis-  
jungit. Millia passuum fere centum circuitu  
comprehendit; in longitudinem triginta mille  
passus protenditur; latitudo ejus varia, qua  
maxime patet, quindecim miliaria non exce-  
dit. Ab omni parte portus aperit æque tutos,  
& non infimi generis navium capaces. Uber-  
rimis pascuis ad greges armentorum oviumque  
alendos abundat. Silvas cæduas habet plurimas,  
& maximas, e quibus vis ingens materiæ li-  
gneæ Venetias convehitur. Vini, tritici, olei  
affatim suppeditat, nec aliis cujusque generis  
fructibus & frugibus caret; denique rerum o-  
mnium, quas natura desiderat, varietate & co-  
pia, nulli earum insularum secunda est. Nec  
suæ illi deerant olim salinæ; sed cum navigia  
sæpe onusta furtim exportari, & quo non li-  
cebat, inferri solerent, delusis custodiis ac vi-  
giliis, ne portorium solvere cogerentur; eas  
corrumpi ac destrui oportuit. Celebrantur an-  
te omnia, & magno sunt in honore & pretio  
equi Veglienses, modico illi quidem brevi-  
que

Vegliæ po-  
sicio, di-  
mensio, le-  
cunditas.

que corpore, sed mira spiritus alacritate, & forma in primis eleganti; ea vero ungularum firmitate ac duritie, ut ferreis soleis non valde indigeant. Hæc insula ut frugum, sic hominum quondam fertilis erat, & incolarum undecim millia aluisse perhibetur; nunc sex millibus habitata ferunt. Sunt autem Veglienses suapte naturæ comes, benigni, hospitalis, moribus & ingenio, victu cultuque Italici, quam Dalmatis propiores; omnes vero Italice loqui perbene sciunt.

Veglia civitas primaria.

Princeps totius gentis civitas eodem, atque insula, vocabulo Vegia, seu Veglia nominatur. Sita est in latere occidentali fere extremo ad meridiem; quo in loco fuisse arbitror Curicum vetus, aut Fulfinium, civitates Ptolemaicæ, huic insulæ attributæ. Mille passuum ambitu circumscribitur; & cives numerat propemodum mille & quingentos; cum olim ad quatuor millia fuisse dicantur. Mari adjacet, fere ad Austrum conversa, plano in loco & aprico, situ peramœno, adituque ad aspectum præclaro. Portus urbis adeo exiguus est, vix ut decem mediocribus formæ navigia capiat; eique & civitati ad præsidium imminet arx, colli præalto imposita, difficili atque arduo ascensu. Ædificia tum publica, tum privata pro numero incolarum latius multa sunt, eaque ad usum accommodatæ, & eleganter descriptæ; in quibus excellit Curia & ædes prætoria. Totâ insula, præsertim ad mare, frequentissime colitur, & qua vicis, qua oppidulis habitatur. Vicos habet viginti, & fere omnes maritimos. Oppida præcipua sunt quinque, incolarum refertissima, Dobaniza, Besca vetus, & nova in latere occidentali, Drobinium, & Verbeniza contra oram Japidæ in altero latere ad Orientem converso. His adde castrum Musclum in extremo insulæ ad Septentrionem angulo, natura loci egregie munitum; quippe quod ex edito monte atque undique prærupto eminet; an hoc sit Fulfinium civitas altera, quam Ptolemæus Curicæ attribuit, mihi non est compertum. Suus cuique oppido portus subiacet; qui castro Musclo subest, in primis celebratur, omnium totius insulæ amplissimus, & multorum navium capax. Vegliæ ad meridiem proximus est scopulus, quem Prævichjum vocant, non alia re magis, quam cuniculorum copia memorabilis, qui mirum in modum ibidem fœtificant.

Oppida insulæ præcipua.

Veglienses variis dominis subiecti.

Hæc insula ante conditam monarchiam Romanam variis dominis, & iisdem fere, quibus propinquiores Dalmatiæ civitates, subiecta fuit. Postea primum Romanis, deinde Græcis Imperatoribus paruit. Sæculo nono Basilii Imperator, cum Dalmatas maritimos ab injuriis Chrobatum, & Serblorum tueri non posset, auctor illis fuit, ut pacem quietemque ab hostibus, suo & imperii detrimento redimerent; permisit liquidem, ut annum tributum, quod sibi & imperio debebant, Slavis persolverent; ipse vero exiguum sibi vectigal retinuit, quo suam Dalmatæ fidem erga Imperatores Orientis, observantiamque profiterentur. Eadem centum numismatum pensio Slavis solvenda, Vegliæ imposita fuit, quæ aliis duabus insulis Sinus Flanatici, Absoro, & Arbæ; ut docet Porphyrogenitus: *Atque ex illo tempore omnes istæ urbes Sclavorum tributaria, pacta ipsis solvunt, Apalatus quidem urbs numismata ducenta . . . Opfora centum, Arbe centum, Becla*

*centum.* Sæculo undecimo incunabula, Petrus II. Urscolus Dux Venetorum, ut ceteros Dalmatas, sic etiam Veglienses, Slavorum injuriis, & pensione annui tributi exemptos, in suam fidem & clientelam recepit; sed anno ejusdem sæculi circiter tricesimo ad imperium Orientis redierunt; anno autem septuagesimo quarto Dominicus Sylvo Dux Venetorum, post Northmannos Dalmatis infestos toto mari Adriatico expullos, cum populis illis salutem & tranquillitatem restituisset, adeo sibi illorum animos conciliavit, ut in Venetorum fidem ac potestatem se rursus contulerint, eo promptius ac libentius, quod cum expositi essent Northmannorum excursionibus, nihil præsidii ab Imperatoribus Orientis sperare poterant. Deinde Veglienses cum ceteris Dalmatis, modo Venetorum, modo Hungarorum dominatum subiere. Sæculo decimo tertio Dux & Senatus Venetus urbem atque insulam Vegliæ tribus nobilissimis fratribus Joanni, Guidoni, & Emerico, eorum filiis & hæredibus, fiduciariam dederunt. Sed Bartholomæus & Fridericus filii Guidonis, cum Bela IV. regi Hungariæ, qui ob Tartaricam calamitatem in Dalmatiam, & Tragurium confugerat anno 1342. ingentem pecuniam subsidio misissent, ab eoque remunerationis ergo urbis Seniæ principatu donati fuissent; apud Venetos in suspitionem venerunt initæ cum rege societatis, ad quem, post discessum Tartarorum, eodem anno Jadrenses, Prætor Venetorum expulso, defecerant. Dandulus palam aperte a Venetis eos ad regem Hungariæ descivisse affirmat: *Bartholomæus Comes Vegla cum suis consortibus, qui juramento fidelitatis Comitatum a Venetis recognoscebant; recepto feudo a rege Hungaria, ei totaliter adhaerunt.* Itaque possessione illius insulæ multati, meritis defectionis pœnas luerunt. Aliquot annis post Jaderam receptam, & pacem cum Bela reintegratam, filii Guidonis & Bartholomæi Comitum Vegliæ, veniam petentes Raynerius Zennus Dux Venetorum in gratiam recepit, atque in antiquum urbis & insulæ Veglicensis principatum restituit, ut docet Dandulus: *Ceterum Schinella, & nati quondam Guidonis Vegla, qui regi Ungariæ adhaerunt, a Duce de Comitatu privati, nunc Venetorum gratiam implorantes, sunt restituti benigne in Comitatu & ceteris beneficentiis.* Extat diploma Raynerii Ducis datum anno 1260. Cum hi Dynastæ in duas familias divisi essent, insula quoque bipartita fuit; pars altera Schinellæ filio Comitum Bartholomæi, ejusque filiis Petro, Schinellæ & Bartholomæo obtriguit; altera Friderico, Bartholomæo, & Guidoni, filiis Comitum Guidonis obvenit: *Dictus Dominus Schinella Comes (ut est in diplomate) & filii ejus (idest Petrus, Schinella, Bartholomæus ibidem supra nominati), & eorum hæredes medietatem totius dicti Comitatus; & prædicti Fridericus, Bartholomæus, Guido (qui supra dicuntur filii Comitum Guidonis de Vegla) ac eorum hæredes alteram medietatem habeant.* Horum posterii deinde Frangipanii in tabulis actisque publicis nominari cœperunt, vetusto avito cognomine resumpto; illorum quippe majores ex antiquis Romanis Frangipaniis oriundos, & in hanc insulam profectos ferunt. Cum Senia urbe maritima, Modrussam, Tersactum aliaque Chrobatia castella, sive oppida ab regibus Hungariæ jure ac nomine fiduciario, & honores amplissimos obtinere. Hujus vero

Hæc insula tribus fratribus Joanni, Guidoni, & Emerico, eorum filiis & hæredibus, fiduciariam dederunt. Sed Bartholomæus & Fridericus filii Guidonis, cum Bela IV. regi Hungariæ, qui ob Tartaricam calamitatem in Dalmatiam, & Tragurium confugerat anno 1342. ingentem pecuniam subsidio misissent, ab eoque remunerationis ergo urbis Seniæ principatu donati fuissent; apud Venetos in suspitionem venerunt initæ cum rege societatis, ad quem, post discessum Tartarorum, eodem anno Jadrenses, Prætor Venetorum expulso, defecerant. Dandulus palam aperte a Venetis eos ad regem Hungariæ descivisse affirmat: Bartholomæus Comes Vegla cum suis consortibus, qui juramento fidelitatis Comitatum a Venetis recognoscebant; recepto feudo a rege Hungaria, ei totaliter adhaerunt. Itaque possessione illius insulæ multati, meritis defectionis pœnas luerunt. Aliquot annis post Jaderam receptam, & pacem cum Bela reintegratam, filii Guidonis & Bartholomæi Comitum Vegliæ, veniam petentes Raynerius Zennus Dux Venetorum in gratiam recepit, atque in antiquum urbis & insulæ Veglicensis principatum restituit, ut docet Dandulus: Ceterum Schinella, & nati quondam Guidonis Vegla, qui regi Ungariæ adhaerunt, a Duce de Comitatu privati, nunc Venetorum gratiam implorantes, sunt restituti benigne in Comitatu & ceteris beneficentiis. Extat diploma Raynerii Ducis datum anno 1260. Cum hi Dynastæ in duas familias divisi essent, insula quoque bipartita fuit; pars altera Schinellæ filio Comitum Bartholomæi, ejusque filiis Petro, Schinellæ & Bartholomæo obtriguit; altera Friderico, Bartholomæo, & Guidoni, filiis Comitum Guidonis obvenit: Dictus Dominus Schinella Comes (ut est in diplomate) & filii ejus (idest Petrus, Schinella, Bartholomæus ibidem supra nominati), & eorum hæredes medietatem totius dicti Comitatus; & prædicti Fridericus, Bartholomæus, Guido (qui supra dicuntur filii Comitum Guidonis de Vegla) ac eorum hæredes alteram medietatem habeant. Horum posterii deinde Frangipanii in tabulis actisque publicis nominari cœperunt, vetusto avito cognomine resumpto; illorum quippe majores ex antiquis Romanis Frangipaniis oriundos, & in hanc insulam profectos ferunt. Cum Senia urbe maritima, Modrussam, Tersactum aliaque Chrobatia castella, sive oppida ab regibus Hungariæ jure ac nomine fiduciario, & honores amplissimos obtinere. Hujus vero

Joannes  
Frangipani-  
us postre-  
mus insulae  
dominus,  
quem Venetis  
restituit.

E Nobili-  
tate Veneta  
alter urbi,  
alter archi-  
episcopatus.

Varii ma-  
gistratus &  
praefecturae

Primordia  
religionis  
Christianae  
a B. Do-  
minio.

Dioecesis  
olim latissi-  
ma, nunc  
brevioribus  
terminis cir-  
cumscripta.

vero insulae principatum usque ad saeculum de-  
cimum quintum retinuerunt; cum Joannes  
Frangipani postremus Vegliae Comes ac Dy-  
nasta metuens sibi a Vegliensibus, quibus ob  
superbum ac fere tyrannicum dominatum odio  
erat, ac veritus ne insula in potestatem Hun-  
garorum veniret, ejusdem plenam integramque  
possessionem Venetis restituit. Exinde Veglien-  
ses, secluso quolibet alio intermedio, & fidu-  
ciario dominatu, sub mitissimo Venetorum im-  
perio, eadem atque ceterae civitates & insulae  
Dalmatiae, propitia fortuna & conditione, iis-  
dem legibus, & eodem jure utuntur.

E Patriciis Venetis tertio quoque anno mitti  
solet, qui cum Comitibus sive praetoris nomine  
ad munere juri dicundo, & urbis ac totius in-  
sulae regimini praesit; ejusque imperium spatio  
biennii, & sex praeterea mensium definitur.  
Alter ex eodem familiarum Venetarum ordine  
archi praepositus est, qui simul quaestoris officia  
& munera exequitur. His accedunt, & subfunt  
varii magistratus, quorum descriptione, omnis  
rerum communium, & publicarum moderatio  
continetur. Summum Consilium, quod in aedibus  
praetorias convocari solet, cuique Comes sive  
praetor, Praefectus arcis, seu quaestor praesunt,  
constat e patriciis Vegliensibus, quos tamen  
ante vicissimum aetatis annum ad hunc ordinem  
aggregari non licet. Ex his duo non aetate,  
quam sapientia maturiores singulis annis deli-  
guntur, qui Judices appellantur, & infra praetorem  
ac praefectum, principem dignitatis &  
auctoritatis locum tenent. Septem sunt Tribuni  
plebis, qui populi jura defendunt; septem  
item praefecti nautarum, & navigiorum; tres  
procuratores Ecclesiarum, & piorum locorum;  
& praeterea duo advocati, unus syndicus, item-  
que unus singularis procurator, qui aedis ca-  
thedralis juribus conservandis, arario custodiendo,  
& factis rebus tuendis, ac reficiendis praesunt.  
His adde quatuor advocatos, duos e col-  
legio nobilium, duos ex ordine plebeo; duos  
syndicos, unum e viris patriciis, alterum de ple-  
be; unum item de populo curatorem annonae  
reique frumentariae: his vero, & aliis certum,  
& suum cuique munus descriptum. Plures et-  
iam sunt constituti, ad quos pertinet tum in-  
quisitio ac delatio furtorum, quae in urbe ac  
territorio fiunt, tum aestimatio damni illati,  
& arbitrium compensationis perscribendae.

Primordia Ecclesiae Vegliensis tam antiqua  
sunt, quam ipsa Christiana Religio. B. Do-  
minus discipulus Principis Apostolorum, idem-  
que primus Antistes Saloniae, ut ceteras Eccle-  
sias Dalmatiae, sic etiam Vegliensem vel per  
se ipse, vel per alumnos suae disciplinae, &  
praedones evangelicos fundavit. Sed ut aliorum  
fere omnium Dalmatiae, sic Vegliensis Episco-  
patus initia sunt nobis ignota; nullum habeo  
Episcopum, quem saeculo undecimo antiquio-  
rem proferre queam: sed multis ante annis &  
fortasse etiam saeculis Sedem Episcopalem in ci-  
vitate atque insula Vegliae constitutam fuisse  
nullus dubito; quamvis vetustas, ut plures alios  
superiorum aetatum Antistites Dalmatiae, sic  
etiam Episcopos Vegliae oblivione obruerit.  
Dioecesis Vegliensis ante conditum, vel resti-  
tutum Episcopatum Seniensis, magnam Japi-  
ziam partem complectebatur, quae vel eodem sa-  
eculo undecimo, vel proximo; ab Episcopi  
Vegliensis jurisdictione avulsa fuit, & Seniensis  
attributa, ut docet Archidiaconus Cap. xv.

Hist. Salonit. Vegliensis obtinebat majorem par-  
tem parochiarum, quas nunc habet Segnensis  
Ecclesia, quae non erat tunc Episcopalis Sedes:  
nunc vero haec dioecesis fere iisdem, quibus  
insula, terminis definitur; quosdam tamen  
habet circa insulam scopulos vel desertos, vel  
aliquot focis habitatos. Aedes cathedralis Dei-  
parae Virginis titulo ac patrocinio subest; pro-  
ximae abest Episcopium, sive Palatium Episco-  
pale satis amplum & ornatum. Capitulum e  
duodecim Canonicis constat; inter quos aucto-  
ritate ac dignitate excellunt Archidiaconus,  
Archipresbyter, in quem universa animarum  
procuratio tum in civitate, tum in suburbio  
incumbit, & Primicerius. Duo sunt collegia  
sacrarum Virginum, alterum S. Clarae, alterum  
S. Benedicti; unum coenobium Patrum S. Fran-  
cisci, quos Conventuales vocant; una item  
domus hospitalis aegrotis curandis, pauperibus  
alendis, peregrinis excipiendis; & proventibus  
ad id idoneis instructa. Sodalitiae vero piorum  
hominum omnino ad quatuordecim. Extra ur-  
bem duo habent domicilia Fratres tertii ordi-  
nis Franciscani, unum vero Fratres Minores i-  
dem Franciscani severioris disciplinae. In tota  
dioecesi parochiae sunt non amplius septem; pri-  
ma ac praecipua est castri Muscoli, ubi templum  
primarium titulo Deiparae in caelum assumptae  
consecratum est; & insigne ibidem collegium  
Presbyterorum & clericorum, qui ad psalmo-  
diam & liturgiam Slavonicam adhibent sermo-  
nem. Secunda est S. Stephani Dobrinii, ter-  
tia S. Mariae Verbenitzae, quarta S. Joannis  
Baptistae Belcae, quinta S. Apollinaris Duba-  
nicae, sexta S. Andreae apud Punctam, septima  
Sanctorum Cosmae & Damiani Poglitzae. In his  
septem pastores gregis dominici, suus cujus-  
que, qui ceteris hujus insulae populis, in vil-  
las circiter vicinas distribuit, Christianam cu-  
ram, operamque pastorem impendunt; iis quis-  
que videlicet, qui sunt cuique propinquiores.  
Nunc vero Episcoporum series subjicienda est; Series Epi-  
scoporum.  
quae neque altius, quam ab saeculo undecimo  
ordiri possumus, neque integram continuatam-  
que ad nostram aetatem perducere.

- I. Vitalis an. 1000.
- II. Gregorius an. 1050. circ.
- III. Petrus an. 1069.
- IV. Dominicus an. 1100. circ.
- V. Dabro an. 1170. circ.
- Lacuna centum annorum.
- VI. Marinus an. 1270. circ.
- VII. Lambertus an. 1290.
- VIII. Mattheus an. 1297.
- IX. Thomas an. 1302.
- X. Jacobus an. 1310. circ.
- Altera Lacuna centum annorum.
- XI. Nicolaus an. 1421.
- XII. Angelus an. 1436.
- XIII. Franciscus an. 1440. circ.
- XIV. Nicolaus II. an. 1460. circ.
- XV. Natalis an. 1500. circ.
- XVI. Eusebius an. 1528.
- XVII. Joannes an. 1531.
- XVIII. Albertus an. 1550.
- XIX. Petrus an. 1564.
- XX. Joannes II. an. 1589.
- XXI. Aloysius an. 1623.
- XXII. Constantius an. 1640.
- XXIII. Georgius an. 1653.
- XXIV. Franciscus II. an. 1660.
- XXV.

XXV. Theodorus an. 1668.

XXVI. Stephanus an. 1684.

XXVII. Balthasar an. 1688.

XXVIII. Petrus Paullus an. 1713.

XXIX. Vincentius an. 1720.

XXX. Fridericus an. 1730.

XXXI. Petrus Antonius an. 1739.

## VITALIS EP. VEGLIENSIS I.

Vitalis Ep.  
Vegliensis  
Petro & Or-  
toni Vene-  
torum Du-  
cibus totius  
insulæ fidem  
& tributum  
spondet.

Notus ex Chronico Andreæ Danduli, qui ejus Pontificatum cum annis prioribus sæculi undecimi conjunxit. Hoc sæculo ineunte Petrus II. Urseolus Dux Venetorum, ad quem oratores Dalmatarum venerant, deditionem totius gentis polliciti, modo populos illos ab injuriis & maleficiis Slavorum defenderent, ingenti classe Istriam circumvectus Jaderam apulit; qua in urbe Episcopus Vegliensis cum primoribus civitatis, suam & popularium suorum fidem, sacramenti religione interposita, Duci Venetorum obstrinxit; ut est apud eundem Dandulum: Ibi (idest Jaderæ) illius regionis majores confluentes, ejusdem principis dominationi subesse præoptabant, inter quos Vegliensis, & Arbenjis Episcopi cum eorum civitatum Prioribus adfuerunt, & pari voto supra sacra Evangelistarum dicta jurarunt, quod juxta illorum scire & posse deinceps Domini Petri Ducis fidem observare debuissent. Hic Dandulus nomen utriusque Episcopi tacitum præterit; sed admodum est verisimile Vegliensem Episcopum fuisse illum ipsum, quem postea Vitalem nominat. Anno liquidem 1018. Otto Urseolus, postquam Cresimirum regem Chrobatolum, insulis, & civitatibus maritimis Venetæ ditionis infestum domuisset, Venetias regrediens, a Vitali Episcopo Vegliensi, ut scripsit Dandulus, & Majo Episcopo Arbenji, & Martino Episcopo Auxerensi, & ab universo clero, & populo dictarum insularum, de tributo sibi, & successoribus suis annuatim in perpetuum solvendo sponsonem suscepit. Anno tricesimo hujus sæculi, si quidem ad hoc temporis vitam perduxit, Concilio provinciali Spalateni sub Dabrali Metropolitâ interfuit, de quo Thomas Archidiaconus cap. xv. Hist. Salonit. Factum autem, ut illis diebus convocarentur omnes Suffraganei Dalmatiæ ad Provinciale Synodum, quæ celebranda erat in Ecclesia Spalaten.

## GREGORIUS EP. VEGLIENSIS II.

Gregorius  
sive Geor-  
gius Episc.  
Vegliensis  
ad  
Concilium  
provinciale  
Spalatense  
profectus  
est.

Testis nominatus est in quadam sententia, quam Legatus Apostolicus anno 1059. secundum Abbatem Jadertinum S. Chrysogoni tulit. Hunc Valerius a Ponte Archidiaconus Jadrensis Georgium vocat; sæpe accidit, ut in tabulis & catalogis Antistitum Dalmatiæ, idem Episcopus alias Gregorius, alias Georgius appellatus inveniat. Idem Valerius Pontificatum Georgii, sive Gregorii, eidem supra dicto anno 1059. affixit. Ceterum ante annos non ita paucos episcopale regimen suscepit; nisi si quem alium Antistitem inter hunc, & Vitalem interjici libeat. Sub initium ejusdem anni 1059. cum ceteris provincialibus Episcopis Spalatium convenit, quo Maynardus Legatus Nicolai II. Pontificis Concilium convocaverat, in quo Liturgiæ & Psalmodiæ Slavonicæ templis & sacris interdictum est, ut docet Thomas Archidiaconus cap. xvi. Hist. Salonit. Puerat siquidem tempore Domini Alexandri Papa (Ni-

colai II.) & Joannis decessoris Laurentii su-  
predilii a Domino Maynardo quondam Pompo-  
siano Abbate, & postea Episcopo Cardinali,  
quædam Synodus omnium Prælatorum Dalmatiæ  
& Croatia, multum solemniter celebrata, in  
qua multa fuerunt conscripta Capitula; inter quæ  
siquidem hoc firmatum est, & statutum, ut nul-  
lus de cætero in lingua Slavonica præsumeret di-  
vina mysteria celebrare; nisi tantum in lingua  
Latina; nec aliquis ejusdem lingue promoveretur  
ad sacros ordines. Interdictio lingue Slavoni-  
cæ, ut ingenti tristitia Slavos affecit, sic ne-  
fariæ cujuscumque schismaticæ coitionis, auctore  
Ulfo Presbytero, conflandæ causam præbuit.  
Hic siquidem de restituenda Liturgia Slavonica  
Romam missus ad Alexandrum II. cum nihil  
impetrasset, Chrobatis tamen alia, atque Pon-  
tiffex dederat, & prorsus contraria responsa re-  
tulit; scilicet Maynardinum interdictum abro-  
gatum esse; Chrobatis usum Liturgiæ Slavo-  
nicæ permitti; potestatem illis fieri e gente  
sua, quem vellent, Episcopi eligendi, mitten-  
dique in urbem, ut ab ipso Pontifice Maxi-  
mo consecrationem, & insignia episcopalia su-  
sciperet. His nunciis mirificè læti senem quem-  
dam, cui nomen erat Cededæ, hominem bar-  
dum & stupidum cunctis suffragiis Episcopum  
designant, eumque cum Ulfo totius fallaciæ  
architecto Romam adire jubent. Pontifex ut-  
rumque, & postulata Chrobatorum iterum re-  
jecit. Quid tum Ulfus? veterator callidus &  
versutus mendacia mendaciis cumulat; primum  
persuadet Cededæ homini fatuo, & latini ser-  
monis experti, ac proinde quid Pontifex dixis-  
set, aut fecisset ignaro, eum ab Alexandro fa-  
ctum esse Episcopum; deinde personatum Epi-  
scopum produxit, & Chrobatis obtrusit, qui  
magna illum gratulatione plausuque exceperunt.  
Ille per summam impudentiam ac temeritatem,  
sumptis insignibus atque ornamentis Pontifica-  
libus se gerere pro Episcopo cœpit. Cum non  
haberet ubi consisteret, sedemque episcopalem  
collocaret; ingenti satellitum manu stipatus  
Vegliam trajecit, & Gregorio Episcopo per  
vim expulso, Ecclesiam illam, sedemque Pon-  
tificiam occupavit, ibique omnia, quæ sunt  
Episcopi officia & munia peragere instituit.  
Et quia non Pastor verus erat, inquit Archi-  
diaconus, sed lupus rapax sub ovina pelle late-  
bat; nimirum a suis fructibus erat cognoscen-  
dus; etenim primo impetu Vegliensem Episcopum  
cum omni celeritate de sua sede fugavit; eam-  
que sibi quasi auctoritate apostolica usurpavit.  
Tunc, prohi pudor! phantasticus Pontifex cœpit  
in consecrandis Ecclesiis, in ordinandis clericis,  
& aliis episcopalibus ministeriis exercendis di-  
vina officia profanare. Hinc, ut idem Archi-  
diaconus tradit, quædam execrandi schismaticæ  
fuit suborta contentio in Dalmatiâ & Croatia  
regno; quippe pars Chrobatorum a suis legi-  
timis Episcopis ad Cededam Episcopum intru-  
sum, & commentitium defecit. Hæc ad Sedem  
Apostolicam delata cum fuissent, missus est Jo-  
hannes Cardinalis anno circiter 1064. qui in  
frequentissimo cleri populique conventu, Ulfæ-  
nas fraudes, ac mendacia detexit, Cededam  
anathemate confixit, Ulfum sacerdotio omni-  
que clericali honore spoliatum, & ignominio-  
sa nota inultum perpetuo carceri addixit. Cum  
autem Cededæ non inflicto excommunicationis  
vulnere, non humanæ & divinæ justitiæ metu  
absterretus, nihilo minus fidenter, quam an-

Cededæ ia-  
trusus &  
commenti-  
tius Episc.  
Slavorum  
expulso  
Gregorio  
Sedem Ve-  
gliensem  
occupavit.

Sedis Apo-  
stolicæ, &  
Episcopo  
rum Eccl.  
Spalaten.  
judicio da-  
mnatur.

tea, audacterque jus & munus episcopale usurpare pergeret; illum Alexander tum in Romana, tum in Spalatensi, ceterisque Dalmatiae Ecclesiis solenni ritu, & nominatim declarari iussit ab Ecclesia segregatum, ejusque congressu & colloquio Christianis omnibus interdictum esse. Quocirca Laurentius Archiepiscopus Spalatensis Concilium Provinciale convocavit anno circiter 1065., in quo Episcopi & primores cleri temerarium & impium Ceddum diris omnibus execrati, una omnes voce semel, iterum, ac tertio in eum anathema dixerunt. Nec irrita anathemata fuerunt; quippe homo vesanus & sacrilegus, Dei ultoris ira percussus, turpissimae mortis genere horrendum in modum interiit. Haec omnia, quae hic strictim breviterque attigimus, distinctius & fusius exposita sunt Tomo tertio Illyr. Sac. in Joanne IV. & Laurentio Archiepiscopis Spalatensibus. Post interitum Ceddæ Gregorius Vegliam reversus, sedem suam recepit anno circiter 1065. & tres fere annos cum retinisset, morte sublatus successori vacuum reliquit.

Gregorius  
sedem suam  
recuperavit.

### PETRUS EP. VEGLIENSIS III.

Petrus Ep.  
Athen. Cone.  
Provin. Jader-  
tinali appro-  
bavit.

Valerius a Ponte ab anno 1069. ad 1094. Episcopatum Petri perduxit; ejusque nomen tabulis Dalmaticis anno 72. & 94. undecimi saeculi confectis inscriptum esse ait. Erat Presbyter Ecclesiae Vegliensis, ut intelligi potest ex formula sacramenti; quo Petrus fidem suam atque obedientiam Laurentio Metropolita Spalatensi obstrinxit. Ego Petrus Presbyter Ecclesiae Vegliensis futurus Episcopus, ab hac hora in antea promitto Ecclesiae Spalatensi, & tibi Dominico Laurentio Archiepiscopo, tuisque successoribus canonice intransibus obedientiam, & fidelitatem, & auxilium pro meo posse & scire secundum ordinem meum. Sic me Deus adjuvet, & hac sancta quatuor Evangelia. Anno 1072. Laurentius Metropolita Episcopis Provincialibus conventum Jaderam edixit. Adfuerunt sane frequentes, atque inter hos Petrus Episcopus Vegliensis, qui tum decretis Concilii subscripsit, tum solemnem Basilicam Marianae consecrationem sua praesentia cohonestavit, tum demum donationem Andreæ Episcopi Jadertini approbavit, qui cenobio Virginum Jadrensi, ab Cicha sorore Cresimiri regis haud ita pridem fundato, insulam Silvam perpetuo possidendam tradidit. Diploma hujus donationis descriptum est in Andrea Episcopo Jadrensi. Nec vero dubitari potest, quin etiam interfuerit alteri Concilio Provinciali, quod Gerardus Archiepiscopus Sipontinus, & Legatus Sedis Apostolicæ Spalatam convocavit anno 1075., de quo Archidiaconus cap. xvi. Hic (Gregorius VII.) misit Legatum ad partes Dalmatiae Venerabilem virum Girardum Archiepiscopum Sipontinum, qui Spalatam accedens cum magno gaudio, & honore susceptus est. Misit igitur, & convocavit Suffraganeos Salonitanae Metropolis universos, qui cum convenissent, cum eis Synodum apud Salonam debita maturitate celebravit. Interfuerunt autem isti Suffraganei Ecclesiae Spalatensis. Primus Laurentius, secundus post eum Stephanus Episcopus Jadrensis, Joannes Traguriensis, Theodorus Belgradensis, Gregorius Chroatensis, Basilus Apsarensis, & alii quidam. In hac Synodo restauratus est Episcopatus Nomentanus &c. Cetera quae ad hanc Synodum per-

Alteri Con-  
cilio Provin-  
ciali Spalaten-  
si interfuit.

tenent repeti possunt ex actis Laurentii Metropolitae Spalatensis. De Petro nihil praeterea e monumentis illorum temporum elici potest. Sub exitum hujus saeculi, vel sub initium sequentis e vita decessit. His temporibus cum institutus, vel restitutus esset Episcopatus Seniensis, quidquid terrarum & locorum in Japidia veteri, seu Liburnia possidebat Ecclesia Vegliensis, novo Episcopo Seniensi attributum fuit; & Vegliensis Antistes jurisdictionem suam fere intra eosdem, quibus insula circumscripta, fines contraxit.

### DOMINICUS EP. VEGLIENSIS IV.

Vix Pontificatum inierat anno circiter 1100. cum Veglia, ceteraque insulae ac civitates Dalmatiae Venetum cum Hungarico dominio commutarunt. Colomanus rex Hungariae, amicitia & societate violata, quae cum Venetis erat, dum classis Venetorum aberat, in Palaestinam ad sacrum bellum profecta, Dalmatiam Venetis eripuit, saeculo duodecimo ineunte. Sub Crescentio Archiepiscopo Spalatensi duo Concilia provincialia celebrata invenio; unum Jaderæ, cujus annus est ignotus, alterum anno 1111. de cujus loco non constat; utriusque interfuit & subscripsit Dominicus Vegliensis. Secundum longe augustissimum ac celeberrimum fuit; quod non solum Dalmatiae, & Hungariae Episcopi, sed rex ipse Colomanus sua praesentia cohonestarunt. Tria potissimum in eo constituta fuisse, quae ad descriptionem dioeceseon, ad immunitatem ecclesiasticam, ad distributionem decimarum pertinent, intelligi potest ex decreto Colomani, quod secundum Arbensem Ecclesiam fecit; quod quidem decretum, ut ceteri Antistites & Proceres Hungariae, sic etiam cum Episcopis Dalmatiae approbavit, suumque nomen adscripsit Dominicus Vegliensis Episcopus. De utroque Concilio satis dictum est in Crescentio Metropolita Spalatensi. Anno 1115. Ordelaphus Dux Venetorum Jaderam, itemque insulas Sinus Flanatici Vegliam, Arbam, Absorum, ac reliquas Dalmatiae civitates Hungaris ereptas recuperavit; & quamvis ceteras urbes Dalmatiae rursus imperium Hungaricum subierint; Jadera tamen cum tribus illis insulis in fide ac potestate Venetorum permansit. Per ea tempora, ut ceterae insulae ditionis Venetae, sic etiam Veglia exposita erat crebris incursionibus, injuriisque piratarum e gente Chrobatice regibus Hungariae subiecta, qui cum saepe insulam diripuerunt, sedemque vastarent; tum vero urbem ipsam tumultuario ac repentino agmine adorti domos expilarunt, ci- ves non paucos vel sauciarunt, vel interfecerunt, moenia & aedificia plurima diruerunt. Anno 1133. majore, quam antea, numero lemmorum advehi, egressique in terram populationes cum late fecissent; Veglienses Venetorum copiis auxi superveniunt ex improvviso, partem maximam cadunt, reliquos captivos abducunt, navigia piratica vel incendunt, vel demergunt. Id cum accidisset vi. Idus Martias, hunc latissimum diem, quem quadragesima Sanctorum Martyrum nomine Ecclesia consecravit, Dominicus Episcopus in sacris factis adscribi iussit, & singulis annis solenni ritu cultuque celebrari, ut Deo pro victoria tam insigni immortales ac perpetuae gratiae agerentur. Deinde ad muros urbis reficiendos, & everfas domos

Dalmatia  
& Veglia  
sub domi-  
nato Hun-  
garorum.

Dominicus  
Episcopus Ve-  
gliensis du-  
plici Con-  
cilio Prov-  
interfuit.

Veglia cum  
Dalmatia  
sub impe-  
rium Ven-  
etorum re-  
dii.

Victoria  
Vegliensis  
factis in-  
scripta.



domos reedificandas cogitationes curæque civium versæ sunt. Id negotii Dominicus Episcopus cum urbano magistratu, committendum esse censuit Duymo Comiti, sive Rectori civitatis; eique traditum est quidquid pecuniæ collectum, atque in hanc potissimum rem sepositum fuerat: qua ex pecunia & urbem restauraret, & impensas publicas faceret, & Strenam, sive exiguum quoddam, & honorarium tributum Venetis penderet: id quod in tabulis Vegliensibus notatum invenio: Anno 1133. die 3. Novembris, D. Dominicus Vegliensis Episcopus in suo Episcopali Palatio una cum iudicibus civitatis pro Communitate Vegliæ ex una parte, & D. Duymus Comes ex altera conveniunt, ut Colta, quæ apud Commune erat pro urbe reparanda, & aliis expensis fiendis, nunciisque mittendis, & Strena Venetis danda, prædicto Comiti promittenti singula exequi, concessa fuit &c. Post Dominicum unus aut alter Episcopus desideratur ad seriem episcopalem continuandam. Interea Eugenius III. cum Ecclesiam Jadertinam Metropolitæ Spalatensis jurisdictione exemptam jure ac potestate metropolitana donasset, eidem Vegliensem Ecclesiam, cum Ablorensi & Arbeni, a provinciâ Spalatensi divulsam subiecit.

Ecclesia Vegliensis in iurisdictionemque novi Archiep. Jadertini transiit.

## DABRO EP. VEGLIENSIS V.

Anno 1179. Concilio III. Lateranensi interfuit cum duobus Episcopis Jadertinæ provinciæ Andrea Arbeni, Lampridio Ablorensi, qui nominantur in actis ejusdem Concilii. De Dabrone nihil præterea litteris traditum invenio. Hic rursus continuatio, seriesque Antistitum Vegliensium interrumpitur, lacuna centum circiter annorum interjecta, quæ nomina & acta illorum absorbit. Ad hanc lacunam quoquomodo explendam duo diplomata ingerenda censeo, alterum Belæ IV. regis Hungariæ, alterum Raynerii Zeni Ducis Venetorum. Seculo decimo tertio ineunte Senatus Venetiarum urbem & insulam Vegliæ, tribus fratribus & primaria nobilitate Vegliensi, Joanni, Guidoni, Henrico, egregie de Republica meritis, jure fiduciario possidendam dedit. Sed cum anno circiter 1243. Bartholomæus & Fridericus Guidonis filii cum Jadertinis ad Belam IV. regem Hungariæ defecissent, quem ob cladem Tartaricam Hungaria profugum ingentis pecuniæ subsidio juverant, utrumque & eorum consanguineos Veneti principatu Vegliensi multarunt; ut scriptum reliquit Andreas Dandulus in suo Chronico sub Jacobo Teupolo Duce: Bartholomæus Comes Vegliæ cum consortibus suis, qui juramento fidelitatis Comitatum a Venetis recognoscebant, recepto feudo a rege Hungariæ ei totaliter adhaerant. Dux autem illos ut rebelles ab omni honore privavit, & Laurentius Teupolo ejus (Ducis) genitus illis subrogatus est. Receptum feudum a rege Hungariæ, de quo Dandulus, aliud esse non potest nisi Sena civitas veteris Japidæ, quam illis Comitibus remunerationis ergo, non statim ab eorum defectione, ut videtur existimasse Dandulus, sed post aliquot annos donavit. Ut Jadrenses primum, sic etiam postea Comites Veglienses, supplices veniamque orantes, anno 1260. in gratiam Venetorum recepti sunt; & Raynerius Dux Venetiarum tum illos tum illorum hæredes ac posteriores in possessionem fiduciarum ejusdem insu-

læ restituit, simulque Pervichium scopulorum insulæ proximum eidem attribuit: Caterum Schinella, ait Dandulus, & nati quondam Guidonis olim Comitis Vegliæ, qui regi Hungariæ adhaerant, & a Duce de Comitatu privati erant; nunc Venetorum gratiam implorantes benigne in Comitatu, & ceteris honorificentissimis sunt restituti. Huc revoces velim quæ dicta sunt in præmio hujus Vegliensis Ecclesiasticæ historiæ. Nunc diploma utrumque Belæ regis, & Raynerii Ducis hic subjicio.

Bela D. G. Ung. Dal. Cro. Rama, Serv. Gal. Lodov. Cumanique Rex omnibus Christi fidelibus præsens scriptum inspecturis salutem in eo per quem reges regnant, & principes terrarum regibus subiecti: Convenit omnium nationum & linguarum sibi devote obsequentium servitiis taliter providere, ut alii supervenientes, eorum exempla imitati ad fidelitatis opera ardentius, & ferventius evocentur. Proinde ad universorum tam presentium, quam futurorum notitiam harum serie volumus pervenire, quod cum propter scelera omnium hominum in regno nostro degentium, instigante antiquo humani generis inimico abundaverant peccata, & plusquam arena maris multiplicaverant, nolens Deus eorum malitiam impune ulterius pertransire, rabiem Tartaricæ gentis excitavit, per quos potentiam suæ Deitatis genti pro \* fide ostenderet, & eos de terra \* perfida deleteret, propter quorum etiam peccata a nobis suam misericordiam elongaverat, adeo quod per ipsos Tartaros in campestri prælio convicti, fugæ præsidio maritimas adiremus partes, & aquarum latibula quæreremus, quia eorum solatio eramus. Pater misericordiarum, & Deus totius consolationis, qui consolatur nos in omni tribulatione nostra, & nobis fontem animæ aperire dignatus est; & ad consolandum nos Fredericum, & Bartholomæum illustres, & strenuos viros nobiles de Vegliæ quasi de cælo projecit, qui nobis in omni eorum parentela adherentes, inter promiscuos actus fideliter exhibuerunt famulatus, & non modicam eorum pecuniam, quæ ultra viginti millia marcharum transcendit, in ciphis, aureis & argenteis, & cum aliis rebus pretiosis nobis de rebus eorum præstaverunt, & præstando donaverunt; recompensantes eorum servitia, & dona, de consilio Domine Mariæ carissimæ consortis nostræ, & Baronum nostrorum fidelium, quandam civitatem nostram circa litus maris existentem, Segniam vocatam, cum omnibus suis utilitatibus, & pertinentiis universis, simul cum tributo seu teloneo, & aliis circumstantiis, & in eadem libertate, sicut nobis servare consueverat, dedimus, donavimus, contulimus ipsi Frederico, & Bartholomæo in filiis filiorum perpetuo & irrevocabiliter possidendam. Hoc etiam specificando, quod si quis hærede careret, hæres alterius finaliter possidere valeat. Ut igitur hujus nostræ collationis series propterea firmitate solidetur, præsentibus ejusdem concessimus, duplicis sigilli nostri munimine roboratas. Datum per manus discreti viri Franquerii electi Arbeni, Aula nostra V. Cancell. dilecti & fidelis nostri Anno Domini MCCLX. regni autem nostri XX. Sed pro anno 1260. substituendus est annus 1255. quocum congruit annus regni vicefimus; Bela siquidem anno 1235. pridie Idus Octobris, Albæ in æde Divi Petri, sacrum diadema capiti impositum, & cetera insignia regalia suscepit.

In Christi nomine Amen. Decet cuilibet Domini-

Diploma Belæ IV. Reg. Hung. qui Seniam urbem Comitibus Vegliæ donavit.

per fide

Diploma  
Raynerii  
Ducis Ven.  
qui Comi-  
tes Vegla  
in gratiam  
recepit, &  
in posses-  
sionem ejus  
insulae re-  
stituit.

minationis arbitrium amplecti liberaliter (Verba male inter se connexa, ex quibus perturbatio & obscuritas orationis. Ex autographo, quod inspicere non licuit, emendationem adhibere non potuimus) petitiones rationibus devotorum, eos precipue ad exauditionis gratiam, admittendaque non minus regnantium laudes, quae & eorum commoda & honores dignoscuntur; hinc est, quod nos Raynerio Geno D. G. Venet. & Dalm. atque Croatiae Dux, Dominus quartae partis & dimidia totius Imperii Romaniae, cum nostris Judicibus, & Sapientibus nostris de majori, & minori nostro Consilio, & collaudatione populi in publica concione, attendentes puram fidem, & rectam devotionem, quam egregii viri Joannes, Guido, & Henricus olim Comites Vegla, ac ipsorum praedecessores, ad nos & praecessores nostros, ac Commune Venet. hactenus habuerunt, ipsorum Comitum meritis inspicendo, & benevolentiam, quam erga ipsorum nobiles nostri praedecessores per tempus praeteritum habuerunt, disponentes eorum haeredes ostendere opera per effectum, concedimus, & confirmamus Viris Nobb. Schinella nato quondam egregii viri Comitum Bartholomaei Vegla, ac ejus filii, Petro, Schinella, Bartholomaeo; & Frederico, Bartholomaeo, Guidoni filiis quondam Comitum Guidonis de Vegla, & eorum haeredibus masculis in perpetuum, ita quod unus alteri succedat, universum Comitatum Vegla, & insulae, & Perichii, cum omnibus redditibus, juribusque, rationibus, honorificentis, collectis, & regalibus suis ad eundem Comitatum & insulam, sive insulas spectantibus; ut ea omnia de cetero habeant, teneant, & possideant sine aliqua contrarietate, sicut ipsi Comites, & eorum praedecessores per tempus praeteritum habuerunt, & tenuerunt, habendo, sicut dictum est, dictus Dominus Schinella Comes, & filii, & eorum haeredes medietatem totius dicti Comitatus; & praedicti Fridericus, & Bartholomaeus, & Guido, ac eorum haeredes aliam medietatem; propterea omnes dictum Comitatum regere & gubernare debeant secundum bonas, & antiquas consuetudines ipsius Comitatus, ac Comitatum manutenere & defensare bona fide ad nostrum, nostrisque Communis Veneti honorem, excepta persona coronata, & ipsius exercitu manifesto; nuncios autem nostros & Communis Veneti, ac galeas & ligna currentia, quae illuc per tempora adire contigerit, debeant recipere honorifice, & tractare benigne; inimicos autem Veneti Communis ut inimicos reputabunt, amicos vero pro amicis habebunt; & non facient compagiam cum ullo corsario, vel societatem cum aliquibus ex eis contrahent, qui derobationem, piraticamque exercentes, homines offendunt, vel offendere niterentur, sive alios undecumque, sive Venetias venientes, & de Venetiis redeuntes; & est sciendum, quod per dictam concessionem ipsius Comitatus solvi, & dari debeant Communi Venetorum librae nongentae Venetae parv. de quibus lib. 900. medietatem solvere, & dare debeant D. Comes Schinella, & filii eius ac eorum haeredes, quibus concessa est medietas dicti Comitatus, & aliam medietatem solvere, & dare debeant praedicti Frider. Barth. & Guido, & eorum haeredes, quibus alia medietas Comitatus concessa est. De quibus habere debemus nos Dux pro salario nobis concessio libras DCC. Ven. par. & libras CC. habere debeat N. V. Laurentius Tempulo donec vixerit; & eo decedente dic. lib. CC. in Commune Venet.

debeant libere devenire. Praterea quodcumque pro Communi Venet. armabuntur galea, vel a triginta superius, armari debeat una galea per homines ipsius Comitatus, eorum expensis; & si magnitudo Venet. exercitus ibit per partitionem, quod unus ex Comitibus de domo Vegla ibit personaliter in dicto exercitu, & stabit, donec alii nobiles de Venetia morabuntur, eorum Comitum sumptibus & expensis. Item quod infra decem annos proxime venturos debeant, & teneantur dicti Comites, tam Comes Schinella, & filii, & eorum haeredes, quam praedicti Frider. Barth. & Guido, & eorum haeredes ponere in Venetiis in possessionibus librarum decem millia Venet. par. ponendo videlicet a quatuor annis proximis, in antea quolibet anno tantum, quantum sufficit, pretii pro rata in deposito pro ipsis possessionibus comparandis, de quibus medietatem praedicti Fridericus, Barth. & Guido, & eorum haeredes, aliam medietatem praedictus Schinella & filii, & eorum haeredes ponere debeant. Et si acciderit quod Comitatus ipse in nobis remaneat per defectum masculinorum, qui non essent in domo Vegla, dictae possessiones ipsis remaneant liberae, & eorum haeredibus ad faciendum ex eis pro anima, & corpore quidquid voluerunt ordinare. Item quodcumque nobis, & nostris successoribus, & Communi Venet. necesse fuerit habere gentem, pro Communi Venetiarum, teneantur dicti Comites dum vixerint, dare operam, quod in insula Vegla, & Comitatu, ac aliis terris circumstantibus inveniantur ad soldum Communis Venet. usque centum, vel ducentum homines pro tali soldo, qualiter dabitur Venetiis; & quodcumque frumentum valeat in Venetiis triginta solidos parvorum superius pro quolibet statio, dabunt operam dicti Comites bona fide, dum vixerint, aequaliter quod de Comitatu praedicto, & aliis terris circumadjacentibus in majori quantitate, quam poterunt, conducatur Venetias ad vendendum. Et est sciendum quod decedentibus omnibus Comitibus supra dictis, & haeredibus masculinis, ita quod nullus masculus supervivat, dictus Comitatus cum omnibus supra concessis in nos, & Com. Venet. debeat libere devenire, quem regi, & tenere facere debemus secundum bonas & antiquas consuetudines in ipso Comitatu obtentas. Nobis quoque Duci, nostrisque successoribus, & Communi Ven. tam ipsi Comites, qui nunc sunt, quam eorum haeredes, qui pro tempore fuerint, infra unum annum, postquam pervenerint ad aetatem, fidel. erunt sacramento astricti in perpetuum; & omnia, quae continentur superius cum eorum haeredibus ipsi Comites nobis supradicto Duci, & successoribus nostris, & Com. Venet. sacramento astricti se observaturos promiserunt, nisi remanserit per nos, aut successores nostros, vel majorem partem nostri Consilii; ita tamen quod non possint nec debeant esse ex dictis Comitibus, nisi duo Rectores, quibus de honorificentis Comitatus debeant respondere; & si aliquis ex dictis Comitibus terram exierit, vel casu absens fuerit, unus alius debeat esse Rector de Colonello illo, de quo fuerit, qui absens erit; & si omnes dicti Comites erunt extra terram, constituent unum vel duos Rectores, sicut eis utilius apparebit; & si omnia, sicut superius continetur, observata non fuerint, pars Comitatus illius, qui contraxerit, amittatur, cum omnibus supra concessis; & in alios deveniant, de cujus Colonello fuerit observatum, quae superius dicta sunt, donec

donec ille, qui contraxerit, ad nostram & Com. Ven. gratiam fuerit restitutus; si vero omnes prædicti Comites, vel eorum heredes contra prædicta fecerint, prædictus Comitatus in nos, & Com. Ven. cum omnibus supra concessis deperire debeat, cum omni plenitudine rationis ad faciendum exinde quidquid nostra, nostrique Consilii voluntatis fuerit; & secundum bonas & antiquas consuetudines in ipso Comitatu obtentas, ipsum regi, & tenere facere debemus. Et sciendum quod prædicti Comites sunt, & esse debeant de nostro majori Consilio, sacramento astricti, quando per tempora Venetiis erunt; & ad maiorem huius rei firmitatem, & evidentiam plenior, præsens privilegium fieri iussimus, & per manum Corradi Cur. nostræ Cancell. roborari, currente anno Domini MCCLX.

Ego Raynerius Genq D. G. Dux Ven. &c.

Ego Joannes Quirinus Iudex.

Ego Joannes Gradenicus Iudex.

Ego Gibertus Dandulus Iudex.

Ego Marcus Totulus Consiliator.

Ego Marsilius Georgii Consiliator.

Ego Marcus Aurio Consiliator.

Ego Thomasius Mauroceno Consiliator.

Ego Nicolaus Quirinus Consiliator.

Ego Corradus Ducalis Aula Venet. Cancellarius his omnibus interfui, & de mandato ipsius D. Ducis scripsi, complevi, roboravi &c.

Nota Luciana in diploma Raynerii Ducis Venet.

Huic Ducali diplomati hanc notam Joannes Lucius subiecit: Ita Comites Veglienses Nobiles effecti Veneti, inter Comites Venetos pro Veglia, inter Comites vero Croatos pro Segnia censebantur; hacque de causa in investitura Veglia excepta fuit CORONATA PERSONA, scilicet rex Ungariæ, cujus feudum Segniam possidebant: Patriarchatumque Venetum servarunt etiam eo tempore, quo Veglia sub dominio Ludovici regis Ungariæ reperiebatur, usque ad annum 1381. nam cum adhuc Segnia ex antiquo instituto Consul Venetus moraretur, vexillumque D. Marci erigi soleret, utrumque rex retuit; in tractatu itaque pacis Veneti regis arbitrio permiserunt, ut vel antiqua ipsorum jura Segnia servarentur, vel his ablatis Comites Veglia & Segnia honoribus & privilegiis, quæ Venetiis habebant, privarentur, ut Carolus refert.

Illud etiam animadverti oportet ex hac gente seu familia, quæ principatum in urbe & insula Vegliæ obtinebat, fere semper aliquot fuisse, quibus Schinella nomen erat, propriumne, an ex communi totius gentis cognomine desumptum; mihi non liquet. In antiquis codicibus ante sæculum decimum quintum Comites de Veglia, vel de Senia cognominari solebant. Ex communi huius gentis stipite sunt deinde familiarum facta divortia, & alii Vegliæ, alii Seniæ, alii in aliis Chrobatæ locis principatum obtinuerunt; omnes vero sub initium sæculi decimi quinti avitum cognomen ab antiquissimis Romanis Frangipaniis, unde erant oriundi profectique in Vegliam insulam, resumpserunt, atque etiamnum retinent qui ex ea gente superlunt.

#### MARINUS EP. VEGLIENSIS VI.

De quo nihil præter nomen, quod nobis innotuit ex diplomate pontificio, paullo post describendo. His temporibus etiam erant in insula Illyrici Sacri Tom. V.

sula cœnobio Ordinis Benedictini, ut colligitur ex tabulis supremis piæ cujusdam mulieris, confectis anno 1271, die 12. Septembris, quæ Capitulo, Primicerio Ecclesiæ Veglen., nec non monasteriis S. Mariæ de Castilione, S. Laurentii, & S. Joannis nonnihil de bonis a Deo sibi collatis reliquit. Marinus obiit anno 1288. vel sequenti.

#### LAMBERTUS EP. VEGLIENSIS VII.

Post mortem Marini habita sunt de more comitia episcopalia. Canonici inter se discordes, duasque in partes distracti, alii quidem in F. Joannem de Veglia disciplinæ Franciscanæ alumnus, alii vero in F. Zachariam Ordinis Dominicani suffragia contulerunt. Cum neutra pars alteri cederet, & pro eo, quem quæque elegerat, Episcopo obstinatis animis depugnerent, interregnum episcopale in alios ex aliis menses productum est. Quocirca Nicolaus IV. Pontif. Max. veritus ne quid detrimenti caperet Ecclesiæ Vegliensis suo Pastore destituta, præsertim cum neuter electus ad jus suum persequendum, tuendumque Romam accederet; utroque posthabito F. Lambertum ex Ordine Franciscano, virum eximie doctrinæ ac virtutis, Episcopum Vegliensibus dedit anno 1290. ut docet Lucas Vadingus Tomo II. Annal. Hoc anno aliqui Ecclesiarum Antistites ex Minoritis creati, F. Lambertus assumptus ad Episcopatum Vegliensem in Dalmatia vacantem per mortem Marini, ad quam electi erant duo in discordia, unus Franciscanus, Dominicanus alter. En diploma pontificium.

Duobus Episcopis per discordiam electis posthabitis, Nicolaus IV. F. Lambertum Ep. Vegliensibus dedit.

Venerabili Fratri Lamberto Episcopo Veglen.

Vacante dudum Veglen. Ecclesiæ per obitum bona memoria Marini Veglen. Episcopi, duæ fuerunt electiones a Canonici ipsius Ecclesiæ, una videlicet de Fratre Joanne de Veglia Minorum, & altera de Fratre Zacharia Tradicatorum Fratrum ordinum, in discordia celebrata. Hujusmodi vero electionum negotio ad Sedem Apostolicam devoluto, cum dicti electi infra tempus a jure statutum, ac etiam post, ad eandem Sedem accedere non curarent pro hujusmodi electionum suarum negotio prosequendo; Nos ipsos in audientia publica citari fecimus, ut ad prosequendum jus, si quod eis in hujusmodi electionibus competebat, certo termino comparerent; & demum cum nullus illorum ad hac comparere curaret, pronuntiavimus ipsos a jure, si quod eis competebat ex eisdem electionibus, cecidisse. Deinde vero ne dicta Ecclesiæ ulterius viduitatis incommoda deploraret, ei de Pastore idoneo providere volentes, ad personam tuam morum honestate decoram, litterarum scientia præditam, in spiritualibus providam, & in temporalibus circumspectam, ac aliis virtutum donis multipliciter commendatam, direximus oculos nostræ mentis, illam fore perutilem ad ipsius Ecclesiæ regimen arbitantes. Eapropter te Ordinis Fratrum Minorum professum, de Fratrum nostrorum consilio, eidem Ecclesiæ in Episcopum præfecimus, & Pastorem, curam & administrationem ipsius Veglen. Ecclesiæ spiritualiter ac temporaliter committendo, firma de te concepta fiducia, quod dirigente Domino actus tuos, inibi cultus divinus augebitur, & eadem Ecclesiæ per tuam circumspectionis industriam in spiritualibus, & temporalibus prospere dirigatur, & salubria, donante

Diploma Nicolai IV.

Domino, suscipiet incrementa. Reverenter igitur suscipe jugum Domini, & suavi ejus oneri humiliter colla flecte, manumque mittens ad fortia, ipsius Veglen. Ecclesie administrationem exequi studeas diligenter, & gregis tibi in ea commissi custodiam prosequaris sollicite ac prudenter, ut laudabili de ipso in die judicii reddita ratione, una cum eis regnum Patris aeterni, ab origine mundi praparatum electis, merearis accipere; ac dilecta Domini tabernacula possidere. Datum Romae apud S. Mariam Majorem VIII. Idus Martii anno III. idest 1290.

Domici-  
lium Fra-  
tribus Fran-  
ciscanis in  
urbe consti-  
tutum.

Hoc eodem anno (ut est apud Vadingum) Vegliae traditum est domicilium Patribus Franciscanis, ipsomet fortasse Lamberto Episcopo hortatore, atque auctore, qui Fratrum suorum operam ad vineam dominicam excolendam sibi suisque successoribus necessariam esse, ac perutilem fore existimabat. Septem annos sapientissime praefuit: quem Bonifacius VIII. anno 1297. VIII. Kal. Junii ad Ecclesiam Aquinatem in regno Neapolitano gubernandam transtulit, E vita decessit an. 1309.

#### MATTHAEUS EP. VEGLIENSIS VIII.

Quem Bonifacius Papa huic Ecclesiae praefecit anno circiter 1297. Migravit e vita anno circiter quarto post susceptum Pontificatum. Valerius de Ponte in Catalogo Antistitum Vegliensium, anno 1301. Joannem nescio quem Episcopum affixit, ejusque nomen ait ad annum eundem adscriptum in tabulis Vegliensibus reperiri. Sed cum Episcopus, quem mox subiiciam, in locum Matthaei demortui successit esse dicatur anno 1302. inter Matthaeum, & hujus proximum successorem, nihil loci reliquum est Joanni. Fortasse Matthaeus & Joannes unus idemque Episcopus fuit, qui utroque nomine appellaretur.

Joannes  
Episcopus  
expolitus.

#### THOMAS EP. VEGLIENSIS IX.

Alter est e Franciscana familia, cui Bonifacius VIII. an. 1302. ob ejus insignem sapientiam & probitatem Episcopatum Vegliensem contulit, ut tradit Vadingus Tom. III. Annal. F. Thomas ad Vegliensem in Dalmatia, seu Istria, sub Archiepiscopo Jadrensi per obitum Matthaei Episcopi vacantem promovetur. Diploma Pontificis Ecclesiam illam conferentis est hujusmodi.

Thomas electo Veglien.

Regimini universalis Ecclesiae, quamvis immeriti, disponente Domino praesidentes, de universis orbis Ecclesiis, juxta pastoralis officii debitum nos oportet sollicite considerare; sed ad eas nimirum, quas conspiciamus pastorali fore solatio destitutas, eo attentioris considerationis intuitum retorquemus, quo ipsae majoribus, quae frequenter ex vacationibus earum proveniunt, incommodis exponuntur; & ideo cura reddimur indefessa solliciti, ut eis de celeris & salubris provisionis remedio succurramus, ne, quod absit, earum provisione dilata, ambulantis in circuitu lupi rapacis astutia Dominicam gregem pastore carentem invadat, ovesque rapiat ac disperdat. Nuper siquidem Veglen. Ecclesia per obitum bone memoriae Matthaei Veglen. Episcopi, qui apud Sedem Apostolicam diem clausit extremum, vacante, nos ad provisionem ipsius, ne prolixae vacationis damna subiret, sollicite intendentes, post vigilem,

Epistola  
Bonifacii  
VIII. ad  
Thomam  
electum.

quam super hoc apposuimus, diligentiam, consideratis gratiarum virtutibus a Domino tibi datis, ad te Ordinem Fratrum Minorum professum, cui litterarum scientia, morum gravitas, vita munditia, providentia spiritualium, & circumspetio temporalium, prout fide dignorum didicimus testimonio, suffragantur, direximus oculos mentis nostrae, quibus omnibus, & aliis, quae circa praemissa consideranda novimus, debita meditatione pensatis, de Fratrum nostrorum consilio, & Apostolica plenitudine potestatis, de persona tua ipsi Veglensi Ecclesiae providemus, teque illi praeficimus in Episcopum & Pastorem, tibi curam, & administrationem ipsius in spiritualibus, & temporalibus committendo; in illo, qui dat gratiam & largitur premia, confidentes, quod eadem Veglen. Ecclesia sub tuo felici regimine, dextera Domini tibi assistente propitius, grata suscipiat incrementa. Jugum itaque Domini leve collis humilibus, prompta devotione suscipias, & suavi ejus oneri reverenter colla submittas, praedicta Veglen. Ecclesia regimen tibi commissum exercens fideliter & prudenter, ut per tuae vigilantiae studium eadem Veglen. Ecclesia jugiter praeservetur a noxiis, & ad salubria, dante Domino, dirigatur; tuque proinde divinam Apostolicam Sedem, & nostram gratiam uberius consequi merearis.

Datum Anagninae Idibus Augusti anno VIII. idest 1302.

Cum F. Gentilis Cardinalis tit. S. Martini in Montibus a Clemente Legatus in Hungariam, & Dalmatiam missus, Seniam digressus esset; Thomas Episcopus ejus visendi ac salutandi causa Seniam venit anno 1308. & cum Nicolao Senensi Episcopo praesens, ac testis adfuit sententiae ejusdem Cardinalis & Legati Apostolici, qui e proventibus territorii Dridiensis quartam partem adjudicavit ædi cathedrali Traguriensti die 27. Augusti apud civitatem Signiam 1308. . . praesentibus D. Fr. Thoma Veglien. Fr. Nicolao Signien. Episcopis, Dum Thomas hanc Ecclesiam gubernabat, Comites Veglienses copiis atque opibus affluerebant; & praeter Seniam, Tertium, Modrussam aliasque Japidiae veteris loca ex donatione regum Hungariae possidebant. Apud vallem S. Mauritii in Gyro, in dioecesi Vegliensi coenobium erat monachorum Carthusiensium, florebatque in primis tum vigore primario monachalis disciplinae, tum viris eximia doctrinae & sanctitatis. Duymus Comes Vegliae domos eorum, & agros amplissima immunitate donavit anno 1308. ut in suis adversariis Mss. notatum reliquit Joannes Tomcus Marnavitus: Duimus Comes Vegliae liberae Fratres domus Carthusiensium de Gyro a tributis solutione, tam in Segna, quam in tota sua potestate. Anno autem 1313. ut est in iisdem adversariis, Duimus, & Federicus ejus filius Comites Vegliae, Vinodol, & Modrussa, & civit. Segnia perpetui Domini, pro salute sua, & Dominae Urse matris praedicti Federici, ac Dominae Elisabethae uxoris Comitis Federici, dant perpetualiter Carthusianis unam urnam alci omni anno, & 40. stavia salis omni anno de propriis eorum redditibus, eosdem liberantes a solutione tributis in omnibus dominiis suis, & districtibus. Duymus princeps familiae, idemque Comes, seu Dominus Vegliae, bellica virtute & gloria clarus, insignique religione praeditus e vita decessit; quod veluti singulari memoria dignum Micha Madius, in Historia de Ge-  
lis

Coenobium  
Carthu-  
siense in  
dioecesi  
Vegli-  
en. a  
Duyma  
Comite  
Vegliae  
plena im-  
munitate  
donatum.

& annuis  
proventi-  
bus aucta.

*His Rom. Imp. & Pontif. cap. xli. notatum reliquit: His diebus (anno scilicet 1317.) D. C. Duymus Vegliensis nobilis bellator obiit ad Christum. Duymo in principatum hujus insulæ successit Federicus filius, qui cum exercitu Caroli regis Hungariæ suas copias, ad proceres quosdam Chrobatæ subjugandos, conjunxit anno 1326. ut docet Micha Madius cap. 28. Dies & annus emortualis Thomæ Episcopi ignotus est. Ante annum undecimum hujus sæculi vita functum esse arbitror.*

## JACOBUS EP. VEGLIENSIS X.

*Jacobus Bertaldus Venerus e magno Cancellario Presbyter, Notus est Venetiis in vico S. Pantaleonis ex familia Bertalda in primis inter cives secundi ordinis illustri & copiosa. Ad summam magni Cancellarii dignitatem per omnes inferiorum magistratum gradus pervenit; qua sponte deposita, & mundanis honoribus, negotiisque nuncio remisso, ecclesiasticæ militiæ nomen dedit, atque ad Collegium Presbyterorum S. Pantaleonis aggregari voluit. Hinc assumptus, ad Ecclesiam Vegliensem regendam accessit. Postquam per aliquot annos virtute & vigilantia singulari, commisso sibi gregi præfuit; Venetiis diem obiit supremum tertio Nonas Aprilis, anno 1315. Episcopatus Vegliensis Jacobi Bertaldi non aliunde mihi notus est, nisi ex epitaphio, quod, in æde S. Pantaleonis, ejus arcæ sepulchrali inscriptum est.*

*Jacobus hac jacet Vegliensis Episcopus arca Bertaldus, Venetus quoque Cancellarius olim, Presbyter, atque sacri devotus Pantaleonis Mille trecentis currentibus quindecim annis Nuper exeunte die tertio mensis Aprilis.*

*Ad hunc pertinere arbitror epistolam Clementis V. Archiepiscopos & Episcopos ad Concilium Viennense convocantis; data fuit anno 1311. & inscripta Archiepiscopo Jadrensi, & Episcopis &c. Mandamus quatenus vos Archiepiscopo, & Signiensis, & Vegliensis Episcopi &c. ubi Pontifex Metropolitæ & provinciæ Jadrensis Episcopum Senientem per errorem attribuit. Qui post Bertaldum per annos amplius centum sedem Vegliensem tenuerunt, eorum nomina & gesta vel incuria illorum temporum vel jactura tabularum posteritati præripuit. Erat extra urbem pervetus cœnobium Benedictinum S. Laurentii; ex quo Benedictus XII. Martinianum monachum cœnobiarcham dedit monachis Arbensibus S. Petri anno 1337. ut est in tabulis Avenionensibus, quæ a nobis descriptæ sunt in Georgio III. Episcopo Arbenli. Anno 1357. cum Ludovicus rex Hungariæ Dalmatiam universam Venetiis eripuisse, Vegliæ quoque cum Dynastis ac Dominis ejusdem insulæ & aliorum Japidæ oppidorum, in ejusdem regis potestatem concessit. Anno 1412. hujus insulæ principatum obtinebat Magnus vir Dominus Nicolaus Comes Vegliæ, Segniæ, Modrussæ &c. his enim titulis allicitur, atque ornatur in privilegio Sigismundi Romanorum & Hungariæ regis, qui Insulam Vegliensem, civitatem, castra, villas, nemora, portus maritimos, salinas, scopulos, vocatos videlicet Perwich, Plafnich &c. cum illorum pertinentiis, juraque patronatus Ecclesiarum, auctoritate regia ipsi magnifico viro Comiti Nicolao prædixit, suisque hæredibus, ac hæredum successoribus approbavit, ratificavit, & reliquit pacifice.*

*Series Episcopalis intertum per annos centum interrupta.*

*Ludovicus Vegliam cum Dalmatiæ Venetiis eripuit.*

*possidere, habere, & tenere pleno jure, cum omni integritate &c. Dat. per manus Reverendi in Christo Patris Domini Eberardi Episcopi Zagrabienfis, aulæ nostræ majestatis Consiliarii fidelis nostri, grati, & dilecti, anno 1412. Kalendis Novembris, regnorum autem nostrorum anno, Ungariæ XXVI. Romanorum III.*

## NICOLAUS EP. VEGLIENSIS XI.

*Hunc elegit Nicolaus Frangipanius Comes Vegliæ; electionem confirmavit Martinus V. ut videtur colligi posse ex Tabulis consistorialibus, in quibus electus nominatur, & hujus Ecclesiæ regimini a Pontifice præficitur. 1421. viii. Idus Octobris provisum est Ecclesiæ Vegliensi vacanti per mortem de persona Nicolai electi. Siquidem Comites Vegliæ jus nominandi Rectores Ecclesiarum suæ ditionis sibi jampridem arrogare & usurpare cœperant, ut constat ex privilegio Sigismundi supra laudato, qui Nicolao Comiti ejusque hæredibus & successoribus jura patronatus Ecclesiarum, approbavit, ratificavit &c. Cum enim reges Hungariæ jus nominandi Episcopos ditionis Hungariæ sibi vindicarent; nominationem Episcopi Vegliensis, Comitibus Vegliæ ob singularia illorum erga se merita concesserant.*

*Hoc sæculo primum Comites seu Dynastæ Vegliæ, Seniæ, Modrussæ &c. antiquo suæ gentis cognomine resumpto, Frangipanii appellari cœperunt. Nicolaus Comes Vegliæ, Seniæ, Modrussæ, idemque Banus Chrobatæ, cum voti ac religionis causa Romam se contulisset; Martinus Pontifex viri nobilitatem ac pietatem admiratus, summa illum benigne, & quo dignus erat, honore excepit. Auctorem eidem fuisse ajunt, ut quoniam ipse ab antiquissimis Romanis Frangipaniis ex Anicia stirpe oriundis, ex quibus tot nobilissimæ familiæ in varias Italiæ, ac Germaniæ urbes propagatæ ac proleminatæ erant, originem ducebat, Frangipanii cognomen dignitatis & gloriæ plenum reciperet, simulque illi stemma Frangipanicum tradidit, quo imposterum pro suo, ac suorum hæredum insigni uteretur; antea siquidem stemma gentilitium Comitum Vegliæ, Seniæ &c. erant quædam stellæ aureæ, campo, ut ajunt, albo intextæ; Frangipanium duos leones aureos panem frangentes exhibebat. Hujus autem stemmatis, & cognominis causam explicat Onuphrius Panvinus in suis Commentariis Mss. de Gente Frangipanea, quam ex vetustissima Anicia Romana familia, unde S. Gregorius Magnus ortus est, prognatam esse affirmat: Quidam Aniciorum in maxima urbis penuria, pauperibus, vel peregrinis panem in plures partes concisum & fractum pro elemosyna divisit; a quo casu ipse postea, & ejus filii Frangepanes, alias Frangentes panem, utroque enim modo scriptum reperitur, dicti sunt. Hoc autem nomen ea ratione exortum fuisse existimo, levi aliqui, verisimili tamen conjectura ductus; nihil enim umquam certi reperire potui de hujus nominis origine, & originis tempore.*

*Verum ante Martinum Pontificem sub initium sæculi decimi quinti Comites Vegliæ, Modrussæ, Seniæ &c. Frangipanos cognominari cœpisse declarat diploma confectum anno 1405. Nos, inquit, Nicolaus, Stephanus, Bartolus, Doymius, Martinus, Sigismundus, & Johannes de Frangepanibus Vegliæ, Segniæ, Modrussæ &c.*

*Nicolaus Comes Vegliæ &c. & Banus Chrobatæ avitum Frangipaniæ gentis nomen resumpsit.*



sia &c. Comites significamus universis & singulis . . . promittimus, & promissimus fidelibus nostris subditis Veglensibus & insularis, eos omnes & singulas, in eorum bonis, & novis ac veteribus usitatis libertatibus, & consuetudinibus, juribus & rationibus, ut per elapsum extitit, regere, gubernare, & manutenere, ac etiam regi, gubernari, & manuteneri facere in eis omnibus, in quibus genitor noster, ac nostri predecessores, regere & gubernare eos voluit & fecit. In quorum fidem, & testimonium praesentes nostras litteras patentes eis dari iussimus, nostri consueti sigilli impressione munitas.

Datum in civitate nostra Vegla, Anno Domini millesimo, quadringentesimo quinto.

De Nicolao Episcopo nihil praeter ejus nomen litteris proditum reperio, non patriam, non genus, non res ab eo gestas. Anno 1435. morte praereptus sedem Vegliensem vacuum successori reliquit.

#### ANGELUS EP. VEGLIENSIS XII.

Ex ordine PP. Praedicatorum, cui fortassis a patria cognomen erat, de Bononia. Hunc Eugenius IV. Episcopum Vegliensibus dedit anno 1436. viii. Idus Octobris, ut docet epistola Pontificia Dilecto filio Angelo de Bononia electo Veglen. inscripta, quam ex Tomo 3. Bullarii Dominicani descriptam hic subijcio.

Eugenius Episcopus servus servorum Dei, dilecto filio Angelo de Bononia electo Veglen. salutem, & apostolicam benedictionem. Ad exequendum pastoralis officii debitum vigilantibus studiis intendentes &c. Dudum siquidem bonae memoriae Nicolao Episcopo Veglen. regimini Veglen. Ecclesiae praesidente, nos cupientes eidem Ecclesiae cum vacaret, per Apostolica Sedis providentiam utilem & idoneam praesidere personam &c. praefata Ecclesia per obitum ipsius Nicolai Episcopi, qui extra Romanam curiam diem clausit extremum, Pastoris solatio destituta &c. ad provisionem ipsius Ecclesiae celere, & felicem &c. paternis, & sollicitis studiis intendentes &c. demum ad te Ordinis Fratrum Praedicatorum professorem, & in Theologia magistrum, cui de religionis zelo, litterarum scientia, vitae munditia, honestate morum, spiritualium providentia, & temporalium circumspeditione, aliisque multiplicium virtutum donis apud nos fide digna testimonia perhibentur, direximus oculos nostrae mentis &c. teque illi praeficimus in Episcopum, & Pastorem, curam, regimen, & administrationem ipsius Ecclesiae tibi in spiritualibus, & temporalibus committendo. In illo &c. Datum Bononiae Anno Incarnationis Dominicae 1436. octavo Idus Octobris, Pontificatus nostri Anno sexto.

De Angelo hanc animadversionem epistolae Eugenianae praeposuit Bremond Tom. III. Bullarii Dominicani. Fr. Angelus de Bononia Episcopus Veglen. seu Veglanen. & Veglien. vulgo Veggia, Veglia, & Vegla, Slavis Kirk, in ejusdem nominis insula maris Adriatici, sub Archiepiscopo Jaderensi. Omittitur a Fontana, Cavalerio, caeterisque Scriptoribus. Successit Angelus noster cuidam Nicolao. Hinc dubium subnasci potest, utrum scilicet Vegliensis Episcopus fuerit Angelus in Apulia, ubi sedes Vigiliensis, nonnullis Vegliensis, vulgo Biseglia, & Veglia sub Archiepiscopo Tranensi. Ibi per id tempus sedisse Nicolaum quemdam docet Ughehus, & Sarnellius

in Episcopis Vigiliens. Sed ad annum usque 1442. Episcopum fuisse Nicolaum auctores sunt Scriptores mox laudati, qui Angelum de Bononia non norant; quapropter ipsum Vigilienses inter Episcopos recensere non audeo; & jure quidem, nam de Vegliensi Dalmatico Episcopatu Angeli omnem dubitationem adimit Nicolaus proximus ante Angelum Episcopus Vegliensis in Dalmatia; cujus ignoratio dubitandi causam praebet, cuique Eugenius in Sedem Vegliensem provinciae Jaderinae Angelum substituit.

#### FRANCISCUS EP. VEGLIENSIS XIII.

Anno 1446. huic Ecclesiae praesidebat, ut constat ex epistola Eugenii IV. intercripta Francisco Episcopo Vegliensi, hoc ipso anno data, de qua in Nicolao Episcopo Arbeni. Cum de decimis Novaliae lis esset inter Nicolaum Anstitem, & Canonicos Arbenes, hi ad Sedem Apostolicam appellarunt. Pontifex cum jus a Capitulo stare cognovisset, Episcopo Vegliensi per litteras mandavit, ut incolis Novaliae poenam anathematis denuntiaret, nisi partem dimidiam decimarum Canonicis Arbensibus persolverent. Erat in insula pervetus coenobium Benedictinum ab S. Maria de Castillione cognominatum, tertio ferme ab urbe lapide situm, quod Dominici Abbatis obitu & monachorum discessu, jamdudum habitatoribus vacuum, ac desertum fuerat. Illud Martinus, & Joannes fratres Frangipanii, & Nicolai filii, Comites Vegliae, Seniae &c. Patribus Franciscanis cum tradidissent, ac donassent, rogarunt Nicolaum V. ut hanc donationem Apostolica auctoritatis praesidio corroboraret. Annuuit Pontifex, datis an. 1448. ad Franciscum Episcopum litteris in haec verba.

Venerab. Fratri Episcopo Vegleni.

Ad decorem sacrae Religionis, nostrae meditationis dirigentes intuitum, votis illis, per quae monasteriorum, & personarum in eis degentium statui, & indemnitatibus consulitur, ac Religionis ejusdem propagatio sequi speratur, annuimus gratiose. Sane pro parte dilectorum filiorum nobilium virorum Martini & Joannis dictorum de Frangipanibus, Comitum de Vegle, Sene, & Modruce, nobis nuper exhibita petitio continebat, quod olim ipsi recensentes quod monasterium Beatae Mariae de Castillione, ordinis S. Benedicti, tuae diocesis, post obitum quondam Dominici illius Abbatis, per multos annos, extra Romanam curiam defuncti, vacaverat, & monachis & personis caruerat, ac per laicos detentum, ac de facto occupatum fuerat, duos Fratres ordinis Minorum ad illius, ne ad totalem deveniret ruinam, regimen & conservationem deputarunt; & sicuti eadem petitio subjungebatur, ipsi Comites affectent, quod in dicto monasterio, propter illius fructuum, & proventus . . . qui viginti quatuor florenorum auri de camera valorem annum secundum communem estimationem non excedunt, S. Benedicti supprimatur, & de observantia Fratrum Minorum ordo hujusmodi perpetuo creetur, & erigatur; pro parte dictorum Comitum nobis fuit humiliter supplicatum, ut super iis opportuna providere de benignitate apostolica dignaremur. Nos itaque, qui de praemissis certam notitiam non habemus, fraternitati tuae per apostolica scripta mandamus, quatenus super praemissis omnibus, & singulis, eorumque circumstantiis universis auctoritate no-

Coenobium Benedictinum S. Mariae de Castillione Fratribus Franciscanis traditum.

Quam traditionem Nicolaus V. suis ad Franciscum Episc. litteris confirmari jubet.

stra

fra te diligenter informes, & si per informationem hujusmodi ita esse inveneris, S. Benedicti ordinem in eodem monasterio, ac illius Abbatialem dignitatem eadem auctoritate penitus supprimas, & extinguas; ac Fratrum Minorum de observantia hujusmodi crees, erigas, & instituas; nec non ipsius monasterii bona plus offerenti vel offerentibus, adhibitis debitis circa hoc cautelis & solemnitatibus, vendas; ac provenientia exinde pretium, & pecunias in reparationem & restorationem struendarum, & edificiorum Ecclesie dicti monasterii, & alias in illius ac Fratrum, inibi pro tempore degentium, utilitatem convertas, integre reponas, ac alias facias, disponas, ordines & exequaris omnia & singula, quæ in præmissis, & circa ea necessaria fuerint, seu etiam quomodolibet opportuna; super quibus plenam, & liberam tibi tenore præsentium concedimus facultatem; & insuper, si suppressionem, extinctionem, creationem, & institutionem prædictas fieri contigerit, universis & singulis Fratribus, quos in domo ipsius monasterii pro tempore residere contigerit, ut omnibus privilegiis, indulgentiis, libertatibus, exemptionibus, gratiis, & indultis ordini prædicto, nec non ipsius ordinis & observantia domibus, locis, & personis per sedem prædictam, aut alias in genere vel in specie quomodolibet concessis, ac in posterum forsitan concedendis, uti, & gaudere libere & licite valeant, auctoritate prædicta indulgemus per præsentem: jure tamen parochialis Ecclesie, ut cuiuslibet alterius in omnibus semper salvo. Non obstantibus &c. quibuscumque &c.

Datum Romæ apud S. Petrum anno Incarnat. Dominicæ MCCCXLVII. III. Kal. Martii anno 1. Fortasse III. Kal. Maji; nam Nicolaus ante diem sextam vel quartam Martii an. 1447. Pontifex creatus non fuit.

Templum SS. Cosmæ & Damiani ab Joanne Frangipanio Comite Vegliæ impetravit Franciscus Eremita S. Paulli.

Franciscus ab Joanne Frangipanio Comite ac Domino Vegliæ petiit impetravitque, ut Ecclesiam SS. Cosmæ & Damiani sitam in valle apud Bescam, quod oppidum erat frequens ac nobile insulæ Vegliensis, cum ædibus, prædiis, & proventibus eidem annexis, perpetuo possidendam traderet Fratribus Eremitis ordinis S. Paulli parentis Eremitarum, qui cœnobium incolebant S. Salvatoris in Liburnia, seu Japidia veteri, millia passuum circiter tria in ortum ab Senia distans, & mari adjacens; id tamen oneris impositum illis esse voluit Joannes Comes, ut illius Ecclesie reparandæ, tuendæ, ornandæ ac divinis laudibus & officiis colendæ curam susciperent, simulque bina & quinquagena singulis annis sacrificia facerent pro conditoribus ejusdem Ecclesie, & pro expiatione suorum delictorum.

Diploma Joannis Comitis Frangipanii.

Nos Joannes de Frangipanibus, Vegliæ, totiusque insulæ Dominus & Comes. Ad notitiam præsentium, & futurorum ducimus deveniendum, quod considerata melioratione, & utilitate Ecclesie SS. Cosmæ & Damiani in Valle Bescæ, ac pro salute nostra, nostrorumque successorum, visa etiam ipsa Ecclesia stante in maxima necessitate, tum consilio, & per jussionem Reverendi in Christo Patris & Domini D. Francisci, Dei & Apostolica Sedis gratia dignissimi Veglen. Episcopi, Patris nobis carissimi, per nos successoresque nostros in perpetuum dedimus, tradidimus, & assignavimus Venerabilibus Religiosis D. D. F. Martino, loco & nomine Patris Vicarii ordinis sui, & F. Vito Picocchi S. Salvatoris de prope Segna Ord. S. Paulli primi Eremitæ Sacri Tom. V.

ta, vice & nomine præfata Ecclesie S. Salvatoris recipientibus, præfatam Ecclesiam SS. Cosmæ & Damiani cum omnibus suis vineis, campis, possessionibus, terris, introitibus universis, & cum omnibus suis juribus & proventibus ita, & taliter, quod ex nunc Fratres præfati loci... ipsam Ecclesiam cum omnibus juribus, & introitibus suis... perpetuis temporibus valeant ipsam Ecclesiam, ac debeant in bona ædificatione gaudere & possidere libera & franca, sine ulla contradictione nostra, nostrorumque successorum... omni turbat... constituta nobis, vel successoribus nostris, eo modo, quo libere & firmiter... valle Bescæ. Et per hoc præfati Venerabiles Religiosi Fratres Martinus, & Vitus, nomine præfati loci S. Salvatoris, diebus perpetuis nobis... sciant, & successoribus nostris, omni & singulo anno celebrare in dicta Ecclesia missas parvas 52. pro animalibus fundatorum præfate Ecclesie, ac pro salute nostra, & remissione nostrorum delictorum. Mandantes per nos successoresque nostros omnibus officialibus nostris præsentibus, & futuris, ex nunc in antea ullo tempore nullo modo molestare, aut inquietare... nec præsumant Fratres supradictos præfati loci S. Salvatoris pro hac Ecclesia SS. Cosmæ, & Damiani, aut pro introitibus, & juribus suis, si gratiam nostram diligunt, eo quia nos, & per successores nostros promittimus superscriptis Fratribus vice totius eorum loci S. Salvatoris prædicti, hanc concessionem, & dationem, & omnia & singula ista diebus perpetuis... & non contravenire. In quorum fidem, & testimonium præsentem fieri imperavimus, easque nostri sigilli pensione communiri mandamus. Dat. Vegliæ, in sala nostra die 20. mensis Augusti, anno Domini 1455. Indict. tertio.

E cœnobio Senienfi S. Salvatoris, itemque Modruffensi S. Nicolai, exigua veluti colonia Fratrum ejusdem ordinis Bescam deducta est, qui domicilii ac templi SS. Cosmæ & Damiani possessionem adeuntes, ad normam Paullini instituti religiosam vitam ac disciplinam colere, in eoque templo quotidianæ psalmodiæ, relique divinæ operam dare cœperunt. Hæc sunt initia monasterii Bescensis Paullinorum, quibus Præfatus datus est, quem Priorem vocant; hisque anno 1574. Pater Roccus de Arbe, & anno 1656. P. Joannes Grisencich præsidebant, ut ejusdem cœnobii tabulæ docent, erantque subjecti, veluti membrum capiti, Congregationi Senienfi Paullinæ S. Salvatoris. Post Franciscum regimen hujus Ecclesie suscepit

Initia cœnobii Bescensis Eremitarum S. Paulli.

## NICOLAUS II. EP. VEGLIENSIS XIV.

Qui anno 1466. rogatu Vicarii provincialis Fratrum Eremitarum S. Paulli, & præfatis cœnobii Senienfi S. Salvatoris, itemque Fratrum cœnobii Modruffensi S. Nicolai, de sententia Capituli, Joanne Frangipanio Comite Vegliæ assentiente, non solum domicilii ac Templi SS. Cosmæ & Damiani illis traditi possessionem confirmavit, sed etiam ob insignia eorumdem merita, & quod tum piis cohortationibus, tum religiosæ vitæ exemplis Christianæ plebi prodessent, agros & vineas, quæ ad templum & cœnobium eorumdem SS. Martyrum pertinebant, ab omni tributo, ac decimarum solutione immunes esse jussit; nisi quod singulis annis, sollemni ac festo die Virginis Mariæ in celum

Nicolaus Ep. Templum & domicilium SS. Cosmæ & Damiani tradidit Eremitis Paullinis suo diploma confirmavit.

assumptæ, libram thuris sibi ac suis successoribus ab illis Fratribus perfolvi voluit, ad suam erga Episcopos Veglienses observantiam, acceptique beneficii memoriam testificandam. Exstat Nicolai Episcopi diploma in hæc verba.

**Diploma Episcopale.** Nos F. Nicolaus de Vegla divina providentia, & Sacrosancta Romanæ Eccl. gratia, Episcopus Veglen. universis & singulis has nostras litteras inspecturis ad perpetuam rei memoriam, significamus quatenus religiosi viri, Deoque dicati, Fratres Stanislaus de Polonia, Ord. FF. Eremitarum Ord. S. Pauli primi Eremitæ Vicarius provincialis, & monasterii, seu claustrum gloriosi Pont. & Conf. S. Nicolai de Nemore Modrussen. & Fr. Georgius de Modrussa ejusdem ordinis & professionis ad præsens Priores monasterii, seu claustrum S. Salvatoris prope Segnam, ad nostram præsentiam personaliter accedentes, exposuerunt illustrem principem, ac magnificum, & potentem Dominum Joannem de Frangepanibus Vegliæ, & insula Dominum, Segna, Modrussaque Comitum, suorum prædecessorum vestigia laudabiliter prosequentem, intuitu pietatis, & amore Crucifixi Domini Jesu Christi, & ob reverentiam gloriosæ semperque V. M., & gloriosi Pontificis Nicolai; & in remissionem peccatorum suorum, certam Ecclesiam sub titulo SS. Cosmæ, & Damiani dedicatam, in Valle Beschæ diocesis nostræ Veglen. positam, cum omnibus & singulis terris &c. prædicto monasterio, seu claustrum S. Salvatoris, & Fratribus prædicti ordinis præsentibus & futuris perpetuo, libere contulisse, applicasse, & donasse, tamquam verum, universalemque Dominum, ac legitimum Patronum, prout in authenticis ipsius magnifici Comititis litteris plenius continetur. Idcirco præfati religiosi viri, in persona sui, & omnium Fratrum sui ordinis præsentium, & futurorum, & nomine prædicti monasterii S. Salvatoris, humilibus precibus, & cum assidua instantia nobis supplicarunt, ut dignaremur præfatam Ecclesiam sub tit. SS. Cosmæ, & Damiani dedicatam, cum omnibus & singulis terris &c. confirmare, & dictæ Ecclesiæ omnes & singulas terras &c. in dicta Valle Beschæ positas ab omni onere, & censu decimarum, & octavæ, septimæ, & quartæ partis perpetuis futuris temporibus relevare, absolvere, & indempnes custodire. Nos autem prædictorum Religiosorum in persona sui &c. pura, & devota supplicatione audita, & considerata benigna largitione, & piissima prænotati principis & magnifici Comititis eleemosyna, attendentes etiam &c. & habita solemnî, & matura deliberatione cum Venerabilibus viris Domino Nicolao quondam Rake Archipresbytero, Dom. Matthæo quondam Cutele Primicerio, Dom. Dominico quondam Mauri Vicario, & aliis Canonicis Ecclesiæ nostræ Veglen. de voluntate antedicti Comititis magnifici, & consensu omnium dictorum Canonicorum, præfatis Religiosis &c. præfatam Ecclesiam sub tit. SS. Cosmæ, & Damiani dedicatam, cum omnibus & singulis terris &c. per nos & successores nostros confirmamus, & ratificamus, absolventes & roborantes ex nunc & futuris temporibus &c. Cum hoc quod Fratres dicti ordinis præsentibus & futuri, in signum recognitionis præfatæ concessionis, teneantur annuatim in Festo Assumptionis gloriosæ Virg. Mariæ unam incensi libram offerre & assignare Episcopo Veglen. donec dictæ possessiones fuerint in dictorum Fratrum possessione. Datum Veglæ in palatio residentie nostræ solitæ anno Domini nostri Jesu Christi 1466.

Indict. XIV. die autem 18. mensis April. Pontificatus SS. P. Pauli II. anno 2.

Hoc diploma Joannes Comes Frangepanius Dynasta Vegliensis, rogatus ab iisdem religiosi viris ratum habuit: Nos Joannes de Frangepanibus Vegliæ & insula Dominus, Segna, Modrussaque Comes, universis, & singulis Vicecomitibus, Potestatibus, Rectoribus, Judicibus, Officialibus, & subditis nostris, omnibusque aliis, sua quolibet modo interesse putantibus, ad quorum manus hæc nostræ pervenerint, significamus qualiter Religiosus vir Fr. Georgius de Modrussa ord. FF. Eremitarum S. Pauli primi Eremitæ ad præsens Prior monasterii, seu claustrum S. Salvatoris de prope Segnam nomine suo, & omnium Fratrum prædicti ord. præsentium & futurorum, & nomine Ecclesiæ SS. Cosmæ & Damiani dedicatæ in Valle Beschæ insula nostræ Vegliæ, nobis ex gratia humiliter supplicavit, ut dignaremur per nos, nostrosque hæredes & successores ad perpetuam rei memoriam, infra scriptas litteras ipsis per R. D. Episcopum civitatis nostræ Vegliæ concessas confirmare, & ratificare quoad absolutionem, & relevationem ab omni onere & censu, & octavæ, & septimæ, & quartæ partis certarum terrarum & possessionum ad prædictam Ecclesiam SS. Cosmæ, & Damiani pertinentium, ut in ipsis plenius continetur. . . . Quorum quidem R. D. Episcopi litterarum tenor sequitur in hæc verba: Nos Fr. Nicolaus &c. Hic subjecit ipsum diploma episcopale, quod verbis amplissimis confirmavit, atque in perpetuum valere jussit.

Sub idem fere tempus Joannes Frangepanius Dynasta Vegliensis, filius Nicolai Comititis, tum a perenni contestataque virtute majorum suorum, tum vero a seipso, & a pristina erga Patres Franciscanos benevolentia, & beneficentia descendit. Hi duo habebant domicilia, alterum in urbe, alterum tertio ab urbe lapide, super amorosum collem, ut scripsit Vadingus, qui ex amænissima, & populosa Valle conjurgit, appellatum S. Mariæ de Castillione, quod jam pridem a monachis Benedictinis desertum, ante annos circiter duodeviginti, idem Comes Joannes, cum Martino Comite & fratre suo, Patribus Franciscanis attribuerat. Fratres utriusque cœnobii acriter divexare cœpit, eorum commodis officere, atque obstare, quominus suis privilegiis uti, vitamque suam ad normam Instituti Franciscani exigere possent. Illi opem ac præsidium Pauli II. implorarunt; qui litteris datis ad cœnobiarcham S. Chrysogoni Jaderensis, huic imperavit, ut nomine & auctoritate Sedis Apostolicæ interposita Joannem ab omni injuria & molestia Fratribus inferenda abstinere juberet. Mandatis Pontificiis paruit quidem Joannes, pro eo ac debuit; sed cum averssimo esset ab illis animo, præsidet, Patresque primarios illius Ordinis, qui ad Comitiam generalia convenerant, per suum internuntium rogavit, ut vellent juberentque duo illa Vegliensia cœnobia, Fratribus Dalmatinis alio migrare jussis, ad provinciam Venetam, vel Picenam aggregari. Neutrum fieri posse responsum est. Hæc Lucas Vadingus Tomo IV. ad an. 1466. In eadem provincia Dalmatiæ Dominus temporalis Veglensis Fratres observantes duorum conventuum, unius intra, alterius extra civitatem Veglen. vehementer perturbabat, non permittens, ut secundum sua instituta, & privilegia viverent, neque domibus suis relictis alia

Quod confirmavit Joannes Comes Frangepanius.

Joannes Frangepanius intensus Patribus Franciscanis.

trans.

transmigrare. Ex iisdem Religiosis, quos volebat, etiam invitis Superioribus, in Capellanos assumebat, aliasque inferebat molestias; a quibus ut desisteret iussit Pontifex, scriptis litteris ad Abbatem S. Chrysogoni Jadren. Deinde ad annum 1469. Diximus ad annum 1461. num. 30. Joannem de Frangipanibus Comitibus unum aut alterum conventum in suo dominio &c. Deinde hos adeo iniustis vexasse oneribus, ut pro remedio ad Sedem Apostolicam oportuerit recurrere. Atque hinc ille commotus decrevit ab illius gentis Fratribus ad Venetos, vel Picenos cœnobia transferre. Ut facilius obtineret, misit ex sua familia gravem virum, qui rem perageret cum Patribus in comitiis generalibus. At illi re bene perpensa huiusmodi dederunt responsum: Magnifico D. D. Joanni de Frangipanibus Segniæ, Veglæ, atque Modrussæ Comiti dignissimo, singulari benefactori. Data in insula Bisentina laus Bullen 1469. 12. Junii. Propter locorum abundantiam Venetos, & Picentinos ea loca non posse admittere. Dalmatinos quoque difficiles ad id fore additur.

Nicolaus Ep. ex Dominicana, vel Franciscana familia.

Venetias ab Joanne Comite missus.

Joannes filius Nicolai Frangipanti Dominus Veglæ in Venetorum clientelam se contulit.

Diploma Ducis Venetorum Joannem in suam fidem ac tutelam recipientis.

Cum Nicolaus Episcopus sibi prænomen Francis inscribat, id indicio est illum e Franciscana, vel Dominicana, sive alia religiosa familia ad hanc regendam Ecclesiam assumptum fuisse. Si vitam & pontificatum prorogavit usque ad annum octogesimo huius sæculi, is fuit ille Episcopus, quem Joannes Comes Veglæ cum uxore & filiis Venetias hoc eodem anno misit, ut ab Duce & Senatu auxilia peteret, quibus se, atque insulam contra Hungaros tueretur. Rem paullo altius repeti oportet. Postquam Veneti Dalmatiam Sigismundo regi ademptam recuperarunt, Comites Veglæ perinde se gerebant, ac si essent domini supremi illius insulæ, nullius potestati superiori obnoxii; & solutionem tributum ob fiduciarium possessionem Venetis debitam neglexerant, nec vero illam exigere Venetis curæ fuit. Tunc Nicolaus totius Frangipanæ gentis princeps Veglæ, Segniæ, Modrussæ, & aliorum locorum principatum cum suis fratribus obtinebat. Hic moriens plures filios reliquit, & avitæ paternæque hæreditatis portionem suam cuique. Joanni fortasse natu maximo Veglia insula obvenit. Hic cum aequè fratribus suis, ac Vegliensibus ob superbos & importunos mores odio esset, ab utriusque sibi metuens, in fidem & clientelam Venetorum se contulit anno 1452. ut contra utrosque sibi præsidio & auxilio essent; atque ut sibi magis magisque Venetorum gratiam conciliaret, uxorem Venetam duxit ex primaria nobilitate patricia. Extat privilegium Ducis Venetorum in suam fidem ac tutelam Joannem Comitem Frangipanium recipientis.

In Christi nomine Amen. Anno Nativitatis ejusdem millesimo, quadringentesimo, quinquagesimo secundo, die decimo nono mensis Junii, Indi. XV. Illustrissimus Princeps & Excellentissimus D. D. Franciscus Foscari, Dei gratia Dux, & Dominium Venet. servata solemnitate Consiliariorum suorum, quæ ad talia requiratur, ex una parte; & magnificus & potens D. Comes Joannes de Frangipanibus Dominus civitatis & insulæ Veglæ. natus quondam magnifici potentis D. Nicolai, Comitis Segniæ, Modrussæ &c. in presentia Illustrissimi Domini Ducis, dictus Dominus personaliter constitutus ex altera, ad infra scriptas conventiones, & pacta libere, sponte, & ex certa scientia, animoque deliberata,

solemniter & concorditer convenerunt: primo namque idem Illustrissimus D. Dux, & dictum Dominium pro se & successoribus suis, & nomine ipsius Domini & Communis Venetorum accipit, acceptat, recipit & admittit præfatum D. Joannem de Frangipanibus Comitem, & Dominum civitatis & insulæ Veglæ in protectionem, & recommendationem ipsius Dom. Ducis, & Domini Venet. pro dicta civit. & insula Veglæ, ut idem magnificus Dominus possit elevare vexillum & insignia S. Marci; promittitque idem D. Dux & Dominium, tenere, tractare, & protegere ipsum magnificum D. Joannem tamquam bonum, & verum recommendatum suum, pro dicta civitate & insula Veglæ; & viceversa præfatus D. Joannes magnificus Comes pro se, & hæredibus suis sponte, libere, & certa scientia, animoque deliberato acceptat dictam protectionem, & recommendationem pro se, & hæredibus suis, & interveniente solemnī stipulatione, se obligat, & promittit esse bonus, ac verus recommendatus prædicti Ducis, & successorum suorum, & incliti Domini Venet. ac omnia dicere, facere, & operari, quæ boni & veri ad hærentes, & recommendati facere tenentur; specialiter & expresse promittit pro se, & hæredibus suis esse verus amicus amicorum, & inimicus inimicorum D. Ducis, Dom. & Communis Ven. & cum ipsa civitate & insula, ejusque subditis in omnibus casibus, & opportunitatibus occurrentibus ad omnem requisitionem, & voluntatem prædicti incliti Domini Venetiarum, ac terrarum, locorum, & subditorum suorum; quæ omnia, & singula superscripta prædicti Illustrissimus Dom. Dux, & Dominium Venet. &c. & idem D. Comes Joannes sibi invicem, & vicissim una pars alteri, & altera alteri pro se & successoribus & hæredibus promiserunt, & promittunt attendere, adimplere, & observare, & in nullo contrasacere, vel venire, sub obligatione omnium bonorum suorum, præsentium & futurorum; & de prædictis ambæ partes voluerunt, & rogaverunt fieri debere publicum instrumentum, unum & plura in eodem tenore similia, sicut fuerit opportunum, per me Notarium infra scriptum, & bulla plumbea prædicti Illustriss. Ducis, & sigillo, seu bulla cerea prædicti magnifici Dom. Comitis pendentes communi. Actum Venetiis in Ducali Palatio, in sala duorum . . . præsentibus egregiis & prudentibus viris s. Hieronymo de Nivola, s. Alexandro a Fornacibus, s. Bertucchio Nigro, s. Joanne de Reguardatis Duc. Secretariis, s. Tisolognauo de Justinopoli familiari secreto prædicti magnifici D. Comitis Joannis, & aliis testibus ad hæc vocatis, habitis, & rogatis &c.

Ego Franciscus dalla Siega qu. D. Laurentii, publicus imperiali auctoritate Notarius, & Judex ordinarius, ac prædicti D. Ducis, & Ducalis Domini Cancellarius prædictis omnibus & singulis præsens fui, eaque rogatus scripsi, & publicavi, & tradidi infra scripto Dionysio Floriano, & Notario publico, & Ducalis Aula Scriba, & in hanc publicam formam redigenda commisi, & in fidem ac testimonium me subscripsi, signumque meum consuetum apposui.

Ego Dionysius Floriano qu. Dom. Nicolai de Venetiis publicus imper. auctoritate Notarius, & Judex ordinarius, nec non Duc. Aula Venetus Notarius scripta, infra scripta omnia & singula fideliter sumpsi, scripsi, & exemplari, & in

*Et in hanc publicam formam redegi, & protocolis, & rogationibus publicis, & authenticis superscriptum instrumentum clarissimi viri Dom. Francisci dalla Siega, dignissimi Venet. Cancellarii . . . & in fidem præmissorum hic me subscripsi, signumque meum apposui consuetum.*

Joannes Vegliæ Comes Martini fratris sui occupavit.

Anno 1480. Matthias Corvinus rex Hungariæ, cum Joannes Frangipanius Comes Vegliæ admonitus, ut Novigrado, ceterisque castellis Comitis Martini fratris sui sine liberis demortui, quæ in Japidia occupaverat, statim decederet, imperium regis abnuisset, iussit illum expelli, simulque Vegliensis insulæ principatu spoliari. Blasius Dux equestribus militiæ, regia mandata executus coactio exercitu, intra paucos dies omnia illa loca recepit, & Joannem e tota regione abscedere coegit. Tum ille animadvertens se hostium numero ac viribus resistendo non esse, & Vegliensibus erga se male animatis diffidens, Nicolaum Episcopum civitatis cum uxore & Nicolao filio postulatam auxilia Venetias misit. Dux & Senatus Venetus hominem in suam clientelam receptum, atque in periculum sui dominatus amittendi adductum minime deferendum putavit. Iussus est Jacobus Venerius Præfectus Venetæ classis cum aliquot armatis trirēmibus eidem subsidio venire. Interea Blasius, Hungaricis copiis in insulam trajectis, castrum Musclum improviso adortus acri obsidione cinxerat, quod paucos intra dies in suam potestatem redegit; atque inde progressus, urbem obsidere atque oppugnare cepit. Venerius cum auxiliariis copiis superveniens, ubi animos civium ab Joanne prorsus aversos, & hollem admittere, quam repellere paratior esse comperit; Joanni Comiti auctor fuit, ut civitatem atque insulam, quando in sua fide ac potestate retinere non poterat, non externis hostibus magis, quam domesticis laborans, ultro Venetis traderet; ei, & conjugii, & liberis satis superque suppeditatum iri, unde pro generis nobilitate, ac dignitate laute copioseque viveret. Utiliora, quam gratiora dicenti parendum censuit Joannes, & pejora sibi a suis Vegliensibus, quam ab Hungaris metuens, integrum plenamque insulæ atque urbis dominatum Venerio permisit; qui convocato in forum populo denunciavit eos nulli alteri impostero domino, nisi Duci & Senatui Veneto subjectos fore. Incredibile dictu est quanta omnes civium ordines lætitia, & gaudio affecerit ea vox & denunciatio, quam maximus omnium plausus & gratulatio excepit. Vexillum S. Marci in medio foro inter faustas acclamationes explicatum est; primores nobilitatis ac plebis, coram Venerio præfecto classis, sollemni sacramento fidem suam Duci ac Senatui Venetorum obstrinxerunt. Tum Veglienses depulso tyrannico, ut vocabant, dominatu, & accepto Venetorum imperio læti, sumptis armis undique accurrunt, conscenduntque in muros ad urbem tuendam, hostemque repellendum; pluribus locis eruptione facta plurimos hostium cædunt, vias omnes intercludunt, quibus ad castra inimicorum comitatus deferri possent. Blasius ductor exercitus necesse habuit non solum copias ab urbis obsidione, sed etiam præsidium ab castris Musclo deducere, totaque insula excedere. Ita Veglia omni fiduciaro dominatu exempta, in plenam integramque potestatem Venetorum concessit. Arcis custodiam præfectus impositus Andreas Quirinus;

Vegliensibus invidus atque odiosus, insulam Venetis possidendam tradidit.

Hic enim ab insula expulsi, eique Prætor & Præfectus Venetæ insulæ impositi.

Prætor juri dicundo, civitatisque regendæ datus est Petrus Marcellus. Joannes Comes cum uxore ac liberis Venetias se recepit, eique de publico annuum stipendium decretum est, ad lautum ac splendidum victum cultumque; insuper Vegliensibus imperatum fuit, ut singulis annis mille argenteos eidem contribuerent; ac dotem ad filias collocandas assignarent. Hæc videntur referri posse ad Episcopatum Nicolai II. cum nihil obstat, quo minus ab anno circiter sexagesimo ad annum octogesium hujus sæculi, utraque gubernacula Ecclesiæ Vegliensis tenere potuerit. Proximus post Nicolaum successor mihi ignotus est; neque ullum habeo quem huic subjectioni ante primordia sæculi decimi sexti.

Joanni Comiti annuum stipendium ab Senatu decretum.

Anno 1487. Marinus Maurus titulo & imperio Provisoris huic insulæ præsidebat. Hic Fratres Eremitæ Paullinos e duobus domiciliis, quæ in hac insula obtinebant, unum SS. Cosmæ & Damiani prope Bescam, alterum alio in loco, per summam injuriam ejecit; eorumque bona intervertit, ad seque transtulit. Res dolata fuit ad Ducem & Senatum. Augustinus Barbado Dux Ven. regis litteris inscriptis Marino Mauro Provisorii Vegliæ iussit sua Fratribus illis domicilia, & bona statim restitui; & viros illos religiosos singulari bonitate & modestia præditos Provisoris fidei, justitiæ, ac tutelæ quam diligentissime commendavit. Dat. die ult. Februarii, Indict. 6. 1487. Hi religiosissimi Patres accepti beneficii memores, animo atque opera gratos erga Rempublicam se præbere numquam destiterunt; & F. Martinus præses cœnobii SS. Cosmæ & Damiani, ex mandato Senatus in Bosinam profectus, rem, cujus causa missus fuerat, egregie atque utiliter gessit. Quamobrem Petrus Maripetrus Provisor urbi atque insulæ Vegliæ præpositus eidem cœnobio privilegia atque immunitates, quibus gaudebat sub dominatu Comitum gentis Frangipaniæ, confirmavit, auxitque: *In Christi nomine Amen.* Anno ejusdem Nativitatis 1501. Indict. 4. die vero 21. Junii, magnificus, & generosus Dom. Petrus Maripetro pro Illustrissimo Dominio Ducali dignissimus Provisor Vegliæ, existens in palatio, præsentibus Bartholomæo Gratia, & Andrea Almerigotto it. Attenta fide, devotione, & meritis R. D. Prioris Martini gubernatoris capellæ SS. Cosmæ & Damiani de Bescam inf. Veglia, suppositæ monasterio S. Salvatoris, & ordinis S. Pauli primi Eremitæ, erga Statum Illustrissimi Domini nostri; qui F. Martinus tempore regiminis ejus magnopere operatus fuit pro Statu, ut attestari potest; & ixit in Bosinam juxta mandata Illustrissimi Ducalis Domini nostri; ideo, ut de ejus labore & fide præmia referat, & ut in futurum causam habeat melius serviendi, & operandi in servitiis Illustrissimi Domini nostri; & attento etiam quod tempore quondam Joannis de Frangipaniibus animalia dictæ capellæ non . . . solvebant pro herbatico, & etiam quia animalia ipsa sunt &c. absolvit Patres a certis officiis ob merita prædicta &c.

Eremitæ Paullini in utrumque cœnobium ex Senatu consulto restituti.

#### NATALIS EP. VEGLIENSIS XV.

Ex antiquissima & nobilissima gente ab Turri cognominata, in plures familias, easque omnes & opibus, & honoribus florentissimas divisa, atque in variis Italiæ, ac Germaniæ locis late propagata. Sub initium sæculi decimi sexti

Natalis a Turre Episcop. Vegliensis interfuit Concilio Lateranen.



# SUFFRAGANEI METROPOLIS JADERTINÆ.

309

sexti hanc Ecclesiam gubernandam suscepit. Anno 1514. Romam profectus ad Concilium Lateranense, sessioni habitæ anno 1515. iv. Nonas Martii sub Leone X. interfuit; ab reliquis ejus nomen abest. Ne quid detrimenti res Christiana & Ecclesiastica propter suam absentiam caperet, sui muneris episcopalis Vicarium reliquit Donatum a Turre Episcopum Bosnensem fratrem suum, vel certe consanguineum; ad quem extat epistola Francisci Pisauri Archiepiscopi Jadertini, vel hujus Vicarii, si nondum ille Roma redierat, inscripta Rever. in Christo Patri Dom. Donato a Turri Episcopo Bosnen. & locum tenenti Vegliensis salutem &c. In hac epistola Virgines Veglienses monasterii SS. Angelorum ei commendabat; illumque admonebat, ut interesset earum comitiis, sed plenam integramque eligendæ Antistitæ libertatem eisdem relinqueret, neve illarum jura ac privilegia diminutum iit: data est anno 1516. Natalis permisso Sedis Apostolicæ tria Sacerdotia, quæ ab omni curatione animarum vacabant, cum proventibus obtinebat. Illorum possessionem, ut ratam haberet, sibi confirmaret, a Leone X. postulavit. Annuit Pontifex his ad eum litteris datis.

Epistola Leonis X. ad Natalium.

Leo Episcopus servus servorum Dei Ven. Fratris Natali Episcopo Veglen. salutem, & Apostolicam benedictionem. Justis petentium desideriis dignum est nos facilem præbere assensum, & vota, quæ a rationis tramite non discordant, effectui prosequente complere. Eapropter Ven. Frater tuis justis postulationibus grato concurrentes assensu, S. Nicolai de la . . . Sanctorum Donati & Nicolai supra Vallem, & S. Mariæ de Castilio capellas Vegliensis diocesis, quæ sine cura existunt, & quas ex dispensatione Sedis Apostolicæ proponis te canonice adeptum, sicuti eas juste possides, & quiete, tibi auctoritate Apostolica confirmamus, & presentis scripti patrocinio communimus. Nulli ergo &c. Dat. Romæ apud S. Petrum anno Incarn. Dom. 1019. prid. Kalen. Julii, Pontif. nostri anno septimo.

Ecclesiæ suæ jura tuetur.

Acerrimus fuit vindex ac tutor immunitatis ecclesiasticæ; ac præsertim Ecclesiæ suæ jura defendit; quæ cum sibi viderentur per suum Metropolitam imminui, coram ejus Vicario generali causam ejusdem Ecclesiæ ita egit, ut eam facile obtinuerit: In Dei nomine, ejusque gloriosissimæ Matris Mariæ Patronæ nostræ, & S. Anastasiæ Martyris: Nos Hieronymus Gori de Senis, Decret. Doctor, Rev. in Christo Patris, & Dom. Nostri, D. Francisci Pisauri J. U. D. miseratione divina Archiep. Jadren. dignissimi, in spirit. & temporal. Vicarius generalis; comparens coram nobis Rev. in Christo Pater, & D. D. Natalis a Turre Dei & Apostolicæ Sedis gratia Ep. Veglen. suffraganeus jurisdictionis nostræ &c.

Cetera mihi desunt; sed ex iis, quæ appositæ sunt, apparet jus suum, & Ecclesiæ suæ obtinuisse. In Archivo Episcopali Vegliensi tum Natalis Episcopi, tum Donati ejus Vicarii acta judicialia, & quædam sapientissime constituta reperiuntur. In his Donatus vocari solet Episcopus Bosnensis, & perpetuus Suffraganeus seu Vicarius Episcopi Vegliensis. Dum hic vice Natalis absentis fungebatur, multas & graves lites habuit cum Capitulo, itemque cum parcho castri Verbenici, quæ primum ad tribunal curiæ Archiepiscopalis, deinde ad curiam Romanam delatæ fuerunt. Cum plures annos

huic Ecclesiæ sapienter pieque Natalis præfuisset, eandem permisso Clementis VII. sponte dimisit anno 1518.

## EUSEBIUS EP. VEGLIENSIS XVI.

Patricius Venetus ex antiqua & perillustri gente Priolorum; qui in ipso ætatis flore ad totalitatem Patrum Monachorum Camaldulensium Muriani aggregatus cum esset, mirum quantum & litteris, & virtutibus religiosis profecerit. Aliquot ingenii, doctrinæ, & eloquentiæ suæ monumenta reliquit, veluti Orationem funebrem de laudibus Petri Delphini Abbatis generalis totius Ordinis Camaldulensis; itemque Commentarios rerum Camaldulensium ab eo confectos ferunt. Abbatis titulum dignitatemque adeptus præfuit cœnobio Estensi ad Carceres, itemque Murianensi S. Michaelis. Virum in omni genere sapientiæ ac virtutis excellentem Clemens VII. ad gradum episcopalem eiecit, & Ecclesiæ Vegliensi præfecit: 9. Octob. 1528. providit Ecclesiæ Vegliensi per cessionem D. Natalis Episcopi vacanti, de persona Fratris Eusebii de Nobilib. &c. Abbatis S. Michaelis de Murano, cum dispensatione pro dicto Eusebio &c. Anno proximo, & mense Julio adhuc erat Romæ; & cum Episcopo Nepesino manus impoluit Defendenti Valvasorio electo Episcopo Justinopolitano, ad ejusque consecrationem Gabrieli Archiepiscopo Dyrrhachiensi operam ac ministerium navavit, ut docet Ughellus in Episcopis Justinopolitanis. Vegliam cum venisset, præcipuo studio curaque ad corrigendos clericorum mores, & disciplinam ecclesiasticam restituendam incubuit. Sed vix tertium Episcopatus annum inierat, cum veneno sive per imprudentiam, sive per alienam malitiam epoto, miserabili genere leti Venetiis defunctus est. De quo Augustinus Fortunius in Hist. Camaldulen. parte 2. Per ea tempora illustravit cœnobium S. Michaelis, & pariter universum Ordinem Eusebius Priolus, nobilitate generis, bonitate, & ingenii solertia conspicuus. Qui ex monacho studioso, & docto ad Episcopatum Vegliensis Cathedræ sublimatus, dum in reformatendis clericorum moribus, ut vigilantissimus Pastor incumberet, epoto veneno, sublatus est e medio.

## JOANNES EP. VEGLIENSIS XVII.

Post obitum Eusebii Clemens VII. cum Bononiam venisset anno 1530. ut augustale diadema more majorum, rituque sollemni Carolo V. imponeret, in ea urbe Cardinali Grimano Ecclesiam Vegliensem reservavit ac decrevit. Sed veritus ne absentia Cardinalis Episcopi huic Ecclesiæ detrimentum afferret; anno proximo Joannem cognomento Rosam e Scardonensi ad Vegliensem Ecclesiam transferendum censuit, ipso consentiente Grimano, qui tamen jus ad eam regrediendi post decessum Joannis, si luberet, sibi reservatum esse voluit. Hæc ex Actis consistorialibus: 23. Aprilis anno 1531. Translatus fuit Joannes Episcopus Scardonensis, Trælati domesticus, & continuus commensalis Sanctissimi, ad Ecclesiam Vegliensem per obitum Eusebii vacantem; cui translationi consensit Rev. Dom. Grimanus, cui reservatus fuit regressus, quoniam cessit omni juri sibi competenti, ratione cujusdam reservæ sibi Bononiæ concessæ. Jam inde ab anno tertio, & vicefimo hujus sæculi

Ecclesiam Vegliensem Card. nali Grimano decrevit, Clemens VII. coadjuvit Joanni Rosæ Ep. Scardonensem.

Scar-

cum admi-  
nistratio-  
ne Scardon-  
ensis ab Tur-  
cis occupa-  
ta.

Scardona sub imperium Turcarum ceciderat. Itaque Joanni aditus omnis ad suam Sedem Episcopalem interclusus fuerat. Quocirca Clemens, ne illi locus deesset, ubi consistere, & quæ sunt Episcopi, munia peragere posset, Scardonensem cum Vegliensi conjunxit; & hanc Joanni regendam sic tradidit, ut quaecumque posset, partem curæ & sollicitudinis suæ pastoralis in illam quoque derivaret: 3. Julii 1531. Sua Sanctitas proposuit occupationem Ecclesiæ Scardonensis factam ab infidelibus, in qua cum aliqui adhuc Christi fideles colerent, ne divinis Sacramentis carerent, cum Ecclesia Vegliensi, durante occupatione hujusmodi univit. Quapropter Joannes utramque Ecclesiam administravit, alteram præfens, alteram absens; hanc vero interdum per se ipse, identidem per suos Vicarios interficere solebat; & quibus indigebat, subsidiis præfidiisque divinis muniebat. De Joanne P. Philippus Riceputus hæc breviter descripsit ex tabulis Archivi episcopalis: Joannes Rosa, ut ex quadam charta eruitur, in qua uti testis citatur, videtur fuisse Jaderinus civis, & administrationem Ecclesiæ Scardonensis, quoad vixit, retinuit. Acta ejus multa sunt, sed fere omnia vel corrosa, vel pene consumpta; satis laborasse a tanta Actorum multitudine colligitur. Severum est in primis, ac rigorosum ipsius decretum contra concubinos Presbyteros, quos omnes, inquit, cognovi, & aspexi. Jadera decessit anno 1549. Sepultus est in basilica S. Chrysogoni ad latus dexterum prope aram S. Mauri. Lapis sepulchralis effigiem episcopalem insculptam exhibet, cui apposita est utrinque Rosa, insigne gentilitium; & pedibus subjecta inscriptio: Joanni Rosæ Episcopo Vegliensi, pietate, religione, & integritate insigni, Matthæus Boriceus Sororius B. M. P. anno MDXLIX.

Ejus Acta  
& decreta  
plurima.

## ALBERTUS EP. VEGLIENSIS XVIII.

Patria Catharensis, cognomento de Gliricis, ex ordine Patrum Prædicatorum, a Paulo III. Ecclesiæ Modrußensis præpositus anno 1548. & biennio post ad Vegliensem migrare jussus; ut est in Tabulis consistorialibus: 19. Martii 1550. Absolvit R. Albertum Episcopum Modrußensem, a vinculo &c. & ad Ecclesiam Vegliensem, tunc per obitum Joannis Rosæ extra Curiam Rom. defuncti vacantem transtulit, relicta pensione annua 200. ducatorum, super fructibus mensæ Episc. Vegliensis. Jussus est retinere administrationem Ecclesiæ quam reliquerat, propterea quod cum civitas illa per Turcas diruta fuisset, una cum ædibus pontificiis; Modrußenses Episcopi temporibus illis, quamvis creari non desierint, titulum tamen fere inanem, atque honorarium absentes sustinebant. Anno 1551. interfuit Concilio Tridentino sub Julio III. an vero Tridentinum redierit an. 1562. cum Synodum intermissam Pius IV. revocavit, mihi non est compertum. Inter Patres Tridentinos, quos Paulus III. creavit Episcopos, annumeratur Albertus Duymius de Gliricis Catharensis Ordinis Prædicatorum, Episcopus Vegliensis. Anno 1561. lustrationem episcopalem indixit, litteris encyclicis ad Parochos missis; & lustrandæ diocesis initium fecit a Bescæ oppido maritimo non infrequenti, sito in ora extrema insulæ ad meridiem obversa.

Interfuit  
Concilio  
Tridentino  
sub Julio  
III.

Lustratio-  
nem Epi-  
scopalem

In Dei aeterni nomine. Amen. Anno a Christo Salvatore nostro nato 1561. Indiſt. 4. die autem

27. mensis Decembris. Cum Reverendiss. in Christo Pater, & Dom. D. Albertus Duymius Dei, & Apostolica Sedis gratia Ep. Veglien. & Administrator Modrußensis. pro debito pastoralis officii sui, ad quod maxime tenetur, tota mentis intentione animarum providere salutem procuraret, ac consideret, mente sua revolvens grave onus humeris suis impositum, & quod Episcopus in sua diocesi vices Jesu Christi tenet, debetque in visitatione gregis sibi commissi ipsum imitari, ac saltem semel in anno dictam facere visitationem; considerato quoque quod annis præteritis, & caritative, & paterne non semel, sed pluries, etiam sub gravissimis pœnis, tam clericum, quam populum admonuerat ad observandum mandata Dei, & bene beateque vivendum; multi tamen, ut accepit, in reprobum sensum abeuntes, perseverarunt in malo ad damnationem animarum suarum, ac in contemptum divinæ majestatis, & justitiæ; ne autem in districto judicio magni diei, ab illo justo judice Christo Jesu, qui unicuique reddet juxta opera sua, de negligentia damnetur, decrevit visitare diocesim suam, & Deo favente illuminare, qui in tenebris, & umbra mortis sedent, per debitam correctionem, inquirereque de vita & moribus tam clericorum, quam laicorum, ac ubi opus fuerit taliter providere, quod visitatio sua hujusmodi sit salubre remedium animarum subditorum suorum; & ut in tali deliberatione Spiritus Sancti gratia assistat, invocato SS. Trinitatis nomine, absque cujus nutu nihil perducitur ad perfectionem, die crastina Deo favente decrevit iter suum Bescam dirigi, & ex inde insula circumiens dictam visitationem suam proseguere ad laudem Dei.

Hac lustratione perfunctus, quæ rei ac pietati Christianæ ingentes utilitates attulit, duos tere annos superstitis fuit; diem obiit supremum anno 1564.

## PETRUS II. EP. VEGLIENSIS XIX.

Oriundus e gente Bemba patricia Veneta, virorum omni laude illustrium sæcunda. Huic Presbyteratus ordinem jampridem adepto Pius IV. ob insignem doctrinam ac virtutem anno 1564. xiv. Kalend. Novembris Ecclesiam Vegliensem decrevit. In iis, quæ ad jus episcopale pertinent, vindicandis ac tuendis acerrimum se præbuit; neque ullis seu magistratuum, seu privatorum hominum conatibus vel occultis, vel apertis, suam jurisdictionem ac dignitatem labefactari, aut imminui passus est. Nihilominus in eam curam incubuit, ut rite pieque, ac statim horis publicæ religionis officia quotidiana Presbyteri & clerici persolverent. Sunt in hanc rem leges præclare ab eo constitutæ. Ad excitandam, inquit, & augendam populi Christiani fidem ac pietatem, & ne quid torporis ac negligentia in cultum divinum obrepit, neve aliquid indecorum, quod piorum oculis, aut auribus offensioni esse possit; hæc statuimus, interdicens, jubemus.

I. Ut divinæ laudes articulatim distincteque, voce consona, lingua non hesitanti, aut nimis præcipiti decantentur, neve unum psalmi versiculum nondum completum alter versiculus excipiat.

II. Psalmodia matutina tam ferialibus, quam festis diebus ante diluculum ne in posterum recitetur; eique omnes intersint, quorum nomina in tabella subjecta describi jussimus.

Petrus  
Rembus  
Ep. Veg-  
liensis. ad  
cultum di-  
vinum rite  
peragen-  
dum plu-  
res, & san-  
ctissimas  
leges con-  
stituit.

III. Pre-

III. Preces horaria sic distribui debent, ut Prima statim sub Laudes, Tertia, Sexta, Nonna aliquanto post pulsationem tintinnabuli ad solemne sacrificium vocantis; a prandio vespertina hora consueta persolvantur. Inter psallendum unusquisque sacrosancta Christi patientis mysteria, qua singulis horis respondent, pie meditetur.

IV. Qui choro præsunt, ea, qua cuque obvenit, hebdomada officio suo per se ipse fungatur; cui si defuerit, & quotiescumque defuerit, duodenis solidis mulsetur.

V. Commune & publicum sacrificium hora tertia, idest post absolutas preces horarias matutinas decanteretur.

VI. Præfatus sacrarii si ante horam præscriptam tintinnabula pulsari jusserit, serialibus quidem diebus trium, festis vero sex libellorum multatione plectatur; nisi forte aut Vicarius, aut Archidiaconus psalmodiam, & rem divinam temporari consueto, justis de causis, aliquando prævertendam esse censuerit.

VII. Secunda quaque feria sacrum piaculare fiat pro Christianis pie defunctis, cui omnes intersint, quos chori ea die adveniendi obligatio urget.

VIII. Nullus in posterum sive presbyter, sive clericus e funeribus, exequiis, sacrisque anniversariis quidquam emolumenti percipiat, nisi omnibus nocturnis, matutinis, ac vespertinis illius diei preceationibus interfuerit; sed quidquid ex illis obvenit lucelli, itemque cerei omnes, inter eos, qui adfuerint, pro rata portione dividantur.

IX. Nemo Sacerdos e sacrario egrediatur ante sacrificium absolutum in eo altari, ad quod ipse sacrificaturus accedit. Clericus cum præcedat, candelas, urceos, codicem sacrorum ferens; & nullus sine clerico ministro rem divinam facere audeat.

X. Nemo vel antiphonas præcinat, vel capitula & orationes canere incipiat, antequam ad exedram in medio choro constitutam perveniat; sed Canonici festis diebus e suo quisque subsellio utrumque præstare poterunt.

XI. Omnes tam presbyteri, quam clerici formam ritumque psalmodia ac liturgia peragenda ab Romana Ecclesia præscriptum accurate servant.

XII. Nullus inter psallendum loquatur; nisi obiter, perpauca, ac de rebus necessariis; nullusque vel e sua sede, vel e choro discedat; nisi si qua necessitas ingruat; sed omnes attente pieque divinis laudibus ac rebus usque ad finem operam dare consentiant.

XIII. Nemo sive Sacerdos sive clericus linteatus seorsum ab aliis exeat e sacrario sed omnes simul eo, quo decet, ordine ad chorum accedant; nisi forte aliquis antea illuc præcandi causa se contulisset.

XIV. Nemo sive per se, sive per alium agros, silvas, prata, qua ad suum sacerdotium pertinent, nisi ad tres annos locare audeat: qualibet locatio diuturnior esto irrita; & aque locatori, atque conductori decem libellarum multa irrogatur. Si quis vero hujusmodi bona ecclesiastica aut locet in perpetuum, injussu Sedis Apostolicæ, vel ad tempus quidem, sed pactione appositæ locationis toties renovanda, quoties prioris locationis tempus exierit; aut eadem bona cum aliis rebus ac bonis permutaverit, sacerdotii sui privatione mulsetur; & omnem hujusmodi locationem, & permutationem irritam facimus, ac declaramus.

XV. Domos Ecclesiæ vel altaribus testamento legatas, mulierculis profligata pudicitia locari vetamus, multa sex libellarum proposita.

XVI. Viri in primis honesti, navi, & prudentes, ab omni alearum lusu alieni eligantur, qui decimis exigendis, & fartis testis Ecclesiarum tuendis præstent; nisi tales fuerint, illorum electio nulla sit, ac prorsus irrita.

XVII. Prima cujus mensis hebdomada omnes Canonici, curatores animarum, & presbyteri per præconem vocati, aut per præfatum sacrarii, ad consultandum de re publica Christiana, & Ecclesiastica conveniant, considerent, & videant num quid detrimenti caperit, & quibus vel præsidii, vel remediis indigeat. Singulos Canonicos, alium seorsum ab alio, convocari jubemus; & si quis venire abnuat, sex solidos solvat, quos in fartâ testâ tuenda adis cathedralis impendi volumus; nisi forte excusationem, quo minus adesse potuerit, legitimam afferat.

XVIII. Si quis e Canonici ad conventus capitulares rite vocatus, noluerit accedere, sex itidem solidis mulsetur, duobus vero si domi non esset, cum internuncius Capituli ad eum vocandum venit; nisi absentia sua causam aut Vicario nostro, aut Archidiacono, aut Canonico seniori probaverit, eamque juratus confirmaverit.

XIX. Si quis Canoniarum consilium, aut favorem præbeat ei, qui Capitulo, vel alicui Canonico de bonis, jurisdictionibus, privilegiis ecclesiasticis litem intulerit; habeatur velut perjurus, ab omnibus deviletur, nemo illam aditu, nemo congressione, nemo colloquio dignum putet; nisi antea errasi poeniteat, Ecclesiæ & Capitulo satisfecerit. Denas autem libellas ad cathedrali persolvat.

XX. Quilibet clericus cujusvis ordinis & gradus diligenter conficiat catalogum bonorum omnium ejus, quo præditus est, sacerdotii; illum jurando confirmatum, suaque manu subscriptum in tabulario S. Margaritæ deponat.

XXI. Si quis vel presbyter, vel clericus movet bona cujusque generis, Ecclesiæ, Capitulo, altaribus aut donata esse, aut testamento relicta; intra dies octo nos, vel Canonicos legitime congregatos admoneat; id facere si neglexerit, & fraudis vel negligentie convictus fuerit, decem libellarum multatione puniatur.

XXII. Præfatus sacrarii singulis diebus notet, referatque in tabellam ad id paratam nomina illorum, qui ab choro divinisque officiis absuerint; id quotiescumque prætermiserit, senas libellas sibi solvendas esse noverit, quas nostro arbitratui, & quibus nobis visum fuerit, distribuendas reservamus.

Hec omnia volumus, statuimus, jubemus ab omnibus & singulis perquam accurate servari; ut omnes una voce, & uno animo, omni rerum terrenarum cogitatione omni abjecta, mente in calum defixa, omnipotenti Deo laudes & preces offeramus ad veniam nobis, salutem populo Christiana impetrandam, placandamque divinam indignationem; quam pro sua immensa misericordia, & bonitate a nobis avertat Deus Optimus Maximus, cui honor sit, & gloria in sæcula sæculorum. Amen.

His constitutis & decretis, quæ nos ex italico in latinum sermonem convertimus, Augustinus Valerius Episcopus Veronensis, & Vicarius Apostolicus anno 1579. cum promovere ac potestate sibi tradita Vegliensem Ecclesiam

fiam iavisebat, auctoritatem & approbationem suam adiunxit, eaque in perpetuum valere iussit.

Dioecesium semel atque iterum lustravit; extantque acta & decreta lustrationum huiusmodi episcopaliū, plena prudentiæ, doctrinæ ac religionis. Vixit usque ad annum 1589.

### JOANNES II. EP. VEGLIENSIS XX.

Joannes alter e gente Turriana Episc. Vegliensis.

Hunc Ecclesiæ Vegliensis Episcopum alterum dedit vetustissima & nobilissima gens Turriana, quem ex Julia Bemba Veneta matrona filia fratris Petri Cardinalis Bembi, genuit Hieronymus a Turri, Comes Valcastinæ, & Villæ altæ, frater Michaelis Cardinalis & Episcopi Cenetensis. Joannes patrui, viri omnium virtutum ac laudum genere cumulatiſſimi, veltigia secutus, ecclesiasticæ militiæ nomen dedit. Juris utriusque lauream adeptus, & in collegium Canonicorum Cenetensium aggregatus, e patrui doctissimi & sanctissimi Episcopi disciplinā ita profecit, ut ejusdem vitam, sapientiam, ac virtutes in seipso assidua imitatione expreſſerit. Michaeli Cardinali e vivis sublato anno 1586. omnium Cenetensium vota, & postulata in unum Joannem spectabant, quo digniorem neminem reperiri posse censebant, & unicum esse existimabant, qui desiderium patrui apud omnes relictum leniret, ejusque locum teneret, ac memoriam renovaret. Hunc itaque a Sixto V. Episcopum postularunt; sed Pontifex Ecclesiam M. Antonio Mauroceno jam decreverat; ne vero nihil aut precibus Cenetensium, aut doctrinæ & virtutibus Joannis dedisse videretur; illum e Capitulo Cenetensi ad collegium amplissimum Ecclesiæ Patavinæ tranſtulit; & intimi sui Cubicularii titulo atque insignibus ornavit. Post triennium vero Joannem, ob ejus eximiam probitatem ac sapientiam, Episcopum Ecclesiæ Vegliensis præfecit, ut est in Tabulis consistorialibus: 1589. 25. Septembris providit Ecclesiæ Vegliensis in Dalmatia dit. Veneta per obitum Petri Bembi ultimi Episcopi vacanti, de persona R. D. Joannis Comitis Turriani Presb. Doct. in utroque jure, eximia probitate, cum retentione Canonatus Patavini, quoad Ecclesiæ possessionem adipiscatur &c. Multa sunt ejus in hanc Ecclesiam merita; illud in primis perutile ac necessarium, quod catalogum bonorum ecclesiasticorum confecit; & jura, privilegia, diplomata episcopalia in unum codicem congeſſit, ne dispersa & sejuncta intereiderent, ac perirent. Ceterum plures annos Episcopatus sane diuturni Ecclesia sua procul tranſegit. Cum enim ad res publicas gerendas, & ingenio perspicaci, & magna solertia præditus esset, Pontifices Romani passi non sunt illius operam, atque industriam intra unius Ecclesiæ angustias concludi; sed in communem rei Christianæ utilitatem impendi voluerunt. Itaque partim Romæ, partim in aliis regionibus publicorum negotiorum causa ætatem suam magna ex parte contrivit. Clemens VIII. Joannem ad Rhetos & Helvetios Internuncium Apostolicum misit; qua in legatione annos ipsos duodecim commoratus est, haud minori Religionis Catholicæ adjumento, quam rerum suarum dispendio. Apud Rodolphum II. & Matthiam Imperatores, dum Sedis Apostolicæ negotia curabat, magnam sibi existimationem & gratiam conciliavit. Uterque egregiis talis ac

eximie de sua Ecclesia meritis.

Ab Rodolpho & Matthia Imperatoribus Pontifici

tanti Præſulis virtutibus captus, a Paulo V. commendatus, ut Joannem in Collegium purpuratorum Patrum cooptaret. Anno 1606. v. Kalendas Martias Consules, & Senatus Romanus ob insignem generis nobilitatem, & illustria in reipublicam Christianam merita cum Joanne, tum ejus fratris filios civitate donarunt, iisque omnibus, quibus præditi sunt, cives ac patricii Romani, privilegiis & honoribus cumularunt. Ædem cathedralē Patavinam, in qua Canonici dignitatem obtinuerat, grati & memoris animi causa, tum aliis Divorum Reliquiis ex urbe allatis locupletavit, tum vero insignis fragmentum e ligno sacrosanctæ Crucis deposuit in sacello veteri, atque altari, cui ab S. Cruce titulus erat, ut declarabat inscriptio ibidem ad dexteram altaris parieti affixa: *Ligni S. Crucis insigne fructum ab Joanne Comite Turriano Vegliæ Episcopo inter alias Reliquias, cathedrali Ecclesiæ donatum anno 1617. Vir omni laude & immortalitate dignus Patavi anno 1623. diem obiit supremum, ac sepiliri voluit in eodem, quod dixi sacello S. Crucis, cum hac epigraphe:*

Ecclesiam Patavinam Reliquiis insignibus ditavit.

Inscriptio sepulcralis.

*Jo. Episc. Vegliensis humilibus precibus implorat ut a religioso clero, populoque devoto, assidue ac pie commendetur D.O.M. Sacratiss. Virgini, omnibusq; Sanctis, quorum Reliquias venerationi fidelium hic ipse collocavit. An. Sal. MDCXXI.*

### ALOYSIUS EP. VEGLIENSIS XXI.

Gens Lippomana inter patricias Venetas clara in primis, & æque civilibus ac bellicis laudibus abundans, cum aliis Ecclesiis nobilissimis Antislites multos singularis sapientiæ, & sanctitatis, tum etiam Ecclesiæ Vegliensis Episcopum dedie Aloysium, non tam nominis, quam virtutum heredem celeberrimi illius Aloysii Veronensis, ac deinde Bergomati Episcopi, qui tum illustribus pro Sede Apostolica apud Regem Lulitanæ, & Carolum V. Imperatorem legationibus obitis, tum vero historia accuratissima de vitis ac gestis Sanctorum sex voluminibus edita, aliisque ingenii, doctrinæ, pietatis suæ monumentis relictis, sui nominis memoriam immortalitati consecravat. Aloysius noster ab adolescentia rebus humanis nuncio remisso, Venetiis apud Canonicos Congregationis S. Georgii in Alga, religiosæ vitæ tyrocinia posuit; & ex disciplina præclarissimi illius instituti, non minores in virtutibus quam in doctrinis processus fecit. Gregorius XV. Episcopatu dignum censuit, & Ecclesiæ Vegliensis præfecit: 1623. x. Maji providit Ecclesiæ Vegliensis in Dalmatia provincia vacanti per obitum Joannis ultimi ejus Episcopi, de persona Aloysii Lippamani Nob. Ven. Congregationis S. Georgii in Alga. Annos septemdecim sanctissime præfuit; & anno 1626. dioecesium universam lustravit, ubique tum sapientissimis decretis ad reformandos mores, & pietatem Christianæ plebis augendam, tum eximiis virtutum omnium exemplis ad imitandum relictis. Anno 1640. extinctus, sedem vacuum successoris reliquit.

Aloysius Lippomani Canonicus Congregat. S. Georgii in Alga, Ep. Vegliensis.

### CONSTANTIUS EP. VEGLIENSIS XXII.

Ortus ex illustri familia de Rubeis, frater Constantius Joannis de Rubeis Episcopi Absorentis. Uterque Congregationis S. Georgii in Alga, & Somaſcha sed

primum Cæſed. ritu Latinus. Joannes Creſcentius in eo li-  
phalæniæ  
deinde Ve-  
gliæ Episc.  
bro, quem inſcripſit, *Præſidium Romanum*,  
Constantinum genere Cyprium, & patria Fa-  
mauſtanium fuiſſe ſcripſit. Ad ſodalitatem  
Patrum Congregationis Somaſchæ aggregatus  
cum eſſet, in arte oratoria & poetica excel-  
luit. Extant ejus panegyricæ, & ſacræ concio-  
nes, itemque poemata typis impreſſa. Eccleſias  
Cephalæniæ, & Zacynthi ſimul conjunctas ali-  
quot annos prudenter pieque adminiſtraverat;  
cum cum Urbānus VIII. anno 1640. Idibus  
Auguſti ad Eccleſiam Veglienſem migrari juſ-  
ſit. Tredecim annos hanc Eccleſiam præclaris  
inſtitutis communivit, ac ſuarum virtutum ex-  
emplis illuſtravit. Vita functus eſt eodem an-  
no 1653. quo Joannes ejus frater Eccleſiæ Ab-  
ſoreniſis gubernacula ſuſcepit.

## GEORGIUS EP. VEGLIENSIS XXIII.

Georgius  
Georgiceus  
deſignatus  
Nonenſis,  
ſed Vegli-  
enſis  
Cognomento Georgiceus, honeſto loco na-  
tus Suſſurati, quod eſt caſtellum episcopale  
diœceſis Spalatenſis. Poſt obitum Simonis Di-  
phnici Nonenſium Episcopi, huic decretus fue-  
rat ſucceſſor. Sed nondum conſecratus fuerat,  
cum cum Innocentius X. ad Eccleſiam Veglien-  
ſem transferendum cenſuit anno 1653. die 22.  
Septembris vacantem per obitum Constantini de  
Rubeis, cum decreto, domus episcopalis repa-  
rationi pro viribus incumbat. Vir fuit excelli  
animi, navus & induſtrius, beneficus, & li-  
beraliſ. Anno 1659. totam diœceſim episco-  
pali luſtratione peragravit. In templo primario  
caſtri Muſci accurate recenſuit ac recognovit  
Reliquias, videlicet tria officiula S. Claræ in  
vaſe vitreo, Spinam e Corona D. N. J. Chri-  
ſti, duas guttulas concretas, alteram e ſangu-  
ne pretioſo ejusdem Domini noſtri, alteram e  
laſte Beatiffimæ Virginis Mariæ in altero iti-  
dem vitreo vaſe; in quadam vero capsula par-  
ticulam Virgæ Moſaicæ, & quinque annulos e  
catena ferrea S. Petri. Scheda cuique appoſi-  
ta admoñebat quidem quorum eſſent, & ad quos  
Reliquiæ pertinerent; ſed cum tabulæ earum-  
dem Reliquiarum teſtes, rite obſignatæ deſſent,  
cas neque approbare neque removeri voluit;  
ſed veterem illarum cultum piæ incolarum cre-  
dulitati permittendum eſſe cenſuit. Hac epi-  
ſcopali luſtratione perfunctus, anno proximo e  
vita migravit.

## FRANCISCUS II. EP. VEGLIEN. XXIV.

Erat Presbyter Eccleſiæ Spalatenſis, idem-  
que Doctor Sacræ Theologiæ, ex illuſtri fa-  
milia de Marchis, inter Spalatenſes valde con-  
ſpicua. Huic Alexander VII. Episcopatum Vegl-  
ienſem contulit: 1660. 21. Julii providit Ec-  
cleſiæ Veglien. vacanti per obitum Georgii de per-  
ſona Rever. Franciſci Marchii, cum reſervatio-  
ne unius, ſeu plurium penſionum, uſque ad ſum-  
mam ſcutorum 300. monete Romanæ, ſalva an-  
ſiqua &c. Anno altero poſt ſuſceptum Pontifi-  
catum diœceſim luſtravit; & multa præclare  
conſtituit Chriſtianæ plebi perutilia, atque ad  
veterem diſciplinam, ac pietatem in clero &  
populo ſtatuendam augendamque peropportuna.  
Septimo Episcopatus anno vivere deſiit.

## THEODORUS EP. VEGLIENSIS XXV.

Patria Vicetinus, cognomento Gennarus, ex  
Ordine Franciſcano ſeverioris diſciplinæ, vir exi-  
mie pius & doctus, qui commentarios in De-  
calogum ſcripſit graves in primis & eruditos,  
eoſque Evangelistæ Parzago Archiepiſcopo Ja-  
drenſi dedicavit: Anno 1668. 9. Aprilis pro-  
vidit (Clemens IX.) Eccleſiæ Veglien. vacanti  
per obitum Franciſci Marchii, de perſona Fr.  
Theodori a Vincentia ordinis Min. ſtriſſæ obſer-  
vantia. Taxa floren. 96. fruſtus Duc. Venet.  
2. mille. Anno 1677. tota diœceſi peragrata  
gregem ſuum luſtravit, & ſalutari ſacramento-  
rum, ac divini verbi pabulo recreavit. Ex-  
tremum diem obiit anno 1684.

## STEPHANUS EP. VEGLIENSIS XXVI.

De quo in Tabulis conſiſtorialibus: 1684.  
19. Junii providit (Innocentius XI.) Eccleſiæ  
Veglienſi per obitum Theodori Gennari vacanti  
de perſona Stephani David preſbyteri. Nondum  
quadriennium a ſuſcepto régime complayerat,  
cum e vivis deceſſit.

## BALTHASAR EP. VEGLIENSIS XXVII.

Familia Noſadina ob claritatem generis, &  
illuſtrium factorum gloriam in Annalibus Mar-  
chiæ Tarviſinæ ſæpius cum laude commemora-  
tur; quæ anno 1694. juſ patritium civitatis  
Venetæ adepta eſt. Hinc ortus eſt Balthaſar;  
quem Innocentius XI. Episcopum creavit, ei-  
que præſecturam atque adminiſtrationem Eccle-  
ſiæ Veglienſis demandavit, ut eſt in Tabulis con-  
ſiſtorialibus: Anno 1688. providit Eccleſiæ Ve-  
glien. vacanti per obitum Stephani David, de  
perſona Balthaſaris Noſadini omnia habentis &c.  
Annos quinque & viginti præfuit,

## PETRUS PAULLUS EP. VEGLIEN. XXVIII.

Ex illuſtri & doctiſſima Congregatione So-  
maſcha, de quo in Hiſtoria Eccleſiæ Tragu-  
rienſis; hanc ſiquidem, Clemente XI. jubente,  
cum Veglienſi Eccleſia commutavit: An. 1713.  
13. Februarii providit Eccleſiæ Veglien. vacanti  
per obitum Balthaſaris Noſadini de perſona Pe-  
tri Pauli Calorii translati Tragurio, cum re-  
ſervatione penſionum uſque ad ſummam 300. ſcu-  
torum monete Romanæ pro perſona, ſeu perſo-  
nis nominandis. Nihilo carior, & utilior Tra-  
gurienſi, quam Veglienſi Eccleſiæ fuit. Utrum-  
que clerus, & populum ſumma charitate com-  
plexus, aſſidua vigilantia, ſanctiſſimis verbis,  
exemplis, inſtitutis, utrique mirifice profuit.  
Episcopatus ſui tempus propemodum æqualiter  
Tragurienſibus, & Veglienſibus diſtribuit; nam  
æque in horum, atque in illorum Chriſtianam  
inſtitutionem fere quinquennium, haud labo-  
riofius, quam ſalubrius impendit. Utrique opti-  
mi Antiquiſtis & parentis ſibi erepti, alteri qui-  
dem translationem, alteri mortem maxime do-  
luerunt. Extinctus eſt anno 1717. pridie Ka-  
lendas Auguſti. Amplius tres annos Eccleſia  
Veglienſis, incertum quas ob cauſas, paſtore  
caruit.



## VINCENTIUS EP. VEGLIENSIS XXIX.

Vincentius  
Lessius ex  
Arbeni ad  
Vegliensem  
Ecclesiam  
translatus.

E Corcyra Melæna oriundus, cui Lessio cognomen fuit. Clemens XI. qui cum apte annos quinque Ecclesiæ Arbeni præfecerat, anno 1720. Arbenibus ademptum, Vegliensibus Episcopum dedit: Anno 1720. 2. Octobr. Ab Ecclesiâ Arbeni transfuit Vincentium ad Vegliensem. vacante per obitum Petri Pauli Calori, cum præfatione scutorum biscentum, salvis antiquis pro personâ, seu personis nominandis. In id potissimum incubuit, ut rudes clericos bonis litteris, ac moribus imbueret, eosque ad normam ecclesiasticæ disciplinæ conformaret. Sed cum incommoda pteretur valetudine, & operosis ac molestis litigiis distentus & confectus fuerit, non potuit suas omnes cogitationes curasque, ut optaret, gregi suo impendere. Anno 1729. Arbam cum se contulisset, ulceris curandi causa, ibidem vivere desinit Nonis Septembris. Ejus corpus Vegliam reductum est, conditumque in communi sepulchro Episcoporum.

## FRIDERICUS EP. VEGLIENSIS XXX.

Fridericus  
Rosa Ep.  
Vegliensis  
multos habuit sibi  
suisque præ-  
claris con-  
siliis ad-  
versarios.

Origine Venetus ex familia Rosa, honesta atque honorata; sed Presbyter oppidi atque insulæ Bractiæ; quippe clero Bractiensi tunc adscriptus fuerat, cum ejus parens in Albaniâ Turcica, nomine Reipublicæ Venetorum, Consulis sive Internuncii officio fungeretur. Anno 1730. Vincentio Lessio in Sedem Vegliensem successit. Episcopatum gessit plurimis & maximis molestiis exercitum agitatumque. Cum ad corrigendos depravatos plebis Christianæ mores, & quæ in clerum populumque irreperant, malas consuetudines extirpandas, multa & præclara moliri cœpisset; in odium offensionemque multorum incurrit, qui per annos fere quinque sanctis ejus conatibus adversari, eumque calumniis appetere, & quibuscumque poterant vexationibus afflicere numquam destiterunt. Multæ & graves de illo querimonie ad Senatum delatæ cum essent, Venetias accersitus est. Criminationes quidem illatas egregie diluit; sed numquam ei regressus ad Ecclesiam suam paruit, vel factione præpotentium adversariorum creditum intercludente, vel quod ad quietem & tranquillitatem publicam intererat eum abesse, ne sua præsentia illorum animos acrius irritaret; præsertim cum vel illos placandi, vel rei ecclesiasticæ, illis obstitentibus, bene gerendæ nulla spes esset. Itaque quatuor ipsos annos Venetiis commoratus est. Absente Pastore, cura gregis dominici iis commissa est, quibus ad tuendas oves, & lupos arcendos, contra opes factionemque iniquorum hominum, auctoritas, ac potestas deerat. Mirum igitur quantum detrimenti per eos annos ceperit religio & pietas Christiana, rerum sacrarum ignorantia, & morum corruptela passim, & ubique grassante. Vegliensi Ecclesiæ graviter laboranti ut consuleret, totque ac tantis malis mederetur Clemens XII. post Fridericum Rosam anno 1738. ad Ecclesiam Nonensem translatus, anno proximo virum doctum in primis, gravum atque industrium delegit, cui regimen & curationem Ecclesiæ Vegliensis commendavit.

Translatu-  
est ad Ec-  
clesiam No-  
ensem.

## PETRUS ANTONIUS EP. VEGLI. XXXI.

Petrus An-  
tonius Zuc-  
cherius Ep.  
Vegliensis.

Cognomento Zuccherius, natus in oppido S. Viti, provinciæ Foro-Julienis, & diocesis Concordienis; quem nihil minus cogitantem & optantem Clemens XII. ob ejus eximiam doctrinam, industriam, prudentiam anno 1739. vii. Kalendas Februarii, in amplissimo Patrum purpuratorum Senatu, Episcopum Vegliensem nominavit. Post susceptam episcopalem consecrationem eodem anno, mense Majo, possessionem Ecclesiæ sibi traditæ, per constitutum a se procuratorem ex formula juris adiit; mense Octobri Vegliam appulit, & xii. Kalendas Januarii sollemni pompa urbem ingressus, clero populoque comitante, qui venienti obviam processerat, ad ædem cathedralem accessit, & solium pontificale conscendit. Friderico Rosæ haud magis in sedem episcopalem, quam in eandem, quibus ille confectus fuit, molestias, atque agitationes successit, eandem, atque ille, propter justitiam persecutionem passus: id quod futurum illi summus Pontifex prædixerat. Vineam Dominicam ob diuturnam patrisfamilias absentiam, & villicorum, quibus commissa fuerat, imbecillitatem, vel incuriam, plane silvescentem, vitiorum vepribus ac dumetis obrutam, atque oppletam invenit. Ad eam purgandam colendamque statim cogitationes omnes & curas convertit. Cum vitis, quibus nec pauci e clericis & multi ex laicis laborabant, bellum apertum suscepit; hæc ex animis hominum ut evelleret, ac virtutes ecclesiasticas & Christianas iisdem infereret, nihil industriz, & auctoritatis episcopalis prætermisit, nunc blanda suavique admonitione eos alliciens, nunc poenarum metu injecto deterrens. Sed quod optimo Præsuli summam omnium benevolentiam conciliare debuerat, summam apud aliquos invidiam confluxit; præsertim cum per esuriales ferias sollemnis jejunii anno 1744. e suggestu in publica & privata flagitia vehementius inveheretur, quam pati potuerit effrenata quorundam licentia, libertasque vivendi; qui suis opibus, suaque arrogantia freti neminem suis cupiditatibus obstare, & quidquid libebat, licere sibi volebant. Cum his societatem coiverunt qui se ab illo vel asperius reprehensos, vel severius punitos dolebant; & consiliis inter se conjunctis, importunum admonitorem, suorumque scelerum reprehensorem omni ratione per fas & nefas evertere, nec modo fame, sed etiam si res procedat, Episcopatu spoliare constituunt; cumque in eum odii sui expromendi alia via non suppeteret, calumniis grassari cœperunt. Audacia & malignitas eo progressa est, ut eum apud Sedem Apostolicam accusarent, falsis quidem criminibus ad urbem delatis, sed quam maxime ad veri similitudinem ita confectis, & compositis, ut Benedictus XIV. pro sua gravitate & sapientia judicaverit delationes illas negligendas non esse; & quæstiones de illius vita & moribus institui jufferit. Quod cum Episcopo nuntiatum esset, nullam moram interposuit, quin statim Romam se conferret, ut criminationes sibi obiectas refelleret, seque de quibus accusatus fuerat legitime purgaret. Præclaro suæ conscientie testimonio fretus apud judices huic quæstioni præpositos magnopere institit, ut in sua dicta, facta, vitamque omnem diligentissime inqui-

Pro extir-  
pandis vi-  
tiis strenue  
laborat;

quam ob  
causam in  
odia mul-  
torum in-  
currit.

inquirerent; si alicujus delicti reum se comperissent, nullam se pœnam recusaturum & deprecaturum testatur. Res diutius, quam optabat, protracta est; demum post quæstiones rite peractas, ejus integritas, atque innocentia perspicue patuit; & omni non modo culpa, sed etiam culpæ suspitione liberatus fuit. Ac ille quidem, ut erat fugitans litium, & concertationum, amans pacis & quietis, veritus ne sibi eadem, & graviores fortasse ab suis adversariis, propter irritas accusationes exasperatis, contentiones & molestiæ imminerent; Vegliensem Ecclesiam, cui parum prodesse, illis adversantibus, se posse videbat, dimittere maluisset, quam exigua illius utilitate, & magno incommodo suo retinere. Verum Pontifici potestate imperanti parendum fuit. Vegliam reversus post quinquennalem absentiam, contra quam sperabat, ingenti omnium lætitiâ, & gratulatione exceptus fuit; nam ex illis, quos infensos sibi atque inimicos reliquerat, plerisque lux in eum prævæ, & maleficæ voluntatis pœnituerat; ceteros vero oprimi sui Pastoris male habiti, & calumniis iniquorum circumventi, miseratione cum magno dolore ceperat, ejusque absentis desiderium incredibile tenebat.

Vegliam  
Romæ  
reversus  
animos ad-  
versario-  
rum erga  
se immu-  
tos invenit.

Clericis  
studium La-  
tinz & Il-  
lyricæ lit-  
terarum lin-  
guæ impe-  
ravit.

Post reditum in vitis profligandis, & ignorantia præsertim clericorum abigenda, nihil de pristina cura & contentione remisit. Cum sermo Illyricus litterarius a vulgari plurimum differat, huc ferme secus, quam ab Italo Latino, & a vulgari Græco itidem litterarius; clerici Illyrici discabant quidem, & legere sciebant codices divinos, & liturgicos Illyricè scriptos, sed quæ illis sententia subiecta esset penitus ignorabant; cum linguæ Illyricæ litterarum intelligentia prorsus carerent. Illis itaque hujusmodi sacros codices litteris nostratibus & Latinis explicandos curavit; & linguæ utriusque Illyricæ & Latinæ addiscendæ legem imposuit. Non desuerunt quidem, qui perutili hujus consilii inventoque obstitissent, atque illi obtestarentur, quod novum & inusitatum utriusque linguæ percipiendæ onus clericis imponebat. Obtestatoribus silentium indictum; valuit auctoritas Episcopi, & præclarum institutum tenuit. Ita enim secum ipse statuit nullis se vel difficultatibus, vel obtestationibus prohiberi passurum, quo minus illa omnia decernat, suscipiat, & perficiat, quæ ad incrementum divinæ gloriæ, ad salutem animarum, ad gregis sibi concrediti utilitatem pertineant. Sua vero constantia, auctoritate, & mansuetudine id assecutus est, ut plerisque ex illis, quos antea sibi parum æquos, vel etiam infestos expertus fuerat, Deo sibi conciliaverit.

S. Quirino  
Ep. Mart.  
altare mar-  
moreum ex-  
struxit.

In æde cathedrali verus altare S. Quirini Episcopi, & Martyris Sisciani, ac Patroni primarii totius diocesis, cum vetustate ac situ squaleret, nec tali ac tanto Martyri & Patrono dignum videretur, funditus diruit; novum ex marmore, opere ornatuque eleganti extruxit; eidemque duas statuas itidem marmoreas apposuit, alteram ad dexteram S. Joannis Nepomuceni, alteram ad sinistram S. Aloysii Gonzagæ. Tabulam mediam egregia manu pingendam curavit, in qua cum S. Quirino, effigiem Virginis Deiparæ dolentis, itemque S. Francisci de Paula, & S. Petri de Alcantara appingi jussit. Cultum & patrocinium S. Quirini in hanc urbem, atque insulam invehit fuisse arbitror per Comites seu Dynastas Veglienses, Illyrici Sacri Thom. V.

quibus consanguinitas, & magna necessitudo intercedebat cum Comitibus Ciliæ, quæ regio est in Norico Mediterraneo, nunc Styria. In hac vero regione, quæ Slavoniæ finitima est ab occasu, magnum erat, & celebre nomen Quirini; & fama illustriam miraculorum, & antiqua incolarum religione florebat. Cum itaque Comites Vegliæ ad visendos consanguineos suos illuc frequenter itarent, eorum animos pia quædam sanctissimi hujus, & celeberrimi Martyris colendi, ejusque cultus propagandi cupiditas incescit. Itaque de communi totius clerici populique Vegliensis sententia, S. Quirinum urbis atque insulæ, Ecclesiæ ac diocesis Patronum adoptarunt, & constituerunt; ejusque diem natalem ac festum sollemni ritu concelebrandum esse decreverunt. Luber hic describi ex veteri Antiphonario Ecclesiæ cathedralis Antiphonas & versiculos, quibus ad psalmodiam illius diei ex antiqua formula peragendam clerus Vegliensis utebatur.

Cultus & patrocinium S. Quirini per Comites Veglienses invehit.

Antiphonæ ad festum S. Quirini celebrandum antiquitus adhibite.

*Antiph. ad Magnificat in primis Vesperis.*

*Sancte tuam Quirine protege plebem, corporis atque animæ des alimenta sibi, & munias fovens, & super astra feras.*

*Ad Matutin. Invitat.*

*Sancte Quirine Martyr Christi intercede pro nobis. Venite exultemus &c.*

*In primo Nocturno.*

*Superans superavit Maximum & prostravit hic Martyr constantissimus adjutus a Domino.*

*Ita Dei instituit misericordia, ut Imperatorum superaret sacrilegæ jussa, & a palma rediret ad gloriam.*

*Tyrannorum præcepta damnavit, visionemque Christi amavit hic bellator fortis Quirinus, ut gauderet per sæcula.*

*Celeberrima dies nobis, qua beatus Quirinus transiit ad Dominum, cujus honore officia persolvimus; hunc cunctis conatibus deprecemur, ut nobis vitam imploret perpetuam.*

*Quem Christus ad se vocavit, & palma Martyris dotavit, & celestibus beavit gaudiis.*

*Gloriosus Dei Pontifex, & Martyr Quirinus, mola collo suo ligata, præcipitatus in fluxio Savariola, diutius supernatavit; supernatando pie orans ad Dominum, ut sibi concederet transitum, Quod petiit impetravit, & gloriose transiit ad Dominum.*

*Iste est Martyr Quirinus nomine, mandata adimplendo Domini, mortem crudelem passus est, ut viveret perpetuo.*

*In secundo Nocturno.*

*Martyrium sitiens, tyrannorum libamina subsannans, Christum verum Deum Quirinus fortiter prædicat.*

*Martyr Christi inclutus tyrannicas minas est superatus, & in celo collocatus.*

*Hic nempe mundi gaudia vite caduca deputat, in fluxio Savariola diutius supernatat.*

*R. Sacerdos & Pontifex summe, Martyr Christi Quirine, ora pro tuo grege, ut tua continua prece defendatur ab hoste maligno.*

*Ut qui tuam colimus passionem, tuam adesse sentiamus intercessionem.*

*Beatus Quirinus Siscianus Episcopus, & Martyr Christi inclutus in carceris ergastulo Marcellum ejus pedibus prostratum Deo est lucratus.*

D. d. 2

Die

Die nocturne orationibus vacans Jesu Domino gratias agens.

Præclarus Martyr Dei Quirinus Pontifex Tyrannorum gazas reprobis plenas reputans, velut sydus in sublime vadit matutinum, quem hodie Angeli atque Archangeli, Sanctorum inclitus chorus universus melodis vocibus suscipiunt in caelestibus.

Benedictus Deus & Pater Domini nostri Jesu Christi, qui sperantem in se non despexit.

In tertio Nocturno.

Plaudat Vegla clerus totus, & sedula concio: anti Patroni agnere semper lata celebret.

Junior fui, etenim senui, & non vidi justum derelictum.

Volo Pater ut ubi ego sum, ibi sit grex & meus.

Quirinus prece exoratus nos transfer ad gloriam.

R. Gloriosus Deus in Sanctis suis, cujus ineffabilis altitudo in nullis inclusa limitibus, rebus jura judicii disponit universa, ejus ministros magnificat, alijs decorat honoribus, cui servire est regnare.

Beate Quirine Martyr Christi pro plebe tibi concessa ad Deum funde preces. S. Martyr invictissime Quirine, beatissime Protector nostrum, & refugium, qui meruisti Dominum, assidue te exorare deposcimus pro nostris excessibus.

Summis caloribus civibus glomeratus, jamque aeterna immortalitate indutus.

Ad Laudes.

Hæc dicat concio gloriam, & laudes Dei, qui beatum Quirinum beavit martyrio.

Nomen Christi confitendo Pontifex, & Martyr iste illustratus caelesti sapientia, letus transiit ad gloriam.

Beatus benedicatur ab omnibus, qui mandata Domini adimplevit, & donis gaudet caelestibus.

Laudens hunc Martyrem pueri, & majores,

meritis cujus & precibus gaudiis fruamur caelestibus.

Vere credentes credimus, si te Antistitem secuti erimus tecum, cum Christo Domino gaudebimus perpetuo.

Ad Benedict.

Ave Martyr gloriose, Quirine invictissime, hæc fore & protege plebem, & ab omni deinde peste tuis pijs meritis.

Ad Magnif. in secundis Vesperis.

O Martyr invictissime, Quirine constantissime, urbis Veglensis Protector, nostris acquiesce precibus, & pro salute omnium funde preces ad Dominum.

De Sancto Quirino plura in Historia Ecclesie Siscianæ; nunc illuc, unde digressi sumus, regrediamur. Multa in urbe præstantissimus Præsul, de quo agimus, ad religionem augendam, ad Deum, Divosque colendos pie instituit. Extremo, & primo anni cujusque die, divinam Eucharistiam in summo altari ædis cathedralis insigni apparatu, & luminum copia, publicæ venerationi exponi jussit ac decrevit, ad gratias agendas pro beneficiis acceptis, atque ad clementiam opemque divinam implorandam. Alias præterea in urbem ac diocesim pias consuetudines invexit, æque honorificas Deo & Cœlitibus, ut populo salutares; quæ utinam perpetuæ sint, atque in omne posterum tempus propagentur. Annuum a suscepto Episcopatu jam quartum, & tricesimum agit; & quamvis ætate in senium devexa, ne ulla tamen in re, pastoralis officio, & gregi sibi charissimo desit, nullis laboribus, neque incommodis parcat; & nihil vehementius optat, quam ut, clero populoque ad omnem sanctitatem composito, Ecclesiam Vegliensem optime constitutam, non habentem rugam, neque maculam successoribus relinquat.

Pia instituta Petri Antonii Episcopi, & curam laetitia sibi commissa.



# ECCLÉSIA SISCIANA

## NUNC ZAGRABIENSIS

*Suffraganea Metropolis Colocensis in Hungaria.*

### MONITUM AD LECTOREM.

**S**unt quædam Ecclesiæ Episcopales, ut in Præfatione ad Tomum III. monuimus, quæ continentur quidem intra fines, quibus Illyricum hodiernum ex descriptione Justiniani in sua Novella Constitutione XI. circumscripsimus; sed habent suos Metropolitæ extra Illyricum Justinianæ terminis definitum, quorum historia ad nos non pertinet. Has partim in hunc Tomum, partim in alios, qui subsequuntur, conjiciendas esse censuimus. Hujusmodi est Sisciana, nunc Zagrabienſis Ecclesia, quæ subest Colocenſi Metropolitæ in Hungaria. Hanc in hoc Tomo cum Metropoli & Provincia Jadertina conjungimus.

### ECCLÉSIA SISCIANA.

Siscia po-  
sitio;

**S**iscia civitas perantiqua, & illustris Romanorum Colonia, ab Oriente adjacet insulæ Segesticæ, quam Colapis, amnis duplici alveo in Savum influens efficit: *Penes Segestam*, ait Strabo lib. 7. *Castellum est Siscia*; nunc *Sissek* live *Sisseckum* vulgo appellant. Eandem huic oppido positionem attribuit Plinius lib. 3. cap. 25. *Colapis in Savum influens, gemino alveo insulam ibi efficit, quæ Segestica appellatur*; & ibidem Sisciam inter Colonias Romanas annumerat: *Ad Septentriones Pannonia vergit, finitur inde Danubio. In ea Colonia Aemona, Siscia*. Antoninus, seu quis alius, describens iter, quod Aemona est Sirmium, Sisciam inter *Quadratum & Variam* Castra constituit. Ptolemæus Sisciam intra fines Pannoniæ superioris includit. Nam Pannonia ante Augustum ab Danubio usque ad Alpes Dalmatiæ protendebatur, bipartito divisa; & quæ pars in Occidentem spectabat, *Superior*; quæ vero ad solem Orientem vergebat, *Inferior* Pannonia vocabatur. Sed Pannonia, Augusto imperante, suos a meridie fines contraxit; & regionis intermediæ quod Savum inter montesque Dalmaticos continetur, ex ejusdem Augusti descriptione, Dalmatia occupavit. Regio autem illa, quæ Dravo & Savo fluminibus interjacet, Pannonia Savia dicta fuit; sed quamvis Siscia citra Savum esset, Pannoniæ Savia attribui solebat; nam ut docet Sconlebius, Ferrarius, & alii, Savia citeriorem etiam, & meridiana Savi ripam, urbemque eidem impostas complectebatur. Octavius Cæsar, qui postea Octavianus Augustus, & Imperator Romanorum, bello Japidico prospere perfunctus, an-

no ante Christum 35. in Pæones, sive Pannonios, qui regionem inter Savum & montes Dalmaticos incolebant, arma convertit, & Segestam ac Sisciam in ditionem imperii Romani redegit: Itaque Segestani (ut docet Appianus lib. de Bellis Illyricis) omnia acerrimæ oppugnationis mala perpeſsi, trigesima tandem die per vim capti sunt. Siscia autem obsidionem ac deditionem Dio Cassius lib. 49. his verbis describit: *Enimvero Cæsar in Pannoniam profectus primum a rapinis se continuit, quamvis ii pagos in campeſtribus fitos deseruerant; sed cum ad Sisciam accedentem eum laſissent, ira correptus agrum eorum uſſit, pradaſque, quas potuit, marinas egit. Cum urbi appropinquasset, incolæ a primoribus persuasi statim se ei dederunt, & obſides præbuerunt; postea autem cum portas occluſissent, in obſidione habiti sunt; cum & muris valldis, & duobus navigabilibus fluviiſ confiderent; Colops enim mænia alluens in Savum defluit. . . tandem audito quosdam ſociorum ſuorum inſidiis exceptos periſſe, animis collapſi deditionem fecerunt. Ita his in poteſtatem Cæſaris receptis, reliqua etiam Pannonia pacis conditiones accepit. Sunt qui Segestam eandem urbem eſſe ac Sisciam, nec alteram ab altera diſtinguendam putent, veluti Philippus Cluverius lib. 1. It. cap. 20. Credo, inquit, Romanos, cum hæc loca primum debellarent, inuentam ibi urbem Sisciam, clariffimæ potentiſſimæque in Sicilia urbis nomine ſibi dudum notiſſimo appellafſe Segestam, inſulamque conterminam inde Segestica; poſtquam vero præſidia ſua, imperiumque huc protulerunt, vero nomine probe cognito Sisciam vocare perrexiſſe.*

quam Cæſar Octavius cum inſula Segestica, in poteſtatem Romanorum redegit.

Tiberius in Anno æræ vulgaris sexto, cum Pannopes ac Dalmatæ ab imperio Romano descivissent, Tiberius exercitum in Pannoniam traducto Sisciam egre-  
gie munivit, validis operibus, firmissimisque prædiis munitam, belli & armorum sedem constituit, & anno proximo in hybernis apud Sisciam legiones collocavit, ut docet Vellejus Paternulus: Ipse, inquit, asperissima hyemis initio regressus Sisciam legatos, inter quos & ipsi fuimus, par-  
titis præfecit hybernis.

Cum Illyricum universum ex descriptione Sex-  
ti Rufi decem & septem provincias complectetur, harum una erat Savia; Siscia vero civitas Savie admodum frequens, & nobilis. Cum autem divisio facta esset Illyrici Orientalis, & Occidentalis, Savia & Siscia inter provincias & urbes Illyrici occidentalis numerum & locum obtinuit. Qui Savie præerat, is vir clarissimus Corrector appellari solebat, ut docet Notitia dignitatum utriusque Imperii, ejusque sedes affixa erat Siscie. Erant præterea in hac urbe duo magistratus constituti, videlicet Præpositus Theaurorum Siscianorum, & Procurator moneta Sisciana; alter pecuniæ exigendæ, atque in usus publicos erogandæ, alter pecuniæ Siscianæ cudendæ signandæque præerat. Itaque Siscia & commune totius provincie ærarium erat, & una de senis officinis monetali-  
bus Imperii occidentalis; quarum reliquæ Aquilejæ, Romæ, Singinduni, Arelate, Treviris institutæ fuerant. Carolus Dufresnius in Dissertatione de Nummis inferioris ævi, officinæ Siscianæ adscribendos censet aliquot nummos his notis inscriptos.

ASISSISIAE, Constantini M., Licinii, Crispi &c.

BSIS. Siscia, Vetranionis. In aliis PSIS, idest percussa Siscia.

PS. Percussa Siscia, Licinii.

PSIS. Percussa Siscia, Crispi, Vetranionis.

S. Siscia, Constantini M.

SE Siscia, Constantis.

SIS Siscia, Constantini M., Licinii, Constantii, Constantis.

SISPZ. Siscia percussa. Z nota monetæ.

SISCP. Siscia percussa, Gratiani.

SMSISI. Signata moneta Siscia. Valentis.

Hos ipsos nummos typis æneis impressos reperies apud Dufresnium lib. 1. Hist. Byzant. ex Museo rei nummarie Regis Christianissimi.

Siscia si non ambitus magnitudine, at celeberrime nominis & nobilitate civium, ceteris Savie civitatibus, secundum Sirmium, facile præstabat; idque declarant rudera tectorum passim extantia, & quæ identidem effodiuntur marmora, metalla, numismata, & urnæ sepulchrales. Extat lapis incisus his notis:

F. P. REL. MARCIANO FLAM. ... PRAEF. AN. XX. ... AVVAE MAXIMI ... reliqua vetustas abrasit.

Siscia divitiis quoque affluebat, fluviali mercimonio partis; nam fructuosi commercii opportunitatem præbebant duo fluvii navibus ferendis idonei, Colapis, qui ab occasu moenia præterfluebat, & Savus ab septentrione, in quem Colapis paucis ab urbe passibus inferebatur; utroque enim merces debehi, atque invehi solebant. Urbis figuram, rudera & vestigia, quæ adhuc extant, Ferdinandus Marsilius Tomo 2. Itin. Domb. de Siscia, his verbis descripsit. Urbem Romanam mediocriter amplam hic olim fuisse, manium fundamenta, & vestigia, immo etiam locis quibusdam altius adhuc extan-

tia rudera, quæ figuram oblongam circum suo efficiunt, stare satis loquantur. Constante saxis non quidem quadratis, aut scissis, interim tamen durissimis, ex calce adeo forti, sibi mutuo coherentibus, ut non nisi summa cum difficultate confringi queant. Crustam exteriores lateres costii constituunt, Edificiorum dirutorum rudibus, laterum costorum acervis, area intus abundat, in qua sicut & in vicinis locis fossæ, canales, Romana numismata, aurea, argentea, sed maximam partem area, lapides sepulchrales inscriptionibus incisi, via lapidibus strata, & hujusmodi antiquitates aliæ passim reperiuntur, quæ omnia, cum hoc mereri nobis videantur, in peculiari tractatu, volente Deo, aliquando prolixius exponemus. Crassities muri ubique fere 3. orgyas aequat. Portas urbis fuisse aperte quidem ex reliquiis constat; nos autem conjecturaliter tantum credimus; persuasum nobis habentes, quod etiam pars flumini obversa Porta patuerit; quæ vero, cum huic parti rectus vicus innotum sit adstruendus, & hæc vestigia manium frequenti accolarum calcatione plane sint atterita, soloque aequata, dignosci haud potuit.

E regione urbis ad alteram ripam fluminis pariter edificium quoddam lapideum stetit, an pro vigilia, an alio usu, incertum; elevatior ibi terra & collis, totus fere lapidibus adhuc coacervatus restantur.

Ab ipsis Apostolis, vel Discipulis Apostolorum lucem evangelicam Pannonibus illatam fuisse inter omnes convenit; ex alterutris quinam fuerint, qui Christi nomen cultumque invexerint in Pannoniam, id in controversia est. Primordia Christianæ Religionis apud Pannonnes alii Petro Apostolorum principi, a quo Epænetum primum Episcopum Pannoniæ datum fuisse ferunt; alii Paulo adscribenda censent; hic siquidem in Epistola ad Romanos capite 15. scripsit se ab Hierusalem per circuitum usque ad Illyricum replevisse Evangelium Christi; ex quibus verbis Hieronymus in epistola ad Marcellam, & Gregorius Nissenus in Orat. de S. Stephano affirmant evangelicam Pauli prædicationem toto propemodum orbe diffusam, cum ad alias gentes, tum nominatim ad Illyrios dimanasse. Apostolicos Pauli labores, atque itinera in omnes regiones Illyricas extendit Asterius vetus & bonus in primis Auctor tom. 2. Biblioth. PP. homil. 8. in Principes Apostolorum: Paulus totum Illyricum percurrens, & ubique spargens scintillas fidei. Idem confirmat Petrus Damianus in serm. de Apostolis: Aspice Paulum totum flagrantem Illyricum, suscitantem mortuos &c. Idem sentiunt Petrus de Marca, Carolus a S. Paulo, & recentiores fere omnes. Primo autem æræ Christianæ sæculo, Illyrici nomen & descriptio universam Pannoniam complectebatur. Sunt etiam qui tradunt D. Jacobum Apostolum cognomento Majorem, cum Hispaniam peteret, Pannoniam obiisse, & quacumque iter faceret, Christianæ fidei semina quædam sparsisse. Ex Discipulis vero Apostolorum Marcum, & Lucam Evangelistas, Epænetum & Andronicum, Clementem & Apollinarem vel obiter Pannoniam Evangelii prædicatione lustrasse, vel ex professo Pannonibus Christiana doctrina erudiendis operam stabilem ac diuturnam dedisse, auctores multi sunt nec ignobiles. Ceterum undecumque Pannonnes, & Sisciani Evangelium acceperint, nulla est inter Scriptores controversia,

Primordia Christianæ Religionis apud Pannonnes referuntur ad Principes Apostolorum.

Paulus Illyris & Pannonibus lucem evangelicam attulit.



fra, quin ut in reliquis Pannoniæ civitatibus, sic etiam Siscia Religio Christiana inde usque ab apostolicis, vel certe antiquissimis temporibus coli ac florere cœperit; idque intelligi po-

test ex Arca sepulchrali e terra prope Sisciam effossa cum inscriptione Christiana:

HVIC ARCÆ INEST SEVE  
RILLA FAMVLA XPI. QUÆ  
CVM VIRO SVO VIXIT  
NOVEM CONTINVIS AN-  
NIS. CVIVS POST OBI-  
TVM MARCELLIANVS HANC  
SEDEM VIDETVR COLOCAS-  
SE MARITVS

Episcopus  
Siscia-  
nus tempo-  
ribus Apo-  
stolicis  
qualis.

Quemadmodum vero Sirmii, quod civitas es-  
set princeps totius Pannoniæ, Episcopus con-  
stitutus est Epænetus vel Andronicus, e scho-  
la ac disciplina Pauli uterque profectus; ita  
verisimile est per eadem tempora suum Siscia  
Episcopum datum fuisse, cum hæc civitas post  
Sirmium inter ceteras Pannoniæ urbes incola-  
rum frequentia, divitiarum copia, & nominis  
celebritate præcelleret. Sed nomina & acta Epi-  
scoporum, qui ante exitum sæculi tertii huic  
Ecclesiæ præfuerunt, nimia vetustas posteritati  
præripuit; nec vero habeo quemquam S. Qui-  
rino Episcopo & Martyre Sisciano antiquiorem,  
cujus nomen proferre possim; nisi forte crede-  
re libeat de Casto nescio quo, quem sub De-  
cio Imperatore in decreto Cornelii Papæ no-  
minatum ferunt. Post Quirinum quatuor non  
amplius Episcopos nobis antiqua monumenta  
suppeditant, duos sæculo quarto, Marcum &  
Constantium, duos itidem sæculo sexto, Joan-  
nem & Constantinum; ceteros obruit obli-  
vio, & vetustas absorbit. Hos tantummodo  
ex tot clarissimorum Antistitum naufragio ex-  
emptos nobis veterum scripta conservarunt; his  
ergo contenti erimus, horum Acta, si qua  
superfunt, edemus. Principio Ecclesia Sisciana  
subjecta fuit Metropolitæ Sirmiensi; post Sir-  
mii excisum, in jus ditionemque Metropoli-  
tæ Salonitani migravit.

Quatuor  
Episcopi  
Siscienles,  
quorum no-  
mina super-  
sunt.

Ecclesia Si-  
sciana sub-  
erat Metro-  
politæ Sir-  
mieni, de-  
inde Salo-  
nitano.

Episcopi Sisciani nobis noti.

S. Quirinus Martyr an. 300.  
Marcus an. 347.  
Constantius an. 381.  
Joannes an. 530.  
Constantinus an. 531.

S. QUIRINUS EP. SISCIANUS.

Plures Qui-  
rini Mar-  
tyres.

Hunc ante omnia distingui oportet cum ab  
aliis ejusdem nominis Martyribus, tum vero  
præsertim a Quirino quodam commentitio,  
quem Philippi Imperatoris filium, & Episco-  
pum Laureacensem, Aquilejensem, &, si Su-  
peris placet, etiam Siscianum fuisse tradunt.  
Quirinus Romanus ex idololatra Christianus,  
ex Tribuno Martyr, ab Alexandro Papa in  
carcerem incluso, cujus custodiæ præerat, ad  
Christum conversus, sub Adriano Imperatore  
anno 130. præclaram pro Christo mortem op-  
petiit; ejusque corpus e cœmeterio Pretextati  
sæculo undecimo translatus est Novesium, quæ  
civitas est vetusta & nobilis sub jurisdictione Ar-  
chiepiscopi Colonienfis, haud ita longe ab ri-  
pa sinistra Rheni; ibique Templum sane ma-

gnificum obtinet, Quirini Martyris titulo in-  
scriptum, apud illustre collegium Virginum  
Canonicarum, & summa veneratione colitur.  
Ejus nomen in sacris festis ad diem tricesimum  
Martii adscriptum est; de quo Hagiblogi An-  
tuerpienses eodem die, Tomo III. Martii.

Quirinus Presbyter cum Nicasio Episcopo  
Rhotomagensi pro religione cæsus occubuit sæ-  
culo primo ære Christianæ exeunte, coliturque  
v. Idus Octobris, de quo Baronius in suis no-  
tis ad Martyrologium die undecima ejusdem  
mensis. Ab utroque diversus est Quirinus Mar-  
tyr Tiburtinus, de quo itidem Baronius die  
quarta Junii: *Tibure S. Quirini Martyris*, &  
in eadem urbe, in basilica S. Laurentii, subter  
altare Sanctissimi Salvatoris conditum esse af-  
firmat.

Fuit itidem Romæ celeberrimus Martyr no-  
mine Quirinus, qui anno 169. sub Claudio II.  
Imperatore Christi causa interemptus fuit  
viii. Kalendas Aprilis, projectusque in Tibe-  
rim; sed inde sublatus, in cœmeterio Pontiani  
sepultus est. Hujus corpus duo nobilissimi fra-  
tres Albertus & Octavius conditores cœnobii  
Benedictini in Norico Ripensi sive in Bavaria,  
inter Ilaram & Oenum fluviis ad lacum Te-  
gerum, unde Tegernsense monasterium di-  
ctum, ab Zacharia Summo Pontifice anno 746.  
impetrarunt; atque in basilica, quam ingenti  
mole sumptuque apud cœnobium in honorem  
utriusque Principis Apostolorum extruxerant,  
honorifice deposuerunt, ubi plurimis miraculis  
claruit, quæ antiquis litteris consignata Hagio-  
logi Antuerpienses in Tomo tertium, ad diem  
vicesimum quintum Martii contulerunt. Hi  
quatuor ejusdem nominis Martyres tam variis  
& diversis vel temporum, vel locorum, & alia-  
rum rerum notis insigniti sunt, ut facile cum  
inter se, tum a Quirino Episcopo & Martyre  
Sisciano distingui queant. Alios Quirinos seu  
Cyrinos Martyres prætermitto, qui a nostro  
facilius secerni & internosci possunt.

Nunc de illo Quirino, de quo multa poe-  
ticis magis decora fabulis, quam incorruptis  
rerum gestarum monumentis traduntur. Philip-  
pus genere Arabs, quem e Pannonia oriundum  
fuisse ad sabellam aptius concinnandam falso  
ajunt, Gordiano interfecto Imperium occupavit  
anno 244. & Philippum filium Cæsaris titulo  
impertivit. Multi graves in primis, ac nobi-  
les auctores sunt hos primos Imperatorum Ro-  
manorum Christianis sacris initiatos fuisse.  
Philippo Augusto, præter Philippum juniō-  
rem, alterum fuisse filium commenti sunt e  
Serena, seu Severa uxore genitum, quod vē-  
terum Scriptorum nemo tradidit: hunc vēro  
fuisse Episcopum Laureacensem, & patrimon-  
ium amplissimum sibi a parente Augusto re-  
lictum ex duabus & viginti civitatibus consti-  
tum Ecclesiæ Laureacensi donasse. Eidem Aqui-  
lejensem etiam Episcopatum attribuunt, quod  
vel simul cum Laureacensi gessit, ut aliqui pu-  
tant, vel ab hoc ad illum translatus fuit, ut  
alii existimant. Verum ab antiquis probatisque  
Antistitum Laureacensium, & Aquilejensium  
catalogis abest Quirinus; neque ulla suppetunt  
antiqua monumenta, neque ulli Scriptores ido-  
nei, quorum auctoritate uterque Quirini Epi-  
scopatus nitatur; id quod vel ipsi illi fatentur,  
qui eum Laureaci & Aquilejæ Episcopum fuisse  
affirmant. Eidem huic Quirino Episcopatum  
Siscianensem affingunt; sunt tamen qui Aposto-  
lum

Quirinus  
commenti-  
tus filius  
Philippi  
Augusti  
Episcopus  
Laureacen-  
sis, Aqui-  
lejenfis, Si-  
scianus.

lum quidem, & Martyrem Sisciae hunc fuisse ajunt, sed Episcopum negant, ea falsa ratione adducti, quod Siscia sedem episcopalem numquam habuerit. Sed Quirinus, in quem hæc omnia conferunt, & genus augustale, & triplicem Episcopatum, nullus fuit. Vide jam unde, & quomodo iste Quirinus effectus fuerit. In cœnobio Benedictino Tegernseensi, supra laudato, extat Historia de martyrio, translatione, miraculis S. Quirini Romani, qui sub Claudio II. Imperatore ob Christianam Religionem extremo supplicio affectus est, ejusque corpus translatum est, ut supra diximus, in Bavariam, atque in templo monasterii Tegernseensis honorifice depositum. Hanc Historiam sæculo duodecimo Metellus monachus Tegernseensis carminibus lyricis illigavit, venusteque descripsit; Godefridus Henschenius Tomo tertio Martii ad diem quintum, & viciesimum ejusdem mensis inseruit. In hac Historia dicitur Quirinus fuisse filius Philippi Augusti, & frater Philippi Junioris: casu utroque Philippo, Quirinus, cum septimum annum ageret, sub cura & disciplina religiosissimæ matris Severæ, sive Serenæ educatus, cum matre & aliis Christianis Romæ in cryptis delituit, dum persecutio Deciana ferveret. Nondum annum tricesimum attigerat, cum Claudio II. imperante supremum pro Christo certamen fortiter alacriterque obivit. Quæ de illius Martyrio narratur, desumpta sunt ex actis S. Valentini Presbyteri & Martyris; de quo Beda in suo Martyrologio ad diem viii. Kalendis Aprilis: *Roma Cyrini, qui interfecit est a Claudio, & in Tiberim jactatus, in insula Lycaonia inventus, & in cœmeterio Pontiani conditus est. Scriptum in Actis S. Valentini.* Sed de illius imperatorio genere, & nobilitate augustali, ne verbum quidem in Actis S. Valentini, sive apud veteres Scriptores invenitur. Qui vitam S. Maximiliani Episcopi Laureacensis sæculo decimo tertio scripsit, ex Historia Tegernseensi Quirinum illum Philippi Augusti filium surripuit: de suo autem hæc adjecit, vel sumpsit aliunde: hunc Quirinum fuisse proximum ante S. Maximilianum Antistitem Laureacensem, & Ecclesiam hanc, patre jam Christiano non invito, sed libente, dotasse luculentissimo patrimonio, quod sibi in Pannonia, & finitimis regionibus obvenerat; nam ejus parens Philippus, cum esset, ut ajunt, genere Pannonius, regiones amplissimas avito, & paterno jure possidebat, quas bipartito divisas, æqualiter utrique filio Philippo, & Quirino assignavit; ejus autem patrimonii, quod obtigerat Quirino, loca omnia, & civitates duas omnino & viginti nominatim percenset: quo ex patrimonio mirum quædam in opes creverit Ecclesia Laureacensis, quæ post excidium Laureaci Pataviam translata fuit: hinc nihil frequentius in chronicis & catalogis recentioribus Archiepiscoporum Laureacensium, & Patavien-sium reperitur, quam eadem cantilena his verbis aut similibus expressa: *Philippus Imperator utriusque Pannoniæ Dominus, primus ex Imperatoribus Christianus, pauperem hactenus Laureacensem Ecclesiam honoribus, & divitiis exaltavit.* Ceterum si fides antiquis historiis habenda est, Philippus humili loco, tenuique fortuna natus est in Arabia. Demum ex Laureacensi ad Ecclesiam Aquilejensem regendam migravit. Hactenus ex vita S. Maximiliani Lau-

Confatus  
ex Histo-  
ria Teger-  
seensi S.  
Quirini M.  
Romani.

ex Vita S.  
Maximilia-  
ni Episcopi  
Laureacen-  
sis.

reacensis Episcopi. Ex Actis vero nostri Quirini additum est fuisse illum etiam Episcopum Siscianum; ejusque vitam usque ad imperium Diocletiani, & initium quarti sæculi perdu-ctam esse; apud Sabariam in flumen dejectum illustrem pro Christo mortem obisse. Hæc La-zius, Cuspinianus, Inchoffer, Raderus, Hun-dius, Geyoldus, & alii Scriptores Germaniæ, qui de summa rerum ferme inter se consen-tiunt; nonnulla tamen sunt, in quibus paullu-lum discrepant. Quæ igitur de Quirino in Hi-storia Tegernseensi, in vita S. Maximiliani, in Actis S. Quirini Episcopi Sisciani traduntur, fe-re omnia in unum Quirinum contulerunt. Ita ex duobus Quirinis, altero Martyre Romano, altero Episcopo & Martyre Siscienti, cum ad-ditamento commentitio generis imperatorii, & duplicis Episcopatus Laureacensis & Aquilejen-sis, unum Quirinum conflagrant, qui num-quam fuit.

Porro Quirinum nostrum, iis omnibus de-tractis, quæ ad eum non pertinent, talem ex-hibemus, qualis in suis Actis apparet. Hæc ger-mana sunt & sincera, atque adeo ex ipsis Actis proconsularibus, sive juridicis descripta, ut or-do serielque narrationis satis certo declarat. Ex his Hieronymus elogium S. Quirini confecit, & suis ad Eusebium additamentis intexuit, Pru-dentius hymnum de Martyrio & laudibus ejus-dem composuit, & Martyrologi fere omnes sumperunt, unde nomen B. Quirini ornarent. Hæc Mombricius, Surius, Papebrochius, Rui-nartius Actis Divorum inseruere. Eadem nos ara hic exhibemus, subjectisque notis illu-stimus.

Cum mundi istius principes ad cruciandas San-ctarum animas Diabolus commovisset, & ubique Domini Ecclesias diversis persecutionum tempe-statibus ventilaret; suscitatis regum amicis, per quos amplius adversus Dei populum prælia com-moveret, agebat quotidie sua incrementa savi-tia. Prementibus itaque eos Maximiani (1) Im-peratoris legibus, Christianus infestabatur exer-citus. Per Illyricum vero Diocletianus sacrile-gis præceptis in Christi populum hostiliter sæ-viebat, addito tyrannidi sua Maximiano (2) in regno particeps, qui & suam rabiem, & Dio-cletiani per omne Illyricum (3) ostenderet. Fe-re tamen (4) omnes ad provinciarum Judices nefandorum principum sacrilegi apices mitteban-tur, ut in templis Dæmonum immolare cogerent Christianos; Christi Ecclesiæ clauderentur, Chri-sti Sacerdotes, & ministri ut parerent legibus publicis, & confiterentur Deos esse: quibus si thura nollent accendere, suppliciis diversis, & mortibus subjacerent.

Inter multos autem, qui in Christi exercitu triumphabant, beatus Quirinus (5) Episcopus Siscianus a Maximo Præsede jussus est compre-hendi, quem cum studiose quærerent, & beatus id sensisset Episcopus, egressus est a civitate, & fugiens comprehensus est. Cumque a Maxi-mo (6) Præsede interrogaretur quo fugeret, Quirinus Episcopus respondit: Non fugiebam, sed jussum Domini mei faciebam; scriptum no-bis est: Si vos persequuntur in una civitate, fugite in aliam. Maximus Præsides dixit: Quis hoc præcepit? Quirinus Episcopus respondit: Christus, qui verus est Deus. Maximus dixit: Et nescis quia ubique te Imperatorum præcepta poterant invenire; & hic, quem dicis Deum, verum, comprehensio tibi subvenire non poterit, sicut

ex actis  
S. Quirini  
Martyris  
& Episco-  
pi Sisciani.

Ex duobus  
Quirinis,  
altero Mar-  
tyre Ro-  
mano, alte-  
ro Episc.  
Siscienti  
unus con-  
flatus.

Acta S.  
Quirini  
Episc.  
&  
Martyris  
Sisciani  
Germanæ,  
& sincera.

sicut & modo fugiens comprehensus es, & ductus. Quirinus respondit: Semper nobiscum est, & ubicumque fuerimus, Dominus, quem solimus, subvenire potest; & modo cum apprehensus essem, mecum erat; & hic mecum est confortans me; & ipse de meo ore tibi respondet. Maximus dixit: Multa loqueris, & loquendo magnorum regum instituta differis (7). Lege ergo divinos apices, & fac quod iustum est. Quirinus Episcopus respondit: Ego Imperatorum tuorum iussionem non audio, quia sacrilega est, & contra Dei praecepta jubet servos Christi Diis vestris immolare, quibus ego non servo, quia nihil sunt. Deus autem meus, qui servo, ipse est in calo, & in terra, & in mari. Ipse est & in omni loco, omnibus autem superior, quia intra se continet omnia: quoniam per ipsum cuncta facta sunt, & in ipso constant universa. Maximus dixit: Per nimium tempus vivendo, quasdam fabulas didicisti. Supponantur tibi thura, & discas Deos esse, quos nescis. Non parvum consecutus es munus intelligentia, si praeceptis obediens esse volueris. Quod si ipse tibi non suaseris, ut devotus appareas, cognosce te subijciendum diversis injuriis, etiam morte terribili vitam tuam finiendam. Quirinus Episcopus respondit: Injurias, quas mihi minaris, gloriam puto; & promissa mors, si merear, vitam dabit aeternam. Propterea Deo meo devotus esse cupio, non regibus tuis. Neque enim Deos credo esse, qui non sunt, & aris Damonum thura non pono; quia scio aram esse Dei mei, in qua apta ei sacrificia odoris incendi. Maximus dixit: Video quia insania te cogit ad mortem. Sacrifica Diis. Quirinus Episcopus respondit: Non sacrifico Damonibus, quia scriptum est: Omnes Dii gentium Damonia; & qui sacrificant Diis, eradicabuntur. Tum Maximus Praeses iussit eum fustibus cadi, qui & dixit: Respice & agnosce potentes esse Deos, quibus Romanorum servit Imperium. Propter quod consentiens, eris Sacerdos magno Deo Iovi; alioquin ad Amantii Praesidis prima (8) Pannoniae iudicium dirigeris, a quo dignam mortis sententiam excipias. Ergo a stultitia tua reversus acquiesce. Quirinus Episcopus respondit: Vere modo sacerdotio fungor, vere modo Sacerdos effectus sum, si me ipsum Deo sacrificium obtulero. Et hoc, quod corpus meum casum est, delector, nullum sentiens dolorem. Ideoque offero me maioribus suppliciis, ut me quibus praepositus fui in hac vita, sequantur ad illam aeternam vitam, ad quam per huiusmodi iter facile pervenitur. Maximus Praeses dixit: Claudatur in carcere, & gravetur catenis, donec sobrius efficiatur. Quirinus Episcopus respondit: Non expavescam carcerem, credens Deum meum mecum esse in carcere, qui semper est cum suis cultoribus.

Cumque ligatus fuisset, recluditur in carcerem. Quirinus Episcopus, & mittens se in orationem dixit: Gratias tibi ago, Domine, quia propter te haec mihi illatae sunt contumeliae; & rogo, ut qui in hoc carcere detinentur, sentiant me cultorem veri Dei esse, & credant, quia non est alius Deus, nisi tu. Media autem nocte apparuit splendor magnus in carcere; quem cum vidisset Marcellus custos personarum (9), aperuit carcerem, & prostravit se ad pedes beati Quirini Episcopi dicens cum lacrymis: Ora pro me Dominum; quia credo non esse alium Deum, nisi quem tu colis. Multum autem hortatus est beatus Episcopus, & consignavit eum in nomine

Dominici nostri Jesu Christi. Post triduum autem Maximus Quirinum Episcopum iussit ad Amantium Praesidem ad primam Pannoniam deduci, ut pro contumacia, quam in leges Imperatorum exhibuerat, ultimam sententiam sustineret.

Cumque deductus (10) fuisset beatus Quirinus in primam Pannoniam, & per singulas civitates vinclus catenis ad Praesidis Amantii iudicium traheretur; siquidem ad (11) ripam Danubii ad singulas civitates ducebatur, Amantio eodem die revertente de civitate (12) Scarabateni, offertur ei beatus Quirinus Episcopus; quem Praeses ad urbem Sabariensem (13) ad audiendum censuit re-  
pedari. Tunc ingredientes ad S. Quirinum Episcopum Christiana mulieres (14) cibum, potumque obtulerunt ei. Quarum fidem intuens beatus Episcopus, dum ea, quae offerunt, benedixit, catenae, quibus ligatae manus ejus & pedes fuerant, ceciderunt. Accepta igitur esca, regressis mulieribus, hi, qui eum custodiebant, Sabariam duxerunt. Quem Praeses Amantius per officium suum offerri sibi iussit in theatro. Qui cum oblatus fuisset, Amantius Praeses dixit: Requiro a te, si ea, quae in tua superbia apud iudicium Maximum gesta monstrantur, vera sunt. Quirinus Episcopus respondit: Apud Sisciam verum Deum confessus sum. Ipsum semper colui, ipsum corde teneo: nec me ab eodem, qui unus Deus, & verus est, homo poteris separare. Amantius Praeses dixit: Aetatem tuam dolemus maculare verberibus; tamen sensum tuum optamus emendari sermonibus, & premio promissae vitae corrigere, ut reliqua senectutis tuae tempore juxta legum imperialium sanctionem Diis serviens, persituaris. Beatus Quirinus Episcopus dixit: Quid de aetate dubitas, quam fides inviolata reddere potest omnibus suppliciis fortiolem? Nec tormentis frangitur mea confessio, nec vita praesentis delectatione corrigitur, nec timore mortis, quamvis acerba, mentis mea soliditas perturbatur. Amantius Praeses dixit: Cur instans es ad mortem, ut Diis, & Romano Imperio appareas indevotus, & contra humanum morem vitam tibi eligas denegandam; dum hi, qui evadere mortem cupiunt, negando quae gesserunt, tormenta deludunt? Tu autem dicis vita tuae dulcedinem odiosam (15), & festinus curris ad mortem, Imperatoribusque contradicis. Propter adhuc te hortamur, ut vivas, & vitam tuam redimas, & cultorem te legibus Romanis exhibeas. Quirinus Episcopus dixit: Allocutio ista forte flebat animos seniles (16), qui longioris vitae spatia  
suspirant. Ego autem didici a Deo meo, ut debeam ad illam vitam pervenire, quae post mortem mortis jam intercisione non clauditur. Et ideo ad temporalem huius vitae terminum fidelis accedo. Non enim similis sum noxiorum, sicut potestas tua loquitur. Illi enim dum vivere cupiunt, negando Deum vere moriuntur. Ego autem ad aeternitatem vitae confitendo pervenio: nec vestris legibus acquiesco, quia Christi Dei mei legitima, quae fidelibus predicari, custodio. Amantius Praeses dixit: Diu te ad obedientiam regaliū praeceptorum inclinare volumus: sed quia rigor mentis domari non potuit, eris exemplo omnium Christianorum, ut formam tuae mortis qui vivere cupiunt expavescant.

Tunc inter ceteras, quas pertulit passiones, iussit Sancto Dei Sacerdoti, vel famulo, molam ad collum alligari, & in fluvio Sibaridis (17) undas demergi. Cumque de ponte praecipitatus fuisset in fluvium, & diutissime supernataret (18),  
& cum

19 & cum spectantibus locutus esset, ne suo terre-  
 20 rentur exemplo, vix orans, ut mergeretur, ob-  
 rinuit. Cujus corpus non longe ab eodem loco,  
 ubi demersum fuerat, inventum est: ubi locus  
 orationis (19) habetur. Sed ipsum sanctum cor-  
 pus in Basilica ad (20) Scarabatensem portam  
 depositum, ubi major est pro meritis ejus fre-  
 quentia procedendi. Passus est beatus Quirinus  
 Episcopus Siscianus, Martyr Christi sub pridie  
 Nonarum Juniarum, & coronatus est a Domi-  
 no nostro Jesu Christo, cui honor, & gloria,  
 & potestas in secula seculorum. Amen.

21 Facta autem incursione (21) Barbarorum in  
 22 partes Pannoniae populus Christianus de Scar-  
 23 batensi (22) urbe Romanam fugiens, sanctum cor-  
 pus Quirini Episcopi & Martyris afferentes, se-  
 cum deduxerunt. Quod via (23) Appia millia-  
 rio tertio sepelierunt in Basilica Apostolorum Pe-  
 tri, & Pauli, ubi aliquando jacerunt; &  
 ubi S. Sebastianus Martyr Christi requiescit, in  
 loco qui dicitur Catacumbas, adificantes nomini  
 24 25 ejus dignam Ecclesiam (24); ibique (25) vene-  
 rabile corpus ejus diu latuit; sed Spiritu Sancto  
 disponente, qui non patitur Sanctorum suorum  
 gloriam occultari, tempore Innocentii II. (26)  
 26 Papa, Ecclesia S. Mariae trans Tiberim funden-  
 tis oleum fundatoris, quando eadem Ecclesia fa-  
 bricabatur, eodem Spiritu Sancto inspirante, con-  
 silio, & mandato ejusdem Pontificis, ac totius  
 Romanae Ecclesiae, clerici S. Mariae cum magna  
 reverentia levaverunt pretiosissimum corpus glo-  
 riosissimi Quirini Episcopi & Martyris de eo-  
 dem loco: quod cum timore Dei actulerunt in  
 praedictam Ecclesiam S. Mariae trans Tiberim:  
 ac cum hymnis, & orationibus, in majori al-  
 tari ejusdem Ecclesiae recondiderunt; ubi prae-  
 stantur beneficia ejus usque in hodie num diem.

## Notae.

(1) Maximianus Herculus, qui acerbius  
 Christi cultores, quam Diocletianus, perseque-  
 batur; & anno 301. vel sequenti decrevit, Se-  
 natu populoque approbante, Christianum ge-  
 nus ac nomen, ubicumque ipse dominabatur,  
 omnino extinguendum esse.

(2) Hic est Maximianus Galerius; idque  
 colligi posse ait Papebrochius ex codice Vati-  
 cano Actorum B. Quirini, ubi legitur, alio  
 Maximiano, idest Galerio; nam alter erat Ma-  
 ximianus Herculus Imperator & collega Dio-  
 cletiani, anno 286. e Caesarea ad augustalem  
 dignitatem evectus. Galerium autem Dio-  
 cletianus participem regni fecerat, cum eum an-  
 no 293. Nicomediae Caesarem appellavit.

(3) Cum Diocletianus & Herculus anno  
 293. Nicomediam convenissent, ut de summa  
 Reipublicae inter se consulerent; duos Caesares  
 crearunt, Constantium, cui Chloro, & Gale-  
 rium, cui Armentario cognomen fuit, qui-  
 buscumque provincias, bella, exercitus partiren-  
 tur. Tunc orbis Romanus quadripartito divi-  
 sus est. Aurelius Victor regiones, quae cuique  
 obtigerunt, nominatim perchelet: Quoniam bel-  
 lorum moles acerbius urgebat, quasi partito im-  
 perio, cuncta quae trans Alpes Galliae sunt, Con-  
 stantio commissa, Africa Italiaque Herculo, Il-  
 lyrici ora usque ad Euxini fretum Galerio. Ca-  
 zera Valerius (idest Diocletianus) retentavit.  
 Inter provincias Illyrici Galerio conceditas  
 erat Pannonia; & Galerianum in Pannonia im-  
 perium ex eo etiam dignosci potest, quod par-  
 tem Pannoniae, quae vergit ad Septentrionem,

& Danubio adjacet, Galerius uxoris suae, Dio-  
 cletiani filiae, nomine Valeriam appellavit. Hic  
 igitur peculiarem & maximam rerum omnium  
 potestatem in Pannonia nactus, cum suam in-  
 explebilem rabiem, cum Diocletiani socii sui  
 crudelitatem in Christianos exprompsit. Cum  
 Quirinus Episcopus martyrium subiit, Galerius  
 rerum potiebatur in Illyrico, vel ipso Pruden-  
 tio teste, qui eum neque Caesarem, neque Im-  
 peratorem, sed Ducem appellat, ut legibus ac  
 numeris metri serviat.

Hic sub Galerio Duce,  
 Qui tunc Illyricos sinus  
 Urgebat disionibus,  
 Fertur Catholicam fidem  
 Illustrasse per exitum.

(4) Jam igitur fervebat persecutio univer-  
 salis, quam Diocletianus Nicomediae anno 303.  
 Ecclesiae universae indixerat; cum scilicet fe-  
 rali edicto in illa urbe promulgato Christianos  
 omnes necandos trucidandosque denotavit; quod  
 quidem edictum cum litteris Augustalibus ad  
 Praesides omnes Romanarum provinciarum per-  
 ferri iussit; ut magistratus omnes toto orbe  
 Romano, uno nuntio, atque una litterarum  
 significatione admoniti, incitatieque ad nomen  
 Christianum ubique delendum conspirarent. Haec  
 persecutio longe omnium gravissima decem ipsos  
 annos tenuit, neque antea omnino quievit,  
 quam hostibus Christianorum extinctis, anno  
 313. Constantinus & Licinius Augusti edicto  
 Mediolanensi pacem Ecclesiae reddiderunt. Mar-  
 tyrium S. Quirini Hieronymus, in suis ad  
 Chronicum Eusebii additamentis, in annum  
 decimum quarti saeculi contulit, Baronius ad  
 octavum, Ruinartius ad nonum ejusdem saeculi  
 annum revocavit; postquam videlicet Dio-  
 cletianus Nicomediae, Maxim. Herculus Medio-  
 lani purpuram & Imperium Augustale deposue-  
 runt anno 305. novis Augustis Constantio &  
 Galerio, novisque Caesaribus Severo & Maxi-  
 mino creatis. Sed referendum censo ad supe-  
 riores annos, post indictam quidem universa-  
 lem persecutionem, sed antequam Diocletianus  
 eum Herculo se imperio abdicavit: quod ex  
 eo intelligi potest, quod in Actis Quirinianis  
 tum Maximianus Herculus Imperator, tum  
 vero Diocletianus nominatur imperans idem,  
 savienque in Christianos: Per Illyricum vero  
 Diocletianus sacrilegis praeceptis in Christi po-  
 pulum hostiliter saviebat, addito tyrannidi sua  
 Maximiano in regno particeps &c. Igitur po-  
 testatem adhuc & imperium cum Maximiano  
 Herculo tenebat. In martyrio itaque S. Qui-  
 rini duae chthonologicae tamquam insignitae no-  
 tae apparent, & Persecutionis universalis, &  
 Imperii Diocletiani; ex quibus perspicui potest  
 anno tertio, vel quarto, vel quinto saeculi  
 quarti illud illigandum esse, cum & persecu-  
 tio universalis efferveret, & nondum Dio-  
 cletianus cum Herculo imperare desisset. Dies  
 vero martyrii satis certa est, nimirum quarta  
 Junii, diserte expressa in ipsis Actis; ad quam  
 diem Martyrologi omnes nomen & martyrium  
 S. Quirini adscribunt.

(5) Non solum Episcopum, sed etiam civem  
 Sisciae fuisse, & natum in ea civitate videtur  
 voluisse significare Prudentius, cum cecinit:

Insignem meritis virum  
 Quirinum placitum Deo  
 Urbis mania Sisciae  
 Complexu patrio fovent.

Jam

Jam etate longe proventus erat Quirinus, cum iussus est a satellitibus comprehendi, adducique ad tribunal Præsidis Silciani. Uterque enim iudex Maximus & Amantius, ejus senectutem non obscure his verbis exprimunt: *Per nimium tempus vivendo quasdam fabulas didicisti. Etatem tuam dolemus maculari verberibus.* Et paulo post Amantius clarius & apertius; *Ut reliquo senectutis tue tempore juxta legum imperalium sanctionem Diis serviens perfruaris.* Hinc colligi videtur Quirinum plures annos Ecclesiæ Siscianæ præfuisse; quippe cum in ejus regimine confuenerit.

(6) Qui Silciæ juri dicundo, & questionibus de reis ac maleficiis habendis præerat, videtur fuisse unus de minoribus magistratibus, quibus jus gladii non erat, quamvis cujuscunque criminis reos vinculis & verberibus, aliisque citra mortem suppliciis afficere poterat.

(7) Apud Surjum diffamaveris.

(8) Prima Pannonia, eadem ac superior, quam Arrabo fluvius ab inferiore, sive secunda Pannonia disjungebat; ejusque magistratus temporibus Diocletiani Præfex vocabatur; ut verus Inscriptio apud Reinesium docet: *Munatio Planco V. C. Præsidi Paun. per annos XVII. &c.* Hujus autem Pannonici magistratus jurisdictione Siscia, cum ceteris Pannoniæ primæ civitatibus, continebatur.

(9) Daniel Papebrochius persanatum legi oportere existimat; Referendum, inquit, ad aliquid elapsum librariis, quo per conjecturam restituto, hic sensus repræsentetur: *Apparuit splendor magnus in carcere (& omnes plagæ Quirini sunt sanatae) quem cum vidisset Marcellus persanatum &c.*

(10) Huic loco hanc notam apposuit Papebrochius: *Mombritio atque Surio sensum obscurissimum ex inutili quorundam verborum replicatione, clarum nobis fecit MS. Vatic. & brevi parenthesi includenda docuit, quæ istis perturbata omnino erant.* „Cumque deductus fuisset beatus Quirinus ad primam Pannoniam, ( siquidem ad ripam Danubii per singulas civitates vinctus cæcenis ductus est ) Amantio eodem die reverte[n]te &c. „

(11) Danubius longe quidem aberat a Siscia; sed cum Amantius per id temporis provinciam peragraret, & incertum esset qua in urbe tunc juris dicundi causa consisteret; idcirco Quirinum, Savo Dravoque fluminibus trajectis, ad ripam Danubii deduci, & per civitates illas ripenses circumvehi oportuit, quas tunc Amantius obibat. Urbes igitur ripæ Danubianæ impositas circumiit; & Vindobonam usque perductum fuisse ajunt, quæ tunc civitas erat Pannoniæ superioris ad occidentem extrema. Ab ripa Danubii digressus Amantium Scarabantia revertentem offendit, a quo iussus est Sabariam reduci.

(12) Scarabantia, quæ & Julia Scarabantia, civitas Pannoniæ superioris, inter Danubium a Septentrione, & Sabariam a meridie interjecta, nec longe in occasum distans a fluvio Arrabone, qui superiore, & inferiorem Pannoniam discriminat. Daniel Papebrochius: *Est autem Scarabantia Cluverio Sopron, Lazio Scapring, inter Sopronium jam dictum, & fluvium Arrabonem, per quem si ad Danubium descendit Amantius, eique per eundem Danubium obviam ductus Sanctus, applicabatur ad plures in ripa civitates; oportet ut concipiamus illum*

100. fere passuum millia terrestri amensum itinere, ut Siscia missus ripam attingeret circa Budam, sursum autem astratum usque ad Arrabonis ostia, ad quæ nunc sita est Comorra.

(13) Sabaria est civitas itidem Pannoniæ superioris, a Scarabantia passuum millia circiter viginti in meridiem distans. Erat Colonia Romana, *Claudia Augusta* cognominata; nunc vicus exiguus, quem *Stein-am-anger* indigenæ vocant.

(14) In quodam hospitio, viz, quæ Sabariam ducit, imposito, id Christianæ charitatis officium illæ piæ mulieres B. Quirino præstiterunt.

(15) In aliis codicibus ociosam.

(16) Alii pueriles legendum putant.

(17) Sibaris mœnia Sabariæ alluebat, inferaturque in Arrabonem.

(18) Hinc Hieronymus sumpsit, quæ Chronico Eusebiano inseruit: *Quirinus Episcopus Siscianus pro Christo gloriæ interficitur; nam manuali mola ad collum ligata, e ponte precipitatus in flumen, diutissime supernatavit; & cum spectantibus collocutus, ne suo terrentur exemplo, vix, orans ut mergeretur, obtinuit. Ididem Martyrologi omnes elogium B. Quirini confecerunt: quæ omnia fufius & elegantius cecinit, hisque versiculis explicavit Prudentius:*

Summo pontis ab ardu  
Sancta plebis Episcopus  
In præceptis fluviis datur,  
Suspendum laqueo gerens  
Ingentis lapidem mola.  
Dejectum placidissimo  
Amnis vortice suscipit,  
Nec mergi patitur sibi,  
Miris vasta natatibus  
Saxi pondera sustinens.  
Spectant eminus e solo  
Doctorem paridi greges:  
Nam Christi populus frequens  
Riparum sinuamina  
Stipato agmina sepserat.  
Sed Quirinus ut eminens  
Os circumtulit, heu! suo  
Exemplo trepidos videt:  
Nil ipse proprii memor  
Inter flagna periculi,  
Confirmat pia pectora,  
Verbis mirificis rogans,  
Ne quem talia terreant,  
Ne constans titubet fides,  
Aut penam putet emori.  
Dicentem fluitantibus  
Amnis terga rebunt undis,  
Nec substrata profunditas  
Saxoque, & laqueo, & viro  
Audet sponte debiscere.  
Sensit Martyr Episcopus  
Jam partem sibi præripi  
Palmam mortis & exitus,  
Ascensumque negarier  
Eterni ad solium Patris.  
Jesu cunctipotens, ait,  
Haudquaquam tibi gloria  
Hac est insolita aut nova,  
Calcere & fremitum maris,  
Prova & flumina sistere.  
Scimus Discipulum Petrum  
Cum vestigia tingeret



Mortali trepidus pede,  
 Dextra subsidio tua  
 Subiecisse salum solo.  
 Jordanem quoque novimus  
 Tortis vorticibus vagum  
 Dum fertur rapido impetu  
 Ad fontem refluis retro  
 Confugisse meatibus.  
 Hæc miracula sunt tua  
 Virtutis, Domine, ut modo  
 Suspendar, leve præstatans  
 Summo gurgite fluminis,  
 Cum collo scopulum trabam.  
 Jam plenus titulus tui est  
 Jam vis prodita nominis,  
 Quæ gentilis habet stupor,  
 Absolveas, precor, optime,  
 Hujus nunc anima mæras:  
 Quid possis, probat amicus,  
 Qui veltat silicem, liquor.  
 Hoc jam quod superest, cedo,  
 Quo nil est pretiosius,  
 Pro te Christe Deus mori.  
 Orantem simul halitus,  
 Et vox deserit, & calor:  
 Scandit Spiritus ardua:  
 Fit pondus grave saxum;  
 Corpus suscipiunt aquæ.

(19) Cum mors Galerii anno 311. extincti finem persecutionis in Pannonia attulisset; tunc Christiani sacellum, ubi corpus B. Quirini inventum fuerat, ejectum ex undis, memoriz ac religionis causa edificarunt, quo ad Deum orandum, colendumque S. Martyrem convenirent.

(20) Post pacem Ecclesie redditam, Basilica exstructa est apud portam Sabariæ, ex qua iter est Scarabantiam; unde Porta Scarabaten-sis dicta est, ibique corpus S. Quirini honorifice depositum.

(21) Quæ sequuntur, ut Papebrochius præclare admonuit, posterioris Scriptoris addita-mentum sunt, Roma factum. Anno potissimum 377. scdissima tempestas barbarica in Pannoniam incubuit, Gothi, & Hunnis omnia ferro ignique devastantibus; quo turbine pleræque urbes & Ecclesie funditus corruerunt. Ad hæc tempora referri potest Romana B. Quirini translatio; nisi mavis illam cum Papebrochius rejicere in annos extremos hujus sæculi quarti, cum Gothi, ut cecinit Claudianus, auctore & impulsore Rufino, Thraciam, Græciam, Pannoniam, usque ad fines Dalmatiz, rapinis, cædibus, incendiis peragrarent.

Geticis Europa catervis  
 Ludibrio prædæque datur frondentis ad usque  
 Dalmatiz fines. Omnis qua nobile Ponti  
 Equor & Adriacas tellus interjacet undas,  
 Squalet inops pecudum.

(22) Auctor Romanus, hujus additamenti, cum in Actis B. Quirini, quæ cum ejus sacris exuviis Romam delata sunt, legisset eum conditum fuisse in Basilica ad Scarabatensem portam, id per errorem ad civitatem Scarabatensem retulit, ubi eum sepultum, & inde Romam translatum putavit. Sed eum ex Actis certo constet eum apud Sabariam martyrio functum esse; si visum fuisset Christianis ejus corpus alio deferendum esse, Sisciam potius opinor, ubi fuerat Episcopus, quam Scarabantiam

detulissent. Præclare Marcus Hanfzizius Tomo I. cap. vi. Germaniz Sacra: Illud videtur: Sabaria tam passum, quam sepultum ad portam, quæ Scarabaten-sis ex eo dicta est, quod Scarabantiam vicinam respiceret; neque enim ignotum portas urbium de locis, quos respiciunt, appellationem solere sortiri. Idem docet Tillemontius Tom. V. Hist. Ecclesiast. nisi forte, inquit, ante Sabaria, quam Scarabantia diruta fuerit; ac proinde ejus corpus primum Sabaria Scarabantiam, deinde vero Romam translatum fuit.

(23) Hic, tertio vel secundo ab urbe lapide antiquitus condita fuisse corpora SS. Apostolorum Petri & Pauli confirmat S. Gregorius Epistola 30. lib. 3. ad Constantinam Augustam, cum asserit ad secundum urbis milli-arium ad Catacumbas collata corpora Apostolorum.

(24) Daniel Papebrochius: Hujus Ecclesie, vel potius oratorii intra Basilicam hic nominatam nulla, quod equidem sciam, vel apud Anastasium mentio invenitur; ut diu ante ejus ætatem esse desierit. Basilica autem jam dicta tunc vocatur S. Sebastiani extra muros.

(25) Hoc est alterum additamentum ex Codice Vaticano.

(26) Innocentius II. ab anno 1130. usque ad an. 1143. Ecclesie universali præfuit; & Basilicam S. Mariæ trans Tiberim ædificavit, seu potius restauravit, & absidem opere multo depingi jussit anno 1140. in eoque corpus S. Quirini Episcopi & Martyris Sisciani, ex æde S. Sebastiani sublatum, honorifico sepulcro recondidit.

Corpus S. Quirini Episcopi & Martyris Sisciani vindicant sibi Fuldenses. Rudolphus Scholasticus in vita B. Rabani Archiepiscopi Moguntini auctor est, Ossa S. Quirini, qui in Siscia Pannoniorum oppido Episcopus . . . ligata ad collum mola præcipitatus est, in Germaniam allata fuisse anno 838. & in monasterio Fulden-si deposita. Mediolanenses ejusdem sacras exuviis apud se coli gloriuntur, in monasterio, & templo S. Vincentii; ex quorum opinione Mombricitus Actis S. Quirini Ep. Mart. Sisciani hæc subtexuit: Postea per Dominum piissimum Angelbertum venerab. Archiep. Mediolanensem deportatus (Quirinus) & honorifice apud monasterium B. Levite Vincentii, simul cum S. Nicomede Presbytero summa cum reverentia est reconditus. Hæc Mediolanensis translatio inciderit oportet in sæculum nonum; quippe Angilbertus Ecclesiam Mediolanensem ab anno 822. ad an. 840. administravit. Sed in Breviario Mediolanensi eadem translatio ascribitur Heriberto Archiepiscopo, qui sæculo undecimo floruit. Demum Aquilejenses contendunt idem corpus B. Quirini, quem inter suos veteres Antistites fallo annoverant, ab Joanne Papa XIX. qui Sedem Romanam tenuit inter annos vice-simum quartum & tricesimum tertium sæculi undecimi, donatum fuisse Poponi Patriarchæ, & depositum in ea, quam hic ædificaverat, Basilica Aquilejensi. Verum si standum est notis chronologicis Vaticani Codicis, in secundo ad historiam S. Quirini additamento supra descripto, sæculo duodecimo Corpus S. Quirini adhuc quiescebat in æde suburbana S. Sebastiani, quod Innocentius II. an. 1140. in urbem & Basilicam S. Mariæ trans-

Corpus S. Quirini vindicant sibi Fuldenses in Germania.

Mediolanenses.

Aquilejenses.

Tiberim deportandum curavit. Igitur Quirinus, qui sæculo nono in Germaniam, vel Mediolanum, aut sæculo undecimo Aquilejam translatus fuisse traditur; alius fuerit oportet a Quirino Episcopo & Martyre Sisciano, cujus Corpus Sabaria Romam sæculo quarto delatum, sedem sepulcralem in æde S. Sebastiani adhuc retinebat, cum translationes illæ factæ fuisse dicuntur; neque inde ante annum quadragesimum sæculi duodecimi dimotum fuit.

S. Quirinus adhuc in Basilica Mariana trans Tiberim quiescit.

*Scimus*, inquit Daniel Papebrochius, *quam multi tum Romæ, tum alibi fuerint hujus nominis Martyres, cum solus Martinus tres nobis proferat, die quarta, duodecima, & trigesima.* Ex his aliisve unum, quem maluit, Fuldenes, Mediolanenses, Aquilejenses sibi deligant, suum quique, de cujus sacris Reliquiis apud se conditis gloriantur. Nobis interea liceat credere Corpus S. Quirini Siscienſis Episcopi & Martyris adhuc Romæ in Basilica S. Mariæ trans Tiberim asservari, donec certiora monumenta proferantur, quæ illud inde sublatum, alioque avectum perspicue doceant.

Astorum Quirini-norum epis-tome.

Ut paucis omnia complectar; Quirinus anno circiter 270. Siscianum Episcopatum suscepit, & annos amplius triginta in multiplici Christianæ rei varietate motuque gessit; cum scilicet vel a Romanis Imperatoribus, vel a Præfatis provinciarum nulla Christianis quies esset, quæ vel a cædibus, vel a periculis, aut metu vacaret. Ventum est deinde ad persecutionem Diocletianeam, qua nulla fœdior & cruentior in Christianum nomen incubuit. Quirinus haud magis ætate, quam diuturnis laboribus, vigiliis, curisque pro suo grege tuendo confectus, dum procellæ illorum temporum vitandæ causa ex præcepto divino fugeret, comprehensus est anno 303. vel proximo; & Siscianæ primam quæstionem subiit apud Maximum urbis Præsidem, a quo & vinculis, & verberibus excruciatuſ fuit; alteram Sabariæ apud Amantium Præsidem Pannoniæ Primæ, qui in eum capitalem sententiam tulit, jussitque in Sibarim fluvium deturbari ac demergi. Post pacem Ecclesiæ constitutam ejus corpus reconditum est in Basilica, quam Christiani exstruxerant ad portam Sabariæ urbis, ex qua iter est Scarabantiam. Sæculo quarto barbaris Pannoniam devastantibus, Romam evectum fuit, atque in æde suburbana S. Sebastiani depositum; inde vero sub Innocentio II. an. 1140. translatum est in Basilicam S. Mariæ trans Tiberim, ubi etiamnum asservari credibile est.

Persecutio Diocletiani & Licinii.

Post Martyrium S. Quirini persecutio Diocletiana nihil de acerbitate remisit; & cum in omnibus aliis Romanis provinciis, tum præsertim in Illyrico & Pannonia, ubi Galerius imperabat Christiani sanguinis sitientissimus, omni suppliciorum genere desæviebat. Anno 311. morte Galerii extincta est in Occidente; sed annos præterea duos, Maximino imperante, Christianos in Oriente acerbissime divexit. Maximino extincto, Constantinus & Licinius Augusti anno 313. Mediolani decretum communiter composuerunt, quo Christianorum incolumitati cautum est. Sed quam uterque pacem Ecclesiæ dederat, eam postea ipsemet Licinius, cui Pannonia & Illyricum obrigerat, per summam perfidiam diremit; & ab Episcopis & Christianis Illyricis initium sæviendi fecit. Cum multa crudeliter atque impie adversus Christianos moliretur, ei Constantinus bel-

Illyrici Sacri Tom. V.

lum intulit anno 315. & duplici prælio victum, altero apud Cibolim in Pannonia, altero apud Campum Mardienſem in Thracia, ad pacem petendam compulſit. Pax ita convenit, ut Thraciam quidem cum Orientis imperio Licinius retineret; Illyrico autem & Pannonia excederet; quæ omnis regio ad imperium Constantini accessit. Quare nulla deinde Licinio fuit jurisdictio in provinciis Illyricis, nulla Christianos Illyricos exagitandi ac cædendi potestas. Et cum post aliquot annos nefarium bellum & longe crudelius in Christianos reintegrasset, nulla ejus belli pars in Pannoniam & Illyricum pervasit; quas regiones Liciniano imperio exemptas, Licinianæ quoque sævitæ & persecutioni Sozomenus exemit lib. 1. cap. 2. *At Græci, Macedones, & Illyrii, qui versus Occidentem rerum suarum domicilia habebant, Constantini opera, qui illi Imperii Romani parti præfuit, libere & secure Deum coluerunt.*

An vero per eos annos, a martyrio nempe S. Quirini usque ad imperium Licinianum a Pannonia, & Illyrico depulſum, cum Christianorum oppugnatio vel numquam respiravit, vel post inducias trium annorum interpositas iterum, imperante Licinio, recruduit, Ecclesia Siscienſis suum, a quo regeretur, Antistitem habuerit, non est compertum. Anno 324. post Licinium, qui palam aperteque bellum Christianis rursus denunciavit, ad eosque insectandos & opprimendos fere triennium contulit, triplici prælio debellatum, & imperatoriis insignibus exutum; ad Constantinum totius Imperii Romani summa pervenit. Hic rerum omnium potitus, nihil habuit antiquius, quam ut Christianorum saluti consuleret, & pacem Ecclesiæ usquequaque stabiliret. Ad cultum divinum amplificandum omni cogitatione curaque incubuit. Itaque suis legibus, edictis, datisque ad Præsides provinciarum litteris, vetera Christianorum templa, quæ furiosa illa superiorum temporum tempestas dejecerat, laxiora restitui, & nova ubique a fundamentis excitari, in eamque rem e publico ærario pecuniam contribui jussit. Tunc vero, si non antea, ut aliis Ecclesiis suis rectoribus jamdiu destitutis, sic etiam Siscianæ suus est Episcopus restitutus. Fuit autem opinor Marcus, is, qui Concilio Sardicensi interfuit anno 347. nihil enim obstat, quo minus ad hunc usque annum vitam & Pontificatum perducere potuerit,

Post Licinium debellatum pax Ecclesiæ ubique reddita.

Suus Ecclesiæ Siscienſis Episcopus restitutus.

#### MARCUS EP. SISCIANUS.

Post externos proſtigatos, cum hostibus domesticis diu multumque Ecclesiæ consistendum fuit. Hæresis Ariana, quamvis Concilii Nicæni anathemate percussa, & tercentorum ac duodeviginti Episcoporum execrationibus confixa, tantum abfuit, ut victa & oppressa succumberet, ut majores deinde spiritus viresque resumeret, & Constantii Imperatoris patrocinio fulta, latius in dies propagaretur. Itaque Marci Episcopatus in ea tempora difficillima & calamitosissima Reipublicæ Christianæ incidit, cum lues Ariana ex Oriente in Occidentem grassari cœpit, & Pannoniam potissimum pervasit. Valens & Ursacius, alter Mursæ, alter Singiduni in Pannonia Episcopus, principes erant factionis, sectæque Arianae, cujus late vulgandæ mire cupidus, hac illac circum-

Marcus Episcopus Siscienſis.

E e

cur-

Arianam & Photinianam hæresim in Concilio Sardicensi damnavit.

curfando, & Orientis Occidentisque provincias assidua peragratione alias ex aliis obeundo, nefarium dogma ubique disseminabant. Hinc existimari licet quantopere Pannoniam in iis præsertim locis, quæ ad jurisdictionem episcopalem utriusque pertinebant, Arianæ impietate pollueretur studuerint. Quo propius id contagii aberat, latiusque serpebat; hoc intentiori cura & vigilia opus fuit Marco Episcopo Siscienti, ne qua in suam Ecclesiam irreperet, & gregem sibi commissum inficeret. Sed longe gravius sceleriusque huic Ecclesiæ malum ab ipso suo Metropolitano Sirmienti imminerebat. Hic erat Photinus Paulli Samolateni, & Sabellii insanis & sacrilegis opinionibus imbutus, qui præter alia magistrorum suorum flagitia, Christum merum hominem esse, nec aliunde initium, nisi ex Maria sumpsisse, per summam impietatem assererat. Cum igitur periculum esset, ne a Metropoli, velutique a capite provinciæ Sirmientis, in alias Ecclesias Pannoniæ tamquam in membra eidem subjecta, & coherentia, virulentum dogma dimanaret; omni studio curaque Marco cavendum ac vigilandum fuit, ne letale illud venenum in Ecclesiam Siscianam diffunderet, præsertim cum Photinus, non auctoritate solum, sed etiam eruditione, eloquentia, calliditate ad persuadendum maxime valeret, & sacrilegam doctrinam ambiguè ac speciosis verbis contextam animis populorum instillaret.

Adversus utramque impietatem, Arianam & Photinianam Marcus quoque cum Patribus Sardicentibus egregie pugnavit. Habita est Synodus Sardicensis anno 347. ab urbe Sardica, quæ caput erat & Metropolis totius Daciæ, cognominata; cui cogendæ præcipuam causam præbuere Arianorum Coryphæi, quos inter numerabantur duo ex Illyrico Pannonico Episcopi, Valens Mursensis, & Ursacius Singidunensis, propugnatores acerrimi perfidiæ Arianae. In ea cunctis Episcoporum suffragiis fides Nicæna confirmata, Athanasius ceterique Catholici Episcopi, in suam quisque sedem restituti, Episcopi Ariani, in quibus Valens & Ursacius, in ordinem redacti, & cum iis, quas composuerant formulas fidei, anathemate percussi; aliquot præterea Canones, quæ ad disciplinam ecclesiasticam sanciendam pertinent, constituti. Auctor est Epiphanius hæresi 71.

Photinus in Synodo Sardicensi, vel in Mediolanensi damnatus.

Photinum Sirmientem Episcopum in eodem Sardicensi conventu iustum esse rationem suæ fidei reddere; & execrandæ in Christum blasphemiae compertum, omnium sententiis confixum, & Sacerdotio Sirmienti multatum fuisse. Sunt tamen qui non in Sardicensi, sed in Mediolanensi Concilio, quod eodem anno habitum fuit, Photinum damnatum tradant. Ex variis Occidentis pariter Orientisque provinciis, sex & septuaginta supra tercentos Episcopos interfuisse scripsit Sozomenus; sed de numero Episcoporum est inter Scriptores controversia. In Actis vulgatis Concilii Sardicensis non amplius undecim nominantur; ceteros aut vetustas abrasit, aut librorum incuria prætermisit. In his diserte nominatus est Marcus; sed ejus subscriptio vitiose se habet: *Marcus ab Asia de Siscia*; item synodice ad Julium Papam epistola subscriptus est *Marcus ab Asia de Siscia*. Nec visio vacat emendatio ibidem subjecta: forte a Dacia. Neque ab Asia, neque a Dacia, sed a Pannonia, vel Paonia legendum

Marcus subscriptus Actis Concilii Sardicensis.

est: nisi vero existimes utrobique nominari non provinciam, ubi Episcopatum gerebat, sed regionem, unde fortassis erat oriundus. Ex prima vero subscriptione de Siscia, secundam de Fissia corrigas oportet. Nec vero dubitari potest quin Episcopus Siscientis interfuerit Concilio Sardicensi; nam Athanasius in Apologia 2. itemque in epistola, quam ibi descripsit, Patrum Sardicentium ad Aegyptios, sive ad Ecclesiam Alexandrinam, inter provincias sive urbes, e quibus Episcopi Sardicam conveniunt, Sisciam expresse nominavit, *Nostram*, inquit, *innocentiam plures, quam trecenti Episcopi, suis calculis comprobarunt, qui ex multis provinciis Aegypti, Libyæ, Creta, Dalmatia, SCISILIE, Pannoniarum, eo se ad Concilium contulerunt &c.* Sacra Synodus per gratiam Dei Sardica congregata e Roma, Hispaniis, Gallis, Pannoniis, Daciis, Norico, SCISCIA, Dardania &c.... Extat in Additione ad Concilium Sardicense, Tomo I. Supplementi Conciliorum &c. auctore Joanne Dominico Mansi Clerico Regulari Congregationis Matris Dei, postea Archiepiscopo Lucensi, epistola S. Athanasii inscripta: *Tresbyteris, & Diaconibus, & populo Catholica Ecclesiæ apud Mariotam, dilectissimis ac desiderabilibus fratribus in Domino salutem. Sancta Synodus laudavit in Christo vestram religionem &c.* Huic epistolæ subscriptus legitur *MARCUS SISCENSIS SAVIE*.

Post Concilium Sardicense quot annos superstes fuerit Marcus, non constat; certe quamdiu vixit, tamdiu manendum illi fuit in perpetua & sollicita sui gregis vigilia; & nihil unquam de assidua circumspectione, diligentique custodia remittendum. Nam Photinus, quamvis in Concilio Sardicensi, vel Mediolanensi damnatus, sedem tamen Sirmientem, populi favore, & benevolentia, quam sibi malis artibus conciliaverat, & Episcopatum retinuit. Ursacius & Valens primum in Synodo Mediolanensi, deinde in Romana, sive metu Constantis Imperatoris, sive ut sedes suas & Ecclesias recuperarent, e quibus decreto Sardicensi depulsi fuerant, cum Arium ejusque blasphemias ejurassent, & calumnias Athanasio illatas solemniter psalmodia revocassent; veniam & communionem ecclesiasticam tum a Patribus Mediolanensibus, tum ab Julio Pontifice impetrarunt. Sed post interitum Constantis anno 350. extincti, metu omni deposito, & Constantii Imperatoris gratia freti, Arianam impietatem, verbo rejectam, animo retentam, liberius, quam antea, & fidentius, tum per alias regiones, tum præsertim per Pannoniam universam propagare institerunt. Quocirca post Concilium Sardicense, idem, quod antea, & fortasse gravius periculum Ecclesiæ Siscianæ imminerebat, quod vigilantiam & solertiam Marci Episcopi acueret augeretque oportuit, ut Photinianis, & Arianis blasphemias aditus omnes obstrueret. Marco e vivis sublato, ut in Episcopatum, sic in eandem curam & sollicitudinem Catholice religionis tuendæ successit

Photinus quamvis condemnatus sedem Sirmientem retinuit.

#### CONSTANTIUS EP. SISCIANUS.

Huic nihilo segnius pugnandum fuit cum ejusmodi hæreseon monstris, quæ Fidei Catholice, & Nicænæ exitium moliebantur, Arianis scilicet, & Photinianis: nisi si quis alius Episcopus

Constantius Episcopus vigilans & sollicitus pro suo gregi

tuenda con-  
tra Valen-  
tem, & alios  
Arianos  
Episcopos

scopus inter Marcum & Constantium interje-  
tus fuerit, in quem Ecclesie hujus admini-  
stratio ac tutela incubuerit. Ac Valens qui-  
dem anno 351. in exitum vergente verlabatur  
in Pannonia cum Constantio Imperatore, apud  
quem auctoritate & gratia plurimum valebat;  
& quod reliquum fuit illius anni, totamque  
hyemem anni proximi idem Constantius in  
Pannonia transegit, obsecus undique, & stipa-  
tus Episcopis Arianis, ad quorum arbitrium  
& nutum se totum accommodaverat, resque  
omnes ex illorum consilio gerebat. Tunc illud  
agi ceptum est, quod Severus in vita S. Mar-  
tini scripsit, ut omnes fere duarum Pannonia-  
rum Episcopi in perfidiam Arianam conjurarent.  
Si Episcopus Siscianus cum aliis Pannoniae Epi-  
scopis in hanc conjurationem consensit, is non  
fuit, opinor, Constantius; sed aliquis alius,  
qui proxime post Marcum, & ante Constan-  
tium, huic Ecclesie praefuit; nam Constantius  
quam tenax esset fidei Nicenae, postea in Con-  
cilio Aquilejensi satis ostendit. An vero idem  
Constantius eodem, quo plerique Catholici  
Episcopi, naufragio Ariminensi absorptus fue-  
rit, nec negare, nec affirmare ausim. Si for-  
mulam illam ambiguam, & subdolan, quam  
Valens & Ursacius Patribus Ariminensibus ob-  
truserat, multorum auctoritatem & exemplum  
secutus recepit & subscripsit; dubitari non po-  
test, quin postea, quemadmodum ceteri Epi-  
scopi, quos calliditas Ariana, error, metus,  
& cupiditas pacis ecclesiasticae ad formulam il-  
lam subscribendam impulerant; sic etiam Con-  
stantius Arianam illam fraudem ac fallaciam  
simul detexerit, & exhorruerit, & quidquid vel  
timore, vel ignorance peccaverat, cum aliis  
Episcopis, aperta constantique fidei Nicenae  
confessione eluerit.

Duplex Syn-  
odus Arian-  
na Sirmien-  
sis; absit  
ab utraque  
Constanti-  
us.

Ante Concilium Ariminense duplex Synodus  
Sirmienfis ab Arianis habita fuit; altera anno  
351. altera anno 357. duplex itidem formula  
fidei composita, quae cum fide Nicenae aut non  
congruebat, aut omnino discrepabat. Neutri  
Constantius interfuit, aut subscripsit. Post in-  
teritum Constantii Imperatoris, itemque Juliani  
Apostatae, quorum alter sexagesimo primo, al-  
ter sexagesimo tertio hujus saeculi anno male  
periit; sub Joviano brevissimo Imperatore, &  
Valentiniano, res Christiana, & Catholica,  
maximis calamitatibus, & periculis perfuncta  
respiravit, posteaque prosperae res deinceps mul-  
tae consecutae sunt, maxime ubi Valentinianus  
imperabat. Verum ne biennium quidem Ca-  
tholicis, praesertim in partibus Orientis, quie-  
tis esse licuit sub Imperio Valentis fratris Va-  
lentiniani. Hic siquidem anno 366. ab Eudoxio  
Ariano Episcopo baptizatus, cum Ariana im-  
pietate patrocinium Arianorum suscepit. Hinc  
vires animosque majores ad nefariam haeresim  
propagandam sumplerunt Valens & Ursacius,  
quibus potissimum auctoribus habita est Singi-  
duni intra finem anni 366. Synodus, cui tum  
e Pannonia, tum e Moesia Daciaque Episcopi  
Ariana labe infecti interfuerunt: nec solum fi-  
dem Nicenam, sed etiam dogma Semiarianum  
impugnare atque subvertere aggressi, & confirma-  
runt. Quocirca haud scio an magis etiam,  
quam antea, Constantio Episcopo Siscienfi a  
fraude & audacia Valentis & Ursacii gregi  
suo metuendum fuerit, majorique cura & vi-  
gilantia illorum insidiis & conatibus obisten-

Valens Imp.  
iterum Ca-  
tholicis per-  
secutionem  
indixit.

Hyrci Sacri Tom. V.

dum; hi enim ut sinceræ fidei quod reliquum  
erat in Pannonia omnino labefactarent, omni  
studio operaque conniti non antea destiterunt,  
quam judicio gravissimo & maximo Concilii  
Romani, & Damasi Pontificis, adeo perculsi  
sunt obrutique anno 367. ut vel paullo post  
obierint, vel exilium sibi consciverint, inque  
latebras se occultaverint, unde numquam po-  
stea emergere, lucemque publicam aspicere su-  
stinuerunt: nusquam enim postea in Conciliis &  
monumentis illorum temporum nominantur.

Atque a Photino quidem metum omnem Con-  
stantio & sollicitudinem exemerant ipsi Aria-  
ni. Hunc in Concilio Sardicensi, vel Medio-  
lanensi jampridem damnatum, Episcopi occi-  
dentales, qui anno 349. Sirmium convenerant,  
ut Natalis ab Alexandro & alii tradunt, ite-  
rum suis sententiis confixerant, & Sacerdotio  
exuperant. Verum Episcopali sede tunc amoveri  
non potuit; quippe Sirmienfes, apud quos ma-  
gna erat in existimatione, plebis concitatio-  
ne, & seditione facta, Concilii sententiae in-  
tercesserunt. At vero Arianis Sirmium coeuntibus  
an. 351. ut pii & Catholici viderentur, Pho-  
tinum quidem condemnarunt, sed cum eam fi-  
dei formulam condidissent, a qua vox *Consub-*  
*stantialis* aberat, se a fide Nicenae alienos esse  
prodiderunt. Photinus ad Constantium Impe-  
ratorem appellavit, impetravitque, ut alii sibi  
iudices darentur, quibus doctrinae suae ratio-  
nem redderet ac probaret. Coram his iudici-  
bus viris primariis, ex Curia Augustali dele-  
ctis, Basilii Ancyranus Episcopus Photinum  
ambiguis verbis tegentem, & occultantem im-  
pia dogmata, & huc atque illuc tergiversan-  
tem manifestae blasphemiae convicit; & omnium  
judicio damnatus cum esset, pulsusque in exi-  
lium, meritis demum haereseos impurissimae  
poenas dedit. Caesar Baronius hanc Synodum  
Sirmiensem, & damnationem Photini rejecit  
in annum 357. cum in altero Sirmienfi Con-  
cilio secunda Sirmienfis formula composita fuit,  
plane Ariana, & omnino repugnans fidei Ni-  
cenae, quam Hilarius nuncupavit *blasphemiam*  
*Hosii & Potamii*; hanc quippe Hosius Episco-  
pus Cordubensis, egregius ille veritatis Catho-  
licae vindex, senio, exilio, verberibus, in-  
cussoque graviorum malorum metu fractus &  
debilitatus per summum sui nominis dedecus,  
una cum Potamio approbavit, suoque chiro-  
grapho subscripsit. Sed de Conciliis, & for-  
mulis Sirmienfibus enucleatius, & copiosius in  
Historia Ecclesiae Sirmienfis.

Photinus  
iterum a  
Catholicis  
damnatus.

ab Arianis  
iterum exi-  
lium pul-  
sus.

Ceterum Photino expulso, adhuc Photinia-  
nae pestis reliquiae in visceribus Pannoniae ha-  
rebant; multos siquidem discipulos, & nefa-  
riae doctrinae alumnos in Pannonia reliquerat,  
qui Photiniani cognominati sunt, & magistri  
errores in alias provincias, posteraeque aetates  
propagarunt. Praeterea qui Photinum e sede  
Sirmienfi deiecerant, ejus in locum substitue-  
rant Germinium e grege Semiarianorum, qui  
quamvis ab Ariana infamia & impietate abhor-  
rerent, cum Catholicis tamen in eo disside-  
bant, quod Patri similem quidem Filium esse  
ajebant, sed *Consubstantialem* appellare abnue-  
bant. Ergo iisdem temporibus multi erant in  
Pannonia hostes Catholicae religionis, qui Co-  
stantio Siscienfi Episcopo plurimum negotii fa-  
cesserent; ac ne punctum quidem temporis so-  
lertiam ejus & vigilantiam quiescere, aut re-  
spirare sinebant, Photiniani videlicet, Valens  
& Ur-

Photinia-  
nae reliquiae  
in Panno-  
nia.

E e 2

Post mortem Valentis Imperatoris fides Catholica sub Gratiano in Pannonia & ubique flores.

& Ursacius, Germinius denique primarius Antistes Ecclesiarum Pannonicarum. Horum contagionem ut ab grege suo, Ecclesiarum arceret, nihil diligentiae curaeque praefermittere debuit. Verum anno 367. Valente & Ursacio damnatis, expulsis, longeque ab Occidente ablegatis, ut supra dictum est; extincto Germinio Sirmiensis Metropolitae, cui Ambrosius Mediolanensis Episcopus anno circiter 380. substituentum curavit Anemium, virum orthodoxum & pium; Fides Catholica in Pannonia reflorescere cepit sub Imperio Gratiani, qui post Valentem patrum a Gothis interfectum anno 378. nihil habuit antiquius quam ut Catholicis Episcopis ab exilio revocatis, sedataque Arianorum persecutione, pacem Ecclesiarum universarum tranquillitatem restitueret. Photiniani autem ne hinc quidem audebant, recenti edicto perculsi; quo quidem quam quisque vellet sectam, excepta tamen Photiniana itemque Manichæa, sequendi potestas cuilibet fiebat; idem autem Gratianus anno 379. omnibus & singulis hæreticis sine ulla exceptione interdixit, ne usquam conventus agerent; & quæ Valentinianus parens ad præsidium fidei Catholicæ graviter pieque decreverat, suo nomine & auctoritate interposita confirmavit. Ita Photiniani compressis, Arianis & Semiarianis Pannonia expulsis, securitas Ecclesiis Pannoniarum reddita Constantium, sollicitum de sua Ecclesia, metu, angore, curaque laboriosissima levavit.

Palladius & Secundianus Episcopi Arianæ, ad quos eliminandos Concilium Aquilejense habuit anno 381, cui Constantius interfuit.

Duo tamen restabant, longinqui illi quidem, etrusque in angulum Daciæ Ripensis, sed pervicacissimi hostes fidei Nicænæ, Palladius & Secundianus Episcopi Arianæ, ad quorum convincendam damnandamque impietatem, anno 381. Aquilejam convenerunt, jubente Gratiano Imperatore, duo & triginta Episcopi, haud doctrina, quam sanctitate illustriores, plerique ex Italia, aliqui ex Gallia, ex Illyrico tres, vel quatuor, itemque Legati Gallorum, & Afrorum. Inter Illyricos duo fuerunt ex Pannonia, Anemius Metropolitae, idemque Primas Sirmiensis, & Constantius Sciscianensis, qui dicitur etiam fuisse Legatus Gallorum. Cum Pannonia & Siscia longissime abest a Gallia, non videtur verisimile ab Episcopis Gallicanis delectum fuisse Constantium, qui pro Ecclesiis & Episcopis Galliarum legatione fungeretur in Concilio Aquilejensi; præsertim cum Justus Episcopus Lugdunensis, itidem Legatus Gallorum appelleretur; & huic Severinus Binius, in notis ad idem Concilium, duos alios Legatos adjungat e provincia Gallica Narbonensi, Constantium Arausicanum, & Proculum Massiliensem Episcopos. Hæc igitur Gallicana legatio non videtur mandata fuisse Constantio Episcopo Siscienti ab Episcopis Galliarum sive Cisalpinarum, sive Transalpinarum; sed potius ab Episcopis utriusque Norici mediterranei, & Ripensis, quod Pannoniæ finitimum erat. Gallorum & Galliarum vocabulum latissime olim patebat; eoque apud Græcos & Romanos Scriptores non solum Galli, sed etiam Germani comprehendere solebant; quod a Celtis utrique originem ducerent, & Celtarum itidem nomen esset commune utrique; Germanos ad Scythiam usque diffusos a Romanis Gallos nuncupatos ait Diodorus Siculus, & Pausanias de Germanis, Galli ut appellarentur postremo denique receptum est. Norici autem inter populos Germaniarum annumerantur;

& hi quoque Galli vocati sunt: hinc nihil frequentius apud veteres Historicos, quam *Boji Galli*, *Taurisci Galli*; æque autem hi, atque illi Noricum incolebant. Procopius lib. 4. c. 5. de ædific. Justin. Vindelicos Noricis proximos, quorum e montibus Danubius oritur, olim Celtas, nunc Gallos appellari ait: *Ex montibus Celtarum, qui Galli nunc appellantur, natus fluvius Ister*. Quin etiam Japidia, quæ Norico subest a meridie, Gallia nominata est: id quod Socratis testimonio confirmari potest: *Theodosius*, inquit, *relictis ambobus filiis Constantinopoli, cum proficisceretur contra Eugenium Tyrannum, parvo tempore, maxima manu venit ad Gallias; illic enim parabat bellum, ubi multa millia habebat exercitus. Fit ergo congressus circa fluvium vocabulo Frigidum*. Hunc Socratis locum præclara animadversione illustravit Marcus Hanfizijs Tomo I. cap. 2. Germaniarum Sacrarum: *Fluvius Frigidus est Vipacus ad pedem Alpium Juliarum, sive Japidia veteris. Gallia, in quibus multa millia congregata Theodosius habebat, haud esse poterant alia, quam Noricum & Japidia; denique regio circa Alpes Julias sita; nam easdem Alpes Eugenius, teste Sozomeno, præoccupatas præsidio tenebat. Atque ista sunt Gallia, quæ Theodosius parvo tempore pervenisse dicitur*. Idem Hanfizijs ibidem non aliam esse censet, nisi Japidiam & Noricum, Galliam illam, quam Evangelica prædicatione peragravit S. Lucas Evangelista, de quo Epiphanius: *Evangelium in Dalmatia, Gallia, Italia prædicavit*. Ex Dalmatia in Japidiam, & Noricum; hinc vero in Italiam iter suum apostolicum peregit. In Epistola Concilii Romani, quod Damasus anno circiter 370. convocavit, inscripta *Dilectis Fratribus Episcopis, qui sunt in Illyria*, ajunt Episcopi ibidem congregati sibi significatum esse a Fratribus, qui in Gallia, & in agro Venetorum habitant, nonnullos ad hæresim amplexandam omni studio incumbere. De quorum propensione ad hæresim Arianam nuntiatum fuerat Sedi Apostolicæ, & Synodo Romanæ, eos Dalmatas fuisse existimo, ut conjectura non improbabili declaratum est Tomo II. Illyr. Sac. cap. 4. in Petro II. Episcopo Salonitano §. 1. Id autem Damasus & Patres Concilii Romani acceperant a Fratribus; qui in Gallia & agro Venetorum habitant; quos sane finitimos Dalmatis esse oportuit, cum ea renunciarent, quæ ipsimet de propinquo cognoverant, aut viderant, aut audierant, de quibus testes ipsi esse possent. Quapropter ut Veneti, sic etiam Galli illi, a quibus ejusmodi nuntii venerant, non longe a Dalmatis abessent necesse est. Hos igitur Gallos, neque cisalpinos, neque transalpinos procul a Dalmatis disjunctos; sed eos fuisse arbitror, qui aut Dalmatiæ proximi erant, aut non multum a Dalmatia distabant, videlicet Japides aut Noricos, quos olim Gallorum vocabulo appellatos fuisse ostendimus.

Sed jam ad id, unde digressi sumus, revertamur. Cum Gallos Noricos proximos habeamus, legationem Gallicam Constantio Episcopo Sisciano impositam non est necesse inde utique ab Gallia cisalpina, vel transalpina repetere. Itaque in Concilio Aquilejensi, non aliam, nisi decretam sibi ab Episcopis Norici legationem sustinuit, ac gessit. Extat epistola Patrum Aquilejensium ad Gratianum, Valentinianum juniorem, & Theodosium Imperatores in hanc fere sententiam: se Aquilejam ex eorum jussu & præ-

Constantius Episcopus Siscientis Legatus Episcoporum Gallicarum, id est Norici.



& praecepto ad Synodum convenisse, Palladium & Secundianum Episcopos Ariani flagitii compertos, pariter cum Attalo ejusdem impietatis socio & particeps, damnatos, & episcopali dignitate exutos; curandum esse, ut in eorum locum probatae fidei, & sanctitatis Episcopi substituantur; Photinianos licet occultos, praesertim Sirmii, omnino coerceri, eidemque interdici oportere, ne clandestinos conventus agerent. Ita sublatis, longeque a Pannonia, Macedonia, Dacia summo Palladio, Secundiano, & eorum sociis; reliquiis Photinianorum si non extinctis, attamen compressis, nihil fere hostium superstitium, unde Constantium periculum aliquod Ecclesiae suae timere posset. Itaque in omne reliquum temus, quoad vixit, Siscientem Ecclesiam tranquille ac placide gubernavit, Sed quemadmodum suscepti, sic etiam depositi Episcopatus epocha certa ignota est. Marco in Ecclesiam Siscientem successus anno, ut nobis videtur, quinquagesimo saeculi quarti, vitam usque ad Concilium Aquilejense perduxit, quod habitum fuit anno 381. ultra hoc tempus an alios in annos, & quamdiu, vitam prorogaverit, incertum est. Si quis unum alterum Episcopum inter Marcum & Constantium interfuisse existimet; annos illos amplius triginta, quos Constantio attribuimus, bipartito, vel tripartito divisos, & res eventusque illorum temporum, suos cuique adscribat. Post Constantium vetera monumenta nullum nobis Episcopum Siscientem per annos centum, & quinquaginta suppeditant; quin alii deinceps, atque alii fuerint, dubitare non licet. Sed illorum nomina, & facta, omnemque memoriam vetustas obliteravit.

Pannonia tum hoc saeculo quarto, tum eo, quod proxime sequitur, perpetuis barbarorum cujusque generis incursionibus, direptionibus, cladibus exposita & obnoxia fuit. Anno autem 441. Hunni, ductu auspicioque regum suorum Attilae ac Bledae fratrum, in Pannoniam effusi, cum alias civitates, tum vero Sirmium principem totius Illyrici Occidentalis urbem funditus diruerunt; an vero Siscia quoque eodem Hunnicæ tempestatis turbine percussa corruerit, non constat; illud certe constat, aut ab ea clade intactam, aut postea restitutam fuisse; nam saeculo nono adhuc civitas illa exstabat, & suis incolis referta, mœnibus & propugnaculis cincta, bellicis firmata praesidiis vigebat. Primaria dignitas sacerdotalis Ecclesiae Sirmienensis alio migravit; nec vero ante saeculum decimum tertium hæc civitas Sedem Episcopalem recuperavit; neque umquam in sublimem illum Pontificalis Hierarchiae gradum, quem amiserat, postea restituta est. Ejus exarchalem, sive primatiale jurisdictionem ad Primatem Thessalonicensem devolutam ferunt; potestas vero metropolitica tripartito divisa, partim Laureacensi, partim Aquilejensi, partim Salonitano Metropolitæ obligisse dicitur: id ferme docet Carolus a S. Paulo lib. 3. Geograph. Sac. Fatebor tamen Sirmio Attilæ temporibus deleta, auctoritatem metropolitaneam aliquam translata fuisse, partimque Lauraco, partim Achridæ, (potius Thessalonicae, & postea Achridæ) partim Salona datum mihi videri; sed ne Thessalonicae quidem sive Achridæ quidquam metropoliticae Sirmienensis potestatis attributum fuit; sed dignitas & auctoritas primatialis Ecclesiae Sirmienensis ad jurisdictionem Primatis Thessalonici Sacri Tom. V.

Saloniceps, postea Achridani, amplificandam accessit. Tunc fines provinciae Salonitanae Ecclesiasticae in Pannoniam ad Danubium, usque prolatis fuisse monumenta posteriorum temporum declarant; veluti Episcopatus Barcentis in Pannonia inferiori ab Honorio III. Salonitano Metropolitæ institutus; & privilegium Tirimiri Ducis Chrobatorum Ecclesiae Spalatensi concessum. Sed de his in II. & III. Tomo Illyrici Sacri satis superque dictum est. Itaque post calamitatem Sirmientem Ecclesia Siscientis in jus ac ditionem Metropolitæ Salonitani concessit. Sed nullos habeo hujus Ecclesiae Episcopos, quos ante annum tricesimum saeculi sexti proferre possim.

potestas  
Metropolitica  
pari  
Salonitano  
Archiep.  
attributa;

enim etiam  
Ecclesia  
Siscientis.

### JOANNES & CONSTANTINUS Episcopi Sisciani.

Alter primo, alter secundo Concilio provinciali Salonitano interfuit. Utramque Synodum Honorius III. Metropolitæ Salonitanus, unam anno 530. xvii, Kalendas Julii, alteram post biennium convocavit. De utraque Tomo II. Illyrici Sac. cap. 1. §. 2. & 3. & cap. xi. §. 1. & 2. in Actis ejusdem Honorii. Ac primus quidem inter nomina & subscriptiones Episcoporum quarto loco subjicitur: *Joannes Episcopus Siscianæ subscripsi ut supra*; secundus vero, eundem quartum locum retinens, *Constantinus Episcopus Ecclesiae Siscianæ his gestis consentiens subscripsit*. Intra biennium, quod a primo Concilio intercessit, Joannes obiit, ejusque in locum successus fuit Constantinus. De his duobus Episcopis nihil habeo præterea, quod adjiciam. Post Constantinum vero, quamvis alii ex aliis Episcopi creati non desierint, qui administrationem Ecclesiae Siscianæ susceperunt; illorum tamen acta, & nomina vetustate interierunt. Episcopatus Siscientis saeculo septimo vel restituti, vel adhuc superstitis vestigium aliquod non obscurum intueri licet in Historia Salonitana Thomæ Archidiaconi; ait siquidem cap. xiii. in illis regionibus, quas post Saloniam ab Avaribus excisam Heraclius Imperator Slavis habitandas tradidit, unde Slavoniae nomen acceperunt, ab Joanne primo Spalatensium Archiepiscopo, vel certe ab illis, qui deinceps in Sedem Spalatensem successerunt, aliquot Ecclesias Episcopales restitutas fuisse: *Postquam per predicationem prædicti Joannis, & aliorum Praesulum Salonitanorum, Duces Gothorum, (verius Serblorum) & Croatorum ab Ariana hæreses (ethnicae superstitionis) fuerant contagione purgati, præter Episcopos Dalmatiae, in Slavonia fuerunt aliqua statuta Ecclesia, videlicet ab Oriente fuit Episcopus Delmitanus, unde Dalmatia dicta est, ab Occidente fuit Episcopus Siscitanus, ubi B. Quirinus Martyr quondam extitit Praesul*. Quibus verbis satis perspicue apparet saeculo septimo, & duobus sequentibus Ecclesiam Siscianam suos vel recuperasse vel habuisse Episcopos: postea vero de his, & Episcopatu Siscienti littera in veterum libris nulla invenitur, perinde ac si hæc Sedes Episcopalis sublata omnino atque abolita fuisset. Ceterum numquam hæc civitas, quoad stetit, neque de suis Episcopis caruit, ut ego existimo; stabat autem saeculo nono, eratque in ditione Lindiviti Ducis Pannoniae Saviae, qui eam ad Francos repellendos egregie munierat. Sed adventante

Joannes  
an. 530.

Constantinus  
an. 531,  
Episcopi  
Siscientis.

Saeculo septimo  
fuit  
Ecclesiae  
Siscientis  
Episcopi  
non deerant;

neque de  
suis Episcopis  
caruit, ut  
ego existimo;  
stabat  
autem saeculo  
nono, eratque  
in ditione  
Lindiviti  
Ducis Pannoniae  
Saviae, qui  
eam ad Francos  
repellendos  
egregie munierat.

tante exercitu Ludovici Gallorum regis, & Romanorum Imperatoris, quorum bellum gerebat; cum Siscia moribus, & munitionibus diffideret, urbem hostium arbitrio, ac direptioni relicta, ad Serbios, quos Annales Francorum Sorabos vocant, in Dalmatiam confugit, ut tradit Eginhartus: *Exercitus de Italia propter Lindiviticum bellum conficiendum in Pannoniam missus est; ad cuius adventum Lindivitus, Siscia civitate relicta, ad Sorabos (quaratio magnam Dalmatiam partem obtinere dicebat) fugiendo se contulit &c.* Exinde mentionem ac nomen Siscie apud Scriptores posteriorum statum raro vel nunquam invenies.

Reversa fuit  
ab Hungariis  
Pannoniam  
vastantibus.

Quæ temporum calamitas, quæque conversio rerum publicarum nobilissimæ huic civitati exitium supremum attulerit, nullæ veterum Scriptorum litteræ nobis prodiderunt. Verisimile est intra finem sæculi noni, vel decimo ineunte Sisciam dirutam fuisse, atque subversam ab Hungaris, qui e Mœotica palude profecti, post alias regiones vastatas, Pannoniam universam caedibus, rapinis, incendiis peragraverunt, ut docet Luitprandus: *Avars, qui dicuntur Hungari, in his temporibus ultra Danubium peragrantes multa miserrabilia perpetrarunt. Nam homines, vetulas, matronas penitus occidendo, juvençulas tamen, ut jumenta pro libidine exercenda trahentes, totam Pannoniam usque ad interuccionem deleverunt. Calamitates, cladesque ab Hungaris, & Slavis Norico & Pannonia illatas conqueruntur, ac deplorant Episcopi illorum partium in suis ad Joannem Papam IX. litteris datis anno 900. Alios, inquit, captivos duxerunt, alios occiderunt, alios ferina carcerum fame & siti perdidit, innumeros exilio deputaverunt, & nobiles viros, ac honestas mulieres in servitium redigerunt, Ecclesias Dei incen-*

derunt, & omnia ædificia deleverunt; ita ut in tota Pannonia nostra, maxima provincia, tantum una non appareat Ecclesia. Hoc sæculo decimo fere nunquam regiones illæ, cis ultraque Danubium, ab Hungaris non infestæ fuerunt; quas identidem prædando, cædendo, urendo sic peragrabant, ut quacumque irruerent, calamitatem & exitium inferrent; neque inter quies his regionibus, & tranquillitas fuit, quam S. Stephanus primus rex Hungariz gentem illam fere universam, suavi Christiane legis iugo imposito, mansuefecit. Hungaris igitur excidium supremum Siscianæ urbis adscribendum censeo; de qua nihil superfuit, nisi vicus exiguus, atque ignobilis; ubi Episcopus & Canonici Zagrabienses, sæculo decimo sexto, concessu Ferdinandi I. Imperatoris, arcem extruendam curarunt, vallo, fossa, moribus, propugnaculis eximie munitam: *Sisseckum* appellavit, veteri vocabulo paulum immutato, & paucarum litterarum adjunctione producto. Anno ejusdem sæculi 93, semel atque iterum a Turcis obfessa, omnes hostium conatus elusit; tertio ab eisdem, & arctiori obsidione cincta, & vehementius oppugnata, jugum Turcicæ servitutis subire coacta est; quo post annum, ne integrum quidem, depulso ad pristinos Dominos rediit. Nunc arcem, & agri quod circa est, Canonici Zagrabienses, præsidio ad eam tuendam idoneo imposito, in sua potestate retinent.

Siscia in vicum exiguum redacta; ibi arx postea extructa;

Episcopatus Siscianus sæculo undecimo per S. Ladislavum regem Hungariz restitutus, longo intervallo revixit in Ecclesia Zagrabiensi; & seipso longe amplior & augustior, magnitudine diocesæ, privilegiis, opibus, ac ceteris omnibus ornamentis auctior, magis magisque in dies efflorescit.

quam frustra obfessam, & semel captam a Turcis nunc Canonici Zagrabienses possident.

Episcopatus Siscianus rediitque in Ecclesia Zagrabiensi.

## ECCLESIA ZAGRABIENSIS.

Scriptores  
Historiæ  
Ecclesiasticæ  
Zagrabiensis.

I. **C**ommentarios Ecclesiæ & Episcoporum Zagrabiensium litteris mandarunt F. Raphael Levacovichius ex Ordine Franciscano, Canonicus idem & Archidiaconus ædis cathedralis; Paulus Ritter Eques clarissimus, & doctissimus; Benedictus Vincovichius Episcopus Zagrabiensis; Thomas Kovachevichius Canonicus & Custos ejusdem Ecclesiæ; sed nemo illorum præclaras suas lucubrationes typis traditas in lucem protulit. Hæc ego magna ex parte, cura operaque P. Philippi Riceputi descriptas habeo, quæ selectam rerum & monumentorum copiam ad conscribendam Historiam Ecclesiasticam Zagrabiensem supradeditabunt. Hanc postremus & recentissimus omnium scribendam suscepit Balthasar Adamus Kereselichius Abbas de Kaes, Canonicus Ecclesiæ Zagrabiensis, & regnorum Dalmatiae, Croatiae, & Sclavonia Tabula judiciaria Assessor, & Protonotarius Apostolicus. In duas partes, sive Tomos duos, eam divisit: Prior Tomo, ut ipse in suis ad me litteris, ea, quæ generatim Ecclesiæ hanc, hujusque speciatim Pontifices attingerent, ex monumentis ipsis, vel contaneis describit; his Basilicæ adnexam historiam, di-

Historia  
Balthasaris  
Adami Kereselichii  
bipartito  
divisa.

plamata ipsa, & meliorum veterum scripta adjungit. Altero Capitulum, Religiosorum capitulum, similiumque Sacrae Republicæ ornamentorum historia continetur, quæ videlicet in bo-dierna Sclavonia fuissent olim, aut nunc essent, cum appendice fragmentorum, vel memoriarum ad alios spectantium, ut adjumento esse valeant iis, qui ex instituto de talibus aliquando scriberent. Ac primæ quidem partis folia typis impressa jam prælum subierunt omnino ad quatuor & septuaginta, quæ vir præclarissimus & eruditissimus pro sua singulari humanitate ad me transmisit; hæc seriem Antiquitatum, rerumque narrationem usque ad exitum sæculi decimi sexti perducunt. Sed eximio, laborioso, eruditoque operi neque charta, neque forma litterarum respondet, illudque menda typographica commaculant, quæ sane plurima, Auctore absente, irrepererunt; an vero quæ huc Tomo desunt, reliqua folia prælo subiecta fuerint, mihi non est compertum. Alium in Italia typographum sibi querendum censebat, qui & chartam nitidiorē, & sypos elegantiores adhiberet, & si qui subrepererent errores, iis corrigendis diligentem operam navare pos-

Pars jam typis edita.

set

ita ac vellet. Nescio quid graviter queritur in litteris supra laudatis: Cum vero, inquit, ex tabulariis opus meum profunderet, Historiarum Ecclesia Zagrabienfis nomen accepit, sui meique ruina. Nec est, ut mearum injuriarum reminiscere, operis iacturam doleo, non tam meo, quam aliorum consensu. Quos autem spectet, quoque pertineat huiusmodi querela, divinare non possum. Undecumque tamen id siue molestia, siue injuriæ obvenit, nolim equidem ob eam causam operis præstantissimi editionem prætermitti, aut retardari, huiusque doctissimi commentarii rem litterariam ecclesiasticam defraudari. Tomus primus inscribitur *Historiarum Ecclesie Zagrabienfis Pars prima*, Capita omnino quatuordecim complectitur: I. De Fundatore huius Ecclesie; II. De loco foundationis; III. De tempore sineque foundationis Ecclesie Zagrabienfis; IV. De Episcopis, qui in Sclavonia fuerunt ante Episcopatum Zagrabiensem; V. Num ex præmissis Episcopis Zagrabiam translatus aliquis; VI. De amplitudine Episcopatus Zagrabienfis; VII. De residentia Episcoporum Zagrabienfium; VIII. De privilegiis Ecclesie Zagrabienfis; IX. De proventus & bonis Mensæ Episcopalis dictis; X. De Ivanich, ejusque Curia; XI. De aliis bonis Episcoporum Zagrabienfium. His expositis & explicatis, tria, quæ sequuntur, Capita sibi vindicant Episcopi, quorum Acta, & quæ ad cuiusque Pontificatum pertinent, observatis notatisque temporibus, uberius ac fusius describit. Duodecimo Capite viginti, tertio decimo unus & viginti, decimo quarto duodecim Episcopi comprehenduntur, quorum postremus est Caspar Zankovachkius anno 1588, Pontificatum adeptus, in quem designant folia, Patavium mihi transmissa, Monumentis cuiusque generis, & rebus cognitis dignissimis abundans; omnia sunt exquisitè doctrinæ, & eruditionis referta, apte disposita, & digesta, prudentissima crisi discussa & probe stabilita. Mihi sane ad conscribendam Historiam Zagrabienfis Ecclesie maximo adjumento eruat, materiæ conquirendæ curam fere omnem adiment, præclaram & rerum & monumentorum copiam suppeditabant; atque in eo solum laborandum erit, ut in pauciora conferam, quæ ille pro suo instituto fuscè atque descripsit; nam ipsemet Auctor, vir facillimus acque humanissimus, potestatem fecit sumendi e suis commentariis quicquid libuerit, atque in rem meam esse cognoverim. Ingentem præterea rerum & monumentorum Zagrabienfium segetem ac materiam collegit P. Philippus Ricciputus, atque ad hanc historiam scribendam usui aliquando futuram sepulit. Apud Scriptores rerum Zagrabienfium sæpe citatos invenio Joannem Archidiaconum Querschenstem, & Album Capitulare: qui codices mss. sæculum quartum decimum non antecedunt; eosdem nos quoque, ubi opus fuerit, rerum ac temporum testes citabimus.

Positio Zagrabie.

II. Zagrabia passuum millia amplius viginti ab Silcia in occasum distat; sita est in Pannonia Savia, siue Interamnenfi, quæ nunc Slavonia, prope a finibus Norici mediterraneæ, nunc Carniolie, ultra Savum fluvium, a quo itinere brevissima disjungitur. Hanc incolæ Zagrob, siue Sagrab, Germani Agram vocant. Krakvitzius nomen Zagrabie repetendum censet a Germanico vocabulo Graben, quod nimirum aqua, qua intersecatur, defluente, fossa

subinde spectabilis appareat; Backajus ab hauriendo appellatam existimat, quod nomen Slavonicum Zagrobi sonat; Boninus vero a copia & abundantia rerum omnium, quas natura desiderat, summaque uberitate agrorum. Quamvis nomen Zagrabie sæculo decimo sit posterius, non desunt tamen qui antiquitatem urbis ad superiora sæcula referant, atque adeo Romanorum Imperio æqualem esse existimant; sed quo vocabulo apud veteres Geographos appellata fuerit, inter eos discrepat. Lazius Soragam, Moletius Sisopam ab Ptolemæo nominatam censent; utramque Ptolemæus inter civitates Pannoniæ annumerat. Ludovicus Scoblebius in Apparatu ad Annales Caratoliæ nostram opinionem omnia rejiciendam, suam tamen præferendam potest; & ubi nunc Zagrabia est, ibi olim fuisse ait Quadratam, oppidum illud, quod Antoninus, siue quis alius auctor fuerit Itinerarii Antoniniani, in eo, quod ab Hemonia, siue Emona iter est Sirmium, inter Noviodunum & Silciam collocavit, passuum millia unum & triginta ab Novioduno, duodeciginta ab Silcia disjunctum, Ex sane Zagrabia Silciam fere tantundem viæ est, quantum spatii intermedii inter Quadratam & Silciam esse docet ratio Itineris Antoniniani; quo cum haud multum discrepat Tabula Peutingeriana, quæ itidem iter Emona Silciam describens, Novioduno & Silciæ Quadratam interpolat; nisi quod Novioduno & Quadratæ Romulam, Quadratæ & Silciæ oppidum Ad fines interjecit. Lambecius magis apte congruenterque ad similitudinem recentioris atque hodierni vocabuli, Zagrabiam sæculo nono, dum Carolus Magnus imperabat, Sarabiam, siue Saviam denominatam fuisse conjecit ex Annalibus Francorum, quæ Pithæus primus in lucem protulit.

III. Post extinctos reges Chrobatæ, quorum imperio suberat hæc civitas, qualiscumque, & ubicumque fuerit, cum tota Pannonia Savia, ab Slavis Slavoniæ nomen mutuata, sub dominatam regum Hungariæ concessit. Ladislavus Rex Hungariæ siue sororis suæ Lepæ, viduæ Svinimiri regis Chrobatæ, invitatu, ut tradunt Scriptores Hungarici, siue rogatu quorundam procerum Chrobatæ, ut Thomas Archidiaconus docet, cum exercitu Dravum transgressus, Slavoniam omnem, & partem Chrobatæ mediterraneæ, quam in Dalmatia Chrobati obtinebant, ad regnum Hungariæ adjunxit anno Christi 1091. ut declarant Tabule cœnobii Mariæ Jadrensis, quæ huic anno adventum Ladislavi assignunt: Anno Incarnationis Jesu Christi D. N. 1091. Kiri Alexio Constantinopoleos imperante, tempore quo Vladislavus Pannoniarum rex Croatia invadens regnum, Dominum Almu suum nepotem in illo statuit regem, Jadrensi vero cathedra Domino Andrea venerabiliter presulante, meque Drago Domini Præstantii Episcopi Nepere, jam tertio priorente &c. Sub imperio regum Hungariæ Slavonia omnis est divisa in partes octo, quas Comitatus vocant. Sunt autem Comitatus exiguæ provinciæ, quæ ex urbibus, castellis, oppidis, & pagis constant, suis quæque terminis definiuntur, suum quoque nomen a civitate, siue oppido cuiusque primario mutuantur, suos habent magistratus, suis legibus utuntur. Qui singulis præest Comes, seu Vicebanus, qui omnibus, Banus siue Prorex Slavoniæ appellatur. Principem inter omnes locum digni-

An eadem sit ac Soraga seu Sisopa Ptolemæi, vel Quadrata Antonini.

S. Ladislavus rex Hungariæ Zagrabiam ad imperiū adjunxit.

dignitatis & excellentiæ tenet Comitatus Zagrabienſis, vergens ad meridiem, ab urbe totius Slavoniæ primaria denominatus, cujus iurisdic-tio ultra & citra Savum protenditur. Reliqui ſeptem Comitatus hi ſunt, ab occaſu Sa-gorienſis ciſ ultraque Dravum porrectus, Va-raſdinienſis, Criſienſis; ab Oriente Verucenſis, Valponenſis, Sirmienſis; intermedius eſt Poſe-gienſis. Slavonia ab Occidente finitima eſt No-rico mediterraneo, nunc Styriæ ſeu Marchiæ Vindorum & Carpioliæ, a Septemtrione Dra-vo, ab ortu Danubio, a meridie Savo flumi-nibus circumſcribitur. Tota regio partim aſ-ſurgit in montes, & colles, partim vero in valles & planitiem extenditur; cælo miti & ſa-lubri fruſtur, ſilvis, paſcuis, pecoribus abun-dat, rerum omnium ferax, tritici, & fru-gum, atque cælerum cujuſque generis, ac præ-ſertim vini optimi. De agro Sirmienſi Aloyſius Ferdinandus Marſilius in Prodomo ad ſups com-mentarios de Danubio, hac, ait, eſt beata illa & fertiliſſima regio, non ſolum vini toto Se-ptemtrione laudatiſſimi, ſed etiam rerum omnium, quæ ad uſum humanum pertinent.

S. Ladisla-  
vus condi-  
tor Epiſco-  
patus Za-  
grabienſis;

IV. S. Ladislavum Epiſcopatus & Eccleſiæ Zagrabienſis conditorem fuiſſe tum vetus & communis opinio tenet, ab illis uſque deducta temporibus, tum vero antiqua monumenta de-clarant. Sed Tabulæ conditi Epiſcopatus non extant, ſiquidem vel nimia vetuſtate interie-runt, vel cum Tartari ſæculo decimo tertio Hungariam & Slavoniam ferro & igni valla-ſunt, eodem, quo cetera illarum regionum oppida, & tabularia, incendio conflagrarunt; aut cum Bela IV. hoc nomine rex Hungariæ, poſt cladem ingentem a Tartaris acceptam Za-grabiam ſe recepſſet; codices Tabulaſque ex utroque civili, & eccleſiaſtico Grammatophy-lacio raptim ſublatas, una cum regis theſau-riſ, ne in hoſtium poteſtatem venirent, ſu-giens in Dalmatiam detulit; pleraque vero hu-juſmodi monumenta in illa præcipiti, ac tu-multuoſiſſima fuga perierunt, vel certe aut Spa-lati, aut Tragurii, aut in inſulis proximis (rex enim his locis ex fuga ſalutem ſuam com-mendaverat) relictæ ſunt, blattiſ tineaſque de-paſcenda. Extant tamen vetera diplomata ante cladem Tartaricam conſecta, quæ S. Ladisla-vo Epiſcopatus Zagrabienſis inſtituti laudem at-tribuunt. Felicianus Archiepiſcopus Strigo-nienſis in ea ſententia, quam tulit ſecundum Eccleſiam Zagrabienſem an. MCXXXVII. id plane diſerteque teſtatur: *Prædictus rex paullo ante nominatus (Ladislavus) divina gratia in-ſpirante, horum, cæterorumque nobilium con-ſilio, Zagrabienſem conſtituit Epiſcopatum &c.* Idem confirmat Andreas II. rex Hungariæ in eo privilegio, quod Stephano Epiſcopo Zagra-bienſi conceſſit anno 1217. Cum eſſemus in exe-quenda itinere aſſumptæ Crucis . . . & veniſſe-mus ad Zagrabienſem Epiſcopatum, ac monaſte-rium Zagrabienſe a S. Ladislao rege ſanctiſſima recordationis prædeceſſore noſtro conſtructum &c. item in alio ejusdem diplomate, cui privilegia Divi Ladislavi & ſuperiorum regum collata Ec-cleſiæ Quinqueecleſienſi inſeruit: *Quoniam ul-ſtra Dravi fluvium limes, ſeu terminus quin-queecleſienſis Eccleſiæ nondum fuerat ſtabilitus, cum Sanctus rex Ladislavus primus transiens Dra-va fluvium, & partes ſibi Sclavonicas regno primum occupavit, ubi & ſedem fundavit Epi-ſcopalem Zagrabienſem &c.* Poſt calamitatem

Tartaricam non ſolum Bela IV. anno 1262, ſed etiam Stephanus ejus filius anno 1272. in ſuo uterque diplomate, quo Eccleſiæ Zagra-bienſis jura & privilegia, rogatu Timothei Epi-ſcopi, confirmavit, S. Ladislavum conditorem Epiſcopatus Zagrabienſis fuiſſe ajunt: *Nos ita-que, ait Stephanus, illuſtrium progenitorum no-ſtrorum regum Hungariæ veſtigiiſ inhærendo, ipſam Zagrabienſem Eccleſiam ex benignitate cel-ſitudinis regiæ proſequi volentes, præſertim ob devotionem Sancti regis Ladislai, qui eliminatiſ erroribus in Ducatu Sclavoniæ, Zagrabienſis Ec-cleſiæ inſtitutor ſanctiſſimus extitit, & fundator &c.* Sunt qui exiſtimant auctorem hujus Epi-ſcopatus inſtituendi fuiſſe Ladislavum, ſed cum morte præreptus præclara cogitata, & pium conſilium perficere non potuiſſet, glorioſi ope-ris, quod ipſe moliebatur, exequendi curam reliquiſſe Alma, vel Colomano, filiis ſui fra-tris Geiſæ, quorum hic patruo in regnum Hungariæ ſucceſſit, ille vero principatum Sla-voniciæ & Chrobaticiæ obtinuit; alterutri autem primordia Eccleſiæ Zagrabienſis adſcribenda cen-ſent. Sed nihil eſt cauſæ, cur hujus Epiſco-patus non ſolum designati, ſed etiam conditi gloria S. Ladislavo adimi debeat; cum is poſt Slavoniam, & Chrobatiam anno 1091. in ſuam poteſtatem redactam, annos quatuor vixerit; cui quemadmodum voluntas inerat, & facultas aderat, ſic tempus rei perficiendæ non potuit deſſe.

Non vero  
Almus ne-  
que Colo-  
manus.

V. De anno conditi Epiſcopatus controver-ſia eſt inter Scriptores. Joannes Tomcus Mar-ſavitius, Benediſtus Vincovichius Epiſc. Za-grabienſis, & alii ad annum 1085. ejusdem Epiſcopatus initia referunt. Hi ſiquidem hæc tria, primam ſacram expeditionem ab Urbano II. decretam indiſtamque ad Hieroſolymam Sa-racenis eripiendam, cui Ladislavum ipſum im-peratorem ſupremum præpoſitum fuiſſe ajunt; mortem Svinimiri regis Chrobaticiæ & Dalma-ticiæ; denique adventum S. Ladislavi in Dalma-tiam ad ferendam opem ſorori ſuæ viduæ Svi-nimiri, & Slavoniam, partemque Chrobaticiæ mediterraneæ ab eo ſubactam, in eundem an-num 1085. conſerunt; huic autem anno pri-mordia Eccleſiæ Zagrabienſis inſerunt; paucis verbis tria magna peccata chronologica. Ur-banus II. neque ante annum 1088. Eccleſiæ uni-verſalis regimen ſuſcepit, neque ante annum 1095. & menſem Novembrem apud Clarum Montem, Arverniciæ oppidum, in frequentiſſimo Epiſcoporum & procerum conventu expeditionem Hieroſolymitanam edixit, cum eodem an-no ante tres menſes S. Ladislavus obiſſet. Svi-nimirus rex Chrobaticiæ & Dalmaticiæ adhuc re-gnabat anno 1087. ut conſtat ex ejus privile-gio apud Joannem Lucium anno eodem cænobi-o Mariæ Virginum Jadrenſium conceſſo; neque hic poſtremus regum Chrobatorum fuit, ut vulgo creditum eſt; ſed poſt illum regnum in Chrobatis obtinuit Stephanus II. ut docet ejusdem diploma; quo privilegium Svinimiri nuper deſuncti, conceſſum cænobio Benedictino Virginum Spalatienſium, confirmavit: quod quidem diploma idem Joannes Lucius anno 1089. adſcribendum putat. Denique adventus Ladislavi in Dalmatiam, cum totam Slavo-niam, & partem Chrobaticiæ mediterraneæ ſub-jugavit, dimoveri nequit ab anno 1091. ſiqui-dem fides habenda eſt tabulis ſupra deſcriptis cænobii S. Mariæ Virginum Jadrenſium. Ita-que

Triplex  
anachro-  
niſmus co-  
arguitur,  
& emenda-  
tur.

S. Ladislavus inter ann. 1091. & 1095. Episcopatum Zagrabiensem fundavit.

que illa tria; quæ illi simul conjungunt, diversorum annorum interstitiis separantur, neque in eundem annum 1085. convenire possunt. Hoc autem anno S. Ladislavus nondum Slavonia & Chrobatia potitus fuerat, quam anno 1091. ut modo dictum est, subegit. Itaque ante hunc annum sicut in his regionibus nihil juris habuit, ita nulla erat Ladislavo potestas novi Episcopatus ibidem instituendi. Nec vero hujusmodi institutio in hunc annum 1091. cadere potuit, ut aliqui existimant; nam postquam Slavoniam inter Dravum & Savum nullo certamine in potestatem redegit, cum circa Savum Chrobatiam transalpinam, & cisalpinam, aliquot præliis commissis & oppidis captis, subjugare cœpisset; illi nuntiatum est de repentina Chunnorum in Hungariam irruptione, quæ ipsum cum exercitu ad sui regni defensionem statim revocavit. Itaque de fundando Episcopatu Zagrabienfi ne cogitandi quidem spatium habuit. *Uladislavus*, ut tradit Archidiaconus Hist. Salonit. cap. xvii. coadunato exercitu copioso venit, & occupavit omnem terram a Dravo fluvio usque ad Alpes, quæ dicuntur ferreæ, nullo obviam resistente. Post hæc transiit alpes, & cœpit impugnare munitiones & castra, multaque prælia committere cum gentibus Chrobatæ, . . . sed audiens, quod quadam gens regni fines intraverat, in Pannoniam repedavit. Chunnis victis, & expulsis, tum demum ad res publicas ordinandas Slavoniæ & Chrobatæ, recenter imperio adjunctas, cogitationem curamque convertit. Utrique regioni præfecit Almu Geyse fratris sui filium, quem ducem & regem Slavoniæ & Chrobatæ nominavit. Sub idem vero tempus Episcopatum Zagrabiensem instituit, eique magnam partem tum Slavoniæ, tum Chrobatæ subjecit: id quod perfecit necesse est ante annum 1095. nam hoc ipso anno pie sancteque decessit tertio Kalendas Augusti; quem ob eximiam sanctitatem, & miracula post mortem edita, in Divorum numero Ecclesia reposuit, & veneratur. Itaque primordia Ecclesiæ Zagrabienfis post annum nonagesimum primum, & ante annum nonagesimum quintum sæculi undecimi collocentur oportet.

Sunt qui S. Ladislavum conditorem quidem Zagrabiensem Episcopatus fuisse affirmant, sed ubi nunc est, fundatum esse negant.

VI. Existit hoc loco quæstio subdificilis, num S. Ladislavus Ecclesiæ, & Episcopatus Zagrabienfis, ubi nunc extat, an vero alibi fundamenta jecerit. Paullus Ritter, Balthasar Adamus Kereslich, & alii Ladislavum auctorem quidem fuisse, conditoremque hujus Ecclesiæ & Episcopatus e communi fere omnium sententia affirmant; ibi vero, ubi nunc est, ab eo conditum fuisse negant. Quæ de Zagrabienfi Ecclesia per S. Ladislavum fundata vulgo traduntur, in eam sententiam accipienda esse Paullus Ritter existimat, ut non ille quidem Zagrabie Basilicam ædificaverit, & Sedem Episcopalem constituerit; sed cum in Slavonia multos reperisset adhuc inanium Deorum superstitionibus deditos; ex his ad Christi cultum traductis novam Ecclesiam, seu Congregationem Christianorum conflavit, eique Episcopum dedit, qui deinde apud Zagrabiam, Basilica ædificata, & pontificiis ædibus extructis, cathedram episcopalem collocavit: *Quamvis*, inquit, ex antiquissimo Capituli Strigoniensis testimonio, & ex Andrea II. regis privilegio, Zagrabiensem Episcopatum, & monasterium Zagrabienfe a Ladislao rege constructum esse dignosca-

tur, neutiquam tamen vel Basilicam ab eodem, vel Episcopatum Zagrabie erectum fuisse dignoscitur; quamquam Stephanus II. Ladislavum Zagrabienfis Ecclesiæ institutorem nuncupet; sed Ecclesiam universitatem fidelium, non Templi, aut oratorii fabricam, intelligit: siquidem Ladislavus terram Slavoniæ, seu Banatum ab errore idololatriæ ad Christianitatem convertit, ut ex eorum privilegiis in archivo Episcopi Zagrabienfis conservatis comperi. Balthasar Adamus Kereslich censet initia, & fundamenta Episcopatus Zagrabienfis jacta fuisse apud Chasnam, quæ civitas erat Slavoniæ frequens ac nobilis non longe ab Dravo; Presbyterorum siquidem & procerum rogatu Episcopatum ibi instituisse ait, quem a loco, uti illum statuere decreverat, Zagrabiensem appellavit: Cum ipse (Ladislavus) Dravum transivisset, Chasnam appulit, quæ trans Dravum respectiva ad Hungariam esset; ibidemque occupato castello, quod Slavoniæ sive regum, sive ducum fuerit, a Chasna habitantibus Presbyteris, & illi inservientibus Ecclesia susceptus est; quos & solari sua volens clementia, & eorum uti fors, in neoccupato regno consiliis, suos constituit Capellanos, secumque in Hungariam duxit. Atque ideo non in loco, qui nunc est Zagrabia, Episcopatum, minus Ecclesiam erexit; sed Chasnam potius, quem tamen Episcopatum Zagrabiensem nominavit a loco, ad quem eum destinaverat, quive in medio quasi fuerit Slavoniæ, ubi arx etiam fuerat, quæ, ut inferius dicemus, in residentiam episcopalem versa, hodieum arcis nomen reservat. Hæc ille, infra vero: Postquam Ladislavus Dravæ transivisset fluvium, & ab universo clero populoque, virtutibus ejus ita exposcentibus, pro rege eorum habitus, ut sacræ has partes coronæ adiceret, ad preces eorum Episcopum ipsis constituit, quem Zagrabiensem appellavit; quin idem Zagrabie eundem fundasset, sed ad summum fundare intenderat. . . . hinc Ladislavum fundatorem quidem esse ajunt Episcopatus dicti Zagrabienfis, hunc tamen neutiquam Zagrabie fundavit. Hic Auctor cur ita opinetur, quidam conjecturas suæ opinioni subjecit, haud sane improbables, quæ tamen apud me tanti non valent, ut ab communi receptaque sententia discedendum putem. Quod plerique igitur, & fere omnes tradunt Episcopatum Zagrabiensem ibidem loci, ubi nunc est, fundatum fuisse, id mihi longe verisimilius esse videtur; præsertim cum Ladislavus in animo habuerit, ut ipsemet Balthasar docet, sedem pontificalem apud Zagrabiam constituere, & hunc ipsum locum novæ Ecclesiæ condendæ delegerit, a quo propterea Episcopum ipsum denominari voluit Zagrabiensem. Quid causæ igitur excogitari potest, cur hujus fundamenta Chasna potius, quam Zagrabie collocare maluerit? An non æque utrumque oppidum, & quidquid terrarum ac gentium Dravo Savoque interjaceret, seu jure belli, seu voluntaria deditioe acquisitum in ejus erat potestate? Nec vero tum Basilicæ cathedralis, & Monasterii, idest domicilii episcopalis & capitularis apud Zagrabiam ædificandi, tum etiam Episcopi nominandi, tempus & facultas illi defuit; nam post Slavoniam & Chrobatiam ad regnum Hungariæ adjunctam anno 1091. annis ipsis quatuor superstes fuit, vitamque usque ad annum 1095., & Sextilem mensem perduxit. Quod vero pleraque veterum Episcoporum Zagrabienfium diplomata Chasna

Standum communi sententiæ, quæ in eo ipso loco ubi nunc est, sedem Episcopalem constitutam esse docet.



data obliataque reperiantur, ut idem Balchazar docet, id non satis argumenti est, cur initia conditi Episcopatus Zagrabienſis Chalmæ potius, quam Zagrabiz attribui oporteat; siquidem salubritas aeris, amœnitas loci, celebritas oppidi, & arx episcopalis ibidem exstructa Episcopos illos allicere potuit, ut diutius Chalmæ, quam Zagrabiz commorari malent. *Erat Chalmæ oppidum, ut scripsit Paulus Ritter, situ, amœnitate, pluribusque adibus celebre; & Arx Episcopalis; eam frequentius, quam Episcopium Zagrabienſe, Antistites inhabitabant.*

Ex iurisdictione Episcopatus Tinninienſis Ladislavus plurimum detraxit & Episcopo Zagrabienſi attribuit.

VII. Dum reges Chrobatici generis in Dalmatia, Chrobatia, & Slavonia rerum potiebantur, Episcopus Tinninienſis, quem Cresimirus rex Chrobatiz, & Dalmatiz, permissu Metropolitæ Spalatenſis instituerat, & honorificis titulis ac privilegiis cumulaverat, episcopalem iurisdictionem eis ultraque Savum, usque ad Dravum longe ac late proferebat; isque Episcopus regius, sive palatinus, quod regis aulam curiamque sequebatur; & Chrobatienſis appellari solebat, perinde quasi, ut erat primarius, sic universalis esset Chrobatiorum Episcopus, de quo Thomas Archidiaconus cap. xv. *Voluerunt etiam Chroatiorum reges quasi specialem habere Pontificem, petieruntque ab Archiepiscopo Spalatenſi, & fecerunt Episcopum, qui Chroatienſis appellabatur, posueruntque sedem ejus in Campo, in Ecclesia S. Mariæ Virginis, juxta castrum Tinnienſe. Hic multas obtinuit parochias, habuitque prædia & possessiones per totum pene regnum, quia regalis erat Episcopus, & regis curiam sequebatur; & sua iurisdicção usque ad Dravum fluvium extendebatur.* Sed post regnum Chrobaticum extinctum, amplitudo ac dignitas Episcopi Tinninienſis vel plurimum imminuta fuit; omnemque ille iurisdictionem intra fines admodum angustos contraxit; & sæculo duodecimo ad exitum vergente, Synodus provincialis Spalatenſis diœcesim illius exiguis terminis definiit: *Tinnien. Episcopus habeat sedem suam in Tenin, & habeat has parochias Tenin, Campum, Verchreca, Pset.* Huic igitur Ladislavus quidquid iurisdictionis ultra Savum obtinebat in Slavonia, detraxit, itemque citra Savum in Chrobatia aliquot parœcias ademitt. Ex his autem regionibus diœcesim Zagrabienſem conſlavie, eamque ab diœcesi Quinqueecclienſi sejunxit, & suis hanc terminis definiit.

Ubi Episcopatum Zagrabienſem institueret, quid impulerit Ladislavum?

VIII. Ecclesiæ Zagrabienſis fundandæ causam sanctissimo regi hanc potissimum fuisse ajunt, quod in ea regione multos idolorum cultores reperisset, quos ad rectam in Deum fidem, & Christi cultum traducere miro studio cupiebat. Id siquidem tradunt Felicianus Archiepiscopus Strigonienſis, Andreas II. & Stephanus V. reges Hungariæ in suis diplomatibus. *Zagrabienſem constituit Episcopatum, videlicet ut quos error idololatriæ a Dei cultura extraneos fecerat, episcopalis cura ad viam veritatis reduceret. Felicianus. Qui terram Sclavonia, sive Banatum ab errore idololatriæ ad Christianitatem convertens, corona Hungariæ subjugavit. Andreas II. Qui eliminatis gentilitatis erroribus in Ducatu Sclavonia, Zagrabienſis Ecclesiæ institutor sanctissimus exstitit, & fundator. Stephanus V. Paullus Ritter existimat Slavoniam idololatriæ adeo refertam tunc fuisse, ut si paucos excipias, qui Christianam religionem, inde*

usque a temporibus apostolicis susceptam, ab omni labe intactam servabant; Ethnicorum supersticio ubique in oppidis pagisque dominaretur, cum S. Ladislavus provinciam illam sub imperium Hungariæ subjunxit; id quod nec verisimile, nec credibile videtur. Revexerat quidem in hanc regionem cultum inanum Deorum gens illa Chrobatica, quæ secessione facta, ut docet Constantinus Porphyrogenitus, a popularibus suis, quibus Heraclius Imperator septimo sæculo Dalmatiam mediterraneam habitandam tradidit, in Pannoniam Saviam migravit, quæ ab illis primum Chrobatia, deinde Slavonia communi totius gentis vocabulo appellata fuit; sed cum Chrobati Serblieque omnes, qui Dalmatiam, Chrobatiam, Serbliam incolebant, alii citius, alii serius, suscepto baptismo, ad Ecclesiam aggregati fuissent; non est verisimile eos, qui secesserant in Pannoniam Saviam, oblatum veritatis Evangelicæ lumen pertinaciter ad ea usque tempora respuisse; præsertim cum reges Chrobatiz, quorum imperio suberant, Christianam religionem colerent, ejusque tuendæ, & propagandæ mira cupiditate flagrarent. Certe Svinimirus proximus ante Stephanum II. postremum Chrobatiz regem, titulo ac diademate regali ab Legatis Pontificii sibi tradito, regnum suum in fidem & clientelam Sedis Apostolicæ contulit, eique tributarium fecit. Adde quod sæculo nono, cum Tirpimirus principatum in Chrobatia obtinebat, regio illa Savo Dravoque interjecta, ad jus metropoliticum Archiepiscopi Spalatenſis pertinebat, sinibus provinciæ Ecclesiasticæ Spalatenſis usque ad Danubium prolatis, ut ex ejusdem Tirpimiri diplomate perspicui potest. Eandem vero regionem fere totam Cresimirus rex Chrobatiz & Dalmatiz ad iurisdictionem regii sui Episcopi Chrobatienſis, seu Tinninienſis adjunxerat, quam, ut Archidiaconus tradit, usque ad Dravum protendi voluit. Nec vero Metropolitæ Spalatenſes, & Episcopos Tinninienſes officii sui adeo negligentes & immemores fuisse arbitror, ut in illa amplissima provinciæ, vel diœceseos suæ parte idololatriam tamen dominari paterentur; vel certe credibile non est parum eos, vel nihil profecisse, quamvis per annos fere quingentos ad illam eliminandam satis studii operæque adhibuerint. Quo igitur tempore S. Ladislavus Slavoniam in suam ditionem redegit, in villis agrisque vestigia quædam antiquæ superstitionis extitisse dixerim, quæ sanctissimus rex omnino aboleri volebat: siquidem apud agrestes ac rudes homines vanæ & commentitiæ de multiplici divinitate opiniones a majoribus acceptæ, horum animis erant adeo penitus insitæ, vel potius innatæ, ut nulla neque temporum diuturnitate, neque Antistitum industria evelli potuerint: nisi propius vero est Christianam sinceramque quorundam simplicium agricolarum fidem depravatam fuisse ex contagione Hungariæ finitimæ, quæ non ante sæculum decimum e priscorum errorum caligine & tenebris lucem Evangelii respicere, & Christianam Religionem amplecti cœpit. Cum autem primum Geysa, deinde ejus filius S. Stephanus, & alii deinceps reges, atque ipsemet S. Ladislavus omni ope atque opera eniterentur, ut Hungaros omnes ad Christi cultum traderent, & contumaces obfirmatosque in perfidia idololatriæ, exilio, aliisque pœnis multarent; ex illis

Supersticio cum S. Ladislavus Slavoniam subegit, in agris villisque apud agrestes & rudes homines vigebat.

illis haud pauci, quibus potior fuit avita superstitio, quam patria, solum vertere coacti, trans Dravum in Slavoniam migrarunt. His facile fuit genus hominum indoctum & agreste superstitionis opinionibus imbuere, & a Christiana religione ad nefarios ritus abducere. Sed cum æque Slavonia atque Hungaria reges haberet, tum divina incorruptæque fidei vindices, tum idololatriæ impietatis ultores acerrimos, a quibus metuendum erat; in agris locisque desertis apud fontes & puteos impuris mysteriis ac cærimoniis operam dabant; nam certe in Hungaria id palam facere non audebant; quippe superstitio plane omnis ab urbibus, oppidis, cœtuque nobilium, & eruditorum repulsa, in silvas, deviatque solitudines se abdiderat; & apud homines rusticanos & imperitos, clandestinis conventibus & sacrificiis coli solebat: id quod intelligi potest ex lege, quam tulit, & pœna, quam ipse Ladislavus in eos constituit, qui occultis illis ac nefandis sacris operarentur; quippe impium & sacrilegum facinus bovis unius multatione luendum esse decrevit: quæ quidem pœna non in alios, quam in homines rusticos, & agricolas cadere videatur: *Quicumque ritu gentilium juxta puteos sacrificaverint, vel ad arbores, & fontes, & lapides obtulerint, reatum suum bove luant.* Ex lib. 1. Decret. Ladisl. cap. 22. Si quos igitur in Slavonia cultores idolorum Ladislavus reperit, ii erant ex infima plebe, & agrestium hominum genere, fusi per agros, per silvas, & montes dispersi, qui magis stupiditate quadam, verique ignoratione, quam voluntate & malitia pecebant. Itaque doctore & magistro indigebant, qui ab eorum animis ignorantie tenebras dispelleret, & rudes hebetesque homines ad veram religionem, verique Dei cultum instrueret; ut præclare animadvertit Felicianus Archiepisc. Strigonienfis in eo, quod fecit secundum Ecclesiam Zagrabiensem decreto: *Ad instruendam hujus plebis ignorantiam, quemdam Bohemicum venerabilis vitæ virum nomine Dubidoneum reperit, quem eidem Ecclesie Pastorem per suum Capellanum Francicam delegavit.* Duo quidem erant ea tempestate Episcopi, qui regionibus & locis inter se divisus, rei Christianæ in Slavonia præsidebant, Quinqueecclesiensis, & Chrobotiensis, sive Tinninienfis; verum idololatria, in agris, silvis, montibus abdita, utriusque quamvis acrem vigilantiam, diligentemque inspectionem subterfugerat; ac præsertim Episcopi Chrobotiensis, qui longius aberat, & episcopalibus regalis aulae & curiæ ministeriis addictus affixusque, partes ac populos Slavoniæ raro adibat, & lustrabat. Tantum vero abest, ut qui civitates ac frequentiora loca incolabant, virique nobiles & eruditi idolis cultum adhiberent, aut vel tenui veterum superstitionum afflatu contacti essent, ut de horum consilio potissimum Ladislavus ad Slavoniam ab omni idololatriæ labe purgandam Episcopatum Zagrabiensem institueret: *Prædictus Rex, ait Felicianus, divina gratia inspirante, de horum, cæterorumque nobilium consilio Zagrabiensem constituit Episcopum, ut quos error idololatriæ a Dei cultura extraneos fecerat, episcopalis cura ad viam veritatis reduceret.* Ita Slavonia universa hoc singulare beneficium S. Ladislavo acceptum refert, quod nihil usquam loci antiquæ superstitioni relictum fuerit, deletisque omnibus nefarii cultus reli-

quus, pura & incorrupta Religio ubique vigeret.

IX. Sunt qui existimant Episcopatum Sisciensem ab S. Ladislavo Zagrabiam translatum fuisse; sed ille jamdudum cum ipsa urbe a barbaris sæculo decimo funditus eversa interierat. Episcopatus autem, qui tunc nullus, & nullquam erat, qui transferri potuerit non video; eum potius Zagrabiz quodammodo revixisse, & longo intervallo refluoruisse dixerim; nam quidquid olim terrarum ac gentium Siscienfi suberat, id fere omne, & ipsius Siscie quod reliquum fecerat clades barbarica, atque injuria temporum, Episcopo Zagrabienfi Ladislavus attribuit; quin hujus diocesis latius ac longius porrexit, & fortassis eidem adjunctis partes aliquot proximas Norici, quæ ad Celejensem, & Petrovianensem Episcopatus jamdudum extinctos pertinebant. An vero S. Ladislavus illud spectaverit, ut Sedem Episcopalem Sisciensem Zagrabiz restitueret, id affirmare vel negare non ausim: id consilium fuisse sanctissimo regi Scriptores tantummodo tradunt & vetera monumenta, cum Episcopatum Zagrabiensem fundavit, ut quidquid Ethnicæ superstitionis in ea regione supererat, prorsus aboleret, & novi Antistitis cura operaque adhibita, incolas omnes ad Christianam religionem colendam perduceret.

Antequam ultra progrediar, operæ pretium esse duxi perbreve quoddam S. Ladislavi parentis & conditoris Ecclesiæ Zagrabienfis huic loco intexere elogium. Decerptum est ex Breviario Hungarico Tyrnavienfi.

Ladislavus I. hujus nominis Ungariæ rex, Be-la primo ex filia regis Poloniae prognatus, cunctis animi & corporis dotibus fuit ornatissimus, regale solium invitatus conscendit. Salamonem enim præferri optabat, cui, & postea sapius cedere volens, a proceribus regni fuit prohibitus. Creatus in regem, omnia boni Principis officia explevit; beneficentia in egentes, comitate, justitia, ac liberalitate eminebat. Præsentissimis sue vitæ periculis, subditos ab immani barbarorum gentium populatione vindicavit, fuis non una vice Cumanorum agminibus; Dalmatiam & Croatiam regno Ungarico adjunxit; volente id sorore ipsius, qua rerum potiebatur, marito regnorum Domino vita functo. Regias virtutes, Christiana pietatis opera excellebant. Posteaquam enim Dei monitu ad Chrysium fluvium Basilicam Dei Genitrici crexisset, oppidoque Varadino adjecto munivisset, totum se deinceps ad cultum religionis amplificandum convertit. Episcopatus amplissimos, monasteria Templaque magnifica construxit, regique munificentia dotata omnibus ornamentis auxit.

Divinarum rerum contemplationi Rex Sanctus deditus erat, ut interdum in aera sublimis raperetur, nimioque circumfusus splendore, Varadini in templo a suis quandoque conspiceretur. Adversus Tartaros bellum gerens, cum fugientes barbari, ut milites S. Regis ab insequendo distinerent, ingentem pecuniæ vim dolose sparsissent, Ladislavus precibus, pecuniâ omnis in lapidem commutari visa est. Exercitui suo, victus inopia laboranti, fuis ad Deum precibus, cervorum, & bubalorum gregem impetravit. Fontes etiam aqua recentis e saxis, ad extinguendam suorum sitim, pari modo a Deo obtinuit. Poverat pius Rex professionem cum validis copiis ad Terram Sanctam, a fœdissimis Christiani nominis hostibus vin-

Episcopus Siscianus non est translatus Zagrabiz, sed Zagrabiz quodammodo revixit.

Elogium S. Ladislavi.

quam neque Tinninienfis neque Quinqueecclesiensis Episcopi omnino eliminare poterant.

vindicandam, sed sancta mors pios conatus avertit. Eum igitur anno salutis 1095. ex hac vita sublatus universa Hungaria integro triennio veste pulla, et squalida luxit: ludis, choreis, omnique musico instrumento per id tempus relegatis.

Locum sepulturae in Ecclesia Varadinensi a se constructa, ipse sibi delegerat: quo cum sacrum corpus decheretur, fessi labore ministri, ut somno vires reficerent substituerant. Vectorsibus igitur dormientibus, currus, in quo collocatum erat sacrum pignus, sine ullius iumenti adminiculo, tam rapidis rotis Varadinum desert corpus, ut ab excitatis vectorsibus assequi nequiverit. Ipso sepulturae tempore, cum quidam ejus corpus facere dixisset, os in tergum torquere repente sensit: sed poenitentia ductus, S. Regis opem implorans, pristinae sanitati restituitur. Multi praeterea caeci, muti, ac morbis fatigati, ad sepulcrum S. Regis sanitatem exceperunt. Quibus rebus permotus Caelestinus III. ipsum in sanctorum numerum adscripsit.

Nomen S. Ladislavi Regis Hungariae in Martyrologio Romano adscriptum est ad diem vigesimam septimam Junii: Varadini in Hungaria S. Ladislai Regis, qui clarissimis miraculis usque ad diem hodiernum coruscat. Hunc, inquit Baronius in suis ad Martyrologium notis, Caelestinus Papa tertius recensuit inter Sanctos. Plura de eo legimus in Breviario Polonorum, & apud Bonfinium de Rebus Hungaricis lib. 4. Dec. 2.

Veteris Zagrabiae positio, & descriptio, quam Tartari diruerunt.

X. Jam vero de loco urbis, ubi S. Ladislavus & Basilicam, & Monasterium, sive aedes pontificias, & capitulares construxit. Civitas erat plano in loco explicata, quam amnis Czircunicza interfuebat, inter duos colles facili mollique ascensu acclives; quorum alter ab oriente mons Grech dictus est, alter ab occasu mons Zagreb, unde nomen civitati obvenisse traditur, appellatus fuit. In hoc tum Ecclesiam cathedralem, tum aedes, in quibus Episcopus, & Canonici habitarent, conditas ferunt. Non desunt tamen qui domum Episcopi, & cellulas Canonorum infra hunc collem Zagreb exstructas, Ecclesiam vero aedificatam fuisse existimant in fastigio ejusdem collis, ubi erat castrum regium, quod saeculo decimo quinto Matthias rex Hungariae Episcopis donasse dicitur. Sed haec ante irruptionem Tartarorum, qui anno 1242. urbem, & quae circa erant, omnia ferro & incendio vastarunt; & si qua rectorum vestigia relicta fuerant, novis aedificiis superimpositis, dignosci nequeunt: ex quo factum est, ut de veteri certaque positione Templi, & episcopalis atque capitularis domicilii, non una sit omnium sententia. Post calamitatem Tartaricam, cum discessu Barbarorum omnia tranquilla & pacata essent, Bela IV. rex Hungariae, e Dalmatia, quo profugerat, reversus, ad reficiendas urbes, quas furor barbaricus everterat, & damna, quae passim intulerant, refarcienda, resque publicas ordinandas cogitationem curamque convertit. In monte Graecensi, cui Zagrabia suberat, oppidum aedificavit, & liberae regiaeque civitatis jure ac nomine donavit. Stephanus secundus hoc nomine Episcopus Zagrabienfis, vel ejus successor proximus Philippus, Basilicam, aedes pontificias, & capitulares dirutas restituere coepit; quae aedificia antequam ad fastigium perducere, & absolvi possent; immensos somptus, plurimum

annorum labores, & curam operosam multorum Antistitum impendi oportuit. Idem vero Stephanus Episcopus in area civitatis ab Tartaris everfae, mercatoribus Italis locum attribuit, quem pluribus domiciliis exstructis frequentarunt, atque incoluerunt; ab novis ex Italia incolis, quos indigenae Latinos vocabant, Vicus Latinorum denominatus fuit.

XI. Nunc Zagrabia bipartito divisa est; altera Regia, sive superior, quam ut diximus, Bela aedificavit, altera civitas inferior Episcopalis, sive Capitularis appellatur; utriusque forma fere quadrata est, & magnitudo prope modum aequalis; alteram ab altera Czircunicza fluvius disjungit. Urbem utramque ab occasu, & septentrione colles amoeni circumdant vitibus constiti, unde gregii & optimi vini copia suppetit; a meridie planities ad Savum usque protenditur, pascuis & legetibus abundans; horti suburbani sane multi, non ut litatis solum, sed etiam deliciarum causa eleganter descripti, & olerum cojulse generis admodum feraces. Caelo salubri & temperato incolae utuntur. In urbe Regia, quae loco editiori incumbit, quamque indigenae Gornjvaram, alii Montem Graecum vocant, sedes est Praetoris, seu Vicebani, qui leges & judicia, relique publicas tum urbanas, tum totius provinciae, sive Comitatus Zagrabienfis administrat. Hic Banus, seu Prorex totius Slavoniae conventus indere & habere solet; quod haec civitas, omnibus ex quacumque regni parte juris petendi causa adeuntibus commodiorem accessum praebet, itemque commorationem, propter situs opportunitatem, ac rerum omnium venalium, quae ad victum pertinent, abundantiam & copiam. Gymnasium extat florentissimum, in quo lectissimi adolescentes non solum e Slavonia, sed etiam ex Hungaria & Croatia, ingenuis studiis & liberalibus disciplinis erudiuntur. Duo sunt collegia, alterum Virgines S. Clarae, alterum Clerici Societatis Jesu obtinent, qui juvenum bonis artibus & moribus excolendae operam dant: his adde monasterium Fratrum familiae Franciscanae, quos Capucinos vocant; est item publicum Xenodochium S. Nicolai peregrinis excipiendis, & aegrotis pauperibus curandis perquam accommodatum. Muro undique septa & clausa est; domus partim ligneas, partim lapideas, partim lateritias fere ad trecentas completitur. Forum habet sane amplum, in quo primum urbis Templum in sublime assurgit, admodum capax & eleganter ornatum, sub titulo & auspiciis S. Marci Evangelistae; cujus praefectura cultus & curatio animarum, Sacramentorum, relique Christianae administratio annexa est.

Civitas bipartita, altera Regia, altera Capitularis civitas.

Civitas Regia descriptio.

XII. Civitas altera humiliori loco sita est. Hanc concessu regum Hungariae magnis ac turribus claudendam & muniendam curarunt Episcopi Zagrabienfes, ut propugnaculum esset ac praesidium ad repellendas arcendasque Turcarum incursiones; haec dicta est Arx Episcopalis. Huic adjacent septa & claustra Canonorum, quae ex multis adiculis constant, suis cuique Canonico attributis; ibidem sunt domicilia Presbyteris secundi ordinis, & clericis cultus divini, rerumque sacrarum administris assignata. In Arce media ceteris omnibus aedificiis sublimior eminet Basilica cathedralis, molitione ingenti, opere eleganti & magnifico exstructa, penes quam palatium episcopale assurgit, quod ante aliquot annos Georgius Braniug

Civitas Capitularis descriptio.

niug Episcopus eo sumptu & ornatu, ea mole & magnificentia ædificavit, quæ nobilissimum inter Antistites regni Hungarici Præfulem maxime decebat. Prope aream Capitularem extabat olim cœnobium monachorum Cisterciensium, quod sæculo decimo quinto eversum cum fuisset ob metum Turcarum, ædes S. Mariæ eidem annexa cura ac potestate parochiali donata fuit, ex æde S. Emerici illuc translata. Ibi dem extabat monasterium S. Nicolai, quod S. Augustinus G. zotus Episcopus Zagrabienfis Patribus Dominicanis exstruxit. His deinde, quod incursionibus Turcarum expositi essent, in urbem regiam migrare iussi, suum ibi domicilium ad S. Catharinæ collocarunt; quod cum plures annos retinissent, illis abeuntibus, in eam vacuam sedem successerunt Presbyteri Societatis J. su. Extat quoque in urbe Capitulari cœnobium Franciscanum severioris disciplinæ, itemque Seminarium clericorum, e præscripto & norma Concilii Tridentini sæculo decimo sexto institutum. Aedes cathedralis caret baptisterio, curaque animarum; hæc siquidem quatuor parochis commissa est, & Ecclesiis totidem annexa; utraque enim civitas in quatuor regiones divisa est, & sua cuique Curioni, & Ecclesiæ attributa. In civitate regia, seu Monte Græcensi, ædes S. Marci jure parochiali gaudet, & qui huic præsidet, in civitate regia omnia parochi munera, & officia exsequitur. Civitas Capitularis tres habet parochos, & Ecclesias parochiales; una est Ecclesia S. Mariæ in area Capitulari, quæ olim ad monachos Cistercienses pertinebat, altera in vico, cui Villæ novæ cognomen est, tertia demum S. Petri in Vico latinorum, qui nomine ex Italicis mercatoribus impositum etiamnum retinet.

*Ædes Cathedralis sub nomine & auspiciis S. Stephani Regis Hungariæ consecrata.*

XIII. Basilicam Zagrabiensem, quam S. Ladislavus ædificavit, & copiosis proventibus dotavit, simul conditam, & S. Stephani primi Hungarorum regis titulo & veneratione consecratam fuisse Scriptores Hungarici tradunt. Ab his dissentit Paulus Ritter, qui negat eam Basilicam ad colendam S. Stephani regis memoriam exstrui potuisse; cum nondum ille ex auctoritate Sedis Apostolicæ in numero Divorum habitus esset; neque enim, ait, antequam Chartuicius Monachus historiam de illius vita & miraculis, Colomano regi Hungariæ inscriptam, ineunte sæculo duodecimo vulgasset, publicus honos cultusque eidem haberi cœpit: Ea tempestate, quæ Ladislavus in Illyrico egisse prætenditur, publico sanctitatis præconio Stephanus in orationibus necdum venerabatur; primo namque regnante Colomano prodit legenda de S. Stephano Rege, & patrono regni Hungariæ; idest historia vite ejusdem B. Regis a Chartuicio quodam monacho, cujus frequens meminit Baronius, ad Colomanum scripta. Bonfinius, & alii tradunt Sanctissimi Regis corpus e subterraneo fornice eductum, & e loco eminenti publicæ venerationi expositum fuisse anno ab ejus obitu quinto & quadragesimo; obierat autem Idibus Augusti an. 1038. cui si annos quinque & quadragesima addideris, in annum sæculi undecimi octogesimum tertium sacratissimi corporis in sublimem locum translatio conferri debet. Cum autem S. Ladislavus anno altero & nonagesimo ejusdem sæculi, ut supra dictum est, Slavonia potitus fuerit, jam tum S. Stephanus Divorum numerum obtinebat, proptereaque in ejus honorem biennio, vel triennio post Basilica Za-

*Illyrici Sacri Tom. V.*

grabienfis exstrui, & consecrari potuit. Cæsar Baronius tradit anno 1079. ab Gregorio VII. Legatum Apostolicum missum fuisse in Hungariam, ut corpora illorum, qui Hungaris lucem evangelicam intulerant, & verbis & exemplis Christianam religionem propagaverant, e subterraneis sepulcris sublata in aras imponeret, & quibus digna erant honoribus afficeret: id quod ex veteri disciplina idem erat, atque illos rite ac legitime in Divorum numerum & catalogum retere. Atque eodem anno, ut S. Gerardi Episcopi Chanadiensis & Martyris, sic etiam S. Stephani corpus in locum sublimem atque honorificum ex decreto Legati Apostolici datum fuisse idem Baronius censet. Cum igitur jampridem S. Stephano Regi Hungariæ iidem honores decreti fuissent, quos Cælitibus cum Christo regnantibus Religio Christiana tribuit; nihil causæ est, cur Paulus Ritter eidem & Templum ædificari, & aram statui ab S. Ladislavo potuisse negaverit.

XIV. Quæ forma fuerit, quæ magnitudo, quæ descriptio veteris, & primæ Basilicæ Zagrabienfis, cum eam Tartari funditus everterint, ex ejusdem vestigiis, quæ nulla superant, dignosci nequit. Novam Basilicam construere cœpit Stephanus II. vel Philippus proximus post Stephanum Episcopus; sed in ejus ædificationem plures deinde Episcopi pecuniam, atque operam contulerunt; nec vero ante sæculum decimum sextum omnino perfecta, & absoluta fuit. Opus multorum annorum, ingentis immanisque sumptus; Templum magnificentum atque præclarum, quo vix alterum elegantius, sumptuosius, augustius in tota Hungaria reperies. Hujus formam, & descriptionem F. Raphael Levacovichius vir doctissimus ex Ordine Franciscano rigidioris disciplinæ, idemque Archidiaconus Ecclesiæ Zagrabienfis, in sua Historia Ml. Ecclesiæ Zagrabienfis Lectoribus ferme sub aspectum subjecit his verbis.

*Basilica veteris nulla superant vestigia.*

*Basilica nova admodum magnifica.*

XV. Tota Ecclesia ædificata est ex lapide selæ & perpolito; longitudo ejusdem pedum 215. latitudo 98. altitudo 72. Altare majus situm ad Orientem; porta major cum frontispicio Occidentem spectat. Distincta est in tres naves, miro & proportionato modo fabricatas. Has discernunt columnæ lapideæ perpolitæ aequali numero aequalique distantia erectæ, apsidem navis sustentantes. Ad Aquilonem sive latus Evangelii sunt columnæ novem, a cornu Epistolæ sive ad Meridiem totidem. Medium Ecclesiæ secant chorus & regione altaris majoris, ad medietatem quartæ columnæ, recta ducto muro a latere ad latus deductus, & sustentatus; ex opposito vero columnis lapideis numero 8. suffultus, lapideus totus, columnellis exornatus. In medio ad Orientem, ut dixi, est altare majus, post conflagrationem a Rev. Francisco Erghelio constructum; distat a muro plus minus ad passum, sua altitudine absidem contingit. Ad latus ejusdem ex parte Evangelii erectum habet ad modum columnæ tabernaculum superbissime fabrefactum, & exornatum statuis SS. Macrini Sabariensis, Episcopi Turonensis, Stephani Regis, Emerici Ducis, & Ladislai Regis deauratis, & depictis; & inde paulo superius imagine sculpta Salvatoris plagati, posita inter duos Angelos, quorum dexter tres clavos, sinister lanceam & arundinem cum spongia tenet. Summitatem pellicanus rostro pectus feriens, pullosque sanguine vivificans. In hoc tabernaculo conservatur Venerab.

*Eius descriptio & dimensio.*

*Altare majus.*

F f

S a

Sacramentum, lampade argentea ante pendente, perpetuoque ardente honoratum: conscenditur tribus gradibus lapideis; in pede insignia N. & N. Episcoporum habet. Erigitur ibidem, atque e regione opposita ad summam fornici semicolumna, a qua ad aliam oppositam protrahitur est crates lapidea, communicantium commoditati extructa, & ferreis suffulta pessulis duobus a dextris, totidem a sinistris; in medio spatium est patens, per quod ad altare majus per quatuor gradus commode dispositos conscenditur. In cornu Epistolae prope gradus est sepulchrum hujus inscriptionis: „Illustrissimi, & Reverendissimi „D. D. Joannis Erceodii el. Episcopi Agriensis S. C. R. M. M. C., hereditarii Comitis „Montis Claudii, & Varasdienfis, qui obiit „die 13. Augusti anno Domini 1626. ætatis „suz 27. tumulum hunc marmoreum exornavit Caspar Verbanovich Custos & Canonicus Zagrab. olim Cantor & Can. Agrien. & „Præpositus S. Stephani Regis ibidem, suus „vero in studiis Præfectus amoris ergo. A cornu Evangelii prope Vener. Sacramentum extat effigies lapidi marmoreo insculpta, & sepulchro imposita Præsulem N. dista Ecclesiæ Pontificalibus indutum, pastoremque virgam ad lavam habentem representans, sine inscriptione.

Altare Coenæ  
Domini.

XVI. Infra memoratum tabernaculum & crates est altare Coenæ Dominicæ depictam cum inscriptione exhibens: „O sacrum convivium, „in quo Christus sumitur; ejus in pede legitur inscriptio hujusmodi: „Ad laudem & gloriam „Dei Altissimi, ad honorem gloriosissimæ V. „M. admod. Rev. D. Ambrosius Jazkay Prot. „Apost. Præpos. Chas. & Can. Zagrab. f. f. „1633. Junii 25. Ante hoc altare juxta parietem est monumentum marmoreum Osvaldi Præsulis pontificalibus induti effigiem representans, & insignia super pedes exprimens, scutum videlicet duabus zonis præinctum, in quarum medio stella est. Hinc & hinc duo Angeli alati, atque in fine legitur epitaphium hujusmodi:

„Zagrabiz Osvaldus manet hic sub marmore Præsul,  
„Exemplum veræ qui probitatis erat.  
„Fama suum celebrat, ne pereat pulvere nomen;  
„Virtutum merito spiritus astra tenet.

Ad cubitum ab hoc est lapis sepulchralis, in quo ita legitur: „Hic ossa Rever. D. Joannis „Monoszlai Episcopi Zagrab. requiescunt anno „1584. reposita.

Altare B. M. V.

Ad cornu Epistolæ altaris majoris est altare e regione, imaginem S. Lucæ depictam habens, & supra imaginem B. V. Christum infantem tenentis, sub qua legitur: „Exaltata est S. Dei Genetrix super choros Angelorum ad cælestia regna. In pede altaris sic habet: „Ad laudem & gloriam Dei omnipotentis, gloriosissimæ V. M. ac S. Lucæ Evangel. honorem „Ambrosius Jazkay Prot. Apost. Præpos. Chasmen f. f. 1633.

Ante hoc altare penes parietem est monumentum e marmore rubeo Lucæ Antistitis, pontificalibus induti, atque pastorem baculum sub lava tenentis effigiem exprimens; juxta pedem dextrum sunt insignia ejusdem ære conflata, in scuto Gryphum coronam pedibus calcantem exprimentia, cujus inscriptio est hujusmodi:

„Hic situs est Lucas Præsul venerabilis...  
„Zagrabiz Templi luxque decusque ....

„Qui pietate parens, nulli virtute secundus

„Accepit meritis astra parata suis.

„Obiit anno 1510. x. Kal. Octobris.

XVII. Hinc descenditur tribus gradibus lapideis ab una columna fornici sustentante ad aliam protrahitis, ante quos duo sunt interstitia columnarum, per quæ exitus patet, hinc ad dextram, inde ad lavam navim. Recta gradientibus occurrunt sedilia superbissima pro choro ad divinum officium persolvendum e ligno sculpta, a memorato Episcopo Osvaldo facta; nam ejusdem insignie ex utroque latere appositum pluribus in locis conspicitur. Ad latus Evangelii sunt sedilia superiora num. 17. totidemque a cornu Epistolæ, in quorum medio spatium est inclinatoris ad commodius ascendendum. Inferiores sedes ex uno latere 13. totidemque ex altero, æque posite ac distributæ. In medio juxta murum chorum sustentantem jacet Sedes Episcopalis cum genuflexorio, ex lapide scissa, ad quam patet aditus ex utroque latere, qui duobus gradibus conscenditur, Episcopo in tertio sublimiore sedente. Baldachinum ligneum affabre incisum, quatuor columnis ligneis impositum. Pars a dorso Episcopi tabulis politis contexta, habens insignia Rev. Petri Demitrovich imposita anno 1608. In medio Baldachini nomen Jesus; superius quoque floribus ligneis pyramidaliter, insignibusque ejusdem Præsulis ornatum est. Hinc ad dexteram, & sinistram episcopalis sedis duæ fenestræ, & totidem portæ, per quas patet egressus, ferreisque cratibus, portarum instar, obferantur. In spatio ad quatuor passus a gradibus columnarum est unum pulpitum ad libros chori sustentandos; retro in equali, vel paulo minori distantia sunt alia tria pulpita, medium majus libros antiphonarum, & graduales sustentans, duo alia psalteriis onerantur. Ad latus Epistolæ non procul a gradibus est monumentum marmoreum Frangipannorum insignia ostentans; nec non imaginem loricate, acinace accinctæ, genibus procumbentem, manibus complicatis; coram qua cassis jacet; in cujus capite hæc leguntur:

Subsellio  
Canonic.  
& solium  
episcopale.

Sepulchrum  
& Epitaphium  
Frangipannorum.

„Memoriæ

„Spectab. ac Magnifici D. Francisci Zlunii „de Frangep. Segn. Vegliæ, Modrusiæque Comit. „Dalmatiæ, Croatiæ, Slavon. Bani „fidelis & fortis. Anna soror relicta Magni „Nicolai Elah Czasar ex Fr. cariss. posuit. „Vixit annos xxxv. mort. xi. Decembris 1572. „Varasdini.

Sub Casside eidem:

„Zlunia stirps cecidit, Franciscus Martis „alumnus  
„Infestus . . . terror eratque Getis.  
„Est proavis clarus, sed dextra promptior „usque  
„Consilioque, infert damna cruenta „Scythiis.  
„Banus erat Dalmat, Sclavorum, tumque „Croatiæ,  
„Prælia commisit, fausta trophea tulit.  
„Sed quid Pannoniæ! vix spes est ulla salutis:  
„Ni Deus accurret, quid superesse velit!  
„Ergo Diis mixtus potiori parte triumphat;  
„Ossa tegit marmor, mens pia novit iter.  
„Super columnas primas muro sacrarii adjunctas „visuntur insignia Osvaldi Episcopi, & Regni Hungariæ. In sacrario circumcirca altare „sunt fenestræ altitudinis cubitorum circiter duodecim,



decim, num. quinque, singula in summitate acuminatim conclusa, atque super se aliis orbiculari lapide ad formam duplicis Crucis adaueta, qua ad apsidem usque pertingunt.

De Capella S. Ladislai habente navim abside sanctuarii magis demissam.

Sacellum & altare S. Ladislavi.

XVIII. Ad Orientem est altare sumptuosum, egregiis picturis auroque decoratum, atque S. Ladislao Regi dicatum, tabula marmorea rubri coloris superpositum; in cuius pede B. V. Salvatoris & S. Joannis imagines cernuntur. Supra in medio est imago B. V. Assumpta, Angelorum millibus circumsepta, dexteram S. Ladislaus, sinistram S. Emericus occupat. In tabula inferiori, qua clauditur altare ad cornu Evangelii, idem Ladislaus coronam in capite tenens, atque in sinu sororis quiescens jacet. In eadem ubi equum conscendit, hostem, qui sororem rapuerat, persecuturus. In superiori idem Ladislaus equo insidens scutum cruce insignitum sinistra tenens, securimque elevatam in dextera habens, cum Tartaro sororem gestante congreditur. In superiore ad latus Epistola, idem cum eodem luctans, & Tartari pedem securi feriens; in inferiore idem Ladislaus triumphans. In eadem a parte exteriori Christus crucifixus, adstantibus Virgine, & Joanne, in superiori ductio ad Pilatum, in opposita inferiori bajulatio crucis, in superiori captio. Inde ad latera oratio in hortu, coronatio, flagellatio, & in summitate transfiguratio. Post idem altare sunt duae fenestrae, structurae & magnitudinis supradictarum. Ante gradum dexteri altaris est transitus ex sacrario ad altare majus, & alia loca navis mediae & meridionalis. Inter cornu Evangelii & murum Ecclesiae est monumentum ostendens habitum antiquum. . . . Hic jacet generosa Domina Elisabetha filia Magnifici Valentini Comitis Zagrabienensis; obiit anno 1200. Supra ejusdem monumentum extat statua lorica aurea, ceteris armis militaribus auro fulgentibus, gladium cum scuto in sinistra, securim in dextera tenens, S. Ladislao posita. Hinc porta sacristiae, ad levam ingredientibus vas aquae benedictae habens. A porta sacristiae ad columnam oppositam recta gradus protenditur, ubi jacent sedilia chori utraque in aequali . . . sita; hoc est num. 24. Clauduntur duobus altaribus, aquilonari omnium Sanctorum nuncupato, meridionali vero opposito S. Paulo dicato. A tergo altaris omnium Sanctorum sunt insignia Lucae Praesulis cum inscriptione, Lucae Episcopo praesidente anno 1507. In opposito insignia Osvaldi cum inscriptione: „ Osvaldus Episc. obiit anno 1499.

Subsellia chori.

In medio sedilium e regione sacrarii est spatium, quo conscenditur per duos gradus; atque instar armarii erecta habetur capsula area, in qua legitur:

„ Inclyto Uladislao Rege, Luca vero Pontifice dignissimo Joannes de Marocha Archidiaconus Goricensis & Canonicus hujus almae Ecclesiae, hunc Chorum Deo & Patriae patriis fecit fieri impensis 1507. Ex opposito: „ Opus Magistri Joannis Nicz Florentini 1507. In medio ante gradus est lapis marmoreus hujus inscriptionis:

„ Andreas Ivanich Can. Cathedralis Zagrabien. artium, & juris Doctor, Patriae Pater olim obiit anno Domini 1510. 9. Januarii, „ Pannoniae Caesar cum bello ceperat Albani. „ Mole sub hac tegitur Pegasei fontis alumnus. Illyrici Sacri Tom. V.

Paulo inferius est aliud monumentum Joannis Archid. Dubicensis 1383.

Penes altare S. Pauli stat monumentum rubei coloris, memorati Joannis Marocha cum hoc epitaphio: „ Joannes de Marocha Archid. Goricensis sibi, suoque fratri Blasio DD. Arch. „ Kemlek 1495. die S. Vincentii vita functo „ facere curavit.

Penes altare omnium Sanctorum in marmore legitur per gyrum: „ Vener. quondam Dom. „ Petrus de Myzolia Lector & Canonicus hujus Ecclesiae Zagrabien. qui obiit in festo S. Regis Stephani hora vespertina in medio „ fori, in oppido Teplicensi, illincque redactus, & hic tumulatus, cujus anima requiescat in sancta pace 1498.

Sacrarium.

Sacrarium porta ferrea occluditur, quod sub fornice mira perveriusque Sanctorum imagines depictae exornant. Supra portam ipsam, qua itur ad Ecclesiam, in summitate imago S. Hieronymi; subtus SS. Stephani, Ladislai, Emerici. Sub alio arcu in eodem pariete imago S. Dominici, & S. Francisci cum stigmatibus; & aliae praeterea imagines, quas non describimus.

Ad latus occidentis est repositorium sacrae suppellectilis, & archivum Capituli porta ferrea occlusum. Ad septentrionem porta parva excurrentium commoditati aptata, penes quam scala cochlearis, per quam super fornicem conscenditur. Habet sacrarium requisita, atque in eo Sanctorum Reliquiae.

Capella B. V. habet supra tabulam lapideam altaris B. V. in cuius medio est imago ejusdem sculpta instar Conceptionis, lunam sub pedibus tenens, a dextris statua S. Catharinae V. M. & a lava S. Dorotheae V. M. In tabulis, quibus altare clauditur, est pictura excellens. Ad latus Evangelii est statua marmorea stricata Com. Thomae Erdeodii, & Crucifixi imago; super caput ejus: „ In Deo vici; insignia, ejusdemque epitaphium:

Sacellum & altare Concept. B. V. M.

„ Illustrissimo Dom. Comiti Thomae Erdeodii de Moniorokk Montis Claudii, & Comitatus Varasdinensis Comiti perpetuo, Sacri Ordinis Redemptoris Equiti, Thavernicorum regali magistri; S. C. R. M. C., ac Regnorum Dal. Cro., & Slav. olim Batavici, qui 17. Januar. anno Dom. 1624. aetatis suae anno 66. in Domino pie obiit. Juxta hoc monumentum sunt scale ad conscendendum in apsidem.

Ad cornu epistola sunt sedilia lapidea, parietibus inclusa, lapidi incisa num. septem; occluduntur Conservatorio Capit. Chasmensis. Inde Status ex utraque parte aequali sedilium num. 24. positus ab Erghelio, sumptibus Petri Domitrovich Praesulis factus. Clauduntur duobus altaribus, dextro SS. Cosmae & Damiani, in quo imago B. V. Christum in sinu tenentis; & S. Hieronymi a sinistris, & S. Ladislai a tergo; habet insignia Erghelii. Ante hoc jacet Georgius Ivanich Zagrabienensis, annus non poterat legi. Penes hunc lapis habens: „ Joannes Matkovich Cantor, „ & Canonicus Zagrabienensis 1610. In medio ad Aquilonem inter alia sepulchra epitaphiis carentia, jacet Adm. R. D. Nicolaus Zalkochii Canonicus & Cantor cathedralis Ecclesiae Zagrab. nec non Praepositus Demeffen. obiit 1631.

Subsellia Cap. Chasmensis.

Ex opposito est altare S. Gervasii; in ejus pedibus lapide insignia habens Ven. quondam Michaelis Wites Praep. & Canon. Zagrabien. qui tabulam & stilos quatuor fecit anno 1499. Dicatum est

Altare S. Gervasii.

S. Gervasio, depicta Passio Salvatoris, in medio Crucifixio. Juxta est monumentum dicti Michaelis Wites cum epitaphio:

„Clauditur hic Michael Witez de nomine  
„gentis  
„Præpositus Templi, Stephane Sancte, tui.  
„Juris divini prælato schemate Doctor,  
„Quem Sanctus Michael sumpsit ad altra  
Poli.  
„Die 7. Mens. April. 1499.

XIX. Quæ in hac descriptione desunt, vel minus perspicue exposita sunt, suppleri atque intelligi possunt ex altera ejusdem Basilicæ descriptione, ad nos transmissa, quæ brevior quidem est, sed paullo dilucidior. Initium autem ducit a descriptione Arcis Episcopalis.

Arx Episcopalis.

Arx Episcopalis e regione urbis Gracensis habet ante se magnam aream. In facie habet tres turres rotundæ figuræ & cuspidatas, satis fortes. Inter secundam turrem ac tertiam est porta, supra quam insigne Cardinalis Erdeodi. Hanc Capitulares consecram dicunt impensis potiori ex parte Capituli; ac vero Episcopus Vincovichius solis sumptibus Episcopi. Est hæc Arx quadratæ figuræ. Murus lateralis ad dextram claudit Curiam Episcopalem. In muro, qui est e regione prospectus, respicitque Vicum Italicum, est alia porta, per quam exitur ad fontem Zogreb, unde hæc Arx Zagrabienensis dicta est. In medio hujus Arcis sedet insulata Cathedralis.

o

Ædes cathedralis.

Prospectus eminens Cathedralis unam tantum habet portam, cujus postes sunt elegantissimæ formæ & artificii præstantissimi. Portas minores hinc inde non habet, quia duæ turres sedent, ubi esse deberent. Dextera turris sublimis, fortis & ampla, multisque, iisque armonicis campanis instructa; est assatim completa. Altera vero elevatur quantum muri ipsius Ecclesiæ. Spatium quod interjacet inter duas turres, post ingressum, est veluti atrium quoddam, quod in faciem clauditur magno venustoque altari, non ita tamen, ut hinc inde non pateat amplius aditus ad corpus templi. Hoc in tres naves dividitur, quarum duæ laterales incipiunt a muro dictarum turrium, media vero a posteriori parte descripti altaris. Discriminantur columnæ a columnis, quibus octo arcus incumbunt, quorum primi quatuor a totidem succedentibus differunt altitudine; qui enim propiores sunt januæ, eminentiores sunt; qui vero ad summum altare accedunt, paulo demissiores, atque differentis structuræ; neque id aliquam parit deformitatem, quia alter ordo ab altero dividitur per chorum, qui medium Templum secatur, in quo est organum ex parte Evangelii; reliquum vero spatium inservit populo cultiori, cui placeat illuc conscendere per cochleam scalam marmoream, quæ e regione organi, innixa muro Templi laterali attollitur. Idem chorus aliquot columnellis a parte portæ sustentatur; ex parte vero sanctuarii muro innititur, cui quinque incumbunt altariola affabre exornata, medioque ex his altaribus, seu muri parti, cui hoc incumbit, adhæret magnificus Episcopi thronus, ad cujus latera sunt duæ portæ arcuatæ, quibus ad sanctuarium, e dicta porticu intratur. Duæ porro his longe majores intromittunt in interiores lateraliū navium partes. Hæc ut ex parte januæ majoris, ita ex parte sanctuarii sunt breviores media navi; hæc enim alias excedit, quantum extenditur Capella sanctuarii, cincta marmoreis balaustris, quæ ipsam

Chorus in  
Temple  
medio.

a choro cleri discriminant. Hic chorus habet eo; quo diximus, loco Sedem Episcopi; hinc inde vero stalla Canonorum sublimiora, & aliorum inferiorum paulo demissiora. Viginti duæ aræ, Aræ duæ eæque omnes pulcherrime instructæ assurgunt, & viginti. Omnes, uti altare summum, ad Orientem respiciunt. Sex adhaerent columnis trinis, & trinis, quæ arcus primi ordinis quatuor sustentant. Sex aliæ adhaerent hemicolumnis, quæ his columnis correspondent, & muris Templi lateralibus sunt adjectæ. Decimum tertium altare est illud, quod diximus occurrere post aliquot passus intrantibus Templum; decimum octavum numerum explent eæ quinque, quæ transversalem chorum exornant: vigesimum primum, & secundum duo, quibus terminantur naves laterales. Hisque tria accedunt in intima parte sanctuarii, seu in sacrario ipso; maximum medium, illudque prorsus ingens; alia vero duo hinc inde exigua valde, sed honesti prospectus, & venusta figuræ. Tribus vero aliisque totidem columnis partis interioris Templi adhaerent Canonorum stalla; quia illa duo navibus lateralibus sunt alia aræ; quia illa duo spatia, quæ clauduntur altaribus, suntque in prospectu dictis stallis, muro laterali, & non transversali, sunt duo veluti amplæ Capellæ, ad quas Canonici, ad varia devotionis exercitia solent accedere; ibique sua hinc inde stalla habentur. Totum Templum est fornice obductum, & qui secundum ordinem obtegit, ut est paullo demissior, ita est aliquanto venustior &c. Reliquæ desunt.

XX. Insigniores Divorum Reliquias, quæ Divorum asservantur in sacrario Basilicæ cathedralis, hic Reliquiæ describendas censeo ex catalogo Zagrabia transmissio.

Sacrum Corpus Infantis Innocentis integrum in decenti arca lignea inaurata conservatur. Benedictus Vincovichius Episcopus Zagrabienensis existimat huic Ecclesiæ donatum ab Andrea Rege, dum Hierosolymis per Zagrabiam in Hungariam rediret.

Sacrum Cranium D. Stephani I. Regis Hungariæ in statua pectorali, argento, & cupro deaurato, decenter & affabre, impensis Francisci Barbarini Cardinalis elaborata, & donata anno 1635.

Crux aurea, cujus pes est argenteus deauratus, pretiosis lapidibus & unionibus ornata, in qua conservantur aliquot particulae S. Crucis Dominicæ, quas creditur, ut Benedictus Winkovichius refert, huic Ecclesiæ donasse Macellinus Episcopus Zagrabien. qui ex Canonicatu Hierosolymitano ad hunc Episcopatum fuit vocatus.

Sacer digitus D. Joannis Baptistæ, quo Christum agnum demonstravit.

Sacrum Os de pede, vel ut Tomco Marnavitius scribit, integrum Brachium S. Petri Martyris Dominicani, a D. Augustino Episcopo Zagrabien. huic Ecclesiæ relictum.

Pallium S. Regis Ladislai, & Brachium dextrum.

Brachium S. Alexandri Martyris.

Costa S. Petri Martyr. Dominicani, & duo dentes a D. Augustino huic Ecclesiæ donati.

Particula Cranii S. Caji Papæ Martyris.

Amictus D. Augustini Episcopi Zagrabienensis.

XXI. Ecclesia Zagrabienensis in iis, quæ ad publicum Dei ac Divorum cultum pertinent, cærimonis utitur ac ritibus paullum diversis ab Romanis, quos ex ejus libris ritualibus cognoscere non injucundum Lectoribus fore existimo.

In

In Ecclesia cathedrali adhibetur color viridis in sequentibus solemnitatibus S. Ladislai Regis, S. Emerici Ducis, Elisabeth Regina, S. Mariæ Magdalena; Rubens in festo omnium Sanctorum; Flavus in festis Abbatum. In reliquis festis ut ex ritu & præscripto Romano.

**Tria Sacra quotidiana.** Singulis diebus ex antiqua consuetudine tria sacra, primum de B. Virgine, secundum de S. Stephano Rege Hung. tertium de S. Cruce leguntur; & eodem quidem tempore ad diversa altaria. Ad summum altare de S. Stephano Patrono; de S. Cruce ad altare S. Crucis; de B. V. ad altare B. V. & cantui respondent alumni sive seminarista, & clerici sive præbendarii. Hac autem sacra persolvuntur tempore hyemali, dum diescit; æstivo hora quinta post mediam noctem incipiunt, & ad horam sextam finiunt. Ad hæc omnes fere ex civitate conflunt, potissimum ex inferiore; dein pergunt ad labores.

In Adventu loco soliti sacri de B. V. cantatur sacrum votivum Rorate ad eandem intentionem. Primum cantat Antistes, deinde successive secundum ordinem senii Dignitates & Canonici. Diebus vero festis celebratur sacrum de B. V. in ara S. Crucis; post elevationem fit concio, & post concionem legitur privatum sacrum de S. Cruce pro populo tardius adveniente. Hoc sacrum persolvitur ritu Zagrabienſi. In festis intra hebdomadam celebrat Capitularis, assistentibus duobus præbendariis. Diebus autem Dominicis, itemque non præceptis celebrat præbendarius sine assistentibus.

Diffa tria sacra votiva sunt quocumque festo excurrente, exceptis solemnitatibus & octavis Resurrectionis, Nativitatis Domini, & Pentecostes. Tunc enim celebrantur, & leguntur juxta rubricam Missalis Romani.

**Concio matutina.** Concionem matutinam habent per turnum singulis festis de præcepto Capitulares, exceptis Præposito majore, Lectore, Cantore, Custode, & Præposito Chasmensi; neque ulla prorsus festa dies concione vacat. Potest tamen unusquisque impeditus alterum sibi substituere.

Ad Vesperas, & Matutinum Dom. Canonici, qui cantat, induitur pluviali, & tegitur bireto quadrato Romano more. Unus præbendarius in pluviali assistit; procul tamen ab illo sedet; & accedit cum præbendus est liber celebranti; cui etiam assistunt duo acolythi in pluviali, qui stant vel flectunt ad gradus altaris.

Festa mobilia sicut in Calendario Romano celebrantur, ceterum ritus Zagrabienſis servatur, ut etiam in aliis.

#### Ordo Missæ celebranda.

**Ordo Missæ.** XXII. Post peractam preparationem Sacerdos, antequam induatur vestibus sacris, deponat mitram propriam aut pallium suum, vel aliam vestem superfluam dicendo: „Exue me Domine veterem hominem cum actibus suis; & indue me novum hominem, qui secundum Deum creatus est in iustitia & sanctitate veritatis per Christum Dominum nostrum Amen. Deinde lavat manus dicendo: „Lavabo inter innocentes manus meas, & circumdabo altare tuum Domine; amplius lava me ab iniquitate mea, & a peccato meo munda me. Domine exaudi orationem meam &c. Domine vobiscum &c. Largire sensibus nostris omnipotens Deus, ut sicut hic exterius abluuntur inquinamenta manuum, sic a te mudentur interius pollutiones mentium, & cre-

„scat in me augmentum sanctarum virtutum; per Christum &c. Postea extergat manus dicens: „Da Domine virtutem manibus meis &c. uti in Missali Romano.

Tandem humerale apponat capiti dicens: „Pone Domine galeam salutis capiti meo ad expugnandas diabolicas fraudes, & omnes inimicorum versutias. Per Dom. nostrum &c. Post hæc induat albam & dicat: „Indue me Domine vestimento salutis, & tunica iustitiæ, indumentoque lætitiæ indue me semper, per Christum Dom. nostrum.

Præcingat se cingulo dicens: „Præcinge me Domine cingulo fidei, & constringe me dilectione Dei, & proximi per Christum &c. Ponat manipulum super manum sinistram dicens: „Manipulum innocentie pone Domine super manum meam, & appone iustitiam pro iniquitate mea. Per Christum &c.

Ponat stolam circa collum dicendo: „Stola iustitiæ circumdâ Domine cervicem meam, & ab omni corruptione peccati purifica mentem meam. Per Christum &c.

Postremo sumat casulam dicens: „Indue me Domine ornamento humilitatis, charitatis, & castitatis; & concede mihi protectionem contra hostem, & inimicum, ut valeam tibi puro corde, & corpore servire, & laudare nomen tuum sanctum, & gloriosum in sæcula sæculorum. Amen.

Tandem procedat ad altare, & dum appropinquat eidem, dicat psalmum „Judica me Deus, & discerne &c. Gloria Patri &c. quo finito psalmo, si fuerit tempore Adventus, flexis genibus ante altare incipiat & dicat Antiph. „Gabriel Angelus locutus est Mariæ. V. Spiritus Sanctus superveniat in te; R. Et virtus Altissimi obumbrabit tibi. Oratio: Deus, qui de B. Mariæ Virginis utero &c. Sed tempore Nativitatis usque ad festum Purific.

Antiph. „Maria intacta Virgo &c. V. „Post partum &c. Oratio: Deus qui salotis æternæ &c. Tempore autem Paschali, Antiph. „Regina cæli lætare &c. V. Ora pro nobis Sanctissima &c. Orat. Deus, qui per resurrectionem filii tui &c.

Aliis vero temporibus, Antiph. „Salve Regina &c. V. Post partum &c. Orat. Famulorum tuorum &c. vel Adjuvet nos quæsumus Domine &c.

Deinde prosequitur sic: „Adjutorium nostrum in nomine Domini, qui fecit cælum & terram; vias tuas Domine demonstra mihi, & semitas tuas edoce me; Et introibo ad altare Dei; Ad Deum qui lætificat juventutem meam. Confitemini Domino, quoniam bonus; Quoniam in sæculum misericordia ejus. Postea. „Confiteor Deo omnipotenti, & B. M. V. & beatis Apostolis Petro & Paulo, & omnibus Sanctis, & vobis fratribus; quia ego peccator peccavi nimis contra legem Dei mei, cogitatione, locutione, delectatione, consensu, visu, auditu, verbo, & tactu, opere, & omissione, mea culpa. Ideo precor B. V. M. beatos Apostolos Petrum & Paulum, omnes Sanctos, & vos fratres orare Deum pro me peccatore.

Et minister subjungat: „Misereatur tui omnipotens Deus &c. ac deinde dicat „Confiteor Deo &c. quo finito Sacerdos dicat absolutionem: „Misereatur vestri Omnipotens, & dimittat vobis omnia peccata vestra, liberet

vos ab omni malo, salvet & confirmet vos in omni bono, & perducatur in vitam æternam. Amen. Indulgentiam & absolutionem omnium peccatorum nostrorum, & spatium veræ penitentiae per gratiam Spiritus Sancti Paraclyti tribuat vobis omnipotens Pater, pius & misericors Deus.

R. „ Amen.

Deinde Sacerdos: „ Deus tu conversus vivificabis nos.

R. „ Et plebs tua lætabitur in te.

V. „ Ostende nobis Domine misericordiam tuam. R. Et salutare tuum da nobis.

V. „ Sacerdotes tui induantur iustitiam. R. Et Sancti tui exultent.

V. „ Hæc dies, quam fecit Dominus. R. Exultemus & lætemur in ea.

V. „ Post partum Virgo &c. *vel simile, consideratione habita, de quo debet Missam celebrare.*

V. „ Domine exaudi &c. R. Et clamor meus &c.

V. „ Dominus vobiscum. R. Et cum Spiritu tuo.

His dictis accedat ad altare erigendo se, & dicat: „ Oremus. Aufer a nobis quæsumus Domine omnes iniquitates nostras &c.

Hic & immediate, si & quando expedierit, benedicat incensum hoc modo: „ In nomine Patris, & Filii, & Spiritus Sancti, benedicatur incensum istud; & acceptabile fiat Omnipotenti Deo in odorem suavitatis. Per Dominum nostrum &c.

Deinde incenset altare dicens: „ Accendat in nobis Dominus ignem sui amoris, & flammam æternæ charitatis. Per Christum Dominum nostrum &c.

Antequam Sacerdos incipiat introitum Missæ, si ei placuerit, mittat vinum & aquam in calicem, *vel id facere poterit immediate ante Evangelium; aut tempore hyemali & frigoris immediate post offertorium, semper tamen dicendo, ut sequitur:* „ Ostende nobis Domine misericordiam tuam. Et salutare tuum de nobis. Domine exaudi &c. Dominus vobiscum &c. Deus qui humanæ substantiæ &c. *ut in Romano; deinde addat:* „ Ex latere Domini nostri Jesu Christi sanguis & aqua exiisse perhibetur: ideo utrumque dignetur benedicere, & in odorem suavitatis accipere. Per eundem Christum &c. Oremus: Fiat hæc commixtio vini & aquæ pariter in nomine Patris, & Filii, & Spiritus Sancti, Amen.

Deinde incipiat introitum, & dicto Kyrie eleison &c. dicendum est sequens Gloria in excelsis in Missis B. M. V.

„ Gloria in excelsis &c. usque ad Domine Fili Unigenite Jesu Christe. Additur: Spiritus & Alme orphanorum Paraclyte. Domine Deus Agnus Dei Filius Patris, Primogenitus Mariæ Virginis Matris, qui tollis peccata mundi miserere nobis, qui tollis peccata suscipe deprecationem nostram ad Mariæ gloriam &c. quoniam tu solus Sanctus Mariam sanctificans, tu solus Dominus Mariam gubernans, tu solus Altissimus Mariam coronans Jesu Christe &c. In Missis autem aliis dicatur sine particulis interjectis.

Cætera prosequatur Sacerdos ut moris Romani est.

Finito Evangelio Sacerdos dicat: „ Per istos

sermone Sancti Evangelii filii sui Domini nostri Jesu Christi indulgeat nobis Dominus peccata nostra, & concedat nobis implere sua præcepta. Amen. Et deosculatur Evangelium dicens: „ Pax Christi, quam Dominus nobis per Evangelium suum tradidit, conferet, & confirmet corda, & corpora nostra in vitam æternam. Amen.

Deinde immediate dicat, quando dicendum est; Symbolum.

Post hæc Sacerdos vertatur ad populum; & dicto „ Dominus vobiscum &c. & facto offertorio, faciat crucem super panem & calicem dicens: „ Sanctifica quæsumus Domine hæc oblationem; ut nobis unigeniti filii tui Domini nostri Jesu Christi corpus & sanguis fiat.

Hic accipit patenam cum pane, tenens ambabus manibus dicat: „ Sulcipe &c. ut in Miss. Romano; deinde calicem cum vino dicens: „ Offerimus &c. ut in Romano: In Spiritu humilitatis, &c. ut in Rom. deinde: „ Veni sanctificator omnipotens æternæ Deus, & benedic hoc sacrificium tuo sancto nomini præparatum: in nomine Domini nostri Jesu Christi sit signatum & ordinatum, & a te Deo vivo & vero adunatum & benedictum.

Hic iterum inclinat se ante altare dicens: „ Sulcipe Sancta Trinitas &c. ut in Rom.

Convertens se ad populum dicat: „ Orate pro indigno fratre, & sorore, ad Dominum Deum Patrem omnipotentem, ut meum & vestrum sacrificium acceptabile sit omnipotenti Deo.

Circumstantes vero respondeant, si sint, qui intelligant: „ Suscipiat Dominus, ut in Romano.

His peractis, & dictis secretis, dicat Præfationem vel communem vel propriam; omnes concordant cum Romanis, nisi quod in Præfatione B. M. V. additur: „ Et te in . . . B. M. semper per Virginis exultantibus animis collaudare. In Canone omnia concordant cum Miss. Romano, excepto quod sit mentio Regis.

Ubi in Miss. Rom. dicitur: „ Hæc commixtio &c. in Zagrabien. „ Fiat commixtio Corporis & Sanguinis Domini nostri Jesu Christi omnibus nobis accipientibus salus animæ, & corporis in vitam æternam. Amen.

Quando datur pax, deosculato altari, Minister dat pacem dicendo: „ Pax tecum, & cum spiritu tuo. Item Sacerdos dicat: „ Habete vinculum pacis & charitatis, ut apti sitis sacrosanctis mysteriis. Amen.

Cætera ut in Missali Romano.

XXIII. Ecclesiam & Episcopos Zagrabienles tum copiosis vestigalibus, tum vero plurimis, & amplissimis privilegiis Reges Hungariæ cumularunt, quæ suis deinceps locis & temporibus inferenda erunt. Hæc diocesis latissime patens, partem aliquam ultra Dravum, & Muram; citra Savum vero Chrobotiam fere totam intra montes Dalmatiæ complectitur. Ex dimensione Raphaelis Levacovichii centum & quinquaginta millia passuum in longitudinem, totidem in latitudinem protenditur. Ab occasu Norico mediterraneo, nunc Styria, & Carniolia, ab oriente Quinqueecclesiensi, & Sirmienfi diocesi terminatur. Ad septentrionem Jaurinensi & Vesprimienfi, ad meridiem Tinniniensi, & Senienfi diocesi finitima est. Particulam e Slavonia fere media eidem detractam obtinet Episcopus Bosnensis, sive Diacovenfis. De Possega,

Diocesis Zagrabien. amplitudo & confini.

sega, quæ civitas est in mediâ fere Slavonia frequens ac nobilis, unde Comitatus Posslegensis nomen accepit, ejusque territorio controversia fuit, utrum Quinqueecclesiensis, an Zagrabienensis diœceles finibus includeretur; alias huic, alias illi Episcopo attributam fuisse invenio. Multos pagos, arces, & castella possident Episcopi Zagrabie, in quibus jure utroque ecclesiastico, & civili dominantur; atque uberimos inde proventus ac decimas percipiunt. Tres non exiguas regiones huic Ecclesiæ ab ejus conditore S. Ladislavo attributas fuisse ajunt, Chasnam, Ivanichium, Dumbra, sive Dumbavam. Quæ ad eas pertinent, loca præcipua Comes Nicolaus Elzterhasius Regni Hungariæ Palatinus nominatim percenset in ea sententiâ, quam secundum Ecclesiam Zagrabiensem anno 1628. in Comitibus Poloniensibus tulit: *Post copiosam litterarum, & litteralium Instrumentorum, privilegiorumque & parium documentorum, antiquiorum nempe, & ob ejusmodi antiquitatem venerandorum, omnique suspicionis carentium, regestorum & urbariorum productionem; ad Episcopatum Zagrabiensem pertinent possessio sive districtus Dombro, sive Dumbava, cum pagis Behonin, aliter Beholim, Verhouljan, aliter Marinkovo, Szello, Zekovecz, Parussovecz, Markovecz, Koritno, Fuka, Zaberdia, Giurgievecz olim, nunc Gyurgick, aliter Szlovenezi, Tochenik, Veszelkovecz olim, nunc Venekovecz, aliter Dragichevo Szello, Hegen, Bolch, Kebe, Vukjincz Lubena, Lemes, Szent Gyorgii, vulgo Sz. Gyurgii, cum Czubinecz, & Lemessero, Kapolna, vulgo Kapella; item altera Kapolna Habianovecz. Præterea possessio sive districtus Chasna, cum castro & oppido ejusmodi nominis, & castellis Garich, & Gyumenech, aliter Boszilievo, nec non Szerdahely, vulgo Szeredicza, & Nartb oppidis, & villis Szischan, Szloboda, Gradichna, Deves, Glogh, Remetinecz, Poliana. Insuper tota insula Ivanich appellata, complectens in se pagos, partim de facto etiam per Episcopum Zagrabiensem possessos, partim vero per Valachos occupatos; nimirum oppidum S. Crucis in Obedt cum pagis numero 18. intra ambitum ejusdem insula adjacentes; denique tres villæ sive pagi Bregb, Szent, Laszlov, & Kamarnicza.*

Castrum  
Medved  
olim juris  
Episcopalis,  
deinde  
ad jus laicale  
devolutum.

Ad jus ac dominium episcopale pertinebat etiam castrum Medvedar, sive Medved in Comitatu Zagrabienfi, non longe ab Sava, quod Philippus Episcopus sæculo decimo tertio edificavit, & Belæ IV. Regi pro thesauro regio custodiendo ad tempus commodavit. Illud Ladislavus IV. Rex nepos Belæ anno 1273. Episcopo & Capitulo restituit; sed postquam Johannes Episcopus cuidam Dynastæ jure fiduciario possidendum dedit, ex aliis deinde ad alios dominos libero ac pleno jure migravit; neque umquam sub potestatem Ecclesiæ rediit, quamvis ejus recuperandi causa Episcopus & Canonici nullis litibus, aut sumptibus pepercerint. Alios præterea pagos & villas juris & ecclesiastici & episcopalis nominatim percenset Balthasar Adamus Kereselich Canonicus Ecclesiæ Zagrabienfis. Sunt autem Buzie hodie in dominio Orahovicensi, Barova in dominio Vuchin, Brogianeza in dominio Valpo, Budanicza in Verocensi, Chachinezi in dominio Orahovicensi, Chiagavicza in Valpo, Chernacz in Orahovicza, Dolczi sive Dolenzi in Orahovicza, Gachische seu Bachische in Vuchia, Kapelna in Orahovicza,

Kapinczi in Veroviticensi, Koricze in Verocensi, Lipovecz, seu Lipoa in Verocensi, Lukaucz in Verocensi, Medinczi, Melani, Mibolyancz, seu Miholiacz, Nabodonecz, Noskovecz, seu Viskovecz, Novakii, seu Novakovecz, Oressecz, Reidfalije, Szladojevecz, Sztarin, Turbina, nunc Bakichie, Verovecza, Uranosserecz; & alia multa, quibus adde ex eodem Vaskam, Zopien, Slatinam in Comitatu Verocensi, uno de octo Slavoniæ Comitatibus; quæ loca, inquit, ad Episcopatum pertinentia esse Carolus ipse VI. per donationem suam 1728. emanatam, agnovit. Sed nobilitas & amplitudo Ecclesiæ Zagrabienfis nullam melius cognosci potest, quam ex numero, dignitate, jurisdictione Archidiaconorum, qui sunt pars primaria & illustrior Capituli Zagrabienfis. Hi autem sunt omnino quatuordecim; Zagrabienfis qui etiam Cathedralis vocari solet ab cathedra episcopali, Dubicensis, Camarcensis, Gorenfis, Zagorienfis, Szinczenfis, Gueschenfis, Goricensis sive Guerchenfis, Kemlekenfis, Chasmenfis, Valkensis, Bexinenfis, Varaldinenfis, Urboczenfis. Hi præter oppidum & Ecclesiam primariam, unde cognomen traxerunt, subjectas sibi habent aliquot minores Ecclesias, sive Parœcias, alii plures, alii pauciores, quas Parochi, quos Plebanos vocant, suis cuique præpositus, administrant. Has Archidiaconi statim temporibus more quasi episcopali perlustrant, ex his partem decimarum percipiunt, in his jurisdictionem exercent, ac de omnibus controversiis, quæ ad curam animarum, remque ecclesiasticam pertinent, cognoscunt, & sententiam ferunt, a qua tamen ad Episcopum appellari licet; at si quæ graviores causæ incidunt, eas, secluso quolibet intermedio Archidiaconorum judicio, ad tribunal Episcopi deferri oportet. Præterea jure Cathedralitici æque gaudent, ut Episcopi. Est autem Cathedraliticum tributum exiguum duorum solidorum, quod Parochi Episcopo, cum lustrat diœcesim, honoris causa solvere consueverant, ad suam erga Cathedralis Episcopalem reverentiam ac venerationem testificandam: quod quidem tributum Synodus Tridentina, ex declaratione Cardinalium interpretum, cum solum a Parochis pendendum esse decrevit, cum ad Synodum diœcesanam conveniunt; ex qua etiam Synodaticum appellari solet, quamvis antiquitus Synodaticum a Cathedralitico distinguebatur, & utrumque usu vigeat, ut docet Ludovicus Thomassinus par. III. lib. 2. cap. 34.

Archidiaconi Eccl. Zagrabien. quatuordecim.

Extat codex pervevulus in sacratio Zagrabienfi, conscriptus anno 1334. ex quo jurisdictionem Archidiaconorum amplissimam fuisse constat, quam etiamnum, licet aliquot locorum & parœciarum detractione diminutam, retinent. De Archidiacono Zagrabienfi. itemque aliis hæc ibi memoriæ prodita sunt: *Archidiaconus Ecclesiæ nostræ, qui dicitur Cathedralis, habet stolum in choro dextro, circa cantorem, & vocem in Capitulo post Chasmensem Præpositum immediate. Idem autem Archidiaconus, & alii Archidiaconi singuli in nostra Ecclesia obtinent de consuetudine jurisdictionem in causis spiritualibus in suis Archidiaconatibus singulis; causæ hujusmodi ab eisdem per appellationem possunt deduci ad examen prelati nostri Zagrabienfis Episcopi, nisi aliqua ex his a primo litis exordio, per citationem ad curiam Domini Episcopi deducantur, in quo casu locus præventioni datur, salvis arduis casibus, qui Episcopi dignitati semper*

Pura & proventus Archidiaconorum Zagrabien.



per deferuntur. Item Archidiaconus Cathedralis in Archidiaconatu suo habet ex præscripto in certis locis sui Archidiaconatus quartam ex decimis & paræciis sibi proventientem; huic hodie subsunt paræciæ ad septem & quadraginta; in his quatuor urbanæ, reliquæ in territorio Zagrabienſi. Archidiacono Camarcenſi in eo codice præter cathedraliticum tribuitur quarta pars decimarum in eodem Archidiaconatu ubique, & in omnibus rebus decimalibus præter illas, quæ de Comitatu Domini Episcopi apud S. Ladislaum de Komarcha existunt, quoniam ibi decimæ totaliter recipiuntur pro cellario Domini Episcopi in vino & blado. Habet nunc paræcias viginti. Archidiaconi Goricensis sive Guerchenſis proventus fuere primo in cathedralitico Sacerdotum, sicut in aliis Archidiaconatibus, item in muneribus, sive agnis præsentandis; secundum in hoc Archidiaconatu ex consuetudine est indutum, quod Vicarii ipsius Archidiaconi de singulis Ecclesiarum Rectoribus debent habere de quolibet agno & capra duos denarios, & sic Archidiacono cedunt tantum decem. Item duo denarii cedunt a quolibet Sacerdote. Rectores Ecclesie similiter, Vicario, quando colligit cathedraliticum, & hi ultra denarios 50. qui ultimi duo denarii competunt cuilibet Archidiaconi Vicario cathedraliticum congreganti. Quarta autem decimarum plena in omnibus rebus decimalibus cedit Archidiacono de Guerche in suo Archidiaconatu, cum aliis redditibus, qui Archidiacono Zagrabienſi debent provenire. Hic latissime ditionem suam proferebat in tribus territoriis, quos Districtus vocant, scilicet Goricensi, Podgorienſi, Metlicenſi. Primum habet tres & triginta paræcias, quas omnes, præter unam, partem Valachi ritus Græci, partim Turcæ occuparunt. In altero sunt paræciæ circiter viginti. Tertium magna ex parte ab Archidiaconatu Goricensi & Ecclesia Zagrabienſi avulsum, transivit sub jus & potestatem Ordinis Teutonici.

Kemlekenſis 20. paræcias complectitur, quarum pleraque Rasciani schismatici invaserunt. Zagorienſi nunc viginti, Szinczenſi viginti quatuor, Guelchenſi undetriginta, Chalsmenſi triginta quinque, Gorenſi quatuordecim, Dubiczenſi duæ solum paræciæ attribuuntur. Plures olim habebant, quas Valachi, vel Turcæ ademerunt.

De Vaskenſi codex supra laudatus: Reditus ac proventus ipsius consistunt, in quibus & superiores, præter tenuta Domini Episcopi. Paræcias olim habuit triginta quatuor; nunc multo pauciores. De Bexinenſi idem codex: Reditus & proventus hujus Archidiaconatus consistunt in cathedralitico, & jurisdictione, sicut aliorum, in quarta autem decimarum similiter. Habet duo territoria, sive districtus; & alterum in insula Murana inter Muram & Dravum; alterum vero trans Muram; in utroque plures olim paræciæ, omnino ad quinquaginta. De Archidiacono Varaldinenſi: Reditus & proventus hujus Archidiaconi consistunt in cathedralitico, & jurisdictione, & in plena quarta decimarum, præter illas, quæ pertinent ad cellarium Domini Episcopi Zagrabienſis. Nunc ei subsunt paræciæ tredecim. De Urboczenſi: Officia ejusdem & jurisdictionis, ac proventus iidem, qui superius proximi, cum omnibus decimis de suo Archidiaconatu, quæ modernis temporibus male solvuntur, & pejus percipiuntur.

Numerum Archidiaconorum olim augebat

decimus quintus Muracenſis ab oppido Muraco denominatus, cujus jurisdictionis Dravum transgressa haud paucas in proximo Norico, seu Marchia-Vindorum, nunc Styria, paræcias complectebatur. Sed de his multæ & magnæ contentiones fuerunt Episcopis Zagrabienſibus cum Archiepiscopis Salisburgi. Quæ controversia sæpius agitata, cum numquam dirimi potuisset, Augustinus Gazzotus Episcopus Zagrabienſis relictis, quæ trans Dravum erant, ab occasu paræciis, ceteriores retinuit, & Muracenſis Archidiaconi titulo abolito, eas ad jurisdictionem finitimi Archidiaconi Bexinenſis adjunxit. Ex hoc Archidiaconorum numero, & jurisdictione amplissima, dignitas & magnitudo diocesis Zagrabienſis cognosci potest.

Nunc de Clero Basilicæ cathedralis, cujus triplex est ordo. Primum Canonici, secundum illi, quos Præbendarios vocant, tertium Alumnus Seminarii Episcopalis constituunt. Collegium Canoniorum constat ex Archidiaconis, quos supra nominavi, ac tredecim aliis inferioris ordinis Canonici, quos Magistros vocant. His addit tres alios Lectorem, Cantorem, & Custodem. Inter Archidiaconos septem majores, septem minores vocantur. Omnibus dignitate & loci primatu antecedit Præpositus Major, cui perpetuo annexi sunt duo Archidiaconatus Gorenſis, & Zagorienſis, sic prorsus, ut idem sit Præpositum Majorem fieri, atque in possessionem mitti utriusque Archidiaconatus. Huic proxime accedit Lector, cujus est nomine & auctoritate Capituli litteras conficere, decreta componere, leges conscribere, atque indicere. Tertium locum tenet Cantor, qui choro & caerimoniis præest, idemque quotidianæ psalmodiæ, & liturgiæ rationem præscribit. Hæ sunt tres primariæ Dignitates, quas etiam Columnas vocant Capituli Zagrabienſis; quippe honoris locique primatu gaudent, & cum aliqua jurisdictione administrationem rerum ecclesiasticarum conjungunt. His proximus est Præpositus Chalsmenſis, qui duos iidem Archidiaconatus antiquo jure obtinet, Szinczenſem, & Guelchenſem; & jam inde ab sua primæva institutione ad Capitulum Zagrabienſe aggregatus fuerat. Erat Chalsmæ insignis Collegium Canoniorum; oppido a Turcis capto & direpto, Zagrabiam translatus est, & cum Capitulo & clero Zagrabienſi junctum. Post Præpositum Chalsmenſem, quintum subtelium tenet Archidiaconus Zagrabienſis, sive Cathedralis, qui præter cetera, quibus fungitur, munera, ordinem seriemque describit concionum, quæ festis diebus in æde cathedrali ab Canonici haberi solent, & suas cuique assignat. Duo deinde sequuntur Archidiaconi majores itidem appellati, Dubiczenſis, & Camarcenſis. Septem vero minores Archidiaconos, qui ad secundam ordinis archidiaconalis classem pertinent, hoc ordine nominatos invenio, Goricensem sive Guerchenſem, Kemlekenſem, Vaskenſem, Chalsmenſem, Bexinenſem, Varaldinenſem, Urboczenſem. Inter Archidiaconos & Canonicos postremi ordinis interjectus est Custos, his prælatus, illis postpositus, quem quartam Ecclesiæ Columnam vocant. Huic præfectura sacrarii, curatio suppellectilis sacre, & custodia tabularii capitularis concedita est. Præter Archidiaconos, & quatuor illos, quos nominavi Præpositum, Lectorem, Cantorem, Custodem, reliqui Canonici sunt tredecim, qui

Muracenſis olim erat Archidiaconus decimus quintus.

Clerici Basilicæ cathedralis ordo triplex.

I. Capitulum constans ex Archidiaconis, & tredecim inferioris ordinis Canonici.

ulti-

ultimam Capituli partem conficiunt. Hos, ut dixi, *Magistros* appellant. Ex his duo titulos honorarios, sed inanes, & ab omni proventu vacuos gerunt, ab Episcopo utrique collatos. Alter *Præpositus S. Mariæ de Vaska inferiori*, alter *Præpositus S. Stephani de Alba* nominatur; hac honoris nota, sive insigni, uterque a ceteris ejusdem ordinis Canonicis distinguitur; quod hi dimidio tantum, illi vero integro cucullo & pallio induti sedent, sacrisque functionibus intersunt. Canonici omnes numerum duodetrecimum non excedunt; antiquitus fuisse ajunt duos & triginta. Potestas eligendi creandique Archidiaconos & Canonicos est penes Episcopum, jus vero nominandi Præpositi majoris Rex Hungariæ sibi vindicat.

Ita Capitulum Zagrabienſe univerſum quadripartito diviſum eſt, hoc prorsus ordine:

### I. Dignitates.

Præpositus Major, Lector, Cantor, Præpositus Chasmenſis, Cuſtos.

### II. Septem Archidiaconi Majores.

Cathedralis, Dubicenſis, Camarcenſis; quibus adde Gorenſem & Zagorienſem, Szinczenſem, & Gueſchenſem; ſed hi quatuor numerum Canonicorum non augent; nam Archidiaconatus Gorenſis & Zagorienſis Præpoſituræ Majori, Szinczenſis & Gueſchenſis Præpoſituræ Chasmenſi annexi ſunt.

### III. Septem Archidiaconi Minores.

Goricenſis, ſive Guerchenſis, Kemlekenſis, Vaſkenſis, Chasmenſis, Bexinenſis, Varaldinenſis, Urbocenſis.

### IV. Canonici poſtremi ordinis omnino tredecim, quos Magiſtros appellant.

II. Cleri Zagrabienſis ordo ſunt Manſionarii.

Ad ſecundum Cleri Zagrabienſis ordinem pertinent Presbyteri Canonicorum adjuutores ad pſallendum, & alia publicæ religionis officia peragenda, quos *Præbendarios* vocant, propterea quod e proventibus Eccleſiæ, ſua cuique portio, ſeu penſio præbetur. Ab ſtatione, ſive manſione in choro dicuntur etiam Manſionarii. Canonici onus quotidianæ pſalmodiæ nimis grave ſibi eſſe ducebant, ob eamque cauſſam ad illud ſuſtinendum, ſequæ ſublevandos vel eximendos, duodecim e clero delectos Sacerdotes ſubrogarunt. Sed poſt epistolam encyclicam Benediſti XIV. *Super Miſſa parochiali & conſuetudinali*; ſi cantu neglecto, ſolam præſentiam choro exhibeant, vereor ut muneri ſuo ſatisfacere queant, niſi, ut Pontifex ait, privilegio aliquo apoſtolico & legitimo nitantur. His igitur ſive *Præbendariis*, ſive Manſionariis ædes attributæ ſunt in Civitate Capitulari, & e fundis ac proventibus cujuſque Canonici tantumdem detractum eſt, quantum in eorum victum cultumque ſatis foret. Sua cuique ſubſellia infra Canonicos assignata; ac primo ita conſtitutum fuerat, ut omnes ſingulis diebus in Odeum convenirent, & ſeni ex una, totidem ex altera parte divinas laudes alternis canerent. Sed poſtquam Georgius Draskovitiuſ Episcopus Zagrabienſis Seminarium clericorum inſtituit, decretum fuit, ut hi quotidianum illorum laborem ſublevarent; ac ſeni ſolum ex ſecundo Cleri Zagrabienſis ordine diebus profeſtis choro intereſſent, reliquorum abſentium vicem implerent alumni; ac vero Dominicis

ac feſtis diebus illorum nemini abeſſe licet. Canonici Chasmenſes, qui poſt civitatem illam & Eccleſiam ſub poteſtatem Turcarum redactam, proventibus ac rebus omnibus ſpoliati, Zagrabiam confugerunt, ad Clerum Zagrabienſem aggregati ſunt; atque ut haberent, unde viverent, ut quiſque vel e primo Canonico- rum, vel e ſecundo Presbyterorum collegio e vita decederet, Episcopus unum de illis profu- gis in locum demortui ſubrogabat. Ita Cano- nici Chasmenſes partim primum, partim ſecun- dum Cleri Zagrabienſis ordinem adepti ſunt, vel etiam ad regendas parœcias deſtinati. Ne- que tamen poſt Eccleſiam illam & priſtinam ſedem amiſſam, collegium Canonicorum diſſo- lutum fuit; nam quamvis intermiſi ſunt Ca- nonicis, & Præbendariis Zagrabienſibus, ac diſtinctione duorum ordinum alii ab aliis ſe- juncti, vel etiam aliquo alio Sacerdotio prædi- ti, unius tamen collegii corpus efficiunt; no- men, jura, privilegia, dignitates Capituli Chaſ- menſis retinent; & ſub proprio tum Præpoſito, tum Archidiacono inter ſe conſociati, ſuis le- gibus utuntur, ſuos agunt conventus, & quæ pertinent ad conſociationem communitatemque Capitularem, rite ſanciunt ac decernunt.

Tertius & poſtremus ordo Cleri Zagrabienſis conſtat ex alumnis Seminarii Episcopalis, qui præter domeſticas litterarias exercitationes, choro & ſacris inſerviunt, Episcopo, Canonicis, cete- riſque Presbyteris, cum ii ritu ſolemni rebus divi- nis operantur, aliæſve eccleſiaſticas cærimonias obeunt, miniſterium præbent. Hujus Seminarii, quod Georgius Draskovitiuſ, ut dictum eſt, fundavit e præſcripto & norma Concilii Tri- dentini, exigua fuerunt initia, exiguus nume- rus alumnorum, propter tenuitatem vectiga- lium, quæ ad eorum victum e proventibus Men- ſæ Capitularis assignata fuerant. Qui alumnis præſideret eoſque in officio ac diſciplina conti- neret, *Sublector* Capituli conſtitutus eſt; is, qui Canonico Lectori, ad ejus munus fungen- dum vicariam operam navat, cuique ex menſa ejusdem Lectoris victus quotidianus præbetur, & præterea porriuncula quædam tritici, vini, & pecuniæ ex Menſa Capitulari. Idem vero & Rector, & Magiſter erat Clericorum, qui ab eo & bonis moribus imbui, & latinis litteris erudiri debebant. Sed poſtquam Petrus Domitrovichiuſ Episcopus cœnobium Ciſterciènſe B. Mariæ in area Capitulari ſitum, & deſertum a monachis, cum proventibus eidem annexis anno 1621. Se- minario attribuit, ac deinde ex Canonicorum, & piorum hominum liberalitate vectigalia Se- minarii Zagrabienſis magis magiſque aucta ſunt, crevit quoque numerus alumnorum, & duo additi magiſtri, unus qui inſimæ & inferioris, alter qui ſupremæ Grammaticæ, & conſtruendæ orationis præcepta traderet. Sublector autem munus onuſque Poſſeos, & Rhetoricæ docen- dæ ſuſcepit.

Nunc ſeries Episcoporum Zagrabienſium ex-SeriesChro- nologica E- piscoporum Zagrabien- ſium. applicanda, atque in ordinem chronologicum re- digenda.

- I. Duh an. circ. 1093.
- II. Bartholomæus an. circ. 1098.
- III. Singidunus an. circ. 1101.
- IV. Francica an. circ. 1112.
- V. Macellinus an. 1131.
- VI. Gothſaldus an. circ. 1150.
- VII. Bernaldus an. circ. 1160.

### VIII.

Canonici Chasmenſes ad Ca- pitulum, & Clerum Za- grabienſem aggregati.

III. Cleri Zagrabienſis ordo Se- minarium Episcopale abGeor- gioDrasko- vitio inſti- tutum.

- VIII. Job an. circ. 1166.  
 IX. Prodanus an. 1170.  
 X. Ugrinus electus an. 1175.  
 XI. Prodanus II. an. 1176.  
 XII. Timotheus an. 1186.  
 XIII. Dominicus an. 1190.  
 XIV. Gotthardus an. 1207.  
 XV. Stephanus an. 1215.  
 XVI. Stephanus II. an. 1225.  
 XVII. Philippus an. 1251.  
 XVIII. Timotheus II. an. 1266.  
 XIX. Antonius an. 1287.  
 XX. Joannes an. 1288.  
 XXI. Michael an. 1295.  
 XXII. S. Augustinus an. 1304.  
 XXIII. Stephanus III. an. 1319.  
 XXIV. Nicolaus an. 1321.  
 XXV. Jacobus an. 1322.  
 XXVI. Ladislavus an. 1324.  
 XXVII. Jacobus II. an. 1325.  
 XXVIII. Ladislavus II. an. 1326.  
 XXIX. Jacobus III. an. 1343.  
 XXX. Dionysius an. 1349.  
 XXXI. Nicolaus II. an. 1350.  
 XXXII. Stephanus IV. an. 1356.  
 XXXIII. Demetrius an. 1376.  
 XXXIV. Paullus an. 1379.  
 XXXV. Joannes II. an. 1388.  
 XXXVI. Joannes III. an. 1395.  
 XXXVII. Eberhardus an. 1398.  
 XXXVIII. Andreas an. 1408.  
 XXXIX. Eberhardus iterum an. 1410.  
 XL. Joannes IV. an. 1420.  
 Interregnum Episcopale an. 1433.  
 Matko sive Matthias Gubernator, &  
 Joannes Ep. Tinninienfis Administra-  
 tor I. Episcopatus Zagrabienfis an.  
 1433.  
 Abel Episcopus Olmenfis Administ. II.  
 an. 1439.  
 Joannes Ep. Lydenfis Administ. III.  
 an. 1441.  
 XLI. Benedictus an. 1442.  
 XLII. Balthasar an. 1454.  
 XLIII. Demetrius II. an. 1458.  
 XLIV. Osvaldus an. 1466.  
 XLV. Lucas an. 1500.  
 Thomas Baracsius Arch. Strig. & Card.  
 Administ. Eccl. Zagrab. an. 1511.  
 XLVI. Joannes V. an. 1514.  
 XLVII. Simon an. 1518.  
 XLVIII. Nicolaus III. an. 1543.  
 XLIX. Volphangus an. 1548.  
 L. Paullus II. an. 1550.  
 LI. Matthias an. 1558.  
 LII. Georgius an. 1563.  
 LIII. Joannes VI. an. 1578.  
 LIV. Petrus an. 1585.  
 LV. Caspar an. 1589.  
 LVI. Nicolaus IV. an. 1600.  
 LVII. Simon II. an. 1604.  
 LVIII. Petrus II. an. 1613.  
 LIX. Franciscus an. 1618.  
 LX. Benedictus II. an. 1637.  
 LXI. Martinus an. 1643.  
 LXII. Petrus III. an. 1649.  
 LXIII. Martinus II. an. 1668.  
 LXIV. Alexander an. 1688.  
 LXV. Stephanus V. an. 1695.  
 LXVI. Martinus III. an. 1704.  
 LXVII. Emericus an. 1708.  
 LXVIII. Georgius II. an. 1728.

- LXIX. Franciscus Xaverius an. 1749.  
 LXX. Franciscus II. an. 1751.  
 LXXI. Joannes Baptista an. 1770.  
 LXXII. Josephus an. 1772.

*Præpositi Majores Ecclesie Zagrabienfis.*

Præpositura prima est & summa Dignitas Capituli Zagrabienfis, cui sæculo decimo septimo Urbanus Papa VIII. mitra gestandæ, Ferdinandus II. Imperator, idemque Rex Hungariæ, sententiæ dicendæ in Comitibus generalibus, & suffragii ferendi jus contulerunt. Hac dignitate qui præditi sunt, Præpositi majores appellantur. Horum Seriem Chronologicam, quamvis multis lacunis interruptam, ex tabulis Zagrabienfis describere visum est. Nomina veterum Præpositorum proximi post conditam Ecclesiam Zagrabiensem sæculi vetustas & obli-  
vione interceptæ; neque ullum sæculo decimo ter-  
tio antiquiorem proferre possum.

*Sub Stephano Episcopo inter annos 1215. &  
1225.*

Cyriacus Præpositus major Ecclesie Zagra-  
bienfis.

Phile seu Philippus, antea Præpositus Chaf-  
menfis.

*Sub Timotheo II. Episcopo inter annos 1266.  
& 1287.*

Joannes, postea Episcopus Zagrabienfis.

*Sub Stephano III. Nicolao & Jacobo Episcopis  
inter an. 1319. & 1324.*

Jacobus, postea Episc. Zagrabien.

*Sub Jacobo II. Ladislavo II. & Jacobo III. Ep.  
inter an. 1325. & 1349.*

Jacobus II. ex Capellano regio.

*Sub Dionysio, Nicolao II. Stephano IV. Deme-  
trio Episcopis inter annos 1349. &  
1379.*

Ladislavus ex Præposito Chafmenfi.

Nicolaus.

*Sub Paulo, Joanne II. Joanne III. Ep. inter  
annos 1379. & 1398.*

Nicolaus II.

Ladislavus II.

*Sub Eberhardo, Andrea, Eberhardo iterum,  
Joanne IV. & Benedicto Ep. inter annos  
1398. & 1454.*

Dominicus.

Matthias.

Vitus de Desew.

Michael Voightes.

Matthias II.

*Sub Balthasare, Demetrio II. Osvaldo Episcop.  
inter annos 1454. & 1500.*

Vitus Alemanus.

Michael II.

Alphonfus Thuz.

Andreas de Andreis.

*Sub Luca, Joanne V. Simone, Nicolao III.  
Volphango Episc. inter annos 1500.  
& 1550.*

Albertus de Capzno.

Thomas Barkacs.

Andreas II.

Paullus Gregorianczius.

*Sub Paulo II. Matthia, Georgio, Joanne VI. Petro,  
Caspare Ep. inter annos 1550. & 1600.*

Georgius Tompa.

Matthias Brumanus.

Paul-

Paullus Zondinus.  
Joannes Monofzlavus.  
Petrus Herefinczius.  
Caspar Ztzankovachius.  
Nicolaus Zelnicius.

*Sub Nicolao IV. Simone II. Petro II. Francisco,  
Benedicto II. Martino, Petro III. Martino  
II. Alexandro, Stephano V. Episc.  
inter annos 1600. & 1700.*

Franciscus Erghelius.  
Petrus Domitrovichius.  
Balthasar Napulius.  
Benedictus Vinkovichius.  
Nicolaus Dianezevicius.  
Martinus Bogdanus.  
Alexander Mikulichius.  
Stephanus Silisevicius.

*Sub Martino III. & Emerico Episcopis.  
Paullus Cheskovichius.*

*Archidiaconi Cathedrales Ecclesie  
Zagrabiensis.*

Inter quatuordecim Archidiaconos, qui proximum post Dignitates Capituli locum tenent, Archidiaconus Aedis Cathedralis Zagrabienfis omnibus auctoritate, & subfelli primatu antecedit, & Cathedralis appellari solet. Multos e prioribus saeculis vetustas posteritati praecepit, paucos reliquos fecit, quorum primus

*Sub Prodano utroque, Ugrino, & Timotheo  
Ep. inter annos 1170. & 1190.*

Buranus Archidiaconus Cathedralis.

*Sub Stephano II. Philippo, Timotheo II. Antonio Ep. inter annos 1225. & 1288.*

Petrus.  
Albertus.  
Petrus II.

*Sub S. Augustino, Stephano III. Nicolao, Jacobo, Ladislavo, Jacobo II. Ladislavo II. Jacobo III. Dionysio, Nicolao II. Stephano IV. Demetrio, Paulo, Joanne II. Joanne III. inter annos 1300. & 1398.*

Georgius.  
Joannes.  
Nicolaus.  
Joannes II.  
Joannes III.

*Sub Eberhardo, Andrea, Joanne IV. Benedicto, Balthasare, Demetrio II. Oivaldo Episc. inter annos 1400. & 1500.*

Clemens.  
Ladislavus.  
Stephanus.  
Demetrius.

*Sub Luca, Joanne V. Simone, Nicolao III. Volphango, Paulo II. Matthia, Georgio, Joanne VI. Petro, Caspare Ep. inter annos 1500. & 1600.*

Andreas.  
Georgius II. Herefinczius.  
Sebastianus Kercius.  
Stephanus II. Bodouczius.

*Sub Nicolao IV. Simone II. Petro II. Francisco, Benedicto II. Martino, Petro III. Martino II. Alexandro, Stephano V. Episc. inter annos 1600. & 1700.*

Petrus III. Domitrovichius.  
Benedictus Vinkovichius.  
Joannes IV. Tomcus Marnavicius.

Martinus Bogdanus.  
Ludovicus Bedecovichius.  
Paullus Thuskar.

*Bani Slavoniae.*

Banus idem est, ac Prorex. Reges Hungariae Slavoniam, provinciam inter Savum & Dravum, ad regna cetera, quibus potiebantur, adjunctam regni titulo ac jure donaverant; & filios Regum, praesertim natu minores, primum Duces, deinde etiam Reges Slavoniae interdum appellatos invenies. Itaque huic regioni qui praerant, Banus sive Prorex appellari solebat. Saepe accidit, praesertim sub Ludovico, & sub aliis deinde regibus, ut iidem essent Bani Slavoniae, & Dalmatiae Chrobatique; cum unus idemque administrationi horum trium regnorum praeficiebatur. Ceterum Banos Slavoniae a Banis Dalmatiae Chrobatique distinguendos esse docet Balthasar Kereselichius, qui ait nullum ab se in antiquis monumentis repertum esse, qui ante saeculum duodecimum titulo & imperio Banali Slavoniae praefuerit. Haec autem est eorum series.

*Sub Bela II. Geyza II. Stephano III. Bela III. Emerico Regibus Hungariae inter annos 1140. & 1200.*

Belus seu Bela filius Vroclii Principis Serbliae, & avunculus Geyzae II. Regis.  
Ompod sive Ompudinus.

Boricus, sive Borichius, idem fortasse qui Banus erat Bosinae, cum adhuc Bosina ad Reges Serbliae pertinebat.

Subanus.

Calanus Episcopus Quinquecelesiensis.

Nicolaus de Sala.

*Sub Emerico, Andrea II. Bela IV. Stephano IV. Ladislavo II. Andrea III. inter annos 1200. & 1300.*

Dominicus.

Bank, sive Bancus.

Bertholdus idem electus Archiepiscopus Colocensis.

Martinus.

Jula.

Benkus, idem Administrator regni Hungariae, absente Andrea II. ad expeditionem sacram Hierosolymitanam profecto.

Ochucz.

Salamon.

Buzad.

Dionysius.

Benedictus.

Ladislavus.

Rolandus, idem Comes Posoniensis.

Stephanus.

Alexander.

Rolandus iterum.

Joachimus.

Henricus.

Joannes.

Aegidius.

Petrus.

Nicolaus II.

Radislavus.

Demetrius.

*Sub Carolo, Ludovico, Maria Regina, Sigismundo Regibus Hungariae inter annos 1300. & 1400.*

Stephanus  
Joannes II. ) de Bobonoghiis.

Ni-

Nicolaus III. Comes Soproniensis.  
 Michael Comes Simighiensis.  
 Nicolaus IV. Banus Slavoniae & Chrobatiae.  
 Nicolaus V. de Zeecs.  
 Paullus de Ugal.  
 Leustachius.  
 Joannes III. Chuz.  
 Petrus II. Zudor.  
 Nicolaus VI. de Zeecs iterum.  
 Stephanus III. Haholt.  
 Ladislavus II. de Losocnez.  
 Joannes IV. Horvat.  
 Detricus de Babek.

Sub Sigismundo, Alberto, Uladislavo, Ladislavo III. Matthia, Uladislavo II. inter annos 1400. & 1500.

Paullus II. Bissenus.  
 Eberhardus Episc. Zagrabien.  
 Hermanus Comes Ciliae.  
 Ladislavus III. de Gordova.  
 Joannes V. Bissenus.  
 Hermanus iterum.  
 Carolus Comes Corbaviae.  
 Paullus III. Cupor.  
 Ladislavus IV. de Vyllach.  
 Joannes VI. de Alben.  
 David Lazch.  
 Dionysius II. de Marchali.  
 Hermanus II. Comes Ciliae & Zagoriae.  
 Matko de Talloucz.  
 Fridericus Comes Ciliae.  
 Joannes VII. Bithovecz.  
 Pribil Crescencius.  
 Joannes VIII. Gereben.  
 Emericus de Zapolia.  
 Nicolaus VII. de Vylak.  
 Joannes IX. de Thuz.  
 Damianus Horvath.  
 Joannes X. Ernult.  
 Andreas Banfus.  
 Ladislavus V. Egeroara.  
 Matthias Gereb.  
 Ladislavus VI. de Losoncz.  
 Ladislavus VII. de Kanisa.  
 Emericus II. Derenczenius.  
 Joannes XI. Corvinus.  
 Sigismundus Hampus Episc. Quinqueeclesien.

Sub Uladislavo II. Ludovico II. Ferdinando I. Imp. Maximiliano Imp. Rodulpho Imp. inter annos 1500. & 1600.

Andreas Both.  
 Gregorius de Kanisa.  
 Petrus III. Berislavus Episc. Vesprimien.  
 Joannes XII. Torquatus Carlovich.  
 Franciscus Barthyanus.  
 Christophorus Frangipanius.  
 Joannes XIII. Banfus.  
 Simon Episc. Zagrab.  
 Thomas de Nadalt.  
 Nicolaus VIII. Zrinius.  
 Petrus IV. Erdodius.  
 Georgius Draskovichus Ep. Zagrab.  
 Christophorus Ungnadus.  
 Thomas II. Erdodius.  
 Caspar Ztankovichus Ep. Zagrab.

Bani Dalmatiae, Chrobatiae & Slavoniae fere omnes.

Alii solius Slavoniae, alii Dal. Chrob. & Slav. Bani; alii cum collega, alii sine collega.

Illi quoque & reliqui posterioris saeculi vel solius Slavon. vel Dal. Chrobat. & Slavoniae Bani, vel cum, vel sine collega.

Sub Matthia Imp. & II. Rege Hung. Ferdinando II. Ferdinando III. Leopoldo Imp. & Regibus Hung. inter annos 1600. & 1700.

Joannes XIV. Draskovichus.  
 Nicolaus IX. Erdodius.  
 Georgius II. Zrinius.  
 Sigismundus Erdodius.  
 Nicolaus X. Zrinius.

#### DUH EPISCOPUS ZAGRABIENSIS I.

Quem alii Duuh, alii Duch vocant, erat Primus natione Bohemus, vir eximiae fidei, doctus, sanctitatis, dignus propterea, quem S. Ladislavus Ecclesiae Zagrabienensis ab se fundatae primum Episcopum praeficeret, ut novam illam Sedem Episcopalem praeclaris institutis atque exemplis nobilitaret; praesertim cum unum inter omnes maxime idoneum esse judicaverit ad superstitionem idololatricam, quae adhuc vigebat in aliquibus locis illorum partium, penitus extirpandam, & Christianam Religionem ubique stabiliendam; cujus rei causa potissimum Zagrabientem Ecclesiam, & Episcopatum instituerat. Joannes Archidiaconus Guerchenfis, qui floruit saeculo decimo quarto, in suo Codice MS. videtur subdubitare num is e gente Slavorum originem duxerit, cum ejus nomen Slavonicum sit, & eodem Archidiacono interprete *Spiritum* significet; ac certe admodum probabile est eum genere Slavam fuisse, cum Bohemia, unde oriundus, & accersitus fuerat, ea tempestate Slavorum repleta esset: *Forfitan, inquit, fuit de linea Slavica; quod bene importat suum nomen Duh, id est Spiritus.* Ex mandato Ladislavi unus de Presbyteris regio facello praepositis ei possessionem Ecclesiae Zagrabienensis tolemini ritu & formula dedit. Hanc Ecclesiam idem Rex amplissimis fundis & vestigalibus dotavit, ac nominatim eidem donavit Dumbra oppidum Slavoniae, & territorium ac populum ejusdem oppidi cum pascuis, silvis, & agris omnibus; praeterea trans Dravum Officarios de Semigiensi, & Zalensi Comitatu, ut est in diplomate Feliciani Archiepiscopi Strigoniensis sapientius laudato; quod omnium, quae adhuc extant, veterum monumentorum Zagrabientium vetustissimum est; sed annis fere quadraginta a primordio Ecclesiae Zagrabienensis distinctum; nam litterae Ladislavi, quibus institutio Ecclesiae ejusdem continetur, vetustate interierunt. Ad instruendam ergo hujus plebis ignorantiam, ut ait Felicianus in suo diplomate, *quemdam Bohemicum venerabilis vitae virum nomine Duh idoneum reperit, quem eidem Ecclesiae Pastorem per suum Capellanum Franciscum delegavit; qui etiam eidem Ecclesiae Officarios de Semigiensi & Zalensi Comitatu ordinavit.* Praeterea alter Capellanus, Cupan nomine, praeccepto ejusdem Regis dedit eidem Ecclesiae populum de Dumbra cum terra & silva appendente. Duo insuper oppida, cum suis utrumque agris pagisque, Chalmam & Ivanichium ex antiquis monumentis videntur pertinere ad eam dorem, quam ipse Ladislavus Ecclesiae Zagrabienensi confecit. Nec vero dubitari potest, quin etiam suum eidem collegium Presbyterorum & Clericorum constituerit, atque idoneis vestigalibus utrosque instruxerit; ne desissent, qui eadem

Primus Episcopus Zagrabie Duh nomine, genere Slavi forfite.

Ladislavus conditor Ecclesiae Zagrabienensis, eam locupletissime dotavit.

Cathe-



cathedralem, sub nomine, & auspiciis S. Stephani primi Regis Hungariæ constructam, quotidiana psalmodia, & sacrificiis, ceterisque publicis religionis caerimoniis colerent; quique Episcopo vel ad rem divinam sollempni ritu peragendam ministerium præberent, vel ad plebem erudiendam, & sacris mysteriis impertiendam operam navarent. Nam ad constituendam Ecclesiasticam perfectamque Hierarchiam, cujus descriptione totius rei Christianæ administratio continetur, tum Episcopus, tum clerus utriusque ordinis requiritur.

De primo Zagrabienſium Episcopo nihil, præter nomen, memoriæ proditum est. Illud certe in primis curare debuit, ut tum per se ipse, tum per Evangelicos præcones, per totam Diocesim quaquaversum dimissos, rudes & agrestes homines ab inanum Deorum superstitione ad rectam in Deum fidem, Christi que cultum traduceret; & vel ipse, vel propiores ab eo Episcopi, omnia infandi ritus idololatriæ vestigia deleverunt. Anno circiter 1093. Episcopatum suscepit; ante exitum hujus sæculi vel morte præcipuus, vel alio translatus deposuit; nam quo anno sedem Episcopalem vacuam successori reliquerit, incertum est.

#### BARTHOLOMÆUS EP. ZAGRAB. II.

Alter Ep. De quo Joannes Archidiaconus & Album Capitulare: *Huic successit D. Bartholomæus, & forsitan tempore ejusdem Ladislai regis gloriosi; non tamen nomen hujus in privilegiis, vel alias invenitur, & forsitan pro eo, quia antiqua privilegia Ecclesiæ deperdita sunt sicut in principio dictum est.* Quod vero ejus nomen ab antiquis monumentis absit, hinc Balthasar Kereselichius causam sumpsit illius Episcopatus in dubium revocandi. Sed auctoritas Joannis Archidiaconi, & Albi Capitularis satis argumenti est, ut cum Paulo Rittero, & Thoma Kovalschovichio Bartholomæum in catalogo Antistitum Zagrabienſium retineam. Ejus vero Episcopatum ad regnum Colomani, quam Ladislavi referre malim. Ladislavus pie sancteque decessit anno 1095. tertio Kalendas Augusti, & ob eximiam vitæ sanctitatem, & miracula post mortem edita, Divorum numerum cultumque obtinuit. Hic Almus Geyſæ fratris sui filium regni hæredem instituerat, Colomano hujus fratre, quamvis natu maximo præterito; quod eum, ut erat insigni corporis deformitate, sic multo deformiorem animo, scilicet ingenio difficili, subdolo, arroganti, aspero atque immiti esse cognoverat. Sed cum in hunc procerum ac populi voluntas & studium propendere videretur; Almus patruo, quam fratri similior, ne quid discordiæ & seditionis oriretur, maluit dimittere, quam jus suum retinere, ac civili bello implicari, quod nisi multorum sanguine restingui non potuisset. Itaque regno sponte cessit, titulo ducis contentus, eaque regni portione, quam reges Hungariæ ex instituto majorum iis, qui regali stirpe orti essent, impertiri solebant. Regnante itaque Colomano, Bartholomæus Ecclesiam Zagrabienſem regebat; nec vero vitam & Pontificatum perduxit ultra initium sæculi duodecimi; nam anno 1102. jam in ejus locum successerat, & huic Ecclesiæ præsidebat

#### SINGIDUNUS EP. ZAGRAB. III.

Abest a catalogis Episcopalis tum Pauli Ritteri, tum Thomæ Kovalschovichii; sed eum vetera monumenta eidem inseri, ac retineri jubent. Colomanus anno 1096. cum exercitu Alpes Dalmaticas transgressus eam partem Chrobatæ mediterraneæ & maritimæ, quam Ladislavus bello revocatus in Hungariam, suis armis & victoriis intactam reliquerat, sub potestatem redegit; & Belgradi anno 1097. filiam Rogerii Comitissæ Siciliæ sibi desponsam, illuc navibus advectam regio apparatu accepit, & nuptias insigni magnificentia, ingentique Episcoporum, procerum, populorum concursu celebravit. Post profectiorem Colomani, cum huic bellum esset cum Almo fratre, Chrobati ab ejus imperio desciverunt, ut scriptum reliquit in sua synopsi chronologica Samuel Timon rerum Hungaricarum idoneus auctor: *Anno 1098. Colomanum inter & Almum dissidiarum origo; deficiunt a fide Hungarorum Croata. Colomanus post redintegratam cum fratre concordiam, Chrobatice defectionis ulciscendæ causa, ingentem exercitum conscripsit an. 1102. Vix Dravum copias trajecerat, cum obviam ei sit Singidunus Episcopus Zagrabienſis, regi charus in primis, qui blanda oratione iram Colomani placavit, & simul Chrobatice auctor fuit, ut voluntaria deditione sub imperium Colomani redirent. Itaque nullo tributo imposito, in fidem & clientelam recepti sunt; id solum illis imperatum fuit, ut suis militibus & sumptibus regni confinia usque ad Dravum tuerentur, ultra vero Dravum evocati si essent, regis stipendiis militarent. Ut vero Singiduno deditionis Chrobatice auctori gratiam referret, multa Ecclesiæ Zagrabienſi donavit; eumque secum in Dalmatiam Belgradum duxit; qua in urbe titulum & insignia regis Dalmatiæ & Chrobatice sumpsit. Hæc ex codice M. perantiquo apud Balthasarem Kereselichium: *Singidunus Colomano regi charus Zagrabienſem rexisset Ecclesiam in privilegio Marmegne de gente Sabithorum (hæc erat una ex duodecim principibus familiis Chrobatice) a Colomano rege 1102. dato invenitur in archivo Zriniano. Qui cum rege Christum appellens, ita negotium temperavit, ut regi ultro armis positis Croata se subicerent, & rex illos ut amicos tractaret; dato illis privilegio, quod sua pacifice possideant, neque teneantur umquam ullum censum regi solvere, sed suis impensis ad tuenda confinia regalia, & terram usque ad flumen Dravæ debeant cum decem armigeris equitum, de quavis generatione nobilibus concurrere, & bellare. Trans Dravam autem vocati a rege non propriis, sed regalibus sumptibus, usquequo exercitus duraverit, permanere teneantur. Quod mediante Singiduno Episcopo factum ad Colomani complacentiam est; qui pro Ecclesia sua multa illi donavit, & Belgradum supra mare duxit; qua in urbe Colomanus in Dalmatiæ, & Croatiæ regem coronatus est; deditque multa privilegia tam Dalmatis, quam Croatis, & Ecclesiis, quorum aliqua extant. His fere contentiunt quæ Thomas Archidiaconus memoriæ prodidit apud Joannem Lucium, in quodam additamento ad historiam Salonitanam, quod inscribitur: *Memoriale Dom. Thomæ q. Archidiaconi Ecclesiæ Spalat. Ait quippe legatis ultro citroque missis Chrobatos iisdem***

Singidunus Ep. Zagrabien. Chron. Chrobatis, qui a fide defece- rant, & Colomano reconciliavit.

qui Ecclesiam Zagrabien. multo teneantur & maneribus at- fecit.

quod cum Scriptore historiæ Salonitanæ coheret.

G g plane

Privilegio  
Colomani  
virginibus  
Jadertinis  
concesso no-  
men Singi-  
duni Rago-  
riensis, id est  
Zagrabien-  
Episcopi  
subscriptum.

plane conditionibus, quæ in eo codice memo-  
rantur, in fidem & potestatem Colomani re-  
diisse; ceterum neque de Singiduno Episcopo  
mentionem fecit, neque de regia corona, quam  
Colomanus Belgradi suscepit. Deditionis Chro-  
baticæ annus idem apud Thomam Archidiaconum,  
qui in codice Zriniano: *Et sic ordinatum  
exitit de anno nostræ redempt. millesimo C. se-  
cundo. Diademat, ac ceteris regalibus insigni-  
bus Belgradi se ornatum fuisse ipsemet Coloma-  
nus testatur in privilegio, quod collegio Ma-  
riano virginum Jadrensi concessit: Anno In-  
carn. D. N. J. Christi 1102. Ego Colomanus Dei  
gratia rex Ungariæ, Croatia, atque Dalmatiæ  
supra habito consilio, postquam coronatus fui Bel-  
gradi supra mare in urbe regia &c.* Huic au-  
tem privilegio cum Procopio Agriensi Episco-  
po, Singidunus testis approbatorque subscri-  
psit: *Procopius Acriensis Episcopus laudavit,  
Singidunus Ragoriensis Episcopus laud. Isaac Co-  
mes laud. &c.* Cum nulla sit neque in Dalma-  
tia, neque in regno Hungariæ Ecclesia Rago-  
riensis, dubium non est, quin librarii inconsi-  
derantia vel incertitia Ragoriensis in locum Za-  
grabienensis irreperit; cum siquidem utriusque  
vocabuli similitudo fidelit, & duabus litteris,  
priori Z cum R, quarta a cum o commutatis,  
unam intermediam b detraxit. Itaque quem-  
admodum pro Acriensi Agriensem, sic etiam  
pro Ragoriensi Zagrabientem substitui oportet.  
Ante annum decimum tertium sæculi duodecimi  
e vita migravit,

## FRANCICA EP. ZAGRAB. IV.

Francica,  
seu Franci-  
ca Episcopi  
Zagrabien-  
Concilio  
Nationali  
Strigoniensi  
interfuit.

Natione Gallus, si standum sit conjecturæ Jo-  
annis Archidiaconi, qui ex ejus vocabulo con-  
jecit cum e Francia originem traxisset: *for-  
san fuit Gallicus iste.* Alii Francitam vocant. Fuit  
regio sacello Ladislavi prepositus; & eodem ju-  
bente Ladislavo, in possessionem Ecclesiæ Za-  
grabienensis primum ejusdem Episcopum misit.  
Anno 1113. Laurentius Archiepiscopus Strigo-  
niensis idemque Primas Hungariæ, Episcopos  
utriusque provincie Hungariæ Strigoniensis &  
Colocensis, sive Bachiensis ad Concilium Na-  
tionale convocavit, ut docet P. Nicolaus Sch-  
mith Societ. Jesu in *Archiepiscopis Strigoni-  
ensibus compendio datis*, & Tyrnaviæ editis anno  
1758. Hujus Concilii actus & decretis cum suo  
Metropolitano Gregorio Archiepiscopo Bachiensi,  
Francica Zagrab. subscripta, ut est in *nova se-  
rie Archiepiscoporum Strigoniensium*, quam P.  
Alexander Szorenyius anno 1717. e typogra-  
phia Tyrnaviensi emisit.

Silvam  
Dumbrovi-  
Ecclesiæ &  
Ep. Zagra-  
bientis Eccl-  
iæ Archiep-  
iscopis Strigo-  
niensibus re-  
stitui jussit.

Anno 1114. Colomanus obiit, Stephano fi-  
lio relicto, quem nondum imperio maturum  
alienæ fidei ac tutelæ commisit. S. Ladislavus  
Ecclesiæ Zagrabienti Dumbroam, sive Dumbroam  
oppidum, ejusque territorium cum silva eidem  
annexa donaverat. Hanc silvam vir quidam no-  
bilis ac præpotens, nomine Sudengna, per vim  
aut fraudem abstulerat. Episcopo repetenti cum  
restituere nollit, hic de injuria sibi suæque Ec-  
clesiæ illata conquestus est apud Stephanum II.  
regem Hungariæ, qui pupillari tutela exemptus  
jam rem publicam per se ipse administrare cœ-  
perat. Stephanus igitur ejus controversiæ cau-  
sæque cognitionem Feliciano Archiepiscopo Stri-  
goniensi, & Primati Hungariæ delegavit, qui  
cum neque Sudengna, neque ejus procuratores  
ad tribunal archiepiscopale citari jussi, ad diem

constitutum adessent, secundum Episcopum &  
Ecclesiam Zagrabientem judicavit, ut est in di-  
plomate ipsius Feliciani, sæpius laudato: *Tran-  
sacto igitur non paucis tempore, regnante vero  
Stephano, prædicto vero Francica illius Ecclesiæ  
Episcopatum tenente, a quodam viro, nomine  
Sudengna de prædicta Silva injuria illata est.  
Quod Episcopus ægre ferens ad regis patrocinium  
confugit, qui totam causam Feliciano Strigo-  
niensi Archiepiscopo discutiendam commisit. Illius  
ergo Ecclesiæ adversarii ad judicium vocati cum  
ad determinatum diem venire nolissent, nec L.  
pensas secundum legem persolvere potuissent, Ar-  
chiepiscopi judicio prædicta Silva per Prestaldum  
Isaac nomine, Ecclesiæ restituta est, ac quam-  
diu Francica illi Ecclesiæ præfuit, nullus ei ali-  
quam injuriam inferre præsumpsit.*

Bela cognomento Cæcus, filius Almi fratris  
Colomani, Stephano vita functo, in regnum  
suffectus est anno 1131. & eodem tempore Fran-  
cica Zagrabientem Episcopatum cum Archiepi-  
scopatu Colociensi, sive Bachiensi commutavit;  
ut ex diplomate ipsius Feliciani: *Defuncto ergo  
rege Stephano, piissimus Bela, divina largiente  
gratia, Pannoniæ sceptrum feliciter gubernanda  
suscepit; cujus gratia prædictus Francica ad Bac-  
sensem Archiepiscopatum translatus est.*

## MACELLINUS EP. ZAGRAB. V.

Erat Canonicus Hierosolymitanus; nimirum  
regnante Colomano, ut est in codice Ms. Za-  
grabien. apud Kereselichium, cum genere Ita-  
lus esset, & stirpe nobilissima ortus, cum sacra  
militia profectus est in Palestinam; & post Hier-  
osolymam anno 1099. Saracenis ereptam, sa-  
cro-lancæ illius basilicæ Canonicus creatus fuit.  
Reversus ex Oriente in Hungariam cum venis-  
set, Bela regis favore & gratia nixus, sedem  
Zagrabientem obtinuit anno 1131. Hunc alii  
Marcellinum, Joannes Archidiaconus, nescio  
quo codice, cujusve auctoritate fretus Mathia-  
num vocat, & Bernardo Episcopo postpositum,  
in hujus locum proxime substituit. In Conci-  
lio generali Varaldinensi proceres quidam cum  
Sudengna supra nominato rursus de Silva Du-  
braventi litem intendunt, quæ iterum de sen-  
tentia Feliciani Archiepiscopi Strigoniensis, &  
totius Concilii adjudicata fuit Ecclesiæ & Epi-  
scopo Zagrabienti, ex diplomate ejusdem Fel-  
iciani; cujus varias particulas superioribus lo-  
cis pro re nata inteximus; nunc vero inte-  
grum describi oportet; nam ad Episcopatum  
Macellini, & annum hujus sæculi tricesimum  
tertium pertinet. Hoc est antiquissimum omnium  
monumentorum Zagrabientium, cujus auctori-  
tate primordia Ecclesiæ Zagrabientis ab S. La-  
dislavo fundatæ nituntur; nam si qua de illius  
institutione & conditore litteris prodire antea  
extabant, inter varias, quæ postea sicutæ sunt,  
& multiplices communium rerum ac temporum  
conversiones calamitatesque perierunt.

In nomine Patris, & Filii, & Spiritus san-  
cti amen. Regnante nobilissimo rege Ladislavo,  
Strigoniensis vero Ecclesiæ Primatum Acha gu-  
bernante, & Bachiensi Archiepiscopo Fabiano ex-  
istente, Vespriemensi Episcopo Cosma, Palatino  
Comite Julia, Semigini Comite Grab, prædi-  
ctus rex, divina gratia inspirante, horum cetero-  
rumque nobilium consilio, Zagrabientem consti-  
tuit Episcopatum, videlicet ut quos error idolo-  
latriæ a Dei cultura extraneos fecerat, Episco-  
palis

Francica e  
Zagrabien-  
ad Bachi-  
ensem Eccl-  
iam migra-  
vit.

Macellinus  
e Canonicus  
Hierosoly-  
mitano Ep.  
Zagrabien.

Silva Du-  
bravensis  
iterum in  
controver-  
siam voca-  
ta, & Eccl.  
Zagrabien-  
adjudica-  
ta.

Sententia  
Feliciani  
Archiep.  
Strigoni-  
ensem, at-  
que iterum  
lata secun-  
dum Eccl.  
Zagrabien-

palis cura ad viam veritatis reduceret. Ad instruendam ergo hujus plebis ignorantiam, quemdam Bohemicum venerabilis vita virum, nomine Dub idoneum reperit, quem eidem Ecclesie pastorem per suum capellanum Francicam delegavit, qui etiam eidem Ecclesie officinarios de Semegiensi, & Zalensi Comitatu ordinavit. Præterea alter capellanus Cupan nomine, præcepto ejusdem regis dedit eidem Ecclesie populum de Dumbra, cum terra & Silva sibi appendente. Transacto igitur non parvo tempore, regnante vero Stephano, prædicto vero Francica illius Ecclesie Episcopatum tenente, a quodam viro nomine Sudengna, de prædicta Silva Ecclesie injuria illata est. Quod Episcopus ægre ferens ad regis patrocinium confugit, qui totam causam Feliciano Strigoniensi Archiepiscopo discutendam commisit. Illius ergo Ecclesie adversarii ad judicium vocati, cum ad determinatum diem venire nolissent, nec L. 50. pensas secundum legem terra persolvere potuissent; Archiepiscopi judicio prædicta Silva per Præstaldum Isaac nomine, Ecclesie restituta est, & quamdiu Francica illi Ecclesie præfuit, nullus ei aliquam injuriam inferre præsumpsit. Defuncto ergo rege Stephano, piissimus Bela, divina gratia largiente, Pannonia sceptris feliciter gubernanda suscepit; cujus gratia prædictus Francica ad Baaciensem Archiepiscopatum translatus est; Zagrabiensem vero Ecclesie Macellinus, Hierosolymitanus Canonicus, Episcopus ordinatus est. Tertio ergo Episcopatus sui anno, Adilbert frater Kaladini Semigiensis, Comes una cum Clanisa, & Petro fratre ejus, & Sudengna, aliisque quam pluribus ejusdem terra melioribus, de prædicta Silva in Concilio Varadinski, tempore Valterii Episcopi, ante Felicianum Strigoniensem Archiepiscopum litigium renovavit. Cujus judicio duo Episcopi, videlicet Francica Baaciensis, & Macellinus Zagrabienensis, salva episcopali dignitate, pro justitia sanctæ Ecclesie veritatem dixerunt; tres vero de nobilioribus ejusdem Ecclesie scilicet Barchis, Mihal, Dorsibna, super sacrum altare Varadinski Ecclesie in præsentia Canonorum juraverunt, Augustino Strigoniensis Ecclesie Canonico existente Præstaldo. Quod factum est Anno Dominicæ Incarnationis MCXXXIII. Epacta XXIII. VI. Kal. Maji. Archiepiscopus vero volens suum judicium immobile permanere, alterum ejus Præstaldum nomine Marcellum filium Gira Comititis dedit, qui priori Præstaldo, scilicet prædicto Isaac præmonstrante, singulas metas renovavit, & Ecclesie Silvam ea conditione restituit, ut nullus in ea omnino, siue consensu Episcopi quidquam agere præsumat vel venando, vel aliquid de ea auferendo, vel intromittendo. Hujus rei testes sunt, Archiepiscopi judicio assidentes Nicolaus Nitriensis Episcopus, Eucidinus Comes Desanina, Geuril filius Andreæ Comititis, Laurentius filius Salamonis Canonici Varadinski Ecclesie, Benedictus Custos, Opus Decanus, Sebastianus.

Duas in hanc Feliciani sententiam animadversiones subicere libet; altera ad Acham Strigoniensem Archiepiscopum, altera ad Fabianum Baaciensem, siue Baciensem Archiepiscopum pertinet. P. Nicolaus Schmitt in suis Commentariis de Archiepiscopis Strigoniensibus, quæ supra laudavimus, pontificatum Strigoniensem Achæ Archiepiscopi quadriennio definivit, ad annum scilicet undenonagesimum ab anno octogesimo quinto sæculi undecimi productum.

Illyrici Sacri Tom. V.

Huic siquidem anno 1089. Seraphinum proxime subiecit; monuit tamen de anno suscepti a Seraphino Archiepiscopatus inter Scriptores controversiam esse. Verum si Achæ Strigoniensem Primatum gerebat, cum S. Ladislavus Ecclesiam Zagrabientem fundavit, ut in diplomate Feliciani diserte scriptum est, pontificatum Achæ ultra primum & nonagesimum ejusdem sæculi annum produci oportet; neque enim ante hunc annum S. Ladislavus Zagrabientem Episcopatum in Slavonia condere potuit, cum nondum ea regione potiretur. Nec manifesti erroris, ut ille putat, coargui posse videntur, qui ex veteri catalogo Archiepiscoporum Strigoniensium, initia pontificalia Seraphini, proximi post Acham Archiepiscopi, in annum 1100. rejiciunt, eumque a Colomano tiara Strigoniensi donatum tradunt.

Nunc vero investigandum cur Fabianus dictus sit Archiepiscopus Baaciensis; cum ceteroquin sedes Archiepiscopalis Colociæ ab initio constituta fuisset. Archiepiscopus Baaciensis, siue Baciensis idem est atque Colocensis. Utraque civitas Bacia, siue Bacia, & Colocia sita est ultra Danubium, ejusque ripæ orientali adjacent, hæc superior ad septentrionem, illa inferior ad meridiem. Initio sedes Archiepiscopalis constituta fuit Colociæ; hanc primus Archiepiscopali titulo initiavit ac tenuit Astricus, siue Anastasius, qui, cum esset Episcopus Colocensis, Sebastiano Archiepiscopo Strigoniensi II. oculis capto ex auctoritate, jussuque Romani Pontificis, metropolim Strigoniensem administrandam suscepit anno 1004. & biennio post, cum ab Henrico I. Imperatore invitatus fuisset ad Concilium Francofordiense, epistolæ Joannis XVIII. siue XIX. Episcopatum Bambergensem ab eodem Imperatore fundatum confirmantis, cum ceteris Episcopis subscribens, utitur titulo Archiepiscopi Strigoniensis, ut docet P. Alexander Szorenyius in Nova serie Archiepiscoporum Strigoniensium; quod fortasse Sebastianus Archiepiscopus spe visus recuperandi amissa, in Astricum dignitatem, & nomen munusque Archiepiscopale transtulerat. Verum in collectione Conciliorum Joannis Harduini, itemque Labbeana Venetiis edita, epistolæ pontificiæ subscriptus legitur Anastasius Ungrorum Archiepiscopus. Sed ut Anastasius idem est atque Astricus, utroque enim nomine appellabatur; sic nihil interest utrum dicatur Ungrorum, siue Hungarorum, an Strigoniensis Archiepiscopus. Nam præter Strigoniensem, alius non erat illis temporibus, qui vocari posset Archiepiscopus Hungarorum, nisi Strigoniensis. Intra finem ejusdem anni Sebastianus usu oculorum divinitus recepto, in sedem Strigoniensem, eodem Joanne Pontifice jubente, restitutus est: Tertio cæcitatibus, in pristinam is dignitatem a Romano Pontifice restitutus. Astricus itaque ad Colocentem Ecclesiam remigravit; & nomen atque insignia Archiepiscopi, quibus ornatus fuerit, quibusque talem ac tantum Antistitem insigni doctrina, & sanctitate præditum spoliari, eumque in Episcoporum ordinem redigi non decebat, ex auctoritate & privilegio ejusdem Romani Pontificis retinuit, atque ad successores transmisit; præsertim cum Ecclesia Hungarica, post viatam Transilvaniam, regnoque adjunctam, longe lateque propagata, duobus Metropolitibus indigere videretur. Ita sedes Colocensis ad me-

Achæ pontificatus Strigoniensis ultra annum 1090. producendus utque ad conditam Ecclesiam Zagrabien-

Astricus ep. Colocensis, Sebastiano Archiepiscopo Strigoniensi oculis capto, jure ac titulo Archiepiscopali insignitus metropolim illam regendam suscepit.

Ad sedem Colocentem reversus nomen & insignia Archiepiscopi retinuit, & Ecclesiam Colocentem metropolitica dignitate auxit.

tropolitica dignitatem evecta est; ut præclare sciteque conjecit Ludovicus Thomassinus Tomo 1. lib. 1. cap. 25. de veteri novaque Ecclesiæ disciplina: *Sebastianus, qui primus Strigoniensium Archiepiscopus ordinatus fuerat, aliquamdiu post oculis orbatus, successorem habuit Colocensem Episcopum, ita dispensante Papa: quo rursus similiter dispensante, Sebastianus, triennio post receptis oculis, absterfoque cecitatis morbo, pristina restitutus est sedi; remigrante in suam quoque priorem Ecclesiam Episcopo Colocensi cum pallio, quo exornatus fuerat. Facile auguramur ea occasione factum esse, ut Colocensis Ecclesia in metropolim assurgeret. Quocirca primordia Colocensis Archiepiscopatus propemodum æqualia sunt initiis Archiepiscopatus Strigoniensis. Sed unde acciderit, ut post aliquot annos a Colocensi ad Bachensem urbem sedes illa metropolitana translata fuerit, nulla sunt, quæ doceant, temporum illorum monumenta. Post obitum S. Stephani regis, Hungaria intestinis bellis ac seditionibus diu multumque conflictata fuit, de quibus Scriptores Hungarici. Ad hæc: plerique Hungarorum a fide Christiana cum defecissent, in avitas superstitiones relapsi, Ecclesias devastarunt, & Christi cultores sane multos interfecerunt, atque in his Gerardum Sagredum sanctissimum Episcopum Chanadiensem. In eo temporum motu, rerumque communium conversione ac perturbatione, fortasse Archiepiscopi Colocenses, cum omnia circa hostibus & periculis plena essent; nec satis tuta illis videretur statio Colocensis, ut suæ salutis & tranquillitati consulere, Bachiam in urbem munitiorem migrarent, ibique sedem pontificalem statuerunt; nisi forte, cum hæc civitas, non solum aeris salubritate & civium frequentia, sed etiam dignitate & imperio Colociæ præstaret, siquidem hodie quoque caput est & princeps totius Comitatus Bachensis, eique Colocia subest, dignior vila fuit, quæ ut civilis, sic etiam ecclesiasticæ provinciæ principatum teneret. Neque illud*

Cur Colocenses Archiepiscopi olim appellati fuerint Bachenses?

vero absimile est has duas Ecclesias Colocensem, & Bachensem, sic a principio, ut nunc sunt, sub uno eodemque Antistite conjunctas fuisse; & cum priores illi Archiepiscopi Bachicæ, quam Colociæ, frequentius ac diutius commorari consueverint, hinc factum est ut vocabulo primævo posthabito, Archiepiscopi Bachenses vulgo appellari tolerent. Quæcumque tamen causa fuerit Colocensis cum Bachensi appellationis commutandæ, hac certe per annos non ita paucos, Archiepiscopos Colocenses usos fuisse vetera monumenta declarant, veluti sententia seu decretum Feliciani Archiepiscopi Strigoniensis supra descriptum, in quo nominatur *Fabianus Archiepiscopus Baacensis*, Achæ Strigoniensi Archiepiscopo aqualis; itemque privilegium Stephani II. regis Hungariæ, anno 1124. *Tragurinis*, & *Spalatinis* civibus concessum, in quo subscriptus legitur *Gregorius Baacensis Archiepiscopus*. Nec vero per eos annos sedi Colocensi in ordinem episcopaliū redactæ suus defuit Episcopus; quippe in privilegio Colomani, quod anno 1111. Ecclesiæ Arbeni concessit, *Tulbertum Episcopum Colocensem* nominatum invenio; itemque *Mikonem Antistitem Colocensem* apud Patrem Nicolaum Schmirth, qui anno 1149. ab Gysa rege Hungariæ diploma regium collegio Canonorum Colocensium impetravit. Hic vero sedem Ar-

chiepiscopalem Colociam revexit, ut mihi videtur; nam in diplomate ejusdem regis Gysæ, qui anno 1156. jus percipiendi decimas rerum omnium ex villis septuaginta Capitulo Strigoniensi attribuit, subscriptus est post Martyrium Archiepiscopus Strigoniensem, *Miko Archiepiscopus Colocensis*. Ceterum idem Miko post novem annos in diplomate Stephani III. regis Hungariæ, qui privilegium patris sui Belæ Ecclesiæ Zagrabienfi concessum anno 1163. confirmavit, nominatur *Bachiensis Archiepiscopus: Coram principibus regni, Michone Bachienfi Archiepiscopo &c.* Hic itaque ab utraque urbe, alius ab una, alius ab altera cognominari voluit. His tamen temporibus Ecclesia Colocensis primævam dignitatem Archiepiscopalem recuperavit, quam deinde perpetuo retinuit. Bachiensis vero Ecclesia in pristinum Ecclesiarum Episcopaliū ordinem regressa cum esset, suæ metropoli sic annexa fuit, ut servato titulo atque honore Pontificiæ sedis eidem, atque Colocensis, Antistiti leberet; & unus idemque esset tum Archiepiscopus Colocensis, tum Episcopus Bachiensis; nisi forte altera alteri sic fuerit conjuncta, ut titulum Archiepiscopalem utraque retineret. De *Archiepiscopo Bachienfi*, ait P. Nicolaus Schmirth, *nulla diplomata, quæ quidem inspicere mihi licuit, fere ab anno 1149. meminere: (excepto diplomate Stephani III. supra laudato an. 1163. in quo Micho diferte nominatus est Archiepiscopus Bachiensis) opinari licet eam dignitatem iterum adhasisse Colocensi, atque utramque Ecclesiam ab uno eodemque Archiepiscopo gubernatam.*

Ad Macellinum redeo. Hic annos circiter viginti Ecclesiæ Zagrabienfi præfuit; & cura-Macellinus rum ac molestiarum, quibus conflictatus est in Episcopatu suo regimine, pertæsus, ut quidam tradunt, se abdicavit. fugitans litium, & pacis studiosus, eidem nuncium remisit an. 1150. Romam profectus est, inde vero Hierosolymam reversus.

## GOTHSALDUS EP. ZAGRAB. VI.

Quem ex ordine S. Benedicti ad hanc Ecclesiam regendam assumptum fuisse docet Ritterus, nescio quo codice, quave auctoritate innixus. Episcopatus Zagrabienfis ab eo suscepti gestique testes sunt ejusdem subscriptiones, tabulis illius ætatis subjectæ. In privilegio Gysæ regis anno 1156. Canonicis Strigoniensibus concessio, cujus supra meminimus, postremus inter Episcopos nominatur *Gothsaldus Zagrabien.*, & apud Timonem in aliis tabulis anni 1158. idem inscriptus legitur. P. Nicolaus Schmirth æqualem facit *Luçæ Banho* Archiepiscopo Strigoniensi, qui anno circiter 1160. hujus metropolis administrationem suscepit, & Stephano III. regi Hungariæ sacram coronam imposuit. Ceterum vel hoc eodem anno 1160. vel proximo Gothsaldus sedem episcopalem vacuam successori reliquit; quippe anno 1163. Ecclesiæ Zagrabienfi præsidebat.

## BERNALDUS EP. ZAGRAB. VII.

Alii Bernardum vocant, & natione Cathalaunum fuisse auctor Albi capitularis confecti anno 1334. ex eo conjecit, quod *Cathalauni*, inquit, *abundant hoc nomine, & etiam Burgundi*. In veteri codice Ml. quem citat Balthasar Ada-

Sedes Archiepiscopalis Colociam revecta.

Bachienfi Eccles. in ordine Ecclesiarum Episcopaliū revecta, & Colocensi annexa.

Macellinus Episcopatu Zagrabienfi se abdicavit.

Bernaldus Ep. Zagrabien. Templarios in Slavoniam invexit.

Adamus Kereselich, memorie proditum est Bernaldum inter Templarios vitam religiosam vixisse, antequam ad regimen Ecclesie Zagrabien-  
sis accederet, & primum fuisse, qui Templarios in Slavoniam invexerit. Ex testimonio ejusdem codicis apud Stephanum III. Hungarie regem auctoritate & gratia plurimum valuit, ab eoque plurima beneficia, latifundia, & privilegia, iisdem Templariis impetravit; quæ omnia Andreas II. regali diplomate confirmavit. Sunt qui Bernaldum ante Gothaldum in serie episcopali locandum esse existimant; quorum opinionem refellit diploma ejusdem Stephani III. regis paullo post describendum. Silvam Dumbrensem, quam S. Ladislavus, ut supra dictum est, Ecclesie & Episcopo Zagrabienfi attribuerat, semel atque iterum eidem Ecclesie & Episcopo per vim ac fraudem ereptam, itemque ex sententia Feliciani Archiepiscopi Strigoniensis bis restitutam; tertio Nicolaus Comes filius Paulli Comitum Simigienfis, & Jobagiones, id est, interprete Kereselichio, cives nobiles, seu coloni castri & Comitatus Simigienfis, temere ac violenter invaserant, & injuste, præfractaque retinebant. Bernaldus Episcopus diem illis dixit, citarique eos jussit ad tribunal Beli Bani Slavonie. Ut Episcopus verissime, sic illi fallacissime contendebant oppidum ac territorium Dumbrense cum Silva illa, de qua potissimum erat controversia, sibi ab Ladislavo rege donatum fuisse; & ab eo iudice, quem Bela II. rex Hungarie ad eam litem dirimendam constituerat, sibi datum fuisse Marcellum Pristaldum, qui se in pristinam ejus terræ ac Silvæ possessionem restitueret, pars utraque affirmabat. Sed cum iniqui raptores neutrum probare possent, contra vero Bernaldus pro se decretum Feliciani Archiepiscopi Strigoniensis protulisset; Banus secundum Ecclesiam & Episcopum judicavit, Stephanus vero III. rex Hungarie, tum possessionem bonorum omnium, quæ Ladislavus, & Bela Ecclesie Zagrabienfi large effuseque donaverant, tum sententiam Bani Slavonie amplissimo diplomate confirmavit.

Silvam Dumbrensem rursus amissam

tertio recuperavit ex sententia Bani Slavonie

& ex diplomate Stephani III. regis Hungarie

Ego Stephanus inspirante divina gratia, paterna insignitus dignitate, præ cunctis negotiis, Ecclesie sanctæ Dei providens, quæ a sanctis Patribus statuta, a membris Sathana destructa reperio, emendare non differo. In nomine itaque sanctæ & individue Trinitatis, quæ prior Ladislavus rex gloriosissimus, & II. Bela rex felicis memoria pater meus & Dominus, Zagrabienfi Ecclesie contulerant, & coram principibus, suis sigillis confirmaverant, omnia prædicta Ecclesie & Silvam Dumbrensem, cum terra ei appendente, quam Sudengna auferre conatus fuit, concedo. Hujus litigii Belus Banus iudex extitit; in quo litigio Bernaldus Episcopus prædictæ Ecclesie, sui que Jobagiones, & Petrus Comes prædictam Silvam cum terra a Ladislavo datam fuisse, & in tempore Belæ regis in litigio positi per Pristaldum Marcellum recuperavisse dicebant. Iterum autem tempore gloriosissimi regis Geysæ, Nicolaus Comes filius Paulli, & Jobagiones Simigienfis castri Cicigna, Joannes, Marascelau, vim inferentes prædictæ Ecclesie, terram cum Silva ei abstulerunt, & violenter usque ad tempus Ladislai II. tenuerunt. Hanc injuriam passam Ecclesiam fuisse Bernaldus Episcopus, sui que Jobagiones clamabant. Tunc Belus Banus rem quærens justificare, judicavit: si prænominati hostes Ecclesie Marcellum fuisse Illyrici Sacri Tom. V.

Pristaldum comprobare possent, eis terra cum Silva remaneret. Sed quoniam hoc probare non potuerunt, injusti remanserunt; & Ecclesie, ut justum erat, terra cum Silva reddita est. Insuper Episcopo Belus Banus dedit Pristaldum Leopoldum filium Petri, ut sicut tempore Belæ regis Marcellus Pristaldus prædictam terram cum Silva reddiderat, ita & iste per easdem metas circumiens, per pontem Colemanii regis . . . . (hic metæ seu confinia describuntur) . . . Ecclesie redderet. Tunc Stephanus rex piissimus rei veritate cognita, ut possessio Ecclesie firma stabilis maneret, privilegium inde fieri jussit, & sigillo sua majestatis confirmari coram principibus regni, Michone Bachienfi Archiepiscopo, Macario Quinqueecclestenfi Episcopo, Nicolao Gradien. (Varadienfi) Episcopo. Stephano Sunadien. (Chanadienfi) Episcopo electo, Belo Bano ejusdem causæ iudice, Thoma Palatino Comite, Bruccha curiali Comite, Boricio Bano, Adriano Comite, Henrico Brodugiensi Comite, Eula Sanadienfi Comite. Anno Domin. Incarnat. MCLXIII. Indiæ. XI. Epacta XIV. Stephano piissimo rege Hungarie II. Belæ regis filio, primo anno regni sui. Hugone Notario, Thoma magistro capellæ Strigoniæ, hoc privilegium factum est. Quicumque vero amulus & inimicus Ecclesie Dei huic decreto regis detrachere præsumperit, gratiam regis irrecuperabiliter amittat, & æternis deputetur suppliciis.

De Silva Dumbrenfi, sive Dubravenfi tria fuerunt litigia, quæ confessor hujus diplomatis, rerum ac temporum superiorum memoria fallente, minus accurate, quam oportuit, distincteque exposuit. Primum anno circiter 1120, Sudengna quidem Francitæ, alterum anno 1133, Adilbertus Comes Simigienfis cum suis fratribus Clanisa & Petro, itemque cum eodem Sudengna Macellino Episcopis intulit. Utrumque Felicianus Archiepiscopus Strigoniensis, iudex a Stephano II. & Bela II. regibus Hungarie præpositus, secundum Ecclesiam & Episcopum Zagrabiensem diremit; Francitæ quidem Isaacum, Macellino autem Marcellum Præstaldos dedit, qui pravis & iniquis adversariis depulsis, in possessionem ejusdem terræ, & Silvæ Ecclesiam & Episcopos induceret. Hæc ex diplomate Feliciani Archiepiscopi supra descripto. Post aliquot annos, cum Bernaldus huic Ecclesie præfesset, tertio Nicolaus & Comitibus Simigienfibus cum aliis sceleratis hominibus eandem Silvam per vim occupavit, detinuitque usque ad Ladislavum II. regem Hungarie filium Belæ II. fratrem & successorem proximum Geysæ II. Eos Bernaldus de injusta & violenta usurpatione in iudicium vocavit, citarique jussit ad tribunal Beli Bani Slavonie, qui pro Ecclesia & Episcopo Zagrabienfi sententiam tulit, eamque Stephanus III. qui post brevissimum Ladislavi II. fratris regnum, anno 1162. vel sequenti regnare cepit, regali diplomate paullo ante descripto confirmavit. Ad hunc modum explicari intelligique oportet diploma Stephani III. ut cum diplomate Feliciani Archiepiscopi, & veritate historica cohæreat.

Præterea in eodem diplomate tria sunt animadvertenda, quæ videntur discrepare cum Synopsi chronologica regum Hungarie, quam Martinus Szentivanius decadis 2. parte 3. contexit. Hic siquidem Stephanum III. filium Geysæ II. fuisse ait; at vero Stephanus Belam patrem suum appellat: & II. Bela rex felicis

Triplex litigium de Silva Dumbrenfi.

Stephanus III. non filius, sed frater Geysæ II. fuit, & Belæ II. filius.



*memoria Pater meus, & Dominus; infra vero filius Belæ II. dicitur: Stephano piissimo rege Hungariae II. Belæ regis filio. Bela II. cognomento cæcus quatuor filios habuisse traditur; Geysam; Ladislavum; Stephanum; & Almus. Itaque Stephanus non filius; sed frater Geysæ fuerit necesse est. Deinde idem Szentivanius anno 1161. Stephanum sumptis regalibus insignibus regnare cepisse tradit; in diplomate autem paullo ante descripto primus annus ejus regni cum anno Christi 1163. conjungitur, ex quo fit; ut vel ad hunc annum; vel ad superiorem regni ejus primordia referri oporteat. Demum in serie & catalogo regum Hungariæ apud Szentivanium, Ladislavi II. regnum conjungitur cum anno 1172. vivente adhuc & regnante Stephano: Ladislaus; inquit; regis Belæ II. Caci filius; vivente adhuc Stephano III. rege, violenter regiam dignitatem sibi usurpat; sed intra sex menses regnum ejus cum vita ex-*

*pirat. Verum Ladislavus natu major ante Stephanum fratrem regnum in Hungaria obtinuit, ut perspicui potest ex eodem Stephani III. diplomate: Iterum autem tempore gloriosissimi regis Geysæ Nicolaus Comes . . . vim inferentes pradiæ Ecclesiæ, terram & Silvam ei abstulerunt, & violenter usque ad tempus Ladislai II. tenuerunt. Itaque inter Geysam & Stephanum interjiciendus est Ladislavus II. utriusque frater, cujus regnum brevissimum fuit. Belæ II. parenti Geysæ II. natu maximus in regnum successit, huic vero Ladislavus II. frater, Ladislavo autem tertius frater Stephanus; Almus minimus natu jamdudum obierat.*

*Post Dumbam sibi & Ecclesiæ suæ recuperatam quot annos Bernaldus vixerit, incomperum est. Chasmæ in primario ejus oppidi templo sepultus fuisse traditur.*

#### JOB EP. ZAGRABIENSIS VIII.

*Hujus nomen in diversis regionum diplomatum reperiri affirmat Balthassar Adamus Kereselechi; ceterum abest ab omnibus catalogis Antistitum Zagrabienis. A Zagrabienis, ut codex vetus Ml. apud eundem Balthassarem docet, ad Quinqueecclesiensem sedem; hinc vero ad metropolim Strigoniensem migravit, de quo auctor Aurei castri Strigoniensis apud P. Nicolaum Schmitth: Job Quinquè prius Ecclesiis præfuit, jam & quingentis (scilicet in Archiepiscopatu), ita crescit virtus honori, honor virtuti. Neque suscepti, neque depositi Episcopatus Zagrabienis annus memoriæ proditus est, & quid rerum gesserit, dum huic Ecclesiæ præsidebat, nemo scriptorum est; qui litteris tradiderit. Inter annos circiter 1166. & 1170. Jobi Episcopatum Zagrabiensem interjiciendum esse existimo; Pontificatum vero Strigoniensem ejusdem P. Nicolaus Schmitth ab anno 1184. ad 1204. perduxit.*

#### PRODANUS EP. ZAGRAB. IX.

*Æqualis fuit Belæ III. regi Hungariæ filio Geysæ II., qui Stephano III. patruo suo, quem aliqui fratrem vocant, in regnum successit anno circiter 1174. Prodanus jam vita functi frequens & honorifica mentio est in privilegiis Belæ III. & hujus filiorum Emerici & Andreæ II. regum Hungariæ. Antequam ad sedem Episcopalem ascenderet, fratribus militæ templi adscriptum fuisse nonnulli tradunt; certe erga*

*hunc ordinem non benevolam modo; sed etiam liberalem se præbuit. Apud Zagrabiam, ubi nunc Villa nova, fratribus Templariis monasterium & Ecclesiam ædificavit, ut docet Joannes Archidiaconus de Querche; qui præterea scripsit; Prodanum ex antiqua, & perillustri familia Prodoievicia oriundum fuisse, ad quam Nadaldiani Comites originem suam referunt. Hæc tum in Baranienfi ultra Danubium, tum in Crisienti Slavoniæ Comitatu plurima & amplissima latifundia possidebat: ex his sane multa Prodanus, quæ sibi jure hereditario obveniant, Ecclesiæ Zagrabienfi, & sodalitati Templariorum liberaliter attribuit. Gentilne & familiar, an personæ fuerit nomen Prodanus, merito dubitari potest; nam in descriptione confinium diocesis Quinqueecclesiensis, & Comitatus Baranienfis sub Bela III. confecta anno 1190. hæc leguntur: Et ibi incipit vicinitatem terræ tenere cum terris Prodanorum de Nadafd, adhuc de parte meridionali versus Occidentem procedendo, juxta terras nominatorum Prodanorum in via magna, quæ est in vertice montis &c. Sed in alio codice legitur Prodanorum de Nadafd. Nihil certe obstat quo minus eadem gens & familia triplici cognomine, Prodana, Prodoievicia, & Nadafdiana appellaretur; noster vero Prodanus nomen gentile sibi proprium fecerit; & fortassis erat ex hac familia Slavonica Grupcius ille Archidiaconus Spalatenfis, quem Thomas Archidiaconus cap. 22. hist. Salonit. filium Prodanus vocat. Fuit Prodanus vir summæ integritatis, ab omni rerum humanarum cupiditate alienus, & rei Ecclesiasticæ amplificandæ studiosissimus, quo magis magisque domus Dei decorem, servorum Dei numerum, & divini cultus splendorem augeret. Quare de suis bonis avitis multa, ut diximus, tum Ecclesiæ, tum Templariis donavit. Ex ejus liberalitate dominatum in villa Szent Mibalii Ecclesia Zagrabienfis acquisivit. Quod Ladislavus Ecclesiæ hujus parens & conditor e presbyteris & clericis ad ejusdem cultum & ministerium adscriptis, rudî quadam adumbratione designaverat, a Prodanis perfecte constitutum ac rite formatum ferunt collegium Canonicorum, quos magistratum, & legum descriptione, communique vivendi & placendi disciplina consociavit; eosdemque numero trium ac triginta definivit; siquidem in antiquis ante Prodanum monumentis nullam ajunt Canoniorum & Capituli mentionem reperiri. Tria prædia coemit Glogouniczam, Zelinam, & Novum Prædium; primum Templariis, reliqua duo Mensæ Capitulari donavit: quam donationem a sede Apostolica confirmandam Canonici curarunt, ut constat ex privilegio Belæ III. regis infra describendo. Ripam utramque amnis Glogouniczæ, seu Glogonizæ ponte superimposito junxit: qui Pons Prodanus in quodam Emerici regis privilegio vocatur. Annos circiter quinque hanc Ecclesiam administravit, de qua egregie meritis migravit e vita tertio Nonas Majas anno 1175. & Zagrabiz in æde majori sepultus sub lapide albo, ut scriptum reliquit Joannes Archidiaconus Querchenfis.*

#### UGRINUS EP. ZAGRAB. X. electus.

*Quod ante approbationem Sedis Apostolicæ, & consecrationem episcopalem obierit, vel ad aliam Ecclesiam regendam transierit; iccirco ejus*

*Familia Prodanus ex qua Comites Nadaldiani, clara in primis & opulenta.*

*Ecclesiæ & Templariis multa donavit.*

*Collegium Presbyterorum Zagrabienis in formam capituli redegit.*

*Ugrinus Ep. Zagrab. electus.*

ejus nomen in antiquis catalogis non reperitur. Ceterum licet hujus Ecclesiæ possessionem numquam adierit, attamen jus ad eam adeundam per electionem acquisierat. Illum igitur Raphael Levacovichius, Thomas Kovačevichius, Balthassar Adamus Kersefelich catalogo Antistitum Zagrabienſium inferuerunt ex privilegio Belæ III. in quo semel atque iterum Ugrinus Zagrabienſis electus nominatur. Cum Alexander III. Pontifex Max. collegium Canonicorum Zagrabienſium a Prodano institutum, sive perfecte absolutum, & duo prædia eidem per eundem Episcopum collata confirmasset; Canonici literas Apostolicas ad Belam regem obtulerunt, orantes obsecrantesque, ut quod Pontifex ratum habuerat, ipse regiæ auctoritatis præsidio communiret. Rex annuit perbenigne, & decretum fecit in hæc verba.

Capitulum Zagrabienſium & donationem eidem a Prodano factam Alexander III. & Bela III. confirmaverunt.

Decretum Belæ III. regis.

Notum sit omnibus catholicæ fidei cultoribus, quod ego Bela III. secundi Geysæ regis filius, Dei gratia Ungariæ, Dalmatiæ, Croatia, Ratiæ rex, cum Albæ S. Stephani regis sollemnes agerem dies, Zagrabienſes Canonici, cum Ugrino tunc temporis Zagrabienſi electo præsentia nostræ assistente devotas porrexerunt preces, simul & litteras Apostolicas præsentantes, quod Prodanus condam Episcopus Zagrabienſis tria emerit prædia Golgoniſa, Zelina, & Novum prædium, in propriis distincta terminis; & Golgoniſa Templariis tradidit, Zelina vero, & Novum prædium Ecclesiæ Zagrabienſi in usus Canoniceorum perpetuo habendum instituit. Supradicti vero Canonici, secundum temporis qualitatem, & hominum malignitatem provida cautione sibi & Ecclesiæ suæ consulentes, jam dicta prædia per successores Episcopos, vel per alios nec ab ipsis possent alienari, ab Apostolica auctoritate litterarum confirmationem impetraverunt. Nostram etiam serenitatem, intervenientibus Domini Apostolici petitionibus, postulaverunt; ut institutionem prænominati Prodani Episcopi, & confirmationem Domini Apostolici regiæ celsitudinis privilegio communiremus. Ego vero, ut dignum erat, justis petentium desideriis facilem præbui consensum; & quia vota eorum a rationis tramite non discordabant, affectu volui prosequente complere. Concurrens ergo grato assensu, eorum postulationibus prænominata duo prædia, Zelina videlicet, & Novum prædium, quæ bonæ memoriæ Prodanus Episcopus emit, in perpetuo Zagrabienſibus Canonicis habendum regia auctoritate institui, & privilegii regalis patrocinio communiri; sigillo etiam meo, & annuli mei impressione roboravi; statuens ut nulli hominum omnino liceat hanc paginam nostræ confirmationis infringere, vel ei ausu temerario contraire. Si quis autem hoc attentare præsumperit, regalis excellentiæ iram se noverit incursurum; & decem marchas auri persolvat. Factum autem hoc privilegium anno Dominicæ Incarnationis MCLXXV. regnante gloriosissimo rege Bela III. secundi Geysæ regis filio; Job Strigoniensi Archiepiscopo existente, Paulo Colocensi Archiepiscopo existente, Notario Adriano, Farcaſio Palatino Comite, Sabano Bano, Ugrino Zagrabienſi electo, & aliis compluribus ejusdem regni principibus existentibus.

Ugrinus fortasse ad Jaurinenſem Ecclesiæ translatus.

Ugrinus vix integrum annum Zagrabienſis electi nomen gesserat, cum aut morte sublatus, aut quod vero similis arbitror, ad aliam Ecclesiæ translatus est. Nam hic, ut Thomas Kovačevichius cenſet, videtur esse ille idem

Ugrinus, qui anno 1198. in privilegio Emerici regis, Episcopus Jaurinenſis nominatur.

## PRODANUS II. EP. ZAGRAB. XI

Abest ab omnibus catalogis Episcopalis, in quibus præter unum, de quo ante Ugrinum, neminem alium hujus nominis Episcopum reperies. Sed alterum nobis exhibent monumenta illorum temporum, quem a Prodano primo distingui oportet; hic quippe an. 1175. jam mortem obierat, ut ex privilegio Belæ III. paullo ante descripto satis perspicue intelligitur: ibi siquidem memoratur Prodanus condam Episcopus Zagrabienſis; itemque bonæ memoriæ Prodanus Episcopus. In his vero, quæ dixi, monumentis tum anno 1175. tum huic proximo, alter Prodanus Episcopus Zagrabienſis invenitur. Paulus Ritterus ex veteribus quibusdam tabulis, in Concilio quodam Hungarico ad controversias nescio quas dirimendas coram Cardinali Gentili sedis Apostolicæ Legato productis anno circiter 1310. hæc tradit, Gualterium Albanensem Episcopum ab Alexandro III. in Germaniam & Hungariam missum fuisse, & anno 1176. Jaurini cum esset, ibidem de finibus dioceseos Zagrabienſis disceptatum esse coram Andrea Colocensi Archiepiscopo, Miculino Guerinensi (Jaurinenſi) electo, Georgio præposito Albanensi, R. Abbate S. Martini, & PRODANO Zagrabienſi electo; sed legatus Pontificius, cum quid liqueret, non habere sibi videretur, rem in judicium reliquit. Baranus Archidiaconus Zagrabienſis, ut est apud Balthasarem Kersefelichium, quosdam agros cum emisſet; Bela III. emptionem illam anno 1177. regali diplomate confirmavit, in quo nominatur Prodanus Episcopus Zagrabienſis. Ita Ugrinus inter utrumque Prodanum seniore & juniore interjectus, alterum ab altero distinguendum esse demonstrat. Huic Ecclesiæ præfuit annos fere decem, eique successor datus est

Prodanus II. Ep. a Prodano I. distinguendus.

## TIMOTHEUS EP. ZAGRAB. XII.

De quo Kersefelichius modo laudatus: Hunc non solum vetus Ms. ex archivo Frangipanio, sed & Ritterus ex Zagrabienſis Ecclesiæ monumentis refert, addens exiguo tempore Ecclesiæ gubernasse. Nihil præterea de Timotheo litteris traditum invenio.

## DOMINICUS EP. ZAGRAB. XIII.

Anno circiter 1190. Pontificatum suscepit, gessitque bene ac feliciter, sub regibus Hungariæ, Bela III., Emerico, & Andrea II. e quorum pietate ac munificentia plurimum utilitatis Ecclesiæ Zagrabienſis percepit. Belæ parenti primum Emericus natus maximus anno 1196. deinde Andreas Emerici frater anno 1194. vel sequenti in regnum Hungaricum successit; nam Ladislavus III. filius Emerici, & regni paterni hæres vel eodem, quo parens anno, vel proximo extinctus est. Emericus rex, ut Dominici postulatis morem gereret, tria sane munica diplomata fecit secundum Ecclesiæ Zagrabienſem: primum anno 1198.; privilegia & immunitates ab regibus Hungariæ eidem concessas sua etiam auctoritate communivit. Decimas quorundam vectigalium, quæ de proventibus Martium,

Tria privilegia Emerici concessa Ecclesiæ Zagrab.

tium, sive, ut vocant, Marturinarum, & suillum gregum, regibus pendi solebant ab incolis dioceseos Zagrabienis, Episcopo attribuit. Donationem oppidi & territorii Chasmenis, quod huc Ecclesie ab Ladislavo traditum fuisse ait, confirmavit. Hujus privilegii initium est hujusmodi: Inter cetera virtutum exercitia, hoc nobis ad proventum supernae remunerationis conferre dignoscitur, quo Ecclesiarum Dei jura diligenter protegimus, & a calumniarum importunitatibus provida dispositione salubriter expeditur &c. Anno sequenti alterum in eandem fere sententiam privilegium Ecclesie & Episcopo Zagrabienis concessit; utrumque, & diocesim universam cujuscumque Bani jurisdictione, omnique tributo exemit; & ex regis vestigalibus integras sine ulla diminutione decimas persolvi jubet.

Primum.

Secundum.

In nomine sanctae Trinitatis, & individuae unitatis Emericus Dei gratia Hungariae, Dalmatiae, Croatiae, Ramaeque rex in perpetuum. Quanto excellentiori beneficiorum commoditate regia celsitudo calitus perpenditur visitari, tanto divinae gratitudinis obligatio, ex eorum efficitur acceptio; ut eo amplius de bonorum affluentiis, quae summi dispensatoris nutu ad usus temporales sibi suppeditata sunt, vice reciproca beneficium ipsius clementiam tum in Ecclesiarum indigentibus sublevandis, tum in aliis pietatis operibus, quoad poterit, exercendis compellatur honorare. Volentes igitur quod in futura exultationis patria cum multiplici ubertate, Domino largiente, fructum afferat, in praesentis exilii, & luctus loco studiosius seminare; destitutioni, & dispendio temporalium, quod per guerra tempestatem Zagrabienis Ecclesiae, ob fidelitatis constantiam coronae nostrae efficaciter exhibitam, permissa est, pietatis intuitu duximus consulendum. Concedimus itaque ut nulli Bano populum Ecclesiae memoratae pro descensu, seu marturinarum, sive praebendae liceat exactione molestare; sed in omnibus his, tum Chosmagenses, tum Dumbrovenses, tum etiam populi Ecclesiae, suo tantum teneantur Episcopo. Sancimus etiam, & statu incolumi volumus in posterum perdurare, ut tam de marturinis nostris, vel proventibus, qui loco marturinarum exhibentur, quam etiam de portis, qui in Episcopatu Zagrabienis colliguntur, ejusdem loci Episcopi decimas integrales sine ullius contradictione percipiant. Ut autem hac regia serenitatis nostrae institutio perpetuae stabilitatis robur obineat, praesentem paginam imaginis nostrae sigillo communivimus. Datum per manus Desiderii aulae nostrae cancellarii, Anno Dominicae Incarnationis MCLXXXIX. Venerabili Job Strigoniensi Archiepiscopo existente, Reverendo Saul Colocen. Archiepiscopo, Calano Quinqueeclesiensi Episcopo, Ugrino Jauriensi Episcopo, Adriano Transilvano Episcopo, Dominico Zagrabienis Episcopo, Catapano Agriensi Episcopo, Joanne Chanadiensi Episcopo, Kalenda Vesprimiensis Episcopo, Mag. Palatino, & eodem Comite Barchinensi, Nicolao Bano, & eodem Comite de Zala, Nika Comite de Bikor, Fulcone Comite de Badarg, Stephano Comite . . . Ampudino Comite de Zonogh, Dionysio Comite Wyar.

Extat denique tertium privilegium anno 1201. concessum, quo Emericus rogatu Dominici Episcopi, quidquid terrarum ac praediorum religiosa antiquitas Monasterio, sive collegio Canonorum, & Ecclesiae Zagrabienis contulit, per Thomam Canonicum Albensem perlustrari,

recognoscet, & suos cuique limites certos ac stabiles constitui iussit; omnia illa & singula loca nominatim percenset, ex eisque quidquam decerpi aut detrahi severe interdixit.

In nomine sanctae Trinitatis, & individuae unitatis Emericus Dei gratia Hungariae, Dalmatiae, Ramaeque rex in perpetuum. Arduum nobis regni negotium debito gubernantibus moderamine, plurimum expedire dignoscitur ut inter officii nostri sollicitudines . . . Ecclesiarum Dei salubriter admittamus, & earum quieti tanto diligentius consulamus, quanto perversitatem hominum ad juris ipsarum detrimenta cognoscimus promptiorem. Ea propter ad instantiam precum fidelis, ac dilecti nostri Dominici venerabilis Zagrabien. Episcopi dignanter inducti terras, ac praedia, quae monasterio Zagrabienis devota contulit antiquitas, per fidelem nostrum Thomam Albensem Canonicum fecimus collustrari, & sub generali collectione regia munire decrevimus auctoritate (sequitur descriptio bonorum Ecclesiae Zagrabien. cum designatione consensum, & metarum). Datum per manus Desiderii aulae regiae cancellarii, & Scybinien. Propositi, Anno Dominicae Incarnationis 1201. Venerabili Job Strigoniensi Archiepiscopo existente, Reverendo Saul Colocen. Archiepiscopo, Calano Quinqueeclesiensi Episcopo, Ugrino Jauriensi Episcopo, Adriano Transilvano Episcopo, Catapano Agriensi Episcopo, Jobe Canadiensi Episcopo &c.

Tertium.

Nec vero Andreas frater Emerici, qui antequam regni potiretur, principatum obtinebat in Dalmatia, Croatia, & Chulmia, suam erga Dominicum ejusque Ecclesiam beneficentiam desiderari passus est; siquidem an. 1201. eidem Episcopo petenti insulam Cajaniam in flumine Savo donavit, ut constat ex ejus diplomate, cujus initium hoc est: Juris ratio videtur consulere omnium pie petentium vota animo sedulo, attentisque auribus admittere. Verum earum precum certior specialiorque debet esse receptio, quas personae venerabiles, & causae, pro quibus fiunt, faciant esse commendabiles; dignum enim est, & rationi consentaneum, ut in remedium & salutem transeat animarum indubitanter, quidquid Deo datur, vel dicatur Ecclesiis &c. De possessione cujusdam loci, cui nomen Grabor, controversa erat Dominico Episcopo cum Petro Zadur. Andreas Dalmatiae, Croatiae, Chulmaeque dux perpetuus, frater Emerici regis, possessionem Episcopo, & Ecclesiae Zagrabienis adjudicavit anno 1200. Comperimus, inquit, esse terram supradicti Episcopi, praedicto Petro plurimum testimonio in jure convicto. Sub initium Episcopatus aliam litem habuit de Kamenia, quod praedium erat Ecclesiae Zagrabienis bene cultum & frugiferum, cum quibusdam nobilibus viris, qui illud sibi vindicabant, suumque esse aiebant. Delectus est arbiter Calanus Episcopus Quinqueeclesiensis, idemque Banus sive gubernator totius Dalmatiae & Croatiae; qui ex testificatione duorum Canonorum Zagrabienensium, & trium Comitum curialium secundum Episcopum judicavit.

Andreas ducis erga Dominicum, & Ecclesiam beneficentia.

Saeculo duodecimo, quod jam praetergressi sumus, reges Hungariae in Croatia & in eo loco diocesis Zagrabienis, cui nomen est Toplicza, sive Topolcza, inter duos fluvios Unnam & Colapim, Abbatiam Toplicensem longe celeberrimam fundarunt, & monachis Cisterciensibus a cenobio Clarevallensi accitis possidendam tradiderunt. Hanc pluribus villis, castellis, latissimis fundis, terrisque frugiferis, tum

Abbatia Toplicensis ab regibus Hungariae fundata & Cisterciensibus tradita.

tum ab initio, tum aliis deinceps, atque aliis dotatam, amplissimis insuper privilegiis atque immunitatibus cumularunt. Sunt qui hujus Abbatiae primordia inde usque ab anno tricesimo quinto saeculi duodecimi repetenda esse existimant; plerique tamen in annos extremos ejusdem saeculi rejiciunt. Ejusdem territorium tam longe ac late patebat, ut intra quadriduum vix totum peragrari, & obiri posset. Tota haec regio saeculo decimo sexto non semel ab Turcis, sed iterum ac saepius pervastata fuit, Monachi alio atque alio fuga dilapsi, coenobium ac templum eversum. Ex ejus terris ac praediis, quae superfunt, annuos fructus partim Episcopus, partim Praepositus major Ecclesiae Zagrabienensis percipiunt.

Interea fervebat adhuc Andreae Slavoniae ducis dissidium adversus Emericum regem, quem majorem natum Andreas frater ab avito, debitoque regni jure dejicere conabatur, & civilibus armis alter alterum oppugnare non desistebat. Caelestinus autem Romanus Pontifex hoc nomine tertius, cum Emerici, seu legitimi regis, patrocinium suscepisset, eos omnes jam anathemate perculerat, qui Andreae partibus faverent, vel quamvis cum illo aut rerum, aut litterarum communionem haberent: hoc tamen nihil obstitit, quominus plures etiam e principibus Hungariae, Dalmatiaeque viris Andreae se se jungerent, quos inter Bernardus Archiepiscopus Spalatensis apertam cum illo societatem inierat. Quare vita functo Caelestino, Innocentius in ejus dignitatem successus & ab Emerico stetit, ut par erat, & litteris ad Bertholdum Colocensem Archiepiscopum, tum ad Gevriensem Episcopum, & Dominicum nostrum scriptis jussit, ut rite, ac publice edicerent, Spalatensi, & Hydruntino Archiepiscopis nominatim interdictum esse sacris omnibus, quippe qui contra Caelestini decretum cum Andreae seientes, volentesque omnino communicarent. Extant haec litterae in Tom. 3. operis nostri cap. 2. §. 4. de Bernardo Spalatensi Antistite, quas hic integras exhibemus; datae sunt Laterani III. Kal. Januarii anno 1198. qui primus est Pontificatus Innocentii III.

B. Colocensi Archiepiscopo. V. Gevrien. & D. Zagrabien. Episcopis.

Ad nostram noveritis audientiam pervenisse, quod cum omnes communicantes in aliquo Andreae fratri charissimi in Christo filii nostri Hungarorum regis illustris, qui scilicet, vel litteras sibi dirigerent, aut ab eo reciperent destinatas, vel eidem aliquod consilium, vel auxilium exhiberent, vel ei in aliquo communicare praesumerent, de mandato bonae memoriae Caelestini praedecessoris nostri excommunicationis fuerint vinculo innodati N. & A. post excommunicationem, & inhibitionem apostolicam eidem communicare scienter, consilium, & auxilium impertiri, & divina etiam praesumpserunt celebrare. Unde propter hoc in N. Hydruntin. & N. Spalatin. Archiepiscopos quamvis & illi excommunicationi subiaceant, ab eodem loco remunerationis contra juris ordinem sunt promoti. Quia vero tanta praesumptionis audaciam in injuriam Dei, & contemptum sedis Apostolicae attentatam impunitam relinquere non possumus, nec debemus, fraternitati vestrae per Apostolica scripta districte praecipiendo mandamus, quatenus super praemis in inquirentes diligentius veritatem si rem ita noveritis se habere, praefatos N. & A. eorum

illectionibus, immo verius intrusionibus penitus irritatis, excommunicatos publice nunciatis; & usque ad condignam satisfactionem faciatis ab omnibus arctius evitari; districtius inhibentes, ne quis ab eis obtentu electionum fidelitatem, obedientiam, vel reverentiam audeant exhibere. Nullis litteris &c. Quod si omnes &c. Datum Laterani III. Cal. Januarii.

Atque dubium sane nullum est, quin littera D Pontificiae epistolae titulo inscripta, a qua Zagrabienensis Episcopi nomen initium ducit, Dominicum designet; utrum vero quae Innocentius scribit, ad Bernardum Spalatensem Archiepiscopum certo referenda sint, vide, quae citato superius in loco hac de re disseruimus. Civilis Andreae contra Emericum discordia quatuor circiter annos aut quinque adhuc tenuit; cum Emerico primum rege, postea Ladislavo Emerici filio at impuberi intra paucos menses extincto, Andreas Hungariae regnum adeptus est anno 1204. vel sequenti; cujus plura deinde, & eximia in Ecclesiam Zagrabiensem merita fuerunt. Dominicus vitam & Pontificatum usque ad annum hujus saeculi septimum perduxit. In aede cathedrali ante aram S. Michaelis humatum, & lapide rubeo marmoreo contentum tradit Joannes Archidiaconus; sed lapide jam inde antiquitus amoto, nullum ejus sepulchri vestigium extare ait.

#### GOTTHARDUS EP. ZAGRAB. XIV.

Cujus nomen tabulis archivi capitularis inscriptum reperitur anno 1209. itemque anno 1211. teste Rittero. Sed jam huic Ecclesiae praesidebat anno 1207.; nominatur quippe in diplomate Andreae II. regis, qui hoc anno eximiam suam pietatem ac beneficentiam declaravit erga Canonicos regulares S. Sepulchri Hierosolymitani, quorum ordo per Poloniam & Hungariam longe lateque propagatus cum multa in utroque regno domicilia, tum etiam in Slavonia domum S. Mariae de Glogonizza obtrinebant. Hanc siquidem septem villis & amplissima immunitate donavit, dum titulum Ducis gerebat; postea vero regni potitus eandem donationem confirmavit; idque testatum esse voluit litteris publicis, tum omnium fere Antistitum Hungariae, tum Gotthardi Episcopi Zagrabienensis nomine subscriptis. Sunt autem hujusmodi.

In nomine S. Trinitatis & individuae unitatis Andreas Dei Gr. Ung. Dalm. Rama, Croatia, Serviae, Galliciae, Lodomeriae rex in perp. Pia & fidelis, & sancta devotio, qua peccata delinquentium eleemosynarum largitione redimi possit quicquid Catholicus non desperat, ut ea, quae humane conditionis fragilitate contra divina praeccepta committuntur, benignitas indulgeat Conditoris, dum suis pauperibus misericorditer erogantur quae ipsius misericordia ad sustentationem vitae praesentis humano generi contulit possidenda. Hac igitur consideratione inducti pro salute animarum, & maxime progenitorum nostrorum, septem villas cum omnibus pertinentiis suis domui S. Sepulchri possidendas, tempore Ducatus nostri in Slavonia jure perpetuo contulimus, & in manibus praepositi Nicolai, qui tunc temporis eidem domui tam in Polonia, quam in regno Hungariae praerat, per Prestaldum nostrum, nomine Osen de villa Pagh, fecimus assignari. Postmodum vero in regni solium, solius Dei miseratione sublimati, tam a nobis, quam ab antecessoribus

Diploma Andreae II. bona & immunitates Canonico-rum regularium S. Sepulchri regali auctoritate confirmantis.

ribus nostris eidem domui in regno Hungariae, collata auctoritate regia duximus confirmanda. Prædictarum vero septem villarum sunt super Glogoniczam tres, videlicet villa Cosmen, villa Poren, villa Uyslumeni; in Staliza villæ duæ, scilicet villa Preklancza, & villa Sidovina; & ibi prope est villa Durte supra Resina fluvium; septima villa, videlicet Druse... Præterea eandem domum tanta donavimus prærogativa libertatis, ut nullus eam aliquo exactionis genere audeat aggravare, neque de rebus, vel vineis ejus exigere tributum, vel aliam pensionem; omnibus etiam liberis hominibus, sive hospitiis, sive indigenis supra terram domus supradictæ habitare volentibus, liberam ibi sub potestate regia commorandi tribuimus facultatem: Domum quoque ejusdem Dominici Sepulchri in Marchia simili privilegio duximus muniendam; ut vero cujuslibet tributis sit exactione immunis, neque de rebus ipsius aliqua pensio, neque de vineis exigatur de cetero, contribuimus. Hanc enim libertatem sibi quondam concesserat recolenda memoria frater noster, ut in authentico ipsius nobis constat, quod Magister ejusdem domus nostro conspectui præsentavit. Ut autem hac a nobis facta concessio nullis umquam temporibus valeat retrahari, præsentem eam pagina in notitiam deduci posterorum, & regie auctoritatis sigillo jussimus roborari. Datum per manus Roberti Albensis præpositi, & aulæ regie cancellarii, anno Dom. Incarnationis 1207. Joanne Strigoniensi Archiepiscopo, Bertholdo Colocensi electo; Calano Quinqueecclesiensem, Boleslao Vaciensem, Catapano Agriensem, Simone Varadinensem, Desiderio Chanadiensem, Kalenda Vesprimiensem, Wilhelmulo Ultrasilvanam, Gothardo Zagrabiensem, Petro Sirmiensem Ecclesias feliciter gubernantibus. Copano filio Battyon, & Palatino curiæ, Chepano filio Michæ Bano, & Semigienfi Comite existentibus.

quod auctoritate Apostolica postea confirmavit.

Donationem Andreæ regis post annos sex & quadraginta Innocentius IV. auctoritate Apostolica corroboravit.

Innocentius Episc. servus servorum Dei. Dilectis filiis FF. Dominici Sepulchri in Ungaria, & Slavonia constitutis sal. & Ap. bened. D. m a nobis petitur quod justum est & honestum, idem vigore aequitatis, quam ordo exigit, ratum habemus; & per sollicitudinem officii nostri justis postulationibus grato concurrentes assensu, septem villas cum suis omnibus pertinentiis, imo etiam subditis, & alia jura seu bona, quæ claræ memoriæ Andreas rex Ung. provida vobis pietate concessit, sicut ea omnia jussu & pacifice possidetis, ut in ipsius regis scripto authentico continetur, vobis, & per vos Domui vestræ auctoritate Apostolica confirmamus, & præsentis scripti testimonio communimus. Nulli ergo hominum liceat &c. Dat. Idib. Octob. Pontific. nostri anno undecimo, id est 1253.

Mortem Gotthardi Ritterus ad annum 1212. ascrixit, Keretelichius in annum tertium vel quartum supra decimum hujus sæculi rejecit. Penes Dominicum sub lapide albo sepulchrum obtinuit, ut docet Joannes Archidiaconus.

#### STEPHANUS EP. ZAGRABIENSIS XV.

Vir eximie doctrinæ, prudentiæ, integritatis, tum Andreæ regi, tum ejus filio Belæ totius Slavoniæ Duci acceptus in primis & gra-

tiosus; cujus initia episcopalia referri possunt ad annum circiter decimum quintum hujus sæculi. Andreas rex Hungariæ, ut voti paterni religione parentem, seque ipsum exsolveret, ac potissimum Innocentii III. & Honorii III. monitis atque hortationibus impulsus, ut quam Bela III. pater voverat, & morte præreptus assequi non potuerat, Hierosolymitanam expeditionem ipse suscipere (quippe eum pater moriens illius voti reum constituerat), ingentem ex Hungaria, & florentissimum exercitum collegit anno 1217. Profecturus in Dalmatiam, unde in Palæstinam, militibus, omnique bellico apparatu in eas naves imposito, quas a Venetis conduxerat, itinere maritimo trajiceret, Zagrabiam venit. Eum civitas propemodum tota obviam effusa, Episcopus, clerus, populusque perquam honorifice excepit. In ea civitate dies aliquot commoratus, Ecclesiam illam atque urbem plurimis & maximis beneficiis cumulavit. Ac primum quidem ædem cathedrali ab S. Ladislavo constructam sub nomine & auspiciis S. Stephani regis, sollemni ritu & cærimoniam consecrari jussit. Deinde Episcopi & Capituli rogatu & vetera confirmavit, & novis insuper Ecclesiam, Episcopum, collegium Canonicorum privilegiis auxit; nec solum decimam quaruncumque rerum Ecclesiæ persolveri, sed etiam populos illos, qui vel Episcopo, vel Capitulo subiecti essent, ab omni tributo, & cujuscumque Bani, ac Dynastæ jurisdictione liberos atque immunes esse jussit: quæ omnia diplomate amplissimo, quæ Bulla aurea dicitur, & regie auctoritatis validissimo præsidio communivit.

Andreas rex in Palæstinam profecturus Zagrabiam venit,

Ecclesiam, Episcopum, Capitulum novis privilegiis auxit, & vetera confirmavit.

In nomine sanctæ Trinitatis, & individue Unitatis amen. Andreas Dei gratia Hungariæ, Dalmatiæ, Croatiae, Ramae, Serviae, Galliciae, Ladomeriæque rex in perpetuum. Venerandi regie stirpis successores, tam diligentem, tam circumspexam in suorum antecessorum donationibus, & institutis, & in his maxime, quæ ad Dei cultum, & honorem deputata sunt, debent habere providentiam, ut si qua parte vel annosa temporum canicie, vel importuno malignantium impetu vacillare viderint, non tantum in melius immutare, verum etiam immutata suæ auctoritatis munimine studeant in perpetuum roborare. Hujus itaque regie circumspeditionis eruditione moniti, præsentium, atque posterorum notitiæ clarescere volumus: Quod cum essemus in exequendo itinere assumptæ crucis, injuriam Crucifixi ulcisci volentes, ad sanctam terram proficiscendo; & venissemus ad Zagrabiensem Episcopatum ac monasterium Zagrabiensem a S. Ladislao rege sanctissimæ recordationis prædecessore nostro constructum, qui terram Slavoniæ sive Banatum ab errore idololatriæ ad Christi unitatem convertens, coronæ Hungariæ subjugavit, qui etiam in eodem Banatu Episcopatum instituit & monasterium in honorem S. Stephani regis construxit, & Ecclesiam per venerabiles Episcopos dedicari fecissemus; Episcopus, & Capitulum ejusdem loci nobis humiliter supplicando postularent, ut nos omnia privilegia super prædictis possessionibus, & libertatibus, aliisque redditibus, tam a S. Ladislao rege primo fundatore Ecclesiæ, tam etiam a prædecessoribus nostris, præsertim a fratre nostro felicis recordationis Henrico rege, quam etiam pie a nobis collata, secretioris, & sollemnioris sigilli nostri, videlicet aureæ Bullæ munimine confirmaremus. Nos

Andreas regis diploma, sive Bulla aurea.

igi-



igitur eorum iustis petitionibus inclinati, grato volentes occurrere assensu, habito consilio magnatum nostrorum, omnia privilegia predictae Ecclesiae in medium fecimus deduci, & per Cancellarium nostrum Ugolinum de verbo ad verbum coram multitudine perlegi, & cum nihil contradictione dignum poterat inveniri, in eisdem omnia privilegia nostra, & praedecessorum nostrorum renovando, secundum quod in eisdem singulis continetur, aureo sigillo nostro confirmamus & etiam auctoritate nostra adjungendo firmiter statuimus, ut de cetero nullus Banus, sive sit de regali progenie, sive de magnatibus Hungariae praesumat populos predictae Ecclesiae coram se aliqua occasione in iudicium trahere, aut alicujus rei occasione descendere, aut etiam marturinas, seu quancunque collectam quocunque nomine nuncupatam exigere; sed potius firmiter injungendo Bano, sive Duci loco, & tempore constituto, precipimus, quod decimas marturinarum omnium, seu omnium collectarum quocunque nomine nuncupatarum, Episcopo plenario & sine contradictione aliqua & dilatione, quantum limes Episcopalis concludit, persolvat, decimam etiam omnium tributorum forensium, sive decimas, proventus pontium, quorum sunt, si illi solvere noluerint, cogendo eos cum gravi iudicio, ut ceteris metus in similibus incutiatur, solvere compellat. Statuimus etiam firmiter, ut populus Ecclesiae sive sit Episcopi, sive sit Capituli, in nullius foro tributum solvere cogatur, nec etiam tributarii vel salinarii regis, causa exercendae suae negotiationis, contra Episcopi voluntatem vel officialium suorum, ad aliquod forum Episcopi accedere praesumant; & si inventi fuerint, capti, in carcere quadraginta diebus detineantur, omnes res suas, quas tunc erga se habent, amittentes. Istud specialius adjiciendo, statuimus, quod licet nunquam moneta regalis in regno Banatus sive Ducatus fuerit ab aliquo rege facta, tamen a successoribus nostris si fieri contingat, quod non credimus, populus Ecclesiae, tam Episcopi, quam capituli mercimonia sua vendendo, vel emendo, dare non compellatur pro eadem; nec etiam monetarii ad aliquod forum Episcopi causae exercendae monetae accedere aliquo modo praesumant; & si inventi fuerint per 40. dies capti ab officialibus Episcopi in carcere detineantur, omnes res, quas tunc erga se habent, amittentes. Haec igitur omnia predicta a nobis, & a praedecessoribus nostris statuta, quae ab eis, & a nobis usque nunc sunt observata, sic firmiter in perpetuum a filiis, & heredibus nostris volumus observari, ut in nullo excedere videantur, acceptando aliquid contra iura predicta, quae tam a nobis, quam a fratre nostro felicitis recordationis rege Emerico, quam etiam a fundatore predictae Ecclesiae sanctissimo rege Ladislao, vel etiam ab aliis regibus, sive ducibus sunt concessa & collata; & si aliquis Banus sive dux aliquid contra predicta iura attentare praesumpserit, quod non credimus, si fuerit de regali progenie, paterna maledictione incomprehensibilis amaritudinis in perpetuum percutiatur, & nunquam ad coronam, quam hereditario jure habere debebat, possit pertingere; sed toto tempore vitae suae sit vagus, & profugus suisque satiari non valens, sed semper aliena mendicans. Si autem fuerit de nobilibus Hungariae, & citatus fuerit ab Episcopo ad regis praesentiam, antequam Episcopo respondeat, quinquaginta marcas fisco regio & alias quinquaginta Episcopo,

rege eodem fortius compellente, persolvat. Ut igitur haec omnia, quae a nobis, & ab omnibus praedecessoribus nostris sunt collata, & concessa, nostris nostrorumque successorum temporibus irrefragabiliter salva semper, & inconcussa in perpetuum possint permanere, sigilli nostri, videlicet Aureae Bullae munimine fecimus roborari. Datum per manus magistri Ugolini aulae regiae cancellarii Anno ab Incarnatione Domini MCCXVII. Venerabilibus Joanne Archiepiscopo Strigoniensi. Rev. Roberto Archiep. Colocen. existentibus Calano Quinqueecclesiensi. Episcopo, Villulmo Transilvan. Episcopo, Simeone Varadiensi. Episcopo, Roberto Vesprimiensi. Episcopo, Desiderio Chana diensi. Episcopo, Jacobo Vacien. Episcopo, Petro Jaurien. Episcopo, Stephano Zagrabien. Episcopo, Thoma Agrien. electo, Episcopis Ecclesias feliciter gubernantibus; Julia Palatino Comite existente, Dionysio Tavernicorum Magistro, & Comite Novi Castri, Dehud curiali Comite, Banvo Bano, Rophoyn Vairvoda, ceterisque Comitibus Comitatum tenentibus. Regni nostri Anno XIII.

Erat tunc Praepositus major Ecclesiae Zagrabienensis Cyriacus vir singularis fidei, & probitatis, qui ab rege petiit, interpositis etiam suorum collegarum precibus, impetravitque, ut praedia & omnia bona Ecclesiae Zagrabienensis ex regum & piorum hominum liberalitate acquisita, suis quaeque & nominibus distincta, & terminis definita, regio diplomate sigillatim exprimeret, ne umquam in oblivionem abirent; atque ut illorum huic Ecclesiae permaneret stabilis & certa possessio, regali auctoritate decerneret. Diploma describimus, ut est apud Kereselichium, cum ejus notis hac parenthesi ( ) inclusis.

Alterum rogatu Cyriaci Praepositi majoris privilegium Ecclesiae Zagrabienensis concessit.

In nomine sanctae Unitatis, & individuae Trinitatis. Andreas Dei gratia Hungariae, Dalmatiae, Croatiae, Ramae, Serviae, Galicie, Lodomeriaeque rex in perpetuum. Quod accedens in nostram praesentiam Cyriacus Zagrabienensis Ecclesiae Praepositus, cum suis Concathonicis, quae tam propter diversitatem voluminum, quam propter diuturnam temporum annositatem, seu etiam propter donationis recentiam, si quae nullius auctoritatis suffulta fuerant testimonio, & non adeo bene conservari poterant, verbo ad verbum rescripta, cum in susceptae peregrinationis essemus prociectu, sub hac serie nostrae praesentiarum audientiae. 1. Terram Zagrabienensis Ecclesiae donatione nostri patris Belae inclitae memoriae, jure perpetuo suscepit possidendam ( Haec terra in Comitatu Crisensi creditur, fors data a Prodano Episcopo, ob Corusca, quae in metis ponitur; ubi fit mentio Clavigerorum, ad metam Clavigerorum; item Crucigerorum, & Templariorum )

2. Terra, quam Totar quidam donavit in Comitatu Crisensi, a porta lapidea ad Bogasceva &c. Item Toplicza, quam Alexius condam Banus contulit ( Metae &c. )

Item Rabuch, quam pater noster Bela contulit ( Metae &c. )

Item Premba, quam quidam nobilis nomine Petrus contulit; quae ad hoc, ut Ecclesiae pluries distae ceram solveret, deputata est ( uti dicitur ): & ibi est meta populorum regii, ( item ) ab Oriente dividit Terram cum populo regis.

Item Terra Zaverfya, quam Joannes Praepositi Cyriaci avunculus contulit.

Item Opor, quam Blasius vir felicitis memoriae, condam Abbas S. Martini contulit, incipit versus Orientem a via regis &c.

Item

Item Opat, quam Blasius vir felicitis memoria, condam Abbas S. Martini contulit; incipit versus Orientem a via regis &c.

Item Cassina, quam quidam nomine Utha cum suis fratribus contulit (ubi commetatur cum terra Templariorum, & sub iisdem continetur Kralievecz, et Zvibilla).

Item Meta Podgoriensis Prædii, quam Martinus Banus fidelis noster indigentiam Zagrabien- sis Ecclesiæ considerans contulit, dicta S. Petri de Polavia, aliter Petrovin.

Item Terra, quam quidam nomine Zamar filius Dastai contulit (cum metis).

Item Terra, quam Nadižlaus contulit a ri- vo, qui dicitur Cofnicza, (ubi sit mentio cu- jusdam Hualk).

Item Blata, quam Endas contulit, (post cu- jus metas &c.)

Insuper ut Ecclesia sapientia contra cujuslibet falsæ cavillationis seminarium, quod emergere posset in posterum, terras, quas Baran Decanus, Reznich videlicet, Zepniža, Brezt, terras Szibench, Wthe, Tarnova, cum terra Coeani, & Dals, quam Nues Bachachiensis Præpositus eidem Ecclesiæ contulit, prout in nostris earum veritas continetur privilegiis, cum quadam in- sula nomine Prevlaka, cum tribus claustris pi- scaturæ, quas memoratus Baran decanus eidem Ecclesiæ contulerat, sed occupatus morte, non- dum super hoc impetrare potuerat privilegium... tranquilla pace possideat in perpetuum, præsen- tium serie censuimus annotare: in his omnibus nostro fidei, & dilecto Bzad Comite, auctori- tate, & præcepto nostro, Procuratore hujus ne- gotii existente.

Item cum ea, quæ Deo dicata sunt, firma sint, & irrevocabilia, præsentium atque posterorum nostris commendamus. Quod cum Stephanus Za- grabiensis Episcopus, quasdam terras Pribejeu, Odra, Zzik eidem Ecclesiæ contulit, sed cum postea falsa suggestionem donationem duarum ter- rarum Odra & Zzik molitus esset retractare; sed nostra pace, nec non consilio, ad plenam pa- cem, & jurisdictionem quiesceret Ecclesiæ, pro- mi in authentico summi Pontificis, & Colocen- sis Archiepiscopi chirographo continetur; Nos etiam præsentis privilegio dignum duximus con- firmare. Ceterum sicut supra meminimus, cum Ecclesiam sæpe nominatam, annuente Domino, quod jamaudum desideravimus, dedicari fecimus, & tam in majori dotare non possumus, suis com- petenter necessitatibus, & maxime quia sitam in regni nostri consilio sicut de aliis Ecclesiis feci- mus, hanc nostram rarissime visitare possumus; juxta tenorem privilegii fratris nostri Henrici regis præclaræ memoriæ, has sibi libertates con- cessimus; quatenus universi populi, qui ad eam pertinent, nec Bano nec Vicebano, nec alicui in- vidualibus, & descensibus, vel in marturinis, vel in judiciis, vel ullius unquam occasione rei, respondere teneantur. Quin etiam, ut de jure me- moratæ Ecclesiæ, ante nostræ circumspeditionis oculos nihil indiscussum remaneat, supra memo- ratas Cyriacus Præpositus Zagrabien- sis, vir dis- cretus, in agendis providus, terras suas, & suorum fratrum Quintiani & Buccan, Cassina, & Blagussa, cum insula juxta rivum Zava, cum quadam terra nomine Tupal, quam nos sibi dedimus, & novo prædio Dolisicza, cum his et- iam, quæ in territorio Kemik ad eos pertinent, in protectionem & jurisdictionem Zagrabien- sis Ca- pituli contulit... (eximendo iterum a Bani,

& Vicebani judicatu; addendo): Si vero memo- ratum Buccan super aliqua causa tam ardua, quæ per Zagrabien- sis Ecclesiæ conventum, & eius ministeria ad plenum definiri non posset, contingeret impeti, tam cum, quam alios ab omnium exemptos judicio, regia solummodo po- testatis discussione volumus reservari.

Prima vero meta terræ Cassina incipit &c. (referendo metas Cassinæ, Tupal, Dolisicza: qui- bus positis profectur)

Sane quia sæpe nominatam Ecclesiam omnimo- da volumus libertate perfrui, donationem quam quidam Agidius nomine, quem a jurisdictione Banatus per nostrum privilegium cum suis terris ad petitionem nostri fidelis Cyriaci Zagrabien- sis Præpositi eximimus, factam confirmavimus.... Verum quia facili lapsu rei gestæ memoria men- tes mortalium deserit, ut hujus negotii, delibe- ratione legitima, per nos pertractata ratio, con- tra quodlibet privilegium in hujus pagina præ- judicium, per Bankonem, vel Ochuz Comitem, vel per quempiam alium, nobis ignorantibus im- petratum, quod in respectu præsentis privilegii cassum esse debet penitus, & inutile, salva sem- per & inconcussa permaneat; præsentem chartu- lam nostris successoribus, jurjurando commenda- vimus illibate conservandam, autoritatis nostræ charactere in perpetuum roboratam. Datum per manus magistri Ugrini aule regie Cancellarii; Anno ab Incarnatione Domini MCCXVII. Vene- rab. Joanne Archiepiscopo Strigoniensi, Rever. Bertholdo Archiepiscopo Colocensi existentibus, Calano Quinquecelesien. Episcopo, Vilelmo Ul- trasilvano Episcopo, Simone Varadien. Episcopo, Roberto Vispriem. Episcopo, Desiderio Chava- dien. Episcopo, Jacobo Baciensi Episcopo, Pe- tro Jaurien. Episcopo, Stephano Zagrabien. Epi- scopo, Thoma Agrien. electo, Episcopis Eccle- sias feliciter gubernantibus; Jula Palatino Comi- te existente, Dionysio magistro Tavernicorum, & Comite Novi Castri, Ochuz curiali Comite, Ba- kone Bano, Rosoin Vaivoda, cæterisque Comitibus, Comitatus tenentibus. Regni nostri Anno XIII.

Anno 1221. Andreas voto paterno perolu- to, & sacra expeditione perfunctus, ex qua cognomen Hierosolymitani adeptus est, in Pan- noniam rediit; & cum Zagrabiam iterum adis- set, corpus unius de illis sanctissimis infanti- bus, quos Herodes Christi causa interfici ius- sit, e Palæstina delatum in sacrario ædis cathed- ralis deposuit, ut auctor est Benedictus Vin- kovichius Episcopus, quod etiam loculo ligneo inaurato inclusum ibidem asservatur, & festo die Sanctorum Innocentium publicæ veneratio- ni expositum summa civium frequentia & re- ligione colitur. Tertium privilegium Ecclesiæ Zagrabien- sis concessit, ex quo Balthasar Ada- mus Kereselich pauca fragmenta decerpit: Aliud Andree II. privilegium, inquit, vel donatio re- lius: De nostris terris propriis (ut ibidem lo- quitur) scilicet de terris castri Zagrabien- sis, ter- ras videlicet, Rodus, Vidasse, Kupuk, & Bra- che, a castro Zagrabien- si exceptas, Ecclesiæ per- petuo possidendas contulit; & per Reynolt certis limitibus undique distingui præcepit, metas or- dine recensendo; ubi meminit terræ populorum regis. Dicit item: Et medietas aquæ Zante per- tinet ad Ecclesiam, concludens: Datum per ma- nus Cleti aule regie Cancellarii, & Agrien- sis Præpositi Anno Domini Incarnationis MCCXXI. Venerab. Joanne Strigoniensi, Rev. Ugrino Colo- censi Archiepiscopis existentibus, Desiderio Cha-

Andreas rex e Palæ- stina rever- sus iterum adiit Za- grabiam,

& terras quasdam eidem Ec- clesiæ at- tribuit.

nadiensi, Vilelmo Ultraflvano, Roberto Vespri-  
mieni, Thoma Agriensi, Stephano Zagrabienfi,  
Alexandro Varadinensi, Bartholomao Quinque-  
clesiensi, & aliis Episcopis Ecclesias feliciter  
gubernantibus. Nicolao Palatino, & Comite  
Soproniensi, Ochuz Bano, Paulo Vayvoda, Ju-  
la curiali Comite Regina & Comite Rindrugienfi,  
Dionysio magistro Tavernicorum, & Comite Bac-  
sienfi, Bunkone curiali Comite regis, & Comite  
Alben. Demetrio Senescalco & Comite Vafva-  
rienfi, Laurentio filio Ochuz magistro Pincerna-  
rum, & Comite Kevien. existentibus. Regni no-  
stri Anno XVIII.

Stephanus Belam filius  
Andrez pa-  
renti concil-  
liavit.

Belá filius Andreæ regis, Dux totius Slavo-  
niæ, ipse quoque aliquid suæ liberalitatis ac  
beneficentiæ in Stephanum derivare voluit, ut  
meritam ei gratiam referret, quod pernicio-  
sas & exitiales, quæ sibi erant cum parente,  
discordias mira dexteritate, & prudentia seda-  
vit, cum eas componere multi & primarii pro-  
ceres nequidquam conati fuissent, & filium cum  
patre in pristinam gratiam restituit. Villam  
liquidem Pzeram nomine detractam ex territo-  
rio regali castri Zagrabienfi, Stephano ejusque  
successoribus in perpetuum possidendam tradi-  
dit anno 1222. cujus (id est Stephani) discre-  
tione procurante (ut est in ejus diplomate),  
præ cæteris regni primatibus, discordia inter Pa-  
stem nostrum, & nos olim exorta, & ad inesti-  
mabile regni detrimentum succrescens, est ad con-  
cordiam revocata, & universa gens variis per-  
turbationum procellis in pace collocata &c.

Iste Stephanus, ait Balthasar sæpe laudatus,  
pacis studiosus fuit; hinc amicis & benefactori-  
bus pluribus gaudebat Ecclesia. Summo omnium  
dolore, & perenni sui desiderio MCCXXVII. obiit  
mense Januario. Sed Paulius Ritter ad quintum  
& vicimum hujus sæculi annum, itemque Tho-  
mas Kovalcevičius revocavit.

An idem  
ille, quem  
apud Ho-  
norium III.  
P. accusavit  
Capitulum  
Ceretiaen-  
se?

Verèor hic Stephanus videatur esse ille idem  
Episcopus Zagrabienfi, quem tacito nomine com-  
memoratum invenies in epistola Honorii III.  
anno 1223. Ille vero enormium flagitiorum in-  
famia laborabat, quem Magister Primogenitus,  
Præpositus, & Capitulum Ecclesiæ Ceretinenfi;  
de sacra æde flammis devastata, de homicidio,  
de manibus in quosdam Canonicos violenter in-  
jectis, de mysteriis divinis, dum anathemati  
suberat, temere celebratis, & indigne percep-  
tis, atque aliis de criminibus ad Pontificem  
detulerant. Ecclesia Ceretinenfi ubinam loci  
fita esset in diocesi Zagrabienfi, & quanam  
fuerit, mihi non est compertum. Hoc vocabulo  
Ecclesiam Zagrabiensem designari mihi quidem  
non fit verisimile; Chalsmensem potius fuisse  
dixerim; & licet plerique primordia Capituli  
Chalsmensis referenda censeant ad Stephanum II.,  
qui Stephano primo proxime successit, hic ta-  
men verius restitutor, & amplificator fuit,  
quam auctor & conditor ejusdem Capituli, cui  
longe ante Stephanum II. suus erat Præposi-  
tus, & sub eo collegium Presbyterorum, sive  
Canonicorum, qui diurnæ nocturnæque Psal-  
modiæ operam dabant, ut postea dicemus.  
Epistolæ Honorianæ deest inscriptio; sed inscrip-  
tam fuisse Patribus Dominicis Bzovius tra-  
dit in Annalibus Prædicatorum: Is ipse, in-  
quit, Pontifex Honorius fratribus ordinis Præ-  
dicatorum commisit executionem quamdam hoc an-  
no (1223.) contra Episcopum Zagrabiensem mul-  
torum gravissimorum criminum reum, a Canoni-  
cis ejus Ecclesiæ accusatum. Hanc ipsam episto-  
lam Illyrici Sacri Tom. V.

lam Honorii lectoribus exhibeo ex supplemen-  
to Bullarii Dominicani pag. 5.

Honorius Episcopus servus servorum Dei. In-  
finuantibus olim nobis dilectis filiis Magistro Tri-  
mogenito subdito nostro, Præposito, & Capitulo  
Ecclesiæ diocesis Ceretinenfi, quod Venerabilis fra-  
ter noster Zagrabienfi Episcopus, loci diocesa-  
nus, Ecclesiam ipsam incendio vastarat, homi-  
cidium perpetraverat, & pro injectione manuum  
in quosdam ejusdem Ecclesiæ Canonicos violenta,  
vinculo excommunicationis adstrictus, divi-  
na temere celebraverat absolutionis beneficio non  
obtento, multisque erat aliis criminibus irretitus;  
nos ad clamorofam insinuationem vobis . . . in-  
quisitionem sub certa forma duximus committendam.  
Sed sicut nuper dictus Præpositus exposuit coram  
nobis, licet vos . . . diligenter in commissio vobis  
inquisitionis negotio procedentes quæ invenistis,  
nobis juxta mandati nostri tenorem sub vestris  
sigillis remiseritis fideliter interclusa, præsignen-  
tes partibus terminum competentem, in quo no-  
stro se conspectui præsentarent, eodem Præposito  
cum quibusdam suis Canonicis, in præfixo eis ter-  
mino propter hoc ad Sedem Apostolicam acceden-  
te; memoratus tamen Episcopus, utpote sibi con-  
sciis, nec venit, nec misit aliquem responsalem.  
Ne igitur idem Episcopus de sua contumacia vi-  
deatur commodum reportare, discretionis vestræ  
per Apostolicam scripta iterum mandamus, qua-  
tenus ipsum in festo Nativitatis Dominicæ pro-  
xime futuro, quod ei, & parti alteri pro per-  
emptorio termino assignamus, per se, vel respon-  
salem idoneum, nostro se propter hoc conspectui  
repræsentet, auctoritate nostra, cessante appella-  
tione, cogatis. Datum Signia V. Idus Julii, Pon-  
tificatus nostri anno septimo, idest 1223.

Honorii  
III. P. Epi-  
stola.

Epocha epistolaris congruit cum Episcopatu  
Stephani I. qui ab anno circiter 1215. usque  
ad annum quintum vel septimum supra vice-  
simum hujus sæculi Ecclesiæ Zagrabienfi præ-  
fuit, ut docent Scriptores supra laudati. Ve-  
rum enimvero in actis Stephani, cunctisque an-  
nis ejus Episcopatus, tot ac tam enormium sce-  
lerum ne vestigium quidem reperitur. Quapro-  
pter nisi si quis aliis Episcopus, cujus nomen  
intercidit, inter Stephanum utrumque interje-  
ctus fuerit, cui annos aliquot Stephano primo  
detractos, & præsertim annum 1223. attribui  
oporteat, ego sane ad quem spectet epistola  
Honorii, & quem feriat, plane ignoro.

#### STEPHANUS II. EP. ZAGRAB. XVI.

Nobilissima & opulentissima familia ortus;  
quippe, ut ait Thomas Archidiaconus cap. 41.  
Historiæ Salonit. erat in auro & argento locu-  
ples valde, & aliis etiam divitiis opulentus;  
sed rebus præclare gelitis, & præsertim pluri-  
mis, & maximis in Ecclesiam Zagrabiensem  
meritis, quam genere & opulentia, longe illu-  
strior; nec minori, quam decessor, apud An-  
dream regem, & hujus filios Belam & Colo-  
manum gratia præpollens. Thomas Kovalcevi-  
chius primordia Stephani II. Episcopi repeten-  
da censet ab anno 1225. ut plures, inquit,  
ejus litteræ docent; nec sane ab eo anno dimo-  
veri possunt; quippe quibusdam suis litteris,  
infra suo loco describendis, hanc duplicem chro-  
nologicam notam subjecit: Anno Domini 1235.  
Pontificatus nostri anno X. Prima ei cura fuit,  
ut de communi habitatione Canonicis accom-  
modaret; cum enim inter se diversi & disjun-  
cti,

Ades com-  
munes pro-  
pe basilicæ  
Cathedra-  
lem Cano-  
nicis assi-  
gnavit.

Et, alii propius, alii longius ab æde cathedrali habitarent, sæpe fiebat, ut eorum aliqui choro abessent, vel in tempore non adessent: Curiam suam, & domos in ea extructas pro inhabitatione illis contulit, ut amplius distantia locorum voluntati ipsorum occasionem impediendi nequeat ministrare, sed in unum convenientes valeant salubriter quotidianum officium Domino decantare. Hæc Kovalcevicus ex ejusdem Stephani litteris. Idem confirmat Kereselichius: Curiam vicinam Ecclesie, cum piscina juxta eam existente, quæ prius, ut idem Stephanus ait, a fundatione Ecclesie, Capituli fuit, eidem restituit; seseque sponte sua ad paranda ædificia pro habitatione communi necessaria obligavit... An hæc perfecit Stephanus non constat; ob bella, ac Tartarorum incursiones, vix effectum res sortita est. Ambitus ædium Canonicorum, & quod spatii ante conspectum ædium extenditur, dicta est Area Capitularis.

Mensa capitularis inopia confuluit.

Cum mensa capitularis proventus admodum exiguis instructa esset, ejus egestatem sibi sublevandam esse putavit: Considerantes diligenter, inquit, nostri Capituli nimiam paupertatem & inopiam, videlicet, quod unusquisque fratrum nostrorum in redditibus non possit habere plus in anno, nisi valens marcam & dimidiam, & nos, immo Episcopatus noster per omnipotentis Dei gratiam abundaret in omnibus bonis &c. Ac primo quidem Toplicam, terram non exiguam & satis frugiferam a mensa Episcopali avulsam Capitulo restituit; hanc siquidem antea possidebat clerus Zagrabienensis, sed cum alio quodam prædio commutata in jus Episcopale transierat; nec vero prædium illud, quo cum facta fuerat commutatio, Canonicis ademptum recepit. Jus exigendi duas marchas a Capitulo, itemque hospitandi apud Canonicos, quod Episcopi habebant, vel usurpabant, remisit. Decimas omnes, quas e parocchia castri Zagrabienensis, itemque ex Archidiaconatu Goricensi, sive Guerchenensi percipiebant Episcopi, Canonicis donavit; & alia præterea multa contulit ad proventus mensæ capitularis augendos; item quidquid Canonici ex Episcoporum, & piorum hominum liberalitate possidebant, ab Gregorio IX. diplomate Pontificio muniendum firmandumque curavit. Ad hæc: suis Canonicis potestatem fecit testamenti condendi, & quæ quisque possidet, cuicumque vellet, legandi; si quis autem intestato mortuus esset, decrevit, ut ejus bona non ad Episcopum, sed ad Capitulum devolverentur. Item, inquit, fratres nostri decedentes plenam habeant facultatem de rebus suis disponendi &c. Antea siquidem Canonici Zagrabienenses hujusmodi facultate carebant, quam sæpe postulaverant, numquam tamen impetrare potuerant ab Episcopis superiorum temporum; in jus autem & arbitrium Episcopi bona omnium Canonicorum e vita decedentium, quasi caduca, & fisco addicta perveniebant.

Canonici potestatem fecit testamenti condendi.

Nihilo minorem Ecclesie, quam Capituli commodis utilitatibusque augendis curam impendit. Prædium quoddam inter fluvios Dravum & Muram centum & quinquaginta marchis emptum, itemque Villam territorii Simigienensis a Bela filio regis Andreæ, ob fidelem operam ac perutilem eidem præstitam, sibi donatam, Ecclesie suæ perpetuo possidendam ac fruendam tradidit. Ab Andrea rege privilegium impetravit, quo statutum est ac decretum, ut vel decimæ omnium frugum, itemque vici Epi-

Jus percipiendi decimas sibi ab Andrea rege

scopo solverentur, vel pro decimis tantum unusquisque contribueret, non quantum quidem Episcopus vellet, sed quantum rex ipse ex æquo & bono decerneret.

confirmandum curavit.

Andreas Dei gratia Hungaria rex omnibus, Diploma quibus scriptum patuerit, salutem, & omne bonum. Ad universorum notitiam volumus pervenire; quod constitutus in nostra præsentia, & nostrorum Jobagionum in curia tunc existentium, noster dilectus Stephanus, & fidelis, Zagrabienensis Ecclesie Episcopus Venerabilis cum magna instantia a nobis postulavit, asserens hoc de jure sibi competere, ut aut secundum instituta Veteris Testamenti, per totam suam diocesim justas decimas omnium frugum in specie, videlicet frumenti, filiginis, hordei, avenæ, milii, melis, & omnium leguminum, & etiam vini, integraliter ac plenarie sibi, aut secundum antiquam bonam, & approbatam consuetudinem totius Hungariæ, quæ vim legis obtinet, singula pondera pro singulis capetiis persolvere faceremus. Nos vero eam Episcopo prædicto jussu deferentes, quam diocesariis eisdem misericordiam facientes, licet eidem Episcopo grave videretur, habita super hoc non modica deliberatione, communi omnium Jobagionum nostrorum consilio provide statuimus, ut justas decimas omnium frugum in specie, sicut prædiximus, aut pro duabus capetiis unum pondus persolvatur: ita tamen, quod quicumque aut de duabus capetiis unum pondus, aut in specie solvere noluerit, & Episcopus propter hoc secundum formam Ecclesie in ipsum contumacem excommunicationis sententiam intulerit, nos merito & jussu excommunicationem illatam firmam servabimus, & ratam habemus. Et ne Episcopus ipsos populos super hoc iterato possit instigare, formam rei instantis, præsentem paginam duplici sigillo nostro per manus Bulchu Gennensis Træpositi, & aulæ nostræ Cancellarii fecimus roborari. Anno Dominicæ Incarnationis 1229.

De pago quodam Rassecha nomine, ejusque territorio, Stephanus & Canonici, Magistro, & fratribus Militiæ templi Hungariæ litem intulerant; quæ coram Colomano filio regis Andreæ, eodemque rege Galiciæ & Slavoniæ, diu multumque variis contentionibus agitata cum fuisset, componi tamen nequiverat. Ugrianus Archiepiscopus Colocensis permissu regis delectus est arbiter, qui monuit eos, si saperent, ut transigerent, nam ex tabulis & testibus utrinque productis, unde jus staret, non apparebat. Res igitur per compositionem sic transacta est, ut Episcopus & Canonici Rassecham Magistro & fratribus Templariis possidendam relinquerent; hi vero aliud territorium, quod prope Dravum, & Valschæ terræ Episcopali finitimum possidebant, illis traderent. In hanc compositionem pars utraque consensit, & fidem suam interposuit, polliciti neutros alteris super ea re in posterum quidquam litigii aut molestiæ illaturos; qui promissis non starent, iis centum marcharum argenti multam subeundam esse: quæ omnia publicis litteris testata esse voluerunt; sed cum in illis nomen Colomani unica littera C. expressum esset, qui exemplum indidem sumpsit, per summam inconsiderantiam pro Colomano rege exscripsit Carolum regem, qui ætate longe posterior fuit. Andreas duos habuit filios, Belam natu maximum, quem regni Hungariæ heredem designavit, & Colomanum, cui principatum Slavoniæ Belæ ademptum, & Haliciæ sive Galiciæ (quæ

Controversia de Pago Rassecha, quæ Episcopo & Canonicis erat cum Templariis, per transactionem composita.

(quæ regio est in Valachia, ut Æneas Silvius, vel in Russia Rubra citra Tyram, ut alii tradunt), itemque Bosniæ, cum regali titulo impertiit: quare in tabulis illorum temporum alias rex Galitiæ & Sclavoniæ, alias Dux Sclavoniæ & rex Bosniæ appellatur. En tabulas compositionis.

Tabulæ  
Compositionis.

Ugrinus Dei gratia Colocensis Archiepiscopus universis tam presentibus, quam posteris presentes litteras inspecturis, salutem in vero salutari. Ad universorum notitiam volumus pervenire, quod cum inter Venerabilem Patrem Stephanum Dei gratia Zagrabiensem Episcopum, & Capitulum ejusdem Ecclesiæ ex parte una, ac viros Venerabiles, ac Religiosos, Magistrum, & fratres domus Militiæ templi per regnum Hungariæ, & Sclavoniæ exorta super quadam terra dicta Rassecha coram illustri Carolo (Colomano) rege quæstio diutius verteretur, tandem partibus in nostra presentia constitutis, de prudentum virorum consilio, pro bono pacis inter partes amicabilis compositio coram nobis intercessit; talis videlicet: quod dicti Magister, & fratres totam terram illam quam habent ultra Dravum versus Sclavoniam terræ dicti Domini Zagrabiensis Episcopi, quæ Vasca dicitur, contiguam, quam terram Benedictus quondam Banus dictæ Domui templi in salutem animæ suæ in puram contulit elemosynam, Zagrabiensi Ecclesiæ contulerunt perpetuo possidendam, tali siquidem conditione subjuncta, quod dictus Zagrabiensis Episcopus, & suum Capitulum nomine suo, necnon & successorum suorum nomine interveniente, Ripulatione solemnī, bona fide coram nobis firmiter permiserunt, quod super dicta Rassecha nihil omnino reclamabunt: renunciantes in hoc facto omni juri, & actioni reali, & personali, si quid haberent, vel habere viderentur in dicta terra, tam canonico, quam civili, privilegio fori, rescriptis omnibus, tam impetratis, quam impetrandis, & omnibus, quæcumque sunt inter partes acta. Renunciantes iterum privilegiis omnibus prius, vel posterius impetratis, necnon & omnibus, quæ possunt dictis Episcopo Zagrabiensi, & suo Capitulo prodesse, & dictis Domui templi fratribus obesse; promittentes etiam sub præmissa stipulatione solemnī, quod si prædictæ formæ pacis præsumerent contraire, ipsius in posterum suscitando litigium, in foro Ecclesiastico, seu etiam seculari, de cætero nullatenus audirentur. Cæterum ad majorem roboris firmitatem partes ambæ coram nobis firmiter promiserunt, sub pœna centum marcarum argenti, quod si partium aliqua, ducta temeritate qualibet, a compositione præmissa resiliret, pars illa, quæ præsumeret a compositione præscripta recedere, vel litem de cætero suscitare, parti alteri formæ præmissæ compositionis innitenti, ac tenenti, dictam pœnam centum marcarum sine conditione, seu contradictione qualibet teneretur solvere; & pœna soluta nihilominus compositio præmissa firma semper, & stabilis penitus habeatur. Suprascriptis etiam duximus advertendum, quod præfatus Zagrabiensis Episcopus, & Capitulum pro parte sua ad hoc se coram nobis obligaverunt spontaneæ, quod si aliquis dictos fratres Templares super terra Massecha vellet impetere, vel inquietare, præfatus Zagrabiensis Episcopus, & Capitulum, dictos fratres contra omnes molestantes protegere pariter ac defendere tenerentur, & ipsos super hoc indemnes in omnibus conservare, juxta suæ possibilitatem facultatis.

Illyrici Sacri Tom. V.

Ad hoc item etiam viceversa dicti Fratres sub præmissis conditionibus obligaverunt se, & domum suam, quod ipsi dictam terram suam supra Dravam, quam Ecclesiæ Zagrabiensi pro pace contulerint, contra omnes molestantes defendere tenebuntur. Ut igitur præmissa compositio, prout superius est expressa, firma semper & stabilis, perpetuis temporibus observetur, ad petitionem partium, ac de voluntate ipsarum, præsentem paginam super hoc conscriptam, nostro, ac nostri sigillo Capituli Colocensis fecimus communiri. Cæterum ad majoris roboris firmitatem, memoratus Zagrabiensis Episcopus, & Capitulum suum, & Magister domus templi præsens scriptum sigillorum suorum appensione confirmarunt. Datum est hoc Colociæ in Ecclesiâ Majori Beati Pauli Colocensis, & a partibus utrinque coram nobis approbatum. Anno Dominicæ Incarnationis 1230. mense Majo.

Chasma oppidum & territorium erat Comitatus Zagrabiensis, ab amne interfluo denominatum; utrumque S. Ladislavus Episcopo & Ecclesiæ Zagrabiensi donaverat. Aeris salubritate, locique amœnitate illecepi Episcopi Chasmensem Zagrabiensi commorationem prætulerunt. Arcem itaque ædificarunt, ubi satis commode, & pro dignitate habitabant; statis vero & sollempnibus anni temporibus Zagrabiam ad functiones episcopales obeundas se conferebant. Cum ibi Stephanus more superiorum Antistitem domicilium haberet, oppidum sacris profanisque ædificiis, & frequentia incolarum augere statuit. Templum ingenti mole sumptuque sub titulo S. Mariæ Magdalene extruxit. Ante oppidum planities erat longe lateque explicata, quam pluribus ædificiis & colonis illuc deductis frequentavit, appellavitque Chasnam novam. Hic templum S. Spiritus ædificavit, & collegium Canonorum de consensu Capituli Zagrabiensis novum instituit, aut vetus e veteri Chasma illuc traduxit, quibus domicilia tradidit, quæ prope templum construxerat. Duodecim esse voluit, jure ac potestate illos eligendi sibi, & successoribus reservata, quos prædiis, vineis, aliisque terris frugiferis, ac decimis locupletavit. Proventus illis collatos itemque privilegia iisdem concessa descripsit Balthasar Adamus Kersefelich his verbis: Capitulo autem Chasmeni, quod ex XII. constare voluit, donavit terram de veteri Chasma cum metallibus; decimas de nova Chasma; decimas de Monoxlo omnes, excepto vino, ex quo 200. tantum cubulos eis concessit; medietatem tellonii de nova Chasma; tres vineas; molendinum de Grabronza cum sufficiente terra pro cultura; item mancipia aliquot; item duas capellas S. Joannis Baptiste, & S. Martini, in eorum prædiis ad usum mensæ communis; salvo Archidiaconi jure, quo ad presentatorum per Canonicos confirmationem; redditus parochiæ de nova Chasma, cum auctoritate judiciorum spiritualium in eadem nova Chasma. Subditos autem ab omni exactione, censu, aut servitute Episcopo, aut Praposis etiam Chasmensibus præstanda exempt; sub pœna excommunicationis, in ipso facto incurrenda, inhibens Praposis, ne ullam molestiam inferat Capitulo subditis: quibus gladiationem, pascuationem in episcopalibus silvis ea ratione indulget, ut de porcis suo Capitulo decimam solvant. Lectori, cantori, & custodi, de portionibus, quæ dividi solent inter Canonicos, duas portiones designat; & insuper

Chasma  
oppidum  
Slavoniz.

Stephanus  
novam  
Chasnam  
ædificavit  
& collegium  
Canonorum  
ibidem  
collocavit.

Hh 2

Ec-



*Ecclesiam S. Crucis de Kyris Cantoria contulit . Hæc Capituli Chasmenfis restauratio ( sive institutio ) fuit a Stephano II. facta , ab Andrea rege Hungariae , & Colomano Galiciae & Sclavorum rege approbata , & Gregorio Papa IX. confirmata .*

Præpositus  
Chasmen-  
instituit,  
eique duos  
Archidia-  
conatus in  
perpetuum  
annexos  
esse voluit.

Sacerdotium Chasmense primum instituit, quem Chasmenfis quidem Capituli Præpositum vocavit, sed eum tamen aggregatum esse voluit ad collegium Canonicorum Zagrabienfium, inter quos quartum honoris, ac dignitatis locum tenere iussit, cum eoque unum vel duos Archidiaconatus Gueschenfem, & Szinczenfem, cum quarta parte decimarum ex utroque, in perpetuum conjunxit; de quo idem Kereselich: *Præpositus Chasmenfis unus ex Zagrabienfibus Canonicis ipsi Chasmenfes eligerent, ut Episcopus confirmaret, semper esset. Præpositus ille dignitas est, ob quod Archidiaconatum Guesche, & Szincze ipsi perpetuo, cum quarta abinde decimarum conjunxit, aliisque Archidiaconalibus proventibus; prædium item Bilenik attribuit; & sic eum seorsim a Capitulo dotavit; ob quæ, usque ad hæc tempora, separatus a Capitulo, eorum est Præpositus.*

Ante Ste-  
phanum  
erat Chas-  
men col-  
legium  
Presbyte-  
rorum.

Sunt qui existimant neque Capituli, neque Præpositi Chasmenfis primordia referenda esse ad Stephanum II. Episcopum; sed utrumque ab eo relictum vel reformatum esse, ac præsertim uberrimis proventibus dotatum & augmentum fuisse ajunt. Nam cum S. Ladislavus vel a sorore vidua Svinimiri regis, vel a proceribus Chrobatæ, ad regnum illud occupandum invitatus, copias Dravum flumen traduxit, apud Chasmen collegium Presbyterorum reperit, inter quos duo nominantur *Laurentius & Timotheus Capellani*; quos autem nunc Canonicos dicimus, eos antiquitus Capellanos appellatos fuisse opinantur; & collegia presbyterorum quid aliud erant, nisi concilia & cœtus virorum ecclesiasticorum jure canonico lociati, quæ nunc Capitula vocantur, Itaque Chasmen jam tum erat Capituli cujusdam si non perfectio, at rudis tamen quædam imago atque adumbratio. Ajunt præterea sub Emerico rege quædam statuta & decreta coram Capitulo Chasmenfi in tabulis illorum temporum reperiri. Quid quod ante Stephanum II. suus erat Chasmenfis Præpositus; nam ex monumentis superiorum annorum constat quemdam nomine Philen fuisse Præpositum Chasmenfem, qui deinde in locum Cyriaci vita functi successus, fuit Præpositus major Zagrabienfis. Sed utcumque, sive auctor fuerit Stephanus sive reparator Capituli & Præpositi Chasmenfis; utriusque certe absoluta & perfecta conformatio Stephano attribui debet; qui & novam Chasmen condidit, & duodecim Canonicos ibidem collocavit, & templum S. Spiritus extruxit, in quo illi quotidianæ psalmodiæ, ac liturgiæ operam darent; & quod caput est, tum Canonicis, tum Præposito Chasmenfis annuos proventus assignavit, ac leges vitæ socialis & canonicæ descripsit. Habeo equidem tabulas sive instituti sive reformati Capituli & Præpositi Chasmenfis, sed non integras: in his ait Stephanus se reperisse in illis partibus circa Chasmen gentes silvestres, indomitas, æque humanarum ac divinarum legum ignaras, quas a fera illa agrestique vita ad humanitatem, & Christianæ disciplinæ mores, laboriosissima cu-

ra, & industria revocavit. Ex illis plerosque in Chasmen Novam colonos deduxit, ibique Canonicos collocavit, qui eos sacrorum functionum & carimoniarum varietate ac majestate illectos, ad Deum pie riteque colendum excitarent. In his privilegia illis collata, & fundos assignatos, & suis terminis circumscriptos enumerat.

Stephanus II. Dei gratia Episcopus Ecclesiæ Zagrabienfis. *Universis paginam presentem inspicitur salutem in vero salutari. Cum salubribus exhortationibus divinæ pietatis, suaviter cuncta disponentis, regnum celorum, quo nobis omnia subjiciuntur, prius, & principalius querere doceamur; utique spiritus oblectationibus vitæ, & rerum transitoriarum, Dominicam admonitionem exequentes, qui membra summi & principalis sumus capitis, imitari eum, cui connectimur, debemus. Quoniam quidquid animo ex præsentis sæculo aridet, consideratione perpetuæ beatitudinis vilescit, & sordescit. Sed quia multa fovetur in casum præsentis etiam vitæ longa desideria, cum brevis sit, qua pergitur, & stricta via; non desistit increpare, ut relictis inanibus, & incertis, semper Deum, & finem nostrum præ oculis nostris habentes, mercari debeamus æterna. Tandem cum juxta vocem Apostolicam spectaculum facti sumus huic Mundo, & hominibus; juxta talentum unicuique divinitus administratum, aliis condescendendo, & compatiendo erga charitatis custodiam desudare debemus; ut hac consideratione ceteri duelli ad veritatis appetitum, gloriæque consecutionem animum ferventius applicare conentur, ut exemplo virtutum assumpto, in æterna felicitate justis socientur. Ceterum quia mundus deceptivus & senescens, simul cum incerti temporis labilitate vacillatur, & dilabitur; ne processu temporum, vel hominum memoria dilabi possint, vel alienari, ea quæ cauta, & discreta deliberatione disponuntur; litterarum testimonio debent perennari, & posterorum memoriæ diligenter commendari; Universitati igitur omnium volumus declarare, quod dum nos, divina favente gratia regimen in Ecclesia Dei recipere meruimus pastorale, licet inter silvestres, & indomitas gentes positi, in primo introitu nostro salubri meditatione quadam bonæ spei principia, Deo dante, incipimus inchoare, nec tamen decrevimus terrori supradicti populi cedere. Quos licet per multos labores Christi fides jam suscepit diligendos, ubi enim humanum posse non adfuit, divinum adjutorium nostro proposito vires ministravit. Opitulante siquidem gratia Spiritus Sancti construximus Ecclesiam in Nova Chasmen, in villa videlicet, quam nos fecimus congregari; in qua creavimus, & stabilivimus Præposituram, & Capitulum ex duodecim Canonicis; tamen ex voluntate, & consensu dilectorum in Christo fratrum nostrorum Capituli Zagrabienfis, ea videlicet intentione, ut quanto plus nomen divinæ magnitudinis debet extolli, tanto plures suis servitiis salubriter adoptentur. Auctoritatem autem instituendi Præpositum nobis, & nostris successoribus reservavimus. Illud etiam sciendum, quod auctoritatem constituendi, & destituendi Canonicos, & cetera spiritualia in eadem Ecclesia exercendi, nobis, & nostris successoribus pleno jure reservavimus. Sed quia in Ecclesia supradicta ad laudem Dei constituti sustentationibus, & necessariis hujus vitæ transitorie carere non possunt, propter tenuitatem red-*

Diploma  
fundati a  
Stephano  
vel restitui  
ti auctique  
Capituli  
Chasmen-  
fis.

reddituum, anneximus prapositura supradicta Archidiaconatum de Guescha pleno jure Archidiaconatus cum quarta videlicet omnium decimarum & ceteris redditibus Archidiaconatui provenientibus. Contulimus etiam jam dictae prapositurae quoddam praedium, quod Byenik vocatur cum omnibus redditibus, & pertinentiis suis, videlicet Marturinibus, & omnibus decimationibus Jobagionum suorum, nec non aliis redditibus de ipsis provenientibus pleno jure perpetuo possidendum. Ita tamen supradicta, quae prapositurae statuimus, & anneximus, Prapositus pro tempore constitutus sine Capitulo possidebit; ne, quod absit, per seminatorem Zizania controversia inter eos seminetur. Praterea dilectis in Christo Fratribus Nostri Capituli videlicet supradictae Ecclesiae Spiritus Sancti, statuimus, & contulimus, sine parte Prapostiti, pleno jure, & perpetuo terram de veteri Chiasma cum omnibus redditibus, & pertinentiis suis, marturinibus videlicet, & omnibus &c. Cujus terrae metae hoc modo continentur. Prima meta incipit a ponte, qui est super fluvium Maxawcha, per viam quae ducit ad Sanctam Elisabeth, inde vadit descendens per eundem fluvium versus Meridiem, & declinat de eodem fluvio ad arborem scilicet cruce signatum, inde tendit superius ad parvum fluvium, qui potok dicitur, itur, & vadit ad finem ejusdem potok, & ibi est meta terrea inter dumos avellanarum, inde vadit ad aliam metam terream eam, quae est juxta viam, inde vadit versus occidentem ad quendam fluvium, qui dicitur Katren, ad arborem tiliae, & est ibidem meta terrea, inde transit dictum fluvium versus occidentem, & vadit per planitiem montis ad metas terreas quae sunt juxta viam, inde tendit versus Ecclesiam sanctae Crucis inferius, & cadit in potok, qui dicitur Bachapoto-ka, et est ibi meta terrea; inde tendit superius per dictum potok & ascendit superius ad viam, & sunt ibi metae terreae, & inde per viam eundo transit versus septentrionem.

Praterea concessimus, & statuimus lectoriae, cantoriae, custodia ejusdem Ecclesiae in omnibus victualibus, quae dividi solent in duas partes: Illud tamen universitati omnium innotescimus, quod licet auctoritate instituendi Prapositum nobis, & nostris successoribus, prout supradictum est, pleno jure reservaverimus, tamen jus, & voluntatem eligendi Prapositum suum supradicto Capitulo Chasmen. pleno jure concessimus. Ita tamen quod de dilectis in Christo fratribus nostris, Capitulo Zagrab. de tribus videlicet, & quatuor fratribus, quos nos, vel nostri successores praesentabimus, unum eligent, juxta suae voluntatis beneplacitum. Et sic per ipsos de Prapostiti ipsorum electione celebrata, Episcopus pro tempore constitutus, electum Prapositum confirmabit. Subjungimus etiam, quod omnia supradicta capitula statuta, & collata sine parte, & auctoritate Prapostiti, pleno jure, quiete, & pacifice Capitulum possidebit: si vero Prapositus Capitulum, vel ipsorum populos de sensu, vel aliquo facto molestaverit, seu juri ipsorum derogaverit, ipso facto sententiam excommunicationis se noverit incurrisse. Cum igitur juxta coadiutorium divinum cuncta praedicta divino honori, & servitio convenientia, habito salubri, & perfectiori consilio rite, & discrete disposuerimus, praesentante temporum curriculo, vel Mundi statu varietate, ea, quae digne, & salubriter ordinavimus, & stabilivimus, infringi possint, vel alienari, praesentes litteras nostras sigilli nostri, nec non Capituli Zagrab. munimine roboratas contulimus, confirmationem, & robur hujus nostri facti, & dispositionis perpetuae. Ita quod, nec nostri successores, nec alii praesentem nostram dispositionem poterint infringere, vel revocare. Si quis tamen huic nostrae dispositioni attemptare, vel contraire praesumpserit, indignationem Dei, & S. Spiritus, cujus Ecclesiam persequitur, se sentiat incurrisse. Si quis vero circa eadem statuta bonus, & fidelis extiterit, in examine districti judicii ad dexteram Dominicam collocatus iusti judicis dulci levamine mereatur confoveri. Anno Domini 1232.

Post restitutum sive restauratum ac reformatum Capitulum Chasmen, primum Prapositum eidem praefecit Ugrinum virum eximia nobilitatis & doctrinae, filium fratris Ugrini Archiepiscopi Colocensis; de quo Thomas Archidiaconus cap. 47. hist. Salonit. Fuerat vir litteratus, & naturali facundia praeditus, & maxime in divina pagina eruditus. Studuerat enim Parisiis annis fere duodecim in Theologica facultate, subministrante sibi Scholasticos sumptus Ugrino Colocensi Archiepiscopo patruo suo. Huic autem, cum Archiepiscopus Spalatensis electus ac designatus fuisset anno 1244., alterum Zoiim nomine substituit. Post aliquot annos Innocentius IV., rogatu Prapostiti & Capituli Chasmen, quae Stephanus utriusque large effulseque donaverat, auctoritate Apostolica communivit.

Innocentius Papa IV. Prapostito, & Capitulo Chasmen. Ecclesiae Zagrabien. Diacesis. Solet annuere Sedes Apostolica piis votis, & honestis petentium precibus favorem benevolum impertiri. Ex parte siquidem vestra petitio nobis exhibita continebat, quod Venerabilis Frater noster Zagrabien. Episcopus, Ecclesiae vestrae, quam propius, ut asseritis, fundavit sumptibus, de dote competente providere intendens, terras, possessiones, redditus & alia bona de rebus Ecclesiae Zagrabien., prout ei licuit juxta canonicas sanctiones, ejusdem Ecclesiae Capituli Zagrabien. accedente consensu, contulit; cum alias donationem de bonis Ecclesiae Zagrabien. aliquam non fecisset. Nos igitur vestris supplicationibus inclinati, quod ab eodem Episcopo provide factum est, in hac parte ratum habentes, terras, possessiones, & alias res praedictas, sicut eas iuste & pacifice possidetis, & hoc in grave detrimentum Ecclesiae Zagrabien. non redundat, vobis & per vos Ecclesiae vestrae, auctoritate Apostolica confirmamus, & praesentis scripti patrocinio communimus. Nulli ergo omnino hominum liceat hanc paginam nostrae confirmationis & communionis infringere &c.

Dat. Lugduni Id. Apr. Anno IV., id est 1247. De decimis tum Comitatus Simigien. trans Dravum, tum quarundam Ecclesiarum cis Dravum in diocesi Vespriem. vetus erat controversia Episcopo & Canonicis Zagrabien. cum coenobiarcha & monachis S. Martini. Coenobium S. Martini S. Stephanus primus rex Hungariae anno 1002. in sacro monte Pannoniae fundaverat, & optimis vestigalibus instructum monachis Benedictinis tradiderat; cujus coenobii primus Abbas fuit S. Astricus sive Anastasius, deinde primus iidem Archiepiscopus Colocensis. Utrique decimas exigebant & colligebant Episcopus & Canonici; repetebant, & sibi eas deberi coenobiarcha & monachi contendebant. Horum missu jussuque Procurator

Ugrinus  
primus  
Prapostitus  
Chasmen.  
su.

Innocentii  
IV. Epi-  
stola ad  
Prapostitum  
& Capitu-  
lum  
Chasmen-  
se.

Contro-  
versia de  
decimis,  
quae Epi-  
scopo &  
Canonicis  
erat cum  
Abbate &  
Monachis  
S. Martini,

cœnobii, Romam profectus, apud Innocentium III. actionem repetundarum instituit, & pro jure monasterii obtinendo privilegium S. Stephani regis suprema trium Romanorum Pontificum auctoritate confirmatum proferebat. Aderat etiam Procurator Episcopi & Capituli, qui causam utriusque tuebatur; agebatque ex illis sive regiis, sive pontificiis privilegiis non effici quod Abbas proposuerat, & volebat. De consensu partis utriusque dati sunt iudices, qui ex allatis in utramque partem rationibus, tabulis, testimoniis controversiam dirimerent, ac sententiam ferrent. Interea dum lis erat sub iudicio, utrique varia tum Innocentii III. & Honorii III., tum Gregorii IX. rescripta, quæ provisionalia vocant, impetrarunt. Cum iudices delegati alias ex aliis sententiæ ferendæ moras interponerent, res iterum delata est ad tribunal curiæ Romanæ. Stephanum Episcopum Romam ad suam causam agendam adisse videtur colligi posse ex quodam ejus diplomate, in quo ait se villam Custosiam Capitulo donasse, non solum ut Canonicorum egestati subveniret, sed etiam ut eidem gratiam referret pro centum, & viginti marchis argenteis, quas illi ad sumptus, quos in eam litem iterque Romanum fieri oportebat, contribuerant. Cum, inquit, Fratres nostri suæ paupertati parcere nolentes jussissent nos, cum laboraremus in curia Romana pro deliberanda Ecclesia nostra contra Abbatem S. Martini in centum & viginti marchis argenti. Sed cum apud Romanam curiam necrite, nec legitime ex juris formula lis contestata fuisset; alterutrum enim, vel utrumque defuit, quod ad petitionem, & inficiationem legitimam pertinebat; ideoque ne institui quidem cognitio causæ, nedum finis huc controversiæ imponi potuit. Diuturni certaminis contentione defessi, ut forensibus concertationibus, & gravioribus impensis parcerent, tandem ad hanc utrique compositionem devenerunt, ut Abbas & Monachi decimas omnes Comitatus Simigienensis Episcopo & Canonicis colligendas relinquerent; hi vero jus exigendi decimas ab illis, quæ eis Dravum erant Ecclesiis dimitterent, illudque Abbati & Monachis integrum vel traderent, vel restituerent; & insuper Episcopus Abbati pro sumptibus, quos in eam litem fecerat, marchas argenti quinquaginta solveret. Gregorius Papa IX. rogatu utriusque partis eam compositionem approbavit, & Apostolicæ auctoritatis præsidio communivit.

per com-  
positionem  
dimittitur.

Gregorius  
IX. com-  
positionem  
approba-  
vit.

Gregorius Episcopus servus servorum Dei venerabili fratri Episcopo, & dilectis filiis Capitulo Zagrabien. salutem, & apostolicam benedictionem. Justis petentium desideriis dignum est nos facile præbere consensum, & vota, quæ a rationis tramite non discordant, effectu prosequente complere. Sane tempore felicitis recordationis Innocentii Papæ prædecessoris nostri dilectus Abbas S. Martini de Pannonia pro se, ac conventu suo petiit a te, frater Episcopo, ac Canonicis Zagrabien. Ecclesiæ, quorum procurator ad hoc in iudicio comparebat, decimas omnium frugum, & aliarum rerum partis Comitatus Simigien. quæ est ultra fluvium Dravum, nec non & capellarum S. Barnabæ, S. Crucis, & S. Trinitatis existentium in Vesprimien. diocesi citra Dravum, cum fructibus perceptis ex ipsis, & omne jus suum in iudicium circa præmissa deducens, privilegium S. Stephani regis, & con-

firmationes piæ memoriæ Alexandri, Urbani, & Clementis Romanorum Pontificum, ad intentionem suam fundandam super principali produxit. Ad quæ procurator vester utcumque respondit, & tam receptio testium, quam causæ cognitio, fuit certis iudicibus de partium voluntate commissa. Verum post longi temporis tractum, post diversa rescripta a prædecessoribus nostris, & nobis obtenta, tandem ad Apostolicæ Sedis examen negotium est reductum. Cui finem sententia dare non potuit, eo quod litis contestationem legitimam acta iudicii non habebant. Quia vero litis protractio nonnunquam dispendia gravia post se trahit, sumptibus, atque laboribus litigantes atterere consuevit; inter te, ac præfatum Abbatem concordi tractatu præhabito hujusmodi compositio intervenit; videlicet quod dictus Abbas pro se, & monasterio suo decimas, & omnia alia, quæcunque comprehendere poterat ejus petitio, ultra fluvium Dravum infra Zagrabien. Diocesim versus Sclavoniam, tibi, & Ecclesiæ Zagrabien. ex toto pacifice, ac quiete dimisit, promittens pro se, ac monasterio suo, quod super præmissis te, ac successores tuos, vel tuam Ecclesiam iudicio, vel extra iudicium, nullo unquam tempore molestabit. Tu vero pro te, ac Ecclesiæ tuæ decimas quatuor capellarum scilicet S. Mariæ, S. Trinitatis, S. Barnabæ, & S. Crucis versus Ungariam, & quidquid juris in eisdem capellis habebas, Abbati, & monasterio memoratis dimisisti pacifice, & quiete. Ceterum pro quibusdam fructibus, & expensis quinquaginta marchas argenti, ad pondus Ungariæ bonorum, & electorum fratribus vendentium, & cimentium, tam pro possessionibus, quam rebus aliis commercio competentium, prout vendi consuevit, & emi apud castrum, quod Alba communi vocabulo nuncupatur, te soluturum Abbati, aut ejus certo nuntio promissisti, ita quod medietatem summæ prædictæ usque ad festum proximum Purificationis B. M. ad aliam medietatem usque ad Kalendas Augusti proximo tunc futuri, absque diminutione aliqua persolves. Denique compositionem hujusmodi proprio juramento firmatam, tu, & idem Abbas postulatis humiliter Apostolicæ Sedis munimine roborari. Cum igitur finem litibus desideremus imponi, & litigantium concordiam amplectamur, compositionem prædictam gratam, ac ratam habentes, eam auctoritate Apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attemptare præsumperit, indignationem Omnipotentis Dei, & Beatorum Apostolorum Petri, & Pauli ejus se noverit incursurum.

Datum Reatæ XI. Kalendas Augusti Pontificatus nostri anno VI. idest 1232.

In eandem sententiam, & iisdem verbis, in eandem litteras dedit ad cœnobiarcham, & monachos S. Martini; itemque ad duos alios ejusdem ordinis Abbates, atque ad Archidiaconum Vesprimien. & Jaurinien. Ecclesiæ. His autem mandavit, ut sedulo curarent, ne alterutra pars eam compositionem violaret; atque ad eam accurate servandam utroque compellerent. Inscriptio his tertiis litteris præposita est hæc: Gregorius Papa IX. . . . de Bochon, & . . . de Tichon Abbatibus . . . & . . . Archidiacono de Roba Vesprimien. & Jaurien. dioc. &c. Initium vero non absimile a prioribus litteris:

Tem-

In eandem  
sententiam  
scriptum  
ad Abba-  
tem & mo-  
nachos S.  
Martini,  
tum ad  
duos alios  
Abbates,  
atque ad  
Archid.  
Vesprim.

Tempore felicitis recordationis Innocentii Papæ prædecessoris nostri dilectus filius Abbas S. Martini de Pannonia pro se & conventu suo petit ab . . . Episcopo & Canonicis Zagrabienſis Eccleſiæ, quorum procurator &c. Cetera ut in litteris ſupra deſcriptis uſque ad verba illa gratiam habentes, quibus hæc ſubjicit: Noſtri favorem impertimur aſſenſus; & volentes ut obſervationis plenarie ſortiatum effectum, per apoſtolica vobis ſcripta mandamus, quatenus compoſitionem ipſam faciatis inviolabiliter obſervari, contradictores &c. Quod ſi non omnes &c.

Datum Reate x. Kalendas Auguſti. Pontificatus noſtri anno vi.

Proventus Capituli Zagrabienſis duabus villis auxit.

Stephanus, ut proventus Capituli augeret, duas ſuæ, & episcopali menſæ villas ac terras frugiferas detraxit; unam nomine Cuſtoſiam Capitulo donavit, ſed tabulas donationis non habemus, alteram Pancratio Canonico Cuſtodi, qui eam, ut ad menſam Capitularem adjungeret, emere voluit, & viginti marchis vendidit; quam quidem pecuniam non in ſuam, ſed in Eccleſiæ utilitatem convertit: tabulas venditionis, & pretii accepti conſecit in hæc verba:

Stephanus Dei gratia Zagrabienſis Episcopus litteras præſentes noſtras inſpecturis ſalutem in Domino. Agnoſcant præſentes & futuri hanc paginam inſpecturi: Quod Magiſter Pancratiuſ Cantor Zagrabienſis curam gerens animæ ſuæ, utpote vir ſpirituſalis, & homo totius religionis, ac honeſtatis, quamdam terram Zagrabienſem ſignificatam Crogh, quæ ad noſtra aratra pertinebat, nobis quidem non neceſſariam, propter amplitudinem poſſeſſionum, & copioſam aratorum, quæ in locis plurimis, & diverſis divino adiutorio acquiſivimus, ordinavimus, multiplicavimus abundanter; Capitulo vero Zagrabienſi perutilem, & valde neceſſariam, tanquam juxta ipſos exiſtentem, eos omnino anguſtantiem, & qua ipſi plurimum indigebant, & de qua guerra frequentiffima, & diſcordia oriebatur inter noſtram familiam, & Capituli ſupradicte, pro 20. marcarum pretio ſibi vendi poſtulavit, ut emptam ad utilitatem & proprietatem tranſferret Capituli ſapeſati, perpetuo poſſidendam. Nos igitur piam dicte cantoris intentionem benigno favore proſequentes, & noſtrarum fratrum utilitati, procurata ſollicitudine juxta noſtram conſuetudinem providentes, petitioni condeſcendentes cantoris ſapeſati, præmemoratam terram vendidimus eidem pro pretio prætaxato in juſ & poſſeſſionem Zagrabienſis Capituli ſine aliqua occasione, & dilatione devolvendam; & pretium recepimus integraliter ad utilitatem noſtræ Eccleſiæ illud totaliter erogantes. Ut autem præſata venditio perpetuam habeat, & irrefragabilem firmitatem, præſentes dedimus litteras ſigilli noſtri munimine roboratas. Anno Domini 1235., Pontificatus noſtri anno decimo.

Mors Andree II. regis Hungariz: duos reliquit filios, quos ante obitum regis appellaverat.

Hoc eodem anno 1235. Andreas II. rex Hungariæ mortuus eſt; duos filios reliquit Belam & Colomanum, utrumque, dum viveret, regio titulo decoravit. Extat privilegium Belæ, datum anno 1230. in quo ſe ipſe appellat regem: Ego Bela Dei gratia rex primogenitus regni Hungariæ. . . Cum voluntate Patris noſtri, & maturo principum terræ noſtræ conſilio perpetuitatem donationum inutiliter ſaſtarum revocaremus, obtulit nobis &c. Colomanus vero in tabulis illorum temporum, ſuperſtite parente, alias, ut ſupra diximus, rex Gallicie & Sclavonie, alias rex Croatiae & Boſnie appellatur.

Et hic quidem dominatum earum provinciarum, quas a patre acceperat, poſt hujus obitum cum titulo regio obtinuit; Bela vero natus maximus hoc nomine IV. in regnum totius Hungariæ parenti ſucceſſit. Stephanus Episcopus in magna gratia erat, atque exiſtimatione apud Belam & Colomanum; quorum patrocinio, & benevolentia fretus, cum mire cupidus eſſet augendæ dignitatis & ſuæ, & Eccleſiæ Zagrabienſis, id moliri cœpit, ut ſimul atque diem ſuum obſiſſet Guncellus Spalatenſis Archiepiſcopus, Spalatenſem cum Eccleſia Zagrabienſi conjungeret, jure ac titulo metropolitæ itemque Primatis ad hanc ſedem translato. Ut quod volebat, & conabatur, aſſequeretur, præces Belæ & Colomani, qui ejus optatis & conatibus favebant, apud Sedem Apoſtolicam interpoſuit. Sed obſtabat Matthias Archiepiſcopus Strigoniensis, idemque Primas totius regni Hungariæ, qui ſuam primatiales poſteſtatem diminui ægre ferebat, & duos in eodem regno Primates eſſe poſſe negabat; obſtabat Ugrinus Archiepiſcopus Colocenſis, qui Eccleſiam Zagrabienſem ab ſua provincia divelli nolebat; obſtabant in primis Spalatenſes, qui nullo proſus modo adduci poterant, ut Eccleſiam ſuam dignitate ac poſteſtate Primatiali & metropolitica ſpoliare paterentur. Itaque juſta horum expoſtulationis & repugnantia plus valuit apud Gregorium IX. quam gratioſa duorum illorum regum petitio. Ne tamen videretur nihil dare omnino velle regiis poſtulis, rem hujusmodi uſque ad obitum Guncelli Archiepiſcopi Spalatenſis differendam eſſe reſpondit. Interea clades Tartarica non multo poſt ſecuta Stephani cogitata & conſilia diſcuſſit, alioque avertit. Hæc Paullus Ritterus ex antiquis monumentis ſe accepiſſe teſtatur apud Balthaſarem Adamum Keſelichium.

Andreas Eggererius religioſæ S. Paulli familiæ alumnus, ac Sacerdos hoc anno 1240. initia conſignat Remetenſis cœnobii, & cultus originem per idem ferme tempus Deiparæ, quam Remetenſem appellant, exhibiti. Locus haud a Zagrabia procul, invius tamen, atque deſertus Hungarica lingua Remete dictus eſt, unde cœnobio, & Marianæ ædificatio inditum, quippe eremi ſpeciem intra duorum collium abditum, incultumque reſeſſum exhibeat. Hic Iſquirino cuidam ex eadem D. Paulli familia a Capitulo Zagrabienſi donatus coli ſubinde, frequentarique cœpit, cum quædam ibidem Virginis ſtatua miraculorum fama, ac celebritate inclaruit, quibus quodcumque hominum genus juvari ſe ſenſit præſenti Deiparæ numine: quare & cœnobium ipſum pia Hungaricorum regum, & Zagrabienſis Capituli munificentia auctum eſt, prædiisſque locupletatum, & Mariana ædes inter celebriora Slavonici olim regni templa populorum conſuſu, atque veneratione hætenus habetur. Rei hujusce narrationem ita Eggererius expoſuit in proœmia opusculi de ſtatua Remetenſi ab ſe conſcripti, pag. 1. *Statua hæc ſacra, Natales ſuos facile a 400. & amplius annis commemorat, ab anno videlicet 1240.; eadem illi fere ætas cum ſuo cœnobio; quamvis oratorium eo tempore tantum fuiſſe conſtet. Devotus & ſimplex Eremita Frater Iſquirinus nomine a B. Stephano altero Ordinis noſtri poſt B. Euſebium moderatore, eo cum obedientia miſſus locum illum deſertum non diſſiculter a Venerabili Capitulo Zagrabienſi impe-*

Stephanus Ep. Spalatenſ. cum Zagrabienſi Eccleſia conjungere conatur.

Remetenſis cœnobii initia prope Zagrabiam.

travit, quem & successu temporis, fundis quibusdam liberalitate dicti Capituli, postea vero amplius munificentia Regum Hungaria, possessionibus pro paupertate, & numero exili religiosorum locupletavit. Remetensis hujusce ædis nobilitatem, & decus extulit etiam Laurentius Chrylogonus in altero mundi Mariani Tom. dissert. 6. num. 39. hisce verbis: Certe in hoc Croatia regno (cujus pars Slavonia fuit) olim potentissimo, nunc vero nimium quantum Turcarum potentia acciso, atque oppresso, plura videntur honori Virginis dicata templa, inter quæ præ cæteris gloria miraculorum coruscat illud RR. PP. Ordinis Sancti Pauli primi Eremitæ, quod S. Mariæ de Eremo prope Zagrabiam vulgo nuncupatur, in quo Virgo ea, qua divinitus pollet vi, ac virtute, quotannis non pauca edit miracula ad afflictissimi hujus regni consolationem. Et lane ingens jam tum præsidium Slavonicæ genti divina numinis providentia parabatur in Remetensi recessu adversus impendentes tum Slavoniæ, tum Hungariæ calamitates, quibus seu propullandis, seu imminuendis ope sua præsto adesset Deipara Virgo: cum enim Hungaria finibus regni longe, lateque amplificatis, & multitudine incolarum, frequentia civitatum atque oppidorum, fertilitate agrorum, commercio, divitiis, rerum omnium abundantia & copia vel cum maxime floreret, magnam huic genti & regioni cladem ac vastitatem intulit annus hujus sæculi alter & quadragesimus. Tartari gens Scythica inter Russiam sive Moschoviam, & Persidem immensum terrarum obtinens post Russos sive Ruthenos subactos multitudine propemodum infinita infestis agminibus in Hungariam effusa terrorem, quacumque ceu turbo violentus pervasit, ac stragem hominum, locorumque vastationem circumtulit. Cum his fortiter ultra Danubium animoseque pugnarunt Colomanus rex, Ugrinus Archiepiscopus Colocensis, & Magister militiæ templi, Ductores exercitus Hungarici. Sed oppressi obrutique hostium numero Magister quidem Templarium in acie cecidit, Colomanus & Ugrinus, vulneribus acceptis, vix ad suos evadere potuerunt. Castra Hungarorum, quæ haud longe aberant, hostes circumfusi undique adoriuntur, & omni telorum genere, flammisque injectis expugnant. Tunc duces, milites, incolæ, incerti quam in partem intenderent iter, in fugam omnes consternantur, Tartaris insequentibus, & omnia ferro ignique vastantibus. Plurimos, dum fugerent, obvia palus absorbit, inter quos Matthiam Strigonensem, Ugrinum Colocensem Archiepiscopos, & alios Præsules, clericos, proceresque Hungaricos. Hæc fuit Thomas Archidiaconus cap. xxxvi. Historiæ Salonitanæ. M. Rogerius Spectator Hungariæ cladis, idemque ab hostibus captus, sed clandestina & solerti fuga elapsus in eo libro, qui inscribitur: *Lamentabile Carmen super destructione regni Hungarici per Tartaros facta* cap. xxx. tradit Archiepiscopum utrumque cum aliis Episcopis periisse: Majores de clericis cecidere, Matthias Strigonensis Archiepiscopus, quem rex tum propter fidelitatem, tum quia insimul nutriti erant, magis diligebat, & ejus consiliis magna sub confidentia, in rebus arduis utebatur; Ugrinus Colocensis Archiepiscopus, nobilissima ortus prosapia, & ardua mundi negotia, omnis minimis, disponens; hic erat, sub cujus

Florens  
Hungariæ  
status.

Clades  
Tartarica.

fiducia nobiles Hungariæ respirabant. . . Georgius Episcopus Jaurinensis, qui & nobilis fuit moribus, & peritus scientia litterarum; Reynoldus Ultrasilvanus Episcopus, & Ecclesiæ Nitriensis Episcopus, qui fuerat laudabilis vita, & morum honestate præclarus, Nicolaus Scibinien. Præpositus, regis Vicecancellarius nobilibus natalibus ortus, &c. Colomanus in suum regnum Slavoniæ regressus Chasmam se recepit, quo in oppido sedem regni sui constituerat, & ibidem paucis post mensibus e vita migravit; de cujus obitu & sepulchro Thomas Archidiaconus cap. xxxviii. Eo tempore Colomanus rex ad Dominum feliciter de hac vita migravit; fuit enim vir pietate magis ac religione præditus, quam in administrandis publicis rebus intentus. Sepultus est autem in loco Fratrum Prædicatorum (id est ubi postea domicilium ac templum nacti sunt Patres Prædicatorum) apud Chasmam, latenti mausoleo infossus. Etenim gens nefandissima Tartarorum sepulchra Christianorum, & maxime principum sceleratis manibus violantes confringebant, ossaque spangebantur. Idem Archidiaconus Tartarorum immanem sævitiam, inauditæ crudelitatis exempla, urbium everfiones, incendia, depopulationes, innumerabiles cædes, ingentesque hominum & locorum strages copiose lateque persequitur cap. 37. 38. 39. 40. historiæ Salonitanæ.

Bela in Austriam profugit; inde regressus Bela Zagrabiam venit. Tunc rex Bela, ait Thomas Archidiaconus, de Austria reversus venit cum omni familia sua, & demoratus est partibus Zagrabie. Ibi cum esset, Albam misit, qui corpus S. Stephani, ac thesauros Ecclesiarum direptionibus ac sacrilegiis barbarorum præriperent, ad seque transferrent. Hæc omnia, itemque Mariam conjugem suam cum Stephano filio admodum puero, & duabus filiis Margarita & Catharina præmisit in Dalmatiam, & Spalatenfibus commendavit: Misit omnia cum Domina Maria uxore sua, & cum parvo filio Stephano adhuc bimulo ad maritimas regiones, rogans & mandans Spalatenfibus, ut hæc servanda susciperent: idem, qui supra, Archidiaconus. Nec multo post cum Belæ nunciatum esset, hostes Danubium transgressos appropinquare, antequam Dravum trajicerent, sublatis raptim ex ærario, & archivo tum Ecclesiæ, tum civitatis thesauris, & tabulis, ac divorum reliquiis, ne prædæ hostibus forent, properavit ipse quoque in Dalmatiam confugere, quem prosecutus est Stephanus Episcopus Zagrabienfis cum aliis regni præsulibus & proceribus, & universa propemodum nobilitate Hungarica, infinitaque hominum multitudine; primum Spalatum, inde vero Tragurium se recepit: Itaque antequam Dravi fluvii gurgitem transmearent, ut tradit Archidiaconus Salonitanus, rex præsentiens eorum adventum, reliquiis stationibus Zagrabienfium partium, cum omni comitatu suo ad mare descendit. Tunc diversi diversa quærentes diffugia, per omnes civitates maritimas, quæ propiores videbantur ad fugam, dispersi sunt. Rex vero & totus flos reliquorum Hungarorum ad Spalati partes devenit. Erant autem in comitatu regio multi ecclesiarum prælati, plures principes, & Barones, reliquum vero vulgus utriusque sexus, & ætatis pene innumerable erat. Appropinquante D. Rege adintroi-

Bela Zagrabiam venit,

in Dalmatiam profugit cum Stephano Episcopo & aliis Præsulibus ac Proceribus.



tum civitatis; universus clerus & populus processioniter exeuntes, debito venerationis obsequio susceperunt eum, dantes ei hospitia infra muros, quotquot voluit ipse. Venerunt etiam isti magnates cum eo, Stephanus Episcopus Zagrabien-  
 & alter Stephanus Vacienfis, & idem in Strigoniensem Archiepiscopum postulatus, Benedictus Præpositus Albenfis, aulæ regie Cancellarius, & idem ad sedem Colocensem electus, Bartholomæus Quinqueeclesienfis Episcopus, & quidam alii Episcopi. Affuerunt nihilominus Huginus Præpositus Chafmenfis, Achilles Præpos. Vincentius Præpos. Thomas Præpos. & alii quamplures prælati, quos enumerare supervacuum duximus. Proceres quoque curiæ isti erant, Dionysius Banus, Uladislav Comes curialis, Matthias magister Tavernicorum, Rolandus magister Agzonum, Demetrius, Mauritius, & alii multi illustres viri, omnes cum dominabus, & familiis suis. Deinde Spalato relicto, Tragurium discessit.

**Tartaris** Post regis discessum Tartari totam Slavoniam abeuntibus, depopulationibus, incendiis pervaganti, Zagrabiam omni præsidio nudatam, & ab incolis vacuum delolarunt, everfis atque incensis tum basilica cathedrali, tum plerisque aliis sacris & profanis, publicis & privatis ædificiis. Deinde regem insculti post Chrobatiam devastatam irruunt in Dalmatiam mense Martio appetente anno 1242. ingentem populis illis, præsertim Spalatenfis terrorem iniecerunt, Clissæ & Tragurii expugnationem frustra tentarunt; rex Bela cum uxore & liberis, gazaque regia ad insulas transfugit. Sub exitum Martii abierunt Tartari; Bela rex in Hungariam rediit, Maria regina cum liberis Clissæ substitit, ibique duas filias morte præreptas amisit. Hæc fusius & distinctius Thomas Archidiaconus.

Stephanus Ep. Zagrab. in locum Guncelli Archiep. Spalatenfis subrogatus.

Sedis Apostolicæ approbatione ob interregnum pontificium caruit.

Stephanus Episcopus Zagrabienfis vel Spalati mansit, vel certe illuc rediit post obitum Guncelli Archiepiscopi Spalatenfis, qui anno eodem pridie Kalendas Junias e vita decessit. Ex hujus morte occasionem sibi oblatam censuit tum Archiepiscopatus, tum Primatus Spalatenfis obtinendi, transferendique ad Ecclesiam Zagrabiensem. Dum Spalati cum rege Bela, & post hujus discessum ex Dalmatia, commorabatur, ut erat homo dives, liberalis, comis erga omnes & affabilis, gratiam & benevolentiam Spalatenfium, ac præsertim Gorgani, qui tum erat rector civitatis, sibi facile conciliaverat. Horum favore & commendatione nixus suffragia capituli & cleri, qui ad novum Archiepiscopum eligendum convenerant, captavit, in seque unum convertit. Sed cum per ea tempora vacaret sedes Romana, ob defectum approbationis Pontificiæ possessionem Archiepiscopatus sibi traditi adire non potuit. Anno superiori xii. Kal. Septembris Gregorius IX. obierat. Huic successus est Cælestinus IV., qui duodevicesimo post susceptum pontificatum die rursus viduam reliquit Ecclesiam. Exinde interregnum pontificium menses tenuit circiter duodeviginti: In illis diebus, ut est apud Thomam Archidiaconum capite 41., coadunato Capitulo & clero Ecclesiæ Spalatenfis factus est tractatus de Pontifice subrogando. Tunc laicali importunitate, & maximo Gorgani annisu, modesto tamen & discreto, facta est electio de Domino Stephano Zagrabienfi Episcopo in Archiepiscopum Spalatensem postulandum, qui tunc temporis Spalati morabatur. Erat autem Episcopus ipse in

auro & argento locuples, mundana pompositate largus, & curialis, benignum se omnibus & affabilem exhibebat. Totus enim extolli favoribus, & efferri auris popularibus cupiebat. Regressus Zagrabiam misit ad Romanam sedem pro suæ postulationis expetendo assensu. Sed tunc temporis, mortuo bonæ memoriæ Gregorio Papa, facta est dissensio inter Cardinales, ita ut subrogatio Pontificis foret ferme biennium protelata. Sic ergo causa electionis ipsius toto illo tempore indeterminata permansit. In tabulis cœnobii Spalatenfis S. Stephani an. 1242. Indict. xv. mense Julio confectis nominatur Stephanus Archielectus Spalatenfis. Jus & nomen Archielecti usque ad mensem sextilem anni proximi 1243. retinuit, ut ex aliis tabulis ejusdem cœnobii intelligi potest. Post diuturnius, quam esse consueverat, interregnum creatus est Pontifex Innocentius IV., quem Stephanus per litteras rogavit, ut Archiepiscopatus Spalatenfis ad se delati auctor approbatorque esse vellet, sed petitioni quædam subjunxit, videlicet ut liceret sibi utriusque Ecclesiæ regimen retinere, & Spalatensem Archiepiscopatum ac Primatum Zagrabiam transferre. Pontifex utrumque postulatum rejecit: Episcopus prædictus (idest Stephanus, ut scripsit Archidiaconus cap. xlv.) missa relatione ad Romanam Sedem nitebatur obtinere suæ postulationis assensum, cum quibusdam conditionibus, quas admittere noluit D. Innocentius, nuper ad Sedem Apostolicam sublimatus. Quamobrem dictus Episcopus misit Spalatum, & renunciavit postulationi de se factæ, dans licentiam de persona alia providendi. Cupiditas juris tituli que metropolitici ac primatialis adipiscendi ab Stephano derivata est in alios, atque alios ejusdem successores, qui, ut assequerentur, quod ille conari cœperat, sæpe multa tentarunt, præsertim post civitatem Archiepiscopalem Colocensem everfam. Non defunt scripta & monumenta, in quibus Antistes Zagrabienfis tum Archiepiscopus, tum Primas appellatur; & a suis, inquit Balthassar Adamus Kereselich, Primatis Croatiæ nomine decoratur, haud aliunde, quam quod olim Croatenfi Episcopo credunt convenisse. Et sane Episcopus ille Chrobatienfis, sive Tinninienfis, cum sub imperio regum Chrobatia esset veluti universalis Chrobatorum Episcopus, & jurisdictionem suam ad Dravum usque protenderet, nomen jusque Archiepiscopi usurpare conabatur, & Primas Chrobatia dici volebat, ut declaratum est in historia tum Spalatenfis metropolis, tum Ecclesiæ Tinninienfis. Hujus autem diocesis longe porrecta, & latissime patens magna ex parte attributa fuit Episcopo Zagrabienfi, quem in eandem, qua gaudebat Chrobatienfis, potestatem ac dignitatem successisse aliqui existimant.

ejus postulata ab Innocentio IV. rejecta.

Stephanus basilicam cathedralē ex Tartaris eversum reedificare cepit.

Ergo Stephanus, cogitatione curaque suæ dignitatis honorificis & amplioribus titulis augendæ posthabita, studium omne atque operam ad basilicam cathedralem & pontificias ædes reficiendas convertit. Huc siquidem attribuuntur initia ejusdem basilicæ reedificatæ, cujus structura & descriptio ab eo designata longe magnificentior, quam vetus, & augustior fuit; quocirca antequam absolvi, perducique ad fastigium posset, & plures annos, & multorum Antistitum curas, & immanes sumptus impendi oportuit. Nihilo segnius cives in patriam reversi allaborabant in publica, & privata ædificia instauranda intenti. Episcopus ut pristinam

Vicus la-  
tiorum  
ab eo con-  
ditus.

Canonici  
ab rege pe-  
tunt obli-  
tioneque  
villam in  
monte  
Gradicz,  
quam mu-  
nere decre-  
verunt.

nam urbi frequentiam restitueret, atque infimul communes ac familiares opes commercio amplificaret, spatii quod interjacet inter duos colles Grecs, & Zagreb, ubi fuerat civitas a Tartaris destructa, negotiatoribus Italis habitandum tradidit, in quo domos, officinas, apothecas ædificarent; inde locus dictus est *Vicus Latinorum*. Canonici Zagrabienles recenti memoria eladis Tartaricæ admoniti, locum aliquem perfugii ab rege Bela petierunt, ad quem se reciperent, resque suas in tutum deferrent, si quid periculi rursus & calamitatis, vel ab ipsis Tartaris, vel aliunde ingrueret. Equum postulare visi sunt; & villam in monte Gradicz, haud procul Zagrabia, rex illis donavit, quam communibus impensis communirent. Extat regium diploma hujus donationis, ex quo Thomas Kovalceovichus hanc particulam decerpit, & Balthasar Adamus keresevich actis Stephani II. intexuit: *Quod cum formido, quæ specialiter ex terribili servitia Tartarorum, seu aliorum hostili incurfu, ipsis, id est Capitulo, in futurum imminere timebatur, munitionem aliquam pro recipiendis, tuendis, & defendendis suis, & suorum personis, ipsos quærendo, seu condere impellat; montem quendam, nomine Gradicz in Comitatu Zagrabienli juxta Zagrabiam existentem, cujus partem quamdam ad villam hospitum de Grecz, quamdam vero ad Vangelum novimus pertinere, eis conferre, & tradere dignaremur: cum non habeant in tanto vento turbinis, imo tam generali metu mortis, ubi sua & suorum capita valeant declinare, vel bona Ecclesiæ ac sua tuto munimine defendere. Nos igitur . . . dictum montem, cum terra circumjacente, sufficienti usui & commoditati unius magnæ villæ, eidem Capitulo in perpetuum dedimus & contulimus pleno jure &c.* Tum hæc addidit ex eodem diplomate: *Dein concedit Capitulo, ut communibus expensis, in aliqua parte talis terreni, exstruat sibi munimentum quodpiam, sive Castrum. In residua autem portione, ut capitulares pro se ipsis, & suo famulitio domos ædificent, data legandi, donandi, vendendi facultate. Et in possessionem villæ illius per Abrahamum Comitem de Marouesa Capitulum fuit introductum. Hactenus Thomas Kovalceovichus.*

Stephanus  
obit egre-  
gie de sua  
Ecclesiâ,  
& Capitulo  
meritis.

Stephanus annos duos & viginti Ecclesiam Zagrabiensem æque sapienter atque utiliter gubernavit; de qua, itemque de collegio Canoniorum, ob plurima beneficia utrique collata, egregie meritis, apud Chasnam diem supremum obiit anno 1247., incredibili sui desiderio apud omnes relicto. Fuit vir magni animi, & ingenii, & consilii; magnificus, liberalis, tenax justitiæ, apud reges & omnes civium ordines graciosus, cultor sinceræ ac germanæ virtutis, odor acerrimus adulatorum, quos pati non poterat; ejusque præclara illa sententia fuisse fertur, adulationem summum justitiæ esse impedimentum. De quo Joannes Archidiaconus: *Fuit sollemnis homo, & plures in Episcopatu fecit ædificare Ecclesias, specialiter & ipsam Ecclesiam (id est Cathedralē, cujus initia ei debentur), & aliam Ecclesiam B. Mariæ Magdalene in Chasma; & plurima alia meritoria opera fecit, uti specialiter Capitulum Chasmense, & Præposituram Chasmensem ipse dotavit.*

## PHILIPPUS EP. ZAGRAB. XVII.

Post mortem Stephani convenerunt de more Philippus ad comitia episcopalia Canonici; inter quos esse aliquos majoris anathematis vinculo constrictos, ac propterea jure suffragii ferendi potestate privatos denunciavit Albertus Archidiaconus Zagrabienlis, commonuitque etiam atque etiam, ut illi a comitiis excluderentur, vel sponte secederent: alioqui electionem vitiosam atque irritam fore. Hac denunciatione, & commotione contempta, ejectoque Archidiacono, nihilo minus, quam si rite ac legitime congregati essent, ad suffragia ventum est; quæ fere omnia in unum convenerunt, Philippum nomine, Cancellarium Mariæ reginæ, uxoris Belæ IV., virum nobilem, potentem, divitem, tum apud regni proceres, tum apud omnes cives, æque summi, atque infimi ordinis, maxime gratiosum. Hujus electioni oberat etiam ætas nondum matura, neque ad episcopatum suscipiendum præscripto sacrorum Canonum idonea; nec vero absuit suspicio largitionis simoniacæ; & ab laicis hominibus, Philippi fautoribus, coempta suffragia dicebantur. Reclamavit Archidiaconus, appellavitque ad Sedem Apostolicam, primum quidem ante suam expulsionem coram Capitulo, deinde vero post electionem coram Benedicto Metropolita Colocenti; quem tamen ab imponendis Episcopo non legitime electo manibus absterere non potuit. Romam profectus de iis, quæ contra canones perpetrata, & malitiose acta fuissent in comitiis Zagrabienlibus, deque illicita consecratione Philippi Innocentium IV. certiores fecit. Pontifex litteris datis ad Chanadiensem, & Sirmiensem Episcopos, atque ad Abbatem Ordinis Cisterciensis, primum expoluit quæ sibi ab Archidiacono Zagrabienli delata fuerant, deinde imperavit, ut tres simul ipsi, vel duo ex ipsis de re tota diligenter riteque cognoscerent; & sublata omni appellatione, quod justum & canonicum esset, ex auctoritate Apostolica sibi delegata decernerent. Si vero illorum judicio ac sententiæ stare abnuerent, causam integram idoneis testibus & monumentis instructam ad curiam Romanam remitterent; ad quam intra tempus ab illis præfinitum, ii, quorum intererat, vel per se ipsi, vel per suos procuratores adirent. Extat epistola Innocentii apud Stephanum Baluzium lib. 7. Miscellaneorum.

Innocentius &c. Chanadiensi & Sirmienli Episcopis, & Abbati de Pel. Cisterciensis Ordinis, Vespriem. Diocesis, salutem &c.

Dilectus filius Albertus Archidiaconus Zagrabienlis Ecclesiæ, in nostra proposuit presentia constitutus, quod cum Capitulum ejusdem Ecclesiæ pastore vacantis haberet de Pontificis substitutione tractatum, idem Archidiaconus sciens nonnullos de Capitulo fore majoris excommunicationis sententia innodatos, & considerans quod propter eos scienter ad eligendum admissos, fieret electio vitiosa, in ipsius Ecclesiæ non modicum impedimentum, eos in commune diligenter admonuit; ne idem excommunicati deberent ad eligendum admitti, aut ipsi electioni se ingererent sic ligati. Sed ipsi hujusmodi admonitione contempta, illicitis electi promissionibus, non sine labe simoniacæ pravitate, ipsum Archidiaconum de Capitulo turpiter ejecerunt, eoque contempto, post appellationem ipsius ex præmissis cau-

Philippus  
Cancellarius  
Mariæ Regi-  
næ, vitio-  
se electus.

Epistola  
Innocentii  
IV. ad E-  
piscopos  
Chanadiensem  
& Sirmien-  
sem, &  
Abb. Ci-  
sterciensem  
de electio-  
ne Philippi.

causis ad Sedem Apostolicam interjectam, Philippum carissimam in Christo filiam illustris regine Hungariae Cancellarium, patientem in etate defectum, per laicam presumptionis abusum contra libertatem canonicam in Episcopum eligere ac recipere praesumpserunt, absolutionis beneficio non contenti, qui cum huiusmodi eorum processum a Hen. Fratre Nostro Colocensi Archiepiscopo loci Metropolitano peterent confirmari, dictus Archidiaconus proposuit coram ipso, quod cum iidem excommunicati & Simoniaci, eo contempto qui volebat, debebat, & paterat eis non impediendis, interesse ad electionem huiusmodi, post appellationem tandem temere processissent, ipsa confirmari de iure non poterat, nec debebat, sed potius irritari, tamquam contra sanctiones canonicas attentata, ut ne ad confirmationem procederetur huiusmodi, praefatus Archidiaconus iterato duxit ad nostram audientiam appellandum, cuius appellatione contempta dictus Archiepiscopus & talem electionem confirmare, & eidem Philippo sic intruso consecrationis munus impendere propria voluntate praesumpsit. Quare dictus Archidiaconus providere super iis a nobis ex circumspectione Apostolica postulavit. Cum igitur nostrum sit prava dirigere, ac directa fovere, mandamus, quatenus vocatis, qui fuerint vocandi, & inquisita super praemissis, & cognita plenius veritate, quod Canonicum fuerit, si de partium voluntate processerit, infra quatuor menses post susceptionem praesentium, appellatione postposita, decernatis; facientes quod decreveritis auctoritate Apostolica firmiter observari. Alioquin causam sufficienter instructam ad Apostolicam sedis remittatis examen, praesentes partibus peremptorium terminum competentem, quo per se, vel per procuratores idoneos nostrae se conspectui repraesentent, iustam, dante Domino, sententiam receptura. Quod si non omnes &c. duo. vestrum &c.

Datum Lugduni Kal. Octobris an. 6. idest an. 1248.

Dubitari non potest, quin pontificia mandata illi, ad quos data fuerant, exceperint, & confecerint; sed desunt monumenta, ex quibus, quemadmodum res gesta sit, & quem habuerit exitum, cognosci possit. Certo tamen constat Philippum & Sedem Zagrabiensem plures annos tenuisse, & Episcopum legitimum habitum fuisse; siue quod depulsa fuerint criminationes in eum, ejusque electionem intentam; siue quod Pontifex, aut Judices ab eo delegati, quidquid vitii, aut labis inerat suffragiis in eum collatis, auctoritate Apostolica absterferint, & ejusdem electionem ex irrita ratam fecerint; ac proinde traditum illi Sacerdotium confirmarunt. Cum ante annum 1250. non inveniat nomen Philippi tabulis Zagrabienfibus inscriptum, hinc sit verisimile interregnum Episcopale duos tresve annos tenuisse.

Ergo Philippus Episcopatum Zagrabiensem adeptus an. 1251., nihil prius sibi curandum censuit, quam ut suam, Canonicorum, civiumque securitati consuleret, & commune perfugium pararet, quo se, resque suas ab hostilibus incursionibus ac direptionibus tueretur. Erant ea tempora Hungariae infesta, nec solum a Tartaris, qui non longe abscesserant, sed etiam a Styris finitimis imperii Hungarici periculis pericula imminabant. Haud procul Zagrabia locus erat, cui nomen Medued,

siue Meduedar praesto jugo e terra eminens ad Castrum munitissimum inaedificandum opportunus. Cum in eo munimento, quod in monte Gradicz extruxerant Canonici, non satis praesidii ad communem salutem ac defensionem esse videretur, eum, quem dixi locum, a Bela rege postulavit; qui cum in id maxime intentus esset, ut damna recentia, quae Tartari intulerant, resarciret, dirutas arces ad ea praecavenda restitueret, & nova excitaret, haud libentius, quam promptius, quod Philippus petebat, concessit. Episcopus & Canonici pecuniam sumptusque omnes ad Castrum aedificationem contulerunt. Operi perficiendo qui praesesset, delectus e Capitulo Benedictus Decanus. Hujus vigilantia & solertia intra spatium unius anni opus absolutum fuit iis mœnibus, turribus, propugnaculis septum, ut nulla esset arx in tota Slavonia situ atque arte munitior & validior ad sustinendas, & repellendas hostium oppugnationes. Castrum Episcopi dictum est; ejusque donationem ab rege factam Philippus ab Innocentio Papa confirmandam curavit.

Innocentius Episcopus servus servorum Dei venerabili fratri Episcopo Zagrabienfi salutem, & apostolicam benedictionem. Justis petentium desideriis dignum est praebere consensum; & nos, quae a rationis tramite non discedant, effectu praesequente complere. Lecta quidem coram nobis tua petitio continebat, quod charissimus in Christo filius noster Bela Hungariae rex illustris quandam possessionem prope Zagrabiam ad se pertinentem, quam nunc castrum Episcopi appellatur, Zagrabienfi Ecclesiae pia liberalitate donavit prout in ipsius litteris confectis exinde plenius dicitur contineri. Nos itaque tuis supplicationibus inclinati, donationem ipsam, sicut pie, ac provide facta est, ratam habentes, & gratiam illam auctoritate apostolica confirmamus, & praesentis scripti patrocinio communimus. Nulli ergo omnino hominum liceat hanc paginam nostrae confirmationis infringere, aut ei ausu temerario contraire. Si quis autem hoc attentare praesumpserit, indignationem Omnipotentis Dei, & Beatorum Petri, & Pauli Apostolorum ejus, se noverit incursurum. Datum Perusii X. Kal. Martii Pontificatus nostri anno nono, idest 1252.

Philippus anno 1254. ad curiam Romanam profectus missu ac nomine regis legatione honorifica apud Innocentium functus est, & reipublicae, atque Ecclesiae suae negotia e sententia confecit. Romanae legationis eidem ab rege adjunctae testis est epistola Innocentii IV. ad Electum Neapolitanum. Sedis Apostolicae in Hungaria Legatum.

Electo Neapolitano Apostolicae Sedis legato.

Venerabilis frater noster Zagrabien. Episcopus, & dilectus filius Fr. . . . de Ordine Minorum, postquam discessisti a nobis, ad Sedem Apostolicam accedentes, ex parte carissimi in Christo filii nostri regis Hungariae illustris, nobis exponere curaverunt, quod rex ipse, occasione discordiae inter eum, & carissimum in Christo filium nostrum regem Bohemiae illustrem exorta, auctoritate nostra citatus extiterat, ut in festo Nativitatis S. Joannis Baptista proximo praeterito, per responsalem idoneum in nostra compareret praesentia, propter quod eisdem Episcopum & fratrem ad praetaxatam sedem in ipso termino destinavit; quodque rex idem nostrae super hoc ordinationi stare valebat, & ad firmitatem & securitatem

mune perfugium prope Zagrabiam aedificavit.

Innocentius IV. donationem regiam confirmavit.

Philippus legatione regia apud Sedem Apostolicam functus, & Zagrab. reversus

Philippus Sedem Zagrabienfem obtinuit;

Castrum Medued ad com.

ritatem majorem paratus erat. castra & munitiones, & alia, quae tenet in locis, & terris, de quibus inter ipsum, & praelatum regem Bohemiae, praelata intervenit discordia; ejusque sedis Nunciis assignare per ipsos interim retinenda, dummodo dictus rex Bohemiae, de iis, quae ipse tenet; similem propter hoc assignationem duceret faciendam. Et haec eadem frater Velascus de Ordine Minorum, quem pro hujusmodi negotio in Hungariam misimus, similiter dixit nobis &c. Licet igitur te ad ipsius Hungariae partes, commisso in illis tibi legationis officio, pro eodem negotio duxerimus destinandum, quia tamen tunc ista ignorabamus; & quod ipse rex Hungariae talem in his gereret voluntatem, volumus, & praesentium tibi tenore mandamus, quatenus praelata legationis officio supersedere procures; & si ejus praetextu circa praemissa forsan in aliquo processisti, processum tuum studeas revocare.

Datum Anagninae III. Id. Julii anno XII. id est 1254.

Ecclesiasticum patrimonium augere;

Zagrabiam reversus ad patrimonium Ecclesiae augendum nihilo minus pecuniae, quam sedulitatis impendit. Erat prope Valscham in confiniis diocesis Quinqueeclesiensis territorium S. Martini latius amplum & frugiferum, quod Bartholomaeus Episcopus Quinqueeclesiensis donaverat fratribus hospitalis Hierosolymitani, qui multas in Hungaria, & Slavonia domos obtinebant. Illud Philippus a F. Rembaldo majore Praeceptore ejusdem ordinis in utraque provincia Hungarica & Slavonica pecunia numerata coemit, atque ad mensam episcopalem adjunxit. Hanc emptionem confirmandam curavit diplomate regio, in quo coloni & habitatores ejusdem territorii eadem immunitate donantur, qua gaudebant alii coloni & habitatores terrarum episcopali, praesertim apud Valscham; Eodem jure, & libertate, ut est in eodem diplomate, utantur tam in judiciis, quam

emtionem villae S. Martini ab rege confirmandam curavit.

in ceteris; quo alii Jubagiones, & populi ipsius Episcopatus, & specialiter ad Valscham pertinentes censentur. uti, juxta consuetudinem approbatam, cum & isti sint uniti eidem; & ad Curiam supradictam Valscham pertinentes, sicut illi, qui sunt ultra; hoc adjuncto. quod si praefatus Episcopus remissus fuerit cuiquam de iisdem in iustitia facienda, non ille, contra quem agitur; sed Episcopus memoratus, vel ejus officialis ad nostram praesentiam debeat evocari. In cujus rei &c. Datum apud Valscha anno Domini 1255. xvi. Kal. April. Regni autem nostri vigesimo. Post annos fere quattuor pacatam territorii Martiniani possessionem inturbavit Paulus filius Borichii olim Bani; quippe haereditario jure illam ad se pertinere contendebat, & prolatis quibuldam regiis litteris, sed adulteratis, quas ipse corruerat, item Philippo intendit. Delata res est ad tribunal Belae regis, qui causam Episcopo adjudicavit. Haec est regalis secundum Episcopum sententia.

Sententia Belae IV. regis de eadem villa.

Bela Dei gratia Ungariae &c. Rex. omnibus praesentium inspecturis salutem in Domino. Ne rerum veritas gestorum erroribus occultetur, & ut notitiam praesentium transcursu temporum absorbeat oblivio; nostrae regiae interest sollicitudinis, ut ea quae coram nobis in figura iudicii astitantur, ad perpetuam rei memoriam scriptis authenticis comendemus. Proinde ad universorum notitiam tenore praesentium volumus pervenire. Quod cum venerabilis Pater Philippus

Episcopus Zagrabienensis dilectus, & fidelis noster super terra S. Martini a Paulo filio quondam Borich Bani coram nobis tractus fuisset in causam; Idem Paulus praedictam terram utpote haereditariam sibi cum instantia restitui postulavit. Zagrabienensis vero Episcopus praedictam terram titulo emptionis dixit se habere, & etiam possidere & venditorum seu auctorem religiosum virum fratrem Rembaldum domorum hospitalis Hierosolymitani per Ungariam, & Sclavoniam tunc majorem praepositorem nominavit, & litteris authenticis ejusdem fratris Rembaldi super hoc confectis legitime comprobavit. Cumque super hoc in nostrae majestatis praesentia fuisset diutius litigatum, tandem eidem Zagrabienensi Episcopo, & fratri Arnoldo domorum majore praeposito per Ungariam, & Sclavoniam, qui eidem fratri Rembaldo immediate successit ex una parte, & Paulo praefato Borich Bani coram nobis constitutis ex altera; Cum de meritis causa ipsius, praesentibus nostris Baronibus, cognosceremus, in ipsa instantia iudicii praedictus Paulus deprehensus est, nostras regias litteras falsavisse. Cum igitur & si aliquid juris in praedicta terra Sancti Martini praedictus Paulus haberet, propter vitium compertae falsitatis, ipsa terra S. Martini sicut & alia bona sua ad nostras manus essent merito devolvenda. Nos deliberato omnium Baronum nostrorum, qui tunc aderant consilio, praedictum Zagrabienensem Episcopum super ipsa terra S. Martini ab impetitione ipsius Pauli, & omnium, qui nomine, jure seu occasione ipsius Pauli, ipsum impeterent, vel impetere possent, sententialiter duximus absolvendum. Adjudicantes eidem Episcopo per eandem sententiam praedictam terram S. Martini perpetuo, & pacifice possidendam. In cujus rei firmitatem, & robur praesentes litteras nostras concessimus sigilli nostri munimine roboratas. Datum, & actum Alba quinta feria post festum S. Michaelis Anno Domini MCCLIX.

Incolas villae Petrinae solutionem decimarum contumaciter abnuentes Philippus Episcopus anathemate percussos sacrorum omnium communione privavit. Conciliatorem se interposuit Columbanus Episcopus Tragurii, & Petrinensibus irreligiosae pertinaciae increpitis, ac legis divinae, atque ecclesiasticae admonitis facile persuasit, ut veniam peterent, & jurejurando obstricti sponderent se tum neglectas superiorum, tum annorum deinceps consequentiam decimas in perpetuum soluturos. Itaque supplices humique abjectos apud S. Clementem in nova Villa Episcopali in Gora anathematum vinculis Philippus exsolvit, & sibi atque Ecclesiae reconciliavit anno 1260. Patrimonium Ecclesiae Zagrabienensis tribus praediis admodum fertilibus auxit, uno apud Varasdinum nomine Gag, pro quo quinquaginta, altero Berzenze vocato, pro quo quindecim marchias argenteas solvit, tertio demum Obrys dicto; tabulae emptionis extant in archivo Capituli Zagrabienensis. Anno 1262. ab Ecclesia Zagrabienensi ad metropolim Strigonensem translatus pacem inter Belam regem & Stephanum filium post longa dissidia conciliavit, ut testatur idem Stephanus in suo Diplomate quod confecit anno 1262. 1x. Idus Decembris: Significamus, inquit, omnibus praesentium per tenorem, quod ad habendam, reintegrandamque & conservandam nuper in Personio habitam anno Domini MCCLXII. Kalend. . . . inter Dominum regem carissimum Patrem

Incola Petrinensis villa ob negatam decimarum solutionem excommunicati, ac deinde absoluti.

Philippus translatus ad sedem Strigonensem pacem inter Belam regem;

& Steph-  
num filium  
concilia-  
vit.

nostrum & nos pacis & concordiae unionem, medianibus Venerabilibus Patribus Philippo Dei gratia Strigoniensi, aulæ charissimi patris nostri Cancellario, & Smaragdo Colocensi, aulæ nostræ Cancellario Archiepiscopis &c. Datum anno Domini 1262. ix. Idus Decemb. Joannes Archidiaconus Guelchenfis de Philippo scriptum reliquit: Philippus, de quo plures recordantur & fuit sollemnis persona. Hic bono zelo ductus edificavit Castrum Medue pro conservando thesauro Ecclesiæ metu Tartarorum, quia adhuc non erat murata civitas, seu Castrum Gracense. Sed ex adificatione Castri Medue male fuit provisum Ecclesiæ Zagrabienfi, & pertinentibus ad eam, sicut experientia docuit, & docet. Siquidem id Castrum Belæ traditum, ab Ladislavo rege restitutum, iterum abalienatum, nunquam postea Zagrabienfis Ecclesiæ recuperare potuit. Vix Castrum Medue, sive Medued absolutum, egregieque munitum fuerat, cum illud Bela sibi necessarium esse duxit ad regios thesauros tuendos, & limites Slavoniæ firmandos: nam sibi, regnoque metuebat, tum a Tartaris, qui in omnem occasionem iterum invadendæ vastandæque Hungariæ imminebant, tum a Styris finitimis per ea tempora identidem Slavoniæ & Hungariæ infestis, tum denique a Stephano filio, quo cum non solum apertas inimicitias, sed etiam civile bellum gerebat. Itaque petit a Philippo Episcopo impetravitque, ut sibi Castrum illud ad tempus commodaret, pollicitus Ecclesiæ redditum iri, statim atque iis periculis, in quibus versabatur, perfunctus fuisset.

Castrum  
Medued  
ab se con-  
structum  
regi ad  
thesauros  
regios cu-  
stodiendos  
commoda-  
vit.

# TIMOTHEUS II. EP. ZAGRAB. XVIII.

Timotheus  
Episc. Za-  
grab. ab  
Urbano  
IV. desi-  
gnatus,

a Bela rege  
non ad-  
missus.

Dux Epi-  
stolz Ur-  
bani IV.

Humili loco natus, qui tamen generis obsecraturam egregiis virtutibus & factibus illustravit. Erat Archidiaconus de Zala, quod oppidum est diocesis Vesprimiensis in Hungaria; & Romæ versabatur, cum esset Subdiaconus, & præpositus sacello pontificio; carus in primis & gretiosus apud Urbanum IV., qui Timotheum, cum plurimi faceret, & valde diligeret, Sacerdotio nobilissimo, atque opulentissimo donavit, & non requisito neque regis Hungariæ, neque Capituli consensu, pro suprema sua potestate, Ecclesiæ Zagrabiensem ei decrevit. Quod cum agre tulisset Bela IV. rex, decreto pontificio intercessit, & regali auctoritate interposita obtulit, ne illi possessio collati sacerdotii daretur; hanc potissimum suæ intercessionis causam prætexens, quod propter ignobilitatem generis, nomen & personam Episcopatus Zagrabienfis longe amplissimi pro dignitate tueri ac sustinere non posset. Itaque noluit admitti nuncios, & procuratores Timothei, qui nomine ipsius possessionem adirent, & res ecclesiasticas, dum ille veniret, administrarent. Hi repulsi cum essent, Timotheus eandem procuracionem demandavit F. Gualtero ex Ordine Fratrum Minorum, quam litteris ac præceptis pontificiis instruendam ac muniendam curavit. Duas in hanc rem Epistolas habeo Urbani IV. ex Tomo 2. Bullarii Franciscani, quod P. Hyacinthus Sbaralea ex Ordine Minorum collegit, suisque notis illustravit. Altera est ad Præpositum & Capitulum Ecclesiæ Zagrabienfis, altera vero ad ipsum Gualterum, quem suum nuncium Zagrabiam misit.

Urbanus IV. Dilectis filiis . . . Præposito,  
& Capitulo Zagrabien. Sal. & Apo-  
stolicam benedictionem.

Gratiæ divinæ premium, & præconium humanae laudis acquiritur, si reverendis patribus a devotis filiis plenitudo impendatur honoris. Sane Zagrabien. Ecclesiæ Pastoris solatio destituta, nos Venerabilem Fratrem nostrum Timotheum Zagrabien. Episcopum, nunc Archidiaconum de Zala (1) in Ecclesiæ Vesprimien., Subdiaconum, & Capellanum nostrum, virum utique providum, & honestum, ac morum nobilitate præclarum de Fratrum nostrorum consilio, & Apostolicæ plenitudine potestatis præfecimus ipsi Ecclesiæ in Episcopum, & Pastorem. Et licet prædictus Episcopus, sicut accepimus, quosdam Procuratores, & Nuntios suos ad eandem Ecclesiæ destinavit, qui usque ad adventum ipsius Episcopi Ecclesiæ prædictæ curam gererent diligentem; tamen ipsi non fuerunt admissi (2). Quia vero idem Episcopus factura nostra existit; in ipso, cui consecrationis munus duximus impendendum, nostram cupimus honorari personam; & in desideriis nostris geritur facere ipsum Episcopatus Zagrabien. pacifica possessione gaudere. Quocirca universitatem vestram rogamus, & hortamur attente in virtute obedientiæ per Apostolica vobis scripta districte præcipiendo mandantes, quatenus eundem Episcopum, tanquam Patrem, & Pastorem animarum vestrarum devote suscipientes ei obedientiam, & reverentiam debitam impendatis; ipsius mandatis, & monitis salubribus humiliter intendendo; ac nihilominus dilecto filio Fratri Gualtero Penitentiario, & Capellano nostro, cui idem Episcopus, & nos etiam usque ad ipsius beneplacitum curam prædictæ Ecclesiæ circa spiritualia & temporalia duximus committendam; exhibeatis consilium, auxilium, & favorem in iis, super quibus vos duxerit requirendos. Alioquin sententiam, quam idem Episcopus, vel præfatus Penitentiarius rite tulerit in rebelles, ratam habebimus, & faciemus auctore Demino inviolabiliter observari.

Dat. apud Urbem veterem xv. Kal. Februarii Pontificatus nostri an. III.

Notæ Sbaraleæ.

(1) Zala, vulgo Zalawar, antiquitus vero Sala ad fluvium cognominem in Hungaria Comitatus titulo decorata, parva tamen civitas 3. mil. pas. Germanicis a Canisla distans in ortum, non longe a Stiria Provincia ad occasum, & Dravum fluvium ad meridiem.

(2) Non fuerunt admissi. Causa esse potuit Originalis servitus, seu natalium obscuritas, quam memorat Pontifex epist. regi Hungariæ, qui ei molestus erat, apud Raynaldum ad an. 1266. n. 37. Scripta.

Urbanus IV. Dilecto filio Fratri Gualtero (1) de Ordine FF. Minorum Penitentiario, Cappellano, & Nuntio nostro Sal. & Ap. Ben.

Inter alias sollicitudines, quibus assidue premimur, cogitare nos convenit, ut Ecclesiæ, ac illa præcipue, quæ sunt Episcopali dignitate prædictæ, in statu tranquillo, & prospero conserventur. Sane, Ecclesiæ Zagrab. Pastoris solatio destituta, nos Venerabilem Fratrem nostrum Timotheum Zagrabien. Episcopum, tunc Archidiaconum de Zala in Ecclesiæ Vesprimien., Subdiaconum, & Cappellanum nostrum, Canonicum Zagrabien. Ecclesiæ de Fratrum nostrorum consilio, & plenitudine Apostolicæ potestatis præfecimus

ii ipsi



ipsi Zagrabien. Ecclesie in Episcopum, & Pastorem, ac ei consecrationis munus duximus impendendum, inuncto Capitulo ipsius Ecclesie, & Clero Zagrabien. civitatis, & diocesis per litteras nostras (2), ut ipsi predicto Episcopo, tunc electo tanquam Patri & Pastori animarum suarum devote intendere procurarent. Et licet predictus Episcopus, sicut accepimus, quosdam Nuntios, & Procuratores suos ad eandem Ecclesiam destinavit, qui usque ad adventum ipsius Episcopi ejusdem Ecclesie curam gererent diligentem; tamen ipsi non fuerunt admissi. Nos itaque cupientes, ut eadem Ecclesia salubribus proficiat incrementis, de tua circumspectione, quam in multis & arduis sumus experti, confisi te pro ejusdem Ecclesia, & ipsius Episcopi procurandis & expediendis negotiis ad partes Ungarie duximus destinandum, & procuratoris officium ab eodem Episcopo tibi, ut asseritur, circa curam in spiritualibus, & temporalibus dictae Ecclesie commissum ipsius inclinati supplicationibus Episcopi approbantes eandem curam circa spiritualia & temporalia usque ad beneplacitum ipsius Episcopi tibi auctoritate presentium duximus committendam. Quocirca discretionem tuam rogamus, & hortamur attente mandantes, quatenus ad predictas partes, & Ecclesiam personaliter cum gratia nostra benedictionis accedens ejusdem Ecclesie sollicitam curam geras; Contradiatores per censuram Ecclesiasticam appellatione postposita compescendo, Ceterum Castrum, villas, possessiones, redditus, & alia bona Episcopalia tibi facias exhiberi, detentores eorum, & illos, quorum nomine detentur, cujuscumque dignitatis, ordinis, seu conditionis existant, ad eorum exhibitionem monitione praemissa per censuram eandem, sublato appellationis obstaculo compellendo. Non obstante, si est aliquibus ab Apostolica Sede indultum, quod interdicti, suspendi, vel excommunicari non possint per litteras Apostolicas, quae de indulto hujusmodi plenam & expressam non fecerint mentionem; siue qualibet alia indulgentia Sedis ejusdem, de qua, cujuscumque toto tenore de verbo ad verbum oporteat in nostris litteris plenam, & expressam mentionem fieri; & per quam effectus praesentium impediri valeat, vel differri. Preces autem, & mandatum nostrum sic adimpleat tua devotio, quod tibi proinde praeter divinae retributionis premium a nobis digne proveniat alio gratiarum.

Dat. apud Urbem veterem x. Kal. Februarii Pontificatus nostri anno tertio,

Notae Sbaraleae.

(1) Gualtero, nunc primum in nostram notitiam emergenti.

(2) Per litteras nostras, nempe praecedentes ad Capitulum; ad Clerum vero datas desideramus.

Bela abrogandum curat Episcopus Timotheus, datus litteris ad Clementem IV.

Sed nihilo felicius Gualterus, qua Procuratores antea missi, rem gessit, Bela rege repugnante, qui ad Clementem IV., Urbano suffraganeo an. 1265., cum suis litteris duos Oratores misit, cum de aliis negotiis, tum potissimum de abrogando Episcopatu, quem Urbanus Timotheo contulerat: has vero litteras, quas subjicimus, idem Sbaralea in Tom. 2. Bullarii Franciscani edidit ex Archivo Castri S. Angeli capsa 7. Q., notisque inseruit adjactis superiori epistola scriptae ad Gualterum.

Sanctissimo in Christo Patri C. divina providentia sacrosancta Romana Ecclesia summo Pon-

tifici B. Dei gratia rex Hungariae desiderata pedum oscula beatorum.

Cum Magistrum Demetrium Archidiaconum Borisien. clarissimae nurus nostrae Ducissae Cancellarium dilectum, & fidelem nostrum, & virum religiosum Fratrem Paulum Ordinis Fratrum Minorum Confessorem nostrum reverendum super nostris, & regni nostri negotiis, & specialiter pro facto Ecclesiae Zagrabien., quod praecipuum reputamus, ad vestram Beatitudinem duxerimus dirigendos; Sanctitatem vestram humiliter petimus, & rogamus, quatenus eisdem benignam praebentes audientiam petitiones nostras admittere dignemini cum effectu; verbis, quae ex parte nostra Beatitudini (vestrae) dicent, & praesertim nostrum negotium contingentibus fidem credulam nostri intuitu adhibentes.

Datum in Castro Visagrad III. Idus Octobris Anno Domini MCCLXV.

At Pontifex regiae voluntati minime indulgendum censuit, ac Belae rescribens institit, quantum potuit, non solum rationibus & precibus, sed admonitionibus etiam atque minis adhibitis, ut Timotheum in Sedem Zagrabiensem reciperet, atque admitteret; id quod Spondanus ex litteris ejusdem Papae ad Belam Perusii datis XII. Kalen. Februarii anno 1266. tradit: Quod rex admittere recusaret Timotheum creatum ab Urbano Episcopum Zagrabiensem, eo praetextu quod vilis esset originis, redargutum eum severe fuisse, ait Spondanus, ab eodem Clemente, egregie docente, cum natura omnes homines aequales sint, aliquos postea ceteris regendis necessario eligi: ac propterea non debere ratione originis contemptui esse, cum ob virtutum merita principatus vel praesulatus in alios confertur, nec decere potentem persequi pauperem; additisque denuo precibus ac monitionibus pro eodem Timotheo admittendo, demum minatur, nisi his acquiescat, se, inharendo vestigiis ejus, qui pro Christi suis corripuit reges, causam pauperis persecuturum, Pontificis monitis ac mandatis tandem Bela morem gessit; praesertim postquam idem Pontifex, ut est apud Spondanum, eodem anno 1266. x. Kal. Julii, cum esset Viterbii, pacem & concordiam, inter eundem regem & filium redintegratam, verbis amplissimis laudavit, atque ut perpetua esset, auctoritate Apostolica confirmavit.

Timotheus in gratiam Belae receptus eximiis, quibus praeditus erat, virtutibus ita sibi regis animus devinxit, ut nihil ab eo peteret, quin impetraret. Ejus rogatu privilegia Andreae parentis collata Ecclesiae Zagrabien. confirmavit; populos Comitatus Urbacen. qui suberant eidem Ecclesiae, exemit jurisdictioni Comitatus Urbaczii; itemque villam quamdam episcopalem in Comitatu Simigien. amplissimis immunitatibus donavit, Alterius villae apud Valscham, pro qua Timotheus Urbano Probat triginta marchas argenteas solverat, emptionem confirmavit. Quidquid terrarum ac gentium ad Ecclesiam Zagrabiensem pertinebat, nullius Bani, siue Comitatus potestati subiectum esse declaravit, ob eam causam, inquit, quod Episcopi semper regibus fideles fuerint. Exactionem cujusdam tributi populis ejusdem Ecclesiae pro nuptiis Belae filii sui junioris, Ducis Slavoniae, Dalmatiae & Chrobatiae, impositi abrogavit, quod ait se fecisse conscientiae stimulis impulsus, cum numquam id genus tributi populis illis im-

Timotheus tandem Clemente IV. monente ac jubente admissus.

Beneficia & privilegia in Timotheum & Ecclesiam Zagrabien. per Belam collata.

imperari consueverat. Idem vero Bela IV. anno 1266. Civitatem montis Gracensis ab se conditam, ut supra dictum est, liberam esse, ac regiam appellari iussit, & plurimis maximisque privilegiis cumulavit. Extat diploma Belæ regis, quo Privilegium, seu Bullam auream Andreæ II. patris sui confirmavit.

Privilegium  
Belæ au-  
team bul-  
lam An-  
dreæ II.  
confirman-  
tis.

Bela Dei gratia Ungaria, Dalmatia, Croatia, Rama, Servia, Galicia, Lodomeria, Cumaniaque rex omnibus Christi fidelibus tam presentibus quam futuris salutem in omnium Salvatore. Ad universorum notitiam volumus pervenire, quod Ven. P. D. Timotheus Episcopus Zagrab. dilectus & fidelis noster ad nostram accedens presentiam, obtulit, & exhibuit nobis privilegium felic. recordat. Domini regis Andree carissimi patris nostri, sub Bulla aurea super prædiis, possessionibus, terris, & libertatibus, qua vel quas Ecclesia sua Zagrabienensis ex antiqua & devota collatione prædecessorum nostrorum possidere dinoscitur, confectum, petendo cum instantia, ut ipsum privilegium ratificare, approbare, & nostro privilegio confirmare de benignitate regia dignaremur; cuius tenor talis: In nomine Sanctæ Trinitatis, & individue Unitatis &c. Hic inserta est Bulla aureæ Andreæ II., quam supra exhibuimus in actis Stephani I. Episc. Zagrab.

Nos igitur privilegium ipsius carissimi patris nostri, sub bulla aurea super huiusmodi salubribus donationibus, possessionibus, & libertatibus confectum, non abrasum, non cancellatum, nec in aliqua sui parte viciatum, ratum habentes, & acceptum, de verbo ad verbum presentibus insertum, auctoritate presentium, & certa nostra scientia duximus confirmandum. Concedimus etiam ad instar prædecessorum nostrorum; quod Banus pro tempore constitutus, in nullo casu populos Ecclesiæ in Banatu constitutos, ratione descensus, vel alicujus jurisdictionis occasione, præsumat molestare; cum nostris & carissimi patris nostri, ac prædecessorum nostrorum temporibus Bani pro tempore constituti nullam habuerunt jurisdictionem in populis Ecclesiæ supra dictæ, pro eo maxime, quia Episcopi, qui pro tempore Ecclesiæ Zagrabiensem gubernarunt, semper fideles regie coronæ extiterunt. Unde nos de speciali gratia omnes populos ipsius Ecclesiæ Zagrab. tam in Banatu, quam in aliis Comitatus constitutos, ab ipsius Bani, & Comitum jurisdictione omnino eximimus, ut iidem populi de aliis gravaminibus expediti debita servitia, & consueta facilius possint, & valeant ipsi Episcopo exhibere; & in omnibus, tam in iudiciis, maleficiis, & excessibus, quam in aliis servitiis, & redditibus, quocumque nomine nuncupatis, suo tantum Episcopo Zagrab. & ipsius iudicibus, seu officialibus respondere teneantur. Adjicientes, quod si Episcopus, vel ejus iudex, vel officialis in reddenda justitia querelantibus contra ipsos populos, negligens fuerit, vel remissus, non is, contra quem agitur, sed Episcopus, vel ejus iudex ad nostram citabitur presentiam ad terminum competentem. Volumus etiam, quod nullus Baronum nostrorum in populis Ecclesiæ audeat descensum violentum recipere, qui vero contra præsumpserit, indignationem regiam exinde incurret; & ipse Episcopus contra huiusmodi præsumptores per censuram ecclesiasticam procedat, prout meruerit protervitas præsumptoris, nisi super injuria illata, recognoscat.

Illyrici Sacri Tom. V.

Ceterum cum in populis Ecclesiæ, etiam temporibus retroactis, nulla collecta facta fuerit; & nos tempore nuptiarum carissimi filii nostri felic. record. Belæ Ducis, collectam septem denariorum exigi fecissemus, & postmodum aliquot annis recepissemus; tandem revertentes ad conscientiam, ob reverentiam S. Ladislai regis, qui est fundator ipsius Ecclesiæ, & pro remedio animæ carissimi filii nostri Belæ Ducis, ipsam collectam septem denariorum dicto Episcopo in populis Ecclesiæ relaxamus. Ut igitur hæc omnia, qua a nobis, & carissimo patre nostro, & prædecessoribus nostris sunt concessa, nostris, successorumque nostrorum temporibus irrefragabiliter salva semper & inconcussa in perpetuum valeant permanere; duplicis sigilli nostri munimine, & ex certa nostra scientia fecimus roborari. Datum per manus magistri Demetrii, Alben. Ecclesiæ Præpositi, Aula nostra Vicecancellari, dilecti & fidelis nostri. Anno Dominicæ Incarnat. 1269. xi. Kal. Januarii, regni nostri anno 34.

Anno 1270. Bela IV. e vivis excessit. Stephanus V. filius Belæ solus regnare cepit, quem parens ante aliquot annos regio titulo donatum in regni societatem receperat, principatu Dalmatiæ, Slavoniæ, & Chrobatæ, quem Stephanus obtinebat, in Belam filium minorem translato, qui ante parentem anno 1260. vita migravit. Nec suam Stephanus erga Ecclesiæ Zagrabiensem beneficentiam desiderari passus est. Jure hospitandi apud populos vestigales Ecclesiæ, Episcopi, Capituli Zagrabienensis Banos & Procures, quoscumque privavit, in quo identidem sumptus non exiguos fieri oportebat. Id ante plures annos edicto caverat rex Emericus; ejus sanctionem paulatim antiquatam Stephanus renovavit, atque in perpetuum valere iussit: Satis sublimitatis nostre fastigia, inquit, curamus prudenter attollere, si unicuique quod suum est tribuentes, oppressos relevemus, & relevatos in eorum jure, seu libertatibus consuetis & antiquis conservemus. Dat. an. 1271. Ut vero egregias virtutes, & eximia merita Timothei Episcopi remuneraretur, præsertim quod plurimum curæ, operæ, pecuniæque ad Basilicam Cathedralē reedificandam contulisset, privilegium Belæ parentis paullo ante descriptum, & insertam eidem Bullam auream Andreæ avi sui amplissimo diplomate confirmavit.

Belæ IV.  
succedit  
Stephanus  
V. filius.

In nomine S. Trinitatis & individue Unitatis. Amen. Stephanus Dei gratia Ung. Dalmatiæ, Croatia, Rama, Servia, Galicia, Lodomeria, Cumania, Bulgariæque rex in perpetuum. Omnibus presentem paginam inspecturis salutem in eo, qui regibus dat salutem. Summa est devotio regie majestatis, qua pro religione facit, & Ecclesiæ libertate; hanc enim Salvator noster sibi Sponsam elegit, qua ex vivis constructa lapidibus, foret habitaculum fidelium animarum, per hanc reges regnant, & Principes dominantur, qua sola cum fiducia sub integritate fidei & innocentia vita, Deo Creatori nostro animas representat; quidque huic imperitum fuerit, & largitum, in æternitatis saculo gloriosa retributionis præmio compensat. Perinde devotas preces & instantiam Ven. Patris Timothei Episcopi Zagrabienensis Ecclesiæ, dilecti & fidelis nostri, & Capituli ejusdem recipimus continentes, ut privilegium Andreæ re-

Privilegium  
Stephani  
regis pri-  
vilegia  
Avi & Pa-  
rentis con-  
firmans.

li 2

gis

gis illustri *Avi* nostri sub bulla aurea habitum, & obtentum, accedente ad idem privilegio confirmationis D. Bela regis Serenissimi Patris nostri clarae memoriae, super immunitate libertatis Zagrabienſis Ecclesia, & populorum spectantium ad eandem, in nostra, & nostrorum Baronum praesentia seriatim exhibita, & perfecta, in signum gratiae specialis dignaremur aurea nostra Bulla charactere communire; quorum quidem privilegiorum tenor insertus talis est: Bela Dei gratia Ung. Dalm. &c. Hic utrumque Bela & Andreae privilegium describitur.

Nos itaque illustrium Progenitorum nostrorum regum Hungariae vestigiis inherendo, ipsam Zagrab. Ecclesiam ea benignitate celsitudinis regia persequi cupientes, praesertim ob devotionem Sancti regis Ladislai, qui eliminatis gentilitatis erroribus in Ducatu Sclavonia, Zagrabienſis Ecclesiae institutor sanctissimus exiit, & fundator; attendentes nihilominus considerationis oculis devotionem Venerab. Patris Timothei Episcopi Zagrabienſis, opere mirifico, & plurimum sumptuoso, dissolutam in sui corpore a primo fundamento, ipsam Zagrabienſem Ecclesiam reparantis, atque in eo innocentiam vitae, amorem domus Dei, & dispensationem in rebus Ecclesiasticis providam, ut ipsius Ecclesiae sibi credita restauratio faceret; praefata privilegia *Avi* scilicet nostri sub aurea Bulla, & Patris nostri subsequenter, de verbo ad verbum inserta praesentibus, concessa in singulis articulis, & tradita libertatis, ex certa scientia, rata & grata habentes, ex regali munificentia confirmamus, athena Bulla nostra charactere praesentibus in aeternam rei memoriam propriis manibus inserentes, sub interminatione maiestatis regiae interdicens omnino, ne cuiquam Bano pro tempore constituto, etiam de stirpe regia descendenti, vel cuilibet Comiti, seu Judici, cuiusquam status, vel dignitatis existat, liceat populos ipsius Episcopi, & Capituli Zagrabienſis in aliqua causa, vel maleficio seu excessu quolibet judicare, vel jurisdictionem in eis aliquam vindicare; sed solius Episcopi, & Officialium suorum in praemissis omnibus subiaceant potestati; nec collectam marturinarum, vel quamlibet aliam, aut descensum violentum exigere ab eisdem populis Banus, vel Officiales e jus praesumant contra indultam, & traditam toties libertatem; penas divini iudicii, & acrimonia debita subituras superius annotatas, si quis praesumptione temeraria contravenire praesumpserit in aliquo praemissorum. Datum per manus Venerabilis Patris Stephani Archiepiscopi Colocensis Aula nostra supremi Cancellarii, dilecti & fidelis nostri, anno Dominica Incarnationis 1272. XV. Kal. Julii, Indi. XV., regni nostri anno secundo. Venerabilibus Patribus Philippo Strigoniensi, & perpetuo Comite loci ejusdem, Fratre Joanne de genere Buzad Spalaten. Archiepiscopi, Lamperto Agrien., Brisllo Chanadien., Job Quinqueecclesien., & Comite Musamen., Philippo Vacien. Aula Domina reginae Cancellario, Paulo Vesprimien., Timotheo Zagrabien., Lodomerio Varadien. Dionysio Jaurien., & Petro Transilvano Episcopis, Ecclesias Dei feliciter gubernantibus. Magistro Benedicte Praeposito Orodien. Aula nostra Vicecancellario, Magistro Andrea Comite Capella nostra, . . . . . Praeposito Jaurien. . . . . Palatino Comite Sopronien. Judice Cumanorum, Nicolao Ju-

dice Curiae nostrae Comite Simigien., Aegidio Magistro Tavernicorum nostrorum, & Comite Pofonien., Joachimo Bano totius Slavonia, Mattheo Vayvoda Transilvano, & Comite de Zounut, Laurentio Bano de Szervino, & Comite de Doboba, Domino Anselmo Comite de Berroe, & de Trascu, Rolando Bano perpetuo Comite de Bemluk, Petro Magistro Dapiferorum, & Comite de Guetka, Alberto Magistro Agasonum nostrorum, & Comite de Szibino, Philippo Magistro Pincernarum nostrorum, Paulo Bano Comite Bathien., Irneo Bano, Comite Varasdien., Gregorio Magistro Tavernicorum Domina Reginae, & Comite Castri ferrei, Zonich Bano & Comite Zeladien., Petro Comite Alben., Selta Comite Jaurien., Michaelae Comite Nitrien., Michaelae de genere Chaz Comite Vesprimien., Erdeu Comite de Tolam, Alexandro Comite de Bagana, & Armigerorum nostrorum, Stephano Magistro Agasonum Domina Reginae, & Comite Tychaen., Demetrio Comite de Zotmare, & de Tarasna; & aliis quam pluribus, Comitatus regni tenentibus, & honores.

Idem Stephanus, litteris ad Capitulum Albenſe, sive Albae regiae datis, jussit illud remitti Zagrabiam tabulas, & diplomata regalia, quae ad Ecclesiam Zagrabienſem pertinebant; illuc enim, dum Slavonia externis, atque in testinis bellis ardebat, ne perirent, transmissa fuerant, & Canonicorum Albenſium tutelae commendata.

Tabulas & monumenta Eccl. Zagrab. Albam translata Zagrabiam referri jubet Stephanus.

Stephanus Dei gratia rex Hungariae, fidelibus suis Capitulo Albenſi salutem, & gratiam. Mandamus fidelitati vestrae praecipiendo, quatenus rescripta, seu transumpta privilegiorum Venerabilis Patris Timothei Episcopi Zagrabienſis dilecti ac fidelis nostri, quaecumque, & quandocumque eidem placuerit, sive pro se, sive pro sua Ecclesia Zagrabienſi, sub vestro sigillo autentico dare, seu assignare debeatis, aliud non facturi.

Datum Budae feria secunda proxima post Dominicam Reminiscere.

Stephanus anno tertio, quam regnare coeperat, Christi 1272. moriens regni heredem ac successorem Ladislavum filium admodum adolescentem reliquit, apud quem auctoritate & gratia plurimum valuit Timotheus Episcopus, ab eoque multa beneficia & sibi & Ecclesiae suae perutilia accepit. Ac primum castrum Medvede bonis & proventibus Ecclesiasticis extruxerat, ac Bela regi petenti ad regiones thesauros custodiendos commodaverat, Ecclesiae restituit cum eximia testificatione illustrium Timothei erga rem publicam & Ecclesiasticam meritum.

Ladislavus IV. Stephanus parenti in regnum subleatus Timotheum & Ecclesiam Zagrab. beneficiis, & privilegiis cumulavit.

Ladislavus Dei gratia Hungariae &c. Rex omnibus praesentes litteras inspecturis salutem in vero salutari. Ad universorum notitiam tam praesentium, quam futurorum harum serie volumus pervenire. Quod cum olim charissimus Avus noster D. Bela rex felicitis recordationis Castrum quoddam juxta Zagrabiam, quod Medvedar nuncupatur, tempore translationis Domini Philippi tunc Episcopi Zagrabienſis ad Ecclesiam seu Archiepiscopatum Strigoniensem, pro conservando thesauro regio ad tempus ab Ecclesia Zagrabienſi recepisset, & licet postmodum ipsum Castrum taliter a jam dicta Ecclesia alienatum exiisset, & per Banos Ducatus Sclavoniae successive pro-

sem-

tempore constitutus, eo quod dictum Castrum in confinio regni Sclavoniae est constructum, guerra inter Dominum Stephanum regem charissimum Patrem nostrum clara memoria, & regnum Bohemiae perdurante, ad conservationem illius provinciae retentum fuisset, & conservatum; tamen quia certo certius constat vobis per Barones, & nobiles regni nostri, quod jam dictum Castrum de bonis, & sumptibus Ecclesiae nostrae Zagrabienensis, per praefatum Venerabilem Patrem tunc Episcopum ipsius Ecclesiae constructum fuerat, & munitum; Nos nolentes cuiquam, & specialiter juri Ecclesiastico derogare, attendentes maxime, quod Venerabilis Pater Timotheus Episcopus praedictae Ecclesiae Zagrabienensis, dilectus, & fidelis noster, qui ne dum, quod suum, & Ecclesiae suae jus attingit, de regali munificentia meretur; verum & propter suam immensam fidelitatis, & servitorum merita, majora, & ampliora sibi, & Ecclesiae suae in perpetuitatibus, seu donationibus perpetuis debuisse promereri; praedictum Castrum Medvedar cum omnibus pertinentiis, & utilitatibus universis restituimus, & reddimus praefato Venerabili Patri, & Capitulo Ecclesiae suae, perpetuo possidendum pariter, & habendum. In cuius rei memoriam, firmitatemque perpetuam, praesentes concessimus litteras, duplici sigilli nostri munimine roboratas. Datum per manus Magistri Benedicti Orodienensis Ecclesiae Praepositi, aulae nostrae Vice-Cancellarii dilecti & fidelis nostri. Anno Domini 1273. regni autem nostri secundo.

Nullus fere annus effluxit, quin Ladislavus aliquid ad decus & ornamentum, ad praesidium, atque utilitatem Ecclesiae Zagrabienensis conferret ac decerneret. Anno 1274. quidquid privilegiorum sive immunitatum populis, Episcopo & Capitulo Zagrabienensi subiectis, reges Hungariae concesserant, regali diplomate confirmavit.

Alterum  
Ladislavi  
decre-um  
privilegia  
& immuni-  
tates Ec-  
clesiae Za-  
grabien-  
confirmans.

Ladislavus &c. omnibus tam praesentibus, quam futuris, & specialiter collectoribus Marturinarum, undecim & septem denariorum, per Sclavoniam constitutis, salutem in omnium Salvatore. Cum populi Zagrabienensis Ecclesiae, tam Episcopi videlicet, quam Capituli loci ejusdem ab omni collecta, seu exactione qualibet, marturinarum videlicet, & aliarum exactionum quarumcumque juxta antiquam consuetam ejusdem Ecclesiae libertatem, vallatam multis praedecessorum nostrorum privilegiis, & specialiter privilegio Domini Stephani Serenissimi regis, clara recordationis Patris nostri, liberi sint penitus & exempti; Nosque eandem Ecclesiam, & populos ipsius in prioribus velimus libertatibus indemniter conservare; Universitati vestrae praesenti editione perpetuo duratura specialiter inhibemus, ne quis populos praedicti Episcopi & Capituli Zagrabienensis, nomine, ratione, occasione collectae cujuslibet, & specialiter collectae undecim & septem denariorum, praesumat aliquatenus molestare, aut aliquam collectam exigere ab eisdem; Non obstantibus litteris nostris, si quae contra tenorem privilegiorum eorundem, seu contra formam libertatis Ecclesiae memorata emanassent, vel deinceps quomodolibet contingeret emanare. Cum praedictam Ecclesiam, sicut praemisimus, ob reverentiam Sanctorum Praedecessorum nostrorum Stephani, & Ladislai regum Hungariae: nec non & appro-

Illyrici Sacri Tom. V.

batam fidelitatem Venerabilis Patris Timothei Episcopi ejusdem Ecclesiae, dictam Ecclesiam, & populos, ac jura ejus velimus, intendamus manuteneri ac conservare in eorum consuetis & antiquis libertatibus inconcussae. In cuius rei memoriam, & perpetuam firmitatem praesentes dedimus litteras duplicis sigilli nostri munimine roboratas. Datum per manus Benedicti S. Strigoniensis Ecclesiae electi, ejusdemque loci Comitibus perpetui, Aulae nostrae Vicecancellarii, & Praepositi Budensis dilecti & fidelis nostri. Anno Domini 1274. pridie Kalend. Junii Indict. II., regni autem nostri anno 2. Venerabilibus PP. Stephano Colocensi, & Joanne Spalatensi Archiepiscopis, Lamperto Agriensi, Brictio Chanadiensi, Job Quinqueeclesiensi, Philippo Vacienensi, Aulae Dominae Reginae consortis nostrae carissimae Cancellario, Paulo Vespriemensi aulae nostrae Cancellario, Timotheo Zagrabienensi, Lodomerio Varadinensi, Dionysio Jaurinensi, & Petro Transilvano Episcopis Ecclesias Dei feliciter gubernantibus, Dionysio Palatino Comite de Zolnok, & Judice Cumanorum, Nicolao Judice curiae nostrae Comite de Svecka, Henrico Bano Comite totius Sclavoniae, Nicolao Vavoda Transilvano, & Comite de Zolnok, Paulo Bano de Zevrino, Joachimo Magistro Tavernicorum Comite de Plus, & Reynaldo Magistro Dapiferorum, Nicolao Magistro Pincernarum, Herberto Magistro Agazonum nostrarum Comite de Baransia, Moise Magistro Tavernicorum Dominae Reginae consortis nostrae carissimae Comite Sunigiensi, Joanne Comite Nitriensi, & aliis pluribus Comitatus regni tenentibus & honores.

Anno sequenti 1275. immunitatem populis Villae Episcopalis S. Martini prope Valscham jampridem concessam, firmam ac perpetuam esse jussit litteris datis ad Jacinum Comitem de Bona, & Magistrum Tavernicorum, quem ab incolis ejusdem villae decimas quascumque exigere vetuit; itemque eodem anno Villam Polanam prope Varadinum contiguam terrae episcopali S. Mariae per Timotheum emptam ab omni servitio Castri Varasdenensis liberavit. Anno autem 1277. Comitatum Gersenczem, omni Banorum, & Comitum jurisdictione exemptum, Episcopo & Ecclesiae Zagrabienensi perpetuo possidendum dedit; idque amplissimo diplomate testatum esse voluit.

Alia La-  
dislavi  
beneficia.

Ladislavus Dei gratia Hungariae &c. Rex omnibus Christi fidelibus praesentem paginam inspectionis salutem in vero salutari. Etsi quibuslibet corona regiae fidelibus & devotis aperire de beatus munificentiae nostrae manus, illis tamen & maxime Praelatis Ecclesiarum tenemur ardentius & specialius respondere, quos videmus nostris, & regni nostri negotiis insistere fideliter, & devote. Praesertim quia per hoc, & honor accrescit regius, & salus attenditur animarum. Proinde ad universorum notitiam harum serie volumus pervenire, quod gratam, & commendabilem fidelitatem, & meritoria ac multiplicia obsequia Venerabilis Patris Timothei miseratione divina Episcopi Zagrabienensis dilecti, ac fidelis nostri, quibus idem in regni nostri negotiis, & coram nostra maiestatis oculis, absque aliquo offensionis scrupulo studuit multipliciter complacere, attendentes, volentesque ob hoc eidem aigna remunerationis beneficio respondere: licet respectu ejus, quod ad praesens sibi conferimus,

Comita-  
tum Ger-  
senczem  
ab omni  
onere im-  
munitatem  
Episcopo  
& Eccl.  
Zagrab.  
donavit.

li 3 po-

potiora mereretur: in aliqualem tamen recompensationem fidelium obsequiorum, ejusdem Episcopi, & Banorum nostrorum consilio & assensu consulimus sibi, & per eum Episcopatu Zagrabienſi Comitatum de Gersencze cum collecta marturinarum, & septem denariorum, tenendum, habendum, & possidendum, perpetuo, & irrevocabiliter, pacifice, & quiete cum illa, ac eadem libertate, qua possessiones, & districti populi Episcopatus Zagrabienſis, a temporibus Sanctorum Prædecessorum nostrorum illustrium regum Ungariæ gratulantur; statuentes, quod nec Banus Sclavonia ratione collectæ Marturinarum, ac Zulufinarum septem denariorum, similiter nec Magister Tavernicorum nostrorum, ratione ejusdem collectæ septem denariorum de ipso Comitatu de Gersencze provenientium prædictum Episcopum, & successores suos præsumant, vel debeant molestare. Et insuper universi populi in eodem Comitatu de Gersencze existentes, nec Bani nec judicum suorum iudicio in quovis articulo debeant subjacere; cum ipsum Comitatum, non ut in noſtem, sed in possessionem perpetuam Episcopatu Zagrabienſi contulerimus, irrevocabiliter possidere. In cuius rei memoriam, & perpetuam firmitatem presentes concessimus litteras, duplicis sigilli nostri munimine roboratas. Datum per manus Magistri Præpositi Albenſis Aula Noſtra Vice Cancellarii dilecti, & fidelis nostri anno Domini 1277. Regni autem nostri anno quinto.

Litteræ  
Bani Sla-  
vonie ad  
Mag. Stra-  
tus Pro-  
vinciæ, ne  
quidquam  
jurisdictionis  
sue in  
Comitatu  
Gersencze  
intendant.

Ladislav  
depravatio  
ex flagiti-  
o cum Cu-  
manis con-  
suetudine.

Nicolaus  
Papa III.  
Legatus

Hoc regnum Diploma & Mandatum Banus Slavoniæ omnibus ejusdem provinciæ magistratibus per litteras significavit, eique obtemperari ab omnibus jussit: Cum, inquit, Dominus noster Ladislaus illustris rex Hungariæ Comitatum de Gersencze cum præmissis cunctis Marturinis, septem denariorum Zulufinis, iudiciis, jurisdictionibus, & aliis redditibus provenientibus ejusdem, Venerabili P. Timotheo Dei gratia Episcopo Zagrabienſi perpetualiter duxerit conferendum, prout per privilegium ipsum Domini nostri regis patuit evidenter, vobis firmiter præcipiendo mandamus, quatenus de hujusmodi collectis & iudiciis vos nullomodo intrittere præsumetis; imo volumus quod omnino & expresse manus vestras retrahatis, aliud facere nullatenus præsumatis. Datum Zagrab. die Dominico proximo post festum omnium Sanctorum. Anno Domini 1277.

Ac Ladislavus quidem antea tum a perenni, constataque virtute majorum suorum, tum a se ipso, suisque præclaris iocis degeneravit; & Cumanorum finitimæ gentis ac flagitiosissimæ consuetudine & contagione depravatus, atque in omnem libidinem effusus, ipſo ac violato legitimo conjugali thoro, plures ex ea gente concubinas duxit. Ex eo libidinoso commercio, quod cum probro privato conjungeret imperii dedecus, Chuni cognomen traxit. Interdum quidem sive Romani Pontificis, sive Episcoporum gravi severaque admonitione resipiscere visus est; sed brevi ad ingenium rediit; neque antea ab hujusmodi flagitiis omnino abstinuit, quam ab ipsis Cumanis, a quibus illa contraxerat, victus in prælio, casulque vitam amisit. Ceterum in tanta, & tam obſcena vivendi licentia Timotheo Episcopo & Ecclesiæ Zagrabienſi benefacere numquam destitit.

Nicolaus III. Pont. Max. statim, atque regimen universalis Ecclesiæ suscepit, nihil habuit antiquius, quam ut rebus Hungariæ tum civi-

libus tum Ecclesiasticis ob nefarias Ladislavi regis impuritates, ceteraque ejus flagitia in magnam perturbationem & magnum discrimen adductis consuleret, ipsumque regem graviter admonitum increpitumque ab illa scelerata mulierum alienigenarum consuetudine ad legitimum thalamum revocaret; & quoniam Patres Franciscani semina fidei Christianæ apud Cumanos jecerant, & plurimos ex illis ad Christi cultum traduxerant, universæ illius gentis ad Christum conversioni suam auctoritatem operamque impendere statuit. Utriusque rei causa Philippum Episcopum Firmi in Piceno legatum in Hungariam misit anno 1279. Hic regem Budæ convenit, quem gravissimis verbis admonitum flagitiorum suorum pœnituit ac puduit, seque omnia, quæ legatus imperasset, factum pollicitus est. Tum de contendendis Cumanis, & expellendis hæreticis actum est; ad rem utramque conficiendam rex omne studium suum, auctoritatem, atque operam prælixe detulit. Aderant legati seu Procuratores Cumanorum, qui propensos illius populi animos ad Christianam religionem amplectendam declararunt, & omnia, quæ Christianis eripuerant, injusteque detinebant, monasteria, Ecclesias, possessiones ab Cumanis restitutum iri promiserunt. Rex vero in quosdam articulos juravit, qui ad conversionem, Christianamque institutionem Cumanorum, & expulsionem hæreticorum pertinebant. Præterea Budæ Episcopis, & Proceribus regni conventum edixit, in quo Philippus Legatus Apostolicus ea præscriberet, quæ ad Christianæ religionis amplificationem, Ecclesiasticæ jurisdictionis & libertatis præsidium ac tutelam, totiusque regni tranquillitatem utiliora esse viderentur. In hanc ferme, quam exposui, sententiam extat Ladislavi Decretum eximie adversus Sedem Apostolicam observantiæ, & demissionis, & obsequii plenum.

in Hunga-  
riam misit  
Philippum  
Episcopum  
Firmum.

Conventus  
Budenſis  
Episcopo-  
rum &  
Procerum  
indictus.

Ladislavus Dei gratia Hungariæ, Dalmatiæ, Croatiæ, Rama, Serviciæ, Gallitiæ, Lodomeriæ, Comaniæ, Bulgariæque rex, omnibus Christi fidelibus præsentibus inspecturis salutem, in auctore salutis. Divina visitationis exordium, quo nos Dominus verus Oriens visitavit ex alto, quo sancta Matris Ecclesiæ visceribus adunamur, lumina Catholica fidei illustrati, in progenitore nostro sancto rege Stephano, a sacrosancta Romana Ecclesia recognoscimus, ut debemus. In ipso enim Orthodoxæ fidei, divina afflante clementia, sacrum redolevit unguentum; in ipso, alluvione celestis gratiæ pullulante, una cum reliquis Serenissimis regibus Hungariæ, claro germine descendentes, ab eadem regni gubernaculum suscepimus, & coronam. Et ut principatum fidei in sacrosancta Romana Ecclesia consistere, eandemque Christi Thalamum, & Trinitatis hospitium luculentius demonstraret, non a se, vel ab alio, sed ab eadem Ecclesia Romana, matre omnium, & magistra, regni diadema, revelatione divina meruit obtinere; ut ab ea, quasi quodam capite principali; dona sua in omne corpus effunderet lux divina; & exorsem se ministerii intelligeret esse divini, qui a Petri soliditate recederet deviendo. Et quia nihil est, quod lumine claviore præfulgeat, quam in Principe recta fides, cupientes toto mentis annuſu tentorium fidei Dominicæ ampliari, ejusdem Sanctissimi regis Stephani Progenitoris nostri vestigiis promodulo inherentes, ut in arcam Domini sub unita-

Præclarum  
edictum,  
& iusju-  
randum  
Ladislavi.



te fidei inter ceteros, Cumanorum multitudinem, pro parte charactere Dominico insignitam, suscepto Baptismatis Sacramento; quamvis adhuc in via morum errantem, reliquam etiam partem a ritu Paganismi ad agnitionem Christiana fidei, mediante Venerabili, & Sanctissimo Patre Domino Philippo, Dei gratia Episcopo Firmano, Apostolica Sedis Legato, ejusque sancto ministerio, Domini cooperante clementia, producimus, quatenus caeleste regnum proficiat per terrenum, sollempniter promissimus, & juravimus ad sacrosancta Dei Evangelia in praesentia ejusdem Venerabilis Patris Domini Legati, & omnium prelatorum, & religiosorum virorum, & satraparum nostrorum, qui aderant tunc praesentes. Primo quidem juravimus; quod fidem catholicam, & ecclesiasticam libertatem servavimus, & tenebimus, ac teneri faceremus, & servari in regno nostro, & terris nobis subiectis; quodque constitutiones, & decreta Sanctorum regum progenitorum nostrorum, & bonas consuetudines eorumdem nec non omnia alia, & singula, quae nostri progenitores in sua consueverunt coronatione jurare, inviolabiliter servavimus; Venerabilique Patri Domino Philippo Apostolica Sedis legato, & aliis, quibus ex officio competeret, assisteremus debito cum effectu, jurisdictionis, & potestatis nostrae brachio, ad comprimendos, & expellendos haereticos de regno, & terris nobis subiectis. Secundo juravimus in praesentia praedictorum, quod novem alios articulos, qui quidem catholicam, & ecclesiasticam libertatem, nec non christianorum, & Cumanorum statum tangunt, effectualiter impleverimus, eo modo simili servavimus, ac servari a nostris subditis faceremus. Demum promissimus, & juravimus Venerabili Patri Domino legato praefato attendere, servari facere articulos infra scriptos, quos pro cultu justitiae, & unitate fidei observanda Uzaceus, & Tolon Principales Cumanorum, quorum vicem, & consensum se habere dicebant, in praesentia ejusdem Domini Legati, & nostram sollempniter, & publice se facturos, servaturos, sine refragatione qualibet assumpserunt. Et modis omnibus curabimus, ac in nostrum suscipimus officium, & ministerium regiae majestatis, sub obligatione regni nostri, & nostra, eosdem principales Cumanorum, & universos Cumanos, articulos infra scriptos fideliter observaturos, omnem ad hoc, quantum ad nostrum spectat officium, curam, & operam impendendo. Qui quidem articuli hoc ordine declarantur, ut scilicet universi Cumani, & singuli cujuscunque aetatis, & sexus, qui nondum sunt baptizati, volunt, & desiderant recipere baptismatis sacramentum, & suscipere, & tenere omnia ecclesiastica sacramenta, & quaecunque alia servanda docet, tenet, & praedicat Romana Ecclesia sacrosancta; & idolorum cultura, ac omnibus & singulis Paganorum ritibus dimissis; & prorsus relictis, servare catholicam fidei unitatem; & quod descendunt, & recedunt a tabernaculis suis, & domibus filtrinis, & habitare & morari in villis Christiano more, in edificiis, & domibus solo fixis, expressius assumpserunt, & conformare se in omnibus moribus, & ritibus Christianis promiserunt expresse. Praeterea in regno, & terris nostro dominio subiectis ab omnibus insolentis, & homicidiis faciendis, ac interfecione christianorum, & eorumdem sanguinem effundendo, retrahent penitus manus suas, & in antea nullo unquam tempore facient, nec pa-

tientur fieri hujusmodi, aliquatenus per suos famulos, & subiectos. Praeter hac, iidem procuratores Cumanorum eidem Domino legato humiliter supplicarunt, quod ipse Dominus legatus procuraret ordinare inquisitores aliquos fide dignos, qui per singulas generationes eorum, & generationum gradus, ibi invicem quacunque linea attinentes, & per omnes alios subiectos eorum inquirant, & sciant super praemissis omnibus, & singulis veritatem, quam Domino legato, & nobis referre, & exponere teneantur; ut is, qui in aliquo praemissorum transgressor inventus fuerit, poenam ecclesiasticam, quam meretur, ab eodem Venerabili Patre, & Ecclesia ipsa recipiat; & per nos temporalis vindictae debitam sentiat ultionem. Ceteri sex praedicti procuratores, nomine Cumanorum procuratorio pro se, & pro eisdem Cumanis renunciaverunt, & abdicaverunt omnia monasteria, Ecclesias, & possessiones monasteriorum, ecclesiarum, & omnium nobilium, & ceterorum christianorum, quae, & quas haecenus injuste, & minus debite occuparunt, ac etiam tenuerunt; asserentes eosdem Cumanos, & se, esse paratos ad remittenda, & restituenda, juxta mandatum ejusdem Domini Legati, omnia, & singula supradicta. Promittimus etiam sub sponsione fidei, praestiti juramenti, ac obligationibus supradictis, quod ut praemissa omnia, & quaecunque alia pro ampliatione fidei christiana, & ecclesiastica libertatis, ac sublimatione regalis solii, & statu pacifico regni nostri idem Pater venerandus Apostolica Sedis legatus in convocatione publica regni nostri facienda vicesimo die post festum B. Joannis Baptista duxerit ordinanda, acceptabimus, servabimus, & attendi, & servari ab omnibus nostra ditionis subditis firmiter faciemus. Quae omnia videlicet tam articulos praenotatos, quam alia quae in praefatam convocationem per ipsum Dominum legatum fuerint ordinata, & sollempniter publicata, ad aeternam rei memoriam in nostris scriptis publicis, sub Bulla aurea seriatim redigi faciemus; ac sic redacta, & bullata legato trademus, & tradi faciemus praefato. Quod si praefatos Cumanos ad praedicta & singula observanda, & implenda exhortationibus, persuasionibus, rationibus & precibus forsan inducere non possemus; recipimus, promissimus, & juravimus, quod in Congregatione praedicta contra dictos Cumanos indigemus, & faciemus exercitum generalem de regno, & terris nobis subiectis, ad quem nostros, & regni nostri invitabimus, ac invitari faciemus amicos, ad compellendum eos, per dictum exercitum, & alios quoslibet utiles modos, brachio regiae potestatis, ad recipienda, facienda, ac etiam observanda omnia, & singula supradicta. Si vero praefati Cumani per nos de plano induci poterunt ad recipienda, & servanda omnia, & singula supradicta, promittimus sub obligationibus supradictis, quod eos faciemus dare necessarios obsides custodiendos, & tenendos juxta regnum, & terram nostram, ad mandatum, & praeceptum praefati Domini Legati in loco, seu locis per illum, seu illos, de quo, vel quibus eidem Domino legato videbitur expedire. In quorum omnium testimonium, memoriam, & notitiam plenioram, nec non perpetui roboris firmitatem, praesentes concessimus litteras, duplicis sigilli nostri appensione, & munimine roboratas. Datum Buda, per manus magistri Nicolai aulae nostrae Vice-Cancellarii dilecti,

*Eti, & fidelis nostri: Anno Domini millesimo ducentesimo septuagesimo nono. Nono Kal. Julii. Regni autem nostri anno septimo &c.*

Aderat tunc Budæ Timotheus Episcopus Zagrabienſis, legatum pontificium honoris eiga proſecutus; qui ab eo petiit impetravitque, ut donationem Comitatus Gerſenczſis auctoritate, qua præditus erat, Apoſtolica confirmaret, ſuoque diplomati regium diploma Ladislavi attacheret.

Rogatu  
Timothei  
Philippi  
Legatus  
Ap. con-  
firmavit  
donatio-  
nem Comi-  
tatus Ger-  
ſenczſis.

Venerabili in Chriſto Patri Dei gratia Episcopo Zagrabienſi Philippus miſeratione divina Firmanus Episcopus Apoſtolice Sedis legatus ſalutem, & ſinceram in Domino charitatem. Cum a nobis petatur quod juſtum eſt, & honeſtum, tam vigor æquitatis, quam ordo exigit rationis, ut id per ſollicitudinem officii noſtri ad debitum perducatur effectum. Exhibita ſiquidem nobis veſtra petitio continebat, quod Dominus Ladislaus Ungariæ rex illuſtris ex devotionis ardore, quam ad Zagrabienſem Eccleſiam gerit, vobis, & per vos ipſi Zagrabienſi Eccleſiæ Comitatum de Gerſence cum collecta Marturinarum, & ſeptem denariorum, tenendum, habendum, & poſſidendum libere contulit, prout in ejuſdem regis litteris, ipſuſque ſigillo duplici ſigillatis, quas de verbo ad verbum fecimus præſentibus adnotari, plenus continetur ut ſupra. Quare humiliter petiſtis a nobis, ut collationem dignaremur per noſtras litteras confirmare. Nos itaque veſtris ſupplicationibus annuentes, collationem prædictam, ſicut provide, juſte, ac rationabiliter facta eſt, ratam, & gratam habentes, ipſam auctoritate, qua fungimur, confirmamus, & præſentis ſcripti patrocinio communimus. Nulli ergo omnino hominum hanc paginam noſtra confirmationis liceat infringere, vel ei auſu temerario contraire. Si quis autem hoc attentare præſumpſerit, indignationem omnipotentis Dei, & Beatorum Petri, & Pauli Apoſtolorum ejus ſe noverit incurſurum. Tenor autem prædictarum litterarum inferius annotatur, qui talis eſt Ladislaus Dei gratia Ungariæ &c. rex, ut ſupra pag. 377.

Datum in caſtro Budenſi III. Idus Julii Indictione ſeptima anno Domini 1279. Pontificatus Domini Nicolai III. Anno ſecundo.

Ladislavus  
& Cumani  
fidei da-  
tam ſeſel-  
lerunt.

Verum neque Ladislavus, neque Cumani proſiſſis ſteterunt: hi ſiquidem adeo ſe ab Chriſtiana religione alienos oſtenderunt, ut biennio poſt, ingenti conſtato exercitu, Hungariam invaſerunt, cœcilia, templa, araque divorum diruerunt. Sed victi, cæſi, fugatique meritis perfidiæ pœnas dederunt. Ladislavus vero in priſtinos mores relapſus, concubinas Cumanas revocavit; iterum quidem ac ſapius vel Martini IV. vel legati Apoſtolici, vel Episcoporum admonitu reſipere videbatur; nunquam tamen reſipuit, quin paullo poſt ad ingenium redierit; neque unquam effrenatæ libidini, quoad vixit, probroſque turpitudini modum, niſi per intervalla, finemque impoſuit. Legatum ipſum Pontificium injurioſe tractavit; qui demum regem fidei non ſemel datæ violatorem, nec ſemel in eadem, unde ad breve tempus emerſerat, flagitia relapſum, anathemate perculit, atque ab Eccleſia ſegregavit. Interea tamen Timotheo Episcopo, & Eccleſiæ Zagrabienſi beneficia conferre non deſiit, per ea fortassis intervalla, cum ſe ad bonam frugem recipiebat. Cum Ladislavus ſub initium ſuſcepti regni caſtrum Garich, item-

que Comitatum Gerſenczem Episcopo, & Eccleſiæ pleno jure poſſidendam tradidiſſet; utramque donationem, ne quis in dubium revocaret, duplici diplomate anno 1284. confirmavit.

Ladislavus Dei gratia Ungariæ &c. rex omnibus Chriſti fidelibus præſentem paginam inſpecturis ſalutem in omnium Salvatore. Regiæ liberalitatis glorioſa munificentia ante omnia, erga eccleſiarum Dei ſublimationes, ac deſenſiones, propter quas regnum regnantium roboratur, & magnificatur, & triumphat, ſe debet exhibere pervigilem, ſollicitam, & intentam. Hinc eſt, quod nos attendentes plurimas fidelitates, ac bene merita ſervitia Venerab. Patris Timothei Episcopi Zagrabienſis aut *Eti & fidelis noſtri*, caſtrum noſtrum de Garich, quod a tempore coronationis noſtræ conſervationi ejuſdem commiſeramur, cujus quidem conſervationis omnes ſumptus & labores iacm Episcopus de propriis ſuis bonis fideliter ſupportavit, eidem Episcopo, & ſucceſſoribus ſuis, et Baronum noſtrorum conſilio, & aſſenſu, cum montibus, ſilvis, aquis ſanctis, & aliis utilitatibus ſuis & pertinentiis perpetuo, & irrevocabiliſſe dedimus, donavimus, & contulimus de regiæ munificentia poſſidendum. In cujus donationis memoriam perpetuamque firmitatem præſentes contulimus litteras &c.

Ladislavus  
donatione  
Caſtri Garich

Alieri diplomati, rogatu Timothei, præpoſuit integrum illud diploma ſupra deſcriptum, quod ætate adolescente confeceſſerat, & in quo continebatur donatio Comitatus Gerſenczſis; tum hæc ſubjicit: Nos itaque regalis circumſpecti officii ſolemniter ac diligenter tractatu, cum noſtris Baronibus præhabito, ac maturitate debita obſervata, ſum ex divi præſentationis gratia ad legitimos ſeu diſcretionis annos feliciter perve-nientes, præſati Venerabilis Patris Domini Timothei Episcopi dilecti, & fidelis noſtri juſtis petitionibus inclinati; conſiderantes præſcriptam donationem (Comitatus Gerſenczſis) fore licitam, juſtam, ſalutiferam, honeſtam; præmiſſum privilegium præſentibus de verbo ad verbum inferunt, & collationem, ſeu donationem, immunitates, exemptiones, libertates in eo contentas, univerſas & ſingulas innovamus, approbamus, laudamus, & auctoritate regia irrevocabiliſſe, & ſtabilitate perpetua confirmamus. Imo, ut jam præſactum eſt, in annis legitime conſtituti, ut cujuſlibet dubietatis ſeu mutabilitatis de medio ſcrupulus auferatur; omnes donationes, collationes, quibuscumque temporibus, Baronibus, ſeu regni noſtri nobilibus quibuscumque, per importunitatem pteſentium, per noſ factas, & litteras, privilegia, vel monumenta quocumque ingenio vel tempore impetratas, vel conceſſas, revocamus, irritamus, annullamus, vel pronunciamus nullius fore efficacie vel momenti; & eiſdem uti volentes, tamquam falſarios, & calumniæ vitio notatos decernimus condemnandos. Et ipſum Comitatum cum exemptionibus, libertatibus, & immunitatibus, redditibus, & conditionibus ſupra ſcriptis, ut ex nunc, & de novo in perpetuam eleemoſynam conferimus, concedimus, & donamus prædicto Ven. Patri Timotheo Episcopo Zagrabienſi, propter fidelitatem, & ipſius gratia obſequia nobis exhibita in-deſiſſe, ac ſuæ merita probitatis, & per eum ſuis ſucceſſoribus ac Episcopatu Zagrabienſi jure perenni habendum, tenendum ac irrefragabiliſſe poſſidendum. In cujus rei memoriam, perpetuam firmitatem atque robur, præſentes adiſtan-

& Comita-  
tus Ger-  
ſenczſis  
confirma-  
vit.

stantiam, & justam petitionem superius memorati Domini Timothei Episcopi, concessimus, duplicis sigilli nostri appensione seu munimine roboratas. Datum per manus Vener. Patris Thomae Dei gratia Episcopi Vaciensis, aula nostra Cancellarii dilecti, & fidelis nostri. Anno Domini 1284. septimo Idus Junii. Anni autem regni nostri duodecimo.

Litterae Ladislavi ad Gersensem, ut Timotheo, ejusque administris debita officia praestent.

Huic diplomati litteras adjecit ad incolas Comitatus Gersensis, quibus imperabat, ut Praefecto, quem ad regimen ejusdem Comitatus Timotheus constituerat, omnia illa praestarent, quae magistratibus a Bela Duce fratre suo praepositis praestare consueverant.

Ladislavus Dei gratia Hungariae &c. rex fidelibus suis universis, nobilibus, & aliis omnibus cujuslibet conditionis hominibus in Gersenze existentibus salutem, & gratiam. Cum nos Comitatum de Gersenze Vener. Patri Timotheo Dei gratia Episcopo Zagrabienfi, dilecto & fideli nostro, sicut primum, sic & nunc eidem cum plenitudine nostra gratiae reliquerimus; fidelitati vestrae firmiter, & districte praecipiendo mandamus, quatenus omnia jura, & proventus ex parte vestri Comiti de Gersenze debitos & consuetos, officiali ipsius Ven. Patris, sine diminutione & fraude dari faciatis, & persolvere plenarie, & integre, eo modo, & ea plenitudine, quemadmodum tempore Domini Bela Ducis clara memoria (si Bela Dux frater erat Ladislavi, distinguendus est a Bela seniore itidem Duce, filio Belae IV. & patruo Ladislavi) fratris nostri predilecti, officialibus ipsius Bela Ducis consueveratis ministrare, aliud facere nullatenus praesumentes; quia si secus feceritis indignationem nostram graviter sentietis incurrisse; & nihilominus eidem Vener. Patri auctoritatem dedimus vos ad hac cum vestra gravamine atque damno compellendi. Datum in Zegned in octava nativitatibus Virginis gloriosa. Anno Domini 1284.

Timotheus iurium & bonorum ecclesiasticorum vindex acerrimus.

Timotheus nihilo segnius ad jura vindicanda, quam ad patrimonium Ecclesiae suae augendum, & regalium diplomatum praesidio tuendum operam & auctoritatem episcopalem adhibuit. Tres nobiles viros de Kamerza, itemque incolas & habitatores villae Petrinae, quod decimarum solutionem rursus detrectarent, gravissimo iterum anathemate perculit, & sacrorum omnium communione privavit; neque antea prolatam in eos sententiam revocavit, quam veniam suppliciter peterent, & mensae episcopali, quod debebant, se in posterum soluturos promitterent. Gravius & periculosius Timotheo eum viris principibus, & cum ipsa regina vidua matre Ladislavi certamen fuit; cui tamen sustinendo neque consilium illi, neque animus defuit. Nicolaus Banus totius Slavoniae cum fratribus suis Joanne, & Henrico in Vascham possessionem episcopalem temere irruerant, & plurimis damnis, atque injuriis colonos episcopales affecerant. Praeterea Comitatum Gersensem Ecclesiae Zagrabienfi ab Ladislavo donatum tradere volebant, & decimas quasdam episcopales interverterant. Hos, cum semel, iterum, tertio admoniti ab iniquis coepis nolent desistere, publico & sollemni anathemate feriit. Sententiam excommunicationis in eos latam ad Lodemerium Archiepiscopum & Primatem Hungariae misit, qui eam approbavit; ejusque exempla ad omnes Hungariae & Slavoniae Episcopos, itemque ad coenobiarchas perferri, ab hisque Nicolaum & ejus fratres ec-

clesiastica communione privatos, vitandosque ab omnibus declarari iussit. Illorum temeritas & audacia potissimum nitebatur patrocinio Elisabethae reginae viduae matris Ladislavi; nam hac quoque haud leve negotium Timotheo accessit, & magnam molestiam exhibuit. Verecunde, nunc Verocza, & Lipoa, erant duo principatus, quos ex antiqua regum Hungariae donatione uxores illorum reginae viduae pleno quidem jure possidebant; sed exempti non erant onere decimarum Episcopo solvendarum. Porro Elisabetha falsis quorundam aulicorum ejus cupiditati assentantium suasionibus decepta jus exigendi decimas ex utraque illa regione ademptum Episcopo usurpavit, ac praeterea Vascham terram episcopalem in suam potestatem redegit. Timotheus reginae quidem nomini ac dignitati parcendum censuit, ut sua eum prudentia, & debitus illi honos admonebat; sed in colonos, & habitatores utriusque terrae, qui, decimas reginae solvere cum iussi fuissent, debitam Episcopo solutionem abnuebant, censuris poenisque ecclesiasticis animadverti oportere existimavit; ac ne ipse quidem eas infligere voluit, ne in offensionem reginae incurreret, sed auctoritatem Philippi Legati Apostolici, opemque imploravit. Hic autem rogatu Timothei auctoritatem suam delegavit Praeposito Chalsmenfi, & litteris ad eum datis imperavit, ut populos illos nomine suo, & poenarum Ecclesiasticarum comminatione interpolata, moneret, atque ad solvendas Episcopo decimas compelleret. Cum igitur post trinam admonitionem imperata facere nolissent, Praepositus Chalsmenfis sacris vestibus indutus in templo ejus oppidi primario ipso festo die omnium Sanctorum inter sollemne sacrificium, sub Evangelium candelis extinctis, aereis tintinnabulis concrepantibus, populos & nominatim 24. Primores utriusque gentis extorres Ecclesiae, communione sacrorum omnium, & congressu Christianorum elata voce declaravit, terram vero utramque interdicto Ecclesiastico suppositum. Sed cum ne his quidem terroribus injectis, poenisque infligis, jus suum obtinere Timotheus posset, regem suppliciter adiit; de interversis decimis Episcopali- bus, de Vascha regione sibi, ecclesiaeque adempta, de censuris Ecclesiasticis contemptis graviter conquestus est; reginam seniore, non sua quidem, sed quorundam pravorum consiliariorum culpa hujusmodi malorum causam esse docuit, quamvis praeter ipsius voluntatem & cognitionem: ad extremum multis & supplicibus verbis oravit, ut, quae ipse, quae ipsius Pater, Avus, & Majores ejus reges Hungariae large effusque donarunt Ecclesiae Zagrabienfi, ea ut salva, & perpetua esse velit, suaeque & illorum beneficia in eam collata tueretur. Audiit Timotheum Ladislavus perbenigne, ut solebat; & collaudata ejus erga se, & Ecclesiam ei commissam fide, integritate, vigilantia, bono animo esse iussit; quae postulaverat, se libenter facturum promisit. Sed cum reginam matrem saepius admonuisset, atque adeo orasset, ut quae abstulerat, Ecclesiae restitueret, & pro damnis eisdem illatis satisfaceret, nihil tamen impetrare potuit. Itaque litteras ad eam graves illas quidem, & pene objuratorias, sed plenae observantiae ac reverentiae dedit his verbis.

Ladislavus Dei gratia rex Hungariae carissima matri suae Domina Elisabetha regina salutem, quam

Elisabetha mater Ladislavi decimas ex suis terris Episcopo tollere vetuit.

Timotheus implorat auctoritatem, opemque Ladislavi,

qui reginam matrem, ut, quae abstulerat, Ecclesiae restitueret, gravissimis, & modestissimis litteris admonuit.

quam sibi intimo cordis affectu. Cum nos regnum nostrum, & coronam, ac regiminis nostri processum, suffragantibus meritis Sanctorum progenitorum nostrorum, & praesertim Sanctissimi Stephani regis patrocinio suffulti, indubitanter credamus propensius gubernari; admiratione vehementi, mater carissima, cor nostrum concuti non immerito compellitur; quod cum in quibuslibet nostris agendis, ac praesertim in spiritualibus, vestra discretionis consilio & regimine, etiam nostri juveniles actus esset expediens emendare; unde hoc proveniat, ut in persona vestra dilectionis, jam urgente deorsum virtute corporea, accendatur & invaleseat possessionum ecclesiasticarum invasio, & desolatio, & occupatio indebita contra Deum & justitiam attentata. Cum etenim per nostros frequentes nuncios, & litteras nostri sinceri amoris desideratam unionem saepius requisivimus, ut possessionem Ecclesiae sanctissimi regis Stephani de Zagrabia, Vascha vocatam, occupatam contra Deum & justitiam, relinqueretis, & restitueretis, nullum effectum tam timor Domini, quam nostra precamina sunt consecuta; sed potius, ut refertur, & nobis constat per nuncios nostros, ipsa possessio ad exinanitionem extremam severius, & miserabilius est deducta. Quapropter adhuc petimus affectione, qua possumus, quatenus relinquatis, & remittatis possessionem praefatam Ecclesiae memorata; & de injuriis, & damnis illatis satisfieri faciat ad plenum. Alioquin si praefatus Ven. Pater tam evidenti necessitate compulsus, contra personam vestram, & vestros, ecclesiasticam processerit per censuram; nec nobis, quando saepius vos requisivimus, nec eidem poteritis imputare. Nos etenim ex regali debito officii, eidem Domino Episcopo deesse non possumus; nec post tot admonitiones iteratas, licentiam in prosecutione juris sui aliquatenus denegare. Datum in Potok in festo S. Dominici Confessoris.

Elisabetha  
nisi admo-  
nitionibus  
obsecuta,  
quae abstu-  
lerat, Eccle-  
siae restituit.

Elisabetha, his litteris acceptis, demum oculos aperuit, ac vereri coepit, ne quid injustitiae ac fraudis suae ceteroquin bonae fidei subisset, & juris ecclesiastici essent, quae ad jus suum pertinere per ignorantiam existimabat. Quocirca conscientiae aculeis perurgentibus, viros religiosos, & ecclesiasticos, itemque ex ordine laicorum doctissimos quosque, & integerrimae fidei consuluit: quorum omnium una sententia fuit, tum Vascham regionem, tum decimas, de quibus disceptatio erat, juris esse ac ditionis episcopalis. Illa itaque, ut erat femina religiola & pia, nihil morae interposuit, quin statim omnia, quae abstulerat, Ecclesiae reddiderit idque suis litteris testatum esse voluit anno 1284. Elisabeth Dei gratia major regina Hungariae &c. Quia tamen perquisita diligentius, & comperta omnimoda veritate nobis luce clarius constitit, tam per viros religiosos & alias personas ecclesiasticas, quam etiam laicos fide dignos, omni exceptione majores, ipsas decimas ad jus, & proprietatem dicti Ven. Patris Timothei Episcopi Zagrabienensis, ac ejus Ecclesiae procul dubio ac veraciter pertinere; volentes nostrae conscientiae consulere ac saluti; eisdem decimas, videlicet frugum, vini, marturinaturn, tributorum, fororum, ac portuum praedictarum villarum, ac totius Comitatus villa de Vereucze praefato Vener. Patri Timotheo Episcopo, & successoribus, & Ecclesiae suae reddidimus, & restituimus pure, & simpliciter, sine contradictione, ac pleno jure &c. Nec vero du-

bitari potest, quin etiam possessione Vaschenfis villae decesserit, eamque Ecclesiae restituerit, quamvis nulla sit ejus villae mentio in litteris modo descriptis.

Ladislavus matris litteras suo regali diplomati inseruit, & regiae auctoritatis praesidio communivit; atque haec subjecit: Volumus, inquit, & decernendo mandamus, quatenus nec praedicta reverenda domina mater nostra, nec quavis alia persona eidem ex regia majestatis gratia succedens, processu temporum, de decimis, & juribus supradictis, contra voluntatem praedicti Episcopi Zagrabienensis, & ejus successorum, in gravamen, & praedictum Ecclesiae Zagrabien. ulterius intromittere se praesumat. Cum autem possessio utriusque terrae Vereuczae & Lipoz post mortem Elisabethae senioris perventura esset ad Elisabetham juniorem conjugem Ladislavi, haec quoque, Timotheo postulante, tum litteras socrus suae, tum regis viri sui diploma approbavit, suoque chirographo subsignavit: Eodem die & anno Elisabeth regina Hungariae consors Ladislai, ad petitionem Timothei Episcopi, inseras ejusdem litteras Elisabeth socrus suae, & restitutionem per dictam D. Elisabeth factam, in quantum ad illam spectare dignoscitur, cum idem Comitatus de Vereucze sit de praediis ac curtiis reginalibus approbavit.

Ad radices illius collis, quem insidet arx episcopalis, erat quaedam area juris ecclesiastici, quam ex indulgentia Episcoporum Bani Slavoniae occupaverant; ibique domicilium sibi edificarunt. Hanc Ladislavus rogatu Timothei potestati Banorum exemit, & Ecclesiae reddidit, ut ibidem aedes Canonorum exstruerentur: ex quo dicta est Area Capitularis. Diploma confectum est anno 1284. vii. Idus Junii. Haec Balthasar Adamus Kereselichius his verbis: Anno nempe 1284. vii. Idus Junii regni sui anno xii. Ladislavus rex super fundo, qui nunc area Capitularis dicitur, dedit privilegium, in quo refert, qualiter ex Episcoporum indulgentia Bani Slavoniae in eo fundo domos & hospitium suum habuerint, isque fundus ita ab Ecclesia abalienatus sit: cum autem a fundatione Ecclesiae ad eam pertinuisse, plane edocuum se fateatur, ait, quod ad preces Timothei Ep. Zagrabien. eum Ecclesiae restituat ita, ut Episcopus eum munire pro fratribus Ecclesiae suae debeat, nempe Canonicis, ne cum vacuus haberetur, & desertus a decem circiter annis fuerit, si deinceps etiam ita maneret, aditus illuc Teutonicis, aut aliis hostibus contra Zagrabiam nocendi pateat. Mandat demum, ne Banus, aut ullus alius Episcopum, vel Capitulum ratione ejus fundi molestat.

Ex instituto Stephani primi sanctissimi regis Hungariae, qui regnum universum in fidem & clientelam beatissimae Virginis Deiparae contulerat, in omnibus basilicis, aedibusque cathedralibus regni Hungarici sacrificium quotidianum votivum in honorem ejusdem sacratissimae Dei genetricis fieri solebat. Hic mos sane laudabilis in Ecclesiam quoque Zagrabiensem jam inde ab condito Episcopatu receptus fuerat. Sed hujus, & aliarum missarum, & quotidianae psalmodiae oneribus plus nimio se gravatos esse querebantur Canonici, & praesertim Archidiaconi Capituli Zagrabienensis, qui Ecclesias sibi commissas lustrandi visendique necessitate compulsi saepe abesse cogebantur. Erant quidem alii presbyteri & clerici, qui il-

Fundus infra arcem episcopalem a Ladislavo, petente Timotheo, restitutus Ecclesiae.

Sacrum Marianum votivum in aede cathedrali Zagrabien. singulis diebus celebrari solebat.

lorum absentiam supplerent; sed hi neque huiusmodi onera subeundi lege tenebantur, neque ullos ob præstitum Capitulo ministerium proventus percipiebant. Itaque cogitari ceptum est de Clero Zagrabienſi augendo, addendisq; ad Capitulum *Præbendariis*, ut vocant, sive *Mansionariis*, qui ad divinas laudes canendas, & missarum onera sustinenda Canonicis adiumento essent, atque in horum locum munusque succederent, si quando illi iustis de causis abessent. Constituti sunt omnino duodecim, & sua singulis annua pensio attributa, partim ex fundis, & proventibus Capituli, partim ex piis legatis, partim ex liberali piorum hominum largitione. Ex his constatum est collegium Presbyterorum secundi ordinis in Ecclesia Zagrabienſi a Clemente IV. confirmatum.

Collegium duodecim Presbyterorum secundum ordinis institutum in Ecclesia Zagrabienſi a Clemente IV. confirmatum.

lorum absentiam supplerent; sed hi neque huiusmodi onera subeundi lege tenebantur, neque ullos ob præstitum Capitulo ministerium proventus percipiebant. Itaque cogitari ceptum est de Clero Zagrabienſi augendo, addendisq; ad Capitulum *Præbendariis*, ut vocant, sive *Mansionariis*, qui ad divinas laudes canendas, & missarum onera sustinenda Canonicis adiumento essent, atque in horum locum munusque succederent, si quando illi iustis de causis abessent. Constituti sunt omnino duodecim, & sua singulis annua pensio attributa, partim ex fundis, & proventibus Capituli, partim ex piis legatis, partim ex liberali piorum hominum largitione. Ex his constatum est collegium Presbyterorum secundi ordinis in Ecclesia Zagrabienſi a Clemente IV. confirmatum.

lorum absentiam supplerent; sed hi neque huiusmodi onera subeundi lege tenebantur, neque ullos ob præstitum Capitulo ministerium proventus percipiebant. Itaque cogitari ceptum est de Clero Zagrabienſi augendo, addendisq; ad Capitulum *Præbendariis*, ut vocant, sive *Mansionariis*, qui ad divinas laudes canendas, & missarum onera sustinenda Canonicis adiumento essent, atque in horum locum munusque succederent, si quando illi iustis de causis abessent. Constituti sunt omnino duodecim, & sua singulis annua pensio attributa, partim ex fundis, & proventibus Capituli, partim ex piis legatis, partim ex liberali piorum hominum largitione. Ex his constatum est collegium Presbyterorum secundi ordinis in Ecclesia Zagrabienſi a Clemente IV. confirmatum.

Timotheus annos circiter viginti huic Ecclesie præfuit, & æm ecclesiasticam ex regum liberalitate, & munificentia, multis opibus, privilegiis, beneficiis auxit. In ædificationem basilicæ cathedralis plurimum operæ, & pecuniæ contulit; eamque copiosa suppellectili serica, aurea, argentea instruxit, ut docet Tomæus Marnavitiſ in Vita S. Augustini Episcopi Zagrabienſis: *Timotheus attamen ejus (Philippi) successor ingenti conatu intermissum opus (ædis cathedralis) quamdiu vixit, ad summam altitudinem promoverat . . . nec solum muris exstruendis laudabilem operam navaverat; sed & diversis aureis, argenteis, & aliis pretiosis ornamentis sacram suppellectilem instruxerat, prout vetera Zagrabienſis sacrarii monumenta testantur. D. Timotheo Auctor Albi Capitulari hæc breviter: D. Timotheus per provisionem summi Pontificis; qui laudabiliter præfuit Ecclesie, quam in diversis ornamentis, & vasis argenteis dotavit. Hic post multa meritoria opera obiit 4. die mensis Aprilis, anno 1287. ; cujus sepulchrum apparet ante aram B. V. in Ecclesia majori.*

Timotheus obiit egregie de Ecclesia Zagrabienſi meritis.

ANTONIUS EP. ZAGRAB. XIX.

Præpositus Ecclesie Albenſis, eodem anno, quo Timotheus decessit, in ejus locum, sedemque episcopalem successit. Nihil prius sibi faciendum censuit, quam ut Canonicos, quos decessor ab se abalienatos reliquerat, sibi conciliaret. Itaque jus ademptum & arbitrium eligendi Mansionarios illis restituit, cum amplissima potestate non solum eos instituendi, sed etiam exauctorandi, si forte muneri & officio deessent; id quod etiam necessarium esse duxit ad Mansionarios in obsequio, debitaque Canonicis obedientia continendos: cum enim illos neque beneficium electionis, neque motus ejus amittendi cohiberet, nihilque a collegio Canonorum vel sperarent, vel metuerent, adversus Capitulum superbe & insolenter se gerere cœperunt; nullaque in re subiectos se illi, & obsequentes præbebant. Jus & potestatem Canonicis collatam his litteris confirmavit.

Antonius divina miseratione Episcopus Zagrabienſis omnibus Christi fidelibus præsens scriptum inspecturis salutem in omnium salvatore. Ad universorum notitiam harum serie volumus pervenire; quod cum in Ecclesia nostra Zagrabienſi more aliarum ecclesiarum, mansionariorum, seu præbendariorum Sacerdotum esset raritas seu defectus; tempore piæ memoriæ Domini Timothei prædecessoris nostri, nonnulli ex fratribus . . . dum viverent, aliqui etiam in sua ultima voluntate volentes & prospicientes pie huiusmodi defectui providere, affectantes cultum divini Numinis salubriter augmentari, etiam bonis a Deo sibi collatis, Præbendarios seu Mansionarios Sacerdotes ad continuum officium chori, & missæ B. Virginis, disposuerunt & ordinarunt . . . in possessionibus, & vineis, curiis, ac aliis bonis, ad sustentationem prædictorum Sacerdotum præbendæ nomine ordinantes; & huiusmodi Præbendariis, seu Mansionariis . . . decedentibus ipsas præbendas vacantes fratres nostri de Capitulo ab initio contulerunt, ex debito sibi jure competente; & interdum Vener. Pater Episcopus Prædecessor conditione prædictarum præbendarum decedentium Sacerdotum usus fuerit aliquo tempore. Ex qua etiam collatione dicti fratres nostri turbabantur, & interdum . . . per Sacerdotes . . . quorum aliqui pro eo, quod fratres nostri in collatione præfatarum præbendarum nihil juris habere dicebantur, prout iidem Sacerdotes propter eorum elationem fratribus nostris insultantes frequenter allegabant ipsos in eos nihil juris habere. Propter quod etiam ipsi Sacerdotes fratribus nostris etiam in ipsis divinis exequendis obtemperare interdum pertinaciter denegabant, prout ex ipsorum fratrum audita relatione didicimus, & querela. Nos itaque officio curæ pastoralis nobis divinitus commissæ, præfatorum fratrum nostrorum carissimorum, ut tenemur, remediis invigilare cupientes, volentesque ipsorum scandala remove; nam dum eorum onera excutimus, dum scandala removemus, nos in eorum quiete quiescimus, & fovemur in pace; ad justam petitionem fratrum nostrorum, & quia fuit equitati præsumum, & consonum rationi, volumus, & decrevimus in pleno Capitulo, una cum ipsis fratribus nostris, ut deinceps, sicut prius usi fuerunt in collatione . . . Præbendarum perpetuo, & libere utantur pleno jure, maxime cum huiusmodi

Antonius Ep. ius eligendi Mansionarios Canonicis restituit.

Decretum restitutionis.



modi redditus prabendales, prouti est prædictum, de bonis fratrum nostrorum Canonorum processisse . . . . dignoscantur; & quod hujusmodi prabenda non nisi personis constitutis in Sacerdotio, non tamen Canonicis, & in Ecclesia continue residere volentibus, per Capitulum conferantur. Quorum etiam Trabendariorum, seu Mansionariorum Sacerdotum, sicut institutio ut prædiximus, sic & destitutio ad Capitulum plene pertineat; si forte in sacrificiis adeo extiterint negligentes, vel alius ipsorum excessus, quod non optamus, & protervitas moveretur. Et ut hæc nostra ordinatio, seu decretum inconcussa stabilitate, seu perpetua firmitate in posterum inviolabiliter perseverent, præsentibus nostras litteras exinde concessimus, sigilli nostri autentici munimine roboratas. Datum Zagrabie in Octavis S. Michaelis Archangeli. Anno Domini 1287.

Antonius vix sextum a suscepto Pontificatu mente expleverat, cum eum mors immatura præripuit; de quo in Albo Episcopali: *D. Antonius ex præpositura Albensi per electionem factus Episcopus, sex mensibus vixit; obiit anno Domini 1287, in die B. Emerici Ducis Slavoniae; id est die 4. Novembris.* Tomæ huic Antonio notam inurit abalienati Ecclesiæ patrimonii, hæc scribens; *Antonius, & Joannes unus post alium successores, optimi Timothei utinam instruxissent vestigiis, & non potius parvis dilapidandis, ipseque Meduensi Castro beneficio dicam, an verius maleficio suorum consanguineorum, & animæ propriæ alienando obnoxii fuissent: quæ in Antonium nullo prorsus modo cadere queunt; nec reperta hæcenus ulibi, subdit Kereselechiis, quæpiam bonorum Ecclesiæ ab Antonio alienatio, nec tam exiguo gesti Episcopatus tempore fieri potuit. Præterea quæ supra de Antonio allata sunt, pastorem charitatis fuisse loquuntur.*

## JOANNES EPISC. ZAGRAB. XX.

Erat Præpositus major Ecclesiæ Zagrabienensis. Initio Canonicos obsequio & charitate sibi devinctos retinuit; atque, ut eorum animos artius sibi obstringeret, insulam quamdam inter Savum, & Szaviczam, quam sub Timotheo Episcopo Andreas Judex Curie episcopalis ad Episcopatum pertinere contendens Canonicis eripuerat, illis adjudicavit, & restituit. Sed postea quæ causa Hungaros in contrarias partes distinxit, eadem Episcopum a Capitulo disjunctum. Anno 1290. Ladislavus a Cumanis, quos Hungaris ipsis benevolentia & beneficentia præferebat, quorumque flagitiosa consuetudine depravatus fuerat, per summam perfidiam interfectus occubuit, nullis ex se liberis relictis. Hungari regnum Andreæ, qui nepos erat Andreæ II. regis Hungariæ cognomento Venetus, summo consensu detulerunt; eique Lodomerius Archiepiscopus Strigonienfis die decima tertia ab interitu Ladislavi regium diadema imposuit. Andreas II. moriens an. 1235. Beatricem Aldobrandini Ducis Estensis filiam, quam post obitum Gertrudis primæ uxoris senex duxerat, ex se gravidam reliquit. Hæc, Andrea mortuo, cum sibi a Bela IV. rege privigno mæueret, ad parentem in Germaniam confugit, ibique Stephanum Andreæ posthumum peperit. Hic vero, ætate adolescente, cum a Bela fratre suo nihil

impetrare potuisset, ne exiguum quidem regni particulam, Venetias se contulit, & Thomasinam Maurocenam lætissimam & primaria Veneta nobilitate feminam in matrimonium duxit, ex eaque Andreæ filium suscepit. Post pueritiam & adolescentiam Venetiis exactam jam imperio maturum plerique Hungarorum Proceres in Hungariam ipemque regni vocarunt; quippe cum nullus esset alius e regali familia, qui Ladislavo succederet; nam is Andreæ fratrem suum per summam impietatem occidi jussit. Itaque, Ladislavo interfecto, omnes Andreæ Venetum una voce regem salutarunt. Hæc tradunt Scriptores Hungarici, & Michæ Madius æqualis temporum illorum cap. 1. ad an. 1290. : *Eodem tempore rex Uladis. Ung. a Cumanis occiditur, & Andreas de Moresinis de Venet. per matrem in regem Ung. coronatur.* Sed Andreas duos habuit regni Hungarici competitores, Albertum Ducem Austriæ filium Rodulphi regis Romanorum Imperatoris designati, & Carolum Martellum filium Caroli II. regis utriusque Siciliæ, & Mariæ sororis Ladislavi regis Hungariæ. Ac Rodolphus quidem regnum Hungariæ, Ladislavo sine liberis extincto, quasi vacuum & caducum, in potestatem imperii Romani rediisse censebat; huic enim jure, ut vocant, feudali obnoxium esse contendebat. Itaque Alberto filio fiduciarium id regnum dare decreverat. Sed post aliquot prælia commissa, & Austriam superiorem ab Hungaris devastatam, & mortem Rodulphi anno 1291. extincti Andreas cum Alberto rem composuit, hujus filia in matrimonium ducta. Major illi & diuturnior contentio fuit cum Carolo Martello, qui jure consanguinitatis propius, quam Andreas, Ladislavum attingebat. Erat enim filius Mariæ sororis Ladislavi, quæ Carolo II. regi Siciliæ nupserat. Huic favebat Nicolaus Papa IV., qui, cum Hungariam ex constitutis & actis S. Stephani primi Hungarorum regis vestigalem Apostolicæ Sedis esse affirmaret, Carolo Martello per suum Legatum Neapolim missum anno 1291. possessionem ejus regni dedit, simulque regium diadema imposuit: quin etiam ab eodem Pontifice Rodolphum absteritum fuisse ajunt ab regno Ecclesiæ Romanæ tributario invadendo.

Auctoritas Pontificis non paucos ex Hungaria, plures e Slavonia ab Andrea rege disjunct, inter quos Joannem Episcopum Zagrabiensem, qui ab Carolo Martello contra Andreæ constantissime stetit. Sed Canonici tum Zagrabienfes, tum Chasmenfes cum plerisque Episcopis, & proceribus Hungariæ fidem Andreæ regi datam juratamque non minus acriter, & constanter servarunt; a qua cum nullis Episcopi suasionibus abduci possent, utrosque Joannes hostilem in modum persequi, & vexare cœpit; & perinde ac si omnia sibi ex episcopali potestate licerent, in illis, atque in illorum & Ecclesiæ bonis dominari voluit, ac Paulum Canonicum Cantorem, quod acrius vehementiusque causam ageret regis Andreæ, eique, quoscumque posset, fautores adjungeret, in carcerem detruxit; alios etiam sibi adversantes ac repugnantes pessime habuit, multisque molestiis affecit. Cum Andreas anno 1292. Zagrabiam venisset, ut dissidia illa componeret, & Episcopum sibi conciliaret, ille regis vitandi causa se ex urbe proripuit. Porro Andreas col-

Duo regi Hungarici competitores, Albertus Dux Austriæ,

& Carolus Martellus filius Caroli II. regis Siciliæ.

Duo regni inter se nem & Canonicos, cum hi Andreæ, ille Carolo Martello studeat.

Andreas rex tributum fori Zagrabienfis donavit.

Mortuo Ladislavo Hungari regem appellavit Andreæ cognomento Venetum.

collaudata Canonicorum fide, tributum fori Zagrabienfis integrum illis concessit, *pro anima sua, & Capituli fidelitate; cum post obitum exitialem sine herede Ladislai regis* ( ut est in ejus diplomate ) *quasi ab avitis laribus, & regali solio quodammodo peregrinus, & diutius fastiditus, tandem ad thronum a Deo sublimatus esset &c.* Datum Zagrabia 1292. IV. Kalendas Junii. Post regis discessum Joannes in urbem rediit, longe ferocior, quam antea, & Canonicis infensor. Doctissimos quosque Canonicorum, & maximæ auctoritatis, qui sibi obistere poterant, Sacerdotio & omni proventu privatos e Capitulo ejecit; eos retinuit, & in expulso loco quosdam extraneos, ac præsertim ex natione italica, subrogavit, quos suæ voluntati obsequentes futuros existimabat. Gogonum quemdam Canonicum lectorem creavit, sique custodiendum tradidit sigillum capitulare, quo ad arbitrium nutumque Episcopi uteretur. Ut vero ex ordine laicorum defensores, atque ad ea, quæ cœperat, perficienda adjutores haberet; hos bonorum ecclesiasticorum alienatione, & largitione sibi adjungendos putavit. Multa itaque castra, & territoria episcopalia abalienavit; atque in primis castrum Medve impensis Ecclesiæ ædificatum, quod rex Ladislavus Timotheo reddiderat; deinde castrum Garich, itemque terras episcopales in Comitatu Ivanicensi, Gardino cuidam nobili viro triginta marchis argenteis vendidit, seu potius donavit. Sunt tamen qui non ipsum castrum Medve, sed ejus præfecturam sive administrationem Gardino in perpetuum demandatam fuisse docent. Is vero a fide deficiens jus plenum & integrum dominium ejusdem castri usurpavit. Sed postea ob ejus enormia scelera captus, & regi Andreæ traditus, tridique in carcerem justus; ut justis se meritisque pœnis eximeret, atque in libertatem vindicaret, castrum Medue regiæ potestati permisit. Præfecturam ac tutelam hujus castri Andreas Nicolao Torustio Veneto, is moriens fratri suo Janino mandavit; quo interempto, in ejusdem castri possessionem invasit Marcus frater Nicolai & Janini, idemque Canonicus Zagrabienfis; ac tantum absuit, ut Marcus Ecclesiæ illud restitueret, ut per summam injustitiam tribus fratribus Stephano, Joanni, Radoslavo, cognomine Bobanoghiis vendiderit. Ita castrum Medue ab Joanne alienatum, & ex aliis ad alios dominos deinceps devolutum, nequidquam Episcopo & Canonicis reclamantibus, in potestatem Ecclesiæ numquam redivit. Præterea idem Joannes Episcopus terram Guelchensem prope Valscham, aliasque terras juris ecclesiastici, cum aliis emolumentis tum ex portorio Dravi, tum aliunde provenientibus, Nicolao, & Oliverio filiis Petri Comitæ de Szille, & Comitatum Gersenczem filiis Henrici Bani donavit. Nec vero a bonis & prædiis Capituli abstinuit, atque ut benevolentiam civium urbis Græcensis caperet, illis undecim ipsas villas capitulares, itemque duas alias Herzellio civi Græcensi cognato suo, jure perpetuo possidendas tradidit: quæ traditio & donatio ut legitima esset, Canonicos facile perpulit, ut eandem approbarent, signoque Capitulari obsignari juberent: Canonici quippe omnes ex ejus arbitrio nutumque pendebant; alios enim beneficio electionis sibi devinctos habebat, alios autem vel sua auctoritate metuque, vel fortassis etiam munerum lar-

Illyrici Sacri Tom. V.

gitione sibi obsequentes reddiderat. Id solum utilitatis Joannes præstitisse dicitur Ecclesiæ suæ, quod in solo ac ditione episcopali oppidum Ivanichium ædificaverit, egregieque munierit adversus Ugrinum, qui cum Andrea rege stabat, & cum alias terras Episcopatus Zagrabienfis, tum Chalsensem Comitatum item episcopalem, incolis vel occisis, vel captis, villis direptis, agris incensis foedum in modum devastasse fertur. Sed Michael proximus Joannis successor Ugrinum non solum omni culpa pœnaque liberavit, sed etiam ob ejus in regem Andreæ, in Ecclesiæ, in Capitulum merita, honoribus, & præmiis affecit. Sunt qui ab Joanne conditore, vel certe ab æde S. Joannis Baptistæ ibi exstructa, Ivanichium oppidum ac territorium appellatum existimant. Nam *Ivan* apud Slavos idem est, atque apud Latinos *Joannes*. Ex litteris posteriorum Antistitum Ovanichii datis obsignatisque colligi potest ibidem interdum sedem & curiam episcopalem fuisse.

Castrum Ivanichii exstruxit.

Joannes suos & laudatores habuit, & vituperatores, sed hos multo plures. Quod auctoritati & voluntati Pontificis ut obsequeretur, Caroli Martelli partes secutus fuerit; id laude aliqua dignum videtur; quod vero Canonicos suos indignum in modum vexaverit, & optimos quosque ejectos e Capitulo exulare coegerit, & quod gravissimum fuit, bona Ecclesiæ alienaverit, id sempiternam illi notam infamiae inussit; & moriens anno 1295. apud plerisque & fere omnes odiosam sui nominis memoriam reliquit; de quo Joannes Archidiaconus: *Joannes ex Prapósito Zagrabienfi factus Episcopus abalienavit multa, Ecclesiam ad persecutionem posuit, maxime vero Capitula; nullo sui desiderio relicto obiit 13. Octobris 1295.* Vulgo tradunt eum ignominiae causa extra Ecclesiam sepultum fuisse, & lapidi sepulchrali aures asinas insculptas. Vulgarem fabellam explodit Balthasar Auamus Kersefelichius; itemque Thomas Kovalcevichius, qui eum conditum fuisse censet in basilica cathedrali ad latus aræ maximæ, infra solum episcopale.

Pauca laudabilia fecit, longe plura deprehensione digna.

#### MICHAEL EP. ZAGRAB. XXI.

Vix Joannes obierat, cum Andreas rex de consilio Stephani Archiepiscopi Colocensis, Michaellem Episcopum Zagrabie nominare festinavit, ne Bonifacius VIII. Pontifex præoccuparet dare Zagrabienfis Antistitem, qui animos civium & incolarum, ab imperio regis Andreæ abducos, ad partes Caroli Roberti adjungeret. Nam Carolus Martellus rex Hungariæ per Pontificem designatus, e vita decedens anno eodem, quo Joannes Episcopus 1295. Carolo Roberto filio suo, undecim annos nato, regnum Hungariæ jure hæreditario reliquerat, eique item, ut parenti auctoritas Romani Pontificis favebat; & jam non pauci erant in civitate, totaque Slavonia & Hungaria, non minus Roberti filii, quam Martelli parentis, cupidi ac studiosi, qui Episcopatum Zagrabiensem Michaeli collatum ægerrime ferebant, eique urbem ingredienti vi atque armis obstituri videbantur. Itaque regio exercitu opus fuit, quo Michael stipatus & communitus civitatem, & sedis episcopalis possessionem iniret. Suscepto Episcopatu nihil prius sibi faciendum censuit, quam ut quæ decessor perperam egerat, atque

Michael vi armis urbem ingressus.

Kk

decre-

quæ decessor  
perperam  
dece-  
verat, emen-  
davit, &  
abrogavit.

deceverat, emendaret atque rescinderet, Canonicos ejectos e Capitulo in pristinum dignitatis locum restituit; summotis omnibus, quos Joannes contra jus fatque in ejectorum subsellia intruserat; neque enim hæc legitime vacabant, cum neque illi voluntaria abdicatione decessissent, neque ulla fuerit justa causa, cur expelli debuissent; & præterea ex antiqua lege & consuetudine, tum Italis, tum omnibus extraneis hominibus aditus ad collegium Canonorum Zagrabienfium obstructus erat. Gaufredinus quidam Canonicus, quo consiliario, auctore, administro Joannem ad omnia, quæ perperam gesserat, usum fuisse constabat, ut meritam poenam subterfugeret, fugam sibi, & exilium conscivit. Gorganum vero illum, quem Joannes e scriba, sive notario episcopali Canonicum lectorem creaverat, eique custodiam sigilli Capitularis tradiderat, ad suum tribunal per præconem citari iussit; & convictum infidelitatis, quod injussu Capituli eo sigillo ad plures litteras nomine Capituli obfignandas abusus fuerit, e collegio Canonorum amovit, & omni sacerdotio privavit; in ejus locum substituit, & Canonicum lectorem fecit Dominicum quemdam, eximie fidei atque integritatis virum; simulque protoscribæ, sive protonotarii episcopalis munus eidem contulit. Decrevit autem ne in posterum penes lectorem esset signum capitulare; sed ejus custodia, ejusque utendi potestas ad publicas tabulas, nomine Capituli, jussuque obfignandas ei traderetur, quem ipsi Canonici e numero & collegio suo deligerent; præterea sancivit ne ratæ haberentur ac legitimæ quæcumque ab Episcopo donationes fierent, nisi eas Canonici approbarent, & tabulæ donationum utriusque episcopalis & capitularis auctoritate munirentur. Deinde Canonicis imperavit, ut omnia Joannis Episcopi acta, & sententiae colligerent, sibi que afferrent; & quæ non iustis & æquitatē aliena esse competeret, ea omnia, quæ non tam sua sponte & voluntate, quam malevolorum consilio, & impetu Joannem fecisse, & decrevisse ait, irrita & inane omninoque abrogavit.

Joannes  
Episcopus  
Zagrabien-  
sis, & Comes  
de Gersencze  
& Garich.

His ite sapienterque constitutis & peractis, bona Ecclesiæ recuperanda, quæ decessor amoverat, omni studio & contentione inchoavit. Sed cum hæc e manibus illustrium ac potentium virorum extorquenda essent, armis & militibus adhibere necesse habuit. Castrum Comitatum Gersenczem filius Henrici Banus, quem castrum Garich Gardino, cum reddere nollet, armatis militibus ereptum recepit, hunc titulum usurpare, suisque decrevit, ut eum conlueret; Michael Dei gratia Episcopus Zagrabienfis, & Comes de Gersencze & Garich; Gerdinus vero qui traditam sibi ab Joanne possessionem castri Medved adhuc retinebat, ob Garich amissum, graviter exarsit; & cum Episcopum ulcisci non posset, Canonicis Zagrabienfibus molestus esse cepit; quibus ad suos milites alendos eadem tributa, & cibaria imperavit, & per potestatem exigere volebat, quæ solebant Episcopo solvere, cum castrum illud erat sub ditione episcopali. At Michael nolens Ecclesiam suam cuiquam tributariam esse, vetuit Canonicos quidquam contribuere; si autem vim pararet, vim vi repellere decrevit. Extat ejus ad Canonicos epistola his verbis scripta: Michael Dei gratia Episcopus Zagrabienfis & Comes de Gersencze, & Garich. Honorabi-

libus viris fratribus suis in Christo charissimis, Capitulo Zagrabienfi sincerae charitatis augmentum cum benedictione paterua. Relatum est nobis quod Gardinus Castellanus de Medved a vobis peteret visualia; unde cum Ecclesiam nostram sibi, vel cuiquam alteri tributari non velimus; devotioni vestrae universitatis mandamus in presentibus scriptis, quatenus dicto Castellano de Medved de visualibus breviter nihil detis, nec dari faciatis.

Gardinus odio iraque efferatus ob denegatum tributum, Zagrabiam cum manu magna suorum satellitum repente advolat; & plebe adversus Episcopum & Canonicos concitata, illeceque ad spem ingentis prædæ, in basilicam irrumpit, quam sacro thesauro ablato expilavit; tum furorem impetumque omnem in aedes Canonorum convertit, quas non solum diripuit, sed etiam evertit, aut labefactavit; Dominicum lectorem male multavit, & Canonicos, quos fuga repentinæ irruptionis non subtraxerat, captivos abduxit: quod cum nunciatum fuisset Michaeli Episcopo, qui tum forte aberat, copiis auxiliariis ab utroque Bano Slavoniæ & Dalmatiæ acceptis, statim occurrit, Gardinum cum præda abeuntem inscurens assequitur, undique suis militibus circumfessum oppugnat, victum captumque Andreæ regi puniendum dedit. Ille tradito regiæ potestati castro Medved, quod de Joanne Episcopo emerat, non solum impunitatem assecutus est, sed etiam libertatem redemit. Quos suis bonis spoliaverat Joannes, ob criminationes seu veras, seu falsas eidem illatas, eoque, quem tenebant, dignitatis loco dejecerat, omni culpa poenaeque liberatus in integrum Michael restituit, honoribus ac præmiis affecit, veluti Ugrinum Comitem, quem, ob ejus erga regem & Ecclesiam fidelitatem, summis laudibus extulit, villaque ac possessione Gulynchi donavit, quam per sententiam judicalem Gardino ademerat; qua quidem in sententia Gardinum hostem & tyrannum notorium, Dei & Ecclesiæ Zagrabienfis gravissimum persecutorem vocat; Ugrino autem præclarum fidei atque integritatis testimonium dedit his verbis: Quod cum nobilis vir Comes Ugrinus filius Andreæ, in omnibus operibus supremæ fidelitatis ab antiquo S. Matri Zagrabienfi Ecclesiæ, ac nostris prædecessoribus, demumque nostra assistens persona studuerit laborare; cujus nos fidelissimis servitiis gratuita retributionis præmio respondere volentes, quamdam possessionem Gulynchi vocatam, in Comitatu nostro de Ivang existentem, quam videlicet quondam Comes Gardinus hostis & tyrannus notorius Dei, & prædictæ S. Matris Ecclesiæ Zagrabienfis gravissimus persecutor, per collationem D. Joannis prædecessoris nostri . . . dignoscitur possedisse, pro nefandis excessibus digne ablatam, sub metis & terminis infrascriptis, cum utilitatibus, & pertinentiis &c. dedimus, donavimus, contulimus &c. Datum Chasme in festo B. Georgii, per manus discreti viri magistri Dominici lectoris Ecclesiæ Zagrabien. tunc protonotarii nostri. Anno Domini 1299. Henricus olim Banus, cum Georgio & Matthæo Grubessa fratribus, terræ Chalmensi & Episcopi atque Capituli agris plurima & maxima damna intulerant. Utrumque fratrem Michaelis Episcopi admonitu & reprehensione compunctos facti poenituit; atque ut illata maleficia compensarent, villam Mergereuchem Episcopo & Ecclesiæ in recompensationem damnorum suo-

Gardinus  
basilicam,  
& aedes Ca-  
nonicorum  
diripuit.

& quosdam  
Canonicos  
captivos  
abduxit.

Quos Jo-  
annes bo-  
na spolia-  
verat, Mi-  
chael in  
integrum  
restituit.

suorum & huiusmodi excessuum emendationem, libera & spontanea voluntate sua tradiderunt, & dederunt, ac assignarunt jure perpetuo possidendam. Hæc in tabulis donationis eodem anno 1299. confectis.

Fautores  
Caroli a  
Bonifacio  
Papa cum  
sibi regem  
deposcunt.

Cum hæc in Slavonia & Zagrabia gererentur; nec deessent in Hungaria, Slavonia, & Dalmatia, qui aversis ab Andrea rege animis, Carolo Roberto studerent; ab his nuntii Romam venerunt, qui a Bonifacio VIII. Carolum regem deposcerent, & expeterent. Hac postulatione nihil gratius Pontifici esse poterat; nam cum Nicolaus IV. & Cælestinus V. regnum Hungariae, Ladislavi morte vacuum, jure hæreditario ad Carolum Martellum devolutum esse decrevisset; acta & decreta decessorum suorum rata habenda esse censebat, & omni ope operaque sibi enitendum, ut Carolus Robertus, Martelli demortui filius hæresque, illius regni potiretur. Itaque Nicolaum Boecasinum Cardinalem & Episcopum Ostiensem; virum doctrinæ, prudentiæ, sanctitatis eximie, legatum in Hungariam misit, ejusque legationi Dalmatiam, Chrobatiam, & Poloniam etiam adjecit. Caput legationis erat, ut animos illarum gentium Carolo conciliaret; eumque ut omnes pro legitimo rege haberent ac reciperent, omne studium curamque adhiberet. Ubique tam in Dalmatia, quam in Hungaria honorificentissime acceptus est, pro eo ac decebat legatum Sedis Apostolicæ; sed non ita multos reperit, qui se Caroli fautores palam aperteque profiterentur. Episcopos fere omnes cum universo clero, & plerisque regni proceres Andree sic addictos, deditos, obstrictos invenit, ut ab eo nulla ratione abduci posse viderentur. Zagrabiam accessit; nulum honoris erga illum, debitæque observantiæ officium Michael Episcopus prætermisit; tantum vero absuit, ut legati suasionibus a fide, quam dederat Andree, se divelli pateretur, ut potius Caroli ne nominandi quidem suavor ei fuerit, nisi vellet in odium offensionemque illorum populorum incurrere. Ceteri etiam Episcopi, ac præsertim Colocensis, salva erga regem fide, perhonorificos se legato præbuerunt; quin rex ipse, pro sua adversus Romanam Ecclesiam reverentia, eum muneribus coluit, & delectis e sua prætoria cohorte militibus usque ad confinia regni comitatum dimisit. Ita multa ille quidem variis in locis salubriter pieque decrevit, quæ necessitas atque utilitas rei christianæ & ecclesiasticæ postulabat; sed re infecta, cujus causa potissimum venerat, in Poloniam discessit.

Bonifacius  
per Grego-  
rium ab se  
creatum  
Archiepi-  
scopum  
Strigoniæ  
Carolus  
regem  
Hungariæ  
inaugura-  
vit.

Interea dum Nicolaus legatione Hungarica fungebatur, Bonifacius Papa, ut Carolus Robertus regnum sibi ab Sede Apostolica decretum atque adjudicatum adipisceretur, nihil curæ operæque prætermittebat. Cum Lodomerius Archiepiscopus Strigoniensis anno 1299. diem extremum obiisset; jus illius Archiepiscopi nominandi creandique pro suprema sua potestate ad se revocavit; & quemdam nomine Gregorium Metropolitam Strigoniensibus, & Primatem Ecclesiis Hungariæ dedit; isque ex mandato Pontificis Carolum, sacra unctione adhibita, regem Hungariæ inauguravit; quod jus & munus regum Hungariæ inaugurandorum erat proprium Antistitem Strigoniensium; sed regiam coronam, quæ Albæ asservabatur, imponere non potuit; cum cæteroquin ad reges rite initiandos, & civitatem illam requiri, &

Illyrici Sacri Tom. V.

coronam illam necessariam esse, seu lege, seu consuetudine sancitum fuisset.

Magno adjumento ad regnum Hungariæ obtinendum Carolo futuri esse videbantur Comites Breberienſes, ea tempeſtate magnis opibus, & copiis præpollentes, qui longe lateque in Dalmatia, Chrobatia, Bosina imperabant. Hi autem ab Andrea ad Carolum desciverant. Georgius Comes Almiffi, & maritimum civitatum, filius Paulli Bani Chrobatie & Dalmatie, itemque Domini Bosinæ, in Italiam trajecerat, Neapolim & Romam adierat; utque a Bonifacio Sedem Episcopalem Sibentensis, Mariz Reginæ, Caroli aviæ, precibus interpositis, impetraret, utrique operam suam, & Paulli Bani patris sui, ac totius familiæ Breberienſis, ad Carolum in possessionem regni Hungarici inducendum detulerat. Quod suo & communi Comitum Breberienſium nomine pollicebatur, quantum in ipso fuit, egregie præstitit. Itaque Carolum suæ fidei commissum, impositumque in suum navigium, & aliquot Neapolitanis triremibus honoris & præsidii causa comitatum, in Dalmatiam traduxit. Spalatum appulit; quem Spalatenses regio apparatus acceptum, pro eo ac talis & tanti hospitis nobilitas poscebat, munifice lauteque tractarunt. Sed quamvis Petri Archiepiscopi hortationibus ac precibus, & insuper Comitum Breberienſium imperio, metuque urgerentur; fidem tamen Andree datam servarunt; neque ulla ratione adduci potuerunt, ut alium ab Andrea regem agnoscerent; in ejusque verba jurarent: id quod ex tabulis Spalatensibus perspicere potest, in quibus nomen Andree regis, quoad vixit, semper inscriptum reperitur. Protectionem Dalmaticam & Hungaricam Caroli, plerique in annum extremum sæculi decimi tertii conjiciunt. Sed mihi pluris est auctoritas Michæ Madii Spalatensis, æqualis temporum illorum, & fortassis etiam, ut Joannes Lucius cenſet, testis oculati, qui Caroli adventum in Dalmatiam ad initium sæculi revocavit: *Anno Domini MCCC., mense Augusti, tempore Bonifacii Papa, D. Carolus nepos Caroli II. regis Sicilia per mare cum galeis Spalatum applicuit, ubi per mensem, vel fere duos stetit.* Ergo Carolus Spalato discessit, multis ille quidem, maximisque honoribus, & muneribus cumulatus, sed neque a Spalatensibus, neque a cæteris Dalmatis pro legitimo rege ac domino habitus; eumque Paulus Banus parens Georgii, a quo Spalatum perductus fuerat, cum suis equis & copiis, conjunctis cum exercitu, quem Neapoli advexerat, Zagrabiam deduxit: *Egrediensque de civitate Spalati, ait Madius, in comitatu Pauli Bani versus Hungariam ad usurpandum regnum prædictum de manu Andree regis, venit Zagrabiam, & ibi in manibus Hungarini traditur.* Extant litteræ Bonifacii ad Clerum populumque Hungariæ, in quibus Pontifex Carolum regem legitimum Hungariæ, Andream vero illius regni *Administratorem* vocat; huic tamen obtemperare Hungaros jubet interea, quoad Carolus in Hungariam veniret. Michael Episcopus ne Pontifici minus obsequens, & in Carolum inofficiosus videretur, Zagrabia recesserat. Sunt qui Carolum Zagrabia ab Gregorio, Archiepiscopo Strigoniensi per Pontificem declarato, diadema regium, cæteraque insignia regalia iterum accepisse tradunt. Ex adventu Caroli Andreas tantum mæoris hausit,

Comites  
Breberien-  
ſes ab An-  
drea ad  
Carolum  
deficiunt.

K k 2 ut

ut paucos intra menses Budæ moreretur, scilicet anno 1301., xix. Kalendas Januarii. Nec vero mors Andreæ Carolo profuit, ad ejusque partes Hungarorum accessionem attulit; negabant siquidem juris esse Pontificis Romani, ut regem suo arbitratu eligeret, & Hungariæ daret; atque ob eandem causam Gregorium a Bonifacio creatum Archiepiscopum Strigoniensem recipere volebant; cum hujus nominandi potestatem ad reges Hungariæ, illius vero electionem ad Proceres atque Antistites Hungariæ pertinere affirmarent. Itaque utrumque repudiabant. Qui Carolum regem a Bonifacio postulaverant, manebant illi quidem in ejus fide atque obsequio, sed qui Carolo & Pontifici adversabantur, numero, auctoritate, viribus longe superiores erant; neque illos de proposito susceptaque sententia deducere potuit Nicolaus Legatus Pontificius, quem post obitum Andreæ ipse rei bene gerendæ in Hungariam & Poloniam revocaverat. Hi ergo regnum Venceslavo regi Bohemiæ detulerunt. Regnum oblatum ipse quidem recipere noluit; sed Venceslavum filium adhuc impuberem Hungaris non invitis regem dedit. Ita duo erant eodem tempore ejusdem regni competitores; neuter annum atatis undecimum excedebat.

Joannes  
Arch. ep.  
Colocen.  
Vencesla-  
vo filio  
regis Bohem.  
miz Albz  
coronam  
S. Stephani  
imposuit.

Joannes Archiepiscopus Colocensis Venceslavum Albam deductum regali corona imposita, ceterisque insignibus regis ornavit: *Joannes Archiepiscopus Colocensis* (ut Part. 2. Chronic. scriptum reliquit Thurotius) *cum Episcopis aliis supra nominatis honorifice coronavit* (Venceslavum); *Sedes namque tunc & Archiepiscopatus Strigoniensis vacabat*. Incredibile dictu est, quantam ea res indignationem Pontifici commoverit, tum quod, ait Spondanus, *Caroberto* (idest Carolo Roberto) *jus propinquitatis magis, quam Venceslao competeret, tum denique quod non ad Colocensem, sed ad Strigoniensem Archiepiscopum potestas renunciandi, & inaugurandi regem pertineret*. Verum Archiepiscopus Colocensis ex antiqua lege & consuetudine menus regis inaugurandi ultrapaverat, quod tunc sedes Strigoniensis vacare censebatur; quippe Gregorium a Bonifacio electum neque Antistites, neque Proceres Hungariæ recipere voluerant. Utrumque res esset, Bonifacius, litteris datis ad Nicolaum Legatum Sedis Apostolicæ, Joannem Metropolitam Colocensem, itemque Michaellem Zagrabiensem, Benedictum Vespriemensem, T. Jaurinensem Episcopos, & alios Primores Ecclesiæ Hungariæ, quod Joanni Venceslavum inauguranti assensum & ministerium præbuissem, Romam ad tribunal pontificium citari jussit, ut facti sui rationem redderent. Idem Bonifacius controversiam, quæ de regno erat inter Carolum & Venceslavum, ad se revocavit; & utrique per eundem suum legatum imperavit, ut sepositis armis, per se, vel per procuratores, Romam adiret ad suam quilibet causam agendam; se, momentis rationum, quæ utrique parti faverent, vel officerent, diligentissime perpensis, pro eo, ac jus & veritas postulat, sententiam laturum. Adamus Balthassar Kersefelichius tradit omnes, qui partis Venceslavi erant, adversæque Carolo factionis, a Bonifacio generali anathemate confixos fuisse: id quod Hungarorum animos adeo exacerbavit, ut parum absuerit, quin violentas in ipsum legatum pontificium manus injicerent; sed præli-

dio illi fuit Michael Episcopus; qui eum ab omni injuria prohibuit, eique tutum ab omni periculo reditum in Italiam patefecit: *In summo discrimine, inquit, Legatus Papa fuerat; at Michaelis Episcopi servatus beneficio fuit, ut summam postea cum eodem Boccasinus amicitiam coluerit*. Interea Carolus, cum fautorum suorum paucitati diffideret, una cum Gregorio Strigoniensi Archiepiscopo in Italiam rediit. Cum Joannes Archiepiscopus Colocensis diem obiisset, Stephanus in ejus locum successus paruit mandato Pontificis, qui Joannem ad se purgandum Romam accersierat. Cum Stephanus venerunt Michael Zagrabienensis, & ceteri Episcopi, quos idem Pontifex per suum Legatum ad curiam Romanam citari jusserat. Per idem tempus a Maria Regina Siciliæ, tum a Carolo Roberto procuratores venerunt, qui aviz & nepotis causam defenderent, & jus utriusque hereditarium regni Hungarici obtinendi probarent. At Venceslavus rex Bohemiæ veritus judicium Pontificis, & causæ suæ diffidens per internuncios varias excusationes attulit, cur nullos miserit procuratores ad suam & filii causam tuendam; quæ cum fuitiles essent, & commentitiæ, damnatus est contumaciæ; & pridie Kalendas Junii an. 1303. Anagninæ in conventu frequentissimo Cardinalium & Præsulum, Mariz, & Carolo regnum Hungariæ Pontifex adjudicavit; & quicumque illorum imperia detrectarent, suamque illis fidem solenni sacramento obstringere nollent, eos anathemate feriit. Vetuit regem Bohemiæ, vel ejus filium regem Hungariæ nominari; & quicumque in utriusque leges ac verba jurassent, eos hujusmodi sacramenti vinculo exsolvit. Ex sententia Bonifacii quasdam particulas decerpere libet: *De plenitudine potestatis in apertam contumaciam eorundem Bohemiæ regis, & filii, in præsentia Prælatorum, & plurium Capellanorum familiarium nostrorum, & aliorum in consistorio vocatorum, præsentibus eorundem Bohemiæ regis & filii nunciis ac excusatoribus superscriptis, de fratrum nostrorum Consilio decernimus, definimus, declaramus, & volumus, quod prædicta Maria in toto ipso regno Hungariæ, & pertinentiis suis omnibus, ac ubique terrarum Regina Hungariæ, & dictus Carolus rex nuncupentur apertis labiis, descriptionibus vulgatis, & in documentis publicis titulentur; quodque prælati, clerici cujusque dignitatis &c. religiosi, & alii cujuscumque Ordinis, nec non Comites, sive Bani &c. dictis regni Hungariæ regina & regi nepoti, tamquam ejusdem regni Hungariæ regina ac regi legitimis parere & intendere &c. procurent*. Antea vero de regibus & Episcopis per Legatum citatis ad Curiam Romanam hæc præfatus fuerat: *Eodem legato prædictos regem & filium, ac Carolum legitime citante, sicut per ipsius litteras & verbum postea nobis evidenter innotuit: ac adveniente peremptorio termino, in ipsa citatione statuto, præfata Regina Sicilia intimata jam sibi ex parte nostra per alium, quod ipsa etiam, si sua interesse putabat, in memorato termino compareret; & jam dictus Carolus per procuratores idoneos sufficienter instructas, tamquam devotionis, & obedientia filii comparuerunt cum debita reverentia coram Nobis; Venerabilibus fratribus nostris S. Archiepiscopo Colocensi, M. Zagrabienfi, T. Jaurien., & B. Vesprien. Episcopis, ac dilectis filiis nonnullis Archidiaconis,*

Carolus  
in Italiam  
rediit.

Regnum  
Hungariæ  
Carolo ad-  
judicatum.



¶ *Propositis de ipso regno Hungariae ex praefata citationis vigore comparentibus similiter cum eisdem. Jam dicti vero Bohemia rex & Natus non comparuerunt per se, vel per alium in termino praefinito, nec postea; sed sub cuiusdam palliationis astutia excusatores miserunt &c.*

*Datum Anagninae secundo Kalendas Junii, pontificatus nostri anno ix. idest 1303.*

Ad Curiam Romanam igitur in iudicium vocati fuerunt tum Carolus & Venceslavus, tum Antistites in litteris pontificiis nominati, & alii Proceres ecclesiastici, sed non ob eandem causam, hi quidem, ut regiae coronae Venceslavo imposuere rationem redderent, illi autem, ut jus Hungarici regni potiundi, quod ab se stare uterque volebat, quibus rationibus niteretur, exponerent. Ac Pontifex quidem, ut dictum est, secundum Carolum iudicavit. Sed de illis Episcopis Hungariae quid statuerit ac decreverit Bonifacius, litteris proditum non invenio. Verisimile est Stephanum Colocensem Archiepiscopum absolutum esse, cum Venceslavi regis inaugurati culpam omnem, si qua erat, in Joannem decessorem contulisset, reliquos vero, cum suam fidelitatem atque obedientiam Carolo regi professi ac polliciti essent, veniam donatos, atque in gratiam Pontificis receptos fuisse. Oloricus Raynaldus tradit Stephanum Archiepiscopum Colocensem, & Michaellem Zagrabiensem Bonifacii sententiam, quam tulerat secundum Carolum, in Hungaria, & Bohemia promulgare iussos fuisse.

Eodem anno 1303. vi. Id. Septemb. Sarra Columnensis, instinctu Philippi regis Galliae, cui gravissimae erant cum Bonifacio & acerbae dissensiones, ingenti satellitio stipatus Anagninam irrupit, & concitata plebis ieditione palatium pontificale invasit, ac Bonifacium captum, ignominioseque tractatum in carcerem condidit. Inter hunc tumultum Gregorius electus Strigonienensis interfectus fuisse traditur: *Per idem tempus, ut Micha Madius scripsit, D. Papa Bonifacius Anania a familia regis Franciae, & Columnensibus fuit captus; & D. electus Strigonienensis Gregorius nomine occiditur a filiis Nicolai de Columna.* Sed postea ipse populus Anagninus facti poenitens, Columnensibus expulsi, Pontificem vinculis exemptum summo cum honore Romam perduxit. Verum ille ex maerore ignominiae injuriaeque acceptae intra paucos dies decessit. Huic in Sedem Romanam successus est Nicolaus Bocassinus Episcopus Cardinalis Ostiensis legatione Hungarica jampridem perfunctus, qui Benedicti XI. nomen assumpsit.

Cum de nece Gregorii in Hungariam allatum esset, Episcopi, Proceres, & clerus universus Hungariae auctores fuerunt Venceslavo, ut, nulla mora interposita, Metropolitam Strigoniensem nominaret, ne videlicet novus Pontifex Benedictus exemplo decessoris, suoque arbitrato Hungaris vel invitis Archiepiscopum obruderet; simulque regem rogarunt, ut summum illud Hungariae Sacerdotium Michaeli Episcopo Zagrabienfi viro eximiae virtutis, & doctrinae conferret. Venceslavus, ut fidelitatem erga se, & benevolentiam Hungarorum magis sibi, magisque adstringeret, eorum voluntati ac precibus morem gessit, quamvis fortasse non ignoraret Michaellem, postquam Roma redierat, non eodem erga se animo esse, atque antea fuerat. De Archiepiscopatu sibi

*Illyrici Sacri Tom. V.*

tradito cum Benedictum per litteras certiores fecisset, Pontifex maximopere gavisus est, electionem approbavit, eique in Sedem Zagrabiensem Augustinum Gazottum virum sanctissimum ex Ordine Dominicano substituit; & rescribens ad Michaellem tum novum Episcopum, tum Carolum regem ei commendavit, huic quidem ut quamplurimos posset fautores adungeret, illum vero in Sedem Zagrabiensem, omni obstaculo remoto, admittendum curaret. De Michaelle Episcopo Zagrabienfi scriptum reliquit Joannes Archidiaconus: *Armis providebat, quantum potuit Ecclesiam suam, postmodum per provisionem Benedicti (malle confirmationem dixisset) translatus fuit ad Archiepiscopatum Strigonii; (quem unum & quatuor menses tenuit vita functus anno 1305.)* Hic possedit Castrum de Gersencze, & de Garich. Paullus Ritterus testatur ab se lectum esse diploma Michaelis Episcopi datum Chasma in Dominica Reminiscere per manus discreti viri Magistri Puch Lectoris de Possoga Protonotarii nostri anno Domini MCCC.; ex quo colligitur, inquit, *Possogam ad Episcopatum Zagrabiensem pertinuisse.* Ceterum de oppido & Comitatu Possogensi multae, ut supra diximus, Episcopo Zagrabienfi, & graves contentiones fuerunt cum Episcopo Quinqueeclesiensi.

Post discessum Michaelis, ante adventum Augustini Henricus & Joannes Henrici olim Bani Slavoniae filii, cum Castrum Gersencze sibi a Michaelle ereptum acerbissime ferrent, illata sibi, ut putabant, injuriae ulciscendae causa, villicos Ecclesiae, & colonos agrorum Episcopatum, spe ingentis praedae oblata, ad rebellionem concitarunt. His alii atque alii eadem spe illati se adjungunt; ex quibus exercitu haud exiguo conflato urbem & Ecclesiam Zagrabiensem invadere ac diripere parant. Servorum agrestium rusticana concitatione ac seditione nunciata, Pancratius Cantor, idemque Vicarius Capitularis undique auxilia cogit, clericos ipsos & religiosos viros ad communem defensionem armat; cum his magistratus & cives urbis Graecensis, & quidquid militum praesidiariorum erat in civitate regia, se conjungunt. In ea planitie, quae civitatem Capitularem, & urbem regiam interjacet, commissum est praelium sane cruentum ad pontem Circuniciae fluvio impositum, unde *Pons sanguineus* appellatus est; magna utrinque caedes facta est. Hostes cum suis ducibus repulsi sunt; qui, vastatis agris, & opulenta praeda pecorum, & aliorum cujunque generis abducta, Strigontium ire contendunt; & aliis facinorosis hominibus ac praedonibus in itinere collectis, in urbem irrumpunt, ararium & archivum Ecclesiae Strigonienensis expilant, templa diripiunt, clericos cadunt, virginibus sacris vim inferunt, nemine tam enormia sacrilegia & latrocinia ulciscente; quippe sub rege incerto inter factiones, civilesque discordias omnia pessumierant, judicia & leges silebant, atrocissima quaeque scelera impunitate gaudebant.

#### S. AUGUSTINUS EP. ZAGRAB. XXII.

Hujus vitam omnibus sanctimoniae notis insignem latine descripsit Joannes Tomcus Marinavitus Archidiaconus Zagrabienfis, ac deinde Episcopus Botnensis, eamque Sigismundus Ferrarius in appendicem ad historiam provinciae

Kk 2

Stephanus Colocensis Archiep. absolutus; reliqui Episcopi fidei regi Carolo polliciti in gratiam recepti.

Henricus & Joannes Fratres, concitata plebe rusticana, Zagrabiam invadere conati sunt.

Benedictus XI. Papa Archiepiscopatum Strigonii collatum Michaeli Ep. Zagrab confirmat. Augustinum Gazottum Dominicanum Ecclesiae Zagrab. praefecit.

Augustinus  
Gazotus  
nobili ge-  
nere natus  
Tragurii.

Ad Fam-  
iliam Domi-  
nicanam  
adscriptus  
eximius vir-  
tutibus do-  
ruit.

Ejus annus  
natus,

ciae Hungaricae Dominicanae, Guilielmus Cu-  
perus in Acta Sanctorum, & tomum primum,  
diemque tertiam mensis Augusti transtulit: ex  
qua nos non pauca decerpimus. Augustinus  
illustri prosapia natus est Tragurii anno circi-  
ter 1260., quem alii Gazotum, vel Gazo-  
thum, alii Cassotum, vel Cassiothum cogno-  
minant; neque audiendus est Leander Alber-  
tus, qui eum natione Hungarum fuisse scripsit.  
Parentes habuit Nicolaum Gazothum patritium  
Traguriensem, & Dragoslavam ex familia Dra-  
gavia inter Sibeniconses primaria haud gene-  
ris nobilitate, quam virtutum splendore clario-  
res, quorum piis praeceptis & exemplis educa-  
tus pueritiam egit ex eorumdem sanctissima di-  
sciplina. Vix e pueris excesserat, cum, relicta  
paterna domo, & mortalibus rebus nuncio re-  
misso, dedit nomen in laudatissima D. Domini-  
ci sodalitate annos natus fere septemdecim.  
In ea tam solida religiosae vitae, & praelara  
fundamenta jecit, ut adolescens senibus, tyro  
veteranis, tamquam absolutum humilitatis, obe-  
dientiae, omnium denique virtutum exemplar  
proponeretur. Vestigiis S. Patris Dominici se-  
dulo insistentis ejus sanctitatem ita in seipso ex-  
pressit, ut alter Dominicus appellari soletur.  
Post exactum tyrocinium, & Philosophiae  
curriculum confectum Parisiis Theologiae ope-  
ram dedit. Sunt, qui tradunt in hisce Theolo-  
gicis studiis magistrum habuisse D. Thomam  
Aquinate. Sed si fides habenda est Codici  
Carcaſsonensi Bernardi Guidonis, Augustinus in  
familiam Dominicanam aggregatus fuit anno  
1277., vel sequenti, cum Divus Thomas ante  
tricennium, vel quadriennium, videlicet anno  
1274. ad superos migrasset; hoc enim in eo  
Codice Bernardus ex Sotio Dominicano scri-  
ptum reliquit: *Orundus de Traguria civitate,  
quae est in Dalmatia, in lingua Sclavonica; in-  
travit in ordinem anno MCCLXXVII. vel MC-  
CLXXVIII.* Quare Echardus de Scriptoribus Or-  
dinis Praedicatorum Tom. I. ex auctorita-  
ti Codicis Carcaſsonensis, Augustinum nume-  
ro Auditorum S. Thomae merito expunxit:  
*S. Thomae Auditorem fuisse quidam comminiscun-  
tur, quod ex anno, quo nomen dedit Ordini, o-  
mnino everitur.* Joannes Michael Pius, qui la-  
tine citari solet sub nomine Plodii, in ope-  
re Italico de viris illustribus Ordinis Domi-  
nicani, tradit Augustinum anno 1286., idest  
duodecimo post obitum S. Thomae Parisios stu-  
diorum causa cum Fratre Jacobo Urſino mis-  
sum fuisse. *Quae ratio temporis a Plodio ex  
multis gravidus auctoribus assignata, (ut ait Sigis-  
mundus Ferrarius part. 2. lib. 1. cap. 12. de Rebus  
Hungaricae Provinciae Ordinis Praedicatorum)  
si vera est, non video quomodo B. Augustinus  
posuerit esse S. Thomae Aquinatis Angelici Do-  
ctoris auditor, ut non semel asserunt viri exi-  
mii, cum S. Doctor mortalitatem jam exisset  
anno Christi 1274., nimirum ante annos duode-  
cim.* Hinc per conjecturam elici ac designari  
potest annus natalis B. Augustini; nam si a  
pueritia, ut lectiones Breviarii Lucerini, vel  
adolescens, ut lectiones Dominicani Breviarii  
docent, Ordinem Fratrum Praedicatorum intra-  
vit; decimum sextum, vel septimum aetatis an-  
num agebat, cum institutum S. Dominici am-  
plexus est. Anno autem 1277., vel 1278., ad  
quem codex Carcaſsonensis initia vitae religiosae  
ab Augustino susceptae alligavit, annis sexde-  
cim, vel septemdecim dataſtis, ejus ortus in

annum sexagesimum, vel alterum & sexagesi-  
mum saeculi decimi tertii incidat necesse est.  
Augustini autem obitus cum nequeat dimoveri  
ab anno 1323., ut postea demonstrandum erit, & emer-  
tialis.  
vixerit oportet annos circiter tres & sexagin-  
ta, nec parum aberat a septuagesimo aetatis an-  
no, cui scriptores aliqui ejus mortem affigunt,  
cum eum prope septuagenarium obiisse affir-  
mant.

Annos fere sex & viginti in ea religiosae vi-  
tae ac disciplinae Dominicanae palaestra, unde  
innumerabiles viri Doctrina & Sanctitate praes-  
tantes prodierunt, ita transegit, ut jam inde  
a tyrocinio ad sublimem perfectionis Evange-  
licae apicem pervenisse visus esset; ipse tamen  
quotidie se ipso melior, & perfectior fieri vi-  
deretur. Refert Echardus dignam Augustino  
sententiam ex Anonymo Ordinis Dominicani  
scriptore quam in Cod. Colbert. 2104. *Colle-  
ctio exemplorum* inscripto reperit, quamque  
prolatam puto ad quempiam Zagrabienſis Coe-  
nobii fratrem Dominicanae familiae: *respondit,*  
inquit anonymus, *B. Augustinus nostri ordinis  
Episcopus Gacabriensis Fratribus dicentibus, ut  
rogaret quemdam baronem, ut eis daret tantam  
pecuniae quantitatem, quam sibi legaverat talis  
dominus, putantes quod daret propter reveren-  
tiam ampliore quam ad ipsum habebat, non  
enim per duos annos eis solverat: Pater meus  
(S. Dominicus) mihi reliquit in testamento,  
ut possessiones temporales non haberem, & pa-  
ter illius (nempe baronis, a quo petebant) re-  
liquit, ut haberem. Prius volo, & obligor  
servare jura testamenti patris mei quam sui.  
Et petere noluit: nec sibi tantum bonus esse,  
sed omnibus, quacumque posset ratione, pro-  
desse studuit. Magistri nomen & lauream ade-  
ptus juniores sui ordinis alumnos Philosophiam,  
ac Theologiam docuit, id potissimum spectans,  
ut eos tum praeceptis doctrinarum imbueret,  
tum vero suis cohortationibus & exemplis ad  
perfectionem religiosae vitae instrueret, atque  
excitaret. Utroque magisterio summa cum lau-  
de perfunctus totum se contulit ad juvandos  
homines, eosque ad rectum salutis iter omni  
ratione reducendos. Nec solum Italiam, sed  
etiam Dalmatiam, & Bosnam potissimum ea  
tempestate Manichaeorum refertam concioni-  
bus, & excursionibus Apostolicis peragravit.  
Ubi quumque verbum divinum disseminavit, quam-  
plurimos vel a vitiis ad virtutem, & vitam  
Christiano homine dignam, vel ab haeresi, &  
schismate ad rectam in Deum fidem, & sinum  
Ecclesiae Catholicae revocavit. Sunt, qui Augu-  
stinum a Bonifacio VIII. Romam accessitum  
fuisse tradunt, ut in palatio Pontificio Con-  
cionatoris Apostolici munere fungeretur.*

Benedictus XI. ex Ordine Praedicatorum ad  
supremum totius Ecclesiae Regimen eveſtus an-  
no 1303. xii. Kalen. Novembris Augustinum  
ejusdem disciplinae Dominicanae alumnum pro-  
pter singularem ejus doctrinam & virtutem fi-  
bi cognitum ac perspectam summopere amabat,  
& plurimi faciebat. Cum ergo Michael e Za-  
grabienſi ad Strigonienſem Ecclesiam migras-  
set, neminem Augustino aptiorem invenit, cu-  
jus fidei, prudentiae, & sanctitati Ecclesiam ab  
illo relictam temporibus illis difficillimis re-  
gendam traderet. Episcopum rite consecratum,  
suisque monitis & mandatis instructum in Hun-  
gariam misit, & pallium eidem cum litteris com-  
mendatitiis deferendum dedit ad Metropolitam  
uirum-

Ejus vita  
religiosa &  
perfecta.

A Benedi-  
cto XI. Be-  
nificus  
Zagrabien-  
sis electus,  
& conse-  
cratus.

utrumque Michaelē Strigoniensem, & Stephanum Colocensem. Sigismundus Ferrarius, & Joannes Tomcus Marnavitus referunt duplex miraculum ab Augustinum editum, antequam ex urbe discederet; alterum hoc est: cum Pontifex chiragra laboraret, Augustinus prius, quam se in viam daret, faustam ab eo precationem petiit, & pio ejus manibus osculo impresso, omnem articulorum dolorem in perpetuum dispulit; alterum vero, cum ad mensam Pontificiam invitatus fuisset, aves eidem appositae, quibus vesci per leges Dominicani instituti ei non licebat, in pisces convertit; vel avolasse, & in earum locum pisces divinitus substitutos fuisse ajunt. Utrumque miraculum, cum ab antiquis Scriptoribus tacitum ac praetermissum sit, neutri fidem adjungere, vel derogare ausim. Sane Benedictus aequae, atque Augustinus, disciplinae Dominicanae tenax, & observantissimus erat, nec passus fuisset, opinor, ad suam mensam carnes adhiberi.

Duo miracula, antequam ex urbe discederet, ab eo patrata dicuntur.

Pontificis nomine, & jussu hortatur duos Metropolitae, ut Carolo faverent.

Ergo Augustinus in Hungariam profectus anno 1304. utrique Metropolitae pallium detulit, & Pontificia mandata exposuit, in quibus illud erat praeceptum, ut Carolo Roberto Hungariae regi ab Sede Apostolico declarato ad regnum illud obtinendum auctoritatem suam operamque conferrent. Jampridem multi tum in Hungaria & Slavonia, tum praesertim in Dalmatia inclinatione voluntatum propendere in Carolum ceperant; & plures quotidie, relicto Venceslavo, ad ejus partes accedebant. Dalmatia fere omnis imperium Caroli acceperat; & Caroli regis Hungariae nomen publicis tabulis tum Tragurinis anno 1303. 20. Octobris, tum Spalatensibus anno 1304., penultimo Aprilis inscriptum reperitur. Plerique vero Episcopi, & proceres Hungariae, ac praesertim duo Metropolitae Strigoniensis & Colocensis, pallii accepti beneficio deliniti, suavore Augustino, auctoritatem Romani Pontificis secuti, ejusque tum adhortationibus impulsu, tum comminationibus perterriti se se Carolo adjunxerant. Nec tamen deerant ex nobilitate & plebe, iique numero ac viribus propemodum pares, qui pro Venceslavo starent, atque in ejus fide & obsequio constanter manerent. Quare Hungaria tota in duas factiones divisa, cum alteri pro Carolo, alteri pro Venceslavo ad pugnandum parati obstinassent animis vivere, aut mori, ad bellum civile idemque cruentissimum spectabat. At Venceslavus rex Bohemiae, cum fidei, aut viribus Hungarorum, qui suarum partium erant, diffidere, ac Venceslavo filio metueret; cum exercitum in Hungariam profectus anno 1304. finem Hungariae ereptum cum Regia Corona in Bohemiam reduxit. Anno autem proximo moriens regnum suum filio reliquit. Mors Venceslavi voluntates Hungarorum ab Carolo aversas non immutavit; & cum spes omnis tum regis e Bohemia recipiendi, tum auxilii indidem sibi ferendi eos deseruisset, Othoni Bavariae duci regnum Hungariae detulerunt. Hic regnum oblatum avidius, quam cautius accepit; & cum a Venceslavo impetrasset, ut sibi cederet quicquid juris ad regnum Hungaricum obtinendum consanguinitas cum regibus Hungariae illi dabat, simulque regalem coronam avectam ex Hungaria traderet, statim profectus est in Hungariam; & honorifice acceptum ab illis, qui eum e Bavaria evocaverant, deducumque Albam Benedictus Vespriemensis Episcopus

Venceslavo abeunte, qui Carolo adveniens, Othonem ducem Bavariae vocavit.

immemor fidei Carolo eorum Pontifice obstrictae, & Antonius Episcopus Chana diensis jus, quod erat Primatis Strigoniensis, sibi usurpantes regem consecrarunt, corona S. Stephani, quam secum detulerat, eidem imposita VIII. Idus Decembris anno 1304., vel proxime sequenti. Ceteri Episcopi, & multi Proceres, qui aderant, ne factum illud, quod nequibant impedire, sua praesentia approbare viderentur, alii alio abierunt. Horum ab Othone alienatio eidem maxime obstitit, quo minus delatum sibi regnum assequeretur, ut postea dicemus. Nunc ad Augustinum revertamur.

Michael Archiepiscopus Strigoniensis, ad quem Augustinus Pallium, & mandata Pontificis detulerat, eximiae sanctitatis speciem ex ejus aspectu, & sermone cum cepisset, virum summa laude dignum omni officio atque honore coluit, Ecclesiam ab se relictam ei magnopere commendavit, multis beneficiis ac muneribus cumulatam dimisit. Zagrabiam regressus primum omnium illud sibi curandum censuit, ut forma gregis factus ex animo, non tam verbis, quam exemplis Clerum populumque ad honestatem, religionem, pietatem colendam excitaret. Nihil de pristina religiosae vitae ratione immutavit, eandem in victu cultuque parsimoniam retinuit, eadem jejunia erant, & perpetua a carnibus abstinentia, idem corporis afflicti studium, eadem orandi assiduitas, idem rerum humanarum contemptus, eadem animi submissio, & comitas erga omnes, ac benignitas. Ut vero perfugium sibi pararet, quo sui colligendi causa statis temporibus se reciperet, & ab hominum frequentia segregatus rerum caelestium contemplationi vacaret, Patribus sui Ordinis prope palatium Episcopale domicilium & Templum S. Nicolai aedificavit. Ad eos identidem secedere solebat, ut dissipatas in varias occupationes & negotia vires animi colligeret, & quicquid temporis ab curis Episcopalibus vacui nancisci poterat, ibidem partim precationi ac meditationi, partim vitae Monachalis exercitationibus tribuebat. Aliquando a quodam e suo Clero interrogatus, (ut est apud Marnavitium) cur ita frequenter ad monasteria se reciperet Episcopus, cujus esset in medio populorum semper inveniri, respondit . . . . Sicut viator itineris labore fissus, divertit recreandus ad publica hospitia, ita pastor animarum ad religiosa receptacula. Alterum Patribus Dominicanis Cœnobium apud Chasma fundasse, dicitur a Ritiero: at subdit Kovacevichius; obstant monumenta Ecclesiae Zagrabiensis, quae familiam Dominicanam ante Augustinum Chasma stetisse testantur, signanter falsio quodam coram capitulo Chasmeni, & conventu eorundem religiosorum super possessione Mergereuche Episcopo Michaeli celebrata anno 1299. vero tamen similis est, idem Cœnobium agris, & vineis fuisse dotatum ab Augustino. Horum egregiam operam ad gregem sibi commissum tum verbis divinis, tum Sacramentorum pabulo alendum adhibuit. His quoque negotium dedit, ut clerum ad rectam sacrorum rituum, & cantus ecclesiastici rationem instruerent. Hinc factum fuisse arbitror, ut liturgiæ Zagrabiensis, quæ paullulum a Romana differt, sit Dominicanæ persimilis. Collegium Canonorum in ordines classesque descripsit: ut quisque dignitate antecedit, ita sedere ex ordine jussit.

Ejus vita Episcopalis ad omnem sanctimoniam compoſita.

Zagrabienſe Cœnobium Patribus Dominicanis fundavit.

Præ-

Collegium  
Canonicorum  
in  
tres classes  
divisit, &  
Præbenda-  
rios Chaf-  
mensis in-  
stituit.

Eadem ca-  
thedralem  
fere ad fa-  
stigia per-  
duxit.

Ejus cha-  
ritas, &  
affusa in  
miseros &  
egentes be-  
neficientia,

*Præpositi majori, leſſori, cantori, quæ Columna Capituli vocantur, & Præpositi Chasmenſi* primatum loci attribuit; his proxima subſellia Archidiaconis decrevit; poſt hos *Sedem* Custodis, quæ quarta eſt *Columna Capituli*, conſtituit; reliquos Canonicos in poſtremum locum rejecit. Sunt qui *Præbendarios*, ſive *Mansionarios* ab Auguſtino Canonicis additos fuiſſe exiſtimant; ſed horum inſtitutionem ad Timotheum Episcopum referendam eſſe oſtendimus; reſtitutos poſius fuiſſe dixerim, cum ob ſuperiorum temporum calamitates, rerumque publicarum perturbationem id collegium prope diſſolutum fuiſſet. At vero dubitari non po- teſt, quin ipſe Clerum Chasmenſem *Præbenda-riis*, ſive *presbyteris* ſecundi ordinis auxerit, quos adjutores Capitulo Chasmenſi adjunxit. In ædificationem *Baſilicæ Cathedralis* a ſuis deceſſoribus inchoatam, plurimum operæ pecuniæque contulit; dilexitque in primis decorem domus Dei, quam ad divinum miniſterium pro dignitate peragendum, itemque ad ornatum altarium, ſacra ſupelleſtili & pretioſa, & copioſa donavit; atque ſacrarium ejuſdem *Baſilicæ*, cum aliis *Divorum* reliquiis, tum S. Petri Martyris Dominicanæ coxendicæ, & integro brachio locupletavit. Non deſuit interim *fabrica Eccleſiæ cathedralis* ( ut Joannes Marnavitiuſ in ejus Vita ), a Timotheo, ut diximus, promotæ, quam licet ad ſuum fere culmen perduxiſſet, nulliſi tamen inſignia gentilitia, aliorum more ſculpi, ſicut nec ſacra ſupelleſtili, altariumque ornamentis, quibus omnibus munificentiffime proſpexit, incidi vel aſſui permixit. Idem confirmat Balthaſar Kereſelich. *Baſilicam* reparat, & præteritis tumultibus ſacra ſpoſiatam ſupelleſtile ornat, inſtruit, ſacris reliquiis providet.

Omnes in eo virtutes, quæ dignitatem epiſcopalem ornant, utilemque humano generi faciunt, maximæ minimæque elucebant. Sed ſingularis, ac prorſus eximia erat ejus erga homines cujuſque generis charitas & benignitas; ipſe tenui viſtu cultuque contentus, quicquid paſſimonia domeſticis ſumptibus, vel neceſſariis, detrahebat, large effuſeque in pauperes erogabat. Tria Xenodochia, unum ad S. Petrum, alterum in Villa nova, tertium ad S. Eſilabeth ab eo condita & dotata feruntur, ad ægrotos curandos, & peregrinos excipiendos alendosque. Viſcera charitatis erga omnes indigentes habuit effuſiſſima perpetuo, ut ſcripſit Marnavitiuſ, neque enim niſi neceſſariis ſuſtentioni ſua, & familiola admodum exigua, ſervitio ſuo dicata, retentis ex effluentiſſimo ſacro proventu, reliqua omnia Chriſti pauperibus, hoſpitibus, & peregrinis volebat eſſe communia. . . . Occurrebant illi pauperum, debiliſſimorum turba; atbi ex paſtorali benediſſione incolumitatem, illi ex largitate piæ dexterae vita ſubſidia imploraturi; quos omnes mira charitate exceptos, & ſermonibus, & factis expediebat paternis; obſervatumque fuit, innumeri licet ad eum egentes accederent, neminem ferme umquam ab eo ſine neceſſario reſceſſiſſe ſubſidio. Illud quoque pro certo habitum eſt, cum tantæ proſuſioni redditus Episcopales, ampliffimi licet, minime reſponderent, illius providentia nihil illi deſuiſſe, cujuſ ope millia turbarum ex paucis panibus, & piſcibus, in deſertis locis abunde quondam ſatiari conſuevere.

Juris eccleſiaſtici vindex acerrimus fuit; at-

que ut bona eccleſiarum ſive per incuriam a- in reis pu-  
miſſa, ſive per fraudem interverſa recuperaret, niendis ſe-  
nulſis impenſis, & incommodis parcebat. Quam- veritas, in  
vis ſuapte natura miſiſſimus eſſet; ubi tamen bonis ec-  
res ac tempus polceret, ſeveritatem adhibebat, cleſiaſticiſ  
illudque, ut præclare ſcripſit Balthaſar Kereſe- recuperan-  
lich, optime implevit: *Irascimini, & nolite* dis cura  
*peccare, dum in reos animadvertit. Marcum* impenſa.  
*Toruſium*, inquit, *privavit beneficiis, ob ca-*  
*lumniam Capitulo impaſſam, quo Capituli con-*  
*ſiliis fratres ſui in Arce Medue a ruſticis*  
*interempti fuerint. Propter infidelitatem poſ-*  
*ſeſſionem quamdam in Urbæ a Comitibus Ladi-*  
*ba per ſententiam aufert, eamque in prædium*  
*Petro Cantori Vicario ſuo contulit 1312. Poſ-*  
*ſeſſiones Blagujſa & Podgoria quondam impi-*  
*gnoratas pro Eccleſia reluit. Capituli bona*  
*a Petro Nepren coram Stephano Bano de da-*  
*to Salin. 31. Decembris vindicat, & a fi-*  
*liis Menelai Muren. prædium prope Savam Ca-*  
*pitulo per ſententiam ejuſdem Bani obtinet.*  
Cum e ſuggeſtu de vitiis ac virtutibus ad po- Studiosas  
pulum ſæpiſſime verba faceret; in eo potiſſi- pacis &  
mum argumento verſabatur, quod tempora il- concordia.  
la factiſſimum & diſcordiarum plena poſtulabant, ut omnes ad pacem, mutamque charitatem colendam adhortaretur. Ipſe vero mira dexte- ritate, qua plurimum valebat, & blanda oratione, nonnullos proceres tam ſæculares, quam eccleſiaſticos in priſtinam concordiam reduxit. Extant hodie, inquit Marnavitiuſ, *plura docu- menta conciliatarum invicem plurimarum nobiliſſimarum familiarum, opera ſancti viri, apud aliquos regnorum Dalmatiæ, Croatia, atque Sclavoniæ nobiles, præſertim vero apud nobiliſſimos totius orbis chriſtiani Comites Frangipanicos, ſobolem vetuſtiſſimæ gentis Anticia Romana, ut diximus. Apud cujuſ heroicum germen Nicolaum vidi nuper nobile monumentum compoſitionis mediator Auguſtino facta inter magnificos viros Stephanum Banum Sclavoniæ, Joannem, & Radolaum Comites fratres, ſuper treceſimarum quarundam perceptione, & abolitione, nec non ſuper diſſiſione tributorum, provenientium in Ztenſinik, & Zanobor.*

Omnia, quæ ſunt Pontificis, munera & officia accuratiſſime exſequabatur; nullos deſugiebat labores, nullaque in re ſibi parcebat, ut gregis ſibi concrediti commodis contuleret, & utilitati, ſalutique ſerviret. Diœceſim ſæpe luſtravit; ter ſynodum diœceſanam cogit, annis ſcilicet 1307. 1314. 1318. ut tradit Balthaſar Kereſelich, & præclare decreta in illis & conſtituta contineri ait in libro *Statutorum Capituli*; in quibus præcellens Auguſtini religio, doctrina, prudentia, & ſingularis diſciplinæ & ſanctitatis eccleſiaſticiæ tuendæ, augendæque ſtudio elucet. Ex his fortalſe Joannes Tomcuſ Marnavitiuſ argumentum & materiam ſumpſit illius orationis, quam in conſeſſu parochorum ab Auguſtino habitam fuiſſe ait, quamque ipſe Marnavitiuſ ſuis verbis expreſſit & compoſuit: *Aliquando, inquit, congregata diœceſana ſynodo, ubi multa circa ſacras leges obſervanda propoſuiſſet, ex illo Evangelii themate, Vos eſtis lux mundi, ita fertur Clerum ſuum allocutus.*

Quoniam fratres cariffimi, divina adjuvante gratia, nequaquam ad eos eſt mihi ſermo, quorum via tenebræ & lubricum, ut divinus occidit pſalter; ſed celeſti favore, & Spiritu ſancto aſſiſtente, vos alloquor, qui tanquam ſtella per-

Diœceſim luſtravit, ter Synodum Diœceſanam convocavit.

Ejus præclara ad Parochos qui ad ſynodum conveniant oratio.

perpetua æternitatis inter procellas turbatissimi maris hujus vita prælucetis, ut luce vestra, nulla eclipsi tenebrarum offusa, naufrago peccatori ad portum salutis iter ostendatis, dum ex bodierno Evangelio nobis omnibus Christi Sacerdotibus insinuantur illa verba: Vos estis lux mundi, & luceat lux vestra coram hominibus; expedit ut breviter inquiramus ex consideratione materialis cerei, luci præstandæ præparati, qualem esse conveniat evangelici Sacerdotis conditionem, ut illa evitare possimus, quæ lampadis ardenti, & irreprehensibili, per Sacerdotem vobis in fonte baptismali consignata possent obesse, & Christo jubenti, ut luceat lux nostra coram hominibus, satisfacere valeamus.

Lampas itaque quod cerea materia confectur certum est. Hac porro materies nequaquam ex mineralibus, vel aliis subterraneis fodinis obscurissimorum fatentissimorumque lacuum, inferno proximorum colligitur, sed ex speciosissimis aque, ac nobilissimis floribus, quos amplissimo sinu hilari pompa tellus ostentat. Hinc Sacerdos evangelicus nequaquam ex quolibet sexu, membrorumque deformitate, sed ex nobiliori sexu, legitimis natalibus, religione catholica, omni labe carens infamia, nulla morum deformitate compaginatus, exemplo Danielis & sociorum puerorum ex semine regio, in quibus nulla esset macula, celestibus mysteris tractandis efformatur. Nec satis habetur, ut cera colligatur ex iis, quos diximus, speciosissimis, nobilissimisque exhilarata terræ floribus in eum sinem, ut fiat apta lampadi conficienda; sed nobilitati & speciei florum suavis accedat necesse est. Pari ratione non sufficit, ut ex nobiliore sexu, legitimis natalibus, religione catholica, omni labe nefaria carens, morum nulla deformitate compaginata efformetur sacerdotalis lampas; sed iis omnibus accedat est necesse suavis mansueta natura, piæ educationis fragrantia, ut Christi bonus odor esse possimus; etenim ipsemet Daniel cum sociis, quamvis ex genere regio, & sine macula cognoscerentur, ad ministerium regis admissi fuissent nequaquam, nisi omni sapientia, & disciplina fuissent edocti.

Et quamvis ex nobilissimis, speciosissimis, ac demum suavissimis floribus materia cera decerpatur, non tamen lampadi componenda sit apta, nisi prius & lingua apum purgetur, stillantiumque labelorum ejusdem animantis proficiatur industria; animantis, inquam, natura castissimi, occupatione operosissimi, legum & disciplina tenacissimi: sic & Sacerdos, non quia natalibus præstat & moribus, lampadi evangelica concinnanda censetur idoneus, sed testimonio vitæ excellat, exquiritur. Etenim cum nequaquam inter ministros Babilonicæ aulæ, sed inter aulicos immaculati agni sit adscribendus, ejusmodi virtute debet insigniri, cum de talibus scribatur: „Hi sunt, qui cum mulieribus non sunt coinqui-“, nati; virgines enim sunt, & lequantur agnum, quocumque jerit. Et quoniam is debet esse Sacerdos, qui facie ad faciem negotium omnium maximum, salutem nempe humani generis tractaturus est cum Deo, hac puritate polleat necessum est; ipsa enim Veritate testante, mundi solummodo corde Deum possunt intueri. Cujus rei præstantiam penetravit qualicumque modo cæcutiens olim gentilitas, quæ curam succendorum turium ad aram Deæ, ut appellabant, Vestæ, decreto Romani Senatus, virginitate præstantibus puellis censuit committendam.

Industria item apis post puritatem mentis, & corporis imitanda est Sacerdoti otii evitandi gratia; nam juxta illud eritum innumera mala docuit otiositas; hinc maximus Doctorum noster Hieronymus Rustico monacho normam religiose vivendi perscribens: „temper, inquit, aliquid facias, ut te Diabolus occupatum inveniat. Nimirum indecens est videre hominem ecclesiastico muneri adscriptum, sacro charactere insignitum otiose per plateas spatiantem, meliorem partem diei in domibus magnatum, in tribunalibus litigantium, & quod pejus est, inter greges competentium dies integros traducere, suppresso talento virtutis sibi a Deo communicata, sed & quod pessimum est, abliguriendo, prodigendoque proventus ecclesiasticos legatos sibi pietate fidelium, sapius imminutione proprii patrimonii, præjudicio prolis & posteritatis, qua nihil carius in humanis. Revocate vobis in memoriam, fratres mei, Apostolos primos christianæ scholæ Doctores labore manuum viciitasse, unde Paulus, quamvis omnium ecclesiarum sollicitudinibus occupatus totus, non erubescit id fateri; quinetiam, ut habemus in Actis Apostolicis, gloriatur coram Ephesina Ecclesia talis industria exercitio, dum ait: „Argentum & aurum aut vestem, nullius concupivi, sicut ipsi scitis, quoniam ad ea, quæ mihi opus erant, & his, qui mecum sunt, ministraverunt manus istæ. Et mox exemplo suo præcipit idem a reliquis fidelibus fastidandum, dum subjungit: „Omnia ostendi vobis, quoniam sic laborantes oportet suscipere infirmos, ac meminisse verbi Domini Jesu, quoniam, ipse dixit, beatius est magis dare, quam accipere. Nec audiendi qui dicunt, sat bene provisus & ditatus sacris proventibus non eget, ut labore manuum sibi consulat; etenim Apostolus expresse id faciendum præcipit, ut habeamus, unde tribuamus necessitatem patienti; tribuimus ex bonis ecclesiasticis, ut ajunt; at istud est officii, respondet Apostolus, imo & debiti; cum ait ad Corinthios: „Sic nos existimet homo, ut ministros Christi, & dispensatores mysteriorum Dei. Hic jam quæritur, ut inter dispensatores fidellis, quis inveniat: id est juxta Patrum interpretationem ut ita fideliter utamur proventibus Ecclesiæ, quatenus quidquid necessitati nostræ (necessitati dico, non opulentia, non prodigalitati, non luxui, non popinis, non scortis) superest, totum teneamus Christi fidelibus, nostris fratribus, tanquam ejusdem corporis membris, utpote egentibus erogare; tum quia aqua ratione pertinent ad illos sicuti ad nos; tum potissime, ut refrigerio, & saluti illorum piorum, a quibus tales proventus instituti fuerè, sit consultum. Fur alioquin habendus quilibet nostrum, & patrimonii Christi fraudator, æternisque cruciatibus mancipandus, donec minimum quadrantem solvat ibi, ubi nullus, nisi per mortalitatis penas, invenitur solvendi modus. Idcirco, ut eleemosyna sacerdoti prosit, sacerdotali manu parandam illam requirit Apostolus. Quam ob rem Hieronymus noster, ditissimi alioquin hæres patrimonii, ad Marcum Celebensem scribens exactissime a se Pauli præceptum executum testatur cum ait: „Nihil alieni præripui, nihil otiosus, accipio, manu quotidie, & proprio sudore, quærimus cibum, scientes ab Apostolo scriptum esse: Qui autem non operatur, nec manducet. Hæc Hieronymus. At, inquit aliquis, omnium artium ignarus habeor; respondeo: scribere, legere quicumque novit Ecclesiasticus, satis



fit gnarus habetur, unde tali labore, atque industria tam publico, quam privato bono consulat. Veteres illi monachi, eodem Hieronymo teste, neminem intra suum consortium operis alienius ignarum admittebant.

Penes castimoniam, & industriam tertia dos naturalis apum sequitur legum observantia, & disciplina tenacitas; quibus apes unicum suum principem prosequuntur, venerantur, & colunt; cuius imperio ita sunt addictae, ut pro illo vitam prodigere minime timeant, & qua sui principis hostem justum credunt ferire, inde sibi honestum, ac necessarium putant perire, prout ipse Maro de iisdem recinit.

„Pulchramque petunt per vulnera mortem.

Et vir servitio, cultuique Regi Regum dicatus opera pretium censebit, postquam mille sopbisticis excogitationibus praelati sui ejusdem Regis Regum praesentiam exhibentis leges, & iussa pro sua libidine distorserit, & interpretatus fuerit, expresso legum, & legis latoris manifesto contemptu, innumeris inventionibus exceptionum, & appellationum, ut vocant, contumacis, & refractarii capitis sui obstinationem fultire? quid quod jubeat Apostolus: „obediens, dum Dominis, & praepositis etiam discoloris? Pudeat Christianum sacerdotem, inter Ethnicos eam fuisse erga unius Pythagorae dogmata aestimationem, & reverentiam, ut sola responsione, Magister dixit, illius mandatis contra quorumcumque aliter suadentium auctoritatem acquiescerent. Pudeat nos discipulos illius Magistri, qui gloriam suam in eo collocatam voluit, dum scholam inter homines exercuit, ut obediens ad mortem usque cognosceretur, pudeat inquam nos praelatis nostris per fas, & nefas velle praesse. Mitto hic clericos caussarum sollicitatores, litium immortalium incentores, eos denique etiam saepe iudices litigantibus patrocinantes, cum apud Ethnicos advocatorum patrocinium creditum fuerit permixtum latrocinium; clericos inquam, qui sua vocationis obliti turpis lucri gratia gratiam aeterni, & nunquam deficientis lucri sponte, utpote satis ab Ecclesia ditati, remittunt, & respiciunt frustra sacris Canonibus, & ecclesiasticis statutis reclamantibus.

Jam satis apis studium circa materiam cerea cognovimus; non tamen hanc ideo adhuc aptam lampadi cereae formandae invenimus, cum requiratur ulterius, ut ab apum industria ad purgationem ignis & roris aerei pruinarum accedat temperamentum. Quae in Sacerdote nihil aliud sunt, quam passionum veteris hominis mortificationes juxta ejusmodi experientiae magnum Doctorem regium Vatem dicentem: „Translivimus per ignem, & aquam. Unde & ipse Ethnicus Poeta de heroe virtutibus omnibus exulto cecinit.

„Multa tulit, fecitque puer, sudavit, & alfit.

Perfecta jam cerea sit licet, eo quo vidimus modo, necdum tamen in ceream lampadem, nisi per novum ignem conflatur. Pari modo sacerdos Evangelicus, nequaquam unica mortificatione veteris Adae in lampadem sacro altari adhibendam coalescet, nisi mortificationum artibus iteratis, & nunquam depositis.

Hinc laudatus hujus artis Magister agebat: „propter te mortificamur tota die, aestimati sumus, quasi oves occisionis. Et ille alius Sacerdotum Doctor: „Mortificationem Jesu Christi jugiter in corpore nostro portare, nos jubet. Quod penitus introspexit Ethnicus Poeta &

Hieronymo nostro relatus illis verbis: „tantum profeceris, quantum tibi vim intuleris.

Et ut cerea perfectionem suam per ignes assuetur, non tamen luci praestanda sufficit per se sola, nisi ex candida bombice lychnus intercedat, id est purissima orationis studio sacerdotale cor instruat; ut enim trini filii intorsione lychnus pro lampade cerea instruitur; ita Sacerdotis oratio tunc vero lumini adaptatur evangelico, cum ad mentalem orationem vocalis, & utrique spectatae vitae decus accedit, de qua sancti Patres illud: „oportet semper orare, & „nunquam deficere, jure merito interpretantur.

Notandum tamen est, haec tria fila, nisi arcte intorqueantur, lychnum nequaquam perfici; quare haec intorsio triplicis orationis censetur Sacerdotalis instructio, & sapientia, & illa quidem non facilis alicujus eruditionis, aut doctrinae superficialis, sed diutina tortitione labiorum quasita, cum juxta sacrum illud scripturae dogma: „Labia Sacerdotis custodiunt sapientiam, & legem requirunt ex ore ejus: Sane ex cuius ore requirenda est lex, singulari prudentia, & scientia debet insigniri praecavendo, ne contra se latam illam sententiam experiatur: „quia tu repulisti sapientiam, & scientiam, „& ego te repellam, ne Sacerdotio mihi „fungaris.

Denique quam vim ad tenebras expellendas, lucemque praefendam cerea lampas numeris omnibus absoluta obtinebit, nisi ignea flamma accendatur? ita quid Sacerdoti omnes enumeratae dotes, earumque praestantia conferre poterunt, nisi charitatis accendantur ardore? qua in diligenter observandum est, charitatem affective exerceri posse minime absque proprio incommodi sensu, eodem prorsus modo, quo cerea lampas accensa non nisi suimet imminatione splendet. Sed, eheu! quam pauci non quidem cum Sacerdote, sed cum simplici Diacono Laurentio possunt exclamare, & prorumpere in illud Davidicum: „Igne me examinasti! Quare? „quia disperferat, & dederat pauperibus, non solum suarum rerum erogatione, sed etiam propria vita incommodo; idcirco audacter, & latus subjunxit. „Et non est inventa in me „iniquitas. Immittere manum in crumenam, ut disperdamus nostra propter pauperes, adurit manus, humano more loquendo; non nego, non inficior. At per ejusmodi ignem examinatus est Laurentius, & introductus in refrigerium. Detrahis propriis vestibus in ipsa hyemis asperitate, ut nudus operiatur, urit, & adurit saeculare malum: sed ex tali adustione Martinus noster Catechumenus adhuc Christum loquentem audit: „Martinus, adhuc Catechumenus, hac me veste contexit. Urit, & adurit nuditas Franciscum, ut egenis succurrat; sed ejusmodi corpusculo modo stigmata gemmis, & auro pretiosiora impressa spectacula sunt DEO, Angelis, & hominibus.

Adurit manum largitas effusissima, qua Stephanus Ungarorum rex, & Apostolus post innumeras Ecclesias a fundamentis excitatas, & munificentissime ditatas, ut populos ad caulam Christi perductos contineret in Christianitatis officio, nulli petenti opem denegavit unquam, sed illam liberalissime die, nocturne habuit, ut aliquando, irruente egenorum turba inter tenebras in regem pientissimum, barbam ipsi quoque evellerent stipem rapide pro innata inopportunitate, & impatientia erepturi; sed eandem

dem dexteram, reliquo toto corpore in cineres recidente, integram adhuc extare, amplissimoque templo ab ipsa dextera denominato, universa Ungaria cultui, & venerationi haberi, ipsiusque sanctissimi regis gloria amplissimum hoc omnium Hungaricarum partium templum, in quo consedimus, attolli, pretium est nequaquam manus adusta, sed illius Herois dextera, de quo regius vates intonat: „ In memoria æterna erit justus: & illud: „ Corona aurea super caput ejus, &c. Hinc & regale caput ejus auro, gemmisque fulgidum, memoria eximia sanctitatis, gloria, & honoris, augustius tutelare Numen universi Hungarici regni patriæ hujusce nostræ præsentaneum decus insidet ara sacrosanctæ, sicut videtis.

Vidimus itaque Fratres amantissimi qualitates sacerdotalis lampadis, quæ, „ quia non sub „ modio, sed super candelabrum, ut ait Salvator noster, ponitur, etiam, atque etiam cavendum moneo, ne splendor ejus a vento, vel ab aquis, quibus tantummodo extingui potest, aliquam patiatur injuriam, sed juxta ejusdem Salvatoris præceptum: „ Luceat omnibus, qui „ in domo magni Patrisfamilias existunt.

Est autem ventus, cujus injuriis sacerdotalis lampas potest labefactari, terrenarum rerum sollicitudo; cui cum renuntiaverimus adscribendi ecclesiastica militiæ, eo tempore capillorum nostrorum præcisorum Episcopali manu terrena omnia rejecimus, & sollemniter Dominum partem hereditatis nostræ, & calicis nostri adoptavimus; absque periculo splendoris nostræ lampadis ad curas terrenas redire nobis non licet. Etenim, sicut Hieronymus noster in hanc rem ad Nepotianum Clericum loquitur, „ propterea „ vocantur Clerici, vel quia de sorte sunt „ Domini, vel Dominus sors ipse, id est pars „ Clericorum est. Qui autem vel ipse pars Domini est, vel Dominum partem habet, talem se exhibere debet, & ut ipse possideat Dominum, & possideatur a Domino. Qui Dominum possidet, & cum Propheta dicit, Pars mea Dominus, nihil extra Dominum habere potest. Quod si quidpiam aliud habere potest præter Dominum, pars ejus non erit Dominus; verbi gratia si aurum, si argentum, si possessiones, si variam suppellectilem, cum istis partibus Dominus pars ejus fieri non dignabitur. Ita ille. Qui mox subjungit: „ Obsecro itaque „ te, & repetens iterumque moneo, ne officium Clericatus genus aliquid militiæ putes, id est, ne lucra sæculi in Christi queramus militiæ; ne plus habeas, quam quando clericus esse capisti, & dicatur tibi: Clericorum non proderunt eis. „ Et paullo post (nisi ipse diceret, forte subicerem) ita proseguitur. „ Ignominia sacerdotis est propriis studere divitiis. „ Natus in paupere domo, & in tugurio rusticano, qui vix milio, & in cibario pane rugientem saturare ventrem poteram, nunc simillam, & mella fastidio. Novi & genera, & nomina piscium, in quo litore concha lecta sit, calleo, saporibus avium discerno provincias, & ciborum meritas, ac novissime damna ipsa delectant. „ Ita ille; ad cujus integram epistolam vos brevitatibus gratia libenter remitto, cum tota de re clericali habeatur. Et ut adhuc melius nobis innotescat, quanto & nostro, & omnium aliorum præjudicio talibus ventorum injuriis, splendorem sacerdotalis lampadis imminui permittimus, Romanus Pontifex Gregorius ( & eo nomine noster etiam, quo illustrissimos ejus nepotes Frangipanicos Dynastas, qui nuper virtute fastis æternis celebranda regnum Ungaricum regi suo, regemque regno impia Tartarica feritate prope extincto vindicantes cives nostri esse voluerunt ) homilia 17. in Lucam, quid deprecet, audiamus. „ Nullum, ait, puto, Fratres charissimi „ ab aliis majus præjudicium, quam a Sacerdotibus tolerat Deus; quando, quos ad aliorum correctionem posuit, dare de se exempla pravitatis cernit; quando ipsi peccamus, qui compescere peccata debuimus: nulla animarum lucra quarimus, ad nostra quotidie studia vacamus, terrena concupiscimus, humanam gloriam intenta mente captamus: & quia eo ipso, quo ceteris prælati sumus, ad agenda quolibet majorem licentiam habemus, susceptæ benedictionis ministerium vertimus ad ambicionis argumentum, Dei causas relinquimus, ad terrena negotia vacamus, locum sanctitatis accipimus, & terrenis artibus implicamur. Hæc Gregorius.

Nec vento curarum terrenarum, sed & aquis voluptatum carnalium funestatur Sacerdotalis lampas, & miserandum in modum extinguitur, ut merito Sacerdotali nomine inclamet regius vates: „ Salvum me fac Deus, quoniam intra „ verunt aquæ utque ad animam, infixus „ sum in limo profundi, & non est substantia. Etenim Sacerdos voluptatibus carnis immersus tanquam in luto aquarum multarum, non habet aliquam splendoris substantiam; amissa quippe puritate, qua sola divino dignatur intuitu, volutabrum immunditiarum efficitur; certum enim est, teste Apostolo, „ Cum quis adhæret meretrici, unum corpus fieri cum meretrice; at si unum corpus sit cum meretrice, ergo nulla remanet substantiæ Sacerdotalis eminentia, cum femina incapax habeatur sacerdotii evangelici: quin imo simpliciter etiam polluta Vestalium Romanarum exemplo ab aris repellatur æternum, & crudelissimo mortis genere extinguebatur.

Sed ne vobis sermone meo tedium pariam, Hieronymum nostratæ ex eadem epistola audiat. „ Hospitolum, inquit, tuum aut raro, aut nunquam mulierum pedes terant; omnes puellas, & Virgines Christi aut equaliter ignore, aut equaliter dilige. Ne sub eodem tecto mansites, nec in præterita castitate confidas. Nec sanctior Davide, nec Samstone fortior, nec Salomone potes esse sapientior. Memento semper, quod paradisi colonum de possessione sua mulier ejecerit. Ægrotanti tibi quilibet frater assistat, & germana vel mater, aut probata qualibet apud omnes fidei. Quod si hujusmodi non fuerint consanguinitas, castimoniamque persona, multas anus nutrit Ecclesia, quæ officium præbeant, & benescium accipiant in ministrando, ut infirmitas quoque tua fructum habeat elemosynæ. Scio quosdam convalescere corpore, & animo agrotare capisse. Periculose tibi ministrat, cujus vultum frequenter attendis. Si propter officium Clericatus aut vidua visitatur, aut virgo, nunquam domum solus introcas. Tales habeto socios, quorum contubernio non infameris. Si Lector, si Acolythus, si Psalteres te sequitur, non ornentur veste, sed moribus, nec calamistro crispent comas, sed pudicitia habitum polliceantur. Solus cum sola „ se-

„ secreto, & absque arbitro, vel teste non  
 „ sedeas, Caveto omnes suspiciones, & quid-  
 „ quid probabiliter fingi potest, ne fingatur an-  
 „ te, devita. Si familiarius est aliquid loquen-  
 „ dum, habet nutricem, majorem domus, virgi-  
 „ nem, viduam, vel maritatum; non est tam in-  
 „ humana, ut nullum præter te habeat, cui se au-  
 „ deat credere. „ Hæc conterraneus nobis, & præ-  
 „ byter Hieronymus; post quem, parentem meum  
 „ Augustinum, tanquam proprio malo gnarum,  
 „ quid periculorum feminea habeant commercia,  
 „ vobis in exemplum adduco: ille enim seminarum  
 „ omnium, & in eis sororis, & fratris filie con-  
 „ tubernium, familiaritatemque constantissime evi-  
 „ tavit, quippe qui diceret. „ Et si propinquæ  
 „ mulieres suspectæ non essent, tamen quæ ad  
 „ eas ventitarent, posse suspensionem efficere.

Et ut sermoni finem imponamus, illud identi-  
 dem cum veritatis Magistro ex Evangelio incul-  
 co: „ Vide, sacerdos, ne lumen, quod in te est,  
 „ tenebræ fiant. Judas Sacerdos, Apostolus,  
 „ quin etiam Episcopus fuit, avaritia tamen ven-  
 „ to lampade extincta, Episcopatum, Apostola-  
 „ rum, Sacerdotium, & animam ipsam perdidit.  
 „ Tertullianus Doctor antiquissimus, & doctissimus,  
 „ levissimo vento invidia Romani cleri afflatus,  
 „ tanquam stipula ante faciem venti extincta lam-  
 „ pade, tenebris occidit æternis. Arius Sacerdos  
 „ Alexandrina Ecclesiæ, vanitatis vento agitato,  
 „ quam pestilenti fumo post extinctam lampadem  
 „ evangelicam orbem christianum infecerit, plu-  
 „ rimum sæculorum ruina testantur. Sergius Mona-  
 „ chus, idemque Sacerdos, luto aquarum multa-  
 „ rum obruta lampade, deterrimum factorem impu-  
 „ rissimum Mahometem tot regnorum & imperio-  
 „ rum eversores (quod nulla terrarum pars igno-  
 „ rat) in orbem christianum intulit. Hugonem to-  
 „ tius Germaniæ Primatem, Magdeburgensis Eccle-  
 „ siæ diu sanctissimum præfulem habuit; quem tan-  
 „ dem ludo carnis illudentem Deo sibi que lutum  
 „ infernalium aquarum, maxime terribili in omne  
 „ ævum modo ingurgitavit. Et quod non absque  
 „ lachrymis experimur, castitatem nuperrimam Hun-  
 „ garie divine justitiæ vigor, ex factore trium im-  
 „ parrissimorum præfulem, testimonio sancti viri  
 „ pluribus adhuc viventibus cogniti, maturavit.  
 „ Luceat ergo lux vestra coram hominibus, ut vi-  
 „ deant opera vestra bona, & glorificent Patrem  
 „ vestrum qui in calis est. Ita tamen, ut qui stat,  
 „ videat ne cadat.

Ita suos allocutus traditur, ait Marnavitus,  
 & hæc subjecit. Decreta porro synodalia mira  
 dexteritate in mores induci curabat, jugum Do-  
 mini suave esse probans innata sibi discretionem,  
 & affabilitate, pretiosissimis dotibus majestatis  
 episcopalis; adeo ut neminem asperioribus verbis  
 turbatum a se recedere, quantum fieri poterat,  
 pateretur; & si aliquando desperatam alias hu-  
 mano judicio emendationem in melius acrioribus  
 verbis perstringere cogebatur; id ea benignitate,  
 & verborum placiditate statim condiebat, ut  
 desperatis etiam morbis medelam adinvenirent.

Ex Concilio nationali Budensi, quod habi-  
 tum est anno 1308. Thomas Strigonien-  
 sis, Petrus Spalatensis, Vincentius Colocensis Archie-  
 piscopi cum aliis Hungariæ Episcopis litteras  
 supplices miserunt ad Clementem V, ut vellet  
 ac juberet castrum Medved ab manibus ac po-  
 testate laicorum vindicari, & Ecclesiæ Zagra-  
 biensi restitui.

Sanctissimo Patri ac Domino suo, Domino Cle-  
 menti Dei gratia sacrosanctæ Romanæ, ac univer-

salis Ecclesiæ summo Pontifici; Thomas Strigo-  
 nien-  
 sis, Petrus Spalatensis, Vincentius Colocen-  
 sis Ecclesiarum Archiepiscopi, Benedictus Vespri-  
 mien-  
 sis, Haabam Vacien-  
 sis, Emericus Varadien-  
 sis, Joannes Nitriensis, Ladislaus S. Irenei, Pe-  
 trus Quinqueeclesiensis, Martinus Agriensis, Be-  
 nedictus Chanadiensis, & F. Gregorius Bosnensis  
 Ecclesiarum Episcopi, cum omni obedientia pe-  
 dum oscula beatorum. Detrimentum unius Eccle-  
 siæ, velut ejusdem membri capitis, proprium  
 singuli incommodum reparantes, suggerente cha-  
 ritatis affectu, vestra Beatitudini scribimus, quod  
 castrum vocatum Medved, per Philippum quon-  
 dam Zagrabiensem Episcopum, de rebus Eccle-  
 siæ, & pro Ecclesiæ constructum, de regis Bela  
 beneplacito & assensu, Zagrabien-  
 sis Episcopi & Ecclesiæ fore dignoscitur pleno jure. Quod a qui-  
 busdam temporibus per manum laicalem tran-  
 siens, tandem ad Marcum Sacerdotem de Vene-  
 tiis, ejusdem Ecclesiæ Zagrabien-  
 sis Canonicum  
 exiit devolutum. Dicitur vero Marcus Dei ti-  
 more postposito, victus cupiditate, idem castrum  
 accepta pecunia potestati tradidit seculari, in  
 ejusdem Ecclesiæ magnum præjudicium & grava-  
 men. Cum igitur his in partibus ea, quæ dixi-  
 mus, manifesta veritate pateant, ut eis contra-  
 dici non possint, oppressæ per hoc ingenti servi-  
 tute Ecclesiæ, quæ cunctis invigilat, vestra di-  
 gnetur pietas providere. Datum Budæ VIII. Kal.  
 Julii, Pontificatus D. Clementis Papa V. An-  
 no IV. idest 1308.

Castrum Medved Philippus Episcopus, ære  
 sumptuque Ecclesiæ constructum, Belæ regi pe-  
 tenti ad regios thesauros custodiendos commoda-  
 verat. Ladislaus III. Belæ nepos Ecclesiæ resti-  
 tuit. Sed Joannes Episcopus Gardino cuidam viro  
 nobili ac præpotenti aut vendidit, aut jure fi-  
 duciario possidendum dedit; is ob quædam ne-  
 faria delicta ab Andrea III. captus, atque in  
 carcerem contrusus, libertatem traditione e-  
 jusdem Castri redemit. Andreas rex domina-  
 tum hujus Castri vel plenum atque integrum,  
 vel utilem tantummodo & fructuosum tradi-  
 dit Nicolao Torustio Veneto; quo mortuo ad  
 Janinum ejus fratrem jure veluti hereditario  
 pervenit. Hic ab rusticana plebe interemptus  
 cum esset; Marcus Presbyter, Nicolai & Ja-  
 nini frater, idemque Canonicus Zagrabien-  
 sis, in ejusdem Castri possessionem invalit; & ne-  
 cis fraternæ auctores fuisse Canonicos falso cri-  
 minatus est. Calumniæ convictum Augustinus  
 Episcopus movit Collegio Canonicorum, &  
 omnibus, quæ obtinebat, Sacerdotiis, & pro-  
 ventibus privavit. Marcus itaque, cum se &  
 bonis ecclesiasticis spoliatus, & odio esse om-  
 nibus videret, ob eamque causam abcedere,  
 atque in patriam reverti decrevisset; Castrum  
 Medved Stephano Bano Slavoniæ, ejusque fra-  
 tribus Joanni & Ladislavo de Bobonighiis ma-  
 gno pretio vendidit, ac Venetias rediit.

At vero Stephanus Banus sive Clementis Pa-  
 pæ, cujus fidem & auctoritatem Canonici Za-  
 grabien-  
 ses per litteras imploraverant, gravi se-  
 veraque admonitione, sive possessionis ecclesia-  
 sticæ per injuriam retentæ conscientia percussus,  
 Castrum illud Ecclesiæ sub quibusdam condi-  
 tionibus reddere statuit. Per eos dies aberat  
 Augustinus Episcopus. Anno igitur 1313. in-  
 ter Banum & Canonicos ita convenit, ut Ba-  
 nus possessionem & dominatum, non suo, sed  
 Ecclesiæ nomine, tamdiu retineret, quoad sibi  
 summa illa pecuniæ integra redderetur, quam  
 ipse

De castro  
 Ecclesiæ  
 reddendo  
 conventa  
 inter Ste-  
 phanum &  
 Canoni-  
 cos.

Concili-  
 Nationali  
 Budensi  
 Epistola ad  
 Clementem  
 V. pro re-  
 cuperatio-  
 ne castri  
 Medved.

ipse pro redemptione ejusdem Castri Marco Torustio solverat; & recepta, nisi statim illud traderet, se quidem reum perjurii, & pœnis ecclesiasticis obnoxium, Ecclesiam vero absolutione illius pecuniæ liberam fore, & castri nullo pretio dato recuperandi jus habituram. Interea vero, dum Castrum in fide ac potestate Stephani maneret, pro sumptibus in custodiam & defensionem illius necessario faciendis, numerum certum frumenti ac vini, & marchas argenti quadragenas singulis annis Ecclesia ipsi contribueret. Quæ quidem omnia ita recepta & approbata sunt, si consensus Episcopi absentis accederet. Porro Canonici Zagrabienſes per litteras rogarunt Canonicos Quinqueecclesienses, ut quæ inter ipsos & Stephanum Banum convenerant, ipsaque ejusdem Bani pacta & promissa, quo plus firmitatis haberent, suarum litterarum testificatione, & signi capitularis auctoritate communirent. Hæc autem est testificatio Capituli Quinqueecclesiensis.

Tabulæ & conditiones conventorum.

Nos Capitulum Quinqueecclesiensis Ecclesiæ memorie commendamus, significantes quibus expediat presentium per tenorem: Quod anno Domini 1313. v. Kalendas Julii Reverendus & discretus vir, magister Dominicus custos Ecclesiæ Zagrabienſis, nuncius & procurator Capituli ejusdem Ecclesiæ, exhibuit nobis litteram ipsius Capituli in hæc verba: Viris discretis & honestis Capitulo Quinqueecclesiensi, Capitulum Zagrabienſis Ecclesiæ, omnimodam reverentiam cum honore. Discretionem vestra notum facimus in presentibus protestando; quod pactum sive conventionem super conservatione castri Ecclesiæ Zagrabienſis Medve vocati, inter magnificum virum Stephanum Banum totius Sclavoniæ, & procuratores nostros, habitam, pacti sumus quantum in nobis est, ratam habere & firmitus observare; dummodo Domini nostri Augustini Dei gratia Zagrabienſis Episcopi interveniat consensus legitimus & expressus, tum quia arduum negotium est, cum etiam quia castrum est Episcopale, ad nos autem ex eo solummodo pertinet turris una. Petimus insuper discretionem vestram instantissime per presentes, quatenus super protestatione nostra, coram vobis facta litteras vestras memoriales, cum pendenti sigillo concedere dignemini; formam autem pactionis seu conventionis, prout e litteris ipsius Stephani Bani, coram vobis exhibitis, videbitis, inferentes. Datum in vigilia S. Joannis Baptiste. Exhibuit etiam alias litteras magnifici viri Stephani Bani totius Sclavoniæ cum pendenti sigillo tenorem hujusmodi continentes. Nos Stephanus Banus Sclavoniæ significamus universis, quibus expedit presentium per tenorem; quod nos considerantes animæ nostræ detrimentum, quod ex detentione castri Ecclesiæ Zagrabienſis Medve vocati, incurrere possemus, volentes huic remedium præbere, assumpsimus ipsum castrum more Castellani ex parte ejusdem Ecclesiæ tenere & conservare; Ecclesiæ supra dictæ promittentes, firma & bona fide nostra mediante, reddere, & restituere, habita tantum ipsius pecunia, quam pro redemptione ipsius castri, nomine & vice Ecclesiæ præfate, magistro Marco fratri condam Janini persolvimus plenarie & integre, ab Ecclesia memorata. Si vero aliquo casu interveniente, vel quomodocumque, seu qualitercumque jam dictum castrum Ecclesiæ prædictæ non reddidimus, vel reddemus, aut alienavimus ab eadem; pœnam perjurii in transgrediendo assumptam incurramus; & etiam Ecclesia præfata a solutione totius pecuniæ, quam pro redemptione castri prædicti Illyrici Sacri Tom. V.

est nobis tenetur, ut debet, sit penitus libera & expedita ipso facto; & nullo umquam tempore nobis, & nostris heredibus in toto, vel in aliqua sui parte teneatur pro eodem. Insuper D. Episcopus Zagrabienſis Ecclesiæ contra nos, & nostros successores detentores prædicti castri, auctoritatem habeat per censuram Ecclesiasticam procedendi. Ad conservationem vero ejusdem castri totalem, quolibet anno ... ab eadem Ecclesia nulle cubulos vini, & quingentos cubulos de blado, numero quadraginta marcas in denariis, pro aliis necessariis & opportunis, quæ ad conservationem castri præfati dignoscuntur pertinere ... D. Episcopus, quæ inter nos & Ecclesiam suam sunt ordinata super facto castri prædicti, habito consilio cum fratribus suis, si acceptare, vel accedere voluerit, nobis litteras suas secundum formam presentium dare teneatur; alioquin presentes nobis remittere debeat intramensem; negotio castri inter nos & D. Episcopum & Ecclesiam suam in priori statu permanente. Datum in Toplika in octavis Pentecostes; anno Dom. 1313. Nos igitur ad justam, & legitimam petitionem ejusdem honorabilis Capituli Ecclesiæ Zagrabienſis, tenores prædictarum litterarum de verbo ad verbum presentibus inseri fecimus, & sigillo nostro majori communiri. Datum die & anno prænotatis.

In id vero Augustinus jam inde a suscepto Episcopatu maximopere incubuit, ut mandatum, quod a Pontifice habuerat, exsequeretur, ut scilicet ad partes Caroli Roberti quam plurimos posset, præsertim ex Clero & nobilitate, adjungeret. Anno 1308. F. Gentilis Presbyter Cardinalis tit. S. Martini in montibus a Clemente V. missus in Hungariam legatus, postquam præcipuas Dalmatiæ civitates obiisset, mense Julio pervenit, ut inter gentes illas studio partium distractas pacem conciliaret, easque sub imperium Caroli subjungeret. Nihil jam metuendum erat ab duobus illis regni Hungarici competitoribus, non ab Othone Bavarix duce, qui anno 1306, vel sequenti ab Ladislavo Vaivoda, sive Dynasta Transilvaniæ, captus fuerat, neque antea dimissus, quam regno cederet, & coronam regiam a Venceslavo acceptam in manus ipsi Vaivodæ traderet; non a Venceslavo juniore, cui post captum effugatumque Othonem iterum Hungari regnum detulerant; is quippe, ante quam post interitum parentis insignia regalia sumeret, per insidias interfectus fuit anno 1306. Restabat, ut qui adhuc animos ab Carolo rege alienos averfosque habebant, eos Legatus Apostolicus Carolo conciliaret. Quamvis enim utrumque, quem sibi in regem elegerant, amisissent, Othonem quidem victum fugatumque, Venceslavum vita privatum; tamen in proposito susceptoque consilio Caroli repudiandi permanebant; ob eam causam potissimum, quod jus regis eligendi ad se spectare existimabant, sibi que adimi volebant; at vero ejus, quem elegissent, approbandi confirmandique potestatem Pontifici Romano, aut ejus Legato, non inviti permittebant. Hæc Raynaldus ad annum 1308. Nolebant, inquit, nec erat aliquatenus intentionis eorum, quod Ecclesia Romana, vel ipse D. Legatus ejus nomine, de rege ullatenus provideret; sed placebat eis, quod illum, quem ipsi ex antiquo & approbato ejusdem regni more vocarent, & in regem assumpserant, præfatus D. Legatus, ejusdem Ecclesiæ nomine in verum regem Hungariæ confirmaret. Hoc in statu erant res

F. Gentilis Cardinalis legatus Apostolicus in Hungariam venit.

Cur Hungari Carolum reſpuerent?

L. I. Hun-

Augustinus  
socius ad-  
iutorque  
legati Apo-  
stolici ad  
rem bene  
gerendam.

Hungaricam, cum Clemens V. Legationem Dal-  
maticam & Hungaricam Gentili Cardinali de-  
mandavit. Hic in illis partibus circiter tres  
annos commotatus, omnium suorum itinerum  
socium, consiliorum participem, rerum geren-  
darum adiutorem habuit Augustinum Episcopum  
Zagrabiensem, qui fere numquam ab ejus co-  
mitatu & latere discessit. De legatione Cardi-  
nalis Gentilis, assidueque opera eidem ab Au-  
gustino navata hæc tradit Georgius Rakajus  
Lector & Canonicus Zagrabienfis: *Cardinalis  
Gentilis e familia FF. Minorum, vir sanctitatis  
& prudentia opinione eximius, & Clementi V.  
Papa ad Hungaros legatus in Croatiam progre-  
ditur; mox Zagrabiam adveniens Augustinum, ut  
laborum comitem, & consiliorum directorem, &  
Hungarici negotii cooperatorem futurum, Budam  
regni sedem abduxit secum, ubi anno integro se-  
dandis Optimatum animis absumpto, indicto de-  
nique Statuum omnium sollemni conventu, vete-  
ri gentis instituto; jussu Legati, facunda sua  
eloquentia sic turba submovit turbas, Procerum  
ac populi universi inflexit animos, ut omnium  
voces in Carolum fausta preccantes coiverint, an-  
no salutis 1310.*

In conven-  
tu Budensi  
Carolus rex  
Hungarie  
inaugura-  
tus.

Sub adventum Cardinalis Gentilis Carolus  
Robertus vel ex Italia, vel e Slavonia arces-  
sit in Hungariam rediit, & Budam ad Le-  
gatum se contulit, quo plerique Episcopi, &  
Primores Cleri populi que conveniant. In ea  
civitate, ut tradit Spondanus, anno 1309,  
rex Hungarie inauguratus est regali corona,  
quam secum Gentilis attulerat, suscepta. Sed  
idem Legatus, cum per præconem edici ac  
denunciari jussisset, omnes, & singulos, qui  
Carolo contumaciter adversari pergerent, ana-  
themate plendos, aliisque tum Ecclesiasticis,  
tum civilibus pœnis puniendos esse, mirum  
quantum animos offenderit, quamque illud edi-  
ctum studiosissimis etiam Caroli, non solum  
eidem insensis, displicuerit; præsertim autem  
Matthæo Palatino Comiti Trenchinienfi, quem  
pominatim sacrorum communione privavit,  
quod unus omnium pertinacissime Carolo re-  
pugnaret, & Ladislavo Vaivoda Transilvanie,  
quem jussit, anathematis pœna proposita, re-  
giem S. Stephani Coronam restituere, quam  
Othoni Bavarie duci ereptam apud se retine-  
bat; quamvis in edicto suo diserte addidisset,  
ea corona opus non esse ad reges Hungarie  
legitime ritique inaugurandos; & si quis eam  
necessario requiri existimaret, id superstitioni  
potius, quam religioni tribuendum esse. Tho-  
mas Archiepiscopus Strigoniensis, itemque Au-  
gustinus Zagrabienfis Episcopus in eo maxime  
laborarunt, ut offensos Hungarorum animos  
placarent; simulque Legato auctores fuerunt,  
ut edictum illud revocaret. Præterea Strigo-  
niensis Antistes in Transilvaniam profectus,  
qua muneribus, qua precibus Vaivodam de-  
mum perpulit, ut regalem Coronam sibi tra-  
deret ad Legatum deferendam, Tunc Episco-  
pis, Optimatibus, Clero, & populo dies di-  
cta ad conveniendum in campum Rakos, ubi  
sub antiquis Hungarie regibus (ut docet To-  
pographus magni regni Hungarie) Generales to-  
tius regni Conventus, affluente maxima incola-  
rum multitudine, in litum more, sub tentoriis  
habebantur, quæ conveniendi ratio variis de-  
cussis in eam postea formam, quæ modo obser-  
vatur, commutata est, reliquis, præter statutos  
quatuor Ordines, Antistitem videlicet, Proce-

Comitia in  
campo Ra-  
kos ad Da-  
nubium in  
quibus Au-  
gustinus  
Zagrabiensis  
Episcopus  
religiosis  
peroravit.

rum, Nobilium, ac Civitatum liberarum, omni-  
bus amandatis. Campus Rakos ad ripam Da-  
nubii adjacet prope Pestum, sive Pestrinum;  
quæ civitas sic est e regione Budæ, a qua  
Danubio interfluo sejungitur. Hæc comitia  
habita sunt anno 1310; in quibus gravem  
& eruditam orationem habuisse dicitur Augu-  
stinus Episcopus Zagrabienfis ad gentes illas  
tum inter se, tum Carolo regi conciliandas,  
quam quidem orationem Joannes Tomcus Mar-  
navitius, cum ejus exemplar nullum extaret,  
suis ipse verbis & sententiis ad veri similitu-  
dinem concinnavit, & Augustino affinxit.  
Haud ab re nostra alienum arbitror eam huic  
loco intexere.

Postquam Dei gratia, Legati auctoritate, Oratio Au-  
gustini Episcopi.  
afflictissima patriæ consulturi, in hunc locum,  
ab exordio regni Hungarici publicis negotiis  
agendis adoptatum, convenimus; cumque mihi  
omnium aliorum minus apto, sed qui nihilomi-  
nus in promovendo publicæ rei nostræ bono, ar-  
dore, & studio nulli facile cesserim, dicendi  
provincia demandetur, nequaquam diserta, sed  
fortia sectando, juxta sancti Cypriani Cartha-  
ginensis Episcopi sententiam, posthabita omni  
verbositate, & omni eloquentiæ lenocinio, ut  
Episcopum decet, brevibus demandatam provin-  
ciam expediam: præsertim, quia in conspectu  
sanctissimorum Antistitum, sapientissimorum uni-  
versi regni procerum, nec non lectissima Regni-  
colarum nobilitate, perstrinxisse potius quam  
exaggerasse rem; satis superque exposuisse illam,  
persuasum jam mihi habeo. Quod me præstiu-  
rum existimo, si prius aliqua de plebis petu-  
lantia, cujus impetu regnum distrahitur amplis-  
simum, tum de auctoritate Romanæ Sedis in  
ejusmodi occasionibus, denique de jure optimo  
Caroli regis in sacram nostram coronam Hun-  
garicam deliberare. Et quidem quod ad primam  
partem, satis exploratum est omnibus, annum  
jam nonum ab eo tempore, quo Bonifacius octa-  
vus Romanorum Pontificum sapientissimus, le-  
gatum ad hæc partes, ad instantiam senioris  
partis regnicolarum, post mortem Andree ul-  
timi regis, ex regum nostrorum stemmate super-  
stitis, misit, communem hanc nostram patriam,  
ad instar oceani, adversis ventorum procellis  
ab imo agitari, turbatique. Causam quoque rei  
non est cur refricem, tamquam omnibus aper-  
tissimam, cum nempe bonus Cardinalis, sacro-  
rum præsulum, & optimatum, nec non melio-  
ris nobilitatis voto sollicitatus, nullum modum  
conciliandi animos aliquorum clericulorum, &  
Hungarica plebecula potuisset invenire, censuris  
ecclesiasticis, potius quam armata vi, ut eccle-  
siasticum ministrum decebat, interdicto sacrorum  
usu, ad sanam mentem reducere conatum fuisse.  
Nec novo quidem exemplo, sed per universum  
Christianum orbem, ejusmodi malo, aliisque  
similibus sanandis, ab Apostolica Sede semper  
usitato. Verum talis medicina salutis loco phre-  
nesim inauditam excitavit; ut observatum est  
a medicis in iis corporibus, quæ malo congruen-  
tes medicinas vel non admittunt, vel eo, quo  
deberent modo, iis non utuntur. Nam, ut pau-  
cis concludam, quod longo tempore mirabundi  
suscepimus, & suspiravimus, clericulorum tur-  
ba, plebis armata furore, pestilens virus in me-  
dicum eructando, Apostolicam sedem, quæ a  
nemine judicatur in terris, (1) anathemate se  
percussisse strepitu campanarum censuit, effusa  
caussa, quasi Romanus Pontifex electionem regis  
Hun-



*Hungaria, statibus reipublica Hungarica perpetuo liberam, violenta, ut iactabant, intrusione Caroli Andegavensis, violasset. Atque talis insania eo usque processit, ut diversis aliis principibus in regnum hoc ad sacram coronam evocatis, octo annis integris Pannonica reipublica viscera suorum gladiis foderentur. At quæso, paullulum mecum, sapientissimi auditores, recogitate, an ullo unquam tempore turba, nisi turbis excitandis, rebusque publicis, & quietis turbandis, & festæ pacis centro exturbandis, potuerunt esse aptiores, vel ex eo, quia turbatum, & turbulentiarum infaustissimarum nomina ab iisdem turbis emanarunt. Quippe ad res agendas nihil ineptius turbis, quæ, si aliquando veritatis ipsius, Christi videlicet Servatoris nostri, monitis audiendis allecta ad illum voluit accedere, non nisi compressione, & offensione celestis Magistri id tentavit, irruendo nempe in illum, ut tradit Evangelista. Et si idem alias omnipotens, verum ut homo, ne ab illa penitus opprimeretur, alium medium non censuit expeditiorem, quam ut se in naviculam, quæ erat Simonis Petri, inter multas alias in litore Genesareno existentes reciperet, & rogaret per eundem Petrum paullulum a terra abduci. Etenim nec ipsam pietatem absque irreverentia, & vitio inhumanitatis turba novit exercere. Unde Matth. 9. scribitur Dominus noster aliquando, miseratus turbam. Sed qualem? jacentem, inquit Evangelista, & tanquam oves sine Pastore. Cogitate, qualis sit turba præstantiæ, qua ovibus sine pastore huc illuc dispersis æquiparetur. Quod si impia in Christum, & jacens, tanquam oves sine pastore, turba describitur in Evangelio, non mirum, si in ejusdem Christi Vicarium, & in navicula Petri successorem, pastoris abjecta reverentia, tali phrænesi, qualis a Christi monarchia fundata nunquam fuit audita, sævierit, ut nostis. Nostis autem pro vestra singulari eruditione, auditores sapientissimi, ex Eusebio in vita Constantini: „ Multiplex imperium, quo omnibus hominibus datur æqualis dignitas, æquale suffragium, quodque cum monarchia ex adverso pugnat, confusionis, ac seditionis potius, quam regni nomen mereri. Hinc vetustissimum decus Philosophorum, præstantissimus Aristoteles Ethicorum libro octavo capite primo censuit: „ Populi potentia transgressionem pejorem esse tyrannide; nam, ut idem ait, pejus est, si multi, quam si unus, vel pauci dominantur. Seneca, „ Populum vitiorum suavorem, auctoremque, testatur; Plato, „ ventrem ignavum, Plutarchus, „ effœnem & præcipitem equum, Cicero, „ turbam, fervens & æstuans mare. Aliquando cum interrogaretur Diogenes, quid esset esse sapientem, respondit: „ a vulgi sententia discedere. Chrysippus porro ita argumentatur, & quidem ad rem nostram sapientissime: „ Si, inquit, populus philosophari non potest, quanto magis rebus divinis, sacrisque legibus tractandis erit ineptus. Et sicut scripsit Laertius libro 7. capite 2. „ Putabimus, plebem Theologiæ sacrum dogma posse moderari? Quamobrem, si jure merito Anacharsis indignabatur, in Græcia „ Populum canendi inscium in theatro de musicis judicare; nos, ut Laertius idem libro primo capite nono ait, nos, inquam, „ plebem sacram litterarum rudem de sanctissimis religionibus judicium facere pateremur? Si Appianus Claudius Romanos inter senatores sapientissimus Illyrici Sacri Tom. V.*

*indigne ferebat, Scipionem Emilianum a laniis, & consoribus in censuram promoveri, quanto magis indigne ferendum, si sacerdotia, si magistratus, si sacer ordo, si regnorum dispositiones, & sanctissimarum legum discussiones sordide turbæ exponantur censura? Immo „ si quos „ seorsim evocatos, ut Cato major agebat, in „ consilium rei suæ nemo sanus adhiberet, ab „ iis in turbam coactis responsa religionum „ dari quis mente sanus admittet? Idem, qui supra, Seneca capite secundo de beata vita, „ argumentum pessimum turbam, pronunciavit. Et ut ad nostræ philosophiæ magis factis, quam dicto illustratorem accedamus, Polycarpus martyr, idemque Joannis Apostoli discipulus, aliquando jussus a Proconsule, ut narrat Eusebius lib. 4. hist. cap. 15., rationem sui populo dare, Prætori se dixit daturum, nam „ populo frustra „ dari, quem negaret duci posse ratione. Ad damus nostræ religionis philosopho, innumeris aliis brevitati condonatis, nostræ gentis non insipientissimum principem, quamquam revera crudelioris animi nota merito ab omnibus perstrictum, Diocletianum: is cum Senatus Romanus decrevisset persecutionem contra christianos penultimo ipsius imperii, hoc est undevigesimo anno, acclamante populo in circo, ut christiani bestiis subicerentur, pronunciavit, „ Vanas populi voces minime audiendas. Sed rem, ut cepimus, Christi claudamus exemplo. Ipse Dei filius, cum minime dedignaretur Nazareno computari populo, & unus Nazarenorum civium haberi, essetque in omne commodum, & beneficium civium suorum intentus, attamen quale precium pro tali gratia a civibus ipsis recepit? Furore populari ducitur ad supercilium montis ex eo præcipitandus, Evangelista teste. Et mirabimur, turbam Ungaricam brutorum more in Christi sævisse Vicarium? Turbæ autem facinus contra piam sensa sacrorum Antistitem, illustrissimorum procerum, & sapientissimæ nobilitatis sacrilegium absolute fuisse, cum certo certius cognoverimus quotquot hic adsumus, vel ex eo nihil immorandum suadet ratio, ut turbam turbulentas vanitates, & falsas insanias proturbando nos de nostra reipublica, immo de salute nostrâ libere sanctèque deliberemus, & a vulgi sententia recedamus, nos sapientes esse ostendamus.*

*Jam de auctoritate Romanæ sedis, cum coram iis loquar, quos ne quidem susurrus ab obedientia, & illius reverentia ausus est pertentare non solum ab eo tempore, quo gens Ungarica adeo stricte ipsius venerationi adhasit, ut inter omnes christiani orbis reges solus Ungaricus Apostolicus, & Sedis Apostolicæ a latere, ut ajunt, Legatus singulari prærogativa per Sanctum Stephanum in omnes successores perpetuo transfusa dicatur, & habeatur; sed ab ipso ortu christiænæ reipublicæ, quo Paullus Apostolus Illyricæ nationi evangelica face præluxit, relicto in Pannoniis nepote ex sorore Andronico Episcopo, unde & Primatus ecclesiarum amplissimæ gentis Illyricæ per plura sæcula in Sirmienti stetit Ecclesia; superfluum ducere omnino quidquam effari, nisi calum hoc turbine turbantis omnia turbæ aliquando infectum pertimescerem. Quamobrem consueta brevitate aliquot sacre Scripturæ loca vobis ignota minime attingam, quibus constans omnium Sanctorum Patrum sensus, & consensus, auctoritatem ecclesiasticam superiorem potestate seculari in Ecclesia*

Dei stetit semper, subscripsit, Hinc nullus eorum, quorum nomina studio brevitatis, tanquam vobis notissima, prætereo, dubitavit unquam de Ecclesia intelligenda esse illa verba Jeremiæ: „ Domina gentium, & princeps provinciarum; Et Ezechielis: „ Sulcabo paltorem unum; Apocalypsis: „ Qui vicerit, & custodierit opera mea, in finem, dabo illi potestatem super gentes, & reget eos in virga ferrea, & tanquam vas figuli confringentur, sicut, & ego accepi a Patre meo. Isaiæ: „ Gens, ait, & regnum, (alloquendo Ecclesiam) quod non servierit tibi, peribit, Davidis: „ Gladii, inquit, ancipites in manibus eorum, ad jaciendam vindictam in nationibus, & crepationes in populis. Ad alligandos reges eorum in compedibus, & nobiles eorum in manibus ferreis, ut faciant in eis iudicium conscriptum, gloria hæc est omnibus Sanctis ejus. Inde apud Lucam in Collegio Apostolico duo gladii approbantur. Et ut missas faciamus alias veteris pagine auctoritates, Hieronymus noster, quem in explicandis sacre Scripturæ sensibus Doctorem maximum a Deo sibi provisum proficitur Ecclesia, illa verba Jeremiæ, „ Ecce constitui te hodie super gentes, & super regna, ut evellas & destruas, & disperdas, & dissipas, & ædifices, & plantes, ad Christum, & Ecclesiam pertinere, disertis verbis explicat. Quamobrem Christus ipsemet præcipit Petro: „ Pascue oves meas, id est universum gregem ecclesiasticum; & „ Pascue agnos meos, id est principes gregis ecclesiastici, juxta Patrum explicationem. Novimus quidem a Christo „ fundatam Ecclesiam supra „ fundamentum Apostolorum, & Prophetarum, quando tam Petro, quam reliquis omnibus Apostolis aquam ligandi, solvendique potestatem dedit ante passionem, & resurrectionem suam, sicuti resurgens a mortuis, iisdem omnibus Spiritum Sanctum inspiravit, eos denique cum omni moda potestate sine ulla differentia inter Petrum, & alios, ad baptizandas omnes gentes per orbem terrarum destinavit. Attamen supremam potestatem pascendi Oves, qui sunt Christi fideles, & Agnos, qui sunt Principes fidelium, ut diximus, absque multitudine aliorum Apostolorum, presentibus tantummodo Thoma, Nathanaele, duobus filiis Zebedei, & aliis quibus ex discipulis, quinque nempe testibus, & Joanne sexto, uno ex filiis Zebedei, tanquam loco scribæ adscito, soli Petro voluit demandatam. Hinc Paulus scribens ad Corinthios: „ Spiritualis homo judicat omnia, ipse autem a nemine judicatur. Ad Romanos vero. „ Omnis anima potestatibus sublimioribus subiecta est. Et alibi: „ Si Angelos judicabimus, quanto magis sæcularia? „ Ipse porro Petrus in sua Canonica: „ Vos, inquit, estis regale Sacerdotium. Item: „ Gratia vobis, & pax adimpleatur in cognitione Dei, & Christi Jesu, Domini nostri, quomodo omnia nobis divinæ virtutis suæ, (græcus textus habet potestatis suæ) quæ ad vitam, & pietatem donata sunt. Sed & Patres sanctissimi, a Christo ad nostra usque tempora constanter tenuerunt, & docuerunt, Episcopis, & summo Romano Pontifici competere, & esse, in omnia temporalia regiam, & supremam potestatem: quod tamen ita intellexerim, ut non directe habeat jurisdictionem temporalem in illa, sed indirecte; quatenus nimirum est necessarium ad fi-

nem spiritualem, & salutem animarum, sicuti plane nunc contigit in hoc nostro regno. Ita Dionysius ad Demophilum cap. 8. de Ecclesiastica Hierarchia, Ignatius ad Philadelphienfes, ad Smyrnenfes, & ad Trallianos. Irenæus lib. 4. cap. 44. Clemens Alexandrinus lib. 7. Stromatum, Cyprianus epistola 69. ad Rustianum, Arnobius in psalmum 139. Athanasius oratione secunda contra Arianos, Nazianzenus oratione 18. Ambrosius 1. ad Corinthios cap. 3. Hieronymus in Isaiam cap. 60, Chrysostomus lib. 3. de Sacerdotio, Epiphanius hæresi 29. Cyrillus Alexandrinus in libr. Thesauri, Augustinus in Apocalypsim prope finem, Paulinus ad Citerium, Cassiodorus Epistola 4. libro 1. Gregorius Magnus in quartum Psalmum Penitentialium, Angelomus lib. Regum 1. cap. 2. Rabanus de institutione Clericorum, Anselmus super Epistolam 1. ad Corinthios 3. Ottho Frisingensis lib. 3. cap. 36. Bernardus lib. 3. cap. 8. ad Eugenium. Idem docuere ii omnes, quos Scholasticos appellamus, imprimis autem (2) Magister meus Thomas de Aquino, & Bonaventura de Balneo regio. Concilia Nationalia, ut Toletana, & Rhemensia, clarissime super hoc decreverunt. Sed quid, quod tot Scripturis, Patribus, & Doctoribus accedunt facta ipsa Scripturas explicantia? Etenim habemus apud Zonaram Anastasium Imperatorem non ante fuisse coronatum ab Euthymio Patriarcha, quam scripto polliceretur, se in fide Catholica permanurum. Clodoveus Francus, occupatis Galliis, auctoritate Romani Pontificis Hormisdæ a Remigio Rhemensi Præsule coronatus ex ipsis Francorum scriptoribus habetur; sicut ex Hispanicis, Isidoro præsertim, Roderico, Visigothos reges, qui regnavant apud illos, per Episcopos ad regna assumptos, ac etiam solo deturbatos. Chilpericus regem Francorum ob stupiditatem a Zacharia Romano Pontifice gubernaculo regni submotum, Pipinumque regem suffectum, ejusdem gentis scriptores fatentur. Et quod maximi momenti in hoc genere cognoscitur, certissimum est, plurimorum scriptorum testimonio, Eginarti autem omnia spectantis imprimis, a Leone tertio Romano Pontifice Pipini filium Carolum Imperatorem Romanum creatum, a quo ad nunc imperantem Henricum nostris neminem pro Imperatore legitimo habitum, qui manu Papali non sit consecratus, sed quousque coronaretur, Imperator electus dictus & habitus est. Scitis autem Henricum tertium a Gregorio septimo privatum imperio, ab omnibus derelictum, privatum, & insepultum jacuisse. Otthonem quartum ab Innocentio tertio depositum, sicuti & Fridericum secundum a quarto Innocentio, a quo Portugallie regi curator est assignatus: regnum enim Portugallie, sicuti & Scotorum, & plurima alia, beneficiaria Sedis Apostolicæ dignoscuntur. Sed ad nostra veniamus. Quamdiu reges Dalmatie, & Croatia, per sexcentos ferme annos regnarunt, ab Heraclii Imperatoris temporibus ad nostrum sanctissimum regem Ladislavum, semper beneficiarii, semper tributarii Sedis Apostolicæ fuerunt, sicuti & Bani Bosnienses, tanquam dictorum regnorum membrum idem adhuc usque exequuntur. Patrum nostrorum memoria Dynasta Serblie, & Rassie, rex ab Honorio tertio nominatus, & titulum regium, & regnum ipsum ad presentes posteros feliciter transmisit, & ut finem huic rei faciam, ipse sanctissimus Apostolus Ungarie Stephanus, de cujus successore agimus,

mus, a Romano Pontifice Sylvestro secundo rex est declaratus, & perpetua legatione Apostolica decoratus. Quod si fatemur in fonte, cur non admittemus in rivulo? ita tamen ut inde liberati illi perpetua, qua Ungari suos principes eligunt, independentem a qualibet alia potestate, nullum prajudicium oriri profitear. Nulla itaque dubitandi superest occasio, quo jure Romanus Pontifex Ungarica diffidia miseratus, sanioribus & potioribus etiam Ungaris id exposcentibus, Carolum, auctoritate sua, tanquam universalis Pater & Judex supremus, tuendum in regno, jure sanguinis sibi debito suscepit. Jure autem sanguinis, eoque optimo, super alios competitorum, Carolo deberi diadema aviticum, sole meridiano clarius est; cum (3) matrem haberet Mariam Stephani V. Ungarorum regis filiam, sororem Ladislai Tertii, & ultimæ ex Bela propaginis sacrae masculæ Ungarica. Venceslai Bohemi conditionem longe diversam esse, non est cur ambigamus, quippe quem ex filia filiae Belæ Quarti natum agnoscamus. Bavarus Otho, quo glutine stemmati nostrorum regum possit agglutinari, (4) nequaquam mihi probatur. Sed Caroli juribus illud quoque, idque rarum in terris additur, quod ipsius stemma, cælo teste, ex sanctissimis regibus nostris provenire comprobatur. Ut enim Bela Quartus ipsius proavus Elisabetham sororem (5), Germaniam, aliam Elisabetham (6) ex alia sorore nepotem, Hispaniæ, Margaretam filiam (7), Dalmatiam (tanquam concivem meam, Tragurii nempe editam,) Cunegundem aliam filiam, Poloniæ, sanctitatis gloriæ syderibus insertas, produxisse letatur; ita ex Maria nepote (8) mater Caroli nostri, Ludovicam sanctissimum Tolosæ Praefulem, primo Italia, in qua vitales hausit auras, demum Gallia, ex qua ad aternitatis evolavit præmia, Caroli nostri fratrem, stirpem agnoscit suam. Perinde sicut cælo, terræque acceptissimus, Francorum regum præstantissimus Ludovicus Nonus, qui ab adolescentia sua ad ultimum usque spiritum, nunquam sibi, sed Christo militavit, regem nostrum Carolum; per fratrem Carolum (9) pronepotem suum, statibus inclyti regni Ungarici sceptris sacratissimis tractandis natum, posteritatem suam fatetur, sic & commendat. Addo præterea, quod omnibus est liquidum, Carolum regem nostrum nunquam se Ungarico regno obtrusisse, quippe cui tanquam primogenita proli parentis sui Caroli Secundi, felicissimum totius orbis regnum Siciliae naturali prærogativa destinabatur: sed (unde ipsi immortales gratias habere debemus, & agere,) ab melioribus Senatoribus sollicitatum, jussu Romani Pontificis, labanti Ungariæ & alienis nationibus in prædam concedenti præsto futurum, posthabito nobilissimo & ditissimo Siciliae regno, adcurrisse. Quæ ut bene nota omnibus, sicuti initio sum præfatus, fortioribus, quam disertioribus argumentis, quemadmodum decet Episcopum, cum hæcenus innuerim, bonorum omnium votis, bono patria, justitiæ ipsi, Romani summi Pontificis, ejusque hic adstantis legati monitis fecisse satis non dubitaverim.

Notæ.

(1) Thuroczius in Chronico de rebus Hungaricis cap. 16. agens de legatione Hungarica Nicolai Boecacini Cardinalis, qui ob detestatum Caroli imperium, Hungariam interdicto Illyrici Sacri Tom. V.

ecclesiastico supposuit; hanc detestandam quorundam auduciam commemorat his verbis: Interdictum religiosi, & plebanis fuisse servantibus, surrexerunt pseudo-Sacerdotes, & perfidi, qui manifeste divina populo celebrabant, & sacramenta ecclesiastica ministrabant publice interdictis. Insuper malum malo cumulantes, perniciosius convocato populo, accensis lucernis summum Pontificem Christi vicarium, Archiepiscopos & Episcopos universos regni Hungaria ac viros religiosos communiter excommunicatos altis vocibus pronunciant.

(2) Hoc Tomczus Marnavitijs de suo addidit. Augustinus nec fuit, nec esse potuit auditor D. Thomæ Aquinatis, si ratio temporum habenda est.

(3) Aviam, non matrem; erat enim filius Caroli Martelli, qui Caroli II. regis utriusque Siciliae, & Mariæ sororis Ladislavi filius fuit.

(4) Otho erat filius Elisabethæ sororis Stephani IV.

(5) S. Elisabetha filia fuit Andreæ II., & nupta duci Thuringiæ, quæ colitur xix. Novembris.

(6) Illa fuit fortasse, quæ nupsit Dionysio regi Lusitanæ; sed an hæc ex filia sororis Belæ IV. orta fuerit, mihi non liquet.

(7) De utraque filia Belæ IV. Hagiologi Antuerpienses die 28. Januarii, & 24. Julii.

(8) Avia, ut supra dictum est.

(9) Carolus rex Hungariæ nepos fuit Caroli II., pronepos Caroli I. regis Siciliae, qui frater fuit S. Ludovici regis Galliarum.

Augustini oratio, qualiscumque fuerit, plurimum momenti habuisse dicitur ad fl. cendos illarum gentium animos, convertendosque ad Carolum; quem corona S. Stephani, cæterisque regalibus insignibus ornatum, una omnes voce & acclamatione regem appellarunt. Unus restabat insensus illi atque inimicus Matthæus Palatinus, qui suis opibus & copiis fretus pacatam regni possessionem habere non sinebat. Hunc demum anno 1312. commisso apud Cassoviam prælio fregit ac superavit; sed multorum sanguine, & vulneribus ea victoria Carolo stetit.

Dum Cardinalis Gentilis legatione Apostolica fungebatur in Hungaria, non solum ad civiles discordias componendas, sed etiam ad rem, & disciplinam Ecclesiasticam restituendam & stabilendam sedulo incubuit. Budam, & Posonium Episcopos Hungariæ ad Concilium Nationale convocavit. Multa præclare constituit, quæ ad splendorem ac dignitatem cultus divini, ad honestatem & sanctitatem ordinis Ecclesiastici pertinent. Si quæ inter Episcopos erant controversiæ, eas diremit, vel composuit. Ordinem Fratrum S. Paulli primi Eremitæ, quem anno 1215. Eusebius Canonicus Strigoniensis instituerat, nomine & auctoritate Sedis Apostolicæ confirmavit. Utrique Concilio interfuit Augustinus Episcopus, qui tum Liturgiam Ecclesiæ Zagrabienfis, tum ritum quotidiani, & votivi sacri faciendi ad honorem D. iparæ Virginis in æde cathedrali, quocumque festo occurrente, exceptis sollempnitatibus, & octavis Resurrectionis, & Nativitatis Domini, & Pentecostes, tum denique quæ ipse in Synodo Diocesana anni 1307. decreverat, ab Legato Pontificio approbanda curavit. Auditor est Paullus Ritterus in Concilio Nationali

Carolus rex Hungariæ ab omnibus receptus habuitque.

Duo concilia Nationalia Budæ, & Posonii, quibus interfuit Augustinus.

Controver-  
sia de Ar-  
chidiaconatu Mu-  
racensi in-  
ter Salis-  
burgenses  
Archiepi-  
scopos &  
Zagrabiens-  
es Epi-  
scopos.

nali Posonienſi ad Cardinalem Gentilem dela-  
tam fuiſſe controverſiam de archidiaconatu Mu-  
racenſi, quæ jam inde a ſæculo ſuperiori inter  
Salisburgenſem Metropolitam, & Episcopos  
Zagrabiensē exorta, & ſæpe agitata in conven-  
tibus Eccleſiaſticis numquam dirimi, aut com-  
poni potuerat. Maracum oppidum erat Diæ-  
ceſis Zagrabiensē fortasse inter fluvium Mu-  
ram, unde videtur nomen accepisse, & Dra-  
vum, vel certe non longe ab ripa citeriori Dra-  
vi fluminis ſitum. Ab eo denominatus eſt ar-  
chidiaconus Muracenſis, cujus juridiſctio Dra-  
vum tranſgreſſa Paræcias haud ſane paucas in  
proximo Norico, ſive Styria complectebatur. Sæculo decimo tertio reges Hungariæ multa  
cum Styris Slavoniæ finitimis bella gesserant;  
quibus ſub imperium redactis, *Duces Styriæ* ſe  
appellarunt, uti Bela IV. in privilegio, quod  
Monachis Cisterciensibus conceſſit anno 1257.:  
*Bela Dei gratia Ungariæ, Dalmatiæ, Croatia,*  
*Rame, Serviæ, Galiciæ, Cumanieque rex, &*  
*dux Styriæ.* Idem Stefanum Banum Slavoniæ  
*Capitaneum*, ſive rectorem Styris dedit. Ut  
porro imperii Hungarici, ſic etiam diæceſis  
Zagrabiensē fines in Styriam conterminam pro-  
latos fuiſſe ajunt, & ſi non omnis, certe il-  
lius provinciæ pars proxima ſub poteſtatem  
Episcopos Zagrabiensē conceſſit, atque ad juris-  
diſctionem archidiaconi Muracenſis adjecta fuit.  
Quamvis autem Styri adjuſti copiis auxiliari-  
bus Ottocari regis Bohemiæ dominatum Hun-  
garicum depulerint, & Styria ejuſdem regis  
imperium ſubierit, Episcopus tamen Zagrabiens-  
is, & archidiaconus Muracenſis veterem ju-  
ridiſctionem, hic archidiaconalem, ille epi-  
ſcopalem in aliquot Paræciis Slavoniæ vicini-  
oribus retinebant. Harum detractioe diæceſim  
ſuam, ſeu potius provinciam mutilatam ac di-  
minutam fuiſſe queriebantur Archiepiscopi Salis-  
burgenſes, quas repetere ac perſequi liti atque  
judicio numquam deſtiterunt. Cauſſa Zagrabiens-  
ium Antiquitum hoc poſitiſſimum argumento  
niti videbatur, quod Pannonia antiquitus fines  
ſuos in Occidentem protendebat uſque ad mon-  
tem Cetium, cujus interjectu ſeſungebatur a  
Norico; poſtea vero Norici ſive Styri, fini-  
bus ultra Cetium prolatis, particulam Occi-  
dentalem Pannoniæ cis ultraque Dravum oc-  
cuparunt, ubi erant Paræciæ illæ archidiacon-  
atus Muracenſis, & diæceſis Zagrabiensē, de  
quibus erat controverſia; quidquid autem ter-  
rarum vetus Pannonia complectebatur, quam-  
vis ab regno Hungariæ divuſum eſſet, id ta-  
men jure antiquo Eccleſiaſtico ad juridiſctionem  
antiquitum regni Hungarici pertinere ajebant.  
Itaque ad hanc controverſiam dirimen-  
dam Cardinalem Gentilem ſumſere arbitrum:  
hic poſt cognita diligenterque perpenſa mo-  
menta rationum, quæ utrimque afferebantur,  
cum ſibi non videretur liquere unde jus ſtar-  
ret, rem injudicatam reliquit; interea dum  
clariora monumenta ſive Zagrabiensē, ſive Sa-  
lisburgenſis antequam in judicium producerent,  
neuter archidiaconatum Muracenſem ſibi, ſuæ-  
que Eccleſiæ vindicaret. Quare Auguſtinus in  
alterutra ex duabus Synodis diæceſanis, quas  
poſt diſceſſum Gentilis legati anno 1314, &  
1318. convocasse diximus, de communi omnium  
ſententia, relictis Salisburgenſi, quæ trans Dra-  
vum erant in Styria, Paræciis, citeriores reti-  
nuit; & Muracenſis Archidiaconi titulo aboli-  
to, eas ad juridiſctionem archidiaconi Bexi-

Archidia-  
conatum  
Muracen-  
ſem Augu-  
ſtinus a-  
bolivit.

nensis adjunxit. Hæc ferme Paullus Ritterus  
his verbis: *Ut Salisburgenſis . . . jus Eccle-  
ſiæ ſuæ Salisburgenſis. Dravo terminari probabat,*  
*ſic Stephanus Episcopus Zagrabiensē Pannoniæ*  
*veteris urgebat terminos Belam regem interpel-*  
*lans, qui per Stephanum Comitem Zagrabiæ Sty-*  
*riam occupavit ex pacis cum Ottocaro rege ar-*  
*ticulis. Anno 1260. die S. Margaritæ Jacro*  
*Ottocaro obtigit Styria. Denuo lis inter Epiſco-*  
*pos. Tandem ſub Apoſtolica Sedis legato Cardi-*  
*nali Gentili lis non deſinita, ſed hac lege ſo-*  
*pita, ut quoad prætorum judice deſiniatur, nec*  
*Zagrabiensē illorum partium Archidiaconatum*  
*vocatum Muracenſem, nec Salisburgenſis habeat.*  
*Hinc ſynodaliter Auguſtinus Parochias Cisdra-*  
*vianas penes Styriam Archidiacono Bexin. com-*  
*miſit, tranſdravianiſ pro interim Styris reſiſtis;*  
*& ita Archidiaconum Muracenſem cum Bexin.*  
*conjunxit.*

Concilium generale Viennense Clemens V.  
anno 1308. indixerat per litteras encyclicas  
Piſtavis datas prid. id. Auguſti tum ad re-  
ges omnes tum ad omnes chriſtiani orbis an-  
tiſtites; ut ad ceteros, ſic etiam ad Metropo-  
litam, & Episcopos provinciæ Colocenſis, &  
nominatim ad Zagrabiensē Episcopum: *In eo-*  
*dem modo, ut eſt in Collectionibus Concilio-*  
*rum, Archiepiscopo Colocenſi & Episcopis &c.*  
*mandamus quatenus vos Fratres, Archiepiscopo,*  
*& Zagrabiensē, & Ultraſilvenſis Episcopi, re-*  
*liquis veſtorum Episcoporum in veſtra provin-*  
*cia remanentibus ad ea, quæ pontificale effi-*  
*cium exigunt &c. omni negligentia relegata,*  
*cunſtis, prout talis, & tanti negotii qualitas*  
*exigit, diſpoſitis & paratis ſic vos medio tem-*  
*pore accingatis ad iter &c. Diem vero ad*  
*conveniendum Viennam in Galliam edixit af-*  
*fixam Kalendis Octobris poſt biennium ab hi-*  
*ſce litteris exactum, anno ſcilicet 1310. Sed*  
*cum aliæ ex aliis cauſſæ interfuſſent, ob quas*  
*Concilium in tertium annum diſferri opor-*  
*tuit, id ſignificavit per alteras litteras datas*  
*pridie nonas Aprilis anno quinto pontificatus,*  
*ideſt 1310., inſcriptasque ſingulis Archiepiſco-*  
*pis, & in eodem modo Archiepiscopo Colocenſi,*  
*& ejus ſuffraganeis. Auguſtinum Concilio Vien-*  
*nenſi interfuſſe Kereſſelichius quidem comper-*  
*tum ſibi non eſſe ait; ac vero affirmat Geor-*  
*gius Rattkajus: His abſolutis Legatus (Genti-*  
*lis) cum Auguſtino Viennam urbem Gallicam ad*  
*generale Concilium a Clemente V. indiſtum pro-*  
*ficſcitur; quo abſoluto Auguſtinus ad Eccleſiam*  
*ſuam Zagrabiensē ſe recepit. In eo Concilio*  
*abolitus & extinctus eſt ordo Templariorum,*  
*qui a veteri diſciplina & ſanctimonia ad ſum-*  
*nam morum corruptelam, & proſus nefan-*  
*da, ut ferebatur, ſagitia deſciverant. Illorum*  
*opes & poſſeſſiones, quæ præter modum excre-*  
*verant, Hoſpitalariis S. Joannis attributæ, qui*  
*ſedem in Rhodo inſula Saracenſis erepta poſue-*  
*runt. Inde Rhodii Equites appellati, qui nunc*  
*Melitenſes. Exemplar ſententiæ in Templarios*  
*prolatæ quaquaverſus miſſum eſt ad Archiepi-*  
*ſcopos, Episcopos, Abbates, in quorum provin-*  
*cia, vel diæceſi, vel ditione domos, Eccle-*  
*ſias, prædia Templarii poſſidebant, ſimulque*  
*illis imperatum, ut in hujusmodi bonorum poſ-*  
*ſeſſionem mitterent Hoſpitalarios S. Joannis,*  
*expulſis Templariis, qui eo nomine atque or-*  
*dine indignos ſe præbuerant. Ut ceteris, ſic*  
*etiam mandatum fuit in eodem modo Strigo-*  
*nienſi, & Colocenſi Archiepiscopis, & Episcopo*  
*Quin-*

Concilio  
generali  
Viennensi  
Auguſti-  
nus inter-  
fuit.

Ordo Tem-  
plariorum  
extinctus.

Quinqueecclesiensis &c. Præterea, ut tradit Spondanus, quod ad personas Templariorum attinet, decretum est in Synodo Viennensi notabiliores ordinationi speciali Romani Pontificis reservari, ceteras synodis provincialibus ita committi, ut sonitibus, qui iudicium detrectassent, pro ratione criminum supplicia irrogarentur; in omnes, & qui leviter deliquissent, vel ultra confessi vere attriti apparent, detractio habitu, in iisdem domibus, in quibus professi essent, vel etiam in aliis religionibus a Sede Apostolica approbatis, quas ipsi eligerent, de bonis, quæ fuerant Templariorum, usque ad finem vitæ alerentur, prohibitis omnibus ad sæculum reverti. Cum in Hungaria, tum vero in Slavonia plura erant domicilia Templariorum, velut Zagrabiæ ad S. Joannem, Buzakovina, Glogonza, & alia in locis. Horum omnium curam, & bonorum, quæ possidebant, administrationem suscepit Augustinus; neque antea dimisit, quam eorum possessio ex præscripto Concilii Fratribus Hospitalariis traderetur. E Templariis, quos nullius culpæ affines esse, aut leviter deliquisse, aut quæ admiserant flagitia, rite confessos, & labes vitæ antea salutari poenitentia eluere paratos esse comperiit, iis apud Zagrabiæ domum S. Joannis habitandam dedit, in qua, vetere habitu deposito, sub potestate Episcopi ad normam disciplinæ religionis vitam caste pieque degerent; iisdemque ex annuis proventibus Templariorum in victum cultumque, quod satis esset, assignavit. Ut vero constaret ex bonis & redditibus ordinis extincti nihil in se vel in alios derivatum esse, singulis annis publice ac palam e suggestu rationem susceptæ administrationis reddere solebat.

Horum domicilia & latifundia in Slavonia, quorum curam & administrationem suscepit Augustinus.

Insula Zagsca Ecclesiæ & Capituli Zagrabiensis, tradita Monachis Cisterciensibus, ab his vero Virginibus ejusdem Ordinis.

Erat insula quædam in Savo fluvio, ut opinor, nomine Zagsca, quæ cum æde S. Jacobi ibidem sita ad jus ditionemque pertinebat Ecclesiæ & Capituli Zagrabiensis. Hanc P. Archidiaconus tam Ecclesiæ, quam Capituli nomine fiduciarium dederat Monachis Cisterciensibus S. Mariæ Zagrabiensis sub his conditionibus, ut Ecclesiam Zagrabiensem tamquam dominam & patronam agnoscerent, annuisque tributis colerent; tres videlicet Marchas turis die festo S. Stephani regis, itemque fructuum ex ea perceptorum decimas, & duas partes Marturinarum singulis annis Capitulo persolverent. Hanc insulam Monachi Cistercienses Virginibus Deo sacratis ejusdem, opinor, Ordinis Cisterciensis tradiderunt, & litteras super hujusmodi traditione, & pactationibus, quæ inter Monachos & Monachas convenerant, confectas ut approbarent, Augustinum Episcopum & Canonicos ædis cathedralis rogarunt. Sed illas potius improbandas, quam approbandas esse censuerunt; quippe cum in eisdem neque jus, & dominium supremum Episcopi, & Capituli, neque tributum annum illis debitum expressum fuisset. Itaque reformatæ sunt, & jus patronatus Ecclesiæ diserte additum fuit; & quid Monachi, quidve Monachæ, & coloni, cultoresque illius insulæ Capitulo contribuere deberent, præscriptum est: quæ omnia Augustinus ad memoriam posteritatis suis litteris testata, suoque annulo Episcopali obsignata esse voluit.

Decretum Augustini Ep.

Nos frater Augustinus conversatione divina Episcopus Zagrabiensis. Significamus quibus expedit universis memoriæ commendantes, quod Percu-

leus Abbas, & Monachi in capella Sancta Mariæ Zagrabiæ residentes, litteras suas inter ipsos, & inter Dominam, N. monialem, & alias moniales, super insula Sancti Jacobi confectas petierunt, nostris, & Capituli Zagrabiensis confirmari; Sed Alexander Archidiaconus de Kamlk, & Archidiaconus Zagrabiensis Ecclesiæ cathedralis pro Capitulo responderunt, quod Ecclesiæ S. Jacobi in insula Zagsca & ipsa insula monachis Cisterciensibus ordinis per P. quondam Archidiaconum cathedralem, & per Ecclesiam Zagrabiensem non simpliciter, sed sub certis conditionibus, sive modis data fuerunt vel donata, ita ut religiosi vel monachi illam insulam pro beneficio Zagrabiensis Ecclesiæ in perpetuum recognoscant, & tres marcas thuris ad cameram Capituli dare in festo sancti regis Stephani annis singulis teneantur, & ex culturis, quas laboribus suis propriis, vel eorum rustici fecerint, ad duas partes Marturinarum rusticorum suorum in eadem insula manentium Capitulo dare, & solvere teneantur. Insuper Ecclesiæ S. Jacobi Episcopum Zagrabiensem & Capitulum recognoscere debeat pro patronis; quæ conditiones, & modi a sexaginta annis, vel supra usque hodie per monachos sunt servati. Cum igitur in littera, quæ confirmari petitur, nihil ex prædictis juribus sit expressum, non videtur confirmanda, sed infirmanda, licet ante in hac disceptatione prædictus Abbas, & Capitulum fuerint aliquandiu immorati: ad ultimum tamen Abbas, & Monachi consenserunt, ut tres marcas thuris prædictas, ratione illius insulæ debitas, non monialibus, sed ipsimet Capitulo dare debeant annuatim, quamvis ipsam insulam ad usum monialium converterint, vel convertant. Monialibus vero cetera honoraria, seu debita insulæ supportabunt, videlicet decimas de cultura super propria, & rusticorum suorum, ac duas partes marturinarum de suis rusticis provenientium, annuatim solvent Capitulo, prout usque hodie observatum existit per Monachos, & solum. Jus etiam patronatus in Ecclesiâ S. Jacobi apud Ecclesiam Zagrabiensem remanebit pacificum, & quietum. In cuius rei memoriam præsentibus contulimus sigilli nostri munimine roboratas. Datum Zagrabiæ in festo S. Michaelis Anno Domini MCCCXV.

Carolus regnum Hungaricum adeptus Augustinum magnopere dilexit, nullumque ab ingrati erga illum animi ac benefici officium considerari passus est: sciebat quippe hujus opera potissimum Episcopos, Proceres, & populos Hungariæ sibi conciliatos esse, atque ab utroque regni competitore Venceslavo, & Othone ad suas partes abductos. Multa itaque beneficia & privilegia Augustino & Ecclesiæ contulit. Augustino petente, tum quæ ipse per emptionem sibi, suæque Ecclesiæ acquirerat, tum nominatim jus exigendi decimas ab Villis Vereveche & Lipoi, quod Ladislavus rex Timotheo Episcopo adjudicaverat, regali auctoritate confirmavit. Ne vero videretur beneficiis alienis in Ecclesiam Zagrabiensem collatis de suo nihil addere, populos Caltri Zagrabiensis eidem Ecclesiæ in perpetuum donavit, ob reverentiam, inquit, Dei & Sancti regis, & merita Augustini sibi indefesse exhibita; quam quidem donationem, eodem Augustino postulante, anno 1314. confirmavit, atque Insuper populos illos ab omni jurisdictione Ducis, & Bani Sclavoniæ, & quacumque temporalis Domini servitute exemis; quia, inquit, indignum

Caroli regis Hungariæ benevolentia erga Augustinum & beneficentia.



nobis videtur, ut secularis potentia molestiam inferat his, quos duximus Deo famulantium usibus applicare. Anno demum 1318. veterum regum Hungariae privilegia & beneficia in Ecclesiam, & Episcopos Zagrabienfes congesta non solum confirmavit, sed novis etiam cumulavit, amplissimo diplomate in hæc verba confecto.

*Privilegium Caroli regis Bp & Ecclesiarum Zagrabien. concessum.* Regia majestatis honor divinarum rerum exercitio decoratur, ut actionis sue gratitudinis studio, illis aciem imprimat, unde se novit munus celsitudinis recepisse, tantoque in sua dignitatis gloria clarius permanet, quanto in deitatis cultu sollicitior invenitur, Qua nos consideratione permoti, noctes insomnes ducimus, ut divinum cultum subditorum animis venerabilius commendemus, Inter cetera vero religiosa considerationis studia ad Zagrabiensem Ecclesiam, quam felicitis recordationis sanctissimi Ladislai regis progenitoris nostri commendat fundatio, specialis affectionis gratia mentis aciem intendentes, comperimus eam pia majorum nostrorum diligentia, uberius dignitatis gratia decoratam: ut ejus ministri tanto deberent pleniori cura divino cultui deservire, quanto se cernerent principum diligentia, copiosiore libertatis gratia decorari. Quorum nos affectu gratuito vestigiis inherentes, hac in perpetuum valitura definitione sancimus: omnes ejusdem Ecclesie possessiones vel terras, quas seu regum munifica largitione, seu alias justo titulo, regia majestatis accedente consensu obtinet in presenti, vel etiam in posterum obtinebit, cum omnibus incolis suis, soli præfata Ecclesie id est Episcopi, vel Capituli jurisdictioni fore subiectas, ac ab omni cujuslibet secularis potestatis dominio, vel subiectione liberas penitus & exemptas; ita videlicet, ut earundem possessionum incolæ in omnibus judiciis, maleficiis, & excessibus ad nullius tribunal, quam ad ipsius Ecclesie, vel officialium Ecclesie valeant vocari. Quod si Episcopus in reddenda justitia negligens fuerit aut remissus, non is, contra quem agitur, sed ipse Episcopus citatus, in nostra presentia facti sui rationem reddere teneatur. Præterea iidem populi Marturinas, descensus, servitia, annonas, collectas undecim denariorum, & collectas septem denariorum, ac alias præbitiones quocumque nomine occupatas, nulli alteri, quam præfata Ecclesie reddere teneantur. Adjicimus etiam, ut tributarii, vel salinarii, seu etiam monetarii regis, vel quorumcumque aliorum, nisi ad ipsius, seu officialium ejus voluntatem, causa exercenda sua negotiationis accedere non præsumant; quod si fecerint, per officiales ejusdem Ecclesie capti, quadraginta diebus in carcere teneantur, omnes res, quas tunc erga se habuerint, amissuri. Decevimus etiam, ut nec Dux, nec Banus, nec Comes quilibet, etiamsi de latere nostro missus fuerit, in ejusdem Ecclesie populis descensum, aut aliquod aliud obsequium, vel munus extorquere valeat absque ipsius Ecclesie consensu, vel ejus officialium voluntate. Ejusdem quoque Ecclesie populis, ut in nullius foro tributum solvere compellantur, majorum nostrorum sequentes vestigia, concedimus de gratia speciali. Volumus autem ut Dux, aut Banus, qui pro tempore fuerit, omnium Marturinarum, seu collectarum, quocumque nomine nuncupatarum, omnium quoque tributorum forensium, vel proventuum, portuum decimas intra diocesim Zagrabiensem, Episcopo faciant cum omni integritate persolvere; contradiatores & rebelles gravi judicio compellendo. Hæc igitur, quæ nobis pia sollicitudine vel in-

novata sunt, vel statuta, sic per nos, nostrosque successores, at alios illibata volumus conservari; ut si quis Dux, Banus, Comes, aut alius quilibet contra prædicta attentare præsumpserit, si de regali stirpe fuerit, paterna maledictione habeatur percellendus; si autem fuerit de nobilibus Hungariae, & citatus fuerit ab Episcopo ad regis presentiam, antequam Episcopo respondeat, quinquaginta marchas fisco regio, & alias quinquaginta marchas Episcopo, rege eundem fortius compellente, persolvat. Præter hæc, ecclesiastica censura rigorem, & pro transgressionis merito, decreto Antistitis sacri subiturus. Omnia vero privilegia, seu litteras majorum nostrorum regum Hungariae super gratiis, possessionibus, ac juribus quibuscumque munifica largitione concessas, acceptamus, approbamus, atque presentis scripti patrocinio confirmamus. In cujus rei memoriam firmitatemque perpetuam presentes concessimus litteras duplicis sigilli nostri munimine roboratas. Datum per manus discreti viri magistri Joannis Albensis Ecclesie præpositi, aula nostra vicecancellarii, & Episcopi Kukoliensis, dilecti & fidelis nostri. Anno Domini 1318. 14 Idus Martii, regni autem nostri anno similiter decimo octavo. Venerabilibus in Christo Patribus Thoma Strigoniensi. locique ejusdem Comite perpetuo, Ladislao Colocensis aule nostre Cancellario, Petro Spalatensis Ecclesiarum Archiepiscopo, Augustino Zagrabienfis, Joanne Nitrien., Stephano Vesprimien., Benedicto Chanadien., Martino Agrien. Benedicto Transilv. Nicolao Jaurinen. Ladislao Quinqueeclesiensi. Georgio Sirmien., & Ivanka Varadien., ac Petro Bosnen. ecclesiarum Episc. Dominico Palatino, Demetrio, magistro Tavernicorum nostrorum; Joanne Bano totius Sclavonie, magistro Lamperto iudice curiæ nostre, & Comite Chanadiensi; aliisque nobilibus, regni nostri Comitatus tenentibus, & honoribus.

Diplomati Carolino hanc notam subjecit Balthassar Adamus Keresteli. Quo ex privilegio magnam vides Caroli in Ecclesiam Zagrabiensem pietatem. Quod privilegium a Ludovico Sigismundo, Matthea, aliisque regibus sapientius confirmatum, ut in Episcoporum serie fit mentio. Sed quæres. Ubi Episcopus ille Kukoliensis, cujus Joannes Albensis præpositus scribitur superius fuisse Episcopus? Respondeo. Credo eum in Cumania fuisse, aut certe Moldavia, quæ tunc regibus Hungariae paruit. Nam reperitur etiam Joannes Archidiaconus de Kukollo scriptor Synchronus rerum a Ludovico I. rege Hungariae gestarum. Sed nec nostri est muneris designare locum; quippe scribendam nostræ Ecclesie Zagrabienfis historiam suscepimus.

Annos fere quatuordecim Augustinus huic Ecclesie sanctissime præfuit, quam non solum egregiis virtutibus, sed etiam miraculis illustravit. Præter morbos divinitus depullos, & ægros suo contactu sanatos duo insignia ab eo patrata miracula Joannes Marnavitijs refert: Quoniam inquit, gratia curationum, quam ex illius dextera tactu, siue benedictione populi experiebantur, omnia possum, etiam remotiora pervadebat, ipse humilitatis eximius cultor, talem declinande auræ popularis modum excogitavit, ut, in meditullio ferme suæ ditionis arbore Tilia mann sua plantata, & fuscis ad Deum precibus benedicta, suaderet populis, ejusdem arboris foliis pro remedio morborum uterentur. Et suasioni respondit ad preces sanctissimi Patris misericordiarum Pa-

Patris annuentia; eadem arbore integra viridique supra trecentos annos inter assiduas ferme impiorum per ea loca excursions ramos saluberrimos expandente, & folia toties, quoties decussa fuerunt, pietati incolarum sufficiente: a quibus S. Augustini Tilia denominatur. Quo nomine in Ugrociensi Parochia vocitatur adhuc ad parochialem Ecclesiam deducens semita, vel quia manu ipsius forte fuerit aperta, vel ipsius iussu commoditati populorum directa. Stetit arbor sacra per trecentos annos, ut diximus, perpetuo revirescens ad oppidum a centum annis a Turcis occupatum, Cernik appellatum, ipsis hostibus fidei veneranda, a quibus cum ingentes facces ad imum truncum votorum assequendum gratia perpetuo accenderentur, igneo fervore radicibus emorientibus, ante viginti annos corruit, ita tamen, ut ex radicibus ipsius, antequam penitus arescerent, nova tilia succresceret pari veneratione Turcis aequae ac Christianis assidue cum adhuc proxime adjacenti trunco culta; prope quam Christiani sacellum quoque, minime contradicentibus terrae Dominis Mahometanis, excitarunt, illudque Franciscanis ex proxima Bosna eo adventantibus curae demandarunt.

Alterum miraculum enarravit Cap. II. his verbis: Quam porro Deo haec Augustini consilia probarentur, facile patuit; cum enim locus, in quo prope Cathedrali monasterium Dominicani extruxerat, aquis salubrioribus indigeret, quod fluxivulus præterlabens mineralibus qualitatibus inficeretur, positis aliquando genibus, & simul cum fratribus implorato divino subsidio, manu sua effossa exigua scrobe, in latere proximi tumuli saluberrimæ aquæ fonticulum elicit, qui ad hodiernum usque diem a fidelibus avidè potatus ob salubritatem aquæ animæ, atque corporis Augustini nomen retinet.

A Zagrabienli ad Lucerinam Ecclesiam transfertur.

Intra finem anni 1318., Roberto rege utriusque Siciliae postulante, & Joanne XXII. jubente, ab Zagrabienli ad Lucerinam in Apulia Ecclesiam regendam Augustinus migravit. De Augustino hæc breviter Joannes Archidiaconus: D. Augustinus de Tragurio Ordinis Fratrum Prædicatorum vitæ sanctitate præfulgens, prout suus exitus docet, per provisionem D. PP. Benedicti; & licet temporibus impacatis, tamen utiliter, & laudabiliter præfuit Ecclesiæ, tempore D. Caroli regis Hungariæ; & demum per D. Joannem Papam XXII. translatus fuit in Episcopum civitatis de Rutenia (Luceria), ibique obiit die 3. men. Augusti, anno Domini 1323., qui usque hodie miraculis coruscat. Michæ vero Madius, qui Augustino æqualis fuit, in historia de Gestis Rom. Imper., & Summ. Pontific. cap. IV. Benedictus XI. Romæ eligitur in Papam . . . ordinansque Augustinum de Tragurio Episcopum Sagrabiæ; & cap. 27. Item supraactis annis Augustinus olim Zagrabien. Episcopus, qui fuit per D. Joannem Papam a dicto Episcopatu remotus ad petitionem R. Ung. & collocatus in Ecclesia Nuceria in Apulia in Episcop. ad instantiam D. R. Roberti Apulie; & sic abiit ad Christum de MCCCXXIX. (1323.) cujus corpus multa miracula ostendit super iis, qui cum devotione ad ipsum accedunt. Hic fuit oriundus de Dalm. de Civ. Trag., & fuit Frater Prædicator. Ordinis S. Dominici humilis.

Translationis causæ aliæ.

Augustini ad Sedem Episcopalem Luceriæ translatis causas alii alias afferunt. Sunt, qui

tradunt Augustinum graviter offensusse apud quosdam optimates, cum eos ob jura violata, & bona ecclesiastica per vim aut fraudem erepta severius, quam pati possent, acerbiusque arguisset; præsertim vero apud Mladinum Comitum Braberiensem, qui & proventus ecclesiarum interverterat, & jus conferendi Episcopatus ac Sacerdotia sibi vindicabat. Huic opinioni favet auctor Ungariæ sanctitatis, qui scripsit factiosorum hominum emulationes declinaturus Italiam repetiit. Hi ergo in Augustinum incitati, insensique cum essent, nullum ei adversandi, & qualcumque possent molestias inferendi finem faciebant; quorum vexationibus ut eximeretur, ab Joanne Papa ad Ecclesiam Lucerinam translatus fuisse ajunt; sed quod attinet ad Mladinum, nulla huic concertatio, nullum cum Augustino dissidium esse potuit. Erat ille quidem Dalmatiæ, Chrobatia, & Bosniæ Banus, de cujus flagitiis, sacrilegiis, & dominatu tyrannico plura Madius cap. XVIII. Sed ejus potestate atque imperio, dum Augustinus Ecclesiæ Zagrabienli præsidebat, Slavonia exempta fuit. Hanc siquidem provinciam per eos annos alii, atque alii Bani administrarunt, quos Balthasar Kereselichius nominatim perceret. Aliqui existimant Carolum regem Hungariæ propter offensiones nescio quas interpositas ab Augustino alienatum fuisse, atque Joannem Papam rogasse, ut eum ab Ecclesia Zagrabienli removeret; idque colligi posse existimant ex verbis illis supra laudatis Michæ Madii, qui fuit per D. Joannem Papam a dicto Episcopatu remotus ad petitionem regis Hungariæ &c. Sed non est verisimile Augustinum vel in aliqua offensa fuisse, vel quidquam pristinae gratiæ amisisse apud Carolum regem, a quo ante aliquanto, quam Pontificatum Zagrabiensem dimitteret, amplissimum sibi, & Ecclesiæ suæ privilegium impetraverat. Hujus translationis causam paullo altius repetendam censeo.

Fridericus Secundus hoc nomine Imperator, qui in utraque Sicilia dominabatur, coloniam Saracenorum ex Africa in Apuliam deduxerat, hisque Luceriam habitandam dedit, quæ civitas ab novis incolis Luceria Saracenorum cognominata est, & Nuceria etiam apud Scriptores interdum appellari solet. Hos Carolus Andegavensis frater S. Ludovici regis Galliarum ex tradito sibi a Clemente IV. regno vetigali Romanæ Sedi rex utriusque Siciliae pluribus præliis attritos & Luceriæ obsessos ad deditionem compulit. Sed Carolus II. ejus filius anno 1295. eos non solum Luceria, sed ex tota Apulia expulit; illis tantum in urbe & provincia remanendi potestatem fecit, qui suscepto baptismo christianæ religioni nomen darent. Verum multa Luceriæ reliquerant Mahometicæ superstitionis, & impuritatis vestigia; Lucerini quippe ex diuturna cum Saracenis consuetudine multas labe contraxerant, quæ fidei ac legi Christianæ magno dedecori erant. E Saracenis vero ad Christum conversis plerique cum religione, quam susceperant, avitos & patrios mores ritusque retinebant, Robertus filius Caroli II. paternum regnum adeptus anno 1309. illud maxime sibi curandum putavit, ut civitatem & Ecclesiam Lucerinam ab omnibus Saracenicæ superstitionis, & sceleris reliquiis purgaret. Sed homine sibi opus esse intelligebat eximia sanctitate prædito, & spiritus

Necessaria expurgandæ civitatis & Ecclesiæ Luceriæ Robertum regem utriusque Siciliae impulit, ut Augustinus a Carolo rege Hungariæ pliceret ad purgandam regendamque Ecclesiam Lucerinam.

sius Apostolici pleno, qui supersticiosos errores, & pravas consuetudines funditus evellet, civesque illos ad honestam & piam vivendi rationem revocaret. Ad hanc rem conficiendam neminem aptiorem esse censuit Augustino Episcopo Zagrabienfi, de cuius doctrina, sanctimonia, illustribus & Apostolicis factis magna & præclara fama erat longe lateque vulgata. Anno igitur 1318., vita functo Luceria Episcopo, per suos internuncios, & litteras à Carolo rege Hungariae Caroli Marcelli fratris sui filio postulavit, ut Augustinum sibi ad eam Ecclesiam reformandam ac regendam traderet. Carolus Patruī voluntati morem gessit; uterque vero Joannem XXII. rogavit, ut vellet juberetque Augustinum a Zagrabienfi ad Lucerinam Ecclesiam migrare. Ita Roberto petente, Carolo annuente, Pontifice Maximo jubente, Augustinus, relicto Zagrabienfi, Lucerinum Episcopatum suscepit. In hanc sententiam velim accipias, quæ Madius scripsit, videlicet *Augustinum fuisse per D. Joannem Papam a dicto Episcopatu remotum ad petitionem regis Hungariae, & collocatum in Ecclesia Nucerina in Apulia ad instantiam D. R. Roberti*. Hanc fere interpretationem Joannes Tomcus Marnavitiū adhibuit, & eandem hujusce translationis causam attulit: Cum de *Augustini Apostolico zelo fama late volitaret, Robertus cum Carolo consanguineo ita egit per Legatos, ut annuente Joanne XXII. Summo Pontifice, Augustinus & vinculo Zagrabienfis Ecclesiae absolveretur, & Lucerinæ civitati Mahometico delirio expurgandæ præficeretur*. Idem confirmant lectiones Breviarii Dominicani, Lucerini, Zagrabienfis.

Legendi  
notum  
quod  
Zagrabienfi  
discessit.

Ergo Augustinus, ut regis utriusque voluntati obsequeretur, & summo Pontifici jubenti pareret, Ecclesiae Zagrabienfi sponsæ sibi carissimæ, quamvis ægre admodum, prompto tamen submissoque animo nuncium remisit. Ex jactura & discessu talis ac tanti Præsulis mæritia incredibilis universam civitatem affecit; cunctique ex omni civium ordine abeuntem lacrimis votisque prosecuti sunt. E Zagrabia profectus in Dalmatiam venit, ut inde in Apuliam trajiceret. Tragurium adiit patriam ultimum reversurus. Male acceptum a suis civibus fuisse oportet, cum discedens hæc in eos verba protulisse dicatur: *Ingrata patria nunquam videbis ossa mea*. Tragurientes siquidem Augustinum gravi eos oratione a civilibus dissidiis, quæ inter eos erant, a vitiis ac flagitiis deterrentem, adhortantemque ad pacem & concordiam, ad virtutem ac pietatem colendam averfis auribus animisque audierant, & ejus monita salutaria respuerant. Merito igitur illis subitatus discessit, ingratos erga civem patriæ amantissimum utilia atque optima suadentem homines incusavit, suam ab illis perpetuam absentiam denunciavit, ac prædixit fore, ut se nunquam amplius nec vivum, nec mortuum viderent: & prædictioni respondit eventus. Joannes Marnavitiū Tragurientes idcirco ab Augustino reprehensos fuisse ait, quod *invenisset cives suos Mladini partibus adhærentes ejusdem impietatem cooperari*. Sed tantum aberat, ut Mladino ruderent, ejusque flagitiorum participes essent, ut tyrannicum illius imperium, acerbissimasque exactiones intolerantissime ferrent; & anno 1315. cum Mladious direptionem & excidium urbis denun-

ciasset, ut patriam redimerent, decem millia librarum persolvere coacti fuerunt, ut est in tabulis Tragurienfibus. Nulla igitur erat Tragurienfibus cum Mladino scelerum societas, ob quam reprehendi deberent, sed potius ab illo summa voluntatum atque animorum distractio; quam demum anno 1322. Tragurienfium ab imperio Mladini ad Venetos aperta defectio declaravit. Sunt, qui tradunt Augustinum ab Carolo Hungariae rege ad Joannem Pontificem, & Robertum regem Neapolitanum de gravissimis rebus Legatum venisse, & per occasionem ejus legationis fungendæ, Roberto postulante, Carolo annuente, ab Joanne XXII. ad Ecclesiam Luceria translatus esse. Ecclesiam Lucerinam Augustinus annos circiter quinque sanctissime gubernavit: *In nostro grege moderando, ait Ughellius, supra modum ejus erga pauperes misericordia, & caritas, zelus in ecclesiastica disciplina conservanda, atque in omnibus pastoralis amor, & pietas ita eluxit, ut inter præstantiores sui sæculi Præsules merito numeraretur*. Hic sui Ordinis Fratres intra urbem suscepit, quibus cœnobium, & Ecclesiam D. Dominici titulo insignem condidit. Cum per annos plus minusve sex sancte præfuisset, clarus miraculis septuagenario major obdormivit in Domino, ipso pervigilio Sancti Dominici, tertio nempe Augusti MCCCXXIII. Annum ætatis circiter sexagesimum tertium agebat, cum ad superos migravit, ut ex calculis chronologicis supra dictum est. Micha Madius B. Augustini mortem anno undetricesimo hujus sæculi decimi quarti affixit: & sic abiit ad Christum de MCCCXXIX. &c. Dubitari non potest, quin amanuensium, vel typographorum incuria error in eas notas chronologicas irreperit; qui certe attribui nequit Michæ Madio æquali temporum illorum, cui annus æmortalis Augustini ignotus esse non potuit. Obitum sanctissimi viri contigisse ante annum 1325. declarat epistola Caroli Ducis Calabriae data Neapoli anno Domini 1325. ad Joannem XXII., a quo suppliciter petit, ut Augustinum æque virtutibus ac miraculis clarum in catalogo ac numero divorum reponat. Codex Carcalsonensis supra laudatus ejus mortem cum anno 1323. conjunxit. Hunc ejus annum æmortalis Joannes Marnavitiū, Ughellus, Guillelmus Cupeus, & ceteri fere omnes retinendum esse existimant.

Joannes Dominus Mansius tomo tertio supplementi Conciliorum collectionis Labbeianæ col. 407. Concilium Avenionense, in quo Nicolaus V. Antipapa damnatus, & questio, utrum Christus & Apostoli proprium aliquid habuerint, discussa, ad annum Christi 1327. affixit; & existimasse videtur huic Concilio Augustinum Episcopum Zagrabiensem interfuisse, & sententiam dixisse, quam ex codice 3140. membræneo Bibliothecæ Vaticanæ descripsit. Atqui Augustinus ante quadriennium obierat, ut scriptores supra laudati tradunt, uno dissentiente Michæ Madio, qui ejus mortem in annum hujus sæculi undetricesimum rejecit. Anno autem 1318. Zagrabiensem cum Lucerino Episcopatu commutaverat. Itaque anno 1327., cum habitum est Concilium Avenionense, neque Episcopus Lucerinus erat, & jamdudum e vivis excesserat. Rem ita se habuisse arbitror. Celebris illa controversia, utrum Christus & Apostoli aliquid commune, sive in com-

Ejus vir-  
tutes &  
præclara  
facta in  
Ecclesia  
Lucerina  
regenda.

Obitus.

Augusti-  
nus inter-  
esse non  
potuit  
Concilio  
Avenio-  
nensi.

*muni jure proprietatis possiderent, multis contentione agitata, cum jam inde ab exitu sæculi superioris exorta esset, sub initium hujus sæculi decimi quarti vehementius efferverat: alii affirmabant, alii negabant; & Theologi illius ætatis inter se discrepantes, ut sit, in utramque partem differebant; & quod quisque sentiebat, id cum rationibus & argumentis confirmabant, tum etiam aliqui scriptis tradebant. Augustinus, dum adhuc Ecclesiam Zagrabiensem regebat, ab ea sententia stabat, quæ Christo Domino & Apostolis rerum omnium ad ritum cultumque pertinentium, quas vel precario acquisierant, vel quoquo modo habebant, non usum tantummodo, sed etiam dominium ac veram possessionem attribuit. Hanc ille sententiam plurimis exemplis ex Evangelio, & historia Apostolica depromptis, multisque argumentis validissime propugnavit; quæ contra afferri poterant, invictissime refellit; & sub nomine *Fratri Augustini Episcopi Zagrabienfis* litteris consignatam reliquit; quæ deinde post ejus obitum inventa cum esset, vel in Synodo Avenionensi coram Joanne XXII. & Patribus Avenionensibus recitata fuit, vel certe relata in codice Vaticanum supra laudatum, & cum aliis aliorum in eandem sententiam scriptis conjuncta. Joannes Pontifex secundum sententiam Augustini, & aliorum idem, atque ille, sententiam judicavit; eos vero, qui contra sentirent, atque assererent, damnavit. Integram Augustini disputationem, si ve sententiam habes Tomo tertio supplementi Conciliorum Collect. Labbeæ a columna 407. usque ad colum. 413. De ejus obitu & sepulchro hæc in codice Carcassonenli: *Obiit tertio die mensis Augusti in festo Inventionis S. Stephani, fuitque sepultus in vigilia S. Dominici in conventu FF. Prædicatorum in Luceria anno Domini MCCCXXII.*, ubi miraculis cepit ejus sanctitas declarari.*

Sepulchrum in ade sepulchra corporis beati Dominici Lucerini.

Miracula post mortem edita.

B. Augustini corpus, templum dum viveret Spiritus Sancti, ejusque sepulchrum plurimis Deus illustribusque adornavit miraculis ad testificandam insignem illius sanctimoniam, cælestemque felicitatem. Intra primum ab ejus obitu annum multa ac prorsus admiranda beneficia Beati viri imploratione, ejusque meritis, & precibus apud Deum interpositis divinitus accepta, veluti morborum insanabilem curationes, Dæmonum ab obsessis corporibus expulsiões, cæcis videndi, surdis audiendi facultatem restitutam, declarant novem lectiones antiqui Breviarii Lucerini, quas Joannes XXII. approbasse dicitur, easque die festo Sanctissimi Præsulis inter sollemnes nocturnas preces recitandi potestatem Clero Ecclesiæ Lucerinæ fecisse. Extant apud Sigismundum Ferrarium, quas Guilielmus Cuperus Tom. 1. Augusti Actis S. Augustini lubrexit. Eisdem cum hymnis & antiphonis, ex historia sacra Zagrabienfi Balthasaris Adami Kersefelichii descriptas, paulo post exhibebimus.

Carolus Dux Calabriæ de illius Apostoli per litteras agit cum Joanne XXII.

Cum fama de sanctitate & miraculis Augustini in dies percrebresceret ac latius vulgaretur; Carolus dux Calabriæ, frater Roberti regis, altero post ejus obitum anno, per supplices litteras Joannem Pontificem Maximum oravit, ut juberet tum de vita ejus ac virtutibus, deque rebus omnibus ab eo ad hominum salutem, & exemplum laudabiliter gestis, tum vero de iis, quæ divinitus, ille, su-

pra vim atque efficientiam naturalem, vivus patravit & mortuus, quæstiones haberi; & post diligentem ac legitimam inquisitionem adhibitam, si ei videretur, viro sanctimonia & miraculis inclyto cultus & honores, qui cælitibus haberi solent, rite decerneret. Sigismundus Ferrarius in Appendice ad Commentarios de rebus Provinciæ Dominicanæ Hungariæ testatur exemplum epistolæ Carolinæ, quod hic subjicit, desumptum fuisse ex autographo, quod asservatur in tabulario magnæ curiæ regis Neapolitanæ.

*Sanctissimo in Christo Patri, & clementissimo Domino Joanni divina providentia sacrosancta Romana ac universalis Ecclesiæ Summo Pontifici Carolus Dux Calabriæ recommendationem humilem, & devota pedum oscula beatorum. Ne multiloquio alme Pater & Domine occupatissimas aures sanctitatis vestræ fatigem, desistendum vidi præsentis pagina pandere plurimam in partibus istis laudem, quam sibi beatus Pater Augustinus, quondam Episcopus civitatis S. Mariæ, dudum vocata Luceria, ex miraculorum affluentia, quam post ejus obitum divina clementia, veluti copiosa in misericordia, & in retributione munifica, jam meritis ejus ostendit, & quotidie dignatur ostendere, vindicavit. Credo equidem illorum aliqua jam esse ad notitiam vestram ex relatu divulgantis fama perducta; & expecto ac etiam cupio, quod singulariter singula, quæ profecto magna esse noscuntur, ad ipsam notionem vestram, etiam & in publicum per opportuna indagationis seriem deducantur: sicut enim fide digna relatio me nuper instruxit; non ignotum beatitudini vestræ fuit, cum adhuc ipse esset in hoc sæculo constitutus, quam mirabili sinceritate vita micabat, pollebat claritate scientiæ, ac mirificis operibus coruscabat. Ego quoque mi Domine Reverende, teste Deo, & in conscientia bona loquor, quod eo mecum, cum primum petiit partes istas, per vices aliquas colloquente, concepi & vidi tam in ejus verbo, & facie, quam in gestu, quod valde amabilis ejus conversatio esset, quamquam omnia, quæ in eo erant, non nisi notabilia, & eruditio ad virtutes, & ad salutem edificatio viderentur; quodque post ejus migrationem ad Dominum, ex devotione magna, qua ad illum afficior, cum ejus limina visitarem, magna mihi fides facta est de nonnullis miraculis per ejus excellentia merita ibidem perpetratis. Cum itaque ad instruendum de his certius beatitudinis vestræ scientiam, ac devote petendum, de ipsis beati Patris vita & miraculis pariter inquiri, secundum morem Ecclesiæ in talibus consuetum, Latores præsentium sanctitatis vestræ pedes cum reverentia debita, & fiducia magna petant; devotus postulo, supplex quaeso, ut alma & perspicax providentia vestra, benigna, si placet, petitionem ipsam consideratione discutiens, & ad eam exaudiendam mentis aciem dignanter inflectens, inquisitionem ipsam jubere fieri, ut moris & juris est, gratiose dignetur: quæ ubi patrata fuerit, vestroque conspectui præsentata, si effectus ejus suadeat, & vestra benignitas id decernat; præfatum Patrem, in illius reverentiam & honorem, qui cum veluti laudabilis retributor sanctificare dignatus est, in Sanctorum, si placet, matricula, eam sonora canonizationis præconio, ne ipsius merita grandia, operaque magnifica debito præmio careant, adscribatis; per quod S. Mater Ecclesiæ de tanto nova aggregationis confor-*

Epistola Caroli ad Joannem Pontificem.

io, vestri tempore Praesidatus, jubilet; & exsultet civitas, in qua ipse feliciter obiit, & felicius in Domino requiescit. Scriptum Neapoli Anno Domini 1325., die 20. Octobris, nona Indictione, sumpto ex veteri more initio Indictionum ab initio Septembris.

Ab Joanne XXII. Divorum fastis adscriptus, eiusque cultus anniversarius decretus.

Insignem omnibus sanctimoniarum notis virum post quaestiones de illius virtutibus & miraculis legitime habitas, & post comperta haud dubiis auctoribus & jurejurando adactis plurima per eum & in vita, & post mortem vel sanctissime gesta, vel patrata divinitus ab Joanne XXII. Divorum fastis adscriptum, eiusque anniversariam psalmodiam cum lectionibus, hymnis, & antiphonis propriis decretam fuisse tradunt Joannes Tomacus Marnavitijs, Sigismundus Ferrarius, & alii; quorum consentiens nec dubia opinio est, cultum divi Augustini antiquissimum esse, & fere statim post ejus ex hac vita decessum in numero divorum haberi colique coepisse. Nunc lectiones, hymnos, antiphonas describi oportet, quibus olim in ejus anniversaria sollempniique commemoratione, ac inter statas & canonicas preces uti solebat Ecclesia Lucerina, atque adeo etiam Zagrabienensis, si fides habenda est Kereselichio, ut certe haberi debet, qui omnia, quae proprie ad eam diem tertiam Augusti pertinent, ejusdem actis subjecit sub hoc titulo: Officium in festo B. Augustini Luceriae & Zagrabiae decantari solitum, Joannis XXII. indulto, cujus quidem Officii antiquitatem Sigismundus Ferrarius his verbis declaravit: Exemplar hujus officii extractum ex vetusto originali, quod in antiquo pergamento servatur in archivo conventus S. Dominici urbis Luceriae, fideliter collationatum per Abbatem Carolum Strangiam ordinarium Altiarium, & publicum Apostolica auctoritate Notarium Episcopalis curiae Lucerinae obtinuit, & transmisit mihi Reverendus Pater F. Dominicus Gravina sacrae Theologiae Magister, regiae cathedrae Theologiae in Universitate Neapolitana Moderator, Archiepiscopalis curiae Theologus, & S. Officii Consultor anno 1636.

Ad Vesperas super Psal. Antiph.

Felix civitas Lucerina, continens thesaurum pretiosum, clarificata est doctrina per nova lucis radia, gaude plebs, quam Deus tanti Patris meritis decoravit.

Capitulum.

Quasi Stella matutina in medio nebula, & quasi Luna plena in diebus suis, & quasi Sol resurgens, sic iste effulsit in templo Dei.

Responsorium.

Augustinus Praesul Lucerinus impetret nobis gratiam, & per ejus merita ipse Deus donet reis veniam, ut omnes ad illum perducamur; & Caeli gaudiis perfrui mereamur.

V. Intercede pro nobis Praesul Lucerinae fons pietatis,

Ut omnes ad illum &c. Gloria Patri &c. Et caeli gaudii &c.

Hymnus.

Aeternae regni gloria  
Decreta laudum cantica  
Fideles solvant hodie  
Pro Augustini gloria  
Praedicatorum Ordinis  
Praesul namque almis  
Mundi jam fulget terminis  
Civis effectus calicus  
Garnis liber ergastulo

Poli potitur gloria  
Pontificali cingulo  
Stola donatur regia  
Fragrans odor de tumulo  
Cum gestorum frequentia  
Clamat pro Christi famulo  
Alti regis magnalia  
Nitamur totis viribus  
Nectamus preces precibus  
Ut Augustini meritis  
Caeli fruamur gaudiis  
Praesta Pater ingenite,  
Jesu cum Sancto Flamine  
Ut Augustini precibus  
Caeli jungamur civibus.

Ora pro nobis beate Pater Augustine, ut digni efficiamur &c.

Ad Magnificat, Antiphona.

Gaude felix parens Dalmatia, nova prolis dans mundo gaudia, sed tu magis plaude Luceria, tanti Patris dotata gloria: lauda tota mater Ecclesia, nova laudis agens sollempnia, Alleluja. Magnificat.

ORATIO.

Omnipotens sempiternae Deus, qui Beatum Augustinum, de Dalmatia, Ordinis Praedicatorum, in verum Praesulem Lucerinum eligere voluisti, quique ei Demones expellendi, & cunctorum morborum languores sanandi gratiam contulisti; concede quaesumus, ut qui ejus festa percolimus ipsius apud te patrocinia sentiamus. Per Dominum &c.

Ad Matutinum, Invitatorium.

Salvatori nostro laudes decantemus: qui regni caelestis praemium Sancto contulit Praesuli Augustino. Venite.

Ad Matutinum, Hymnus.

Christe Salvator omnium  
Rector, spes, & praemium,  
Exaudi vota cordium  
Pro sancto, gemma Praesulum.  
Praesul in fide claruit  
Malorum carens nebula,  
Christo servire studuit  
Sub paupertatis regula.  
Corpus afflixit fortiter  
In sudore multiplici,  
Iter spectans humiliter  
Sui Patris Dominici.  
Jesum Christum se induit,  
Adorans, laudans extulit,  
Mentem divinis imbuit,  
Cuncta caduca respuit.  
Laus sit parenti Domino  
Laudem canamus unico,  
Laus sit amborum flammis;  
Per tempora laudabili. Amen.

In I. Nocturno.

Ant. Iste Sanctus gloriosus, tamquam bona arbor secus aquarum decursus plantata, dedit fructum suum in tempore suo. Ps. Beatus vir, qui.

Ant. Dominus Jesus Christus, dixit beato Praesuli Augustino, servus meus es, a me postula: postulavit, & dedit plebem Lucerinam in custodiam sibi. Ps. Quare fremuerunt.

Ant. Sanctus Praesul Augustinus, voce mirifica ad suum clamavit Dominum, & exaudivit de monte sancto suo. Ps. Quid multiplicati.

V. Amavit eum Dominus.

Lesio I.

Augustinus, civis Traguriae urbis, ex nobilibus, & piis parentibus originem duxit: qui a pue-



pueritia ordinem Fratrum predicatorum intrans, & litterarum studiis traditus, gemina scientia, philosophica, & theologica efficacissime claruit. Adeo etiam fuit purus, innocens, Deum timens, verax, pius, mitis, & ab omni pravo opere abstinens, ut civitatis Lucerina, defuncto priori Episcopo, tempore Pontificatus Sanctiss. Pat. Dom. Joannis XXII. Divina inspirante gratia, fuerit electus, & confirmatus Episcopus. Infinita vero miracula, quae Deus per merita ipsius tam in vita, quam post mortem ostendit, nemo posset lingua referare. Ex iis tamen, quae post ejus mortem facta sunt, nonnulla narrabimus. Die tertio Augusti, quo B. Augustinus obiit, tota Ecclesia Fratrum Predicatorum plena existente hominibus, qui ad illius corpus venerandum convenerant, Paschalis de Quarato, Comesabulus Capitanei Luceriae, ne pra nimia multitudine & compressione periculum aliquod emergeret, cum, ut homines contineret, propius ad foveam, quae pro tumultu parata fuerat, accessisset, fortiter impulsus, in eam cecidit. Quo casu ensis, quo erat accinctus, de vagina egressus est, & pomo ipsius terrae infixo, erectus mucro bene acutus Paschalem recte per pectus excepit omnino transigendum: sed Beati Augustini auxilio, mucrone ad pomum curvato, ab omni laesione liber evasit. Tu autem.

R. Die mensis Augusti tertia, cum tota Praedicatorum Ecclesia hominibus esset plena, Paschalis de Quarato ex magna impulsione cecidit in foveam, ense suo perimendus: Quem Deus Beati Augustini meritis servavit illasum. V. Hoc primum signum fecit Dominus, post tempus servi sui obitus. Quem Deus.

Leſſio II.

Die vigesimo ejusdem mensis, mulier nomine Odina, cujusdam de Bononia uxor, cum ex morſu canis haberet tibiam corroſam, rubeam, & tumefactam, concepta devotione erga B. Augustinum, ad ejus sepulcrum accedens, & super ipsum aliquantulum requiescens statim perfecte surrexit curata, remanentibus solis foraminibus dentium canis, ad miraculum ostendendum. Eodem die Philippus de Florentia, patiens rigores febriles, cum ad idem sepulcrum accessisset, & devotius ibi quieſſet, statim curatus ab omni infirmitate surrexit. Ipsamet die Isolda, uxor Nicolai apothecarii de civitate S. Mariae, patiens tumorem maximum in gutture, ita ut vix comedere posset, cum ad sepulcrum veniens ibi devote procubuiſſet, illico tumor evanuit, ipsaque perfectam sanitatem adeptam. Die 26. ejusdem Auribella de Fogia, longo tempore a Damone vexata, ut vix per horam valeret quiescere, ad sepulcrum cum devotione delata perfecte fuit protinus liberata. Tu autem Domine.

R. Auribella de Fogia, jam diu a Damone adeo vexata, ut non valeret per horam quiescere, ad sepulcrum cum devotione delata, perfecte fuit protinus liberata. V. Laudetur Deus gloria, qui Augustini meritis, mira fecit mulieri. Perfekte fuit.

Leſſio III.

Die 27. quidam Guillelmus de civitate pradiſta, cum multos annos paſſus fuiſſet febrem quarantanam, concepta devotione ad merita Venerabilis Episcopi, emiſſoque voto, accessit ad ejus sepulcrum, ubi devote orans ex eo tempore se ſenſit a febre curatum. Eodem die Raynaldus de Barulo, cum per biennium paſſus fuiſſet gravem dolorem lumborum, ita ut de loco in alium lo-

allyrici Sacri Tom. V.

cum se movere non posset, concepta devotione, ad sepulcrum cum reverentia veniens, cum ibi devote oraſſet, statim ab omni dolore, & infirmitate curatus est. Die 28. ejusdem Marcus, filius Angela de civitate S. Mariae, habens a nativitate sua brachium dextrum aridum, & sine ullo usu naturali, ad sepulcrum cum devotione delatus, & supra ipsum parumper procumbens, illico cum sanato brachio surrexit. Eodem die Guillelmus, filius Philippae de Luceria, cum a mense Maji sextae Indictionis, tunc currentis, ex quadam infirmitate superveniente loquendi usum prorsus amiſſiſſet, ita ut nec verbum unicum posset proferre, ad sepulcrum cum devotione accedens, ibique devote procumbens, continuo pristinam loquendi facultatem recepit. Tu autem.

R. Romualda de S. Severo, quendam habens filium, morbo caduco laborantem, Devote Beatum exoravit Augustinum, Ut illum sibi donaret sanum ac liberum. V. Qui ad ejus sepulcrum portatus, protinus surrexit curatus. Devote. Gloria. Ut illum.

In II. Noſturno.

Ant. O populi fideles, ſcitote, quia omnium Creator ſanctum ſuum mirificavit, & ideo lumen vultus ſui ſignavit ſuper eum, dando letitiam magnam in corde illius. Ps. Cum invoc.

Ant. Domine Deus, omnes, qui ſpem habent in te, gloriabuntur, quoniam tu benedices eis, ſcuto bonae voluntatis tuae coronans eos. Ps. Verba mea.

Ant. O Domine Dominus noſter, quam eſt laudabile nomen ſanctum tuum in toto orbe univerſo, quia paullo minus glorioſum ſanctum tuum ab Angelis minuiſſi, honore eum decoraviſti, & ſuper opera manuum tuarum conſtitiſti. Ps. Domine Dominus noſter.

V. Juſtum deduxit Dominus.

Leſſio IV.

Eodem die Margarita, ſoror Romanella de civitate S. Mariae, caeca a nativitate, & corpore ita contracto, & curvo, ut nullo modo posset erecta incedere, ſed quaſi ventrem in terram protraheret, ad B. Augustini ſepulcrum cum devotione portata, cum ſuper ipsum paullulum oraſſet, & de ſepulcri pulvere oculos abſterſiſſet, ſtatim plene illuminata, extenſaque & erecta surrexit ab utraque infirmitate curata. Eodem die Joanna de civitate etiam S. Mariae, prorsus contracta, & curva, ut recta ambulare non posset, & omnino ſurda, quae nihil audiret, devote ad ſepulcrum accedens, ibique orans ab omni ſua infirmitate liberata eſt. Eodem die Gregorius privignus Joannis de Citraria, ex civitate S. Mariae, qui videndi facultatem totaliter amiſerat, emiſſo voto, quod ad honorem B. Augustini ſex miſſas cantari, & cereum ſuper illius ſepulcrum accendi curaret, continuo reſtituta ſibi videndi facultate, vidit. Tu autem Domine.

R. Herricus de ſeptem Fratribus, civitatis S. Mariae habitator, magnis oppreſſus doloribus, & raro valens aliquo pergere, Quod eſſet toto corpore contractus, V. Juxta Beati viri ſepulcrum poſitus, incolumis rediit ad propria ſuis pedibus. Quod.

Leſſio V.

Ipsamet die filius Bartholomaei Macii de Apicio, qui ſeptem menſibus ambulare non poterat, habens crura omnino contracta, per parentes ad ſepulcrum devote portatus, priſtina ſtatim ſanitati reſtitutus fuit, & ambulavit ut ſanus.

M m

Eq.

Eodem die Joannes de Sancto illo, & Ballistus Masteleonis, patientes febrem acutissimam, concepta devotione ad B. Augustinum, dixerunt: o utinam haberemus paullulum pulveris sepulcri B. Augustini, quem aqua respersum biberemus, sicque sanitatem consequeremur: & statim, his dictis febre cessante, perfecte sanerunt, se, a qua affligebantur infirmitate, sanatos. Eodem die Remualda de S. Severo, filium morbo caduco laborantem, qui nullis poterat remediis liberari, ad B. Augustini sepulcrum cum devotione portavit; qui super illud positus, post modicum surrexit perfecte curatus. Tu autem Domine.

R. Nobilis Helena de Casali novo, vexata semper a dæmone, qui sive hiemali, sive æstivo tempore, raro sinebat ipsam quiescere: Non aliquo remedio potuit liberari, donec ad sacrum tumulum fecit se portari. V. Mirum, & magnum prodigium, factum per Augustini suffragium. Non aliquo.

## Lectio VI.

Eodem die Joannutius, filius Joannis Hypoliti Bucerii de dicta S. Mariæ civitate, cum semper a natiuitate usque visa caruisset, ductus a Patre maxima cum devotione ad sepulcrum, dum pergeret, clamavit, Pater dimitte me, quia bene, & clare video, & absque duce per me pergere possum; sicque miraculose reeditus est sanitati. Eodem die, Flos, uxor Nicolai de Aqua nigra ex civitate S. Mariæ, singultu gravissimo laborans, cum nullo posset remedio liberari, ad sepulcrum cum devotione profecta, ibique morans per horulam, statim est a sua infirmitate sanata. Eodem die Leo de Longobuco ex prædicta civitate, qui a Majo anni sextæ Indictionis auditum ambarum aurium prorsus amiserat, cum emisso voto ad idem sepulcrum orasset, auditum perfecte recuperavit. Tu autem Domine.

R. Præciosa filia Guarnata, patiens in gutture dolorem maximum, amissa loquendi potestate, appropinquabat ad mortem, sed cum ad sanctum sepulcrum venisset, & de ipsius terra bibisset. V. Statim gutturi tumor evanuit, & ipsam Dei gratia sanavit. Cum ad gloria.

Cum ad.

## In III. Nocturno.

Ant. Beatus Augustinus, requiescit in monte sancto Dei, quia vixit in hoc seculo absque macula, & veritatem semper habuit in ore suo. Ps. Domine quis habit.

Ar. Sublimare, Domine, in potentia tua, quia gloria, & honore decorasti Beatum Præsulem Augustinum, quoniam speravit in te, & a gratia tua nunquam est separatus. Ps. Domine in virtute tua.

Ant. Accipiet benedictionem a Domino, & misericordiam a Deo salutari suo B. Augustinus, qui fuit innocens manibus & mundo corde, nec in vano animam suam a Deo recepit. Ps. Domini est terra.

V. Justus ut palma florebit.

## Lectio VII.

Eodem die, Notarius Odorifius de monte Odori, ex civitate prædicta, cum longo tempore ex dextera auricula nihil potuisset audire, accedens cum devotione ad B. Augustini sepulcrum & nonnihil pulveris, qui erat super illud, eidem auriculæ imponens, statim Beati viri meritis recuperavit auditum. Die penultimo ejusdem mensis, Henricus de septem Fratribus, incola civitatis S. Mariæ, qui per triennium, graves, &

vario dolores passus fuerat in toto corpore, ita ut esset omnino contractus: curavit se ad sepulcrum deferri, ubi ab omni sua infirmitate curatus, sanus ad propria pedibus suis rediit. Eodem die Angela, uxor Malafolii de civitate S. Mariæ, per quadriennium male a dæmonio vexata, ad idem sepulcrum perfecte est liberata. Tu autem Domine.

R. Bartholomæa de Alesina, filia Severi, quæ fuerat surda, atque muta toto vita sua tempore, devotione concepta, per Patrem suum delata est ad Beati Præsulis sepulcrum.

V. Postquam in Ecclesia sacri Antistitis stetit, loquens, & audiens, inde recessit. Devotione.

## Lectio VIII.

Eodem die, Matthæus Maccaronus de civitate prædicta, cum pateretur duplicem tertianam, hausto devote pulvere sepulcri cum aqua, protinus ab omni infirmitate curatus est. Eodem die Raynaldus, filius Francisci Leonis de civitate prædicta, calculo laborans ita ut multo tempore libere & sine dolore urinam emittere non posset, ductus a matre sua, cum ingenti devotione ad sepulcrum, ibi demissa urina absque dolore in magna quantitate totaliter est ab infirmitate curatus. Eodem die Dopreria Helena de Casali novo, per viginti annos a Dæmone vexata, ita ut nec requiescere, nec aliquo remedio posset liberari, cum ad sepulcrum fuisset deportata, statim fuit ab omni vexatione liberata. Die ultimo ejusdem mensis, Philippa, filia Nicolai de S. Germano Lucerini, cum ex uno oculo nihil videret, ad sepulcrum per matrem suam cum devotione perducta, statim plene visum recepit. Tu autem.

R. Nicolaus Calaber, civitatis S. Mariæ incola, tristabatur graviter, quod filio infirmo, ac desperato nullum esset remedium, Qui in B. Augustinum fesus, persensit auxilium.

V. Nam de sepulcro arripens pulverem, ori infundens, crexit cum sospitem. Qui in B. Augustinum.

## Lectio IX.

Die primo Septembris, VII. Indictionis, Mansella de Casali novo, per multos annos graviter a Dæmonibus vexata, nullis potuit mediis liberari. Cum vero semel a viro suo ad Ecclesiam B. Mariæ de monte Oliveto, vivente adhuc Beato Augustino, in suo Lucerino Episcopatu morante, duceretur, ceperunt Dæmones altis vocibus clamare, & dicere, faciet nos hinc exire Augustinus, ignorantibus, qui audierant, de quo Augustino dixissent. Mortuo deinde Beato Episcopo, & multa faciente miracula, eadem mulier a viro suo ad Beati viri sepulcrum cum fide, & devotione est ducta. Illis igitur pergentibus, duo ex Dæmonibus ad sepulcrum non præsumentes accedere, in itinere de obsessæ corpore recesserunt, bovem, qui in campo pascebatur, mactantes. Cum vero ad sepulcri locum pervenissent, tertius etiam Dæmon cum maximo ululatu exiens, mulierem liberam dimisit. Tu autem Domine.

R. Simon de Barulo, percussus cecitate, poposcit a filio suo Nicolao, ut se per manum duceret ad Ecclesiam, in qua Sancti Episcopi erant reliquiæ, Ut iis ad oculos positis, Lumen mereretur accipere. V. Respicensque S. Præsul ejus fidem, ac pietatem, ad reliquiarum contactum præstitit sanitatem. Ut iis ad oculos. Gloria. Lumen.

Ad

*Ad Laudes, Antiph.*

Testimonia tua, Jesu benigne, credibilia facta sunt nimis, & ideo sancti tui meritis, Ecclesiam tuam decet sanctitudo in longitudinem dierum. Ps. Dominus regnavit. Cum reliquis.

Fideles populi gaudete in Domino, ac in letitia magna toto cordis affectu ei servite, quia tam preciosum thesaurum civitati praeiit Lucerina.

Benedicamus Deo cali in vita nostra, & semper in nomine sancto suo nostras manus levemus, qui labiis exultationis concedat nobis laudare nomen sui Praesulis gloriosi.

Patrem, & Filium cum Sancto Spiritu toto corde laudemus, qui corpus tam mirificum residere facit in Ecclesia B. Dominici Lucerina.

Novum canticum cantate Domino, quia semper infinita laus ejus in Ecclesia suorum sanctorum a cunctis fidelibus animo valenti decantatur.

Capitulum, ut supra.

*Hymnus.*

O venerande Pontifex,  
Augustine dulcissime,  
Audi rogantes servulos,  
Quaerentes in periculo.  
Aufer necis dispendia,  
Confer vitae stipendia,  
Quo post carnis exilia,  
Tecum simus in gloria.  
Te nostra sonant carmina,  
Et Angelorum agmina:  
Infernus tibi ululat,  
Fretumque maris insonat.  
O Sidus maris fulgidum,  
Absolve nexus criminum;  
Et fletus quoque supplicum  
Immuta, dando gaudium.  
Laus sit parenti Domino,  
Laudem canamus unico,  
Laus sit amborum flammis,  
Per tempora laudabili. Amen.

V. Justus germinabit &c.

*Ad Benedictus, Antiphona.*

Benedictus Deus, rex caelestis, qui per Beati Augustini Antistitis Lucerini merita, tot in terris operatus est mirabilia: unde letantur Angeli, exultant Archangeli, & omnes electi, una voce canentes, semper dicunt, gloria tibi Domine.

*Oremus.*

Praesta, quasumus, omnipotens & misericors Deus, ut qui Beati Augustini Episcopi Lucerini gloriosi sollemnitate devotissimo celebramus officio, & temporalem nobis suis precibus tranquillitatem tribuat, & vitam conferat sempiternam. Per Dominum nostrum &c.

Prosa, sive cantus, qui in cathedrali Ecclesia Zagrabienfi die III. Augusti, die nempe S. Augustini sacra, post Graduale solet in choro decantari.

Eja plaude, laudes pange, corde gaude, voce clange magno tuo Praesuli,  
Tuo Duci, nunc ad aras tuae luci redde claras gentes, urbs Zagrabia:

Nam millenis te coronat, & amenis adhuc ornat insulas splendoribus.

Illas Praesul olim rexit, isthinc exul non neglexi, translatus Lucerniam.

Augustine clarum lumen, quem divina magnum numen ornat sol justitiae,

Ad amicum tuum flamus, cor invictum, te rogamus, da tuis clientibus

Illyrici Sacri Tom. V.

Fide una, Dei cultu, velut luna pleno vultu, regnum nostrum fulgeat.

Dei cultor vires reddis, stygis ultor mira edis in cunctis prodigia.

Cum vis dira Papae manum vexat, mira rest mox sanum facis tuo basio;

Hic perdoes ponit suaves, tu in pisces mutas aves, Praesul tunc Zagrabia;

Hic aquarum adhuc fontes, Tiliarum illic frondes, tua rerum colunt gentes trophaeum potentia.

Cali flamma, Augustine, pelle damna, cessent mina, nos inflamma Seraphine caritatis ignibus;

Tua virtus fac nos sanet. Deum orbis totus amet, echo cordis mille clamet laudes summo Numini.

Almo Patri, qui creavit, Nato, qui nos reparavit, Spiritui, qui sacravit, laus honor in saecula. Amen.

Cum de miraculis D. Augustini, & plurimis maximisque beneficiis per eum in Apulos, & Lucerinos collatis Tragurium constanti fama perlatum esset, Tragurienses simul praerita erga civem olim suum ore omnium atque laudibus celebratum contumaciae poenituit, simul sanctissimi ejus corporis apud se habendi colendique ingens cupiditas cepit, ut quem vivum non sine aliqua injuria dimiserant, mortuum summo cum honore exciperent, & perpetua colendum veneratione retinerent. Itaque certos homines in Apuliam transmittere decreverunt, qui Luceriam progressi sacrum illud corpus furtim sublatum in patriam reportarent. Sed desiderium ac spem Traguriensium admirabilis quidam eventus fefellit. Rem omnem narravit Joannes Marnavicius his plane verbis: Aliquot annis ab ejus obitu fama miraculorum ejus percrebescens concives olim ejus Tragurienses excitavit, ut, transmissio Adriatico, accederent Luceriam furto sancti Viri reliquias ablaturi; & iis exhumatis profunda noctis beneficio, reliquias civis sui, quocumque modo auferre possent, terrena patriae restituerent. Navim itaque conscendunt, prosperoque vento Fersorium incolis portum appellatum tenentes, relicta in eo navi, ad Lucerinam civitatem brevi itinere contendunt, profunda noctis beneficio corpus sublatum laeti successu rei ad navim deferunt. Quiete itaque ex labore praecedentis diei, & sequentis noctis capta, dum summo mane portum egredi volunt, animadvertunt dolose partum evanuisse thesaurum. Mœrentes itaque in littus egressi omnia tam regia via, quam aliorum recessuum secreta rimantur; audiunt a pertransuentibus viatoribus sacra ossa illo ipso mane, quo marinis fluctibus committere se se cum opima præda paraverant, ante Ecclesiam S. Dominici in urbe Luceria ab incolis inventa esse. Quibus auditis, Deo & ejus Sancto rapinam minime fuisse acceptam experti, quanta maxima celeritate licuit, fraudati desiderio suo repedarunt in patriam eventu rei maestissimam memores vaticinii S. Viri de ossibus ejus per patriam non possidendis.

Lucerinorum, Traguriensium, & Zagrabien-  
sium religio & pietas erga Augustinum adeo  
numquam deferbuit, ut potius magis magil-  
que in dies effluerit; quam non vetera so-  
lum, sed nova quotidie confirmarunt miracu-  
la. B. Augustini virtus potissimum valet ad Da-  
mones & corporibus oblectis expellendos, ut tra-

Tragurien-  
ses cupidi  
potius ad  
corpora B.  
Augustini.

Lucerina-  
rum, Tra-  
guriensium,  
Zagrabien-  
sium exi-  
mia adver-  
sus B. Au-  
gustinum  
religio.

M m 2 dit

dit Sigismundus Ferrarius in Hist. Hungaricae provinciae Dominicanae parte 2. qui nonnullos per eum superiori saeculo ab hac diabolica obsessione & vexatione liberatos, & sanitatem multis restitutam fuisse scripsit. Joannes Marnavltius narrat Luceriam, cum anno 1634. magni terremotus in Apulia, totoque regno Neapolitano facti essent, & multa oppida corruerint, incolumem fuisse suffultam patrocinio Deiparae Virginis, & B. Augustini, quorum opem Lucerini suppliciter imploraverant: Apparente, inquit, omnibus inspectantibus, supra civitatem Matrona candidissimis vestimentis (fulgente, & penes illam quodam episcopali ornamento induto illa ipsa proportione, & aspectu, quo imago S. Praesulis Luceriae colitur: quae visio tam diu inspectantium oculos tenuit, quo ad effectus irae divinae in circumcirca sitis terris debacchata est. Hinc certa fides tenuit Deiparam, cujus nomine civitas denominatur, & S. Augustinum plebi invigilasse suae, & a ruina imminente illam praeservasse. Quamobrem Lucerini ad memoriam sempiternam beneficii tam insignis B. Augustinum sibi ac civitati suae patronum adoptarunt; & senatusconsulto decreta est anniversaria supplicatio ad Ecclesiam S. Dominici, in qua ejus corpus asservatur. Urbs Lucerensis, ut Ferrarius scriptum reliquit, ingentia & innumera beneficia, quae a Deo illius meritis & intercessione accepit, de eo in peculiarem advocatum ac protectorem deligendo peculiari consultatione ad annum 1634. tractabat... Porro dies tertia Augusti, qua B. Augustinus decessit, Luceriae instar Paschalis festivitatis sollemnis habetur maxima incolarum omnium, nobilium, vulgarium, rusticorum, ac cujusque hominum conditionis frequentia, precibus, & sacro propriis Joannis XXII. indulto, concionibus, & laudum praeconiis celebratur &c.

Clemens XI.  
cultum B.  
Augustini

Sub initium hujus saeculi ad preces Rever. Patris Antonini Cloche Magistri generalis ordinis Praedicatorum Congregatio sacrorum rituum censuit constare de cultu immemorabili S. Augustini, & si sanctissimo Patri visum esset, concedi seu confirmari posse facultatem ejus colendi venerandique anniversaria psalmodia & liturgia singulis annis eo die, quo ad beatam immortalitatem migravit, eamque facultatem extendi tum ad Ordinem universum S. Dominici, tum ad provinciam Beneventanam, & nominatim ad civitates ac dioeceses Lucerinam, Spalatinam, Traguriensem, atque Zagrabiensem: id siquidem ut impetrarent Archiepiscopi duo Beneventanus, & Spalatinus, Episcopi Lucerinus, & Traguriensis Clementem XI. per litteras supplices rogaverant. Annuit Pontifex, & decretum in haec verba fieri iussit.

Clemens Papa XI. ad futuram rei memoriam. Nuper ad supplicationem dilecti filii Antonini Cloche Magistri generalis ordinis fratrum Praedicatorum emanavit a Congregatione venerabilium fratrum nostrorum S. R. E. Cardinalium sacris ritibus praepositorum decretum tenoris, qui sequitur, videlicet: Luceria Canonizationis B. Augustini Dalmatae Ordinis Praedicatorum Episcopi Zagrabiensis, & demum Lucerini. Cum sacrorum Rituum Congregatio ad relationem Eminentissimi, & Reverendissimi D. Cardinalis Petrucci sub die XIX. Junii MDCC. cum subsequente approbatione Sanctissimi censuerit constare de cultu immemorabili B. Augustino praedicto praestito, P. Antoninus Cloche Ordinis Praedicatorum Magi-

ster generalis humiliter sacrorum Rituum Congregationi supplicavit, ut in civitate Lucerina continuari possit in celebratione festi diei B. Augustini cum officio, & Missa propriis ejusdem Beati, prout asserebatur fuisse hactenus recitatum, nec non, ut idem indultum ad totum Ordinem Praedicatorum, ad propriam Beneventanam provinciam, in qua sita est civitas Lucerina, ad civitatem & dioecesim Traguriensem patriam ejusdem Beati, nec non ad civitatem & dioecesim Spalatinam benigne extendere dignaretur. Et facta eadem Congregatio ad relationem Eminentissimi, & Reverendissimi D. Cardinalis Gabrielli tam in voce, quam in scriptis, Reverend. Archiepiscopo Myrensi fidei promotore audito, accedentibus piis supplicationibus Eminentissimi, & Rever. Dom. Cardinalis Ursini Archiepiscopi Beneventani, Archiepiscopi Spalatinus, Episcopi Lucerini, & aliorum Episcoporum totius provinciae Beneventanae, & Episcopi Traguriensis sanctissimo Domino nostro porrectis, & ad eandem sacrorum Rituum Congregationem remissis, officium cum Missa de B. Augustino praedicto pro civitatibus Lucerina, Zagrabiensi, & Traguriensi, nec non earumdem dioecesium, & pro Ordine Praedicatorum, de communi tamen Pontificum posse concedi censuit, si sanctissimo Domino nostro visum fuerit, die prima Octobris MDCCI. Et facta deinde de praedictis per me secretarium sanctissimo Domino nostro relatione, Sanctitas sua benigne annuit die XIX. ejusdem mensis Octobris, & anni MDCCI. G. Cardinalis Carpineus. Loço † sigilli.

Cum autem, sicut dictus Antoninus Magister generalis nobis subinde exponi fecit, ipse decretum hujusmodi, quo firmiter subsistat, Apostolica confirmationis nostrae patrocinio comminari summopere desideret, Nos ipsum Antoninum Magistrum generalem specialis favore gratiae prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existat, ad effectum praesentium dumtaxat consequen. harum serie absolventes, & absolutum fore censentes supplicationibus ejus nomine nobis super hoc humiliter porrectis inclinati decretum praesentium auctoritate Apostolica tenore praesentium approbamus, confirmamus, illique inviolabilis Apostolicae firmitatis robur adjicimus, salva semper in praemissis auctoritate memorata Congregationis Cardinalium. Decernentes easdem praesentes litteras semper firmas, validas, & efficaces existere, & fore, suosque plenarios & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari; sicque in praemissis per quoscumque judices ordinarios, & delegatos, etiam causarum palatii apostolici auditores judicari, ac definiri debere; ac irritum & inane, si secus super his a quoquam quavis auctoritate, scienter, vel ignoranter contigerit attentari. Non obstantibus constitutionibus &c. Datum Romae apud Sanctum Petrum sub annulo Piscatoris die IV. Aprilis MDCCII. Pontificatus nostri anno secundo.

Ternas lectiones proprias cum oratione itidem propria approbatas a sacra Congregatione, & Patribus Dominicis, provinciae Beneventanae, Ecclesiis Lucerinae, Spalatinis, Traguriensis concessas, clerum dioecesis Zagrabiensis adoptavit. In hac tamque duos errores interpretis-

a Sacra Rituum Congregatione approbatum

auctoritate sua confirmavit

Lectiones proprias concessas Patribus Dominicis, & aliis a clero dioecesis Zagrabiensis

grabienlis  
receptiz.

se animadversum est, videlicet B. Augustinum auditorem fuisse D. Thomæ Aquinatis: id quod rectæ Chronologiæ repugnat, ut supra ostendimus; itemque eodem Augustino auctore, Luceria cognomen ab S. Maria impositum, & civitatem S. Mariæ appellatam esse. Marnaviti-  
us etiam Mariani cognominis impositionem D. Augustino attribuit. Hoc autem, nisi aliqua explicatione adhibita, cum veritate historica coherere non posse demonstrat Guillelmus Cuperus in actis ejusdem B. Augustini: Si hac acta, inquit, aut lectiones istæ significare velint, primum ab hoc beato Præsule S. Mariæ nomen civitati Luceria fuisse impositum, antiquis monumentis manifeste contradicunt; nam cognomen istud jam erat usitatum tempore Benedicti XI. Papa, qui Carolo regi Sicilia apud Raynaldum in Annalibus Ecclesiasticis ad annum 1303. num. 55. inter alia hæc scribit: Sane tu dudum pie considerans, quod ex mora, quam faciebant Saraceni in civitate sancta Mariæ, tunc vocata Luceria, derogabatur plurimum fidei prælibata, ab ea Saracenos prædictos, ut ex tunc inhabitarent inibi libere Christiani, exterminari fecisti Spiritu Dei ductus &c.. Deinde Præsul istius civitatis ibidem ab eodem Pontifice „Venerabilis Frater noster Episcopus S. Mariæ „appellatur . . . . Quandoquidem tamen Acta Sanctorum, & lectiones Breviariorum tamdiu tueri conamur, quamdiu manifesta veritas nos ab his non cogit recedere, dici hic posset, quod forsitan tempore B. Augustini antiquum Luceria nomen rursus apud cives invaluerit; atque idcirco beatus Antistes civitatem illam nomine S. Mariæ appellari præceperit.

Cultus Za-  
grabienlis  
S. Augu-  
stini.

De Zagrabienli vetustissimo cultu B. Augustini hæc tradit Balthassar Adamus Kereselichius: Perennis præcipue in Capitulo ob edita statuta & officia ad hæc usque tempora in choro & missis servari solita Augustini memoria est, magnaque devotio, ut testatur Levakovich. Profecto Ladislaus Episcopus ejusdem 1327. successor universas Augustini constitutiones firmavit, observarique voluit; nec in suis aliter litteris ejus mentionem facit, quam venerabilis, sanctæ memoriæ, magni Episcopi, viri sancti &c. Quod & successores fecerunt, præcipue Nicolaus, Eberardus, Osvaldus, Lucas &c. Post Dominicanorum tamen Patrum Zagrabia arbitrium ejus apud paucos fuit memoria. Joannes Tomcus Marnavikius Canonicus Cathedralis, Lector, ac demum Bosnensis Episcopus vitæ Augustini editione multos Augustino devotos procuravit. Martinus Braikovich Episcopus Zagrabienlis ejus in diocæsim totam die 3. Augusti induxit Officium. Anno tandem 1747. Stephanus Putz Abbas S. Spiritus de Hrapko Custos & Canonicus Ecclesiæ Zagrabienlis, nunc vero ejusdem Ecclesiæ Capituli Lector, Episcopus Belgradensis, sive Samandriensis, & Tabulæ Banalis Prælatus ac Assessor pro sua in S. Augustinum devotione, ut vitam S. Augustini vulgari lingua ederemus, suator, auctor, Typi patronus fuerat. Diçta eodem anno de S. Augustino Panegyris, Statua marmorea, & elegans quidem ad aram S. Georgii collocata, ipsaque ara Deo sub SS. Augustini, & Georgii sacra-  
ta patrocinio, imagines binæ, Vienna Austria alia, alia Neapoli a celebrioribus pictoribus procurata; quarum prior ad interiorem sacristiam, Neapolitana perelegans ad aram B. V. Mariæ, cujus cultu ardebat Augustinus, & quolibet Sacri Tom. V.

tidianas de Virgine Missas confirmari procuravit, posita. Tandem, ut major haberetur memoria, 1749. Vienna Augustini, Calcographo Miller, exhibitæ imagines. Demum 1750. Illustrissimus D. Comes Antonius Klobusiczki de Zetthenii supremus Comes comitatus Zempliniensis, & sua majestatis sacratissima Camera-  
rius cum sua conjuge Theresia Szaparii Biskupiczki ad Varasdinum, cum parochialis Ecclesiæ illius benefactores magni essent, inter reliqua elegantem aram, vereque nobilem S. Augustino Zagrabienli Episcopo pro sua in eum devotione posuerunt aliam S. Antonio Paduano erigentes. Plura nobis de S. hoc Episcopo scribenda forent; sed de religiosa ejus vita, & miraculis cum plures hætenus scripserint, lectores eo relegamus. Conciues autem nostri frui possunt, quam 1747. dedimus, notitia vitæ Augustini.

Ex eodem Kereselichio describi placet Officium in festo B. Augustini a clero Zagrabienlis diocæsis absolvi solitum. Die 3. Augusti in festo S. Augustini Episcopi Zagrabienlis. Duplex.

Oratio  
prop. &  
lectiones  
prop.

O R A T I O.

Deus, qui Ecclesiæ tuæ in B. Augustino Confessore tuo atque Pontifice boni pastoris exemplum providere dignatus es, concede propitius, ut ejus intercessione in loco pascuæ tuæ perpetuo collocari mereamur P. Dominum nostrum &c.

Deinde fit commemoratio præcedent.

Leçt. 1. Noçt. Fidelis sermo &c. ex Commun. 1. loc.

In II. Noçt. Leçt. IV.

Augustinus Tragurii in Dalmatia sub Spalatenli Archiepiscopatu parentibus nobilitate, ac orthodoxæ fidei pietate illustribus natus est. Adolescens, ut totum se Deo manciparet, sacrali patrimonio dimisso, sacræ Prædicatorum familiæ nomen dedit; ibique in sectandis Sancti Dominici, quem sibi Patrem elegerat, vestigiis adeo incubuit, ut adhuc juvenis tanquam Regularis Observantiæ exemplar omnibus proponeretur. Exacto tyrocinio, Parisios una cum Fratre Jacobo Ursini studiorum causa missus Sanctum Thomam Aquinatem Magistrum habuit, sub quo mirum est, quantum in scientia, pietate, ceterisque virtutibus profecerit.

Leçtio V.

In patriam reversus superiorum jussu prædicationi divini verbi addictus est: maximo interim salutis animarum studio inardescens nihil unquam omisit, quo infideles ad fidem, peccatores ad pœnitentiam revocaret. In oratione assiduus, cui incumbens plures noctes ducebat insomnes, illud Sancti Doctoris Augustini frequenter usurpabat; Recte novit vivere, qui recte novit orare. Ne vero sub modio virtutum ejus lucerna delitesceret, a Benedicto XI. ad Zagrabiensem Episcopatum promotus fuit. Quo in munere humilitatis, patientiæ, misericordiæ erga pauperes laude, & præcipue indefessis in custodiendo grege sibi commisso laboribus adeo enituit, ut Robertus rex Neapolis, audita ejus fama, summis precibus a Joanne XXII. impetravit, pastorem illum præfici Ecclesiæ Luceria, ut eam a Saracenorum erroribus, quibus infecta fuerat, expurgaret.

Leçtio VI.

Ad Lucerinam Ecclesiam profectus novæ Sponsæ suæ maculas a Saracenorum labe expurgaturus, mirum, quas ærumnas, quos labores perpessus sit: donec orationis fervore, prædicatione,

Mm 3 nis



nis efficacia, morum sanctitate universum ovile suum Catholicum videre meruit, utque illud a quolibet futuro inquinamento servaret immune, Deipara Virginis potenti patrocinio submisit totam Diocesim, ac precipue urbem Lucerinam, quam, mutato nomine, civitatem Sanctae Mariae appellari voluit: qua nomenclatura nostris etiam temporibus dicta civitas decoratur. Tandem meritis plenus, & miraculorum fama illustris, animam reddidit Creatori die tertia Augusti circa annum salutis millesimum trecentesium vigesimum tertium, aetatis vero suae septuagesimum; cuius corpus in Ecclesia, quam suo Ordini edificaverat, honorifice conditum tot prodigiis a Deo insignitum ferunt, ut paucis post ejus obitum annis Carolus Dux Calabriae supplices dederit litteras Joanni XXII. Pontifici Maximo, ut Augustinum Beatorum fastis adscribere dignaretur. Clemens vero XI., ut in toto Prædicatorum Ordine ejus festum cum Officio & Missa de Communi unius Confessoris Pontificis celebraretur, benigne concessit.

Leß. III. Noß. Homo peregre &c. 1. loco.

Alia S.  
Augustini  
Vita.

Vita S. Augustini Episcopi Zagrabienensis breviter & summatim descripta reperitur apud Zagrabienenses in codice quodam MS. perquam vetusto de Sanctis Illyriis, quam veluti quamdam ejus præclare factorum epitomen hic subnectendam censui. Si ex stylo conjecturam fieri liceat, non valde antiqua videtur esse.

Augustinus civis Tragurienfis urbis, ex nobilibus, & piis parentibus originem duxit. A pueritia Ordinem Prædicatorum intrans, talem se exhibuit alumnus, ut cum juvenis ad studia mitteretur, mirabiliter a Deo servatus a Prædonibus fuerit. Scientia Philosophiæ & Theologiæ efficacissime instructus claruit. Cumque lectionibus ad discipulos, & ad populos concionibus annos aliquot non sine ingenti profectu desudasset; cum Benedictus XI. ex Ordine Prædicatorum, qui virtutem ejus, regularem cum primis observantiam & sanctitatem, optime sibi perspectas, plurimi faciebat, Romam evocatum, Zagrabienfi Ecclesiæ anno 1304. præfecit. In ejus accessu ad beatorum pedum oscula, Pontifex manum dexteram chiragra laborantem ad osculum ipsi oblatam, post Augustini osculum, sanam retraxit. Pontificia mensa jussu accumbere perdicces sibi oblatas (cui alioquin carnes ex sua religionis instituto comedere non licebat) in pisces convertit. Inde ad Michaelcm Strigoniensem missus, suum nempe immediatum antecessorem, res cum eodem nomine Papæ composuit, sibi reddens amicissimum; & ad Zagrabiensem Ecclesiam veniens, eam sanctissime, vigilantissimeque administravit. Templum ruinatum a Tartaris inveniens, & post Timotheum neglectam reparationem continuavit. Suppellectili sacra providit, ornavit, S. Petri Martyris insigni reliquia decoravit. Clerum exemplo sermonibus clero reddidit; eidemque ritum divini Officii, juxta Fratrum Prædicatorum normam servandum præscripsit; quem ad hæc usque tempora eadem servat Ecclesia. Canonicis Zagrabie, Chasma normam præscripsit, & ordinem posuit. Fratres Prædicatores ad S. Nicolaum posuit, apud eos morari solitus, Episcopum cum religioso mire exhibens. Post templariorum sententiam in Sclavonia eorumdem administer, annis singulis de Ambone toti populo computum rationesque dare solebat, ut nemo posset detrabere. Hospitalia pauperum plura constituit ad S. Petrum pro Lepro-

sis, in nova villa pro agrotis ad S. Elisabeth, & S. Antonium aliud, Jurium Ecclesiæ vindex. Marcum enim quendam de calumnia convict. Castrum Medvedvar oblato pretio pro Ecclesia recuperare laboravit. Et complura pro eadem Ecclesia prædia, possessiones comparavit. Tanta autem servi Dei virtus fuerat, ut testata miraculis perhibeatur. Aquam salutarem precibus a Deo obtinuit, dum siti populus premeretur, ex quo confluebant ad S. Episcopum omnes, & ex benedictione, vel tactu illius dexteræ, sanabantur. Mirabilia Dei diffusa per alios, ad S. Virum, & Seruum Dei concursus undique. At is Tiliam benedixit, cujus foliis agroti sanabantur, & illa, Tilia S. Episcopi dicta est. Multa a Carolo rege obtinuit, & pro Ecclesia impetravit. Ejus sæpe legationibus fungens, & 1319. ad Pontificem, Dalmatiam, & Robertum missus, primum viarum compendio usus, Tragurium natale solum accessit, ibidemque Concives suos dissidentes conciliare studebat; non auditus excessit, subdens ingrati patriam, ejus ossa non habituram. In Apuliam transfretavit, sed Robertus rex Neapolitani regni, Lucerinam civitatem Mahometico delirio per Fridericum Imperatorem, & Siciliæ regem, intra aliquas civitates Neapolitani regni, expurgari cupiens, Augustinum fama de apostolico ejus zelo late volitante, a vinculo Zagrabienfis Ecclesiæ auctoritate Joannis XXII. summi Pontificis absolutum, Luceriæ præficiendum postulavit. Lucerinæ deinde Ecclesiæ postquam annis aliquot insigni pietate, sanctitatisque & miraculorum splendore præsedisset; anno Christi 1323. die III. Augusti prope septuagenarius migravit in calum. Ejus corpus Concives ejus Tragurienfes, noctis beneficio clam auferentes, de portu ac navi, in quo illud, in Crastinum fessi, somnum capturi, de præda vero tam opima, jam ut illi rebantur securi, deposuerant; Luceriam, unde sublatum fuerat, divinitus remeavit.

#### STEPHANUS III. EP. ZAGRAB. XXIII.

Egregius disciplinæ Dominicanæ alumnus, Stephanus III. ex Ordine Prædicatorum, eratque a confessionibus Clementiæ viduæ Ludovici Hutini regis Galliarum & Navarræ, quam ex alio quidem patre, sed ex eadem matre, ex qua natus & Carolus rex Hungariæ, genitum ferunt. Hæc apud Carolum fratrem institit, ut Sedem Zagrabiensem B. Augustini discessu vacuam Stephano traderet. Sorori monem gessit, & Stephanum Episcopum Zagrabiensem nominavit anno 1319., deditque operam, ut Episcopatus ab se in Stephanum collati auctor fieret approbatorque Joannes XXII. Vix duos annos huius Ecclesiæ præfuerat, cum idem Pontifex eum ad Ecclesiam Corisopricensem in Galliam transtulit. Ecclesia Consopriensis eadem opinor est, atque Corisopotensis, quæ apud Ferrarium in provincia Turonensi collocatur; & Corisopitum vulgo Cornovaille civitas est Britanniarum minoris, eodem Ferrario teste. Paullus Ritterus unicum privilegium citat, in quo Stephanus sui nominis & Episcopatus memoriam posteris reliquit. Extat diploma Caroli regis, quo vetat magistratus, & Dynastas locorum diocesis Zagrabienfis quidquam pecuniæ ab illis exigere, qui decimis episcopalibus colligendis præstant. His temporibus plerique tum e laicali, tum e monastico, tum e clericali Ordine, quondam veluti conspi-

Stephanus III. ex Ordine Prædicatorum, Episcopus Zagrabiensem in Galliam.

Direptores  
bonorum  
Ecclesie  
Zagrab. Jo-  
annes XII.  
compesci,  
cogique ju-  
bet, ut ab-  
lata resti-  
tuant.

Inspiratione facta, jurisdictiones, & possessiones Ecclesie Zagrabienſis invadere, prædari, diripere audebant; nec vero a cædibus abſtinebant, liqui obſistere ac defendere conarentur. Episcopus & Canonici auctoritatem opemque implorarunt Joannis Papæ, ut raptores iniquos & sacrilegos compesceret, & quæ ablata fuerant, Ecclesie restitui juberet. In tantis persecutionibus, ut scriptum reliquit Thomas Kovalcevičius, & calamitatibus fuit Episcopus, & Capitulum, ut fere totus mundus contra Ecclesiam Zagrabienſem viſus fuerit conſpiſſe; & qui innumeris malis præſens adferret remedium, cum alter ſperare non poſſit, ipſius plane ſummi Pontificis Joannis XXII. aſſiſtentia per exmiſſos imploranda erat. Pontifex per litteras tribus Episcopis Quinqueecleſienſi, Boſneſi, Tinnienſi imperavit, ut direptores bonorum Ecclesie Zagrabienſis, quæ abſtulerant, anathematum, & aliarum pœnarum metu injecto, reſtituere cogerent. Epistola Pontificia data eſt Avenione Kalendis Decembris an. 1319. Sane venerabilis fratris noſtri, & dilectorum filiorum Capituli Zagrabienſis conqueſtione percepimus; quod nonnulli clerici, & eccleſiaſtica perſona, tam religioſa, quam ſaculares, nec non Duces, Comites, Barones, advocati, milites, nobiles, & univerſitas civitatum, caſtrorum, oppidorum, villarum, & alii laici Zagrabienſis civitatis, & diœceſis, & partium vicinarum; uſurpaverint, & occupari fecerint Eccleſias, Dominia, Caſtra, terras, villas, vineas, poſſeſſiones, Pedagias, Molendina, redditus & proventus, jura, jurisdictiones, ac nonnulla alia bona immobilia, & mobilia ad eos, & Eccleſiam Zagrabienſem ſpectantia. . . . . Clericos quoque ac Vaſſallos, homines & Colonos interris & locis ad ipſos & eandem Eccleſiam pertinentibus, invadere, interficere, capere, carcerationi mancipare, equos etiam, boves, & nonnulla alia ſua & hominum, & Vaſallorum ipſorum in prædam abducere, ac domos ipſorum incendio concremare præſumpſerunt &c.

Stephanus  
vel abſens  
proſuit Ec-  
clesie Za-  
grab.

Cum ſcriptor Albi Capitularis Stephanum modico tempore Eccleſie Zagrabienſi præſuiſſe tradat, Balchazar Kereſeličius dubitavit, adieritne Zagrabiam, an non adierit; attamen vel abſens Eccleſie ſuæ prodeſſe ſtudit; nam, ut ipſe ait, & diploma ſupra laudatum a Carolo rege, & Avenione cum eſſet, ſuas cum precibus, & querelis Capituli conjungens litteras modo deſcriptas ab Joanne Pontifice impetravit. De Stephano III. in Albo Capitulari hæc memoriæ prodita ſunt: Huic (ideſt Auguſtino) ſucceſſit D. Stephanus III. de eodem Ordine (Prædicatorum) provisionem D. Joannis Papæ (& poſtulationem Caroli regis), exiſtens Confessor D. Clementiæ reginæ Franciæ & Navarræ, ſororis uterini Caroli regis. Hic per eundem D. Summum Pontificem fuit translatus in Episcopum Eccleſie Coriſopricenſis in regno Franciæ, qui modico tempore præſuit Eccleſie Zagrabienſi.

Plodius  
duos Augu-  
ſtinos Ep.  
Zagrabien-  
ſes conſi-  
xit.

Joannes Michael, qui & Plodius appellari ſolet, ex ordine Dominicano in Commentario italico de illuſtribus viribus ordinis Prædicatorum auctor eſt duos eodem nomine Auguſtinos ex eadem B. Patris Dominici ſodalitate Eccleſie Zagrabienſi alterum proxime poſt alterum præſuiſſe, primum patria Tragurienſem cognomento Gazzotum ex concionatore ſacri palatii Apoſtolici, ſecundum ex præ-

ſide, ſeu priore cœnobii Veneti Dominican Episcopos creatos fuiſſe, & hunc quidem ad Nucerinam, illum ad Lucerinam Eccleſiam translatum eſſe, utrumque beatorum factis adſcriptum, & alterius quidem die tertia, alterius autem memoriæ die octava Auguſti anniverſario cultu celebrari. Duos Auguſtinos comminiſcendi hanc potiſſimum cauſam Plodio fuiſſe opinor, quod non animadverterit Luceriam urbem Apuliæ apud Scriptores interdum appellari Nuceriam: cum igitur Auguſtinus poſt diſmiſſum Episcopatum Zagrabienſem apud alios Lucerinæ, apud alios Nucerinæ Eccleſie præpoſitum fuiſſe legiſſet, duobus ejuſdem civitatis vocabulis duas itidem civitates deſignari putavit alteram in Apulia, ad quam Auguſtinus Gazzotus, alteram vel in Umbria vel in Campania, ad quam alter Auguſtinus, quem ipſe conſinxit, translatus fuerit. Nam præter Luceriam, ſive Nuceriam Apuliæ, duæ Nuceriæ apud veteres & juniores geographos reperiuntur; una eſt in Umbria, quæ nulli metropolitæ, præterquam Romano Pontifici, altera in Campania felici, quæ Salernitano metropolitæ ſubeſt; harum alterutri ſuum Auguſtinum, ejuſque commentitium Episcopatum Plodius aſſinxerit neceſſe eſt; ſed neutra inter ſuos Episcopos ſæculi decimi quarti ullum annumerat Episcopum, cui Auguſtino nomen fuerit. Apud Ughellum Tom. I. Ital. Sac. Franciſcus Antonius ex Comitibus Antignani Eccleſiam Nuceriæ in Umbriam ab anno 1288, uſque ad annum 1327. adminiſtravit, cui ſucceſſit B. Alexander Vinceolus Peruiſinus, qui vitam & Pontificatum uſque ad ann. 1363. perduxit. Tomo autem . . . tradit N. N. Episcopum Nucerinum provinciæ Salernitanæ a civibus anno 1260. interfectum; & huic civitati ob necem illam ſacrilegam ab Alexandro IV. ſedem ac dignitatem Episcopalem ademptam, neque ante annum 1386. reſtitutam fuiſſe ajunt; quo quidem anno Urbanus VI. F. Franciſcum ex ordine Minorum illi Eccleſie Nucerinæ Episcopum præfecit. Itaque nihil loci inter Episcopos utriuſque Nuceriæ relictum eſt Auguſtino, quem Plodius per errorem intruſit. Duos Episcopos conſingendi occasionem ex eo etiam fortalle ſumpſit, quod idem B. Auguſtinus primum Zagrabienſis in Slavonia, deinde Lucerinus in Apulia Episcopus die tertio Auguſti, quem ejus ad Superos tranſitus conſecravit, apud Zagrabienſes, Dalmatas, & Beneventanos, die autem octava ejuſdem menſis apud Patres Dominicanos anniverſaria ſolemniſque veneratione colitur, ut docet Guillelmus Cuperus Tom. I. die tertia Auguſti. Quamvis, inquit, B. Auguſtinus die III. Auguſti ex hac vita deceſſerit, nihilominus Patres Prædicatores annuam illius feſtivitatem, quam Clemens XI. Pontifex ad totum Ordinem extendit, propter alios dies impeditos (veluti tertium Auguſti, in quem incidit pervigilium S. Patris Dominici) nunc celebrant die octava ejuſdem menſis, ut patet ex proprio eorum officio. Plodius autem videtur exiſtimaviſſe ſolemne duorum dierum cultum non ad unum eundemque Auguſtinum, ſed ad duos ejuſdem nominis Episcopos referri, quorum uterque primum Zagrabienſi, deinde alter Nucerinæ in Apulia, alter Nucerinæ in Umbria, vel Campania Eccleſiis præſuerint. Ex his ſatis conſtare arbitror, unde Plodius in eum errorem inductus fuerit, ut putaverit duos ex ordine Domi-

nica-

nicano Augustinos, alterum alteri proximum, sedem Zagrabiensem obtinuisse; & secundum, quem in catalogum Antistitum Zagrabiensium inveniit, omnino expungendum esse existimo.

#### NICOLAUS EP. ZAGRAB. XXIV.

Hunc ab auctore Albi Capitularis, a Martino Szentianio, a Balthasare Kereselichio prætermisum, Paullus Ritterus in numero Antistitum Zagrabiensium reposuit, nixus auctoritate diplomatis Caroli regis Hungariæ; in quo Nicolaus & Episcopus Zagrabiensis, & Vicecancellarius Aulæ regis nominatur; datum esse ait anno 1325. Verum anno 1324, xi. Kalendas Junii, Ladislavus I. Ecclesiam Zagrabiensem regebat, ut ex alio Caroli regis diplomate apparet; eique subrogatus Jacobus II. anno 1325. iv. Nonas Julii adhuc *Electi* nomen gerebat. Si Nicolaus retinendus est in catalogo Episcoporum Zagrabiensium, viciatam esse oportet notatam chronologicam illius Carolini diplomatis, quod Ritterus testem citat Episcopatus Nicolai; & anno 1325. expuncto, annum 1321., vel annum 1322. ante mensem Novembrem substitui oportet. Cum Stephanus III. anno 1319. hanc sedem adeptus, *modico tempore præfuerit*, ut est in Albo Capitulari, initia pontificalia Nicolai conjungi debent cum anno primo & vicesimo sæculi decimi quarti; sed vix annum integrum huic Ecclesiæ præfuit.

#### JACOBUS EP. ZAGRAB. XXV.

Jacobus I. cum Jacobo II. confusus apud Thomam Kovalevichium.

Thomas Kovalevichius Nicolao Jacobum Episcopum proxime subjecit, quem ab omnibus catalogis abesse testatur; sed cum eum Episcopum fuisse ait anno 1325. iv. Nonas Julii, satis ostendit ex duobus Episcopis, quibus Jacobus nomen fuit, unum ab se constatum esse; cum ea nota chronologica non in hunc, de quo agimus, sed in alterum Jacobum conveniat, qui Ladislavo I. successit. Unum itidem Ladislavum fecit; & deceptus Albo Episcopali non animadvertit duos itidem fuisse Ladislavos, & Jacobum II. inter utrumque interjectum fuisse. Quare inter Stephanum III. & Ladislavum I. intermedii sunt Nicolaus I. & Jacobus itidem I. De hujus Episcopatu Zagrabiensi dubitari non sinunt Tabulæ Consistoriales, in quibus Jacobo sit potestas suscipiendæ consecrationis Episcopalis a quocumque velit Antistite: *Facultas Jacobo electo Episcopo Zagrabiensi concessa accipiendi consecrationis munus a quocumque maluerit Antistite*, Dat. Aren. iv. Id. Novemb. anno vii. Joannis Papæ XXII., qui congruit cum anno æræ vulgaris 1322. Hoc itaque anno Episcopatum suscepit, & post biennium nondum elapsum deposuit, vel morte præreptus, vel ad aliam Ecclesiam translatus.

#### LADISLAVUS EP. ZAGRAB. XXVI.

Anno 1324. xi. Kalendas Junii Ecclesiam Zagrabiensem gubernabat; idque constat ex diplomate Caroli regis, qui Nisiderium oppidum Boleslao Archiepiscopo Strigoniensi restituit, eodem anno dieque confecto; cui nomen Ladislavi Episcopi Zagrabiensis subiectum est: *Datum per manus disertis viri Magistri Andreae, Lectoris Ecclesiæ Quinqueecclesiensis, Aulæ nostræ Vicecancellarii, dilecti fidelis nostri*; Anno Do-

mini millesimo trecentesimo vigesimo quarto, undecimo Kalendas Junii, regni autem nostri similiter vigesimo quarto, Venerabilibus in Christo Patribus, Dominis Boleslao Strigoniensi, Ladislao Colocensi Archiepiscopis; Joanne Nitriensi, Georgio Sirmiensi . . . . . Ladislao Zagrabiensi. Ladislavus postremo loco nominatur; quod argumento est recentissimum fuisse omnium Episcoporum regni Hungarici, & fortasse hoc ipso anno 1324. Episcopali consecratione initiatum. Carolus confirmavit privilegium Andreæ II. regis, qui Capitulo Zagrabiensi salem gra-  
Privilegium Caroli Capitulo Zagrabiensi concessum.  
 tuito contribui jusserat, ut docet Kereselichius. Fratres hospitalarii, qui successerant in sedes ac possessiones Templariorum, novem domicilia obtinebant in diocesi Zagrabiensi. Inter eos & Capitulum ita convenerat, ut solutionem decimarum annuo quodam tributo redimerent. Sex ipsos annos pactum tributum solvere neglexerant. Cum pactis & conventis non stetit, jus remissum decimarum Canonici repetebant. F. Philippus de Granana sanctæ domus hospitalis S. Joannis Hierosolymitani, prioratum alme urbis & Ungariæ Prior, Fratrum suorum culpam, quam inficiari non poterat, aperte atque ingenue confessus, Capitulum exoravit, ut recepto sex præteritorum annorum tributo, in easdem, de quibus antea convenerant, conditiones cum Fratribus hospitalariis pacisceretur; simulque præscripsit quid & quantum singulis annis unaquæque domus hospitalis pro decimis contribuere deberet. Itaque eadem, quæ ante sex annos, pactio & stipulatio renovata est; illud diserte additum fuit, ut si Fratres a conventis atque pactis deficerent, jus exigendi ab illis decimas ad Capitulum rediret. Hæc ex tabulis archivi Capitularis, quas hic subijcio.

Nos Frater Philippus de Granana sanctæ domus hospitalis S. Joannis Hierosolymitani prioratum alme urbis & Ungariæ Prior humilis, significamus quibus expedit, quod cum ex debito nostri officii ad partes regni Ungariæ Zagrabiensis diocesis venissemus, gravem discordiam exortam inter Capitulum Zagrabiense, & nostros Fratres Commendatores, & Præceptores domorum in ipsa diocesi existentes, ratione decimarum invenimus, quas ipsi a distis fratribus repetebant, & quoniam ipsos Fratres nostros contra dictum Capitulum in solutione censuum annuorum, ratione decimarum, per pacta olim inita debitorum, non de modico tempore cessasse reperimus, & propter hoc multum excessisse, ad compensationem, & quietudinem remediis opportunis capimus sollicitare Capitulum antedictum; & tandem, volente Domino, ad plenam concordiam cum iisdem devenimus, ut in litteris eorum sigillo consignatis, quas penes distos fratres nostros conservari fecimus, plenius continetur; quarum quidem tenor dignoscitur esse talis.

Nos Capitulum Ecclesiæ Zagrabiensis universis presentium notitiam habituris salutem in Domino. Sicut dicit B. Augustinus: Decimæ sunt tributa egentium animarum, quæ ex debito requiruntur, & qui eas dare nolunt, res dicuntur invadere alienas; quas quidem Deus in signum universalis domini suas esse asseverans, pro suo cultu concessit usibus Ecclesiasticorum. Ecclesiasticos autem, pro quibus hujusmodi decimæ in Zagrabiensibus exiguntur Dyotis, suo modo consueto, antiqua consuetudo, a jure etiam ap-

approbata, intelligere voluit Dominum nostrum Zagrab. Episcopum, & Capitulum nostrum, & Archidiaconatus habentes in Ecclesia antedicta. Et quoniam nequaquam a jure inhibitus reperitur, quod inter personas ecclesiasticas, jure ecclesiastico fungentes, pacta in hujusmodi percipiendis decimis intervenire valeant, pro annua pensione; hac consideratione olim nostri antiquiores ducti, cum Priore regni Ungariæ, & fratribus hospitalis S. Joannis Hierosolymitani ad pacta hujusmodi devenerunt. Quod videlicet ipsi fratres de novem domibus seu cellariis earumdem domorum, quas in Zagrabienſi diœceſi habere noſcuntur, pro decimis nostro Capitulo ratione præmiſſa debitis, novem fercones, singulos per sexaginta Banales denarios computatos, annuatim ſcilicet Kalendis Octobris plenarie perſolvi facerent per Præceptorem de S. Martino prope Zelmam, alias ſi ſolutionem hujusmodi facere in dicto termino omitterent, ipſo jure nos ad præcipiendas decimas, de quibus præmittitur, in ſpecie eſſemus reſtituti, pactis non obſtantibus quibuſcumque. Cum igitur a ſolutione hujusmodi cenſus vel penſionis a dictis fratribus, vel eorum nomine faciendâ, fere per ſex annos præteritos ceſſatum omnino extitiſſet, noſque rigore paſtorum initorum repetere ab iſdem fratribus omnes decimas illius temporis in ſpecie, & decreto eos poni ad perceptionem decimarum omnium, de quibus prædicatur, procurari caſiſſemus; tandem vir religioſus, & Deo amabilis F. Philippus de Granana, ſanctæ domus hospitalis S. Joannis Hierosolymitani Prioratuum alme urbis, & Ungariæ Prior humilis ad noſtram accedens præſentiam ſupplicavit, ut vigore hujusmodi temperata habita ſolutione totius cenſus, & præterito tempore per negligentiam ſuorum fratrum, omiſſis eiſdem pactis, olim factis, quæ ſuperius exprimuntur, contenti eſſe dignemur; Nos igitur devota inſtantia inclinati, ob perſonæ ejusdem reverentiam, & ſui Ordinis, ad quem ſpecialiter afficimur, recepto cenſu totali, pro tempore in ſolutione omiſſo, pacta olim inita voluimus valida reputare, ad maiorem certitudinem ea iterum exprimentes; ut videlicet nobis annuatim, ſexto Kal. Octob.; novem fercones per 60. denarios ferconem quemlibet computando, in bonis denariis banalibus pro duodecim parvulis banali danario computando per Præceptorem de S. Martino ſolvere teneantur fratres domarum ſuperius expreſſarum. Quod ſi in ſolvendo præmiſſa aliquando negligentes extiterint, eo ipſo rupta pacta intelligantur; & nos ex tunc libere percipiendi decimas in ſpecie ante dictas habebimus facultatem. Datum ſer. 3. poſt Aſcenſionem Domini. Anno ejusdem milleſimo, trecentefimo, vigefimo quarto.

Nos vero conſiderantes quietum ſtatum fratrum noſtrorum, & jus prædicti Capituli illaſervari, facta omnia præmiſſa per pacta in forma litterarum ſuperius expoſitarum, rata & firma volentes habere auctoritatem, quæ in talibus, & etiam maiorem plenam habere dignoſcimus, confirmamus; & in hujusmodi confirmationis & approbationis certitudinem, ſigillum noſtri prioratus Ungariæ, & proprium præſentibus duximus appendendum. Datum Zagrabie anno Domini milleſimo trecentefimo, vigefimo quarto.

Auctor Albi Capitularis, Paullus Ritterus, & Thomas Kovalcevičius episcopatum Ladislavi uſque ad annum 1343. perducunt. Sed

Balthassar Kereſelichius ſcite animadvertit duos Episcopos fuiſſe, quibus Ladislavi nomen fuit; eoſque interjectu Jacobi II., quem idem Kereſelichius, Nicolao I. & Jacobo I. prætermiſſis, Stephano III. ſubſtituit, diſtingui oportet. Ladislavum hoc nomine primum, itemque Nicolaum, & Jacobum utrumque primum & ſecundo idcirco commemoratos non eſſe opinor in albo episcopali, quod episcopatus illorum breviffimus fuerit, & nulla re geſta memorabilis. His igitur quattuor Episcopis Nicolao, Jacobo, Ladislavo I., & altero Jacobo ſilentio præteritis, poſt Stephanum III. in albo episcopali Ladislavus II. ſtatim ſubjicitur, qui pontificatum non diuturnum modo, ſed multis præelare inſtitutis ab eo, actiſque, & multis itidem Caroli regis privilegiis inſignem geſſit. Porro Ladislavus I. altero poſt ſuſceptum Episcopatum anno vix inito e vita migravit.

JACOBUS II. EP. ZAGRAB. XI.

Præpoſitus major Eccleſiæ Zagrabienſis, antea Cantor Eccleſiæ Strigonienſis, ut intelligi poteſt ex tabulis Conſiſtorialibus: Gratia expectativa facta cantoriæ Eccleſiæ Strigonienſis per aſſecutionem a Jacobo faciendam de præpoſitura Eccleſiæ Zagrabienſis ipſi per Pontificem collata, in brevi vacaturâ pro Dominico Benedicti Canonico Boſnenſi. Dat. Aren. 16. Cal. Martii, Joannis XXII. anno VII., qui congruit cum anno æræ vulgaris 1323. E ſubſellio Præpoſiti majoris poſt biennium ad ſedem episcopalem aſcendit. E comitiis generalibus Slavoniæ ſemel atque iterum legatus de rebus graviffimis ad regem miſſus negotia publica, quorum cauſa venerat, e ſententia conſecit. Erat in primis gratioſus apud Carolum, a quo ad rem eccleſiaſticam tuendam, atque ampliſcandam plures litteras impetravit, plures itidem ſententias a magiſtratibus pro decimis interverſis recuperandis, & eccleſiaſtica immunitate radicanda. Longius ætate jam provectus erat, ut Kereſelichius tradit, cum electus eſt Episcopus Zagrabienſis anno 1325. Duo ſunt privilegia Caroli regis, in quibus Jacobus electus Zagrabienſis nominatur; altero donationem villæ, cui nomen Vertus, quam Bela rex Eccleſiæ attribuerat, altero beneficia, & immunitates ab eodem Bela populis ejusdem villæ conſeſſas confirmavit; utrumque datum eſt anno 1325. IV. Nonas Julii. Hoc anno cultores agrorum menſæ Capitularis ſubalpini ſeditionem fecerunt, & juſſa Capituli detrectarunt. Cum tumultuari pergerent, nulliſque ſuaſionibus ſive blandis, ſive aſperis placari, revocariſque ad officium poſſent, viſ & auctoritas magiſtratuum adhibenda fuit. Anno proximo in judicium vocati, cum nullam cauſam nec ſpecioſam, nec probabilem ſuæ rebellionis prætenderent, juſſi ſunt, denunciatione interpoſita graviffimarum poenarum, niſi parerent, ad priſtinam erga Capitulum fidem, obedientiam, & obſequium redire. Ne quid tale in poſterum auderent, viſum & populos illos, & præſertim primarios ſeditionis auctores alios ab aliis ſegregare, & pagos illos ſubalpinos in binas, ternas, plureſve portiones dividere, & colonis prædiorum Capitularium inter ſe diſjunctis, alios aliis assignare. Hæc diſviſio & diſtributio in tabulis deſcripta eſt ad hunc modum: Villa Bachva diſviſa eſt in portiones quinque, quarum ſingula quattuor ſeſſio-

Jacobus ex Præpoſito Majori Episcopus Zagrab.

Duo Capituli decreta ſecundum Eccleſiam Zagrab.

Coloni Capitulares contra Capitulum tumultuantes.

Duo Episcopi, quibus Ladislavi nomen fuit, diſtincti.

iones colonarum Sereb vocatas continent; S. Simonis in portiones sex, adjuncta una sessione in villa dicta Nigri Stephani, & altera in Deschevez, ac tertia in Godegojie; Deschevez in duas portiones, seclusa sessione una supra dicta. Critanovez in portiones tres, addita una sessione in superiori Ternava. Ternava ipsa in 4. portiones, supersunt in illa sessiones duae aliae; Bidragh in portiones duas, prater pradialem ibidem; Nigri Stephani in portiones duas, supersunt sessiones duae, prater supra nominatam, quae junctae aliis duabus de Ternava faciunt portionem tertiam; Vidoviz in portiones tres. His tabulis Balthassar Keretelichius hanc notam appoluit: Hanc divisionem Georgius Marcellevich autumat factam an. 1306. occasione supra memorati rusticorum tumultus dicens errorem in anno se credere irrepsisse. At nobis verisimilius est, divisionem hanc anno hoc 1326., quemadmodum & in litteris notatur, accidisse, potissimum ex contextu instrumenti, in quo Capitulum sepius jam rebellione Villae Communis de sub montibus exagitatam fuisse exprimitur, hinc ad coercendos subditos, divisionem institui oportuisse.

Jacobus integrum fere annum *Electi* nomen gessit; & antequam vel a Romano Pontifice episcopatus ei traditus approbaretur, vel consecrationem episcopalem susciperet, anno 1326. tertio Nonas Julii vivere desit, ut tradit Keretelichius; sed tabulae Consistoriales infra describendae docent eum vel sub initium anni 1326., vel intra finem anni superioris translatum fuisse ad Ecclesiam Corisopotensem. Ex domo Praepositi majoris, unde nondum ad palatium episcopale migraverat, funebri pompa delatus est ad basilicam cathedralem, & in communi Episcoporum sepulchro tumulatus. Haec fere omnia ex Adamo Keretelichio,

## LADISLAVUS II. EP. ZAGRAB. XXVIII.

Cui de Kobol cognomen fuit. Hunc Joannes Papa XXII. pro potestate Episcopum Zagrabienlibus dedit, ut docet Album capitulare: *D. Ladislaus de Kobol de Praepositura Titulensi per provisionem ejusdem Dom. summi Pontificis Joannis, tempore D. Caroli regis I. dicti.* Hic primus Antistitem Zagrabiensem, ut scite animadvertit Thomas Kovasceovichius, tum in suis, tum in regis litteris inscribi coepit *Dei & S. dis Apostolica gratia Episcopus Zagrabienensis*; tum superiores ante illum Episcopi his verbis usi, *Dei gratia*, dumtaxat, vel *miseratione divina*, suum Episcopatum, omni humana potestate seclula, soli Deo acceptum referebant. Anno igitur 1326. mense Martio Joannes XXII. Ladislavo Ecclesiam Zagrabiensem decrevit, eumque Jacobo II. in ejus administrationem substituit, ut est in tabulis consistorialibus: *Promotio Ladislai Praepositi Ecclesiae Titulensis, Colocensis diocesis ad Episcopatum Zagrabiensem, per translationem Jacobi ad Episcopatum Corisopotensem, apud Sedem Apostolicam praevia reservatione vacantem.* Dat. Aven. 3. Id. Mart. anno Joannis X. qui congruit cum anno 1326. aetate Christianae, Sed Episcopatus eidem collati nuncius in Hungariam & Zagrabiam mense Quinctili ejusdem anni nondum pervenerat, & adhuc sedem episcopalem vacare vulgo putabatur; idque apparet ex diplomate Caroli regis, qui anno 1326. xv. Kalendas Augusti, Zagrabienfi sede vacante, omnia privilegia superiorum regum collata Epi-

scopo, Ecclesiae, Capitulo Zagrabienfi confirmavit, & quicquid vel scriptis traditum, vel consuetudine receptum illis obesset, irritum haberi iussit. Nec vero ante mensem Majum anni proximi Episcopus consecratus fuit. In tabulis Zagrabienfibus anno 1326. feria v. post festum S. Andreae confectis inscriptus invenitur *Demetrius Archid. Vaschen. Capell. regius, Canonicus Zagrabien. & Ladislai electi Episcopi Zagrabienfis vicarius.* Intra finem ejusdem anni 1326. idem Pontifex Ladislavo potestatem fecit suscipiendae consecrationis Episcopalis a quocumque vellet catholico Episcopo: *Facultas Ladislao electo Zagrabienfi concessa recipiendi manus consecrationis a quovis maluerit Antistite.* Dat. Aven. 4. Non. Decembris an. Joannis XI. idest 1326. Sed antequam sacro oleo ungeretur, & manuum Episcopaliū impositionem lubiret, eum excommunicationis vinculo extolvi oportuit, quo jamdudum illigatus fuerat ob manus violentas olim, cum junior esset, in clericos injectas: quae de re post decretum illi Episcopatum Pontifex admonitus mandatum dedit Archiepiscopo Colocensi, ut Ladislavum ea culpa poenaeque liberaret: *Mandatum Archiepiscopo Colocensi, quatenus Ladislavum electum Zagrabiensem absolvas ab excommunicationum sententiis, propter violentiam in clericos manuum injectionem, olim per ipsum in juvenili aetate constitutum incursum.* Dat. Aven. 16. Cal. Maji anno Joannis Papae XI., quo cum cohaeret annus aet. vulgaris 1327.

Ladislavus, cum in maxima gratia esset apud Carolum, regiam erga se benevolentiam in commodum utilitatemque Ecclesiae Zagrabienfis convertit. Fuit sane ista perpetua & singularis veterum regum Hungariae religio & pietas, ut simul cum administratione regni patrocinium ac defensionem Ecclesiarum Dei susciperent, earum immunitatibus & privilegiis diligentissime caverent, easque amplissimis beneficiis, proventibus, muneribus certatim omnes cumularent. Itaque cognomen Apostolicum ab Romanis Pontificibus cum potestate crucis praeferendae sibi traditum & pro dignitate sustinuerunt, & egregiis factis meritisque exaequarunt. Ab hac perenni contestataque majorum suorum religione non modo non degeneravit Carolus, sed praeclearis illorum vestigiis insistens omnem juris & patrimonii Ecclesiastici tuendi & augendi occasionem sive alieno rogatu, sive sua sponte libenter arripuit. Vel in ipsa praefatione regaliū diplomatum eximia ejus religio & pietas elucet. Ac primum quidem omnia privilegia, jura, & immunitates Ecclesiae Zagrabienfis amplissimo diplomate confirmavit, vacante adhuc sede Episcopali post mortem Jacobi.

*Carolus Dei gratia Ung. Dal. Croat. Ramae, Amplissima diplomata Caroli regis, a quo honorificum ac perutile Eccl. Zagrabienfi.* *Serviae, Galliae, Lodomeriae, Comaniae, Bulgariae rex, princeps Salernitanus, & honoris ac montis S. Angeli Dominus. Omnibus Christi fidelibus praesentibus, & futuris, notitiam praesentium habituris salutem, in quo resident sempiterna salutis incrementa. Exardescens ad aeternam regalis diadematis, exuberansque devotio, eo saluti suae prospicit utilius, quo pristinae libertates piis locis devote collatas, solidioris firmitatis fulcimento roborat, & confirmat. Perinde cunctarum notitia harum serie volumus pervenire; quod, quia cordi debet esse regibus atque omnia, ut ea, quae Ecclesiarum conservatio-*

consecratur Episcopus.

Singularis & eximia regis Hungariae erga Ecclesias beneficentia.

Ladislavus II. de Kobol ab Joanne XXII. da- tus Episcopus Eccl. Zagrabien.

Amplissima diplomata Caroli regis, a quo honorificum ac perutile Eccl. Zagrabienfi.



ni sunt disposita, nec regum dissimulatio negligat, nec aliorum pleffibilis possit prasumptio perturbare; ideo nos Zagrabiensem Ecclesiam, quam inter ceteras regni nostri Ecclesias affectione non minori veneramus, in omnibus suis juribus, munitioibus, tributis, possessionibus, pradiis, terris, libertatibus, quantumcumque magnis, & gratiosis redditibus, proventibus, ac omni dominio, pacificam, indemnem, & illasam cupientes perpetuo conservare, & per nostros conservari; ut ejus ministri ex hoc in ea divino cultui possint quietius & devotius famulari; omnia & singula jura ejusdem Ecclesie Zagrabien., videlicet tenutas, districtus, possessiones, pradia, villas, & libertatum prerogativas, quae & quas dicta Ecclesia seu Episcopus ejusdem pro tempore constitutus, & Capitulum ipsius, quovis justo titulo adquisierunt, invenerunt, & obtinuerunt, excelsique principes suis temporibus sibi statuerunt, & contulerunt, sive quondam reges Ungariae nostri progenitores, sive Duces, sive Barones, sicuti Banus, & alii Comites, nobiles, & cujusvis status, seu dignitatis homines, in vita vel in morte donaverunt, legaverunt, & dederunt, specialiter, quas nos sibi fecimus donationes quantascumque eidem Ecclesie Zagrabien., ad quam devotionem habemus singularem, per eamque Episcopo ejusdem pro tempore constituto, & Capitulo ipsius, ut perpetuo stabilire, inviolabiliter permanere, & valeat possidere, tenere, & habere, de consilio Pralatorum, & Baronum regni nostri, praesentis scripti patrocinio sancientes confirmamus; eaque omnia, si qua, vel quid de possessionibus, terris, & villis, pradiis, & eorum utilitatibus, seu quibuslibet juribus dictae Ecclesie per quoscumque, vel quemcumque fuissent indebite occupata, vel alienata, de plenitudine regiae potestatis revocamus, eidem ea restituentes pleno jure. Cunctis itaque Ducibus, Banis, Comitibus, Castellanis, Judicibus, nobilibus, & hominibus qualicumque officio seu honore fungentibus nunc, & pro tempore in regno nostro constitutis, eorumque vices gerentibus hoc praesenti regio edicto praecipientes firmiter mandamus, quatenus dictam Ecclesiam Zagrabien. Episcopum, & Capitulum ejusdem, in omnium jurium, tenutarum, possessionum, reddituum, tributorum, & libertatum ipsius Ecclesie plenitudine, & integritate, absque aliquali diminutione, inquietatione, & perturbatione mittant perpetuo, & relinquunt pacifice permanere, ac pro omnium salute Christo quiete famulari. In cujus rei memoriam perpetuamque firmitatem praesentes concessimus litteras, duplicis sigilli nostri munimine, novi & autentici roboratas. Dat. per manus discreti viri Magistri N. Albensis Ecclesie Praepositi aulae nostrae Vicecancellarii dilecti, & fidelis nostri anno Domini 1326., 1v. Kal. Augusti, regni nostri anno similiter 26.; Ven. in Christo Patribus Dominis Boleslao Strigonienfi, Ladislao Colocensi, aulae nostrae Cancellario Archiepiscopis, Joanne Nitrien., Benedicto Chanadien., Nicolao Javrien., Georgio Sirmien., Ladislao Quinqueecclesien., Juvanka Varadien., Fratrum Petro Bosnen., Laurentio Vacien., Andrea Transilvano, Henrico Vesprimien., aulae Dominae Reginae Cancellario, & Chanadino Agrien. Ecclesias Dei feliciter gubernantibus, Zagrabienfi Sede vacante. Magnificis Baronibus, Philippus Palatino Comite Scepusien. . . . Demetrio Magistro Tavernicorum Bachien., & Tinhyen. Co-

mite, Alexandro Judice curiae nostrae, Thoma Voyvoda Transilvano, & Comite de Zonub, Mikch Bano totius Sclavoniae, Comite Simigien. & de Sarus, Paulo de Mathou Comite Sirmien. de Wolbou, & de Bodrug, Dionysio Magistro Dapiferorum, Blasio Magistro Agasonum nostrorum, Nicolao . . . Comite Posonien., & aliis quam pluribus regni nostri Comitatus tenentibus & honores.

Ladislavus apud. Carolum graviter conquestus est, quod incolae territorii & civitatis Gracensis ex perceptis agrorum, & aliarum rerum fructibus, vel non integras, vel non ejusdem naturae, & speciei decimas Ecclesiae solverent; se vero tuerentur prava quadam consuetudine, quam usu diuturno invaluisse affirmabant. Sed hujusmodi consuetudine jus ecclesiasticum violari aiebat Ladislavus; neque usum sed abusum esse, qui nulla temporum diuturnitate, vel legitima praescriptione defendi poterat. Episcopi querimonias & preces rex perbenigne excepit, datisque litteris ad Magistratus & incolae civitatis Gracensis velle se ait, & pro sua regali auctoritate imperare, ut cives omnes, cultoresque agri Gracensis, decimas integras, nulla detractioe diminutas, neque a perceptis fructibus specie diversas, Episcopo & Ecclesiae solverent, Bekem virum expertae fidei atque integritatis ab suo latere missum esse, cui alterum e fidis, & familiaribus hominibus Bani Slavoniae adjungi iussit, ut ad exigendas & colligendas decimas Episcopo sive ejus administris auxilium atque operam uterque navaret. Praeterea Michaeli Slavoniae Bano severissime imperavit, ut e suis satellitibus tot adjungeret utrique, quot necessarios esse duceret ad regia mandata exsequenda.

Carolus Dei gratia rex Ungariae, fidelibus suis, Judici, Juratis, civibus, & universis hospitibus cujusvis status, seu conditionis hominibus, in civitate Gracensi constitutis, salutem & gratiam: Licet cuncta fidelis crucifixi familia juxta Canonum statuta paternorum, & sanctiones salutiferas in omni totius Mundi parte, ubi religio Christiana profitetur, non varia, sed aequali sorte, decimas omnium rerum suarum in specie, more Abel justis, Sanctis Dei Ecclesiis, sanguine Christi dedicatis, dare debeat, &olvere teneatur; cum enim ipsas creator universorum Deus decimas in signum universalis dominii pro tribubus animarum egentium, sibi reservaverit, & ejus nomine ministris Ecclesiarum offerri voluerit; vos tamen, sicuti relatibus cunctis cognovimus, contra haec quadam abusiva consuetudine, quae non consuetudo, immo potius corruptela, & salutis vestrae dispendium dici potest; non de omnibus rebus vestris decimalibus, sed de quibusdam, etiam non in specie, verum datis aliquibus dinariis, in expeditionem vestram damnabilem solveretis, Censuram Ecclesiasticam, si quam propter hujusmodi negligentiam vestram Ministri Christi, volentes animas vestras Domino lucrari, super vos imponerent, parvi pendentes; & penitus sicut filii contumaciae, & inobedientiae, ac Sathanae Alumni, pro nullo reputantes; non advertentes, quod decimas & primitias omnium rerum, a Deo attributarum, ipsi Creatori nostro pro suo speciali dominio reservatas offerre, suisque Vicariis, & Ministris, nostrarumque animarum sacro Baptismate renovatarum custodibus, & tutoribus specialibus negligentes in specie ministrare, & ipsorum Vicario-

Ladislavi querimonia apud Carolum de civibus Gracensibus.

Carolus plenam atque integram decimarum solutionem imperat suis ad Gracenses litteris.

nam Christi monitionibus salutiferis, & doctrinis, nec non ecclesiasticis correctoribus cordibus induratis, & animis obstinatis . . . . . reluctantes, in sinum Jesu Christi Redemptoris nostri minime valeant aggregari, & in consortium fidelium nunquam collocari, Et cum nos, quem rex regum in solio hujus regni per ineffabilem ejus clementiam feliciter constituit, erga sanctam Matrem Ecclesiam, cujus precum suffragio omne, quod habemus, venisse nobis reputamus, cura sollicita invigilare debeamus . . . . . dignum una cum praelatis ecclesiarum, & aliis regni nostri Baronibus fore decrevimus: ut, si vos timor Dei ab hujusmodi erratica consuetudine ad solvendas justas decimas non revocat, nos auctoritate regia revocamus; ne contingat nostrae, & vestris animabus detrimentum exinde generari.

Quapropter fidelitati vestrae precipimus regio editio per praesentes firmari, & districte, quatenus praesentibus Beke Tavernico homine fidele de latere ad hoc nostro transmissio, ac homine magnifici viri Mikeh totius Slavoniae Bani, fidelis, & familiaris nostri, ad hoc deputando, Venerabili in Christo Patri D. Ladislao Dei & Apostolicae Sedis gratia Zagrabienensis Diocesis Episcopo vestro, nobis dilecto & fidele, ejusque procuratoribus, in omnibus rebus vestris, & Jobagionum vestrorum, decimalibus, in specie ita, ut in frugibus, morreis; in vino autem, in vestris Cellariis, & aliis, in horis, & terminis, quibus alias in regno vestro exiguntur, justas decimas vestras, & vestrorum, prout in aliorum Archiepiscoporum regni Hungariae diocesisbus dari decimas consueverunt, absque omni difficultate detis, & dari plene absque ulla diminutione faciatis: sicut nostram indignationem, quae culpam quamque puniet excedentis graviter, incurere formidatis, aliud facere in nullum eventum praesumentes. Tibi vero, Mikeh Bano firmissime precipimus, ut ad dictum hominem nostrum, & alios nostros homines, quocumque nomine vocentur, homines tuos tot, quot ad exequenda praemissa sufficere judicabuntur, dare debeas, qui dictas decimas per homines praescriptos praebito Domino Ladislao Episcopo, & nomine suo procuratoribus suis, ac ipsius Ecclesiae procuratoribus, de omnibus rebus a Deo collatis in specie, secundum consuetudinem aliarum Ecclesiarum, in regno Hungariae existentium, non obstante eorum praescripta consuetudine, & corruptela erratica, dari faciatis plene, & absque aliqua diminutione nostra regia auctoritate persolvi. Aliud, sicut nos graviter offendere pertimescis, facere non ausurus. Datum in alto lapide in festo B. Margaritae V. A. Domini 1327.

Item suum  
de decimis  
solvendis  
mandatum  
gravius ur-  
get.

His regiis litteris ac mandatis, cum majus, quam ferre possent, onus sibi imponi vulgo quererentur, & tergiversantes moras praescripserunt decimarum solutioni alias ex aliis innecterent; eodem anno sub exitum mensis Septembris alteras in eandem sententiam, sed multo graviores, & severiores litteras dedit ad Universos Comites, Nobiles, Castellanos, Judices, & Rectores Civitatum ac Villicos; & nisi imperata facerent, in eos, non secus atque in perduelles animadversum iri; alioquin, inquit, contra vos tamquam rebelles auctoritate regia procedemus. Nihil magis secundis, quam primis litteris obtemperatum fuit. Ut vero se gravissimis, quas rex denunciaverat, poenis ex-

ximerent, Dynastae, & viri nobiles, cives, & agricolae per suos Internuncios pro diminutione, & permutatione decimarum, Episcopo, & Capitulo supplicaverunt. Ecclesiasticae benignitati & clementiae contentaneum visum est eorum precibus indulgere; & Episcopus & Canonici satius esse duxerunt aliquid de jure suo remittere, quam supplices illos repellere; praesertim cum periculum esset, ne pertinacius regiae voluntati obstitentes, justam regis animadversionem sibi conciscerent. Itaque res per compositionem, Carolo rege approbante, transacta est. Quod unusquisque, & quantum pro decimis solvere deberet, Mikeh, seu Michael Banus totius Slavoniae his litteris declaravit.

Controver-  
sia de de-  
cimis per  
composi-  
tionem  
transacta.

Mikeh Banus totius Slavoniae universis nobilibus, civibus liberarum Villarum, & aliis cujuscunque status, eo conditionis hominibus in Diocesi Zagrabienensi constitutis, quibus praesentes assidentur, salutem cum honore. Quamvis juxta regium praecipuum ad solvendas decimas omnium in specie Venerabili in Christo Domino Ladislao Dei, & Apostolicae Sedis gratia Zagrabienensi Episcopo, & ejus Ecclesiae vos compellere teneamur, sicut etiam alio anno vobis innotuit, ipse tamen Dominus Episcopus cum suo Capitulo ad supplicationem vestram volens mite agere vobiscum, secundum infra scriptam taxationem ipsas decimas solvendas per vos consensit, & admisit; ut videlicet de singulis capitulis frumenti, siliginis, hordei, avenae, milii, & alterius milii borkules vulgariter dicti, ac surgonis, usque festum beati Martini Confessoris persolvantur sex denarii boni banales, quorum singuli valeant duodecim parvulos bagatinos; & pro singulis cubulis vini decimalibus denarii itidem, prout vinum in novo in Villis majoribus communiter valebit. Quicumque autem primam solutionem usque dictum festum non fecerit, ut praedicatur, ex tunc quamlibet capesiam, & cubulum vini cum augmento duorum denariorum solvere teneantur, cum ex tunc bladum, & vinum majoris efficiatur valoris, experientia hoc probante. Decimas autem porcorum annualium & infra, qui videlicet alias decimati non fuerint, in specie vel cum denariis, secundum quod tempore dicationis valet, decrevit persolvendas. De troncis vero apum, & de agnis singulos denarios, vel decimum, ubi tot fuerint; & de badis medium denarium, vel eodem modo decimum, sicut fuit & alias consuetum. Ille autem qui nihil in messe habuit, duobus denariis fumalibus tantummodo teneatur: & de aliis rebus praedictis, si quas habet, decimas plene persolvat, hoc salvo, quod in Villis liberis majoribus, ubi hoc decimatoribus videbitur, omnes res decimales, videlicet vinum in cellariis, & bladum in horreis, in specie persolvantur. Quapropter vobis universis, & singulis damus firmiter in mandatis, quatenus decimas vestras secundum taxationem praemissam, vel in specie, juxta mandatum regium, persolvatis; alioquin per nostros Comites, Judices Castellanos, & Officiales ad hoc compellemini persiciendum, non sine vestro gravamine, sicut experientia vos docebit. Hoc etiam vobis constet, quod de consensu dicti Domini Episcopi, & ejus Zagrabienensis Capituli, exitit definitum: quod Castellani de decimis castrensi in tenuis castrorum ipsorum, sextam decimam decimarum habeant, pro qua ipsas decimas plene faciant persolvi per subditos eorundem: & eodem

dem modo & ratione singuli nobiles de suis habeant subditis, & villicis civium decimas quibuscumque, nec aliquam aliam quoquam audeant petere, vel recipere quicumque de praemissis; sed ea parte pro suis servitiis sint contenti, hoc expresse, quod si vos nobiles, vel villici non solveritis, & non feceritis solvi decimas per vestros tempestive, ex tunc ipsa sexta decima, quae pro vobis extitoris deputata in comitatu Crisensi, eo ipso eidem Comiti Crisensi, & eodem modo in comitatu Zagrabienfi Comiti ejusdem, & sic aliis Comitibus in comitatibus eorundem, qui Comites ex tunc teneantur compellere nobiles & cives ad solvendas decimas integre decimatoribus eorundem; & nihilominus possint pro se judicia recipere, prout in aliis nostris litteris plenius continetur. Datum Zagrabia feria tertia ante festum Simonis, & Juda Apostolorum, Anno Domini MCCCXXVIII.

Decimas Ecclesiae solvere, & ablata restituere abnuentes litteris regis iterum ac saepius urgentur.

Verum plerique e nobilitate Slavonica, qui terras & oppida diocesis, velut Goram, Dubiczam, & alia loca praecipua incolebant, atque illi ipsi, qui Michaelis Bani vestigales erant, Episcopi & Canonicorum indulgentia abutentes ne illis quidem pactis & conventis, quae, ipsis non consentientibus modo, sed etiam petentibus, praescripta fuerant, stare voluerunt; & tum solutionem decimarum, tum restitutionem quarundam possessionum Ecclesiae pertinaciter detrectabant. Itaque aliis super alias litteris regiis urgendi cogendique fuerunt. Rex mirari se ait in suis ad Banum litteris, quod ad ea praestanda, quae sui muneris erant, expectet, dum regalibus mandatis compellatur: admiramur, inquit, cur vos ad ista praecceptum nostrum requiratis &c. In epistola vero inscripta viris nobilibus de Gamarcha, Gastche, Verbaz, Kemlek &c., nisi imperata fecerint, illos juris alieni, & quidem ecclesiastici, usurpati ac retenti reos esse declarat, & quibus digni sunt, poenis afficiendos denunciat: quod si non feceritis, quod non credimus, ex tunc per praesentes jura aliena denunciamus vos indebite retinere &c.

Ladislavus regem orat, ut Castrum Medved Ecclesiae restitui jubeat.

Ladislavo egregia erga se Caroli voluntas, & eximium juris ecclesiastici tuendi studium, spem iniecit recuperandi Castri Medved, quod tunc tres fratres Bobonogii Stephanus, Joannes, Radislavus a Marco Torustio sibi venditum possidebant. Ab rege igitur suppliciter petiit, ut Castrum illud Ecclesiae restitui juberet. Quid juris esset Ecclesiae in ejusmodi Castrum cum regem lateret, antea doceri voluit, quam Episcopi precibus indulgeret. Itaque dat litteras ad Canonicos Ecclesiae Albenfis: virum idoneum, & perspectum in primis integritatis & fidei deligere jubet, qui cum homine ab se misso adeat Zagrabiam, & diligenter inquirat, quo jure, quibusve rationibus nitatur postulatio, quam sibi ab Ladislavo exhibitam exposuit. Quod compertum habuerint, illi ad Capitulum Albense, Capitulum ad se referat. Extat responsio ejusdem Capituli ad regem in haec verba.

Litterae Capituli Albenfis ad regem de jure legitimo Ecclesiae Zagrabienfis recuperandi Castri Medved.

Excellentissimo Domino suo, Domino Carolo Dei gratia illustri regi Hungariae Capitulum Albenfis Ecclesiae, orationes in Domino salutares. Litteras excellentiae vestrae cum reverentia qua decuit, recepimus, hunc tenorem continentes: Carolus Dei gratia rex Hungariae fidelibus suis Capitulo Albenfis Ecclesiae &c. Nos igitur mandatis vestrae excellentiae obtemperare volentes palmyrici Sacri Tom. V.

riter & praecceptis unum ex nostris discretum virum Magistrum Blasium subcustodem Ecclesiae nostrae, cum Joachino filio Thoma Beridoy homine vestro, ad Ven. Patrem Dominum Ladislaum loci ejusdem Episcopum pro faciendis inquisitionibus duximus transmittendum; qui demum ad nos redeuntes concorditer, & pari voce retulerunt; quod facta inquisitione, tam apud nobiles regni, cives civitatum regaliū, communes populos, divites & pauperes, quam apud Religiosos, Sacerdotes, & clericos regni Sclavoniae, ex confessione & relatione eorundem resciverunt; quod Vener. Pater Dominus Philippus olim Episcopus Zagrabienfis, & demum Archiepiscopus Strigoniensis, Castrum Medve, una cum Capitulo Zagrabienfi in terra ipsorum, propriis sumptibus suis, & suorum construxerant, & per multos annos pacifice possederunt. Tandem tempore Joannis Episcopi dictae Ecclesiae per Gardinum, cui Castellatum ipsius Castri idem Joannes Episcopus tradiderat, redditum non fuit, assumendo scrupulum infidelitatis & malitiae. Postmodum ad manus Andreae regis, & suam liberationem, per quem detentus fuerat, est devolutum. Qui quidem Andreas rex tradidit Castellatum dicti Castri cuidam Veneto Nicole Torustio; quo mortuo ad manus Janini fratris ejusdem devenit; ipso etiam interempto, Marcus Presbyter Canonicus dictae Ecclesiae Zagrabienfis, frater ipsorum Nicole, & Janini, qui tunc in eodem Castro morabatur, habuit Castrum memoratum. Et per eundem Marcum Stephano, Joanni, & Radislao filiis Bobonogh fuit traditum, quamvis Dominus Augustinus etiam Zagrabienfis Episcopus, Marcum praedictum de alienatione, & filios Bobonogh de receptione legitime, personaliter, & per idoneas personas ac sententias latas inhibuisset. Datum quarto die B. Joannis Baptista. Anno Domini 1328.

Quod Carolus, his litteris Capituli Albenfis de jure Ecclesiae Zagrabienfis edoctus, Castrum illud restitui non juberet; id causae fuisse arbitror, quod Episcopus & Canonici Zagrabienfes nondum summam illam pecuniae Stephano & ejus fratribus reddiderant, quam ii pro redemptione ejus Castri Marco Torustio solverant, neque caeteris conditionibus satisfacerant, de quibus ante annos quindecim inter fratres illos & Canonicos convenerat, ut in Augustino Episcopo expositum fuit. Quare possessio Castri penes Stephanum, & ejus fratres permansit; post illos vero, & illorum familiam extinctam, ad alios atque alios dominos transivit.

Cur Castrum Medve non redditum Ecclesiae?

Quae ad cultum divinum rite peragendum B. Augustinus sapienter pieque decrevit, accurate ab omnibus servari jussit Ladislavus, imperavitque omnibus presbyteris & clericis, ut ejus, quem quisque adeptus esset, ordinis ac sacerdotii muneribus fungatur; & si quis officio suo desit, vel choro absit, ei multam irrogavit. Hoc est ejus edictum.

Ladislavus decreta B. Augustini confirmavit.

Ladislavus Dei, & Apostolicae Sedis gratia Episcopus Zagrabienfis, discretis viris fratribus suis Canonicis singulis suae Zagrabienfis Ecclesiae, & procuratoribus absentium ab eisdem salutem, & paternam benedictionem. Juxta ordinationem, & constitutionem Venerabilis Patris Domini Fratris Augustini, sanctae memoriae praedecessoris nostri in ipsa nostra Ecclesia, secundum ordinem dignitatum, & personarum ac aliorum, ex quovis, quidam in sacerdotali, qui-

Edictum Ladislavi.

N n

datu

dam in Diaconatus, & aliqui in Subdiaconatus ordinibus, prout patet superius, suorum tenentur officiorum exsolvere debita, quæ ut percepimus, interdum negliguntur in quibusdam, & male; cum beneficia propter officia concedantur, secundum canonica instituta. Quare vobis damus firmiter in præceptis, quatenus vestra officia eo modo, sicut prædecessor prædictus constituit, & præcepit, per vos ipsos, & quandoque causa rationabili excusante, per alios idoneos, studeatis sollicitè adimplere, nec exinde defectus appareat aliqualis. Et ut cultus divinus in eadem nostra Ecclesia, operante Domino, augeatur; volumus, & firmiter in virtute sanctæ obedientiæ injungimus, statuendo, ut vestrum singuli, qui in sollemnitatibus consuetis in nostra Ecclesia inservire solent, vel alias quicumque per cantorem, vel ejus succentorem inscripti fuerint, ut est moris, ad chorum regendum, seu explendum aliud officium, aut ejus altum qualemcumque diurnum, vel nocturnum, horis competentibus teneantur perficere, sicut decet, sollicitè, & devotè. Quicumque autem ex vobis non impeditur rationabiliter, de quo impedimento se teneatur excusare humiliter, secus fecerit, pro cujuslibet officii hujusmodi omissione, & specialiter Missæ, & Vesperarum, die quolibet unum cubulum vini, vel ejus valorem, eo ipso solvere obligetur, ad manus cantoris, vel ejus succentoris; quæ soluta distribuuntur, prout opus fuerit, pauperibus clericis frequentantibus horas canonicas in nostra Ecclesia majori, quasi defectum suppleantibus præmissorum. Et singula præmissorum executioni mandanda, quoties necesse fuerit. Ad quæ omnia cantor vel ejus succentor, invocet auxilium Vicarii in Spiritualibus generalis, qui ad hoc fortius obligetur; salvo, & expresso si aliquis ex vobis non impeditur rationabiliter, ut prædicitur, sed contumaciter cum scandalo se inobedientem ostenderet in præmissis; contra talem ipse Vicarius procedat ad pœnas graviores, sua considerata contumacia, pro ut sibi videbitur expedire. Datum Zagrabia Kalendis Januarii, Anno Domini MCCCXXIX.

Quæ ipse  
sapienter  
ac providè  
decrevit.

Cum omnia B. Augustini decreta confirmasset, his quædam adjecit providentiissime ab se, non in eodem quidem, sed alia aliis annis constituta, quæ Balthassar Kerelechijs his verbis expressit: Anno 1331. constituit eum conductorem in majoribus rebus potiorum esse, qui duas marchas plus aliis promitteret, in minoribus unum saltem Fertorem: anno 1336. desolari vineas beneficiorum prohibet; si quis desolaverit, damnum persolvat: anno 1340. colonos ex terris Ecclesiæ profugos vineas acquisitas eo ipso amittere constituit, & determinavit insuper divisionum, ut vocamus, decanatum pro neo-electis Canonicis terminum, videlicet festum S. Georgii pro blado, Assumptionis pro vino, Martini pro porcis, Thomæ Apostoli pro arendis decimarum; idque usque officium vespertinum & Completorium cum Salvæ Regine, vel alia Antiphona B. V. in Ecclesia Cathedrali: ex quo ritum illud emanasse arbitramur: Georgius metiz: bibi: Assumptio: Martinus mactat: & numerat Thomas. Aliud decretum sive statutum Ladislavi anno 1336. apud Thomam Kovalcevicium invenio his plane verbis compositum: Statuimus decernendo, ut quicumque ex vobis sua canonicali vinea deserta, vel alienata, deceder, vel decesserit; ante omnia de bonis suis pro suo in canonicatu successore canonicalis vi-

nea comparetur, vel de suis emptitiis vineis pro suo canonicali præsidio per generalem Vicarium annectatur. Quicumque autem suum Colonum de eodem prædio injuste oppresserit, vel spoliaverit bonis suis in toto, vel in parte, & hoc per aliquos ex vobis Vicario nostro innotuerit, ipse Vicarius teneatur talem compellere ad restituendum ablata, & alias punire de vestro consilio, prout videbitur expedire. Dat. Chasma feria quarta proxime ante festum SS. Cosmæ & Damiani. Anno 1336.

Extat duplex privilegium Caroli regis in gratiam utilitatemque Episcopi & Ecclesiæ Zagrabien- Duo Caro-  
li privilegia  
eodem anno, loco, dieque confectum; concessa  
Ecclesiæ,  
Capitulo,  
Episcopo  
Zagrab.  
ac primum Michaeli Bano totius Slavoniæ, ejusque successoribus inscriptum est. Priore autem confirmat possessionem duarum villarum nomine Vinodol, quarum altera ad Capitulum pertinebat, alteram Episcopus marchis sexaginta denariorum Banalium ab Stephano de Davo emerat; & præterea eodem diplomate duas alias villas Peck, & Berezd appellatas, sitasque ultra Dravum in Comitatu Zagrabien- Primum  
privilegi-  
um  
vel potius fortasse in diocesi Zagrabien- concessa  
Ecclesiæ,  
Capitulo,  
Episcopo  
Zagrab.  
si, quas Cœnobiarca monasterii Toplicensis jure fiduciario possidendas Episcopo tradiderat, depulsi iniquis possessoribus, qui eas per vim aut fraudem occupaverant, ac detinebant, Episcopo restituit; ab illis & Banus ipse nanus removeat atque absteineat, & alios quoscumque ab eisdem repellat arceatque. Altero privilegio Ecclesiæ & Episcopo vectigal omne concessit nomine portorii sive transitus illis pontibus impositum, qui vel ad insulam Ivang, sive Ivanichium, vel per eandem insulam transitum præbebant.

Carolus Dei gratia rex Hungaria. Fidelibus suis magnificis viris Mikch Bano totius Slavoniæ, & aliis quibuslibet Banis pro tempore constituendis, quibus presentes ostendentur, salutem & gratiam. Noveritis, quod nos quasdam possessiones, unam Ecclesiæ Zagrabien- Primum  
privilegi-  
um  
sis, sive Capituli, aliam emptitiâ Vinodol vocatas, per Venerabilem in Christo Patrem D. Ladislavum eadem gratia Episcopum Zagrabiensem emptam, vigore presentium, quemadmodum prius concesseramus, sic & nunc consentimus & nostrum consensum concedimus pro dicta sua Ecclesia perpetuo possidendas. Item alias possessiones, scilicet Peck, & Berezd nominatas in Comitatu Zagrabien- Primum  
privilegi-  
um  
si ultra Dravam existentes, quas idem Dominus Episcopus ab Abbate, & conventu monasterii Toplicensis, in feudum prius tenuit, & nunc in futurum legitime debet tenere, quæ possessiones violente occupatæ detinentur, remotis ipsarum detentoribus quibuslibet illicitis, eidem Domino Episcopo & sue Ecclesiæ pleno jure reddidimus, & restitimus perpetuo possidendas, pariter & habendas. Quare fidelitati vestræ præcipientes mandamus, quatenus mox receptis presentibus, manus vestras de eisdem possessionibus retrahatis, & quorumlibet manus ad vos pertinentium retrahi facientes; quia nos ipsas Domino Episcopo prædicto, pro sustentatione, & conservatione suorum castrorum Deharsatica commisimus conservandas: secus per nullum casum facere præsumentes, sicut nostram dilectionem charam habere intenditis. Datum in Wissegrad in festo Beati Andrea Apostoli, Anno Domini MCCCXXV.

Nos Carolus Dei gratia rex Hungariae memor- Alterum  
privilegi-  
um  
ria commendantes, tenore presentium significamus

mus quibus expedit universis. Quia, vocante Domino, de mundo scimus nos procul dubio transiuros, deliberavimus decernentes diem extremae nostrae missionis, misericordiae operibus debere praeveniendum, praesertim in eo, ut ministrorum Christi sustentationibus regias manus porrigamus adiutrices, ut per ea quae agimus in terris, multiplicatum fructum cum Domino recolligamus in caelis. Igitur tam pia, tamque salubri intentione moti, volentes Ecclesiam cathedralem sanctissimi Stephani regis de Zagrabia, ad instar aliorum regum, felicitum recordationum, piorum progenitorum nostrorum ipsam dotantium, possessionum & diversorum honorum prerogativis eas ditantium, speciali nostra concessione gratiosa mediante, prosequi regio cum favore, redditus, & facultates ejusdem ampliandas; ut Episcopalis venerabilis dignitas ex hoc se sentiat magis consolatam, & ejusdem Ecclesiae ministri in ipsa jugiter Deo famulantes, pro hac nostra pia largitione memoriam nominis nostri, semper in benedictione habentes, veniantur. Ad petitionem & instantem supplicationem Venerabilis in Christo Patris Domini Ladislai, Dei, & Apostolica gratia distae Ecclesiae Zagrabienensis Episcopi, nostri per dilecti, Praetorum & Baronum regni nostri consilio praemature, de speciali gratia regia pietatis, pro aeterna salutis nostrae remedio, eidem Ecclesiae, ac ipsius praetatis praesentibus & futuris, in quibuslibet ac singulis pontibus secundum diversas vias, diversos introitus, vel exitus habentibus, seu facientibus in Ivang, in Episcopatu praedicto & ad ipsam insulam Ivang in Episcopatu praedicto pertinentibus, & ejus confinia tangentibus, factis & fiendis, praesertim pro custodia, & refectioe pontium eorundem, & pro reparatione, gubernatione, & conservatione fortalitiarum inibi existentium, & nostro jussu, & beneplacito factorum, & faciendorum super quosvis transeuntes, etiam excepto nullo penitus, vigore praesentium donantes concedimus in perpetuum tributum exigendum. Ita tamen ut quemadmodum nunc in S. Martino super firmam terram exigitur, sic eodem numero, & quantitate, in quibuslibet & singulis pontibus praedictis factis, & fiendis secundum modum supradictum, a quibuslibet exigatur. Datum in Vissegrad in festo B. Andreae Apostoli. Anno Domini MCCCXXXV.

Seditio contra Episcopum condita.

Hactenus satis tranquille Ladislavus Caroli gratia nixus, & praesidio munitus Ecclesiam & diocesim gubernaverat; cum ingens motus, ac seditio repente exorta in magnam eum sollicitudinem, ac perturbationem conjecit. Chalmensi Hungarum quemdam nomine Laurentium, Dombrensi oppido, ac territorio Joannem filium Marcelli, utrumque nobili genere ortum, gubernatorem praefecerat. Cum populos acerbissimis exactionibus divexarent, eos ab regimine amovit. Administrationis sibi ademptae ignominia & dolore perciti incredibili adversus Episcopum odio iraque exardebant. Confestim Michaellem Banum adeunt, quem Ladislavo iratum esse sciebant, propterea quod semel atque iterum ab rege admonendum & arguendum curaverat, cum mandata regis jubentis compellere populos illos ad decimas solvendas sive per incuriam, sive per malitiam negligeret. Huic rabiem doloremque suum impertiunt etiam atque etiam obtestantes, ut sin minus aperte & palam, clam tamen & dissimulanter sibi adjumento esse velit, vel

non sit impedimento ad Episcopum ulciscendum. Nec vero ille abnuat. Tum illi quam plurimos possunt ex vectigalibus & colonis Episcopalibus, ipso Bano cum filiis eos ad defectionem sollicitante, contra Episcopum concitarunt; ex his ingenti seditiosorum hominum manu conflata, domos eorum invadunt, qui in fide Episcopi & obsequio manserant, alias diripiunt, alias evertunt, alias incendunt. Tum in possessiones Ecclesiae irruunt, arbores excindunt, vineas demoluntur, omnia devastant; deinde vectigalia, decimas, proventus Ecclesiasticos intervertunt; vicarios, judices, ceteroque administratos curiae episcopalis expellunt; eo denique furor & rabies processit, ut ipsi Episcopo insidias ac necem molirentur, qui eas stello Ivanichii, cum ipsi parum tutus sibi locus ille videretur, clanculum excedere, & fuga saluti consulere necesse habuit. Postquam furendi rapiendique libido exsatiata quiescere visa est, Ladislavus sub ferias Paschales anno 1336. vectigales, stipendiarios, cultoresque praediorum Episcopaliū, qui Chalmam, Dombam, Ivanichium incolebant, in oppidum Chalmam convocavit; in eoque frequentissimo conventu auctores, socios, participes omnes sceleratae illius coitionis ad suum tribunal citari jussit; & qui adesse abnuerunt, eos ad communium omnium sententia sollemnem anathemate confixos bonis omnibus spoliavit, quae in ditione Episcopali possidebant. Ceteri autem, qui peccatum suum, quod excusari non poterat, sponte confessi supplices nuncios ad Episcopum miserunt, ita veniam impunitatemque impetrarunt, ut si quid tale auderent in posterum, aut jus Episcopi & Ecclesiae quoquo modo violarent, eo ipso facto absque ulla alia judiciali sententia, omnium bonorum suorum possessione deciderent.

ab Episcopo anathemate confixi seditiosi

Verum antesignani, & principes nefariae conspiracy regem appellarunt multa de Episcopo questi; quod videlicet superbe avareque imperaret, & populos sibi subiectos, contra quam antiqua illorum jura & privilegia vetabant, gravi servitute opprimeret, & bonis avitis multaret; orare se atque obsecrare, ut nimiam, qua Episcopus in eos abutebatur, potestatem coaceret. Eorum dictis & querimoniis fidem habere, & precibus annuere Carolus visus est. Cum suis litteris suum internuncium ad Episcopum misit magnopere hortans, rogasque, ut cum populis illis ne summo jure agere velit, adea, quae debent, praestanda facilius alligi benignitate, quam severitate compelli; si quid reprehensione poenae dignum admiserint, remittat illis & condonet, ademptasque possessiones restituat. Haec regis erga perduelles lenitas & indulgentia mirum quantos illis attulit spiritus, quantamque audaciam injectit ad quolibet adversus Episcopum audenda. Cum autem cognitum esset, ab Ladislavo litteris regis ita responsum fuisse, ut negaret se debere aut posse, quam in homines rebelles & contumaces tulerat, sententiam rescindere, antequam coram rege & eorum flagitia exponeret, & sui facti rationem redderet, tum vero illi rabie ac furore inflammati alios atque alios ad rebellionem pelliciunt, iterum arma capiunt, viros ecclesiasticos caedunt, possessiones Episcopi, & eorum, qui fidem Episcopo servaverant, invadunt, occupatasque inter se partiuntur; ipsi & magistratus & judices ubique constituunt,

Regem appellantes.

N n 2 tri-



Præpositus  
Budensis  
eos placare  
jussus ab  
rege nihil  
proficit.

Quatuor  
judices ab  
rege dele-  
gati, senten-  
tiam se-  
runt secun-  
dum epi-  
scopum.

Sententia  
quam ro-  
sus rex con-  
firmavit.

tributa imperant, exiguntque acerbissime; denique ad vim & manus Episcopo inferendas conspirant. Quæ cum ad regem delata essent, ut erat suapte natura mitissimus, maluit rem ceteroqui atrocissimam per compositionem sedari, quam in judicium adduci, & quibus digna erat, pœnis gravissimis vindicari. Demetrio Præposito Budensi negotium dedit, ut populos illos de magnitudine & atrocitate scelerum, quæ commiserant, doceret & commonefaceret, gravi & blanda oratione castigaret simul & leniret; ut ablata restituerent, veniam ab Episcopo peterent, non hortatione solum, sed precibus etiam compelleret. Sed cum illi plura & majora postularent, quam, salva dignitate & jurisdictione episcopali, concedi possent; rem integram relinquendam, ac regis auctoritati reservandam Demetrius putavit. Rex vero, cum aliis curis, gravissimisque negotiis distineretur; quatuor viros eximie fidei atque integritatis huic causæ cognoscendæ, dirimendæque controversiæ delegavit, Petrum Episcopum Sirmensem, Thatamerum Præpositum Albensium, Thomam Vaivodam Transilvanicæ, & Paullum judicem curiæ regaliæ: qui omnes anno 1340., intra diem octavum post Pentecostem Visegradum conveniunt. Auctores & antesignani constanter adversus Episcopum seditionis, jussi per præconem citari, cum adfuissent, imperatum est illis, ut diplomata proferrent, quorum auctoritate niterentur privilegia illa, atque immunitates, quibus se præditos esse ad episcopalem jurisdictionem eludendam munitique aiebant. Non alia se habere responderunt, nisi ea, quæ sibi, Episcopo, Ecclesiæ communia erant; in his jus suum, suamque libertatem contineri, & nimiam illam, quam in eos usurpabat Episcopus, potestatem coerceri. Duo diplomata protulit Ladislavus, alterum Andreæ II. alterum Belæ IV. regis; quæ cum inspecta essent, & lecta diligentissime, nihil in iis repertum est, quod illorum causæ faveret; contra vero animadversum est amplissimam in populos sibi subiectos jurisdictionem Episcopo tribui, & nullis fere terminis circumscriptam. Præterea in disquisitionem ac judicium omnia vocata sunt, quæ illi ingrate, perfidiose, inique, furenter, & crudeliter gesserant. Quare judices delegati adjuncto sibi ad ejus causæ cognitionem Nicolao Episcopo Agriensi, cum aliis optimatibus, tulerunt sententiam secundum Episcopum; eique homines illos rebelles & perversos, sive præsentis, sive abentes, bonis omnibus extutos, quæ intra fines diocesis Zagrabienensis possidebant, puniendos tradiderunt: ideo, ajunt, una cum Venerabili in Christo Patre Domino Nicolao Agriensi Ecclesiæ Episcopo &c. & aliis quam pluribus baronibus & nobilibus regni nobiscum in iudicio assidentibus, eosdem populos universos se liberos prædiales fore perfingentes, pro præmissis eorum enormitatibus, maleficiis, indebitis litigiis, & actionibus, tamquam calumniosos, falsos, rebelles, & infideles præfatis Domino Episcopo, & suæ Ecclesiæ Zagrabienensi esse, & fore, definitive sententiando, sufficienti tractatu, & plenissimo consilio, ac matura deliberatione ventilante, denunciavimus; & etiam nunc denuntiamus in his scriptis, universos populos hujusmodi litem ingredientiæ, tam principaliter nunc adherentes, tam etiam præscriptos abentes, ubicumque inventi fuerint, cum omnibus

bonis & rebus eorum, mobilibus, & immobilibus, prædiis & possessionariis particulis quibuslibet intra metas possessionum dictæ Ecclesiæ Zagrabienensis, ficto titulo & nomine possessionarium prædialium hæcenus possessis, & habitis, perpetuo ex nunc ab eisdem ablati propter prædicta demerita ipsorum, & infidelitates, ad manus ipsius D. Episcopi Zagrabien. dedimus, tradidimus, ac assignavimus, prout demerentur, per ipsum Episcopum & suos officiales corrigendos. Hanc sententiam Carolus rex anno eodem 1340. confirmavit. Multi ex conductoribus prædiorum episcopaliū, præsertim principes nefariæ conspirationis, cum suæ causæ diffiderent, sibi que metuerent, judicium subterfugerunt, & exilium sibi consciverunt; ceteri post latam sententiam comprehensi sunt, traditique in potestatem Episcopi; neque antea libertatem recuperare potuerunt, quam polliciti fuissent, datis coram rege prædibus, neque se, neque heredes suos umquam in terras episcopales regressuros; ad quas si forte accederent, eos capiendi, & puniendi per satellites & magistratus Episcopi potestas esset plenissima. Ita post seditiosas, ac turbulentas illas factiones, quæ Ladislavum per annos fere quatuor anxium & sollicitum habuerunt, pax & tranquillitas Ecclesiæ restituta est.

Per eosdem annos Capitulo Zagrabienensi cum F. Henrico Commendatore de Chernomel, rectore, seu præceptore domus hospitalis S. Mariæ Ordinis Teutonici Cruciferorum, de decimis territorii Metlikenensis controversia fuit. Oppidum ac territorium Metlichæ situm in ipsis confiniis Carniolæ & Slavoniæ, intra terminos diocesis Zagrabienensis inde usque a primordiis hujus Episcopatus continebatur; eratque tertia pars Archidiaconatus Goricensis, sive Guerchenensis, cui codex pervetustus anno 1334. conscriptus has paræcias attribuit. In Metlicka Ecclesia B. Virginis circa castellum Matrix, hujus filia sunt S. Nicolai de foro; Item Mariæ Magdalene, S. Jacobi, S. Viti, & S. Trinitatis. Item Ecclesia S. Petri de Chernomel Matrix; hujus filia S. Joannis Baptista de Doblich, & S. Irenæi &c. Cetera præmitto. Post Templarios extinctos, vel sæculo superiori post calamitatem Tartaricam, Fratribus Teutonicis ob fidelem operam ac perutilem Belæ IV. regi navatam tradita fuit Ecclesia S. Petri de Chernomel, cum Ecclesiis ei subiectis, & earumdem proventibus, salva jurisdictione Zagrabienensis Episcopi, itemque solutione decimarum, quas Stephanus II. Episcopus Zagrabienensis, ut supra diximus, cum reliquis omnibus decimis Archidiaconatus Guerchenensis, quæ quidem omnia præter quartum Archidiacono debitum ad Episcopum spectabant, Capitulo Zagrabienensi donaverat. Dum Ladislavus huic Ecclesiæ præsidebat, F. Henricus Rector domus hospitalis S. Mariæ erat Commendator Ecclesiæ S. Petri de Chernomel. Is non solum ex agris Sacerdotii Chernomelensis sibi commendati, sed ex universo propemodum territorio Metlikenensi decimas percipiendi jus sibi vindicabat; & parochos illorum locorum, ut sibi suæque causæ faverent, tertiam partem decimarum se daturum spononderat. Decimas suas repetere, & persequi lite atque judicio apud Ladislavum Canonici decreverunt; sed cum Henricus negaret se, & fratres sui Ordinis Episcopo subiectos esse, quos pontificia diplomata jurisdictioni episcopali

Lis gravis  
& diuturna  
Capitulo  
fuit cum  
Henrico &  
fratribus  
Cruciferis  
de decimis  
territorii  
Metliken-  
sis.

pali eximebant; necesse fuit controversiam illam ad Sedem Apostolicam deferri. Itaque Avenionem duo ex Capitulo missi sunt Jacobus lector & vicarius generalis Episcopi, & Joannes Archidiaconus Goricensis, sive Guerchenfis, cujus præcipue intererat causa cadere Henricum, quippe cum ei quarta pars decimarum e suo Archidiaconatu obveniret. Benedictus XII. Internuncios Capituli Zagrabiensis perhumaniter accepit, & auditis illorum postulatis & querimoniis, illius causæ cognitionem delegavit Joanni cœnobiarchæ S. Mariæ de Toplica, Ordinis Cisterciensis, his ad eum litteris datis.

Benedicti XII. ad Joannem Ab. Cister. Epistola.

Benedictus Episcopus servus servorum Dei. Dilecto filio Abbati monasterii S. Mariæ de Toplica Zagrabiensis diœcesis salutem, & Apostolicam benedictionem. Dilectorum filiorum Capituli Ecclesiæ Zagrabiensis precibus inclinati, præsentium tibi auctoritate mandamus, quatenus ea, quæ de bonis ipsius Ecclesiæ alienata inveneris illicite, vel distrahta, ad jus & proprietatem ejusdem Ecclesiæ legitime revocare procures, contraditores per censuram ecclesiasticam, appellatione postposita, compescendo. Testes vero, qui fuerint nominati, si se gratia, odio, vel timore subtraxerint, censura simili, appellatione cessante, compellas veritati testimonium perhibere. Datum Avenione IV. Nonas Martii, Pontificatus nostri anno IV. idest, anno æræ vulgaris 1338.

F. Henricus semel atque iterum citatus, de- mum cum Joanne Archid. procuratore Capituli secundo vocatus adfuit.

Nescio quid causæ interfuerit, cur Joannes Abbas Cisterciensis cognitionem hujus causæ sibi a Pontifice delegatam in annum proximum distulerit. Anno igitur 1339. Joannes F. Henricum citari jussit, eique diem decimum quintum Septembris ad comparandum edixit. Nec vero ille comparuit; & Joanne Archidiacono Guerchenfi non abnuente, prorogata est illi dies ad v. Idus Novembris, & simul locus utrique parti ad conveniendum designatus fuit Zagrabiæ in cœnobia fratrum Cisterciensium S. Mariæ anno v. Benedicti XII., qui congruit cum anno Christi 1339. Die, & loco statuto adfuit Henricus; adfuit etiam Joannes Archidiaconus nomine jussuque Capituli Zagrabiensis, qui contra Henricum actionem his verbis instituit.

Lis ab Archidiacono contestata, seu libellus ab eo productus coram iudice delegato.

In nomine Domini Amen. Anno ejusdem 1339. Pontificatus Sanctissimi Pat. D. Benedicti divina providentia, sanctissimæ Romanæ, & universalis Ecclesiæ Summi Pontificis anno quinto. Coram vobis D. F. Joanne Abbate conventus Ecclesiæ & monasterii S. Mariæ de Toplica Zagrabiensis diœcesis iudice a Sede Apostolica delegato; Ego Joannes Archidiaconus de Guerche, procurator Capituli Zagrabiensis Ecclesiæ, dico nomine ejusdem Ecclesiæ, & proprio: quod cum decimæ, sive redditus decimales provinciæ Metlikæ, sicut & alia decimæ in Archidiaconatu de Guerche, ex institutione, & ordinatione antiqua, ratione quartæ de rebus, sive bonis episcopalibus Ecclesiæ Zagrabiensis, ad Capitulum ejusdem Ecclesiæ pertineant, de cujus Ecclesiæ diœcesi existunt, frater Henricus Ordinis Cruciferorum domus Teutonice, præceptor, seu commendator de Chernomel in Metlika, ipsas decimas cum suis participibus laicis, & aliquibus suis prædecessoribus, tempore manifestarum guerrarum in regno Hungariæ, contra Deum, & justitiam, in grave detrimentum & præjudicium ipsius Capituli usurpatas percipiunt, & hucusque perceperunt. Quare nomine procuratorio ipsius Capituli, peto compelli eundem F. Henricum præceptorem, & fra-

tres suos desistere a perceptione eorundem reddituum, seu proventuum decimalium in provinciola de Metlika, & ibi locis adhaerentibus, & ab impositione, sive molestatione hujusmodi compesci; & eidem Zagrabiensi Capitulo de eos redditus, sive proventus decimales in eadem provinciola & locis ibi adhaerentibus esse de pertinentiis decimationis Capituli supra dicti, tamquam de existentibus infra limites diœcesis Zagrabiensis, usque Ecclesiæ Beatiss. Stephani regis de Zemch inclusive. Quæ ecclesiæ cum sua parochia & capellis, circa, & extra limites Aquilejensis diœcesis existit, parte in illa; & abhinc limes protenditur ad cacumen montium versus Aquilonem directe, Ecclesias de Sibistiam, de Silemberg, & ad Gracham, ad Zagrabiensis Ecclesiæ diœcesim includendo; salvo jure mihi semper addendi, minuendi, vel mutandi præmissa, vel ex iis aliqua, prout videbitur expedire. Actum in clauistro S. Mariæ de Zagrabiæ; anno & die prænotatis.

Ad ea, quæ Archidiaconus exposuerat, litteremque contestatam nihil reposuit Henricus, sed postulavit, ut dies sibi ad respondendum prorogaretur. Dilata illi fuit dies in annum proximum, & constituta prima Julii, quæ octava erat post sollemnem natalem diem S. Joannis Baptistæ: qua quidem die cum ad iudicium neque Henricus, neque ullus, qui ejus causam ageret, ab eo missus procurator non fuisset, eum Joannes contumaciæ damnavit; & Capitulo jus exigendi decimas aliosque proventus ex territorio Metlikensi, totoque Archidiaconatu Guerchenfi adjudicavit; suæ tamen sententiæ hanc clausulam addere voluit, videlicet integrum esse Henrico, si vellent, tabulas ac testes, quibus suam causam tueretur, in iudicium proferre atque adducere. Hæc omnia ex ipsis actis judicialibus, quæ hic subijcio.

Henrico ad ea nihil respondenti dies ad respondendum tertio prorogata.

In nomine Domini amen. Anno ejus millesimo, tercentesimo, quadragésimo, pontificatus Sanctissimi in Christo Patris Dom. Benedicti duodecimi, divina providentia Sacrosanctæ Romanæ & universalis Ecclesiæ Summi Pontificis anno sexto, F. Joannes Ordinis Cisterciensis Abbas conventus, Ecclesiæ & monasterii S. Mariæ de Toplica Zagrabiensis diœcesis, iudex unicus ad infra scripta a Sede Apostolica delegatus, universis presentium notitiam habiturus salutem in Domino. Litteras Sanctissimi Patris Dom. Benedicti Papæ supradicti, ejus Bulla plumbea in filo canapis, more Romanæ curiæ bullatas, veras, & integras, ac omni suspitione carentes, pro parte Ecclesiæ Zagrabiensis, & Venerabilium virorum Capituli ejusdem Ecclesiæ per Reverendum virum D. Jacobum lectorem generalem vicarium Venerabilis in Christo Patris D. Ladislai Dei, & Apostolicæ Sedis gratia ejusdem Zagrabiensis Ecclesiæ Episcopi exhibitas, nos percepisse noveritis in hæc verba: Benedictus &c. ut supra.

Acta in causa decimarum Metlicien-sium.

Quibus quidem litteris Apostolicis per nos cum ea, qua decuit, reverentia receptis, idem D. Jacobus Vicarius nomine ejusdem Capituli Zagrabiensis Ecclesiæ graviter est conquestus: quod religiosus vir F. Henricus Ordinis Cruciferorum, Domus Teutonice Commendator, seu Præceptor domus ejusdem de Chernomel in Metlika, & Fratres ejus, decimas ibidem, & circumquaque, ad ipsum Capitulum pertinentes, indebite occupatas percipiebant; quas petebat ad jus & proprietatem Ecclesiæ Zagrabiensis, & per consequens Capituli ejusdem reduci, sicut habeba-

mus per Apostolicas litteras in mandatis. Nos vero ordine juris procedentes dictum F. Henricum, & Fratres suos contra dictum Capitulum citari fecimus, octavam diem festi nativitatis Beate Virginis eisdem coram nobis comparendi pro termino assignantes. Et quoniam eodem termino adveniente, idem F. Henricus, & Fratres sui non curarunt comparere contra Capitulum supra dictum; Venerabili vero Domino Joanne Archidiacono de Querche procuratore ejusdem Capituli legitimo, ipsorum contumacia accusante. Ideo eosdem F. Henricum & suos Fratres secundario & peremptorie fecimus ad nostram presentiam evocari, & citari contra idem Capitulum, eis octavam diem post festum omnium Sanctorum ex tunc coram nobis comparendi pro termino assignando. Quo termino occurrente, & nobis in Claustro S. Mariae nostri Ordinis existentibus Zagabria propter copiam peritorum, predictus F. Henricus Præceptor, sive Commendator de Chernomel in Metlika comparuit in iudicio coram nobis. Cui quidem per predictum D. Joannem Procuratorem sape dicti Capituli oblati fuit libellus in hæc verba.

In nomine Domini amen. Anno ejusdem 1339. &c. ut supra.

Tandem ad petitionem ejusdem F. Henrici pro se, & suis Fratribus, de consensu sape dicti D. Joannis Archidiaconi procuratoris Capituli ante dicti, cum F. Henrico, & suis fratribus ad respondendum peremptorie ad predictum libellum, & in contentis concessimus pro termino octavam diem nativitatis B. Joannis Baptiste proxime venturum, ipso F. Henrico pro se, & suis fratribus consentiente, & acceptante dictum terminum ad hunc finem, & in Claustro predicto. Demum adveniente predicto termino, scilicet octavo die festi S. Joannis Baptiste, idem Frater Henricus non comparuit, nec aliquis ex fratribus suis; imo nec misit aliquem nuncium simplicem, saltem ad aliquam excusationem allegandam, nobis ipsum ex tunc quatuor diebus immediate sequentibus ad reverentiam sui ordinis expectantibus; ipso Joanne Archidiacono comparente semper, & ejusdem F. Henrici, & suorum fratrum contumaciam fortius accusante, petenteque se nomine ejusdem Capituli mitti in possessionem decimationis supradictæ juxta formam oblatis libelli. Quare non volentes ulterius in offensam juris, & præjudicium dicti Capituli, sape dicti F. Henrici, & suorum fratrum contumaciam manifestam sustinere, utpote qui ad peremptoriam responsionem sponte assumptam, sicut superius exprimitur, non curarunt comparere, vel saltem aliquem excusatorem mittere; eundem D. Joannem Archidiaconum procuratorem sape dicti Capituli, & nomine ejusdem in possessionem omnium percipiendorum reddituum, seu proventuum decimationis in provinciola Metlika de Sthestain, de Sibenberg, & de Gracham cum suis pertinentiis, tamquam infra limites diocesis Zagrabienensis existentium, juxta tenorem petitionis ejusdem Archidiaconi superius contentæ, de consilio peritorum, & proborum, tunc nobis assidentium causa rei servandæ, auctoritate Apostolica nobis in hac parte commissæ induximus, & inducimus in his scriptis. Per hoc tamen volumus ipsi F. Henrico, suis fratribus, & suo ordini aliquod præjudicium generare; quin possint, si voluerint, recuperare possessionem omnium præmissorum, in quantum a jure permissum reperitur.

Sententia  
Joannis  
Coeu-  
biar-  
chæ To-  
picen-  
secundum  
Canonicos  
Zagrabien-  
ses.

Actum in Claustro S. Mariae supradicto die quinto post octavam B. Joannis Baptiste, anno prænotato. In præmissorum autem omnium testimonio nostrum sigillum præsentibus duximus appendendum.

Cum Henricus neque huic sententiæ parere, neque a decimis, unde prohibitus fuerat, exigendis abstinere, neque iterum ac læpius monitus & citatus ad suam causam agendam adesse vellet, Joannes ea, qua præditus erat, Apostolica auctoritate illum veluti contumacem, itemque Fratres domus hospitalis S. Mariæ anathemate feriit. Hanc sententiam, censuramque Henrico inflatam confirmavit Clemens VI. proximus Benedicti XII. successor. Pontificium Clementis diploma proferemus in Jacobo II., proximo itidem post Ladislavum Episcopo Zagrabienensi.

Anno 1342. Carolus rex Hungariæ de regno univerlo, de Episcopo, & Ecclesia Zagrabienensi eximie meritis ingenti omnium maiore decessit. Tres filios reliquit, Ludovicum, ad quem utpote natu maximum Hungariæ regnum pervenit, Andream, quem septentem Parens anno 1333. Neapolim duxerat, & Roberto regi Patruo suo in tutelam tradiderat, huic successorem regni heredem futurum, denique Stephanum jure donatum ac titulo Ducis Chrobatæ. Anno proximo Robertus itidem mortuus est. Huic in regnum Neapolitanum successit Andreas filius Caroli, & frater Ludovici regis Hungariæ, cui desponsa fuerat Joanna neptis Roberti ex hujus filio Carolo Duce Calabriae præmortuo, ex qua regnum illud pro dote obvenit. Verum Joanna, ut erat femina ambitiosa, præterito & secluso Andrea viro suo, sibi uni & regium diadema ab Legato Pontificio imponi voluit, & plenam totius regni administrationem vindicavit. At Ludovicus Clementem Pontificem per litteras & oratores rogare & urgere non antea destitit, quam is Legatum Apostolicum Neapolim mitteret, ut regis titulum & insignia Andree fratri traderet, juberetque Joannam virum suum in regni societatem admittere; id quod Andree paullo post exitio fuit; nam a sceleratis hominibus per summam perfidiam & immanitatem interfectus est anno 1345. Huic tam execrando facinori Joannam ejus uxorem consciam fuisse vehemens suspicio fuit, cum aliis ob causas, tum vero ob quæstiones de viri neceliviter, & negligenter habitas, itemque ob statim expetitas nuptias Ludovici Tarentini consanguinei sui, quem permissu Pontificis matrimonio sibi copulavit.

Ludovicus ergo natus annos septem & decem eximia spe summæ virtutis magnique animi adolescens regni paterni administrationem suscepit ingenti omnium lætitia & expectatione, quam non implevit modo, sed etiam superavit. Hic nihilo minus, quam ejus Parens, benevolum & beneficium Ecclesiæ & Ladislavo Episcopo Zagrabienensi se præbuit. Rogatu Ladislavi duo diplomata fecit; altero privilegia, & jura omnia, atque immunitates ejusdem Ecclesiæ confirmavit anno 1342., altero iussit Michaellem Banum Slavoniæ sedulo curare, ac vim etiam adhibere, ut omnes Episcopo & Ecclesiæ Zagrabienensi decimas pertolverent. Ad innumerabilia Ladislavi in hanc Ecclesiam merita postremus, duobus hisce beneficiis ab Ludovico impetratis, veluti cumulus

Henricus,  
& fratres  
domus hos-  
pitalis S.  
Mariæ ob  
contumacia  
anathemate  
confixi.

Mors Ca-  
roli regis  
Hungariæ.  
Ludovicus  
filius regni  
heres, &  
successor.

Ludovicus  
erga La-  
dislavum  
Episc. &  
Ecclesiam  
Zagrabien-  
beneficen-  
tia.

accessit : anno liquidem 1343. Zagrabiensem cum Sede Archiepiscopali Colocenti commutavit.

Ladislavus ad Sedem Colocensem translatum,

alia ejusdem insignia in Ecclesia Zagrab. promerita.

Ad cetera ejus præclare facta, utiliterque ad præsidium, decus, & incrementum rei Christianæ, & Ecclesiasticæ hæc addi possunt. Homines litteratos summopere amavit, & coluit. Auctor fuit Joanni Archidiacono Guerchenfi, ut nomina & acta Episcoporum Zagrabienfium summam describeret, atque ad suam usque ætatem perduceret. Item *Capitula, privilegia statuta* Ecclesiæ Zagrabienfis, in plures libros, servatis temporum ordinibus, dispersenda, atque in unum volumen colligenda curavit. In oppido Ivanichi Sedem & curiam Episcopalem colli peramano impostam extruxit, & ornavit; Chasmensem quoque restaurasse dicitur; ejusque Litteras Pontificales plerasque Chasme, aliquot etiam in *Castro novo de Ivanich* datas fuisse tradit Kereselichius. Possessiones Vinodali, Pegghi, & Bresci, quas jure fiduciario sibi traditas obtinebat Abbas Toplicensis, repetiit ac revocavit in potestatem utilitatemque Mensæ Episcopalis. Portorium & vectigal singulis pontibus ditionis Episcopalis impositum in refectionem & munitionem tum Castri novi, tum arcis Ivanichii converti impendique jussit. Fratres Eremitas S. Paulli parentis & magistri vitæ anachoriticæ ac solitariæ eximia benevolentia, & beneficentia persecutus eorum possessiones decimarum onere exemptas & immunes per sententiam Tatemerii Præpositi Chasmenfis declarari jussit; & Canonici Zagrabienfes, ut Ladislavi voluntati ac postulatibus morum gererent, Fratribus Paullinis Remetenfibus quasdam terras mensæ Capituli detractas, eorumque agris contiguas donarunt.

JACOBUS III. EP. ZAGRAB. XXIX.

Jacobus Placentinus ex Chanadiensi Episcopus Zagrabienfis.

Oriundus e Placentia, urbe nobilissima Gallicæ togatæ, *Physicus*, idest Medicus Caroli regis Hungariæ. Aula regia relicta, ecclesiasticæ militiæ nomen dedit. Anno 1333. Episcopatum Chanadiensem obtinuit. Post Ladislavum ad Colocensem Sedem translatus Clemens VI. Jacobum Chanadiensibus adeptum Zagrabienfem Ecclesiæ Episcopum præfecit anno 1343. ut docet album Capitulare : *D. Jacobus de Placentia, qui fuit primo Physicus dilecti Caroli regis, postea Episcopus Chanad; & hinc translatus in Episcopum Zagrab. per eundem D. Clementem*. Joannes Canonicus Quinquecclesiensis, ut est apud Ritterum, jubente rege Ludovico, Jacobum in possessionem sedis, & bonorum episcopaliū ex juris formula misit. Stephanus, & Akus filii Michaelis quondam Bani Slavoniæ post mortem parentis, instigantibus iniquis hominibus, qui ob causam decimarum inimici erant, insensique Capitulo, terras sane multas, vineasque ad mensam Capitularem spectantes temere ac violenter invaserant, vi atque armis retinebant; ac præterea decimas territorii Kemlekenfis interverterant. In jus vocati ad regium tribunal, cum injustæ, & violentæ ulurpationis nullam causam probabilem reddere possent, & se aliena instigatione impulsos fecisse dicerent, injuste ablata dimittere coacti sunt. Rex vero per litteras anno 1343. feria sexta ante festum S. Georgii scriptas Capitulo Quinquecclesiensi mandatum dedit, ut e suo collegio duos, tresve perspectæ

Filii Michaelis Bani terras, & decimas Capitulo ereptas ex regio mandato restituere,

integritatis & fidei viros deligerent, qui cum Nicolao Thelech administro curiæ Banalis possessiones illas Canonicis Zagrabienfibus restitutas lustrarent, recognoscerent, circumirent, & veteres terminos renovarent ac statuerent, quibus olim definitas fuisse ex testificatione seniorum hominum comperissent. Regiis mandatis obtemperatum fuit; & rege approbante, Capitulum Zagrabienfem antiquam bonorum ac proventuum suorum possessionem recuperavit.

Vix Jacobus hujus Ecclesiæ regimen suscepit, cum æque illi, atque ejus decessori Ladislavo, pravi quidam homines, & contumaces solutionem decimarum detrectantes veterem curam molestiamque renovarunt. Sed Episcopo ad jus suum, & Ecclesiæ obtinendum præsto fuit auctoritas Ludovici regis, & severissimum de solvendis decimis mandatum; ad quod exsequendum nihilo segnior se præbuit Nicolaus Banus Slavoniæ, qui Episcopum summopere amabat & reverebatur ob cognationem spirituales, qua Jacobus Banum, hujus filio e sacro fonte Baptismatis suscepto, sibi devinxerat. Neque enim solum edictum regium ubique promulgandum curavit, eique suas litteras plenas minarum ac terroris adjunxit, sed etiam exactoribus decimarum Episcopaliū homines de sua curia, & satellites adjunxit, qui nolentes, & pertinaces ad solutionem decimarum compellerent: quibus, inquit, *dedimus, & contulimus auctoritatem nostram, vos, & quemlibet vestrum compellendi, si secus, quod absit, in præmissis, vel aliquo præmissorum feceritis*. Verum ipsemet Nicolaus non sciens illud quidem, sed per ignorantiam in eo peccavit, unde alios metu pœnarum absterrebat, & ipsam, cujus vindicem acerrimum se profitebatur, immunitatem ac libertatem ecclesiasticam imprudens violavit. Civitatem Capitularem, & Episcopalem, in qua Vicus olim Latinorum, veluti sacrum, reges Hungariæ omni regionum Præfectorum jurisdictione exemptam esse voluerant, & multis privilegiis atque immunitatibus donaverant, quarum ignarus cum esset Nicolaus, Villæ, seu Vico Latinorum tributum imposuit. Sed Jacobi admonitu, jussuque regis statim illud removit ac sustulit, & suam ipse ignorantiam suis litteris declaravit: *Cum nos, inquit, ex gratia excellentissimi principis D. Ludovici Dei gratia regis Hungariæ, dignitatem Banatus Slavoniæ fuissetis adepti; adhibuissetisque curam diligentem unumquemque, & maxime Matrem S. Ecclesiam conservare in suo jure, juxta ejusdem principis mandatum hac de re speciale; quia tamen subito nequiveramus omnia nobis incumbencia pensare ad plenum, contigit quod inductione quorundam, quæ nobis justa videbatur tributum exigendi, & locum tributi ordinavimus, & ordinari fecimus in Villa, Vicus Latinorum vocata, apud Ecclesiam S. Antonii Zagrabia, in civitate videlicet Ven. in Christo Patris & D. Jacobi Episcopi Zagrabienfis, & Ecclesiæ suæ. Tandem quia per privilegia Ecclesiæ ipsius, & informationes proborum virorum nobis constitit evidenter, quod dictum tributum ibi positum erat contra privilegia ipsius Ecclesiæ, & nostram conscientiam; ideo nolentes contra libertatem ecclesiasticam procedere, de dicta Villa Domini Episcopi, præfatum tributum tenore præsentium, & per præsentem removemus, & duximus removendum; & specialiter quia Dominus rex noster per suas*

& solutionem decimarum Episcopaliū solvere coguntur.

suas litteras speciales nobis mandavit, quod de dicta villa praefatum tributum remove debemus. Datum Zagrabiæ III. die post octavas Paschæ, Anno Domini 1344.

Capitulum  
tres villas  
sibi a civi-  
bus Gra-  
centibus a-  
demptas re-  
cupera-  
vit.

De tribus villis Kobilia, Zviblian, & Narnh sibi ademptis Capitulum Civitati regie litem intendit apud Laurentium Tavernicum Judicem ab rege datum, Res diu multumque agitata fuit. Demum Canonici tum antiquis monumētis, tum potissimum recentiori Caroli regis privilegio, quod Ludovicus confirmaverat, iussu nixique causam obtinuerunt.

Sententiam  
& censuram  
Abbatum  
Toplicen-  
sis in Hen-  
ricum, &  
Fratres do-  
mus S. Ma-  
riae Iaram  
Clemens  
VI. confir-  
mavit.

Sententiam Joannis Abbatis Toplicensis, cen- suramque F. Henrico Rectori domus hospitalis S. Mariæ, & Fratribus Cruciferis ejusdem do- mus ante quinquennium inflatam, cum ei parere abnuerent, & oblectari pergerent, Cle- mens VI. rogatu Canonorum Zagrabienium confirmavit; & litteris datis ad Joannem Ab- batem cœnobii Zagrabienensis ex Ordine Cister- cienſium, atque ad Ladislavum Rectorem cœ- nobii Dominicani Zagrabienſis, itemque ad quendam Administrum curiæ Episcopalis, im- peravit, ut sententiam Joannis Cœnobiarchæ Toplicensis contra F. Henricum prolatam, in- terposita auctoritate Apostolica, exsequendam omnino curarent.

Litteris  
datis ad  
Joannem  
Abbatem  
Cisterci-  
ensem S. Ma-  
riae, Ladis-  
lavum Pre-  
sidentem Cœ-  
nobii Do-  
minicani,  
& Admini-  
strum curiæ  
Episcopalis.

Clemens Episcopus servus servorum Dei dile- ctis filiis Abbati Monasterii S. Mariæ, & Prio- ri Fratrum Ordinis Prædicatorum Zagrabien., ac Officiali Zagrabien. Salut. & Ap. Benedict. Sua nobis dilecti filii Capitulum Ecclesiæ Zagrab. pe- titione monstrarunt, quod olim ipsi ad Abba- tem S. Mariæ monasterii de Toplica Zagrab. Dioc. Apostolicas sub ea forma litteras impetrarunt, & ea, quæ de bonis ipsius Ecclesiæ idem Abbas alienata inveniret illicite, vel distracta, ad jus & proprietatem ejusdem Ecclesiæ legitime revo- care curaret; contraditores per censuram eccle- siasticam, appellatione postposita, compescendo; ac Henricum Commendatorem ac Fratres domus hospitalis S. Mariæ Teutonicorum de Chronmel gille Diocesis, fecerunt coram eodem Abbate, auctoritate dictarum litterarum ad iudicium evocari, quodam oblato libello, in quo proposue- rant, quod licet perceptio decimarum provenien- tium ex fructibus terrarum, possessionum, & aliorum bonorum consistentium in loco, dicto Provinciola de Metlika, & ejus adhaerentis di- ctæ Diocesis, ad eisdem Capitulum de antiqua & approbata, & hactenus pacifice observata consuetudine pertineret; & tam ipsi, quam præ- decessores eorum fuissent in pacifica possessione vel quasi jure percipiendi dictas decimas a tem- pore, cujus contrarii memoria non extabat; ta- men Henricus Commendator, & Fratres prædi- cti, decimas ipsas, & possessionem percipiendi easdem temere contra justitiam usurparunt, & occuparunt, dictasque decimas perciperant, & percipiebant, ac alienatas & distractas indebite retinebant, & retinebant. Quare petebant eos- dem Commendatorem, & fratres compelli desi- nere ab occupatione, usurpatione, & perceptione dictarum decimarum; dictasque decimas, & possessionem percipiendi easdem ad jus & pro- prietatem ejusdem Ecclesiæ revocari, ipsosque Commendatorem & fratres ab hujusmodi impe- dimento compesci; dictusque Abbas ad instantiam dictorum Capituli, eisdem Commendatori & fra- tribus ad respondendum dicto libello, vel dicen- dum causam rationabilem, quare ei respondere non deberent, certum competentem peremptorium

terminum assignavit; in quo præfatis Capitulo, coram eodem Abbate, in iudicio comparentibus, & prædictorum commendatoris & fratrum non comparentium contumaciam accusantibus; & pro- pter hujusmodi eorum contumaciam, se in pos- sessione percipiendi dictas decimas in eodem li- bello petitas, causa rei servanda, mitti peten- tibus, præfatus Abbas eosdem commendatorem, & fratres ad dicendum causam rationabilem, si quam haberent, quare hujusmodi missio fieri non deberet, coram se citari fecit ad competentem peremptorium certum diem; in qua prædictis Ca- pitulo coram eodem Abbate in iudicio compa- rentibus, & prædictorum commendatoris, & fra- trum non comparentium contumaciam accusanti- bus; & in eorum contumaciam non comparen- do ad respondendum dicto libello, in eandem possessionem se mitti petentibus; præfatus Ab- bas reputans eosdem commendatorem & fratres, quod hic prout . . . . . exigente justitia contu- maces, propter hujusmodi eorum contumaciam in non comparendo ad respondendum dicto libello, recepta prius informatione summaria, præfatos Capitulum, in possessione percipiendi dictas de- cimas in eodem libello petitas, causa rei ser- vanda, mittendos fore decrevit, & misit. Et tamen cum ab hujusmodi decreto, & . . . . . non fuisset infra tempus legitimum appellatum, ac præfatus Henricus Commendator, infra tem- pus a jure statutum, non curans super præmis- sis juri parere, easdem decimas pro se, & aliis percipere præsumeret, dictosque Capitulum in possessione percipiendi eas decimas contra justiti- am impediret; præfatus Abbas, cum præmis- sa adeo essent notoria, quod nulla poterant tergi- versatione celari, eundem commendatorem ca- nonice moneri fecit, ut infra certum alium pe- remptorium terminum competentem ab hujusmo- di perceptione & impedimento desisteret, vel in- terim coram eo causam, si quam haberet, ra- tionabilem allegaret, cur monitioni hujusmodi mi- nime parere deberet: pro qua prædictus Commenda- tor infra prædictum ultimum terminum, vel post, eidem monitioni parere contumaciter non curans, nullam proponens causam rationabilem, pro qua ei parere minime teneretur; prædictus Abbas in eundem Henricum Commendatorem ex- communicationis sententiam exigente justitia pro- mulgavit. Quare prædicti Capitulum nobis hu- militer supplicarunt, ut eandem excommunica- tionis sententiam robur faceremus firmitatis de- bitæ obtinere. Quocirca discretionis vestre per Apostolica scripta mandamus, quatenus senten- tiam excommunicationis, sicut rationabiliter est prolata, faciatis auctoritate nostra, appellatione remota, usque ad satisfactionem condignam in- violabiliter observari: non obstante indulgentia, quam sibi Prior Ordini suo a Sede Apostolica di- cit esse concessam, quod ipsius Ordinis Fratres non teneantur se intromittere de quibuscumque ne- gotiis, quæ eis per ejusdem sedis litteras com- mittuntur, nisi in eisdem litteris de concessione hujusmodi plena, & expressa mentio habeatur. Quod si non omnes his exsequendis poteritis in- teresse, duo vestrum ea nihilominus exequantur. Datum Avenione Kal. Decembris, Pontific. no- stri anno quarto, idest an. 1345.

Pontificiis mandatis obtemperatum quidem est, sed serius, quam oportuit; nec mihi com- pertum est, quæ causa eorum executionem in annum 1349. distulerit, cum Sedes Zagrabien- sis, Jacobo Episcopo vita functo, vacabat; ac pro-



propterea nullus ex administris curiæ Episcopalis adfuit, qui cum cœnobiarcha sanctæ Mariæ, & Præfide cœnobii Dominicani in contumaces sententiam ferret, ut infra dicemus.

Canonici  
Zagrabienses  
fratrum  
Paul-  
lini Remen-  
tibus  
fundos  
quosdam  
donarunt.

Anno 1346. Canonici Zagrabienſes quasdam terras frugiferas cum vineis, agris, pascuis, silvis Ecclesiæ B. Virginis, & cœnobio Paulino Remetenſi donarunt. In tabulis donationis diserte additum est, ut ex omnibus fundis eidem traditis decimas Capitulum perciperet, præterquam ex illis, quos fratres ipsi suis manibus & laboribus colerent; itemque ut fratres non alios, nisi Canonicos Zagrabienſes, tamquam patronos sui monasterii, suæque Ecclesiæ agnoscerent, eisque omnia, quæ clientes solent, officia præstarent. Delecti sunt e Capitulo Nicolaus Camarcensis, Joannes Guerchenſis Archidiacono, & tres alii Canonici, qui terras fratribus Paulinis traditas certis & fixis limitibus circumſcriberent; idque firmatum est publicis litteris utroque signo tum Capituli, tum monasterii obſignatis.

Ludovicus  
rex Hun-  
garie regni  
Neapolitani  
potestur.

Anno Christi 1347. altero post infandam necem Andreæ regi Neapolitano Joannæ uxoris, ut suspicio fuit, machinatione illatam, Ludovicus, tum fraternæ cædis ulciscendæ, tum regni Neapolitani potiandi cupidine stimulante, illuc suos duces cum aliquot copiis præmiſit, quas ipse cum exercitu subsecutus est itinere terrestri, nam maritimum a Venetis sibi interclusum iri existimabat. Hujus adventum fuga præverterat Joanna, & cum Ludovico Tarentino viro suo ad partes Galliarum contendens in provinciam, quæ juris sui erat, se recepit. Ludovicus regnum Neapolitanum fere sine ullo certamine subegit, & Carolum Ducem Dyrhachii, ceterosque fraternæ cædis participes, quo digni habiti sunt, supplicio affecit, Hungaricis præſidiis regno firmato, & magistratibus item Hungaricis regimini civitatum præpositis, anno 1348. in Hungariam rediit. Sub reditum ad proceres & nobiles viros Slavoniæ de solvendis Ecclesiæ decimis severissimum mandatum dedit, & Nicolao Bano, aliisque inferioribus magistratibus, ut eos ad solvendum compelleret, imperavit. Hæc eodem anno 1348. Jacobus Episcopus tertio Idus Maji, ut concordiæ & tranquillitati utriusque Capituli Zagrabienſis, & Chafmenſis conſuleret, & causam omnem discordiarum præcideret, edito cavit, ne alter alterum verbis contumeliosis offenderet, & si quis aliquem conviciis, probris, maledictis incesſeret, eum tribus marchis in usus Ecclesiæ convertendis mulctari jussit; & qui convicio læsus injuriam patienter tulerit, huic totidem marchas ab eo, qui læsit, solvendas esse decrevit. Item eodem anno feria proxima ante festum S. Cæcilie recognitionem terrarum Episcopaliū, quam ante biennium fieri jusserat per Joannem Cantorem, Bartholomæum Custodem, & Thomam Decanum Capituli Chafmenſis, & descriptionem finium, quos ipsi constituerant, suis litteris episcopali signo obſignatis approbavit.

Decretum  
Jacobi Episcopi.

Episcopus  
Corbaviensis  
de septem  
villis li-  
tem inten-  
dit Capitu-  
lo Zagra-  
biensi.

Ut diœcesis Zagrabienſis, sic etiam jurisdictio Archidiaconatus Guerchenſis ultra Savum in Chrobatiam producta Corbaviam, finesque diœcesis Corbaviensis attingebat. Septem erant villæ positiæ in ipsis confinibus utriusque diœcesis, de quibus Radozlavus Episcopus Corbaviæ litem intendit tum Joanni Archidiacono Guerchenſi, tum Capitulo Zagrabienſi, que-

stusque est apud Nicolaum Banum Slavoniæ & Chrobatie injuriam sibi fieri tum ab Archidiacono, tum a Canonicis Zagrabienſibus, quod villas, jusque decimas ex illis exigendi sibi præripuiſſent. Banus diem utrique ad suam causam agendam constituit, qui erat octavus post sollemnia S. Stephani regis: quo quidem præſtituto die Radozlavus neque per se ipse, neque per procuratorem adfuit. Joannes Archidiaconus & suo, & Capituli nomine cum protuliſſet recentem sententiam Joannis Abbatis Toplicenſis, quæ causæ Zagrabienſi satis perspicue favebat, Banus secundum Canonicos, & Archidiaconum judicavit.

Nos Nicolaus totius Slavoniæ, & Croatia Banus tenore præſentium significamus, quibus expedit, universis: quod cum Vener. Pater D. F. Radozlavus Dei gratia Corbaviensis Episcopus nobis deposuiſſet querelam contra Venerabiles viros Capitulum Zagrabien., & D. Joannem Archidiaconum Guerche dicens, quod ipsi decimas de Kladuſſa, & quarundam aliarum villarum indebite, & potentialiter occupassent, & jam a plurimis annis percepissent: petens ut ipsas decimas sibi restitueremus: quas quidem decimas ad instantiam dicti Domini Episcopi fecimus prohibere, ne darentur Capitulo, & etiam ipsi Episcopo, donec jura utriusque partis super his videremus. Tandem mandavimus prædictis Capitulo & Archidiacono, ac etiam eidem Episcopo, ut sua jura nobis exhiberent, quibus mediantibus dicunt ad se ipsas decimas pertinere, assignantes ad hæc pro termino octavas B. Regis Stephani primo vacaturas. Quo adveniente termino idem D. Episcopus non comparuit, nec miſit, nec sua jura curavit exhibere, per ipsos Capitulum Zagrabienſe, & Joannem Archidiaconum ipso termino, & sex diebus ſequentibus legitime expectatis. Demum ipsi Capitulum & D. Joannes Archidiaconus, exhibuerunt nobis litteras F. Joannis Abbatis Toplicenſis monasterii, judicis a Sede Apostolica delegati, in quibus inter cetera vidimus contineri, quod prædicti Capitulum, & D. Joannes Archidiaconus decimas de Kladuſſa, & parochiæ B. Martini de eadem, & parochiæ B. Virg. Gradecz, & etiam villarum Chezca, Premisch, Moſſzib, Hebethkz, & Moztische vocatarum, non occupaverant indebite, & potentialiter, sed juris ordine acquisierant, coram ipso Sedis Apostolicæ delegato. Quare nos ipsas decimas, non ad ipsum Episcopum, sed ad prædictum Capitulum Zagrabienſe, & Archidiaconum de Guerche invenimus juridice pertinere. Et ideo de cetero ipsas decimas parochiarum, & villarum prædictarum pacifice percipiant, sicut debent, Capitulum Zagrabien. & Archidiaconus de Guerche ſupradiſti. Datum feria tertia proxima post prædictas Octavas festi B. Regis Stephani anno Domini 1348.

Sententia  
Nicolai  
Bani Sla-  
voniæ &  
Chrobatie.

Anno itidem 1348. Jacobus Episcopus, cum se Budam ad regem Ludovicum contuliſſet, ut suas ei victorias, & regni Neapolitani adeptionem gratularetur, ibidem obiit xvii. Kalendas Novembris in festo S. Galli Abbatis, ut docet Album Capitulare.

Mors Ja-  
cobi Episcopi.

Sub initium anni 1349., dum adhuc sedes Zagrabienſis vacabat, Joannes Abbas S. Mariæ & Ladislavus rector cœnobii Dominicani, mandata Clementis VI. ut tandem aliquando exlequerentur, litteris ad quosdam parochos territorii, seu provinciæ Metlikenſis nominatim datis tertio Kalendas Martias, & ſpeciatim ad

Judices de-  
legati Se-  
dis Apo-  
stolicæ ju-  
bent F.  
Henricum,  
& fratres  
domus ho-  
spitalis S.  
Mariæ ex-  
ſex

communi-  
catis de-  
clarari.

sex parochos, Jacobum S. Mariæ de foro Metlike, Stephanum S. Petri de Chernomel, Radoslaum S. Crucis de Vinnitza, Marcum S. Stephani regis Hungariæ de Zemk, Detricum S. Nicolai de Siembergh, & Lipoldum S. Georgii de Vivodina, qui se factores F. Henrici palam aperteque declaraverant; his omnibus graviter severeque imperarunt, ut F. Henricum & fratres domus hospitalis S. Mariæ Teutonicorum de Chernomel, qui obstinatis animis sententiam, & censuram Joannis Toplicensis cœnobiarchæ judicis Apostolici spreverant, & adhuc in sua pertinacia persistebant, singulis Dominicis, & festis diebus in sua quisque æde primaria, quoad respicerent, sacrorum omnium communione privatos, & ab omnibus vitandos esse consueta formula, & cærimonia denunciarent: imperata nisi facerent, anathematis pœnam denuntiarent illis, infliguntque.

Illorum  
mandatum  
ad parochos  
Metliken-  
ses.

Nos frater Joannes Ordinis Cisterciensis Abbas monasterii S. Mariæ, ac frater Ladislaus prior fratrum Ordinis Prædicatorum de Zagrabia, una cum officiali Zagrabienſi cum clausula, quod si non omnes, duo vestrum, ad infraſcripta a Sede Apostolica specialiter deputati, dilectis nobis in Christo, Andrea S. Nicolai de Jazirebarzka, Lucachio S. Petri Volaula, Leonardo omnium Sanctorum, ac Ivan S. Viti de Ozil, Matthiæ S. Eliæ de Ribnik, Jacobo S. Mariæ de foro Metlica, Stephano S. Petri de Chernomel, Radoslao S. Crucis de Vinnitza, Marco S. Stephani regis Hungariæ de Zemk, Jacobo S. Martini, Detrico S. Nicolai de Siembergh, & Lipoldo S. Georgii de Vivodina, Ecclesiis, & plebium rectoribus, & ministris, ac aliis Ecclesiasticis personis, ad quos præſentes pervenerint, salutem in Domino, & mandatis nostris, immo vero Apostolicis firmiter obedire. Noveritis nos litteras Sanctissimi in Christo Patris, & Domini D. Clementis divina providentia Sanctissimæ Romanæ & universalis Ecclesiæ Papæ VI. ejus vera bulla plumbea filo canapis inserta, solito more bullatas, non abolutas, non abrasas, non vitiatas in aliqua sui parte, sed omni prorsus vitio, & suspitione carentes, præſentatas nobis ex parte honorabilium virorum D. D. videlicet Capituli Zagrabienſis Ecclesiæ, cum ea, qua decuit, reverentia recepisse, quarum tenor dignoscitur esse talis: Clemens Episcopus &c.; ut supra in Jacobo Episcopo.

Postquam præſentationem ex parte præſati Capituli Zagrabienſis finimus requisiti cum instantia, ut ad executionem præſati mandati Apostolici nobis in hac parte directi, procedere deberemus juxta traditam a Sede Apostolica nobis formam. Cum igitur nunc, Zagrabienſis Ecclesiæ sede vacante, officialis ipsius Ecclesiæ ad præſens ad hoc, ut deberet, competens non exiſtat; & sic ad nos duos infraſcripta pertineant, vigore Apostolicarum litterarum prædictarum. Ideo nos Fr. Joannes Abbas, & Ladislaus prior delegati, superius nominati, mandatis Apostolicis, ac petitioni præſati Zagrabienſis Capituli, reverenter volentes obsequi, ut tenemur, auctoritate Apostolica nobis in hac parte commissa, Vos universos & singulos sacerdotes, rectores ac ministros, & alias ecclesiasticas personas prælibatas, primo, secundo, tertio, & peremptorie monemus, indicimus, requirimus, & cohortamur, vobisque nihilominus, & vestrum cuilibet in sanctæ obedientiæ virtute, & sub excommunicationis pœna, quam excommunicationem specialiter vos Ja-

cobe, Stephane, Radozlae, Marte, Detrice, Lipolde, canonica admonitione præmissa, si secus feceritis, volumus incurrere ipso facto, precipimus, injungimus, & mandamus, quatenus præſatum Henricum Commendatorem, & fratres domus hospitalis S. Mariæ Teutonicorum de Chernomel, ad quos jamdiu lata fuit excommunicationis sententia per religiosum virum D. F. Joannem Abbatem monasterii S. Mariæ de Toplica Cisterciensis Ordinis, Zagrabienſis Diœcesis, in causa, & quaestione, qua vertitur inter præſatum Capitulum Zagrab, Ecclesiæ ex una parte, dilectosque Henricum, & fratres suos ex altera, pro decimis & super decimis, provenientibus, fructibus, terrarum possessionibus & ejus ad hærentis diœcesis delegatum a Sede Apostolica specialiter deputatum, pro eo quod dicti Henricus commendator, & fratres mandatis ejusdem Domini delegati in quaestione præmissa obedire contumaciter, ac temere contempserunt, singulis diebus Dominicis ac festis, in vestris Ecclesiis hora, qua Missarum sollemnia celebrantur, cum major aderit populi multitudo, campanis pulsatis, candelis accensis, & postea extinguis & in terram projectis, & pedibus conculcatis, excommunicatos denunciatis; & nos etiam eos denunciavimus, & tamquam excommunicatos debere ab omnibus strictius evitari; cognoscetes quod, nisi celeri super hoc sibi provisione prospexerint, nos ad alia ardua procedemus, prout diſſaverit ordo juris; & ut de reliquis taceamus, an ex tali contemptu clavium Ecclesiæ, in quo tanto tempore permanserunt excommunicationis vinculo innodati, eorum debitores a debitis sint interim absoluti, & qui fidelitatis eis homagio sunt astricti, interim ad hujusmodi tenentur; & de quamplurimis aliis, quæ ad præſens omittimus, & si necesse fuerit, enucleabit in posterum juridica Canonum reſtitutio. Verum tamen quam abominabile, & detestabile sit, personis ecclesiasticis tam diutius in excommunicationis laqueo persistere, ob ipsarum contumaciam, & contemptum, evidenter intelligit qui prudenter attendit. Et ideo bonum videretur juris debitum, necessitate juridica compellente, effectui demandare, & quod nobis a Sede Apostolica injunctum est, efficaciter adimplere. Præſentes autem registrari fecimus ad cautelam, de quarum præſentatione nostro nuncio, vel nunciis, seu eorum litteris inde confectis dabimus plenam fidem. Quas quidem restituere volumus præſentanti earundem, tamen, si placet, exemplo resento, vestris dumtaxat sumptibus, & expensis. In cujus rei testimonium præſentes fieri fecimus, nostrorumque sigillorum impressione muniri. Datum die 5. mensis Februarii. Anno Domini 1349.

Hæc omnia scribæ publici manu descripta, & hujus, itemque Joannis, & Ladislavi signo obſignata cum fuissent, per Ægidium cursorem, ad quos spectabant, perlata sunt. His mandatis duos solum parochos obtemperasse invenio Leonardum & Joannem, alterum plebis omnium Sanctorum, alterum plebis S. Viti rectorem, qui in foro oppidi Metlikenſis coram Marco Presbytero, & rectore Ecclesiæ & plebis S. Stephani regis Hungariæ de Zemk, & aliis oppidanis sententiam excommunicationis promulgarunt, & parochos illarum partium, ut idem

Mandato  
duo solum  
parochos ob-  
temperant.

idem facerent, monuerunt; ut ipsi Joannem & Ladislavum iudices Apostolicos retulere.

Ceteri parochi fere omnes, cum imperata facere abnuissent, eandem anathematis poenam, Henrico & fratribus Teutonicis inflictam, sibi ipsi contraxerunt. His siquidem causa decimarum communis erat cum Henrico; nam inter hunc & parochos illos ira convenerat, ut his pars quarta decimarum Matlikensum obveniret. Ita ne tum quidem huic controversiæ, & pertinaciæ Henrici, ejusque fautorum, finis impositus fuit. Cetera, quæ huc pertinent, ad Episcopatum Nicolai II. referuntur.

DIONYSIUS EP. ZAGRAB. XXX.

**Stephanus IV. & Joannes II. perperam inter Jacobum III. & Dionysium.** Paulus Ritter duos inter Jacobum III. & Dionysium interjecit Episcopos Stephanum IV. & Joannem II. quos in duplici diplomate Ludovici regis nominatos tradit; utrumque confirmatum fuit, ut ipse ait anno 1347. alterum v. Kalendas Aprilis, alterum pridie Kalendas Augusti. Sed hoc eodem anno tertio Idus Maji Jacobus Episcopus edito supra laudato saevit, ne Canonici sive Zagrabientes, sive Chalmenses conviciis verbilive insolentibus atque odiosis se inter se lacefferent, & præterea eodem anno VIII. Idus Decembris Joanni Archidiacono Quercheni potestatem fecit templi ædificandi sub titulo & auspiciis S. Joannis Baptiste in eo solo, quod ad eam ædificationem illi concesserant Canonici Zagrabientes; qui locus cum a novis incolis, novisque domiciliis ibidem exstructis, habitari coepisset, *Villanova* appellata fuit, ut docet Thomas Kovalcevicus; & parochus ibidem constitutus est, cui annuus proventus ipsi Canonici e menta Capitulari assignarunt. Cum igitur Jacobus usque ad finem anni 1347. vitam & pontificatum perdiderit, nihil loci aut temporis sive Stephano, sive Joanni relictum est, nisi in eodem mense Martium & Augustum ejusdem anni duos Episcopos conjicere velimus. N. utrum vero Ludovici diploma, ubi uterque ille Episcopus nominatur, aliis Scrip-  
**Dionysius ab Tinniniensi ad Zagrabiensem, ab hac fere statim ad Sedem Archiep. Colocensem translatus.**

toribus Hungaricis innotuit. Vereor ne Ritterus notas compendiaras, quibus Episcopus in utroque illo diplomate designabatur, secus quam oportebat, interpretatus fuerit. Adde quod auctor Albi Capitularis, æqualis illorum temporum, ceterisque catalogi Antistitem Zagrabiensem, Stephano & Joanne prætermisiss, Jacobo III. Dionysium proxime subjiciunt. Erat Dionysius Episcopus Tinniniensis in Dalmatia. Anno 1349. translatus ad Ecclesiam Zagrabiensem vix ejus gubernationem susceperat, cum jussus est ad metropolim Colocensem regendam migrare, ut scriptum est in Albo Capitulari: *D. F. Dionysius filius Laczk per translationem ejusdem Clementis PP. de Episcopatu Tinniniensi; qui Ecclesiæ Zagrabiensi præfuit uno mense, & modicum plus, translatus ad Archiepiscopatum Colocensem anno 1349. tempore Ludovici regis.* Antequam ad gradum Episcopalem eveheretur, vel Dominicanæ, vel Franciscanæ disciplinæ alumnum fuisse declarat prænomen *Fratri*, ejus nomini præpositum. Paulus Ritterus Colocensem Dionysii translationem refert ad annum 1351. hoc siquidem anno, ut ipse animadvertit, itemque anno proximo in regis diplomatibus appellatur *Dionysius Archiepiscopus Colocensis*. Verum iccirco *Archiepiscopus* dicitur, quod licet anno 1349. ut est in Albo

Capitulari, ab rege nominatus fuisset Archiepiscopus Colocensis, nondum Sedes Apostolica regiam nominationem approbaverat. Ceterum Sedes Zagrabiensis, per ejus designatam translationem jam erat vacua anno 1350. & hoc anno eam obtinuit

NICOLAUS II. EP. ZAGRAB. XXXI.

Ex præposito Ecclesiæ Strigoniensis, & *Comite Capella regie*, primum Episcopus Nitriensis ab rege Ludovico nominatus, deinde antequam Episcopatus sibi decreti possessionem adiret, a Clemente VI. designatus Episcopus Ecclesiæ Zagrabiensis anno 1350. incunte. Hæc Joannes Archidiaconus Guerchensis, auctor Albi Capitularis, in quo series Antistitem Zagrabiensium ultra Nicolaum non progreditur: *D. Nicolaus electus Nitriensis, primo Præpositus Strigoniensis, & Comes capella regie, per provisionem Dom. PP. Clementis anno Dom. 1350. feria 4. post Octavam Epiphaniæ Domini.* Erat insigni doctrina & prudentia præditus, idemque apud Ludovicum regem in primis gratus, cui rex plurimum fidebat, & sigilli regii custodiam tradiderat, & cancellarium regalis aulae creaverat; cum vero illius consilia magni faceret, ab se abesse illum, suoque latere discedere haud facile patiebatur. Cum Neapolitani post discessum Ludovici fere omnes ad Joannam, e Gallia evocatam, defecissent, rex alteram Italicam expeditionem suscepit, & Nicolaum designatum Episcopum Zagrabiensem secum adduxit. Aliquot oppidis vel oppugnatione captis, vel per deditionem receptis, prope jam erat, ut Neapolim ipsam sub potestatem redigeret, cum Guido Episcopus Tulculanus, & Guillelmus Cardinalis S. Mariæ in Cosmedin, ut est apud Raynaldum, regi placando legati a Pontifice missi, in tempore adfuerunt; quorum auctoritas & oratio Ludovicum quamvis victorem & iratum ita lenivit, ut Joannam, de nece Andræ illata suspectam, Clementis Papæ disquisitioni ac judicio permitteret; quæ si nefariæ cædis convicta & condemnata esset, regnum eidem ademptum Ludovico traderetur; si vero illius atrocissimi facinoris insontem se probasset, regnum quidem retineret, sed Ludovico pro sumptibus, quos in utramque Neapolitanam expeditionem fecerat, tercenta millia aureorum persolveret. Ac Ludovicus quidem depositis armis Romam se contulit, ut basilicas Apostolorum pie casteque viseret, & plenam delictorum omnium veniam conquireretur; in eum autem inciderat sollemne Jubileum, cujus sæcularem celebritatem a Bonifacio II. institutam, vel renovatam, Clemens VI. ad quinquagesimum quemque annum revocavit. Inde in Hungariam regressus est cum Nicolao Episcopo Zagrabiensi, quem Atellæ, nunc Aversæ, quæ civitas est Campaniæ, Episcopi consecratione initiatum fuisse, fortassis a Guidone legato Apostolico, Joannes Thuroczius tradit cap. 17. Chron. Hung. Item ex præfatis Reverendus in Christo Pater Dominus Nicolaus Episcopus Zagrabiensis, qui fuit in civitate Aversana in Episcopum consecratus. Joanna vero cum se apud Sedem Apostolicam de nece mariti sui purgasset, sententia Pontificis absoluta fuit an. 1352. & cum Ludovico Tarentino altero viro suo in regnum restituta. Sententiam Pontificiam, cui se statum promiss-

Nicolaus II. Præp. Strigoniensis. Comes Capellæ regie, designatus Ep. Nitriensis. demum Ep. Zagrabiensis.

Ludovico regi appropriatus.

miserat, Ludovicus approbavit; atque ut ostenderet, se non opes augendi, aut dominatus amplificandi, sed fraternæ cædis ulciscendæ causa bellum suscepisse, omnem illam pecuniariam compensationem Joannæ condonavit.

Pertinacia  
& temeritas  
F. Henrici,  
& parochorum  
Metli-  
kensis.

Pertinacia F. Henrici Commendatoris & parochorum, qui ab eo contra Capitulum stabant, ad omnes monitiones & censuras Ecclesiasticas obdurerat, atque adeo percalluerat, ut neque inflictum sibi gravissimum anathematis vulnus sentirent, & contra jus fasque obstinate pergerent decimas indebitas exigere, sibi-que vindicare. Atque illorum temeritas & audacia eo processit, ut jurisdictionem potestatemque Archidiaconi Guerchensis prorsus abnuerent; neque ab eo, vel ab ejus Vicariis mandata accipere volebant, neque in iis, quæ ad regimen Ecclesiasticum & curationem animarum pertinent, se Archidiacono subjectos & obediētes præstabant. Per id temporis Guido Presbyter Cardinalis titulo, Ædique S. Cæcilie præpositus legatione Apostolica fungebatur in Hungaria. Ejus opem auctoritatemque Joannes Archidiaconus imploravit ad confringendam contumaciam Henrici & parochorum rebellium, qui, contemptis pœnis ecclesiasticis, jurisdictionem suam detestabant, & decimas Capitulo ac sibi debitas avertebant. Abeo mandata & litteras accepit ad Fr. Joannem Ordinis Cisterciensis Abbatem S. Mariæ de Zagrabia, Blasium Plebanum S. Iovani de nova Villa, Radchecz rectorem Ecclesiæ S. Marci de Grecz, & Jacobum Vicearchidiaconum de Zagoria. Jubeat eos denunciare ac præcipere tum F. Henrico, tum parochis illis, quos nominatim perceret, ut post idoneam cautionem, & satisfactionem Joanni Archidiacono, & Capitulo præstitam intra certos dies, quos ipsi præscriberent, se potestati ecclesiasticæ subicerent, atque ad ipsum Legatum, vel ad ejus Vicarium supplices accederent factorum suorum rationem reddituri, & quibus erant constructi, anathematum vinculis exsolvendi: id nisi præstarent, hæreseos suspectos fore, in eosque perinde ut in hæreticos inquirendum atque animadvertendum esse. In extrema epistola jubet de his suis litteris, & mandatis certiores fieri omnes Abbates, & rectores Ecclesiarum regni Hungariæ. Sed aures hominum pertinaciam his denunciationibus & minis dudum assuetæ jam obscuraverant, jamque animis obstinaverant omnia potius, quæ ab Ecclesia contumacibus infligi solent, vulnera perpeti, quam jus alienum inique usurpatum, ac retentum dimittere. Itaque hæc admonitio nihilo plus, quam superiores, ad præfractam illorum pervicaciam vincendam valuit. Quod cum nuntiatum esset Guidoni Legato Apostolico, qui sub initium anni 1350. ex Hungaria regressus Romam redierat, alteras litteras, Joanne Archidiacono postulante, scripsit ad omnes Abbates, ac Præpositos Ecclesiarum regni Hungariæ; & postquam exposuit, quæ contra Henricum, & parochos contumaces acta decretaque fuerunt, illis imperavit, ut, si post trinam admonitionem in pristina pertinacia permanerent, eos singulis diebus festis in primariis cujusque oppidi, aut villæ templis ex formula præscripta, rituque sollemni ab Ecclesia, & christianorum cœtu segregatos esse singulos nominatim declararent; neque antea, quam resipiscerent, iisdem illos execrationibus confingere, dirisque devovere de-

Guido Presbyter  
archidiaconus  
legatus Apostolicus  
in Hungaria.

sisterent: si autem oblectari diutius pergerent, ad eorum contumaciam frangendam subsidium a magistratibus peterent, atque in eos, veluti suspectos hæreticæ pravitatis lege agendum esse denunciarent.

Guido miseratione divina tituli S. Cæcilie Presbyter Cardinalis, Apostolica Sedis legatus. Universis, & singulis Abbatibus, Præpositis, Archidiaconis, Diaconis, Archipresbyteris, Rectoribus, & Clericis Ecclesiarum quarumcumque regni Hungariæ, ad quos presentes litteræ pervenerint, salutem in Domino. Dudum per alias nostras certi tenoris litteras, Vos & vestrum singulos moneri mandavimus Lippoldum Sacerdotem in Ecclesia S. Georgii de Vivodina, Henricum, Orthosum & Jacobum in Ecclesia S. Petri de foro, Thomam de Chernomel, Marcum & Thomam in Ecclesia S. Stephani regis Hungariæ de Zemch, Detricum in Ecclesia S. Bartholomæi de Sibestiam, Andream, & Corardum in Ecclesia S. Martini, Radozlaum in Ecclesia S. Crucis de Vinnicza, & alios universos, & singulos Sacerdotes, in districtibus de Sibestiam, & Sibenberg, & Henricum Commendatorem, & fratres domus hospitalis S. Mariæ Teutonicorum, regni prædicti Hungariæ, ratione sententiarum, probatarum contra ipsos, & ipsorum quoslibet, per dilectum in Domino Joannem Abbatem monasterii de Zagrabia Ordinis Cisterciensis, civitatis Zagrabienensis prædictæ, & Ladislaum priorem conventus S. Nicolai de Zagrabia Ordinis Predicatorum, judices a Sede Apostolica deputatos, ad instantiam Joannis Archidiaconi de Guerche in Ecclesia Zagrabienensi, & ipsius Archidiaconatus super receptione sacramentorum ab ipso Archidiacono, & cura animarum, ac legitime parochianorum districtarum Ecclesiarum; & occasione denunciationis excommunicationis exinde subsequente, quatenus ipsi & ipsorum quilibet, intra certum terminum in dictis nostris litteris comprehensum, per eos statuendum procurarent canonice se absolvi a dictis excommunicationum sententiis alioquin compareant coram nobis, seu dilecto magistro Bartholomæo de Bostario, præposito Caslacenſi, sacri palatii apostolici, & nostro generali auditore, personaliter responsuri, dicturi, & ostensuri causam rationabilem. Quare contra ipsos tamquam suspectos de hæresi procedere deberemus prout hac, & talia in dictis nostris litteris serius continentur: quod quidem facere contempserunt, in dicti Archidiaconi grave præjudicium & jacturam, prout per litteras vestrum, Leonardi omnium Sanctorum de Ozely, & Ivan S. Viti de Ozely, rectores Zagrabienſis diocesis, nobis extitit facta fides. Quare pro parte dicti Archidiaconi fuit nobis humiliter supplicatum, ut contra dictos omnes, & singulos sacerdotes ad observationem sententiarum prædictarum, latarum contra eos procederemus, justitia mediante, & cogeremus eosdem. Nos igitur suis supplicationibus inclinati vobis, & vestrum cuilibet in solidum, qui pro parte dicti Joannis Archidiaconi fueritis requisiti, seu etiam requisiti, in virtute sanctæ obedientiæ, & sub excommunicationis pœna, quam in vos, & vestrum singulos, trium dierum canonica monitione præmissa ferimus in scriptis, si infrascriptis negligentes fueritis, vel remissi, districtè præcipiendo mandamus, quatenus dictos presbyteros, singulariter monitos, juxta formam dictarum sententiarum excommunicationum, de quibus vobis liquebit, excommunicatos publice nuntiatis in

Mandatum  
Guidonis  
ad omnes  
Abbates &  
præpositos  
Ecclesiarum  
regni Hun-  
garici.

in Ecclesiis vestris, dum ad divina populi con-  
venit multitudo, campanis pulsatis, candelis ac-  
censis pariter, & extinctis. Et tam diu donec  
a dictis delegatis, vel a superiore suo absolutio-  
nis beneficium meruerint obtinere, invocantes-  
que subsidium juris, & ad cogendum eosdem,  
& quemlibet ipsorum, ad observationem dicta-  
rum sententiarum, auxilium brachii secularis,  
cum intimatione, quod contra ipsos, tamquam  
contra suspectos de hæresi procedetur, si in dicta  
sua contumacia duxerint persistendum. Datum  
Roma apud S. Crisogonum anno Domini 1350.,  
Indict. III. vicesima quinta Martii, Pontificatus  
Dom. Clementis Papæ VI. anno octavo.

Mandatis Legati Apostolici ab omnibus, ad  
quos spectabant, obtemperatum fuisse argumen-  
to sunt litteræ ad eundem Legatum rescriptæ  
ab Joanne Abbate Cisterciensis, & parochis, ad  
quos Guido priores litteras dederat.

Denuncia-  
tiones ex  
mandato  
Legati A-  
postolici  
factæ in Pa-  
rocchia Gra-  
censi S.  
Marci.

Reverendo in Christo Patri Dom. Guidoni mi-  
seratione divina tituli S. Ceciliae presbytero Car-  
dinali, in regno Hungaria specialiter Apostolica  
Sedis legato, Domino coram honorando, fra-  
ter Joannes Ordinis Cisterciensis, Abbas S. Ma-  
riae de Zagrabia, Blasius plebanus, rector Eccle-  
siae & plebis S. Joannis de eadem, Radhecz Sa-  
cerdos, rector Ecclesiae & plebis S. Marci in  
Grecz, & Jacobus Sacerdos vice Archidiaconus  
in Zagoria, salutem & orationes pro eo ad Do-  
minum. Noveritis nos vestra gratia recepisse  
litteras in hac verba: Guido miseratione divina  
&c. ut supra. Volentes igitur vestris mandatis  
obedire, ut tenemur, ad requisitionem Venerab.  
viri Dom. Joannis Archidiaconi de Guerche, Sa-  
cerdotes & rectores Ecclesiarum, & F. Henri-  
cum Commendatorem, & fratres domus hospi-  
talis S. Mariae Teutonicorum, de Metlika, Za-  
grabienensis diocesis, in tenore vestrarum littera-  
rum sapius nominatos denunciavimus, & denun-  
ciare non cessamus excommunicatos publice, jux-  
ta formam vestri mandati, & commissionem no-  
bis factam, observando omnia, ut mandastis.  
Quam quidem denunciationem prima vice feci-  
mus in Ecclesia parochiali S. Marci in Grecz,  
præsentem populo in magna copia partium diver-  
sarum, in Dominica ante Festum B. Mariae Mag-  
dalene anno Domini 1350.

Controver-  
sia de de-  
cimis Me-  
tliken-  
sibus  
adhuc vi-  
get, non-  
dum di-  
repta.

Nullus dubito, quin Henricus & parochi,  
qui cum eo contra Archidiaconum Guerchensem  
& Canonicos Zagrabienles litis societatem co-  
lerant, conscientiae stimulis perurgentibus, tan-  
dem aliquando respuerint, licet nullis litteris  
id proditum invenerim; & post impetratam cul-  
pæ poenæque liberationem communionis ec-  
clesiasticæ & sacrorum omnium participes ex-  
tremum diem obierint; sed controversia illa de  
decimis Metliken-sibus neque tunc direpta fuit,  
& adhuc sub iudice lis est. Cum Metlika si-  
ta sit non longe ab Savo in ipsis confinibus  
Chrobatæ & Carniolæ, postquam F. Henri-  
cus de decimis Capitulo litem intendit, dubi-  
tari cœptum est, utrum regio illa Metliken-sis  
ad Chrobatiam, & reges Hungariæ, an vero  
ad Carnioliam Ducesque Carniolæ & Styriæ  
pertineret. Qui Metlika Carniolæ particu-  
lam extremam esse aiebant, eam tum civili re-  
gum Hungariæ, tum ecclesiasticæ Episcopi Za-  
grabien-sis, & Archidiaconi Guerchensis jurisdi-  
ctioni exemptam esse contendebant. Ac Du-  
cum quidem Carniolæ intererat suæ ditionis  
fines amplificari, reges vero Hungariæ exiguum  
Chrobatæ appendiculam tanti esse non cense-  
re. Illyrici Sacri Tom. V.

bant, ut pro illa sibi armis decertandum pu-  
tarent, præsertim cum pluribus aliis longe gra-  
vioribus curis, & bellis distinerentur. Hinc  
factum est, ut Archidiaconus Guerchensis, &  
Canonici Zagrabien-ses regum suorum auxilio  
destituti jus suum obtinere non potuerint,  
quod armis ecclesiasticis usi tantummodo af-  
tequi non valebant, & tum illi, tum Episcopi  
Zagrabien-ses decimas, & parochias fere omnes  
oppidi & territorii Metliken-sis demum amise-  
runt: justamen repetendi, quæ sibi adempta fue-  
runt, quæque inde usque ab condito Episco-  
patu Zagrabien-si possidebant, & recuperandi  
semper retinuerunt; & postquam Carniolia,  
aliæque finitimæ regiones cum universa Hun-  
garia sub unum idemque augustissimæ domus  
Austriacæ imperium transierunt, in omnibus  
fere comitis generalibus, ut de ablatis decimis  
ac parochiis judicium sibi redderetur, postula-  
runt; idque constat ex actis eorundem comi-  
tiorum, quæ a sæculo decimo sexto ad hanc  
usque ætatem habita sunt. Extat articulus  
119. insertus Comitibus anni 1647., ex quo a-  
liarum hujusmodi postulationum formulæ co-  
gnosci possunt; est autem in hæc verba com-  
positus: Cum venerabile Capitulum Ecclesiæ Za-  
grabien-sis pro decimis districtus Metlika, & lo-  
corum eidem adjacentium ad idem Capitulum  
antiquitus spectantibus, sed per Commendatorem  
de Chernomel domus Teutonicæ Ordinis Cruci-  
ferorum occupatis, & usurpatis, & postmodum  
per delegatos Sedis Apostolicæ sibi readjudica-  
tis, ac nihilominus contra adjudicationem hujus-  
modi detentis justitiam postulet, sua proinde  
Majestas administrationem justitiæ eidem Capitulo  
per justitarios earundem partium cum debita e-  
xecutione demandare juxta clementem suam o-  
blationem dignabitur. Sed his postulationibus,  
& querimoniis nihil effectum est; & res ad-  
huc injudicata pendet. Nunc e parochiis Me-  
tliken-sibus quinque ad jus potestatemque Ordi-  
nis Teutonici pertinent; duas Vivodinam, &  
Sihembergum jure patronatus obtinet Abbas cœ-  
nobii Cisterciensis S. Mariæ Landstrossensis, qui  
sibi titulum Archidiaconi adscribit: omnes ma-  
gistratibus Carniolæ parent; Vivodina his e-  
xempta Capitulo Zagrabien-si decimas persolvit.  
Aliæ vero, si quæ sunt, parochiæ terri-  
torii Metliken-sis, ad quos pertineant, mihi com-  
pertum non est. Quemadmodum vero Carnio-  
lia, sic etiam Metlika fere tota ex jure diœ-  
cesano subest Archiepiscopo Goritien-si, cum  
antea, ex quo fuerat divulsa ab diœcesi Zagra-  
bien-si, Patriarchæ Aquilejensi paruerit. Nunc  
ad Nicolaum revertamur.

Parochiæ  
Metliken-  
ses ab Ar-  
chiepiscopo Za-  
grabien-si  
avul-  
sæ.

Diploma regum impetravit æque sibi ho-  
noricum, ac suæ Ecclesiæ necessarium, ac per-  
utile, quo Ludovicus amplissimum privilegium  
Caroli Patris sui Episcopis, & Ecclesiæ Zagra-  
bien-si concessum, suoque diplomati insertum  
confirmavit.

Ludovicus Dei gratia Ungariæ &c. Rex &c.  
Immensa regum nobilitas, licet cunctis sibi subje-  
ctis, se piam, & benignam debeat exhibere;  
illos tamen uberiori, & ampliori favore, &  
gratia prosequi consuevit, & amplecti, jura i-  
psorum conservando, & perpetua stabilitate ful-  
ciendo; qui temporalium bonorum impensa sibi  
fideliter obsequuntur, & in offerendis oratio-  
num suffragiis pro pace regis, & regni, &  
omnium creatori jugiter, & devote famulantur.  
Proinde ad universorum notitiam hanc serie

Ludovicus  
rex privi-  
legium Ec-  
clesiæ Za-  
grabien-sis  
confirmat.



volumus pervenire, Quod Venerabilis in Christo pater D. Nicolaus eadem, & Apostolica Sedis gratia Episcopus Ecclesie Zagrabienensis, Aula nostra Cancellarius, dilectus, & fidelis noster, ad celsitudinis nostrae accedendo presentiam, exhibuit nobis quasdam litteras patentes serenissimi Principis Domini Caroli olim illustris regis Hungariae, genitoris nostri charissimi &c. (hic privilegium Caroli inseritur). Nos itaque, qui ex debito officio suscepti regiminis, curis & profectibus ecclesiarum omnium in regno nostro Christo militantium, quarum precum suffragiis non solum temporaliter, verum etiam spiritualium bonorum incrementis in caelesti patria speramus aspirari; earum tamen maxime, quae ad nos specialiori patronatus jure pertinent, providentiam apponere debemus dirigentem; praedictam Zagrabiensem Ecclesiam per sanctissimum regem Ladislaum, immortalis memoriae antecessorem nostrum fundatam, volentes in suis jurebus, & proprietatibus illasam conservare, petitioni dilecti Domini Nicolai Episcopi Ecclesiae praenotata aures exaudibiles benigno cum favore inclinantes, praedictas litteras paternas de verbo ad verbum praesentibus insertas, omni prorsus suspitione carentes, de beneplacita voluntate serenissimae principisse Dominae Elisabeth inclitae reginae Hungariae, genitricis nostrae charissimae, ac de consilio, & conniventia praelatorum, & Baronum nostrorum ex certa nostra scientia, quoad omnes sui continentias acceptamus, ratificamus, & approbamus, praesentisque scripti patrocinio, de regia potestatis plenitudine, perennaliter eidem Ecclesiae Zagrabiensti valituras confirmamus. Ut igitur praesentis nostrae confirmationis, & approbationis series sic dicta Ecclesia Zagrabiensti in perpetuum valitura, nec ullo unquam tempore aliqua suspitionis rubigine, eo quod nunc praedictus Dominus Nicolaus Episcopus Zagrabiensts honore Cancellariatus, & conservatione sigilli nostri authentici praeditus fulgere dinoscitur, possit aliquatenus offuscari, praesentibus debita matura deliberatione, cum praedicta Domina regina genitrice nostra, & Praelatis ac Baronibus nostris ex nostra certa conscientia, nostrum & ejusdem Dominae reginae genitricis nostrae, sigilla duplicia authentica decrevimus fore apponenda. Datum per manus ejusdem Domini Nicolai Episcopi Zagrabiensts, Aulae nostrae Cancellarii, dilecti, & fidelis nostri. Anno Domini 1352. 14. Idus Februarii. Regni autem nostri undecimo.

Atque ex hoc diplomate dignitas nobis innotescit, qua Nicolaus regii Cancellarii munere ornatus fuit a Ludovico; unde cognoscas, quanta apud illum gratia, & exultatione polleret, Extat tamen aliud Ludovici diploma eodem & anno & die Datum per manus ejusdem Domini Nicolai Episcopi Zagrabiensts Aulae nostrae Vice-cancellarii; quae quomodo componi queant, dubitat Kovalceyichius: sed cum Kerelichio dixerim, superiori anno 1351. usque ad alterum mensem insequentis anni 1352. Vice-cancellarii munus Nicolaum obisse; in diploma vero, cui Vice-cancellarii titulo adscriptum est nomen Nicolai eodem die, atque illo, quo in producto superius diplomate, Cancellarii dignitas exprimitur, mendum fortasse irrepsit arithmeticae notae, quae diem evulgati diplomatis consignat.

Idem Ludovicus anno 1355. litteras Michaelis Bani supra descriptas de solvendis Ecclesiae decimis, ut in perpetuum valerent, regiae au-

thoritatis praesidio communivit.

Nos itaque praesentibus insertas habemus, & acceptas. Et sicut pro fidelitatibus, & fidelium servitiis praeclaris meritis, praedicti Domini Nicolai Episcopi nobis vigilantibus exhibitis, haud minus ob reverentiam Sancti Stephani primi Hungariae regis, beatissimae recordationis, pii progenitoris nostri, sub cuius honore glorioso praedicta Ecclesia Zagrabiensts Episcopalis est constructa, volentes & animo cupientes anhelanti, eandem Ecclesiam Zagrabiensem, quam cultu veneramur praecipuo, in suis jurebus & libertatibus a sanctis regibus, piis progenitoribus nostris datis & concessis illasam conservare, praedictas litteras &c. Datum per manus Nicolai Episcopi Zagrabiensts Aulae nostrae Cancellarii dilecti & fidelis anno Domini 1355. 14. nonas mensis Julii, regni autem nostri anno quarto decimo, Venerabilibus in Christo Patribus Dominis Nicolao Strigoniensti, locique ejusdem Comite perpetuo, & Dominico Spalatensi Archiepiscopis, Sede Colocensi vacante, Nicolao Agriensi, Andrea Transilvano, Demetrio Varadien., Colomano Jaurinien., Joanne Vesprimien., Nicolao Quinqueecclesien., Thoma Chanadien., Michaeli Vacien., Fratibus Thoma Sirmien., Stephano Nitrien., Peregrino Bosnien., & Blasio Tinninien. Episcopis, Ecclesias Dei feliciter gubernantibus. Magnificis viris Nicolao Palatino, & Judice Cumanorum, Nicolao Vairoda Transilvano, & Comite de Zonok, Cykon Magistro Tavernicorum nostrorum, Comite Nicolao de Zec Judice curiae nostrae, Nicolao totius Sclavoniae & Croatiae, Nicolao de Machov Banis; Dionysio Agazonum, Letkes Dapiferorum & pincernarum, ac Thoma filio Petri, Janitorum nostrorum magistris; & magistro Simone filio Mauricii Comite Posoniensti, aliisque quam pluribus regni nostri comitatus tenentibus, & honores.

Denique Ludovicus an. 1356. Portum Jellenough, quem Nicolaus Banus totius Slavoniae ademerat, Capitulo Zagrabiensti restituit, cum ex privilegio Belae Ducis Slavoniae constaret iuris esse Capitularis; itemque populos Capitulo subiectos onere tributi solvendi praefecto Castri Medved exemptos esse declaravit. Cum Ludovicus Bulgaris bellum indixisset, Nicolaum Episcopum in eam expeditionem comitem sibi adjunxit; & Strascimerum Bulgariae regem victum captumque, atque in Slavoniam adductum Gomnechi in Castro Episcopali custodiendum tradidit; post annos fere duodecim eundem fidelitatis sacramento devinctum libertati ac regno restituit, ut Ritterus, & Carolus Ducangius docent.

Stephanus tertius Caroli regis filius natus minimus, & frater Ludovici, Dux Slavoniae & Croatiae anno 1353. die tertio ante sollemnia sacrosancti Corporis Christi ad basilicam cathedralem S. Stephani regis pie visendam se contulit. Venienti Capitulum & clerus cum sacris reliquiis obviam processit, & divinis canticis, faustisque acclamationibus, donis etiam & muneribus oblati, in basilicam deduxit. Eum Canonici, ceterique Sacerdotes dimisse & humiliter rogarunt, ut privilegia vetera superiorum regum, praesertim Stephani III. confirmantis privilegium Belae IV. Patri sui cum Bulla aurea Andreae II., collata Ecclesiae Zagrabiensti confirmaret, quorum exemplaria eidem exhibuerunt. Annuit Stephanus, & diploma, insertis tum privilegiis Stephani IV.,

Alia Ludovici benedicta collata Capitulo Zagrab.

Stephani fratris Ludovici regis, & Ducis Slavoniae pietas erga basilicam S. Stephani.

IV., tum Bulla aurea Andree II., confecit in hæc verba.

Diploma  
superiorum  
regum pri-  
vilegia  
confirmans.

Stephanus Dei gratia totius Sclavonia, Croa-  
tia & Dalmatia Dux omnibus Christi fidelibus  
præsentibus & futuris præsens scriptum inspe-  
cturis, salutem in salutis largitore. Univer-  
sum notitia tam præsentium, quam futurorum,  
harum serie volumus fieri manifestum, quod cum  
feria tertia proxima ad ipsum festum corporis  
Christi, Anno Incar. ejusdem 1353. in Grechen  
civitate loco mansionis nostræ, zelo spiritualis  
devotionis cordialiter inducili progrediendo, Ca-  
thedralem seu Episcopalem Ecclesiam Zagrabien-  
sem ex fundatione Ladislai in honorem Stephani  
sanctissimorum quondam regum Hungariæ beata-  
rum recordationum, illustrium progenitorum no-  
strorum, constructam visitassimus, honorabiles viri  
Capitulum ipsius Ecclesiæ Zagrab. in eadem Ca-  
thedrali Ecclesia, genuorum flexibus se in terra  
prostrati plurimorumque litteralium istrumentorum  
super libertatibus præfate Ecclesiæ Zagrab.  
tam ab ipso sanctissimo rege Ladislao ipsius Ec-  
clesiæ jam primitus fundatore, quam aliis suis  
successoribus regibus obtentis, emanatorum &  
confectorum, aureis videlicet, & cereis bullis  
pendentibus privilegialiter consignatorum, exhi-  
bitionibus factis, nostram humiliter flagitarunt  
majestatem super eo, ut inserta ipsius Ecclesiæ  
litteralia monumenta, privilegium Domini Ste-  
phani regis, infra scripti tenoris aurea sua bulla  
consignatum, confirmans privilegiales litteras Do-  
mini Belæ regis Patris sui, confirmatorias litte-  
rarum privilegialium regis Andree similiter sub  
Bulla aurea confectorum, sæpessat Ecclesiæ Za-  
grabien. libertatis prerogativas ab eodem Domi-  
no Andree obtentas, & concessas explicare, ac-  
ceptare, approbare, ratificare, tenoreque ejus-  
dem privilegii de verbo ad verbum, perpetuam  
ad cautelam, nostris litteris privilegialibus tran-  
sumptum faciendo, plena ducali potestate digna-  
remur confirmare; cuius tenor est. In nomine &c.  
(hic insertum privilegium Stephani IV. regum  
superiorum privilegia concessa Ecclesiæ Zagra-  
bieni confirmans) Nos itaque supplicationibus  
ipsius Zagrabien. Ecclesiæ Capituli, justitiæ con-  
sonis, ducali pietate inclinati, recensitis etiam,  
& in memoriam revocatis suis fidelibus obse-  
quiis, quæ tempore primi adventus nostri in Za-  
grabiam e loco mansionis nostræ habiti, supremæ  
fidelitatis studio . . . regis stirpis in adventu  
hoc devoti & fideles Capellani, sacris expansis  
reliquiis nobis in obviam occurrendo sollemniter  
ceperunt hymnizare, ad diversa munera, victua-  
liumque varietates sollicitè subministrare faciendo,  
impendere procurarunt. In quorum, & cetero-  
rum perplurium gratiam, quæ ad præsens . . .  
prolixa essent præsentibus litteris explanari; &  
in aliqualem recompensationem easdem litteras pri-  
vilegiales dicti Dom. Stephani regis, . . . privi-  
legiales annotati Belæ litteras & D. Andree in-  
cyltorum regum Hungariæ in se continentium,  
explicantes in nulla sui parte, prout diligenter  
annotari fecimus, viciatas, præmissarum liber-  
tatum ipsius Capituli Zagrab. Eccl. prerogati-  
vales . . . in iisdem privilegialibus insertas, ac-  
ceptamus, ratificamus, approbamus, & ex me-  
ra plenitudine ducalis potestatis perpetuo vali-  
turas confirmamus, totum tenorem litterarum e-  
jusdem Domini Stephani regis, ad cautelam ube-  
riorem de verbo ad verbum transumptum præ-  
sentibus inseri faciendo. In cuius rei testimonium,  
perpetuamque firmitatem, concessimus litteras no-  
Illyrici Sacri Tom. V.

ltras privilegiales præsentibus, & autem i. i. sigilli  
nostri munimine roboratas. Datum per manus  
magistri Georgii, Aula nostræ Protonotarii, &  
Comitis de Orbaz, dilecti & fidelis nostri, lo-  
co, die, & anno supra dictis; dicti autem no-  
stri Ducatus anno primo.

Idem Stephanus iisdem Canonicis, supplici-  
ter repetentibus Villam Zlamnoch restituere de-  
creverat, quam ex pio legato Endrei viri no-  
bilis ac divitis cum plures annos possedissent,  
Nicolaus Banus Slavoniæ eripuerat, atque ad  
territorium Castri Meduedensis adjunxerat. Sed,  
quod decreverat, perficere non potuit morte  
præreptus anno 1355, qui sepultus in Acde ca-  
thedrali epitaphio caret. Margarita ejus vi-  
dua superstes piæ mariti voluntati morem ges-  
sit, præsertim cum meminisset, quæ & quan-  
ta Ecclesiæ & Capitulo se donaturum promi-  
serat Stephanus eo lætissimo die, quo primum  
illi filium pepererat, cui nomen Joannis im-  
positum fuerat. Cetera paterna promissa ipsi-  
met Joanni filio, cum ei per ætatem liceret,  
complenda & fidem patris extolvendam reli-  
quit: Quod, inquit illa, ipse Joannes Dux,  
cum ad ætatem pervenerit, sit in effectum, pro-  
ut ei Deus inspiraverit, deducturus.

Nicolaus Episcopus anno 1351. intelligens,  
scribit Kovalceovichius, quod subinde afflicta-  
tes occurrant in procurandis Sacerdotibus, qui  
certis hebdomadis in anno diebus feriatis sacra  
conventualia ex parte Episcopi, juxta ordinatio-  
nem B. Augustini cum cantu absolverent, ne in  
futurum in eo aliqui defectus fierent, in specia-  
lem suum Capellanum elegit, & recepit Blasium  
noviter erectæ Ecclesiæ S. Joannis in Nova villa  
primum plebanum, & ejusdem successores ad ef-  
fectum, ut deinceps ipsi in perpetuum ejusmodi  
hebdomadas episcopales, quoties occurrerint, in  
officio Missæ servandæ teneantur cum devotione  
absolvere: extat autem hac de re episcopale  
decretum illo anno datum 16. Kal. Junii.  
Idem Nicolaus anno 1355. decimas Archidia-  
conatus Baxinensis, quas initio suscepti epi-  
scopatus, nescio quibus, falsis argumentis de-  
ceptus a Capitulari ad mensam Episcopalem  
averterat, tandem cognita rei veritate, ante-  
quam pontificatu decederet, Canonicis resti-  
tuit. Cum Joanni civi Zagrabienti clarissimi  
generis ob ejus insignia in Ecclesiam merita  
terram quamdam Ecclesiæ Toplicensis jure fi-  
ducario possidendam & levi tributo imposito  
tradiderit; Paulus Ritter hinc colligi posse ex-  
istimat, Nicolaum Abbatem Toplicentem,  
ut vocant, Commendatarium fuisse: Comiti Ivan,  
inquit, filio Ivan de comitatu Zagrabien. pro  
fidelibus servitiis, & meritis Ecclesiæ Zagrabien-  
si præstitis, terram quamdam ad possessionem  
Brest pertinentem, ex hac parte Culpæ fluminis  
extantem vacuam, quam ipse Episcopus Nico-  
laus ab Ecclesia Toplicensi more prædiali obti-  
nebat, sub eisdem modis & conditionibus, qui-  
bus eandem ipse ab eadem Ecclesia conservabat,  
dedit & contulit more prædiali, ita tamen quod  
singulis annis in signum recognitionis domini,  
ratione dictæ possessionis in festo B. Martini Con-  
fessoris duas marchas moneta pro tempore cur-  
rentis ipsi, vel successoribus ipsius Episcopis Za-  
grabien. solvere teneatur. Unde elicitur ipsum  
quoque Toplicensem Abbatem fuisse; idemque pro-  
bant duo scutula sub majori ejus sigillo episco-  
pali, unum videlicet abbatiale, aliud gentili-  
tium. Anno 1340. Abbas & monachi Cister-  
ciens-

Nicolaus  
decimas  
Baxinensis  
Capitulo  
restituit.

Fuit Ab-  
bas Com-  
mendata-  
rius Ab-  
batiz To-  
plicensis.

cientes monasterium Toplicæ adhuc obtinebant, ut intelligi potest ex sententia, quam Joannes Abbas ejusdem cœnobii Judex a Sede Apostolica delegatus contra F. Henricum & Fratres Cruciferos Ordinis Teutonici secundum Canonicos Zagrabienſes tulit. Sed postea propter metum Turcarum, quorum opes magis magisque in dies augebantur, a monachis Cisterciensibus Toplicenſe monasterium desertum fuisse censet Thomas Kovaſcevičius & illam opulentam Abbatiam ab rege collatam fuisse Nicolao, ac deinde cum Episcopatu Zagrabienſi conjunctam: *His ſtantibus*, inquit, & *in memoriam revocatis iis, quæ superius de abalienatione decimarum Metlicenſium dicta sunt*, deducendum est, quod monasterium Toplicenſe adhuc in anno 1340. Religioſi Cisterciensēs incoluerint; utpote quo anno Abbas eorum Joannes in causa prædictarum decimarum Judex a Sede Apostolica delegatus fuit; & quod postmodum intra ſubſequentes tredecim annos eadem Abbatia Toplicenſis (ab aquis calidis sic dicta) propter metum Turcarum a religioſis derelicta ad manus Nicolai per regiam collationem devenit. Sicque primus fuit Nicolaus, qui hanc Abbatiam unitam cum Episcopatu Zagrabienſi tenuit.

Translatio  
Nicolai ad  
Sedem Archiep.  
Colocensem.

His temporibus Joannes Goricensis, sive Guerenſis Archidiaconus auctor Albi Capitularis, qui suis scriptis & commentariis vetera, & recentia ætatis suæ monumenta Ecclesiæ Zagrabienſis mandavit atque illustravit, de Capitulo, Ecclesia, Episcopatu egregie meritis ex hac vita discessit. Anno autem 1356. Nicolaus, relicta Zagrabienſi, ad Sedem Archiepiscopalem Colocentem migravit; & regis litteræ, quibus Ludovicus privilegia regum superiorum concessa Traguriensibus confirmavit anno 1357. 30. Augusti data sunt per manus Ven. in Christo Patris & Domini Nicolai Archiepiscopi Colocensis, Aulæ, inquit, nostræ Cancellarii, dilecti, fidelis &c. Anno 1360., vel superiori vivere desiit.

#### STEPHANUS IV. EP. ZAGRAB. XXXII.

Quem plerique catalogi episcopales silentio prætermittunt; sed Episcopatus Zagrabienſis ab eo suscepti, gestique per annos ferme undeviginti fidem faciunt plura illorum temporum monumenta. In ea sententia, quam Leustachius Banus Slavoniæ & Chrobatix contra Gevinum civem Zagrabienſem, & secundum Hæmoldum Abbatem S. Mariæ de possessione cuiusdam balnei, quam sibi uterque vindicabat, Zagrabix tulit anno 1356. mense Octobri assessores approbatoresque nominantur Nicolaus electus Colocensis, & Cancellarius regis, itemque Stephanus electus Episcopus Zagrabienſis; item eodem anno 14. Idus Novembris Ludovicus rex, cum esset Zagrabix, litteras Belæ super quodam prædio territorii Toplicenſis confectas an. 1247. regio diplomate confirmavit, cui subscriptus reperitur Stephanus electus Episcopus Zagrabienſis; hoc vero diploma datum Zagrabix dicitur, per manus Nicolai electi Archiep. Colocensis & Cancellarii &c. Intra finem hujus anni, vel sub initium sequentis Stephanus Episcopatus sibi collati approbationem ab Sede Apostolica obtinuit, & consecrationem episcopalem suscepit: exinde electus appellari desiit.

Anno 1358. Ludovicus rex Hungariæ post Dalmatiam Venetis ademptam pacem iisdem Venetis petentibus in has leges dedit, ut quidquid a Flanatico sinu Dyrrhachium usque Veneti ad eam diem possiderent, Ludovicus rex haberet, cederentque Veneti possessione ejus partis Dalmatiæ; reliquum vero terrarum circa eundem sinum, quodque extra esset, retinerent; Rex vero restitueret quidquid in Istria, in agro Tarvisino, & Cenetensi Venetis abstulisset; ut Venetorum navigiis ad omnes portus urbemque Dalmatiæ accessus immunis ac liber pateret; ut æque Veneti, atque ipse Rex, mare tutum a prædonibus, & maritimis latrocinis pro sua utrique parte præstarent; ut denique Duces Venetorum titulis e principatu Dalmatiæ, vel Chrobatix sumptis in posterum abstinerent. Alia præterea ad pacem, & concordiam in perpetuum stabiliendam, & magis magisque firmandam adjecta sunt. Rex, Jaderæ cum esset, duos misit Venetias Oratores, Stephanum Episcopum Zagrabienſem, & Nicolaum Judicem regis curiæ, ut tum a Duce, tum a Primoribus Venetorum sollemne sacramentum acciperent, & ipsi præstarent, quæ fidem utrique ad servandas pacis condiciones obstrinxerunt: idque diserte traditum est in litteris Joannis Delphini Ducis Venetiarum datis subscriptisque Anno Domini 1358. Indiſt. XI. die Dominico, 25. Februarii; quod quidem iuramentum, inquit, præstitimus in manibus Reverendi in Christo Patris D. Stephani Zagrabien. Episcopi, & magnifici viri Dom. Nicolai regis curiæ judicis, ambasciatorum & procuratorum dicti Dom. Regis ad hoc specialiter deputatorum &c. Acta sunt hæc in basilica S. Marci &c., quibus etiam testis adfuit Paulus Cantor & Canonicus Zagrabienſis cum Ladislavo Canonico Budenſi, quos Stephanus ejus itineris & legationis comites sibi adjunxerat.

Pax inter  
Venetos &  
Hungaros  
reintegrata.

Stephanus  
Ep. Zagr.  
orator ab  
rege Ludovico ad Venetos.

Legatione Veneta functus, cum tabulas patrum & conventorum Ducis & Senatus chiographo subscriptas, & communi sacramento firmatas Jaderam ad regem detulisset, reversus est Zagrabiam, & suas omnes cogitationes curaque ad disciplinam, remque ecclesiasticam rite constituendam convertit. Atque in primis, quæ D. Augustinus sapienter pieque instituerat, omnia confirmavit, servari ab omnibus, & in perpetuum valere jussit. Maxime illi cordi fuit integritas, fides, dignitas Capituli Zagrabienſis. Ex privilegio regali collegia Canonicorum Ecclesiæ Hungariæ tum potestatem lites privatorum hominum dijudicandi, & negotia quælibet transigendi, tum jus sigilli obtinebant, quo ad emptiones, venditiones, & pactiones quaslibet obſignandas, firmandasque utebantur. Signo autem cujuslibet Capituli summa inesse ad fidem faciendam auctoritas putabatur; magna siquidem erat de sapientia, fide, integritate Canonicorum Ecclesiæ Hungariæ opinio; ex quo fiebat, ut sæpenumero ex illorum collegiis ad controversias privatas, ac publicas etiam dirimendas arbitri ſumerentur; atque adeo reges ipsi, & Bani, sive præreges, causarum cognitionem ac disceptationem ad illorum judicia deferri jubebant, quæ sincera, incorrupta, gravissima esse censebantur; & eorumdem in sententiis ferendis æquitas, atque auctoritas, signique Capitularis impressio Fide dignitas vulgo appellari solebat. Sed nullius collegii tanta est gravitas & integritas, quam non

Ad rem ecclesiasticam & disciplinam cleri stabilendam sedulo incumbit.

non avaritia corrumpere ac violare possit, quæ interdum vel in ipsum sanctuarium irrepit. Itaque lucrandi cupidine stimulante, cum non desissent, qui ad illorum fidem, & integritatem tentandam aggredierentur, judicalem, qua præditi erant, potestatem quæstui habere, & sententiæ illorum venales esse ceperunt. Illi vero, penes quos erat custodia signi Capitularis, eadem capti avaritia pro tabulis publicis privatisque obsignandis nimio plus exigebant, quam consuetudo & æquitas postulabat. Quamobrem nonnulla ex Hungaricis Capitulis, communis & optima fama, quæ olim erat de illorum inexpugnabili fide atque justitia, prorsus amissa, potestatem quoque judicandi, & privilegium sigilli Capitularis amiserant; utrumque enim illis per summam ignominiam ademptum fuit. Stephanus Episcopus, ut dignitati, famæque sui Capituli & cleri consuleret, atque ab eo tale ac tantum dedecus averteret, tres sapientissimas leges præscripsit, quibus satis cautum esse existimavit, ne qua suspicio avaritiæ & injustitiæ, neve ulla ejusmodi infamiae nota fratribus suis adherescere posset. Prima hæc est, ut si vel a rege, & regina, vel a iudice regalis curiæ, vel a Banis, proceribus, magistratibus Slavoniæ, vel etiam a privatis hominibus arbitri ad lites componendas, aut negotium aliquod transigendum a Capitulo vel clero postulentur, ii deligerentur, quorum fides, integritas, intelligentia in rebus judicandis, & gerendis spectata & probata esset, nullaque in eos avaritiæ suspicio caderet; secunda erat, ut, qui delecti essent, antequam ad causam cognoscendam, & rem gerendam aggredierentur, jurarent per sacrosancta Evangelia, se nec prece, nec pretio, nec gratia, nec similitate ab recta judicandi, agendique ratione deduci passuros; tertia demum hæc est, ut ab illis, quorum causa id incommodi laborisque susciperent, nihil peterent, sed ea remuneratione contenti essent, quam ipsi sponte contribuerent: hæc autem si admodum tenuis foret, ac minor, quam pro labore atque incommodo suscepto, quod justæ remunerationi degerat, ex proventibus sigilli Capitularis pro æqua æstimatione compensari iussit, & reliquam pecuniam ex iisdem proventibus perceptam in arcam bene clausam ac signo Capituli obsignatam recondi; & postquam hæc Fidedignitas, seu custodia sigilli, & huiusmodi causarum & negotiorum delegatio in orbem, suam cuiusque vicem, per omnes Canonicos ad id delectos iisset, his pecuniam illam æqualiter distribui voluit, seclusis tamen Canonicis illis, qui nondum sacris ordinibus initiati fuissent, quos omni etiam ad conventus Capitulares accessu prohibuit, omnique Capitularium proventuum perceptione privavit. His sapientissime constitutis ac decretis ut vim ac firmitatem adjungeret, si qui ea violarent, iis poenam anathematis irrogavit.

has leges  
sapientissi-  
mas consti-  
tuit.

Decretum  
Stephani.

Stephanus Dei & Apostolicæ Sedis gratia Episcopus Zagrabienſis Ecclesiæ, omnibus ad quos præſentes pervenerint, quosque præſens negotium tangit, vel tangere poterit quomodolibet in futurum, salutem in Domino sempiternam. Placens Deo veterum in domo Domini militantium conversatio, & fida operum exhibitio meruit eorundem, ut ad ipsos per regnicolas in eorum agendis specialior, more patriæ laudabili, & tutior recursus habeatur. Sed quorundam moder-

norum ab bonum pigra, ad malum vero prona subtilitas priorum suarum laudabiles gestas, sinistra molitur actione extinguere. Unde factum est, ut quorundam locorum collegiatorum, & conventualium rectores, & persona, dum cupiditati suæ frænâ restringere, & manus a munere excutere noluerint, sigilla eorum, imo verius munimen, & Ecclesiæ suæ decorem, per quæ jura regni tueri solebant, novissimis temporibus amitterent, & tam suam, quam Ecclesiæ eorum famam sempiterno opprobrio macularent. Cum igitur illos felices describat antiquitas, quibus ex alieno præstatur cautela periculo; volentes dictam Ecclesiæ nostram Zagrabienſem, cui auspore Deo, licet immeriti, præsidemus, sic undique esse regulatam, & sic tutam, ut nihil sit, quod sibi, & suis ministris possit offerre incommoda, nec locus timori relinquatur; de sano & maturo consilio, statuimus, irrefragabiliter statuimus, quod ad executionem cuiuslibet negotii regnicolarum, quod longo usu Fidedignitas nuncupatur, dum fratres nostri de Capitulo per regem, & reginam, iudices curiæ eorum, Palatinum, & Banum regni Slavoniæ, vel per aliquem iustitiariorum Hungariæ & Slavoniæ regnorum, de aliqua re nunciis, aut litteris fuerint requisiti, tales deputent & designent ex Canonicis, præbendariis dictæ Ecclesiæ nostræ, pro varietate negotii, qui famæ nitore, conscientie puritate, & morum honestate præfulgeant, & contra quos alias nulla suspicionis causa in similibus extitit agitata. Qui antequam onus exequendi negotii assumant, jurent ad sanctos Dei, sacris Evangeliiis sacrosanctis, quod nec pretio, nec odio, nec favore a veritatis tramite reflectentur; sed negotium sibi commissum, absque machinatione mali sine dolo exequentur; & quod nihil petant, vel recipiant a causante, quod dantem manifeste lædat, vel clamorem suscitet, sive murmur; sed habendo patientiam in dantem, hilariter recipiant quod offertur. In casum autem, ubi forte labor talium non aque bene remuneraretur, tunc persone ex dicto Capitulo, quot sigillare consueverunt, taxabuntur conscientiose, quantum debeat pensata laboris, & causæ qualitate: pecunia vero obtemperata, impensa prius digna retributione de labore illorum, qui huiusmodi negotia exequentur, (quam dispositioni eorundem fratrum nostrorum relinquimus) usui Communitatis dicti Capituli per omnia deputetur, quæ scilicet pecunia reposita in arca ad hoc apta, sub sigillo Communitatis dicti Capituli, conservetur: & postquam juxta numerum Canonicorum dictæ Ecclesiæ nostræ Fidedignitas ipsa circumducta consummatur, eadem pecunia de dicta arca excepta inter personas & Canonicos ejusdem Ecclesiæ nostræ æqualiter dividatur, illis dumtaxat exceptis, qui non sunt in sacris ordinibus constituti, quique extra dictam Ecclesiæ nostram absque manifesta & rationabili causa commorantur. Volumus etiam, & sub pœna infrascriptæ precipimus, ut antiquam, & præscriptam Ecclesiæ nostræ consuetudinem in scriptis redactam, qua cavetur, ut nullus admittatur in consilium, & agendis Capituli, qui non est in sacris constitutus, omnes Canonici & persona dictæ Ecclesiæ nostræ . . . jurent inviolabiliter observare in tantum, ut nemo Canonicorum ipsius Ecclesiæ nostræ, qui non est in sacris, admittatur ad consilium, secreta, agenda, dispositionem, vel quamvis ordinationem jam nominati Capituli Ecclesiæ nostræ, verbo vel litteris ineundam, nec singil-

latum vel lectioni litterarum, & instrumentorum, propria ipsius Capituli, vel exterorum jura tangentium, possint interesse, nec fructus, & reditus ex hujusmodi litteris provenientes percipiendi habeant facultatem: quos scilicet Canonicos non constitutos in sacris ordinibus, & nos auctoritate ordinaria his omnibus, scilicet consilio, & communione Capituli nostri fructuum & reddituum, distarum Fidedignitatum, & litterarum super his conficiendarum, & aliis, quibus supra, privamus, presentis scripti patrocinio mediante. Proinde precipimus firmiter obtinentibus & obtenturis in futurum in dicta Ecclesia nostra dignitates, personatus, beneficia & officia, in virtute sancta obedientia, & sub excommunicationis pena, quam in contrarium venientes, monitione canonica premissa, ferimus in his scriptis, quod premissam constitutionem nostram, tam salubriter initam, jurent ad sanctos Dei ratam habere in perpetuum, & totaliter ad omnes sui clausulas effectui mancipare sine contradictione qualibet, & sine fraude. Tu vero custos Ecclesie nostra predicta presentem constitutionem, inter alia Ecclesie nostra statuta compositam, studeas sub bona custodia conservare; & si forte aliqui extra sacros ordines constituti importune se ingerere presumpserit, iidem fratres nostri de Capitulo, vel alter eorum, hoc vigore harum constitutionum semper remove sub pena excommunicationis predicta teneatur. In cujus constitutionis, & innovationis, ac privationis memoriam, firmitatemque perpetuam, presentes nostro sigillo annulari secreto duximus consignandas. Datum Chasma in festo depositionis S. Regis Ladislai. Anno Domini 1364.

Stephanus  
Ep. Zagrab.  
Vicarius  
generalis  
Slavoniarum  
& Abbas  
Toplicensis

varias legationes ab  
rege sibi  
impositas  
gessit.

Ludovicus rex Hungarie Stephanum in primis dilexit & coluit. Eum Vicarium generalem Sclavonia constituit, eidemque Sacerdotium Toplicense demandavit. Quocirca in tabulis publicis inscribi solebat Stephanus divina providentia Episcopus Zagrabienensis, & regni Sclavonia Vicarius generalis, & Abbas Toplicensis, ut docet Thomas Kovasceovichus. Stephani rogatu privilegium Caroli Patris Ladislavo Episcopo concessum confirmavit, quo quidem privilegio decimarum ejusdem speciei, ac fructus percepti Episcopo & Ecclesie solvi jubebantur. Ludovici diploma datum est per manus Nicolai Episcopi Strigoniensis, & Cancellarii aula regie pridie Kalendas Januarii an. 1360. apud Kereselichium, qui præter Venetiam, alias etiam perhonorificas legationes, præsertim ad Romanum Pontificem Stephano ab Ludovico injunctas fuisse tradit; quas ille quidem & pro dignitate sustinuit, & e sententia gessit. Annos circiter viginti Ecclesiam Zagrabiensem summa cum vigilantia, prudentia, sanctitate gubernavit. Anno proximo, antequam e vita decederet, atrox pestilentia Zagrabiam invasit. Præclaram occasionem subveniendi suo gregi, & animam suam dandi pro ovibus suis optimus pastor haud prætermittendam putavit. Itaque, omni propriæ salutis vitæque cura posthabita, totum se contulit, atque impendit ad juvandos solandosque miseros illos contagiola lue affectos, quibus nulla re defuit, neque ullum ab se seu divinum, sive humanum subsidium desiderari passus est. Vis exitialis morbi vix depulsa fuerat, cum ille letalem in morbum incidit vel e laboribus superioris anni pestilentis, vel ex ipso ministerio ægrotis impenso contractum: quo intra paucos dies extinctus

anno 1375. migravit in calum immortali susceptæ ad utilitatem gregis sibi commissi sollicitudinis præmio fructurus.

#### DEMETRIUS EP. ZAGRAB. XXXIII.

De cujus genere & patria nihil certi proditum est; sunt qui natione Hungarum, sunt qui alienigenam fuisse tradunt. Vir plane magnus fuit, plenus consilii, & singularis in rebus gerendis solertia atque industria. E Sirmienfi ad Varadinensem Ecclesiam transivit, quam annos fere viginti sapientissime administravit. Post obitum Stephani IV. Ludovicus Demetrium ad regendam Ecclesiam Zagrabiensem evocavit; quo propius & commodius uti posset ejus consilio, operaque ad quælibet rei publicæ, & christianæ negotia expedienda, quibus tot tantisque distentus est, ut, cum annos circiter quatuor huic Ecclesie præfuerit, vix de illa cogitandi, nedum benemerendi, spatium habuerit. Itaque Episcopatus Zagrabienensis Demetrii nulla re memorabili ab eo gesta insignis fuit: nihil hac prælatura, ut ait Ritterus, in Ecclesia Zagrabienfi memorabile reliquit. Gregorius XI. qui sedem Pontificalem Avenione Romanam retulit anno 1378. mense Martio rebus humanis exempto, Pontifex creatus est Urbanus hujus nominis VI. Huic a factione Gallicana Clemens VII. Pseudopontifex objectus eodem anno Ecclesiam in duas partes pertinaci ac diuturno schismate distinxit. Ludovicus cupidus Ecclesie ad pristinam concordiam revocandæ Demetrium Episcopum Zagrabiensem oratorem tum ad Urbanum, tum ad Clementem misit, ut suorum utriusque esset, hortator, auctorque ad pacem Ecclesie restituendam. Et Clementis quidem aures ad omnem pacis mentionem insana ambitione obstruatas, animumque reperit a deponendis insignibus pontificalibus per coitionem schismaticam susceptis longissime abhorrentem; ab eoque arroganter & superbe habitus, re infecta, discessit. Contra vero Urbanus regium legatum honorifice ac benigne accepit, de sua canonica electione diligentissime docuit, se legitimum Pontificem ei non opinione solum, sed etiam ad veritatem plane persuasit; ac per se non stare ostendit, quominus, sublato schismate, tranquillitas optata Ecclesie redderetur. Hæc legatio, quamvis id, quo potissimum spectabat, assecuta non est, certe tamen universæ Hungariæ salutaris fuit; nam Demetrii auctoritate & suasionem innixa contra Clementis, & schismaticorum contumaciam, turbulentamque dementiam cum rege Ludovico ab Urbano, & catholicorum causa constantissime stetit.

Demetrius  
Ep. Sirmien-  
ensis, deinde  
de Varadin-  
ensis, postea  
Zagrabien-  
ensis

ab Ludovico  
co rego ora-  
tor missus  
ad Urbanum  
VI. & Cle-  
mentem  
Pseudo-  
pontificem.

Illud quoque mandatum a Ludovico rege ad Carolum Parvum filium Ludovici ducis Tarentini designatus rex Neapolitanus a Ludovico & Carolus a pace cognominatus fuit; e sanguine regum Sicilia & Hungariæ originem traxerat, & tertio consanguinitatis gradu ipsum Ludovicum Hungariæ regem attingebat. Nam Carolus II. rex Sicilia, sive Neapolis præter alios mares e Maria filia Stephani, & sorore Ladislavi regum Hungariæ Carolum Martellum Principem Salernitanum suscepit; ex quo geni-



genitus est Carolus Robertus, quem alii Uberum vocant, rex Hungariæ, cujus filius Ludovicus regni paterni heres fuit. Idem Carolus II. genuit ex eadem Maria Joannem Ducem Dyrrhachii, Joanne ortus est Carolus & Ludovicus, Ludovico Carolus is, de quo nunc loquimur. Hunc igitur Ludovicus rex Hungariæ ex Italia evocatum regni Neapolitani heredem designaverat, quod ad se pertinere existimabat post mortem Joannæ reginæ, quæ nullam prolem susceperat neque ex Ludovico Tarentino ante aliquot annos vita functo, neque ex Jacobo Aragonensi filio regis Majoricæ, quo cum tertiis nuptias copulaverat; nec porro spes erat liberos gignendi ex quarto conjugio, quod cum Othone duce Brunopolis in Saxonia recenter inierat. Ut vero ipsius Joannæ favorem Carolo conciliaret, Margaritam filiam Mariæ sororis Joannæ, genitam ex Carolo duce Dyrrhachii, quem Ludovicus de nece Andree fratris vehementer suspectum interfici jusserat, uxorem ei dedit, impedimento consanguinitatis, quæ inter utrumque intercedebat, per Pontificem Max. sublato; Carolus siquidem & Margarita erant filii duorum fratrum; hanc Carolus dux Dyrrhachii, illum Ludovicus Caroli frater genuerat; uterque autem filius erat Joannis dux Dyrrhachii & nepos Caroli II. regis Neapolis & Siciliæ. Quapropter Joanna cum liberis careret, gravate ferebat regnum Neapolitanum ad Carolum devolvi, cum is Margaritam filiam sororis suæ in matrimonio haberet. Porro Ludovicus, ut Carolum assuefaceret ad imperium, resque publicas administrandas, Dalmatiæ, & Chrobatiz Ducem præcecit; & anno 1375. cum Margarita in Dalmatiam misit. Cum Jaderæ domicilium sibi, ac sedem constituisset, in ea civitate Margarita filiam peperit, cui in gratiam materteræ suæ nomen Joannæ imposuit. Assentiente igitur Joanna, nihil obesse videbatur, quominus regni Neapolitani Carolus potiretur, si Pontifex Romanus, penes quem erat dominium supremum regni utriusque Siciliæ, consensum præbuisset. Hunc vero ut obtineret, Demetrius regius legatus, nomine jussuque Ludovici ab Urbano VI. postulavit. Ut, quod petebat, assequeretur, nullum tempus opportunius esse poterat; jam enim Joanna ad partes Clementis Antipapæ defecerat, ejusque susceperat patrocinium. Quare postulatio Ludovici, non solum æqua & honesta videbatur, sed etiam turpis illius, & ingratiſſimæ ab legitimo Pontifice defectionis ulciscendæ facultatem præbebat. Itaque regiæ voluntati ac petitioni libentissime satisfecit; quin postea suis litteris, ac nunciis Ludovicum hortari, atque urgere instituit, ut traducto in Italiam exercitu regnum Neapolitanum invaderet, illudque aut sibi, aut Carolo Dyrrhachienſi adipisceretur.

Regnum Neapolitanum Carolus decretum a Pontifice confirmandum Demetrius curavit.

Idem Demetrius Cardinalis, & Archiepiscopus Strigoniensis.

Interea dum Demetrius in urbe manebat, Urbanus ejus insigni probitate, doctrina, prudentia captus, eum dignum censuit, quem in sacrum Cardinalium collegium cooptaret; & titulo SS. Quatuor Coronatorum insignivit. Sub idem tempus de interitu Thomæ Metropolitæ Strigoniensis allatum est; Ludovici rogatu Demetrium, vinculo, quo Zagrabienſi Ecclesiæ illigatus erat, dissoluto, Ecclesiæ Strigoniensi Archiepiscopum dedit. Sunt qui antea Archiepiscopum, deinde Cardinalem creatum fuisse tradant, contra quam Kereselichius, & Kova-

ſceвичиус docent, itemque Samuel Timon in eo libro, qui inscribitur *Purpura Pannonica*: ab eodem, inquit, Pontifice (Urbano) in sacrum collegium titulo SS. Quatuor Coronatorum cooptatus est. Demum ex humanis erepto Thomæ Metropolitæ, dispensante Urbano, Strigoniensi sedi præesse, & aula regiæ Cancellarii munera obire jussus est anno a partu Virginis 1379. Strigoniense sacerdotium adeptus multa & præclara pro Ecclesia & regno gessit, quæ commemorat P. Nicolaus Schmitth in suis Archiepiscopis Strigoniensibus. Vita functum tradit anno 1386. vel sequenti: Demetrius, inquit, quadraginta annis Præsul Ecclesiæ moderatus est; sui perennem memoriam apud Hungaros & Romanos reliquit.

#### PAULLUS EP. ZAGRAB. XXXIV.

Ex Italia oriundum fuisse aliqui censent; Balthassar Adamus Kereselichius ex tabulis nescio quibus docet fratrem fuisse Joannis de Palisna prioris Auranzæ ex ordine militari equitum Rhodiorum, quocum adversum Mariam filiam Ludovici reginam Hungariæ de adducendo in regnum Hungariæ Carolo Dyrrhachino conjuravit. Paullus Ritterus ex Canonico & Cantore Ecclesiæ Zagrabienſis Episcopum factum esse existimat, & illum ipsum esse, qui Venetiis anno 1358. cum Ladislavo Canonico Budenſi testis adfuit sollemni sacramento, quo Veneti conditiones pacis, quam cum Ludovico rege fecerant, confirmarunt: *Actum Venetiis in Ecclesia S. Marci, præsentibus Reverendo Patre D. Raymundo electo Patracen. Archiepiscopo ... D. Paula Cantore, & Canonico Zagrabienſi, & D. Ladislao Canonico Budenſi testibus rogatis, & aliis. Anno Domini 1358. Idid. IX. die Dominico 25. Februarii feliciter. Amen.* Paullus bonis orſus initiis tristes exitus habuit; Ludovici regis gratiam, & singularem erga se benevolentiam Mariæ Ludovici filiæ male rependit, & fidem parenti datam per execrabilem filiæ prodicionem violavit. Anno 1379. regimen Ecclesiæ Zagrabienſis suscepit, quam, dum in fide & officio mansit, sapientiſſime gubernavit non minus regi, quam regiis præfectis, clero, & populo charus acceptusque. Ad christianam pietatem augendam, auctore & hortatore Capitulo, piam ſodalitatem instituit sub titulo & auspiciis Beatæ Virginis, & S. Stephani regis; quod lingua Slavonica *Kalendama* vocant. Huic adscribi voluerunt tum Canonici omnes, tum plerique presbyteri, & clerici, tum vero plurimi laici ex omnibus civitatis ordinibus. Ut vero hæc præclara institutio mortuis pariter, ac vivis prodesſet, has leges præscripsit.

Paullus ex Canon. & Cantore Ep. Eccl. Zagrab.

erga Ludovicum, ejusque filiam Mariam ingratiſſimus.

Pium ſodalitum instituit, ei que leges præscripsit.

I. Die S. Hieronymi Missam Episcopus celebrabit pro sua, & antecessorum animabus; & elemosynam distribuet propriis expensis aliis duabus diebus ex bonis congregationis, cum fratribus, & decano, prout bonorum facultas expedit.

II. Episcopus annuo dabit florenum unum, & vini cubulos 20. quilibet Canonicus in dignitate florenum medium cubulos 10. reliqui Canonici quartam partem floreni, vini cubulos quinque, decano præsentandos, præbendarii vero, ut simplices Canonici, pauperes, ſculares den. 20.

III. Corpus defuncti comitabuntur; & quilibet pro ejus anima candelas dabit, & Missam cele-

*librari faciet. Bona Kalendarum numquam venduntur, & decano omnes obediant.*

Orator ab rege missus de pace cum Venetis facienda. Ludovicus rex Paulo, cujus fidei ac prudentiæ multum tribuebat, & fidebat, usus est oratore, ut pacem cum Venetis sanciret. Res paulo altius mihi ordianda est. Ligures cum Francisco Carrario Dynasta Patavino, & Patriarcha Aquilejensi sociali fœdere conjuncti bellum acerrimum cum Venetis gerebant. Anno 1378. in hujus belli societatem traxerunt Ludovicum regem Hungariæ, qui eo avidius cum Liguribus socia arma conjunxit, quod non secus atque illi, nihil vehementius cuperet, quam Venetis totius maris possessionem eripere, sive ut ipse Adriatici dominatu potiretur, sive ut insulas urbisque maritimas Dalmatiæ sibi tutas a Venetis præstaret, præsertim vero ne quid impedimenti objiceretur a Venetis, si necesse esset exercitum Hungaricum in Italiam transmitti ad regnum Neapolitanum occupandum, vel tuendum. Carolum Dyrrhachensem regem Neapolis designatum copiis Hungaricis præfecit, quas auxilio misit sociis fœderatis, qui Tarvisium obsidebant. Sed cum Joanna ab Urbano VI. ob schismaticam cum Clemente Antipapa coitionem anathemate percussa Ludovicum Andegavensem fratrem Caroli V. regis Gallicæ ad sui regni præsidium accersisset, & oblata spe ejus regni obtinendi filium sibi adoptasset, Ludovicus rex Carolum e Tarvisina obsidione evocavit, ut vires copiasque omnes ad regnum illud sibi decretum occupandum traduceret. Antequam discederet, rex jussit experiri, & tentare omnia, ut pax cum Venetis redintegraretur; & ex ejusdem regis mandato cum Stephano Archiepiscopo Colocenſi, & tribus aliis regni Hungarici proceribus Paullum Episcopum Zagrabientem, ut docet Kereselichius, ex monumentis translationis corporis S. Paulli Eremitæ paulo inferius proferendis Internuncium adhibuit, atque ad Venetos misit: sed hæc Paulli legatio ad an. 1381. rejicienda diverso, ac certiori modo narratur, ut postea exponam. Quæquæ autem consilia pacis animo Ludovicus aluerit, illa certe Franciscus Carrarius disturbavit, cum proponi voluerit Venetis conditiones iniquiores, quam accipi possent, salva Veneti nominis atque imperii dignitate. Itaque Carolus, pace infecta, cum duos circiter menses ad Tarvisium sedisset, copias abduxit, & cogitationem curamque omnem ad belli Neapolitani comparationem contulit; quippe Ludovicus regnum Siciliæ citra Pharum sibi a Pontifice oblatum, cujus potiundi cupiditatem ætas ingravescent, tum valetudo male affecta ipsi ademerat, in Carolum Dyrrhachensem jampridem transtulerat. Hic igitur cum exercitu profectus intra finem anni 1380. Romam venit, ubi ab Urbano Senator urbis declaratus est. Anno inſequenti, ætate jam adulta, Pontificiis auxiliariis copiis aucto exercitu, regnum invasit, victo repulſoque Othone duce marito Joannæ, qui ad fines tuendos, aditumque intercludendum occurrerat. Itaque victor, ac sine ullo certamine Neapolim contendit, urbem civium quorundam proditione cepit, Joannam reginam in arce obſeſſam, omnique auxilii spe destitutam in castellum S. Felicis includit. Ludovicus Andegavensis cum quindecim millibus equitum alpes jam quidem transcenderat; sed serum id auxilium fuit; antequam regni fines ingrederetur, illam Carolus

Carolus  
Parvus re-  
gnum Nea-  
politannm  
invasit.

eodem, quo Andream conjugem suum necasse dicebatur, mortis genere sustulit. Andegavensem certaminis avidum cunctando fregit. Dum bellum in Apulia trahitur, ille biennio post aditam Italiam, incertum morbo, an veneno, extinctus est, & exercitus Gallicanus, amisso duce, dilapsus. Othone vel invito, Carolus regni Neapolitani potitus est. Interea, dum hæc ibi geruntur, Veneti post Clodiam amissam, & varia prælia in ipsis æstuariis vario Marte commissa, classem Ligusticam, Clodiam urbem arcta obsidione cinctam, ab omni comœatu, & sociorum auxiliis interclusam decimo fere mense, quam ab hostibus expugnata fuerat, ad deditionem perpulerant. Urbe hac recepta, prosperæ res deinceps multæ consecutæ sunt Classis Veneta in Istriam atque Dalmatiam transmissa, Justinopolis recuperata, Senia capta & direpta, Buccaris oppidum incensum, insula Veglæ ad Venetum imperium recipiendum compulsa, Tarvisium vero, ne in potestatem Carrarii veniret, Leopoldo duci Austriæ traditum.

Victoria  
Veneto-  
rum.

Res Clodiensi bello gestas fuse narrat Raphaelus Carésinus Venetæ Reipublicæ Cancellarius in accuratissimis additamentis chronico Andree Danduli ducis subjectis; & ex iis a Muratorio editis Tom. XII. inter Scriptores rerum Italicarum comperio, Hungarici regis legatos, quibuscum Paullus Zagrabienſis Antistes aderat, Augustam Taurinorum missos primum fuisse ad Amedeum Allobrogum ducem, quo auctore, pax cum Venetis, Ligure, Ludovico rege, horumque locis composita est an. 1381. vi. Id. Augusti, atque inde die xi. Octobris ejusdem anni Venetias appulſos nomine regis pacem juraturos: idem vero testatur Daniel Chinatius, qui iis temporibus æqualis de bello Clodiensi commentarios scripsit ab eodem Muratorio typis vulgatos Tom. XV. de Scriptores rerum Italicarum. Hac autem ipsa legatione ferunt quidam corpus S. Paulli Eremitæ Venetiis abductum a Paulo fuisse, & in Hungariam auctum.

Cum enim ordo Eremitarum S. Paulli primi Eremitæ sæculo superiori ab Eusebio Canonico Strigonienſi institutus, & sub initium hujus sæculi a Cardinali Gentili legato Sedis Apostolicæ approbatus in Hungaria latius in dies propagaretur, nec magis cœnobiorum numero, quam doctrina & sanctitate floreret, Ludovicus rex ad ejusdem Ordinis præsidium ac decus miro studio cupiebat corpus S. Paulli Anchoritarum parentis adipisci, quod Constantinopoli Venetias translatum fuisse fama & auditione acceperat. Quare inter conditiones pacis cum Venetis redintegratæ illa fuit non postrema, ut sacras illas exuvias sibi traderent pignori futuras ad pacem & amicitiam magis magisque stabilendam. Ad eas recipiendas devehendasque in Hungariam anno 1381. Venetias missus Paullus Zagrabienſis Episcopus cum Valentino Quinqueecclesiarum Antistite opportune adfuit. Exceptæ sunt perhonorifice, atque depositæ in sacello regio arcis Budensis; quas deinde Demetrius Cardinalis, & Archiepiscopus Strigonienſis eodem anno xviii. Kalendas Decembris ingenti hominum frequentia, insigni apparatu & pompa, sollemnique supplicatione tranſtulit ad templum, & cœnobium Paullinum S. Laurentii non longe a civitate Budensi disjunctum. Hæc tradit Balthassar Kereselichius ex *Mss. SS. Illyrii*, in quibus hæc translatio his verbis descripta est.

Paullus  
ad Vene-  
tos mis-  
sus corpus  
S. Paulli  
primi Ere-  
mitæ in  
Hungariâ  
tranſtulisse  
dicitur.

Die

Die XIV. Novembris.

Historia  
translatio-  
nis.

De Translatione S. Paulli primi Eremitæ.

Paulli primi Eremitæ corpus, opera Emanuelis Imperatoris Constantinopolitani, gremio terra effossum, Constantinopolim est translatum. Hoc miraculorum ejus fama evulgata, Jacobus Lancio civis Venetus, Constantinopolim profectus, cum primis urbis agendo, obtinere missus est. Sed nec conquievit, donec quod concupierat assequeretur. Redux cum sacro pignore Venetias, illud ex Senatusconsulto in Ecclesia S. Juliani Martyris honorifice deposuit. Interea B. Eusebius, Strigoniensis Canonicus, primus S. Paulli primi Eremitæ instituti cum aliis nonnullis, piis viris, ab Urbano IV. Summo Pontifice, regula S. Augustini Romæ cooperante S. Thoma Aquinate Angelico Doctore accepta, in Hungaria dedit initium. Qui sæculo valedicentes imitatione SS. Anachoretarum, Paulli, Antonii, Hilarionis, Macharii & aliorum, in sylvis & montium radicibus Deo vacare inceperunt. Aucto deinde fratrum Eremitarum in Pannonia numero, ipsorumque pietate ac religione evulgata, Bartholomæus Quinqueecclesiensis Episcopus, nobile eis, S. Jacobi nomine, primum omnium monasterium in Patak extruens, eosdem in unum coegit, formulam in communitate vivendi præscripsit, eoque in suam tutelam cooptavit. Postquam autem dictum Ordinem, Fr. Gentilis Ordinis Minorum Cardinalis, de latere in Hungaria legatus, auctoritate Clementis V. sub eadem regula S. Augustini confirmavit, in Poloniam, Germaniam, atque Hispaniam diffusus est. Ut autem non solum Ordinem S. Paulli primi Eremitæ, sed etiam corpus ipsius haberet Pannonia, Ludovicus primus, rex Hungariæ, finem bello, quod cum Venetis gerebat atrocissimum, imponere prius noluit, quam ei se corpus S. Paulli daturus sponderent. Pro quo Valentinus Quinqueecclesiensis, & Paullus Zagrabienensis Episcopi Venetias expediti; veriti, ne si forte ejusmodi reliquæ in luce auferrentur, & impetu furentis turbæ popularis, rei exitus turbaretur, placuit noctis sub silentio, urbe exportari. Opinione sola habendi, apud eos remanente. Anno igitur Domini 1381. Die IV. Octobris, Venetiis solventes, maris terræque emensis spatiis, prospero cursu breviter confecere. Budamque Hungariæ regiam appulere, rege & omni populo eidem occurrentibus. Et primum quidem in sacello regio arcis Budensis corpus ipsum venerabile, sub fratrum Eremitarum custodia fuit depositum. Deinde XVIII. Kal. Decembr. per Demetrium Cardinalem tituli SS. 4. Coronatorum, Archiepiscopum Strigoniensem sollemni processione ad monasterium Fr. Eremitarum tituli S. Laurentii supra Budam translatum, & sua cum gloria ibidem collocatum. Ex quo etiam die, iidem fratres Eremitæ habitu interiori albo, instar Dominicanorum, uti inceperunt. Post funestam deinde cladem Mohachianam, prælatum S. Corpus, ad varia sacra loca, novissime ad arcem Trenchinensem, tutioris conservationis gratia, deportatum, ibidemque a duobus Patribus Eremitis custoditum fuit. Vetus a Germanis succensa arce, ac prælati Sacri Corporis custodibus, combustum exstitit die 15. Novembris.

Postrema verba vel aliena & posteriore manu addita sunt, vel certe auctor hujus scripti sæculo decimo sexto, & clade Mohachiana antiquior non fuit.

De corpore S. Paulli Venetiis in Hungariam

translato eadem breviter scripsit Joannes Archidiaconus Kikulleus Vicarius generalis Archiepiscopi Strigoniensis in Transilvania ante Ludovici regis notarius a secretis: Denique, ait, ordo fratrum Eremitarum B. Paulli primi Eremitæ in regno Hungariæ florere incipit, & multiplicari. Item corpus ejusdem B. Paulli Patris dicti Ordinis de Venetiis in Hungariam translatum est; & in claustris Eremitarum apud S. Laurentium prope Budam in vertice montis depositum, in quo loco & B. hujus Patris venerantur merita; & populorum laudantium Deum concurrunt frequentia; ex vita Ludovici regis ab eodem Archid. descripta, cap. 41. Idem confirmat Petrus Ranzanus in epitome rerum Hungaricarum. Sub eo (Ludovico) B. Paulli primi Eremitæ corpus e Venetiis in Hungariam translatum est. Sed Antonius Bonfinius rer. Hungaricarum Dec. 2. lib. 10. translationem Hungaricam S. Paulli videtur referre ad ætatem regnumque Caroli parentis Ludovici, contra quam ceteri Hungarici Scriptores tradiderunt. Verum de ejusdem sanctissimo corpore primum Constantinopolim, deinde Venetias, demum in Hungariam traslato extat historia fusiore & accuratior ex antiquo codice ab Joanne Gamanfio Soc. Jesu descripto, quam Joannes Bollandus Tomo primo die x. Januarii Actis S. Paulli subtexuit. Postquam auctor de utraque prior translatione Constantinopolitana, & Veneta narravit, de tertia Hungarica hæc subjecit: Sic nimirum inter partes (Venetas & Hungaricas) pace firmata, sedatis undique dissensionibus, præfatus Christianissimus rex volens emissi sui voti prosecutioni insistere, & fautori suo sponte oblata exolvere, sollemnes ambasciatores, videlicet Ven. in Christo Patres, & Dominos, Valentinum Quinqueecclesiæ, & Paullum Zagrabienensis Ecclesiarum Episcopos, viros Ungaros natione claros, Canonum scientia illustratos, de cursu temporalium non ignaros, cum quibusdam regni sui optimatibus, pro ipso sacro obtinendo thesauro, ad civitatem Venetorum destinavit. Qui cum celeritate festinant, ad obsequium tantæ majestatis pleno desiderio aspirantes, modos & vias, quas prædicto norant convenire, operosa sollicitudinis studio excogitantes, diu desideratum donum obtinuerunt votive. Sed cum hujusmodi reliquæ curæ fuerint communi, ne impetu furentis turbæ popularis rei desideratæ & obtentæ aliquantisper turbaretur exitus; consulta deliberatione, civium usi consilio, in secreto lucifuga noctis silentio, lucescente die quarto mensis Octobris, anno Verbi incarnati 1381. exanime corpus non indevoti, sed magno devotionis affectu de Ecclesia S. Juliani memorata suscipiunt, & in capsâ lignea artificiose fabricata fortuna celeri, cui arrisit divina clementia, cum duobus aliis corporibus Sanctorum Innocentium, qui ab Herode in Evangelio leguntur occisi, quæ & ipsi Veneti grata sinceritate ipsi Domino regi dederunt, usque Budam, insignem & amantissimum regni Ungariæ locum, & præcipuum, sub felicibus auspiciis, imperante Deo celi ventis & mari, omni cessante tempestate, felici cursu in tranquillitate pacis, & optatæ quietis, divina dextera eorum assistente processibus, feliciter perduxerunt. Ubi eadem sanctissima reliquæ cum maxima devotione & reverentia a clero & populo, diverso apparatu ad cultum divinum adornato, incensis luminaribus, venerabiliter sunt susceptæ, & in capella regia sub custodia Patrum ejusdem Ordinis.

Translatio  
Hungaricam  
corporis  
S. Paulli  
auctoribus  
quidam  
confirmant.Historia  
translatio-  
nis Hunga-  
ricæ ex co-  
dice Mil.

Ordinis S. Pauli, interim deputata. Gaudet inclytus regis animus . . . Volant interim hujus sancti miracula . . . Firmatur regis & regni majorum consilium, quod Reverendissimus in Christo Pater, ac Dominus D. Demetrius tituli Sanctorum quattuor Coronatorum, Sacrosanctæ Romanæ Ecclesiæ presbyter Cardinalis, Sanctæ Otergovienensis Ecclesiæ gubernator perpetuus ( itemque Strigoniensis Archiepiscopus ) aulaque regiæ supremus Cancellarius, Apostolicæ Sedis in regnis Hungariæ & Poloniæ legatus, probitate pius, pietate devotus, moribus mansuetus, & mansuetudine fideus, fidei & sinceritatis alumnus, quem rex exacta scientia & cognita ad plures honores successive, effluente promovit, supradictas sacrosanctas reliquias de capella regiæ, in Ecclesiâ gloriosi Martyris S. Laurentii, quæ distat uno milliaro a Wuda versus occidentem, & in claro monte Wudensi est situata, ubi est egregia turba monachorum, qui sub titulo dicti Patris, & sancta observatione militant, quique divinis infundunt laudibus, vacant orationibus, atque ibi tamquam suo capiti, filii Patri, magistro discipuli, duci milites, Deo & ipsi S. Paulo jubitant, & sedulum ac debitum impendunt famulatum, collocaret. Qui ascitis sibi Episcoporum, religiosorum, secularium, & aliorum multitudine copiosa, tollens corpus S. Pauli de capella regiæ 18. Kalendas Decemb. in ipsa Ecclesia venerandum cum suprema reverentia deposuit; & ipsum diem festum translationis ejusdem deinceps celebrari, vigore & auctoritate suæ legationis, instituit & mandavit. Et ut Christi fideles ad frequentationem reliquiarum diligentius illo die animaret, omnibus vere penitentibus & contritis, & confissis quis in ipso die translationis, memoratis S. Pauli reliquias humiliter & devote visitarent, de omnipotentis Dei, & beatorum Apostolorum Petri & Pauli auctoritate confusus, unum annum de injunctis sibi penitentibus misericorditer relaxavit. In quo loco suffragium S. Pauli humiliter implorantibus innumera beneficia præstantur a benedicto Domino nostro Jesu Christo, qui facit mirabilia magna solus, cujus sunt hæc dona, cujus sunt hujus deserti sacrificia, qui cum Patre & Spiritu sancto vivit & regnat in sæcula sæculorum. Amen.

De corpore  
S. Pauli va-  
riis aucto-  
rum senten-  
tiis.

Translationem Hungaricam sanctissimi illius corporis in dubium revocari ex eo videtur, quod Andreas Saussajus in supplemento Martyrologii Gallicani scripsit Corpus S. Pauli primi Eremitæ in Galliam translatum, apud Cluniacum Archimonsasterium repositum, ibi religiose servari: quoniam & in opere litterario duorum Monachorum S. Benedicti & Maurina sodalitate memoriæ proditum est, in Laudunensi S. Vincentii Monasterio reliquias S. Chanoaldi Episcopi, atque caput S. Pauli primi Eremitæ religiole coli. Joannes Bollandus non corpus, sed aliquas reliquias ex corpore S. Pauli aut Constantinopoli, aut Venetiis, aut ex Hungaria illuc allatas esse existimat. Idem vero Bollandus in Appendice ad diem x. Januarii ait verisimile esse non integrum corpus Venetiis in Hungariam translatum, sed aliquas ejus partes. Nam Peregrinus Merula in sanctuario Cremonensi scribit, Venetiis etiamnum in æde S. Juliani asservari S. Pauli corpus, capite Romam translato, ipsosque S. Pauli sodales eas reliquias anno 1626. mense Maio veneratos, vexillum in ea æde suspendisse, ipsius S. Eremitæ effigie insignitum, ac Patriarchæ supplicasse, ut sibi partem ali-

quam earundem reliquiarum donaret, in sua Ecclesia collocandam. Particulam aliquam capitis Romæ in æde S. Mariæ, quæ in Campitelo dicitur, asservari testatur Octavius Panciroli in Thesauris absconditis almae urbis, alias item particulas ejusdem Sancti, in aliis quibusdam Romanis basilicis extare. Flaminio Cornelius in monum. Eccl. Vener. Tom. 3. dec. 5. gravibus sane rationum momentis indubium revocat Anonymi historiam de corpore S. Pauli Venetiis in Hungariam delato, ejusque sacraliplana adhuc in æde D. Juliani, ubi primum reposita fuerunt, servari integra affirmat. Equidem, inquit adversus Anonymum, si Venetus Senatus sacrum illud corpus regi destinasset, quid ob stare poterat, ne res succederet sine populari motu, ea præsertim tempestate, qua respublica nullis unquam intestinis dissidiis laboravit? Cum Hungaris oratoribus Budam redeuntibus in eam simul profectos esse civitatem oratores duos Venetos Leonardum Dandulum, & Fantinum Georgium, & ipsos pacem juraturos tradunt Chinatus, & Fantinus . . . num hi fuerunt Veneti illi, qui sacrum corpus ad regem Hungariæ detulerint? Mirum sane rem hanc altissimo involvi silentio apud Scriptores Venetos omnes; nec enim pudebat eos sacralipsana, quæ ardentius Ludovicus optabat, dono eidem dedisse. Mirum quoque regis vota, oratorum postulacionem, annuentem Senatum, factasque deliberationes perpetuo obliterare silentio voluisse tot auctores, qui rerum Venetarum aut historias, aut chronica, aut alia id genus opera elucubrarunt. Mirum quoque hæc fieri potuisse insciis plebano, & presbyteris, & Ecclesiæ custodibus: quod si nocturni arcani participes dixerimus, profecto mirabilis est, nec per ipsos, nec per maritimos viatores, qui sacra corpora ad regem detulerunt, rem fuisse vulgatam. Interea dum secreta deduktionis negotium universam urbem latet, sepulcrum S. Pauli sacris ejus ossibus vacuum, vel alienis refertum non interrupta veneratione frequentatur. Numquid putandum est Patres antiquæ pietatis immemores irreligiosa fraude permisisse, corpus, quod aberat, adhuc a populo coli, omnesque P. C. in tantum scelus consensisse? Si prudenter omnia hæc, & mature attendantur, haud difficile erit, Hungaricum codicis Scriptorem nec paucis, nec levibus vitis laborantem nulla fide donandum esse tuto pronunciare. Hæc Cornelius, aliaque plura, quæ Hungarico codici fidem omnino adimere queant. Præterea Fortunatus Ulmus in notis vitæ S. Pauli subiectis, editisque anno 1668. & Hungaricam translationem omnino reticet, & addit, cum Hungaricæ translationis memoria in quoddam Breviarium an. 1540. typis vulgatum improvide irrepsisset, haud multo post idem Breviarium vetitis libris Apostolicæ sedis auctoritate adnumeratum fuisse. Sane in iis divinz Plalmodiæ lectionibus, quibus Patres Paullini utuntur sollemni D. Pauli diæ, ne verbo quidem ullo Hungarica hujusmodi translatio innuitur; easque laudatus Cornelius exhibet citato superius in loco. Aliquot igitur fragmenta ex illo sacratissimo deposito decerpta aliis in locis asservari, colique facile concesserim, sed de integro Paullino corpore, vel magna ex parte in Hungariam aucto quid tuto affirmem, ignoro; & tam multi, præter Anonymum, Scriptores, præsertim Joannes Archidiaconus Kallensis Ludovico regi æqualis, qui Paullinam in Hungariam

riam translationem narrant, locum adhuc dubitandi Venetos inter, & Hungaros sacri corporis possessores relinquunt. Duo præterea SS. Martyrum Innocentum corpora regiis legatis a Venetis tradita fuisse, & in Hungariam transvecta, scribit idem Anonymus; sed Benedictus Vinchovichius Episcopus donata fuisse tradit ab Andrea rege, cum Hierosolymitana expeditione perfunctus in Hungariam rediit.

Mors Ludovici regis.

Anno 1382. pridie Idus Septembris Ludovicus rex Hungariæ decessit. Nihil masculæ proli, sed duas ex uxore Elisabetha filias reliquit, Mariam, & Eduvigem; hæc nupsit Ladislavo duci Lituaniæ, cui Dynastæ, & proceres Poloniæ regnum illud, Ludovici morte vacuum, detulerunt; siquidem Casimirus rex, cum liberis careret, Ludovicum filium Elisabethæ sororis suæ heredem regni Polonici instituerat. Maria vero, utpote major natu, regni Hungarici paterni heres, post iusta sollempnia parenti soluta, regis nomen & insignia sumpsit; vulgo enim non reginæ, sed regis nomine appellari solebat. Eam pater Sigismundo filio Caroli Imperatoris, & fratri Venceslavi itidem Imperatoris, Marchioni Brandeburgensi desponderat. Sed cum nondum satis matura esset imperio, Ludovicus moriens filię tutelam, & rerum publicarum administrationem Elisabethæ matri commendaverat. Vix unum itemque alterum annum mater & filia regnaverant, cum quidam Hungariæ, & Dalmatiæ proceres, muliebris dominatui perturbati, nimiam gratiam & potentiam exossi, quam Nicolaus Gara Palatinus apud reginas obtinebat, de utraque regno expellenda conjurarunt. Hujus seditionis auctores præcipuos fuisse comperio Paulum Episcopum Zagrabiensem, qui & fidem parenti filięque datam, & dignitatem Episcopalem nefaria prodicione scœdavit, Joannem de Palixna Priorem Auranz, Joannem Horvath Banum Slavoniæ, & Stephanum Latzchovichium, quem sibi suspectum Elisabetha Banatu, seu principatu Dalmatiæ & Chrobatiz amoverat, substituto in ejus locum Thoma de S. Georgio. Cum itaque de regno Hungariæ ad Carolum regem Neapolitanum transferendo clandestinis inter se consiliis agitarent, in hujus conjurationis societatem plurimos e nobilitate Hungarica & Dalmatica traxerunt. Rei perficiendæ partes Paulus Episcopus sibi desumpsit; & anno 1383. per speciem Romani itineris Neapolim se contulit, Carolum adiit, & hanc apud illum orationem habuisse tradit Joannes Thuroczius in sua chronotaxi.

Maria ejus filia heres Hungarici regni sub tutela matris Elisabethæ.

Conjuratio contra utramque.

Paulus Neapolim profectus Carolum regem ad regnum occupandum invitat.

*Magnanime princeps, tuorum grata reminiscencia progenitorum, apud nos nondum ingratis abolita per oblivionem, nostros ad te dirigere recursus nos animavit. Te alto regum Hungariæ de sanguine ducere originem, & præter te nostri sceptræ regni competere scimus nemini. Es nostrorum virilis divorum propago regum; effranem gentem femineum nequit regere imperium. Levis sexus, quas suscitavit guerras, componere nescit, illa quam quondam grata ubertate pollentem vidiſti Hungariam, sævo stat Marte lacerata. Atris concussæ flammis ædes, nigras redactæ in fascies, flebilis vestigia monstrant; Dominorum cades agros steriles cruentat, plebs malignas scissa in partes totis regni in viscera viribus sævit, seseque omnes intestina rabie regnicola rodunt. Quid inquam? ignipedes veluti fœtantis equi, sprete levitate vectores, per*

*devia sparsi, orbem quondam impleverant favillis: sic gravibus regnum pestibus undique implevere. Fractum igitur ut componeres regnum, discordes unires duces, regnicolasque humiles tranquilla pacis amœnitate gaudere faceres, nostrosque subires, quos ferre nequimus, labores, & rex Dominusque noster effici non recusares, te vocamus. Tibi jure debetur regnum; tibi nos æternalis jugo fidelitatis bona fide subjicimus, ut illos, tui quos amavere parentes, & tu amato. Tua itaque serenitas veniat: nos quoque illud, quod viatici, & ad res componendas necessarium erit, fideliter efficiemus. Si enim præjudicium sororis, quam ut nosli solio venerati sumus paterno, tua majestatis morderet conscientiam, præter solitum & illam sublimavimus; nec dato oneri feminea sufficit sagacitas; maturi etiam atas viri tanto sub pondere sudat. Hungariæ populus, antiquo exposcente flagitio, undique medios inter hostes positus est, odiis præterea intrinsecis potentis ad instar pelagi fluctuat, & ut peregrinis ab insustibus tueatur, marem expostulat. Quodque tanti habenas regni virgo temperet, ardua res est; rebus in talibus magnanimi manus viri interdum nutare videntur. Quid amplius differam? tibi & illi moderamine adhibito sufficere: latum enim est regnum Hungariæ: ita Thuroczius.*

Oratio Pauli, & invitatio procerum Hungariæ Dalmatiæque Carolum facile perpulit, nequidquam eum dehortante, ac deterrente Margarita conjuge, ut occasionem spemque oblata potius regni Hungarici avidius, quam cautius acciperet. Oratore dimisso, ad res Neapolitanas componendas ac firmandas, ne quid detrimenti se absente caperent, aut alicui periculo subessent, annum integrum, & paullo amplius contulit. Anno 1385. duas triremes instrui ornarique jussit, quibus in Dalmatiam transvectus Seniam appulit; inde terrestri itinere Zagrabiam venit; & a Paulo Episcopo in ædibus Pontificiis perhonorifico lautissimoque hospitio acceptus tres fere menses in ea civitate commoratus est. Cum de aucto fautorum suorum numero, auctisque opibus, & viribus lætissimi nuncii venissent, nullam moram interpoluit, quin statim cum Paulo Episcopo & ingenti procerum comitatu Budam properaret. Ejus adventu reginæ percussæ cum essent, simulatis tamen benevolentiz, atque honoris officiis eum prosecutæ amicum sibi habere, quam hostem experiri maluerunt. Ille vero paucis post diebus Albam progressus inter faustas acclamationes, infaultis ominibus, regale diadema impositum sibi a Demetrio Archiepiscopo Strigoniensi suscepit, mense Octobri, anno 1385. Sed anno insequenti vi. Idus Februarii cum vita regnum utrumque amisit; nam Nicolæ Gara instigante, Blasius Forgachius Carolum ex insidiis adortus interfecit. Regni Neapolitani heredem reliquit Ladislavum filium adhuc impuberem sub tutela matris Margaritæ, ex qua etiam Joannam filiam suscepit.

Carolus itinere maritimo Dalmatiam, inde terrestri Zagrabiam venit.

Sublato Carolo, seditionum hominum audacia compesci, & conjuratio illa contra reginas conflata facili negotio restringi posse videbatur. Rebus Hungaricis paulisper tranquillatis, ut in Dalmatia reliquias omnes illius conjurationis abolerent, illuc reginæ profectæ sunt cum ingenti procerum comitatu. Ad fines Dalmatiæ cum venissent, Joannes Herivort sive

Hor-



Elisabetha  
& Maria a  
perduelli-  
bus captæ,  
& Novigra-  
di in custo-  
diam tra-  
ditæ.

Sigismun-  
dus spon-  
sus Mariæ Ve-  
netorum o-  
pera rex  
Hungariæ  
declaratus.

Paulus Ep.  
perduellio-  
nis reus ex-  
istit o mul-  
tatus.

Horvath Banus, & Joannes Palixna Prior Auranzæ, qui armatis satellitibus viam illam obsidebant, ex insidiis consurgunt, Nicolaum de Gara Comitem Palatinum, & Blasium Forgaichium Caroli interfectores obtruncant, reliquos partim cædunt, partim disjiciunt, atque in fugam vertunt; reginam utramque captam, & Novigradum abductam in arctam custodiam includunt. Elisabetham alii gladio interiisse, alii in flumen dejectam, & submersam, alii morte naturali extinctam tradunt. De interitu Elisabethæ & Mariæ captivitate cum allatum esset ad Sigismundum Mariæ sponsum, quam maximum potuit exercitum collegit, ut hanc perduellium potestati eriperet & regnum amisum ei, sibi recuperaret. Sed neutrum efficere potuisset sine opera & auxilio Venetorum; est enim quædam naturalis & eximia pietas Venetorum animis insita, ut afflictæ regum fortunæ facile illorum opes alliciant ad misericordiam, impellantque ad ferendum auxilium. Itaque obliti injuriarum, quas a Ludovico parente acceperant, hujus filiz, & ejus sponso statim opitulari decreverunt. Ac primum quidem Pantaleonem Barbum in Hungariam miserunt, qui optimatum, atque illarum gentium animos Sigismundo conciliarent, eosque aptis & idoneis rationibus adhortaretur, ut regnum jure dotali debitum eidem traderent. Neque incassum hortatio adhibita: Sigismundus, nemine repugnante, summo omnium consensu rex declaratus, Albæ sacrum diadema, ceteraque insignia regalia suscepit prid. Kalendas Aprilis anno 1387. Tum vero Sigismundus omnibus copiis viribusque elaborandum censuit, in id universo regno pecuniam & milites conferente, ut Mariam e custodia Novigradensi ereptam in thori maritalis societatem sibi adungeret, atque in regnum paternum restitueret. Sed præclari hujus facti gloriam sibi unis Veneti vindicarunt, quibus Maria vitam, libertatem, ac regnum referre debuit acceptum. Illi siquidem Petrum Barbadicum misere cum multis armatis triremibus, qui advigilaret ad custodiam illius oræ maritimæ, sinusque obsideret, ne ullum elabi posset navigium, quo Maria Neapolim transvecta in potestatem veniret Margaritæ, quæ illius morte Caroli viri sui necem ulcisci velle dicebatur. Porro Petrus, egressu omni vigiliis & navigiis apte dispositis intercluso, egregiam militum manum in terram exposuit; Joannem Priorem Auranzæ arctissime obsedit; ac tandem metu vique adhibita compulit, ut Mariam liberam emitti juberet; quæ summo cum honore, ingentique gratulatione excepta, in triremes Venetas conscendit, iisque primum Nonam, deinde Seniam devescit. E Dalmatia in Hungariam regressa cum Sigismundo sollempnia nuptiarum celebravit.

Rebus utcumque pacatis de auctoribus conjugationis contra reginas constat, quos fuga non subduxerat, supplicium sumtum. Paulus Episcopus, ut ait Joannes Thuroczius, quamvis, multis aliis necatis, non sit interfectus; numquam tamen ejusdem Episcopatus in sedem, quamdiu vixit, restituit valuit. Habita siquidem est ratio Episcopalis dignitatis, & reverentiæ eidem debitæ, quæ illum extremo meritoque supplicio subduxit; sed bonorum publicatione multatus fuit, sede Pontificia dejectus, atque in perpetuum exulare jussus. Ce-

teri captivi, ait Spondanus, capite multati; præter Zagrabiensem Episcopum, qui ob sacrosanctam dignitatem supplicio vitæ immunis, publicatis bonis, Episcopatu abdicatus est. Idem fere confirmat Paulus Ritter, & Thomas Kovalevichius: Paulus istiusmodi novitatis auctor, in Dobor regni Bosnæ oppidum se recepit; quo tamen per Sigismundum expugnato, & Paulo capto, cum ob sacrosanctam dignitatem capitis pœna puniri non posset, Episcopatu, publicatis bonis, abdicatus est. Ceterum, si fides habenda est, ut certe haberi debet, Paulo de Paulis Patricio Jadrensi, æquali temporum illorum, ipsemet sibi ultro exilium conscivit; cum adhuc Mariam reginam Novigradensi custodia inclusam perduelles tenerent. Hoc quippe scriptum reliquit in sua Ephemeride: 1387. die 12. mensis Februarii Dominus Episcopus Zagrabienensis, & Comes Thomas frater Domini Prioris, & B. iter arripuerunt versus Apuliam, cum quibus ivit Paulus de Georgiis, & certe alii nobiles de Jadra.

Turpissima Pauli Episcopi proditio Capituli & Ecclesiæ Zagrabienensis non solum dedecori fuit, sed etiam multas vexationes & calamitates attulit. Siquidem tum Canonici, tum clerus universus, etsi falso, in suspensionem perduellionis venerunt; & vulgaris opinio percrebuit eos cum Episcopo de utraque regina expellenda conjurasse. Huic famæ, quamvis nullo auctore satis certo vulgatæ, fidem habuit Ladislavus Losonczius præfectus generalis Dalmatiæ, Chrobatiz, & Slavoniæ; præsertim cum Canonorum ab Ecclesia discessum, sive absentiam ita interpretatus sit, ut secessionem illam ad partes perduellium factam fuisse putaverit. Quapropter nulla inquisitione adhibita, ut certior fieret quid veri, quid falsi esset, illos tamquam perduelles ulcisci inconsulte ac temere decrevit. Multæ per eos annos de jurisdictione ac finibus, & magnæ contentiones Canonicis cum civibus montis Gracensis fuerant, quæ mutuis odiis exacerbata eo demum proruperant, ut arma utrinque sumerentur, & controversias illas non jure, sed ferro dirimerent; multasque cædes factas esse tradit Georgius Marcellovichius ex monumentis illorum temporum apud Adamum Kereselichium. Ladislavus civium Gracensium odia in perniciem Capituli & cleri Zagrabienensis vehementius irritavit; & mandatum illis scripto dedit, ut agmine armato in urbem Capitularem irruerent, muros excinderent, & injurias tum sibi, tum Mariæ & Sigismundo illatas ulciscerentur.

Ladislavus de Losoncz Capitaneus generalis regnorum Dalmatiæ, Croatia, Sclavoniæque, Banus Zauriniensis. Prudentibus, & discretis viris, iudicibus, & juratis, ac universis habitatoribus montis Gracensis prope Zagrabiam salutem. Quia nobis constat ex relatione fide digna, quod Joannes pridem Banus Machoviz, & alter Joannes pridem Prior de Aurana, cum Horvath, & cum multis aliis rebellibus, eorum complicibus, & sequacibus, aggregaverunt ingentem & magnum exercitum, contra & adversus omnes fideles reginalis majestatis, & signanter contra vestram civitatem, quæ super omnes in sua fidelitate lucet, sicut luna super stellas; cumque vere cognoscamus quod Capitulum Zagrabienense sit omnino destitutum omni custodia, propter absentiam Canonorum, quia adhererent ipsis rebellibus supra dictis; & videamus, &

Canonici  
Zagrabien-  
ses in suspi-  
cionem  
conjuratio-  
nis adduc-  
ti,

contra quos  
Losonczius  
præfectus  
gen. Slavo-  
niæ vetera  
civis Gra-  
centium o-  
dia vehemen-  
tius ir-  
ritavit.

aperte cognoscamus, quod si dictum Capitulum, sic forte perveniet ad manus ipsorum æmulatorum, totum regnum Sclavoniæ laderetur; & super omnia ipsa civitas montis Gracensis penitus deleteretur; iccirco super isto providentes, vobis & vestrum cuilibet sub pœna infidelitatis præcipimus, & mandamus, quatenus mox visis præsentibus, ad ipsum Capitulum festinanter descendatis, & ipsum murum, seu Palingarum sciindentes, radicitus evellatis, & evulsum ad domus vestras deportetis: aliud, si gratiam Reginalem & Marchionalem contra vos non cupitis indignari, non facuri. Datum in monte Gracensi prope Zagrabiā, die 1. Martii 1387.

Clades civitati Capitulari per Gracenses illata.

His mandatis acceptis, cives Gracenses ulciscendi libidine, odio, & furore inflammati repentino impetu in urbem invadunt, nec solum murum everti iustum exsolvunt, evelluntque, sed etiam domos diripiunt, omnia ferro & igne pervastant; atque basilicam ipsam cathedralē jamdudum reedificari cœptam, & propemodum ad fastigium perductam, ut Benedictus Vinchovichius tradit, magna ex parte demoluntur. Hæc prima clades urbis Capitularis anno 1387. altera longe major anno 1396. de qua postea; utramque cives Gracenses intulere, ut conceptum in Capitulum, & clerum Zagrabiensem odium ac rabiem explerent.

#### JOANNES II. EP. ZAGRAB. XXXV.

Joannes II. Ep. Zagr. maxime infestus suis Canonicis.

Natione & cognomento Bohemus, in magna rerum ac temporum perturbatione annos circiter septem hujus Ecclesiæ clavum tenuit. In privilegio, quod Sigismundus Joanni de Kanisa Metropolitæ, & Metropoli Strigoniensi concessit anno 1388. cum aliis præsulibus Hungariæ & Dalmatiæ testis adscriptus reperitur Joannes Zagrab. Aliis quoque hujusmodi privilegiis & tabulis ejusdem nomen inscriptum esse testatur Balthassar Kereselichius. Perpetuas cum suis Canonicis lites habuit, seu potius inimicitias gessit; Capitulo & clero, cui auxilio & præsidio adversus cives montis Gracensis esse debuisset, alias ex aliis molestias exhibere nunquam destitit, quin ajunt, cum ipsis Ecclesiæ hostibus ad eos divexandos societatem coisse. Decimas, quæ ad Capitulum pertinebant, ferre omnes intervertit, ad seque transtulit; terras Capituli, quæ in Struga prope Savum, quæ in Bacongapolia regione sunt, occupavit. Præterea ejus vivendi ratio paullo liberior ac licentior esse videbatur, quam sanctitatem Episcopalem deceret. De hisce rebus nomen Joannis per Canonicos delatum fuit ad curiam Romanam; ex mandato Pontificis delecti sunt arbitri, quorum judicio submittere se ac stare debuit, & Canonicis, quæ abstulerat, restituere. Hoc nimirum breviter indicavit, & subobscure innuit Eberhardus Joannis successor in suis ad Capitulum Zagrabienſe litteris anno 1406. datis mense Octobri, de quibus postea in Eberhardo: *Coacti fuimus*, inquit, *decimas occupare, prouti & alias temporibus disturbiorum in regnis Hungaria, & Sclavonia subortorum per Reverendum Patrem Dominum Joannem Episcopum Bohemum felicitis memoria nostrum prædecessorem modo simili factum fuerat, eandem decimarum pro se ipso usurpatione, quas tandem una cum terra Bacongapolia vocata, habita juxta possessionem nostræ Ecclesiæ Chybergam appellatam, & aliam penes Zarām Strugam nunquid Illyrici Sacri Tom. V.*

cupatam, ipso Domino Joanne prius per ipsos Canonicos super iisdem, & aliis certis novitatibus in curiam Romanam personaliter evocato, se proborum & idoneorum virorum compositione arbitrative sub certis obligationibus submittere, evicerant (idest Canonici), prout hæc omnia in ipsorum litteralibus instrumentis, nobis pluries per ipsos exhibitis, clare vidimus contineri &c. Paulus Ritter de Bacongapolia ex sententia Thomæ Præpositi Chasmensis restituta ex tabulario Episcopali hæc descripsit. *Primis*, inquit, *Episcopatus sui annis gravemque longamque cum Capitulo suo Zagrabienſi, ratione Bacongapolia in aula regia, & Romana controversiam habuit. Tandem anno 1392. (sive ut Kereselichius, an. 1394. vel 1395.) præteritam possessionem amicabili compositione cessit, arbitro, & arbitratore Thoma Chasmensi, & Canonico præbendario Zagrabienſi.*

Bacongapoliam terram Capitulari Canonicis restituere coactus.

Dum Joannes Ecclesiæ Zagrabienſi præsedebat, Maria regina Hungariæ filia Ludovici, & conjux Sigismundi decessit anno 1392. De regnis Hungariæ, & Dalmatiæ aliqua controversia fuit Sigismundo cum Ladislavo rege Poloniæ, cui nupserat Eduvigis soror Mariæ; quique propterea regnum illud jure uxorio sibi deberi contendebat. Sed per compositionem sublata est; & Sigismundus regnum utrumque retinuit. Triennio post Joannem Episcopum vita functum, atque in æde cathedrali sepultum esse Kereselichius tradit.

Obitus Mariæ reginæ conjugis Sigismundi, itemque Joannis Episcopi.

#### JOANNES III. EP. ZAGRAB. XXXVI.

Filius Nicolai de Gara Comitum Palatini, quem Joannes de Hemicart Banus Slavoniæ, ut supra dictum est, interfecerat, & frater Nicolai, quem Sigismundus Dalmatiæ & Chrobatia Banum præposuerat. Thomas Kovalovichius, & Paulus Ritterus ex duobus unum Joannem constarunt proximum a Paulo Episcopum. Neutrum commemorat Martinus Szentivanius, a Paulo ad Eberhardum transfiliens. Utrumque retinendum, & alterum ab altero distinguendum esse tum cognominis, tum nationis, tum rerum ab utroque gestarum diffinitudo declarat. Hujus Joannis episcopalia initia Kereselichius anno 1395. affixit. Familia de Gara inter Hungaricas & Slavonicas nobilissima erat, & de utraque regina matre, & filia, ac proinde etiam de Sigismundo egregie merita; ab his siquidem contra perduelles constantissime steterat, & illorum causa Nicolaus pater Joannis Episcopi, hostium rebellium insidiis ac ferro appetitus, interierat. Quocirca Sigismundus Joannem carum in primis habuit, eumque amplissimis titulis ac muneribus cumulavit. Cum ei plurimum fideret, eundem sibi ab arcanis consiliis esse voluit, & Cancellarium regium creavit; quod munus plenum dignitatis & honoris Archiepiscopis Strigoniensibus conferri solebat. In tabulis illorum temporum appellatur: *Decretorum Doctor, Secretarius, & Cancellarius regis*. Ejus doctrinam, integritatem, prudentiam Sigismundus tanti faciebat, ut Joannem Episcopum cum Nicolao fratre Bano regum Dalmatiæ & Chrobatia ad res Dalmaticas inspiciendas & sedandas miserit; simulque judicem dedit Jadertinis ac Pagensibus, inter quos gravissima ardebant, & cruentissimæ contentiones, de quibus in appendice ad historiam Ecclesiæ Jadrensis. Cum igitur

Joannes III. de Gara Ep. Zagr.

P p Joan.

Missus in  
Dalmatiam  
ad dirimen-  
das contro-  
versias, quæ  
Iadrenibus  
erant cum  
Pagenibus,  
secundum  
Pagenes  
judicavit.

Joannes in rem præsentem venisset, auditis acerbissimis querimoniis Pagenium, eos jurisdictione Iadrenium omnino exemit; urbem insulamque liberam ac soli regie potestati subiectam esse declaravit. Latam ab eo & Nicolao ejus fratre sententiam habes in appendice supra laudata, cujus initium est: Nos Joannes Apostolicæ Sedis gratia Zagrabienſis Episcopus Decretorum Doctor, serenissimi principis, & D. D. Sigismundi eadem Dei gratia incliti Hung. Dalm. Croat. &c. Regnorum regis, Marchionis Brandenburgensis &c. Secret. &c. Cancell. &c. Nicolaus Dei gr. regnorum Dalm. & Croat. Banus, per executionem regiam ad ipsas partes Dalm. & Croat. pro inquirendis suis juribus regalibus, & universis querulantibus judicio & iustitia impendendis, nec non quibusvis defectibus, & incommoditatibus ipsorum regnorum suorum, & civitatum suarum in regno Dalmatiæ constitutarum & existentium, specialiter autem factis & causis inter nob. & prud. viros rectores, consilium, & commune civitatis Iadren. ab una parte; ex altera autem rectores, consilium, commune Insulæ Pagen., vertentibus judicandis, disponendis, & reformandis cum pleno monument. potestate, seu facultate, celsitudinis regie vicarii, seu delegati generales. Notum facimus &c. Datum Nonæ die 24. Junii. Anno Domini 1396.

Canonicos  
tuos recon-  
ciliavit Si-  
gismundo.

Re Dalmatica bene gesta reversus est Zagrabiam; & auctoritate, & gratia, qua plurimum valebat apud Sigismundum, ulus est ad ejus benevolentiam ac beneficentiam Capitulo & Ecclesiæ Zagrabienſi conciliandam. Canonicos & presbyteros, de conjuratione adversus reginas cum Paulo Episcopo inita suspectos, regi purgavit, omnemque ab ejus animo suspicionem delevit. Itaque decimas ex terris inter Dravum & Muram, quas ob fallum perduellionis crimen Canonicis illatum Palatinus & fratres ejus interverterant, itemque duas villas Krazniczam, & Otokum inferius, quas cives montis Græcenſis occupaverant, Sigismundus Capitulo restitui jussit. Ladislavus præpositus major Ecclesiæ Zagrabienſis litem Canonicis intendit de villa Blagussa, ac de villa Vratylaziam, quas antiquitus suo sacerdotio, seu *Præposituræ* majori annexas fuisse aiebat, utramque in per vetullo codice *Statutorum* olim interscriptam, sed per fraudem & malitiam Canonicorum indidem abraham. Contra vero Canonici Blagussiam suam esse probabant ex litteris Stephani V. Dalmatiæ, Chrobatæ, & Slavoniæ regis anno 1276. confectis; Vratylaziam vero a quodam Nicolao filio Petri de Ludberg Capitulo legatam fuisse dicebant, & litteras Ladislavi IV. proferebant, qui pium illud legatum regali auctoritate confirmaverat. Lis delata est ad Joannem Episcopum, qui ad eam dirimendam duos assessores & consiliarios adhibuit Ladislavum fratrem suum Episcopum Vacientem, & Joannem de Senis Decretorum Doctorem, Lectorem & Canonicum Zagrabienſem suum Vicarium generalem. De legitima Capitulari possessione utriusque villæ ex litteris regis supra dictis & in judicium prolatis ita constabat, ut in dubium revocari non posset; id quoque inter eos conveniebat nomen villæ utriusque in illo veteri codice descriptum fuisse, & lituram factam esse apparebat; utrum vero manu vel jussu Canonicorum facta fuerit, id in controversia erat. Ut igitur Canonici causam obtinerent, nihil resta-

Litem inter  
præpositum  
majorem  
Ecclesiæ, &  
Canonicos  
de duabus  
villis secun-  
dum Cano-  
nicos dire-  
mit.

bat, nisi ut corruptæ, & interlitæ Scripturæ suspicionem omnem ab se dimoverent. Quare Episcopus ita villam utramque Capitulo adjudicavit, si Canonici neque se auctoribus, neque se consciis villas illas ex libro *Statutorum* deletas fuisse sollemni sacramento confirmarent. Ergo feria 5. ante Nativitatem S. Joannis Baptistæ, anno 1397. præsentibus parochis pluribus, præposito Ladislao, ac Joanne de Senis, peractis missis, in superpelliceo, & stola, stando in stolo, in verba, & formulam ab Episcopo præscriptam jurarunt hi Canonici qui aderant, Nicolaus cantor, Joannes cathedralis, Gregorius Dubicensis, Joannes de Kemlecb, Simon de Vasca, Himcko Chasmenſis, Gregorius de Bexin, Stephanus Varasdinensis, Joannes de Urbocz (Archidiaconi) Blasius custos, Martinus magnus diſtus, Barnabas Mikonis, Joannes de Marovcha, Joannes Lancelloti, Dionysius de Crisio, Benedictus Ivansche, Thomas Pauli, Petrus Andrioli, Gregorius de Varosd, Nicolaus de Quinq. Eccles. senior, Benedictus Joannis, Nicolaus alter de Quinq. Eccles. junior, Stephanus Farkassii, Canonici omnes.

Ita Canonici possessionem villæ utriusque retinuerunt. Dissidia de finibus & jurisdictione, seu potius odia inveterata inter Canonicos & cives montis Græcenſis anno 1396. acrius exarserunt. Atque hi quidem armata manu Civitatem Capitularem adorti clades anno 1387. illatas majoribus cladibus cumularunt. Semel atque iterum ad curiam Episcopalem citari per præconem jussu, cum adesse nolissent, Joannes Episcopus sacrilegos, homicidas, violatores sacrarum ædium, domorum Capitularium direptores, & incendiarios, sub initium anni proximi, consueto ac sollemni ritu, anathemate confixit, eorum civitatem interdicto supposuit, cenobiarchis, & rectoribus Ecclesiarum imperavit, ut singulis diebus Dominicis, quoad respicerent, illis sacrorum communione, & christianorum congressu interdictum esse palam denunciarent; vetuitque in urbe Græcenſi & suburbis rem divinam fieri, ceterisque publicæ religionis officiis operam dari. Hæc Thomas Kovaſcevičius ex litteris Episcopalibus, in quibus enormia illorum flagitia percensentur, & sententia in eos prolata subjicitur: In anno nati Emanuelis 1396. Dominica proxima festum S. Thomæ Apostoli antecedente, præfati cives, nescitur unde moti, consilio inito ad sonum campanæ, vexillis expansis, manuque armata, hostiliter ad aream Capitularem descendunt, in eam tanquam spoliatores, & deprædatores (ut Joannes III. Episc. Zagrabienſis in lata contra eos excommunicationis sententia loquitur) irruperunt, curiasque Canonicorum, & præbendariorum invadentes, quidquid in eis reperere, diripuerunt, & asportarunt. Cumque veluti christiana religionis apostatæ (ut idem Joannes ait) in diversas Papales litteras sacrilegas manus injecissent, & detractis bullis, easdem pedibus conculcassent, cum diversis processibus concremari fecissent; demum & in Canonicorum domos igne injecto, plurimas in cineres redegerunt. Tum ad residentiam Episcopalem (quæ sicuti area Capitularis cujusque accessui libera patuit, ita nec ipsa muro circumdata fuit) progressi, eam similiter rapina & incendio direxerunt. At ab hominibus Episcopalibus (inter quos filium Curie vulnere sanciarunt) repulsi, contra Ecclesiam tunc furorē suum, converterunt,

Civemontis Græcenſis ob clades & injurias rursus Canonicis illatas anathemate confixit, & interdicto supposuit.

Enormia  
flagitia  
Græcenſium.

runt, si quo pacto cum thesauro, & sacris reliquiis spoliare possent; sed hic obistente valvarum validitate, cum penetrare nequirent, complures in eam sagittas coniecerunt. Re itaque infecta redire compulsi, in duos Canonicos Archidiaconum videlicet Bexin, & capellanum regium, & quendam ex magistris (nam reliqui omnes formidine mortis, bonis omnibus relictis, fugæ præsidio, vita consuluerant) impingentes, comprehensos, non nisi diris verberibus, & vulneribus impositis, dimiserunt. In simile infortunium incidens unus ex præbendariis, tantas ab eis plagas reportaverat, ut semivivus relictus, dubium pro eo statu, de vita sua daret. Jam vero nec his contenti, sed mala malis accumulantes, in Ecclesiam D. Francisci irruerunt, unum de familiaribus iudicis Capituli, inde extractum, ac flagris & vulneribus oppressum, secum ad propria abduxerunt; alio interempto relictis. Sic & genitorem Dionysii Canonici sexagenarium, civem Crisensem bonis omnibus spoliatum secum abducentes, post plures captivitatis dies, non secus, ac erga cautionem fidejussoriam, sine rebus dimiserunt. Illud autem crudelius, quod fratrem duorum Canonicorum (quorum unus fuit Archidiaconus Bexin) occidentes, cadaver exanime per lutum, usque ad civitatem raptatum pertraxerint. Tandem pluribus aliis enormibus facinoribus perpetratis, postremo contra Ecclesiam & Capitulum complures machinas (quas Bombardas vocant) in signum veluti cujusdam victoriae, explodi & fulminari curarunt, non sine gravi ingratitude vitio, quod communitas ipsa multa bona ab Ecclesia, Episcopis, & Capitulo, annis retroactis accepisset, ac de lacte, & pinguedine ipsius Ecclesiae cum magna dilectione, plurimi de eadem educati fuissent. Hac omnia ex litteris memorati Joannis Episcopi desumpta; a quo tantorum facinorum patratores ad curiam suam, pro exaudienda sententia excommunicationis, quam incurrerant, bis citati, cum neutra vice, nec per se, neque per procuratorem comparuissent, tandem feria vi. proxima post festum Epiphaniæ anno 1397. excommunicati, & sacrilegi pronuntiati, ac ecclesiastico interdicto subiecti fuere: præcipiente præfule universis, & singulis Abbatibus, prioribus, guardianis, plebanis, & ecclesiarum rectoribus, ut in eorum Ecclesiis memoratos cives, singulis diebus Dominicis, & festivis intra Missarum sollemnia excommunicatos publice denunciant, & ut tales quisque vitet, neque audeat quis in eorum civitate, aut suburbiis divina peragere. Manserunt infelices homines e gremio matris Ecclesiae ejecti per tres menses circiter, usque videlicet ad diem 12. Aprilis, quando ab excommunicatione absoluti, & remoto ab eisdem ecclesiastico interdicto, ad communionem fidelium sunt repositi.

Sed Balthassar Kereselichius non omnia, quæ impie, inhumaniter, crudeliter in Deum atque homines a civibus Græcensibus anno 1396. facta esse narrantur, in hunc annum conjicienda esse existimat, verum partim ad hunc, partim ad annum 1387. referenda; cum scilicet Ladislavus de Loloncz Græcenses suis litteris & mandatis contra Canonicos vehementissime incitavit. Idem Kereselichius tradit sententiam Joannis Episcopi in Græcenses latam fuisse coram Joanne Strigoniensi, Andrea Spalateni Archiepiscopis, Joanne Bosnensi, Mattia Rosonensi Episcopis, F. Bartholomæo guardiano S. Franci-

sci Zagrab., Matthæo de Vicedominis de Placentia juris utriusque Doctore, Joanne de Senis decretorum Doctore, Vicario Joannis Episcopi Zagrabienfis. Nihilo leviora flagitia cives ipsi Græcenses in Episcopum & Canonicos regefferunt, ut Georgius Marcellovichius scriptum reperit ex tabulis illius civitatis: Notat civitas, quod feria 2. post Epiphaniam an. 1397. Joannes Krispus Kemleck, Gregorius Dubicensis, Joannes Urbocz, Simon Vasca, Joannes Farcaffii Cathed. Himzko Chasmen. Stephanus Varasdin., Gregorius Bexin. Archidiaconi; Joannes Lancelotti, Benedictus de Monoszlo, Gregorius de Varasdin. Nicolai duo Hungari, Martinus Magnus, Barnabas Mikonis, Benedictus Ivancsc, Nicolaus de Kassina, Thomas nepos custodis, Blasius custos, Dionysius de Crisio, Stephanus Hungarus, & Petrus Crispi, Canonici Zagrabienfes, congregatis Jobagionibus, Stabulum unius civis, cum duabus domibus in civitatis terreno constructis, cum feno, frugibus &c. noctu combussissent; & duos in stabulo inventos occidissent. Item in festis Natalitiis (superioris anni) ancillas civium aquam haurientes spoliari ac boves civium auferri; & per Joannem olim Episcopum Zagrabiensem interdictum poni, & excommunicari octava die festi S. Joannis Evangelistæ, & ossa mortuorum de sanctis locis, & cæmeteriis erui, & ad aquam projici fecerunt. Itaque ob metum Joannis Episcopi Zagrab. & Capituli, cives exire non audebant. Hic die octava festi S. Joannis Evangelistæ, supra vero apud Kovascevichium feria vi. proxima post Epiphaniam, prolata sententia anathematis, atque interdicti fuisse dicitur: quæ inter se congruere nequeunt. Verum hæc seu vere, seu false Episcopo & Canonicis objecta fuerint, cives illi animadversionem, pœnamque canonicam subterfugere non potuerunt. Tres amplius menses Ecclesiasticæ communionis extorres, divinis mysteriis, sacrisque omnibus caruerant; cum illos tandem facinorum suorum pœnitentia cepit, ac veniam suppliciter deprecantes, omnium anathematum vinculis exsoluti sunt, & civitas interdicto exempta est; die 12. Aprilis 1397., ut docet Kereselichius, in Ecclesia S. Marci per Bartucium Archiepiscopum S. Thadæi, & Mathiam Rosonensem Episcopum Joannis Episcopi Zagrabienfis in pontificalibus suffraganeum (Bartucium Roma missum autumamus) absolutos fuisse.

His turbis ac dissidiis compositis, præcipua Joannis cogitatio curaue versa est ad reficiendas ædes Capitulares igne absumptas. Sed cum ad eam ædificationem neque ex Episcopali, neque ex Capitulari ærario sumptus necessarij suppetere, statuit atque edixit, ut si quis domum aliquam in fundo sive area Capitulari ære suo vellet extruere, dimidium illius pretium ad eum pertineret, & cui ipse voluisset, legare, vel donare posset: id quod Canonici in quodam libello supplici successori Joannis oblato exposuerunt, & ab eo confirmandum curarunt: Cum per cives Zagrabienfes area Capitularis esset hostiliter combusta, Joannes tunc Episcopus Zagrabienfis, modo autem Archiepiscopus Colocensis desideratissimus statuit, ut quicumque aliqua adificia in eadem area extrueret, de valore ejusdem adificii medietatem disponendi habeat, sive in vita, sive in morte. Porro Joannes vel intra finem anni 1397. vel sub initium sequentis a Zagrabienfi ad Colocensem Archiepiscopalem Ecclesiam regendam migravit; ne-

Cives post tres menses absoluti.

Ædes Capitulares refici jussæ.

Criminationes in Canonicos per cives Græcenses regebat.

Illyrici Sacri Tom. V.

P p 2

que

Joannes  
translatus  
ad sedem  
Episcopalem Colo-  
centem.

que enim Georgio Marcellevichio fides haberi potest, qui tradit Joannem vita functum esse anno 1397. ante sollemnia Natalitia Christi Domini; quippe constat sufficere fuisse Nicolaum Bubekio Archiepiscopo in sedem Colocensem, quam tenuit usque ad annum quintum proximi seculi. Anno autem 1397. VIII. Idus Decembris adhuc Ecclesiam Zagrabiensem regebat, ut licet intelligi ex diplomate Sigismundi, qui Joannem Kanisam Archiepiscopum Strigoniensem duobus vicis donavit ob insignia ejus in se, & rempublicam merita; quippe Ladislavum regem Poloniae ab Hungaria invadenda suis viribus & copiis averterat, dum Sigismundus in Bulgaria bello Turcico distinebatur, & in clade Nicopolitana anno 1396. a Turcis accepta, eidem Sigismundo strenuam & fidelem operam praeberat. In eo autem diplomate nominatus est non solum Joannes Zagrabienensis, sed etiam Nicolaus Bubek. Colocensis; ex quo verissimilius sit translationem Colocensem Joannis in annum 1398. incidisse.

Ladislavus  
rex Neapo-  
lis a Boni-  
facio IX.  
petiit, ut  
Joanni Za-  
grabien-  
Ep. Eccle-  
siam Nea-  
politana-  
conferret.

Extat epistola Ladislavi regis Neapolitani ad Bonifacium IX. Pontif. Max. Data est Neapoli, 24. Augusti; sed ejus exemplar, quod est apud me, caret anni subscriptione. Pontificem orat, ut quoniam rogatu suo Joannem Episcopum Zagrabiensem Ecclesiam Neapolitanam praefecerat, illum ab sede Zagrabienensi ne dimoveat, sed jubeat Ecclesiam utramque retinere. Hae epistola nisi ipse ad Joannem III. Episcopum Zagrabiae, de quo haecenus, neminem alium inveniio ejusdem nominis Episcopum Zagrabiensem, ad quem referri possit. Post obitum Mariae reginae Hungarorum, filiae Ludovici regis, & conjugis Sigismundi Marchionis Brandenburgici, anno 1392. extinctae, Ladislavus filius Caroli regis, quem per insidias interfectum supra diximus, regnum Hungariae, quod Sigismundus jure uxorio occupaverat, jure hereditario ad se pertinere contebat; nec post multos annos ejus potiundi spes oblata est. Nam Hungari & Dalmatae insaufum Sigismundi imperium pertaxi, quippe qui ob cladem Nicopolitanam anno 1396. a Turcis acceptam, non solum invidia apud omnes, sed etiam contemptu laborabat, Ladislavum ad regnum illud capeffendum evocarunt. Interea ille Primores Hungariae & Dalmatae clandestinis litteris ac nunciis sibi conciliare studebat, ac praefertim Joannem Episcopum Zagrabiae, virum magna auctoritate praeditum, tum suis, tum nobilissimae suae familiae copiis ac divitiis praepollentem. Hic quamvis antea Sigismundo inprimis charus, & plurimis beneficiis obstrictus esset, postea tamen ab eo res male gesta apud Nicopolim, ut alios permultos, sic illum quoque abalienaverat. Ladislavus ergo Joannem, quem si non plane averto, minus certe propenso erga Sigismundum animo esse sciebat, ad suas partes ut adjungeret, ei Neapolitanum Archiepiscopatum a Bonifacio IX. conferendum curavit; nam etiam postea, Ladislavo eandem ob causam postulante, Peregrinum de Aragonia metropoli Spalatensi Archiepiscopum Pontifex praefecit; tunc siquidem Ladislavus, cum adhuc amicus esset, adductusque Sedi Apostolicae, & contra schismaticos fautores Petri de Luna, seu Benedicti Pseudopontificis a Bonifacio constantissime staret, a Pontifice quidquid peteret, facile impetrabat. Sed quoniam verebatur ne, si Joannes ab Ecclesia & sede

Zagrabienensi amoveretur, ipse in odium offensionemque fautorum suorum incurreret, & Pastoris optimi amissi, quem summo opere amabant, & magni faciebant, culpam omnem in se conferrent, iccirco Bonifacium etiam atque etiam oravit, ne Joanni Episcopatum Zagrabiensem adimeret, atque alteri traderet, sed juberet illum Ecclesiae utriusque titulum & praefecturam obtinere: Joanne siquidem abeunte, haud dubium fore intelligebat, quin magnus illarum gentium motus, tumultus, atque ab se alienatio existeret, quae sibi ipsum omnem regni Hungarici adipiscendi adimeret. Haec est, nisi me fallit, sententia & interpretatio epistolae Ladislavi, quam anno 1397. vel proxime ineuntis adscribendam cenleo, antequam Joannes Ecclesiam Zagrabiensem cum metropoli Colocensi commutaret. Atque hoc anno quidem 1397. sedem Neapolitanam tenebat Henricus Minutulus, Cardinalis idem, & Episcopus Tusculanus, ut docet Ughellus; eamque usque ad annum 1400. retinuit; ac propterea tunc Ecclesiam illam, non collatam Joanni Episcopo Zagrabienensi, sed decretam eidem, sive destinatam fuisse oportet; quam tunc demum adiret, cum per mortem, vel abdicationem Henrici vacaret. Siquidem illis temporibus in usu erat haec ratio conferendarum Ecclesiarum necdum vacantium; & hujusmodi collationes vocabantur gratias expectativas, quas Synodus Tridentina sustulit, & abolevit.

Sanctissime Pater, Clementissime Domine mi; *Epistola Ladislavi ad Bonifacium.*  
praemissa, tam debita, quam devota recommendatione, ad pedum vestrorum oscula beatorum.  
Scripsi per alias litteras meas pro Neapolitana Ecclesia in favorem Rever. Patris Domini Joannis Zagrabienensis Episcopi, vestrae sanctitati. Sed considerans attenta mente, quod ubi sanctitas vestra, ipso Domino Episcopo de Ecclesia Zagrabienensi ad ipsam Neapolitanam translato, suam Zagrabiensem Ecclesiam praedictam alteri destinet conferendam, qua & quanta mala juxta persecutionem juris mei in regno Hungariae sequuntur exinde, & quantis cogitationum tumultibus mentes meorum fidelium, qui in regno Hungariae praedicto, & aliis circumadjacentibus regnis eidem adnexis, existunt; hoc ipso considerato, tamquam desperantes de factis meis, possent non immerito perturbari; sperans indubie apud sanctitatem vestram meas preces ad gratiam exauditionis admitti, eidem sanctitati vestrae, prona mente, & cordis sinceritate supplico, quatenus mei favoris & singularis beneficii inpenfionis intuitu, collata ipsi Domino Episcopo Neapolitana Ecclesia praedicta, praefatam Ecclesiam Zagrabiensem conferat eidem misericorditer, & apud ipsum relinquat de speciali gratia commendatam. Dat. Neapoli XXIII.

Reverens filius S. V. Ladislavus Rex Hungariae, Jerusalem, & Siciliae.

An vero Joannes Bonifacio Archiepiscopum Neapolitanum sibi deferenti, & Ladislavo ad suas partes allicienti assensum praeberit, compertum non habeo. Verissimile mihi videtur, haec omnia acta, & transacta fuisse inter Bonifacium & Ladislavum, iplomem Joanne insciente, & rerum omnium, quae gerebantur, ignaro. Certe Joannes neque umquam a Sigismundo descivisse traditur, & pristinam apud illum gratiam retinuit; atque hujus favore & nominatione nixus, anno 1398. ex Episcopali Zagrabienensi ad sedem Metropolitanam Colocensem

Joannes neque oblati Archiepiscopatum recepit, neque ad Ladislavum descivit a Sigismundo.



sem ascendit. Titulum vero Archiepiscopatus Neapolitani neque umquam gessisse, neque recepisse videtur, abestque a Catalogo Archiepiscopali Neapolitano. Extat quidem apud Ughellum, inter Jacobum & Jordanum Archiepiscopos, interque annum 1406. & 1415. Joannes Archiepiscopus, qui anno 1407. illum Archiepiscopatum suscepit; sed Joannes noster ante biennium obierat, cum metropoli Colocensi annos circiter septem præfuisset; anno siquidem 1405. in quodam diplomate Sigismundi, quod eodem anno confectum fuit, sedes Colocensis vacare dicitur.

EBERHARDUS EP. ZAGRAB. XXXVII.

**Eberhardus** Nobilissimo genere ortus, ex familia de Alben. quæ opibus & honoribus tunc maxime florebat. Aut frater fuit, aut certe consanguineus Barbaræ conjugis Sigismundi regis Hungariæ, cui fidelem, atque utilem operam præbuit in ejus difficillimis & gravissimis temporibus; eumque propterea Sigismundus in primis amavit, carumque habuit, & plurimis beneficiis atque honoribus cumulavit. Collatum illi Archiepiscopatum Bonifacius IX. confirmavit, a cujus partibus in sædo illo ac diuturno schismate, quod Ecclesiam in duas factiones distraxerat, constantissime stetit; & cum Solubriensem in Achaja Archiepiscopatum Benedictus Antipapa ei detulisset, ut ex Georgio Marcellevichio tradit Balthassar Kerselechi, munus a Pontifice schismatico oblatum exhorruit, & recusavit. Anno 1398. Sedem Zagrabensem conscendit. Sub initium Archiepiscopatus præclaram de sua Ecclesia benemerendi occasionem non solum neglexit, sed carni & sanguini plus nimio indulgens, curam suæ familiæ opibus & copiis augendæ potiorem duxit. Castrum Medved Ecclesiæ sumptibus exstructum, ab eaque, ut supra diximus, superiori sæculo alienatum, possidebant Comites Bobonoghii. Hujus familiæ, in his temporibus sine liberis atque heredibus extinctæ interitu cum vacuum esset, & caducum, mira opportunitas aderat ejus vindicandi ab potestate laicali, & Ecclesiæ restituendi. Verum Eberhardus suis ac domesticis publicas Ecclesiæ suæ rationes posthabuit, & a Sigismundo impetravit, ut castrum illud sibi, & tribus filiis Rodulphi fratris, Petermanno, Hermano, & Rodolpho cum annexis eidem locis & proventibus donaret. Causam Ecclesiæ desertam ab Episcopo, & proditam, Canonici, quoquo modo possent, tuendam susceperunt; & ne quid præjudicii donatio illa juri primævo ac legitimo Ecclesiæ Zagrabienfis afferret, duos procuratores, alterum Varadinum, qui coram Varadinensi, alterum Albam, qui coram Albeni Capitulo, tum Episcopi post Eberhardum futuri, tum Capituli Zagrabienfis nomine, denunciarent donationem illius castri nec justam, nec legitimam esse; ac proinde tum Eberhardum, tum ejus fratris filios ab ejusdem castri possessione vel ineunda, vel retinenda, itemque a fructibus quibuscumque inde percipiendis abstinere jubent. Hanc denunciationem utrumque Capitulum suis litteris testatam, & Capitulari signo firmatam procuratoribus reddidit. Litteræ ac testificationes utriusque Capituli sunt hujusmodi:

**Castrum** Medved ubi & suæ familiæ a Sigismundo donandum curavit, Canonici reclamationibus.

**Litteræ** Capituli Varadinensis.

Nos Conventus monasterii Varadiensis memorie commendamus, quod Nicolaus de Zalnak di-  
Illyrici Sacri Tom. V.

Elus in personis, & nominibus Ecclesiæ Zagrabienfis, necnon futuri Episcopi, & Capituli Ecclesiæ ejusdem, coram nobis personaliter comparendo, per modum protestationis, & inhibitionis nobis significari curavit. Quomodo Serenissimus princeps Dominus Sigismundus Dei gratia rex Ungariæ &c. Dominus graciosus quoddam castrum Medved nuncupatum, ad quod eadem Ecclesia, Episcopus, & Capitulum prædicti, merum, & plenum jus, & efficacissima instrumenta habere dignoscerentur: ad petitionis instantiam Reverendi in Christo Patris, & Domini Domini Eberhardi ejusdem Ecclesiæ Zagrabienfis, & moderni Episcopi, Petermano, Henrico, & Rudolpho, filiis Rudolphi de Alben nepotibus ejusdem Episcopi jure perennali contulisset, in ejusdem Ecclesiæ, & Episcopi ac Capituli prædictorum grave præjudicium, & derogamen. Facta itaque hujusmodi protestatione annotatus Nicolaus nominibus, & in personis, quorum supra, annotatum Dominum nostrum regem a donatione, & perpetuatione dicti castri Medved, & suarum pertinentiarum, nec non medietatis portus S. Jacobi in fluvio Szava, ac tributis de eodem provenientis; Item etiam cujusdam villæ Szlanouoz nuncupatæ, quæ prædicti Capituli præfuisse dignoscitur, præfatosque Dominum Eberhardum Episcopum, Petermannum, Henricum, & Rudolphum, ac alios quoslibet a receptione, detentione, fructuumque, & utilitatum ejusdem, & suarum pertinentiarum perceptione, vel alio quovis modo se ad idem, & easdem intromissione factis, vel fiendis prohibuit contradicendo, & contradixit inhibendo præsentium testimonio mediante. Datum in festo B. Galli Confessoris anno Domini 1399.

Nos Capitulum Ecclesiæ Albenis memorie commendamus; Quod honorabilis vir Dominus Joannes cantor & Canonicus Ecclesiæ Zagrabienfis, prædictæ Zagrabienfis Ecclesiæ & totius Capituli ejusdem nominibus, & in personis, coram nobis personaliter comparendo, per modum protestationis & inhibitionis nobis significare curavit; quomodo Serenissimus princeps Dominus Sigismundus Dei gr. rex Hungariæ Dominus noster graciosus quoddam castrum Medved nuncupatum, ad quod eadem Ecclesia & Capitulum Zagrabiense merum & plenum jus, & litteralia efficacissima instrumenta habere dignoscerentur, ad instantiam & petitionem Reverendi in Christo Patris & Domini Domini Eberhardi, ejusdem Zagrabienfis Ecclesiæ Episcopi, Petermanno, & Hermano nepotibus ejusdem, jure perpetuo, & perennali contulisset, in ejusdem Ecclesiæ & Capituli grande præjudicium & derogamen: facta itaque hujusmodi protestatione annotatus Dominus Joannes cantor, nominibus in personis præscriptæ Ecclesiæ, futuri Episcopi, & Capituli Zagrabienfis, annotatum Dominum nostrum regem a donatione & perpetuatione dicti castri Medved, & suarum pertinentiarum, præfatosque Dominum Eberhardum Episcopum, Petermannum, & Hermanum, ac alios quoslibet a receptione, detentione, & occupatione, fructuumque & utilitatum ejusdem, & suarum pertinentiarum perceptione, vel alio quovis quasito colore, se ad idem, vel easdem intromissione, factis vel fiendis prohibuit contradicendo, & contradixit inhibendo, præsentium nostrarum testimonio litterarum. Datum tertio die diei festi Assumptionis Virginis gloriosæ. Anno Domini 1399.

**Litteræ** Capituli Albenis.

Ceterum neque Eberhardus, ubi res sua &  
P P 3 do;

Sigismundus parochias quasdam trans murum iuribus restituit Ecclesie Zagrab.

Littere Sigismundi.

Decreta Eberhardi Canonici.

Eberhardus Sigismundo fidelis, ac pignus.

domestica non agebatur, neque Sigismundus, cum nimia credulitas & nimia benevolentia erga homines apud se gratiosos in ejus animum non irreperet, jus Ecclesie Zagrabienfis tueri, ejusque utilitatibus prospicere neglexit. Erant quædam parochie trans murum, quæ jure antiquo ad diocesim Zagrabiensem pertinebant. Eas earumque parochos, cum quidam Dynastæ ejus regionis ab Zagrabienfi ad Vespriemensem diocesim avertissent, Sigismundus restitui iussit, datis ad eos litteris in hæc verba: Sigismundus Dei gratia rex Hungariæ, Dalmatiæ, Croatia &c. Marchioque Moraviæ fidelibus suis magnificis Stephano, & Joanni, filios condam Joannis Bani, nec non Sigismundo filio Ladislai de Linova universis salutem. Datur nostra intelligi majestati quomodo vos quosdam plebanos vestros ad diocesim Ecclesie Zagrabienfis semper & ab antiquo pertinentes, ab eadem Ecclesia Zagrabienfi sequestrando, ad diocesim Vespriemensem conferre nitremini, & velletis, in dispendium salutis anime vestre valde magnum. Unde nos ipsam Ecclesiam Zagrabiensem suis iuribus judicialiter destitui non volumus. Igitur fidelitati vestre firmiter præcipiendo mandamus; quatenus præfatos plebanos vestros transmuranos, qui alias ad prædictam diocesim Zagrabiensem pertinuisse, & spectasse debebant, vos a prælibata diocesi Vespriemensi penitus removere, & sequestrantes justam ad obedientiam, & debitam subjectionem prætitulæ Ecclesie Zagrabienfi exhibendam compellatis, & astringatis. Datum in Sara fersa quarta proxima post festum Pentecostes, anno Domini 1398. manu propria Domini regis.

Suiceperat quidem Eberhardus patrociniū quorundam nobilium virorum territorii Zagrabienfis, qui solutionem decimarum Capitulo debitam abnuebant. Sed antiquis tabulis ejusdem Capituli diligenter inspectis, quarum auctoritate jus Canonorum nitebatur percipiendi decimas ex agnis & proventibus eorundem nobilium, immunitatem, quam sibi arrogabant, nullam esse declaravit; & suis ad eos litteris iussit, quas Capitulo debebant, decimasolvere; imperata nisi facerent, anathema eis inflictum iri denunciat; ex epistola Eberhardi, quam Kerestelichius citat, data in castro Dornbrensi anno 1399. in festo SS. Cosmæ & Damiani. Præterea rogatu Canonorum decretum Joannis proximi decessoris de reedificandis ædibus Capitularibus confirmavit, & insuper statuit ut familie cujusque Canonici, usque ad diem ab hujus morte tricessimum, in eadem, quam ille incolebat, domo Capitulari manere liceret; eique fructus omnes obvenirent, quos idem Canonicus intra illum præfinitum dierum numerum e suo Sacerdotio perciperet; infra triginta dies familia decedentis Canonici, de curia, quam vivendo inhabitavit, amoveri non possit: immo infra dictum spatium dierum triginta, obventiones singulas ex ipsius beneficio percipere possit in integrum, omnino determinamus.

Interea Eberhardo præter expectationem oblata est occasio gravis illa quidem, & molesta, sed præclara in primis, & mire opportuna ad suam Sigismundo fidem, ac benevolentiam probandam, quam ipse haud libentius, quam promptius arripuit. Rem paullo altius repetamus licet. Plerique ex optimatibus Hungariæ & Dalmatiæ imperium Sigismundi aliepigent, & extranei, præsertim post interitum

Mariæ ejusdem uxoris, non libenti animo ferebant. Post cladem vero Nicopolitanam a Turcis acceptam, Sigismundus apud populos sibi subiectos, contemptu etiam, non invidia solum laborabat. Bajazethes filius Amuratis, cum in Thessalia, Macedonia, Bulgaria imperium Turcicum longe lateque propagasset, Hungariæ fines urere ac vastare cœperat. Sigismundo postulante, principes aliquot sacre militiæ nomen dederant, inter quos Joannes Nivernensis filius Philippi ducis Burgundiæ, qui cum valido Gallorum exercitu auxilium Sigismundo ferebat. Anno 1396. pugnatum est ad Nicopolim; sed dum Galli inconsulte ac temere irruunt in prælium, partim interempti, partim a barbaris capti sunt. Calamitatem Nicopolitanam plerique attribuunt Joanni, qui ut victoriæ decus ceteris præriperet, priusquam Sigismundus copias suas castris educeret, manus cum hoste conferuit. Hæc nimia virium suorum confidentia infelix fuit; exercitus fere omnis cæsus a Turcis, Joannes ipse captus ducentis milibus aureum libertatem ac vitam redemit. Sigismundus cum paucis procerum effusa fuga periculum evasit. Cum ergo Sigismundus propter exitum ignominiosum & infausum pugne Nicopolitane in contemptum offensionemque fere omnium suorum incurrisset, illud præterea Hungaros & Dalmatas ab eo penitus abalienavit, quod regii æarii ob immanes sumtus in bellum Turcicum exhausti refarciendi, pecuniæque conficiendæ necessitate compulsus extraordinaria tributa civitatibus imperavit, quæ animos illarum gentium vehementer exacerbarent. Itaque multi Hungariæ, Dalmatiæque proceres ac Dynastæ ad Ladislavum regem Neapolitanum, filium Caroli, quem Blasius Forgachius interfecerat, spectare cœperunt; nec defuere, qui clandestinis litteris ac nunciis illum accerferent. Ladislavum, quamvis regni Hungarici adipiscendi cupiditate flagraret, quod jure avito & hereditario ad se pertinere existimabat, ac propterea ejus regni titulis utebatur, abstergebat tamen recens memoria necis paternæ, & bellum præterea, quod tum gerebat cum Ludovico Andegavensi, ab expeditione Hungarica avocabat. Ita societas quædam & conjuratio contra Sigismundum ex Hungaris, & Dalmatis, quibus accessere Bosnenses, sensim & pedetentim coaluit; quæ, dum rei bene gerendæ tempus idoneum adesset, occultis coitionibus & consiliis inclusam se continuit; & clandestinis nunciis ultro citroque mittendis, & aliis atque aliis ex primaria nobilitate Hungarica, & Dalmatica ad defectionem sollicitandis, magis magisque in dies augebatur & confirmabatur. Interea evenit, ut Sigismundus imprudens incautusque in eas, quas sibi quidam e proceribus conjuratis paraverant, insidias incideret, captusque in arcem Szoklofiensem includeretur. Gravis & miserabilis casus benevolentissimi & amicissimi regis Eberhardum vehementissime perculit; & nihil solertiæ operæque prætermisit, ut libertatem illi ac regnum restitueret: præfectos provinciarum accivitarum, qui in fide atque officio manebant, confirmavit, multos ex illis, qui defecerant, Sigismundo reconciliavit, regiis militibus de suo stipendia solvit, excubias & custodias, quibus regem obseptum perduelles tenebant, largitionibus corripuit. His vero sumtibus cum provetus Episcopales non sufficerent, necessitate compulsus deci-

Clades Nicopolitana.

Clandestina in Sigismundum conjuratio.

Sigismundus ex insidiis captus, & in custodiam inclusus.

decimas Capitulares usurpavit, quas ad libertatem & salutem regis vindicandam bene insumtas putabat; sui que facti rationem ipsis Canonicis reddidit, & confirmavit exemplo Joannis Bohemi sui decessoris, quem idem fecisse commemoravit, cum causa & necessitas reipublicæ temporibus turbulentissimis & dissidiorum plenis postulabat; ut in suis litteris ad Capitulum datis anno 1405. infra describendis.

Opera potissimum Eberhardi & custodia evaluit.

Nec vero laudabiles & operosi conatus Eberhardi frustra fuerunt. Regis custodiendi curam demandatam fuisse ajunt duobus fratribus filiis Nicolai de Gara Palatini, cum & ipsi ad peruelles hostesque Sigismundi defecissent. Horum mater femina primaria per internuncios Eberhardi clam submissos partim illecebris & promissis, partim pecunia & largitionibus corrupta excubias facile impulit, ut clandestinum effugium Sigismundo aperirent. Anno 1400. emissus & custodia in Bohemiam apud Venceslavum fratrem, Imperatorem ac regem Bohemiam se recepit. Nec sane otiosa & inutilis fuit Sigismundo profectio & commoratio Bohemica satis diuturna. Nam florentissimum exercitum ex militibus Bohemiam, & copiis auxiliariis ab Ladislavo rege Poloniae transmissis conflatum, in Hungariam regressus, conjunxit cum exercitu Hungarico, quem in fide atque officio Eberhardus retinuerat, & motus illos intestinos, si non penitus oppressit, certe, armorum terrore injecto, paullisper sedavit. De Sigismundo in libertatem ac regnum restituto, sano & incolumi, intelligenda sunt, quæ Paulus de Paulis patritius Jadrensis in sua Ephemeride ad annum 1400. & diem quintum Junii adscripsit: *Die 5. Junii audi vi novum, quod D. N. R. Sigismundus regressus est in Hungariam, & locutus fuit hoc, qui propriis oculis vidit ipsum sanum & incolumem, in loco vocato Vela Sobota.* Cum recuperatam libertatem Eberhardo Episcopo potissimum acceptam referret, nulla erga eum grati animi officia verbis expressa prætermisit, & quibuscumque potuit, præmiis illum

Banum Slavoniam eum constituit, eique munus Cancellarii contulit ademptum Joanni Archiep. Strigoniensi.

& honoribus cumulavit. Banatum seu principatum totius Slavoniæ ab illis populis ei conferendum curavit, & postea perhonorificum Cancellarii regii munus, Joanni Archiepiscopo Strigoniensi ademptum in eum transtulit; Joannes quippe in suspicionem venerat Sigismundo de propensa in Ladislavum regem Neapolitanum voluntate, quem proceres quidam Hungariæ & Dalmatiæ ad regnum Hungariæ occupandum evocaverant. De averso ab e ad Ladislavum Joannis animo suspicandi occasionem, unde minime oportebat, Sigismundus temere, & nulla idonea ratione sumserat. Bonifacius Papa IX. Ladislavo aperte favebat, atque ut is regni Hungarici potiretur, suam omnem auctoritatem operamque contulerat. Post victum Ludovicum Andegavensem, ac tota Italia expulsam anno 1403. cum Ladislavus in Dalmatiam transvectus Jaderam appulisset, Angelus presbyter Cardinalis S. Laurentii legatus pontificius, ex mandato Bonifacii, regium diadema ei imposuit, ceterisque regalibus insignibus ornatum, regem Hungariæ & Dalmatiæ appellavit. Nihil occultius idem Pontifex curaverat, ut Venceslavo fratri Sigismundi, Bohemiam regi, ob ejus inertiam a proceribus Germaniæ imperium abrogaretur, & Robertus dux Bavarie in ejus locum sufficeretur. Quæ consilia & molimina, utrique fratri maxime infe-

sta & perniciofa, Sigismundum acerbissime irritarunt; & cum sui doloris ulciscendi alia ratio nulla suppeteret, sacerdotia Hungarica cujusque generis, quibuscumque vellet, conferebat, neque petita, neque expectata Bonifacii approbatione; aliaque abalienati a Pontifice animi tam aperta indicia dedit, ut nihil propius esse videretur, quam ut, repudiata legitimi Pontificis auctoritate, ad Benedictum Antipapam descisceret; quin revera eidem adhæsisse, quod mihi non sit verisimile, Henricus Spondanus tradit sub annum 1403. *Sigismundum autem audito quod Bonifacius in se molitus esset, de ipso, ejusque Cardinalibus per famosas in universum orbem epistolas vehementer conquestum esse, atque exinde in regno Hungariæ, gravissimas elades hominum, locorumque profanorum, & ecclesiasticorum subsecutas esse; Sigismundum cathedrales Ecclesias, & monasteria, cunctaque alia beneficia Ecclesiastica in Hungaria contulisse quibus voluit, hocque curatum esse Bonifacium ex Ladislai ad regnum Hungaricum exaltatione; unde & post hæc tam eundem Sigismundum, quam Venceslavum Bohemiam regem, in cujus depressionem æque Bonifacius Robertum in regem Romanorum sublimaverat, abdicata Bonifacii obedientia, Benedicto ejus adversario adhæsisse, etiam Edmundus utrique eorum principi familiaris testatur.* Joannes Strigoniensis Archiepiscopus veritus, ne Sigismundus, ut vulgo opinabantur, ad partes schismaticorum spectaret, pro sui muneris ratione admonendum censuit, ne tale ac tantum flagitium admitteret, neve tam insignem notam atque ignominiam suo nomini, totique regno Apostolico inureret. Hanc ille admonitionem non æquis auribus, sed malam in partem accepit, suspicatus non ex animo sincero ac fideli profectam esse; sed ex ea temere conjecit probari ab Joanne quæ Bonifacius moliebatur pro transferendo in Ladislavum regno Hungariæ, & Joannem ipsum Ladislavo studere, & quantum in eo esset, omni ope operaque enixurum, ut illius regni potiretur. Suspicionem maligni quidem homines fallaciis & mendaciis auxerunt, variisque calumniis onerant; quod de Joanne per se ipse suspicabatur, aliis idem confirmantibus facile credidit; & nulla cura veritatis solertius inquirendæ adhibita, cæco ac temerario quodam impetu Joannem bonis omnibus exutum, & quibusungebatur muneribus multatum, in carcerem detrudi jussit, ut in codice MS. Zagrabienfi apud Kereselichium memoriæ proditum est: *Dum Joannes Sigismundo loquitur, & scribit, ne fieret schismaticus, facta est suspicio regi, quod Ladislavum occulte sequeretur, & susurronibus inimicis, bonis confisicatis captivus tentus, & Eberhardus cancellarius factus fuit.* Idem confirmat Nicolaus Schmitth in suis *Archiepiscopis Strigoniensibus compendio datis: Ipse Sigismundus recuperata libertate arcem Strigoniensem, Verebesium, aliaque loca juris Archiepiscopalis an. 1403. in fiscum redigit, fortunis omnibus virum inconcussa fidei multat.* Existimabat enim Sigismundus Joannem partem Ladislai clam alere, quem jussu Bonifacii IX. in urbe Jadrensi per legatum Pontificis in regem Hungariæ coronatum inaudivit. Itaque Eberhardus post Joannem exauctoratum, Summus Cancellarius regie majestatis creatus, hoc munus plenum honoris ac dignitatis etiam post restitutionem Joannis usque ad obitum retinuit. Ceterum tantum abfuit, ut

Sigismundus vehementer iratus Bonifacio IX.

Sigis-

Sigismundus ad partes Benedicti Pseudopontificis transiit, ut, quamvis se vehementer esse offensum a Bonifacio & verbis & factis ostenderet, nihil tamen de sua erga Sedem Apostolicam fide atque obedientia remiserit; an vero Bonifacius cum Sigismundo in gratiam redierit, mihi non est compertum. Credibile est Pontificem & regem inter se reconciliatos esse, postquam Ladislavus eodem anno, quo venerat, mensi Octobri e Dalmatia discessit; qui deinde, omni spe adipiscendi regni Hungarici abjecta, cogitationem, curamque omnem ad fines regni Neapolitani amplificandos, & finitimas Italiae civitates occupandas convertit. Certe Sigismundus legitimis Bonifacii successoribus egregiam fidem, operamque perutilem praestitit, atque ut diuturnum illud, & perniciosum schisma prorsus extinguere, nullis legationibus, laboribus, itineribus pepercit: Joannem vero Archiepiscopum Strigoniensem, ubi se falsis suspicionibus, & iniquorum hominum mendaciis deceptum cognovit, in pristinam gratiam & benevolentiam recepit, eique omnia, quae ademerat, cumulate restituit; tamen regii cancellarii munus Eberhardo collatum non reddidit; sed postquam Robertus, Imperatore vita functo, imperium adeptus est, titulum honoremque longe illustriorem illi contulit, eumque Cancellariae imperii Romani summum Cancellarium creavit.

Eberhardus  
præbenda-  
ris Chas-  
menibus,  
domicilio  
eandem  
locum ad-  
itus con-  
stituendis  
& communi-  
tatem dona-  
vit.

Eberhardus ab gravissimis illis & operosis curis, quibus eum implicari, ac defungi oportuit, dum de Sigismundo liberando laborabat, statim ad ea se recitit, quae ad rem Ecclesiasticam, & officium episcopale pertinebant. B. Augustinus Gzotrus, ut in ejus actis dictum fuit, Capitulo Ecclesiae Chasmenis adjunxerat presbyteros aliquot, adjuutores chori, & rerum sacrarum administratos; sed neque domicilia illis, neque proventus satis idoneos assignaverat. Itaque domo carebant, & in adibus conductis habitabant, & istem, quibus laici homines, exactionibus ac tributis lutebant, contra quam veritatem privilegium clericale. Eberhardus arce, quod satis esset ad domos extruendas concessit, illos, illorumque sacerdotia omni prorsus tributo exemptis, annuos proventus auxit, atque ob hujusmodi beneficia illis collata, praeter breves quaedam preces, id oneris impositum illis esse voluit, ut singulis hebdomadis feria quarta unum Deo sacrificium in honorem S. Nicolai Episcopi & Confessoris offerrent. Haec omnia ut firma essent, ac perpetua, literis mandari, & tum Episcopo, tum Capitulo utriusque Zagrabienis & Chasmenis sigillis obfirmari iussit.

Tabula do-  
nationis.

Eberhardus divina & Apostolica Sedis gratia Episcopus Zagrabienis Ecclesiae, ac totius Sclavoniae constitutus a regnicolis Banus. Omnibus Christianis praesentibus & futuris, harum notitiam habituris salutem in omnium Salvatore. Ad universorum notitiam harum serie volumus pervenire, quod nos considerata devotione, sollicitudine indefessa, ac continua esplendorum divinarum officiorum, paupertateque, & incommoditate discretorum virorum, dominorum praebendariorum Ecclesiae nostrae S. Spiritus Chasmenis; quorum praebendariorum quidam, a facta eorumdem per S. memoriam Augustinum Episcopum Zagrabienem institutione, domos, & hortos pro necessitate vitae vel non haberent, vel ipsas civititer non tenerent; ut alii cives nostri laici

Chasmenes, sed collectis & exactionibus, pignorumque receptionibus gravarentur contra privilegium clericale; alii vero nec curias nec hortos habent. Ad amplificationem igitur cultus divini, sequentes vestigia SS. Patrum, ad sublevationem praedictorum praebendariorum Ecclesiae nostrae pro tempore constitutorum, & constituendorum aliqualem, ut pro temporalibus sempiterna, pro perituris mansura bona percipere valeamus, ex certa nostra scientia, & matura deliberatione praehabita, cum consilio & consensu, immo sollicita instantia honorabilium fratrum nostrorum Dominorum de Capitulis nostris Zagrabienis, & Chasmenis, certas curias praebendariorum praedictorum videlicet Antonii dicti Sipek, Benedicti, Germani, Thomae succentoris, Gregorii Sacerdotis, penes curiam arae S. Nicolai habitam, Joannis presbyteri, Thomae Succentoris praedicti, Brunonis dicti Remetha, cum Paulo presbytero socio suo, & Petri dicti Rigia .... septem quartas non habitatas, sed ad praesens desertus, inter praebendam, seu ad domum arae S. Nicolai, in dicta Ecclesia nostra Chasmenis, constructas, & civile Muryak civis nostri, retro curias canonicales Dominorum dicti Capituli Chasmenis, a parte fluvius Chasma existens, usque ad ipsum fluvium Chasma construendis habitationibus praebendariorum domibus carentium, de manibus nostris, & nostrorum successorum, ac Communitatis civium nostrorum Chasmenis, penitus & omnino dementes, segregantes, & sequestrantes, eisdem praebendariis pro tempore constitutis, & constituendis, ut ipsi facilius & quietius ipsam Ecclesiam nostram diu noctuque frequentare, ac hostias salutes devotius & commodius valeant offerre Salvatori, jure perpetuo & irrevocabili, nova donationis nostrae titulo damus, donamus, & conferimus; ipsosque, & eorum quoslibet ab omnibus daciis, collectis, taxis, contributionibus, victualibus, & quibuscumque exactionibus, tam adinventis, quam adinventendis; nobis & camerae, ac etiam forsitan ad commune dictae Communitatis civitatis nostrae Chasmenis spectantibus ac debentibus, eximimus, liberamus, & expeditimus, absolvimus, & quitamus. Praebendas vero altarium SS. Petri & Pauli Apostolorum, Thomae & Bartholomaei similiter Apostolorum, & B. Helenae reginae, S. Nicolai Episcopi, & Confessoris praedicti, Dorotheae Virginis & Martyris, nec non omnium Sanctorum in ipsa Ecclesia nostra Chasmenis constructorum, cum ipsarum pertinentiis quibuscumque, partim per nos, partim per nostros praedecessores exemptas & liberatas, modo quo supra ex certa nostra scientia, & animo deliberato confirmamus, ratificamus, & si opus est, de novo eximimus, & liberamus, sub hac conditione, quod ipsi praebendarii, & eorum successores deinceps in antea sine intermissione, omni quarta feria Missam ad honorem S. Nicolai Episcopi Confess. in ara sua praedicta, in praefata Ecclesia nostra Chasmenis constructa, cum quinque orationibus, prima de ipso S. Nicolao, 2. de S. Margaretha, 3. de B. Dorothea, 4. pro defunctis praedecessoribus nostris, videlicet: Deus qui inter Apostolicos sacerdotes &c. quinta pro nobis & successoribus nostris scilicet: Deus omnium fidelium pastor & rector &c. Ceteris autem diebus hebdomadam legant pro salute animarum parentum nostrorum, & quorvis titulo nobis attentum, ac bona pace dicti Episcopatus nostri, & totius regni Hungariae, per ipsum B. Nicolaum,

laum, & ipsas B. Margaretham, & Dorotheam impetranda. Volumus etiam & nihilominus, ut semper in Memento vivorum universi attinentes & benefactores nostri habeantur expressi: Memento autem defunctorum anima parentum, & omnium attingentium, & benefactorum nostrorum. Et volumus quo ubi dicti prabendarii pramissam Missam cum orationibus, & Memento, prout supra narratur, favere non curarent, pramissa gratia careant eo facto. In quorum quidem nova donationis, exemptionis, confirmationis, & sanctionis evidentiam firmitatemque perpetuam, praesentes litteras privilegiales, propter absentiam sigilli nostri majoris autentici, sigilli nostri annularis, (quod quidem tanti vigoris, roboris, ac firmitatis esse volumus, ac si dicto nostro majori sigillo fuissent & essent communita; quod majus sigillum nostrum, dum nobis opportunum fuerit, penes praesens sigillum annulare nostrum appendi faciemus) ac sigillorum honorabilium Capitulorum nostrorum Zagrabienensis, & Chasmenensis appensam fieri, cum publici notarii subscriptione, & sui signi soliti signatione fecimus communiri. Datum Chasme Sabbato proximo ante Dominicam Invocavit. Anno Domini 1402. Pontificatus autem Sanctissimi in Christo Patris & Domini nostri Bonifacii divina providentia Papa noni anno tertio decimo; praesentibus honorabilibus, & discretis viris Dominis Dominico praeposito, Stephano Archidiacono de Varasd.; Clemente Archidiacono cathedrati in Ecclesia nostra Zagrab. Nicolao lectore & Thoma custode Ecclesiae nostrae Chasmenensis, aliisque plurimis, fide dignis testibus ad pramissa vocatis specialiter, & rogatis.

Iisdem testamenti condendi potestatem fecit.

Iisdem prabendariis Chasmenensibus eodem anno Eberhardus de omnibus bonis ipsorum, quovis nomine vocitatis liberam disponendi, ordinandi, testandi, nec non legandi, prout eis salubrius in vita & morte videretur, facultatem concessit. Quam quidem facultatem, a suis decessoribus traditam Capitulo Zagrabienensi, sua quoque auctoritate confirmavit. His itidem temporibus eadem Sanctorum Cosmae & Damiani, itemque Sanctorum Dorotheae, & Elisabethae, & domum sumtibus Thomae Vicarii sui generalis exstructas in foro civitatis Episcopalis Chasmenensis, fratribus hospitalibus possidendas & habitandas tradidit; eisdemque decimas ex fructibus terrae Episcopalis de Monozlo percipiendas attribuit, praeter ducentos vini cubulos, ut est apud Kereselechium, quos sibi reservavit. Anno 1405. Canonicis Ecclesiae Zagrabienensis decimas restituit, ante quinquennium iccirco ademptas, ut iis ad regem captivum liberandum, milites alendos, & populos in ejus fide continendos uteretur; idque constat ex ejus litteris hoc anno datis, tertio Nonas Octobris, quae sunt hujusmodi.

Decimas ademptas Canonicis restituit.

Litterae Eberhardi.

Eberhardus Dei & Apostolicae Sedis gratia Episcopus Zagrabien. & supremus Cancellarius aulae regiae majestatis, omnibus Christi fidelibus, praesentibus pariter & futuris, praesentium notitiam habituris salutem in salutis largitore. Juri congruit, & convenit rationi, ut ea, quae aut ardentis amoris habendi cupidine hiant, aut urgentis necessitatis incommodo cogente, in devium divinae humanaeque legis redacta compererit, dextera emendantis, in viam aequitatis quanto citius reducere festinet. Sane siquidem nos alias, & praesertim tempore, quo Serenissimus princeps Dominus noster naturalis Dominus Sigismundus rex Hungariae in discrimen captivitatis incide-

rat nos necessitatis incommodo urgente ex eo potissime, quia gentibus armigeris, cum quibus tunc Deo prosperante in virtute valida, & manu potenti . . . regni Sclavoniae subintrantes, & procures regni ejusdem adeo gubernantes, ut eosdem non permiserimus excidere a tramite debita ipsi Domino nostro fidelitatis, largiri stipendia solita, nobis, dum propriis negabatur posse facultatibus, necesse erat, ne captum indecisum deperisset, & error peior succrevisset prior, manum oportebat mittere in aliena, feceramus occupare a fratribus nostris in Christo charissimis Dominis Canonicis, & Capitulo Ecclesiae nostrae Zagrabienensis Ecclesiasticas decimas ipsorum de monte Davidowicz appellatas, quae in integrum ipsorum Canonicorum, & Capituli, ac medietatem Concha de vico Latinorum, quae eorundem Canonicorum, & Capituli, ac quartariorum ipsorum praefuissent, & ad ipsos, ac mensam ipsorum Capitularem ab antiquo pertinenti pleno jure, & in quarum decimarum possessione jure percipiendi, tam tempore nostrae praesidentiae, quam aliorum Episcoporum nostrorum praecessorum fuissent pacifica, & quieta, salvis supradicta per nos facta occupatione, & alias temporibus disturbiorum in regnis Hungariae & Slavonia subortorum, per Reverendum Patrem Dominum Joannem Episcopum . . . alias Bohemum felicitis recordationis nostrum praedecessorem modo simili facta earundem decimarum pro se ipso usurpatione; quas tandem una cum terra Bakongapolia vocata, habita juxta possessionem nostrae Ecclesiae Chycheria appellatam, & alia penes Zavam Struga nuncupata, ipso Domino Joanne prius per ipsos Canonicos super eisdem, & aliis terris in curiam Romanam personaliter evocato, se proborum & idoneorum virorum compositione arbitrative, sub certis obligationibus submittere evicerant, prout hac omnia in ipsorum litteralibus instrumentis nobis pluries per ipsos expositis clare vidimus contineri; revolventes nihilominus crebro & crebrius in nostri cordis penetralibus, quanta animadversione divina sit ferienda rapina; cum Evangelicum divitem non ob rapinae alicujus illationem, sed ob propriorum non largitionem, Gehenna cruciatibus deputavit aeternis. Horum igitur consideratione edocli ad statum nostrae conscientiae, legalibus comperiamur contravenisse mandatis; volentes quoque per nos commissa in viam reducere aequitatis; universas & singulas decimas de monte Davidowicz appellatas, ipsis Canonicis & Capitulo, ac medietatem decimarum Concha vici Latinorum, ipsi, & quartariis eorundem, una cum terris praedictis Bakongapolia, Zethruoga vocitatis, prout, & quemadmodum ad ipsos ab antiquo pertinent tam de jure, quam de facto, ipsis & ipsorum ministris Capitularibus duximus remittendas, restituendas, relaxandas, & reiterandas; immo remittimus, restituimus, relaxamus, & reiteramus pleno jure, harum nostrarum vigore, & testimonio litterarum. Quocirca vobis universis nostris decimatoribus, factoribus administrationis, officialibus, & quibuscumque aliis hominibus, firmis damus in mandatis, quatenus amodo, & deinceps ipsos Dominos fratres nostros in Christo charissimos Canonicos universos, & Capitulum, & ipsorum decimatores, factores, administratores officiales, per ipsos quoad ipsarum decimarum reintegrationem perceptionis, ac integram levationem, & administrationem constitutos & deputatos minime impedire, inquiet-



quietare, & quovis modo perturbare præsument. Secus autem facientes, & huiusmodi nostra reintegrationi, restitutioni, & ipsarum decimarum modo supra habito, & expresso levationi & perceptioni per ipsos Capitulares fienda de cetero contravenientes publice vel occulte, indignationem Dei omnipotentis, & nostri perpetui anathematis damnationem noverint se incursumos. In cuius rei testimonium firmitatemque perpetuam præsentibus nostri Pontificatus sigillum duximus apponendum. Datum Zagabria in sala nostra Episcopali secunda die festi B. Francisci Confessoris; anno millesimo quadringentesimo quinto.

Venceslavo exaucto-  
rio, Robertus  
dux Austriæ  
Imperator,  
invito Si-  
gismundo,  
qui se Vi-  
carium ge-  
neralem Im-  
perii consti-  
tuit.

Venceslavo regi Bohemiæ, ob summam ejus inertiam & probrosa flagitia, imperium proceres Romani, Bonifacio Papa hortatore, abrogaverant anno 1400. in ejusque locum Robertum ducem Austriæ substituerant. Cæsarum dignitatem fratri ademptam ægerime tulit Sigismundus; nec vero adduci potuit ut Robertum pro Imperatore legitimo haberet atque agnoscere; sed cum diffiteri non posset tum imperio gerendo, tum regno administrando fratrem ineptum esse, ejusque ignaviam & vecordiam, effusaque in omni intemperantia libidines, in utriusque perniciem ac dedecus redundare, vicarias fratris partes in utroque munere sustinendo ac fungendo ad se pertinere existimavit; seque vicarium imperii Romani, & administratorem regni Bohemiæ constituit, perinde ac si utrumque vacaret. Hos quippe titulos sibi attribuit in suis edictis promulgatis anno tertio & quarto sæculi decimi quinti, insertisque corpori juris civilis Hungarici, quorum initium est huiusmodi: Sigismundus Dei gratia rex Hungariæ, Dalmatiæ, Croatia, Marchio Brandenburgensis &c. Sacri Romani imperii Vicarius generalis, & regni Bohemiæ gubernator. Iratus quidem erat Bonifacio Papæ tum ob fratrem, illo suatore, dejectum imperio, tum præcipue ob favorem operamque Ladislavo collatam ad regnum Hungariæ occupandum; sed tamen eum tamquam Christi Vicarium, & legitimum Pontificem agnoscere & colere perseveravit; & neque se, neque regnum ab ejus cæcumenica & suprema auctoritate disjunxit; idque optimis ac piis consiliis Eberhardi Episcopi adscribendum sustinuit, ne ad partes schismaticas descisceret; ei siquidem Sigismundus plurimum & debebat, & fidebat, & tribuebat. Quare dum Sigismundus suas veluti privatas inimicitias cum Bonifacio gerebat, minime dubitavit Eberhardus suis litteris an. 1402. supra descriptis & nomen Bonifacii, & annum decimum tertium ejus Pontificatus intexere, ac subicere: quod indicio est in pristina erga hunc Pontificem fide, & catholica cum eo communione tum Sigismundum, tum Hungaros persistisse. Reconciliatæ postea inter regem ac Pontificem pacis, atque amicitiae illud argumentum esse potest, quod cum Bonifacius anno 1404. in suis ad fratres Eremitas Paulinos litteris quasdam eorum vineas ab omni decimarum solutione liberasset, atque immunes esse iussisset, Sigismundus illis non intercessit, neque obstitit, quominus litteræ illæ Pontificiæ in suum regnum & afferrentur, & reciperentur, & quod caput est, illarum auctoritas valeret, quamvis de jure Episcopi Zagrabienfis Sigismundo amicissimi aliquid derogare viderentur. Caput autem litterarum, ne Antistes Zagrabie decimas exi-

Rediit de-  
inde in gra-  
tiam cum  
Bonifacio  
IX., & im-  
munitates  
ab eo Ere-  
mitis Pauli-  
nis con-  
cessas non  
improbavit.

geret ex illis vineis, quas fratres Domus S. Mariæ de monte Garighensi in collibus quibusdam antea incultis, vepretis, dumetisque obfictis instituerant.

Bonifacius Episcopus servus servorum Dei. Diploma Dilectis filiis Priori, & fratribus domus Sanctæ Bonifacii. Mariæ de montibus Garygh nuncupatis S. Pauli primi Eremitæ Ordinis S. Augustini, Zagrabienfis diocesis salutem, & Apostolicam benedictionem. Sacræ religionis, sub qua devotum, & sedulum exhibetis virtutum Domino famulatum, promeretur honestas ut petitiones vestras illas præsertim, per quas vestris commoditatibus, & quieti consulitur, quantum cum Deo possumus ad exauditionis gratiam favorabiliter admittamus.

Exhibita siquidem nuper pro parte vestra petitio continebat, quod olim vos provide attendentes in certis particulis terrarum, quas nonnulli proceres regni Sclavoniæ ad salutem animarum suarum vobis pia largitione contulerant, & in quarum possessione pacifica, vel quasi, a tanto tempore, cujus contrarii memoria non existeret, fueratis, prout estis; quosdam montes spinosos esse, & ex quibus quidem particulis terrarum, nullum vobis emolumentum proveniebat, de consilio, & assensu Superioris vestri, particulas terrarum huiusmodi, nonnullis colonis, tam propriis quam alienis ad colendum, nec non vineas in eis plantandas concessistis, cum ea videlicet conditione, ut quicumque ex colonis huiusmodi in ipsis terrarum particulis vineas plantaret, vobis, & domui vestræ decimam vini ex eisdem vineis dare annis singulis teneretur: quodque postmodum diversa vinea in eisdem terrarum particulis plantata fuerunt, ex quibus ab annis duodecim citra, & ultra decimas percepistis, de præsentii etiam ultra nonam mensuram, quæ secundum morem, & consuetudinem regni Ungariæ, cui dictum regnum Sclavoniæ subiectum est, per personas ecclesiasticas, sæculares, & regulares, ex terris, & possessionibus, quæ ab eis locationum, & concessionum titulis tenentur, a triginta annis vel circa a conductoribus, seu cultoribus terrarum, & possessionum earundem, percipi consuevit.

Cum autem sicut eadem petitio subjungebat, vos dubitetis, quod Episcopus Zagrabienfis, qui est, & pro tempore erit, dictis colonis in posterum decimas ex huiusmodi vineis petat, & exigat, sicut ab aliis vicinis incolis petere, & exigere consuevit: pro parte vestra nobis fuit humiliter supplicatum, ut vobis, qui satis pauperes, & in solitudine constituti estis, & qui absque huiusmodi decimarum perceptione commode sustentari, & incumbentiæ vobis onera supportare non potestis, providere paterna diligentia dignaremur.

Nos igitur attendentes laudabile, & iuge obsequium, quod præstatis omnium Creatori, ac volentes inopia vestra in hac parte pie de aliquis subventionis auxilio providere, vestris in hac parte supplicationibus inclinati; ut de prædictis jam plantatis, & in posterum plantandis in dictis particulis terrarum incultarum, & sylvestrium, ac spinosarum, nec non cultarum, vineis, ultra prædictam nonam partem vobis secundum dictam consuetudinem debitam, decimas petere, exigere, & recipere, illasque in vestros, & dictæ domus usus convertere libere, & licite valeatis; devotioni vestræ auctoritate Apostolica tenore præsentium indulgemus; huiusmodique decimas in sustentationem vestram, pro supportatio-

ratione hujusmodi onerum pro tempore convertendas ex abundantia, & de speciali dono gratiæ ex certa scientia eadem auctoritate concedimus, & donamus.

Districte inhiibentes Episcopo Zagrabienſi qui nunc eſt, & pro tempore erit, ut quibuſve aliis, ne vos, aut diſtos colonos prætextu cujuſvis conſuetudinis ſuper petitione, ſeu exactione decimarum hujusmodi quoquoſmodo, impedire, ſeu moleſtare præſumat.

Nulli ergo omnino hominum liceat hanc paginam noſtræ conſeſſionis, donationis, & inhiibitionis infringere, vel ei auſu temerario contraire; ſi quis autem hoc attentare præſumpſerit, indignationem Omnipotentis Dei, & B. Petri, & Pauli Apoſtolorum ejus, ſe noverit incurſurum. Datum Romæ apud S. Petrum III. Idus Martii Pontificatus noſtri Anno quintodecimo.

Eberhardus Anno 1406. Eberhardus, incertum quâ ob cauſſam, Zagrabienſem cum Varadinenſi Eccleſia commutavit. Annos circiter duos Interregnum Episcopale tenuit; nam ut eſt apud Kerſelichium, in variis tabulis ac litteris regiis an. 1406. itemque 1407. inſcriptum legitur: Eberhardo Varadienſi, Zagrabienſi, & Agrienſi ſedibus vacantibus; & in aliis anni 1406. Hermannus Cilia, Ortemburga, & Zagoria Comes, Dalmatiæ, Croatia, & totius Sclavonia Banus, Gubernator Episcopatus Zagrabienſis. Antequam Eberhardus ad Eccleſiam Varadinenſem migraret, multa privilegia conceſſit, & leges qualdam præſcripſit oppidanis Ivanichii anno 1406. quæ omnia Balthaſar Kerſelichius nominatim perſequitur hiſ verbis: 1. Ut ipſi facultatem habeant eligendi judicem cum 12. aſſeſſoribus, qui tamen vel ab Episcopo, vel ejus Vicario temporaneo per illos præſentatus confirmabitur; judicaturus in oppido cauſſas omnes, præter cauſſas notæ inſidelitatis, & graviores ejusmodi, pro temporaneo Episcopo reſervatas; appellatiōne ad eundem Vicarium, vel ipſum Episcopum ſalva; abſque omni perſolvendo, in hoc foro appellatorio, tributo. 2. Ut liberam habeant teſtandi de omnibus facultatem; & ſi in teſtati decederent, bona eorum ad uxores, & proximos devolvantur; qui autem uxores non haberent, intra ſpatium anni unius omnia ſervabuntur, comparentibusque cognatis aliquibus, ipſis dantur; ſi autem non comparuerint intra annum, pro anima deſuncti dividuntur. 3. Si quis civium de diſto oppido abire voluerit, de poſitis prævie 12. denariis judici, una cum rebus ſuis abire valebit; ſi vero furtim, & non obtenta venia abiverit, univerſa ejus ad cameram Episcopalem devolvantur. 4. Decimas univerſas a terris ſuis ſanctimonialibus B. V. M. de Ivanich dabunt, & perſolvent. 5. Si quis homicida eſſet ex civibus, perpetuo exulabit, portioque ejus cedet judici, ſalva uxoris, & prolium ejus portione. 6. A qualibet integra curia, ſeu Mardurina, in feſto B. Petri Apoſtoli 12. denarios; item in vicem piperis, vini, pabuli, farina &c. quæ olim in natura præſtabant, juxta Joannis Episcopi conſtitutionem ſolvent ad feſtum S. Georgii 30. denarios, & alios 30. ad feſtum S. Andree pro prædictis minutis, ad cameram Episcopalem. 7. Cauſſas extraneorum Comes provincia de Ivanich cum judice villa judicabit, a quibus dua partes Comitii, tertia judici cedet, civium cauſſas ſolus judex cum aſſeſſoribus. 8. Triduo ante feſtum Aſſumptionis B. M. V. triduoque poſt feſtum, nullus cauſſæ docti audeat aliquem ex

Privilegia oppidanis Ivanichii ab eo conceſſa,

civibus moleſtare, vel impedire; ſed nec alium in nundinis, præterquam ſi fur, vel latro in diſtis nundinis reperirentur; quos judex oppidi poterit detinere, & judicium ac juſtitiam facere, 9. & cauſſas quæ occasione nundinarum occurrere poſſent, judex judicabit. 10. Nullus extraneus teſtis contra cives in judicio aſſumi poterit. 11. Nullus Comitum vel officialium Episcopaliū deſcenſum apud cives facere præſumat violenter. 12. Nec Episcopus, nec ullus poſſit cives ad aliquos labores compellere. 13. In foro præemptionem rerum Cives habeant, nec ullus pugilem adducere contra, vel duellare cum civibus poſſit. 14. Cives de Ivanich ab omni conduſtura retium, & caſſidum, & quarumlibet rerum Episcopaliū perpetuo ſint exempti; neque ab officialibus Episcopi poſſint vadari, aut damnum aliquod pati; quin nec ab iſdem officialibus attrahi coram alio, ac eorum judice, a quo ſatiſfactionem obtinebunt. 15. Alii, qui intra cives commorarentur, & camera Episcopali nihil ſolverent, ad Communitatem civium ſolvent. 16. Ipſi dumtaxat cives eiſdem ſilvis utantur, & poſſint perfrui in perpetuum Jobagiones in provincia Ivanich commorantes.

Hæc omnia confirmavit Sigismundus regio quæ Sigismundus confirmavit poſt tranſitum Eberhardi ad Eccleſiam Varadinenſem. dat. 1407. IV. Kal. menſ. Septemb. per manus Rever. in Chriſto Patris Dom. Eberhardi Episcopi Eccleſ. Varadien. aulæque noſtræ majeſtatis ſummi Cancellarii; Rever. in Chriſto Patribus & Dom. Valentino tit. S. Sabina Sanctæ Rom. Eccleſiæ preſbytero Cardinali, & Eccleſiæ Quinquæcl. gubernatore, Joanne Strigoniæ. Colocenſi & Jadrenſi ſedibus vacantibus, Andrea Spalatenſi, & altero Andrea Ragufenſi Archiepiſcopis, eodem D. Eberhardo Varadienſi, Stephano Tranſilvanien. Zagrabien. & Agrien. ſedibus vacantibus, Joanne Boſnen. Joanne eleſto Veſprimien. Joanne Iaurien. Vacenſi ſede vacante, fratribus Doſa Chanadien. Hynkone Nitrien. eleſtis, ac Thoma Signien. Eccleſiarum Episcopis, Eccleſias Dei feliciter gubernantibus, Sirmien. Tragurien. Scardonien. Tinninien. Nonnen. Sibenien. Macaren. Pharen. & Corbavien. ſedibus vacantibus. Nec non ſpectabilibus, & magnificis viris Domino Hermano Comite Cilia, & Zagoria, Dalmatiæque & Croatia, ac totius Sclavonia regnorum Bano, ſocero noſtro cariffimo, Nicola de Gara regni noſtri Palatino, Joanne & Jacob Vayvoda noſtris Tranſilvaniæ, Comite Francisco filio quondam Konye Bani, judice curia noſtræ, Joanne de Maroth Bano noſtro Machavienſi, honore Banatus Szeveriniensis vacante &c.

#### ANDREAS EP. ZAGRAB. XXXVIII.

Ad regendam Eccleſiam Zagrabienſem acceſſit anno 1408. vel ſuperiori. Certe altero vel tertio menſe anni modo diſti 1408. jam Episcopali poteſtate & munere fungebatur; quippe die octava Cinerum, & anno 1408. ut eſt in tabulis archivi Episcopalis, Matthias Vicarius generalis ex mandato Andree Episcopi, ejusque nomine poſſeſſionem tradidit Eccleſiæ & Parœciæ S. Martini de Kamarca Blaſio Deche preſbytero, quem elegerant, & nominaverant Patroni ejusdem Eccleſiæ Nobiles de Kamarca. Tabularum initium eſt hujusmodi: Matthias de Vice-domini de Placentia J. U. D. Andree Dei gratia Episcopi Zagrabienſis Vicarius. Anno 1409. Feſto B. Margariæ Andreas donationes & im-

mu-

munidades præbendariis Chasmenibus per decessorem suum Eberhardum collatas suis litteris confirmavit, Eodem anno, & mense Julio decimas Episcopales Mihaleczenibus magna ex parte, & alia multa, quæ solvere & præstare debuissent Episcopo, remisit & condonavit, levi quadam pro illis pensione imposita, propterea quod, dum seditionibus & bellis civilibus ardebat Hungaria, ut fidem Sigismundo datam servarent, plurima detrimenta & damna pertulerant; nam agros suos, & vineas a perduellibus ferro & igni devastatas querebantur, & præterea sibi a Banis Slavoniæ non solum arma & operam militarem, sed etiam sumptus ad castella regia munienda, & tuenda imperatos fuisse. Nos Andreas Dei & Apostolicæ sedis gratia Episcopus Ecclesiæ Zagrabienensis memoriam commendamus, tenore presentium significantes, quibus expedit, universis, quod populi & hospites in possessione Zent-Mihalic, ac possessionibus ad eandem spectantibus commorantes, ad nostram venientes presentiam, nobis lacrimose significare curarunt, quomodo ipsi alias per Paulum Bissenum, & alterum Paulum de Peech, olim Banos regni Slavoniæ, nec non per quendam Georgium filium Petri, seu quosvis ipsorum, his proxime retro lapsis calamitosi temporibus, plurimum essent impediti & damnificati (id est ut interpretatur Balthassar Kereselechius, per fideles Sigismundo impediti, per factiosos damnificati) per quod ipsæ possessiones magnum fuissent passæ desolationis detrimentum &c. Dat. Zagrab. feria proxima post festum Visitationis B. M. V. Anno Domini 1409. Nec vero eas immunitates Mihaleczenibus Andreas in perpetuum, sed ad tempus concessit, vel quoad ipse viveret, vel quoad damna, quæ acceperant, resarcita esse censerentur, ut præclare animadvertit Benedictus Vincovichius Ep. Zagrab. idque ex ipsis verbis Andreæ collegit: Notanda sunt verba hæc: nobis provenire debentia: per quæ successores exclusit. Et sane res difficillima est respectu conscientia, si Domini Episcopi labores manuales, aliosque fructus, proventus, decimas in perpetuum condonent, etiam cum aliquali pensione omni ex parte inæquali. Ex quo non tam administratores essent, quam Domini absoluti intuitu alienationis, Secus sentiendum forte de acquisitis industria, parsimonia, lites & hoc toleretur, vel in casibus, ubi collationes præmissorum, vel alienationes in clarum bonum Ecclesiæ vergunt.

Vix duos annos Andreas Ecclesiæ Zagrabienensi præfuerat, cum vel e vita decessit, vel ad aliam Ecclesiam migravit. Inter Antistites regni Hungariæ duos invenio monumentis illorum temporum inscriptos, quibus idem nomen Andreæ tuit; unum Archiepiscopum Colocensem, alterum Episcopum Varadinensem; uterque anno 1411. Episcopatum gerebat. Atque haud scio, alteruterne, an neuter fuerit Andreas is, qui antea Episcopus Zagrabienensis fuit.

EBERHARDUS iterum EP. ZAG. XXXIX.

Relicta Varadinensi, regressus est ad sedem Zagrabienensem an. 1410. Hujus repetendæ, illius deferendæ causam in Sigismundum conferendam putat Balthassar Kereselechius. Hic post mortem Roberti a Septemviris Imperator Romanorum renunciatus fuit anno 1410. Cum ei necessaria esset in Germaniam profectio, ejusque deinde absentia & longinquitas, & diu-

turna futura foret, administrationem regni Hungarici Barbaræ uxori suæ commisit; quæ, marito absente, aulam & curiam regiam sibi constituit in oppido Kemlech diocesis Zagrabienensis. Ei ad rem publicam bene gerendam adiutorem & consiliarium esse voluit Eberhardum, cujus integritati & prudentiæ plurimum fidebat. Illum itaque e Varadinensi ad Ecclesiam Zagrabienensem revocavit, ut reginæ a consiliis esset, & ab ejus latere non discedens, simulque in sua diocesi consistens, utrique & Episcopi & consilarii officio satisfaceret. Sum tum ad Varadinensem sedem migrationis, tum ad Zagrabienensem reversionis fidem facit ipsemet Eberhardus, cum in quibusdam suis litteris commemoravit quæ & quanta detrimenta, dum ipse abesset, per administratores laicos illata fuerint jurisdictioni rei que ecclesiasticæ, de quibus speciatim edoceri cupiens, conductores, & colonos villarum, & prædiorum Episcoporum ad Comitum Chasmenensium convocavit: Eberhardus Dei gratia Episcopus Zagrabienensis, & supremus regie majestatis consiliarius &c. Quod nos, xv. die festi B. Georgii Martyris, pro revisione jurium totius Episcopatus nostri prædialium, de quibus tum propter nostri ad Episcopatum Varadiensem translationem, tum etiam propter diversos gubernatores sæculares, ante nostrum de ipso Episcopatu Varadiensi ad Episcopatum Zagrabiensem reditum, ad regimen dicti Episcopatus nostri Zagrabienensis deputatos, per eos aliqua in præjudicium Ecclesiæ & Domini, atque juris alieni fuisse attentata intelleximus; volentes autem clare informari, congregationem generalem omnibus prædialibus totius nostri Episcopatus Chasme celebrandam &c.

Post resumptum Episcopatum Zagrabiensem nihil habuit antiquius, quam ut caveret, & consuleret fratribus Eremitis Ordinis Paulliani, quos singulari benevolentia complectebatur, ac præsertim eorum cœnobio S. Mariæ Remetensis in provincia Dombrensi. Suo enim vicario, & omnibus ejusdem provincie Comitibus, præsidibus, & cujusque muneris administris ab se constitutis imperavit, ut fratres illos ab omni vexatione, injuria, & molestia tuerentur, eorum immunitates factas rectas servarent. Si qua vero necessitas postularet, ut vel ipse, vel successores Episcopi populis sibi subiectis aliquod tributum extraordinarium imperarent, penes illos fratres Eremitas jus & arbitrium esset constituendi, quid & quantum vel ipsi, vel eorum Jubagiones, sive coloni contribuere deberent.

Eberhardus divina miseratione Episcopus Ecclesiæ Zagrabienensis, fidelibus nostris universis, & singulis videlicet: Vicario nostro temporali, nec non Comitibus, Vicecomitibus provincie nostre Dombrensis, ac officialibus, & familiaribus eorundem, item Vairvodis Villicis, præconibus, collectarum, taxarumque, & decimarum nostrarum dicatoribus, & exactoribus earundem, ac quorumcumque proventuum collectoribus presentibus, & futuris salutem cum paterna benedictione. Cum nos universos, & singulos Christi, & sue Ecclesiæ ministros, specialiter tamen fratres Ordinis fratrum Eremitarum S. Paulli primi Eremitæ, nexu confraternitatis nobis charitative conjunctos, in ipsorum juribus, & possessionibus, atque justitiis, contra quoslibet impetitores, molestatores, ac perturbatores, quantum in Domino valeamus, tueri, defensare, ac pro-

Conducto-  
ribus & co-  
lonis præ-  
diorum E-  
piscopaliū  
Chasmen-  
conventum  
edixit.

Eremitarum  
ordinis  
Paulliani  
privilegiis  
& immunitati-  
bus tantum  
esse voluit;  
& ne quid  
molestiæ  
illis exhiberetur,

hoc decre-  
to sancivit.

El  
a  
nec  
gab  
Hem

Eberhardus  
Varadi-  
ensis ad Za-  
grabiensem  
Ecclesi-  
am regit.

protegere, & in eisdem pacifice conservare, & conservari facere teneamur, pro nostra salute, eorum precibus, precumque suffragiis adipiscenda; ea propter precipimus vobis omnibus, & singulis prædictis, subditis nostris, & mandato firmiter committimus per hæc scripta, quatenus eosdem fratres Eremitas, & signanter in claustris, seu monasterio Ecclesiæ B. M. V. de Promontorio Zagrabienſi, nunc, & in futurum degentes, omnes quoad ipsos pertinentes, specialiter vero colonos, seu Jobagiones ipsorum de prædio eorundem fratrum Eremitarum SS. Trinitatis vulgariter Rhemetencze nuncupato in prædicta provincia nostra Dombrenſi sito, & habito, tueri, & protegere, ac quietos conservare; sylvisque, ac terris nostris usus nostrorum Jobagionum circumadjacentium, & eorum animalibus pro pascuis deputatis, diſtis Jobagionibus prædictorum fratrum Eremitarum, eorumque pecoribus, seu pecudibus salva indemnitate ipsorum nostrorum Jobagionum, absque omni ea actione, & sine quolibet datio, seu contributione aliqua, libere, & pacifice uti, fruique permittatis, & permitti faciatis. Volumus etiam, quod dum nos, seu successores nostri, Episcopi videlicet præfata Ecclesiæ Zagrabienſis, quotiescumque taxam generalem, & communem super nostros Jobagiones, tam in dicta provincia nostra Dombrenſi, quam & in aliis provinciis nostris Episcopalibus residentes, imposuerimus, aut imposuerint, ex tunc super dicto prædio Rhemetencze vocato, seu Jobagiones in eodem residentes, non nos, nec successores nostri, sed semper ipsi fratres Eremitæ pro se ipsis taxam hujusmodi imponere, dicereque, & exigere, ac recipere valeant, atque possint; immo liberam superinde habeant potestatis facultatem, prout & temporibus prædecessorum nostrorum Episcoporum habuerunt. Secus igitur facere non ausuri in præmissis, præsentibus perleſtis exhibentibus restitutis. Datum Zagrabia Sabbatho proximo ante festum B. Mariæ Magdalene Anno Domini 1410.

Immunitatem ab decimis Episcopalis ex territorio Muracensi obvenientibus clero Zagrabienſi conceſſit.

Nec minorem Eberhardus erga clerum Zagrabienſem benevolentiam, & beneficentiam declaravit, cum decimas Episcopales ex territorio Muracensi obvenientes ei condonavit, & quadripartito diviſas partim Canonicis, partim præbendariis, partim parochis S. Joannis de Villa nova, quod is necessariis proventibus careret, partim denique cantori basilicæ cathedralis nominatim attribuit, quod huic onus impositum eſſet Episcopi evocandi comitandique, cum e palatio ad Ecclesiam descenderet. Ceterum anno 1468. Canonici partem illam decimarum, quæ sibi ex liberalitate Eberhardi obtigerat, præbendariis sponte donarunt, quolibet & alacrius choro, & Capitulo operam suam præberent.

Avaritiam & iniquitatem ministrorum Episcopaliū coercuit

E duabus potissimum ediſtis atque interditiſtis elucet insignis Eberhardi justitia & æquitas in populis sibi subiectis ſublevandis, qui se procuratorum, & ministrorum Episcopaliū fraude & iniquitate oppreſſos querebantur. Illi siquidem, quæ sibi plane indebita erant, ab civibus Chasme, Dombri, Ivanichii, itemque a conductoribus & cultoribus agrorum Episcopaliū contra jus fasque extorquebant; cum vero tritici & avenæ quod Episcopo & Ecclesiæ debebatur, exigent, iniquis mensuris utebantur; & si quid ex his redundaret ac decideret, ad se pertinere volebant. Illorum itaque avaritiam & iniquitatem severissimo ediſto Illyrici Sacri Tom. V.

coercuit, anathematis poena interposita omnes injustas exactiones interdixit, mensuras ad normam æqui bonique ab se redactas, suoque nomine inſcriptas in posterum adhiberi juſſit, & frumenti avenæque metiendæ rationem præſcripſit; & alias præterea nominatim exactiones iniquiores fieri vetuit. Præterea incolis & colonis territorii Ivanichii amplissimam facultatem glandes undecumque colligendi conceſſit, quam antea ex falsis quorundam delationibus ademerat.

Nos Eberhardus Dei & Apostolica Sedis gratia Episcopus Ecclesiæ Zagrabienſis, summus Cancellarius regie majestatis. Notum facimus universis & singulis præſentes litteras nostras inſpecturis, præſentibus pariter & futuris; Quod universitas civium, & Jobagionum nostrorum trium civitatum & provinciarum nostrarum, scilicet Chasmenſis, & de Dombro, & de Ivanich, nostri adeundo conſpectum, voce lamentabili nobis ſignificare curarunt; quomodo clavigeri, & procuratores trium curiarum nostrarum videlicet Chasmenſis, & de Dombro, & de Ivanich, damnosa cupiditate induſti, post quemlibet currum ſeni mardurinalis de provinciis, ſimiliter unum currum lignorum, indebite & injuste, immo contra Deum, & eorum conſuetudinem, ſingulis annis a modico tempore citra, & noviter super eos recipere, excipere & extorquere cepiſſent. Ac ipsos in receptione frumenti ac avenæ ipsorum, nobis & ad cellaria nostra provenientium, per falsas & majores, quam ſtatute ſunt, Idrias, diſtarumque Idriarum culmina, ac compressionis, & caſſationis, nec non frugum, quæ de hujusmodi Idriis tempore menſurationis cadunt, pro se ipsis reſervatione, graviter opprimerent, vexarent, & damnificarent; ſupplicantes humiliter, & devote, ut ipsis super his remedium reſervationis, prohibitionis, depoſitionis, & totalis abolitionis facere dignaremur, & adhibere. Nos itaque qui novis abuſibus, & nocivis adinventionibus obviare tenemur, & ne pro eis, quæ de ſacili in perpetuum verti poſſent, & tranſire in conſuetudinem, anima noſtra coram ſummo judice diſtriſtam reddere aſtringatur rationem, quia diſtum unum currum lignorum post quemlibet currum ſeni mardurinalis de provinciis, a quarto anno circa per diſtos procuratores & clavigeros curiarum nostrarum prædictarum adinventum fore, aliorumque Episcoporum, & per ante etiam regiminis nostri temporibus, nuſquam & numquam receptum & exactum fuiſſe, multis veridicis teſtimoniis, & evidentibus ac juſtiſſimis rationibus clare comperimus, & manifeſte; ideo ſupplicationibus eorundem tamquam juſtis paternaliter inclinati, receptionem diſti unius currus lignorum, tamquam noviter contra ſalutem noſtram ad eorum oppreſſionem adinventam, caſſamus, deponimus, & penitus abolemus; receptionem frumenti & avenæ modo ſubſcripto fieri volentes; diſponentes, limitantes ſcilicet, quod in prædictis curiis noſtris, Idria ſigno civitatis noſtræ Chasmenſis, & noſtro, quod littera E capitali nomen noſtrum ſcilicet Eberhardus ſignificare volumus & declaramus, characterata, & deſuper de labio in labium perforata habeatur, teneatur, ſervetur. Cum qua quidem Idria frumentum menſuretur ſine cumulo, ipſam Idriam non caſſando, vel aliquatenus movendo, ſeu comprimendo, ſed deſuper cum aliquo ligno recta cumulum totaliter deponendo. Avenam autem cum cumulo, & ſimiliter abſque caſſatione, ſem

Q q mo-

motione Idræ, & compressione avenæ mensuretur, & recipiatur. Frumentum vero & avena, quæ tempore mensurationis de ipsa Idræ cadunt, deponentur illis, quorum sunt, & qui solutionem faciunt eo tunc, ipsis totaliter, & absque contradictionem reddantur; nec huiusmodi remanentias procuratores & clavigeri, ac quicumque alii, quovis colore quæsito, sibi ipsis retinere valeant, vel aliquatenus audeant usurpare. Præterea prout novissime nobis innotuit, quod Dapifer, Pincerna, magister Agazonum, dispensator, coqui & officiales curriseri nostri, super Villicos, & Vairpodas de novo factos, & in dictis tribus civitatibus & provinciis nostris prædictis electos, aliquam particulam tela recipient, exigent, & extorquerent, cuiusque tela receptionem nostro tempore & non diu incaptam, & indebite adinventam, ne in perpetuam & damnabilem transeat & vertatur consuetudinem, tamquam iniquam, injustam, & salutis contrariam (exceptis quatuor ultimis communis tela, quas per quemlibet Villicum, & Vairpodam de novo factos, simul dumtaxat coquis nostris, pro tergendis scutellis, & aliis coquibus opportunitatibus exercendis, dari volumus, ordinamus) annihilamus, irritamus, removemus, & abolemus, nullo umquam tempore, & per quoscumque habendi, recipiendi, & exigendi, medioque, & occasionibus quibuscumque extorquendi licentiam permittentes. Et licet ex quorundam sinistra, & damnosis suasionibus cives, & Jobagiones nostros civitatis & provincie Ivanich a collectione glandium prohibuerimus, tamen quia veraciter, & experimentaliter cognovimus ex huiusmodi prohibitione collectionis glandium, tam nobis in porcis decimalibus, quam Jobagionibus nostris in eorum porcis, maximam evenisse diminutionem, volentes autem talia damna evitare; & nostrum nostrorumque subditorum, & præcipue Jobagionum, quorum impendiis nos cum omnibus nostris, in necessariis opportunis sustentamur, commodum, utilitatem, & profectum augmentationis spectantes, statuimus, disponimus, & ordinamus, ut cives Jobagiones, & cuiusvis status, & conditionis, tam civitatis, quam provincie Ivanich, homines amodo, & deinceps in antea, a collectione glandium in omnibus silvis dictæ insule Ivanich, per quoscumque aliquatenus non prohibeantur; sed semper easdem glandes libere & secure ubique colligant absque nostra, & quorumvis aliorum, modo qualicumque fienda prohibitione, omnique cessante impedimento. Si quis autem quidquid contra hæc, modis, viis, & occasionibus quibuscumque attentare præsumpserit, præter nostram indignationem, & excommunicationis sententiam, quam in eum eo facto incurrisse decernimus, divina subiaceat ultioni, in extremo examine sententia iusti iudicis æternaliter puniendus. Præterea autem ad rebus majus, & perpetuam firmitatem præmissorum, privilegialiter emanatas, pontificali autentico sigillo nostro iussimus & fecimus communiri. Datum Chasme in crastino B. Catharina Virg. & Mart. Anno Domini 1416.

In Comitea  
seu præfectorum  
nostrorum  
do. a Dom  
bra, Chas  
me, Ivan  
chii popu  
los illos  
cerbis ex  
ationibus  
opprimen  
do

Hoc gravissimum interdictum deterruit fortasse ab iniquis exactionibus procuratores & ministros Episcopales, non valuit tamen ad coercendam insatiabilem libidinem rapiendi, ac ditescendi ex alienis laboribus & fructibus, nimiamque illam ac prope tyrannicam potestatem, qua in egenos illos & calamitosos populos Comites etiam seu præfecti illorum op-

pidorum Episcopaliū abutebantur; ex quo fiebat, ut plerique solum verterent, agrosque incultos deferrent, neque inveniri possent, qui agros illos vel conducere, vel colere vellent. Itaque post biennium a superiore edicto elapsū, alterum emisit, pœnitique longe gravioribus injustitiam Comitum, & præfectorum suorum, atque inhumanitatem inhibuit; certasque leges præscripsit, quibus potestatem eorum coarctavit.

Eberhardus &c. Providentia divina dispositionis ad hoc in orbe terrarum principes, præsertim prælatos, Ecclesiarumque rectores instituit, ut ipsi non solum sibi ipsis, sed etiam aliis, signanter eorum subditis prodesse videantur; utilitatibus aliorum magis, quam suis ipsi invigilent, operam diligentem, & studium continuæ meditationis circa ea diligentissime apponendo. Proinde universorum tam præsentium, quam futurorum notitiæ volumus præsentibus fieri manifestum; quod quia gemitundæ querelæ, & lachrymosa suspiria universorum populorum, Jobagionum nostrarum de provinciis nostris Chasmeni, Dombrensi, ac de Ivanich, nostras aures sæpe & sæpius acriter propulsarunt, & nobis flebiliter detegere curarunt; qualiter Comites nostri in dictis provinciis nostris Chasmeni, Dombrensi, ac de Ivanich per nos deputati, eorumque Vicecomites, ipsos populos & Jobagiones nostros minus iuste & indebite perturbassent, damnificassent, & molestassent, de dieque in diem, diversis insidiis & calumniis ipsos perturbare, & plurimos ex eis rebus & bonis eorum privare, ac destituere non cessarent. Et insuper ab eis tanta victualium, & aliorum exactio fuisset recepta, & quotidie reciperetur, quod ipsi pro hac, & multa alia ipsis indebite illata, ad nimiam egestatis inopiam & paupertatis miseriam devenissent. Et rellis propriis dimissis, in iisdem, quo vitam conservarent propriam non habentes, per aliena tella latitando, mendicare compellerentur; pluresque ex eis de nostris & Ecclesiæ possessionibus ad possessiones nobilium, extra nostrum Episcopatum, ratione prævia se transfuissent; nec quispiam hominum ad ipsius Ecclesiæ nostræ possessiones, commorandi causa, propter præmissa impedimenta vellet aliunde advenire; sed de eisdem potius quotidie nostri Jobagiones exirent ad possessiones aliorum. Pro eo nos, qui ex suscepti officii nostri debito, cunctorum subditorum nostrorum egestati, & inopia subvenire, oppressosque sublevare, & libertatum prærogativis refocillare tenemur; volentes, & ex intimis affectantibus præmissis obstaculis, per quæ ipsæ possessiones Ecclesiæ nostræ ad nimiam devenerunt desolationem, in quantum possumus obviare, ut per hoc possessiones Ecclesiæ nostræ potius augeantur, impleantur, & populorum multitudine decorentur, quam eisdem desolatis, & vacuis, ac desertis existentibus, nos in proventibus nostris diminutiones patiamur; huiusmodi leges, constitutiones, ac libertatum prærogativas amodo in perpetuum duraturas, & per nos ac nostros successores inviolabiliter in toto, & in qualibet earum parte conservaturas, ipsis nostris populis, & Jobagionibus in prædictis tribus nostris provinciis residentibus, & permanens, duximus stabilendas, disponendas, & gratiose stabilendas, imo stabilimus, annuimus, disponimus, & concedimus per præsentem &c. Cetera mihi desunt.

Joannes XXIII. Sigismundo potissimum auctore



Coneilium  
Constantiense, ejus-  
que cogen-  
di causis.

Littere E-  
piscopis &  
Capitulis  
Hungaricis  
perniciosa  
Joanni Pa-  
pae per frau-  
dem subre-  
pta.

store & impulsore, Concilium Constantiense indixit anno 1413. v. Id. Decembris tres ob causas potissimum; primum ut extincto diuturno illo schismate, quod tres in partes Christianum orbem distraxerat, aliis Joanne XXIII. aliis Gregorio XII. aliis Benedicto XII. faventibus, & obsequentibus, pax Ecclesiae redderetur; deinde ut sublatis erroribus Viclephi, & Joannis Hussii ex tempestate grassantibus, catholica veritas sanciretur; demum ut corruptum clericorum, tum laicorum mores ad veterem disciplinam revocarentur. Summo Pontifice, Archiepiscopis, Episcopis, ceterisque praesulibus Constantiae in eadem cathedralem convenientibus, Concilium ab Nonis Novembris an. 1414. sollemne initium duxit, & primus confessus habitus fuit xvi. Kalendas Decembris, Joanne XXIII. praesidente. Sigismundus eodem anno, ipsoque natali die Christi Domini, Constantiam ingenti pompa, & frequentissimo principum virorum comitatu ingressus, Concilium sua praesentia cohonestavit, eique patrocinio & praesidio fuit. Quae ad rem Ecclesiasticam Hungaricam & Zagrabiensem referuntur, breviter commemoro. Quidam proceres Hungariae cupientes augere emolumenta, & commoda parochorum suorum, quos ipsi jure patronatus eligebant & nominabant, plures litteras subreptitias ab Joanne Papa impetrarunt, ex quibus proventus, & jurisdictio Antistitem, Praesulum, Capitulum Hungariae plurimum detrimenti capiebant. Primis igitur litteris idem Pontifex mandavit Archiepiscopis & Episcopis, ut quartam partem decimarum omnibus & singulis parochis solvi juberent, cum horum plerique ex veteri consuetudine nullam vel exiguam ex decimis partem perciperent. Nam decimae fere omnes jure antiquo ad mensas Episcopales, vel Capitulares pertinebant, neque aliis vestigalibus, quam hujusmodi decimis dotatae, subsistunt multae praefecturae, & dignitates Ecclesiasticae, aliaeque sacerdotia, quae deficiant necesse est, si annuis hisce proventus, & subsidii destituantur. Alteris litteris, rogatu eorumdem procerum, cognitionem piarum quarundam causarum, Ecclesiastico adeptam ad forum laicale transtulit. Tertiis demum atque aliis litteris, Dynastis & viris quibuscumque nobilibus, itemque praepositis quarundam Ecclesiarum, immunitatem dedit cujuscumque tributis ac muneris, quod Episcopis & Ecclesiis solvere & praestare deberent, itemque coenobiarchis & monasteriis integram perceptionem decimarum intra eos limites concessit, quibus eorum bona & possessiones definebantur. Quae quidem omnia jurisdictioni Episcopali, reiue Ecclesiasticae ingens detrimentum afferebant. Constantiam ad Concilium ex regno Hungariae convenerant Andreas de Benzis de Gualdo legum Doctor Archiepiscopus Colocensis, Georgius B. Adalberti Jauriensis, Vicecancellarius regis, Joannes de Esk Quinqueecclesiensis, plebanus Budensis, Benedictus B. V. Alba regalis, Sedis Apostolicae protonotarius, Ecclesiarum praepositi; & Joannes Mode in artibus magister, lector Ecclesiae B. Petri veteris Budensis, & Canonicus Varadinensis, procuratores omnium Ecclesiasticorum Hungariae, Dalmatiae, Croatiae Sclavoniaeque, quos Kereselechi nominatim percenset. Hi nomine illorum, a quibus missi fuerant, quorumque partes agebant, post Joannem Pontificatu dejectum anno 1415.

Illyrici Sacri Tom. V.

iv. Kalen. Junii, de litteris illis subreptitiis, e quibus tum jurisdictio Episcoporum, tum proventus Ecclesiarum cathedralium plurimum detrimenti capiebant, graviter conquesti sunt apud Patres Constantientes; qui de sententia Concilii omnem eisdem litteris auctoritatem abrogarunt, litterisque ad Strigoniensem Archiepiscopum, & universos Hungariae Episcopos datis, litteras Balthassaris Colae plane irritas ac nullas esse declararunt; & ne quis illis abuteretur, gravissimis poenis propositis interdictum esse voluerunt. Litteras synodicas ad se allatas Sigismundus, antequam Constantia discederet, profecturus in Hispaniam, ut Benedictum ad Pontificatum sponte deponendum, pacemque Ecclesiae reddendam hortaretur, perferri jussit ad Joannem Archiepiscopum Strigoniensem, eumque suis ipse litteris admonuit, ut mandata & interdicta Concilii sedulo exsequenda curaret, potestate etiam & vi magistratuum saecularium adhibita, si quis contra quam synodus decreverat, ac vetuerat, facere auderet. Paruit Joannes, & interdictum Concilii simul cum Sigismundi litteris, suisque promulgavit, hostitulos sibi adscribens: Joannes miseratione divina Strigonienfis Archiepiscopus & Comes, Primas, ac Sedis Apostolicae legatus natus, auleque Regis Romanorum summus Cancellarius, ejusdem in regnis Hungariae, Dalmatiae, Croatiae, &c. Gubernator & Vicarius generalis &c. Dat. an. 1415. feria tertia post festum S. Agidii. Et cum nihilominus Demetrius Abbas Thykonienfis, & parochi, & Abbates litteras illas pontificias abrogatas valere vellent, harumque praesidio fulti decimas, quae ad Capitulum Vespriemense pertinebant, exigere & colligere audent; Joannes potestate brachii saecularis usus, exactores illos comprehendi, tradique Vicario Vespriemensi jussit. Haec e monumentis Hungaricis Balthassar Adamus Kereselechi, qui Andreae Archiepiscopo Colocensi duo cognomina de Benzis, & de Gualdo ex iisdem monumentis attribuit.

Gebhardus Dacherius in catalogo Cardinalium, Episcoporum, Abbatum, virorum principum, & procerum, qui anno 1414. & sequenti Concilio Constantiensi interfuerunt, nominat quidem Andream Archiepiscopum Colocensem; sed nullum ei cognomen appoluit: D. Andreas Archiepiscopus Colocensis in regno Hungariae. Si cognomen de Gualdo, quod Kereselechi huic Archiepiscopo Colocensis attribuit, veritate nititur, is videtur esse Andreas Gualdus ille, qui sub initium hujus saeculi ab sede Archiepiscopali Spalatensi ob eas, quas dixi, causas voluntaria fuga abcessit. In hunc siquidem tum nomen, tum cognomen illius Archiepiscopi Colocensis, cum titulo legum Doctoris superaddito, conveniunt; & praeterea id suadent conjecturae nec leves & sane probabiles. Post Ecclesiam Spalatensem relictam Episcopatus Samaritani, ut Vadingus tradit, anno 1403. Archiepiscopatus Thebani, ut tabulae consistoriales docent, anno 1410. titulum honorarium suscepit. Eum Sigismundus Imperator, ob eximiam erga se fidem, summopere diligebat; ut Spalatenses eundem in pristinum, unde abiens decesserat, dignitatis locum reciperent, atque uti antea habuerant, sic in posterum pro legitimo Archiepiscopo haberent, graviter seveque imperavit suis ad eos litteris datis anno 1412. Sed neque auctoritas, neque

Littere  
Concilii  
Constant.  
ad Archie-  
pisc. Stri-  
gon. & E-  
piscopos  
Hungariz  
litteras su-  
periores  
Balthassa-  
ris Colae  
abrogan-  
tes.

Andreas  
de Gualdo  
Archiep.  
Colocens.  
& cleri  
Hungarici  
ad Conci-  
lium ora-  
tor missus,  
videtur id  
esse, atque  
Andreas  
de Gualdo  
antea Ar-  
chiep. Spa-  
latensis.

Q q 2 man-

mandatum Sigismundi apud Spalatenses voluit, qui exasperatis animis capitali odio ab Andrea diffidebant. Hæc fusius & distinctius Tomo III. Illyr. Sac. in Andrea Gualdo, & Domino de Iudicibus Archiepiscopis Spalatensibus. Vix igitur dubitari videtur posse, quin Sigismundus pro sua erga Andream benevolentia, & pro illius erga se meritis, quem in sedem Spalatensem restituere non poterat, ei Colocensem Archiepiscopatum ab Joanne XXIII. conferendum curaverit. Dubitationem omnem dispellerent tabulæ consistoriales, nisi Andream prænomen *Fratris*, & cognomen ab Gualdo diversum apponerent; ei quippe titulum Thebani Archiepiscopi attribuunt, quem titulum Andream Gualdo, post dimissam Spalatensem, eadem tabulæ adscribunt, ut supra dictum est: 1413. pridie Nonas Januarii provisum est Ecclesiæ Colocensi & Baciensi unitis, vacantibus per obitum b. m. Chrysogoni de persona F. Andream de Brunse, dicti Archiepiscopi Thebani. Paulo aliter hæc ex iisdem tabulis descripta sunt in codice MS. Domus Romanæ professæ Societ. Jesu: Anno 1413. Andreas Episcopus Thebanus transfertur a Joanne XXIII. ad Ecclesiam Colocensem per obitum supradicti Chrysogoni Archiepiscopi 2. Nonas Januarii anno 3. Pontific. ejusdem Joannis. Hinc abest tum prænomen *Fratris*, tum cognomen de Brunse. Hic Andreas in Concilio Constantiensi, ut est apud Harduinum in collect. Concil. Tomo VIII., pro se & Rege Romanorum juravit approbationem Capitulorum. Ante annum 1420. vel hoc ipso anno vivere desiit; nam hoc anno in diplomate Sigismundi, 14. Idus Augusti, apud Nicolaum Schmitth in Archiepiscopis Strigoniensibus, Sedes Colocensis vacasse dicitur. Hæc addas velim actis Andream Gualdi Archiepiscopi Spalatensis Tomo III. Illyr. Sac. Ceterum de hujus translatione ad Ecclesiam Colocensem nihil certi habeo, præsertim cum Vincentius Maria Fontana in suis monumentis Dominicanis Joannem Archiepiscopum Colocensem, qui Constantiensi Concilio interfuit, sibi, suæque familiæ Dominicanæ vindicare videatur.

Expositio  
Capituli  
Zagrabiensis  
contra Nicolaum  
Frangipani-  
um.

Canonici Zagrabienſes, per suos procuratores anno 1416. apud Patres Constantienses, questi sunt de Nicolao Frangipanio Comite seu Toparcha Modruſſæ, quod decimas quasdam Mensæ Capitulari debitas sibi per summam injuriam vindicaret. Justa visa est querimonia; & Synodus suis ad cœnobiarcham monasterii Zagrabienſis S. Mariæ litteris datis, hujus causæ cognitionem ei delegavit; & si vera esse compertisset, de quibus expostulationem fecerant Canonici, seclufa omni appellatione, ut jus suum obtineret Capitulum, censuris pœnisque ecclesiasticis propositis omnino efficeret; ab terris tamen ejusdem Comitatus interdictum generale abstineret, nisi ad hoc denunciandum & irrogandum speciale a Concilio mandatum acciperet.

Sacroſancta, & generalis Synodus Constantienſis dilecto Ecclesiæ filio, Abbati monasterii Beate Mariæ Zagrabien. salutem, & Dei omnipotentis benedictionem. Conqueſti sunt nobis Capitulum, & Canonici Ecclesiæ Zagrabienſis, quod nobilis vir Nicolaus Comes Modruſſæ Zagrabienſis diœceſis super quibusdam decimis vini quantitativis ad Capitularem Mensam ipsius Ecclesiæ spectantibus pecuniarum summis, & rebus aliis injuriatur eiſdem. Ideoque discretionem tuam per scripta nostra mandamus, quatenus partibus convo-

catis audias causam, & appellatione remota debito fine decidas, faciens quod decreveris per censuram Ecclesiasticam firmiter observari. Proviso ne in terram dicti Comitatus auctoritate presentium interdicti sententiam proferres, nisi a nobis super hac mandatum receperis speciale. Teſtes autem qui fuerint nominati, si se gratia, odio, vel timore subtraxerint, censura simili appellatione cessante compellat veritati testimonium perhibere. Datum Constantiæ 4. Nonas Junii anno a Nativitate Domini 1416. Apostolica Sede vacante.

Eberhardus illud a Patribus Constantiensibus impetravit, ut domum hospitalem SS. Cosmæ & Damiani, quam ipse apud Chalmam fundaverat, & dotaverat, auctoritate sua & singulari decreto communirent ac firmarent; eamque in suam, & B. Petri clientelam reciperent. Anno 1417. tertio Idus Novembris Martinus V. Pontifex est creatus, & summa totius Synodi approbatione confirmatus. Hic rogatu Sigismundi Imperatoris immunitates a Bonifacio Papa IX. concessas Eremitis Paullinis domus S. Mariæ de monte Garygh diœceſis Zagrabienſis confirmavit.

Martinus Episcopus servus servorum Dei, ad futuram rei memoriam. Apostolica servitutis injuncta desuper officium mentem nostram incitat, & inducit, ut circa ea, quæ pro statu personarum, religionis habitu, vacantium studio pia vitæ opportuna fore conspiciamus, operosis studiis intendamus.

Martinus V. immunitates Eremitæ Paul-  
linis concessas confirmavit.

Sane dudum pro parte dilectorum filiorum Prioris, & fratrum domus S. Mariæ de monte Garygh nuncupatorum Sancti Paulli primi Eremitæ ordinis Sancti Augustini, Zagrabienſis diœceſis, quondam Bonifacio Nono in ejus obedientia, de qua partes illæ erant tunc, nominato; exposito, quod olim ipsi provide attendentes &c. ne Priorem & fratres, aut colonos hujusmodi prætextu cujusvis consuetudinis super petitione, seu exactione decimarum hujusmodi quocummodo impedire seu molestare præsumant, prout indictis litteris plenius continetur.

Quare pro parte charissimi in Christo filii nostri Sigismundi Romanorum, & Ungariæ regis illustris, ac dictorum Prioris, & fratrum, nobis fuit humiliter supplicatum, ut indulto, nec non successioni, donationi, ac litteris prædictis pro illorum subsistentia firmiori, robur Apostolica confirmationis adjicere de benignitate Apostolica dignaremur.

Nos igitur hujusmodi supplicationibus inclinati, indulgum, concessionem, donationem, ac litteras hujusmodi, & quacunque inde secuta, rata habentes, & grata, illam auctoritate &c.

Nulli ergo &c. Si quis autem &c. Datum Constantiæ V. Kalend. Jan. Pontific. nostri anno primo.

Acta reliqua Eberhardi persequamur. Possessiones terrasque omnes Capituli Zagrabienſis recognosci, dimetiri, & certis fixisque terminis circumscribi jussit, quam recognitionem, dimensionem, circumscriptionem primum Sigismundus, deinde Matthias reges Hungariæ approbarunt, & legitimam esse decreverunt. Quæ B. Augustinus Episcopus sapienter pieque constituerat, ea in perpetuum valere voluit, & ab omnibus accurate servari. Canonicis omnibus, & nominatim Matthiæ praposto, Gerardo leſſorio, Joanni cantori, Ladislao cathedrali, Gregorio, custodi, presbyteros secundi ordinis, sive

Decreta  
quædam  
Eberhardi.

pre-

præbendarios commendavit, ut illorum jura facta recta tuerentur; neve ex oblatiis & collectis, sive certis, sive incertis, quæ illis ex antiqua consuetudine obveniebant, quidquam ipsi detraherent, vel ab aliis detrahi sinerent; præsertim vero jus crucis cum sacris precationibus deferendæ singulis annis, die proximo ante Epiphaniam Christi Domini, ad singulas ædes Canonicorum, intactum integrumque ipsis præbendariis servari jussit; quidquid vero emolumentum ex eo ritu & cærimonia perciperent, id omne sibi ipsi retinerent, nec vero cum parochis urbanis, vel suburbanis, quod ex voluntaria Canonicorum liberalitate collegissent, partiendi lege ulla tenerentur. Parochis autem, qui quartam partem ejusmodi collectæ sibi vindicabant, & præcipue Martino sublectori, & parochio S. Emerici, qui acrius quam ceteri contendebant, silentium perpetuum imperavit. Hæc & alia hujusmodi in acta Capitularia referri jussit. Anno fere nono, post resumptam administrationem Ecclesiæ Zagrabienfis, quam plurimis & maximis beneficiis cumulavit, e vita decessit anno 1419. vel sequenti. Id solum ei vitio datum est, quod castrum Medved, sicut consanguineis donari, quam Ecclesiæ restitui.

JOANNES IV. EP. ZAGRAB. XL.

Joannes de Alben Ep. Zagrab. idem supremus regni & imperii Cancellarius.

Ex eadem, unde Eberhardus, familia de Alben oriundus, frater ejusdem Eberhardi, vel ut alii censent, filius fratris Eberhardi, æque apud Sigismundum graciosus, ut frater, sive patruus, quem ille tum propter ejus, tum propter fratris seu patrui erga se merita plurimis beneficiis & maximis ornamentis affectit; nec solum regis, ac reginæ, regni que Hungariæ, sed etiam Sac. Rom. Imp. Supremum Cancellarium constituit. Anno 1420. iv. Idus Augusti adhuc vacabat sedes Zagrabienfis, ut intelligi potest ex privilegio Sigismundi eodem anno dieque Eremitis Paullinis concessio: Zagrab. Scardon. . . . sedibus vacantibus. Intra finem ejusdem anni regimen Ecclesiæ Zagrabienfis suscepit; nam anno proximo Kalendis Januarii, ut tradit Kereselichius confirmasse invenitur litteras pro parochio S. Emerici ab Eberhardo datas.

Antiquizans Canonicos & cives Græcenses inimicitias relevavit.

Alterum Pontificatus annum nondum exegerat, cum veteres inimicitias ac discordias inter collegium Canonicorum, & civitatem Græcensem recruduerunt. Quæ cives illi in Deum atque homines impie & inhumaniter infano furore perciti commiserunt, Joannes Episcopus non sine acerbissimo sensu doloris, & summa cum indignatione commemoravit, antequam illos gravissimi anathematis sententia configeret, atque ab Ecclesia, omnique Christianorum cœtu segregaret. Sententiæ in eos prolata initium ac proœmium hoc est.

Proœmium sententiæ Episcopalis incives monastis Græcensis.

Joannes Dei & Apostolica Sedis gratia Episcopus Zagrabienfis, regalis ac reginalis majestatum regni Hungariæ Supremus Cancellarius, universis & singulis Venerabilibus, circumspiciendis, religiosi & discretis viris, nobis in Christo dilectis Abbatibus, præpositis, prioribus, guardianis, ministris, & provincialibus, ac monachis, fratribus & conventibus ordinum quorumcumque exemptorum, & non exemptorum, monasteriorumque, & ecclesiarum rectoribus, seu plebanis, archidiaconis, vice archidiaconis, & canonicis, lectoribus, cantoribus, seu custodibus Illyrici Sacri Tom. V.

dibus Cathedralis nostræ Zagrabienfis, & collegatarum, presbyterisque & capellanis, curatis & non curatis, clericisque & tabellionibus publicis per, & infra civitatem, & diocesim nostram Zagrabiensem constitutis, qui presentibus fuerint requisiti, vel alter ipsorum requisitus, salutem in Domino, & debitam ac solertem habere diligentiam in commissis, & presentibus litteris nostris fidem indubiam adhibere. Repleverunt amaritudine tabernaculum mentis nostræ illa enormes offensæ præteritæ, & istud novum horrendum facinus, in Dei contumeliam, in nostram injuriam permaximam, nostri cleri lamentabilem oppressionem, imo & ipsius nostræ sponsæ Ecclesiæ Zagrabien. cathedralis, cui cum divina disponente clementia in sollicitudinis partem vocati præsidemus immeriti, extremum contemptum seu jacturam, per illos maledictionis alumnos, nefaria proditoris bajulos, cives illos, incolas, ac hospites, judices, juratos, & homines, ac Communitatem eorum sacrilegam, & Gomorræ populos de monte Græcensi, prope dilectam Zagrabiam, multifarie, multisque modis & vicibus nequiter perpetratum: Qui non attendentes, aut oculis mentis, seu debite considerationis, vel saltem rationis, & rectissimi erga se judicii moderamine perpendentes, quod Sancta Mater Ecclesia suo semper sponso, qui Christus est, ineffabilis amoris dulcedine copulata, ab ipso suscepit dotes amplissimas, gratiarum uberitate fecundas, & specialiter inter eas beneficium insignitæ libertatis; quippe ipse Christus illam præamabilem sponsam ejus fidelibus populis libero præesse voluit dominio, & habere potestatem in singulos veluti in filios, non cuique aut cujuslibet servituti subjacere: ita ut illam cuncti fideles filii . . . non immerito sicut matrem & dominam suam honorarent omni reverentia filiali; cum hæc sit ubique prout est dilecta ejus columba de cavernis maceris, id est latere ejus sanctissimo progrediens, seu procedens ut sponsa de cubili suo, & in illo requiescit hæc columba ejus, circa quam, & ejus ministros, ipsius honoribus & libertatibus præditos cor ejus invigilat; hic est hortus denique ipsius fertilis & irriguus, in cujus suavitatis odore præcipue delectatur; cujus poma gustui ipsius sunt valde saporosa & accepta; nec contenti iidem, qui alias de anno 1397. citra, vel ultra finito, & commentantes inter se opus malignandam, & forti & maturo id faciendi habito inter se iniquissimo, & Deo & hominibus odioso consilio, hujusmodi Sanctissime Matris Ecclesiæ suæ materna pietate, qua filios suos tam amore suavissimo fovere, quam lacte uberum suorum alere consuevit, imprudenter contempta, ad sonum majoris campanæ ipsorum, publice, & clara luce die, erectis cruentis eorum vexillis, hostiliter manu armata, de prædicta civitate, si dici debeat & meretur, descendentes, in Capitulum ejusdem Ecclesiæ, imo totum clerum civitatis nostræ Zagrabienfis deserviando immaniter, in curias & domos ejusdem Capituli &c.

Deinde flagitia omnia tum vetera sub Joanne III. suo decessore, tum recentia nihilo leviora, quæ Græcenses se absente, ut ait, & gravissimis regiis negotiis distento patravērunt, direptiones videlicet, rapinas, cædes, sacrilegia singillatim fuseque persequitur. Recentiora collegit Thomas Kovasceovichius, & breviter his verbis perstrinxit. Anno 1422. in festo Sanctissime Trinitatis turrim Capituli in corum

Græcen-  
maligna  
confilia,

rum civitate habitam (ubi res, bona Ecclesiæ & Capituli propter metum Turcarum reposita habebantur) armata manu obsidentes, magistrum Ladislaum de Davorib pro custodia earumdem rerum ibidem constitutum, dispositis hinc inde insidiis, pluribus diebus, si quandoque exiret, capere, interficere in maligno proposito habuerant. Et ut ipsos Capitulares, absque sonitu campanæ & strepitu clamoris incautos opprimerent, erecto vexillo in turri Ecclesiæ omnes ad arma concurrentes, nisi dato per dictum Canonicum ex turri, huiusmodi moliminum signo, intellexissent Canonicos, qui domi erant, cum rebus suis ad Ecclesiam & curiam episcopalem se recepisse, utique quod moliti fuerant, exequi non intermiserunt. Et quia hoc ipsum perversum propositum pro ea temporum circumstantia perficere nequiverant, habito propterea colloquio, ad territorium quoddam Capituli Krogh vocitatum nonnullos de suis cum armis & sagittis ad deturbandos homines Præpositi majoris, qui terreno illi exarando incumbabant, eo fine exmiserunt, ut si Capitulares ad insequendos illos excurrerent, alii, qui domi armati hoc ipsum observabant, mox in Capitulum irrucere, illudque depopulari valuissent. Ad quod illis vicibus perficiendum occasio non suppetebat; tandem in festo D. Margaritæ perpetratum, Capitulares deplorare debuerunt. Hac quippe die, quando occasione nundinarum quisque etiam exterius privilegio salvi conductus gaudet, memorati cives inuito consilio, ad pulsum majoris campanæ, ad Capitulum armata manu descendentes, diversorum Canonorum, signanter superius nominati magistri Ladislai Davorib, cantoris, archidiaconi Bexin. & magistri Michaelis Doctoris artis medicinæ, domos & curias totaliter spoliarunt; complures item personas sive Ecclesiasticas, sive seculares partim diris vulneribus affecerunt, partim occiderunt, & nonnullos exquisitis suppliciis & enormibus tormentis excruciarunt. Denique in Ecclesiam etiam furorem vertentes, plures sagittas in eam, & in Canonicos, qui ad horis vespertinis assistebant, emiserrunt; & nisi iidem ad sacristiam confugientes, in eadem se se reclusissent, & certorum hominum, ac familiarium Dionysii Bani, & Joannis Episcopi, ac nonnullorum aliorum proborum & nobilium virorum, qui ad forum annuale concurrerant, furibundo dæmonum civium occursum se viriliter opponentium presidio & auxilio defensati, omnes in eadem Ecclesia pariter extitissent jugulati. Porro ad hac cruenta facinora perpetranda, dum iidem cives se se congregarent, dicuntur clamasse, Festinate festinate in presbyteros maledictos & clericos, prædam tollite, vulnerate, interficite, detinete, libros, calices, ornamenta Ecclesiæ S. Stephani, & Canonorum ejusdem rapite, tollite, vobiscum asportate; dividamus spolia, eorum rebus ædes nostras repleamus.

Pœna & anathemata Græcen-  
bus sacrile-  
gis, & con-  
tumiaciis  
indicta.

Hæc copiosius & fusius ex quæstionibus habitis, actisque judicialibus Joannes Episcopus; qui etiam execranda facinora superiorum annorum exposuit; & anathemata ab Joanne suo decessore illis inflicta commemoravit; neque, ut ipse ait, aut vetera illa scelera salubri pœnitentia expiaverant, aut pro damnis & injuriis illatis satisfecerant, aut vinculis illorum anathematum exsoluti fuerant; sed præterita novis & gravioribus flagitiis cumularunt. Cum autem ad tribunal Episcopale citari semel atque iterum iussu, ut si quam possent malefactorum suorum rationem redderent, adesse contumaci-

ter abnuerent; civitatem & suburbia interdicto supposit; cives fundis & prædiis omnibus ecclesiasticis, si quæ haberent aut fiduciaria, aut conductitia, privavit; filios eorum ac nepotes usque ad quartam generationem omni, vel ad primum ecclesiasticæ hierarchiæ gradum, aditu prohibuit; omnes demum anathemate ferit. Deinde omnibus cœnobiarchis, & rectoribus Ecclesiarum imperavit, ut post trinam admonitionem, nisi resipiscerent, & veniam suppliciter peterent, generatim omnes, & nominatim primarios quosdam tantorum scelerum auctores, publice rituque sollempni, Ecclesia, lacris omnibus, congressu piorum extorres, atque ab omnibus vitandos esse denunciarent. His autem verbis sententia in eos prolata est.

Unde nos pro tribunali sedentes, solum Deum præ oculis habentes in quolibet termino prædicto, in & ob contumaciam eorum ac rebellionem publicas & manifestas, similiter ex officio nostro nobis incumbenti, dæmonum dominorum, & Ecclesiæ injurias, ac enormes offensas, nostras reputantes, ad nostrum, & Ecclesiæ nostræ prædictæ syndici, seu procuratoris instantiam eosdem cives, hospites, populos, incolas, iudices, & juratos, & quemlibet de per se nominatum ac in specie excommunicationis jure, seu causa, ac ipsam sacrilegam communitatem ipsorum, seu civitatem cum eorum suburbis, & ipsos homines in genere propter præmissa, & quodlibet præmissorum firmissimi Ecclesiastici interdicti sententias atque pœnas declaravimus, & tenore præsentium declaramus damnabiliter incidisse, & etiam subjacere; imo quemlibet ipsorum in solidum & de per se, ac alias nominatum, & in specie excommunicamus; & dictam ipsorum sacrilegam communitatem, seu civitatem, si dici mercatur, atque locum montis Græcen-  
sis, cum dictis ipsorum suburbis, Ecclesiastico firmissimo interdicto subicimus in his scriptis; eos etiam, & quemlibet ipsorum tam in specie similiter, quam in genere, omnibus feudis, terris, prædiis, pratis, agris, vineis, domibus, areis, nemoribus, curiis, beneficiis ac officiis, & quibuslibet aliis bonis, rebusque mobilibus, & immobilibus, quæ & quas ipsi, aut alter ipsorum a dicta Ecclesia nostra Zagrabien-  
si dignoscitur quomodolibet obtinere, privantes; & nihilominus privatos ejusdem, & exutos, excommunicatosque, & dictam sacrilegam civitatis communitatem, & ejus locum cum suburbis suis quibuslibet interdictis, & firmissimo Ecclesiastico interdicto subactis, & suppositis, enunciamus. Similiter in scriptis filios eorum usque ad quartam generationem in presenti Ecclesia nostra ad gradus ordinis sacros, aut aliquas dignitates, beneficia, officia, feuda aut prædia, decernentes ac volentes minime posse aut debere in posterum promoveri, aut valere aliquammodo pronunciantes, quousque de præmissis omnibus & singulis, nobis, dictæ Ecclesiæ nostræ, eisdemque dominis de Capitulo, præbendariis atque clero per eosdem fuerit realiter satisfactum, & super his omnibus cum eisdem, & quolibet ipsorum sufficienter fuerit dispensatum; quoniam jure cavetur expresse quod contra molientes Christi ministros extinguere, ac contra incendiarios, violatores Ecclesiarum, raptos seu etiam invasores, & rerum Ecclesiasticarum, & alios publicos depopulatores est taliter procedendum, & talis eis pœna sequi castigatio infligenda, ut ipsi metu pœnæ, si non amore divino industi, retracti, a similibus de ce-  
saro

Episcopi  
sententia  
in Græcen-  
sa prolata.

tero abstineant, desistant, & etiam finaliter resipiscant; aliisque similia præsumentibus eorum castigatio transeat in exemplum. Quocirca vobis omnibus & singulis supradictis in virtute sanctæ obedientiæ, sub excommunicationis pœna, quam in vos, & quemlibet vestrum, trium dierum canonica monitione præmissa, ferimus in his scriptis, nisi feceritis quod mandamus, districte præcipiendo mandamus, quatenus mox visis præsentibus, & receptis, & postquam super hoc fueritis requisiti, seu alter vestrum requisitus, præfatos cives, populos, hospites, incolas, iudices, xii. juratos, nec non homines, communitatemque sacrilegam, & locum dictæ civitatis firmissimo Ecclesiastico interdicto, cum suis suburbis subactis, & suppositis, subiectos & suppositos in genere, excommunicatosque majori excommunicatione . . . & signanter Thomam de Florentia iudicem de præsentibus, Michaellem Sebastiani, Joannem Bohemum, Joannem Sziget, Joannem Ungarum, Urbanum Krapchevich, alios iudices, Antonium de Florentia prope portam, utrumque Fabianum litteratos, Georgium Sartorem Ivanich, Paulum, Benedictum, Gregorium & Brictium fratres dictos Hudostych, Joannem . . . Georgium de Modrussio, Valentium Dobeth, duos familiares Jacobi Castellani, Andream Petri Saxa, Ladislaum aurifabrum, Matthiam Scholasticum, Stephanum B. karich, Jacobum Popovich, Demetrium Rosonich, Volfangum lapidicidam, Gregorium de Bethania, Joannem Knech, Thomam Sutozem, Andream Exvilich, Dominicum, Paulum fratres, & Nicolaum, & Andream Bogdanich, eorumque complices, & fautores, accensis candelis, demumque extinctis, & in terram projectis, pulsatisque campanis in Ecclesiis vestris, monasteriis, & capellis publice & . . . denunciatis, & denunciari faciatis, in signum perversitatis ipsorum, singulis diebus dominicis, & festivis, præcipue vero vos tres Capellani, sive rectores capellæ S. Marci Evangelistæ, dictæ præfate civitatis, & montis Græcensis, & quilibet vestrum, effectivè inhibentes vobis expresse, sub simili, & incarcerationis, ac privationis officii & beneficii pœnis, & quibuslibet aliis, ne in dicta sacrilega civitate, aut coram ipso populo, seu sacrilega communitate, sive locis ipsorum, aut quibuscumque aliis, ubi & in quibus moram traxerint, pertransierint, & quamdiu ibi manserint continuo, ac demum per triduum post eorum abinde excessum, vel coram ipsis excommunicatis divina officia celebrare, aut potius profanare quoquo modo præsumentis, aut ceteri præsument; nec alia quaque jura Ecclesiastica exercere ibidem, & coram eis, ac eisdem ministrare, demptis dumtaxat quæ de jure permittuntur talibus, videlicet ipsis firmissimum & continuum Ecclesiasticum interdictum affirmantes; cessando quoque interim, & semper a divinis, monentes præterea omnes & singulos alios Christi fideles, sexus utriusque homines, quos & nos & quemlibet ipsorum, tenore præsentium primo, secundo, tertio, ac etiam exemptos requirimus ac monemus, eisque, & cuilibet ipsorum in virtute sanctæ obedientiæ & sub excommunicationis pœna, quam in contra facientes trium dierum canonica monitione præmissa ferimus, etiam in iis scriptis, districte præcipientes mandantes, & inhibentes ne sic excommunicatis vel interdictis, in loquendo, vendendo, conversando, comedendo, bibendo, molendo, coquendo, serviendo, ignem vel aquam

eis, vel alteri ipsorum dando, vel aliquod solatii exhibendo, seu alio quovis humano commercio communicet, vel communicare præsumat; illis dumtaxat demptis, qui & quæ excipiuntur a jure, alioquin hujusmodi excommunicatis & interdictis contumaciter communicantes, etiam excommunicatos nominantes, & in specie, ac quemlibet ipsorum, etiam in his scriptis præcipientes etiam talem una cum eisdem a Christianis delibus universis arctius evitandum; abinde non cessantes donec aliud a nobis habueritis in mandatis; & iidem sacrilegi excommunicati & interdicti ad cor reversi, debitæ absolutionis beneficium meruerunt obtinere, & dictis enormiter, & multipliciter lasis satisfecerint de præmissis quoad plenum; nos de præsentium executione redentes certiores per litteras vestras authenticas, aut publicata instrumenta; in quorum omnium, & singulorum fidem, ac testimonium præmissorum, præfatas litteras nostras hujusmodi processum nostrum in se continentes, per discretum virum magistrum Michaellem de Vico latinorum nostrum, seu scribam nostrum publicum infra scriptum, subscribi, & publicari mandamus; nostrisque pontificalis & autentici sigilli jussimus appensione muniri. Datum & actum Chasna . . . in curia seu domo habitationis nostræ, & nostro Episcopali palatio, die Lunæ septima mensis Septembris, sub anno Incarnat. Dom. 1422. hora tertiaria vel quasi . . . præsentibus honorabilibus viris Dominis Demetrio &c. . . Pontificatus vero Sanctiss. in Christo Patris & Domini nostri D. Martini dictæ providentia Papæ quinti, anno ipsius quinto.

Sed cum illud sit præscriptum historicis, ut ne quid falsi scribant, ne quid veri non audeant, fatendum est in illis dissidiis Canonicos nihilo fere levius, quam cives Græcenses peccasse; & ab illis initium omnium injuriarum ac malorum ortum fuisse, si tamen fides habenda est tabulis ejusdem civitatis Græcensis; ex quibus Georgius Marcellovichius hæc descripsit: 1422. Civitas notatum habet, quod Canonici cives in festo Annunciationis verberaverint; item ser. 5. ante Dominicam Rogationis potiores Canonici cum suis irruentes in terras civitatis, aratra secuerint, postmodum vero Ladislaus de Davorth C. Zagrab. in turri in civitate machinas & pyxides sonoras emisit in civitatem, & nisi vigiles custodissent, civitatem combussissent; ac idem diebus proximis unum spoliavit, in cives sagittas emisit, & accendisset civitatem, nisi vigilassent. Diebus proximis Gerardus lector Can. Zagrab. Civissam unam in via verberavit, & vitam a capite abstraxit. In festo S. Margaritæ Capitulares homines, tempore fori annualis, a meridie usque crepusculum noctis, ad sonum campanæ, cum hominibus etiam Joannis Episcopi Zagr. more exercituantium incæperunt expugnare civitatem, & sequenti tota die; ubi in territorio civitatis prope fontem Mandussevecz, & Ecclesiam S. Martini, ad domum balnei, ac juxta turrim, prope novam portam, aliquos cives occiderunt, & vulnerarunt; Gerardus lector manu sua occidit unum, unum vulneravit; Nicolaus etiam de Cilia unum manu sua sagitta occidit, & multos vulneravit. Quam pugnam ideo fecisse Capitulum scribunt, quia eis civitas litteras regis exhibuit, ut terras civitatis occupatas remittant, quas litteras nec observarunt, nec ad eas quid boni responderunt. Hæc e tabulis Græcensibus, quibus nec fidem

Quæ Canonici contra cives Græcenses perpetrasse dicuntur.



Cives Græ-  
cenſes cum  
Canonicis  
in concor-  
diam redu-  
di, & ana-  
thematum  
vinculis  
caſoluti,

fidem addere, neque omnino derogare aſſim. *An & quando Græcenſes ab illis cenſuris abſoluti fuerint, neminem ſciſſiſſe ait Balthaſſar Kereſelichius. Veriſimile eſt ipſum Joannem Epiſcopum auctorem fuiſſe pacis inter Canonicos & cives montis Græcenſis conciliandæ, cum ei Sigismundus ob pecuniam ſibi mutuam regiam illam civitatem pignori dedit: multum ſiquidem ad regimen pacatum tranquillumque ejuſdem civitatis intererat Canonicos & cives inter ſe concordare eſſe; hos vero ut placaret, & cum illis & ſecum in concordiam reduceret, injurias omnes condonavit, & pœnis omnibus ac cenſuris exemptos communioni eccleſiaſtica reſtituit.*

At dum pacis auctor Joannes aliorum diffidia componit, ipſe non levi contentione exagritatus fuit, Paullini Fratres, qui ſacram ædem, domumque Deiparæ Virginis tenebant in Garichio monte extructas, tum a Bonifacio IX. anno 1404. tum a Martino V. anno 1418. Pontificia diplomata ſane gravibus, & luculentiffimis deſcripta verbis obtinuerant, quibus decimarum jura, quotquot ex agro Garichiano illis perſolvi poſſent, iſdem omnino debita eſſe ſancitum eſt, vetitumque, ne quis Zagrabienſis Antiſtes ſibi quidquam ex ipſorum decimis attribui unquam auderent. Itaque quæ fortassis inter Epiſcopum, & Garichianos Fratres exorta lis antea fuerat, denuo cœpit emergere; conqueſtique graviter Fratres, ipſos neſcio quid vis & injuriarum ab Joanne fuiſſe perpeſſos, rem Pontifici deſerunt, & Epiſcopum in judicium compellunt. Verum Pontifex Martinus, idem hoc nomine quintus, ab ſententia prudenter abſtinuit, & hiſce litteris, quas ex annalibus Paullinis deſcripſimus, litem dirimendam commiſit Abbati S. Hadriani de Sala in Veſprimienſi diœceſi.

Diploma  
Martini V.  
P. ſecunda  
Eremitas  
Paullinos.

*Martinus Epiſcopus ſervus ſervorum Dei dilecto fili. Ab. mon. S. Hadriani de Sala in Veſprimien. diœc. ſal. & Ap. benediſt. Conqueſti ſunt nobis Prior, & conventus Monafterii B. M. V. de Garych Ord. S. Pauli primi Erem. ſub reg. S. Auguſt. digentes per Priorem ſolui gubernari Zagrab. diœc. Quod Ven. Fr. noſter Joannes Ep. Zagrab. ſuper quibusdam decimis, & rebus aliis ad dictum monaſt. ſpectantibus injuriatur eiſdem.*

*Ideoque diſcretionis tuæ per Apoſtolica ſcripta mandamus, quatenus partibus convocatis audias cauſam, & appellatione remota debito fine decidis: faciens quod decreveris ab Epiſcopo auctoritate noſtra, ab aliis vero prædictis per cenſuram Eccleſiaſticam firmiter obſervari.*

*Teſtes autem, qui fuerint nominati, ſi ſe gratia, odio, vel timore ſubtraxerint, cenſura ſimili appellatione ceſſante compellas veritati teſtimonium perhibere. Dat. Tyburne xvii. Kal. Sept. Pontific. noſtri an. v. anno ſcilicet 1422. Inde quid ſecutum fuerit, memoriæ proditum non comperio.*

Conventus  
Dombrenſis,  
& Joannis  
Epiſc. acta  
in ea, & ſan-  
ctioes.

Anno 1423. Joannes conductores prædiorum epiſcopalium Dombraam convocavit, ut ex illis cognosceret quos quiſque agros ſibi locatos haberet, quam diligentem culturam illis adhiberent, & initis ſubductiſque rationibus quantum ex illis perciperent, quantum menſæ epiſcopali ſolvere deberent. In eo conventu nobiles quosdam viros, qui antiqua nobilitate, & privilegiis neſcio quibus freti, decimarum ſolutionem perſeveranter abnuebant, contra quam Sigismundus regio edicto ſanciverat, illuſtribus

titulis atque inſignibus privatos in ordinem redegit, coegitque interpoſita regia & Banali auctoritate, tum decimas in poſterum perſolvere, tum pro neglecta ſuperiorum annorum ſolutione ſatisfacere. Plura etiam præclare conſtituit, quæ ad rectam epiſcopalium agrorum culturam, atque ad ea pertinebant, quæ ab illis, quibus locati fuerant, præſtari deberent, hos ſibi in ſuis edictis titulos adſcribens: *Joannes Dei, & Apoſtolice Sedis gratia Epiſcopus Alme Eccleſiæ Zagrabienſis, nec non regiæ, ac reginalis Majeſtatum ſummus Cancellarius.* Per hos annos de decimis, de fundis menſæ Capitularis, deque illorum finibus multæ & graviffimæ lites cum civitate Græcenſi, cum monachis, cum variis Slavoniæ Dynaſtis fuerunt Capitulo Zagrabienſi; in quas ſumptus unde faceret, vix habebat & communibus & privatis redditibus, quos in patronos, advocatos, actuarios, procuratores, actaque forenſia & judicialia inlumi oportuiſſet; & niſi ſedulitas, vigilantia, auctoritas Joannis Epiſcopi, licet plerumque abſentis, illi præſto fuiſſet ad jus ſuum obtinendum, prope erat ut bonis fere omnibus ſpoliaretur: Joannes ſiquidem tum Sigismundo, apud quem plurimum poterat, tum Martino V. cauſam & internuncios Capituli, auxilii petendi cauſa miſſos, commendavit. Extat diploma Sigismundi, quo Caroli & Ludovici regum privilegia conceſſa Canonicis Zagrabienſibus confirmavit, quibus potiſſimum bonorum, & decimarum fere omnium Capitularium adeptio, & poſſeſſio legitima nitebatur.

*Sigismundus &c. Omnibus Chriſti fidelibus, Sigismundus præſentibus pariter & futuris, præſentium notitiam habituris ſalutem in omnium Salvatore. Regni caeleſtis ad inſtar Sacroſancta Dei Eccleſia, per quam regnant mundi reges, divinitus inſtituta, ob indeficientem ſpem æterni brevii obtinendi, fovenda eſt totis viſceribus charitatis. Proinde ad univerſorum &c. (hic interſeruntur diplomata Caroli & Ludovici) Nos igitur humillimis, & devotis ſupplicationibus annotatorum Dominorum Joannis Cantoris, & Ladislai Archidiaconi, ſuis & Capituli Eccleſiæ Zagrabienſis nominibus, & in perſonis, per eoſdem noſtræ oblatiſ Majeſtati, regia benignitate exauditis &c. Quoad omnes earum continentias, clauſulas, articulos acceptamus, approbamus, & ratificamus; eas nihilominus ob ſpem & devotionem, quam ad glorioſiſſimum Chriſti confeſſorem ſanctiſſimum regem Stephanum, Apoſtolum Hungaricæ gentis, ejuſdemque divini religionis Doctorem, noſtrum videlicet prædeceſſorem inclitum, in cujus nomine ipſa Zagrabienſis Eccleſia fundata extitit, continue geſſimus, & gerimus, ipſuſque precibus nedum in terris, verum etiam in ſupernis caloribus habitaculis indubie ſperamus conſorveri, ſimul cum præmiſſa reambulatione, ac metarum erectione, & renovatione terrarum, & poſſeſſionum dicti Capituli Eccleſiæ Zagrab. ſuperius in tenore ipſarum litterarum nominatim conſcriptarum, confirmationeque earundem, nec non clauſula in inferiori margine dictarum litterarum privilegialium conſcripta, aliſque omnibus & ſingulis ſuperius in tenoribus earundem limpidius contentis & expreſſis, mera auctoritate regia, & poteſtatis plenitudine, ac certa ſcientia noſtræ Majeſtatis, de conſenſu & beneplacita voluntate ſereniſſima principis Dom. Barbaræ regiæ conthoralis noſtræ chariſſimæ, prætorumque, & baronum noſtro-  
rum*

rum consilio, pramatur ac uniformi decreto eorundem, pro prefato Capitulo Ecclesie Zagrab. innovantes, perpetuo valituras confirmamus, presentis scripti patrocinio mediante; salvis iuribus alienis. In cuius rei memoriam, firmitatemque perpetuam, presentes concessimus litteras nostras privilegiales, pendentes & autentici sigilli nostri, novi duplicis, quo videlicet ut rex Hungaria utimur, munimine roboratas. Datum per manus Reverendi in Christo Patris Domini Joannis Episcopi Zagrabien. aula nostre maiestatis summi Cancellarii, fidelis nostri dilecti. Anno Domini 1427. III. Idus Novemb. regnorum autem nostrorum, Hungaria anno 41. Romanorum 18. Bohemia 8. Venerabilibus in Christo Patribus Dominis Georgio Strigonien. Doimo Spalatensi, Andrea Ragusiensi, & Joanne Colocensi Archiepiscopis; Jadrensi sede vacante; eodem Domino Joanne Zagrab. Dionysio Varadien. Petro Agrien. Henrico Quinqueeclesiensi Joanne Vespriemien. Clemente Jaurien. Ladislao de Marchali Chanadien. Nicolao Vacien. Hincone Nitrien. Petro Corbavien. Jacobo Sirmien. Joanne Tinninien. & Thoma Senien. Ecclesiarum Episcopis Ecclesias Dei feliciter gubernantibus, Transil. Bosnen. Traguriem. Scardonem. Sibenicen. Nonen. Machavien. & Pharen. sedibus vacantibus, nec non magnificis viris Nicolao de Gara, regni nostri Hungaria prædicti Palatino, Ladislao de Chak Vajvoda nostro Transyl. &c. aliisque quem plurimis regni nostri Comitatus tenentibus & honores.

Præterea idem Sigismundus vetuerat cives Græcenles obstat, quominus Canonici turrim Capitularem in civitate regia extructam reficerent ac munirent, quam illis Bela IV. rex Hungarie ad thesauros Ecclesie condendos, tuendosque attribuerat. Extant itidem litteræ Martini Papæ V. ad Emericum Abbatem S. Mariæ prope Lontstras, quem auctoritate Apostolica munitum jubet iudicium reddere Episcopo & Capitulo Zagrabien. de quibusdam decimis & rebus ecclesiasticis, quas Dynastæ quidam, & alii laici homines interceperant, æque in Episcopum & Canonicos injuriosi.

Martinus V. Abbat S. Mariæ de Lontstras causæ de decimis Capitularibus cognitionem delegavit. Martinus Episcopus servus servorum Dei. Dilecto filio Abbati monasterii B. Mariæ de Lontstras, Aquilejensis diocesis, salutem & Apostolicam benedictionem. Conquestus est nobis Vener. Frater noster Joannes Episcopus Zagrabien. quod Nicolaus Ordung, Sigismundus de Achyna, Stephanus Roh, Ladislaus Roh, & quidam alii laici diocesis Zagrabien. super quibusdam decimis, & rebus aliis ad mensam episcopalem Zagrabiensem spectantibus, injuriantur eidem, & Ecclesie sue, & Capitulo; ideoque discretionem tue per Apostolica scripta mandamus, quatenus vocatis, qui fuerint evocandi; & auditis hinc inde propositis, quod justum fuerit, appellatione remota, decernas; faciens quod decreveris, ab Episcopo auctoritate nostra, ab aliis vero prædictis per censuram ecclesiasticam firmiter observare. Testes autem, qui fuerint nominati, si se gratia, odio, vel timore subtraxerint, censura simili, appellatione cessante, compellas veritati testimonium perhibere. Datum Roma apud SS. Apostolos II. Nonas Aprilis, Pontif. nostri anno XII.

Quinque oratores ex Capitulo Romam missi de & bonorum ecclesiasticorum usurpatione con-

questi fuerunt; nam eodem anno 1427. ob eamdem causam quinque oratores ab Capitulo supplices ad Sedem Apostolicam adiisse reperio, Joannem cantorem, Ladislaum Camarcen. Archid. Franciscum Succentorem, Georgium de Maroues, & Fabianum de Strecza Canonicos Zagrabien. Diem injustis raptoribus dictum, ætus judiciales ab Emerico inchoatos invenio, absolutos non invenio. Aliquid etiam controversie Capitulo fuit cum Eremitis Paullinis Remeten. sibus de finibus quarundam terrarum, quas olim Canonici iisdem donaverant; quæ tamen brevi & amice composita fuit. Joannes vero Episcopus eisdem Eremitas in suam clientelam recepit, iisque terram, cui nomen de Benfoldo in perpetuum possidendam tradidit. In tabulis donationis hos sibi titulos præposuit: Joannes Dei & Apostolica Sedis gratia Episcopus Ecclesie Zagrabien. ac S. R. Imperii, & regni Hungaria supremus Cancellarius, & castri Medve perpetuus Dominus. Iisdem fere titulis eum ornabat Sigismundus Imperator, cum eum in regiis edictis nominari jubebat, ut est apud Kovascevicium: Joannes Episcopus Zagrabien. Sac. Rom. Imperii, & Sigismundi regis & Imperatoris eximius Cancellarius, tutorque Abbatis monasterii B. M. V. de Toplicza. Quidquid terrarum, agrorum, & immunitatis Eberhardus præbendariis Chasmen. sibus attribuerat, id omne Joannes confirmavit suis litteris datis Chasmen. feria proxima ante festum Purificationis anno 1428. Jura & loca Ecclesie sue acerrime defendit; nec vero quidquam de sua diocesi diminui passus est. Cum paræcie Archidiaconatus Muracensis cis Dravum, quas B. Augustinus cum Archidiaconatu Bexinensi conjunxerat, ut supra dictum est, se jurisdictioni Ecclesie Zagrabien. eximere studerent, eas vel invitas in sua potestate retinuit. Possegam urbem, ejusque Ecclesiam & Capitulum, cum se nullius diocesis esse contenderet, ad potestatem & obsequium Episcoporum Zagrabien. revocavit, sibi que subesse & parere coegit. Quod Sigismundus rex Hungarie ante aliquot annos decreverat de quibusdam Ecclesiis trans fluvium Muram, quæ ad defectionem a Zagrabien. ad Vespriemensem Episcopum spectabant, easque ad diocesim Zagrabien. pertinere decreverat; id Joannes gravissima auctoritate ac decreto Concilii Basileensis confirmandum curavit. Ceterum ille ab Ecclesia & diocesi plerumque aberat, propterea quod munus supremi cancellarii, tum imperii, tum regni Hungarici, nec diu, nec longe ab latere Sigismundi eum discedere patiebatur; & præterea de gravissimis rei publicæ & Christianæ negotiis alio atque alio ab Sigismundo sæpius mitti & legari solebat. Sed vel absens per litteras, & per suos vicarios & ministros, plurimum Ecclesie sue profuit, ejusque incommodis consulebat, utilitatique diligentissime inserviebat. Divitiis affluebat, & amplissimam pecuniam, ex domestico præsertim opulentissimo patrimonio consecravit. Ei siquidem tum ex avita hereditate, tum ex bonis adventitiis sue familie plurima latifundia, & castella, & præsertim castrum Medve obtigerat, cujus se Dominum appellabat; e quibus fructus uberrimos percipiebat. His vero ille adjunxit duas civitates Coprocensem, & Græcensem, duo itidem castella Kajak & Kemlek, ære suo acquisita, sibi que ab Sigismundo vendita, seu potius oppignerata. Cum enim Sigil-

Tituli honorifici Joannis Ep. Zagrabien.

Absens Ecclesie sue commodis utilitati que inserviebat.

Sigismundus tum ad Turcicum, tum ad Bohemicum contra Hussitas hæreticos bellum pecunia indigeret, eam ab Joanne Episcopo mutuam sumpsit; eique pluribus aureorum millibus vendidit, seu pignori dedit civitatem regiam montis Gracensis, urbem Coprocensem, cum castro Kavar, sive Kavar, & villam quamdam prope Dravum, jusque exigendi portorii, quod ponti Draviano impositum erat; denique Castrum magnum Kemlek situm in comitatu Crisienti, in quo reges Hungariz Cellarium regale constituerant. Hoc igitur castrum Sigismundus, in summa difficultate nummaria cum esset, decem & quatuor millibus aureorum Joanni Episcopo vendidit, & jure pleno ac perpetuo possidendum tradidit, sic prius, ut integrum illi esset cuicumque vellet, sive Ecclesie, sive Capitulo, sive consanguineis suis aut vendere, aut donare, aut nomine legati relinquere: hanc tamen conditionem interpositam voluit, ut castrum illud, si opus esset ad custodiam & præsidium Cellarii regii, liceret sibi, non item suis in regno successoribus, reddito, quod acceperat, pretio redimere. Hæc Kovalevichius.

Sigismundus intra finem anni 1431. in Italiam profectus, primum Mediolani coronam ferream, & biennio post Romæ aureum diadema cum ceteris augustalibus insignibus suscepit. Res Hungaricas, ne quid detrimenti propter suam absentiam caperent, Joanni Episcopo Zagrabienfi commendavit. Dum ille aberat, atque in Italia versabatur, Turcæ, & Hussitæ, cum magno utrique exercitu, Hungariam invadere parabant. Ad primariam totius regni arcem tuendam convenerunt Budam cum copiis armatis Joannes Episcopus, & plerique Præfules & proceres Hungariz. Dum expectatione hostium, metuque solliciti, quæ opus erant ad sustinendam obsidionem, & repellendam oppugnationem, omni studio curaque adornarent; legati ab Uladislavo rege Poloniz venerunt, qui post consueta mutue salutationis officia ultro citroque reddita, nomine regis ac totius regni, tum Prutenorum a fœdere cum Polonis inito defectionem nuntiaverunt, tum vero polliciti sunt numquam fore, quamvis jam Polonis deliberatum esset Teutonibus bellum inferre, ut veterum amicitiam disjungerent, quæ inter Hungaros & Polonos inde ulque ab Sancto Stephano rege mutuis officiis, & conjugiiis culta, semper viguerat. Huic legationi ab Episcopis & Dynastis nihil responsi redditum fuit. De hac autem legatione Joannes Episcopus Sigismundum admonendum censuit.

Serenissimo principi Domino Domino Sigismundo &c. Serenissime Princeps, & domine excellentissime, post humilem mei recommendationem, orationumque suffragia devotorum. Scire dignetur eadem serenitas, quod prælati & barones regni vestri Hungaria in fœdo S. Laurentii proxime præteriti, pro parte majori ad civitatem vestram Budensem pro defensione prædicti regni vestri contra insultus Turcorum & perfidorum Hussitarum in unum convenerunt: inter quos ego etiam personaliter fui, quibus quidem dominis prælati & baronibus, ut præmittitur, invicem existentibus in præsentia eorumdem, accessit ambassata regis Poloniz, primo ex parte ipsius regis, demum ex parte regina conthoralis sue, & tandem majorum, & ex post minorum filiorum suorum, prælati & baronibus vestris retu-

lit salutes. Tandem autem in persona ejusdem Domini regis querulose protulit, quomodo illi mali homines Pruteni ligas & confederationes cum eodem rege contractas non tenerent, & sibi & regno suo multa damna fecissent, & ipsi etiam contra ipsum cum duce Swidrigal essent confederati. Hoc etiam retulit, quod ipse etiam Dominus rex & filii sui ac barones ejus uniti essent cum Bohemis, vellentque cum ipsis contra omnes Teutonicos seu Germanos tenere, sed non contra Hungaros, quoniam a tempore Sancti regis Stephani, & tandem a tempore Sancti regis Ladislai, qui ex parte matris fuisset de regno Poloniz, usque ad tempora Ludovici regis, & durante eo semper fuerunt unum, & Domini Hungari ducebant matrimonialiter sorores dominorum regni Poloniz. Et cum ego, & hoc idem prælati & barones regni ejusdem intimassent dominis prælati & baronibus regni V. S. domini tamen prælati & barones vestri super illis nullum dederunt responsum. Et hæc serenissime princeps vestre majestati pro avisatione volui intimare. Scripta Kaprincze feria 11. proxima post festum Bartholomæi Apostoli MCCCCXXXII.

Ejusdem V. S. Capellanus humillimus Jo. Episcopus Zagrabienfis cancellarius.

Cum Sigismundus monasterium virginibus S. Clare fundandi in diocesi Zagrabienfi, dotandique consilium cepisset; Eugenius IV. per litteras imperavit Joanni Episcopo, ut præclari hujus consilii perficiendi potestatem auctoritate Apostolica Imperatori largiatur; ipsi vero Episcopo, tum eas recipiendi, quæ in illud sanctissimum institutum nomina dare vellent, tum eidem Antistitam præficiendi facultatem impertit.

Venerabili fratri Episcopo Zagrabienfi.

Inter cuncta divina placita pietati, fundare monasteria, in quibus prudentes virgines, cupientes accensis lampadibus obviam ire sponso, sedulum & devotum exhibeant Altissimo famulatum, gratissimum reputatur. Hoc nempe carissimus in Christo filius noster, Sigismundus Romanorum Imperator semper Augustus, sicut nobis nuper per suas litteras intimavit, pia devotaque mente considerans, ac cupiens terrena &c. commutare, quoddam monasterium in oppido Tretsen. Zagrabien. diocesis, infra metas regni Hungaria, cujus etiam rex existit, erigere & edificare, illudque pro Abbatisa, & certo numero monialium, sive sororum, quæ sub perpetua clausura & observantia ordinis S. Clare vivere teneantur &c. sufficienter dotare proponit.

Nos igitur &c. Fraternitati tue per apostolica scripta mandamus, quatenus Imperatori prædicto monasterium hujusmodi cum Ecclesia, campanili &c. necessariis officinis, ad instar aliorum dicti ordinis monasteriorum, postquam illud pro Abbatisa, & congruo numero monialium de bonis præmissis, ex quibus Abbatisa, & moniales, sive sorores hujusmodi congrue sustentari, episcopalia jura solvere, & alia incumbens onera supportare valeant, sufficienter dotaverit, nec non calices, cruces, libros, missalia, ornamenta ecclesiastica, & alia ad divinum cultum necessaria, juxta ritum, & consuetudinem dicti ordinis concesserit &c. edificandi, & erigendi licentiam auctoritate apostolica largiaris; nec non mulieres prædictum monasterium intrare, & in illo sub hujusmodi clausura, & obedientia dicti ordinis Altissimo servire volentes, si alias sint idoneæ, & aliquod canonicum non obstat, in

Joanni Ep.  
Sigismundo  
abiente re-  
gnum Hun-  
gariz com-  
mendatum.

Legatio Po-  
lonorum ad  
Hungaros,  
de qua Jo-  
annes Si-  
gismundum  
docet.

Ejus Epi-  
scopi.

Eugenius IV.  
P. Epistola  
ad Joannem  
de Virgini-  
bus S. Cla-  
re.

in eodem monasterio, postquam illud erectum, & dotatum fuerit, ut praesertur, hac prima vice auctoritate nostra recipias, eisque regularem habitum juxta ipsius ordinis consuetudinem exhibeas, nec non professionem per ejusdem ordinis moniales, sive sorores emitti solitam, si illam in tuis manibus sponte & libere emittere voluerint, ab eis recipias, & admittas, & singula alia, quae ad id utilia, & necessaria, ac secundum Deum expedire videris, facias, statuas, ordines, ac disponas; nec non unam ex eis, sive aliam ejusdem ordinis monialem, ordinem ipsum expresse professam, ad ipsius monasterii regimen utilem & idoneam, quae alias moniales in disciplina & observantia praedicti ordinis instruat, & informet, eidem monasterio in Abbatissam praeficias, curam, regimen, & administrationem illius sibi in spiritualibus, & temporalibus plenarie committendo, ac faciendo sibi a suis subditis obedientiam, & reverentiam debitas exhiberi; contraditores per censuram &c. Et nihilominus Abbatissae, si quam dicto monasterio praefeceris, ut munus benedictionis ab aliquo Catholico Antistite gratiam & communionem Sedis Apostolica habente, recipere valeat; ac eidem Antistiti, ut illud impendere sibi possit, praedicta auctoritate concedas; ac praedictum monasterium per Abbatissam, ut caput, ac moniales dicti ordinis, quae eidem Abbatissae subesse, & parere, juxta praedicti ordinis instituta regularia, ac sub clausura & observantia praemissis vivere teneantur &c. gubernandum statuas &c. Nos enim, si monasterium praedictum erigi, & dotari, ac moniales in eo recipi, & Abbatissam illi per te praefici ac statui contigerit, ut praesertur; Abbatissae & monialibus praedictis, quae in dicto monasterio &c. ut omnibus & singulis privilegiis &c. gaudere valeant &c. concedimus per praesentes.

Datum Romae apud S. Petrum anno &c. MCCCCXXXIII. XII. Kalendas Februarii, anno III.

Cum rerum publicarum procuratio Joannem ab sua Ecclesia identidem avocaret; & saepe diutius abesse cogeretur, tres Episcopos, alium ex alio, vicarios munerum episcopaliū habuit, quos Raphael Levacovichius suffraganeos appellat, Constantinum Rosonensem, Michaellem Oroscientem, Andreā itidem Rosonensem. Anno 1433. cum ad Henricum Episcopum Quinqueeclesiensem fratrem suum se contulisset, letali morbo correptus ibidem decessit. Corpus suum Zagrabiam transferri, & in basilica cathedrali ante aram maximam sepeliri iussit. Testamentum fecit, ex quo haud magis ejus opulencia, quam pietas & religio dignosci potest. Curatores testamenti esse voluit Henricum fratrem Episcopum Quinqueeclesiensem, Joannem cantorem Vicarium suum, Eberhardum lectorem, & Canonicum Zagrabiensem, & Henricum de Plomberg Capiraneum de Kemlek. Ex ejus tabulis supremis, quarum initium est: Ego Joannes Episcopus Zagrabia, S. R. Imperii, & totius regni Hungaria summus Cancellarius credo &c. Sepeliri volo Zagrabia in cathedrali ante summum altare in choro &c. Thomas Kovalceovichius haec pia legata descripsit: Quidquid de argento in quacumque forma & figura habuit, illius medietatem legabat ad usum Ecclesiae suae cathedralis, ex residua medietate partem unam fratri Rodolpho, & aliam Ecclesiae cathedrali S. Petri Quinqueeclesiensi. Addebat praeterea Ecclesiae suae omnes libros, calices,

casulas, cappas & ornamenta pontificalia, nec non tapetes, seu cortinas diversis picturis, & imaginibus contextas, & pro fabrica ejusdem Ecclesiae continuanda florenos auri mille quingentos. Pro sepultura, exequiis, missarum celebrationibus, & psalteriis usque ad diem trigesimum, singulis diebus perficiendis, disponebat florenos auri quingentos. Virginibus pauperibus, ut in sacro matrimonii foedere vitam competentem ducant honeste, florenos auri quingentos. Sacerdotibus pauperibus missas in Ecclesia cathedrali pro salute animae suae, parentum, fratrum, & sororum, celebraturis florenos auri quingentos; & pro anima Episcopi Eberhardi sui antecessoris & patrui florenos auri octingentos. Deinde monasterium S. Francisci Zagrabiae, S. Dominici Zagrabiae & Chasinae, nec non fratrum Eremitarum prope Zagrabiam, & juxta castrum Garich, cuique per se, florenos auri quinquaginta. Capitulo Zagrabienfi, ut oret pro se, floren. auri centum quinquaginta. Item pro fabrica monasteriorum de Toplica, & de Bela, nec non ecclesiarum cathedralis Vesprimiensis, & collegiatae S. Spiritus Chasinae, cuique per se, florenos auri centum; pauperibus diversorum hospitalium S. Antonii, & S. Elisabeth prope Zagrabiam, pauperibus leprosis in hospitali S. Petri in suburbio, & hospitali Chasmenfi, florenos auri quinquaginta; Ecclesiae S. Spiritus in Kosztonicza florenos auri quinquaginta; Praeposito antiquo de oppido Ivanich florenos auri centum; praebendariis Ecclesiae Zagrabienfis, & Chasmenfis omnes vestes, & equos tres cum curru pendente. Duas domos Buda habitas Episcopis successores; omnes annulos cum lapidibus pretiosis filiabus Comitissae Antonii Blagai e sorore sua procreatis. Sorori Catharinae Alben. flor. auri trecentos. Denique aulae familiaribus, qui salaria merebant, neglecta persolveri voluit, inter quos ultra eorum stipendia, pincernae Jeskoni floren. auri ducentos, & thesaurario Eiglino florenos auri centum quinquaginta addendos ordinavit. Inter eos vero, qui obsequia sua non ex mercede, sed ad gratis exhibuerunt, distribuendos disposuit florenos auri sexcentos &c.

Civitatem regiam montis Gracensis Sigismundo restituit, remissa eidem & condonata pecunia, quam pro illa redimenda Sigismundus reddere debuisset. Ex decem millibus aureorum, quae pro civitate Coprocensi, & castro Kuvár, tributo ad Dravum, & aliis locis sibi venditis, aut pignori datis solverat, tria millia eidem Sigismundo condonavit, reliquam vero summam partim Rodolpho fratri suo tradi, partim in aedificationem basilicae cathedralis impendi voluit: civitatem vero, & castrum, ac cetera Sigismundo reddi iussit. Haec idem Kovalceovichius ex eodem testamento. Verum Rodolphus frater Joannis, cum cetera testamenti capita salva & rata esse vellet, duobus tamen legatis intercessit; nam quidquid argenti facti infectique Joannes Ecclesiae legabat, & septem millia aureorum, quae Sigismundus pro civitate Coprocensi, & castro Kuvár redimendis retribuire debuisset, uni sibi vindicabat, nihil omnino ex his duobus legatis in ornatum, utilitatem, aedificationem basilicae cathedralis derivari volebat. Hinc aliqua mora Rodolphus injecta curatoribus testamenti, quo minus statim quae jussisset Joannes, exsequi possent; si-bus legatis intercessit, & Bani Chrobatiae interposuerat, quo vetabantur

Eius erga Sigismundum liberalitas.

Rodolphus frater Joannis duobus legatis intercessit.

Tres Episcopi adiutores & Vicarii Joannis abfuerunt.

Joannes Ep. obiit.

Eius pia legata.

tor de illo duplici legato quidquam statuere, vel attingere, antequam Rodolphus sua postulata in iudicium deduceret. Rem delatam fuisse ajunt ad Patres Basileenses, qui supremæ Joannis voluntati omnino pleneque obsequendum esse decreverunt; huic itaque standum fuit Rodolpho, præsertim cum Sigismundo jubente, cum Joanne Episcopo Tinninienſi, & Præposito Chasmenſi, aliisque prudentibus viris suadentibus. Multo rectius, & sapientius idem Rodolphus de pio quodam legato Eberhardi fratris sui, vel patris, judicavit, & statuit. Is quoddam prædium, cui nomen Bathinæ, ære suo acquisitum, & certam pecuniæ summam collegio Canonorum Zagrabienſium legaverat, hoc illis onere imposito, ut quotidianum sacrum in æde cathedrali in ara S. Crucis pro expiatione suorum delictorum faciendum curarent. Hujus legati exsequendi curam neglexerant Joannes & Rodolphus; quin immo prædium illud alienaverant, & pecuniam inde perceptam in suos usus averterant. Post mortem Joannis Episcopi Rodolphus, perurgente conscientia, ut suæ & fratris salutem consulere, villas quasdam vel sibi ab Eberhardo relictas, vel suo ære coemptas, Capitulo Zagrabienſi attribuit, unde annui fructus suppeterent Presbytero a Canonicis delecto ac designato, qui ex tabulis supremis Eberhardi ad aram S. Crucis, pro se, Eberhardo, & Joanne quotidie sacrificium faceret. Vetuit filios suos, nepotes, hæredes molestos esse Capitulo propter villas easdem; quas si repetere, & liti atque iudicio persequi vellent, antea quinque millia aureorum apud Canonicos deponerent, ne quotidianum illud sacrificium unquam intermitteri, vel omitti posset. Hæc acta sunt Chasmenſi, & signo Capitulari obſignata: Nos Capitulum Chasmenſe &c. Post villas illas nominatas, quas Rodolphus Capitulo assignavit, ut iis pium legatum Eberhardi alio averſum compensaret, hæc subſcibunt: Hoc etiam expreſſo, & ſpecialiter declarato, quod quia præſatus quondam D. Joannes Episcopus, ipse etiam frater ipsius Rodolphus, quamdam possessionem Bathina vocatam, per ipsum quondam Dominum Episcopum Eberhardum eidem altari S. Crucis pro continuatione dictarum Miſſarum datam & deputatam, pretio vendidissent, & ab eodem altari, ac ejus rectore alienassent, certas etiam pecunias ad magnam summam se extendentes, similiter per ipsum quondam Dom. Eberhardum pro continuatione dictarum Miſſarum de certis possessionibus sibi oppigneratarum proventibus dari debendas, præſatus quondam Dom. Joannes Episcopus, ipse etiam Rodolphus ad nutum suum disposuissent, quorum scilicet Dominorum Episcoporum res & bona, ac possessiones per ipsos acquisite ad eundem Rodolphum post eorum obitum condescenderunt; ideo idem Rodolphus cupiens in hac parte salutem propriam consulere, & ipsius fratris sui quondam Dom. Joannis Episcopi animam a penis alleviare, voluit, & sponte coram nobis assumpsit. Quod si in processu temporum ipse vel filius suus Leonardus, aut eorum posterit niterentur donationem dictarum possessionum & tributum per ipsum, ut præmittitur, factam, & etiam in supplementum prædictarum pecuniarum dispositam infringere, & eidem resistendo contraire; hoc attentare minime valeant, neque præſtitutos Dominos Canonicos de Capitulo prædicto, aut eorum alterum, seu quempiam

Idem quod-  
dam Eber-  
hardi le-  
gatum &  
mandatum  
ab se, & Jo-  
anne fratre  
neglectum  
exsequi vo-  
luit.

ex ipſis, vel observatorem Miſſarum prædictarum, per eosdem Dom. Canonicos statuendum, in causam ac litem attrahere possint, nisi prius depositis sex millibus florenis auri, præſtatistis Dom. Canonicis, & annotato altari pro continuatione ipsarum Miſſarum antedictarum, & absque ulla prorogatione ac difficultate aliquali per talem, aut tales integraliter persolutis. Ad quæ omnia præmissa, & præmissorum singula firmiter observanda, & bona fide, ac sine fraude, & dolo effectui mancipanda, prænomînatus Rodolphus suo, & dicti filii sui, ac successorum suorum nominibus se obligavit coram nobis, sua spontanea voluntate. In quorum fidem ac testimonium præſentes litteras nostras concessimus, nostri sigilli munimine roboratas. Datum Chasmenſi in feſto S. Jacobi Apostoli. Anno Domini millesimo quadringentesimo, vicesimo quarto.

In tabulis testamentariis Joannis nulla fit mentio castri Kemlek, quod Joannes ab Sigismundo sibi suisque hæredibus emerat jure perpetuo possidendum, nisi si qua necessitas Sigismundum cogeret illud redimere, repensis quatuordecim millibus aureorum, quæ Joannes pro emptione numeraverat. Hoc siquidem castrum paucis mensibus, antequam testamentum conderet, bifariam divisum partim Episcopo, partim Capitulo donaverat, onere imposito perpetui & quotidiani sacrificii, quod pro se, Eberhardo, & consanguineis suis fieri jussit. In ejusdem castri possessionem post mortem Joannis ex mandato Hermanni Comitæ Cilix, & Bani Chrobatix, tum Vicarius Capitularis nomine futuri Episcopi, tum Canonici ex juris formula missi sunt, non impugnante, nec invito Rodolpho; qui cum prævideret fore, quod reapse accideret, ut neque Episcopi, neque Canonici possessionem illius retinere possent, si reges vel magistratus illud pro potestate repeterent; villas & possessiones pro compensatione legati Eberhardini jam traditas aliis villis & fundis augendas censuit, ne umquam pia voluntas Joannis imperatis sacrificiis fraudaretur.

Joannes  
castrum  
Kemlek de  
Sigismun-  
do empta  
partim E-  
piscopo  
partim Ca-  
pitulo do-  
navit.

#### Interregnum Episcopale.

Sunt qui hoc Interregnum ab Joanne IV. usque ad Olvaldum Episcopum perducant, & annos fere quadraginta tenuisse affirmant, quamvis inter utrumque anni haud amplius tres & triginta interfluxerint; idque colligi posse existimant ex litteris ipsius Osvaldi ad cultores prædiorum episcopaliū territorii Ivanichienſis: post mortem condam Joannis Episcopi prædecessoris nostri felicitis recordationis, per diversas personas seculares bona ejusdem Ecclesiæ nostræ quadraginta fere annis detenta, partim in aliam consuetudinem incitata fuerunt, partim vero in toto perierunt. Idem confirmat Lucas proximus post Olvaldum Episcopus in suo decreto de restituenda Miſſa Os jussu in honorem B. Stephani regis maxime temporibus disturbiorum; cum præſata Ecclesia nostra per manus laicales pluribus annis potentialiter tenta & possessa fuit, dictam Miſſam didicimus certudinaliter abrogatam. Sed verba utriusque Episcopi non Interregnum Episcopale, sed administrationem bonorum ecclesiasticorum laicis hominibus per eos annos commissam respiciunt, quorum incuria, seu malitia, vel alio distracta fuerunt, vel perierunt. Nam Joannes Episcopus, quem regis & reipublicæ negotia identidem ab sua Ecclesia &

Interre-  
gnum Epi-  
scopale.

diæ-



diocesi avocabant, necesse habuerat vicariam illorum operam ad res temporales Ecclesie curandas administrandasque sibi adsciscere, cujus exemplo reliqui usque ad Osvaldum idem institutum tenuerunt. Hos autem bonorum ecclesiasticorum curatores vocabant *Gubernatores Episcopatus Zagrabienensis*; hi autem fuerunt *Matko*, sive *Matthias de Talloncz Comes Kaniensis*, *Judex Cumanorum*, postea etiam *Dalmatiae*, *Sclavoniae*, *Croatiae Banus*; *Fridericus & Ulricus Comites Ciliae*; quibus postremo loco addendus *Joannes Vitezius Episcopus Varadiensis*, & postea *Metropolita Strigoniensis*. Tantum vero abest ut Ecclesia Zagrabienensis per annos ipsos quadraginta legitimis Episcopis caruerit, ut tres saltem post Joannem ante Osvaldum Episcopos habuerit, de quibus nulla potest esse dubitatio. Haud vero negaverim ab Joannis obitu aliquot annos sedem Zagrabiensem vacasse; sed hoc interregnum breviori temporum spatio circumscriptum fuit, nec vero ultra decimum annum excessit. Per eos annos ut curatores temporalium, quos supra nominavi, sic administratores rerum spiritualium fuerunt *Joannes Episcopus Tinniniensis*, *Abel Episcopus Olmenis*, & *Joannes Episcopus Lydenis*. Hujus decennis interregni plures affert causas *Balthasar Kereselechi*; praeter ceteris duae mihi maxime probantur; altera illa est, quod *Sigismundus*, cum avaritum exhaustum esset, a Patribus Concilii Basileensis impetravit, ut liceret sibi ex annuis proventibus mensae Episcopalis pecuniam conficere, quae sumtus ad bellum Turcicum necessarios suppeditaret; altera vero, quod idem *Sigismundus* ex eisdem proventibus partem aliquam, permisso ejusdem Concilii, in restaurandam basilicam cathedralem Zagrabiensem, ejusque aedificationem absolvendam impendere decrevisset, quod morte praereptus efficere non potuit. Atque hic corrigendas obiter error *Gasparis Angelini Abbatis Disenbergenensis* in opere, quod *Purpuram D. Bernardi* inscripsit, qui *Mierum* quendam effingit *Sissiniensem Episcopum* in Hungaria an. 1438. & *Sissiniensem* nescio quam Ecclesiam cum *Siscien*si confundens hujus Episcopatum hoc etiam tempore autumat perstitisse, cum saeculo duodecimo *Siscien*sis Episcopatus nomen, & dignitas ad Zagrabiensem Ecclesiam translata fuerit, & *Siscien*sium Episcoporum jam tum memoria in ecclesiasticis tabulis exoleverit. In eo etiam fallitur *Angelinus*, quod *S. Quirinum Siscien*sem revera Antistitem inter *Laureacenses* Episcopos adnumerat: cumque affirmet, *Mieri* mentionem inesse monumentis coenobii *S. Salvatoris de Monte Amiato* in *Senensi* diocesi, alius fortasse illi Episcopatus in Italia quaerendus est. Nunc de rebus Ecclesiae Zagrabienensis legitimo & proprio Episcopo per annos decem destitutae.

MATKO sive MATTHIAS  
Gubernator,

JOANNES EPISCOPUS TINNINIENSIS  
Administrator I. Episcopatus Zagrabienensis.

Matko seu  
Matthias  
Gubernator  
Episcopatus  
Zagrab.  
Matko vir illustribus titulis ac muneribus supra commemoratis inclitus, sub Joanne IV. Episcopo procuratorem rerum temporalium Ecclesiae susceperat, quam usque ad annum hujus saeculi quadragesimum quartum retinuit.  
*Illyrici Sacri Tom. V.*

Extat mandatum *Sigismundi* datum *Basileae* anno 1432. & inscriptum *Matkoni Episcopatus Zagrabienensis*, & *civitatis Gracensis Gubernatori* de restituenda turri Capitulari in eadem civitate *Gracensi*, de qua supra diximus. Post mortem *Joannis IV.* *Matko* egregium se bonorum ecclesiasticorum vindicem praebuit. Cives *Gracenses*, quod multas terras Capitulo Zagrabienensi ademptas, & hortum parochi *S. Emerici* recentior ereptum, contra jus fasque retinerent, per scribam seu notarium Capituli ad suum tribunal citari iussit, ut de iniuste ablati, iniusteque retentis rationem redderent; cum praconis mandatum contumaciter abnuerent, in eos sententiam tulit, exprobrans illis vetera, & recentia flagitia, eorumque violentam & minime ferendam audaciam: Pro eo nos auctoritate imperialis majestatis, & regni Hungariae, nobis in hac parte attributa, nolentes distorum iudicis, juratorum, ac ceterorum civium distae civitatis montis *Gracensis* hujusmodi actus potentiaris simpliciter & impune pertransire, ne alii ab ipsis exemplati, ad similia facta potentiaris se apponere praesumant; sed potius ipsorum contritio aliis transeat in exemplum, eosdem iudicem ac juratos, & ceteros cives pro praemissis eorum actibus potentiaris, per ipsos modo, quo supra commissis, in centum marcis auri, in duabus partibus nobis, & in tertia parte parti adversae persolvendis convictos committimus atque aggravamus, auctoritate nostra judiciaria mediante. Dat. Zagrab. 2. die termini praenotati; idest tertia post festum *Visitationis B. M.* anno Domini 1434. Ab hac sententia *Gracenses* ad *Sigismundum* appellarunt, non sine gravi querimonia de Capitulo & *Matkone*, quod ausi fuissent contemnere, ac violare decretum *Sigismundi*, qui anno 1405. quibuscumque magistratibus, sive laicis, sive ecclesiasticis jus inquirendi, animadvertendique in cives *Gracenses* ademerat, sibi quoque reservarat. Commotum ex Italia redierat *Sigismundus*, & *Iglaviz* cum esset in urbe *Moraviae*, litteris ibidem datis tum *Canonicis*, tum civibus *Gracensibus* edixit, ut die *Dominico* proximo ante solemne *Deiparae Virginis* in caelum sublatum, ad regium tribunal procuratores mitterent, qui Capituli, quique civitatis jura tuerentur. Sed quid sententiae tulerit *Sigismundus*, utrisque causam adjudicaverit, litteris proditum non invenio.

Anno 1432. Capitulum Zagrabiense oratores duos misit ad Concilium Basileense, intra finem anni superioris inchoatum, videlicet *Joannem Archidiaconum Camarcensem*, & *Joannem Archidiaconum Urbocensem*, ut de praereptis decimis Archidiaconatus *Bexinensis*, nomen Comitum *Ciliae* ad Patres deferrent. Hi iustis oratorum querelis, & postulatis annuentes, secundum Capitulum judicarunt; iustique sunt Comites illi ab iniqua decimarum perceptione abstinere. Cum *Nicolaus praepositus Gloguniciae* ante septem annos decimas territorii *Planinae* Capitulo eripuisset, eas *Canonici* repetere, ac persequi lite atque iudicio decreverunt. Controversia delata est ad Synodum Basileensem, quae cum *Eugenio Papa* in concordiam & gratiam redierat. *Marcus de Franchis Praepositus Januensis* ex delegatione Concilii litem diremit, & decimas Capitulo Zagrabienensi adjudicavit; Concilium ratam habuit approbavitque hanc sententiam; & suis ad *Matkonem Gubernatorem Episcopatus Zagrabienensis* litteris anno 1434. ter-

Ejus secundum Capitulum contra cives Gracenses sententia.

Oratores Capituli misit ad Concilium Basileense cum variis querimoniis & expostulationibus.

R r

tio

rio Kalend. Decemb. eidem imperavit, ut quod Præpositus Januensis secundum Canonicos judicaverat, omnino exsequendum curaret. Apud eosdem Patres Basileenses anno proximo 1435. Canonici Zagrabie, suo & Ecclesie sue nomine per internuncios gravissime conquesti sunt de injuriis damnisque plurimis Ecclesie Zagrabienli illatis per quosdam illustres & præpotentes viros tum laicos, tum ecclesiasticos, qui castra, villas, prædia multa mensæ Episcopali, & Capitulari per vim vel fraudem adempta retinebant, & jurisdictionem utriusque violabant. Eorum querelas & postulationes Synodus excepit, & suis ad Episcopum Vespriemensem, itemque ad duos Abbates, alterum cœnobii Zagrabienfis S. Marie, alterum monasterii Viennensis Scotorum diocesis Pataviensis litteris datis anno 1435. vii. Id. Novembris, amplissimam potestatem eis tribuit tum compescendi iniquos & sacrilegos raptores, tum repetendi ab illis omnia, quæ contra jus fasque abstulerant, præsidio & auxilio, si opus esset, adscito magistratu secularium.

Epistola  
Concilii.

Sacro sancta generalis Synodus Basiliensis in Spiritu sancto congregata legitime universalem Ecclesiam representans Venerabili Episcopo Quinquagesimo & dilectis Ecclesie Beata Maria Virginis Zagrabien. ac Scotorum in Vienna Pataviensis diocesis, monasteriorum Abbatibus salutem & Omnipotentis Dei benedictionem. Ad hæc Spiritus paraclytus nos etiam coadunavit in unum ut opportuna per ipsius providentiam singulis Ecclesiis, ex injuncto nobis fidelis servitutis iugo, pro tempore dispensantes, earum maxime intendamus dispendiis, per quæ a noxiis nonnumquam relevantur incommodis, & quietiori ductu in Domino virtutum devotius gratulentur. Sane Venerabilis Episcopi Zagrabien. (forte addendum, Episcopatus Administratoris) & dilectorum Ecclesie filiorum præpositi, & Capituli Canonici, & personarum Ecclesie Zagrabien. conquestione percepimus, quod nonnulli Archiepiscopi, Episcopi, alique Ecclesiarum prelati, & clerici, ac Ecclesie persone tam religiose, quam seculares, nec non Duces, Marchiones, Comites, barones, nobiles, milites & laici; Communia civitatum, universitates oppidorum, castrorum, villarum, & aliorum locorum, & aliæ singulares persone civitatis, & diocesis Zagrabienfis, & aliarum partium diversarum occuparunt & occupare fecerunt castra, villas, & alia loca, terras, domos, possessiones; jura, & jurisdictiones; Nec non census, fructus, redditus, & proventus dictæ Ecclesie, & nonnulla alia bona mobilia, & immobilia, spiritualia, & temporalia ad præpositum, Capitulum, canonicas personas, & Ecclesiam prædictos spectantia, & ea detinent indebite occupata, seu ea detinentibus præstant auxilium, consilium, vel favorem; Nonnulli etiam civitatis, diocesis, & partium prædictarum, qui nomen Domini in vanum recipere non formidant, eidem Episcopo, præposito, Capitulo, Canonicis, & personis, super dictis castris, villis, & locis aliis, terris, domibus, & possessionibus, juribus, & jurisdictionibus, fructibus, censibus, redditibus, & proventibus earundem; Et quibuscunque aliis bonis mobilibus & immobilibus, spiritualibus, & temporalibus, ac aliis rebus ad eisdem Episcopum, præpositum, Capitulum, canonicas personas, & Ecclesiam spectantibus multiplices molestias, & injurias inferunt, & jacturas. Quare dicti Episco-

pus, præpositus, Capitulum, Canonici, & persone nobis humiliter supplicarunt, ut cum eisdem valde reddatur difficile pro singulis querelis ad Apostolicam Sedem habere recursum, providere ipsis super hoc pia diligentia curaremus. Nos igitur adversus occupatores, detentores, præsumptores, molestatores, & injuriatores hujusmodi, illo volentes eisdem Episcopo, præposito, Capitulo, Canonicis, & personis remedio subvenire, per quod ipsorum compescatur temeritas, & aliis aditus committendi similia præcludantur; Discretionem vestram per hæc scripta mandamus, quatenus vos, vel duo, aut unus vestrum per vos, vel alium, seu alios, etiam si sint extra loca in quibus deputati estis judices, & conservatores, præfatis Episcopo, præposito, Capitulo, Canonicis, & personis efficacis defensionis præsidio assistentes, non permittatis eosdem super iis, & quibuscunque aliis indebite molestari, nec eis gravamina seu damna, vel injurias irrogari, facturi, dictis Episcopo, præposito, Capitulo, Canonicis, & personis, cum ab eis vel procuratoribus suis, aut eorum aliquo fueritis requisiti, de prædictis, & aliis bonis quibuscunque super restitutione hujusmodi castrorum, villarum, terrarum & aliorum locorum, jurisdictionum, jurium, & bonorum, mobilium, & immobilium, reddituum quoque, & proventuum, & aliorum quorumcumque bonorum, nec non de quibuscunque molestiis, injuriis, atque damnis presentibus, & futuris in illis videlicet, quæ judicalem requirunt indaginem, summarie aut de plano, sine strepitu, & figura judicii; In aliis vero prout qualitas eorum exigerit justitiæ complementum, occupatores, seu detentores, præsumptores, molestatores, injuriatores hujusmodi, nec non contradictores quoscunque, & rebelles, cujuscunque dignitatis, status, gradus, ordinis, vel conditionis extiterint, quancumque, & quatienscunque expedierit, auctoritate nostra per censuram ecclesiasticam appellatione postposita compescendo; Invocato ad hoc si opus fuerit auxilio brachii secularis. Non obstantibus tam felicis recordationis Bonifacii Papa Octavi in quibus cavetur, ne aliquis extra suam civitatem, & diocesim, nisi in certis exceptis casibus, & in illis ultra unam dietam a fine sue diocesis ad iudicium evocetur; Seu ne judices, & conservatores a Sede Apostolica deputati, extra civitatem, & diocesim, in quibus deputati fuerint, contra quoscunque procedere, siue alibi, vel aliis vices suas committere; Aut aliquos ultra unam dietam a fine diocesis eorundem trahere præsumant, dummodo ultra duas dietas aliquis auctoritate presentium non trahatur; Seu quod de aliis, quam de manifestis injuriis, & violentiis, & aliis, quæ judicalem requirunt indaginem, pœnis in eos si secus egerint, & in id procurantes adjectis, conservatores nullatenus se intromittant, quam aliis quibuscunque constitutionibus a Romanis Pontificibus tam de iudicibus delegatis, & conservatoribus, quam personis ultra certum numerum ad iudicium non vocandis, aut aliis editis, qui vestra possent in hac parte jurisdictioni, aut potestati, ejusque libero exercitio quomodolibet obviare; Seu si aliquibus communiter, vel divisim a prædicta sit sede indultum, quod excommunicari, suspendi, vel interdici, seu extra, vel ultra certa loca ad iudicium evocari non possint per litteras Apostolicas, non facientes plenam, & expressam, ac de verbo ad verbum de iudicio hujusmodi & co-

rum personis, locis, & ordinibus propriis mentionem, ac qualibet alia dicta sedis indulgentia generali, vel speciali cujuscumque tenoris existat, per qua presentibus non expressa, vel totaliter non inserta vestra jurisdictionis explicatio in hac parte valeat quomodolibet impediri, & de cujusque toto tenore de verbo ad verbum habenda sit in nostris litteris mentio specialis. Certe volumus, & auctoritate universalis Ecclesiae decernimus, quod quilibet vestrum prosequi valeat articulum etiam per alium inchoatum, quamvis idem inchoans nullo fuerit impedimento Canonico praeeditus, quodque auctoritate presentium sit vobis, vel unicuique vestrum, in praemissis omnibus, & eorum singulis caeptis, & non caeptis, & futuris perpetua potestas, & jurisdictio, attributa, ut eo rigore, atque firmitate possitis in praemissis omnibus caeptis, & non caeptis, presentibus, & futuris, & pro praedictis procedere, ac si praedicta omnia & singula coram vobis caepa fuissent, & jurisdictio vestra, & cujuslibet vestrum in praedictis omnibus, ac singulis per citationem, vel modum alium perpetuata legitime extitisset. Constitutione praedicta super conservatoribus, & alia qualibet in contrarium edita non obstante, presentibus in perpetuum valituris. Datum Basileae VII. Idus Novemb. anno a Nativit. Dom. MCCCCXXXV.

Præterea de decimis Archidiaconatus Bexinensis interversis querimonia delata fuit ad Synodum Basileensem; & Guilelmus Archidiaconus Metensis, Emmanuel de Gualbis, Joannes Quintinus auditor, & commissarius Concilii, iudices huic causae cognoscendae praepositi, secundum Canonicos sententiam tulerunt. Sigismundus extremis imperii sui annis Ecclesiae & Capitulo Zagrabienfi eximie beneficium se praebuit. Pia legata Eberhardi, & Joannis Episcoporum, quibus Rodolphus frater Joannis quatuor villas sibi relictas, ex testamento Eberhardi adjecerat, amplissimo decreto confirmavit anno 1435. xi. Kalendas Decembris. Teuto Rottarius in Petrovinam villam Capituli temere ac violenter invaserat. Sigismundus Matkoni Gubernatori Episcopatus imperavit, ut iura & bona Ecclesiae Zagrabienfis facta testata conservaret, ac Teutonem compelleret, ut Capitulo & villam ereptam redderet, & pro injuria satisfaceret. Terras, & scœnilia territorii Kraghenfis jampridem Capitulo ademta restitui iussit. Demum paucis antequam decederet mensibus, Praeposito Ecclesiae Glogoczenfis severe mandavit, ut pro decimis septem annorum ex agris Planinae injuste perceptis, nummos Hungaricos argenteos centenos & sexagenos singulis annis Capitulo tamdiu solvat, quoad ea summa pecuniae restituta fuerit, quae decimis septem annorum respondeat. Anno 1437. vi. Id. Decembris apud Zonymam urbem Moraviae admodum pie obiit, de republica & imperio; deque universa Ecclesia, & praesertim Zagrabienfi optime meritis. Anno proximo in regnum Hungariae & Bohemiae successit Albertus ejus gener, dux Austriae, qui eodem anno Imperatoris nomen a septemviris delatum, & imperii insignia sumit. De Joanne Episcopo Tininienfi, & Praeposito Chalmenfi, quem Ecclesiae Zagrabienfis Administratorem fuisse, dum sedes vacabat, Kereselechi tradit, ejusque administrationis actis, nihil litteris proditum invenio.

ABEL ADMINISTRATOR II.  
Episcopatus Zagrabienfis.

Matko Gubernator Episcopatus Zagrabien.

Abel apud Balthasarem Kereselechium his titulis afficitur: Sacrae Sedis Apostolicae magister protonotarius Episcopus Olmenfis, & Episcopatus Zagrabienfis in spiritualibus Administrator II. Ecclesiae Zagrabienfis per Abelem administratæ fidem facit Paullus Ritterus ex litteris Communis Vugrensis: habent Vugrenses litteras certas, ait Ritterus, in primis Matkonis Bani de Talloucz Episcopatus Gubernatoris confirmatorias Joannis administrat. Zagrab. de dato Ivanich per Banum praedictum 1437. . . . Item Reverendissimi Abel Protonotarii Sedis Apostolicae, & Administratoris Ecclesiae Zagrabien. anno Christi 1439. super quibusdam metis, &c. etiam alias ab illo emanatas. Verum litteris quibusdam apud Fratres Eremitas Paullinos cœnobii Remetenfis, idem Abel interibitur Episcopus Zagrabienfis. Immunitatem villae Rhemetincz, quam Eberhardus & Joannes Episcopi Eremitis illis donaverant, parochi quidam in controversiam vocaverunt; dum inter eos de compositione agitur, Abel ejusdem villae donationem atque immunitatem suis litteris confirmavit. Dum hic pariter (Parochi & Eremitae Remetenfes) ad concordiam componuntur, Reverendiss. Abel Episcopus Zagrabienfis dat protectionales super libertatibus villae Rhemetincz, quemadmodum & Dominus Eberhardus & Joannes loci ejusdem Episcopi dari fecerunt. Quod Episcopi vice fungeretur, & partes ageret, iccirco per abusivam nominis Episcopum Zagrabiensem appellatum fuisse existimo. Albertus Imperator, idemque rex Hungariae, cum nondum expleto biennio regnandi vivendique finem fecerit, vix spatium habuit de Zagrabienfi Ecclesia bene merendi; anno siquidem undequadragesimo hujus saeculi intra finem mensis Octobris e vivis excessit. Suae tamen erga illam egregiae voluntatis documentum aliquod dedit, cum siquid juris rex haberet in quasdā villas, de quibus controversia erat Canonicis cum magistratibus, id omne Capitulo remisit, & condonavit Posonii anno 1439. vii. Kalendas Maji. Longe gravior Canonicis fuit cum parochis de decimis controversia anno 1440. quae ad Sedem Apostolicam delata cum fuisset, Eugenius IV. eam cognoscendam ac dirimendam dedit Abbati Cisterciensi cœnobii Mariani Zagrabienfis, qui eodem anno secundum Canonicos judicavit; & parochi, auctoritate vique interposita magistratuum saecularium, coacti sunt ab omni decimarum illarum exactione abstinere. Anno eodem vel sequenti Abel, seu vita functus, sive ad aliam Ecclesiam aut praefecturam Ecclesiasticam evocatus, administrationem Episcopatus Zagrabienfis deposuit. Quem Kereselechius Olmensem vocat, Kovalceovichus Rosenensem Episcopum fuisse censet. Quaecumque fuerit Ecclesia, ex qua titulum Episcopalem sumserat, illa sita fuerit oportuit in partibus Turcarum, vel schismaticorum & haeticorum, qui Episcopos Catholicos accessu prohibebant.

Abel a'ter administrator Episcopatus Zagrab.

Villam Rhemetensem Eremitarum S. Paulli immunitate donavit.

Controversia de decimis inter parochos & Canonicos.

Abel administrationis Ecclesiae deposuit.

Extrema Sigismundi beneficia in Ecclesiam Zagrabiensem collata.

JOANNES ADMINISTRATOR III.  
Episcopatus Zagrabienfis.

Matko Gubernator Episcopatus Zagrabien.

Episcopus Lydenfis erat, idemque suffraganeus, sive adjutor Patriarchæ Aquilejensis, ut docet Kereselichius. Cum de decimis Csakör-nensibus Canonici Zagrabienfes, & Dynastæ sive Comites Ciliæ, Hermanus parens ejusque filii Fridericus, & Ulricus, inter se disceptarent, delecti sunt arbitri, qui ex æquo & bono litem dirimerent. Hoc temperamentum inventum est, quo utrique parti satisficeret; ut jus percipiendi decimas illas, de quibus erat controversia, Comites illi, pater & filii, quoad viverent, retinerent, post mortem illorum ad Capitulum revolveretur. Ita transactum est anno 1441. v. Id. Septemb. In eo compromisso nominatur *Joannes Episcopus Lydenfis, administrator Episcopatus Zagrabienfis*, eodem teste Kereselichio. Albertus Imperator & rex Hungariæ moriens Elisabetham conjugem, filiam Sigismundi, ex se gravidam reliquit. Nec vero Hungari expectarunt, dum partus ederetur; sed Uladislavum Ducem Lituaniæ, fratrem regis Poloniæ sibi regem adiecerunt. Nondum hic in Hungariam venerat, cum Elisabetha filium peperit, eique Ladislavi nomen imposuit. Hinc ortum inter Hungaros civis dissidium gentem illam in duas factiones distinxit; siquidem alii Uladislavo e Lituania ad regnum evocato fidem servandam, alii ad Ladislavum Alberti posthumum, & legitimum regni paterni heredem transferendum esse censabant. Elisabetha filium vix trimestrem Albam deductum, sacra corona eidem a Demetrio Archiepiscopo Strigoniensi imposita, regem inaugurandum curavit. Deinde adventum Uladislavi fuga prævertens, cum filio & sacra corona in Austriam se recepit, contulitque in fidem & clientelam Friderici Imperatoris. Sub discessu Elisabethæ Uladislavus superveniens, Budæ ingenti fautorum suorumque cujusque ordinis gratulatione exceptus cum esset, pro sacro diademate ablato, sacrosanctis B. Stephani regis reliquiis ejus capiti impositis, rex Hungariæ est appellatus. Regale solium adveniens duplex bellum excepit, alterum civile cum adversa factione, quæ ab Ladislavo Alberti filio stabat, alterum extrantum longeque gravissimum cum Amurathe rege Turcarum, quod Joanni Huniadi viro fortissimo gerendum dedit. De bello civili Tharactius: *Nulla secularis, spiritalisque dignitas supersedit ab armis, omnis ætas nocere prompta, ætati non parcebat, at discordia duce cuncti divisi regnicola pro incerto regis nomine pugnabant. Hi regem sequebantur Uladislavum; illi reginam Elisabeth, illiusque filium præferre conabantur &c.* Uladislavus, quamvis externis & domesticis bellis exercitus agitatique, tamen in tanta curarum & periculorum mole, partem aliquam in Ecclesiam Zagrabiensem curæ & cogitationis suæ derivare non omisit. Nam tum cives montis Græcenfis, tum Stephanum & Martinum Comites seu Dynastas Frangipanos Capitulo decimas, quas intervertebant, ad seque transferant, restitui jussit. In decimis Ecclesiæ ad Græcenfes litteris mirari se ait, quod clerici ad se averterant, contra Deum, & honorem regis, bona Ecclesiarum manu sacrilega audeant usurpare; velle fortasse eos exemplum sequi nonnullorum magnatum, qui eandem Ecclesiam infestant, sed magnam soliditatem esse velle se eis æquare. Interim manus regias suas necdum esse ita aggravatas, ut eos etiam magnates compescere non possint; mandat denique, ut usurpata restituant, alioquin libertates Ecclesiæ impugnantes, libertates eis a regibus concessas amissuros. Frangipanos vero Negliæ, Seniæ, & Modrassæ Dominos, cum semel atque iterum amice admonuisset, ut ab decimis Capitularibus Podgoriæ abstinere, severioribus litteris coarguit, imperavitque ut ab illis exigendis irreligiosas, seu potius sacrilegas manus retraherent: occupata, regis intuitu, ad tot affectuosas litteras, eos remittere debuisset scribit; immo etiam de suo, si necesse fuisset, superaddituros credidisset, præsertim quod bonis alienis ditati, Ecclesiarum præcipue, re aliena non indigerent; proinde ut restituant, & pro acceptis satisficiant, cum aliunde bona Ecclesiastica ita per Turcas impedita sint, ut Canonici nequeant sustentari; quod si facere detrectarent, se tamquam Ecclesiarum tutorem de alio remedio cogitaturum. Utraque epistola data est Budæ festo S. Petri ad vincula 1442. Hos sibi titulos adscribit: *Uladislavus rex Hungariæ, Poloniæ, Dalmatiæ, Croatia, princeps Lituaniæ, supremus hæres Russiæ*. Cum vero Martinus Frangipanius non solum decimas intervertisset, sed etiam temere ac violenter invasisset in quamdam Capituli possessionem, cui nomen erat *Volavia*, seu *Putorvina*, idem Uladislavus ad Martham Frangipaniam, fortasse uxorem ejusdem Stephani, scripsit in hæc verba: *se ad instar clari principis genitoris sui Ecclesias defendere ab ingressu sui tempore, ac deinceps idem facturum, modo bellum civile in regno accensum, quod brevi spirat extinguere, sopiatur: occupata restituant, cum satis aliunde bonorum haberent, & plura ab se possint expectare.* Matkoni de Talloucz Dalmatiæ, Croatia, Sclavoniæ Bano, & Episcopatus gubernatori, ab se mandatum, ut si nolint restituere, eos compellant. Data est Budæ in Octava Ascensionis Domini die. Idem vero Matko Budæ die festo omnium Sanctorum litte dedit ad Joannem de Talloucz Comitem Cetinæ Priorem Auranz; caveret etiam atque etiam ne exactores decimarum Episcopaliū jura Capituli violarent, seque in ejus bona & possessiones immitterent; *nostri enim officii est, inquit, augere, non minuire proventus Capitulorum.*

Illis temporibus quadam veluti conspiratio videbatur esse tum procerum, tum cujusque ordinis hominum ad depopulandam Ecclesiam Zagrabiensem, ejusque bona diripiendā; nam Episcopi, quibus sacrarum, & Matko Banus, cui temporalium rerum administratio commissa fuerat, plerumque aberant; eos siquidem publica & privata negotia persæpe alio atque alio avocabant. Horum absentia, sive etiam incuria, Ecclesiam illam sui pastoris vigilantia ac præsidio destitutam, direptionibus atque injuriis opportunam reddebat; & plus cupiditas & audacia improborum hominum ad damna inferenda, quam ad prohibenda cura & auctoritas Capituli valebat. Itaque supplicatum est Eugenio IV. ut Ecclesiæ Zagrabienfi, tot tantisque injuriis oppressæ consulere, eique custodem & Episcopum præficeret, cujus tutela & auctoritas tum quæ acceperat ex diuturno interregno, resarcire, tum majora, quæ indidem

Compromissum de decimis inter Canonicos &amp; Comites Ciliæ.

Mors Alberti Imperatoris regis Hungariæ.

Bellum civile.

Uladislavus cives Græcenfes &amp; Comites Frangipanos, qui decimas Ecclesiæ ad se averterant, litteris acriter castigat.

Status miserandus Ecclesiæ Zagrabien.

dem impendebant, damna propulsare posset. Annuat Pontifex, & quem petierant, Episcopum Zagrabienfibus dedit anno 1443. exeunte.

BENEDICTUS EP. ZAGRAB. XLI.

**Benedictus** Vir eximie doctrinæ & prudentiæ, qui *Ar-*  
*tium liberalium magister*, & *Sacra Theologia*  
*Baccalaureus formatus* in monumentis illorum  
temporum appellatur. Ejus patria mihi ignota  
est, cognomen de *Zolio* fuit. Aditum sibi ad  
civitatem & Ecclesiam interclusum reperit; quip-  
pe *Uladislavus*, qui jus regium nominandi Epi-  
scopi Zagrabienfis sibi præreptum non æquo ani-  
mo tulerat, Episcopum, ab se neque electum,  
neque nominatum respuebat; illumque recipere  
tum Canonicos, tum cives Zagrabienfes ve-  
tuerat, pœna proposita exilii, & publicationis  
bonorum. Verebatur etiam fortasse *Uladislavus*  
ne Pontifex Ecclesiam illam *Benedicto* decre-  
visset, postulatu *Elisabethæ* viduæ *Alberti* re-  
gis, quæ illius favore, atque opera uti vellet  
ad Zagrabienfes, & populos Slavoniæ sollici-  
tandos ad defectionem, & sibi ac filio suo *La-*  
*dislavo* conciliandos. *Udislavus* igitur, repudia-  
to *Benedicto*, Episcopum Zagrabiz nominavit  
*Demetrium* Cuporium Episcopum *Tinninien-*  
sem in Dalmatia, qui illustrioris atque opulentioris  
Episcopatus potiundi mira cupiditate flagra-  
bat, ex quo turbata divisaque duas in partes fuerat  
Ecclesia Zagrabienfis, cum alii *Benedicto*, alii  
*Demetrio* faverent. Per eos dies *Julianus* Car-  
dinalis *S. Angeli* legatione Apostolica fungeba-  
tur in Hungaria. Hic rogatu *Benedicti* Capi-  
tulo & clero Ecclesiæ Zagrabienfis imperavit,  
ut Episcopum sibi ab *Eugenio* datum agnosce-  
rent ac reciperent; imperium si abnuerent,  
utrique sacris omnibus interdixit. Sed cum sol-  
lemnia Paschalia appeterent, ab *Legato* impetra-  
runt, ut saltem ad tempus hujusmodi interdi-  
cto clerum Zagrabiensem eximeret, ne basilica  
cathedralis sanctissimis illis diebus ab rebus di-  
vinis, & publicæ religionis officiis vacaret.  
Itaque *Cœnobiarthæ S. Mariæ* Zagrabienfis man-  
datum dedit, ut Canonicis, ceterisque presby-  
teris, & clericis, sublato, cui suberant, inter-  
dicto, potestatem faceret psalmodiæ ac litur-  
giæ operam dandi per dies omnino quadragin-  
ta, intra quos nisi legitimo Episcopo se sub-  
jectos atque obsequentes præberent, in eam-  
dem, qua liberati fuerant, pœnam reciderent.  
Sed cum regis mandatum urgeret, vereor, ut  
imperata *Legati* antea fecerint, quam mors in-  
felix *Uladislavi*, necessitatem ei parendi, me-  
tumque omnem illis adimeret. Anno liquidem  
1444. collatis signis cum *Amurata* rege *Turca-*  
rum ad *Varmam* fluvium, dum pugna ferve-  
bat, castra hostium temere aggressus, periit  
cum ingenti suorum clade, & magna rei *Chri-*  
*stianæ* perniciæ. *Uladislavo* sublato, totius re-  
gni conversio facta est ad *Ladislavum* posthu-  
mum *Alberti Cæsaris*, & regis *Hungariæ*,  
quem adhuc quinquennem *Hungari* omnes uno  
animo, unaque voce regem appellarunt, admi-  
nistro regni addito *Joanne Hunniade*, fortis-  
simo bellatore, qui maximas clades jam *Tur-*  
*cis* intulerat, nec minores deinde intulit, qui-  
buscum bis quidem infeliciter, sed sæpius se-  
cundo Marte pugnavit.

**Demetrius** Nec vero post interitum *Uladislavi*, Episco-  
patum Zagrabienfis pacatior, quam antea, *Be-*  
*nedito*, & tranquillior fuit, Obstabat liqui-  
dum *Ulyrici Sacri Tom. V.*

dem *Demetrius*, qui regia nominatione fre-  
tus, se unum verum ac legitimum Episcopum  
Zagrabiz dici atque haberi volebat; & cum  
familia *Cuparia*, unde ortus erat, in primis  
inter Slavonicas clara esset & opulenta, ei fa-  
vebant plerique *Hungariæ* proceres, ac præser-  
tim Episcopus *Varadinensis*, apud quem, re-  
lictæ *Tinninienfi* Ecclesia, diversabatur, item-  
que *Joannes Hunniades* regni gubernator. Hinc  
pertinax schisma decem fere annorum, ex quo  
longe graviora, quam ex interregno episcopa-  
li, detrimenta Ecclesia Zagrabienfis accepit;  
nam per eos annos ex fundis, & proventibus  
Ecclesiasticis sane multi per fraudem, vel in-  
curiam amissi; & *Christiani* gregis cura, re-  
rumque sacrarum administratio propemodum ne-  
glecta. Uterque, quamvis ante *Turcicam* ca-  
lamitatem, & eadem *Uladislavi* ab Ecclesia,  
& diocesi abesset, se tamen gerebat pro Epi-  
scopo, & juris Episcopalis quidquid poterat  
usurpabat. Cum *Joannes de Bachenstein* Ar-  
chidiaconus *Camarcentis* anno 1443. obiisset,  
*Demetrius* Archidiaconatum illum *Stephano* cui-  
dam contulit, qui erat ab epistolis, & arcanis  
consiliis *Ulrici Comitis Ciliæ*; eumque Capi-  
tulum Zagrabienfe, cum sibi ab *Uladislavo* re-  
ge, & *Cilienfi Dynasta* viro præpotente me-  
tueret, ad suum collegium admisit, & collati  
Sacerdotii possessionem eidem tradidit. Jus suum  
Episcopale violatum, & vindicandum censuit  
*Benedictus*; proptereaque tum *Demetrium*, qui  
in alteram jurisdictionem invaserat, tum Ca-  
nonicos, qui Archidiaconum non legitime crea-  
tum receperant, anathemate ferit. Hoc vin-  
culo Canonicos illigatos fere biennium perman-  
sisse tradit *Paullus Ritterus*, neque ante mor-  
tem *Uladislavi* exsolutos fuisse; quos *Abbas*  
*Lanztroffensis*, ut auctor est idem *Ritterus*,  
ex potestate sibi a summo Pontifice delegata,  
omni culpa & pœna liberavit. Porro *Canoni-*  
*ci*, metu amoto, quem illis severa *Uladislavi*  
mandata incusserant, communi consensu *Be-*  
*neditum* Episcopum receperant; eique ad suam  
Ecclesiam accessus patuit, quamvis ab *De-*  
*metrio* tum fere omnis nobilitas Slavonica, tum  
multi viri Ecclesiastici primarii starent. *Be-*  
*neditus* Canonicos, quos initio ab se aversos  
reperit, quibuscumque potuit beneficiis sibi  
conciliare studuit. Potestatem condendi testa-  
menti, & bona undecumque acquisita, cui  
vellent legandi, & relinquendi jam inde anti-  
quitus a Canonicis usurpatam, & superiorum  
Antistitum auctoritate firmatam, ipse quoque  
diplomate amplissimo confirmavit.

*Benedictus Dei & Apostolica Sedis gratia Epi-*  
*scopus Zagrabienfis. Universis & singulis Chri-*  
*sti fidelibus presentibus, & futuris harum li-*  
*terarum nostrarum notitiam habituris salutem,*  
*& celestium gratiarum continuum incrementum,*  
*ad perpetuamque rei memoriam. Pastoralis cu-*  
*ra cui innitimur ex alto, & nostri officii debita*  
*sollicitudo, qua insignimur immeriti, ad illa po-*  
*tissime animo exercenda vigilantiam nos attendere*  
*satagit, per qua commune bonum respublica,*  
*& cultus divini officii augeri in Ecclesia Dei,*  
*ac devotio jugiter Deo famulantium in eadem*  
*vehementius, & indefesse provocari valeat, &*  
*accendi. Esi singulorum nobis subditorum com-*  
*modo, quin & provisioni intendimus; erga ta-*  
*mentis nostrorum quietem, quos nimirum*  
*ampliori & sinceriori complectimur affectu, cu-*  
*ram etiam debemus impendere sollicitiorem ut*  
*ipsi*

stat ne Be-  
neditus  
tranquillus  
Episcopa-  
tum obti-  
neat.

*Benedictus*  
*Demetrius*  
ob jus in  
diocesi  
Zagrabien-  
surpatum  
anathema-  
te ferit.

*Canonicis*  
*Zagrabien-*  
*sibus pote-*  
*statem te-*  
*stamenti*  
*condendi*  
*confirmat*  
*diplomate*  
*amplissi-*  
*mo.*



ipsi uberius beneficiorum donis, & libertatum privilegiis fulcitos se ipsos sentiant, securitatis compotes, eo nostra prasidio plenitudinis vivant quietius, & placabilem hostiam pro nostra, vivorumque & mortuorum salute omnium offerre possint Creatori. Nam cum eorum onera excutimus, dum scandala removemus, nos in eorum quiete quiescimus, & utique foremur in pace. Et cum ullus vix modernis temporibus sit, qui libertatibus Ecclesiasticis, & personarum tuitionibus, quas ordo clericalis includit, se murum defensionis opponat; sane nobis hodie per ipsos venerabiles viros Dom. fratres nostros amantissimos, videlicet Praepositum Lectorem, Cantorem, Archidiaconos, Custodem, & singulos & universos Canonicos dictae Ecclesiae Zagrabienensis humiliter, & devote exposito, quod cum ipsi communiter, & divisim, prout ipsorum praedecessores semper a fundatione primaria dictae Ecclesiae Zagrab. habuissent, prout hodie haberent de stylo, more, consuetudine, & observantia diu, & legitime praescripta, ac alias bus usque inviolabiliter, & inconcussa per quoslibet Rev. Patres Episcopos Zagrab. praefatos ipsorum, nostros videlicet praedecessores, etiam a tanto tempore, cuius contrarii seu . . . memoria hominum non existeret, observatis; videlicet, quae ipsis & aliis quibuscumque personis ecclesiasticis, a iure communi forent indulta, de quibuscumque bonis ipsorum, ac rebus immobilibus tam videlicet de ipsorum beneficiis huiusmodi, quam alio quocumque modo, & undecumque acquisitis, plenam, & omnimodam testandi, legandi, & in . . . quibus, quomodo, & cuicumque vellent, ac disponendi potestatem pro sua libito voluntatis . . . Quam quidem consuetudinis, & praescriptionis legem, seu observantiam, plurimarum nostrorum praedecessorum, signanter b. m. Dominorum Eberhardi, Joannis, Pauli, Stephani & Antonii Episcoporum, sive Praesulum condam Zagrabienfium, litterarum testimonio ibidem specie tenus coram nobis exhibitarum approbant fore confirmatam, supplicantes nobis humiliter & devote quatenus nos etiam huiusmodi ipsorum petitionibus paternaliter inclinati, quin ex ipsorum nostrorum praedecessorum litterarum tenoribus (quas hic pro sufficienter expressis, & praesentibus praefertis, habere volumus, & habemus, quibus etiam absque exhibitione ipsarum priorum litterarum, de quibus supra fit mentio, semper & ubicumque fidem adhiberi volumus & declaramus) comperimus clare dictam consuetudinem testandi fore, fuisse, & esse ab antiquo, de stylo, more, & observantia ejusdem nostrae Zagrab. Ecclesiae ita per omnia tentam & observatam, ac modo prae habito legitime praescriptam, & per antefatos praedecessores nostros confirmatam, & omniaque alia & singula ipsorum narrata veritate fulciri; Ideo nos ex certa scientia nostra, & animo deliberato, praefatam ipsorum fratrum nostrorum, & aliarum ipsius Ecclesiae nostrae personarum laudabilem consuetudinem, ratam & gratam habentes & approbantes praesentis scripti stabilimento confirmamus; & iisdem singulis singulariter, & eorum cuilibet, auctoritate nostra ordinaria, qua fungimur, & si necesse foret; denuo & nova nostra concessionis titulo, de gratia speciali damus, & concedimus irrevocabiliter de singulis eorum bonis, sive de beneficiis eorundem, sive alias qualicumque modo acquisitis, & habitis, eisque & eorum cuilibet a Deo collatis, mobilibus, videlicet & immo-

bilibus, in vita pariter, & in morte, iam a jure, quam ab homine concessam testandi, & testamentum, seu ultimam voluntatem faciendi, & condendi, juxta ipsorum libitum voluntatis, plenariam & omnimodam potestatis facultatem: singulas litteras praedecessorum nostrorum praedictorum, & quavis alia ipsorum monumenta, quoad omnes & singulas ipsorum clausulas, continentias ac tenores, in his, & super his qualitercumque factis, expresse & ex vera scientia innovantes, in perpetuum valituras confirmamus, harum nostrarum vigore & testimonio litterarum, sigilli nostri appensione roboratarum. Dat. Zagrabia in palatio nostro Episcopali solita nostra habitationis, in festo Circumcisionis Domini anno ejusdem 1446.

Interea dum Benedictus Ecclesiam Zagrabien- Schisma  
Zagrabien-  
se. sem regebat, Demetrius, sede sua Troninien- relicta, Varadini, quae civitas est Hungariae trans Danubium in Comitatu Biharienti, apud Vitzium illius urbis Episcopum commorabatur; omnique studio atque opera enitebatur, ut Episcopatu Zagrabien- si potiretur; nec regimen Benedicti quietum & pacatum esse sinebat. Cum uterque suos fautores haberet viros principes tum Hungariae, tum Slavoniae, erat veluti quoddam civile dissidium, cum alii pro Benedicto, alii pro Demetrio constantissime starent, neutrique alteris cedere vellent. Hinc turbata divisaque duos in partes Ecclesia Zagrabien- sis, in tanta animorum inter se dissidentium concertatione, tum in suis bonis ac proventibus, tum vero in iis, quae ad religionem ac disciplinam pertinent, plurimum detrimenti accipiebat. Demetrii patrocinium multi Dynastae, & praesertim Joannes Hunniades regni administrator, & Joannes Vitezius Episcopus Varadinensis suscepit. Utriusque litterarum commendatitiarum, ad Eugenium IV., & Nicolaum V. extant in collectione Scriptorum Hungaricorum: cujus titulus est: Scriptores rerum Hungaricarum veteres ac genuini partim vix primus ex tenebris eruti, partim antehac quidem editi, nunc vero ex MSS. codicibus, & varissimis Editionibus Bibliothecae Augustae Vindobonensis ab innumeris mendis vindicati, cura & studio Joannis Georgii Schwandner Austriaci Stadelckirchen- sis. Impensis Pauli Kraus Bibliopola Vindobonensis 1746. Has, quas dixi, epistolas Tomo II. P. I. insertas Joannes de Zvedna conscripsit nomine illorum, quorum jussu elucubratae sunt: de quo Scriptore Michael Belius in praefatione generali ad Partem I. Tomi 2. haec tradit: Zvednam ipse se dicit, sed ex ipso cognominis vocabulo assequi licet, quae gente sit, nempe Slavus aut Croata. Siquidem Zvedna eorum lingua mediocre, seu medium significat. Fuit cancellaria regis Hungariae protonotarius, seu secretarius, quos vocant, cancellaria regia primus & summus; non autem inter eos protonotarios accensendus est; quod vulgo id nominis gerant, & cum Palatino regni Hungariae, tum iudici curiae regiae, atque Praesentiae personalis regiae in iudiciis Locumtenenti, hodie attribuuntur. Epistolas omnes aut pleraeque Joannis de Zvedna Paulus de Ivanich in unum codicem collegit, ut idem Belius testatur: Paulus de Ivanich diaecesos Zagrabien- sis presbyter, & altaris S. Pauli Varadiensis rector, olim cancellariae itidem regiae notarius, rogatu alterius Pauli Archidiaconi collegit, atque in ordinem, quo sunt typis editae, redegit, audito-

auctore ipso annuente, ut testatur Ivanichius in prafat. ad eundem Paullum Archidiaconum. Codex iste, pergamene inauratus, ut docet Bellius, forma quadripartita longiori, foliorum omnino 66. est, numero 531. inter historicos profanos bibliotheca Augustæ Vindobonensis, & ipsissimus videtur esse ab Ivanichio exaratus; quem deinde Joannes Faber Episcopus Viennensis anno 1630. dono dedit bibliothecæ; hoc autem conjici potest ex anteriori codicis integumento, cui & Fabri nomen, & dictus annus chartulæ typis impressus agglutrinatus est. Huic codici præfixus est titulus hujusmodi: *Litteræ Joannis de Svedna cancellariæ regis Hungariæ olim protonotarii in diversis negotiis, statum publicum regni concernentibus ab an. Christi 1445. ad an. 1455. Gubernatoris nec non praelatorum hujus regni nomine exaratae*. Idem Ivanichius ad marginem notas quasdam apposuit, ut ipsemet testatur in utraque sua ad Paullum Archidiaconum epistola; utraque data est Varadini, altera prid. Id. Jan. an. 1451. & præposita, altera xvii. Kal. Jan. eodem anno, & subjecta est Collectioni earundem litterarum. Notas Ivanichii ad finem cujusque epistolæ nostris animadversionibus intermixtas adjiciemus. His itidem notis, & epistolis quasdam alia interferemus, ut temporum ordines ferventur. Epistolis eundem numerum adscripsimus, quo signatæ sunt in codice Ivanichiano.

EPISTOLA XXII.

Ex parte Domini Joannis Gubernatoris ad Dominum Eugeniam Papam responsalis.

Edgenius suis ad Joannem litteris eis gratulatus fuerat tum de administratione regni Hungariæ eidem collata, tum de rebus præclare contra Turcas & prospere gestis, hortatusque ad egregia cœpta persequenda; insuper petierat ut de Ecclesia Zagrabienſi, itemque Agriensi quid suæ sententiæ sit, & sui consilii, rescribar. Joannes post actas gratias ad postulata Pontificis respondet.

Beatissime Pater.

Epistola  
Joannis  
Hunniadis  
ad Euge-  
nium IV.

Magna mihi opera opus est, ut digne assurgere valeam ad agendas gratias Beatitudini vestræ, quæ ex benignitate solita, rebus & successibus meis jam sæpenumero collatari dignum duxit, ea quoque in meliorem semper spem partem interpretari, quæ plus oneris mihi, quam honoris quidamque, idest afferunt, subducant. Id genere genus ipsi Beatitudini vestræ, & nunc maxime ampliare placuit, quandoquidem impositum mihi Gubernatoris (1) pondus, favoris potius esse, quam curæ congratulando (2) arbitrata est; quamquam non dubitaverit altis meis laborum amalis, hoc munere altiores accessisse &c. (3). Et infra: Pronus autem animus est; & valutas non impar ad exequenda ea, quæ Beatitudo vestra hortatur. Pulchra jam unionis, & (4) concordie fundamenta, dono Domini, jacta sunt, restaret superedificare pacem, quæ sola & prima virium populi Christiani auctrix esse potest, adversus infidelium insultus propellendos; sed quia, Pater Beatissime, ipsa pax nostra communis adhuc impugnari conspicitur; ecce ad armam (5) manum mittimus, quo, ut Beatitudo vestra iustissima esse non dubitat, in aliis litte-

ris (6) meis, de voluntate Dominorum Prælatorum, & Baronum datis, declarare institui.

Ceterum in factis Zagrabienſis Ecclesiæ, quæ multis jam annorum spatiis (7) male tractata vastatur, notificat suis litteris Beatitudo vestra contraria (8) a me scripta accepisse; in quo quidem factis votis meis clementer deferre volens, certiorari petis de mente, & intentione mea, ut tandem provisio ipsius Ecclesiæ tranquilla ordinatione maneret. Contrarietas ista, vel potius varietas, Pater Beatissime, solvi faciliter potest quoniam intentio, & voluntas mea favor, & promotio quo ad præfatam Ecclesiam, quantum in me est, immutabilis stetit, ac instat pro persona Rever. Patris Dom. Demetrii Chupor Episcopi Tinniniensis, quem certe & vita, & genere, sublevandis diſcæ Ecclesiæ oneribus aptum, semper reputavi.

Verum de facto (9) Agriensis Ecclesiæ longe aliter confiteri habeo (10), cum expresse meminim varietatem illam variis modis accidisse, quæ quidem, si Beatitudinis vestræ animum turbaverit, æquanimiter nobiscum pati dignetur; ea enim tunc erat conditio temporis illius, quod plura poterat extorquere importunitas, quam mera voluntas præstare. Non de facili patiebatur subigi cervix insucta paci, discordiæ assueta, opus erat alios terrore, alios favore subducere. Prima adhuc ponebantur concordie initia, fervebat ambitio, unusquisque augere cupiebat propria, qui cogebatur aliena relinquere; sicque contingit sapius, præsertim necessitate facti, in una eademque re, & illi præstitisse favorem, & alteri non negasse; non quidem instabilitate nostra, sed ut minori inconvenienti majora tegeremus tandiu, donec paulatim dono Domini subintraret judicium, quo deliberatione magis solida decernere possimus quid unicuique rectius opportune expediet.

Mira certe res, & divino digna munere, cedunt arma, longo nutrita tempore, silent bella intestina, frænantur diffidia, concordia (11) pedetentim reducitur; sola forensium (12) adhuc insultatorum sevitia minas exaggerat. Ego vero etsi ista eo modo jam stare conspiciam, minus tamen sperare poteram tam cito futuram mutationem (13) hanc dexteræ Excelsi, & ob hoc etiam, importunitatibus aliquorum resistere tunc accomodum non satis putavi, exoptans finaliter favore furorem collidere. Sic igitur loquendo apertius, duæ certabant partes pro Ecclesia Agriensi memorata, utraque allegato juri confisa; adhærentia cuique grandis erat. Petebat una sibi favorem dari, alteraque pariter non negari, satius ergo visum est, petita ipsa, quam diffidia, admittere, quoad usque, ut præmissi, ad ulteriora discretio dari posset. Quam ob rem, si excusationi locus est, supplico Beatitudini vestræ, ut his præmissis considerationibus, immo potius necessitate, pensatis, neque sibi ex his scriptis contrariisurbationem, nec nobis notam ingerat: quoniam deinceps, quantumcumque observari poterit, deliberatum est, ut simili varietate Sanctitatis vestræ aures, & animus non turbetur, quo equidem pacto, quantum est ad præscriptam Ecclesiam Zagrabienſem intentionem confirmans, his scriptis Sanctitati vestræ iterato devotius supplico, quatenus juxta priora scripta (14) mea, ipsi Zagrabienſi Ecclesiæ, de persona memorati Domini Demetrii Episcopi providere non differat, quem cum vero affectu diligamus, meritis suis statum æquare optaremus; quem etiam vita, con-

versatione, peritia, & regendi facultate, ipsi Ecclesie aptum, & idoneum iudicavimus. Data die 17. mensis Octobr. anno Dom. MCCCCXLVI.

## Notæ.

(1) Ladislavo filio Alberti posthumum quinquenni absente, post eadem Uladislavi, rege Hungarorum electo an. 1445., administratio regni Hungarici in comitiis generalibus demandata fuerat Joanni Corvino Hunniadi.

(2) Scripserat enim sibi ipsi Dominus Apostolicus litteras super hac re. Ivanichius.

(3) Plura enim addita erant in minuta: sed quia corrupta fuerant, prætermittuntur. Ivanich.

(4) Sublato Uladislavo, Hungari omnes una mente atque animo regnum Ladislavo detulerant. Ita concordia intestina & domestica jam constituta erat; huic vero accedere oportebat pax cum hostibus extraneis.

(5) Scilicet contra regem Romanorum prædictum. Ivan. Fridericus rex Romanorum & imperator, ad quem Elisabetha vidua Alberti post obitum mariti cum Ladislavo recenter nato, & cum sacra corona confugerat an. 1440. nec Ladislavum dimittere, nec sacrum diadema restituere volebat; utriusque repetendi causa, arma sumenda erant.

(6) Antea siquidem de bello cum Germanis, itemque de Zagrabienſi Ecclesia, ut hac extrema epistola innuit, ad Eugenium scripserat.

(7) Quia post obitum q. D. Joannis Episcopi Zagrabienſis, qui mortuus est anno Dom. 1433. ipsa Ecclesia continue per sæculares manus occupata, & vexata fuit. Ivanichius.

(8) Erant enim duo competitores pro ea, sed D. Gubernator plus favebat D. Demetrio. Ivanichius. Hoc tamen inter utrumque intererat, quod Benedictus ex auctoritate Sedis Apostolicæ erat jam in possessione Sedis Zagrabienſis; nec competitor, sed possessor appellari debuerat. Porro alii aliter, atque Hunniades scripserat, statum Ecclesiæ Zagrabienſis Pontifici exposuerant; & de Benedicto, ac Demetrio alii aliud scripserant.

(9) Hæc ad rem nostram non pertinent.

(10) Quia pro ista specialiter contraria scripta pro duabus partibus contendentibus miserat, ex causa, prout infra declarat: quarum partium una erat Dom. Ladislaus de Hedreſwaar, tunc Abbas S. Martini sacri montis Pannoniæ, cui adharebat D. Laurentius Palatinus Hungariæ; & Domini de Zozgon, sed & alii Domini diæceseos Agriensis; altera vero pars erat Dominus Thomas de Debrenthe præpositus Vespriemienſis, cui adharebat Dominus Nicolaus de Vylak Wayvoda cum pluribus aliis Dominis. Ivanichius.

(11) Post mortem Uladislavi Hungaria tota, ad Ladislavum posthumum Alberti filium conversa, eum sibi in regem elegerat.

(12) Scilicet ex parte regis Romanorum, ac ceterorum Bohemorum. Ivanichius. Vocantur Forenses quia hostes non intestini sed extranei erant. Fridericus rex Romanorum tum Ladislavum, tum sacrum diadema Hungariæ restituere abnucebat. Ei Joannes Hunniades anno proximo 1447. bellum intulit; & quamvis Carinthiam & Styriam late vastasset, tamen compellere non potuit ut vel utrumque, vel alterutrum redderet. Alteri hostes extranei erant in Bohemia, quæ tunc ad regnum Hungariæ per-

tinebat. Multi siquidem in ea regione, Joanne Zizkra auctore potissimum ac duce, tumultuabantur, & latrocinis, incendiis, rapinis varias ejus regni partes depopulabantur.

(13) Quia mox post Congregationem generalem supra tactam, Hungari prius discordantes, ita fuerant uniti, ut nulla inter eos publica partialitas appareret. Ivanichius.

(14) Antea siquidem suis ad Pontificem litteris Demetrium commendaverat. Id autem petebat opinor, ut Benedicto ad aliam Ecclesiam translato, huic in sedem Zagrabienſem illum subrogaret.

Valuit apud Eugenium commendatio Joannis Hunniadis; & sublato vinculo, quo Demetrius alligatus erat Ecclesiæ Tinniniensi, cum Ecclesiæ Zagrabienſis Episcopum renunciavit; hujusque rei auctores sunt sane idonei tum Joannes Hunniades in sua ad Nicolaum proximum Eugenii successorem epistola, tum Paulus Ivanichius in suis notis ad epistolam Varadinensis Episcopi, quam infra describimus. Eugenius non poterat Ecclesiam Zagrabienſem Demetrio decernere, nisi antea ab ejus regimine Benedictum amoveret. Is certe legitimus erat Ecclesiæ Episcopus; & quidem ipsemet Eugenius, ut supra dictum est, hanc illi Ecclesiam contulerat; sedemque illam ex auctoritate Sedis Apostolicæ obtinuerat; siquidem in suis litteris se Dei & Apostolicæ Sedis gratia Episcopum Zagrabienſem nominat. Itaque Pontifex permutationem Ecclesiarum alterum cum altero facere, & Benedictum ad Tinniniensem, Demetrium ad Zagrabienſem Ecclesiam migrare jussit; idque intelligi potest ex litteris Episcopi Varadinensis ad Nicolaum V. Verum Benedictus nullo modo adduci potuit, ut permutationi tam inæquali, suæque translationi assensum præberet. Nec vero Demetrius antea Episcopatum Zagrabienſem assequi potuit, quam tum Benedictus, tum proximus post Benedictum Episcopus Zagrabienſis de vita decederet. Anno 1447. Eugenius diem obiit vii. Kalend. Martii, eique in cathedram Romanam Nicolaus quintus hoc nomine successit.

Cum Marko sive Matthias de Talloucz Gubernator Episcopatus Zagrabienſis, idemque Banus Chrobatiz & Dalmatiz in prælio Varmensi occubuisset, Benedictus de consensu Capituli gubernationem Episcopatus & Ecclesiæ ad Fridericum & Ulricum Comites Ciliz detulit, Dynastas opibus & copiis præpollentes, Banos Slavoniæ, quibus & facultas erat, & auctoritas tuendi, & recuperandi bona Ecclesiastica, quæ illis temporibus, perinde ac si prædæ & rapinæ proposita fuissent, passim diripi ac distrahi solebant. Nec defuit illis occasio iniquos & violentos raptores coercendi. Cum Canonici Zagrabienſes Benedictum pro legitimo Episcopo haberent, & summa observantia & benevolentia colerent, prorsusque alieni essent a Demetrio, hujus fratres Gaspar, & Martinus, injuriam sibi fratrique fieri existimantes, tum in alias possessiones mensæ Capitularis invaserunt, tum vero suam, olim civitatem nobilissimam, tunc exiguum oppidulum, quod ad jurisdictionemque Capituli pertinebat, armata manu adorti occuparunt, & direptis, everſis, incensis ædibus, scædum in modum vastarunt. Fridericus & Ulricus, pro suo munere, ad defensionem Ecclesiæ præsto fuerunt, fratresque illos,

Eugenius  
Papa Bene-  
dictum a  
Tinniniensi  
ad Zagra-  
bienſem,  
Demetrium  
ad hanc ab  
illa trans-  
tulit.

Pontifex  
translati-  
onem Benedi-  
ctus assen-  
tiri noluit.

Fridericus  
& Ulricus  
Comites  
Ciliz post  
interitum  
Markonis  
Gubernato-  
ris Episco-  
patus Za-  
grab.

illos, quæ rapuerant, restituere, & quæ intulerant, damna refarcire coegerunt. Sub idem tempus, seu vere, seu falso nunciatum est, procuratores ab Demetrio Romam adiisse, qui Nicolao V. Pontifici significarent Canonicos Zagrabienſes mire cupidos Demetrii eſſe; idque conſtare ex illorum ad hunc litteris, in quibus ejusdem Demetrii ad Eccleſiam Zagrabienſem, ex decreto Eugenii, translationem ſummopere approbant. Id nuncianti cum fides habita eſſet, ſtatim Canonici de fraude ac dolo Pontificem admonendum cenſuerunt, & comuni ad eum epiſtola procuratores illos Demetrii falſitatis, vel etiam mendacii accuſarunt; falſam illam approbationem, falſas illas litteras; vel ſi quæ hujusmodi litteræ extarent, eas conſectas, & nomini Canoniorum ſuppoſitas fuiſſe; tantum enim aberat, ut Demetrium ſuum eſſe Epiſcopum cuperent, ut potius ab illo ſummopere abhorrerent propter damna, & injurias ab ejus fratribus Capitulo illatas. Contra vero Benedictum ſummis laudibus efferunt, orantque Pontificem, ut translationem illam abrogare velit, & ſuum Eccleſiæ Zagrabienſi paſtorem, bonum ac perutilem relinquere. Epiſtola Capituli Zagrabienſis ad Nicolaum ex codice Mſ. Capituli deſcripta eſt hujusmodi.

Canonici Zagrab. Nicolaum Papam falſis litteris deceptum fuiſſe docent, rogantque ut ſuum ſibi Epiſcopum Benedictum relinquant.

Beatiffime Pater, & clementiffime Domine.

Post humilam noſtram recommendationem, ſinceritatis & devotionis affectu, ad oſcula Sanctitatis veſtræ pedum beatorum accedentes, Sanctitati veſtræ humiliter ſignificamus præſentium per ænoxiæ, quod multorum relatione didicimus, quomodo Reverendus in Chriſto Pater D. Demetrius Chupor, Tinniniensis Eccleſiæ Epiſcopus, nuper per certos ſuos nuncios, & procuratores in Romana curia, in præſentia Sanctitatis veſtræ, nec non collegii Cardinalium ejusdem S. V. in eo gloriatus extiſſet, quod nos eidem litteras noſtras ſuper conſenſu, & aſſenſu translationis de ſua Eccleſia Tinniniensis ad Eccleſiam Zagrabienſem fienda, noſtro ſub ſigillo dediſſemus. Scire dignetur B. V. gratioſa, quod nos nec ſub noſtro ſigillo majori, ſive minori, neque ſcripto vel falſo ad hujusmodi translationem fiendam, nullo tempore noſtrum conſenſum ad ſcitum noſtrum præbuiſſus, pariter & aſſenſum. Quod & ſi forſitan aliqua littera, aut litteræ, quod non credimus, ſub ſigillo apud commiſſarios felices recordationis Eugenii Papæ in eadem cauſa reperiuntur, ex tunc dicimus, quod talis littera, aut litteræ fuerunt, & ſunt falſæ, nec de ſcitum noſtro, ac voluntate noſtra emanata. Quia Beatiff. Pater ſcimus D. Benedictum Epiſcopum noſtrum virum doctum, & benemeritum eſſe, & fuiſſe; (eſt enim artium liberalium magiſter, & Sacre Theologiæ Doctör formatuſ) ad regimen prædiſtæ Eccleſiæ optimum, & utilem, tam in ſpiritualibus, quam in temporalibus ſufficientem, qui ipſam Eccleſiam plurimis annis rexit, & utiliter gubernavit. Ideo Pater Sanctiſſime eidem Sanctitati veſtræ ſupplicamus humiliter & devote, quatenus divina retributionis intuitu, eadem S. V. velit viam & modum cogitare, ut prædiſta translatione mutata, præſatus D. Benedictus, prælatuſ noſter in honoribus ſuis priſtinis apud Eccleſiam Zagrabienſem conſervetur, & nobis reſtituatur, quem præſentem per paginam expetimus, quantum de jure poſſumus, quia noſtrum intereſt habere bonum & utilem paſtorem.

Pro quibus S. V. nos habebit pro ſalute, & longæva B. V. proſperitate humillimos exoratores; quam Altiffimus feliciter conſervare dignetur, ad regimen Eccleſiæ ſuæ ſanctæ, & univerſalis ſtatuſ Chriſtianitatis unionem optatam. Dat. die Veneris xx. menſis Maii. Anno Domini 1447.

Oratores & Capellani Capitulum Eccleſiæ Zagrabienſis.

Mihi ſane non fit veriſimile Demetrium tam impudentem fuiſſe ut apud Pontificem mentiri vellet; cum falſitatis, ac mendacii tam facile coargui & convinci poſſet. Facilius crediderim Canonicos fuiſſe deceptos delatione nunciorum, qui vera quidem de procuratoribus ab Demetrio Romam miſſis retulerint, ſed ex fama & auditione, ſine auctore ſatis certo, de Capitulari ad Demetrium epiſtola, quæ non dixerant, ac ne cogitaverant quidem, illis aſſinxerint.

Apud novum Pontificem Nicolaum Demetrius, ut quod cupiebat aſſequeretur, uſus eſt opera tum Vitezi Epiſcopi Varadienſis, apud quem familiariter hoſpitabatur, tum Natalis Epiſcopi Nonenſis, quocum ei vetuſ neceſſitudo interceſſerat. Ad hunc igitur ſuum Inter-nuncium miſit cum litteris commendatiſ Vi-tezii; caput autem litterarum, dignum eſſe Demetrium, eximium Natalis cultorem, ejusque inſignium virtutum teſtem ac laudatorem, quem Natalis ſua gratia, & ſuo patrocinio fo-veat; quidquid ejus cauſa vel jam egit, ſcilicet apud Pontificem, vel poſtea egerit, in loco haud vulgaris beneficii ſe habere, & habiturum eſſe ait Vitezius.

Demetrius ab Epiſcopo Varadienſi litteras commendatiſ ad Natalem Nonenſem Epiſc. impetrat, cujus apud Pontificem gratia Ep. Zagrabienſem ſe conſequi poſſe conſidit.

# EPISTOLA XIX.

Ex parte Epiſcopi Varadienſis ad Dominum Natalem (1) Epiſcopum Nonenſem in Dalmatia Doctorem Theologiæ.

Reverende Pater.

Dignam eo munere crediderim Paternitatem tuam, ut virtute ac integritate ſua plurimorum ſibi animos conciliet, quandoquidem egregia fama dignitatis tuæ laudem tibi reddere prius, quam acquirere idonea videatur. Cujus ſane rei Venerabilem & præconem, & teſtem in ſinu habere ſane letor, Rever. Dominum meum Demetrium (2) Epiſcopum Zagabrienſem, qui vel totam quidem vix unam, tui memoria, tui laude, tui denique illuſtratione vacuam tranſire patitur; ſimul me quoque prolicit aſſidue, ut in regionem tuæ benevolentia, tuæque dilectionis commigrare non omitterem. Conſenſi libens adhortanti ultro cupidum: verum merita prius, quam ſcripta cum Paternitate tua communicare ſatius ducebam. Nihilominus ne (3) nuncio huic omnino tacituſ abeſſem, inſtitui eundem orientis hujus notiæ indiæ eſſe, ſcriptiſque & honore prævenire volui, quam præveniri. Accipias itaque, velim, Paternitas tua affectum hunc ſincero manaffe pectore, non pigeatque temporis, quod deinceps duorum, pro uno, Epiſcoporum Pater appellari dignaberis. Tuum erit futura benevolentia ſpem gravidam gerere, nobis vero vegetare eam juſ faſque inſtat, ita ut merito impreſſa prius, quam oneroſa mutua ipſa dilectio videatur. Hæc, ut ita proloquar, affectuſ ipſe meus, & tua humanitas me ſubigit. Enimvero, ſi amquam provinciam tuam intueri licebit, amplius.

piora honori tuo exhibere, quam eloqui, in animo est.

- Ceterum explicare poterit hac vice is nuncius, quo pacto, quove desiderio præfatum Patrem meum Dom. Zagrabensem, & videam, & retineam; in cuius profecto factis & rebus,
- 4 quidquid Paternitas tua (4) egit hætenus cordialissime, ut audio, agetque, par mihi cum eo exinde editur obligatio. Nam id totum, quod sibi prosperum, quod utile, quod denique onerosum, vel agre, idem mihi cum eo pariter dividue necesse est ut fiat. Regni nostri nondum omnino quietari turbines, & in ipsis nostris factis (5), quo minus placide expediantur, turbines faciunt. Atamen speramus, ut Paternitatis tue opera, nostro etiam adfusu, ulro citroque ea expedita ex impedito reddantur. Valeat Paternitas tua feliciter. Ex Waradino xx. mensis Decembris. Anno Dom. MCCCCXLVII.

## Notæ.

(1) Natalis e Veneta Patricia Georgiorum familia, Ecclesiam Nonensem gubernavit ab anno 1440. usque ad an. 1463.

(2) Ille Dominus Demetrius Czupor prius Episcopus Tinniniensis, translatus fuit per Dominum Eugenium Papam ad Ecclesiam Zagrabensem; sed usque hoc tempus possessionem ejusdem habere nequivit de manibus Comitum Ciliæ (id est Friderici & Ulrici Gubernatorum Episcopatus Zagrabienensis), qui ejus castra conservant; & hoc tempore ille Dom. Demetrius stabat in Waradino apud Dom. Episcopum, amicum suum. Ivanichius.

(3) Scilicet quem ipse Demetrius Episcopus pro facto suo ad eum hoc tempore e Waradino mittebat. Ivanichius.

(4) Scilicet apud Sedem Apostolicam laborando. Ivanichius.

(5) Scilicet Domini Demetrii Episcopi. Ivanichius: hujus videlicet causa quibusdam veluti turbibus dissidii civilis Slavonia agitata erat, cum alii Demetrio, alii Benedicto faverent.

Nicolaus V. decretum Eugenii de translatione Demetrii ad Ecclesiam Zagrabensem confirmavit, cum res hujus Ecclesiæ perturbatas & afflictas aliter componi, atque in pristinum statum redigi non posse, ex nunciis & litteris sibi allatis intelligeret. Verum Benedictus fautorum suorum, ac præsertim Comitum Ciliæ patrocinio nixus decretum atque imperium Pontificis constantissime abnucebat; neque enim e dignitate, reque sua esse putabat ab Ecclesia nobilissima atque opulentissima ad Tinniniensem longe inferiorem decedere. Itaque Joannes Hunniades pro sua providentia, in omnes regni partes intenta, de infelici statu Ecclesiæ Zagrabienensis admonendum putavit summum Pontificem, rogandumque ut sua interposita auctoritate Benedictum loco cedere, & sedem suam Demetrio tradere juberet.

## EPISTOLA XXXVI.

Ex parte Joannis Gubernatoris ad D. Nicolaum Papam pro facto Zagrabienensis Ecclesiæ.

Beatissime Pater, & Domine metuendissime.

Non credo ignotum esse apud Beatitudinem vestram quor, quantaque turbationes (1) in re quo hoc pro facto Zagrabienensis Ecclesiæ, ortæ iraductæque sunt, pendente adhuc, in altiora verisimiliter evasura, nisi de remedio opportuno per Sanctitatem vestram provisum extiterit, pro ut super his cum Reverendis. Domino, & Patre nostro Juliano (2) Cardinali S. Angeli Sanctitatis vestre Legato personaliter collocutus sum. Unde & nescire me fateor quorsum convertam culpam, quod translatio illa, quæ de persona Rever. Patris Dom. Demetrii Episcopi, primum per Dom. Eugenium facta, & deinde per Sanctitatem vestram (3) confirmata, effectum consequi non potuit, per quam credo tantis dissensionibus finem quandoque potuisset dari, præsertim cum in ea translatione libertati (4) hujus regni bene satisfactum fuerit. Sed quia & translatio ipsa, & provisio dictæ Ecclesiæ hætenus impedita stetit, regnum hoc notabilem patitur injuriam in ipsius Ecclesiæ turbationem, propter quam, ut præmissi, poterit verisimiliter major dissensio suboriri. Quocirca Beatitudini vestre supplico humiliter quatenus dignetur causam ejusdem Ecclesiæ diligenti cura in manus desumere, taliterque, omnibus litibus amputatis, providere, ut & præfati Dom. Demetrii Episcopi (5) jura, & regni hujus libertas offensa non videatur. Quod quidem faciendum magna præfata Ecclesiæ in spiritualibus & temporalibus ruina Beatitudinem vestram commonere poterit, cujus præsertim interest talibus defectibus sine personarum acceptione providere.

Data apud Villam Kowiny die VI. Septembris. Anno Domini MCCCCXLVIII.

## Notæ.

(1) Ortæ videlicet e schismate Zagrabienfi, cum alii pro Benedicto, alii pro Demetrio infensis animis pugnarent, coque res adducta videbatur, ut jam ad arma spectaret.

(2) Julianus Cæsarinus Cardinalis S. Angeli Legatus ab Eugenio in Hungariam missus, ante quadriennium cum rege Uladislavo in prælio Varmenfi occubuerat. Legatus tamen Nicolai eam ob causam dici poterat, quod Legatus erat ejusdem Sedis Apostolicæ, quam anno superiori Nicolaus obtinuerat. Joannes autem cum eo de turbis ac dissensionibus Zagrabienfibus, ante calamitatem Varmensem, collocutus fuerat.

(3) Quod Eugenius de Demetrio, quem ad sedem Zagrabiensem transtulerat, decrevit, idem Nicolaus, foras Natalis Episcopi Nonensis, vel aliorum litteris commendatitiis impulsus confirmavit.

(4) Ut aliorum Antistitum regni Hungariæ, sic Episcopi Zagrabienfis nominandi jus liberum sibi reges Hungariæ vindicabant; in eoque etiam sita erat libertas regni Hungariæ. Ac Demetrium quidem Uladislavus rex Hungariæ elegerat, Benedictum vero Eugenius, rogatu quidem Elisabethæ viduæ Alberti regis, & Co.

Epistola  
Joannis  
Hunniadis  
ad Nicolaum  
V. pro De-  
metrio.

1

2

3

4

5



& Comitum Ciliæ, sed pro sua potestate suprema Episcopum Zagrabiensem creaverat.

(5) Quippe Demetrius ex legitima regis Uladislavi nominatione jus Episcopatus Zagrabien-  
sis adipiscendi acquisierat; ac Demetrium eo  
potiri necesse erat, ne libertas regni læderetur.

Benedictus  
Eremitarum  
Paulinæ  
amplissimum  
prædium  
donavit.

Dum hæc controversia fervebat, Benedictus  
omnia, quæ Pontificis essent, & munia exerce-  
bat, & jura usurpabat. Anno 1447. cœnobio  
Fratrum Eremitarum S. Pauli, ac templo B.  
Mariæ Virginis Remetensis prædium amplissi-  
mum, & cultissimum, cui nomen *Alsonovak*,  
mensæ Episcopali detractum, de consilio & ap-  
probatione Canonicorum donavit, hoc solum  
opere illis imposito, ut sexta quaque feria cu-  
juslibet hebdomadæ pro se & successoribus Epi-  
scopis, in honorem B. Catharinæ Martyris,  
quam præcipuo quodam cultu venerabatur, sa-  
crum facerent, ac præterea singulis annis, die  
festo S. Martini tum sibi, tum ceteris deinde  
Episcopis, nomine tributis, dimidium aureum  
penderent.

Tabulæ  
donationis.

Benedictus Dei, & Apostolica Sedis gratia  
Episcopus Zagrabien-  
sis, omnibus Christi fide-  
libus, tam præsentibus, quam futuris præsentium  
notitiam habituris salutem in omnium Salvatore.  
Ad universorum notitiam hæc serie volumus  
pervenire; Quod nos attentis, & in arcano men-  
tis nostræ diligenter præmeditationis dictis S. Pauli  
Apostoli in epistola sua exprimentis; qui parce  
seminat, parce & metit, & qui seminat in  
benedictionibus, de benedictionibus & metet,  
scilicet vitam æternam: sperantes etiam nos in  
die extremo vitæ nostræ precibus devotis viro-  
rum religiosorum, quibus manus porrexerimus  
adjutrices, ante conspectum divinæ majestatis  
posse adjuvari, & pro temporalibus bonis æter-  
nam percipere remunerationem; tum etiam ob  
spem, & devotionem nostram, quam erga Bea-  
tissimam, & gloriosissimam Dei genitricem Vir-  
ginem Mariam, advocatam nostram gloriosissi-  
mam, in cujus honorem claustrum religiosorum  
Fratrum Eremitarum ordinis S. Pauli primi Ere-  
mitæ, in territorio Zagrabien-  
si prope Zagrabiam  
constructum existit, & fundatum; & ad sanctifi-  
candam Catharinam virginem, & martyrem simi-  
liter advocatam nostram specialem gerimus, &  
habemus; quarum precibus nedum in præsentis  
vitæ, verum etiam in cælesti hierarchia spera-  
mus confoveri; quamdam possessionem nostram  
*Alsonovak* vocatam, in contigua vicinitate pos-  
sessionis præfati claustris B. M. V. Fratrum Ere-  
mitarum similiter *Novak* appellatæ penes fluvium  
*Blisnia* nuncupatum, habitam, & existentem, in  
qua pro nunc septem Jobagiones, seu coloni re-  
sidentiam facerent personalem, ad curiam no-  
stram, & ad mensam nostram Episcopalem per-  
tinentes, & spectantes, cum eisdem possessionis,  
& sessionum Jobagionalium utilitatibus, & per-  
tinentiis universis, videlicet terris arabilibus,  
cultis, & incultis, agris, pratis, fœnilibus,  
sylvis, nemoribus, aquis, aquarum decursibus,  
nec non aliis usibus, utilitatibus, fructuositati-  
bus, & pertinentiis ad eandem possessionem, &  
sessions Jobagionales pertinere debentibus, nec  
non proventus, obventionibus, & emolumentis,  
& decimis tam vini, quam etiam frugum,  
& bladorum in eadem possessione, seu in facie  
terræ ejusdem possessionis dumtaxat existentibus,  
de consensu honorabilium Dominorum Canonicorum  
de Capitulo Ecclesiæ nostræ Zagrabien-  
sis fra-

trum nostrorum charissimorum, a curia, & men-  
sa nostra Episcopali penitus & omnino sequestran-  
do, ex certa nostra scientia, & omni eo jure,  
quo nostra incumbit donationi, & collationi præ-  
fato claustrum Beatæ Mariæ Virginis & per con-  
sequens religiosi Fratres Eremitis in eodem ju-  
giter degentibus, & Deo famulantibus, ad lau-  
dem Dei Omnipotentis, & honorem Genitricis  
ejusdem Virginis Mariæ gloriosa, ac Sanctæ Ca-  
tharinæ, totiusque cælestis Curie, ob expiationem  
scelerum nostrorum, ac remedium salutis no-  
stræ, & R. R. Dominorum Episcoporum ejusdem  
Ecclesiæ successorum nostrorum pure propter Deum,  
& ex gratia nostra speciali, in perpetuam elec-  
mosynam, & memoriam dedimus, devovimus, &  
conculimus, immo damus, donamus, & conferi-  
mus jure perpetuo, & irrevocabiliter per idem  
claustrum, & Fratres Eremitas in eodem exi-  
stentes tenendam, habendam, & possidendam. Ita  
videlicet quod isti Fratres in eodem claustrum  
pro tempore existentes, singulis futuris tempo-  
ribus, & annis in qualibet septimana, seu sin-  
gulis hebdomadis qualibet feria tertia, unam  
Missam in cantu, aut lectione, seu voce submis-  
sa, de S. Catharina pro nostra, & successorum  
nostrorum Episcoporum salute, cum quinque col-  
lectis, prima videlicet de eadem S. Catharina,  
secunda de tempore, tertia de B. Maria Virgi-  
ne, quarta pro Episcopis defunctis, & quinta  
pro pace, aut pro Episcopis vivis, in eodem  
claustrum B. M. Virginis sub pœna obedientiæ  
regulæ ipsorum dicere, perficere, & celebrare  
debeant, & sint obligati. Et insuper singulis  
annis futuris in festo S. Martini Episcopi, &  
Confessoris Prior, aut Fratres in eodem clau-  
stro pro tempore constituti, de eadem possessione  
in signum Domini pro medio floreno auri, de  
moneta pro tempore corrente, nobis, & succes-  
soribus nostris Episcopis videlicet Ecclesiæ no-  
stræ Zagrabien-  
sis, dare debeant, & teneantur. In  
cujus rei memoriam, firmitatemque perpe-  
tuam, præsentis litteras nostras sub appensione  
sigillorum nostri, & præfati Capituli præno-  
tata Ecclesiæ nostræ Zagrabien-  
sis, eidem clau-  
stro, & Fratribus Eremitis in eodem Deo fa-  
mulantibus duximus concedendas. Datum Zagra-  
biæ in Palatio solitæ nostræ residentiæ. Feria  
quinta proxima post festum B. Gregorii Papæ,  
& Doctoris. Anno Domini 1447.

Anno 1448. Joannes Hunniades ad Var-  
mensem ignominiam delendam, clademque ul-  
ciscendam, ingentem exercitum contra Turcas  
eduxit in Campum Merulæ, qui Rasciam &  
Bulgariam interfaceret. Tribus diebus utrinque  
pugnatum est acerrime; tertia die penes Turcam  
victoria fuit; cæteraque parte magna procerum &  
nobilitatis Hungariæ, Christianorum octo mil-  
lia perierunt; quamvis longe plurimum sanguine  
& vulneribus ea Turcis victoria stetit. Nec  
viro animum despondit; eamque calamitatem,  
quam prosperæ res deinceps multæ consecutæ  
sunt, sapienter ac fortiter tulit, & majores  
inde spiritus sumpsit ad barbaros oppugnandos,  
ut ipsemet declarat in suis ad Stephanum Co-  
mitem Senæ litteris Christiano homine dignis,  
quæ inter veteres Scriptores rerum Hungarica-  
rum Tomo II. insertæ sunt: Ceterum, inquit,  
ad iterandam Christianorum, & fidei defensionem  
novam curam paramus, non pavidi ex ingrato  
casu, nec desperantes de adverso principio; præ-  
sertim cum casus ille non sustulerit nobis ani-  
mum, sed acuerit, & minus certe fregit, quam  
irri-

Prælium  
Hunniadis  
cum Turcis  
infelix.

irritavit nostrum. Novimus enim belligerando, & inferre, & pati arma. Nostrum interest redire spei, & vivacibus adhuc armis incumbere, eventus vero rerum caelesti judicio commendare; nam pro peccatis nostris minus est omne, quod patimur. Igitur eo ardentius fidentiusque assurgimus, quo magis edocli vidimus, quod superna animadversio non internecionem sapit, sed eruditionem. Huc adde tumultus, & seditiones Bohemicas, & optimatum, qui ejus gloriæ invidabant, occultas conspirationes, aliasque plurimas & molestissimas occupationes, quibus in administratione totius regni, tam vixie diffusa ac difficili, Hunniades distineri & conficiari necesse erat. Verum in tanta curarum & negotiorum mole, partem aliquam lux vigilantiae & sollicitudinis in Ecclesia Zagrabiensem derivavit; quamvis æque Episcopus, & Capitulum ab Demetrio sedis Zagrabienensis obtinendæ cupido, cui favebat Hunniades, alienos se ostenderent, ejusque cupiditati obstitarent. Budæ cum esset, de tributis ac decimis Capitulo solvendis duo mandata severissima dedit, alterum in festo Cathedralis S. Petri ad magistratus oppidi de Buziak, alterum ad nobiles viros territorii Klokochensis, quæ decimæ, inquit, ex regum, ac reginarum indulgiis, ac sententialibus litteris Episcoporum Zagrabiensum & principum Friderici & Ulrici Ciliæ Comitum, Banorum Slavoniae &c. Capitulo debentur; illas sine fraude ac diminutione contribui jubet; nisi pareant, imperatum esse Banis, & Vicebanis, ut eos multæ & aliarum pœnarum irrogatione compellant.

Ecclesia  
Zagrabien.  
negotia curare non  
omittit.

Benedictus  
veritus ne  
cogere  
Ecclesiam  
Zagrab.  
mittere, ad  
aliquam Ec-  
clesiam Hun-  
garicæ cogi-  
tationem  
convertit.

Cum Benedictus diffusis patrocinio Comitum Ciliæ & aliorum suorum fautorum, in quibus adversus supremam auctoritatem Gubernatoris totius regni, & præpotentes Dynastas alterius partis, quæ favebat Demetrio, satis præsidii sibi esse non putaret, præsertim post obitum Elisabethæ matris Ladislavi, ante paucos annos extinctæ, tandem consilium cepit Ecclesiæ Zagrabienensis dimittendæ, sive cum alia commutandæ. Ecclesia Tiinniniensis, ad quam transfundi potestas facta illi fuerat per Eugenium Papam, parum arridebat; quod nobilitate atque opibus longe inferior erat, quam Zagrabienensis. Ad Ecclesias regni Hungariæ spectabat, & potissimum ad Vacientem amplam & honorificam, vestigalibus haud sane contemnendis instructam, quam Episcopus vita functus per eos dies vacuam reliquerat. Rem commendavit Dionysio Archiepiscopo Strigoniensi, & Michaeli de Previdiæ Præposito Ecclesiæ Posoniensis; utrique potestatem fecit hujus negotii nomine suo transigendi, & Ecclesiæ Zagrabienfis rite & secundum formulam juridicam commutandæ cum Vacienti, vel cum alia qualibet regni Hungarici, siqua forte vacaret; quidquid vero ipsi in hujusmodi re conficienda agerent, & quoquo modo, & quibuscumque honestis ac licitis conditionibus transigerent, id ratum se habiturum, suæque plena approbatione confirmaturum. Michaeli autem Præposito Posoniensi facultatem dedit sumendi quadringentos aureos ex pecunia illa, quam cistella inclusam, suoque sigillo obfirmatam apud cœnobiartham monasterii Viennensis Sanctæ Mariæ ad Scotos deposuerat; ut inde suppeteret, unde sumptus fieri possent in scribas, acta forensia, aliaque hujusmodi, quæ ad id necessaria viderentur, seclula tamen omni labe, vel

suspicionē simoniaca. Extat ejus de hac re mandatum apud P. zium Tomo VI. Codicis epistolaris parte 3. pag. 317.

Facultas levandi certam summam pecuniæ deposita, & Episcopatum Zagabriensem cum Vacienti in Hungaria permutandi.

Benedictus, Dei & Apostolicæ Sedis gratia Episcopus Ecclesiæ Zagabrienfis memoriæ commendamus, & tenore præsentium significamus, quibus expedit, universis, quod nos damus, tribuimus, & irrevocabiliter tribuendo concedimus plenam, meram ac omnimodam potestatem & facultatem, venerabili & egregio viro Magistro Michaeli de Previdiæ, licentiato in Decretis, nec non Præposito Posoniensi, uti Fratri nostro Carissimo, & in secretissimis factis nostris nostro Spirituali amico, recipiendi, tollendi, levandi & accipiendi quadringentos florenos auri de florenis, quos in parva quadam ladula, sive cista, apud Venerabilem Patrem Dominum Martinum Abbatem Monasterii Beata Mariæ Virginis ad Scotos Wiennæ nos in presentia ejusdem Michaelis Magistri deposuimus, & conservari fecimus. Ipse quoque Dominus Abbas eisdem quadringentos florenos auri prenotato Magistro Michaeli mox visis presentibus sine omni mora & dilatione dare & assignare debet & teneatur, quos prefatus Magister Michael in factis nostris secretissimis & sibi bene notis, ac alias, ubi & quando opus fuerit, seu necessitas fuerit, prout sibi videbitur expediens, seu opportunum, exponere habebit. Damus etiam eidem Magistro Michaeli potestatem plenam atque facultatem, prefatam nostram cistam, seu ladulam in presentia dissi Domini Abbatis cum clave, seu sine clave aperiendi & eisdem quadringentos florenos ex ea recipiendi, & eandem vice versa claudendi & sigillo suo & prefati Domini Abbatis iterum sigillandi. . . & roborandi.

Ejus ad  
Michael-  
lem Prævi-  
diam Præ-  
positum  
Posoniensem  
mandatum.

Insuper ut in aliis litteris nostris dedimus, ita & modo, & ad præsens damus, donamus & tribuimus plenam, meram & commodam potestatem & facultatem irrevocabiliter perpetuis temporibus in futurum Reverendissimo in Christo Patri & Domino Domino Dionysio, Sanctæ Romanæ Ecclesiæ Tituli sancti Ciriaci in Fermis Presbytero Cardinali necnon Archiepiscopo Ecclesiæ Strigoniensis, & prenotato Magistro Michaeli de Previdiæ Licentiato & Præposito Posoniensi Ecclesiam nostram Zagrabiensem, & Episcopatum nostrum Zagrabiensem in forma Juris solita & consueta, ex causa permutationis cum Ecclesia seu Episcopatu Vacienti, aut alio Episcopatu in regno Hungariæ habito & existenti resignandi, & ipsam Ecclesiam Vacientem, seu alium Katedralem quamcumque in regno Hungariæ predicto loco, & in persona nostra accipiendi, & possessionem tam temporalium, quam spiritualium accipiendi; necnon super hujusmodi permutatione fienda concordandi, componendi, laudandi, & in certa pecuniarum summa, modis tamen & formis licitis & honestis, concordandi, ac alias disponendi & faciendi secundum a Deo ipsis datam prudentiam, prout ipsis melius & convenientius videbitur expediens & opportunum. Et promittimus habere ratum & gratum perpetuis temporibus sub ypotheca omnium bonorum nostrorum mobilium & immobilium, omnia & singula in presenti nostra littera descripta. In cujus rei evidentiam presentem litteram nostram cum subscriptione manus nostre præ-

proprie & secreti ac sigilli nostri munimine duximus roborandam & muniendam, ad robur & firmitatem perpetuam & perpetuum. Datum feria sexta proxima post diem Cinerum, in loco per nos infrascripto. Anno Domini millesimo, quadringentesimo, quadragesimo nono. Ego Benedictus de Zolio Episcopus Zagrabienensis, presenti littera sive chirografo manu mea propria conscripta, & signeto meo secreto annulari, necnon sigillo meo communi munita, & roborata, bona fide, sub juramento meo proprio, ac honore Sacerdotali, promitto, me obligo, & astringo habere ratum, gratum, firmum stabile irrevocabiliter ac irrefragabiliter perpetuis temporibus omnia & singula in presenti littera mea superius descripta, in omnibus suis punctis & articulis, omnemque ordinationem, dispositionem, obligationem & concordiam, seu arbitramenta, conclusionem, quam Reverendissimus in Christo Pater & Dominus Dom. Dionysius Sanctae Romane Ecclesie Cardinalis, Archiepiscopus Strigoniensis, ac Venerabilis vir Magister Michael de Previdia Licentiatu in Decretis, Praepositus Poseniensis, inter me, & Reverendissimum Demetrium Chuppor seu alium quemcumque Episcopum, quo ad Episcopatum Zagrabiensem, & titulum ejusdem, bona, proventus & regimen sive administrationem fecerint, disposuerint, atque finaliter concluderint, pro nunc, sicut pro tunc irrevocabiliter, accepto, & ratifico, ac omnimode ratificabo, nullo unquam tempore directe vel indirecte volens hujusmodi dispositioni contravenire, vel contradicere. Scripsi in Iwanich possessione mea Episcopali, feria sexta proxima post diem Cinerum, Anno Domini millesimo quadringentesimo, quadragesimo nono.

Verum nescio quid causae obstiterit, quo minus Vacientem sive alium Hungaricum Episcopatum Benedictus assequeretur. Itaque Ecclesiam Zagrabiensem retinuit. Nicolaus Pontifex, cum Joannis Hunniadis, tum aliorum litteris ac nunciis impulsus, ut mederetur incommodis Ecclesiae Zagrabienensis, ejusque tranquillitati ac saluti consulere, ne quid inconsulto decerneret, ageretur, de quibusdam rebus, quae ad statum illius Ecclesiae, & personam Benedicti pertinebant, certior fieri voluit ab Episcopo Varadinensi; eique per litteras imperavit, ut ad quaedam sua postulata articulatim distincteque responderet. Episcopi responsio haec fuit.

## EPISTOLA LXX.

Ex parte Episcopi Waradiensis ad D. Nicolaum Papam responsalis super quibusdam articulis de facto Ecclesiae Zagrabienensis.

Beatissime Pater, & Domine metuendissime.

Episcopi Gestendum mihi erat, & mei similibus prae-  
Varadinensi vertere curam ad impulsandas aures vestrae Bea-  
tis respon- titudinis, in ea re, in qua nunc eadem sponte  
sio ad Ni- sollicita, certam a me operam exquirat, in facto  
colaum Pa- videlicet Ecclesiae Zagrabienensis, de ejus statu  
pam. & loqui, & tacere, &que ad utrumque com-  
passio intercedit. Haec enim est Ecclesia, Beatissime Pater, quae, uti opinor, decimum septimum  
1 (1) jam annum fere viduam agens, nusquam  
2 Pastorem recte (2) regem sortiri potuit, nullius inexperience gravaminis, nullius denique  
in clero, & populo detrimenti, & incommodi  
Illyrici Sacri Tom. V.

exors, quae privigna manus vel potuit inferre, vel voluit; & quae olim, dum proprio & libero rectore curabatur, aequum magnifica sua doti statum, & locum gerebat; nunc vero scissa inter duos, (3) nec uno recte ac libere potiri valet. Nihil igitur in ea sorte, ad quam perducta est, de ejus statu vel dicendo, vel tacendo revolvi poterit, cui compati necesse non sit, quanto magis videre eam tam indignam orbitatem pati molestum esse debet, praesertim cum adhuc, & ad hos usque dies, gaudet in afflictam servare noverca (4) potestas. Placeat vel nunc demum Deo nostro, & Beatitudini vestrae, misericordes ad eam oculos convertere, quae profecto jam non parietum, sed animarum emulandam ruinam minatur, & cui omne jam tempus serum est evadendi de mediis malis. Ego vero postquam litteras Beatitudinis vestrae circa initia praesentis mensis Decembris accepi, omnem operam dedi, mihi hoc stricto tempore possibilem, ut mandato Sanctitatis vestrae satisfacere possem, reddereque quam efficacius expedita, quae juxta interrogatoria & articulos cedulae, ejusdem Sanctitatis vestrae litteris inclusa, inquirenda & elicienda, ac demum referenda, & vestrae Sanctitati significanda erant. In qua re, quo minus plane scriberem, hoc mihi impedimento fuit, quod tempus ad respondendum breve, locumque ad inquirendum (5) remotiorem habuerim; nihilominus, quid, quantumque, & qualiter in ea re edoctus sim, edoscribere hoc intervallo potuerim, si non plene, recte tamen Sanctitati vestrae significandum duxi.

Ad primum igitur articulum, qui formam hanc habebat: „& primum te informabis de praesenti statu Ecclesiae Zagrabienensis temporali & spirituali, ac de praeterito tempore, quo Dom. Benedictus fuit promotus, ac de scientia, vita, & moribus ipsius. Id elicere & dicere possum in primis, quod praesens status ipsius Ecclesiae temporalis, ut praefatus sum, profano regimini subiectus, premitur ac debilis est, ita ut si ad priorem illum, in quo (6) ego quoque ante certa tempora versatus sum, comparatus fuerit, videbitur profecto non parum mutatus faciem; spiritualis vero status ejus quam maxime neglectus dicitur, utpote qui illibera (7) manu agitur, magis, quam curatur. Ceterum de praeterito tempore, quod idem Dominus Benedictus promotus fuit, quantum cum memoria confero, id quidem constat, quod promotio sua, eo ipso tempore, in quo novissimi disturbii, ac feralis (8) dissensionis regni hujus initia struebantur, coorta est; cui forte & ipsa tunc nascentis temporis qualitas, hunc, quem consecuta est, turbinem portendebat. Scissum erat regnum, simul & regni regimen, duo concurrebant, a duabus diversis partibus pro ipsa Ecclesia obtinenda (6); demum ad preces quondam Dominae Elisabeth Reginae nostrae, ac Dominorum Comitum Ciliae, ipse Benedictus nomen quidem ac titulum Ecclesiae obtinuit, verum quoad rem possidetur (10) magis, quam possidet, magis etiam ex hac promotione dissidenti Ecclesiam ipsam illigavit potestati laicae, quam (11) eripuit. Praeterea de vita & moribus ejusdem, quo tenore nunc consistant, parum equidem certi astruere valeo; nam a promotionis suae tempore nec loco, nec conversatone sibi proximus esse potui; de scientia vero clarius commendari potest. Noveram ipse hominem, dum in minoribus erat, pro more patriae nostrae in artibus liberalibus doctum; (12) nam

& Doctorem artium, & bacellarium in sacra Theologia communiter eum appellant.

Sequitur alter articulus: an ipse Benedictus Ecclesia ante dicta bona & castra alienaverit. De alienatione aliqua, Beatissime Pater, mihi certe constare non potuit, cum numquam castra & bona dictae Ecclesiae libera manu habuerit, aut possederit; verumtamen, ut a fide dignis de ipsius Ecclesiae corpore personis edoctus sum, castra ipsa, quantum in eo fuit, sub gravibus conditionibus in tanta pecuniae summa (13) inscripsit, ut vix umquam compos esse possit in solvendo quo ab hoc onere Ecclesiam ipsam absolvere valeat; quamquam facile credam id, si quid in hac parte ab eo actum est, nequaquam ex abundantia (14) cordis editum.

Deinde tertio loco ponitur: quam ob causam in (15) carceribus detentus sit, & quo tempore relaxatus. Causam detentionis ejus nec scire, nec judicare recte potui; audiui tamen de ea varia dici; alii enim debita, praetextu inscriptionis suae, non soluta; alii (16) suspicionem pro causa fuisse dicunt; item alii aliam. Sed nulla mihi tam sufficiens visa est, ut Episcopus ipse carceres mereretur, & eos, inquam, carceres, quibus addictus fuit; de qua altius Beatitudo vestra velim cognoscere, simul & de tempore captivitatis suae, quod quidem post decimum sextum prope mensem finitum est.

Post additum in cedula ipsa: quo pacto Comites Cilia castra tenent Ecclesiae (17) antedicta. Super hoc sane alio relatore opus est, qui de mente ipsorum Dominorum Comitum plura coram haberet: mihi vero in hac parte sufficere reor, si confiteor castra ipsa in gravamen Ecclesiae ipsius detineri, eo nimirum pacto, ut nihil deferatur Ecclesiae, modo & utinam non aufertur.

Succedit nunc ad respondendum super eo: an ipse Dom. Demetrius translationi de se factae ad Ecclesiam Tinniniensem acquiescere velit, vel umquam acquieverit. Et in hoc Beatissime Pater, opinio mea satisfacere nequaquam potest; quoniam res ipsa jam in id genus controversia deducta est, in quo de proprio actu plerumque in inficias (18) itur. Id tamen novi, quod ea tempestate, qua quondam Dom. Julianus (19) Cardinalis S. Angeli in hoc regno Apostolicae Sedis legatione fungebatur, quo quidem tempore quondam Marko Banus dictae Ecclesiae Gubernator etiam supervixerat, cum praefatus Dom. Benedictus quominus possessionem ipsius Ecclesiae (20) assequeretur, rem desperatam videret, certis vicibus apud ipsos Dom. Legatum & Markonem Banum, verba per litteras interposuit, per quae de Zagrabienſi Ecclesia ad beneplacitum D. Demetrii Episcopi permutationem procurasse videbatur. Ex post vero si translationi de se factae acquieverit, vel nunc acquiescere velit, super hoc certe efficax periculum habere non potui.

Postremo ubi adjicitur: an ipsa Ecclesia incrementum susceptura sit ob translationem Demetrii, & si is gratus sit populo, cleroque? ego quidem de futuris eventibus parum definire valeo: verum hoc aperte conjicio nullum aptius incrementum Ecclesiae ipsi vel deferri, vel constitui posse, quam reditum (21) in libertatem. Ceterum de persona ipsius Domini Demetrii, quantum de mente Domini Gubernatoris nunc sentio, quantum etiam a plurimis Dom. Praelatis & Baronibus regni, praeterea de intentione Communitatis nobilium audiui, multo libentius huc ipsum

in assecutione dictae Ecclesiae praefato D. Benedicto praferri mallent, huicque in idipsum plus & magis favere videntur ac favent: qui quidem & genere, utpote baronum altior, & conversatione ipso Dom. Benedicto notior, & auctoritate pariter feracior existit. Restat ut Beatitudo vestra jam causam ipsam in manus desumens, erranti ipsi Ecclesiae certam provisionem statuatur, ponatque tandem, post longos casus, & liti huic versatili, & dissensionem pariter finem. Facile id quidem Beatitudo vestra efficiet, si hunc ipsum inter hac praferendum duxerit, cui amplioſorem favorem deferendum noverit ad ipsius Ecclesiae libertatem reducendam. Placeat modo causae hujus merita, sicuti inquirere, ita & adjudicare sollicitae, si laborum ipsius Ecclesiae Beatitudinem vestram piget tædique. Hac habui Beatissime Pater, secundum quod conscientia testis esse potuit, super his mandatis rebus Beatitudini vestrae rescribere; quae si in parte aliqua dubio digna videbuntur, poterit Beatitudo vestra aliorum, qui magis experti sunt, testimonia his jure antepanere. Meis vero votis plane satisfactum reputabo, si diebus meis videro Ecclesiam ipsam suo loco, & dignitati restitutam. Conserveſt Altissimus Sanctitatem vestram feliciter, cujus me pedibus humillime recommitto. Ex Varadino die xx. Decembris anno Dom. MCCCCL.

Notæ.

(1) Videlicet a tempore Joannis Episcopi, qui obiit anno Domini 1433. Ivanichius. Ab hoc anno interregnum Episcopale usque ad annum 1450. perduxit Episcopus Varadinensis, perinde quasi nulli fuerint hoc intervallo Episcopi, & vidua fuerit Ecclesia per annos ipsos septemdecim, propterea quod per hosce annos administratio Episcopatus laicis hominibus commissa erat. Ceterum hoc interregnum vix decem annos tenuit; anno siquidem 1442. Benedictus legitime electus & approbatus hujus Ecclesiae regimen sumpsit.

(2) Id est recte regentem, vel sui regiminis compotem. Ivanichius. Siquidem vel ipse Benedictus omnia fere Administratorum secularium arbitrio permittere cogebatur.

(3) Scilicet inter Benedictum & Demetrium Episcopos. Ivanichius. Neuter liberam & plenam Ecclesiae regendae potestatem habebant; non Demetrius, qui sedis Episcopalis possessionem adire non poterat, non Benedictus, cui fautores Demetrii, & Comites Ciliae, quibus obstrictus & obnoxius erat, obstabant, ne quae voluisset ac debuisset, decernere, & agere posset.

(4) Id est secularis; quia tenebatur, & adhuc tenetur per manus seculares, prius videlicet per Markonem, nunc per Comites Ciliae. Ivanichius.

(5) Varadinum quippe a Zagrabia longe distat in septemtrionem.

(6) Ille enim Dom. Episcopus Varadicensis etiam steterat in Zagrabia bono tempore, & statu ejusdem. Ivanichius.

(7) Quia praefatus Dom. Benedictus Episcopus erat in dominio Episcopatus tali quali, quo ad spiritualia exercenda; sed ea non libere exercebat. Ivanichius.

(8) Cum scilicet Hungari in duas factiones distracti essent; & alii pro Ulaslavo Duce Lithuaniae, alii pro Ladislavo filio posthumo Al-

Alberti infestis animis armisque pugnabant.

(9) Scilicet Benedictus & Demetrius praelati, unus ex parte Reginae Elisabethae, ac Comitum Ciliae, & alter ex parte regis Poloniae & Baronum. Ivanichius. Rogatu Elisabethae viduae Alberti regis & Imperatoris Eugenius Ecclesiam Zagrabientem Benedicto decreverat, atque huic Comites Ciliae favebant. Benedicto autem Uladislavus frater regis Poloniae, cui magna pars Hungarorum regnum Hungariae detulerat, Demetrium ab se nominatum Episcopum opposuerat, & huic plerique Proceres fludebant.

(10) Videlicet possessor Episcopatus dici non potest, cum eum potius possideant Gubernatores laici, ad quorum arbitrium & nutum se accommodet necesse est.

(11) Quia obligavit se, & eandem Ecclesiam ad solvendum viginti millia florenorum pro expensis Comitum Ciliae, quas dicunt se fecisse, in expugnatione castrorum dicti Episcopatus post obitum Matkonis Bani. Ivanichius.

(12) Praclarum doctrinae & scientiae testimonium Benedicto tribuit.

(13) Videlicet in viginti millibus florenorum, ut dictum est. Ivanichius.

(14) Id est bona & libera voluntate. Ivanichius.

(15) Quam ob causam, quove anno Benedictus in carcerem conjectus fuerit, nulla mihi sunt monumenta, unde scire possim. Causam sibi satis non esse notam vel ipse Episcopus Varadinensis facit.

(16) Quia dicebant aliqui quod volebat occulte transmigrare ad Hungariam & ad Gubernatorem. Ivanichius; invitis fortasse Comitibus Ciliae. Ceterum non intelligo cur Benedicto crimini datum fuerit, quod ad Joannem Hunniadem supremum regni Gubernatorem sive auxilii, sive juris petendi causa adire voluerit.

(17) Comites Ciliae castra Ecclesiae antea restituere volebant, quam a Benedicto & Ecclesia pecuniam pactam reciperent pro sumptibus, quos de suo fecerant, ut eadem castra vi atque armis recuperarent.

(18) Id est negationis, unde inficiari, id est negare. Ivanichius. Non aliunde sciri potest, nisi ex ipso Benedicto, assenseritne, an repugnaverit suae translationi; huic vero integrum est alterutrum negare, vel affirmare.

(19) Qui in superiori praelio maritimo periit. Ivanichius. Id est in pugna Varmensi, in qua Uladislavus, & Julianus Cardinalis occubuerunt. Sed ea pugna non maritima, sed terrestris fuit.

(20) Obstabat siquidem Uladislavus, ne Benedictus decreto sibi ab Eugenio Episcopatu potiretur, quem ipse Demetrius Tinniniensi Episcopo contulerat; & cum ejus adipiscendi spem sibi praecisam videret, de illo commutando cogitabat, egeratque cum Juliano Legato Apostolico & Matkone Bano; sed post interitum Uladislavi, cum in possessionem ejusdem Episcopatus venisset, illum retinere decreverat, aut certe cum Tinniniensi commutare volebat, nec dimittere nisi aliquo regni Hungarici Episcopatu obtento, ut supra ex ejus testificatione apparet.

(21) Id est in eo sitam esse salutem, tranquillitatem, utilitatem Ecclesiae Zagrabientis, ut laicorum hominum dominatu exempto, in pristinum statum ac libertatem restituatur. In Illyrici Saepi Tom. V.

extremo hujus Epistolae paragrapho ait Demetrius ob generis nobilitatem ab omnibus expecti, & Ecclesiae Zagrabienti perutilem fore.

EPISTOLA LXXI.

Ex parte Joannis Gubernatoris ad D. Nicolaum Papam super re praetacta.

Beatissime Pater, & Domine metuendissime.

Sapenumero egi apud Beatitudinem vestram pro facto Zagrabientis Ecclesiae, quae longo jam schismate errabunda, quotannis in deteriora produci-

Epistola Joannis Hunniadis ad Nicolaum V.

tur; egi, inquam, ut vel suo tandem ab hoc errore correctae, libertati suae, & statui redderetur; non abs re quidem ratus jam radio duci posse, dum plura ejus inconmoda, recte per longas invaluerent moras. Mihi vero Pater Beatissime, ac pariter officio meo non parum adjumenti detrahatur, quod ipsa Ecclesia in hanc divisionem resoluta, loci ac muneris sui vicem exequi nequit. Nam veteri statuto regni, tenerentur praelati ipsius Ecclesiae in rebus ac defensionibus (1) publicis, consilio mihi, atque opere assistere. Jure igitur pro ejus restitutione cura mihi impendat, ne aliquid praeterire videar, quo regni hujus defectibus opulari possim. Cum autem circa provisionem ipsius Ecclesiae, quo minus libere sequi posset, differentia illa obsistat, quae inter duos Episcopos, pro jure ejusdem dissidentes, haecenus versata est; si hac in re Beatitudo vestra sententiam meam pensi habere dignabitur; ego quidem inter hos duos, ad partem Rever. Patris D. Demetrii Episcopi, omnia & modo possibili declinare statui. Is etenim cum genere magno & nobili, tum vero auctoritate status, praelatorum consortio, magis idoneus reputatur; a me vero pro suis meritis facile obtinuit, ut omnem rebus suis opportunum favorem, ac simul opem debitam sibi praestare non abnuam: porro qui ad Ecclesiam praetactam, primum per quondam D. Sigismundi (2) Imperatoris, ac post aliorum regum subsequentium litteras, efficacius vero per Bullas Apostolicas, pro more Patriae nostrae, sibi jus quaesitum (3) praetendi.

Igitur cum tota salus ipsius Ecclesiae sit in manibus Beatitudinis vestrae, cujus interest & necessitati ejusdem consulere, & profectibus viam praebere, dignetur vel nunc manum ad decretum Apostolicum interponere, quo eadem Ecclesia differentiae praetactae laqueo absolvi, suoque indubitato pastori restitui valeat. Rectius autem & voto nostro, & ipsi Ecclesiae providebitur, si inter praetactos duos, antefatus Dom. Demetrius Episcopus praeferreretur; (4) quod quidem, ut Sanctitas vestra efficiat, hac iterata instantia supplico, offerens me daturum omnem possibilem operam, ut juxta futurum super hoc Sanctitatis vestrae decretum, idem D. Demetrius loco suo, & ipsa Ecclesia libertati restituatur. Conserveat Altissimus Sanctitatem vestram feliciter regimini Ecclesiae suae sanctae. Datum Chanadini die quarta mensis Januarii. Anno Dom. MCCCCLI.

Notae.

(1) In Comitibus generalibus, ut ceteri Praefules regni Hungariae, sic etiam Episcopus Zagrabientis jus dicendae sententiae habebat, hujusque auxilio atque opera Joannes Gubernator

S s 2

ca-



carere cogebatur; dum enim de hoc episcopatu duo illi inter se contendebant, neutri accessus ad illa Comititia patebat.

(2) Sigismundus declaraverat regium esse jus nominandi Episcopi Zagrabienfis.

(3) Demetrius tum ex declaratione Sigismundi, & nominatione Uladislavi, tum ex decreto Eugenii, a quo ad Ecclesiam Zagrabiensem translatus fuerat, itemque Nicolai, qui translationem confirmavit, jus obtinendi Episcopatus Zagrabienfis acquisierat.

(4) Non solum reipublicæ, sed etiam Ecclesiæ Zagrabienfis intererat Episcopum habere Demetrium, cui ad Ecclesiam illam recte constituendam, atque a servitute vindicandam, Joannes Gubernator auctoritatem suam, operamque collaturum pollicetur.

Benedictus  
retinuit  
episcopatum

Nicolaus V.  
privilegia  
virginibus  
Benedicti-  
nis concessa  
confirmat

Diploma  
Pontificium

Ceterum neque Pontificis, neque Gubernatoris auctoritas tantum valuit ac potuit, ut Episcopatum Zagrabiensem Benedicto adimeret, ac Demetrio conferret, Canonicis, & Comitibus Ciliæ obstitentibus. Dum ea contentio fervebat, Nicolaus Papa, rogatu Antistitæ, & Virginum ordinis Benedictini, quod erat in oppido, & insula Ivanichii, quidquid terrarum & prædiorum possidebant, vel in posterum legitime acquirerent, itemque immunitates & privilegia sive a Sede Apostolica, sive a Regibus Hungariæ iisdem diplomate amplissimo communivit & confirmavit.

*Nicolaus Episcopus servus servorum Dei. Dilectis in Christo filiabus Abbatissæ, & Conventui Monasterii Beate Mariæ, in insula Ivanich ordinis Sancti Benedicti, Zagrabien. Diocesis, salutem, & Apostolicam benedictionem. Cum a nobis petitur, quod iustum est, & honestum, tam vigor equitatis, quam ordo exigit rationis, ut id per sollicitudinem officii nostri ad debitum perducatur effectum. Ea propter, dilectæ in Domino filiæ, vestris iustis postulationibus grato concurrentes assensu, personas vestras, & loca in quibus divinis estis obsequiis mancipata, cum omnibus bonis, quæ in præsentiarum rationabiliter possidetis, aut in futurum iustis modis præstante Domino poteritis adipisci, sub Divi Petri protectione suscipimus, atque nostra; omnesque libertates, & immunitates a prædecessoribus nostris Romanis Pontificibus, sive per privilegia, vel alias indulgentias vobis; & dicto monasterio nostro concessas, nec non exemptiones, & libertates secularium exactionum a regibus, & principibus, ac aliis Christi fidelibus vobis, & eidem monasterio indultas, specialiter autem terras, possessiones, domos, vineas, prata, pascua, ac alia bona ad dictum monasterium spectantia, sicut ea omnia iuste, & pacifice possidetis, vobis, & per vos eidem monasterio auctoritate Apostolica confirmamus, ac præsentis scripti patrocinio communimus. Nulli ergo hominum hanc paginam nostræ confirmationis, ac communitationis liceat infringere, vel ei ausu temerario contraire. Si quis autem hoc attemptare præsumpserit, indignationem omnipotentis Dei, & Beatorum Petri, & Pauli Apostolorum ejus se noverit incursurum. Datum Romæ apud Sanctum Petrum Anno Incarnationis Domini 1450. idibus Maji Pontificatus nostri anno 4.*

Post idem tempus in Comitibus Hungaricis habitis anno 1450. decretum est, ut castrum Kemlek, quod a Joanne Episcopo emptum fuerat, ut supra dictum est, & partim Ca-

nonicis, partim Episcopis relictum, deinde a Sigismundo receptum, ab Alberto & Uladislavo retentum, Ecclesiæ Zagrabienfi restitueretur: *Ad mandatum Comitiorum regni Hungariæ anni 1450. Capitulum, & Episcopus sine ulla contradictione in Kemlek statui debebunt.* Anno proximo castrum Kemlek Joannes Hunniades repetebat, quod illud ad jus regium pertinere diceret. Verum cum de castro eodem legitime tum empto, tum restituto Ecclesiæ per procuratores Capituli & Episcopi edoctus fuisset, ut erat eximius iustitiæ & religionis cultor, illius possessionem utrique non solum reliquit, sed etiam confirmavit.

Benedictus, quamvis perpetuæ cum adversaria & præpotenti factione contentiones pro se de sua retinenda non leve negotium ei facerent, tamen Ecclesiæ suæ commoda, quoad poterat, diligenter curare pergebat. Nec vero Chalmensem Ecclesiam curæ suæ ac vigilantie Episcopalis expertem esse voluit. In æde S. Spiritus, primaria illius oppidi, rogatu Canonorum & presbyterorum Chalmenium, ad cultum Deiparæ amplificandum, piam sodalitatem instituit, eique ex fructibus, quos Episcopalis mensa ex territorio Chalmenfi percipiebat, annuos proventus assignavit. In sodalium numerum ipse quoque adscribi voluit; in eandem qui nomen darent, eos piacularibus indulgentiis impertivit; sacrificia quædam anniversaria imperavit quæ fieri deberent singulis pervigiliis ante sollemnes dies Deiparæ Virginis nomine cultuque consecratos: iis vero, qui sacrum facerent, stipem ex ærario Episcopali suppeditari iussit. Nihil vero præclarius & salubrius, magisque necessarium, quam quod jura & privilegia Capituli Chalmenfis vindicavit, illud præsertim, quod, dum vacabat Ecclesia Zagrabienfis, Gubernator Episcopatus, & Magistratus laici sibi arrogaverant; jus enim conferendi sacerdotia Ecclesiæ Chalmenfis passim usurpabant; ex quo fiebat, ut qui hujusmodi Sacerdotiis præditi erant, apud eos, a quibus illa acceperant, commorarentur, eorumdem obsequiis addicti, & curam omnem inferiendi Ecclesiæ, sacellis, & altaribus, de quorum annuis proventibus victitabant, prorsus negligenter. Benedictus potestatem nominandi, eligendique ad quælibet sacerdotia, laicis ereptam, Capitulo restituit; ne tamen vel Canonici, vel curatores animarum ea sibi attribuerent, ac retinerent, omnino interdictum esse voluit. Extat ejus in hanc rem decretum.

*Benedictus Dei, & Apostolica Sedis gratia Episcopus Ecclesiæ Zagrabienfis. Omnibus Christi fidelibus præsentibus visuris, aut audituris salutem in eo, qui omnium vera est salus. Innata cordi nostro benignitas inter alias sollicitudinum curas, quibus pro augmento divini cultus, & ejus ministrorum pace, & quiete summa consideratione frequenter invigilat, & ut inter nos, nostrosque successores, nobisque subditos scandala oriunda extirparentur, & sopiantur, sub tempore nostri felicitis regiminis dignum est salubriter providere. Sane ex veridica assertionem nonnullorum proborum, & fide dignorum virorum percipimus, quod non sine gravi dolore explicantes, præsentibus nostris litteris digne duximus miserendum. Quod aliis temporibus videlicet prædecessorum nostrorum Dominorum Episcoporum, præsertimque secularium gubernatorum Episcopatus nostri prædicti Zagrabienfis, aut aliorum*

Benedictus  
in æde  
Chalmenfi  
piam soda-  
litatem S.  
Spiritus  
instituit.

Potestatem  
conferendi  
sacerdotia  
Chalmen-  
fi laicis  
ereptam  
Capitulo  
Chalmenfi  
restituit.

Litteræ Be-  
nedicti Ep-

occa-

occupatorum, ejusdem Episcopatus tempore vacationis, praeendarum, seu rectoratum, tam capellarum, quam etiam altarium in Ecclesia nostra collegiata S. Spiritus Chasmenfis fundatorum, possessionibusque, nec non villis, vineis, agris, familiis, & aliis ipsarum utilitatibus, & pertinentiis per praedecessores nostros Episcopos ejusdem Ecclesiae Zagrabienfis, vel aliis quibuscunque dotatorum, praefati praedecessores Episcopi, & Gubernatores seculares dicti nostri Episcopatus, ad eas praebendas, de collatione ipsorum, se minus juste introumitentes, Capellanos ipsorum promouebant, eisdemque eisdem conferentes. Qui Capellani timore Dei postposito, & propria salutis immemores, sequentes curias Dominorum ipsorum, divina officia per ipsos in eadem Ecclesia Chasmenfi, de jure, & ex consuetudine perficere debentes, negligebant; nec etiam advertebant ipsorum propriae salutis detrimentum non modicum, damnumque, & dispendium animarum, de quarum elemosynis, seu bonis praebenda hujusmodi sunt fundata, & dotata satis grande.

Nos igitur prout ex injuncto nobis pastoralis cura officio obligamur, ut vitam aeternam cum ceteris beatis, & caliculis obtinere mereamur, volentes circa praemissa de juris remedio providere, de consilio, & voluntate fratrum nostrorum Canonicorum de Capitulo praedictae Ecclesiae nostrae Zagrabienfis, paternali favore inclinati, omne, & totale jus patronatus conferendi omnes, & quascunque capellas, ac praebendas in annotata Ecclesia nostra, & collegiata Chasmenfi fundatas, Capitulo praedicto annuimus, concedimusque gratiose, ut amodo, & deinceps Capitulum, seu Canonici praedictae Ecclesiae nostrae Chasmenfis universas, & quaslibet praebendas . . . . . possessionatas, specialiter vero capellarum B. Catharinae V. ad latus ejusdem Ecclesiae Chasmenfis, fundatae, ac B. Stephani Proto-Martyris processionalis vocata, ante Ecclesiam praedictae Ecclesiae S. Spiritus constructa: nec non B. Joannis Evangelista, super villam novam existentis, ac altarium B. B. Petri, & Paulli, & Bartholomaei Apostolorum in eadem Ecclesia fundatorum; nec non alias omnes per praedecessores nostros, vel alios quoscunque jam dotatas, vel dotandas, dum, & quando ac quotiescunque vacaverint, tamquam veri, & legitimi patroni earundem, personis idoneis, & sufficientibus, praesertim, ad officium divinum bene aptis, & dispositis, tamquam veri patroni, & collatores, & provisos earundem, dare, & conferre valeant, atque possint, liberamque & plenam de eisdem semper vacantibus providendi babeant facultatem: Gaudentes semper & nunc, & in futurum, eo jure, quo gaudet Capitulum dictae Ecclesiae nostrae Zagrabienfis, quantum ad jurisdictionem, & collationem hujusmodi praebendarum, & capellarum, ac altarium praedictorum. Hoc adjecto, & expresso, quod nunquam aliquis Canonicorum, vel Plebanorum aliquam ex dictis capellis, aut praebendis, quovis colore quaevis sibi valeat appropriare, aut per se retinere, decernentes irritum, & inane, quantumque, per quemcunque fuisset, aut fuerit contra praemissa attentatum. In cujus rei memoriam, firmitatemque perpetuam, praesentibus sigillum nostrum, quo utimur, duximus appendendum, penes quod sigillum praedicti Capituli Zagrabienfis, fratrumque nostrorum charissimorum, ad petitionem nostram est appensum. Datum Illyrici Saceri Tom. V.

Zagrabia in festo BB. Fabiani, & Sebastiani MM. Anno Domini millesimo quadringentesimo quinquagesimo primo.

Eodem anno 1451. Paullini fratres, qui monasterium de Kamenska incolebant, domum sui ordinis, quam S. Petri appellant, in promontorio Zlati sitam, & Zagrabienfis dioeceseos juribus obnoxiam eidem monasterio adjunxerunt. Siquidem, missa ad Nicolaum P. M. legatione, humillime supplicarunt, vellet ipse, atque decerneret, ut domus S. Petri, ejusque jura omnia, ac redditus Kamenskiano monasterio conjungerentur; petitionis vero causa fuit, quod continuis Turcarum incursionibus in illam Slavoniae partem nimis esset obiecta, nulloque munita praesidio; quare & incensa saepe ignibus tecta, & fratres nonnulli hostili feritate fuerant interfecti. Propterea Pontifex ipsorum annuit votis, & Francisco Corbaviensi Antistiti litteras dedit, quibus jubet, ut, explorata primum Zagrabienfis Episcopi voluntate, utrumque locum conjungat. Haec sunt Nicolai litterae Paullinis annalibus insertae.

unio monasterii Paul-  
lini de  
Zlati cum  
Kamenska-  
no.

Nicolaus Episcopus servus servorum Dei Ven.  
Fr. Episcopo Corbav. Sal. & Ap. Bened.

Pia consideratione Romanum decet Pontificem ad ea libenter intendere, per quae locis Ecclesiasticis, & personis Religiosis . . . . . Altissimo famulantibus valeat salubriter providere.

Exhibita siquidem nobis pro parte dilectorum filiorum Prioris, & fratrum domus B. Mariae de Kamenska Ord. S. Paulli primi Erem. sub reg. S. Aug. degentium petitio consinebat, quod in monte Zlati Dioc. Zagrab. est quaedam domus ejusdem Ord., quam fratres dicti Ord. habitare consueverint, tamen propter metum Turcarum, qua pluribus annis . . . . . incendium ibidem posuerunt, & nonnulli ex fratribus in ea commorantibus interfecti fuerunt, illiusque possessiones, & bona mobilia ad alienas manus deveniunt, inhabitata remansit. Quae quidem domus S. Petri, si praefata domui B. Mariae perpetuo uniretur, annecteretur, & incorporaretur, Prior, & fratres in ea pro tempore degentes, commodius vivere, & Altissimo famulari possunt.

Quare propter dictorum Prioris, & fratrum asserentium, quod S. Petri decem, & B. Mariae domorum hujusmodi quindecim florenorum auri de camera fructus, redditus, & proventus secundum communem aestimationem valorem annum non excedant, nobis fuit humiliter supplicatum, ut ipsam domum S. Petri cum omnibus juribus, & pertinentiis suis praefata domui B. Mariae perpetuo incorporare, annectere, & unire, aliasque in praemissis opportune providere de beniguitate apostolica dignaremur.

Corbaviensi deinde Episcopo rei totius tractatione commissa, si faciendum quidem id satis esse existimet, ceterisque subjectis formulis, quae pontificiis litteris sollemnes sunt, haec postremo adjungit.

Nos . . . . . si unionem, annexionem, & incorporationem praedictas fieri, & effectum sortiri contigerit, ut praefertur, eisdem Priori, & fratribus domus B. Mariae pro tempore existentibus decimas vinearum, agrorum, & terrarum ad ipsam uniendam domum spectantium, quemadmodum in districtu castri Steniskak, & generaliter ultra flumen Culpa Ecclesiarum rectores, & possessores de antiqua, hactenus approbata consuetudine colligere, & recipere consueverunt,

colligere, & recipere libere & licite valeant . . . . . licentia desuper minime requisita auctoritate apostolica . . . . . presentium de speciali gratia indulgemus &c. Dat. Rom. ap. S. Petrum Anno Incarn. Dom. 1451. xii. Kal. Maij. Pontif. nostri Anno V.

Decreta  
Comitum  
Ciliz, Gu-  
bernatorum  
Episcopa-  
tus, Eccle-  
siaz peruti-  
lia.

Fridericus & Ulricus Comites Ciliz Bani Slavoniae, atque Governatores Episcopatus anno 1452. feria 6. ante festum S. Oswaldi declararunt integrum esse quibuscumque viris nobilibus regni Slavoniae quascumque vellent possessiones tum Zagrabienfi, tum aliis Capitulis, & monasteriis in perpetuum possidendas testamento legare pro expiatione animarum suarum: Cum plures nobiles in regno Slavoniae, & Comitibus Zagrabienfi, & Crisienti, pro animabus suis possessiones legare Capitulo velint, auctoritate nostra Banali consensum damus, declaramusque, id fieri posse, & possessiones Capitulis & monasteriis imperpetuari. Alia earum mandata extant ad magistratus, & praefectos oppidorum, qui jubentur compellere omnes cujusque generis atque ordinis ad decimas Ecclesiae solvendas. Illis edictis, quae alter seorsum ab altero edebat, praefigi solebant hi tituli: Regni Slavoniae Banus, Tutor, & Governator, & Advocatus Ecclesiae Zagrabienfis.

Mors Be-  
nedicti Ep.

Fridericus Imperator Neostadii ab Hungaris obsessus, cum & militum paucitate, & comitatu inopia laboraret, Ladislavum vel invitum Hungaris reddere debuit anno 1452. qui anno proximo in Hungariam venit, ingenti omnium ordinum laetitia, & gratulatione acceptus, & Joannem Hunniadem amplissimis muneribus donatum summam illam, quam Hungari ei detulerant, regni administrandi, rerumque omnium potestatem retinere iussit. Anno 1453. inenante Benedictus moriens sedem Zagrabiensem vacuam reliquit. Tantum vero abfuit, ut eam Demetrius obtineret, ut infensiores, quam antea, tum Canonicos, tum Comites Ciliz expertus, his acriter repugnantibus, accessum ad civitatem & Ecclesiam sibi prorsus interclusum repererit. Canonici siquidem propter injurias ab ejus fratribus acceptas ab eo summopere abhorrebant; quas quidem injurias ulti cum essent Comites Ciliz, & quae Capitulo eripuerant, eos restituere coegissent, verebantur ne sibi gubernationem Episcopatus adimerent, Itaque in locum Benedicti substitutus est

#### BALTHASSAR EP. ZAGRAB. XLII.

Balthassar  
Benedicti  
successor.

Non aliunde notus, nisi ex tabulis, & litteris publicis anni 1454. & 1457. quas Kerestichius citat, sed quibus de rebus scriptae & confectae fuerint, non explicat. Magnam illis temporibus tum publicarum tum Ecclesiasticarum rerum perturbationem, & confusionem fuisse idem auctor animadvertit: Delituit adhuc in tenebris Episcopus iste, inquit; nemo enim, quod sciamus, Balthassar meminit; ut summi laboris sit a Sigismundi morte ad Matthiae tempora, Ecclesiarum Hungariae Pontifices eruere, ob retum, quae agebantur, faciem. Multi dignitates, honores usurpabant, innuente articulo 111. decreti 1456. quod omnes Domini Barones honores, & officia eorum, quos habebant, in praesenti conventionem deponant, manibusque & dispositioni, ac distributioni aliorum Dominorum Praefatorum, Baronum & regniculorum libere & sine

contradictione committent, & assignabunt. Multi diversarum partium fuisse, praecipue Uladislao vivente, qui jura regia exercebant. Hinc, ut superius dictum, inter Benedictum, & Demetrium lites magna, non sine iactura Ecclesiae. Ceterum ex iisdem tabulis, quas laudat Kerestichius, tum Rittero, tum Kovalevichio notus fuerit Balthassar oportet, quem illi pariter inter Benedictum, & Demetrium collocant.

Ladislavus statim atque regni positus est, in hoc praecipue sibi elaborandum censuit, ut rempublicam superiorum temporum dissidiis attritam ac debilitatam, in pristinum statum restitueret, & discordias civiles atque ecclesiasticas componeret. Comites Ciliz opibus copiosque praepollentes apud Ladislavum vel plurimum poterant; eique auctores fuerunt, quem admodum tradit Kerestichius, ut, Demetrio excludo, Balthassarem nominaret Episcopum Zagrabiensem, impetraretque a Nicolao Pontifice, ut regiam nominationem confirmaret: Iisdem Comitibus gratificandi causa, possessiones quorumcumque sacerdotiorum, quibuscumque per illos traditas, ex auctoritate jurispraeae regii, Ladislavus ratas ac firmas esse, & haberi voluit; in eamque rem decretum fecit Viennae anno 1553. feria sexta, post festum S. Georgii: cui quidem decreto titulus hic praepositus est: Ladislaus Hungariae, Dalmatiae, & Croatiae rex, Austriae, & Stiriae dux; annos vero regni adscriptus est xiii. quem ab an. 1440. cum cum in cunabulis pars Hungarorum Regem appellavit, numerari oportet. Duo itidem decreta fecit anno 1456. secundum Capitulum Zagrabienfe, cui primum decimas ex territorio Ozali, & Ribnich persolvi iussit, deinde jus nundinarum & fori Toplicensis concessit.

Ladislavi  
decreta se-  
cundum  
Comites  
Ciliz, &  
Capitulum  
Zagrabien.

Comites Ciliz, quamvis jus sacerdotia conferendi usurparent, & agros & possessiones Ecclesiae, quibus ipsi vellent, suo arbitratu locarent, multa tamen pro defensione atque utilitate tum Episcopatus tum Capituli praestare gesserant, ut facere decebat Tutores, Advocatos, Protectores Ecclesiae Zagrabienfis; his enim titulis se appellari volebant in edictis ac tabulis illius aetatis. Verum ad extremum a fide & officio desciverunt; siquidem turrim Capitularem in regia civitate, de qua alias dictum est, vel sua sponte & voluntate, vel pravorum hominum impulsu dirui iusserunt. Canonici demolitionem turris, cujus se antiquos, ac legitimos possessores, tabulis ac monumentis prolatis demonstrabant, graviter conquesti sunt apud Ladislavum regem, qui turrim sumptibus eorum, per quos everfa fuerat, refici, & Capitulo restitui imperavit; ut constat ex ipsius litteris apud Kerestichium, Budae fer. 3. ante Ascensionem Domini, regnorum Hung. 13. Bohemiae 4. idest 1557. Eodem anno fer. 5. post festum S. Jacobi, mandatum dedit Joanni Bithoveni Slavoniae Bano, itemque Vicebanis, & Comitibus, ut compellerent nobiles viros de Klokoc, & Ludiboyich, ad solvendas Ecclesiae decimas, quarum quidem solutionem per triennium neglexerant.

Mahometes post Constantinopolim anno 1453. captam, ac deinde alias ex aliis regiones Christianis ademptas, aut ferro & igni vastatas, anno 1456. Belgradum, sive Taurunum, quam etiam Albam vocant, urbem natura & loco munitam, & validissimis moenibus ac propugnaculis septam, ducentis armatorum millibus obse-

Victoria obsedit; jamque vehementissime oppugnabat, cum Joannes Hunniades, Joanne Capistrano, viro sanctissimo e Franciscana disciplina, Christi crucifixi effigiem in hostes inferente, ingentem Turcarum stragem edidit. Exercitus omnis barbarorum parva manu fractus, ad viginti milia hostium caesa, Mahometes ipse vulneratus, & civitas obsidione liberata. Hoc fuit postremum illustrium facinororum Joannis Hunniadis, qui eodem anno 14. Id. Septembris pie mortuus est, eidem ad extremum usque spiritum assidente B. Joanne Capistrano; & is quoque non multo post ad Superos migravit, miraculis in vita, & post mortem editis maxime inclutus. Hunniades duos reliquit filios Ladislavum, & Matthiam. Ladislavus cum post obitum patris Ulricum Comitem Ciliæ ob injurias parenti & sibi ab eo illatas crudelem in modum necasset, extremo supplicio affectus est. Matthias vero post mortem Ladislavi regis anno 1457. vel proximo extincti, rex ab Hungaris eligitur, nulla re patri dissimilis, a quo Turcæ non semel profligati. Alterutro itidem anno Balthasar Episcopus aut vita functus, aut alio translatus Ecclesiam Zagrabiensem viduam reliquit, quam tandem Demetrius, diu expetitam, Matthiæ regis gratia, & patrocinio nixus, invitis licet Canonicis, adeptus est.

Matthias  
Alus Hun-  
niadis La-  
dislavo ex-  
tincto in re-  
gnum suc-  
cessit.

# DEMETRIUS II. EP. ZAGRAB. XLIII.

Demetrius  
Ep. Zagrab.

Cognominatus *Chuper de Monoslo*, ex antiquissima & nobilissima Chuparia prosapia. Nihil non egerunt Canonici, ut eum ab sede Zagrabienſi arcerent, propter maleficia & damna, quæ fratres illius Zagrabienſi Ecclesiæ intulerant; eaque quindecim millibus florenorum æstimata fuisse ajunt; & verebantur præterea, ne Demetrius carni & sanguini indulgens, illorum cupiditati ac direptioni bona ecclesiastica permetteret. Oratores supplices tum ad Matthiam regem, tum ad Pium II. Pontificem Max. miserunt, qui utrique ostenderent, quantum periculi ac detrimenti ex Demetrii Episcopatu sibi Ecclesiæque immineret. Sed nihil impetratum est, nisi quod Pontifex V. mandum Abbatem Cisterciensem cœnobii ac templi S. Mariæ Zagrabienſis, custodem & conservatorem Ecclesiæ Zagrabienſis constituit, amplissima illi potestate tradita tuendi ecclesiastici patrimonii, & vindicandi, atque in sacrilegos direptores quibuslibet poenis ac censuris animadvertendi. Litteris ejusdem cœnobiarchæ datis anno 1462. hic titulus inscriptus est: *Wimandus Ord. Cisterciensis, Dei gratia Abbas B. M. V. de Zagrabia, Conservator Ecclesiæ Zagrabienſis*. Demetrius quoque more decessorum Antistitum Joannem Vitegium, Episcopum Varadini, fautorem ac familiarem suum in Gubernatore Episcopatus Zagrabienſis elegerat, Friderico Dynastæ Ciliensi, post necem Ulrici fratris, hujusmodi gubernatione adempta.

Hoc tempore inter Præpositum, & Capitulum Zagrabienſis Ecclesiæ ex una parte, & Paulinos fratres ex altera dissidium exortum; quod hujusmodi fuisse ferunt Paullini annoales ad an. 1463. Etenim, cum fratres domum S. Petri, ut ajunt, de Zlath in Zagrabienſi diœcesi Kamenskiano monasterio Romani Pontificis auctoritate junxissent, qua de re dictum est superius, ab persolvenda deinceps Zagrabienſi Ca-

pitulo decuma immunēs esse contendebant, obſistentibus contra Præposito, & Canonicis, quibus imminui eorum jura, & auctoritas labefieri videbatur. Agitata proinde lis est, quam ut dirimerent, habito fratrum conventu, statutum est, juris quæſtionem ad supremum Pontificis Romani tribunal esse deferendam; & internuntiis delectis, qui ad urbem pergerent, supplicem memorialis libelli formam Pontifici obtulerunt. Is, causa cognita, ratus per homines ejusdem gentis litem resolveri aptius posse, ad binos decretorum Doctores, viros prudentissimos negotium delegavit, Præpositum scilicet S. Thomæ de monte Strigonio, & Petrum Rectorem Capellæ, quæ ad latus Strigoniensis Ecclesiæ Deiparæ Virgini nuncupata est; & re perpensa, tum utriusque partis rationibus mature perspectis, sententia demum Fratribus cessit, qua de solutione decumarum penitus absoluti sunt.

Alias quoque molestias passi sunt Zagrabienſes Canonici tum a Joanne Gereben Slavoniæ Bano, qui Toplicæ oppidum occupavit; sed Matthiæ regis decreto anni 1463. compressa vis, & ejus audacia fuit; tum a Martino de Frangipanibus, qui Capituli prædia apud Sissegum ingenti clade diripuit. Romam in jus vocatus anathemate damnatur: sed, cum reliquisset, ira compositum dissidium est, medio Strigoniensi Archiepiscopo, ut pro illatis Capitulo damnis villas Budrouczy, Goricza, & S. Crucis in Bernouczy agro Martinus eidem traderet, tum, se vivo, Gradeczii castri possessionem.

Demetrius nullum aliud sui Episcopatus monumentum reliquit, quod eundem extat, nisi decretum, quo privilegia Eberhardi & Joannis IV. collata collegio Presbyterorum Chalmensium secundi ordinis, quos vocant Præbendarios, confirmavit; & insuper, ait, *omnes vineas, terras, silvas, fanilia post emanationem prædictarum litterarum annotati Domini Joannis Episcopi, diſſis præbendariis, per quoscumque data, collata, contributa, eidem libertati subjicimus*. Pius II., quæ Benedictus Eremitis Paulinis Remetenſibus donaverat, auctoritate Apostolica communivit.

Pius Episcopus servus servorum Dei, ad futuram rei memoriam. Romani Pontificis providentia circumspecta, his, quæ pro divini cultus, & religionis augmento, per locorum Ordinarios provide facta sunt, ut perpetuo illibata persistant, Apostolici muniminis adjicit firmitatem. Exhibita siquidem nobis nuper pro parte dilectorum filiorum Prioris, & fratrum domus B. Mariæ ordinis S. Paulli primi Eremitæ, sub regula S. Augustini degentium, Zagrabienſis diœcesis, petitio continebat, quod olim Venerabilis frater noster Benedictus Episcopus Zagrabienſis, ad dictum Ordinem gerens singularem devotionis affectum, ac cupiens terrena in caeleſtia, & transitoria in æterna felici commercio commutare, quamdam possessionem Alsonovak nuncupatam prope flumen Blisnia, & prope quamdam aliam possessionem loci, sive territorii Novak diſſa diœcesis, ad domum prædictam legitime pertinentem, sitam, ac inter alia territoria, & prædia ipsius domus circa consistentem, & tunc ad mensam Episcopalem Zagrabienſem legitime pertinentem, de consensu sui Capituli Zagrabienſis, cum omnibus juribus, & pertinentiis suis, domui præfate, sub certo modo, & forma ac pactis, &

Confirmar  
privilegia  
Eberhardi  
& Joannis  
IV. collata  
collegio  
Presbyterorum  
Chalmensium  
secundi ordinis,  
quos vocant  
Præbendarios,  
confirmavit.

Pius, quæ  
Benedictus  
Ep. Eremitis  
Remetenſibus  
donaverat,  
confirmat.

con-

conditionibus tunc expressis, in perpetuum concessit, pariter, & donavit, prout in quodam instrumento publico desuper confecto dicitur plenius contineri. Quare pro parte Prioris, & fratrum praedictorum, nobis fuit humiliter supplicatum, ut concessioni, & donationi praedictis, ac omnibus aliis, & singulis in dicto instrumento contentis, pro eorum subsistentia firmiori, robur Apostolica confirmationis adjicere, ac alias super his opportune providere, de benignitate Apostolica dignaremur. Nos igitur ejusdem possessionis, seu praedictae terrae Altonovak situationem, confines, & verum valorem praesentibus pro expressis habentes, hujusmodi supplicationibus inclinati, concessionem, & donationem praedictas, & quaecunque in dicto instrumento contenta, & inde secuta, auctoritate Apostolica, tenore praesentium, ex certa scientia approbamus, & confirmamus, & praesentis scripti patrocinio communimus, suppletes omnes defectus, si qui fors intervenerint in eisdem; non obstantibus constitutionibus, & ordinationibus Apostolicis, nec non statutis, & consuetudinibus dictae Ecclesiae Zagrabienensis, ceterisque contrariis quibuscunque. Nulli ergo omnino hominum liceat hanc paginam nostrae approbationis, & confirmationis, communionis, & supplementationis, infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & Beati Petri, & Pauli Apostolorum ejus se noverit incursurum. Datum Maceveti Senensis diocesis. Anno Incarnationis Dominicae millesimo quadringentesimo sexagesimo octava Idus Maji, Pontificatus nostri anno secundo.

Facultas  
subvenendi  
egeti Pat-  
rum S. Do-  
minici qui-  
buscumque  
per Matthiam  
regem con-  
cessa.

Matthias rex Hungariae pro sua eximia erga Patres Dominicanos benevolentia, omnibus cuiusque ordinis & conditionis hominibus potestatem fecit quidquid vellent bonorum suorum sive mobilium, sive immobilium aut donandi dum viverent, aut mortis causa legandi cœnobio Zagrabienensi S. Nicolai, ad fratrum inopiam sublevandam.

Nos Matthias Dei gratia rex Hungariae, Dalmatiae Croatiae &c. Memoria commendamus tenore praesentium significantes quibus expedit universis. Quod cum nihil magis ad regiam pertinet, vel iustitiam, vel religionem, quam Ecclesias Dei honorificis dotare privilegiis, sic enim divina propitiabitur majestas, in quam Sanctorum ejus omnis veneratio recurrit. Igitur nos ob specialem devotionem nostram, quam ad Beatum Nicolaum Episcopum & Confessorem, in cujus glorioso nomine claustrum Ordinis fratrum Praedicatorum Zagrabiae fundatum esse dinoscitur, cuiusque precibus successus nostros prosperari, ac tam in terris, quam in caelis pie credimus confiteri, gerimus, & habemus, in sublevamen dicti monasterii & collegii eorundem fratrum in eo pro tempore degentium, de penuria illa, quam in rebus temporalibus ad sui provisionem, & sustentationem necessariis, frequentissime, ut accepimus, patiuntur, eidem claustro, & per consequens praefato collegio dictorum fratrum in eodem pro tempore degentium, id gratiose & ex plenitudine potestatis regiae duximus annuendum, & concedendum, ut omnes, & singuli nobiles, aut alterius cujuscunque status homines, possessiones, villas, praedia, vineas, domos, & alias quascunque hereditates, ac jura eorum possessionaria quomodocunque appellatas, & vocitari solitas, tam in territorio civitatis nostrae montis Graecen. quam alias ubivis in regno nostro ha-

bitas, & existentes, &c. semper dum voluerint in vita scilicet, & tempore mortis, praefato claustro & per consequens collegio antedictorum fratrum in eodem pro tempore degentium, in elemosinam perpetuo libere conferre, donare, legare, & alias prout eis videbitur locare; praefati etiam fratres ejusmodi bona pro se, & dicto claustro eorum, tenere, possidere, ac illis, quibus maluerint vendere, & locare, & alias juxta eorum libitum de iisdem pro utilitate claustri, & collegii eorum disponere possint, & valeant. Quibus quidem collationi, donationi, ac legationi, locationi, venditionique, & nunc prout ex tunc, cum scilicet factae fuerint, ex tunc, prout ex nunc, animo deliberato, & ex certa nostra scientia Praefatorum, & Baronorum nostrorum consilio, nostrum regium consensum praebuimus, benevolum pariter assensum, immo annuimus, concedimus, ac praebemus, harum nostrarum, quibus secretum sigillum nostrum est appensum vigore, & testimonio litterarum mediantem.

Datum Buda in festo Beati Georgii Martyris anno Domini 1465. Regni nostri anno 8.

Demetrius, cum animos Canonicorum ab se aversos sibi placare & conciliare non potuerit, satius esse duxit Ecclesiam Zagrabienensem dimittere, quam illis invitis, sibi que infensis retinere. Itaque sponte & arbitrato suo, injussu Sedis Apostolicae, ab Episcopatu illo se abdicavit, atque ab urbe secessit. Quamvis autem ejusmodi abdicatio legitima esse non posset, antequam ab Romano Pontifice approbaretur, tamen in diplomatibus regiis ab anno 1463. usque ad annum 1465. sedes Zagrabienensis vacare dicitur. Cum hoc vel superiori anno Augustinus Episcopus Jaurinensis obiisset, Matthias rex Hungariae Demetrium eo vinculo, quo adhuc Ecclesiae Zagrabienensi obstrictus tenebatur, rite exsolvendum a Paulo II. Pontifice, & transferendum ad sedem Jaurinensem curavit anno 1465. biennio post in quodam diplomate regio Posoniensi Demetrius Jaurin. subscriptus legitur.

Demetrius  
Ecclesiae  
Zagrab.  
nuncium  
remisit, &  
Jaurinentem  
sedem  
obtinuit.

## OSVALDUS EP. ZAGRAB. XLIV.

E Pannonica stirpe nobilissima ortus est, cuius fratrem fuisse ajunt Joannem de Thuz de Lach Banum Dalmatiae Croatiae Bosniae & Sclavoniae, virum maximis copiis atque opibus praeditum, aequae civilibus, atque bellicis laudibus illustrem, nisi quod potentia & divitiis abutens, generis nobilitatem, recteque factorum gloriam, peculatus infamia, iniquissimis exactionibus, tyrannica crudelitate commaculavit: quare in iudicium apud regem vocatus, ut meritis poenas effugeret, exilium sibi conscivit. Haec Georgius Raskojus ex Bonfinio tradit. Ceterum Osvaldum de Thuz quidem, non vero de Lach, sed de Szentlaszlo cognominatum invenio; verum eidem familiae a diversis locis, & castellis, in quibus dominabatur, cognomina diversa obvenire potuerunt; & duo hi fratres ex iis, quae cuique obtigerant oppida avitae hereditatis, alius aliunde cognomen traxit. Ut S. Ambrosius, sic Osvaldus ex Ordine Laicali per omnes Hierarchiae gradus, paucorum dierum intervallo distinctos, ad summum Sacerdotii apicem evehctus est. Quos antea gesserit magistratus, quibus muneribus, atque honoribus perfunctus fuerit, litteris ac memoriae tra-

Osvaldus  
ex Laico  
per omnes  
Ordinum  
gradus ad  
Episcopatum  
evehctus.



traditum non reperio. Paullus II. Episcopatum five per electionem, five per nominationem regiam Osvaldo collatum approbavit; eique potestatem fecit eligendi, quem vellet Episcopi, modo Catholici, & communionis Romanæ Apostolicæ participis, qui se per omnes inferiorum Ordinum gradus ad fastigium hierarchiæ ecclesiasticæ proveheret, tribus vel duobus aliis Episcopis adscitis, qui cum illo sibi manus imponerent, ut ex epistola Pontificia sed cum scripta docet Thomas Kovalcevicus; idem Pontifex litteras tum ad Metropolitam Colocensem, tum ad Matthiam regem dedit eodem anno die-

Sum Pontifex Colocensi Archiepiscopo & Matthiæ regi commendavit.

Epistola Pontificis ad Archiepiscopum Colocensem.

que. Utrumque de Demetrio ad Ecclesiam Jaurinensem translato, deque Osvaldo Ecclesiæ Zagrabienſi præposito certiore facit. Utrique Osvaldum commendavit, ut illi ad Ecclesiam sibi commissam regendam, ipsique Ecclesiæ patrocinio & auxilio esse velint.

Paullus Episcopus servus servorum Dei Venerabili Fratri Archiepiscopo Colocen. Salutem, & Apostolicam benedictionem. Ad cumulum tuæ cedit laudis, & famæ si personas ecclesiasticas præsertim Pontificali dignitate præditas, opportuni præsidii, & favoris gratia prosequeris. Hodie siquidem Ecclesiæ Zagrabien. ex eo Pastoris solatio destituta, quod nos nuper Venerabilem Fratrem nostrum Demetrium nuper Zagrabien. nunc vero Jaurien. Episcopum, licet absentem, a vinculo, quo ipsi Ecclesiæ Zagrabien. cui tunc præerat, tenebatur, de fratrum nostrorum Consilio, & Apostolicæ plenitudine potestatis absolventes, ad Ecclesiam Jaurien. tunc vacantem transtulimus, de persona dilecti filii Osvaldi electi Zagrabien. de eorundem fratrum consilio Apostolica auctoritate providimus, ipsumque illi præfecimus in Episcopum, & Pastorem, curam, & administrationem ejusdem Ecclesiæ sibi in spiritualibus, & temporalibus plenarie committendo, prout in nostris inde confectis litteris plenius continetur. Cum igitur ut idem electus in commissâ sibi cura dictæ Ecclesiæ Zagrabien. facilius proficere valeat, tunc favor ei fore noscatur plurimum opportunus; fraternitatem tuam rogamus, & hortamur attente per Apostolicam tibi scripta mandantes, quatenus eundem electum, & præfatam Ecclesiam Zagrabien. suffraganeam tuam habens, pro nostra, & Apostolicæ Sedi reverentia propensius commendatos in ampliandis, & conservandis juribus suis, sic eos tui favoris præsidio prosequaris; quod idem electus in commissâ sibi dictæ Zagrabien. Ecclesiæ regimine possit se utiliter exercere, tuque divinam misericordiam, ac nostram, & dictæ sedis benedictionem, & gratiam exinde uberius consequi merearis.

Datum Romæ apud Sanctum Marcum Anno Incarnationis Dominicæ 1466. XVI. Kalendas Maji Pontificatus nostri anno II.

Altera ejusdem ad Matthiam regem.

Paullus Episc. &c. Charissimo in Christo filio Matthiæ regi Hungariæ illustri salutem &c. Gratia . . . si per sæculares principes Ecclesiarum omnium prælatis opportuni favoris præsidium & honor debitus impendatur. Hodie siquidem &c. ut in epistola superiori. Cum itaque, fili charissime, sit veritatis opus Dei ministros congruo honore prosequi, ac eos verbis & operibus pro regis æterni gloria venerari; Serenitatem tuam rogamus, & hortamur attente, quatenus eundem Osvaldum, & præfatam Ecclesiam Zagrabienſem habeas pro nostra, & Sedis Apostolicæ reverentia, propensius commendatos; sic eos, in

ampliandis, & conservandis juribus suis, tui favoris auxilio & præsidio prosequaris, quod idem electus auxilium tuæ gratiæ in commissâ sibi dictæ Ecclesiæ regimine melius proficere valeat; tuque . . . consequaris felicitatem æternam, ac nos etiam. Datum Romæ apud S. Marcum Anno Dominicæ Incarn. 1466. XVI. Kalen. Maji, Pontificatus nostri anno secundo.

Cum Petrus Cœrobiarcha monasterii Benedictini Pecvaradiensis S. Mariæ, in d'œcesi Quinqueecclesiensi, diem supremum obiisset, Paulus II. Osvaldum electum Zagrabienſem huic cœrobio Abbatem, & perpetuum, quoad viveret, Gubernatorem præfecit; ut epistola Pontificia ad monachos Pecvaradienses data anno 1466. IV. Kalendas Maji declarat.

Conductores seu possessores prædiorum Episcopatus & Ecclesiæ Zagrabienſis non solum jure ac titulo nobilitatis, sed etiam illis privilegiis fere omnibus reges Hungariæ donaverant, quibus ceteri avito illustrique genere orti fruebantur; & hi quidem Nobiles regni, illi vero Nobiles prædiales appellari solebant, qui laicali foro ac tributo exempti, curiæ & jurisdictioni Ecclesiæ & Episcopi suberant; eique vectigalia pendebant, & si quid operæ imperatum esset, præstabant. Episcopus non solum aleret, haberetque militares copias oportebat, quibus ad castella episcopalia munienda ac tuenda uteretur, sed etiam, si quando res publica, & regni defensio postularer, equites peditelque conscriberet necesse erat, quos ad communes expeditiones mitteret, & cum exercitu regio conjungeret. Hæc turma Episcopalis Banderium dicebatur, & militibus fere quadringentis constabat. Porro illis, quos dixi, prædialibus, præter cetera, id oneris impositum erat, ut singulis Banderiis equitem unum contribuerent. Annis superioribus plenis diffidiis, & turbarum, privilegia Prædialium per oblivionem ac desuetudinem paulatim antiquari cœperant, ex quo fiebat, ut qui regalibus tributis colligendis præerant, æque a prædialibus, atque a ceteris laicali foro subjectis, tributa exigerent. De violatione suarum immunitatum ac privilegiorum questus sunt nobiles prædiales apud Matthiam regem, qui antequam responsum illis ac judicium redderet, de hujusmodi immunitatibus ac privilegiis edoceri ac certior fieri voluit a proceribus & optimatibus regni Slavoniæ, qui tunc in oppidum Crisienne Comitiorum causa convenerant, an præsertim æque nobilium prædialium, ac nobilium regni, affirmationibus ac juramentis fidem & auctoritatem attribui oporteret. Hanc igitur ad eos epistolam dedit.

Privilegia & onera prædialia Episcopi & Ecclesiæ.

Nos Matthias Dei gratia rex Hungariæ Dalmat. Croat. &c. Fidelibus nostris universis & singulis nobilibus, & alterius cujuscvis status possessionis hominibus regni nostri Sclavoniæ salutem & gratiam. Pro parte fidelium nostrorum prædialium Episcopatus Zagrabienſis, nostra expositione est majestati eo modo, qualiter videlicet ipsi ex antiqua eorum consuetudine, ac indulgentiis & concessionibus divorum regum Hungariæ, nostrorum videlicet prædecessorum, semper in medio eorum laudabiliter observatis, omnibus illis libertatibus, & nobilium prærogativis, quibus ceteri nobiles regni quomodolibet utuntur & gaudent, isto dumtaxat excepto, in quantum videlicet jurisdictioni præfatæ Ecclesiæ Zagrabien. & Episcopo in eadem Ecclesiæ pro tempore consti-

Epistola Matthiæ ad proceres regni Slavoniæ, a quibus de privilegiis prædialium se doceri jubet.

tuis,

tuto, cum debitis & consuetis servitiis, & obedientia subiecti haberentur, usi fuerint & gavis; super quibus quidem prerogativis eorum, jura & litteras prefatorum divorum regum emanatas habuissent & confectas; sed eadem prerogativis disturbiorum temporibus, qua in dicto regno nostro Sclavonia antea crebro invaluisse, ab eis aliquomodo alienata essent. Quapropter nunc dicatores proventuum fisci nostri regalis in eodem regno nostro Sclavonia existentes, eosdem nobiles juxta formam decreti novissime per prelatos, & barones nostros editi, in medio aliorum regnicolarum nostrorum ignobilium annuere, & ab ipsis dictos proventus fisci nostri exigere vellent; supplicarunt nobis ut ipsis super inde opportune providere dignaremur. Et quia nos in notitiam & certitudinem premissarum nobilitatum, ac prerogativarum ipsorum pradiatum dicti Episcopatus, pro eo quod littere eorumdem ut praeiungitur, super inde alienatae essent, efficacissime devenire nequimus; volentes tamen ipsis super inde aliquo remedio opportuno subvenire, una cum dictis prelati & baronibus nostris statuimus, & decrevimus, ut dummodo istud perfecte compertum & cognitum fieret, an scilicet ipsi pradiales iuramenta, & fassiones, uti nobiles regni deponere & facere habuissent, eorumque fassiones & iuramenta tanti roboris fuissent, veluti nobilium regni, hoc ideo solummodo quoad ratificationem, firmitatemque verae nobilitatis eorum, interim quousque iidem litteras, & jura eorum de & super premissis libertatibus, & gratiis nobilitatum suarum requirere, & reinvenire poterunt, sufficiens & efficax sit, & habeatur robor, & testimonium; ideoque fidelitati vestrae, & vestrum cuiuslibet firmiter praecipientes mandamus, quatenus vestris praesentibus premissum eorumdem consuetudinem pradiatum & nobilitatum prerogativam, an scilicet ipsi pradiales, & eorum aliter iuramenta & fassiones eorum talis modi, sicut videlicet iidem nobiles regni deponere poterunt, tantaeque efficaciae ac roboris habita fuerint, ad fidem vestram Deo debitam, fidelitatemque nobis, & sacro nostro regio diademati observandam, fateri ac diligenter investigare debeatis; tandemque si ita fuisse comperitis, in litteris vestris patentibus sub sigillo vestro ad unum certum terminum nostra maiestati rescribatis; praesentibus peractis exhibenti restituitis. Datum Buda in festo B. Margaritae Virginis. Anno Domini 1467. regni nostri anno decimo, Coronationis vero quarto.

Responsio procerum Slavoniae secundum Pradiales in haec verba reddita fuit, eique inserta regia ad ipsos epistola.

Responsio  
procerum  
Slavoniae  
secundum  
pradiales.

Serenissimo Principi Domino Matthiae Dei gratia regi Hungariae, Dalmatiae, Croatiae &c. Domino ipsorum naturali universitatis nobilium regni Sclavoniae in praesentibus Octavis festi S. Jacobi Apostoli, Crispi constitutorum, obsequium sincere servitutis cum perpetua fidelitate. Vestra noverit Serenitas nos litteras suas ad suam commisionem editas, pro parte nobilium pradiatum universitatis Episcopatus Zagrabienensis nobis preceptorie loquentes directas, suprema cum obedientia recepisse; hunc tenorem habentes: Matthias Dei gratia &c. (hic inserta est superior regia epistola). Nos itaque mandatis Serenitatis vestrae ipsius obedientes, ut tenemur, juxta mandatum eiusdem, habentes certitudinem de premissis, ad fidem nostram Deo debitam, fidelitatem-

que vestra Serenitati, & suo sacro diademati observandam, fatemur & attestamus, praelatos universos nobiles pradiales jam facta Ecclesia, & Episcopatus Zagrabienensis fuisse & esse gavisos verae nobilitatis titulo & prerogativa, & libertate ab antiquo. Attestationes etiam & fassiones, & iuramenta eorum, & ipsorum medio orientes, emergentesque & servatas in propriis iudicium ipsorum ordinariorum Vicariorum ipsius Episcopatus Zagrabienensis temporalium pro tempore constitutorum, precise, & prorsus ita egisse, servasseque, & exercuisse, prout & quemadmodum huiusmodi attestaciones fassiones, & iuramenta in nostri medio, seu in cursu & modo regni ac consuetudine pergitur ac fieri solet. Temporibus etiam opportunitatis, quamplures ex ipsis pradiatibus nobilibus ad attestaciones, fassionesque, & iuramentales depositiones peragendas & exercendas in nostri medium, & in sedem nostram judiciariam pro conjuratoribus exiterunt, sapius creberrimeque vocati atque producti, attestacionesque, & fassiones ipsorum iuramentaque in nostri medio, & alias penes quoscumque ex nobis facta & deposita, tanta efficacia, tantique roboris, quantae efficaciae, quantique roboris fassiones attestacionesque & iuramenta nobilium regni habent, reputata & habita sunt, rataeque & acceptae, sanctaeque habitus existerunt, atque sunt servata. Pluribus autem ex nobis, ex reali & vera visione constat, constititque certo certius praefatos nobiles pradiales Episcopatus Zagrabienensis pradiati, super nobilitatibus, libertatibus, prerogativisque, & gratiis ac indultis, & concessionibus dictorum divorum regum, litteras veras, veraeque jura scripta, & litteralia instrumenta habuisse, praenotatas ipsorum nobilitates, libertates, prerogativasque, indulta & concessionis, per memoratos divos Hungariae reges, ipsis gratiose factas, denotantes atque exprimentes. Seriem itaque praenissorum eidem vestra duximus fideliter rescribendam Serenitati; litteras etiam Serenitatis vestrae pradiatae, praefatis nobilibus pradiatibus duximus restituendas; praesentes vero sigillis Vicebanorum ac Comitum, & iudicum catus Crispiensis, more consueti, firmiter consignari iussimus. Datum Crispi sexto die Octavarum pradiatarum festi S. Jacobi Apostoli praenotati. Anno Domini 1467. supra denotato.

Has litteras ipsi Pradiales ad regem deferendas curarunt, eumque communi omnium nomine rogandum, ut eas ratas haberet & confirmaret, seque in antiquam privilegiorum suorum possessionem restitueret. Eorum postulatis annuit Matthias; & regium diploma confecit anno 1470. eique tum suas priores ad proceres Slavoniae, tum posteriores horum ad se litteras intexuit, quibus haec subiecit: Nos igitur supplicatione pro parte eorumdem nobilium pradiatum ipsius Episcopatus Zagrabienensis nobis porrecta, regia benignitate exaudita, & clementer admissa, praelatas litteras annotatorum nobilium regni nostri Sclavoniae, non abrasas, non cancellatas, nec in aliqua ipsorum parte suspectas, praesentibus nostris privilegialibus de verbo ad verbum sine diminutione, aut augmento insertas, quoad omnes earum continentias, clausulas, & articulos eatenus, quatenus eadem rite, legitime emanatae, & viribus earum veritas suffragatur, acceptandas, approbandas, & ratificandas, nihilominus ea, & omnia in eis contenta pro praefatis nobilibus pradiatibus, ipsorum-

Matthias  
confirmat  
privilegia  
omnia pradiatum  
Episcopatus & Eccl.  
cl. Zagrab.

Pr  
op  
& i  
dic  
con  
gen  
ind

rumque heredibus, & posteritatibus universis innovandas, perpetuo valituras, confirmamus presentis scripti nostri patrocinio mediante, In cuius rei memoriam, firmitatemque perpetuam, presentes litteras nostras secreto sigillo nostro, quo ut rex Hungariae utimur, impendente consignatas, eisdem nobilibus pradiatribus duximus concedendas. Datum Buda, feria tertia proxima post festum Annunciationis B. M. V. Anno Domini 1470. Regnorum nostrorum anno tredecimo, Coronationis sexto, Bohemiae vero primo.

Res ecclesiasticas diminutas, & alienatas Olwaldus restituere & recuperare aggreditur.

Res Ecclesiae Zagrabienensis, cum ejus administrationem Olwaldus suscepit, partim inertia superiorum Antistitum, partim incuria, vel etiam fraude & injustitia Gubernatorum saecularium, eo redactae, ac dilapsae erant, deteriori ut statu esse vix possent. Multas villas Ecclesiae & castella non pauca proceres Slavoniae sive peremptionem illicitam acquisita, sive per dolum ac malitiam occupata retinebant; & plerasque decimas vel ibi violenter interverterant, vel cultores agrorum solvere nolebant. Ad possessores iniquos depellendos, & jura Ecclesiae vindicanda divinitus ei datum fuisse Olwaldum arbitror, virum summi consilii, & maximi animi, juris utriusque peritum, & in judiciis, rebusque forensibus apprime versatum, ut ejus acta, & sententiae judiciales declarant. Hic tototius Episcopatus, & Ecclesiae administrationem, secluso quolibet laico Gubernatore, ad se unum revocavit. Ac primum quidem ab rege Matthia impetravit, ut duo amplissima privilegia, alterum Ludovici anno 1360. alterum Sigismundi anno 1427. Ecclesiae concessa, suarum ipse litterarum praesidio communiret ac firmaret. His regis litteris armatus ad bona ecclesiastica recuperanda, & e manibus praepotentium virorum extorquenda cogitationem curamque omnem convertit. Primores oppidorum, & villarum dioecesis anno 1467. ad Concilium generale convocavit. In eo frequentissimo conventu, quae & quanta detrimenta per annos fere quadraginta Ecclesia cepisset, non sine acerbissimi doloris significatione exposuit; leges sapientissimas praescripsit, quibus & praeterita reficere, & futura damna praecavere possent, reliqua ecclesiastica valde diminuta in antiquum statum restitui. Litteras encyclicas, quibus conventum edixit, per omnia dioecesis loca circumferri iussit, quarum initium est hujusmodi: *Oswaldus Dei, & Apostolica Sedis gratia Episcopus Ecclesiae Zagrabienensis. Omnibus &c. Salutem in salutis largitore. Divina providentiae dispensatio principibus, & praecipuae Ecclesiarum protectoribus, ideo in terrarum orbe, in populo jus dominandi ordinavit, atque reliquit, ut ipsi cuilibet, & praesertim suorum subditorum commodis, felicitque statui, continua meditatione, non minus, quam suis propriis invigilent, & intendant. Proinde ad futuram rei memoriam, cunctarum hominum notitia, harum serie volumus deducere in apertum; quod a tempore felicitis nostri introitus in Episcopatum nostrum, postquam certorum, & plurimorum fide dignorum, tam majorum, quam decliniorum status, hominum relationibus veritate subnixis, de hoc edocui sumus, ut videlicet ipse Episcopus, qui fere a quadraginta annorum curriculis per manus saeculares dire acriterque turbatus, laesissimus, nec non attritus est, atque extitit; quae omnia aures nostras saepe saepius invidiam invadendo, nostrum animum non parvo dolore exacerbaverunt.*

Primoribus oppidorum & villarum dioecesis conventum generalem indixit.

runt. Dum itaque haec omnia, cordis nostri in intimis crebro fuere volutata, tabescente in nobis spiritu, ad pietatem, & compassionem, subitumque tanto periculo habendum remedium sumus flexi atque inclinati, statuimusque &c.

Canonici Zagrabienles magna in offensa erant apud regem, quod Archidiaconatum Goricensem Demetrio presbytero secundi ordinis contulissent, cum jus nominandi illius Archidiaconi regium esse Matthias diceret, illudque Sacerdotium alteri tradere constituisset. Regem Capitulo iratum placavit Olwaldus, & regias litteras ad Canonicos clementissimas, reconciliae gratiae testes, impetravit, Buda datas Sabbatho post festum S. Georgii; quin immo rex eisdem concessit, ut ad repellendas arcendasque Turcarum incursiones, urbem Capitularem sepibus, & fossa, & aggere circumdarent. Per eos annos siquidem e Bulgaria & Serbia in Croatia & Slavoniam crebras Turcarum irruptiones factas fuisse accepimus; qui agros depopulati, villis direptis atque incensis, tum aliorum rerum, tum hominum ac pecudum praedas abigebant. Ac semel quidem nihil propius fuit, quam ut, Savum transgressi, civitatem regiam Graecensem, vel primo impetu caperent, vel certe obsiderent, atque oppugnant. Periculum proximae civitatis, quae tunc & idoneo militum praesidio carebat, & comituum penuria laborabat, misratio & caritas erga vicinos, in gravissimum patriae ac libertatis amittendae discrimen adductos, Capitulum & clerum Zagrabiensem excitavit ad ferendum auxilium. Itaque colonos & clientes Ecclesiae armarunt; eisque cum ingenti cujusque generis cibariorum copia in urbem introductis, ipsi quoque ductores Canonici, presbyteri, clerici se ad defensionem civitatis, omnemque eventum paratos praebuerunt. Hoc subsidium civitati periclitanti collatum ab urbe invadenda Turcas absteruit; mirum vero quantum valuit ad concordiam inter civis & Canonicos stabiliendam. Graecenses tam insigni beneficio deliniti, cum memoriam veterum discordiarum & offensionum sempiterna oblivione delendum censuissent, in eas condiciones, quae utrique utiles essent ac salutares, cum Capitulum & clero pacem fecerunt.

Canonici & clerici civitati montis Graecensis laborant subveniant.

Nos tota Communitas civium montis Graecensis de juxta Zagrabiam, omnibus Christi fidelibus &c. salutem in salutis largitore &c. Quoniam his diebus, videlicet post festum S. Michaelis Archangeli proxime praeteritum, savissimi Turci, inimici Christi fideique & religionis Christianae persecutores atque devastatores, usque vadum, seu portum fluvii Sava applicuissent, & advenissent, cujus fluvii Sava aqua eorum multum decreverat, & imminuta extiterat; Ubi multitudo Christianorum utriusque sexus hominum ex illa parte fluvii Sava fugientium, omnibus bonis, nec non domibus, & rebus concrematis, & derelictis, aufugissent, ipsumque fluvium Sava vix transvassent; visis etiam eo tunc validissimis ac impetuosius multiplicatisque, & accensis ignium flammis, quod flamma usque ad aera caelestia se sublevabant; ex quorum Turcorum sic multiplicatis insultibus & invasionibus, nec non devastationibus, nobis & toti Communitati dictae civitatis tam propter paucitatem hominum, quam & carentiam victualium terror maximus incumberebat, & nisi nutu Omnipotentis misericordiaeque Dei inopinate his in proximo consequen-

Proceres perpetuam cum Capitulo & clero pacem stabiliunt.

sequentibus, & efflaxis diebus, ipse torrens fluvius Savae inundasset, & accrevisset, nedum nobis & huic civitati, sed etiam toti regno periculum, & exitium finale ingruerat & imminabat, & quia Venerabiles DD. Canonici, ceterique viri ecclesiastici de Capitulo Eccles. Zagrab. videntes, & praesentientes ipsorum Turcorum immanissimas Christianorum invasiones, & periclitationes, hominumque utriusque sexus abductiones, & domorum combustiones, propriis eorum in personis, una cum familia armisque rebus, & bonis, nec non virtualibus ipsorum in auxilium, & defensionem nostram, & ipsius civitatis apportatis, & adductis, contra eosdem Paganos pugnaturi, & ipsam civitatem, auxiliante omnium Creatore, toto ipsorum conamine, una nobiscum defensuri adveniant, quos nos favorabiliter hilariterque & benigne assumentes, & in ipsam civitatem ac medium nostri intro-mittentes, hospitia & domos nostras eisdem praestantes; licet enim inter nos & ipsam Communitatem nostram ab una, & ipsos Dom. Canonicos de dicto Capit. Zagrab. ab altera parte, ab olim & dudum, tam praetextu injuriarum, damnorum, nocumentorum, rixarum, controversiarum, dissensionum, differentiarum Rzaniorumque hactenus, & usque ad haec tempora, quocumque & qualitercumque, & per quemcumque modum factarum, illatarum & patrarum: quam factis quoque potentiariis, aliisque quibusve malorum generibus nobis quovis modo illatis & irrogatis, signanter in facto excommunicationis cujusdam sententiae, olim per quendam Dominum Joannem Episcopum pro parte, & ad instantiam ipsius Capituli Zagrab. contra nos, in eo videlicet lata & fulminata, ut filii nostri usque ad quartam generationem cum nullo gradu, ordine, beneficiaque & feuda ipsorum in medio promovere, & obtinere non potuissent nec valuissent, litis, dissensionis, & controversionis materiae invidiaeque fomites, racentiores, & malitiae exorta fuissent, ac diutius ventilatae ac protractae extitissent, tamen nos cum eisdem Dominis Canonicis de Cap. Zagr. volentes, cupientes, & animo desiderantes amodo, deinceps, ac in posterum pacis ac amenitatis pulchritudine, nec non tranquillitate frui, potiri, gaudereque, & in ea permanere, omnia praemissa in alterutroque mutua vicissitudine facta patrata, commissaque, & exorta damna sedavimus, sopivimus, ac sic super articulis & clausulis infra declarandis, & latius specificandis, hujusmodi pacem, & firmam concordiam cum ipsis Dom. de Capit. Zagrab. perpetuo duraturam fecimus & stabilivimus.

Primo quod ipsi Domini de Capitulo Zagrab. ipsorumque tributarii, pro tempore per eosdem constituti, tributum in foro annuali seu nundinis in festo S. Marci Evangelistae, ac aliis diebus ante, & post sequentibus, excepta dumtaxat consueta portione ejusdem, vulgo Filiarschina vocata, nobis & dictae civitati proveniente, & spectante, semper salva permanente, nempe extorquere, & exigere poterunt & valebunt. Item quod anelati Domini de dicto Capitulo, ipsorumque tributarii, de curribus & equis per cives & inhabitatores dictae civitatis, ab exteris partibus appretiatis, & ad ipsam civitatem, de rebus & bonis, per nos vel alterum nostrum comportatis & adducendis nullum tributum, nullamque exactionem habere, exigere, & recipere poterunt, nec valebunt modo aliqua-

li. Hoc etiam clare declarato, quod si ipsi Domini de Cap. Zagr. ac tributarii eorum pro tempore constituti, super aliquibus rebus per nos vel alterum nostrum ab exteris, ut praemittitur, partibus appretiatis, & ad ipsam civitatem adducendis, suspicionem super eo haberent, vel haberet, quod nos aliquem, vel aliquos in fraudem hujusmodi ipsorum tributis nostra bona vel alterius nostram asserendo, libertare voluerimus; ex tunc nos vel alter nostrum, juramento mediante, ad suam, vel eorum expurgationem se expurgare coram eodem tributario tenebimur. Item quod ipsi Dom. de dicto Capitulo, aut decimatores eorum, tempore Vindemiae in Konchis & locis in territorio ipsius civitatis nostrae, decimas vini seu musti exigentes, dum, & quoad usque in ipsis decimis & konchis, in exigendis vinis, seu mustis perseveraverint; tam nos, videlicet cives, ac etiam inhabitatores & incolae dictae civitatis, praetextu dumtaxat debitorum vini, & non aliarum rerum, quam etiam forenses, seu extraneos, ratione quorumcumque debitorum arrestare, judicare, ipsorumque iudicio arrestari facere poterunt & valebunt.

Universas quoque litteras causales, requisitorias, protestatorias, inhibitorias, executorias, insinuatorias, obligatorias, admonitorias, judiciales, obmissionales, sententiales, & alias quaslibet pro parte nostra contra ipsos Dominos de dicto Capit. Zagrab. sub quacumque forma verborum confectas, & emanatas, seu effici, & emanari procuratas, demptis sic, ut praemittitur, litteris nostris factum iurium nostrorum possessionariorum continentibus, tamquam vanas, frivolas, mortuas, cassas, inanes, viribusque carituras penitus reliquimus, ipsarumque exhibitorias intra & extra iudicium ubique. . . . Super quibus omnibus praemissis, superiusque specificatis, & declaratis nos Communitas civitatis montis Gracensis, ac ipsi Domini de Capitulo Zagrab. praemissis. . . unionibus initis, & factis alternatim, & mutua vicissitudine reddimus, & commisimus. . . aliis compositionibus, & concordis nostris prius cum iisdem Dominis de dicto Capitulo factis & habitis in eorum vigoribus semper salvis permanentibus. In quorum omnium robur atque testimonium praemissorum, firmitatemque perpetuam, praesentes litteras nostras privilegiales, nostro communi sigillo impendenti consignatas, eisdem Dom. de dicto Capit. Zagrab. duximus concedendas. Dat. feria tertia proxima post festum S. Hieronymi Doctoris eximii A. D. 1469.

Hoc eodem anno 1469. Canonici Zagrabieneses ab rege Matthia, ut supra dictum est, potestatem impetrarunt capiendi muniendique arcem Capitularem, patentem undique, & expositam incursionibus Turcarum. En regium diploma.

Nos Matthias D. G. rex Ungariae, Bohemiae &c. memoriae commendamus tenore praesentium, significantes quibus expedit universis, quod pro parte, & in personis fidelium nostrorum honorabilium Dominorum de Capitulo Zagrab. nostra humiliter supplicatum est majestati, ut ex quo dictum Capitulum prope ea loca esset, ad quae saepius Turci insultus atque incursionationes facere consueverint, id eis annuere & concedere dignaremur, quod praedictum Capitulum ipsorum, prout eis melius videretur sepius circumdare & fossatis munire valerent. Nos igitur exaudita eorum supplicatione. . . id ex gratia speciali duximus annuendum & concedendum, ut ipsi pra-

Matthias  
Canonici  
potestatem  
fecit arcem  
Capitula-  
ris mu-  
niri.

præscriptum Capitulum ipsorum sepibus circumdare ac fossatis munire, propugnaculisque fulcire & edificare, ac tandem tam ipsi, quam ipsorum successores universi munitum, & edificatum tenere valeant, atque possint; immo annuimus & concedimus harum nostrarum, quibus secretum sigillum nostrum, quo ut rex Ungaria utimur, est appensum, vigore & testimonio litterarum mediante. Dat. Buda feria sexta proxima ante festum B. Elisabeth vidua. Anno Domini 1469. Regni nostri anno 12. Coronationis vero sexto.

Commemoratio Canonorum in civitate Gracensi.

Opus erat sane operosum, & plurimum temporis ac laboris requirebat. Interea dum ea munificeretur, Canonici & presbyteri Zagrabien- ses perhumaniter a civibus Gracensibus admissi, divisi in varia domicilia, urbem regiam per aliquot annos incoluerunt, solutique ibidem omni metu & periculo, divinis rebus operam dabant, atque ad psalmodiam quotidianam, ac ceteras functiones sacras peragendas, æde primaria S. Marci utebantur. Per id temporis ad claudendam, & operibus munitionibusque sepiendam aream Capitularem, cogitationes curæque Canonorum convertere. Id operis ac laboris imperatum fuit colonis, & cultoribus agrorum Capitularium; aliis quidem ut currus accommodarent, & arbores excisas, calcem, camenta, omnem materiam seu ligneam, seu lapideam illis impositam conveherent; aliis ut fossam circumcirca perducerent; aliis ut aggeres exstruerent, omnique ex parte obices firmos ac validos hostibus opponerent. Operi faciundo unus de Capitulo præesse iussus, qui rem urgeret, atque invigilaret, ne operarii torpescerent, neve indiligenter injunctum cuique munus exsequerentur. Area Capitularis late quidem patebat, sed pauciora erant, quam pro magnitudine spatii, domicilia; nec fere alii, quam Canonici, presbyteri, clerici, & eorum servitia, inibi habitare solebant. Hi autem cum nec numero, nec viribus, nec scientia militari ad munitiones tuendas, & Turcas repellendos valerent, necesse fuit colonos ex agris, locisque finitimis accersere, atque intra septa recipere, qui ad repentinas Turcarum aggressiones arma caperent, urbem defenderent, hostesque propularent. Ad novos incolas excipiendos multas adiculas exstruendas curarunt, quas vici plateæque interjectæ discriminabant; & cum vacui spatii quod satis esset pro numero habitatorum, area Capitularis non suppetere, aliquid soli ad domos inædificandas ex curiis, sive atriis Canonorum detrahi oportuit. Undique vicinas gentes ad novam urbem frequentandam plurimis privilegiis, immunitatibus, & præmiis propositis invitarunt. Verum ad hanc veluti novam civitatem condendam & colonos aliunde accitos in eam deducendos, atque insolitis beneficiis donandos, tum regia tum Episcopi auctoritate opus erat. Canonici, utramque suppliciter petentibus, neutra defuit. Et Olwaldus quidem non solum privilegia novis habitatoribus collata confirmavit, quamvis communi ac receptæ consuetudini, institutis ac legibus Ecclesiæ Zagrabien- sis adversari viderentur; sed etiam cives illos adscriptos episcopali jurisdictioni exemptos, in clientelam ac potestatem Capituli tradidit. Extrat illius diploma in hanc rem confectum, in quo rationem reddit, cur a majorum institutis nonnumquam discedere oporteat, cum videlicet ne-

cesse sit rebus ac temporibus potius parere, quam legibus aut moribus.

Olwaldus &c. omnibus Christi fidelibus &c. salutem in omnium Salvatore. Meditantibus nobis, & horis continuis ac momentis indefinenter revolventibus quondam felicitis recordationis nostrarum prædecessorum, ejusdem Ecclesiæ dignissimum Pontificum, beata ac felicia tempora, eaque præsentis nostro sæculo, & diebus his instantissime, quibus hanc turbulentissimam vitam, vix respirantes, degimus, comparando, admiratione inenarrabili circumducimur; & dum quidquam de his & illis effari conamur, vox illico faucibus hæret. Nam quantum inter Orientem & Occidentem, tenebras & lucem, tantum inter hac & illa interesse conspiciamus. Et ideo nemini absurdum videri debet, si ipsorum prædecessorum nostrarum vestigia, vel circa nosmetipsos, vel circa gubernamen subditorum nostrarum, imitari usquequaque non valeamus. Sive enim ad domesticas, & intestinas, sive a foris adventantes calamitates, & tribulationes quotidianas, quibus hoc inclytum regnum peno compressum, & attritum est, respectum habeamus, quis sana mentis nos objurgare poterit, si veteribus moribus hominum obrutis, & cum suo sæculo abolitis, recentibus, & ævo nostro accommodatis usibus, & vivendi norma, velimus nolumus, uti cogamur. Tamen enim domestica incommoda nobis onerosa existant, quod juxta vocem Apostolicam, vix sub eis tempus redimere possimus; major tamen stimulus, & longe atrocior aculeus nos pungendo insequitur, Turcarum videlicet fera & truculenta rabies, qui hoc idem regnum majori in parte vastitati, & desolationi subactum, excidio finali in dies exterminare moliantur. Horum siquidem Crucis Christi inimicorum, & immanissimarum belluarum feritas adeo invaluit, ut nos, qui ex eorum faucibus admodum pauci, Altissimo protegente, hactenus evasimus, & excidium hujusmodi tremebundi præstolamur; non nisi divina majestatis clementia, & deinde optimarum munitionum & fortaliorum præsidio, & tutela eliberari, & conservari speramus &c. Ait deinde se quoque necessitate compulsus esse, tum ut curiam suam Zagrabiensem, tum & alia loca episcopalia validioribus muris, & præditiis muniret pro pauperum hominum Ecclesiæ suæ conservatione, non sine maximis gravaminibus temporum; tum vero ut leges novas ab antiquis paullulum discrepantes, sed temporibus accommodatas præscriberet; attendentes, inquiens, non esse reprehendendum si secundum varietatem temporum, statuta etiam varientur humana, juxta legitimas, & canonicas sanctiones. Demum novos incolas areæ Capitularis suæ & successorum Antistitis jurisdictioni exemptos, & Capitulo subiectos fore jubet, quibus imperandi, legelque opportunas præscribendi facultatem eidem Capitulo concedit. Deinde sermone ad Canonicos converso, ut in area sua, quam de regio consensu, & sua annuentia jam circumvallassent, laicos homines pro sui, & erectæ munitionis defensione collocare possint, impertit facultatem; laqueum, inquiens, sibi parare, qui munitione erecta, eandem accurate custodire prætermittit. Hoc diploma confectum fuit anno 1469. ipso festo S. Regis Stephani.

Diploma Olvaldi Episcopi.

Anno circiter 1478. Canonici cum maximas gratias egissent suis hospitibus montis Gracensis, a quibus benigne accepti, & liberaliter

T t ter

Illyrici Sacri Tom. V.



Canonici  
in aream  
Capitula-  
rem rever-  
sas con-  
stituunt in  
absentes, &  
illa Gapi-  
tuli detre-  
ctantes.

Episcopus  
& Canonici  
leges vete-  
res abro-  
gandi, &  
novas con-  
dendi facul-  
tatem ab  
Innocentio  
VIII. pe-  
tunt impe-  
trantque.

ter tractati fuerant, ad urbem sive ad aream Capitularem, validis munitionibus circumsepiam redierunt; & eodem anno xvii. Kalendas Octobris decretum fecerunt contra Canonicos absentes, qui, cum neque per se ipsi, neque per alios sibi substitutos Ecclesiae interirent, nec choro interessent, neque ad custodiam civitatis advigilarent; integram tamen portionem e suis ecclesiasticis proventibus percipere volebant; & praeterea statutum est, ut, si quis excubias diurnas, aut nocturnas detrectaret, sibi nomine jussuque Capituli imperatas, cum a Turcis periculum vel metus ingrueret, primum uno florenno multaretur, deinde penultimum unum anni canonicaem, demum, si in ea detrectatione contumaciter persisteret, fundos omnes sui sacerdotii amitteret: Anno Domini 1478. fer. 4. in crastino Exaltationis S. Crucis in sacristia exteriori Domini pro tunc congregati, attendentes nonnullorum fratrum suorum super constitutionibus factis non observationem, ac illos qui sepe absentes, qui ut alii ad plenum portionem canonicaem habere contendunt, quemadmodum & praesentes, qui pondus diei & aestus sufferunt; tamen illis, quibus debent officiis & oneribus, minime insistere curant, aut suis officialibus adimplere committunt; propter quae non solum negligentia in Ecclesia, sed & in custodia munitionis, ad quam omnes debemus, & praesertim tempore insultus Turcarum, committuntur. Et ne talia incassum ferent, & ordinationes salubres de cetero negligantur; statuerunt, ordinarunt, & firmiter observandam concluderunt, quatenus dum & quando officialis, super talibus constitutus, alicui Dominorum custodiam nocturnam, vel diurnam, juxta ordinationem Dominorum factam, indixerit, omnis sine negligentia & conditione, eandem adimplere tenebitur. Qui autem hoc sive negligenter, sive alio quovis modo adimplere non curaverit, pro primo puniatur florenno uno, pro secunda autem portione canonicali illius anni, pro tertio autem, quod absit, si negligens fuerit, pradio canonicali sine omni gratia privabitur. Quisquis autem pro eo loqui, vel intercedere ausus fuerit, poenam se perjurii sentiat incurrisse ipso facto. Ad quam D. Vicarii auxilium ex tunc implorabitur, quam incurrisse eum declarabit.

Episcopus & Canonici Zagrabienenses cum vel sedis Episcopalis, vel sublelli Capitularis possessionem inhibant, in leges, consuetudines, jura tum Ecclesiae, tum Capituli jurare consueverant. Sed rerum, morum ac temporum conversiones, mutationesque tot ac tantae factae fuerunt, ut vetera illa praescripta, quamvis multarum aetatum auctoritate, & jurejurando etiam firmata, jam servari non possent; & veteres reformari, novaeque sanctiones condideret, quae cum recentibus temporibus, personis, ac rebus congruerent. Id ut sibi liceret, & sacramenti vinculo exsolverentur, ab Sede Apostolica postularunt. Postulatis benigne annuit Innocentius VIII. anno 1487. Nos itaque, ut est in extremo diplomate pontificio; quia Ecclesiarum quarumlibet, praesertim cathedralium, & personarum earundem laudabili regimini, & reformationi libenter consulimus; hujusmodi supplicationibus inclinati, vobis, ut cum dicto Episcopo, omnia & singula statuta hujusmodi etiam juramento, & Apostolica auctoritate confirmata, examinare, corrigere, immutare, reformare, & innovare, & totaliter cassare: & alia personis, locis, ac temporibus

praeiis accommoda edere, libere & licite possitis & valeatis, licentiam & facultatem concedimus; eaque sic per vos innovata & reformata nostra auctoritate observari mandamus, absolventes singulos vestrum a praestito per vos juramento de illis pro tempore observandis; ad cuius observationem volumus vos non teneri. Non obstantibus &c.

Oivaldo illud in primis, & maximae curae fuit, ut jura Ecclesiae vindicaret, & bona atque emolumenta ecclesiastica recuperaret. Sub initium fere suscepti Episcopatus acerrima illi ac diuturna controversia fuit cum Dynastis & civibus oppidi & Comitatus Varasdinensis, qui solutionem decimarum praefraete abnuebant, rationes nescio quas commenti, cur nulla eas solvendi lege tenerentur. In iudicium vocati, primum coram Michaeli magistro artium liberalium, & concionatore Ecclesiae Chaitmentis, quem illis Oivaldo iudicem dederat, deinde coram Blasio de Kamong Praeposito Ecclesiae Bacchiensis, iudice delegato ab Archiepiscopo Colocenti, ad quem illi appellaverant; apud utrumque causa ceciderunt. Suam Blasius sententiam ad quosdam parochos dioecesis Zagrabienensis perferri iussit, ut eam promulgarent, simulque, ut de solutione integra decimarum admonerent, atque urgerent Dynastas, cives, agricolas oppidi ac territorii Varasdinensis; & nisi impetrata facerent, eos anathemate ferirent, in contumacia persistentes poenis omnibus, dirisque ecclesiasticis subicerent.

Blasius de Kamong, artium liberalium magister, praepositus & Canonicus in Ecclesia Metropolitana Bacchiensi, nec non per Reverendissimum in Christo Patrem & Dom. Stephanum miserat. divina Ecclesiae SS. Nerci & Achillei Sacros. Rom. Eccl. Presbyterum Cardin. Archiepiscopum Colocensem, & dictae Bacchiensis, Ecclesiarum canonice unitarum, locique ejusdem Colocensis Comitum perpetuum, supremumque regnum Cancellarium, iudex delegatus, & commissarius specialiter deputatus; imperat parochis de Toplica, de Szentiakeh, de S. Clemente, de S. Elia, de S. Elisabeth in Szubodol, de S. Bartholomeo de Martianz, de Lusberg, de Pyrlak, de Sabaria, de Nodelich, de Varasd, de Biskupcz, de Mariassovcz, & de Vinicza, ut magnificum Georgium natum Parisan Comitum Zagorae, nec non nobiles Joannem de Szubodol Vicecomitem Varasdinensem, Ladislaum, & Casparem Hergtty de Zaiczda, Fridericum Otoocz de Szent, Jakob, Martinum Barocz, Joannem Kernyachuycz, Benedictum Bernakaycz, Ladislaum de Hergb, Joannem Mathoycz, Hieronymum de Uchovcz, Osvaldum Urbanohcz, Nicolamini Madravaz, alterum Nicolamini de Szubodol, aliosque universos & singulos nobiles, cives Varasdinenses, & agrorum cultores civitatis, Comitatus, Cultelli Varasdinensis, in causam attractum, & attractos, & ex adverso principales & appellantes, de & super facto detentionis, usurpationis, denegationis, & occupationis, non solutionisque dictarum decimarum, D. Osvaldo Episcopo, Ecclesiaeque suae Zagrabienensi, de dicto Cultello, sive Comitatu Varasdinensi, provenire deberent, aliisque damnis, & injuriis causatis serio admoneant, ut Dom. Osvaldo Ep. Zagrab. & suis successoribus pro tempore constitutis, secundum leges, consuetudinem, atque vim, formam, tenorem litterarum, privilegiorum, & instrumentorum, ac limitationem, & modificationem Divorum Regum,

Varasdi-  
nenses, cum  
decimas  
solvere  
nolent,  
causa ce-  
cidit.

Sententia  
Blasii de  
Kamong  
iudicis a  
metropo-  
lita Colo-  
centi dele-  
gati.

Ba-

Banorum, ac ipsius Matthiae regis Hungariae adjudicatum in vigilia S. Laurentii de anno 1466. Crisii factam, universas decimas persolvant; secus, eosdem excommunicatos publice denuncient, campanis pulsatis, candelis accensis, & extinctis, ac in signum maledictionis aeternae projectis.

Quod si intra quindecim dies ad poenitentiam non redierint, pulsatis campanis, candelis accensis, & extinctis, cruce certa religione induta, aquam benedictam aspergendo ad fugandos Demones, qui eos sic detinent alligatos, & suis laqueis catenatos, orantes quod Dominus Jesus Christus eosdem ad catholicam fidem, & S. Matris Ecclesiae gremium adducere dignetur, ne eos in tali duritia ac perversitate dies eorum finire permittat, cum decantatione responsorii, Revelabant celi iniquitatem Judae, & Psalmi, Deus laudem meam non tacueris, cum Antiph. Media vita &c. hoc facto & finito ad januam Ecclesiarum vestrarum, una cum ecclesiasticis procedendo, ad terrorem, ut ipsi excommunicati, aggravati citius ad poenitentiam redeant, tres lapides versus domus, & habitationes eorumdem projiciendo, in signum maledictionis aeternae, quam Deus dedit Dathan & Abiron, quos viros terra absorbit, solemniter publicatis & denunciatis, ac per vestros faciatis denunciare, ut ab omnibus Christi fidelibus arctius devitentur.

Si post haec iterum manserint contumaces, ut tunc, elapsis diebus quindecim, a participatione & communione ipsorum, sub poena excommunicationis reliqui fideles arceantur, neque audeat quisquam cum praefatis loqui, sedere, stare, ambulare, servire, hospitari, comedere, cibum, aquam, ignem praeberere, aut quodvis humanitatis praestare officium, praeterquam in casibus a jure permixtis. Si nec his moverentur, sed more aspidum surdarum, sustinerent haec omnia animis induratis, tum omnes, civitates, oppida, castra, villa, suburbia, quarumcumque Ecclesiarum collegia, parochiae, & alia loca, in quibus praemissi manerent, ecclesiastico interdicto subjaceant, divina cessent, nec ulla, stante interdicto, sacramenta ministrantur, nisi poenitentia & baptismus, eucharistia item infirmis, & matrimonium sine ecclesiastica solemnitate contrahatur; ecclesiastica autem sepultura omnibus denegetur, quoad praefati aggravati ex locis illis non abiverint. Quod si vero Diaboli membra effecti nec haec curaverint, nobis pro saculari brachio scribatur. Et haec sententia nostra ad valvas ecclesiarum ubique appendatur, ut cunctis fiat manifesta; absolutionem a censuris praedictis nobis & superiori nostro reservamus. Quidquid acciderit per instrumentum publicum nobis significetur.

Dat. Baccbiae die Mercurii, septima mensis Februarii anno 1470.

Varasdinenses Sedem Apostolicam appellarunt.

Dynastia ac cives Varasdinenses tot ac tantis execrationibus confixi oneratique Sedem Apostolicam appellarunt. Hanc appellationem Matthias rex irritam fecit, propterea quod tum utrique parti magno sumptui fore necesse erat, tum consuetudini, & privilegio regiae Majestatis Apostolicae officere existimabat: Cum percepissimus, inquit, in hoc non solum partibus ipsis graves impendere labores atque expensas, sed consuetudini, & libertati regni nostri non mediocre praedictum irrogari, cupientes penitus & in toto litem hanc inter partes praedictas extinguere, & consopire, praecipue vero, ut ipse Dominus Episcopus, & sui successores hujusmodi litibus amplius impediti, majoribus regni nostrorum Sacri Tom. V.

stri negotiis incumbentes, libere vacare nequeant. Itaque controversiam illam ad suum regium tribunal avocavit, & diem Dominicum Palmarum ad conveniendum edixit; cum illi ad diem praescriptam non adfuissent, demum anno 1474. feria 4. proxima ante festum S. Georgii Martyris Budae Matthias rex in frequentissimo Episcoporum & procerum conventu secundam Ecclesiam Zagrabiensem, & Olvaldum sententiam tulit; & juxta decretum de solvendis decimis an. 1466. in generali Congregatione conditum, decimas integras, & sine ulla diminutione Ecclesiae, & Episcopo Zagrabienfi persolvi jussit a Dynastis, civibus, & agricolis oppidi ac territorii Varasdinensis, quibus perpetuum silentium imposuit, simulque edixit, ut ab ulteriori prosecutione causa praenotata, occasione praemissorum, contra libertatem regni, in manifestam Ecclesiam Zagrabienfis injuriam, seu iacturam motae penitus cessare, seu supersedere debeant, ac teneantur. Neglectam decimarum solutionem incuriae administratorum, recordiae superiorum Antistitum, videlicet Benedicti, Balthassaris, Demetrii, quos intrulos vocat, iniquitati ac violentiae praepotentium virorum adscribit: Quod cum praefata Ecclesia, inquit, fere per annos triginta, & citra vero pastore fuit destituta, & per manus laicales distracta, non debent curari Registra, secundum quae non a veris praelatis ipsius Ecclesiae Zagrab. sed ab intrusis, & potentibus, & tyrannis laicis fuerunt ipsa decima dicata, & registrata &c.

Nec vero aut regis auctoritas metulve, aut anathemata inflata Varasdinenses a contumacia revocarunt, in qua usque ad extremos hujus saeculi annos perstiterunt. Nihilo leviores concertationes Olvaldo fuere cum Andrea parrocho S. Mariae de Chamarcha, qui a quibusdam agris & colonis, ad ejus parochiam ex gratuita donatione episcopali non ita pridem adjunctis, decimas exigebat, sibi vindicabat, cum jus eas percipiendi Episcopus sibi reservasset. Olvaldo eas repetenti abnuebat Andreas, & judicem postulabat, apud quem rationes exponeret, quamobrem decimas illas sibi deberi existimabat. Datus est illi iudex Georgius Episcopus Rosonensis, qui Olvaldi consanguineus erat. Hic auditis rationibus quas pro se assererat parochus, litem injudicatam reliquit, remque integram ipsi Episcopo reservavit. Andreas veritus ne apud tribunal episcopale causa caderet, Gabrielem Metropolitam Colocensem appellavit, qui huic controversiae dirimendae praefecit Blasium praepositum Ecclesiae Bacchientis. Hic antequam sententiam diceret, colonos, Andrea postulante, anathematis vinculo exemit, quo illos ob denegatam decimarum solutionem Olvaldus illigaverat, nequidquam reclamante procuratore Episcopi, qui ad Sedem Apostolicam appellavit. Itaque a Metropolita Colocensi ad Pontificem Romanum causa integra devoluta est. Is erat Sixtus IV. qui per litteras imperavit Michaeli Abbati Cisterciensi coenobii S. Mariae Zagrabienfis, ut causam rite cognoscat, feratque pro veritate sententiam. Hic vero secundum Episcopum judicavit; cujus judicio stare noluit Andreas, & ipse quoque appellationem interposuit ad Sedem Apostolicam; ab eaque mandatum accepit ad Joannem vicarium Sigismundi Episcopi Quinqueeclesiensis, Gregorium Archidiaconum, & Michaellem ejusdem Ecclesiae

Altera de decimis controversia cum Andrea parrocho S. Mariae de Chamarcha.

Canonicos, ut parti utrique iudicium redderent. Cum hi neque juridica utriusque partis citanda formula, neque praescripta juris, & cognoscenda causa regula servata, progredi vellent ad sententiam ferendam, Joannes lector Ecclesiae Chalmensis, & procurator Olvaldi intercessit, & quidquid statuisent, irritum fore declaravit, & tertiam ad Sedem Apostolicam appellationem denunciavit. Illi hac denunciatione, & intercessione deterriti non sunt, quo minus contra Episcopum, & secundum Andream sententiam ferrent; & si fides habenda est Thomae Kovalevichio, tanta illos temeritas & audacia cepit, ut in ipsum Episcopum, ejusque procuratorem interdicti atque anathematis sententiam pronunciarent. De ordine judiciali praepostero, de sententia nec iuste, nec legitime prolata, de tam insigni injustae excommunicationis nota episcopali personae inusta, Olvaldus per litteras graviter conquestus est apud Sixtum Pontificem, qui integram totius causae cognitionem delegavit Leonardo cœnobiiarchae monasterii Cisterciensis S. Mariae de Lonstros in provincia Carniolia, & diocesi Aquilejensi; illudque de lege Bonifacii VIII. derogavit, quo cavebatur, ne quis e sua civitate ac diocesi in aliam civitatem ac diocesim ad iudicium vocaretur. Imperavit itaque Leonardo primum, ut si Olvaldum Episcopum ac Joannem lectorem ecclesiastica communione rite ac legitime privatos fuisse comperisset, utrumque omni culpa, & poena liberaret; deinde, ut seclusa omni appellatione, finem illi controversae imponeret. Paruit Leonardus mandato pontificio, diem secundum Maji utrique parti ad causam dicendam praefinivit. Aduit procurator Olvaldi, Andreas non item, neque ejus procurator. Huic iterum ac saepius dies prorogata fuit; nunquam apparuit. Itaque Leonardus, convocatis suis assessoribus, & consiliariis, ac testibus idoneis adhibitis, sententiam pronunciavit; acta Gregorii, Joannis, Michaelis rescidit atque irrita fecit; decimas omnes, de quibus erat controversia, Olvaldo Episcopo adjudicavit. Hæc est ejus sententia.

Leonardus  
Abbas Ci-  
sterci. sen-  
tentiam tu-  
lit secunda  
Episcop.

Christi nomine invocato de jurisperitorum, ac nostrorum assessorum consilio, & assensu per hanc nostram sententiam definitivam, quam pro tribunali sedentes, & solum Deum pra oculis habentes, in his scriptis ferimus, pronunciamus, dicimus, decernimus, declaramus in causa, quae inter Reverendum Patrem Dom. Olvaldum Episc. Ecol. Zagrab. appellantem, & discretum Andream plebanum Ecclesiae B. M. V. de Kamarcha Zagrab. dioc. appellatum, partes hinc inde, de & super decimis, & earum occasione a Colonis dictae Ecclesiae B. M. V. ex fructibus extra territorium seu terras, & montes ipsius Ecclesiae B. M. V. & in alienis terris seu montibus in dioc. Zagrab. existentibus, & excrecentibus, primo ex commissione praefati D. Olvaldi Episcopi ad instantiam dicti Andreae factam, coram Rever. Patre Dom. Georgio Episcopo Rosonenfi, & suis certis collegis, ac deinde per appellationem ejusdem Andreae coram Vicario Colocensi, & deum per appellationem similiter pro parte dicti D. Olvaldi Episcopi, ex delegatione Apostolica, coram Ven. Dom. Michaeli Abbate Monast. B. Mariae Zagrab. Ord. Cisterciensis; & postea similiter ex delegatione Apostolica coram Venerabilibus Gregorio Archidiacono, & Joanne officiali Quinqueecclesiensi, & coram Michaeli de

Rejke Canonicis Ecclesiae Quinqueecclesien. per dictum officialem subdelegato; postremoque ex similiter Apostolica delegatione coram nobis versa fuit, & vertitur in praesentiarum, pro parte ipsius D. Olvaldi Episc. a praefatis Gregorio & Joanne delegatis iudicibus, ac processibus eorum ad Sanctiss. D. nostrum Sixtum Papam modernum, & ejusdem Sedem Apostolicam appellantis, bene, iuste, sancte & legitime fuisse; & esse appellatum; ipsosque Gregorium Archidiaconum, & Joannem, ac sibi Michaelum subdelegatum, male, nulliter, injuste, & inique, ac de facta processisse, & per eos fuisse processum, definitum, sententiatum; & eorum processus & sententias esse, & fuisse irritandas, annullandas, revocandas & cassandas declaramus; immo irritamus, annullamus, revocamus, & cassamus; dictasque decimas ad dictum D. Olvaldum Episcop. & ejus Ecclesiam Zagrab. pertinentes, & pertinere debere, sibi adjudicandas per nos fore, & adjudicamus, dictumque Andream se, quo minus ipsa decima ipsi D. Olvaldo Episc. & Ecclesiae suae solverentur, opposuisse, seu opponere non debere, oppositionesque, seu impedimenta, ab eodem Andreae factas, fuisse & esse temerarias, & illicitas, & fecisse quod non licuisset, neque debuisset; sed neque facere licere, neque debere declaramus, praefatoque Andreae plebano de, & super oppositionibus, & impedimentis in hujusmodi decimis perpetuum silentium imponendum fore, & imposuimus... in expensis in hujusmodi causa coram nobis pro parte dicti D. Olvaldi Episcopi propterea factis, ac fructibus a tempore hujusmodi oppositionis, & impedimenti exinde perceptis, & qui percipi potuerunt, condemnandum fore, & condemnamus. Quarum expensarum... In nomine Patris, & Filii, & Spiritus Sancti. Amen. Lecta, lata & in scriptis pronunciata est praesens nostra sententia definitiva, in praedicto Lonstros in monasterio nostro, & domo habitationis nostrae, 14. die mensis Junii anno Domini 1479. indictione 12. hora tertiaria, Pontificatus autem Sanctiss. in Christo Patris ac Domini nostri Dom. Sixti divina providentia Papa IV. anno octavo, praesentibus &c.

Ita demum Andreas a contentioso illo litigio desistere coactus, Olvaldo molestus esse desinit; cum eoque tandem, post biennium a suscepto certamine, in gratiam rediit. Cum aliis quoque Dynastis ac proceribus Slavoniae, ac praesertim Comitatus Crisientis, & Zagrabienlis, gravissimas, & diuturnas contentiones habuit; cum hi decimas, & possessiones Ecclesiae annis superioribus, dum res ecclesiastica erat penes administratores laicos, interversas & distractas restituere nollent. Has ille ut recuperaret, non jure solum, & legibus, censuraeque & severitatis ecclesiasticae armis decernavit, sed etiam vim militarem adhibuit; ex quo factum est, ut qui contra omnes pro aequitate & iustitia pugnabat, omnium in se inimicitias, atque odia converteret; tantaque apud omnes flagrabat invidia, ut in Concilio generali, quod anno 1481. proceres Slavoniae in urbem regiam montis Graecensis convocarunt, Olvaldum tamquam publicae quietis hostem, & laesae majestatis reum, ejus bonis omnibus publicatis proscriberent, ac regii juris violati apud regem accusarent. Verum Olvaldus de illatis sibi criminibus ita se regi purgavit, ut perhonorificum ab eo diploma impetraverit, quo non solum illi, si quid in regem deliquisset, venia datur,

Alii cum  
aliis Dy-  
nastis con-  
troverfiam  
de decimis.

Calumniam  
in Olval-  
dum & po-  
terius eidem  
infinit;

datur, sed etiam in integrum restitui jubetur, caveturque ne quis in posterum ullam illi molestiam exhibeat.

quem Matthias omni culpa poenaeque liberatum in integrum restituit.

Nos Matthias D. gr. rex Hungariae, Bohemiae &c. memoriae commendamus tenore praesentium, significantes quibus expedit universis, quod nos de benigntate nostra regia, qua delinquentibus veniam, & lapsis sublevamen solemus impertire, jurisque rigorem interdum lenitate misericordiae consuevimus temperare, fidei nostro Rever. in Christo Patri Dom. Osvaldo Episcopo Ecclesiae Zagrabienensis, ac castris, castellis, civitatibus, oppidis, & villis, & universis rebus & bonis suis ubique existentibus, & in quibuscumque Comitatus hujus regni existentibus & habitis, super nota, seu labe proscriptionis, qua ipse in Congregatione generali universitatis nobilium regni nostri Sclavoniae, nuper Zagrabia celebrata, per juratos assessores ejusdem . . . proscriptus fuisset, & praeterea super omnibus aliis excessibus suis, quibus ipse majestatem nostram hactenus offendisset, gratiam duximus faciendam specialem; omnemque indignationem nostram, quam huc usque ratione quorumcumque excessuum suorum, erga eum conceperamus, de pietate & clementia nostra removemus, immo facimus, & removemus praesentium per vigorem; quocirca vobis fidelibus nostris, Reverendis. in Christo Patri D. Petro Archiepiscopo Colocensi cancellario nostro; item magnificis Palatino, & Judici curiae nostrae, ac Bano, nec non Comitibus, & Vicecomitibus, ac Bano & Vicebano regni nostri Sclavoniae, utriusque in judicatu vices gerentibus, nec non Comitibus, vel Vicecomitibus, ac juratis electis, ac judicialium quorumcumque Comitatum, cunctis etiam aliis regni nostri iudicibus, & justitiariis, ecclesiasticis videlicet & secularibus praesentibus, & futuris, & praesentium notitiam habituris, harum serie firmissime praecipientes mandamus, quatenus amodo nullus omnino vestrum praefatum Dom. Episcopum ratione quorumcumque excessuum per eum huc usque, & qualitercumque commissorum, pro quibus scilicet, aut in iudicio proscriptus fuisset, aut indignationem majestatis nostrae incurrisset, contra formam praemissae nostrae gratiae, ad cuiusvis instantiam intra, vel extra iudicium, in persona, aut castris, castellis, possessionibus, ac aliis bonis rebusque suis universis, impedire, turbare, seu quovis modo damnificare nusquam valeat, & nequaquam praesumat, neque ausus sit modo aliquali, gratiae nostrae sub obtentu. Praesentibus perlectis, exhibenti restituitis. In Rakspurka, in festo B. Georgii M. anno Domini 1481. regnorum nostrorum Hungariae &c. anno vigesimo tertio, Bohemiae vero duodecimo.

Decretum regium de solvendis decimis

Cum viri nobiles & Dynastiae regni Slavoniae regium quoddam decretum de solvendis decimis aliter acciperent, atque rex ipse intelligi voluerat; quid suae sententiae & voluntatis fuerit, aperte declarat, jubetque illos juxta vetera pacta & conventa, & consuetudinem antiquitus receptam, debitas Ecclesiae & Episcopo decimas persolvere.

Rex ipse explicat, & declarat.

Matthias Dei gratia rex Hungariae &c. fidelibus nostris universis, & singulis nobilibus, ac ulterius cujuscumque status possessionatis hominibus regni nostri Sclavoniae salutem & gratiam. Scripseramus nuper fidelitati universitatis vestrae, ut de bonis vestris Rever. in Christo Patri D. Osvaldo Episcopo Zagrabienensi debitas decimas, juxta antiquam consuetudinem, atque concordiam Illyrici Sacri Tom. V.

vestram, cum eo super inde factam, exolvere & extradi facere deberetis. Vos tamen, ut ex significatione ejusdem D. Episcopi intelligimus, innixi decreto novissimo per nos, regni praelatos & barones edito, quamdam abusivam damnosamque novitatem in exolvendis decimis ipsis introducere, & sic eas cum gravi damno ipsis D. Episcopi, & jactura suae Ecclesiae exolvere velletis. Cum tamen profecto satis aperte, etiam ex prioribus litteris nostris colligere potuissetis, vos non bene verba & continentias decreti intellexissetis. Ubi enim vos in decreto fundamenta rationum vestrarum locatis, certe, si apte & debito modo perpenditis, isthinc manifeste & expresse declaratur, Comitatus illos, qui alias cum eorum Episcopis, cujus scilicet ditionis subsistunt, super exactione decimali aliquam concordiam habuissent; non secundum decretum novissimum, sed more antiquo, & juxta concordiam ipsam, decimas ipsas dare, & exolvere debeant, ac teneantur. Quapropter quomodo in dictis aliis litteris nostris commisimus, ita etiam praesentibus, fidelitati vestrae firmissime praecipimus & mandamus, quatenus statim receptis praesentibus, dictas decimas praefato D. Episcopo, & suae Ecclesiae, juxta antiquam compositionem, & concordiam, atque etiam veterem consuetudinem vestram, libere & sine subterfugio extradere vocere debeatis. Quoniam alioquin certificamus vos quod de cetero super inde vobis non scribemus; sed decimas ipsas de bonis vestris cum bisagiis, & gravaminibus opportunis pro ipso Dom. Episcopo exigi faciemus. Aliud ergo non facturi. Praesentibus perlectis exhibenti restituitis. Datum Budae feria 6. post B. Martini Ep. Confes. Anno Domini 1481.

Illius decreti interpretatio, & harum litterarum auctoritas apud plerosque proceres, & optimates valuit, qui decimas ab se, ubi rex praecipiebat, posthac persolutum iri promiserunt, veluti, ut est apud Kereselichium, Job de Gara, Johannes de Zrinio, Ladislaus de Gereben, Stephanus Comes de Blagni, Georgius Mikolychy de Brasin, Johannes Berenyrod de Koztanicza, & alii. Hi fundos & villas in diocesi Zagrabienensi possidebant, & fidem suam obstrinxerunt contributuros, juxta regis praescriptum, decimas omnium fructuum, quos ex illis perciperent. Idem se curaturum, ut praestetur a villicis suis, promisit ac recepit Nicolaus quidam, vir coplis & opibus affluens, qui concessu Matthiae regis titulum honorarium Regis Bosinensis sumplerat: Nicolaus Dei gratia rex Bosina . . . in universis, inquit, possessionibus & bonis nostris in diocesi Zagrabienensi habitis . . . absque omni cunctatione dicari permittemus, & ipsas decimas persolveri faciemus. Ubi autem aliqui regnicolarum, eidem liberationi regiae majestatis contrarium attentare niteretur, dicto D. Episcopo contra tales recusantes favere & auxilio adesse volumus. His adde Wkum, quem Bonfinius Lupum vocat, Rasciae Dynastam, qui cum Turcas, ingenti clade iisdem illata, & magna praeda recepta, tum a Carinthia, tum a Chrobatia repulisset, castellum Friescam, egregii facinoris praemium, a Matthia retulit. Hic quoque pollicitus est decimas ex proventibus castrorum, & terrarum frugiferentium, quas obtinebat in diocesi Zagrabienensi, soluturum juxta contractum, inquit, jam initum coram Georgio Archiepiscopo Colocensi, Dominico Praeposito Albeni, Ladislao Budensi, Ca-

Regis explicationi & auctoritati parenti primores regni Slavoniae.

*sparo Scepusiensi prepositis; magnifico item Joanne Ungor de Nadad Vairoda.*

Idem Matthias plures villas & possessiones in Comitatu Verucensi, item Crisienti, quas viri prepotentes occupaverant Ecclesie Zagrabienli, regali auctoritate interposita restitui iussit; & anno 1486. omnibus Slavoniae proceribus gravi & severo mandato solutionem decimarum imperavit: Non intelligo, inquit, cur per omne nefas, jura, & proventus ecclesiasticos vobismetipsis velitis usurpare. Quae res quantum hominibus christianis conveniat, vobismetipsi satis potestis intelligere. Nobis vero, qui ecclesiarum regni nostri patroni sumus, profecto vehementer displicet: Neque si deinceps his violentiis, insolentiis, & subterfugiis cum Ecclesia illa uti porrexeritis, evitare poterimus, quin ita provideamus, ut Ecclesia ipsa, velitis nolitis, suis jurebus libere utatur. Unde si forsitan vobis aut damni aut detrimenti quidpiam evenerit, majus forte quam pataretis; debetis nemini imputare, quam vobismetipsis. . . . Presentibus quoque committimus Bano regni nostri Sclavoniae, ut ipse vos, & vestrum quemlibet ad integram exolutionem decimarum, etiam per occupationes bonorum & possessionum vestrarum, arctius compellat, & astringat auctoritate nostra regia, sibi in hac parte attributa, mediante &c. Datum in civitate nostra Larva Australi in festo B. Hieronymi Confessoris anno Dom. 1486.

Bellum  
Matthiae  
cum Tur-  
cis.

Dum haec controversiae de decimis fervebant, nulla quies erat ab incursionibus, metuque Turcarum; & Matthias bella fere perpetua gessit cum Bohemis, cum Friderico Imperatore, & praesertim cum Turcis, quorum vires atque opes magis in dies magisque crescebant; & e propinquis locis, quae occupaverant, Hungariae imminebant. Erat in suburbio Zagrabiae cenobium monachorum Cisterciensium S. Mariae, quod dirui oportuit, ne, in Turcarum potestatem si venisset, barbaris munimento esset atque adjumento ad civitatem oppugnandam. Monachi ad alia sui Ordinis domicilia migrarunt, nec postea umquam redierunt Zagrabiam. Per idem tempus cenobium quoque Toplicenle ob metum Turcarum a Cisterciensibus desertum fuisse ajunt; quod deinde cum omnibus suis proventibus ad mensam episcopalem locupletandam accessit. Erat itidem in eodem suburbio monasterium Dominicanum S. Nicolai Turcarum incursionibus ac direptionibus expositum. Patrum illorum salutem atque incolumitatem ut consuleret rex Matthias, eos intra muros civitatis Graecensis recipi voluit, & circa facellum S. Catharinae, quod ipsi possidebant, aerae quod satis esset, ad novum cenobium construendum eisdem attribuit. En regium diploma.

Diploma  
regis Mat-  
thiae secun-  
dum Patres  
S. Domini-  
nici.

Nos Matthias Dei gratia rex Hungariae, Bohemiae &c. memoria commendamus tenore praesentium significantes quibus expedit universis. Quod cum nos, cujus ex suscepti nostri regiminis officio interest providere utilitati subditorum nostrorum, praecipue virorum ecclesiasticorum, intelligamus fideles nostros devotos Fratres Ordinis Praedicatorum S. Dominici Confessoris, propter frequentes incursiones Seracenorum Turcorum ad regnum nostrum Sclavoniae, & monasterium ipsorum in honore S. Nicolai Episcopi, & Confessoris extra muros civitatis nostrae Montis Graecae, fundatum, quod quidem monasterium jam propter timorem, & varia impedimenta ipsorum Turcorum in miniam ruinam, & desolationem

venisse dicitur, secum nullo modo inhabitari posse. Rebus ita se habentibus, ut iidem Fratres co quietius altissimum Conditorem exorare valeant, quantum in nobis est concessimus eisdem, ut ipsi quandam capellam sub honore B. Catharinae Virginis, & Martyris intra muros ejusdem civitatis nostrae Montis Graecae, constructam, per eosdem Fratres, sicut ab antiquo, ita & nunc pacifice possessam, per modum claustrum, seu monasterii Ordinis eorum convenientis, erigere, & edificare, ac illuc de dicto claustro S. Nicolai conventum, seu habitationem eorum transferre possint. Quia vero locus, seu situs dictae capellae pro edificatione talis modi monasterii admodum arctus stritusque, & insufficiens fore perhibetur; igitur nos propter devotionem nostram quam ad praefatam B. Catharinam Virg. habemus, quasdam duas sessiones seu fundos emptitias, eorum Fratrum praefatae capellae contiguas pro commodiori situatione, ac edificatione ejusdem monasterii, eisdem Fratribus, & eis succedentibus in perpetuum dedimus, & donavimus, imo concedimus, damusque, & donamus, salvis jurebus alienis, harum nostrarum, quibus sigillum nostrum est appensum, vigore, & testimonio litterarum mediante.

Datum Budae in festo B. Valentini Martyris anno Domini 1473. regnorum nostrorum anno Hungariae 15. Bohemiae vero 4.

In urbem migrandi, veteris deferendi, novaeque monasterii edificandi, & immunitates ac privilegia, quibus antea gaudebant, secum illuc transferendi potestatem iidem Fratribus Dominicanis fecit Sixtus IV. ut ex ejus litteris ad Colocensem Archiepiscopum apparet.

Sixtus Episcopus servus servorum Dei Venerabili Fratri Episcopo Colocensi, & dilectis filiis Abbati monasterii Helen. Zagrabien. diocesis, ac Joanni de Marthinianz Canonico Zagrabienli salutem, & Apostolicam benedictionem. Piis supplicum votis, per quae opportunitatibus religiosarum personarum, cum augmento divini cultus, & sacrae religionis propagatione provideatur, libenter annuimus, & ut illa, sublatis quibusvis dispendiis, & obstaculis, optatum sortiantur effectum, cum a nobis petitur, favorem apostolicum impartimur. Sane pro parte dilectorum filiorum Prioris provincialis, & FF. Ordinis FF. Praedicatorum provinciae Hungariae secundum morem dicti Ordinis, nobis nuper exhibita petitio continebat; quod ipsi provide attendentes, quod eorum domus S. Nicolai extra muros Zagrabien. dicti Ordinis sita est, in loco adeo distante a civitate Zagrabien. quod cives, & incolae dictae civitatis ad illam commode pro Missis & aliis divinis officiis audiendis accedere, ac congruis honoribus, ut vellent, frequentare, nec non pro animarum suarum salute, & Prioris, & Fratrum Praedicatorum exemplari vita ac monitionibus, & exhortationibus opportunum fructum, ut optant, consequi nequeunt; & quod Turci qui partes illas finitimas incolunt, & territorium Zagrabien. diocesis crebro discurrent, facile domum ipsam tempore discursionum hujusmodi, & in illa degentes Fratres, ac bona capere, & spoliare possent, ex quo si fieret, & illa capta arcem Venerabilis Fratris nostri Episcopi Zagrabien. ei proximam expugnare valerent; libenter domum praedictam, ad quam, pro eo quod Episcopus ipse muniendo eandem arcem pro ipsius tutela a Turcorum occupatione viam, qua iri consueverat ad eandem Ecclesiam, ipsam

Epistola  
Sixti IV.  
ad Archie-  
pisc. Co-  
locensem  
secundum  
eisdem.

pro



pro magna parte destruxit, nullo itinere solito facilis non pater accessus, desererent, & apud capellam S. Catharina sitam in civitate montis Gracen. quæ ex antiquo per ipsos Fratres possessa semper extitit, & possidetur etiam de presenti, ac ipsius domus servientes aliam domum pro eorum habitatione construerent, seu construi facerent ex piis Christi fidelium suffragiis, ad id eis jam oblatis, ac illam postmodum constructam inhabitarent, si eis super hoc licentia Apostolica concederetur. Quare pro parte ipsorum Prioris, & FF. nobis fuit humiliter supplicatum, ut eis domum S. Nicolai prædictam deferendi, eamque, Ecclesia dumtaxat excepta, funditus demolendi, ac apud capellam prædictam aliam domum dicti Ordinis cum claustris, dormitorio, refectorio, cameterio, hortis, hortaliis, & aliis necessariis officinis construendi, & inibi corpora quorumcunque sepeliendi, præfatamque capellam cum campanili humili, ac campana ampliandi, & reformandi, juxta ipsorum Prioris, & Fratrum ritus, & mores, ac ad illam cum omnibus bonis mobilibus, & immobilibus, localibus, juribus, & pertinentiis ejusdem domus S. Nicolai, se transferendi, & perpetuo inhabitandi licentiam concedere, & quod privilegia, instrumenta, jura, & indulta quæcunque, de præfata domo S. Nicolai mentionem quomodolibet facientia, qualiacunque sint, in præfata domo construenda, ac illius Prior, & FF. qui pro tempore erunt, locum sibi vendicent, statuere, & ordinare, aliasque in præmissis opportune providere de benignitate Apostolica dignemur. Nos igitur qui cultum divinum nostris potissime temporibus ubique vigere, & augeri summopere affectamus, de præmissis certam notitiam non habentes, ac ipsorum Prioris, & conventus piam, & laudabile propositum in Domino commendantes, hujusmodi supplicationibus inclinati, discretionem vestram per Apostolica scripta mandamus, quatenus vos vel duo, vel unus vestrum de præmissis omnibus, & singulis, ac eorum circumstantiis universis, auctoritate nostra vos diligenter informetis, & si per informationem hujusmodi ita esse repperitis, præfatis Priori, & FF. domum S. Nicolai prædictam deferendi, illamque, Ecclesia dumtaxat excepta, funditus demolendi, & unam domum dicti Ordinis apud prædictam capellam cum claustris, cameterio, dormitorio, refectorio, hortis, hortaliis, & aliis necessariis officinis absque alicujus præjudicio construendi, atque inibi corpora defunctorum absque alicujus licentia, & consensu sepeliendi, præfatamque capellam cum campanili humili, ac campana ampliandi, & reformandi juxta ipsorum FF. ritus, ac mores, ac ad illam cum omnibus bonis mobilibus, & immobilibus, localibus, juribusque, & pertinentiis ejusdem domus S. Nicolai se transferendi, ac perpetuo inhabitandi plenam, & liberam licentiam auctoritate nostra concedatis. Et nihilominus quod privilegia, instrumenta, jura, & indulta quæcunque de præfata domo S. Nicolai mentionem quomodolibet facientia, qualiacunque sint, in præfata domo construenda, ac cum illius Prioris & Fratrum qui erunt pro tempore, locum sibi vendicent, eadem auctoritate statuatis, & ordinatis. Nos enim concessionem, statutam, & ordinationem hujusmodi quæ per vos vigore præsentium fieri contingat, ut præfertur, Fratribus in dicta construenda domo pro tempore moraturis, quod omnibus, & singulis privilegiis, immuni-

tatibus, exemptionibus, indulgentiis, gratiis, & libertatibus dicto Ordini, & illius Fratribus per Sedem Apostolicam quomodolibet in genere concessis, uti, & gaudere libere, & licite valeant, auctoritate Apostolica tenore præsentium indulgemus. Non obstantibus tum sel. recordat. Bonifacii Papa VIII. prædecessoris nostri prohibent. ne quis Ordinum mendicantium Patres in aliqua civitate, castro, vel villa, seu alio loco quocunque ad habitandum domos, & loca de novo recipere, seu hactenus recepta mutare præsumant absque Sedis ejusdem licentia speciali faciente plenam, & expressam ac de prohibitione hujusmodi mentionem; quam aliis constitutionibus, & ordinationibus Apostolicis, nec non statutis, & consuetudinibus dicti Ordinis jramento, confirmatione Apostolica, vel quavis firmitate alia roboratis, ceterisque contrariis quibuscunque, proviso, quod ipsa antiqua Ecclesia prædicta novo loco, ut præfertur, jungatur, & ad profanos usus, veluti hereditas minime redigatur, sed in ea Missæ & alia divina officia quandoque celebrentur.

Datum Romæ apud S. Petrum Anno Incarnationis Dominicæ 1473. XI. Kalendas Aprilis, Pontificatus nostri anno II.

Ut superiores Episcopi, sic etiam Osvaldus vel apud Chasnam vel in castello Dombæ, aut Ivanichii plerumque habitabant; nam ædes pontificia Zagrabienis, nec satis tuta erat, præsertim illis temporibus, cum Turcæ identidem in Slavoniam incurrentes, ferro & igni omnia vastabant, nec vero pro dignitate Episcopali satis ampla & magnifica. Matthias igitur castrum regium, quod ex area Capitulari eminebat, Osvaldo ejusque successoribus donavit; cum potestate veteres demolendi, novas construendi molitiones, & palatii, quod Episcopo dignum esset, ibidem ædificandi: id quod Lucas proximus post Osvaldum, & alii deinceps Episcopi perfecerunt. Hæc dicta est Area Episcopalis. Castrum regium munire ac firmare cepit Osvaldus; & multa in terris episcopalibus castella vel a fundamentis excitavit, vel validissimis propugnaculis sepsit, ut conductoribus, & cultoribus prædiorum episcopaliū adversus irruptiones Turcarum perfugio essent, ac præsidio. Plurimis villis, terrisque frugiferis, præsertim in Comitatu Crisienti, ære suo coemptis auxit proventus Ecclesiæ & mensæ Episcopalis. Deinde fundorum, & locorum Ecclesiæ indicem & catalogum quam accuratissimum confici jussit; & Buda die festo Conversionis S. Pauli Apost. anno 1486. regio decreto & chirographo approbandum curavit. Matthias regis gratia & auctoritate fretus bona & decimas ecclesiasticas repetere ac persequi liti atque judicio, censuris atque armis, alacrius institit. Plurimum negotii faciebant Osvaldo duo Comites, viri præpotentes, Stephanus Blagajus, & Petrus de Zrinio, qui neque juridicis sententiis in eos prolaris, neque gravissimis, quibus confixi fuerant, censuris ad solutionem decimarum compelli potuerant. Anno 1488. cum Joannes Episcopus Varadinensis, quem Matthias ad regem Galliarum de sociali societate contra Turcas jungendo oratorem miserat, Gallicana legatione perfunctus in Hungariam rediret, Zagrabiam venit. Hunc totius controversiæ arbitrum sumptere; qui rem ita composuit, ut pro omnibus & singulis detinens, prætextu quarum uterque Comes irritatus fuerat censuris ecclesiasticis

Matthias castrum regium Zagrabienae Osvaldo & Episcopis successoribus donavit.

sticis usque ad brachium saeculae inclusive, nec non pro universis injuriis, ac damnis illatis, & expensis causatis Osvaldo, Blagajus quidem florenos auri trecentos, Zrinius vero florenos auri ducentos, & triginta duos persolverent, obligando se insuper de cetero numquam Episcopo, ejusque Ecclesiae juribus repugnatorios &c. Hæc compositio exemplo deinde, & incitamento fuit Zagrabienfibus, Crisienfibus, Varasdinenfibus, ut ipsi quoque cum Osvaldo transigerent, & decimas se in posterum, juxta formulam præscriptam, soluturos pollicerentur.

Vlacchi & Rasciani ritus Græci in Slavoniâ recepti; & Episcopus ejusdem ritus illis datus.

Dum Osvaldus huic Ecclesiae præsidebat, Ulacchos & Rascianos ritus Græci, qui Turcarum indignati dominatum, e Serblia, & Valachia profugerant, Matthias rex in Slavoniâ & diocesim Zagrabiensem recepit, domicilia illis & agros assignavit, eosque tum multis privilegiis, & beneficiis auxit, tum onere decimarum exemit. Deinde iisdem Episcopus ritus Græci ea lege datus est, ut subiectus esset Episcopo Zagrabienfi, hujusque veluti suffraganeus sive adjutor, de quo in meis schedis Zagrabia transmissis: Episcopus Vlachorum nominatur, & est suffraganeus Zagrabienfis, non quatenus id sit ipsius Primas, sed quatenus sit in sua diœcesi propria, illi coadjutor, in solatium eorum Christianorum, qui Ecclesiae Romanae, & per consequens, & Zagrabienfi uniti sunt, quo scilicet sui ritus pastorem habeant sibi proximum, atque ad omnia paratum. Is, ut Episcopus Zagrabienfis, nominatur a Cesare; aliquando electus est aliquis ritus Latini; sed, permittente Romano Pontifice, Græcum ritum assumpsit. Professionem fidei in manu Episcopi Zagrab. vel ejus vicarii emisit, & a Romano Pontifice confirmatur. Pro munere consecrationis solet Romam petere, quia difficulter aliquem proprium invenire potest, qui se ritu Græco consecrare possit, illeque sit Ecclesiae Latinae conjunctus. Episcopi Zagrabienfes, dum vacat Ecclesia Vlachorum, indignant, ut qui sincere catholicus sit, ab Aula eligatur; atque ut jam electus & confirmatus, sincere, prudenter tamen, fidem Catholicam tucatur per Valachos, promoveat, & amplifcet, omnemque moveat lapidem opportune, quo rudes illi documenta veræ fidei doceantur, atque ad sinum Catholicæ Ecclesiae traducantur. Episcopus Vlachorum est etiam Abbas perpetuus monasterii Calogerorum, quod Episcopus Zagrabienfis ex attributis e mensa sua bonis instituit, ac fundavit. Calogeri sunt Catholici, saltem coram hominibus.

Obitus Matthiæ regis.

Anno 1490. pridie nonas Aprilis Matthias rex, de re publica & christiana optime meritus, e vita migravit: Nullos ex Beatrice Estensi conjugis sua liberos procreavit; Joannem Corvinum ex thoro non legitimo susceptum reliquit, quem regni hæredem designaverat. Quattuor exorti sunt competitores regni Hungarici, Maximilianus Cæsar filius Friderici Imperatoris, Vladislavus rex Bohemæ, & hujus frater Albertus, filius uterque Casimiri regis Polonorum, ac demum Joannes Corvinus. Habita sunt comitia Pesthi in urbe ad Danubium contra Budam sita, & summo Antistitem & procerum consensu, Vladislavo delatum est regnum Hungaricum. Huic Budam venienti obviam missus est Osvaldus Episcopus Zagrabienfis, qui ad quartum ab urbe Budensi lapidem, cum primoribus regni occurrens, hanc ad eum orationem habuisse dicitur, quam Thomas Ko-

valceovichius vel suis, vel ipsius Osvaldi verbis expressit: Salve rex noster Serenissime, salve spes unica salutis & tutela. Sanctus & felix sit adventus tuus, ac universa Pannonia salutaris, cujus gratia mirifice exultamus, insolita lætitia gestientes; & Serenitati tuæ ex corde congratulamur, quando omnium fere Antistitem, procerumque consensu, regem nostrum creavimus, non tam nostro, quam divino judicio, & e caelo datum tuemur, pro debita congratulationis officio; ex Senatusconsulto pars Episcoporum & optimatum magna vestra Majestati, ut pro dignitate eam exciperent, ad fines usque regni obviam prodire. Nos qui Budæ, tutela gratia, remansimus, nunc demum Serenitati tuæ occurrimus, ut & fortuna tuæ gratulemur, & publica gaudeamus utilitati. Te obstinatissimo bonorum omnium consensu regem delegimus, delectumque, & declaratum faustis omnium gentium cognominationibus acclamavimus; quandoquidem post D. Matthiæ obitum, e tot finitimis principibus, nemo magis Hungaricis rebus succurrebat idoneus. Tu solus prudentia, gravitate, potentia, item probitate, justitia religione, & nobilitate, demum generis ex hæreditario jure, potissimus omnium occurrebas. Quare non tam nostra suffragia, & populorum vota, quam propria Ungaricæ gentis Numina te nobis regem designarunt. Proinde hilari fortique animo datum fato regnum adi, acceptas dudum habenas pro sapientia tua dirige ac moderare: gentem bellicosissimam fidei tuæ a Deo commissum, quando omnis potestas a Deo est, ad parandum protegendumque regnum, & Christianam rempublicam defensandam dispone. Non modo regnum, sed materiam immortalitatis ingentem sortitus es, Princeps Serenissime. Non deerunt nervi bellorum, optimique duces, & bellatores validissimi; quos magna belli fulmina, & Christiana ditionis clypeos verè possimus appellare, quorum ope maximum quodque genus immortalitatis & gloriæ, ni tibi defueris, consequi poteris. Venis igitur omnibus optatissimus. Proinde faustissimis acceptum regnum auspiciis, forti animo governa, ut te regem felicissimum, maximum liberatorem, amplificatorem præstantissimum, & orthodoxæ fidei propugnatorem clarissimum perpetuo celebrare queat universa posteritas.

Honos munusque sacri diadematis Vladislavo imponendi, quod antea nulli Episcoporum Zagrabienfium contigerat, Osvaldo delatum fuit. Nam Hippolytus Cardinalis Estensis, idemque Archiepiscopus Strigonienfis, equitum suorum cohorte Albam præmissa, ipse, incertum quam ob causam, subsequi, & accedere noluit. Petrus vero Colocensis Metropolitæ, quem rex Matthias in arcem Aresensem incluserat, quamvis jussu Joannis Corvini e custodia dimissus fuisset, tamen in publicum prodire, tam insignis ignominie pudore suffusus, non audebat. Cum autem Osvaldus reliquos Hungariæ Antistites antiquitate Episcopatus anteiret, jus novi regis coronandi ad eum pertinebat. Ceterum ipsemet Petrus, post regem electum & coronatum, Comitibus generalibus Pesthiensibus interfuit.

Sub initium anni 1490. ante obitum Matthiæ regis, Dynastæ & primores Comitatus Zagrabienfis & Crisienfis in oppidum Dombrense convenerunt, ut cum Osvaldo de decimis in posterum solvendis transigerent. In eo conventu statutum est, quid quisque, & quantum, qua-

Oratio Osvaldi Episcopi suo & omnium nomine, Vladislavo regi gratulantis.

De ratione solvendi decimas pacta & conventa inter Osvaldum & Zagrabienfem, atque Crisienfem.

quarumve rerum & fructuum decimas persolvere deberet, simulque decretum, ut qui ante Joannem IV., id est ante quam res & bona Ecclesiae, incuria, vel fraude laicorum administretorum, dilabi, abalienari, distrahiq; coepissent, ab solutione decimarum erant immunes, eadem in posterum immunitate gauderent. Hæc pacta & conventa, quæ tamdiu valere debuerant, quamdiu Osvaldus viveret, salvo tamen omni jure episcopali & ecclesiastico; deinde in Comitibus Pesthienſibus post regem electum, coram Episcopis & proceribus regni Hungariæ de consensu partis utriusque confirmata sunt, & cum Hippolyti Archiepiscopi Strigoniensis, tum aliorum Antistitum, & optimatum auctoritate roborata, litterisque publicis consignata.

Tabula  
pastorum  
& conven-  
torum.

Nos Hippolytus Estensis electus & confirmatus Strigoniensis, Petrus Colocensis Archiepiscopus, Urbanus Agriensis, Ladislaus Gereb Albensis Transilvan. Sigismundus Quinqueecclesiensis, Thomas Jaurinensis, Joannes Vesprimiensis, Joannes Canadiensis, Nicolaus Wacienſis, Frater Georgius Nitriensis, Stephanus electus & confirmatus Sirmiſis, Lucas electus Boznensis Ecclesiarum Episcopi. Item Comes Stephanus Bathor Wayvoda Transilvanus, & iudex curiæ regiæ, Sigismundus & Petrus Comites de Bozyn, & de S. Georgio, Paullus de Kirys Comes Themesien. Petrus Gereb de Wyngarib, Ladislaus Orzag de Gutb, Andreas de Bathor, Ladislaus de Rozgon, Nicolaus Banſij de Alsolyndua, Ladislaus de Lossonz, Bartholomæus Dragſij de Beltberwk, Ladislaus & Stephanus Morotz de Meggyesalya, Joannes Banſij de Liws, Benedictus de Chauk, Wilhelmus Pankyrher de Zalonok, Nicolaus & Joannes Petheutſij de Gerse, ac Nicolaus Delomy de Albas, memoria commendamus per præſentes, quod nobis una cum regni nobilibus feria tertia proxima ante Festum Sacratissimi Corporis Christi, pro electione futuri novi regis in civitate Pesthienſi, aliasque in loco ad id apto & consueto, in nostra & totius regni Congregatione generali constitutis & existentibus, Reverendus Dominus Osvaldus Episcopus Ecclesiae Zagrabienſis, sua & Ecclesiae suæ antedictæ ab una, nec non egregii ac nobiles Ladislaus de Gereben, regni Hungariæ Vice Palatinus, Michael Comes de Blagaj, Paullus de Pakos, Georgius Thuroczj de Ludbregb, Stephanus Derſij de Zerdabel, Petrus Bocskay de Rozynya, Magister Petrus de Gwdowcz regni Sclavoniæ Vice Protonotarius, Bernardus Rossy, Nicolaus de Peker, & Gregorius de Zthwbyrza, in ipsorum, ac universorum omnium dominorum nobiliumque & incolarum regni Sclavoniæ, Comitatum Crisienſis, & Zagrabienſis nominibus & in personis, nostram venientes in præſentiam, allegarunt eo modo: Quod quamvis inter ipsum videlicet Dominum Osvaldum Episcopum, ab una: ac præſatos universos incolas dicti regni Sclavoniæ, partibus ex altera: in facto decimarum ipsi Domino Osvaldo Episcopo & Ecclesiae suæ prædictæ provenire debentium, nonnullæ dissensiones, & controversiæ a pluribus annis suscitæ extiterint & agitatae, tamen ipse partes juxta contenta cujusdam registri in manibus eorum habitæ, nobisque speciètenus præſentati, & producti, sopitis prius universis litibus, & contentionibus ex hinc ortis, seu in futurum emergentibus, in facto prædictarum decimarum, ordine in eodem registro contento, se ad ultimum concordasse retulerunt; cujus quidem registri tenor talis est.

Sopitis cassatisque & annullatis omnibus differentis, ac litium & causarum processibus, extinctis etiam atque eradicatis e cordibus partium quorumlibet rancorum malevolentiarum, & injuriarum fomites inter Reverendum in Christo Patrem Dominum Osvaldum Episcopum Ecclesiae Zagrabienſis ab una, ac universos nobiles regni Sclavoniæ Crisienſis & Zagrabienſis Comitatum, ratione decimarum eidem Domino Episcopo & Ecclesiae suæ provenire debentium, cujusunque dignitatis & conditionis existant & litis partium consortes usque præſentem feriam sextam, quæ post proximo præteritum festum Epiphaniarum Domini in præſenti anno ejusdem millesimo quadringentesimo nonagesimo immediate occurrit, exortis pululatisque, & agitatae ac subsecutis; Jam factus Dominus Episcopus ac egregii & nobiles Ladislaus de Gereben regni Hungariæ Vicepalatinus, Petrus Bocskay de Rasya, magister Petrus de Gwdowcz regni Sclavoniæ Viceprotonotarius, Sigismundus Bocskay similiter de Rasya, Franciscus de Zemche, Michael Kerben de Belloſowcz, alter Franciscus de Peker, Bernardus Rob de Decche, Georgius Capithan de Desnycz, Marcus de Gerecz, Nicolaus literatus de Orroſowcz, alter Nicolaus literatus Mykwasych de Palychna, Blasius Budor de Budrowcz, Andreas Symonfy de Mylethyncz, Demetrius Porkolab dictus de eadem, Ladislaus de Hwzarcz, Georgius Ablancza, de Menzenb, Stephanus Twiſyib de Rokonok, Georgius de Thoſowcz, alter Georgius Plawytcherwych, Stephanus Pozoptych, & Simon Myhorwlyb, in personis dominorum de Blagaj, totam universitatem nobilium Comitatum prædictorum repræſentantes, cum pleno mandato, & omnimoda auctoritate delegati, & deputati in oppido Dombro, sponte & benivole matura intra se deliberatione prababita, super modo & ordine dicationis & solutionis decimarum, in patrimonium Crucifixi a Sanctis Patribus institutarum atque dedicatarum, Talem fecerunt limitationem per vitam ipsius Domini Episcopi duntaxat duraturam, salvis tamen juribus & privilegiis ipsius Domini Osvaldi Episcopi ac Ecclesiae suæ, nec non præſatorum dominorum regnicolarum in dictis duobus Comitatibus existentium; quæ etiam dispositio successoribus dicti Domini Episcopi, & prædictorum regnicolarum juribus & privilegiis præjudicare nec debeat, nec possit. Imprimis, quod decimarum dicatio fiat bina; prima statim post messem videlicet tritici, siliginis, avenæ, ordei, milij vernalis, apum, porcorum, agnellorum & hædorum; Item secundæ dicatio fiat mox post vindemium nempe vini, milii, alterius milii Borkeles vocati & surgonis, Item de qualibet decima Capecia tritici, siliginis, avenæ, & ordei solvantur denarii sex, quorum centum valent unum florenum. Item de qualibet decima Capecia utriusque milii & surgonis solvantur denarii quatuor. Item de quolibet parco annuali, qui alias non fuit dicatus, denarius unus solvatur, vel ubi fuerint decem, recipiatur decimus aut valor ejusdem. Item de quolibet tronco apum, qui alias non fuerunt dicati, denarius unus solvatur, vel ubi fuerint decem, recipiatur decimus, aut valor ejusdem. Item de quolibet agno, qui alias non fuerunt dicati, denarius unus; vel ubi fuerint decem, recipiatur decimus, aut valor ejusdem. Item de quolibet ado, qui alias non fuit dicatus, denarius medius, vel ubi decem fuerint, recipiatur deci-

decimus aut valor ejus. Item pro quolibet decimo cubulo vini tam tempore ubertatis, quam sterilitatis, quotcunque pintas cubulus contineat, semper de singulis duabus pinibis, unus denarius recipiatur, quorum centum unum flor. auri pro tempore facient & valebunt. Casu autem quo temporum in processu, moderna moneta in regno mutaretur & centenarius numerus ipsius futura moneta non faceret unum aureum; Quod tunc nihilominus decime cujuslibet generis in prædictis articulis denotata, solvantur etiam cum illa nova moneta ad valorem presentis moneta, cujus centum, ut præmittitur, faciant unum florenum hungaricalem. Item ultra Wayvoda, villicus, præcones & veros inquilinos Domini regnicola habebunt liberos infra scriptos. Item qui habet ex magnatibus & nobilibus in Crisensi & Zagrabienfi Comitatibus decem Jobagiones usque quindecim, habeat villicum & inquilinos veros, & non fictos. Item qui habent quindecim Jobagiones usque ad viginti quinque, habeat liberum unum. Item qui habent a viginti quinque usque quinquaginta Jobagiones cum castello, habeat liberos tres, si non habet castellum, habeat liberos duos. Item qui habet quinquaginta usque centum Jobagiones, si non habet castellum, habeat liberos tres, cum castello habeat liberos quatuor. Item qui habet centum usque ad trecentos jobagiones cum castello, habeat liberos octo, sine castello habeat liberos quinque. Item qui habet trecentos usque ad quingentos jobagiones, habeat liberos quatuordecim. Item qui habet quingentos & plures quotcunque, habeat liberos sexdecim. Item ista dispositio, & numerus liberorum non extendat se ad alios regnicolas, nisi qui hucusque castella habent; si autem aliqui nobiles regnicola nova castella de cetero erexerint, ex tunc non gaudeant pluribus liberis, nisi illis concessis, qui castella non habent: ipsius autem initium computetur ab anno Domini 1490. quo scilicet anno fuerint superinde habiti tractatus in Dombro. Item si aliqui magnatum vel nobilium, aut eorum officiales nominaverint esse aliquos villicos, Wayvoda, præcones, inquilinos, & alios liberos, qui non fuerint, sed fraudulenter & ficto id factum fuerit, per nobiles, & officiales ipsorum, & decimator istud legitime probare poterit: ex tunc talium servitorum fraudulenter, & ficto nominatorum universa res decimari solita habeantur pro negatis, easque decimator libere auferre possit. Item qui ex nobilibus regnicolis habet pro usu suo proprio in promontorio alterius nobilis vineam, & fuerit ipsa vinea per eundem nobilem rigorosis litteris, ut puta alicujus Capituli, aut banalibus in perpetuum vendita, aut alio quocunque modo alienata, in qua venditor ulteriorem proprietatem domini sibi & suis heredibus non reservavit, neque hujusmodi venditioni seu collationi possessor vineæ terragio tenetur, tales litteras possessor coram probis decimatoribus ostendere teneatur. Quibus visis, & Rev. sic se habente, Dominus Episcopus ipsum nobilem a dicatione & solutione habeat supportatum, alioquin teneatur decimis. Item villici, Wayvoda, qui præconibus eorum qui præsent villis, & provinciis regnicolarum, & gubernant communitatem jobagionum, ex officio consueto, & aliquis talium habuerit in territoriis aliorum nobilium plures vineas, quam unam, ex tunc quilibet eorum unam tantammodo vineam quam mænerit, a solutione decimarum libertate possit,

isto tamen modo; si talis Wayvoda, villicus, aut præco debet exigere decimas, & administrare decimatoribus, a jobagionibus domini sui in eisdem promontoriis vel aliorum extraneorum vineas habentium, in quibus videlicet talis Wayvoda, villicus, aut præco similiter haberet vineam. Ubi autem hujusmodi Wayvoda, villicus, aut præco non haberet facere exactionem, aut administrationem decimarum de vineis extraneorum a jobagionibus domini sui modo præmissis; tunc de talibus omnibus vineis suis in aliorum promontoriis existentium decimasolvere teneatur. Verum si in promontorio dominorum suorum disti Wayvoda, villicus, aut præco quomodocunque vineas habuerint, illa vinea a solutione decimarum semper exempta habeantur. Item inquilini habentes vineas solvant decimas de eisdem, dempto quod si aliquis ex eis habuerit vineam pertinentem ad curiam propriam domini sui, tunc de tali vinea decimasolvere non teneatur. Si autem nobilis vineam curiæ suæ, aut sessionalem a solutione terragii inquilino in perpetuum donaverit, solvant decimas de eisdem. Et si inquilini terras sessionales propriis suis aratris, aut alio quocunque modo acquisito coluerint, quam scilicet terram sessionalem dominus inquilini curiæ suæ non appropriasset, de eisdem terris, & frugibus in eisdem excrescentibus decimasolvere teneatur. Sed si nobilis propriis aratris suis inquilinis seminaturas fecerit, a solutione decimarum inquilini sint exempti. Item de quolibet inquilino nobilium decimator recipiat caponem unum tantum, vel pro eodem capone denarios duos. Item qui nihil in messe habuerint, duobus denariis pro fimalibus teneantur, & qui de aliis rebus prædictis, si quas habuerint, decimas plenarie persolvant. Item licet bina dicatio fiat, tamen decimatores super uno munere villicorum aut Wayvodarum, sint contenti uno cubulo avenæ, una asina valente duos denarios, uno capone, & una pinta vini. Item decimatores tempore dicationis non vadant de hospitio ipsorum, quousque omnes dicas distribuant illis nobilibus seu villicis, vel eorum officialibus, quorum possessiones de illo hospitio dicabuntur. Item si non poterit decimator concordare tempore dicationis cum jobagionibus nobilium super quantitate quarumcumque decimarum, ex tunc credat juramento rustici, qui si jurare noluerit, dicetur ad decimas, prout decimatori juxta suam conscientiam videbitur, nec talis rusticus tempore exactionis decimarum possit infestare aut inclamare decimatorem; & si conqueretur domino suo, non exaudiat. Item decimatores faciant ante tres vel quatuor dies in foris hebdomadalibus promulgare rusticis, vina in cellariis vinearum habentibus, ut aperiant cellaria ipsorum, & permittant vina conspiceri, die per decimatorem præfixo; & si aliquis rusticorum rebellionem ductus, non vellet aperire cellarium, & præfixo die non venerit ad præfactum suum cellarium, ex tunc decimatores possint talium cellariorum ostia frangere, & vina dicare, prout ipsis juxta conscientiam ipsorum videbitur; attamen si rusticus venerit ad decimatores eodem vel secundo die, & quousque decimator erit in illa possessione, in qua id contigerit, ex tunc decimatores aut juramento rustici credant, aut ad cellarium cum rustico revertantur, & restituant, si aliquid injuste dicaverint; & si decimatores ad diem deputatum per ipsos circa cellaria non venerint, nihilominus rusticus pene

penes cellarium expellet eos per duos dies; quibus elapsis decimateres non valeant ipsum inculpate, sed de novo impoant ei terminum. Item regnicola ac castellani & alii officiales eorum teneantur intromittere ad castella ipsorum seu fortalicia, aut alia, ubicunque decimateres: & eisdem aperire & ostendere pacifice omnes res decimales. Quod si aliquis ex ipsis regnicolis aut eorum castellanis, aut officialibus praedictis facere recusaverit, possit citari & procedi contra ipsum per ecclesiasticas censuras: & Dominus Episcopus possit requirere super ipsum damna sua. Item regnicola omnes eorum, proprios colonos qui habent, & habent vineas in territorio & honis Domini Episcopi Quinqueecclesiensis & Johannis fratris ejusdem, in distis duobus Comitatus, teneantur compellere ad solvendum decimas Domino Episcopo Zagrabien. de hujusmodi vineis provenire debentibus. Quod si aliquis ex regnicolis facere voluerit, talis nobilis citetur per Dominum Episcopum aut officialem ejusdem, & procedatur contra eum per censuras ecclesiasticas. Item quia in certis cultellis & praesertim in cultello Achyra nonnulli forent & existunt in diocesi Quinqueecclesiensi, & aliunde, qui vineas in diversorum nobilium territoriis in eisdem cultellis existentes, possident, & collectis ac vindemiatis eorum vineis nullis decimis persolutis, ad distam diocesim, aut alias quocunque cum eorum vinis occulte & clandestine, vel etiam manifeste evadere; ipsaque vina abducere solent, in animarum ipsorum periculum, damnumque ipsius Domini Episcopi & Ecclesiae suae manifestum; ne igitur hujusmodi pravis & perniciosis actibus de cetero uti possint, & ne eis in consuetudinem redigatur, conclusum est: Quod provisores curiarum, villici, Wayvoda vel quicunque alii officiales magnatum & aliorum nobilium, in quorum territorio tales vineae habentur tempore dicationis & perceptionis terragii, aut noni cubuli, quantitatem decimarum decimatoribus Domini Episcopi sub firmissimo eorum juramento dicere teneantur. Qui si facere nolent aut recusarent, ex tunc Dominus Episcopus super eisdem sua damna requirere & recipere valeat atque possit, & nomina talium unde sint & ubi morantur, fideliter absque omni fraude eisdem decimatoribus dicere teneantur. Item praediales, & magnatum, & nobilium, jobagiones non habentium, decimasolvere teneantur. Qui vera habent jobagiones, illi de rebus seu cultura propria decimasolvere non teneantur. Item decimateres possint & valeant ubique locorum, tam in villis & domibus propriis rusticorum, quam in silvis & alias ubilibet inquirere res decimales qualescunque & praesertim porcos cum apibus. Et si quis rusticorum hoc facere non permitteret, ex tunc officiales loci, sive Wayvoda aut villicus teneatur ire cum decimatoribus ad inquirendum hujusmodi res. Quod si officialis vel villicus aut Wayvoda hoc non fecerit, & sibi & rustico interdictum imponatur. Et insuper talis officialis amittat eo facto portionem suam, scilicet tertiam partem denegatorum, ac etiam talia damna Dominus Episcopus super eum requirere possit. Item conclusum est, ut magnates & alii nobiles regni Croatiae, a quorumcunque jobagianibus & populis, praefato Domino Episcopo Zagrabien. decimae proveniunt, habentibus possessiones & villas in confinibus Turcorum, cum per decimateres ipsius Domini Episcopi requisiti fuerint; teneantur da-

re hominem proprium, qui ipsos decimateres ad dicendum decimas in hujusmodi possessionibus & villis deducant, reducant, juxta ipsorum possibilitatem, pacifice omni fraude semata. Item officiales nobilium scilicet Wayvoda villici, praecones, & alii liberi quicunque teneantur aperire cellaria ipsorum decimatoribus; & si decimateres dubitaverint, res decimales esse ibi alicujus alterius rustici occultas; ex tunc tales officiales, Wayvoda, preco, aut liberi debeant jurare; quod nullae res decimales aliorum sint ibi; quod si facere noluerint, ex tunc decimateres in quantum suspicantur de rebus alienis apud eum, dicent eum ad decimas secundum conscientias suas. Item si quis rusticorum tempore messis ligaverit manipulos cujuscunque speciei cum alia herba, aut suberibus per nequitiam, ita quod si potuisset eos ligare propriis stipulis & non ligavit, tunc tales manipuli in acernum congregati habeantur pro abnegatis. Item quicunque rustici in uno fundo seu sessione resideant, ponantur omnes ad registrum & dicas seorsum, & dicentur singulatim secundum qualitatem & quantitatem rerum decimari solitarum. Item quod nullus ex regnicolis, aut magnatibus, aut eorum castellanis, seu officiales quicunque, sedecimam vel quancunque aliam solutionem, seu partem aliquam de decimis sub quocunque colore vel occasione recipere vel usurpare possit. Item exactio decimarum fiat in locis consuetis. Item interdictum imponatur quindecimo die ante festum Purificationis B. M. V., quo elapso procedatur per censuras ecclesiasticas contra recusantesolvere decimas. Item quicunque usque festum Paschae Domini inclusive non persolverint decimat integraliter, per interdictum & censuras ecclesiasticas; ex tunc mox elapso festo Paschae quamlibet capeciam, & quancunque cubulum vini cum augmento duorum denariorumolvere teneantur. Et nihilominus durantibus etiam ipsis censuris statim ad requisitionem decimatorum teneantur Bani, Vicebani, Comes, Vicecomes, & judicialium tales rebeles, & recusantesolvere decimas compellere ad solvendas ipsas decimas cum augmento superius expresso, per birsagia trium marcarum & alia onera consueta. Item Bani, Vicebani, Comes, Vicecomes, & judicialium, postquam ab hujusmodi recusantibusolvere decimas, & augmentum radia receperint, ex tunc imprimis & ante omnia teneantur decimatoribus satisfacere ex praedictis vadiis de decimis & augmento. Item nobilibus quantum ad personas suas & eorum familia domestica, qui cum decimis non obligantur ratione decimarum, decimator non interponat interdictum, sed si aliquis ipsorum nobilium vel eorum officialium decimas usurpaverit, vel quocunque modo eas perturbaverit, ex tunc procedatur contra eum, vel tales juridica per citationem, vel alias censuras ecclesiasticas per Dominum Episcopum, vel officiales ejus. Item si aliquis decimatex in dicatione & exactione decimarum contra hanc dispositionem processerit, vel injustam dicationem fecerit, ex tunc rusticus, qui injuriam praetenderit, aut Dominus ejus teneatur conqueri vel significare Domino Episcopo vel eo absente officiali suo; qui Dominus Episcopus vel officialis ejus committat per litteras duobus plebanis melioris conscientia in illo cultello existentibus, & etiam scribatur mox decimatori, ut perfecta dicationis prima vel ultima, in qua praetenderet se gravatum, statuto loco &

ter-



termino comparere debeant coram eisdem, & presentibus partibus injustam hujusmodi dicationem, si qua fuerit, secundum conscientias eorum Deo debitas, reſtituere debeant; & si decimator culpabilis repertus fuerit satisfaciatur illi rustico querulanti de expensis, quas in prosecutione hujusmodi causae fecerit, per eisdem plebanos conscientiose limitatas: e contra si talis rusticus injuste decimatorem calumniatus fuerit, convincatur in expensis contra eisdem, juxta limitationem praefatorum plebanorum. Quas si solvere recusaret; ex tunc dominus rustici teneatur ipsum compellere ad satisfactionem: decimatores vero Dominus Episcopus, aut officialis ejus compellat. Item sunt certi magnates & nobiles, qui praebendarios in eorum possessionibus & bonis ordinarunt, & sessionibus jobagionalibus, ac vineis eos dotarunt, atque etiam parochialibus ipsorum Ecclesiis post mortem condam Domini Johannis Episcopi donarunt, de quibus eidem Domino Episcopo & Ecclesiae suae decima provenire deberent, ipsique praebendarii, & plebani ac eorum jobagiones ipsas decimas nunc solvere nollent & recusarent. Et quia post mortem & obitum ejusdem condam Domini Johannis Episcopi, fere quadraginta annis, & quousque ipse Dom. Osvaldus Episcopus ipsam Ecclesiam feliciter adeptus est, eadem Ecclesia per manus saeculares diversimode turbata & lacerata extitit, in hujusmodique turbationibus ipsa decima & usque in praesentiarum per ipsos praebendarios & plebanos indebite & praeter omnem juris ordinem usurpative detenta & percepta existunt; His igitur respectibus ordinatum est, ut Dom. Episcopus velit deputare idoneas & notabiles personas ecclesiasticas dignitates habentes, qui tam visis & examinatis juribus ipsorum praebendariorum & plebanorum, si qua habuerint, ac receptis attestationibus spiritualium & saecularium personarum fide dignarum, tempore ipsius condam Domini Joannis Episcopi recordantium ac etiam aliis sufficientibus documentis intellectis, & quascunque praebendas vel parochiales Ecclesias ex hujusmodi juribus atque attestationibus, vel legitimis probationibus tempore ipsius condam Domini Joannis Episcopi a solutione decimarum liberos fuisse comperierint; Tales suis antiquis libertatibus & consuetudinibus, uti valeant. Qui vero neque juribus neque attestationibus vel aliis sufficientibus documentis id probare poterint, tales decimas ipsi Dom. Episcopo & Ecclesiae suae solvere teneantur. Qui vero deinceps successa temporum aliquas fundationes seu dotationes novas facerent, cum possessionibus seu vineis aut terris, sessionalibus, decima de illis omnino Episcopo plene persolvantur, demto quod si aliquis magnatum vel nobilium talem dotacionem seu fundacionem de vineis aut terris ad propriam curiam suam pertinentibus fecerit, de illis decimis non teneatur. Item simili modo concluderunt. Quod si aliquis ex dominis regnicolis legaverit in vita, vel in morte, aut etiam donaverit aliquas hereditates, terras, vineas, aut sessiones, de quibus alias ipsi decima Dom. Episcopo proveniunt, monasteriis seu fratribus claustralibus; Quod de hujusmodi bonis decima Domino Episcopo integre persolvantur. Item si aliqui officiales Wayvoda seu villici quorumcunque magnatum seu nobilium hujusmodi regni sive de scitu & voluntate dominorum suorum, sive alio quocunque modo aliquas villas seu possessiones, aut colonos a decimatoribus tempore dicationis abne-

gaverint; & id reformare noluerint; ex tunc contra tales Dom. Episcopus, aut homines sui possint pro damnis exinde secutis per censuras ecclesiasticas procedere. Item quod ex quo Dominus Prior Aurana percipit decimas de colonis suis, qui habent vineas in territoriis seu promontoriis aliorum nobilium extra metas & possessiones prioratus sui, de quibus scilicet vineis Dom. Episcopo & Ecclesiae suae decima juridice provenire deberent, visum est regnicolis, quod pro hujusmodi injusta usurpatione & perceptione decimarum, Dominus Episcopus procedat & agat contra eum juridice, prout sibi videbitur, aut in foro spirituali, aut saeculari. Item si aliqui ex magnatibus comitatuum praedictorum huic dispositioni parere & obtemperare noluerint, & possessiones ac Luna ipsorum secundum eandem dicere, decimasque de eisdem percipere non consenserint; ex tunc regnicola apud regiam majestatem & Banos regni Sclavoniae, juxta eorum possibilitatem Domino Episcopo juramine adesse promiserunt, neque eis in hac parte adhaerere volunt. Et nihilominus Dominus Episcopus ad solutionem decimarum, penes illa obligamina, quibus Domino Episcopo se adscripserunt, eos prout sibi videbitur, & per censuras ecclesiasticas astringere valeat. Item casu quo extra hanc dispositionem temporum in processu aliquid tale emerſerit; quod ipsi D. Episcopo vel regnicolis in damnum vel injuriam vergere possit; ex tunc regnicola probos eligant e medio ipsorum; qui cum Domino Episcopo negotium hujusmodi cognoscant & intelligant, & secundum Deum & ejus justitiam, pro commodo & quiete utriusque partis, in bonum statum reducant, salvis tamen semper articulis praemissis in suo robore duraturis. Ipsoque registro coram nobis sicut praemissum est producto & oblato; memorati Domini Osvaldus Episcopus, nec non Ladislaus de Gereben, Michael Comes de Blaga, Paullus de Pakos, Georgius Thurocz, Stephanus Dersfy, Petrus Bocskay, magister Petrus de Gudowcz, Bernardus Rohsy, Nicolaus de Pekar, & Gregorius de Stibuczka, praetatum registrum & omnia in eodem contenta se & praetatos incolae regni Sclavoniae eorumque successores universos, vita ipsius Domini Episcopi durante, rata grata & accepta habere ac juxta ejusdem tenorem jam dictas decimas eidem Domino Osvaldo Episcopo dictae Ecclesiae Zagrabienſi persolvere vel le compromiserunt, & assumerunt nostro in conspectu; Tali vinculo interjecto: quod si communitas nobilium praedictorum simul & invicem dispositionem in ipsis articulis declaratam infringeret, seu immutaret, & secundum eandem decimas D. Episcopo dicere non admitteret, vel persolvi facere quoquomodo nolle aut recusaret; ex tunc eadem communitas per ipsum D. Episcopum in poena & solutione decem millium flor. auri convincatur, & convinci debeat eo facto, ad quorum solutionem, regia majestas solum vigore praesentium, eandem communitatem compellere, & astringere, & directam medietatem talis summa pro se ipso recipere & habere, aliam vero similiter directam medietatem Dom. Episcopo absque omni defectu administrari facere; Et nihilominus omnia & singula in praescriptis articulis & dispositione exarata per ipsam communitatem observari facere plenam atque omnimodam possit & valeat habere potestatis facultatem. Ubi si aliqui baronum, comitum & magnatum possessiones, & bona in dictis duobus comi-

tatibus habentium præmissam dispositionem more & ad instar totius communitatis prædictæ tenere & observare nollent; ex tunc Dominus Episcopus de bonis & possessionibus talium, juxta antiqua privilegia & jura Ecclesiæ suæ, de illorum vero bonis & possessionibus, qui ex ipsis, vel eorum prædecessores Domino Episcopo litteris suis dudum se obligarunt, tales sub illis obligaminibus & conditionibus prout in eisdem litteris obligatorialibus continetur ipsas decimas percipere valeat, qui si rebelles fuerint secundum libitum suum, contra tales procedere possit. Non prætermisso, ut Dom. Episcopus omnes litteras obligatorias, & quaslibet inscriptiones, quibus mediantibus nonnulli magnates & nobiles eidem Domino Episcopo ac Ecclesiæ suæ, sub quacunque forma verborum & sub quibuscunque sigillis, ratione decimarum, huc usque se obligarunt, eisdem in specie reddere & restituere teneatur, difficultate absque omni, & si aliquas reservaret, vana, cassa, mortua & viribus caritura permaneant æviterne; demptis litteris illorum baronum, Comitum, ac magnatum; si qui novis litteris eorum se & hæredes eorum ad observationem præsentis dispositionis obligare recusabunt; quas Dominus Episcopus eis reddere non teneatur, sed in suo permaneant vigore prout sunt emanata; ob hoc & nos registram hujusmodi præsentibus verbotenus insertum & singula in eo declarata & contenta ad partium petitionem laudamus, acceptamus, approbamus, ratificamus, & roboramus, præsentium testimonio mediante. In quorum omnium fidem & testimonium præsentibus litteras nostras petentibus eisdem duximus concedendas, jurium ipsorum ad cautelam, communi justitia suadente. Datum die & loco quibus supra, Anno Domini millesimo quadringentesimo nonagesimo primo.

Hæc pacta confirmata sunt a legato Apostolico, tum a rege Uladislavo.

Litteræ Legati Apostolici.

Hæc eadem pacta & conventa O'valdus Episcopus primum ab Angelo Episcopo Ortano, qui legatione apostolica in illis partibus fungebatur, ante biennium ab Innocentio VIII. missus, ut controversias hujusmodi de decimis componeret; deinde etiam ab Uladislavo rege confirmanda curavit. Uterque litteras supra descriptas suo diplomate inseruit, & approbavit. Angelus Dei gratia Episcopus Ortanus ad Germaniam, Hungariam, Poloniam, Bohemiam, illisque adjacentes partes & regna, Sanctissimi Domini nostri ac Sedis Apostolicæ, cum plena potestate legati, de latere legatus, & in causis decimarum per præfatum Sanctissimum Dominum nostrum & Apostolicam Sedem, commissarius specialiter deputatus; universis & singulis præsentibus nostras inspecturis salutem in Domino. Sedis Apostolicæ providentia circumspici libenter intendit, ut quæ semel inter partes libera voluntate disponuntur, inviolabiliter observentur, & ad ea observanda, cum ab eadem petitur, perpetui roboris libenter adjicit firmitatem, maxime ut spirituales viri, ac præsertim ecclesiarum cathedralium Antistites, semotis quibuscunque obstaculis, quæ rem consulto gestam perturbare possent, liberius ac quietius Deo Altissimo valeant suum exhibere famulatum: hinc est, quod nobis in regnis Hungariæ existentibus, ac in omnibus causis decimarum a Sede Apostolica specialem commissionem habentibus: cujus commissionis nostræ tenor sequitur & est talis. Innocentius Episcopus servus servorum Dei. Venerabili Fratri Angelo Episcopo Ortano ad re-

gnum Hungariæ cum plena potestate legati de latere nostro & Apostolicæ Sedis nuncio & oratori salutem, & apostolicam benedictionem. Cum nos hodie te ad regnum Hungariæ pro nonnullis nostris & Romanæ Ecclesiæ arduis negotiis, nostrum & Apostolicæ Sedis nuncium & oratorem ad Dei laudem & præfate Ecclesiæ statum & honorem cum plena potestate legati de latere duxerimus destinandum. Et sicut nobis nuper charissimus in Christo filius noster Matthias Hungariæ rex illustris, per Venerabilem Fratrem Johannem Episcopum Sirmiensem suum apud nos oratorem fecit exponi: licet in regno illo tanto a tempore casus contrarii hominum memoria non exiit, semper ex prædiis & bonis omnibus, quæ Christi fideles possiderent, Ecclesiis integre decima solvi consueverint; ideoque inviolabiliter observatum fuerit; tamen a multis jam annis citra occasionem hujusmodi decimarum & super modo solutionis earundem, variæ lites inter diversas præfati regni personas exorta fuerint. Super quibus in Romana curia coram diversis commissariis & iudicibus & causarum Palatii apostolici auditoribus lites pendentes adhuc indecise non sine maximo partium dispendio essent. Nos considerantes quod decimæ non tam humano quam divino jure debentur, quas Deus sibi reservatas, sacerdotibus in signum universalis dominii solvere mandavit, ac tam debitorum ipsarum decimarum dispendiis, quam iis, quibus debentur, paterna caritate consulere volentes, omnes & singulas causas hujusmodi coram quibuscunque iudicibus in Romana curia sive extracuriam, etiam Sanctæ Romanæ Ecclesiæ Cardinalibus; & præsertim coram Venerabilibus fratribus nostris Antonio Tiburtino ac Johanne Alexandrino Episcopis, & dilectis filiis Petro de Ferrera, Guillermo de Peteriis, Francisco Brevio, Mattheo de Ubaldis, Mattheo de Porta, Jeronymo de Porchariis, Felicio de Gandra, Eggerdo Dureoii, & Petro de Acolyris palatii apostolici causarum auditoribus pendentes, etiam si ad sedem prædictam legitime devolutæ ac de juris necessitate in eadem curia tractandæ & finiendæ existant; illarum status & merita, præsentibus pro sufficienter expressis habentes, ad nos advocantium illas & earundem singulas in eis statu termino & instantia, in quibus coram eis respective pendent, fraternitati tuæ tenore præsentium resumendas ac ulterius etiam summarie simpliciter & de plano sine strepitu & figura iudicii, cum omnibus & singulis incidentibus emergentes, annexis & connexis attentatis & innovatis, attentandisque & innovandis, audiendas & sine debito terminandas, citandi cum potestate etiam extra locum commissionis tuæ, & etiam per edictum publicum, si ad citandum tutus non pateret accessus, omnes & singulos suum quodlibet interesse putantes, in regno prædicto & extra illud existentes, & inbibendi etiam sub censuris quoties videris expedire, ac alia faciendi gerendi & exequendi quæ in præmissis & circa ea necessaria fuerint quomodolibet & opportuno, auctoritate apostolica tenore præsentium committimus & delegamus. Inbibendo præfatis Cardinalibus Episcopis, iudicibus, commissariis & auditoribus, ne se de causis hujusmodi ulterius quomodolibet intromittere præsumant, ac decernendo ex nunc irritum & inane quidquid in illis per eosdem & quoscunque alios quavis auctoritate scienter vel ignoranter contigerit.

V u

atten-

attentari. Volumus autem quod quidquid in præmissis decreveris per censuras ecclesiasticas, earumque aggravationem & reaggravationem, ac iuris opportuna remedia & etiam penas pecuniarias, de quibus tibi videbitur, appellatione postposita firmiter facias observari, invocato etiam ad hoc si opus fuerit auxilio brachii secularis. Super quibus omnibus & singulis tibi plenam liberam & omnimodam harum serie concedimus facultatem. Non obstantibus præmissis ac constitutionibus & ordinationibus Apostolicis contrariis quibuscunque, aut si alicui vel aliquibus inter quos decimarum huiusmodi causas tractari & definiri contigerit, quacunque ecclesiastica vel mundana sint præditi dignitate, a sede prædicta indultum existat: interdici, suspendi, vel excommunicari non possint per litteras Apostolicas, non faciendo plenam & expressam ac de verbo ad verbum de indulto huiusmodi mentionem, & qualibet alia dictæ sedis indulgentia, generali vel speciali cujuscunque tenoris existat, suspendi vel excommunicari: per quam præsentibus non expressam vel totaliter non insertam confectus huiusmodi commissionis & mandati impediri valeat quomodolibet vel differri, & de quibus quorumcunque totis tenoribus habenda sit in his litteris mentio specialis. Nos enim sententias quas rite tuleris atque alias penas quas statueris in rebelles, ratas habebimus & faciemus auctore Domino usque ad satisfactionem condignam inviolabiliter observari. Datum Romæ apud Sanctum Petrum, anno incarnationis Dominicæ millesimo quadringentesimo octuagesimo octavo Kalendar. Septem. Pontificatus nostri anno quarto.

Reverendi in Christo Patris Domini Osvaldi Episcopi Zagrabienensis oblata petitio continebat. Quod cum alias inter eundem Reverendum in Christo Patrem Dominum Osvaldum Episcopum Zagrabiensem & dilectos filios universos nobiles regni Sclavoniæ Crisensis & Zagrabienensis comitatum de & super decimatione fructuum in territoriis dictæ diocesis Zagrabienensis exercensentium & ad ipsam Dominum Osvaldum Episcopum ac Ecclesiam suam Zagrabiensem spectantium & pertinentium ac de modo solvendi dictas decimas lis & controversia exorta fuisset; tandem pro quiete & tranquillitate utriusque partis de unanimi voluntate ad infra scriptam dispositionem & firmam pacis unionem deveniunt, quam dispositionem penes utriusque partis liberam sessionem in congregatione generali in campo Rakus celebrata nuper facta, litteris & sigillis Dominorum Prælatorum & Baronum publicis confirmari, corroborari, & communiri fecerunt. Quarum quidem litterarum & compositionis prædictæ tenor de verbo ad verbum sequitur & est talis. Nos Ippolitus Estensis electus &c. ut supra.

Post quarum quidem litterarum exhibitionem & præsentationem, fuimus pro parte ejusdem Episcopi debita cum instantia requisiti, ut pro majori & ampliori roboris firmitate, Sedis ejusdem legationis, quo nunc officio fungimur, auctoritatem, decretum & firmitatem interponere, nec non contra omnes & singulos, præmissam compositionem & pactum servare deinceps nolentes, penas pecuniarias, quas nobis expedire videretur, atque censuras ecclesiasticas, aggravationem scilicet & reaggravationem, nec non auxilium brachii secularis in rebelles & contradictores necnon conservatores & exe-

cutores mandatorum & confirmationis nostrorum præmissorum dare, imponere & concedere juxta litterarum Apostolicarum vim & contineantiam, dignaremur. Nos itaque considerantes decimarum causas divino jure ad Sedem Apostolicam, quæ mater & magistra Christi fidelium omnium existit, specialiter spectare & pertinere, cum Dominus decimas ipsas Sacerdotibus solvi in signum universalis domini mandaverit, ex quibus Sacerdotes qui altari Domini deserviunt, vivere & onera incumbencia perferre commodius possent: quibus igitur adducti rationibus, justis huiusmodi requisitionibus assensum præstitimus, ut eo amplius Reverendus Dominus Episcopus, jugi Ecclesiæ suæ servitio insistent, Altissimo vota sua reddere possit, quo iura, decimæ & alia suæ Ecclesiæ debita sublati obstatulis sine fraude aliqua recipere & exigere auctoritate Apostolica confidat & speret, cognoscendo imprimis ipsas litteras compositionales non cassas, non cancellatas, nec in aliqua sui parte suspectas atque omni prorsus vitio & suspitione carere; sed veras & validas ac Baronum & Prælatorum veris & legitimis sigillis obsignatas, prout fide dignorum testimoniis id esse cognovimus, & nos ipsi vidimus; compositionem & acta supradicta auctoritate Apostolica præmissa, in omnibus clausulis, punctis, & articulis, approbamus, ratificamus, & confirmamus ac præsentis scripti patrocinio communimus, suppletentes omnes & singulos defectus qui forsan in præmissis intervenissent; quodque ut præmissorum semper & ubique parata sit executio, Reverendis in Christo Patribus Dominis Modrusiensis & Thiminensis provincie Croatiae Ecclesiarum Episcopis præmissa auctoritate Apostolica committimus, quatenus, dum & quando pro parte ejusdem Domini Zagrabienensis, ut contra rebelles, & præmissa omnia, vel illorum singula observare & adimplere recusantes, requisiti aut alter eorum requisitus fuerit, possint, valeant, & debeant summarie simpliciter & de plano sine strepitu & figura judicii, sola facti veritate inspecta, omnes & singulos huiusmodi recusantes aut rebelles infra aliquem prout eis, aut alteri eorum videbitur terminum, monere ac requirere ut doceant realiter & cum effectu compositionibus & Capitulis supradictis paruisse, obedivisse, & satisfecisse. Quod si de partitione & satisfactione in termino sicut præfertur non docuerit, ad censuras ecclesiasticas, aggravationem, reaggravationem, pecuniarias penas & gravissimas ad arbitrium ipsorum conservatorum, & demum illorum, vel illius, adimplere & satisfacere recusantium vel recusantis, exigente contumacia ad brachii secularis invocationem procedere possint & debeant; mandatur. Insuper eadem auctoritate apostolica omnibus & singulis tam secularibus, quam ecclesiasticis iudicibus qui cum præmissis, a dictis Dominis Episcopis Conservatoribus præfatis, requisiti fuerint, in virtute obedientie primo, necnon excommunicationis latae sententiæ pena, quam in contradictores in his scriptis proferimus, ut mandatis & requisitionibus dictorum Episcoporum conservatorum pareant, obediant, & mandata ipsorum exequantur. Ipsique Episcopi conservatores illum vel illos qui in censuris ecclesiasticis, & pecuniariis penis ob non paritionem inciderit vel incidit, toties quoties opus fuerit ad ipsius Domini Episcopi Zagrab. requisitionem eadem auctoritate apostolica, satisfecisse.

tisfacto prius dicto Domino Episcopo Zagrabien-  
si, aut aliter cum eodem concordato, absolve-  
re possint, & debeant, in forma Ecclesie con-  
suetæ, presentibus ad vitam ipsius Osvaldi mo-  
derni Zagrabienfis Episcopi duntaxat duraturis.  
Salvis tamen semper iuribus & privilegiis di-  
ctæ Ecclesie Zagrabienfis super ipsis decimis exol-  
vendis. Datum Budæ Wespriemensis diæcesis in  
domo solitæ nostræ residentie die quinto mensis  
Julii Anno Domini millesimo quadringentesi-  
mo nonagesimo, pontificatus autem Sanctissimi  
in Christo Patris & Domini nostri Domini In-  
nocentii divina providentia Papæ octavi anno  
sexto. Presentibus ibidem Reverendis in Chri-  
sto Patribus Christophoro Modrusiensis & N.  
Neapolensis Ecclesiarum Episcopis, ac venera-  
bilibus viris Dominis Martino Prothonotar. A-  
postolico & Budensi Plebano, & Maffeo Illu-  
strissimi Domini Ducis Mediolanensis Oratore &  
Fabiano Ecclesie Zagrabienfis Canonico testibus  
ad præmissa vocatis pariter & rogatis. Et ego  
Jacobus Luca de Bodog Arzon Falva Transyl-  
vanensis diæcesis sacra imperiali auctoritate no-  
tarius publicus, quia præmissæ confirmationi, ap-  
probationi, conservatorum dationi, necnon cen-  
surarum ecclesiasticarum, & pecuniarum pæ-  
narum, una cum auxilio brachii secularis ap-  
positioni, aliisque omnibus & singulis dum, si-  
cut præmittitur, per Reverendissimum Dominum  
Angelum Legatum Apostolicum fierent & age-  
rentur, ana cum prænominatis testibus, & no-  
tariis, collegis meis infra scriptis præsens fui,  
eque omnia sic fieri vidi, & audiui, ideo hoc  
instrumentum publicum, seu has literas, per a-  
lium fideliter scriptum exinde confeci, & in  
hanc publicam formam redegi, signoque ac no-  
mine meis solitis, & consuetis consignavi, &  
roboravi, in fidem ac testimonium omnium &  
singulorum præmissorum requisitus & rogatus.  
II. Locus signi ejusdem. Et ego Lucantonius  
Florentinus civis Viterbiensis, apostolica, & im-  
periali auctoritatibus notarius publicus & ad præ-  
sens præfati Reverendissimi Domini Legati imme-  
ritus Secretarius, quia præmissis confirmationi &c.  
ut supra.

Litteræ  
regis Ula-  
dislavi ea-  
dem pacta  
confirman-  
tes.

Nos Uladislaus Dei gratia rex Hungaria, &  
Bohemiæ, nec non Marchio Moraviæ &c. me-  
moriam commendamus tenore presentium, signifi-  
cantes quibus expedit universis; quod Rev. in  
Christo Pater D. Osvaldus Episcopus Ecclesie Za-  
grabienfis, thesaurarius noster fidelis, & dile-  
ctus, nostrum veniens in conspectum, exhibuit  
nobis, & præsentavit certas literas dominorum  
prælatorum & baronum hujus regni nostri Hun-  
gariæ, nuper in congregatione generali, pro no-  
vi regis electione in civitate nostra Pesthienfi  
constitutorum, nominibus & sigillis eorum pen-  
dentibus, emanatas & communitas, modum for-  
mam ac vim cujusdam fassioni, compositionis  
limitationisque & obligaminis super facto dica-  
tionis, & exactionis, atque solutionis decimarum  
frugum, bladorum, ac omnium aliarum rerum  
decimari solitarum, ipsi D. Episcopo de medio  
incolarum, & habitatorum comitatum regni no-  
stri Sclavonia, Crisensis & Zagrabienfis, pro-  
venire debentium, inter ipsum Dominum Episco-  
pum, ac nobiles eorundem duorum comitatum,  
coram præfatis Dominis prælati, & baronibus  
dicti regni nostri Hungariæ factum in se conti-  
nentes, tenoris infra scripti; supplicans nobis idem  
D. Episcopus, ut easdem literas gratas, ra-  
tas, & acceptas habere, litterisque nostris pri-  
Illyrici Sacri Tom. V.

vilegalibus de verbo ad verbum inseri facere,  
huiusmodi fassioni, compositioni, ac limitationi,  
omnibusque aliis obligaminibus, & articulis in  
eisdem litteris clarius expressis, & contentis no-  
strum regium consensum præbere, ac eidem Do-  
mino Episcopo, & Ecclesie suæ, vita ipsius co-  
mite, roborare, seu confirmare dignaremur. Qua-  
rum quidem litterarum tenor talis est: Nos  
Hippolytus Estensis &c. (hic insertum est di-  
ploma Pesthienfe supra descriptum). Nos igitur  
supplicationibus annotati D. Osvaldi Episcopi  
nobis modo, quo supra, porrectis, regia beni-  
gnitate exauditis, & clementer admissis, præ-  
notatas literas annotatorum Dominorum prælato-  
rum, & baronum non abrasas, non cancellatas,  
non in aliqua sui parte suspectas, presentibus-  
que litteris nostris de verbo ad verbum sine di-  
minutione, & augmento aliquali insertas, quoad  
omnes earum continentias, clausulas, articulos,  
acceptamus, approbamus, & ratificamus, præ-  
missæque fassioni, compositioni, limitationique,  
& obligaminibus inter memoratum Rev. Domi-  
num Episcopum, ac præfatos nobiles dictorum  
duorum comitatum Cresiensis, & Zagrabienfis,  
modo & ordine, quo supra, factis, omnibusque  
aliis & singulis, in eisdem litteris contentis &  
expressis nostrum regium consensum præbuimus,  
præbimusque, benevolum pariter & assensum.  
Et nihilominus intelligentes certis antea retro-  
actis annis super solutione decimarum huiusmodi  
inter ipsum Dominum Episcopum, & præfatos  
nobiles sæpe dictorum duorum comitatum, plu-  
res differentias, lites, & controversias submotas,  
exortasque fuisse; ut igitur eadem de cetero pe-  
nitus extinguantur, & præmissæ fassiones, limi-  
tationes, compositionesque, & obligamina præ-  
fatorum Domini Episcopi, & nobilium dictorum  
comitatum, inviolabiliter, perpetueque obser-  
ventur; easdem literas ipsi Domino Episcopo,  
ecclesieque suæ prælatæ, vita ipsius comite, in  
perpetuum roboramus. In cujus rei memoriam  
firmitatemque perpetuam præsentis litteras no-  
stras, quas secreto sigillo nostro, quo, ut rex  
Hungariæ, utimur, impendenti communi feci-  
mus; eidem duximus concedendas. Datum Bu-  
dæ in festo B. Michaelis Archangeli, anno Do-  
mini millesimo, quadringentesimo, nonagesimo;  
regnorum nostrorum Hungariæ, & coronationis  
primo, Bohemiæ vero vigesimo Uladislaus Rex.

Uladislavus post tres illos regni competitores,  
vel muneribus delinitos, vel armis supe-  
ratos, regnum pacatum obtinuit. Joannem  
Corvinum Banatu seu principatu Illyrici,  
& multis castellis, oppidisque donatum sibi  
conciliavit. Albertum Fratrem prælio victum,  
regno Poloniæ, post obitum Casimiri Parentis  
anno 1492. extincti, contentum esse coegit.  
Cum Maximiliano Cælare diuturnior contem-  
tio fuit. Haud pauci ex Hungariis, præmiis  
& pollicitationibus illecti, ad eum defecerant;  
& cives montis Græcenses intra urbem regiam  
præsidia Germanorum receperunt. Osvaldus fi-  
dem Uladislavo datam constantissime retinuit;  
cui ad regnum adipiscendum perutilem operam  
præbuerat; quam ob causam milites Germani  
plurima ei damna intulerunt, villas agrosque  
episcopales vastarunt; & duo insuper castella  
eidem ademerunt, quæ Joannes Corvinus, ho-  
stibus cæsis & fugatis, recepit; & cum nollet  
Episcopo & Ecclesie restituere, ea Osvaldus vi  
atque armis recuperavit; & præterea Rokani-  
cum, Castrum Corvini in suam potestatem re-  
de-

Constanti-  
Uladis-  
lavi  
erga Ula-  
dislavum  
fidelis.

degit. Hinc plane hostiles inter Olvaldum & Corvinum inimicitiae; quos Ladislavus Kanis-  
cajus, Banus Slavoniae, pacavit; & quae alter  
alteri eripuerat, utrique redditis, eos in pri-  
stinam concordiam reduxit.

Olvaldus gratiam & benevolentiam Uladis-  
lavi multis in eum & magnis meritis sibi  
conciliavit. Ut cetera praeteream, cum Tur-  
cae Jazzam civitatem Bosniae, ab rege Matthia  
illis ereptam, ab omni commatu interclude-  
rent, urbi laboranti subvenire jussus delectam  
suorum militum manum, quam *Banderium* vi-  
cant, subsidio misit, quae cum copiis Bosnen-  
sibus conjuncta, hostes in fugam avertit, vias,  
quas obsederant, aperuit, cibaria & praesidia-  
rios milites introduxit. Extat epistola Uladis-  
lavi ad Olvaldum Cassoviae data, ex qua Ke-  
reselichius hanc particulam decerpit: *Intellexi-  
mus, inquit, quod Turci omnes vias ad Ca-  
strum nostrum Jaicza undique obsederint, ita ut  
ad idem victualia haecenus inferri nequiverint;  
gentes quas habetis, deputetis in subsidium cæ-  
terorum fidelium nostrorum, quibus etiam præ-  
cipimus, ut omnibus modis possibilibus victualia  
importent ad ipsum Castrum nostrum. Quid &  
quantum deberet Olvaldo ipsemet Uladislavus  
commemoravit, cum anno 1495. eidem Præ-  
posituram Glongoacensem, exiguae cujusdam  
remuneracionis causa contulit; quod in omni-  
bus fortunæ casibus, ut ex litteris Uladislavi  
refert Kereselichius, assidue lateri regis adhæ-  
rens, non pepercit bonis sui episcopatus, quod  
ejus gratia, multa & gravia damna pertule-  
rit; primum per occupationem, & vastationem  
exercitus Alemanorum, & violentam eorundem  
bonorum detentionem, ac tandem per frequentem  
incurSIONem, & conflagrationem Tarcaram; quæ  
demum per exercitum condam Pauli Cnissi, &  
Joannis Corvini Ducis, ac eorundem compli-  
cum, in extremam fere devenerunt desolationem;  
quem fuisset aliter remuneraturus, si opportuni-  
tas ferret; tamen in aliqualem recognitionem  
prædictam ei præposituram confert. Glongoa-  
cense Sacerdotium Olvaldo collatum Alexander  
IV. approbavit ob magnam ejus, ut Pontifex  
ait, de Ecclesia merita.*

Uladislavi  
erga Olval-  
dum grata  
& benefica  
voluntas.

Nec vero Uladislavus suum favorem, suam-  
que auctoritatem Olvaldo deesse passus est, præ-  
sertim cum causa Ecclesiae, & decimarum age-  
batur. Sigismundus Episcopus Quinqueecclési-  
ensis, & ejus Frater Joannes Ernuſt jus colligen-  
di decimas Castri S. Georgii, & Villa Capron-  
ca Olvaldo ereptum interverterant, ad seque  
pertinere contendebant. Olvaldus a rege im-  
petravit, ut in hanc rem arbitri essent Urbanus  
Agriensis, & Thomas Jurinensis Episco-  
pi. Compertum quidem est jus ab Olvaldo  
stare, rem tamen per compositionem sic tran-  
sigi placuit, ut fratres illi pro decimis cer-  
tam pecuniæ summam singulis annis festo die  
S. Martini Episcopi solverent; si vero hanc  
solutionem semel negligerent, duplam, si se-  
cundo, quadruplum ejusdem summæ contribuere  
deberent: & praeterea jus exigendi decimas  
illas ipsi quidem amitterent, Episcopus vero  
sibi, suæque Ecclesiae recuperaret. Hanc sen-  
tentiam, & compositionem Uladislavus confir-  
mavit, eique standum esse decrevit. Persta-  
bant adhuc in sua pertinacia Varaldinenses, &  
quamvis pluribus sententiis, & censuris confi-  
xi, solutionem tamen decimarum contumacia-  
time abnuebant. Anno 1495. in oppido Ve-

rovecensi, cum ibi frequentissimus Procerum  
conventus ageretur, ad judicia exercenda, &  
suum cuique jus reddendum; Uladislavus rex  
rursus Varaldinenses sua sententia damnavit,  
Olvaldo judicium in eos postulante, quem ait  
Bonfinius, *cum ducentis equitibus venisse, &  
facile castella, decimasque Basilica sua & qui-  
busdam regulis interceptas recuperasse. Senten-  
tia regis plena reprehensionum ac minarum  
contumaciam Varaldinensium fregit; & anno  
sequenti in altero Budensi conventu, cum sup-  
pliciter veniam petissent; de sententia Conci-  
lii, eadem ratio solvendi decimas Episcopo,  
& Ecclesiae Zagrabienſi, Varaldinensibus im-  
perata fuit, quæ ante sex annos in conventu  
Dombrenſi Zagrabienſibus, & Crisicenis præ-  
scripta fuerat. Decimas superiorum annorum,  
quas ob neglectam solutionem Episcopo debe-  
bant, Olvaldus, rogatu Antistitem & Proce-  
rum, illis remisit & condonavit; hac tamen  
conditione interposita, ut si quispiam ex Ma-  
gnatibus, vel nobilibus prædicti Comitatus, seu  
Cultelli Varaldinensis hujusmodi concordiam, seu  
compositionem successu temporis observare, &  
secundum eandem dicto Episcopo decimas solvere  
recusaret, per ipsumque Episcopum in iure con-  
veniretur; ex tunc ipsi nobiles & Communitas  
præfati Comitatus, seu Cultelli Varaldinensis, hu-  
jusmodi magnatibus, seu nobilibus non adhære-  
bunt, sed potius ipsi Domino Episcopo in pro-  
gressu causæ, & litis, contra eosdem, & quem-  
libet illorum in omnibus pro posse eorum, au-  
xilium aderunt & adesse tenebuntur. Ita demum  
& Varaldinenses anathematum vinculis exsolu-  
ti, cum Episcopo & Ecclesia in gratiam re-  
dierunt; & finis impositus est diuturnis gra-  
vissimisque contentionibus, quas Olvaldus pro  
decimis & bonis ecclesiasticis recuperandis su-  
scipit. Nec solum Ecclesiam suam in anti-  
quum pristinae opulentiae statum restituit, de  
quo propter incuriam, sive malitiam laicorum  
administratorum vel plurimum declinaverat; sed  
etiam multis auxit proventibus, & fundis, quos  
vel ipse sua pecunia comparavit, vel ex avita  
hæreditate sibi obvenerant, vindex idem & am-  
plificator egregius patrimonii ecclesiastici. Re-  
liquos tres annos, qui ejus vitæ supererant,  
ab omni litigio & molestia vacuos, tranquille  
ac placide transegit. Quamvis vero tot tan-  
tisque litibus, & laboriosis ac molestissimis con-  
certationibus fere semper exercitus, ac disten-  
tus fuerit; tamen in tanta curarum ac nego-  
tiorum forensium mole, quæ ad religionem  
cultumque divinum pertinent, minime neglexit.  
Cum codices statarum precum, & quo-  
tidianæ psalmodiæ ad normam ritus Zagrabien-  
sis compositi, vetustate attriti essent, vel con-  
sumti; & eorum, qui supererant integri &  
intacti, mira paucitas esset; Olvaldus beneficio  
usus typographiæ, haud ita pridem inventæ,  
illos expurgatis mendis & erroribus, qui ob  
librariorum incuriam, & incitiam irreplerant,  
elegantibus typis cudendos curavit, ut decla-  
rat præfatio iisdem præfixa: *Cum in diœcesi  
Zagrabienſi esset magna penuria emendatorum bre-  
viariorum, secundum ordinationem, & ut vul-  
go dicitur, rubricam dictæ Ecclesiæ; eademque  
breviaria magna ex parte longinquitate temporis  
corrupta ac depravata, plerumque scriptorum  
imperitia haberentur, Reverendissimus in Christo  
Pater D. Olvaldus memoratæ Ecclesiæ Zagrab.,  
animadvertens officii sui esse ejusmodi penuriæ oc-  
cur-**

Varaldi-  
nenses con-  
tumaces  
in Episco-  
pum, re-  
gali sen-  
tentia con-  
fixos ad  
officium  
redire co-  
git.

Olvaldus  
Breviario  
Zagrabien-  
se typis  
imprimi  
curavit.



currere, ut ex facili breviora in utilitatem cleri totius diœcesis suæ, quam emendatissima, haberi possent, proindeque in eam rem intendens, ut & optime emendarentur, & emendata imprimerentur, opera atque diligentia venerabilium Dominorum Georgii de Bexin, & Blasii de Kemlek decretorum Doctoris, Archidiaconorum, & Canonorum in præfata Ecclesia, ad æternam memoriam imprimi facere curavit. Itaque & quam optime castigata & impressa sunt auctoritate Reverendissima Paternitatis suæ, & jam in lucem exitura, ut unusquisque facile, & præcipue ecclesiastici ordinis miles, cui rite Deum, & iuste laudare absque syncopa, & verborum truncatione sacra canonum jubet institutio, & assequi possit, quæ antea passim ita bene correctæ habere vix licuit. Quorum præsentiam facile dignoscet, o lector optime, si vetera illa breviora, & rubricas cum his non fueris dignatus conferre. Vale.

Itemque  
codices  
chorales  
nitidis &  
elegantibus  
litteris de-  
scribi.

Præterea codices illos membranaceos molis ingentis, notis musicis conscriptos, qui ad psalmos concinendos, & preces, sacrosque versiculos inter solemne sacrificium decantandos choro deserviant, pulcherrimis litteris aureis, rubris, nigrisque describi iussit, & quam plurima exempla fieri ad commodum usumque aliarum totius Ecclesiæ diœcesis Zagrabien- sis, ut docet Thomas Kovalcevičius. Restituo, inquit, integritati suæ Breviario, complures quoque ingentis molis libros in membrana, gravi & eleganti charactere conscribi, & notis signari curavit, qui horarum canonicarum, & Missæ officio decantando deserviunt, in ea validitate etiamnum consistentes, ac si paucis ab hinc annis in lucem prodissent.

In ædifica-  
tionem Ba-  
silicæ plu-  
rimam ope-  
ram impen-  
dit & pec-  
uniam le-  
gavit.

Plurimum vero pecuniæ operæque contulit ad perficiendam ædificationem basilicæ cathedralis; jamque parietes circumcirca ad fastigium perduxerat, & fornicem, ac testudinem imponere cœperat, cum morte præreptus absolutionem perfectionemque tanti operis successor commendavit, sepulchris legatilisque in eam rem decem millibus florenorum, ut est in ejus tabulis supremis: Ex quo Ecclesia Zagrabien- sis a principio foundationis sui satis neglecta, & numquam in labore suo consumata fuit, in qua quantum potui, ædificari feci, ad cujus ulterio- rem continuationem, & consumationem lego florenorum decem millia. Subsellia Canonorum insigni artificio elaborata, pulcherrimeque cæ- lata ære suo fieri curavit, ut tradit Ritterus: Stalla pro Canonicis & Præbendis sumptuosissi- ma fieri fecit: in quibus magnanimitatis suæ auream inscriptionem reliquit: Osvaldo Pontifi- ce Zagrabien. 1499. Altare summum opere ma- gnifico & eleganti construxit, ut docebat in- scriptio eidem apposita:

Præsulis Osvaldi sunt hæc monumenta laboris:  
Hoc tibi, rex regum Christe, dicavit opus.  
Sed cum aram illam basilicæ principem, quæ anno 1624., iæu fulminis corruit, & conflagravit, Franciscus Erghelius Episcopus restituit, pro veteri alteram epigraphen substituit:

Abstulit Osvaldi celebratum flamma laborem  
Sumptibus Ergelii non minus ara micat.  
Hanc posterior ætas abasit, ac tertiam, quæ videbatur elegantior, subrogavit

Franciscus Præsul locat hanc Erghelius aram,  
Osvaldi postquam concidit igne labor.

Mors  
Osvaldi.

Annus 1499. Osvaldo postremus fuit. Chas- mæ in Castro Episcopali cum diversaretur, le- Illyrici Sacri Tom. V.

talem in morbum incidit, quo intra paucos dies extinctus, sempiternam sui nominis, & Episcopatus memoriam reliquit. Ipsa obitus dies notatur decima quinta Aprilis in Necrologio Seitzenis Carthusiæ: Aprilis die 15. D. Osval- dus Episc. Zagrabien- sis. Annos tres & triginta cum præfuisset, nullis laboribus, sumtibus, incommodis pepercit, ut rem ecclesiasticam male affectam, & bonorum suorum distractione valde diminutam restitueret, eamque optime constitutam, nullis litigiis obnoxiam, & pacatam, multisque divitiis auctam successoribus trade- ret. Translatus est Zagrabiam; & funere quam magnificentissimo elatus, in basilica cathedrali ante aram Cænæ Domini, ut ipse in tabulis supremis jussit, sepultus est. Operculo mar- moreo insculpta erat effigies pontificalis, cum ejus insignis gentilitiis, additusque titulus se- pulchralis.

Zagrabia Osvaldus manet hic sub marmore Præsul,  
Exemplum veræ qui probitatis erat.

Fama suum celebrat, pereat ne pulvere, nomen,  
Virtutum meritis spiritus Astra tenet.

Hæc seculo duodevicesimo ineunte, cum pa- vimentum sacrarii tessellis marmoreis sternen- dum esset, effigies illa & inscriptio amota fuit; nec scio an utraque, vel alterutra repo- sita fuerit, ad illustrem talis ac tanti Præsulis memoriam immortalitate donandam, aut cer- te ab oblivione hominum atque silentio vindican- dam. Testamentum fecit dignum sane ejus beneficentiæ ac pietatis; ex quo non solum copia divitiarum, quibus affluebat, sed multo magis ejus animus gratissimus erga Uladislavum regem, aliosque omnes de se benemeritos; & præsertim religio & liberalitas erga suam, cæterasque diœcesis Zagrabien- sis Eccle- sias, ac cœtus piorum hominum, dignosci po- test. Adeo vero se alienum a carne & san- guine ostendit, ut ex immensis illis opibus, quas vel e domestico & ecclesiastico patrimo- nio, vel e bonis sua industria & pecunia acqui- sitis congererat, & de summa nummaria, quam ad sexaginta tria millia florenorum excrevisse ajunt, bis mille tantummodo, & trecentos flo- renos consanguineis legaverit. Operæ pretium mihi visum est, ejus tabulas supremas, quæ in archivio Capitulari asservantur, hic subijcere. Condita sunt anno 1449. xvii. Kalendas Ma- jas. Tutores testamenti Thomam Archiepiscopum Strigonii, Dominicum Antistitem Va- radini, & Nicolaum Banium virum nobilissi- mum; curatores vero Archidiaconos tres Andre- am Cathedralē, Joannem Goricensē, Andre- am Kemlechensem, quibus adjunxit Joannem Custodem, & duos præterea ex Ordine laicali illustres vi- ros, Georgium Kerechim, & Franciscum Kecz- rum, constituit. Postquam igitur more & for- mula majorum præfatus, locum suæ sepulturæ designasset, & eos, quos dixi, Tutores & Cu- ratores nominasset, hanc rerum & pecuniarum suarum partitionem fecit.

Testamen-  
tum.

Primo Serenissimo Principi Domino Uladislao Hungariæ, Bohemiæ regi, & Domino meo gra- tiosissimo lego decem millia florenorum, & ul- tra ista, tria millia, & quingentos flor. quibus de debitis quondam Domini Pauli de Kiriis ad- huc mihi obligatur, eidem remitto, & relaxo. Item lego majestati suæ cuppas argenteas deauratas bullatas magnas duas, & alias duas novas cum imagine S. Christophori, & iterum duas magnas cum draconibus, & hinc inde arantes

superius; omnes deaurata. Item cantharos argenteos magnos duos. Item amphoram cum pelvi argentea, in toto deaurata pro lavatorio; & aliam amphoram cristallinam cum smaltz auro, & argento cum circumferentiis ornata. Item gradarium magnum pomilatum, & alium album Hungor dictum, cum frenis Kalmar deauratis similiter lego majestati suae. Item ex quo natus sum in regno, & ea bona quae habui, ex regno habui, ideo quantum possibile fuit, nolui esse ingratus patriae. Relinquo itaque ad labores castrorum finitimorum, videlicet: Faicza; Nandorlba, Sabacz, & Feurim triginta duo milia florenorum, ita tamen, quod pecunia illa non vadat, neque dispensetur per manus thesaurarii; sed Domini praelati, & barones, ac nobiles regnicolae deputent aliquem, vel aliquos homines idoneos, qui fideliter dispensent pecuniam ipsam ad opus praefatum. Item ex quo Ecclesia ista Zagrabiensis a principio foundationis fuit satis neglecta, & nunquam in labore suo consummata, in qua quantum patui adificari feci; ad cuius ulteriorem continuationem & consumationem lego florenorum decem millia: eidem Ecclesiae lego amphoram cum pelvi argentea, quam semper habui in usu. Item pro die Cæne Domini unam cuppam deauratam duplatam argenteam mediocrem, & alias duas cuppas. . . argenteas deauratas, cum virgultis erectis: discos argenteos duodecim, ex quibus deaurati quatuor pro eadem cæna, & mandato: scutellas meas argenteas magnas duodecim, cum tribus parvis pro balsamenti lego similiter Ecclesiae praefata: ad labores Reliquiarum candelabra argentea deaurata majora duo: conservatorium corporaliu auro & perlis ornatum unum, & quadam alia ornamenta, juxta informationem executoribus datam, lego ipsi Ecclesiae meae Zagrab. Ad laborem vero Ecclesiae S. Spiritus Chasma fundata, quæ etiam a principio fuit satis neglecta, lego flor. quingentos, per Capitulum ejusdem loci dispensandos. Item alios florenos quingentos lego eidem Ecclesiae propter futuras necessitates, casu quo contingere possit, videlicet vel per combustionem Turcorum: vel si rectum rueret ex vetustate, aut aliud quodpiam tale contingeret, seu emergeret. Eidem Ecclesiae lego casulam meam de damascino albo aurato cum cruce gemmata, cum diversis floribus, & omnibus attinentiis: item conservatorium gemmatum cum Jesu, & tabulam cum imagine Crucifixi.

Item Reverendissimo Domino Thomae Archiepiscopo Strigoniensi lego cuppam magnam deauratam unam, & scutellas argenteas italicas sex, ex quibus deaurata tres. Item Reverend. D. Dominico Episcopo Varadiensis similiter cuppam deauratam novam unam, & salterium auratum duplum unum; Dom. Nicolao Banfio compatri meo lego cuppam auratam unam, conservatorium salis auratum duplum unum, & gradarium unum: Dom. Toft ex Som. Comiti Themensi cuppam deauratam unam, & equum parvum. Dom. Laurentio Duci (cum quo illum Ritter bella gessisse scribit), gradarium unum, balistas duas, cum pharetris trajectoriis, & sagittis. D. Georgio de Kamisa similiter compatri meo gradarium unum; & Dnæ Conthorali ejusdem cuppam deauratam novam, & scutellas argenteas deauratas pro balsamenti parvas tres. Domino Georgio prapposito decretorum novum gradarium unum, & cuppam deauratam novam. D. Blasii Raszkay coclearia argentea duodecim, ex quibus deaurata sex: & scutellas parvas argenteas deauratas

pro balsamenti duas. Petro Pogán gradarium unum.

Ad claustrum Fratrum Carthusiensium in Lavoch pro necessariis claustrorum ejusdem Ordinis in regno habitorum, lego flor. mille. Similiter Fratribus Heremitarum flor. mille, qui dentur ad S. Paulum juxta Budam, ut ad necessitates claustrorum ejusdem Ordinis exponantur. Eodem modo Fratribus Ordinis Minorum de observantia ad necessitates claustrorum lego flor. mille. Item ad tecturæ reparationem, & alia necessaria Ecclesiae S. Joannis in nova villa Zagrabia, lego flor. centum. Similiter ad reparationem, & laborem hospitalis S. Elisabeth in theatro Zagrab. flor. centum. Ad aliud hospitale S. Antonii in vico Latinorum flor. quinquaginta. Ad Ecclesiam S. M. V. in Abbazia pro reparatione vel tectura flor. quinquaginta; & ad Ecclesiam S. Leonardi pro necessitate ejusdem floren. viginti quinque. Ad necessitatem Ecclesiae S. Emerici ibidem Zagrabia lego flor. 25. Ad laborem Ecclesiae & claustri S. Nicolai Ordinis Prædicatorum Zagrabia flor. quinquaginta. Similiter ad S. Franciscum floren. viginti quinque. Item ad laborem, & alias necessitates Ecclesiae, & claustri B. M. V. Eremitarum juxta Zagrabiam lego flor. quinquaginta. Præterea ad laborem & alias necessitates Ecclesiae, & claustri S. Mariæ Magdalene Ordinis Prædicatorum Chasma lego flor. ducentos. Ad necessitatem hospitalis SS. Cosmæ, & Damiani ibidem flor. triginta duos. Ad Ecclesiam S. M. V. in campo prope Chasmam, pro aliquo bono ornatu ordinando, & mappa ad aram flor. vigintiquinque. Ad labores, & alias necessitates Ecclesiae, & claustri Heremitarum S. M. V. juxta castrum Garigh flor. quinquaginta. Ad Ecclesiam Glogocensem S. M. V. floren. quinquaginta. Ad Ecclesias in provincia Chasmeni S. Stephani in Rakichneza flor. duodecim. Omnium Sanctorum in Nartb flor. quindecim. S. Elisabeth in Zerdabel flor. quindecim. S. Joannis Baptiste in veteri Chasma floren. viginti quinque. S. Georgii prope Heimocz flor. duodecim. S. Petri in Petrea flor. 10. S. Catharina in Grachina flor. 12. S. Crucis in Cantoratu flor. duodecim. S. Nicolai in Podgoria flor. decem. S. Andrea Chasma supra piscinam flor. decem. S. Joannis in Suburbio flor. sex. Et Ecclesia Parochiali sub Ecclesia S. Spiritus flor. decem.

Item ad Ecclesiam S. Margaritæ in oppido Dombrensi ad necessaria, quibus magis indigebit, lego flor. viginti quinque. Ad S. Martinum ibidem similiter floren. viginti quinque. Et ad laborem Ecclesiae filialis in capella flor. quindecim. Ad Ecclesiam S. Georgii in Bonhosovez flor. viginti. Similiter S. Georgii in Lemes flor. sedecim. Et ad Ecclesiam S. Nicolai in eadem provincia Dombrensi juxta viam Crisium eundo flor. sedecim. Item ad laborem & alias necessitates Ecclesiae parochialis S. M. V. in Ivanich lego flor. viginti quinque. Item ex quo moniales in claustro S. M. V. ibidem in Ivanich, quæ fuerunt Ordinis Cisterciensis, in tantum defecerant, quod præter unam decrepitam, & aliam juniorem, nulla erat, quæ ad servitia & officia illius Ecclesiae non sufficiebat; habita autem & magna diligentia pro pluribus ejusdem Ordinis adducendis, ubique etiam in vicinis regionibus ex quo in aliquo claustro regni Hungariæ non sunt; sed nullo ex loco adduci potuerunt. Quo viso necesse fuit superinde consulere Sedem Apostolicam, ut Sacerdotes seculares possent in claustro ipso di-

vina

vina officia peragere. Quod ipsa per Bullas concedens, ex post presbyteri seculares semper ibi administraverunt. Possessiones autem, quæ fuerunt ex possessionibus Ecclesiæ cathedralis de mensa scilicet episcopali, illi clauſtro applicata, licite tenere potui, & solvere feci presbyteris, qui ibi ministrarunt. Si tamen successori placeret ex devotione, vel alicui alteri, qui pro salute sua vellet laborare, quod de illo ordine alia personæ honestæ introducerentur, sum contentus, quod illa bona iterum restituantur illi Ecclesiæ non obstante indulto a Sede Apostolica superinde habito. Jura autem, & litteræ foundationis, quæ pertinent ad præfatum clauſtrum, sunt reposita in sacristia Ecclesiæ Chasmenſis. Pro tabula autem ad aram magnam, & ornamentis, ac aliis necessitatibus ejusdem lego flor. centum. Ad Ecclesiam omnium Sanctorum in eadem provincia Ivanich, ad ea necessaria, quibus magis indiget, lego flor. viginti quinque. Ad necessitates Ecclesiæ omnium Sanctorum in oppido Zalathnok lego flor. viginti quinque; & cappellam ibidem executores faciant finire: ordinentque ornamenta sacerdotalia, ac mappas, aliaque necessaria ad eandem. Sic similiter Ecclesiam S. Ladislai in Zala executores faciant finire, & ordinent calices, ornamenta sacerdotalia, mappas altarium, aliaque necessaria ad eandem.

Item Alphonſo filio magnifici quondam D. Joannis Tucz fratri meo lego flor. mille. Ad alia necessaria dedi informationem executoribus. Item Nicolaum filium quondam Stephani Derſſii cum Sophia puella sorore sua, orphanos, & omni spe destitutos, una cum bonis, possessionibus eorundem, commendo in protectionem, & gratiam regie majestatis, supplicans humiliter, ut per aliquem ex Dominiis, cui magis competere videbitur, faciat majestas sua eosdem in bonis ipsorum defendere, & manutenere: eidemque Nicolao lego flor. trecentos, & puellæ Sophiæ flor. quingentos. Item sororibus meis. Relictæ quondam Ladislai Pethkay lego flor. centum. Alteri uxori Casparis Oyulay flor. centum. Et tertiæ relictæ quondam Casparis Fanchy similiter flor. centum. Francisco puero, filio præfati Ladislai Pethkay lego flor. quinquaginta. Et magnifico Nicolao de Inarch flor. centum quinquaginta. Item ... de caſtris Ecclesiæ sub pœna excommunicationis latæ sententiæ nullo pacto exportentur, quoniam ex proventibus Ecclesiæ ordinata sunt, & dignum est, ut semper in eisdem caſtris pro Ecclesia remaneant. De reliquis vero rebus meis universis disponant executores mei, juxta discretionem, prudentiam, & conscientiam ipsorum, prout super inde a me informationem habent, contententque & satisfaciant familiaribus meis. Executores autem hujus testamenti, & ultimæ voluntatis meæ eligo, ordino, constituo, & facio Venerabiles &c. ut supra. Quibus singulis lego per flor. quinquaginta. Tutores vero &c. ut supra. Acta sunt hæc in palatio Chasmenſi, quinta decima mensis Aprilis A. D. 1499. Ego Osvaldus Episcopus Zagrabienſis &c. hoc ultimum, & præſens testamentum ordinavi, & confeci modo præmiſſo. Unde supplico Majestati regie, & Dom. id est, Tutoribus, devote, ut hac omnia præmiſſa pro Deo, & ſerviitiis meis dignentur obſervare, & manutenere; hac propria manu ſcripsi. Demum de domo Budenſi in privata quadam cartha ſequens diſpoſitio fuit reperta. Item domum meam Budenſem emptitiam, in platea omnium Sanctorum habitam, in qua

dum Budæ fui, habitavi, lego Alphonſo Tucz, & Sophiæ sorori ejusdem, natis quondam Dom. Joannis Tucz fratri mei. Osvaldus Episcopus Zagrabienſis manu propria. Post hæc ſequitur confirmatio regis.

Omnia & ſingula, quæ ſupremis tabulis Osvaldus contignaverat, eodem anno Dominica proxima poſt Aſcenſionem Domini rex Uladiſlavus confirmavit his verbis: Nos igitur conſiderantes fidelitatem, & gratioſiſſima ſervitorum merita quondam Domini Osvaldi Episcopi, quæ ſacræ in primis hujus regni noſtri Hungariæ corona, deinde etiam majestati noſtræ, ab eo ſemper tempore, quo ad faſtigium hujus regalis dignitatis noſtræ erecti ſumus, cum ſumma ſemper fidelitate, & integritatis perſeverantia, uſque ad extremum ſuæ vitæ exhibuit, & impendit, quorum reſpectu, ſicuti viventi gratiam & benevolentiam noſtram non negavimus, ita etiam morientem hæc tam pia ſalutarique extrema voluntate ſua fruſtrari nolentes &c. præſcriptas litteras teſtamentarias &c. ratificamus, acceptamus, & approbamus, eaſque ſimul cum omnibus clauſulis, articulis &c. confirmamus. Anno igitur 1499. altero vel tertio die poſt conditum teſtamentum deceſſit.

Præclarum eximie virtutis teſtimonium Osvaldo tribuit Antonius Bonfinius, ipſius æqualis ætate, Dec. I. lib. I. Hujus (id est Zagrabiz) Osvaldus nunc præſt Episcopus, nobiliſſimo Ungarorum genere natus, vir tanta modeſtia, gravitate, ac eloquentia præditus, ut nihil in eo inveneris, quod non ſit perquam laudabile, in ſermone præguſtatur, multo altius ſapit, quam oſtendit, ſuam præ humanitate diſſimulat ſapientiam, æque ſcit utramque tolerare fortunam, & quam ſtudioſiſſimus ſit ubique decoris obſervator; & cum conſilio, ac ingenii dexteritate polleat, potius rebus magnis agendis, quam ſacro otio foret idoneus. Eundem Benedictus Vincovichius Antistes Zagrab. ſanctæ vitæ, & magnæ utilitatis Episcopum, appellat, item ſanctæ recordationis virum, & paullo poſt virum juſtum officio ſuo paſtorali bene fungentem. Paullus Ritterus ait maximam inter Episcopos Zagrabienſes memoriam reliquiſſe.

Post mortem Osvaldi annum integrum, & unum aut alterum menſem Ecclesia Zagrabienſis Paſtore caruit. Dum interregnum tenebat, adminiſtrationem bonorum Episcopaliū, quæ ad Canonicos devolvi debuerat, Petrus Bocskayus, & Joannes Podmanickius ex mandato regis ſuſceperant. Cum per id temporis quidam Canonicus teſtato mortuus eſſet, illi duo adminiſtratores in ejus bona tamquam vacua, & caduca invaſerunt, quæ ad Ecclesiam pervenſiſſe, atque ad ſuam procuracionem pertinere exiſtimabant. Reclamarunt Canonici, cum ex privilegiis Capituli penes illos jus & arbitrium eſſet bona Canonicoꝝ, ſi qui forte teſtati decederent, tripartito diſtribuendi, & partim Eccleſiæ, partim pauperibus, partim conſanguineis demortui Canonici elargiendi. Rex Uladiſlavus, ad quem appellatum fuit, ſecundum Canonicos judicavit; & Budæ anno 1500. feria quinta ante feſtum S. Valentini, tum illis adminiſtratoribus, tum Episcopo futuro imperavit, ne quid de bonis illius Canonici demortui attingerent, & ſi quæ intervertebant, Capitulo reſtituerent.

Regia confirmatio  
testamenti.

Elogia illustrium  
virorum  
Osvaldo  
tributa.

Interregnum  
annuum.

Curatores  
bonorum  
Episcopaliū.

## LUCAS EPISC. ZAGRAB. XXXV.

Lucas Ep. Bosnensis, deinde Chanadiensis Episcopus, & personalis presentia regie locumtenens, ut tabulæ illorum temporum docent, demum Zagrabienſis

Natione Hungarus, nobili genere natus, pri- mus Bosnensis, deinde Chanadiensis Episcopus, & personalis presentia regie locumtenens, ut tabulæ illorum temporum docent, demum Episcopus Zagrabienſis ab Uladislavo rege nominatus, & ab Alexandro VI. approbatus anno 1500. De collato sibi Episcopatu Canonicos per litteras certiores fecit feria tertia post Ascensionem Domini, ac vetuit quempiam ante tuum adventum, sive vigore gratia, sive quacunque ex alia commissione in Canonicum, vel dignitatem institui, sive installari, præter Præpositum majorem Antonium de Andreis, Capellanum regium, cui dignitatem illam totius Capituli primariam, post mortem Alphonsi Thuz, Uladislavus pro suo regali jure contulerat. Paucis post diebus Zagrabiam venit cum litteris regis in hæc verba confectis:

Zagrabiam venit cum litteris commendatis regis Uladislavi ad Canonicos,

Uladislavus Dei gratia rex Hungaria, Bohemia &c. Fidelibus nostris honorabilibus Capitulo Ecclesie Zagrabienſi salutem & gratiam. Expedi- tis jam tandem negotiis, nostrum & totius re- gni commodum, & utilitatem concernentibus, remissimus ad illam Ecclesiam Zagrabien. fidelem nostrum Reverendiss. in Christo Patrem Domi- num Lucam electum ejusdem Ecclesie Dominum, & Prælatum vestrum, cui inter alia negotia nostra expedienda injunximus, ut Ecclesiam Za- grabienſem diu multumque neglectam, ac etiam palatium ac domum Episcopalem reformare, & restaurare debeat. Et ne tam sollemnis ecclesia, tum tantis expensis ad laudem Dei fundata, per incursum Turcarum possit aliquando destrui, com- misimus eidem Domino Luca, ut non solum præfatam Ecclesiam, & domum Episcopalem re- formet, sed destructo jam veteri Castro, juxta prædecessorum nostrorum indulta, multis & aliis novis propugnaculis, meliori ordine, quo fieri poterit, fortificet. Ad quæ omnia, ut vos ipsi considerare poteritis, maximis sumptibus opus erit; fidelitati vestre harum serie præcipimus & mandamus, quatenus statim, acceptis presenti- bus, illos decem mille florenos, quos Reveren- dus quondam D. Osvaldus Episcopus illius Ec- clesie Zagrabien. ad præfatos labores testamen- taliter legaverat; sed & alias pecunias, quæ apud vos sunt, vel alterum vestrum, qualiter- cumque repositæ sint, integre, & sine aliquo defectu manibus præfati Domini Luca assignare debeatis, & teneamini, secus non fasturi. Bu- da feria sexta proxima post festum Ascensionis Domini. Anno 1500.

Primas cu- ras ad per- ficiendam ædificatio- nem basilicæ Lucas convertit.

Lucas suscepto episcopatu, ut regie Uladis- lavi, ut supremæ Olvaldi, ac piæ utriusque voluntati obsequeretur, primas cogitationes cu- rasque ad perficiendam ædificationem basilicæ cathedralis, & arcem ac domum episcopalem construendam convertit; sed neque alteri ma- num extremam imponere, ut alterius ne funda- menta quidem jacere potuit. Ex decem milli- bus florenorum, quæ Olvaldus legaverat, quin- que millia in commodum utilitatemque Capi- tuli Chasmenſis distrahere debuit, eique a Bal- thasare Barthiano emit castellum Zuiboczium, quod eidem Capitulo non perutile solum sed etiam perneceſſarium esse videbatur; reliqua ve- ro quinque millia in testudinem ac fornicem basilicæ insumsit. Incolis oppidorum, & pago- rum episcopatum & capitularium aſſeres & tra-

bes imperavit, ex quibus fastigium basilicæ im- ponendum conficeret. Plures aras ædificavit, præsertim S. Michaelis, quæ adhuc extat, & S. Lucie, ante quam sepulcrum sibi designa- vit. In area fere media ejusdem ædis cathed- ralis Odeum egregie ornatum ære suo exſtru- xit Joannes de Marocha Archidiaconus Gori- censis; quod quidem, qua obversum est januæ maximæ, aliquod columellis, qua summum altare respicit, parieti solido innititur. Operis tum auctorem, tum artificem declarat inscri- ptio: Inclyto Uladislao rege, Luca vero Ponti- fice dignissimo, Joannes de Marocha Archidia- conus Goricensis, & Canonicus hujus almæ Ec- clesie hunc chorum Deo & patriæ propriis fecit fieri impensis anno 1507. Opus magistri Nicæ Florentini. Illuc eveſta sunt, aptoque ordine disposita lignea subtelia, quæ Olval- dus pro Canonicis, & præbendariis fieri, & pulcherrima arte calari curaverat. Ibidem Lucas organum pneumaticum sumtuoso, & ele- ganti opere factum collocavit. Sed constructio- nem arcis, quæ & palatium episcopale, & ba- silicam complexa, luis mœnibus & propugna- culis contra Turcas communiret, cum pecu- nia non suppeteret, in aliud tempus rejecit.

Ut perpetuitati consuleret sacrificii quotidiana in honorem S. Stephani regis, quod jam- dudum fieri desierat, tum propter confusionem superiorum temporum, tum propter jacturam proventuum, ex quibus necessarius presbytero sacrificanti victus obveniebat; decimas episco- pales ex terris capitularibus Gradezii & Petri- niæ condonavit Canonicis sub ea conditione, ut illius sacri quotidie faciendi onus ipsi su- sciperent. Et quoniam, inquit, sede vacante ob alimonie sustentationisque defectum, maxime tem- poribus disturbiorum, cum præfata Ecclesia no- stra per manus laicas pluribus annis potentiali- ter tenta, & possessa fuit, dictam Missam di- dicimus certitudinaliter frequentissime interceptam, omissamque fuisse; volentes tam pio & salutari instituto commodius, & utilius, ut fieri potest, consulere, carentes ne in posterum aliqua occa- sione oblata, iidem fieri contingat, onus sup- putationis ejusdem fratribus nostris, Capitulo dic- tæ Ecclesie nostræ Zagrabien. perpetuo duraturum injunximus, & injecimus, nos, successores- que nostros ab hujusmodi cura relevantes; qui- bus etiam, ac ministris per eosdem pro tempore constituti necessaria sustentatione & alimonia frau- dati opus hoc salutarium (quod absque tempo- ralibus diu vivere nequit) destituere & omit- tere, ut quam frequentissime contigisse certo intelleximus, compellantur; decimas nostras in per- tinentiis utriusque Gradez, & Patriniæ, pos- sessionum scilicet dictorum fratrum nostrorum & Capituli, in Comitatu Zagrabienſi existentium, tum in pecuniis, tum etiam in specie exigi so- litas, dempta semper quarta Præpositi majoris annotata Ecclesie nostræ Zagrabien. exinde sibi provenire debente, in perpetuum donavimus, dedimus, & contulimus, imo damus, donamus, & conferimus presentium per vigorem, jure per- petuo, & irrevocabiliter tenendas, possidendas pariter & habendas. Ut autem hæc salutaris no- stra ordinatio immota, & inconcussa, & illiba- ta perpetuo maneat, per Deum vivum, terri- bileque ejus judicium, omnes successores nostros (qui ipsi ex hoc seculo meminerint se transitu- ros) rogamus, obsecramus, & obtestamur: alio- quin Sanctus Dei omnes, præcipue Dom. Regem Ste-

Pro sacrifi- cio quoti- dianoinho- norem S. Stephani jamdudum intermisso, in perpetuum faciundo, quædam decimas episcopales assignavit.

*Stephanum, quicumque temerator, & contem-  
ptor in hoc extiterit, sibi in presenti & futu-  
ra vita sentiat contrarios. In cuius rei memo-  
riam, firmitatemque perpetuam, presentes lit-  
teras nostras privilegiales, pendentes & auten-  
tici sigilli nostri Pontificatus impressione robo-  
ratas duximus concedendas. Dat. in Arce no-  
stra Chasmensi prima die Aprilis Anno Domi-  
nica Incarnationis millesimo quingentesimo quin-  
to. Canonici onus impositum, non tam emo-  
lumentum causa, quam studio obsequendi pie  
voluntati Antistitis, libentissime subierunt:*

*Nos itaque non tam spe commodi cuiusquam aut  
lucris temporalis, quam vi salutaris & debite  
obedientie, quæ præcipua omnis boni observatrix  
est, & quasi custos quedam omnium virtutum  
existit, ipsi Domino nostro gratiosissimo sedulo  
per nos exhibenda; cultusque divini majori in  
dicta Ecclesia incremento, ad hoc vel in primis  
inducti, communi consensu, parique & unanimi  
voluntate, matura & diligenti deliberatione præ-  
missa onus supportationis ipsius missæ Sanctissimi  
regis Stephani, juxta formam & tenorem litte-  
rarum privilegialium Reverendiss. Domini nostri  
ad verbum hic inferatarum, in nos, successores-  
que nostros suscepimus, & acceptavimus, susci-  
pimusque & acceptamus, perpetuis semper fu-  
turis temporibus, debita cum celebritate feren-  
dum, & exequendum &c. Dat. octavo die men-  
April. anno Dom. 1545. Hujus quotidiani per-  
petui sacrificii onus Canonici cum plures an-  
nos sustinuissem, in Præbendarios sive presby-  
teros secundi ordinis transferendum censuerunt,  
annua pensione constituta, quam Oeconomus  
Capituli statis temporibus e mensa Capitulari  
illis contribueret. Quamvis autem, postquam  
anno 1557. Constantinia, regio sita citra Sa-  
vum inter duos fluvios Colapim & Hunnam,  
in qua sitæ sunt illæ terræ Capitulares Gradec-  
zium & Petrinia, in Turcarum potestatem ve-  
nerunt, nullos ex his proventus Canonici per-  
cipiant, & ne nunc quidem post Constantin-  
ziam anno 1686. recuperatam percipiant; ta-  
men nec pensio illa Præbendariis suppeditari,  
nec sacrum illud fieri umquam desit.*

Templum  
& collegium  
Ivanichien-  
se Lucas  
Fratribus  
Franciscan-  
is habitan-  
dum, & co-  
lendum de-  
dit.

*Erat perillustre collegium virginum Cister-  
ciensium in castro episcopali Ivanichio; sed  
cum illarum numerus quotidie diminueretur,  
neque inveniri possent, quæ in locum earum,  
quæ decesserant, substituerentur; ad eam pau-  
citatem redactus est, ut duæ tantummodo su-  
peressent. His aut morte præreptis, aut alio  
translatis, ne templum divinis laudibus, &  
sacrificiis vacaret, Osvaldus Episcopus Sacerdo-  
tes aliquot, permisso Sedis Apostolicæ, illuc  
invexit, qui cœnobium illud incolerent, &  
psalmodiæ ac divinis rebus operam darent. His  
quæ ad victum cultumque necessaria erant, ex  
proventus ejusdem cœnobii suppeditabat, quos  
ad mensam episcopalem, unde olim distracti  
fuerant, revocavit, iterumque adjunxit. Hæc  
ipse Osvaldus in suis tabulis supremis, quas  
supra descripsimus. Porro Lucas, amotis illis  
presbyteris, ex potestate sibi ab eodem Osval-  
do permessa, cœnobium illud habitandum tra-  
didit Fratribus Franciscanis severioris discipli-  
næ: id quod tum Deo gratius, tum oppidanis  
illis utilius futurum putavit; quippe non du-  
bitabat fore, quin Patres illi religiosissimi,  
quæ ad cultum divinum pertinerent, summa  
diligentia & assiduitate peragerent, & pro ra-  
tione sui instituti, omni studio operaque in*

*christianam institutionem ac salutem incolarum  
incumberent. In Synodo diocesana, præter  
alia sapientissime ab eo constituta, quæ non  
extant, codicem sacrorum juxta ritum Zagra-  
biensem, seu missalem, quem doctissimis viris  
recognoscendum & emendandum dederat, de  
concilii sententia approbavit, & Venetiis per  
typographum Petrum Liechtenstein litteris Got-  
thicis excudendum, & pulcherrimis figuris or-  
nandum curavit, ut stemma gentilitium Lucæ  
ibidem impressum, & inscriptio docet: *Missale  
secundum chorum & rubricam almi episcopatus  
Zagrabiensis Ecclesiæ approbatum in sacra Syno-  
do, & generali Capitulo sub Reverendiss. Dom.  
D. Luca Episcopo &c. Venetiis autem anno Chri-  
sti 1509. incæptum cum cantu, & figuris omnium  
festivitatum ac Evangeliorum quam diligentissi-  
me absolutum est 1511. die 20. Junii.**

*Nec vero Lucæ a litigiis, & molestis conten-  
tionibus quietum atque otiosum esse licuit. Cum  
Canonicis non satis concorditer vixit; nimia  
credulitate peccabat, & quibuscumque delato-  
ribus aures nimis faciles præbebat; ex quo fa-  
ctum est, ut quos vel collegio Canonicorum  
moverat, vel Sacerdotii proprii proventus  
privaverat; eos postea, cum falsis delationibus  
se deceptum cognovisset, in integrum restituere  
debuerit. De jurisdictione & bonis ecclesia-  
sticis non leves controversiæ illi fuerunt cum  
Dynastis & proceribus Slavoniæ, quas partim,  
dum viveret, per compositionem dirimendas  
curavit, partim vero moriens injudicatas reli-  
quit. Sed contentiones longe omnium gravissi-  
mas, & molestissimas habuit cum Laurentio  
Duce Vylaki, qui locus erat, & arx munitissi-  
ma in Comitatu Sirmienli. Hunc alii Ducem  
Sirmii vocant. Erat filius Nicolai, quem con-  
cessu Matthiæ regis Hungariæ honorario regis  
Bosniensis titulo usum fuisse diximus. Hic non  
solum principatum Vylaki obtinebat, cujus hæ-  
redem Laurentium filium reliquit, sed etiam  
Vayroda seu Dynasta erat Transilvaniæ. Extat  
epistola Nicolai V. inscripta: *Dilecto filio nobili  
viro Nicolao de Vylak, Vayroda Transilv.*  
dataque est Romæ apud S. Petrum ann. Incarn.  
Dom. 1451. tertio Nonas Maji, Pontific. anno  
quinto. Laurentius ergo parenti in principa-  
tum Vylaki successerat, sed a paterna virtute  
ac pietate degeneraverat. Tyronem audacissimum  
vocat Bonfinius, & in aula Matthiæ regis sem-  
per altum, eidem charum, æque ut filium sem-  
per habitum scribit. Ejus flagitia, tyrannidem,  
defectionem ab Uladislavo rege, clandestinam  
cum Turcis coitionem pecunia venditam idem  
Bonfinius commemorat. Hunc Lucas fere ab  
initio suscepti Episcopatus infestum atque ini-  
micem habuit. Armata manu in Comitatum  
Crisiensem invasit, villas & agros episcopales  
diripuit, vastavit, incendit, neque a cædibus  
colonorum abstinuit, cumque a rapinis & ma-  
leficiis non desisteret, Lucas necesse habuit mi-  
lites cogere, & vim vi repellere. Post multa  
& gravissima damna ultro citroque illata & ac-  
cepta, demum Georgius Episcopus Quinqueec-  
clesiensis animos illorum exacerbatos lenire ag-  
gressus, pacem inter utrosque conciliavit; &  
Lucas quidem coram Chasmensi, Laurentius  
vero coram Poslegano Capitulo, omnes inju-  
rias, quas alter ab altero acceperat, remisit,  
& condonavit, omniaque acta judicialia, &  
criminosa, quæ alter in alterum intenderat,  
irrita, & pro infectis haberi voluit. Compo-  
sitæ*

ejus cum  
Capitulo

& proceri-  
bus Slavo-  
niz dissen-  
siones,



Tabula  
pacti &  
venit  
quam Epi-  
scopus co-  
ram Capi-  
tulo Chef-  
menti ac-  
cepit ac  
dedit.

litæ pacis fidem fecit, & publicis tabulis Capitulum utrumque consignavit.

Nos Capitulum Ecclesiæ Chasmenfis memoriæ commendamus, tenore præsentium significantes quibus expedit universis, quod Reverendiss. D. Lucas Episcopus Ecclesiæ Zagrabien. Dominus & Prælati noster coram nobis personaliter constitutus, oraculo vivæ vocis est confessus sponte in hunc modum, quod quamvis inter ipsum & prædictam Ecclesiam suam Zagrabien. ac etiam alias Ecclesias eidem subjectas ex una, ac illustrem & magnificum D. Laurentium Ducem de Vylak, partibus ab altera, nec non homines, familiaresque & jobagiones ipsorum, plurimæ dissensiones, rixæ, & controversiarum materia, cades, vulnera, interemptiones, mutilationes & verbera hominum, damna, nocumenta, injuria, actus potentiarum, nec non terrarum, nemorum, silvarum, pratorum, fanilium, & aliorum diversi generis bonorum novæ occupationes, alia etiam plurima malorum genera, tam Ecclesias, quam divinum cultum concernentia, ab eo tempore, quo ipse D. Lucas Episcopus episcopatum Zagrabien. adeptus fuisset, exorta fuissent, & fœlicitata; tamen per Reverendiss. Dom. Georgium Episcopum Ecclesiæ Quinquæeclesiensis, cancellarium regium, qui pro pace & concordia inter eosdem firmata, de ambarum partium pari & unanimi voluntate, fide firmata, partes suas interposuerat, emmo sopita, condescensa, & complanata forent, & existerent; salvis juribus domini, & proprietatis, quarumlibet possessionum ejusdem D. Lucæ Episcopi, quarum usum iidem prædecessores D. Laurentii Ducis utcumque vindicassent, vel idem D. Laurentius Dux vindicasset, quarum jus & facultatem ab eodem Dom. Laurentio Duce, aut suis successoribus, per ipsum D. Lucam Episcopum, aut suos successores requirendi apud se & suos successores habere voluit, & revocavit. Ideo idem D. Lucas Episcopus eundem D. Laurentium Ducem, hominesque & familiares, nec non jobagiones suos, & dilectorum familiarium suorum, in eo dumtaxat casu, quo præfata omnia & singula nocumenta, & actus potentiarum simul & conjunctim annotatum Ducem Laurentium, hominesque & familiares, nec non jobagiones suos, & familiarium suorum prædictorum tangerent, & concernerent, de & super universis damnis, injuriis, nocumentis, actibus potentiarum, novis terrarum occupationibus, & generaliter quibusvis malorum generibus præscriptis, tam spirituale, quam etiam sæculare forum concernentibus, si qua per eundem D. Laurentium Ducem, homines & familiares, nec non jobagiones suos, & familiarium suorum prædictorum, simul & conjunctim, ut præmittitur, eidem D. Lucæ Episcopo, & aliis suis prænotatis hominibus & familiaribus, nec non jobagionibus suis, ac familiarium suorum præfatorum, huc usque quoquomodo illata, patrata, & commissæ extitissent, quictos & expeditos, ac modis omnibus absolutos, coram nobis reddidisset, & commisisset. Universas etiam litteras causales, scilicet inquisitorias, evocatorias, & alias quascumque, ubicumque, qualitercumque, & sub quacumque verborum forma, & eorum quovis iudice, & iustituario regni, ecclesiastico videlicet & sæculari, hætenus contra eosdem D. Laurentium Ducem, hominesque & familiares, nec non jobagiones suos, & familiarium suorum prænotatorum confectas, & emanatas, tam spirituale, quam etiam sæculare

forum tangentes, & concernentes, vanas, cassas, frivolas, & viribus carituras, ac exhibitori earundem nocituras, reliquisset; imo reliquit, & commisit coram nobis, vigore & tenore præsentium mediante. Dat. ser. 3. in festo videlicet B. Gregorii Papæ anno Dom. 1510.

In eandem sententiam, & eadem ferme verba Laurentius Pollegæ coram Canonicis S. Petri pacem fecit & confirmavit eodem anno, sed die dominico proximo ante festum Annuntiationis Beatissimæ Mariæ Virginis, ut est in litteris ejusdem Capituli.

Ante aliquot annos in conventu Capitulari lege sancitum fuerat, ut qui choro abessent, Sacerdotii sui fructibus carerent. Hujusmodi lege, quam seniores tulerant, juniores Canonici altrungi nolabant. Præpositus ergo & Capitulum legem illam, ut in perpetuum valeret, omneque obstringeret, Sedis Apostolicæ auctoritate confirmandam curarunt. Horum rogatu Julius II. eandem legem pontificio diplomate, & anathematis pœna interposita, communivit, servarique ab omnibus, & singulis iussit.

Julius Episcopus ser. ser. Dei ad perpetuam rei memoriam. Injunctum nobis desuper Apostolica servitutis officium mentem nostram excitat, & inducit, ut acta ea, per quæ Ecclesiæ præfæctum cathedralium insignium statui prospere, ac personarum in illis divinis obsequiis mancipatarum, & animarum salutis cum divini cultus incremento consulitur, curis versemus assidue: unde his, quæ propterea provide ordinata fuisse dicuntur, ut firma & inconcussa permaneant, cum a nobis petitur, Apostolici adjicimus muniminis firmitatem, aliasque desuper providemus, prout in domino conspiciamus salubriter expedire. Sane pro parte dilectorum filiorum Præpositi & Capituli Ecclesiæ Zagrab. nuper nobis exhibita petito continebat, quod licet in statutis & consuetudinibus Ecclesiæ Zagrabien. inter alia caveatur expresse, quod Canonici dictæ Ecclesiæ ab illa absentes, & in ea non deservientes, fructibus, redditibus, & proventibus Canoniciatum, & Præbendarum per eos in eadem Ecclesia obtentorum, carere, & Archidiaconi ratione suorum Archidiaconatum, qui in eadem Ecclesia dignitates existunt, simul cum pro tempore existente Episcopo Zagrabien.; in perceptione decimarum, quoad eam partem, quæ ad ipsos Archidiaconos legitime pertinet, participare debeant; tamen quia dicta statuta a Sede Apostolica confirmata, & pœna aliqua contra facientibus apposita, non existant; plures ex Canonici dictæ Ecclesiæ, & etiam nonnulli Episcopi Zagrab., qui pro tempore fuerint, statuta hujusmodi observare non curarunt, prout etiam certi ex dilectis filiis modernis ejusdem Ecclesiæ Canonici ea observare non curant, quin imo ab eadem Ecclesia se absentant, & dictis Præpositis, & Episcopo super assignata portione fructuum, reddituum, & proventuum, sic a dicta Ecclesia absentibus, & in ea non deservientibus juxta statuta prædicta minime debitorum, molestias inferre non cessant; & sicut eadem petitio subjungebat, si fructus, redditus, proventus prædictis Canonici dictæ Ecclesiæ ab ea absentibus ministrari deberent, pauci vel nulli Canonici in dicta Ecclesia residerent; & similiter si dicti Archidiaconi portione decimarum, eos respective contingente, hujusmodi privarentur, divinus cultus in eadem Ecclesia quotidiana incurreret de-

Legem in  
Canonicos  
choro ab-  
sentes com-  
munitam.

Julius Pa-  
pali. con-  
firmavit.

tri-

trimenta : quare pro parte tam Præpositi & Capituli prædictorum, quam Vener. Fratris nostri Episcopi moderni Zagrab., nobis suis humiliter supplicatum, ut statutis prædictis pro illorum subsistentia firmiori robur Apostolicæ confirmationis adjicere, aliasque in præmissis opportune providere de benignitate Apostolica dignaremur. Nos igitur Episcopum, Præpositum, & Capitulum præfatos, ac ipsius Capituli singulares personas a quibusvis excommunicationis, suspensionis, interdicti, aliisque ecclesiasticis sententiis, censuris, pœnis, a jure, vel ab homine quavis occasione, vel causa latis, si quibus quomodolibet innodati existant, ad effectum præsentium dumtaxat consequendum, harum serie absolventes, hujusmodi supplicationibus inclinati, statuta prædicta auctoritate Apostolica, tenore præsentium, confirmamus & approbamus, ac perpetuæ firmitatis robur obtinere, eaque sub excommunicationis majoris, ac aliis ecclesiasticis sententiis, & censuris, & pœnis per eos, qui contrafecerint, cujuscumque dignitatis, status, gradus vel præminentia fuerint, etiam si Archiepiscopali, Episcopali, vel quavis alia ecclesiastica, vel mundana dignitate præfulgeant, ipso facto incurrendis, & a quibus, non nisi a Sede Apostolica, præterquam in mortis articulo constituti, absolvi possint, inviolabiliter observari debere decernimus, supplentes omnes, & singulos defectus, si qui forsan intervenerint in eisdem. Non obstantibus &c. Nulli ergo omnino hominum &c. Datum Romæ apud S. Petrum, Anno Incarn. Dominicæ 1510., sexto . . . Pontificatus nostri anno septimo.

Ut ad arcem episcopalem extruendam latis spatii suppetere, ab Julio Papa potestatem impetravit diruendæ Ecclesiæ S. Emerici.

Post exædificatam Basilicam cathedralem licet nondum ejus tectum absolutum fuisset, ad eam muniendam adversus hostium impetus, incursionesque cura Episcopi versa est. Arcem designavit, quæ Basilicæ simul, & pontificiis ædibus munimento esset, mœnibus circa & propugnaculis excitandis. Sed ab una parte, propter angustias loci obstabat ædes parochialis S. Emerici, quam dirui necesse erat, ut soli quod satis esset, exstructioni mœniorum relinqueret. Lucas igitur consilium cepit tum ædis Emericianæ demoliri, tum juris parochialis una cum curatione animarum, & administratione Sacramentorum transferendæ ad templum S. Mariæ in area Capitulari, quam monachi Cistercienses paucis ante annis, una cum cœnobio, propter metum Turcarum deseruerant. Sed neutrum injussu Sedis Apostolicæ fieri poterat. Hæc itaque ab Julio Pontifice postulavit, primum ut collegium monachorum Cisterciensium dissolveret, atque aboleret; deinde ut potestatem faceret tum ædis S. Emerici diruendæ, tum tituli & muneris parochialis eidem annexi cum cæteris omnibus ejus privilegiis transferendi ad templum Marianum, quod Cistercienses obtinuerant; denique parochum huic præficiendum titulo ac dignitate præpositi donaret, ad quem cognitio causarum, si quæ ad Sedem Apostolicam delatæ fuissent, remitti ac delegari posset; huic vero ne liceret simul esse Parochum sive Præpositum, & Canonicum vel Chasmensem, vel Zagrabiensem. Ejus postulatis annuit Pontifex & decretum fecit in hæc verba.

Diploma Pontificiæ. Julius Episcopus servus servorum Dei, Venerabili Fratri Lucæ, Episcopo Zagrabienfi, salutem, & Apostolicam benedictionem. Devotionis tuæ exigentibus meritis, votis tuis, quæ ad Dei

honorem, & Ecclesiæ tuæ ab infidelium incursionibus conservationem, & in ea divini cultus augmentum pertinere noscuntur, libenter annuimus, eaque favorabiliter exaudivimus. Sane pro parte tua nobis nuper exhibita petitio continebat, quod Ecclesia Zagrabienfis, cui præes, quam jamdudum sumptuoso, & præclaro opere ædificari inceptam, tu a paucis circa annis, magnis sumptibus ornatissime perfecisti, & decorasti, confinis Turcorum, qui partes illas frequentissimis infestant incursionibus, propinqua exitit, & propterea timendum est quod Ecclesia ipsa, nisi ei de opportuna defensionis præsidio aliter succurratur, per incursiones Turcorum prædictorum brevi desoleatur. Unde tu pro conservatione ejusdem ecclesiæ, illam tuis sumptibus, & expensis muro, & propugnaculis congruentibus cingere, & munire proponis: sed propter loci angustiam id perficere non potes. Verum si in quodam antiquo, & pene deserto monasterio Cisterciensis ordinis tuæ civitatis, cujus fructus, redditus, & proventus tenues admodum, aut nulli sunt, & quod Abbate & conventu caret, ordo hujusmodi perpetuo supprimeretur, & ad ejusdem monasterii Ecclesiam, quædam parochialis Ecclesia, in loco ad propugnacula hujusmodi construenda necessario consistens, cum omnibus juribus, & pertinentiis suis transferretur, ipsiusque parochialis ecclesiæ ædificia parva & satis rustica demolirentur, seu alias ea, & locus ipse in usum, & fabricam dictorum propugnaculorum redigerentur, & converterentur; & cum, sicut eadem petitio subjungebat, in tota sua diocesi, præterquam unius Chasmenfis collegiate, ac cujusdam monasterii, quod modo a laicis occupatur, nullæ personæ in ecclesiastica dignitate constitutæ existant, quibus causæ a Sede Apostolica committi possint; si qui pro tempore existens Rector dictæ transferendæ Ecclesiæ, postquam translata fuerit, ex tunc de cætero perpetuis futuris temporibus Præpositus nuncupetur ad effectum, ut ei tanquam personæ in dignitate ecclesiastica constitutæ, causæ a Sede prædictæ committi possint, in dignitate hujusmodi constitutus censeatur: quodque aliquis ex Zagrabienfis & Chasmenfis Ecclesiarum prædictarum Canonicis, parochialem Ecclesiam prædictam, & ipsius parochialis Ecclesiæ Rector qui pro tempore fuerit, Canonicatum, & Præbendam in aliqua ex dictis Zagrabienfi & Chasmenfi Ecclesiis obtinere non possit, statueretur, & ordinaretur; profecto ex hoc Zagrabienfis indemnitati, & illius, ac parochialis Ecclesiarum prædictarum statui cum divini cultus augmento, & personarum illarum partium, pro justitiæ ministerio, ad sedem prædictam pro tempore recurrentium, commoditatibus opportune consulatur. Quare pro parte tua nobis fuit humiliter supplicatum, ut tibi ordinem supprimendi, & parochialem Ecclesiam hujusmodi transferendi, & illius ædificia demoliri faciendi, eaque ac locum ipsum in usum, & fabricam redigendi, & convertendi, ac cætera statuendi, & ordinandi, ut præfertur, licentiam, & facultatem concedere, aliasque in præmissis opportune providere de benignitate Apostolica dignaremur. Nos igitur pium, & laudabile tuum desiderium hujusmodi plurimum in Domino commendantes, teque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione, vel causa latis, si quibus quomodolibet innodatus existis,

stis, ad effectum presentium duntaxat consequendum, harum serie absolventes, & absolutum fore censentes: tuis in hac parte supplicationibus inclinatis, tibi Ordinem in antiquo monasterio supprimendi, & si ad hoc dilecti filii moderni dictae parochialis Ecclesiae Rectoris expressus accedat assensus, ipsam parochialem Ecclesiam, cum omnibus juribus & pertinentiis suis in Ecclesiam dicti monasterii transferendi, ipsiusque parochialis Ecclesiae, sic tunc translatae, adificia demoliri faciendi, eaque & locum ipsum in usum, & fabricam dictorum propugnaculorum redigendi, & convertendi; nec non, quod pro tempore existens Rector dictae transferendae Ecclesiae, postquam translata fuerit, ex tunc de cetero perpetuis futuris temporibus Praepositus nuncupetur; & ad effectum, ut ei, tanquam personae in dignitate ecclesiastica constitutae causae etiam personarum dictae Ecclesiae Zagrabienensis a Sede praedicta committi possint, in dignitate huiusmodi constitutus censeatur: quodque aliquis ex Zagrabienensis, & Chasmenensis Ecclesiarum praedictarum Canonicis, parochialem Ecclesiam praedictam, & ipsius parochialis Ecclesiae Rector, qui pro tempore fuerit, Canonicatum, & Praebendam in aliqua ex dictis Zagrabienensi & Chasmenensi Ecclesiis obtinere non possit, & collatio, & provisio de parochiali Ecclesia, aut Canonicatu, aut praebenda huiusmodi, etiam per Sedem Apostolicam, etiam motu proprio, aliter pro tempore factae, nullius sint roboris, vel momenti, statuentes, & ordinantes; constitutionibus, & ordinationibus Apostolicis, ac monasterii antiqui, & ordinis praedictorum juramento confirmatorum, apostolica, vel quavis firmitate alia roboratis statutis, & consuetudinibus, privilegiis quoque, & indultis Apostolicis, eisdem monasterio antiquo, & ordini, etiam consideratione Imperatoris, regum, & aliorum principum, sub quacunque forma & expressione verborum, & cum quibusvis etiam derogatoriis derogatoriis, aliisque fortioribus, efficacioribus, & insolitis clausulis, irritantibusque decretis, concessis, & per nos, & per Sedem praedictam approbatis, & innovatis, ceterisque contrariis nequaquam obstantibus; auctoritate apostolica, tenore presentium licentiam, & facultatem concedimus; ac privilegiis, & indultis praedictis etiam si pro illorum sufficienti derogatione, de illis, eorumque totis tenoribus specialis, & specifica, & individua, ac de verbo ad verbum, non autem per generales clausulas id importantes mentio, seu quavis alia expressio foret; tenores huiusmodi, ac si de verbo ad verbum infererentur, pro sufficienter expressis habentes, illis alias in suo robore permansuris, hac vice duntaxat specialiter, & expresse derogamus. Nulli ergo omnino hominum liceat hanc paginam nostrae absolutionis, concessionis, & derogationis infringere, vel ei ausu temerario contraire. Si quis autem praesumpserit, indignationem omnipotentis Dei, ac Beatorum Petri, & Pauli Apostolorum eius se noverint incursum. Datum Romae apud Sanctum Petrum Anno Incarnationis dominicae millesimo quingentesimo decimo, sexto Kal. Junii. Pontif. nostri anno septimo.

Mors Lucæ  
Episcopi, sepul-  
chrum, in-  
scriptio.

Sed arcis episcopalis inchoandae etiam, non solum perficiendae facultatem mors Lucæ praeripuit; hoc quippe anno 1510. x. Kal. Octobris Chasmenensis decessit. Aureorum sexdecim millia ecclesiae legata, & curatores testamenti duos

nobilissimos viros, Balthasarem Bathlanum, & Bernardum Thurocizium ab eo constitutos fecerunt. Translatus est Zagrabiam, & in basilica cathedrali ante aram D. Lucæ ab se constructam tumulatus. Operculo marmoreo sepulchri, rubei coloris, insculpta fuit, cum ejus insignibus gentilitiis, effigies pontificia, additusque titulus sepulchralis.

Hic situs est Lucas Praesul Venerab. . . .

Zagrabia, templi luxque decusque sacri:

Qui pietate parens, nulli virtute secundus

Accepit meritis astra parata suis.

Obiit An. MDX. X. Kalen. Octobr.

Post obitum Lucæ Canonici Zagrabienenses Julium Pontificem rogarunt, ut decretum paullo ante descriptum confirmaret; illudque exsequendum traderet & committeret Alberto Zagrabienensi, & Andrea Chasmenensi Praepositis, ad quos extat Julii epistola & mandatum huiusmodi.

Julius &c. Dilecti filii, salutem & apostolicam benedictionem. Mittimus vobis supplicationem praesentibus introclusam, manu dilecti filii nostri P. Cardinalis S. Eusebii in praesentia nostra signatam, volumusque & vobis committimus, ac mandamus, ut vos, vel alter vestrum, vocatis vocandis, ad illius executionem procedatis, juxta ejusdem continentiam & signaturam. Dat. Romae apud S. Petrum sub annulo Piscatoris die 19. Julii, anno millesimo quingentesimo undecimo, pontificatus nostri anno octavo.

Littera  
Julii ad  
Praepositos.

Pontificia mandata ii, quibus tradita fuerant, rite ac testibus adhibitis executi sunt; idque testatum voluerunt esse publicis litteris ad hunc modum: Christi nomine invocato dicimus, decernimus, declaramus, disjunctisque, atque auctoritate apostolica per scripta solemniter pronunciamus Ordinem religionis Cisterciensis in Ecclesia B. Mariae V. Zagrabia fundata, ex causis in bullis Apostolicis praenotatis sufficienter expressis, supprimendum, extinguendum, atque removendum, nec non Ecclesiam parochialem S. Emerici ducis Sclavoniae in area Capitulari Zagrabienensi fundata ad praefatam Ecclesiam B. M. V., cum omnibus juribus, privilegiis, emolumentis, & pertinentiis transferendam, deducendam, & annectendam, dictamque Ecclesiam S. Emerici destruendam, demoliendam, removendam, & locum sive aream ipsius ad loca propugnaculorum deputandum; ac Rectorem in dicta Ecclesia B. M. V. pro tempore, non de Canonicis Ecclesiarum Zagrabienensis & Chasmenensis Capitulum, constitutum, perpetuum Praepositum, dignitatemque ejusdem Ecclesiae S. Mariae, cui scilicet etiam a Sede Apostolica causa rite & legitime committi, sive delegari possint, & valeant, vocandum, nominandum, & appellandum, eisdemque eundem Praepositum juribus, & privilegiis, quibus alias Abbates ibidem protempore constituti uti & frui consueverant, utendum fruendumque esse debere, imo auctoritate apostolica praedicta, vigore, & testimonio praesentium, ordinem praefatum in dicta Ecclesia S. Mariae supprimimus, extinguimus, ac penitus removemus; ipsamque Ecclesiam parochialem S. Emerici illo transferimus, traducimus, & annectimus, & muros pristinae Ecclesiae parochialis S. Emerici destrui, removeri, demoliri committimus, & mandamus; situm, areamque ejusdem ad loca propugnaculorum deputamus; ac Rectorem pro tempore in praefata Ecclesia S. Mariae,

Praepositus  
Zagrabien-  
sis & Chas-  
menensis qui  
sibi a Pon-  
tificis man-  
data fue-  
rant, ex-  
sequuntur.

ria, non de Canonicis, sive Præbendis præscriptarum Ecclesiarum, constitutum, Præpositum, & Dignitarium, cui etiam causæ apostolica delegari possent, vocamus, nominamus, & appellamus; sicque vocari, nominari, & appellari censemus ab omnibus & mandamus; isdem etiam iuribus & privilegiis, quibus alias Abbates ibidem pro tempore constituti uti consueverant, eundem uti & frui debere decernimus, declaramus, & committimus; & ut præmissa omnia, & singula perpetuæ robur firmitatis accipiant, inconcussa, & inviolata perpetuis futuris temporibus permaneant; omnes & singulos in toto & in parte, executioni huiusmodi nostræ, bullisque Apostolicis controveientes, auctoritate apostolica volumus ipso facto pœnas, & censuras in Bullis Apostolicis huiusmodi præscriptis, expressas incurrere, eisdemque involvi, & innodari. In cuius rei memoriam, testimoniumque & fidem indubitatam, cum subscriptione executioni huiusmodi nostræ notariorum assistentium fide dignorum, præsentibus litteras nostras executionales Dominis Capitulo, & Canonicis ad cautelam futuram, & perennem, sigillis nostris impendentibus obsignatas duximus concedendas. Datum Zagrabie anno Incarn. 1511, Indiæ. 14., die undecima mensis Septemb., pontificatus autem Sanctissimi Domini nostri D. Julii divina providentia Papæ II. anno octavo, præsentibus ibidem discretis Gregorio de Vico Sutorum, Joanne de eodem &c. aliisque quamplurimis testibus fide dignis. Ego Martinus natus quondam Michaelis, auctoritate apostolica notarius, & tabellio publicus, cum ea, quæ præmissa sunt, omnia & singula sic fierent & agerentur, una cum testibus præscriptis, præsens interfui, sicque fieri vidi & audiui, in fidemque & testimonium præmissorum me una cum appositione signi tabellionatus mei, manu mea propria, præsentibus subscripsi rogatus, & requisitus.

**THOMAS BAKACSIUS**, sive de BAKACS  
Archiep. Strigontien. S. R. E. Cardinalis,  
Adminitrator Ecclesiæ Zagrabienensis.

Thomas  
Bakacsius

Humili loco natus apud Erdodium, oppidum provincie seu Comitatus Szatmariensis in Hungaria inferiori trans Danubium, generis ignobilitatem maximarum virtutum excellentia, & sublimium dignitatum splendore illustravit. Sunt qui Thomam stirpe antiquissima, & clarissima ortum ferunt; ejusque majores opibus, honoribus, rerum gestarum gloria floruisse, & cognominatos de Erdod, oppido primario ditionis & gentis Erdodiane. Verum hæc familia opulentissima, quæ rerum humanarum vicissitudo est, ab excelsa & florenti fortuna, ut ajunt, ad inclinatam ac prope jacentem desciverat; eam certe Thomas, undecumque originem sive obscuram, sive illustrem traxerit, in amplissimum dignitatis & opulentie statum vel restituit, vel exivit. Humanis divinisque litteris alii Bononiæ & Florentiæ, alii Viennæ operam dedisse tradunt. Cum eximia doctrina insignem prudentiam, acumen ingenii ad difficillima quæque expediti, intelligendi celeritatem, agendi industriam, & excelsi animi magnitudinem conjunxit. His virtutibus ad maximas opes, & summos honores viam sibi aperuit. Clericali militie cum se adscribi voluisset, primus ad hierarchiam ecclesiasticam gradus fuit sacerdos Illyrici Sacri Tom. 7.

tium sive præpositura Titulienfis æque honorifica & opulenta. Matthias itemque Uladislavus reges Thomam cum plurimi facerent, & summo opere amarent, maximis divitiis & honoribus cumularunt. Matthias Jaurinensem, Uladislavus Agrinensem Episcopatum ei contulerant. Anno 1497. Sedem Archiepiscopalem Strigontienensem, quam Hippolytus Cardinalis Estensis dimiserat, ex nominatione Uladislavi regis obtinuit. Eodem rege postulante Alexander VI. Thomam in collegium Cardinalium cooptavit, Julius II. titulo Patriarchæ Constantinopolitani decoravit. Ejus illustria facta, & quæ sapienter atque utiliter pro republica, & Christiana gessit, scriptores Hungarici litteris mandarunt.

Luca e vivis sublato, administrationem Ecclesiæ Zagrabienensis rex Uladislavus Thomæ Cardinali & Archiepiscopo Strigontienensi demandavit, simulque jus regium conferendi Sacerdotia hujus diocesis ab se in eum transtulit. Anno 1511. Zagrabiam venisse declarat ejus Epistola, hoc eodem anno Dominica Letare, Zagrabie data & inscripta Mag. Seniori Antonio Canonico Zagrabienensi. Laudat, confirmatque potestatem ab Luca Episcopo ei concessam domus extruendæ, ac tradendæ presbytero præposito aræ S. Michaelis, sub ea conditione, ut is singulis diebus in æde Cathedrali apud eandem aram statim horis matutinis & vespertinis sedens in exedra, aures atque operam volentibus sua peccata confiteri præberet; iis vero, qui apud eundem Sacerdotem commissa flagitia sincero dolentique animo exponerent, Thomas pro sua potestate Archiepiscopali tantum de pœna illis debita remissum esse voluit, quantum pœnalibus operibus centum dierum e præscripto Canonum expiari oportuisset. Ceterum Thomas ab urbe & diocesi Zagrabienensi fere semper absuit; quem scilicet gravissima tam regni, tam Ecclesiæ negotia, & legationes utriusque causæ susceptæ, alio atque alio avocabant. Vel absens tamen hujus Ecclesiæ commoda & rationes curare non omisit. Jussu & auspiciis Thomæ, basilica cathedralis, ædesque pontificie mœnibus, & propugnaculis circumdata est, & arx Episcopalis fere absoluta, quam Olvaldus & Lucas Episcopi designaverant, atque ad eam ædificandam ingentem pecuniæ summam seposuerant. Thomam Cardinalem arcis conditorem fuisse declarat stemma gentilitium familiaris Erdodiane, cum galero Cardinalitio eidem imposito, supra januam arcis insculptum tabulæ marmoreæ, & inscriptio subjecta: *Thomas Card. Strigon. 1515.* Hoc opus confectum est partim ex pecunia, quam Olvaldus & Lucas reliquerant, partim ex ea, quam Canonici Zagrabienenses contulisse dicuntur; quippe horum etiam commodum munimentum illud extractum erat, ut haberent, quo confugerent, relique suas in locum tutum ab incursionibus ac direptionibus Turcarum referrent.

Andreas Doctor, & Præpositus primum Zagrabie, deinde Strigontienensis in quibusdam suis ad Capitulum litteris anno 1540. xv. Nonas Januarii confectis, quas Benedictus Vinkovichius Ep. Zagrab. suis Adversariis Mss. intexuit; scriptum reliquit duodecim millia florenorum ab Olvaldo legata fuisse ad perficiendam ædificationem Basilicæ Cathedralis, & præterea septies milles ad construendas duas turres, quæ hinc atque illinc mediam ejusdem basilicæ fron-

Admini-  
strator Ec-  
clesiæ Za-  
grabienensis.

Absens  
Ecclesiæ  
præfuit.

Ex ingen-  
ti summa  
pecuniæ  
ab Olval-  
do & Luca  
Episcopis  
Ecclesiæ  
legata par-  
tem non  
exiguam  
Thomas  
Cardina-  
lis inter-  
vertit.

Xx

tem,

tem, seu prospectum mirifica exornant. Ex hac universa pecunie summa, quinque millia ab Luca in emptionem castri Zuibezii, ut diximus, septem millia in fornicem ac testudinem Basilicæ imponendam insumpta fuisse ait; septem vero millia per Thomam Cardinalem & Archiepiscopum Strigoniensem interversa. Idem vero Cardinalis Strigoniensis, ut est in iisdem litteris Andreæ, sexdecim millia aureorum interceptit, quæ Lucas Episcopus apud Albertum de Kalzno Præpositum majorem deposuerat, admonitum, & hac lege obligatum, ut si forte Slavonia & Zagabria in Turcarum potestatem veniret, antequam ipse vita decederet, & sibi alio migrandum foret; universam illam pecuniam sibi redderet; eandem vero, si urbe incolumi, & rebus salvis obisset, in reliquam ædificationem, & facta testata tuenda Basilicæ Zagrabienfis converteret: Audieram tamen certo, ait Andreas, nec desunt hodie permulti, qui id certius me agnoscunt, Episcopum Osvaldum florenos duodecim millia ad fabricam istius Ecclesiæ legasse, & septem millia ad elevationem duarum turrium, consumationemque earum. Illos duodecim millia florenos Lucam Episcopum a Jeanne Falsicz Custode avunculo Reverendissimi Domini Broderici, & Andrea Doctore de Ivanicz, Archidiacono cathedrali, executoribus Osvaldi Episcopi extorsisse, quorum quinque in pretium castelli Zuibezii Capitula Chasmenfi per eum empti, egregio Balthasari Bathiani seniori tradiderat. Alios vero septies mille florenos in testudinem sive . . . . . Templi interne consummandam expenderat. Alia item septem millia pro turribus elevandis legata, per Reverendissimum D. Thomam Cardinalem ab eisdem executoribus clanculum (Luca jam Præsidente) adempta fuisse, propter quod custodem Lucas ipse in carceribus vinctum tenuerat. Quomodo autem ille deliberatus fuerit, incertum mihi est. Deinde post alia interjecta: Scio ipsum Lucam Episcopum aureos sexdecim millia Chasma per manus Michælis Capellani sui, tunc Custodis Zagrabienfis, quadriennio prius, quam moreretur, Zagrabiam, me tum Chasme agente, Reverendo D. Alberto de Kalzno suo Præposito Majori ibidem, protutæ, & fidei, illorum conservatione misisse; adjecta conditione, quod si ei viventi, rabie Turcica alio & Slavonia migrandum foret, pecunia illa salva sibi esset, & per Præpositum redderetur. Si vero satis penes Ecclesiam concederetur, ad fabricam Ecclesiæ reverteretur. Sic eo interim morte ibi præoccupato, pecunia in manibus Domini Præpositi relicta fuisse, quæ postea, ut audiui, per Reverendissimum Dominum Thomam Cardinalem, tamquam virum potentem, & unicum Ecclesiæ Zagrabien. Gubernatorem, per Serenissimum regem Vladislavum, una cum toto jurepatronatus illius deputatum, litteris regiis quoque ad id emanatis, & Præposito exhibitis, ut tum ferebatur, ab ipso Præposito, vi & potenter, nomine gubernationis hujusmodi intercepta, & adempta, una cum aliis quibusdam minoris summa rebus, & pecuniis Ecclesiæ fuerunt. Idem postea his verbis confirmat: Summa fide & indubitato testimonio comprobari potest Reverendissimum Dominum olim Thomam Cardinalem, florenos septem mille ex bonis Reverendissimi olim Domini Osvaldi Episcopi Eccl. Zagrab. a Domino Joanne Falsicz olim custode Zagrabienfi, & Andrea Doctore, Archidiacono Cathedrali, executoribus Osvaldi potenter extorsisse.

Item sexdecim millia, & amplius a Reverendo olim Alberto Præposito Majori Zagrab., de bonis Reverendissimi olim Luca Episcopi, pro quibus omnibus omnia bona ejus hereditaria, quæ nunc apud magnificentum Dominum Petrum Erdeodii existunt, hypothecata sunt. Cum itaque hereditas trahat secum onera, & hypothecas quaslibet defuncti; agat Reverendissimus Dominus noster gratiosissimus pro bonis Ecclesiæ suæ violenter abstractis, (ut par est, & debet) contra heredem, & indubie sibi jus non abnegabitur. Paterunt D. V. R. in his omnibus testes esse fideles juxta tenorem protestationis prædictæ. Non esset pro tunc abs re, si eos exciperent ex Capitulo hac nostro, modo exemplum tollatur testamenti, sive privilegii confirmati super bonis hereditariis isti Capitulo Zagrabienfi per Reverendissimum Dominum Thomam Cardinalem legatis, dum facilius id factu esset, vivo me, decesso difficilius. Zambor queque, & Krmlek majus spectant, ut norunt, ad Capitulum istud. Non esset inconsultum repetere. Testamentum Osvaldi numquam ego vidi; in propatulo tamen est de duodecim mille per eum ad fabricam Ecclesiæ legatis sic ut præfatus sum. Testamentum vero Luca (in quo de sexdecim mille nulla fit mentio) remanserat in manibus primorum ejus Executorum, videlicet Balthasari Bathiani Senioris, & Bernardi de Thurocz &c.

Si vera sunt quæ Andreas narravit, cujus ceteroqui auctoritas magna esse debet, cum æqualis illo um temporum fuerit, & quæ scribebat, vel auditione ab aliis acceperat, vel per se ipso cognoverat; Thomam necessitate compellum fuisse dixerim ad pecuniam sibi vindicandam, ut ex ea tum in rempublicam, tum in bellum Turcicum sumptus necessarij suppeditarent, præsertim cum eandem ab Alberto Præposito majori, post regias litteras eidem ostensas, non tam sua, quam regali auctoritate interposita, receperit. Nec vero negaverim ex eadem pecunia partem aliquam contulisse in emptionem plurium Castorum, quæ sibi suæque familiæ comparavit. Ceterum damnum Ecclesiæ illatum ob pecuniam illam interversam, constructione Arcis Episcopalis compensavit: in hanc siquidem summam acceptæ pecuniæ, si non omnem, magna tamen ex parte insumpsit. Eiusdem vero pecuniæ quod in suam utilitatem converterat, per suos heredes restitui iussit; nam quædam sua bona hereditaria pignori apposuit, si ve hypothecæ subjecit, non antea eximenda, quam æs alienum heredes solvissent. Quocirca idem Andreas super laudatus Episcopo Zagrabienfi auctor erat, ut pecuniam illam repeteret a Retro Erdeodio filio fratris Thomæ, hærede bonorum illorum, quæ a patre pignoris nexu obligata fuerant; nec dubium fore quin, si rem in judicium adduceret, Petrus cogeretur aut pecuniam patre creditam reddere, aut possessione bonorum illorum decedere.

Anno 1512. Thomas Romam profectus ad Concilium Lateranensem, omnibus quinque conventibus sub Julio II., sexto, & septimo sub Leone X. habitis interfuit; ab reliquis quinque postremis absuit. Subscriptus reperitur primus inter Presbyteros, Cardinales: Reverendissimus Dominus Thomas, tituli S. Martini in Montibus Strigoniensis. Post obitum Julii interfuit itidem comitiis pontificiis, visus ipse non longo abesse ab summo illo hierarchiæ ecclesiasti-

Andreas hortatur Canonicos & Episcopum, ut pecuniam illam ab hæredibus Thomæ repellant.

De pecunia intercepta Thomæ executor.

Concilio Lateranensi, & Comitiis Pontificiis interfuit.



ca fastigio, nisi Joannes Mediceus plura & potiora Cardinalium suffragia illi praeipuisse. Cum Cardinales conclavibus inclusi de more comitia haberent, (ut Samuel Timon in eo libro, qui Purpura Pannonica inscribitur) hic una Thomas Strigoniensis interfuit, non parva, ut quidem inter populares suos ferebatur, spe potiunda suprema in terris dignitatis. Verum non multo post Joannes Mediceus, Laurentii Medicei amplissimi, & toto terrarum orbe clarissimi viri filius, Cardinalium suffragiis, assumptio Leonis X. nomine, Pontifex declaratus spes omnes Thomae illius. Dum esset Romae, litteras dedit ad Canonicos Zagrabieneses, quibus commendavit Marcum eorum collegam, ut ei conferrent praefecturam aedulae, & domus hospitalis B. Elisabethae in area Capitulari sitae, cujus proventus admodum exigui cum essent, ipsemet Marcus de suis bonis eam dotare constituerat.

Epistola  
Thomae  
Cardinalis  
Romae da-  
ta ad Ca-  
pitulum  
Zagrab.

Thomas S. Martini in montibus Archipresbyter Cardinalis Strigoniensis, Patriarcha Constantinopolitanus Capitulo. Venerabiles amici, & uti Fratres carissimi. Hospitale B. Elisabethae in area Capitulari fundatum, nunc vacare scimus. Intelligimus redditus illius aut nullos, aut exiguos, ut etiam Rectori ad usum quotidianum non sufficiant, minus egenis in hospitali degentibus. Marcus Can. Zag., alias Capell. Magnifici Andreae Butth Bani, cupit de bonis suis dotare hospitale; supplicavit pro commendatione vobis a me facienda pro Rectore, ut commodius dispositiones suas pias facere possit. Commendo eum, sed ita, ut resideat ad latus Ecclesiae istius, & hospitale ipsum inhabitantium in statum meliorem, & muros, & quae ad usum pauperum pertinent, reformet. Die Paschatis Roma.

Antequam Roma discederet, ab novo Pontifice, cujus benevolentiam sibi egregiis suis virtutibus conciliaverat, quidquid voluit impetravit. Hic captus singulari Thomae eloquentia (ut tradit Nicolaus Schmitt in suis Archiepiscopis Strigoniensibus) privilegium Pii II., Praeposito Scepusiensi olim concessum revocavit, & Praepositum collegiumque Scepusiense Metropolitana subiecit; Primatis & Legati nati dignitatem confirmavit; Episcopum Michoviensem in Valachia Sedi Metropolitanae conjungit. Denique cum neque milite, neque pecunia Hungaros juvare posset, noxarum veniam iis concessit, qui arma sumerent in Turcam. Id quoque Thomam ab Leone impetrasse arbitror, ut cultum mirifico, & divinitus ex Hostia sacrosancta effuso Sanguini, jamdudum haberi coeptum in oppido Ludbregensi dioecesis Zagrabienensis, & ab Julio II. approbatum, ipse quoque confirmaret. Rem paullo altius repeti oportet. Ante annos fere centum, dum Eberhardus Ecclesiae Zagrabienensis praesidebat, presbytero cuidam in aede primaria ejusdem oppidi sacrificanti, cum ad sumptionem calicis ventum esset, de conversione vini in Sanguinem Christi dubitatio suborta est; vix hujusmodi dubitatione angiperat, cum statim liquor ille consecratus (mirum visu dictaque) naturalis & veri sanguinis colorem ac speciem induit. Ea res miraculo & stupore attonitum, pavore insuper defixit, & ab illo sumendo deterruit. Rem nemini significavit, & sanguineum ac prodigiosum liquorem, vel ipso calice, vel alio vasculo inclusum, in angustum quoddam foramen recondidit, quod perfollo ejusdem Ecclesiae pariete aperuit, ac deinde calce superinducta ob-

Insigne  
prodigium  
divinae  
Eucharis-  
tiae.

struxit. Morti proximus cum esset, conscientia perurgente iis, qui morienti aderant, patescit quod sibi inter sacrificandum acciderat, & locum indicavit, in quem prodigium illud divinitus factum abdiderat. Inventa pyxis, & liquor ille admirabilis in ea conspectus, verissimi Sanguinis colorem ac speciem referens, tum dictis Presbyteri moribundi fidem fecit, tum animos cunctorum ingenti laetitia & religione implevit. Tam insigne inusitatumque miraculum ut memoria sempiterna, & qua dignum erat, veneratione coleretur; in eadem aede parochiali Ludbregensi, cui ab Sanctissima Trinitate titulus est, sublimem & illustrem loculum deligi & ornari placuit, in quo Sanguis ille sanctissimus crystallina theca inclusus, repositus fuit. Exinde magni tum oppidanorum, tum accolarum concursus fieri; & caeleste portentum, gratiis Deo agendis, votis faciendis ac solvendis, & certatim uno omnium ore celebrari. Crebra & illustria miracula, & beneficia cujusque generis illuc opis implorandae causa confluentibus collata, & votivis tabellis quam plurimis expressa, mortalium frequentiam & venerationem auxerunt. Tenuit haec religio erga sacrosanctum illum Sanguinem annos fere centum, numquam intermissa, aut defervescens; quae ut magis ac magis vigeret, auctoriorque fieret, Bernardus Thuroctius, vir aequae pius ac nobilis, & F. Antonius ex Ordine Franciscano, insigni doctrina & religione praeditus, a sacro Cardinalium collegio postularunt, ut quas ex Ecclesiae thesauro ipsi possent elargiri, indulgentiarum praemiis propositis, indigenas juxta, advenasque ad sacratissimum Sanguinem impensius colendam allicerent. Quod petebant impetrarunt, confectumque est diploma in haec verba.

Praemia  
indulgentiarum  
proposita  
cultoribus,  
& a sacro  
Cardinalium  
collegio im-  
petrita.

Oliverius Ostiensis, Raphael Velitrensis, Guillelmus Praenestinus, Bernardinus Sabinensis, Dominicus Tusculanus, & Philippus Albanensis Episcopi; Ludovicus Joannes tit. SS. quatuor Coronatorum, Petrus tit. S. Cyriaci, Joannes Stephanus tit. SS. Sergii & Bacchi, Franciscus tit. SS. Joannis & Pauli, Franciscus Basilica duodecim Apostolorum, Nicolaus tit. S. Prisca, Adrianus tit. S. Chrysogoni, Ludovicus tit. S. Marcelli, Franciscus Guillelmus tit. S. Stephani in Calio Monte, Jacobus tit. S. Clementis, Leonardus tit. S. Susanna, & Franciscus tit. S. Ceciliae Presbyteri; Joannes S. Mariae in Dominica, Fridericus S. Theodori, Julianus S. Angeli, Alexander S. Eustachii, Marcus S. Mariae in Porticu, nec non Amaneus S. Nicolai in Carcere Juliano Diaconi, miseratione divina sacrosancta Romana Ecclesiae Cardinales, universis & singulis Christi fidelibus praesentes litteras inspecturis salutem in Domino sempiternam. Quanto frequentius fidelium mentes ad opera charitatis inducimus, tanto salubrius animarum suarum saluti providemus. Cupientes igitur ut Sanguis miraculosus Domini nostri Jesu Christi in parochiali Ecclesia Sanctae Trinitatis oppidi de Ludbreg, in Zagrabienensi dioecesi existens, a Christi fidelibus honorificentius veneretur, quodque Ecclesia ipsa congruis frequentetur honoribus, ac in suis structuris, aedificiis debite reparetur, conservetur, ac manuteneatur, nec non libris, calicibus, luminaribus, oramentis ecclesiasticis, ac rebus aliis divino cultui inibi necessariis decenter muniatur; utque Christi fideles ipsi eo libentius devotionis causa confluant ad eandem,

ad reparationem, conservationem, manutentionem, ac munitionem hujusmodi, manus promptius porrigant adjuvices, quo ex hoc ibidem dono celestis gratiæ uberius conspexerint se refertos; Nos Cardinales prefati, videlicet quilibet nostrum pro se, supplicationibus dilectorum nobis in Christo Bernardi de Thurocz Comitatus Comitatus Varasdinensis, & Fratris Antonii Manqui Ordinis Fratrum Minorum sacre Theologiæ Professoris, nobis super hoc humiliter porrectis inclinati, de omnipotentis Dei misericordia, ac Beatorum Petri & Pauli Apostolorum ejus auctoritate confisi; omnibus & singulis Christi fidelibus utriusque sexus vere penitentibus, & confessis, qui dictam Ecclesiam his diebus, videlicet Circumcisionis D. N. J. C., Dominicæ palmarum, Corporis Christi, Assumptionis B. M. V., nec non ipsius Ecclesiæ dedicationis, & festivitatis & diebus, a primis Vesperis usque ad secundas Vesperas inclusive, devote visitaverint annuatim, & ad præmissa manus porrexerint adjuvices, pro singulis festivitatis, sive diebus prædictis, quibus id fecerint, centum dies de injunctis sibi penitentibus misericorditer in Domino relaxamus, præsentibus in perpetuis temporibus duraturis. In quorum fidem litteras nostras hujusmodi fieri, nostrorumque sigillorum jussimus appensione communiri. Dat. Romæ in domibus nostris, sub anno a Nativitate Domini 1510., die vero 5. mensis Aprilis, pontificatus sanctissimi in Christo Patris & Domini nostri D. Julii divina providentia PP. II. anno 7.

Insigne miraculum  
Julius II.  
approbavit, illudque colentibus indulgentias decrevit;

Verum tam illustre miraculum, tamque insolitum, quo plus fidei haberet ac venerationis, approbationem summi Pontificis auctoritatemque requirebat. Hanc ab Julio II. suppliciter postulavit Thomas de Zeecs, præpositus Dynasta, haud generis nobilitate, & divitiarum copia, quam integritate vitæ, & divini cultus augendi studio præstantior. Pontifex antequam ejus postulatis annueret, pro sua sapientia censuit rem adeo inusitatam ac pæne incredibilem intentius investigandam, & explorandam esse. Itaque duobus cœnobiarclis illarum partium per litteras imperavit, ut sanguineum illum liquorem suismet oculis subicerent, ac diligenti inspectione adhibita, naturalisne, an divinæ virtutis opus habendum esset, ipsi inter se reputarent; quæ de illo a majoribus tradita, & fama atque auditione accepta esse ferebantur, ex idoneis testibus jurando adactis exquirere; & quid veri, quid falsi esset, aptis ad veritatem eliciendam percontationibus explorarent. Tabulas super his rite confectas cum testimoniis, auctoritatibusque omnibus, utriusque chirographo subscriptas, annuloque obsignatas, Romam transmitterent. Pontificis mandatis diligenter obtemperatum fuit. Ergo Julius hisce tabulis cum litteris utriusque cœnobiarclæ acceptis, de miraculo illo, quoad patitur humana fides & prudentia, satis constare judicavit; nec solum cultum prodigiosi illius celestisque sanguinis approbavit, sed etiam omnibus & singulis, qui statim quibuldam & solemnibus diebus caste pieque viderent ac venerantur, simulque ad templi ornatum & conservationem aliquid subsidii conferrent, de pœnis, quas quisque pro suis delictis ex præscripto canonum subire deberet, tertiam partem remisit, & condonavit. Pontificum diploma, quod Julius morte præ-

ptus non potuit, Leo X. confecit, & quæ ille approbaverat atque decreverat, confirmavit. Error irrepsit in notam chronologicam diplomati subjectam, quæ annum Christi 1512. & diem 14. Aprilis designat; cum Julius anno 1513. x. Kalendas Martias obierit; nec vero ante diem undevicesimam ejusdem mensis, anno eodem Leo, tiaram pontificalem suscepit; nisi forte statim sub initium Pontificatus illud diploma confectum fuerit ante diem vicimum quintum Martii; quem in diem ex more curiæ sive cancellariæ Romanæ annus 1512. designabat, & ex eodem die annus proximus exordium ducebat. Sed si annum 1512. retinere velis, cum eo non cohæret dies confecti diplomatis, id est 14. Aprilis; nam annus 1512. jam defierat mense Martio proximo superiori; & diem 20. vel saltem 24. Martii substitui oportet, quo cum congruit annus I. Pontificatus Leonis.

Leo Episcopus servus servorum Dei universis Christi fidelibus presentes litteras inspecturis sal. & Apost. Benedict. Rationi congruit, & convenit honestati, ut ea, quæ de Romani Pontificis gratia processerunt, licet ejus superveniente obitu, litteræ Apostolica super illis confectæ non fuerint, suum consequantur effectum. Dadum siquidem pro parte dilecti filii & nobilis viri Thomæ de Zeecs, Domini in temporalibus Villæ Zetbgenus Zagrabienensis diocesis, felicis recordationis Julio Papæ II. prædecessore nostro expositum; quod annus jam tunc centesimus, vel circiter agebatur, quod, cum quidem Presbyter Missam celebrans, post confectum in illa Eucharistiæ Sacramentum, hostiam ac more in tres partes divisisset, & unam ex eis incallicem misisset, sumptisque reliquis duabus partibus, ipsam tertiam partem, cum liquore in dicto calice, cum quo dictam Missam celebrabat, in Christi Sanguinem converso bibiturus, dubitare cepisset, an in ipso calice verum corpus, & verus sanguis Christi, virtute Sacramenti hujusmodi, existerent; illico dictus liquor visibilis, & naturalis sanguinis colorem habuerat; quodque eo miraculo dictus Presbyter stupefactus, dissimulaverat rem per aliquod tempus. Sed demum nolente Deo, ut credibile est, quod tam illustre miraculum, & catholica fidei adversus dubios in illa firmamentum, diutius lateret; dictus Presbyter in extremis laborans, rem ipsam, prout occurrerat, palam confessus fuerat; dictumque calicem cum eodem liquore, visibilis & naturalis sanguinis colorem habente, in parochiali Ecclesia sanctissimæ Trinitatis, oppidi Ludbregb dictæ diocesis, reponendum; & perpetuo custodiendum tradiderat. Et ab eo tempore citra in dicta Ecclesia apud eundem calicem multa & magna miracula fuerat operatus, & in die operari non desinebat. Altissimus; & eidem expositioni subjuncto; quod licet, ad Sacramentum prædictum satis magna esset in partibus illis fidelium populorum devotio; tamen si venerationi, & reverentiæ, quæ Sacramento hujusmodi præstatur, Apostolica Sedis suffragaretur auctoritas; profecto ex eo populorum eorundem, qui cum Turca passim pro fidei orthodoxæ defensione manus conferebant, majorem in modum cresceret devotio; & cum divini nominis gloria, & Christiana religionis augmento, fidelium animarum saluti laudabiliter consuleretur. Et dictus Prædecessor supplicationibus dicti Thomæ in ea parte inclinatus, de Boors-

idque Leo X. confirmavit;

& diploma Pontificium confecit.

monasteria, & Chyak nullius diœcesis monasteriorum Abbatibus in dicta diœc. Zagrabien. commorantibus per suas litteras commiserat, & mandaverat, quatenus super præmissis testes recipient, ac eorum dicta & attestaciones in publicam formam redacta, eorumque sigillis clausa, ad dictum prædecessorem transmitterent: & quamplures testes fide digni per dictos Abbates, ad litterarum huiusmodi executionem procedentes, desuper recepti, & eorum dicta & depositiones, quibus satis liquide de præmissis constare videbatur, in publicam formam redacta, & eorundem Abbatum sigillis clausa ad dictum prædecessorem transmissa fuerant. Idem prædecessor attendens quod Sanctiss. Corpus D. N. J. C. qui de mundo transiturus ad Patrem in passionis & mortis sue memoriam, carnem suam in cibum, & sanguinem suum in potum exhibuerat populo Christiano, decebat Christi fideles singulos pro devotionis reminiscencia venerari, & cupiens ut dicta Ecclesia, in qua calix cum liquore tam devote custodiebatur, & ad quam, sicut idem prædecessor acceperat, dictus Thomas singularem gerebat devotionis affectum, in debita veneratione haberetur, & a dictis Christi fidelibus congruis frequentaretur honoribus; ipsique fideles eo ad sanctissimum Missæ sacramentum inibi venerandum devotiores redderentur, ac pro ipsius Ecclesia fabrica, & luminarium, ac aliorum ad divinum cultum pertinentium manutentionem manus promptius porrigerent adiutrices, quo ex hoc ibidem dono celestis gratia uberius conspicerent se refertos; de omnipotentis Dei misericordia ac Beatorum Petri & Pauli Apostolorum ejus auctoritate confusus, sub dato videlicet XVI. Januarii, Pontificatus sui Anno X. universis & singulis utriusque sexus Christi fidelibus vere penitentibus & confessis, vel confitendi propositum habentibus, qui ex tunc de cetero perpetuis futuris temporibus dictam Ecclesiam, in calicis & liquoris in eo reconditi huiusmodi honorem, in ejusdem Corporis Christi, & Nativitatis B. M. V. ac Thomæ Apostoli festivitatis, ac primis vesperis usque ad occasum solis cujuslibet festivitatis, devote visitarent annuatim, & pro fabrica, ac luminarium, ac aliorum prædictorum manutentione, manus porrexerint adiutrices, quoties id facerent, tertiam partem injunctarum eis penitentiarum, quas in purgatorio passuri essent, misericorditer in Domino relaxavit. Voluit autem idem prædecessor, quod si alias dictam Ecclesiam visitantibus, & ad præmissa manus adiutrices porrigentibus, aut inibi pias elemosynas erogantibus, seu alias, aliqua indulgentia in perpetuum vel ad tempus nondum tunc elapsam duratura, per dictum prædecessorem concessa fuisset; relaxatio huiusmodi, & si desuper confecta fuissent ejusdem prædecessoris litteræ, nullius esset roboris vel momenti. Ne autem de relaxatione, & voluntate prædictis, pro eo quod super illas prædecessoris litteræ huiusmodi, ejus superveniente obitu, confecta non fuerunt, valeat quomodolibet hesitari; volumus & Apostolica auctoritate decernimus, quod præsentis litteræ ad probandum plene relaxationem & voluntatem prædecessoris huiusmodi ubique sufficiant; nec ad id probationis alterius adminiculum requiratur. Dat. Romæ apud S. Petrum anno Incarn. Domini 1512. 14. Aprilis, Pontificatus nostri I. vel juxta morem communem an. 1513. 14. April. Pontific. I. vel juxta stilum curiæ Romanæ anno 1512. 24. Martii Pontific. I. Illyrici Sacri Tom. V.

Ludovicus Batyanus Comes idemque Palatinus regni Hungariæ, ante annos non ita multos, in oppido Ludebregi, prope castellum ab se constructum, ære suo Templum edificavit sub nomine & auspiciis Sanctissimæ Crucis, elegans sane ac nobile. Huc transferri voluit, & summo in altari collocari includique in armariolum affabre, & præclaro opere factum, sacrosanctum illum Sanguinem; qui asservatur in vase crystallino aureis laminis eleganter ornat, & publicæ venerationi, statis anni diebus, maximeque sollemnibus exponi solet. Eandem nunc, quam habuit initio, religionem retinet apud gentes illas; non quod verum Christi sanguinem esse putent; sed quod species vini, quibus antea verus Christi sanguis suberat, in substantiam sanguineam divinitus conversas, honore & cultu religioso dignas esse existimant, & quod debitam venerationem illis impertiendo, quæ postulant a Deo beneficia, se consequi posse confidunt. Si qua calamitas illis regionibus impendeat, concretum illum Sanguinem liquefieri, & quodammodo ebullire ajunt; eoque ostento oppidanos admoneri, ut piacularibus sacris, & precibus iratum Numen placare studeant.

JOANNES V. EP. ZAGRAB. XLVI.

Cognomento Bakacsius, itidem & Erdodius, filius fratris Thomæ Cardinalis Archiepiscopi Strigoniensis. Hic enim tres fratres habuit, Joannem, Valentinum, Benedictum, qui Thomæ vivo ac superstite diem obierunt. A quo Joannes genitus fuerit, mihi non est compertum. Thomas Joannem in primis inter ceteros fratrum suorum filios amavit, carumque habuit. Hujus siquidem suis sumptibus alendi, educandi, & liberalibus disciplinis instituendi curam suscepit. Ut primum visus est satis imbutus iis litteris, quibus puerilis ætas impertiri solet, eum ad varia extra Hungariam & illustria gymnasia, tamquam ad mercaturam bonarum artium proficisci jussit, in quibus humanarum ac divinarum rerum scientiam perciperet. Post confectum studiorum curriculum, Præpositum summam præfecturam, five Præposituram Capituli Strigoniensis, & Tüulienſis contulit, ac deinde, ut Benedictus Vinkovichius ex diplomate Leonis tradit, Canonicum Agriensem, & Archidiaconum de Pankota creavit. Anno autem 1514. Episcopatum Zagrabienſem eidem conferendum curavit. Sed nondum nactus ætatem idoneam ad suscipiendam episcopalem consecrationem, hic quidem titulum gessit, Thomas vero administrationem Episcopatus retinuit. Vereor ne Joannes eximie patrui erga se benevolentie ac liberalitati animo parum grato respondens, aliquam offensionis causam ei præbuerit. Thomas quippe, anno 1517. cum testamentum conderet, hæreditatis amplissimæ, quam bipartito divisam filiis duorum suorum fratrum reliquit, ne minima quidem portio-cula Joannem impertiri voluit; & maximis sumptibus, quos in ejus educationem & litterariam institutionem fecerat, itemque copiosissimis ecclesiasticis proventibus, quibus illum cumulaverat, contentum esse jussit; gratiam vero tot tantisque beneficiis male repensam dissimulavit; & cur bonorum suorum expectem esse voluerit, hanc rationem reddidit; quæ satis iusta & probabilis visa est, quod, dum vive-

Templum  
Sacrae Cru-  
cis extru-  
tum est:  
ibi prodigiosus il-  
le sanguis,  
translatus  
ex æde SS.  
Trinitatis.

Joannes  
Bakacsius  
Erdodius,  
filius fra-  
tris Thomæ  
Cardinal.

qui eum  
Episcopum  
Zagrabien-  
sem creandum  
curavit,  
Episcopatu  
administratione  
penes se re-  
tenta.

ret, multa in eum larga effulque contulisset. Particulam ex ejus testamento decerptam subijcio: *Postremo quamvis ipse Dom. Cardinalis in serie omnium fere litterarum donationalium &c. nomen quoque Reverendi Joannis &c. veluti nepotis sui similiter ex fratre, inferi, & inscribi fecerit; ex quo tamen eundem Joannem Præpositum a cunabulis usque educasset, & ad Sacerdotii Ordinem deducasset, in diversisque gymnasiis extra regnum notabili sumptu erudiendo nutritisset, ac tandem tot ecclesiasticorum beneficiorum titulis, & dignitatibus dudum insignivisset, ac inter alia in Episcopum Zagrab. Ecclesie promoveri procurasset; ideo in prænominatis juribus possessionariis secularibus, qua aliquin ultra præarrata beneficia ecclesiastica in præjudicium aliorum fratrum prædictorum absurdum videretur gubernare & possidere prælibatum Joannem Bakocz, Præpositum penitus importunatum duxisset efficiendum atque declarandum; & præarratis dumtaxat beneficiis ecclesiasticis contentandum.*

Anno 1515. Turcæ Jaiczam urbem Bosniæ munitissimam obsidebant. Petrus Berislavus Episcopus Vespriemensis, idemque Banus Slavoniæ & Chrobatie, cum exercitu Savum transgressus, ut civitatem illam obsidione liberaret, a Capitulo Zagrabienfi per litteras com meatu petiit: *Mittite, inquit, ad sustentationem exercitus, qui Jaiczam, jussu regia majestatis proficisci debet, 12. currus vini, & 30. critici, aliarumque victualium, ut hic in Zlobocina in profecto Exaltationis S. Crucis constituantur. Promitto quod nil sine pecunia recipiam, vel recipi permittam, sed omnibus condecenti pretio, uti alia factitatum est, vendere permittam.*

Ludovicus rex Hungariz post obitum Uladisavi parentis

Anno 1516. pridie nonas Martii, Vladislavus moriens, Ludovicum filium, vix decem annos natum, regni hæredem reliquit; quem tum patens, tum Leo Pontifex Thomæ Cardinalis Archiep. Strigonienfis tutelæ commendavit. Anno proximo imperatum est Capitulo Zagrabienfi, ut copias militares ex villis oppidisque Capitularibus collectas Bano subsidio mitterent cum com meatibus, quia magna pericula imminere consuevit regni, præcipue Jaicza, quæ jam in extremis est, propter defectum victualium & gentium. Andreas Archidiaconus Urbocensis, qui castro Capitulari Siscienfi præerat suis ad Canonicos litteris Siscie datis feria secunda post festum S. Annæ, scripsit se imperata fecisse: *prout commissis plumbum misi, aliam medietatem pro castris hic reliqui nostris. Banus non est in istis partibus. Miseram ad Petnam, quomodo negotia ibi trañentur, famulum meum, qui reversus sabbato, in silva Capitulari extra indagines, in via Siscienfi, graviter lanceis, frameis, per quinque equites vulneratus, evasit tamen. Venis nunc velociter equos prædialis de Petna, dicens si summo mane in Petna non fuero, & boni aliquid non effecero, omnes depradabuntur. Ibo hac nocte, si quid ordinare, & boni facere potero.*

Joannes tradit Episcopatum Zagrabiensem ante annos quatuor Joanni collatum, anno demum 1518. x. Kalendas Aprilis ab Leone X. confirmatum fuisse; idque constare ex litteris Pontificiis datis eodem anno dieque; cum scilicet ad legitimum, & episcopali mæri maturam ætatem pervenisset. In istis litteris eum nominari ait Canonicum Agriensem, & Præpositum de Pan-

kata, itemque successorem Luræ; quippe inter hunc & Joannem nullus fuit Episcopus intermedius, & totius Ecclesie administratio fuit penes Thomam Archiepiscopum Strigoniensem. Porro Joannes antequam episcopali consecratione initiaretur, permisso ejusdem Pontificis, traditum sibi Episcopatum in Simonem, suum, ut creditum est, patrualem transtulit. Errarunt Raphael Levakovichius, itemque Paullus Ritter, qui sepulchrum in sacrario basilicæ cathedralis ad latus sinistrum aræ maximæ, ac titulum sepulchralem, ad hunc Joannem referendum esse censuerunt, cum ad Joannem alterum spectet, ex eadem quidem Erdodia gente progenitum, sed centum fere annis posteriorem, ut nota arithmetica anni 1626. ibidem incisa declarat, & Agriensem Antistitem designatum.

#### SIMON EPISC. ZAGRAB. XLVII.

Filius Petri, nepos Valentini, fratris Thomæ Cardinalis, si recte genealogiam Bakacziæ Erdadiæ gentis contexuit Thomas Kovalcevičius. Verum Thomas Cardinalis & Archiep. Strigonienfis, in suis tabulis supremis, Stephanum quidem & Volphangum filios vocat Valentini Bakics de Erdod fratris sui; at Petrum Bakics de Erdod tantummodo nepotem suum nominat; & cum Thomas tres fratres habuerit, ut scriptores tradunt, Joannem, Valentinum, & Benedictum, quinam ex his Petrum genuerit, incertum reliquit. Ac mihi quidem, nec illud satis constat, hujusne Petri filius, & oriundus ex Erdodia stirpe fuerit Simon Episcopus Zagrabienfis, an vero aliunde originem traxerit. Multa extant monumenta litteris tradita tum decimi sexti, tum proximi sæculi, in quibus hæredes Thomæ Cardinalis, ex una Erdodia gente in varias familias derivati, nominantur, in his Simonem Episcopum Zagrabiensem nusquam invenio. In tabulis consistorialibus Simonem neque Bakacium, neque Erdodium, sed de Zerem cognominatum reperio, ex vocabulo fortassis illius, quo tunc prædictus erat, Sacerdotii; nam Paullus Ritter Abbatem de Zerem fuisse tradit. Eum Leo Papa Ecclesie Zagrabienfi præfecit: X. Novemb. 1518. Resignavit D. Joannes Bakoc de Erdod, electus (id est confirmatus quidem, sed nondum consecratus) Zagrabien. De prædicta Ecclesia sub Metrop. Colacen. providit Dom. Simoni de Zerem. Cum autem idem Simon in tabulis testamentariis Petro fratris filio cognomen Palsii attribuat, Palsia potius, quam Erdodia familiæ Simonem adscripserim. Erunt fortasse, qui ex eodem stirpe has duas nobilissimas familias Erdodiam & Palsiam profeminatas esse existiment. Sed illud mihi maximo argumento est Simonem neque Petri Erdodii filium, neque ulla sanguinis communione cum Erdodis conjunctum fuisse, quod Andreas Præpositus major Ecclesie Zagrabienfis anno 1540. in suis ad Capitulum Zagrab. litteris supra laudatis scriptum reliquit. Postquam enim de illa ingenti summa pecuniæ, quam Oswaldus & Lucas Episcopi Ecclesie legaverant, per Thomam Cardinalem & Archiep. Strigonien. interversa, & quasi violenter ablata, Canonicos collegas suos certiores fecisset; Episcopum Zagrabiensem, qui tunc erat Simon, magnopere hostatur, ut tria & viginti millia florenorum a Petro Erdodib. Thomæ Cardinalis hærede repeteret, red-

Simon Ep. Zagrab. de quo dubitari potest Erdodia-ne, an Palsia genti adscribi debeat.

dere nolentem in iudicium vocaret: *Agat, inquit, Reverendiss. Dom. noster gratiosissimus pro bonis Ecclesia sua violenter abstractis, ut par est, & debet, contra heredem; & indubie sibi jus non abnegabitur. Poterunt autem D. V. R. in his omnibus testes esse fideles juxta senorem protestationis predictae.* Si Petrus Erdodius pater fuisset Simonis Episcopi, commemoratio illius pecuniae a Thoma Cardinali propatruo per vim intercepta, a Petro parente contra jus fasque retenta, parum grata & sane inofficiosa in filium fuisset; tacita enim quadam exprobatio erat, quae utrumque arguebat injustitiae, & in filium, ejusque dedecus redundabat. Nec vero modesti & cordati hominis erat, qualem fuisse Andream existimari licet, Episcopo suo, quem revereri & colere debebat, patris & propatruu malefactum in memoriam revocare, eique auctorem esse, ut parentem, vel etiam, si mavis, consanguineum, & gentilem suum in iudicium adduceret, cum eoque lite non tam civili, quam criminosa contenderet; rem illam litigiosam, & causam Ecclesiae honestius & prudentius Capitulo, quam Episcopo commendasset. Ego igitur sic existimo Simonem nec Petri Erdodii filium fuisse, neque ullam ei consanguinitatem cum Erdodii; intercessisse, cujus ne vestigium quidem in monumentis temporum illorum apparet. Cum tamen Paullus Ritter, Thomas Kovasichius, Balthasar Kerestichius, & alii Simonem Bakacsi, sive Erdodii familiae inferuerint; nec illum indidem evellere, nec meae sententiae fidere ausim.

Ejus tempora calamitosa.

Anno 1518. Simon episcopatum Zagrabiensem suscepit, gessitque per annos circiter quinque & viginti, perpetuis fere litigiis & contentionibus exercitum agitatumque; & praeterea in multiplici conversione rerum publicarum, & perturbatione. Fuerunt ea tempora maxime calamitosa Hungariae, quam non solum externa & Turcica vastarunt, sed etiam intestina bella dilacerarunt: utriusque Simon vel necessario, & cum haude interfuit, vel voluntarie, & ingenti Ecclesiae suae damno se immiscuit; perinde vero ac si haec illi non satis negotii & molestiae facerent, plures etiam contentiones & inimicitias cum laicis Canonicis, & cum aliquibus Dynastis suscepit, quibuscum non jure solum, sed etiam armis dimicavit. Vix Episcopatum inierat, cum molestus esse coepit Capitulo. Canonici siquidem satis pro imperio, severeque mandavit, ut litteras omnes sive regias, sive pontificias, quibus donationes regum continebantur, itemque immunitates ac privilegia tum Ecclesiae, tum Capitulo concessa, sibi traderent: quod quidem mandatum eo spectabat, ut omnia hujusmodi litteralia monumenta e Capitulari in episcopale tabularium transferret; atque ex duobus unum archivum conflaret, quod in potestate Episcopi esse volebat. Sed nec imperio, nec minis adduci potuerunt Canonici, ut suas chartas & membranas sibi eripi paterentur; & praeter pauculas tabulas, quae ad Ecclesiam, & mensam episcopalem pertinebant, nihil ab illis extorquere potuit. Ita vel invitatus de illa mente ac petitione desisteret coactus est; & quemadmodum antea semper, sic postea ad hanc usque diem, duo distincta fuerunt tabularia, suum Episcopo, suum Capitulo. Contra vero rex Ludovicus benevolam se ac beneficium praebebat Canonici, idque singularis privilegii concessit, ut si quae recondita

Lites cum Capitulo.

Ludovici regis erga Capitulum beneficentia.

in terris, quae ad jus ditionemque Capituli spectabant, venae auri, argenti, ferri, plumbi laterent, illas fossoribus adhibitis investigare possent, & quidquid metallorum cujusque generis effoderent, in suam & Ecclesiae utilitatem convertere. Regium diploma datum est Buda anno 1521. Dominica post festum S. Luca.

Inter haec tempora Petrus Berislavus Episcopus Vespriemienis, ex bellicis aequae rebus gestis adversus Turcas, ac supremo in Slavonia, Boemia, Chrobatiaeque provincias Banatu maxime illustris semel atque iterum de Vespriemensi Episcopatu abdicando cogitavit, ut Zagrabiensem assequeretur, cujus opulentiores redditus sibi maxime necessarii forent ad bellorum vim sustinendam; cumque assidue in Slavoniae finibus longe Vespriemio distitis versari cogeretur, hac etiam de causa Zagrabiensem urbem sibi magis, bellicisque expeditionibus opportunam fore rebatur, quippe ad Slavoniae limites sitam. Itaque cum Simone Episcopo enixe, vehementerque sategit, ut alter alteri proprium cederet Episcopatum; sibi quoque invicem commutarent. At obstitit Thomas Strigoniensis Archiepiscopus, idemque Zagrabienensis Ecclesiae antea gubernator, qui hominis, licet de se optime meriti, fortunam, atque dignitatem augeri minime patiebatur; quin ejus gloriae adeo invidere visus est, ut Berislavum de gradu dejici cuperet, & regis gratia privari. Narrat Marnavicius in vita Petri ab se descripta, Petrum Thomae invidia maxime offensum dixisse aliquando, *se vi etiam eo episcopatu potiturum, quippe indignum esse tales eo episcopatu frui, quorum alter (Simon) reipublicae inutilis esset, alter vero (Thomas) damnosus, cum regis semper preventibus manus injiceret*: existimat autem Marnavicius, Simonem Zagrabiensem Antistitem fuisse Thomae nepotem; quod illorum sententiae favet, qui Simonem Erdodii inserunt familiae; tum scribit, Simonem ipsum Thomae nomine episcopatum gessisse; quod unus memoriae prodidit Marnavicius, neque probari certo queat. Thomas interim apertius insidias Petro struebat, qui Zagrabiensem Ecclesiam eo cupidius exoptare sibi videbatur, quo violentius Thomas obstitabat: jamque, cum summa esset Thomae ejusdem apud regem potentia, atque auctoritas, eo prope ventum erat, ut Petrus non solum Zagrabienensis episcopatus adipiscendi spe frustraretur, sed etiam cetera sua dignitatis amitteret ornamenta. At recognita, Petrus confestim Budam properat, paratum sibi exitum avertit, tum Thomam, qui in regis aula Budae degebat, comiter adiens, & de intentata sibi, fortunisque suis ab illo ruina graviter conquestus, haec dicitur in aurem Thomae oblocutus; *si, Thomas, non cessabis me insequi, & deprimere; edico tibi, quod jam non querar regi, & regno, sed ipse manu mea ulciscar in te tres personas: regem, quem contemnis, regnum, quod expilas; me, quem opprimis*: & de Zagrabienensi episcopatu graviora instat agitare consilia. Verum haec minae alius Thomae animo infederant, quam ut vellet eas impune ferre; & simulata quamvis amicitia, Petri iram non leviter pertimescebat: quare, ne quamprimum, ut videbatur, Zagrabiensem acquireret Ecclesiam, summa vi, conatuque omni intercessit, & occulte Petri necem molitus est, datis etiam ad Praefectum Zagrabien-

Petrus Vespriemienis Antistes Zagrabien. Episcopatum obtinere conatur.



Obitus  
Thomæ  
Cardinalis  
& ejus opus  
testis.

Testamen-  
tum.

sem litteris, quo per prodicionem de medio tolleretur; utriusque tamen dissidia, atque contentiones brevi utriusque funere sublata penitus, atque extinctæ fuerunt: nam Petrus an. 1520. ad Coreniciam annem a Turcis oppressus, interfectusque vita excessit; Thomas vero anno insequenti 1521. mense Junio diem suum preteritum obiit, & opulentissimam hereditatem filiis suorum fratrum reliquit. Multa siquidem oppida, castra, castella, latifundia partim ære suo coempta, partim ex donatione regum Hungariæ, videlicet Matthiæ, Vladislavi, Ludovici, possidebat. Ante annos quatuor ex potestate sibi facta olim ab Vladislavo rege testamentum fecerat, Ludovico rege prærente, & approbante, qui suis illud regis litteris inseruit, suæque regali signo confirmavit, & obligavit. Initium est hujusmodi: Nos Ludovicus Dei gratia rex Hungariæ & Bohemiæ &c. memoriæ commendamus, tenore præsentium significantes quibus expedit universis; Quod Reverendissimus in Christo Pater Dom. Thomas t. S. Martini in Montibus Sacrosanctæ Romanæ Ecclesiæ Presbyter Cardinalis, Archiep. Ecclesiæ Strigoniensis, ac Patriarcha Constantinopolitanus, & sacra Sedis Apostolica de latere Legatus &c. coram nostra personali præsentia personaliter constitutus, sponte & libere confessus est in hunc modum; quod cum de laudabili lege, vetustaque, & approbata hujus regni nostri Hungariæ consuetudine quilibet nobilis & possessionatus homo, de & super universis bonis, & juribus possessionariis, per cum propriis suis servitiis, virtutibusque, & laboribus conquistis, & inventis, liberam, prout voluerit, disponendi habeat potestatem: ipseque D. Thomas Cardinalis castra, castella, oppida, ac alia jura possessionaria subnotanda, propriis suis laboribus, servitiis, & animi sui donibus atque virtutibus conquistata, & diversis titulis pro se, & fratribus suis subscriptis inventa habeat; ne igitur post ejus ab hac luce discessum, inter fratres & nepotes suos ratione, & pretextu ejusmodi bonorum, ac jurium possessionariorum lites, & differentie, contentionumque materia suboriri, & suscitari possent; eisdem omnibus differentiis, & earum processibus viam præcludere volens, universa castra, castella, oppida, possessiones, villas, prædia, portionesque, & jura possessionaria per eum, ut præfertur, propriis suis laboribus, servitiis ac virtutibus acquisita, & diversis titulis inventa, prædictis fratribus & nepotibus suis adhuc vivens, modo subscripto duxisset dividenda, limitandaque, & sequestranda &c. Clausula vero hæc est: Harum nostrarum, quibus sigillum nostrum, quo ut rex Hungariæ in judiciis utimur, est appensum, vigore & testimonio litterarum medianse; in cuius rei efficax testimonium sigilla quoque fidelium nostrorum, spectabilem & magnificorum Emerici de Peren Comitibus perpetui Abarivariensis, & prædicti regni Hungariæ Palatini &c. ac Comitibus Petri, Comitibus de S. Giorgio, & de Bezin, Judicibus curiæ nostræ duximus apponenda. Datum Budæ in festo B. Urbani Papæ. Anno 1517.

Particula  
testamenti.

Omnia bona sua bipartito divisit; alia Petro Bakacio Erdodio, nepoti suo ex fratre carnali, id est filio Joannis aut Benedicti fratrum suorum, alia Stephano & Volphango filiis Valentini fratris sui reliquit. Joannem Episcopum electum Zagrabiensem itidem fratris filium, ob eas, quas supra diximus, causas, hujus

amplissimæ hereditatis omnino expertem esse voluit; id quod in extremis tabulis testamentariis confirmavit: Idem Dom. Cardinalis conditionibus sub prædeclaratis, divisit, limitavit, sequestravit; ac præfatum Joannem Bakocz præpositum expresse, ac in omnem eventum penitus, & in omnibus bonis per eum acquisitis improprietatem effecit, reliquit, & declaravit coram nostra personali præsentia pranotata. Præter cetera castra, duo legavit Petro, Okichium in Zagrabienfi, & Dianvaram in Crisienti Comitatu, & præterea castellum Plodin, & oppidum Kottenyam in eodem Crisienti Comitatu. Hæc vero cum omnibus villis ac prædiis annexis, si quando omnis ex Petro, ejusve filiis, aut nepotibus propagatio & soboles deficeret, in potestatem utilitatemque Ecclesiæ Zagrabienfis transire jussit, & partim Episcopo, partim Capitulo tradi; quemadmodum etiam reliquorum omnium bonorum suorum, quæ sive Petro, sive Stephano & Volphango reliquerat, si forte horum stirpes exarescerent, atque interirent, hæredem esse voluit ædiculam illam atque aram B. Mariæ Virginis ab Angelo salutata, quam ipse prope Basilicam Strigoniensem opere magnifico cultuque eleganti extruxerat. Particula testamenti, quæ ad Petrum pertinet, hæc est: Quod primo totalia castra & castella Manyokrek, Kermend, & Verostoron in castri ferret, item Somlo in Vespriemensi, præterea similiter . . . Egregio Petro Bakocz de Erdod nepoti suo ex fratre carnali reliquit. Et post alia multa: Hoc etiam non prætermissum, quod si præfatum Petrum Erdody consimiliter temporis in processu, hæredibus destitui contigerit, quod Deus diu pro sua misericordia avertat, in hoc casu castra Somlo, & Choszarvára prædicta, pariter cum universis possessionibus, villis, ac juribus possessionariis, utilitatibusque & pertinentiis quibuscumque in prænominatam capellam B. Virginis Mariæ, consequenterque rectorem ejusdem pro tempore constituendum, & capellanos in eadem serpientes; castra vero Okich in Zagrabienfi cum omnibus villis possessionibus, portionibusque, & juribus possessionariis, cum teloniis ad idem spectantibus; & item Dianvára in Crisienti Comitibus adjacentia, cum castello Plodin, ac oppido Kottenya, ceterisque omnibus villis, possessionibus, prædiis, portionibusque, & juribus possessionariis ubilibet existentibus, quæ scilicet alia Dominorum Rocxii de Deche præfuerint, ad Ecclesiam Zagrabiensem prædictam, consequenterque ad Episcopum pro tempore constitutum, quoad directam medietatem, & Capitulum ejusdem Ecclesiæ, quoad alteram medietatem, eorundem & earundem derivari & condescendi debeant; reliqua vero universa castra, castella, oppida, villa, possessiones, & qualibet jura possessionaria præscripta in eisdem fratres & nepotes præfati Domini Cardinalis, quorum nomina ultra præmissa in litteris donationalibus, vel contractibus inserta sunt, ipso- rumque hæredes, si ipse Dom. Cardinalis in humanis agens, super iisdem testamentaliter, vel aliter non disposuerit, devolvantur, condescensaque, & redacta habeantur eo facto, jure perpetuo & irrevocabiliter tenenda, possidenda pariter, & habenda &c.

Memineris velim amplissimæ illius pecuniæ, quam ab Olvaldo & Luca Episcopis legatam Ecclesiæ Zagrabienfi, Thomas Cardinalis in suam, vel in publicam utilitatem averterat.

Hanc

Hanc ille si non omnem, certe magna ex parte, ut videtur credibile, restituerat, atque insuperat in ædificationem tum areis episcopalis, tum basilicæ cathedralis Zagrabienſis, quam ipse, ut diximus, fere totam absolvit atque perfecit. Quod vero illius pecuniæ residuum apud se supererat, donatione quatuor illorum castellorum *conditionali*, ut ajunt jurisperiti, quoquo modo compensare voluit. Ita mentem ac voluntatem Thomæ Cardinalis interpretari libet; quamvis Andreas Præpositus major supra laudatus eum totius pecuniæ ablata debitorem fuisse existimet. Ceterum neque Episcopus, neque Capitulum Ecclesiæ Zagrabienſis duo illa castra Okichium & Dianvaram, aut castellum Plodia, & oppidum Kottenyam adhuc obtinent; quod ex Petro Erdodo alii ex aliis nepotes & hæredes propagari nondum desierint; quin immo ex eodem Petro, tamquam ex uno capite plures profeminatæ sunt Erdodianæ familiæ, quibus præter duo illa avita cognomina *Bakacs de Erdod*, tertium obvenit ab oppido *Monyorekerék* in Comitatu *Castri ferrei* sito, quod itidem ex testamento Thomæ Cardinalis possident, eoque distinguuntur ab aliis Erdodiis, quos Valentinus frater ejusdem Cardinalis progenit. Opinio inter Canonicos Zagrabienſes invaluerat, satis illa quidem constans, sed sine ullo satis certo auctore, Thomam Cardinalem, præter testamentum, quod quadriennio antequam moreretur considerat, dum extremo morbo laboraret, codicillum vel aliud testamentum fecisse, quo de suis bonis ac fundis aliquid statim, nullaque interposita conditione tradendum Ecclesiæ Zagrabienſi legaverit. Cum enim de ingenti illa pecuniaria summa ab Olvaldo & Luca Episcopis Ecclesiæ relicta, quam ille abstulerat, vel nihil, vel partem exiguam ab eo, dum viveret, restitutum esse ex testimonio Andree Præpositi existimarent; non putabant eum commissurum fuisse, ut tam grandi ære alieno, aut non dissoluto, aut non jussu per suos hæredes dissolvi, ex hac vita decederet. Ab ejus morte annus erat ferme nonagesimus, cum Canonici Zagrabienſes Erdodiis judiciali jure denunciandum esse decreverunt, ut quidquid codicilli Thomæ, præter tabulas testamentarias, vel novi testamenti scriptum reliquisset, e tabulario domestico proferrent. Erat tunc natu maximus gentis Erdodiæ de *Monyorekerék* Thomas Banus Chrobatæ, is, qui anno 1593. apud Siciliam cæsis duodecim millibus Turcarum insignem victoriam reportavit. Hunc igitur, apud quem, atpote seniore, tabulas totius familiæ aservari leges Hungariæ jubent, in judicium vocant anno 1612. Disceptator ac iudex delectus fuerat Demetrius Napragius Archiepiscopus Colocensis, disceptationi locus constitutus est oppidum Sabariense, dies dicta altera & vicesima mensis Januarii, quam prorogari oportuit, causæque cognitionem differri in diem decimum quartum Februarii: quo die adfuit quidam procurator Thomæ; sed cum tergiversando, & variis exceptionibus actioni interponendis, diem ex die protraheret, tandem compellus & coactus est, ut quidquid ei Thomas pro se respondere ac dicere jussisset, id perspicue, & sine ulla ambiguitate enunciatet atque exponeret; ille vero affirmavit penes Thomam testamentum quidem esse Cardinalis Strigonienſis, notum omnibus vulgatumque; sed nihil

præterea, neque scripto traditum, neque voce coram testibus editum, tabulisque consignatum. Id vero ut jurejurando confirmaret in Comitibus Poloniensibus anno proximo habendis, Thomæ ex judicis sententia imperatum fuit. Thomas neque Comitibus illis interfuit, & post annos non ita multos extinctus, Sigismundum & Stephanum filios & hæredes reliquit. Hos anno 1630. Capitulum Zagrabienſe Tirnaviam citari jussit, ut coram legitimo magistratu vel jurarent nullum apud se; præter testamentum Thomæ Cardinalis, codicillum vel aliud a priore diversum testamentum reperiri, ex quo quid supremæ ejus voluntatis fuisset, cognosci posset; vel si quid hujusmodi scriptum haberent, in judicium producerent, & probis ac sapientibus viris de consensu partis utriusque delectis examinandum & explicandum traderent. Sed neutrum illi præstiterunt; & facile illis fuit, ut nobiles erant ac præpotentes, & impune licuit legitimam publici scribæ in jus vocantis denunciationem eludere. Tandem anno 1644. inter Comites & Dynastas Erdodios de *Monyorekerék* ex Petro filio fratris Thomæ Cardinalis recta linea descendentes, atque in duas pluresve familias divisos, & Martinum Bogdanum Episcopum, itemque Capitulum Ecclesiæ Zagrabienſis, controversia omnis per compositionem dirempta est, atque ita inter eos convenit, ut hi quidem omnino desisterent ab lite illa persequenda, quam Canonici Erdodiis intulerant, atque omnia judicialia, quæ in eos intenderant, irrita facerent atque rescinderent; castra, castella, oppida Okichium, Dianvaram, Plodia, Kottenyam Erdodiis tamdiu possidenda relinquerent, quoad naturalis & legitima ex illis successio non deficeret; illi vero faterentur ac declararent loca illa modo nominata ex testamento Thomæ Cardinalis, post defectionem omnium Erdodiorum hujus lineæ a Petro deductæ, statim debere ac sine ulla controversia transire in potestatem Episcopi & Capituli Zagrabienſis. Hæc confessio & declaratio ut vim & effectum obtineret, cautionis cujusdam causa, terras aliquot & possessiones ex territorio castri Okichii detractas, & earum colonos Capitulo in præsentem tradiderunt; ut hæc traditio, integræ castrorum & castellorum illorum possessionis olim adeundæ, veluti pignus atque auctoramentum esset. De codicillo tamen, vel novo testamento, de quo controversia fuerat, nihil vel affirmarunt, vel negarunt. Sed testamentum, quod anno 1517. fecerat, approbatum ab eo fuisse confirmarunt. Horum pactorum & conventionum fidem faciunt litteræ Capituli Chafmenſis, coram quo inita & confirmata sunt. Initium litterarum est hujusmodi.

Nos Capitulum Ecclesiæ damus pro memoria, quod Reverendissimus in Christo Pater & Dominus Martinus Bogdan Episcopus, ac Venerabile Capitulum Ecclesiæ Zagrabien. ab una, parte ab altera Illustrissimi Domini Comites Petrus, Thomas, Nicolaus, & Simon Erdodi de *Monyorekerék* Montis Claudii perpetui Comitibus, filii olim Petri, filii quondam alterius similiter Petri, filii olim tertii itidem Petri senioris Bakoch dicti de Erdod, die datarum præsentium Zagrabie coram nobis personaliter constituti; Illustrissimus item Dominus Comes Volphangus itidem Erdodi de *Monyorekerék*, frater uterinus, & carnalis annotatorum Dominorum Comitum fatensium coram

Anno 1644. inter Comites Erdodios, Episcopum & Capitulum controversia per compositionem dirempta est.

Tabulæ compositionis, per Capitulum Chafmenſe confectæ.

Codicillum vel aliud testamentum ab Thomæ Cardinali factum fuisse opinio fuit inter Canonicos.

tam Reverendis Nicolao Czanic, & Gregorio Missib fratibus & Canonicis nostris &c. deinde nominantur alii ex eodem Petro Bakochio Erdodo seniori prognati, sed ex altera ejusdem gentis familia, videlicet Georgius, Gabriel, Emericus Erdodii de Monykerck, Montis Claudii, & Comitatus Varasdinensis perpetui Comites, filii olim Christophori, filii quondam Thomae Bani, filii olim praelati alterius Petri, filii quondam antelari Petri senioris Bakoch de eadem Erdod progenie; qui omnes cum suis fratribus, sororibus, filiis, consanguineis, affinis in eam, quam dixi, confessionem & compositionem consenserunt; & matura ac exacta animorum suorum deliberatione, superinde praecepta, sponte & libere, ministerio viva vocis ipsorum facti sunt, qualiter Illustrissimus & Reverendissimus olim Pater in Christo, & Dominus Thomas Bakoch de Erdod S. R. E. tit. S. Martini in Montibus Presbyter Cardinalis, Archiep. Strigoniensis, Patriarcha Constantinop., & S. Sedis Apostolicae de latere Legatus, patrum utpote ipsius Petri senioris Bakoch, de toties facto Erdod, inter alios ultima sua dispositionis, ac testamentaria tabula articulos totalia sua castra acquisivisse, Okich quidem in Zagrabien, Dianvara vero, & castellum Plodin, nec non oppidum Kottenya in Crisiensi comitatibus existentia habita, in una quidem directa ipsorum medietate annotato Capitulo Ecclesiae Zagrab., in altera vero similiter aequali medietate Episcopo ejusdem Ecclesiae Zagrab. pro tempore constituto, de permissione & plenitudine diplomatis regii, & consensu D. quondam Uladislai regis Ungariae, in defectu videlicet annotati Petri senioris Bakoch patruelis sui, post ejusmodi defectum, mox & ipso facto apprehendenda legasset, ac testamentarie jure perpetuo possidenda reliquisset; prout id certa littera Serenissimi quondam Ludovici II. regis Ungariae tribus sigillis, uno quidem ipsius olim D. regis praefati &c. communita in se continerent. Et hanc suam piam dispositionem idem olim Dominus Cardinalis, & Archiepiscopus, tunc in lecto ultima agitudinis suae constituto decumbens in anno videlicet 1521. de mense Junii in Castro Strigoniensi constitutus, coram eodem olim Petro seniori fratre suo, certisque compluribus fidedignis personis, clavis & postremis suis verbis ratificasset, & roborasset, ratamque, gratam, & perpetuo valituram, & observandam declarasset & pronunciasset &c. Deinde vero subjicitur quid Episcopus, & Capitulum in se receperint ac promiserint.

Quae pro  
parte sua  
Episcopus  
& Capitu-  
lum;

Et in primis annotatus Reverendissimus Dominus Episcopus & Capitulum Ecclesiae Zagrab. praemissam causam & litem prosecutionem coram praefata sede Archiepiscopali Colocensi, super annotata productione ipsius tabulae testamentariae, modo praemissa motam, & intentatam una cum universis suis processibus qualitercumque in eodem subsequitis, cassarunt, annihilarunt, & viribus carituram pronunciarunt. Et insuper totale praemissum Castrum Okich cum universis suis villis, praediis, teloniis, &c. Castrum item Dianvara, & castellum Plodin, ac oppidum Kottenya, simul cum cunctis eorundem Castrorum, castelli, & oppidi, villarum, possessionum, praediorum, teloniorum, portionumque, & jurium possessionum integritatibus, fructuositatibus &c. terris quoque arabilibus, cultis & incultis, agris, pratis &c. apud manus & in

potestate ipsorum Dominorum Comitum inclita videlicet familia Erdodiana, a praefato olim Petro seniori Bakoch de antelata Erdod per rectam lineam descendente, haereditumque & posteritatem eorundem masculini sexus universi quiete & pacifice possidenda reliquerunt salvis tamen notatis colonis, & bonis in signum legitima & indubitatae successionis & domini datis, & resignatis jam quoque ante defectum ipsius familiae pro ipso Capitulo remanentibus.

Hae vero Comites Erdodii polliciti sunt: Quae Comites Erdodii promiserunt, ac declararunt.  
E converso annotati Domini Comites fatentes prae ac legitima dicti olim Domini Thomae Cardinalis, & Archiepiscopi dispositioni, prout de jure quoque tenentur, sponte & ultro inherere, seque & suos successores non solum a scrupulo conscientiae eximere & eliberare, sed potius suam quoque piam erga Ecclesiam Dei inclinationem & affectum declarare volentes, annotatam testamentariam ipsius olim Domini Thomae Cardinalis & Archiepiscopi dispositionem, pro parte ipsius Domini Episcopi, & Capituli Ecclesiae Zagrabien. modo praemissa celebratam, in omnibus ejusdem punctis, clausulis, & articulis, ac omni sui parte per omnia ratificarunt, roborarunt, & confirmarunt, ratamque gratamque, & perpetuo valituram pronunciarunt, & declararunt. Et per consequens praemissum Castrum Okich cum universis suis villis &c. item Dianvara, & castellum Plodin, nec non oppidum Kottenya simul cum praenotatis universis eorundem Castrorum, castelli, oppidi, villarum &c. mox & ipso facto post defectum seminis dictorum Dominorum Comitum, ac inclita familia Erdodiana, a dicto olim Petro seniori Bakoch per rectam lineam descendente, masculi videlicet eorundem haereditis (quam tamen familiam divina bonitas pro sua clementia multis saeculis florere faciat) in dictos Dominum Episcopum & Capitulum Ecclesiae Zagrab., in duas rectas, & aequales portiones dividenda, & sequestranda, devolvi, & condescendere voluerunt, & commiserunt; eisdemque Domino videlicet Episcopo pro tempore constituendo, & Capitulo toties facta Ecclesiae Zagrab., annotata Castra, castellum, & oppidum, cunctasque ipsorum pertinentias, & integritates supradictas, quovis nominis vocabulo vocitatas, in praemisso defectu seminis, vel masculi haereditis toties facti Petri senioris Bakoch, propria auctoritate, vel per quemcumque iustitiarum regni, vel comitatum illorum, in quibus adjacerent, sine omni litis strepitu, cunctisque juridicis remediis amputatis, vigore tantummodo praesentium, pro seipsis apprehendendi plenam & omnimodam dederunt, & attribuerunt potestatem; prouti ratificaverunt, approbaverunt, condescendereque, derivare, imo & apprehendere modo praemisso permiserunt, plenamque & irrevocabilem dederunt plenipotentiam, & facultatem.

Demum coloni, villae, & possessiones nominatim percensentur, quas Comites Erdodii Capitulo Zagrabien. statim tradi voluerunt.

Et in signum ac majus robur & firmitatem perpetuam praemissa indubitata ipsorum Capituli & Episcopi, bonis in praemissis successionis ac domini, memoratus Dom. Comes Thomas fatens propria sponte, ex animi erga Ecclesiam Dei zelo, & pietate, reliquis quoque Dom. Comitibus id ipsum viva sua voce approbantibus, & roborantibus, atque in id per omnia consentientibus, providos Martinum Miklovscetz in una inte-

integra, & reliquam Percich vocatam cum suis filiis in alia similiter integra, ac tandem aliam quoque reliquam Joannis quondam Dumovich in media, nec non Marcum item Dumovich in altera media, sessionibus, in portione ipsius Domin. Comitum possessionaria possessionis Podgo-

Possessiones ex territorio castri Okich cum colonis detrahit & tradit Capitulo.

riae, pertinentiis, annotati castri Okich, omnino in Comitatu antelata Zagrabienſi existentes. & commorantes; certam item vineam, antea quondam Petri Beszedich, nunc vero relicta Mihok, montanasticam ab ipso Capitulo in curialem vineam, estimatione, & exolutione mediante convertendam, cum tribus jugeribus terrae arabilis, & fanilis ad falcatores circiter duos, vel tres se se extendentes sub eadem vinea, adjacentes in promontorio Lekenox, pertinentiisque & Comitatu jam fatis existentes, simul cum universis ipsorum colonorum sessionibus, eorundem, ac vineae praefatae utilitatibus, obventionibus, juribus montanis, & pertinentiis, pertinentiarumque integritatibus ad eandem de jure, & ab antiquo spectantibus, & pertinere debentibus, eidem Capitulo, & Ecclesiae Zagrab. mox & ipso facto cessit, dedit, tradidit, assignavit, & de manibus per manus apprehendere permisit, eo facto, jure praemisso sibi incumbente irrevocabiliter perennaliter tenere possidere pariter & habere. Et insuper eidem Capitulo annotati Domini Comites fatentes, ad impalandam ipsam vineam adificiaque ibi construenda, & sarta testa conservanda, dictisque colonis eidem Capitulo jam resignatis, ad sessiones & vineas ipsorum liberum in silvis, communibus castri jam fatis Okich usum, pari de facto admiserunt, & concesserunt. Casu vero quo quispiam dominorum fatentium, vel successorum eorundem, vel alias quicumque annotatum Capitulum in praemisso libero, & quieto annotatorum colonorum & bonorum jure resignatorum dominio, quoquo modo, perturbare praesumeret; ex tunc ejusmodi turbatorem, vel turbatores, idem Capitulum toties quoties, vigore articulorum brevis processus, non reservando penam octavalem, super ejusmodi occupationibus, & aliis violentis praedictorum in causam trahere, & convenire valeant & possint.

Episcopus & Capitulum petunt exemplum testamenti.

Hoc etiam adjecto, quod idem Dom. Episcopus & Capitulum, veluti hac in parte jure praemissa successionis interessati, copiam ipsius testamentariae dispositionis & aliorum privilegiorum, factum ipsorum castrorum, castelli, & oppidi praedecuratorum tangentium, & concernentium, in quibuscumque octavis, pro uberiori sua successionis cautela, ab annotata familia Erdodiana petierunt, ut modis omnibus acquirendi, & sine omni longioris litis processu, autentice quoque obtinendi habeat facultatem; hoc quoque declarato, quod ultimus ipsius familiae heres toties fata castra, castellum & oppidum, cunctasque ipsorum pertinentias, in praedictum annotata, & testamentaria dispositionis, & hujus transactionis, malitiose abalienare, & in graviore aliqua summa inscribere nullo modo possit nec valeat; ac si id facere quovis modo praesumeret, ex tunc talis abalienatio, & inscriptio in fraudem praesentis sessionis celebranda nulla sit, & nullum habeat robur eo facta. Sin porro annotati Dom. Comites, vel successores ipsorum ante imminentem ultimi haeredis defectum dicto Domino Episcopo vel Capitulo, aliquod ex praemissis bonis, & juribus possessionariis titulo temporali obligarent, locarent, vel inscriberent,

ex tunc semper, antequam ipsa familia ad statum ultimi haeredis devenerit, bona ejusmodi pro se redimendi plenam habeant facultatem: nec hoc praetermissio, quod si quando, ante statum videlicet ultimi haeredis bona ipsa, & jura possessionaria, locationi, hypothecationi, vel alicui alteri legitimae inscriptioni, per legitimos suos de stirpe ipsius familiae possessores exposita fuerint; unde periculum alienationis immineret, exceptis quoque servitoribus in modica aliqua quantitate, summaque tolerabili; ex tunc ipsum Capitulum, & Episcopus pro tempore constitutus, ante omnes alios extraneos, bona ipsa, titulo praemisso locationis, hypothecationis, inscriptionis, ad se recipiendi potiore habeat auctoritate; harum nostrarum vigore, & testimonio mediante. Datum Zagrabia, ipso festo Divi Gregorii Papae. Anno Domini millesimo, sexcentesimo, quadragesimo quarto.

His litteris Capituli Chalsmensis Thomas Kovasceovichus hanc notam subjecit: Hic vero notandum est, quod linea seu propago Comitum Petri, Thomae &c. sit extincta in anno 1706. non sine dolore totius regni Croatiae, quam unice bi Erdodii semper gloriosi incolebant. Alterius vero lineae plures toga & sago illustres etiam de praesenti florent, & florent. Illud quoque silentio praeterire non licet, quod postquam Capitulum ultra triginta annos in pacifico dominio colonorum & vinea a Thoma Erdodio sibi cessorum, & resignatorum extitisset, quaestio fuerit mota ab Episcopo Martino Borkovichio, praetendente quod quemadmodum extincta familia Erdodiana Episcopus superius memoratorum bonorum in rata medietate successor est futurus, sicut fructus duorum bonorum dimidos tollere deberet. Super quo a diversis jurisperitis, signanter Bononiensibus, opiniones petita; omnium unanimi sensu agnitum fuit Episcopi praensionem non coherere justitiae, & aequitati; praesertim quod in sessione, ejusmodi colonorum & vinea cessio soli Capitulo, nulla facta. Episcopi mentione, sapius exprimatur; & quod de hoc numquam aliquid moverit Borkovichii antecessor, immo nec ipse Bogdanus, qui unus ex transigentibus fuit: quem certo non est verisimile, ut sprevisset, aut neglexisset capere, quod capere poterat & debuerat. Nunc ad Simonem Episcopum, unde digressi fuimus, revertamur.

Dum Simon huic Ecclesiae praefuit, Slavonia fere perpetuis Turcarum incursionibus obnoxia fuit; nec facile dictu est quas & quantas clades huic regno intulerint. Anno 1522. ut est in Mss. Zagrabienſibus apud Kerelelichum, Turca feria tertia ante Nativitatem B. M. V. incursionem magno damno fecerunt, intra fluvios Colapim & Savum. Ludovicus rex suis ad Capitulum litteris imperavit, ut ipsi & Episcopus rudera veteris Scisciae, quae adhuc extabant sane plurima, transferri juberet ad castellum inter ripas Savi & Colapis extruendum, quod propugnaculum esset Turcis oppositum & obiectum, aditumque illis ad Comitatum Zagrabienſem depopulandum intercluderet: Petrus Erdend, inquit, in ripis fluminum Savi & Cupae, contra hostium insultus, Fortalitium extruere intendit, sed saxa & lapides deesse dicit, & a nobis supplicat nos & Episcopum maneri, ut lapides, qui ex ruina veteris oppidi Szizgh restarent, frustra terram occupantes ad hujusmodi fabricam toti regno Slavonia proficuum daretis; ideo vos seriohortamur,

Turcarum in Slavoniam incursionem.

mur, ut detis. Scripsimus etiam praelato vestro &c. Dat. anno 1523. feria 4. post festum S. Lucae. Biennio post oppidum & territorium Sirmienense in suam potestatem Turcae redegerunt. Annum proximum 1526. clades Mohacsensis funestum Hungariae & exitialem fecit. Ludovicus rex, praelio cum Solimano rege Turcarum commisso, victus & caesus in acie occubuit. Cum rege proceres lectissimi e nobilitate Hungariae quam plurimi, Episcopi quinque cum utroque Archiepiscopo Strigoniensi & Colocensi perierunt. Simon quoque Episcopus infelici pugnae interfuit, sed communem cladem celeri fuga evasit. Proceres Hungariae, qui supererant, in duas partes distracti sunt; alii Joannem Zapolium Comitem Scepusiensem & Vaidam Transilvaniae apud Tochainum regem appellarunt, alii apud Posonium Ferdinando Caroli V. Caesaris fratri regnum detulerunt. Simon Episcopus Zagrabienensis partes Joannis Zapolii, quoad licuit, constantissime secutus est, a quibus, ut eum abduceret, suoque fratri Ferdinando conciliaret, Maria vidua Ludovici & suas, & litteras Stephani Barthovii Palatini plenas humanitatis atque officii tum ad Simonem Episcopum tum ad Capitulum Ecclesiae Zagrabienensis dedit. Episcopus ad Canonicos scripsit, ut primarios e Capitulo viros, dignitate, auctoritate, prudentia, usu rerum & exercitatione praeditos, & nominatim Andream Rosonensem Episcopum Chasnam mitterent, quos de responso litteris illis reddendo consulere: *Ad litteras Reginae*, inquit, *& Palatini*, *quas suppono Capitulum accepisse, cum & ipse eas acceperim, aliquos e gremio sui ad me mittant, qui longo rerum usu, & dignitate & auctoritate, maxime hoc tempore, alios praeclant, qualis est Andreas Episcopus Rosonensis, Suffraganeus, & Archidiaconus Urbos, ad notitiam omnium fere procerum, & praelatorum regni Hungariae, ut major eo considerari nullus possit, quamvis Praepositus, lector, cantor in Capitulo non sit. Hunc propterea mittendum censebam cum quocumque altero, quamvis pro quiete ejus parcendum ipsi videretur, cum non parum fastigii, & inquietudinis, praeteritis diebus, mecum subire pro Capituli honore, & incremento status vestri fuerit coactus &c. Datae sunt Chasnae anno 1526. in Profisso S. Martini. Chasnam quidem conveniunt Andreas Episcopus, Petrus Grangya lector, Stephanus Pozederski Vicarius & Canonicus. His in consilium adhibitis quid suae sententiae & voluntatis esset, palam exponit, sibi deliberatum, & constitutum esse a fide, quam Joanni Zapolio dederat, numquam discedere; magnopere hortatur, postulatque, ut ipsi quoque cum suis fratribus & collegis Joannem pro legitimo rege habeant, eique suam fidem obstringant. Qui missi fuerant, in id nullum a Capitulo mandatum accepisse respondent, nec suae potestatis & arbitrii esse quidquam super hac re sane gravissima in jussu Capituli statuere, ac decernere. Zagrabiam reversi litteras & postulata Episcopi retulerunt, quibus in plenissimo conventu Canonici expositis, alii cum Episcopo Joannem Zapolium, alii Ferdinandum praefendum esse censuerunt, alii neutrius partis esse maluerunt. Cum autem nullum litteris sive Reginae, sive Palatini responsum dedissent, omnes pro hostibus Ferdinandi sunt habiti, praefectum cum nullus e Capitulo, & clero Za-*

grabienfi Comitibus Crisientibus interfueris, quae Franciscus Battyanus Banus Chrobatiae & Slavoniae, ductor copiarum Ferdinandi indixerat. Simon vero nullis minis aut pollicitationibus, nullis periculis & rerum suarum detrimentis ab Joanne avelli potuit: id quod magnam perniciem tum ipsi, tum Ecclesiae attulit. Milites Ferdinandi in possessiones Ecclesiae immissi agros ferro & igni vastarunt, Ecclesiam & Capitulum Chasmense plurimis bonis spoliarunt, Toplicente territorium depopulari, Toplicam oppidum Canonicis Zagrabienensibus eripuerunt. Hi vero perterriti Andream Rotonensem Episcopum internuncium deprecatoremque ad Ferdinandum miserunt; & cum suam ei fidem polliciti essent, litteras regias ad Franciscum Battyanum impetrarunt, quibus jubebatur oppidum ereptum Canonicis restituere; quia, inquit, *Capitulum jam debitam obedientiam praestitit. Datae sunt feria 2. post festum S. Lucae an. 1527.* Cives montis Graecensis, qui in lege & verba Ferdinandi juraverant, cum sibi a Simone Episcopo & Zapolianis metuerent, per suos legatos Ferdinandi opem auxiliumque imploraverunt. Missus est Nicolaus Comes Turrianus cum militibus Hispanis amplius mille, qui moenia urbis sicubi collapsa aut labefacta erant, restituit ac firmavit, vallo & fossa circumdedit. Turma militum emissae ad praedas abigendas, & agros episcopales depopulandos, ne ipsis quidem Capitularibus fundis pepercit, eosque devastavit perinde ac si hostiles fuissent; quinimmo caeco quodam furore percita in arcem ipsam Capitularem irruit, & Canonicorum aedes diripuit, incendit, evertit. Canonici fuga dilapsi, alii alio abierunt, nonnulli in arcem episcopalem se receperunt, duo vel tres in civitatem Graecensem confugientes, in fidem & clientelam Nicolai Turriani se contulerunt; quos propterea Simon Sacerdotio Canonicali privavit; sed postea illis quod ademorat restituere debuit.

Interea Simon ad muniendam firmandamque arcem episcopalem omni studio curaque incubuit; eique tuendae praefecit Joannem Vigorovichium natione Chrobatum, virum strenuum, & rei militaris scientissimum. Arcis oppugnationem ne tentare quidem tunc ausus est Turrianus, veritus tum difficultatem loci egregie septi & muniti superandi, tum praestantissimi ducis bellicam virtutem & scientiam; sed postquam aliquot globos ferreos in arcem ejaculatus fuisset, quorum ictu utraque turris basilicae ab Olvaldo exstructa corruit, ut tradit Kersefelichius, iussit milites quaquaversum populabundos discurrere, recta urere, praedas agere, & praefertim regionem omnem circa Savum vastare ac diripere. At Simon cum Joanne Banho, & Joanne Thajo Priore Auranae, ac duobus aliis, qui erant duces primarii factionis Zapolianae in Slavonia, copias ex eadem regione collectas ad civitatem regiam montis Graecensis admoveat, & arcta obsidione cinctam vineis, aggere, & tormentis oppugnare aggreditur. Oppugnationem integrum mensem egregie sustinuit Turrianus; sed annona deficiente jam prope erat, ut de urbe dedenda cum hoste pacisceretur. Verum Rauberus Episcopus Labacensis, & supremus Carnioliae Praefectus, quo in statu res esset, admonitus, aliquot millia Germanorum, Leonardo Pullero duce, ad ferendum auxilium & comneatum, ho-

Simon Episcopus partes Zapolii in regem Hungariae adversus Ferdinandum fratrem Caroli V. secutus.

Milites Ferdinandi Graecensibus praesidio missi,

etque in Episcopales ac Capitulares agros infesti arcem Capitularem incendunt.

Simon arcem Episcopalem munivit.

Civitatem regiam Graecensem obsedit.



hostesque depellendos misit. Horum adventu cognito Zapoliani, veriti ne a tergo, a fronte, & lateribus, hostium agminibus circumfusi, omni undique perfugio præcluso ad satietatem caderentur, obsidionem solvere, & quam citatissimo possent agmine se se abripere festinarunt; profectique in partes interiores Slavoniæ, arcem S. Elisabethæ in Comitatu Criesiensi ad Dravum sitam Zapolianis maxime infestam diruerunt. Turrianus milites Germanos, qui sibi auxilio venerant, cum copiis Hispanorum conjunctos ad episcopalem arcem obsidendam, oppugnandamque duxit anno 1529. Per menses amplius duos omni missilium & armorum genere, æque acriter & constanter oppugnata fuit, atque defensa. Sub initium Septembris Germani & Hispani milites, sive arcis potiundæ spe destituti, sive ex mandato Ferdinandi alio evocati, ut tradit Istvanus, obsidione abcesserunt.

Joannes Zapolius, cum ad resistendum Ferdinando non suppedirent ipsi vires pares, ope Solimani regis Turcarum imploraverat; cujus adventus non tam illi auxilio, quam regno Hungariæ exitio fuit. Hic siquidem primum Jiczam primariam Basiæ civitatem, duasque provincias Likam, & Corbaviam in suam potestatem redegit, deinde ingenti exercitu in Hungariam deducto, post Budam, Strigonium, Jaurinum, aliasque urbes anno 1529. captas, Viennam circumfedit, eamque oppugnare aggreditur. Atque hanc causam fuisse tradit Nicolaus Istvanus, cur Ferdinandus Hispanos, Germanosque milites ab obsidione arcis episcopalis avocaverit, ut scilicet civitati totius Austriæ principi præsidio essent. Propugnatorum virtute Solimanus depulsus Styriam direptionibus, incendiis, cædibus peragravit, & Slavoniam ingressus, quacumque incescit, omnia ferro ignique vastavit. Post varios præliorum eventus, & plurimas clades ultro citroque illatas & acceptas, demum inter Ferdinandum & Joannem anno 1534. pax ita convenit, ut Joannes, quas obtinebat regiones, præsertim Transilvaniam, quoad viveret, in sua potestate retineret, regioque titulo uteretur, reliqua Hungaria, cum Slavonia, exceptis urbibus & provinciis, quas Turcæ eriperant, sub imperio Ferdinandi esset. Nec tamen ea pax bello Turcico finem attulit. Cum ergo in ea partitione regni Hungarici, universa Slavonia cum diocesi Zagrabienfi Ferdinando obtigisset, hujus dominatum Simon Episcopus sibi lubeundum, & Ferdinando tamquam regi legitimo parendum esse censuit: id quod & necessitas, non justitia solum postulabat, nisi Ecclesiam sibi concreditam relinquere, solum vertere, atque in eas regiones migrare voluisset, quæ Joanni obvenerant, cujus partes tandem secutus est, quoad salvo officio, & salvo jure communi licuit. Nec vero se minus fidelem & obsequentem Ferdinando præstitit, quam antea se Joanni præbuerat.

Pax inter Ferdinandum & Joannem Zapolium constituta.

Porro Ferdinandus post civile illud bellum extinctum, in suam fidem & clientelam æque Episcopum & Capitulum Ecclesiæ Zagrabienfis recepit; & licet maximis gravissimisque curis belli Turcici implicitus agitatique, numquam tamen utrique benefacere desit. Præcipua vero benevolentia complexus est Canonicos, quorum constans & eximia erga Ferdinandum fides extiterat, quamvis eos Simon suis hortationibus Illyrici Sacri Tom. V,

bus & mandatis urgeret, ut ad partes Joannis Zapolii transirent. In causa decimarum namquam suam regiam auctoritatem Capitulo deesse passus est: id quod plura ejus jussa declarant, quæ breviter strictimque attigit Kereselichius: *Præter universa Ecclesiæ bona lacerata direpta, ipsas etiam decimas negatas fuisse tot Ferdinandi mandata testantur: sic 1533. prima Maji Viennæ jubet, ut cum Canonicorum domus funditus combusta esset, iique incertis sedibus vagarentur, turrim Capituli, cum domo & horto in civitate superiori sitam custodiant; decimas item tam præteritas, quam futuras nemini alteri, ac Canonicis, dent ac persolvant, jus nullum in colonos Capituli exerceant; quin Capitulum contra inimicos defendant & protegant; Petro Keglevich committit, ut nolentes Capitulo persolvere decimas compellat. Eadem dat mandata Stephano Ursini Comiti Blagai, qui decimas castri Turan occupaverat. . . Item 1535. cum regnicola constitissent decimas Capitulo non solvendas, quod Canonici dispersi, immo divisi essent, Ferdinandus Viennæ Dominica Corporis Christi statutum revocat, mandatque reddendas decimas; secus de remedio provisurum. Et cum decimas anni hujus de Zagoria, Selin, Zomzedvara, Szubicza, Zagrabia Petrus Keglevich accepisset, jussu Ferdinandi restituit. Anno demum 1542. cum passim decimæ Capitulo negarentur, severum mandatum in publica regni congregatione Ferdinandi exsistitur, in quo mirari se dicit regnicolarum ausus, qui dictis fideles se Ferdinando jabant, falsis autem negant, dum tot ejus mandata respuerent. Hinc deductis Capituli calamitatibus, quas & a Turcis, & civilibus bellis passi sunt, ut ad quotidianum victum necessaria deessent, minus autem intertenendis arcibus ad Turciam sitis sufficerent. Mandat neglectas dari decimas, ne alias divinus cultus nobilis Ecclesiæ cesset, & arces finitimæ in Turcarum potestatem veniant; jubet insuper Christophorum Gnovsky Præfectum arcis Zamobor victum ad se relegari, quod acceptis Vienna mandatis regiis, decimas non persolverit. His mandatis intellectis, redditæ certatim, & portatæ undique Capitulo decima.*

Plurima & maxima damna per Turcas tum generatim Slavoniæ & Chrobatæ, tum speciatim bonis ac possessionibus mensæ Capitularis per hos annos illata fuisse reperio; ac præsertim duo castella capituli Gradez, & Sisciam, direpta ac devastata fuerunt. Quapropter Ferdinandus Canonicos Zagrabienfes, & populos illis subiectos ab omni tributo liberos ad triennium & immunes esse jussit, suisque ad Thomam de Nadas Tavernicum, & Petrum Keglevich de Buzim, Dalmatiæ Croatia & Slavoniæ Banos litteris declaravit, quod, inquit, bona ejusdem Capituli per Turcas depopulata, & devastata essent; illa autem, quæ supersunt exigua, militis nostri descensu exhausta sint. Damacianus, seu Cacanerus, alter ex ducibus Ferdinandi expeditionem contra Turcas adornabat, ingenti exercitu ex copiis Hungaricis, Germanis, Slavonicis, & Chrobaticis confecto, Simon Episcopus comitatibus curandis advehendisque præesse jussus est. Magna clades accepta fuit apud Ivancum seu perfidia, sive ignavia ductorum ac militum; Simonem inolumem e prælio fuga præpropera subduxit. Ille animo alieno semper a Canonicis fuit, præsertim postquam se invito ac dehortante, Ferdinandi

Canonicos Zagrabienfes, & populos illis subiectos tribus omnibus ad triennium exemit.

Simon Episcopus semper a Canonicis infestus.

nandi, quam Joannis Zapollii, partes sequi maluerunt. Ut antea, sic postea lites fere perpetuas cum Capitulo habuit, seu propemodum inimicitias gessit. Terras quasdam Capituli vulgo Takas, colonis Capitularibus violenter expulsi, per suos milites occupari iussit, quas tamen ex mandato Ferdinandi, & sententia iudicum restituere debuit. Sed cum Joannes Zrinius de finibus litem Episcopo intulisset, eoque res adducta esset, ut exacerbatis utrinque animis, non jure, sed armis decertarent, nec rapinis ac cædibus parcerent, Simon Canonicos ut sibi, in hujusmodi acerrima, & mutuis odiis incensa contentione, fautores haberet, aliqua suæ erga illos beneficæ voluntatis significatione delinendos censuit. Itaque decretum fecit, in quo primum se Canonicorum vicem dolere ostendit, commiseraturque communes Ecclesiæ calamitates, deinde si quas velint sibi domos exstruere aut jam exstruxerint vel in area Capitulari, quam milites Turriani devastaverant, vel in arce episcopali, quamvis ex proventibus ecclesiasticis ædificatæ forent, illarum tamen dominium penes illos, qui ædificassent, ita esse voluit, ut existimatione facta quanti quæque valeret, dimidium cujusque pretium Ecclesiæ, alterum vero dimidium, quibus vellet, sive consanguineis, sive amicis donandi aut legandi potestatem concessit. Si quis vero in aliam domum migrare vellet, huic totum pretium ab eo persolvi iussit, qui in domum relictam illi succederet.

Decretum  
Simonis  
Ep. erga  
Canonicos  
benevolunt  
ac perutile.

Nos Simon Dei gratia Episcopus Ecclesiæ Zagrab. &c. Cum Scriptura divinitus tradita magno consensu doceat Episcoporum esse officium, omnium saluti ac incolunitati, vel suæ vitæ dispendio, succurrere, id quoque omnino agere, ut quemadmodum Christus Dominus noster, in cuius vices successerunt, salvandis omnibus natus, ac demum vitam redimendis nobis suapte sponte impendit; ita Episcopi Vicarii sui, commodis aliorum maxime domesticorum fratrum peculiari diligentia debeant invigilare. Nos igitur qui divina benignitate ad hoc officii episcopalis electi sumus, utique per omnem vitam publica salus Ecclesiæ quoque nostræ, & ejus ministrorum, fratrum videlicet nostrorum charissimorum necessitas dies noctesque animo versatur, memores illius periculose ruinae, qua superioribus disturbiorum annis, mutuis conflictationibus, furentibus quoque privatorum hominum discordiis, non solum Ecclesia nostra præfata, verum etiam ministri ejus fratres nostri Domini Canonici, domusque & bona eorundem igne, atque deprædationibus haud parum abunde fuerunt vastatæ adeo, ut iidem Domini fratres nostri cogerentur novis ædificiis ruinam, & conflagrationem ædium suarum resarcire. Tum igitur ob perpetuam tantæ ruinae recordationem, tum vero ut nostra benignitate animi eorum præsentibus malis multum afflictis nonnullam desideratæ spei caperent consolationem; hac immunitate, hocque privilegio cunctis retro sæculis duximus eosdem dignandos, nimirum quod quicumque ex ipsis sive in area Capitulari, sive in hoc ipso castro nostro Zagrabienfi domos, seu habitacula hac usque contraxissent, vel extruerent in futurum, facta præsentibus quatuor personis de Dominis Capitularibus a Capitulo ad id delectis, & architectis ad id peritis, bonæque fidei, iusta, & non favore formata, æstimatione, potestatem habeant aqualem medietatem pretii æstimatæ domus, ad re-

parationem, & restorationem Ecclesiæ suæ, unde stipem vitæ suæ collegerant, legare; reliquam vero medietatem fratribus, consanguineis, aut amicis necessariis, vel quibus mallent, sive in vita, sive in morte legare, donare, ac de illa pro libito disponere possint & valeant. Similiratione, quando cuipiam fratrum nostrorum de meliori domo provideremus, æstimationem prioris domus, quam inhabitavit, cujusque æstimationem pretium numeraverat, novus successor prioris successoris possessori, sive suo prædecessori, totam sortem æstimationis sit obligatus in solidum solvere; ad quæ omnia inviolabiliter observanda Reverendos Dom. Episcopos prædictæ Ecclesiæ nostræ futuros, scilicet successores, nostrosque, & eorum officiales in prædicto castro nostro Zagrabienfi modernos & futuros vigore præsentium monemus, hortamur, astringimus, obligamusque, & obstrictos, obligatosque fore decernimus. In cuius rei memoriam firmitatemque perpetuam, præsentibus nostras litteras secreto sigillo nostro annulari impendente, chirographoque roboratas, ipsi Capitulo nostro Zagrabienfi, Dominisque fratribus Canonicis duximus dandas, & concedendas. Datum in Castro nostro prædicto Zagrabienfi penultima mensis Martii. Anno Domini 1540. Huic diplomati Thomas Kovalcevichius hanc notam subiecit: Hoc privilegium etiam modernis temporibus, dum hæc scribimus, circa dispositiones domuum in area Capitulari pro regula habetur, exceptis adibus Præpositi, lectoris, cantoris & custodis, de quibus postmodum aliter dispositum est; item exceptis domibus, quæ in arce episcopali per Canonicos constructæ fuerunt, quæ successu temporis, exclusis Canonicis, in potestatem, & usum Episcoporum transferunt.

Nec vero Canonici, statim atque occasio se obtulit, suam erga Episcopum voluntatem ostendere, & gratiam referre omiserunt. Cum enim castrum quoddam episcopale in magno discrimine verlaretur, & nihil propius esset, quam ut in potestatem hostium veniret, ipsi suis custodiis, & præidiis illud munierunt, ut docet Marcellovichius ad an. 1540. Ac nisi in continenti cantor alique Canonici rescivissent, & custodia castri episcopalis se apposuissent, castrum in manus hostium & amulorum Episcopi devenisset in maximum hujus regni periculum. Credimus, ait Baltassar Kereselichius, Zrinium pro hoste hic intelligi. Controversiam de finibus, quæ Simoni fuit cum Comite Zrinio, seu potius hostilem & cruentam contentionem his verbis descripsit Istvanthius: Simon Episcopus Zagrabienfis cum Joanne Comite de Zrinio controversiam finium regendorum haud levem habebat; quam nec arbitris, nec iudicibus dirimendam committebant, vim tamen & injuriam mutuo exercentes: ex qua variæ rapinae emergebant; majoris minorisque pecoris magnus utrinque numerus abigebatur, ac plerumque miserorum agriculturalium, ceterorumque hominum cædes contingebant. Nec Simon, uti sacratum virum decebat, mitius agendo, & jure ac legibus causam prosequendo, bonum aliis exemplum dare, atque aliquid de jure suo decedere volebat; sed potius, cum in quosdam milites Zrinianos incidisset, partim trucidari eos jussit, partim captos, ac ferreis compedibus vinctos ad serviles operas compellebat. Contra Joannes militari ingenio, ac juvena ferex & injuriarum impatiens, similia aut majora detrimenta inferre, & armis contumelias ulcisci properabat; postremo Episcopi arcem

Controversia de finibus inter Episcopum & Comitem Zrinium.

arcem Vinodelam non procul ab Rašzovicza sitam, comparatis, quæ oppugnationi necessaria erant, obsidione cinxit. Cumque aggeres, & vineas ageret, & tormenta collocaret, eoque in opere incautius versaretur, vir nobilissimus a tumultuariis militibus atque agrestibus crassioris sclopeti globo ictus atque interfectus fuit. Cædem ejus ulturus Nicolaus frater illius comparare copias, pedites ex locis mari Adriatico finitimis ad stipendia evocare, equitum suorum numerum mercenariis conductis equitibus augere, ac obsidionem fratris morte solutam repetere & continuare. Verum Ferdinandus gravissimo edicto promulgato ambros sub honoris atque æstimationis jactura, ab incepto & injuriis mutuis inferendis serio prohibuit: Simulque Francisco Josephio Episcopo Segniensi, Georgio Frangipanio Zlunii Comiti, Balhasari Banſio Thallociano, Stephano Giulano Joannis filio, ac Michaeli Ravennio Pratori Sclavonia, in mandatis dedit, ut illos in mutuam pristina concordie amicitiam reducerent, & omnes controversias jure terminarent. Quorum opera & industria brevi, quamquam haud parvo labore, effectum est, ut captivis utrinque dimissis, ac damnis restitutis, pax firma inter diffidentes componeretur.

Simon rursus Canonicis molestus atque infestus.

Cum Canonici nescio quos apud se recepissent, qui Episcopo infesti erant atque inimici, id Simon iniquissimo animo tulit; & perinde ac sibi facta esset injuria, pariter adversarios suos, atque illorum receptores ulcisci decrevit. Oppidanos castri episcopalis ad capitularem aream rursus devastandam ac diripiendam emisit; qui cum alia damna intulissent, tum vero tres domos jam reedificari cœptas combusserunt. Canonici auctoritatem opemque Ferdinandi Cæsaris implorarunt, qui Episcopum graviter severeque admonuit, ut ab hujusmodi malefactis temperaret; & simul Petro Keglevichio Bano Dalmatiæ, Chrobatæ, & Sclavoniæ imperavit, ut Capitulum in suam tutelam reciperet, atque ab omni injuria & molestia factum rectum servaret. Simon suis ad Capitulum litteris e castro Dombrensi datis iv. Idus Julii anno 1541. facti sui rationem reddidit, de qua celatum ab illis Ferdinandum esse queritur: Venerabiles Fratres charissimi.

Epistola Simonis ad Capitulum plena querimoniarum.

Majestati suæ, testæ causæ, accusatis Castellanos nostros violentiæ, quod in area Capitulari injuria fieret. Vellem scire quibus, & qua causa; forte iniquum vobis videtur, quod ab adversariis pacis, dico meis, exigitur injuria. Doleo tanto studio illos a vobis defendi, & quasi in sinu vestro foveri. Quod si cognovero, summam ultionem olim de eo, quisquis cum injuria auctoritatis meæ excipere tales solet. Et licet mihi quoque sit jus in area capitulari haud dissimile vestro, si tamen efficere potestis, ut terra vestra ab adversariorum injuria hominibus meis tuta reddatur, patiar & ipse aream capitularem a meorum violentia tutam fore. Ceterum persisto & maneo. Ceterum Ferdinandus nihilo impensius Capituli, quam Episcopi patrocinium, cum æquitas postulabat, & defensionem suscepit. Ugram castellum episcopale Banus occupaverat. De injusta occupatione Ferdinandus a Simone admonitus, statim jussit castrum illud Episcopo & Ecclesiæ restitui, ut docet Marcellovichius: Anno 1542. circa Divisionem Apostolorum Ferdinandus rex jussit castellum episcopale Vvgra, cum pertinentiis castri Zagrabienſis per Stephanum de Giula aulicum suum & com-

Castrum Ugram a Bano occupatum, Ferdinandus Episcopo restitui jubet.

Illyrici Sacri Tom. V.

missarium, a Bano occupare, & sequestrare, ac ad manus suas recipere, & mox Simoni Episcopo Zagrabienſi restituere. Sed Stephanus usque ad festum S. Thomæ Apostoli bona tenuit, impositis suis Pixidariis, & universos proventus ac decimas occupavit, ac subditos taxis extraordinariis excoxit. Sub finem hujus anni mortuus; cujus itaque viduam Lucretiam, Sabb. in festo SS. Tiburtii & Valeriani sequentis anni, rationem damnorum Episcopus evocavit. Temporibus illis perturbatissimis & calamitosissimis, Clades 2. ædes sacræ Zagrabienſes dirutæ & combustæ, drum sacra-  
veluti S. Antonii, S. Nicolai, & S. Martini, hospitii pauperum, & publica valetudinaria everſa, domicilia cœnobarum deserta, Dominicanum scilicet & Franciscanum. Sed Patres Franciscani postliminio reversi ædes suas receperunt, non item Patres Dominicani, quorum cœnobium in civitate Græcensi militibus Hispanis pro statione assignatum fuit; & post multos annos clericis Societatis Jesu attributum.

In tabulis necrologicis Capituli Zagrabienſis mors Simonis Episcopi ad diem secundam Junii, & annum 1543. affixa est his verbis: 1543. die secunda mensis Junii Reverendiss. olim Dominus Simon Episcopus Ecclesiæ Zagrabienſis diem suum ultimum clausit Chasma. Dein Zagrabia in Ecclesia cathedrali ante divinum sepultus est die septima ejusdem mensis. Equi curriseri quidem sex, qui funus ejus duxerant, electissimi & exquisiti, juxta veterem Ecclesiæ consuetudinem, dati sunt Capitulo Zagrabienſi. Item data est Capitulo vestis ejusdem optima, Sabba videlicet mardurina, cum capucio, pallio & rochetto, quæ posita fuerat super feretrum. Eodem die tumulationis oblatis fuerunt ad offertorium majoris Missæ plurimi aurei, divisi postea inter Dominos intereſſentes tumulationi.

Mors Simonis Episcopi. Funus, sepulcrum, testamentum.

Paucis antequam moreretur diebus perbreve testamentum fecit in hæc verba: In nomine Domini Amen. Anno ejusdem 1543. in profesto Ascensionis Domini. Ego Simon Episcopus Ecclesiæ Zagrabienſis. &c. corpusculo quidem agro, mente tamen vivida, non ignorans diem illum fatalem omnes homines absque delectu manere, de condendo testamento crebro sollicitatus, fidem facio nihil superesse, de quo magnificum testamentum deberet condi. Nam quidquid erat reddituum, seu proventuum Episcopatus insumptum est in usus necessarios. Ceterum id, quod pro una tenuitate erat, ex negotiationum videlicet... & agriculture congestum, dudum miseram ad Chyabrag, ut eo Petrus Palsi nepos meus aliquam portionem illius castri (si regia majestas pro sua clementia liberum facere potest) dissolveret. Hic vero quidquid suppellectilium est, id totum committo fidei Dom. Francisci Batthiani, & Petri Palsi dispensandum & in usus pios erogandum. Regia majestati vero, Domino & principi clementissimo universos orphanos meos, & ipsum Episcopatum commendo; precorque S. M. ut pro sua clementia castrum Chyabrag ab impositione litis adversariorum liberet, Petrum Palsi, ceterosque orphanos meos moneo & obtestor, ne a fidelitate R. M. quoquo modo desistant, sed perpetuam fidelitatem retineant. Dominum etiam Franciscum Batthiani precor majorem in modum partes meas, meorumque orphanorum omnium, prout suam magnific. dominationem per Stephanum Prasehoczky non ita nuper precatus sum, foveat, amplectaturque ex animo, habiturus mercedem a summo Deo. Or-

Y y 2

namenta omnia episcopalia, pontificalia, & vas-  
sa argentea, & quæ fuerant Ecclesiæ meæ Za-  
grabienſis, & quæ ipse de meo addidi, reposita  
in sacrario Zagrabienſi, lego reddi Ecclesiæ ei-  
dem. Res argenteas omnes, & ornamenta sacer-  
dotalia diverſarum Eccleſiarum, quæ metu Tur-  
cico, propter dispersionem populi collegeram,  
juxta eorum inscriptionem committo reddi ſuis  
Eccleſiis. Quibus autem debeo, ſive famulis  
meis, ſive aliis quibuſvis, aut quos offendi,  
praſati Domin. Bathiani, & Petrus Paſſi de  
his, quæ hic habeo, quantum cuique dividere  
poterint, ſatisfaciant; ne clamor, me deceden-  
te, oboriatur, qui aures divinas offendant.

## NICOLAUS III. EP. ZAGRAB. XLVIII.

Nicolaus  
Olahuſ;

Cognomento Olahuſ ex illuſtri ſtirpe prin-  
cipum, ſeu Vaivodarum Valachiae, natus eſt  
Cibinii, quæ princeps civitas eſt Saxonum in  
Transilvania, anno 1493. menſe Januario, ut  
iple in ſuo chronico ſcriptum reliquit. Patrem  
habuit Stephanum virum clariffimum, filium  
Mariæ ſororis Joannis Hunniadis, matrem  
vero Barbaram Hanzur lectiſſimam feminam,  
ut docent ejus Commentarii rerum Hungari-  
carum, Polonii typis impreſſi ſub initium hu-  
jus ſæculi. In patria politionibus litteris ope-  
ram dedit; quibus cum ſatis imbutus ſibi vi-  
ſus eſſet, anno ætatis decimo ſeptimo in au-  
lam Uladiſlavi regis profeſtus, inter honora-  
tos ephebos locum obtinuit. Poſt interitum  
Uladiſlavi, militiæ clericali cum adſcribi vo-  
luiffet, ad Georgium Zakmariam Episcopum  
Quinqueceſienſem ſe contulit, qui cum per-  
humaniter accepit; & adoleſcentis indole atque  
ingenio mirifice delectatus, humanis omnibus di-  
vinisque diſciplinis erudiendum curavit. Eumdem  
ſibi ab epistolis eſſe voluit; & annos natum ſex  
& viginti ad collegium Canonicorum Quinque-  
ceſienſium aggregavit. Cum poſt obitum Thomæ  
Bakachii Zakmarius ad ſedem Archiepiſcopalem  
Strigoniensem eveſtus fuiſſet an. 1521. Nicolaum  
ſecum Strigonium deduxit, itemque Archidia-  
conum Comaromiensem creavit. Zakmario vita  
functo an. 1524. in aulam Ludovici regis mi-  
gravit; cui ab epistolis & arcanis conſiliis fuit,  
Biennio poſt Ludovicus fatali prælio ad Mo-  
hachum commiſſo, miſerandum in modum in-  
terit an. 1526. Hungaria in duas factiones di-  
viſa, cum alii Joannem Zapolium, alii Ferdi-  
nandum Caroli V. Cæſaris fratrem in regem  
elegiſſent, huic Olahuſ fidem ſuam obſtrinxit,  
& conſtantiffime ſervavit. Magna jam tum erat  
de illius doctrina, eruditione, prudentia, &  
excellens opinio longo lateque vulgata. Ferdi-  
nandus de talis ac tanti viri ad ſuas partes ac-  
ceſſu mirifice ſibi placuit; eumque ſtatim, ut  
aliquid gratiæ referret, præſectura Eccleſiæ Al-  
benſis donavit. Carolus Imperator, Ferdinandi  
frater, quanti Olahuſ faceret, & quantum  
ejus perſpicaciæ & ſollertiæ fideret, ſatis oſten-  
dit, cum illum dari voluit Adminiſtrum &  
Conſiliarium Mariæ viduæ Ludovici, ſuæque  
ſorori, quam provinciis Belgicis regendis præ-  
poſuit. Anno 1531. in Belgium cum Maria  
profeſtus eſt; hæc nihil decrevit aut geſſit,  
niſi ex Olahi conſilio; ejuſque operam atque  
induſtriam ad graviffima quælibet negotia ex-  
pedienda, & conſicienda adhibuit. Plures an-  
nos ibi commoratus, quidquid a publicis rebus  
otii nanciſci poterat, doctiſſimis exercitationi-

Archidia-  
conus Co-  
maromi-  
enſis,

\* Ferdi-  
nando rege  
Præpoſitus  
Albenſis  
creatus,

bus, & commentationibus tribuebat. De bellis  
ac geſtis Attilæ commentarios in Belgio com-  
poſuit & confeſcit, eruditos oppido & laborio-  
ſos, qui ex capitibus duodeviginti conſtant,  
inſcriptique ſunt Attila, atque adjuncti ad de-  
cades Antonii Bonfinii. E Belgio reverſum Fer-  
dinandus Episcopum Zagrabienſem nominavit  
anno 1543. & ampliſſima Cancellarii regni di-  
gnitate decoravit. Cum episcopalia ſacra ſu-  
ſcepit, annum ætatis quinquageſimum agebat,  
ut docet Nicolaus Iſtvanſius, in eo poemate,  
quod de illius laudibus ſcripſit:

*Sed jam quingenos orbes ſol aureus alto  
Volvebat celo, & toties ſua ſigna remenſus  
Attulerat longos agris mortalibus annos &c.  
Continuo Divum Templis, ſacriſque regendis  
Te vetus & turrita ſuum Zagrabia cepit  
Pontificem, ac placidam cinxit prima Inſula  
frontem*

De Olaho ad ſedem Zagrabienſem eveſto cum  
nuncius veniſſet, ingenti gaudio clerum popu-  
lumque implevit: quidquid enim erat ſpei de  
publicis & aſſiſtis Eccleſiæ rebus, id pene to-  
tum ejus episcopatus annis vulgo deſpondebant;  
ut ſatis declarabant litteræ Canonicorum ad eum  
ſcriptæ, communis officii, gratulationis, læ-  
titiæ teſtes. Reſponſio Olahi ad Capitulum,  
cui gratias agit pro eximia illius, ac totius  
cleri & populi erga ſe voluntate, plena fuit  
humanitatis, & ſingularis erga illos benevo-  
lentiae; nihil ſibi longius eſſe, quam ut eos  
viſeret & tamquam filios chariſſimos complecte-  
retur; ne ſtatim ad eos veniret, impedimento  
eſſe curas & occupationes graviffimas, quas ſibi  
offerebat munus cancellarii regis: quod quidem  
munus Eccleſiæ & Capitulo profuturum eſſe ſpe-  
rabat, cum utriuſque commoda & negotia apud  
tegem curandi majorem facultatem ſibi daret;  
præteritas Slavoniæ calamitates deplorat, futu-  
ras atque imminentes, piacularibus ſacrificiis  
& precibus ut avertant, etiam atque etiam hor-  
tatur. Hæc epistola data eſt Viennæ vi. Id.  
Septembris anno 1543. Adminiſtratorem Epi-  
ſcopatus Georgium Tompam, Oeconomum Ste-  
phanum Czegladium conſtituit, hunc proven-  
tibus menſæ episcopalis curandis, illum contro-  
verſiis civilibus dirimendis, & juri dicundo  
præſſe juſſit. Vicarium generalem habuit Paul-  
lum Zondinum Canonicum, qui poſtea fuit Epi-  
ſcopus Roſonenſis, ad quem itemque ad Archi-  
diaconos ſcripſit anno 1544. quibus cum alia  
multa, tum ea præcipue commendavit, quæ ad  
ſplendorem ac dignitatem cultus divini perti-  
nent, in extrema epistola hæc adjiciens: *Si fieri  
poterit, proximo autumno venire Zagrabiam  
conſtitui, ubi mutuo conſpectu plura diſponemus;  
ſperamus fore, ut nunquam vos pœniteat no-  
ſtri.* Sed cum plurimis & maximis rei publi-  
cæ, & eccleſiaſticæ negotiis perpetuo diſtine-  
retur, nunquam fortasſe ei licuit diſcedere ab  
aula Ferdinandi, & Eccleſiam ſuam viſere; cer-  
te quidem quod poſtremo loco pollicitus erat  
nunquam fore, ut Zagrabienſes ſui pœniteret,  
egregie præſtitit, & quamvis abeſſet, utilius ta-  
men, quam ſi præſens fuiſſet, Eccleſiæ ſuæ ra-  
tionibus & commodis conſuluit. Neo vero du-  
bitandum eſt, quin multa & magna beneficia  
per Ferdinandum Eccleſiæ, & Capitulo colla-  
ta, Olahi precibus, ejuſque apud regem aucto-  
ritati & gratiæ adſcribi debeant; præſertim il-  
lud, quod pluribus regiis ediſtis proceres pri-  
marios, veluti Nicolaum a Salmis & Neuburg  
cubi-

& Episcop.  
Zagrabienſis.

Epistola  
Capituli  
ad eum  
gratulato-  
ria,

& Olahi  
ad Capitu-  
lum re-  
ſponſio.

Ejus admi-  
niſtri, &  
Vicarius  
generalis.

Ab Eccle-  
ſia ſe ſem-  
per abiit,  
ſed pluri-  
mum ei  
proſuit.

cubiculariorum magistrum Comitem Possoniensem, & capitaneum regium generalem; Lucam Zekell. de Kevend. L. B. in Ormosd exercitus provinciarum Austriæ hereditarium, in regno autem Slavoniæ supremum capitaneum; Ladislaum Banffii, Georgium Szilunium de Frangipaniis, Petrum Erdoditum, & plures alios, decimas Ecclesiæ & Capitulo solvere coegerit; ne, inquit, mysteria divina minuantur, & defensio castrorum finitimorum Capituli negligatur. Nicolaum Zrinium terras Capituli rapinis, & incendiis, omnique genere inhumanitatis, & sævitæ devastantem severissimis mandatis coercuit, & ab omni maleficio abstinere iussit. Extat libellus supplex Capituli, quem ipse Olahus Ferdinando in manum dedit & commendavit: Nullum esse crudelitatis genus, quod non exerceret in Capitulares, rapit subditorum facultates, & in posterum rapiendas minatur, pecora abigit, frumentum onerariis animalibus aufert, vinum, quod consumi non potest, dissectis vasis effundit, suppellectilem rusticam omnem tollit, tantam a Christiano homine crudelitatem numquam factam in regno Christiani principis. Feminas & virgines usque ad animæ exhalationem ludibrio haberi, omnia scientie Zrinio Bano, & officiali Cæsaro jurato. Insuper aperte iactat nil sua interesse si Cæsari accusabitur. Supplicat igitur Capitulum, arceri Zrinium, damna solvi, poni ordinem; alioquin nil interest Turcæ an Zrinus vastet provinciam, quæ nulli usui futura nec Cæsari, nec reipublicæ, nec Ecclesiæ. Eodem Olaho Episcopo deprecante, colonos castrorum, cultoresque prædiorum episcopaliū, & capitularium, quod plurima rerum suarum detrimenta tum ab extraneis, tum a domesticis hostibus, ac præsertim a Nicolao Zrinio perpeffi fuissent, ab omnibus, tum consuetis, tum extraordinariis tributis immunes ac liberos Ferdinandus esse voluit, ut constat ex ejus litteris datis ix. Kalend. Septemb. anno 1548.

Olaho hortatore atque auctore, Canonici castrum apud Sisciam adificiant.

Quam maxime & cordi & curæ Olaho fuisse suam Ecclesiam ac diocesim vel illud argumentum est, quod præcipuus auctor fuerit Capitulum, vehementerque hortator arcis apud veterem Sisciam ad confluentes Colapis & Savi construendæ, quæ Turcis aditum ad Slavoniam intercluderet, & utriusque fluminis opportunitatem, atque navigationem adimeret; suam ad id operam & subsidium pecuniarum pollicitus est; ejusque castelli ædificandi potestatem illis ab rege impetravit; ipsa sacra vasa aurea & argentea, si opus esset, infringi, in eamque ædificationem impendi oportere ait, quia, inquit, aurum habet Ecclesia, non ut servetur, sed ut necessitatibus succuratur. Auctoritas & hortatio Episcopi valuit apud Canonicos; Emericus Rachinus Archidiaconus Vaschenfis, & Canonicus Zagrabienfis operi faciundo præesse iussus; Petrus de Mediolano nobilis architectus ex Italia accitus; jacta sunt fundamenta; arx partim ex ruderibus Siscie, partim ex cæmentis & lapidibus aliunde convectis exstructa est, & mœnibus ac propugnaculis validissimis cincta, quæ nunc Sissek, sive Sziszegh appellatur. Ad ejus constructionem Olahus, non solum ipse pecuniam contulit, sed ut vestigales Ecclesiæ & Capituli pro se quisque conferrent, & subsidia cleri, quæ regali ærario pendi solebant, illuc converterentur, decretum a Ferdinando impetravit. At Turcæ cum viderent ejus loci munitione viam sibi ad regiones illas depopu-

landas intercludi, arcis constructionem, si quo modo possent, impedire, & jam prope absolutam impugnare, iterum ac sæpius aggressi sunt, præsertim anno 1547. cum collectis undique copiis Sissechium, & Zagrabiam invadere, omniaque conari, ut in suam potestatem redigerent, decreverunt. Ad defensionem utriusque cum sumtus necessarii aliunde non suppeterent, calices, & ceteram sacram suppellectilem auream & argenteam, quod Olahus monuerat, conflandam, & impendendam esse censuerunt, ut Georgius Marcellovichius scriptum reliquit. Anno 1547. jussu Cæsari omnes Bassæ, Vainoda, caterique primarii Turcæ, & quasi omne robur Turcicum, ex omnibus confiniis collectum in unam expeditionem, Duce Ulama Bassa, cum bombardis, aliisque bellicis instrumentis, reliquas hujus regni partes, signanter Zagrabiam, & Sziszegh capere decreverant. In quo gravissimo periculo, & urgentissima necessitate, cum deesset pecunia pro conservatione castrorum finitimorum Episcopatus & Capituli, signanter Chasma, Zagrabia, & Sziszegh, ex cathedrali Ecclesia accepta sunt, calix aureus simul cum patena, & quibusdam aliis marcarum duarum & mediæ, ac lott. duorum cum dimidio. Item catenula aurea tres, calices argentei cum patenis tres, thuribulum cum navicula, aliaque vascula argentea parva. Quod argentum, præsentibus Matthia Brumano cantore, Antonio Camarcensi, Michael Paladino Kemeloch, Luca Chasmenfi Archidiaconis a Capitulo deputatis fecit marcas 20. lott. 9. & medium. Ex hac pecunia conducti Haramia 40. ad rationem Capituli, menstruatim florenos duos. Decurionibus eorum 4. soluti: carpentarii laborantes in castro Zagrabienfi, pro Chasma & Sziszegh, uti exponitur in rationibus.

Annus erat æræ vulgaris 1548. cum Olahus Zagrabienfi relicta ad Ecclesiam Agriensem migravit, & post quinquennium ad summum Ecclesiæ Hungaricæ fastigium evectus, regiminetropolis Strigonienfis suscepit, quam per annos fere quattuordecim summa cum laude administravit, nihil Rudii operæque prætermittens, ut religionem orthodoxam contra impia Lutheri dogmata muniret ac firmaret, cultum divinum augeret, ecclesiasticam disciplinam saluberrimis decretis sanciret. Primus ex præscripto & norma Concilii Tridentini Seminarium clericorum Tyrnaviæ instituit, primus itidem Societatem nostram in Hungariam invexit. Litteras & viros litteratos summo opere coluit. Plura ingenii sui & eruditionis monumenta, partim manuscripta, partim typis impressa reliquit, veluti Chronicon ætatis rerumque suarum; Descriptionem Hungariæ; Attilam, sive Commentarios rerum ab Attila gestarum. De Attila tuo, ait Petrus Nannius in suis ad Olahum litteris, & Hungariæ descriptione, quid sentiam, sapius litteris meis testatus sum; cujus me iudicii numquam penitebit; nisi quod malignius videar, & nimis parce rei laudatissimæ laudes impertisse. Olim carmine testabimur quantum mihi videre. Diem supremum obiit Tyrnaviæ xix. Kalendas Februarii anno 1568. & ibidem honorifice tumulatus est in æde S. N.icolai; eique statua Pontificalis marmorea superposita, & hic titulus sepulchralis subjectus.

Relicta Zagrabienfi ad Agriensem, & quinquennio post ad Strigoniensem Ecclesiam migravit.

Libri ab eo conscripti.

Mors, monumentum, & inscriptio.

Sepultura Reverendissimi & Illustrissimi in Christo Patris, & Domini Dom. Nicolai Olahi Archiepiscopi Strigonienfis, locique ejusdem perpetui, & Comitatus Hontensis Comititis, Primatis Hun-



Hungaria, Legati Nati, summi & Secretarii, Cancellarii, Locumtenentis & Consilarii per Hungariam, nec non Compatrias Divoz Ferdinandus & Maximianus Imperatorum & Hungaria Regum. Moritur anno Domini MDLXVIII. die XIV. Jan. Vixit annos LXXVII. dies quinque.

Conditor hoc nobilissimus tumulo Nicolaus Olabi Qui Præsul vivens Strigoniensis erat.

Hoc autem in loco notandus est Gaspar Angelinus Dilsenbergensis Abbas, qui in opere Turpura Dom. Bernardi inscripto, editoque Coloniensibus typis anno 1644. de Polydoro Cisterciensi Monacho, & Abbate memorie prædicit, ipsum Onisponensem fuisse antistitem, & Zagrabienis Episcopi Coadjutorem an. 1524. „ Polydorus, natione Germanus, Monachus, „ & Abbas S. Victoris Saltaburgensis, electus „ Episcopus Onisponensis Titularis, & Coadju- „ tor Zagrabienis cum futura successione anno „ 1524. die 16. Martii, ut constat ex Actis „ Consistorialibus „. At neque ex Kereselichio, neque ex Kovalceovichii monumentis deprehendi, Nicolaum Coadjutorem ullum in administranda Zagrabienis Ecclesia datum unquam fuisse; & si vera Angelino fides, vel morte præreptus Polydorus in Nicolai locum succedere non potuit, vel alia quapiam de causa successione jure decessit; siquidem Wolphangus Nicolaus successus fuit.

#### WOLPHANGUS EP. ZAGRAB. XLIX.

Ex nobilissima Giulayorum familia, unde apud Scriptores alias Giulay, alias Gyulas, alias denique Giulia cognominatus est. Lupum Giulayum vocat Istvanus; siquidem quibus est nomen Wolphangi, ii Slavis Vuk appellari solent. Vuk autem idem valet apud Slavos, quod Lupus apud Latinos. Quibus magistratibus & muneribus ecclesiasticis, antequam Episcopus fieret, functus fuerit, nullis litteris præditum invenio. Post Olahum ad Ecclesiam Agriensem translatus anno 1548. intra finem mensis Novembris, Ecclesiam Zagrabiensem regendam suscepit, cui vix integrum annum præfuit; in eunte siquidem anno 1550. e vita decessit, ut docent tabulæ Capituli Zagrabienis: 1550. die 24. men. Januar. Reverendissimus olim in Christo Pater Wolphangus de Giulia Episcopus Zagrab. Ecclesia diem ultimum clausit Posenii, in Dieta generali, per regiam maiestatem Dominum nostrum elementissimum edicta, illineque reductus, deinde Zagrabia in Ecclesia cathedrali retro aram Lucae Episcopi, sub saxa marmorea die 19. men. Febr. sepultus est cum funeralibus ceremoniis. Equi eutrophæ ejusdem sex primarii & electissimi, quibus in vita vivebatur, qui funus ejus duxerant, juxta veterem Ecclesie consuetudinem, simul cum curia, & coopertorio ejusdem, dati sunt Capitulo Zagrabienis; item data est Capitulo vestis ejus optima de panno nigra, & rochetum, quæ posita fuerant super feretrum. Eadem die tumulationis oblata fuerunt ad offertarium majoris Missæ plurimi grossi, dixit postea inter Dom. Canonicos intereuntes tumulationi. Auxit Ecclesia sua thesaurum nobilissima mitra aurea gemmata, lapidibus pretiosis ornata, quam plurimum millium valor pretiosissimam reddit. De Wolphango Ep. Zagrab. hæc Vinkovicius: Cum Franciscani monachi claustra sua Podnavia, ac etiam Iuvanicense deseruissent, ipse monasterium Iuvanicense per officiales suos occupari, & bo-

minibus inhabitari fecit pro defensione populi adversus impetum Turcarum ex villis vicinis profugientis. Idem Episcopus Petheconem quinquaginta militibus militia Cæsarea præfectum, provisorem bonarum suarum Iuvanicensium fecerat; sub quo cum monasterium totum conflagrasset, Petheo damna refudit, domosque in dicto monasterio combustas reparavit.

#### PAULLUS II. EP. ZAGRAB. L.

Familia Gregoriancia in primis inter Slavonicas tum generis nobilitate, tum opibus atque honoribus floruit. Hinc Paullus ortum duxit. Clericali militia cum nomen dedisset, ad collegium Canonicorum aggregatus, primum Lectoris, deinde Præpositi majoris dignitatem obtinuit, ut Thomas Kovalceovichius tradit. Vir excellenti ingenio, & doctrina fuit, ad omnes res aptus, consiliique plenus. Cum de alijs gravissimis negotiis, tum præcipue de subsidii ab bellum Turcicum postulandis orator a Ferdinando missus est anno 1550. ad Summum Pontificem, & Principes Italiam; idque mandatum habuit, ut regni statu diligenter exposito, & quantis in periculis laboret Hungaria, propugnaculum reipublicæ Christianæ, ad confinia tuenda, confirmandaque, subsidium aliquod fluideat, parvèllis similiter nomine totius regni precibus, a Sua Sanctitate, aliisque Italia principibus impetrare. Nondum Roma discesserat, cum Julius III. Ecclesiam Zagrabiensem ei decrevit, ut est in tabulis Consistorialibus: 4. Junii 1550. providit Ecclesia Zagrabien. per obitum bona memoriae Simonis extra curiam Romanam defuncti, de persona D. Pauli de Gregoriancis, presbyteri Zagrabienis diocesis &c. Cum inter Simonem & Paullum duo Episcopi interfuerint, Olahus & Wolphangus, uterque per oblivionem præteritis fuisse videtur. Baltasar Kereselichius Paullum Wolphango præponendum censuit; sed huic illum subiciunt Nicolaus Istvanus, Paullus Ritterus, Thomas Kovalceovichius, & quod caput est, tabulæ Capituli Zagrabienis, quæ mortem Wolphangi ad mensum Januarium, & annum 1550. referunt; quibus si fides habenda est, erravit sane Kereselichius, qui post Episcopatum Paulli, initia pontificalia Wolphangi in annum 1554. contulit.

Perfunctus Italica & Romana legatione, statim atque in Germaniam reversus est, ad Ecclesiam sibi traditam adire decreverat; sed gravioribus curis & negotiis prædeditus, in unum atque alterum annum suam ad Zagrabiensem perfectionem differre necesse habuit, ut docet Georgius Marcellovichius: Paullus Episcopus Zagrabienis expeditis scilicet legationis suæ negotiis, longis itineribus, transversa majori parte Germaniam, & Italia parte, rediit Posenium; quamvis ex urbe directè venire Zagrabiam cogitasset, quod nescio quare impeditus est. Impedimento scilicet fuit laboriosa illa legum & sanctionum regaliū collectio, quæ Paulo, aliisque sapientissimis viris demandata fuit. In Comitibus generalibus anno 1527. Ferdinando tunc electo regi supplicatum fuerat, ut majestas sua universa decreta prædecessorum suorum, per illos sexdecim electos jurisperitos, & alios, qui majestati suæ videbantur, infra futuram generalem Dietam emendari, emendataque in unum corpus redigi faceret, illaque in ipsa generali Dieta, ex

Paullus ex illustri-  
ma gente  
Gregorian-  
cia, le-  
ctor, &  
præpositus  
major.

Episcopus  
Zagrabien.  
proximus  
non ante,  
sed post  
Wolphan-  
gum.

Collectio  
legum &  
sanctionum  
regaliū  
eisdem &  
aliis sa-  
pientissi-  
mis viris  
commissa.

ea consensu omnium statum hujus regni confirmat gratiose. Sed perturbatio rerum publicarum, incertus exitus & anceps fortuna belli, cum Joanne Zapalio regni competitore suscepti, Ferdinandum ab ea cogitatione curaque auceavit. In Comitibus Tyrnaviensibus an. 1548. iterum & impensius commendatum fuit Ferdinando, ut scilicet omnium superiorum regum decreta colligi, & sicubi correctione indigerent, emendari, redigique in unum quasi corpus juris Hungarici juberet. Negotium datum est Paulo de Gregorianczis, tum Præposito majori Ecclesie Zagrabienſis, aliisque clarissimis jurisconsultis, ut opus hujusmodi spissum sane & operosum susciperent, & collatis Rudiis conficerent. Sed Italica, & Romana legatio Paulum ab eo persequendo abduxit. Regressus in Germaniam, cum nondum illud a sociis abolutum ac perfectum reperisset, laborem intermissum repetere debuit: id quod vel invitum retinuit, ne statim, ut decreverat, ad suam Ecclesiam se conferret, ut supra dictum est. Anno 1551. incunte prope jam erat, ut ejusmodi collectioni supremam manum imponeret: qua confecta Paulus, si per regem licuisset, nulla interposita mora Zagrabiam proficisci constituerat, ut intelligi potest ex ejus ad Capitulum Zagrabienſe litteris, datis xv. Kal. Februarii an. 1551. cum jam, inquit, decreta regni Hungaria, quibus insudari, prope finem sint, & mox post advenum suæ majestatis, mihi dandam abundi facultatem sperarem. Hoc opus quadripartitum inscribitur. Præfatio ad Ferdinandum regem præfixa est, cujus initium est hujusmodi.

impedimē  
to fuit, ne  
statim Za-  
grabiam se  
conferret.

Præfatio  
ad Ferdi-  
nandum

Collectoris  
decretorum  
regalium.

Inviſſimo ac Potentiſſimo Principi, ac D. D. Ferdinando divina favente clementia Romano- rum, Hungaria Bohemia &c. Regi semper Auguſto, Infanti Hispaniarum, Archiduci Austria, Burgundia &c. Principi optimo & clementiſſimo. . . . Paulus de Gregoriancz divina dispositione Zagrabienſis, & Franciscus ab Uilak, Majestatis vestra in regno Hungaria Locumtenens, Jaurienſis, Episcopi; Michael de Mere personalis presentia Majestatis vestra in judiciis Locumtenens; Gregorius Sibrik de Szarvanskand consiliarii; Thomas de Kamaria vicejudex curia regie, Joannes Zomor de Pokateliky director causarum Majestatis vestra, ac Martinus Roudenarius J. U. Doctor Præpositus Viennensis, ac ibidem archigymnasii cancellarius, suorum servitiorum humillimam commendationem. Inter præclara illa & eximia Platonis placita, Serenissime rex, & Domine clementissime, qua ipse in divinis libris suis posteritati scripta reliquit, scite admodum, & vere dictum animadvertimus ex variis caliculis, vel aspectibus, diversas etiam gigni morum, rituum temperationes, atque adeo ex diversis siderum, corporumque celestium fluxibus, inferiora hæc diversimode affici, & gubernari: id quod carminibus retulit Joannes quoque ille noster Pannonius, olim Quinquæcclesiensis antistes, dum ait:

Scilicet ingenio multum locus addit & aufert,  
Inter & est sub quo sydere carmen eat &c.

Anno 1552. opus hoc quadripartitum multis vigiliis & laboribus, summa assiduitate ac diligentia confectum Ferdinandus recognoscendum, & examinandum tradidit proceribus Concilii Germanici. Tria animadversa sunt, quæ regiam majestatem, ac potestatem lædere, coercere, diminuire videbantur, & regum filiis

jus hereditarium regni adipiscendi adimebant; quæ proinde delenda, & hæc tria in eorum locum substituenda censebant: videlicet quod rex nec jure conveniri, nec a quopiam judicari possit. Quod filii regum non per electionem, sed hereditario jure succedant in regnum. Quod in solo regis arbitrio positum sit Capitaneos, officiales, copiasque suas inter fideles suos regnicolas tenere, grassantes pradatoresque quoscunque de maleficio coercere, punire, vel aliter de iis statuere. Collectores, & conditores hujus operis negarunt sibi integrum esse aut licere de iis, quæ ex antiquis legum & decretorum codicibus sumserant, injussu universalis Concilii Hungarici, quidquam immutare aut detrachere, multoque minus ea subrogare atque inferre, quæ vetustis Hungaricæ legibus & institutis perpetuo multorum ætatum usu confirmatis, aperte officiebant. Quare opus illud & regia approbatione, & publica luce caruit. Hæc accuratius & distinctius ad calcem ejusdem operis MS. adjecta sunt: Hoc opus decreti multo labore compilatum, tametsi gravi labore, diligentissimoque studio cunctis regni antiquis decretis, consuetudinibusque, & legibus sedulo revolutis, & ruminatis per compilatores congestum, cum regi Ferdinando exhibitum, & perlectum fuisset, Consilio Germanico examinandum revidendumque fuit traditum. A quo (ipso etiam rege Ferdinando non sine indignatione volente) in tribus præsertim articulis, priusquam procedat in publicum, reformandum insinuabatur; nimirum: Quod rex nec jure conveniri, nec a quopiam judicari possit; item: Quod filii regum non per electionem, sed hereditario jure succedant in regnum; postremo quod in solo regis arbitrio sit positum capitaneos, officiales, copiasque suas inter fideles suos regnicolas tenere, grassantes, pradantesque quoscunque de maleficio coercere, punire, vel aliter de iis statuere. Ad quam regis postulationem Domini prælati Franciscus de Vilak locumtenens regius, Jaurinensis, Paulus de Gregoriancz divina dispositione Zagrabienſis Ecclesiarum Episcopi consilarii sue majestatis, principales, nomine etiam aliorum suorum collegarum operis fabricatorum, cum omni modestia & submissione, ad perscriptas Vienna, & exhibitas respondentes regi, aptissimis antiquæ consuetudinis, & decreti auctoritatibus propositis, demonstrando & comprobando sibi inconſuetum, ac a pristinis legibus regni alienum, salva sua integritate, interserere operi non licuisse nec licere. Hinc se se excusando, reformationem, deliberationisque totum negotium ad Status regni rejecerunt; cum ex publica regni constitutione opus ipsum cognoscendum fuerit generalibus quoque Comitibus; eis propositum reservandum credi, dum nec aliter opus esse natura possit, nisi majestas sua cum regnicolis fidelibus pariter consentientibus desuper concluderet. Quo concinnatorum responso accepto, rege etiam diffidente posse regni status in suam sententiam pertrahere, destitutum fuit, ut opus in examen publicum proferatur; in præsensque ejus perfectio sub silentio manet. In quo tametsi adhuc pro regi publica utilitate, & juris æquitate aut addendum minuendumve, vel emendandum foret aliquid; dolendum tamen, quod tantus bonorum virorum, jurisperitorum, & legum patria peritissimorum labor perpetuo sit suppressus.

Paucis ante annis Canonici Chasmentes, cum statio illa ab Turcis infesta esset, qui post non mul-

Opus illud  
regia ap-  
probatio-  
ne, & pu-  
blica luce  
caruit.

Canonici  
Chasmen-  
ses itatio-  
nem suam  
ab Turcis  
infestam re-  
linquunt,  
& Zagrabiam  
migrant,  
cleroque  
Zagrabien-  
si aggregan-  
tur.

multo Chasnam oppidum & castellum, & omnem, quæ circa est, regionem sub imperium redegerunt, templo cum adibus Capituli direpto & exusto; Zagrabiam confugerant; benigneque recepti sunt, atque ad clerum Zagrabiensem aggregati; cumque proventibus ac bonis, quæ in potestatem Turcarum venerant, spoliati fuissent; ut haberent unde viverent, sacerdotia Ecclesiæ Zagrabienfis, alii alia, Episcoporum concessu, adepti sunt. Vel enim ad Canonicorum, vel ad presbyterorum secundi ordinis, quos vocant præbendarios, collegium adscripti, cum ex alterutro collegio aliquis loco, aut vita decederet, vel denique aliqua alia præfectura ecclesiastica donati fuerunt; ut docet Thomas Kovalceovichus. Quo vero tunc afflicti Canonici Chasmenfes se se reciperent, ubi caput reclinarent, locus alter non suppetebat, quam Zagrabia, ubi inter præbendarios chori Ecclesiæ cathedralis sensim annumerati de hujusmodi beneficiorum fructibus, tam illi, quam eorum successores vivere, & de præsentis etiam major illorum pars vivit. Habent etiam Episcopi in consueto hujusmodi Canoniciatus parochis emeritis conferre, & eos de ordinario semper sibi adjunctos habent Plebani de Chasma, & de Caproniza. Nec vero, ut supra diximus, post Ecclesiam illam, & pristinam sedem amissam, collegium Canonicorum Chasmenfium dissolutum fuit; nam quamvis intermissi essent vel Canonici, vel præbendarii Zagrabienfes, tamen distinctione duorum ordinum alii ab aliis sejuncti unius collegii corpus efficiunt, nomen, jura, privilegia, dignitates Capituli Chasmenfis retinent, & sub proprio tum Præposito, tum Archidiacono inter se consociati, suis legibus utuntur, suos agunt conventus, & quæ pertinent ad consociationem communitatemque Capitularem rite sanciunt ac decernunt. Paullo post illorum Zagrabiam adventum, cum jus ligni Capitularis Chasmenfis, & publicas privatasque chartas obfignandi privilegium in controversiam vocari cœpisset; Ferdinandus rex Hungariæ utrumque illis confirmavit, regali diplomate in hæc verba confecto.

Diploma  
Ferdinan-  
di.

Nos Ferdinandus divina favente clementia Romanorum, Hungariæ, Bohemiæ, Dalmatiæ, Croatia, Sclavoniæque &c. Rex semper Augustus, infans Hispaniarum, archidux Austria, dux Burgundiæ &c. memoria commendamus, tenore præsentium significantes quibus expedit, universis; Quod fideles nostri Capitulum Ecclesiæ Chasmenfis per humillimam supplicationem suam nobis declarandum curarunt, quomodo post devastationem & exustionem Capituli in oppido Chasmenfi olim existentis, adiutæ suarum, atque templi omnibus ornamentis rebusque, & sacris vasis per Turcas Christiani nominis hostes spoliationem, superioribus annis factam, in Capitulum cathedralis Ecclesiæ Zagrabienfis se se commorandi gratia contulisset; ubi tametsi officio suo tam in conscribendis, consignandisque sigillo suo autentico litteris in Capitulo dari, & emanari solitis, quam etiam executionibus faciendis, rite fungi parati essent; opera tamen eorum paucitererentur, neque fides auctoritasque litteris ipsorum talis præstaretur, qualis præstari deberet, eam solam ob causam, quod extra Capitulum eorum residere; supplicantes nobis humiliter, ut cum Chasma, tum propter præmissam causam, nempe Ecclesiæ Capitularis, totiusque Capituli exustionem, & in agrum conversionem, tum

vero propter vicinum hostem Turcam residere non possent, dignaremur sigillum eorum in pristinam auctoritatem asserere; eisque gratiose concedere, ut eo in litteris de more, & consuetudine regni istius nostri Sclavoniæ conficiendis uti, & executiones quoque in publicis regnicolarum nostrorum negotiis veteri eorum more facere possint, & valeant. Nos itaque accepta, & libenter exaudita humili supplicatione dicti Capituli Chasmenfis, præmissis causis sic, ut præmissum est, stantibus & se habentibus, matura intra nos deliberatione, & ex certa nostra scientia, pristinum sigilli eorumdem usum restituentes, id eisdem gratiose duximus annuendum & concedendum, ut ipsi interim, donec Chasnam ad præscriptam Ecclesiam suam, locum itidem residentia sua reverti & ibi residere poterunt, in dicto Capitulo Ecclesiæ Zagrabienfis, tamquam principali eorum Ecclesiæ pacifice commorantes, ibique perinde, atque in Capitulo suo Chasmenfi, universas litteras, & litteralia instrumenta, quæ antea per eosdem dari, conscribere, & emanari solita fuerunt, conscribere, sigilloque præallegato suo consignare, & his, quorum interest, extra dare: executiones item in publicis regnicolarum nostrorum negotiis, quæ de jure & consuetudine dicti regni nostri Sclavoniæ fieri solent, absque tamen præjudicio dictæ Ecclesiæ, & Capituli Zagrabienfis, obire & facere possint; ita tamen, quod tempore sigillationis quarumcumque litterarum septem, ut moris est, ex eis Canonici interesse debeant; decernentes ut litteris ipsis, quas ibi Capitulares Ecclesiæ Chasmenfis præmissum modo emanari fecerint, ubique tam intra, quam extra judicia ab omnibus fides adhibeatur: immo restituimus, annuimusque & concedimus barum nostrarum vigore, & testimonio litterarum. Datum Augusta Vindelicorum 12. die mens. Septemb. Anno Domini 1550. regnorum nostrorum Romani 20. aliorum vero 24. Nicolaus Olabus Episcopus Agriensis.

Quamvis autem superiore sæculo Chasma, & pleraque bona Capituli Chasmenfis Turcis erepta fuerint, nondum tamen hæc, cum sede pristina, ad veteres dominos redire. Porro, ut Kovalceovichus scriptum reliquit, id unice superest deplorandum Capitulo Chasmenfi, quod bona & possessiones eorum, etsi per Turcas aliquando desolata fuerint, attamen ad hæc usque tempora amplius uno & dimidio sæculo per Christianos obtinentur: erecto enim Generalatu Varasdinensi, partim Catholicis, partim Rascianis eadem possessiones repleta, cum ad statum confinii redactæ sint, & idcirco ex illis etiam de præsentis Capitularibus nullum commodum referre liceat, videtur illis perinde, ac si sub potestate essent barbarorum. Fuere quidem ex ordine Casareo ad instantiam regni Sclavoniæ plures celebratae commissiones, ut bona diversorum regnicolarum similiter pro parte confinii applicata, suis proprietariis redderentur; sed quemadmodum Canonici Chasmenfes, ita & posterii illorum, si qui adhuc vivunt, etiamnum feliciora tempora expectare coguntur.

Dum Paullus collectioni legum & decretorum absolvendæ operam dabat; Georgius Tompa Præpositus major, idemque Episcopus tituli nelcio cujus, quæ ad rem ecclesiasticam pertinebant, studiose diligenterque curabat. De absentia Sebastiani Keresii Archidiaconi cathedralis, quem Paullus apud se detinebat, magna erat Canonicorum querela; agebant siquidem,

Georgius  
Tompa  
Præpositus  
major & Episcopus,  
Episcopi  
absentia  
vice fungitur.

dem, cujus partes essent, ut choro, Capitulo, cleroque universo præsideret, eum abesse, suum officium, ac munus negligere non oportere; nec vero deerant, qui ob eam causam Episcopum subacerbis sermonibus carperent. Quæ cum ad Paullum delata fuissent, scripsit ad Canonicos se scire quæ singuli, ac in particulari loquerentur, respectum tamen habere illos debere cathedralis ad latus ipsius existentis, cum duos etiam Canonicorum Episcopum habere liceat. Cum Archidiacono Camarcenti dissidia nescio quæ Canonicis erant, de quibus Paullus Posonii anno 1551. hæc ad Capitulum. *De Camarcenti necdum satis deliberavi quid agendum, qui spontanea resignatione tantum constavit negotium, ut integrum fieri non possit, & alioquin desiderio Capituli existimationem illibatam, & inconcussam.* Hic temporibus multos Slavoniæ proceres in jus Canonici vocarunt, quod vel invaserant in possessiones Capituli, vel ejusdem agros devastarant, vel denique decimarum solutionem abnuebant, inter hos Franciscum Keglevichium Abbatem, sive Præpositum S. Mariæ Topulzkenis, sive Toplicensis, qui Capitulo maxime infestus atque inimicus erat, & plurima damna intulerat. Huic Ferdinandus præfecturam & sacerdotium Toplicense, post discessum monachorum Cisterciensium contulerat sub ea conditione, ut templum & cœnobium restauraret, ipseque vestitum monachalem indueret. Neutrum præstitit. Urbem regiam Montis Græcensis, quæ ex obsidione, & oppugnatione Zapoliana plurimum damni acceperat, Ferdinandus refarciri, & refectionis mœnibus, novisque propugnaculis exstructis firmari jussit, remisso & condonato civibus regio tributo, quod *Tricesimas* vocabant, ut illud in eandem urbem operibus munitionibusque sepientiam impenderent, ut colligitur ex ejus mandatis: *ipsi etiam commissarii diligenter revideant adificia civitatis montis Græcensis, & expensas per cives ad ea factas, & rationem ab eis de Tricesimis, annuente majestate sua, ad id perceptis accipiant.* Jam induciæ quinque annorum exierant cum Turcis pactæ. Cum Solimanus Elisabetham Joannis Zapolii viduam in regnum Transilvaniæ, unde per Ferdinandum expulsa fuerat, cum Joanne Sigismundo ejus filio reducere decrevisset, rursus Ferdinando & Hungariæ bellum intulit. Pars exercitus Turcici in Slavoniam, & Chrobatiam effusa, villas & agros pervastavit, prædam mistam homines pecoraque abegit. Paullus Episcopus in suis ad Canonicos litteris Viennæ datis v. Id. Septembr. an. 1551. Capituli & Ecclesiæ vicem dolet, bono animo eos esse jubet, Ferdinandum constituisse castrum Sissechium ab illis exstructum, itemque arcem episcopalem Zagrabiensem novis operibus, & validioribus præfidiis ita munire, ut inexpugnabilis utraque hostibus foret. Anno igitur 1553. Ferdinandus Nicolao Zrinio Bano imperavit, ut præfectum cum delectis præfidiariis militibus Sissechium festinare jubeat, qui castrum illud, Slavoniæ & Chrobatæ propugnaculum, a vi & insidiis Turcarum defendant. Suis vero ad Canonicos litteris Viennæ datis die 15. Julii scripsit in hanc sententiam, ut est apud Kereselechium: *immissis militibus vi-*

*fusio aliqua oriatur. Præfidiarios habere in mandatis, ne se in reditus, & bona arcis ulla ratione ingerant; & dum necessarii non fuerint, arcem Capitulo restituendam spondet.* Nicolaus Zrinius cum præfecto regio copiarum permanere in arce voluit unum de collegio Canonorum, qui personam Capituli sustineret, & capitularem ejus loci dominatum repræsenteret: ex quo factum est, ut quicumque deinceps ex Capitulo hujus castri custodiæ & regimini præponitur, militare præfecti, seu capitanei nomen gerat. Cum Transilvania & Hungaria superior bello Turcico arderet, Slavonia & Chrobatia sædum in modum devastata est, multæque arces, veluti Chasma, Costanicza, Gradedcz, Vinodolium, Sore, Hrasztovicza, & aliæ plures in potestatem Turcarum venerunt. Anno 1555. Carolus Imperator rerum humanarum pertæsus regnum Hispaniarum in Philippum filium, imperium in Ferdinandum fratrem regem Hungariæ voluntaria cessione transtulit.

Dum Paullus huic Ecclesiæ præsidebat, Paullus Zondinus Episcopus Rosonensis, Præpositus Strigoniensis, idemque Præpositus major Ecclesiæ Zagrabienis, collegium Bononiæ instituit, in quo aliquot selecti ex Hungaria, & Slavonia clerici alerentur, atque in illa civitate multo doctissima, majoribus disciplinis operam darent. De institutione & progressu hujus operis præstantissimi hæc ex tabulis Zagrabienis: *Paullus Zondini Episcopus Rosonensis, ecclesiæ Strigoniensis, & Zagrabienis Præpositus major, & Canonicus, nec non vicarius & suffraganeus Episcopi Zagrabienis præbendam Canonicalem deposuit. Hic prima fundamenta collegii Bononiensis pro juvenibus ex Hungaria & Slavonia quatuor aut sex, juxta qualitatem temporum, & annonæ ubertatem jecit anno 1553. emendo certam possessionem die 7. Augusti, scutatis in auro bis mille tercentis sexaginta. In anno dein 1556. die 19. Novembris emit domum cum curia, & horto datis itidem in auro scutatis 487. & medio, ac tandem sequenti anno 1557. die prima Februarii Ternariæ instrumentum foundationale dedit in lucem; in quo jus patronatus ejusdem collegii voluit esse penes Vener. Capitulum Zagrabiense, obligando illud, ne vel palmum de domo, aut possessione vendere, abalienare, aut pro se appropriare possit; alioquin ipso facto cadat jure patronatus, & idem jus in Capitulum Strigoniense translaturum intelligatur; ita quoque, si aliquando ob persecutionem inimici, Capitulum Zagrabiense, Strigoniensi persistente, dilabi deberet. Si vero & hoc exulare cogeretur, ex tunc regi Hungariæ jus patronatus attributum esse voluit; ita tamen, ut idem denuo ad Vener. Capitulum Zagrabiense redeat, ubi, & dum eidem recollecto ad propria redire integrum erit. Illis autem qui ad dictum collegium mitterentur, præscribit ætatem annorum 25. & qui prius in aliquo generali studio per triennium grammaticæ, & logicæ studuissent, atque singulo biennio, vel triennio aliquis de gremio Capituli cum charactere visitatoris committatur. Hæc & plura alia in supra attacto instrumento fundationali fusius exposita habentur. Cujus deinde collegii confirmatio a Pontifice Gregorio XV. obtenta est in anno 1623. anno videlicet post foundationem 66. Quamquam vero fundator cavisset, ut dictum est, ne de iis, quæ ipse Bononiæ emisset, aliquid umquam vend-*

Paullus Zondinus Episcopus Rosonensis clericis Hungariæ & Slavoniæ collegium Bononiense fundavit atque instituit.

Civitas Græcensis restaurari jubetur.

Bellum Turcicum.

Milites præfidiarii ad Castrum Sissechium tuendum missi salvo jure & dominio Capituli.

datur, constat tamen ejus primariam possessionem non esse amplius præ manibus collegialium, cum successu temporis mota lite in fidecommisso fundata, rata medietas actori transactionis cessa fuisset, alia vero medietas ejusdem possessionis veluti lacerata, & minus utilis, nec non etiam extramane constituta dividenda fuit, & loco illius aliera emptæ. Porro tractu temporis hac fundatio Zondini a diversis, qui ejus aliquando beneficio usi sunt, magnum accrementum accepit. In anno 1584. Joannes Monofzloy Episcopus Zagrab. huic collegio testamentaliter legavit capitale florenorum Rhenen. octingentorum. Anno 1650. Georgius Draskovich Episcopus Jaurinensis eximius fundatoris amulator, testamentaria & ipse dispositione dicto collegio deputat summam floren. Rhenen. decem millium, quam Venerab. Capit. manibus consignatam, ut & aureos trecentos a Gregorio Nogisfay Episcopo Vacienti, custode & Canonico Jaurinensi adhuc in vivis per manus datos, ratio Nicolai Dianescuich Præpositi Zagrab. ac piarum summarum præficti clare demonstrat. Præterea circa annum 1695. Michael Duornetovich Episcopus Vacientis, & ipse olim scholaris hujus collegii, Vacie in sua residentia loco, Joanni Koos Canonico Zagrabien. ad manus consignavit, pro sepe fato collegio, perpetuo fructificandam summam floren. Rhenen. duorum millium, cui deinde moriens addidit testamentaliter aureos centum. Plures quoque alii, signanter Canonici Zagrabienfes, grata beneficentia, piæ huic fundationi augenda munificam exporrexerunt manum; quorum deinde accumulatis elemosynis, non solum possessionum, sed & alumnorum numerus auctus est; quin & ipsum collegium (empto adhuc uno fundo propinquiori) adminiculo dictarum elemosynarum, a fundamentis in debita forma erectum, urbi Bononiensi non modicum addit decorem. Data autem fuit manus huic gravi operi in anno 1690. & post duos annos finis impositus, in quod erogatas esse libras Bononienses 26976. & Bon. 4. constituentes summam floren. Rhenensium 10790. & aliquos grossos, docent rationes Michaelis Simonich, cui pro tunc rectori concessa fuit tanti edificii inspectio.

Idem Zondinus in suis litteris Tyrnaviæ datis an. 1557. Kalendis Februarii ad suos collegas Canonicos, quos collegii Bononiensis constituerat patronos, eos rogat, ut dent omnem operam, & sollicitudinem, ut regia auctoritate, & Reverendissimi Dom. Pauli moderni Episcopi Ecclesiæ nostræ Zagrabien. qui in curia Romana multum favoris obtinet, intervenientibus, confirmatio (collegii ab le conditi) necessarium sortiatur effectum. Hanc demum anno 1623. Canonici Zagrabienfes impetrarunt a Gregorio XIV. ut supra dictum est. Qui alumnis præfuit, unus e collegio Canonicorum Zagrabienfium altero, vel tertio quoque anno mitti solet. Post biennium ab illis litteris Tyrnaviensibus, senex optimus, ac de juventute clericali Hungarica & Slavonica optime meritis, diem supremum obiit, ut docet epistola, quam alumni ejusdem collegii Bononiensis scripserunt ad Episcopum Zagrabienfem Pauli successorem, in qua orbitatem suam deplorant, orantque ut sibi parentis amissi loco esse velit, suisque rationibus & commodis eadem, qua ille, cura & benevolentia prospicere.

Amplissima Præsul dici vix potest quanto dolore affecti sumus audito nuncio, de morte Reve-

rendissimi Domini Pauli Zondini piæ memoriæ Episcopi Rosonensis, qui dum vita frueretur, pro tenuitate sua, collegium nostrum a se fundatum sollicitè forebat, nec aliud cogitabat in ætate constitutus ante quam ex hac misera, & ærumnosa vita migravit in illam æternam consuetudinem divinitatis, quam ut collegium recens inchoatum, aliquod principium caperet, cujus desideriis expletis cum voti compos esset factus, hilari vultu decessit; qua felicitate post animæ suæ salutem, quæ possit esse major, non videmus; perpetuum enim nomen rei honestate impressit; & dum natio nostra durat, & hoc celeberrimum gymnasium orbi terrarum notissimum, a diversis frequentabitur nationibus, ejus nomen prædicabitur, quod relictis, & contemptis caducis, & fluxilibus mundi rebus, ad æternitatem se converterit; & non tantum in vita superstes esse utilis voluerit, verum etiam, postquam debitum naturæ solvens in fata concessit, prospexerit cum fructu longæ posteritati, quæ nos secutura est. Hoc consilium utinam, & alii amplecterentur, ac cogitarent in tantis patriæ ruinis, ac tumultibus, bellicis, domesticis, & exteris, & in tanta rabie Turcica, nihil melius, ac utilius esse, quam juventutem bene erudiri, in tali præsertim loco, quem senex studiis elegit. Quia bonus, ac pius pater, ac sanctissimus Dei vir, cum semper amplitudini suæ fuit addictus; nos quoque qui sumus ipsius alumni, & orphanæ, ac nunc amplitudini suæ dediti, una voce per litteras supplicamus, ut velit eadem collegium nostrum recens fundatum benignitate prosequi &c.

Bononiæ tertio Id. Julii 1559.

Viri quidam præclari ex collegio Hungarico Bononiensi, quos Gregorius Patrichichius collegit.

Gloria Collegii Hungaro-Illyrici

Bononiæ fundati sub cura Venerabilis Capituli alme cathedralis Ecclesiæ Zagrabienfis, sive Viri honoribus, & gestis illustres, qui ex hoc collegio prodierunt; levi calamo adumbrati ac in perennis observantiæ testimonium dicati Reverendissimo DD. Petro Chronkovich Præposito Posségiensi, Canonico Zagrabienfi, Protonotario Apostolico, & Collegii ejusdem Rectori dignissimo. A Gregorio Patrichich de Zatezda Canonico Zagrabienfi, & sacra Theologia Doctore ex eodem collegio Hungaro-Illyrico.

Anno M. DCXCIX.

Petrus Herešinczy Episcopus Zagrabienfis, postea Jaurinensis, ac regni Hungariæ Cancellarius collegii hujus alumnus anno 1570. & Rector.

Nicolaus Zelniczay Episcopus Quinqueeclesiensis, postea Zagrabienfis collegii hujus alumnus an. 1573.

Gaspar Ztankovachky Episcopus Zagrabienfis, regnorum Dalmatiæ, Croatia, & Sclavoniæ Prorex, sacra Cæsareæ, regique majestatis consiliarius intimus, collegii hujus alumnus anno 1574. ac postea Rector.

Franciscus Ergelius Episcopus Vesprimiensis, ac postea Zagrabienfis collegii alumnus anno 1582.

Petrus Domitrovich Episcopus Quinqueeclesiensis, ac postea Zagrabienfis collegii hujus alumnus anno 1595. & Rector.

Benedictus Vinkovich Episcopus Zagrabienfis, collegii hujus alumnus anno 1606. & Rector. Joan-

Epistola  
alumnorum  
ad Episco-  
pum Zagr.  
cujus pa-  
trocinio,  
se & colle-  
gium com-  
mendant.

Rector col-  
legii unus  
de Canoni-  
cis Zagrab.



Joannes Erdedy Comes de Monyorokerek Episcopus Agriensis, hic collegialis anno 1610.

Martinus Bogdan Episcopus Zagrabienſis collegii hujus Reſtor anno 1616.

Georgius Draskovich Comes de Trakoſtain Episcopus Jaurinenſis, hic collegialis anno 1622.

Alexander Mirkulich Episcopus Zagrabienſis collegii Alumnus anno 1668.

Stephanus Doichich Episcopus Corbaviensis, & Canonicus Zagrabienſis collegii Alumnus anno 1668. ac poſtea Reſtor.

Joannes Babbich Episcopus Scardonensis Abbas de Gotto, cathedralis Eccleſiæ Zagrabienſis Leſtor, & Canonicus, ejuſdemque Episcopi Vicarius generalis, ſacræ Caſarea regiaeque Majeſtatis Conſiliarius, collegii Reſtor anno 1671.

Michael Duornikovich Episcopus Vacienſis, Præpoſitus Jaurinenſis, & Abbas ſacræ Caſarea regiaeque Majeſtatis Conſiliarius, collegii Alumnus anno 1667.

Stephanus Selischevich Episcopus Zagrabienſis regnorum Croatia, & Sclavonia Primas, Abbas de Topuſka Comitatus Berzeucze ſupremus, ac perpetuus Comes, ſacræ Caſarea regiaeque Majeſtatis Conſiliarius, collegii hujus Reſtor anno 1665.

Paulus Episcopus intra finem anni 1557. Zagrabienſem cum Jaurinenſi Eccleſia commutavit. Cum prioris Eccleſiæ adminiſtrationem ſuſcepit, quem ante obtinebat, Canonicatum retinuit, & ejuſdem fructus poſt ſuam ad ſedem Jaurinenſem translationem per quadriennium percepit, ac poſtea dimiſit. Hujus exemplum ſecuti ſunt, quicumque ex Capitulo ad ſedem episcopalem aſcenderunt, uſque ad Petrum Domitrovichium; idque, ut exiſtimari licet, ex conſeſſione Sedis Apoſtolicæ, cum valde dimiſiſſe eſſent proventus menſæ episcopalis, cui oppida, villas, agrosque plurimos Turcæ per eos annos eripuerant,

#### MATTHIAS EPISC. ZAGRAB. LI.

Cui Brumano cognomen fuit. In collegio Canonicorum honorificos capitularis dignitatis gradus tenuit; nam Archidiaconus Bexinenſis, & Cantor, ac demum Præpoſitus major fuit. Anno 1558. Episcopus renunciatus cum eſſet, annos circiter duos (incertum quam ob cauſam) & pontificia confirmatione, & episcopali conſecratione caruit; utriuſque expertem fuiſſe uſque ad menſem Julium anni 1560. Paulus Ritterus tradit. In litteris trinis Ferdinandi Caſaris, & regis Hungariæ, menſe Junio, Septembri, & Novembri datis anno 1558. Electus appellatur. Nondum ſedis episcopalis poſſeſſionem adierat, cum ſtatim Eccleſiæ ſuæ & jura defendere, & proventus amplificare cœpit. In Comitibus generalibus Slavoniæ decretum fuerat, ut æque coloni, & cultores agrorum Episcopaliū, & Capitulariū, ac ceteri Slavoniæ populi, communia tributa ſolverent. Brumanus a Ferdinando impetravit litteras regias, ad Petrum Erdodium Banum, & Ambroſium Litteratum de Gregoriancis Vicebanum; quos jubet Eccleſiæ Zagrabienſis immunitatem ſartam teſtam tueri; cum, inquit, ſtatibus regni Sclavoniæ ignotum eſſe non poſſit Eccleſiam Zagrabienſem in conſervatione caſtrorum ſuorum ſumtibus propriis, & ſuorum ſubditorum immolatione plurimum intendere; immo apud regem impenſis ſuis regni negotia agere. Idem Ferdinandus rogatu

Matthiæ Episcopi litteris regiis confirmavit privilegium quoddam Eccleſiæ conſeſſum ab Rege Ludovico, quem ſororium ſuum vocat, quippe Mariæ ſoror Ferdinandi Ludovico nupſerat; data ſunt Viennæ die 2. Septemb. an. 1558. Nicolao Olabo cancellario, & Archiep. Strigoniens. Paulo de Gregoriancis Jaurinenſi, Georgio Draskovich Quinqueecleſien. Matthia Brumano electo Zagrabien. Episcopo. Franciſcus Keglevichius Abbas Toplicenſis, de quo ſupra dictum eſt, vel obierat, vel ob damna & injurias Eccleſiæ Zagrabienſi illatas, ejuſque ſingularem inſolentiam, & non ferendam adverſus regis mandata contumaciam, eo ſacerdotio privatus fuerat. Matthias auctor fuit Ferdinando ut Toplicenſem abbatiam cum Episcopatu Zagrabienſi in perpetuum conjungeret; Paulus IV. conjunctionem confirmavit; ex eo Episcopi Zagrabienſes

a Ferdinando Caſare impetravit ut Abbatia Toplicenſem cum Episcopatu Zagrabienſi conjungeret.

Abbatibus S. Mariæ de Topuſzka, live Toplica appellari ſolent; iique tam inſigne beneficium, & immortalis memoria dignum Matthiæ Brumano acceptum referre debent, ad quos & caſtella, & proventus, & privilegia omnia tranſierunt, quæ ad cœnobiarcham ordinis Cisterciensis pertinebant. Anno 1561. v. Kalend. Aprilis populos omnes, qui terras Capituli Zagrabienſis incolebant, ob pecuniam & operam ad conſtructionem, & munitionem caſtri Siſſechienſis collatam regiis omnibus tributis, tum ordinariis, tum extraordinariis Ferdinandus ad ſexennium exemit. Anno 1563. Comitibus Poſonienſia totius regni Hungarici indiſta ſunt ad diem ſecundam Septembris, S. Stephani regis nomine, & cultu conſecratam, in quibus ingenti omnium lætitia & gratulatione Maximilianus filius Ferdinandi titulum regni Hungarici, & ſacrum diadema ſuſcepit. Ad ea Matthias Episcopus invitatus, dum ad profectionem Poſonienſem præparat res neceſſarias, letalem in morbum incidit, quo extinctus eſt xv. Kalendas Septembris, & ampliſſimo funere elatus more deceſſorum in ædē cathedrali ſepulchrum obtinuit.

#### GEORGIUS EP. ZAGRAB. LII.

Vir magnus, & omnium laudum genere cumulatus, ex antiquiſſima & nobiliſſima Draskovichia gente oriundus, quæ jam inde a ſæculo undecimo copiis, honoribus, rerum geſtarum gloria florebat. Plerique primævam Draskovichiorum originem ab Dalmatia repetendam cenſent, eorumque majores a regibus Hungariæ duplici Comitatu in provincia Jadertina Cetinenſi, ac Tinninenſi, ob egregiam eorum in rempublicam merita, donatos fuiſſe tradunt; & præterea in Slavonia principatum Hudinæ eiſdem attribuunt. Georgius natus eſt Bilinæ, quæ arx eſt in Comitatu Jadertino, Nonis Februarii anno 1515. Patrem habuit Bartholomæum virum clariffimum, matrem vero Annam Martinuſiam feminam lætiſſimam, fratres duos, Caſparem, & Joannem. Bartholomæus caſtellis & bonis fere omnibus, quæ poſſidebat in Dalmatia, amiſſis, reduſtiſque in poteſtatem Turcarum, in Chrobatiam migravit, & in caſtello, cui nomen Svarza, rerum ac fortunarum ſuarum ſedem collocavit. Georgius Martinuſius Annæ frater, qui fuit Episcopus Varadinenſis, ac deinde Archiepiſcopus Strigoniensis, & Cardinalis, filios ſororis ſuæ educandos apud ſe, boniſque litteris ac moribus im-

Georgius Draskovichius

buendos curavit. Ac Joannes quidem, prælio cum Turcis apud Sighetum commisso, animo-  
le & fortiter pugnans, pro patria ac religione  
mortem occubuit. Caspar vero Catharinam  
Szekeliam pari splendore ac nobilitate feminam  
duxit uxorem, & nomen ac genus Draskovi-  
chium propagavit. At Georgius, ut erat ex-  
cellenti ingenio, excelsoque animo, ex ipsa  
puerili disciplina ingentes hausit spiritus, cœ-  
pitque magna quædam & alta spectare; & li-  
beralium artium præsidia, quæ ad dignitatem,  
opesque augendas viam munirent, sibi parare  
decrevit, ut familiæ datus, quod amplum a  
majoribus acceperat, majus & auctius posteris  
traderet. Nec verò præclaris optimi adolescen-  
tis studiis avunculus defuit; eique sumptus lar-  
ge effulseque suppeditavit ad omnes humanas di-  
vinasque disciplinas primum Cracoviæ, tum Bo-  
noniæ, demum Romæ percipiendas, quibuscum  
variarum linguarum scientiam conjunxit. Ex  
Italia reversus clericali militiæ nomen dedit,  
sacris ordinibus initiatus, post nefariam eadem  
Georgii Cardinalis & Archiepiscopi Strigoniensis  
avunculi sui, ad Nicolaum Olahum, qui  
Martinus in sedem Strigoniensem successit,  
se contulit. Hic Georgii eximiam doctrinam  
& eruditionem plurimi fecit, ejusque consiliis  
ad res difficillimas expediendas, & conficiendas  
utebatur. Ante Episcopatum æque honorifica  
atque opulenta sacerdotia adeptus est; nam Ca-  
nonicus & cantor Ecclesiæ Varadiensis, &  
Præpositus Posoniensis fuit. Cum Georgii vir-  
tus & doctrina nota esset Ferdinando ac per-  
specta, eum Episcopum Quinqueecclesiensem no-  
minavit anno 1459. nec solum regii Cancellarii  
titulo ac munere cohonestavit, sed etiam,  
ut aliqui tradunt, moderatorem atque arbitrum  
suz conscientiæ delegit, sibi que a confessoribus  
esse voluit. Cum suo delecti essent, qui  
nomine missuque cleri Hungarici apud Patres  
Tridentinos legatione fungerentur, videlicet  
Chanadiensis, & Tinniniensis Episcopi; Ferdi-  
nandus Georgium ad Synodum Tridentinam le-  
gatum decrevit, qui regis Hungariæ partes age-  
ret, & personam sustineret; eique per litteras  
Pragæ datas anno 1561. xiiii. Kalendas Janua-  
rias imperavit, ut Tridentum proficisci matu-  
raret: *Te igitur, inquit, ex Hungaria, in per-  
sona nostra regia, singularem ob morum integri-  
tatem, & scientiarum peritiam ad sacrum hoc  
Concilium mittendum ante omnes eligimus, com-  
mittimusque fidelitati tuæ, ut nulla interposita  
mora, vel difficultate, iter maturare velis, ne-  
que expectatis aliis, Chanadiensi nempe & Tin-  
niniensi, qui pro universo regno Hungariæ pro-  
ficiscuntur, antecedere; ut ad 15. Januarii Tri-  
denti adesse valeas. Idem Ferdinandus in suis  
ad Patres Tridentinos litteris præclarum exi-  
miæ virtutis testimonium Georgio dedit his  
verbis: Nolentes sane propter absentiam nostram  
tam pio & præclaro instituto quidquam impedi-  
menti vel difficultatis injici, aut quidquam a  
nobis desiderari, quod ad rem juvandam perti-  
nere queat, confisi de singulari pietate, fide,  
probitate, eruditione, judicio, ac multarum re-  
rum usu, & experientia Reverendi devoti Geor-  
gii Drascovichii, Ecclesiæ Quinqueecclesiensis Epi-  
scopi, ac consilarii nostri, fidelis, dilecti; eum-  
dem in solidum solemniter commissarium, orato-  
rem, nuncium, procuratorem, & mandatarium  
nostrum facimus, constituimus, ordinamus &c.  
Ad Concilium cum venisset, de loci primatu*

aliqua ei controversia fuit cum legato regis Lu-  
sitaniæ; quæ quidem dignitate tum regis Hun-  
gariæ, tum regii oratoris, dirempta fuit; quod  
ipset Georgius in oratione, quam habuit in  
frequentissimo Patrum confessu, cum summa  
gratissimi animi testificatione declaravit his ver-  
bis: *Et quamvis litteras ejusmodi plenæ aucto-  
ritatis mandatique, vobis nuper exhibere certas  
ob causas non poteram; locum tamen regi Pan-  
noniæ debitum Amplitudines vestra Illustrissima  
& Reverendiss. non expectatis litteris, quas jam  
ad manus habeo, mihi dandum & assignandum  
benignissime adjudicarunt, imo absque mora hu-  
manissime assignarunt, & dederunt. Quod Ampli-  
tudinum vestrarum egregium & memorabile factum  
cum vestra erga Catholicum Imperatorem regem-  
que meum serenissimum observantiæ & amoris sit  
illustre testimonium, Majestati suæ gratissimum,  
omnibusque amoris, & benevolentiae officiis pen-  
sandum accedit.* In augustissimo illo tot Episco-  
porum, Præfultum & principum virorum conventu  
illustria sapientiæ suæ, religionis, & prudentiæ  
documenta dedit, adhibitusque cum esset ad res &  
controversias gravissimas disceptandas, ejus au-  
toritas magni fuit, & magnam sibi apud omnes  
existimationem conciliavit. Illud potissimum  
urgebat, instabatque, ut Patres omni studio  
curaque ad corrigendos Christianorum mores,  
& disciplinam ecclesiasticam collapsam restituend-  
am incumberent. Suasor etiam & vehemens  
auctor erat ulus calicis Germanis poscentibus  
concedendi; quem ipset postea, rationum  
momentis in utramque partem perpensis, im-  
probavit. Absoluto dimissoque Concilio, in  
Germaniam cum rediisset, intra finem anni  
1563. Ferdinandus egregiam illius operam, sibi  
ac religioni navatam, remunerari cupiens, cum  
diocesis Quinqueecclesiensis per Turcas devasta-  
ta fuisset, eum inde amovit, & Episcopum  
Zagrabiæ designavit; Pius IV. regiam designa-  
tionem approbavit. Samuel Timon initia Epi-  
scopatus Zagrabienensis Georgio collati in annos  
posteriores rejecit. Verum vel ante, vel post  
Tridentinum discessum hanc Ecclesiam illi de-  
mandatam fuisse argumento sunt litteræ Ferdi-  
nandi Viennæ scriptæ anno 1564. Kalendis Ja-  
nuarii, quibus tributum extraordinarium po-  
pulis Slavoniæ indixit, ad perficiendum mu-  
niendumque castrum Sissichii. In his siquidem  
nominatur Georgius Drascovich Episcopus Za-  
grabiensis.

Georgius ergo suscepta Ecclesiæ Zagrabienensis  
administratione, illud in primis curare omni-  
que studio eniti cœpit, ut clerum & populum  
sibi commissum ad sanctissimas Concilii Tri-  
dentinæ leges conformaret; omnemque operam  
adhibuit, ut decreta omnia Tridentina, sive  
quæ ad dogmata, sive quæ ad mores & disci-  
plinam referuntur, Slavonia universa recipe-  
ret; præsertim cum se ipse, totamque vitam suam,  
ac regiminis episcopalis rationem, ad illorum  
normam composuerit. Conciones crebras, &  
frequentissimas habuit; & e loco superiori cum  
divinæ legis præcepta, quibus omnis honestas,  
& pietas christiana continetur, tum vero sinceram,  
incorruptamque doctrinam a Patribus Tri-  
dentinis traditam ad vulgi captum dilucide ex-  
planabat. Totam diocelam peragravit; ubique  
pravas opiniones, quæ ex finitimis regionibus  
Lutheriana peste infectis irreperant, ex animis  
hominum penitus evulsit, depravatos populorum  
& clericorum mores correxit, recte creden-

Episcopus  
Quinque-  
ecclesiensis,

Orator Fer-  
dinandi II.  
ad Conci-  
lium Tri-  
dentinum  
missus.

Episcopus  
Zagrabien-  
renuncia-  
tus, & ap-  
probatus

Acta & de-  
creta Tri-  
dentina  
promulga-  
vit.

Tres Synodi diocesis hanc ab eo habita.

dendi, recteque vivendi formulam Tridentinis decretis consentaneam tradidit. Semel iterum, ac tertio parochos, praefatosque Ecclesiarum ad Synodum convocavit; & multo sapienter pieque decrevit, sancivit, instituit, quae ad cultum divinum augendum, & ecclesiasticam disciplinam restituendam, & stabiliendam pertinebant; nihil vero statuebat, quin cum praescriptionibus & legibus Concilii Tridentini congrueret. Paterna omnes caritate complectebatur, omnibus benefacere studebat; si quis ab eo quidpiam sibi aliisque peteret, vel dabat hilare, vel si abnueret, causas ejusmodi afferebat, ut qui repulsam ferret, se se contemptum nullo modo existimare posset. Sed potissimum in eo eminebat effusa in egentes ac miseros liberalitas, quos tristes & vacuos ab se discedere nunquam patiebatur. Annus 1570. insignis fuit annonae caritate, ac per hyemem praecipue tanta frugum inopia fuit, ut pauperes quorumcumque vel noxiorum eduliorum genere, quod nancisci possent, ad famem depellendam uti cogerentur; ex quo exitiales morbi existerent necesse erat. Tum vero optimus Praeful viscera suae caritatis patefecit; horrea, cellas, aerarium non aperuit solum, sed penitus exhaustit; quidquid enim proventus annui erat, id omne simulque magnam vim pecuniae in egenos large effulque erogavit; ex eoque praclarum illud cognomen invenit, ut *Pater Patriae & Pauperum* una omnium voce appellaretur. Disciplinae & continentiae ecclesiasticae custos & vindex acerrimus fuit. Quidam e Canonicis, sive instigante Andrea Deditio, qui per summum dedecus ordinis episcopalis ad partes Lutherianas defecerat, sive ea spe decepti, quod propediem fore putabant, ut Sedes Apostolica, multorum precibus exorata, potestatem nubendi presbyteris faceret, uxorem ducere praecipuerant. Sacrilegi & execrandi facinoris ulciscendi, & prorsus a clero suo eliminandi vehementissimo studio exardescens, nihil animadversionis & poenae praetermittendum censuit, ut connubia tam nefanda dissolveret, ac ne in posterum fierent, severissime caveret, ac sanciret. Quem vero ab illicito & scelestissimo concubitu abducere non potuit, eum Sacerdotio privatum exilio perpetuo multavit. Nihil in Canonicis, nihil in presbyteris culaeque ordinis, nihil in clericis, quod alienum esset a gravitate, modestia, & sanctitate ecclesiastica, impunitum esse patiebatur. Ut Ecclesiam ac diocesim sibi commissam ab omni haereseum labe intactam servaret, summam vigilantiam & sollicitudinem adhibuit; ac Lutherianae impietati omnem undique aditum interclusit. Quod Synodus Tridentina omnibus Episcopis magnopere commendavit, primus fere omnium id exsequi ac moliri coepit. Tridento vix redierat, cum praecipuas cogitationes & curas ad Seminarium clericorum instituendum contulit. Dum opportunitas domicilii comparandi, vel condendi facultas & occasio suppetere, clericos in aedibus episcopalibus pietate ac litteris imbuendos optimis magistris tradidit; quibus deinde & domum, in qua sub communi disciplina vitam & studia colerent, & proventus annuos, unde alerentur, attribuit. De virtutibus eximiis Draskovichii, & rebus ad salutem atque utilitatem gregis sibi concrediti salubriter, & pie gestis, fama praecleara, non solum Hungariam & Germaniam peragravit,

Pater patris & pauperum appellatus.

Seminarium clericorum instituit.

sed etiam in Italiam, & Romam pervasit, pervenitque ad aures Pii V. sanctissimi Pontificis, qui egregiis ejus institutis mirifice delectatus, has ad eum litteras dedit.

Venerabili fratri Georgio Episcopo Zagrabia. *Venerabilis frater, salutem & Apostolicam benedictionem. Christianae charitatis affectus, pastoralisque servitutis commune nobis cum Venerabilibus fratribus, & Episcopis nostris vinculum, non sinit nos expertes esse ejus latitiae, quam de illorum virtute conceptam, animo percipimus. Itaque cum de tua eximia in Deum Omnipotentem pietate, religionisque Catholicae studio, ac divini honoris zelo, multa constanti plurimorum fama ad nos allata essent, facendum esse existimavimus, ut non solum quantopere hac nobis grata accidissent, tibi significaremus, sed tibi quoque de eis gratularemur. Vera autem gratulatio est, quam non praesentis temporis, aut necessitas temporalis extorquet, aut terrena commendat utilitas, sed quae de sanctis, bonisque operibus suscepta, caelestis mercedis gloriam habet. Quod enim in gubernando, custodiendoque grege fidei tuae ab omnipotente Deo commissio, eam prudentiam, vigilantiamque adhibes, ut bonorum tuorum fama istis Pannonici regni finibus non contenta, huc ad nos usque perferatur; hoc gaudendum esse in Domino cognoscimus. Itaque gratias agimus Redemptori nostro, quod inter cetera pietatis suae dona, ita fraternitatem tuam catholicae religionis amore incendit, ut quidquid ad ejus conservationem propagationemque pertinere cognoscit, id & diligenter, & alacriter exequi non desistat. Quamvis autem eum, qui adjuvante Deo ita sit animatus, supervacuum videatur esse magis hortari; tamen quia te inter ceteras tuas virtutes, fraternae quoque hortationis verba libenter suscipere existimamus, idcirco hortamur, quam ingressus es ad calum ferentem viam, ab ea ne iter tuum deflectas; donec eo, quo contendis, pervenias. Sit clero populoque tibi commissio vita tuae sanctitas regula, atque norma; ad quam actiones, moresque suos uterque studeat conformare. Mali vitiorum poenam, boni virtutum premium, sibi a te expectandum esse intelligant. Haereticorum venena, ne gregem tuum inficiant, quanta potes diligentia contende. Quo minus ea semper agas, quae Deo beneplacita sunt, nullius te hominis metus deterreat. Nemo mercedem tuam evacuet. A nobis autem omnia fraternae charitatis indicia semper expectato: de qua nostra erga te propensione, cum hoc dilecto Francisco Diatalevo copiosius egimus, qui tibi has nostras litteras reddet, cui fidem habebis. Datum Romae apud S. Petrum sub annulo Piscatoris die 9. Augusti MDLXIX. Pontificatus nostri anno quarto.*

Epistola Pii V. ad Georgium, quae ejus eximias virtutes magnopere commendat.

Quem auctoritatis & gratiae locum Georgius apud Ferdinandum adeptus fuerat, eundem perpetuo tenuit apud Maximilianum filium, qui anno 1564. aequae imperium, ac regnum Hungariae parenti successit. Hic fidei, prudentiae, sollicitudinisque Draskovichii Episcopi tantum tribuit, ut post mortem Petri Erdeodi anno 1566. extincti, praefecturam trium regnorum ei contulerit, & Banum Dalmatiae, Chrobatiae, & Slavoniae constituerit. Nec sane opinionem ac spem Maximiliani Georgius fessellit. Erant ea tempora turbulentissima, tum intestinis seditionibus exagitata, tum vero a Turcis maxime infecta. Ille prope solus rempu-

Banus trium regnorum a Maximiliano Caesare constitutus.

blicam tot procellis ac fluctibus jactatam, ne funditus interiret, suis quasi humeris sustinuit. Concitationem ac seditionem rusticæ plebis, quæ & servilibus laboribus, & acerbissimis exactionibus per suos dominos gravari se opprimique querebatur, vi atque armis compescuit; simulque eorum onera ac tributa diminui jussit; cavique etiam, ne Præfeti oppidorum & castrorum episcopaliū, subiectis Ecclesiæ populis nova & graviora, quam ex decretis Eberhardi & Olvaldi constituta fuerant, sive opera imperarent, sive vectigalia imponerent. Populi inter Savum & Colapim, itemque viri quidam nobiles Turcicæ ditioni confines, cum Turcarum incursionem repellere se posse diffiderent, defectionem ad Turcas cogitare ac moliri cœperant. Hos Georgius sua lenitate & prudentia in fide atque officio continuit, & contra communes hostes confinia regni validissimis præsiidiis communivit. Joannes Vaivoda Transilvaniæ, & aliquot ejus regionis & Hungariæ proceres ad imperium Maximiliani depellendum conjuraverant, miserantque clanculum in Slavoniam, qui populos ad rebellionem sollicitarent, auderentque etiam fidem Draskovichii tentare, litteris Vaivodæ ad eum allatis, & amplissimis præmiis atque honoribus propositis. Perfidiam sane execrabilem Georgius exhorruit, & submissos ad se nuncios a tali ac tanto scelere gravissimis verbis deteruit. Rem omnem per litteras aperuit Maximiliano, qui prudentissimis & lenissimis Draskovichii consiliis usus, regionem illam pacavit, & principes auctoresque conjurationis ad fidem atque obsequium revocavit, ut scriptum reliquit Nicolaus Istvanus æqualis illorum temporum, & rerum gestarum testis locupletissimus, qui ad annum 1582. cum jam Draskovichius ad Ecclesiam Jaurinensem transisset, hæc potissimum, & Episcopo Agriensi laudem pacatæ Transilvaniæ attribuit: *Postremo, inquit, cum se Draskovichius Jaurinensis, & Raderius Episcopus Agriensis, ac plerique e magnatum numero, qui Cæsaris Consiliis adhibebantur, partes suas interposuissent, proque Cæsare omnia æqua & honesta, ac toleratu haud indigna, promississent, oblato ab ordinibus ad biennium subsidio, ac iis, quæ ad confinium tutelam contribuenda erant, iis contentionibus quærelisque finis impositus est. Et vero Maximilianus, Draskovichii remunerandi causa ob prodicionem Transilvaniam patefactam & compressam, Caspari ejus fratri arcem Trakustayn donavit, ob merita, inquit, Georgii Præsulis in nos patremque nostrum. Nec majorem intestinis discordiis sedandis, quam hostium externorum conatibus coercendis frangendisque laudem assecutus est. Contra Turcas non acie ille quidem, neque armis, sed consilio, vigilantia, providentia in omnes regni partes intenta pugnavit. Nulla fere militaris expeditio suscepta est, nulla pugna commissa, nisi ex ejus præscripto & imperio. Turcarum virès, & exercitus eo creverant, ut nihil propius esse videretur, quam ut universa Slavonia & Chrobatia potirentur. Patriæ defensionem, salutem suam ac libertatem gentes illæ Draskovichio potissimum debent. Collegam Banatus, sive adiutorem habuit Franciscum Zlanium, virum fortissimum, quem rei militari præfecerat, cujus opera ductuque ad bellum gerendum utebatur. Sed Zlanio intra quadriennium extincto, totius reipu-*

Turca per  
cum a Sla-  
vonia de-  
pulsi.

blicæ civilis ac bellicæ moles in unum Draskovichium incubuit, quam duos fere annos egregie sustinuit. Quantum ejus virtuti ac prudentiæ fideret Maximilianus, declarant creberrimæ hujus ad illum, & illius ad hunc litteræ; ex quibus apparet Maximilianum plurimi fecisse sapientissima monita, & consilia Draskovichii, & nihil opis & subsidii, quod peteret, ei denegasse. Sub initium anni 1574. Maximilianus cum Rodolpho filio, qui ante biennium in Comitibus Posoniensibus rex Hungariæ inauguratus fuerat, profecturus in Bohemiam, uni potissimum Draskovichio non Slavoniæ solum & Chrobatia, sed universæ Hungariæ, dum abesset, tutelam, & defensionem commendavit, itemque Carolum fratrem, quem sui absentis locum tenere jussit. Reducem e Bohemia Georgius rogavit, quod læpissime ante fecerat, ut se Banalis administrationis onere levaret, quo impensius ad rem Christianam & Ecclesiasticam gerendam omni cura & cogitatione incumberet. Æqua & honesta postulatio visa est Maximiliano, & quam primum liceret, se illius voluntati satisfacturum respondit; interea dum hominem idoneum reperiret, quem in ejus locum subrogaret, eadem fide ac diligentia, quam hætenus ostenderat, traditum sibi munus & officium exsequi pergeret. Cum vero illi successor datus fuerit, seu potius collega cum jure succedendi, hunc ab eo suis præceptis & exemplis ad provinciam illam bene gerendam institui oportere, antequam ipse magistratum illum deponeret. Si quem huic muneri laborioso sane ac difficili aptum novit, eum nominet, ac Cæsari eligendum proponat. Epistola Maximiliani ad Georgium, & responso ad ejus petitionem hæc est:

Petit ut li-  
ceat sibi  
Banatum  
deponere.

*Reverende fidelis nobis dilecte. E litteris tuis undecima hujus nobis datis, & nunciorum etiam tuorum ad nos missorum relatione intelleximus quantopere officio isto Banatus hætenus abs te perfuncto eliberari desideras. Recordamur equidem petitionum tuarum super inde læpius frequentatarum; sed cum nullus nunc sit in presentia, nec collega, nec alius rerum satis peritus, qui te discedente, munus illud statim in se desumere, & sufficienter administrare queat; hisce te benigne monendum duximus, ut aliquanto ulterius, quod si id amplius fieri non possit, saltem tamdiu perseverare velis, donec novus collega tibi adjungatur, isque rationes modosque regiminis hujus Banalis aliquanto magis addiscat, & concipiat. Fuerat quidem electio nostra in Casparem Alapii antea directæ, sed quoniam illum se propter insufficientiam etiam excusare cernimus, uti quidem antea per litteras de ea re sententiam tuam poposcimus; ex usu & nostra, & tuæ rei feceris, si is Alapii se subtrahere perrexerit, ut quem præcipue, & utilissime tibi nunc pro collega adjungendum, postea in tui locum substituendum censeas, nobis denomines, simul etiam alios, qui adhibendi essent, cum uni soli ista administratio, tam late patens, sit aliquanto difficilior futura, nuncupes. Quod cum factum fuerit, te postmodum, si omnino sic tibi animo statueris, clementer dimittere, & quietem petitam concedere haud abnuimus. Quod si ultra non, tamen ad festum D. Georgii saltem ut perseveres, & administratori novo rectas officii semitas demonstras; & te facturum non diffidimus, quomodo clementi nostræ satisfacies voluntati. Dat. in urbe nostra Vienna 27. die mensis*

Maximi-  
liani ad  
eum re-  
sponso.

sis Septembris, anno Domini 1574. Regnorum nostrorum Romani & Ungariæ duodecimo, Bohemiæ vero vicefimo sexto.

Alapius  
collega ei  
datus &  
successor  
futurus.

Anno proximo collegam accepit Casparem Alapium, futurum sibi successorem; nec vero ante annum 1578. Banalem Magistratum deposuit; in quo administrando singularis ejus æquitas & justitia potissimum excelluit, *quam demonstrant, ait Kereselichius, lata in foris sententia, leges constituta, miserorum oppressiones sublevata, mensurarum instituta æqualitas, decreta in favorem subditorum, . . . imo pervolante fama de Drasckovichii justitia, incolis repleta Slavonia.* Ecclesiasticam cum civili administrationem pari sedulitate conjunxit; idque satis declarant tres Synodi Diocesanæ, ut supra diximus, quos, dum Banali munere fungebatur, convocavit annis 70., 73., & 74. hujus sæculi, quorum acta & decreta sapientissima deperdita Scriptores rerum Zagrabienfium merito dolent. Jura ecclesiæ suæ vel amissa recuperare, vel strenue tueri nunquam intermisit. Cum in comitiis generalibus anni 1566. decretum factum fuisset, ut quæcumque antiquæ immunitates quibuscumque concessæ abolerentur, anno proximo in comitiis itidem generalibus causam prædialium Ecclesiæ & patrocinium ipse suscepit, effecitque, ut ii de sententia Concilii, decreto superioris anni eximerentur, novumque decretum fieret, quod illorum privilegia, de quibus supra dictum est, confirmaret. Incolas Castri, & territorii Siscienfis Capitulo subditos, Georgio Episcopo postulante, solutos & liberos ab omni tributo & munere Maximilianus esse jussit; præsertim cum illis temporibus, sua vigilantia, suis armis partem illam regni Turcis finitimam defenderent. Duas possessiones cœnobii Franciscani Varasdinensis Christophorus Ungnad Præfectus ejus oppidi, atque arcis annua pensione oneratas conduxe- rat; nec pensionem solvere, nec possessiones reddere, sed in Arcis, cui præerat, commodum, utilitatemque communem convertere volebat, cum diceret Fratres Franciscanos jure possidendi carere, quod tamen cœnobitæ illi Varasdinenses permissu Pontificis, & ex regis decreto peculiari obtinuerant. Hi causam suam Episcopo commendarunt, qui facile a Maximiliano impetravit, ut & neglectas superiorum annorum pensiones solvi, & prædium utrumque Fratribus restitui juberet; ut ex litteris regis apparet *dati anno 1572. in festo S. Margaritæ.* Sed illud in primis cordi & curæ Georgio fuit, ut fidem Catholicam ab omni errore intactam servaret; atque ad coercendos & eliminandos hæreticos potestatem utramque Episcopalem & Banalem adhibuit. Qui ab Ecclesia Romana dissentirent, eos vetuit stabilem

Ecclesiæ  
& subdito-  
rum Eccle-  
siæ immu-  
nitates ac  
privilegia  
vindicare.

Ad hære-  
ticos eli-  
minandos  
Banalem &  
Episcopalem  
potestatem ad-  
hibuit.

adipisci possessionem in universa Slavonia, magistratus gerere, honores assequi, quibuscumque muneribus fungi, ac ne serviles quidem artes exercere, aut cuiquam famulatum præbere voluit; id quod postea lege sancitum est. Ita voluntarium exsilium sibi consciscere illos coegit. Rascianos Schismaticos, & omnes vel hæreticæ vel schismaticæ impietatis suspectos proscripsit; hos qui resciperet, suoque patrocinio foveret, cum perfidiæ ac lætæ divinæ regniæque majestatis reum esse declaravit. Michaelem Buchicum, qui cum in ea regione, quæ Dravo & Muræ fluvii interjacet, conditionatoris officio fungeretur, perniciosa do-

*Mlyrici Sacri Tom. V.*

gmata spargebat e pulpito, ac populos a recta fide, & Romani Pontificis auctoritate abducere conabatur, in posteriori Synodo Diocessana diro anathemate confixit, & perpetuo exilio multavit. Severissimum ecclesiasticæ severitatis exemplum edidit in Franciscum Philippovichium Præpositum Chasmensem, & Canonicum ædis Cathedralis Zagrabienfis. Hic manipulum, ex oppidis vicisque diuionis ecclesiasticæ conscriptum, quod Banderium ecclesiæ vocant, anno 1573. ducebat; cum apud Ivanichium in quasdam Turcarum copias incidit, a quibus captus est, & Constantinopolim abductus. Nihil non egit optimus Episcopus, ut eum servitute barbarica eximeret; prope jam erat, ut vel commutatione captivorum, vel pretio soluto redimeretur; cum ille moræ omnis impatiens, carceris pedore, ærumnis, inedia fractus, quo citius libertatem reciperaret, per summam impietatem, ejurato Christi nomine, ad sectam Mahometanam descivit, & Mahometes appellari voluit; atque ut illorum, ad quos defecerat, gratiam sibi conciliaret, pollicitus est, si se Duce uti vellet, Sissechium Castrum intra triduum in potestatem Turcarum redigi posse; & fama fuit cum copiis Turcicis eum adventare, eoque potissimum spectare, ut Sissechio, Ivanichio, & Crisio potiretur. Infandum scelus & immane, quod magno dedecori erat ordini Sacerdotali universo, pœnis omnibus, dirisque execrationibus vindicandum esse Georgius existimavit. Infamem apostatam, ex formula ritumque Ecclesiæ Zagrabienfis, publico, solempni, horrendo anathemate confixit, extorrem urbe, regno, cœtu congressuque Christianorum declaravit; exemplum sententiæ in eum prolata circa omnes urbes, oppida, viros, villasque omnes misit, & ubique in templis primariis promulgari, illorumque januis affigi jussit. Deinde quidquid suppellectilis, & rerum aliarum in ejus ædibus repertum est, veluti eodem scelere contactum, carnificis manu comburi voluit, itemque ejus domum, fenestris portisque diffractis, atro colore extrinsecus obliniri ad terrorem incutiendum; quæ duos fere annos vacua & deserta fuit, cum illam, ob tale ac tantum ejus domini flagitium, veluti inextinguibilem, non solum ingredi, sed etiam contingere, religioni vulgo haberent. Ejusdem subellium Canonicale everit, canonicatum in perpetuum sustulit, & abolevit. Duas vineas habebat, omnes vites & arbores extirpari imperavit, ne ullos ex se fructus progignerent. Hæc summæ severitatis exempla in eum edere voluit, ut plurimis prodesse; & si qui deinceps in eandem captivitatem inciderent, quod temporibus illis sæpe accidebat, eos a tanta impietate deterrent. Postea & domum, & vineas illas, inflic- tis in eas, earumque dominum pœnis, quodammodo expiatis ad pristinam culturam, usumque revocandas censuit. Et vineas quidem, unam Petro Herechinczio Canonico Lectori, alteram uni de Presbyteris secundi ordinis donavit, & utrique eas conferendi colendique potestatem fecit. Ab utroque vocabulo antiqui Domini, Christiano & Turcico, nomen utraque accepit, ac retinet ad sempiternam memoriam tantæ impietatis, ac turpitudinis; altera siquidem *Franciscus*, altera *Mehemet* appellatur. Domum vero Philippovichii anno 1576. ad Seminarii usum convertit; & Clericos, quos ad

Præpositus  
Chasmen-  
sen, qui  
cum ca-  
ptus fuit,  
et a Tur-  
cis, a fide  
defecerat,  
diris ex-  
ecrationi-  
bus confi-  
xit.



eam diem in ædibus Pontificiis bonis artibus erudiendos curaverat, in eam migrare iussit. Hæc quoque ignominiosam notam suo vocabulo expressam retinuit; & ab illo colore atro, quo extrinsecus oblita fuerat, *Cherna Skola*, idest *schola Nigra* vocitari solet. Proventus sublatis, & extincti Canonici Seminarium attribuit. Tunc numerus Canoniorum diminutus, & ex undetriginta, ad duodetriginta redacti sunt.

Archiepiscopus  
Colocensis  
designatus.

Dein Georgius Episcopi simul & Bani personam sustinebat, & munus utrumque seduloviterque exsequebatur, titulum Archiepiscopi Colocensis & Bacsiensis obtinuit. Cum Ecclesia Bacsiensis initio subiecta esset Metropoli Colocensi, & postea cum hac illa conjuncta, exinde hic Metropolitæ alias Colocensis, alias Bacsiensis, alias utroque vocabulo denominari solebat. Porro Colocia jampridem sub potestatem Tarcarum ceciderat. Itaque Maximilianus Georgium Episcopum Zagrabiensem, tum honoris, tum remunerationis causa designavit Archiepiscopum Colocensem & Bacsiensem intra finem anni 1572., vel sub initium sequentis. Anno siquidem 1573. tabulis publicis inscriptus, his titulis ornatur: *Georgius Draskovith miseratione divina Ecclesiarum Bacsiensis, & Colocensis electus Archiepiscopus, Zagrabienensis Episcopus, Dalmatiae, Croatiae, Sclavoniaeque Banus, ac sacrae Caesaris regiaeque maiestatis Consiliarius*. Post obitum Francisci Frangipanii Archiepiscopi Colocensis, & translationem Georgii ad Ecclesiam Jaurinensem, Gregorius XIII. regiam designationem, & decretam ei metropolim Colocensem approbavit, ut est in actis consistorialibus. Anno 1582. 30. Aprilis ad præsentationem Caesaris provisum est Ecclesiam Colocensem sub Turca, cui etiam perpetuo unita esse dicitur Ecclesia Bacsiensis, per obitum b. m. Francisci de Frangipanis ultimi Archiepiscopi vacanti, de Persona Georgii Draskovich Episcopi Jaurinensis in regno Ung., magni Cancellarii, & Consilarii Caesaris, cum retentione dictæ Ecclesiae Jaurinensis in perpetuam administrationem.

e Zagrabienli fit  
Episcopus  
Jaurinensis.  
Magnus  
Cancellarius,  
& Locumtenens  
regni  
Hung.

Anno 1576. 14. Id. Octobris Maximilianus Imperator e viris excessit & Rodolphum filium regni Hungariæ & Bohemiæ atque Imperii heredem reliquit, qui ante aliquot annos regni Hungarici titulum & insignia sumserat. Hic anno 1578. in Comitibus Personarum Georgium Jaurinensem Episcopum nominavit, & perhonorifico Cancellarii gravissimoque munere cohonestavit; ille vero in iisdem Comitibus Banatum deposuit; successorque eidem datus fuit Christophorus Ungnadus; sed ejus opera ad rem publicam gerendam cum Caesar ægre careret, eundem ex Bano regium in Hungaria Locumtenentem constituit. Cum clerus ac populus ab eo peterent, & summe contenderent, ut Ecclesie Zagrabienensis administrationem retineret, constantissime abnuvit, sive quod religio illi esset duo sacerdotia episcopalia simul obtinere, sive quod se utriusque Episcopatus oneri ferendo non esse sibi videretur; præsertim cum futurum esset, ut in eum Colocensis etiam metropolis gubernatio incumbere. Annos fere novem Ecclesie Jaurinensis sapientissime, & sanctissime præfuit, quæcum anno 1582. Colocensem, & Bacsiensem permissu iussuque Sedis Apostolicæ coniunxit. Ob ejus illustria in rempublicam & Ecclesiam promerita, quibus vim & pondus addebant litteræ commendatitiæ Rodulphi Imperatoris, Six-

fr. Card.  
ualis.

tus V. Georgium in Cardinalium collegium cooptavit anno 1585., ac titulum Presbyteralem, ad S. Stephani de monte Cælio affixum, ei decrevit. Viennæ rubrum pileolum a Pontifice transmissum, Episcopo Viennensi tradente, solemni ritu ac cærimonia suscepit, ut tradit Nicolaus Istvanfius: Anno 1585. Gregorio vita functo Sixtus V. successit; Casare etiam atque etiam commendante, Georgium Draskovichium Episcopum Jaurinensem, & Cancellarium Ungaricum, virum doctrina, & vitæ morumque sanctimoniam, & pietate celebrem, in Cardinalium collegium cooptavit, misso ad eum Viennam per Casparem e familia Armorum, Bononiensem Patrium, purpureo galero, quem cum nomine Summi Pontificis in Templo D. Augustini de manu Casparis Episcopi Viennensis accepisset, ipse demum Ernestum, Mattheum, & Maximilianum Austriacos principes Casaris Fratres, cærimonia ejus spectatores, nec invitatos, sed pro singulari ipsorum humanitate, erga se & benevolentiam, ultero venientes convivio excepit. Societatem nostram plurimum amavit, & quibuscumque potuit beneficiis per quam studiose coluit. Rodolphum summis precibus exoravit, ut Præposituram Thurocientem societati attribueret ad collegium ibidem fundandum, cujus redditibus alii possent tum aliquot Presbyteri, qui Catholicis excolendis, & hæreticis oppugnandis operam darent, tum Magistri, qui juventutem Hungaricam pietate ac litteris imbuerent. Exat diploma Rodulphi, cui subscriptus est Georgius Cardinalis Colocensis.

Presbyteris Soc.  
Jesu Præposituram  
Thurocientem a  
Rodolpho Imper  
attribuendam cu-  
ravit.

Nos Rodolphus II. &c. memoriæ commendamus, tenore præsentium significantes quibus expedit universis. Cum ab eo tempore, quo hæreses, Deo ita permittente pullulare passim, & serpere, ac incrementum habere inciperant, non sine nostri regni Hungariæ, ejusdemque ecclesiarum damno factum sit, quod Sacerdotum Catholicorum numerus diminutus est, & per hoc ipse verus & antiquus Dei cultus decrevisse conspicitur; idque ideo potissimum accidisse conperimus, quod scholæ Catholice, in quibus ipsa juvenus erudiri, & ad Sacerdotium, verumque antiquum Dei cultum commodis instrui potuisset, vel raro admodum, vel propter defectum bonorum, & doctorum præceptorum, ac ipsorum scholarium sustentationem parum frequentata, ac celebrata fuerint; ut itaque ipsa Catholica juvenus deinceps per Dei gratiam accrescat, & major habeatur commoditas cum ipsam veram & catholicam religionem palam profitendi ab omnibus, tum etiam honesta litterarum studia amplectendi, & per hoc ad sacrum sacerdotii Ordinem aspirandi; decrevimus benigne, tum pro nostro in ipsam catholicam & antiquam religionem pio zelo, tum etiam ex consilio Dominorum Prælatorum, & Baronum, aliorumque consiliariorum nostrorum, in dictum regnum nostrum Hungariæ, sicut & in cæteris regnis nostris non sive magna utilitate, & propagatione ipsius catholice religionis factum est, religiosos clericos Soc. Jesu introducere collegiumque pro iis instituere ac fundare, in quo dicta juvenus erudiat, ex quo velut ex quodam Seminario Catholici Sacerdotes prodire, atque adeo antiquus verus Dei cultus incrementum, & propagationem habere possit. Quapropter ut dicto collegio Soc. Jesu, & personis Deo jugiter famulantibus, atque erudiendæ juventuti perpetuam operam navantibus, de vitæ aliarumque rerum necessariis queat esse prospectum præposituram con-

Diploma  
Caesareum.

ven.

ventus Ecclesie Beatissima Virginis Mariae in Comitatu Thurociensi existentem, per mortem & decessum Reverendi quondam Stephani Radetii Episcopi Agriensis, & Locumtenentis olim nostri, ejusdem praepositurae ultimi, veri, & legitimi possessoris, de jure, & de facto vacantem, auctoritate juris patronatus nostri regii, quo in omnibus praedicti nostri regni Hungariae Ecclesiis, more divorum quondam Hungariae regum praedecessorum nostrorum bona memoria, optimo jure utimur, simul cum omnibus ejusdem praepositurae bonis temporalibus, utpote dotibus, Castro Zao, nec non oppidis, villis, teloniis, possessionibus praediis, curiis portionibus, & quibuslibet juri- bus possessionariis, tam in dicto Thurociensi, quam vero in aliis quibuscumque ejusdem regni nostri Hungariae Comitatus existentibus, & habitis ad eandem praeposituram Thurociensem, de jure, & ab antiquo spectantibus, & pertinere debentibus, memorato collegio Jesuitarum applicavimus, dedimus, donavimus, & contulimus; ita & tali conditione, ut sufficientes societatis illius viri Religiosi in eodem collegio, juxta temporis conditionem continue resideant &c. Datum in arce nostra Regia Pragensi 29. Maji. Anno Domini 1586., regnorum nostrorum Romani undecimo, Hungariae & aliorum 14., Bohemiae undecimo.

Georgius Cardinalis Colocensis.

Mors Cardinalis Draskovichii.

Anno 1587., cum a Pontifice Romam accersitus esset, Galerii purpurei more majorum sumendi causa, dum quae ad Romanum iter necessaria essent, apparabat, desenterico morbo correptus, pridie Kalendas Februarii Viennae obiit non sine bonorum omnium dolore acerbissimo, translatusque Jaurinum in aede Cathedrali conditus est, eique filius sororis titulum fecit marmoreae tabulae inscriptum.

Georgio Draskovics S. R. E. Tit. S. Stephani de Monte Cal. Presb. Card. Archiep. Colocen. Episc. Jaurinen. & Comiti. S. C. R. M. Consil., per Hung. Locumten. prius Episc. Quinqueecclesien. Oratori in Conc. Trident. Episc. Zagrabien. Dalmat., Croat., Sclav. Bano, per Hung. Cancell. Avunculo suo, muniis vitaeque defuncto pridie Cal. Feb. MDLXXXVII.

Veteri per Turcas exciso everloque, novum ei monumentum posuit Georgius pronepos Episcopus Jaurinensis. Georgius Draskovics Episcop. Jaurinen. & Comes, Abbas Pörnen. Cruciger Sopronien. S. C. R. M. Consil. Pronepos, veteri monumento a Turcis labefactato novum posuit pridie Cal. Feb. MDCXXXVII.

Ciacconius cum eximia doctrina & eloquentia virum vocat, & postquam exposuit quibus quantisque honoribus ac muneribus perfunctus fuisset, antequam, inquit, in urbem veniret Cardinalitium Galerum suscepturus pridie Kal. Februarii 1587. Viennae obiit, & in cathedrali Giavarini Ecclesia sepultus est. Summis eundem laudibus cumularunt Scriptores non solum Hungarici, sed etiam extranei, veluti Spondanus, Pallavicinus in Hist. Conc. Trid., Martinus Cabrera, de Pontificibus, Petramellarius in Elogiis, & alii plures. Nicolaus Istvanus virum, ac vitae morumque sanctimonia & pietate celebrem appellat. Gregorius Pettho hoc illi encomium tribuit: Georgius Draskovich fuit vir timens Deum, probus, spectabilis, Sanctus, idemque Cardinalis, Colocensis Archiepiscopus, Jaurinensis Episcopus, Hungariae Locumtenens. Georgius Zvetrinovichius in sua ad Ztankovichium Illyrici Sacri Tom. V.

Elogia Georgio viri doctissimi tributa.

Episcopum Oratione: Omitto, inquit, hic columnen illud praeclarissimum pie recordationis Cardinalis sacrae Rom. Ecclesiae, Georgium Draskovich, quo neque sanctitate, neque litterarum, quantum in Episcopo requirendum est, studiis, non liberalitate, non ceteris virtutibus, Hungaria, Sclavonia, Croatiaque praestantiores habuerunt. Qui adeo virtute, sanctitate praecebat, adeoque omnium judicio laudabatur, atque nunc etiam summis laudibus extollitur, ut si quid egregium, si quid magnificum, si quid praesule dignum majores natu meminisse volunt, ex illius rebus fortiter gestis, acutè dictis, prudenter administratis, exemplum ducant.

Plura ingenii sui, doctrinae, eruditionis, eloquentiae ornamenta reliquit, quae Baltasar Keretelichius percurrit: Sunt autem haec: Philosophus verus; Orationes complures sacrae in Conciliis, Synodis, ad populum habitae; Romani Pontificis, ac Sedis Apostolicae auctoritas jussu Ferdinandi ad piissimum Ferdinandum, contra Germaniam sensum demonstrata; Acta denique Concilii Tridentini, & Historia annos illos completens; quibus ipse eodem in Concilio interfuit, & Oratoris regii munere functus est apud Patres Tridentinos. Hoc postremum opus, ait Keretelichius, anno 1730. a Comite Joanne Draskovich cuidam e Consiliariis Caroli VI. fuit submissum, quo deveniret ignoratur. Nos ejus habendi tenuit animus & sollicitudo, sed inane evasit desiderium.

Ejus opera litteraria.

#### JOANNES VI. EP. ZAGRAB. LIH.

E patrio municipio cognomentum Monoszloi assumpsit, sed avito cognomine Krantsicium appellatum fuisse tradit Thomas Kovalceovichus. Primum Canonicus Ecclesiae Zagrabien. deinde Praepositus Major, anno 1573. Episcopatum Quinqueecclesiensem obtinuit. Translato ad Ecclesiam Jaurinensem Draskovichio, Rodolphus Imperator Joannem nominavit Episcopum Zagrabiensem; regiam nominationem confirmavit Gregorius XIII.; & vinculo, quo illigatus erat priori ecclesiae, dissoluto, Zagrabien. Episcopum dedit, ut docent Tabulae Consistoriales: 1578. 29. Octobris, absoluit R. P. Joannem Monoszlojum Episcopum Quinqueecclesiensem a vinculo ejusdem Ecclesiae, & transtulit ad Ecclesiam Zagrabien. per supra dictam translationem (Georgii Draskovichii) vacantem in provincia Colocensi, in Slavonia existentem, cum retentione compatibilium. Retinuit autem more superiorum Antistitum Canonicatum Zagrabiensem. Quae Georgius Draskovichius egregie constituerat, rata esse voluit, & ab omnibus servari iussit; eandem, quam ille suis vestigiis impressam reliquit, justitiae, disciplinae, religionis viam tenuit; totius vitae suae, atque administrationis rationem ad leges & decreta Concilii Tridentini exegit; ad hanc regulam mores cleri populi, quo ad ejus fieri potuit, dirigendos curavit. Ladislavum Kerkem Canonicum in eadem flagitia relapsum, e quibus post salubrem admonitionem Draskovichii, seu ficta, seu vera poenitentia emerferat, loco movit, & bonis omnibus ecclesiasticis multavit. Sex fere annos huic Ecclesiae praesuit; per hos autem annos nulla quies fuit ab incursionibus Turcarum, quibuscum tamen semel atque iterum prospere pugnatum est. Tres annis superioribus amissas Busin, Crafin;

Joannes Monoszlojus & Przp. Major Episcop. primus Quinqueecclesien. dein de Zagrabien.

Georgii Draskovichii egregius imitator.

Res con-  
tra Tur-  
cas felici-  
ter gesta.

Zrinium nostri recuperarunt anno 1579. ; anno autem proximo, Septembri mense, ut est in codice MS. collegii Bononiensis Hungarici, magna victoria ab hoste reportata Septembri mense in Sclavonia; nam primo apud castellum Pokupsko rustici aliquot Turcas numero 60. in Colapim impulerunt, qui ibi misere periverunt. Secundo Comites Franciscus de Nadaš, Batthian, Zrinus, cum suis militibus versus Posegam obviarunt Begho Bolegano, qui Varasdinensem campum igne & ferro consumere decreverat; eo truncato, & capite in Chaktorniam delato, centum quinquaginta vivis captis, reliquis miserabiliter caesis adeo, ut cadavera Turcarum per unum milliare Hungaricum caesa jacerint. Anno 1584. Ferhatem Praefectum Bona in Slavoniam cum magno exercitu transgressum, postquam populationes late fecisset, multosque captivos abduceret, nostri milites ad Savum adorti, clade ingenti affecerunt; Turcae ad internecionem caesi, decem vexilla crepta, captivi ad sexcentos in libertatem vindicati. Eodem anno Joannes tertio nonas Novembris diem supremum obiit; cum antea testamentum fecisset, quod Rodolphus Imperator regali auctoritate confirmavit & communivit. Caesari ducentos majores aureos, cum pelvi argentea inaurata, pro defensione finium tria millia florenorum, tria millia ad praesidium Castris Bress, octingentos collegio Hungarico Bononiensi, totidem pro recto aedis cathedralis reparando, totidem pariter pro funere sibi faciundo, sexcentos suis consanguineis, ducentos denique adolescentibus legavit, qui Hungaricae linguae addiscendae operam darent. Tutores testamenti Georgium Draskovichium Jaurinensem, & Stephanum Radetium Agriensem Episcopos, Curatores duos Canonicos Nicolaum Zelniczium, & Casparem Grangium constituit. Funere quam amplissimo elatus, in aede cathedrali penes Osvaldum Episcopum, ut ipse in supremis tabulis jusserat, sepultus est, in sacello S. Ladislavi, prope aram S. Pauli Apostoli; & lapidi sepulchrali inscriptus est hic titulus

Hic ossa Reverendissimi Domini Joannis Monozlai Episc. Zagrabien. requiescunt

Anno 1584. reposita.

#### PETRUS EPISC. ZAGRAB. LIV.

Petrus Here-  
rellincius.

Herešinczio cognomen ei fuit. Ad collegium Canonicorum aggregatus cum fuisset anno 1566., demandata est illi praefectura & custodia castris Capitularis Siscienfis. Hac perfunctus, Archidiaconatum Kemlechensem obtinuit. Postquam Zagrabiae liberales artes & Philosophiam coluisset, ad studia illarum doctrinarum incumbere decrevit, quae virum ecclesiasticum maxime decent. Itaque Bononiam profectus anno 1570. in seminario Hungarico Theologiae & juris utriusque scientiae operam dedit. Quattuor fere annos in utraque disciplina diligentissime versatus cum fuisset, ex mandato Capituli regimen ejusdem seminarii suscepit. Sed vix integrum annum illis Alumnis praefuerat, cum eum mors patris Georgii Herešinczii custodis, & Vicarii generalis Zagrabiam revocavit. Redeuntem perbenigne excepit Draskovichius Episcopus, Lectoris nomen & officium ei contulit, ejusque doctrina atque opera ad rem publicam & ecclesiarum regendam plurimum usus est, & anno 1573., cum Joannes

Monoszlojus ad Sedem Quinqueecclesiensem even-  
tus, princeps Capituli subfellium vacuum reli-  
quisset, Petrum in ejus locum substituendum  
curavit, & Praepositi majoris dignitate ornan-

Praepositus  
Major.

dum. Comitibus Poloniensibus semel atque iterum interfuit, & in augustissimo illo Antistitum & Procerum conventu tam illustria sapientiae suae & utriusque juris scientiae documenta dedit, ut dignus atque idoneus haberetur, qui unus esset de illis, ad quorum disquisitionem & judicium leges & decreta referri solebant, quae in iisdem comitiis condebantur; neque antea valere, & promulgari poterant, quam recognita ab illis essent, & approbata. Anno 1584. ex nominatione regia, & decreto Pontificio Sedem Tinninensem obtinuit, quam anno proximo reliquit, cum a Rodolpho designatus fuisset Episcopus Zagrabienfis; ut ex epistola ejusdem Imperatoris ac regis Hungariae inscripta Capitulo Zagrabienfi colligitur: Nos, inquit, ex certis causis Episcopatum Zagrabiensem, cum annexa illi Abbatia de Topulska Petro Herešinczii Episcopo Tinninensi contulimus. Mandamus ut ei omnia bona possessionaria Episcopatus per vos hactenus ex concessione nostra administrata, & res mobiles cum inventario assignetis; ac rationem de administratione facta ei detis. In Arce Pragensi die 8. Martii 1585. Nec vero ante triennium Zagrabiam venit; quippe cum Rodolphus Georgio Draskovichio Archiepiscopo Colocensi, & Episcopo Jaurinensi ad munus regii Cancellarii fungendum adiutorem dedit. Interea Petrus Joannem Ottaucium Archidiaconum Varasdinensem, qui rebus ecclesiasticis praesesset, Vicarium generalem, & Nicolaum Mikaczium Cantorem, qui proventus mensae episcopalis administraret, procuratorem constituit. Dum regio Cancellario operam navabat, Rodolphus remunerationis causa ei contulit Abbatiam de Giach, vestigalibus sane optimis instructam anno 1586. Stephanum Bodouczium Archidiaconum cathedralem ob insignia illius merita, itemque ejus fratris filium, & heredes onere solvendarum decimarum ex quadam vinea, quam possidebat, liberos & immunes esse Petrus voluit, ut constat ex litteris Pragae scriptis anno 1587. Kalendis Augusti: Ob merita, inquit, in promovenda doctrina evangelica in Ecclesia cathedrali, Stephani Budouczii J. U. Doctoris, & cathedralis Archidiaconi, studio indefesso temporibus retroactis, ac praecipua in hac longa nostra absentia, nil praetermittens, quod ad Praedicatoris munus spectat, cum, ac nepotem ex ejus Fratre Thoma Nicolaum, cum beneficiis a decimis in vinea Rachinsciak in Lascchina libertamus. Duos oratores anno eodem Capitulum misit, Viennam quidem Baltsarem Napalium Canonicum, Pragam vero Georgium Zalatkium Archidiaconum Urbocensem, tum de repetendis superiorum annorum pensionibus, quas avarum publicum pro decimis eidem locatisolvere debebat, tum de subsidio postulando pro reparatione parietum, ac tecti praesertim, aedis cathedralis. Utrumque, adnitente potissimum Petro Episcopo, impetratum est; siquidem Imperator quadringentos pro neglectis pensionibus, ter mille florenos ad restaurandam basilicam Zagrabiensem numerari jussit. Cum Georgius Draskovichius Episcopus Jaurinensis, Archiep. Colocensis, & regius Cancellarius anno 1587. sub exitum Januarii obisset, Rodolphus Imperator in Sedem Jaurinensem Petrum sub-

Episcopus  
Tinninien-  
sis, deinde  
Zagrabien-  
sis, & Ab-  
bas To-  
pulsken-  
sis

absens per  
Joannem  
Ottaucium  
Vicarium  
Gener. Ec-  
clesiam ad-  
ministra-  
vit

At Episcopus Jaurinensis & administratorem Ecclesie Zagrab. retinuit.

Præposito majori, & lectori certum in area Capitulari domicilium assignavit.

substituit, & cum Episcopatu Jaurinensi manus Cancellarii eidem contulit. Dem exspectantur litteræ pontificiæ, quibus ab una ad alteram Ecclesiam transeundi potestas ei fieret, utrumque episcopatum retinuit. Exinde in suis litteris hos sibi titulos inscripsit: Petrus Hereffinczy Ecclesiarum Jaurinensis & Zagrabienfis Episcopus, Abbas de Topuscka, & Giak, sua majestatis Casarea regie Consiliarius, & summus regni Cancellarius. Cum Præpositus major, itemque lector Ecclesie Zagrabienfis, certis ac propriis ædibus carerent, suum utrique domicilium in area Capitulari assignavit, ut docent ejus litteræ, quas Pragæ scripsit idibus Octobris anno 1587.

Nos Petrus Hereffinczy Dei gratia Zagrabienfis & Jaurinensis Ecclesie Episcopus, ac Ecclesie Beatissimæ Virginis Mariæ de Thopuscka, & Gyak Abbas, nec non sacre Casarea regieque majestatis Consiliarius, & summus per Hungariam Cancellarius &c. Memoria commendamus tenore præsentium, significantes quibus expedit, universis; quod nos ex animo nostro cupientes, non solum veterem & approbatam Capituli dictæ Ecclesie Zagrabien. nostræ formam, ac consuetudinem in suo statu, prouti a prædecessoribus nostris olim instituta, & ordinata esse dignoscitur, illibate conservare; verum etiam ea, quæ temporum injuria immutata forent, proposse nostro restaurare; idcirco domus, seu curias Venerabilium Præpositi majoris & lectoris, quæ inter alias domos, & fundos canonicales in ipsa area Capitulari existentes, & habitas a fundatione dicti Capituli nostri, dignitatibus annexæ, ac libere, vetustate tamen, & temporum procellis solo æquata manifeste cognoscebantur, designandas esse existimavimus. Atque primum domum quandam lateritiam in dicta area nostra Capitulari per Reverendum quondam Dominum piæ memoriæ Georgium Hereffinczy Custodem & Canonicum ejusdem Ecclesie, patrum nostrum charissimum extructam, ac a parte Occidentali inter duos fundos canonicales sitam, in quibus ad præsens a Septentrionali Vener. Dominus Matthias Dombrinus Camarcensis, a meridionali Caspar Granya Bexin. Archidiaconi, & dictæ Ecclesie nostræ Canonici resident; post nostram ad hunc Episcopatum promotionem. Reverendo Caspari Zrankovachky ut Præposito Majori, ac pro subsequentibus quoque Præpositis Majoribus, ad inhabitandum resignatam sub censu centum & viginti quinque tallerorum, vel prout ipsis de inhabitatione ejus transigere visum fuerit, sine tamen præjudicio Ecclesie nostræ præfate, ipsi præpositura majori concedimus. Aliam vero similiter domum lateritiam, quæ penes piscinam a parte Orientali in eadem area Capitulari inter alios duos fundos Canonicales, quos ad præsens a meridionali Vener. Stephanus Budocz Cathedrales, a Septentrionali Martinus Zempchinus Dubiacensis Archidiaconi & Canonici inhabitant, extructa & sita est, quamque nunc Reverendus Nicolaus Zelniczey Lector more suorum prædecessorum inhabitat, ipsi Lectoratui, utpote jam inde a memoria hominum, sine omni estimatione, & solutione per Lectores ejusdem Ecclesie nostræ libere possessam absque omni solutione & gravamine, annectendas & applicandas duximus, prout annectimus & applicamus præsentium per vigorem; in cujus rei memoriam, & testimonium, firmitatemque perpetuam præsentibus litteras nostras, manus nostræ propriæ subscriptione,

& autentici sigilli nostri impressione communitas, & roboratas, Præposito Majori, & Lectori, eorumdemque successoribus universis dandas duximus & concedendas. Datum Pragæ 15. die mensis Octobris, anno Domini 1587. Idem qui supra Petrus Episcopus Zagrabienfis & Jaurinensis.

Sub initium anni 1588. Nicolaus Zelniczey Lector, & Orator ad comitia Polonienfis missus, Canonicos admonuit de proximo adventu Petri Episcopi, scilicet post vel ante conventum Varasdinensem, qui ad diem vicessimam primam Februarii indictus fuerat: Finita jam dicta (Polonienfis) Episcopus noster Zagrabienfis propediem istuc venit, postquam interfuerit Congregationi regni, per Banum undecima Januarii Polonio jam Varasdini indictæ, pro die 21. Februarii; in qua Oratores conclusos in Dieta articulos referemus; crediturque Archidux Carolus, aut ipse, aut per Speciales Commissarios suos compariturus aderit. Et vel ante vel post Congregationem, ingressum tandem suum intendit. Quod significo, ut eum in die ingressus sui pro more excipiant. Dat. Petovii die 21. Januarii 1588. Sed vix ad gubernacula Ecclesie sibi traditæ accesserat, cum eum Casar Pragæ revocavit, ut apud se Cancellarii munere fungeretur. Hoc eodem anno Sixtus V. Petrum e vinculo, quo Ecclesie Zagrabienfis adstrictus tenebatur, exemptum, Ecclesie Jaurinensi præfecit, regie nominationi obsecundans; ut est in tabulis consistorialibus: 26. Octob. 1588. Absolvit Reverendiss. P. Petrum Episcopum Zagrabiensem e vinculo ejusdem Ecclesie; & ad nominationem Cas. majestatis reg. Hung., transtulit ad Ecclesiam Jaurinen. per obitum b. m. Cardin. Colocen. vacantem. Post biennium, Pragæ dum esset, repentina morte sublatus est, translatusque Jaurinum in æde cathedrali conditus fuit. Paullus Fuichichius medicus physicus, memoris gratique animi causa titulum fecit.

Reverendissimo D. D. Petro Hereffinczy Episc. Jaurinen., & Conf. perpetuo S. C. Reg. M., summo per Hungar. Cancellario Paulus Fuichich Philosoph. & Medic. D. Patrono meritissimo P. Obiit Pragæ X. Junii MDXC.

#### CASPAR EPISC. ZAGRAB. LV.

Ex illustrissima familia Zrankovachia, cui cum Draskovichia communio sanguinis intercedebat. Ab incunabulis in sibi optimæ parentis & matronæ religiosissimæ educatus, pueritiam egit ex ejusdem sanctissima disciplina. Adolescentia ineunte profectus est in Aulam Georgii Draskovichii Episcopi consanguinei sui, qui eum latinis litteris & bonis moribus solerti magistro imbuendum tradidit. Ab eoprimo Viennam, deinde Bononiam missus, Philosophiæ, Theologiæ, juris utriusque doctrinæ diligentem operam navavit. Bononiæ, dum in eas, quas dixi, disciplinas incumbere, absentem in collegium Canonicorum retulit. Post confectum studiorum curriculum, jubente Capitulo, regimen seminarii Bononienfis Hungarici suscepit. Eidem Draskovichius a Rodolpho Imperatore conferendam curavit Præposituram Chalsmensem, & Glongocensem, quæ cum Chalsmeni conjuncta fuerat anno 1569. Cumenim Canonici Chalsmenles Zagrabiam translati, ob jacturam bonorum suorum, quæ in Tur-

Zagrabiam venit, ac paullo post discessit a Casare revocatus, & Episc. Zagrab. decessit.

Caspar Zrankovachius.

carum potestatem venerant, rerum inopia laborarent, nec sacerdotia civitatis Zagrabienſis, unde viverent, conferri ſingulis poſſent, nihil propius factum eſt, quam ut collegium Chafmenſe diſſolveretur; & alii alio abire jam decreverant, ſoumque miniſterium aliis Eccleſiis addicere, unde illis, quæ ad victum cultumque neceſſaria erant, ſuppeditarentur: quæ diſſolutio ſi fieret, tum id regno Slavoniæ dedecori eſſe videbant; tum vero in Comitibus generalibus ejusdem regni, aliquot ſubiellia vacua relinqui, & eorum, qui convocari, & de rebus publicis conſuli ſolebant, ſuffragia & ſententias imminui oportuiſſet. Ergo decretum eſt, ut aliquot ſacerdotia, cum primum vacarent, cum ſuis redditibus Capitulo Chafmenſi attribuerentur. Primum igitur Præpoſitura Glongocenſis anno 1569. vita ſuncto per eos dies Præpoſito, ad menſam Capitularem Chafmenſem adjuncta eſt, ejusque una cum titulo adminiſtratio Præpoſito Chafmenſi in perpetuum commiſſa. Ita Caſpar ſimul Chafmenſis, ſimul Glongocenſis Præpoſitus fuit. Deinde utraque præpoſitura diſmiſſa, dignitatem Præpoſiti majoris Eccleſiæ Zagrabienſis ſibi a Rodulpho collatam adeptus eſt. Sub initium anni 1588. e Comitibus generalibus Slavoniæ, quibus interfuit, miſſus eſt in Dalmatiam Auſtriacam cum Stephano Berislavio, & Caſpare Petriſcevicio, ut arces & conſinia luſtrarent, & regionum veſtigialium, quæ ob injuriam præfeſtorum, valde diminuta eſſe ferebantur, rationes repoſcerent. Intra finem ejusdem anni cum Petrus Hereſſinczius adminiſtrationem Episcopatus Zagrabienſis depoſuiſſet, Caſparem ſummo omnium regni Slavoniæ ordinum conſenſu commendatum, & expetitum, Rodolphus Imperator nominavit Episcopum Zagrabienſem; anno autem proximo Sixtus V. regiam nominationem confirmavit: 1589. 20. Martii ad nominationem *Caſaris Hungaria regis providit Eccleſiæ Zagrab. in Sclavonia per tranſlat. Petri ad Eccleſiam Jaurinen. vacanti de perſona R. P. Caſparis Præpoſiti majoris ejusdem Eccleſiæ, docti & idonei, licet non graduati; ſuper quo ſanctitas ſua diſpenſavit, cum retentione compatibilium &c.* Itaque ipſe quoque, ut proximi deceſſores, Canoniatum Zagrabienſem retinuit. Baſilicam cathedralē ſolemni pompa inter fauſtas cleri, populique acclamationes adeuntem Matthias Czechovichius Canonicus excepit eleganti oratione; ex qua Kerelichius hanc particulam decerpiſit: *Cum in ſacris publicisque occupariſ operibus, virtutes longe lateque diſſeminas; ut Hungaria atque Sclavonia primates & proceres, regnis ruinam minantibus, opera bonorum virorum laturi ſuppettas; te unum Zagrabienſi Eccleſiæ communi ſuffragio præficiendum cenſuerint. Ad horum arbitria acceſſit grata Imperatoris voluntas &c.* Et in altera oratione quam uno alterove poſt anno ad eum habuit Georgius Zventinovichius poſt Turcas ab Siſcienci obſidione depulſos anno 1587. Caſparis laudes his verbis perſequitur. *Nam dum hoſtis infeſtiſſimus Turca noſtros lares, focosque variorum liberos circumdare, ac perpetua captivitati ſubjugare vellet; tua ſapientia divinitus illuſtrata, una cum Siſcienciſium militum ſelectiſſima turma, ad depellendam eorum rabiem, inſtar Ducis & Imperatoris fortiſſimi, tua præſentia propulſaſti. . . Poſt valedictionem pia memoria Reverendiſſ. Petri Hereſſinczi, ejusdem Episcopatus*

*olim veriffimi adminiſtratoris . . . te primum inviſſiſſimo Imperatori Rodulpho commendavit &c.*

Suſcepto Episcopatu, totum ſe pro gregis ſibi concrediti utilitate, & ſalute devovit, nullis vigiliis neque laboribus parcens, ut illi prodeſſet; atque ad augenda Eccleſiæ ſuæ commoda, & avertenda incommoda, omnes ſuas cogitationes curasque convertit. Haud pauci e clericis, qui humanis ſacriſque litteris in ſeminario ſive Zagrabienſi, ſive Bononiienſi erudiebantur, & ſumptibus Eccleſiæ alebantur, ut Deo & Eccleſiæ inſervirent, idoneique operarii Evangelici evaderent ad vineam Dominicam excolendam, poſt abſoluta ſtudia, clericali habitu depoſito, ad priſtinum ſæcularis vitæ inſtitutum redibant. Huic malo ut obviam iret, vetuit quempiam in hujusmodi ſeminaria recipi, quin antea jurejurando fidem ſuam obſtringeret, ſe cum primum liceret, ſibiſque imperatum foret, ordines ſacros ſuſcepturum, ſeque in perpetuum eccleſiaſticis miniſteriis ad dicturum. Hanc autem juramenti formulam illis præſcripſit: *Ego N. N. ſeminarista Vener. Capituli hujus almæ Eccleſiæ Zagrabienſis, juro per Deum, & per glorioſam Dei genitricem Mariam, & per omnes Sanctos & electos Dei, quod obediens, & gratus ero almæ huic Eccleſiæ Zagrabien. ejusque Præſbitero, & toti Capitulo, Dominis videlicet ac Patronis meis, ſine quorum licentia, & voluntate, ex ſeminario, in quod gratia eorum receptus ſum, non diſcedam; ſed cum, & ubi opus videbitur, ſacris initiabor ordinibus, & eccleſiaſticis miniſteriis in hac diœceſi, fidem Catholicam proſitendo, perpetuo inſerviam. Sic me Deus adjuvet, & hæc ſancta Dei Evangelia.* Auctor etiam Capitulo fuit, ut novos colonos caſtri Capitularis Okunſiakienſis, ad fidem ſibi præſtandam, ſeque Dominos agnoſcendos & colendos, haud diſſimili ſacramento adigeret. Hi ſiquidem poſt Veliſkam, Chalmam, Monozlon, & alias Slavoniæ arces amiſſas, & in poteſtatem Turcarum reſtaſtas, cum ex illis locis ad terras & oppida Capituli Zagrabienſis conſugiſſent, jaſtabant ſe liberos eſſe, neque illis legibus, & obedientiæ vinculis, quibus indigenæ aſtricti erant, teneri volebant; & Canonorum in ſe reſque ſuas dominationem aperte abnuebant. In judicium ſæpius vocati, cum multorum magiſtratuum ſententiis damnati fuiſſent, ac demum coacti vel ab illis terris recedere, vel debita fidei atque obedientiæ officia Canonicis præſtare, ſupplices petierunt, ut ibi manere, & quas cœperant, ſedes retinere ſibi liceret. Et Coloni quidem Okunſiakienſes ex mandato & præſcripto Capituli in hæc verba, & hanc formulam jurarunt. *Nos Communitas Colonorum de Okunſiak, juramus per Deum vivum, & B. V. M. & omnes Sanctos & electos Dei, quod amodo in poſterum iſti Eccleſiæ D. Regis Stephani, totique Capitulo Zagrabienſi, Dominis videlicet noſtris legitimis, & eorum ſucceſſoribus, erimus fideles, obediens, & eorum ſubditi; ipſiſque una cum heredibus, & poſteritatibus noſtris, ſemper fideliter ſerviemus; nec alios Dominos, præter ipſos, quamdiu in illorum bonis manſerimus, agnoſcemus. Ita nos Deus adjuvet, & fides noſtra Chriſtiana.*

Tectum baſilicæ cathedralis jampridem inchoatum partim ex pecunia, quam Petrus Hereſſinczius in id opus reliquerat, partim de ſuo con-

Clericos alumnos Semin. Zagrab. & Bononiensis. ſacramento adigi jubet ad ſacros ordines ſuſcipiendos.

Itemque novos colonos caſtri Capitularis Okunſiakienſis ad præſtandam obedientiam Capitulo.

Episc. Zagrab.

Elogia illi tributa.



Leges in  
Synodo  
prescriptis  
curatoribus  
animarum.

consecit atque absolvit. Anno 1591. Synodum diocesanam convocavit, & saluberrima decreta constituit, ac praesertim sapientissimas leges parochis, & curatoribus animarum praescripsit, ad quarum normam suam ipsi vivendi rationem, & Christianae plebis sibi commissae institutionem exigerent, ut scriptum reliquit Thomas Kovalceвичius: Subalternis curatoribus salutare praescripsit regulas, juxta quarum dictamen ipsi se, & concreditas animas ad viam salutis dirigerent. Quanto vero zelo id praestiterit, optime demonstrant acta ejusdem Synodi ad diem 18. Junii anno 1591. indictae & celebratae; quorum exemplar sacris dogmatibus, & salubribus institutis refertissimum, etiamnum videre est in archivo Capit. Zagrab. vulgari idiomate conscriptum; unde intelligi datur iis temporibus in diocesi hac, propter defectum publicarum scholarum, clerum forenses illiteratis viris, quos Glogolitas vocamus, permixtum fuisse.

Bis Siscia  
obsessa &  
hostes re-  
pulsi.

His temporibus nulla quies ab incursionibus metuque Turcarum, nullum ab armis otium fuit. Nondum quidem induciae, superioribus annis pactae cum Turcis, exierant; sed identidem aequae ab hostibus, atque a nostris arma sumebantur ad damna ultro citroque vel inferenda, vel repellenda; nec satis patuit unde initium injuriarum ortum fuerit. Praefectus Bosniae Hassanes Constantinopolim misit qui regem Turcarum de violatis per Caesares & regios milites induciis docerent, simulque subsidium militare peterent, & facultatem aperto Marte ruptam pactorum fidem ulciscendi. Nihil tunc impetratum est. Sed perinde ac si utrinque bellum rite indictum fuisset, in Slavonia & Chrobatia assidue bellatum est; rapinae, direptiones, vastationes, caedes numquam intermissae, leviora praelia identidem commissa, fortuna variante, modo Turcis, modo nostris prospera. Hassanes semel atque iterum Sisciam circumdedit atque oppugnavit. Nicolaus Mikacius, & Stephanus Fabricius, Canonici castello praepositi, hostem repulerunt. Bihaczium, urbem perantiquam & principem totius Chrobatiae, quam tum propugnacula validissima, tum amnis Unna profundo alveo circumfluens, egregie muniabant, octava, quam obsidere coeperat, die Hassanes ad deditionem compulsi; neque umquam postea recuperari potuit. Anno 1593. Conventus generalis Slavoniae habitus est in area, sive urbe Capitulari, cui Episcopus cum Capitulo interfuit. Cum multa peaeclare constituta sunt ad ejus regni defensionem, tum etiam Ernesto Archiduci expositum est periculum, in quo versabatur Siscia, fide ac virtute Capituli ad eam diem defensas; & supplicatum eidem, ut a Rodolpho Caesare subsidium & auxilium impetraret. Libellus supplex in haec verba confectus est: *Castrum etiam Sziczeg & Drenchina multis calamitatibus & periculis undique circumsepta indigenis militibus majori numero, quam hactenus, necessario munienda essent. At jam saepius declarata fide, & virtute, qua Vener. Capitulum Ecclesiae Zagrabienensis contra Bassae Bosnensis binariam invasionem, Dei gratia, propriis dictum castrum Sziczeg sumptibus defendenti, idque palam omnibus constare arbitramur. Verum depopulatis omnibus ejusdem castri bonis, & proventus, cum per memoratum Capitulum sufficienti praesidio, comaeatu, & alii rebus ac munitionibus muniri minime possit; dignetur mature Serenitas sua, aut cum*

Subsidia  
postulata  
ab Ernesto  
Archiduce  
& Rodolpho  
Imp. pro defen-  
sione castri  
Siscien-  
sis.

*Dominis Styriacis, aut Sereniss. Majestate, pro refundendis bonis eidem Capitulo, ut in posterum etiam praefatum castrum Sziczeg, per ipsos Dominos Capitulares commodius defendi, ac conservari queat, modum inire & tractatum. Monasterium etiam ordinis Fratrum S. Pauli primi Eremita Lepoglava vocatum, & in hoc regno & Comitatu Varasdinensi existens, ipsis Dominis Capitularibus Ecclesiae illorum bonis quasi omnino tam per Turcas, quam etiam militum insolentiam desolatis & exiguis, propter illorum summam virtutem in defensione saepe dicti castri Sziczeg, factam & exhibitam, ut a Sua majestate daretur, efficere. Nam praedicti fratres in partibus Hungariae pauci, & sine omni fructu, tam cultus divini, quam regni commorantes, sufficientissima bona habent, & possident.*

Siscia ter-  
tio oppu-  
gnata, &  
Turcis ad  
internecio-  
nem exis  
liberata

Eodem anno mense Junio Hassanes ex copiis & praesidiis Bosnenibus ingenti exercitu conflato, Sisciam tertio aggreditur, & vehementissime oppugnat. Adfuit in tempore Echembergius, summus regii exercitus Imperator, cum delectis ducibus ac militibus; & commissa cum hostibus pugna insignem victoriam reportavit. Siscia obsidione liberata est, ad duodecim millia Turcarum partim caesa, partim dum fugerent, Odrae & Colapis fluviis submersa, ac vorticibus hausta dicuntur. Hassanes quoque cum primoribus Turcarum periit. Quae clades Amurathem regem Turcarum impulit, ut bellum apertum Rodolpho indiceret, quod vario Marte gestum, annos ferme tredecim tenuit, Hanc tertiam Siscientem obsidionem, usque ad Echembergii adventum egregie sustinuit, & Turcica clade gloriose victoriae laudem non exiguam sibi vindicavit Blasius Gyurakius Archidiaconus Dubicensis, quem Canonici custodiae ac defensioni castri Siscienensis praeposuerant. Quamobrem praesules, & proceres regni Slavoniae in conventu generali Zagrabienensi sub initium anni 1595. ejus eximiae virtuti, & egregiis in rem publicam, & Christianam meritis, hoc illustre testimonium dederunt. Nos universitas Dominorum Praetorum, Baronum, Magnatum & nobilium, ceterorumque statuum, & ordinum regni Slavoniae, memoriae commendamus tenore praesentium, significantes quibus expedit universis: Quamquam virtus per seipsam clara sit, aeternaque habeatur; nulla etiam sui commendatione indigeat; praeclarum tamen ducitur res vita & immortalitate dignas ab hominum oblivione vindicare, perpetuaeque memoria custodiendas ad posteritatem transmittere; ut inde omnis aetas & status, exemplum sibi tamquam ex speculo eliciant; & incitamentum ad praeclara, & gloriosa quoque auspicanda habeant. Quo nomine cum in omni vitae suae cursu, insigni laude semper claruerit Reverend. Dominus Blasius Gyurak tum Archidiaconus Dubicensis, nunc vero Cantor, & Canonicus Ecclesiae Zagrab. potissimum tamen anno Domini 1593. mense Junio, tertiaria gravissima & periculosissima obsidione arcis Szik, aeternum sibi & immortale nomen apud universum hoc regnum, vicinasque & adjacentes provincias, & ditiones, rebus summa virtute, constantissimoque animo viriliter gestis comparavit. Praefecturam enim arcis Sziciana a Fratribus & Canonicis suis, astuantissima illa flagrantium bellorum tempestate, sibi demandatam & commissam ita administravit, ut vix trecentorum militum manu stipatus, Hazan Bassae Bosneu. ferociam, inaudita-

tumque superbiam imperterritus, obsidionem gravissimam præ oculis habendo, hilari vultu, magnoque animo sustinuit, obsessus, ac undique mira ac stupenda magnitudinis bellicis machinis tantopere impetitus, ut muris fere solo aequatis, nullum devicti animi indicium dederit. Immo milites ab aquis per hostem prohibitos, & comatus proprii gratuita ac liberali distributione, quotidie magis magisque ferventiores, ac ad omnia imperata cum aviditate, & summo studio capefenda, & exequenda promptissimos effecit. Amisso autem socio, aliisque duodecim potioribus, cum & ipse grave vulnus accepisset; nec minis, nec pollicitationibus; quæ frequenter per sagittas in arcem mittebantur, ad turpem deditionem compelli potuit; sed extrema quæque prius, dulcemque pro dulci patria mortem Deo, patriæque offerendam ratus, tandem omnes hostium callidissimas, & ravidissimas molitiones sustinuit, donec ille vix expectatus Christianorum exercitus, præsentissimam opem tulit; hostemque aperto Marte & campo adortus, laudabili illa, & toti orbi Christiano lanissima de Hazan Bassa caeso victoria fudit; ubi etiam singularem virtutem ipsius Dom. Blasii Gyurak videre licuit; congregantes enim quamprimum vidit duos exercitus, parvumque agmen cum immenso immanium belluarum pelago collatum, non hanc aut illam belli fortunam expectavit; sed protinus ex arce deducto milite in proximos hostes tanto impetu, tantaque animi audacia invectus est, ut egregio stratagemate edito, multisque partim casis, partim in aquas confectis, optima de hoste spolia in arcem reportavit. In ejus itaque rei gesta immortalē memoriam & documentum, præsentēs litteras nostras testimoniales, sigillo nostro impendente consignatas, memorato Dom. Blasio Gyurak dedimus. Dat. Zagrab. fer. 2. proxima post festum Epiphaniorum Domini. Anno ejusdem 1595. in nostra generali Congregatione.

Siscia quædam  
to a Turcis  
oblecta &  
capta; sed  
ab illis  
relicta redi-  
te in po-  
testatem  
Capituli.

Anno eodem Sisciam, Turcæ quantum oppugnare aggressi, tandem ceperunt, e duobus Canonicis arci præpositis, uno interfecto altero in captivitatem abducto. Luctuosissimi hujus facinoris narrationem persecutus est Johannes Tomcus Marnavitus in dissertat. quadam, quam de sacris Ecclesiarum ornamentis &c. anno 1635. Romanis typis vulgavit; reique male gestæ causas consilio attribuit minus quidem pio, at fortassis necessario, quo Zagrabienſis Senatus usus est: cum etenim milites, qui Siscientem arcem incredibili virtute adversus triplicem Turcarum obsidionem defenderant, solvi sibi stipendia minaci, atque acerba contentione postularent, neque exhaustum triennio belli Turcici ærarium pecuniæ tantum sufficeret, quantum militibus redderetur, aurum, atque argentum, quo in sanctiori sacrario sacra lipſana miro, pretiosoque opere circumobducta, atque ornata fuerant, promi placuit, & in monetam conflatum petulanti militi distribui: Verum enim vero, scribit Marnavitus post tertiam de immanissimo hoste relatam pro Siscie mœnibus victoriam, præſidiarius Siscie miles trino triumpho de fortissimo, & potentissimo Hazane reportato non contentus, prædaque optima ex ipsius adeptæ spoliis haud exſatiatus, imo tanta felicitate petulantior effectus, cum stipendia plurium mensium a Zagrabienſi Senatu solvi sibi contenderet, nec propter triennale bellum sustentatum apud sacrum collegium modus

nullus stipendiorum solvendorum extaret, minus pio consilio, eventu infelicissimo, totum aurum, & argentum, quo in Zagrabienſi sacrario sanctorum virorum ossa, in primis vero venerandum cranium, duæque costæ Hungarorum regis, & Apostoli Stephani, Zagrabienſis Ecclesiæ, & regnorum omnium sacræ coronæ Apostolicæ Patroni per multa sæcula, munificentia piæ vetustatis habebatur obductum, in ferocissimi militis conflatur stipendium. Etenim sequenti anno, victore nostro exercitu ferme inspectante, sed panico quodam terrore perſuſo, a longe minoribus copiis Turcicis, quam fuerant Hazani, quinque dierum spatio, Siscia illa, quam integri triennii laboribus obtinere nequiverant, occupatur, præſidio universo, ne sacrilego stipendio gauderet ulterius, caeso, aut in servitutem perpetuam abducto, maxima Christianarum rerum per universam Hungariam, quam Turcæ impetebant, inclinatione. Adeo perniciosum in manibus prophanis evadit illud aurum, & argentum, quod, dum sacris usibus inferviret, in oculis divinæ Majestatis pretiosissimum fulgebat. Hæc Tomcus. Sed anno proximo idem castrum a Turcis relictum in potestatem rediit Capituli Zagrabienſis. Ad mœnia, & propugnacula restauranda, & validius firmanda, Cæsar quatuor millia florenorum e publico ærario contribui, ac fructus Abbatiæ Poſnensis impendi jussit. Dombram, seu D-bravam castrum episcopale, quod anno 1533. Turcæ diripuerant atque incendebant, Christiani deinde receperant; & præſidiariis militibus munitum ad hæc usque tempora Cæsarei retinuerunt. Caspar Episcopus demum illud recuperavit, ære suo refecit, novis colonis frequentavit, qui collapsa ædificia restituerunt. Cum his, quod attinet ad decimas, ad hunc modum tranſegit: Nos Caspar Ztankovachky Dei & Apostolicæ Sedis gratia Episcopus Zagrab. Sacratissimæ Cæsareæ Regiæque Majestatis Consiliarius, ac regnorum Dalmatiæ, Croatia, Sclavoniæ Banus &c. memoriæ commendamus, tenore præsentium significantes quibus expedit universis: quod postquam nos ad curam & regimen dictæ Ecclesiæ nostræ superna disponente gratia, assumpti sumus; id potissimum sedula mentis nostræ meditatione pensandum plerumque suscepimus, ut desolato Episcopatu nostro, quem tot annis Turcica tyrannis ferro & igne vastavit, & nunc quoque vastare non cessat, consulere, illumque populorum in locis cinerem & favillam redactis collocatione, amplificare, & proventibus augere satageremus. Idcirco castrum Dombro, cum oppido tot annis in turpi, & deformi statu, maximæque vastitate & solitudine situm, alias incensum & relictum, multis expensis, & curis, & laboribus nostris restauravimus, & munivimus, novamque quamdam coloniam, Deo auspice concessam, novis hospitibus & incolis integri septennii proxime præteriti libertate donatis, ibidem instituimus; in quo quidem oppido Dombro, postquam certi cives domos, & ædificia sibi fecerunt, talem cum illis transactionem perpetuo duraturam inivimus. Quod idem Dombrenſes cives, universas decimas frugum, tritici videlicet, & siliginis, hordei, milii, & avenæ in manipulis, porcorumque & apum nobis & Ecclesiæ nostræ prænotata, semper futuris temporibus, dare & administrare debeant, & teneantur; decimam Hedinæ ibidem ab antiquo dicari & exigi solita, per duodecim annorum spatium, nunc statim sequenti-

Item Dombro  
brava de  
Turcis re-  
cepta.

tium, ab anno presenti 1595. incipiendo, ipsis civibus Dombrensis relaxantes. Item si quis eorum civium aliquas extirpaturas in territorio dicti castri, & oppidi Dombro, a dato presentium fecerit, ex tunc duobus annis a novis extirpaturis infeminatis, nullas decimas nobis & Ecclesie nostrae praeferat; sed tertio tandem anno decimator, aut officialis noster, illas pro nobis, & dicta Ecclesia nostra exigere possit. Deinde dictis civibus, eorundemque successoribus universis fundorum, domorum, terrarum arabilium, aliorumque quorumlibet bonorum immobilium invicem vendendarum, & emendarum facultatem perpetuo concedimus, & benigne annuimus; salvis semper proventibus ex huiusmodi bonis, nobis & Ecclesiae nostrae provenire debentibus. In quorum omnium fidem, testimonium, firmitatemque perpetuam, iisdem civibus Dombrensis, totique Communitati civium & incolarum ejusdem oppidi nostri Dombro, ipsorumque successoribus universis presentes litteras nostras, manus nostrae propriae subscriptione, & autentici sigilli nostri appensione communitas & roboratas dandas duximus, & concedendas. Datum Zagrabiae die 9. mens. Septembris, Anno Domini 1595.

More Casparis.

Anno eodem ante hoc diploma conditum, cum Thomas Erdodius Banali magistratu se abdicasset, Caesar in ejus locum Casparem Episcopum Zagrabiensem substituit, eique Joannem Dralcovichium collegam dedit; ut constat ex eodem diplomate, in quo sibi titulum Bani regnorum Dalmatiae, Croatiae, & Sclavoniae adscripsit. Sed anno proximo 1596. vita functus, Episcopatum simul & Banatum deposuit. Collegio Hungarico-Illyrico Bononiensi centum aureos florenos Rhenenses, Basilicae cathedrali centum, quos vocant, talleros, Abbatiae Topulschensi, sive Toplicensi turibulum argenteum legavit. Annos fere quinque Ecclesia Zagrabienlis Pastore caruit.

#### NICOLAUS IV. EP. ZAGRAB. LVI.

Nicolaus Zelniczius Præpositus major.

Zelniczius cognominatus, antiqua & nobili stirpe ortus, haud genere, quam doctrina & virtute clarior. Bononiae in collegio Hungarico-Illyrico Philosophiae ac Theologiae operam dedit. Ad collegium Canonicorum Zagrabiensem aggregatus cum esset, per omnes honorum gradus ad Episcopatum pervenit. Primum Archidiaconus Varasdinensis, deinde Bexinensis fuit; postea Præpositus major ab Rodolpho Imperatore, & rege Hungariae renunciatus, supremam Capituli dignitatem obtinuit. Alter jam annus ab obitu Casparis intercesserat, cum idem Rodolphus Nicolaum designavit Episcopum Zagrabiensem anno 1598. nec vero ante initium saeculi proximi Clemens VIII. Caesarem ac regiam designationem confirmavit, ut docent tabulae consistoriales: 1600. 13. Augusti, providit Ecclesiae Zagrabienfi vacanti per obitum Casparis de persona Nicolai Zelniczii, cum retentione omnium, quae obtinet, præter Præposituram Zagrabien. cum dispensatione super defectu gradus &c. Itaque exemplo superiorum Antistitum, & permissu Pontificis, quoad vixit, Canonicatum retinuit, ejusque fructus percepit. Nec vero ad fungendum solliciti, & amantissimi pastoris munus expectandam censuit Pontificiam Episcopatus sibi collati approbationem; sed dum adhuc electi nomen gerebat, gregis

Episc. Zagrab.

sibi destinati necessitatibus atque incommodis, calamitosissimo tempore, subvenire præoccupavit. Anno 1600. atrox pestilentia aliquot Slavoniae partes invasit, nec paucas edebat strages incolarum. Incredibile dictu est quam acerbo dolore, quanta commiseratione animum Praeulius ea calamitas perculerit; & cum ipse ad ferendam opem ubique praesto esse non posset, gravissimis litteris parochos & curatores animarum ad illa omnia, quae tempus & necessitas postulabat, parochorum officia praestanda vehementer accendit: nihil efficacius esse ad divinam iram placandam, & misericordiam conciliandam, quam sincero humilique animo flagella, quibus atterimur, nostris delictis adscribere, faterique violati Numinis poenas merito a nobis repolci; antea vitae flagitia salubri poenitentia expiare; idque pro certo habere quidquid poenarum nobis summus ille iustissimus & clementissimus Pater infligit, ad nostram emendationem, atque utilitatem spectare. Dominicas oves eorum curae commissas magnopere illis commendat, pro quibus tamquam boni Pastores animam ponere ne vereantur. Epistolam sanctissimis sententiis & verbis refertam, tanti Praeulius sapientia, Episcopali sollicitudine & caritate dignissimam, hic subijcio.

Pestilentia grassante curam gregis infecti parochis magnopere commendat.

Epistola gravissima ad eos scripta.

Nicolaus Zelniczy Dei gratia electus Episcopus Zagrabienfis, sacratissima Caesarea regiaeque Majestatis Consiliarius, universis & singulis praefatae Ecclesiae, & dioecesis nostrae parochis & animarum curatoribus, salutem in Domino sempiternam. Contemplantes, pro nostra pastoralis officii cura, afflictum huius nostrae dioecesis statum, magnum in primis dolorem accepimus ex calamitate quorundam locorum, quae nunc divina majestas pestilentiae flagello visitare dignatur. At cum intelligamus Patrem misericordiarum non in furore suo venire ad nos, sed in spiritu lenitatis, ut paternae virgae admonitione e peccatorum somno excitemur; nihil sane vehementius optamus, quam ut populus Dei ad unicum & praesentissimum pestis, malorumque omnium remedium, poenitentiam nimirum, corde humili & animo contrito confugiens, vita sua, dum tempus veniat est, religiosa sollicitudine recolligat rationes, certo certius sibi persuadendo, quod Deo indignante, talia prodeunt flagella, & vicissim illo miserante cessent. Quorum primum debemus tam nobis ipsis, quam divinae justitiae, qua nos propter peccata nostra haud immerito punit, adscribere; alterum vero Domini nostri misericordiae tribuere, illud semper jugi recolendo memoria, quod quos diligit Dominus castigat; & quod tunc maxime medetur cum sauciat. Sic enim efficit, ut in ipsis plagis non solum nostra recognoscamus peccata, quibus eum graviter offendimus, & ad iracundiam provocavimus, verum etiam nostram sentiamus imbecillitatem, humanarumque rerum instabilitatem; spei denique in iis rebus locatae & fixae... & quod caput est, divinae gratiae vim; dum iis curis exoluti, quibus humi jacentes detinebamur, erigimur ad cogitanda, & optanda summa illa, & sempiterna bona, ad quae sumus ab eodem ipso Deo facti, & vocati, ne, ut ait Apostolus, cum hoc mundo damnemur. Atque ut quisque debet hoc animo esse in suis malis, sic nemo debet in alienis tantum spectator esse, eaque non ad se pertinere existimare; sed perinde ex aliorum, atque e sui ipsius incommodis, & malis affici, & quacumque ratione possit subvenire;

re ; itemque Deo gratias agere , offerri sibi ab eo duplicem facultatem , tum patientiæ erga ipsam exercenda , tum erga proximum charitatis ; summamque ejus benignitatem agnoscere , quæ nihil patitur mali evenire , unde non soleat multa maximaque bona elicere , nosque ad ea invitare . Exprimit hoc gravissimis verbis Cyprianus in ea pestilentia , quæ tum latissime grassabatur ; docetque quod cuiusque sit munus , tum eorum , qui morbo ipso jam correpti sunt , tum qui integri a Deo servantur . Pestis ista , inquit , & lues , quæ horribilis , & feralis videtur , explorat justitiam singulorum , & mentem humani generis examinat , an infirmis serviant sani , an propinqui cognatos pie diligant , an misereantur servorum languentium domini , an deprecantes agros non deserant medici , an feroces suam comprimant violentiam , & rapaces avaritiæ insatiabilem semper ardorem , vel metu mortis extinguant , an cervicem flectant superbi , an audaciam lentiant improbi , an pereuntibus charis , vel sic aliquid divites largiantur , & donent sine hærede morituris , ut si nihil aliud mortalitas ista contulerit , hoc Christianis , & servis Dei plurimum præstitit , quod Martyrium cupimus libenter appetere , dum mortem diximus non timere ; exercitia sunt nobis ista funera , dant animo fortitudinis gloriam , contemptu mortis præparant ad coronam . Quod si tanta cum sollicitudine , Fratres dilectissimi , hac funesta clade Deus suorum fidelium singula examinat officia , justitiam explorat , ponderat merita , vitam contemplantur , scrutatur mores , virtutes remunerat , & punit singulorum vitia ; quanto majore studio ille nostra examinabit officia , quibus curam suarum commisit ovium ; pro quibus nempe Agnus ille immaculatus Dominus noster Jesus Christus suum in ara crucis sanctissimum , & pretiosissimum sanguinem effudit . Quæ cum fidei nostræ concredita , & commendata sint , earum sane incolumitati majori cura & sollicitudine , vel hoc calamitoso tempore , quam alias umquam , a nobis providendum est , si officio nostro satisfacere , si multo magis nostræ , quam ipsarum salutis consulere volumus . Væ enim iis , qui opus Dei negligenter faciunt , væ , inquam , nobis , si tam necessario tempore officio ac muneri nostro defuerimus . Quas per Ezechielem minas Dominicis pastoribus oves sibi commissas negligentibus intimavit , quam acriter , quam severe , quam atrociter gregem suum se de eorum manibus requisitarum ipsis denunciavit ? Qui cum primo eorum negligentiam his verbis accusasset : Quod infirmum fuit non consolidastis , & quod egrotum non sanastis , quod confractum est non alligastis , & quod abjectum est non reduxistis , & quod perierat , non quasivistis : paullo post adjunxit : Vivo ego , quod pro eo , quod facti sunt greges mei in rapinam , & oves meæ in devorationem omnium bestiarum agri ; ecce ego ipse super pastores requiram gregem meum de manu eorum : quod eadem serie , quamquam aliis verbis per Hieremiam minatus est . Utinam vero tam vehemens increpatio in nostra hac afflictissima tempora minime cadant ; non oves a propriis pastoribus destituta nostram in sua infirmitate implorent opera . . . . Expergiscimini igitur , expergiscimini , Fratres dilectissimi , per viscera misericordiae Dei nostri Jesu Christi , & pro suscepti muneris vestri ratione , vel nunc maxime salutis ovium vobis commissarum , ne vestra pereant incuria , invigiletis . Earum enim

rationem a vobis in tremendo judicio is reponet , qui illas sanguine suo redemptas , vobis pascendas custodiendasque commisit . Hinc vos viventis Dei minæ commoveant , cujus in manus incidere horrendum est , si officio vestro defueritis ; inde parata vobis laboris & sollicitudinis vestra merces excitet , si fuerit per vos Domini gregis salutis prospectum , atque etiam consultum . Nec quidquam est , quod contagionis periculum adeo paveatis : sic enim credite , aut vos divina spe evasuros , aut si vos quoque Deus ad se vocaverit , nibi optabilius esse , quam ejus majestati inservientes , acceptissimumque ei voluntatis sacrificium offerentes , in ipsa contentione , & labore , ex his miseriarum ærumnis eripi , tandemque immarcescibili illa corona , quam Deus legitime certantibus præparavit , in æternum potiri . Quo autem facilius & vestris officiis incumbere , & hanc lucem , tam præsentem , quam etiam imminens , a vestris parochiis procul avertere , atque extinguere possitis , hunc quem præscripsimus modum , & vos ipsi observabitis ; & per eos , quorum interest , observandum curabitis : Quos de cetero in Domino felicissime valere exoptamus . Datum Ugræ in festo B. Michaelis Archangeli , Anno Domini millesimo sexcentesimo .

Plura deinde opera pœnaliter præscripsit clero & populo Zagrabienfi , quæ ad delecta expianda , & divinam indignationem avertendam plurimum valent ; jejunia statis quibusdam diebus , subsidia ad pauperum inopiam sublevandam , preces quotidianas piaculars , & ternas singulis hebdomadis publicas supplicationes indixit , quas nudis pedibus , mœsto & squalido amictu , lugubri psalmodia , profusis lacrymis , ac præsertim summo animi dolore peragerent ; nullus autem esset , quin sincera confessione præteritæ vitæ labes elueret , ac divinam Eucharistiam caste pieque susceperet . Admonebat præterea , ut quoniam grassante peste singulis in singulas horas periculum mortis impenderet , ex divina præceptione sua quisque domui diserneret , testamentum conficeret , lites , si quas haberet , componeret , æs alienum , si quod contraxerant , dissolveret , inimicis ex animo parceret , & injurias , si quas acceperat , voluntaria oblivione contereret ; seque totum ad arbitrium superni Numinis accommodans , nihil aliud velit aut cupiat , quam quod Deus ipse vitæ necisque Dominus constitueret . Ad hæc : rationem modumque parochis tradidit caute viteque tum lue affectis sacramenta impertiendi , tum mortuos sepulturæ mandandi . Hæc erant ejus prudentissima & sanctissima monita , pestilentibus ac funestis illis temporibus maxime opportuna & consentanea .

Ubi primum vis morbi decessit , salubritas aeri , salus corporibus rediit ; diocesim ritu episcopali peragravit ; loca illa potissimum obivit , in quibus maxime pestilentia sævierat . Incolas propinquæ mortis aspectu conterritos , & suorum amissione mœrentes , tum blanda oratione , tum omni ope recreavit ; & salutaribus præceptis instructos ad spem meliorum rerum ac temporum erexit . Quocumque adiit , pravas consuetudines evulsit , bonas ac pias iniecit , & suarum virtutum , ac præsertim beneficæ erga omnes charitatis suæ vestigia impressa ubique reliquit . Hac lustratione perfunctus , Synodum diocesanam ad diem nonum Quintilis indixit anno 1602 . & multa decreta fecit , quæ

Opera pœnaliter ad divinam iram placandam præscripta .

Diocesim lustravit & Synodum indixit .

quæ ad cleri disciplinam, ad splendorem ac dignitatem cultus divini, ad fidem orthodoxam sanctam rectam tuendam, ad sacramenta rite administranda, pieque suscipienda referuntur. Eodem anno ad Comititia Posoniensia evocatus cum esset, antequam Zagrabia discederet, præfagiens animo prope ab se mortem abesse, testamentum fecit, & præfatus nihil sibi esse pecuniæ, quam vel in pauperes erogaverat, vel in communem rei publicæ utilitatem, regniue defensionem contulerat; domesticam suppellectilem, & quidquid seu tritici in horreo, seu vini in cella vinaria supererat, quadripartito divisit; partem Ecclesiæ, partem Seminario, partem pauperibus, partem fratribus suis & consanguineis reliquit. Nec sua illum fecellit opinio; nam intra finem ejusdem anni Zagrabiam reversus e vita decessit anno 1602. 1x. Kalendas Januarii; & in sanctuario ædis cathedralis prope summum altare sepultus est.

SIMON II. EPISC. ZAGRAB. LVII.

Simon Bratulicius cognominatus, de quo multa & præclara annales Ordinis Paullini Eremitani, in quem ipse ab ineunte adolescentia nomen dederat. In his ex Istria oriundus fuisse dicitur, contra quam Paullus Ritterus scripsit, qui eum civem Montis Græcensis appellat. F. Stephanus Ternavinus Præf. generalis Congregationis S. Paulli primi Eremitæ eum ad suum cœtum aggregavit. Post tyrocinium in monasterio S. Petri in silvis laudabiliter exactum, Romam studiorum causa missus, ad Philosophicas & Theologicas doctrinas percipiendas aliquot annos diligenter incubuit, quibus egregie instructus Roma discessit; & primum Prioris, deinde Vicarii generalis titulum ac munus obtinuit. Supremam totius Ordinis administrationem adeptus cum esset anno 1590. nihil sibi magis curandum censuit, quam ut alumni eremiticæ disciplinæ, non solum omnibus virtutibus excellerent, quæ virum religiosum decent, sed etiam humanis, divinisque litteris erudirentur. Cum magistris & scholis domesticis careret, & junioribus eos potissimum, qui acumine ingenii & perspicacia præstarent, delegit; alios Romam, alios Viennam, alios Olmucium, alios Pragam misit, ut in florentissimis illarum civitatum gymnasiis rerum humanarum ac divinarum scientiam perciperent. Disciplinæ monachalis cum ipse tenacissimus fuit, tum omnes ut eam accurate custodirent & colerent, suis exemplis & præceptionibus excitabat. Cum aliis Episcopis & cœnobiarcho regni Hungarici ipse quoque (quæ necessitas erat, & conditio illorum temporum) in expeditionibus militaribus esse consuevit; & armis indutus in acie cum hostibus Christiani nominis confligere. Nec strenui bellatoris animum atque operam in eo desiderare potuisses; nam ut de illo Volphangus Frangipanius Præf. confinium Chrobatæ acute & ingeniose scripsit, in castris loricatorum galeam cum thibara & cucullo conjungens, æque gladium audacter in hostes stringere, quam devote coronam Virginis recitare conspessus est. Maximilianum Archiducem, fratrem Rodulphi Cæsaris, & supremum ducem exercitus Hungarici, ab oppugnatione Canisæ redeuntem, cum nihil propius esset, quam ut in Turcarum insidias incideret, Simon sollicitè atque in tempore ec-

currens, periculi admonuit, atque a progressu revocavit. Salutem ac libertatem ei Maximilianus acceptam retulit, atque ut gratiam quoque referret, apud fratrem summopere instituit, ut Simoni Episcopatum Sirmiensem conferret. Litteris humanissimis illum Viennam accersit, datis anno 1598. pridie Kalendas Aprilis; ibi palam facturum, quantum & deberet, quidve remunerationis causa eidem a Cæsare impetrasset. Epistola Maximiliani Archiducis ad Simonem hæc est.

Maximilianus Dei gratia Archidux Austria, Dux Burgundie, Ord. Teutonici in Prussia Administrator, ejusdem per Germaniam, & Italianam Magister, Comes Tyrolis &c. Reverende nobis sincere dilecte. Quid Sac. Cæs. Regiæque Majestatis, & Frater noster observandissimus de te statuerit, id a nobis 15. die futuri mensis Aprilis auditurus es. Ut autem voluntatem & gratiam suæ Majestatis Cæsareæ & regiæ, in tuam personam declaratam, uberius cognoscere possis, serio tibi committimus, & mandamus, ut ad 14. diem ejusdem mensis huc Viennam venias, suæ Majestatis mentem altera die a nobis cogniturus; secus non facturus. Datum Viennæ ultima die Martii Domini 1598. A tergo inscripta erat, Reverendo F. Simoni Bratulich, Fratrum Eremitarum S. Paulli primi Eremitæ Prioris generali &c. nobis sincere dilecto. Idem Maximilianus statim post mortem Nicolai Zelniczii, Simonem Episcopum Zagrabiensem a fratre Rodulpho nominandum curavit anno 1603. & regiam nominationem anno proximo approbavit Clemens VIII. 13. Septemb. 1604. providit Ecclesiæ Zagrabienfi vacanti per obitum Nicolai de persona Simonis Bratulicii Ep. Sirmien. quem ad Ecclesiam Zagrabien. ad nominationem Cæsareæ regiæ Majestatis transtulit, cum annua pensione ducatorum 400. monetæ illarum partium super Ecclesiæ . . . fructibus. Cum utroque Episcopatu, primum Sirmienfi, deinde Zagrabienfi, supremam ordinis Paullini præfaturam retinuit; & æque huic, atque illis diligenter ac perutilem operam impendit. Verum perinde ac si nihil interesset inter monachos, & Canonicos, pari in utroque & summa auctoritate dominari voluit. Hinc lites & dissidia inter Episcopum & Capitulum sane frequentia.

Primam dissensionum occasionem ortam ferunt ex transitu Nicolai Micacii ab subellio Capitulari ad sedem Varadinensem. Relictum ab eo Canonicatum, & proventus eidem annexos ad restaurandam arcem episcopalem, quæ multis in locis vitium fecerat, sibi ad triennium tradi Episcopus volebat, fretus auctoritate & exemplo superiorum Antistitum, qui non ad tempus, ut ille, sed perpetuo, quem antea obtinebant, Canonicatum cum Episcopatu retinere consueverant. At Canonici negabant id moris umquam fuisse, ut qui antea in eorum collegium aggregatus non fuisset, is Episcopus factus Canonicus etiam fieret, & cum Episcopali Canonicalem pensionem conjungeret; jus autem oprandi sibi præripi volebant; nam veteri probataque consuetudine receptum erat, ut si quis e Capitulo, vel morte sublatus, vel sua sponte, aut aliud sacerdotium adeptus decederet, in ejus locum subeundi vel seniori, vel cui libitum esset, optio daretur. Tunc Episcopus Lopoglavæ in cœnobio suorum Fratrum morabatur; & cum Canonicos suæ voluntati repugnare & obistere cognovisset, optionem

Primum Sirmien- sis, deinde Zagrabien- sis Episc. fit.

Epistola Maximiliani ad Simonem.

Canonicatus a Nicolao Micacio relicto, quem sibi tradi volebat, operatione a Canonici fieri vetat.

Aaa fieri



fieri satis pro imperio vetuit. Illi vero hujusmodi interdicto nihil deterriti, jus suum constantissime tueri ac persequi decreverunt. Convocato Concilio Capitulari, cum abesset Franciscus Erghelius Præpositus major, qui princeps erat in dicenda sententia, ejus partes summe egitque Baltassar Napulius lector, qui contra Episcopum causam Capituli egregie peroravit; & cunctis suffragiis in illius sententiam itum est, decretumque, ut Episcopo vel invito operatio fieret; quod cum Simoni nunciatum esset, vehementer excaudit, & abjecta omni cunctatione, Zagrabiam se contulit, conventum Capitularem edixit ad septimam Idus Septembris anno 1604. Quo in conventu primum maxime doluit se in ipso sui pontificatus exordio a Canonicis fratribus suis non curari, despici, & sua mandata contemni; tum omnem orationem convertit in eorum arrogantiam increpandam, & perveraciam, demum asperrimis verbis in Napulium lectorem investus est, quem principem & ducem Capitularis in Episcopum contumaciae, & cujusdam quasi conspirationis hortatorem fuisse criminabatur. Nec vero Napulius imperare sibi potuit, quin Episcopo irreverentius fortasse, quam liberius responsum redderet; & causam Capituli, ac decretum, cujus ipse suavor fuerat, æque fortiter atque audacter defendit. Ad hæc mirum quantum ille iracundia & stomacho exarsit, sed conceptam animo indignationem ad tempus continuit, dum ejus expromendæ opportunitas adesset. Nec paullo post defuit. In area extrema Capitulari sita erat domus, sive, ut vulgo appellabant, Curia Canonici lectoris, in qua Napulius habitabat. Janua minor atrii, seu cavædii egressum ex area septoque urbis Capitularis præbebat ad proximam piscinam, eaque via erat brevior atque expeditior. Ac interdum quidem ultro citroque commeantibus patebat, noctu vero semper januam illam clausam esse Canonici volebant, idque inviolabili lege sanciverant, ne furibus, & maleficiis ac sceleratis hominibus aditus daret. Verum sive domini, sive servorum incuria, dies & noctes pervia erat. Illum semel, iterum, ac sæpius Canonici admonuerant, Interposito etiam Episcopi mandato, ut nocte appetente valvas illius januæ occluderet, validique pessulis, & repagulis firmaret. Monita neglexit, ac se ipsi quidem Episcopo jubenti paruit. Episcopus occasionem acerbi doloris ulciscendi, quam ei contemptus superioris interdicti sui, & præsertim nimis libera, & parum reverens Napulii lectoris responsio insulerat; minime prætermittendam censuit; & convocato Capitulo, postquam questus esset de arrogantia, temeritate, contumacia Napulii; de punitione, qua dignus videretur, sententiam Canonice rogavit. Horum sententiæ cum ad ejus voluntatem non essent, ira inflammatus e folio surgens in hæc verba erupit: *Qui se pro legitimo suo Episcopo & prælato nolit habere & recognoscere, neque ego illum pro meo Canonico & capellano recognoscere & habere volo.* Sub has voces summa cum indignatione emissas, Napulium nulla ratione habita neque ordinis, neque dignitatis, in carcerem includi jussit, Canonicis, qui aderant, tam insignem ignominiam collegæ suo, totique Capitulo illatam, indigne ferentibus. Expectant tamen dies aliquot, dum ira prætulit deserviret; tunc vero supplices ad eum cœunt;

orant, obsecrantque, ut collegam & fratrem suum sibi restituat, ac liberum dimittat; si quid ab illo peccatum esset, veniam petunt, se seque paratos esse ostendunt omnibus rationibus ei satisfacere. Eorum precibus indullit quidem Episcopus, sed quod se illis beneficii & gratiæ loco dare & concedere ajebat, mala gratia, & novo malefacto corripit. Nam custodia emissum dignitate atque officio lectoris privavit; in ejusque locum Petrum Domitrovichium Archidiaconum cathedralem substituit. Napulius appellavit ad Metropolitam Colocensem, qui de totius rei & controversiæ statu per litteras & legitimas testificationes doceri voluit, tum a Capitulo, tum ab Episcopo. Dum acriter utrinque decertatur, tres ferme anni abierunt, antequam sententiam proferret. Anno demum 1607. secundum Napulium judicavit, isque in pristinum suum gradum, & officium restitutus est cum tribus aliis Canonicis, quos Episcopus loco moverat, quod Napulii & Capituli partes liberius, quam debita erga Episcopum reverentia postulabat, & vehementius tuerentur. Ex sententia Metropolitæ jussus itidem fuit Episcopus dimittere Canonicatum & prædium Nicolai Micatii translatis ad Episcopatum Varadinensem; utrumque Napulius ipse per optationem adeptus fuit, ut est in tabulis Capitularibus: *Anno Domini 1607. fer. 6. post Dom. 2. Quadragesima, facta est optio prædii Micatii dicti Jarum. Idem prædium optavit Dominus Baltassar Napulii; quia triumphavit contra Episcopum fratrem Simonem, qui intrusum Canonicum lectorem (Petrus Domitrovichium) debuit deponere, & in integrum præfatum Dominum Napulium restituere, cum tribus aliis Canonicis.* Hi tres Canonici per eundem Episcopum exauctorati, erant Joannes Puczinicius Archid. Goricensis, Joannes Nardinus Archid. Bexinensis, & magister Ambrosius Jazkajus ex tertio Ordine Canonicorum, qui magistri appellantur. Et Puczinicius quidem, itemque Jazkajus, rogatu Joannis Drafcovichii proregis, post aliquod hebdomadas restituti fuerunt, non in pristinum quidem, quem antea obtinebant, sed Puczinicius in Canonicatum Napulii, & Jazkajus in Canonicatum Puczinicii; Nardinus vero post aliquot menses, cum ejus Canonicatus Paullo Jagufficio collatus fuisset, in Canonicatum Jazkaji, qui adhuc vacabat, substitutus fuit. Cum autem Napulius anno 1607. & ordinem canonicalem, & dignitatem lectoris recuperasset, dubitari cœptum est, utrum, quos Episcopus Capitulo moverat, & postea restituerat, eorum anni capitulares numerandi essent ab eo die, quo primum recepti sunt in collegium Canonicorum, an ab eo, quo rursus post eorum depulsionem aggregati fuerant; idque ad jus oprandi pertinebat; nam ut quisque antiquitate antecederet, ita optabat ex ordine, si quis Canonicatus vacaret, & seniores jure optandi junioribus præcedebant. Hinc antiquissimi Canonicorum in Senio, novissimi vero in Noviciatu constituti esse dicebantur. Decrevit itaque Simon Episcopus ut quos ipse Canonicatu deiecerat, ii prioris Canonicatus antiquitatem retinerent, & ante ceteros Canonicos ætate inferiores optandi jure gauderent; idque notatum est in tabulis Capitularibus: *1607. die 16. Martii Reverendissimus Dominus Prælatus nuntiavit gratiam se fecisse Rev. Goricensi, Ambrosio Jazkaj, & Bexinensi,*

Invenitur in Baltassarem Napulium optationis & auctorem præcipuum.

Canonicatum & prædium Nicolai Micatii ab Simone dimissum Napulius per optationem obtinuit.

Napulium ob neglectam Curiam Capituli, & Episcopi mandata in carcerem includi jubet.

ut ipsi de facto sint in senio suo; prædja autem optabant in senio juxta ordinem positum primis futuris optionibus. Quod decrevit Episcopus, Canonici post ejus mortem de communi sententia confirmarunt & in perpetuum valere voluerunt.

Decretum Capitula-  
re.

Nos Capitulum &c. memorie mandamus &c. qualiter superioribus temporibus Reverendiss. olim Dominus Frater Simon Bratulich prælatus noster dictos fratres nostros Joannem Puczinits, Ambrosium Bazkay, & alterum Joannem Nardinum, nulla prævia citatione, aut juris ordine, indistincte causa, suis Canonicatus beneficiis, quæ longo tempore in medio nostri, citra aliquam querelam, obtinuerant, privasset; privatosque postmodum per novas donationes hoc ordine ad noviciatum detraxisset: ut præfatus Joanni Puczinits Canonicatum A. R. Balthasaris Napulii, tunc lectoris, nunc vero præpositi majoris, qui pariter eadem via spoliatus extiterat; illius vero præfatus Ambrosio, hujus Joanni Nardino; istius autem Paulo Jagussich, moderno Domino lectori, tunc in exteris agenti, conferret. In quo quidem noviciatu, licet cum maxima eorum resistentia persistentes, tandem per dictum Dominum prælatum, ex noviciatu in eorum legitima senia an. 1607. die 16. Martii, in frequenti & solito sacrarii nostri consistorio, nemine refragante, sunt restituti, prout id ipsum pro majore robore & evidentia in Albo Ecclesiæ (quod pro immutabili lege in medio nostri habetur) est assignatum. Qua quidem restitutione idem Dom. prælatus id sensisse visus est, quod nos tunc, & de præsentii sentire profitemur, & per præsentis testamur; quod videlicet ii, qui privati extiterant, & ad noviciatum regressi, semper sua senia quibus exturbati erant, non vigore novæ, sed antiquæ donationis obtinuissent: & sic hanc loco manere, illam vero cassari debere. Quod vel hinc eundem Dominum Reverendiss., & nos idem judicasse clarum est, quod certis referentibus testibus, propriis manibus donationem dicti Joannis Puczinits novam, cum dictus Dominus Balthasar Napuly, nunc Præpositus, restitutus fuisset, titulo privationis ejusdem, a se sibi datam lacerasset; & quod nemo a nobis hactenus alio ordine obventiones sui Canonicatus percipere, aut prædja optare, quam ordine senii, juxta tempus data sibi donationis admissus est: hi autem & reditus percipere, & prædja optare non secundum posteriorem, sed secundum primam, tamquam antiquiorem, & magis juri consonam collationem, nemine in contrarium sentiente, permitti sunt. Stantibus itaque primis donationibus, stare etiam præfati Joannis Nardini certum est. Unde quid sentiendum sit de donatione Dom. Pauli Jagussich, nunc lectoris, quæ titulo privationis jamfati Nardini emanaverat, Canonum dijudicationi derelinquimus. Saltem hoc affirmare possumus, in consorcio nostro sub uno eodemque titulo nunquam duos Canonicos, prout hoc videre est, existisse. Unde nos ad requisitionem doctorum fratrum præsentis litteras testimoniales eisdem duximus concedendas. Datum penultima die Augusti an. Domini 1613.

Triplex  
ordo Cano-  
nicorum  
Zagrabiensium.

Hic animadverti velim triplicem fuisse ordinem Canonicorum Zagrabienstem, ut supra in præfatione dictum est. Primarii ordinis erant quattuor, quas vocant Dignitates & columnas Capituli, videlicet Præpositus major, lector, cantor, & custos; ad secundarium ordinem Illyrici Sacri Tom. V.

pertinebant Archidiaconi omnino quattuordecim; in tertium & extremum conjecti erant reliqui inferiores Canonici, qui Magistri appellantur. Canonici primi & secundi ordinis duas veluti personas sustinebant; alteram Canonicorum communem omnibus, alteram vel Dignitatis, quæ quisque præditus est, vel Archidiaconatus, quo quisque potitur; & præter Canonicalem e prædij Capitularibus obvenientem, alteram pensionem percipiunt e fundis, decimis, vectigalibus, cujusque vel dignitati, vel Archidiaconali sacerdotio annexis. Quocirca actis tabulisque publicis sic fere semper inscribi solebant: N. N. Præpositus major, & Canonicus; N. N. Archidiaconus exempli causa Cathedralis & Canonicus. Hinc fiebat, ut si quis e tertio ad secundum, vel e secundo ad primum ordinem Canonicorum ascenderet, priorem, quam antea obtinebat, vel pinguorem, si quam per optationem adeptus fuisset, pensionem Canonicalem retineret; eamque cum suæ dignitatis, vel sui Archidiaconatus gradu conjungebat. Ita Balthasar Napulius, postquam in collegium Canonicorum restitutus fuit, Canonicatum & prædium Micatianum per optionem acquisitum, primo cum lectoris, deinde cum Præpositi majoris dignitate conjunxit. Ita etiam Petrus Domitrovichius, quem Simon Episcopus in locum Napulii substitutum, ex Archidiacono cathedrali lectorem fecit, pensionem suam canonicalem in utroque gradu & Archidiaconi & lectoris retinuit. Cum autem Napulio ex sententia Metropolitæ Colocensis suum locum & honorem reddi oportuisset, Petrus munus dignitatemque lectoris dimittere debuit; nec vero ad pristinum Archidiaconi cathedralis subsellium, quod ab alio occupatum fuerat, regredi potuit. Ne vero e primo & secundo Canonicorum ordine dejectus, inter Canonicos tertii ordinis federet, Simon Episcopus, ut ejus honori consulere, proximum post Præpositum Chasmensem subsellium ante Archidiaconos, non dissentiente Capitulo, eidem assignavit, ac tenere tamdiu jussit, quoad ei ad primum, vel secundum Canonicorum ordinem regressus pateret; nec illi diu expectandum fuit, dum ad locum sublimiorem ascendendi opportunitas se offerret; anno siquidem 1609. cum Franciscus Erghelius Præpositus major Episcopatum Vesprimiensem obtinuit, supremam Capituli dignitatem ab eo depositam, Simon Episcopus Petro Domitrovichio a Matthia Hungariæ rege conferendam curavit.

Alias itidem offensionum causas Bratulicius præbuit, quæ Canonicorum animos ab eo magis magisque alienabant; nam Præposituram S. Mariæ in area Capitulari, cum procuratione animarum conjunctam, Capitulo dissentiente ac reclamante, consulit Simoni fratris sui filio, qui vix e pueris excefferat, cum ad id sacerdotium e clero Zagrabienfi probatissimi viri, nec ætate, quam virtute & sapientia maturiores, deligi solerent; ipse vero ejusdem proventus percipiebat, constituto Vicario, qui munera, & officia parochi exsequeretur. Fratres suos Eremitas Remetenses vetuit ritulum & nomen Patroni Capitulo distribuere, eique consueta obsequia deferre, a quo & aream monasterii, & fundos acceperant, ut testatur Andreas Eggerus conditor Annalium ordinis Paullini: Et certe, inquit, ob multa in dictum locum Remetensem olim, & nunc collata benefi-

Simon Marianam præposituram in area Capitulari fratris filio admodum adolescenti consulit, reclamante Capitulo.

cia, ita nos sibi obstrictos reddiderant Capitulares, ut merito patronorum Ecclesia Remeten-sis nomen cum laude mereantur. Prætermitto ce-tera, quæ invito vel repugnante Capitulo ges-sit, ac præsertim ejus nimis imperiosum æque in Canonicos, & clericos dominatum.

Ejus opera collegium presbyteris Soc. Jesu in civitate Gracensi traditum, ut ab eis clerici eru-direntur.

Nec vero si contentiones fere perpetuas cum Canonicis habuit, idcirco episcopalis officii aut immemor, aut negligens fuit. Illud in primis curandum sibi esse censuit, ut ignorantiam a clero, ac præsertim a parochis depelleret; ex his pauci erant idonea doctrina instructi ad mu-nus suum rite fungendum; nec latinas litteras callebant, & vulgari sermone ad psalmodiam, & liturgiam peragendam utebantur, eosque præ-terea in sacramentis conficiendis atque admini-strandis aliquid peccare animadverterat. Quare omne studium adhibuit, ut clericis Societatis Jesu, qui ad juventutem bonis moribus ac lit-teris imbuendam ex instituto incumbunt, stabile domicilium Zagrabia assignaretur; eoque po-tissimum adnitate in urbem Gracensem rece-pri sunt anno 1606. traditumque illis fuit cœnobium, quod Patres Dominicani deserue-rant. Ut vero haberent unde viverent, ille potissimum auctor fuit Rodolpho Casari, & ejus fratri Matthiæ regi Hungariæ, illis Glo-goncensis sacerdotii divulsi a præpositura Chaf-nensi cum omnibus eidem annexis proventi-bus attribuendi. Extat epistola Matthiæ II. regis Hungariæ, post obitum Bratulicii Epi-scopi ad Balthasarem Napulium lectorem, & Matthiam Soffronichium cantorem, Canonicos Zagrabien-ses, qui jubentur presbyteros Societ. Jesu in possessionem Præposituræ Glogoncensis ex juris formula inducere.

Matthias II. D. gr. Ung. Bob. Dalm. Croat., Slavoniæque rex, Archiaux Austria &c. Dux Burgundiæ, Marchio Moraviæ, Comes Tyrolis, Balthasari Napulio lectori & Vicario, nec non Matthia Soffronich cantori, Canonicis Zagrab. Honorabiles fideles nostri dilecti. Quoniam nos proxime elapsis diebus Præposituram Glogoncen-sis in isto regno nostro Slavoniæ adjacentem pro-prio paternoque nostro zelo, accedentibus etiam prælatorum & baronum intercessionibus, Patri-bus Soc. Jesu ad foundationem, & conservatio-nem collegii in civitate nostra Montis Gracensis Zagrab. inchoati, benigne contulimus & concessimus; dederamusque in mandato Rever. quondam Simeoni Bratulich Episcopo utpote Zagrabien. ut juxta litteras nostras donationales, eosdem PP. in dictam Præposituram Glogoncensem, de more in talibus observari solito, introduceret, & in-stallaret; qui cum interea, antequam mandatum nostrum effectui mancipare potuisset, morte præ-ventus sit; eam provinciam vobis delegandam, & committendam duximus, quatenus, acceptis presentibus, præfatos R. P. Soc. Jesu in ista ci-vitate nostra Zagrab. degentes, in dominium & possessionem supradictæ Præposituræ Glogoncensis introducere, & installare, atque eisdem in per-petuo possidendam, juxta litteras donationales su-perinae emanatas tradere, & assignare velitis, & debeatis; nec secus facturi. Dat. in civit. nostra regia Pragensi die 11. men. Junii an. Do-mini 1611.

Ante annos fere quattuor, cum optimates & proceres regni Slavoniæ in arcem, ædesque epi-scopales ad consultandum de rebus publicis con-venissent, Simon Episcopus questus est de con-tumacia nobilium virorum oppidi & Comita-

tus Varasdinensis, qui solutionem decimarum pertinaciter abnuebant; & postulavit ut ad eas solvendas suprema Cosilii Slavonici auctorita-te interposita compellerentur. Justa visa est po-stulatio; & Projudici illorum nobilium datum est hoc mandatum:

Nos universitas dominorum & nobilium re-gnicolarum regni Slavoniæ memoria commenda-mus tenore presentium, quod nobis bodierno die, ratione certorum publicum bonum, pacem, & tranquillitatem concernentium negotiorum his in arce & palatio Episcopatus Zagrabien-sis, insi-mul existentibus & constitutis Reverendis. Do-minus F. Simon Bratulich Episcopus Ecclesia Za-grab. ac Beatiss. M. V. de Topuscka Commenda-tarius Abbas, & S. C. Regiæque majestatis consiliarius, nobis querulose proposuit esse non-nullos in Comitatu Varasdinensi nobiles, qui spre-tis publicis regni statutis, ac sanctionibus Di-vorum Hungariæ regum, decimas omnis generis præfato Dom. Episcopo, & mensæ suæ episcopali ex prædicto Comitatu Varasdinensi provenientes hætenus solvere recusassent. Unde firmiter deli-beratum esse volumus nostro unanimi voto & con-sensu, ut hujusmodi nobiles decimas ipsas solve-re nolentes, ad solutionem earundem per varia bonorum, etiam per Vice-judicem nobilium jam fati Comitatus Varasdinensis compelli debeant. Quocirca tibi Nobili Joanni Semocz de Semocz Vice-judicem nobilium jam dicti Comitatus Va-rasdinensis, tenore presentium committimus fir-missime, quatenus omnes hujusmodi rebelles, ac ipsas decimas solvere nolentes, qui tibi per con-numeratore ipsarum decimarum ejusdem D. Epi-scopi, nominati, & demonstrati fuerint, per varia bonorum eorumdem rebellium, si eas quam-primum, ubi videlicet requisiti fuerint, solvere noluerint, ad solutionem earundem compellere debeas, & tenearis, possisque & valeas aucto-ritate nostra tibi hac in parte concessa, & tri-buta, justitia suadente. Datum in prædicta arce Zagrabia ex nostra Congregatione, 13. Novem-bris, anno Domini 1607.

Cum pauciores essent pro amplitudine dice-cesis, qui ad paræcias administrandas essent idonei, seminarium episcopale & annuis pro-ventibus, & numero alumnorum augere sta-tuit; hinc scilicet sperabat fore, ut viri eccle-siastici virtute & doctrina præstantes prodirent, quibus in oppidis pagisque animarum cura, & rei Christianæ administratio recte ac tuto com-mitti posset. Franciscus Erghelius Canonicus Zagrabien-sis, idemque Episcopus Vesprimien-sis prædium Capitulare obtinebat, quod bipartito divisum erat; pars una Vrabsta, pars altera Mindszent appellabatur. Hanc ex illo prædio, ubi primum vel morte, vel cessione voluntaria Erghelii vacaret, simulque aliam ex prædio Jarum vocato portionem detrahendam, & utram-que seminario attribuendam esse Bratulicius de consensu Capituli decrevit anno 1611. ineunte. Verum portionem illam Mindszent, Benedictus Vinchovichius Præpositus major, consentiente Erghelio tunc Episcopo Zagrabien-si, post an-nos undeviginti centum florentis Hungaricis se-minario perlolutis redemit, & cum altera Vrab-sta nominata iterum conjunxit, ac mensæ Ca-pitulari restituit. Hac de re quod scriptum re-liquit Thomas Kovasceovichius, huic loco in-textere libet: Anno 1611. die 26. Februarii col-latis cum Capitulo consiliis, unanimibus votis conclusum fuit, ut ubi primum prædium Minds-zent,

Nobiles Varasdi-nenses sol-vere deci-mas Episc. compulsi.

Semina-rium au-xit,

eique por-tionem cu-jusdam vil-læ Capitu-laris attri-buit.

zent, & Vrabsta, cujus tunc possessor erat Franciscus Erghelius Episcopus Vesprimiensis, legitime vacare inciperet, ipso facto portio, quæ est in Mindszent, una cum portione alterius prædii Jarum disti seminario applicanda perpetuo veniret; reliquæ vero portiones utriusque prædii insimul collata unum constituerent prædium; atque ita sublato uno integro Canonicali prædio, quemadmodum olim in erectione seminarii extinctus fuit unus Canonicatus, ita & modo propter majus Ecclesiæ emolumentum unum de toto Canonicorum numero decedere debere statuebatur. At huic statuto satisfactum quidem fuit anno 1622. quoad convulsionem dumtaxat portionis de Mindszent; Canonicorum tamen numerus diminutus non fuit: quia alia ejusdem compositio de Vrabsta pro integro prædio a nonnullis ultro acceptata possidebatur. Demum anno 1630. consentiente Episcopo Erghelio, præfata portio reunita fuit cum portione de Vrabsta, numeratis propterea a Benedicto Vinkovichio seminario florentis Hungaricis centum. Plura quidem Bratulicius ad incrementum atque utilitatem seminarii cogitabat; sed mors intervenit, & facultatem cogitata perficiendi eripuit. Ut ipse erat omnigena doctrina, atque optimarum artium studiis eruditus, ita doctos & litteratos viros summopere amabat, eorumque consuetudine mirifice delectabatur. Capitulum sapientissimis viris refertum esse cupiebat, & nullum ipse in hoc amplissimum collegium cooptavit, quin scientia atque eruditione excelleret; vel illi duo, quos huic ordini adscripsit, Benedictus Vinckovichius, & Martinus Bogdanus satis ostendunt, quanti apud eum esset virtus & sapientia. Alter alteri, primum quidem in Præposituram majorem, quæ princeps est Capituli dignitas, deinde in Episcopatu successit. Bonorum Ecclesiæ tutor, & vindex acerrimus fuit; & militibus præsidariis, qui nescio cujus ductu Ivanichium castrum episcopale invadere, & jurisdictioni ecclesiasticæ subtrahere parabant, magno animo restitit, eorumque conatus invicta constantia fregit. Hinc illud, quod Martinus Bogdanus Episcopus, si quando vi atque violentiæ magistratum, & hominum præpotentium obistendum esset, identidem usurpare solitus fuisse dicitur: *Modo adesse deberet Frater Simon, qui turbulentorum vim reprimeret.* Aedes pontificias restauravit ornavitque, & solido ponte atque elegantissimi cum basilica cathedrali conjunxit, ut sibi, & successoribus hinc atque illinc transitus commodior esset.

Anno 1611. Simonem Episcopum Rodolphus Imperator Viennam, ut eum de publicis gravissimis rebus consulere; Franciscus Cardinalis Forgachius Archiepiscopus Strigoniensis Tyrnaviam evocavit, ut in Synodo provinciali ejus doctrina & prudentia ad decreta condenda uteretur. Utrique paruit, & Synodi decretis tum ipse post Colocensem Archiepiscopum adscripsit, tum Georgius Ottaucius Archidiaconus, & Canonicus Ecclesiæ Zagrabienensis suo & Capituli nomine, ut fertur in actis, qui eidem Synodo interfuit: ac temporibus illis difficillimis opportunam & perutilem rei publicæ & Catholicæ operam præbuit. Ad suam Ecclesiam regrediens, ex itinere Lopoglavam ad cœnobium sui Ordinis divertit. Ibi paucos dies commoratus cum esset, ad Comitem Christophorum Banium se contulit, quem ipse ab hæresi Lutheriana ad rectam in Deum fidem, & sinum

Ecclesiæ revocaverat. Dum apud nobilissimum, sibi quæ amicissimum hospitem diversaretur, febricula, ex calore itineris contracta, tentari cœpit, levi illa quidem, sed assidua & satis molestæ; quæ paucis post diebus exitialis, quam initio apparebat, videri cœpit; eo demum crevit, ut nullis remediis depelli potuerit. De letali ejus morbo & periculo extremo cum Zagrabiam allatum esset, statim occurrit Benedictus Vinkovichius Canonicus, qui Præsuli de se optime merito ad ultimum ulque spiritum affedit, quæque illi tempori attribui solent, pietatis & caritatis officia præstitit. Mortuus est anno æræ vulgaris 1611. post initum Episcopatum octavo, vicesimo autem a suscepta ordinis Paullini suprema præfectura. Corpus <sup>Ejus mors.</sup> Lopoglavam cum delatum fuisset, orta est contentio inter Canonicos & monachos, cum hi summum suæ Congregationis Præsidem apud se, illi vero Episcopum suum in æde sua cathedrali sepeliri æquius esse dicerent. Vicerunt Canonici; & Zagrabiam translatus post sollemnes exequias in basilica S. Stephani, prope aram maximam honorifico sepulcro tradiderunt. Anno 1609. tabulas supremas confecerat, in quibus vilis est carni & sanguini nimio plus indulgisse. Nam Simonem & Margaritam fratris filios heredes instituit; & exigua bonorum suorum particula pauperes verius alperit, quam impertit. Itaque ejus testamento nescio quis hanc notam apposuit: *Testamentum R. Fratris Simonis Episc. Zagrab. anno Christi 1609. post festum omnium Sanctorum ab eodem factum, in quo caro & sanguis præcipua quæque sibi legata, Christus in suis pauperibus pauca habuit.* Addit autem hæc Kovalceovichius: Post fata Bratulichii occasione ejusdem rerum gravior controversia . . . inter Capitulum, & Fratres Lopoglavenfes exorta fuit; cui occasionem dederat certa pecuniæ summa, quam Episcopus Lopoglavæ acceptam monasterio se se refuturum obligaverat: ille autem nulla ejus mentione facta; ille autem universorum suorum memoratos nepotes heredes instituisse. Hinc ordinis Vicarius generalis Zajcz repetendæ pecuniæ intentus non tantum testamento Episcopi contradictionis velamen opposuerat, verum res quoque in sacrario repositas arefco subicere contendebat. Sed nec his, nec vero diversis item mandatis ex cancellaria, & camera Hungarica pro parte suæ religionis expeditis, quidquam efficere valuit. Capitulum enim testamentariæ dispositioni per omnia inhaerens; quidquid institutis heredibus ab Episcopo ordinatum in sua potestate habuit, totum in manus eorum fideliter consignavit. Tum porro nepos Simon, qui propter collatam sibi a patruo Præposituram B. V. in area Capitulari clericam induerat, opima substantiæ hæres factus, ut liberiori vacaret vitæ, Præpositura dimissa, prophanas reassumpsit vestes. At omne minus fausto, dum ampla pecunia partim per convulsiones jurium evacuata, partim aliis viis dilapidata, a propriis demum servitoribus in somno oppressus, & miserrime trucidatus interire debuerit: cui nihilominus ob memoriam patris admixta fuit tumulatio in Ecclesia cathedrali. Lugubre profecto exemplum, quo ecclesiastici viri intelligant, Ecclesiæ bona, atque dignitates, quibus propinquos ornare, ac ditare student, naturæ nimia indulgentia compulsi, iisdem plerumque, totique familiæ supremum parere exitium.

Reliqua  
ejus acta.

## PETRUS II. EPISC. ZAGRAB. LVIII.

Petrus Do-  
mitrovichius

Oriundus ex Ivanichio, oppido episcopali, eique cognomen fuit Domitrovichio. Dum intra finem superioris sæculi Bononiæ in seminario Hungarico sacris litteris operam dabat; Caspar Zizabkovachius Episcopus eum ad collegium Canonorum Zagrabienium aggregavit. Præfecturam ejusdem seminarii ex mandato Capituli susceptam annum integrum gessit. Zagrabiam reversus, Archidiaconus primum Goritensis, deinde cathedralis creatus est. Cum Bratulicius Baltassarem Napulium lectorem e Capitulo eiecisset, ex Archidiaconatu in locum & subsellium lectoris conscendit, quæ secunda dignitas est Capituli Zagrabienensis. Sed post triennium Napulio in pristinum lectoris gradum restitutus, ut diximus, Petrus in priorem, quem reliquerat, locum redire non potuit; hunc siquidem, eo decedente, alius occupaverat, vel si quod jus ad illum regrediendi haberet, sponte dimisit. Titulum tamen Canonici cum sua pensione canonicali retinuit; ne vero inhonoratus inter Canonicos inferioris ordinis sederet; ei Bratulicius, consentiente Capitulo, proximum a Præposito Chasmensi locum sessionis attribuit; neque jure antiquitatis privatum esse voluit, ut, si quando illustrioris & opulentioris Canoniciatus optandi potestas esset, annos ejus Capitulares a prima ejusdem in Canonicos cooptatione numerari oporteret. Cum vero ejus causa Petrus Archidiaconi & lectoris gradu excidisset, suas partes esse duxit curare & efficere, ut hujus honori ac dignitati consulere. Peropportune accidit, ut anno 1608, Episcopatus Quinqueeclesiensis, & Præpositura B. M. V. in arca Capitulari vacarent; hanc ille quidem Petro pro suo jure contulit, illius vero ut potiretur, facile impetravit a Matthia fratre Rodulphi Cæsaris, qui eodem anno in comitiis Polonienfibus titulum & insignia regis Hungariæ sumplit. Sub idem tempus Franciscus Erghelius Præpositus major, nominatus cum esset Episcopus Vespriemensis, principem hanc Capituli dignitatem vacuam reliquit; hanc itidem Bratulicius ab eodem Matthia rege Hungariæ, Petro conferendam curavit. Præposituram vero Marianam a Petro depositam in Simonem fratris filium, ut supra dictum est, adhuc puerum, vel invito Capitulo & reclamante transtulit. Ita Petrum, ut compensaret quæ amiserat, amplissimis honoribus, & sacerdotiis decoravit.

Episcopus  
Zagrabien.

Bratulicio extincto, Matthias rex Hungariæ, qui anno proximo in Imperium Rodulpho fratri successit, nullum esse digniorem putavit, cui Ecclesiâ Zagrabiensem demandaret. Sed biennium intercessit, antequam ad regiam nominationem approbatio Sedis Apostolicæ accederet. Illam confirmavit Paulus V, ut docent tabulæ consistoriales: 1613. 15. Julii. Ad nomen. Casarem Regiamque Majestatis providit Eccl. Zagrabien. in Slavonia, vacanti per obitum F. Simonis, de persona Petri Domitrovichii Episcopi Quinqueeclesiensis, & ex eadem Casarea regia nominatione Episcopatum Quinqueeclesiensem tradidit Joanni Byhero presbytero Strigoniensi, Præposito Zelneviziensi. Suscepto Episcopatu, a more & instituto superiorum Antistitem deservens, Canonicatum, quem antea obtinebat, applaudente Capitulo, sponte dimisit; neque postea ullus inventus est, quin hujus factum

egregium, quam decessorum exempla; imitare maluerit. Prima ejus cura versa est ad restaurandam veterem ædiculam S. Stephani Protomartyris. Hanc post cladem Târtaricam Stephanus II. rex Hungariæ extruxerat; eaque ad publicæ religionis officia, & munera obeunda utebantur Canonici, antequam reedificaretur ædes cathedralis, quam Tartari diruerant. Nondum hæc ex omni parte absoluta erat, cum Canonici huc regressi quotidianæ psalmodiæ, & liturgiæ operam dare rursus cœperunt. Exinde illi neglecta & deserta, situ & squalore obrita, & propter vetustatem collabescens, sacrificiis, omnique cultu divino caruit; ac demum in usus profanos conversa ne vestigium quidem antiquæ religionis retinebat. Petrus ergo quidquid ibi profani & sordidi erat expurgavit, parietes collabentes refecit, aram elegantem sanctissimo Protomartyri construxit. Ædiculam in pristinum statum & nitorem restitutam, duobus prædiis ære suo coemptis dotavit, e quibus rector eidem præpositus annuos proventus perciperet. Hunc e collegio Canonorum deligi voluit, eique bina sacra singulis hebdomadis facienda imperavit. Jus rectores constituendi penes Canonicos esse jussit. Sed illud deinde dimissum a Capitulo ad Episcopos devolutum est. Ædis restitutæ auctorem declarat inscriptio januæ superimposita:

*Quos olim Stephano sacrarunt Martyri honores,  
Præsul Domitrovich innovat hosce Petrus.*

Vineam nomine *Elektam* de Marco Nêspovicio viro nobili ducentis & quinquaginta argenteis Hungaricis emptam ad mensam episcopalem adjunxit, eamque hac cautione devinxit, ut si quis de successoribus Episcopis alienare vellet, aut reipsa distraheret; jus Capitulo dedit, vel vineam ipsam repetendi, vel pecuniam ex ejus venditione percepta vindicandi; hujusque accessione augeri voluit annuos proventus Præfecti ædis S. Stephani ea lege, ut ad duo illa sacra tertium singulis hebdomadis adderet. Sed cum vinea illa vinum generosum atque optimum supeditet, nemo adhuc Episcoporum inventus est, qui se illa, vel si quam optime vendere potuisset, privare voluerit. Domum Episcopalem, qua spectat in septentrionem, amplificavit, & usque ad turrim occidentalem perduxit.

Dum Petrus huic Ecclesiæ præsidebat, primus Episcopus Græci ritus datus est Valachis, sive Ralcianis, qui e ditione Turcica, ut diximus in Oivaldo, in Slavoniam & Chrobatiam confugerant, receptique fuerant in clientelam regis Hungariæ, & agris ac domiciliis donati sub ea conditione, ut ejurato schismate Photiano, se ad communionem Ecclesiæ Catholicæ Romanæ adjungerent. Sedes Episcopalis constituta est in oppido & Ecclesia S. Michaelis de Marcha, haud ita longe ab Ivanichio, castello episcopali; ibidem ædificatum fuit cœnobium Calogerorum, idest monachorum e disciplina Basiliana. Episcopus Marchensis, qui etiam Szvidnicensis appellari solet, subest Episcopo Zagrabienfi, ejusque *Suffraganeus*, sive adjutor vocatur; huic enim ad Valachos, seu Ralcianos, qui sunt in diocesi Zagrabienfi, Christianis mysteriis ac præceptis imbuendos, operam vicariam præbet. Eidem se subiectum esse annuo tributo profitetur; & duodecim libras ceræ singulis annis persolvit. Jus nominandi Episcopi Marchensis ad regem Hungariæ pertinet; sed nullum nominat, nisi quem Episcopo.

Ædiculam  
S. Stephani  
Protomartyris  
refecit, ornavit, ac  
dotavit.

Episcopus  
Valachorum  
& ejus  
sedes: sub-  
iectus Ep.  
Zagrabien.



scopus Zagrabienſis , & orthodoxum , & huic muneri aptum eſſe judicaverit . Regiam vero nominationem Sedes Apoſtolica confirmat . Primus Valachorum Episcopus fuit Simon Vrataničius , ut Ritterus tradit , vir apprimè Catholicus , qui ut gregem ſuum ab omni labe ſchiſmatica vel purgaret , vel intactum ſervaret , nihil curæ operæque prætermiſit .

Semin. Zagrabienſi Præpoſituram Mariæ in area Capitulari attribuit .

Seminarium Zagrabienſe & acceſſione redituum , & numero alumnorum auxit , ut ex eo plures operarii ad vineam dominicam excolendam ſibi ſuppeterent . De conſilio & conſenſu Capituli , eidem in perpetuum fruendam dedit Præpoſituram S. Mariæ in area Capitulari , ſalvo tamen titulo & jure parochiali , ex æde S. Emerici ante annos amplius centum illuc translato , & eidem annexo , ut ſupra dictum eſt in Luca Episcopo . Præpoſituram cum ejus proven- tibus , portione illa detracta , quæ ad victum cultumque parochi ſatis eſſet , ſeminarium collatam rogatu Episcopi , Ferdinandus II. qui anno 1619. Matthiæ in regnum Hungariæ & Imperium ſuffectus fuerat , Cæſareo & regali diplomate approbavit anno 1624. VI. Idus Quintilis .

In regno Slavoniæ antiqua conſuetudine , communique uſu receptum erat , ut creditores ob pecuniam mutuo datam a debitoribus cautionis cauſſa pignus fructiferum exigerent , nec ſolum apud ſe retinerent uſque dum pecunia credita redderetur , ſed etiam ex re ſibi oppignerata fructus perciperent . Id utrum liceret , dubitari cœpum eſt ; & Episcopus Sedem Apoſtolicam conſulendam putavit . Pontifex , cum id , de quo controverſia erat , tribus doctiſſimis Cardinalibus , & Theologis , ac jurisperitis examinandum ac dijudicandum tradidiſſet ; hoc reſponſum reddi juſſit cum litteris Cardinalis Burghieſii inſcriptis Perilluſtri ac Rever. Dom. D. Episcopo Zagrabienſi .

Perilluſtris ac Reverendiſſime Domine .

Episto- la Cardinalis Burghieſii cum reſponſo ad id , de quo Episcopus quaſierat .

Ex litteris Dominat. Vestræ , quibus naturam & conditiones contractus oppignorationis explicat , SS. Dominus noster iſtarum animarum pectus cernens , pro ea ſollicitudine , & providentia , qua procuranda fidelium ſaluti ſedulo invigilat , tribus Cardinalibus , aliisque viris doctis , tum Theologis , tum Canonistis totum negotium examinandum , excutiendumque mandavit , qui cum non ſemel una conveniſſent , omnia ſcripta huc tranſmiſſa ſtudioſe expendiſſent ; in eam venere ſententiam , quæ ſcripto quodam his litteris annexo breviter explicatur . Id ad Dominationem Vestræ juſſit me SS. D. N. mittere , ut poſtulationibus ejus ſatisfaciam , quod & libenter facio , ut etiam intelligat me ſunctum eſſe officio , quod non ſemel per litteras a me contenderat ; idemque me libentiſſimè in poſterum acturum pollicetur , quoties exiſtimabit operam meam ſibi uſui eſſe poſſe . Chriſtus Dominus bonorum omnium largitor & conſervator Dominat. Vestræ , quam diutiſſimè iſti Eccleſiæ incolumem ſervet . Romæ 10. Novembris 1620. Perilluſtri Dominationi Vestræ addiſſimus Cardinalis Burghieſius .

Diligenter accurateque perſpectis iis , quæ de oppignorationis contractu , ejusque conditionibus , iſtic uſurpari , & frequentari ſolent , viſum eſt non poſſe illum abſque uſura pravitate iniri . Ratio autem eſt , quia Jure Canonico , communi Theologorum , Summiſtarum , Jurisque Canonici

Interpretum ſententia rejicitur , cum fructus , qui ex re oppignerata a creditore percipiuntur , non computantur in sortem , ſed ratione mutui capiuntur , quod jure divino , & naturali , tamquam uſurarium damnatur . Ita ſit ut longa & immemorabilis conſuetudo nullo modo contractum honeſtare , aut ad æquitatem quiveris revocare . Quamvis enim nonnullam habere videatur ſimilitudinem cum contractu venditionis , adjecto redimendi pacto , tamen in venditione venditor dominium rei tranſfert in emptorem , ideoque quamdiu non redimitur , emptor rem ſuam ſuo periculo poſſidet , jureque optimo ex ea fructus percipit : qui vero rem oppignerat , dominium penes ſe retinet , ac propterea creditor ex re aliena , ſolum ratione mutui , compendium facere non poteſt , neque ullum emolumentum capere , niſi forte in certis caſibus , de quibus non agitur .

Quod autem ſpectat ad futurum , illud ante omnia neceſſarium videtur , ut Episcopus palam declaret contractus injuſtitiam , eumque tamquam uſurarium prohibeat . Ut autem indigentium neceſſitati conſulatur , & prohibitio prædicti contractus benignius accipiat , monendus erit populus , ut qui pecunia egent , contractum ineant venditionis cum pacto redimendi , qui juſto pretio , habita ejusdem paſſi ratione , riſe & recte abſque ullo uſuræ vitio celebrari poteſt ; & mutato nomine & natura , cum venditione dominium in emptorem tranſferatur , & eandem plane contrahentes percipiant utilitatem ; nam venditor accepta pecunia ſua indigentia conſulet ; emptor vero fructus percipiet .

Reſtat dicendum de reſtitutione , quæ reſpectu præteritorum contractuum videtur neceſſaria . Verum quoniam ea multis difficultatibus & jurgiis , aliisque perturbationibus obnoxia eſſet ; placuit remedium proponere , quod alias in Italia , cum perſimiles ſcrupuli , & dubitationes de uſuris exiſtiſſent , auctoritate Apoſtolica adhibuit eſt ; cum enim contractus iſte in eodem regno initus ſit , ſi communiter cives ſibi condonent quicquid jure exigere poſſent , omnis reſtitutionis obligatio ceſſabit .

Anno 1624. hora nona poſt meridiem ſub vespertinis crepuſculis , ictu fulminis rectum , fornix , teſtudo baſilicæ cathedralis conflagravit . Ara maxima tum ferreæ crucis ingentis ponderis , ſaſtigio teſtudinis infixæ , tum trabum decidentium mole oppreſſa & conſracta corruit , & flammis undique erumpentibus incenſa eſt . Ignis ſacrarium pervasiſt , & ſacram ſupelleſtilem , ac pretioſiſſima quæque ſacerdotum & altarium ornamenta conſumpſit , duasque proximas aras ligneas combuſſit . Turrim quoque invaſit , & ærea tintinnabula liquefacta ſunt . Arx etiam episcopalis eodem fulmine percuſa cum fuiſſet , multis in locis ſædum in modum labefacta eſt . Ingens ſane calamitas ; detrimentum acceptum viginti millibus florenorum æſtimatum ſerunt . Gavis & miſerabilis caſus ſponſæ ſibi chariſſimæ optimæ Præſulem incredibili dolore affecit , ut ejus damna reſarciret , nihil ſtudii curæque prætermiſit ; primum de ſuo quæ potuit , impendit ; deinde ab aliis undecumque ſubſidia corrogavit . Cum pecuniæ inops eſſet , quicquid in horreis cellisque tritici , vini , & aliarum frugum eſſet , demptis iis , quæ ad ſuum & familiæ uſum neceſſaria videbantur , liberaliſſime contulit . Quæ vero ad reſciendum quod ignis abſumpſerat , Canonici , viri

Incendium baſilicæ cathedralis .

Subsidia  
principum  
virosum ad  
Basilicam  
reficiendā.

virī nobiles, magistratus, quæstores, Augustissimi Imperator & Imperatrix, vel exemplo & rogatu Episcopi, vel deprecante Benedicto Vinchovichio Præposito majore, qui tum Viennæ de aliis gravissimis Ecclesiæ negotiis apud Cæsarem agebat, pro sua quisque parte contulerint; eorum indicem & catalogum confecit idem Vinchovichius his verbis: *Gravi huic jactura reparandæ cum Ecclesiæ facultates non sufficerent, necessarium aliunde subsidium implorandum erat. Et Comes quidem Georgius Zrinius in Comitibus generalibus non multo post celebratis, uti ceteris dignitate magistratus præminebat, ita religiosa munificentia exemplo cunctis prævit, numeratis in opus pium nummis, quos Talleros vocant, ducentis, & subministrata tanta lignorum materia, quæ fabricæ Ecclesiæ sufficere videretur: cujus alii pietate spectata moti id auxilii adjecere, quo utcumque illatum damnum tolerabile redderetur. Ut autem hujusmodi benefactorum memoria apud posteros vivat, placuit hic nonnullorum catalogum texere. Porrexerant itaque non solum diversi magnates & nobiles regni opportuna subsidia, verum & milites confidarii de restantiis suorum stipendiorum, æra quædam minuta in gazophylacium mittentes, insimul tamen apud Cameram Græcensem exigenda duo millia Rhenensium cesserunt, per eandem cameram in pleno persoluta. Contribuerant præterea, deprecante Vinchovichio, Joannes Telegdi Archiep. Colocen. flor. Hung. mille; Cancellarius illius temporis Hungaricus talleros centum triginta octo, Ferdinandus Imperator ex tricesima Nedelicensi floren. Hung. mille, & insuper Præpositura Sagbientis fructus, tollata Episcopo administratione, ita ut per triennium universos proveniunt ad fabricam Ecclesiæ convertat, reliquis vero annis, quod distaret pietas adjiceret. Fuit in ejus possessione Episcopus usque ad mortem, usus subinde illius titulo, ex ejusque redditibus percepit Ecclesia Rhen. quater mille. Imperatrix quoque Eleonora Augustissimum consortem amulaturo flor. Hung. octingentos viginti, quos titulo honorarii, dum in Reginam Hungar. coronaretur, Status Croatia ei detulerunt, in reparationem Ecclesiæ cessit, & per quæstorum regni elemosynæ perceptori administrati fuere. Tum quid auxilii attulit ipse Episcopus; qui licet in cunctis aliis, dempta pecunia habenda, visus est fuisse felix; in habitatione pecuniæ inops fuit, tum quia prius illam expenebat, quam ad manus suas percipiebat, tum quia cupidus pecuniæ corradendæ non fuit. Et sic ille licet in pecunia exiguum ferebat subsidium in reparationem dictæ Ecclesiæ, in frumento tamen, vino, & obsonio, item & mendicatione ad reparationem ejusdem Ecclesiæ concurrebat. De Capitulo autem hæc addo. Præter pecuniarium subsidium, laboribus laboratorum suorum colonorum, item laboribus jumentalibus multum juvit: nam coloni Capituli majori ex parte robora succisa convexerunt. Item circa cæmentum, lateres, lapides necessarios, & reliquam materiam conservandam laboratores præstiterunt: qui si pretio pecuniæ æstimati fuissent, ultra valorem mille florenorum se extendissent. Hæc Vinchovichius.*

His subsidiis strenue laboratum est in restauranda basilica atque in pristinum statum restituenda; sed opus absolutum videre non potuit optimus Præsul. Cum pro munere episcopali feminam illustrem legitimum torum nefario concubitu coinquinantem graviter acriterque

reprehendisset, immixtis ab irata muliere sicariis captus est, & dejectus in fossam aqua stagnanti superfusam, quæ Varasdini mœnia circumluit; ibi submersus gloriosam mortem oppetiit; de cujus indigna nece & sacrilega Benedictus Vinchovichius, *Quæ submersio*, inquit, *Dominica Trinitatis anno 1628. per feminam Germanam ratione adulterii per eundem Episcopum reprehensam, castata communiter perhibetur. Quam feminam licet noverim, quia tamen magni & boni viri coloris pro tempore illo exstitit, ideo nominare eam prætermitto. Interim corpus exanime Zagrabiam delatum ad antecessores Episcopos positum est fer. 6. post festum Corporis Christi. Pientissimi viri indignum casum, ut orator panegyrica funebri amarius deplorandum afflictis auditoribus repræsentaret, fertur pro themate habuisse, quod in persona Christi patientis mœsta Ecclesia die sacro Parasceves occidit: Popule meus quid feci tibi? Annos ipsos sexdecim, & octo præterea menses huic Ecclesiæ laudabiliter præfuit. Mors violenta & inopinata facultatem & spatium condendi testamenti eripuit. Itaque bonorum mobilium, sive immobilium, quæ reliquerat, tutela & curatio devoluta est ad Capitulum ex decreto Ferdinandi II. Imperatoris, qui, ut est apud Kovalcevichium, anno 1625. Episcopis Hungariæ decantatum illud diploma dedit; quo illis facultatem impertitur de bonis eorum mobilibus cum rata medietate disponendi, altera medietate in erectionem seminariorum, vel melioratione parochiarum applicanda. Si Episcopi ab intestato, vel testamento condito decedant, ordinat ut Capitulum semper tres probata fidei viros de suo corpore (quorum unus regio nomine interveniat) destinare teneatur, qui rerum cujusvis generis mobilia inventarium conficiant: & plura alia addit; quæ brevitate causa omittimus. Licet autem virtute hujus diplomatis, substantia Episcoporum tantum mobilis eximatur a potestate fisci, cui alias etiam ipsa hæcenus obnoxia batur, & non immobilis, cum de ea nulla fiat mentio; post fata nihilominus Domitrovicii, quamquam ab intestato demortui, utraque bona præ manibus Capituli manserunt, mobilia quidem ad præscriptum diplomatis dispensanda, stabilia vero usque ad adventum futuri Episcopi curanda & administranda, secluso videlicet fisco regio, qui alias post decessum Casparis Ztankovachii, remoto Capitulo, in gubernium bonorum episcopaliū se ingesserat.*

De rebus mobilibus & immobilibus Episcopi defuncti variae & multiplices controversiæ administratoribus & curatoribus ejus bonorum cum Francisco Erghelio proximo successore fuerunt, quas breviter commemoravit Thomas Kovalcevichius: Hic peracta consueta inauguratione continuo graves habuit dissensiones & controversias cum executoribus sui antecessoris, inter quos principalis Benedictus Vinchovichius Præpositus major. Fomes dissidiorum fuere mobilia quadam Domitrovicii, quæ executores solvi ab Erghelio contendebant; is vero aliquo titulo inventarii sibi deberi prætexebat; de nonnullis vero aliquam sibi notitiam esse inficiabatur: ita, quod deductis scripto ab utrinque prætensionibus, cum convenire nequirent, Episcopus rem ad Metropolitanum provocans, favorabiliorem, quam fors sperabat, decisionem nactus est. Novem erant vigentis controversiæ puncta, quæ ab Erghelio proposita, & ab Emerico Losy Archiep. Colocensi, & Episcop.

Ob mulierem adulteram reprehensam in aqua Varasdini mœnia circumfluente submersus gloriosam mortem occubuit.

De bonis mobilibus Domitrovicii controversiæ quædam inter eos administratores, & Episcopum proximum ejus successorem.

*scop. Varadiensi resoluta, & decisa fuisse: quorum duo subnectere visum est, quinto videlicet, & sexto loco posita: illud in terminis sic jacet: Utrum satorum, sede vacante episcopali, & ante emanationem donationis factorum, semina, aut eorum pretium a successore peti, & extorqueri possint. Respondit Metropolita: Sata sunt successoris, cum nondum a terra sint separata. Sextum quaesitum fuit: Utrum inventatores regius, & capitulares de rebus per demortuum relictis, successorem Episcopum in suo ingressu, cum sua comitiva, prandio & cœna excipere teneantur: resolvit Archiepiscopus: distat urbanitas, ut hoc fiat.*

FRANCISCUS EP. ZAGRAB. LIX.

Franciscus  
Erghelius  
e natione  
Turcica  
oriundus,

Filius Petri Haszanovichii, qui cum e Turcis oriundus esset, Christiana sacra suscepit, & Vaivoda Gradacensis creatus, cum Turcis gentilibus suis in Slavonia egregie pugnavit, & multa diœcesis Zagrabienensis loca de hostibus recepit. Eximie de re publica & Christiana meritum Draskovichius, Monozlajus, & Ztankovichius Episcopi plurimis, & frugiferis terris, villisque donarunt. E muliere Christiana, qua cum matrimonium inierat, Franciscum genuit, qui, cognomine avito & Turcico rejecto, Erghelius cognominari voluit. Patris egregii bellatoris exemplo neglecto, vitæ militari Ecclesiasticam prætulit. Eum Georgius Draskovichius sive ob merita parentis, sive ob spem bonam & magnam indolem in adolescente perspectam, primum in collegium Canonicorum cooptavit, deinde Archidiaconatum Vaschensem ei contulit. Bononiam profectus, in collegio Hungarico studiis Philosophicis, & Theologicis annos quattuor impendit; & ibidem dum esset, relicto Vaschensi Archidiaconatum Goricensem obtinuit. Doctoris nomen, & lauream adeptum Petrus Heressinczius Episcopus Zagrabiam revocavit anno 1686. ut ejus virtuti ac sapientiæ, quam plurimi faciebat, campum daret, in quo exerceri, & cognosci posset, atque ad summos quoque Ecclesiasticæ hierarchiæ gradus viam aperiret. Anno 1593. Goricensem cum Bexinensi Archidiaconatu longe opulentiori commutavit; & post sexennium ad supremum Capituli Zagrabienensis subsellium ascendit, cum ei Rodolphus Cæsar dignitatem Præpositi majoris contulisset. Anno 1607. idem Rodolphus Franciscum nominavit Episcopum Bosnensem, & Paulus V. Cæsaream ac regiam nominationem confirmavit, eique potestatem fecit Canonicatus Zagrabienensis retinendi. Post triennium titulo Episcopatus Bosnensis deposito, ad regendam Ecclesiam Vespriemensem a Matthia II. rege Hungariæ sibi collatam, Paulo V. approbante, migravit. Canonicatum Zagrabiensem annos fere tredecim retinuit; nec vero, quos ex eo percipiebat, proventus inutilis esse voluit Ecclesiæ & Capitulo Zagrabienfi, cui numeravit ter mille septingentos & octoginta florenos, ut ex eorum fructu alerentur bini adolescentes consanguinei, vel affines familiæ Ergheliæ, qui litteris in collegio vel Zagrabienfi, vel Bononienfi operam darent; si nemo esset de sua consanguinitate, vel affinitate, qui eo beneficio uti vellent, aut possent, duos egenos adolescentes, bona indole, & bono ingenio præditos in locum illorum substitui jussit.

Præpositus  
major,

Episcopus  
Bosnensis  
postea Vespri-  
mien.

Post mortem Domitrovichii Ferdinandus II. Ecclesiam Zagrabiensem Erghelio perspectæ sibi virtutis, & doctrinæ viro, tradere ac demandare constituit; & suo apud Sedem Apostolicam oratori mandavit, ut Episcopatus ab se in Franciscum collati auctor fieret Pontifex Maximus, ejusque auctoritatis diploma rite confectum ad se transmitteret. Cæsareæ & regiæ voluntati libentissime morem gessit Urbanus VIII. quod de Francisco egregiam opinionem conceperat ex litteris Pontificii apud Cæsarem Internunciis; in quibus hoc præclarum testimonium illi tribuebat: *Transferendus, in Episcopatu Vespriemensi, & antea Bosnensi, spatio viginti annorum ita se gessit, & pietatis ac fidei Catholicæ studium tam enixe ostendit, ut merito ad Ecclesiam Zagrabiensem transferri possit.* Zagrabiam venienti clerus populisque, ac tota fere civitas montis Græcensis obviam processit; & frequentissimo comitatu, inter faultissimas acclamationes, ad basilicam cathedralem deductus, in ipso introitu gravissima atque ornatissima laudatione exceptus, post sollemnes preces, & gratias Deo ac superis actas, solium episcopale conscendit anno 1628. pridie Kalendas Septembris. Annus alter a suscepto Episcopatu amplissimam materiam, & occasionem illi præbuit suæ erga miseros & egentes caritatis ac liberalitatis exercendæ. Summa quippe annonæ caritas, & tanta fregum inopia universam Slavoniam afflixit, ut vulgares ac plebes ad famem depellendam, vitamque protrahendam, undecumque poterant, victum arriperent, & ne noxiis quidem, ac pestiferis alimentis abstinere; hinc morbi exitiales, & plurimorum miserandas interitus. Hæc ad tempestivam miseri ac luctuosi illius temporis memoriam litteris Tabularii Capitularis mandata reperio: *Hoc famelicissimo tempore afflictissimi subditi per universam Sclavoniam, vitæ partim ex cadaveribus animalium, fursuribus, paleis, ac straminibus sectis, partim ex arborum corticibus, putridis lignis, palmitibus vitium amputatis, item fruticibus & radicibus exsiccatis, contusis, & molitis, partim vero ex aliis herbis, & graminibus collis & insulis, confecto, miseram vitam miserrime de die in diem protrahentes, ex victu tam insueto luem ac tabem contrahabant, ac tandem toto corpore intumescentes, passim animas exhalabant. Ex quibus unus nobilis pauper in Marocha degens, sororem uterinam natu minorem cultro jugulavit, in partes membra illius dividens, præ nimia fame coxit; quam etiam coctam comedisset, nisi ab uxore impeditus fuisset. Hac malorum atrocitate commotus amantissimus Præsul, tantæ calamitatis sibi omni ope subveniendum censuit; vix quod tenuem in victum sibi satis esset retinuit; pecuniam, triticum, omnesque proventus ecclesiasticos, & domesticos ad pauperes, & præsertim colonos oppidorum, & cultores agrorum Episcopaliū alendos, longe effuseque erogavit. Ejus exemplo multi proceres in gloriosi operis societatem admitti cupientes, Episcopo pecuniæ summam non exiguam ultro detulere, quam plebi fame periclitanti dispertiret; sed potissimum Canonici sancta æmulatione incitati, tum vulgarium pauperum, quorum non deerat passim copia, tum maxime eorum, qui agros Capitulares colebant, extremam egestatem, pro suis quisque facultatibus, alieno etiam ære contracto, sublevarunt. Ut vero sub-*

Episcopi  
caritas, &  
liberalitas  
adcommu-  
nem inopi-  
am suble-  
vandam,

venirent incolis castri & territorii Siscienſis, quod Capituli dominio subest, eadem inopia communi laborantibus, mille florenos Hungaricos ex ærario Ecclesiæ mutuos sumplerunt; villa Kelzmicenſi eidem ad tempus vendita, ex qua fructus Ecclesiæ tamdiu perciperet, quoad pecunia eidem redderetur. Ea fames & calamitas fere tres annos tenuit, qua demum perfuncta plebs agrestis, & urbana ad solitos labores, & questus, & opificia rediit.

Joannes Tomcus Marnavitiſ Canonici & Archidiaconi cathedralem, quem ipse obſidebat, Nicolaus Medachio a Pontifice conferendum curavit.

Joannes Tomcus Marnavitiſ Canonici & Archidiaconi cathedralem, Romæ cum eſſet, ſtatim atque de morte Domitrovichii nunciatum eſt, utroque ſacerdotio ſe abdicavit; & traditum in manum Urbano VIII. operam dedit, utrumque ut conferret Nicolao Medachio alumno collegii Germanici Hungarici S. Apollinaris. Jus utriusque conferendi ſibi ereptum ægre tulit Franciſcus Ergheliſ; & ne huius facti exemplum, ſibi ſuiſque ſucceſſoribus pernicioſum, aliis in poſterum proderetur; Martinum Bogdanum Archidiaconum Camarceſem Romam miſit, ut ſi res adhuc in integro eſſet, omni ſtudio operaque ſe ſe opponeret; ſi vero jam perfectæ eſſet, infectam, atque irritam fieri curaret. Sed ſacerdotium utrumque jam Nicolao collatum, & Pontificium collationis diploma ei traditum invenit. Itaque cum neque quod factum fuerat, ne fieret, impediri poſſet, neque Pontifex adduci poſſe videretur, ut quod Nicolao dederat, pro poteſtate revocaret, ipſo invito, aut non conſentiente, illud reſtabat, ut Nicolaum ad renunciandum Pontifici, quod ab eo acceperat, hortaretur. Quod volebat, ei facile perſuaſit, cum oſtendiſſet quantum ea res habitura eſſet offenſionis & invidiæ, quantopere diſpliceret Capitulo & Episcopō, & quantam denique gratiam & benevolentiam promeriturus eſſet, ſi quod extra ordinem præterque morem obſtinuiſſet, ſponte dimitteret, ejuſque facti & exempli auctoritatem poſteris præſtaret. Bene monenti atque hortanti paruit Nicolaus; nec paruiſſe illum pœnituit; quippe Episcopō Canoniatum ab Joanne Marnavitiſ dimiſſum ei contulit, Archidiaconatum cathedralem, pro re, cujus poſſiſſimum cauſſa Romam iverat, ex ſententia & voluntate Præſulis optime geſta, in Martinum Bogdanum tranſtulit, Camarceſem vero Archidiaconatum optationi Canonicoꝝ reliquit.

Ad perficiendam reparationem ædis cathedralis omni ſtudio curaque Franciſcus incubuit, ut Paullus Ritterus ſcriptum reliquit: *Eam juvante domus Dei curam habuit, & operam adhibuit, ut reparato fornice, exſtructa aræ magnificentiſſima, inchoata ſumptuoſi operis e quadrato lapide præalta turri, & priſcorum amulator, & futurorum fuerit impulſor.* Fornicem a deſſore reſtitui cœptum, ſubſidiis aliunde corrogatis abſolvit ac perfecit; ſummum vero altare, quod Oſvaldus extruxerat, & fulmen deſecerat, longe magnificentius & elegantius reædificavit, in ejuſque ædificationem quattuor millia Rhenenſium impenſa ferunt, quæ partim Episcopō de ſuo numeravit, partim ſuppeditata ſunt ex ea pecunia, quam ad reſtaurandam baſilicam Canonici, & viri principes contulerant. Primarium aræ auctorem conditoremque declarat inſcriptio ibidem appoſita.

Franciſcus Præſul locat hanc Ergheliſ aram, Oſvaldi poſtquam concidit igne labor.

Anno Domini MDCXXXII.

Baſilicam reſtitutam ornatamque eodem anno xlii. Kalendas Januarii ſolemni ritu ac cærimonia conſecrari juſſit ab Joanne Tomco Marnavitiſ, quem ſuperiore anno ex nominatione Ferdinandi II. & decreto Urbani VIII. Episcopō Boleſenſem creatum, Franciſcus jam ætate affecta, & viribus infirmis, rogaverat, ut ſibi ad munera episcopalia obeunda, ſi quando opus eſſet, vicariam operam navaret; eique Canonici & lectoris munus ac dignitatem contulerat. Huic Sacra Congregatio de propaganda fide Viſitationem Apoſtolicam cœnobiorum Ordinis Eremitici Paullini tum in Hungaria, tum in Polonia imperaverat. Hungarica luſtratione perſectus, cum aditum ad Poloniam ſibi intercluſum reperiret, intra finem ejuſdem anni Zagrabiam venit, & ab Erghelio Episcopō perhonorifice exceptus, ex ejuſ mandato, ut diximus, ædem cathedralem, itemque aram maximam, cum duabus aliis eidem proximis conſecravit anno 1633. Poſtea Romam rediit, ut viſitationis ſibi commiſſæ rationem redderet. Anno 1635. Zagrabiam reverſus, inſignæ ac pretioſiſſimum donum a Franciſco Cardinali Barberino baſilicæ cathedrali attulit; videlicet ſimulacrum argenteum pulcherrime cælatum, ut in ejuſ Capite reponeretur cranium S. Stephani regis Hungariæ, quod vulgari theca incluſum, non eo, quod dignum erat, ornatu cultuque, in ſacrario ejuſdem baſilicæ, cum aliis ſacris liſanis aſſervabatur.

Anno quippe 1594. pretioſa quæque ſacrarii Zagrabienſis liſana aureis, argenteiſque ornamentis exſpoliata fuerant, ut Siscienſi militi ſtipendia ſolverentur; qua de re ipſius Marnavitiſ narrationem paullo ſuperius retulimus in Caſpare Zagrabienſi Antiſtite: Barberiniani autem muneris ipſe Marnavitiſ auctor extitit, & pæne hortator; reique huiusce memoriam, & grati animi erga piſſimum Cardinalem monumentum in citata a nobis diſſert. de ſacris Eccleſiarum ornamentis reliquit hiſce verbis. *Sed hæc infelicitas, Siscianæ nimirum cladiſ, & ſacri theſauri exſpoliati, pietate ſæculi noſtri in omen felicitatis maximæ reparatur; dum Eminentiſſ. Princeps Franciſcus Card. Barberinus... ubi primum nuditatem reliquiæ S. Regis, erga cujuſ cultum exardeſcit perpetuo, nuper a me accepit, pretioſiſſimum ornamentum auro, argento, gemmiſque diſtiſſimum, ipſum Apoſtolici regis caput, humeros, & pectus exprimens, Hungarico regali paludamento inſigne, regia corona ad imitationem Angelicæ, Apoſtolicæque coronæ Hungaricæ ſuperbum, elegantia operis nulli ſacro reliquiario ſecundum, Romana induſtria elaboratum, mihi ad Eccleſiam noſtram Zagrabienſem deferendum ad manus ingenti animi alacritate conſignavit. In cujuſ illuſtriſſimi ornamenti baſe ejuſdem pietatis argumentum inciuſum eſt perlegere, quod æque erga ſanctiſſimum regem eminentiſſimæ tanti Cardinalis pietatiſ, ut erga gentem noſtram paterni affectuſ argumentum &c.* hæc vero eſt inſcriptionis formula.

Sacro D. Stephani Hungarorum Regis, Apoſtolique Cranio in Zagrabienſi Eccleſia eidem dicata ſervato, decentius aſſervando. Franciſcus tit. S. Laurentii in Damaso S. R. E. Vicecancellarius Diaconus Cardinalis Barberinus piam in S. Regem obſervantiam humiliter offert.

Anno Domini MDCXXXV.

Donum Cardinalis Barberini baſilicæ Zagrabienſi oblatum.

Ad petitiendam reſtitutionem ædis cathedralis plurimum operæ & pecuniæ contulit Ergheliſ.

Turris pro  
sustinendis  
aëris tin-  
tinnabu-  
listachoa-  
ta.

Deinde consilia & studia tum Episcopi, tum Canonorum spectare cœperunt ad turrim excitandam, quæ mole sua, altitudine, operisque elegantia magnificentiæ & dignitati basilicæ responderet. Opus bis mille ac ducentis Rhenensibus faciendum locarunt Joanni Alberto insigni architecto, cum quo ita conventum est; ut ipse quidem turrim exstrueret, in altitudinem *orgias* (est genus mensuræ) omnino quatuordecim perduceret, lapidibus quadratis & scalpro politis convestiret, coronis marmoreis intertextis, & æquali spatio inter se disjunctis, circumligaret ornaretque; saxa vero, ceteram materiam ligneam & ferream, vecturas itidem, & operarios Canonici suppeditarent; Episcopus autem pecuniam contribueret; quæ si pactam mercedem non æquaret, quod deesset, sumeretur ex capsula, in quam conjecta fuerant subsidia pecuniaria, ad reparationem basilicæ collata. His pactis & conventis, utrinque confirmatis & subscriptis, statim manus operi admoveri cœpta est, fundamenta jacta sunt; & intra dies non ita multos e solo eminere jam cœperat, cum duplex impedimentum obiectum ædificationem interrupit; alterum ortum ex controversia inter Capitulum & Episcopum; hic siquidem cum tercentos Rhenenses architecto numerasset pro secandis lapidibus polien- disque, pecuniam ex illa, quam dixi, capsula dari volebat, unde secunda, & reliquæ deinceps solutiones fierent; illi vero obstabant; ajebantque ex pactione facta nihil de illa pecunia detrahi, aut diminui debere, antequam ipse ostenderet se in magna difficultate nummaria versari, & solvendo non esse. Alterum impedimentum ædificationi moramque iniecit seditio Stibrensi. Hi populi subiecti erant, & vectigales Capitulo, qui vecturis atque oneribus, nimio plus, quam eorum privilegia ferrent, se gravatos esse querebantur; cum autem suis querelis nihil se proficere; nihil de injunctis laboribus sibi remitti ac diminui viderent, primum tumultuari cœperunt, deinde obstinaverunt animis quidquid Capitulum imperasset, palam aperteque detrectare. Interea dum opus interruptum pendebat, Episcopus in morbum gravem & periculofum incidit, quo magis magisque ingravescente in extremum vitæ discrimen adductus est. Testamentum fecit, & causis, quas dixi, expensis, ob quas Turris exstructio intermissa fuerat, ad eam perficiendam quidquid habuit pecuniæ legavit. Singulari Dei beneficio convaleuit; & statim revocatis architecto & operariis, cogitationem curamque inchoati operis persequendi, ad tempus depositam, resumit. Ne deessent vecturæ necessariae, quas Stibrenses summa pertinacia negabant, eas sibi aliunde curandas esse Canonici statuerunt. Ergo inter eos pacto convenit, ut quattuor primores Capituli, quos Dignitates & Columnas vocant, id est Præpositus major, lector, cantor, & cultos, singuli duodenos, Archidiaconi singuli denos, magistri, seu Canonici infimi ordinis, itidem singuli quinos currus ad ligna, saxa, ceteramque materiam convehendam contribuerent. Ita Episcopo & Canonici rem assidue urgentibus, & omnia, quæ necessaria erant, sine cunctatione conferentibus, Turris ad constitutam altitudinem pervenit; absolutam tamen & perfectam Episcopus videre non potuit; decrat quippe fastigium: quod demum, quinquennio post ejus mortem anno 1643. impositum fuit.

Episcopus,  
cum e gra-  
villimomor-  
bo conva-  
luisset, per-  
ficiendam  
curavit.

Cum superiores Antistites de bonis ac prædiis tum Episcopatus Zagrabienfis, tum Abbatiz Toplicensis cum eodem conjunctæ, multa vel oppignerassent, vel jure fiduciario, seu feudali possidenda tradidissent, vel denique pro pecunia accepta ab omni pensione liberaissent, Franciscus Erghelius Benedictum Vinkovichium Præpositum majorem Viennam misit, qui Ferdinando II. Imperatori exponeret quantum detrimenti e distractione bonorum illorum res Ecclesiastica cepisset, simulque eum rogaret, ut, Cæsarea & regali auctoritate interposita, ediceret atque interdiceret, ne liceret imposteriorum Episcopis bona & proventus sive Episcopatus, sive Abbatiz ullo modo alienare, distrahere, diminueret: quæ vero quacumque ratione divulsa fuerant, ea omnino ab Episcopis recuperari juberet. Si quid tamen de bonis Ecclesiasticis remunerationis causa ministris & operariis Ecclesiæ dari oporteret, hujusmodi donationes perpetuas esse, & Capitulo inconsulto fieri vetaret. Annuit Imperator; & decretum in hæc verba fecit.

Ne bona  
vel Episco-  
patus vel  
Abbatiz  
Toplicen-  
sis ullo mo-  
do alienari  
liceret, in-  
terdictum  
a Ferdi-  
nando II.  
impetravit

Nos Ferdinandus Secundus Dei gratia electus Romanorum Imperator &c. memoriæ commendamus, tenore presentium significantes quibus expedit universis: quod cum Majestati nostræ per fidelem nostrum Venerabilem Benedictum Vinkovich Præpositum majorem Ecclesiæ Zagrab. di- & que Ecclesiæ Episcopi in spiritualibus Vicarium, nomine & in persona fidelis nostri Rev. Francisci Erghelii Episc. Zagrab. & Consilarii nostri, expositum fuerat, qualiter Bona Ecclesiastica ad præfatum Episcopatum Zagrabiensem, & Abbatiam Topulskensem, eidem Episcopatu annexam & unitam, spectantia per superiorum temporum Episcopos, partim infudata, partim pro pecuniis libertata, partim vero etiam pro pecuniis oppignorata extitissent, & quidem, uti prætenditur, talibus personis ut plurimum, quæ vix aliquod notabile servitium in commodum Ecclesiæ prædictæ præstitissent: quorum bonorum infudatorum, oppignoratorum, libertatorum incolæ, tametsi ex aliqua parte videantur subesse jurisdictioni ipsius Ecclesiæ, & Episcopi Zagrabienfis, exiguam tamen utilitatem tam eidem Ecclesiæ, quam Episcopo præstarent; adeoque per ejusmodi infudationes, libertationes, & oppignorationes, juribus tam Canonicis, quam etiam patriis prohibitis, imminutus, & extenuatus esset redditus ipse Episcopatus, ut vix decima pars Bonorum Episcopatum pleno jure ad rationem Episcopi pro nunc haberi perhiberetur. Unde ob actus ejusmodi proventus Ecclesiasticos, & Bona dicti Episcopatus distracta, etiam domesticis usibus quotidianis idonee prospici vix posse; præterquamquod ruinosæ Ecclesiæ, & aliorum adificiorum ad Episcopatum spectantium restauratione hætenus intermissa & neglecta, structura & domicilia Residentiæ Episcopalis penitus collapsa feruntur; & alia ad pios & sacros ritus, & ministeria Ecclesiastica dietim peragi exercerique solita, ac debita officia, cum fidelium profectus spiritualis, & ædificationis defectu, & damno, inromissa ac pene abolita comperiuntur. Ut itaque præmissis defectibus & necessitatibus prælibatus Episcopus succurrere, & remedium adhibere posset, ad majestatem nostram debita cum instantia, medio prædicti Præpositi majoris Ecclesiæ Zagrab. recurrendum duxit, ut de remedio opportuno providere digneretur. Cum ergo innatus nobis erga religionem & Ec-

Diploma  
Ferdinan-  
di II imp.



Et Ecclesias Dei affectus, divina providentia subsidio in eam inclinationem dirigi cupiat, ut non solum amplissimus divinus cultus, & decor, in istius regni nostri Sclavonia partibus, plebasque erga personarum Ecclesiasticarum in dignitatibus & praelaturis constitutarum intertentiones, Ecclesiarum, & aliorum piorum locorum, per hostilitates everforum, & pessundatorum restorationes, beneficiorum Ecclesiasticorum restitutiones, seminariorum pro juventute instituentia, & erudienda erectiones, eviteat; verum etiam ut Bona Ecclesiastica quævis, signanter autem, & potissimum Episcopalia ad præmissos effectus aequè a piissimis regibus Hungaria prædecessoribus nostris sanctæ memoriæ collata, ac in abusum tracta subleventur, ac quovis modo ab alienata, & dissipata rursum recuperentur, & pristino statui decorique restituantur; proinde auctoritate nostra regia, jurisque patronatus bonorum Ecclesiasticorum per regna & provincias nostras, quo ut rex Hungaria, ad instar prædecessorum nostrorum regum Hungaria, utimur, per præsens benignum diploma nostrum, & instrumentum litterale, tum suprafato Episcopo moderno, atpote prælato, ceterisque consequenter succedentibus & successuris Episcopis ejusdem Ecclesiæ Zagrabienensis, benignam hanc ordinationem & voluntatem intimandam, notificandamque esse decrevimus, quatenus bona illa Ecclesiastica ad Episcopatum Zagrabiensem spectantia, quæ per feuda, impignorationes, venditiones, donationes, aliosque modos fuissent alienata, & a jure Episcopali illicite avulsa, modis omnibus recuperare studeant; quandoquidem præmissis sub titulis factæ alienationes, non solum juribus & consuetudinibus sacra regni istius nostri Hungariae corona, & articulis superinde in publicis regni constitutionibus editis, manifeste adversantur, verum etiam censuris Ecclesiasticis, & sacrorum Canonum decretis, ac sanctionibus vetita, ac sub severis interminationibus & penis Ecclesiasticis, ac Episcoporum juramentis interdicta esse comperiuntur. In præmissis omnibus ratione recuperationis, ab infeudatione liberationis, oppugnationum redemptionis, aliisque sub titulis factorum alienationum rehabilitationis, id observando, quod complura edita, publica regni Constitutiones, & decreta Tripartiti, ipsiusque regni nostri Sclavoniae particularia, & municipalia jura dicant, & præscribunt, observandum est. Sed & modis omnibus cautum esse volumus, prælibataque auctoritate nostra regia, & juris patronatus, præsentium per vigorem constituimus, & decernimus ad tollendos, & vitandos tales abusus, & dispendia, ut supra commemoratum existit, tam spiritualium, quam temporalium profectuum; ne deinceps ipsi Episcopo Zagrabienensi pro tempore constituto, vel etiam futuris in dicto Episcopatu successoribus, tam ex recuperandis, prout & multo minus ex iis, quæ pro tempore residua habentur, Episcopatus Ecclesiæ Zagrabien. bona, & de facto possidentur, una cum bonis Abbatia de Topulzka eidem Episcopatu unita, quovis modo alienare, infeudare, inscribere facultas fiat. Quia tamen ministris & operariis, servitia salutaria præstantibus, ipsi prælati & eorum Ecclesiæ carere non possunt, & talium merita præclara servitia recompensari quoque necesse sit; tunc, ut præsens benignum nostrum editale decretum, pro conservatione & restitutione ipsius Episcopatus. ac-

tione præfati operarii, & servitia utilia præstantes ministri, haudquaquam destituantur; permittimus posse ipsum prælatum & Episcopum sæpe dictæ Ecclesiæ temporaneam benemerita persona collationem bonorum (si nimirum alia media, & modi compensationis nullo modo suppetere) conferendo aliquid ex bonis, aut libertando, a servitiisque & oneribus colonialibus eximendo, id tamen dumtaxat, vel ad dies vitæ, vel certe donec in servitiis prælati, & toties dictæ Ecclesiæ manserit, facere. Quod ipsum etiam, ut pro securitate ipsius Ecclesiæ Zagrabienensis, & corporis bonorum integra permanentione, tanto facilius administraretur, ut rem maxime ad hoc conferentem; volumus, ut cum præfatu, & consensu etiam Capituli, ab ipso prælato & Episcopo dicta remuneratio fiat, quatenus casu quo, per decessum ex humana vita, vel etiam translationem ejusdem Episcopi, successorès tanto facilius integram & realem possessionem dicti Episcopatus Ecclesiæ Zagrabienensis adeant, & munia Episcopalia obeunda interrupte, & ordinate peragi facere possint, & valeant. In quorum omnium robur, & firmitatem hæc benignas litteras nostras secreto sigillo nostro, quo ut rex Hungaria utimur, communitas, roboratasque emanari fecimus. Dat. in Civitate nostra Viennensi die 8. mens. Septembris. Anno Dom. 1629. regnorum nostrorum, Romani undecimo, Hungariae & reliquorum duodecimo, Bohemiae vero decimo tertio.

Multa sunt quæ hic sapientissimus Præsul pie, De bonis utiliter, providentissime constituit; hæc præcipue, ut si quis Canonici ejus collegio deligerent, viros fidei & probitatis integerrimæ, qui pecuniæ, suppellectilis domesticæ, rerumque aliarum quidquid ab eo relictum reperissent, accurate in codicem referrent, ex his necessarios in sepulturam & funeris exequias sumptus facerent, & alienum, si quod contraxerat, dissolverent, debitam ejus famulitio mercedem præberent. Si quid vero residuum esset, caveant ne in suos, vel Capituli usus convertant; sed partim Ecclesiæ, partim consanguineis & affinibus defuncti Canonici, partim denique pauperibus distribuunt. Traditæ susceptæque administrationis rationem, intra quintum ab ejus obitu mensem, Episcopo, vel si Episcopale interregnum fuerit, Capitulo reddant. Ex decreto bene longo hæc decerpit Kovalceovichius: Teneatur idem Capitulum, semper e medio sui duas personas conscientiosas, & idoneas, executores ad intestati defuncti Canonici Zagrabien. res universas, clenodia, suppellectilia, cunctaque alia bona inventanda & consignanda eligere ac deputare. Qui executores, peracta non sumptuosa, sed condigna tumulatione, solutisque prius liquidis debitis, si qua talia fuerint, & servitoriis ac familia pro mercede contentatis; illud quod residuum fuerit, nec ipsi executores, nec antelatum Capitulum in proprios usus sub restitutione duplici, sive duplicata restitutione rerum ablatarum ipso facto incurrenda, convertere præsumant; sed juxta Canonicas sanctiones trifariam conscientiose dividere debeant, ita nimirum ut in restorationem & fabricam cathedralis Ecclesiæ pars una, consanguineis & affinibus intestati altera, tertia demum pauperibus cedat, & consignetur; cujus tertiæ partis medicatam Seminarium Zagrabienense habebit. Tandem de jure & laudabili consuetudine tales personæ in execu-

res per Capitulum deputata, nobis & futuris pro tempore praelatis, & sede Episcopali vacante, ipsi Capitulo, super omnibus inventatis, perceptis, & erogatis, ac extradatis sufficientem, & justam rationem semper intra quinque mensium spatium (si interea executio justa de causa praepedita non fuerit) dare sint obligati; quam si intra praescriptum tempus non dederint, superiores supradicti ad dandam eandem rationem eosdem cogent, & in contumaces animadvertant. In aede cathedrali oleum lampadi ante divinam eucharistiam diu nocturne alendae non suppetebat; neque accendi solebat, nisi statis quibusdam horis diei, cum scilicet Canonici & clerici psalmodiae, ac divinis rebus operam dabant. Rem indignam, irreligiosam, pia ac recepta ubique consuetudini repugnantem ferre non potuit religiosissimus Praesul. Ut lampas illa perpetuo diurnis & nocturnis temporibus arderet, irrevocabili lege sancivit; ne oleum umquam deesset, duodeviginti florenos Hungaricos annuos assignavit, partim e suis, partim e decimis Capituli contribuendos. Hoc tamen opere utroque Ferdinandus Imperator exemit; qui ne umquam lumen ante sacrosanctum Christi corpus deficeret, subsidium perpetuum ex aërio publico suppeditari iussit. Cum ad parochos, & curatores animarum rite formandos scientia morum, five Theologia moralis pernecessaria sit, hujus scholam instituit in gymnasio Patrum Societatis Jesu; eorumque collegio mille Rhenenses attribuit, ex quorum fructu aleretur qui hanc disciplinam clericis traderet.

De lampade ante divinam Eucharistiam perpetuo alenda pie decrevit.

Synodus Nationalis Tyrnaviensis; in qua quaedam decreta sunt, quae privilegiis Ecclesiae Zagrabien. officere videbantur;

Quibus reclamatum fuit, & Synodus dioecetana opposita.

Anno 1630. Petrus Pazmanus Archiepiscopus Strigoniensis, idem postea S. R. E. Cardinalis Synodum nationalem Tyrnaviam convocavit. Invitatus cum esset Franciscus Ergheilius, ætatis & valetudinis excusatione usus, internuncium misit, qui suam & Capituli Zagrabien. personam sultineret, ac partes utriusque ageret. Hic vero tradita sibi legationis, & potestatis limites prætergressus, quibusdam decretis, quæ juribus & privilegiis Ecclesiae Zagrabien. officere videbantur, atque illi præferretim decreto de abrogando ritu Zagrabien. assensum præbuit: quibus tamen & suo, & Episcopi, & Capituli nomine vehementer intercessit Benedictus Vinkovichius, Præpositus major Ecclesiae Zagrabien. huic siquidem Synodo jure suo intererat; propterea quod Urbanus VIII. ei, ejusque in eandem Præposituram successoribus mitræ ferendæ potestatem fecerat; & tum Ferdinandus Cæsar, tum proceres Hungaricæ jus sedendi inter Præsules ejusdem regni in omnibus ecclesiasticis ac civilibus conventibus, & ferendi suffragii eidem contulerat; nec multo post Episcopatum Quinqueecclesiensem adeptus, cum eo Præposituram Zagrabien. tenuit. Hæc decreta Zagrabiam allata cum essent, Episcopus, Canonici, & clerus universus, una omnes voce reclamavit; & omni ope operaque enitendum esse statuerunt, ut vel irrita fierent, vel in eam sententiam explicarentur, ex qua nullum præjudicium in Ecclesiam Zagrabien. nihil detrimenti redundaret. Hanc ob causam Episcopus Synodum dioecesanam indixit, ut hujus auctoritatem illis opponeret, & Canonicos ac Parochos consuleret, quæ ratione incommodis ac damnis, inde sibi, & Ecclesiae provenientibus, occurrendum putarent. Alia præterea constituta sunt, quæ utilitas & neces-

sitas Ecclesiastica postulabat. Exemplum hujus Synodi, & Actorum ejusdem nostri sumus, quibus multa continentur digna scitu & memoria.

Anno Domini 1634. die decima nona mensis Julii, & sequentibus immediate duobus diebus celebrata est Synodus dioecetana, ex promulgatione Reverendiss. in Christo Patris ac Domini D. Francisci Ergheili Episcopi Zagrabien. &c. eodem presidente.

Et primo peractis iis, quæ in Pontificali præscribuntur, per Reverendissimum, tam novissimæ, quam præteritarum nationalium, & provincialium Synodorum per Eminent. Dom. (1) Cardinalem Pazmanum celebratarum statuta, in scriptis producta & publicata sunt. Lectæ itaque sunt Constitutiones.

I. Quia Cap. 9. eadem Synodus nationalis admittit, quod licitum sit cum charitate, & debita reverentia cuicunque proponere, siquid forte in statutis Synodorum factis, vel deinceps faciendis, addendum vel minuendum videretur: ac etiam quia nuncius ad prædictam nationalem Synodum pro dioecesi hac per Rever. Dom. Episcopum, & Venerab. Capitulum Zagrabien. cum limitata potestate missus, in tractandis istius dioecesis negotiis, munere suo, citra instructiones in scriptis sibi traditas, cum evidenti principum suorum præjudicio perfundus sit; ideo hæc sacra Synodus, in Spiritu sancto congregata, difficultates, & præjudicia, veluti ea, quæ tamquam propria magis sentit, uti sequitur, discutienda atque tollenda esse duxit.

II. Tertio Capite prædictæ nationalis Synodus cum magno istius dioecesis præjudicio, defunctorum quorumlibet praelatorum res, quæ ex tenore Casarei, (2) & regii diplomatis an. 1625. seminariis applicandæ forent, soli uni, ex decreto quodam Synodi nationalis, erigendo seminario Hungarico addixit, non habita peculiari ratione ac mentione dioecesis atque regni hujus Sclavoniae; unde ex quo regnum hoc, licet regi & regibus Hungariæ pareat, non solum longo intervallo, verum etiam terminis atque limitibus, nec non lingua quoque, seu sermone peculiaribus distinctum sit, & ex quo pro dioecesi hac jam a multis retroactis temporibus alumnatus & seminaria, unum hic Zagrabia, alterum Vienna (3) in Austria, tertium Bononia in Italia erecta esse visuntur; neque tamen cum iis facultatibus, atque provisione, ut opus non habeant patrocinio & largitione piorum; ideo praelatorum in regno hoc decedentium res, juxta prædictum sacrum diploma, non illi uni Hungariæ seminario erigendo, sed illis tribus, vel uni ex illis, quæ pro dioecesi hac jam pridem, licet pro modulo, erecta sunt (cum optima ratio suadeat, ut quod de corpore hujus dioecesis desumitur, in commodum ejusdem corporis redundet) applicandæ esse censentur. Accedit etiam quod tali Constitutioni Synodi nationalis, ex parte dioecesis hujus, nomine & in persona tam Rever. Dom. Episcopi nostri, quam Vener. Capituli Zagrabien. per Reverendissimum Dom. Benedictum Vinkovich Episcopum (4) Quinqueecclesiensem, & Præpositum majorem istius Ecclesiae, in ipsa illa Synodo nationali contradicendum sit. Quapropter decernit S. Synodus, ut super præmissis nationalis Synodi prædictæ, in præjudicium hujus Ecclesiae, facto decreto, ex præmissis rationibus, primum. Eminentissimus Cardinalis Pazmanus, tamquam Primas, demum si is difficilior forte foret, sua Sanctitas respectivè requiratur. Sperat enim S.

Bbb

Syno-

Ulyici Sacri Tom. V.

Synodus suam Sanctitatem, præmissa æqua lance, pro sua in omnes Ecclesias pietate, moderaturam.

- 5 III. Eadem Synodus Nationalis de abolendis peculiaribus Ecclesiarum (5) ritibus, ac introducendo per omnes Ecclesias ritum Romano decrevit; in quo quidem negotio nuntius pro hac diœcesi, uti præmissum est, missus, cum se pari, qua præmissum est, methodo contra principalium suorum mentem gessisset; atque viso præjudicio, consideratis item efficacissimis pro Ecclesia hac rationibus, prædictus Reverendiss. Dom. Episcopus Quinqueeclesiensis, & Præpositus major hujus Ecclesiæ Zagrabien. sollemniter protestatus fuisset, & contradixisset; eapropter in hoc quoque puncto statuit sacra Synodus suam sanctitatem debite requirendam esse; demum juxta resolutionem Suae Sanctitatis, quam Synodus sperat sibi propitiâ fore, agendum: interim autem ritus Ecclesiæ hujus, a quattuor & amplius sæculis observatos, retinendos esse.

IV. Nationalis Synodus in obtinendis Episcopatibus titularibus, mentionem facit solummodo Capitulum Hungariæ, non habita mentione regni Sclavoniæ; ideo sacra hæc Synodus scribet Eminentiſs. Cardinali, ut se superinde declarare dignetur, utrum scilicet Capitula Hungariæ ita stricto vocabulo nuncupavit, atque seminarium Hungariæ; & uti sub vocabulo seminarii Hungariæ, seminaria Sclavoniæ complexa esse noluerit; ita etiam sub appellatione Capitulum Hungariæ voluerit esse exclusa Capitula Sclavoniæ; alioquin cum nullis suis demeritis, id vel de Sua Sacratissima Majestate, vel vero de religione Catholica, quam illibate semper servarunt, servantque, promeruerint Capitula & clerus regni Sclavoniæ, non est, quod tam insigni censura notaretur: indeque enitendum erit, ut, si ea sit mens prædictæ Synodi, etiam super hoc Sua Sanctitas requiratur, & si opus foret, sua quoque Majestas.

- 6 V. De Forizatione (6) diebus festis, & Dominicis tollenda, in proxime futura generali Congregatione regnicolarum, agent Dominus Episcopus, & Capitulum Zagrabienſe, juxta priores super inde Canonicas pariter & sæcularium magistratuum sanctiones.

VI. Statuitur, ut amodo deinceps nullus parochorum sine expressa licentia Domini Prælati, parochiam, quam obtinet, deferere, sed neque ullam vacantem ullus presbyter apprehendere possit ac valeat; nisi obtenta prius a Reverendiss. D. Prælato, super apprehensione talis vacantis parochiæ confirmatione & consensu in scripto, quæ in cancellaria Reverendiss. gratis unicuique dabuntur; quibus habitis per Archidiaconum loci medio sui Vicearchidiaconi, vel unius ejusdem Archidiaconatus parochi ad id peculiariter destinati, præſente homine patroni, ubi jura jurispatronatus id exegerint, investituram accipiet. Cathedralicum, (7) quia jura præscribunt, Dom. Parochi sine ulla renitentia suis Archidiaconis, quotannis administrabunt, & consuetos ab antiquo cereorum manipulos Ecclesiæ matri.

7 VII. Ubi Caput secundum Synodi Nationalis perlæctum fuisset, atque Dom. Archidiaconi hujus diœcesis animadvertissent, ratione omiſſæ visitationis personaliter obeundæ pœnam gravissimam, amissionem videlicet beneficiorum, quam pœnam non nisi ob gravissimum crimen Canones sacri infligere consueverunt, appositam fuisse; habita præ oculis sacerdotali modestia, in hunc mo-

dum proposuerunt, ut nomine Synodi requiratur superinde Eminentiſsimus Cardinalis, ut dignetur gravitatem tantæ pœnæ mitigare; alioquin super hoc quoque puncto, uti super reliquis, requiratur Sua Sanctitas, ad cujus Sedem Apostolicam, uti præmissa gravamina, ita hoc quoque gravamen, sacra hæc Synodus provocatum esse vult, prouti & provocat.

VIII. Licet juxta decreta SS. Canonum concionandi munus (8) Episcopo potissimum incumbat; habito tamen Dom. Capitulares Ecclesiæ Zagrabienſis, Rever. Dom. moderni Episcopi prælati sui ingravescens ætatis condigno respectu, vita ejusdem superſtite, omnes hujus Ecclesiæ cathedralis conciones in se ipsos ultro, ac benevole receperunt; ita ut exceptis D. Præposito majore, Lectore, Cantore & Custode ob multiplices eorum occupationes, reliqui omnes ac singuli, tam præſentes, quam absentes, munus concionandi per se vel per alios subeant, atque inter eos conciones æqualiter atque uniformiter interim distribuuntur.

IX. Quod cum contingat quandoque ut parochi curam animarum exercentes, vel ob decrepitam ætatem, vel ex alio quocumque accidenti, ad obeunda parochialia munera omnino inhabiles redditi, in summa pauperie, (ex quo nonnulla parochiæ adeo tenues sint, ut juxta canonicas sanctiones, coadjutores emeritis, seu inhabilibus parochis dari nequeant, cum vix uni alendi redditus sufficere queant, sed administratio parochiæ simpliciter alteri committenda sit) cum evidenti derogatione Ordinis Ecclesiastici reliquum vitæ suæ peragere cogantur; cupiens igitur S. Synodus hujusmodi defectui salubriter subvenire, statuit ut ex diœcesis hujus cleri pia largitione, pro recipiendis, & intertendis ejusmodi parochis, sive presbyteris, hic Zagrabia, in territorio dumtaxat Ecclesiæ fundatio instituatur; & primo quidem domus pro hospitio & receptaculo vel ematur, vel ædificetur, pro cujus quidem domus emptione, vel erectione, singuli diœcesis istius parochi florenum Hungaricum unum polliciti sunt, per Archidiaconos singulorum usque ad festum S. Michaelis Archangeli, proxime venturum, exigendum, atque ad manus per eosdem Archidiaconos Reverend. Dominorum Martini Bogdani Archidiaconi cathedralis, & Petri Kuprež Archidiaconi Dubicensis Canonicorum istius Ecclesiæ Zagrabienſis, quibus quidem S. Synodus curam & administrationem erectionis præmissæ foundationis pro tempore commissam esse voluit, consignandum. De beneficiis vero talium parochorum statuit Synodus, ut singulis his, qui ad præmissam domum recepti fuerint, successores constituentur ea conditione, ut durante vita eorum, quibus in parochiis successerunt, qui non legitimi parochi, sed coadjutoris nomine gaudeant, atque quotannis ex proventibus parochiæ illi parochi in prædictam domum administrent id, quod Reverendiss. Ordinarius, juxta proportionem proventus uniuscujusque parochiæ, duxerit atque statuerit esse administrandum.

X. Ad promovendam piam atque necessariam hanc foundationem statuit S. Synodus, ut parochorum, qui nullo condito testamento ex hac vita decesserint, rerum ac bonorum omnium, quæ videlicet bona esse propria concernere dignoscuntur, rata tertia pars, quæ videlicet juxta Canonicas sanctiones ex trifaria partitione pauperibus cederet, pro domo & fundatione præmissa fideliter convertatur. Dabunt autem operam ii, quo-

quorum ex canonica sanctione intererit, ut exactio & applicatio talium rerum ac bonorum rite ac legitime peragatur. Sed eos quoque Dom. Parochos, quibus divina benignitas facultatem condendorum testamentorum elargita fuerit, ex quo hæc fundatio pro ipsis parochis potissimum instituenda fuit, in suis testamentis piæ hujus foundationis memores esse oportebit.

XI. Animadvertit S. Synodus non paucas difficultates & controversias quandoque exoriri inter rectores Ecclesiarum, & inter adituos, ratione piorum legatorum, ac oblationum, quas Christi fideles varios interim ob respectus, diversis quoque intentionibus conficere consueverunt. Ideo statuit firmiter observandum ut legata pia, quæ in suis testamentis Christi fideles, vel intuitu sepulcrarum suarum, vel vero quomodolibet alias ipsis Ecclesiis, nulla parochorum vel rectorum habita ratione legaverint, aut legassent; item si vel voti exolvendi gratia, vel ulterius cujuscumque devotionis suæ sub prætextu, nulla pariter parochorum seu rectorum habita ratione, pro ipsis Ecclesiis obtulerint, aut obulissent quidpiam, totum id ipsis Ecclesiis, pro structura earundem Ecclesiarum, vel prouti ordinario, seu Archidiacono loci opportunum visum fuerit, convertendum atque applicandum cedere debeat. Cetera vero oblationes, & pia legata, quæ parochis, seu rectoribus Ecclesiarum, intuitu dumtaxat piorum suffragiorum offerri consueverunt, pro iisdem percipientur, salva privatarum Ecclesiarum in certis earum sollemnitatibus, vel dedicationibus, ratione ejus temporis oblationum, observata, & per superiores approbata consuetudine.

9 XII. Constat (9) passim in diœcesi hac multarum Ecclesiarum ac beneficiorum bona & redditus, cum magno status Ecclesiastici dispendio distracta atque abalienata esse. Decernit itaque S. Synodus, ut universi tam parochi, quam vero alii beneficiati, diligentem curam atque operam adhibere teneantur, quatenus intra sextum abhinc mensem catalogum a suo beneficio abalienatorum bonorum, & reddituum, suis Archidiaconis, vel vero Rev. D. Prælo exhibere non intermittant; annotando singulorum talium bonorum quantitatem, locum, tempus abalienationis, seu occupationis, nomina personarum, per quas talis abalienatio, vel occupatio facta fuisset; item quo jure, quo titulo talia bona seu redditus ad beneficium suum aliquando spectassent, facta vel privilegii, superinde si supererit, expressa mentione; vel vero si superinde non extaret privilegium, apposito testimonio fide dignorum hominum (quorum nomina & cognomina, sed & conditio specificanda erunt), qui videlicet recordarentur bona talia, seu redditus ad talem Ecclesiam, vel beneficium illud spectasse; verum tandem, & per talem, & tali occasione & via occupata, seu abalienata extitisse. Ceterum de recuperationis demum methodo Rev. D. Ordinarius id, quod opportunius fore duxerit, haud dubie non intermittet constituere.

XIII. Et quia recuperatio hujusmodi bonorum, præter alia adminicula, periti ac seduli advocati, seu procuratoris operam requirit; sed & ipsi quoque parochi, ac alii clerici nonnumquam per seculares, non modo in rebus & facultatibus suis, verum etiam in ipsis personis gravibus injuriis afficiuntur; capropter Rev. Dom. Ordinarius fieri curabit, ut prima occasione idonei ad præmissos effectus procuratores communi ta-

illyrici Sacri Tom. V.

tius diœcesis nomine, cum decenti salario conductantur, in quod singuli hujus diœcesis parochi singulos quinquaginta denarios Hungaricales annuos se se collaturos obtulerunt, per Archidiaconos, una cum cathedratico suo, exigendos, & perceptori per tempore constituto consignandos.

XIV. Conqueruntur quoque non pauci parochi, quod religiosi Patres Ordinis S. Francisci de Observantia, irrequisitis, ac sæpe etiam invitis, ac reclamantibus ipsis parochis, in munia parochialia se se perperam ingerere contra Sanctorum Canonum sanctiones, non reformident. Commonefactis igitur per Rev. Dom. Ordinarium prædictorum religiosorum Superioribus, si qui ab hujusmodi ausibus non destiterint, idem Reverendissimus ex præscripto sacrosancti Concilii Tridentini in eosdem auctoritate sibi competente animadvertet.

XV. Valachorum, seu Rascianorum, qui (10) 10 in finibus hujus regni, & diœcesis jampridem confederunt, sacerdotes ac monachi ritus alioquin Græcensis, & tum ob id, tum etiam graviores etiam alios ob respectus, cum præjudicio fidei orthodoxæ, ac periculo animarum præsumunt quandoque populis diœcesis, præter alia, matrimonii potissimum sacramentum administrare, & homines Romani ritus, more ac ritu alieno copulare: Moniturus igitur erit Rev. Dom. Prælatus eorumdem superiores ecclesiasticos, ut in eos animadvertant; alioquin requirendi erunt superinde, atque invocandi magistratus eorum seculares, quorum opera coerceantur.

Ceterum quia sancta hæc Synodus præmissos tractatus, ob quos nunc potissimum coacta fuerat, suaviter in Domino propositos, non minus feliciter in publica acta unanimi consensu recensendos esse statuit, ideo Rever. Dom. Prælatus, peractis rite Pontificalibus, Synodo optatum sinem cum faustis totius cleri acclamationibus imposuit.

#### Notæ.

(1) Petrus Pazmanus Archiepiscopus Strigoniensis post Synodum nationalem Tyrnaviensem habitam an. 1630. ab Urbano VIII. ad collegium Patrum purpuratorum, Ferdinando II. postulante, aggregatus fuit; atque inter primos annumerandus est, qui titulum Eminentiissimi gesserunt, non ita pridem ab eodem Pontifice Cardinalibus S. R. E. concessum.

(2) Hoc diploma a Ferdinando II. confectum fuit; cujus vim ac sententiam ex Kovasceovichio supra descripsimus in Petro Domitrovichio. Cum in eo diplomate de bonis ac rebus Episcoporum Hungariæ & Slavoniæ, qui vita decesserunt, portio quædam in utilitatem atque incrementum Seminariorum converti jubetur, eam Synodus Tyrnaviensis in unum ac solum Seminarium Hungaricum derivari, eaque cetera extra Hungariam Seminariorum privari velle videbatur: cum autem diploma illud generatim de Seminariis loqueretur, & nullum exciperet, iniquum erat verba illius maligna interpretatione restringere, & beneficium, quod commune pluribus esse debebat, ad unum contrahere: nec vero æquitati consentaneum erat bona Episcoporum regni Slavoniæ, alio extra Slavoniam distrahi avertique, cum ea in utilitatem hujus regni impendi recta ratio jubere.

(3) Præter duo illa Seminariorum clericorum Zagrabienensium, Honoriense, & Zagrabienle, de quibus alio loco dictum est, tertium Vien-

Bbb 2 nz

ne constitutum est anno 1627. Hujus parens & auctor primarius fuit Balthassar Napulius, Canonicus idem, & Præpositus major Ecclesiæ Zagrabienſis. Hic quadraginta millia florenorum eoque amplius apud Mensarios collocaverat; ex quorum annuo fructu mille, quadringentos, & septuaginta quinque florenos Rhenenses percipiebat. Anno 1621. cum testamentum fecisset, ex ea pecunia post obitum suum, Græcii, quæ civitas est Styriæ frequens ac nobilis, Seminarium institui jussit, in quo undecim clerici Zagrabienſes alerentur, & bonis artibus erudirentur; octingentos & quattuordecim Rhenenses assignavit, septuagenis in singulos distribuit. Canonicos Zagrabienſes Seminarium Dominos & Patronos constituit; penes quos & jus eligendi alumnos, & administratio ejusdem Seminarium esse voluit. Triennio post mortuus est. Sed illi, quibus negotium supremis tabulis mandatum fuerat, de sententia Capituli maluerunt Viennæ, quam Græcii collegium fundare. Itaque domus empta est in urbe illa apud S. Pancratii; & tandem anno 1627. a clericis Zagrabia missis habitari cœpit; ex quorum numero unus eligi solebat gravitate & prudentia præstans, qui sodalibus præſſet, eosque, ubi opus foret, officii ac disciplinæ moneret. Leges conditæ sunt, ad quorum normam alumni vitam componerent, ac studia dirigerent. Scholas proximi collegii Societatis Jesu adire & frequentare jussi sunt. Ad numerum alumnorum augendum, & annuos proventus amplificandos converti placuit quattuor millia Rhenensium, quæ Joannes Monozlaus Episcopus pro quattuor, & ter mille ac septingentos, quos Franciscus Erghelius, dum esset Episcopus Vespriemienſis, pro duobus clericis alendis erudiendisque contribuerant. Anno 1632. cum altera domus empta esset; utraque diruta fuit; & in eo solo collegium a fundamentis exstructum est satis amplum & commodum, suum cuique cubiculum assignatum, accuratior vivendi ratio & disciplina tradita, distributæ per totum diem horæ, quas divinis precationibus, studio, communi mensæ tribuerent; ac demum postea unus de collegio Canonicorum datus est Rector, qui clericorum moribus ac studiis præſſet. Alumnorum numerus alias major, alias minor, pro varietate temporum, & reddituum incremento, vel diminutione. Hoc Seminarium Viennense, quod Chrobaticum cognominari solet, viget adhuc, pietate ac literis floret, ex eoque viri plurimi doctrina, virtute, dignitate illustres prodierunt.

(4) Nondum erat Episcopus, cum Synodus illa Nationalis habita fuit; sed cum esset Præpositus major Ecclesiæ Zagrabienſis, potestas mitræ gestandæ ab Urbano VIII. concessa, & jus ferendi suffragii in omnibus conventibus regni Hungariæ a Ferdinando ei & successoribus collatum, illi ad Synodum Nationalem, & causam Ecclesiæ Zagrabienſis agendam adiutum aperuerat.

(5.) De ritu liturgico Ecclesiæ Zagrabienſis vide quæ dicta sunt in proœmio hujus historiæ. Hic ritus antiquior fuit D. Augustino Gazotto Episcopo, qui sæculo decimo quarto incunante administrationem hujus Ecclesiæ suscepit; is tamen e ritu Dominicano non paucis sumpsit, addiditque ad ritum Zagrabienſem.

(6) Anno 1621. in comitiis generalibus regni Slavoniæ Episcopus legem fœdæ curavit,

qua cautum fuit ne diebus festis ac præsertim Dominicis ante fores templorum emptiones venditionesque fierent, hac pœna proposita, ut si quis illis diebus & locis res venales exponeret, harum jactura mulcetur. Hoc autem decreto id commendatum est Episcopo & Canonicis, ut in proximis regni comitiis legem ferendam curent, qua etiam actus omnes judiciales & forenses festis diebus fieri prohibeantur.

(7) *Cathedraticum* est tributum, quod parochi Episcopo, ad suam erga cathedram episcopalem reverentiam & venerationem testificandam, solvere consueverunt. Idem tributum a parochis diœcesis Zagrabienſis Archidiaconis, quibus subditi sunt, solvi debet; quod hi jure quasi episcopali gaudeant.

(8) Munus Evangelii explicandi populis, concionandique jure divino Episcopis impositum, superiores ante Franciscum Erghelium Episcopi fere omnes, e præscripto etiam sacrorum Canonum, per se ipsi obierunt, vel aliis demandabant, si quando ipsi eo fungi non possent. Hoc onere Erghelium, cum esset exacta jam ætate, & infirma valetudine, sacra Synodus eximendum censuit; idque onus Canonici sponte susceperunt, non ultra tamen ferendum, quam hujus Episcopi vita prorogaretur. Verum id semel susceptum perpetuo retinuerunt; idque potissimum in Archidiaconos incumbit; qui singulis festis diebus in æde Cathedrali ad populum de vitiis extirpandis, & Christianis virtutibus colendis e loco superiori concionantur. Ordinem seriemque concionum præscribit Archidiaconus cathedralis, & dies, quibus quisque concionari debet, suos cuique assignat; nec tamen illis munus concionandi æqualiter divisum tradit; sed quo quisque copiosiores proventus e suo sacerdotio percipit, eo plures illi conciones imperari solent. Nec vero propterea Episcopi hoc, quod præcipuum est, munus episcopale negligunt; nam ipsi quoque statis & tollemnibus diebus suas ad populum conciones habent.

(9) Hujus Canonis condendi causam præbuit diploma Ferdinandi II. supra descriptum, quo jubentur Episcopi omnem curam operamque adhibere, ut bona Ecclesiarum abalienata recuperent.

(10) Hoc decreto cavetur, ne Calogeri & presbyteri Rasciani jus administrandi sacramenta iis Christianis ritus latini usurpent; & qui illis præſſent, ac præsertim Episcopus Valachus Marchensis, monendi esse jubentur, ut eos ab hujusmodi administratione absterreant, & gravissimis pœnis afficiant, si quid tale in posterum audeant. Valachos & Rascianos, populos ritus Græcanici, e Serblia, & Valachia profugos Matthias I. rex Hungariæ intra finem sæculi decimi quinti in Slavoniam receperat. His anno 1615. Episcopus datus fuit; de quo Paulus Ritter: *Eodem Pontifice ( Petro Domitrovichio ) institutus in hac diœcesi novus Rascianorum Episcopatus ritus Græci in Ecclesia S. Michaelis de Marcha; cujus primus Vladika, sive Superintendens, Simon Uratanick, Petro Episcopo Zagrabienſi, transactionaliter se & suos obligavit singulis annis duodecim libras ceræ daturos Episcopo Zagrabienſi. Ordo serietque Episcoporum Marchensium, qui etiam Szvidnicenses cognominari solent, hæc est. I. Simon Vratani-chius. II. Paullus Zorchichius senior. III. ... Zor-*



Zorchichius junior. IV. Michael Tarchinovichius. V. Michael Markovichius. Hi omnes apprimè Catholici fuerunt, atque ut populares suos ad sinum Ecclesiæ, ac Sedis Apostolicæ obsequium, & communionem reducerent, nullis incommodis, laboribus, & periculis perpercerunt. Sed gens illa Photiano schismatico furore, rabieque instincta, odium in Latinos eorumque sacra penitus insitum, quoad licuit, in optimos Antistites expromere numquam desit; quod demum in apertam seditionem erupit, parochos Catholicos eiecit, & parum abfuit, quin Markovichium Episcopum interficeret, qui præpropere fuga se insectantium manibus eripuit, & Viennam transtulit, ad Cæsaream & regiam opem implorandam. Ceterum boni illi Episcopi nullis vexationibus atque injuriis se deterreri patiebantur, quo minus omne studium atque industriam ad leniendos animos, alliciendosque ad religionem orthodoxam amplectendam impenderent. Præclaris horum conatibus magno adjumento fuerunt tum Episcopi Zagrabienfes, tum vero Leopoldus Collo-niczius Archiepiscopus, & Primas Strigoniensis, idemque S. R. E. Cardinalis, qui, ut scriptum reliquit Nicolaus Schmitth in Archiepiscopis Strigoniensibus, curas pastorales, ardoremque apostolicum, quo semper flagavit, in Daciam transmisit; utque Valachorum populus abdicato schismate Romanæ Ecclesiæ se adjungeret, felici sane opere perfecit. Theophilus Valachorum Episcopus, quive eum in hoc munere secutus est, Athanasius, cum omni clero Photium ejuravit, magna utique accessione rei Romanæ, cum facile centum & amplius mortalium millia errorem posuerint. Seminarii Tyrnavienfis proventus auxit ad clericos alendos, qui excolendis Valachis operam navarent. Neque exigua partem curæ & cogitationis suæ in conversionem schismaticorum diocesis Zagrabienfis derivavit. Siquidem Seminarium instituit, & idoneis vectigalibus dotavit, in quo quinque ex natione Valacha adolescentes optimæ indolis, & optimi ingenii alerentur, qui bonis moribus & litteris erudirentur in Seminario Zagrabienfi Soc. Jesu; ut confecto studiorum curriculo in cœnobium Calogerorum migrarent, ibique clericalis, & monasticæ disciplinæ præceptis instituti cum essent, eorum opera Episcopi Marchenses tum ad Valachos sincera veraque doctrina imbuendos, tum ad paræcias ritus Græci regendas uterentur. Idem præstantissimus, & sapientissimus Cardinalis a Leopoldo I. Imperatore impetravit, ut presbyteri omnes Valachi & Rasciani, qui regnum Hungariæ, & annexas eidem regiones incolunt, modo Catholicam religionem profiterentur, & colerent, participes essent omnium immunitatum, & privilegiorum, quibus gaudent presbyteri latini; idque suis ad eos litteris significavit, quas huic loco intexere libet.

Seminarium Valachis adolescentibus Zagrabiz institutum a Leopoldo Archiep. & Prim. Strigoniens.

Privilegia presbyteris Valachis Catholicis concessa.

Nos Leopoldus miseratione divina S. R. E. tituli S. Hieronymi Illyricorum presbyter Cardinalis a Kollonicz, Archi-Episcopus Strigoniensis, locique & Comitatus ejusdem supremus ac perpetuus Comes, Primas regni Hungariæ, Legatus natus, summus Secretarius, & Cancellarius, S. Joannis Hierosolymitani Ordinis Prior, & Commendator Egra, Maybergæ, S. C. regique Majestatis intimus Consiliarius Actualis. Omnibus ad quorum manus præsentibus devenerint, maxime vero Græci ritus Valachicis Sacerdotibus Illyrici Sacri Tom. 7.

bus per Hungariam, Transilvaniam, partesque eidem annexas existentibus, salutem in Domino sempiternam. Notum facimus tenore præsentium, quibus expedit universis, quod alte libata Sacratissima Cæsarea regique Majestas Leopoldus I. Imperator Semper Augustus, tam die 23. Augusti anni 1692. quam die 14. mensis Aprilis anni currentis, clementissime resolverit qui ex Sacerdotibus Græci ritus edita professione ad observantiam Græci ritus apud Catholicos, cum agnitione Summi Pontificis, se declaraverit, iisdem prorsus juribus, privilegiis, exemptionibus ac immunitatibus frui, & gaudere debeat, quibus Sacerdotes Romano-Catholici, sive ritus Latini juxta sacrorum Canonum sancita, & Divorum Hungariæ regum statuta, frui, & gaudere dignoscuntur. Quam benignissimam suæ Majestatis sacratissimæ resolutionem intelligentes (præterquam quod ingenti gaudio perfusum, quod viam vobis aperiri audiamus, & videamus; quo ad avitum Ecclesiæ Romano-Catholicæ gremium, unionem salvificam redire possitis) illud pariter muneris nostri, & pastoralis curæ, qua per Hungariam universam, uti & regna, provincias eidem annexas, ut Primas Hungariæ, & Legatus natus fungimur, vique auctoritatis nostræ Archi-Episcopalis Metropolitanæ Strigoniensis, speciali sacra Sedis Apostolica privilegio nobis concessa, esse duximus, ut nostram vobis omnibus ad unionem cum Ecclesiâ Romana Catholica redeuntibus, ac redituris favorem, & specialem in omnibus protectionem offerremus; quod etiam tanto efficacius præstabimus, quanto vos in dictæ unionis professione ac conservatione ferventiores ex nimirum omnia, quæ S. Mater Ecclesiâ Romano-Catholica docet, profitetur, & credit, privatim ac publice docendo, profitendo, & credendo, speciatim vero quatuor illa puncta, in quibus hactenus potissimum deviasse videbamini, protestando exciteritis. Primo nempe: Romanum Pontificem esse caput universale totius diffusæ per orbem Ecclesiæ. Secundo: Panem azymum esse sufficientem materiam sumendæ cænæ Dominicæ, seu Sacramenti Eucharistiæ. Tertio: Præter calum sedem beatorum, & infernum carcerem damnatorum, tertium dari locum, in quo animæ defunctorum, nondum satis expiata, detinentur ac purificantur. Quarto demum: Spiritum sanctum, tertiam in Trinitate personam, a Patre, & Filio procedere. Quod dum facitis, non solum a Deo bonorum omnium largitore, in præsentem quidem vitam, ubi suarum gratiarum influxum, ac largiorem etiam in temporalibus benedictionem, in futura vero æternam felicitatem sperare poteritis: verum etiam Augustissimi Cæsaris favore, & regie potestatis plenitudine, tum personæ vestræ, tum Ecclesiæ, reliquaque ad eandem spectantia, immunitate ac exemptione pari decorabimini, quæ Ecclesiæ personæ, resque Ecclesiastica Latini ritus, ex sacrorum Canonum præscripto, effectivè perfruuntur. Et si quis hoc suæ sacratissimæ Majestatis decretum ausu temerario contemnere, aut prædeclarata huic Græci ritus unitatem immunitati Ecclesiastica, aperte vel occulte ullo sub prætextu, aut etiam prætextu usus, & consuetudinis, antequam unirentur sub velamine, contraire præsumeret, iisdem prorsus pœnis tum ab Ecclesiastici, tum a secularis fori judicibus, tum etiam ab Augustissimo Cæsare, si opus fuerit, infligendis obnoxius erit, & subiacet, quas fidelium Latini ritus immunitatem

tatem Ecclesiasticam ladentes de jure ac consuetudine incurrunt. Ac insuper in hujus Ecclesiasticae immunitatis usu, universi Domini Episcopi, gubernium regium, magnates, supremi capitanei, ac judices regii, tum Ecclesiastici, tum secularis fori judices, & justitarii, si coram eis in praeclarata immunitate vos laesos esse questi fueritis, eorumque auxilium, & assistentiam imploraveritis, judicium, & justitiam, non minus ac Latinis S. Matris Ecclesiae fidelibus eadem immunitate gaudentibus, administrare debebunt, & tenebuntur. Quod si prestare intermitterent, nobisque ac successoribus nostris desuper relationem feceritis, ut malo tam evidenti, severiori etiam manu, medela tempestive adhibeatur, allaborabimus. Datum in Curia Commenda nostrae Mayibergensi beneficiata, Viennae Austriae, die secunda mensis Junii, Anno Domini M. DC LXXXVIII.

Leopoldus Cardinalis a Kolonicz  
Archi-Episcopus Strigoniensis.

Hæc quidem ad posteriores annos pertinet; sed huic loco, in quem de Valachis sermo incidit, annectenda esse censuimus. Nunc ad Episcopatum Erghelii revertamur.

Decretum  
Synodi Zagrabiensis  
de veteri ritu retinendo & agerrime tulit Pazmanus.

Decretum Synodi Zagrabiensis de ritu antiquo retinendo agerrime tulit Cardinalis Pazmanus Archiepiscopus Strigoniensis; siquidem hoc ei propositum ac deliberatum fuerat, omnes Ecclesias regni Hungariæ ad unam eandemque ritus Romani formulam revocare, & ritus peculiare quorumcumque Ecclesiarum ab eo discrepantes abolere. Cum igitur id assequi se posse diffideret, auctoritatem Sedis Apostolicæ sibi accerendam putavit. Ab Urbano VIII. Pontifice Max. litteras ad Franciscum Erghelium impetravit, datas anno 1633. iv. Kalendas Octobris, quibus & ipse, & clerus universus Ecclesiæ, & diocesis Zagrabiensis jubebatur Liturgiam & Psalmodiam tum publicam, tum privatam ad morem ritumque Ecclesiæ Romanæ conformare, caerimoniis omnibus ac ritibus, cum eo non congruentibus, sublatis & abrogatis. Mandatum Apostolicum, quod dignum erat, reverentia & veneratione Episcopus excepit; & eodem anno xiiii. Kalendas Novembris Capitulum convocavit, litteras Pontificias per Andream Ottauchium Archidiaconum Chasmensem recitari jussit; & suprema Sanctæ Obedientie auctoritate interposita, omnibus & singulis præcepit, ut Summo Pontifici imperanti parerent, atque ad statas preces nocturnas diurnasque privatim ac publice persolvendas, remque divinam faciendam, non alium in posterum, nisi ritum Romanum adhiberent. Pontificium mandatum ut notum esset omnibus, valvis basilicæ cathedralis affigendum curavit. Hoc tamen præceptum non antea, quam post quatuor hebdomadas exactas valere, & urgere voluit, facultas ut esset ac tempus comparandi libros rituales Romanos, quibus ad psallendum & sacrificandum uterentur. Sed postea Canonici impetrarunt ab Episcopo, ut dies præcepti exsequendi, sibi ac reliquis presbyteris, usque ad sollemnia Paschalia sequentis anni prorogarentur. Ritus Romanus non solum in diocesi universam, sed etiam in eadem cathedrali receptum fuisse, & per aliquot annos obtentum argumento esse potest prægrande volumen, quod adhuc extat, hoc titulo inscriptum: *Psalterium chorale secundum consuetudinem Sanctæ Romanæ Ecclesiæ*. Verum brevi in-

Pontificio  
mandato  
obtemperavit Erghelius.

tervallo, scilicet post mortem Cardinalis Pazmani & Francisci Erghelii, vetus ritus Zagrabiensis in basilicam cathedralem revocatus est, auctore fortasse Benedicto Vinkovichio Episcopo, ejusdem ritus acerrimo propugnatore, qui decreto Tyrnaviensi vehementissime intercesserat. Ceteræ tamen Ecclesiæ tum civitatis, tum diocesis rationem psallendi, & sacrificandi, aliasque sacras functiones obeundi, e præscripto Ecclesiæ Romanæ semel susceptum, etiamnum retinent. Ante acceptum Apostolicum mandatum excusaverat quidem se per litteras Erghelii apud Primate de non recepto ritu Romano, & omnem culpam in Canonicos & Parochos ad Synodum convocatos transfulerat, quibus repugnare sibi fas esse non censebat. Sed Pazmanus excusationem non accepit, & verbis gravissimis rescripsit, auctoritatem Primatis & Concilii Nationalis ei pluris esse debuisse, quam omnium Parochorum & Canoniorum ab eo dissentientium suffragia, eique ab omnibus omnino parendum esse. In Synodo diocesana, qui ad eam conveniunt de rebus statuendis vel agendis consuli quidem possunt, ac debent, sed leges & decreta condendi penes unum Episcopum summam esse potestatem: Sicut, inquit, in Synodo provinciali nulli vocem definitivam habent, nisi soli Episcopi; ita in diocesana non alter, nisi solus Ordinarius auctoritatem habet statuendi, & ordinandi, quæ opportuna forent. Miratur deinde quod Erghelii Canoniorum inter se, & ab se dissensionem, unius hominis protervia & pervicacia excitari foverique patiatur, quem ipse statim omni sacerdotio privatum e Capitulo ejecisset; & simul ostendit quibus gradibus ad extremam schismaticam perviciam deveniri soleat. Isti, inquit, sunt gradus, per quos præsumptio in ruinas præcipitat dura capita; primo Ordinarium, deinde Patriarcham, seu Primate, postea Nationale Concilium, denique Suam Sanctitatem posthabere. Hujus dissensionis auctorem fuisse Joannem Nardinum Archidiaconum Goricensem tradit Thomas Kovasceovichus. Ceterum Episcopi & Canonici, cum post acceptas litteras Pontificias decreto Tyrnaviensi paruisent, cum suo Primite in gratiam redierunt.

Cujus dissensionis sive schismatis auctor fuerit Joannes Nardinus, litteris proditum non invenio. Sed cum postea nescio quid animadversione, & poena dignum in se admisisset, Erghelii litteris Pazmani exstimulatus, tum hoc postremum, tum superius ejus delictum puniendum censuit. Itaque illum non citatum, non auditum, non legitime convictum, non convocato Capitulo, nec juris ordine servato, utroque sacerdotio, quod obtinebat, sententia Episcopali multavit; eique tum Canonicatum, tum Archidiaconi locum ac titulum, & proventus omnes ademit. Ille ad Colocensem Metropolitam appellavit; Erghelii appellationem irritam fecit; & Vicario suo generali Marnavio Episcopo Bosnensi potestatem delegavit quæstionis in eum exercendæ, & sententiæ ferendæ. Ceterum Nardinus utrumque sacerdotium, quamdiu vixit, retinuit, & proventus utriusque percepit, sive quod Vicarii judicio absolutus fuerit, sive quod Episcopus latam in eum sententiam revocaverit. Paucis, antequam moreretur, mensibus non levis Erghelio controversia fuit cum Capitulo de quadam exigua terræ portione, quæ inter arcem Episcopalem, & arcem

Erghelii  
Nardinum  
Archidiaconum  
Goricensem  
Capitulo  
multavit, qui  
Metropolitam  
Colocensem  
appellavit,  
& suum locum  
ac sacerdotium  
retinuit.

Capi-

Capitularem interjacebat; hanc Episcopus Jo-  
anni Ztancio *Pradiali suo*, id est Conductori  
prædiorum Episcopatum, donaverat, ut in eo  
solo domum sibi exstrueret. Sed vix ædificium  
designare, & fundamenta jacere cœperat, cum  
Canonici a magistratu Græcensi viatorem mit-  
tendum curarunt, qui opus inchoatum inhibe-  
ret; quod fundum illum suum esse dicerent,  
& intra fines aræ Capitularis contineri. Con-  
tra vero Episcopus fundum eundem sui juris  
esse, & quamdam veluti appendiculam arcis  
Episcopalis aiebat. Res deducta est in judicium,  
& tabulis & argumentis utrimque prolatis, diu  
multumque agitata; nec vero ante obitum Er-  
ghelii, unde jus staret, satis liquere, & diju-  
dicari potuit. Anno siquidem 1637. tertio Idus  
Aprilis, senio & assiduis morbis confectus e-  
vivis excessit; & litem illam sub judice pen-  
dentem successori reliquit. Quo Episcopum de-  
cebat, funeris apparatu & pompa illatus est  
in basilicam cathedralem, & post sollemnes exse-  
quias, sepultus inter duas aras, alteram ab  
cœna Domini, alteram ab D. Luca appellatam.  
Ex ejus carpento, amictu funereo, & sex equis  
divenditis secundum morem, perceperunt Ca-  
nonici florenos centum & quadraginta, quos  
inter se pro rata portione diviserunt. Ex ejus  
testamento præbendariis, sive presbyteris secun-  
di ordinis floreni omnino ducenti obvenerunt,  
cum onere unius mensuri sacrificii apud aram  
S. Lucæ pro expiatione illius animæ offerendi,  
seminario autem Zagrabienfi mille Rhenenses  
ex diplomate supra laudato Ferdinandi II. qui  
hoc eodem anno, mense Februario diem supre-  
mum obierat; cui mirus Catholicæ religionis  
tuendæ & propagandæ ardor inerat, odium ve-  
ro implacabile in heterodoxos. Successorem im-  
perii, & heredem regni Hungarici Ferdinan-  
dum III. filium reliquit. Hoc Erghelio Ponti-  
fice, ut in notis ad Synodum dictum est, sacra-  
rum concionum munus in cathedrali Ecclesia,  
quod Episcopi est, a Canonicis susceptum fuit,  
cum is ætate gravis minime posset Christianæ  
doctrinæ pabulum palam populo præbere. De-  
inde ea cura stetit apud eosdem Canonicos, &  
stat adhuc, distributis in singulos concionandi  
vicibus, ita tamen, ut, pro cujusque Eccle-  
siastico censu, cui ditior redditus est, hic plu-  
ries eo munere perfungatur constitutis diebus:  
quare, subdit Kovalceovichius, „ in quavis di-  
„ stributione concionum Archidiaconos Cathe-  
„ dralem, Goricensem, Bexinensem, & Ur-  
„ bocensem videmus gravari duabus, aliis non-  
„ nisi unam concionem absolventibus.

BENEDICTUS II. EPISC. ZAGRAB. LX.

Anno 1581. natus est Jazkæ, quod oppidum  
est Bosinæ admodum frequens & nobile, ho-  
nesto loco, & bonis parentibus, quibus Vin-  
kovichii cognomen erat. In patria puerilis li-  
teraturæ rudimenta posuit. Ætate grandiuscu-  
lus, in Transilvaniam profectus, Claudiopoli  
apud presbyteros Societatis Jesu politioris hu-  
manitatis studiis operam dedit. Reversus in  
Slavoniam clericis in seminario Zagrabienfi præ-  
cepta inferioris grammaticæ tradidit. Hoc ma-  
gisterio perfunctus ad sublimiores disciplinas  
animum applicuit, & Viennæ totum se Philo-  
sophiæ dedit; tantamque & differendi faculta-  
tem, & rerum naturalium scientiam adeptus  
est, ut confecto Philosophico cursu gravissi-

mas & difficillimas ex universa Philosophia the-  
ses, publico certamini expositas, in frequen-  
tissimo doctorum virorum consensu, cum sum-  
ma vel ingenii, vel industriæ laude propugna-  
verit. Zagrabiam regrediens seminario clerico-  
rum præfuit; inde Bononiam missus anno 1606.  
Præfecturam collegii Hungarici suscepit, simul-  
que omne studium, atque ingenium ad rerum  
Theologicarum, & Juris Civilis ac Pontificii  
cognitionem contulit. Neque antea discessit,  
quam in celeberrimo illo gymnasio, postquam  
sapientissimis illis Magistris & Doctoribus mul-  
tiplicem doctrinam suam egregie probasset,  
Philosophiæ, Theologiæ, Juris utriusque lau-  
rea, & ceteris insignibus ornaretur. Anno 1609.  
Zagrabiam reversum Simon Bratulicius Episco-  
pus ad collegium Canonicorum Chasmenium  
aggregavit, & Lectoris titulo ac dignitate insi-  
gnivit. Eodem anno tribus ordinibus sacris ini-  
tatus cum esset, tamen ut rite se compararet  
ad primas divinæ Majestati hostias immolandas,  
annum fere integrum insumpsit; & anno se-  
quenti in æde cathedrali, die proximo post sol-  
lemne Paschale initium sacrificandi fecit. An-  
nos natus fere triginta, non solum sacerdotio,  
sed etiam muneri Apostolico maturus erat, &  
præterea illis omnibus doctrinis ac virtutibus  
egregie instructus, quæ ad illud recte obeun-  
dum maxime requiruntur. Statim igitur Simon  
Episcopus eum in expeditionem Evangelicam  
mittendum censuit; & postquam e Chasmeni  
in Zagrabienfe Canonicorum collegium tran-  
stulisset, provinciam transmuranam, quæ insu-  
la dicitur Dravo & Mura fluminibus interse-  
cta, sacris concionibus divinisque præceptis ex-  
colendam eidem decrevit. Dum in ea vinea  
Dominica assidue ac strenue laboraret, plures-  
que tum Catholicos ad Christianam piæque  
vivendi rationem, tum hæreticos ad rectam in  
Deum fidem traduceret, egregium messis Evan-  
gelicæ operarium, ad sublimiores, alios ex al-  
liis, honorum gradus idem Episcopus evexit.  
Nam primum ex Canonico Archidiaconum fe-  
cit Chasmensem, deinde Camarcensem, postea  
Cathedralem, qui princeps ac summus est inter  
Archidiaconos. Anno 1624. cum Balthassar Na-  
pulus Præpositus major obiisset, ex nomina-  
tione Ferdinandi II. Imperatoris & regis Hun-  
garie, supremam Capituli Zagrabienfis digni-  
tatem obtinuit; nec multo post Petrus Domi-  
erovichius Episcopus illum sibi Vicarium ge-  
neralem constituit. Anno 1626. Comitibus Po-  
soniensibus tum Capituli, tum regni Slavoni-  
æ nomine missusque interfuit. In augustissimo  
illo Antistitem & procerum conventu, illustre  
sapientiæ suæ, magnique animi in religione or-  
thodoxa tuenda specimen dedit. Cum enim sen-  
tentia multorum eo inclinarent, ut hæreticis,  
quemadmodum in aliis Hungariæ regionibus,  
sic etiam in Slavonia & Chrobotia, sedes &  
domicilium collocandi, agros & fundos emen-  
di, & liberam ac publicam impiis sacris ope-  
ram dandi potestas fieret, Benedictus gravi  
vehementique oratione se se opposuit, remque  
omnem disjecit: quod cum quidam Luteriana,  
& Calviniana lue infecti iniquissimo animo tu-  
lissent, e Comitibus redeuntem in foro expectant;  
& nulla sacræ personæ ac dignitatis ratione ha-  
bita, contumeliis, probris maledictisque appe-  
tunt; quin etiam in extremam efferati rabiem  
sacrilegas manus in eum injiciunt, capillos &  
barbam evellunt, pejora in eum odii sui atque  
furo-

Episcopi  
sepulchri,  
& legata.

Præpositus  
major &  
Vicarius  
generalis.

Benedictus  
Vinkovi-  
chius.

In comitiis  
Posonien-  
sibus caus-  
sam ortho-  
doxæ reli-  
gionis ac-  
cerime de-  
fendit.

furoris exempla edituri, nisi populi undique accurrentis indignatione & clamore deterreti fuissent. Enorme facinus ex lege regni, ob violatam fidem publicam, quæ quibuslibet ad comitia venientibus dari solet, diminutione capitis, & bonorum publicatione vindicandum erat; sed ne in eos lege ageretur, Benedicto in primis deprecatore perfectum est. Quæ insignis viri caritas, gravissima propter justitiam accepta injuria, illustri Catholicæ fidei defensor magnum illi, ejusque Præposituræ decus atque ornamentum attulit; siquidem ex decreto Ferdinandi Imperatoris, ac totius regni Hungariæ, tum ipse, tum omnes deinceps Præpositi majores Ecclesiæ Zagrabienfis jus perpetuum adeundi ad Comitia generalia regni Hungarici, & suffragium ferendi obtinuit; eique præterea, & omnibus, qui in supremam illam Capituli Zagrabienfis dignitatem ei succederent, Urbanus VIII, miræ gestandæ potestatem fecit. Magnam quoque laudem, & bonorum omnium approbationem affectus est, cum omni opera studioque enixus fuit, ut lex illa sane iniqua, & juri æque naturali ac divino repugnans aboleretur, quæ cultoribus agrorum cum Dominis suis lite contendendi, & jus suum persequendi facultatem adimebat. Quanti ejus doctrinam, æquitatem, jurisprudentiam facerent magistratus Polonienfes ex eo intelligi potest, quod sententiam suam in quadam periculosa difficultique controversia latam, antequam promulgarent, disquisitioni, judicio, & si opus esset, correctioni ejusdem Benedicti subjecerint. Nec minor de illius sapientia, & virtute opinio fuit, tum Petri Cardinalis Pazmani, tum Ferdinandi Imperatoris; alter cum de gravissimis negotiis explicandis & expediendis legatum ad Cæsarem misit; alter vero eundem inter suos intimos consiliarios annumeravit; anno autem 1630. Episcopum Quinqueeclesiensem designavit; & Urbanus VIII. regiam designationem approbavit. Internuncius Pontificius apud Cæsarem, Viennæ in templo domus professor Societatis Jesu, eum episcopali consecratione impertivit, ministris ad sollemnem cærimoniam, manusque imponendas adhibitis Stephano Senichio Jaurinensi, & Jeanne Marnavio Bosnensi Episcopis, cum Cœnobiarcha S. Mariæ Viennensis ad Scotos. Cum civitas, ac diocesis Quinqueeclesiensis tunc esset sub imperio Turcarum, neque illuc adire potuit, neque Episcopales proventus ac decimas percipere; quosdam tamen ejusdem diocesis pagos extremos, & ditionis Turcicæ confines, qui adhuc in fide & potestate regis Hungariæ manebant, ab iniquitate & avaritia militum prædicatorum vindicavit, qui miseros illos paganos acerbissima tributorum exactione vexabant; eosque militari stipendio contentos esse coegit, sibi vero agrorum illorum decimas recuperavit.

Jus adeundi  
di comitia  
& miræ  
gestandæ  
Præpositis  
majoribus  
Eccle. Zagrab.  
concessum.

Ferdinandus Bene-  
dictus Ep.  
Quinqueeclesiensis.

deinde Zagrabiensem  
nominavit  
Episc.

Nondum a morte Erghelii mensis intercesserat, cum Ferdinandus III. Imperator, & rex Hungariæ Episcopatum Zagrabiensem Benedicto detulit, anno scilicet 1637. mense Majo; digniorem quippe nullum esse putavit, cui hanc nobilissimam Ecclesiam demandaret, Sed diu multumque illi colluctandum fuit cum curia Romana, antequam diploma Pontificiæ approbationis obtineret. De summa enim pecuniaria, quam Romani exigebant pro diplomate conficiendo mittendoque, non conveniebat; hanc ille, vel omnem, vel saltem ex parte re-

mittere, & condonari volebat. Cur æqua sua postulatio videri admittique deberet, hanc causam subiciebat, quod de bonis mensæ Episcopalis tanta diminutio facta esset, ut antiquorum proventuum ne decima quidem portio superpetere: ex tribus partibus suæ diocesis neque decimas, neque fructus ullos percipi posse, unam siquidem sub imperium Turcicum cecidisse, alteram desertam a plebe, atque a cultura hominum esse, incolis alio atque alio ob metum Turcarum dilapsis; tertiam a Valachis illuc ad confinia tuenda receptis possideri, qui ne obulum quidem Episcopo penderent; ex reliqua vero diocesi quidquid suppeditant annui redditus, vix pertingere ad summam duorum mille Rhenensium; ex qua si vel exiguam portiunculam detraxeris, neque sibi, neque Ecclesiæ superesse, quod satis esset in sumptus necessarios: præterea ex omni memoria superiorum temporum, ut est apud Kovalcevicium, ex Episcopis Zagrabiensibus nullum inveniri, qui, ut diploma Pontificium impetraret, Curia Romanæ pensionem ullam contribueret. Dum litteris & nunciis super hujuscemodi negotio, ultro citroque dandis mittendisque tempus teritur, quadriennium effluxit; neque ante annum 1642. vel de summa pecuniæ conveniri, vel Pontificia approbatio obtineri potuit; pro cuius impetratione Rhenenses octingentos a Vinkovichio numeratos invenio.

Episcopatum Zagrabiensem sibi a Ferdinando traditum annos quinque & menses fere septem tenuit, quos quidem omnes sine ulla propemodum intermissione, in litigia & contentiones molestissimas insumere necesse habuit. Jam inde ab anno 1632. duas Abbatis obtinebat, quas ei Sigismundus Erdodius Banus, seu Prorex Chrobatæ ex suo jurepatronatus contulerat, alteram S. Georgii in oppido Diacensi, & Comitatu Castri ferrei, quæ ad Cistercienses, alteram eidem Georgianæ annexam, ut vocant filialem S. Mariæ Cathariensis in Comitatu Zeladiensi, quæ ad Benedictinos Monachos olim pertinebat. De hac posteriori aliqua illi controversia fuit ante susceptum Episcopatum Zagrabien. cum Nicolao Erdodio, quem ex hac duas portiones retinere arguebat, quas ad sacerdotium Marianum Cathariensis spectare ex tabulis, & testimoniis seniorum compererat. An vero quod actione in eum instituta petebat, obtinuerit, litteris traditum non invenio. Longe gravior ac diuturnior illi fuit contentio cum Georgio Erdodio Sigismundi herede, qui ex possessionibus Abbatæ Georgianæ silvam detraxerat, suisque colonis attribuerat. Amice quamvis placideque admonitus, tamen ut eam restitueret, adduci non potuit. In judicium vocatus noluit comparere, & rei deposita, actoris personam sumpsit; Vinkovichio denunciari jussit, ut vel Abbatiam illam dimitteret, vel in vico Diacensi apud adem S. Georgii sedem suam stabilem, & fixam collocaret; neque enim illinc abesse per sacros Canones ei liceret; siquidem Abbatem S. Georgii Diacensis simul esse ejus loci parochum agebat. Cum Emericus Losyus Archiepiscopus Strigoniensis anno 1638. Synodum provincialem Tyrnaviam convocasset, illuc Georgius advolvit; & circumiens domicilia Episcoporum, quos officii causa se invisere simulabat, singulis persuasit, ut communi consensu sancirent, neque in regno Hungarico duo, vel plura sacerdotia,

De duplici  
Abbatia  
controversia  
illius fuit,  
cum Georgio,  
& Nicolao  
Erdodiis.

Metropo-  
litam &  
Primates  
Strigoni-  
ensem ap-  
pellavit,

tia, quibus annexa esset curatio animarum, retinere posset. Itaque in hanc sententiam decretum factum est; illudque Georgius Benedicto Vinkovichio denunciandum curavit per Georgium Draskovichium Episcopum Jaurinensem, cujus in diocesi erat Abbatia S. Georgii. Decreto Tyrnaviensi suum mandatum addidit Draskovichius, sane imperiosum, quo Benedictus jubebatur, ut nisi vellet Episcopatum Zagrabiensem deponere, Abbatiam Georgianam intra quindecim dies, nulla mora, nulla tergiversatione, nulla appellatione interposita dimitteret, & Georgii Erdodii ejus patroni arbitrio conferendam cui vellet, relinqueret. Nec vero hæc denunciatio Benedictum deterruit, quo minus Metropolitam & Primatem Strigoniensem appellaret, ac præsidium ab illo peteret, scriptis ad eum litteris in hanc sententiam: mandatum Episcopi Jaurinensis æquitati repugnare, cum se inaudito, causa incognita sententiam tulerit; nec magis sibi, quam ipsi Primati injuriosam esse, cum de hujus auctoritate ac jurisdictione Primatiali non parum derogaret; deinde subjecit rationes, cur Abbatia Diacensis cum Episcopatu Zagrabienfi, salva lege Ecclesiastica, conjungi potest. Emericus rescripsit Synodum Tyrnaviensem, de pluribus Sacerdotibus simul non retinendis, nihil aliud decrevisse, nisi quod antea in Synodo Tridentina interdictum fuerat; id autem non obesse quo minus qui plura obtineret sacerdotia, coram Judice legitimo causam suam agere, & probare posset illam conjunctionem neque Tridentino, neque Tyrnaviensi decreto repugnare; cum autem ipse *Primatis*, & *Legati nati* potestate præditus sit, hujusmodi causarum cognitionem ad se, vel ad judicem, quem ipse delegaret, pertinere. In eadem sententiam ad Georgium, & Nicolaum Comites Erdodios scripsit, vetuitque Vinkovichium, ante causam cognitam, de possessione illius Abbatie depelli. His litteris acceptis, uterque litem illam persequi ad tempus intermisit. Interea Georgius cum diffideret probari posse conjunctionem Abbatie Georgianæ & Episcopatus Zagrabienfis illicitam esse; satius esse duxit, hac prætermittenda, alteram de silva controversiam cum Vinkovichio per arbitros transigere. Ad litem ex æquo & bono componendam usus est interprete & conciliatore Georgio Draskovichio Episcopo Jaurinensi. Sed cum conditiones a Vinkovichio propositæ iniquiores sibi viderentur, exarsit iracundia & stomacho; neque antea per se, suosque omnem operam atque artem adhibere destitit, quam a Primате mandatum extorqueret, quo Vinkovichius sine ulla cunctatione Abbatiam illam dimittere jubebatur. Ex fautore infensum sibi Primatem sentiens, præter omnem suam expectationem, primum quidem obstupuit, deinde cum se collegisset, epistolam bene longam ad eum fecit, in qua ostendit plura illum & graviora peccasse, quam quæ in mandato Episcopi Jaurinensis peccata fuisse ipsemet coarguerat; verba & formulas, quibus sibi dimissionem Abbatie imperabat, nec esse legitimas, & in eos tantummodo adhiberi solere, qui postquam convicti & damnati fuissent, priora mandata contemplerant; se neque auditum, neque convictum, neque damnatum, neque contumacem esse. Ut vero demonstret se nulla lege domicilii apud S. Georgium constituendi teneri, ex

qui in eum  
sententiam  
tulit:

de qua gra-  
viter que-  
ritus Vin-  
kovichius

ostendit Ab-  
batem illius  
& Episco-

antiquis tabulis ac testibus idoneis comperisse ait Abbatiam & Abbatem Diacensem sic institutum fuisse, ut nullum ei paræcie administrandæ onus impositum fuerit; quare Sacerdotium illud Georgianum ex sua institutione ab omni animarum procuracione liberum esse atque immunem; presbyterum ab se præpositum esse more & exemplo Abbatum Cisterciensium, qui parochi munera, & officia exequatur. Ceterum se pactum esse, modo ne cogatur, sponte, & cum sibi libuerit, Abbatiam ejus patrono renunciare; idque fortasse facturum post proxima comitia, quibus interesse debebat. Veritus tamen ne sibi crimini daretur, non paruisse mandato sui Primatis, neve invitus ad parendum anathematis poena interposita compelleretur; Georgium Draskovichium Episcopum Jaurinensem, quem antea suæ causæ infensum expertus fuerat, sibi conciliare, atque in Archiepiscopum concitare statuit; datis ad eum litteris admonuit, caveret ne quid detrimenti caperet jurisdictio Episcopalis, si Metropolitam sineret jus indebitum in Abbatiam diocesis Jaurinensis usurpare, suæ abuti auctoritate; primam ejus causæ cognitionem ad curiam Episcopalem pertinere, neque antea ad Metropolitam deferri posse, quam ad hunc ab illius sententia appellatum esset. Bene monere visus est Episcopo, & omni ope operaque sibi obstandum cenit, ne Archiepiscopus in alienam, ut ajunt, messem falcem immitteret. Ita factum est, ut molestam contentionem litemque ab se in Metropolitam & Episcopum averteret, eosque inter se committeret. Dum autem de jurisdictione inter se confingerent, & colliderentur, ille Abbatiam Diacensem, quoad vixit, retinuit.

Nec solum cum extraneis, sed etiam cum suis Canonicis lites habuit fere perpetuas; & qui antea Capituli bona, privilegia, immunitates sapissime defenderat, post Episcopatum susceptum cum eo contendere, & alia ex aliis litigia ferere numquam destitit. Primam cum Canonicis contentionem suscepit pro retinenda exigua illa soli portione inter arcem Episcopalem, & forum arcæ Capitularis, quam Erghelius cum juris episcopalis esse, Canonicis ei contradicentibus, ad seque pertinere affirmaret, Joanni Ztancio prædiali suo donavit, ut domum sibi ibidem exstrueret. Donationem sui decessoris tuendam, quamvis reclamarent Canonici, & Joannem in ejus soli possessione retinendum esse statuit; eique domus ædificandæ potestatem ab Erghelio traditam confirmavit. Sed quantum ædificii diurno labore assurgebat, tantumdem per emissarios Capituli noctu diruebatur. Ita ædificatio interrupta est, cum eandem disturbare Canonici, & quod exstructum fuerat, dejicere numquam desierint. Itaque inchoati ædificii ne vestigia quidem supersunt. Extat tamen ibidem quædam ædícula male materiata & ruinosa, episcopalem arcem aeduntibus obvia, quæ nullum habet usum, nisi quod tutum ab in-bribus receptaculum præbet. De quadam etiam silva, & de terminis, qui non satis certi ac definiti erant, inter duos montes, alterum Episcopi, alterum Capituli controversia fuit, quæ tamen de consensu partis utriusque per arbitros utrinque delectos composita fuit. Illud etiam in controversiam vocavit sibi, an custodi vinum illud contribuendum esset, quod laicis ad abluendum os post divi-

patus Za-  
grabien-  
ensis  
consecra-  
tionem, sacris  
Canonibus  
non repu-  
gnare.

Plures ha-  
buit cum  
Capitulo  
contentio-  
nes.



nam Eucharistiam perceptam porrigi solet. Sed cum ex antiqua consuetudine, & testimonio seniorum Canonorum tam Chalmensium, quam Zagrabienfium, qui sacrario praeferant, compertum esset illud e cella vinaria Episcopali semper suppeditatum fuisse, nihil habuit, quod alterutris opponeret. De Theologica, ut ajunt, *Præbenda* ex præscripto Concilii Tridentini instituenda, invehendaque in Capitulum, gravior illi & vehementior cum Canonis contentio fuit; ne unum quidem de collegio Canonorum reperit, qui ejus sententiæ & voluntati non repugnaret; quippe e proventibus Capitularibus detrahendum erat, unde pensio annua Canonico Theologo, hujus muneri ac dignitati contentanea, suppeditaretur. Hujusmodi Theologo opus non esse ajebant, cum in Gymnasio Societatis Jesu esset, qui scholam Theologicam regeret, & Christianam morum disciplinam cum scientia juris pontificii conjunctam traderet; nec vero vel inter Canonicos, vel cœnobitas deesse complures, Theologicis institutionibus præclare eruditos, Doctorisque titulis atque insignibus decoratos, qui consuli possent, si qua orta esset difficilior controversia de fide ac religione, de recta sacramentorum administratione, de interpretatione sacrorum Canonum, & rebus omnibus, quæ ad scientiam Theologicam pertinent; quique, si quando re posceret, insana hæreticorum dogmata voce & scriptis egregie refutarent. Ut Canonicos ad suam sententiam & voluntatem perduceret, Emerici Loly Primatis Strigoniensis auctoritatem interpoluit, quæ tanti non voluit, ut eos de proposito susceptoque repugnandi consilio dimoveret. Ita quod maxime perire volebat, neutiquam efficere potuit. Nihil felicius pro amplificandis proventibus seminarii Zagrabienfis, qui pro numero alumnorum tenuis erat, cum Capitulo decertavit. Decrevit sacerdotium S. Stephani Protomartyris, ejusque annuos fructus seminario addiceret; ab omnibus Canonis reclamatum fuit: id contrarium esse, atque statuerat Petrus Domitrovichius, qui de suo ædiculam illam fere collapsam restituit, & idoneis vectigalibus dotavit; hanc autem fuisse ejus voluntatem scripto traditam, ut ejus præfectura cum annexis redditibus, & cum onere sacri semel atque iterum singulis hebdomadis faciendi, uni de Capitulo demandaretur, ejusque conferendæ jus & arbitrium penes Capitulum esset. Contra ea Episcopus, cum res & causa seminarii ageretur, epichizæ locum esse ajebat; nec dubitari posse, quin Domitrovichius, si viveret, illius sacerdotii cum seminario conjunctionem approbaturus esset, ut alumnorum commodis, atque utilitati consulere: more institutoque majorum jamdiu receptum esse, & Sedis Apostolicæ auctoritate firmatum, ut ad sublevandam seminariorum inopiam, iis adjungerentur hujusmodi sacerdotia, quæ curatione animarum carerent. De hac re diu multumque disceptatum est; & annum fere integrum Canonici obstinatis animis Episcopi sententiæ ac voluntati obstiterunt. Cum nihil, invito Capitulo, effici posse intelligeret; ad consensum Canonorum eliciendum hoc temperamentum invenit, & hanc conditionem proposuit, ut seminarium illius sacerdotii usumfructum tamdiu retineret, quoad ejus indigentia aliunde subventum esset; ubi primum subsidii quod satis esset, ex libe-

ralitate piorum hominum acquireret, idem Sacerdotium in arbitrium potestatemque Capituli, atque in pristinum statum rediret. Aequa visa est conditio, ac nemo illam repudiandam censuit, præsertim cum post mortem Vinkovichii, ætate jam longe provecti, de illius bonis pars dimidia ex decreto Ferdinandi II. Cæsaris obventura esset seminario, cui si qua deinde piorum legatorum accessio fieret, spes erat brevi fore, ut illius sacerdotii fructibus seminarium non indigeret; jusque illud conferendi, atque obtinendi Canonici recuperarent. Porro Benedictus Domitrovichium duobus illis sacrificiis, quæ singulis hebdomadis fieri jusserrat, fraudari volebat. Cum itaque seminario donavisset mille & quingentos Rhenenses, ex horum annuis fructibus, viginti quidem Rhenenses presbytero tradi voluit, eique onus imponi bina illa sacra faciendi; reliquos vero ad septuaginta, in usum seminarii commodumque converti. Verum quod Vinkovichius decreverat, & Canonici approbaverant, effectu caruit; cum mors illius non multo post secuta, rei perficiendæ facultatem intercepit. Alias præterea lites habuit cum Capitulo, quibus exasperati Canonici litigiosa certamina sibi ab eo illata in eum retorquere, & repetundarum actionem eidem intendere, ex reis se accusatores facere decreverunt. Martinus Oboeroctius Archidiaconus Chalmensis, & Canonicus, actor causarum Capituli, jussus est exponere coram Capitulo Chalmensi, & nominatim percensere terras, prata, silvas, metas agrorum, quas per Episcopos superiorum temporum Capitulo ereptas, & a Vinkovichio contra jus fasque retentas querebantur, simulque ab illis retinendis, & fructibus percipiendis Episcopum inhibere; & litteras quascumque refellere, si quas pro tuenda illarum possessione a magistratibus haberet, aut impetraret; easque subreptitias esse, irritas, inanes declarare. Quæ Martinus nomine jussuque Capituli Zagrabienfis exposuit, inhibuit, declaravit, Capitulum Chalmense excepit, atque ad verbum expressa tabulis consignavit.

Nos Capitulum Ecclesiæ Chalmensis memoriam commendamus per presentes; quod Reverendiss. Dom. Martinus Oboerocty Archidiaconus Chalmensis, & Canonicus Ecclesiæ Zagrabienfis, divellor nempe causarum Ven. Capituli ejusdem Ecclesiæ Zagrabien. suo ac totius annotati Capituli Zagrabien. nominibus & in personis, nostram veniens in præsentiam, per modum solemnitis inhibitionis, protestationis & contradictionis, nobis detegere, & significare curavit hunc in modum; qualiter his superioribus non ita dudum annis & temporibus (prout ipsis Dom. protestantibus, Capitulo Zagrabienfi innotuisset) nonnulli ex Rever. Domin. Prælati Zagrabienfis infra scriptas occupationes bonorum infra citatorum, alias omnino intra metas jam facti Capituli Zagrabien. consequenter in territorio ejusdem, & Comitatu similiter Zagrabienfi existentium, & habitorum, particulariter & concomitanter fecissent, & patrassent, ejusmodique bona occupata præter jus & æquum possiderent: prout modernus quoque Rever. Dom. Prælati Benedictus Vinkovich eadem via occupationis non solum teneret possideretque, sed etiam in eisdem bonis occupatis certas locationes, & alias inconvenientias minus juste, & præjudiciose exercuisset, & in dies via juris sane omni exercere non

Canonici in Episcopum de bonis sibi ereptis actionem intendunt coram Capitulo Chalmensi.

Litteræ Capituli Chalmensis de usurpatione bonorum Capitularis.

non veretur, non sine evidenti juris & iustitia communis lesione, neque etiam gravi damno, & præjudicio juris metarum, & territorii ipsius Ven. Capituli Zagrab. legitime protestantis manifesto. Cum itaque præallegati Dom. Episcopi Zagrab. per interpolatas, ut præmissum est, vires, diversisque temporibus, præmissas occupationes patrando, inter alias quidem, certum fanile ipsorum Dominorum protestantium Zighechicza vocatum, cum terra arabili vicina, adeoque etiam in continuo eidem fanili adhaerente, quod videlicet fanile, terraque arabilis vicina, ad terras sive itacas ipsius Capituli Krogh vocatas semper de jure & ab antiquo spectassent, & de præsentis quoque pertinere deberent. Item certum terragium, sive terrenum vulgo Bokanzkopolie nuncupatum, cunctasque ejusdem terragii pertinentias. Item certas terras arabiles, prata & silvas prope Duficzam Episcopalem, supra autem, & ad possessionem Greda ejusdem Capituli Zagrabien. omnino in provincia ipsius Szisziensi, Comitatuque Zagrabien. existentem, adjacentes & pertinentes. Item piscinam Capitularem, tam juxta, quam supra Ecclesiam ipsam cathedralem Zagrab. ad partem, ut puta septentrionalem, situatam, consequenterque totum colliculum penes, & supra eandem piscinam ad partem orientalem adjacentem, seseque ad viam in ipsa valle, seu declivitate proxima ab eadem plaga orientali collimando, extendentem, suosque terminos claudentem. Item arcem, seu castrum per ipsum Capitulum edificatum, & a fundamentis erectum dictæ Ecclesie Zagrabien. consequenterque ipsius toties fati Capituli Zagrabien. cum fundo pariter arcis ejusdem, alias in territorio annotati Capituli Zagrabien. existens & habitum; prout etiam hortum infra eandem arcem penes molendinum ad partem meridionalem situatum, & ad metas usque liberæ regieque civitatis montis Græcensis protensum, metamque Capitularem, & non Episcopalem, cum metis ejusdem civitatis in se claudentem, & representantem. Immo Xenodochium infra castrum annotatum cum fundo ejusdem penes hortum episcopalem, Allodium vocitatum, in quo alias Congiæ etiam habentur, & per dictum Capitulum Zagrabien. in præsentiarum quoque locari solerent. Ac insuper id totum, & omne, quidquid esset, haberetur, contineretur intra prædictum hortum ad molendinum, & fluvium Medvednicza, Xenodochium item ac viam in valle præscripta exclusive, juxta & penes prænotatum colliculum supra piscinam, & ipsam Ecclesiam, ut prædictum est, adjacentem modo præcensito; iidem Episcopi Zagrabien. illegitime indebiteque occupassent, possedissent, & usurpassent; exinde annotatus quoque modernus prælatus Benedictus Vinkovich, eadem via occupationis minus jure, & indebite omnia præmissa teneret & possideret etiam modo; quin etiam idem Dom. Benedictus Vinkovich, præter nocivas, & multum præjudiciales certas inconvenientias, & violentias suas contra prædictum Capitulum Zagrab. hætenus patratas, certas incolas, seu inquilinos inter, & subter prædictam arcem Zagrabien. & ipsum fluvium Medvednicza locasset, & in dies magis ac magis locare intendere, & præsumeret; omnia omnino in grave damnum, & præjudicium juris, metarum, & territorii ipsius Ven. Capituli Ecclesie Zagrab. prout ex tunc, ita etiam ex nunc, & in futurum manifeste, & evidenter vergentia & militancia.

Eapropter memoratum Vener. Capit. Zagrab. tam per se, quam medio præfati Domini fratris, & canonici, veluti etiam in causis Directoris sui, præmissa prius, sollemnissimeque coram nobis celebrata, super omnibus & singulis actibus præcensitis protestatione, annotatos Dom. Prælatos Zagrab. præmissorum actuum, violentiarum, occupationum, & insolentiarum patratores, consequenterque modernum, & futuros Dom. Episcopos Zagrab. ab hujusmodi præcensorum, metarum, ac territorii ipsius Capituli Zagrab. antea, subsecuta, continuata, minus justa & indebita, ac prorsus legitima occupatione, apprehensione, detentione, conservatione, vindicatione, sibi ipsi usurpatione, & appropriatione, exindeque etiam quovis exquisito sub colore in dominium omnium prælatorum ingessione, intromissione, aut sibi ipsis statuifactione, usum & fructuum quorumlibet perceptione, seu percipi factione; sacratissimam vero Casaream Majestatem, & regiam, Dominum Dom. nostrum Clementissimum, & Domin. Comitem Palatinum regni Hungariæ, tam præteritos quam etiam præsentis & futuros; omnes etiam iudices regni Hungariæ; partiumque sibi annexarum ordinarios, ipsorumque magistros Protonotarios; universa insuper Capitula, & conventus, ac alia quavis loca credibilia, personarumque autenticas, a litterarum suarum tam introductoriarum, & statutoriarum, prout etiam metalium, seu reambulatarum superinde rellatarum, quam fassionalium, & aliarum quorumlibet, sub quavis verborum forma, vel jam datarum, vel in posterum extradendarum, iuribus, metis, ac territorio præfati Capituli Zagrab. legitime, ac indefesse protestantis derogantium emanatione, inhibuit contradicendo, & contradixit inhibendo, publice & palam, itidem coram nobis, harum nostrarum vigore, & testimonio litterarum mediante. Datum Zagrabie die 16. Augusti. Anno Domini 1641.

De fundis & bonis Capitulo ereptis, & contra jus fasque retentis, quæ obijciunt Canonici, tum Episcopis superiorum annorum, tum ipsi Benedicto, an probare potuerint, ac veritate nitantur, mihi non liquet. Super his nullam postea, neque huic, neque successoribus Episcopis litem a Canonici indicam, vel actionem judicalem institutam reperio. Nec vero inter illas, quas diximus, litigiosas contentiones, Ecclesie suæ consulere ac benefacere intermisit. Statim atque a Ferdinando traditus illi fuit Episcopatus Zagrabien. de cogenda Synodo diocesana cogitare coepit; nec decretum Pontificiæ confirmationis, ob eam causam, quam supra exposui ex die in diem dilatum, expectandum censuit, quin eam indiceret. Neque illum a suscepto consilio revocarunt litteræ Francisci Cardinalis Barberini; a quo, ut est apud Kovalcevicium, monitus fuit, ut ad ejus celebrationem se immisceat, antequam Bullas ad manus haberet. Is tamen zelo vultus Synodum &c. Ergo Canonici, parochis, & ceteris, quibus jus erat Synodi adeundæ, dies edita est vicesima sexta Quintilis ad conveniendum in eadem cathedralem. Anno igitur 1638. die constituta omnes, qui vocati fuerant, adfuerunt. Nullum decretum condidit, quod sibi fortasse non licere putabas, antequam collatum sibi Episcopatum Pontifex Maximus approbare; sed quæ ante aliquot annos Franciscus Forgachius Archiepiscopus & Primas Strigoniensis

Synodum diocesanam coegit, in qua decreto Concilii Nationalis Tyrnaviensis promulgari, & obsequari iussit.

goniensis in Concilio Nationali Tyrnaviensi de fide, de cultu divino, de administratione sacramentorum, de disciplina ecclesiastica sapienter pieque sanciverat, promulgari & accurate observari iussit. Hæc Synodus tres ipsos dies tenuit; & seni singulis diebus conventus habiti, matutini & pomeridiani, totidemque conciones a doctissimis viris e Capitulo & clero selectis; quibus ipse materiam præbuit, quam tractarent, & in qua versarentur. Hoc autem fuit argumentum isque ordo concionum ex Thoma Kovalevichio: Primo die, inquit, oratori agendum erat in prima parte de vita & honestate bonorum sacerdotum; in secunda vero de honestissimis titulis, quibus in Sacra Scriptura decorantur. A meridie concio patrio sermone dicenda erat de contractibus matrimoniorum. Altera die prima sermonis materia fuit mala & inhonesta vita clericorum, & tituli ignominiosi, quibus in Sacra Scriptura afficiuntur, secundi vero potestas clavium, & censura Ecclesiastica. Tercio die Concionator egit mane de præmiis bonorum, vespere de penis malorum sacerdotum.

Decretum  
Ferdinandi  
II. de non  
alienandis  
bonis ec-  
clesiasticis,  
a Ferdinan-  
do III. con-  
firmandum  
curavit.

Quod de bonis Episcopatus & Ecclesiæ Tolpicensis nullo modo alienandis decretum a Ferdinando II. ante annos fere novem, nomine iussuque Erghelii Episcopi, dum esset Præpositus major, impetraverat, a Ferdinando tertio confirmandum curavit, qui gravioribus formulis idem sancivit, & præterea iussit, mandavitque, ut quilibet Episcopus non ante in possessionem Episcopatus sibi collati mitteretur, quam iurejurando pollicitus esset, se accurate ac fideliter servaturum quod uterque Ferdinandus præscriperat. Ferdinandus igitur decretum fecit, cui parentis sui diploma inseruit.

Nos Ferdinandus III. &c. memoria commendamus, tenore præsentium significantes quibus expedit universis. Quod pro parte & in persona fidelis nostri. Rev. Benedicti Vinkovich Episcopi Ecclesiæ Zagrab. & Consilarii nostri, exhibitæ sunt nobis, & præsentatæ certæ quadam litteræ prædefunctæ Sac. Cæs. Regiæ Majestatis, Domini & genitoris nostri desideratissimi felicis. memorie, privilegiales, in regali papyro patenter confectæ, ac secreto sigillo suo, quo ut rex Hung. utebatur, impressivè communitæ, pro conservatione & augmento jurium prædicti Episcopatus Zagrab. nec non Abbatia de Topuszkæ eidem annexæ, & unitæ, adeoque in propagationem S. Matris Ecclesiæ clementer elargitæ, tenoris infrascripti. Supplicatum itaque extitit Majestati nostræ pro parte & in persona dicti Episcopi Zagrabien. humillime, quatenus easdem litteras prædefunctæ Sacre Cæsareæ & Regiæ Majestatis privilegiales, omniaque & singula in iisdem contenta, ratas, gratas, & acceptas habentes, litterisque nostris inseri & inscribi facientes, approbare, roborare & ratificare, Cæsareumque & regium Domini genitoris nostri in prædictis gratiosis litteris suis contentum diploma, certis adhuc ordinationum articulis benigne meliorare, augere, atque pro ipso Benedicto Vinkovich, moderno Episcopatus & Abbatia possessore, sed & futuris successoribus Episcopis ejusdem universis clementer confirmare dignaremur. Quarum quidem litterarum privilegialium tenor talis est: Nos Ferdinandus secundus &c. hic insertum est diploma, supra in Erghelio descriptum.

Nos itaque hujusmodi humillima supplicatione pro parte præfati Benedicti Vinkovich Episcopi, nostræ, modo quo supra, porrectæ Majestati,

regia benignitate exaudita, clementer & admiffa, præinsertas litteras prædefunctæ Sacre Cæsareæ & Regiæ Majestatis, Domini & genitoris nostri, gratiosis diplomatis privilegiales, non abbasas, non cancellatas, neque in aliqua sui parte suspectas, sed omni prorsus vitio, ac suspicionem carentes, præsentibus litteris nostris privilegialibus, de verbo ad verbum, sine diminutione & augmento aliquali insertas & inscriptas, quo ad omnes earum continentias, clausulas, & articulos, eatenus, quatenus eadem rite & legitime existunt emanatæ, juribusque earundem veritas suffragatur, ratas, gratas, & acceptas habentes, approbamus, roboramus, & ratificamus; nec non subsequentium articulorum alteriori ordinatione meliorando, & adaugendo, pro præfato Benedicto Vinkovich, ejusdem posteris & successoribus universis perpetuo valituras gratiose confirmamus. Et primo quidem pro augmento clementer haberi volumus, quod si quis Episcoporum contra præinsertam ordinationem, constitutionem, ac etiam prohibitionem, sine legitimis, & necessariis causis & rationibus per prædictum Dominum & genitorem nostrum, pro pio erga Ecclesiam Dei affectu institutam, ex bonis & obvenientibus ad prædictum Episcopatum Zagrabien. nec non Abbatiam Topuszkensem eidem annexam & applicatam, tam ex iis, quæ pro illo Episcopatu, vel prædicta Abbatia, jure mediante, recuperabuntur, & per defectum seminis, aut alio legitimo modo ad eundem Episcopatum & Abbatiam condescenderent, quam etiam ex iis, quæ ad præsens penes eundem Episcopatum Zagrabien. Abbatiamque Topuszkensem extarent, aliquid abalienare, vendere, infeudare, donare, impignorare, & inscribere, sive etiam aliquem subditum colonum liberare, aut etiam prædiale, sive nobilem regni, ex bonis & juribus Ecclesiæ, & Episcopatus Zagrabien. aliquid possidentem, a servitiis, & pensionibus eidem Ecclesiæ & Episcopatu Zagrabien. de jure præstandis in perpetuum eliberare, extra casum superius declaratum, & concessum, præsumpsit, id totum vanum, cassum, irritumque, non solum extra judicium, sed etiam coram quovis judice, & justiciario præmissorum regnorum nostrorum, tam fori spiritualis, quam etiam secularis, habeatur, & pronuncietur. Et in tali casu liceat Capitulo & Fiscali dictæ Ecclesiæ Zagrabien. contradicere, & bona seu obventiones per Episcopum, contra præscriptam normam & prohibitionem, vel abalienata, vendita, infeudata, vel autem donata, impignorata, & inscripta, immo etiam colonum extra casum supra notatum libertatum, præsentium nostrarum vigore occupare, apprehendere, & tamdiu possidere, quamdiu talis Episcopus abalienans, vendens, infeudans, & donans, vel impignorans, aut libertans, Episcopatum sæpe dictum Zagrabien. possederit; eodem vero decedente, vel aliorum migrante, rursus ad eundem Episcopatum bona eadem redeant, salvis cunctis penis Canonis in suo esse permanentibus circa tales transgressores latis. Et quia Episcopi Zagrabienfes, a die installationis, sive introductionis suæ usque ad confirmationem a Summo Pontifice acceptam, & juramenti super non infeudandis, donandis, & impignorandis, aut quovis modo abalienandis Ecclesiæ suæ bonis & obventionibus, depositionem, sive præstationem, plerumque soleant tales venditiones, infeudationes, donationes, liberationes, & oppignationes, in, & ex bonis

nis praelata Ecclesiae Zagrab. & Abbatia Topuszkensis facere, ad obviandum huic tanto malo per vigorem praesentis nostri novi diplomatis, & augmenti, benigne decernimus ex Praelatorum etiam Consilio, ut quilibet futurus Episcopus tempore installationis, sive introductionis suae, ante ipsam confirmationem fienda coram Capitulo, & reliquo etiam clero Ecclesiae Zagrabien. toto denique populo pro tunc inibi existente, sollemne deponat iuramentum super eo, quod ex bonis, & obventionibus ad eundem Episcopatum Zagrabien. Abbatiamque Topuszkensem ipsi Episcopatu unitam, spectantibus, tam iis, qui vel jure recuperabuntur, aut in eundem Episcopatum & praelatam Abbatiam per defectum seminis, aut alio legitimo modo condescendent; quam etiam illis, quae adhuc penes eundem Episcopatum & praelatam Abbatiam eidem applicatam extarent, nihil alienabit nihil infundabit, vendet, aut donabit, impignorabit, & inscribet; nullum etiam subditum colonum libertabit, nullum quoque praedialem, sive nobilem regni ex bonis & iuribus Ecclesiae & Episcopatus Zagrabien. aliquid possidentem a servitiis, & pensionibus eidem Ecclesiae & Episcopatu Zagrabien. de jure praestandis eliberabit, extra casum in praesentis gratiosis litteris praedefunctae Majestatis sacratissime diplomatis privilegialibus praescriptum & concessum. Quod si quis autem Episcoporum Zagrabien. tale iuramentum praestare recusaret, tamdiu suspensa, & invigrosa sit installatio seu introductio illius, donec tale praestiterit iuramentum. Immo acceptamus, roboramus, ac praemissa ordinationis melioratione, dictum Dom. genitoris nostri diploma, adaugendo, & superinde praesentis ejusdem litteras privilegiales emanatas innovando, pro saepe dicto Vinkovich Episcopo, ejusdemque posteris & successoribus universis, perpetuum valituras gratiose confirmamus, salvis iuribus alienis; harum nostrarum secreto sigillo, quo ut rex Hungariae utimur, impendenti communitarum, vigore & testimonio litterarum. Datum per manus fidelis nostri dilecti Reverendi Georgii Lippay de Zambor Episcopi Ecclesiae Agrien. perpetui Comitit de Heres Consiliarii nostri, & aulae nostrae per regnum nostrum Hungariae Cancellarii in civitate nostra Posoniensi die 15. mensis Martii Anno Domini 1638. regnorum nostrorum Romani secundo, Hungariae, & reliquorum decimo tertio, Bohemiae vero anno undecimo; Rever. ac Venerab. in Christo Patribus, Dom. Emerico Losy Metropolit. sedis Strigonien. & Joanne Telegdi Colocensis, & Bacsiensis Ecclesiarum canonicis unitarum Archiepiscopis, praefato Georgio Lippay Agriensi, Benedicto Vinkovich. Zagrabien. Ladislao Hustory electo Varadinensi, Stephano Simondi electo Transylvanien. Georgio Jakusith electo Vespriemien. Joanne Cheb electo Quinqueecclesiensi, Georgio Draskovich de Trakortany Juriensi, Georgio Nagysalvay electo Vacien. dicto Joanne Telegdi Administratore Nitriensi, Nicolao Peorthe electo Sirmiensi, Fratre Georgio Biclavich electo Tiniensi, Joanne Puski electo Chanadiensi, F. Joanne Baptista Agatic Segniensi, & Modrusiensi, Ecclesiarum Episcopis, Ecclesias Dei feliciter gubernantibus. Item spectabilibus, ac magnificis Comite Nicolao Eszterhazy de Galantha praefati regni nostri Hungar. Palatino, Comite Joanne Drugoth de Hommona iudice curiae regiae nostrae, Comite Sigismundo Erdeody de Moniorokerek dictorum regnorum nostrorum Dalmat. Croat. & Sclavoniae Ban-

no, Comite Christophoro Banffy de Asolindoa tavernitorum, Comite Stephano Nyarii de Bedegh janitorum, Comite Joanne Palfi de Erdeod cubiculariorum, Stephano Ostrosith de Diletincz dapiferorum, Comite Paulo Palfi de dicta Erdeod pincernarum, Emerico Czobor de Czoborszentmihali curiae nostrorum regaliu magistris, ac Comite Stephano Palfi de praefata Erdeod Comite Posoniensi; ceterisque quamplurimis regni nostri Hungariae Comitatus tenentibus & honoribus. Ferdinandus m. p. Georgius Lippay Episcopus Agrien. m. pr. Ladislaus Ferenczffy m. pr.

Decretum utriusque Ferdinandi Leopoldus I. confirmavit anno 1679. Ritus vero jurisjurandi a novo Episcopo exigendi, & ipsius sacramenti formula est hujusmodi ex codice rituali Zagrabien. Praepositus major dicat sequentia: Reverendissime Domine, praesentia diplomata sacratissimarum Caesarearum regiarumque Majestatum distant, ut singuli Episcopi electi Zagrabien. antequam installentur, omnia contenta horum diplomatum observanda sub iuramento recipiant. Oportet ergo ut regis voluntatibus Dom. Vestra Reverendissima se se conformet. Electus dicat: Legantur regia diplomata. Dominus Lector, vel alius eo absente dignior, stans e regione altaris, ex cornu Evangelii, eadem diplomata legat; quibus peractis accedens Reverendiss. ad altare, in supremo gradu genuflexus, accipit diplomata ad manus, & jurat in haec verba: Ego N. N. electus Episcopus Zagrabien. juro & spondeo, quod quaecumque in omnibus, & singulis benignis diplomatibus, pro conservatione, & augmento iurium Episcopatus Zagrabien. nec non Abbatiae de Topuszka, eidem Episcopatu unitae, emanatis, Augustissimorum felicis reminiscen. quondam Caesarum, & Apostolicorum regum Hungariae Ferdinandi secundi de dato Vienna Austria, die 8. mensis Septembris, anno 1629. & Ferdinandi tertii de dato in civitate Posoniensi, die 15. mensis Martii anno 1638. nec non Leopoldi primi de dato Vienna, 25. mensis Augusti, anno 1679. continentur, eadem in toto, & qualibet sui parte fideliter & inviolate sim observaturus. Sic me Deus adjuvet, & haec sancta Dei Evangelia. Quo finito. Pontifex, & reliqui dicant: Deo gratias.

Visum est mihi hic subicere quasdam in hanc jurisjurandi formulam animadversiones Balthasaris Kereselichii: Sed dices, vigore praemissorum cum diplomatum, tum iuramenti, quatione Zagrabien. Episcopi conferre possunt praedia. Res haec anxium multum tenuit Excellentissimum Dom. Franciscum Comitem Klobusiczky, antequam iuramentum deposuisset, multumque fuit sollicitus. Et cum a diversis sententias exquisivisset, remque serio examinari, & indagari curasset, deprehensum est.

1. Privilegium hoc in usu non esse, nec habitus fuisse, cum ipsi illi, eorumque successores, vacantia praedia contulerint hactenus, uti ex eorum expeditionibus, & protocollo pateret.

2. Privilegiis praemissis Croatia Banos contraxisse, ac semper contradicere, causa Banderii, quod alias Episcopus intenterere non deberet; petieruntque producendas a Banderio ab solutionales regias.

3. Cum pro defensione Ecclesiae sint praediales, tolli sine praedicio Ecclesiae non possunt; ubi enim in necessitate congregabit milites qui tueantur?

Ratio exigendi & praestandi iuramenti.

Animadversiones Balthasaris Kereselichii in eam formulam, & in ea diplomata.

4. Supra scripta diplomata accipienda censerī pro avulsis, vel avellendis, quæ mensæ Episcopalis sunt; nullatenus vero de aliis; hinc & Ferdinandus tertius dixit: „tam ex iis . . . quæ jure mediante recuperabuntur.

5. Iisdem privilegiis conceditur, ut personis de Ecclesia benemeritis, & servitiis præstantibus conferri possint; ergo simpliciter prædia relaxata non sunt; neque nisi talibus conferri consueverunt.

6. Sensum horum diplomatum peroptime intellexerunt Erghelius, & Vinkovich impetrantes; & tamen prædiis non privaverunt prædiales, nec eos extinxerunt; igitur nec mens hæc est, vel fuit diplomatum. Immo si articuli, qui in corpore juris nostri continentur, accuratius fuerint examinati, profecto Ecclesiarum prædiales confirmati adeo videntur, ut dubitem an sine sacra regni coronæ præjudicio tolli possint. Quoniam articulo 46. an. 1681. præfatis diplomatis posteriore, & 63. an. 1741. Ecclesiarum prædiales insurgere, & exercituare jubeatur; quomodo ergo tolli poterunt? Hinc præfatus Zagrabienſis Episcopus cum juramentum illud deposuisset, addidit: quod quacumque &c. secundum usum intellectus. Quare præfatorum diplomatum sensus iste videtur, ex Episcoporum Zagrabienſium factis hætenus; quod de bonis Episcopalibus excindere novum amplius prædium non possint, neque ex iisdem oppignorare, inscribere, hypothecare; deinde quod possint prædia legitime ad ipsos devoluta retinere, nec obligentur statim ea secularibus conferre; seu in ipsorum sit arbitrio vel ea tenere, vel conferre, sique contulerint, hoc non esse obligationis, sed gratia. Ita plura hodie possident, quæ olim prædia secularia fuerunt.

Occasione etiam prædii Bresane, per Episcopum Klobusitzky fratri suo Antonio cum prædio Biszkupetz collati, magnum habuit idem Episcopus Klobusitzky dubium, ex eo quod antecessor suus Georgius Braniugh prædium Bresane cum prædio Lukarich, etiam per scriptum quoddam suum, perpetuo Ecclesie univisset; remque examinari curavit, etiam cum Capituli voto, quod medio duorum a sui gremio ad eundem exmissorum, cum censuisset dicta prædia, non obstante illo Braniughiano statuto, posse libere conferre Episcopum, eo quod consensu regio destitueretur statutum, consequenter obligare non posse successores. Ipse re bene examinata, prædium Bresane ex rationibus etiam aliis, quas hic omittimus, fratri suo Antonio contulit, cum prædio Biszkupetz ad Varasdinum. Lukarichianum autem penes Ecclesiam reliquit, eo quod Dombra fundationalis Episcoporum Zagrabienſium esset, ubi dictum Lukarichianum prædium situatum esset, consequenterque credebatur illud esse mensæ Episcopalis; hinc vi juramenti neque conferri posse,

Benedictus  
januam ma-  
ximam ædis  
cathedralis  
ornare co-  
pit.

Januam maximam, & faciem basilicæ cathedralis selectis marmoribus, egregieque elaboratis ornare cœperat, in eumque ornatum flores Rhœnenses quingentos jam insumpserat Benedictus; cum ei mors præclari operis absoluti laudem præripuit, quod demum post annos fere triginta Ludovicus Ukoszlavichius perfecit, ut docet inscriptio ibidem incisa:

Cœperat hac Præsul Benedictus Vinkovich olim  
Pectore flagranti dona parare Deo.

Hæc Ludovicus ego feci Ukoszlavich ipsa,  
Ut queat optatum finis habere decus.

De primordiis & incrementis Ecclesiæ Za-

grabienſis Commentarios scribere instituerat; sed hos quoque imperfectos reliquit; de quibus Paulus Ritter: Aggressus fuit scribere opus foundationis, & auctoris Ecclesiæ Zagrabienſis, quod irrecognitum & imperfectum reliquit morte præventus. Diploma Pontificium, quo potestas illi fiebat Episcopatus Zagrabienſis incundi, ob eam, quam dixi causam tamdiu dilatum, tandem anno 1642. Zagrabiam pervenerat, cum ille paucis post mentibus diem obiit supremum. De cujus morte, & funere, hæc Thomas Kovalcevichius: Mortuus est plenus dierum die 2. Decembris, an. 1642. & honorifice sepultus penes aram S. Lucæ. De ejus substantia participavit Seminarium Rhœnenses ter mille. Capitulum ex equis, veste hyemali, moceto, & rochetto, quæ ipsi de veteri consuetudine, in morte singulorum Episcoporum cedunt, percepit Rhœnenses 462. Testamentum ante aliquot annos fecerat, & anno ante obitum proximo confirmavit in hæc fere verba, ut est apud Kovalcevichium: Ut rata medietas mobilium, juxta tenorem diplomatis Ferdinandi II. Seminario applicetur, altera inter pauperes, consanguineos, & Ecclesiam suam equaliter dividatur; cui etiam nonnulla vasa argentea addi voluit, signanter duodecim crateres inauratos, qui etiam de præsentis deserviunt ad usum Canonicorum, qui in die Cænæ Domini duodecim Apostolos representare solent. Universis sui Episcopatus subditis, qui sibi aliquos proventus administrare neglexissent, eosdem relaxat, illis quidem, qui solvendo essent, in dimidio, aliis ex toto. Pro perpetua sui, ut vocamus, Altaria, per unum ex Canonicis tenenda, ordinat domum angularem in foro Capitulari ad portam inferiorem; vineam item supra piscinam Capituli, Mladina dictam cum Allodio infra, & terris supra ipsam existentibus, uti & terras trium jugerum, quas ab Episcopo Erghelio in præmium servitorum collatas habuit, imposito talis beneficii administratori onere legendi sacrum unum in mense, & absolvendi duo anniversaria pro se cum cantu, aliud legendum pro Martino Antolovich, olim Canonico Zagrabienſi, cujus etiam in sacris pro se dicendis commemorationem fieri voluit.

P. Raphael Levacovichius ex Ordine S. Francisci in dialogo de antiqua Illyricorum lingua, quem Francisco Cardinali Barberino inscripsit, præclarum Benedicto Vinkovich Episcopo Zagrabienſi elogium contexit, alloquens ipsum Cardinalem his verbis: Conspice Reverendissimum D. Benedictum Vinkovich in Philosophorum, & Theologorum studiis apprime eruditum, juris utriusque Doctorem, in sacris literis, ecclesiasticis rebus, religionis dogmatibus, Catholica veritatis fundamentis, historicorumque monumentis versatissimum, qui pectoris sui bibliothecam morum probitate, vitæ innocentia, atque integritate, incorruptæ fidei in Deum & homines conservatione ita exornavit, ut quemadmodum rerum omnium cognitione, virtutumque excellentia se admirabilem præbuit, & illustrem, neque enim illa inflari, neque hac extolli visus est umquam; sic servata ubique fide ad Deum, ad Ecclesiam, ad Cæsarem, ad regem, ad rempublicam, ad patriam, ad universos denique & singulos, factus est illustrissimus. Novit Croatia in qua natus est, novit Slavonia, novit Hungaria, norunt optimates & proceres, norunt prælati & antistites, & distorum regnorum, & proximorum; novit rex ipse, orbisque

Obliit.

Elogium  
insigne F.  
Raphaelis  
Levacovi-  
chii Bene-  
dicti tribu-  
tum.



bisque Imperator Ferdinandus, qua hic animi presentia, qua constantia & firmitate audax in-trepidusque publicis in comitiis Catholicam reli-gionem, pietatem in Deum, observantiam erga Romanam Ecclesiam, obedientiam & fidem erga regem adversus hereticorum molimina propugna-vit. Non ego hic Antistitis hujus in rebus ge-rendis vigilantiam, non in causarum cognitione diligentiam, non aequitatem in dijudicandis con-troversiis, non studium in conficiendis negotiis, non demum laudabiles ceteras animi affectiones, perfectionesque ejusdem absolutissimas numerabo, quorum intuitu piissimus Caesar fel. record. Fer-dinandus II. Romanorum Imperator semper Au-gustus, & plurimi eum fecit, & charissimum habuit, usque adeo, ut majorem eidem in Ec-clesia Zagrabienſi Præposituram primo, deinde Quinqueecclesiensem quoque prælaturam contule-rit. Neque minoris eundem æstimat Ferdinan-dus III. similiter Rom. Imperator, Catholicæ re-ligionis, Christianique imperii hostium debellator gloriosissimus, qui graviora eidem sæpius com-mittere consuevit; & præfatam Zagrabienſem Ecclesiam regia munificentia, atque auctoritate jurispatronatus dandam & conferendam duxit. Cujus collationis confirmationem quod tandem aliquando, post quadriennium videlicet, multo sudore ac labore a Sede Apostolica quasitam ac-ceperit, favore tuo in primis, & memor, & gratus acceptam refert. Episcopus certe numeris omnibus absolutus, & quemadmodum Episcopa-tus honore ornatur, ita purpura, & rubro ga-lero dignissime decorandus.

MARTINUS EP. ZAGRAB. LXI.

Martinus Bogdanus Præpositus major,

Coghomento Bogdanus. Anno 1611. ad col-legium Canonicorum Zagrabienſium aggrega-tus fuit; & post sexennium Bononiam profe-ctus Præfecturam illius Seminarii Hungarici quattuor annos gessit; quæ dimissa jussu missu-que Capituli, & Patri Domitrovichii Episco-pi Romam adiit; & quæ sibi commissa fuerant negotia apud Sedem Apostolicam peragenda, & sententia confecit. Zagrabiam reversus an. 1621. responsa Sacræ Congregationis retulit, quæ interrogata fuerat, utrum creditori liceret fructus ex re oppignerata percipere, ut supra dictum est in Domitrovichio: Vix Zagrabiam redierat, cum iterum jussus est Romam repe-tere, ut Gregorio XIV. qui non ita pridem in Sedem Romanam Paulo V. suffectus fuerat, tutelam collegii Hungarici Bononiensis com-mendaret, ejusque institutionem auctoritate A-postolica confirmandam curaret, litteris com-mendatitiis tum Episcopi, & Capituli, tum Ferdinandi II. & omnium ordinum regni Sla-voniæ ad Pontificem allatis. Utrumque impe-travit; & cum Fabius Victorinus civis Bono-niensis, cui possessio quædam ejusdem collegii locata fuerat, nec illam dimitteret, & pensionis constitutæ solutionem pertinaciter obnueret, res delata fuit ad præsules Romanos sacræ Rotæ præ-positos; ex quorum sententia tum pensiones ne-glectas solvere, tum locatione cedere coactus est. Ante Episcopatum tres Archidiaconatus, alium ex alio obtinuit, Chasmenſem, Chamar-cenſem, Cathedralē, ex quo postremo ad pri-mariam Capituli dignitatem ascendit, Præpo-siti majoris titulum & subsellium adeptus. An-no post obitum Vinkovichii proximo, Ferdi-nandus III. tertio Id. Aprilis Martinum desi-Illyrici Sacri Tom. V.

gnavit Episcopum Zagrabienſem, Urbanus VIII. regiam designationem tertio Nonas Augusti ap-probavit. Cum propter incommodam valetu-dinem, & longinquitatem itinerum Episcopos, a quibus consecraretur, adire non posset; ab Innocentio X. petiit impetravitque potestatem consecrationis suscipiendæ a quocumque vellet Catholico Episcopo, seclufa necessitate duos alios Episcopos accersendi, qui ei manus im-ponerent; sed duobus Cœnobiarchis, quibus jus esset mitræ, & baculi pastoralis, ad solle-mnem illam functionem adhibitis.

Innocentius Papa X.

Dilecte fili, sal. & Apost. bened. Alias feli-cis rec. Urbanus PP. VIII. prædecessor noster, Ecclesia Zagrab. certo tunc expresso modo Pa-storis solatio destituta, de persona tua, eidem Urbano prædecessori nostro, & Vener. Fratribus nostris S. R. E. Cardinalibus ob tuorum exigen-tiam meritorum accepta, de eorumdem Fratrum consilio, Apostolica auctoritate providit; teque illi in Episcopum præfecit & Pastorem, curam & administrationem ejusdem Ecclesiæ Zagrabien-tibi in spiritualibus & temporalibus plenarie committendo; tibi que ut a quocumque, apud quem maluisses, Catholico Antistite, gratiam & communionem Sedis Apostolicæ habente, accitis, & in hoc tibi assistentibus duobus, vel tribus aliis Catholicis Episcopis, similes gratiam & communionem habentibus, munus consecrationis recipere valeres; ac eidem Antistiti, ut recepto prius per eum a te, ejusdem & S. R. E. nomi-ne, fidelitatis debitæ solito juramento, munus consecrationis Apostolica auctoritate licite tibi impendere posset, facultatem concessit, prout in ejusdem Urbani prædecessoris sub plumbo desu-per expeditis litteris, quas presentibus pro ex-pressis haberi volumus, plenius continetur. Cum autem sicut nobis nuper exponi fecisti, tum ob adversam, qua uteris, valetudinem, & propter Episcoporum in illis partibus penuriam, itinere quinque, sex, & quindecim dierum a se invi-cem distantium, munus consecrationis hæcenus minime recipere potueris, eaque de causa susce-pto munere consecrationis hujusmodi tibi diffi-cillima reddatur; idcirco Nos commoditati tuæ paterno affectu consulere, teque specialis gratiæ favore prosequi volentes, & a quibusvis ex-communicationis, & suspen. & interdicti, aliis-que ecclesiasticis impedimentis, censuris, & pœ-nis a jure, vel ab homine quavis ratione, vel causa latis, si quibus quomodolibet innodatus existis, ad effectum presentium tantummodo con-sequendum, harum serie absolventes, & absolu-tum fore censentes, supplicationibus tuo nomine Nobis super hoc humiliter porrectis inclinati, tibi, ut a quocumque, quem malueris, Catholi-co Antistite, similes gratiam & communionem habente, accitis, & in hoc tibi assistentibus duo-bus Abbatibus usum mitræ & baculi, & simi-les gratiam & communionem etiam habentibus, munus consecrationis præfatum, servata alias in omnibus & per omnia præfatarum Urbani præ-decessoris litterarum, super dicto munere tibi im-pendendo, emanatarum forma, recipere libere, & licite possis & valeas, Apostolica auctorita-te tenore presentium concedimus & indulgemus. Non obstantibus &c. Dat. Romæ apud S. Pe-trum sub annulo piscatoris, die XII. Octobris 1644. Pontific. nostri anno primo.

Itaque ex potestate sibi a Pontifice facta, Mi-chaelem Lambergium Episcopum Christopolita-num

electus E-piscop. Za-grabienſis pro susci-piendâ con-secratione

Angulare privilegium ab Innoc. X. impe-travit.

Consecratur a Michael-le Lamber-

gio Episc. num Præpositum Lubacensem adscivit, qui eodem anno XII. Kalendas Decembris in æde Cathedrali Zagrabienſi, cum duobus Abbatibus

Præposito Lubacensi, nescio unde advocatis, eidem manus imposuit, & consecrationem impertivit. A Capitulo postulavit, ut fructus sui Canonici, qui ante susceptam Episcopalem consecrationem maturerant, sibi redderentur. Negarunt Canonici perceptionem illorum fructuum ei deberi; idque ex quodam decreto Eberhardi Episcopi, qui statuerat familiam Canonici demortui non ultra diem ab ejus obitu tricesimum, fructus ex ejus Canoniatu postea provenientes debere aut posse percipere; Martinum vero, statim atque renunciatus fuisset Episcopus Zagrabienſis, Canoniatum esse desisse, & pro mortuo eum haberi oportere, nec solum Canoniatu, sed etiam jure fructus ex eo percipiendi privatum esse; nisi eos, qui forte intra dies triginta, qui jam effluxerant, post decretum illi Episcopatum maturerant. Itaque ad normam sanctionis Eberhardinæ decretum fecerunt, cujus auctoritas valeret apud posteros, si qui e collegio Canoniorum ad sedem Episcopalem eveherentur: Juxta privilegium Eberhardi Antistitis de dato Zagrabie in festo S. Valentini, anno 1407. de intertenenda familia Canonici alicujus in Domino defuncti, cum triginta dierum sit mentio, intra quos triginta dies ad rationem defuncti Canonici proventus etiam pro tempore currentes, ac insuper si qui in vita illius casu aliquo retenti fuissent, intra prædictos dies, eidem dari & numerari jubentur; cum autem Dominus Reverendiss. Capitulo moraliter esset mortuus, dierum etiam triginta tempus jam effluxisset; ideo Vener. Capitulum se in hanc partem Domino Reverendiss. excusare, quod de divisionibus, terminis consuetis, ultra triginta supra memoratos toties dies, ab antiquo annexis, nihil participare possit vigore prædictati privilegii.

Anno primo Episcopatus Martini, summum fastigium turri ædis Cathedralis, ære sumptuque Canoniorum, impositum fuit, quod quingentos Rhenenses Capitulo stetit ajunt; nihil in eo operis Episcopo conferente, propterea quod repulsam sui postulari iniquo animo tulisset. Sed eadem basilica S. Stephani, quæ ante annos unum & viginti de cælo tacta, non levem ruinam, & plurimum vitii fecerat, vix in pristinum statum, ornatumque restituta fuerat, cum iterum ejus restaurandæ, ac refarciendæ necessitatem nova & gravior calamitas attulit. Anno igitur 1645. IV. Kal. Aprilis, sub horam decimam noctis, incendium in civitate montis Græcensis, nescitur unde ortum, postquam multa urbis ædificia conflagrassent, in aream Capitularem, & arcem Episcopalem, vento impellente illatum, tum plures Canoniorum ædes absumpsit, tum basilicæ itemque palatio Episcopali magnam vastitatem intulit. Prima cura Episcopi & Canoniorum versa est ad restaurandam basilicam, & præsertim tectum reficiendum, quod ventos pluviasque defenderet, ne fornix, totumque ædificium labefactarent. Verum quantalibet celeritate & sollicitudine adhibita, tectum antea confieri non potuit, quam fornix imbrium ac tempestatum labe tabescens corruerit; & odæum, organum, solum Episcopale, subsellia Canoniorum, & aliquot aras ingenti ruina oppressit, diruit, confregit, ut tradit Georgius Ratchajus: Fornix multis imbrium, pluviarum, ventorumque

impulsibus labefactatus, cadenteque, cui innitebatur, columna, eo corruit detrimento, ut chorum, Episcopi thronum, quinque sub choro aras, stallos sinistræ partis dimidios, & quod sine animi dolore, dici nequit, nobilissimum, multorumque millium organum, omnia veteris magnificæ operis, oppresserit, comminuerit. Architectis igitur, fabris, operariis magna mercede undique accitis, intentiore cura, operaque nunquam intermissa laboratum est, ut quam celerissime posset, & fornix, & tectum, & cetera omnia, quæ vel ignis absumpserat, vel fornix contriverat, in integrum restituerentur. Episcopus vero, postquam palatium episcopale restaurasset, ære suo tum odæum, tum organum refecit, ut versiculi ibidem inscripti declarant:

*Osvaldi sternit fornix chorum, & organa Luca, Bogdan Martinus Præsul utrumque locat.*

Anno ætatis quarto & sexagesimo, quinto Episcopatus, ære vulgaris 1647. IV. Id. Decembris, optimus Præsul vivere desiit. Nullum testamentum condidit; sed ex ejus bonis, & rebus divenditis confecta sunt millia Rhenensium octo, & sexcenti; quæ partim Seminario juxta diploma Ferdinandi II. partim ædi Cathedrali, partim consanguineis, partim pauperibus attribuendi erant; verum Georgius Lipajus Archiepiscopus Strigoniensis, idemque Primas Hungariæ, singulari decreto, tum eam, quæ Seminario obtigerat partem, tum ex ea, quæ in pauperes erogari debuerat, quintam portionem, ad reedificandam perficiendamque basilicam S. Stephani converti jussit. Capitulo cessit, ut est apud Kovalcevicium, de veteri consuetudine, pro offertorio, carpentum cum sex equis, vestis hyemalis subducta pellibus pretiosis, mocetum & rochetum.

#### PETRUS III. EPISC. ZAGRAB. LXII.

Sæculo decimo septimo ineunte honestis parentibus natus est Seficzi, qui vicus est territorii Schemberghensis; eique avitum cognomen fuit *Petreticio*. Zagrabie politioribus litteris eruditus, Viennam migravit, ibique in Seminarium clericorum Zagrabienſium receptus, Philosophiæ, ac Theologiæ, quadriennium operam dedit; & cum ætate graviter ac prudentia maturus esset, & nondum Theologiæ cursum confecisset, alumnis nomine *Curatoris* præesse jussus est. Annos natum duos & triginta Franciscus Erghelius in collegium Canoniorum cooptavit, eumque triennio post clericis Seminarii Zagrabienſis rectorem præfecit. Anno 1637. ad comitia Posoniensia missus, causam Canoniorum egregie propugnavit contra Stibrenses, qui Capituli, cui subditi erant, imperium detrectabant, ejusque potestati cum se vellent eximere, temerarios illorum conatus confregit. Tria deinceps in Capitulo munera perhonorifica obtinuit, Decani, Archidiaconi Kemlechenſis, ac demum Præpositi majoris anno 1643. ex nominatione Ferdinandi III. Dum Præfectum gerebat Seminarii Viennensis, post obitum Martini Bogdani, idem Ferdinandus Cæsar anno 1648. cum designavit Episcopum Zagrabienſem; & anno proximo Innocentius X. Cælaream ac regiam designationem confirmavit, ut est in tabulis consistorialibus; 1649. prima Februarii providit Ecclesiæ Zagrabien. per obitum Martini Bogdani vacanti, de persona

Martini  
Odæum &  
organum  
ære suo  
refecit.

Præpositus  
major.

Episcopus  
Zagrabien.  
Posonii  
consecra-  
tus.

Pe-

*Petri Petresisch a Cesare nominati. Eodem anno Polonii cum Georgius Lippajus Archiepiscopus Strigoniensis, Georgio Dizskovichio Jaurinensi, & Petro Mariano Sirmienfi Episcopis, administris ad manus eidem imponendas adhibitis, sollemni consecratione Episcopum inauguravit in frequentissimo Præsulum & præcerum conventu, quem ipsemet Ferdinandus sua præsentia cohonestavit. Paulus Ritterus præclarum virtutis eximie testimonium Petro tribuit: Fuit vir severus, scientiaque juris patrii, & rerum Theologicarum apprime gnarus, egregius cultor litterarum, multos in aula sua pauperes aluit, & ad litterarum studiorum ab-solutionem intertenuit. Verum in eo fallitur, quod ei laudem scholæ Philosophicæ in urbem Græcenfem invec-tæ adscripsit: hanc siquidem Nicolaus Dianesevicius Præpositus major teste Kovascevichio instituit, annuisque proventibus dotavit. Petrus huic Ecclesiæ annos fere unde-viginti præfuit. E patrimonio ecclesiastico ma-ximos sumptus in ædem cathedralem ornandam, & sacram cujusque generis supellectilem com-parandam fecit. Organum pneumaticum, quod Bogdanus refecerat, insigni pictura decoravit; itemque horologium faciendum curavit, turri-que basilicæ imposuit: in utrumque opus Rhe-nenses amplius septingentos impensos ferunt; & Capitulum etiam pro sua parte haud exi-guam ejus pecuniæ summam contulisse ajunt. Alia vero sane multa, & magnifica ære suo perfecit, nihil Capitulo, vel alio quolibet con-tribuyente; & horum recte factorum gloriam sibi unus vindicat. Ut basilicam & arcem epi-scopalem ab omni fortuito incendio tutam præ-staret, amotis ligneis, tegulis lapideis operuit; itemque turri testudinem flammeam superimposuit. Sacrarium ædis cathedralis, æque pretio-sa, & multiplici supellectili locupletavit. Or-natus aræ maximæ tum albi, tum rubei colo-ris, aureis floribus intertextos, & opere phry-gio conspicuos, itemque ex eadem materia quattuor Sacerdotum, & totidem vestes mini-strorum sollemni cærimonia sacrificantium, exi-mium ex auro contextum Episcopi, ritu Pon-tificali divina officia celebrantis, amiculum, quod pluviale vocant, & sex ejusdem formæ togas pro illis, qui Episcopo sacris operantè interserviunt, & alia hujusmodi ornamenta, & sacras vestes ingentis pretii & præclari operis suis sumptibus fieri curavit. Verum, ut Kova-sevichius scriptum reliquit, quod Petresicii immortalē omnino memoriam ad posteros trans-misit, est sepulchrum mundi Salvatoris, nulli facile tota Europa secundum, mira arte, & incomparabili labore cujusdam Alemanni consu-matum anno 1659. quæ sane tanta zelosissimi Antistitis raræ munificentie monumenta, uti mo-do cum admiratione recolimus, ita profusorum sumptuum genuinum calculum cuperemus nosse; & cum alibi notatos reperiri fas non sit, suf-ficiat nobis illos annalibus divinis inscriptos, de quibus tunc clare constabit, quando liber ille scriptus proferetur, qui totius antea vitæ hi-storiam complectitur. Commodis etiam utilita-tique Antistitem, qui deinceps sibi succederent, interserviendum putavit. Hi siquidem habent Va-raidini domum satis amplam & opportunam, ejus ære coemptam, qua utantur, cum illuc accedunt, vel cum vocati ad regni comitia illac transeunt. Auxit præterea proventus men-sæ Episcopalis prædio luculento sane & fru-  
Illyrici Sacri Tom. V.*

Hic insi-gnis & pro-fusa in ædē cathedralē liberalitas.

ctioso, cui nomen *Susini*, in territorio castri Corensis; illud florenis octingentis emit a Petro Fatacicio. Dum huic Ecclesiæ præsidebat, diocesis Zagrabienfis duobus cœnobiis Franci-<sup>Duo cœno-</sup>scanis aucta est; alterum in oppido Cakornia, <sup>bia Fran-</sup>Comes Nicolaus Zrinus Banus, sive Prorex <sup>ciscana in</sup>Chrobatæ fundavit; alterum Crisii, a mona- <sup>diocesi Za-</sup>chis Augustinianis desertum, Petrus Episcopus <sup>grab. insti-</sup>fratribus ejusdem Ordinis Franciscani tradidit; eodemque Antistite Petro singularis cultus ac- <sup>tuta.</sup>crevit, & devota Zagrabienfium civium religio <sup>S. Franci-</sup>erga D. Franciscum Xaverium; quod ita acci- <sup>sci Xaverii</sup>disse ferunt litteræ Zagrabienfis collegii Socie- <sup>cultus Za-</sup>tatis Jesu. Cum etenim prænobilis quidam Xa- <sup>grabia.</sup>verii ope prodigia in Siciliæ regno forte le-gisset, summa exarsit in Franciscum religio-ne, & præcipuo cultus honore Xaverii nomen atque sanctitatem augescere secum ipse consti-tuit. Tum re quibusdam e Zagrabienfi colle-gio Patribus communicata, pari voluntatum consensu suburbanum ad S. Emerici vineam, ut appellant, locum delegere, in quo sacellum Xaverio sacrum, & publica populi veneratione maxime illustre visitur a Nicolao extructum in exiguo colle amœnis undique arboribus con-sito, atque vinetis, qua religionis specie gens illa præsertim delectatur, & remotiora in so-litudinibus loca, ceu magis fovendæ pietati idonea, frequentat. Anno 1658. Petrus Epi-scopus sacellum hoc sollemni pompa, & in-genti civium concursu in Xaverii nomen, cul-tumque Deo dedicavit xv. Kalend. Septembr., ipso Nicolao præsentē; & jam tum accolarum pietas augeri magis, magisque cœpit accendi, qui frequentissimi dissitis etiam ex locis illuc conveniunt Francisci opem deprecaturi, cum potentissimam ejus beneficentiam quovis mor-borum genere affecti, afflicti que perferant, & plura quotannis grati animi insignia voti compotes offerant sospitatori Francisco, cujus collata in se beneficia anathemate testantur. Hinc alii quoque principes cives sua ipsi pie-tate, suoque religionis exemplo popularium erga Franciscum reverentiæ, atque venerationi stimulos addidere; quidam præsertim inter pri-mores e Zagrabienfi Canonorum Capitulo di-gnitate haud secus, quam religione illustris & sui juris aram in cathedrali templo conspicua Xaverii statua adornavit, & columnam via urbis publica erigi jussit superposito Francisci simulacro insignem, quo major populi in Xa-verium cultus quotidiano simulacri hujus ad-spectu serveret. Emericense vero sacellum ce-lebriori frequentia postea nobilitatum est, quod illustrissima femina Helena Ruchichia ære suo amplio-rem ad templi formam illud exsurgere voluit, & navicula, quam vocant, aliisque adjectis altaribus auctum speciosiori augustio-risque conspectu decoravit: quare effusa in dies tum incolarum, tum peregrinorum pietas au-gescit, & tertius quique cujusque anni Domi-nicus dies post Paschalia festa, quo dedicati-onis memoria sollemni religione colitur, in-credibili civium, atque externarum gentium multitudine, affluentiaque honoratur.

Duobus decretis atque interdictis Ferdinandi II. & Ferdinandi III. Imperatorum & regum Hunga-riæ, bonis mensæ Episcopalis satis cautum esse vi-debatur, omni omnino potestate adempta Episcopis ea quoquo modo abalienandi, ac distrahendi. Sed quod Episcopi facere prohibiti fuerant, id præ-

Duo cœno-bia Fran-ciscana in diocesi Za-grab. insti-tuta.

S. Franci-sci Xaverii cultus Za-grabia.

De fundis Episcopa-libus per prædiales non abalienandis

diales, sive conductores prædiorum Episcopatum per summam temeritatem atque injuriam licere sibi volebant; & agros ac fundos sibi locatos oppignerare, vendere, commutare passim audebant. Id fieri Ferdinandus III, a Petro Episcopo admonitus rogatusque gravissime & severissime vetuit. Exstat regium interdictum in hæc verba.

Decretum  
Ferdinandi  
III.

Ferdinandus tertius Dei gratia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, & Slavoniæ &c. Fidelibus nostris universis, & nobilibus Prædialibus, aliisque Episcopatus Ecclesiæ Zagrabienfis subditis; sed & quibuscumque confinariis, aut regni nostri Slavoniæ indigenis salutem & gratiam, Expositum est Majestati nostræ nomine & in persona fidelis nostri Reverendi Petri Peretich Episcopi Ecclesiæ Zagrabienfis, & consilarii nostri: Quod tametsi per peculiare diploma Suae Cæsareæ Regiæ Majestatis Ferdinandi secundi genitoris nostri, & immediati prædecessoris nostri felicissimæ reminiscentiæ, pro residuitate bonorum dictæ Ecclesiæ & Episcopatus Zagrabien. partim per varias distractiones, partim injuria temporum, & per hostilitates Turcarum, imminutorum conservanda sepe cautum fuisset, ne in posterum de bonis ejusdem Episcopatus, aut Abbatie Topuskensis eidem Episcopatu unitæ, novi prædiales, vasalli, infeudationes, donationes, collationes, aut quæcumque inscriptiones in diminutionem bonorum Ecclesiæ & mensæ Episcopalis vergentes, fierent: aut etiam prædia antiqua in Ecclesiam sive per caducitatem, sive alio legitimo titulo devoluta, rursus infeudari, conferri, aut inscribi possint, sub pœna in dicto diplomate expressa; non scitur tamen nonnulli prædiales & vasalli, sed & alii ignobiles præfata Ecclesiæ & Episcopatus Zagrabienfis subditi, quo prætextu & licentiâ ad id inducti, aliam rationem bona & possessiones ab Ecclesiâ & Episcopatu alienandi inveniunt, prædia, possessiones, terras arabiles, sœntia, vineas, molendina, hortos, aliosque fundos, dum se legitimo jure in iisdem persistere posse non confidunt, vel etiam alia quacumque de causa, præfata bona immobilia, & jura possessionaria, sine præscitu, & legitimo consensu Episcopi in similibus necessario requisito, vel inter se invicem, vel Capitaneis confiniorum, præsertim autem Ivanicensibus, Valachis, Prædaucis, aliisque confinariis, sed & externis regnicolis jurisdictioni Ecclesiæ non subiectis, vendere, impignorare, cambiare, inscribere, cum defraudatione servitorum, censuum, & decimarum, aliarumque obventionum, mensæ Episcopali cedentium, præsumerent, in grave damnum & præjudicium Ecclesiæ, & Episcopatus Zagrabienfis manifestum. Supplicatum itaque extitit Majestati nostræ, nomine & in persona præfati Episcopi humillime, quatenus eidem circa præmissa de opportuno remedio providere gratiose, & hujusmodi bonorum Ecclesiæ ejusdem abalienationibus, & mensæ Episcopali cedentium imminutionibus alio benigno mandato nostro occurrere dignaremur, nec pateremur eundem jussis Ecclesiæ suæ juribus improvise destitui. Cum autem iusta petenti non sit denegandus assensus, & alioquin nos pro pio nostro erga Ecclesiam Dei zelo & affectu singulari, earundem jura facta testaque conservari velimus; quocirca vobis, quibus supra, harum serie firmiter committimus, mandamus, quatenus rebus, sic ut præ-

feritur, stantibus & habentibus; Vos quidem universi & singuli prædiales, vasalli, aliique ignobiles sæpe dictæ Ecclesiæ & Episcopatus Zagrabienfis subditi, nulla omnino prædia, possessiones, terras arabiles, sœntia, vineas, molendina, hortos, aliosque fundos, bona immobilia, & jura possessionaria, sine præscitu, & legitimo consensu dicti Episcopi moderni, & futurorum, vel inter vos invicem, vel Capitaneis confiniorum, Valachis, Prædaucis, aliis confinariis, sed & externis regnicolis jurisdictioni Ecclesiæ non subiectis, vendere, impignorare, cambiare, inscribere, neque Capitanei confiniorum quorumcumque, Valachi, Prædaucii, aliique confinarii, sed & externi regnicole jurisdictioni Ecclesiæ non subiecti, præspecificata bona immobilia, & jura possessionaria emere, hypothecare, aut quovis alio titulo, sine præscitu, aut legitimo prævio, alioquin de jure requisito, consensu Episcopi comparare præsumatis, nec sitis ausi moro aliquali. Hoc per expressum declarato, quod si quispiam in futurum quandocumque nobilis prædialis, aut alius Ecclesiæ subditus, aliquid de præmissis prædiis, aliisque quovis modo denominatis juribus possessionibus Ecclesiæ, & Episcopatus Zagrabienfis vendere, impignorare, hypothecare, cambiare, aut quovis titulo inscribere, vel quencumque super iisdem bonis immobilibus contractum facere aut celebrare præsumperit, talem venditionem, impignorationem, hypothecationem, aut quamvis aliam inscriptionem, sive contractum ipso facto invalidum, ac nullius firmitatis, roboris, aut valoris, nisi præscientia talium, & prævis legitimus sæpe facti Episcopi accedat consensus, esse volumus, & declaramus. Ac insuper emptor, hypothecarius, conductor, aut quivis alius præscriptorum Ecclesiæ & Episcopatus bonorum immobilium, juriumque possessionariorum comparator, & acquiritor absque depositione vel restitutione pretii dati pro ejusmodi bonis taliter comparandis, a dominio, & possessione talium bonorum cadere, eademque Ecclesiæ restituere, prout etiam venditor, aut quivis alius quovis modo alienator, ejusmodi pretium acceptum fabricæ cathedralis ejusdem Ecclesiæ reddere, vigore solum præsentis benigni nostri mandati, abscissis omnibus juridicis remediis, debeat ipso facto & sit obligatus. Nolentes autem Vicarius Episcopi, pro tempore constitutus, qui in similibus ordinarius prædialium esset iudex, cogere possit ac teneatur: secus itaque non facturi. Datum in civitate nostra Vienna Austria, die 18. mensis Junii, Anno Domini 1649. Ferdinandus m. p. Georgius Szcelepse-nii &c. Episcopus Nitriensis m. p. Georgius Oroffii m. p.

In illis partibus & parœciis Slavoniæ inferioris Turcarum imperio subiectis, quarum aditu Antistites prohibebantur, ne aut vitam & libertatem in discrimen committerent, aut dignitatem Episcopalem ludibriis barbarorum & injuriis objicerent, Vicarium constituit F. Petrum Nicolichium ex Ordine Fratrum Minorum S. Francisci, custodem provincie Bosnensis Argentinæ. Hic anno 1660. ex potestate sibi delegata omnes regiones illas peragravit; remque Christianam & Ecclesiasticam iis, quibus indigebat, prædiis firmavit. Sacræ hujus lustrationis, & locorum, quæ adierat, accuratam descriptionem confecit, ex qua particulas aliquot decerpendas censui, ut plane & perspicue constet partes illas Slavoniæ inferioris, quæ

F. Petrum  
Nicolichium Vi-  
carium suum  
constituit  
Petrus  
in illis lo-  
cis, quæ in  
potestate  
Turcarum  
erant.

quæ in solem orientem spectant, ad diocesim Zagrabiensem pertinere. Eas siquidem, cum alii finitimi Episcopi, tum potissimum Botnenses ad suam jurisdictionem pertrahere, atque adungere studebant, ut in Episcopo Silestivichio dicendum erit: *In Dei nomine Amen. Cura, & vigilantia & sollicitudine D. Petri Petretich Episcopi Zagrabienensis feliciter eandem Ecclesiam regentis, anno 1660. die 28. Maji per me F. Petrum Ordinis Minorum provincie Bosnae Argentina custodem, & Patrem inter provinciales sua provincia, nec non ejusdemmet amplius. præsulis in spiritualibus Vicarium inter Szavum & Dravum, sub ditione Turcica, parochias, parochos, Ecclesias, ceteraque necessaria in his partibus Zagrabienensis diocesis fideliter, sincere, uti ad præsens existunt, scriptis per me annotata, & ipsi Domino Episcopo oblata. Parochias, pagos, ecclesias, cœnobîa nominatim percenset, ac describit, & extremas ad meridiem intra Savum diocesis Zagrabienensis parochias ait esse Czernovichium, & Jankovam prope Savum: nec ultra, inquit, trans Savum nos habemus parochias, sed ibi Bosnensis Episcopus administrat, & ultra versus Bosnam. Savus Chrobatiæ, & Bosnam a septentrione præterfluit, & utramque a Slavonia disjungit. Ultra Savum, qua Bosnam præterfluit, nihil habet jurisdictionis Episcopus Zagrabienensis; sed ultra eundem Savum, qua Slavoniam & Chrobatiæ discriminat, diocesis Zagrabienensis longe lateque porrigitur. Extremam vero ad septentrionem parochiam Ozygium ad Dravum idem Vicarius constituit. Sed eadem diocesis occidentem versus ultra Dravum parochias aliquot transmuranas ex litteris & sententia Sigismundi regis Hungariæ complectitur, ut alio loco dictum est. Hæc omnia, inquit, magno labore, & ex ore parochorum omnium, quos accersivi, excerpti, & conscripsi, prout loca, & res in præsentiarum se se habent; & pro certo & certissimo omnes audientes & legentes hinc fidem adhibeant; & pro certitudine, Patris nostri provincialis confirmari dextera decrevi, & sigillo illius communiri exoravi. Dat. Naschitz die 13. 1660. F. Petrus Nicolich de Posega scripsi omnia manu propria. Ego F. Franciscus Ogramich a Posega Minister provincialis m. p. L. S. impressiv. Quæ litteris mandavit Petrus Nicolichus, iis magna auctoritas postea accessit ex testimonio Leopoldi Cardinalis Kolonicii, tunc Episcopi Jaurinensis, deinde Archiep. Strigonienensis. Hæc ille ad an. 1688. vi. Kalendas April. Intra Savum & Dravum, illa facies terrarum, & parochiarum, nunquam pertinuit ad Episcopum Bosnensem, multa legi, expertus plurima, non scio aliter, quam quod Zagrabienensis Episcopus erat semper diocesanus illarum partium. Excipias tamen velim quæ inter Savum, & Dravum pertinent ad Episcopos Varadinensem, & Sirmiensem, itemque ad sedem precariam Episcopi Bosnensis, in Slavonia fere media, Diacovi constitutam.*

Fines diocesis Zagr.

Mors Petreticii Ep.

Cum Petrus annos fere duodeviginti Ecclesiam Zagrabiensem sapienter pieque gubernasset, de religione, reque ecclesiastica optime meritus, iv. Id. Octob. an. 1667. e vivis interfectus excessit. Ex ejus pecunia, & suppellectili argentea, Seminario floreni Rhenenses quingenti & octoginta, argenti uncie tercentæ; ædi cathedrali floreni itidem quingenti sum uncias argenti quattuor & octoginta ob-

tigerunt, Quidquid argenti facti supererat, & tritici in horreo erat, partim pauperibus, partim conlangueis distributum fuit. Pro menstruo sacro, & solenni anniversaria commemoratione, Rhenensis quingenti assignati sunt, ex quibus politis in fœnore annui fructus perpetui suppeterent. De funere illius & sepulcro hæc Thomas Kovalceyichius: *Celebratis pro condigno inferiis, laudatus fuit inter sollemnia patrio sermone a Ludovico Bedekovichio Archidiacono cathedrali; & panegyri a Gabriele Krisanicio, ea eloquentia, & facundia, & viri laude, quam suada eis instillaverat, mellem, & quam merita præsulis postulabant. Capitularibus funus comitantibus, præter sex equos, carpentum & alia, quæ de veteri consuetudine ipsis cedunt, præsentati fuere pro offertorio aurei quinquaginta. Sepultura locus corpori assignatus est prope aram S. Luca, decenti lapide de marmore contextus. Sed qui anno 1703. cum ceterorum Antistitum monumentis, dum sanctuarium marmore sterneretur, sublatum est.*

Acerrimas lites, & contentiones, odiis atque inimicitias incensas, & cruentas etiam, quæ inter Canonicos & cives montis Græcenis sæpius exarserant, pax demum, & concordia anno 1469. inter utroque inita, prius extinxerat, ut dictum est in Olvaldo Episcopo. Sub initium sæculi decimi sexti cœperunt iterum recrudescere; novis litibus ac diffidiis occasionem præbuit libertas fori Capitularis, quam Græcenies ægerrime ferebant; nec fere umquam deinceps aliæ ex aliis causis semina ac materiam discordiarum suppeditare desierunt usque ad exitum sæculi decimi septimi; quas omnes accurate persecutus est Thomas Kovalceyichius; & interrupta historia serieque Antistitum Zagrabienensium post Petreticii, & ante Borgovichii Episcopatum, ex annis superioribus in unum locum collectas, sub uno veluti aspectu exposuit. Eadem ex eodem Thoma hoc quoque loco interferendas esse putavimus, brevi contractas narrationis compendio.

Ineunte itaque sæculo decimo sexto novi quidam civitatis præsides nova in Capitulum moliri, & fori Capitularis jura per vim quoque convellere adorti sunt: dum Hungariæ rex Vladislavus repetitis interea decretis anno 1510: Francisco Marachæ regio Locumtenenti, & Slavoniæ Protonotario totius controversiæ questionem haberi, litemque dirimi, si jure posset, aut saltem de libertate fori Capitularis nova adhiberi testimonia præceperat. Quare eo anno in Csisensi totius regni conventu semel atque iterum rei publicæ causa convocato de libertate areæ Capitularis indictum est iudicium, & universi conventus auctoritate semel atque iterum secundum Canonicos lata sententia. At cum Græcenies gravissimo tributorum onere adhuc eos vexarent, qui in areâ Capitulari mercaturas faciebant, Canonicis hac de re expostulantibus, Ludovicus rex novo edito anni 1516. diffidium composuit; & ad annum 1534. pax inita stetit inter Capitulum, & cives montis Græcenis; quibus denuo obstinantibus animo, ne areæ proventus, atque vectigalia Canonicis redderentur, Ferdinandus I. anno 1537. omnes ejusdem areæ fructus Capitulo deberi sua sententia decrevit; *Nolumus enim, inquit, ut ex inde in divinis officiis aliqua imminutio subsequatur. Regiæ tamen voluntati invito acquiescentes Græcenium animi,*

Lites & contentiones rursus inter Canonicos & cives Græcenies exorta, & in annos fere ducentos producta.



quæ primum illis oblata est occasio potiundi vectigalibus, ac redditibus aræ Capitularis, avidissime præripuerunt anno 1548. hinc recrudescere lites, fervere dissidia, quæ neque Petrus Erdodius, neque Georgius Draskovichius Episcopi Zagrabienles summa, qua pollebant auctoritate, sedate potuerunt; donec anno 1590. Capitula obnitente, integra aræ, ejusque juriæ possessio eidem judicum sententia penitus confirmata fuit. Erat autem etiam de nundinis in ipsa aræ celebrandis vetus contentio, quarum jus sibi Capitulum vindicabat: quare nequis præterea ambigendi locus superesset, Matthias Archidux Austriæ, & Chroboticus provincie administrator, Capituli rogatu, Simonem Bratulicium tum Ordinis Paulini in Hungaria præsidem inquirere de re tota jussit, & in judicium adlectis Thoma Erdodio regaliū Dapiferorum magistro, Joanne Keglevicio, Joanne Batkai, Benedicte Turoczy, ac Vice-Protonotario Stephano Beriszlavicio, supremam ferre sententiam: quæ anno 1602. communi judicum consensu ex voto Capituli cessit: licet biennio post, cum cives Græcenses regia præsentia Locumtenentis tribunal appellassent, iisdem aræ usum, atque nundinarum redditus justum est, frustra Capituli nomine intercedente Michaeli Gregorevicio, ejusque collegis Francisco Righelio Præposito majore, & Balthasare Napuly lectore. Verum enimvero his non contenti Græcenses, quos odium in Capitulum Zagrabienle exstimulabat acerbius, ejusdem Capituli agros quosdam per vim occuparunt anno 1608. vii. Idus Novembris; & facinoris audaciam iusto legitimoque judicio infringi, ac legum jure puniri Canonici quidem conatu omni efflagitabant; pluribus autem in utramque partem quæstionibus habitis, demum insequenti anno 1609. pridie Kal. Mijis Capitulum decreto Lucæ Chernkoczy Vice-comitis, penes quem juris dicundi potestas erat, causa cecidit; sed rursus anno 1610. iidem agri Capitulo adjudicati: quo etiam anno multæ utrinque tum de agris, tum de aræ Capitularis usu & nundinis quæstiones habitæ, & variæ pronuntiatæ sententiæ, usque ad annum 1623. Tum Petro Domitrovichio Episcopo Zagrabienli, Thoma Mukulicio, & Petro Ghal pacis arbitris, & mediis, auctoribus vero præcipuis Balthasare Napuly Præposito majore, Georgio Ortaucio lectore, Nicolao Jalkoczy cantore, Petro Selniczey custode, Stephano Medak Præposito Chalmensi, Benedicte Vinkovicio Archidiacono cathedrali, Ambrosio Jazkay Archidiacono Dubicensi, Petro Eupresz Camarcensi, Joanne Puczinicio Goricensi, quos Kovalcevichius nominatim perceret, aliisque, haud sine ingenti Capituli Zagrabienlis incommodo, publica ac sollemni transactione ita inter Canonicos, & Græcenses de utraque controversia convenit, ut unus tantum aræ Capitularis mercator quam ei libuerit, & quovis in loco mercaturam faciat, statò die Dominico: tum ut mercium quarundam venditio sit uni Græcensium foro propria; has tamen merces libere emanant etiam subditi Capitulo, eisque ad victum, & vitæ commodum utantur, sed extra aræ Capitularis fines: nundinæ autem, quæ festo D. Stephani regis Hungariæ die solent celebrari, utrique parti communes sint: civibus, ut appellant Capituli liberum esto mercimonium præterquam die Dominico,

& in nundinis Græcensis civitatis; quo tempore licitas sibi merces vendant in utrovis aut Capituli, aut Græcensium foro: de agris Capituli a Græcensibus occupatis, ceterisque controversiis quæstiones omnes ac lites omnino abrogatæ; pascua vero in agris Capitularibus, & Græcensibus communia sunt utriusque partis civibus & colonis. Hæc summa, & graviora transactionis capita: cujus violatæ quinquennio post arcessiti sunt Græcenses: & inquieti animorum motus quandoque in novas, gravioresque dissensiones exardescere visi. Sane hisce eræcti Græcenses majora moliri ausi sunt. Inter Capitulares agros, & fines urbis Græcensis Medevenicza præcessit, fluvius lato quidem alveo, sed humilibus ripis conclusus, quas cum Græcenses urbem versus munitiores aggere fecissent, si quando aquæ exundassent, in adversam agrorum Capitularium partem toto amne irrumpebant, ingenti rerum, atque hominum detrimento. Id accidit revera anno 1566. quare Capituli coloni, quorum id plurimi intererat, reficiendis ripis, iisque exagerandis laborem, opemque, quam maxime poterant, adhibuerunt; ac ab opere per summam vim, & injuriam a Græcensibus exturbati, facinoris duce & auctore Georgio Vernicio Judice civitatis, ægre urgebant incepta; cum in publicis regni Comitibus Zagrabie eodem anno habitis vehementer adeo Capitulum adversus iniquas Græcensium aggressiones intercessit, ut Comitiorum decreto sancitum fuerit, fluvii causam in Tabula regia dicendam, pontis vero eidem fluvio impositi, cujus dimidiæ partis extruendæ sibi jus arrogabant Græcenses, integram possessionem, & jura omnia penes Capitulum esse. Ita quietæ res vilæ mensibus aliquot; dum Vernicius ad novas turbas commotos civium animos iterum ad pontem occupandum accendit. Quare, agmine facto, tabulata, ligneæque columnas alveo infixas pro dimidia pontis parte, quas Capitulum refici jusserat, ipsi dejiciunt primum, evertuntque, tum suo ære, suisque impensis rursus eam pontis partem, quasi sui juris foret, extrui, atque instaurari præcipiunt. Neque Canonici veluti otiosi adversariorum molimina, & injustos conatus spectabant; sed interpositis identidem ad regni iudices, ac magistratus querelis, & appellationibus illorum imminuere audaciam, atque infringere nitentur: hinc mutæ crebro contentiones, & violenti ab adversariis armorum concursus facti ad annum ferme 1667. quo cum efferati ira, atque odio Græcenses totius pontis sibi demum possessionem arripere ausi essent, illumque penitus ab se disiectum, & everitum ipsi refecissent, Capitulum armis, si opus esset, haud abstinendum censuit; & apud Petrum a Zrinio summa auctoritate proregem graviter conquestum ejus opem, auxiliumque efflagitavit. Annuit Petrus; & Græcenses primum blande monet, ab inceptis desistant; pontis possessionem Capitulo reddant; legum denique, atque magistratum auctoritati obtemperent: ac ii contra tergiversari, moras texere, fallaces causas, & inanes prætereundere. Quorum ambages, fraudesque cum prorex animadverteret, demum Capitulo præcipit, ut pontem adeant, illiusque per suos colonos refecti jus potestatemque retineant; si Græcenses contra obnivantur, armata militum Banalium manu hostem aggredi liceat,

ceat, & ad officium compellere. Rem ita gestam narrat scriptor quidam, qui acta collegii Zagrabienſis compendio collegit; & a Kovaſcevičio ejuſdem verbis in hunc fere modum deſcribitur: *Anno Chriſti 1668. Dies Virgini ſine macula conceptæ ſacer, qui ob anniverſarium nundinarum recurſum hoc in loco ſit celebrior, miſerandum exhibuit ſpectaculum. Vetus enim inter Capitulum, & civitatem odium ſapius ſopitum, nunquam extinctum in flammam publicam erapit. Præceſſerant annis proximè evolutis rixæ inter utramque partem de ponticuli decurrenti ſtrevioſo impoſiti proprietate, pauciſque ante diebus partem illius reſtauraverant, quod eſt ſignum aſſumptæ proprietatis. Hoc viſo Capitulum, reſquiſito Domino Bano (erat ille Comes de Zrinio) obtinuit brachium, ut dicitur, Banale equitum, peditumque Colapiatorum oſſingentorum circiter, qui ex condito duſtore Franciſco Bukovacſki irruerunt a porta ſeptentrionali impedituri cives, ſiquis præſumeret reſiſtere deſtructioni reſtaurati ponticuli, quam eodem tempore Capitulares exequabantur. Cives dato quidem ſeralis campanæ pulſu ad arma conſugiunt, ſed nimia multitudini armatorum occurrere non ſunt auſi, præter paucos, qui temerarii potius quam magnanimi extra urbis portam excurrerant. Eorum vulnerati aliquot, occiſus unus, diruto ponte, tota illa armatorum copia in direptionem miſerorum civium ſuburbii inquilinorum dato quaſi ſigno converſa, deſpoliavit domos, & prædia omnibus, quæ reperiit, nemine reſiſtere valente, ab hoſpitali incipiendo uſque ad putum Manduſſerecz, & oppoſitam partem uſque ad Eccleſiam S. Margaritæ. Hactenus ille, qui in diei, & anni nota erravit; funeſta quippe calamitas in actis Capituli Zagrabienſis conſignatur anno 1667. 16. Kalend. Januarii. Tum Græcenſes inopino caſu vehementer commoti, cum neque armis pertinaciam ſuam tueri ſe poſſe intelligerent, ad Cæſarem oratores Viennam miſerunt, qui ſupplici poſtulatione querimoniis plena, & iniquis in Capitulum accuſationibus, ejus juſtitiam, æquitatemque implorarent; at Canonici internum iſtem Viennam ablegant Michaelem Boczak Archidiaconum Bexinenſem, qui apud Cæſarem Capituli cauſam omni vigilantia, & operis ſtudio tutaretur: cui demum hoc in reſponſis eidem commiſſum a Cæſare, ut Capitulum amice, & quiete cum Græcenſibus convenire ſatagat. Utrum Cæſaris juſſo obtemperatum fuerit, nullis proditur monumentis. Anno quidem 1681. in comitiis Sopronienſibus Græcenſes diu ſopitos diſcordiæ, & contentionis ignes excitant, contra quos Capituli jura fortiter tueri haud veriti ſunt Petrus Antolſchizius regni Protonotarius, & Stephanus Schiſcevičius Archidiaconus Bexinenſis. Et, cum anno 1687. publica regni comitia Poſonii celebrarentur, ne tum quidem liſ in judicium conſtituta videtur. Illud compertum eſt, nullum poſtea a Græcenſibus intentatum facinus fuiſſe adverſus Capitulum, nullaque vi aut aggerum, aut pontis inſtaurandi opera interrupta, vel impedita; cum pontis, inquit Kovaſcevičius, ſive in parte, ſive in toto reſtauratio occurrit, operariis Capituli obſtaclum non ponunt, viventes cum Capitulo amice & concorditer in charitate Chriſtiana, & unionis amorum, ut bonos conveniſſe vicinos,*

## MARTINUS II. EP. ZAGRAB. LXIII.

Intra ſinem ſæculi decimi ſexti, nobili genere natus in pago, cui nomen eſt Domogovi-  
 cio, familiam ſuam Borkovichiam egregiis virtutibus & factis illuſtravit. Compendationem ineuntis ætatis ab innocentia morum, & eximia in Deum & Superos pietate duxit. Verum ſive incuria parentum, ſive aliam ob cauſam, ſerius quam oportuit, animum ad ſtudia litterarum applicuit; longe jam adoleſcentia proceſſerat, cum rudimenta linguæ latinæ in oppido Jaczæ prope a natali ſolo, ponere incœpit; quibus utcumque imbutus Zagrabiam ſe conſtulit, in eaque civitate ab infima ad reliquas grammaticæ claſſes progreſſus, in his, audiendo, legendo, ſcribendo tamdiu ſe diligenter exercuit, quoad in pure ac latine loquendi ſcientia ſatis profeciſſe viſus eſt. Deinde haud minori aſſiduitate ac diligentia ad ſuperiores poeſeos, & rhetorices diſciplinās percipiendas incubuit, in quibus, ut erat ingenio excellenti, tantos progreſſus habuit, ut nemo e diſcipulis ſe cum illo æquare auderet. Quam domo paterna extulerat, illibatam vitæ integritatem, modeltiam, religionem cum ſtudio litterarum perpetuo conjunxit; atque ita in omnibus, quæ ad recte pieque vivendi rationem pertinent, officiis exſequendis excellebat, ut tum æqualibus, tum quibus ætate antecedebat, ad virtutem ac pietatem colendam exemplo & incitamento eſſet. Annos natus fere triginta, parentibus, & rebus mortalibus valere juſſit, in ſanctiſſimam Eremitarum Ordinis Paullini ſodalitatem nomen dedit; Lopoglavæ in cœnobium Fratrum illorum receptus, eremiticam veſtem induit, & religioſæ vitæ tyrocinia poſuit, atque ita tranſegit, ut juvenis ſenibus, tyro veteranis, novitiis exercitatis, tamquam exemplar continentia, frugalitatis, obedientia, omnium denique virtutum proponeretur. Poſt exactum tyrocinium philoſophiæ operam dedit; deinde Præſidium juſſu Romam proſectus, in collegio Germanico, & Hungarico quatuor ipſos annos in Theologia ſtudia inſumſit. Reverſus in Slavoniam, cœnobii Lopoglavenſis præſecturam geſſit, Semel atque iterum Vicarius generalis cunctis ſuffragiis electus & confirmatus fuit primum anno 1640. deinde 1644. Demum anno 1657. regimen totius Ordinis vel invitatus ſuſcepit. Quibus in magiſtratibus, etiam in ſupremo, ita ſe geſſit, ut fratribus ſuis, quemadmodum dignitate & poteſtate præerat, ſic animi ſubmiſſione, jejuniiſ, vigiliis, precandi ſtudio, ſumma in victu cultuque abſtinentia, & ceteris omnibus virtutibus antecederet. Cuſtodia diſciplinæ monaſticæ in primis curæ fuit; quam ut, vel reſtitueret, ſicubi collapſa erat, vel magis magisque, ubi vige-  
 bat, firmaret ac ſtabiliſſet, hortatione potius, & precibus, quam auctoritate & imperio, & ſuis exemplis efficacius, quam verbis & præceptis, utebatur; ſi qui vel muneri ſuo deſſent, vel delinquerent, in eorum officiis exigendis, erratiſque puniendis, ſeveritatem admirabili lenitate miſtam adhibebat; in ſublevandis vero omnium, & animi & corporis neceſſitatibus, curam & vigilantiam pluſquam paternam impendebat. Tribus cœnobiis, Cræmolovenſi in Moravia, Varſavienſi in Polonia, Vlimienſi in Styria, ſodalitatem Paullinam amplificavit, quæ  
 ſub

Martius  
Borkovi-  
chius,

Inſtitutum  
eremiticum  
Paullinum  
amplecti-  
tur.

Præſes ge-  
neralis to-  
tius Ordinis.

sub ejus regimine virorum illustrium numero, doctrina, & sanctitate floruit, De illius vero sanctimonia, quam divinis etiam significationibus, & prodigiis testatam ferunt, magna erat tum apud domesticos, tum apud extraneos opinio; ac nemo fere fuit, qui eum familiariter nosset, quin sanctum appellaret. Eadem opinio Leopoldi Imperatoris & regis Hungariæ animo penitus insederat, qui auditus est augustissimæ conjugis hæc dicere in aurem; *Si calitem in terris agentem videre cuperet, in eum*, videlicet Martinum, qui tunc præsens aderat, oculos converteret. Quanti eum faceret, & quantum ejus sanctimoniam tribueret, satis aperte declaravit, cum post obitum Petreticii Martino digniorem Episcopatu Zagrabienſi neminem judicavit. Itaque nullo suatore, vel suffragatore, sed sua sponte, suoque judicio eum Episcopum nominavit anno 1667. xiv. Kalen. Januarii. Regia nominatio gratissima fuit Clementi IX. qui multa & præclara de virtutibus ac meritis Martini fama & auditione acceperat; & libentissime iudicium atque electionem Leopoldi Cæſaris approbavit; ut docent tabulæ conſistoriales: 1668. undecima Junii providit Ecclesia Zagrabienſi per ob. Petri Petretic vacanti, de persona F. Martini Borkovich Ord. S. Pauli I. Eremitæ &c.

Fit Episcopus  
pui Zagr.

Vixit reli-  
gole ra-  
tione in  
Episcopa-  
tu retinuit.

Suſcepto Episcopatu nihil de prioris vitæ institutis immutavit; eandem in victa cultuque parsimoniam retinuit; eadem jejunia erant, idem afflicti corporisculi studium, eadem vigiliæ; & preces, eadem statis diebus a certis ciborum generibus abſtinentia, eadem interioris vestitus asperitas, & laneam zonam, qua utebatur, dum eſſet in monasterio, adduci non potuit; nisi importunis Canonicorum precibus fatigatus, ut cum serica commutaret. Hanc vivendi rationem, quamquam & affecta ætate, & corpore admodum imbecillo, nunquam tamen, ne in summa quidem & extrema senectute intermiſit. Omnia vero, quæ sunt Episcopi, munera, naviter, sedulo, constanter usque ad ultimum usque spiritum peregit. Diœcesim sæpe lustravit. Conciones frequenter habebat, tum ad vitia pravaque consuetudines eliminandas, tum ad Christianas virtutes colendas, & pietatem excitandam maxime accommodatas. Nihil industriæ diligentiaque prætermiſit, ut clericos ad vitæ honestatem, ac disciplinam ecclesiasticam confirmaret. Quatuor Synodos convocavit; in quibus tum decreta Draskovichii, Erghelii, Vinkovichii confirmavit, tum vero alia ipse addidit, plena sapientiæ & sanctitatis, quibus & sacramenta rite conficiendi atque administrandi, & Christianæ catecheſeos tradendæ, & omnia denique religionis officia recte pieque peragendi ratio continetur. Decrevit etiam, ut quilibet Sacerdos unum pro quolibet diœcesis Presbytero vita functo, bina vero pro Episcopo vivis exempto sacrificia offerret. Statuit præterea, ut nemo sacerdotio initiaretur priusquam Philosophiæ ac Theologiæ morali diligentem operam navasset; nec antea primum sacrum faceret, quam octo ipsos dies, apud Patres Societatis Jesu, piis meditationibus & commentationibus e præscripto S. Patris Ignatii tribuisset: qua de re decretum fecit in hæc verba: *Nos F. Martinus Borkovich Dei & Ap. Sedis gratia Ep. Eccl. Zagrabien. Beatissimæ Mariæ de Topuszka Abbas, S. C. R. M. Consiliarius, damus pro memoria; quod nos ex debito pastoralis*

Decretum  
de Sacer-  
dotibus.

officio considerantes pericula, quibus Ven. Ordo cleri expositus eſſet, utpote cui, præter salutem propriam animæ, proximorum etiam incumberet salus curanda, advertimus ad dictis periculis obviam eundem exercitia spiritualia salutare eſſe remedium. Inde factum ut sacra Synodus diœcesana in Spiritu sancto congregata in basilica regi Apostolico dicata S. Stephano 1673. 16. Junii communibus votis decerneretur, ne ullus ad Sacr. Ordinem presbyteratus promoveretur, qui philosophicum ad minus studium, aut caluſticum non absolviſſet; nec primum Miſſa sacrosanctæ sacrificium facere præſumeret, nisi octo dierum spatio per sacra spiritualia exercitia animum prius purgaſſet; quæ salutaris hæc institutio non sine fructu, promotoribus Patribus Societ. Jesu collegii Zagrabien. hætenus perseveravit. Ceterum cum præter cibum animæ, clericis in salutari hoc opere occupatis, corpori pariter eadem occasione iidem RR. PP. magno cum charitatis affectu alimenta suppeditent; nos vel in signum aliquod gratitudinis, memoratis Patribus, id minime exigentibus, mille florenos Rhenenses in ſeudatis, R. P. Michaelis Skerlec manibus, loci rectoris assignavimus, littera ejusdem R. P. hoc in casu extradata, dante testimonium; qui mille Rhenenses in ſeudatis ponendi erunt in ſecuro loco ac certo, ad ſemper fructificandum, accedente præmiſſis Ad. R. P. Alcedo Provinc. religiosa annuentia. Proinde rogamus, ac obteſtamur per viscera Jesu Christi ſucceſſores nostros, ut dignentur ſupradictam S. Synodi ordinationem illibate conſervare, ac mediis ad id aptis tota conatu promovere, velut tantum bonum inde reſultans, habita zelosa cor-respondentia cum iisdem RR. PP. Soc. J. collegii Zagrabien. quibus cum juxta ſanctum eorum institutum prædicta exercitia ſint cordi, eosdem rogamus demissiſſime, pro casu, quo Reverendiſſ. Domini nostri ſucceſſores, multarum rerum mole oppreſſi, non operi huic ſancto invigilare poſſent, per eosdem Patres certiores redderentur de proſpectu, aut deſectu exercitandorum. Ita præter casum ſupra poſitum, alio quoque tempore, ſi Domini Sacerdotes ſponte, vel ex ordinatione ſuorum ſuperiorum, ſancto huic labori operam dabunt, eosdem dignentur (in quo minime dubitamus) benigne efformandos ſuſcipere, quibus incumbet pro tali ac tanto beneficio gratiarum actiones reponere, & ulterio conſolvere ad Angelicam hanc ſcholam. Dat. Zagrab. in ſolita noſtra reſidentia 9. Septemb. An. Dom. 1674.

In poſtrema Synodo dies SS. Antonii Patavini, Ignatii Lojolæ, & Franciſci Xaverii nomine cultuque conſecratos, anniverſaria paſmodia & liturgia juxta ritum Zagrabienſem in tota diœceſi celebrari juſſit, & ſacris divorum Eccleſiæ illius adſcribi. Cultum vero, diemque feſtum S. Joſephi, & S. Quirini Episcopi Siſciensis & Martyris ad ritum ſublimiorem evexit, atque inter dies maxime ſollemnes, alterum primæ, alterum ſecundæ claſſis, haberi agique voluit. Jejunium in pervigilio Beatissimæ Mariæ Virginis ſine labore conceptæ, ab omnibus ſervandum præſcripſit, atque indixit; quod ſummo omnium totius regni ordinum conſenſu approbatum, & receptum fuit. Venerabatur ſiquidem jam inde ab ipſa pueritia præcipuo quodam, & ſingulari cultu Virginem Deiparam, eamque loco matris cariffimæ habebat: quæ quidem erga illam religio cum ætate accrevit; nullum diem elabi ſinebat,

Divorum  
cultum  
amplificat.

bat; quin plura eidem sinceri piique amoris officia, more optimorum filiorum, præstaret. Nullam Mariam cultus amplificandi, & propagandi occasionem prætermittebat; nullus in familiari convictu, & quotidiano colloquio, nisi de Virginis excellentia & laudibus sermo ei dulcior erat & frequentior; nulla seu domi, seu foris effigies Deiparæ ejus oculis occurrebatur, quin eam delecto capite salutaret, eique pia oscula infingeret; ægre ferebat locum ullum seu privatum, seu publicum, sive sacrum, sive profanum carere Virgineo simulacro, cujus aspectu mirifice delectabatur. Viri quidam religiosi Martinum Episcopum ad sacellum domesticum consecrandum accersierant. Oculos quicumque circumferenti, cum nulla imago Dei Genetricis, neque picta, neque sculpta apparet, ad eos conversus: *Mei Patres*, inquit, *quid peccavitis in vos Maria?* quo hæc verba spectarent, cum satis intelligerent, pudore quodam suffusi obmutuerant. Ille vero eos leniter inculans; *Scitote*, inquit, *Patres mei, quod nullum locum libenti animo possum ingredi, ubi Virginis figura non me delectat.* Singulari studio & cultu prosequabatur effigiem Virginis templi ac cœnobii Remetensis, horæ unius spatio ab Zagrabia disjuncti, plurimis & maximis miraculis illustrem, & populorum illuc peregre advenantium frequentia ac religione percelebrem. Nec solum ipse illam singulis fere hebdomadis religiosissime invisebat; sed identidem cleri & populi supplicationes ad eam colendam, ejusque patrocinium implorandum instituebat. Nec vero assiduum precandi studium, & numquam intermissa in Deum, Deiparam, & Superos pietatis officia, ab actione, & cuiusque generis operibus disjuncta, quæ vel necessitas, vel utilitas postulabat. Sacrarium ædis cathedralis, quod pro numero clericorum & sacerdotum nimis angustum erat, non solum amplificavit, sed etiam commodis aptisque ad sacram suppellectilem custodiendam armariis, & loculis auxit. Plures aras in templo Mariano cœnobii tum Remetensis, tum Lopoglavenensis, vel marmoreas, vel ligneas inauratas, eleganti opere, nec exiguo sumptu ædificavit. In arce domum familiæ episcopali, cum ædibus pontificiis conjunctam, exstruxit; & turres quasdam inchoatas ad fastigium perduxit, & tegulis lapideis obtexit. Cum Episcopatu etiam rerum civilium administrationem conjunxit; & regii Locumtenentis munus in Slavonia & Chrobatia egregie sustinuit ac gessit, temporibus illis difficillimis, cum seditionibus ac bellis intestinis ardebat Hungaria, auctore potissimum Petro Zrinio Bano Chrobatie, qui cum Francisco Nadaſto, & Christophoro Frangipanio contra Leopoldum scelestissimæ perduellionis societatem coierat. His comprehensis, & extremo supplicio affectis, successit Emericus Tschekius, qui primarias conjurationis partes sibi desumpsit, & Turcarum arma in Hungariam evocavit. Anno proximo ante bellum Turcicum & Viennensem obsidionem, æræ vulgaris 1682. Martinus a Leopoldo Imperatore impetravit, ut arcem Siscientem, quam ante decem annos summus Varasdinus Præfectus Capitulo ademptam ad Comitatum Varasdinensem adjunxerat, Canonicis restitui juberet.

Crebra supplicationes ad Virginem Remetensem instituit.

Avaritiam, & iniquitatem quorundam

Ad superiores annos ut revertamur, Patroni ecclesiarum, si quis parochus vita decederet, in ejus bona invadere, eaque diripere atque in-

tervertere consueverant, contra quam tum sacri Canones, tum leges ecclesiasticæ regni Hungarici plenissime vetabant. Horum iniquitatem & avaritiam ut cohereret, Leopoldo Cæsari magnopere auctor fuit Martinus Episcopus. Extat diploma Leopoldinum in hæc verba: *Nos Leopoldus Dei gratia Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclavoniæque rex &c. memoria commendamus tenore presentium significantes quibus expedit universis: quod nos ex demissa, & simul querulosa fidelis nostri Reverendi Martini Borkovich Episcopi Zagrabien- sis, & Consilarii nostri, medio sui supplicis libelli, Majestati nostræ facta expositione, intelligentes non deesse plerosque parochiarum Patronos, in diœcesi sua Zagrabienſi constitutos, qui spreſtis legibus patriæ constitutionibusque Canonicis, & Synodi Nationalis decretis, nec non certo benigno regio indulto, signanter autem duabus Synodalibus Diœcesanis Zagrabienſibus Constitutionibus, ubi & quam primum aliquis parochorum sub eorundem patronatu moreretur, illico per officiales, hominesque suos in domum parochialem involent, omniaque ibidem reperta diripiant, & pro se usurpent, gravi libertatis ecclesiasticæ cum præjudicio, consanguineorumque, & creditorum detrimento manifesto. Ideo cum ad humillimam dicti Episcopi Zagrabienſis petitionem, ac instantiam nostræ propterea factam Majestati, tam vero benigne ruminatis præcensitis legibus patriis, sanctionibusque Canonicis, & Synodalibus decretis, præsertim vero articulis 10. 1552. ubi expresse cavetur, ne bona parochorum, sive testati, sive intestati decesserint, a Patronis loci, sive dominis terrestribus occupentur, quod ipsum art. 102. 1647. circa finem, uti & decretis Concil. Trident. Sessione 22. de reſor. c. 11. pariter etiam statuto 14. Syn. Provinc. Tyrnavienſis 1630. sub Car- dinalis quondam Petro Pazmani celebratæ, confirmatur, id eidem Martino Borkovich, successoribusque ejusdem futuris, videlicet Episcopis Zagrabienſibus, clementer annuendum, & concedendum esse duximus; ut iidem, & non prærepetiti parochiarum Patroni, seu domini terrestres, plenariam ac omnimodam eatenus disponendi habeant facultatem atque potestatem; decernentes insuper & statuentes, quod si quispiam Patronorum, seu dominorum terrestrium, amodo in posterum aliquid de substantia cujuscumque demortui parochi, propter ordinationem toties factorum Episcoporum, & consequenter testamentariam similium parochorum dispositionem, distra- xerit, distrahivæ fecerit; ex tunc liceat ipsis Episcopis, vel loci Archidiaconis, talem Patronum, sive dominum terrestrem super facta ea in parte violentia, jure convenire & aggravare: immo annuimus & concedimus, decernimusque ac statuimus, harum vigore, & testimonio litterarum. Datum in civitate nostra Vienna Austria die 20. Martii, Anno Domini 1672. regnorum nostrorum Romani decimo quarto, Hungariæ & reliquorum decimo septimo, Bohemiæ vero decimo sexto. Leopoldus Imp. Thomas Palfſſi Episcopus Nitrien. m. p. Stephanus Orban manu propria.*

Patronorum ecclesiarum, Leopoldi auctoritate implorata coarctavit.

Decretum Leopoldi Imperatoris.

Nihil umquam a Leopoldo religiosissimo Imperatore postulavit, quod ad Dei gloriam, & salutem animarum pertineret, quin cumulatissime impetraverit. Eum siquidem Cæsar sum- mopere amabat & colebat; & nullam suæ erga illum

A Leopoldo designatus Archiepiscopus Colocæ obiit.

illum propensæ voluntatis declarandæ occasionem prætermittēbat. Inter intimos suos Consiliarios locum sane honorificum eidem attribuit; & cum Georgius Szechenus, ad Strigoniensem sedem translatus, Colocensem vacuum reliquisset, Martinum Colocensem Archiepiscopum designavit. Sed amplissimæ huic dignitati mors illum præripuit. Anno siquidem 1687. cum iter ad comitia Poloniensia apparasset, letali morbo correptus, anno ætatis nonagesimo, pridie Kalendas Novembris, meritis, quam annis plenior, ad superos migravit. Multa de illo miranda narrantur, quæ vim & efficientiam naturalem exsuperant; sed quia mihi haud satis explorata sunt, necesse non habui adscribere.

Ejus pium  
testamen-  
tum.

Ejus testamentum æque legatis piis refertum est, atque documentis & hortationibus sanctissimis, quibus Banos & magistratus ad tuendam, & propagandam Catholicam religionem vehementer accendit. Ut dum viveret, effusa illius fuit in egentes & miseros beneficentia, sic post mortem suæ in eos charitatis perenne monumentum exare voluit. Paucis annis, antequam moreretur, domum hospitalē ad pauperes recipiendos, & alendos ædificare cœpit, quam cum perficere non potuerit, ad eam perficiendam & dotandam satis pecuniæ reliquit; atque iis, quos sui testamenti curatores instituerat, magnopere in tabulis supremis opus illud eximie charitatis commendavit: *Hospitale, inquit, rogo ad nostram intentionem ex substantia nostra perficiatur, cum conventum sit per omnia. Piz illius voluntati obsecundatum fuit; & intra quadriennium ab ejus obitu, totum ædificium absolutum, & suppellectilibus, ceterisque rebus necessariis instructum. Huic adjecta est ædícula S. Martini Turonensis Episcopi nomine consecrata, & nomen auctoris inscriptum duobus hisce versiculis:*

*Borgovich has ades posuit Martinus egenis  
Zagrabia Præsul, Metropolita Colo:z.  
MDCXCI.*

#### ALEXANDER EPISC. ZAGRAB. LXIV.

Alexander  
Mikulichius

Illustribus & opulentis ortus majoribus, ex ordine illorum Dynastarum, quos *Liberi Barones* vocant; cognomen avitum illis erat Mikulichiis; alterum cognomen e castello Brukonouczio, in quo dominabantur, acceperant. Thomas avus fuit Alexandri, vir clarissimus, juris civilis scientissimus, qui primum Georgio Zrinio proregi, sive Bano Slavoniæ & Croatia, per aliquot annos Vicebani operam navavit, deinde in judiciis locum *Præsentie Regiæ* tenuit, munusque gessit quæstuosissimum, ex quo immensam pecuniam confecit, & castellis non paucis ære suo vel coemptis, vel ædificatis familiam locupleravit; nemoque erat ex omnibus Slavoniæ Dynastis vel amplissimis, qui divitiarum copia cum eo conferri posset. Bonorum omnium hæredem reliquit Alexandrum filium parenti longe dissimilem, qui per intemperantiam, & libidinem fortunas omnes effudit, & consumpsit; idemque ob immania flagitia capite damnatus, ut meritam pœnam effugeret, apud Turcas se recepit, & extorris a solo patrio, egenisque rebus omnibus miserandum in modum interiit. Antequam exsulatum abiret, anno 1650. filium genuerat, cui nomen suum imposuit, & Ignatium quoque appellari voluit, qui avi, quam parentis vestigia

sequi maluit. Post fugam patris, Leopoldus Imperator Alexandri veluti orphani, & pupilli tutelam suscepit; eumque optimo viro exactori tricesimæ Nidelicensis curandum & educandum dedit. Postquam e pueris excessit, Zagrabiam se contulit ad Vukokavichium Canonicum, & consanguineum suum, qui eum domum suam recepit, filii loco habuit, & dilexit, victum & vestitum ei præbuit, & litteris latinis, ac studiis humanitatis erudiendum curavit. Deinde suis impensis Græcium misit, aluitque per triennium in ea civitate, ubi philologicis disciplinis operam dedit. Zagrabiam reversus, & ordini clericali adscriptus, locum obtinuit inter alumnos Seminarii Bononiensis; in quo cum aliquot annos Theologiæ, & juris utriusque doctrinæ tribuisset, Doctoris nomen & insignia sumpsit. Bononiæ dum esset, eum Martinus Borkovichius Episcopus in collegium Canonorum cooptavit, Capitulum vero alumni Bononiensibus rectorem præfecit. Hac præfectura functus rediit Zagrabiam; & per varios Capitularium honorum gradus, ad supremam Capituli dignitatem pervenit; nam primum Archidiaconus cathedralis, deinde lector, idemque Vicarius Episcopi, demum ex diplomate Leopoldi Imperatoris Præpositus major fuit. Jus ulumque mitræ ferendæ, ab Urbano VIII. ut dictum est, Benedicto Vukovichio Præposito majori olim tributum, & huic dignitati annexum, ceteri post Vukovichium Præpositi neglexerant. Ne hoc privilegium longiori desuetudine exfolescere, & antiquaretur, illo sibi utendum Mikulichius censuit; & in æde cathedrali sacram tiaram, Episcopo Borkovichio tradente, duobus cœnobiarcho Sitticensi & Londostroffeni ad eam cærimoniam peragendam adhibitis, sollemni apparatu ritumque anno 1686. suscepit. Anno proximo Episcopi Tinniniensis titulum obtinuit, quo cum Præposituram majorem conjunxit. Ab obitu Borkovichii vix tres menses intercesserant, cum anno 1688. Leopoldus Cæsar ei successorem dedit Alexandrum Ignatium Mikulichium in comitiis Poloniensibus, quibus ipsemet Alexander interfuit. Cæsaream ac regiam electionem Innocentius XI. approbavit, ut constet ex tabulis consistorialibus: 11. *Octob.* 1688. *ac demum Zagrabien.* *Providit Ecclesiæ Zagrabienfi vacanti per obitum Martini Borkovich, de persona Alexandri Ignatii Mikulich Episcopi Tinniniensis.* Eodem anno e domo Præpositi majoris, Capitulo & clero præcunte, & tota propemodum civitate montis Græcensis prosequente, ad basilicam cathedralem processit, & solium episcopale conscendit. Annum fere integrum gessit titulum Episcopatus Tinniniensis ab omni administratione vacuum, & expertem consecrationis episcopalis; quam illi anno 1688. vel sequente in basilica Tersectana Episcopus Vagliensis impertit, duobus aliis Dalmatiæ Episcopis adscitis, qui cum eo manus eidem imponerent.

Præpositus  
major,

Episcopus  
Tinniniensis,

ac demum  
Zagrabien.

Cum post Turcas a Viennensi obsidione depullos, & ingenti clade prostratos, prosperæ res deinceps multæ ad voluntatem fluere, recuperatus est Principatus seu Comitatus Gerzencensis, quem Stephanus V. rex Hungariæ anno 1277. Timotheo Episcopo, & Ecclesiæ Zagrabienfi donaverat. Ut eum Leopoldus Ecclesiæ restitui juberet, effecerat quidem Martinus Borkovichius, sed paullo post cum morte

Comitatus  
Gerzencensis de  
Turcis receptus &  
Ecclesiæ  
Zagrab.  
restitutus.

sub-



Ratio  
Ecclesiarum  
gubernan-  
da ex de-  
cretis Con-  
cilii Trident.  
ab Alexan-  
dro petita.

sublatus fuisset, neque jurisdictionis usurpandæ tempus illis & facultas fuit. Restitutionem, seu potius novam donationem ejusdem Comitatus confirmandam curavit Mikulichius, ex eoque veterem, sed antiquatum titulum sibi sumpfit, appellarique voluit in suis litteris ac decretis *Supremus perpetuusque Comes Comitatus de Gerzenze*. Sed tum ipse, tum ejus successores eo titulo contenti, ab omni jurisdictione usurpanda ad hanc usque diem abstinuerunt. Ecclesiæ administrandæ, & cleri populique ad omne Ecclesiastici, & Christiani officii munus instruendi rationem perfectam, expletamque omnibus suis numeris & partibus, non aliunde petendam censebat, quam ex præceptis & decretis Concilii Tridentini, quæ diurna & nocturna manu versabat; hæc assidue meditari & commentari solebat; ad hanc regulam tum suam, tum aliorum, ac præsertim clericorum vitam exigebat; hinc omnia desumpsit, quæ ad disciplinam ecclesiasticam restituendam, & stabiliendam, ad plebis Christianæ mores corrigendos & recte conformandos, ad Deum rite & caste colendum, in Synodo diocesana sapienter pieque constituit, & prudenter ad rationem usumque Ecclesiæ ac diocesis suæ accommodavit. Quæ de vita & honestate clericorum a Patribus Tridentinis tradita sunt, ea quam accuratissime servari cupiebat. Si quis e clero deliquisset, priusquam in eum lege ageret, verbis quam lenissimis operam dabat, ut suam ipse culpam agnosceret, atque ultro fateretur se illa poena dignum esse, quam in ea, quæ commiserat, delicta sacri Canones constituerunt; de poenæ tamen acerbitate, illa confessione contentus, haud parum minuebat. Qui vero nec salubria monita recipere, nec meritam punitionem subire, nec se ad bonam frugem revocare vellent, cum omnia nequidquam expertus fuisset, ut eos in viam reduceret, ad extremum tamquam desperatos e clero pellebat. Majestas, & dignitas cultus divini in primis illi cordi fuit; frequens aderat choro, ut sua præsentia & exemplo omnes ad pie, articulatim, distincteque psallendum excitaret; omnia & singula, quæ rituales libri ad sacras functiones rite obeundas, remque divinam faciendam præscribunt, quam diligentissime servari volebat; si quid in eo peccari animadverteret, magistrum cærimoniarum præpositum admonere, & corrigi jubere. Ut insignem aliquam particulam ex corpore B. Augustini Episcopi Zagrabienensis obtineret, Magistrum generalem Ordinis Dominicani omnibus precibus rogavit; sed nihil aliud impetravit, nisi lineum amictum, quo ille ad sacrificium faciendum utebatur. Hunc serico aureoque panno involutum in sacrario reposuit. Sacram suppellectilem tum sacerdotalibus vestibus auro & argento contextis, tum vero candelabris argenteis magni æque pretii ac ponderis plurimum auxit. Missale perantiquum ritus Zagrabienensis, litteris Gothicis conscriptum, mysteriis sollempnium dierum, imaginibusque Divorum, elegantibus pictura expressis, ornatum ac refectum, utrinque operiendum curavit serico villosa, argenteis tabellis apte intextis ac dispositis, in quibus effigies Divorum nationis Illyricæ mira arte cælatæ visuntur. Litteras & litteratos homines summopere amavit, & coluit; nec solum hortationibus, sed etiam præmiis clericos ad studia litterarum excitabat, atque allicie-

*Illyrici Sacri Tom. V.*

bat. Ne subsidia optimorum codicum ad doctrinas cujusque generis percipiendas decissent, amplissimam Bibliothecam in palatio episcopali exstruxit; in eamque conferri jussit vim haud sane exiguum librorum, qui ab Episcopis & Canonicis e vita decedentibus Ecclesiæ relictæ fuerant; & simul sine ordine congesti, & pulverolenti, veluti in epulas blattarum ac tinearum sepositi, jacebant. Hos ille, pulvere discusso, diligenter expolitos, involucris membranis, vel chartaceis utrinque obrectos, in loculis ad id apte, & ex ordine dispositis collocavit. Ingens Bibliothecæ incrementum accessit ex varia & multiplici copia librorum, pro quibus emendis tria millia Rhenensium Valvasori cuidam Patritio Carnioliz numeravit; & mille Rhenenses scænoræ dedit, ex quorum annuis fructibus Præfæcto Bibliothecæ stipendium suppetere. Cum Mikulichius de custodibus, præsidibus, conservatoribus hujus Bibliothecæ, nihil scripti, statuti que reliquisset, post ejus mortem Episcopus ab eo proximus hæc statuenda & præscribenda censuit, quæ Thomas Kovalcevicus his verbis exposuit: *Cum ad ipsum ædificium Bibliotheca non modo notabilis pecunie quantitas nonnullorum Canonicorum ex hac luce decedentium applicata fuisset, verum etiam in convectione materialium ad illius exstructionem Capitulum Zagrabiense validam manum porrexisset, determinavit idem Præsul (Stephanus Seliscevicus) ut dicta Bibliotheca, una cum libris, cura & ordinationi Capituli, cum correspondentia actualium Episcoporum, subsistat ac maneat; utque habeat Capitulum jus Bibliothecarium pro inspectione, conservatione, & purgatione librorum, præsentandi Episcopis actualiter existentibus, penes quos confirmationis momentum, ex eo quod de fundatione Episcopi Mikulich inspectori ejusmodi solvendus veniret, mature judicavit. Et siquidem domus illa Bibliothecæ intra ambitum Episcopii ædificata consisteret, & libri in ea repositi ad Ecclesiam cathedralē spectarent, conclusum ulterius est, ut ad facta tecta domus, si quæ reparanda occurrerent, æquali sumptuum erogatione Episcopi & Ecclesiæ concurrere debeant; librorum autem reparatio soli Ecclesiæ curanda incumberet.*

Bibliotheca  
cam exstru-  
xit in pa-  
latio epi-  
scopali.

Anno ætatis quartum supra quadragesimum Mikulichius vix attigerat, cum Romam cogitans, ut sacra limina videret, & traditæ sibi administrationis rationem supremo Hierarchæ more majorum redderet, repentinus eum morbus invasit, & post omnia remedia nequidquam adhibita, vitam illi eripuit v. Idus Majas, anno 1694. In supremis tabulis Ecclesiam, & clerum universum, & populum Cæsari, magistratibus, & proceribus regni impense commendavit; quam alienus esset a carne & sanguine satis ostendit, cum signati, infectique argenti, & reliquarum suarum rerum portiunculam exiguum consanguineis, partem maximam seminario, Ecclesiæ, pauperibus legavit. In æde cathedrali eodem, quo Borkovichius, sepulchro tumulatus fuit, & eodem lapide obtectus; cui nihil aliud præter nomen utriusque inscriptum est.

Eius obitu.  
tus. testa-  
mentum &  
sepulchru.

#### STEPHANUS V. EPISC. ZAGRAB. LXV.

Alexandro Mikulichio successor datus est a Leopoldo Imperatore, & Hungariæ rege Stephanus Seliscevicus anno 1694. Hic nobilibus

Stephanus  
Seliscevi-  
cius

Ddd

pa-

parentibus ortus in vico & parœcia Tuhlenſi, egregiis virtutibus ac meritis viam ſibi ad Episcopatum munivit. Poſt ſtudia humanarum ac divinarum doctrinarum, Petreticius Episcopus Stephanum ad collegium Canoniorum aggregavit; Capitulum vero Rectorem collegio Hungarico Bononiensi præpoſuit. Zagrabiã reſerſum Borkovichius Episcopus adminiſtratorem Abbatiz Toplicenſis conſtituit; quam ne Generalis Varadienſis per vim, aut fraudem Episcopo adimeret, quemadmodum caſtrum Siſcienſe Capitulo eripuerat, acerrime obſtitit; nec antea repugnare deſiit, quam ab iniquo conatu deſiſteret. Cum Petrus Zrinius, & alii proceres contra Leopoldum conjuraſſent, ab Episcopo & Capitulo Viennam miſſus eſt, qui communem utriuſque fidelitatem erga Cæſarem teſtificaretur, & omnem, quam poſſent, operam adverſus perduelles ei deferret. Ex mandato itidem Episcopi & Capituli, Comitibus Sopronienſibus interfuit; & tum nomine rogatusque Canoniorum, tum præſertim interpoſita commendatione & auctoritate Borkovichii Episcopi, quem Leopoldus plurimum amabat & colebat, demum obtinuit, ut caſtrum Siſcienſe ab Generali Varadienſi per ſummam injuriam ereptum, Capitulo reſtitui juberetur. Dum bellum Turcicum ſervebat, juſſus ordines Capitulares ducere, togam clericalem, ut tempora illa poſtulabant, cum chlamyde & galea commutavit; multaque militaris ſcientiæ & fortitudinis documenta dedit, Præclarum ejus & inſigne facinus fuit in prælio apud Eſſichium cum barbaris commiſſo. Conſpicuus primarium exercitus Turcici ſigniferum, equo generoſo in hoſtes medios inſectus, illum plumbea glade conſixit, prolapſo ex equo, cui inſidebat, vitam & vexillum eripuit: quæ magni invictique animi audacia, in caſtris omnium ſermone, & ſummis laudibus celebrata eſt. Verum poſtea canonicum impedimentum, quod ei propter eadem hominis, quamvis, ut in bello juſto, & contra Chriſtiani nominis hoſtes ſuſcepto, laudabile & glorioſum, ſacrificandi poteſtatem abſtulerat, neceſſe fuit auctoritate ſummi Pontificis amoveri: id quod Innocentius XI. libentiſſime præſtitit, leviffimis eidem ad labem quamlibet ex homicidio illo contractam expiandam pœnis canonicis impoſitis. Sed Leopoldus Cæſar egregium factum præmio dignum cenſuit; & primarium Capituli ſubſellium, quod Mikulichius ad Episcopatum evectus vacuum reliquerat, Stephano contulit, eumque Præpoſitum majorem nominavit anno 1688., tertio Idus Januarii, cum inſigni teſtificatione ejus virtutis & meritorum, ut ipſemet in Cæſareo diplomate declaravit: quod, inquit, in præcipuis, arduis & præteritorum temporum motibus, & continuatis bellicis expeditionibus, Capituli Zagrabiensis gentibus præſidens, in omnibus occaſionibus, Chriſtiana pietatis zelum demonſtraſſe perhibeatur; atque in publico ad Ezechum conſpectu ex manibus æmuli ſui Turcæ primarium vexillum manu viſirici eripuerit. Deinde anno 1691. Stephanum designavit Episcopum Corbaviensis; ſed titulum Episcopatus Corbaviensis, non item adminiſtrationem obtinuit; reclamante ac repugnante Sebaſtiano Glavenichio Episcopo Senienſi, qui Eccleſias tum Corbaviensem, tum Modraſſenſem cum Senienſi jam inde a plurimis annis conjunctas fuiſſe aſſerebat; effecitque apud Sedem Apoſtolicam, ut

Stephanus Episcopatus ſibi collati approbationem pontificiam impetrare nequiverit. Qua de re acris, & diuturna Martino Braichovichio proximo poſt Glavenichium Episcopo Senienſi contentio fuit cum Stephano Doichio designato itidem Episcopo Corbaviensi. Hic demum cauſa cecidit, & victoria penes Martinum fuit. De hac controverſia in hiſtoria Eccleſiæ Senienſis ſatis ſuperque dictum fuit.

Stephanum Corbaviensis Episcopatus adipiſcendi ſpe deſectum, Leopoldus Alexandro Mikulichio in Sedem Zagrabiensem ſubſtituit. Sed hoc quoque Episcopatu ne ſtatim potiretur, aliquid impediementi Romæ obſectum eſt. Erat tunc in urbe F. Nicolaus Plumbeus Episcopus Boſnenſis, qui ſeu laudabili, ſeu non ſecundum ſcientiam zelo ductus, ſeu veritus ne novus Episcopus Polegam ſibi adimeret, oppidum Slavoniæ frequens ac nobile, ante tres annos Turcis ereptum, quod ipſe ad ſuam diœceſim ac jurisdictionem adjunxerat, Stephanum apud Pontificem, & Patres purpuratos criminari cœpit, hominem ſanguinarium eſſe dictitans, manus humano ſanguine inquinatas indignas eſſe, quæ ſacro chriſmate inungerentur; militariſ expeditiõibus, quam episcopaliſ functionibus aptiorem eſſe. Sed hujusmodi criminationem Stephanus ſuis ad Pontificem literis facile depulit; nam quod ipſe pro ſacris & aris egregie contra Turcas pugnaverit, id ſibi non crimini, ſed laudi dandum eſſe; ſi quam vero labem e Turca cælo contraxerat, eam canonica expiatione elutam fuiſſe; & quod obſtabat impediementum, ne vel ſacris muneribus fungeretur, vel conſecrationem episcopalem ſuſciperet, auctoritate pontificia ſublato fuiſſe. Itaque Innocentius XII. collatum illi Episcopatum approbavit, ut ſcriptum eſt in Tabulis Conſiſtorialibus: 10. Januarii 1695. ad nomin. Cæſareæ Majeſtatis, tamquam Hungariæ regis providit Eccleſiæ Zagrabiens., vacanti per obitum Alexandri Ignatii Mikulich, de perſona Stephani Selischevich Preſb. & Præpoſiti majoris diœceſis Eccleſiæ, cum decreto, quod Præpoſitura vacet eo ipſo. Leopoldus Koſlonichius tunc Episcopus Jaurinenſis, poſtea Archiepiſcopus Strigoniensis, idemque S. R. E. Cardinalis, Jaurini in æde cathedrali Stephanum episcopaliſ conſecratione inauguravit an. 1695. XIII. Kalendaris April, Nihil prius tibi faciendum cenſuit, quam ut Polegam Eccleſiæ ac diœceſi ſuæ recuperaret; litem ſtatim Plumbeo Episcopo Boſnenſi intendit, qui jus episcopalia munera ſibi exercendi, & decimas indidem exigendi uſurpaverat. Polega, ut dixi, civitas eſt Slavoniæ, caput & princeps Comitatus Polegani. In ea ædes primaria Principis Apoſtolorum nomine conſecrata eſt, & inſigne fuit collegium Canoniorum. In antiquis monumentis alias Quinqueecleſienſi, alias Zagrabiensi Episcopo attribui videtur; nec ſatis ex illis liquet, utri adjudicanda eſſet. Pro varia & multiplici temporum & rerum publicarum converſione, alias uni, alias alteri Episcopo ſubjectam fuiſſe exiſtimo. De Polega fuit etiam aliqua controverſia ſæculo decimo tertio inter Joannem Strigonii, & ejus fratrem Bertholdum Colociæ Archiepiſcopos, e Ducibus Meraniæ oriundos; hic Polegam ad ſuam provinciam, ille vero, quod civitas libera & regia eſſet, cujuſcumque Archiepiſcopi ditione exemptam eſſe, atque ad ſuum Primatum Hungaricum pertinere aſſerebat.

Præpoſitus  
major,

Episcopus  
Corbaviensis  
ſis designatus,

De Polega  
litem intendit  
Episcopo  
Boſnenſi.

bat. Andreas II. rex Hungariæ, cum ad fines diœceson regundos singulari studio curaque incumbere, Polegam, & Capitulum S. Petri, quod Bertholdus Archiepiscopus Colocensis instituerat, provinciæ Colocensi, & Ecclesiæ Zagrabienſi attribuit, ut docet Keresteliſchius. Exinde in vetustis monumentis, ut dixi, alii Quinqueeclesiensi, alii vero Zagrabienſi Episcopo ſubſcipiunt. Anno 1535. Mehemetes præfectus Jaurini Polegam utrique Episcopo ademit, ut tradit Iſtuanſius: *Polega eſt citerioris Pannoniæ regio, vicina Illyrico, (quinimmo ſita in Illyrico) quæ inter duos fluvios Savum & Dravum, paribus fere intervallis ſita eſt. Huic provinciæ occupandæ Mehemetes Jaurino Præfectus inhiabat. . . . Itaque Jaurino Eſſechum præfectus, arcem Polegam, a qua omnis regio nominatur, a paucis cuſtoditam aggreſſus, facili negotio cepit &c.* Hæc ille ad an. 1535. Cum Polega aliæque regiones finitimæ ſub poteſtate Turcarum eſſent, Episcopi Scardonensis, Belgradensis, & Boſnenſis itidem Turcis ſubjecti, quos ſacra Congregatio de Fide Propaganda partibus illis imperio Turcarum ſubjectis præficere ſolebat, cupidi juridiſtioni ſuæ quicquid amplificandæ, tum Polegam, tum alias Slavoniæ parœcias, quæ Turcis ſuberant, ab Zagrabienſi diœceſi avellere, ſuæque poteſtati ſubſicere ſtudebant. Et Scardonensis quidem cum in aliis quatuor parœciis, tum vero Polegæ juſ Episcopale uſurpabat, & omnia, quæ ſunt Episcopi, munia peragebat. Anno 1650. Marianus Maravichius Episcopus Boſnenſis, quem Petrus Petreticius Episcopus Zagrabienſis Vicarium ſuum conſtituerat in iis diœceſis ſuæ locis, in quibus Turcæ dominabantur, decretum a ſacra Congregatione obtinuerat, quæ Scardonensis Episcopus Polegæ, & aliis parœciis diœceſis Zagrabienſis, quas occupaverat, decedere jubebatur. Sed brevi patuit non eo ſpectaſſe Maravichium, ut jura Zagrabienſis Eccleſiæ recuperaret, verum ut ſui Boſnenſis Episcopatus juridiſtione amplificaret. Nam Polegæ, & aliis in locis, ubi episcopali munere ſibi delegato fungebatur, perinde ac ſi ordinarius eſſet, & proprius Episcopus, ſe gerere cœpit, nihil de re chriſtiana & eccleſiaſtica referre ad Episcopum, e cujus nutu pendere debuerat, adminiſtrationis ſibi commiſſæ nullam ei rationem reddere, omnia ad ſuum arbitrium, ſuamque auctoritatem revocare. Quæ cauſa fuit, ut Petreticius vicariam poteſtatem eidem traditam abrogaret; in ejuſque locum, ut ſupra dictum eſt, F. Petrum Nicolichium Ordinis Franciſcani ſubſtitueret. Hic de arroganti & injuſta Maravichii uſurpatione per litteras ſacram Congregationem de Propaganda Fide admonuit, quæ illum ex omni poſſeſſione, & adminiſtratione parœciarum inter Savum & Dravum depelli juſſit, relicta tamen illi urbe & ſede Diacovenſi, quam Imperatores & reges Hungariæ Episcopis Boſnenſibus attribuerant, quibus nulla ſtatio tuta, nulla ſedes certa erat in regno Boſniæ, quod Turcæ jampridem in ſuam poteſtatem redegerant. Maravichio Nicolaus Plumbeus anno 1669. æque in Episcopatum Boſnenſem, atque in ejuſ ſenſa & conamina luceſſit, qui per annos quinque & viginti adminiſtrationem Polegenſis, & aliarum parœciarum ditionis Turcicæ, quæ Savo & Dravo interjacebant, ſibi uſurpavit, Borkovichio, & Mikulichio Episcopis conniventibus, *Illyrici Sacri Tom. V.*

vel certe non repugnantibus, quibus ad ea loca ob metum dominatumque Turcarum tutus acceſſus non patebat; nullam per eos annos eilitem illatam, aut moleſtiam exhibitam invenio. Anno 1687. Cæſarei milites tum alia opida & arcis, tum Polegam Turcis eripuerant; hanc rursus amiſſam anno 1691. recuperarunt. Quare Nicolaus vereri cœpit ne Selſclevicius, urbem illam Turcis ademptam, & regno Hungariæ reſtitutam, ſibi & Eccleſiæ ſuæ vindicaret. Nec ſua illum opinio & metus ſeſellit. Vix enim Selſclevicius Eccleſiæ ſibi traditæ poſſeſſionem adierat, cum ſtatim, ut dictum eſt, Nicolao Plumbeo ex formula juridiſca denunciandum curavit, ut Polega decederet; neve ullam ibidem juris & offici episcopalis partem attingeret; abnuentem & repugnantem citari juſſit ad tribunal Paulli Szecheni Metropolitæ Colocensis, ad quem prima hujus cauſæ cognitio pertinebat. Hic diligenter perpendens momenta rationum, quæ utrinque afferebantur, ſecundum Eccleſiam, & Episcopum Zagrabienſem judicavit. Ab hujus ſententia Plumbeus ad Pontificium apud Cæſarem Internuncium appellavit. Hujusmodi appellationem, tum Leopoldus Cardinalis Kollonichius Archiepiscopus Strigonienſis, & Primas Hungariæ, tum Leopoldus Cæſar & rex Hungariæ irritam fecerunt; nam ſecundum hujusmodi cauſarum eccleſiaſticarum cognitionem ad Primatem Hungariæ, tertiam vero & poſtremam deferendam eſſe aiebant ad tribunal ſupremum Regis Apoſtolici Hungariæ, cui inde uſque ab S. Stephano, regni Hungarici conditore, id privilegii a Sede Apoſtolica conſeſſum eſſe ferebatur, ut ab eo appellari alio non liceret. Itaque hanc controverſiam cognoscendam ac dirimendam ſuſcepit Kollonichius Primas Hungariæ; ne vero exinde cauſa offeſſionis ſummo Pontifici præberetur, Cæſar huic diſceptationi & judicio Pontificium Legatum intereſſe voluit. Uterque igitur & Primas Hungariæ, & Sedis Apoſtolicæ Internuncius, ſententiam a Metropolita Colocensi prolatam recognoverunt, & confirmarunt. In hujusmodi litem maximos ſumptus cum Selſclevicius feciſſet, majores etiam deinde ab eo fieri oportuit, ac multum temporis & laboris inſumere, ut decimas Poleganas recuperaret, quas magna ex parte quaſtores Cæſarei averterant, atque in ærarium publicum inferebant. Ita demum poſt Turcas ex inferiori Pannonia depulſos Polega in juſ ditionemque Episcopi Zagrabienſis rediit, cum omnibus decimis & proventibus eccleſiaſticis, quos ex longo intervallo Selſclevicius de integro percipere cœpit. Quamvis vero in hujusmodi litigiis, & contentionibus ingentem vim pecuniæ profuderit, tamen ut caſtra episcopalia de Turcis recepta, veluti Ivanichium, Dombram, Gradacium, & alia reſtauraret; & in iis domicilia Episcoporum collapſa reſiceret atque ornaret, nullis ſumptibus pepercit; & nulla fere fuerunt pietatis ac religionis opera, quibus ille adiutrices & beneficas manus non porrexerit. Ad duo templa & cœnobiaz Ordinis Franciſcani, alterum Ivanichii, alterum Chaſtorniz reſtauranda & ornanda duo millia Rhenenſium numeravit. Annos amplius octo Eccleſiæ Zagrabienſi præfuit, quam non ſolum proventibus locupletavit, ſed etiam ſanctiſſimis inſtitutis & exemplis inſtruxit. Annum agebat ætatis ſextum ſupra ſexageſimum, cum

Eandem Episcopus Boſnenſis juſſus eſt relinquere ex ſententia Metropolitæ Colocensis, a quo ad Pontificium Legatum appellavit.

Ex judicio Primaris Strigonienſis, & Apoſtolici Internuncii cauſa cecidit.

cum violenta tussi oppressus obiit Kalendis Aprilis anno 1703. & in æde cathedrali tumulatus fuit.

### MARTINUS III. EP. ZAGRAB. LXVI.

Martinus  
Braicovi-  
chia

Episcopus  
Seniensis,

deinde Za-  
grabieus.

Eius A&A  
in Episco-  
patu.

Civis Seniensis ex illustri familia Braicovichia; litteris politioribus apud Flumen S. Viti, Philosophiæ partim Zagrabiz, partim Græcii, Theologiæ vero Tyrnaviz apud Presbyteros Societatis Jesu operam navavit; & Theologici magisterii laurea & insignibus ornatus Doctoris titulum sumpsit. Sacerdotio initiatus, patrocínio & commendatione fretus Comitum Adam Bathiani, cujus filium Sigismundum in disciplinam sibi traditum optimis litteris, & moribus instituit, Canonicatum Zagrabiensem obtinuit. Anno 1698. Leopoldus Cæsar ei contulit Episcopatum Seniensem, quo cum conjunctus est Modrussensis. Quemadmodum Sebastiano Glavenichio cum Stephano Seliscsevicio, sic etiam Martino illius proximo successori cum Stephano Doivichio gravis contentio fuit de Corbaviensi Episcopatu, quem Stephanus uterque a Modrussensi, cui jam inde a sæculo decimo quinto post urbem Corbaviam a Turcis direptam & eversam annexus fuerat, avellere conabatur, ejusque titulum ab Cæsare, Canonice alterius cum altero conjunctionis ignaro, impetraverat. Quæ controversia ad curiam regiam Hungaricam delata cum fuisset, Martinus causam obtinuit. Annos fere quinque Ecclesiam Seniensem prudenter pieque gubernaverat, cum eum Leopoldus, Stephano Seliscsevicio vita functo, Canonicis Zagrabiensibus summo opere expetentibus Episcopum dedit; Clemens vero XI. ad Cætaream ac regiam voluntatem Pontificiam approbationem adjungens, vinculo dissoluto, quo Seniensi Ecclesiæ strictus tenebatur, ad Ecclesiam Zagrabiensem transtulit: 14. Januarii 1704. *Providit Ecclesiæ Zagrabienſi vacanti per obitum Stephani Silſchivich, de persona Martini Braichovich translati ab Ecclesiâ Segn. & Modrus. &c.* Arcem episcopalem in oppido Poskupto a Turcis dirutam reedificavit; mapalia colonorum episcopaliū vetustate labentia restauravit, bonæ ecclesiastica per laicos homines interversa recuperavit. Juxta præscriptum Concilii Tridentini unum de Canonicis esse voluit, qui, dum alii psalmodiæ & liturgiæ operam darent, in exedra sederet ad confessiones excipiendas, & graviorum criminum reos absolvendi potestate præditus esset; eique annuam pensionem assignavit. Quod quidem munus, & præclarum institutum, licet aliquibus invitis ac repugnantibus, Martino auctore in Capitula & Ecclesias regni Hungariæ invecum ferunt. Ajunt præterea omni operaque enixum fuisse, ut Ecclesia Zagrabienſis ad titulum ac dignitatem Archiepiscopalem eveheretur; & Nicolaum Gottalum Vicarium suum generalem, virum in primis doctum, & negotia cujusque generis gerendi conficiendique peritissimum Romam misisse, ut ea de re cum Pontifice ageret, efficeretque, ut Episcopi voluntati ac postulato annueret; præsertim cum Metropolita Colocensis auditus fuisset dicere, nullum ab se impedimentum futurum, quominus Ecclesia Zagrabienſis ab sua provincia divelleretur. Sed institutæ rei exitus ob mortem Martini expediri non potuit. Jampridem phthisi laborare cœperat; & Posonium ad comitia re-

gni profectus, sive ob longinqui & incommodi itineris jactationem, sive quod in conviviis optimatum & procerum, quæ lautissima instrui solebant, epulis & vino liberalius indulserit, morbus vehementer invaluit, cujus curandi causa, cum se Viennam contulisset, ibi paucis post diebus mortuus est anno 1708. pridie nonas Junii, cum vix quartum & quadragesimum ætatis annum attigisset. Illius corpus depositum fuit in collegio Chrobatico ejus civitatis, deinde aromatibus conditum Zagrabiam, ut ipse jussisset, translatum est, atque in æde cathedrali ad latus dexterum aræ maximæ tumulatum.

### EMERICUS EP. ZAGRAB. LXVII.

Gens Eszterhesia Hungarica, æque opulentia, atque nobilitate clarissima est, jam inde antiquitus in duas familias divisa, alteram Comitum, alteram Baronum titulis insignitam; sed hæc quoque Paulo Eszterhasio Principe & Palatino Hungariæ, eundem atque illa dignitatis gradum, ac titulum Comitatus adepta est. Ex hac natus est Emericus, patre Emerico Eszterhasio de Galantha, matre Susanna Bucſanya, anno 1666. xvi. Kalendas Januarii, qui egregiis factis & virtutibus, amplissimisque Ecclesiasticæ hierarchiæ, quibus perfunctus est, muneribus atque honoribus, generis claritati splendoris vel plurimum addidit. Tyrnaviz prima grammaticæ rudimenta posuit; Soproni latine loquendi scribendique præceptis bene ac perfecte instructus cum esset, optimis magistris se Poeseos ac Rhetorices studiis excolendum tradidit. Prope ab ea urbe cœnobium erat Eremitarum S. Pauli, Bondorfente appellatum, in quo tyrones ad vitæ ac disciplinæ religiosæ officia instruebantur. Dum litteris operam dabat, frequens illuc loci amenitate captus animi causa itabat, præsertim diebus illis, quibus ab scholis vacari solebat. Cum pia Patrum illorum consuetudine, & tyronum gravitate & modestia mirifice delectaretur, propensio quodam erga illum ordinem studio paulatim affecit; cumque ad idem vitæ genus amplectendum acriores quotidie stimulos sibi divinitus addi intimo quodam sensu perciperet, Dei ad se vocantis imperium minime negligendum putavit; & rebus omnibus humanis nuncio remisso, inconsultis & insciis parentibus, ne sibi ad divina jussa exequenda impedimento essent, suppliciter petiit impetravitque, ut Patres illi ad suum institutum, cœtumque suorum novitiorum aggregarent. Tyrocinio peractis, & sollemnibus votis Deo in perpetuum obstrictus, Neostadii Philosophiæ, Romæ in collegio Germanico Theologiæ studuit, & selectas ex hac theses publico certamini expositas, summa cum laude ingenii, & doctrinæ propugnavit. Revocatus ex urbe, Philosophiam Lopoglavæ alumnis sui ordinis explanavit, & primo confecto, alterum ejusdem scientiæ docendæ curriculum rementus est. Ibidem iisdem juris Pontificii præcepta annum integrum tradidit. Deinde Theologicæ scholæ regendæ præpositus, universam rerum divinarum doctrinam partim Lopoglavæ, partim Tyrnaviz in celeberrimo illo gymnasio explicavit; atque in his gravissimis & sublimioribus disciplinis tradendis, acutissimi & subtilissimi Doctoris laudem, cum summa docendi perspicuitate conjunctam, sibi con-

Gens Eszterhasia opulentissima & nobilissima, ex qua Emericus.

Ordini Eremitarum S. Pauli adscribi voluit.

conciliavit. Ab regimine scholarum ad magistratus, & praefecturas suae Congregationis ductus, primum cœnobio Remetenſi praefuit, postea Praefidi generali totius Ordinis ab arcanis consiliis & epistolis fuit. Exinde cum ex una duas Paullinas provincias fieri, sejungique placuisset, quorum altera Hungarica, altera Germanica & Chrobotica appellata est; huius Emericus nomine & imperio Vicarii provincialis praepositus fuit. Demum in comitiis Thalensibus suprema universae Paullinae eremiticae Congregationis administratio ad Emericum cunctis suffragiis delata est, & Praepositus generalis renunciatus. Nondum a suscepto regimine sextus annus effluxerat, cum Iosephus Imperator idemque rex Hungariae, Emerico Episcopatum Vacientem contulit; eique Christianus Augustus e Ducibus Saxoniae, S. R. E. Cardinalis, & Archiepiscopus Strigonienſis, consecrationem episcopalem impertit anno 1708. 14. Nonas Martii. Eodem anno, mense Junio ineunte, Martinus Braicovichius Episcopus Zagrabienſis vivere desiit; & idem Iosephus Imperator, multis & illustribus competitoribus posthabitis, Emericum Vacienti Ecclesiae ademptum, & a Capitulo Zagrabienſi vehementissime postulatam, eodem anno, VII. Id. Octobris, Episcopum Zagrabienſibus dedit. Nicolaus Schmetth in suis Archiepiscopis Strigonienſibus tradit Emericum anno 1706. Vacientem, & biennio post Zagrabienſem infulam suscepisse. Quae Thomas Kovalevichius Cantor & Canonicus Ecclesiae Zagrabienſis, locuplex auctor, itemque testis oculatus de regia Emerici ad Ecclesiam Zagrabienſem translatione, ejusque in Episcopatu praecclare factis copiose & gravissime scripsit, ea huc transferenda esse existimavi. His autem quae addi praeterea possint, aliunde non habeo.

Renunciatus in Episcopum Zagrabienſem Ezechias, & obtentis ex cancellaria, & camera Ungarica necessariis litteris, Augustissimo praemis pro collato novo sacerdotio devotas dixit gratias, tum & apud ministros, quorum patrocinio portabatur; dum idem officium persolvit apud principem Salmenſem supremum aulae praefectum, qualiter officium episcopale administrandum sibi foret, vere Apostolicum, ut ipse retulit, documentum excepit. Tandem omnibus e voto peractis, ad Croatiam citatis passibus per Styriam iter dirigenti, Varasini se se sistere obsequiosi Franciscus Novacſicus Archidiaconus Goricensis, & magister Emericus Nyllas, qui ex parte Capituli gratulationis debitum eidem deposuerunt. Inde movens in castello familiae Draskoviciana Posiaco dicto, die 10. Novembris noctem egit; & sequenti D. Martino sacro Zagrabiam adventanti, in campo proximo, quem latum vocant, denuo nomine Capituli, magister Christophorus Luclani gratulabundus occurrit, in cujus deinde, & plurium aliorum Comitatu recta ad civitatem montis Gracensis festinans, in curia Casparis Domech Tricesimae Zagrabienſis administratoris condescendit, qui uti homo regius pro inauguratione peragenda a camera Posoniensi deputatus, cum lecto affixus id muneris in Ecclesia cathedrali more solito absolvere nequiret, in domo sua quae desiderabantur, traditis clavibus coram testimonio Capituli Chafmenſis, rite perfecit. Inde ad partem Capituli cum frequenti nobilium comitiva descendens, e regione xenodochii pauperum, universum Ecclesiae clerum in Illyrici Sacri Tom. V.

processione obvium habuit, brevique oratiuncula per Paullum Tuskar Archidiaconum cathedralem (quod lector, cujus id officii est, egrotaret) salutatus, omnes ad osculum manus excepit. Tum sonantibus campanis, & concinente choro responsorium: Ecce sacerdos magnus &c. ad basilicam deductus, super diplomatibus Ferdinando & Leopoldino, quae abalienationem honorum Episcopatum vetant, ad aram majorem sollemne iuramentum deposuit; dictoque hymno Ambrosiano, ad locum residentiae episcopalis ductum executiones praedecessoris lauto prandio exceperunt.

Jam dispositis subinde circa bona episcopalia negotiis temporalibus, ad reformandam disciplinam ecclesiasticam animum adjecit; & praemis expediens judicavit, ut visitationes ecclesiarum totius dioecesis ad unguem instituantur; ipseque cum suo Vicario, & nonnullis Canonicis Ecclesiam Zagrabienſem visitandam suscipiens, cum rigente bruma pluribus horis in templo sanctis operibus insistendum esset, gravissimo morbo articulari manus infestante correptus, ne ad alias Ecclesias, idem officii genus executurus, progressum faceret, praepeditus fuit: nec deinceps ob alias causas . . . intervenientes, apostolico hoc munere fungi voluit. Cum vero anno 1709. Posonium ad reassumptionem comitiorum generalium venisset, mox inter ipsum, & Emericum Csaki Varadiensem, ac Adamum Erdody Nitriensem Episcopos de loco sessionis controversia exorta est; illo, quod primus esset suffraganeus Archiepiscopi Colocensis, his, quod consecratione senium reportarent, ordinem praecedendi praetendentibus, quamquam priori anno in conferentia cleri pone duos Archiepiscopos, & Episcopum Agriensem locus immediatus Zagrabienſis assignatus fuerit, ut in suo diario rerum gestarum in diata Martinus Braicovichius hisce refert: „Die, inquit, 3. Martii per modum conferentiae in domo viridi incipit sessio. Hac die apud Eminentissimum Cardinalem convenimus omnes, id est Archiepiscopus Colocensis, Ego, Varadiensis, (non comparuit Segniensis ob malam constitutionem) Nitriensis, & alii nominales Episcopi; ubi conclusum fuit, ut duo Archiepiscopi, Agriensis & Zagrabienſis, eorum primi suffraganei, sedent primi juxta seriem antiquam a pluribus annis praedicatam, & praescriptam, cum quibus nemo competere potest, etiamsi sit senior consecratus Episcopus. Reliqui consecrati Episcopi sedere debent juxta senium consecrationis. Nominales, seu titulares Episcopi juxta prioritatem nominationis, & non installationis. Abbates in sua tabula juxta tempus benedictionis; & sic de reliquis. „Deinde commemorans ea, quae quarto ab inde die acta fuerunt; sic scribit: „Die septima, inquit, in indicta conferentia ab Eminent. Cardinali proposita primo est coram convocato clero praetensio D. Episcopi Quinqueecclesiensis, quod ad diatram se sistere nequeat, nisi illi detur competens sessionis locus, tamquam Episcopo usum pallii vigore Canonum habenti. Sed votis plenius totius cleri, excepto Capitulo Quinqueecclesiensi, illius cecidit praetensio ex variis rationibus. Nam usum pallii ab origine fundati Episcopatus non habuit, & post acquisitum subreptitium dicitur, quia sine scitu regis & cleri; adeoque in sua Ecclesia utatur pro decore, sine praedicio aliorum Episcoporum. Accedit quod neque lege, neque consuetudine, sed nec legali ratione, neque auctoritate, neque exemplo demonstrare poterit aliquando in usu pallii fuisse Episcopo-

In comitiis cum Episcopis Varadiensi, & Nitriensi de primatu loci contendit.

Praefes generalis totius Ordinis Paullini.

Episcopus Vacientis, & paullo post Zagrabienſis.

Zagrabiam venit.



scopos Quinqueeclesienses. Bulla non sufficit, quia sine præjudicio cleri esse debet, qui nunquam consensit. Est ergo evidens pallium illud sine jurisdictione, quam ille nunquam ostendit, nisi tantum Episcopus. 2. Est itaque unanimi voto resolutum, ut Episcopi consecrati ad titulum Ecclesie sue, aut populi, sedeant juxta senium consecrationis, habito solo erga characterem respectu, excepto Episcopo Agriensi, & Zagrabien- si, qui omnes Episcopos, sicut semper præcesserunt, ita & in posterum statim locum habeant post suos Archiepiscopos, tamquam primi suffraganei, etiam si consecrati non fuerint. 3. Nominales Episcopi juxta senium denominationis sue, non installationis, quod est ceremonia, sedeant. 4. Abbates quoque juxta senium benedictionis sedebunt, exceptis Archiepiscopo S. Martini, Generali Ord. S. Pauli primi Eremitæ, & Præpositi Zagrabien- si, qui inter magnates sessionem pridem cum voto obtinuerunt. 5. Capitula quatuor prima juxta sedebunt, prouti Archiepiscopus Strigoniense, & Colocense, Capit. Agriense, & Zagrabien- se; de aliis non est conclusum; nam Abbates & Præpositi prætendunt præcedentiam; & Capitulares exmissi nolunt cedere ob consuetudinem allegatam, sed non probatam. Quinqueeclesiense Capitulum, quod non obtinuit locum a multis annis ob Turcicam potentiam, capebat locum post alia Capitula, sine tamen præjudicio suo, & ulteriori consequentia. Hæc illæ.

Ad quæ quidem definienda in dieta illa, de qua Braichovichius, tametsi præfati Episcopi Varadien. & Nitrien, vota sua contulerunt; superveniente tamen novo Episcopo Zagrabiano, quod iis posterior senio consecrationis esset, nulla habita ratione primi suffraganeatus, ordinem præcedendi in sessionibus ad senium reducendum contendebant in his comitiis Posoniensibus an. 1709. Et licet Archiep. Colocensis Georgius Secseny in comitiis an. 1687. Alexandrum Mikulicium in Episcopum Zagrabiensem recenter electum, & consecrationis prærogativa necdum insignitum, dum diætæ sine imposito, clerus ad osculum manus Leopoldi Caesaris accederet, se dudum consecratum, cum nondum esset Archiepiscopus, a Mikulicio præcessum fuisse, testimonium omni exceptione majus redderet; & insuper clarum esset, quod in conclusione actuum ejusdem diætæ idem Mikulicius statim post Agriensem locum obtinuerit; hæc tamen quamquam suo pondere non destituta, Primatem in instituta super hoc nonnullorum Episcoporum in domo Archiepiscopi Colocensis conferentia (Eszterbasio ad objecta adversariorum sufficienter, & erudite respondente) movere haud poterant, ut huic locum per antecessores debite possessum disferret, & adjudicaret. Quinimmo dixisse fertur Zagrabiensem Episcopum non in Hungaria, sed in Zagrabia competere debere; unde quis non inepte concluderet, Episcopum Croaticum etiam si consecratione senior esset, cum iis de loco disputare haud debere. Ne itaque Eszterbasius ejus deliberationi in favorem actorum late quoquo modo deferre videretur, quando in publico ad negotia tractanda comparuit, non ad tabulam, sed ad latus sessionis locum capiebat.

Qui interim vertente anno, cum ex eadem dieta Zagrabiam redisset, maturiori certo judicio gravissimam litem inter Capitulum Zagrabien- se ac Præpositum & lectorem ejusdem decidit, & terminavit, ac hæc sua Posonii definita fue-

rit. De cujus (alias adhuc coram illius prædecessore motæ) exordio, progressu, & fine ut amplius publico constet, quadam altius repetita hisce proponimus.

Postquam anno partæ salutis 1706. die XIV. Junii, tertio quadrante, ad horam tertiam pomeridianam, nullis sæ lachrymis deplorandum, in seminario clericali exortum incendium, totam quidem civitatem montis Græcensis, Capituli vero partem inferiorem usque ad conventum Patrum Franciscanorum exclusive miserum in modum ad cineres redigisset, quisque ex damnificatis Canonicis eo primum animum, & vires contulit, quatenus spectata vi propriarum facultatum, vel in securo loco præservatarum, aut a lava Vulcani voragine quoquo pacto subduatarum, domum habitationis vel a fundamentis erigeret, vel jam muratam restauraret. Fuit eadem sollicitudo etiam Præpositi & lectoris Capituli Zagrabien- si, sed prætendentium de communi arario, suarum residentiarum, veluti eorum dignitatibus & officiis annexarum, reparationem institui debere. Cumque hujusmodi prætensionem iteratis vicibus in publico confesso (aliis semper resistentibus) innovassent; tandem ex certis rationibus conclusum fuit, quod si prætendentes in se pecuniariorum impendiorum onus assumere velint, ex parte Capituli in puris materialibus (quæ citra aris dispensationem commodè haberi quirent) & subditorum laboribus, iisdem succursus præberetur; idque non aliter, quam puta liberalitatis gratia. Et quoniam Præpositus tum clavos pro tecto necesarios obtulisset, Capitulum de opportunis materialibus, & laboratoribus providendo, ei primo domum lapideam sub tectum posuit; nec ulterius in opere processit, quia reliqua subsidium pecuniæ exposcebant. Cum deinde pari ratione ad cooperiendos muros domus lectoralis manus apponeret, & jam in adaptatione præparatorum materialium pauci aliquot dies insumpti fuissent; en tibi denuo memorati prætendentes priorem instantiam renovant, Præpositus quidem inchoati jam operis continuationem adurgens, lector vero vel ipsos clavos tecto necesarios administrare recusans: expensas namque non solum pecuniarias, verum nec ullas alias, sine præjudicio suorum successorum se facere haud posse arguebat; quodque alter illorum clavos ad tectum suppeditasset, protestaret, id non ex debito, sed ex pura liberalitate a se factum intelligi debere. Ex adverso Capitulum quoque ad sumptus pecuniarios se descendere non posse, neque obligari responebat, quod id in manifestum suorum successorum præjudicium vergeret; & quod hactenus præstitisset, non alio, quam liberalitatis titulo præstitisse identidem protestabatur.

Accepta ergo rotunda negativa prætendentes decernunt cum Capitulo jure contendere, ac tandem die IV. Septembris cum libello queruloso coram Martino Braikovichio, ut in prima instantia competente iudice se se sistere. Quibus ceteri de Capitulo, ut se solidius opponant, quia rationabiliter metuebant, ne aliqui de corpore eorum, sive pollicitationibus, sive auctoritate actorum, sive quovis alio ex motivo, a communi causa defensione resistentes, se vel neutrales constituerent, vel parti adversæ, si non aperte, ad minus clam per prodicionem secretorum faverent, statuendum judicarunt, ut omnes primis consultationibus præsentibus, ad calcem responsi ad libellum actorum dati, nomen & cognomen subscribant, ut hoc pacto de cujusque constantia in con-

De reficiendis & Præpositi & lectoris controversia inter hos & Capitulum;

conservanda defensionis unione major obligatio, & fiducia lucraretur. Cui statuto plures postmodum, qui abfuerunt, redeuntes manum dedere, fueruntque in illud consentientes Canonici viginti duo.

Cum vero Capituli responsum auctores secundo libello enervare conlitterentur; quem Praeful veluti nullis fundamentis innixum (ut referebat) iudicavit non esse pretium Capitulo communicare; atque ita suppressa eorum replicatione, basit deinceps negotium in suspensio, anno amplius integro, donec quandoque plurium captata absentia, lector apud paucos, qui domi erant, renovaret instantiam, ut opus reparanda sua curia reassumatur, offerens pro testio claves de proprio se se daturum. Annuere quidem tunc congregati, sed praeter claves recognitionem scripto dari pretendebant, qua idem instans fateretur sibi pro eo Capitulum in materialibus, & laboratoribus non aliter succurri, quam ex gratia & liberalitate. Quo stipulato, iterum lectoris domui restauranda manus admovebatur. At ubi absentes rediissent, viso operis progressu sine praevis recepta promissa recognitione, stomachati non poterant non improbare incautum confratrum procedendi modum. Convenientes perinde simul omnes de errore corrigendo consultant; scilicet quod lector promissis non steterit, integrum esset ab opere cessare, cum liceat frangenti frangere fidem; consultius tamen videbatur, prius monendum esse de praestanda stipulata cautela, nec alia in forma, quam qua sibi a Capitulo praescriberetur. At obnixe illo ejusmodi formularium dare, Capitulum aliud facere haud potuit, quam opus inconsulte ceptum, mox consultius interruptum facere; sicque domus lectoris mansit de cetero in sua imperfectione toto residuo vitae cursu Episcopi Braikovichii; immo sub regimine ejusdem successoris Emerici Ezerhassii integro biennio.

Qui anno 1708. die xi. Novembris inauguratione peracta, & sequenti obtentis confirmationis Bullis, quinto Idus, seu nona Septembris Romae expeditis, mox in ipso curae pastoralis exordio nihil ita in votis habuit, ac praefatam controversiam ex officio aut componere, aut dirimere; compatiens namque non solum miserabili ruina, qua in aedificiis residentia lectoralis per injurias temporis in dies augebatur, sed ad removendum ibidem scandalum, quod plures, signanter exteros occupabat, qui visis muris illis jam per quatuor annos desertis, & quasi nulli curae deberent esse, pertranseuntes capita movebant. Sapius itaque partes tam in publicis consensibus, quam in privatis colloquiis paterne exhortandos ducebat, ut rem accommodent, suggerendo media compositionis: minitatur ceteroquin sub hasta fundum lectoralem se se venum expositurum. His tamen non obstantibus res in statu, quo basit, etiam sub illo mansit usque ad an. 1710. quo tandem tam a privatis, quam a publicis signanter diatralibus curis & negotiis non nihil respirans, cum partium animos adhuc longe a compositione diffisos adverteret, eamdem causam jure decidere, & per sententiam in prima sua instantia definire resolvit. Mense itaque Martii admonet ex officio Praepositum, & lectorem uti auctores, ut si quam occasione restorationis domuum suarum, servitutis possessionem Capitulum stare existimarent, eandem per libellos jure deducant: quibus vicissim, qua ad sui defensionem suffragari quirent, ut reponat, Capitulum monitum isidem voluit.

Quae de hac controversia variis utrinque contentione diu multumque agitata Thomas Kovalceovichius distincte fufque persequitur, ne ratio sint lectoribus, ea paucis complectenda cenleo. Ergo Emericus Episcopus, qui pro jure suo litem istam cognoscendam ac dirimendam susceperat, post multiplices libellos utrinque oblatos, in quibus suas Canonici, suas Praepositi & lector rationes exponebant, & contrarias refellebant, hisque diligentissime in utramque partem perpensis, secundum Canonicos iudicavit. Illi vero ad Metropolitam Colocensem appellaverunt; sed cum per duos fere annos appellationem urgere, & jus suum apud Metropolitam liti atque iudicio persequi neglexissent, veriti fortasse ne iterum causa caderent; Canonici arguebant illos beneficio hujusmodi appellationis amplius uti non posse, & jure rursus appellandi decidisse; ac propterea sententiae episcopali standum esse. Quare satius esse duxerunt, Capitulo consentiente rem omnem arbitrio Episcopi permittere, qui per compositionem amicabilem ex aequo & bono tandem huic controversiae finem imponeret. Verum oblatas per Capitulum condiciones neque Praepositus, neque lector acceptare voluit, praesertim illam, ut quingentos Rhenenses Praepositi, totidem lector apud mensarios collocarent, ex quorum fructu utraque domus in posterum restaurari posset, si quando vitium fecisset, aut lababeret; ne utriusque refarcienda onus Capitulum suscipere cogeretur. Emericus iusta quidem & aequa Canonicorum postulata esse iudicabat; sed cum aliis, atque aliis litis componenda rationibus propositis, efficere non potuerit, ut de iis inter se contentirent, rem in iudicatum reliquit. Quare tum Praepositus, tum lector, ne domo carerent, suam quisque suis sumptibus reficere ac restaurare debuerunt. His litigiosis contentionebus expositis, acta & res gestas Ezerhassii Kovalceovichius accurate persequitur.

Anno obtenta salutis undecimo saeculi decimi octavi, Josepho I. Romanorum Imperatore & rege Hungariae ad superos translato, frater germanus Carolus in utroque honore succedit; & quemadmodum eodem anno die 12. Octobris imperialis fastigii insignia Ratisbonae suscepit, sic, ut sacra quoque Hungariae corona redimeretur, sequenti anno Posonii comitiis indictis, sacrae functioni diem 21. Maji destinavit. Quo profecturus Praeful Ezerhassius nihil ita in votis habuit, quam ut regnum Croatiae, in cuius bonum totis affectibus propendebat, ultro avitam erga domum Austriacam fidelitatem cumulatius adhuc apud novum principem benemeritam redderet. Id vero pra primis mente revolvendum occurrebat, quomodo Augustus jam aliquot annis serenissimam Elisabetham e domo Vuolfsembyteliana matrimonii foedere junctam haberet, nullam tamen spem heredis dedisset. In casu proinde defunctus ejusdem, ut hereditaria successio, qua in masculo sub Leopoldo I. an. 1687. firmata fuerat, ad femineum sexum transiret, omne in id studium impendit, ut prima Croatia hoc jure se illi in perpetuum consecreret, ac devoveret. Congregatione itaque universis Statibus, & ordinibus Zagrabiae indicta, ac cum nonnullis praevis collatis consiliis, qua animo nutrebat, tandem in publico planum fecit. Et cum res graves pateretur difficultates, ad easdem superandas tri-duanum laborem impendere oportebat. Demum in

& secundis  
Canonicos  
iudicavit.

quam Ezerhassius  
Episcopus  
ad suum  
tribunal re-  
vocavit;

Auctor  
fuit Primo-  
ribus Chro-  
baticis ut  
jus heredi-  
tarium re-  
gni Chro-  
baticum et-  
iam femi-  
nis e domo  
Austriacae  
oriundis  
concede-  
rent.

in obsequium feminei sexus, unanimi quasi consensu, eo modo concludebatur, quod etsi Hungaria regnum eidem renueret se hereditario jure subijcere, Croatia tamen (cui per se corona competit, veluti quam habuerit antequam a D. Ladislao Hungaria aggregata fuisset) ejusdem hereditaria esse vellet.

His in acta relatis, placuit publico quatuor gravissimos viros deputare, ipsum nempe Praesulem, Comitem Joannem Draakovicium, Baronem Christophorum Dellissimovicium, & Georgium Plenicium regni protonotarium, qui aliunde ad comitia profecturi Augustum (rem ceteroquin, quantum fieri possit, silentio pressuri) accedant, ac ea, quae regnicola in favorem suae domus conclusissent, ex ordine referant, ipsumque instrumentum ad manus representent. Gravitissima fuisse haec nuncia augustissimae domui, utque summo secreto testis maneat, ipse Imperator admonuit ablegatos. Verum, ut sunt res humanae, negotium hoc ita intra cancellos contineri haud valuit, quin ante congressum comitiarum in publicum prodiret. Cum enim sive casu, sive e re, dictum Croatorum instrumentum cum nonnullis aliis scripturis ex aula ad Hungariae Cancellarium perlatum fuisset, moxque cum admiratione in cancellaria, ac tandem apud magnates Hungaria divulgatum extitit. Unde Eszterhasii nomen ubique odiosum, honor a detractoribus dire laceratus, commota denique tanta indignatio a sacratis aequae ac laicis viris, ut illi nihil prorsum voluerint, nisi quod fecisse non poterant. At ille cuncta forti animo sustinens, eo confidentius divinam assistentiam implorabat, quod omnes adversarios experiretur. Id nihilominus desolato animo supererat solatii, quod unius Archiepiscopi Strigoniensis Cardinalis a Saxonia favoribus foveretur, quod in aula sua hospitio collectus, commensalis ejus esse mereretur. Interea ut se Pofonio ex conspectu se se insectantium opportunius subduceret, occasionem dederat superveniens pestifera lues, propter quam abruptis diatalibus sessionibus, cum quisque ad propria festinaret, ipse quoque in Croatiam rediit; ubi dum se ad portum quietis venisse existimat, subinde & hic a nonnullis tempestatum procellis exagitatus fuit, sed quae brevi evanuerunt.

Tandem sedata peste, ut abrupta toties comitia finem aliquando accipiant, unaque sollemnitas coronandae Imperatricis in Reginam Hungariae, nec non Palatini electio institui queat, visum fuit Caesari anno 1715. pro festis Pentecostalibus denuo Pofonii conventum generalem indicere. Peracta tum coronatione, tum electo in Palatinum Com. Nicolao Palffy, post paucos dies Episcopus Zagrabienensis cum novo iudice curia Stephano Kobary in catum intimorum & actualium consiliariorum cooptatur. Et quia elevatis ad praerogativam Comitum Eszterhasiis illis, qui de linea Baronum erant, noster Emericus, quod religiosum institutum professus sit, non videbatur ad gradum huius honoris assumptus, ne proinde in hoc inferior censeretur pluribus Hungariae Antistitibus, qui de Comitum prosapia erant, principis benignitate, Comitibus Strigoniensibus & ipse insignitus est. Quibus honoribus adijciebatur praeterea securitas Eszterhasio (expeditis in cancellaria Archiepiscopali litteris) ut vacante primitus sede Archiepiscopatus Strigoniensis, nulla ulterius expectata donatione, ipso facto gaudeat beneficio successionis. Sed nec illud

silentio praetereundum, quod sub decursu huius dietae, ad sollicitam Cardinalis de Saxonia instantiam, & persolutam taxam Rhenensium centum millium, futuros suos in Archiepiscopatu Strigoniensi successores Caesar collegio Principum imperii (obtentis eorum consensu) incorporaverit, ac ad titulum & dignitatem principatus imperialis, cum omnibus honoribus, & praerogativis eidem competentibus auxerit, & sublimaverit. Ad hoc autem sollicitandum referunt fide digni non modice motum Cardinalem affectum, & propensione, qua specialiter ferebatur in Episcopum Zagrabiensem, ut is veluti suus immediatus successor futurus, primus audiat Principis titulo salutari.

Hinc Episcopus Eszterhasius, ut etiam cum damno suo respondeat tam vivis expressionibus & favoribus purpurati, non poterat non ejus mediationi locum dare, cum eum ad certum contractum in facto decimarum Possegarum cum Episcopo Quinqueeclesiensi celebrandum hortaretur. Quae ut planiora fiant, breviter repetenda sunt quae praecesserunt. Eo tempore, quo Episcopus Silisfervicius occasione dictarum decimarum cum Episcopo Bosnensi F. Nicolao Plumbeo lite contendebat, ex parte Episcopatus Quinqueeclesiensis ingessio facta fuit, facultasque reservata circa eas suo tempore jus deducendi. Triumphantem interim Silisfervicio, non solum ipse, sed & successor Braikovichius earundem decimarum proventus usque ad obitum percipere. Superveniente dein Eszterbasio, cum Episcopus Quinqueeclesiensis Batt. Niszelrot eas ad mensam suam pertinere contenderet, nec litem ingredi animus sibi esset, Cardinalis mediationem deposcendam judicavit, ut quem auctoritate pollere, & de Episcopo Zagrabienensi pluribus titulis benemeritum non ignoraret, confidebat, tanto mediatore, procul dubio aliquid lucrari posse. Nec spes sua illum fefellit. Cardinalis enim (ut qui cuique complacere gestit) rem zelosius premendo, movit demum Episcopum Zagrabiensem, ut ob bonum pacis dimidiatam controversarum decimarum partem (confectis eatenus tabulis) Quinqueeclesiensi cederet, & resignaret; idque tamen non nisi usque ad futuram revisionem iurium, & fundamentorum utriusque partis. At quia transactio hac inscio & inconsulto Capitulo celebrata est, & propterea male audiendum erat Episcopo, quamquam is pro tempore suae administrationis poterat se illis proventibus, uti suis, privare, ne tamen ad successores istiusmodi facturam transmitteret, jure causam experiri decrevit.

Antequam tamen litem ingrederetur, cum singulari esset devotione erga animas, ignis purgatorii penas exolventes, quam ad eas juvandas liberalitatem hactenus pluribus millibus Missarum oblati exercuerat, augendam censuit, ut post itidem sua fata idem suffragii auxilium de pietate sua eadem anima (signanter, quae praeter ceteris proxima essent ad aeternam beatitudinem, & quae magis oblivioni tradita sunt) sentiant, sex millia, & trecentos Rhenenses destinavit, & Capituli Zagrabienensis curae & inspectioni subiecit, cum ea dispositione, ut annuus census ejusdem summae faciens Rhenenses 378. ad rationem Ecclesiae cathedralis exigatur; de illius autem arario custodes obligati sint quotannis circa Pascha Rhenenses ducentos quinquaginta ad manus Episcopi, vel sede vacante, Vicarii Capitularis, exacte numerare; qui distribui debeant pro sacris legendis iis animarum curatoribus, quibus de fun-

Americus  
jus decimarum  
Possegarum  
liti atque  
judicio  
persequi  
decrevit.

Liberalis  
erga Ani-  
mas Pur-  
gatorio  
igni addi-  
tas.

Carolus  
Imperator  
cum in col-  
legium con-  
siliariorum  
cooptavit, non  
videbatur ad  
gradum huius  
honoris assum-  
ptus, ne proinde  
in hoc inferior  
censeretur plu-  
ribus Hungariae  
Antistitibus, qui  
de Comitum  
prosapia erant,  
principis benigni-  
tate, Comitibus  
Strigoniensibus  
& ipse insignitus  
est. Quibus hono-  
ribus adijciebatur  
praeterea securitas  
Eszterbasio (ex-  
peditis in cancellaria  
Archiepiscopali  
litteris) ut vacante  
primitus sede  
Archiepiscopatus  
Strigoniensis,  
nulla ulterius  
expectata dona-  
tione, ipso  
facto gaudeat  
beneficio  
successionis.

fundatione eorum minus congrue provisum haberetur, misereque subsisterent. Et ut hac fundatio diuturnam consequatur stabilitatem, instituit præterea singulis mensibus legendum sacrum unum; dato eatenus capitali Rhenensium ducuntorum; cui aliam similem summam adjecit eo fine, ut pro felici successu causæ decimarum Poseganarum legatur isdem in mense sacrum unum, duo vero superata, in gratiarum actionem, & pro necessitatibus Ecclesiæ, eadem sacra applicari voluit. Hæc acta sunt die 27. Januarii, an. 1717.

Quo etiam anno obtentis a Cæsare delegatis judicibus, in quibus vel ipse non mediam repositam spem, Comite Vellelmo Lesle Episcopo Vaciensi, postea Labacensi, Barone Balthassare Pataccicio cancellariæ Hungariæ consiliario, & Stephano Nagy protonotario Palatinali, in civitate Posoniensi præfixum habuit terminum. Ubi judices auditis causantibus, dum in ferenda definitiva convenire non possent, in diversas abiire sententias; primus enim & ultimus in eo steterunt, quod siquidem, (ut ipsis videbatur) neutra partium proprietatem sufficienter docuisset, veluti in dubio, standum contractui coram Cardinali Archiepiscopo Strigoniensi olim celebrato concluserunt. Pataccicius vero utroque collega jurium patriorum peritia, & in penetrandis involutis causis peritior, suis argumentis in scripturam deductis, universas controversas decimas Episcopo Zagrabienensi competere definivit; sicque adinvicem dissidentes, utrique seorsim iudicium suum Cæsari repræsentarunt. Quibus taliter gestis, siquidem uniformiter ad ferendam sententiam non convenissent; alii denuo a Principe judices sollicitandi erant, fuitque provincia hæc toti cancellariæ Hungariæ delata: in qua discussis exactissime utriusque partis, coram primis judicibus, productis fundamentis, unanimi demum omnium consiliatorum voto conclusum est, Episcopum Zagrabien. melius probasse, atque adeo ipsi & suæ Ecclesiæ competere universarum decimarum perceptionem: reservata tamen pro parte altera facultate jus suum, si quando vellet, melius prosequendi. Quæ sententia ubi primum Cæsari relata fuit, ejusdem confirmatione, & subscriptione firmitatis robur accepit, brevi etiam executioni mancipata.

Porro antequam liti hujus dirimendæ manus apposita esset, Cæsar curam gerens, ut ad postulatum regnicolarum super universo jure Hungarico quodpiam systema formaretur, quem tam laborioso, & diuturno operi præficeret, in Antistite Zagrabiano plurimam posuerat fiduciam; cui cum adjunctis Barone Josepho Kropff camerae aulicæ, Balthassare Pataccicio cancellariæ Hungariæ consiliariis, ac nonnullis aliis, in id incumbendum erat, ut universum jus tripartitum, & decretorum Hungariæ exacte reviderent, nonnullis in meliorem ordinem redactis, ac quæ correctione indigerent, emendatis, sic & quæ jam obsoleta essent, expunctis, unum tandem systema figuraretur, quod dein in comitiis generalibus primitus celebrandis ad trutinam exhiberi deberet. Itaque plurimum annorum suscepio labore, postquam illud cum collegis indefesso studio consumasset; id tum in desiderio fuit, ut expedito jam principis servitio, & causâ etiam Ecclesiæ suæ superata, post ductas Viennæ quasi triennii moras, ad sponsam suam reverteretur. Verum Augustissimus, qui & ipse princeps altissimi consilii est, tum per se, tum per ministros necessi-

tudine Ejzterbasio conjunctos, observans vitam non solum summæ jurisprudentiæ, verum incorruptæ etiam conscientiæ, morumque esse probatissimorum, qui inter prælatos & humilitate, & raro exemplo prælucet; parumque, & nisi quod necessarium judicaret, tametsi amplissimis instructus scientiis loqueretur, quod denique muneribus a fide & officio abduci non posset, Viennæ omnino detinendum judicavit, diuturnumque stipendium, quod hactenus a camera percipiebat occasione laboris in reformatione juris Hungariæ impensi, non modice augeri curavit.

Jam quia virtuti æmulus nunquam deest, cum Eszterbasii fortunæ adversarios lateret, quidnam de eo Cæsar disposuerit, dum cum negotiis absolutis ulteriores moras Viennæ trahere observant, variis conceptibus mentem fatigant, animoque non modice anguntur, de illo ne, an de seipsis magis solliciti problema esto. Ejus interrim servitium a principio usque ad præsens aliud non est, quam, dum diversa controversa negotia, sive Germanica, sive Hungarica ad Cæsarem deferuntur, eidem passim communicari soleant, ut scrutatis scripturis rem revideat, suamque desuper exponat opinionem. Concurrent autem sæpe tot, ut nox diesque labori ferme non sufficiant: vix subinde 24. horarum spatium ad respondendum concessio, nisi morbo articulari manus aut pedes infestante præpediatur. Ceterum ad alia aula negotia non se commiscet, rariusque ingreditur Consilium intimum, quamquam frequentissime vocatus, cum id ipsi ex officio incumbat. Ministros pariter non frequentat, nisi cum quibus ad consultandum a Cæsare ordinatur; sæpe autem ab aula cancellario vocatus Austriacorum negotiorum conferentiis interest, uti & particularibus commissionibus; dum Princeps jubet. Vacantibus quandoque in Hungaria pinguioribus beneficiis, ut se pro aliquo insinueret, non defuere amici, qui suaserunt, seque manus adiutrices duros sponderunt; at adduci nunquam potuit; renitentia causam suis familiaribus detegens, quod Episcopatu suo adnexam haberet Abbatiæ de Topuska, quamquam a Turcis jamdudum ruinatam, & necdum ad priorem felicitatis statum revocatam. Quin immo ab aula cancellario Comite Ezinczindorff non serael ex parte Cæsaris interrogatus quidnam sibi, ob fidelia plurium annorum præstita servitia, concedi desideraret; responsi loco aliud non dabat, nisi quod gratissimum sibi foret, si placita essent in conspectu Principis servitia sua, & ut in gratia ejus conservari possit.

Cum vero nonnullis principalibus ministris confidens detraisset, se non parum conscientie stimulis scrupulisque laborare, quod pluribus jam annis a sponsa sua Ecclesiæ abesse debeat; & tametsi sæpius Augustissimum deprecari haud omisisset, ut ad minus pro duobus, aut tribus mensibus pro disponendis tam spiritualibus, quam temporalibus negotiis Zagrabiam excurrere possit, pro responso tamen aliud non acceperit, nisi quod id fieri non possit, vel ut ad aliud tempus desideratum iter differret. Ad quæ illi reponentes arcano aiebant hoc consilio Dei fieri, quod summis monarchis & magnis Principibus, quibus ad regendum populum suum imposuit sceptrum & coronam divina Majestas, eidem identidem providere dignatur de talibus viris, qui eis assistant, & pondus gubernii sui portare adjuvant. Cum igitur Cæsar fidelibus Domini Episcopi servitiis sibi complacuerit, sciat eidem assistendo

qui gravissima negotia eidem expedienda tradidit.

Deo & rei publicæ Christianæque utiliori ejus commoratione Viennensis, quæ Zagrabien.

secundi vero decimas Poseganas Ep. Zagrabien. adjudicant.

Viennæ detinetur a Cæsare;

plus a se praestari, quam si quotidie in Ecclesia sua divina legis mysteria pro concione explicaret: id quod exemplis comprobantes, ut demum conscientia scrupulum secure deponat, persuadere sunt conati.

Et vero de hac absentia, tametsi in sextum annum producta, neque Ecclesiam, neque diocesim aliquid passam, quod justam querendi ansam praeberet, ultero fatemur. Fuit namque nobis Vicarius Nicolaus Gothall lector, vir & a spiritu commendatus, & a doctrina excellens, omnique mitra dignissimus, qui universa diocesis negotia (tradita sibi plena potestate) ea sollicitudine tum per se, tum per alios dum egrotaret, curabat, & expediebat, ut quod amplius desideraretur, adversere facile neutiquam fas fuit. Neque in iis defectu laboratum, quae characteris episcopalis ministerium unice exposcunt, puta consecratio olei, ordinum collatio, & similia &c. ad quas functiones peragendas ex dispositione absentis Episcopi copia nobis vicinorum Praesulum haud defuit. Denique id libenter fatemur, quod Ecclesia nostra plus utilitatis ex absentia sui Antistitis reculerit, quam praesente sperare poterat. Voluit ille esse & praeceptorum amulator, & futurorum impulsor Episcoporum, qui totus sacrae suppellectili augenda, & illustranda intentus, ceteris donariis praetermissis, pluviale, casulam cum quatuor Dalmaticis, & antipedum contulit; quae omnia ex singulari, & pretiosa materia, diversis argentei filii figuris miro labore, & opere phrygio ornata, non possunt non spectantium oculos delectare. In anno 1720. prodit de ejus munificentia ex auro puro in signis calix, innumeris pretiosis gemmis (quarum aliquot majores Rhenensibus trecentis aestimantur) adeo rara arte elaboratus, ut ejus fama per urbem Viennensem circumlata, in ipso plane Casare, suaeque aulae desiderium ejus videntur excitavit. Absumpsit autem ejus labor Rhenenses sex mille quadringentos triginta; exhibetque sequens chronographicum:

Me Deo Consecro ex Voto perpetuo.

Hanc sequebatur nobilissimum Domini sepulchrum manuale ter mille Rhenenses exaquant, quod ex argento mirifico opere cufum, ac frequentissimis lapidibus pretiosis collustratum, in intimo continet cor ex puro auro, perquam belle corpori Christi in die Parasceves recipiendo accommodatum, cum hoc lemmate:

Thesauri a Manter In Cor De

Flagranti Sepulchro.

Nec minus splendidum argenteum inauratum ciborium, quod Dominicae Passionis mysteriis, innumerisque pretiosis margaritis eximie ornatum, pretium refert Rhenensium ter mille septingentorum, cum hac inscriptione:

Cibori Splendore ornavit Sponsam

Praesulem Zagrabensem.

At in antipendio aere summae habet lector quod miretur & munificentiam Praesulis, & curiosam figurarum, quibus adumbratur, adinventionem. Est illud cum duobus lateralibus ex puro argento, habens cum illis infimul pondo centum sexaginta quinque, & aliquot lothones, seu ut alii vocant, marcas trecentas triginta. In medio majoris (ut descripta mente intuearis) representatur domuncula D. Joseph, quam idem dum seipere condit, ascia palum dolans, Christum aequale palum in terram malleolo argenteum identidem miratur. In proximo ad partem dexteram est Angelus, qui sepimentum positurus, infra palos

virgulta collocat & disponit; quae dein alter Angelus, ut magis coalescant impellit, & protrudit; tertius vero excitato igne palorum adustioni incumbit, eidemque superstat grandis arbor quercea, folio & glande explicata. Ad partem demum sinistram est Virgo in actu sessionis acu & filo sutioni intenta, habens in latere plures quercus foliis, & fructibus secundas. Porro ex lateralibus unum exhibet D. Stephanum paludatum, aliud S. Ladislaum thoracatum, reges Hungariae, & Patronos Ecclesiae. Uterque de genu offert coronam, ille Christo & Virgini, hic sanctissimae Triadi. Omnium autem valor est exaquant summam Rhenensium octies mille; & in majori hac inscripta leguntur.

Hoc a Mater Sponsa, binaque Lateris Antipendia

Praesentaverat Praesuli Zagrabensi.

Neque vero ille exornanda Ecclesia suae ita intendit, ut ad alias munificam manum non extenderet. Poesegnam videlicet religiosorum D. Francisci Sraphici nobilissima ara sub invocatione omnium Sanctorum eximie decoravit; nec minus Zagrabensium Vestalium D. Clarae, ubi honori D. Catharinae Bononiensis aram erexit, capellamque exadificavit. Erga Virginem Remensensem (veluti cui suam ad Episcopatum Zagrabensem protectionem potissimum tribuit) eam animo nutrit devotionem, ut nullum sabbatum omitteret, quin ad eam venerandam sacrum eod die faciendum curaret; cui etiam casulam pretiosissimam, & calicem protiosissimum dono consecravit. Divum quoque Franciscum Xaverium speciali cultu prosecutus, ad ornatum ejus capella prope Zagrabiam tot singulis annis Rhenenses, quot etatis annos numeraret, administrari curavit, composita etiam ad ejus venerationem devotissima oratione. Ut praeterea Augustissima Eucharistiae publica veneratio frequentior fieret in Ecclesia sua, instituit, ut singulis diebus Dominicis novilunii in summa Missa Venerabile exponatur, praemissa processione, & recitatis in fine litantiis Lauretanis. Eodem pariter sedente, ut in dominiis & statibus domus Austriacae atque adeo & in diocesi Zagrabensi, officium de Corpore Christi, quavis feria V. non impedita de praepcepto, recitetur, ad preces Augustissimi obtentum est placitum summi Pontificis Clementis XI. an. 1715. Denique fuerat pio ac munifico Praesuli firmum propositum ad decorem Ecclesiae suae adiacere adhuc quatuor grandes statuas argenteas, jamque ad hoc necessarias praemiserat delineationes: at superveniente diatra Poesoniensi ac copiosum absumptum, non sine dolore, optimarum intentionum filum praecidit, utinam vero tantum ad tempus.

Porro horum Comitiorum (ut de iis aliquid attingamus) scopus praecipuus fuit assequendi religiosorum vota, ut corona Hungarica hereditaria successio, domus Austriacae deficiente masculo, pro femineo sexu decerneretur. Quemadmodum autem talis successionis in Croatia obtenta primarius auctor fuit Eszterbasius, ita & apud Hungaros adipiscenda principalis erat impulsor. Post superatam namque litem decimarum (de qua superius) iis annis, quibus Vienna in servitio Principis detentus moram traxit, inter alia negotia, quae sibi pertractanda committebantur, non minori cura fuit, qualiter Primores Hungariae ad conferenda vota in favorem divi sexus disponi, & allici possent. Et quamvis propere universale odium in se attraxerat, nihil tamen concepti fervoris in navanda Caesari fideli opera

Donaria pretiosissima eidem ab Emerico missa & collata.

Alia alii Ecclesiis dona collata.

Eius erga divos & divinam Eucharistiam eximia religio.

In comitiis Poesoniensibus de comunitate decernitur successio feminei sexus in regnum Hungariae.

Descriptio ornatus, seu frontalis aere maxime pulcherrimis figuris galati.



opera remisisse visus est: deducens prolixas leges, & rationes efficaces proferens, quibus convictus quisque in obsequium feminei sexus manum daret. Dispositis demum plurimorum animis, indicendus erat generalis Posonii conventus pro die 10. mensis Junii an. 1722. Quo progressuri ablegati Capituli Zagrabienensis, cum Viennam divertentes, quæ in instructione a principalibus sibi datas haberent, suo Prælati aperuissent, & hic Principi suum Capitulum ad secundandas ejus intentiones voto iturum retulisset, hoc responso consolatus recessit: Numquam dubitavimus de vestra, & Capituli vestri erga nos, & domum nostram fidelitate.

Ceterum comparentibus Posonii frequentissimo numero regnicolis (Episcopo tamen Zagrabienensi Vienna manere jussu) primis continuo sessionibus, omnium omnino calculis, non sine admiratione, conclusa est tot votis suspirata successio feminei sexus; moxque ordinata ex singulis statuum ordinibus sollemnissima ad Casarem ablegatio, sub ductu Cardinalis Emerici Csaky Archiepiscopi Colocensis, & administratoris Varadiensis: cui Vienna antequam accessus admitteretur, voluit Imperator ut eorum, quæ coram esset peroraturus, prius sibi copiam faceret. Quæ si præjudicium quoddam continerent, Episcopo Zagrabienensi ad censuram communicata, ab eodem corrigerentur; sed quoad substantiam inoffenso pede percurri posse existimata fuisse. Descendente dein Posonium Casare, ipse etiam Episcopus in medium aliorum consultaturus, eo se contulit. Ubi desiderantibus cunctis diuturniori præsentia Augustissimi frui, nulli dubitabant se se consolandos, si Eszterbasium oratorem ad hoc deprecandum destinarent. At Casare negotiorum imperii, totque regnorum ac provinciarum molem causante, & quod plus Vienna, quam Posonii reipublicæ Hungaricæ se se profuturum arbitraretur, sibi eo loci diutius immorari non esse expediens respondit; monitos autem vellet status & ordines, ut illo ipso die articulum super admissa feminei sexus successione sibi præsentari haud tardent. Morem ergo jussis Principis gesturi non modice disputarunt, cui ejusmodi provincia deferenda foret; cum alii Eszterbasium, alii alios, distractis opinionibus, denominarent; placuit demum, ut siquidem de condito articulo omnes benemeriti essent, ejusdem quoque representationis honorem omnes una referant. Porro post discessum Casaris Episcopus Zagrabienensis frequentavit quidem sessiones usque ad Novembrem; sed recedendo a veteri prætensione habendi locum immediate post Episcopum Agriensem, locum deinceps tenuit juxta senium consecrationis: in cuius etiam senii favorem articulus in hac diatâ conditus est.

Interea dum Posonii moras trahit Eszterbasius, sensim a Casare disponitur per litteras ad permutationem Episcopatus Zagrabienensis cum Sacerdotio Vespriemensi, quod a morte Comitissæ Folkæ jamdudum vacans, licet plures habuerit competitores, nullus tamen eo rerum statu utilior Zagrabienensi judicabatur. Fuerat illi propensio Aula statim post fata dicti Episcopi insinuatâ. Sed cum, eo diutius deliberante, interea Capitulo quæ aguntur ad notitiam pervenissent, quicquid occurrere poterat, ne se pius Pater deserat, neve desolatum relinquat, id magno spiritu, & tenero affectu litteris deprecatoriis exprimere maturavit; & vero eo affectu, ut illi lachrymas exprimerent, & titubantem ani-

ma Zagrabia obfirmarent. Verum Casar, quamvis hac vice ejus excusationi locum dederit, quia tamen ex una parte vacantem Episcopatum per præteritos Episcopos, sua plus, quam Christi quærentes, valde neglectum intellexerat; ex altera consideratis competitoribus existimabat: potius eos prædecessorum vestigia pressuros, quam quod ad reparandas ruinas aliquid de suo impenderent; ideo maluit Ecclesiam illam Pastore destitutam ad tempus gementem relinquere, quam talem ei præficere, qui nullam aut exiguam ejus curandæ spem promitteret. Unicus itaque qui desolato Episcopatu credebat non denegaturus opem, Eszterbasius assidua mente revolvebatur, utpote qui contempta divitiarum copia, quicquid de proventibus beneficiorum caperet, ad cultum divinum, ecclesiarumque nitorem mox conferre in deliciis haberet. Et quidem eo major spes affulgebat, hoc Antistite neglectum Episcopatum resurrecturum, quod Ecclesiam Zagrabiensem, aliunde per prædecessores suos optime excultam, in dies locupletare, diversaque pretiosa suppellectili ornare non cessaret. Tentandum ergo disponendumque denuo Casar judicavit, tum per proprias litteras, tum medio cancellarii Comitissæ Georgii a Stisk, intima illi consuetudine conjuncti. Et quamvis durum illi fuerat contra Principis voluntatem calcitrare, antequam tamen vicium se profiteretur, luctandum secum ipso diutius, & deliberandum erat. Arduum præ primis molestumque videbatur Episcopatum Zagrabiensem deserere, pro quo aliquando superos votis & precibus diu fatigavit. Deinde utrumque Episcopatum adinvicem penitus conferendo, haud ignorabat Zagrabiensem in flore esse, Vespriemensem in desolatione. Illius Ecclesiæ ædificium dum absolutum in desiderata perfectione consistere, hanc maxima indigere restauratione; illam pretiosa omnis generis suppellex eximie ornat, hæc ne calicem quidem argenteum habet; illi amplum adhæret Episcopium, non modo Præsulum, verum & hospitum commoditati opportune deserviens; illa Canonicos numerat viginti octo, præbendarios duodecim, & clericos frequentissimos, hanc frequentant Canonici tantum sex, inter quos duo tantum dignitate præditi, Præpositus & lector, nec Seminarium habet; illius accessus, ultra complures capellanos, numerum parochorum extendit ad personas ducentas octo, hæc septemdecim tantum habet, reliquum suppleantibus laicis, ut vocant, licentiat, qui unice infantes sacra unda abluant, matrimoniis assistant, sepeliendis mortuis comitivam præstent, & verbum divinum ruditer populum annuntient. In Episcopatu Zagrabienensi unice ad salutem necessaria Catholica religio, vel ipsa lege firmata, habetur; in Vespriemensi silva ingredienda est frementium bestiarum, cujus videlicet majorem partem occupant perversorum dogmatum Lutheri & Calvinii sectatores. Denique nunquam adhuc aliquis Episcoporum Zagrabienensium legitur translatus ad Ecclesiam Vespriemensem; contra ab hac ad Zagrabiensem transiisse Franciscus Erghelius, ut supra docuimus. Demum his non modicam animo angustiam addebant litteræ sacerdotum Zagrabienensium, quibus eum non minori amaritudine, quam olim discipuli D. Martinum Turoensem, ut secum maneat, deprecabantur. Verum tamen hæc gravissima fuerint argumenta, etiam maximam cupiditatem ad Episcopatum Vespriemensem transeundi, ex animo expellendi; quia tamen ex adverso pugnabat Principis voluntas, quam

Rationes Eszterbasii a commutanda Zagrabienensi Vespriemensi Ecclesia de-  
terrentes.

Emericus Posonium venit,

& conventibus omnibus interfuit.

Agri capto de Emerico transferendo ad Ecclesiam Vespriemensem.

quam Eszterhasius periunde ac imperium observa-  
bat; maluit potius ex feliciore statu ad deter-  
riorem, ex quiete ad laborem transire, quam  
Domino non gerere morem. Totam igitur in ma-  
nibus ejus se resignando, tandem die 27. mensis  
Septembris pronunciatus est Episcopus Vespri-  
miensis; moxque sequenti die hoc ipsum Capitulo suo  
significando, una defectuum veniam deprecatus  
est bisce litteris.

Venerabile Capitulum, desideratissimi  
Domini Fratres.

Delorem dolori addunt, dum se invitos invi-  
to mihi adiungunt. Feci omnia, quae reverentis  
renitentia fuerunt, exaratis super inde epistolis  
compluribus; verum Princeps se scivit principem  
esse, me quoque quod subditus sim, cogebat  
agnovisse. Heri percepi rudera Vespri-  
miensia, cum certa aulica pensione Rhenensium 6000. re-  
soluta, meque in metallum clementer condemna-  
tum esse. Eruperat maesta teneritudo de oculis,  
sed monastica indifferentia captiva in Deum sus-  
piria flumen siccabant. Restat unice, ut flexo  
poplite veniam delictorum defectuumque efflugi-  
tem; & infixis madentibus labris cujusque pro-  
pitio pectori osculo emorior. Posonii 28. Septem-  
bris, an. 1722. P. S. Thaumaturga illius Ec-  
clesiae continuis precibus me totum devoveo. De-  
sideratissimorum Fratrum minimus & indignus  
F. Emericus Eszterhasius E. Z.

Quibus publice lectis, nemo ex praesentibus  
fuit qui non continuo, composito ad maestitiam  
vultu, adversum fortunam gemeret, quod a de-  
sideratissimo Patre separari cogatur, cum quo  
vivere & mori optaret; nonnullis etiam a la-  
chrymis se se temperare haud valentibus. Ut ve-  
ro illi sincere constaret, quanto nos sua divul-  
sione maerore affectisset, sequentibus litteris pro  
responsione datis deteximus.

Reverendissime Excellentissime & Illustrissime  
D. Comes Episcopo, D. D. Patrone, &  
Praelate nobis gratiosissime.

Ad lectas Reverendiss. Excell. Vestrae pa-  
terno affectu plenissimas litteras, ex imminente  
sua a nobis divulgatione inter indignos filios or-  
tum est magnum in ore silentium; sed oculi cum  
maesto admodum vultu coeperunt loqui. Verumta-  
men quia Apostolico regi & Domino parere ne-  
cesse est, non audemus ultra tam charissimo Prae-  
suli & Patri nostro importune esse molesti. Im-  
mo autem consolamur, quod adhuc usque Pas-  
cha, ut audimus, nomen suum invocabitur su-  
per nos; & quod viscera Patris in dimissos,  
sed non amissos subditos filios identidem benigne  
reflecent. Nostra autem Ecclesia, uti debet,  
pro Reverendissima Excell. Vestra etiam absente  
humillimas preces ad Deum Patrem omnipoten-  
tem fundet. Quoniam vero nos omnes tandem  
segregari oportet ab invicem, donec iterum oc-  
curramus in mensuram aetatis plenitudinis Chri-  
sti, ut & in absentia Reverendiss. Excell. Ve-  
stra illius habeamus typum, qui & specialiter  
Reverend. Excell. Vestrae luget abitum, & re-  
gni ac diocesis hujus habet experimentum, no-  
strum Reverendiss. D. Praepositum Paulum Ches-  
kovich, ut Reverend. Excell. Vestrae, per ejusdem  
gratiosissimam & efficacem apud suam sacratissi-  
mam Majestatem intercessionem, succedere valeat,  
denuo ut nuper per litteras Domini lectoris, com-  
muni voto demississime commendamus. Nos au-  
tem Excellent. Vestrae fimbriam submisso venera-  
bundi osculo persistimus. 8. Octobris 1722. Re-  
verendiss. Excell. Vestrae servi & capellani bu-

millimi obsequentissimi Capitulum Ecclesiae Zagra-  
biensis.

Porro licet Eszterhasius denominatus sit Epi-  
scopus Vespri-  
miensis die 27. Septemb. Caesar ta-  
men ob rationes sibi unice notas, instrumentum  
donationis in cancellaria Hungarica expediri no-  
luit ante sequentem annum 1723. ita quod soli-  
ta inauguratio ad Episcopatum non nisi die 4.  
Februarii, ad supremi vero Comitum officium,  
die 5. Julii peracta fuerit. Tum vero ille as-  
sumpta novi Episcopatus possessione, mox restau-  
randis geminis Ecclesiae suae turribus, ac capel-  
lae D. Emerici (ubi olim oratorium suum fue-  
rat) manum & curam adjecit, pactis eatenus  
cum magistro murario & lapicida Rhenensibus.  
ter & decem mille. Osterforium quoque pretio-  
sissimum ejusdem Ecclesiae apprime necessarium,  
pluresque calices elaborari jussit: facturus indu-  
bie plura quaque pro gloria Dei, & Ecclesiae  
emolumento, si Deus longiorem concesserit vi-  
tam, quam ob rara talenta, pietatem in supe-  
ros, munificentiam in Ecclesias Dei, omnibus  
calculis meretur. Fuerat quidem desiderium re-  
gnicolarum, & Capituli, ut aliquot adhuc an-  
nis Ecclesiam Zagrabien. simul cum Vespri-  
miensi administraret, fuereque propterea coram augu-  
stali throno humiles effusae preces. Sed si ve Esz-  
terhasio renitente, si ve Sede Apostolica id admit-  
tere renuente (quod in medio relinquimus) opor-  
tebat tandem nos amittere Praesulem desideratissi-  
mum. Sedis Zagrabiae a die obtenta donationis  
regiae usque ad denominationem successoris (qua  
incidit in diem 20. Augusti anno supra scripto  
1723.) annis 14. mensibus XI. & diebus decem,  
creatis Canonicis viginti, uno lectore, uno can-  
tore, & uno custode.

Haecenus Kovaševichius. Ecclesiae Vespri-  
miensi duos annos praefuit; ex qua anno 1725.  
translatus ad Metropolim Strigoniensem, &  
summum Ecclesiae Hungaricae Primatum pluri-  
ma gessit memoria & litteris digna. De utra-  
que Ecclesia Zagrabien. & Strigoniensi opti-  
me meritis, Posonii anno 1745. VIII. Id. De-  
cembris sanctissime obiit; delatusque funebri  
pompa ad basilicam S. Martini in sacello  
S. Joannis Eleemosynarii, Patriarchae Alexan-  
drini, quod ipse ingenti sumptu, opere orna-  
tuque magnifico & eleganti exstruxerat, sepul-  
tus est; sibi quoque hoc epitaphium vivens compo-  
suit, & inscribi jussit:

SUB HOC  
ADMIRANDAE COMMISERATIONIS  
PRODIGIO  
DIVO JOANNE ALEXANDRINO  
EGO IN TE,  
DEUS MEUS MISERICORDIA MEA,  
ASSISTENTE MIHI  
DULCI MISERICORDIAE MATRE  
DORMIAM ET REQUIESCAM  
FRATER  
EMERICUS.

Nomina & acta reliquorum Antistitum hu-  
jus saeculi vergentis, cum mihi decissent, bre-  
viter ac dilucide descripta Balthassar Adamus  
Kereselich Abbas & Canonicus Zagrabien. pro  
sua singulari humanitate ad me transmisit.  
Pro his, & aliis pluribus documentis mihi li-  
beraliter impertitis ei plurimum debeo, tan-  
tum quidem, quantum perolvere difficile est.  
Praeterea vitae Emericianae, quam modo descri-  
psi,

Ejus acta  
munifica  
in Episco-  
pato Vespri-  
miensi.

Ejus ad  
Metropoli-  
m Strigoni-  
ensem  
translatio.

obitus, se-  
pulchrum  
& epita-  
phium.

psi, Synopsim confecit. Hanc ergo, & illa hic subijcio.

**Emericus Eszterhazy**

**Emericus Eszterhazy** patre **Emerico Eszterhazy**, matre **Susana Bucfani** natus 1663. Partim Sopronii, partim Tyrnavia humaniores scholas absolvit. Institutum Eremitarum a S. Paulo primo Eremita, in Bondorff 25. Julii 1680. secutus, & hoc anno sequenti 27. Julii professus est. Terminata Neostadii Philosophia, Romæ in collegio S. Apollinaris Theologicis disciplinis est institutus. Lepoglava in Sclavonia suis Philosophiam bis praelegit, dein Theologiam Tyrnavia.

**Præfatus generalis Ordinis Pauliniani, Ep. Vacienfis**

Ex secretario P. Generalis anno 1702. totius Ordinis Prior generalis effectus; tum 1706. Decembri mense Vacienfis Episcopus, ad cuius titulum die 4. Martii 1708. occasione diætæ Hungaricae, Posonii per Hungariæ Primatem, & Cardinalem Augustum Saxoniae est consecratus. Eodem anno, Episcopo Zagrabienfi Martino Braikovich, die 4. Junii Vienna mortuo, ad Episcopatum Zagrabiensem translatus est; & die xi.

**Zagrabienfis**

Novembris ad hunc canonice institutus. Egre- giam in comitiis regni Sclavoniae navavit ope- ram, ut status Sclavoniae anno 1212. ad suc- cessionem coronæ sexus feminei consenserint; tracta dehinc in idem Hungaria, & anno 1723. per legis articulum successionem hanc corroborante. Regnorum Dalm. Crovat. & Sclav. officii Banalis egit Locumtenentem; item commissionis syste- maticæ præsidem; ob quæ annis pluribus absens, in cathedrali basilica reliquit memoriam in cali- ce uno aureo, antependio aë majoris argenteo, & eleganti conditorio sacrae hostiae, pro die Pa- rasceves. In templo PP. Societatis Jesu Za- grabiae, ex marmore nitido elegans ara S. Igna- tii, hujus stat liberalitate; & pluribus in tem- plis stant ejus memoria. An. 1723. ad Episco- patum Vespriemensem translatus est; ad hujus attamen titulum bullas Romanas non accepit. Basilicæ Vespriemensis fabricam auxit & orna- vit. An. 1725. die 25. Januarii factus supre- mus aulae per Hungariam cancellarius; & post mortem Augusti Saxoniae ducis, 23. Augusti, Ratishonæ secutus, Hungariæ Primas, & Ar-chiepiscopus Strigoniensis evasit. In Romanis bullis ex Zagrabienfi sede ad Strigoniensem trans- latus exprimitur, quod pro Vespriemensi sede con- firmatus Romæ non fuerit. Obiit Posonii die vi. Decembris anni 1745.

**Vespriemensis, Primas Strigoniensis**

## GEORGIUS II. EP. ZAGRAB. LXVIII.

**Georgius Braniugh** Pragæ die xx. Augusti, anno 1723. a Carolo VI. Imper. & rege Hungariæ no- minatus Zagrabienfis Episcopus. Ne statim Bullas Pontificias obtineret, nescio quid impedimenti fuit; his obtentis anno 1728. die vii. Martii pri- mum fuit consecratus; & hoc anno die xix. Mar- tii ad Zagrabiensem sedem canonice introductus. Natus est Georgius an. 1677. die xi. Novem- bris, nobilibus parentibus, Zagorice, in districtu Bakaiszko, Comitatus Varasdinensis. Absolutis Zagrabiae litteris humanioribus, Viennæ, ut colle- gii Croatici clericus, Philosophiam excepit. Bo- noniæ a Ludovico Gotti, postea S. R. E. Cardi- nali, in Theologicis disciplinis est institutus. An. 1702. die 2. Julii, ut sacerdos primum Deo obtulit sacrificium; tum parochus B. M. V. in Zlatar factus, quodvis diligentis pastoris exple- vit officium. Anno 1708. a morte Georgii Fun- sek, Canonicatum Zagrabiensem ab Episcopo Mar- tino Braikovich accepit; 1713. fit Archidiacono Illyrici Sacri Tom. V.

nus Chasmenfis, & 1716. Kemlekensis; ex quo ad Episcopatum est sublimatus. Ut Canonicus, egit decanum Capituli, dein Sisciae præfectum, ac demum Dubiczæ Commendantem, qui ab an- no 1750. Pro-Tribuni, seu Vice-Colonelli chara- Ære gaudet.

Quæ magnus ille, & immortalis memoriae egit Episcopus, si speciatim singillatimque re- censenda forent, magnum volumen efficerent. Er- ga Deum pietate summa fuit. Quotidie Deo ob- tulit sacrificium ipse, tum duo alia per presby- teros, pro oribus suis. Meditationem nunquam neglexit; concionibus interfuit; litteras, litte- ratosque amavit, promovit, fovit. Missiones Apostolicas introduxit, catecheses etiam. Animo erat singulari; inimicis non solum parcebat, sed benefecit, ut longum esset referre exempla. Pau- perum egit patrem; ut admirentur omnes, unde tantas fecerit eleemosynas; nullum templum, nullum monasterium est, quod suæ charitatis de- monstrare nequeat testimonium & opus. Paupe- res nobiles fovit; dotem plurimis dedit virgini- bus; pater omnium. Residentiam episcopalem ma- gnificam e fundamentis erexit, & plura per diæ- cesim templa. Populo providit belli, famis, & pestis temporibus. Religionem Romano-Catholi- cam promovit, & vigilantissime servatam vo- luit. Multa reevindicavit ecclesiastica jura. Eg- it officii Banalis annis pluribus Locumtenentem re- gium, & ab administrata justitia celebratur. Sane fassione & consensu omnium, ad leges D. Pauli egit Episcopum, & a morte irreprehen- sibilis evasit, dum in omnium est votis, in sin- gulorum memoria, & suspiriis. Eg- it ipse omnia, & plurima conscripsit. Opus singulare de Im- munitate ecclesiastica ab eo conscriptum est. De- vota sanctissima morte, sacramentis munitus, diei 28. Aprilis in aurora, anno 1748. obiit. In cathedrali sepultus sine epitaphio; dicens me- moriam sui se nolle relinquere in lapide, at in affectu, & orium suarum voluntate.

**Georgii egregia virtutes,**

**& pie, præ- clare, uti- liter facta.**

## FRANCISCUS XAVERIUS EP. ZAGRAB. LXIX.

**Franciscus Xaverius L. B. Klobusiczki** de Zekla- nis in Comitatu Zemplinensi superioris Hunga- riæ, patre Francisco, matre Clara Kapi, die 31. Octobris 1708. natus est. Inferiores scholas par- tim Eperiesini, partim Cassovia absolvit. Ut clericus Viennæ Pazmaniani collegii, Philoso- phiam biennio excepit; Romæ in Apollinari Theo- logiam; inde redux & factus presbyter, egit ad Posonium parochum, a Primate Emerico Esz- terhazy primo ad collegiatum Capitulum Scepu- siense creatus Canonicus, & loci illius parochus, dein 1733. motu proprio Primatis ad Metropo- litanum Strigoniense Capitulum translatus, ut Abbatia obtenta anno sequente 1734. Capituli il- lius lector, & archidiaecesis generalis Vicarius. Primatis nomine canonice visitavit Capitula il- la; & plurima ad decorem, & utilissima con- stituit, ut nunc laudetur ab omnibus, tunc pu- gnandum habuit cum senioribus, ex usu & præ- judiciis vitam transigentibus. Episcopatum titu- larem, sive in partibus Romæ accepit 1736. Nemesium vocatum, & ad hunc die vi. Maji fuit consecratus. Eg- it in pontificalibus suffraga- neum Primatis; tandem 1741. sub diatam, ad Transilvaniensem sedem & Episcopatum transla- tus. Inde 1748. die 13. Maji Viennæ resolutus fuit a Maria Theresia in Zagrabiensem Episco- pum,

**Franciscus Xaverius Episcopus titularis, deinde Transil- vanus,**

pum. Sed illic Carolinæ, causa publicorum negotiorum, jubente rege, retentus; post Romanas bullas obtentas 1749. Aprilis mense Viennam appellens, & solitum præstans coram Cardinali Sigismundo Kollonich juramentum, mense Junio 1749. Zagrabiam venit. Mortuo antecessore, quia de bonis quibusdam avellendis, & militariibus extradendis fuisset agitatum, in merito hoc, adveniens Zagrabiam, regiam commissionem invenit. Sed esto extraneus sic egit quævis, ut commissio dilapsa sit, & jura Ecclesiæ aliorumque servata. Occasione regulatorum Banalium consueptum, hoc eodem anno, magna usus fuit prudentia & nil præjudicatum est Ecclesiæ. His bene prudenterque gestis, restauravit sacrum diæcesis officium, ac nescio an non instituerit. Anno 1750. Confirmationis sacramentum per diæcesim, ultro citroque administrabat, & Petrov suas Majestates excepit. Anno 1751. Martio mense ad diæcem Posoniensem profectus, illic die 30. Julii ad Archiepiscopatum Colocensem translatus est; nec Zagrabiam rediit. Qua Archiepiscopus, elevatus est cum gente sua vel potius familia ad honores Comitum, ut nunc Comites Klobusiczki sint. Obiit Pesthini in horto suo, die vi. Aprilis 1760. Colocim delatus ad tumulum. Vir statura parvus & gibbosus fuit. Cæterus religiosos, vel maxime Jesuitas amabat; litteris litteratisque favit. Facilitate ac familiaritate cum inferioribus famulis nimia, prouti & erga hos indulgentia; ut sæpe perpeti multa debuerit, & servorum suorum servus esse.

## FRANCISCUS II. EP. ZAGRAB. LXX.

Die 30. Julii 1751. ex Bosnensi Episcopo, Posonii fuit resolutus Zagrabienensis Antistes. Cæterum 1698. die 23. Martii ex Wollfango Thauszy, & prima ejus uxore Krisanich natus est. In pueritia clero adscriptus, in Seminario clericorum Zagrabienensium humaniora studia absolvit, Viennæ in collegio Croatico Philosophiam & Theologiam triennio frequentavit. Sacerdos factus, primum ad S. Dominicum Kenschinæ parochus, dein B. V. M. in Szentievicz prope Zagrabiam. Anno 1729. die 1. Maji factus Zagrabien. Canonicus, dein Commendans Dubicze, an. 1739. Chajmensis Archidiaconus, & 1743. Goricensis factus, 1749. Archidiaconus, die vi. Augusti, Viennæ Episcopatum Bosnensem obtinuit; atque ad hunc, Zagrabiam 1750. die 12. Aprilis in Dominicam II. post Pascha incidente, consecratus. Nondum biennium effluxerat, cum ob insignia ejus merita ad sedem Zagrabienensem erectus, quam eximiiis virtutibus, & præclaris institutis ornavit, & summa cum laude adhuc tenet; diuque & feliciter teneat.

Præclare Hactenus Balthassar Kereselich. Multa sunt hujus præclare facta; sed hæc præcipua. Plures ecclesias vetustate collabentes refecit, & sacra, copiosaque suppellectili locupletavit: opti-

mos quoque curatores animarum e suo clero delectos constituit, quorum opera, & sollertia religio, & pietas incolarum refloresceret, sicuti vel decursu temporum, vel humana fragilitate elanguesceret. Tria sacra ædificia ære suo, sumptuque e fundamentis extruxit, unum D. Theresiæ, opere, ornatuque magnifico Possag in oppido Slavoniæ primario, alterum D. Francisco Xaverio in pago Vagroveczio, tertium D. Petro Principi Apostolorum prope Zagrabiam. Seminarium clericorum condidit apud Possagam, atque idoneis vestigalibus dotavit. Nobiles familias de patria, & republica optime meritas plurimis prædiis, & amplissimis privilegiis donandas curavit. Ingentem pecuniæ summam apud viros religiosos, quibus cura incumbit captivos ab hostibus Christiani nominis redimendi, collocavit, ex qua sumptus annui, & perpetui suppeterent ad filios Ecclesiæ, & incolas diæcesis Zagrabienensis tyrannide Turcarum eximendos, si quando, quod sæpe accidit, in eam miserabilem servitutem inciderent; itemque pecuniæ vim nihilo minorem contulit, ac sepelivit, ad facta tecta basilicæ cathedralis tuenda, eamque, siquo casu collabesceret, aut vitium faceret, restaurandam. Anno 1769. III. Id. Januarii e vivis excessit, illatusque in eadem cathedralem ante aram S. Lucæ sepultus fuit.

Ejus obitus.

## JOANNES BAPTISTA EP. ZAG. LXXI.

E Sirmienfi Ecclesia, quam post obita plurimum dignitatum munera regendam susceperat, ad Zagrabiensem translatus anno 1770. vir nobilitate generis clarus, quippe ex antiquissima, eaque illustri Paxiorum familia natus, sed religione, virtute, doctrina multo clarior, & Mariæ Theresiæ Augustæ in primis acceptus, quæ ob præclara pastoralis sollicitudinis merita illum nobilissimæ hujus Ecclesiæ Episcopum nominavit. Suscepto Zagrabienfi Episcopatu multa cum fide, integritate, & vigilantia laudabiliter gessit, summa divinæ propagandæ gloriæ, & dominici gregis excolendi cupiditate incensus. Sed immaturo præreptus funete an. 1772. ingens sui desiderium Zagrabienfi Ecclesiæ, & bonis omnibus reliquit. Huic

## JOSEPHUS EPISC. ZAGRAB. LXXII.

Suffectus est, Idibus Decembris ejusdem anni renuntiatus Antistes in sacro Cardinalium collegio ab Clemente XIV. P. M. Theresiæ Augustæ nomine cum postulante Fabritio Cardinali Serbellonio. De hoc plura scribere pro ejus dignitate, ac meritis sane cupieramus; sed monumenta defuerunt, quæ pluries vehementer expetivimus ad ornandam hujus Episcopi historiam.

# ADDITAMENTA

## AD TOMUM V. ILLYRICI SACRI.

**C**Um eximius plane vir Daniel Farlatus supremum diem ante obiisset, quam quintus hic Tomus Illyrici sacri prodiret in lucem, nonnulla mihi præ manibus obvenere, quæ historiam Jaderensis Ecclesiæ, tum aliarum, quibus ipsa præest jure metropolitico, magis ac magis ornarent; Farlato tamen vel ignota prorsus, vel certe ab ejus memoria delapsa, & inter mss. suorum plurimam congeriem perditam, cum forte ea quoque huic Tomo inferere cogitaverit. Hæc itaque hunc in locum chronologico ordine descripta rejeci, quippe prima jam Tomi pars typis fuerit impressa; & hinc occasio patebit, ut, si quæ fortassis occurrant corrigenda, ea corrigam, atque illustrem.

### §. I.

#### ADDITAMENTA

##### *Ad Ecclesiam Jadertinam.*

Donationes  
factæ mo-  
nasterio S.  
Mariæ mi-  
noris,

**D**uo monasteria, S. Mariæ majoris alterum, alterum S. Chrysogoni, novis donationibus, & aucta redditibus comperio in monumentis Jadertinis mediæ sæculi XI. Anno etenim 1052. Cresimirus Chrobatæ rex agrum Berda donavit Virginibus S. Mariæ, quibus Agape Antistita præerat; eaque prima est, cujus perstat memoria in quodam catalogo sacrarum Virginum, quæ Antistitæ dignitate ac munere Marianum cœnobium rexerunt: eas hic subji- cio ex eodem catalogo ad annum 1228. pro- ducto.

Antistita Monasterii Jadrensis S. Mariæ minoris.

- An. 1052. Agape.  
1066. Cicca.  
1072. Cicca soror regis Cresimiri.  
1087. ) eadem.  
1094. )  
1105. ) Vekenega filia Ciccæ.  
1107. )  
1199. Tollia.  
1228. Bona.

Cresimiri regis diploma ex tabulario ejusdem Mariani cœnobii exscriptum nihil præfert, quo videatur esse rejiciendum: quare cum Agape illius Antistita nominetur, huic primæ idem munus, eandemque dignitatem tribui oportet, quippe ante annum 1052. hoc virginum collegium fundatum non fuit. Equidem scio tum Valerium a Ponte in Comment. Rer. Eccl. Jaderens. tum Farlatum in Stephano Episcopo Jadertino XIII. hujusce monasterii institutionem consignasse anno 1066. ex tabulis Cichæ, quæ cum Domnana filia, aliis nobilibus, ac

ingenuis virginibus monasterii, ac monasticæ vitæ prima j.cit fundamenta. Sed obstat auctoritas Lucii, qui in lib. 2. de regno &c. cap. 9. profert privilegium Cresimiri regis secundum Virgines S. Mariæ datum anno 1052. & ex eo probat, Cresimirus hoc anno titulum Dalmatiæ, Chrobatæque regis obtinuisse: *sed a quo regni titulum, Dalmatiæque accessionem consecutus sit, non constat*, subdit idem Lucius. Hujus ego testimonio fretus ante annos circiter quatuordecim Mariani monasterii primordia rejicerem, quin Cichæ tabulæ quidquam obfuit sententiæ nostræ: reor enim, exiguum Virginum Deo sacratarum domicilium ab Agape primo fuisse institutum, ubi nullis certis subiectæ legibus libere divinis rebus, piisque exercitationibus vacarent: at paullo post Cichæ consilio, & universo civium, ac nobilium cœtu probante, idem locus delectus fuit, ubi ad normam & regulam S. Benedicti verum, sacrumque cœnobium construeretur. Quod autem Agape in diplomate Cresimiri *Antistita* nominetur, hoc minus proprio hujusce vocabuli usu factum est, ut inde liceat intelligi, ipsam aliquo honoris, atque auctoritatis titulo sociis virginibus præfuisse: quamquam cum *monasterii* appellatione domicilium illud distinguat Cresimirus, vero quam simillimum est, & virginum numero, & impenso Deiparæ cultu, jam sub ipsis institutionis exordiis clarescere cœpisse: Vekenega vero, quæ in catalogo & filia Ciccæ, & Antistita dicitur, eadem est, quam Cicha parens nuptui dederat nobilissimo, & opulento viro; sed anno 1091. *viri sui videlicet Dobroslavi thorum custodiens viginti annis, Deo devota monastico utebatur habitu*; quod legimus in sententia Andreæ Episcopi Jadrensis, & Dragi Prioris eo anno 1091. lata ipsius Vekenegæ rogatu secundum Marianum cœnobium: *scilicet post mortem viri sui Dobroslavi in illud virginum collegium apud matrem Cicham Antistitam se receperat, & monachalem habitum induerat*; ut subjicit Farlatus in notis eidem adjectis sententiæ. Itaque Cresimiri diploma est ejusmodi.

Ecc 2

An-



Anno ab Incarnatione Domini nostri Jesu Christi millesimo quinquagesimo secundo. Ego Cresimir Dei providentia Rex Croatorum, & Dalmatarum pro remedio animæ, & parentum meorum dono monasterio Virginum . . . . Jadra in honore beatissima Virginis Mariæ præsentia Agapis Abbatisse terraticum in loco, quod Berda vocatur, quondam possessum a duobus colonis nomine uni Benach, alteri Benada, jure perpetuo possidendum. Siquis autem meorum . . . id vitare temptaverit, pavendi incurrat supremi iudicis iram, damneturque cum iis, qui levam . . . partem. Joannes Casidicus regis testis, Dragana Scutarius regis testis, Adam Jupanus Nonensis testis, Desina Jupanus testis, Prodano Jupanus testis, Zovinna Setnico testis, Vekenego testis.

Et ego presbyter Michacio Capellanus regis scripsi, & corroboravi.

& S. Chry-  
sogoni.

Nunc tabulæ donationum, quarum una anno 1070. dux autem anno 1072. collatæ sunt monasterio S. Chrysogoni, ex lib. 2. de regno &c. cap. 15.

Anno Dominicæ Incarnationis 1070. Indictione 9. Romano tertio imperante, Croatia vero R. Crisimiro regnante, Zuonimiro Bano. Ego Croatinus & frater meus Luca Stran concedimus monasterio S. Chrysogoni territorium in loco quod dicitur Secbivani contiguum territorio ejusdem Ecclesiæ, præsentem Petro Abbate perpetuo retinendum. Qui autem hanc nostram donationem subtrahere voluerit, Omnipotentis iram incurrat.

Actum hoc est in civitate Jadera his coram testibus, Drago teste Priore, Cusma Jupanus de Licca testis, Adamizo None Jupanus testis, Majus Jadera judex testis, Andreas (1) Episcopi filius. Ego Adam presbyter monachus rogatus a donatore, & veritate comperta manu mea scripsi.

Anno ab Incarnatione D. N. J. Christi 1072. Indictione septima Reg. glorioso Croatia Dalmatiæque rege Cresimiro. Visum est nobis fratribus Zovine, Dosimiro, Petro, Gromile, & Slaviz, ut pro remedio animarum nostrarum, vel parentum nostrorum defunctorum, quorum nomina sunt hæc, Veliacus, Stephanus, Tomigrad, Vachemir, Radomir, feminarum quoque defunctorum nomine Petrona Bolenega Clare cœnobio S. Martyris Chrysogoni &c.

Actum Civitate nova in præsentia præfati regis, Druzinie Ded testis, Pribidrago Posselnie testis, Draganna Scutarius regis test. Adamizo Jup. testis, Desina testis, Prodanus Jup. testis, Majus Judex testis, Prastantio Doda testis, Petrus Comerzarius testis, Candidus testis, Michifores testis. Ego Adam (2) a prædictis donatoribus rogatu manu mea scripsi.

Anno Dominicæ Incarnationis MLXXII. per indictionem septimam. Ego Petrus Jupanus de Sidraga cum fratre meo Slavizo pro remedio animarum nostrarum & parentum nostrorum vivorum, & defunctorum tradimus cœnobio S. Chrysogoni Martyris omnem terraticum quod possedit pater noster in loco qui appellatur Bravizo. Siquis autem hoc irritare temptaverit, quod caret reperiat, quod vitat inveniat.

Actum est hoc in civitate Jadera præsentem Petro Abbate, & his coram testibus Martino Commercio teste, Sergio teste, Majo Cerneca testis, Neupras testis. Ego Adam rogatus a prædictis fratribus manu mea scripsi.

Notæ.

(1) Hic Andreas filius Episcopi forte Stephani filius erat, quem hinc cognoscimus uxorem ante Episcopatum duxisse; eaque vel vita functa, vel religiosam vitam agente in aliquo Virginum cœnobio viri consensu, Stephanus clericali militiæ nomen dedit, & ad regimen Ecclesiæ Jadertinæ postea erectus fuit.

(2) Idem hic & presbyter & monachus monasterii S. Chrysogoni, qui superiores tabulas scripsit, & tertias, quas addicio.

Quartum adjungo alius donationis monumentum, & tellem præterea miraculi ope D. Chrysogoni patrati, quo Posil quidam se se e captivitate ereptum testatur; itque grati animi pignus prædium Meate monasterio beatissimi Martyris dono dedit, quod hisce tabulis factum testumque docetur.

Ego Posil filius Adam cognoscens in tribulationibus me positum divina misericordia visitatum S. Chrysogoni intercessione, & in die Natalitii hujus Martyris a vinculis liberatum, mea sponte salvo ductus consilio (1) die post mensem septimo iv. feria in Natali S. Andrea Apostoli ad monasterium præfati S. Chrysogoni veniens ubi & excompeditatus fui; dono meam possessionem terræ quæ est juxta viam in Scovani in perpetua potestate habendi, & ut placuerit faciendi dicto monasterio; quam possessionem Sclavi Meates domos vocant, quæ paternaliter est mihi propria, in qua peccatis exigentibus neminem habeo participem, & per hujus cartulæ confirmationem subscribo. Quod siquis protervus meorum posterorum quidquam huic monasterio subtrahere voluerit, Dei Sanctorumque omnium habeat maledictionem. Terra illam velut Dathan & Abiron deglutiat, cum Juda gehenaliter mancipetur, & insuper quinque auri libras persolvat sic ut Rex medietatem, & monasterium aliam habeat, & mea mea proprietatis denario firma perpetualiter maneat. Hoc factum est Jadera M. . . . (2) Præfulante, & Lampridio Priorante hic coram testibus prænuncupato Principe, & Priore teste, Desinna Judex testis. Vitazza Prior testis. Cando Prior testis, & universus clerus, & populus Jaderensis. Et ego G. G. Scriptor hujus cartulæ his interfui, & testis sum.

Notæ.

(1) Die post mensem septimo, ex quo scilicet captivus fuerat abductus, aut libertatem adeptus.

(2) Marcus ne, an Micha seu Michael notetur, conjici ex membrana non potest. Uterque est Episcopus Jadertinus, Marcus ante annum 1124. cui hoc anno successus fuit Micha sive Michael: in hæc tempora consignanda videtur chronologica nota hujus donationis.

Ac de D. Chrysogono in Episcopatu Jadrensi S. Donati recte animadvertit Farlatus, ignotum hæcenus esse locum, ubi corpus S. Chrysogoni conditum sit: de hoc vero in hanc sententiam scribit Flaminius Cornelius in Tom. V. monum. Eccl. Venet. pag. 236. Os in hac Ecclesia (SS. Gervasii & Protasii) asservatur S. Chrysogoni Martyris, cujus venerandum corpus, ut ex traditione acceptum est, Jadra delatum in hac Eccle-

*Ecclesia, cujus titularis patronus ideo electus fuit, diu requievit: cum vero inter collapsa Ecclesiae ruinas confuso ordine res ageretur, eam nactus occasionem quidam Jadrensis civis Venetiis eo tempore degens noctu clam D. Chrysogoni corpus inter acervos lapidum delitescens collegit, Jadramque retulit, ubi adhuc maxima colitur religione.*

Opinio de  
Episcopatu  
Præstantii  
II.

Nunc paullo inferius regredi oportet, ut de Episcopatu Præstantii II. quem Valerius a Pontice Ecclesiae Jadertinae Episcopum subiecit Andree itidem Antistiti Jaderensi anno circiter 1059. Nititur is auctoritate regii diplomatis a Cresimiro dati eodem anno, quod in Theodosio Episcopo Belgradensi habes descriptum Tom. IV. pag. 2. sed Valerio Farlatus repugnat; eæ autem rationes, quibus adducitur, ut Præstantium II. e catalogo horum Antistitum expungat, satis non esse videntur ad persuadendum. Nam, licet sententia Acuzonis Apostolicæ Sedis legati secundum monachos S. Chrysogoni rejici queat in annum 1059. ad exitum vergentem, vel in proximum ineuntem, id intelligi revera debet de promulgatione ejusdem sententiæ, quam prorogari necesse fuerit gravi quapiam de causa: hinc Andreas Episcopus, qui ferendæ sententiæ testis interfuit, in tabulis promulgationis *Andreas quondam Episcopus* dicitur, quippe e vita jam excesserat: quare hoc anno 1059. potuit sane Præstantius Jadertinam sedem obtinere. At, inquit Farlatus, in diplomate Cresimiri mensis Februarius ejusdem anni consignatur, cum Maynardus, cujus nomen eidem diplomati inscriptum est, legatione Apostolica adhuc in Dalmatia fungebatur; propterea Acuzonis legatio postponi omnino debet huic mensi, & Andree Episcopatus ita ulterius produci, ut locus Præstantio II. nullus, nullum tempus regendæ Ecclesiae Jadertinae supersit. Et recte quidem, si cetera sibi constarent: video enim in regio diplomate Laurentium Antistitem Ablorensem *Archiepiscopum Spalatinum*, in sententia vero Acuzonis eundem a *Spalatinis*, & a cuncto Concilio *Archiepiscopum electum* dici; igitur, si Laurentius Archiepiscopatum adierat mense Februario anni 1059. cur electus solummodo dicitur in tabulis Acuzonis, cujus adventu Archiepiscopatus sibi delati jura, & insignia, tum litteras Pontificias, & pallium ab ipso Acuzone receperit, ut in Tom. III. pag. 131. fule narrat Farlatus? isthæc sane inter se non coherent; utque Acuzonis sententiam rejicere non ausim, ita regio Cresimiri diplomati aliquid fidei videtur adimi, atque auctoritatis. Adde his maximam discrepantiam unius ab alio ex hisce monumentis in nota chronologica indicationis, quorum alteri decima, alteri tertia indictio inscripta est, & neutra congruit cum anno 1059. neque veri similitudinem habet, librarii errorem irrepsisse in utramque. Tum animadvertas velim, Joannem IV. Spalateni Pontificatu se abdicasse anno jam inito 1059. & paullo post, cum quidam Apostolica sedis legatus ad Ecclesiam Spalatensem accedens provincialem Synodum coegisset, ut tradit Archidiaconus, in eo concilio omnium mentes & vota in personam Vener. Laurentii Aplorensis Episcopi . . . convenerunt, ipsum in Patrem & Archiepiscopum unanimiter proclamantes: hic vero legatus, cujus nomen Archidiaconus reticet, is est Maynardus, ut recte conjicit Farlatus in *Illyrici Sacri Tom. V.*

Tom. cit. pag. 129. ejusque in Dalmatiam adventum refert ad exitum anni 1059. aut insequentis initium; & cum negotia eidem concredata ejusmodi essent, ut haud brevem temporis moram sibi deposcerent (erat enim de usu linguæ Slavonicæ in rebus sacris definiendum, dissidiaque componenda profecto gravia de metropolitico jure inter Spalatensem & Diocletanum sive Antibarensem Antistites) quis non videt Maynardo multo longius Dalmaticæ commorationis tempus esse tribuendum, quam quod paucis mensibus possit contineri? quapropter Acuzonis legatio, & Andree Episcopatus ad dimidium saltem annum 1060. eoque inferius protrahi debet, quam velit Farlatus. Quæ autem causa, cur legatus in Dalmatiam mitteretur? siquidem a Maynardo res probe compositæ fuerant; neque credimus, ideo in eam provinciam legatum unice fuisse, ut Laurentio pallium deferret; id enim negotii Spalatenfibus legatis committi æquius fuit, qui Romæ aderant, ut de confirmanda Laurentii electione agerent cum Pontifice. Fallitur autem Farlatus, cum ait, nullum civem Jaderensem nominari testem in diplomate Cresimiri; extat enim nomen *Druse*, sive *Drase* filii *Præstantii Episcopi*, de quo mentio in Præstantio I. cive, & Antistite Jadertino. Neque Valerius satis se se tueretur, cum affirmet, Dragum quemdam, qui Præstantii Episcopi e filia nepos dicitur in monumentis Jadrenfibus anni 1091. & 1093. non posse cum Præstantio I. conjungi adeo arcta sanguinis propinquitate; unde Præstantius, quem illa monumenta commemorant, alter sit hoc nomine Episcopus Jaderensis: etenim Præstantii I. Episcopatus initium habuit anno circiter 1018. ideoque tantum temporis superest, quod & filiarum, & nepotis ætatem commode eodem sæculo complectatur. Atque hisce in utramque partem perpensis, mihi certum sit, de Episcopatu Jadrensi Præstantii II. nihil posse tuto decerni.

Gregorio Jadrensi Episcopo XVII. Colomannus regis muneribus Jadertinam Ecclesiam, & universam Dalmatiam cumulavit; quod narrat etiam Farlatus ex dec. 2. lib. 5. non vero 1. Bonfinii; sed Andreas Dandulus clarius hæc in Annalibus scripsit: *Apud Jadram curiam tenens, Colomannus, Dalmatas in suis libertatibus & consuetudinibus conservare promisit, & Spalatinæ, Jadrensi, & Arbensi Ecclesiis pro unaquaque crucem unam contulit.* Extat sane Jaderæ in principe Ecclesia prædices opus nobili marmore elaboratum, *Ciborii*, ut ajunt, formam exhibens, & aræ maximæ impositum, quod majorum memoria traditum est, ab ipso Colomanno Jadrensi Ecclesiae donatum fuisse: huic summo in vertice crux eminebat, & chronologica nota insculpta erat anni 1105. in hunc pæne modum:

M + CV

qui annus est deditionis Jadrensis constitutus a Farlato.

Cum Lampridius Archiepiscopi dignitate primus regeret hanc Ecclesiam, exortum de prædio quodam dissidium inter Antistitas, Uraniam Platoniani, Scemosam Mariani monasterii ipse composuit, lata secundum Scemosam sententia, quam Farlatus describit pag. 59. sed cum tabulas omiserit, quarum testimonio freta Scemosæ prædium illud sibi jure vindicabat, eas lubet proferre, quippe quæ & ab ipsa Scemosæ

Monumentum Jadrense regis Colomanni.

Ecc 3

mosa in Lampridii sententia citatae sunt, & donationem praedicti, de quo ibi erat, aperte confirmant.

Donatio Petri Semiviti monasterio S. Mariae,

Ego Petrus Semiviti filius una cum filiis Civitatis, & omnes mei propinqui donamus pro animabus nostrorum parentum, & pro salute nostra, & nostrorum successorum cenobio S. Mariae Ecclesiam, quae est in Bracizio dedicatam in honorem SS. Apostolorum Petri & Pauli, & cum omni territorio nostro incipiente a territorio S. Chrysogoni ex utraque parte descendente usque ad rivum, & ex alia parte rivi ascendente usque ad silvam juxta territorium S. Nicolai, excepto quasdam terrulas, quae est in medio S. Chrysogoni, ut habeant, & possideant in perpetuum. Siquis hoc nostrum factum frangere praesumpserit, maledictionem Dei incurrat, & secundum morem terra satisfaciatur. Actum est hoc coram horum nobilium praesentia, videlicet, . . . Jadertini Episcopi, & Drago Prioris, atque Madio Judicis, necnon Slavizi Tregnani, & aliorum nobilium. Et ego presbyter Martinus capellanus interfui, scripsi, & testis sum.

Alius sententiae auctor fuit Lampridius cum Dominico Mauroceno Jadrae pratore in controversia, qua de fundo Petrizani contendebant Damania quidam, & Rolanna Antistita ejusdem monasterii S. Mariae; cumque juramento obstringi se se Damania abnueret, ut fundum sui juris esse fateretur, Lampridius agrum Rolannae, quae fidem suam sacramento probaverat, & Mariano cenobio adjudicavit.

& Lampridii Archiepiscopi pro eodem monasterio sententia,

Anno Domini & Salvatoris nostri Jesu Christi MCLXXIV. quartodecimo die mensis Novembris Indictione VIII. Jadrae temporibus equidem Sebastiani Ziani Ducis Venetiae, & Lampridii Venerabilis Jadertini Archiepiscopi, atque Dominici Mauroceni ejusdem civitatis Comitis. Divina providentia ideo Principes & judices in mundo constituuntur, ut prava corrigant, & quae iusta videntur legaliter examinantes ad rectum deducant tramitem. Igitur nos quidem Lampridius Dei gratia sanctae Jaderensis Ecclesiae Venerabilis Archiepiscopus & Dominicus Maurocenus Comes egregius, dum in nostra civitatis platea resideremus una cum nostris iudicibus Chrysogono filio Zavarelli, Votivara Bergulli, & David Grubinsca, atque Consulibus Petrizo Michaelis Pance, Gregorio Coce, Dimitrio filio Sanae de Spirco, ac Micha Petrici, multisque aliis nobilibus iustitiam pertractantes, & unicuique eam poscenti legaliter diffinientes, tunc venit ante nostram praesentiam Damania filius Zigali cum filiis ser Jacobo, & Joanne, & filiis Vitale Petrizo, & Lampridio Maldenacio, Petrisa filio . . . re, Lampridio filio Bogdani & conquerebantur se adversus Rosanam Abbatissam S. Mariae de illa terra quae permanet juxta Ecclesiam Sancti Vigili in loco qui dicitur Petrizani a mari usque ad rivum, & a rivo usque ad burgum quem admodum vadit usque ad alium rivum, suamque esse dicebant; Nos vero praenominatus Archiepiscopus Lampridius, & Dominicus Maurocenus Comes cum Damiano filio Sloradi Prodanq Karaticae Madio Joanni Greci multisque aliis nobilibus, & cum ipsismet cunctes vidimus dictam & assignatam terram, & post Jaderam sumus reversi. Nam & praenominati nostri iudices & consules iusto legis iudicio decreverunt ut dicta Abbatissa Rosana cum tribus sanctis monialibus juraret, quod dicta terra sua foret; & si Damania Zigali cum duodecim suis propinquis se-

condum quod dicebat iuramento vellet firmare, praescriptam terram acciperent; qui penitus iurandum spernentes illud sapientiae Abbatissae Rosanae dederunt, cui namque coram nobis iurans assignatam & praedictam terram dedimus, & hac nostrae dijudicationis pagina in sua semper maneat firmitate,

Ego Lampridius D. G. Jadrae Archiepiscopus.

Ego Dominicus Maurocenus D. G. Jadrae Comes testis. Ego Grisogonus iudex testis. Ego Votivara iudex testis. Ego David iudex testis. Ego Petrizo Michael Pance testis. Et ego Gregorius Coce testis. Ego Dimitrios MM. testis. Ego Micha Petrici MM. testis. Ego Mathaeus S. Anastasia subdiaconus Jaderensis notarius iussu curiae scripsi, roboravi, & consueto signo signavi.

Lampridio suspectus est Thebaldus anno circiter 1177. de quo haec in Annalibus Camaldulensium ad an. 1177. Thebaldus ex Priore monasterii Fontis-Avellanae, suscepto regimine Ecclesiae Eugubinae anno 1160. post mortem Ubaldis sanctissimi Episcopi, per aliquot menses tanquam electus praesedit ei Ecclesiae: inde secedens sine malevolorum factione, sive ne cum schismaticis Episcopis participaret, locum fecit Bonasto, & Bonasti successoribus Episcopis vel pristinam suam Font-avellanensem solitudinem petens, vel episcopali honore contentus privatam vitam agens, vel demum mortuo aut exturbato Bonasto, rursus post annum 1163. accitus ab Eugubinis ad ipsorum Ecclesiam regendam: quod postremum vero videtur similis; quippe Thebaldus expectatus fuit Archiepiscopus ab Jaderensibus, cum adhuc regeret Eugubinam Ecclesiam, ut Farlatus suo loco notavit, cui tamen monastica vita Thebaldi ante Episcopatum ignota fuit, Subdunt praeterea Camaldulenses sententiam Ughelli de Episcopatu Thebaldi, quam, uti Farlatus, & ipsi recte rejiciunt; etenim, inquit, jam constat ad Jaderensem Ecclesiam ipsum transisse; quo ipsorum testimonio, ceterisque a Farlato adductis monumentis omnis dubitatio adimitur, utrum solida sint conjecturae de ipsius translatione ab una ad alteram Ecclesiam: ut ad annum 1190. scribitur in Annalibus laudatis; atque inde de Thebaldo iudicium ab eruditissimo viro P. Sartio prolatum duximus huic loco inferendum. Miratur Sartius scriptorum complurium bonam fidem, qui Theobaldum Jaderensem Archiepiscopum Beati, immo Sancti titulo ornatum volunt; quorum aliqui sanctum eius corpus in cathedrali Eugubina Ecclesia, cujus fuerat Episcopus ante translationem ad Jaderensem, religiose adservari subdunt, atque ut annum ipsius emortualem assignant eum fere, quem Ughellius astruit, nempe 1170. ita & ejus obitum in diem 20. Februarii conjiciunt. Inter quos totus est Jacobillus in extollenda ipsius sanctitate, quam non ex alio fonte haurit, nisi quod Theobaldus scriptis tradiderit vitam S. Ubaldis antecessoris sui. Quibus reponit Sartius, nullum Theobaldo cultum Eugubii adhiberi, nullam ipsius corporis memoriam extare, nullas tabulas, nullum monumentum, nullumque idoneum auctorem occurrere ad ejus sanctitatem comprobendam; idque unum verissime posse de Thebaldo dici, dignum ipsum iudicatum fuisse a S. Ubaldo, qui ei in Episcopatum succederet. Cur enim tam saepe affirmasset Ubaldis, eum rectorum esse Eugubinam Ecclesiam, nisi tali eum munere dignissimum putaret? Quae omnia asserit Sartius etiam si in dubium revocaret aliquis, an unquam Theo-

De Thebaldo Episcopo patu & statu iudicium.

Theobaldus ex Eugubina ad Jaderensem Ecclesiam fuerit evocatus. Si vero solida sint conjectura de ipsius translatione ab una ad alteram Ecclesiam, honorem profecto in hac postrema obtinuit. Anne, qui Theobaldo sanctitatis laudem tribuunt, ipsum confundunt cum Theobaldo, seu Thendaldo altero Episcopo Eugubino, quem pariter faciunt Avellanensem monachum, quique vixit saeculo antecedenti temporibus S. Petri Damiani? cui illorum conjecturae facile assentior, cum neque in Jaderensi Ecclesia ullum sanctitatis, cultusque honorem obtinuerit; quin, ut dies, & annus, quibus vita excessit, ipse sepulchri locus penitus ignoratur.

De Leonardo  
do Archiepiscopo.

Thebaldi successor Leonardus monasterium S. Felicis regebat Venetiis ante susceptum Jaderensem Archiepiscopatum, ut notat etiam Farlatus. Monasterium hocce in insula Amiani situm fuit, quae in Venetis aestuariis haud ab Altino procul multis referta erat Divorum Ecclesiis, inquit Flaminius Cornelius in monum. Eccl. Forcellanae part. 3. cujus auctoritate haec de Leonardo adjicimus suismet verbis. Innocentius III. cenobium S. Felicis de Amianis sub Apostolica Sedis protectione suscepit anno MCIC. die XVI. Novembris amplissimis ad Leonardum Abbatem datis epistolis, in quibus bona ab ipso cenobio tunc temporis possessa singillatim enuntiantur, eique Pontificia auctoritate confirmantur. Meminit Leonardi etiam scriptor vitae Innocentii III. apud Raynaldum in Tom. I. Annal. an. 1206. Defuncto apud Constantinopolim Henrico Dandolo, Petrus tyrannus (Petrus Zianus) apud Venetias est promotus in ducem; qui Abbatem S. Felicis de Venetiis eligi fecit in Archiepiscopum Jaderinum, & auctoritate Patriarchae Gradenfis confirmari, & consecrari, mittens sollemnes nuncios ad summum Pontificem pro pallio impetrando, quod ei altera vice fuerat denegatum. Hunc igitur Leonardum Jaderinam Ecclesiam praefecit Petrus Zianus, Jaderinis ipsis polcentibus, ut asserit Farlatus; sed, pergit Anonymus scriptor, Innocentius memor offensa, quam in destructione Jadera Veneti commiserunt, taliter ei (Petro Ziano) Dominus Papa rescripsit. „Apostolicae servitutis officium laudabiliter exercemus, si juxta quod docet Apostolus, arguimus, obsecramus, & increpamus in omni patientia. . . Non ergo duritia imputetur, sed vestra ascribitis offensa, quod preces, quas pro pallio destinando Abbati S. Felicis, quem vos Jaderinum appellatis electum, per praefatos nobis nuncios porrexistis, non duximus admittendas, quia, cum ex iis, quae per vos acta sunt contra Jaderam, nimis contra nos scandalizatus sit populus Christianus, nolimus propter vos aliquid agere circa Jaderam, pro quo amplius scandalizari possit contra nos Ecclesia generalis, quod utique fieret, si ad petitionem vestram ei pallium largiendo absque omni satisfactione factam remisisse videamur offensam. . . Dat. Ferentinum non. Aug. anno nono, idest 1206.

Dux tabulae  
cellio-  
nis mona-  
sterii S. Pla-  
tonis in  
et PP Do-  
minicanis.

Cum anno 1228. Patres Dominicani Jaderam accersiti angustiores aedes obtinissent, quam & Fratrum numero, & incolarum ad apostolica eorumdem ministeria frequentia satis esset, tandem sub Laurentio Archiepiscopo Ecclesia, & monasterium S. Platonis illis ultro concessa fuit anno 1248. ab virginibus ibidem degentibus; cujus cessionis tabulae a Farlato omittae hujusmodi sunt.

In Dei aeterni nomine amen. Anno ab Incar-

natione D. N. J. Christi 1248. mense Junii die 16. intrante Indictione 6. Jadera in praesentia subrogatorum testium quorum nomina inferius inferuntur, Bona Abbatisa Monasterii S. Platonis de Jadera praesentibus, & consentientibus monialibus suis sororibus ipsius monasterii sponte, libere, & absolute resignavit ipsam Abbatiam, atque locum ipsum cum orto & omnibus adjacentiis suis circa monasterium prout ipsa possidebat, & omne jus eis competens in eisdem, vel aliquo casu competere posset, in manibus Laurentii D. G. Jaderensis electi, & ejus Capituli, dicens, quod tam de Abbatia quam de ipso loco seu monasterio & ipsius adjacentiis faceret & disponeret secundum suae arbitrium voluntatis, renuncians litteris impetratis, & impetrandis appellationibus factis & faciendis & omni juri atque constitutioni, defensionis & legum auxilio & omni privilegio, quibus in hac parte se defendere posset; quam cessionem, seu resignationem praefatus D. Laurentius electus una cum Capitulo suo ad hoc convocato acceptavit & approbavit ibidem providens ipsis in continenti de alio loco decenti. Ad cujus rei perpetuam firmitatem nos praedictus Laurentius electus sigillo nostro & Capituli Jaderatini praesens scriptum fecimus communiri. Actum est hoc & confirmatum coram his vocatis & rogatis testibus scilicet D. Nicolao Abbate S. Grisogoni, Marino de Calcina & Petro fratre Bene presbyteris S. Petri novi de Jadera & aliis multis.

Ego Petrus Scand. &c.

Extant praeterea tabulae, quibus idem Laurentius Archiepiscopus eodem anno testatur, se Platonianas aedes Patribus Dominicanis tradidisse consilio, jussuque Jacobi Theopoli Ducis Venetiarum, & Leonardi Quirini Patriarchae Gradenfis; cum anno ante ipse Theopolus litteras dedisset Dominico Laurentii decessori, ut locum opportunum ad cenobium, & templum Dominicanae familiae edificandum seligeret.

In nomine Dei aeterni amen. Anno ab Incarnatione D. N. Jesu Christi 1248. mense Aprilis die octavo intrante Indictione 6. Jadera in praesentia subrogatorum testium, quorum nomina inferius inferuntur. D. L. D. G. S. Jaderensis Ecclesiae electus taliter in scriptis pronunciavit dicens.

Nos Laurentius D. G. S. Jaderensis Ecclesiae electus universis Christi fidelibus, ad quos praesens scriptum pervenerit, in Christi sanguinis aspersione salutem. Universitati vestrae praesentibus innotescat quod cum viri religiosi. . . ordinis Praedicatorum jam dudum per Venerabilem Patrem bonae memoriae Dominicum Francum praedecessorem nostrum, necnon clerum & populum Jaderinum ad ipsam civitatem liberaliter advocati propter diversos eventus, qui ibidem accidere, locum suo ordini congruentem non fuissent hactenus affecti, & hoc scientes illustris vir Jacobus Theopolus D. G. Dux Venetiarum ac Venerab. Pater L. Quirinus eadem gratia Gradenfis electus & Dalmatiae Primas nobis suas litteras transmississent preces & mandata continentes ut eisdem Fratribus in loco competenti & honesto infra muros civitatis providere deberemus. Nos attendentes eorumdem fratrum praesentiam nobis & populo Dei esse perutilem eo quia incorruptum legis lumen saeculo praebant verba praedicationis & exemplo, necnon praedictorum virorum illustrium Ducis scilicet & Patriarchae preces exauditionis gratia privari non debere, de

de bona voluntate nostro consilio, & assensu totius Capituli nostri Comitum Consiliariorum fundatorum ac civium aliorum Ecclesiam S. Platonis, in qua paucæ moniales residebant cum domibus, orto, & certis circumadiacentiis ad monasterium pertinentibus in giro prout ipsæ possidebant ipsis sponte cedentibus & renunciantibus omni juri & actioni, quæ tam Abbatissæ quam monialibus nomine monasterii competeat vel competere in futurum, ipsaque Abbatissæ quæ pro tempore fuerat cum suis monialibus de mandato & voluntate D. Patriarchæ decenter & honeste prout commodius fieri poterat alibi collocatis & locum pro loco competenti affectis ut ex tali translatione nihil possit Ecclesiæ matri ex parte monialium diminui vel deperire quæ debite recipere consuevit, prædictis fratribus Prædicatoribus contulimus perpetuo possidendam.

Verum quia locum effluentia largitatis requirit influentia gratitudinis ut illic se dirigat gratiarum actio ubi beneficiorum se extulit magnitudo, jam dicti Fratres nobis renunciantibus omni juri qui in eodem monasterio videbamur habere & præcipue correctioni, visitationi, procuratori, cathedrali, & similibus, singulis annis in festo S. Anastasiæ nobis solvere quinque libras incensi & duos cereos quorum quilibet libram cera continebit, & duas angustarias vini puri liberaliter & devote, & ut omnis processus malignandi penitus auferatur & Fratribus quies contemplationis augeatur, præsentibus litteris nostri sigilli & Capituli munimine roboratas eisdem duximus concedendas. Actum est hoc & confirmatum coram his testibus vocatis & rogatis scilicet D. ... Justiniani Comite Jadra, Johanne Gradonico & Matheo Cornario consiliariis, Marino Bono milite dicti Comitum & aliis multis.

Ego Petrus Scandolarius presbyter S. Apollinaris Jadera notarius huius prædictis interfui rogatus, ut audivi hanc cartam scripsi & signo consueto signavi.

Initia Archiepiscopi  
patus Laurentii, &  
pontificis  
ad eum lit-  
teræ.

Hic autem corrigenda Farlati, atque Ughelli opinio de initio Archiepiscopatus Laurentii: cum tabulæ Patriarchalis archivi Venetæ Ecclesiæ anno 1245. descriptæ, quæ Petrus Pino Castellanus Antistes cuidam Joanni presbytero SS. Trinitatis Ecclesiam D. Marci de Baruto attribuit, & a Cornelio editæ in Dec. xvi. monum. Eccl. Ven. part. 2. pag. 225. præferant Laurentium hoc anno Archiepiscopum renunciatum fuisse: In Nomine Dei aterni amen. Anno ab Incarnatione D. N. J. C. 1245. mensis Februarii die 13. Indiæ. IV. &c. In cuius rei testimonium præsens instrumentum nostri sigilli munimine jussimus communiri, præsentibus fuerunt D. Magister Laurentius electus Jaderensis &c. Igitur huic anno initia affigenda Archiepiscopatus Laurentii; cui etiam scriptæ fuerint litteræ Innocentii IV. quas protulit Farlatus in Dominico Laurentii decessore pag. 76. Ad eundem Laurentium spectant huius Pontificis aliæ litteræ, quas, Lugduni cum esset post absolutum hoc anno 1245. Concilium, ad Spalaten. Jadren. Raguf. Metropolitam misit, atque ad provinciales illorum Episcopos; iisque B. Diaconum Cardinalem legatum ad partes Dalmatiæ commendat, & ut eum reverenter excipiant, ejusque monitis ac præceptis obtemperent, hortatur: hæc vero de re fusius in historia Ecclesiæ Ragusiæ.

Confirmatur Jader-  
nibus pos.

Contigit per hæc tempora translatio corporis S. Simeonis Prophetæ ad urbem Jaderi-

nam, cujus possessione jure gloriantur Jaderenses cives; & Farlatus cum in Laurentio Archiepiscopo, tum aliis in locis omnia fule accurateque argumenta congestit, quæ certissimam rei hujusce vindicant veritatem. Hæc si animo evolvisset scriptor quidam, qui edito libro adversus Jaderensem Simeoniani corporis translationem differuit, neque sibi illaudatam inuisset notam, neque Jaderensium in se commovisset indignationem. Extant Anonymi litteræ, quibus is illius scriptoris argumenta solide, eruditeque refellit; sed in hoc leviter errasse mihi videtur, quod in testimonio ex Codini Excerptis allato Θεοτόχης vocabulum Simeonis nomini adjectum a Codino pro Θεοτόχῃ cuiuspiam martyris nomine acceperit. Miror tamen, Flaminium Cornelium illustrem profecto & genere & eruditione virum Jaderensem S. Simeonis translationem unius traditionis testimonio innixam credidisse. Tuetur ipse antiquam fidem, atque opinionem, qua creditur corpus S. Simeonis Prophetæ in ecclesia conditum esse ejus nomini, cultuique Venetiis dicata anno 967. sed si Danduli testimonium excipias, de quo inferius, quodnam Venetæ translationis rationum momentum affert, quo veram esse, tutamque existimemus, præter inscriptionem a Bartholomæo Ravachalo ædis Simeoniani Antistite quatuordecim supra centum post annos ab transectis Venetias Simeonis reliquiis insculptam arcæ marmoreæ, ubi sacrum corpus inclusum fuit anno 1318. ? hujus vero auctoritas, quo alio nititur monumento, nisi vulgata populi opinione, & fama? dum cetera interea desunt, quæ Jaderensium possessionem suffulciunt, atque confirmant. Neque Andrea Dandolo major adhibenda fides, quippe qui chronicon scripserit sæculo xiv. & num ex popularium voce, num ex litteris, monumentisque suam narrationem hauserit, incertum omnino est, quam Carolus du-Cangius in lib. 4. Constantin. Christ. ff. 1. ex eo reprehendit, quod corpus S. Simeonis in æde Constantinopolitana S. Jacobi Minoris conditum erat, unde Venetias transferri debuit, non de oratorio S. Mariæ adhaerente Ecclesiæ S. Sophiæ, ut Dandulus tradit: quare ff. 5. subdit Cangius: S. Jacobi ædem juxta Chalcopratianam exedificavit Justinus Junior Imperator, in qua extiteret reliquiæ SS. Innocentium, S. Simeonis, S. Zachariæ Prophetæ; fretus scilicet Codini auctoritate, qui in Excerpt. de origin. Cp. cap. de ædific. testatur, S. Simeonis Prophetæ reliquias in Ecclesia S. Jacobi extitisse; ἵνα εἰς τὴν ἐκκλησίαν τῆς ἀγίας καὶ ὑψηλῆς τοῦ ἁγίου ὑψηλῆς, Συμεὼν τῷ Θεοτόχῃ &c. Scio in Menæis ad diem 2. Februarii hæc legi: Celebratur festus dies SS. Simeonis & Annæ Prophetissæ ἐν τῇ σιπτῇ ἀποστολῇ τῷ ἁγίῳ ἰακώβῳ τῷ ἀδελφοδὲν, τῷ ὄντι ἐν τῇ σεβασμῇ καὶ τῇ ἀγίᾳ Θεοτόκῃ, πλησίον τῆς ἀγιωτάτης μεγάλης Ἐκκλησίας: quibus innuitur, ædem D. Jacobo sacram sacellum potius fuisse Marianæ ædi interius exteriusve adjectum a Justino, ubi ea Divorum lipsana condi jusserat: ædes autem Mariana proxima erat Magnæ Ecclesiæ. In hanc sententiam forte pendet animo etiam Bandurius in Antiq. Constantinop. Tom. 2. sed obscurus verborum sensus videtur: quippe ædem Deiparæ Chalcopratianam minime distinguit ab eo loco, quem ἁγίαν σοφὴν appellant Græci scriptores, seu sacrum Conditorium a Justino, ut ferunt, ædificatum: tum prope ἁγίαν σοφὴν templum Divi Jaco-



Jacobi extitisse affirmat Menzororum auctoritate, quæ tamen illi potius adversatur: demum & si oppo ea Divorum corpora collocat, scilicet in sacello ipsi Ecclesia D. Jacobi proximo ac contiguo, ut Marianæ ædi prope aderat sacrum conditorium Chalcopratianum. Verum hæc hujusmodi sunt, quæ Danduli errorem minuerere quidem possunt, immo etiam auferre, nihil vero addunt hominis auctoritati, quo Venetæ Simeoniani corporis translationi fides adjungatur. Equidem corporis S. Simeonis Hierosolyma primo delati Constantinopolim extat memoria in Martyrologio ms. Arabo-Ægyptio in latium sermonem converso ab Gratia Simone Maronita, ubi Kalendis Decembris notatur *solemnitas translationis corporum S. Jacobi fratris Domini & SS. Simeonis & Zachariæ*; quæ uno eodemque in loco sepulta fuerant, ut scribit Gregorius Turonensis lib. 1. mirac. cap. 7. *sepulchrum, scilicet S. Jacobum, in monte Oliveti, in memoria, quam ipse sibi prius fabricaverat, & in qua Zachariam ac Simeonem sepeliebat, ante nimirum, ut ego reor, quam Episcopus Hierosolymitanus creatus esset; nisi sepulturam pro translatione ad aliud sepulchrum hic velis aptius intelligi. Idem asserit Arculphi Episcopi testimonio, quæ sacra Palestinæ loca inviserat, Adamnanus Scotus sæculi VII. scriptor in lib. de loc. Terr. Sanct. cum ait, De rupe excisa, & separata montis Oliveti, in qua intrinsecus ferramentis cavata duo monstrantur sepulchra, sine aliquo ornatu: quorum unum illius Simeonis Justus est, qui infantulum Dominum Jesum in templo ambabus manibus amplexus de ipso prophetavit. Sed Arculphi, & Adamnani ætate vacuum erat sepulchrum, siquidem Constantinopolitana sacri corporis translatio facta esse videtur sæculo VI. cum sanctis hisce exuviis excipiendis locandisque templum extruxere Justinus Junior & ejus uxor Sophia Jacobi Minoris titulo insigne: nam laudatus Codinus ipsi Justino, ac Sophiæ erecti templi laudem attribuit: Idem Imperator, Justinus, qui Chalcopratianam ædem edificaverat, Ecclesiam S. Jacobi extruxit, ubi in suis conditoriis asservantur reliquiæ SS. Innocentium, & Simeonis Theodochi, & Propheta Zachariæ, & Jacobi ræ Adelpodæ. Igitur uno, ac eodem tempore translata, uno itidem, ac eodem in loco tria hæc corpora condita fuerunt, in templo nimirum S. Jacobi Minoris; unde vel clam surreptæ, vel a Græcis templi custodibus divendiæ Simeonis reliquiæ, dum fides interea penes populares stetit sacrum corpus adhuc in suo loculo servari, Jaderam felicibus auspiciis appulerunt. Sane, si de Simeoniano integro corpore intelligantur verba Codini, æque de Veneta, ac Jaderensi translatione actum omnino esset; cum, sive Cantacuzeno, sive postremo Constantino Imp. vixerit, ejus ætas incidit in sæculum XIV. aut XV. posteaquam hujus corporis reliquiæ Constantinopoli fuerant avectæ: quare aut vestium, aut etiam exiguas ejusdem corporis particulas ibidem extitisse oportet, quarum meminit Codinus; integri autem corporis veritas cujusque oculis manifesta patet, qui Jaderam ejus vilendi, colendique causa adeat. Hisce adde Nicolai de Malerbio auctoritatem sane gravissimam: hic Venetus civis, & monachus Camaldulensis cum opus de vita Sanctorum a Jacobo de Voragine scriptum in Italum sermonem verteret, Jacobi testimonium de Simeoniano corpore ita*

est interpretatus, ut ne ullo quidem verbo ejus sententiam in dubium revocaret: ita vero Jacobus de Simeone testatur; *Perfectis omnibus juxta legem . . . Simeon post diem tertium obdormivit in Domino, & sepultus fuit Hierosolymis: sed ejus corpus Jadera integrum perhonorifice conditur*; quæ ex Malerbii versione huc transtulimus: sive autem Jacobus id revera scripserit, sive additamenti ab aliquo scriptore insertum sit, quibus Jacobi opus auctum fuerat, mirum profecto est, Nicolaum, qui Venetiis ortus prope eam urbem in insula Muriani florebat sæculo XV. doctrinæ & eruditionis fama merito illustris, cum Jacobi libros in Italicam linguam converterit, quique Venetæ urbis monumenta, & veteres historias probe callebat, nihil omnino Jacobi objecisse sententiæ, quo patriæ suæ beatissimi corporis possessionem servaret. Saussajus in Martyrologio Gallicano ad diem octavum Octobris liberrime affirmat, *S. Simeonis brachium, quo Christum amplexus est, a Carolo Magno . . . Aquisgrani in Basilica ipsi glorioso Regi dilectissima almæ Dei Genitricis collocatum, a Carolo Calvo ejus nepote ex nobilis ædis sacrario depromptum ad cœnobium regale sancti Dionysii prope Augustam Lutetiam perpetuo honore colendum magna devotione delatum esse*. . . . Ceterum alterum S. Simeonis brachium dudum in Lisbornensi Abbazia Ordinis Benedictini Monasteriensis diocesis conditum integrum illic servatum fuit, donec dimidia ejus pars ab illius loci Abbate dono data Alberto, & Isabella Archiducibus in Belgicam Galliam advecta, & condigna reverentia in sacrario Bruxellensi reposita est, ubi hactenus pie & devote adservatur. At vero reliquum tanti Beati corpus in Basilica Metropolitana Jaderensi quiescit, quæ urbs est, & insula Venetorum in Liburnia. Sed ex iis, quæ in medium attulimus, error Saussaji facile deprehenditur; & præterquamquod constat, corpus S. Simeonis in ea æde ab Jaderensibus præcipua colli veneratione, cui ab ejus nomine titulus inditus est, miror sane, eruditissimum Ordinis Benedictini scriptorem Mabillonium silentio præteruisse hocce adeo pretiosum Caroli Calvi munus, cum ejus donaria Dionysiano templo collata distincte enumerat in Tom. 3. Annal. Benedict. lib. 37. cap. 100. hisce verbis; *In altare S. Trinitatis . . . tria sanctorum brachia collocavit, nempe Jacobi fratris Domini in medio, sancti Stephani martyris a dextris, & sancti Vincentii a sinistris*; & in Tom. 6. ubi de Lisbornensi monasterio scribit, ne verbo quidem uno innuit S. Simeonis brachium illic extitisse: quamvis haud negaverim in Tom. V. Scriptorum Hist. Franc. pag. 288. vetus Fragmentum de vita Ludovici VIII. editum fuisse, in quo narratur, Ludovicum adhuc puerum, & gravi morbo affectum ad tactum sacri clavi, & spineæ coronæ Domini, & brachii sancti Simeonis per totum ventrem in modum crucis, eodem die fuisse ab imminente periculo liberatum: cum antea communi procerum consilio decretum fuisset, quod *Conventus beati Dionysii jejuniis & orationibus devote præmissis, portans secum clavum & spineam coronam Domini, & brachium sancti Simeonis senis, cum processione cleri & populi nudis pedibus incederent*. Fama quidem populari vulgatum fuit, Carolum Magnum sacris Simeonis reliquiis donatum a Græcis fuisse, & Dandulus rei hujusce memoriam retulit in Chronicon; *Inducto ergo triduo jejunio & pera-*

peracta litania Carolus obtinuit Coronæ & signi crucis partem; & brachium senis Simeonis, quas rediens in capella sua Aquisgrani deposuit: at ingenue fateor, cum Tom. 2. Annalium Francorum diligenter evolverem gesta Caroli Magni complectentem, cum in ejus vita ab Eginhardo descripta aliquod facti monumentum perquirerem, nihil licuit invenire, quod vel levem veritatis suspensionem Danduli testimonio attribuat; in Synopsi tamen vitæ Caroli Magni ab anonymo scriptore exarata sæculo XII. & a Bollandi producta ad diem Januarii vicesimam secundam quinque capita comperii lib. 2. quibus Caroli Magni cum Constantino Græcorum Imperatore colloquia proponit, hujusque sacra munera innuit Carolo oblata: sed Caroli Magni iter Constantinopolitanum omnino confictum est, & inter cetera a turpi Turpino deprompta, ut ait Bollandus, rejiciendum; cum interea Anonymus ipse Simeoniani brachii munus silentio prætereat. Alterius S. Simeonis brachii reliquiæ coli dicuntur in Ecclesia Virginum Liguriensium Petragoricensis diocesis in Gallia: idque testantur litteræ Petri Episcopi Petragoricensis scriptæ anno 1263. quas hic ex Tom. 2. Gall. Christ. subijcio. *Venerabili in Christo Patri Pontio Dei gratia Xantonensi Episcopo, & Venerabilibus viris Decano & Archidiacono ejusdem Episcopatus, Petrus ejusdem miseratione Petragoricensis Episcopus salutem & sinceram charitatem in Domino. Per præsentem litteras vobis facimus manifestum, quod brachium S. Simeonis pro certo creditum esse in Abbatia de Ligurio nostræ diocesis, & quod ibi fuit allatum de Constantinopolitana civitate, prout a viris intelleximus fide dignis: & dum Almoicis Venerabilis Abbatissa ejusdem loci, de cujus vita, & moribus vobis laudabile testimonium perhibemus, quæ modestissime a pueritia sua in dicta Abbatia vixit, dictum brachium per vestram diocesim portare secum proponat, & se transferre ad partes vestras, fidelium eleemosynas petitura, discretionem vestram affectuose rogamus, quatenus Abbatissa eidem vestras litteras, & indulgentias ad inferiores prælatos & capellanos vobis subiectos pro necessitatibus monasterii sui misericorditer concedatis, & eam in suis justis & honestis petitionibus audiat; tantum inde facientes, si placet, quod dicta Abbatissa preces nostras in iis, quæ ad nos pertinent, apud vos sibi sentiat fructuosas. Datum die Lunæ post Invocavit me. Anno Domini M. CC. LXIII. Verum quoniam hic Simeon fuerit, litteræ non indicant; & Simeoniani corporis integritas adeo est conspicua, & piæ ceteroquin hujuscemodi opinionones rejici facile queant; hinc utor Farlati verbis, cum in partibus Orientis plures alii fuerint sanctitatis excellentia celebres viri, quibus Simeonis nomen fuit, quibusque titulus, cultusque Divorum attribuitur, ex his ii fuisse videntur, quorum brachia alio translata Christiana religione coluntur.*

De Andrea  
Gaufsono  
Archiep.

Andream Gaufsonium Archiepiscopum Jadrensem electum antea Canonicum Patavinæ Ecclesiæ fuisse autumat Farlatus. Sed revera fallitur, cum in monumentis paullo inferius subijciendis idem & Canonicus Ecclesiæ S. Marci de Venetiis, & Jadrensis electus nominetur. Cum de adeunda Ecclesia Jadertina adhuc dissidium perstaret anno 1290. Venetiis debebat; eique a F. Marino Priore monasterii Tarvisini SS. XL. mandatum est, ut sententias, quas ipse

Judex delegatus a Nicolao IV. confirmaverat secundum monasterium Venetum S. Salvatoris, exsequeretur. Litteras Marini ad Andream habes descriptas in Supplem. monum. Eccl. Ven. pag. 138. quarum hoc est initium: *Ven. in Christo Patri D. Andrea Gaufsono Dei gratia electo in Archiepiscopum Jadrensis Ecclesiæ . . . F. Marinus Prior &c. Dat. Tarvisii die Jovis 111. intrante Novembris*; quibus ab Andrea acceptis, illico monasterium & Canonicos S. Salvatoris in possessione jurium suorum juxta Marini sententiam constituit; ut probant tabulæ in eodem Supplem. vulgatæ pag. 141. Anno Domini MCCLXXX. Indictione III. die Sabbati IV. intrante Novembris præsentibus Damiano Canonico Jadrensis Ecclesiæ . . . Ibiq. Ven. viri D. Andreas Gaufsono Canonicus Ecclesiæ S. Marci de Venetiis electus in Archiepiscopum Jadrensem &c. quo intelligimus Andream hoc etiam anno 1290. Archiepiscopi electi nomen retinuisse.

Anno 1306. cum Cardinalis Neapoleo Clementis V. vice, ac legatione fungeretur in Italia, Patres Franciscani Minores dicti, qui illius curæ ac tutelæ se se commiserant, ab eo litteras obtinere, quibus jussum est, ut alius cœnobii ædificationi extra urbis muros, quam Cosa Paladinus testamento legaverat, initium darent Jaderenses; ita enim legi in vetusta membrana ex archivo Fratrum Minorum de Observantia descripta: Anno 130. . . Clementis V. anno II. mandatum est a Cardinali Neapoleone Diacono Legato Apostolico, ut executioni mandaretur testamentum Cosa Paladini, qui ex bonis a se relictis disposuerat, ut monasterium, sive hospitium pro octo FF. Minoribus construeretur, & substantaretur extra mœnia patriæ suæ Jadra; idque tempore F. Jacobi Dei, & Sedis Apostolicæ gratia Archiepiscopi Jadertini. Sed litteræ Legati, nescio quam ob causam, irritæ fuerunt: Extat tamen aliud Neapoleonis diploma eodem anno iisdem Patribus concessum, quoad augendam populi in eorum templum frequentiam tantundem de pœnis canonicis remittit iis, qui statis sollemnibus diebus Deiparæ Virginis, B. Francisci, B. Antonii, & B. Clara, ac etiam illorum Sanctorum, in quorum honore præfata Ecclesiæ sunt constructæ, necnon in consecrationibus Ecclesiarum, & altarium earundem, & per octo dies ipsas festivitates immediate sequentes, idem templum adeant; quantum piis religionis, ac laboris operibus expiari centum dierum spatio oporteret. Eandem porro pietatis benevolentiam expertæ sunt Virgines Jadrenses Dominicanæ familiæ anno 1302. a F. Nicolao Ostiensi, ac Velitrensi Episcopo, & Apostolicæ Sedis legato, ut quisque nimirum in dedicatione Ecclesiæ & die anniversariæ dedicationis, necnon in B. Mariæ perpetuæ Virginis, SS. Dominici ac Petri martyris, ac etiam aliorum Sanctorum, in quorum honore majora altaria constructa sunt, festivitibus, earum adiret Ecclesiam causa devotionis, parem debitæ criminibus pœnæ veniam consequeretur: extant litteræ in archivo cœnobii Jadrensis Patrum Prædicatorum. Dat. Viennæ XV. Kalend. August. Pontificatus Dom. Bonifacii PP. VIII. anno VIII.

Dictum jam est in Laurentio Periandro pag. 80. de controversia, quæ inter Jaderenses, & Sibenicensis exorta est de possessione trium insularum, quas *Surium* vocant, *Mortarium*, & *Jartem*; iisque demum immixta fuit Jaderensis

Card. Neapoleonis in Franciscanos benevolentia.

Jadrensis controversia cum Sibenicensibus de insulis Mortario, Surio, & Jarte.

sis diocesis anno 1324. Joanne III. Antistite Jaderensi; quam rem cum breviter innuat Farlatus pag. 93. præstat integram facti narrationem ex iis repetere, quæ Lucius fusc scribit tum in lib. 4. cap. 1. Monum. Tragur. tum in libris de regno; libro etenim 4. cap. 15. hæc narrat: Cum Sibeniceses petiissent insulas Srimac (Mortarium scilicet) Zuri & Jarte, quas tempore, quo a Traguriensibus visi fuerant, sibi Jaderenses occupaverant, ob idque eos in iudicio coram Duce vocassent, Jaderenses asseruerunt Venetos teneri ex pactis sibi servare insulas a se possessas. At Sibeniceses, cum indigne ferrent, Veneti Ducis sententiam ab Jaderatinis contemni, iterum illos ad quosque juris sapientissimos, qui tum in Europa plurimi æstimabantur, in iudicium provocarunt, ut sua in eas insulas ipsi jura, sua Sibeniceses proferrent, & lis omnino tolleretur; idque per Traguriensem Comitem effectum est, quocum, & Traguriensibus aliæ exortæ erant ab Jaderatinis contentiones: quare missis Jaderam legatis hæc in mandatis dederunt Comes, & Commune Tragurii: 1324. Indictione 7. die 27. Martii. Nos Marinus Maurocenus Co. & Cap. Tragurii cum nostris iudicibus, & consilio a viginti committimus vobis nob. viris Greg. Salinguerre, & Vicentio Ampleusi dilectis fidelibus, & Amb. nostris quod eatis Jadræ, & quod D. Com. Jadræ, nobiles, & Commune dictæ civitatis ex parte nostra, & nostrorum Nob. & Com. Trag. saluteris cum illis pulchris & decentibus verbis, quibus vobis videbitur convenire.

Item quod ex parte nostra, & Comm. Trag. exponatis eis, quomodo dicitur per nob. Siben. quod super eo, quod ipsi detinent Sibenizanis quasdam insulas, quas ipsi Sibenizani dicunt ad se spectare, nolunt se compromittere in D. Ducem, nec in communes amicos, nec volunt, quod per sapientes juris ipsarum insularum questio terminetur offerentes se Sibenizani jura sua quæ habent super inde sigillata transmittere Venet. Paduam, Bononiam, Parisiam, vel quocumque placet Jaderatinis, & ipsi Jaderatini sua jura similiter mittant ad hoc, quod dicta questio sine debito terminetur; de quo si ita est nobis displicet cupientibus, quod ipsi Jaderatini, & Sibenizani quiete & amorese vivant ad invicem sicuti debent facere boni vicini &c. Hæc Lucius citato in lib. Monum. Tragur. Nihilo tamen mitiores Jaderenses reddituri neque extra suam civitatem a quocumque in iudicio trahi debere protestati sunt; & in tabulis controversiæ, quas ex Sibenicensi archivo protulit Lucius lib. 4. de Regn. cap. 15. quæ sibi pacta a Venetis servanda forent, quid sibi juris in illas insulas esset, hiic ad Ducem Venetum litteris exposuerunt: Item allegamus & exponimus cum omni reverentia ac honore . . . quod prædictis Sibenicesibus respondere non debemus, & hoc ex pactorum forma . . . quod Commune Jadræ debet habere unum Comitem . . . qui cum tribus iudicibus regat & iudicet prædictos Jaderatinos . . . cujus rei causa non possumus nec debemus coram vobis ad iudicium citari . . . Unde si ad placitum, vel ad respondendum prædictis Sibenicesibus traheremur, vel vocaremur, nobis pacta ut evidenter apparet, minime servarentur, quod nostra fidelitas eximie benignitati vestræ credimus absque dubio non placere. Item non debemus nec possumus cogi Sibenicesibus de prædictis insulis aliquid respondere . . . qui secundum

omnem bonam consuetudinem, & secundum jura, siquidem prædictæ insula nostra sunt jure præscriptionis, nam prædictas insulas libere . . . possidemus tamquam rem propriam pacifice ultra annos 46. Item allegamus punctum illud in pactis . . . Quod omnes insula Jaderatinorum . . . Jaderatinis libere dimittantur . . . quare si nos cogeritis . . . ad respondendum de prædictis insulis Sibenicesibus, nobis prædictas insulas non dimiseritis libere juxta pacta. Item . . . quod Jaderatini habebunt inimicos Venetos pro inimicis, & amicos pro amicis . . . quare tunc temporis quando pacta facta fuere, non mittebatis illis de Sibenico dominium, possumus contra dictos Sibeniceses de jure & de facto nostrum beneplacitum facere . . . & quamvis ad præsens sit Sibenicum sub vestro dominio non derogat pacto . . . Quæ omnia superscripta sive superius narrata vel pro nobis allegata dicimus, posito sine præjudicio non responsionis causa, diximus, nec respondemus, propterea quod dici possit nobis, quod aliquo modo subintravimus litem, placitum &c. Hisce rationibus nimirum obfirmati Jaderensium animi cum omne iudicium detrectarent, nullique componendæ litis arbitro subesse vellent, tandem a Venetis sublata penitus contentio fuit, & sollemni sententia tres insulas Mortarium, Surium, & Jartem Sibenicesium possessioni reddendas, atque servandas decreverunt.

In Christi nomine Amen: Dum die infrascripta post Missarum solemnias, & ante tertiam Mai. . . DD. Joannes Superantio D. G. inclutus Dux Ven. &c. in loco qui dicitur Cancellaria ducalis Palatii cum suis consiliariis pro tribunali solemniter more solito resideret, de voluntate dictorum suorum consiliariorum de 40. & rogatorum . . . cum ostensum sit, & constet, Jaderatinos violenter expoliasse Sibenices. prout in petitione Siben. continetur. Quod dicti Sibenices. in possessionem insularum Srimac, Surri, & Jarte restituantur, & ponantur infra unum mensem postquam requisitum fuerit per nostras litteras Commune Jadræ salvo jure omnium &c. lecta &c. 1324. die 5. Decembris octava Indictione. Ex tabulis Sibenices. apud Lucium citato in loco, qui subdit: Quam sententiam Jaderenses iniquo animo tulere, sæpeque deinde easdem insulas recuperare nisi sunt.

Anno 1326. cum Joannes Jaderatinam adhuc regebat Ecclesiam, Bertrandus, sive Bernardus, Pontificis in Italia legatus ad Metropolitam Spalatensem & Jaderensem litteras misit, quæ in iunctum erat, ut Episcopos, clericosque omnes compellerent ad solvendum Romanæ Ecclesiæ tributum. Hasce litteras habes descriptas in Tom. III. hist. nostræ pag. 310. sed non est hic silentio prætereunda nescio quæ legati pontificii cum Baliano Spalatenfi Archiepiscopo disceptatio de Ecclesiis Jaderensi Metropolitæ subjectis, quam hisce verbis narrat Farlatus citato in loco: in iis quippe litteris ad Joannem tres Episcopos Phariensem, Nonensem, & Seniensem ita nominabat Bertrandus, ut viderentur ad Metropolim Jaderatinam pertinere; quod cum Balianus cognovisset, veritus nequid præjudicii ex hujusmodi nominatione fieret Ecclesiæ Spalatenfi, statim Bertrandum erroris, quo videbatur deceptus esse, per litteras admonuerat, simulque rogaverat, ut, quod scripserat, aut revocando aut explicando præjudicium omne amoveret, quod in detrimentum juris

Litteræ  
Bertrandi  
legati pontificii  
ad  
Joannem  
III. Arch.  
Jad.

ris metropolitici Spalatensis vergebat, afferrique aliquando potuisset. *Æqua Baliani postulatio visa est Bertrando, qui litteris ad eundem eodem loco (Parma) datis, sed postmodum, declaravit, ac restitutus est, se quibusdam scriptis deceptum fuisse, in quibus tres illos Episcopos provincie Jadertine adscriptos invenerat: nunquam vero id sua voluntatis fuisse, ut quicquam de jure & auctoritate Metropolis Spalatensis diminueret. Litteras ex archivio Capit. Tragur. eodem in loco habes exscriptas pag. 311.*

Consecra-  
tio princi-  
pis arx in  
temple Pla-  
toniano.

Nova in templo Dominicano Jadrensi peracta est consecratio anno 1360. unde reor nomen, ac titulum a S. Dominico inditum eidem fuisse. Tabulas consecrationis testes ex archivio cœnobii Dominicani Jadrensis depromtas hic exhiberem, nisi a Farlato editæ antea fuissent in Tomo IV. ad Guillelmum Episcopum Scardonensem XVI. qui consecrationis hujusce munus obivit, & majorem templi aram Divis Dominico ac Platoni sollemniter dedicavit; tum huic, & aliis duobus altaribus, alteri beatis Apostolis Thomæ & Bartholomæo, alteri Andreæ sacro indulgentiam dierum quadraginta affixit, quam ii obtinerent, qui pœnitentiæ sacramento expiati ea pie, calque adirent statutis diebus, vel eidem templo perficiendo aliquid subsidii conferrent.

Diffidium  
Tragurien-  
tum cum  
Phariensis  
bos.

Dominico II. Jadrensi Archiepiscopo XIX. narrat Lucius in lib. 5. Monum. Trag. cap. 7. exortum fuisse diffidium inter Tragurienles, & Pharienses cives, qui onerariam Tragurienlium per vim detinuerant. Facinoris quæstione delata ad Ladislavum Episcopum Nitriensem, qui cum Saraceno regia legatione fungebatur in Dalmatia nomine Ludovici regis, is Dominici consilium, & judicium adhibuit, quo usus sententiam dixit adversus Pharienses in hæc verba, uti a Lucio descripta accepi.

*Nos Ladislavus Dei, & Apostolicæ Sedis gratia Episcopus Nitriensis, & magister Sarecenus Comes Camere Quinque Ecclesien. legati visitatores regie Majestatis Hung. in partibus Dal. & Cro. pro tribunali sedentes in palatio Communis Trag. ad jura reddenda de cons. & communi assensu, & voluntate infracriptorum Rev. & perentium Dom. vid. Rev. in Christo Pat. D. Fratris Dominici Archiepiscopi Jadren. religiosi viri D. fratris Baudoni Cornuti Prioris Cruciferorum Ordinis Jerosolymitani de Aurana &c. Rev. in Christo Pat. D. Nicolai Dei & Ap. Sedis gratia Episcopi Tr. & egregii regii militis D. Joannis de Grisogonis de Jadra supra lite &c.*

*Dat. Trag. die 20. mens. Maj. anno Nativit. 1370. octava Indiæ.*

Pauli Fin-  
niniensis  
Episcopi  
beneficen-  
tia in Do-  
minicanos  
Jadrenses.

Hoc anno 1382. Paulus Tinniniensis Episcopus, cum Jaderæ versaretur, singulare beneficentiz, gratique animi monumentum exhibuit Patribus Dominicanis cœnobii Jaderensis, a quibus *Confratris* titulo donatus fuerat, & in partem vocatus bonorum operum, ac promeritorum totius Dominicanæ familiæ; quippe decimas omnium fructuum eis concessit, quos singulis annis percipere solebat mensa episcopalis ex villa Terebech: id autem oneris impositum esse voluit iisdem, ut quotidie ante sollempne sacrificium breves quasdam preces Deo, ac D. paræ offerrent pro ipsius æque humana incolumitate, ac pro æterna. Habes tabulas donationis in Tom. IV. pag. 292.

Controver-  
sia Jadren-  
si adversus

Eodem tempore. gravis extitit controversia Communi Jadrensi adversus quendam F. Leonem

de Arbo, qui a Romano Pontifice impetraverat, ut Abbas, & monasterium S. Chrysogoni quadringentos florenos sibi suæque familiæ annuatim penderent. Hac de re acerbe conquesti sunt Jadertini, quippe vetustissimum illud monachorum cœnobium Jadrensis civitatis tutelæ, ac patrocinio fuerat commendatum, ipsiusque subsidium, & decus vehementer erat omnibus curæ. Igitur ad regem Hungariæ, cui tum Jadrenses parebant, delata res est, a quo Thomas Rosa monasterii Abbas vetitus fuisse videtur, ne Pontificis mandato obtemperaret. Sed F. Leonis adeo vis, & auctoritas valuit, ut Abbas ficto contumaciæ crimine accusatus fisti coram Pontifice juberetur. Id tamen minime passi Jadrenses; & per litteras iterum regem orarunt, ut penes Pontificem intercedere vellet; nam, inquiunt, aperte videmus, quod si ipse Abbas citaretur, & Romam accederet, maxima damna, & importabilia sequerentur eadem monasterio in spiritualibus & temporalibus, & turbatio inmodica huic regiæ civitati. Majestati vestræ humiliter supplicamus, quatenus dignemini scribere dicto Domino: Papæ, quod ipsum monasterium, & Abbatem habere dignetur sua sanctitas recommissum; adeo quod non gravetur ad curiam accedendum nullo pro crimine perpetrato, nec ad tributum hujusmodi sibi. . . siquidem ad hæc pondera gravaretur præfatum monasterium; monachis privaretur non absque maximo scandalo civitatis &c. Harum litterarum exemplar, quod nobis traditum est, præfert annum 1382. & hinc Ludovico regi scriptas fuisse existimo, qui cum eodem anno excesserit vita, lis sub iudice stetit, neque in monumentis nostris comperio, quo tandem modo fuerit diempta.

Laurentius Venerius, quo tempore Jadrensi præfuit Ecclesiæ, cultum apud Jadertinos instituit erga D. martyrem Georgium, & inter cetera sacrorum ipsiana, quæ in sanctuario basilicæ metropolitaneæ coluntur, pretiosum ex capite sanctissimi Martyris frustum visitur argentæ thecæ ad formam humani capitis elaboratæ, auroque obductæ inclusum, quæ cælestia præfert insignia Veneriæ familiæ. Hoc Antistite, Eremitarum tertii Ordinis S. Francisci adventus primus in agro Jadrensi fuit, anno 1430. die 4. Decembris; nam Ecclesia S. Joannis Baptista, quam tunc possidebat titulo Rectoris quidam presbyter Paullus de Littera Slava, resignata fuit in manibus Laurentii Venerii Archiepiscopi, qui eam concessit, & contulit fratri Martino q. Novatii ejusdem Ordinis, ut ibi sui fratres habitarent, & conventum construerent, accedente sponione Gregorii Mangane civis Jadræ, qui instaurare ecclesiam, & monasterium adificare professus est. Hæc ex Commentario Valerii a Ponte, quæ in monumentis de Archiepiscopatu Laurentii erant describenda. Sed, ut rei hujusce narratio uno sub aspectu constituatur, hic addo, quæ insequentibus annis evenisse discimus huic Franciscanæ familiæ: etenim paullo post idem Gregorius mortis proximus hæredem ex testamento instituit Universitatem civium Jadrensi, ut ex bonis suis nosocomium exstiterent viris, feminisque commune, quod deinceps S. Jacobi titulo appellatum fuit. Anno autem 1537. Patres tertii Ordinis intra urbem admissi S. Silvestri templum, cui nunc a S. Joanne titulus inest, & proximas ædes obtinuerunt; Sodalitati vero

Laurentii  
Venerii  
Archiep.  
monumen-  
ta.

vero S. Silvestri, ad quam templum illud pertinebat, possessio tradita fuit Ecclesiæ D. Thomæ sacræ, quam modo veteri S. Silvestri titulo appellant. Valerius in laudato Comment. urbanam horum Patrum receptionem contulit in annum 1527. *Verum circa annum 1527. Turcis in Dalmatia omnia flammis, & ferro miscentibus, jussu publico dicta Ecclesia demolita fuit, receptis Fratribus ex Veneti Senatus C. 1521. 30. Junii in Ecclesia S. Silvestri dicta, juxta pomerium urbis posita, cum hortulis adjacentibus, ac subinde tractu temporis, adeptis solo, & ædibus contiguus monasterium construxere.* Hisce tamen Farlatus non consentit, qui anno 1537. id factum autumat: quare sic statuo, anno 1521. Patres tertii Ordinis intra mœnia receptos fuisse Senatus Veneti decreto; anno 1527. cum identidem Turcarum metus ingrueret, Ecclesia S. Joannis, quam ii reliquerant, solo æquata fuit; subinde, indicto Venetis bello a Solimano, quidquid ruderum, aut ædificiorum supererat, penitus dirutum est, atque eversum anno 1537. Subdit porro Valerius: *Confraternitas vero S. Silvestri in Ecclesia S. Thomæ secessit, quæ erat Plebania nuncupata sine cura, & sine clero. Hanc plebanus cessit Confraternitati, reservato sibi canone unius cerei, & certa portione obventionum funeralium. Eadem Ecclesia etiam S. Crucis dicitur, & ob celebre, & antiquum D. N. J. C. simulacrum valde veneratur. Habetur mentio de hac Ecclesia in testamento Andreæ Prioris anno 908. quod exscriptum vide pag. 40.*

**Litteræ**  
**Paulli II.**  
**ad Maphzæ**  
**Valares-**  
**sum,**

De Maphæo Valareffo Jidrenſi Archiepiſcopo XXVI. id reperio in Episcopis Sibenicenſibus, fuiſſe illi munus commiſſum a Pontifice Paulo II. ut Joanni Tolonich Canonico Sibenicenſi ſacerdotium traderet S. Danielis Campi ſuperioris in diœceſi Sibenicenſi, quod jure patronatus eidem contulerant nobiles Coſſevianæ oppidani. Paulli litteræ deſcriptæ ſunt in hiſtoria Eccleſiæ Sibenicenſis, quarum hoc eſt initium: *Paulus Episcopus ſervus ſervorum Dei Venerabili Fratri Archiepiſcopo Jidrenſi, & dilectis filiis Archipreſbytero, & Joanni Procopovich Canonico Eccleſiæ Sibenicenſis ſalutem, & Apoſtolicam benedictionem*: datæ ſunt Romæ apud S. Mariam Anno Incarnationis Domini 1466. idibus Novembr. Pontificatus noſtri Anno III. Præterea in Monum. Venet. Eccl. a Flaminio Cornelio collectis dec. 16. patt. 2. extant ipſius Valareſſi litteræ ad Laurentium Juſtinianum Patriarcham Venetiarum, quibus cauſam exponit, cur provinciali Concilio a Laurentio indicto nequeat intereſſe, eique ſuæ ſententiæ arbitrium, ac poteſtatem permittit, quamvis in partem trahere voluerit, ſpondetque decreta omnia, quæ Concilium ſanciverit, ſibi rata fore, ac firma.

Reverendiss. in Christo Patri, & Domino D.  
Laurentio Justiniano miseratione divina Patriarchæ  
Veneticarum &c. Patri, & Domino colendissimo.

Reverendissime in Christo Pater, & Domine  
colenauissime. Superioribus diebus accepi litteras  
Reverendissimæ D. V. quibus me invitât ad com-  
provinciale Concilium. Quod eadem Reverendiss.  
Dominatio V. in civitate Venetiæ, cui Deo  
disponente præest, celebrare decrevit quarta eb-  
domada immediate sequenti post festum Paschæ  
proxime præteritum. Sanctæ profecto, & salu-  
bris V. Reverendiss. Paternitatis deliberatio; cui  
paritas mea prompto, & devoto animo parere  
Illyrici Sacri Tom. V.

desiderat ; sed cum in præsentiarum multimodis negotiis , & quidem gravibus distinear , adeo ut ad præfixum terminum , nisi cum maximo meo ac multorum detrimento , & incommodo interesse non possim ; vocem & auctoritatem meam non video apud quem melius , ac decentius pro securitate conscientiae meae collocare possim , quam apud Reverendiss. D. V. quæ quicquid statuerit , & ordinaverit in hac sancta Synodo , & cui parti vocem meam applicare voluerit , faciat pro libito arbitrii sui , quia mihi rata & firma procul dubio erunt omnia . Valeat Reverendiss. D. V. cujus orationibus me commendatum semper cupio .

*Ex Jadra die 7. Kalend. Majas 1455.*

Reverendiſs. D. V.

*Devotus filius Maphæus Valareffus*

Archiep. Jadria indignus.

Præclaras Ægidii Archiepiscopi laudes egregie persequitur Farlatus; cui tamen avitum cognomen *Antonino* tribuit Felicianus Bussus in hist. Viterb. part. 1. lib. 6. Præceptorem habuit Marianum Genezanensem Augustinianæ familiæ alumnum, quem summis laudibus ornat Politianus; longe tamen magistri merita superavit Ægidius; de illo hæc Jovius in Elog. Viror. III. *Non est, cur te præteream, Ægidi, humili quidem loco, verum maxime illustri fato Viterbii nate . . . Christiani scilicet oratoris in Jacra pergula primum atque ultimum decus merite . . . præstantissimum enim præceptorem facile superasti Marianum scilicet Genezanensem Pontani & Politiani admiratione, atque præconio inclytum. Patavii in gymnasio sui Ordinis celeberrimo studiis operam navavit: erat autem ejus ingenium exquisito litterarum omnium delectu graviter extructum sic, ut in omnes exemplorum casus peramplas opes alacris & expedita memoria suppeditaret: facundia porro tanta dissimulatis illecebris audientes semper exilarans, atque demulcens, ut ipso concionante vel maxima templa compleerentur; subdit Jovius; & in suggestu vere admirabilis æquo judicio per omnes urbes oratoriæ facultatis lauream promeritus est. Sane cum civiles motus ingentes Viterbium agitarent, ibique degeret Ægidius anno 1503. ab urbis prætore rogatus tanta facundiæ vi populum allocutus est in templo sui Ordinis, ut ad pacem, ac publicam tranquillitatem compositos civium animos confirmaverit, ut narrat Bussus, qui in Chronologia Antistitum Viterbiensium suæ historiæ adjecta Viterbiensem Ægidii Episcopatum consignat anno 1517. ad quem a Leone X. fuerat electus. Ab eodem Leone in collegium Cardinalium cooptatus insignia sibi, familiæque sumpsit tribus montibus distincta viridi colore depictis, æthereoque e campo assurgentibus, quibus singulis crux imposita eminebat: hæc cum cœnobio S. Salvatoris a se in Etruria extructo præfixisset, unicam medio monti crucem imponi jussit, ceteris ramos virides; tum consilii sui causam reddens ejus cœnobii alumnis, ita ad illos scripsit: *Accepi montes ilicum vestrarum, imposui illis cruces tres, ut tria miseriæ meæ monumenta semper ante oculos obversarentur.* Anno 1528. Clementem VII. Pontificem Maximum Viterbii perhonorifice excepit. Ejus scripta, egregia, inquit Jovius, ex arcanis Moscos deprompta sublimis ingenii monumenta, in Romano Augustinianæ familiæ cœnobio servantur.*

**Ægidii  
Archiep.  
elogium.**

**F f f**

Ægi.



Cornelius  
Pisaurus  
consecrat  
Venetiis  
aram D.  
Leonardo  
sacram in  
monasterio  
S. Mariz  
Vallis vi-  
ridis.

Egidio vita functo, Cornelius Pisaurus Jadrensem Ecclesiam regendam suscepit; cuius generis hæc adde ex Monum. Eccles. Torcellanæ pag. 1. pag. 370. *lis*, scilicet Divorum reliquiis, quæ in monasterio S. Mariz Vallis-viridis in insula Majurbii conditæ sunt, accedunt sacra reliquiarum portiones, quas in ara Divo Leonardo confessori sacra reposuit Cornelius Pisaurus Archiepiscopus Jadrensis, dum ipsam solemni ritu consecravit die XIX. Maii anno 1539. ut ex pergamena in archivio asservata traditur hæc exhibente.

In Christi nomine Amen. Anno Nativitatis ejusdem MDXXXIX. Indictione XII. die vero Dominico XIX. mensis Maii. In hoc altare dedicato in honore S. Leonardi confessoris jacent reliquie S. Andrea Apostoli, S. Silvestri Papæ, S. Leonardi confessoris, S. Nicolai Episcopi, & sancta Ursula Virg. & Mart. Consecratum per Reverendiss. in Christo Patrem & Dominum Cornelium Pisaurum Dei gratia Archiepiscopum Jadrensem, cujus Reverendissima Dominatio concessit omnibus cum visitantibus in die ejusdem Deditationis quadraginta dies de vera Indulgentia.

Ego Presbyter Johannes Vio Plebanus Burani Maris Notarius de Mandato scripsi.

Aloysii  
Cornelii  
elogium.

Aloysius Cornelius, qui post Cornelium Pisaurum Jadrensis Archiepiscopus renunciatus fuit, ut generis nobilitate, ita eximii in Christiana rempublicam meritis maxime claruit. Is Georgii Cornelii filius, & Catharinæ Reginæ Cypri pronepos Venetiis natus est pridie Idus Februarii anno 1516. pluribus ejusdem gentis Corneliz Cardinalibus sanguine junctus, nimirum Marci, cui Alexander VI., & Francisci, cui Clemens VII. purpuram tribuit, ex fratre nepos, Andrea autem, quem Paulus III. Cardinalem creavit, consobrinus, tum Friderici a Sixto V. in sacrum collegium cooptati germanus frater, demum Francisci patruus, qui idem decus a Clemente VIII. adeptus est. Adolescens ob præclara virtutum, rerumque pro patria gestarum merita Eques Hierosolymitanus creatus est, & paullo post primam sui ordinis præfecturam Cypri gessit. Hinc illi ad majores dignitatum gradus via patuit, Etenim anno 1550. Cardinalis electus fuit a Julio III. die 25. Julii; & anno insequenti titulum S. Theodori suscepit in ordinem Cardinalium Diaconorum admissus, quem retinuit inter Presbyteros Cardinales adlectus; mox Francisco Cardinali Pisano cedente sub ea conditione, ut sibi dum viveret, in D. Marci ædibus habitare liceret, ad titulum S. Marci gradum fecit: ait auctor libri, cui titulus *Tiara*, & *purpura Veneta*, qui tamen fallitur, cum Aloysium ante Jadrensem Antistitem, quam Cardinalem fuisse scribit. Marius Petrus vir egregie doctus illi orationem inscripsit, quam de litterarum ornamentis & laudibus recitaverat in æde Romana S. Eustachii, eidemque plures scripsit epistolas Julius Petrus Marii pater editas Romæ anno 1571. Quæ deinde gessit Aloysius, cum bello Cyprio subsidia comparavit, Philippum II. Hispaniarum regem, & Venetam Rempublicam foedere junxit adversus Selimum Turcarum Tyrannum, & Camerarius pontificius a Pio V. nominatus, aliisque dignitatibus auctus sane locupletibus opimos earum redditus, fructusque in ejusdem belli auxilium congeffit, & contulit, hæc omnia in annos insequentibus rejienda sunt, postquam Jadrensem Ecclesiam

dimisit anno 1555. Fuit Aloysius ordine quartus inter Cardinales gentis Corneliz, eumque hisce carminibus ornavit Janus Vitalis.

„Ocia non melius lassis indicere Musis  
„Quam poteram auspiciis, Stirps generosa, tuis,  
„Corneli, claros atavos de gente vetusta  
„Nam tibi Scipiadum maxima Roma dedit;  
„Majoresque tui Adriacas coluere lacunas,  
„Publica qua Venetum res viget inter aquas.  
„Hinc tibi mox genus, atq; domus, patrii; penates,  
„Hinc vitæ hausisti prima alimenta tuæ.  
„Denique Roma sibi te mater prisca poposcit,  
„Purpureoque tuum cinxit honore caput:  
„Ut, quæ per gentis horrentia fulmina vestræ  
„Disjecit Lybiam fortis, & Hesperiam,  
„Non omnino ingrata fuit; tibi reddet honores  
„Qualisque aliis laudum parca negavit, opes.  
„Pluraque non dederit tibi; plurima danda reponit  
„Præmia splendori luminis apta tui.

Inter cetera, quæ ecclesiasticæ disciplinæ reformatæ aptissima Synodus Tridentina decrevit, fuit divini officii correctio; quam in eam Pius V. Pontifex Maximus præsertim incubuit: tum Gregorius XIII. eidem rei perficiendæ, & in omnes Catholicæ Ecclesiæ partes propagandæ operam præstitit atque auctoritatem. Sed Slavi presbyteri vel negligentia, vel quadam vetustis suæ gentis ritus servandi firmitate nondum Romanam illam sacræ liturgiæ correctionem in suos usus converterant, cum Natalis Venerius Jadrensem regeret Ecclesiam. Idcirco Gregorius Pontifex graviter ea de re conquestus est; & opera Ptolemæi Gallii Cardinalis Comensis scripsit ad Natalem, ut consilium suum aperiret, & quid ad obtinendam Breviarii Slavonici emendationem aptius sibi, validiusque videretur, per litteras exponeret. Epistolam pontificio nomine ad Natalem missa iidem verbis, eodemque, quo scripta est, Italico sermone hic subijcio.

Molto Rever. Mons. come fratello. N. S. è informato che in Dalmazia si recita da li Preti generalmente il Breviario antico & non quello che è stato riformato dopo il Conc. Trident. & pubblicato da la Sede Apostolica; & che la causa di cio è, perche essendo quel Breviario antico tradotto in lingua Schiavona, quei preti, che non intendono latino, seguitano di dirlo come prima: & pero è stato ricordato di far similmente tradurre questo nuovo in lingua Schiavona, sperandosi che a questo modo si ridurrebbe quel Clero à l'ubidienza, & si cavarebbe de le censure, dove tuttavia per tal causa stanno. Pertanto S. S. ha voluto, che io scriva a V. S. quanto è detto, accioche arrivi qua tutto quello, che potrà intendere & sapere di questo fatto, & insieme dica quel che à lei parrebbe expediente. Il che farà contenta di far quanto prima. Et non essendo questa per altro, resto offrendomi a lei di buon core, & desiderandole ogni piena prosperità.

Di Roma a xxix. di Ottobr. MDLXXX.

Di V. S. Rever.

Come Fratello Tb. Card. di Como.

Quid Natalis responderit hisce litteris, mihi est incompertum; irrita quidem cessit reformatio, quæ deinde, Urbano VIII. Pontifice, cepta Raphaelis Levacovichii studio, ac fide, demum a Mattheo Caramano Jadrensi Antistite fuit omnino perfecta.

De reformatione  
Breviarii  
Slavonici.

litteræ Cardin. Comensis ad Natalem Venerium Archiep.

Annus initi  
Episcopa-  
tus a Vi-  
dore Ra-  
gazzono:  
ejus sepul-  
crum.

Victoris Ragazzoni Episcopatus primus an-  
nus tribuitur 1604., ut vero propius videtur,  
ait Farlatus; id tamen certum probatur aucto-  
ritate Valerii a Ponte, qui ad Joannem Lu-  
cium scribit, in Archiepiscopali Cancellaria  
Jadrensi notatum esse, idibus Julii hujus anni  
1604. Victorem adiisse possessionem Jaderensis  
Ecclesie. Idem vita functus Venetiis anno  
1615. illatus est in tumulum, ante principem  
januam effossum in ipsa S. Catharinæ eccle-  
sia, cui pontificius galerus impendit; quem  
falso quidam existimant, esse insigne Marini  
Grimani Cardinalis, qui Sacerdotium in illa  
æde instituit, aut Hieronymi Ragazzoni An-  
tistitis Bergomensis; hic enim Romæ obiit,  
& in æde Marciana sepulcrum obtinuit. In  
eodem, quo Victor, tumulo alii ejusdem gen-  
tis Ragazzonæ sepulti sunt.

Ualeo cœ-  
nobii S.  
Chrysogo-  
ni Cassi-  
nensi So-  
dalitati.

Post Victorem Lucas II. Jadrensem rexit Ec-  
clesiam; eoque Antistite, cœnobium S. Chry-  
sogoni Cassinensi sodalitati S. Justinæ unitum  
fuit anno 1622., Romano Pontifice probante;  
lege tamen sancitum, ut Abbas & monachi pa-  
tria sint Jaderenses; quippe id constituent ta-  
bulæ ejusdem cœnobii; sin numero deficiant,  
alii ejusdem ordinis, sed natione Dalmatæ,  
possunt in cœnobium admitti: verum lex ea-  
dem paullo post abrogata videtur, cum anno  
1627. ei monasterio præfuerit *Henricus a Ve-  
netiis*, qui xii. Kal. Augusti hujus anni con-  
secravit altaria SS. *Crucifixi*, ac *S. Antonii*,  
& SS. *Trinitatis*. Lucas vero inter cætera,  
quæ Ecclesiæ suæ præstitit, ornamenta illud  
etiam effecit, ut justas ob causas muliebre xe-  
nodochium tolleretur, quod ad atrium Tem-  
pli Metropolitanæ extabat, qua parte visitur  
forum herbarium; ipsumque atrium muro oc-  
clusum nobili & amplo januæ vestibulo deco-  
ravit.

Octavianus  
Garzadorus  
decreta.

Nec minorem curam adhibuit Octavianus  
Garzadorus, quo Jadrensem urbem sacris ædi-  
ficiis ornaret; major tamen illi inerat sollici-  
tudo corrigendi prava mores, & inductos in  
religiosas familias abusus: vetuit autem reli-  
giolis Ordinibus, ne, cum conventus celebrant,  
ecclesias sacrarum Virginum circumirent in sin-  
gulis, statò cuique die, sacra sollempnia per-  
agentes, tum ne piis, quibus solebant, agmi-  
nibus easdem ecclesias ingrederentur; cumque  
vetus consuetudo obtineret, ut quisque ex ali-  
quo religiosæ familiæ cœtu ad aras primo li-  
taret, ingentibus donis, xenisque cumulare-  
tur, cavit, ne in posterum sollempni pompa,  
ac ritu fierent hujusmodi sacra. Inscriptam  
ejus sepulcro epigraphem, typisque impressam  
pag. 163. ita corrige: *Humana vita conditio,  
sepultura tantum requies est.*

Translatio  
corporum  
DD. An-  
selmi, Am-  
brosii, &  
Marcellæ.

Jaderensis migratio Virginum Benedictinarum  
Nonensium, quæ Turcarum metu ad hanc ur-  
bem profugerant, consignata est a Farlato sub  
initium sæculi decimi sexti in Episcopatu Joan-  
nis V. Iis vero minime licuit sacrum cor-  
pus Divæ Marcellæ secum deferre, quod in ea-  
rum ecclesia honorifice colebatur. Bello Cy-  
prio ardente, tum Marcellæ, tum Divorum  
Anselmi, & Ambrosii ipsa Jadram transla-  
ta sunt ex urbe Nonensi, quæ a Turcis ca-  
pta paullo post fuit; eadem vero recuperata e  
barbarorum potestate anno 1573. incertum mi-  
hi est, utrum hæ reliquæ Nonensibus reddita  
fuerint; quippe Farlatus sollempnem translatio-  
nem describens sacrorum corporum in Tom. IV.

pag. 230. aperte innuit, hæc Jadra in æde  
Anastasiana ab initiis belli Cyprii propemo-  
dum ignota jacuisse usque ad annum 1656;  
idem vero pag. 205. narrat, ipsa corpora an-  
no circiter 46. sæculi decimi septimi, ne bar-  
barorum injuriis essent exposita, cum bellum  
Creticum ferret, Jaderam transvecta fuisse:  
quæ sane non coherent. Ad rem nostram  
quod attinet, cum Franciscus Nonensis Anti-  
stes Jaderæ federet in urbe munitissima anno  
1656. propter Cretici belli tumultus, ac pe-  
ricula, quibus Dalmaticæ etiam urbes erant  
obnoxie, actum est de sollempni beatorum cor-  
porum translatione ex Anastasiana Basilica ad  
Marianam ædem Virginum Nonensium; cujus  
translationis pompam, quippe quæ ad fastos  
Ecclesiæ Jaderensis pertineat, hic describendam  
censui ipsimet fere Farlati verbis ex pag. 230.  
Tomi IV. Itaque annuentibus Provisore gene-  
rali Dalmatiæ, Prætor & Præfecto urbis,  
tum Nicolao Ventura ob mortem Bernardi  
Florii Archiepiscopi Vicario Capitulari, ter-  
tio nonas Augusti, dieque Dominico, multo  
mane supplicatio instituta est Capitulo, & Cle-  
ro, Senatu, populoque utriusque urbis Jaderæ  
& Nonæ publice convocatis. Præbant sacre  
sodalitates cum suis vexillis atque insignibus  
argento auroque fulgentibus; deinde Ordines  
religiosi, tum clerus & Capitulum utriusque  
civitatis: agmen Sacerdotum clauderat Epi-  
scopus amictu ornatuque pontificali, medius  
inter duos Canonicos Nonenses dalmaticis ve-  
stibus indutos: novissime sequebatur feretrum,  
cui sacra corpora imposita erant, sane magni-  
ficum, & pretiosa veste constrictum, quod  
quatuor Canonici Nonenses sacerdotali amictu  
gestabant. Umbellam auro & argento contex-  
tam, cui suberat feretrum, Provisor gene-  
ralis, Prætor, Præfectus, & Quæstor omnes to-  
gati, & purpurati ferebant; dum festa bom-  
bardarum disphonie, læto tubarum clangore,  
hymnis & canticis omnia personabant. Hac  
pompa triumphali per celebriores urbis vias  
deducta est supplicatio; & ubi ad Marianam  
ædem ventum est, sacrum feretrum aræ maxi-  
mæ impositum fuit, quæ immensa luminum  
copia collucebat. Interea Episcopus Nonensis  
pontificali ritu, ac cærimonia litavit; utque  
infinitæ multitudinis cupiditati ac religioni sa-  
tisfieret, totum diem sacrosanctæ illæ exuvie  
omnium oculis expositæ fuere. Sub vesperti-  
nos psalmos hymnosque sollempniter decantatos,  
Divorum corpora rite recognita in arcam mar-  
moream inclusa sunt, & subter aram maximam  
collocata. Tum templum & cœnobium Jader-  
tinum Virginum Nonensium, antiquo titulo  
abolito, exinde ab S. Marcella vulgo cogno-  
minari cœpit: utrumque subiectum est juris-  
dictioni Antistitis Jadrensis, quippe ea condi-  
tione illis domicilium & templum Jaderæ fuit  
attributum: aræ tamen, quæ Divorum cor-  
pora continet, possessionem, itemque curam  
& custodiam sacri ærarii Nonensis ibidem de-  
positi Episcopus, Capitulum, & Commune  
Nonensium retinuit. Hinc fit, ut Episcopus  
Nonæ cum arcam aperire, & sacrum ærarium  
invisere & recognoscere velit, longiori pallio-  
lo, quo tunica linea operitur, deposito, bre-  
ve amiculum sumit, quod est jurisdictionis ar-  
gumentum.

Paullo post novus Jaderensibus datus est An-  
tistes Theodorus Balbus xii. Kal. Octobris  
Theodori  
Archiepiscopi  
obitus.

eiusdem anni . Ejus sepulcrum in Veneta æde Gregoriana , ubi situm , ignoratur : in libro autem primo Necrologii ejusdem ecclesiæ hæc leguntur : XIV. Kal. Junias anni 1669. obiit Theodorus Balbus Archiepiscopus Jaderensis ætatis anno sexagesimo primo , cum decem integris mensibus febri contabuerit ; sepultus est , Marco Antonio Balbo fratre funus curante .

De reficiendis ædibus Chrysogonianis

Ineunte hoc sæculo decimo octavo Ecclesia , & cœnobium S. Chrysogoni tum vetustate colubascere , tum Monachorum defectu pio religionis ac disciplinæ cultu destitui cœperant : his præterea oborta , ejusmodi munus , jusque foret ædificii sarcinendi , & sacræ suppellectilis instaurandæ , vetabat , ne quis tam necessario , religiosoque operi manus admoveret . Itaque Petrus Calcina suo , & collegæ nomine , qui Ecclesiæ hujusce curam gerebant , Venetias adiens litteras a Senatu impetravit , obtinuitque , quibus decretum , ut in divinæ gloriæ augmentum , & animorum salutem sacra ædes , & cœnobium reficerentur , monachorum vero augendæ , servandæque familiæ prospiceretur . Litterarum exemplar est hujusmodi ex Italico in latinum sermonem conversum .

Litteræ Venetiæ Senatus ,

Joannes Cornelius Dei gratia Dux Venetiarum nobili & sapienti viro Domino Vincentio Vendrameno Provisori nostro generali in Dalmatia , & Albania , fidei dilectio salutem , & dilectionis affectum .

Recta , & honesta , eoque magis , quod divinum cultum spectat , supplex est petitio fidelissimæ Jaderinæ civitatis , quam vestre litteræ nobis exponunt , ut Ecclesia , & monasterium S. Chrysogoni refici , & sacra instrui , ornarique suppellectile jubeamus . Igitur quo majori Dei cultui , atque animorum utilitati tum monachorum numero , tum stabili Abbatis commoratione consulatur , Triumviris monasteriorum præfectis injunctum est , ut Cassinensis sodalitatis Præsides rationeant de constituendo Abbate monasterii hujusce , certoque monachorum numero stabiliendo , qui divinæ liturgiæ inserviant . Quidquid vero e monasterii redditibus sequestro captum est , quod probamus , absque ulla mora in reficiendis Ecclesia , monasterio , & sacra suppellectile impendatur ; si satis id non esse impensis videatur , alia ejusdem monasterii bona sequestro capi jubemus , quotquot operi perficiendo sufficiant . Hoc tamen decreto nullum præjudicium iis rationum momentis volumus irrogari , quibus in novo civilium causarum Consilio iis de jure agitur facta testata tuendi Chrysogoniana ædificia .

Dat. in nostro ducali palatio die 3. Julii , Ind. 3. 1710.

Senatus decreto obtemperatum est , nec multo post novi altaris dedicatio peracta est D. Chrysogono facti , de quo pag. 167. dictum jam est .

& de Sacerdotiis Jaderensis urbis , aut agri .

Alio ejusdem Senatus decreto cautum est anno 1719. ne sacerdotia , & dignitates Jaderensis Ecclesiæ sive quæ in urbe , sive quæ in diocesi Jaderina , extraneis presbyteris deferrentur , qua de re civitas , & clerus Venetum Principem humilibus , enixisque precibus oraverant , hinc fore sperantes , ut agri , & urbis Jaderensis incolæ , qui clericali militiæ nomen dabant , propositis sibi studiorum , laborumque præmiis ferventiori cura in id incumberent , quod sacerdotalis honos , ac ministeria deposcunt cum ecclesiasticæ doctrinæ intelligentia , tum vitæ morumque integritate , atque exem-

plo . Decretum hisce litteris continetur , quas in latinum sermonem convertimus .

Joannes Cornelius D. G. Dux Venetiarum nobb. & supp. viris Aloysio Mocenico Provisori nostro Generali in Dalmatia , & Albania , & successoribus fidelibus dilectis sal. & dilect. affectum .

Cum civitas , & clerus Jaderensis devota , humilique prece a nobis postulaverint , ne sacerdotia urbis , ac diocesis Jaderensis alienis hominibus tribuantur , tumque ea intellexerimus , quæ per vestras , vestrorumque consiliariorum litteras nobis significata sunt , perpendentes æque rationi , & æquitati , ac sacris Canonibus & reipublicæ legibus esse consentanea , censuit Senatus , Jaderensem Antistitem per vos admonendum , hanc esse sui voluntatem , ut sacerdotia quelibet Jaderinæ Ecclesiæ iis tantummodo deferantur , qui ejusdem sunt diocesis , dum jure meritoque digni habeantur , alienæ diocesis clericis , ac presbyteris omnino rejeclis . Hac præmiis , atque remunerationis certitudine alleclis ecclesiastici viri impensis studiis operam dabunt , aptioresque fient ecclesiis regendis sibi creditis , & cultui divino servando , quo constans spectat Senatus cura & consilium . Vobis autem , ac vestris successoribus injunctum esse volumus , ne cui civilis cujusque sacerdotii , atque ecclesiasticæ dignitatis possessio tribuatur præterquam iis , qui aut urbis , aut agri Jaderensis fuerint indigenæ .

Dat. in nostro pal. duc. die 7. Oct. Indict. XIII. 1719.

Hæc decreta sunt , Vincentio Zmajavichio Antistite Jaderensi XLIX. cui post Matthæum Caramanum postremus in hac serie successus est Michael Trialius . Is , dum Tomum hunc typis edimus , post egregia in Jaderensem Ecclesiam merita , cum ne triennio quidem illi præfuisse , supremum diem obiit Jaderæ Idibus Januariis anni 1774. triduo post in æde metropolitana eo , quo decuit , honore tumulatus .

Michaelis Archiepiscopi obitus .

## JOANNES VII. ARCHIEP. JADREN. LII.

Honesto loco natus , cui Chersana cognomen est . A prima ætate militiæ ecclesiasticæ nomen dedit , & humanis , divinisque litteris excultus ac sacerdotio initiatus in Capitulo Ecclesiæ metropolitane Jaderinæ Theologici Canonici titulum , munusque obtinuit ; deinde principem inter Canonicos locum dignitatemque Archidiaconi adeptus clero Jaderino præfuit , & plures annos Matthæo Caramano Archiepiscopo Jaderensi Vicarii generalis operam summa cum laude , ac sedulitate navavit . His honorum gradibus ad Episcopatum primum ascendit . Clemens enim XIV. Joanni , ut ejus singularem virtutem , doctrinam , egregia merita , quibus digna erant , præmiis remuneraretur , ei Corcyrensem Ecclesiam decrevit anno 1771. Suscepto episcopali munere totum se commodis gregis sibi concedere , utilitatique devovit : cumque plura jam animo versaretur , quæ animorum incolunitati , Ecclesiæque ornameto majores fructus essent allatura , triennio regiminis pastoralis nondum expleto , ab eodem Pontifice Archiepiscopus Jaderensis creatus IV. Id. Martias anni 1774. & in sollempni Consistorio publice renunciatus est VIII. Idus Junii ejusdem anni , bono quidem , felicique Jaderensis Ecclesiæ auspicio , at justo Corcyrensi mærori , quos præclara ejus cœpta , & consilia

Joannes Chersana

e Corcyrensi ad Jaderensem Ecclesiam translatus .

lia in spem, atque expectationem crexerant summa in omnes obventurae felicitatis. Venetiis vi. Kal. Octobris ejusdem anni pallium ab Episcopo Torcellano accepit, propediem Jaderam, Ecclesiaeque sibi traditae regimen aditurus. Deus Optimus Maximus egregiam praestantissimi Praefulis mentem, animumque uni divinae gloriae augmento devotum secundet, successfulque deo prosperos, qui, quidquid boni conamur homines, efficimusque, princeps & dux ipse est, & laudem omnium benefactorum, gloriamque, siqua proveniat, jure suo sibi unice vindicat.

## §. II.

## ADDITAMENTA

*Ad Ecclesiam Absorem.*

**M**eminis Farlatus in Episcopis Absorensibus, quo anno cives Absorensis novo sacramento Venetorum subjectioni se se obstrinxerint; idque ex chronico Andreae Danduli exscriptis; sed habeo publicae sponsonis tabulas, quas Martinus Absorensis Antistes civitatis totius nomine confecit; quae a Farlato omittae hujusmodi sunt.

Tabulae  
sponsonis  
initae cum  
Venetiis ab  
Absorensi-  
bus.

In nomine Aeterni &c. In mense Augusto Indictione 1. in civitate Absaro. Promittentes promittimus, spondentes spondemus per hoc vinculum repromissionis. Ego quidem Martinus hujus civitatis Episcopus simul, & Joannes Prior ita, & omnes habitantes in jam scripta civitate tam clerici, & populus cum successoribus, & heredibus, & proheredibus nostris vobis quidem Domino Ottoni seniori nostro Duci Venetiarum, & Dalmaticorum, & successoribus vestris tributum dare promittentes vobis, & vestro palatio, omni-que anno in Nativitate Domini Nostri Jesu Christi pelles marturinas numero quadraginta, quod si hoc recte in praestituto tempore ut superius legimus non observaverimus, componere promittimus cum successoribus & heredibus nostris vobis & successoribus vestris auri 2. quinque & haec promissionis chartula plenissime maneat in sua firmitate.

Signum m. Prioris, qui hoc fieri rogavit

Signum m. Viatro g. b. f. r.

Signum m. Dannuloret q. b. f. r.

Signum m. alterius Viatro ut supra.

Signum m. Dabro ut sup.

Signum m. Petri ut sup.

Signum m. Martini ut sup.

Signum m. Adami ut sup.

Ego Marius Diaconus m. m. f.

Ego Ursus Diaconus ut sup.

Ego Presbyter Petrus ut sup.

Signum m. alterius Viatro q. b. f. r.

Signum m. Amnino ut sup.

Signum m. Barba.

Signum m. Georg.

Signum m. alterius Petri.

Signum m. Leonis.

Signum m. Andrea.

Ego . . . Presbyter.

Ego Petrus Presbyter.

Ego Marcus Presbyter.

Ego Petrus adi litterat. m. m. p.

Signum manus omnium habitantium in supradicta civitate.

Ego Martinus Episcopus hanc cartulam scripsi Illyrici Sacri Tom. V.

psi, firmavi, atque complevi.

Hicce Martini Episcopatus confirmatur.

Successit Martino Gaudentius, de quo plura De S Gaudentio monumenta ex Annal. Camald. de prompta.

Scriptores Annalium Camaldulensium, sane non praetermittenda. Ac de Gaudentii nomine, quem S. Petrus Damianus Petrum modo appellat in Apologetico ad Alexandrum II. modo Gaudentium in Opusc. ad Nicolaum II. ita quidem differunt, ut censeant, vel Damianum memoria errasse, qui Petrum Episcopum Absorem post Gaudentium pro Gaudentio ipso posuerit, vel a Gaudentio aliud sibi nomen adjunctum fuisse quodam veluti animi obsequio erga Petrum monasterii Portus-novi conditorem, praesertim cum vetera doceant monumenta, Chrobatia, Dalmatis, ac Slavis more gentis sollemne fuisse, duplex sibi nomen imponere. Sed Farlati sententia est vero similior; neque crediderim, Petrum Damianum in Apolog. ad Alexandrum alium Petrum indicasse Antistitem Absorem, qui Laurentio Episcopo successus est, & ex duobus tantummodo monumentis solo suo nomine innotescit. Hicce ex Tom. II. ad ann. 1048. descriptis addimus eorundem doctissimorum virorum opinionem, qua in Tom. I. an. 1002. facile sentiunt, Gaudentium sanctissima Romualdi disciplina fuisse institutum; quem, inquit, Romualdi discipulum faciunt cum plures auctores, tum traditio oppidanorum insulae: idem affirmant in Tom. II. an. 1038. Hic discipulus, quod alibi asseruimus, Romualdi in Histriensibus solitudinibus &c. Hinc tamen ne conjicias, Gaudentium Camaldulensium familiae nomen dedisse, eorumque institutis fuisse obstrictum: mihi quidem haec est sententia ipsum a Romualdo sanctioris vitae praecepta edoctum comitem se se eidem dedisse Dalmatici itineris, vel cum Parentum primo secessit in solitudinem Romualdus an. 1031. vel cum eo iterum advenit an. 1010.; tum insigni sanctimoniae exemplo, quam opere habituque praeferebat, suisque hortationibus Absorenses incolas, finitimosque circum oppidanos cum ad vitae, morumque sanctitatem allexisset, iidem auctorem fuisse, ut monasteria per eas regiones exstruerent, & monastica instituta amplecterentur. Consentit huic sententiae Farlatus, eique adherent laudati Annalium Scriptores tum in Tom. II. an. 1030. in quo legimus; Per plures annos monasticam simul & eremiticam vitam in suis regionibus propagavit; tum in Tom. I. an. 1002. ubi plura commemorant de monasteriis a Gaudentio exstructis, quae lubet hic describere. Ferunt Gaudentium nobilissima stirpe natum in urbe Absaro Dalmatiae provinciae, exemplo & auxilio monachorum Casinensium, qui ex eo sacro monte per haec tempora in Histriam, & Dalmatiam transmissi fuere, ope etiam, consilio, & sub norma S. Romualdi, qui incola erat his annis circumjacentis & conterminae regionis, monasteria plura erexisse, quae seminarium fuere sanctorum, & praeclearissimorum virorum, qui Dalmatiam illustrarunt hoc potissimum saeculo, Laurentii praesertim prius Absarensis, inde Spalatenensis Archiepiscopi, & Johannis Traguriensis Episcopi. Recensetur in his monasterium S. Petri intra moenia Absarensis urbis, cujus monachi Canoniorum vicem supplebant in Ecclesia principe ejusdem insulae. Unitum subinde fuit monasterium hocce celebre Abbatiae S. Mariae Portus-novi Ancona. Post annum 1440. commendatariis concessit. Aliquando monasterium S. Pe-

Fff 3

tri

tri obtinuit titulum etiam S. Gaudentii a corpore sui illustris Fundatoris, quod translatum ex Abbazia Portus-novi conditum fuit, ut fertur, in Ecclesia ejusdem cœnobii: nunc omnino locus est desertus, subsistente tamen Ecclesia, & redditus ipsius assignati fuere hoc nostro saculo a Clem. XI. novo seminario clericorum Slavorum erecto in metropolitana urbe Jaderensi. Sed monumentum, quod afferunt, de translatione S. Gaudentii, ignotum fuit Farlato; nec disceptandum censeo inter utrosque: re tamen vera redditus monasterii S. Petri Jaderensi Seminario attributi fuerunt a Benedicto XIII. anno 1729. Alterum, inquiunt Camaldulenses Scriptores, pro sacris virginibus cœterium adificavit . . . sub invocatione S. Benedicti, subinde appellatum S. Maria Gratiarum. Olim intra urbem continebatur; postea vero urbe angustiori reddita, extra ipsam remansit ad partem orientalem prope veterem cathedralem Ecclesiam. Anno 1521. montales piratarum excursus formidantes intra urbem receptæ fuere ad cœnobium S. Mariae Angelorum; paullo post regulam S. Francisci amplexæ sunt, & earum ecclesia titulum adepta fuit S. Clara. Celebre est in eo cœnobio nomen Cecilie Coppæ Abbatissæ sanctæ feminae, cujus annulus, & pœnalia instrumenta cum veneratione custodiuntur. Tertium appellabatur S. Michaelis a Sanfelongi tribus milliaribus distitum a monte Absarensi in eadem insula . . . fundatum, etiam adjuvante Martino Episcopo Absarensi. In veteribus chartis aliquando etiam profert nomen S. Nicolai. Abbatia hæc progressu temporis præpositura, & prioratus evasit; ipsiusque loci monumenta supersunt in chartis monasterii Montis-cassini, cui annuam pensionem solvebat prioratus S. Michaelis. Quartum S. Nicolai Montis-garbi. Subiectum erat hoc monasterium cœnobio Portus-novi Anconæ. In summitate montis, ubi situm est monasterium S. Nicolai, visitur ædícula sancto Gaudentio sacra, prope quam vestigia conspiciuntur ecclesiæ amplioris. Prior S. Nicolai præerat eremo, quæ hodie appellatur Stramnich, id est, domuncula, quarum cellarum adhuc supersunt vestigia, ad instar eremorum, quas fundabat hoc tempore S. Romualdus. Vertex montis distat quinque milliaribus ab urbe Absarensi ad meridiem; eremus parum ab ipso distans proxima erat castello nunc æmolito, vocato olim Tersich. Prope hoc castellum exsurgebat alia ecclesiola S. Petro dicata, nunc affatim subversa, quæ bona possidebat in loco nominato Pogle, quorum ius devolutum fuit postea ad Abbatiam S. Petri. Ecclesiæ præterea, altera, quæ a S. Francisco de Neresine nunc appellatur m. p. duos Absaro distans, altera S. Martini Chersum versus distans m. p. decem, tertia S. Mariæ de Viaro conditæ feruntur a Gaudentio: harum possessionem obtinent Patres Franciscani. Hinc laudati Camaldulenses opinionem improbant, quæ memoriæ tradita est in quibusdam catalogis mss. Episcoporum Ablorensiū; Gaudentium scilicet a Petro Damiano in Camaldulensium familiam cooptatum fuisse: Petrus fundator monasterii Portus-novi male, aut saltem sine fundamento in quibusdam mss. catalogis Episcoporum Ablorensiū asseritur fuisse idem Petrus Damianus, a quo monasticum habitum receperit Gaudentius; id profecto non tacuisset Damianus, qui familiaritatis tantum dulcedinem, & colloquia Gaudentii se meruisse scribit. Initia aditi a Gaudentio

Episcopatus rejiciuntur ab ipsis Scriptoribus in annum circiter 1038. quæ de re nihil Farlatus definiit: scribunt enim in Tom. II. ad eundem annum: Gaudentius valedicens suæ Ecclesiæ post decennium circiter ab hoc anno in Anconitanam oram maris Adriatici se contulit, aliamque Abbatiam & monasterium de novo conditum habitavit in eo maris situ, qui appellatur Portus-novus, quique duobus milliaribus distat a Monte Conero, & quattuor ab Ancona. Igitur Ablorensi Episcopatu se abdicavit anno circiter 1048. cumque biennio post obierit, anno 1050. emortualis dies Gaudentii erit consignandus: sed & cum Farlato, & secum ipsis pugnant viri eruditi; ille enim emortualem annum Gaudentii constituit 1044. ipsi, cum ad an. 1050. hæc scripserint, Gaudentius ad superos anno jam 1059. (corrige 1049.) convolverat, teste Damiano. Scribens enim eo anno Nicolao II. ait: Aqua, urbe Ancona, non longe post biennium feliciter obiit, sane huic biennio locum minime relinquunt. At enim Damianus, inquiunt, anno 1058. erat Auximi, quæ urbs parum distat Ancona, & a monasterio Portus-novi; quo tantum tempore idem Damianus familiaritatis Gaudentii dulcedinem potuit mereri, & cum ipso plurima colloquia miscere. Dum itaque exploratus non est annus verus obitus Gaudentii, ad hunc circiter annum ipsum statuimus. Sed multo gravior exoritur ex hisce verbis dissensio: quippe si biennio post Dalmaticum discessum Gaudentius vita functus est, cum ejus mors in annum incidat 1050. Damianus ejus consuetudine uti certe non potuit anno 1058. si post biennium ab initia cum Damiano familiaritate is ad superos evolavit, igitur duodecim ferme annos ab dimisso Episcopatu in monasterio Neo-portus monasticam vitam transegit. Is tamen annus omnino decerni debet, quo sollemnis commemoratio Christi Domini ascendentis in cælum adscripta fuerit ad diem primum, & tricesimum Maji; siquidem Gaudentius postridie hujus diei assumptus est cum gloria, inquit ejus vitæ Scriptor, ut obsequium præberet in ejus, Christi, Ascensione: quæ tamen verba postrema facile innuunt, hoc ipso festo die Gaudentium vita abiisse; cujus diei propterea commemoratio vel Kalendis Junjis consignata fuerit, si laudatum vitæ Gaudentianæ scriptorem sequaris, Assumptus est cum gloria Kalendis Junj; vel pridie Kalendas Junias, si Matthæi Jaderensis auctoritati assentire, qui vitam Gaudentii descripsit ex vetusto exemplari, eumque obiisse testatur pridie Kalendas Junii, ut Camaldulenses Scriptores affirmant in Tom. IV. ad ann. 1180. Verum enimvero integro undecim annorum spatio ab anno nimirum 1049. ad annum 1060. dies festus Christi Domini ascendentis in cælum nunquam incidit in diem Maji tricesimam primam, aut in Kalendas Junias, ut indicant chronologicæ Palchatis notæ eo annorum cursu deductæ; quare, siquid conjiciendo assequi possumus, multo fit veri similis, annum Gaudentii emortualem fuisse 1044. quo anno postremus Maji dies iis sollemnibus dicatus fuit, & Gaudentii obitus potius diei primæ supra tricesimam Maji videtur assignatus juxta Matthæi Jaderensis testimonium, quam ipsis Kalendis Junj; ab anonymo vitæ Gaudentianæ scriptore indicatis, cum hic etiam fateatur, Gaudentium fuisse assumptum cum gloria, ut obsequium præberet in Christi Ascensione:



sione : ita vero Damiani verba intelligimus , cum scribit , sanctissimum Antistitem post biennium decessisse , ut biennium hoc ab dimisso Episcopatu , & Romana protectione tantummodo numeretur . Et si quæras , quo tempore Damianus Gaudentii consuetudine uti primo , fruique potuerit , id facile contingere debuit vel anno 1042. cum Gaudentius Roma regressus est , ut Anconitanum secessum adiret ; etenim celebritate nominis permotus , qua Damianus tota pæne in Italia æque doctrinæ , ac sanctimoniz meritis illustris jam erat , mirum esse non debet , si illum in monasterio Fontis-avellanæ conveniret , ubi tum degebat e Pomposiano monasterio evocatus ; vel anno insequenti 1043. cum Damianus ipse Ravennam petiit ab Archiepiscopo Gebhardo arcessitus , qui propterea brevi itinere & Anconam proficisci , & cum Gaudentio aliquo temporis spatio commorari sane potuerit : ipse vero Damianus nihil indicat , quo Anconitanæ hujulce commorationi tempus , longius ne , an brevius , & levissimæ Gaudentii consuetudini certo tribuimus .

De translatione Dalmatica corporis S. Gaudentii multiplex in vulgus opinio fertur ; suam Farlatus proposuit pag. 191. suam produunt Camaldulenses Scriptores hucce verbis in Tom. II. anno 1050. Legitur in iisdem catalogis , mss. Ecclesiæ Absorensis , an. 1177. Venetis Anconam obsidentibus sublatum fuisse corpus S. Gaudentii ex monasterio Portus-novi , atque annorum 83. spatio sub terra tumulatum jacuisse in loco appellato Portus-bonacia prope Absarum ; anno demum 1260. sollemnem indictam fuisse ipsius corporis translationem ad urbem Absorem , & super altare princeps Ecclesiæ cathedralis depositas fuisse ipsius exuvias ; alii tamen referunt translationem corporis S. viri e cænobio Portus-novi ad aliud S. Petri Absorensis urbis ad annum 1317. quod evenisse ajunt , tempore Rustici Abbatis monasterii S. Mariæ de Portu-novo , in T. m. IV. ad an. 1180. Rē fides esto catalogis istis , quos Farlatus non vidit ; in re autem adeo ancipiti , adeoque obscura non controvertimus . Postrema translatio , quam Farlatus silentio penitus præterivit , 3. Kal. Junias anni 1748. peracta est a Nicolao Dinarizio Antistite Absorensi ; hujus monumentum ex publicis tabulis Absorensis Ecclesiæ descriptum est a laudatis Scriptoribus in eodem Tom. IV. anno 1180. quod hic subjicio .

Sacra lipsana S. Gaudentii Episcopi Auxerensis , quæ in perantiqua arca lignea lavigatis cancellis obstructa primis ævis asservabantur , & quæ postea anno MCCCCXII. in alia arca lignea varie depicta , & imaginem ejusdem sancti Pontificis interius præferente , cancellis pariter , sed ferreis deauratis munita custodiebantur , ac denique anno MDCCXI. in arca marmorea , in qua adhuc hodie super ara majori Ecclesiæ cathedralis fidelium venerationi exhibentur , ab Illustrissimo & Reverendissimo D. D. Nicolao Dinarizio moderno Episcopo anno MDCCXLVII. sub die XIII. mensis Aprilis visitata fuerunt , in speculoque aditu , quem sibi mures fecerant a posteriori arca parte , quæ simplici tabula tuebatur , idem Illustrissimus , & Reverendissimus Præsul ipsas sacras reliquias inde extraxit , & ea , quæ par est , reverentia in alia simplici lignea capsula , quinque sigillis in cera hispanica impressis munita inclusit , & in supradicta arca lignea ferreis cancellis ac tribus iterum sigillis

communita recondidit , & super aram B. V. de monte Carmelo collocavit . Peracta interim nova cupressina capsula exterius ex aurichalco circumtectâ , ipsa sacra lipsana fuerunt in eadem anno MDCCXLVIII. sub die xxx. mensis Maji reposita , chrystallo ex anteriori parte defensa , & per laudatum Illustrissimum & Reverendissimum D. D. Episcopum duabus seris clausa super mensam aræ majoris iterum exposita usque ad diem primam Junii , natalis ejusdem sancti Gaudentii , in qua pro majori sollemnitate indicta publica processione ipsa sacra lipsana bumeris sacerdotum imposita magna populi frequentia ex finitimis urbibus affluentis per totam civitatem circumlata fuerunt . Perventum autem in Ecclesiam , denuo super aram majorem deposita capsula publica venerationi fuit exposita usque ad diem quartam Junii . Quibus omnibus rite ac pie persunctis Illustrissimus ac Reverendissimus Præsul ipsam novam capsulam cupressinam cum sacris reliquiis in arcam marmoream introduxit , quam tribus seris referavit . Præsentibus ad hæc omnia Reverendissimis DD. Archidiacono Antonio-Jacobo Moise , Archipresbytero Jacobo Zentilini , Canonico Decano Francisco Tentor , aliisque pluribus ecclesiasticis , & laicis , & ita &c.

Quare ad perpetuam rei memoriam hoc præsens publicum instrumentum de mandato ejusdem Illustrissimi & Reverendissimi Episcopi ego Canonicus Julius Antonius Bertoli Cancellarius Episcopalis confeci & manu propria exaravi .

Loco & sigilli .

Ego idem Canonicus Julius Antonius Bertoli ex actis sacre Visitationis in Cancellaria Episcopali existentibus præsens instrumentum fideliter exemplavi & in fidem &c.

Tum hæc subdunt Camaldulenses : Non sine peculiari divino beneplacito contigit recentissima hujusmodi translatio , sollemnissima pompa , & devotissimo studio ab urbe Absorensi , & a circumjacentibus populis celebrata ; novimus enim ex eo tempore aerem regionis salubriorem factum , fecundioresque feminas ex sterilibus redditas , atque loca incolarum frequentia magis habitata . Addimus etiam , capsulam ligneam affabre sculptam a celebri Francischio Veneto ad condenda Sancti Gaudentii ossa una cum chrystallis ejusdem unice recuperatam supersuisse naufragio , quod passa fuit navis , super quam imposita fuerat ; meritis certe & intercessionibus sanctissimi Absorensis Episcopi Gaudentii , qui protectionem suam specialem donat urbi & regioni , præsentia sua dum viveret , & sacris reliquiis post aliquot sæcula a suo abitu illustratis .

Beatissimi Antistitis effigiem hic exhibeo ære incisam sollemni cura , ac pietate P. Philippi Ræceputi de Illyrici Sacri historia egregie meriti , qui Gaudentii præterea vitam descripserat , ut Absorensium oculis proposita eorum religionem erga B. virum foveret , spemque in ejus præsenti patrocinio repositam augetet .



S. GAUDENZIO VESCOVO D' OSSERO  
E MONACO D' ANCONA

G. Basso Scult. Scul.

S. Isidorus  
Crepta  
patronus.

Hunc sibi, suæque urbi patronum antiquitus elegerunt Abſorenses : constat tamen ex Abſorentibus monumentis hoc honore donatum antea fuisse S. Nicolaum Mirensem Episcopum : uti etiam Crepsi princeps patronus extitit ab antiquissimis temporibus S. Isidorus Episcopus & Martyr, cujus tamen sacri corporis nullas possident reliquias cives Crepsenses. Ejus festam commemorationem sollemni ritu, & publica supplicatione concelebrant die 2. Februarii ; & in liturgia divini Officii hanc de illo Antiphonam, & orationem recitat clerus Crepsensis.

O martyr invictissime Isidore urbis Chersinae protector, & refugium nostris acquiesce precibus, & pro salute omnium funde preces ad Dominum.

Oremus.

Deus, qui B. Isidorum virtute vera fidei, & constantia in sancta confessione roborasti, qui que illum B. Martyrum, pariterque Pontificum collegio associasti, ejus quasumus precibus nos ab omni adversitate libera, & aeterna felicitatis concede perfrui gloria. Per &c.

Pontificatus Mauri Episcopi Abſorensis XXIII. Deditio Abſori, & Crepsæ Venetorum dominio. insignis est illustri nota deditiois, qua Abſorentes, & Crepsenses se se Venetorum dominio ultro subjecerunt. Extant litteræ Michaelis Steni Ducis, quæ insulas hæc in Reipu-

blicæ Venetæ potestatem, ac patrociniū recepit.

Michael Steno Dei gratia Dux Venetiarum &c. Prudentibus & discretis viris Nicolao, & Petrisio Locumtenentibus nostris, ac iudicibus & consilio Chersi & Auseri fidelibus dilectis salutem, & dilectionis affectum. Puerunt ad nostram præsentiam providi viri Antonius Stepani de Cherso, & Colizza de Contixelis de Abſero fideles nostri, qui pro parte vestra, & totius universitatis insularum Chersi, & Auseri sub credentialibus litteris vestris exposuerunt nostro dominio omnia, quæ sibi per vos fuerunt imposita. Unde sicut dictis vestris Ambasciatoribus diximus, & respondimus, ita vobis scribimus, & denotamus, quod nos accepimus & assumpsimus insulas prædictas, & vos sub protectione & umbra nostri domini, & dispositi sumus vos, & dictas insulas habere, & tenere pro nobis, & sub regimine & protectione nostri domini, & non intendimus ullo modo vos, aut dictas insulas dare vel alienare alicui personæ de mundo, & propterea vos hortamur & inducimus, quod sitis fideles servitores, & devoti nostri domini, sicut speramus in bonis dispositionibus, quia semper invenietis nostrum dominium benignum, & bene dispositum ad vestra commoda, & honorem, & dispositi sumus de brevi mittere illuc nostrum Rectorem, qui vos & di-

& dilectas insulas regat & gubernet ad nostrum honorem, & statum, & vobis & cunctis vestrum jus & justitiam certe & aequaliter ministrabit, taliter quod habeatis causam merito contentandi, & sub vera obedientia & fidelitate Domini nostri permanendi.

Data in nostro Palatio Ducali die 27. Aug. Indi. 11. 1409.

De Martini Fojet-  
tz Episcopo  
patu Ab-  
sorensi.

Flaminio Cornelius in Tom. II. monum. Eccel. Torcel. commemorat pag. 81. Martinum quemdam cognomine Fojetam J. U. D. Prototonarium Apostolicum, postea Episcopum Auserensem: quo fretus testimonio idasserat, non comperio. Martinus parociae S. Mariae in insula Muriano Torcellanae diocesis praepositus fuit a Stephano Antistite Torcellano; cumque Angelus a Gallo Murianensis Presbyter praetextu cujusdam electionis Parochianorum dictae plebis, & incolarum, illum de gradu deicere conaretur, Julius II. Pontifex a Martino rogatus controversiam dirimendam potestatem fecit Hieronymo Trivisano Episcopo Cremonensi electo, qui secundum Martinum sententiam tulit anno 1508. Kalend. Decembris, & in literis ejusdem sententiae Martinus dicitur Archipresbyter Auserenensis. Igitur si catalogo Absorensium Antistitem Martinus est inferendus, is Episcopatum obtinuit an. insequenti 1509., cui Joannes decessor praesuerit usque ad hunc annum; sed ne triennio quidem Ecclesiam suam gubernavit: quippe Andreas II. Episcopus Absorensis an. 1512. Romae jam intererat Lateranensi Concilio.

Decreta  
ecclesiasti-  
ca Antonii  
Cappi An-  
tistitis Ab-  
sorensis.

Antonius Cappus, ubi primum Absorem Episcopatum adivit, saluberrimis, piisque decretis cleri utriusque Absorensis, & Crepensis dignitati, moribusque consuluit, quippe indeterius ita ruere videbantur quotidie, ut solo nomine Sacerdotii honos dignosceretur. Decreta ipso anno 1533., quo Episcopale munus suscepit, edita sunt in haec verba.

Nos Antonius de Cappa Episcopus Auseren-  
sis Dei & Apostolica sedis gratia. Quum boni  
pastoris officium sit gregem suum diligenter cu-  
stodire, ac omni cura & sollicitudine super ip-  
sum intendere: quia non sine gravi animi no-  
stri molestia percepimus, quamplures clericos  
tam in sacerdotio, quam in aliis sacris, ac mi-  
noribus ordinibus constitutos, Dei timore postpo-  
sito . . . sui neglecta dignitate, circa divino-  
rum officiorum celebrationem minus, quam de-  
ceat, frequentes, immo valde negligentes, &  
minus quam deceat reverenter celebrent, & quod  
deterius est, plures habitu saeculari induti ince-  
dunt de nocte cum armis varia & enormia per-  
petrantes delicta in maximum opprobrium & vi-  
lipendium Ecclesiae pessimumque aliorum exem-  
plum. Propterea ne de crassa negligentia in die  
Judicii rationem reddere teneamur, volentesque  
ea, quae tam circa divinorum officiorum cele-  
brationem, quam circa morum, & vitam refor-  
mationem in sacrorum Conciliorum praesertim La-  
teranensis nona sessione constitutionibus salubriter  
ordinata sunt, inviolabiliter observentur. Vos  
omnes & singulos diocesis nostrae, & in ea  
commorantes, ac jurisdictioni nostrae subiectos mo-  
nemus, & in virtute sanctae obedientiae, ac pa-  
nis infra contentis precipimus, & mandamus,  
ut infra.

Et primo mandamus & precipimus omnibus  
& singulis Dominis Canonicis & Capellanis, &  
cujuscumque gradus, status, & conditionis exi-

stant, quod singulis diebus juxta laudabiles, &  
antiquas consuetudines horis debitis & consue-  
tis interesse debeant in ecclesiis suis, & quilibet  
eorum ad eas accedere teneatur ad matutinum,  
missas, vespers, & omnes alias horas, &  
ipsum vel ipsas indutus cotta & superpelliceo  
legere, sive decantare, ut moris est, sine mur-  
muratione, seu vaniloquio in choro, dum missa  
& officium legitur, & recitatur sub poena soli-  
dorum sex . . . pro qualibet vice Auseren. . .  
& hoc modo dividendum, videlicet, quod am-  
bo Sacristae habeant de dictis sex solidis unum  
pro quolibet contrasacientia pro labore seu officio  
sponsandi non interessantes ipsis divinis officiis;  
qua poena duplicetur diebus festis & solemnibus:  
declarando quod si fuerit Sacerdos non pos-  
sit missam celebrare, nisi prius soluta dicta poe-  
na Sacristis, vel alteri eorum. Quod si contra-  
fecerit, & non solverit, ut supra, intelligatur  
suspensus a divinis per mensem. Reliqui vero  
quinque solidi debeant per sacristas consignari de-  
cimario Capituli, sub poena standi in carceribus  
per unum diem, qui decimarius habeat dividere  
ipsas pecunias inter Sacerdotes interessentes divi-  
nis officiis salvo tamen semper justo impedimento  
per nos, vel per Vicarium nostrum declarando.  
Sacrista vero, seu ad quem tale officium spectat,  
qui non spontaverit non interessentes divinis of-  
ficiis, stare debeat per tres dies in carceribus.

Item mandamus, & precipimus, quod nullus ex  
praelatis audeat, nec praesumat tam in Ecclesia,  
quam in sacristia alteri injuriari, nec verba con-  
sumeliosa dicere sub poena unius ducati pro qua-  
libet vice ipso facto incurrenda, & irremissibi-  
liter auferenda, & plus arbitrio nostro, seu  
nostri Vicarii secundum atrocitatem injuriae, habita  
consideratione de qualitate personarum injuria-  
tae, & injuriantis: cujus poenae medietas sit ac-  
cusatoris, qui tenebitur secretus: alia dimidia  
distribuatur amore Dei.

Item mandamus, quod nullus audeat ferre ar-  
ma offensibilia de die, nec de nocte, neque ire  
de nocte per civitatem Auseri, vel Chersi post  
horam secundam noctis; praeterquam cum licen-  
tia nostra, vel Vicarii nostri, nisi ex legitima  
causa, quae probari debeat sub poena L. 5. ipso  
facto incurrenda, & irremissibiliter auferenda,  
cujus poenae medietas sit accusatoris, alia distri-  
buatur, ut supra.

Item volumus, & mandamus, quod nullus  
ex praelatis debeat nutrire comam, neque bar-  
bam, sed unusquisque debeat deferre capillos de-  
tonsos, ita quod pateant extremitates aurium  
sub poena L. 3. applicanda, ut supra. Sacerdo-  
tes vero celebrantes omnino debeant barbam ra-  
dere, seu radifacere sub poena excommunicationis:  
quibus barbam deferentibus precipimus, quod  
nullo modo possint celebrare sub poena standi in  
carceribus per menses sex.

Item mandamus omnibus, & singulis Sacerdo-  
tibus, ac clericis, ut supra, tam Canonicis, quam  
capellanis, & aliis cujuscunque conditionis, gra-  
dus, & dignitatis existant, quod non audeat,  
vel praesumat quovis quaesito colore tenere in do-  
mibus suis, vel extra mulieres suspectas, & a  
jure non permissas: sed eas expellere debeat in  
termino unius mensis a die publicationis, seu  
affixionis praesentis constitutionis, seu monitorii:  
ut . . . sub poena ducatorum centum quoad te-  
nentes illas in domo, & quinquaginta quoad te-  
nentes illas extra domum; & si non habuerint  
modum solvendi, stent, & stare debeant per men-  
ses

sis sex in carceribus in primo casu. In secundo casu per tres menses: quæ pœna pecuniaria applicari debeat per quartam partem accusatori; qui tenebitur secretus, alia quarta distribuatur inter pauperes, & duæ reliquæ partes cameræ episcopali pro reparatione palatii.

Item præcipimus, & mandamus omnibus, & singulis clericis, & sacerdotibus in diœcesi nostra commorantibus ad abolendam execrabilem blasphemiam, quæ in maximum divini nominis, & Sanctorum contemptum supra modum inolevit: ut quicumque clericus, vel Sacerdos Deum, vel beatam Virginem ejus matrem maledixerit, seu verba obscœna de eis, vel altero eorum dixerit, vel aliter blasphemaverit, sive publice, & palam, sive clam, dummodo possit probari, privetur fructibus beneficii per unum... si habuerit beneficium, & verba sint maledictionis, vel obscœna: si vero sine verbis aliter blasphemaverit puniatur, in L. 25. applicanda per dimidiam accusatori, alia vero dimidia distribuatur amore Dei; & si non habuerit beneficium aliquod ecclesiasticum, nec modum solvendi, stet, & stare debeat in carceribus cum cibo, & potu limitato, arbitrio nostro, vel Vicarii nostri; si autem Sanctos, vel Sanctas blasphemaverit, seu maledixerit... liter arbitrio nostro, vel ut supra: secundo vero convictus de tali crimine privetur beneficiis si habuerit, vel aliter si non habuerit arbitrio nostro: tertio autem convictus dignitatibus... omnibus eo ipso privatus existat: quæ libere impetrari, & conferri possint ab habente potestatem; si autem non habuerit beneficium, talis tertio convictus stet, & stare debeat per annum continuum in carceribus pane tantum, & aqua alendus arbitrio nostro. In foro pœnitentia prohibemus omnibus, & singulis sacerdotibus absolutionem super tali crimine nobis, vel Vicario nostro reservantes.

Item præcipimus, & mandamus omnibus, & singulis Canonicis, capellanis, & aliis quibuscunque sacerdotibus, & clericis cujuscunque gradus, conditionis, & dignitatis existant, ut teneantur, & debeant in termino unius mensis post præsentium publicationem, vel affixionem, nobis vel Vicario nostro ostendisse bullas beneficiorum suorum quarumcunque; quo termino elapso ipsis non comparentibus exhibentibus ipsas bullas infra terminum statutum, ex nunc prout ex tunc, ut e contra tales inobedientes mandatis nostris stante eorum contumacia, & contemptu ipsis eorum beneficiis privamus, ac privatos esse declaramus, exceptis tamen illis, qui reperiuntur extra diœcesim, quibus statuimus terminum trium mensium... scientiæ probatæ, vel præsumptæ, nisi forte tantum abesset a diœcesi nostra, quod verosimiliter de prædictis non posset habere notitiam.

Item mandamus, & præcipimus omnibus sacerdotibus, & clericis, ut sup. quod incedant honeste, & cum habitu clericali conveniente secundum gradus eorum, & dignitatem ipsorum sub pœna unius ducati qualibet vice irremissibiliter auferenda & applicanda pro dimidia accusatori, alia vero dimidia distribuatur amore Dei, ut sup. & Rever. Domini Canonici debeant portare al... in suis Ecclesiis, & omnes habentes dignitates in Ecclesiis cathedralibus, sive majoribus; & rectores ecclesiarum, seu plicani, qui sunt in diœcesi nostra, caputium in publico deferre debeant sub eadem pœna applicanda ut sup.

Item mandamus sacristis Ecclesiæ nostræ Aus-

serensis, & Chersæ, quod debeant pulsare matutinum, vesperas, & Missam majorem horis debitis, & consuetis; per spatium unius horæ saltem post pulsatum matutini expectari debeat tantum tempus, quæ remotior possit venire ad Ecclesiam, & non audeant dicti sacristæ, sive eorum alter, nec præsumat de choro discedere dum cantatur, aut legitur divinum officium, sub pœna standi in carceribus per unum diem pro qualibet vice.

Item præcipimus, seu potius declaramus, quod quilibet sacerdos, seu clericus in sacris ordinibus constitutus, vel in minoribus si beneficium ecclesiasticum obtinet, teneatur singulo die cessante legitimo impedimento dicere divinum officium, alias autem habens beneficium ecclesiasticum si cessaverit, per sex menses post illud obtentum non faciat fructus suos: sed expendatur pro dimidia in fabricam palatii: alia vero dimidia distribuatur amore Dei pro rata temporis, quo non dixerit officium prædictum, nec possit absolvi in foro conscientia: nisi fructus prædictos non suos restituerit: si vero per annum omiserit dicere dictum officium, & constare possit, beneficium vel beneficia, si plura habuerit, amittat: non habentes beneficium, & in sacris existentes, qui omiserint dicere prædictum officium per tres dies continuos, seu plures, stare debeat in carceribus per tot dies, quot omiserit dictum officium: in minoribus vero ordinibus tantum constituti carentes beneficio tenentur dicere singulo die officium B. Virginis; quod si dicere omiserit per tres dies, vel ultra absque legitima causa, & constari possit, puniatur arbitrio nostro, vel Vicarii nostri, & pœna applicetur, ut sup.

Item ludos quoscunque tam a sacris Canonibus, quam a jure civili prohibitos jubemus sub pœna unius ducati pro qualibet vice, si in publico ludetur, si in privato L. 3. applicanda ut sup. quam si non solverit, stet in carceribus arbitrio nostro.

Item mandamus, quod nullus sacerdos de nostra diœcesi, seu in ea moram trahens, cujuscunque conditionis existat, audeat, vel præsumat audire confessiones, nec Missam celebrare per totam diœcesim nostram in domo alicujus personæ absque expressa licentia nostra, nec ferre eucharistiam, vel baptizare, præterquam in casu necessitatis: sub pœna excommunicationis.

Præterea constitutiones, & ordinationes fel. rec. SS. Domini nostri Leonis Pp. Decimi, in prædicta nona sessione sacri Lateranensis Concilii editas, & promulgatas, vitam, & mores, ecclesiasticamque disciplinam conservantes, vos omnes prænominatos sacerdotes, & clericos ad eorum observantiam inviolabiliter teneri volumus, & intimamus, quemadmodum SS. Dominus noster mandat, & præcipit in eisdem. Si quis autem horum mandatorum, aut alicujus eorum contemptor extiterit, vel ausu temerario præsentis amovere, lacerare, aut quovis modo deturpare præsumpserit, ex nunc pro ut ex tunc, & e contra excommunicationis sententiam in his scriptis ferimus, & fulminamus, ejus absolutionis nobis, vel locumtenenti nostro facultate retenta; reservamus nihilominus nobis arbitrium, & facultatem faciendi gratiam de præmissis, sed & pro ut nobis videbitur.

Dat. Ausseri in episcopali palatio die 6. mensis Decembris 1533.

Hieronymus Sestius  
Sac.

Iis,

Gusta quæ-  
dam Joan-  
nis II.  
Episc.

is, quæ gesta a Joanne II. Antistite Absorensi XLI. memorie commendavit Farlatus, hæc præterea addenda sunt eximie pietatis, ac religionis monumenta. Nam tertio quoque die Dominico per menses singulos instituit publicas supplicationes, quibus Absori, Crepsæ, Capite-insulæ, Lubenizæ, & in utroque Lofinio Eucharistia deferretur sollemni ritu, cultuque: cum vero frequentes aeris procellæ agro Absorensi, & Crepsensi impendant, iussit, ut, ingruentibus nimbis, sonitus e sacris turribus ederentur, tum parochi stola amicti ante aram, ubi divina Eucharistia collitur, sisterent oraturi, & precibus expletis, præeunte cruce ad fores Ecclesiæ, ipsi aqua lustrali adversus impendentem tempestatem, & ecclesiastico ritu bene precarentur. Ubi quis proxime moriturus esset, sancivit, ut e vicinioris Ecclesiæ turri signum populo daretur, qui pias preces funderet pro æterna ægrotantis incolumitate. Vetuit, ne Slavi presbyteri parum aquæ, qui mos inter illos invaluerat, vino miscerent ante sacrificium; tum qui pauperes erant inter illos, ut agrorum cultui pro gentis consuetudine incumberent, non invitus concessit. Magnam penes sapientes, ac religiosos viros sui exultationem adeptus est, & Senatus Veneti auctoritate ejus Synodus valde commendata fuit: tot vero, quibus gravissime illum lacebant improbi homines, molestiæ, accusationes, & convicia nunquam ejus constantiam detertere potuerunt, ne tuendo, fovendoque gregi sibi concredito pastoralis cura, ac sollicitudine invigilaret. Eo Antistite, Ecclesia S. Clementis restituta fuit Absori, novumque erectum altare, cui stemma impendit familiæ de Petris, inscriptione hac subiecta.

*Franciscus de Petris Primicerius, ac Illustrissimus & Reverendissimus de Rubeis Episcopi Auxeren. Vic. Gen. hoc fieri iussit Anno a Nativ. Dom. 1657.*

Cornellii,  
& Sajanelli  
error no-  
satur.

Lapidum monumentum consecrationis Venetæ Ecclesiæ S. Sebastiani, quam obtinet religiosus ordo Hieronymianus, præfert nomen Joannis Francisci de Rubeis Episcopi Auxer., quem eruditus vir Joannes Baptista Sajanellus in historia Hieronymianæ Sodalitatis beati Petri de Pisis autumat Episcopum Absorem fuisse. Cum vero Ecclesiæ illius consecratio a Joanne Francisco peracta sit an. 1562., recte animadvertit Fiaminius Cornelius tum hic in Tom. V. monument. Eccl. Venet., tum in postremo Supplem. eo anno locum non esse Joanni Francisco inter Absorenses Antistites; siquidem Antonius Cappo Absorem tenuit sedem episcopalem integro viginti annorum cursu; eique vita functo an. 1553. successit Marcus Fidelis Gonzaga, quem Antonius adhuc vivens adiutorem sibi postulaverat cum futura successione, isque vitam, & Episcopatum produxit ad annum 1583. Hinc Cornelius conjicit, Joannem Franciscum e nobili in primis Foro-Julienfi familia de Rubeis, & Episcopum Aurensem in Thracia fuisse, cujus imago in ædibus familiæ ejusdem conspicitur, subiecto titulo *Episcopus Aurenfis*. Verum fallitur in hoc Supplem. Tom. pag. 289. idem Cornelius, qui Antonium Episcopum Absorem, de quo mox diximus, familiæ Coppo, seu Coppinæ Veneta nobilitate illustri attribuit; huic enim Coppo cognomen fuit, patria insula & civitas Pagus in Flaminico sinu. Gravius tamen, erravit, cum in

Tom. V. inter monumenta Ecclesiæ SS. Gervasii & Provasii lapidem consecrationis testem hac chronologica nota anni 1557. inscriptum profert; & in Tom. XIV. Supplem. Joannem de Rubeis, a quo eadem Divorum Gervasii, & Provasii Ecclesia dedicata fuit, cum Joanne Francisco, de quo mox diximus, permiscet, atque confundit. Sed hujus sacræ ædis consecratio an. 1657. peracta est a Joanne de Rubeis Antistite Auxerenfi septem supra sexaginta post annos, quam ædificata iterum fuit an. 1590. hi vero Antistites uti ætate, ita patria, atque Episcopatu omnino sunt inter se diversi. Vide Farlatum in Joannis de Rubeis Absorensi Episcopatu pag. 219.; & pag. 217. corrige typographicum errorem, qui in chronologicam notam irrepsit monumenti Corolano Garzadorio inscripti Absorensi eidem Episcopo: siquidem annus is est MDCXIV.

Simonis Gaudentii haud minus præclara fuerunt in Absorem Ecclesiam merita, totique diocesi egregia præstitit dilectionis, atque vigilantie monumenta. Quod Absori instituit sodalitiū Christianæ doctrinæ, etiam Crepsæ statuendum sancivit; ut vero amplioribus privilegiis, ac indulgentiis ditaretur, quo locales promptiores, ferventioresque fierent in Christianis præceptis, institutisque tradendis, actum est, ut primariæ Romanæ sodalitati Crepsensis quoque uniretur, eaque cura Georgio Georgicæ Romæ degenti studiosissime injuncta fuit. Hic porro in re perficienda egregium studium impendit P. Philippus Ricuputi Soc. Jesu; eoque opera plurimum ulus est Gaudentius, ut diocesim universam sacris missionibus; aliisque pietatis, ac religionis operibus excoleret. Simon nonnihil molestiæ pertulit in ea contentione, qua tum Crepsenses Canonici negabant se obstructos esse, ut diocesanam Synodum adirent, cum ab Episcopo indiceretur. Obliterunt Crepsensi Capitulo Canonici Absorenses; & rei quæstione delata ad tribunal Internuntii pontificii, hujus Auditor & Episcopi Absorensis decretum adversus Crepsenses confirmavit, & sententiam tulit secundum Absorem Capitulum. Nihil tamen secius Canonici Crepsenses repugnare visi sunt, dum judicii delegatione ab Internuntio commissæ Marco Antonio Ferro Protonotario Apostolico an. 1699., eodem anno die Maii xi. priorem sententiam ita probavit, ut Crepsenses Canonici in posterum diocesana Synodo interesse tenerentur; cujus decreti hæc formula est.

*Christi nomine invocato, pro tribunali sedentes, & solum Deum præ oculis habentes, Nos Marcus Antonius Ferro J. U. D. Prothonotarius Apostolicus, nec non in causa . . . Judex, & Commissarius per Illustrissimum & Reverendissimum D. Nuntium Apostolicum Venetiarum specialiter delegatus. Per hanc nostram sententiam definitivam, quam de Jurisperitorum consilio fecimus . . . Dicimus, pronunciamus, decernimus, declaramus, & definitive sententiamus bene fuisse judicatum per D. Auditorem generalem Nuntiaturæ Apostolicæ Venetiarum tam in ea parte, qua confirmavit decretum, seu decreta lata per Illustrissimum & Reverendissimum D. Episcopum Auxerensem, quam in ea parte, qua decrevit, & declaravit prædictos Dominos Canonicos Ecclesiæ collegiatae S. Mariæ de Chersio dictæ Auxerenfis diocesis teneri, & obligatos esse accedere ad Synodum diocesanam, eidemque in-*

Sodalitatis  
Crepsensis  
doctrinæ  
Christianæ  
az.

Canonici  
Crepsenses  
abnuunt  
interesse  
synodo  
diocesana  
az.

Lata contra  
eos  
sententia.



teresse, quotiescumque congregari contigerit . . . . maxime in casibus . . . . de vita, & honestate clericorum, pro morum reformatione, statu universali, & regimine ecclesiasticorum, & beneficiatorum, horis canonicis, chori disciplina, residentia, distributionibus, aliisque consuetudinibus, & ferenda sint decreta eisdem quoquo modo tangentia . . . . & sententiamus . . . . ne ecclesia detrimentum patiatur, & divinus cultus fraudetur obsequio, per D. Episcopum Auxerensem proque illius prudentia proferendos esse tres Canonicos, duos Mansionarios, & quatuor Sacerdotes omnes ex ejusdem collegiata senioribus, ut remaneant in servitio, & officio chori, aliisque obsequiis ad eisdem spectantibus obeundis; reliquos vero nempe D. Archipresbyterum, aliosque Canonicos, & Mansionarios, & Sacerdotes ejusdem collegiatae ad Synodum accedere, eidemque personaliter interesse debere, & teneri, nisi aliquis ex eisdem iusto, legitimo, & canonico impedimento detentus fuerit, in quem eventum posse, eidemque licere ad proponendam excusationis causam de eademque docendum medio procuratoris comparere, & non alias &c. ....  
Data die Luna xi. Maii 1699.

Ita pronunciavi Ego Marcus Antonius Ferro  
Judex Commissarius Apostolicus.

Franciscus Fabri Cancell.

Litteræ  
Silvestri  
Valerii  
Ducis Venetiarum  
pro Simone  
Gaudenzio  
Antistite  
Abfaren-  
tensi.

Extant præterea litteræ Veneti Senatus decreto scriptæ Jacobo Mauroceno Crepsi, Absorrique Comiti, quibus Gaudentii decreta probantur, quæ ad incrementum divini cultus religiose prudenterque tulit, eosque in obedientiæ officio contineri jubetur, qui hisce legibus morem gerere abnucebant. Datæ sunt in hæc verba anno 1699.

Silvester Valerius Dei gratia Dux Venetiarum &c. Nobili & sapienti viro Jacobo Mauroceno de suo mandato Comiti & Capitaneo Chersi, & Auxeri, fidei dilecto salutem & dilectionis affectum.

Cum intellexerimus ab isto Antistite sancita quadam fuisse, quæ chori disciplinam, ecclesiasticum, sacrarumque vestium decus spectant, visumque nobis sit ea esse ejusmodi, quæ omnino servantur, cum ad Dei cultum, & Christianam pietatem pertineant, Senatus auctoritate mandamus, hisce Episcopi decretis tum a Canonicis, tum a ceteris quibusque esse parendum, eoque magis, quod ab Internuncio Pontificio secundum Episcopum de iis judicatum fuisse cognovimus. Siquis tamen contendat, suo juri per hæc Episcopi leges quidquam derogari, aliisve tum cleri, tum diæceseos ecclesiasticis decretis, quod ad res civiles attinet, iisdem Canonicis, ceterisque fas sit coram se sistere, ut jus cuique reddatur.

Datum in nostro ducali palatio die xx. Julii Ind. v. MDCLXXXVII.

Elogium  
Matthæi  
Caramani.

De Matthæo Caramano in Archiepiscopis Jaderinis plura dicta jam sunt; sed non est hoc in loco prætermittendum Vincentii Zmajevichii Jaderensis itidem Antistitis nobile testimonium, quo Matthæi virtus, & egregia promerita maxime commendata fuere antea, quam ad regendam Abforensem Ecclesiam mitteretur.

Vincentius &c. Universis &c. attestamus Reverendissimum Matthæum Caraman e gremio Metropolitane Ecclesiæ Spalatensis annorum 39. circiter, expleto laudabiliter studiorum suorum curriculo in Archiepiscopali Seminario Spalati, anno ætatis sue 24. ad banc urbem (Jadram) dimissorialibus sui Ordinarii accessisse, ibique in

seminario Florio per octennium Rhetoricorum Magistri, ac philosophiæ Lectoris munus exercens, insignia equidem tum in scientiis, tum in moribus suis præbuit experimenta virtutum, tum insuper tanto munere gravatum ad graviora quoque subeunda promptum, ac paratum conspeximus: quippe apostolico zelo in omni doctrina, & pietate in pluribus quadagesimis sacri Concionatoris opus complevit coram nobis Italico aque, ac Illyrico idiomate. Mox Russiam profectus de mandato sacre Congregationis, ubi per quinquennium demoratus, Missionari Apostolici munus patientiæ, ac perfectæ doctrinæ splendore fideles diffusos inter barbarorum insidias continuo paritantes, in unitate fidei caritate duce complectens, egregie consecit. Deinde se Illyrici idiomatis studio tradidit, multisque exantlatis laboribus perfectus evasit, unicus quidem, cui totius cleri in germana Breviarii, ac Missalis lectione (qua vere usque modo caruit) facultas debeatur. Cursu denique operum suorum fideliter consummato Jadram revocatus fuit; ibi eum nostra diæcesana visitatione Verbi Dei ministrum, ac præconem suscepimus, in quo tali ac tanta virtute præfuit in peragendis missionibus, & confessionibus audiendis, ut iniquitatem aperiens cunctos ad penitentiam provocabat; in insula quoque Pagi hujus nostræ diæcesis, elapsa quadagesima, Concionator fuit; nostrum insuper synodalem examinatore constituvimus, totque curis gravibus distentus clericos Illyricos provinciæ in sacra Theologia Morali, ac Illyrica lingua disciplinam instruendos elaboravit. Quem propterea virum omni virtutum genere præclarum de nobis, ac de universo clero Illyrico optime meritum nostris hisce litteris munientum reputavimus, omnique ecclesiastica dignitate, etiam Episcopali dignum cernentes sanctæ Sedis Apostolicæ in obsequium flexis genibus enixe in Domino commendamus.

Dat. Jadra ex nostro Archiepiscopali palatio die 12. Octob. 1738.

Hæc, quæ Matthæi vitam, & res gestas ante Abforensem Episcopatum complectuntur, quisque pluris æstimabit, qui Zmajevichii doctrinam, ejusque sapientiæ, prudentiæque laudem habeat perspectam.

### §. III.

## A D D I T A M E N T A

### Ad Ecclesiam Arbensem.

Ubi primum de Domana seu Dabrana Episcopo Arbeni VI. duo monumenta profertur, quæ & ejus nomen aliquantulum immutant, & civem Abforensem illum fuisse indicant: alterum est ex vetusto Breviario Gothicis litteris descripto, in quo ad pervigilium S. Christophori hæc leguntur inserta liturgiæ illius diei: tempore Venerabilis viri Dom. Domana nate Abfarenensis Arbinsium Episcopi; alterum ex mss. Tiburtii Adrani civis Abfarenensis: tempore Ven. viri D. Domani natione Abfarenensis, Arbinsis Episcopi.

In Episcopatu autem Andreæ Episcopi Arbeni XI. uno anno posterior signanda est sententia cleri Arbeni secundum diaconum Joannem, id est an. 1178. cui anno congruit Indictio xi., idque certum habeo ab exemplari

Domana  
civis Ab-  
farenensis, &  
Arbeni  
Antistes.

De Andrea  
Episc. Ar-  
beni XI.

plari ejusdem sententiæ mihi perhumaniter a Joanne Garagnino Archiepiscopo Spalateni ex *Sanctuario* Arbenſis Eccleſiæ communicato. Idem Andreas interfuit conſecrationi Rhadagatti Episcopi Boſnenſis, ut in Coſmo Episcopo Ablorenſi notavit ipſe Farlatus, quo tamen anno incertum. Hoc Antistite monasterium S. Joannis Evangelistæ jam Arbi extabat, idque in monumentis Arbenſibus comprobatur ex tabulis quibusdam Minojæ ejusdem monasterii Antistitæ anno 1190.

Arbi pri-  
vilegia.

Anno 1307. cum Georgius Arbenſem Episcopatum teneret, Paullus Chrobatæ Banus, & Dominus Boſnæ, civitatis, & cleri Arbenſis privilegia ſuo diplomate confirmavit, quod Scardonæ datum eſt die 14. *intransis Januarii*, & in urbis *Sanctuario* ſervatur.

De Eccle-  
ſia Arbenſi  
S. Luciz.

Eccleſiam Arbenſem D. Luciz ſacram olim in hac urbe extitiſſe produnt monumenta tabularii Capitularis pag. 143. quæ fertur ædificata a quodam Arbenſi cive, cui Paganinus cognomen erat; utrum diruta fuerit, an alius Divi titulo dicata adhuc exiſtat, comperire non licuit in catalogis Eccleſiarum Arbenſium; ejus autem eræctio Episcopatu Georgii III. adſcribitur. Hic interfuit Gradenſi Concilio an. 1330. de quo in additamentis ad Episcopos Veglenſes.

Cum per hæc tempora quotidie magis Arbenſium religio, & cultus in D. Chriſtophorum augetur, & præ reliquis ſollemnis eſſet feſta dies ejus commemorationi dicata, civitatis conſulto decretum eſt, ſeptenos dies ante, ac totidem poſt illam celebritatem feriis omnino vacandum, eademque lex in feſtum *Victoriæ* diem conſtituta; tum quicumque alieno ære eſſent obſtricti, iis liberrime adeundæ urbis facultas permiſſa, Conſiliariis vero civitatis, qui in urbe degerent, munus injunctum, ut in *Victoriæ* pervigilio cereum quiſque deferret *Marianæ* baſilicæ offerendum. Decretum eſt hujusmodi, quod ab eodem Spalatenſi Antistite nuperrimis ejus litteris gratiæ officiique plenis accepi.

De feſtis  
diebus S.  
Chriſtopho-  
ri decretis.

MCCCLXIII. die 21. Julii. Congregato generali Conſilio civitatis Arbi in ſala domus conſueta, ubi fuerunt Conſiliarii XLVIII. Pars fuit poſita in hac forma. Ad laudem & extollentiam ſummi regis, & glorioſæ Virginis Mariæ, atque glorioſiſſimi Martyris ſancti Chriſtophori proteſſoris noſtri pars ponitur, Dominorum Vicarii, & Judicum, quod deinceps in feſto S. Chriſtophori, videlicet in ejus natiuitate, quæ de menſe Julii celebratur, & in feſto *Victoriæ*, quod celebratur de menſe Maji: ſeptem diebus ante, ſeptem diebus poſt ſit tempus feriatum, quo ad jus civile, nec jura reddantur: & omnes debitores aliquarum perſonarum, dummodo criminaliter non ſint debitores, poſſint tute Arbum decedere, & ſecure morari per totum dictum tempus XV. dierum, ſecuratim procedere ab omni moleſtia creditorum, pro celebritate ipſarum feſtarum. Itaque elapſis ipſis terminis ipſi debitores non habeant licentiam in Arbo ſtandi vel habitandi, niſi fuerint concordēs cum creditoribus ſuis, & omnis Conſiliarius, qui tunc temporis erit in civitate, veſperis majoribus *Victoriæ* detulerit ad Eccleſiam S. Mariæ unum candelotum ſaltem pretii unius groſſi, vel ab inde ſupra ſicut perſonarum divotioni maluerit, ſalvo quod ægroti ſint in hoc excuſati, & ſi ſani manentes in civitate contraſecerint, in pœna privationis conſilii per ſex menſibus continuis in *Illyrici Sacri Tom. V.*

currant. Capta fuit per balotas XL. de ſic, quatuor de non, non ſinceras quatuor.

Eidem humaniſſimo Præſuli acceptum debet aliud Arbenſe monumentum anni 1406. de electione Præſidum, quibus *Sanctuarii* custodia, & cura incumbit, quoſque *Sanctuarios* iccirco appellant. Cum enim de jure, & ratione eligendi contentio fuiſſet exorta inter Comitē Arbi, & viros principes civitatis, demum publico decreto ſancitum fuit, Comiti, adſcitis ſibi in collegium novem e primaria nobilitate viris, jus in poſterum eſſe, & poteſtatem creandi *Sanctuarios*, eoſque in poſſeſſione muneris confirmandi: in quam ſententiam Arbenſium Conſiliarii liberrime conceſſerunt: hæc omnia ex monumento, quod ſubjicimus.

Milleſimo quadringenteſimo ſexto, Indiſtione quarta, die Dominico, decima menſis Martii. In ſala reſidentie Domini Comititis congregato & coadunato publico & generali Conſilio nobilium civitatis Arbi per Bertum præconem, & nuntium conſilii ad ſonnum campanæ, & voce præconis, ut moris eſt, de licentia, mandato, & auctoritate ſupraſcripti Domini Comititis, in quo quidem conſilio interſuerunt conſiliarii 38. qui totam, & majorem partem nobilium, & conſiliarium civitatis Arbi repræſentant, oretenus propoſitum fuit, per dictum Dominum Comitem, qualiter congregare fecit conſilium prædictum pro tractando, & creando unum *Sanctuarium* Eccleſiæ cathedralis ut moris eſt in ſimilibus vacationibus ſubſtituere, & creare, & juxta illud ſtilum ter in dicto conſilio requiſivit, & partem ad buſſulas circum circa cum balotis, ut moris eſt, deſtinavit: in quibus conſiliis minime fuit capta: & hoc quia per plures conſiliarios arrenatum fuit, quod Dominus Comes habeat libertatem cum viginti Domibus nobilium Arbenſium, & non cum novem, ut prædicti præceſſores habuerunt: ita quod inter dictum Dominum Comitem, & nobiles Arbenſes ac etiam in parte ipſorum multa & diverſæ fuerunt orta differentia, & ſcandali taliter, quod tranquillitas, & amor non erat inter dictum Dominum Comitem, & parte nobilium prædictorum: eo quia tractare non intendebat cum præceſſoribus ſuis, ut juſtum & æquum erat. Tandem hodie inſpirante divina humanitate, ut pax, & amor ſit inter caput, & membra, hodie in prædicto conſilio iterum, & denuo dictus Dominus Comes intendens creare, & ſubſtituere unum *Sanctuarium* loco ut ſupra, ſecundum quod per præceſſores ſuos fuit obſervatum, vel in habendo libertatem a majori conſilio poſſe eligere dictum Dominum Comitem novem nobiles Arbenſes vel de novem domibus, vel de ſtirpe, ſeu proſapia, & cum illis per modum obſervatum per præceſſores poſſe eligere, & confirmare illum, qui fuerit per majorem partem illorum electus in *Sanctuarium*, qui ſit firmus, & validus, qui continetur in quinterno partium captarum in conſilio Arbi, quæ partes pluries per me cancellarium fuerunt lectæ, & vulgarizata coram ut ſupra vel in ipſo conſilio, quia ſupplicabat ipſe Dominus Comes, quod dignarentur dicti conſiliarii ipſum Dominum Comitem tractare, & amare æqualiter, ut præceſſores ipſius in talibus fuerunt electi, & tractati. Tunc ſurrexerunt quamplures videlicet unus poſt alterum more ſolito conſonantes, quod dignum eſt, ac ex debito teneri ſe honorandum Dominum Comitem creatione *Sanctuarii*, quod aliis Reſtoribus præceſſoribus ſuis ex injuriis, & inhoneſtis mo-

Decretum  
de eligendis  
Sanctuariis.

Ggg dis

dis observatis contra honorem ipsius, rogantes Dominum Comitem quod dignetur ipse solus Dominus Comes acceptare hanc libertatem, & eligere, ac confirmare unum de nobilibus, ut moris est, & similiter libertates, & auctoritates habeant, & habere debeant etiam ipsi successores, ut in posterum ulla discordia, vel rixantia oriatur inter caput, & membra: asserentes cum caput dolet, cetera membra languent, fuerunt in consiliariis, replicantes quod equum & iustum est attribuire ipsi Domino Comiti liberam auctoritatem, & bayliam de ponendo partem in dicto consilio ad omnem modum, & utilitatem ipsius, ut juxta ipsam voluntatem complacere, & adfervire illi pro injuria, & contractu, ter ipso Domino Comiti illata: Tandem propter magnam disputationem factam ut supra, visa, audita, & intellecta bona & optima voluntate, & dispositione dictorum nobilium versus Dominum Comitem: posuit partem destinando more solito ballotas cum bussolis circum circa in hunc modum, videlicet quod ultrascriptus Dominus Comes habeat libertatem, & veram auctoritatem, & bayliam eligendi, & accipiendi novem nobiles, de novem domibus nobilium Arbensium, videlicet unumquemque de sua stirpe vel prosapia, cum quibus novem vel pro majori parte ipsorum eligere debeat, & confirmare unum nobilem Arbensium in Sanctuarium loco ut supra, qui sit homo honestæ vitæ, ac sufficiens sit, & immatulus & legalis, & bonus, & optimæ opinionis, & famæ, & ille qui fuerit electus sit firmus & validus Sanctuarius Ecclesiæ Arbensis: & ut litibus, & differentiis, discordiis, & erroribus finis imponatur, quia sæpe accidit tempore creationis dictorum Sanctuariorum, ut publice constat, tam inter dictum Dominum Comitem, & nobiles, quam inter dictos nobiles, quia deinceps dictus Dominus Comes, & sui successores in perpetuum observare debeant hunc stilum, videlicet quod libertatem liberam habeant eligendi novem nobiles, de novem domibus, ut supra, pro creando, & confirmando unum vel plures Sanctuarios dictæ Ecclesiæ Arbensis, absque aliqua congregatione maioris consilii, intelligendo quod Sanctuarii sint de domibus antiquis secundum quasdam litteras ducales Domino Marco Michaili, & successoribus suis transmissas. Quæ pars capta, & confirmata fuit per consiliarios de sic 28. & decem de non, & supra.

Arbensium  
querelæ ad  
versum Ni-  
colaum E-  
piscopum,

Ad Nicolaum Arbensium Antistitem XXXV. gravissimæ spectant Arbensium civium querelæ, quæ diutinam ejus ab urbe absentiam ægre quidem ferentes, cum iustis ipsorum postulatis, & querimoniis nollet Episcopus acquiescere, demum Veneti Principis sententiam, atque auctoritatem, consultius id rati, deprecari statuerunt, ut ad officium, cui se minus intentus præstare videbatur, pro ipsa Episcopi dignitate revocaretur. Itaque per oratores Hermolaum de Hermolais, & Marinum de Nimira Venetias missos graviter apud Senatum conquesti sunt, sibi quidem eos Antistites olim præfuisse, qui sedulo, vigilanterque, ut Episcopum decet, animarum curæ vacarent, earumque æternæ incolumitati prospicerent; nunc vero eum Præfulem Arbeni Ecclesiæ præpositum esse, qui in terranæ solummodo Episcopatum reddituum administrationem avidè incumbat, & quo aliis præterea alicujus sacerdotii bonis, ac fructibus augeatur, illud commississe, ut Episcopo Vicetino se Suffraganeum subjiceret ma-

jori cum Arbensis Ecclesiæ detrimento, atque dedecore; igitur orare se, ut hujusmodi injuria Veneti Senatus judicio, ac auctoritate avertatur, cogendum Episcopum esse, ut Arbi consistat, suæque Ecclesiæ regimini pastoralis sollicitudine consulat; si abnuat, Episcopatus bona in faciendis Episcopi ædibus intra urbem impendi jubeat Senatus, ne penitus corruant; hinc spem fore, ut Episcopus nova, eaque commoda ædium suarum restitutione illectus stabile in urbe domicilium figat. Quibus rationibus permoti Sapientes reipublicæ viri publico decreto sanciri voluerunt, nequis Episcopus Episcopatus bona, fructusque percipiat in posterum, nisi intra Arbensis diocesis fines commoretur: decretum vero est hujusmodi.

Franciscus Foscari Dei gratia Dux Venetiarum & Veneti nobilibus & sapientibus viris Zaccaria de Musso de suo mandato Comiti Arbi & successoribus suis fidelibus dilectis salutem & affectionis affectum. Venerunt ad præsentiam nostram sapientes viri Hermolaus de Hermolao, & Marinus de Nimira oratores fidelissimæ nostræ Communitatis Arbi, & parte dictæ Communitatis præsentaverunt nonnulla Capitula, ad quæ cum nostro collegio & auctoritate Consilii rogatorum fecimus nostras responsiones &c. (hic Arbensium postulata, & senatus responsa subjiciuntur; atque postremam adversus Episcopum querelam hæc responsio sequitur) Dicatur quod contentamus & volumus, ut sequantur introitus Episcopatus, quos Episcopus non habeat, nisi quando faceret in Episcopatu residentiam. Quare &c. Datum in nostro Ducali Palatio die 24. mensis Junii. Indictione 12. 1449.

Senatus in  
eundem  
decretum.

De Vincentio Neculantio monumenta quædam mihi suppunt ex historia Fanensis urbis a Petro Maria Amiano descripta, & Fani typis vulgata anno 1751. quæ Farlatum latuere. Vincentius patrem habuit Andream Ugolinucci e Neculantia familia; Romæ a secretioribus consiliis fuit Cardinalis Hadriani de Corneto, quocum illi affinitas intercedebat; tum Pontificæ aulæ Præfatus, & Apostolicus Prototonotarius creatus. In Tridentino Concilio primus ipse sollemne sacrificium peregit coram augusto illo Patrum consensu. Anno 1558. Fani cum esset, Ecclesiam S. Salvatoris sollemni ritu consecravit; cujus consecrationis hoc extat marmori inscriptum monumentum.

De Vin-  
centio Ne-  
culantio  
monumen-  
ta.

Hæc Venerabilis Basilica consecrata fuit a Reverendissimo D. D. Vincentio Negusantio Fanensi, Arbeni Episcopo, XV. Kal. Maji 1558. Quæ quidem dies fuit Dominica in Albis in honorem D. N. J. Salvatoris Mundi, & S. Paterniani hujus Magnificæ Civitatis Protectoris Sedem Sanctam tenente Paulo Quarto Pontif. Max. Pontificatus sui anno III. Et Abbatiæ administrationem P. Angelico Bononiensi.

Hippolyto autem Mediceo Cardinali & in Germania Pontificis legato additus fuerat comes, & consiliarius Vincentius a Clemente VII. Post abdicatum Arbensium Episcopatum in opidum Saltariæ prope urbem Fanum cum se recepisset, ibi etiam supremum obiit diem annos natus sex supra octoginta; & in sacello sancti Christophori Fanensis cathedralis sepulchrum obtinuit; quod sacellum jure patronatus ad Neculantiam familiam attinet.

Cum Vincentius huic Ecclesiæ præfisset, Arben-

De reditu-  
bus mona-  
sterii S. Pe-  
tri in Valle.

benfis S. Petri in Valle monasterii reditus, ac proventus cessere Venetæ Marcianæ Basilicæ, ut ex iis, quod opus erat pecuniæ, ad illud perficiendum ædificium impenderetur. Monasterium commendatario jure tunc obtinebat Petrus Bambus, qui ab epistolis aderat Leoni X. Pontifici; ejusque fortasse consilio, Leo hisce litteris, quas ex Tomo X. Monum. Eccl. Venet. contractiores tamen hic exhibeo, Marcianam basilicam novo sacrorum reddituum munere auxit. „ Leo Episcopus servus servorum Dei. Ad

perpetuam rei memoriam. Creditum &c. Cum itaque monasterium S. Petri in Valle Ordinis S. Benedicti Arbenfis diocesis, quod dilectus filius Petrus Bambus clericus Venetiarum Secretarius familiaris, & continuus commensalis noster ex concessione & dispensatione apostolica in commendam nuper obtinebat, commenda hujusmodi ex eo quod dictus Petrus illi hodie in manibus nostris sponte, & libere cessit &c. modo vacare noleatur ad præsens, & sicut accepimus, Ecclesia sancti Marci Venetiarum in partibus illis plurimum insignis, in qua divinus cultus jugiter viget, & ad quam dilecti filii nobilis vir Leonardus Lauredanus Dux, & Dominium Venetiarum singularem gerunt devotionis affectum, nec non quamplurimi Christi fideles earundem partium devotionis causa confluunt, ab ejus primæva fundatione usque in hodiernum diem sumptuosissimo opere cepta, constructa & ædificata sit, & quotidie in hujusmodi structuris & ædificiis augeatur, propter quod nonnulli redditus & proventus ad illius fabricam deputatis ... non suppetunt ... Nos ... Motu proprio ... Monasterium prædictum, cuius fructus ... ad quinquaginta ducatos auri in libris cameræ apostolicæ taxati reperiuntur ... eidem fabricæ auctoritate apostolica tenore præsentium perpetuo unimus annectimus & incorporamus ... proviso quod per unionem &c. divinus cultus & solitus monachorum & ministrorum numerus in dicto monasterio nullatenus minuatur &c.

Datum Romæ apud Sanctum Petrum anno Incarnationis Dominicæ MDXVIII. Idibus Januarii, Pontificatus nostri anno vi.

De Arbenfis  
Sanctuario.

Arbenfis Sanctuarii antiquissimam religionem, tum splendorem, dignitatemque fuisse commendat Farlatus in Blasio Episcopo Arbenfis XL. Ad rem hanc spectat epistola Augustini Valerii Antistitis Veronensis, & Apostolici Visitatoris ad Dalmaticas Ecclesias visendas missi in Venetam ditionem a Gregorio XIII. P. M. Cum enim Sanctuarii Præsides sacramentum præstarent, quo erant obstricti, ne cui sacras reliquias in abdito obscuroque repositas conclavi proferrent, hisce litteris Augustinus Præsides sacramento absolvit, iussitque pretiosa Divorum lipsana publico cultui, ac venerationi in posterum coram proponi, quo die religiosius esse duxerint Episcopus, & Canonici Arbenfes. Eas hic describimus Italico, quo fuerant exarata, sermone.

Magnifici Fratelli

Epistola  
Augustini  
Valerii Vi-  
sitoris  
apostolici.

Sarà con le presenti il decreto mio fatto, che si mostrino quelle sante reliquie, che le S. V. conservano nella cathedrale di quella città; non ostante qualsivoglia statuto ed ordine in contrario; anco confermato con giuramento; il qual ordine sia annullato & rilassato il giuramento a chi lo avesse prestato; dal quale io le ho liberate & libero in tutto & per tutto, perchè Illyrici Sacri Tom. V.

non mi par cosa conveniente, che quel prezioso tesoro resti tenuto nascosto, che non possi esser veduto & honorato con accrescimento della devotione de' fedeli. V. S. non mancheranno di esequirlo, ricordandosi che io resto molto affezionato a quella magnifica città, & desideroso di farle piacere. N. S. Dio sia in custodia sua.

Di Offero a 6. di Giugno 1579.

Del giorno che si avranno da mostrare V. S. potranno consultarsi col Reverendiss. Vescovo, e col Rev. Capitolo.

Come Fratello

Ag. Vescovo di Verona.

Cum Valerius Dalmaticam provinciam, & Arbensem diocesim inviseret, huic Ecclesiæ præerat Blasius Sideneus, cui ætate grandævo adjutoris opus esse in regimine Episcopatus censuerunt cives Arbenfes. Propterea ad Pontificem supplicem commendationem dedere an. 1579. vellet nimirum eorum postulatis annuere, eumque, quem ipsi huic obeundo muneri idoneum fore existimabant, eligere. Erat is Andreas Cernota Franciscanæ familiæ alumnus, patria Arbenfis, quem meritis sane laudibus cumulant; & hinc haud abs re mihi videtur, Arbenfium litteras hic describere, quas Farlatus omisit, ut Andreæ bene gestis rebus ante Episcopatum laus amplior addatur: vernaculum, quo scriptæ sunt, sermonem retineo, nequid nativæ illarum simplicitati videar detraxisse.

Andreas  
Cernota  
adjutor  
Blasii Ep.  
Arbenfis  
XL.

Noi Gabriel Cernotta Giudice, & Marino Nimiria Dottor di leggi Sindaco, Agenti della Magnifica Comunità di Arbe, col tenor delle presenti nostre facemo ampia fede, & publico testimonio, qualmente ritrovandosi al presente il Reverendissimo Mons. Blasio Sidineo Vescovo di questa Città per la sua senile etade, & per la continua indisposizione, ch'egli patisce, inhabele & impotente affatto al governo di questo Vescovato, & alla cura di queste anime, come de tutto ciò l'Illustrissimo Mons. Vesc. di Verona, già Visitator Apostolico ne è benissimo informato. Considerando noi, che non provvedendo la Santità de N. S. presto di uno coadiutore & governatore a detta Chiesa, qual con santa vita, esemplar, & ottimo governo abbi a pascere questo povero gregge, il culto divino in detta Città nostra ogn'hora più si anderà scemando, però un'anima & conformi per il carico dell'ufficio publico che tenimo, habbiamo dato autorità, & così col tenor delle presenti damo & concedemo all' Magnif. & Illustre Sig. Conte Giulio Savorgnano, Camarier secreto de sua Santità, acciò a nome di noi rappresentanti tutta la Comunità nostra, habbi a supplicare alli Santissimi Piedi di sua Beatitudine che a onor del sommo Iddio, & a consolatione di questa devotissima città, si degni provveder di uno coadiutore al detto Vescovato, qual se bene è di rendita solamente di cento ducati di Camera desideramo per nostra universal sodisfazione si degni sua Santità ellegger il Reverendo Padre frate Andrea di Arbe del ordine di osservanti, nostro compatrioto, religioso di dottrina & vita esemplare, qual da vintiquattro anni & più così nelle parti di questa Provincia di Dalmatia, come anco nelle principal città d'Italia si è affaticato a predicare il verbo d'Iddio, essendo noi securi, che sotto la cura & governo di così bono pastore tutto questo devotissimo popolo s'incamminerà di ben in meglio nella via della salute a honor & gloria di sua Divina Maestà,

Ggg 2

la qual pregamo & pregaremo continuoamente per il felice stato della Santa Chiesa, vita lunga & salute, di S. Beatitudine, & in fede della verità habbiamo fatto far le presenti per il Cancell. nostro, sottoscritte di nostra mano & sigillate col solito sigillo de Santo Marco.

Di Arbe alli 25. Novembre 1579.

Gabriel Cernotta Giudice, con man propria.

Marino Nimira Dottor Sindico.

Hieronymus Nimireus Cancellarius

Magnificæ Communitatis Arbi

m. subscrip. ac sigillavit.

De SS.  
Marino, &  
Leone ci-  
vibus Ar-  
benibus.

Neque caruit effectu supplex Arbensium petitio, cui Pontifex ultro est assensus. Andreæ suffectus est Arbensis Episcopus Paschalis Padvinus, quo Antistite Arbum delata sunt sacra reliquiae S. Marini civis olim Arbensis & beato ejus corpore avulsæ, quod in oppido conditur ejusdem Divi titulo maxime illustri. Hic vero Farlatus Marini, ejusque socii Leonis historiam inseruit, quippe uterque patria Arbenfes extiterint; sed fateor revera, non pauca fuisse ab illo prætermissa, quæ vetustissimam in utrumque religionem, & primum cultum summo opere commendant, tum haud studiose de illorum sacris lippis, ut par erat, differuisse: propterea, cum id a nobis tum Arbenfes, tum Sanmariniani cives vehementer expectent, & historiarum dignitas, & grati animi officium jure postulat, ut nihil monumentorum, quæ ab utrisque nobis perhumaniter collata fuere, silentio, atque oblivione tegatur, quo major in hosce Divos reverentia crescat, & obsequium. Atque, quod ad Marinum attinet, de illius corporis possessione verus est Ticinensium cum Sanmarinianis contentio; quam si auctoritate dirimi oporteat, videor mihi habere pro certo posse, veras, genuinasque ejusdem corporis exuvias esse oppido, & civibus S. Marini jure concedendas: hoc autem in loco ita pro iis mihi differendum est, ut etiam de corpore S. Leonis Arbensis ea proponam, quæ facile ostendunt ejus reliquias Ticini non extare. Vetustiora, quæ Ticinenses proferant, monumenta desumpta sunt ex Chronico S. Rodobaldi Antistitis Ticinensis anno 1236. descripto: ibi enim Divorum reliquias enumerans, quas ipse in ea urbe, ipsiusque suburbanis ecclesiis recognoverat, de Ticinensi templo Mariniano hæc memoriarum commendavit: *Item in monasterio omnium Sanctorum, quod hodie dicitur monasterium S. Marini factum per regem Aistulphum regem Longobardorum ad honorem omnium Sanctorum jacet corpus ejusdem regis . . . . .* Item in fondo dictæ Ecclesiæ in archa quæ est in confessorio jacent corpora Sanctorum Marini & Leonis fratrum: quo ex testimonio nihil argui licet præter quam duorum Divorum corpora in eo templo tumulata esse, quorum alteri Leo, alteri Marinus nomen est; utrum vero ii sint, qui Arbo profecti Ariminensem Italiæ oram incoluerunt, quis inde ne suspicari quidem queat? præsertim cum hi nullo fraterni sanguinis vinculo juncti fuerint, neque id uspiam innuant antiquissima illorum vitæ exempla. Post Rodobaldum ceteri Ticinensium rerum Scriptores nihil Rodobaldi testimonio addidere, quod Ticinensium opinionem sane probabiliorem efficiat: quippe id unum affirmant, sacras reliquias, quæ Ticinensis civitas religiosissime locupletatur, eo delatas fuisse ab Aistulpho rege Longobardorum,

Corpus S.  
Marini  
non in ur-  
be Tici-  
nensi.

cum ab Romana, & Ravennati expeditione Ticinum regrederetur; hæc inter Divorum lippiana ipsa quoque Marini, & Leonis corpora in eam urbem avecta, & in templo condita ab eodem Aistulpho regio sumptu exstructa. Verum quo id probent argumento, jure ab ipsis postulamus: neque in disputationem revoco, Templum ne Marinianum ab Aistulpho recte dicatur ædificatum; ipsi inter se disceptant Ticinenses historici, & alii fundatum fuisse tradunt an. 553., ante duo ferme sæcula, quam Aistulphus regnaret; alii solius monasterii ædificationem eidem attribuant, quem ferunt nonnulli amplius solummodo vestigalibus illud donasse: id autem pæne omnes tellantur, Templum ipsum *Sanctorum omnium* titulo dictum primo fuisse, quo tamen tempore in D. Marini nomen titulus immutatus sit, non produnt. Hisce vero extra aleam rejectis, si inter reliquias Ticinum ab Aistulpho deventas ea quoque corpora extitere, quo anno, & unde allatas fuisse existimant? Roma, inquiunt, & post Romanam expeditionem, auctoribus Stephano Breventano in historia Ticinensi, Bernardo Sacco in opere *de Italicarum rerum varietate, & elegantia*, qui tamen pia hæc lippiana non enumerat, Antonio Spelta in Episcopis Ticinensibus, & Octavio Ballada in opere ms. *Ticinum* inscripto: at inde Aistulphus auferre nequivit Marini, & Leonis corpora, quippe alterum in monte Titano, alterum in monte Feltrio condebantur in Umbriæ provincia: sed partim Roma, partim Ravenna pretiosa Divorum spolia abstulisse dicitur Aistulphus tum a Jacobo Gualla in *Ticinensi Sanuario*, tum a P. Romualdo a S. Maria in opere, quod *Ticinum sacrum* inscribitur; hic vero addit, *ac aliis urbibus, suis armis superatis*. Verum enimvero, si Aistulphi regis historiam consulas, ab antiquis scriptoribus posterorum memoriarum traditam, aliter plane sentias oportet, ac malint Ticinenses historici: equidem fatentur ii, plures beatorum Martyrum, aliorumque Sanctorum reliquias a Longobardis vi abreptas fuisse, cum post urbis depopulationem Ticinum regrederentur: rem tamen ita narrat Anastasius, qui uno tantum ab Aistulphi ætate sæculo posterior illorum temporum monumenta descripsit: *Furore vehementi repletus (Aistulphus) adversarius ille & suæ animæ inimicus Romanam advenit urbem, quam per trium mensium spacia obsidens, atque omni circumdans parte, quotidie eam fortiter expugnabat, omnia extra urbem posita ferro & igne devastans, atque funditus consumpsit . . . . .* Nam & multa corpora Sanctorum effodiens eorum sacra cæmeteria ad magnum animæ suæ detrimentum abstulit. Hæc autem gesta sunt anno 755. ablatas autem Ravenna, atque ab Exarchatus provinciis Divorum reliquias cum Aistulphus an. 753. per summam vim totius Exarchatus regiones invasit, nullus est ex vetustis auctoribus, qui tradat, nulla monumentorum auctoritate id affirmant historici Ticinenses: & cum Anastasius, quo *fideliorem habemus neminem*, inquit Baronius ad an. 753., tum Baronius ipse scripserint, Aistulphum abnuisse ea restituere, quæ Romanæ Ecclesiæ abripuerat, solummodo innuunt, ille quidem, regem a Pipino bis & tertio juxta sæpe facti beatissimi Papæ Stephani admonitionem rogatum, ut tantummodo pacifice propria restitueret pro-



propriis : sed illum peccato imminente obedire distulisse ; hic vero ad an. 755. ne glebam quidem eorum, quæ abstulerat, redditam fuisse ab Aistulpho Romanæ Ecclesiæ : de Divorum reliquiis neuter quidquam meminere . Neque e monumentis translationum, quæ peractæ dicuntur sexto, atque octavo supra decimum sæculo major additur fides, atque auctoritas piæ Ticinensium sententiæ, unde credamus, ea Arbensem Divorum corpora esse : anno quippe 1586., auctore Antonio Spelta in libro, qui hunc titulum præfert *Patriæ actionis patrocinium*, edito Papiæ 1607., in subterraneo sacello vas quoddam marmoreum cum arcis duabus ligneis repertum est : quarum in altera, prout inscriptio docebat, reliquiæ quiescebant SS. Leonis, Marini, & Euphrasie . Hæc Spelta, qui subdit : *Leguntur hæc etiam carmina in choro antiquitus sculpta.*

*Corpora sancta jacent hic quæ celebranda viator  
Descende : invenies marmoreum lapidem.*

*Sunt Leo : Barnabas Euphrasia tumque Marinus :  
Sumat : magna datur : quilibet hic veniam.*

*Præclares posuit monachos Hieronymus isto  
Cenobio : laudat quos bona religio .*

Epigramma hoc, ubi alias, ut dictum est, immorabantur reliquiæ, probat ; quæ in altare majus tunc fuere translata : & hic animadvertendum est, inscriptionem hanc non esse sæculo XV. vetustiore ; cum Hieronymiani Ordinis Fratres cœnobium Sanmarinianum adierint post annum circiter 1477. At cum anno 1717. x. Kal. Novembres iterum detecta fuere sacra hæc lipsana, quid corpori D. Euphrasie factum esse putarunt ; siquidem ab utraque lignea capsula majori aræ inclusa illud aberat, quarum una Marini & Leonis corpora, alia exiguas D. Barnabæ reliquias ex ejus capite continebat, ut in lib. monument. cœnobii Mariniani scriptum esse intelleximus . Quid illa inscriptio albo marmori insculpta, & in eadem, qua duo corpora, capsula reposita : *Sanctorum Marini, atque Leonis Fratrum* ? si eadem, quam Spelta commemorat, ubi nomen Euphrasie ? si alia, tria tamen corpora uno eodemque in loculo condita fuisse testatur subius majorem aram Templi Mariniani . Sane confusa adeo, & ambigua, & obicura hæc apparent, ut nullum omnino argumentum efficiant, quo Divorum Arbensium legitima, ac tuta possessio ne suspicando quidem Ticinensibus adscribatur . In hanc sententiam ipsi concedunt Antuerpienses Hagiologi, quorum hoc est testimonium ad diem quartum Septembris : *Ceterum per corpus, idest S. Marini, de quo hac die disserunt, hic, nempe in Ticinensibus monumentis, quæ adducunt, aliquæ duntaxat reliquiæ intelligi possunt, & recte illud Ticino non attribuit memoratus Saccus : constat enim ex instrumentis postea edendis, corpus S. Marini anno 1586. in ejus nominis oppido inventum, ibidem abhuc fuisse anno 1661, si costam excipias ; nec uspiam occurrit mentio aliqua translationis corporis Ticinum factæ, vel Ticino Marinum .* Eorundem pro corpore S. Leonis auctoritatem inferius proferam ; verum animadverte, ne aliquas quidem S. Marini Arbensis reliquias hic intelligi posse ; etenim e libro monumen. Mariniani cœnobii Ticinensis constat, duo humani corporis capita in lignea capsula inventa fuisse an. 1717., tot vero ossa, quot duobus itidem efformandis corporibus satis essent . Sed ad monumenta progrediamur in-

*Illyrici Sacri Tom. V.*

spicienda, quibus constat beatissimi hujus Levitæ corpus in oppido S. Marini perpetuo exstitisse . Equidem antiquissimus ejus vitæ codex sæculo ix., aut saltem xi. descriptus jam tum testabatur, Marinum in Titano monte, ubi oppidum Sanmarinianum ædificatum fuit, & vita functum, & tumulatum fuisse in Ecclesia a sancto viro exstructa : *sepultus est in monte Titano, in Ecclesia, quam ipse edificavit* : quibus verbis innui quodammodo videtur, eam sententiam incolis tunc insedisse, & a majoribus acceptam memoriam, Marini corpus in sacra æde conditum esse, quæ iis etiam temporibus ejus nomini fuerat dedicata . Hanc vero traditionem posterius hujusce oppidi cives fideliter servavere ; cum in antiquissimo codice, quod *Antiphonarium Sanmarinianum* inscribitur, & anno 1628. pluribus, quam discerni facile queat, vetustius sæculis judicatum fuit ab Generali Vicario Ecclesiæ Feretraneæ, hæc ad diem festum S. Marini leguntur in altero Divini Officii nocturno : *Laudemus Dominum in B. Marini Levitæ meritis pretiosis : Ad sepulchrum ejus agri veniunt, & sanantur* : huic autem testimonio fidem addit supplex oratio, quam in vetusta ejusdem festi liturgia recitare consueverat clerus Sanmarinianus .

*Oremus .*

*Propitiare nobis famulis tuis quæsumus Domine, per hujus S. Marini Confessoris tui, qui in præsentem requiescit Ecclesia, merita gloriosa, ut ejus pia intercessione ab omnibus protegamur adversis . Per Dominum nostrum &c.*

Quæ quidem sin minus Rodobaldi Ticinensis testimonio antiquiora, parum tamen ab illius absunt ætate : idque hoc præterea monumento certissimum cuique probatur . Nam in prima sancti corporis translatione anni 1586. præter marmoream urnam, in qua & beatum corpus inclusum, & hi versus erat inscripti :

*Clusa ab antiquis nobis aperta Marini*

*Sancta manent membra nobis cunctis recolenda ;* lapis quoque repertus fuit, qui annum hisce notis exhibebat, quo consecratio illius Ecclesiæ peracta est .

† ANNO AB INCARNATIONE DOMINI

MCCLXIII.

CONSECRATIO

Hoc igitur anno idem corpus aut denuo inventum, aut certe ad principem Ecclesiæ aram translatum fuisse oportet ; siquidem pæne junctim latebant sub principe altari & corporis urna, & lapis consecrationis testis : & hinc discimus, eo sæculo, qui tertius supra decimum fuit æræ Christianæ, vetustam steterisse fidem de possessione corporis Mariniani apud oppidanos, cujus pias exuvias ab antiquis clusas eo in loco aut primum repererant, aut ad summum templi altare transtulerant : quibus addo, hujusce oppidi Ecclesiam ab eodem sæculo Collegiata titulo insignem & sedem, & collegium Canonicorum obtinuisse : uti certum fit ex tribus antiquissimis instrumentis, nempe de annis 1221. 1321. & 1395. a Vincentio Baldinaccio productis in ea sententia, quam protulit secundum Marinum Bonettum Ecclesiæ Sanmarinianæ Archipresbyterum .

Verum enimvero quæ deinde subsecuta sunt translationem corporis peractam anno 1586., tanti valent, tantique sunt momenti, ut, siue sollemnes rerum gestarum ritus, siue testium dignitatem, ac fidem perpendas, nullum dubi-

Ggg 3

rationi locum relinquunt, quin tuta, legitima-  
que sacri illius corporis possessione jure glo-  
rientur cives Sanmariniani. Ea hic describi-  
mus ex Hagiologis Antuerpiensibus, & ex mo-  
numentis, quæ nobis perhumaniter tradita fue-  
runt; ex iisque præcipua religio, & insignis  
cultus patebit, quo præclaram Marini sancti-  
moniam venerantur piissimi illius oppidi in-  
colæ.

In nomine Domini nostri Jesu Christi. Anno  
ab ejus Nativitate sacratissima MDCXXXVIII. In-  
dictione Romana XI., sedente sanctissimo D.D.  
Urbano VIII. divina providentia Pont. Max. die  
vero ultima mensis Octobris anni antedicti. Uni-  
versis & singulis sit notum & evidenter pateat,  
comparuisse in terra S. Marini Feretrane diocesis  
coram perillustri & Reverendissimo D. Joanne  
Baptista Cionino J. U. D. Abbate, Protonota-  
rio Apostolico, & Illustrissimi, ac Reveren-  
dissimi D. Episcopi Feretrani (is erat Consal-  
vus Durantius vir apprime doctus, & pius) Vicario Generali, perillustrem, & admodum Rev.  
D. Michaelen Thomam de civitate S. Leonis  
J. U. D. Archipresbyterum matricis Ecclesiæ  
seu Plebis S. Marini Terræ prædictæ perpetua li-  
bertatis ejusdem S. Marini, & pro dicta eccle-  
sia, atque ad gloriam & honorem ipsius Sancti  
titularis, ac tutelaris, perpetuamque memoriam  
in termino competenti produxisse, & exhibuisse  
in suo proprio originali fidem scriptam & sub-  
scriptam manu propria quondam Illustrissimi &  
admodum Rever. & Excellentissimi D. Marini  
Bonetti, dictæ ecclesiæ Archipresbyteri confectam  
sub die 4. Octobris 1595. (incipiens, Quia in  
terra perpetuæ libertatis; & finiens; Idem Ma-  
rinus manu propria) concernens inventionem,  
& translationem sacri corporis præfati S. Ma-  
rini Patroni in eadem ecclesia sua, & petens  
illam recipi, & admitti, & recognosci manda-  
ri per testes habentes notam manum in forma  
ad perpetuam memoriam ut supra omniemque a-  
lium bonum finem, & effectum &c. omni &c.

Et insuper pro negotiis in Romana curia sus-  
ceptis ad magis promovendum honorem & cul-  
tum erga eundem Sanctum petiisse & instituisse  
D. D. Comparentem unum vel plures Notarios  
deputari ad suscipiendas testificationes, ac testi-  
monia in forma probanti super infra scripta, vi-  
delicet solemnitate festi ipsius Sancti agi solita  
die tertia Septembris ab immemorabili tempore  
citra ejusdem gloriosi natalis. Item super pro-  
cessione generali solemnissime in eadem festivitatem  
quotannis celebrari solita cum delatione per ter-  
ram ipsam sacri capitis ejusdem Sancti. Item  
quod in libris antiquissimis cantus firmi ecclesiæ  
prædictæ extent antiphonæ ac responsoria officii  
ex propriis ejusdem S. Marini, illudque solitum  
fuisse decantari in dicta ecclesia, deque aliis hu-  
jusmodi necessariis & opportunis. Et similiter  
ad d. effectum instituisse accedi ad eandem eccle-  
siam per D. I. R. ad faciendum visum & re-  
pertum de sacro deposito ejusdem Sancti necnon  
votis appensis sacrisque ejus lectulis, libris, ac  
memoris &c. ita &c.

Qui perillustri & Reverendissimo D. Vic.  
Gen. Feretrano sedens &c. prædicta admisit, si  
& in quantum & successive fidem supradictam  
recognosci mandavit in forma & ad supradicta  
omnia in notarium ac notarios in solidum depu-  
tavit DD. Lactantium Vallium, & Livium Pel-  
licerium de S. Marino, offerens se paratum ad  
dictum accessum juxta petita. Ita &c. omni &c.

Ita pronunciavi ego Jo: Baptista Cioninus Vic.  
Gen. Feretranus. Tenor vero fidei supradictæ est  
qui sequitur, videlicet.

Hic insertum est testimonium Marini Bonetti  
Archipresbyteri Sanmariniani, quem modo Far-  
latus jam protulit; cui graviolem fidem adjun-  
git auctoritas Joannis Francisci Sermani An-  
tistitis Feretrani, quocum consilium suum Bo-  
nnetus communicaverat. Ille vero Antistes pa-  
tria Mediolanensis, & æque doctrina, ac reli-  
gione illustris, carus in primis Pio V. Pon-  
tifici Maximo, a quo Feretranum Episcopatu  
tam acceperat, sane non ignorabat, quæ forent  
Ticinensium consilia, & opiniones de cor-  
pore S. Marini, quantumque fidei, atque au-  
toritatis eorum monumentis inesset. Notat  
autem hoc in loco Antuerpiensis Hagiologus  
Joannes Veldius, testimonium Bonetti confi-  
gendum esse anno 1595. aliter ac Coletus  
uno anno serius signavit in Tom. II. Ital. Sac.  
ad Episcopos Feretranos; sed monumentum a  
Coletis productum idem est, ac nostrum a Far-  
lato editum, idemque P. Philippo Riceputo tra-  
ditum ab erudito quodam viro, & cive San-  
mariniano, qui plura eidem in hanc rem mo-  
numenta suppeditavit: quare non est, cur Vel-  
dus fidem sui Ms. potius esse contendat. At  
enim cetera persequamur. Itaque

Die dicta ultima Octobris 1628. Coram dicta  
Reverendissimo D. Vicario Generali Feretrano in  
accessu facto ad ecclesiam matricem prædictæ S.  
Marini personaliter constituti perillustri ac ad-  
modum excellens ac R. Dom. Camillus Bonellus  
J. U. D. & Protonotarius Apostolicus de S.  
Marino ætatis suæ annorum 70, necnon illustris  
& admodum R. D. Aurelius Bellutius Rector  
parochialis S. Michaelis de Domagnano Comita-  
tus dictæ Terræ S. Marini Feretrane diocesis an-  
norum 60. singuli singillatim diligenter interro-  
gati & servatis servandis medio juramento ta-  
ctis Scripturis unus post alium tenens in mani-  
bus propriis fidem supradictam in suo Originali  
existentem in calce libelli, in quo est vita S. Ma-  
rini descripta, recognoverunt, & ipsorum quilibet  
recognovit illam formiter scriptam & sub-  
scriptam manu propria ipsiusmet D. Archipres-  
byteri Bonetti bon. me. concludentibus rationi-  
bus, quia scilicet notam habebant et habent ma-  
num illius, quippe qui erat consobrinus d. D.  
Camilli, & docuit scribere præfatum D. Aure-  
lium, videruntque pluries illum scribere &c.  
omni &c. Presentibus ad prædicta in Sacristia  
dictæ Plebis Reverendiss. Francisco Georgio de  
S. Agatha, & D. Gregorio Plomboa de S.  
Leone testibus rogatis.

Die dicta, eodemque accessu. Reverendissimus  
D. Vicarius supradictus præmissa debita Ratio-  
ne ante Divinissimum Sacramentum Eucharistiæ  
in Sacello D. Petri dictæ Plebis, ubi dicitur con-  
structam fuisse ab eodem S. Marino sacram il-  
lam ediculam eidem Apostolorum Principi dica-  
tam, & ubi juxta dictum altare retro extant  
duo lectuli in saxo excavati; ingressus postea  
ipsam plebem eidem D. Marino dicatam structuram  
antiquissimam ac venustam multis capellis, ac al-  
taribus exornatam, & perpulchris inauratis pel-  
libus vestitam, & cui intersunt regulariter de-  
cem Sacerdotes, ultra alios clericos, una cum  
D. Archipresbytero, & Magistro capellæ acces-  
sit ad sacrum altare majus decenter ornatum,  
& eidem D. Marino dicatum, ut ipse vidit le-  
gitque sculptum in summitate Iconæ lapideæ alba  
assa-

affabre fabricata, intra quam pulchra extat similis lapidis statua ejusdem S. Marini habitu Diagonali, manibus Terram ipsam sustentis. Et subtus basim, ac planitiem statuae praedicta vidit, & veneratus fuit sacrum Caput ejusdem S. Marini ibidem theca argentea reverenter asservatum, & custoditum sub pluribus clavibus ac seris: in qua theca legitur inscriptio infra scripta, videlicet:

Auctori Perpetua Libertatis Suae Divo Marino  
Respublica S. Marini fieri Curavit  
Anno 1602. & die 4. Mens.  
Septembris.

Atque ibidem intrinsecus e regione ejusdem sacri Capitis vidit immuratum sacrum depositum corporis ejusdem, ut per inscriptionem, qua ibi extat, sequentis tenoris videlicet.

Aurato hoc Argento Divi Marini  
Caput includitur: Reliquo intus  
Corpore asservato. Opus autem stipato  
Hinc inde aere confectum opera Fabricii  
Bellutii, ac Flamini Cionini Tutorum  
Kal. Sept. 1602.

Vidit orationem manuscriptam in tabella ad ipsum Sanctum directam hujus, qui sequitur, tenoris videlicet:

Salve pater sancte, flamma charitatis, speculum penitentiae, propugnaculum castitatis, gloriae Titani Montis, praedicator Evangelii, fundator libertatis: familiam tuam respice, apprehende arma & scutum, & exurge in adjutorium, ut prostratis inimicis animae & corporis tecum in caelis triumphare valeamus.

Oremus

Deus, qui nos beati Marini meritis temporali libertate donasti, concede propitius, ut ejusdem intercessione ab omnibus peccatis liberi, libertatem aeternam consequamur. Per Dominum &c.

Vidit lampadem pendentem accensam ad praedictum sacrum corpus, quae, ut fuit affirmatum, & est notorium, perpetuo ardet are publico, & speciali cura Reipublicae, quae quidem singulis annis ab antiquissimis temporibus citra creat in Consilio generali duos cives, quos appellant Massarios de Sancto, curam gerentes dictae lampadis, & eleemosynarum oblatarum, ac etiam quinque clavium supradicti Sanctuarii, associantes etiam ipsam sacrum caput synalibus accensis cum deferitur in generali processione in Natali ejusdem Sancti die 3. Septemb.

Vidit multa, ac multa vota argentea, & alia appensa hinc inde ad d. sacrum depositum ex voto & gratia obtenta. Vidit deputatos esse perpetuo legato ad altare praedictum de Sancto nuncupatum duos particulares capellanos similiter de Sancto nuncupatos inservientes illi ultra D. Archipresbyterum ejusque capellanum cum aliis ut supra destinatis.

Accessit postmodum ad lectum ejusdem Sancti excisum in saxo, ac rupe ad cornu Evangelii supradicti altaris majoris, ibique invenit lampadem appensam, ac accensam ex legato positam.

Vidit etiam ibi magnam votorum quantitatem & accepit a multis multum eundem lectulum a populis frequentari, ac venerari.

Vidit statuem S. praedicti Anachoreta praeparatam exponi in eodem lectulo representantem eundem Sanctum penitentem.

Vidit tabellam appensam continentem orationem sequentem.

Clementissime Domine Jesu Christe, qui beato Marino Patri nostro tantum spiritum conferre

dignatus es, ut jejuniis, laboribus, ac vigiliis fatigatus etiam nec duro lapide cubares, largire quaesumus, ut nos eodem spiritu repleti rebellem carnem nostram domantes castitate floreamus, & jugiter in sancto amore tuo crescamus. Qui vivis &c.

Vidit etiam in alia tabella carmina in hac verba videlicet:

Ad pium Lecti S. Marini Visitorem  
Saxea qui recolis devote cubilia Sancti,  
Saxea corda pone:  
Dumque colis, perpende animo dulcedine quanta  
Ferre corda doment.  
Deinde animo reputes, quinam, quove altius ipsa  
Aurea corda trahant.  
Quas etiam haec pennas dederit, mirare, Marino  
Saxea mollicies.  
Sic non vana tibi fuerit visitatio, multus  
Sed tibi fructus erit:  
Teque suos inter poteris laudare, tremendus  
Cum stabis ante Deum.

Franciscus Paradisus Parisiensis posuit An. D. 1628.

Accessit deinde idem Reverendissimus ad sacrificium a dextero cornu praedicti altaris majoris, & a choro jussit asportari ad eum libros cantus firmi ejusdem Ecclesiae, & duobus maximis libris allatis antiquissimis in pergamento folio, in altero illorum tabulis cooperto constante foliis in totum 154. notis cantus firmi ad concentum Ecclesiae, & verbis subtus insignito adeo eleganter, ut non facile possit dijudicari an sint excusa, an vero manuscripta, incipiens (Incipit proprium Sanctorum per anni circulum) & finiens (Pie Jesu Domine dona eis requiem) nullibi apparente anno ac millesimo ex nimia vetustate, invenit, vidit, & legit fol. 70. & seqq. ejusdem libri immediate post festum Decollationis S. Joannis Baptista Officium proprium de S. Marino, tenoris ut infra, videlicet.

Hoc nimirum vetustissimum esse autumo Antiphonarium, de quo superius meminimus, & Antiphonas, adjunctosque versiculos continet sacrae liturgiae Psalmis, hymnisque insertos; quae lubet omittere.

Quibus omnibus ad dictum Officium spectantibus visis, & perlectis ut supra ab eodem Reverendiss. D. Vicario generali praesentibus ibidem inter alios admodum Illustri Rever. & Excell. D. Jo: Antonio Bellutio J. U. D. olim d. Ecclesiae Archipresbytero antecessore moderni, & Ill. ac Rever. D. Aurelio Bellutio Rectore S. Michaelis, & antiquissimo d. Plebis chorista, nec non admodum Rever. D. Matthaeo Mazzocchetto Capellano similiter antiquo ejusdem Ecclesiae unanimi consensu ipsi affirmaverunt, & ipsorum quilibet affirmavit officium praedictum fuisse ab immemorable tempore in usu in parte cantari solita in dicta Ecclesia, & choro, praeterquam a viginti annis citra, cum D. Archipresbyter Marinus praedefunctus cepit illud intermittere ex se ipso absque aliqua prohibitione (quod sciatur) assumendo in festo S. Marini, & per octavam omnia de communi Confessorum.

Anno 1710. novum divinae liturgiae officium, D. Marino sacrum duobus hymnis & tribus alterius Nocturni lectionibus constans, tum Antiphonis praepositis utrique Psalmo Magnificat, & Benedictus, ceterisque, qui ad Laudes legi solent, exhibitum fuit sacrae Rituum Congregationi, ut ejus suffragiis probaretur: idne clerus Sanmarinianus obtinuerit, mihi non constat.

Atque idem admodum Rever. D. Aurelius chorista,

rista, & musicus ostendit, & effective exhibuit in continenti hymnum ... in cantu figurato cantari solitum, ut ipse testatus est, in solemnibus sacri corporis ejus, præsente Reverendiss. D. Antistite Sormano, & assistente uti Episcopo Feretrano; prædictaque notoria fuisse & esse &c. Acta, gesta in locis supradictis, ibidem præsentibus supra memoratis R. D. Francisco Georgio de S. Agatha, & D. Gregorio Plombono de S. Leone, testibus rogatis &c. Ego Livius Pellicerius notarius rogatus &c. omni &c.

Magistra-  
tus Sanma-  
riniani pu-  
blicum te-  
stimonium  
de corpore  
& cultu S.  
Marini.

Huic testimonio publicis adeo, ac sollemni-  
bus auctoritatis, fideique notis illustri, illud  
sane nobilissimum subjiciendum est, quo prin-  
cipes Sanmarinianæ reipublicæ viri, ii præler-  
tim duo, qui Capitanei appellantur, quique  
illius administrandæ, tuendæque cura, ac di-  
gnitate præcellunt, quidquid ad sacrum Mari-  
ni corpus, ejusque cultum spectat, complexi  
sunt. Est autem hujusmodi, ex latina Antuer-  
piensis Hagiographi interpretatione descriptum.

Die 7. mensis Novemb. 1628.

Constituti personaliter coram me notario Epi-  
scopali in hac parte, testibusque infra scriptis,  
perillustres viri infra scripti, videlicet  
D. Julianus Bellutius annorum 58. ) Capitanei  
D. Michael Angelus Bassignanus an. 62. ) reipublicæ.  
Adm. Excellens D. Camillus Bonellus an. 70.  
Adm. Excellens D. Horatius Bellutius an. 66.  
Adm. Excellens D. Petrus Tonsinus an. 50.  
Adm. Excellens D. Marcus Antonius Bonettus an. 30.  
D. Franciscus Gianinus an. 89.  
D. B. llutius de B. llutiis an. 68.  
D. Federicus Gotius an. 51.  
D. Vincentius Zampinus an. 45.  
D. S. Marini cives & consiliarii ejusdem Rei-  
publicæ, omnes & singuli unus post alium pro  
veritate requisiti, una pariter unanimi consensu  
testificati sunt, & indubiam fidem fecerunt uni-  
versis & singulis, ut infra sequitur, videlicet.  
Nos pro veritate perquisiti testificamur, & cer-  
tam fidem facimus, primo verum fuisse & ef-  
se, quod festum S. nostri fundatoris, & glo-  
riosis protectoris Marini semper quotannis celebra-  
tum fuerit a tanto tempore, ut non sit memoria  
in contrarium; celebraturque assidue cum omni  
solemnitate possibili & magno concursu advena-  
rum & nobilium & præsulum 111. Septembris in  
plebe hujus patriæ dedicata eidem Sancto. Se-  
cundo quod semper instituta fuerit, & quotan-  
nis dicto festo instituat generalis & sollemnis  
supplicatio numerosi cleri cum selecta musica ex  
finitimis civitatibus modo Casenna, modo Ari-  
mino, & interdum Pisauo, Fano, Foro Sem-  
pronii & Urbino. In qua supplicatione semper  
huc usque a translatione sacri corporis ejusdem  
Sancti solemniter circumlatum fuit, & assidue  
circumfertur sacrum illius caput argento inclu-  
sum, quod portant in tabernaculo quatuor dia-  
coni cum magna veneratione & devotione po-  
pulorum.

Tertio quod idem sacrum caput conservatum  
sit & conservetur in dicta Ecclesia parochiali su-  
per altari majore, quod communiter vocatur al-  
tare Sancti: illudque semper tale indubitanter  
existimatum & habitum fuerit: ac veluti tale  
cultum semper fuit, coliturque a populo, & ab  
Episcopis Feretrans, qui fuere pro tempore, &  
speciatim ab hodierno, & a multis Eminentissimis  
DD. Cardinalibus ut Sforza, Ursino, & Riva-  
vola, dum erant Legati Romandiola, aliisque  
præsulibus veluti D. Lapio Episcopo Fanensi, D.

Pavone Episcopo Ariminensi, D. Mantica Vice-  
Legato Romandiola, D. Scotto gubernatore Ari-  
mini, D. Pavone olim cubiculi Præfetto Pauli  
V. & Gregorii XV. aliisque. Quarto, quod me-  
moratum sacrum caput foris reservatum sit, ut  
exponatur ad honorem ipsius Sancti & consola-  
tionem hujus populi, quando facta est translatio  
solemnis omnium sacratissimorum illius ossium  
tempore D. Sormani quondam Episcopi Feretra-  
ni, & D. Bonetti archipresbyteri dictæ plebis.

Quæ ossa omnia ejusdem sacri corporis Sancti  
Marini opera PP. Capuccinorum, & quorum-  
dam nostrorum civium fuerunt, servatis servan-  
dis, detecta & reperta examussim eo ipso in loco,  
ubi antiqua traditio ferebat illa requiescere, id  
est, sub altari majore dictæ parochialis Ecclesiæ,  
in pede illius intra urnam e saxo montis nostri  
candido marmore coopertam, cum duobus versu-  
bus, qui declarabant, illud reapse verum corpus  
esse ejusdem Sancti cum infinito jubilo & ap-  
plausu hujus patriæ. Et instituta post cum eo-  
dem sacro corpore sollemnissima supplicatione ipso  
ejus natali 111. Septembris, assistente & facul-  
tatem concedente prædicto D. Episcopo Sormano  
loci ordinario, illud ipsum fuit translatum & re-  
positum intra eandem urnam in eodem altari,  
verumtamen sursum e regione mensæ altaris il-  
lius intra murum, & sub statua, quæ hac tem-  
pestate illic cernitur supra erecta: ibique ad la-  
tus custoditur sacrum caput illius supradicti.

Denique quiescit ibi reipsa ipsum sacrum cor-  
pus, & per misericordiam Dei ipsiusque Sancti  
fruiamur tam pretioso thesauro, atque ibi semper  
in veneratione fuit, hodieque est omni populo.  
Ibi ante illud sumptibus publicis curatur, ut per-  
petuo ardeat lampas, & singulis annis creantur  
a republica nostra duo custodes, Massarii nomi-  
nati, qui curam sacri istius depositi gerant. Il-  
luc quotidie ob favores recurritur ab omnibus,  
etiam a peregrinis. Apud illud appenduntur vo-  
tiva anathemata argentea, aliaque ut cernitur.  
Illic quotidie curantur celebranda Missæ votivæ  
etiam a devotis remotarum regionum, ibique ex  
piis legatis habentur sacellani perpetui, lampas  
argentea centum & amplius scutorum, ornamen-  
ta & pecuniæ, quibus tota Ecclesia ornata est  
pellibus colore aureo ductis, atque etiam corona  
argentea concinna & pulchra ad sacrum illud  
caput coronandum.

Postremo testificamur etiam, tres lectos supra-  
dicti Sancti excavatos in rupe, ubi pœnitentiæ  
vacabat, hoc est, duos in ejus sacello S. Petri,  
& alterum in Ecclesia parochiali ad cornu Evan-  
gelii altaris majoris, venerationi semper fuisse  
hodieque esse populis; potissime tamen illum,  
qui est in Ecclesia parochiali prope sacratissima  
ejus ossa: apud quem lectulum continue ardet  
lampas, multæque sunt tabella votivæ & devo-  
tiones. Ita dicimus & attestamus pro veritate  
quisque nostrum, quia sic vidimus, intellexi-  
mus, estque publicum & notorium, ac certa  
vox & fama in loco & alibi: singula singulis  
referendo &c. rogatis &c. jurantes tactis scri-  
pturis ad delationem mei &c. Actum in palatio  
ejusdem Reipublicæ Sancti Marini, ibidem præsen-  
tibus DD. Jacobo Seraffino & Evangelista Bellu-  
tio testibus &c.

Anno post nequid Marini cultui deesset, Rei-  
publicæ decreto sancitum fuit, ut sacrum ejus  
caput argentea inclusum theca, argentea itidem  
corona donaretur: quod singulari religionis ap-  
paratu, sollemnique ritu præstitum est ab Fe-  
rera-

retrahit Antistite Consalvo Durantio, qui pretiosum illud Reipublicæ munus suis ipse manibus eidem beatissimo capiti imposuit: de quo tamen non est silentio prætereundum, quod legimus in ejus vita italice descripta: *Tthesaurus venerabilis ejus capitis exponitur quotannis admirationi non minus, quam venerationi: siquidem conspicitur id post tredecim sæcula præservatum a corruptione cum aliquot dentibus, qui vivaci rubore gingivæ conjuncta minime cedunt dentibus viventium*. Sed Sanmariniani oppidi pietas, atque religio ita se se in Marini honorem, cultumque effundere visa est, cum summa ejus corporis translatio peracta est anno 1713. ut nihil aut magnificentia ornatus, aut dignitate illustrius, aut veneratione religiosius esset optandum. Feretranus Antistes Valerius Martorellus totum translationis munus ipse exsequutus est vi. Kal. Octob. In veteri arca eadem beati corporis ossa inventa fuere, quæ primo detecta anno 1586. eaque numero, & forma, quæ integro humano corpori necessaria, minutioribus quibusdam ossibus demptis, qui in pulverem abierant, & costa, qua Arbensis civitas donata fuit: tum plumbeo loculo iterum inclusa fuerunt serica veste intus obducto, & serico tegmine cooperta aureis litteris ita inscripto, *Joannes Antonius Bellucci Anno Domini 1713. & in interiori ejusdem loculi sinu inscriptio hæc inserta est aureis itidem litteris efformata: Ossa Divi Marini Diac. Confess. hujus Reip. assertoris, quæ multis abhinc sæculis reposita lapidea in arca asservabantur, Illustrissimus ac Reverendiss. Dom. Petrus Valerius Martorellus Patritius Auximanus Episcopus Feretr. in hanc urnam marmoream intus altare hoc recens, & elegantius exstructum solemnem pompam ac ritu transtulit VI. Kal. Octobris Anno Domini MDCCXIII. Reip. Capitaneis Illustriss. Dom. Jo. Antonio Bellucci, & Jo. Antonio Fattori. Plumbeum loculum urna excepit vario lapide venusta, & hoc titulo notata: Divi Marini: hæc vero lubrus principem templi aram novis Reipublicæ sumptibus, novoque opere affabre elaboratam a Francisco Tedeschio cive Sanmariniano condita est, quam frequentis populi concursus pia religione quotidie adit, & præstita in dies Marini ope cælitus beneficia multo reddunt venerabiliorem*.

Hæc de sacro Marini corpore, ejusque cultu addidisse nequis tamen censeat supervacaneum: id enim tribuendum erat Ecclesiæ Arbensis ornameto, & decori, quo Arbenfes ipsi cives intelligant, se vera ejusdem beati corporis particula ditatos olim fuisse, & in Marini, quem concivem habent, sanctimonia, & cultu jure meritoque gloriantur. Utinam vero & D. Leonis exigua saltem exuviarum parte insigne Arbensium *Sanctuarium* exornaretur, quippe cui civitatis, sanctitatisque communio eisdem, ac Marini obtinuit, honores, eadem religionis decora ab Arbensibus concedi peroptat. De illo autem hæc mihi supersunt, quæ addam, ut nihil, quod nostræ sit diligentæ, curæque ad illustrandam Arbensem Ecclesiam, desideretur. In hoc sunt nonnulli sententia, primum Feretrana Ecclesiæ Antistitem fuisse Leonem; quod non solum non maxime procul dubio favent argumenta ex antiquis monumentis deprompta ab eodem Joanne Baptista Marino in opere *De Feretrano Episcopo* se confecto pro Feretrano Episcopatu. Quamvis vetus sigillum Benvenuti Fere-

trani Antistitis sub initio sæculi xiv. exhibet D. Leonem Episcopali amictu indutum pro illius ævi consuetudine, qua Divorum Antistitum effigies, quorum titulo insigniuntur cathedrales urbium ecclesiæ, imprimi solebant Episcoporum sigillis: Feretrana vero princeps ecclesiæ jam tum Leonis nomine, ac patrocinio erat illustris. Extat porro in libro de Censibus a Cencio Romanæ Ecclesiæ Quæstore descripto sæc. xii. hoc testimonium: *Gregorius Junior Lupicino presbytero duo monasteria locavit, scilicet S. Leonis confessoris & Pontificis, & Sancti Severini sita intra castrum Montisferetrani; in quo revera monasterium, & sacra ædes eidem Leoni dicata fuerunt, quem Feretrani sibi patronum adoptaverant: nomine autem Gregorii Junioris Romani Pontificis intelligit Marinus significari Gregorium II. qui sæc. viii. Pontificatum gessit. Deinceps in veteri liturgia Ecclesiæ Ferrariensis, qua clerus olim utebatur die festo S. Leonis, ejus translationi sacro, hæc oratio descripta est: Fac quæsumus Domine Deus noster, corporis, & sanguinis dilecti Filii tui Domini nostri Jesu Christi, quæ sumpsimus, proficere, qui Beatum Leum Prasulem tuum ejusdem corporis & sanguinis tui constituisti consecratorem: at Leus iste, cui pontificalis tribuitur dignitas, idem est, qui Feretranus; quippe in prece secreta, quæ liturgicam Præfationem antecedit, ejus commemoratio cum Marini nomine conjungitur; & post Epistolæ sacræ lectionem subditur: Sacerdos magne Leo per orbem venerande, qui Vigentia elegisti habitare diocesi Ferraria. Nec leve est argumentum, quod ex antiquæ picturæ tabula desumptum producit ibidem Marinus: siquidem Deiparam Virginem exhibet, cui adstant utraque ex parte viri duo, alter Dalmatica indutus veste, & malleum prælongum dextera tenens, alter pontificali distinctus amictu; & illa quidem Marini, hæc Leonis imago esse videtur, quorum effigies Feretranus clerus venerabatur depictas, positasque in abside principis aræ cathedralis Ecclesiæ. Addi demum potest sigillum Ennii Filonardi Cardinalis, & Antistitis Feretrani sæculo xvi. cum enim is titulum Presbyteri Cardinalis obrineret in Romana ecclesiæ S. Michaelis Archangeli, & Abbas esset Commendatarius monasterii S. Anastasii in Valle, & præterea Verulensem Ecclesiam regeret, hinc insculptæ sigillo visuntur Divorum effigies, quorum cultus singulis in hisce Ecclesiis præcipuus est, & iis, veluti Patronis, sollemnis honos impenditur, atque veneratio: prima autem conspicitur Archangeli Michaelis imago, altera S. Anastasii, qui cænobio Anastasiano præest, subjecta nota: S. ANAST. tertia S. Andreæ, cui sacra est Verulana princeps Ecclesiæ, adjecta itidem nota: S. ANDRE. quarta vero pontificiis insignibus ornatur, eamque esse effigiem Leonis indicant verba adscripta S. LEO PP.: neque alium præter Feretranum Episcopum, hunc esse existimes: cur nam, qui suum sigillum ita jussit effigi, ut Divos harum Ecclesiarum patronos inuentium oculis exhiberet, Leonem aliquem Romanum Pontificem Feretrana Ecclesiæ tribueret, quem illa sibi nunquam patronum adsciverat? & nota PP. uti crebrius Romanum Pontificem significat in veterum monumentis, ita non raro hunc sensum præfert, auctore Muratorio, *Perpetuus Protector, Pater Patria*; eaque legitur*

De Feretrano Episcopatu S. Leonis,



tur inscripta nummis antiquis Anconitanis ; Arctinis, Ariminensibus, & Asculanis, quæ imago inest Quiriaci, Donati, Gaudentii, & Emidii, qui sunt harum Ecclesiarum, atque urbium Antistites, & patroni, teste eodem Muratorio in Tom. II. Antiq. Ital. Dissert. 27. Hæc Marinus cap. vi. operis laudati, graviora quidem, quam ut facili negotio possint refutari. Sane obstant huic sententiæ veteres inscriptiones lapidi insculptæ, qui D. Leonis sepulchrum olim tegebat; atque in iis Presbyter appellatur.

*Sancs: Leo presb. Hic peregrinus  
Dum vixi hoc amavi hoc dixi hoc scripsi  
Omnes dicamus Deo gratias semper  
Deo gratias semper Deo gratias semper  
Hæc requies mea in sæculum sæculi  
Hic habitabo quoniam prælegi eam orate  
Orate dñum semper orate dñum semper.*

& in adversa parte:

*Sancte Leo presbyter  
Ora pro serbo tuo  
Custantio hora pro me  
Orate pro serbo tuo malo.*

quæ licet ante XI. sæculum fuerint sepulcro inscriptæ, quo contigit ejus corporis translatio, minime ad eam ætatem videntur spectare, quæ Presbyteri titulo ipsi Episcopi appellabantur, ut probat Binghamus in Tom. I. de Origin. Eccles. Et in antiquo Capituli Ferrariensis Ecclesiæ Calendario commemoratio S. Leonis ita consignata est, XVIII. C. XVII. Kl. Martii. S. Valentini Martyris, & S. Lei Confessoris; qui utrum idem sit, ac Feretranus, paullo inferius expendam: quin & Romana sacrorum rituum Congregatio in nova liturgia D. Leonis festo die celebranda illum Confessoris titulo solummodo impertit; quamquam non dubitet Marinus, quin Romanæ Congregationis Præsules aliter sensissent, si ea comperta habuissent, quæ ipse protulit monumenta; idque Pinenſium civium studio, atque æmulationi tribuat, quibus gravissimæ diu contentiones, atque similitates fuerunt adversus Feretranos de antiquo jure, ac titulo Feretrani Episcopatus. Hac in re nihil mihi decernere licet: Presbyter vero, an etiam Episcopus Leo fuerit, ambigere non possumus de patria urbe, quam opinio constans, & traditio vetustissima, Dalmatis æque, ac Umbris monumentis firmata Arbum fuisse affirmat, atque tuetur; neque contraria Marini conjectatio tantum vis continet, ut vel minimum illam infirmetur: ex eo quippe, quod in antiquissimo Mediolanensis Ecclesiæ Calendario ad diem tertium Septembris hæc legantur, *Passio S. Leonis, & Marini ad S. Margaritam*, non recte conjicit, natione fortasse Italos, ac Mediolanenses patria Divos hosce exstitisse: ideo enim in Kalendarium Mediolanense Leonis, & Marini nomina irreplere, quod horum festa commemoratio inserta sit Fastis Ticinensis Ecclesiæ; & hanc in rem satis, ut opinor, antea differui.

ejusque  
corporis  
translatio.  
ne, & loco,  
in quo con-  
ditum est.

Sed de translatione corporis S. Leonis eo diligentior habenda est quaestio, tum de loco, ubi sacra ejus reliquæ nunc coluntur, quo obscuriora sunt veterum monumenta. Certa quippe fides est, & fama pluribus ab hinc sæculis posterorum memoriæ commendata, beatas Leonis exuvias e Feretrano monte Vico-habentiam in Ferrariensem dioccesim delatas fuisse: sed translationis hujusce causa, & annus haud æque

certa auctoritate probatur. Laudatus Marinus id in sæculum XI. conjecit; & vetus inscriptio olim apposita ad aram principem Vico-habentinæ Ecclesiæ ita rem gestam commemorat, Henrico II. Imperatore.

D. O. M.

*Henricus secundus Imperator corpus S. Lei e monte Feretro, alias Feliciano, in Germaniam deferre cupiens, cum ad hunc locum pervenisset, dimisit; divinitus enim factum est, ut arca maritima, in qua adhuc reconditum est, nec hominum, nec jumentorum vi unquam dimoveri potuisset.*

Hæc sæculo saltem XIV. descripta videtur Hieronymo Baruffaldo ex ipsa characterum forma, ut perhibet Anonymus Sanmarinianus in commentariolo nobis transmissio ejusdem Baruffaldi auctoritate, quem per litteras consuluerat: eadem novis characteribus alio in lapide sculpta in interiori fronte principis januæ conspicitur ejusdem Vico-habentinæ Ecclesiæ, unde Marcus Antonius Guarinus illam exscripsit, & retulit in Comment. Hist. Ferrar. Eccl. Hinc, quantum conjectura assequi possumus, effect valde probabile translationem corporis Leoniani esse tribuendam Henrico II. Imperatori, qui primus hoc nomine a Baronio distinguitur ad annum 1014. sed certius translationis tempus indicatur ab vetustiori epigrapha in summa sepulcri parte insculpta, ubi beatum corpus depositum est. Exhibet hæc formulas monumentis inscribi solitas sæculo adhuc XI. tum sepulcrum illud constructum fuisse notat *temporibus Domini Mauricini Venerabilis Episcopi . . . per Indictionem XI.* Abest quidem Mauricini nomen a catalogo Ferrariensium Antistitum, sed in eorum serie mihi videtur collocandum; quippe ægre crediderim, pium virum, certe Vico-habentinum incolam, qui sepulcrum exstrui jussit, illud alieni Episcopi nomine decorasse, proprio Antistite neglecto, cujus nomen æquius erat posteritati commendari: ut vero lapidis utriusque auctoritas, quoad fieri potest, concilietur, cum anno ante, quam Henricus Imperator esset renuntiatus, id est anno 1013. congruat Indictio XI. & ab anno 973. ad annum usque 1014. uni Ambrosio inter Ferrarienses Antistites sit locus, post hunc collocare licet Mauricinum, quo Episcopo, & Henrico Cæsare translatio corporis S. Leonis contigerit anno 1013. Indictione XI. dum auctor inscriptionis sæc. XIV. satis esse autumavit chronologicam notam ab Henrici nomine desumptam indicare, cujus ætate translationem fuisse peractam fama perhibebat; sed patrati prodigii fides tum pereat necesse est, quippe Henricus eo anno jam exeunte in Italiam venit ut imperii insignia a Romano Pontifice acciperet. Equidem toto sæc. XI. plures præterea annos Ferrariensis Ecclesiæ Antistite caruit, qui nobis innotescat, iisque cohæret Indictio XI. cuius tamen Mauricini Episcopatum attribuas, difficilius erit rei veritatem dignoscere: quare priori sententiæ libens acquiesco, dum nova prodeant e vetustate monumenta, quibus hic historiæ, ac chronologiæ nodus dissolvatur. Anno certe 1055. Vico-habentina Ecclesiæ distincta erat titulo S. Leonis, ut constat ex diplomate Victoris II. PP. ad Rolandum Episcopum Ferrariensem dato 6. Idus Novembris per manus Hildebrandi Vice-cancellarii, & a Guarino in suum Comment. relato.

Tum

Tum anno 1315. memoria & fama Leoniani corporis Vico-habentiae depositi, in eaque Ecclesia pia religione culti certius confirmata fuit auctoritate F. Vidonis de Pileo Antistitis Ferrariensis, a quo piaculari indulgentia donati fuerunt ii, qui Vico-habentinam S. Leonis Ecclesiam oraturi adirent; ejusque litteræ ex rogibus Uguccionis de Monticulo notarii in Capitulari archivo Ferrariensi repositæ, & anonymo Sanmariniano transmissæ præferunt hæc verba: *Cupientes corpus sacrum, seu reliquias beati Leonis Confessoris: quod quidem corpus, seu reliquia in ipsius Ecclesia S. Leonis de Vicovenia Ferrarien. diœcesis requiescunt, & tumultata esse noscuntur, a cunctis Christianis fidelibus honorare, & fidelium mentes ad ejusdem corporis sacri, seu reliquiarum reverentiam & honorem induci &c.* Interea hæc eadem erat cleri Ferrariensis opinio, qui in liturgia pro festo die S. Leonis instituta hæc precationum formulas antiquitus recitabat: *Nimis honorata est civitas Ferrariensis, in cujus diœcesi est corpus S. Lei: Viguentiæ magis voluit manere, quam cum rege ire: O sacerdos magne Leo, per orbem venerande, qui Viguentiæ elegisti habitare diœcesis Ferrariæ.* Sub initia autem sæc. xvi. quo vividior cresceret in cultum D. Leonis religio, Vico-habentini, qui tum quoque ejus corporis possessione gloriabantur, ipsius et S. Marini vitam ab egregio picturæ arte viro Panetto cive Ferrariensi depingi curarunt in primaria Ecclesia, subjectis cuique tabulæ inscriptionibus, quæ Leonem hunc & Dalmatam natione, & Feretranum incolam fuisse declarabant: nimirum

*Ex Dalmatia Ariminum Leo, & Marinus profecti jussu Imperatoris ad montes marmoreos incisuri missi sunt.*

*S. Gaudentius Ariminensis Episcopus Sanctum Leum ad Sacerdotium & S. Marinum ad Diaconatum promovit.*

*S. Leo & Marinus socii spretis sæculi voluptatibus Deo inserviebant.*

*S. Leo virtutibus & miraculis clarus animam Deo reddidit.*

Sed muro fatiscente, in quo tabulæ depictæ fuerant, eoque resecto anno 1714., & tabulæ, & inscriptiones una periere, quas tamen antea Oliverius inseruerat monumentis Montis Feretrani ab se diligenter eruditeque collectis. Porro nullum fortasse, certius adduci potest argumentum, quo credamus S. Leonis reliquias in Vico-habentina ecclesia conditas esse, quam nova illa translatio a Joanne Fontana Antistite Ferrariensi peracta anno 1599. ipsis Kalendis Sextilibus festæ ejusdem Divi commemorationi decretis, jubente Clemente VIII. P. M., cum anno ante Ferrariam adiisset. Itaque sollemni, quo par erat, ritu marmorea urna detecta, in qua sacrum corpus quiescebat, plumbea lamina reperta est hæc litteris incisa,

✠ RE. S. LEO.

& summæ ipsius urnæ parti hæc epigraphe erat insculpta:

INNI ✠ DNI TEMPORIBUS DNI MAURICINI VBI  
EPISC. SERVVS TVVS SERVIENS TIBI FECIT  
P. INDIC. XI.

Tum Episcopus, demptis e reliquo corpore sacri capitis reliquiis, quæ argentæ liphanothecæ incluse in altari positæ fuerunt eidem Leoni dicato, aliisque ejusdem corporis particulis, quas sibi ipse attribuit, beatum corpus iterum

in sua urna condidit, & subtus principem Ecclesiæ aram jussit collocari, apposita in marmoreo lapide inscriptione translationis teste.

*Corpus S. Lei Confessoris recognitum, ac sollemni ritu reconditum a Jo: Baptista Fontana Ep. Ferrariæ Kal. Aug. MDIC. qui illius festum eodem die celebrari mandavit.*

Veteris inscriptionis in summa urnæ parte incisæ meminit etiam Muratorius in Tom. V. Antiq. Ital. dissert. 64., quam ei tradiderat Joseph Antenor Scalabrinus Ecclesiæ Ferrariensis S. Mariæ in Bucca Rectoris; & hæc subdit: *Hanc descripsit Scalabrinus supra laudatus e chartis Matthæi Fiaschi Notarii.* Pro INNI legendum fortassis est INNO, ut sit IN NOMINE. Vereor etiam, ne in vocabulis SERVVS & SERVIENS aliquid vitii lateat. Ejus tamen animadvertiones non improbo, eique assentior, ignotum nobis esse Mauricini Episcopalem Ecclesiam, cui ipse præfuerit: sed cum affirmat, corpus S. Leonis postea translatum esse Ferrariam, confidenter nimis id asserit, quod productis hætenus monumentis validissime rejicitur, & descriptæ translationis notitiam ignorare se penitus ostendit; cujus testes sunt litteræ ipsiusmet Fontanæ Ferrariensis Episcopi: quippe rogatus a Consalvo Durantio Antistite Feretrano, ut sibi, suæque ecclesiæ aliquam saltem Leoniani corporis particulam largiretur, æquæ Consalvi postulationi, & supplici Feretranorum voto libenter annuit, & ex iis, quas sibi retinuerat, reliquiis sacræ tibiæ particula Feretranam Ecclesiam donavit anno 1609. Harum litterarum fides & auctoritas ita nequit infringi, ut mentis impos certe videri debeat, siquis iisdem obrectaret: eas vero ad Joannem Bollandum primo missas anno 1638. ex tabulario Ecclesiæ Feretranæ, & iterum ad Danielelem Papebrochium anno 1666. ab Episcopo Bernardino superius commemorato hic describo ex Actis S. Leonis Tom. I. mensis Augusti insertis a Joanne Baptista Sollerio, qui, si omnia, quæ in hunc locum congestimus, de Leoniano corpore testimonia sub oculis habere potuisset, æquius fortasse judicium tulisset de litteris Antistitis Bernardini ad Papebrochium. Igitur hoc est litterarum Episcopi Joannis exemplar.

*Joannes Dei & Apostolica Sedis gratia Sanctæ Ferrariensis Ecclesiæ Episcopus &c.*

*Quæ fidelium excitant pietatem omni, quo possumus, studio libenter amplectimur. Dudum siquidem Illustriss. ac Reverendiss. D. Consalvus Episcopus Montis Feltri desiderio, quo flagrat, amplificandæ disciplinæ & devotionis ecclesiæ suæ, litteris ad nos singulari pietate plenis significavit, & humiliter petiit aliquid ex sacris reliquiis corporis S. Lei confessoris quiescentis in ecclesia parochiali Viguentiæ nostræ diœcesis, olim civitatis; cujus translationem solemnem celebravimus Kal. Aug. anni MDXCIX. ejusque festum eodem die ibidem perpetuo observari mandavimus, & quasdam sacras ejus reliquias penes nos reservavimus, & præsertim partem unius tibiæ, quam per Reverendum Casarem de Antimis, parochum ecclesiæ parochialis S. Marini civitatis nostræ, eidem religiosissimo & vigilantissimo pastori ob maximas virtutes, quæ in eo relucunt, pari pietate nos commoti, & ea quoque adducti memoria, quod ecclesiæ suæ cathedralis dicata sit eidem sancto glorioso confessori nostro Leo, impertiri & mittere in eam veni-*

nimus deliberationem; prout impertimur & mittimus, & pia largitione concedimus & donamus. In cujus rei testimonium & fidem has litteras manu & sigillo nostro muniri, & obsignari jussimus. Dat. Ferrariae die v. Novembris MDCIX.

Extant præterea litteræ ejusdem Antistitis ad Feretranum Episcopum, quibus caritatem suam in mittendis sacris reliquiis excusat; tum et, quas publice inscripsit Populo urbis, ac diocesis Ferrariensis, ut celebrandæ translationi pie, ac religiose adesset: datæ sunt Ferrariæ die mensis Julii duodecima anno 1599.; earumque hoc est exemplar a nobis brevior in formam contractum.

Joannes Dei, & Apostolica Sedis gratia Ferrariensis Episcopus Populo urbis, ac diocesis Ferrariensis.

Tum proposito translationis consilio, & historica S. Leonis vita breviter descripta, hæc subdit. Ejus sacrum corpus Vico-habentiam aliquot post annos delatum præcipua veneratione ibi colitur ad hæc usque tempora &c. Nos igitur, quo commodius Christianorum pietati tempus inserviat, statuimus, natalem diem ejusdem cultui sacrum consignandum Kalendis Augusti juxta sollemnem ecclesiæ ritum, veteri ad diem quartam supra decimam Februarii celebritate abolita; ipsique illius mensis Kalendis translationem, qua fieri potest, sollemniori pompa peragemus; & innuit huic translationis diei decretam a Clemente VIII. plenariam indulgentiam, qui anno ante singulari pietate sacrum Divi hujusce sepulcrum invisit: denique hortationem subjicit, quo alacrius promptiusque totius dioceseos incolæ, præsertim Vico-habentino pago finitimi, religiosis hinc sollemniis inter sint. Sed Clementis VIII. consilium, atque voluntatem de transferendo Leoniano corpore testatur inscriptio principe in ara Vico-habentinæ Ecclesiæ legentium quorumque oculis objecta in hæc verba.

Corpus S. Lei Confessoris recognitum Clementis VIII. jussu, & præsentia, ac solemnî ritu reconditum a Joanne Fontana Episcopo Ferrariensi Kalendis Augusti 1599.

Celebrem vero translationis hujusce pompam, & ingentem religionis apparatus hinc describit Horatius Oliverius in hist. ms. Montis Feretri, quæ in Bibliotheca Oliveriæ familiæ servatur. Sequenti igitur anno 1599. eadem Sancti festivitate ab Episcopo Ferrariensi tanta fuit solemnitate translatum Divi Leonis corpus, talique populorum frequentia, ut non solum Vigentia, quo ad translationem parochi omnes diocesis Ferrariensis, necnon Canonorum pars convenerunt sacris induti vestibus, luminibus, & intorticiis accensis processionaliter incedentes, sed etiam per diocesim totam in signum sollemnitatis, campanarum sono excitato, latitiæ ac festivitatis signa ubique dabantur. Pontificali Missa peracta, ossa S. Leonis ad solis usque occasum steterunt populorum conspectui; mox in eadem capsula recondita. Caput vero in altaro . . . fuit argenteo sub altare collocatum.

Luculentissimum profecto testimonium, quo nihil firmitus, nihil validius, ut probetur, corpus S. Leonis Vico-habentiæ ad sæculum usque decimum septimum extitisse; quin & adhuc extare certa res est; etenim Ferrariensis translatio, de qua paullo inferius agemus, eodem xi. sæculo, quo Vico-habentina, dicitur

celebrata fuisse. Interea Feretranus Episcopus, ne qua temporis injuria rei hujusce memoriam deleteret, perenne ipsemet testimonium Feretranæ Ecclesiæ reliquit de sacris liplanis sibi a Fontana dono missis, earumque a se peracta biennio post translatione, in hæc verba.

Reliquia S. Leonis Confessoris, sanctæ Feretranæ Ecclesiæ advocati, ac titularis, a Joanne Fontana Ferrariensi Episcopo ad Consalvum Durantium Feretranum Episcopum transmissæ in banc cathedrali ecclesiæ maxima omnis ordinis ac sexus totius diocesis frequentia & religione in secunda diocesana Synodo ab eo celebrata translata fuerunt atque sub altari majore collocata anno MDCXI. die xvii. Maii.

Denique sæculo hoc ipso supra decimum octavo majorem addidit auctoritatem rei gestæ veritati Thomas Cardinalis Ruffus, Archiepiscopus Ferrariensis, qui, cum reliquiis Leonis nostri, iis fortasse, quas Fontana penes se retinuerat, aut e sacro ejus capite demptis parochialem ecclesiæ D. Leoni dicatam ornasset in diocesi Bononiensi, Fontanæ translationem ratam habuit, ejusque sententiam suomet testimonio confirmavit. Hactenus de translatione corporis S. Leonis, & de loco, in quo conditum esse produnt, atque testantur monumenta producta. Nam quod ad cultum attinet, quo illius memoria quotannis celebrari solet a Vico-habentinis, hæc summatim perstrinxit Episcopus Bernardinus in litteris superius laudatis: Prima ejus solennitas celebratur Vigentia Kal. Augusti, ac tanta populorum frequentia, tum nationalium tum advenarum (& præsertim Bononiensium) ut juxta rationem qua subducitur, numerum circiter duodecim millium hominum sane tetigerit. Celebratur & altera sub die xiv. Februarii, ad memoriam illius translationis, quæ quidem sequitur haud singulari ornatus splendore, sacrificiorum veneratione, ac larga copia munerum accedentium ibi. Quamobrem unusquisque sibi certo persuadere potest, tantam fidelium multitudinem ibi sacri corporis mansionem indicare. At enim quid tandem de Ferrariensi translatione sentiendum est? cujusve Leoniani corporis possessionem sibi jure vindicet Ferrariensis civitas? Historiæ hujus narrationem hinc complexus est Ughellus in Tom. II. Ital. Sac. pag. 517. ex Guarini Compendio Historiæ. perhibet enim, sacrum illud corpus cuiuspiam D. Leoni Romano Pontifici attribui, quod a S. Silvestro II. PP. dono traditum Anselmo Nonantulani monasterii Abbati, nescio quo casu, Vico-habentiæ depositum est anno 1006, inde vero Ferrariam translatum a Gratiano Episcopo Ferrariensi post annum quartum supra septuagesimum sæculi xi., & in æde Stephano Protomartyri sacra reconditum; tum subdit, Cum quatuor tantum summos Pontifices Leones sanctos adoret Ecclesia Romana, quorum corpora in Vaticana Basilica sub altari Leonis magni a Paulo V. reposita recensentur, oportet asserere Leonem hunc diversum esse ab iis, & Ferrariensis Ecclesiæ Episcopum fuisse, cum etiam in Nonantulani monumentis de Leone illo Pontifice nulla reperiatur mentio; de qua re judicent alii, fidesque apud illos sit, qui hæc scriptis mandarunt: atque in Gratiano Episcopo Ferrariensi undevicesimo eandem translationem commemorat. Mihi sane vetera Nonantulani cœnobii, & Anselmi Abbatis monumenta perscrutanti, quæ Muratorius edidit in opere Antiquit.

tiquit. Italic., præsertim in Tom. V. pag. 667., nihil hujusmodi licuit reperire: & Guarini narratio, quippe quæ vetustioribus xi. sæculi testimoniis careat, nullam præferre potest auctoritatem adversus Vidonis Antistitis Ferrariensis litteras, qui sæc. xiv. testatus est, corpus S. Leonis in Vico-habentina Ecclesia extare. Sed Hieronymus Baruffaldus in historia Ferrariensi quid hac super re gestum sit Ferrariæ an. 1683. in hunc ferme modum descripsit lib. 6. pag. 324. Cum enim Franciscus Rossetus Ferrariensis e primaria nobilitate civis religiosus e sodalitate S. Philippi Nerii presbyteros, quos penes est S. Leonis corpus, impulisset, ut ejus reliquiis cultum augerent, & honorabiliori, quam antea, in loco collocarent, eorum postulatis libenti animo assentitus est Carolus Cardinalis Cerrus Ferrariensis Antistes, & mense Majo illius anni coram Episcopi Cancellario, & probatis testibus pii cineres & ossa beati corporis reperta fuere in plumbea capsula haud exigua, cui hæc erant inscripta.

*Hic requiescit corpus S. Leonis Pontificis, & Sacerdotis Christi translatus huc a Vicoventia sub Gratiano Ferrariensi Episcopo Anno Domini MLXXXI. xvi. Kal. Martii, Indictione iv.*

Hanc inscriptionem se quoque legisse testatus est, inquit Baruffaldus, Hippolytus II. Cardinalis Atestinus, & Episcopus Ferrariensis, cum anno 1509. iii. Kal. Quintil. hæc lipsana recognovit, reique gestæ monumentum membrana inscripsit, & sepulcro inclusit, quæ hujusmodi erat: anno nimirum 1509. iii. Kal. Quintil. hora 16. in eodem sepulcro inventa fuit præfata capsula plumbea cum relatis inscriptionibus. Hippolyti testimonium itidem viderat Carolus Cardinalis Pius, qui anno 1657. xii. Kal. Majas D. Leonis sepulcrum aperuit, cum Ferrariensi Ecclesiæ præesset. Postea vero Joannes Stephanus Donghius idem Cardinalis & Ferrariensis Antistes anno 1665. die Februarii vicesima, auditis Theologorum & Juristarum votis, restituerat pristino cultui adorationis corpus illud, de quo dubitare visus fuerat Laurentius Magalottus ejusdem Ecclesiæ Episcopus, qui alteri inscriptioni haud a sepulcro procul appositæ hanc formulam, ut asserunt, jusserrat adjungi. Quare Cardinalis Cerrus, re bene comperta, atque probata, eo anno 1683. profana sepulcri decora, & Annæ Faustinae nomen eidem insculptum abradi primum jussit, atque auferri, tum Leonis nomine inscripto eidem sepulcro, in quo sacra lipsana iterum condita fuere, subtus principem ecclesiæ aram sepulcrum ipsum collocari. Hæc Baruffaldus, qui præterea perhibet, Joannem Fontanam, a quo Vico-habentinae Leonis reliquiæ translate fuerant, in diœcesana Synodo anni 1592. liturgiam die festo hujus Leonis celebrandam decrevisse, distincte Ferrariensium reliquiarum adjecto testimonio. Nequid vero prætermittere videamur, quod Ferrariensis Ecclesiæ monumenta confirmet, inscriptionem hic subjicimus, quæ in eadem D. Stephani ecclesia visitur, & ante Ughelli citato superius in loco narrationem præposita est.

D. O. M.

A partu Virg. anno M.D.IX.

iii. Kalend. Julii

Pont. Max. Julio II. Alphonso Estensi  
Ferrariæ Duce III.

Hippolytoque ejus fratre S. R. E. Card.  
Illyris Sacri Tom. V.

Ferrariæ Episcopo  
hoc in sepulchro, ubi Faustina  
olim cinis reconditus, venerabilis Jacobus  
Bencivenis

Ecclesiæ Prothomartyris Antistes  
Arcam plumbeam ossibus instratam  
deprehendit,

in qua hæc incisa legebantur:

Hic requiescit corpus S. Leonis

Pontificis & Sacerdotis Christi

translatum huc a Vicoventia sub Gratiano

Ferrariensi Episcopo

Anno MLXXXI. xvi. Kalen. Martii

indict. iv.

cujus rei causa indicta supplicatione  
per venerabilium sacerdotum collegium

Religio.

Eodem loco eadem ossa reposita sunt

eodem anno ibid. \* Julii

\* forte  
Idibus.

Tot igitur, iisque gravissimis suffultam testimoniis Ferrariensium fidem nemo in dubium revocare profecto audeat: sed nihil inde deperit Vico-habentinis reliquiis. Quamobrem absque partium studio recte perpensis in utramque partem tum sepulcrorum, quibus sacra lipsana includuntur, dissimilitudine, tum titulo, quo Divus uterque distinguitur, alter Confessoris solummodo, alter Pontificis & Confessoris, demum & Vidonis sæc. xiv. Ferrariensis Episcopi pro Vico-habentino Leonis corpore, & Joannis Fontanæ sæc. xvi. itidem Ferrariensis Antistitis testimonio pro Vico-habentina æque ac Ferrariensi Ecclesia S. Stephani, sic mea quidem sententia statuo, Vico-habentinis denegari ullo modo non posse corporis S. Leonis Arbensis civis, & Feretrani incolæ possessionem, Ferrariensibus vero alterius Leonis corpus jure concedendum. Quisnam vero is fuerit, omnino incertum: de hoc Papebrochius in itinere Italico hæc notavit, quæ a Sollerio exscripta sunt in Actis laudatis S. Leonis: Ex latere vero dextro chori (Ecclesiæ S. Stephani) corpus S. Leonis Pontificis elevatum est, quod quia ipsi (Ferrarienses) volebant esse Papæ, cultum ejus noluit Nuntius confirmare, qui propterea intermissus; etsi ex vetusto qui est ad parietem lapide, de modo ac tempore solennis ex Vicohabentina, veteri Episcoporum sede, translationis, elevationisque satis certo constare possit. Recte Ughellus autumat, ipsum Ferrariensem fuisse Antistitem, & inter Vico-habentinos collocandum: ejus festæ commemorationi decreta est a Joanne Fontana dies quarta ante Kalen. Quintil., quæ antiquitus ejusdem cultui sacra jam fuerat; & novo quidem argumento satis convincimus inter Leonem utrumque, eorumque beata corpora discrimen sane maximum intercedere.

Ut ad Arbensensem Ecclesiam redeam, cum Paschalis Padavinus illi præesset, reperio molestum aliquid accidisse, quo de abrogando titulo, ac munere Vicarii Episcopalis nonnulli excogitarunt, idque videntur moliti esse. Nihil tamen de hujusmodi controversia certo constitui potest, neque habeo quid referam præter litteras ipsius Paschalis ad Archiepiscopum Jaderensem, cui negotium hocce studiose commendat.

Illustrissimo Reverendissimo S. mio Osservantissimo. Comparerà alla presenza di V. S. Illustrissima Mons. Paolo Antonio Badoaro Primicerio di questa mia Chiesa, & già mio Vicario

H h h

ge-

Monumentum ad Paschalem Ep. Arbensensem pertinent.





Rosignola familia, ipse Antonius veritatem comprobavit, cum eodem anno 1685. in patriam redux, posteaquam Venetiis Sacerdotio initatus primum sacrum peregrisset, concionandi, ac publice graviores disciplinas tradendi adolescentibus munus suscepit; tum quibusque virtutum exemplis civitati universæ præluere cœpit. Quare cum ædis Cathedralis Traguriensis Canonici jam esset, Simon Cavaginus Episcopus cum sibi Vicarium adhibuit toto Episcopatus sui tempore; quo vita functo Vicarius quoque Capitularis cunctis suffragiis creatus fuit. Jamque Innocentius XII. Pontifex Maximus Antonii meritis in Traguriensem Ecclesiam permotus illum Simoni successorem sponte designaverat; sed mutato iustas ob causas consilio, Antonium Arbensibus Episcopum dedit an. 1700. Quæ deinde in Episcopatu gessit, habes suo loco descripta in Episcopis Arbensibus. Anno 1713. ad Nonensem Ecclesiam translatus vix biennium eidem præfuit: nam ægra utens valetudine Tragurium secessit, quo & salubriori illius regionis aere aliquod sibi remedium, atque levamen procuraret; sed desperata medicorum judicio optimi Præsulis vita, anno 1715. piissime obiit Tragurii xi. Kal. Julii, annos natus fere quinque supra quinquaginta. Ejus corpus funebri pompa ornatum, & in sacello D. Hieronymi cathedralis Ecclesiæ Traguriensis depositum, insequenti anno 1716. post renovatas sollemnes exequias in sepulcrum Traguriensium Antistitem illatum est. Fuit vir morum innocentia, pietatis, ac religionis officiis, sedula in egentes caritate, animi constantia & magnanimitate conspicuus, sacrarum vero litterarum doctrina excellens, & concionandi vi, ac gratia plurimi habitus. Ingenii sui plura supersunt mss. monumenta apud Rosignolam familiam. Ex hisce vides, quid præterea addendum iis quæ in Episcopis Nonensibus dicta sunt in Tom. IV. hujus Operis pag. 237., ejusque Nonensem Episcopatum ultra biennium protrahi non debere: hinc annum pene integrum Nonensis Ecclesia Antistite caruit.

## §. IV.

## ADDITAMENTA

*Ad Ecclesiam Vegliensem.*

Tabulæ  
deditionis  
Vegliensis  
sub  
Venetorum  
dominio.

UTi in Absorensibus Episcopis, ita in horum serie hic primum publicas deditio-  
nis tabulas subjicio, quibus anno 1018, Otto-  
ne Urseolo Duce, civitas & clerus Vegliensis  
Venetorum dominio se se subdiderunt: iisque  
habes inscriptum nomen Vitalis Episcopi Ve-  
gliensis primi, quem etiam Dandulus in Chro-  
nico commemorat.

In nomine Dei & Salvatoris nostri Jesu Christi Anno ab Incarnatione ejusdem Redemptoris nostri millesimo octavo decimo mense Augusti Indictione I. In civitate, quæ vocatur Vegla. Spondentes spondemus, & promittentes promittimus Nos quidem Godofro, qui modo vocatur Serenico habitans in Châ Fiole una pariter cum Dabro Presbytero, atque omnibus habitatoribus prædictæ nostræ civitatis Châ Fiole cum nostris heredibus, ac probaredebis, & successoribus vestris Domno Ottoni Duci Venetiarum, atque Dalma-  
Ulyrici Sacri Tom. V.

tiarum Seniori nostro, & ejus heredibus ac probaredebis & successoribus videlicet a modo in antea dare vobis debeamus pro tributo usque in sempiternum per omnem annum pelles marturinas bonas quindecim in Nativitate Domini nostri Jesu Christi per nostrum proprium missum, ac fideles esse debeamus nos cum heredibus, ac probaredebis nostris vobis & successoribus vestris, & nullam contrarietatem, nec damnitatem vestris fidelibus facere debeamus, quod plus citius poterimus tam in die quam in nocte & adjuutores & defensores eis esse debeamus. Hac autem omnia ut supra legitur observare & adimplere promittimus sine omni intermissione, aut aliquo interposito capitulo. Si autem per quodvis . . . prædictum tributum vobis non dederimus omni anno in constituto tempore, & non observaverimus omnia sicut superius legitur, tunc componere promittimus cum nostris heredibus & probaredebis vobis & vestris successoribus auri obrizi libras quinque. Et hac promissio usque in perpetuum maneat in sua firmitate.

Signum manus Serenico, qui hoc fieri rogavit.

Ego Presbyter Dobro mm. ff.

Signum man. Petri Scamini g. b. f. r.

Sig. man. Marini Stredrago m. f.

Signum manus Resinico s. m. Vecinto.

Ego Vitalis Episcopus de civitate Vegla t. ff.

Ego Marius Presb. t. ff.

Ego Joannes t. ss.

Ego Andreas Prior de Civitate Veglensis.

Ego Dominicus Frutani Maydiati ff.

Ego Marinus Presbyter, & Notarius scripsi, & per tradita complevi, & roboravi.

In quibus præter interturbatum subscriptionum ordinem nihil deprehendimus, quo sint, ceu falsæ, rejiciendæ.

## PETRUS II. EP. VEGLIENSIS V.

Cujus nomen e tenebris eruit Flaminus Cornelius in part. 3. monum. Eccl. Torcell. Hunc Farlatus omittit, recte tamen advertens post Dominicum Vegliensem Antistitem IV. unum, aut alterum Episcopum desiderari. Extat laudato in loco pag. 217. ejus diploma anni 1153, quo comperimus, monasterium Benedictinum ab eo fuisse Vegliæ exstructum, cui Ecclesiam S. Martini, & ædiculam S. Apollinaris adjunxit, quarum bona redditusque in Monachorum victum, cultumque impenderentur, integro sibi Episcopali jure in ipsas ædes, agroque Monachorum possessioni concessio. Illud Cornelius exscripsit ex Veneto Patriarchali Archivio; & hujusmodi est.

Petrus II.  
Episcopus  
Vegliensis.

Anno salutifere Incarnationis Domini & Salvatoris nostri Jesu Christi millesimo centesimo quinquagesimo tercio Indictione prima mense Decembrio. Ego Petrus divina opitulante clementia Veglensis Episcopus (1) presidens una cum fratribus nostris fratrum Monasterii S. Cipriani, (2) & Benedicti super Padum, religiositatem, viteque honestatem cognoscentes, & earum sanctissimis disciplinis nostra monasteria (3) institui, & in melius proveci cupientes, illorum vite testimonia quibus Domino aderere possemus penes nos habere curavimus. Consilio igitur D. Doy-  
mi Veglensis felicitis comitis & aliorum quorumdam bonorum hominum quorum subscripta sunt nomina nobis cum astantibus ejusdem Ecclesiæ advocatis (4) Dedorba videlicet, & Rado Sclavo, tibi Dom. Uberto Monasterii S. Benedicti super Padum Vener. Abbati loco tuo recipientibus  
Hhh 2 Dom.

institute  
cenobium  
Benedicti-  
num Ve-  
gliz.

1

2

3

4

5 Dom. Henrico (5) sancte Romane Ecclesie subdiacono Apostolice sedis tunc Legato, & Domno Alberto tuo monacho pro anima nostre Domine bone memorie Marie olim nostre Comitisse Ecclesiam sancti Martini tradimus, tuisque successoribus cum capella sancti Apollinaris, & cum omnibus pertinentiis tuis tam mobilibus, quam immobilibus, quatenus hinc in antea habeatis, dominemini, possideatis & salvo nostri Episcopatus jure quicquid in ea, & ex ea volueritis, faciatis. Preterea nos nostrosque successores obligantes ne impofterum aliqua oriatur questio, pena excommunicationis multamus, quod si aliquando nos vel nostri successores vobis aut vestris successoribus calumniam infecerimus, vel molestiam per nos aut per submissam personam fecerimus, jaculo anatematis perpetuo feriamur. Insuper quicumque contra fas hoc rescindere ausus fuerit a gremio Sancte Matris Ecclesie separantes, ut Ecclesia violatorem extorrem esse censemus prodicta traditione salva, & inconcussa suo jure manente.

Ego Petrus Veclensis Sedis Episcopus subscripsi.

Ego Doymus Veclensis comes subscripsi.

Ego Juresclavus subscripsi.

Ego Archipresbyter Petrus subscripsi.

Ego Primicerius Johannes subscripsi.

6 Ego Andreas Debudimeo (6) advocator scribere rogavi.

Ego Johannes Debrito scribere rogavi.

Ego Dominicus Grotulus Presb. & Not. hoc exemplum exemplavi Anno Domini millesimo centesimo nonagesimo nono mensis Augusti sub indictione secunda, ut vidi in littera D. Petri Episcopi Veglensis, nec minui, nec ampliavi, sed compleri & roboravi.

#### Notæ.

(1) Cujus dignitatis jure se præsentem appellet, non comperio; forte quia hisce donationis actis præerat.

(2) Monasterium S. Cypriani in Methamaucenti litore fundatum an. 881. a Vitali Michaele Venetorum Duce concessum Vilelmo Abbati S. Benedicti de Pado Vetulo an. 1098. & anno 1108. translatum in insulam Murianum prope Venetias: cum vero monachi hujus cœnobii Benedictino monasterio de Pado Vetulo subessent, utrumque Petrus nominat, & Uberto suam donationem largitur, qui monasterium S. Benedicti regebat, idem ac Padolironense olim celeberrimum in agro Mantuano haud a Pado flumine distitum; quare & hic, & in aliis antiquitatis monumentis dicitur Monasterium S. Benedicti super Padum.

(3) Hinc discimus in urbe, ac diœcesi Vegliensi monasteria virorum extitisse, qui D. Benedicti leges, ac disciplinam sectabantur, quæ in jus commendatarium cessisse videntur, cujusmodi tres vulgo Abbatias nominat Vincenzius Lessius Episcopus Vegliensis in descriptione hujus Ecclesie.

(4) Ecclesiarum Advocati iidem, qui Defensores, quorum erat res, ac jura Ecclesie sibi creditæ tueri.

(5) De Dalmatica Henrici legatione vide Tom. III. hujus Op. pag. 174. col. 2.

(6) Advocator idem, ac Advocatus, quo munere Andreas fungebatur pro cathedrali Vegliæ Ecclesia.

Petri donationem eodem anno, & mense suis litteris confirmarunt Dedocha, & Rado Sclavo advocati Ecclesie S. Martini, & ædificæ S. Cypriani, earumque exemplum ex eodem archivo protulit Cornelius, in hanc sententiam.

Anno salutifere Incarnationis Domini, & Salvatoris Nostri Jesu Christi millesimo centesimo quinquagesimo tertio Indictione prima mense Decembrio. Nos Dedocha, & Rado Sclavo de Castro Musclo advocati Ecclesie S. Martini, & S. Apollinaris ejus capelle de insula Vegle cum voluntate & assensu aliorum confratrum, & patrum, tibi D. Uberto monasterii S. Benedicti super Padum Ven. Abbati loco tui recipientibus D. Henrico Sancte Romane Ecclesie subdiacono Apostolice sedis tunc legato, & Domno Alberto tuo monacho pro anima nostra, & propter religionem tuam, & honestatem consilio Dom. Doymi Veglensis felicitis Comitissæ Ecclesiam S. Martini tradimus, tuisque successoribus cum capella sancti Apollinaris, & cum omnibus pertinentiis suis tam mobilibus, quam immobilibus & possessionibus suis, que ita continentur. A maceria vetere que tenet unum capud in castellare, & aliud in mare eundo continuo usque ad maceriam, que est prope mertandam, & a maceria predicta eundo continue usque ad tres monticellos, & abbasus tribus monticellis, eundo continue usque ad lacum de Morincalo. Has autem superscriptas Ecclesias ut dictum est cum omnibus eorum habentiis, & pertinentiis, ac adjacentiis in vestra vestrorumque successorum damus, & transfacimus potestatem habendi, tenendi, dominandi, cultandi, meliorandi, & in perpetuum possidendi, vel quicquid inde vobis placuerit faciendi nullo vobis homine contradicente. Si vero unquam aliquo tempore nos aut aliquis contra hanc offercionis cartam ausus fuerit venire vinculo anathematis perpetuo feriat, & cum Juda traditore Domini nostri Jesu Christi perpetuo dampnetur incendio.

Ego Doymus Veglensis Comes subscripsi.

Ego Dedocha Advocato ss.

Ego Radosclavo Advocato ss.

Ego Johannes Presb. tt. ss.

Ego Tolizo tt. ss.

Ego Debruto tt. scribere rogavi.

Ego Andreas Notarius, & predicti Domini Legati scriba bis presens fui, & rogatus scribere scripsi.

#### DABRO EP. VEGLIENSIS VI.

#### JOANNES EP. VEGLIENSIS VII.

Hic etiam a Cornelio detectus in laudato Venetæ Patriarchalis Ecclesie tabulario ex duplici diplomate ab eodem Joanne concessio itidem monachis utriusque monasterii Padolironensis, & S. Cypriani: & altero quidem iis Ecclesiam S. Joannis Baptistæ in Portafusso, ejusque fundos, & vineam donat, cujus ipse possessionem obtinebat, altero Ecclesiam urbanam S. Joannis, quam ære suo se ædificasse affirmat ante initum Vegliensem Episcopatum: illud vero datum est anno 1186. hoc anno 1188. Rivoalto, cum forte Joannes Venetiis degeret. Utrumque est hujusmodi in part. 3. Monum. Eccl. Torcell. pag. 230.

In Nomine Domini Nostri Jesu Christi Anno Domini millesimo centesimo octuagesimo sexto, Mensis Novembris Indictione quarta. Quod conceditur ne forte oblivioni tradatur, expedit ut scri-

A Petro inflicurum canobium confirmatur.

Joannes Veglien. Episc.

Ejus donationes Padolironensis, & S. Cypriani monasteriis.

scripture vinculo confirmetur. Quapropter ego quidem Johannes Veglensis Ecclesie Episcopus pro divino amore & remedio anime mee & patris & matris mee vel parentum meorum ab hodierno die in antea, do, concedo & offero Deo & (1) S. Benedicti & monasterio S. Cypriani de Venetiis. Videlicet unam meam Ecclesiam que est consecrata, ad honorem Dei & B. Johannis Baptiste secundum quod est posita prope portam supradictae civitatis in loco qui vocatur Portafusso. Videlicet cum tota sua vinea & orto, & cum omnibus suis habentibus & pertinentiis, que ibidem adesse videntur. Et secundum quod a me usquemodo dominata & possessa fuit, ita amodo in antea plenissimam virtutem & potestatem maneat in fratribus ejusdem Monasterii S. Cypriani habendi, tenendi, & in perpetuum possidendi & divinum (2) officium diurnum & nocturnum ibi faciendum. Insuper autem absolvo eam ab omni subjectione Episcopali, excepto quod in omni anno persolvat Ecclesie S. Marie nostrum Episcopium libram unam incensi. Similiter autem do ad predictam Ecclesiam S. Johannis aliam meam vineam posita in loco qui dicitur Ceroclo. Et insuper do ei tantam terram quantum laborare possit tria paria boum que terra est partim in loco qui dicitur Berguto, partim ad lacum de campis, & etiam tota animalia que ad eandem Ecclesiam pertinent. Verumtamen & si in aliquo tempore mee vite fuerit mea voluntas veniendi, & habitandi in predicta Ecclesia, cum fratribus, qui ibidem habitaverint, nullus debet mihi esse contrarius, nec in aliquo debet me superare: permanente me sub obedientia Domni Abbatidis S. Benedicti & Prioris S. Cypriani. Et si quis hoc frangere vel corrumpere voluerit, habeat sibi contrarium Deum Patrem Omnipotentem, & Jesum Christum filium ejus Dominum nostrum, cum Spiritu Sancto & sit sub anathemate trecentorum decem & octo patrum. Et hac concessionis pagina in sua firmitate permaneat.

Ego Johannes Veglensis Ecclesie Episcopus dedi & confirmavi & manu mea scripsi & hanc cartulam exemplare jussi. Nos quidem Pleso & Dominicus & Andreas Fr. Episcopi predicti laudamus & confirmamus.

Ego Dominicus Archidiaconus ejusdem Ecclesie tt. ss.

- 3 Ego Johannes Primicerius tt. ss.  
Ego Bonus Presbyter & Canonicus tt. ss. (3)  
Ego Cernota Presbyter & Canonicus tt. ss.  
Ego Miro Presbyter & Canonicus tt. ss.  
Ego Marinus Presbyter & Canonicus tt. ss.  
Ego Johannes Cayse Presb. & Canonicus tt. ss.  
Ego Barba Presbyter & Canonicus tt. ss.  
Ego Nicola Presbyter & Canonicus tt. ss.  
Ego Andreas Presb. & Canonicus tt. ss.  
Ego Dominicus Presbyter & Canonicus tt. ss.  
Ego Johannes Abbas de Castellione tt. ss.  
Ego Sabazo Diaconus & Canonicus tt. ss.  
Ego Belletto Diacon. & Canonicus tt. ss.  
Ego Gregorius Diacon. & Canonicus tt. ss.  
Ego Johannes Diacon. & Canonicus tt. ss.  
Ego Bonetus Diacon. & Canonicus tt. ss.  
Ego Johannes Diacon. & Canonicus tt. ss.  
Ego Dominicus Subdiaconus tt. ss.  
4 Ego Bartholomeus Frater Comitum tt. ss. (4)  
Ego Petrus Avunculus jam dicti Episc. tt. ss.  
Ego Andreas Avunculus jam dicti Episc. tt. ss.  
Ego Cayfas tt. ss.  
Ego Saracenus tt. ss.  
Ego Drabro tt. ss.

Illyrici Sacri Tom. V.

Ego Volcinna tt. ss.

Ego Rigale tt. ss.

Ego Leogna de Drasi tt. ss.

Ego Bonzo de Dragomero tt. ss.

Ego Ramdulfus tt. ss.

Ego Leogna de Mira Gamba tt. ss.

Ego Martinus de Crevia tt. ss.

Ego Symon tt. ss.

Homines de Venetia testes.

Leonardus Augustinus.

Petrus Aymus.

Mayranus.

Angelus Balbus.

Frandidzone.

Ego Johannes Subdiaconus tt. ss.

Ego Dominicus Acolythus filius Johannis Barbe tt. ss.

Ego Dominicus Clericus tt. ss.

Ego Stephanus Clericus tt. ss.

Ego Bonifacius Subdiaconus tt. ss.

Ego Frater Dominicus S. Cypriani Monachus hoc exemplum ex jussione predicti Episcopi exemplavi & ipse manu propria confirmavi.

Notæ.

(1) Deest vox Monasterio, & ita corrige: & Monasterio S. Benedicti super Padum, ut in diplomate insequenti.

(2) Hinc intelligimus, permissam monachis potestatem fuisse, ut novum cœnobium exstruerent, alterum quidem ad urbem, alterum in ipsa urbe situm: quod confirmant donationes, quarum tabulas testes paullo inferius producemus. Quare brevi temporis spatio Benedictina familia tribus monasteriis aucta fuit in urbe ac diocesi Vegliensi; primum SS. Martini, & Apollinaris extra urbem Petri II. Episcopi opera ac munificentia, alterum D. Joannis Baptiste prope urbem, tertium itidem D. Joannis forte Evangeliste in ipsa urbe exstructum pia hujus Joannis Vegliensis Antistitis liberalitate.

(3) Major hic Canonicorum numerus, quem diplomatis subscriptiones præferunt, satis indicat, ornatorem tunc fuisse Vegliensis Ecclesie formam, splendidiorem cultum, redditus locupletiores.

(4) Hæc subscriptio dubium movet, ne forte ii Comites Frangipanii fuerint, quorum frater esset Bartholomæus: ideo ante sæculi XII. exitum illis tribuenda foret fiduciaria possessio insulæ Vegliensis, qua a Veneto Senatu donati fuerunt Joannes, Guido, & Emericus fratres e Frangipania familia: sed certi nihil asum definire, nec licet, Vegliensium monumentorum defectu.

Nunc de altero Joannis Episcopi diplomate.

In Nomine Domini Dei & Salvatoris Nostri Jesu Christi anno Domini millesimo centesimo octagesimo octavo mense Junii Indictione sexta Rivoalto. Quidquid datur vel offertur, oportet, ut scripture vinculo confirmetur. Quapropter nos quidem Johannes Dei gratia Veglensis Episcopus, cum nostris successoribus per presentem offercionis cartulam, ab hodie in antea damus, offerimus Deo & monasterio S. Benedicti super Padum & monasterio S. Cypriani de Murianis & Abbati atque Priori supradictorum monasteriorum & vestris successoribus Ecclesiam nostram S. Johannis positam in civitate Vegle, quam nos, antequam ad Episcopatum officium ascendissemus,

Hhh 3

pro-

propriis nostris expensis edificare fecimus. Hanc autem supradictam Ecclesiam, cum libris & sacerdotalibus indumentis, & cum omnibus edificiis & possessionibus, que in circuitu ejusdem Ecclesie sunt, vobis, & vestris successoribus & eisdem monasteriis damus, offerimus atque transactamus habendum, tenendum, cultandum, dominandum, edificandum, vel quidquid exinde vobis placuerit faciendum nullo vobis homine contradicente. Unde omni anno perpetuis temporibus dare & solvere debetis nobis & nostris successoribus & eidem nostro Episcopatu pro incenso libram unam incensi. Super hec autem damus, donamus, offerimus, atque transactamus vobis & vestris successoribus, & eisdem monasteriis duas nostras vineas & terras nostras proprias quas nos habemus, & eas adquisivimus & recuperavimus propriis nostris expensis antequam ad supradictum officium Episcopatus ascendissemus quas sic distribuuntur. Ab uno capite versus Zacarinum & maceria vetere prope lacum deregna ab alio latere mare, usque ad rivum de Zaulo, & a dicto rivo usque Burguldum, & insuper dictum Burguldum & polize, cum omnibus pertinentiis suis. Has autem suprascriptas duas vineas nostras cum suprascriptis terris, & cum omnibus earum habentiis & pertinentiis ac adjacentiis, & cum vigore & robore de omnibus cartulis novis & veteribus, ad suprascriptas vineas & terras pertinentes, atque cum virtute & potestate quam inde habemus in vestram vestrorumque successorum damus & transactamus potestatem habendi, tenendi, dominandi, cultandi, meliorandi, in perpetuum possidendi vel quidquid inde vobis placuerit faciendi nullo vobis homine contradicente. Amodo igitur in antea semper inde securi & quieti permanetis: ita ut nullis diebus nullisque temporibus vos inde amplius requirere valeamus. Quod si ullo unquam tempore contra hanc offercionis & transactionis cartulam per aliquod vis ingenium ire temptaverimus, componere promittimus cum nostris successoribus vobis & vestris successoribus auri libras quinque, & hec offercionis & transactionis cartula maneat in sua firmitate.

Ego Johannes Veglensis Episcopus m. m. ss.

S. Johannis Primicerii Veglensis Ecclesie ne-  
1 sciente (1) scribere pro se rogavit scribere.

Ego Paternianus de Putheo Subdiaconus it. ss.

Ego Johannes Vilionis it. ss.

Ego Dominicus Arduinus Presb. Plebanus S.  
Johannis Evangeliste it. ss.

Ego Johannes Presb. m. m. ss.

Ego Marcus Paulinus Diaconus ac Notarius  
2 compleri & roboravi (2).

Ego Nicolaus Presb. S. Canciani & Nota-  
rius ut vidi in matre testis sum in filia.

Ego . . . . .

Ego Marcus Presb. Ecclesie S. Stephani de Mu-  
riano & Notarius hoc exemplum exemplavi an-  
no ab Incarnatione Domini Nostri Jesu Christi  
millesimo ducentesimo nonagesimo nono mense No-  
vembri die septimo exeunte Indictione tertia de-  
cima Rivoalti nihil addens vel minuens quod sen-  
sum vel sententiam mutet, compleri & roboravi.

Nota.

(1) Mirum non est iis saculis, quibus barba-  
ries & ignorantia etiam in Ecclesiasticis viris  
longe lateque dominabantur, Primicerium Cathe-  
dralis Ecclesie litteras ignorasse, siquidem eo tem-

pore bonarum artium cura apud monachos tan-  
tummodo in usu erat. Cornel. Alius tamen hic  
Joannes ab eo est, qui biennio ante manu pro-  
pria descripto superius diplomati adscripsit.

(2) Adverte distinctum esse subscriptionum  
ordinem, alterum eorum qui autographo diplo-  
mati adscribere, quod publici scribe Marci  
Paulini auctoritate & fide confirmatum fuit,  
alterum eorum, qui descriptum ejusdem exem-  
plar testimonio suo comprobant, cum anno  
1299. a Marco presbytero in alias tabulas fuit  
relatum.

Porro quantum pia religiosæ vitæ consuetu-  
dine allegerint Veglienses cives alumni Benedi-  
ctinæ familiæ, & quanta ab iis religione cole-  
retur, inde licet cognoscere, quod Antistitum  
suorum Petri II. & Joannis munificam piete-  
tem æmulati novis deinceps amplisque muneribus fundata ab iisdem cœnobis cumularunt.  
Anno 1239. Anthasius quidam filius Bontii Dra-  
gomiri, cujus nomen legimus adscriptum diplo-  
mati primo Joannis Episcopi, cum plura an-  
tea detrimenta intulisset monasterio S. Joannis  
de Portafusso, male actæ vitæ pœnitentia du-  
ctus nedum se se monachorum famulatui addicere  
inter demissorem Converforum, uti appellant,  
ordinem, sed totam etiam familiam patro-  
natus jure donare constituit in Ecclesiam,  
ejusque fundos, quam ipse, & ejus frater Jo-  
annes diaconus Ecclesie Vegliensis titulo S. Mar-  
ci & SS. Cosmæ & Damiani in urbe extru-  
xerant. Habeo hujus donationis tabulas, quas  
hic exhibeo a Flaminio Cornelio itidem de-  
scriptas ex patriarchali archivo, & in eundem,  
quem ante innumimus, librum relatas.

In Nomine Dei aterni. Anno Domini millesi-  
mo ducentesimo trigesimo nono mense Octubris die  
quarto intrante Indictione XII. In presentia Mar-  
tinusi & Deodati Diaconi & testium quorum no-  
mina inferius subscribentur. Ego Anthasius filius  
quondam Bontii Dragomiri in Christi nomine tra-  
do me ipsum, ad serviendum Deo, & Ecclesie  
S. Johannis de Portafusso Veglensis diocesis, &  
stare sub obedientia Prioris ipsius Ecclesie more  
conversi donec vixero, & quia olim instigante  
diabolo dictæ Ecclesie intuli multa dampna in re-  
compensatione dampnorum, & in remissione pec-  
catorum meorum & in salute anime mee & pa-  
rentum meorum spontanea mea voluntate, ab ho-  
die in Christi nomine, do, offero, dono & concedo  
Ecclesie seu altario S. Johannis de Portafusso Ve-  
glensis diocesis obedientie S. Cypriani de Murana  
Torcellane diocesis omnibus pro futuris tempori-  
bus tempore D. Petri Prioris suprascripte Eccle-  
sie videlicet totum juspatronatus Ecclesie, quam  
cum fratre meo Johanne Diacono & Notario Ve-  
glensi edificavi & construxi ad honorem Dei in  
memoria B. Marci Evangeliste & sanctorum Mar-  
tyrum Cosmæ & Damiani in contrata de ppl.  
(i. e. populo). Videlicet totum superius juspa-  
tronatus omnium rerum pertinentium & spectan-  
tium ad jamdictam Ecclesiam secundum consuetu-  
dinem terre quibus ipsa Ecclesia dotata fuit in  
die consecrationis sue, vel pro ea ei oblate &  
date fuerunt. Ut sunt terre vinee ortus domus  
lacus & omnia aliarum rerum cujuscunque spe-  
ciei ad suprascriptam Ecclesiam pertinentium, ut  
plenam habeat virtutem & potestatem de jure  
patronatus voluntatem suam in perpetuum cum  
suis successoribus ordinandi, faciendi, & dispo-  
nendi, sicut ego cum suprascripto fratre meo Jo-  
hanne

Donatio  
facta mo-  
nasterio  
Vegliensi  
D. Joannis  
Bapt. de  
Portafusso.

hanc aliquo tempore habui nemine contradicente. Ut me plenarie foris facio & promittens promitto.

Anthasii propositum summopere probavit Joannes, & ut fratris æternæ incolumitati tutius consulere, justum ejus consilium, rectamque voluntatem suo ipse consensu, atque testimonio, quod ex laudatis sæpe Cornelii monumentis hic subijcio, ratam firmamque voluit haberi.

In Nomine Dei aterni. Anno Domini millesimo ducentesimo trigesimo nono mense Octubris die quarto insitante Indictione XII. In presentia D. Martinus & Deodati diaconi & testium quorum nomina inferius subscribentur. Ego Johannes Diaconus & Notarius Vegliensis Ecclesie Canonicus filius quondam Boncii Dragomiri bone memorie nullo penitus cogente aut suadente nec vim inferente immo spontanea mea voluntate pro divino scilicet amore & remedio anime mee sive parentum meorum ab hodie in Christi nomine, do, offero, dono, & concedo ecclesie seu altario S. Joannis de Portafuso Vegliensis diocesis obediencie S. Cypriani de Murana Torcellane diocesis omnibus pro futuris temporibus tempore Domini Petri Prioris suprascripte Ecclesie videlicet totum jusp Patronatus Ecclesie quam cum fratre meo Anthasio edificavi & construxi ad honorem Dei in memoria B. Marci Evangeliste, & Sanctorum Martyrum Cosme & Damiani in contrata de ppil. Videlicet totum superius jusp Patronatus omnium rerum pertinentium & spectantium ad jamdictam Ecclesiam secundum consuetudinem terre, quibus ipsa Ecclesia dotata fuit in die consecrationis sue, vel pro ea ei oblate & date fuerunt, ut sunt terre vinee ortus domus lacus & omnia aliarum rerum cujuscunque speciei ad suprascriptam Ecclesiam pertinentium ut plenam habeat virtutem & potestatem de jure patronatus voluntatem suam in perpetuum, cum suis successoribus ordinandi, faciendi, & disponendi sicut ego cum suprascripto fratre meo Anthasio aliquo tempore habui nemine contradicente, ut me plenarie foris facio & promittens promitto (1). Ego ut pro nullo unquam tempore contra hanc presentem offeritionis vel oblationis cartam ire audeam. Sed si necesse fuerit ab omnibus eam defensare & manifestare debeam, quod si quocunque tempore contra hanc presentem offeritionis cartam ire tempta vero quam feci puro animo meo, incidat ira Dei in me & in omnibus illis quicunque inde aliquid subtrahere vel minuere presumpserint, sub anathemate 300. & 8. patrum constrictus permaneant, & insuper ipsi Dei Ecclesie componere debeant libras denar. 100. & hec offeritionis cartula in sua permaneat firmitate.

Actum est hoc Vegle sub porticalle dicti monasterii S. Joannis testes interfuerunt Otubellus Quirinus de cuna & aliis.

Et Ego Presb. Honoratus Vegliensis Ecclesie Canonici & Notarius his interfui, & rogatus ut audiui scripsi compleri & roboravi.

Nota.

(1) Hæc, quæ subsequuntur, vel priori donationis tabulæ desunt, vel utraque conjunctim scripta fuit, & unius scribæ auctoritate confirmata.

### MARINUS EP. VEGLIENSIS VIII.

Hic innuit Farlatus tria tantum ordinis Benedictini cœnobia in insula extitisse per hæc tempora; sed tria insuper adjungenda, de quibus hætenus.

### LAMBERTUS EP. VEGLIENSIS IX.

### HIERONYMUS EP. VEGLIENSIS X.

In litteris Indulgentiarum Ecclesia S. Michaelis de Arretio Ordinis Camaldulensis datis anno 1295. nomen inscriptum est Hieronymi Hegliensis Episcopi, quem Vegliensem Antistitem fuisse suspicantur Scriptores Annalium Camaldulensium in Tom. III. Ego quidem iisdem facile assentior, & Hieronymum medium inter Lambertum, & Matthæum recte collocari existimo. Equidem annorum ordo, quibus Lambertus Vegliensi præfuit Ecclesie, huic sententiae non congruit; sed vel ejus Episcopatus tempus contrahere oportet; vel Hieronymus ante Episcopus renunciatus, quam Lambertus Aquinatam Ecclesiam obtineret, casu quopiam, aut immatura morte sedem suam adire prohibitus est.

Hieronymus Ep. Vegli. X.

### MATTHÆUS EP. VEGLIENSIS XI.

### THOMAS EP. VEGLIENSIS XII.

### JACOBUS EP. VEGLIENSIS XIII.

Quæ de Jacobo scribit Farlatus, corrigenda Jacobus omnino sunt fide atque auctoritate Flaminii XIII. Corneli in Tom. II. Monum. Eccl. Ven. pag. 363. Jacobus Bertoldus seu Bertaldus ab aliquibus in Plebanorum (Ecclesie S. Pantaleonis) serie enumeratur; attamen cum eo titulo nusquam invenerim insignitum, malim presbyterum (ut in actis legitur) tantummodo dicere; Congregationis D. Luca Archipresb. atque aula incliti Ducis cancellarius librum concinnavit ms. cui titulus, Opus de consuetudine urbis Venetæ. Servari in Casarea Bibliotheca mihi traditum est; sed de hac re alii certiora dabunt. Quare in clericalem militiam a prima ætate cooptatus Jacobus deinde sacro Ecclesie S. Pantaleonis ministerio se addixit; & in monumentis anni 1310. idem Presbyter S. Pantaleonis, Archipresbyter Congregationis S. Luca, & Cancellarius Principis appellatur, quod Cancellarii munus a suprema magni Cancellarii dignitate plurimum differt; tum anno 1311. librum, quem innuit Cornelius, scripsisse perhibetur. Triennio post sacra liplana D. Pantaleonis, quæ penes D. Marci Procuratores servabantur, Jacobus Bertaldus, seu Bonfaldus Ecclesia S. Pantaleonis Presb. & ducalis Notarius sua Ecclesia impetravit, ut majori magisque publico cultui darentur, tradit idem Cornelius pag. 341. Hinc ejus Episcopatus initia non ante annum 1314. constitui debent, quo etiam anno die x. Septembris primo Vegliensis Episcopus nominatur in monumentis ejusdem Ecclesie.

Jacobus Vegli. Ep.

Quinam post Jacobum Vegliensem Ecclesiam adeptus sit, omnino incompertum, nisi Lampadio, de quo postea, locum tribuas. Interea Benedictinum cœnobium S. Joannis, quod in urbe erat, insignem munificentiam expertum est.

Nicolaus Com. Vegliæ munificentia in cœnobium S. Joannis.



est Nicolai Comitis Veglie, qui anno 1323. Ecclesiam D. Nicolao sacra a se in insula edificatam, & quicquid bonorum, ac reddituum eidem fuerat attributum, monasterio quidem S. Cypriani Torcellane diocesis, cui Vegliense S. Joannis suberat, largitus est, sed revera, ut in commodum, utilitatemque, ac decus Vegliensis cœnobii potissimum cederet ejus donatio. Publicas hujus donationis litteras, & adjectas illi conditiones nobis exhibet Cornelius in part. 3. Monum. Torcell. Eccl. pag. 235. quas hic integras exscribo; in iisque plura reperies, quæ virorum, locorumque illius avi pergratam, opinor, Vegliensibus ingerent notitiam.

In Christi Nomine Amen. Anno ejusdem millesimo tricentesimo vigesimo tertio Indictione sexta die penultimo mensis Decembris. Actum est hoc Vegle in sala egregii & magnifici viri D. Comitis Frederici (1) Veglie, Modulle, Vinodoli, atque Vezebe Comitis, necnon Segne dominatori perpetuo. Coram dicto D. Comite Frederico & Dominis Nicolao iudice communis Vegle filio olim D. Marini condam Marchesii & Jacobo cio de monte Rubiano habitatoribus Vegle Juacum D. minorum Comitum de Vegla in presentia mei Notarii & testium infracriptorum ad infra scripta specialiter congregatis. Videlicet D. Jacobo vicecomite suprascripti D. Comitis Frederici, D. Justo Vicecomite Vegles prenominati D. Comitis Frederici, D. Francinello Canonico Ecclesie Veglensis, Cleto Primicerio dicte Veglensis Ecclesie atque Notario prelibati D. Comitis Frederici, Domino Dymo filio naturali condam bone memorie D. Bartholomei Comitis Vegle, Quari, & Braxi, Domino condam Iudice Almoro de Venetiis habitatore Vegle, D. Bonizzo condam Iudice Nicolao de Vegla dicto Gospondino, Domino condam Iudice Cosme filio olim Barbenno de Vegla, Johanne dicto Sob... ena de Vegla, Natali advocato communis Vegle, Dominico Subdiacono & Notario filio olim Magistri Jacobi Notarii denpantrason habitatore Vegle, & Nicolao Notario filio condam Domini Bartholomei mercatoris de Venetiis habitatore Vegle, & aliis testibus ad hoc specialiter congregatis. Magnificus vir D. Nicolaus Comes Vegle Quaris & Braxis filius bone memorie D. Bartholomei Comitis Vegle, Quaris & Braxis fecit infra scriptam donationem & submissionem monasterio S. Cypriani de Muriano Torcellane diocesis quod est membrum S. Benedicti de Padalirone, ad Romanam Ecclesiam nullo medio pertinentis de Ecclesia sui oratorii, quam idem Comes Nicolaus fundavit & edificari fecit in honorem B. Nicolai in suo patrimonio apud Castrum Verbonicum Insule Vegle in loco qui dicitur Rogosinich, Sic dicens: Ego Nicolaus de Dei misericordia Comes Vegle Quaris & Braxis. In Christi nomine ad honorem Dei & B. Marie Matris ejus & B. Cypriani martiris atque B. Nicolai Confessoris mirifici Patroni & advocati mei. In presenti dono, offero, concedo & submitto monasterio S. Cypriani de Murano Torcellane Diocesis in manibus fratris Paschalis Prioris S. Johannis de Vegla Procuratoris predictorum Abbatis & Monasterii ad hoc specialiter constituti, Recipientis ipsorum Abbatis & Monasterii nomine, ut apparet clare per quoddam instrumentum procuracionis confectum. Qui tenor hic interserui ad maiorem rei evidentiam de verbo ad verbum. In Dei Nomine Amen. Anno ejusdem Nativitatis

millesimo trecentesimo vigesimo secundo Indictione quinta die vigesimo octavo intrante mense Septembri in clauistro Monasterii S. Cypriani de Murano. Presentibus Petrino quondam D. Bartholomei de Rippa, Laurentio quondam Jacobi, Martivo q. Philippi & aliis. Ibiq. Ven. Pater Dominus D. Morandus Abbas S. Cypriani de Murano Torcellane Diocesis ad Romanam Ecclesiam mediante monasterio S. Benedicti de Padolirone pleno jure spectantis infra scriptis fratribus presentibus & consensientibus scilicet D. Johanne, D. Manuele, D. Nicoletto, D. Bartholomeo, D. Tomaxino, D. Jacomino, qui sunt Capitulum & Conventus dicti monasterii S. Cypriani, fecit, constituit & elegit D. Paschalem Priorem S. Johannis de Vegla ipsi Monasterio S. Cypriani immediate subiecti absentem, suum & dicti Monasterii S. Cypriani Procuratorem & Syndicum & Nuncium specialem ad recipiendam pro se & dicto Monasterio S. Cypriani perpetuo quondam donationem cujusdam Ecclesie, quam magnificus vir Comes Nicolaus filius quondam bone memorie D. Bartholomei Comitis Veglensis intendit facere ipsi Monasterio S. Cypriani de Ecclesia quam idem comes fundavit & edificari fecit in honore B. Nicolai in suo patrimonio apud castrum Verbonicum insule Veglensis in loco qui dicitur Rogosinich, ita videlicet quod predictus comes & sui heredes & proheredes de suo corpore masculina linea descendentes tantummodo habeant in ipsa Ecclesia S. Nicolai plenum juspatronatus & presentationem rectoris quociescunque vacaverit. Et Abbas S. Cypriani qui est & qui pro tempore fuerit, habeat examinare & confirmare dictum rectorem & visitare dictum rectorem, corrigere & amonere, prout postulaverit ordo juris. Promittens dictus D. Abbas ratum & firmum habere quicquid in predictis, & circa predicta per dictum suum procuratorem factum procuratum fuerit sive gestum sub allegatione omnium Bonorum dicti Monasterii. Et ego Bonifacius quondam D. Bonafidei Imperiali auctoritate Notarius hiis omnibus interfui & rogatus scripsi. Ecclesiam sive oratorium, quam ego pro remedio animarum parentum predecessorum meorum, & meorum peccaminum interventu fundavi & edificari feci in honorem B. Nicolai apud Castrum Verbonicum Insule Veglensis in loco qui dicitur Rogosinich, cum omnibus suis bonis mobilibus & immobilibus videlicet domo de petra & alias domos curiam cum orto viridario & toto territorio circumstante, usque ad dragam sive vallem que dicitur terraraz, & usque ad puros qui sunt in via publica qui dicuntur peraris draschie versus aquilonem, cum tota costeria monte sive colle, usque ad viam publicam qua vadit debonovicho dobregnum desuper versus orientem Costeriani, versus austrum usque ad territorium beredum condam D. Comitis Marci olim fratris nostri. Item campum magnum de ponte, usque ad fontem cum tota costeria, monte sive colle, usque ad terras S. Marie de Castillione in parte occidentali versus Veglam tantum, quantum durat campus magnus, usque ad territorium D. Comitis Frederici, & D. Andree Michaelis de Venetie. versus Aquilonem. Item terras, & totam contratam que est & dicitur prapragnach, quam contratam sive terras hujus a Plebano de Verbonich tertiam partem, aliam tertiam partem hujus a filiis condam Ruciz, alia tertia pars mea est. Item terram que dicitur marrinus vealas, cujus confines sunt hii; ab uno latere est territorium D. Co-

D. Comitis Frederici, ab alio territorium Domini dicti Andree Michaelis, ab alio territorium nepotum meorum predictorum, ab alio latere est via publica. Item partem meam de prato cuius hii sunt confines, ab uno latere scilicet pars prati est nepotum meorum heredes comitis Marci condam fratris nostri, & a parte superiori versus Veglam sunt terre dictorum meorum Nepotum, ab alio latere sunt terre D. Comitis Frederici, ab alio est via publica, & quicquid aliud territorii habeo in contrata Rogosnich predicta. Item vineam unam, que fuit fratris nostri comitis schinelle in valle Dobregni super S. Maurum quam tenebat Cozich, cum domo & omnibus suis pertinentiis cuius hii sunt confines. Nam ab omni parte est territorium meum & Nepotum meorum filiorum condam Comitis Marci fratris mei. Item unam aliam vineam in Magna Valle dicti Castelli dobregni, que vinea fuit bratnich cum domo, & aliis suis pertinentiis, confines cuius sunt hii, ab uno latere est vinea Plebani de dobregno, ab alio latere est vinea Usenich, ab alio latere est vinea Sitogna solisiza, & ab alio latere est via publica. Item unam vineam sub S. Mauro prope Verbonicum, cuius confines sunt hii. Scilicet vinee dicti S. Mauri a duobus lateribus, ab uno latere vinea manzestavich, ab alia parte est via publica. Item terram que dicitur Raponiulglodaz prope dictum Castrum Verbonicum, cuius hii sunt confines, scilicet vinea Belzedragha, ab uno latere vinea ghutpoliza, ab alio latere via publica. Item unum neresium supra ortos prope Civitatem Vegle qui dicitur Neresius d. Rainerii, cum aulivariis & aliis arboribus. Item dono quadraginta pecudes magnas, triginta Capras, viginti anuclos pecurinos, & decem anuclos caprarum. Item duas magnas vacas cum duobus vitulis. Item duas vacas terzaninas. Item quatuor boves magnos arantes. Item unum equum, unam asinam, & unum asinum. Reservans michi & filiis meis heredibus & proheredibus legitimis de meo corpore per lineam masculinam descendensibus in ipsa ecclesia B. Nicolai plenum juspatronatus, & electionem & presentationem capellani sive rectoris, & rectorum qui pro tempore fuerint perpetuo & examinatio & confirmatio visitatio & amotio, prout postulaverit ordo juris, sit penes Monasterium S. Cypriani predicti & Abbatem qui nunc est & Abbates qui pro tempore fuerint perpetuo. Quibus heredibus supradictis deficientibus dicta Ecclesia S. Nicolai, cum omnibus bonis mobilibus & immobilibus supradictis que ad presens dono & offero, & que temporibus Domino annuente habere contigerit, remaneant in dispositione & libera potestate Abbatis Monasterii S. Cypriani predicti, qui pro tempore fuerint. Hiis insuper conditionibus adiectis quod D. Abbas S. Cypriani qui est vel qui pro tempore fuerit Ecclesiam predictam ad honorem S. Nicolai constructam, teneatur & debeat eam facere & consecrare & hoc cellerius & commodius, ut potest, non prolongando tempus aliquo dolo vel fraude quod si facere obmitterit vel neglexerit volo hanc donationem sive obligationem penitus irritam esse & nullam. Hanc autem consecrationem quantum ad Episcopum, qui eam consecraverit, & alia que in ipsa Ecclesia tunc temporis sunt fienda, volo fieri meis expensis volo etiam eligere Capellanum sive rectorem ejusdem Ecclesie unumcunque & quemcunque mihi placuerit, & hoc inde intelligo de heredibus meis &

proheredibus si habuero. Item volo quod si Capellanus & rector qui pro tempore fuerit, si se male haberet de Ecclesia quantum ad officium & ad bona Ecclesie predictae amoveatur per D. Abbatem qui pro tempore S. Cypriani fuerit, cum sibi significatum fuerit per me vel heredes meos, si habuero, volo etiam, quod ipsa Ecclesia nunquam sit quod non habeat Capellanum sive rectorem & ille, qui electus & confirmatus fuerit, in vita sua remaneat & post obitum meum si bene se habuerit nisi renuntiaret. Hoc etiam addito quod rector qui pro tempore fuerit in dicta Ecclesia S. Nicolai in festivitate ejusdem teneatur facere cunctis venientibus unam elemosinam sive caritatem pro anima mea & antecessorum meorum de una vaca vel bove, sex castratis, quatuor modis frumenti, & octo modios vini, & ad hanc faciendam deputari specialiter campum magnum de ponte & vineas de dobregno, vineas de verbonico vacas & pecudes. Quam caritatem sive elemosinam si capellanus sive rector qui pro tempore fuerit facere obmitteret, vel negligeret, volo quod amoveatur per D. Abbatem qui tunc fuerit, & ejus loco alius instituitur qui hec compleat. Item volo quod de territorio quod dedi ipsi Ecclesie, Capellanus sive rector qui fuerit pro tempore laborando per se quantum quod vel quale voluerit aliud residuum, alia parte residui quantum petivero pro me laborare possim facere dando terraticum sicut daret alius quicumque. Omnia autem bona que dicta Ecclesia in futurum annuente domino poterit acquirere liberalitate comitum, largitione fidelium, Pontificum oblatione, seu aliis iustis modis firma sibi & illibata permaneant absque mea & meorum heredum, & proheredum contradictione, quod si unquam contra hanc donationem venire temptavero Ego sive heredes vel proheredes mei si quos me habere contigerit, vel si Abbas qui pro tempore fuerit pacta predicta non observaverit mille libras denariorum Venetorum parvorum teneamur. Ego si contra hanc donationem & pacta superscripta venero vel heredes vel proheredes mei Domino Abbati dandas, & si ipse D. Abbas contra hec superscripta pacta fecerit teneatur michi vel heredibus vel proheredibus meis solvere. Qua pena soluta vel non, presens instrumentum nichilominus in suo perpetuo robore maneat & firmitate. De hoc etiam fieri volui & mandavi duo publica instrumenta unius ejusdemque tenoris unum D. Abbati aliud michi reservans in perpetuam rei firmitatem & evidentiam.

Ego Comes Fredericus manum misi.

Ego Judex Nicolaus manum misi.

L. S. Ego Blasius filius condam Serachatabene depedraffitis de Forivio Imperiali auctoritate Judex ordinarius hiis omnibus interfui scripsi & corroboravi.

Nota.

(1) Fridericus, & Bartholomæus Frangipanii Senia civitate donati fuerunt a Bela IV. Hungariae rege anno 1255. Fratres fuisse autumo, & Fridericum nato majorem, cujus proinde filiis, atque heredibus ejusdem familiae dominium in Seniensem urbem hereditario jure obveniret. Hinc Fridericus Senia Dominus appellatur: Nicolaus vero hujus donationis auctor, & Marcus ejus frater Bartholomæi filii erant, qui, dum vixit, Vegliensem ipse etiam Co-

Comitatum rexit, quem Frangipania gens a Veneto Senatu adeptus est; eo vero vita functo, in insulæ possessionem successit filius Nicolaus, ejusque imperium utrique Bartholomæi, & Friderici familiæ commune extitisse arbitramur: quare Nicolaus idem Vegliæ tantummodo, Quari, & Braxi dicitur Comes, non Seniz Dominus.

#### LOMPRADIUS EP. VEGLIENSIS XIV.

Lompradius Ep. Vegliensis XIV.

Notus ex litteris Concilii Gradensis anni 1330. datis Idibus Juliis, quibus piacularis venia conceditur iis, qui opem quamcumque contulerint ad extruendam Ecclesiam S. Joannis Evangelistæ in oppido Valvasono diocesis Concordiensis. Hujus Concilii acta interiere: litterarum exemplar editum fuit primo in tertio Tomo supplem. Collect. Concil. sed emendatiores illas protulit Flaminius Cornelius, inseruitque Tom. III. Monum. Eccl. Venet. quarum est hujusmodi initium. *Divina Miseratione Dominicus Sanctæ Sedis Gradensis Patriarcha Venetiarum Dalmaciaque Primas, Frater Bartholomeus Torcellanus, Petrus Equilinus, Andreas Clugensis, Georgius Arbensis, Lompradius Vegliensis, Angelus Castellanus, Frater Fridianus Civitatis Novæ Ecclesiarum Episcopi: data sunt Gradi die XV. Mensis Julii sub annis Domini 1330. Indictione XIII.*

#### NICOLAUS EP. VEGLIENSIS XV.

Nicolaus Ep. Vegliensis XV.

Præerat huic Ecclesiæ an. 1332. ut perhibent tabulæ cujusdam sententiæ eo anno latæ ab Andrea Michaelio Comite Arbeni in controversia, quæ huic Antistiti intercedebat adversus Comites Veglienses.

#### NICOLAUS II. EP. VEGLIENSIS XVI.

#### ANGELUS EP. VEGLIENSIS XVII.

#### FRANCISCUS EP. VEGLIENSIS XVIII.

Cui ab Eugenio IV. Pontifice mandatum est, ut controversiam de decimis Novaliæ inter Episcopum, & Capitulum Arbi dirimeret. Vide Historiam Arbensis Ecclesiæ ad annum 1446.

#### NICOLAUS III. EP. VEGLIENSIS XIX.

#### NATALIS EP. VEGLIENSIS XX.

#### EUSEBIUS EP. VEGLIENSIS XXI.

De Eusebio Vegli. Ep. XXI. monumenta.

De quo hæc addimus ex Tom. VIII. Annal. Camald. ad an. 1531. Is (Petri Prioli filius) monasticam vitam induerat in Cænobio S. Michaelis de Muriano an. 1502. die 29. Martii. Trigesimum vix annum agens Delphino (Petro Delphino supremo Ordinis Camaldulensis Moderatori) acceptissimus, post concionatorium munus probe expletum, Philosophiæ etiam, & musarum studiis addictus ad abbatiales insulas in eodem sancti Michaelis monasterio erectus est annis 1517. 1518. iterumque annis 1520. 1521. 1522. Anno 1524. monasterium S. Mariæ de Carceribus rexit; tertia vice annis 1526. 1527. 1528. monasterii S. Michaelis regimen tenuit, post quos anno sequenti 1529. ad regendam Ve-

glensem Ecclesiam fuit assumptus: intellige, hoc anno Episcopatus possessionem adiisse, siquidem anno ante Vegliensis Antistes fuerat renunciatus: hinc ad eundem annum hæc recte subjiciuntur in laudatis Annalibus: *Eusebius Priolus Abbas S. Michaelis de Muriano possessionem accepit medio mense Februario Episcopatus Vegliensis ab Excellentissimo Consilio Rogatorum, ut ipse adnotat de se in libro introitus & exitus ejusdem Monasterii pag. 162. Et rursum ad annum eundem 1531. Dum pontificias curas eo dirigit, ut cohibita clericorum licentia ecclesiasticam restituat disciplinam, cibis nerariorum opera infestis e medio tollitur. Scripsit Eusebius de mundi miseria tractatum, carmina latino metro, orationem in funere Petri Delphini editam anno 1525. rursusque insertam thesauro Anecdor. Martene & Durand. Laudant Eusebium Paulus Orlandinus in Theologia mixta, Posservinus, Sansoninus, Fortunius, Minius, Bucellinus, Wion. Eusebium Priolum virum profundæ cognitionis in scientiis, eximiaeque vitæ bonitatis vocat Jacobus Alberici Ordinis S. Augustini in suo Catalogo Scriptorum Venet. laudatque devotum ejus opusculum de mundi miseria. Joannes Castagnizza in vita S. Romualdi in medium profert Eusebii Prioli historiam, in qua differitur de Petro, & Paulo magnis luminaribus eremi Camaldulensis, Quirino nimirum, & Justiniano. Id ipsum repetit in sua Romualdina Lucas Hispanus, ex quorum scriptorum testimoniis in lucem venimus Eusebium confecisse historiam monasticam Camaldulensem, quæ ad nos non pervenit, vel latet.*

#### JOANNES II. EP. VEGLIENSIS XXII.

#### ALBERTUS EP. VEGLIENSIS XXIII.

#### PETRUS III. EP. VEGLIENSIS XXIV.

#### JOANNES III. EP. VEGLIENSIS XXV.

#### ALOYSIUS EP. VEGLIENSIS XXVI.

#### CONSTANTINUS EP. VEGLIEN. XXVII.

A Parlato appellatus Constantius, qui Venetiis in Ecclesia D. Josepho sacra Sacelli majoris aram consecravit die XXIV. Junii anno MD-CXLIII. SS. Martyrum reliquiis rite in ea collocatis appositæque scheda his notata verbis.

MDCXLIII. Die XXIV. Mensis Junii.

Ego Constantinus de Rubeis Episcopus Vegliensis consecravi hoc Altare in honorem S. Joseph, & Reliquias Sanctorum Viti, Justii, & Florentii Martyrum in eo inclusi singulis Christianis hodie unum annum, & in die anniversario consecrationis hujusmodi ipsum visitantibus quadraginta dies de vera Indulgentia in forma Ecclesiæ concedens. Ex Tom. IV. Monum. Eccl. Venet. pag. 287.

Constantinus Ep. Vegli. consecrat aram principem Ecclesiæ Venetæ S. Joseph.

#### GEORGIUS EP. VEGLIENSIS XXVIII.

#### FRANCISCUS II. EP. VEGLIEN. XXIX.

#### THEODORUS EP. VEGLIENSIS XXX.

#### STEPHANUS EP. VEGLIENSIS XXXI.

BAL-

# AD ECCLESIAM VEGLIENSEM.

647

BALTHASSAR EP. VEGLIENSIS XXXII.

Balthassar  
Ep. Vegl.  
XXXII.

Hic paullo post adeptum Vegliensem Episcopatum munus consecrationis impendit Alexandro Mikulikio electo Antistiti Zagrabienſi in æde Lauretanæ Virgini sacra Terſacti, quo fuerat a Mikulikio invitatus.

PETRUS PAULLUS EP. VEGLIEN. XXXIII.

His, quæ de Petro Paullo narrat Farlatus


in Episcopis Traguriensibus, adde ex Tom. V. Monum. Eccl. Vener. pag. 24. illum anno 1697. præpositum fuisse regendo Veneto Cœnobio sui Ordinis S. Mariæ de Salute titulo insigni.

VINCENTIUS EP. VEGLIENSIS XXXIV.

FRIDERICUS EP. VEGLIENSIS XXXV.

PETRUS ANTONIUS EP. VEG. XXXVI.

F I N I S.



I N-

## INDEX RERUM

## ET VERBORUM MEMORABILIMUM.

*Prior numerus paginam, alter columnam notat.*

## A

- A** *Bel* Episcopus Olmenfis Administrator Episcopatus Zagrabiensis 471. 2. villam Rhe-  
mitensem immunitate donavit. *ibid.*
- Abforense* Capitulum & clerus ædis cathedralis. 183. 2.
- Abforenses* se Venetis dedunt. 617. 1. 620. 1.
- Abforenses* Episcopi 182. recensentur. 184. 2.
- Abforenses* Episcopi quatuor, de quibus dubita-  
ri potest, an ad Ecclesiam Abforensensem per-  
tineant. 183. 1.
- Abforensis* diœcesis. 183. 2.
- Abforensis* Ecclesia detracta Spalatenfi, & Me-  
tropolitæ Jadertino tributa. 196. 2.
- Abforensis* Consilii decretum, quod auctoritatem  
Episcopi diminueret, ab Senatu Veneto ab-  
rogari jussum est. 201. 2. 202.
- Abforum* jure fiduciario a Senatu Veneto tradi-  
tum familiæ Maurocenæ. 197. 1.
- Abforus* insula varie appellata. 182. 1. urbis  
Abfori positio & descriptio. *ibid.* varii ejus  
domini 182. 2. quando lucem Evangelii ac-  
ceperit *ibid.* ædium duarum cathedralium de-  
scriptio. 182. 1. 2. 205. 2. 210. 2. 213. 1.  
templa & cœnobia urbis & insulæ. 184. 1.
- Anzo* legatus Nicolai II. Papæ cellam S. Joan-  
nis Evangelistæ monachis S. Chrysogoni ad-  
judicat. 45. 1.
- Adrianus* IV. P. Jadertinam metropolim subji-  
cit Patriarchæ Gradenfi. 57. 2. de eoque cer-  
tiores facit Lampridium Archiep. Jadertinum  
ejusque suffraganeos per litteras. 58. 1.
- Ægidius* Caninius, ex ordine S. Augustini,  
Archiepiscopus Jadertinus. 125. 1. *Viterbien-  
sis* e patria appellatus. *ibid.* Rector generalis  
sui Ordinis. *ib.* laudatur a Leone X. 125. 2.  
Patriarcha Constantinop., Cardinalis, & E-  
piscopus Viterbiensis creatur. *ibid.* eligitur  
Archiep. Jadrensis. *ibid.* absens per Petrum  
Grillum Vicarium Ecclesiam suam admini-  
strat. *ibid.* Romæ decedit. 126. 1. ejus se-  
pulcrum & inscriptio sepulcralis. *ibid.* elo-  
gium. 613. 2.
- Agape* prima Abbatiſſa Monasterii Jaderensis S.  
Mariæ minoris. 603. 1.
- Aimus* Ep. Arbensis ex ordine S. Benedicti.  
245. 2.
- Albenſe* Capitulum docet per litteras Carolum  
regem Hungariæ jus legitimum Ecclesiæ Za-  
grabienſis recuperandi caſtri Medved. 421. 1.
- Albertus* Præpositus Zagrabiensis & Andreas Chaf-  
menſis decretum diruendæ ecclesiæ S. Emerici  
ad arcem episcopalem exſtruendam exſequun-  
tur, a Julio II. P. juſſi. 516. 2.
- Albertus* Ep. Abforenſis abdicationem Episcopi  
Polenſis recipere juſſus ab Honorio III. Papa.  
196. 2.
- Albertus* de Gliricis Episc. Veglienſis e Modruffen-  
ſi 310. 1. 646. 2. adminiſtrationem Modruffen-  
ſis Ecclesiæ retinet. *ibid.* intereſt Concilio  
Tridentino. *ibid.* luſtrationem episcopalem in-  
dicit. *ibid.* obit. 310. 2.
- Albertus* Archidiaconus Zagrabiensis electionem  
Philippi in Episcopum Zagrabiensem ceu vi-  
tiosam accusat apud Innocentium IV. P.  
370. 2.
- Alexander* III. P. jubet Lampridio Archiep. Ja-  
drenſi denunciare Spalatenſibus, ut legem per-  
niciosa ecclesiæ reſcindant. 58. 2. confirmat  
jus metropoliticum Ecclesiæ Jadertinae con-  
ceſſum. *ibid.* Capitulum Zagrabiense confir-  
mat. 355. 1. Senienſem Ecclesiam Metropo-  
litæ Spalatenſi adjudicat. 60. 1. Venetias pro-  
fecturus Jaderam appulit. *ibid.* Legatum in  
Dalmatiam mittit Raymundum de Capella.  
60. 2. jubet per litteras Thebaldo Archiep.  
Jadrenſi ſubefſe Patriarchæ Gradenſi. 63. 1.
- Alexander* IV. P. Virgines Jadrenſes S. Nico-  
lai in clientelam Sedis Apoſtolicæ recipit.  
19. 2.
- Alexander* Archiep. Jadertinus. 93. 1. de Tem-  
plariorum abolitione monitus a Clemente V.  
Papa. *ibid.*
- Alexander* II. Archiep. Jadertinus. 123. 1. obiit.  
*ibid.*
- Alexander* Ignatius Mikulichius Episcopus Za-  
grabienſis. 588. 1. primum Præpositus ma-  
jor, & Episcopus Tinninienſis. 588. 2. Co-  
mitatum Gerzenczenſem de Turcis recipit.  
*ibid.* ratio quam tenuit Ecclesiæ gubernandæ.  
589. 1. bibliothecam exſtruxit in palatio e-  
piscopali. 589. 2. Ejus obitus, testamentum  
& ſepulcrum. *ibid.*
- Aloysius* Cornelius Cardinalis, Archiep. Jadren-  
ſis. 127. 1. Archiepiscopatum dimittit. *ibid.*  
ad Archiepiscopatum rediit, iterumque dimit-  
tit. 128. 1. ejus elogium. 614. 1.
- Aloysius* II. Baronius, Archiep. Jadrenſis. 142.  
1. obiit ante confeſſionem episcopalem.  
*ibid.* ejus elogium ſepulcrale. *ibid.*
- Aloysius* III. Molinus, Archiep. Jadrenſis. 142.  
1. tranſfertur ad Ecclesiam Tarviſinam. *ibid.*  
ejus titulus funebris. *ibid.*
- Aloysius* Malumbra Ep. Arbenſis fratrem ſuum  
miſit, qui Episcopatus & aliorum Sacerdotio-  
rum ſibi collatorum poſſeſſionem caperet. 262.  
2. Archiprebyterum Novalienſem lege reſi-  
dendi exemit, Capitulo & Patriciis Arbenſi-  
bus ſuffragantibus. 263. 2. fundos Canonico-  
rum ſingulis Canonicis dividendos curat. 264.  
1. Concilio Lateranenſi interfuit. 264. 2.
- Aloysius* Lippomanus Episc. Veglienſis e Ca-  
nonico Congregationis S. Georgii in Alga.  
312. 2. 646. 2.
- S. Anaſtaſia* junior Sirmii martyrio perfuncta.  
32. 1. Sirmio Constantinopolim translata. 32.  
2. ibidemque culta. 33. 1. Constantinopoli  
Jaderam tranſfertur a S. Donato Episcopo  
Jadertino. 33. 2. nomen dedit Baſilicæ Ja-  
drenſi. *ibid.* Patrona urbis Jaderę. 34. 1. hi-  
ſtoria ejus translationis tribus vel quatuor ſe-  
culis poſt S. Donatum conſcripta. 34. 35.  
ejus corpus apud Jadertinos affervari evinci-  
tur.



- tur. 36. ejus inventio. 158. 2.
- Anastasio* Ep. Jadrensis subscribit tabulis Maji Prioris Jadræ, quibus templum & monasterium S. Chrysogoni restituit. 41. Ducem Venetorum excepit. 42. 1.
- Andreas* I. Ep. Jadrensis duobus Conciliis provincialibus interfuit sub Honorio III. Metropolitano Salonitano. 25. 2.
- Andreas* II. Ep. Jadrensis in tribus tabulis cœnobii S. Chrysogoni nominatus. 42. 2. 43. 1.
- Andreas* III. Ep. Jad. corpus S. Chrysogoni invenit. 44. 1. testis sententiæ Acuzonis legati pontificii secundum monachos S. Chrysogoni. 45. 1. 2.
- Andreas* IV. Ep. Jad. interest Concilio provinciali Jadrensi. 49. 1. insulam Silvæ donat cœnobio Jadrensi S. Mariæ minoris. 49. 2.
- Andreas* V. Ep. Jad. bona Dobroslavi in litem adducta cœnobio Jadrensi S. Mariæ minoris adjudicat. 50. 2. 51.
- Andreas* Guffonius Archiep. Jadrensis electus, jure suo cessit. 84. 2. Canonicus S. Marci Venetiarum. 610. 1.
- Andreas* II. Minutius, Archiep. Jadrensis ex Vicario generali Aloysii Archiep. 128. 2. Abbatiam S. Michaelis Capitulo & clero confert. *ibid.* quod a Pio V. Papa abrogatur. 129. 2. Episcopo Nonensi ecclesiam suam commendat. 130. 2. extra diocesim moritur. *ib.* Serravallem transfertur. *ibid.* ejus elogium & inscriptio sepulchralis. *ibid.* 155. 2.
- Andreas* de Gualdo Archiep. Colocensis videtur idem esse atque Andreas Archiep. Spalatenis. 459. 2.
- Andreas* Calderinus Ep. Abforensis. 203. 2.
- Andreas* II. Ep. Abforensis interest Concilio Lateranensi. 210. 2. an de Valle, aut Cornelius cognominatus, incertum. 211. 1.
- Andreas* III. Piperarius Ep. Abforensis ecclesiam suam gessit ab omni administratione vacuum annis novem. 211. 2. Abforum venit. *ibid.* Medicum ac Pharmacopolam ad curandos ægrotos Abfori conducendos curat. 212. 1. diocesim lustravit. *ibid.*
- Andreas* Ep. Arbenensis sententiam Lampridii Archiep. Jadrensis, qui litem composuit inter Arbeneses & Rogerium Mocenicum, composuit. 237. 1. Synodum habet, in qua fertur sententiam secundum quemdam Joannem Diaconum. *ibid.* 624. 2. eandem sententiam confirmat. 237. 2. Concilio III. Lateranensi interfuit. *ibid.* controversiam inter Arbeneses & quosdam Dynastas Chrobatie composuit. 238. 1. interest consecrationi Rhadagasti Episcopi Bosnensis. 625. 1.
- Andreas* II. Episc. Arbenensis. 239. 2.
- Andreas* III. Ep. Arb. Vide Andream Cernotam.
- Andreas* IV. Carlovichius Episc. Arbenensis. 285. 1.
- Andreas* Cernota Episc. Scardonensis & adjutor Blasii Episcopi Arbenensis 272. 627. 2. Blasio succedit in Episcopatu Arbeni. 273. 1.
- Andreas* Episc. Zagrabiensis. 456. 2. Mihaleczenzibus immunitates quasdam concessit. 457. 1. forte ad aliam Ecclesiam translatus. *ibid.*
- Andreas* Prior Jadræ testamentum condit. 39. 2. 40. 1.
- Andreas* Abbas S. Chrysogoni Jadrensis sententiam Michæ Episc. Jadrensis secundum semetipsum publicis tabulis mandari jubet. 54. 2.
- Andreas* Vendraminus Dux Venetiarum controversiam componit inter Joannem Detricum & Illyrici Sacri Tom. V.
- Jadertinos, datis litteris ad Prætores & Præfectum Jadræ. 121. 2.
- Andreas* II. Rex Hungariæ bona & immunitates Canonicis regularibus S. Sepulcri confirmat. 357. 2. Ecclesiam, Episcopum, Capitulum Zagrabiensem novis privilegiis auxit, & vetera confirmavit bulla aurea. 358. 2. aliud eidem ecclesiæ concessit. 359. 2. itidem & tertium. 360. 2. jus percipiendi decimas Stephano II. Episc. Zagrabiensi confirmat. 362. 2.
- Andreas* Venetus Rex Hungariæ tributum fori Zagrabiensis donavit Capitulo Zagrabiensi. 384. 2. ob adventum in Hungariam Caroli Roberti obiit. 387. 2.
- Andreas* Suriano Syndicus & Provisor generalis abrogat decretum Prætoris Abforensis juri ecclesiastico repugnans. 200. 1.
- Angelus* Ep. Abforensis subscribit diplomati Jacobi Metropolitæ Jadertini secundum Basilicam Patavinam S. Antonii. 197. 2. 198. 1. fortasse ex ordine S. Francisci. 198. 1.
- Angelus* Cavacius Ep. Arbenensis 251. 1. ad Parentinam, deinde ad Traguriensem Ecclesiam transfertur. 251. 2.
- Angelus* de Bononia Episc. Vegliensis ex ordine FF. Prædicatorum. 304. 1. 646. epistolam electionis ab Eugenio IV. P. accipit. *ibid.* non Vigiliensis, sed Vegliensis Episcopus. *ib.*
- Angelus* Episc. Ortanus Leg. apost. pacta de decimis confirmat inter Osvaldum Episc. Zagrabiensem & Dynastas Zagrabienses & Crilienses. 505. 1.
- Anthasius* civis Vegliensis donat omnia bona sua monasterio Vegliensi S. Joannis Baptistæ de Portafusso. 642. 2.
- Antonius* Panzichius Ep. Abforensis accusatur apud Ducem & Senatum Venetum. 203. 2. criminationes sibi illatas depellit & in accusatores vertit. 204. 2. domicilium Patribus Franciscanis tertii Ordinis prope Abforum tradit. 205. 1. ad ædificationem novæ ædis cathedralis plurimum contulit. *ibid.* moritur Pagi. 207. 2.
- Antonius* II. de Cappo Ep. Abforensis. 213. 1. duos habuit vicarios, alterum Abfori, alterum Crepsæ. *ibid.* ejus decretum pro recta bonorum ecclesiæ administratione. 213. 2. & leges. 214. adjutorem impetrat, & obiit. 214. 2. ejus decreta ad cleri sui correctionem. 621. 1. 2. 622.
- Antonius* Rosignolus Episc. Arbenensis ex Canonico Traguriensi. 283. 1. ad Ecclesiam Nonensem transfertur. *ibid.* quæ ante & post Episcopatum gesserit, aliqua adduntur. 638. 2. 639. 1.
- Antonius* Marcellus ex ordine S. Francisci. 212. 2. patria Crepsensis. *ibid.* ejus epitaphium. 213. 1.
- Antonius* Molinus Visitator & Inquisitor in insulis Sinus Flanatici de administratione bonorum Cathedralis Arbenensis decernit. 638. 1.
- Antonius* Episc. Zagrabiensis ex Præposito Ecclesiæ Albenensis. 383. 2. jus eligendi mansionarios Canonicis restituit. *ibid.* obiit. 384. 1.
- Arba* insula varie appellata, & ubi posita. 223. 1. ejus regionis ac soli natura. 223. 2. variis dominis paruit, nunc Venetis. 224. 2. 226. 227. 1. 230. 1. 236. 2. 238. 1. 242. 1. 247. 1. 248. 2. 249.
- Arba* civitas describitur. 223. 2. variis dominis paruit; nunc Venetis. 224. 2. ejus ecclesiæ & monasteria. *ibid.* ædes cathedralis.

225. 1. *edis cathedralis Reliquiæ. ib.* a Northmannis vel Chrobatibus obfessa, implorato S. Christophori præsidio, liberatur. 230. 231. & a Colomano rege Hungariæ, eodem S. Christophoro opitulante. 232. 233. & tertio ab eodem Colomano. 234. 2. Castrum Kefsæ in insula Pago recipit. 241. 2. *Arbenſe* Capitulum, 225. 1. Ecclesiam S. Thomæ donat cœnobio S. Iuliani. 270. 1. *Arbenſes* temporibus apostolicis Christianam religionem amplectuntur. 224. 2. *Arbenſes* de eligendis Sanctuariis cum Comite conveniunt. 625. 2. rogant Pontificem, ut adiutorem Blasio Episcopo concedat Andream Cernotam. 627. 2. *Arbenſes* patroni ecclesiæ S. Martini, eandem ecclesiam donant ecclesiæ cathedrali Arbenſi, & interdicto a Jordano Episcopo subiecti, appellant ad Romanum Pontificem. 241. 1. *Arbenſes* interdicto ab Episcopo suppositi, Patriarcham Gradensem appellant. 243. 1. *Arbenſes* Episcopi recensentur. 225. 2. *Arbenſis* Episcopatus antiquus. 225. 2. Spalatensi Metropolitæ ademptus, Jaderino attribuitur. 236. 2. *Arbenſis* diocesis describitur. 224. 2. constans e Canonici duodecim. 259. 1. *Augustinus* Valerius Episc. Veronenſis, Viſitator apostolicus in Dalmatia, Synodum generalem convocat Jaderam. 131. 2. & seq. jubet inchoatum S. Simeonis templum absolvi, vel ejus corpus in locum honorificentiorum transferri. 139. 1. Reliquias Sanctorum Arbenſes exponi jubet in Ecclesia statis diebus. 271. 2. 627. 1. *Augustinus* Hermolaus, Episcopus Pagenſis electus. 179. 2. S. *Augustinus* Gazottus Episc. Zagrabiensis. 389. 2. natus Tragurii, ad familiam Dominicanam adscribitur, 390. 1. a Benedicto XI. electus & consecratus Episcopus. 390. 2. duo miracula, ut dicitur, patrat, antequam Roma discederet. 391. 1. in Hungariam venit, & pallium defert duobus Metropolitæ. *ibid.* Cœnobium Zagrabiæ suis Dominicanis fundavit 391. 2. Præbendarios Chasmenſes instituit, & ædem cathedralem ad fastigium perduxit. 392. 1. in pauperes caritate, in rebus puniendis severitate, in bonis ecclesiasticis recuperandis sollicitudine præditus. *ibid.* studiosus pacis & concordie. 392. 2. diocesim luſtravit, & Synodum diocesanam ter convocavit. *ibid.* Parochos, qui ad Synodum conveperant, alloquitur. *ibid.* & seq. socius adiutorque Legati Apostolici ad Hungaros Carolo Roberto regi conciliandos, 397. 2. 398. 1. causam Caroli in comitiis Hungaricis egregie perorat. 398. & seq. duobus Conciliis Nationalibus interest. 401. 2. Archidiaconatum Muracensem abolevit. 402. 1. Concilio generali Viennensi interest. 402. 2. bonorum Templariorum curam & administrationem suscipit. 403. 1. insulæ Zafcæ a Monachis Cisterciensibus ad monachas traditionem approbat, salvo jure patronatus Ecclesiæ Zagrabiensis. *ibid.* multa a Carolo rege Hung. obtinet beneficia, & veterum privilegiorum confirmationem, 404. 1. duo insignia miracula patrasse vivus dicitur. 404. 2. 405. 1. ad Lucerinam Ecclesiam transfertur. 405. 1. cur translatus. 405. 2. Tragurium appulit, inde Luceriam venit, *ibid.* obiit. 406. 2.

interesse non potuit Concilio Avenionensi. *ibid.* sepelitur Luceriæ apud Dominicanos. 407. 1. miracula post mortem edita. *ibid.* ab Joanne XXII. P. Divorum fastis adscribitur, eique cultus anniversarius decretus 408. & seq. ejus corpus a Traguriensibus sublatum Luceriam redit. 411. 2. Lucerinorum, Traguriensium, & Zagrabiensium adversus Augustinum religio. *ibid.* ejus cultus a Clemente XI. confirmatus, 412. lectiones propriæ ejus officii a Zagrabiensibus receptæ. 412. 2. 413. 2. cultus Zagrabiensis ejusdem. 413. 1. ejus vita e codice Zagrabiensi pervetusto. 414. 1. *Augustinus* alter Episc. Zagrabiensis expungitur, 415.

## B

**B** *Althassar* Episcopus Zagrabiensis. 486. 1. obiit. 487. 1. *Balthassar* Nofadinus Episc. Vegliensis. 313. 2. Alexandrum Episc. Zagrabiensem consecrat. 647. 1. *Balthassar* Adamus Kerefelichius Canonicus Zagrabiensis historiam scripsit Ecclesiæ Zagrabiensis. 330. 1. & partim edidit 330. 2. 331. 1. Emerici Esterhazii, & trium sequentium Episcoporum Zagrabiensium acta conscripsit. 601. 602. *Bani* Slavoniæ. 347. 2. *Bartholomæus* Archipresbyter, non Archiepiscopus Jaderensis. 109. 1. *Bartholomæus* Episcopus Zagrabiensis, regnante Colomano. 349. 1. *Basilus* Ep. Jaderensis, de quo nihil præter nomen. 40. 2. *Basilus* II. Ep. Jadr. expungitur e serie Antistitum Jaderensium. 45. 2. *Basilus* Ep. Abforensis interest Concilio provinciali Spalatensi. 195. 2. *Bela* III. Rex Hungariæ diploma Alexandri III. P. secundum Capitulum Zagrabiensem confirmat. 355. 1. *Bela* IV. Rex Hungariæ pacem Jaderinam cum Venetis confirmat. 75. 1. Seniam urbem donat Frangipaniis 299. 2. villam S. Martini adjudicat Philippo Episc. Zagrabiensi adversus Paullum filium Borichii. 372. 1. abrogandum curat Episcopatum Zagrabiensem Timotheo II. collatum, datis litteris ad Clementem IV. P. 374. 1. Timotheum tandem recipit, ejusque ecclesiæ multa concedit privilegia. 374. 2. Bullam auream Andreæ II. confirmat. 375. 1. *Benedictus* Capellus Archiep. Jaderensis. 163. 1. ad Ecclesiam Concordiensem transfertur. *ibid.* monumentum ei positum Venetiis in æde Mendicantium. *ibid.* *Benedictus* Phaledrus Patriarcha Gradensis confirmat donationem monasterii Jaderensis S. Demetrii monachis SS. Cosmæ ac Damiani. 70. *Benedictus* XII. P. commendat per litteras FF. Prædicatoribus Virgines Jaderinas S. Augustini. 95. 1. tria Sacerdota Jaderina confert. 95. 2. mandat Nicolao Archiep. Jaderino & Episcopis Scardonensi & Nonensi, ut inquirant & in quemdam equitem Hierosolymitanum pœnis canonicis animadvertant. 96. 1. mandat eidem Nicolao, ut Virgines Jaderinas S. Claræ anathemate exsolvat. 96. 1. causam Zagrabiensem de decimis delegat Abbati S. Mariæ de Toplica. 425. 1. *Be-*

- Benedictus* de Missolis cupit Episcopatum Pagensem. 176. 1.  
*Benedictus* de Zolio Episcopus Zagrabiensis. 473.  
 1. Demetrium Episc. Tinniniensem, electum Episcopum Zagrabiensem a rege Hungarię, anathemate ferit. 473. 2. Canonicis Zagrabiensibus potestatem testamenti condendi confirmat. *ibid.* ab Eugenio IV. P. ad Ecclesiam Tinniniensem transfertur, sed translationi assentiri noluit. 476. 2. Gubernatores Episcopatus Zagrabiensis nominat Comites Cilie *ibid.* Eremitis Paullinis amplissimum prædium donavit. 479. 1. ad aliquam Ecclesiam Hungarię cogitationem convertit. 480. 1. & de hoc Michaeli Pofoniensi præfecto mandatum dedit, eidemque & Archiepiscopo Strigoniensi se commendat. 480. 2. castrum Kemlek recuperat. 484. 1. in eade Chasmeni sodalitatē S. Spiritus instituit. 485. 2. potestatem conferendi Sacerdotia Chasmensia Capitulo Chasmeni restituit. *ib.* obiit. 486. 1.  
*Benedictus* II. Vinkovichius Ep. Zagrabiensis. 571. 1. antea Præpositus major & Vicarius generalis. 571. 2. & Episcopus Quinqueecclesiensis. 572. 2. fit Episcopus Zagrabiensis. *ib.* de duplici Abbatia controversia illi fuit cum Georgio & Nicolao Erdodiis. 572. 2. 573. 1. plures habuit cum Capitulo contentiones. 573. 2. 574. 1. a Capitulo Chasmeni lite imperitus. 575. 1. Synodum diocesanam coegit. 576. 1. decretum Ferdinandi II. Regis de non alienandis bonis ecclesiasticis a Ferdinando III. confirmandum curavit. 576. 1. januam maximam Cathedralis ecclesię ornare cœpit. 578. 1. commentarios Eccl. Zagrabiensis scripsit. 578. 2. obiit. *ibid.* ejus elogium. *ibid.*  
*Bernaldus* Ep. Zagrabiensis Templarios in Slavoniam invexit. 352. 2. Silvam Dumbrensem tertio recuperat, & diploma obtinet amplissimum a Stephano III. Rege Hungarię. 353. 1.  
*Bernardus* Florius ex ordine Cruciferorum Archiep. Jadertinus ex Episcopo Cydoniate. 163. 2. ejus sollicitudo, Turcico bello fervente. *ibid.* ejus pietas & obitus. 164. 1.  
*Bertrandus* legatus pontificius duo Sacerdotia concedit Episcopis Arbensibus, latis ad Georgium III. Ep. litteris. 246. 1. quid scripserit Joanni III. Archiep. Jadertino. 611. 2.  
*Blasius* Molinus Archiep. Jadrensis e Polensi Episcopo. 113. 1. ad Patriarchatum Gradensem translatus. 113. 2.  
*Blasius* de Kamong sententiam dicit contra cives Varadinenſes, qui decimas solvere abnuent. 494. 2.  
*Blasius* de Cherſo, ex ordine S. Francisci, vir insignis. 219. 2.  
*Blasius* Sideneus Ep. Arbensis cœnobiū S. Justine condendum ac dotandum curat. 270. 1. Augustinum Valerium Visitatorem apostolicum Arbam excipit. 271. 1. adiutorem obtinet Andreā Cernotam. 272. 1. ejus mors & inscriptio sepulchralis. 273. 1.  
*Bonaventura* Bernardus Ep. Abforensis. 223. 1. de historia Ecclesię Abforensis bene meritus. 223. 2.  
*Bonifacius* VIII. P. Henricum præficit Archiepiscopum Ecclesię Jadertine, datis ad eundem litteris. 86. 1. & Thomam Episcopum Ecclesię Vegliensi, datis ad eundem litteris. 302. 1. regem Hungarię declarat Carolum Robertum. 388. 2.  
*Bonifacius* IX. P. indulgentias concedit edibus Iadrenſibus S. Anastasię & S. Marię. 107. 2. jubet Lucam Archiep. Jadertinum in possessionem sacerdotii Iadrenſis admitti, datis litteris ad Abbatem S. Chryſogoni & Priorem Auranz. 109. 2. per litteras committit Angelo Presbytero Cardinali legationem pontificiam in Hungaria & Dalmatia. 110. 1. immunitates Eremitis Paullinis Zagrabiensibus concedit. 454. 1. 2.  
*Bonifacius* Ep. Abforensis. 198. 1.  
*Bonifacius* II. Ep. Abforensis. 198. 2.  
*Bonus* Episcopus Arbensis, de quo nihil præter nomen. 236. 2.

## C

- Cælestinus* III. P. facultatem a cœnobiarcha Iadrenſi S. Chryſogoni obtentam utendi insignibus pontificalibus confirmat. 65. 2.  
*Cæsar* Nardus ex Ordine S. Francisci titulum honorarium Episcopi Abforensis tantum obtinuit. 217. 2.  
*Capitulum* Lateranense recipit multisque privilegiis & indulgentiis donat cœnobiū tertii Ordinis Franciscani conditum in suburbio Arbenſi. 261. 2.  
*Capitulum* Chasmenſe & Poſſegę tabulis publicis consignarunt pacem & veniam inter Laurentium Ducem Vylachi & Lucam Episc. Zagrabiens. 514. tabulas compositionis conscribit in lite, quę Erdodiis erat cum Capitulo Zagrabiensi. 525. 2. 526. 527.  
*Cardinales* S. R. Ecc. indulgentias largiuntur viventibus Sanguinem prodigiosum J. Christi in æde Ludbregensi diocesis Zagrabiensis. 519. 2.  
*Carolus* Dux Calabrię de apotheosi Augustini Episcopi Zagrabiensis per litteras agit cum Joanne XXII. P. 407.  
*Carolus* Robertus filius Caroli Martelli regnum Hungarię usurpare conatur. 387. rex Hungarię declaratur a Bonifacio P. VIII. 388. 2. & ab Hungaris tandem receptus 398. 401. 2. privilegia Ecclesię Zagrabiensis confirmat. 404. 1. 418. 2. decimarum solutionem Episcopo Zagrabiensi, Græcensibus imperat. 419. 2. 424. 1. duo concedit, privilegia Ecclesię Zagrabiensi. 422. 2.  
*Carthusienses* Veglienses immunitate donati ac proventibus aucti a Duymo Comite Veglię. 302. 2.  
*Caspar* Ztzankovachius Episc. Zagrabiensis ex Præposito majori. 547. 2. alumnos Seminarii Zagrabi. & Bononiensis adigi jubet ad sacros ordines suscipiendos. 548. 2. & colonos castri Okunſiakenſis ad præstandam obedientiam Capitulo. *ibid.* leges in synodo præscripsit curatoribus animarum. 549. 1. subsidia cum Capitulo postulat a Rodolpho Imp. pro defensione castri Siscienſis. 549. 1. castrum Dombrenſe recepit, & cum ejus colonis de decimis tranſegit. 550. 2. obiit. 551. 1.  
*Cededa* pseudo-Episcopus, Sedem Vegliensem occupat, expulso Gregorio. 297. 2. anathemate confixus. 298. 1.  
*Chasma* nova a Stephano II. Episcopo Zagrabi. ædificata, & collegio Canonicorum aucta. 363. 2.  
*Chasmenſes* Canonici ad Capitulum & clerum Zagrabiensem aggregati. 345. 2. 536. 1. obtinent confirmationem juris signi Capitularis a Ferdinando Rege Hungarię. 536. 1. litem in-

- intendunt Episcopis Zagrabienfibus. 574. 2.  
*Chasmenfis* Præpositus. 364. 1.  
*Chersus* insula ac civitas describitur. 182. 2. varii ejus domini. *ibid.* quando lucem Evangelii acceperit. *ib.* templum ejus primum. 183. 2. & cœnobium, 184. 1. Collegium Canoniorum quando in urbe institutum. 209. 2. ejusdem Collegii arrogantia. 210. 2. idem Collegium confirmatur ab Altobello Averoldo pontificio Venetiis legato, 212. 2. ejus patronus S. Isidorus. 620. 1. se Venetis dedit. *ibid.*  
*Christophorus* de Comitibus Vicarius Vincentii Episc. Arbensis prodigium B. Virginis Novaliensis vidit, & testibus confirmatum voluit. 266. 2.  
*Christophorus* Presbyter Arbensis eligitur Episcopus Pagensis. 176. 1.  
*Christophorus* Maurus Dux Venetiarum imperat per litteras Comiti Absori, ut de quibus arguebatur Antonius Episcopus inquirat & ad se rescribat; itemque ut e proventibus episcopalibus Ecclesia & Episcopatus Absorensis restauretur &c. 204. 1. eidem Comiti scribit & mandatum superius revocat de exigendis & distribuendis decimis. 204. 2. castellum urbis Absori & palatium prætorium refici ac restitui jubet. 206. 1.  
*S. Christophorus* Patronus civitatis Arbæ. 225. 2. 230. 2. Arbum a Chrobotis obsessam liberat. 230. 231. & iterum a Colomano rege Hungariæ. 233. tertio ab eodem Colomano. 234. 2. ejus dies festi. 625. 1.  
*Chrysogonus* de Dominis Episc. Arbensis privilegiorum urbis & Ecclesiæ Arbensis confirmationem obtinet a Ludovico rege Hungariæ. 247. 1. & jus colligendi decimas ex Lycha & Bufana. 247. 2. ad Ecclesiam Traguriensem translatus. 248. 1.  
*Ciccha* matrona Jadrensis cum Domnana filia fundat monasterium S. Mariæ minoris. 19. 1. 46. 1. an ejusdem prima Abbatisa? 46. 2. 603. 2. a Cresimiro rege diploma impetrat pro suo monasterio. 46. 2. 47. 1. & alterum ab eodem. 49. 1. Insula Silvæ donatur ab Andrea IV. Ep. Jadertino & Dabro Priore. 49. 2.  
*Clemens* III. Papa donationem ecclesiæ S. Martini confirmat monasterio Jadrensi S. Chrysogoni. 65. 1.  
*Clemens* IV. P. indulgentias concedit omnibus aliquid subsidii conferentibus ad ædificationem templi Jadertini S. Platonis. 78. 1.  
*Clemens* VI. P. sententiam & censuram Abbatibus Toplicensis in Fratres Cruciferos Zagrabienfes latam confirmat. 428. 1.  
*Clemens* VIII. P. jubet per litteras Minutio Archiep. Jadrensi omnem studium ponere, ut Uscochorum licentia frenetur. 155. 1.  
*Clemens* XI. P. cultum B. Augustini Episcopi Zagrabienfis et Lucerini confirmat. 412.  
*Clemens* XIII. P. litteris gratulatoriis Joannis Lucæ Episcopi Arbensis respondet. 291. 2.  
*Colocensis* Ecclesia in Archiepiscopatum erecta. 351. 2. sedem archiepiscopalem Baciam translata mittit. 352. 1. recuperat. 352. 2.  
*Colomanus* Rex Hungariæ regia libertate donavit cœnobium Jadrense S. Mariæ minoris. 53. 1. Dalmatiam cum Jadera Venetis eripit. 53. 1. 2. Ecclesiam Jadertinam muneribus cumulavit. 53. 2. 605. 2. Jadrenfibus iratus a S. Donato terretur. 54. 1. Arbam oppugnaturus, a S. Christophoro arcetur. 232. 233. fœdus cum Venetis jungit adversus Norimannos 234. 1. Chrobotiam recipit. *ibid.* Dalmatiam eripit Venetis. 234. 2. ab Arbensibus repulsus, opitulante S. Christophoro. *ibid.* amplissimum decretum facit secundum Ecclesiam Arbensis. 236. 2.  
*Concilium* Constantiense generale abrogat litteras Joannis XXIII. Episcopis Hungaricis perniciosas. 459. 2. Capitulum Zagrabiense tueretur adversus Nicolaum Frangipanium. 460. 1.  
*Concilium* Basileense jubet Episcopo Vesprimiensi, & duobus Abbatibus, ut jura tueantur Ecclesiæ Zagrabienfis. 470. 1.  
*Concilium* provinciale Jadertinum I. 49. 1. II. 53. 2. III. 94. 1.  
*Concilium* generale Dalmatiæ Jaderæ habitum, ejusque Constitutiones. 131. 2. & seq.  
*Conradus* ex ordine S. Dominici e catalogo Episcoporum Arbensium expunctus. 250. 2.  
*Consilium* Slavonicum jubet decimas persolveri Episcopo Zagrabienfi a Nobilibus Varasdiensibus. 556. 2.  
*Constantinus* Episc. Siscianus secundo Concilio Salonitano interfuit. 329. 2.  
*Constantius* Episc. Siscianus. 326. 2. Arianus non fuit. 327. 1. nec Synodis Sirmiensibus Arianorum interfuit. *ibid.* a Photinianis gregem suum defendit. 327. 2. interest Concilio Aquilejenti contra Arianos. 328. 1. legatus Episcoporum Galliæ id est Norici ad idem Concilium. 328. 2. Arianis expulsis, & Photinianis repressis quietus usque ad obitum fuit. *ibid.*  
*Constantius* de Rubeis e Congregatione Somaſcha Episc. Vegliensis, primum Cephalleniz Episcopus. 312. 2. aram principem Ecclesiæ Venetæ S. Josephi consecrat. 646. 1.  
*Coriolanus* Garzadus Episcopus Absorensis. 216. 2. diœcesim lustravit. *ibid.* ædiculam S. Gaudentii refecit & ornavit. *ibid.* de bonorum ecclesiasticorum administratione lites habuit cum Communi Absorentium, quas Dux Venetiarum composuit. *ibid.* interfuit Concilio generali Dalmatiæ. 217. 1. legationem Colonienfem gessit. *ibid.* Episcopatum dimisit. 217. 2.  
*Cornelius* Pisaurus Archiep. Jadrensis. 126. 2. Franciscanis tertii ordinis Jaderam receptis domicilium attribuit. 127. 1. aram consecrat in monasterio S. Mariæ Vallis viridis Majurbii. 614. 1.  
*Colmus* Ep. Absorensis. 196. 2.  
*Cresimirus* IV. Rex Chrobotiæ agrum Berda donavit monasterio Jadrensi S. Mariæ minoris. 604. 1. idem donat libertate regia. 46. 2. 47. 1. 228. 2. erga monasterium S. Chrysogoni beneficus. 47. 48. Terra in Tochenia donat idem cœnobium S. Mariæ minoris. 49. 1. decretum de fundando cœnobio S. Petri Arbensis; & quicquid Arbensis Ecclesia possidebat, confirmat. 228. 2.  
*Cyprianus* Ep. Absorensis disciplinam monachorum S. Petri restituendam curat. 198. 2.  
*Cyriacus* Præpositus major Ecclesiæ Zagrabienfis. 346. 2. privilegium obtinet suæ Ecclesiæ ab Andrea II. Rege Hungariæ. 359. 2.

## D

**D**abro Ep. Vegliensis interfuit Concilio III. Lateranensi. 299. 1. 640. 2.  
*Damianus* Archiep. Jadrensis electus. 64. 2.  
 De-

**Demetrius** Episc. Zagrabiensis, antea Sirmienfis & Varadinensis. 438. 2. ab Ludovico rege Hung. orator missus ad Urbanum VI. P. & Clementem pseudo-pontificem. *ibid.* regnum Neapolitanum Carolo Parvo decretum a Pontifice confirmandum curavit. 439. 1. Cardinalis creatur & Archiep. Strigonienfis. *ibid.*

**Demetrius** Episcopus Tinniniensis eligitur Episcopus Zagrabiensis ab Uladislavo rege Hungariæ. 473. 1. anathemate percussus a Benedicto itidem Episcopo Zagrabiensi. 473. 2. e Tinniniensi ad Zagrabiensem translatus frustra ab Eugenio IV. P. 476. 2. Natali Episcopo Nonensi per Vitegium Episcopum Varadinensem causam suam commendat apud Pontificem. 477. 2. frustra confirmatur Episcopus a Nicolao V. & a Joanne Hunniade adjutus est. 478. 2. Ecclesiam Zagrabiensem tandem obtinet. 487. 1. privilegia prædecessorum Presbyteris Chasmenfis collata confirmat. 487. 2. ad Sedem Jaurinensem transferatur. 488. 2.

**Dionysius** Episc. Zagrabiensis ex Tinniniensi. 431. 1. ad Colocensem Ecclesiam translatus. *ibid.*

**Diploma.** Diploma Maji Prioris Jadræ, quo templum & monasterium S. Chryfogni restituit. 41. Stephani Bani Chrobatæ, quo templum ac domicilium a se constructum cœnobio S. Chryfogni donat. 43. 2. Cresimiri regis Chrobatæ secundum monasterium Jadræ S. Mariæ minoris. 604. 1. Cichæ matronæ, quo fundat idem. 46. 1. Cresimiri regis Chrobatæ idem monasterium *libertate regia* donantis. 47. 1. ejusdem unum & alterum secundum monasterium S. Chryfogni. 47. 48. ejusdem pro monasterio S. Mariæ minoris. 49. 1. Andreæ IV. Episc. Jadertini & Dabri Prioris, quo insulam Silvæ donarunt eidem cœnobio. 49. 2. Svinimiri Regis Chrobatæ secundum idem cœnobium. 50. 1. Dragi Prioris Jadræ & Andreæ V. Episcopi secundum Vekenegam & cœnobium Jadertinum S. Mariæ minoris. 51. 1. Laurentii Archiep. Spalatenfis idem diploma Dragi confirmantis. 51. 2. Colomani Regis Hungariæ pro eodem cœnobio. 53. 1. Michaelis Ep. Jadræ, quo monachis Belgradensibus S. Jo: Evangelistæ donat ecclesiam SS. Cosmæ & Damiani. 55. 1. Clementis III. P. secundum monachos S. Chryfogni. 65. 1. Cælestini III. P. secundum eosdem 65. 2. Capituli & civitatis Jadertinæ, qui cœnobium S. Demetrii tradunt monachis SS. Cosmæ ac Damiani. 70. 1. Benedicti Phaledri Patriarchæ Gradensis, eandem donationem confirmantis. 70. 2. Virginum Jadræ S. Petri, quo eisdem monachis SS. Cosmæ ac Damiani donant ecclesiam & domicilium S. Petri. *ibid.* Violæ Abbatis Jadræ S. Demetrii, quo donationem sui cœnobii confirmat iisdem monachis. 71. 1. Joannis Episc. Jadertini, quo eandem donationem confirmat. 73. 1. Belæ IV. pacem cum Venetis confirmantis. 75. 1. Leonardi Quirini Prætoris Jadræ, quo ædem S. Thomæ PP. Dominicanis tradi jubet. 75. 2. Clementis IV. quo indulgentias concedit subsidium conferentibus ad ædificationem templi Jadertini S. Platonis. 78. 1. Alexandri IV. P. qui in clientelam Sedis Apostolicæ Virgines Jadertinas S. Nicolai recipit. 79. 2. Benedicti XII. P. qui Virgines Jadertinas S. Augustini commendat FF. Prædicatoribus. 95. 1. Ludovici Regis Hungariæ, quo quo sigilli concedit Dominico II. Archiep. & Capitulo Jadertino. 98. 1. 2. Bonifacii IX. P. quo indulgentias concedit ædibus Jadræ S. Anastasiæ & S. Mariæ. 107. 2. Martini V. P. secundum Fratres Franciscanos Jadræ de Ulliano. 114. 1. Eugenii IV. P. quo Nicolao Præfidi cœnobii Franciscani de Ulliano potestatem concedit domum & ædem Jadræ recipiendi. 114. 2. ejusdem quo jubet Laurentio Archiep. Jadræ, ut templum & cœnobium Patrum S. Pauli primi Eremitæ absolvendum curet. 115. 1. Francisci Pisauri Archiepisc. Jadertini secundum Virgines Benedictinas Pagenfes. 124. 1. Andreæ II. Archiep. Jadræ, quo Abbatiam S. Michaelis Capitulo & Clero Jadræ confert. 128. 2. Pii V. Papæ eandem Abbatiam Patribus Dominicanis conferentis. 129. 2. Augustini Valerii Visitatoris Apostolici in Dalmatia, quo jubet inchoatum S. Simeonis templum Jadræ absolvi, vel ejus corpus transferri. 139. 1. Martini V. P. quo Capitulum Pagenfe confirmat. 173. 2. Nicolai Franci Legati apostolici, quo jus eligendi tibi Confessarii confirmat monialibus Pagenfis S. Margaritæ. 177. 1. Flavii Ursini Auditoris, quo privilegium Martini V. secundum Pagenfes confirmat. 180. 1. Jacobi Archiep. Jadertini secundum Ecclesiam Patavinam S. Antonii. 198. 1. Pauli II. P. secundum PP. Franciscanos tertii Ordinis S. Francisci Arbenfis. 206. 1. diploma quo conditum est cœnobium Arbenfe Benedictinum S. Petri in Valle. 227. 2. Cresimiri IV. regis Chrobatæ secundum Arbensem Ecclesiam. 228. 2. Pagenfis, quo cœnobium ac templum S. Petri de Neumis donant monasterio S. Michaelis de Sanfigo. 229. 1. Colomani regis Hungariæ secundum Ecclesiam Arbensem. 236. 2. Synodi Arbenfis secundum quemdam Joannem diaconum. 237. 1. Andreæ Episc. Arbenfis de eodem. 237. 2. Innocentii III. Papæ, quo bona cœnobii Arbenfis S. Petri communit auctoritate apostolica. 238. 2. Stephani Episc. Arbenfis secundum cœnobium S. Petri. 242. 2. Gregorii II. Episc. Arbenfis, quo monasterium S. Jo: Evang. tradit Patribus Franciscanis. 243. 2. Neapoleonis Legati Apostolici, quo eandem donationem confirmat. 245. 1. Bertrandi Legati pontificii secundum Episcopos Arbenfes. 246. 1. Ludovici regis Hungariæ secundum Ecclesiam Arbensem. 247. 1. Eugenii IV. Papæ secundum Custodes Sanctuarii Arbenfis 252. 1. ejusdem secundum Fratres Franciscanos de Observantia. 254. 2. duorum Vicariorum Leonelli Episcopi Arbenfis, quo Sacerdotium Arbenfe S. Thomæ conferunt Martino Nisoi. 259. 2. Capituli Larentensis secundum cœnobium Arbenfe tertii ordinis Franciscani. 261. 2. Capituli Arbenfis, quo ecclesiam S. Thomæ donant cœnobio S. Justinæ. 270. 1. Gregorii XIII. quo adiutorem dedit Blasio Episc. Arbenfi Andreæ electum Scardonensem. 272. 2. Belæ IV. Regis Hungariæ, quo Seniam urbem donat fratribus Frangipaniis. 299. 2. Raynerii Zeni Ducis Venetiarum, quo eosdem in gratiam recipit ac in possessionem Vegliæ restituit. 300. Nicolai IV. P. quo Lambertum præficit Episcopum Ecclesiæ Vegliensis. 301. 2. Bonifacii VIII. P. quo Thomam præficit Episcopum



Ecclesiæ Vegliensi. 302. 1. Eugenii IV. P. quo Angelum eidem Ecclesiæ præficit Episcopum. 304. 1. Nicolai V. quo cœnobium Vegliense Benedictinum supprimit, Patribusque Franciscanis tradit. 304. 2. Joannis Frangipanii Comitis Vegliæ secundum Eremitas S. Paulli. 305. 1. Nicolai II. Episc. Vegliensis secundum eisdem. 306. 1. Joannis Frangipanii secundum eisdem. 306. 2. Francisci Foscari Ducis Venetorum, quo Joannem Frangipanium Comitem Vegliæ in suam recipit fidem ac tutelam. 307. 1. Feliciani Archiep. Strigoniensis secundum Ecclesiam Zagrabiensem. 350. 2. Stephani III. regis Hungariæ secundum Ecclesiam Zagrabiensem. 353. 1. Belæ III. regis Hungariæ secundum Capitulum Zagrabiense. 355. 1. diplomata tria Emerici regis Hungariæ secundum Ecclesiam Zagrabiensem. 356. 1. 2. Andree II. Regis Hungariæ secundum Canonicos regulares S. Sepulcri. 357. 2. Innocentii IV. P. secundum Patres S. Sepulcri. 358. 1. diploma, seu bulla aurea, Andree II. regis Hungariæ secundum Ecclesiam Zagrabiensem. 358. 2. ejusdem alterum & tertium secundum eandem Ecclesiam. 359. 2. 360. 2. ejusdem secundum Stephanum II. Ep. Zagrabiensem. 362. 2. Stephani II. Episc. Zagrabiensis, quo instituit Capitulum Chasmense. 364. 2. Innocentii IV. P. secundum Capitulum Chasmense. 365. 2. Gregorii IX. P. qui compositionem inter Capitulum Zagrabiense, & Monachos S. Martini approbavit. 366. 12. Innocentii IV. P. secundum Philippum Episc. Zagrabiensem. 371. 2. Belæ IV. regis Hungariæ secundum Timotheum Episc. & Ecclesiam Zagrabiensem. 375. 1. Stephani V. regis Hungariæ secundum eandem. 375. 2. Ladislavi IV. regis Hung. quo castrum Medved restituit Ecclesiæ Zagrabiensi. 376. 2. ejusdem, quo privilegia & immunitates Ecclesiæ Zagrabiensis confirmat. 377. 1. ejusdem, quo Comitatum Gersenzem ab omni onere immunem eidem donat. 377. 2. ejusdem conversionem Cumanorum ad Fidem Catholicam jurejurando promittentis. 378. 2. Philippi Ep. Firmani, legati in Hungaria apostolici, quo donationem Comitatus Gersenzis, ab Ladislavo factam Timotheo Episcopo Zagrabiensi, confirmat. 380. 1. Ladislavi regis Hungariæ unum & alterum pro eadem Ecclesia Zagrabiensi. 380. 2. & tertium. 381. 1. Antonii Episc. Zagrab. quo jus eligendi Mansionarios Canonicis Zagrab. restituit. 383. 2. Capituli Quinqueeclesiensis conventa inter Banum Slavoniæ & Canonicos Zagrabienses confirmantis. 397. 1. S. Augustini Episcopi Zagrabiensis secundum Monachos Cistercienses. 403. 1. Caroli Roberti regis Hung. secundum Ecclesiam Zagrabiensem. 404. 1. 418. 2. Clementis XI. P. cultum S. Augustini Ep. Zagrab. & Lucerini confirmantis. 412. Caroli Roberti secundum Ladislavum Episc. Zagrabiensem adversus cives Græcenses. 419. 2. Michaelis Bani Slavoniæ, quo compositionem de decimis declarat inter Ladislavum Ep. Zagrabiensem & Græcenses. 420. 2. unum & alterum Caroli regis Hung. secundum Ecclesiam Zagrabiensem. 422. 2. Joannis Abbatis Toplicensis, quo sententiam dicit secundum Capitulum Zagrabiense contra Fratres Cruciferos. 426. 2. Nicolai Bani Slavoniæ, quo sententiam dicit secundum Capitulum Zagrabiensem

adversus Episcopum Corbaviæ de quarundam villarum jurisdictione. 429. 2. Ludovici regis Hungariæ secundum Ecclesiam Zagrabiensem. 433. 2. alterum ejusdem secundum eandem. 434. 2. Stephani Ducis Slavoniæ secundum eandem Ecclesiam. 435. 1. Capituli Varadinensis & Capituli Albenfis de Castro Medved secundum Capitulum Zagrabiense adversus Eberhardum Episcopum. 449. Eberhardi Episcopi Zagrabiensis, quo locum ædibus constituendis & immunitatem præbendariis Chasmenfis donat. 452. 1. alterum ejusdem, quo decimas Canonicis restituit. 453. 1. Bonifacii IX. P. secundum Eremitas Paullinos Zagrabienses. 454. 2. Sigismundi regis Hungariæ secundum oppidanos Ivanichii. 455. 2. Eberhardi Episc. Zagrabiensis secundum Eremitas S. Paulli. 456. 2. unum & alterum Martini V. P. secundum eisdem. 460. 2. 464. 1. Sigismundi regis Hung. secundum Capitulum Zagrabiense. 464. 2. Benedicti Episcopi Zagrabiensis secundum Canonicos Zagrabienses. 473. 2. ejusdem secundum Eremitas Paullinos. 479. 1. Pii II. P. secundum eisdem. 487. 2. Matthiæ regis Hungariæ secundum FF. Dominicanos Zagrabienses. 488. 1. ejusdem, quo privilegia Prædialium Zagrabiensium confirmat. 490. 2. ejusdem secundum Canonicos Zagrabienses. 492. 2. Osvaldi Episc. Zagr. secundum novos habitatores areæ Capitularis. 493. 2. Innocentii VIII. secundum Ecclesiam Zagrab. 494. 1. Matthiæ regis Hung. secundum Osvaldum Episc. Zagr. 497. 1. Sixti IV. P. secundum Dominicanos Zagrabienses. 498. 2. Angeli Episc. Ortani, legati apostolici, quo pacta de decimis inter Osvaldum & Dynastas Zagrabienses & Crisienes confirmat. 505. 1. Innocentii VIII. de iisdem. *ibid.* Uladislavi eadem pacta confirmantis. 507. 1. Cardinalium, quo indulgentias largiuntur sanguinem prodigiosum J.C. visentibus in æde Ludbregensi diœcesis Zagrabiensis. 519. 2. Leonis X. prodigium ejusdem sanguinis approbantis, & indulgentias visentibus decernentis. 520. 2. Ludovici regis Hung. quo testamentum Thomæ Card. Arch. Vesprimiensis confirmat. 524. 1. Ferdinandi regis Hungariæ secundum Canonicos Chasmenfes. 536. 1. Rodulphi II. Imp. quo Presbyteris Societatis Jesu Præfecturam Thurocensem attribuit. 544. 2. Ferdinandi II. Imp. ne bona Ecclesiæ Zagrabiensis alienentur. 563. 2. Ferdinandi III. regis Hung. confirmantis aliud Ferdinandi II. de non alienandis bonis Ecclesiæ Zagrabiensis. 576. 1. Innocentii X. P. quo privilegium pro suscipienda consecratione concedit Martino Episcopo Zagrabiensi. 579. 2. Ferdinandi III. Imp. de non alienandis bonis Ecclesiæ Zagrabiensis. 582. 1. Leopoldi Imp. contra avaritiam quorundam patronorum ecclesiarum Zagrabiensium. 587. 2. Petri II. Episc. Vegliensis, quo monasterium Benedictinum Vegliæ instituit. 639. 2. Dedochæ & Radi Sclavi Vegliensium, quo ejusdem monasterii institutionem confirmant. 640. 2. Anthasii civis Vegliensis secundum monachos Benedictinos Veglienses S. Jo: Baptistæ. 642. 2. Nicolai Comitis Vegliæ secundum monasterium Vegliense S. Joannis. 644. 1. 2. *Domana*, seu Dabrana, seu Doma Ep. Arbensis. 230. 1. 624. 2. sub quo Arba a Chrobotis obseffa, implorato præsidio S. Christophori, libe-

- liberatur. 231. 1.  
*PP. Dominisani*, Jaderam recepti. 73. 2. & æ-  
 de S. Thomæ donati. 75. 2. 76. 1. Jadrensi-  
 bus ab Innocentio IV. commendantur. 76. 2.  
 in templi & monasterii S. Platonis possessio-  
 nem immissi. 77. 78. 1. templum S. Platonis  
 ejusque principem aram consecrandam curant.  
 612. 1. reedificant 78. 1. Zagrabienses diplo-  
 ma obtinent a Matthia rege Hungariæ. 488. 1.  
 498. 1. in urbem Græcensem migrant. 498. 2.  
*Dominicus* Francus Archiep. Jadrensis. 74. 2.  
*Dominicus* II. e Caulensi seu potius Corcyrensi  
 Episcopatu ad Jadrensem Archiepiscopatum  
 translatus ex ordine S. Dominici. 97. 2. jus  
 sigilli archiepiscopalis & capitularis a Ludo-  
 vico rege Hungariæ impetravit. 98. 1. accu-  
 satus a Jadrensis apud Ludovicum. 99. 1. in  
 diffidio Traguriensium cum Phariensibus con-  
 sulitur. 612. 1. obit. 99. 2.  
*Dominicus* Episcopus Absorensis. 184. 1. deficit  
 a Romano ad Patriarcham Constantinopoli-  
 tanum. *ibid.* litteris Joannis VIII. paruit, &  
 ad obedientiam Sedis Apostolicæ se retulit.  
 185. 1.  
*Dominicus* Ep. Vegliensis duplici Concilio pro-  
 vinciali interfuit. 298. 2. victoriam Veglien-  
 sium de piratis sacris factis inscripsit. *ibid.* de  
 quo cum Comite Vegliæ convenerit? 299. 1.  
*Dominicus* de Reno a Capitulo Ecclesiæ Con-  
 cordiensis mercedem postulat pro ministerio  
 a se præstito Leonello Episcopo. 260. 2.  
*Dominicus* Maurocenus Comes Jadræ expellitur.  
 58. 2. Jadræ obsidet & ad Venetorum im-  
 perium redire cogit. 59. 1. sententiam dicit  
 secundum Antistitam S. Mariæ Jadrensis ad-  
 versus aliam S. Platonis. 59. 2.  
*Dominicus* Ferriciolus Crepsensis; ejus multa &  
 munifica pia legata. 221. 2.  
*Dominicus* Episc. Zagrabiensis. 355. 2. tria ob-  
 tinet diplomata ab Emerico rege Hungariæ.  
 356. 1. 2. & ab Andrea ejus fratre. 356. 2.  
 jussus ab Innocentio III. ut ediceret Spala-  
 tensi & Hydruntino Archiepiscopis interdi-  
 ctum esse sacris omnibus. 357. 1. obit. 357. 2.  
*Domnius* Gaudentius Episc. Arbensis. 282. 2.  
*Domnius* II. Zenus Episc. Arbensis. 284. 2. e-  
 jus acta & decreta. 285. 1.  
*Donationes* factæ monasterio S. Chrysogoni Ja-  
 derenfi. 604. 1. 2.  
*S. Donatus* Ep. Jadrensis. 30. 1. cum Paulo  
 Duce Jadræ legatus ad Carolum Magnum  
 missus Dalmatiam maritimam eidem tradidit.  
 30. 2. legatus Constantinopolim missus, Ni-  
 cephorum Imp. Dalmatis iratum reconcilia-  
 vit. 32. 1. Corpus S. Anastasiæ junioris Ja-  
 deram attulit. 32. 1. 33. 2. sicut & corpora  
 SS. Chrysogoni & Zoili. 37. 1. 2. item &  
 corpora SS. Agapes, Chionizæ, & Irenes.  
 37. 2. templum SS. Trinitati ædificavit. *ibid.*  
 quod de dracone ab illo cæso narratur, fa-  
 bulosum. 38. 1. sepultus in æde SS. Trini-  
 tatis. *ibid.* patronus Jadræ. *ibid.* Colomanum  
 regem ab excidio Jadræ deterret, & Jadren-  
 ses a peste liberat. 38. 2. 54. 1. ejus corpus  
 a Luca Stella Archiepiscopo in summo alta-  
 ri SS. Trinitatis collocatum. *ibid.* 158. ob  
 ejus ædem usu profano violatam pestis Jade-  
 ram invasit. 164. 1.  
*Drago* Ep. Arbensis auctor & conditor cœnobii  
 Benedictini S. Petri in Valle. 227. subscri-  
 psit privilegio Crefimiri IV. concessio Vir-  
 ginibus Jadrensis. 228. 2. & donationi,

quam Pagenfes fecerunt cœnobio S. Michaelis in Sanfigo. 229. 1.  
*Dub* Episcopus Zagrabiensis primus. 348. 2. ge-  
 nere Slavus. *ibid.* Ejus Episcopatus initium,  
 & finis intra an. circiter 1093. & 1100.  
 349. 1.

## E

**E** *Berhardus* de Alben Episcopus Zagrabiensis  
 449. 1. Bonifacio IX. legitimo Pontifici  
 constanter adhæsit. *ib.* Castrum Medved sibi  
 & suæ familiæ a Sigismundo rege Hungariæ  
 donandum curavit. *ibid.* parœcias quasdam  
 trans murum recuperat. 450. 1. multa decer-  
 nit Canonicis suis utilia. *ibid.* Sigismundo  
 fidelis ac perutilis. 450. 2. ut e custodia  
 evaderet, operam contulit. 451. 1. Banus Sla-  
 voniæ ab eodem constituitur & Cancellarius  
 regius. *ib.* præbendariis Chasmensibus locum  
 ædibus construendis & immunitatem donat.  
 452. 1. iisdem testamenti condendi potestatem  
 facit. 453. 1. decimas Canonicis restituit. *ib.*  
 ad Varadinensem Ecclesiam transit. 455. 1.  
 privilegia oppidanis Ivanichii concedit. *ibid.*  
 ad Ecclesiam Zagrabiensem e Varadinensi re-  
 diit. 456. 1. conductoribus & colonis prædio-  
 rum episcopali Chasnam conventum edi-  
 xit. 456. 2. privilegiis Eremitarum Ordinis  
 Paullini cautum esse voluit. *ibid.* immunita-  
 tem ab decimis quibusdam episcopalibus cle-  
 ro Zagrabiensi concessit. 457. 1. avaritiam &  
 iniquitatem ministrorum episcopali edicto  
 severissimo coercuit. 457. 1. 2. in præfectos  
 quorundam oppidorum edictum aliud pro-  
 mulgat. 458. quadam decernit suæ Ecclesiæ  
 utilia. 460. 2. obit. 461. 1.  
*Elisabetha* regina Hungariæ; ejus religio erga  
 corpus S. Simeonis Prophetæ. 83. 1. 99. 1.  
 arcam argenteam, in qua reponeretur, fieri  
 jubet. 100. 1. 2. ejusdem corporis auferendi  
 suspicionem Jadrensis injicit. 101. 1. capta  
 cum filia a perduellibus, obit Novigradi.  
 102. 1.  
*Emericus* Eszterhasius Episcopus Zagrabiensis ex  
 ordine Eremitarum S. Paulli. 592. 2. antea  
 Episcopus Vacienfis. 593. 1. Zagrabiam ve-  
 nit. 593. 1. cum Varadinensi & Nitriensi Epi-  
 scopis de primatu loci contendit. 593. 2. de  
 reficiendis ædibus Præpositi & Lectoris con-  
 troversiam dirimit secundum Canonicos. 594.  
 2. 595. 1. 2. auctor fuit Chrobotis ut jus he-  
 reditarium regni Chrobotici etiam feminis Au-  
 striacis concederent. 595. 2. 596. 1. Consilia-  
 rius regius & Comes eligitur, nec non suc-  
 cessor designatur Archiepiscopi Strigoniensis.  
 596. 1. jus decimarum Pofegandarum lite at-  
 que judicio persequitur. 596. 2. liberalis erga  
 animas igni purgatorio addictas. *ibid.* de de-  
 cimis Pofeganis causam obtinet. 597. 1. Vien-  
 næ detinetur a Cæsare. *ibid.* gravissima ne-  
 gotia ibi expedit. 597. 2. redire Zagrabiam  
 cupit. *ibid.* donaria pretiosissima Ecclesiæ suæ  
 mittit. 598. 1. similiter & aliis Ecclesiis. 598. 2.  
 decernendam curat successionem feminarum in  
 regnum Hungariæ. *ibid.* Pofonium eapropter  
 venit, & conventibus omnibus interest. 599.  
 1. ad Ecclesiam Vesprimiensem ducitur trans-  
 ferendus. 599. 2. & transfertur. 600. 1. de ejus  
 translatione certiores facit Canonicos Zagra-  
 bienses per litteras. *ibid.* quid egerit in Epi-  
 scopatu Vesprimiensi. 600. 2. transfertur ad  
 Metropolim Strigoniensem. *ibid.* ejus obitus,  
 se-

- sepulcrum, & epitaphium. *ibid.* ejus vitæ compendium ex Kereselichio. 601. 1.
- Emericus* Rex Hungariæ tria privilegia Ecclesiæ Zagrabiensi concedit. 355. 2. 356.
- Episcopus* Valachorum primus, & ejus sedes. 558. 2. subjectus Episc. Zagrabiensi. *ibid.*
- Eremitæ* S. Paulli templum Vegliense SS. Cosmæ & Damiani obtinent a Comite Vegliæ. 305. 1. & confirmationem ejusdem a Nicolao II. Episc. Vegliensi. 306. 1. & a Joanne Comite Vegliæ. 306. 2. a Venetis defensi, & privilegiis & immunitatibus aucti. 308. 2. Zagrabienses a Bonifacio IX. P. immunitate donati. 454. 2. & ab Ebherardo Episc. Zagrabiensi. 456. 2. & a Martino V. P. 460. 2. 464. 1. a Pio II. P. obtinent diploma, quo donationem Benedicti Episc. Zagrab. confirmat. 487. 2.
- Evangelista* Parzagus Archiep. Jadrensis, ex ordine S. Francisci. 165. 1. aliquid controversiæ habuit cum Episcopis provincialibus & cum Nonensi. 165. 2. ejus obitus, sepulcrum, & epitaphium. *ibid.* & elogium. 166. 1.
- Eugenius* III. Papa instituit Archiepiscopatum Jadertinum. 57. 1.
- Eugenius* IV. Papa potestatem facit Nicolao Præfidi cœnobii Franciscani de Ulliano recipiendi domum & ædem Jadrensem. 114. 2. jubet Laurentio II. Archiep. Jadertino, ut cœnobium & ædem PP. S. Paulli primi Eremitæ absolvendam curet. 115. 1. quædam privilegia concedit custodibus Sanctuarii Arbenfis. 252. 1. quatuordecim cœnobîa recipiendi potestatem facit B. Joanni de Capistrano Vicario Fratrum Franciscanorum de Observantia. 254. 2. Angelum præficit Ecclesiæ Vegliensi Episcopum. 304. 1. jubet Joanni Episc. Zagrab. ut monasterium Virginibus S. Claræ fundandi potestatem faciat Sigismundo Imperatori. 466. 2.
- Eusebius* Priolus Episc. Vegliensis ex Abbate S. Michaelis Muriani. 309. 2. 646. 1. veneno epoto, obiit, *ib.* reliqua de eo monumenta. 646. 1. 2.
- F
- F** *Elicianus* Archiepisc. Strigonienfis Silvam Dumbrensem Ecclesiæ Zagrabiensi adjudicat. 350. 2.
- S. Felix* primus Episcoporum Jadrensium, cujus nomen extet. 24. 2. interest Concilio Aquilejensi. *ibid.* & Mediolanensi. 25. 1.
- Ferdinandus* rex Hungariæ erga Episcopum & Capitulum Zagrabiense benignus. 529. 1. Capitulum & populos illi subjectos tributis eximit. 529. 2. jus signi capitularis Canonicis Chalmensibus confirmat. 536. 1. Imperator vetat bona Ecclesiæ Zagrabiensis abalienari. 563. 2.
- Ferdinandus* III. rex Hung. privilegium Ferdinandi II. Imp. confirmat de non alienandis bonis Ecclesiæ Zagrabiensis. 576. 1. idem confirmat Imperator. 582. 1.
- Firminus* Episc. Jadrensis tabulas testamentarias Andreæ Prioris Jadræ obsignat. 39. 2. Concilio nationali Dalmatico & provinciali Spalatensi interfuit. 40. 2. ad quem scripsit Leo VI. Papa. *ibid.*
- Flavius* Ursinus Auditor generalis Pii P. IV. recognoscit & approbat privilegium Martini V. concessum Ecclesiæ Pagensi. 180. 1.
- Francica*, seu Francita, Ep. Zagrabiensis, Concilio Strigonienfi interfuit. 350. 1. Silvam Dumbre Ecclesiæ Zagrabiensi ereptam recuperat. *ibid.* ad Colociensem Ecclesiam translatus. 350. 2.
- PP. Franciscani* Jaderam recepti. 73. 2. 114. & Vegliam. 302. 1.
- PP. Franciscani* Conventuales cœnobium & domicilium obtinent Crepsæ. 210. 1. & monasterium Arbenfe S. Joan. Evangelistæ. 243. 2.
- PP. Franciscani* Observantes in diœcesim Abso-rensensem recepti. 210. 1. & Arbam. 263. 2. & seq. ædem S. Bernardini Senensis Arbæ recipiunt. 257. 2. duo obtinent cœnobîa in diœcesi Zagrabiensi. 581. 2.
- PP. Franciscani* tertii Ordinis Jaderam adveniunt. 612. 2. 613. 1. e scopulo Galevaz transeunt in insulam Salam. 119. Ministrum provincialem obtinent a Sixto IV. 119. 2. eo creverunt, ut Ordo decem cœnobîa in Dalmatia complecteretur. 120. 1. cœnobium in oppido Silvæ obtinent. 164. 2. & in diœcesi Absorensi. 205. 1. 206. 207. 1. 210. 1. & in suburbio Arbenfi. 261.
- S. Franciscus* Xaverius Zagrabiæ cultus. 581. 2.
- Franciscus* Xaverius Klobusiczki Episcopus Zagrabiensis. 601. 2. antea Nemefinus, dein Transilvanus. *ibid.* ad Archiepiscopatum Colocensem translatus. 602. 1.
- Franciscus* Erghelius Episc. Zagrabiensis. 561. 1. primum Episc. Bosnensis & Vesprimiensis. 561. 2. communem inopiam sublevat. *ibid.* Canonicatum & Archidiaconatum cathedralem a Jo. Tomco Marnavito Nicolao Medachi collatum esse ægre tulit. 562. 1. ad restituendam ædem cathedralem plurimum contulit. *ibid.* turrin campanariam inchoatam & intermissam, cum e gravissimo morbo convalesceret, perficiendam curavit. 563. 1. diploma impetrat a Ferdinando II. Imp. ne bona ecclesiæ suæ alienari liceat. 563. 2. de bonis Canonicorum, qui intestati decedunt, providentissime sancivit. 564. 2. de lampade ante Eucharistiam perpetuo alendam pie decrevit. 565. 1. synodum indixit, ut privilegia suæ Ecclesiæ tueretur contra decreta Synodi Tyrnaviensis. 565. 566. pontificio mandato de ritu Romano adhibendo in liturgia obtemperat. 570. 1. Archidiaconum Goricensem Capitulo movit. 570. 2. litem habet cum Capitulo. 571. 1. obiit. *ibid.*
- Franciscus* II. Thauszy Episcopus Zagrabiensis ex Bosnensi. 602. 1. ejus præclare gesta & obitus. 602. 2.
- Franciscus* Necusantius Archidiaconus Arbenfis. 266. 1. ejus inscriptio sepulcralis. *ibid.* prodigium vidit, & testium confirmatione munivit. 266. 2. 267. 2.
- Franciscus* Episc. Vegliensis jussus ab Eugenio IV. ut persolvendas curet decimas Capitulo Arbenfi ab incolis Novaliæ. 304. 2. 646. 1. & a Nicolao V. ut cœnobium Benedictinum Vegliensem supprimat, & tradat FF. Franciscanis. 304. 2. templum SS. Cosmæ & Damiani a Comite Vegliæ impetrat Eremitis S. Paulli. 305. 1.
- Franciscus* II. de Marchis Episcop. Vegliensis. 313. 1. 646. 2.
- S. Franciscus* Jaderam venit. 72. 2. & Absorum. 197. 1.
- Franciscus* Fosdari Dux Venetiarum jubet Archiepiscopo Jadertino tradere claves Arcæ S. Si-

- Simeonis iis, ad quos pertinebant, datis litteris ad Praetorem & Praefectum Jadræ. 121. 1. unam autem restitui Archiepiscopo jubet, datis ad eisdem litteris. *ibid.* potestatem facit Pagensibus civitatis Pagi alio transferendæ. 175. 1. in suam fidem ac tutelam Joannem Comitem Vegliæ recipit. 307. 1. Nicolaum Episcop. Arbensem jubet Arbi commorari. 616. 2.
- Franciscus** Pisaurus Archiep. Jadrensis. 123. 2. Romæ versatur. *ibid.* Assistens folio pontificio creatur. *ibid.* interest Concilio Lateranensi. 124. 1. lustrat urbem & insulam Pagi. *ibid.* Virginibus Benedictinis Pagensibus annuos proventus assignat. *ibid.* dimisso Archiepiscopatu, titulum Patriarchæ CP. sumit. 124. 2. Romæ moratur. *ibid.* ejus elogium. 125. 1.
- Franciscus** Maripetrus Praetor Absori sententiam tulit secundum Commune Absorensem adversus Marcum Episcopum in lite de administratione reddituum ædis cathedralis. 208. 1.
- Franciscus** de Philippo Ep. Arbenensis ex Archidiacono. 245. 2.
- Franciscus** II. Servandus Ep. Arbenensis ex ordine S. Dominici. 251. 1. translatus ad Ecclesiam Justinopolitanam. *ibid.*
- Franciscus** Brazza Presbyter ædem Arbi exstruit D. Antonio Patavino. 638. 2.
- Frangipanii** jure fiduciario Vegliam insulam obtinent. 295. 2. 299. 1. 300. urbe Senia donati a Bela IV. rege Hungariæ. 299. 2. avitum Frangipaniæ gentis nomen resumunt. 303. 2.
- Frangerius** Episc. Arbenensis, seu potius Albenensis. 242. 1.
- Fridericus** Althanus vitam Minutii de Minutiis Archiep. Jadertini conscripsit. 142. 1.
- Fridericus** Rosa Episc. Vegliensis. 314. 1. 647. 1. ad Ecclesiam Nonensem translatus. *ibid.*
- G
- G**. Episcopus Absorensis, de quo nihil. 197. 1.
- S. Gaudentius** Episcopus Absorensis. 185. 2. cui etiam Petri nomen fuit. *ibid.* 617. 2. æqualis B. Petro Damiano. *ibid.* ejus vita a Monacho synchrono descripta. 186. 187. 188. exemplo fuit B. Petro Damiano ad Episcopatum dimittendum. 189. 1. testimonia viro- rum illustrium de S. Gaudentio. 189. 1. 2. Episcopus fuit Absorensis, non Arbenensis. 190. 1. Anconæ Episcopatum dimisit, & monachus factus obiit ibidem 190. 2. ejus cultus Anconæ. *ibid.* post corpus alio avectum obsolevit. 191. 1. Absorum transfertur. 191. 2. aliæ atque aliæ translationes. 192. 1. 197. 1. 221. 2. Arcæ tres, in quibus exinde conditum fuit. 192. 2. Brachium ejus sejunctum a corpore. *ibid.* ejus cultus Absori. *ibid.* 193. 1. Loca ejus vestigiis consecrata. 193. 2. Absorensem religio ac fiducia erga S. Gaudentium. 194. 1. Absorenses & Crepsenses serpentes innoxii ob S. Gaudentii merita. 194. 1. 2. comes fuit S. Romualdi. 617. 2. monasteria ab eodem fundata. 617. 2. 618. 1. quædam de ejus Episcopatu & obitu discutiuntur. 618. 2. 619. 1. ejus recentior translatio. 619. 1. 2.
- Gentilis** Card. Legatus Sedis Apostolicæ a clero Jadertino non recipitur. 90. 1. Clerum citari jubet. 90. 2. 91. 1. & qui litteras suas dilaceraverant & populum ad seditionem incita- verant. 91. 2. Georgio Ep. Arbenfi anathe- matis poenam inflixit. 244. 2.
- Georgius** Caravanichius Archipresbyter Pagensis recognoscendum & approbandum curat privi- legium Martini V. Papæ concessum Ecclesiæ Pagensi. 180. 1.
- F. Georgius** de Hermolais Ep. Arbenensis interest per procuratorem Concilio generali Gradenfi. 244. 1. Vicarius Jacobi Archiep. Jadertini. *ibid.* a Gentile Legato apostolico excommu- nicatus, appellat ad Sedem Apostolicam. 244. 2. scripsit historiam victoriæ Arbensium pa- trocinio S. Christophori partæ. 231. & alterius. 232. 233. & tertiæ. 234. 2. 245. 1. in- vitatus ad Concilium Viennense. *ibid.* privi- legia Arbensium confirmantur in ejus Episco- patu. 625. 1.
- Georgius** II. de Hermolais Ep. Arbenensis. 245. 2.
- Georgius** III. de Hermolais Ep. Arbenensis ex Archidiacono. 246. 1. duo Sacerdotia a Bertran- do legato apostolico obtinet. *ibid.* interest Concilio provinciali Jadertino, in quo con- troversia inter Arbenses & Jadrenses Canoni- cos componitur. 246. 2.
- Georgius** Georgiceus Episc. Vegliensis ex electo Nonensi. 313. 1. 646. 2. dioccesim lustravit. *ibid.*
- Georgius** Drafcovichius Episc. Zagrabiensis ex Episcopo Quinqueeclesiensi. 539. 2. 540. 1. Orator Ferdinandi II. regis Hung. ad Con- cilium Tridentinum. 540. 1. acta & decreta Tridentina promulgavit. 540. 2. tres synodos diocæsanæ habuit. 541. 1. pater patriæ & pau- perum appellatus. *ibid.* Seminarium clerico- rum instituit. *ibid.* a Pio V. P. per litteras commendatus. 541. 2. Banus trium regnorum a Maximiliano Cæsare constituitur. *ibid.* Seditiones coercet. & Turcas a Slavonia depel- lit. 542. 1. petit ut liceat sibi Banatum de- ponere. 542. 2. Ecclesiæ privilegia & immu- nitates vindicat. 543. 1. hæreticos exterminat. *ib.* Præpositum Chasmensem apostatam anathemate confixit. 543. 2. Archiepiscopus Colocensis designatur. 544. 1. fit Episcopus Jaurinensis. *ibid.* & Cardinalis. 544. 2. Præ- posituram Thurociensem Presbyteris Societatis Jesu a Rodolpho Imp. attribuendam curavit. *ibid.* obiit. 545. 1. ejus elogia. *ib.* ejus ope- ra litteraria. 546. 2.
- Georgius** II. Braniugh Episcopus Zagrabiensis ex Archidiacono Kemlekenfi. 601. 1. ejus egre- giæ virtutes, præclare facta, & obitus. 601. 2.
- Gigus** ex ordine S. Francisci eligitur Episcopus Absorensis. 199. 2.
- Gothsaldus** Ep. Zagrabiensis ex monacho S. Be- nedicti. 352. 2.
- Gothardus** Ep. Zagrabiensis notus ex diplomate Andrea II. regis Hung. 357. 2. obiit. 358. 1.
- Græcenses** adjuti contra Turcas a Zagrabiensibus pacem cum iis stabiliunt. 491. 2.
- S. Gregorius** Magnus admonet per litteras Jader- tinos, ut cum Maximo in sedem Salonitanam intruso nulla sit illis societas. 27. 1. item & Sabinianum Ep. Jadertinum, quem jubet Ro- mam venire. *ibid.* alteras eidem mittit litte- ras, quibus obligatione Romæ adeundæ eum exsolvit. 27. 2. tertiâs itidem consolatorias. 28.
- Gregorius** Ep. Jadrensis. 52. 2. Concilio pro- vinciali Jadrensi interfuit. 53. 2.
- Gregorius** Ep. Arbenensis interest Concilio pro- vinciali Spalatenfi. 230. 1.
- Gregorius** II. de Hermolais Ep. Arbenensis. 243. 1. in-

1. interdicto supponit Arbenfes. *ibid.* domicilium & templum S. Jo: Evangelistæ tradit Patribus Franciscanis. 243. 2. interest consecrationi ecclesiæ Jadrensis PP. Prædicatorum. *ib.* ædem cathedralem curat restaurari. 244. 1.
- Gregorius*, vel *Georgius* Ep. Vegliensis. 297. 1. interest Concilio provinciali Spalatenfi. *ibid.* a Cedula Episcopo schismatico expulsus. 297. 2. suam sedem recuperat. 298. 1.
- Gregorius* IX. P. Joannem Archiep. Jadertinum per litteras reprehendit, quod Fratres Ordinum SS. Francisci & Dominici male acciperet. 73. 2. compositionem inter Capitulum Zagrabiensem & Monachos S. Martini approbat. 366. 1. 2.
- Gregorius* XIII. P. adjutorem dedit Blasio Episcopo Arbenfi Andreæ Electum Scardonensem. 272. 2.
- Guido* Patriarcha Gradenfis consecrat Ecclesiam Jadertinam S. Platonis. 78. 2. 243. 2.
- Guido* Cardin. Legatus apostolicus in Hungar. excommunicatum declarari jubet Henricum Commendatorem de Chernomel & Fratres Cruciferos Zagrabienses. 432. 2.
- Guillelmus* Episcopus Abforensis ab Crescentio Archiep. Spalatenfi consecratus. 196. 2.
- Guillelmus* II. Ep. Abforensis. 198. 2.

## H

- H** *Enricus* Archiep. Jadertinus ex ordine S. Francisci. 85. 2. a Bonifacio VIII. P. renunciatus. 86. 1. Martinum primum Sibenicensium Episcopum consecrat. *ibid.* obit. 86. 2.
- Henricus* Commendator de Chernomel decimas territorii Metlikensis solvere negat Capitulo Zagrabiensi. 424. 2. semel atque iterum citatus, demum adfuit coram Judice delegato a Benedicto XII. P. 425. 1. damnatur ab eodem Judice. 426. 1. & ab aliis delegatis pontificiis excommunicatus declaratur. 429. 2. 430. 1. 432. 433. 1.
- Hieronymus* Fonda Episc. Traguriensis suum Auditorem creat Jo: Lucam Garagninum. 286. 2. eidem partes suas absens committit cum plena potestate. 287. 1.
- Hieronymus* Episc. Vegliensis. 643. 2.
- Honorius* III. P. duas epistolas, alteram ad Capitulum & clerum, alteram ad Archiepiscopum & Episcopos provinciæ Jadertinæ mittit. 73. 1. de quodam Episcopo Zagrabiensi gravium criminum reum scribit ad Patres Dominicanos. 361. 2.

## I

- I** *Jacobus* Theupolus mandat Comiti Jaderæ ejusque Consiliariis, ut quid sentiant de ædibus PP. Dominicanis assignatis, sibi rescribant. 76. 1.
- Jacobus* de Fulgineo ex ordine S. Francisci Archiepiscopus Jadertinus. 86. 2. de mala administratione decimarum accusatur. *ibid.* querelas ea de re gravissimas componit. 87. 88. 89. ad Concilium Viennense invitatus a Clemente V. 92. 2. obit. 93. 1. Indulgentiam concedit Ecclesiam Patavinam S. Antonii invisentibus. 198. 1.
- Jacobus* Picenus Primicerius Abforensis mandata Paulli II. P. exsequitur secundum FF. Franciscanos tertii Ordinis Abforenses. 206. 2.

- Jacobus* Bertaldus Episcopus Vegliensis e Veneto Cancellario. 303. 1. 643. 2. ejus epitaphium. *ibid.*
- Jacobus* Episc. Zagrabiensis cum altero Jacobo confusus. 416. 1.
- Jacobus* II. Ep. Zagrabiensis ex Præposito majori. 417. 2. vel mortuus anno eodem, vel ad aliam ecclesiam translatus. 418. 1.
- Jacobus* III. Episc. Zagrabiensis ex Chanadiensi. 427. 1. terras & decimas Capitulo ereptas, curat ex regio mandato restituendas, *ib.* decimarum solutionem recuperat. 427. 2. causam discordiarum præcidit inter Capitula Zagrabiense & Chasmense. 429. 1. recognitionem terrarum episcopatum approbat. *ibid.* obiit Budæ. 429. 2.
- Jadera* princeps Liburniæ civitas. 1. 1. ejus etymon & origo. *ibid.* 11. 2. regibus Illyricis paruit. 1. 2. deinde Romanis. 2. 1. colonia Romanorum sub Augusto. 2. 2. 12. 1. an ab Avaribus diruta fuerit, incertum. 29. 2. variis postea dominis paruit. 4. 1. 30. 31. Venetorum accipit imperium. 4. 2. 42. redit ad imperium Orientis. 5. 1. 43. 1. rursus in Venetorum fidem ac tutelam se confert. *ibid.* 50. 1. nunc Hungaris, nunc Venetis, demum Venetis paruit. 5. 2. 53. 54. 1. 59. 1. 64. 1. 69. 73. 2. describitur. *ibid.* ejus ædificia & magistratus. 6. 1. & territorium. 6. 2. 7. 1. ejus ædes cathedralis, templa, cœnobia, & Seminarium. 8. Divorum Reliquiæ quas veneratur. 9. 10. 1. 13. 14. 1. 21. 2. novorum mœniorum Jadrensi constructio. 86. 2.
- Jadertina* Ecclesia. 1. temporibus apostolicis æqualis. 7. 1. 12. 2. jure metropolitico donata. 7. 2. 12. 2. 57. 1. ejus diœcesis. 10. 1. 2. 12. 2. jurisdictione & insulis aucta. 54. 2. tres Episcopos habet sufraganeos. 57. 1. subjicitur Patriarchæ Gradenfi ab Adriano IV. P. 57. 2. 58. 1. 59. 2.
- Jadrense* Capitulum vetus. 7. 2. 14. 2. 103. a Petro II. Archiep. restitutum, auctum, & reformatum. *ibid.* 15. 103. Privilegium sigilli habebat. 8. 1. 16. 2. 98. 1. ædem S. Thomæ PP. Dominicanis tradi jubet. 75. 2. quædam ejusdem leges. 104. & seq. alia ejusdem decreta. 115. 2. Vicarium eligit in interregno episcopali. 126. 1.
- Jadrense* Capitulum jus colligendi decimas ex Lycha & Bufana recognovit & legitimum esse declaravit.
- Jadrenses* Episcopi & Archiepiscopi. 1. recensentur. 10. 2. 11. 1.
- Jadrenses* laudantur. 6. 1. 12. 1. de Venetis egregiam referunt victoriam. 65. 1. a Venetis expugnati in gratiam redeunt. 69. cœnobium S. Demetrii donant monachis SS. Cosmæ ac Damiani. 70. 1. a Venetis deficient, ab eisque expugnati venia donantur. 74. 2. 75. 1. cultum S. Chrysogoni augent. 89. 2. a Venetis ad Carolum Regem Hungariæ deficient. 92. 2. ad Venetos redeunt. 93. 1. eorum fides Venetis suspecta, a quibus veniam impetrant. 96. 2. 97. 1. ad Ludovicum regem Hungariæ redeunt. 97. 2. ab Sigismundo rege Hungariæ ad Ladislavum regem Neapolitanum deficient. 110. 1. litteras supplices mittunt ad Innocentium VII. Pontif. & ad Cardinalem Ostiensem Legatum pontificium, ut indulgentias ecclesiis S. Anastasiæ & S. Simeonis concessas Innocentius confirmet. 111. 2. sub potestatem redeunt Venetorum. 112. 2. orant Gre-



- Gregorium XIII.** P. per Episcopum Nonensem, ut templo S. Simeonis ædificando opem conferat. 140. 1. altare votivum S. Chrysogono exstruunt. 167. 2. 168. 1. molesti & infesti Pagensibus. 170. 1. 2. insula Pago spoliati. 172. 1. & tribus insulis a Sibenicensibus. 611. 1. Jura monasterii S. Chrysogoni tuentur adversus F. Leonem de Arbo. 612. 1. 2.
- Jadrensis** Clerus mandatis Gentilis Sedis Apostolicæ Legati parere noluit. 90. 1. ad præsentiam Legati citatur. 90. 2. 91. 1. parere detrectat. 91. 1. denuo citatur. 91. 2. videtur respuisse. 92. 1.
- Jadrensis** ædes cathedralis titulum S. Petri cum titulo S. Anastasiæ commutavit. 8. 1. 13. 1. 33. 2. quando consecrata? 13. 1. describitur. 14.
- Jadrensis** diocesis describitur. 10. 1. 2. 12. 2. diminuitur, instituto Episcopatu Nonensi. 30. 1. augetur, Belgrado exciso. 54. 2.
- Innocentius III.** P. jubet per litteras Capitulo S. Anastasiæ expelli intrusum in Sedem Archiepiscopalem, facile Jadertinam. 65. 2. de controversia inter Micham electum Phariensem & Nicolaum electum Jadertinum se edoceri ab Episcopis Tinniniensi & Scardonensi per litteras jubet. 67. 2. Nicolaum Romam accersit, datis ad eundem litteris, & ad Canonicos Jadertinos. 68. 1. 2. jubet Hemerico regi Hungariæ in ordinem cogere eundem Nicolaum. 68. 2. Ecclesiæ Phariensem Metropoli Spalateni adjudicat. 69. 1. bona cœnobii Arbenensis S. Petri apostolica auctoritate communit. 238. 2. sacris interdicit Archiepiscopos Spalatensem & Hydruntinum, datis litteris ad Colocensem Archiepisc. & ad Episcopos Gerviensem & Zagrabiensem. 357. 1.
- Innocentius IV.** P. Jadrenses hortatur, ut templum & ædes PP. Dominicanis assignent. 76. 2. 608. 1. diploma Andreæ II. Regis Hungariæ secundum Patres S. Sepulcri confirmat. 358. 1. donationes Stephani II. Episc. Zagrabiensis confirmat Præposito & Capitulo Chastmenfi. 365. 2. electionem Philippi Episcopi Zagrabiensis examinandam committit Episcopis Chanadiensi & Sirmiensi, & Abbati Cisterciensi. 370. 2. donationem castri Medved a Bela rege Hungariæ factam Philippo Episc. Zagrabiensi confirmat. 371. 2. ad electum Neapolitanum scribit suum in Hungaria legatum. 371. 2.
- Innocentius VIII.** P. facultatem concedit Osvaldo Episc. Zagrab. & Capitulo leges veteres abrogandi & novas condendi. 494. 1. Angelo Legato apostolico jus facit lites de decimis componendi inter Osvaldum eundem & Dynastas Zagrabienses & Crisienes. 505. 1.
- Innocentius X.** P. facultatem Martino Ep. Zagrabiensi concedit, ut a quocumque Episcopo cum duobus Abbatibus munus consecrationis recipere possit. 579. 2.
- Inscriptiones** Jadertinæ. 2. 2. & 3. & 4. 1. & 12. 1. Arbenfes. 224. 1.
- Interregnum** Episcopale Jadertinum annorum circiter CKL. 25. 1. alterum annorum CC. 29. 1. tertium. 64. 2. IV. 65. 2. V. 70. 1. & 71. 2.
- Interregnum** Episcopale Abforense. 213. 1.
- Interregnum** Episcopale Vegliense. 299. 1. 641. 2.
- Interregnum** Episcopale Zagrabiense. 468. 2. II. decem tantum annorum. 469. 1. III. unius anni. 511. 2.
- Joannes** Episcopus Tinniniensis Administrator Episcopatus Zagrabiensis. 469. 1.
- Joannes** Episcopus Lydensis, Administrator Episcopatus Zagrabiensis. 472. 1.
- Joannes** Hunniades scribit ad Eugenium IV. P. & rogat ut Demetrio Ecclesiæ Zagrabiensem deferat. 475. rogat per litteras Nicolaum V. P. ut eandem Ecclesiæ eidem Demetrio tribuat, amoto Benedicto. 478. 2. prælium infelix init cum Turcis. 479. 2. Ecclesiæ Zagrabiensis negotia curare non omittit. 480. 1. rogat Nicolaum V. P. ut Ecclesiæ Zagrabiensem Demetrio restituendam curet. 483. 2. Turcas debellat & obit. 487. 1.
- Joannes** Episcopus Varadinensis certiore facit Nicolaum V. P. de statu Ecclesiæ Zagrab. & de persona Benedicti Episcopi. 481. 1.
- Joannes** IV. Papa, Dalmata & forte Jadertinus. 29. 1. ejus erga suos populares pietas ac beneficentia. *ibid.*
- Joannes** VIII. P. hortatur per litteras Vitalem Ep. Jadertinum & Dalmatas universos, ut ad obsequium sedis apostolicæ redeant. 39. 1. 185. 1.
- Joannes** XXI. P. jubet Laurentio Archiep. Jadertino, ut quosdam Nonenses in PP. Dominicanos injurios excommunicatos denunciaret. 80. 1.
- Joannes** XXII. P. Augustinum Episcopum Zagrabiensem, postea Lucerinum, Divorum factis adscribit. 408. 1. direptores bonorum Ecclesiæ Zagrab. compesci adigique jubet, ut ablata restituant. 415. 1.
- Joannes** Venerius Archiep. Jadrensis depravatos populi mores correxit. 72. 2. ab Honorio III. P. litteras accipit. 73. 1. donationem templi & cœnobii Demetriani Monachis SS. Cosmæ & Damiani attributi confirmat. *ibid.* reprehensus a Gregorio IX. P. quod Fratres Ordinum SS. Francisci & Dominici male accepisset. 73. 2.
- Joannes** II. Archiep. Jadrensis ex ordine S. Francisci. 84. 2. a Nicolao IV. P. renunciatur Archiepiscopus. 85. 1. Thomasinam Maurocenam reginam Hungariæ Jaderam excepit. *ibid.* jussu Nicolai IV. litteras mittit ad Suffraganeos, ut Christianos ad sacrum bellum hortentur. 85. 2. jubetur a Bonifacio VIII. Episcopum ex Ord. Franciscano præficere Ecclesiæ Abforensi, vel Arbenfi. 85. 2. Concilio Gradensi per procuratorem interest. *ib.* transfertur ad Ecclesiæ Tranensem. *ibid.*
- Joannes** III. Archiep. Jadrensis, cognomento de Butuane. 93. 2. a Patriarcha Gradensi consecratus. *ibid.* duplici inscriptione sui nominis memoriam consignatam reliquit. *ibid.* obit. 94. 1.
- Joannes** IV. Archiep. Jadrensis electus, sed a Pontifice non approbatus. 108. 2. jubetur a Sigismundo rege Hungariæ sua Capitulo Jadrensi privilegia servare. 109. 1. vel obiit, vel Archiepiscopatum dimisit. 109. 2.
- Joannes** V. Robellus Archiep. Jadrensis. 122. 2. Virgines Benedictinas Nonenses Jaderam excepit. *ibid.* obit. 123. 1.
- Joannes** VI. Cipicus Archiep. Jadrensis. 123. 1. duos Vicarios sibi constituit. 123. 2. obiit Romæ. *ibid.* transfertur Tragurium. *ibid.*
- Joannes** VII. Chersana Archiep. jadrensis e Coryrensi. 616. 2. vivit. 617. 1.
- S. Joannes** Capistranus Arbenfibus concedit facultatem condendi cœnobii Franciscani severioris disciplinæ. 253. 2. datis litteris ad F. Simonem de Ragusio. 254. 2.
- Jo-

- Joannes Mocenicus* Dux Venetiarum jubet de Episcopatu Pagenſi nihil innovari datis litteris ad Comitem Pagi. 176. 1.
- Joannes Palcich* Archipresbyter Jadrenſis jurisdictionem quaſi episcopalem ſibi vindicat, & Archiepiſcopo Jadertino litem intendit. 177. 2.
- Joannes Caſſius* Episcopuſ Pagenſis electuſ. 179. 1. dum Romam iter faceret, Interamnæ moritur. *ibid.*
- Joannes Begna* Episc. Pagenſis electuſ. 179. 1.
- Joannes Tavileo* Episc. Pagenſis electuſ. 179. 2. Romæ moritur. *ibid.*
- Joannes Juſtus* Ep. Abſoreniſis. 210. 1. ſub quo ædes cathedralis abſolvitur. 210. 2. ubi obiit, ignotum. *ibid.*
- Joannes II.* de Rubeis Ep. Abſoreniſis. 219. 2. diœceſim luſtrat & ſynodum facit. 220. 1. cultum S. Gaudentii propagat. *ibid.* ſcholaſm Theologiæ inſtituit. 220. 2. Decreta Episcoporum Abſoreniſium collegit. *ibid.* Venetiis, ubi ædem SS. Gervatii & Protatii conſecravit, obiit. 221. 1. quædam alia illius geſta. 623. 1.
- Joannes III.* Ferruſ Ep. Abſoreniſis. 222. 2.
- Joannes Baptiſta Garzoniuſ* Episc. Abſoreniſis. 211. 1. ſeſſioni x. Concilii Lateranenſis interfuit. 211. 2. obiit Romæ. *ibid.* ejus epitaphium. *ibid.*
- Joannes Uron* e catalogo Episcoporum Arbenſium expungitur. 266. 1.
- Joannes* Episc. Arbenſis ex electo Parentino. 251. 2. quamdam mulierem aggregat ſodalitati S. Mariæ &c. 252. 1. intereſt Concilio Florentino. 252. 2. ad Parentinam Eccleſiam transfertur. *ibid.*
- Joannes II.* Scaffa Ep. Arbenſis ex Primicerio. 258. 1. in peſtilentia Arbenſi quid egerit. *ib.* controverſiam habuit cum Archidiacono & Archipresbytero, quæ componitur. 258. 2. Boſinenſes profugos excepit. *ibid.* ejus obituſ & epitaphium. 259. 1.
- Joannes III.* Calebotta Ep. Arbenſis ex Canonico Tragurienſi. 285. 2. ad Eccleſiam Sibenicenſem tranſiit. 286. 1.
- Joannes Lucas Garagninuſ* Episc. Arbenſis. 286. 1. priuſ Canonico Tragurienſiſ & Auditor Hieronymi Episcopi Tragurienſiſ. 286. 2. cui idem Episcopuſ Tragurienſiſ partes ſuas committit abſens cum plena poteſtate. 287. 1. honorifica teſtificatione Capituli Tragurienſiſ, decoratur. 287. ſit Episcopuſ Arbenſiſ. 288. 1. de ſtatu Eccleſiæ ſuæ Sacram Congregationem certioreſcit. 288. & ſeq. & reſponſum accipit. 291. 1. & a Clemente P. XIII. 291. 2. a Sacra Rituum Congregatione cultum publicum ſacroſanctæ Spinæ impetravit. 292. 1. iterum de ſtatu Eccleſiæ ſuæ ſcribit Sacræ Congregationi. 292. & reſponſum accipit. 293. 1. Crucem argenteam Eccleſiæ ſuæ donat. 293. 2. multa ad Hiſtoriam Eccleſiæ Arbenſiſ ſuppeditavit. *ibid.* ad Eccleſiam Spalatenſem tranſlatus. *ibid.*
- Joannes* Ep. electuſ Arbenſiſ. 239. 2.
- Joannes* unuſ & alter Episcopi Arbanenſeſ, e catalogo Episcop. Arbenſium expuncti. 250. 1.
- Joannes Detricuſ* ejuſque hæredeſ perpetui Procuratores arcæ S. Simeoniſ a Senatu Veneto decreti. 121. 1. privilegium illud abrogari paſſuſ eſt. 121. 2.
- Joannes* Archidiaconuſ Abſoreniſiſ ædem S. Marco Evangelistæ exſtruxit Abſori. 205. 2.
- Joannes Baptiſta* Jurileuſ Ep. Arbenſiſ ex Archipresbytero Tragurienſi. 294. 1. transfertur ad Eccleſiam Nonenſem. 294. 2.
- Joannes Maria Antoniuſ* ab Oſtia Ep. Arbenſiſ. 294. 2. vivit. *ibid.*
- Joannes* Episcopuſ Veglienſiſ duas Eccleſiaſ earumque funduſ donat monachiſ Benedicſtiniſ Padolironenſibuſ & S. Cypriani. 640. 2. 641. 642.
- Joannes II.* Roſa Ep. Veglienſiſ e Scardonenſi. 309. 2. 646. 2. adminiſtrationem Eccleſiæ Scardonenſiſ retinet. 310. 1. ejuſ acta, obituſ, & inſcriptio ſepulcraliſ. *ibid.*
- Joannes III.* a Turre Episc. Veglienſiſ e Canonico Patavino. 312. 1. 646. 2. a duobuſ Imperatoribuſ Pontifici commendatuſ ut Cardinaliſ fieret. *ibid.* Eccleſiam Patavinam Reliquiſ ditavit. 312. 2. ejuſ obituſ & inſcriptio ſepulcraliſ. *ibid.*
- Joannes* e Catalogo Episcoporum Veglienſium expoſuſ. 302. 1.
- Joannes* Episc. Siſcianuſ primo Concilio Salonitano interfuit. 329. 2.
- Joannes* civiſ Veglienſiſ donationem Anthaſii fratris ſecunduſ Monachos Benedicſtinoſ confirmat. 643. 1.
- Joannes* Abbas S. Mariæ & Ladislavuſ ex ordine Prædicatorum, Judiceſ delegati Sedis Apoſtolice, F. Henricuſ & fratreſ Cruciferoſ Zagrabienſeſ excommunicatoſ declarant. 429. 2. 430. 1.
- Joannes Corneliuſ* Dux Venetiarum de reſtitienda æde Jadrenſi S. Chryſogoni, & de Sacerdotiſ Jadrenſibuſ quid agere debeat, ſcribit Proviſori generali Dalmatiæ. 616. 1. 2.
- Joannes* Frangipaniuſ Comes Vegliæ templuſ SS. Coſmæ & Damiani concedit Eremitiſ S. Paulli. 305. 1. diploma Nicolai II. Episcopi Veglienſiſ ſecunduſ eoſdem Eremitaſ confirmat. 306. Patribuſ Franciſcaniſ inſenſuſ. *ib.* in Venetorum clientelam ſe contulit, & a Venetorum Duce recipitur. 307. 1. ab Hungariſ armiſ petituſ inſulam Vegliam Venetiſ poſſidendam tradit. 308. 1.
- Joannes* Episc. Zagrabienſiſ ex Præpoſito. 384. 1. ab Carolo Martello contra Andream regem Hungariæ ſtetit. 384. 2. hinc Canonicuſ perſequitur, qui Andreæ favebant. *ibid.* Eccleſiaſtica bona Menſæ episcopaliſ & Capitulariſ alienavit. 385. 1. Caſtrum Ivanichium exſtruxit. 385. 2. pauca laudabilia, longe plura reſprehenſione digna fecit. *ibid.*
- Joannes II.* Episc. Zagrabienſiſ, natione & cognomento Bohemuſ. 445. 1. ſuiſ Canonicis maxime inſeſtuſ. *ibid.* obiit. 445. 2.
- Joannes III.* de Gara Ep. Zagrabienſiſ. 445. 2. Cancellariuſ regiſ. *ibid.* in controverſiſ, quæ Jadrenſibuſ erant cum Pagenſibuſ, ſecunduſ Pagenſeſ judicat. 172. 1. 446. 1. Canonicuſ ſuoſ reconciliavit Sigifmundo regi. *ibid.* litem quamdam iſſdem adjudicat contra Præpoſituſ majorem. *ibid.* civeſ montiſ Græcenſiſ ob cladeſ & injuriat Canoniciſ illatâſ anathemate conſixit. 446. 2. ædeſ capitulareſ reſtitiendaſ curat. 447. 2. ad Eccleſiam Colocenſem transfertur. 448. 1. an oblata illi fuerit Eccleſia Neapolitana? 448. 1. 2.
- Joannes IV.* de Alben Episc. Zagrabienſiſ, ſupremuſ regni Hungariſ & Imperii Cancellariuſ. 461. 1. anathemate perculit civeſ Græcenſeſ ob eorum caedeſ & ſacrilegia. 461. 2. 462. 463. inde abſolvit. 464. 1. a Fratribuſ Paulliniſ impetratur. *ibid.* quæ in conventu Dom-

Dombrensi fanciverit . *ibid.* diploma obtinet a Sigismundo rege , quo decreta Caroli & Ludovici Regum secundum Capitulum confirmat . 464. 2. decimas quasdam Capitulares recuperandas curat . 465. 1. absens ecclesie sue commodis utilitatique inservit . 465. 2. divitiis affluit . *ibid.* regnum Hungarie sibi commendatum tuetur . 466. 1. Sigismundum docet de legatione Polonorum . *ibid.* jubetur ab Eugenio IV. P. ut monasterium Virginibus S. Clare fundandi potestatem faciat Sigismundo Imperatori . 466. 2. tres Episcopos adjuutores habuit . 467. 1. obit . *ibid.* ejus pia legata . *ibid.* & erga Sigismundum regem liberalitas . 467. 2. Castrum Kemlek partim Episcopo , partim Capitulo donavit . 468. 2.

Joannes V. Bakacius Episc. Zagrabiensis . 521. 1. cum non haberet ætatem idoneam , Episcopatus administratur a Thoma Archiep. Strigoniensi . *ibid.* in Simonem patrualem suum Episcopatum transtulit . 522. 1.

Joannes VI. Monofzlojus Episc. Zagrabiensis e Quinqueecclesiensi . 545. 2. obiit . 546. 1. ejus testamentum & epitaphium . *ibid.*

Joannes nomine II. ab Episcopis Zagrabiensibus expungitur . 431. 1.

Joannes Baptista Paxius Episcopus Zagrabiensis e Sirmienfi . 602. 2. obiit . *ibid.*

Joannes Abbas Toplicensis judex delegatus a Benedicto XIII. P. in controversia Capituli Zagrabiensis cum Henrico Commendatore de Chernomel . 425. 1. secundum Capitulum sententiam dicit . 425. 2. Henricum anathemate configit . 426. 2.

Joannes Archidiaconus Guerchenfi libellum producit coram Judice delegato contra Henricum Commendatorem de Chernomel . 425. 2.

Job Episc. Zagrabiensis . 354. 1. ad Quinqueecclesiensem , postea ad Strigoniensem Ecclesiam migravit . *ibid.*

Jordanus Card. Ursinus , Præses Concilii Constantiensis , facultatem delegat amovendi canonici impedimenti Lucæ Archiepiscopo Jaderino . 112. 2.

Jordanus Episcopus Arbenfi ex cœnobiarcha S. Chrysogoni Jadrenfi . 239. 2. bona ecclesiastica recensuit , atque in tabulis descripsit . *ib.* 240. Senienses Arbensibus reconciliat . 240. 2. Sacerdotium S. Martini obtinet , ejusdem patronis reclamantibus , quos interdicto subjicit . 241. 1.

Joseph Milanesius , Auditor Nicolai Episc. Abforensis . 222. 2.

Josephus Episcopus Zagrabiensis . 602. 2. adhuc vivit . *ibid.*

S. Isidorus Crepsæ Patronus . 620. 1.

Isidorus Episc. Abforensis ex Cœnobiarcha S. Petri . 199. 2.

Julius II. P. legem in Canonicos Zagrabienses choro absentes constitutam confirmat . 514. 2. facultatem concedit Lucæ Episc. Zagrabi. diruendæ ecclesiæ S. Emerici , ut ad arcem episcopalem exstruendam satis spatii suppetere . 515. 1. eandem facultatem confirmat . 516. 2. miraculum sanguinis J. Chr. in æde Ludbregensi diœcesis Zagrabiensis approbat . 520. 1.

Juramentum , quo obstringuntur Episcopi Zagrabienses . 577. 2. in idem animadversiones . *ibid.*

## L

Ladislavus Lofonczius præfectus Slavoniæ Græcenses impulit ad civitatem Capituli Zagrabiensis vastandam . 444. 2.

S. Ladislavus Rex Hungariæ Zagrabiam cum tota Slavonia ad suum imperium adjunxit . 331. 2. condidit Episcopatum Zagrabiensem . 332. 1. 348. 2. quo anno ? 333. 1. ex jurisdictione Episcopi Tinniniensis plurimum detraxit & Episcopo Zagrabiensi attribuit . 334. 1. ut Episcopatum Zagrabiensem institueret , quid impulerit Ladislavum ? 334. 335. 1. ejus eloquium . 335. 2.

Ladislavus IV. Rex Hungariæ castrum Medved restituit Ecclesiæ Zagrabiensi . 376. 2. privilegia & immunitates ejusdem Ecclesiæ confirmat . 377. 1. alia eidem concedit privilegia , & Comitatum Gersenczem ab omni onere immunem donavit . 377. 2. ex flagitiosa cum Cumanis consuetudine depravatus . 378. 1. corripitur a Philippo Episc. Firmano legato in Hungaria apostolico . 378. 2. Conventum Budensem indicit , & conversionem Cumanorum jurejurando promissit . *ibid.* fidem datam fefellit . 380. 1. donationem Castri Garich & Comitatus Gersenczis confirmat Ecclesiæ Zagrabiensi . 380. 2. imperat incolis Gersenczibus , ut Timotheo Episc. Zagrabi. debita præstent officia . 381. 1. Elisabetham matrem gravissimis litteris monet , ut quæ abstulerat Ecclesiæ Zagrabiensi , restituat . 381. 2. fundum infra arcem episcopalem restitui jubet eidem Ecclesiæ . 382. 2.

Ladislavus Rex Neapolis orat per litteras Bonifacium IX. P. ut Joannes electus Archiep. Neapolitanus retineat Ecclesiam Zagrabiensem . 448. 2.

Ladislavus Episc. Zagrabiensis subscribit diplomati Caroli regis Hungariæ secundum Archiepiscopum Strigoniensem . 416. 1. ab altero ejusdem nominis distinguendus . 417. 1.

Ladislavus II. de Kobol Episc. Zagrabiensis ex Præposito Titulensi . 418. 1. a censuris absoluitur & consecratur . 418. 2. de civibus Græcensibus , qui decimas non solvebant , queritur apud Carolum regem Hungariæ . 419. 2. controversiam eandem de decimis componit , Michael Bano Slavoniæ compositionem declarante . 420. 2. regem orat , ut castrum Medved Ecclesiæ suæ restitui jubeat . 421. 1. decreta B. Augustini prædecessoris de clericis confirmavit . 421. 2. alia sapienter ac provide decernit . 422. 1. duo obtinet privilegia a Carolo rege Hungariæ . 422. 2. seditiosos anathemate configit . 423. 1. 2. iterum ab seditiosis petitur , contra quos causam obtinet coram iudicibus ab Carolo rege delegatis . 424. 1. duo obtinet privilegia a Ludovico rege Hungariæ . 426. 2. ad Ecclesiam Colocensem transfertur . 427. 1. ejus in Ecclesiam Zagrabiensem insignia promerita . *ibid.*

Lambertus Episc. Vegliensis a Nicolao IV. P. electus per litteras . 301. 2. 643. 2. ad Ecclesiam Aquinatem translatus . 302. 1.

Lampridius Ep. Jadrenfi jus ac titulum metropoliticum affectat . 56. & obtinet ab Eugenio III. Papa . 57. 1. jubetur ab Adriano IV. P. se subicere Patriarchæ Gradenfi . 58. 1. quod moleste tulit . *ibid.* jubetur ab Alexandro III. P. denunciare Spalatensibus , ut legem pernicio-

K k k

cio-

- ciosam Ecclesiam rescindant, 58. 2. Jadrensi-  
bus a Venetis deficientibus, Rector civitatis  
eligitur. *ibid.* 59. 1. Patriarchæ Gradenſi ſe  
ſubjicit. 59. 2. ſententiam dicit ſecundum An-  
tiſtitam S. Mariæ adverſus aliam S. Platonis,  
59. 2. & aliam una cum Prætorē ſecundum  
eamdem adverſus Damaniā quendam. 606. 1.  
Senienſem Eccleſiam fruſtra ad Metropolim Ja-  
dertinam adjungere cupit. 60. 1. Alexandrum  
III. P. Jaderam appulſum excipit. *ibid.* ad  
Concilium Spalatenſem vocatur a Raymun-  
do de Capella legato Alexandri III. P. per  
litteras. 61. 1. ſe excuſat abſentiæ ſuæ a Con-  
cilio, datis litteris ad Primicerium & cives  
Spalatenſes. 61. 2. controverſiam de inſula  
Pago inter Arbenſes, Jadertinos, & Rogerium  
Maurocenum diremit. 62. 1. obiit. 62. 2.
- Lanfredius** Episc. Abforenſis interfuit Con-  
cilio Lateranenſi III. 196. 2.
- Laurentius** Episc. Abforenſis 195. 1. transfertur  
ad Eccleſiam Spalatenſem. *ibid.* laudat ſenten-  
tiam Dragi Prioris Jadræ ſecundum Vekene-  
gam & cœnobium Jadrænſe S. Mariæ mino-  
ris. 51. 2.
- Laurentius** Lauretanus an Episcopus Abforenſis,  
incertum. 216. 1.
- Laurentius** Perlander Archiep. Jadertinus. 77. 1.  
608. 1. templum & monaſterium S. Platonis  
Patribus Dominicanis tradidit. 77. 78. 1.  
607. 1. 2. conſecrat cum Patriarcha Gradenſi  
eccleſiam S. Platonis. 78. 2. epistolā accipit  
ab Innocentio IV. & Alexandro IV. 79. 1.  
Virgines Benedicinas S. Nicolai ſub diſcipli-  
nam S. Claræ translataſ, poteſtati ſuæ exi-  
mit. 79. 2. jubetur a Joanne XXI. P. excom-  
municatos denunciare quosdam Nonenſes in  
PP. Dominicanos injurios. 80. 1. liberalis er-  
ga Franciſcanos, cujus conſecrat eccleſiam.  
80. 2. novam ædem metropolitanam extru-  
xit & conſecravit. 80. 2. ſententiam, quam  
ſecundum Sibenicenſes dixerat, revocavit,  
miſſis litteris ad Gregorium Episcopum Tra-  
gurienſem. 81. 1. ejus temporibus, Corpus  
S. Simeonis Prophetæ ex Palæſtina Jaderam  
transfertur. 81. 1. & ſeq. obiit. 84. 2.
- Laurentius** II. Venerius Archiep. Jadertinus ex  
Episcopo Methonenſi. 113. 2. in controver-  
ſia Arbenſi ſententiam dicit. *ibid.* 251. 2. Syn-  
nodum fecit & Concilio Baſileenſi interfuit.  
*ibid.* litem de decimis compoſuit. *ibid.* jube-  
tur ab Eugenio IV. ut templum & cœnobium  
Patrum S. Paulli primi Eremitæ abſolvendum  
curet. 115. 1. quod deinde tradit Eremitis  
tertii Ordinis Franciſcani. 115. 2. decreta  
quædam approbat Capituli Jadrenſis. *ibid.* ejus  
mors & ſepulcrum. 117. 1. & quædam alia  
monumenta. 612. 2. 613. 1.
- Leo** X. Papa Cardinalatum confert Ægidio Vi-  
terbienſi datis ad eundem litteris. 125. 2. tria  
Sacerdotia poſſidenda concedit Natali Episc.  
Veglienſi. 309. 1. inſigne miraculum in æde  
Ludbregenſi diœceſis Zagrabienſis ſanguinis  
J. Chr. approbat, illumque colentibus indul-  
gentias decernit. 520. 2. redditus monaſterii  
Arbenſis S. Petri in Valle baſilicæ S. Marci  
Veneriarum attribuit. 627. 1.
- S. Leo** ſocius S. Marini, Arbenſis & Arbenſium  
patronus. 276. 1. ejus cultus, & quædam de  
ejus vita certiora. 276. ejus Aſſa in ſyno-  
ſim redaſta. 277. cultus apud Arbenſes.  
279. 2. an Episcopus Feretranus? 633. 1. 2.  
634. 1. ejus translatio. 634. 2. 635. 636. 1.
- Vico-habentiæ, non Ferrariæ aſſervatur. 636.  
2. 637. 1. 2.
- Leonardus** Archiep. Jadrenſis. 71. 2. approbatio-  
ne pontificia caruit per aliquot annos. *ibid.*  
tandem Patriarcham Gradenſem agnovit &  
pallium accepit. 72. 1. fuit Abbas S. Felicis  
de Amianis. 607. 1.
- Leonardus** Quirinus Prætor Jadræ ædem S. Tho-  
mæ PP. Dominicanis tradi jubet. 75. 2.
- Leonardus** Abbas Cisterciensis S. Mariæ de Lon-  
ſtros ſententiam dicit ſecundum Oſvaldum Epi-  
ſcopum Zagr. contra Parochum S. Mariæ de  
Camarcha. 496. 1.
- Leonellus** de Clericatis Episc. Arbenſis ex Vi-  
cario Baſilicæ Vaticanæ. 259. 1. legationes  
illuſtres ante & poſt Episcopatum ſuſtinuit.  
259. 2. tres habuit Vicarios. *ibid.* ad Tra-  
gurienſem, deinde ad Concordienſem Eccle-  
ſiam transfertur. 260. 2.
- Leopoldus** Collonicſius Archiepiſcopus Strigoni-  
ſis & Cardinalis Seminarium Valachis Ca-  
tholicis Zagrabiz inſtituit. 569. 1. privilegia  
eiſdem impetrat a Leopoldo I. Imp. eoſque  
certiores facit per litteras. *ibid.*
- Leopoldus** Imperator avaritiā quorundam pa-  
tronorum eccleſiarum Zagrabienſium coercet.  
587. 2.
- Licinius** Imperator perſequitur Chriſtianos in  
Pannonia & Illyrico. 325. 1. a Constantino  
debellatur. 325. 2.
- Lompradius** Episcopus Veglienſis. 646. 1.
- Lucas** de Firmo, Archiep. Jadertinus ex ordi-  
ne S. Auguſtini. 109. 2. poſſeſſionem Eccle-  
ſiæ Jadrenſis adire nequit, niſi interpoſita au-  
ſtoritate Bonifacii IX. Papæ. *ibid.* effigiem  
B. Virginis ſollemni ſupplicatione in ædem  
S. Franciſci intulit. 112. 1. in carcerem a  
præſecto arcis conſectus, paulo poſt liber di-  
mittitur. *ibid.* jubetur per litteras a Præſide  
Concilio Conſtantienſis amovere canonicum  
quemdam impedimentum. 112. 2. obiit. 113. 1.
- Lucas** II. Stella Archiep. Jadertinus ex Episco-  
po Rhetinenſi. 157. 2. de corporibus Sancto-  
rum, qui Jaderæ coluntur, diſtinctionem ſub-  
ortam diſcuſſit. 158. 1. Venetiis ædem S. Leonis  
conſecrat. 158. 2. fit Archiepiſcopus Creten-  
ſis, dein Vicetinus, demum Patavinus Epi-  
ſcopus. 159. 1. ejus elogium. *ibid.* 615. 1.
- Lucas** Episc. Zagrabienſis ex Chanadienſi. 512. 1.  
Zagrabiam venit cum litteris commendatitiis  
Uladiſlavi regis Hungariæ ad Canonicos. *ib.*  
ad perſiciendam Baſilicam curas convertit.  
*ibid.* decimas aſſignat pro ſacrificio quotidia-  
no in honorem S. Stephani. 512. 2. templum  
& collegium Ivanichienſe Fratribus Franci-  
ſcanis habitandum dedit. 513. 1. Miſſale Za-  
grabienſe reformari & edi juſſit. 513. 2. ejus  
cum Capitulo & proceribus Slavoniæ diſſen-  
ſiones. 513. 2. pacem & concordiam init cum  
Laurentio Duce Vylachi. 514. 1. poteſtatem  
impetrat a Julio II. P. diruendæ Eccleſiæ S.  
Emerici, ut ad arcem episcopalem extruen-  
dam ſatis ſpatii ſuppeteret. 515. 1. ejus mors,  
ſepulcrum, & inſcriptio. 516. 1. 2.
- Ludovicus** Rex Hungariæ juſ ſigilli concedit Do-  
minico III. Archiep. & Capitulo Jadertino.  
98. 1. privilegia Eccleſiæ Arbenſis confirmat  
& juſ colligendi decimas ex Lycha & Buſa-  
na adjudicat. 247. 2. privilegia Eccleſiæ Za-  
grabienſis confirmat. 433. 2. 434. 2. alia be-  
neſicia confert eidem Eccleſiæ. 434. 2.
- Ludovicus** Rex Hungariæ teſtamentum Thomæ  
Cat-

Cardinalis Archiep. Strigoniensis confirmat . 524. 1.  
*Ludovicus* de Matafaris Jadrensis : ejus pia legata . 113. 1.  
*Ludovicus* de Vivaldis non Arbensis, sed Arborensis Episcopus . 266. 1.  
*Lupus* Episcopus Arbensis idem ac Paullus 232. 1. 236. 1. sub quo victoria duplex Arbenium de Colomano rege Hungariæ, S. Christophoro opitulante . 232. 2. 234. 1. interest duobus Conciliis provincialibus . 235. 2.

M

**M***acellinus* Ep. Zagrab. ex Canonico Hierosolymitano . 350. 2. silvam Dumbrensem obtinet sententia Feliciani Archiepiscopi Strigoniensis . 350. 2. Episcopatu se abdicat . 352. 2.  
*Madius*, sive Majus Ep. Arbensis is fortasse, qui antea fuit cœnobiarcha S. Chrysogoni . 226. 2. annum tributum Veneris promittit . *ibid.*  
*Magdalena* Budrischia fundat Arbæ collegium Virginum tertii Ordinis S. Francisci . 264. 1. ejus vita . *ibid.*  
*Majus* Prior Jadræ templum & monasterium S. Chrysogoni restituit . 41. 1.  
*Maphæus* Valareffus Archiep. Jadertinus e Canonico Tarvisino . 117. 1. Synodum fecit, & litem Arbensem contra Episcopum judicavit . *ibid.* sententiam tulit in clericum furem sacrilegum . *ibid.* jussus a Nicolao V. Papa potestatem facit Jadrensis demoliendi cœnobii suburbani S. Crucis . 118. 1. jubetur ab eodem confirmare possessionem locorum traditam Patribus Franciscanis tertii Ordinis . 119. 1. & a Sixto IV. ne consuetudines Ecclesiæ Jadertinæ innoventur . 120. 1. lites habuit cum Abbate S. Chrysogoni & cum Episcopo Nonensi . 120. 2. jussus est a Senatu Veneto tradere claves arcæ S. Simeonis iis, ad quos pertinebant . *ibid.* unam e quatuor clavibus sibi restitui impetrat a Senatu . 121. 1. legatus Sedis Apostolicæ Coloniam missus . 122. 1. gratulatur Maphæo Contareno Patriarchatum Venetum eidem collatum . *ibid.* vetat Virgines S. Margaritæ e veteri ad novam civitatem Pagi migrare, sed frustra . 176. 2. iisdem jus adimit Confessarii sibi eligendi, quod illis restituit Nicolaus Francus Legatus apostolicus . 177. 1. Vicarium suum in insula Pago constituit Archipresbyterum Pagensem, qui Vicariatum recusat, & juri ordinario Antistitis Jadrensis se exemptum esse protestatur . 177. 2. provinciali concilio Venetiis interesse non posse certiorum facit per litteras D. Laurentium Justinianum . 613. 1. ejus in ædem cathedralem merita . *ibid.* mors & sepulcrum . *ibid.*  
*SS. Marcella*, Anselmi & Ambrosii translatio . 615.  
*Marchenses* Episcopi Græci ritus . 568. 2. 569. 1.  
*Marcus* Episc. Siscianus . 325. 2. Arianam & Photiniam hæresim in Concilio Sardicensi damnavit . 326. 1. Actis Concilii subscripsit . *ibid.*  
*Marcus Fidelis* Gonzaga adjutor Antonii II. Episcopi Abforensis . 214. 2. & in Episcopatu successor . 215. 1. pro recta bonorum ecclesiasticorum administratione decretum facit . 215. 1. interest Concilio Tridentino 216. 1. ad Ecclesiam Mantuanam transfertur . *ibid.*  
*Illyrici Sacri Tom. V.*

ejus epitaphium . *ibid.*  
*Marcus Antonius* de Veritate Episc. Abforensis . 218. 1. aliquot ejus decreta . *ibid.* ejus obitus & epitaphium . 219. 2.  
*Marcus Antonius Ferro* Judex delegatus Inter-nuncii pontificii Venetiarum contra Canonicos Crepsenses sententiam tulit secundum Abforenses . 623. 2.  
*Marcus Niger* Episc. Abforensis ex Catharensi . 207. 2. palatium episcopale exædificat . *ibid.* 1. lite petitur ab Advocato Communis de administratione reddituum ædis cathedralis . 208. 1. & a Prætorum damnatur . *ib.* ad Senatum Venetum appellat & absolvitur . 209. 2. Collegium Canonicorum Crepsæ instituit . *ib.* Patavii obiit . *ibid.* templum Patavinum S. Mariæ ad Bethlehem consecravit . 210. 1.  
*Marcus* Ep. Jadrensis interest Concilio provinciali . 54. 1.  
*Marcus Antonius Venerius* Archiep. Jadrensis . 141. 2. obiit . *ibid.*  
*Marcus Lauretanus* Episc. Nonensis administrat Ecclesiam Jadertinam . 131. 1.  
*Margarita* uxor Caroli Ducis Dalmatiæ aufert particulam corporis S. Simeonis Prophetæ . 99. 2. eamdem restituit . 100. 1.  
*S. Marinus* civis Arbensis & patronus . 273. 1. ejus corpus inventum in oppido S. Marini diœcesis Feretranae . 273. 2. 630. 1. 2. 631. 632. 633. 1. & ejus costa Arbem delata . 274. 2. 275. ejus cultus vetustissimus . 276. 1. de ejus vita quædam certiora . 276. 2. ejus acta a Petro de Natalibus in synopsis redacta . 277. 1. 2. ejus cultus apud Arbenses . 279. 2. ejus corpus Ticini non adservari probatur . 628. 1. 2. 629. 1. sed in oppido S. Marini . 629. 2.  
*Marinus Bonetus* Archipresbyter oppidi S. Marini diœcesis Feretranae invenit corpus S. Marini, historiamque inventionis litteris mandavit . 273. 2. Costam S. Marini concedit Arbensibus . 274. 2. 275.  
*Marinus Bizzius* Canonicus Arbensis a Clemente VIII. P. facultatem petit & obtinet extrahendi sacras reliquias ex ecclesia S. Marini in oppido S. Marini diœcesis Feretranae . 274. 1. Costam S. Marini impetrat . 274. 2. particulam e crure S. Hieronymi Arbensibus Virginibus S. Antonii dono dedit . 279. 2. fit Archiepiscopus Antibarentis . 280. 1.  
*Marinus* Episcopus Vegliensis, de quo nihil præter nomen . 301. 1. 643. 2.  
*Marinus* de Hermolais Rector præponitur Ecclesiæ Arbeni S. Damiani de Monte . 247. 1.  
*Marinus* Cernota Ep. Arbensis, dein Tragurien-sis, demum Tergestinus . 250. 2.  
*Martinus* de Cernotis & Matthæus de Martinis Vicarii Leonelli Episc. Arbensis Sacerdotium S. Thomæ conferunt Martino Nisoi . 259. 2.  
*Martinus V.* Papa scribit ad Abbatem S. Chrysogoni Jadrensis, ut cœnobii & ecclesiæ recipiendæ facultatem faciat Fratribus Franciscanis . 114. 1. confirmat Capitulum Pagense . 173. 2. immunitates Eremitis Paullinis Zagrabiensibus concessas confirmavit . 460. 2. 464. 1. causæ de decimis Capitularibus Zagrabiensibus cognitionem delegat Emerico Abbati S. Mariæ prope Lontferas . 465. 1.  
*Martinus* Ep. Abforensis Petrum II. Urseolum Ducem Venetorum excipit . 185. 1. Ottoni Urseolo Duci suam & incolarum fidem obstrinxit . *ibid.* 617. 1.  
*Mar-*



- Martinus* Fojetta, an Episcopus Abforensis. 621. 1.  
*Martinus* Cernota Archipresbyter Arbenis. 250. 2.  
*Martinus* Bogdanus Episcopus Zagrabiensis ex  
 Præposito majori, 579. 1. pro suscipienda a  
 quocumque Episcopo consecratione singulare  
 privilegium ab Innocentio X. P. impetrat,  
 579. 2. consecratur, 580. 1. odæum & orga-  
 num ædis cathedralis refecit, 580. 2. obiit.  
*ibid.*  
*Martinus* II. Borkovichius, ex ordine S. Paulli  
 primi Eremitæ. Episcopus Zagrabiensis, 585. 2.  
 prius Præses generalis totius Ordinis Paulli-  
 ni. *ibid.* vitæ religiosæ rationem in Episco-  
 patu retinuit, 586. 1. multa pie decernit de  
 neo-Sacerdotibus, *ibid.* Divorum cultum am-  
 plicat. 586. 2. præsertim B. Mariæ Virgi-  
 nis. 587. 1. Locumtenens regius in Slavonia  
 & Chrobatia. *ibid.* avaritiam & iniquitatem  
 quorundam patronorum ecclesiarum, Leopoldi  
 Imp. auctoritate implorata, coercuit. 587.  
 2. designatus Archiep. Colocensis obiit, 588. 1.  
 ejus pium testamentum. *ibid.*  
*Martinus* III. Braicovichius Episcopus Zagrabi-  
 ensis ex Episcopo Seniensis. 592. 1. obiit. 592. 2.  
*Matko* sive *Matthias*, Gubernator Episcopatus  
 Zagrabiensis. 469. 1. 471. 2. 472. 1. tuetur  
 Capitulum Zagrabiense contra cives Græcen-  
 ses. 469. 2.  
*Matthæus* Caramanus Archiepisc. Jadertinus ex  
 Episcopo Abforensi, 168. 1. 222. 2. ejus ge-  
 sta & elogium ante Episcopatum. 624. 1. Mis-  
 sale Slavonicum emendat. 168. 1. de Serblis in  
 Dalmatiam exceptis Commentarios scripsit,  
 168. 2. Græcos Jadrenses sibi conciliat. 169. 1.  
 apoplexia correptus, utitur opera Jo. Antonii  
 Castelli olim Episcopi Catharensis ad mini-  
 steria episcopalia. 169. 2. obiit. *ibid.*  
*Matthæus* Maurus Episcopus Pagensis electus,  
 178. 2.  
*Matthæus* Scrivanellus Ep. Abforensis. 221. 1.  
 obiit & tumultatur Crepsæ. 221. 2.  
*Matthæus* de Hermolais Episc. Arbenis. 244. 1.  
*Matthæus* II. de Hermolais Episc. Arbenis ex  
 Sappateni. 252. 2.  
*Matthæus* Episc. Vegliensis, de quo nihil præ-  
 ter nomen. 302. 1. 643. 2.  
*Matthias* Brumanus Episc. Zagrab. e Præposito  
 majori. 539. 1. Abbatiam Toplicensem cum  
 Episcopatu conjungit. 539. 2. obiit. *ibid.*  
*Matthias* Rex Hungariæ facultatem subveniendi  
 egestati Patrum Zagrabiensium S. Dominici  
 quibuscumque concedit. 488. 1. a proceribus  
 regni Slavoniæ de privilegiis prædialium Za-  
 grabiensium se doceri per litteras jubet. 489.  
 2. ab eisdem edoctus, privilegia eorumdem  
 confirmat. 490. 2. Canonicis Zagrabiensibus  
 potestatem facit areæ Capitularis muniendæ.  
 492. 2. Varasdinenses cogit. solvere decimas  
 Osvaldo Episcopo Zagrabiensi, 495. 1. 2. Os-  
 valdum eundem, juris regii violati accusa-  
 tum, in integrum restituit. 497. 1. decretum  
 de solvendis decimis explicat & declarat. 497. 1.  
 villas quasdam & possessiones, nec non & de-  
 cimas restitui jubet Ecclesiæ Zagrabiensi. 498.  
 1. Patres S. Dominici Zagrabienses intra mu-  
 ros civitatis Græcensis recipi jubet. 498. 1.  
 castrum regium Zagrabiense donat Episcopo  
 Zagrabiensi. 499. 2.  
*Matthias* II. Rex Hungariæ duobus Canonicis  
 Zagrabiensibus imperat, ut Presbyteros Socie-  
 tatis Jesu in possessionem inducant Præposituræ  
 Glogonensis. 556. 1.
- Maurus* Episcopus Abforensis. 199. 2.  
*Maximilianus* II. Imperator Georgium Episco-  
 pum Zagrabiensem trium regnorum Banatum  
 retinere jubet. 542. 2.  
*Metlikenfes* parocciæ avulsæ a diocesi Zagrabiensi,  
 433. 2.  
*Micha*, seu Michael, Ep. Jadertinus sententiam  
 dicit secundum Abbatem S. Chrysogoni ad-  
 versus conductores quorundam ejusdem præ-  
 diorum. 54. 2. templum SS. Cosmæ & Da-  
 miani donat monachis Belgradensibus S. Jo-  
 annis Evangelistæ. 551. Archiepiscopus Spa-  
 latensis fieri cupit. *ibid.* ecclesiam suam sub-  
 ducit jurisdictioni metropolis Spalatensis. 55. 2.  
*Michael* Trialius Archiep. Jadrensis ex Episco-  
 po Corcyrensi, 169. 2. obiit. 616. 2.  
*Michael* Stenus Dux Venetorum Abforenses in  
 deditionem recipit. 620. 1.  
*Michael* Episc. Abforensis ex ordine S. Franci-  
 sci. 197. 2. per Vicarium interest Concilio  
 provinciali Gradeni, *ibid.* ejus inscriptio se-  
 pulchralis. *ibid.*  
*Michael* II. Ep. Abforensis ex ordine S. Franci-  
 sci. 198. 2. Jaderæ moratur. *ibid.* accusa-  
 tur cum Abbate S. Petri apud Legatum Se-  
 dis Apostolicæ, *ibid.* judicatus ab Damiano  
 Episc. Nitriensi. 199. 1.  
*Michael* Ep. Zagrabiensis. 385. 2. quæ decessor  
 perperam egerat, emendavit & abrogavit. 386.  
 1. bona & castra ecclesiastica vi atque armis  
 recuperavit. 386. 1. verat Canonicis, quid-  
 quam contribuere Castellano de Medved. *ib.*  
 quos prædecessor bonis spoliaverat, in inte-  
 grum restituit. 386. 2. ab Andrea rege con-  
 tra Carolum stetit. 387. 2. Romam a Boni-  
 facio VIII. citatus. 388. 2. ad Archiepisco-  
 patum Strigoniensem translatus. 389. 1.  
*Mikch* seu Michael Banus Slavoniæ compositio-  
 nem declarat de decimis inter Episcopum Za-  
 grabiensem & Græcenses. 420. 2.  
*Minutius* de Minutiis Archiep. Jadertinus. 142.  
 1. quæ ante Archiepiscopatum gesserit ex com-  
 mentariis Friderici Althani. 142. 2. 143. 1.  
 Archiepiscopus creatur. 143. 2. diocesim bis  
 lustrat. 144. 1. Synodum diocesanam convo-  
 cat. 144. 2. *et seq.* jussus per litteras a Cle-  
 mente VIII. P. licentiam Uscochorum fre-  
 nare. 155. 1. de Uscochis historiam scripsit.  
 155. 2. 156. 2. monumentum in æde metro-  
 politana Andreæ patruo sibi posuit. *ibid.*  
 Ecclesiam Oettinganam sibi commendatam in-  
 visit. 155. 1. Monachi e vita decessit. *ibid.*  
 ejus elogium sepulchrale. *ib.* ejus varia opera  
 partim edita, partim manuscripta. 156. 2.  
*Mutius* Calinus Archiep. Jadrensis ex Vicario  
 Aloyfii Cornelii Archiep. 127. 1. erga Socie-  
 tatem Jesu benevolus. 127. 2. interest Con-  
 cilio Tridentino. *ib.* Commentarios ejusdem  
 Concilii confecit. 128. 1. decreta Tridentina  
 promulgat in Synodo diocesana. 128. 1. trans-  
 fertur ad Ecclesiam Interamnensem. *ibid.*

## N

- N** N. Episcopus Abforensis. 203. 2. condi-  
 tus Venetiis. *ibid.*  
*Natalis* Venerius Archiep. Jadertinus. 231. 1.  
 interest Synodo generali Jadertinæ, quam  
 Augustinus Valerius Visitator Apostolicus con-  
 vocavit. 131. 2. obiit. 141. 1. jubetur a Pa-  
 triarcha Venetiarum Jubileum promulgare.  
*ibid.* scribit ad Præpositum generalem Socie-  
 tatis

- tatis Jesu. *ibid.* jubetur a Gregorio XIII. reformare Breviarium Slavonicum. 614. 2.
- Natalis* a Turre Episc. Vegliensis interest Concilio Lateranensi. 308. 2. 646. 1. Donatum a Turre Episc. Bosnensem, Vicarium relinquit. 309. 1. tria Sacerdotia sibi confirmari postulat & impetrat a Leone X. P. *ib.* Ecclesie sue jura tuetur. *ibid.* Episcopatum dimisit. 309. 2.
- Neapoleo* Cardinalis Leg. Apost. confirmat donationem cœnobii Arbenis traditi Fratribus Franciscanis. 245. 1. in Franciscanos Jadrenses benevolus. 610. 2.
- Nicolaus* IV. P. Joannem II. præficit Ecclesie Jadertinae, datis ad eundem litteris. 85. 1. litteras mittit encyclicas ad Episcopos, ut Christianos ad sacrum bellum hortentur. 85. 2. Lambertum præficit Ecclesie Vegliensi, datis ad eundem litteris. 301. 2.
- Nicolaus* V. P. potestatem facit Jadrensis demoliendi cœnobii suburbani S. Crucis, datis ad Maphæum Archiep. litteris. 118. 1. jubet eidem Maphæo, ut possessionem locorum traditam Patribus Franciscanis tertii Ordinis confirmet. 119. 1. & Francisco Episc. Vegliensi, ut Cœnobium Benedictinum Vegliense supprimat, & tradat Patribus Franciscanis. 304. 2. de statu Ecclesie Zagrabiensis & de persona Benedicti doceri se jubet ab Episcopo Varadinensi. 481. 1. privilegia Virginibus Benedictinis Ivanichiensibus concessa confirmat. 484. 1. monasterium Paullinum de Zlatcum Kamenskiano in diœcesi Zagrabiensi uniendum committit Episcopo Corbaviensi. 485. 2.
- Nicolaus* Francus Legatus Apostolicus Virginibus Pagensibus S. Margaritæ facultatem confirmat eligendi sibi Confessarii. 177. 1.
- Nicolaus* Meursius Episcopus Pagensis electus. 179. 2.
- Nicolaus* Drasichius Ep. Abforensis. 222. 1. auditorem suum creat Josephum Milanensem. 222. 2. ejus mors & epitaphium. *ibid.*
- Nicolaus* II. Dinaricius Ep. Abforensis. 223. 1. ad Archiepiscopatum Spalatensem transfertur. *ibid.* corpus S. Gaudentii invisit & transfert. 619. 1.
- Nicolaus* Episcopus Zagrabiensis. 416. 1.
- Nicolaus* II. Episc. Zagrabiensis ex Episcopo Nitriensi. 431. 2. Aversæ in Italia consecratus. *ib.* duo diplomata impetrat a Ludovico rege Hung. quibus privilegia Ecclesie Zagrabiensis & decimas confirmat. 433. 2. 434. 2. Cancellarius regis Hungariæ. 434. 1. decimas Bexinenses Capitulo restituit. 435. 2. Abbas Commendatarius Toplicensis. *ibid.* ad Ecclesiam Colocensem translatus. 436. 1.
- Nicolaus* III. Olahus Episc. Zagrabiensis e Præposito Albeni. 532. 1. respondet ad Capitulum de iis, quæ sibi per epistolam gratulati fuerant. 532. 2. ejus administri & Vicarius generalis. *ibid.* plurimum suæ Ecclesie profuit licet fere semper absens. *ibid.* ejus hortatu Canonici castrum apud Sisciam ædificant. 533. 1. ad Agriensem, dein ad Strigoniensem Ecclesiam transfertur. 533. 2. libri ab eo conscripti. *ibid.* moritur. *ibid.* ejus inscriptio sepulcralis. 534. 1.
- Nicolaus* IV. Zelnicius Episc. Zagrabiensis e Præposito majori. 551. 1. pestilentia grassante, curam gregis infecti parochis per epistolam magnopere commendat. 551. 2. opera *Illyrici Sacri Tom. V.*
- pœnalia ad divinam iram placandam præscribit. 552. 2. diœcesim lustrat & synodum indicit. *ibid.* testamentum condit, & obiit. 553. 1.
- Nicolaus* Episcopus Phariensis vice fungitur Petri Archiepiscopi Jadertini. 64. 2. 65. 1. eligitur Archiep. Jadrensis. 66. 1. conatus ejus inutiles. *ibid.* a Phariensi ad Jadertinam Ecclesiam legitime non transit. 66. 2. impetrat ab Innocentio III. P. ut causam suæ electionis tribus Episcopis cognoscendam deleget. 67. 1. ab eodem Romam venire jubetur per litteras. 68. 1. mandatis pontificiis parere recusat. 68. 2.
- Nicolaus* II. Archiep. Jadertinus ex ordine S. Dominici. 93. 1.
- Nicolaus* III. de Matafaris Archiep. Jadertinus. 94. 1. controversiam inter Capitulum Arbenfe & Jadertinum de impositione tributi in Concilio provinciali diremit. *ibid.* suam de eadem controversia sententiam declarat. 95. 1. jussus a Benedicto XII. P. ut pœnis canonicis animadvertat in quemdam Equitem Hierosolymitanum. 96. 1. & Virgines Jadertinas S. Claræ anathemate exsolvat. *ibid.* orator missus ad Senatum Venerum de venia Jadertinis petenda. 97. 1. potestatem facit Episcopo Scardonensi quatuor aras consecrandi in templo Jadrensi PP. Prædicatorum. 97. 2. obiit. *ibid.* ejus sepulcrum. *ibid.*
- Nicolaus* Comes Vegliæ munificus in Cœnobium Vegliense S. Joannis. 643. 2. 644. 1. 2.
- Nicolaus* Banus Slavoniæ sententiam dicit secundum Capitulum Zagrabiense adversus Episcopum Corbaviensem de septem quarundam villarum jurisdictione. 429.
- Nicolaus* Arimondus Comes Abfori confirmat possessionem cœnobii ac templi Abforensis Fratrum tertii ordinis Franciscani. 207. 1.
- Nicolaus* Episc. Arbenis ex ordine S. Dominici. 253. 1. litem obtinet adversus Abbatem S. Stephani. *ibid.* frustra decimas Novaliæ usurpare conatur. 253. 2. sæpe nominatur in tabulis Arbensibus. 257. 2. Senatus Consulto Venerorum jubetur Arbi commorari. 626. 1. 2.
- Nicolaus* Ep. Vegliensis. 646. 1.
- Nicolaus* II. Episc. Vegliensis. 303. 2. 646. 1. obiit. 304. 1.
- Nicolaus* III. Ep. Vegliensis templum & domicilium SS. Cosmæ & Damiani traditum Eremitis S. Paulli diplomate confirmat. 305. 2. 306. 1. 646. 1. Venetias missus ab Joanne Frangipanio Comite Vegliæ. 307. 1. 308. 1.

## O

- Ottavians* Garzadurus Archiep. Jadertinus ex Episcopo Boviano. 159. 1. Visitator apostolicus Dalmatiæ. *ib.* corporis S. Simeonis in locum nobiliorem transferendi consilium capit. 160. 1. transfert ex S. Rocchi in ædem S. Stephani. 160. 2. Archiepiscopatu depositus, in villam paternam secedit, & obiit. 163. 1. quædam præcepta tradidit Virginibus Arbensibus S. Justinæ. 280. alia ejus decreta. 615. 1.
- Ottavianus* Garzadurus Episc. Abforensis. 217. 2. obiit. *ibid.* ejus monumentum Vicetiæ. 218. 1.
- Ottavius* Spaderus Episc. Arbenis ex ordine S. Francisci. 282. 2. ad Assisientem Ecclesiam translatus. *ibid.*

*Osvaldus* de Thuz Episc. Zagrabiensis ex ordine laicali. 488. 2. a Paulo II. P. Archiepiscopo Colocensi & regi Hungariæ commendatur. 489. 1. res ecclesiasticas restituere & recuperare aggreditur. 491. 1. primoribus oppidorum & villarum conventum generalem indixit. *ibid.* Canonicos suos reconciliat Matthiæ regi Hungariæ. 491. 2. privilegia concedit novis habitatoribus aræ Capitularis Zagrabiensis. 493. 2. facultatem cum Capitulo impetrat ab Innocentio VIII. leges veteres abrogandi, & novas condendi. 494. 1. Varasdinenses decimasolvere compellit. 494. 2. litem de decimis obtinet contra Parochum S. Mariæ de Chamarca. 495. 2. 496. 1. accusatus regii juris violati apud Matthiam regem Hung. ab eodem in integrum restituitur. 496. 2. 497. 1. villas quasdam, possessiones, & decimas recuperat. 498. 1. caltrum regium Zagrabiense dono accipit a Matthia rege Hung. 499. 2. ad Uladislavum novum regem Hung. orationem habuit. 500. 2. diadema eidem imponit. *ibid.* cum Dynastis Zagrabiensibus & Crisientibus de decimis in posterum solvendis transigit. 501. 1. Uladislavo regi Hung. fidelis. 507. 2. Varasdinenses in se contumaces ad officium redire coegit. 508. 2. Breviarium Zagrabiense typis imprimi curat. *ibid.* & codices chorales nitidis litteris describi. 509. 1. in ædificationem Basilicæ plurimam operam & pecuniam impendit. *ibid.* obiit. *ibid.* testamentum condit. 509. 2. 510. ejus elogium. 511. 2.

## P

*Pauciscus* Bizza Episc. Arbenfis. 285. 1. transfertur ad Metropolim Spalatensem. 285. 2.  
*Pactius* Ep. Abforensis. 199. 1.  
*Pagense* Capitulum. 173. 1. a Martino V. P. confirmatur. 173. 2.  
*Pagenles* templum ac cœnobium S. Petri de Neumis donant monasterio & templo S. Michaelis in Sanfigo. 229. 1. infestati a Jadrensis. 170. 1. Jadertinis subiecti. 170. 2. Episcopum sibi eligunt, & ab Jadertinis deficiunt. 107. 171. a Jadrensis male affecti. 171. 2. ab illorum potestate exempti per sententiam Jo: Episc. Zagrabiensis. 172. 1. ad Venetos trunseunt, 172. 2. postulant ab Senatu Veneto proprium Episcopum. 172. 2. quibus Senatus respondet. 173. 1. denuo pro Episcopo obtinendo Senatum Venetum orant, 175. 1. civitatis alio transferendæ potestatem impetrant a Senatu. 175. 1. & transferunt. 175. 2. Episcopum eligunt. 176. 1. de Episcopatu cogitationem ponere ad tempus jubentur a Senatu Veneto. *ib.* Matthæum Maurum Episcopum sibi creant. 178. 2. legatum Romam mittunt, ut oppidum in urbem, & ecclesiam Pagi in cathedralem erigendam curret. *ib.* alios & alios Episcopos sibi eligunt, sed frustra. 179. conveniunt cum Archiep. Jadertino de Episcopatu instituendo, sed etiam frustra. 180. 2. alii eorum conatus pro Episcopo impetrando. 181. 1.  
*Pagenles* Virgines Benedictinæ S. Margaritæ e veteri ad novam civitatem Pagi transeunt, invito licet Episcopo. 176. 2. 177. 1. jus eligendi sibi Confessarii confirmandum curant a Nicolao Franco legato apostolico. 177. 1.  
*Pagenles* Episcopi designati. 181. 2.

*Pagus* insula diocesis Jadertinæ. 10. 2. describitur. 23. 24. 1. 241. 2. olim Kessa. 170. 1. variis dominis paruit. *ibid.* & seq. demum Venetis. 172. 2. titulo ac privilegiis aliarum Dalmatiæ civitatum donatur. *ibid.*

*Pagus* urbs primaria insulæ Pagi, alio transfertur. 175.

*Paschalis* Maripetro Dux Venetiarum decretum Senatus contra laicos, qui se decimarum negotiis immiscebant, ad Comitem Auxeri & Chersu transmittit. 202. 2. & decretum S. Laurentii Justiniani Patriarchæ Venetiarum. 201. 1. scribit ad Comitem supradictum ut Episcopum in ordinem redigat. 202. 2. & ad Simonem ipsum Episcopum. 203. 1.

*Paschalis* Padavinus Episcopus Arbenfis ex Monacho Camaldulensi. 273. 1. Reliquias S. Marini a Marino Boneto acceptas, & in Sanctuario Arbenfi depositas testatur. 274. 2. & seq. de Vicarii sui munere restituendo scribit ad Archiepiscopum Jadertinum. 637. 2. templum SS. Marini & Didaci consecrat. 279. 2. obiit. 280. 1.

S. *Paullus* primus Eremita an Venetiis in Hungariam translatus. 440. 2. & seq.

*Paullus* II. Papa possessionem templi ac domicilii Abforensis traditam FF. Franciscanis tertii ordinis confirmat. 206. 1. Osvaldum Episcopum Zagrabiensem commendat per litteras Archiepiscopo Colocensi & Matthiæ Regi Hungariæ. 489. 1.

*Paullus* Episcopus Zagrabiensis ex Cantore Ecclesiæ Zagrabiensis. 439. 2. pium sodalium instituit. *ibid.* ab rege Hungariæ orator missus ad Venetos & Ducem Allobrogum. 440. 1. 2. Corpus S. Paulli primi Eremitæ Venetiis in Hungariam transulisse dicitur. 440. 2. & seq. Neapolim profectus Carolum regem ad regnum Hungariæ occupandum invitat adversus reginas Elisabetham & Mariam. 443. 1. Carolum accipit Zagrabiæ. 443. 2. perduellionis reus exilio multatur. 444. 1.

*Paullus* II. Gregorianczius Episc. Zagrabiensis ex Præposito majori. 534. 2. cum aliis sapientissimis viris colligit leges & sanctiones regales. *ibid.* quod opus regia approbatione & publica luce caruit. 535. 2. ad Ecclesiam Jaurinensem transfertur. 539. 1.

*Paullus* Zondinus Episc. Rosonensis clericis Hungariæ & Slavoniæ collegium Bononiense fundavit. 537. 2. 538.

*Paullus* Episcopus Tinninienfis in Dominicanos Jadrenses beneficis. 612. 1.

*Paullus* Ep. Arbenfis duos habuit competitores. 242. 1.

*Paullus* II. Ep. Arbenfis ex ordine S. Dominici. 253. 1.

*Petrana* Comes Jaderæ instituendum curat Episcopatum Phariensem. 57. 1.

*Petrus* Heressinczius Episc. Zagrabiensis e Tinninienfi. 546. 1. idem Abbas Topulsckensis. 546. 2. absens per Vicarium generalem Ecclesiam administrat. *ibid.* fit Episcopus Jaurinensis, retenta Ecclesia Zagrabiensis. 547. 1. Præposito majori & lectori Zagrabiensibus certum domicilium assignavit. *ibid.* Zagrabiæ venit. 547. 2. Episcopatum Zagrabiensem deponit & obit. *ibid.*

*Petrus* II. Domitrovichius Episc. Zagrabiensis ex Episcopo Quincecclesiensi & Præposito majori. 558. 1. ædiculam S. Stephani Protomartyris reficit, & dotat. 558. 2. Præposituram Ma-

- Marianam in area capitulari attribuit Seminario Zagrabienſi . 559. 1. Sedem Apoſtolicam conſulit de quodam contractu uſu recepto in Slavonia, & reſponſum obtinet. *ibid.* ob mulierem adulteram reprehendam glorioſam mortem occubuit. 560. 2. de ejus bonis mobilibus controverſia. *ibid.*
- Petrus III.** Petreticius Episcopus Zagrabienſis ex Praepoſito majori. 580. 2. Poſonii conſecratur. *ib.* in ædem cathedralem liberalis. 581. 1. cultum S. Franciſci Xaverii fovet. 581. 2. de feudis Episcopaliſ ſ non abalienandis decretum obtinet a Ferdinando III. Imp. 581. 2. F. Petrum Nicolichium Vicarium conſtituit in locis, quæ Turcis ſubjecti erant. 582. 2. obiit. 583. 1. ejus ſepultura. 583. 2.
- Petrus** Berislavus Episc. Veſprimienſis Episcopatum Zagrabienſem obtinere fruſtra conatur. 523. 2.
- Petrus I.** Ep. Jadrenſis ex tabulario S. Chryſogoni innouit. 43. 1.
- Petrus II.** Episc. Jadr. auctoritati Metropolitæ Spalatenſis ſe ſubducit, & *Archiepſci* titulum ſumit. 55. 2. 56. 1. non fuit fortasſe conſecratus. 56. 1.
- Petrus** Abbas S. Chryſogoni Jadrenſis duplex impetrat diploma a Creſimiro Rege Chrobatæ. 47. 48.
- Petrus** Archiep. Jadrenſis electus. 64. 2. Nicolao Episc. Pharienſi utitur vicario. 65. 1.
- Petrus II.** de Mataſaris Archiep. Jadrenſis. 99. 2. Carolum Dyrrhachienſem in Italiam proficiſcentem comitatur. 101. 1. in Hungariam proficiſcitur. *ibid.* Romæ Preſbyter & Episcopus conſecratur. 101. 2. conſcius fuiſſe putatur rebellionis Hungariæ & Dalmaticæ adverſus Reginas conſtatæ. *ibid.* 102. 2. Collegium Canonicorum Jadrenſium reformavit. *ibid.* 103. & leges quasdam eiſdem impoſuit. 104. & ſeq. Eccleſiam oppidi Pagenſis collegiatam inſtituit. 107. 1. ædibus Jadrenſibus S. Anaſtaſiæ & S. Mariæ indulgentias impetrat a Bonifacio IX. P. 107. 2. ſibi metuens a Sigifmundo rege Hungariæ, fuga libertati ac ſaluti ſuæ conſulit. 108. 2. præſecturam obtinet Picæni, & Aſculi moritur. *ibid.* ejus ſepulcrum & inſcriptio. *ibid.*
- Petrus X.** Archiep. Spalatenſis ſua bona & ſupelleſtilem episcopalem futuro Episcopo Pagenſi relinquit. 174. 2.
- Petrus** Ep. Abſoreniſis diplomati Creſimiri regis ſubſcribit. 195. 1.
- Petrus II.** Ep. Abſoreniſis intereſt Concilio provinciali Spalatenſi. 196. 1. Generalis Curie regis Hungariæ appellatur. *ibid.*
- Petrus III.** Ep. Abſoreniſis eligitur, Episcopatus Jadrenſis obtinendi ſpe depulſus. *ib.* Metropoli Jadertinae ſubjicitur. 196. 2.
- Petrus IV.** Leonius Ep. Abſoreniſis intereſt Concilio Florentino. 199. 2. ad Eccleſiam Ceneſenſem tranſlatus. 200. 1.
- Petrus** Ep. Veglienſis acta Concilii Jadertini approbavit. 298. 1. Concilio Spalatenſi interfuit. *ibid.* limites ſuæ dioceſis contraxit. 298. 2.
- Petrus II.** Episc. Veglienſis cœnobium Benediclinum Vegliæ inſtituit. 639. 2. 640. 1.
- Petrus III.** Bembus Ep. Veglienſis gratulatur Natali Archiep. Jadertino de Archiepiscopatu ipſi collato. 131. 1. ad cultum divinum rite peragendum plures leges conſtituit. 310. 2. 646. 2. dioceſim luſtravit. 312. 1.
- Petrus Paullus** Calorius Episcopus Veglienſis ex Episcopo Tragurienſi & e Congregatione So-maſcha. 313. 2. 647. 1.
- Petrus** Fulcarenus promittit Arbenſium conſuetudines & privilegia ſervatum iri. 238. 1.
- Petrus** Ep. Arbenſis Venetorum imperium accepit. 226. 1.
- Petrus II.** Ep. Arbenſis ſynodo Jadrenſi interfuit. 229. 2.
- Petrus III.** Ep. Arbenſis. 232. 1.
- Petrus IV.** Gaudentius Ep. Arbenſis. 281. 1. quædam Sacerdotia conjungit cum Menſa Capitulari. 281. 2. quod Romam profeſtus a Sacra Congregatione Concilii approbandum curat. 281. 2. ritum colendi feſtos dies quorundam Divorum præſcribit. *ibid.* Abbatiam S. Stephani de Barbato adjungendam Menſæ Capitulari fruſtra nititur. 282. 1. obiit. 282. 2.
- Petrus** Stella, Secretarius Cardinalis Sanctorum quatuor, reſpondet poſtulis Pagenſium de Episcopatu Pagenſi inſtituendo, nomine ſui Cardinalis. 178. 2.
- Petrus** Semiviti filius eccleſiam & prædium donat cœnobio Virginum Jadrenſium S. Mariæ. 606. 1.
- Petrus** de Natalibus Episc. Equilinus in ſynopſim redegit vitam SS. Marini & Leonis. 277. 1.
- Petrus** Antonius Zuccherius Episc. Veglienſis. 314. 2. 647. 1. pro extirpandis vitiis ſtrenue laborat, quam ob cauſſam in odium multorum incurrit. *ibid.* Vegliam Roma reverſus adverſarios erga ſe immutatos invenit. 315. 1. Clericis ſtudio Latinæ linguæ & Illyricæ litterariæ imperavit. *ibid.* altare marmoreum S. Quirino extruxit. *ibid.* pia ejus inſtituta & cura laborioſa gregis ſibi commiſſi. 316. 2.
- Philippus** Ep. Zagrabienſis vitioſe electus. 370. 2. Cancellarius Mariæ reginæ Hungariæ. *ib.* ſedem Zagrabienſem obtinuit. 371. 1. caſtrum Medved prope Zagrabiam ædificat. *ibid.* donationem ejusdem caſtri a Bela obtentam confirmandam curat ab Innocentio IV. P. 371. 2. legatione regia apud Innocentium IV. fungitur. *ibid.* eccleſiaſticum auget patrimonium. 372. 1. emptionem villæ S. Martini confirmandam a Bela IV. rege curavit, a quo ſententiam obtinet propitiā de eadem villa contra Paullum filium Borichii. *ibid.* Petrinenſes ob negatam decimarum ſolutionem excommunicat, ac deinde abſolvit. 372. 2. tranſlatus ad Eccleſiam Strigonienſem, pacem inter Belam regem & Stephanum filium conciliavit. 373. 1. caſtrum Medved regi ad theſauros cuſtodiendos commodavit. *ibid.*
- Philippus** Episc. Firmanus, legatus apoſtolicus in Hungaria. 378. 2. donationem Comitatus Gerſcenſis, a Ladislavo rege factam Episcopo Zagrabienſi, confirmat. 380. 1.
- Philippus** de Granana Prior Hieroſolymitanus conventa renovat cum Capitulo Zagrabienſi. 416. 2.
- Photinus** Episcopus Sirmienſis damnatus in ſynodo Sardiceniſi vel Mediolanenſi. 326. 1. ſedem Sirmienſem retinuit. 326. 2. iterum a Catholicis damnatus, & ab Arianis in exilium pulſus. 327. 2.
- Pius II.** P. donationem Benedicti Episc. Zagrabienſis Eremitis Paullinis Remetenſibus confirmat. 487. 2.
- Pius V.** Papa Eccleſiam Jadrenſem S. Michaelis

- lis Patribus Dominicanis confert . 129. 2.  
quod a Veneto Senatu approbatur . 130. 1.  
Georgium Ep. Zagrabiensem litteris datis commendat . 541. 2.  
*Polydorus* Foscarus Archiep. Jadertinus ex Episcopo Bergomenfi . 117. 1. obiit . *ibid.*  
*Pofega* adjudicatur Episcopatu Zagrabiensi, frustra obnitentibus Episcopis Bosnensibus . 590. 2. 591. 1. 2.  
*Prestantius* Ep. Jadrensis ædificat templum S. Michaelis apud Pasmaniam, & tradidit Abbatui S. Chrysogoni . 42. 1. filios genuit facile ante Episcopatum . 42. 2.  
*Prestantius* II. Ep. Jad. Andreæ III. subiectus a Valerio a Ponte, rejicitur . 44. 2. sed nihil tuto hac in re potest definiri . 605. 1.  
*Presbyteri* Societatis Jesu in civitate Græcensi collegium obtinent . 556. 1. & reditus a Matthia II. Rege Hungariæ . *ibid.*  
*Proceres* Slavoniæ respondent Matthiæ regi Hungariæ, qui se edoceri jusserat de Prædialibus Zagrabiensibus . 490. 1.  
*Prodanus* de Lauro Episc. Arbenfis interest conditionibus pacis inter Arbenfes & Senienfes . 239. 1. Alberto Gauzignæ potestatem facit ecclesiæ condendæ in honorem S. Stephani . *ibid.*  
*Prodanus* Ep. Zagrabiensis . 354. 1. erga Templarios munificus . 354. 2. Capitulum Zagrabiense instituit . *ibid.*  
*Prodanus* II. Ep. Zagrab. a Prodanio I. distinguendus . 355. 2.

## Q

- Q**uinqueecclesiense Capitulum conventa inter Banum Slavoniæ & Canonicos Zagrabienses confirmat . 397. 1.  
*S. Quirini* plures . 319. 1.  
*S. Quirinus* Episc. Siscianus . 319. 1. Vegliensium patronus . 315. 1. Antiphonæ ad ejus festum celebrandum antiquitus Vegliæ adhibita . 315. 2. 316. 1. ab aliis ejusdem nominis Martyribus distinguendus . 319. 1. ejus Acta germana & sincera . 320. 2. & seq. ejus Corpus Romæ quiescit . 324. 2. 325. 1. Actorum S. Quirini epitome . 325. 1.  
*Quirinus* quidam Philippi Imperatoris filius commentitius . 319. 2. unde confictus . 320. 1.

## R

- R**aymundus de Capella legatus pontificius in Dalmatia convocat Archiepiscopum & Episcopos provinciæ Jadertinæ ad Concilium Spalatense, datis litteris . 61. 1.  
*Reliquiæ* Sanctorum, quas Ecclesia & civitas Jadrensis veneratur . 9. & 10. 1. 13. 14. 1. 21. 2. & Ecclesia Abforensis . 219. 1. Ecclesia Arbenfis . 225. 1. 271. 2. 272. 1. 627. 1. Ecclesia Zagrabiensis . 340. 2.  
*Remetensis* cœnobii initia prope Zagrabiam . 367. 2.  
*Rodulphus* II. Imp. Præposituram Thurociensem Presbyteris Societatis Jesu attribuit . 544. 2.  
*Rodulphus* frater Joannis Episcopi Zagrabiensis duobus ejus legatis intercessit . 467. 2. quoddam Eberhardi Episcopi Zagrabiensis legatum & mandatum, ab se & Joanne fratre neglectum exsequi voluit . 468. 1.

- S**abinianus Ep. Jadrensis Maximo in Sedem Salonitanam intruso adhæret . 26. ex admonitione S. Gregorii Papæ resipuit . 27. 1. rescribit Gregorio, ejusque denuo litteras accipit . 27. 2. iterum rescribit, tertiasque consolatorias litteras recipit . 27. 2. 28.  
*Sigismundus* Marchio Brandenburgicus uxorem duxit Mariam reginam Hungariæ, & opera Venetorum rex Hungariæ declaratur . 102. sibi tradi jubet conscios conjurationis & necis Elisabethæ reginæ . 108. 1. jubet Joanni IV. Archiep. Jadertino, ut Capitulo sua servet privilegia . 109. 1. parœcias quasdam restitui jubet Ecclesiæ Zagrabiensi . 450. 1. capitur a conjuratis, & in custodiam includitur . 450. 2. e custodia evasit opera Eberhardi Episc. Zagrabiensis, quem creat Banum Slavoniæ & Cancellarium regium . 451. 1. vehementer iratus Bonifacio IX. P. & Joanni Archiepisc. Strigoniensi . 451. 2. privilegia oppidanis Ivanichii ab Eberhardo Episc. Zagrabiensi concessa confirmat . 455. 2. decreta Caroli & Ludovici regum secundum Capitulum Zagrabiense confirmat . 464. 2. beneficis erga Ecclesiam Zagrabiensem . 471. 1. obiit . *ibid.*  
*Silvester* Valerius Dux Venetiarum decreta Simonis Episc. Abforensis confirmat, datis litteris ad Comitem Abfori & Chersii . 624. 1.  
*Simeon* Episc. Arbenfis ex ordine monachali . 245. 2.  
*S. Simeon* Propheta; ejus Corpus e Palæstina Jaderam transfertur . 81. 1. aliis & aliis translatione Corporis adscribitur . 81. 2. 82. 1. in templo S. Mariæ deponitur . 82. 2. miraculis illustratur . 83. 1. schedula in ejus arca veteri reperta . 83. 2. non Venetiis, sed Jaderæ jacere demonstratur . 83. 2. 84. 1. 608. 2. 609. 610. 1. ejus particula a Margarita Duce Dalmatiæ aufertur . 99. 2. & restituitur . 100. 1. in arca argentea reponitur jussu & impensis Elisabethæ Reginæ Hungariæ . 100. 1. cum inscriptione . 100. 2. & quatuor Angelorum a Jadrensis additorum ornatu . *ibid.* Sacellum in templo S. Mariæ eidem exstrui cœptum . 109. 1. controversia de clavibus Arcæ diremta . 120. 2. 121. 1. & de Procuratoribus Arcæ . 121. 1. 2. cur corpus S. Simeonis a Venetis donatum fuisse Jadertinis dicatur . 121. 2. e templo S. Mariæ in sacellum S. Rocchi transfertur . 130. 2. decretum Augustini Valerii Visitatoris apostolici de templo absolvendo, vel corpore S. Simeonis in locum honorificentiorum transferendo . 139. 1. per virginem energumenam jubentur Jadrenses inchoatum templum S. Simeonis absolvere . 157. 1. Arcæ argenteæ valor & pretium . 160. 1. transfertur in ædem S. Stephani . 160. 2. dies anniversaria translationis factis adscripta . 160. 2. ejusque memoria tabulæ lapideæ impressa . 161. 1. miracula per occasionem translationis edita . 161. Arca S. Simeonis quinque æneis tabulis impressa, & explicata . 163. Angeli ænei Arcæ apppositi . 164. 1.  
*Simon* Begnius cœnobium Fratribus Franciscanis fundat in insula Ulliani . 114. 1.  
*Simon* Episc. Zagrabiensis . 522. 2. Erdodizane an Palsiæ genti adscribi debeat, incertum . *ib.* litem intendit Capitulo de tabulario Capituli-



- pitulari . 523. 1. partes Joannes Zapolii in regem Hungariæ electi sequitur adversus Ferdinandum fratrem Caroli V. Imp. 528. 1. arcem episcopalem munit . 528. 2. civitatem regiam Græcensem obsidet . *ibid.* pace constituta, in gratiam redit Ferdinandi . 529. 1. Turcas adortus, clade accepta, fuga incolumis evadit . 529. 2. decretum edit Canonicis perutile ac benevolum . 530. 1. cum Comite Zrinio controversiam habet de finibus . 530. 2. Canonicis molestus atque infestus . 531. 2. ejus mors, funus, sepulcrum, testamentum . 531. 2.
- Simon* II. Bratulicius Episc. Zagrab. & Sirmienfis. 553. 1. Præses generalis Ordinis Eremitarum S. Paulli . *ibid.* miles pugnat contra Turcas . *ibid.* a Maximiliano Archiduce Austriæ postulatus Episcopus . 553. 2. Canonicatus a Nicolao Micatio relictus, quem sibi tradi volebat, optationem a Canonicis fieri vetuit . 553. 2. Balthasarem Napulium optationis faciendæ auctorem in carcerem includi jubet . 554. 1. causa cadit ex sententia Metropolitanæ Colocenſis . Napulio Canonicatum Micatii obtinente . 554. 2. Præposituram Marianam fratris filio admodum adolescenti contulit, reclamante Capitulo . 555. 2. collegium Presbyteris Societatis Jesu in civitate Græcenti tradendum curat ad clericorum eruditionem . 556. 1. decimas a Nobilibus Varasdinensibus obtinet, jubente Consilio Slavonico . 556. 2. Seminarium auxit, eique portionem cujusdam villæ Capitularis attribuit . 556. 2. 557. 1. reliqua ejus acta . 557. 1. ejus mors & testamentum . 557. 2.
- Simon* de Valle Ep. Abforensis civitati & ecclesiæ perutilis . 200. 1. decretum Prætoris juri ecclesiastico repugnans abrogandum curavit . *ibid.* & alterum Communis Abforensis sibi suisque successoribus injurium . 202. 2. negligentia & incuria apud Senatum Venetum accusatur . *ibid.* a Paschali Maripetro Duce Venetorum corripitur . 203. 1. obiit . *ibid.*
- Simon* II. Gaudentius Episc. Abforensis . 221. 2. Synodum fecit . *ibid.* Sodalitium doctrinæ Christianæ Crepsæ instituit . 623. 2. Canonicos Crepsenses jubet interesse Synodo diocæsanæ . *ibid.* quod a Duce Venetiarum probatur . 624. 1. obiit . 222. 1.
- Singidunus* Episc. Zagrabienſis Chrobatos Colomano Regi Hungariæ conciliavit . 349. privilegio secundum Virgines Jadertinas subscripsit . 350.
- Siscia* ubi posita . 317. 1. in potestatem Romanorum redacta sub Cæsare Octavio . 317. 2. a Tiberio munita . 318. 1. civitas Pannoniæ Saviæ . *ibid.* ejus magistratus & officina monetæ . *ibid.* describitur . *ibid.* a quo lucem Evangelii acceperit . 318. 2. everſa ab Hungaris . 330. 1. in vicum exiguum redacta, cui postea arx fuit extructa . 330. 2. a Canonicis Zagrabienſibus nunc possessa . *ibid.* a Turcis oppugnata . 549. 550.
- Sisciana* Ecclesia, nunc Zagrabienſis . 317. temporibus Apostolicis æqualis . 319. 1. Metropolitanæ Sirmienſis, deinde Salonitano subjecta . *ib.* 329. 2. a sæculo VII. usque ad IX. suos habuit Episcopos . *ibid.* in Ecclesia Zagrabienſi rediviva . 330. 2. 335. 2.
- Siscianæ* Monetæ . 318. 1.
- Sisciani* Episcopi qui supersunt, omnino quinque . 319. 1.
- Sixtus* IV. P. jubet Franciscanis tertii ordinis Jadertinis, ut ministrum provincialem sibi eligant . 119. 2. vetat numerum Canonicorum Arbenſium augeri, & consuetudines Ecclesiæ Jadertinæ violari, datis ad Maphæum Archiep. Jadrensem litteris . 120. 1. 259. 1. facultatem concedit FF. S. Dominici Zagrabienſibus in urbem Græcensem se recipiendi . 498. 2.
- Stephanus* Banus Chrobatia templum ac domicilium ab se constructum cœnobio Jadertino S. Chrysogoni donavit . 43.
- Stephanus* Dux Slavoniae & Chrobatia privilegia regum Hungariæ secundum Ecclesiam Zagrabienſem confirmavit . 434. 2. 435. 1.
- Stephanus* I. Ep. Jadrenſis consilium laudat Cichæ matronæ monasterium S. Mariæ minoris condendi . 45. 2. 46. 1. diplomati Cresimiri regis pro eodem subscribit . 47. 1. & alteri pro cœnobio S. Chrysogoni . 48. 2. alterius ejusdem Cresimiri pro eodem monasterio S. Mariæ . 49. 1.
- Stephanus* II. Ep. Jad. interest Concilio provinciali Spalatenſi . 50. 2.
- Stephanus* Bermez Episcopus Pagenſis electus . 171.
- Stephanus* de Petris Primicerius Abforensis, Vicarius Joannis Baptistæ Garzonii Episcopi . 211. 1. Vicarius Capitularis . 211. 2. 213. 1. & Antonii II. Episcopi . 213. 2.
- Stephanus* Episcopus Arbenſis incertus . 229. 2.
- Stephanus* de Dominis Episc. Arbenſis . 242. 2. diploma Dragi Episc. Arbenſis secundum cœnobium S. Petri confirmat . *ibid.*
- Stephanus* David Ep. Veglienſis . 313. 2. 646. 2.
- Stephanus*, nomine IV. ab Episcopis Zagrabienſibus expungitur . 431. 1.
- Stephanus* Episc. Zagrabienſis diploma amplissimum secundum suam Ecclesiam obtinet ab Andrea II. rege Hungariæ . 358. 1. 2. & a Bela quem Andreæ parenti conciliavit . 361. 1. an ille sit Episcopus Zagrabienſis, quem apud Honorium III. P. accusavit Capitulum Ceretinenſe . 361. 1.
- Stephanus* II. Episc. Zagrabienſis . 361. 2. ædes communes Canonicis Zagrabienſibus assignavit . *ib.* Mensæ capitularis inopiæ consuluit, & Canonicis potestatem fecit testamenti condendi . 362. 1. jus percipiendi decimas sibi ab Andrea rege Hung. confirmandum curavit . 362. 1. 2. controversiam cum Templariis componendam curat . 362. 2. novam Chasnam ædificavit, & Collegium Canonicorum ibidem collocavit . 363. 2. Præpositum Chasmenſem instituit . 364. 1. institutionem Capituli Chasmenſis diplomate munivit . 364. 2. Ugrinum primum Chasmenſem Præpositum præfecit . 365. 2. controversiam, quæ sibi erat cum Monachis S. Martini, componendam curavit . 365. 2. proventus Capituli Zagrabienſis duabus villis auxit . 367. 1. Spalatenſem cum Zagrabienſi Ecclesia conjungere conatur . 367. 2. Belam regem Hungariæ, se a Tartaris in Dalmatiam recipientem, prosequitur . 368. 2. electus Archiepiscopus Spalatenſis, ob quædam ejus postulata rejicitur ab Innocentio IV. P. 369. basilicam cathedralem reædificare cœpit . 369. 2. bene de sua Ecclesia & Capitulo meritis obiit . 370. 1.
- Stephanus* III. Episc. Zagrabienſis ex ordine PP. Prædicatorum . 414. 2. ad Ecclesiam Corisopri-

- pricenssem translatus. *ibid.* 415. 1.  
*Stephanus* IV. Episc. Zagrabiensis. 436. 1. orator ab rege Hung. Ludovico ad Venetos missus. 436. 2. ad disciplinam cleri stabiliendam sedulo incumbit. *ibid.* decretum edit, quo dignitatem Capituli Zagrabiensis tuetur. 437. 1. Vicarius generalis Slavoniae & Abbas Toplicensis. 438. 1. varias legationes ab rege Hung. sibi impositas gessit. *ibid.* obiit. *ibid.*  
*Stephanus* V. Seliscevicius Episc. Zagrabiensis. 589. 2. antea Praepositus major, & Episcopus Corbaviensis. 590. 1. contra Turcas fortiter pugnat. *ibid.* consecratur Episcopus. 590. 2. de Posega litem interdidit Episcopo Bosnensi. *ibid.* & eam recuperat. 591. 2. obiit. *ibid.*  
*Stephanus* III. rex Hungariae diploma concedit Ecclesiae Zagrabiensi. 353. 1.  
*Stephanus* IV. rex Hungariae privilegia Belae IV. & Andreae secundum Ecclesiam Zagrabiensem confirmavit. 375. 2. monumenta Zagrabiensia Albam translata, Zagrabiam referri jubet. 376. 2. castrum Medved a Ladislavo rege Hung. recipit. 376. 2.  
*Svinimirus* rex Croatiae diploma Cresimiri pro coenobio Jadrensi S. Mariae minoris confirmat. 50. 1.  
*Synodus* dioecessana Zagrabiensis. 565. 566.  
*Synodus* Jadertina sub Minutio Archiepiscopo, ejusque constitutiones. 144. 2. & seq.  

T

**T** *Artari* Hungariam devastant. 368. 1. & Dalmatiam. 369. 1.  
*Thebaldus* Archiep. Jadrensis ex Episcopo Eugubino. 62. 2. jubetur ab Alexandro III. P. subesse Patriarchae Gradeni. 63. 1. Vitam S. Ubaldi composuit. 63. 2. de ejus Episcopatu & sanctitate iudicium. 606. 2.  
*Theobaldus* legatus Alexandri III. P. in Dalmatia Ecclesiam Phariensem adjudicat Metropoli Spalateni. 63. 2.  
*Theodorus* Georgius Episc. Arbensis ex Monacho Calinensi. 280. 1. interest translationi S. Theobaldi in pago Vangaticensi agri Rhodigini. 638. 1.  
*Theodorus* Gennarus Episc. Vegliensis ex ordine S. Francisci. 313. 2. 646. 2. Commentarios in Decalogum edidit. *ibid.*  
*Theodorus* de Brandino coenobium & aedem fundat Fratibus Franciscanis. 114. 2.  
*Theodorus* Balbus Archiep. Jadertinus. 164. 1. coenobium in oppido Selve Patribus Franciscanis tertii Ordinis exstruendum permittit. *ibid.* Valerium a Ponte Vicarium reliquit, Venetias discedens. 165. 1. obiit Venetiis. *ibid.* 615. 2. 616. 1.  
*Thomas* Archiep. Jadrensis electus. 74. 2.  
*Thomas* Archiep. Strigoniensis & alii Episcopi atque Archiepiscopi restituendum curant castrum Medved Ecclesiae Zagrabiensi, datis litteris ad Clementem V. P. 396. 1.  
*Thomas* Ep. Abforensis. 199. 1.  
*Thomas* Episcopus Vegliensis ex ordine S. Francisci. 302. 1. 643. 2. litteras electionis accipit a Bonifacio VIII. P. *ibid.* testis adest cujusdam sententiae F. Gentilis Legati Apostolici. 302. 2.  
*Thomas* Mocenicus Dux Venetiarum postulatis Pagensium respondet. 173. 1.  
*B. Thomas* Illyricus, patria Abforensis. 212. 2.  
*Thomas* Kovalceovichus quae gesserit in Episcopatu Emericus Episcopi Zagrabiensis descripsit. 593. 1. & seq.  
*Thomas* Bakacius, Archiep. Strigoniensis & Cardinalis, Administrator Ecclesiae Zagrabiensis. 517. 1. absens suae Ecclesiae profuit. 517. 2. ex pecunia ab Ofvaldo & Luca Ep. Zagrab. Ecclesiae legata magnam partem intervertit. 517. 2. 518. 1. de quo tamen excusatur. 518. 2. Concilio Lateranensi & Comitibus pontificiis interfuit. 518. 2. Marcum Canonicum Zagrabiensem Capitulo commendat. 519. 1. Joannem fratris filium Episcopum Zagrabiensem creandum curat, Episcopatus administratione penes se retenta. 521. 2. obiit. 524. 1. ejus testamentum. 524. 1. 2. & ex eo lites. 525. 526. 527.  
*Ticianus* Episcopus Arbensis utrique Concilio Salonitano subscripsit. 225. 2.  
*Timotheus* Ep. Zagrabiensis. 355. 2.  
*Timotheus* II. Episcopus Zagrabiensis ab Urbano IV. designatus, & a Bela rege Hung. rejectus. 373. 1. suum nuntium mittit Zagrabiam F. Gualterum praecipis pontificiis instructum. *ibid.* iterum a Bela rejicitur. 374. 1. tandem Clemente IV. P. jubente admissus. 374. 2. multa obtinet a Bela beneficia & privilegia. 374. 2. 375. 1. & a Stephano V. rege Hung. confirmationem privilegiorum Belae & Andreae regum Hungariae. 375. 2. & monumentorum Zagrabiensium Alba Zagrabiam translationem. 376. 2. multa obtinet privilegia a Ladislavo Rege Hungariae pro sua Ecclesia. 377. 1. 2. 378. 1. impetrat a Philippo legato apostolico confirmationem donationis Castris Gerczensis a Ladislavo sibi factae. 380. 1. & ab eodem Ladislavo duplici diplomate. 380. 2. quaedam officia sibi reddenda curat ab incolis ejusdem castris. 381. 1. jurium & bonorum ecclesiasticorum vindex acerrimus. 381. 1. contra Elisabetham matrem Ladislavi, quae decimas e suis terris sibiolvere vetuerat, implorat auctoritatem opemque Ladislavi. 381. 2. approbationem diplomatis Ladislavi obtinet ab Elisabetha juniore, conjugem Ladislavi. 382. 2. fundum infra arcem episcopalem sibi restituendum curat a Ladislavo. 382. 2. obiit egregie meritis de sua ecclesia 383. 1.  
*Topliczensis* Abbatia ab regibus Hungariae fundata & Cisterciensibus tradita. 356. 2.  
*Traguriense* Capitulum magnificum testimonium Jo. Lucae Garagnino dedit. 287. 1.  

V

**V** *Alerius* de Ponte confecit commentarium de rebus ecclesiasticis Jadrensis. 11. 1. in lucem editus. 11. 2. & seqq. Vicarius generalis Theodori Balbi Archiep. Jadrensis, & Visitator apostolicus Provinciae Jadertinae. 165. 1. visitationem Ecclesiae Abforensis indicit. 218. 1. & instituit. *ibid.* 219. 1.  
*Veglia* insula Sinus Flanatici, varie appellata. 294. 1. ejus positio, dimensio, secunditas. *ibid.* civitas ejus primaria & oppida praecipua. 295. 1. variis dominis subiecta. *ib.* 298. 2. Frangipaniis jure fiduciario tradita. 295. 2. 299. 300. 303. 1. demum Venetis cedit. 296. 1. 308. 1. 639. 1.  
*Veglia* civitas primaria insulae Vegliae. 295. 1. ejus magistratus. 296. 1. monasteria & parochiae. 296. 2.  

Ve-

- Vegliense* Capitulum. 296. 2.  
*Veglienses* Episcopi. 294. recensentur. 296. 2.  
 & Spalatensi in jus ditionemque Metropolitæ  
 Jadertini transeunt. 299. 1.  
*Vegliensis* Ecclesiæ primordia. 296. 1. diocesis.  
*ibid.* 298. 2.  
*Vekenega* omnia bona sua donat cœnobio Jadrensi  
 S. Mariæ minoris. 51. 1. eadem repetit &  
 obtinet ab herede foceri sui. *ibid.* 52. obiit  
 Abbarissa ejusdem cœnobii. 54. 1. ejus epita-  
 phium. *ibid.*  
*Venantius* Episc. Arbenfis. 239. 2.  
*Ugrinus* Episc. Zagrabiensis electus. 354. 2. pro  
 suo Capitulo diploma obtinet ab Alexandro  
 III. P. & a Bela III. rege Hungariæ. 355.  
 1. forsitan ad Ecclesiam Jaurinensem transla-  
 tus. *ibid.*  
*Ugrinus* Archiep. Colocensis controversiam, quæ  
 Stephano II. Episc. Zagrabiensi & Capitulo  
 erat cum Templariis, componit. 363. 1.  
*Victor* Ragazzonus Archiep. Jadertinus. 156. 2.  
 615. 1. Venetiis obiit. 157. 1. 615. 1. conve-  
 nit cum Pagensibus de Episcopatu Pageni in-  
 stituendo. 180. 2.  
*Victorius* Priolus Archiep. Jadertinus ex Abba-  
 te Canonicorum regularium S. Salvatoris.  
 166. 1. ejus virtutes. *ibid.* mors, sepultura,  
 & epitaphium. 166. 2.  
*Vincentius* Zmajavichius Archiep. Jadertinus ex  
 Archiep. Antibarenfi. 166. 2. rerum ab eo ge-  
 starum epitome. 167. 1. titulus sepulcralis,  
 167. 2.  
*Vincentius* Necusantius Ep. Arbenfis. Congrega-  
 tionibus Concilii Lateranensis interfuit. 264.  
 2. S. Ignatium Loyolam ejusque socios sacris  
 ordinibus initiavit. 265. 1. Concilio Triden-  
 tino interfuit, ad cujus normam præclara edi-  
 dit decreta. *ibid.* pontificatum deposuit. 266.  
 1. ejus obitus & epitaphium, *ibid.* reliqua de  
 eo monumenta. 626. 2.  
*Vincentius* II. Lessius Episc. Arbenfis ex Cano-  
 nico Corcyrensi. 283. 1. Sacræ Congregatio-  
 ni statum Ecclesiæ Arbenfis exponit. 283. 2.  
 adjutor Simonis Episcopi Abforensis, & ab  
 Abforensibus in Episcopum expetitus. 222. 1.  
 ad Ecclesiam Vegliensem translatus. 284. 2.  
 314. 1. 647. 2. obiit Arbæ, & Vegliæ sepul-  
 turæ mandatur. 314. 1.  
*Viola* Abbatissa S. Demetrii Jadrensis donatio-  
 nem sui cœnobii S. Demetrii confirmat mo-  
 nachis SS. Cosmæ & Damiani. 71. 1.  
*Vita*, seu Vitalis, Episcopus Arbenfis incertus.  
 229. 2.  
*Vitalis* Ep. Jadrensis a Romano Patriarcha de-  
 fecit. 39. 1. litteris Joannis VIII. P. ad ob-  
 sequium Sedis Apostolicæ commonitus. *ibid.*  
*Vitalis* Episc. Arbenfis fundos agrosque episco-  
 pales percensuit. 232. 1.  
*Vitalis* Episc. Vegliensis Ducibus Venetorum to-  
 tius insulæ fidem & tributum spondet. 297. 1.  
 639. 1.  
*Vitezius* Episcopus Varadinensis Demetrium Epi-  
 scopum Zagrabiensem commendat per litteras  
 Natali Episcopo Nonenti. 477. 2.  
*Vitus* Episc. Abforensis ex Ordine S. Francisci.  
 199. 2.  
*Ulachi* ritus Græci Episcopum obtinent in Sla-  
 vonia, Suffraganeum Episcopi Zagrabiensis.  
 500. 1.  
*Uladislavus* Rex Hungariæ cives Græcenfes &  
 Comites Frangipanios, qui decimas Ecclesiæ  
 Zagrabiensis ad se averterant, suis litteris a-  
 critter castigat. 472. 1. Benedictum Episco-  
 pum Zagrabiensem respuit, & Demetrium  
 nominat Episcopum. 473. 1. obiit. *ibid.*  
*Uladislavus* II. Rex Hungariæ confirmat pacta de  
 decimis inter Osvaldum Episc. Zagrabiensem  
 & Dynastas Zagrab. & Crisieneses. 507. 1.  
 Lucam Episc. Zagrab. commendat Canonicis  
 512. 1.  
*Volphangus* Giulayus Episc. Zagrabiensis. 534. 1.  
 obiit. *ibid.*  
*Urbanus* IV. P. Episcopum Zagrabiensem desi-  
 gnat Timotheum. 373. 1. litteris munit F.  
 Gualterum, nuntium Timothei, ut Timo-  
 theus recipiatur Episcopus a Zagrabiensibus &  
 a Bela rege Hungariæ. 373. 2.

## Z

**Z** *Agrabia*; ejus positio. 371. 1. an eadem  
 sit ac Soraga seu Sisopa, vel Quadrata?  
 331. 2. ad imperium Hungaricum a S. La-  
 dislavo adjuncta. *ibid.* caput Comitatus Za-  
 grabiensis. *ibid.* veteris Zagrabiæ positio at-  
 que descriptio. 336. 1. nunc bipartito in ci-  
 vitem regiam & capitularem dividitur. 336.  
 utraque describitur. *ibid.*  
*Zagrabiense* Capitulum. 344. 2. a Bela rege pe-  
 tit & obtinet villam in monte Gradicz, quam  
 munire decreverunt. 370. 1. conventa cum  
 Fratribus hospitalariis renovat. 416. 2. colo-  
 nos tumultuantes in ordinem redigit. 417. 2.  
 de decimis territorii Metlikenfis ab Fratribus  
 Cruciferis interversis apud Benedictum XII.  
 P. causam instituunt. 424. 2. & obtinent,  
 Joanne Abbate Toplicensi judice delegato.  
 425. 2. 426. 1. 430. 2. tres villas a Græ-  
 censibus sibi adeptas recuperat. 428. 1. Fra-  
 tribus Paullinis Remetensibus fundos quosdam  
 donat. 429. 1. causam obtinet de septem  
 villis contra Episcopum Corbaviæ. 429. 2.  
 a Græcensibus petita, ejusque civitas Ca-  
 pitularis vastata. 444. 2. 445. 1. 446. 2. do-  
 nationi castri Medved, quam sibi & suæ fa-  
 milia procuravit a Sigismundo rege Eberhar-  
 dus Episcopus Zagrabiensis, reclamat. 449. 1.  
 de Nicolao Frangipanio, quod decimas sibi  
 vindicaret, queritur apud Concilium Con-  
 stantiense. 460. 1. quæ contra cives Græcen-  
 ses perpetrasse dicitur. 463. 2. diploma ob-  
 tinet a Sigismundo rege. 464. 2. & a Mar-  
 tino V. de decimis, ad quem oratores Ro-  
 mam mittit. 465. 1. oratores mittit ad Con-  
 cilium Basileense cum variis querimoniis &  
 expostulationibus. 469. 2. 470. 1. litem ob-  
 tinet de decimis adversus parochos. 471. 2.  
 Nicolaum V. P. rogat per litteras, ut Bene-  
 dictum confirmet Episcopum Zagrabiensem,  
 Demetrium vero rejiciat. 477. 1. castrum  
 Kemlek recuperat. 484. 1. subvenit Græ-  
 censibus contra Turcas. 491. 2. facultatem  
 obtinet a Matthia Rege Hungariæ areæ Cap-  
 itularis muniendæ. 492. 2. 493. 1. poenas con-  
 stituit in absentes Canonicos jussu Capituli  
 detrectantes. 494. 1. facultatem impetrat ab  
 Innocentio VIII. P. leges veteres abrogandi  
 & novas condendi. *ibid.* litem intendit Er-  
 dodii de pecunia Lucæ & Osvaldi Episcoporum  
 Zagrab. a Thoma Card. Erdodio inter-  
 versa. 525. quæ dein componitur. 526. 527.  
 decretum Simonis II. Ep. de optatione Cano-  
 nicorum confirmat. 555. 1. de fructu redi-  
 tum Canonici defuncti vel ad Episcopatum  
 pro-

- promoti decretum Ebherardi Episcopi confirmat. 580. 1. lites innovare cogitur cum civibus montis Gracensis. 583. 2. litteris Emerici Episcopi Zagrabiensis respondet. 600. 1.
- Zagrabiense Seminarium.* 345. 2.
- Zagrabienses Episcopi recensentur.* 345. 2. 346.
- Zagrabienses Archidiaconi quatuordecim.* 343. 2. eorum jura & proventus. 343. 2. 344. 1. omnes erant quindecim. 344. 2.
- Zagrabienses Archidiaconi Cathedrales.* 347. 1.
- Zagrabienses Præpositi majores.* 346. 2.
- Zagrabienses Mansionarii, sive Præbendarii.* 345. 1. 383. 1.
- Zagrabienses Canonici in tres ordines distributi.* 555. 1.
- Zagrabiensis Ecclesia.* 330. olim Sisciana, 317. ejus historiæ Scriptores. 330. 1. a S. Ladislavo Rege Hungariæ condita. 332. 1. 348. 2. quo anno? 332. 2. 333. 1. non Chasma, sed ubi nunc est, fundata. 333. neque Siscia Zagrabiam translata, 335. ejus status miserandus. 472. 2.
- Zagrabiensis Comitatus.* 331. 2. 332. 1.
- Zagrabiensis Ecclesiæ ritus & cærimoniarum.* 339. 2. 340. 1. ordo Missæ celebrandæ. 340. 341. 1.
- Zagrabiensis ædes cathedralis sub nomine & auspiciis S. Stephani Regis Hungariæ consecrata.* 337. 1. ædis veteris nulla supersunt vestigia. 337. 2. nova admodum magnifica. *ibid.* describitur a Raphaele Levacovichio *ibid.* & seq. ejus altare majus. 337. 2. & altaria Coenæ Dominicæ & B. Mariæ Virg. 338. 1. subsellia Canonorum & solium Episcopale cum sepulcro Frangipanio. 338. 2. sacellum S. Ladislavi, sacrum, & alia altaria. 339. altera ædis Cathedralis descriptio. 340. 1. ictu fulminis ex parte incensa. 559. 2. reficitur. 560. 1. 562. consecratur a Joanne Marnavio Episc. Bosnensi. 562. 2. donum Cardinalis Barberini eidem oblatum. *ibid.*
- Zagrabiensis diocesis amplitudo & confinia.* 342. 2. 343. 1. 583. 1.
- Zudenicus de Zudenicis Episc. Arbenis.* 298. 1. Petro Archiepiscopo Jadrensi tributum extraordinarium clero Arbeni imperanti repugnat. 248. 2. lites cum suo Capitulo habuit, quas Episc. Traguriensis composuit. *ibid.* ædem S. Helenæ consecrat. *ibid.* ejus merita. 299. 2. mors, sepulcrum, & epitaphium. 250. 1.
- Zudenicus II, de Zudenicis Episcopus Arbenis.* 250. 2.

---

Tabulæ V, in ære incisæ collocentur pag. 162.

F I N I S.

1









